

*videl*  
L'HISTOIRE

107868

ECCLÉSIASTIQUE  
DE NICEFORE, FILS DE  
CALLISTE XANTHOVPOIS,

AVTHEVR GREC, TRADVICTE NOV-

VELLEMENT DV LATIN EN

FRANÇOIS:

*Laquelle contient, en dix-huict liures, les principales affaires Chrestiennes, des le temps auquel nostre Seigneur Iesus Christ s'apparut, ayant prins chair humaine, iusques à six cens vingt-cinq ans ensuyuans.*

De nouveau corrigee & mise en meilleur François qu'auparavant, par deux Docteurs en la faculté de Theologie à Paris.



A PARIS,

Pour Guillaume de la Nouë, libraire, en la rue S. Iacques,  
au nom de Iesus.

1578.

AVEC PRIVILEGE DV ROY.

## EXTRAICT DV PRIVILEGE.

**P**AR grace & priuilege du Roy, il est permis à Iean Borel, Abel l'Angelier, Guillaume de la Noüe & Marc Loçqueneulx, Libraires de ceste ville de Paris, d'imprimer ou faire imprimer, vendre & distribuer vn liure intitulé HISTOIRE ECCLESIASTIQUE DE NICEPHORE, avec l'HISTOIRE TRIPARTITE, en François, Le tout reueu de nouveau, corrigé & additionné par deux Docteurs de la faculté de Theologie en ceste ville de Paris : avec deux tables bien amples des matieres & lieux principaux contenus en icelles, non encore par cy deuant imprimees. Et fait defenses ledit Seigneur à tous Libraires & Imprimeurs & autres, de non imprimer, vendre, ny distribuer desdits liures, sinon de ceux que les susdits Libraires auroient fait imprimer, & ce iusques au temps & terme de dix ans finis & accomplis, à commencer du iour & daëte que ledit liure sera acheué d'imprimer : sur les peines cōtenues audit priuilege. Donné à Paris le xiiij. iour d'Aoult, 1577. Signé, Par le Conseil, Yuer.

*Ledit liure a esté acheué d'imprimer en Septembre, 1577.*





# A TRES-ILLVSTRE ET GENE

REVX PRINCE LOIS DE LORRAINE, REVE.

RENDISSIME ARCHEVESQUE-DVC DE RHEIMS,

premier Pair de France.



**Q**UAND Helcias le grand Prestre congneut l'entiere affection du Roy Iosias, & la bonne volonté de donner ordre à son Royaume, & de remettre en son premier estat toutes les bonnes constitutions & ordonnances anciennes qui par l'iniure du temps estoient decheues & ensevelies, il luy fait present du livre de Deuteronomie qu'il avoit trouué en la maison de Dieu. Ainsi, Monseigneur, congnoissant vostre bon naturel digne d'un grand & vertueux Prince comme vous estes, j'ay prins la hardiesse de vous offrir la presente histoire sacree, à fin que vous puissiez veoir à l'œil comment toutes choses sont changees & empirees, & comment l'integrité de nos ancestres estoit autre que celle des Prestres & Prelats de nostre aage. Et espere comme ce bon Roy Iosias se purifia & se presenta net & non souillé d'aucune tache de peché deuant la face du Seigneur, & extermina toutes les pauvretez & malheuretez qui se pratiquoyent & commettoient iournellement en son Royanme, par la lecture du livre qui luy fut présenté, Qu'ainsi donnant quelques heures à la leçon de ceste histoire sacree, vous suyrez tousiours le chemin de vertu, & ferez sans cesse actions dignes de vostre estat, & en tous les lieux où vous aurez puissance & autorité remettrez toutes choses en leur entier, qui par cy deuant par trop grande licence se sont tellement desbordees, qu'il semble que nous ayons perdu le vray Palladium de pieté & religion, & que lon nous en ayt supposé plusieurs contrefaits à plaisir. Je m'assure que quand vous lirez la grauité d'un Saint Ambroise, le grand Zele de Saint Iehan Chrysostome, la sainteté de l'heureux epiphane, la constance de Saint Basile, l'invincible courage de Saint Athanase, & la vie angelique de plusieurs autres excellens Prelats, que vous vous comporterez si bien en toutes vos actions, que vous donnerez occasion à un chacun de iuger qu'en vostre ieunesse vous vous voulez monstrez & porter pour heritier des grandes vertus de feu de bonne memoire Monseigneur vostre oncle Charles Reuerendissime Cardinal de Lorraine, qui de sa bonne renommee a remply les quatre coins de la terre, de son gentil esprit a pollicie nostre France, & de sa bonne vie a esguilloné un chacun à vertu. Quand aussi vous examinerez & balancerez les meurs de nos peres, & la seure maniere de viure de laquelle ils usoyent, & le bon ordre qu'ils tenoyent au gouvernement de toute l'Eglise. Il ne se pourra faire que vous ne vous esmerueilliez grandement comment il s'est peu faire que toutes choses soyent ainsi peruerties, & qu'estant entier, & n'ayant fleschy le genouil deuant Baal, par commiseration vous ny donniez ordre & retrenchiez beaucoup de choses entant que vostre grandeur y pourra fournir. La du temps de Saint Bernard les affaires de l'Eglise estoient deuenues à une telle dissolution, qu'iceluy en plusieurs de ses escripts s'en plaint grandement: Mais nonobstant personne ne donne remede au mal qui se rengrege & empire tous les iours, d'autant que ce sont les grands qui commettent tous les abus & continuent à la trafique de ceux qui à la vené & au seu d'un chacun, vendent les benefices au plus offrant & dernier encherisseur. Et encore est: ce une grande pitié que ceulx qui sont promeu aux dignitez Ecclesiastiques, par une pure simonie, ne sont pour la pluspart à rien moins propres qu'à l'estat lequel (par maniere d'acquist) ils ont entrepris. La source de tant de maux est l'avarice & l'ardeur du gain. Car ny le naturel, ny la deuotion n'a poulcé une telle maniere de gens à serenger du costé de l'Eglise: tellement que si pour le present le reuenu des Eueschez estoient grands coups de baston, & toutes manieres de gehennes comme au temps passé, nous n'aurions point aujour d'huy beaucoup d'Euesques ny autres beneficiers, & croy certainement que la pluspart resigneroit purement & simplement leurs benefices aux premiers venants, & si personne ne se rencontroit, qu'ils quitteroient bien-tost tout là pour euiter telles distributions. Qui me fait coniecturer qu'il y a grande difference entre nostre aage, & celle de nos premiers peres: Car lors que les Eueschez n'estoyent point rentez, les Euesques (comme nous declare la presente histoire) enduroient de gayeté de cœur la mort, accompagnée d'insinis tourments, pour aduancer la foy & la religion. Et maintenant que nos Euesques regorgent de biens, ils ne voudroient point supporter ny endurer le moindre mal qui leur pourroit suruenir: & sont si differents de leurs predecesseurs, qu'ils n'en tiennent aucune trace, & au lieu d'une modestie honneste, sont dissoluts en toutes leurs actions: Et toutesfois (comme dit Saint Hierosme) la conuersation & erudition d'un Euesque doit estre si admirable, que tous ses gestes, ses pas & toutes ses autres actions soyent choses remarquables. Il fault qu'il ait reserré en son esprit une pure verité, sans dissimulation, à representant mesmes en sa contenance & ornements, à fin que tout ce qu'il fait & dit

4.Reg.22

à ij

*Liv. 3. de la* soit instruction de tout le peuple. D'autant qu'il ne se fault point persuader: (comme dit ce grand personnage *prestrie.* *Saint Jean Chrysostome*) que les lourdes fautes des Prelats se puissent celer ny cacher, veu mesmes que les plus petites viennent soudainement en congnoissance: Car comme le luitteur ce pendant qu'il se tient coy & resseré en sa maison, ne prenant personne à party, ne peut estre descouvert s'il est foible: Mais quand il se presente nud au combat lon voit facilement quel il est: Ainsi ceux qui meinent une vie priuee & solitaire n'estant point embrouillée de beaucoup d'affaires, la solitude leur sert de voile pour cacher leurs fautes: Mais quand ils viennent à se renger en public & sont despoillés de leur secreta sanniére, comme de leurs habillements, ils mettent en la veüe d'un chacun ce qu'ils ont au dedans par actions du tout notoires & evidentes. Voila une sentence (Monseigneur) digne d'un tel & si grand personnage que *Saint Jean Chrysostome*, & pleust à Dieu que tous les Prelats & autres grands Seigneurs l'eussent bien engrauee dedans leur cœur & pensée, ils se donneroyent bien garde de faire chose qu'ils ne voudroyent point paruenir à la congnoissance de tout le monde: D'autant qu'ils ont beau tacher de faire quelque chose à la desrobee & en secret, veu que lon sçait tout aussi tost ce qu'ils pensent estre bien caché. La raison se peut rendre sur le champ. Car les plus grands sont esclairez de tant de gés qu'il est impossible qu'ils puissent mener un train long temps qui soit incongneu, non plus que le Sobeil ne scauroit rendre sa clarté sans estre apperceu. A ceste cause j'approuue la sentence d'iceluy qui disoit, Que les plus grands se doiuent ainsi comporter en toutes leurs actions, comme estans sur un theatre & exposez au regard de tout le peuple. Mais qu'est il besoin de prolonger ce propos d'auantage? veu que ceste Histoire de Nicephore vous donnera à congnoistre mon dire en la personne de plusieurs Empereurs, Princes, Euesques & Prelats, qui n'ont sceu si bien desguiser les matieres & pallier leurs vies qu'ils n'ayent esté descouverts, estans la fable d'un petulant populaire. Donc (Monseigneur) ie ne vous tiendray plus long propos pour le present, en vous presentant ceste histoire sacree, pour la correction de laquelle ie confesse auoir trauaillé avec quelques autres miens amys, ne me voulant attribuer l'honneur deu au labeur d'autrui: & toutes fois ie ne dois point estre blasme pour vous dedier une chose qui ne m'est point propre du tout, & laquelle, passant par dessus, j'ay rendu comme ie pense en meilleur estat qu'elle n'estoit cy deuant. Car iacoit que ce labeur ne soit mien entierement, & ne soit du tout exact, ayant esté pressé, toutes fois j'y ay d'auantage que si ie n'y auois point mis la main. Or il est ainsi qu'Helcias a bien osé presenter à Iosias le liure susditt, & a esté bien receu, combien qu'il l'eust trouué seulement & ny eust trauaillé aucunement, mesmes qu'il a eu cest honneur d'estre inseré aux liures sacrez pour ceste seule occasion. Donc à bon droit ie me suis aduancé de vous dedier ce liure, pour vous faire apparoirre le tres-humble & tres-fidel seruiteur que ie desire vous faire en tous lieux où il vous plaira m'employer, me reputant bien-heureux si iamais ie vous puis agreer quand l'occasion se pourra presenter: Car le deuoir que ie vous dois & l'obligation que mes parens & aliez ont à vostre tres-noble & tres-illustre maison de Lorraine, me doiuent cōtraindre à m'employer à toutes choses qui concernent vostre honneur & renommee. Et si mon oncle Messire Iehan le Hennuyer, encores pour le present Euesque de Lièieux, a fait tres-agreable seruiteur à feu Mondict Seigneur Cardinal vostre oncle, ie me dois euertuer du tout pour faire pareil deuoir en vostre endroit qui estes son neueu: pour donner à congnoistre que par succeßion & quasi par droit hereditaire nostre race & lignee sera tousiours volée au seruiteur de vostre tres-noble maison: aydant Dieu, lequel ie supplie tres-humblement vous continuer icy bas long temps en son saint seruiteur comme vous y estes appelé. Le

Aoust, 1577.

Vostre tres-humble & tres-obeissant  
seruiteur, DENYS HANGART.



PREFACE DE L'AUTHEVR POUR SON OEUVRE,  
laquelle contient les loüanges d'Andronique Paleologe, premier, Empereur  
tres-fidele & saint.



'Histoire Ecclesiastique que i'ay composee, & l'œuvre que i'ay escrit des  
gestes & prouesses de plusieurs grands personnages, ne pourroyent es-  
tre dediez & consacrez à autre plus iustemēt, qu'à vostre maiesté, Em-  
pereur tres-Chrestien, humain & debonnaire sur tous les Princes, qui  
n'avez rien espargné des choses les plus excellentes & rares, pour obte-  
nir parfaictement le comble de toutes vertus. Et avec ce, que vos beaux  
faits qui pour leur grandeur & multitude, surmontent de beaucoup la  
petitesse de mon langage, veu que la puissante main de Dieu dirige &  
conduit toutes vos entreprinſes & actions: encore, comme il me sem-  
ble, & chacun avec moy, pourra bien & à droit affermer, que la vostre pieté & deuotiō enuers  
Dien, vostre singuliere volōté, incredible & ardente affection enuers l'Eglise de Iesus-Christ,  
les victoires & triumphes qu'en son nom avez rapportez de vos ennemys, sont plus illustres  
& admirables. Laquelle pieté, comme tourmentee de grande impetuosité des flots de la cruelle  
& ennemie impiété, & cōme agitée ça & là & deiettee de costé & d'autre par l'orage & furieuse  
tempeste des vents & opinions contraires, est arriuee & paruenue finalement au port & lieu de  
seureté pretendu, par vostre benefice & diligence, qui toutes affaires postposées, l'avez seule en  
grāde recommandation. Et maintenant, comme saine & sauue, ayant reprins sa beauté pristine  
& ancienne, estant nettooyee de la nouuelle ordure d'heresie, ou plustost repurgee par le tres-  
doux & harmonieux son de vostre oraison, de la marée & souillure qu'elle auoit prinſe de la  
tempeste, vous rend graces condignes comme au recteur & souuerain gouuerneur de tout l'un-  
niuers, ou à mieux dire, qui en a la principale charge & conduite, & tout ainsi que si elle parloit  
viuement & apertement, proteste que l'erronee opinion touchant la puissance de Dieu estant  
retranchee entierement & deboutee comme il estoit raisonnable, tous retenās par vostre moyē  
la sincere & immuable Religion, persistons constamment & fermement en la credence de la  
vraye foy. Or si de propos delibere ie voulois poursuyure par le menu vos vaillantises des le  
premier commencement, ou monſtrer au vray quelles sont les racines de vos actions qu'a plā-  
té la diuine prouidence qui sagement constitue & ordōne toutes choses, ma harangue croistroit  
infiniēmēt & prendroit si long traict, qu'il sembleroit plustost que ie voulsisse descrite vne hi-  
stoire, que dresser la preface de mon œuvre. Et combien que ma deliberation & entreprinſe ten-  
dē à autre fin, toutefois il me semble bon de toucher presentement & abreger en peu de paroles  
aucunes de vos loüanges, remettant l'occasion en temps & lieu, pour deduire la reste au long  
comme de raison: attendu que l'abondance mesme des faits que ie propose traiter maintenant  
me rend si indigent & muet, que ie ne puis parfaire ny comprendre de parole ce que ie desire:  
pour autant que chacun acte, comme si i'estois en vn beau pré verdoyant & plein de diuerses &  
plaisantes fleurs, m'attire à soy & cōtraint d'en remarquer quelque poinct. Toutefois, ie mettray  
telle mesure & regleray si bien mon narrer, que mon prologue ne sera trop prolix; pour du  
& descouurir hardiment la bonne volōté qui iusques à present m'est demeurée couuverte  
de secrete. Parquoy il plaira à vostre mansuetude & humanité de me regarder paisiblement, à fin de  
m'encourager & bailler confiance: & principalement de me pardonner si en ce mien œuvre se  
presente quelque chose qui soit impropre & mal-ageancé: & aussi de repugner par la subtilité  
de vostre iugement & mettre au net mon histoire, y adioustant le default, & diminuant le super-  
flu. Car ie prendray en bonne part ce que vous emenderez diligemment, & si suis bien asseuré  
qu'il sera agreable & approuuē d'un chacū: par ce que de don de Dieu, vous est aduenue prōpti-  
tude & viuacité de nature & entendement, pour entre les plus experts, bien iuger & congnoi-  
stre de telles choses, & de traiter & disputer clairement avec reuerence & modesteté, des escri-  
res saintes: & d'auantage, par ce que vous sçauēz tres-bien imaginer & inuēter en vostre en-  
tendement choses d'importance, & prononcer & deduire distinctement vostre aduis & conce-  
ption, & encore, la mieux decider, si qu'on peut congnoistre parfaictement l'un d'avec l'autre:  
mesme qu'il ne se trouue aucun si hardy & temeraire que d'auser mettre la main à quelques

Empereur  
de grand  
renom en  
vertus &  
toutes per-  
fections.

Le mesme  
refistua la  
vraye piété  
& seruire  
de Dieu re-  
ietrant les  
opinions  
peruerſes.

L'autheur  
submet son  
œuvre au  
iugement de  
l'Empe-  
reur.

La maniere  
de disputer  
des lettres  
saintes.

# P R E F A C E.

*Cest Empe-  
reur fut en-  
gendré par  
certaine  
providence  
diuine.*

*Ce qui con-  
vient en vn  
Empereur.*

*Le pays de  
cest empe-  
reur estoit  
Constanti-  
nople, cōme  
second Para-  
dis.*

*Il entēd les  
Empereurs  
Latins, qui  
occupèrent  
le royaume  
de constā-  
tinople pres  
de soixante  
ans durans.*

*Enfance de  
l'Empereur  
Androni-  
que.*

*Pieté est  
comme fon-  
dement des  
autres ver-  
tus.*

*Chaine des  
vertus.*

escrits apres vostre lime & correction, ou le iugement qu'en aurez rendu. Delaisant donc la plus part de vos faits illustres, ie commenceray en cest endroit mon oraison, touchant vos louanges. Le temps aduenu que deuez naistre, & comme quelqu'un de ces puissants & nobles personages, qui, par vn certain priuilege & grace de Dieu, sont enuoyez çà bas, auoir commandement & empire sur tous les viuants, l'Ange du grand conseil, ou plustost l'auteur & cōducteur de toutes choses, delibera & dit à ceux qui sont de mesme nature, qualité & honneur que luy: Faisons encore vn homme à nostre image, & à la semblance de ce premier qui de long temps est decedé: Tellement que par vne grace & vertu speciale & diuine vous fustes formé, & vous fut baillé l'esprit de vie pour estre la vie à autrui, les primices, & comme quelque second principal auteur & restaurateur du genre humain en ce monde. En quoy faisant, la diuine nature vīa & se seruit tout ainsi que de quelque instrumēt & moyen de vostre pere: lequel par la splendeur & noblesse, par la grandeur & renom de ses maieurs, en faits de guerre, science militaire, & en richesses, aussi de prudence, force & vertu naturelle, surpassoit tous les princes anciens, & emportoit le los de ceux de son temps & du nostre. Et toutefois, combien que prealablement il eut mené à chef heureusement beaucoup d'affaires, Dieu le createur ne luy confeta le sceptre Imperial à autre fin, que pour le faire tomber facilement & sans effusion de sang en vostre main, qui en pieté, haults faits & vertus, pour lesquelles vrayement quelqu'un est declare Empereur, seriez trop plus admirable & excellent. Or puis qu'ainsi est que deuez recevoir de la main de Dieu, ou plustost auiez ia receu deuant vostre naissance, la seigneurie, commandement & empire sur vn chacun: il falloit vous dresser, garnir & equiper vne maison & salle Imperiale, ainsi qu'il appartenoit à la grandeur & amplitude d'un tel empire: icelle aussi vous fut appareillée & enrichie de toute beauté & perfection, cōme iadis tout la machine du monde, ou ce Paradis qu'on dit Terrestre, au premier Adam. Vostre pays, la ville de Constantinople, royne des citez, & commun domicile de tous les Chrestiens estoit ceste nouvelle Eden & iardin de plaissence, ce ciel terrestre, & comme pourtraict & patron de Paradis. Car aussi tost que sortistes du ventre de vostre mere, toute ceste troupe de voleurs & meschāts qui par longue espace de temps l'auoyēt affligee, comme estonnez & abbatuz de crainte, redoutans le naturel heritier & vray Empereur qui d'icelle estoit le fondateur, en furent dechassez, lesquels hastans leur fuite & departement, se sauuerent d'un costé & l'autre d'autre, comme dechassées avec vostre espee flamboyante. En telle maniere la ville a esté repurgee par vostre moyen à nostre grand repos, & faite la nourrice qui vous a esleué, ces deux choses estans eslargie benignement par la volonté diuine en vous & en elle. Car ny elle, ayant vn peu commencé à veoir la lumiere & auoir liberté, ne pouuoit d'aucun obtenir la gloire qui luy estoit deuë, que de vous seul, qui estes venu principalement pour la propagation & amplification de l'honneur de Dieu, & auancé à la plus haulte & souveraine dignité de toutes: ny vous aussi pouuiez auoir demeure plus digne de vous & plus propre, que ceste ville. Parquoy, comme Dieu a de coustume asseoir & dresser de longue main les fondemens des choses de grande importance, autant en a il fait en vostre endroit & non sans cause. Car dès le temps que vous estiez au berceau, & que la nourrice vous traitoit & emmaillotoit curieusement, dès lors vous esiouissant, & (s'il fault ainsi parler) tressaillant & sautant, signifiastes euidentement par l'habitude & force vrayement Imperiale du corps, la grace future des vertus qui redonderoyent en vous: & aussi montrant vne prudence & grauité senile en la disposition & accroissement de iour en iour de vos membres, & tressaillant comme saint Iehan & adorant celui qui aux saints fons de Baptisme vous departoit ses graces, donnastes tesmoignage de la pieté grande qui est en vous maintenāt. Qu'est il besoing reciter en outre vos louanges depuis vostre enfance iusques à l'aage de puerilite? Sinon que d'une suyte & continuation sans desnoyer vous eustes tousiours en singuliere recommandation ceste pieté sur tout, l'amour de Dieu, & charité enuers vostre prochain & avec ce, que toutes autres choses dignes & louables vous aduenoyent en affluence, encore vous profitiez & deueniez grand & en aage, & en sapience & grace enuers Dieu: non pas qu'elles augmētassent en vous, mais pour ce qu'elles se monstroient ensemble & prenoient fermeté & assurance avec l'aage, grauité, institution & culture des bonnes meurs qui croissoient. Apres ce beau & ferme fondement de Pieté, fut posée Force en premier lieu, consequemment Prudence, & puis Temperance produit la fleur: accreut Iustice avec les autres. Et voylà certainement ceste chaine d'or & suyte des vertus que tant de gens taschent entrelier & ne peuēt l'entrelasser: mais sur tous l'avez si proprement continuee & accommodée que vous avez composé vne harmonie complete, & parfait vn accord admirable de toutes ces vertus. Car reiectant les vicieuses extremitez qui sont en excès ou en default, avez suiuy le moyé & mediocrité qui est au milieu, si bien que de tout cela ce n'est qu'une vertu comme vniuerselle. Or (à fin que l'abbrege & traite en moins de paroles les beaux faits au milieu de vostre aage) le temps aduenu selon le bon plaisir de Dieu, que seul deuez seigneurie & prendre le gouuernement de l'Empire, le commun protecteur & Empereur de nous tous, à sçauoir vostre Pere, qui vous auoit ainsi apprins & endoctriné, deceda de ceste vie par vne fatale destinee, ayant parauant dilaté & accru à sa bonne conduicte l'Empire des Romains, comme

vn

vn cercle & rondau d'un compas, tant par victoires obtenues sur les ennemis, que par autres : *Andro-*  
 expéditions de grande entreprinse : de façon qu'il acquit gloire immortelle enuers tous les ho- *nique des le*  
 mes qui contemplant & iouissent de la clarté du Soleil. Quand donc, Prince tres-puissant, vous *commence-*  
 eustes seul la possession de l'Empire, tout aussi tost fistes assembler voz compagnies, pour de pre- *mêt de son*  
 miere entree leuer armee pour l'honneur de Dieu, sur toutes choses, employant vostre bien & *Empire eue*  
 richesses (qui par sa grace vous estoient succedees) pour la defense & querelle de celuy qui vous *la pieté &*  
 auoit sacré Empereur. Par ainsi voyant (comme i'ay desia commencé à dire) que nostre vraie *religion en*  
 religion estoit en grand branle à cause des nouueautez qu'introduisoient les faulces & peruer- *recommen-*  
 ses doctrines, y donnastes bon ordre diligemment & sagement, la prenant en vostre sauuegarde *dation.*  
 & tutelle. Car ayant ceste congnoissance que la seule Pieté & Religion enuers Dieu, & le deuoir *ce qu'il dit*  
 à son seruice, estoient suffisans assez pour l'entretienement & defense de l'Empire, & que tous *obscuremēt,*  
 autres secours & renforts ne seruoient de rien au respect de ceux-là, vous estiez diuinement *est expli-*  
 inspiré & merueilleusement bien aduisé. Et pourtant, vous estant proposé ce but en l'admini- *qué a pette-*  
 stration de voz affaires, auez acquis la grace & amour de Dieu: & de vostre costé luy auez bail- *mēt en peu*  
 lé occasion de vous exaucer facilement & entendre à voz prieres, de vous conduire & guider *de paroles*  
 en toutes vos actions, & d'establiir & confirmer vostre Empire: à fin certes, que, vous adres- *par Baptiste*  
 sant droictement en tous vos desseins, & (diroit-on) voulant vous polir & depeindre comme *egnace: Mi*  
 viue image, & statue de l'Empire, parfaite & Imperiale, d'une beaulté tant rare & excellente, *chel valeo-*  
 l'administration d'iceluy se porrast bien, & prosperast en bon estat. Car ie pense de ma part, que *loge, dis-il,*  
 Dieu ne communique sa benignité aux viuans, sinon en tant qu'ils s'en rendēt dignes par leurs *uint à Lyō*  
 vertus & bonnes œuures, par lesquelles, tant bonnes les faites, auez obtenu ce bien que d'estre *au Concile*  
 agreable deuant Dieu. Parquoy il falloit auoir egard à retrancher & oster le mal & retenir en *que Gregoi-*  
 main le bien, à ne retarder l'vtilité publique & à renoueller & faire renaistre le bon temps sous *re dix-sept*  
 vostre nouveau & heureux Empire. Aussi la plus part des choses desirables se presentoyent d'el- *auoit ordon-*  
 les mesmes: les autres, vous deuoyent aduenir incontinent: mais l'esperance du bien futur e- *né, & fac-*  
 stoit meilleure, que le present. Car vous attiriez & faisiez descendre diuinement en vous la gra- *corda faci-*  
 ce diuine, en aussi grande affluence comme la clarté du Soleil qui luit du ciel par tout l'vniuers: *lement a-*  
 tellement, que pour la variété des dons celestes, vous en departiez autant largement que l'eau *uec le Pape*  
 d'une grande riuere. Et combien que vostre gloire fust tant renommee & celebre par tout, si *de Rome: à*  
 est-ce que ne perdistes courage ny abataрдistes ou addonnastes vostre esprit à paresse & oisieu- *cause de-*  
 té: mais sceustes bien l'appliquer à choses honnestes & vertueuses: ny avec le vestement de *quoy il fut*  
 pourpre & robe Imperiale delistastes commander à vostre volonté & exercer Empire sur vous *si mal venu*  
 mesme: & vsant de raison comme d'un frein, moderiez & conteniez par preceptes & institutiōs *entre les*  
 philosophiques l'administratiō de l'Empire, qui auoit pour guide & secours la crainte de Dieu. *Grecs, qu'a-*  
 D'auantage, considerant que les Princes n'endurent facilement estre reprins & admonestez, *pres sa mort*  
 & qu'ils ne reçoient les correptions & remonstrances de bonne part: en premier ordon- *ne luy firet*  
 nastes la vraie doctrine pour vostre conseil, la constituant superintendante de vostre Empire, *obseques ny*  
 comme sçauant precepteur & maistre d'une maison. Mais encore diray-je que n'en auez be- *baillerent*  
 soing. Car qui a il en vous qu'ayez apprins ou receu d'autrui, veu que de la seule bonté & in- *lieu de se-*  
 clination de vostre naturel produisez & portez tout bien & le manifestez comme quelque beau *pulture.*  
 fruit & meur? Mesme, acceptant la charge de vostre Empire, auez si bien prouueu que les *Qui sont ca-*  
 suiets ne vous craignent tant seulement, mais avec la crainte meslee de charité & amour *pables de la*  
 vous reuerent: & outre ce, qu'ils vous cherissent avec grande admiration, pour ce que n'estes *grace de*  
 terrible ny espouuentable, ny du nombre de ceux qui demandent viure à leur volonté & ordō- *Dieu.*  
 ner toutes choses ainsi que bon leur semble: aussi reciproquement vous leur portez faueur & *Vray Em-*  
 vous monstrez de fait estre leur *uy Pere*, comme a dit le Poëte, ou, ce qui vous conuient mieux, *perceur.*  
*Bon Roy & fort & belliqueux aux armes.* Et quant à ce que vous reputez le sceptre Imperial estre *La crainte*  
 signe de quelque honneste seruitude: & la couronne tres-precieuse, n'estre differente des pe- *de Dieu, est*  
 tites pierres qui sont sur le bord de la mer (combien que tels ornemens foyent de grande esti- *garde de*  
 me & representent merueilleux & secrets mysteres) aussi ne priant le pourpre d'auantage que *l'Empire.*  
 du drap vil & de petite estime, & iugeant que la fleur & couleur en est tritte & melancolique, *Alexandre*  
 vous modererez & attenez par vne certaine regle & nouuelle façon vostre grandeur en choses *le Grand*  
 prosperes & haultes, sans vous en esiouir, vanter ny orgueillir, comme feroient beaucoup d'au- *estimost*  
 tres. Laquelle modestie a esté grandemēt plaisante à Dieu, & a donné cause & occasion de ioye *que ce vers*  
 publique aux assemblees solempnelles, baillant grand contentement & plaisir à tout le monde. *estoit le*  
 Car combien qu'estes le meilleur, plus excellent & vaillant de tous, vous ne vous abaissez ny *plus par-*  
 declinez à choses viles & mesleantes: mais constamment persistez en faits louables, induit par *fait de to-*  
 raisons de vostre prudence & sain iugement: & au contraire, vous estes tant magnifique & am- *les carmes*  
 bitieux en tous actes vertueux, que deuement & ainsi qu'il appartient venez à bout de toutes vos *d'Homere.*  
 entreprinse. Touchant vostre forme & stature, encore que portiez la trongne de quelque ty-  
 rannie ou cruauté, si est ce que de courage estes tant gracieux & humain, que de vostre seule re-  
 gardure & bon visage accueillez chacun benignement, s'il fault ainsi parler, & par certaine

*Les biens  
du corps de  
cest Empe-  
reur.*

*Il représen-  
te en cest  
empereur  
un exem-  
ple par  
fait de tou-  
tes vertus  
& ornemens*

maniere de faire, grace & allichemens de vostre langage decoulant abondamment en la façon d'une riviére, tenez suspens & attirez les personnes, tout ne plus ne moins que la pierre d'aimant, le fer. Aussi nature ouvrière & architectrice de toutes choses vous a formé un corps tant excellent & parfait qu'on pourroit vous iuger estre l'idée & patron, ainsi que dit Platon, d'une forme complete, ou premier exemple & pourtrait de toute la beauté & perfection non seulement des Princes, mais aussi de tous les humains, mieux accomplis. Plus, la force & constance de ce corps, la proportion de chacune partie, l'apre & decente constitution des membres, aussi la fleur & vigueur de l'age, toutes ces perfections ensemble consomment & paracheuent en vous si entiere & iuste conuenance & harmonie qu'on ne scauroit la descrire: & semble veritablement que nature mesme en presence assiste en chacune partie pour façonner & disposer avec mesure & proportion egale chacune chose de singulier artifice, & assembler proprement & coller toutes les pieces l'une avec l'autre, comme l'on fait en une harpe ou autre instrument de musique: de sorte que ceste nature, autrement commune à toutes personnes, pourroit hardiment se vanter & glorifier pour les souverains biens qui redondent en vous, d'avoir despendu & montré son industrie, grandeur & munificence en vous seul, comme en quelque present & excellent chef d'œuvre du genre humain. Et ainsi, par l'exercice continuel que vous vous estes proposé d'une gayeté de cœur noble & magnanime en choses honnestes, vous ressemblez à un feu ardent, à un cousteau trenchant & bien affilé, à une sphere ou boule qui descend d'un lieu hault, vous employant à la congnoissance de toutes sciences & les comprenant facilement en vostre esprit. Et quand vous avez aprins, entendu & leu quelque chose, vous la retenez si bien & avec si ferme souvenance, qu'il semble que ce qu'avez conçu & escriptés tables de vostre cœur, soit incisé & gravé sur lames de fer, tant vostre memoire est solide & heureuse. Finalement, par l'attention & vivacité de vostre esprit, avez surpassé en moins de rien, les plus sçavans en science & erudition, les monstrant toutes à l'effect par magnanimité & bonté de nature beaucoup mieux & plus naïvement que ceux mesmes qui ont vaqué en icelles bien long temps. De là est venue vostre prudence tant exquise, la consideration de vostre iugement tant vstée, avec la grace & affabilité singuliere de vos meurs & façons de faire: de là aussi, comme une certaine tyrannie & contrainte domination des labeurs que vous entreprenez violement contre les loix de nature & necessitez du corps: de là encore le contemnement & mespris de l'obseruance & honneur Imperial qui vous est deu, & autres principales vertus plus que naturelles qu'avez reçu divinement: quelles sont les stations que vous faites nuit & iour quand voulez appaiser l'ire de Dieu par vos prieres, ou quand vous veillez & faites le guet pour la defense de la Republique, ou quand vous tenez le siege & liét de iustice pour rédre le droit à vos suiets: de sorte que ceux qui vous contemplent, ne vous accompagnent vraiment à un homme, mais plustost à la statue & semblance d'un homme, qui endure également le froid & le chaud, tant vous montrez constant en toutes ces occupations, invincible & immuable contre les moments & changemens de nature, vivant familièrement avec chacun, vous presentant en toutes choses à tous affable, doux & gracieux, & temperant ou entremessant, comme du vin (ainsi qu'il est escript en Platon) la grande, vraie & sincere liberté à vos suiets. Et tout ne plus ne moins que si vous estiez né au labeur & à la peine, ou comme si l'habitude & accoustumance de travail estoit changé en naturel, vous y prenez plus de plaisir & delectation, que les autres personnes à oysiveté, paresse, delices & autres semblables vitieuses affections, auxquelles ils s'appliquent. Que si il faut dire d'avantage, bien souvent ie vous ay veu ieusner & abstenir de manger non seulement un iour entier, mais aussi passer deux & trois iours sans prendre viandes: tellement que par fois vous ne mangiez que du pain seul, des herbes crues, aucunes fois aussi des pommes, & la plus part du temps ne beuvez que de l'eau toute pure. De toutes lesquelles viandes vous usez non pas à suffisance & à saoul: mais en ayant gousté petitement commandez les leuer, à fin par telle abstinence contenir vostre esprit pur & entier sans souillures pour estre plein de beauté spirituelle, & l'appliquer à choses grandes & vertueuses: ou bien, pour estre plus soigneux & diligent, à fin que tant le matin qu'à midy, & non moins au temps de la nuit, vous peussiez mieux satisfaire à vostre charge, & venir à bout selon le commandement de Dieu, de tous vos desseins. Car veillant bien tard, ou plus tost la pluspart du temps, iusques au point du iour, & lors finalement vous allant coucher, vous relevez tout subitement, comme si les accoustremens & besongnes de nuit vous estoient molestes & facheuses: mais encore ce pendant ne reposez ny avez relache de vos negoces: car ou par songes & refueries vous travaillez, ou d'heure en autre, sans vous lasser, par imaginations & visions nocturnes pensez aux moyens d'amplifier & accroistre le renom & gloire de nostre pays, & en tant qu'il vous est possible mettez vos pensées à execution, de façon que vous baillez occasion aux personnes de vous admirer & soupçonner estre quelque nature plus divine, que de reposer ou lasser du travail. Et avec ce, que fuyez d'assez long intervalle & tout à l'opposite les voluptez & couardise, encore prenez vous garde & tachez à fuyre un reglement & austerité de vie quotidien. Et de là vient qu'estes si dispos & en bonne santé de corps, que ceux qui estudient en medecine semblent vrais trompeurs & menteurs,

&



## P R E F A C E.

& comme quelques Asclepiades se glorifians avec leur precepteur Hippocrate : au cas pareil, ceux qui fucilleurent les liures de Galien. Et combien que telles manieres de gens ayent la charge de vostre santé, routefois venans par deuers vous pour auoir guerison de leur maladie & fascheries, s'en retournent sains & gaillards : tellement que ny vos medecins, ny les auteurs mesmes, qui comme maistres ont baillé les preceptes de leur art, n'enseignent rien qui aucunement repugne à l'ordonnance & regle que vous suyuez en vostre salutaire maniere de viure. On dit que Plutarche de Cheronee voulant louer & esleuer iusques au ciel l'Empire des Romains, a tres-bien escrit & proprement, que Vertu & Fortune, qui long temps par auât pour les noïses, dissensions & fascheries qu'elles auoyent l'une contre l'autre, ne s'estoyent peu accorder, en fin finale retournerent en grace par vn accord & alliance qu'elles iurerēt ensemble pour l'amour de la seule ville de Rome, à fin de paracheuer & accomplir en elle vn œuvre le plus beau & parfait de toutes choses humaines. Qui est cause que i'estime en cas pareil, & à bō droit qu'en vous seul, Empereur tres-bening, la vraye pieté & religio enuers Dieu, les richesses & felicité humaines, qui tousiours par ensemble ont discordé, se sont realliees & accoinctees : pour autant que la pieté a attiré comme par force la felicité à soy, & n'a permis qu'elle ait tresbuché ou se soit desuoyee : ou plustost, comme ie pense à la verité, pour ce que Dieu les a contraintes de se conioindre ensemble & temporiser l'une avec l'autre : à fin qu'ayant receu des deux ce qui seroit propre à chacune, il fist profit de nouveau & portast si grand secours à tous homes, sçauoir est, vous baillant comme firmament stable, &, s'il fault ainsi dire, element sixiesme & perpetuel, au fait de la Religion, qui vacilloit & alloit en decadence au moyen de la tempeste d'une tant muable & incertaine opinion, & vous iettant comme quelque ancre seure & dernier refuge, tant pour sauuer les choses sacrees que les prophanes, à fin que par vous & vos semblables fust rendue vne stabilité ferme & asseuree. Car, sans point de doubte, ceux qui estoyēt agitez de costé & d'autre & comme esbranlez, ont eu assurance & siege de refuge en vous pour vn monde de paix, & pour vn pays qui ne se laisse point decouir, ny suborner de la profession de la vraye & droite foy, ou dispensation de ces mysteres. Et qui plus est vous avez mis vostre estude non seulement à vestir & orner le corps de pourpre, mais aussi vostre esprit de vertus : car pres-

*Le vray  
Empereur.*

que seul de tous les Empereurs qui vous ont precedez, estes maistre de vous mesme, & Empereur vrayement de souveraine puissance : tant pour ce que deicttez de la republique & domicile de vostre esprit les vitieuses perturbations des affaires turbulentes, qui veulent commander & en prendre domination, que, baillez à raison l'aristocratie & gouuernement de cest Empire, qui est de peu de gens de bien, vous montrant vraye image de vertu pour instruire vos citoyens à vostre bonne imitation. Car pour la conduicte de l'esprit en la bataille leuee contre paresse & lascheté, vous estes estimé, & à bon droit, non seulement Empereur des personnes, mais aussi de toutes les perturbations tant de l'ame que du corps. Parquoy on peut bien congnoistre que vostre humanité & couitoisie est grandement admirable : car les guerres mesme que vous menez, sont gratieuses & humaines, & vostre paisibilité & doux maintien monstre aussi vn courage viril : & qui plus est, vostre benignité & munificence ne tendent à autre but qu'au profit public. S'il y a quelque cholere en vous, elle est tost appaisée : car vostre esprit est fertile (par maniere de dire) à courroux, continet & immobile à l'ardeur qui prouient de trop grande vehemence, combien qu'il soit fertile & fecond de toutes sortes de biens. Quant à ordonner loix & corriger les meurs vitieuses, vous estes merueilleusement bien apprins & instruit : veu que sçavez cohiber & contenir par legitimes preceptes & constitutions de iustice l'impetuosité & audace des melchans, & planter ou instituer par tout es cœurs des hommes le bien & honnesteté, tout ainsi que Triptoleme tant celebre ietta les semences en la terre labouree. Qui est plus redoutable aux mal-faïcteurs que vous ? Qui est plus placable & gracieux aux miserables & calamiteux ? Qui est plus bening aux supplians, ou plus enclin à faire misericorde ? Car mesme, si quelque necessité ne vous empesche, avez coustume de preuenir les requestes & demandes de ceux qui viennent pour vous prier. Or qu'on ne pense point que ie pretende par mon dire acquerir faueur ou flatter aucunement : car comme se feroit il, attendu que ie ne puis parfaitement expliquer les faits comme ils le meritent, estant vaincu par la beauté, excellence & haulteur d'eux ? Mais c'est vne chose accordée entre les hommes, & n'y a celuy qui n'approuue veritablement & les dons de Dieu qui vous sont aduenus, & toutes les actions que vous employez pour le fait de l'Empire : mesmement ce qui s'ensuit n'en donne moins de tesmoignage. Car quant à la vraye religion, qui est celuy qui sans feintise & simulation serue mieux à Dieu, ou se monstre plus ardent & de meilleur courage pour la querelle d'icelle, que vous ? Qui est celuy qui de si grande affection & ialousie ait ensuyuy de si pres, & plus sincerement, la foy, qui periclitait, ou ait repurgé si saintement la sacree table ? Qui est celuy qui a mis son effort pour augmenter les bonnes disciplines & sciences ? Qui a tant tenu de conte de vertu, & auancé aux dignitez les gens de bien & personnes notables ? Qui a reueré & porté tant d'honneur aux ministres & seruiteurs de Dieu, & autres leurs amis, comme aussi à toutes personnes selon leur qualité ? Qui d'auantage a procuré si soigneusement & de plus seruente deuotion à gouuerner & moderer

# P R E F A C E.

Palais Imperial semblable à un monastere quant à la Pieté.

tant saintement, vne maison Imperiale, iusques à la rendre semblable à vn monastere & escole pour exercer les œures pitoyables & de sainteté? Qui a esté celuy qui ait administré la Re- publique en si iuste balance? Qui a esté tant assidu à tenir le siege & faire droict aux patures gens? Qui a puny si dignement les mal-faits? Tellement, que ceux là mesmes qui perdent leur procès & sont condamnez par vostre sentence, confessent apertement estre grandemēt tenus & obligez à rendre graces des benefices qu'ils recoiuent de vous. Qui a tant de simplicité avec experience & tant de prudence avec douceur? Desquelles vertus, ensemble d'humanité, estes merueilleusement recommandable, preferant vne gayeté, ou comme quelque serenité d'esprit & de visage, laquelle aucunes fois fait frayeur, s'enflant petit à petit ainsi que des flots, sans toutes- fois monstrier signe de tempeste. Au reste, qui pourroit faire entendre pleinement par son elo- quence l'opportunité que gardez à parler, & commodité de vous taire en temps & lieu, l'elegance de vostre langage, & la grace de vos colloques familiers qui decoulent autant doucemēt que miel ou huile: ou l'accord musical de vos propos? D'auantage, qui a esté par le vouloir de Dieu plus riche & copieux en sentences que vous, ou plus euident & abondant en son parler? Homere eust dit, *Propos qui decouloyent comme fleues hibernaux*. De là aduient quand vous traitez de quelque matiere, que les auditeurs sont comme atteints & inspirez diuinement, & troublez de telle affection, que s'ils deuenoyent fols ou yures, tant ils sont contraincts contre leur gré tressaillir & monstrier exterieurement signe de ioye: & ravis ou transportez de vostre elo- quence sont tellement induits, que non seulement ils se hudent & ennuyent, mais sont attentifs comme s'ils estoient attachez à vous, ou attirez par les douces chansons des Serenes. Qui est la cause qu'on pourroit proprement vous comparer à la mer quand elle excite grosses vagues qui semblent courir les vnes apres les autres: ou plustost à quelque profonde riuere quand elle est calme & paisible, dans laquelle si vous iettez vne pierre, vous verrez qu'à l'entour du lieu ou elle tombe se forme comme de quelque compas liquide, si le voulez ainsi appeller, vn cercle qui s'esleue bien peu, & qui puis apres default petit à petit & s'euanoit à cause d'un autre qui sur- uient dedans, iusques à tant qu'il paruienne au riuage: mais principalement cela se fait quand vous tenez propos des saintes escritures. Car qui est celuy qui a meilleur iugement & sentimēt que vostre parole & langue, ou vn langage qui puisse expliquer plus discrettement les pensees, & conceptions, ou vne langue, qui tant proprement & subtilement (le Poëte diroit doucemēt & rondement) prononce & exprime la sentence & pensement de l'esprit en termes distincts & posez, & qui s'entre-suyuent si bien les vns apres les autres: ou qui puisse, comme il fault, expedier l'un & l'autre en peu de paroles, & bailler à entendre apertement le secret interieur de la pēsee: le pourray assuremēt dire de vous, que, quand ie vous entends deduire quelque poinct, ie me sens tout nouveau, transformé & remply de diuinité par la douceur de vostre langage: & me semble à la verité que j'escoute non pas pas vn homme qui parle, mais quelqu'un qui regar- de miraculeusement du ciel en terre, & annonce choses nouvelles & tant admirables qu'elles excèdent de beaucoup ces communes & vulgaires, au moyen des grands secrets & mysteres qu'elles contiennent: tellement que ie suis sur le poinct me retourner à Dieu, & le prier de me donner encore vne oreille, comme dit le Prophete, à fin qu'avec plus grand plaisir me distille la douceur & grace de vos paroles. Et me semble que chacun est meu de mesme affection, & qu'il en aduient au cas pareil à tous ceux qui ont l'entendement bon & rassis, ou qui ne sont si gros- siers & lourds que de ne pouuoir estre flechis & persuadez par tels propos. Quelle maniere de gens à grand' peine, comme ie pense, pourroit mouuoir & induire Orphee iouant doucement & repetant par plusieurs fois les chansons de sa harpe tant harmonieuse, que d'attirer par son plaisant son les creatures irraisonnables, ainsi que seignent les Grecs? Et outre les autres ver- tus, combien est estimable que pardonnez aux meschans & ne prenez vengeance ny espan- dez le sang de ceux mesmes qui sont accusez & conuaincus de lese maieslé? Ce que vous faites non de propos deliberé & affirmé par iurement, mais pour ce que de vostre prudence celeste, iugez cela estre grandement conuenable à vn Empereur, congnoistre que la vie & la mort sont en la puissance de Dieu. Et pourtant la seule administration de vostre empire, non sangui- nolente & irreprehensible de meurtres, sera prisee & louée à iamais, à cause de la felicité, repos & abondance de tous biens qu'elle a produict. Ce qu'on peut veoir estre vray en plusieurs autres commoditez qui nous sont aduenues en grande affluence, mais principalement en ce que les nobles esprits & ars liberaux ont ressuscité & repris leur vigueur durant vostre Empire, & par heureux succez sont paruenus au plus hault poinct d'excellence, non seulement pour l'a- mour de vous, mais de leur plein gré, à fin qu'en fussiez tesmoing & spectateur, qui auez la dexterité plus que nul autre, & de bien iuger de quelques faits illustres, & les recompēser & remunerer condignement. Et qui plus est, ie ne doubteray affermer assuremēt, que les grands per- sonnages que nous auons de nostre tēps, par vostre moyen sont venus & ont esté esleuez sous vostre Empire. Car s'il est ainsi comme l'on dit, que la constitution ou temperature & la tenuité ou subtilité du bon air produise & cause l'abondance des fructs: aussi la benignité, munificen- ce & humanité du Prince, qui honore les gens sçauans, excitent & accroissent les bones sciences &



& beaux esprits, desquels nous auons grandement abondance : laquelle toutefois nous voyés augmenter grandement & s'esleuer iusques au ciel par vostre iugement, liberalité & recompense. Ce que ie dy, est specialement manifeste en eloquence, tellement que les Orateurs Grecs de nostre saison taschent à surmonter, ou du moins s'egaler avec les premiers inuenteurs des disciplines : & pourtant il ont du moins le premier lieu entre les seconds, ainsi que chacun sçait : combien que tous sont trop foibles en ce seul point, que de s'occuper à vous louer & celebrer vos faits : car cela surpasse de beaucoup la vertu d'eloquence, tant auez prins de peine à exceller par vos vertus. On dit que Demarate, Corinthien, ayant veu Alexandre à Suses, s'escria pleurant de ioye, que ses ancestres & deuanciers estoient priez d'un grand plaisir, de n'auoir peu veoir Alexandre assis au throsne de Darius : & d'auantage, qu'il estoit encore quelque partie & recoin de pays obscur & où le soleil ne luisoit point, qui n'auoit veu cest Alexandre. Mais quant à moy, i'affirmeray que ceste louange, qu'un autre occupa deuant le temps, vous estoit plus conuenable : & que ce Demarate orna de paroles tant seulement Alexandre, mais qu'il auoit esgard & rapportoit de fait ceste louange à la grandeur & bonne administration de vostre Empire. Et si faut passer outre, ne pensez vous point combien a esté grande la tristesse & fâ- *Les sept pre-*  
*miers Con-*  
*ciles gene-*  
*raux.*  
cherie de ces bons personnages assemblez par sept diuerses fois, pour le fait de la Religio, qu'ils ne vous ont veu ensemble avec eux reluisant pour augmenter leur faueur & secours ? Et notamment ce premier Constantin ( tres-celebre entre les Chrestiens ) tant honoré pour le mystere de la Trinité, chef & capitaine de la confession de nostre foy, & vraiment vostre Pere, qu'il ne vous a eu assesseur ou pluost legitime successeur, incontinct apres luy, au throsne de son Empire ? Certainement si grâde multitude d'ennemys ne se fussent esleuez & ictez sur nous pour confondre & corrompre de leur peruerse doctrine & par les fardees & mensonges, la sincerité & integrité de la foy. Mais nostre Dieu par vne singuliere prouidence vous opposant à l'encontre en la balance, comme quelque poix de mesme pesanteur, que n'estes en rien moindre que les autres, & vous baillant un entendement, apparence & dignité de meurs conuenables à la grandeur de l'Empire & auancement de si grande experience & bonté, vous a commis en nostre temps à l'administration des affaires, à fin de les conduire & gouverner bien & deuement & nous deliurer de la ruine & pauvreté où nous tombiôs. Car qui eust peu estre substitué pour *Androni-*  
*que comme*  
*second Noé*  
*ou Moïse.*  
tant iuste, fort, prudent & deuotieux enuers Dieu, & tenu de nostre temps un second Noé ou Moïse, pour nous sauuer de la tempeste & troubles par l'arche & verge, figures de la croix, ou pour deliurer vostre peuple de la main des bourreaux & tyrans, en frappât ou mettât au fonds ceux qui le persecutoient, & erigeant par tout trophées & signes de victoires obtenues & gaignees à l'ayde de Dieu, & gouvernant seurement sous le voile & guidon de la croix, la belle nasselle de ce monde, laquelle contient & porte les semences du nouveau monde : ou bien qui *L'arche de*  
*Noé & la*  
*verge de*  
*Moïse, figu-*  
*res de la*  
*croix.*  
estes tout tel que le feu, ou la colône, come pour conduire & mener le nouveau peuple d'Israel, à sçauoir, nous mesmes, semence celeste, à la congnoissance de la vraye pieté : ou encore ressemblez à quelque liqueur & suc sacré ou sel diuin (à fin de parler selon l'Euangile) pour nous saler & contregarder qui desia defaillions & nous gâtions ? Mais qu'est il besoing de tant de propos ? Car si en disant beaucoup de choses ie pouuois comprendre & seulement toucher la plus petite partie de vos haults faits, ie ne trouuerois aucune difficulté, ennuy, ou fâcherie en mon oraison. Mais puis qu'ainsi est, que, si tous les meilleurs termes qu'on pourroit inuenter, estoient mis en auant, cederoyent toutefois & ne seroyent assez significatifs pour exprimer vos louanges, apres que i'en auray adiousté aucunes en peu de paroles. De peur que ne sois trop prolix, faisant si long discours, ie descendray à l'explication de l'argument de l'histoire que i'ay proposé : Car aussi qui seroit l'homme qui pourroit exactement declarer par paroles, ou comprendre de pensée les benefices que Dieu vous a conferez si liberalement, & la grace qu'il vous a eslargy si prodigement ? Encore qu'il insistât ou se bandast avec toutes les Graces & avec les Muses en plus grand nombre que n'en feint Homere, ou qu'il eust autant de langues que nous auons de cheueux sur la teste, n'auseroit toutefois prendre en main la narration de vos faits pour les poursuyre iusques à la fin : car ce qu'il en diroit luy sembleroit tant peu & maigre, qu'il se repentiroit puis apres de l'auoir entrepris. Pour le present, il me suffira, ayant exposé les louanges de vostre pieté enuers Dieu, reduire en sommaire & conclure ma harangue. Vous auez donc maintenu l'Eglise Catholique agitée de nouveaux troubles, en son ancien estat, vous en auez debouté toute peruerse & erronée doctrine, repurgé & chassé du temple ces heretiques traffiqueurs & deprauateurs de la diuine parole, non pas d'un fouet à trois cordons, mais avec la parole de verité, ou la triplicité de la Diuinité Cōsubstantielle : vous estes grandement embrasé de bon zele & emulation pour la diuine Table : vostre affection est merueilleuse à la deffence du saint Esprit, qui a esté cause qu'il vous a inspiré la vraye & certaine congnoissance de la Diuinité : vous auez establi la saine doctrine, ordonnant constitutions pour l'entretienement d'icelle, muni de fermes clostures la vraye Pieté & Religion, restitué ce qui estoit demoly & gâté, remis le tout en son entier, & entretenu en paix & cōcorde tous les membres & parties diuisees :

*Louange de*  
*la Pieté re-*  
*stituee, &*  
*doctrine*  
*Chrestien-*  
*ne repurgee*  
*de faulces*  
*opinions.*

# P R E F A C E.

*Reformatio  
du Clergé.*

*Reformatio  
de l'Eglise.*

*Ioyaux don  
nez à l'E-  
glise.*

*Restauratio  
du sacré  
temple de  
S. Sophie, à  
Constanti-  
nople.*

*Instauratio  
de la statue  
à cheval du  
grand Con-  
stantin, la-  
quelle te-  
noit en  
main une  
pomme avec  
le signe de  
la croix qui  
y estoit af-  
fiché.*

de sorte que nous n'oyons plus ces diuisions, Je suis de Paul, de Cephas, d'Apollo : mais le nom de Iesus-Christ est seul par tout entre nous tous. D'auantage, quant à l'estat sacerdotal qui degeneroit & s'abastardissoit ne viuant selon son institution, vous l'avez rendu plus entier & plus net que l'or, pour la bonne affection que luy portiez, & par ordonnances & lettres patentes commandé & enseigné, à viure en continence & mespriser les richesses de ce monde. Au moyen de quoy cest ordre & ministère, qui les annees precedendes estoit corrompu, & de meurs dissolu & depraué par la succession de temps est maintenant saint & grandement prisé & reueré en la Republique. Et tousiours inuentant quelque chose pour plus grande illustration, vous avez reformé l'Eglise, voulant pourtraire & rapporter l'image au vif selon le premier patron & exemplaire. Vous avez tant fait que les assemblees Ecclesiastiques sont plus belles, plaisantes & deuotieuses, non seulement de torches, lampes & cierges que faites fort bien arranger & pendre ainsi que des couronnes avec chaines, & allumer pour représenter le nombre & splendeur des ordres intellectuelles, & pour ressembler, voire en pleine nuit, à la region du ciel : & par maniere de parler, comme à quelque second firmament intelligible, au milieu desquels vous reluisez (cecy semblera nouveau & estrange) tout ne plus ne moins que le Soleil en pleine Lune : mais aussi les rendez plus riches d'autres ioyaux, esquels de costume Dieu prend plaisir, mesmement de quelque vaiselle ouragée à la mode nouuelle & tant admirable que rien plus. Qui pourroit au surplus condignement exprimer les beaux ornemens sacrez enrichis de fin or, pierres precieuses & belles perles, desquels sans rien obmettre de ce qui appartient à magnificence, vous decorez & illustrez nostre Hierarchie ou Archeuesché ? Par toutes lesquelles singularitez vostre incroyable & tant ardente affection & amour enuers l'Eglise de Iesus-Christ, est manifestement declaree. Que s'en suit il donc ? Si vous monstrez tel à embellir & defendre ceste Eglise non materielle & qui est congneue par intelligence, i'entens la vraye Pieté, n'estes vous point de mesme affection enuers celle qui est materielle ? Ouy sans point de faulte. Car tout ainsi que vous avez restably & confirmé ceste Eglise de l'entendement, laquelle tomboit & diminuoit fort, en la releuant & soustenant non pas de pierres ou de briques, mais des colonnes spirituelles, c'est à dire, de la doctrine des Peres & bonnes sanctions, y employant vostre bien & faueur tant qu'il vous a esté possible : aussi avez vous restitué la materielle, ie dy cest œure tant admirable & excellent qui surpasse les pensees humaines, ce patron tant incroyable qui est comme pourtrait & representation de la cour Celeste & eternelle, ce commun soulas & recreation des hommes, ce spectacle des Anges, sçauoir est, ce diuin Palais & temple de la Sapience du Dieu Verbe : & aussi la Basilique qui estoit interressee de l'iniure & assault du temps, & qui pour la pesanteur des voultres ou esrages de dessus penchoit & clinoit comme sur ses genoux, laquelle, employant vostre domaine comme quelque main d'or, vous avez raddressée & remis en estat stable & assuré, si que deormais la force du temps ne luy apportera aucun detrimement ou dommaige : car vous l'avez releuee & renforcée, y entremettant de grosses pierres dures, bien polies & taillées, continuant la massonnerie solide comme de diamant, tant hault qu'il semble qu'en tout l'ouurage il ny ait qu'une pierre, tant il est bien ioinct & lié ensemble. Et iagoit que vous ayez fortifié & renforcé de bonne & solide matiere tout le corps de l'Eglise : toutefois beaucoup mieux la partie tournée droit au Soleil leuant, laquelle petit à petit s'estoit demise & desioincte aucunement des autres bastimens. Et non tant seulement auez mis la main à cestuy ouurage, mais aussi aux autres Eglises & Chapelles, appliquant vostre sollicitude & labeur grand & immortel en si studieuses occupations : car vous estes adonné, entendu & expert merueilleusement en ces arts mechaniques.

Or cest ouurage dont nous faisons mention non seulement surpasse en beaurté tous ceux qu'on a fait depuis la creation du monde, mesme aussi ceste muraille tant celebre que Semiramis fit massonner de terre ou mortier, si fort, qu'il tenoit comme colle. Et encore auez vous procuré à ce que la stature de l'ancien & premier fondateur de ce temple, laquelle estat d'airain de fonte tirée proprement au vif par les ouuriers, le representoit sur vne colonne, comme gouuernant & conduisant vn chariot, avec vn mignifique heaulme en sa teste, superbe & haultain à considerer sa trrongne, tenant en sa main dextre vne pomme tant grosse, qu'elle donnoit frayeur, monté sur vn grand cheval d'armes, qui sembloit monstrier vif courage, fierté par ses naseaux & hannissements, bransler ses crains en l'air, & comme le cheval décrit par Homere, bondir & voltiger en vn champ, ou bien comme Pegase, faire semblant de voler : laquelle statue ayant perdu sa premiere beaurté par la desordonnée reuolution & peu consideré mouuement du temps, & estant esbranlée de l'iniure & impetuosité du vent & de la pluye, ausquels elle estoit continuellement exposée sans couuerture, de sorte que la rondeur & la croix qu'elle sembloit au parauant tenir, par lesquels l'ouurier auoit signifié, qu'en vertu de la croix il auoit subiugué & mis sous sa puissance toute la terre ronde, luy estoient tombez de sa main comme par lascheté ou paresse : mais l'incitant & hastant d'aller par le sceptre & puissance de vostre argent, comme de quelque fouët ou baguette, l'avez contrainct & pressé de courir & cheuaucher à iamais avec le Soleil, de mouuement immobile & sans bouger.

Mais

# P R E F A C E.

Mais si ie voulois poursuiure exactement en mon oraison à combien de temples, qui par la longueur du temps tomboyent en ruine, & autres bastimens publics, & nommément deuant tous, és murs de la ville qui l'environnent tout à l'entour, & de grande vieillesse la renouellent & font reuenir en premiere ieunesse, vous auez restitué & renforcé la maïsonnerie, le temps me defaudroit en les racontant. Toutesfois les deux sacrez tēples des Apostres feront foy de mon dire, & l'Eglise de la Mere de Dieu, belle comme le ciel, que les Byzançois appellent Blacher-nes, & aussi toutes les chapelles aupres de la ville, releuees sous vostre Empire & reparees par vostre commandement de haulte estēdue & parfaicte beauté, verifient, tesmoignent & publient presentement, non pas de vne voix en la façon des heraux, vostre bon vouloir, vostre foy & amour enuers Dieu, mais aussi le certifieront cy apres. En l'accomplissement de tous lesquels edifices est esmerueillable la grandeur ou subtilité de vostre esprit, & la despense de tant d'argent: attendu principalement que ne publiez ny vantēz vostre liberalité en si grande munificence. Car combien que vous mesme peussiez edifier particulièrement vos ouurages pour rendre chacun d'iceux parfaict & excellent: toutesfois consacrant vostre bien faict à celuy qui void tout, & congnoit voire les plus secretes pensees de nos cueurs, aymēz manifester vostre magnifique liberalité en restituant les structures d'autrui: à fin par ce moyen, comme ie pense, supprimer sagement le fast & orgueil qui petit à petit en prouïendrait. Car si on veult assembler & employer en vn bastimēt la despense & toutes les pieces par le menu que vous auez fait faire particulièrement en tels edifices, vous surpasserez tous les autres, qui en la premiere construction d'iceux ont montré leur grandeur. Que si il est besoing faire preuue & donner quelque chef d'œuvre de vostre magnanimité, il faut mettre en ieu & proposer à l'œil le Palais (car aussi bien n'est il possible d'en expliquer de paroles la sumptuosité & extreme despense) qu'auez fait bastir en telle perfectiō que faire s'est peu: de maniere que, & pour la situation du lieu, pour la forteresse & beauté exquisite, comme il conuenoit, il est tant eminent & en si belle veue, que veritablement c'est vn ouurage digne de vostre inuention, de vostre langue, ie diray aussi, de vostre main & prudence. En oultre, la galerie, tournelle ou dongeon fondé & erigé sus quatre colonnes pour le soutenir, est vn spectacle notable, si que regardant de la hault, comme quelcun de vertu supernaturelle, vous nous voyez tous: imitant en ce nostre Dieu, qui de sa misericorde & bonté s'entremesse & conuerse avec les hommes. Que vous estoit il plus conuenable, veu qu'estes le souuerain Prince de tous les autres, que de faire dresser ce Palais? Palais certes eleué non tant pour vostre comodité & aduantage, que pour le nostre: qui est vn œuvre digne de n'estre celé, ou qui plustost me fera taire & m'imposera silence à cause de son admirable excellence, & ce nonobstāt sera celebré par tout pour le bruit & renom de sa beauté. Quant est de sa grandeur & amplitude, il est par dessus beaucoup d'autres, & de façon & forteresse, il surpasse presque tous edifices, tant il est en bel air & esclaire de lumiere & fenestragés de tous costez: plaisant & gracieux en portaux, auant-logis & autres ouuerrures & entrees pour receuoir & admettre à route heure benigne-ment ceux qui viennent, en pourmenoirs, pourpris & galeries distinguees les vnes des autres également & en bon ordre de certaines haultes colonnes en forme de Gean ou Termes, disposees conuenablement pour se pourmener deça, dela à l'aïse, deuïser & s'esbatre ou prendre plaisir à contempler quelque chose. D'auantage, qui sera suffisant à descrire la grace & le lustre du marbre qui est disposé & figuré en apparence de poil, par maniere de dire, ou les ceintures qui semblent entrelasces en tout le bastiment? ou bien celuy qui est au paue par bas, ou celuy qui couure toute la face de murailles droictes, ainsi qu'un vestement de diuerse couleur? Lequel ouurage & assortissement abuse tellement les yeux de premier regard, que vous le penseriez estre vne mer, quand il s'y eleue par tout de petites ondes, & mesme fait auoir horreur & crainte telle, que vous trousseriez incontinent vostre robe de peur de mouiller les bords. Et quant à la superficie & estendue qui pend dessus la teste, on la compareroit au ciel (à cause de l'or de fonte qui en grande abondance est enduict tout du long & du large) ou à la region de l'air quand le Soleil luit & esclaire: Mais comme seroit il possible de diuïser & expliquer en peu de paroles vn œuvre tant merueilleux, & pour lequel acheuer on a employé si long temps, & tant de peine, veu qu'il n'y a langage, il n'y a œil humain, ny pensee, ores qu'elle soit bien experimentee en tels ouurages, qui le puisse pleinement comprendre? Il me suffira si i'adiouste encore ce poinct: Combien que les Palais & maisons Imperiales qu'anciennement les Princes ont fait bastir sumptueusement & en grande magnificence, soyent en grand nombre & presque innombrables, toutesfois cestuy-cy par l'aduis & opinion de chacun a le premier lieu & emporte le prix par dessus les autres, en grandeur, beauté & fermeté de maïsonnerie, en mode & façon bien seante, & en proportion egale: & surmonte nature en sa magnifique assiete des matieres & reuestement des pierreries de diuerses couleur: & en toutes autres choses qui seruent pour embellissement & decoration requis pour enrichir vn tel edifice: Mais soit iusques icy traité de vos bastimens tant excellens. Consideré donc, Empereur tres-souuerain, que soyez si hault Prince & puissant, & quel honneur & gloire qu'auez acquise soit tant admirable, à qui vous pourroit on accompagner? Je pense, quant à moy, que si Plutarque,

*Autres temples & edifices publics restau- rez à Con- stantinople.*

*Palais Imperial basti par An- dronique à Constan- tinople.*

# P R E F A C E.

*Souuerain-  
ne louange  
d'un Empe-  
reur, qui a-  
uoit toutes  
les vertus  
des plus ex-  
cellens Em-  
pereurs an-  
ciens.*

*Empereur  
de long a-  
ge, car il a-  
uoit plus  
de soixante  
et dix ans  
quand il  
mourut.*

*Il compare  
Androni-  
que avec  
Constantin  
le Grand.*

tant expert à faire comparaisons des personnes, estoit viuant, estimeroit estre necessaire se de-  
porter de son estude, auquel il s'est employé si diligemment toute sa vie, pour autant que nul se  
trouueroit digne d'estre paragonné à vous. Il est vray qu'on pourroit faire comparaison de vous,  
auec Adam, Noé & Abraham : plus, auec Ioseph, Iob & Moÿse : aussi, auec Iosué, Sanson, Sa-  
muel, Dauid, Salomon, & plusieurs autres tels saints Patriarches : en outre, auec Cyrus, Da-  
rius, Alexandre & quelques autres Rois : aussi, auec les Iules, parauenture & les Augustes &  
Césars : Mais'on sçait assez que de l'un vous tenez l'autorité & comandement sur tous vos su-  
iects, & des autres la bonne esperance & amour enuers Dieu : d'aucuns aussi la maniere de gou-  
uerner & cōstance es aduersitez : de cestuy-cy la force, l'equanimité portant toutes choses com-  
me elles succedent patiemment, la mansuetude & modestie : plus, de quelcun la vertu de sapien-  
ce : mais seul vous auez generalement de tous ceste grace & vertu qui appartient à vn Empe-  
reur, Prince & administrateur du peuple & Republique : tellement que vostre Empire est si  
bien estably, qu'il semble est vne réperature nouuelle, & si ainsi fault dire, non imitable : pour-  
ce que de vos vertus en surpassez aucuns de bien loing, ou que vous estes egal, aux autres : mais  
ie n'en sçay pas vn seul duquel vous soyez inferieur en chose quelconque. Et, à fin de conclu-  
re succinctement, vous auez assorty & assemblé soigneusement, comme fait la bonne & dili-  
gente mousche à miel, tout le meilleur & plus excellent, ou que Dieu, de don gratuit leur auoit  
octrôyé, ou qu'ils auoyent acquis par vn singulier benefice de nature : & pour ceste cause vous  
surpassez d'une coudee Imperiale toute la louange des autres, proposant vostre Empire, à tou-  
te la posterité, comme quelque patron ou premier exemplaire difficile à ensuiure. Et pourtant  
auseray-ie affermer hardiment, ou que vous auez imité par emulation, ou vaincu par bonté de  
nature & entendement toutes choses honnestes & louables, ou bien inuenté & mis en lumiere  
toutes celles qui iusques à present estoient cachees : mesme en tant qu'il vous a esté loisible les  
auez enseignées à ceux qui les appetoyent : & pour ceste cause, surmontez vous de beaucoup  
tous les autres, en ce que vous estes paruenue au plus hault degré l'honneur, par le moyen de  
vos vertus & faicts illustres. Parquoy i'estime, d'autant que vous auez amassé en vn, comme il  
estoit decent, toute perfection, que longueur de vie vous est aduenue, à fin que la diuturnité du  
temps accreust & augmentast vostre gloire, ce que par diligente imitation de vos louanges &  
vertus, qui sont presque non imitables, nous ne pouuons atteindre, or que demeuriez & soyez  
ordinairement arresté entre nous. Car vous estes comme quelque Prince des choses sacrees &  
grand maistre de toutes vertus, ne plus ne moins que si pour ceste consideration Dieu à l'ayde &  
conduicte de nature, vous auoit proposé & baillé honnorablement en ce monde, non tant seu-  
lement pour estre colonne publique & soustenement de l'Empire, mais aussi statue exhibee di-  
uinement & image de tous biens qui conuiennent à l'homme. Or passant outre, ie suis content  
me deporter, & apres que seulement ie vous auray accomparé à vn Empereur, finer le discours  
de mon oraison, qui me retient tousiours & empesche secretement, & sans y penser se prolonge  
outre mesure, pour le grand amour & affection que ie vous porte, pource qu'il me semble  
aduis que ce que i'ay obmis est plus excellent, que ce i'ay que eleu & proposé à dire, tant sont e-  
gaux en hauteur tous vos faicts, & que l'un en son endroict ne veult ceder à l'autre, ne luy per-  
mettre le premier lieu : tellement que de grande abondance des louanges qui se presentent à  
dire, ie reuiens en indigences, & que la multitude m'apporte default : mesmement i'ay plus de  
peine & fâcherie à choisir ce que ie dois obmettre & passer sous silence, que n'ont ceux qui ont  
deliberé auec moy de poursuiure vos louanges, à prendre ce qu'ils doivent dire. Il me suffira  
donc pour tous autres en proposer vn seul, auec lequel i'espere que patiemment endurez es-  
tre comparé, à cause de la congnation & semblance qui est entre vous deux. Or y en pourroit  
il auoir vn plus pertinent que Constantin tant estimé & bien renommé par tout le monde ? Con-  
stantin, dis-je, duquel il fault que la memoire & souuenance soit en chacune personne comme  
quelque esprit, pour que ce courageusement il nous à baillé confort en extreme necessité. Con-  
stantin, Empereur tres-puissant, & expert en sciences militaires, de prudence incomparable,  
d'affection & ardente deuotion enuers Dieu, en prouesses & batailles entreprinſes & executees  
pour la defense de la vraye Pieté & Religion autant excellent par dessus tous autres Empe-  
reurs, que le Soleil est reluisant par dessus les autres astres. Et ce nonobstant, Prince tres-be-  
ning, n'estes vous pas son image & remembrance ? Vn miroir certes ne monstre point si naïfue-  
ment le premier exemplaire du visage, comme vous exprimez le diuin patron & beauté de son  
ame, luy ressemblant en toutes choses, tout ainsi que le fils represente son pere. Et combien que  
ie ne doute point que ne puissiez reprouuer & blasmer mon audace & trop hardie entreprinſe,  
veu que refusez & euitiez au possible telle louanges & blandissemens, ce neantmoins ie ne  
craindray à dire franchement (& ie vous supplie de le permettre, & considerer la raison auec  
moy, car ie sçay asseurement que plus que les autres vous estes Fils de Dieu par grace, & le  
Christ ou oinct du Seigneur) que vous rapportez son image semblable à luy en toutes perfe-  
ctions, qui retenez vrayement & sans simulation la bonne maniere & façon de viure, la force  
& figure tant du naturel de son ame, que de la subsistence de son Empire. Ce qu'il nous fault  
confide-

considerer de point en point. Ce Constantin donc delaisant les meurs & ceremonies du pays quant au fait de la Religion, receut par la grace de Dieu, le sceptre Imperial : & mettant toute sa confiance en la puissance diuine, surmonta les meschans & pernicieux tyrans en vertu du signe de victoire qu'il veid au ciel. Vous aussi en la mesme façon estant chargé de la souveraine administration des affaires, & ayant veu, non pas vne fois, mais continuellement l'armure victorieuse, & la portant en main, ou plustost en vostre coeur, parce qu'en vertu d'icelle seule vous vivez, respirez & auez mouuement, tout ainsi que luy auez subingué vaillamment tous les rebelles qui ont esté si outreuidez que de s'opposer & presenter contre vous, en rapportant victoire & triomphe par guerre inuincible. Car qui est celuy qui ait osé vous regarder seulement estant ainsi supporté & confirmé de la forte main & bras de Dieu? Constantin fonda & fit construire ceste cisté Imperiale en l'honneur de Dieu, & l'ennoblit de beauté & grandeur, non seulement l'ornant abondamment de choses necessaires, mais aussi sumptueusement de superflues: mesme y colloquant les trophées & despoilles obtenues des voleurs qui de si long temps estoient efforcez de la surprendre pour s'en emparer iniustement. Et vous l'auiez deliuree des mains de ces larrons & possesseurs iniques qui l'occupoyent, la rendant toute nouuelle & ieune de murailles fermes qui l'environnent tout à l'entour & l'embellissent d'autres riches & beaux edifices ambitieusement bastis, comme chacun peult veoir par tout avec grand contentement: & auez mis tel ordre, que de fait comme maintenant on l'appelle, elle respond à son nom, qui en estes le second fondateur & comme Dieu tuteur, la gardant sous vostre protection. Constantin confirma la doctrine de la foy, troubla & mit en confusion les langues des mal-sentans de la Religion, qui proferoyent choses iniustes contre Dieu, & comme quelque autre Abraham faisant assembler trois cens & dixhuiet personnes, ainsi que seruiteurs natifs en sa maison, chassa deuant soy les Arriens, furieux qu'ils estoient, & les poursuivant asprement, mit en route, & les desfit: puis reestablit de son autorité & ordonnance le droict & honneur qui est deu au Fils, faisant inunction de le croire, non pas creatures, ainsi que pensoient les personnes deuoyees, mais consubstantiel au Pere: & image aussi, mais qui luy est semblable en toutes choses, & figure de la subsistence Paternelle: & que le pere est realement Pere sans commencement, l'enseignant vraiment estre tel, & luy attribuant dignité & autorité conuenable ainsi que de raison. Et vous quoy? n'auiez vous pas tenu le mesme chemin touchant la consubstantialité du saint Esprit? Car ayant fait assembler vn Concile, non pas de ie ne scay quelles gens de vos sujets, mais des principaux Peres & Patriarches de l'Eglise, vous auez logé & recueilly de rechef come nouveau Abraham la sainte Trinité, & empeschant les troupes de ces blasphemateurs qui portoient le mal en la langue, auez déclaré apertement la procession d'où elle prouenoit, sçauoir est, du seul Pere, duquel aussi le Fils, en tant come engendré, a prins son existence d'une maniere qu'on ne peult cōprendre. Et pourtant i'oseray dire avec assurance, que ce qui fut anciennement reuelé par grace à Constantin touchant le Fils, conséquemment vous a esté inspiré touchant le S. Esprit: tellement qu'en ce point aussi, entant qu'il est permis, vous estes egaux en louange, rapportans mesme & semblable honneur de choses mesmes & egales, & ce pour le grād desir & bon vouloir enuers la puissance diuine, & pour la haulteur de vos faicts. Parquoy ie ne m'abuseray point ny cōtreuiendray à la verité, que ie me suis proposée en ce discours, si ie maintiens qu'à Constantin sont attribuees les premiers fondemens & institutions de la vraye doctrine Ecclesiastique: & si ie vous cōpare au faiste ou sommet accōply, à vne clef, ou seu entier & non contrefaict: si i'affirme aussi que l'un & l'autre a cōtregardé & entretenu, selon la sentence & determination des Peres, ce qui estoit de grāde importance & principal point de la vraye Pieté, l'a multiplié, & comme avec quelque trompette, publié non pas en regions particulieres de la terre, mais par tout en chascun pays: Car Constantin a testifié les deux generatiōs de Iesus-Christ, & vous auez cacheté de vostre signet le nouveau testamēt. Puis dēc qu'ainsi est que soyez egal à luy en toutes les perfectiōs par nous mētionees, serez vous moindre que luy en bonnes meurs, clemence & magnanimité, misericorde, humanité & vraye Religion enuers Dieu, & sans hypocrisie, en amitié à l'endroict des ministres de l'Eglise? plus, en magnificence & haulteur de prouesses, & en ambitieuse sumptuosité d'ouurages ou baïmens, & qui plus est en ardēt desir & deuotion à Dieu, ou en quelque autre point, veu que par vos prieres, loix & exemples publiquement proposez, cerchez tous moyens & employez tous vos efforts à ce que l'honneur de la Religion & le seruice diuin prennent leurs accroissements, & que nos ceremonies soyent disposees honnestement & mises en bon ordre? Or tant s'en fault que soyez inferior, que, si le tēps qui est interposé entre deux, n'auoit fait quelque intervalle ou distance, il n'y auroit rien qui resistaît ou empeschast, que l'un ne fust situé en l'autre, & que l'un allant par la ville ne fust prins & congneu entierement pour l'autre, à cause de la similitude tellement pareille, que chacun eust prins les deux pour vn, & ne pouuoit on discerner l'un d'avec l'autre non plus qu'il est possible distinguer les petites particules de l'air d'avec l'eau. Et qui plus fort est, ie diray encore hardimēt, non pas toutesfois sans raisons, que Dieu vous a reputé digne avec ce Cōstantin de mesme honneur & tiltre de gloire & de louange, de mesme estat & dignité

*Amplification des louanges de ce Prince.*

& de semblable vocation totalement Apostolique ; plus , de ce regne perpetuel & Empire ou il n'y a point de succession. Voire mais n'ay-je pas depeint assez viuement mon Empereur en ce discours ? Est il besoing à l'imitation des bons & louables peintres adiouster l'enrichissement d'autres couleurs ? mais quels termes pourroyent signifier & descrire vne tant parfaite beauté & integrité d'esprit & de corps ? Certainement i'estime quant à moy qu'il est impossible, ores que tous ces grands personnages fussent ensemble, Platon avec son iugement & langage tant hault & magnifique, Demosthene avec la gravité & force qui estoit en son parler, Thucydide & Aristide, l'un desquels prononçoit avec telle autorité, & l'autre disoit si proprement qu'il est difficile de les ensuiure : & tant les vns que les autres estoient experts & sçauans pour bien deduire vn fait & le raconter autant richement comme il estoit haultement entrepris & conduit : mesmement Apelle & Lysippe qui ont ennobly l'artifice de bien peindre par le bel assortissement des couleurs, & qui ont fait des tableaux presque animez, ny feroient rien, non plus que Phidas ou Myron qui aussi estoient tant parfaits ouuriers en leur art, qu'en statues de cuire & de pierre ils representoyent les meurs & naturel des personnes, & qu'en leurs ouvrages taillez ils exprimoyent & contrefaisoyent naïfvement les vertus de ceux desquels ils tiroient les pourtraicts & visages au vif. Et toutesfois, si tous ces Orateurs & Peintres estoient presens, ils ne sçauroyent descrire ny pourtraire parfaitement en leurs oraisons, images & effigies la beauté & excellence de toutes les graces exterieures seulement qui reluisent en mon Empereur, bien qu'ils employassent tous les ornemens, figures, lustres & couleurs de paroles & peintures. Si d'auenture aucun n'estoit tant expert de sçauoir imprimer industrieusement & iecter en moule l'effigie de vostre corps en vne matiere immortelle & viue, ayant racines à tousiours & vn poix ferme, stable & sans mouuement : ou que de pouuoir transformer en vostre semblance & beauté visible, Artho, montaigne de Thrace, ou quelque autre semblable qui en terre tint le second lieu en haulteur apres le ciel, comme Olympus ou Caucasus ou Parnassus, qui suppediteroyent & fourniroyent à l'ouurier, haulteur & largeur congrue & conuenable pour l'accómoder & approprier à vos membres & à chacune partie de vostre corps : & ainsi il pourra exhiber & représenter le simulacre & remembrance de vostre corsage tant beau & entier, ce qu'on n'a peu faire iusques à present. Quant à l'or ou argent, le cuire ou yuoire, les taillures en matiere de bois, les peintures en tableaux & ornemens de pierreries, & quelques autres petites effigies qu'on peut vendre ordinairement, & lesquelles sont suiettes à l'arrecin, ou perissent & se corrompent avec le temps, comment pourroyent elles vous bailler semblance deuë & conuenable ? Et par ainsi, cela mesme que la diuine beauté de vostre ame & visage ne peut estre depeinte ny mise en pourtraict, vous tourne à grand honneur & commendation : & sert tout autant que si vous eliez tiré au vif sur vn tableau, ou taillé & contrefaict en quelque colonne, voire n'est moins qu'une statue non imitable de vostre Empire. L'adiousteray pour toutes choses ce dernier poinct en peu de paroles, que si en vous ne se rencontroyent autres louages, lesquelles toutesfois par la benignité & don de Dieu sont innébrables, ce thresor & domicile de vray Pieté qui contient parfaitement tous biens desirables & qu'on pourroit excogiter, ce nouveau tabernacle, comme seconde Sion, ce sanctuaire de Dieu, ceste seconde & double arche, ce bel œil de tout l'vniuers ou plustost le cuer, la grande cité Imperiale tant opportune de toutes commoditez, & (à fin de dire simplement & à la bonne foy) le comble & perfection de tout le bien qui est en ce monde, à sçauoir Constantinople que nous auons sauüé par vostre moy : & la peine qu'avez prise pour paruenir à ce but que de restituer en son entier la beauté, splendeur & integrité de l'Eglise, retrenchant toutes voyes abusives & erronees, suffiroyent à la decoration de vostre nom & gloire insigne qui durera fort long temps, & plus qu'on ne pourroit penser ny dire, & à la grande assurance qui sera sans honte & vergongne, tant de l'esperance que de la liberté honeste enuers Dieu. Voila que l'auois à philosopher & dire de vos faits passant ma vie sous si hault & puissant Prince & curateur, qui tât sagement s'exerce & estude en la philosophie & speculation de chose bonne côme il conuient à vn Empereur, & qui en si bon ordre & succez administre, côme dit Aristote, les affaires Chrestiennes. Il reste, Empereur treshumain, vous supplier tres affectueusement de receuoir & regarder de bon œil ceste nostre harangue, laquelle cõtient en peu de paroles & rudement, la vraye Pieté, qui est l'une des choses plus louables & admirable en vous : car ie n'ay delibéré de poursuivre & raméteuoir tous vos autres faits par le menu : lesquels plusieurs se sont employez à celebrer & celebreront cy apres, & en feront mention à toute la posterité : tellement que ce que les vns auoyent delaisé à mettre en lumiere, a esté recité par autres, & toutesfois indeuement. Car depuis que tât de gens se sont mis si auant, côme en la mer profonde, que de tascher à narrer vos prouesses, l'un en a côté beaucoup, l'autre peu, cestuy-cy n'a touché qu'aucuns poincts, & cestuy-là, les autres diuersement : mais personne de tous n'a esté si hardy entrepreneur que de s'addonner à les deduire toutes parfaitement : pour ce que chacün estime bien que cela est totalement impossible : comme moy-mesme qui entre les autres me suis proposé à descrire vostre vehemente affection & deuotion enuers l'Eglise de Iesus-Christ, comme quelque particule de

*Louange de la ville de Constantinople.*

*Reformation de l'Eglise.*

*La Religio, principale vertu d'un Empereur, est louée, par dessus tous autres faits.*



de vostre gracieux Empire : c'est à sçauoir, ce liure de l'histoire Ecclesiastique, recentemente publié & mis en lumiere, que i'ay entrepris vous dedier : car à qui pourrois-je le consacrer plus diligemment ? Ayant donc trouué bon de recueillir & mettre en vn volume toute ceste histoire, & disposer en bon ordre tant celle des anneés precedentes, qui a esté traitée confusément par plusieurs & diuers auteurs en maints volumes, que celle qu'ils ont laissée : il m'a aussi semblé honneste la presenter & submettre à vostre opinion, iugement entier & non corrompu : Car si vous la trouuez bonne & l'approuuez, tout se portera bien : mais si autrement, ie la repouteray & presque chacun avec moy, la iugera comme nulle. Or ay-je commencé & poursuivy mon œuvre, ainsi qu'il s'est peu faire, dès lors que nostre Seigneur & Dieu & sauueur Iesus Christ, fils, deuant les siècles, & verbe eternal & sans commencement, de Dieu le Pere, descendit du ciel, & proceda du sein paternel sans en bouger : & l'ay departy en plusieurs tomes qui s'estendent iusques à vn point conuenable, prenant fin assez loing deuant le tēps auquel nous sommes, que l'ay deduit & poursuivy d'un trait facile & egal, & avec eloquution, langage & composition telle, qu'il est requis, principalement à escrire semblable matiere. Parquoy ie vous prie d'admettre benignement aupres de vous, ceste histoire, laquelle, comme i'ay dict, ie presente deuant vostre iugement, ou plustost ie l'applique & pose non sans crainte & reuerence, sus vostre chef venerable & Imperial, comme quelque ornement ou couronne, non pas cueillie en ie ne sçay quels prez & iardins qui se passent legerement & perdent leur verdure en moins de rien, ou de fleurs qui se flestrissent incontinent & ne durent point : n'est aussi façonnée ny enrichie de pierreries resplandissantes d'un beau lustre & couleur d'or, pour donner quelque plaisir & contentement à les regarder, lesquelles richesses sont bien tost rauies & transportees deçà, delà, & delectent seulement pour vn temps comme vn songe peu durable, l'un maintenant & tantost l'autre : mais elle est recueillie & extraicte d'un paradis & iardin de plaissance qui ne default point, & ageancee de fleurs immortelles & perdurables qui ne se passent avec le temps, ny se flestrissent de vieillesse : ains sont comme mi-parties, colorees & parfumees d'un odeur aucunement diuin & spirituel, & retiennent quelque chose de la rosee qui distille de la montaigne Hermon. Nous asseyons donc sur le sacré chef de vostre souveraine maiesté ceste couronne du mieux qu'il nous a esté possible, qui durera à tousiours, & pense que le temps mesme, pour la reuerence de vos vertus & louanges, la gardera immarcescible & sans estre fanee ny corrompue : voire si d'adventure quelque censeur & detracteur outrecuidé, si quelque reprenneur de volonté mauuaise & superbe, entreprenoit blasphemer contumelieusement contre le ciel de vostre gloire, comme dit l'escripture, ietter fleches en l'air, mesdire, & par quelque ombre & vaine apparence de verité se reuolter ainsi qu'il est en vne Tragedie (cōbien que ie n'estime aucun de si hardie entreprinse, qu'incontinent qu'il verra vostre chef en estre couronné & orné, tout aussi tost fermera sa bouche, & luy-mesme redargué, cessera de parler iniustice contre le ciel, & deuiendra auetugle sans pouoir leuer les yeux pour contempler cest ornement, ny la beauté & splendeur qui avec grace & contentement en despend. Or ceste couronne est faicte de fleurs variables & de toutes sortes de couleurs, tellement qu'on pourroit proprement l'acomparer à vn iardin, où croissent toutes manieres d'herbes : mais principalement elle porte grande abondance de fleurs blanchastres quand elles bourgeonnent, de celles qui rosigissent & ont le lustre du pourpre, & d'autres qui de beau teinct & viuue couleur tirent plus sur le noir. Ce sont ceux desquels ceste couronne vous est tant richement elaboree & façonnée, à sçauoir, l'estole des souverains Prelats, qui en sainteté de vie resplandissent plus que le Soleil mesme : le pourpre venerable des Martyrs naïfvement teinct & arrosé de leur sang : & le vestement noir mi-party de blanc, qui diuinement cause & moyenne la lumiere & repos celeste, conuient proprement à ceux qui taschent & aspirent à la vie Angelique : de quel genre de gens l'Eglise de Iesus Christ reuestue & parée de vertuz comme d'un accoustrement d'or, ainsi qu'une espousee, exhibe & repre'sente au Roy & Empereur la plus belle bague de tout l'uniers. Leurs travaux & combats sostenus pour la foy sont mentionnez en ce liure, par le moyen duquel nous mettons sur vostre chef ceste couronne composee de leurs faicts & vertuz, comme à celui qui est egal à eux en honneur & dignité, accomply en toutes perfections & de volonté & ame totalement Royal & Imperial. C'est à vous nommément que ie le dedie : combien que sans celui vous estes assez richement exorné de la precieuse couronne de gloire de l'Empire, de vertuz admirables, de batailles par vous laborieusement conquiestes, laquelle Iesus Christ collateur des couronnes & distributeur de recompenses vous a donnee comme quelque gage & arres, comme quelque proesme, & commencement, ou comme quelque bague & eschantillon de la future & sempiternelle, qui auez rapporté & fiché publiquement les trophées magnifiques & honneste recompense de victoire, pour correspondre à vostre : nom. Puis donc qu'ainsi est que, vous seul naturellement, comme a dict quelqu'un, & principalement par vostre estude singulier & diligent en toutes choses rares & exquises, cognoissez tous les plus cachez & profonds mysteres qui sont es disciplines tant de la doctrine sainte qu'externe, vsez de vostre naturel & bon entendement, & baillez de la matiere au feu & exercez vostre iugement & admirable erudition : ou plu-

*Il offre cest  
œuvre au  
iugement de  
l'Empereur.  
Le tēps con-  
tenu en ce-  
ste histoire.  
Il dedie ce-  
ste histoire  
Ecclesiasti-  
que à l'Em-  
percur An-  
dronique,  
& la met  
sur son chef  
cōme quel-  
que couron-  
ne.*

*Les fleurs  
de ceste cou-  
ronne, &  
la matiere  
de ce liure  
sont les E-  
uesques,  
Martyrs &  
Moines.*

*A sça-  
uoir, An-  
dronique,  
qui signi-  
fie, virile  
victoire.*

# P R E F A C E.

ftoit accommodez proprement le ſçauoir acquis par voſtre diligence & labeur, à eſplucher & examiner ceſt œuvre qu'il n'y aiſt que redire. Cōbien que i'espere (ie diray encore maintenant, ce que i'ay deſia atteinct) que nul ſera tant rigoureux & temeraire, d'oſer apres voſtre cenſure & correction mettre ſeulement les doigts en ce mien eſcript. Et quāt aux langues maleuoles & enuieufes, laiſſez les perir & creuer de venin du ſerpent parricide. Car qui eſt celuy, ie vous prie, qui ait trouué que meſdire en vous, qui en toutes choſes eſtes incomparable? (ô quelle diuine vengeance, tonnerres & tempeſtes tomberoyent du ciel) duquel il n'eſt poſſible, à cauſe du diuin & magnifique iugement, de la grandeur & eſtimation des faiçts illuſtres, trouuer commendation & louange condigne, bien que pluſieurs ayent eſcript amplement, & employent encore beaucoup de peine & eſtude à l'enumeratiō de vos vertus: tous leſquels infimes & trop foibles pour tel fardeau, ſemblent ſe parforcer d'attoucher le ciel, ou prendre leur ombre meſme, de laquelle tant plus ils approchent, d'autant plus elle cede & ſe retire. Qu'en dirois-tu calomniateur? Veux-tu reprendre & taxer celuy qui de ſoy-meſme & de nature eſt louable & digne de gloire, qui eſt ennobly & orné d'honneur & autorité qui l'environnent & accouſtent comme ſatellites officiers: duquel ce Momus meſme forgeur & autheur de conuices & blaſphemes, tenu & reueré pour Dieu, entre les Grecs, n'oſerent ſeulement ſe tirer pres, voire non pas le regarder? Ou pluſtoſt ne fault deſormais chercher Momus, il eſt enanouy & perdu en ce ſeulement, qu'il n'a trouué ſi peu que rien à blaſmer & reprendre. Or tout cecy eſt pour mon aduantage: Mais ce ſera voſtre plaſiſr, Prince tref-puiſſant, conſiderer diligemment & examiner à part tout mon œuvre & y appoſer & ſouſcrire la ſentence & ratification iuſte & immuable de voſtre iugement: car voſtre approbation & aduis ſera autant ſtable que ſ'il eſtoit rendu de Dieu. Quant à moy qui me ſuis mis au hazard & ay entrepris ſi difficile combat que de luitter avec vos louanges, ie ſçay pour certain & congnois maintenant que ie poursuis ce que ie ne puis cōprendre, & que ie cours apres les eaux des riuieres qui coulent. Entreprinſe certes qui merite pardon: en laquelle chacun, à mon aduis, ſe pourroit abuſer, meſmement quiconque taſcheroit deſcendre en ſi forte bataille, de laquelle toutesſois il ne pourroit euader pour les difficultez & forts imprenables & intincibles. Or Ieſus-Christ Roy des roys, Seigneur des ſeigneurs, qui de ſon propre ſang a conſacré & fondé ſeulement ſon Eglise, & vous a conſtitué & eleu homme ſelon ſon cuer, eſtant decoré du pourpre & dignité Imperiale, pour auxilia-teur & vray deſenſeur d'icelle, contregarde & maintienne à iamais voſtre Empire en fidelité, & l'augmentant de plus en plus l'entretienne en ioye, ſtable & permanent: & multipliant touſiours ſa gloire, le conferme & ſauue entre tant d'ennemis qui l'environnent, iuſques à tant que tous rendus ſoubs voſtre puiſſance ſoyent deſpeſchez & mis en pieces: vous face florir à iamais, auſſi vos enfans, & toute voſtre race, meſme ceſte ville de laquelle vous eſtes le tuteur: à fin que finalement en abondāce & largeſſe de tous biens nous paruenions iuſques à ces :: Ennes de l'Orateur Romain tant celebrees & louees: & qu'apres longues annees & viciſſe tant ſur-aagee & auancee en toute paix, douceur & bon temps, qu'elle ſ'eſtende preſque infiniment, il luy plaiſe vous faire digne auſſi du Royaume eternel où il ny a point de ſucceſſion, & vous admette & nombre en ceſte aſſemblee des premiers nez au meſme throſne & rang avec l'Empereur prince de la foy, pour receuoir le fruiçt & honneur condigne pour les peines & travaux continuels, que vous auez ſouſtenuz pour la de-fenſe de l'Eglise de Ieſus-Christ & de ſon troupeau.

:: Il entend  
 la nouuelle  
 celeſte  
 Ieruſalem:  
 quil ſigni-  
 fie par ceſte  
 Ville enne,  
 que Cicerō  
 deſcrit en  
 la Verrine  
 ſixieſme,  
 trefplaiſan-  
 te, & ferti-  
 le. C'eſt ce  
 pays celeſte  
 auquel les  
 Chreſtiens  
 aſpirent.



ANNOTATION POVR SCAVOIR A QVEL PRINCE  
Nicefore dedia son histoire Ecclesiastique.

**N**ICEFORE fils de Calliste, florissoit sous Andronique premier, Michel son fils, & Andronique second, fils de ce Michel, tous Empereurs Constantinopolitains, surnommez Paleologes, il y a environ trois cens ans. Et dedia ceste histoire Ecclesiastique à Andronique premier, fils de Michel, lequel dechassa les Latins hors l'Empire de Constantinople. Ce qui est recité vers du mesme Nicefore, lesquels se trouvent les derniers au catalogue composé en carmes, touchant les Empereurs de Constantinople, que nous auons tourné en latin en la sorte qu'il s'ensuit.

Magnus Palæologus Michael, & potens,  
Byzantis vrbe qui Latinos expulit:  
Pietatis Andronicos incytum decus,  
Natura lecta mens secunda nemini:  
Clarus Palæologus Michael tertius,  
Dixit & actis imperator optimus.  
Flos Andronicus Gratiarum iunior.  
Longissimis quos sospita temporibus  
Omnipotens rex omnium vetus Loge.

C'EST A DIRE,

*Le vertueux Michel Paleologe entier,  
Qui de Constantinople fit les Latins chasser:  
Andronique l'honneur de grande Pieté,  
De nompereil esprit de nature a esté:  
Michel Paleologe excellent en renom,  
Prime en dictz & en faitz Empereur tiers du nom:  
Le plus ieune Andronique en Graces florissant:  
Lequels il te plaira, ô Verbe tout puissant,  
Roy de tout l'vniuers en grandeur redoutable,  
Sauuer en ton saint lieu à iamais perdurable.*





# LIVRE PREMIER DE L'HISTOIRE ECCLESIASTIQUE DE NICEFORE, fils de Calliste, Xantoulphois.



DISCOUVRS EN FORME DE PROEME, DECLARANT  
EN BREF L'INTENTION DE L'AUTEUR,  
*par laquelle il s'est mis à escrire cest œuvre : contenant aussi les argumens & sommaires de chacun liure.*

## CHAPITRE PREMIER

**N**ICEFORE fils de Calliste a composé & aiencé ceste histoire Ecclesiastique, prenant son commencement dès le temps auquel nostre Sauveur Iesus Christ s'est apparu en chair humaine, enquoy il a pensé qu'il feroit vn œuvre beau & auquel les lecteurs prendroyent plaisir. Car si lon iuge que ce n'est pas petite chose & à mespriser, mais digne de louange & admiration, si quelcun nous laisse entre nos mains vne histoire prophane bien ordonnee & recueillie, mestant en auant & declarant le fruit & vtilité que peuuent percevoir d'elle ceux qui desirent la sçauoir & entendre : à la verité lon doit iuger estre beaucoup plus louable de rediger les affaires de la religion en memoires seruans au commun, & lesquelles il soit permis à chacun de congnoistre & lire, comme establisant & ordonnant vne doctrine facile & salutaire, laquelle pourra profiter à tous vniuersellement. Quant à moy, i'estime que lon doit remercier grandement ceux qui entreprennent d'escrire les histoires & actes des vns & des autres, à la sueur & peine de leurs corps. Car tels entrepreneurs ne gardent ou retiennent pour soy, come si c'estoit leur bien propre, ce qui est en elles vtile & digne d'admiration : Mais il ayment mieux s'accommoder à l'vtilité d'un chacun, & faire seruice au public en escriuant & mettant en lumiere telles choses. Quoy faisant ils se rendent quasi ministres & instrumens de la prouidence diuine, en couchant par escript en vn liure & assemblant comme en vn tresor & bourse comune plusieurs & diuers genres de faicts : d'autant qu'il est aisé à chacun de tirer pour soy des exemples de telles memoires & histoires publiques & par la consideration des fautes d'autrui, dresser deüement ses actions, & aussi selon la mutation & changemēt des cas qu'il remarquera en lisant, ne varier point d'opinion & n'estre inconstāt en ses œuvres, mais plustost imiter & ensuiure tant que faire se pourra, les faicts vertueux de ceux qui se sont bien sagement gouuernez en ce qu'ils ont manié & traité. Au surplus si en matiere d'aduis & de cōseil, lon fait plus de compte des anciens, parce que leur conseil est meilleur ordinairement, suiuant le dire commun, que ce qui est recommandé en faueur d'ancienneté & merite à bon droit honneur : c'est chose asseuree & euidre que l'histoire doit estre grandement estimee, comme celle qui a grande autorité, tant pour sa longue duree, que pour l'experience qu'elle a de plusieurs choses, mais sur tout est à eslire l'histoire sacree, laquelle apporte vn fruit merueilleux, tant aux Eglises, qu'à toutes autres affaires particulieres qui pourroient suruenir. Car c'est elle, qui (comme raison le commande) reprend & condamne toutes sortes de pechez, & les reiette fort loing de soy, ayant en horreur, detestāt & poursuuant iustement avec toutes sortes d'iniures les meschans & malheureux : Au contraire en ornant & embelissant avec parolles tresamples, & louanges infinies, en forme de couronnes precieuses, les grands personages, qui pour auoir mis tout leur estude à l'accroissēmēt de nostre religion par leur signalee vertu & singuliere pieté enuers Dieu, ont esté de tout le monde bien venus, elle les rend aux autres admirables & leurs propose iceux pour imiter par cette

*Utilité de  
l'histoire  
tant prophane  
ne que sainte.*

A

Raison de  
l'entreprise  
de l'Au-  
theur à es-  
crire ceste  
histoire Ec-  
clesiastique

Jugemēt de  
l'Auteur  
touchāt les  
historiogra-  
phes des cho-  
ses saintes  
auant luy.

voye, mesmes elle eguillonne vifvement la posterité, & luy donne courage & cōseil de s'uyre au plus pres, avec vne bonne & honneste enuie, la louange de tels personnages, par tressainctes œuvres & beaux faicts, & par vne bonne & entiere opinion de la majeste diuine, telle qu'il la fault tenir & auoir. Parquoy moy aussi approuuant avec mon peu de iugemēt ceux qui se sont tant employez à profiter au public, par la diligence qu'ils ont prins à escrire l'histoire sainte, le me suis aduancé, esmeu d'une certaine emulation de faire comme eux: non que ie vueille faire montre, de quelque perfection ou vertu qui soit en moy, ny me vanter de mon bien dire, comme si ie pretendois m'asseurer sur quelque gentillesse, force & abondance de parler, que ie m'attribuasse: mais appliquant mon esprit, tant que j'ay peu, à imiter ceux qui deuant moy ont mis par escrit les affaires de l'Eglise, il m'a semblé bō d'embrasser auant toutes choses leur dessein, & entreprendre le semblable qu'eux: mais toutesfois ie n'ay pas eu fantasie & iugemēt que tout ce qu'ils en ont escrit d'eust profiter autant au commun que ce que j'escrirois. Car aucuns d'entre eux, n'ayans pas espousé la saine doctrine, semblent en beaucoup de choses n'estre pas assez suffisans tesmoins pour prouuer leur dire. Et de là est aduenue, que plusieurs mettēt en doute ce que tels historiens ont recité, encore qu'il soit vray, à cause de leurs folles opinions & resueries.

Quelques autres pareillement, apres s'estre vne fois retirez de la parolle de la foy, & ioinctz à la partie contraire à icelle, bien que puis apres ils se soient rangez à ce qui estoit de raison & honestetez, qu'ils ayent eu telle opinion qu'il faut, toutesfois pour la grande affection qu'ils auoient de contrarier à ceux, à l'aduis desquels autrefois le leur estoit repugnāt, ont omis beaucoup de poinctz en leur histoire: à cause dequoy le lecteur n'a pas adiousté foy cōstante & assuree à leur dire, ores qu'ils eussent vne vne eloquēce excellēte & vne propriete de bien coucher par escript, & qu'ils s'efforçassent d'emporter le premier lieu entre ceux de nostre profession, pour leur grand zele & amour enuers Iesuchrist. Eusebe de Pamphile poursuit tout ce qui a esté fait es Eglises, dès le temps de nostre seigneur Iesus Christ, iusques à l'empire de Constantin le grand: empruntant son histoire de Philon le Iuif, Iosephe, Clement le compositeur, Egesippe, Hippolyte, Papie, & autres escriuains des choses saintes. En laquelle histoire apparoit qu'il estoit abreueu & infecté de l'heresie Arrienne: combien qu'aucuns estiment qu'il n'ayt point erré en la foy, fondez sur ce qu'il se trouua au premier concile de Nice, & consentit à ce qui y fut conclud & arresté, touchant la consubstantialité & vnion d'essence de Iesuchrist avec Dieu le pere, & s'appuyans aussi sur ce qu'il a reprins, & avec iniures poursuyuy ceux qui soustenoyent le Fils de Dieu estre vne creature. En outre Mercure Sozomene, que lon appelle Salaminien: le sage Theodorite aussi qui fut Euesque de Cyr, & lequel mesme resista au troisieme concile: puis Philostorge, hay de Dieu: en apres Socrates Cathare (c'est à dire, pur & entier, non de cueur, mais de surnom) commençans leurs œuvres d'oū auoit finy Eusebe, ont continué & mené l'histoire iusques au temps de Theodose le ieune: s'estans tous proposé vne mesme matiere, ne sçay à quelle intention. Lesquels neantmoins en quelques choses ne s'accordent aucunement, & mettent par escript les dissensions & debats des Euesques entre eux, chacun selon qu'il luy semble bon. Aussi ont tous ceux cy adiousté en leurs histoires quelques choses diuerses & nouuelles, desquelles les autres auteurs n'ont fait aucune mention.

Consequemment par ordre, Theodore lecteur de Constantinople, & Basile de Cilicie, & Euagre qui fut Preteur & gouverneur de prouince, laissant ce qui auoit esté fait auant eux, & descriuans les choses de leurs temps, ont lié & conioinct leurs histoires à celles des auteurs dont nous auons nagueres parlé, craignans la difficulté de l'entreprise s'ils eussent voulu composer vne histoire generale: quelques vns aussi, payans le tribut à la mort sur les entre-faites de leurs compositions, n'ont pas eu le loisir de mener à fin leur œuvre commencé.

Cest Euagre fut Epiphanien, ou d'Epiphanie.

Quant à Euagre, qui estoit homme d'auctorité & d'honneur, il a continué & filé son histoire iusques au temps de Iustin, traitant pour la plus part les affaires prophanes: l'argument & matiere desquels il a extrait & recueilly d'Eustace de Syrie, Sozime, Prisc, Iehan, Procope Cesarien, Agathie, qui en ce temps là ont esté excellens orateurs, s'aidans aussi de plusieurs autres Historiographes de bonne mise.

Liberté en  
histoire.

Au surplus, tous ces auteurs racontent hors de propos beaucoup de choses peu profitables & assez mal conuenantes, & en laissent plusieurs autres, qui deuoient necessairement estre mises par escrit: soit qu'ils ayent fait cela de propos delibéré, & selon que leurs affections les maistrisoient & conduisoient: ou bien par ce qu'ils n'ont sceu parler de tout, estans saisis de quelque crainte, & desgoustez par l'indignité des choses: ou que parauenture il ne leur estoit pas licite de parler autant librement des choses bien ordonnees, qu'il est au temps present, auquel on vse en l'Eglise d'une tresample liberté au parler & escrire: laquelle (à fin que ie ne cele la verité de mon intention) ie me delibere practiquer en ceste mienne entreprise. Il est bien vray qu'Eusebe a comprins en son histoire ce qui a esté fait par le temps de trois cens ans, & quelque peu encor d'auantage. Socrates, & Theo-

Theodorite, avec Sozomene, n'ont traité qu'environ de cent & quarante ans, sçavoir est, depuis la premiere année de l'Empire de Constantin le grand, lors qu'il fut proclamé & nommé publiquement Cesar Empereur, iusques au dixseptiesme an de Theodose le ieune. En apres Euagre poursuit selon l'ordre, environ le temps d'autres cent quarante ans : de sorte que toute l'histoire de l'Eglise, commençant à la natiuité de nostre seigneur Iesus Christ, que les historiens cy deuant nommez ont mise par escrit, si on la prend ensemble, ou à part, ne contient pas moins de temps que de six cens ans ou environ. Mais il n'y a aucun d'entre tous les historiographes qui se soit aduisé d'amasser & recueillir en vn volume, tant ce que les susdits ont escrit, que ce qui s'est passé en l'Eglise, depuis le temps où ils ont finy, iusques à present : iacoit que telles choses du depuis aduenues ne soyent pas de moindre importance, ny en plus petit nombre que les precedentes. Je ne sçay pas si vne nonchalance & debilité d'esprit les auroit gardé d'entreprendre chose si importante, ou bien si la grandeur & difficulté de l'argument les auroit destournez de ce faire, attendu que la supputation des temps & les histoires des choses aduenues, estans recueillies sommairement & incidemment par tant de diuers atheurs & en tant de liures, que la congnoissance & souuenance d'icelles en estoit difficile & fort mal aisée, estans les choses descrites pelle melle en diuerses manieres, & en autre lieu qu'il ne faut. Quant à moy telle a esté ma deliberation, apres auoir soigneusement & avec labeur & peine, employé beaucoup de tēps à faire la recherche de l'affectiō & du sens de chascun auteur, de me proposer & bastir vne generale histoire de l'Eglise catholique, & avec l'ayde du haut Dieu, la rediger en vn seul œuvre. Auquel en premier lieu mettray peine de coucher par escrit, au mieux qu'il me sera possible, ce qu'ont traité les historiens, qui ont esté deuant nous : Que si en leurs liures ie trouue quelque chose qui me semble superflue & ne seruant de rien au tēps present, ny à la matiere dont il sera question, à raison de sa trop grande ancienneté, ie la passeray sans m'y arrester : mais seulement les sentences & doctrines necessaires d'estre congneues, ie les mettray chacune en son lieu. D'abondant ce que ie pourray iuger defectueux en leurs escrits, ie l'adiousteray où il sera besoing : meslant en cest œuvre les choses dignes de nostre congnoissance, que quelqu'un d'entre eux aura notees, bien que les autres n'en ayent rien touché. Je m'efforceray aussi de reduire & accommoder leurs opinions contraites & discordantes à la coustume de l'Eglise, renforcee par la prescription des temps. Aussi reietteray-je tout ce que ie trouueray n'estre pas pur & net, mais contrefait & faux : & soustiendray franchement & avec iuste liberté, en simple & ouuerte parolle, la vraye & saine doctrine de la foy. Quand à ce qui a esté obmis & laissé des temps ensuiuans, ie m'estudieray à l'y adiouster, si bien que la fin de mon histoire approchera bien pres du temps auquel nous sommes à present. Or ay-je opinion qu'elle pourra grandement profiter aux lecteurs, du moins quiconque y mettra le nez ne trouuera pas occasion de se facher & ennuyer en la lisant : car il n'y a celuy qui ne puise d'elle (comme d'une fontaine coulante en abondance) quelque chose dont il se pourra seruir & ayder. Par ce que l'on sçait assez, veu qu'il y a par tout liures escrits des histoires Ecclesiastiques, qu'il n'est pas facile à celuy qui les voudroit entierement lire & sçavoir, de les pouuoir tous amasser & acheter. D'auantage la diuersité du stile & façon de parler, avec la multitude & pluralité des liures, sont cause que la congnoissance des affaires est beaucoup plus difficile & malaisée à ceux qui les lisent. Mais vn œuvre continué & composé d'un texte & fil d'écriture discourant en tous endroits & narrant appertement choses certaines, donne à tous vne facilité & promptitude de lire, & consequemment fait auoir la congnoissance d'icelles, à cause de la mesme teneur & continuation du parler, comme si c'estoit vne chaisne adaptée de toutes parts avec bon ordre & ioincte fort proprement de ses anneaux, si bien entrelacez, qu'ils semblent courir l'un apres l'autre. Bref, mon aduis est que ceste mienne histoire est d'autant meilleure & excellente par dessus les autres, que le tout est plus grand que sa partie, & vn œuvre entier plus excellent que celuy qui est interrompu & coupé. Or tout ce qui est vtile & profitable en ce liure, ie l'ay recueilly, non pas à mon aise, mais avec grand trauail & labeur, lors qu'estant encor fort ieune, ie demeuorois au sacré temple & auguste de la sagesse du verbe & parolle de Dieu, que l'on appelle sainte Sophie : où ie m'adonnay à lire vne infinité de volumes & autres commentaires qui y sont. A laquelle sagesse eternelle de Dieu, quelles plus grandes graces pourrois-je rendre pour les infinis biens qu'elle m'a fait largement, endurent que j'aye eu la fruition de ses amenitez & delices, & me logeant & permettant auoir domicile par vn long temps en sa maison, avec pareille pieté & douceur, dont pourroit vser vne sage femme enuers l'enfant qu'elle reçoit, ou vne nourrice enuers celuy qu'elle allaitte : & me conduisant à tel aage & auancement, que ie comprendroye en vn volume, tant que faire se peut, toutes les affaires d'icelle, ou bien (pour mieux dire) de toute l'Eglise Catholique : & les mettrois en lumiere, au profit du public & vſage d'un chacun. En quoy ie n'ay pas eu esgard au poix & importance du parler, & moins encor à l'ornemēt du langage : car ie me suis donné peine d'exposer à chacun appertement, avec vne oraison pure & facile, toutes les choses, selon que dès le commencement elles ont esté faites aux Eglises. Ce que, afin que ie puisse bonnement faire, j'ay

*Quels auteurs suis  
Nicephore,  
& de quoy  
il traite en  
ses liures.*

*Prescriptiō  
de la coustume  
de l'Eglise  
catholique.*

*Utilité pro-  
uenante de  
la lecture de  
de ceste hi-  
stoire.*

*Argument & matiere de ces liures.* recherché soigneusement & fidelement (autant que la petitesse de mon erudition & debilité d'esprit me l'ont permis) tout ce qui a esté laissé par escrit du temps ancien.

18. Puis donc que ie me suis proposé ceste matiere d'escrire, à celle fin que le tout soit plus facile à entendre, ie suis d'aduis, avant que commencer, de dire le sommaire de tout mon œuvre. Il fault donc entendre, que i'ay diuisé tout ce volume en dixhui & tomes, liures, ou parties.

- I. Le premier desquels comprendra les faicts de nostre Sauueur Iesus-Christ : à sçauoir, comment, à cause de l'affectiō & misericorde de sa desmesuree bonté, luy estāt prouocqué & esmeu, de son propre throsne à venir cy bas, sans toutesfois le laisser ou se mouuoir de lieu en autre, il a pris chair de la vierge Marie, & passé tressainctement le cours de ceste vie terrienne, puis il est monté au siege de son Pere, par le moyen d'une passion salutaire, & d'une resurrection surpassante l'operation de nature, apres nous auoir accomply par sa mort vne parfaicte & entiere reconciliation avec Dieu le pere.
- II. Le second liure traittera ce qui appartient au sainct Esprit, à sçauoir, quelles sont les choses qu'il a executees par les Apostres: que c'est qu'ils ont fait: quelle a esté la consommation de vie de chascun d'eux: quelles choses saintes ils nous ont laissé par escrit avant leur mort: quels sont leurs escrits, & que c'est qui en iceux est vray, sincere, pur, net, & cōforme tant au vieil qu'au nouveau testament.
- III. Au troisieme seront mis les faicts de ceux qui premierement ont succédé aux Apostres: où, & comment la doctrine salutaire de nostre Seigneur a circuy & enuironné tout le monde: quelles, & combien de grandes calamitez, miseres, & pertes la ville de Ierusalem, & les citoyens d'icelle ont souffert pour cause de la mort de nostre Seigneur & seruateur Iesus-Christ: d'auantage, quels quasi heritiers de leur ministere & fonction, & quels liures les successeurs des Apostres ont laissé par escrit, apres la mort qu'ils ont enduré, estans coronez de martyre, en tesmoignage de la defense du nom de Iesus-Christ. Puis quelles heresies dellors premierement ont esté semees à l'encontre de leur bonne & salutaire doctrine.
- IIII. L'argument du quatriesme liure, est: Qui ont esté les auteurs & Capitaines de telles doctrines faulses & corrompues: & qui ont esté les escriuains & docteurs Ecclesiastiques, que la diuine prouidence (qui dispose & conduit toutes choses à bien) a suscité d'escrire, contre eux: lesquels docteurs ont esté excellens personnages en tous dons Apostoliques, de sorte que leur bonne vie & salutaire doctrine, meslees ensemble, ont esté suffisantes pour abolir & ruiner du tout les opinions & sectes meschantes des heretiques: Qui ils estoiet & quels discords se sont meuz en ce temps, touchant la question de celebrer Pasque.
- V. La matiere du cinquieme liure, est la persecution des Eglises, sous les Empereurs Seuer & Decie. D'auantage il parle d'Origenes, qui a esté fort renommé en sagesse, quelle a esté sa vie, quels ses escrits. En outre, qui ont esté les tressaincts martyrs, lesquels ont virilement soutenu la querelle diuine de nostre Seigneur Iesus-Christ, tant es pays d'Orient, que de l'Occident. Plus de Cyprian, Euesque en Affrique. Encor de Denis, pasteur de l'Eglise en Alexandrie. Le cinquieme liure parlera aussi des Chrestiens, qui ont renoncé à la foy & pieté Chrestienne en la persecution que l'Empereur Decie a fait.
- VI. Le sixiesme fera mention de diuerses heresies, desquelles les auteurs on esté le meschant Manes, l'infame Nouat, Apollinaire & Paul Samosatien. Il descrira aussi les faits de Denis, Euesque d'Alexandrie: & qui sont ceux qui sont demeurez Euesques des villes celebres, iusques à la persecution des Eglises. Il monstrera semblablement quels escriuains & autres personnages renommez pour leur sagesse diuine, ont flory de ce temps.
- VII. Le septiesme dedra les debats & noises de nos Euesques, à l'occasion desquelles estans descheuz de la grace de Dieu, ils sont tombez en grands dangers. Puis il parlera des tyrans execrables & pernicieux, Diocletian & Maximian, Maxence & Maximin, & encor de Lycine, monstrant combien cruellement ils se sont portez à persecuter le troupeau des Chrestiens. Finalement comment Constantin le grand, & non moindre que les Apostres, ayant par l'ayde de Dieu emporté la victoire sur ces tyrans, a remis les Eglises en paix: & apres auoir esté créé premier Empereur des Chrestiens, il edifia vne ville magnifique de pareil nom que le sien, sçauoir est Constantinople, qui vaut autant à dire que la cité de Constantin.
- VIII. Ledit Constantin, qui n'estoit point moindre que les Apostres, fournira matiere au huitiesme volume: auquel seront mises par escrit les affaires qui suruindrent aux Eglises, luy estant Empereur. Encor on y lira les erreurs du mal-heureux Arrius, & le premier Concile qui fut tenu à Nice: & comment les affaires Chrestiennes ont eu accroissement. Aussi y sera mise la vie angelique des moynes, d'où elle a eu commencement, & qui en ont esté les auteurs. D'auantage, ce que les Arriens s'efforcèrent de faire & mirent à execution à l'encontre des sectateurs de la vraye pieté, & specialement contre le grand Athanase. Puis y sera parlé de la bien heurée Helene, mere de Constantin, & de ses œuvres bonnes, religieuses & agreables à Dieu: & comment ayant finy sa vie, elle fut enseuelie, avec son fils Constantin, en la ville de Constantinople.

Le neuuesme liure poursuyura les faicts des enfans du grand & saint Empereur Constantin, I X. & premierement ce qui est aduenü es Eglises, sous Constant. En outre quels personages de renom ont esté en regne, tant ceux qui soustenoient la bonne & vraye doctrine, que ceux qui au contraire faisoient profession des faulces & meschantes heresies. D'auantage, ceux qui de ce mesme temps ont esté excellens en la vie monastique, par le pays de Palestine & Egypte. Bref, on y traittera aussi de plusieurs conciles, & des declarations & formules diuerfes de professer la foy.

Le dixiesme liure mettra en auant les faict del'Empereur Iulian l'Apostat, hay de Dieu, comment iceluy se retirant de la vraye pieté, pour suyure l'idolatrie des Grecs en plusieurs sortes, il a mené la guerre à la Chrestienté : & comment en vne guetie, qu'il entreprit contre les Perses, le mal-heureux eut fin respondante à ses meschancetez. Ce mesme liure comprendra aussi en partie ce qu'a faict le debonnaire & Chrestien Empereur Iouinian, montrant comment il finist sa vie, tandis qu'avec grand cœur & animosité il amplifioit & dilatoit la vraye doctrine Catholique. X.

Aufurplus le liure suyuant, qui est l'vnziesme, portera tresample tesmoignage de ce que les Eglises ont souffert & enduré sous Valentinian, & sous le meschant Valent. Plus des grands personages qui ont esté comme lumieres & flambeaux de la vraye Eglise Catholique : & qui sont ceux, qui (au contraire) leur ont contredit, s'efforçans de les conuaincre. D'auantage, comment l'ordre de religion est accreu iusques à vn nombre infiny. Et puis, quelles nations ont embrassé la foy Chrestienne. Finablement, comment l'Empereur Valent a finy par feu. X I.

Au douziesme liure seront descrits les actes de Gratian & de Valentinian le ieune, & du tres-grand Empereur Theodose, qui auoit prins son origine d'Espagne. D'abondant lon fera mention du saint Concile vniuersel, second : & comment la foy Chrestienne s'est accreüe & faicte plus grande, apres auoir abbatu & ruiné les temples dediez aux idoles. En outre, des principaux & plus grands heretiques de ce temps : & aussi des saints personages & gens de bien, qui ont esté en nostre Eglise. X I I.

Le treiziesme liure donnera pleine cognoissance des temps d'Arcade & Honoré Empereurs. X I I I. Apres il exposera la vie de ce grand personnage Chrysostome, qui pour son sçauoir & grace de bien dire, acquist ce nom, signifiant bouche d'or. En somme, il poursuyura diligemment par le menu tout ce qui est aduenü à l'Eglise, pendant le temps de ces deux Empereurs.

Theodose le ieune, & Pulcherie, femme digne que chascun l'ayt en admiration, nous donneront argument de dresser vn quatorziesme liure. Et quant & quant y seront comprins les choses passées au troisieme Concile general, assemblé en la ville d'Ephese. Puis la succession continue des Euesques, qui ont eu le gouuernement de toutes les plus grandes Eglises. Aussi sera parlé au mesme liure, d'Eutyches & Dioscore heretiques. Encor de Eudocie & Pulcherie, Roy-nes ou Imperatrices. Finablement de ceux qui durant ledict temps ont faict profession en la Palestine & ailleurs, d'une vie monastique & solitaire, qui fut plaisante & agreable à Dieu, & l'ont suyue & entretenue iusques à la fin. X I I I I.

Le liure suyuant contiendra ce qu'ont faict le tresrenommé Empereur Martian, & Leon le grand : les actes aussi du quatrieme Concile, exposant le tout bien au long. D'auantage, les choses aduenües pendât la sedirion des villes d'Antioche & Alexandrie. Puis ce qui a esté faict lors qu'on fit vne addition à l'Hymne, auquel l'Eglise chante trois foyz *sansus*. X V.

Qui lira le seiziesme liure, il y verra les faicts de Zenon & de Basilisce, avec ses lettres circulaires : & ce qui est aduenü à l'Eglise du temps d'Anastase Dicore. Puis ce qu'a faict Seuer, Pierre Gnaphee, Pierre Monge, Timothee Helure, & autres heretiques. En ensuyuant y sera escrit soigneusement ce qui de rechef aduint à raison du trouble esmeu quand le saint Concile quatrieme fut assemblé & tenu. X V I. *Circulaires c'est à dire patentes.*

Le dixseptiesme sera des faicts de Iustin premier, & de son successeur le tresgrand Iustinian, & de ce qui fut faict & arresté au saint Concile cinquiesme. A quoy seront adioustez les actes de Bellisaire : puis ceux de Iustin le ieune. Et encor y seront mis les moynes, qui en mesme temps ont esté renommez pour leur vie angelique. X V I I.


Le dixhuitiesme liure declarera appertement ce qui s'est passé es Eglises sous les Empereurs Tybere & Maurice : puis les faicts de Hormisde, Chosroe & Chagan, Persans : & comment l'Empereur Maurice fut tué, endurant punition des offenses siennes, commises à l'encontre de Dieu. Puis sera faicte quelque mention d'aucuns particulieres dissensions & heresies : sçauoir est, des Monophysites, Tritheites, & Agnoetes Theopachites. Encor des Iacobites & Armeniens : & quels discours ils auoyent en leurs heresies. Finablement, la sorte par laquelle Phocas (qui ayant succédé à Maurice, auoit cruellement exercé tyrannie) fut vilainement mis à mort. X V I I I.

Ce que j'ay dict icy du contenu de chascun liure, j'ay bien voulu le mettre au deuant de tout l'œuvre, le plus exactement & claiement que faire se pourroit, non pour autre cause, que l'argument estant proposé aux esprits des lecteurs, il fust d'autant plus facile à entendre : car plusieurs

# LIVRE I. DE L'HISTOIRE ECCLESIASTIQUE

sont coustumiers de digerer & disposer les escrits d'autrui, selon leur fantaisie, & ainsi que bon leur semble. Or de peur qu'aucun ne peult depraver ou corrompre ceste mienne histoire, car qu'à ce i'ay tellemēt disposé & mis les premieres & capitales lettres des liures, qu'elles representent & contiennent mon nom & surnom, pour plus certaine approbation & foy, que ie suis celuy qui les ay composez: chascun desquels aussi a le nombre des années, y comprises, exprimé. Parquoy ie prie ceux qui liront ceste histoire, si en tout cest œuvre y a quelque chose bien exposée & mise par escrit, qu'icelle soit exempte de toute enuie, laquelle ordinairement s'esleue contre tout ce qui est tresbon: Mais si en quelques passages i'ay failly par ignorance, ie supplie les plus doctes, eloquents & experts, de les corriger: & auoir esgard, que i'entrepris d'escire cest œuvre dès mon ieune aage, lequel i'ay acheué n'ayant pas encor trente six ans. Puis donc que i'ay iusques à cy parlé abondamment de tout ce qui me sembloit deuoir estre dict auant que commencer, ie suis d'aduis de donner entree à mon histoire par vn bout qui me semblera le meilleur, & sera le plus conuenable, avec l'ayde & conduite de Dieu: mettant premierement deuant mes yeux, que la verité, qui est la fermeté & support de nostre histoire, doit estre suyue en tout & par tout.

*De l'ancienneté de la religion Chrestienne, & de la diuinité & eternité du Fils,  
& comment, deuant & apres la loy donnée, les saints peres & preu-  
d'hommes ont eu congnoissance de la diuinité de Iesus-Christ.  
Chap. I I.*



E pense qu'il n'est ia besoin, mais que plustost seroit chose superflue, de s'enquerir à present, & repeter dès son commencement & origine les affaires de Chrestiens, quels ils sont, d'où ils sont venuz, & par quel moyen ils se sont tant aduancez qu'ils soient paruenuz à telle grandeur & gloire: veu que les sacrez oracles, les faicts diuins, & autres choses innombrables aduenues par ordre, declarent assez appertement & exactement, que fort long temps auparauant, & dès le commencement mesme de la creation de ce monde, nostre doctrine a esté tout ensemble fondée & mise sus: ou bien, plustost, qu'elle a esté auant tout temps & siecle: si vne fois

*Natiuité  
de nostre  
Seigneur,  
double, di-  
uine &  
humaine.*

nous auons esgard à l'autheur & capitaine de nostre profession & foy, nostre seigneur Iesus-Christ, Dieu ensemble & Verbe de Dieu. En quoy deux mysteres sont à considerer: l'un desquels nous deuons contempler comme le chef & poinct principal, qu'il fault rapporter à la generation eternelle, n'ayant aucun commencement, & deuant tous siecles & aages: la consideration de l'autre est de ce qui suruint depuis, & (s'il fault que ie parle ainsi) dernièrement: (sçauoir est, de l'incarnation faicte du Fils de Dieu au ventre de la Vierge, & de la conuersation & vie qu'il a menée cy bas és derniers temps. Quant est du premier, il n'est pas conuenable que ie m'ingere de l'exposer, ny que ie mette peine en discourir au long: Car si ie voulois entreprendre d'en disputer, avec ce que cela ne concerneroit en rien l'œuvre que i'ay entre les mains, il me donneroit plus d'affaire & de peine, que l'œuvre mesme, & tout ce dequoy i'ay delibéré traiter. Veu donc qu'en tel mystere il n'y a eu ny temps ny aage: & que pour ceste cause il ne nous a esté permis ny d'y auoir assisté, ny de cōtempler & parler de ce qui surpasse nostre esprit, le plus seur sera de passer sous silence tout ce qui en est, & commander à moy mesme de n'estre point trop curieux en telles choses, qui sont beaucoup plus haultes, que le sens, raison & entendement humain ne peurent bonnement porter. Il me suffira de mettre seulement en auant quelques tesmoignages de la sainte escriture: comme, Au commencement estoit le Verbe, & le Verbe estoit avec Dieu, & Dieu estoit le Verbe. Toutes choses ont esté faictes par luy, & sans luy rien n'a esté faict de tout ce qui est faict. Et d'auantage ce ne sera assez de sçauoir, que Dieu

*Theologie  
inenarrable  
de la tres-  
sainte Tri-  
nité.*

(qui est, & a tousiours esté, sans commencement, & precedant tous siecles & aages) deuant iceulx siecles engendre son propre Fils, vray Dieu & Verbe: d'une façon patente & descouverte: d'autant que c'est vn mystere excédant la capacité de toute intelligence & apprehension, surpassant les sens de l'esprit humain, & qui est hors de tout entendement & congnoissance. Quant & quant ie me contente d'entendre & croire, qu'il produit aussi son tressainct Esprit, non pas comme engendré, mais comme procedant de luy: lequel est pareillement Dieu parfait & consubstantiel, c'est à dire, ayant mesme substance, qu'ont le Pere & le Fils, & qui a du tout mesme vertu & pareil pouuoir. Quand ie parle de Dieu, ma langue, & mon esprit, & ma pensee tremblent de peur. Et quand ie dy Dieu, imaginez que c'est vne lumiere & trois lumieres, qui luisent à l'entour de vous. Trois lumieres, selon les proprieté, subsistences ou personnes: vne lumiere, eu esgard à l'essence & Deité. Car inseparablement, c'est à dire, sans aucune diuersité d'essence, trois personnes sont distinguees les vnes des autres: si bien que la separation & distinction desdictes personnes comparit avec l'vnité d'essence qui est en icelles. Par ainsi ceste Deité en trois, n'est qu'une essence diuine: & les trois, ausquels est la Deité, ou qui sont la Deité



Deité mesme, ne sont qu'une mesme substance, auteur saint Gregoire Theologien. A ce propos saint Augustin dit ce qui s'ensuit, Vn Dieu, trois personnes, vne essence, puissance, sapience, bonté, vne Trinité non diuisee. Dieu, Seigneur, Paraclet, c'est à dire, Ad-uocat & Consolateur. Engendrant, engendré, regenerant. D'un seul sont toutes choses. Duquel, par lequel, & auquel est le tout. Vn de soy, vn d'un, vn de deux ensemble. Estant par soy, étant d'un autre. Le Pere, le Fils, le saint Esprit. Le Pere, le Verbe, & le Consolateur & Paraclet, vne essence, vne vertu, vne beatitude: duquel, par lequel, & auquel toutes choses qui sont bien-heureuses, ont le comble de leur bon heur. Et que ces trois personnes ne sont qu'un mesme, vne nature, vne puissance, avec lesquels & par lesquels il a produit & créé ensemble les puissances Angeliques, & ce monde vniuersel, lequel auparauant n'auoit pas esté: & d'auantage, tout ce qui se presente à la veüe pour estre regardé, tout ce qui est poussé & meu par la vertu de l'ame, & aussi ce qui n'a point d'ame. Que ce que nous auons dit suffise, touchant l'origine diuine, & la sublime dignité & excellente nature de nostre Seigneur Iesus-Christ, prince & auteur de la religion & foy que nous tenons. Car quel parler pourroit estre assez suffisant à bien expliquer vne matiere si haute? Ce que tesmoigne aussi le diuin oracle, disant: Qui sera celuy, qui pourra au lóg & exactemét racóter la generatió de Dieu? Car il n'y a personne, qui puisse bié cónnoistre le Pere ainsi qu'il faut & parfaitemét, sinó le Fils, ny pareillemét le Fils ne peut estre assez bien cónnu par autre, que par le Pere, qui l'a engendré. Auquel le Pere parlát, en la creatiό de cest vniuers (ainsi qu'en fait foy l'ancien escriuain Moyse) dist tels propos: Faisons l'homme à nostre image & ressemblance. Et à la verité tous les Patriarches, qui ont esté estimez aux premiers temps estre les plus excellens en vertu & pieté enuers Dieu, comme Abraham, Moyse: & encor tous ceux, qui par chágemét de meurs sont deuenus iustes deuát & apres eux: les prophetes aussi & tous autres personnages plaisans & agreables à Dieu, voyans & contemplant des yeux de l'esprit clairement & sycerement le susdit fils de Dieu, l'ont congnú de loing, & luy ont porté tressouuerain hōneur & dilectiό, cōme à celuy qui estoit le vray & naturel fils de dieu. Luy d'autre costé remunerant & recompensant telle foy & creance, leur a augmenté & donné plus parfaite & certaine congnoissance de son pere & de soy mesme. Aussi est ce vn point ancien & tenu comme pour oracle, qu'il n'y a eu aucun de ceux, qui anciennement ont pleu à Dieu, lequel soit mort, sans auoir eu foy en Iesus-Christ. Ce que lon peut colliger par cōiecture des diuisions diuerfes, dont il a gratifié les vns plus, les autres moins, selon la portee d'un chacun. Et de fait lon croit qu'il s'est apparu par plusieurs fois en forme d'homme à Abraham: & à ceux qui sont descendus de luy, quelques fois par soy mesme, d'autres fois par les Anges ses ministres, admonnestant par ses oracles & responses ceux ausquels il apparoissoit, & leur donnát enseignemés treshós & tressalutaires. Ce que chacun peut aisemét estimer & croire, parce que ce n'est pas la coustume de la sainte escriture, d'appeller vn Ange Seigneur ou Dieu, ains seulement du nom simple & nud d'Ange: mais quand il est question que c'est Dieu mesme, duquel il est parlé, elle l'eleue, loüe, & luy donne tousiours des noms grands & excellens, en le reclamant ouuertement Dieu & Seigneur. Suffise dōc au lecteur ce que j'ay dit en peu de paroles, que le Verbe, lequel nous reuerós & adorós, a esté & est eternal, & plus ancien que tous siecles & aages, & qu'au temps passé il s'est apparu en mysteres aux vieux peres, si non à tous, du moins toutesfoiς à quelques vns d'entre eux.

*Iesus Christ  
fils de dieu,  
a esté cōgnú  
par toutes  
gens de bié,  
depuis la  
creation du  
monde.  
Iesus Christ  
s'est apparu  
aux saints  
peres.  
Genese 18.  
s. Iustin  
traicte cecy  
fort bié &  
apertement  
en son  
Tyrphon.*

*Pour quelle cause nostre Sauueur Iesus-Christ, n'a pas voulu prendre chair humaine,  
plustost qu'au dernier aage des temps: & de son regne perpetuel  
& sempiternel. Chap. III.*



Ne se faut il point emerueiller de ce que Iesus-Christ ne s'est pas voulu donner à congnoistre long temps a au parauant à tous hommes & nations, comme il a fait de present: Car sa doctrine, qui est la plus consommee & parfaite de toutes, & trefaccomplie en toute sorte de sapience & vertu, n'estoit pas du tout apte, commode, ny conuenante à la vie & façon de faire des hommes du temps iadis. Parce que incontinent dès le commencement, le premier homme, auteur de toute nostre race, lequel auoit receu de Dieu vne vie bien-heureuse, non corruptible, ny subiette à vieillir, ayant peu de souuenance du commandement qui luy auoit esté fait, changea la vie immortelle à vne vie assubiettie à mort. Et ceux qui sont issus de luy, beaucoup pires, vn ou deux exceptez, ont tous mené vne vie agreste, sauuage, & quasi bestiale, comme gens conduicts & gouuernez par leur seul appetit sensuel, qui les maistrisoit. Parquoy tels hommes n'edifoyét point de villes, ny ne tenoyent compte de renger & façonner leurs esprits à bonnes meurs, par le moyen des arts, doctrines & sciences: encor se retiroyent ils arriere, de l'obseruatiό des loix, du cult & reuerence deués à Dieu, bref de toutes œures de iustice: de sorte que la vertu & philosophie n'estoit pas congñue d'eux, voire mesmes quant au nom: mais ils

*Pourquoy  
Iesus Chr:st  
fils de Dieu  
ne s'est pas  
doné à con-  
gnoistre  
aux pre-  
miers hom-  
mes si claire-  
ment com-  
me à nous.  
Cheute de  
nos pre-  
miers peres.  
Rudeſſe &  
malice des  
hommes du  
premier  
aage.*

# LIVRE I. DE L'HISTOIRE ECCLESIASTIQUE

viuoient à la façon des Nomades, errans par les bois, & corrompans ce peu d'inclination à la raison que nature auoit en eux planté, s'addonnoient à tout peché & malice, selon que leur liberal arbitre, desfreigné, les y conduisoit: & n'auoient aucune crainte de faire toutes les meschancetez dont ils se pouuoient aduiser: de sorte que telle fois estoit-il qu'ils s'esleuoient en armes l'un contre l'autre, iusques à se battre & s'entretuer: autre fois ils commençoient de faire guerre à Dieu: & estoient bien si hardis, que de faire des rempars, munitions & murailles à l'encontre du ciel, iusques à y toucher de la teste: quoy faisant, en fin ils prouoquerent & emeurent tellement la force inexpugnable & puissance diuine contre eux, que, pour chastier tout ensemble & reprimer leur temerité par trop rude, & obuier à leur dessein inutile (comme si c'eust esté vne forest pernicieuse couuerte de quelque herbe nuisante, esparse, par la terre vniuerselle) le

*L'homme abõdamment docte, à la confusion  
Des langues, au deluge, & à l'effusion  
Des feux tombans du ciel comme pluye subite,*  
*Ny mesme ayant la loy en deux tables escrites,  
Ni esmeu de l'oracle es prophetes comprins,  
N'a peu chasser peché, auquel premier fut prins.*  
*Gregoire Nazianzene.*

*Le Verbe  
& fils de  
Dieu de fois  
à autre a  
osté & net-  
toyé la ma-  
lice auen-  
glee des  
hommes.*

*Loy donnee  
par Moÿse,  
aux Iuifs  
successeurs  
d'Abraham.*

*Le Verbe  
& fils de  
Dieu, saint  
homme.*

*Oeconomie  
de Iesus  
Christ en ce  
monde.*

Seigneur Dieu entreprit de chastier telle insolence, tantost par vn grand deluge d'eau, tantost par feux horribles tombés du ciel, aussi druz que pluies, tantost par coups de foudre cruels & inhumains, mettant à neant & esteignant totalement leur impetuosité violente de leur malice. Et pour lequel inique & importun effort à mal faire, renuerfer, il s'est serui pareillement de famine, pestilence, & plusieurs sortes de guerres: & purgea avec ceste si grande peste des esprits (si i'aue ainsi l'appeller) laquelle gastoit tout sans qu'il s'ensuiuit de punition, & prenoit accroissement tousiours de plus en plus. Donc apres que si grãde malignité & aggrauement de tous vices eut gagné presque tous les hommes, enyurez si pauurement d'iceux, qui leur auengloyent entierement les esprits: le tresbon Verbe de Dieu, contrainct & forcé par la grandeur de sa propre bonté, ayant prins forme humaine (parce que, si autrement il eust fait, il n'eust pas esté en la puissance de l'homme, de le pouuoir regarder ny veoir) s'est exhibé & montré en quelques endroicts à peu de personnnages (qui du temps passé estoient recommandez à cause de leur pieté & amour enuers Dieu) maintenant par la loy de nature, maintenant par l'aduenement & presence des Anges, quelque fois aussi par soy mesme apparoißant secretement & sous l'ombre & manteau d'aucunes choses. Mais apres auoir ietté par ce moyen (pour s'estre apparu à si saints personnnages) assez de semence de pieté, amour & cult de Dieu en plusieurs homes, & qu'iceux addonnez à honorer Dieu, peu à peu, de iour en iour, & de plus en plus s'assembloient en vn corps, & donnoient à congnoistre qu'ils estoient fondez sur Abraham, comme vn reietton s'assure à sa racine: il a donne la loy à ceste gent (qui & d'ancienneté & depuis peu de temps auoit esté bien duité à bonnes meurs & vie meilleure) par Moÿse, comme par quelque Capitaine & seure guide à leur acheminer à vne plus excellente pieté & veneration de Dieu: luy monstrant & apprenant des symboles, signes, figures & images du sabbat & de la Circoncision, & quelques autres elemens ou principes des conseils & contemplations diuines, & avec ce d'autres ceremonies mystiques, non celles qui sont euidentes & claires, mais obscures, legeres & seruâtes d'ombrages. Mais depuis que la loy vne fois diuulgee, les hommes ont esté d'une vie dure & aggreste attirez à humanité & douceur, & que s'estudiâs à la philosophie, commencerent à auoir amitié & conioction mutuelle en recommandation, & hanter familièrement l'un avec l'autre (vñs de la loy ainsi que d'un pedagogue & docteur, & s'instruisans en icelle, pour se conduire & renger par elle comme par vne droite reigle) & qu'aussi principalement la congnoissance plus ferme & assuree de Dieu le pere, a prins racine en eux, de sorte qu'ils ont esté apres & idoines à receuoir vne quasi semence plus grande de la congnoissance de Dieu: alors le mesme Verbe de Dieu, n'ayant aucun commencement, & precedant tous siecles, lequel au parauant auoit ietté la semence de vertu (parce qu'autrement ne se pouuoit faire, que le genre humain feust deliuré de l'abomination, execration, cheute & calamité siennes, causées du peché d'Adam, ny qu'il fut ramené à ceste vie immortelle & heureuse dont il estoit decheu) il a prins es derniers temps, esquels tout le monde estoit sous l'Empire des Romains, nostre nature & condition, se rendant pareil à nous, & en rien different, sinon tant seulement qu'il n'estoit subiet à l'ordure fatale de peché: & a fait & enduré ce qui estoit raisonnable & iuste que Dieu feist, s'estant vestu d'un corps mortel, & voyageant en ceste vie humaine. Enquoy il a montré vne merueilleuse natiuité, surpassant toute opinion & iugement des hommes, avec vne conuersation non accoustumee, nouuelle doctrine, mort, sepulture & resurrection, excédans tout miracle de nature. Toutes lesquelles choses auoyent esté chacune à part predites au parauant & publiques

*Il mit donc bas l'honneur de sa diuinité,  
Luy, qui estoit celeste, & de la deité  
Vif pourtrait, immuable: & nasquit sous loy d'home,*  
*Prenant l'humanité: non pas toutesfois comme  
Tout autre est engendé: mais sa chair nette & sainte  
De la Vierge sortit, qui en estoit enceinte,*  
*Et qui*

» Et qui mere deuint, sans perdre le bon bruiſt  
 » Ny l'effect de pudique. Encor eſtoit ce fruiſt  
 » (Choeſe, qui ſant haute eſt, qu'humain entendement  
 » Ne peut, ſans ſoit il bon, l'entendre dignement)  
 » Dieu & homme mortel. En meſme creature  
 » Enſemble il aſſembla l'une & l'autre nature:  
 » L'une eſtoit euidente, & l'autre ſant couuerte,

*Gregoire Theologien.*

Qu'en ce que Dieu il fut, elle n'eſtoit ouuerte  
 Ny congneue à aucun; mais du tout repugnante  
 Et contraire à la noſtre: d'autant que patiente  
 Fut ſa diuinité d'eſtre au ventre conceu  
 De perſonne mortelle. Il fut donc apperceu  
 Dieu, Chriſt, Oinct, Roy tenant de diuine poiſſance,  
 Et Dieu participant à la mortelle eſſence.

par les diuinations des prophetes. Comme auſſi Daniel, ſe reſſentant de la diuinité, a veu en eſ-  
 prit plus libre & purifié, le regne de Ieſus-Chriſt, Verbe de Dieu, à la fin de ce monde: laquelle  
 viſion il a deſcrite humainement avec telles parolles: Je voyois & regardois, iuſques à ce que  
 les ſieges & thrones fuſſent poſez: & l'ancien des iours ſ'aſſeit. Et racontant de ces faiſts, il dit  
 de rechef: Le iugement ſ'aſſeit avec, & les liures ont eſté ouuerts. Et encor plus outre y a: le re-  
 gardois: & voicy, comme le fils de l'homme venant avec les nuees du ciel, & il paruint iuſques à  
 l'ancien des iours, & a eſté amené deuant ſa veüe. Il luy donna principauté, & force, & le royau-  
 me, de ſorte que tous les peuples, lignees & langues luy feront ſeruice. Sa poiſſance ſera vne  
 poiſſance eternelle, laquelle ne ſe paſſera point, & ſon royaume iamais ne ſera diſſipé ny cor-  
 rompu. Mais à quel autre pourroyent conuenir ces propos, ſinon à noſtre ſauueur Ieſus-Chriſt  
 lequel par l'oracle & prediſtion du prophete a eſté nommé fils de l'homme, à raiſon de ſon  
 humanité, de laquelle prenant chair humaine ſur les derniers temps, il a eſté reueſtu.

*Royaume  
de Chriſt,  
eternel.*

*Daniel. 7.*

*Comme fils  
de l'homme.*

Pourquoy Ieſus-Chriſt eſt dit fils de l'homme, *A cauſe d'Adam, & à cauſe de la vierge, deſquels  
il a participé: de luy, comme du premier pere de tous ſes anceſtres: d'elle, comme de ſa propre mere, par la loy, &  
encor hors de la loy de generation.*

*Coment ces noms Ieſus & Chriſt (qui ſont les noms du Verbe, Dieu & homme enſemble) long temps au para-  
uant, & iuſques à Moſe, ont eſté en grand honneur & eſtime ſymboliquement & ſoubs cer-  
tains indices ou ſignes: & pour ceſte cauſe les Preſtres, Roys & Prophetes ont  
eſté appellez Chriſts, avec quelque ombre ou  
couuerture. Chap. IIII.*



L reſte maintenant à donner à congnoiſtre que ce meſme Dieu & Verbe,  
 eternel & n'ayant aucun commencement, a eſté congnu, non ſeulement  
 du temps paſſé aux bonnes perſonnes & aymeés de Dieu: & qu'iceluy à  
 hanté avec nous corporellement de ſon temps, comme eſtranger, mais  
 auſſi que ſes ſaincts noms & appellations diuines, de *Ieſus*, & de *Chriſt*,  
 ont eſté tenues en trefgrand honneur, non ſeulement par nous, mais auſſi  
 par les anciens Prophetes & Patriarches. Car premierement ce grand  
 Moſe iouiſſant de la veüe de Dieu (lors qu'il institua les images, ſym-  
 boles, & ſignes ſecrets & nouueaux, ſelon la forme & les figures que l'o-

*Le nom de  
Chriſt con-  
gnu par les  
anciens He-  
breux, &  
tenu en  
grand hon-  
neur & e-  
ſtime.*

racle diuin luy auoit enſigné en la montagne) publia ſon frere Aaron Pôtiſe de Dieu: & pour  
 luy donner préeminence, avec louange & honneur plus excellent, il le nomma le Chriſt & oinct  
 du Seigneur: & luy appropria ce nom, louant & faiſant honneur tacitement par certain myſtere  
 à telle appellation, & couurant ſoubs telle ombre ce qu'elle ſignifioit, qui eſtoit vne choſe diui-  
 ne & excellente, ſçauoir eſt, Capitaine & prince. D'auantage le meſme Moſe, inſpiré d'un eſprit  
 diuin, impoſa ſagement le ſurnom de Ieſus au fils de Naué, bien que iamais au parauant n'eût  
 ouy parler de telle appellation: comme à celuy auquel il referoit vn ſouuerain honneur, & plus  
 excellent & parfait, que celuy qui eſt deu à la maieté Royale, attendu que par enſignes &  
 ſymboles, il l'auoit congneu deuoir apres ſa mort prendre l'Empire & gouuernement ſur tous  
 les enfans d'Iſraël. Car Ieſus fils de Naué, a porté la figure de noſtre Sauueur: lequel ſeul apres

*Le nom de  
Ieſus con-  
gnu ancien-  
nement.*

Moſe, & apres la conſommation de la maniere dont il vſoit à reuerer Dieu (qui eſtoit ſymbo-  
 lique, & vnbrageuſe) a prins manifeſtement le regne de vraye & renommée pieté. Moſe  
 donc (comme j'ay dit) faiſant diſtinction des noms de noſtre Sauueur, leſquels il a appelé  
 honorablement, & orné de grandes louanges, a nommé magnifiquement, & non ſans myſtere  
 grand & ſecret, le Pontife & miniſtre des choſes diuines, du nom de Chriſt: & ſon ſucceſſeur Ca-  
 pitaine, & ayant charge du temporel, il a appelé Ieſus. Meſme les autres prophetes, apres luy,  
 donnent fort apertement & notamment le nom de Chriſt à noſtre Sauueur, duquel Ieremie dit:

*Ioſué a figu-  
ré noſtre  
Sauueur.*

*Le Sauueur  
apertement  
eſt diſt  
Chriſt par*

» L'eſprit deuant noſtre face, le Chriſt & oinct du Seigneur, eſt prins en leurs corruptions. Et Da-  
 » uid: Les Roys de la terre ont aſſiſté, & les princes ſe ſont aſſemblez pour conſulter contre le  
 » Seigneur & contre ſon Chriſt. Puis apres il adioute: Le Seigneur m'a dit: Tu es mon fils, ie t'ay  
 » auourd'huy engendré. D'auantage ce nom de Chriſt, digne de toute reuerence, n'a pas ſeulement

*les prophe-  
tes.*

*Thren. 4.  
Pſal. 2.*

# LIVRE I. DE L'HISTOIRE ECCLESIASTIQUE

*Prestres & Roys anciens nement Christs.* avec figure orné d'huile materielle & faictisse ceux qui estoient honorez & avancez en l'estat de prestrie, mais les Roys aussi. Car ceux, qui en auoyent la charge, les oignans du diuin esprit, ils les faisoient Christs avec leur onction, ce qui estoit vne image & representation de l'auenir: d'autât qu'en la personne des Roys y auoit quelques formes & figures, qui representoyent le vray regne & puissance superlatiue de Iesus-Christ, nostre Sauueur. Plus no<sup>r</sup> auôs eu cōgnoissance par l'instinct & inspiration du saint Esprit, que quelques vns des prophetes ont esté Christs: parce qu'il n'y a aucun d'entre eux, qui n'ait figuré & représenté le Christ Seruateur, vniue Pontife de tous, Roy de toute creature, & seul prophete des prophetes. Ce qui nous est tresapperement monstré, par ce que nul de tous les Pontifes, Roys, & Prophetes, qui par similitude ont esté oincts & honorez de ce beau nom, n'a delaré ou monstré par effect si grande force & puissance de vertu diuine, que nostre Seigneur Iesus, à la verité & reellement: Christ, auquel elle estoit propre & naïue. Aussi n'est il auenu à pas vn d'entre eux tous, de surnommer (de ce nom figuratif & vmbrageux) Chrestiens ceux, qui se sont soumis & rendus subiects à eux: combien que neantmoins tels soyent paruenus à haut degré d'honneur & louange. Ioinct que nul apres sa mort a esté tant reueré, & honoré, que pour la tuition de son nom, quelques vns, de leur propre gré & vouloir, ayent tenu si peu de conte de leur vie, que de vouloir faire vn eschange à la mort, plustost que de le renier. Au surplus, depuis que le monde est créé, il n'y a pas eu si grand mouuement, ni esbranlement des hommes habitans en la terre, pour quelqu'un des autres, comme pour nostre Christ (c'est à dire il n'y a point eu si grand accourement & assemblément de gens pour aucun des prophetes que pour Iesus-Christ) Aussi la grande puissance, qui a esté veüe & congneüe en nostre Sauueur, donne tresmanifeste approbation, & declare assez, qu'il ne se peut aucunement faire, que la force & vertu de la similitude & figure mette autant de choses en effect, comme l'exhibitio & representation de la verité mesme en pourroit faire. Car luy n'ayât receu de personne aucune chose de celles que l'on estime estre magnifiques & excellentes, ny qui peut estre estoit descendu de la race des prestres, & eleué en dignité Royale par l'ayde de quelques richesses mondaines, ny ne s'estoit manifesté prophete en la maniere qu'ont fait les anciens, ny n'auoit esté constitué en quelque degré d'honneur par les Iuifs, & que de soy mesme il eut receu tout de son Pere, selon la verité, & non pas par enseignes ou figures: si est ce toutefois qu'il a esté annoncé & déclaré Christ principalement & par dessus tous les autres: & a communiqué au monde vniuersel, qui est habité, non son surnom seulement, mais quand & quand ses enseignemens saints, dignes de toute reuerence & hōneur, avec ses mœurs diuines, & louable façon de viure, monstrât, non les vmbres, enseignes ou figures des choses tresbelles & bonnes, comme il auoit esté fait au parauant, mais les vertus mesmes euidetes, manifestes & vrayes: & laissant à ceux qui commençoient à faire leur apprentissages en sa religion, exemple d'une vie hautaine & celeste, avec les preceptes de verité: luy, qui estoit le mesme & tres-vray Christ, & Verbe de Dieu tresparfait: lequel naturellement estoit oinct d'un esprit non baillé par les hommes visiblement, comme furent les autres, mais du tout celeste & diuin. A quoy le dire d'Esaye donne foy & approbation fort certaine, qui est telle: L'esprit du Seigneur dessus moy, parce qu'il m'a oinct & ce qui ensuit. De rechef, ce que dit Dauid, le prophete diuin: Pource le Dieu, ton Dieu t'a oinct & sacré de l'huile de liessé plus que tes compagnons. Auquel passage il monstre assez & décrit aussi, qu'il est beaucoup plus excellent que ceux qui auoyent esté oinct sous figure de luy. Dauid mesmement dit en vn autre lieu: Tu es sacrificateur & prestre à perpetuité, à la forme, & selon l'ordre de Melchisedech. Or celuy qui est introduit en ce lieu, n'est pas oinct d'huile faicte de main d'homme, pour le seruice des sacrifices, ny n'appartient en aucune sorte à la prestrie des Hebreux, les sacrificateurs desquels estoient solennellement escripts & denombrez en vn roolle, suyuant la continuation & entresuite de race concatenee & assemblee par ensemble. Parquoy nostre Sauueur a esté publié par serment qu'il a receu Christ & Pontife selon l'ordre de Melchisedech, & non à la façon des autres, qui en auoient les enseignes, formes & figures. Donc si quelqu'un en lisant, veut diligemment & de pres obseruer les histoires, il trouuera, que ce Christ n'a pas esté oinct corporellement, ny n'est descendu de la lignee des prestres: comme celuy qui a obtenu de Dieu son pere, auant la creation du monde, de toute eternité, & pour toute eternité, vne prestrie sempiternelle & durable à iamais pour vn singulier don & hōneur souverain. C'est aussi vn signe & apparence nō moindre, que ceste onction n'est pas corporelle, mais escheue diuinement: que par toutes les côtres de la terre, les Barbares & Grecs ensemble l'appellent Christ, seul entre tous. Et ceux, qui depuis le temps de sa natiuité iusques iourd'huy croyent en luy, le reuerent & adorent autant que vray Dieu, Roy, Pontife vniue de

*Roys des Chrestiens en Christ* . . . Nostre Sauueur est appelé Christ ou Oinct, à cause de sa Deité: Car l'onction mesme est de l'humanité, non pas une force & vertu le sanctifiant, comme les autres Christs: mais la presence de tout celuy qui oinct. De laquelle onction l'ouurage est, que l'homme oye celuy qui oinct: & que ce qui est oinct, soit fait Dieu.  
Au 2. sermon Theol. du Fils.

Dieu,

Dieu, & Prophete : tellement que ceux qui de luy ont prins le nom de Chrestiens ( qui est vne chose surpassant le parler & raison des humains ) ont ceste opiniõ enracinee en leurs esprits, qu'il le faut auoir en reuerence & honneur, non seulement de bouche & de paroles, mais aussi de toute affection de courage, iusques là, que facilement ils se proposent & deliberent fermement, de mettre en danger & exposer à tous hazards leur ame & vie, pour la defense de son nom.

*fort viue  
& grande.*

*Comment la doctrine de Iesus-Christ, & la vie Chrestienne, telle que l'Euangile l'ordonne, a esté dès le commencement du genre humain, & a eu lieu & vigueur anciennement à l'endroit des hommes saints & aymez de Dieu: ce que mesme Abraham a déclaré, estant iustificié, au moyen de sa foy, auant la Circoncision. Chap. V.*



Auantage, il m'a semblé estre raisonnable d'asseurer & maintenir que la doctrine de nostre Sauueur n'est pas nouuelle, ny instituee en ces derniers temps, par quelqu'un qui fut le moins du monde plus excellent que plusieurs, mais plustost qu'anciennement & dès la premiere source & creation des hommes, elle a esté fort bien autât que dire se pourroit traittee en la loy de nature, par bons & iustes personages aymans Dieu: & que la condition d'icelle doctrine, avec les enseignemens à pieté & religion, a esté congneue egale en temps à la production du genre humain, & non pas qu'elle ait esté inuentee & excogitee n'y a pas long temps. Quant est de moy, il est apparent & manifeste que nous sommes franchement & de nouveau nom appelez Chrestiens, & qu'auons acquis ce tiltre d'honneur, quasi du iour d'hier ou d'auant hier. Au surplus ie mettray peine tant que ie pourray, de monstrier que la gent renommee qui en la recongnissance de l'apparition & descente de nostre Sauueur, cy bas, s'est augmentee de sorte qu'elle n'est pas petite, ny enclose ou limitee en certain bas lieu, ou ferree en quelque coing du monde, mais qui a quasi gaigné & occupé la terre vniuerselle, qui pourtât pour la pieté & amour qu'elle porte à dieu, que pour le secours & support qu'elle aura de luy, sera tousiours inuincible, sauue & saine: a esté conformee long temps au parauât à l'exemple & patron de celui, au nom duquel elle se fortifie & vante: & s'est accordee aux mœurs & ordonnances d'iceluy. Ce qui est aduenu à vn prophete, à sçauoir Esaye, lequel illustré de l'esprit diuin, a veu tout ce qui en deuoit aduenir, & comme estonné & espouenté en sa pensee l'a predit & annoncé. Qui a ouy (dit il au 66. chap.) telles choses? & qui les a ainsi veues? Si la terre a enfanté en vn iour, & la gēt a esté engendree en vn coup? Puis il monstre qu'une appellation & surnom luy sera donné, disant: Vn nouveau nom sera imposé à ceux qui me feront seruice, lequel sera beny en la terre. Quant à la nation des Hebreux, sans doute elle est digne d'estre reuerce, attendu qu'elle est fort recommandable, pour raison de son ancienneté. Les liures des Historiographes portent tesmoignage qu'en icelle nation y a eu des personages, iacoit qu'en petit nombre, grands en l'amour de Dieu, en iustice, & toutes autres vertus, & deuant, & apres le deluge vniuersel du monde. Entre iceux Seth & Enos, & autres: Noé aussi, avec ses enfans, neveux, & sa posterité. Abraham pareillement a esté de ce conte, lequel les Hebreux, se glorifiant, disent par vanterie estre leur pere. Aussi en sont tous ceux qui sont yslus de sa race, & ont r'apporté ample tesmoignage de leur iustice, religion & pieté enuers Dieu. Que si quelqu'un veut de conte fait retourner depuis Abraham, & le temps qui a suiuy Abraham iusques au premier homme: il trouuera des Chrestiens, desquels l'escriure fait mention, sinon de nom, du moins par effect. Car ils se sont estudiez & donné peine aussi bien que nous, de faire mettre à execution tout ce que le nom de Chrestien comprend: sçauoir est, d'auoir la congnoissance de la foy & doctrine de Iesus-Christ: de s'addonner à sobriété, temperance, & iustice: de continuer virilement & d'une mesme suite à mener vne vie sainte & vertueuse, & de persister & demeurer en tout & par tout ferme, stable, inuincible & sans peur en la profession de pieté enuers Dieu. Car ils tenoyent assez peu de conte de la Circoncision, ny ne faisoient pas grand cas de la ceremonie des Sabbats & iours de festes: aussi se foucioient ils peu de l'obseruatiõ & du choix des viandes, & de la difference des autres choses, lesquelles Moysé instituant premierement, cõme en seigne & figures, auoit donné à ses successeurs de main en main: encor mesme ne nous a point esté imposee loy, par laquelle necessité no' fust d'observer & garder toutes choses. Mais ils ont bié esté certioez & ont tenu pour arresté que Christ, qui est Dieu, a esté veu par Abraham, qu'il a donné responce à Isaac, & deuisé avec Iacob: & apres qu'il a tenu propos avec Moysé, & avec quelques autres prophetes, qui ont esté apres luy: cõme aussi les escritures saintes le donēt assez à cõgnoistre. Et pour ceste cause il les a bien daigné faire tous participas aucunemēt d'une obscure & legere appellatiõ de son nom: suyuant le dire de luy mesme, par la bouche du prophete Dauid: Ne touchez point à mes Christs. Et encor: Et ne faites mal à mes prophetes, tellemēt q' maintenāt on peult sommairemēt dire & cõclure, que la pieté, amour & religiõ, qu'auons monsté Abraham auoir eu anciennemēt enuers

*Le nom des  
Chrestiens a  
esté fait de  
l'apparitiõ  
de Christ:  
mais la pro-  
fessiõ Chre-  
stienne est  
dès le com-  
mencemēt du  
monde.*

*La foy &  
professiõ de  
l'homme  
Chrestien en  
quelles cho-  
ses consiste.*

*Ceremonies  
& coustu-  
mes du  
vieil testa-  
ment, ont  
esté l'ombre  
& figure  
d'autres  
choses.  
Christ con-  
gne par les  
anciens.  
Psal. 105.*

Dieu, n'a point esté autre que celle que naguères Christ luy mesme a semé parmy tout le monde, par la doctrine qu'il a laissée. Et à ceste raison ne nuit en rien que lon pourroit dire qu'Abraham long temps apres qu'il eut congnu & aymé Dieu, a receu la Circocision. Car c'est chose approuvée par le tesmoignage de l'écriture sainte, qu'au paravant la Circoncision il fut iustifié par le moyen de sa foy. Cela nous est affermé par ce qui est dict: Abraham creut à Dieu, qui luy imputa cela pour sa iustice. Au reste, le diuin oracle (qui estoit le Verbe de Dieu Iesus-Christ) s'apparut à luy n'estant encor .: circoncis, & luy parlât de ceux qui à l'auenir deuoyent estre iustifiez en la sorte qu'il l'auoit esté, dist ces mots: En toy toutes les nations de la terre seront be-neites. Ce qui apparroit assez auoir esté consommé & accomply en nous mesmes. Car tout ainsi que luy estant iustifié par foy, laquelle il auoit au Verbe de Dieu qui s'apparoissoit à luy, il l'a honoré & reueré, non avec les ceremonies de la loy de Moysé, mais par actes de vertu, apres auoir changé la vie qu'il menoit au parauant, & delaisé la religion de son pais, & reietté toute profession de pieté sur le seul gouverneur & seigneur de toutes choses Dieu le createur, aussi est il assez manifeste & euident, qu'au temps qui court, la mesme façon de seruir Dieu est en v'sage aux Chrestiens seulement, par toute la terre: De sorte qu'il n'y a rien qui empesche de colliger & conclure que nous Chrestiens, & tous ceux qui du temps passé ont vescu selon les commandés de Dieu, ne differés en maniere de viure, ains qu'elle est vne & semblable & qu'aussi nostre façon de faire n'est nouvelle ny estragere: mais (s'il faut parler encor plus librement) que le cult de Dieu, qui est de par Iesus-Christ, est le premier seul & vray: & que iadis on luy portoit tel le reueréce, non si grande toutesfois ne si aperte qu'est celle d'appresent, laquelle à l'instar d'un flambeau plus luisant, rend clarté par tout l'vniuersel.

Forme de  
iustificatio  
en Abrahā

Pieté & re  
ligion Chre  
stienne plus  
ancienne de  
toutes au-  
tres.

.: Circoncis) Ceste foy, qui est au preuce, conioignant la fin au commencement, a esté faite la premiere & derniere: Car auant la Circoncision, elle estoit en Abraham, & aux autres iustes personnes qui ont pleu à Dieu. Et de rechef en ces derniers temps est engendrée au genre humain par l'aduenement de nostre Seigneur, Irenee, liure 4. chap. 42.

Histoire breue, declarant en peu de paroles le fait des Hebreux, iusques à Herodes l'estrange, qui tint le Royaume des Iuifs. Laquelle histoire donne l'exposition de la prophetie, qui est telle: On n'aura pas defaut de prince de la race de Iuda, ny de Capitaine venant de sa part, iusques à ce que celuy vienne, à qui il est gardé, lequel sera l'attente des Gentils.

Gen. 49.

CHAP. VI.



R puis que ainsi est, & qu'il estoit necessaïre de dire ce que dessus, auant que passer outre, ie commenceray cy apres mon histoire depuis l'appari-tion de nostre Seigneur selon la chair, comme celle qui me fera guide bien-heureuse & portant bonne rencontre: & à fin que ne fouruoie du chemin de verité, ie prieray le mesme Verbe de Dieu, n'ayant aucun commencement, qu'il vueille estre mon ayde & ouurier principal en la conduite de ceste histoire, qui est entreprinse pour luy. Mais auant que d'en-trer en propos, ie rechercheray la chose de plus loing. La nation des Iuifs, cōme dit a esté, au parauant que la diuine prouidēce luy eust estably pour

Inuctaire  
& abbrege  
de l'histoire  
des Iuifs.

Capitaine & gouverneur Moysé, estoit aucunement libre & maïstresse de soy mesme, & se glo-rifiait en la race d'Abraham le iuste, & son ayeul, passa tous autres peuples en ce peu qu'elle pou-uoit auoir de congnoissance de Dieu. Icele estant venue en Egypte par le moyen de Ioseph, de-meura là serue & esclauē l'espace de quatre cens ans. De ceste captiuité Moysé la retira, lequel auoit si grande vertu & pouuoir à faire miracles & signes merueilleux par dessus la capacité & portee de la nature, que mesme il auoit cest heur & auatage de deuïser avec Dieu, & luy deman-der conseil & aduis de ce qui estoit à faire. Il a donc gouverné ceste gent, & comme Roy & grād sacrificateur ensemble il a eu sur elle autorité & iurisdiction: Toutesfois quant aux affaires sa-crees, Aaron en a eu depuis la charge: ceste charge & office luy estant baillee par Moysé qui estoit son frere. Apres Moysé, Iesus fils de Naué entreprint la conduite & administration du tout: Puis les princes, qu'on appelloit Iuges, ont gouverné les affaires des Iuifs: lesquels ont e-sté douze en nombre, subrogez d'ordre par successions au lieu des morts. Mais les Iuifs se mes-contentans d'estre regis & gouvernez de telle sorte, ils demanderent avec grande instance qu'on leur creast vn Roy. Et fut Saul oinct Roy le premier par le Prophete Samuel, suiuant le com-mandement que Dieu luy en auoit fait, parlant à luy. Dauid succeda à Saul, & à Dauid, son fils Salomon. Puis les autres Roys sont venus apres par ordre, iusques au nombre de vingt-quatre: lesquels ont eu l'administration des affaires des Iuifs, par le temps & terme de quatre cens quarante huit ans. En apres Nabuchodonosor, Roy de Babylone, ayant entrepris vne expé-dition de guerre à l'encontre d'eux, & la ville de Ierusalem: & la ville & le temple furent do-struits & renuersez, & le peuple mené captif en Babylone, où il demeura en seruitude par l'espace de soixante & dix ans.

Captiuité  
des Iuifs en  
Babylone.

Auant



Autant en auoyent enduré au-parauant les Chaldeens ou Babyloniens par la puissance des Medes, comme ils en feirent souffrir aux Iuifs: car les Medes leur ayans fait la guerre, les renegerent à telle raison, qu'ils occuperent sur eux autorité & puissance Royale, & les tindrent sous le ioug par l'espace de trois cens ans ou enuiron. Or aduint que Cyre, Roy des Perles, ayant vaincu & opprimé en guerre le dernier Roy des Medes, nommé Astyages, transporta le regne des Medes aux Perles: lesquels ayans iouy de l'Empire non moins de deux cens vingt années, iusques à Daire Arsân, furent en fin desemparez & despouillez d'iceluy par Alexandre de Macedone. Lequel, ayant redigé cest empire en forme de Monarchie & souueraineté, & apres que par l'espace de douze ans il eut executé de grandes entreprinse pour le fait de la guerre, mourut en la fleur de son aage, & .i. laissa l'administration de son Empire aux Macedoniens ses amis, desquels vne partie en estoient surnommez .i. Ptolemées. Ceux-cy, s'entresuyuant par ordre l'un apres l'autre, iusques au nombre de treize, ont tenu le Royaume des Perles, par le temps & terme de deux cés quatre vingts & treize ans. Au surplus Arsâces de Parthe dressa vne armée pour faire guerre à Ptolemée le dernier, qui pareillement estoit appelé Denis, pere de Cleopatre, en laquelle aussi dernière faillit le regne des Macedoniens sur les Egyptiens: & donna l'Empire des Perles à la nation des Parthes. Peu de temps apres, la seigneurie des Macedoniens tomba en la puissance des Romains. Et à cause du premier Monarque des Parthes, les Rois ensuyuant de ceste nation, estoient surnommez Arsâcides, comme successeurs d'Arsâces; ou venus de luy: lesquels ont regné iusques à Artaban, par l'espace de deux cens soixante & dix ans. Apres lequel Artaban, la race de Chosroé a eu l'administration & charge de l'Empire des Perles: Car Artaxerxes, surnommé le Magicien, pere de Chosroé, ayât assailli Artaban par trahison, ne s'en donnant point de garde, luy osta la vie, & fut le premier d'entre les Perles, qui a prins le Cidare. (qui est vne certaine forme d'accoustremens Royaux, dont est venu que le nom de Magicien est si celebre en Perse) Or est-il qu'Alexandre, fils de Mammée, a regy l'Empire Romain, du temps qu'un Roy de Parthe seigneurioit encores les Perles. Quant est des Iuifs captifs en Babylone, quand Daire le premier, ou bien (comme d'autres ont voulu) Cyre, les eust remis en leur premiere liberté & deliurez de la captiuité où ils auoyent esté soixante & dix ans, ils reparerent leur ville, avec le temple, que Dauid & Salomon auoyent edifié: & s'adonnerent à l'exercice des sacrifices, Religion, & ceremonies du pays, sans vser de puissance & administration Royale (ainsi qu'ils auoyent fait auparavant) laissant la charge de toute leur Republique & maniment des affaires entre les mains de peu, des plus apparens & principaux d'entre eux. Car les sacrificateurs & Prestres eurent le gouuernement de tout: sous lesquels leurs affaires se porterent assez heureusement, comme bien ordonnées qu'elles estoient, iusques à quelque temps. Mais puis apres par succession de temps, se leua & esmeut sedition entre les plus puissans des Iuifs, du temps mesme qu'Antioche Epiphanes quereloit par voye de guerre toute la Syrie à l'encontre de Ptolemée sixiesme. La cause de ceste sedition, estoit telle, qu'il n'y auoit pas vn des principaux, qui voulust s'assuiettir ny porter obeissance à vn autre esgal & de mesme condition que luy. Qui fut cause, que le pontife Onias, apres auoir chassé hors de la ville les enfans de Tobie, demeura le superieur & maistre. Ce qu'eux voyans, ils feirent tant qu'ils menerent Antioche Epiphanes à l'encontre de la ville de Hierusalem: avec ce que long temps auant il auoit arresté en son esprit de ce faire, & ne desiroit autre chose, que d'employer sa puissance, afin de iouyr & se faire Seigneur de leur ville. Il print donc la ville de Hierusalem, sous la conduite de tels guides, & amassa grand butin: mesme il pillâ le temple de Dieu, & mit à neant toute la religion, avec tous sacrifices, oblations & ceremonies, par le temps de trois ans & demy: Il y auoit alors trois cens cinquante & cinq ans passez que le peuple estoit retourné de Babylone. Quant est d'Onias, il se retira par deuers Ptolemée, qui lors auoit querelle avec Antioche: & edifia vne autre ville & temple au finage & pays des Helyopolites, de mesme façon & maçonnerie pareille à celle de Hierusalem. Au surplus, Antioche, enorgueilluy tant que rien plus à force d'excès de lubricité & d'intemperance, met en la teste aux Iuifs de despriser les coustumes & façons de faire de leur pays, leur persuade d'immoler des porcs sur les autels pour sacrifices: de ne circoncir leurs enfans, bref, de chasser & reietter du tout la reuerence deuë à la loy, comme chose de neant. Or auoit il pour son entre-metteur & aide à faire ses meschâcetez, vn certain personnage nommé Bacchides, qui n'auoit rien laissé arriere de ce qui appartenoit à vn homme enragé, meschât outre mesure, & hors du sés. Lequel toutefois fut tué par vn Iuif nommé Matthias,

.i. laissa l'administration) Justin en son 13. liure, parlant de Perdicce, dit: Il diuisa les provinces entre les princes, tant afin d'oster les enuieux, que pour faire que le don de l'empire fust un sien bienfait. En premier lieu, Egypte, & partie d'Affrique & Arabie vint par sort à Ptolemée le premier, & c. Les chronographes dient que le regne des Medes a duré 265. ans: ou bien (comme les autres veulent) 292. & des Perles, 231.

.i. Ptolemées. Ceux-cy) Les chroniqueurs Macedoniens dient que les Ptolemées ont regné en Egypte enuiron deux cens quatre vingts seize ans.

Regne des Assyriens, Medes, Perles.

Autres diés ce daira auoir esté fils d'Ar-san. Justin li. 10.

Regne des Parthes.

Lignée de Chosroé.

Le mot de Magicien, entre les Perles signifie sage.

1. Esdr. 6.

Ce Ptolemée estoit le second qu'on nomma Euergetes.

Cause de notable sedition entre les Iuifs.

Guerres ciuiles des Iuifs.

Aussi dressa il vne idole au temple. Iosephe li. 12. ch. 6.

1. des Machab. 1.

Autrement est parlé de ce Bacchides au 1. li. des Machabees, ch. 9.

Cestuy-cy au li. 1. des Machab. c. 2. est nommé Matthias.

*Tyrannie  
treſor de &  
execrable  
d'Antio-  
che enuers  
les Iuifs.* fils d'Assamoneo (qui estoit l'un des ſacrificateurs, natif d'un village appellé Modeim) qui ſeſtoit mis en armes avec ſes cinq fils: & apres auoir fait ce coup, par crainte qu'il auoit du Roy, il ſeſlongna de luy, & gaigna les montaignes. D'où puis apres il deſcendit avec vne bande de genſ d'armes bien equippez, & ayant donne bataille, emporta la victoire deſſus Antioche, & le chassa villainement & avec ſa grande honte, de la ville. Iceluy comme bon Prince & ſeigneur, commandoit à ceux de ſon pays, & eux de leur bon gré & ſans aucune force, ſ'aſſubiectiſſoyent à luy. Mais cela ne dura pas longuement: car il mourut incontinent, & laissa la ſuperintendence

*Antioche  
Empator.* & charge de toutes affaires à Iudas ſon fils aîné. Ce Iudas craignoit Antioche, car il ſe doutoit bien, qu'il ne ſe deſiſteroit pas de le pourſuyure, & ne le laiſſeroit en repos: Pour auquel tenir bon, il leua vne armee d'hommes de ſa nation: & en premier lieu, ayant enuoyé ambassade à Rome, traita paix & alliance avec les Capitaines Romains. Puis il purgea le temple, &

*Ceſtuy e-  
ſtoit An-  
tioche So-  
ter.* procura qu'il y euſt des vaiſſeaux neufs pour l'vſage des ſacrifices: tant estoit grande & excellente la pieté & amour qu'il portoit à Dieu & à la religion. Ce temps pendant Antioche va mourir: apres la mort duquel, ſon fils (qui auſſi auoit nom Antioche) marcha contre les Iuifs en grande compagnie: & apres auoir donné la bataille, ſe retira en arriere, laiſſant vne partie de ſon armee pour tenir ſiege deuant la ville. En ce ſiege fut veüe & congneüe la proeſſe de Iudas en

*Antioche  
Sedetes.* toutes les eſcarmouches & rencontres par deſſus tous autres: lequel ayant combattu courageuſement, apres auoir mis au tranchant de ſon eſpee pluſieurs des ennemis, fut en fin luy-meſme mis à mort, & avec luy Iean ſon frere. Mais la principauté & ſeigneurie de Iudas, tomba en la main de Ionathas, qui luy estoit auſſi frere: lequel ayant de rechef cōfermé l'alliance & confederation paſſee iadis avec les Romains, d'abondant feit accord & traité de paix avec le fils d'Antioche. Avec lequel comme il hantoit familièrement, ſelon que le droit d'hospitalité & amitié le requiert, il fut mis à mort par Triphon gouuerneur & tuteur d'Antioche, auquel il ſe fioit. Son frere Simon puis apres luy ſucceda au gouuernement des Iuifs: & faiſant tout deuoir d'homme de bien, il ſ'aſſocia d'Antioche, & avec luy porta les armes, avec lequel il alla en armes contre Triphon, qui faiſoit la guerre audit Antioche. Au reſte, apres qu'il ſe fut monſtré vaillant, & que de ſon plein pouuoir il eut aydé à ruiner Triphon en faueur d'Antioche: toutesfois en fin il le congneut n'eſtre paſſant ſon amy, qu'il penſoit. Car il enuoya l'un de ſes capitaines, nommé Cendebee, avec commiſſion de gaſter & piller la terre de Iudee, & de luy amener Simon prifonnier. Mais Simon gaigna le deſſus en toutes les eſcarmouches & batailles que Cendebee, luy venant au deuant avec groſſe armee de pluſieurs mille hommes, entreprit luy dreſſer: & deliura ceux de ſa nation de la violence & enuahiffement des Macedoniens, apres le temps de cent ſoixante & dix ans: & fut créé Pontife & miniſtre des choſes diuines. Mais peu de temps

*Exemple de  
la ſociété en  
guerre, vio-  
lee.* apres il fut mis à mort en un conuiue, par ſon gendre Ptolemee: lequel emprisonna auſſi la femme de Simon, & deux de ſes fils: & ordonna des meurtriers, pour tuer ſon troiſieſme fils, nommé Iean, qui auoit le ſurnom de Hyrcan. Mais luy, ſ'enfuyant hors la ville de Ieruſalem, eſchappa les embuſches de mort, qui luy estoient dreſſees: & ayant eſté fait grand Pontife, au lieu de ſon pere, par droit de ſucceſſion, ſacrifia à Dieu pour luy rendre graces, & marcha contre Ptolemee le plus haſtiuement qu'il peut, afin de donner ſecours à ſes mere & freres, captifs: leſquels

*Exemple  
treſ-cruel  
d'hospitali-  
té & affi-  
mité violée.* Ptolemee, à ceſte occaſion, feit mourir, pour donner faſcherie à Iean Hyrcan, ſon beau frere. D'autre part, Antioche le ieune, eſmeu de courroux à cauſe de la ſouuenance de ce que Simon pere de Hyrcan luy auoit fait endurer, de rechef mene vne groſſe compagnie de gens de guerre à l'encontre de la ville de Ieruſalem: Mais Hyrcan, pour racheter le ſiege de la ville, ayant ouuert le ſepulchre de Dauid, paya à Antioche la ſomme de trois cens talens tout contant. Apres cela, lors que Hyrcan estoit le plus en proſperité, & qu'il ſe voyoit à ſon aîſe, meſmement que de tous coſtez il donnoit ample accroiffement à ſa ſeigneurie, ayant ſes deux fils, Ariſtobule & Antigone, qui avec luy auoyent la charge & gouuernement des affaires de la guerre: incontinent ſ'eſleua contre luy vne treſ-grande enuie des Iuifs, ſes ſuiets, leſquels entreprirent de luy faire la guerre, & de fait marcherent à l'encontre de luy en bataille: mais ils n'y profiterent pas, car ils furent par luy ſi bien menez à la raiſon, qu'ils y reſterent deſconfits & vaincus. Toutes-

fois en fin, apres auoir aſſez heureuſement veſcu, & gouuerné fort bien les affaires de la Republique des Iuifs, par trente trois ans ou enuiron, il paſſa le paſ de la mort, laiſſant cinq fils pour ſes ſucceſſeurs, deſquels l'aîné, Ariſtobule, incontinent changea l'adminiſtration des affaires du peuple de Iudee, & la conuertit & redigea en forme de Royaume: & fut le premier, qui porta diademe ſur ſa teſte, apres quatre cens ſoixante & vnze ans & trois mois, depuis le temps que le peuple de Iudee, deliuré de la ſeruitude de Babylone, retourna en ſon pays. Ceſtuy-cy feit mourir ſa mere de faim: & encor ſon frere Antigone, qu'il auoit grandement aimé.

Quant eſt de la ſorte de l'execution de ces meurtres, ie la laiſſeray deſcrire à Iosephe. Or mourut-il incontinent, n'ayant pas tenu le Royaume plus d'un an entier: & ſa femme deliura ſes freres de priſon, & des liens, auſquels ils estoient tenus captifs: l'un deſquels, nommé Alexandre, qui ſembloit eſtre l'aîné, elle ordonna eſtre Roy: lequel aſſomma & meirà

mort



mort cruellement vn autre sien frere, qui affectoit de regner: & souffrit que son tiers frere viuat, qui s'estoit proposé vne vie oiseuse, & auoit choisy le repos, vesquist sans office ny charge aucune en la Republique. Cest Alexandre, entrant en bataille contre Ptolemee, surnommé Lathure, fils de Cleopatre, se monstra si vaillant & preux, qu'il en r'apporta la victoire: pour laquelle perte Ptolemee, chassé par sa mere Cleopatre, s'enfuit au pays d'Egypte. Finalement Alexandre (ayant fait de griefues iniures & torts excessifs à ceux de la nation, sur lesquels il dominoit, de sorte qu'il en fit prendre iusques à huit cens) attenué de sieure quarre, passa de ce monde, & mourant laissa le Royaume és mains de Saline sa femme, laquelle aussi estoit appelée Alexandre. Au mesme temps ceux de Damas menerent Arete, le Parthien, à l'encontre de Ptolemee, & l'establirent Roy du pays de Cœlesyrie: lequel, ayant eu victoire contre les Iuifs, se retira neantmoins de là, fuyuant les pactions & conuenances passées entre eux. Or auoit la Roine Saline deux enfans masles, lesquels elle auoit engendrez à Alexandre. L'aîné des deux, auquel on auoit mis le nom de Hyrcan, elle esleua en l'honneur & dignité de Pontife, bien qu'il fust paresseux, de peu d'entendement, & mal propre à manier les affaires publiques: à l'autre, nommé Aristobule, qui estoit homme accort, de bon esprit, gaillard de corps, & braue en toutes choses, elle ne voulut quelque office estre donné, mais le laissa sans auoir charge du public. Toutefois puis apres il se proclama Roy, sa mere Alexandre estant affligée de griefue maladie: & ce, à l'occasion de l'indisposition d'elle: & ce qu'il fit, supporté & maintenu de la force d'une bonne compagnie de gens de guerre, l'amitié & faueur desquels il auoit pratiqué, par le moyen d'une grande somme de deniers qu'il auoit amassez. A quoy la Roine Alexandre n'eust le loisir de donner ordre auant quelle trespassa. Apres la mort de laquelle, y eut guerre entre les deux freres: sur les entrefaites de laquelle ainsi que le signe du combat fut donné, la plus grand part des gés de guerre de Hyrcan tourna sa robbe, & se retira du costé d'Aristobule: Qui fut cause qu'Hyrcan fut contraint, malgré luy, de quitter le Royaume à son frere, & viure sans office ny estat. Les affaires estans en ce point, plusieurs commencerent à craindre: & principalement Antipater, pere de Herode, ne se tenoit point trop seur: par ce qu'il portoit inimitié à Aristobule, & estoit intime amy de Hyrcan, & estat venu de race, de la nation des Idumees, il estoit le plus grad & puissant de toute ceste gent, tant en richesses, qu'en toute magnificence. Iceluy donc fut autheur, & mit en teste à Hyrcan de s'adresser à Arete, Roy de Syrie, & luy demander secours pour recouurer son Royaume. Or ce Roy Arete, satisfaisant à la requeste de Hyrcan, l'eust remis en son Royaume & sa ville, si Pompee, faisant la guerre en armenie, contre Tigranes, ne l'eust empêché. Vers lequel Pompee, Antipater & Hyrcan se retirerent, & luy persuaderent de ne tenir contre d'Aristobule, & de se ioindre avec Hyrcan, auquel estoit fait le tort & iniure. Ainsi Aristobule, avec sa femme & ses enfans, est lié & enfermé en prison forte, & Hyrcan remis en son royaume: apres que . . . Pompee eut premierement pillé & destruit la ville de Ierusalem, veu & espié soigneusement & avec bonne inquisition: toutes les choses sacrées & secretes du temple, & imposé tribut aux Iuifs, payable par chacun an à l'Empire Romain. Cela fait, il s'en retourna à Rome, & emmena quand & soy Aristobule & son fils Alexandre, prisonniers, laissant à Scaure le gouvernement de la Cœlesyrie. Quant est d'Antipater, Pompee l'estima estre propre, vtile & duiuant à l'armee des Romains, qui pour lors estoit en armes contre les Arabes, & auoit deffault plusieurs choses necessaires en tel affaire: afin qu'il menast viures & munitios de guerre en leur camp, par le moyen de Hyrcan. Ce temps pendant, Alexandre, fils d'Aristobule, trouua moyen de fuir & eschapper des mains de Pompee: & ayant assemblé quelques compagnies, assez grandes, de gend'armerie, se print à donner fort à faire à Hyrcan, de sorte qu'il le mit en peine, de laquelle il fut deliuré & mis en repos par vn Capitaine Romain, nommé Gabinie, qui

. . . Pompee eut premierement) Pompee a esté le premier d'entre les Romains, qui dompta les Iuifs, & suyuant le privilege de sa victoire, entra dans leur temple. Dont cela fut diuulgué, que là dedans n'y auoit aucun Dieu qui eust image ny figure, que le siege y estoit vuyde & les secrets vains & de nulle importance. Tacite, liure 21.

Mais Gnee Pompee, vainqueur, ayant conquis la ville de Ierusalem, n'attoucha rien de ce qui estoit en ce temple. Ce qu'en premier lieu il fit sagement, comme aussi plusieurs autres choses: car il ne laissa point d'occasion aux enuieux & detraçeurs, de parler mal de luy, mesmement en une cité si soupçonneuse & mesdisante. Aussi ie ne croy pas que la religion des Iuifs, ses ennemis, ait empêché vn si excellent Empereur de faire son plaisir de ce qu'il trouua en leur temple: mais plustost une honneste honte l'en a gardé. Ciceron en l'oraison pour Lucie Flacce.

:: toutes les choses sacrées) Peu de temps apres, Marc Crasse, lors qu'il alloit en guerre contre les Parthes, emporta hors du temple l'argent, auquel Pompee n'auoit pas touché. Iosephe liure 14. chap. 14. Mais ledit Crasse batilla avec son grand malheur contre lesdicts Parthes: car luy, & son fils y demurerent, & quasi toute l'armee. Plutar. en la vie de Crasse & de Pompee.

print Alexandre prisonnier. Ce Gabinie, ayant donné la charge du temple à Hyrcan, commit le surplus du gouvernement en la puissance des principaux & plus apparens de la ville, & diuisa tout le peuple de Iudee en cinq assemblees: par ainsi, les Iuifs, deliurez à la fin de la domination d'un seul, ont esté bien & deuement gouuernez par le commandement des plus apparens & gros personages. Peu de temps apres, Aristobule rompit sa prison, & s'en estant enfuy de Rome, apres auoir amassé vne armee de ceux qui ne s'estudioyent qu'à renoueller les troubles assopis, liura vne bataille fort rude & dangereuse à Hyrcan: auquel les Romains donnerent secours, tellement que Gabinie, qui estoit Coronel de l'armee en l'absence du Consul, vainquit Aristobule, le print prisonnier, & l'enuoya de rechef à Rome captif, avec son fils Antigone. Hyrcan donc & Antipater, en recongnissance de telle aide, ne cessoyent point d'enuoyer assiduellement de l'argent, du froment, des armures, toutes munitions de guerre, & encor avec ce des compagnies de gend'armes au secours de Gabinie, qui auoit assis son camp en la partie d'Egypte, qui est prochaine de la riuere d'Euphrates. Du depuis, Marc Crasse, succeda à Gabinie: & apres Crasse, Cassie fut capitaine de l'armee des Romains: lequel mit à mort tous ceux qui estoient de la faction & ligue d'Aristobule, entre lesquels estoit vn nommé Pitolas: & ce, par la suasion & conseil d'Antipater. Or Antipater print en mariage vne femme d'Arabie, nommee Cypris, de laquelle il eut quatre enfans masles: dont le premier eut nom, Phasaële: le second, fut le Roy Herodes: le tiers, Iosephe: & le quatriesme, Pheroras. Au reste, c'estoit vn homme qui pratiquoit, à force de presens, l'alliance des plus grands & puissans personages: & mesmement (par le moyen de sa femme, qui estoit Arabe) il trouua façon de gaigner la bonne grace & faueur d'Arete, Roy des Arabes: auquel il donna ses enfans en garde, comme vn deposit & gaige craignant qu'Aristobule ne leur feist quelque outrage. Ce pendant Cesar, lors que Pompee s'en fuyoit de Rome en Ionie, deliura Aristobule de prison, luy donnant liberté, & l'enuoya au pais de Syrie: mais il ne peut eschapper, qu'il ne fust empoisonné par ceux qui estoient du party de Pompee: le corps duquel fut (pour lors) enseuely & inhumé en la ville de Melite, & depuis porté au sepulchre de ses Ancestres, par le commandement d'Antoine. Alexandre aussi, fils d'Aristobule, eut la teste trenchee par Scipion, ainsi que Pompee l'auoit ordonné. Quant à sa fille & Antigone son fils, Philippion, fils de Ptolemee, les print en sa maison: qui, surpris de l'amour de la ieune pucelle, la voulut auoir en mariage, & de fait, l'espousa: mais elle fut celle qui luy moyenna la mort: car Ptolemee, son pere, ayant eu la iouissance d'elle sous esperance de mariage, pour l'amour qu'il luy portoit, & afin de la prendre à femme, feit mourir son fils malheureusement: & en outre, pour cause de ce mariage, benignement & de bon cœur entreprint l'office & charge de tuteur & curateur des freres d'elle, à laquelle il fut si bien affecté, qu'il y feit tout deuoir requis en tel affaire. Or quand Cesar, ayant vaincu Pompee, faisoit la guerre en Syrie, & contre le fils de Mitridates, Antipater luy vint au secours: qui se monstra fort excellent es deux points requis en vn grand personnage, quand il se trouue en guerre: car & en conseil & en proesse & dexterité du corps il donna telle preuue de soy, que peut faire vn homme, quelque prompt qu'il soit & parfait en l'vne des choses & en l'autre: de sorte que, pour le bon deuoir que luy & Hyrcan y feirent, Cesar leur donna le droit de bourgeoisie à Rome, de laquelle il les nomma & feit citoyens: & ne luy suffit d'auoir fait cela, mais d'auantage il confirma à Hyrcan son Pontificat & grande Prestrie: & ordonna qu'Antipater seroit procureur general de toute la Iudee: recompensant par ce moyen l'vn & l'autre de leur diligence & deuoir, à le secourir en son affaire. Soudain apres, Antipater establit & nōme pour capitaine ou Duc de Galilee, son fils Herodes, qui n'auoit encor que quinze ans: & vn autre de ses enfans, Phasaële, il met dans la ville de Hierusalem, pour en estre le gouverneur. Herodes donc, dès le commencement de son gouvernement, met à mort Ezechias, capitaine des voleurs: monstrant par cest acte, quelle estoit l'industrie de son naturel: mais apres que Iules Cesar fut tué au Senat, par les mains de Cassie & Brute, Cassie se retira en la Syrie, avec intention de prendre sous sa charge les compagnies de gens de guerre, qui lors estoient pres la ville d'Apamee: où receuant & colligeant le tribut deu par les villes de ceste region à l'Empire Romain, Herodes fut cause de grād gain & profit: de sorte que par son moyen, il en leuoit autant qu'il vouloit. Ce temps pendant, vn nōmé Malliche, incité d'enuie, feit mourir Antipater, pere d'Herodes, par poison: & pour vengeance de sa mort, Herodes, son fils ne luy en procura pas moins, qu'il auoit fait à son pere: car il le feit passer au trenchant de l'espee: mais apres que Cassie fut saccagé & tué à la poursuite d'Antoine & de Auguste Cesar, & qu'Auguste se retira en Italie, & Antoine en Asie (qui estoient les lieux de leur gouvernement) plusieurs ambassades vindrent de la ville de Ierusalem à Antoine, qui accusoyent Herodes & son frere, Phasaële, de ce que laissant tant seulement à Hyrcan, le simple nom de Roy, ils occupoyent, par force, la principauté, & iouissoient comme Seigneurs de tout le Royaume de Iudee. Herodes, à ceste accusation ayant crainte de sa peau, s'adressa à Antoine, & avec ce que Hyrcan moyenna sa paix, par argent il feit tant, qu'Antoine le receut en sa grace. Aussi auoit Herodes (apres le decés de sa premiere femme venue, d'Arabie) prins en mariage Mariamne, niepce de Hyrcan, du costé de sa fille, qu'Aristobule auoit eu d'elle.

*Cassie, Pre-  
teur de Sy-  
rie, chassa  
les Parthes  
du pais de  
son gouver-  
nement. En  
trope li. 6.  
Encor en-  
gendra il  
en elle, vne  
fille appel-  
lee Salomé.  
Egesippe,  
liu. 1.*

*Mariage il-  
licite de  
Ptolemee,  
avec la fem-  
me de son  
fils: & le  
parricide  
qu'il comit  
sur iceluy.*

*Phasaële,  
feit releuer  
es preparer  
les murail-  
les de Ieru-  
salem.  
Mort de  
Antipa-  
ter.*

*Les autres  
diens que  
Mariamne  
estoit fille  
d'Alexan-  
dre.*

Ce

Ce nonobstant Antoine, voyant que de plus en plus on dressoit des complaints à l'encontre d'Herodes & de ses freres, presta tellement l'aureille aux accusateurs, qu'il donna à chacun des quatre freres, vne part & portion du Royaume de leur pere Antipater, lequel pour cest effect il diuisa en quatre seigneuries. Au reste, Antigone fils d'Aristobule, qui fut esleué en la maison de Philippion Minee, apres la mort d'iceluy, & apres que Lyfanius luy eut succédé au Royaume, met en teste à Pacore & Pharnabaze, grands seigneurs de Parthe, & les induit, sous promesse de leur donner mille talens, de le remener en son pays, & ruiner Hyrcan. L'un desquels, sans faire aucun seiour, entre en bon equipage, & donne l'alarme au pays de Iudee: les autres, apres auoir prins Hyrcan & Phasaele prisonniers, rendent à Antigone son Royaume, & le mettent en possession de ses seigneuries. Mais Herodes fut sauué, en l'enfuiant, & se retira à Rome par deuers Cesar: où apres auoir esté loué & recommandé deuant le Senat & l'Empereur, il fut establi & nommé Roy de la ville de Ierusalem. Estant donc de retour de son voyage de Rome, & ayant eu secours de l'armee d'Antoine, qui estoit pour lors enuiron le pays de Syrie, il dressa plusieurs escarmouches & batailles à Antigone, esquelles il estoit viuement soutenu, & le plus souvent repoulsé & contraint de se retirer. Mais quand il eut fait puis apres venir Sosie, l'un des capitaines d'Antoine, avec bonne compagnie: il y eut grande boucherie, de sorte que la ville de Ierusalem fut prinse. Toutefois le temple, & les richesses, qui y estoient, furent gardees & preseruees du pillage: & Antigone, lié, mis es mains de Sosie, qui le mena incontinent à Antoine. Or auoit Herodes tousiours suspecté la noblesse du sang d'Antigone, & craignoit que s'il estoit mené à Rome, & remonstroit à la cour de Parlement le droit de sa querelle, les Romains ne le reietassent, comme estranger, tel qu'il estoit: & rendissent le Royaume de Iudee à Antigone, ou du moins à ses fils. Parquoy il persuada à Antoine (lequel il auoit corrompu & gagné par arget) qu'il seroit bon de faire mourir Antigone. Ceste deliberation arrestee, incontinent on luy osta la teste de dessus les espaulles. Hyrcan aussi, apres auoir esté racheté des Parthes en payant gros serançon, se retira deuers Herodes: qui du commencement auoit fort bone estime de luy: mais apres il le tint suspect, ne sçay pourquoy, & le fit mourir. Il ne restoit plus de la lignee des princes de Iuda, sinon le frere de Mariamne, femme d'Herodes, lequel son beau-frere Herodes auoit fait & créé Pontife & grand prestre, par quelque ruse, comme en luy donnant l'office en garde seulement. Herodes doncques pour s'en deffaire, l'estouffa en vne cuue à se baigner, lors qu'en temps d'esté il se lauait & estuuoit en vn bain: Et par ce moyen il demeura seul Seigneur & Roy de toute la Iudee. C'a esté premierement Antoine, qui de sa propre autorité luy conferma son Royaume. Mais apres qu'il fut esprins du desir de Cleopatre, & enchanté de son amour: & que Cesar Auguste eut vaillamment gagné la bataille encontre luy, au lieu d'Actie, apres laquelle Cesar vint en Syrie: & depuis la mort d'Antoine & de Cleopatre interuenue, Auguste luy-mesme couronna Herodes du diademe Royal: & non seulement le proclama publiquement Roy de toute la Iudee, mais aussi adiouta à ses seigneuries plusieurs autres terres & regions, & luy donna encor la charge de procureur general du pays d'Arabie. Il est bien vray, que la fortune courroucée se vengea bien de l'heureux euement & prospere succès de ses affaires, par les auentures estranges & cruelles qui aduindrent en sa maison: mais il n'est ja besoin de raconter en ce lieu le mauuais traictement que sa femme commença à luy faire, ny comment il arrousa ses mains au sang de ses citoyens, familiares, parens, alliez, & amis. Il suffira d'auoir dit ce que dessus, pour verifier & monstrier clairement & à l'œil la prophetie, qui est telle: Il n'y aura point de deffaut de prince de la race de Iuda, ny de capitaine de son costé, iusques à ce que celuy vienne, auquel il est gardé: & celuy mesme est l'attente des gens. Car il me semble que i'ay assez amplement déclaré, comment les princes & seigneurs, qui ont prins leur origine de la lignee de Iuda, ont eu fin, & comment Herodes, estranger, venu des Idumees, a esté fait & confirmé Roy des Hebreux, lors, c'est à sçauoir, que la prophetie, estant accomplie, a sorty son effect: comme, apres ce discours, allant plus auant, i'exposeray afin d'en donner plus ample congnoissance. Car quand Auguste, apres longues guerres, retourne à Rome, eut mis l'Empire Romain sous la main & puissance d'un homme seul: en l'an quarantedeuxiesme de son regne, lors que l'edict auoit esté publié par tout l'Empire, que chacun portast son denombrement, & fust mis par escrit & enregistré es registres de la ville, du ressort de laquelle il estoit: lors aussi nostre Sauueur Iesus Christ a esté nay d'une façon qui est par dessus toute opinion, foy & créance humaine. Or commenceray-je icy à raconter le plus briuevement que faire se pourra, qui a esté sa mere, & quelle fut la maniere de son enfantement.

*Tetrarchies  
de Iudee.*

*Herodes  
premier des  
estrangers,  
Roy de Iudee.*

*Iosephe dit  
qu'Antoine  
ne fit trécher  
la teste  
à Antigone.*

*Ioseph. li. 14  
ch. dernier.*

*Le royaume  
de Iudee cō  
firmé à He  
rodes par  
Auguste  
Cesar.*

*Herodes fit  
mourir sa  
femme Ma  
riamne, &  
ses amis &  
familiers.*

*Ioseph. li. 15.  
chap. 9.*

*Pourquoy  
les affaires  
des Iuis  
ont esté en  
rees ius  
ques icy.*

*Gen. 49.*

*Prophetie,  
touchant la  
natiuité  
& aduene  
ment du  
Messias ac  
complie.*

*De saint Ioaquim, & de sainte Anne: & de la natiuité & nourriture, au temple, de la tres  
sainte mere de Dieu: & comment elle fut accordée &  
promise en mariage à Ioseph.*

*Chap. VII.*

*B ii)*

Les chrono-  
graphes tie-  
nent pour  
vray, que la  
vierge me-  
re, Marie,  
fut nee le  
quinzieme  
an auant la  
natiuite de  
Iesus- Chr.  
son fils.



On puis que ce grand mystere, surpassant toute nature humaine, deuoit estre parfait & accomply, il falloit necessairement .: equipper & preparer le vaisseau, qui comprinst en soy celuy qui ne peut estre compris. Et pourtant la bien-heureuse vierge Marie a esté trouuee vn digne & bien seant domicile du Verbe de Dieu, laquelle auoit esté vouée & dediee à Dieu, mesme auant qu'elle feust nee & engendree, comme quelque fruit donné d'en haut de deux vieillards, sans delectation charnelle. Les noms de ses pere & mere, estoient Ioachim & Sainte Anne: l'un & l'autre excellens & renommez à cause de leur bonne vie, laquelle soigneusement

ils conformoyent aux ordonnances & commandemens de la loy: & encor tenus du nombre des plus grans personages, & sortis d'une des plus nobles races du pays. Or auoyent ils vescu ensemble iusques à leur vieillesse, sans auoir eu aucun enfant: Car Sainte Anne estoit sterile, & n'auoit sa matrice bien disposee à concevoir & porter enfans. Et voyant que pour raison de sa sterilité, on ne luy faisoit pas l'honneur qui selon la loy estoit deu aux femmes d'apparence qui estoient meres, elle estoit soigneuse & diligente d'assister au temple, & faire prieres & supplications à Dieu, à l'exemple de la mere du Prophete Samüel: & aux fins qu'elle ne feust pas deboutee ny priuee des benedictions de la loy, mais que Dieu luy donnast ceste grace, de luy permettre de deuenir mere: faisant vœu que si cela aduenoit, elle luy dedieroit l'enfant qu'elle mettroit sur terre. Parquoy estant assuree & confirmee par quelque signe caché, que la volonté diuine estoit consentante de luy ottroyer la grace qu'elle demandoit, apres que la pucelle fut yssue du ventre de sa mere, incontinent elle la nomma Marie, declarant couuertement par ce mot obscur, qu'elle auoit receu telle grace de Dieu. Cest enfant n'eut pas si tost laissé la mammelle, que la mere, pour accomplir sa promesse, monta au temple, & le dedia à Dieu, suyuant le vœu qu'elle en auoit fait: & n'auoit encores la fille que trois ans lors qu'elle y fut consacree. Les prestres doncques la receurent, comme vn present tressainct & sacré, qu'elle estoit: & furent d'aduuis qu'il la falloir nourrir en la chapelle plus sainte du temple, en laquelle on serroit les choses plus sacrees, suyuant ce qu'il fut pratiqué en l'ancien Prophete Samuel. Parquoy elle viuoit au lieu plus saint & secret du temple, comme vne pucelle diuine, entiere & tressainte. Mais apres que l'entresuite du temps luy eut donné accroissement de corps, les sacrificateurs meirent en deliberation entre eux, comment ils deuoyent disposer & faire d'elle, afin qu'ils ne feussent veu commettre quelque chose contre son corps saint & sacré autrement que bien & à point: Car ils estoient du tout arrestez en ceste opinion, qu'ils commetroyent sacrilege, si par leur moyen elle estoit coniointe à vn homme, quiluy feust mary, & s'ils mettoient sous le ioug & seruitude des loix de mariage celle qui auoit autrefois esté dediee au seruice de Dieu. D'autre part, ils pensoient bien qu'il n'estoit pas permis par la loy, & voyoyent aussi que ce n'estoit chose honneste ny belle, qu'une sienne fille, estant en telle fleur d'age, hantast ainsi es lieux plus sacrez & saints du temple. Ayans donc par plusieurs fois deliberé meurement de cest affaire, par inspiration diuine, telle resolution leur fut donnee sur ce doute, qu'ils la donnassent en garde, sous le nom & tiltre de femme espousee, à quelcun, qui feust bien affecté à se trouuer & assister diligemment au temple de Dieu: & qu'il deuoit estre tel, auquel on peust donner bien & seurement la charge de garder la virginité d'une ieune pucelle. Or ne peurent ils trouuer vn autre homme, qui leur semblast plus suffisant & commode à contracter telle conionction de mariage sans accomplissement d'œuvre charnelle, que le bon vieillard Ioseph: comme celuy qui luy touchoit de bien pres, à cause de parenté & race, par ce qu'ils estoient de mesme lignee: & d'auantage, dès long temps il auoit acquis la reputation d'homme .: de bien & fidele, tant à cause de sa vieillesse, que pour son honnêteté, bonnes mœurs & preud'homme.

1. des Rois,  
chap. I.

Marie, c'est  
à dire, illu-  
minee, ou  
illuminatri-  
ce, ou illu-  
minante, ou  
estaille de  
mer, ou mer  
amere: ou  
bien, en la-  
gage de Sy-  
rie, mai-  
resse.

1. des Rois,  
1. & 2.

.: equipper & preparer le vaisseau) L'opinion de S. Gregoire theologien touchant la sanctification de la vierge mere de Dieu, est telle en l'homelie de Pasques. Iesus Christ selon toutes choses humaines, excepté le peché, est fait homme, engendré d'une vierge, de laquelle la chair & ame ensemble auoir esté auparavant purgées par le saint Esprit: Car il estoit besoin que sa natiuité fust honoree, & que la virginité fust auant reuersee.

.: de bien & fidele) Ioseph estoit homme iuste, & pour ce fut il esleu, à fin de porter tesmoignage de la virginité coniugale, qui deuoit tousiours demeurer en Marie: dit S. Augustin. Et Epiphane contre les Antidicomarianites, dit ainsi: Non à cause de mariage, mais pour en estre le gardien, afin de tesmoigner de ce qui aduiendrait: sçauoir est, qu'à Iesus-Christ prenant chair humaine, n'estoit point escheue vne charge bastarde & illegitime: ains que par l'attestation veritable que seroit Ioseph, que sans semence d'homme Iesus-Christ seroit engendré de Marie, demeurante vierge: pour certain cela fut fait par dispense du saint Esprit. L'on congnoit que par cest exemple donc est donné fort bien à congnoistre aux fideles mariez, que le mariage peut demeurer & estre appelé tel, quand mesme l'homme & la femme garderont leur chasteté, & seront continens: non pas que tel mariage soit accomply corporellement par la meslange & conionction charnelle des deux sexes, mais par ce qu'il y en a l'autre garde inuolablement vne materielle affectio d'esprit pour ne se ioinre point avec

autrui

autrui. *Saint Augustin au second liure de l'accord des Euang. chap. 1. Quant à Ioseph, Epiphane dit que quand il print la vierge Marie pour espouse, il estoit ia fort vieil & aagé: car il auoit quatre vings ans, ou enuiron, & auoit eu six enfans de sa premiere femme.*

*De l'annonciation faite à la tres sainte mere de Dieu, de la uisitation sainte Elizabeth, & de sa grossesse & du troublement de Ioseph espoux de la vierge-mere, pour cause de sa conception diuine & supernaturelle, par laquelle Iesus fut conceu.* Chap. VII.



**M**arie donc faisant sa demeure avec Ioseph, en la ville de Nazareth, entendit ce ioyeux message, que l'Archange Gabriel luy feit, disant: Dieu te garde, Marie, pleine de grace: le Seigneur est avec toy. Et tout quand & quand avec ceste mesme voix, le verbe de Dieu eternal, & qui estoit de uant tous les siecles, descendit sans se mouuoir de lieu en autre, comme seroit celuy qui passeroit outre, & se soumit à nostre condition & nature par vne façon qu'on ne scauroit raconter, par ce qu'elle surpassa toute nature: & se mella & tempera dans vne masse de chair, cest à dire, print chair humaine & leuain humain, sans ce que toutefois la capacité & portee de nostre pensee & entendement en puisse aucunement cōprendre la maniere. Et l'ange, apres auoir fait le deu de sa charge (qui estoit, de la saluer, & luy faire le message enioinct,) se retira & partit d'avec elle. Mais elle se hastâ d'aller incontinent au pais des montaignes, où se tenoit sa cousine Elizabeth, considerant ensemble & le fruit de son ventre, que l'ange luy auoit annoncé, sans ce qu'auparauant elle y pensast: & desirant aussi de congnoistre plus clerement ce qu'il luy estoit adueni. D'auantage elle auoit affection de saluer sa cousine, & parler à elle: laquelle aussi, hors d'aage d'enfanter, estoit grosse de Iean, & y auoit ia six mois qu'elle le portoit en son ventre. Pareillement elle auoit opiniō qu'elle, qui estoit desia de bon aage, luy diroit quelque chose de nouueau, & enseigneroit, touchant la nouuelle conception de son fruit. Elle y prend donc son chemin: & y estant arriuee, la salua honnestement. L'enfant d'Elizabeth, à l'arriuee de Marie, saulta gaillardement, & se resioiūt au ventre de sa mere, biē qu'il n'eust encores que six mois: & le seruiteur, enclos en la matrice, dedie le plus saintement qu'il peut, à son Seigneur, qui estoit porté au ventre de la vierge, tel honneur d'adoration qu'il deuoit: & prophetize par la bouche de sa mere quasi comme empruntee (qui est vne chose, qui passe la portee du naturel de l'homme) appellant la vierge, mere de Dieu, & benie par dessus toutes les femmes: disant aussi, que le fruit quelle portoit en son ventre, estoit benie, comme celuy auquel n'y auoit rien de semence d'homme. Elle pareillemēt ayant obtenu ce qu'elle s'estoit proposé, & qu'elle auoit si affectueusement cherché, obeissant au saint Esprit qui la conduisoit, se dit estre bien-heureuse, hors mise toute vaine gloire & arrogāce: & avec ce, prophetise & predict ce qui estoit à aduenir. Or par ce que c'estoit la coustume que les vierges & celles qui n'auoyent encor point eu d'enfans, se retiroient, quand vne femme grosse commençoit à trauailler, & estoit sur le point d'accoucher: Marie, apres auoir demeuré trois mois avec sa cousine, retourna en sa maison: par ce que la doubte quelle pouuoit auoir, touchant la maniere de la cōception, qui luy auoit causé vn grand espouuagement & admiration, se diminuait tousiours de plus en plus. Ce pendant, le ventre luy enflait: & Ioseph, ignorant ce mystere diuin, soupçonnoit d'elle contre raison, autrement qu'il ne deuoit: mesme il songeoit en son esprit, par quel moyen il se retireroit d'elle, & la laisseroit occultement, & le plus honnestement: Car quant à luy, il estoit homme iuste, & n'eust voulu la diffamer, ny publier & dire hors de sa maison ce qui auoit esté fait. Mais lors qu'il pensoit à cela, incontinent l'ange s'apparoissant avec bonne & ioyeuse nouuelle, osta à ce bon viellard toute occasion de doubte & soupçon. Car il ne falloit pas, que tant soit peu de reprehension, iniure, ou des-honneur feust fait à celle, qui estoit le vaisseau & receptacle tres-excellent de grace: & duquel les rayons rendoyent vne lueur plus resplendissante & claire, que n'est celle du Soleil. Au surplus, l'ange nomme Ioseph, fils de Dauid, pour se mettre en sa grace: declarant par là, de quelle lignee deuoit sortir ce fruit tant désiré & attendu. Il appelle aussi son espouse Marie, la femme: comme s'il disoit: Donne toy bien garde, que la moindre pensee que tu pourrois auoir ne te trouble par quelque nouuelle deliberation, sous tiltre que tu crains d'offencer Dieu, comme tenant & ayant vne femme adultere, qui demeure avec toy en ta maison: Car elle tant eslongnee de toute tache & offense, que mesme la grossesse d'elle, & la conception de l'enfant, qui est en sa matrice, surpassa de beaucoup la nature humaine. Ne doubte donc point, & n'ayez crainte de reprendre celle, que tu as repudiee, & separee de toy, autant que tu as peu. Mais plustost faut que tu fautes d'aide, remplissant ton cœur d'une ioye & delectation, qui soit par dessus la nature: Car (dist il) ce qui est conceu en elle, est du Saint Esprit.

*S. Iean Bap.  
enclos en la  
matrice  
loüe la vier  
ge & em  
prunte  
pour ce fai  
re la bouche  
de sa mere.*

*Vaticinatio  
& prophete  
tie de Ma  
rie.*

*Marie se re  
tire en sa  
maison.*

*L'ange re  
tiet Ioseph  
en son de  
voir, qui pe  
soit le moyē  
de laisser  
Marie son  
espouse.*

*Pourquoy  
l'ange appel  
le Marie  
femme de  
Ioseph.  
Matth. 1.*

Judaïques : Cyrene (dit-il) Sénateur & Conseillier de la ville de Rome, apres auoir exercé toutes les offices l'une apres l'autre, avec ce qu'il estoit homme fort renommé en tout ce qui concerne l'honneur & dignité de la personne, vint en fin à estre consul & gouverneur de la ville. Il feit vn voyage en Syrie, avec peu de suite : & y estoit enuoyé de la part de l'Empereur Cesar Auguste, afin d'y exercer la iurisdiction, & faire droit & administrer iustice au peuple du pais : & d'auantage pour y contraindre vn chacun de donner le denombrement de la prisee de leurs cheuances. Et peu apres encor dit-il : Iudas Gaulanite, issu de la ville de Gamale, ayant tiré de sa partie & faction vn Pharisien, nommé Saddoce, sollicitoit le menu peuple à sedition, mutinerie, & reuoltement : & publiquemēt soustenoit que ceste description n'estoit rien autre chose qu'une pure seruitude : & se mettoit en deuoir de persuader aux Iuifs qu'ils se remissent en leur première liberté. Et au second liure de la guerre Iudaïque y a ainsi : Vn certain personnage venu de Galilee, nommé Iudas, sollicitoit les gens de sa nation à estre rebelles, les maudissant & pourfuyuant avec grosses iniures, s'ils perseueroient de payer tribut aux Romains, & si, apres Dieu, ils souffroyent des seigneurs mortels les dominer. Et saint Luc aussi en escrit ainsi, aux Actes des saints Apostres : Apres luy fust leué Iudas Galileen, es iours de la description, & par reuoltement destourna gros peuple apres soy. Lequel a esté occis, & tous ceux qui auoyent creu à luy ont esté destruits & reduits à neant.

*Epistre de Iules l'Africain, historiographe, touchant le desaccord & different qui apparoit estre en la genealogie de Christ, entre saint Matthieu & saint Luc, Euangelistes.*

Chap. X I.



R par ce que les saints Euangelistes, Matthieu & Luc, ont diuerfement mis par escrit la genealogie de Iesus-Christ : & que plusieurs qui sont estimez grans & excellens personnages pour la recherche de telles choses, ont composé des liures entiers de ce desaccord entre les Euangelistes : i'admeneray icy, pour mô aucteur, Iulian l'Africain, historiographe, laissant tous autres, desquels il reprend & refute les opinions, cōme n'approchans point de la verité. Son aduis donc, prins & retiré des aucteurs plus anciens, dont la declaration se void en ses epistres à Aristides, traitās de la dissonance & desaccord des Euāgiles, sera mis en ce lieu, & extraict de là, avec les mesmes propos dont il vse, qui est tel : Les noms d'une mesme gēt & famille des enfans d'Israel, estoient denombrez & enregistrez, ou selon la nature ou selon la loy. Selon la nature, en ce que les enfans legitimes & naturels succedoyent par ordre à leurs peres & meres : selon la loy, en ce qu'un autre suscitoit la semence, & engendroit lignee, sous le nom de son frere, qui estoit decedé sans enfans. Car par ce que l'esperance de resurrection ne leur auoit pas encor esté donnee assez manifeste : ils imitoient la promesse qui en deuoit estre faite par vne certaine resuscitation mortelle, afin que le nom du frere trespassé, ne fust totalement perdu & aboly. Et comme ainsi soit que de ceux qui sont denombrez en ceste genealogie, aucuns ayent succedé à leurs peres, comme fils yssuz de leur propre semence, & leurs legitimes & naturels enfans : aucuns ayent esté engendrez par autres, sont enregistrez, non comme fils de ceux qui les ont mis sur terre, mais comme enfans de ceux, au nom desquels ils ont esté procreez, & quasi par adoption : en ce denombrement les vns & les autres sont escrits & mentionnez : à sçauoir & ceux qui ont engendré, & ceux aussi qui ont quasi com̃me engendré. Et par ainsi, ny l'un ny l'autre euangile doit estre estimé auoir quelque chose de faulx, soit qu'il deduise le lignage suyuant l'entresuite naturelle du parenté, soit qu'il le denombre selon l'alliance ou conionction legale. Car les lignees sont entremeslees par ensemble, & celle qui vient de Salomon, & celle aussi qui descend de Nathā, à cause de la representatiō de ceux qui n'ont point eu d'enfans, & de secondes nopces & suscitation de semence : de sorte qu'aucuns sont estimez à bon droit estre fils de deux homes, desquels l'un est le pere, & l'autre le semble estre : & l'un & l'autre denombrement de races, est deduit iusques à Ioseph, diuerfement & en plusieurs sortes, toutefois certainemēt & au vray. Au surplus afin que ce que ie vien de dire, soit plus clairement & manifestement entendu, i'exposeray telle mutation & changement de lignages. Qui voudra nōber les lignees depuis Dauid par son fils Salomon, il trouuera selon S. Matthieu, que le troisieme, approchant la fin, est Matthan, qui engendra Iacob, pere de Ioseph. Mais en deduisant les generations par Nathan, fils de Dauid, suyuant saint Luc, le troisieme aussi pres de la fin, se trouuera estre Melchi : duquel le fils, nommé Eli, fut aussi le pere de Ioseph. Puis donc que Ioseph nous est icy proposé comme vn but, il fault monstrer comment l'un & l'autre est appelé son pere : sçauoir est, Iacob, yssu de la lignee de Salomon, & Eli descendant de Nathan. Aussi fault donner à entendre en premier lieu, cōment ces deux freres Iacob & Eli, & encor auant eux leurs peres Matthan & Melchi, prenans vne mesme femme en mariage, separement & l'un apres l'autre, ont engendré des freres vterins, enfans d'une mesme mere : par ce que la loy ne defendoit point à vne femme de

Matth. I.

Luc. 3.



„ se remarier & prendre autre party, quand elle estoit ou repudiee & reiettee par diuorce, ou  
 „ vesue apres le decés de son premier mary. Doncques, Matthan venant de la race de Salomon,  
 „ eut premieremēt Iacob de sa femme Estha: car on trouue, que tel fut le nô d'elle. Mais quand  
 „ Matthā fut mort, Melche rapportant sa genealogie à Nathan, print en mariage sa vesue, cōme  
 „ celuy qui estoit bien de mesme tribu, mais non pas de mesme sang, ainsi qu'ay dit au parauant  
 „ & eut vn fils d'elle, nommé Eli. Par ce moyen nous trouuerōs que Iacob & Eli estoient de deux  
 „ diuerfes lignees, & que toutefois ils furent freres de par leur mere seulement. L'un desquels fre  
 „ res, sçauoir est Iacob, prenāt en mariage la vesue laissée par Eli son frere, qui estoit decedé sans  
 „ auoir eu enfans, engendra d'elle son troisieme fils, nommé Ioseph. En quoy qui voudra auoir  
 „ esgard à la raison & generation naturelle, il trouuera que Ioseph fut fils de Iacob: & pour ceste  
 „ cause il est escrit, Iacob engendra Ioseph. Mais selon la loy, il fut le fils d'Eli: d'autant que luy e  
 „ stant trespasé sans hoir de son corps, Iacob son frere luy suscita semence. Parquoy la genealo  
 „ gie, qui est faite de luy, n'est pas vaine. Laquelle saint Matthieu l'Euangeliste denombrent, dit: *Math. 1.*  
 „ Et Iacob engendra Ioseph. Mais saint Luc met ainsi: Qui estoit reputé (encor adiouste il ce *Luc. 3.*  
 „ mot) fils de Ioseph, lequel fut fils d'Eli, qui estoit fils de Melchi: Car il n'a rien sceu dire plus ou  
 „ uertement de la generation qui estoit selon la coustume & ordonnance de la loy, & n'a pas vſé  
 „ du mot d'engendrer, en aucun, depuis le commencement iusques à la fin, ayant esgard à la façon  
 „ d'auoir des enfans quasi comme par adoption: mais a denombé toute la genealogie de Iesus  
 „ Christ, la rapportant à Adam, qui fut fils de Dieu: vſant de ceste maniere de parler, Qui fut, par  
 „ laquelle il veut entendre, Qui fut fils. Apres cela Iules l'Africain, pourſuyuant par ordre la lignee  
 „ d'Herodes, declare ce que l'on a ouy & retenu des prochains parens & couſins de Iesus Christ,  
 „ en telle maniere. Comme ainsi fut que les genealogies des familles Hebraïques, redigees par  
 „ escrit, fussent gardees par inuentaïre au thesor des chartres, & au lieu où sont serrees les lettres  
 „ publiques: & là mesme fussent aussi mis les denombrements de ceux qui estoient yſſuz des e  
 „ strangers, conuertiz à la maniere de viure des Iuifs, à commencer des Achior Anamite, & de sa  
 „ femme Moabitide, nommee Ruth: & d'autres pareillement qui estoient naiz peſſé melle des  
 „ Egyptiens & autres nations meſſees ensemble avec les Hebreux: Herodes ietta dans le feu tel  
 „ les declarations & enseighemens des races & maisons: d'autant qu'il sçauoit bien qu'il estoit *Herodes*  
 „ venu de bas lieu, & de parenté qui ne tenoit rien de noblesse. Se persuadant que par ce moyen *brusle les*  
 „ la populace le iugeroit estre venu de noble race, & bien apparentee, fil n'y auoit personne qui *genealogies*  
 „ peust rédre raison, par autorité & tesmoignage des registres publics, de l'origine de sa famille, *des Iuifs*  
 „ en montrant qu'elle descendist des Patriarches ou estrangers viuans à la Iudaïque, ou de ceux *estrangers,*  
 „ qui seroyent venuz de mariage meſlé des Iuifs avec les nations estranges. Or y a-il eu quelques *viuans de la*  
 „ personages, bien qu'en petit nombre, qui ont mis & couché leurs genealogies en liures de *façon des*  
 „ memoires, ne seruant que pour leur maison, & y prenants plaisir ont esté curieux de les amasser, *Hebreux,*  
 „ soit qu'ils eussent souuenance de tous les noms, soit qu'ils eussent prins la copie sur les origi  
 „ naux publics: & par telle diligente obseruation & estude en cest endroict, a esté gardee la me  
 „ moire de noblesse. Par ainsi ceux que nous appellons Seigneurs, Damoiseaux ou Gentilshom  
 „ mes, se sont trouuez ausdicts papiers de memoire auoir leur origine noble, pour cause de la cō  
 „ iunction & affinité de race qu'ils ont avec nostre Sauueur: lesquels sortans des Nazares & de  
 „ Chochaba villages de Iudee, & s'elargissans le plus souuent par les autres contrees de toute la  
 „ terre, ont publié, autāt qu'il a esté en leur puissance, telle genealogie extraicte de leurs registres  
 „ priuez & papiers iournaux. Au reste, soit que cela aille ainsi, soit qu'autrement il se porte, vn au  
 „ tre seroit bien empesché de trouuer vne exposition plus claire & facile: cōme il m'est aduis, & à  
 „ tout homme raisonnable & de bon esprit. Je vous prie donc approuuer mon opinion, biē quel  
 „ le ne soit confermee ny soustenue par l'autorité d'aucun certain tesmoignage: par ce qu'il  
 „ n'est pas possible de pouuoir mettre en auant chose qui soit plus certaine, ny plus approchāte  
 „ de la verité, touchant cela. Or ne fault il pas douter, que le diuin & sacré euangile ne soit vray  
 „ en tout & par tout. Aussi pour faire tomber d'accord les euangelistes Iulian l'Africain adiouste  
 „ ces propos à la fin de l'epistre, de laquelle auons ia parlé: Matthan, venant de la race de Salomō,  
 „ engēdra Ioseph. Apres la mort de Matthan, Melchi yſſu de la lignee de Nathan, procrea Eli de  
 „ la vesue laissée par iceluy Matthā: Parquoy Eli & Iacob, sont freres par la mere. Eli mourut sans  
 „ auoir enfans: à raison de quoy, selon la loy, son frere vterin Iacob luy suscita semēce en sa vesue  
 „ & engendra Ioseph, qui estoit sien, selon nature: & fils d'Eli, selon la loy. Et par ainsi Ioseph a  
 „ esté fils de l'un & de l'autre. Voyla ce qu'en dict l'Africain. Or peut aussi colliger & dire à la ve  
 „ rité, que Marie fut de la mesme tribu ou lignee de laquelle estoit Ioseph: Par ce qu'il y auoit v  
 „ ne ordonnance expresse en la loy de Moysē, qui defendoit de cōioindre ou meller par ense  
 „ mble vn canton avec vn autre, & fut ordonnee telle loy par le legislateur Moysē, que les con  
 „ iōctions de mariage se feissent & contractassent entre parties, qui feussent de mesme gent & fa  
 „ mille: afin que les heritages & successions des biens, ne feussent poinct transportez d'une ligne  
 „ ou tribu en vne autre, mais que le tout demeurast tousiours en son mesme canton.



De la merueilleuse & diuine natiuité de nostre seigneur Iesus-Christ : de sa circoncision : & de l'honneur qu'on luy fit au temple, en luy allant au deuant pour le receuoir. Aussi du bon vieillard Simeon, qui le receut entre ses bras. Chap. XLI.



Natiuité  
merueilleuse  
de nostre  
sauueur.

Vand donc Ioseph, contrainct d'obeir à l'edict, alloit en son pais, pour y bailler son nom & declaration de ses biens, avec son espouse Marie, qui portoit bien legerement & à son aise le fardeau de son ventre, surpassant la nature mesme : n'estans encor paruenus en leur maison, ils se retirerent pour loger en vne terre, qui appartenoit à Salomé. Or estoit il le vingtcinquieme iour du mois de Decembre, lors qu'en ce lieu le tres-grand mystere de la naissance inenarrable, Seigneur Iesus, Verbe de Dieu, a esté parfait & acheué, lequel donnoit certain argument & indice de ta grande pieté & amour enuers le genre humain. En lieu de palais sumptueux

& magnifique, luy, qui estoit Roy du ciel & de la terre, n'eut autre preparatif de logis, pour y naistre, sinon vne petite loge & basse, qui seruoit d'estable pour les bestes. C'est le lieu, où il fut enuolopé en ses langes : cest le lieu, où sa mere premierement le lia de ses bandelettes, c'est le lieu, où il ietta ses premiers cris : bref, c'est le lieu que le Roy des Roys a esleu, pour faire son entree au monde : qui, ne trouuant point de logis plus honorable en l'hostellerie, s'est abbaissé si bas, qu'il a bien voulu estre mis en vne estable, & se seruir de creiche pour bercheau, luy, qui donne nourriture à toutes creatures de la terre. Ainsi ne se pouuoit il faire, que les derniers arriuez en l'hostellerie n'eussent faulte de place : eu esgard à la multitude des gens, qui venoyent en foule de toutes parts à ceste description & denombrement. Parquoy l'estable de bestes brutes receut Iesus-Christ Dieu & verbe, facteur & createur de toutes choses, qui estoit en telle peine de trouuer logis. Cependant, la presence de l'ange rendit telle clarté aux enuiron, que les pasteurs, gardans de nuit leurs troupeaux, s'en apperceurent & en furent tous esbahis. Et come

Natiuité de  
Iesus annoncée  
aux pasteurs.

ils commençoient à auoir peur, à cause de de ceste vision de lumiere non accoustumee en réps indeu : soudain ils mirent toute crainte en arriere, quand l'ange s'approcha plus pres d'eux & leur fait entendre la ioye qui aduiendroit aux humains par celuy qui venoit de naistre. Aux paroles duquel incontinent ils adiouterent vraye & ferme foy, le diuin esprit à ce les inspirant. Car avec luy y auoit vne multitude innumerable de vertus & puissances celestes, qui voleroient à l'environ de la petite logette & chantoient par mesme accord, donnans au Seigneur Dieu la plus grande louange de toutes, & disans : Gloire soit à Dieu es lieux treshaults, & en terre paix, enuers les homes bonne volonté. Par ce moyen, estant le verbe de Dieu double, sçauoir est, Dieu homme, il fait apparoir & veoir, ensemble tres-humblement & tresmagnifiquement, le commencement de sa premiere descente en terre, par le moyen de la natiuité : & pour confermer au vray l'alliance de parenté, qu'il auoit avec les Iuifs, il s'accommoda comme s'il eust esté pur homme à l'obseruance & maniere de faire receue en la loy de Moysé ainsi qu'il estoit honneste qu'il fit.

Luc 2.

Circoncision  
de Iesus  
Christ.

De sorte qu'au huitiesme iour apres la naissance, qui estoit le iour du Seigneur, appelé le Dimanche il fut circoncis en Bethlehém, en la maison de Ioseph : & là fut nommé Iesus, qui vault autant à dire, que salut : suyuant ce, que l'ange diuin Gabriel en auoit ordonné par son oracle, auant qu'il feust conceu : Au surplus, il attendit le réps ordonné pour estre purifié. Ce iour prefix venu, apres la reuolutio de dix par quatre fois, il fut porté par ses parens au temple de Ierusalem, come masse qu'il estoit, ayant premier du tout, & seul, ouuert la matrice de sa mere, afin d'y offrir sacrifice à Dieu, qui deuoit estre (selon la maniere accoustumee) d'une paire de tourterelles, ou d'une couple de petits pigeonneaux : signifiant par cela, qu'il fault auoir sobriété, temperance, & simplicité en toutes choses. En ce temple estoit present le bon homme Simeon, cōduit audit lieu par un esprit prophetique, & vne bone vieille vefue, appelée Anne. Et ce bon vieillard Simeon receut entre ses mains tremblantes de vielleſſe, celuy qui est mené dans le chariot des Cherubins : & regardant avec Anne, le petit enfant, qui sautoit au sein de sa mere, il voyoit aussi avec elle le grand Dieu d'Israel. Et apres qu'ils eurent prophetisé de luy ce qu'ils deuoyent predire : & monſtré ce qui estoit à aduenir, bien qu'avec paroles couuertes, toutes fois assez apertement : sçauoir est, qu'il estoit mis pour la ruine & pour la resurrectio de plusieurs en Israel, & pour un signe, auquel on contredisoit : bref, qu'un glaiue de douleur perceroit à l'aduenir l'ame de la vierge mere, à cause de cest enfant : l'un & l'autre furent puis apres deliurez des liens de leur chair & prison corporelle (cest à dire, ils moururent). Lon dit que ce bon home Simeon estoit l'un de ceux qui ont anciennement tenu les premiers lieux de vertu, dignité, honnesteté, preudhommie & saincteté de vie : lequel come quelque fois il s'arrestoit à lire ententiuement ce passage & diuination du prophete Esaie, par lequel il est dit : Voicy, vne vierge conceura, sera enceinte & enfantera un fils : & doutoit aucunement s'il deuoit adiouter foy à ceste prophetie diuine : l'ange luy assista, lors qu'il estoit en ce doute, & luy donna telle certitude & responce pour l'asseurer, Qu'il ne seroit point deliuré des liens & miseres de ceste vie, que premierement il n'eust confirmé luy mesme, & donné tesmoignage de sa bouche, que celuy la

Luc 2.

Esa. 7.

duquel

duquel en croyant il auoit eu quelque doubte, seroit approché de la porte du temple ces premiers iours, apres sa natiuité, & qu'il l'auroit veu de ses propres yeux. Qui fut l'occasion, pour laquelle estant paruenue à si grand aage, apres auoir veu de ses yeux, & porté sur ses bras le Christ & oingt du Seigneur, il fut incontinent deliuré du pesant fardeau de la chair, avec aussi grand contentement de ce qu'il auoit veu, comme il auoit desiré de le veoir.

*De l'estoille qui apparut en Orient, contre l'opinion de tous, lors que Iesus Christ nasquit:  
des Sages, qui luy donnerent des presens: & de la caustelle malicieuse d'Herodes. CHAP. XIII.*



Ela fait, les pere & mere, ayans receu leur enfant des mains de Simeon, s'en sont retournez en leur maison, qu'ils auoyent en la ville de Nazareth. Car il estoit bien raisonnable, qu'apres que tous ceux du ressort de Bethlehem eurent fait leur deuoir à donner leurs denombrements & estimations en leur ville, ainsi qu'il appartenoit, & que Ioseph & Marie y eurent demeuré par l'espace de quarante iours ils reuinssent en leur logis de Nazareth, à cause des biens & possessions que pour lors ils y auoyent: Car ils faisoient demurance en toutes les deux villes, parce qu'ils auoyent quelque bien & reuenu en l'une & en l'autre, comme lon peut coniecturer. Au reste, deux ans apres ceste conception non contraincte, mais aduenue sans semence, & depuis la grossesse, estant la Vierge mere de Dieu en sa maison de Bethlehem: ou plustost (comme aucuns ont opinion) deux ans au parauant ceste natiuité diuine, les Sages de Perse, laissans leur pays, se sont mis en chemin: & ayans iceux esté sur les champs par l'espace de deux annees, en fin leur voyage acheué, ils arriuerent tant à point en la ville de Bethlehem, qu'ils trouuerent Iesus Christ, enuélé de ses bandes, encor gisant en la creche, & la Vierge mere aussi logee en ceste loge (ou estable d'hostellerie: qui est l'opinion meilleure & plus certaine) Or estoient ces Sages excellens & en noblesse de lignage, & en biens & richesses. La cause de leur partement, estoit vne estoille, qu'ils auoyent veu en leur pays: non pas de celles qui furent attachees & posées au firmament dès le commencement de ce monde: ny de celles qui portent signification des successions, decez, ou autres malheurs, qui doyent aduenir à Rois, Seigneurs, & grâs personnages, avec aucuns signes obscurs denotans quelque futur malencontre: lesquelles on nomme diuersement, selon la varieté des formes qu'elles monstrent: sçauoir est, vaisseaux, poultries, dards, comètes, estoilles barbuës, ou cheuelues: l'origine de toutes lesquelles prend la substance des vapeurs & exhalations, qui sont esparfées par dessus l'air, & s'allument enuiron l'estendue du ciel où est l'elemēt du feu: ainsi que dient ceux qui ont acquis louange & reputation de bons Astrologues, par la recherche & diligente inquisition de telles choses secretes. Ils n'auoyent oncques veu vne estoille de telle espee: mais vne estoille toute nouuelle, & qu'on n'auoit pas accoustumé de veoir, laquelle panchoit vers la terre, & reluisoit grandement. Elle ressembloit du tout aux autres astres du ciel, & n'estoit pas apparée ny facile à veoir, sinon à ceux qui auoyent employé du temps & de la peine pour sçauoir cōgnoistre les estoilles & planettes. Et apparut ceste estoille au ciel, non peu de temps auant la natiuité de Dieu, ou à l'instant d'icelle, mais deux ans deuant qu'il prinst forme humaine: à fin qu'aucun ne pense, que ce fust deux ans apres. Les Sages donc, ne pouans que penser, & doutans en leur esprit, que signifioit ce nouveau spectacle d'une estoille apparente, outre les coustumieres: & ayans fait deuoir de chercher par toute voye la signification d'icelle: & soit qu'ils eussent cōgnoissance, que l'ancien Baalam, meū de l'esprit de Dieu, auoit prophetizé d'elle, ce qui en deuoit aduenir: soit que par aduenture aussi ils fussent conduits & menez peu à peu, par la doctrine des sacrificateurs, qu'ils auoyent en reuerence & admiration, iusques à l'intelligence des mysteres de ceste natiuité du Verbe de Dieu, laquelle surpasse toute raison humaine: soit que comme il est plus credible que Dieu mesme eust esueillé leurs esprits à cela, pour leur donner à entendre, que l'estoille se mouuoit, par la prouidence de Iesus Christ, souuerain Roy de tous, qui estoit nouuellement né, & tendoit du pays de Perse à la Iudee, tout ainsi que si c'eust esté quelque force animee & ayant participation d'intelligence: ils ont laissé toutes leurs occupatiōs & se sont mis en chemin, pour suyure tel signal, qui alloit deuant eux, cōme vne seure & bōne guide de leur voyage. Ils estoient desia pres de Iudee, & mesmes approchoient de la ville de Ierusalem, quand l'estoille, qui les guidait, en vn instant s'offusqua & disparut: ce qui aduint (selon mon aduis) à fin que la renommee de ceste natiuité, excédant toute foy, s'augmentast de plus en plus, & fust manifestee. Quand ils se veirent destituez de leur conduite, ne sçachans la part où ils deuoient tirer, ils s'enquirent de la natiuité du Roy nouveau né. Car nous sommes venus (disoyent-ils) du pays de Leuant, à fin de faire deuoir enuers luy, de le reuerer & adorer, ainsi que la pieté le requiert. A ces propos la ville fut toute esmeue & troublee: & principalement Herodes, qui auoit le gouuernement du Royaume, se trouua fort estonné. Car sa principale crainte venoit de ce Royaume, puis qu'on

*Comment  
les Sages  
ont en l'ac-  
quiescence  
de Iesus  
Christ.*

# LIVRE I. DE L'HISTOIRE ECCLESIASTIQUE

parloit du Roy né nouvellement: & estoit en grand soucy, comme celuy, qui auoit peur de perdre ce nom de Roy, & estre debouté de la seigneurie. Parquoy il fait assembler les prestres des Iuifs, & s'enqueste le plus diligemment qu'il peult, de tout ce que les prophetes auoyent predit de ce Roy: mesmement entre autres choses il les interroge du lieu auquel les prophetes ont vaticiné & annoncé le Christ deuoir prendre naissance. A ce poinct ils respondent, que les escriptures enseignent, qu'en Bethlehem, ville de Iudee, telle chose aduiendra: & à fin de donner autorité & foy à leur dire, ils amenant, pour tesmoin, le prophete Michee, avec vne infinité de louanges. Car il fait grande estime de Bethlehem, & la loue, prophetizant par instinct de l'esprit diuin, que d'elle doit yssir le conducteur du peuple d'Israel. Lors Herodes, entretenant secretement en propos les Sages estrangers, s'enquiert soigneusement & diligemment, depuis quel temps ceste nouuelle estoille auoit premierement esté veüe: & ayant communiqué avec eux en secret, leur commande de parfaire leur voyage, & s'enquerir de celuy qui estoit né: & leur ordonne de retourner par deuers luy, apres auoir trouué celuy qu'ils cerchoyent: tant à fin qu'il leur feist de magnifiques presens à leur retour, auant que partir de Iudee pour aller en leurs maisons, que pour se mettre luy-mesme en chemin, & faire tout honneur deu au Roy nouvellement venu sur terre. Iceux donc deceuz & trompez par les paroles cauteleuses d'Herodes, incontinent qu'ils eurent mis le pied hors de la ville de Ierusalem, ils virent soudain de rechef l'estoille, qui leur auoit serui de guide en leur voyage, & les ayant guidez depuis le pays de Leuant s'estoit disparue & euanouie, quand ils entrerent en la terre de Iudee. Vous deuez estimer, qu'ils furent bien resiouis, & eurent vn plaisir incredible, quand ils la veirent: & ne faillirent à la suyure de rechef, & se ranger sous sa conduite. Or quand ils apperceurent que l'estoille s'arrestoit sur la petite maisonnette, & demouroit immobile sans se bouger, comme si elle eust esté fermement attachee au dessus la petite estable, en laquelle estoit la mere avec son fils tres-diuin: alors ils iugerent tresbien que là dedans estoit caché ce qu'ils cerchoyent, & se deporterent de passer plus outre. Mais quand ils furent entrez dedans, ils trouuerent la mere & l'enfant, qui viuoient en ceste estable obscure, basse & pauvre, avec si grande espargne, sobriété & contentement de peu en toutes choses, qu'il ne seroit possible de plus. Mais l'enfant, qui sembloit se resiouyr plus que son aage ne portoit, comme s'il eust entendu la maniere de faire la cour, & receuoir avec le baïse-main & visage ioyeux les grands seigneurs suruenuz, receuoit d'une bonne grace avec chere ioyeuse les presens des Sages: donnant quelque apparence, qu'il se contentoit du deuoir que ces estrangers faisoient à l'adorer. Quant à leurs dons, ils le declaroyent estre ensemble Dieu, Roy & homme: Car l'Encens, le monstroït estre Dieu: l'Or, donnoit à entendre, qu'il estoit Roy: & la Mirrhe signifioit la mort qu'il a soufferte pour moy & pour tous autres, comme homme qu'il estoit. Apres qu'ils l'eurent adoré & salué de bonne rencontre, avec toute honnesteté & courtoisie, ainsi que la raison le requeroit, luy portans honneur comme au fils de Dieu, & Roy de tout l'vniuers: il fut arresté entre eux, qu'ils demureroyent pour ceste nuit en la mesme hostellerie: comme ceux, qui ne cerchoyent autre chose, que d'auoir familiarité & cōmunication avec luy, & qui s'estudioyent au possible de s'aduācer en la cognoissance de quelque chose singuliere; & comme en ce cas il estoit bien raisonnable. Mais l'Ange, qui sous la forme d'estoille, leur auoit serui de guide par les chemins, les admonnesta la nuit mesme, s'apparoissant à eux, & leur dist, Qu'ils se dōnassent bien garde de retourner vers l'enuieux Herode, & qu'ils le fuissent, & prissent autre chemin. Cela fut cause de les faire prendre autre brisec pour retourner en leur pays, à fin que les messagers de si grand mystere en apportassent legerement les nouuelles en la contree de Perse: & d'auantage, à celle fin que la fureur du tyran fust refroidie & reprimee, tellement qu'il peust entendre, qu'il auoit employé son effort à faire ce qu'il ne pouuoit aucunement.

*Signification des presens des sages en Iesus Christ.*

*De la fuite de nostre Sauueur en Egypte: du grand meurtre des petits enfans, fait par le commandement d'Herodes: de Iean, auant-coureur & precurseur de Iesus: de la doctrine de nostre Sauueur au temple, quand il estoit en l'aage de douze ans.*

CHAP. XIIII.



L'instant aussi que les Sages se mirent en chemin, Ioseph fut aduertuy ainsi qu'il dormoit par conseil diuin, que, sans aucun retardement ny delay, il prinst la Mere vierge & l'enfant, & s'enfuit bien legerement en Egypte, à fin d'eschapper & sauuer le petit fils de la tuerie que le tyran Herodes preparoit: & que la il demeurast iusques à ce que celuy qui cherchoit à le faire mourir, fust trespasé de ceste vie. Ce que Ioseph accomplit, & demeura confiné en exil au pays d'Egypte, par l'espace de trois ans: Et peu de temps apres, Herodes mourut villainement.

Ioseph

Ioseph de rechef admonesté par responce diuine, retourne en son pays, accompagné de la vierge marie, & de son fils, engédre par vn moye surpassant la portee de l'entendement humain. Or Herodes voyant qu'il auoit failly à son entreprinse & que la deliberation qu'il auoit arrestee en son esprit n'estoit pas succedee selon son vouloir, vomit toute son ire & indignation contre les petits enfans, qui iamais ne l'auoyent offensé & se leua contre toute nature : tant il estoit enflammé du desir de vengeance alencontre des Sages, par lesquels il se pensoit auoir esté abusé & moqué : & tant aussi l'esmouuoit vne crainte, non mediocre, qu'il auoit de perdre son Royaume. *Meurtre des enfans par Herodes.* Car il ordonna par edict que tous les enfans de la ville de Bethlehem, qui estoient de deux ans, ou plus tendres & de moindre aage, fussent mis à mort : ayant opinion qu'il feroit mourir quant & quāt celuy auquel par enuie il dresseoit ceste embusche, lors que telle generale tuerie & meurtre vniuersel de tant de petits innocens feroit mise à execution : & vouloit bien en ce faisant que tous homes & femmes fondissent en larmes, pour le regret de voir ainsi meurtrir leurs enfans ou autres de leur appartenace, pourueu que luy seul fut deliuré de tout soupçon & crainte. O cruauté, à laquelle ny les lions, ny les tygres, ny autres bestes destituées de raison, tant ombrageuses & cruelles pourroyent elles estre, n'approchent aucunement ! O courage plus que brutal, qui ne se ressent aucunement d'humanité ! O homme du tout esloigné du sentiment de toute misericorde & pitié ! Il auoit obserué le temps du leuer de l'estoille que les Sages luy auoyent dit auoir esté veu au pays de Perse, deux ans auparauant : & prenant de là sa coniecture, feit mettre en pieces & passer à l'espee les enfans de cest aage, ou enuiron, comme homme qu'il estoit esloigné merueilleusement de tout bening iugement & affection humaine. Ce qu'à la verité ie ne pense point qu'aucun autre voulust commettre ny executer, mesme alencontre des bestes brutes : car voyant des fleurs tendrettes & delicates par commiseration & pitié il s'abstiendrait de les couper, & encor ne se hasteroit de cueillir celles (sil faut que ie die ainsi) esquelles il ne pourroit atteindre, & où il n'auroit le moyen d'attoucher. Il est vray que Ieremie long temps auant auoit preueu & prophetisé ceste tuerie des enfans, quand il induit Rachel, qui plouroit les fils, & ne vouloit admettre aucune consolation, mais du tout refusoit d'estre consolée, pour la grande & inhumaine cruauté de ceste execution si tragicque : mais Dieu permit par sa bonté que telle chose aduint, pour vne raison toutesfois & avec vn aduis qui est incongneu à l'homme, combien que facilement il y eust peu donner empeschement. Ce temps pendant (comme il a esté dit) nostre Sauueur estoit comme confiné & banny en la terre d'Egypte. Quant à Iean, fils de Zacharie (en la natiuité duquel la langue de son pere fut desliée tellemēt qu'il recoura la parole, apres auoir premierement escrit en vnes tablettes le nom de Iean) il pouuoit estre pour lors aagé de deux ans & demy : & estoit gardé sain & sauue en la compagnie de sa mere Elisabeth, dans quelque caverne, au pays des montagnes, à l'aduenture pour esuiter & fuyr la main cruelle & sanglante de Herodes. Et de là estant accoustumé à hanter volontiers es lieux solitaires, & ayant vn Ange pour son conducteur, il se retira es lieux plus eslongnez des bois : où il vsoit des extremités plus tendres des arbres & rameaux, pour viande : & pour couuerture portoit le poil d'un chameau, & par dessus vne ceinture de cuir, iusques à ce qu'il sortit de ces lieux deserts, & se declara au peuple d'Israel, auquel il commença à prescher penitence avec vne voix claire, intelligible, & ayant force de persuader & conduire, quasi comme à la main, les hommes à Iesus Christ, par le moyen du lauement de baptesme. Iesus ce pendant croissoit en sagesse & en grace, tellement que petit à petit ses vertus reluisoyent en luy & se manifestoyent de plus en plus, combien qu'en icelles n'y eust aucun accroissement. Or estant paruenue à l'aage de douze ans il monta à la ville de Ierusalem avec Ioseph & sa Mere, vierge, pour y sollempniser la feste de Pasque, suiuant la coustume de tout Israel. Apres laquelle feste deuement celebree, Ioseph & son espouse se mirent en chemin pour retourner en leur ville : mais Iesus demeura au temple secretement, comme se cachant d'eux. Et par ce qu'ils auoyent opinion qu'il estoit party deuant eux avec quelque autre compagnie, ils ne laissoient pas d'aller tousiours leur chemin en leur maison. Par ainsi trois iours se passerent sans qu'ils le veissent ny eussent nouuelle de luy. Apres les trois iours, il se monstra à eux, bien trauallez & dolents, comme il estoit assis au temple, & dispuoit avec les docteurs de la loy : ausquels il se rendit *Luc 2.* grandement admirable, tant à cause des questions nouuelles qu'il inuentoit, & leur mettoit en auant, qu'à raison de la declaration & exposition qu'il donoit des lieux de l'escriture, obscurs & difficiles à entendre. Quand donc sa mere l'eut trouué en tel estat, elle toute fachee, luy dist *Iesus Christ porte tel honneur qu'il doit à ses pere & mere.* d'une grande affection qu'elle luy portoit : Mon fils, pourquoy as tu fait ainsi, afin d'estre cause de si grande facherie & douleur à tes pere & mere ? car ainsi vsoit-elle du nom de pere, quand elle parloit de Ioseph à son enfant. Mais luy monstrant petit à petit & couuertement qui estoit son naif & vray Geniteur, respondit qu'il luy estoit necessaire de vaquer & estre occupé aux parcelles & affaires de son pere, & hanter plustost en ce lieu qu'en autre : par ce qu'il n'y a rien sur terre qui soit plus excellent que son temple. Apres ces propos il s'en alla avec eux, attendant que la succession des anneés luy eust amené vn aage plus meur & parfait. Ce pendant il faisoit à ses pere & mere autant d'honneur que la raison luy comendoit, & leur rendoit telle obeissance

# LIVRE I. DE L'HISTOIRE ECCLESIASTIQUE

qu'ils s'en tenoyent bien contents, s'assugetissant à eux, comme vn bon enfant doit. Aussi estoit-il merueilleusement accompli en toutes vertus diuines & œuvres saintes & salutaires: toutesfois il ne s'ingera point à faire aucun miracle qui excédast l'opinion & portee de la foy & creance des hommes, iusques à ce qu'il eut trente ans expirez. Or il me suffist d'auoir mis par escrit ce qu'en auez entendu.

*Comme Herodes, premier Roy estranger de Iudee, mourut violement par calamité & playe, qui luy fut enuoyee diuinement: qui est une histoire recueillie du dixseptiesme liure des antiquitez des Iuifs, escrit par Iosephe. CHAP. XV.*

*Cet Herodes fut aussi nommé Anti-pas.*



Onc Herodes, à fin qu'il cueillist les fruiets de sa fureur & cruauté, commença à estre affligé & tourmenté de playes, qui s'esleuoient diuinemēt en tout son corps, & finit malheureusement sa vie, comme meschant & miserable qu'il estoit. Apres la mort son Royaume fut diuisé en quatre Tetrarchies, ou parties de Seigneuries: par ce qu'il auoit laissé quatre enfans masles, ses successeurs. Archelas eust pour sa part la region de Iudee: la contree de Galilee vint à Herodes: Philippe s'empara du pays d'Ituree & Trachonitide: & le quart, qui se nommoit Lyſanie, s'ineſtit de la terre d'Abilene. Ce pendant il sera bon de dire en ce lieu comment

apres ce meurtre le plus cruel & iniuste qu'il fust onc, cet Herodes, faisant guerre à Dieu & luy dressant des embusches, fut puny par diuine vengeance: qui seruira de commencement & proeme (comme l'on dit) aux maux à aduenir. Mais de declarer & narrer ses calamitez & malheurs domestiques: les euenemens ensanglantez qui luy sont suruenus par le moyen de ses femme, enfans, parens & alliez: & tous autres meutes inhumains, qui laissent aux successeurs assez ample matiere de toutes sortes de tragedies, cela ne vient point à propos pour le present: ioinct aussi que Iosephe, qui tousiours a esté studieux de suiure la verité, en a fait ample narratiō en l'histoire qu'il a mise par escrit, des choses aduenues en Iudee, du temps mesme qu'il viuoit: Ce que ie suis d'aduis de laisser, & seulement donner à congnoistre, par le dire mesme dudit Iosephe, comment ce meschant Roy, ayant entrepris de faire la guerre à Dieu, fut atteint du fleau de la iustice diuine, & tellement puny en son corps, qu'à la fin il y laissa la vie. L'histoire en donc deduisant l'histoire de ce malheureux homme, en son dixseptiesme liure des Antiquitez des Iuifs, dit ainsi: La maladie de Herodes croissoit & s'augmentoit tousiours de plus en plus, le Seigneur Dieu prenant vengeance par ce moyen & le punissant de ses vices, meschancetez & cruautez. Il auoit vn feu lent & tardif, qui ne donnoit point apparence de si grande inflammation à ceux qui le pensoient & manioient, comme par dedans il cauſoit grande douleur. De ce mal luy prouenoit vne facheuse conuoitise de manger viandes, ce qu'on n'eust ausé luy refuser. Au surplus il y auoit vne exulceration & naureure d'intestins, & principalement enduroit douleur aigre & cuisante du cole, qui est le boyau qui va depuis le roignon dextre, iusques au senestre, passant par sur le bas de l'estomach. D'auantage vne inflammation humide & comme reluisante & claire en ses pieds luy faisoit douleur: pareil tourment aussi le tenoit au petit ventre. Encor souffroit-il telle pourriture es parties honteuses que les vers s'y engendroyent. Semblablement il ne respiroit sinon avec peine & difficulté: chose qui luy faisoit grande facherie & douleur, pour le trauail qu'il enduroit à ahanner par frequent & quasi continu soufflement. Ce n'estoit pas encor assez: car vne roideur le tenoit par tous ses membres, lesquels il estoit contraint d'estendre souuent avec vehemence & force intolerable: parquoy les deuins inspirez d'un esprit diuin, qui ont ce don de sapience de pouuoir predire les choses, rapportoyent que Dieu punissoit le Roy par telle maladie, des meschancetez & impietez qu'il auoit commises en grand nombre. Voila ce qu'en dit Iosephe au lieu que i'ay allegué. Au surplus il met encor le semblable au second liure de la guerre des Iuifs, disant ainsi: La maladie ayant entrepris tout son corps, le tenoit affligé d'une infinité de diuerses douleurs. La fièvre le tourmentoit, qui n'estoit pas toutesfois fort vehemente: avec vn demangement intolerable par le dehors. Le boyau qui va du roignon à l'autre, par l'estomach, luy faisoit continuelle douleur: & estoient ses pieds enfléz, comme s'il eust esté hydropique. D'auantage il auoit vn embrasement du petit ventre & vne pourriture au membre viril engendrant des vers. Outre, la respiration luy estoit mal-aisée, ennuyeuse & difficile à auoir: puis vne conuulsion luy faisoit retirer tous les membres. De sorte que les deuins disoyent que telles maladies, & en si grand nombre, n'estoyent autre chose sinon la punition ou vengeance de ses grandes cruautez. Toutesfois ayant à endurer les assauts de tant de grosses maladies, si est-ce qu'il s'efforçoit d'y resister & garder sa vie, & pensoit soigneusement à tous les moyes par lesquels il pourroit receuoir guarison, esperant encor de recouurer santé: parquoy il se fait mener outre le fleuve de Iordan, à fin de boire des eaux chaudes d'aupres de Callirhoé, qui tombent au lac Asphaltite en la regio de Pentapole en Sirie: & pour ce qu'elles sont aisées à boire à cause de leur douceur, il en vſoit ordinairement.

En

*Playes & maladies enuoyees diuinement à Herodes.*

» En ce lieu, estant mis en vne cuvette propre à faire bains, pour y estre estumé & rechauffé en  
 » huile chaude, par l'ordonnance des medecins : les yeux luy saillirent de la teste sans aucune  
 » contraincte ny effort, & ainsi perdit la veüe. Et quand il cognut que sans amendement il sor-  
 » toit du bain, & auoit encor le corps tout desuoyé & froissé, oyant que ses seruiteurs tumultoiēt  
 » & bruiffoient ensemble, alors il commença à cognoistre la grandeur de sa playe, & maladie.  
 » Et voyant qu'il n'y auoit aucune esperance de pouuoir iamais à l'aduenir recouurer son enbon-  
 » point & santé, il ordonna que lon donast à chacun des soldats & gens d'armes pour hōme, cin-  
 » quante drachmes : & à ses capitaines & amis, il feit present de grande somme de deniers. A son  
 » retour il arriua à la ville de Hierico, desia forcené, enragé, & menaçant la mort mesme. Là où  
 » il adiousta à ses premieres meschancetez vne cruauté si execrable, que ie m'esbahis comme  
 » langue d'homme a cest e hardiesse de l'exprimer. Il feit assēbler les principaux & plus excel-  
 » lens personnages de chacune ville & villages de toute la Iudee, & les ordonna estre enfermez  
 » au lieu qu'on appelloit Hippodromes, où estoient les lices à picquer cheuaux, & ayant fait  
 » venir à soy vne sienne sœur, nommee Salome, avec son mary Alexas, leur tint ces propos. Je suis  
 » assuré (dist il) & sçay bien que les Iuifs feront grande feste, pour la ioye qu'ils auront de ma  
 » mort, mais si vous auiez le vouloir d'obeir à mes commandemens, & mettre à execution ceste  
 » mienne derniere volonté, par le dueil d'autrui, ie pourray estre plainct & ploré quand & quād,  
 » avec obseques & funerailles autant renommes qu'il est possible. Tout incontinent donc que  
 » i'auray rendu le dernier soupir, faites soudain passer au trenchant de l'espee, & mettre à mort  
 » par les gens d'armes de ma garde, tous ces hommes que i'ay fait emprisonner : à fin que par  
 » toute la Iudee il n'y ait aucune maison ny famille, qui ne pleure à mô enterrement. Et peu apres,  
 » le mesme historien dit: De rechef se sentant tourmenté, mal-mené de faim (car il ne pouuoit man-  
 » ger) & d'une toux conuulsue, impatient de tant de maux, delibera de preuenir & auancer l'heu-  
 » re de sa mort: & ayant prins vne pomme, demāda vn cousteau pour la nettoyer: car il estoit cou-  
 » stumier de manger des pommes espluchees avec le cousteau, & les aimoit. Quand il eut le cou-  
 » steau, il regarda à l'entour de luy, s'il y auoit personne qui le peust empescher de mettre à exe-  
 » cution ce qu'il auoit arresté de faire: & leua la main dont il tenoit le cousteau, comme s'il l'eust  
 » voulu mettre dedans sa gorge pour se tuer. D'auantage le mesme Iosephe a mis par escrit  
 » que apres qu'il eut, vn peu auant sa mort, commandé que son troisieme fils, naturel & vray,  
 » fust mis à l'espee, (combien qu'il eust desia fait meurtrir deux autres siens enfans) soudain  
 » apres il finit sa malheureuse & meschante vie en grand douleur & tourment.

*Cruauté de  
Herodes, e-  
xecutée à sa  
mort.*

*Herodes se  
veut tuer  
luy mesme.*

*Mort de He-  
rodes.*

*De la tetrarchie des fils d'Herodes : & comment Ponce Pilate (apres qu' Archelas fut depose &  
 mis hors de la Seigneurie de Ierusalem par l'Empereur) succeda au gouvernement  
 de sa tetrarchie, le douzieme an de l'Empire de Tibere.*

C H A P.

XVI.

**V**OY LA quelle fut la mort d'Herodes : Dieu retribuant aux embuches  
 dressées par luy a nostre Seigneur (par lesquelles aussi il mit à mort tref-  
 inhumaine vn grand nombre de petis enfans, innocens, en la ville de  
 Bethleem) iuste & condigne punition. Son fils Archilas luy succeda : ce  
 que mesme tesmoigne l'Euangeliste, quand il dit: Mais quand il ouit di-  
 re qu'Archelas regnoit en Iudee, au lieu d'Herodes son pere: il craignit  
 d'aller là: Car le Royaume d'Herode n'auoit pas encor esté diuisé en plu-  
 sieurs seigneuries, parce qu'il n'y auoit pas long temps qu'il estoit mort.  
 Iules l'Africain, historien, duquel auons parlé cy deuant de mesme opinion: car il dit qu'Ar-  
 chelas vint à la couronne de Iudee, par le testament & derniere volonté d'Herode son pere, &  
 par le vouloir & iugement d'Auguste Cesar: & que ses trois freres eurent chacun vne tierce par-  
 tie de ce qui restoit du Royaume paternel. Quant à eux ils iouyrent tousiours du gouvernement  
 de leurs tetrarchies & principautez: mais Archilas, apres neuf ans accomplis, fut chassé & de-  
 posé de son Royaume: & luy succeda Ponce Pilate en l'administration & charge de sa tetrar-  
 chie, lors que Tibere estoit en la douzieme annee de son Empire: comme le mesme Historio-  
 graphe le donne à entendre, quand il dit: Le douzieme an de Tibere, Pilate, qui luy estoit tref-  
 familier & amy, fut estably procureur du pays de Iudee: lequel tint ceste office de procuracion  
 par l'espace de dix ans entiers, quasi iusques à la mort de Tibere. De sorte qu'il est assez facile  
 de conclure de là, que ce qui est mis en auant des actes & menees de Pilate, à l'encontre de no-  
 stre Sauueur, n'est que chose feinte & controuuee: veu que le gouuernemēt de Pilate a esté long  
 temps apres: & que la supputation mesmes des annees, entre autre choses, donne principale-  
 ment cognoissance de la menterie qui y est. Car les susdits faicts de souuenance rapportent au  
 septiesme an de l'Empire de Tibere, la mort & passion salutaire que l'on a fait endurer à Iesus  
 Christ, audacieusement & temerairement. Auquel temps encor n'estoit pas Pilate gouuer-  
 neur de Iudee: comme le dit tref-bien Iosephe, qui soustient appertement qu'il commença à  
 estre lieutenant en la terre de Iudee, en la douzieme annee seulement de Tibere Cesar.

C ij



*De la mort d'Auguste Cesar: & de ce, qui est venu du temps de son Empire. De son successeur, Tibere: avec un discours d'une partie des choses aduenues sous luy.*

C H A P. X V I I.

*Autel à Iesus Christ, dressé par Auguste Cesar dans le Capitole. Exemple de sedition & rebellion punie.*



ESAR Auguste, Seigneur fort renommé pour les haultes entreprinſes qu'il mit à fin, d'une dexterité accompagnée de bon heur, & qui a esté le premier appellé du nom de Monarque & seul Empereur de la terre vniuerſelle, allant ja ſur l'aage, vint à l'oracle d'Apollon Pythien: auquel ayant offert vn ſacrifice de cent beſtes (qui eſtoit le plus grand de tous) il ſ'enquiſt, qui ſeroit celuy, és mains duquel, apres luy, tóberoit le gouvernement de l'Empire Romain: mais quand il vid, qu'il n'en tiroit aucune reſponſe, il ſacrifia de rechef autant de viſtmes qu'à la premiere fois, & interrogea l'eſprit, qui reſpondoit ordinairement, pourquoy il ſe taiſoit alors, veu qu'il eſtoit conſumier de donner conſeil: le quel, apres auoir vn bien peu attendu, reſpondit en ceſte ſorte:

*L'enfant Hebreu, & Dieu, qui gouverne les Dieux, Pour aller aux enfers, ou douleur triſte abonde:  
Me faiſt quitter ce temple, ou i abuſois le monde, Laiſſant donc noſ autels, cherche autre part tó mieux.*

*Aduertifſement au Lecteur.*

[Amy lecteur: faut noter que celuy qui a traduit les vers Latins en Francois, ſ'eſt oublieé quelquefois, pour la contraincte de la meſure & cadence d'iceux. Parquoy ne trouuez eſtrange ſ'il n'a ſuiuy touſiours la propriété des mots, & principalement ayez eſgard aux vers precedens couchez au 3. chap. 5. fueillet, ou il abuſe du nom de creature, au lieu qu'il a deu dire perſonne. car l'vion des deux Creatures diuine & humaine en Ieſuchriſt, à eſté faiſte non en la nature, ains en la perſonne diuine du fils de Dieu. Auſſi quand puis apres il dit, que la nature diuine à eſté patiente de ſe veſtir de noſtre nature, ce mot de patiente, ne met aucune paſſion en la diuinité, qui eſt impaſſible: mais reſpond a ce que l'Apoſtre aux Philip. 2. a dit que Ieſuchriſt *Exinaniuit ſemetipſum*, c'eſt à dire, ſ'eſt aneanty & abaillé iuſques a prédre l'infirmié de noſtre nature.]

*Mort de Auguste.*

*Eclipse de soleil & famine sous Auguste.*

Après auoir ouy ceſte reſponſe, Cesar retourna à Rome, & ſeit eleuer vn autel au Capitole, avec vne inſcription Latine, qui vaut à dire en noſtre langue, *AUTEL DV PREMIER-NAY DE DIEV*. Or du temps de l'Empire de cet Auguste, les Atheniens ſ'efforcerent de faire des ſeditions & reuoltes contre les Romains. Mais peu de temps apres, ayans eſté punis de l'eſmeute qu'ils auoient commencee, ils quiſterent tout & ne continuerent leur entreprinſe. Il mit auſſi par eſcript le nombre des bourgeois & citoyens Romains, leſquels il contrainſit d'apporter leurs denombrements pour eſtre enregiſtrez: & y en trouua treize Myriades: deux mille trentelept. Apres donc qu'il eut gouverné l'Empire par l'eſpace de quarante trois ans, ou (cōme autres dient) quarante ſept, ayant veſcu l'aage de ſoixante & quinze ans, ou plus, attenué par maladie, ſ'en alla de vie a trespas. Et dit on qu'au temps de ſon decés, y eut eccliſe de Soleil: & d'auantage trefgrande famine: de ſorte que la mine de blé froument ſe vendoit beaucoup de deniers. Au ſurplus, apres qu'il fut ainſi mort, Tibere, fils de ſa femme ſe ſaiſir du gouvernement de l'empire Romain:

Et trouue lon par eſcript, que de ſon temps quatorze villes d'Asie la mineur, cheurent par vn tremblement de terre: les nons deſquels ſont, Ephese, Magnésie, Sardis, Moſthene, Hierocesa-ree, Philadelphie, Tmole, Time, Mirine, Cyme, Apolonie, Hircanie, Die, Cibyre. Donc Tibere, ayāt marché en guerre avec groſſe armee contre les Perſans, compoſa avec eulx entre les mains de leurs amballades, & leuāt ſon camp, contrainſit de payer tribut. Les Perſans obeirent à ſon commandement. De luy, en retournant de ceſte expedition, il tourna ſon chemin vers la ville d'Antiochie: laquelle il eut en deliberation d'embellir & orner de plus grandes magnificence, & ſingularitez: & de faiſt, l'enuironna de murailles fortes & inexpugnables, & y ſeit eſleuer de grandes galleries, à ſe retirer deſſous pour euitter la chaleur du Soleil, ou l'iniure de la pluye, y dreſſant, pour parade & ornement, des piliers d'airain, ſtatues de bronze, & autres diuers edifices braues & ſuperbes.

Il y ſeit auſſi conſtruire, par excellente architecture, des temples, qu'il dedia à Iupiter, à Denis, & à Caſtor & Pollux: & dit on d'auantage, qu'il ſeit en ladiſte ville, pluſieurs autres choſes. C'eſt auſſi de ſa beſongne, la ville celebre de Iudee, Tiberias: & vne autre Tiberie, au pais de Trace: & ayant chaſſé de la cité de Ceſaree en Capadoce, ceux qui y exerçoient tyrannie apres Archelas, il la rendit tributaire au Romains. Mandant neantmoins par lettres aux gouverneurs & officiers des villes, que ſ'il ordonnoit d'aucture quelque choſe à l'encontre des loix, ils ne deuoient approuuer tel commandement, ny le mettre en eſſet, comme ayant eſté arreſté par ignorance.



Sa coustume aussi estoit telle, qu'il ne changeoit point de magistrats, gouverneurs, ou iusticiers facilement ny à la leger: ny n'estoit point l'administration, prééminence & iurisdiction à ceux qui auoyent le gouvernement & charge des republiques. Et pour donner raison de cela, il respondit quelque fois à ceux qui luy en demandoient la cause. Que le naturel de tous hommes, qui sont appelez au maniment des affaires publiques, est, d'estre cupides & desirieux d'amasser argent, & de mettre toute leur estude à s'enrichir & augmenter leurs biens de plus en plus. Au reste, s'ils ont longuement la charge du public, en exerçant leurs offices, ils deviennent plus negligens à faire leur profit & tirer à eux, tout ainsi que les mouches donnent moins de peine & de mal, quand elles ont esté posées quelque temps sur vne playe, que quand elles s'y sont premierement assises: parce qu'elles sont ia remplies & saoulées de la matiere de l'ulcere, y ayans demeuré aucunement. Que si celuy qui est chargé d'ulceres, vouloit charger les mouches, ia repues de sanie, & en y laisser venir d'autres affamees: il endureroit plus de peine, & seroit d'auantage tourmenté par les nouvelles, que s'il y eust laissé celles qui y estoient premierement. Toutesfois, quelque chose qu'il en dist, il deposa Archelas, fils d'Herodes, de son gouvernement de Iudee, & enuoya en son lieu, Ponce Pilate: non en qualité de Roy, mais bien comme administrateur & lieutenant du pais sous luy, au douzième an de son Empire.

*Conseil sage & notable de Tibere. Bon aduis, qu'il ne faut pas legerement changer ou debouter les administrateurs & entremetteurs des affaires publiques.*

*De la doctrine & presche de Iean Baptiste: du baptesme de Iesus-Christ: & encor du tesmoignage que Iean donna de luy. Chap. XVIII.*



Il y auoit-il quinze ans, que Tibere estoit Empereur, & trois ans, que Pilate auoit esté estably lieutenant de Iudee: & les trois seigneurs Tetrarches, freres d'Archelas, & fils d'Herodes: sçauoir est, Herodes le ieune, Philippe, & Lyfanie, gouvernoient leurs seigneuries: & Anne & Caiphe, administroient l'office de Pontife, chacun à son tour, lors que la parole du Seigneur (suyuant ce qu'en dit l'Euangeliste, inspiré diuinement) à esté donnée à Iean, fils de Zacharie, qui auoit ia vescu solitaire és deserts, par l'espace de trente ans & plus: & luy ordonna de prescher par la terre de Iudee, le baptesme de Penitence en remission des pechez: à quoy saint Ieā fut prest d'obeir: à le veoir de prime face. Or estoit ce la premiere fois qu'on l'auoit veu quand il commença à prescher: on ne l'eust iugé qu'un homme: au reste, il estoit d'esprit & d'entendement totalement diuin & tresexcellent: de sorte qu'on eust peu dire de luy, que c'estoit vn Ange, ayant prins corps humain, qui en toute sainteté vaquoit entierement à Dieu seul: estant vn personnage de bonnes & saintes mœurs, & fort éloigné de toute vanité mondaine. Il n'auoit aucune possession, ny biens terriens, ny mesme aucune nourriture pour alimenter son corps. Au surplus grande estoit son innocence, & son ame n'estoit point sujette aux affectiōs & passiōs desreiglees de vie, ains auoit vn esprit si simple que rien plus enuers les hommes. Il alloit seul, & ne menoit aucun avec luy pour compagnie: mais il estoit enuironné de tous costez, & accompagné de toute sorte de vertus, tout ainsi qu'un puissant Roy, est veu auoir plusieurs Archers pour la garde de sa personne, depuis le commandement à luy fait de prescher. Il se trouuoit tousiours prest & appareillé d'ouurir sa bouche diuine, pour enseigner tous les surnenans, proposant à chacun vne Doctrine conuenable, qui luy estoit diuinement inspiree.

*Predication de S. Iean Baptiste.*

*Tirant hors de sa bouche vne parole prompte, si douce, qu'en douceur, au doux miel faisoit honte.*

Car aux riches & opulens il recommandoit de faire aumosne, exercer charité & estre pitoyable. Aux princes, grans seigneurs, & à tous magistrats, il mettoit deuant les yeux les loix saintes & equitables de Iustice: aux Fermiers des deniers cōmuns, receueurs, generaux des pais, & autres collecteurs de gabelles ou tailles, il proposoit douceur & clemence, leur remonstans, qu'ils ne deuoyent point estre ennuyeux, ny causer fascherie à aucun, en demandant plus que ce qui est taxé & taillé: & aduertissoit ceux qui suyuoient la guerre, & receuoient gages ou soldes, qu'ils ne feissent point de tort à leurs prochains: qu'ils ne traitassent point mal leurs hostes: qu'ils ne deceussent ny surprinsent personne par calomnie, faulse accusation, tromperie, ruze, cauillation, ou malice: bref, que chacun d'eux se contentast de ses gages ordinaires. Aux ieunes gens, il enseignoit vne moderation de leurs affectiōs, & continence en leurs perturbations. Aux vieilles personnes, & à toutes autres, qui auoyent l'esprit rassis, il preschoit assiduelement la prudence & sagesse, & les conduisoit à plus ample congnoissance de Dieu, par le moyen de ses enseignemens salutaires: bref, il affermoit & declaroit apertement, à fin qu'aucun ne pretendist cause d'ignorance, qu'il estoit enuoyé deuant celuy duquel l'aduenement estoit proche, (nostre Sauueur Iesus-Christ) à fin d'occuper incontinēt, & preparer les sentiers du Seigneur, par

*Sommaire de la doctrine de S. Iean*

*Baptême  
de Iean.*

la doctrine de penitence, & lauement d'eau de baptême:disant, que bien tost viendrait celuy qui laueroit & baptiseroit par le feu & le saint Esprit, & separeroit le bon blé d'avec la paille, mettant à part le froument d'avec ceux qui auroient mené vne vie inutile, sans aucun fruit, & pourtant semblables à la paille. En ceste sorte la voix precedant le Verbe de Dieu, mettoit dans l'eau du fleuve de Iordain, ceux qui venoyent à luy, pour les lauer, ayans fait au precedent confession entiere de leur pechez: & ainsi les nettoyoit par le lauement d'eau de baptême, retrenchât & purgeant toutes les ordures de leur conscience: & les gardoit & mettoit en reserue pour le Christ, qui estoit pres de venir, iusques à ce que ia arriué en ce monde, luy mesme sortit de Galilee, & vn iour se trouua là, tout ainsi qu'un autre simple homme d'entre le peuple, pour estre laué, & recevoir baptême de la main de Iean son precurseur. Ce qu'il faisoit, peut estre apres a esté attendu, à fin qu'attouchant l'eau du fleuve, elle demeurast benite & sacree: mais à la verité, c'estoit afin de sanctifier celuy qui l'attouchant au plus haut lieu de sa diuine teste le baptisoit, & par mesme moyen communiquer son saint Esprit à ceux qui par viue foy se presenteroyent au baptême: mesme à celle fin de donner à entendre, & induire à croire, que le ministere du baptême de Iean, auoit dés long temps esté ordonné & passé au priué conseil de Dieu, à fin d'estre donné avec effect de Iustice à ceux qui le voudroyent reconnoistre & recevoir: Parquoy quant & quant que celuy qui est engendré de la terre, est laué & baptisé, & celuy pareillemēt, qui seul est pur, entier, net, & sans corruptiō, & qui nous a nettoyez & purgez de nostre peché, est arrousé d'eau. Mais aussi emporta il cest honneur singulier, surpassant toute nature, pour cause de ceste humilité si grāde, si excellēte, & qui passe pareillement les facultez humaines: que les portes du ciel luy furēt ouuertes, alors qu'il sortit de l'eau, & le saint Esprit en forme de colōbe descendit sur luy, lequel fait tousiours en luy son arrest corporellement. Ce qui aduint, ou à raison de la pureté & netteté de cest oiseau, ou par ce que ce fut la colombe qui appora avec grande ioye les premieres nouuelles de la fin du deluge. Et non seulement descendit sur luy, mais elle amena du ciel avec soy la voix de Dieu le pere, par vn son de tonnerre: laquelle voix le publioit & resmoignoit clairement & en termes diserts, estre le fils unique & bien-aymé de Dieu, auquel estoit son bon plaisir, & le comble de sa benediction. Doncques cest auant-coureur Iean (qui au rapport de la verité mesme, fut confirmé le plus grand de tous les hommes) ayant tresbien fait son deuoir au ministere du baptême, suiuant ce qu'il auoit enseigné, fit conuenablement & richement le mariage, entre Iesus-Christ l'espoux, & son espouse l'Eglise: & à voix claire signifia, non seulement à André, à Pierre, à tous ceux qui hantoyent avec Iesus, mais aussi à tous les viuans de son temps, & à toutes les generations des hommes qui viendroyent apres eux, qu'iceluy Christ estoit l'agneau de Dieu, effaçant les pechez du monde vniuersel, par son corps, qui n'estoit affermy à aucunes mauuaises & vicieuses affectiōs: l'annonçant (cōme celuy qui voyoit Dieu) à tous ceux qui croyoient en luy, estre le fils de Dieu, & Dieu Verbe, enuoyé du ciel en terre pour le salut de tous hommes, iceluy donner le saint Esprit, & estre le commencement, source, & fontaine de l'adoption des fils de Dieu. Pareillement il s'est dit son amy, pour cause de la grande amour & charité qu'il portoit au genre humain: mais tel toutesfois qu'il ne pouuoit (quelque recherche, qu'il en feist) trouuer la moindre raison que ce fust de sa dispositiō, ordonnance, economie ou administration: tant l'empeschoit à ce faire la petitesse & infirmité naturelle, commune à tous hommes. Voyla ce qu'il disoit clairement deuant tous à haute voix & intelligible, & s'efforçoit au possible de le persuader & mettre en teste.

*Comment saint Iean, parlant à la personne d'Herodes, le reprint, à cause d'Herodiade: & par quel moyen il fut decapité en un banquet, & alla aux enfers, pour y prescher.*

C H A P. XIX.

*Cest Herodes, surnommé Anti-pas, regna 24. ans.*



Mais parce qu'il estoit raisonnable, tout ainsi qu'il auoit presché & annoncé la presence corporelle de Iesus-Christ, à ceux qui pour lors viuoient en leurs corps, à fin qu'ils cōgnussent que l'œuvre & bien souuerain estoit totalement parfait & accōply, leur feust congnu: qu'il allast aussi aux enfers, & signifiait aux ames qui y estoient encloses, que leur salut & deliurance, laquelle par fois ils attendoyent, ia s'approchoit par foy, & estoit sur le poinct d'arriuer: A ceste cause il reprenoit Herodes manifestement à sa face, qui preferoit à toutes choses vne vaine & lasche affection qu'il portoit à vne dame, nomme Herodiade: ayant pour l'amour d'elle repudié & chassé sa femme propre, fille d'Aretas, Roy des Arabes. Herodes auoit prins en mariage ceste Herodiade, contre les constitutions & ordonnances de la loy: veu qu'il la scauoit bien estre femme de son frere Philippe, & qu'elle auoit lignee de son mary: mesme encor du viuant de luy, il l'auoit prinse pour femme, ainsi que dit Iosephe. Il est bien vray que la loy permettoit & vouloit qu'un frere prinst en mariage la femme de son frere: mais ce congé n'estoit donné qu'apres la mort du frere, qui seroit decedé sans auoir enfant engendré de son corps. Ce qui estoit ordonné

ordonné avec telle prouidence & aduis, à fin que le frere suruiuant suscitast semence à son frere trespaslé : Parquoy Iean ne celloit de reprendre ce vice, qui contreuenoit formellement à la loy. Mais Herodes, combien qu'au parauant il eust volontiers ouy ses propos salutaires, par ce qu'il le congnoissoit homme digne d'admiration, reuerence & honneur : toutesfois tenant plus de côté des amours desbordez qu'il portoit à Herodias qui le renoyét captif, que des bñs aduertissemens & admonitions diuines de ce personnage tant saint : le feit emprisonner & mettre sous garde seure. Or congneut il bien qu'on ne le tiedroit gueres, sans le faire mourir. Parquoy il enuoya deux de ses disciples à Iesus-Christ, à fin de leur faire chāger l'opiniō qu'ils auoyēt cōceue de luy : Car ils estimoyent saint Iean estre beaucoup plus grand personnage, que n'estoit Iesus-Christ. Lequel ne respondant rien à leurs interrogations, leur commanda seulement de rapporter à saint Iean leur maistre, les miracles, que de sa propre vertu il faisoit. Et apres les auoir cōfermez en autre plus vraye opinion, que celle qu'ils tenoyent au parauant, voulant nostre Seigneur declarer la verité à ceux qui estoient lors presens, il cleue saint Iean avec louanges, & luy attribue tresgrand honneur, disant apertement que c'estoit le plus grand d'entre tous ceux qui ont prins leur estre de femme, voire qu'il estoit plus excellent qu'un prophete. Et à fin d'oster toute suspicion de flatterie, il se dit moindre, selon leur opinion, mais aussi s'appelle il plus grād que luy, au Royaume des cieux. Or aduint il peu apres, qu'Herodes prepara vn somptueux festin, pour celebrer le iour de sa natiuité. En ce banquet il n'y eut faute de rien, qui fut commode pour se resiouir : car l'appareil en fut si magnifique, qu'on n'y esparigna aucune sorte de viande delicate, les saulces aigües sans l'appetit, force pastilleries bien apprestees, les vins excellens n'y furent oubliez : Mesme on y pouuoit veoir toutes les especes d'esbats & recreations qu'on imaginait. Apres auoir longuement banqueté & beu d'autant, les tables desseruiues, suruint la fille de ceste putain Herodiade, & se mit à baller avec vne extreme impudence en ses saults & mouuemens mignars, nullement esmeue de la presence de tant de personnes : bien que toutefois elle fust estimée estre vierge, & fille du Roy : chose qui n'estoit pas seulement ny belle, ny honneste à veoir aux yeux modestes & pudiques, mais qui deuoit estre fuyee, de peur de la regarder. Mais par le fruit on congnoit quel est l'arbre. Encor furent si grands les attraiets & allichemens de ceste danse impudique, que, combien qu'elle ne demandast rien, Herodes toutefois luy voulut donner la moitié de son Royaume, & la pressa de l'accepter : qui estoit vne liberalité assez hastiue, & non moins detestable pour vn Roy, de communiquer à vne fille la moitié de ses seigneuries, pour si petite occasion. Mais ceste generation de vipere, instruite par sa mere, demanda vne chose beaucoup plus grande & excellente, que tous Royaumes mis ensemble : qui estoit la teste de saint Iean Baptiste, tant precieuse, qu'il n'y auoit prix aucun, qui approchast d'elle en valeur. Luy doncques, scrupuleux iusques à là, qu'il festimoit estre obligé par tel serment : ou bien à la verité, tellement arresté & detenu par l'amour vehemente qu'il portoit à Herodiade, à laquelle il vouloit cōplaire en toutes choses, fait incontinent trancher la teste à saint Iean Baptiste, & commande qu'elle soit apportee dans vn plat, pour l'yssue de table de ce banquet abundant en toutes sortes d'excès & dissolutions, ores qu'elle fust toute couuerte de sang, & gaste de poudre où elle estoit tombee : qui fut vn spectacle peu agreable, & encor plus triste pour les conuiez y assistans, mais delectable & plaisant à la mere de la fille. Car elle auoit grandement desiré & cherché les moyens de veoir ceste teste coupee de dessus les espauls de l'homme du mode qu'elle hayoit le plus, à cause qu'il luy defendoit & mettoit empeschement d'vser à son vouloir & plaisir des choses qu'elle desiroit : à fin que par mesme voye elle se gabast par mocquerie de la langue deuenue finalement muette, qui, par bon zele & sainte emulation, auoit esté faite plus aguissante, que n'est quasi vne queue. Voyla comment il fut tué : estant sa teste, par sus toutes tresexcellente, donnee pour prix & recompense d'un bal delicat & impudique, à ceste Menade furieuse, comme le plus honneste present qu'on luy eust sceu faire. Quant à la mere de ceste fille, il luy sembla bon d'enseuelir la teste trenchedee, secretomēt sans aucun tesmoin ou arbitre, au lieu plus secret & retiré du palais Royal : comme si elle eust encor eu crainte des remonstrances & reprehension de saint Iean, mesme apres luy auoir fait trancher la teste, elle craingnoit de la ioindre au reste du corps : pourtant elle le cōmanda estre ietté aux champs, & exposé aux bestes brutes, sans aucune sepulture. Toutesfois ses disciples l'enleuerent seul sans teste, le plus secretement qu'ils peurent, & l'enseuelirent en vn lieu honorable, avec honneur solennel, tel qu'il meritoit. Or Iesus-Christ print grande fascherie, & eut merueilleux regret de la mort de Iean, apres auoir entēdu quel broüet on luy auoit brassé : & s'estant embarqué, se retira aux deserts, où il ne hantoit personne, à fin de se cōsoler, & appaiser sa douleur, par le moyen du repos qu'il trouuoit en telle vie solitaire. Doncques Iean, outre les autres bonnes vertus & tresbelles perfections qui l'endoient fort excellent, en tesmoignage du nom de Iesus-Christ, eut l'honneur de souffrir mort, comme martyr qu'il a esté : & par ce moyen, acquit le Royaume des cieux, dont il estoit digne : apres auoir passé trentedeux ans & demy, à s'acquitter du deuoir, pour lequel il auoit esté mis sur terre.

*Tesmoigna-  
ge de Iesus-  
Christ, tou-  
chant S. Iean.*

*Cōuue ma-  
gnifique au  
iour de la  
natiuité  
d'Herodes.*

*Dāse de fil-  
le sentāt sa  
paillardie.*

*Meurtre  
tresmes-  
chant &  
iniste de  
S. Iean.*

*Menades,  
prestresses  
de Bacchus.*

*Sepulture  
de S. Iean.*

*Iesus se reti-  
re en solitu-  
de es de-  
serts.*

*De la mort tref-villaine de la fille d'Herodiade: & que dit Iosephe de luy : & comment il donne grande louange à saint Iean Baptiste.*

CHAP. X.

*Mort d'Herodiade.  
Mort tref-ennuyee de la fille d'Herodiade.*



**M**Ais ceste adultere & inceste, pleine de rage ( qui estoit estimee l'espouse d'Herodes, combien qu'à la verité elle fust femme de Philipp e) ayant vescu plus qu'elle ne deuoit, & veu de ses yeux la fin triste & malheureuse de sa fille, bien apprinse à baller, deceda pareillement: comme celle qui estoit reseruee au iugement & supplice du siecle futur, à fin d'y boire incessamment la pure lye de l'ire diuine, au calice de l'intolérable courroux & indignation du seigneur Dieu. Quant à la mort de sa fille, parce qu'elle est digne d'estre mise en memoire, il faut entendre qu'elle a esté telle. Elle s'estoit ingeree de faire quelque voyage en temps d'hyuer, & en son chemin y auoit vne riuere à passer, & parce que la gelee l'auoit si bien fait prendre & coller ensemble, que lon n'y voyoit sinon vne glace continuelle: pour la passer plus à son aise, elle se mit à pied: Mais ainsi qu'elle estoit dessus, la glace va rompre (& ce, par l'ordonnance diuine) tellement qu'elle tombe en l'eau iusques au col: & remuant les parties basses de son corps, elle balle doucement, non sur terre, mais dedans l'eau: & sa meschante teste, gelee par la force de la froidure & glace, & avec ce blessée & separée du reste du corps, non avec ferrement ou glaiue, mais avec des croustes d'eau glatee, represente vn spectacle de danse mortelle, par dessus les glaçons, qui raffreschissoit aux regardans la memoire de ce qu'elle auoit fait. Au surplus la vengeance diuine (combien que tardiue & lente, comme elle est ordinairement) poursuuyt aussi peu apres, Herodes mesme, laquelle estoit principalement irritée (côme ie pense) de l'acte vilain & infame qu'il auoit commis en abusant de la femme de son frere. Car il chassa hors de sa maison sa propre femme: d'autant qu'il auoit du tout retiré & estrangé son cœur d'elle, à cause de l'amour vehemente qu'il portoit à sa putain Herodiade. Sa femme ne pouuant endurer si grand outrage, se retira par deuers son pere (lequel, comme a esté dit cy deuant, estoit Arete, Roy des Arabes) & luy contant par le menu les iniures à elle faites, & le mespris arrogant, auquel Herodes l'auoit eue, le pria de prédre la vengeance d'une chose tant digne, & qui ne deuoit pas estre endurée par vne femme de haut lieu & d'honneur. Le pere ( qui estimoit l'outrage que sa file enduroit, estre fait à soy mesme) ayant amassé autant de gendarmerie qu'il peut, commença deslors à faire guerre contre Herodes, duquel l'armee il hacha en pieces, mit en feu & gasta tout son païs, prenant & emmenant vne infinité de ses hommes prisonniers: de sorte qu'il retourna en son Royaume, apres auoir mis à fin toutes ses entreprinse, avec autant heureux succès, qu'il l'eust sceu desirer. Et ce que ie dy, non seulement est escrit au liure des Euangiles sacrees: mais aussi Iosephe (auteur, ayant autant à dire verité, qu'autre, qui se trouue) faisant mention d'Herodiade, le confirme par son tesmoignage. Car il dit qu'Herodes feit tant par ses menées, qu'il estrangea ceste Herodiade de l'amour de son frere, duquel elle estoit femme, mesme du viuant d'iceluy: & l'ayant attirée en sa maison, l'espousa & print à femme: & se separa d'avec la fille d'Arete Roy d'Arabie la pierreuse ( avec laquelle il auoit esté conioinct par mariage, ensuyuant l'ordonnance des loix) repudiant & chassant vne femme de bien, pour vne paillardie. Il escrit d'auantage, qu'Herodes (apres que saint Iean fut decapité, à la poursuite de l'adultere Herodiade) mena guerre contre Arete, comme si sa fille luy eust appresté l'occasion de manier les armes: & qu'en ceste guerre, toute la gend'armie d'Herodes passa au fil de l'espee. Ce qu'il adioute estre ainsi adueni, pour cause du meurtre par trop audacieux & cruel, commis en la personne de saint Iean Baptiste. Au reste, il tesmoigne, que saint Iean fut vn homme de bien & tref-iuste: & fait mention du baptesme: bref, il ne contredit en rien, mais s'accorde en tout & par tout à l'Euangile, touchant ce qu'il met de saint Iean. Encore conte il qu'Herodes decheut de son Royaume, pour cause d'Herodiade: avec laquelle il fut banny, & enuoyé en exil. Plus, que le lieu de leur bannissement fut vne ville prochaine des Gaules, située vers le ponant, qui se nomme Vienne. Or ay ie icy mis les mesmes propos, que Iosephe tient de saint Iean Baptiste, au dix-huitiesme liure des Antiquitez des Iuifs. Aucuns personages de la nation de Iudee ont estimé que l'armee d'Herodes a esté mise en pieces par la iuste vengeance de Dieu, à fin que ce cruel Roy fust puny du meurtre qu'il auoit commis en la personne de Iean, surnommé Baptiste: Car Herodes le feit mourir, iacqz qu'il fust homme de bien, comme celuy qui faisoit venir les Iuifs au baptesme, leur remonstrant comment il falloit s'exercer es œures de vertu, porter honneur à la iustice, & auoir feruente amour avec deuë reuerence à Dieu. Car il enseignoit que leur baptesme seroit alors bien venu & agreable deuant Dieu, si non seulement ils prioient leurs pechez leur estre pardonnez par le moyen de confession, mais si aussi ils estudioient à la netteté & pureté du corps, leurs ames estans mondifiées par auoir reuerence à iustice, & faire toutes œures de vertu. Car les remonstrances qu'il faisoit, esmouuoient fort les Iuifs à le croire, & faire selon

*Herodes puny par bannissement.  
Iose. lib. 19.  
chap. 7.*

*Tesmoignage de Iosephe, touchant s. Iean Baptiste.*

selon son dire. Or Herodes ayant suspecté l'éloquence & beau-parler de cest homme, pour autant qu'il le voyoit auoir grande force & efficace à persuader ce qu'il disoit, & craignant que les affaires ne tombassent en quelque reuoltement, parce qu'il luy estoit bien aduis que les Iuifs se gouverneroyent à l'appetit de saint Iean, & suyuroient son conseil en toutes choses: il estima estre le meilleur de le saisir au collet, & faire mourir, auant qu'il eust innoué aucune chose, que d'attendre l'heure du tumulte & danger, apres le changement des affaires, pour se repentir de n'y auoir mis ordre: Parquoy saint Iean est mis sous bonne & seure garde és prisons de la ville de Macheronte, à raison de tel soupçon d'Herodes: & là mesme luy est la teste leuee de dessus les espaules. Voylà ce qu'en dit Iosephe.

*De la tentation de nostre Sauueur Iesus-Christ: de l'election des douze Apostres, & aussi des soixante & dix disciples: puis de la predication de l'Euangile,*

*C H A P.*

*X X I.*



Ain& Iean arriua aussi, comme auant-coureur à ceux qui estoient és enfers, & là annonça pareillement la venue & presence de Iesus-Christ. Or fut Iesus-Christ cōduict tout seul par le diuin esprit aux lieux deserts & solitaires: où s'addonnant à pieté & vertu, sans estre troublé de personne, il ieuna quarante iours & quarante nuits continuelles, & demeura là sans manger aucune chose, quelle qu'elle soit: comme celuy qui estoit refait, fusteté & renforcy par oraison, trauail d'esprit & frequente contemplatiō. Mais quād il fut frappé d'affection naturelle de pre&dre quelque nourriture, & que la faim commen&ça à le gagner, de son plein gré il endura

& permit estre tenté par le mauuais esprit. Lequel, s'attachāt à la pensee & intelligence diuine, pour l'esprouuer & tēter, amena avec soy le pretexte & couerture de l'entendement & vouloir de Dieu, & le combattāt avec les armes de trois passiōs & affectiōs trespuissantes, il luy dist premierement: Si tu es fils de Dieu, comme i'ay suspi&tion, commande que ces pierres soyent faites pains. Puis l'ayant mené sur le pinnacle & creneaux du temple, il luy ordonne de se ietter à bas, & dit, qu'en cela n'y a aucun danger: ce que soudain il s'efforce luy persuader, en amenant vne prophetie à propos, tirée de Dauid, pour tesmoignage. D'auātage, il s'estudie de le deceuoir par conuoitise de vaine gloire: & luy monstre tous les Royaumes, lesquels il promet luy donner, s'il se veut ietter à genoux deuant luy, & l'adorer: & par experience monstre & declarer sa diuinité. Mais apres auoir resisté au tentateur Sathan, par autorité de l'es&criture sainte, il le chassa d'avec soy: & non seulement demeura vainqueur en ces combats, que ie vien de dire, mais aussi en toutes autres escarmouches & assauts de l'ennemy. Puis ayant esté approuué par l'applaudissement del'es&prit de Dieu, superieur & maistre par dessus la condition des hommes, à cause de toutes perfections & vertus qui sont en luy assemblees, ayant esté aussi honoré du seruice d'vne compagnie d'An&ges, comme il estoit raisonnable: il laissa les deserts & lieux solitaires, & alla de ville en ville par les païs de Iudee & Galilee, visitant toute la race des enfans d'Israel, & donnant aduertissement à vn chacun de deuenir sage, & auoir repentance de ses pechez: leur apportant la ioyeuse nouuelle, que ia le Royaume des cieux approchoit, & estoit prest. Dès ceste heure mesme il commen&ça son Euangile, & ayant fait quasi comme quelques fondemens, primices & commencemens sacrez des deux natures ensemble, le Dieu-Verbe, peu apres ce temps qu'il se mit à pres&cher, esleut pour son seruice douze saint& disciples, lesquels il nomma Apostres, leur faisant speciale&ment cest honneur de les appeller d'un nom signifiant Messagers ou Embassadeurs. Saint André le premier, qui mesme auoit eu place entre les disciples du pre&curseur, par lequel il auoit esté soigneusement instruit en la doctrine de Iesus-Christ. Et son frere saint Pierre, laissant leur pere, leur nauire, leurs rets & tout le reste qu'ils auoyēt, se ioignirent à Iesus. Puis saint Iacques & saint Iean, tous deux fils de Zebedee (lesquels le Seigneur Iesus-Christ appella aussi fils de tonnerre) faisant ainsi que les deux premiers, laisserent leur pere avec la nacelle & fillets à pes&cher, & suyuirent celuy qui les appelloit. Et saint Philippe de Bethzaïde, ayāt sa maison prochaine à celle de saint André & saint Pierre, les suyuit aussi, & fut du nombre des disciples. Saint Thomas l'accompagna, qui fut appelé Didyme: & saint Bartholomee, eut le septiesme lieu: puis saint Matthieu, qui estoit l'un des publicains: apres, saint Simon le Cananeen. Encor y furent receuz saint Iacques fils d'Alphee, & saint Iudas, frere germain de S. Iacques, qui fut appelé frere du Seigneur Iesus, lesquels tous deux estoient fils de Ioseph, espoux de la vierge-mere. Le douziesme & dernier Apostre estoit Iudas, que lon appelloit d'Is&cariot. D'auantage Iesus-Christ esleut soixante & dix disciples: lesquels il enuoyoit deux à deux deuant luy, en toute ville & region, où il vouloit aller. Or se seruoit nostre Seigneur de ses douze Apostres & soixante & dix disciples (lesquels il auoit appelez & esleuz, pour luy tenir plus estroite compagnie) comme de ses seruiteurs fideles, ministres diligens, & coadiuteurs en l'œu&re de l'Euangile: & leur communiquoit petit à petit les choses sacrees, secrettes, diuines,

*S. Iean pres&cha la venue du Sauueur, mesme és enfers.*

*Tentatiō de Iesus Christ au desert.*

*Matth. 4.*

*Marc 1.*

*Luc 4.*

*Les An&ges font seruice à Iesus-Christ, vainqueur des tentations du diable.*

*Electiō des douze Apostres.*

*Marc. 3.*

*Vocatiō des disciples inf&mes au nombre de soixante & dix.*

## LIVRE I. DE L'HISTOIRE ECCLESIASTIQUE

& qu'on ne peut bonnement dire, les aduançant tousiours de plus en plus à la perfection: & marchoit par pais de ville en ville, s'aydant d'eux ny plus ny moins que s'ils eussent esté ses propres enfans. Et premierement il s'adressa, pour prescher, à la gent & lignee d'Israel, qui sembloit luy appartenir comme propre & particuliere. Car c'estoit bien la raison que luy qui commençoit à se môstrer bon, bening & gracieux, bastist les premiers fondemens de sa douceur & charité, aux cueurs de ses familiers & amis: puis qu'il receust en sa grace, qui s'estend par tout tresabondamment, les autres plus esloignez, chacun selon son ordre.

*Quelle est la fin des preceptes de la doctrine Euangelique : quelle est la force des paraboles  
& comparaisons: & que par le moyen des bonnes œuvres & contemplation  
nous sommes conduits à l'amour diuin & parfait, faits sembla-  
bles à Dieu & coheritiers de Iesus-Christ.*

CHAP. XII.



V surplus a esté bien veü & congneü sa largesse en toutes ses paroles & faits: Car le tressage Verbe de Dieu exerçoit ses disciples certainement, les façonnoit soigneusement par paroles de parfaite sâpièce & intelligence saine, en les accoustumant aux loix de l'esprit de vie surmontâs toute nature: & leur représentant peu à peu, & quasi leur figurant les conleurs de vertu, à fin de les pouuoir amener à la contemplation & congnoissance de Dieu, leur faire mettre à executiô choses agreables à Dieu, fondees sur l'imitation d'iceluy. En outre par le moyen de ses faits, signes prodigieux, & miracles supernaturels, il confirmoit tellement en leurs cueurs la grandeur de la congnoissance diuine, qu'il leur mettoit en teste de croire, & consentir avec foy certaine, sans aucun doute, à la verité qu'il preschoit. Et ce faisant, les conduisoit & menoit iusques à la principale & plus souueraine vertu qui est l'amour de Dieu, par le sentier de la foy, & esperance de perfection conceüe en leurs vies, les contregardant aussi, & defendant par le moyen de l'une & de l'autre. Apres donc auoir endoctriné & instruiet par ce moyen ses familiers auditeurs & spectateurs, & iceux confirmé & asseuré en la foy, par ses faits & enseignemens salutaires, comme il estoit bon de faire: il les enuoyoit par le monde vniuersel, & enseignoit par leur doctrine, toute ame droicte & entiere, la ioignant à foy familièrement, la deisant autant que faire se pouuoit, & la rendant digne & capable de iustice. Or qui voudra veoir plus soigneusement & exactement le discours de sa doctrine Euangelique, mis par escrit, & le recit magnifique des miracles de Iesus-Christ, declarez tous l'un apres l'autre: il pourra se contenter des memoires que nous ont laissé les quatre disciples & Euangelistes de Dieu, toutesfois il me semble estre raisonnable, d'en poursuyure encor quelques poinets, iugeant bon, de les traiter, non pas amplement, comme si cela estoit de nostre entreprinse & deliberatiô, mais seulement en peu de paroles. Aussi est il besoin en toute science, de congnoistre quelle en est la fin & vtilité, si on y veut appliquer son esprit diligemment, & non par maniere d'acquit. Donc comme es autres disciplines, pareillement en ceste vacation & estude il conuient entendre en premier lieu le but d'icelle, sçauoir est, quel profit pourront auoir ceux qui par tel estude aspirent à acquerir perfection, s'estant proposé de viure selon les decrets & ordonnances de l'Euangile. Parquoy tout ainsi que chacun docteur & maistre d'eschole tend à ce but, de rendre son disciple semblable à foy, autant qu'il sera possible, par la communication de son sçauoir: aussi nostre grâd precepteur & maistre Iesus-Christ (qui à la verité est singulierement bon) s'est constitué ceste fin, de conformer à foy autant que l'humaine condition & fragilité le pourra permettre, vn chacun qui s'approchera de luy par le moyen de l'Euangile: & les presenter à Dieu son pere, comme ses fils, ainsi conformez & rendus semblables à luy: & d'abondant les establir heritiers de Dieu son pere, & ses coheritiers, créez par l'adoption gracieusement accordee aux hommes, moyennant le mesme Iesus-Christ fils vnique & premier né de Dieu le pere. Doncques regardant attentiuement à ceste fin de l'Euangile, si grande & merueilleuse, & à l'honneur de si excellente adoption: nous deuôs amener & penser en nostre esprit vn chacun de ses preceptes, prins à part l'un apres l'autre, & les esplucher tous autant auant que faire se pourra: Car nous trouuerons qu'aucuns de ses commandemens n'etroyent & purgent la partie superieure de l'ame, qui est la raison, & chassent loing toute ignorance & bestise, ostans & repoussans tout ce qui est de vanité es pensees de nostre raison: & au lieu d'elles, introduisent la congnoissance aymanste Dieu, & agreable à luy, avec vne prudence conioincte à ce qui est d'equité & de raison. Aucuns autres ordonnent & rangent les affectiôns desreiglees de nostre ame: car ils estraignent & resserrent, quasi comme avec des chaines, ceux qui sont mal conditionez, desobeissans & rebelles: diminuans ou bien arrachans entierement toute indignation vehemente, tout courroux impetueux, & toute villaine crierie: bref, tout blaspheme, detractiô, & maledictiô: & substituâs en leurs places vne douceur & façon

*Afin qu'il  
nous face  
fils & he-  
ritiers de  
Dieu, &  
coheritiers  
de Iesus-  
Christ.*



façon de faire des mœurs traictables, vn esprit iuste & constant, qui ne face rien sinon à heure & ainsi qu'il doit estre fait. Il y a aussi quelques preceptes, qui composent & moderent la partie de nostre ame, subiette à conuoitise, pourueu quel on soit diligent & curieux de les obseruer: ammortissans & esteignans es entendemens humains toute paillardise, toute meschanceré & villenie, & (afin de dire simplement en vn mot) toute mauuaise affection & perturbation. Au lieu dequoy, ils y mettent la purité, sobriété, temperance, vergongne honneste, constance, non en-rachée d'aucun mauuais desir: en apres, l'innocence, netteté, chasteté vuide de toute polution & souillure tant de la chair que de la volonté. Somme, tous les preceptes contenus es Euangiles instruisent l'vn des cinq sens de Nature: l'autre, vn autre, tout ainsi que Pedagogues ayans charge d'enfans, formant & bridant la langue selon qu'il faut. Aussi tous ces preceptes, ayans acquis leur force & vigueur par le moyen de l'esprit, & prins place en l'entendement humain, avec meur iugement, ainsi qu'il appartient, rendent vertueux & bien deliberez ceux qui les obseruent: de sorte que par cela ils deuiennent gens de bien, iustes, paisibles, doux, equitables, misericordieux, & amateurs de Dieu: & pour dire en peu de paroles, nous enseignent à chasser de nos cœurs entierement route iniustice & meschanceré, & leur tourner le doz: au contraire, mōstrent comment il se faut exercer en toute iustice & vertu, & penser diligemment à bien, selon la proportion de conformité & ressemblance, que la personne aura à son enseigneur & docteur: de sorte que ceux qui auront touché au but de telle disposition, affection de cœur, & habitude à bien faire, & se seront gardez d'enfreindre tels commandemens, selon leur possible, ne pourront plus offenser puis apres: comme gens disposez & conduits à telle perfection, que la force de la nature humaine peut porter, tout ainsi, ou à peu pres, qu'est leur precepteur & maistre, qui leur a monstré le chemin à choses tres-bonnes & conformes à la vertu. Au reste, quand on est en telle sorte mené à la perfection, par le moyen de la congnoissance des commandemens, mise en œuvre, le passage est aisé & facile, de monter au plus haut de la vertu contemplatiue, par l'escalier de celle, qui est actiue, & consiste en execution: car si quelcun accomplit les commandemens de Dieu, en faisant bonnes œuvres, il est quand & quand remply (par le vouloir diuin) de douceur & charité celeste: & tel finalement recueille les fructs de la reuelation des mysteres diuins, selon la proportion du profit ou auancement qu'il y aura fait: ce qu'il luy sert de loyer & recompense à la vertu, qui met les œuvres en effect: tellement qu'il pourra contempler euidentement & comme à l'œil (apres qu'il se sera donné entree par le moyen des bonnes œuvres) les choses que mesme il ne pouuoit pas entendre ny ouyr, lors qu'oïsis, il s'absentoit de la vertu effectrice & actiue, ores que l'exposition par quelque interprete luy en fust faite, à cause qu'il estoit esloigné d'icelle vertu, qui met la main à la paste si qu'en en embrassant icelle il en viendra à bout, & sera fait (par contemplation) participant des choses cachees & indicibles. Par ainsi montant au plus haut des sciences diuines, il recherchera icelles choses & les sçaura, en nageât librement & sans aucun dāger, par les plus profonds abysses de la sapience de Dieu. Celuy aussi, qui executera soigneusement les arrests de la cour celeste, mettra deuant les yeux de son entendement, avec le mesme esprit qui le conduit à bonnes œuvres, les paraboles, comparaisons, enigmes, & autres sentences de difficile intelligēce (le tout à l'edification & auancement de ceux qui apprennent) & se bastira comme vne montee de degrez en son cœur, conduisans par la subtilité de son esprit au plus haut de la congnoissance d'icelles: & par ce mesme moyen contempera sainctement, & non sans mystere, les choses obscures, couuertes cachees, qui concernent la sapience de Dieu eternal. Les commandemens donc & comparaisons qui sont es Euangiles, entant que d'elles on en peut parler briefuement, font ce que succinctement ie viens de dire: car telles Ordonnances & Paraboles rendent les humains (qui aspirent à la perfection par l'accomplissement d'icelles) executeurs de bonnes œuvres, contemplateurs & vray Philosophes, elisans sur tout mener telle vie que les Apostres: voire les font (qui plus est) freres, & participans avec Iesus Christ. Au sur-plus il ne se peut aucunement faire, que la nature & petitesse de l'homme, mené de son propre mouuement & force naifue, attouche à la perfection de ceste vertu actiue, ou bien paruienne au haut sommet des contemplations, si quelcun n'a place au profond de son cœur (comme par maniere de leur fondement) le Sauueur & Seigneur Dieu parfait, de semblable puissance, force & vertu avec son Pere, & entant aussi, qu'homme parfait & accomply: duquel s'aydant pour seure guide, faudra qu'il le prie instamment, qu'il luy donne la grace, que l'execution des œuvres vertueuses, & quand & quand, la contemplation des secrets diuins, luy succede heureusement: ce que à la verité, nostre Seigneur Iesus a monstré par soy-mesme à ceux qui l'ensuyuoient: & consequemment l'a enseigné à toutes nations & peuples, par les sacrez Euāgiles, à sçauoir, leur faisant entendre, & les assurant au vray, qu'il estoit ensemble Dieu & hōme parfait.

D

*vertus actiue & contemplatiue, est, que lon croye & confesse, Iesus-Christ nostre Sauueur estre vray Dieu & vray homme.*

*Les commandemens de Dieu, tournent en habitude & ne s'en gardent l'homme d'offenser.*

*La vertu actiue donne passage & entree à la vertu contemplatiue.*

*Le fonde-ment de vraye pieté, & des*




# LIVRE I. DE L'HIST. ECCLESIASTIQUE

A quoy aussi nous ayans esgard deuons croire & confesser de bouche, que nostre Seigneur est Dieu & homme, accompli en toutes choses: & estans deuement informez de ses commandemens, aspirer & mettre peine de toucher le but de sa diuine perfection.

*Quelles œures, descriptes en l'Euangile, declarent Iesus Christ estre homme parfait: & quelles sont celles qui monstrent la perfection de sa Deité.*  
Chap. XXIII.

*Signes certains de l'humanité de Iesus Christ.*



*De leur bouche meschante & villaine, ils cracheront les crachats enuenuimés dit Lactance.*

*Signes manifestes de la diuinité & Deité du Seignr.*

*Par miracles Iesus confirme la foy de sa Deité.*

R ya il beaucoup de signes qui assurent appertement que nostre Seigneur est homme parfait naturellement, hors mises toutefois les souillures & ordures qui suyuent la nature: sçauoir est, le temps & terme de neuf mois, durant lequel la Vierge mere l'a porté en son ventre: sa nativité, l'education d'iceluy, le lauement au baptême, tentations, faim, soif, labeurs, peines, traux, pleurs, larmes, angouisses, sommeil, ennuy, fâcherie, & toutes autres affections naturelles à l'homme & non reprehensibles, d'auantage les iouïsses, soufflets, verges, fouets, outrages, irritations, mocqueries, . crachats, & autres choses semblables: puis la croix, les cloux, le vinaigre, le fiel, la lance: bref, & finalement sa mort, funeraillies, enterrement, & sepulture. Et ont ses disciples veu pour lors appertement ces choses, afin qu'en eux fut confirmée la foy de la chair & humanité: & quant à leurs successeurs, qui sont venus apres eux, à chacun en son ordre, les mesmes choses leur ont esté exhibees & representes par les escrits des sacrees Euangiles. Parquoy il me semble qu'il n'est ja besoin de plus grande approbation, pour monstrier que nostre Sauueur a esté vray homme, & parfait. Mais qu'il soit Dieu parfait & vray, sans aucune confusion, & souilleure (comme celuy, qui a sa substance diuine, auroit ioint nature humaine inseparablement, & qui se seroit approprié les conditions de nature peculiers à l'homme, n'estimant les affections naturelles & irreprehensibles, qui aduiennent aux humains ordinairement, luy estre mal-seantes) les indices & argumens sont ceux que ie vay dire: premierement, la naissance, qu'il a eu de la Vierge, sans aucune semence d'homme: les hymnes excellens & magnifiques, de la compagnie celeste des Anges, qui ont esté ouys autour de luy, chantans la gloire & louange, l'estoille, guide des Sages en leur chemin, l'offre des presens & l'adoration faite par eux, qui donnoit secrettement à penser grandes choses: plus, le singulier tesmoignage de S. Jean, quand il luy donna le Baptême: & encor, la voix du pere celeste de beaucoup plus singuliere, qui fut entendue les cieux estans ouuerts lors qu'il receuoit le Baptême, & l'esprit diuin, qui des cieux descendit sur luy en figure de colombe, tirant la voix particulièrement sur celuy que lon baptisoit, laquelle le nomoit haut & cler son fils bien-aimé: & beaucoup d'autres choses, qu'il n'est ja besoin de raconter presentement les vnes apres les autres. Or ce que i'ay dict, peut faire assez ample foy, & seruir de suffisant tesmoignage de sa diuinité, à l'endroit de ceux qui la viendront à considerer & entendre solidement. Au surplus, à celle fin que le monde grossier, & enseuely au profond des tenebres, feust esclaircy, & que les hommes, estans esblouys en en obscurité, peussent veoir la tresgrande lueur de l'amour diuin, incredible, & plus qu'infiny, enuers le genre humain, & congnoistre les richesses de sa bonté singuliere, le Verbe Dieu & homme ensemble a donné de plus en plus certaine preuue & assurance de sa diuinité, par le moyen qu'il a accru leur foy, en la confirmant par prodiges & miracles qu'il faisoit contre le commun cours de nature.

*Brief discours, ramenant en memoire les miracles admirables & supernaturels de nostre Seigneur Iesus Christ, specificz aux quatre Euangiles: lesquels donnent tres-certain tesmoignage de sa diuinité.*

Chap. XXIIII.

*Les Euangelistes n'ont pas cōprins en leurs escriptures tous les miracles de Iesus Christ.*



Vant au reste, tant s'en faut qu'il soit en ma puissance de comprendre & mettre par escrit presentement tous les miracles, chacun à part foy, par lesquels sa diuinité est declairee & congneue, veu que de temps & de mœurs ie suis fort esloigné de la contemplation d'iceux: que mesme les Saints Euangelistes ne les ont pas sceu raconter tous l'un apres l'autre, ainsi qu'ils les ont veu: tout ainsi qu'il n'est pas possible aucunement de nombrer & mettre en conte les rayons du soleil, ny les flos de la mer sentre-suyuans & repoussans serrément l'un l'autre: Car ils se sont contentez de discourir & reduire en memoire les plus celebres & renommez, sçauoir est, ceulx, ausquels principalement les auditeurs adiousteroient foy: se desistans de narrer les autres, par ce que le menu peuple ne seroit pas facilement induict à les croire: & que

que le monde, & ceulx, qui sont addonnez à l'estude des choses terriennes, comme gens grossiers d'entendement, ne pourroyent estre aucunement persuadez à donner tant soit peu de creance à choses si eslongnees du naturel des hommes, & n'ayans aucune apparence de verité. Et me semble, qu'à ce propos doit estre r'apporté ce que l'un des Euangelistes a dit : Il y a plusieurs autres choses, que Iesus a faites, lesquelles s'il falloit escrire de point en point, ie ne pense pas que le monde peust comprendre les liures que lon en escriroit. Et pour ceste cause, ayât fait choix de ce que ie veux exposer en brieſ, & qui est commode à la presente narration, ie me mettray à pourſuyure par ordre le reste de mon entreprinſe. Quels sont donc les miracles, qui donnent certain & asſeuré teſmoignage de la diuinité de nostre Sauueur Iesus-Christ ? L'eau tournée & conuertie en vin à ſa ſeule parole : la cure de la ſieure chassée de meſme à ſon dire, tant en la belle-mere de S. Pierre, qu'au ſils de l'homme de Cour : la purgation & nettoiemēt des lepreux, à ſa volonté ſeule : la guarifon auſſi des boiteux, à ſon ſeul mandement : l'illumination de pluſieurs perſonnes, qui eſtoient aucugles dès leur natiuité : la deliurance diſtincte & claire, faite tant en la langue, qu'en l'ouye auſſi des ſourds, qui ne parloyent qu'à grand' peine, ou eſtoient muets totalement : les membres, qui par long temps auoyent eſté deſuoyez & inutilles, reduits à leur entier, pour ſ'en aider comme deuant, tant en celuy, qui avec des cordes auoit eſté deſualé par les tuiles du haut d'une maiſon à bas par quatre portefaix, qu'en vn autre qui auoit demeuré malade, & couché pres du lauoir Probatique de Salomon, par l'eſpace de trente huit ans : les liens des mains ſeches, laſchez : le redreſſement de ceulx qui penchoyent, & auoyent le corps tirant à bas par le deuant : les forces & armées de pluſieurs mauuais eſprits tournez en fuite à la premiere rencontre ou aſſault : la purgation de la maladie lunatique : le flux de ſang arreſté au ſeul atouchement du bord de ſon veſtemēt : le ſeruiteur du Centenier, deliuré du peril de mort attendue & imminente : la fille de laire reſſuſcitée de mort à vie : le dechassement & expulſion de pluſieurs mauuais eſprits, faite en diuerſes ſortes : & la ſubmerſion & noyement en l'eau deſdits, avec le troupeau des pourceaux, dans leſquels ils furent enuoyez. Encor y adiouſteroie. ie les cinq mille perſonnes repeuës de cinq pains & deux poiſſons, iuſques à eſtre ſaouls, & les douze cophins ou panniens pleins de ce qui en reſta : & de rechef, les quatre mille autres, qu'il repeut de ſept pains, avec les ſept corbeilles, qui furent par vn ſingulier miracle remplies des demeurans d'iceulx : le marcher non autre ſur la mer, que ſur vn ferme paué, entrepris non ſeulement par luy, mais auſſi par S. Pierre Prince des Apoſtres, à la ſuaſion de Iesus-Christ meſme : reprehension aſpre de la tourmente impetueuſe de vents, qui appaiſa la mer, & changea ſi eruelle tempeſte en temps calme & trāquille : le ventre enſlé de l'hydropique retiré & réduit en ſon premier eſtat, par vn ſeul clein d'œil la cité de Naim, qui a veu le ſils de la veſue retourné à vie, que lon portoit en terre : bref, afin de dire en peu de paroles, la curation & remede preſent de routes ſortes de langueurs, debilitéz & maladies des corps humains.

Jean 12.

Miracles  
choiſis entre  
pluſieurs  
autres.

*De la diuine tranſfiguration du Sauueur, & du miracle plus que merueilleux fait en la  
perſonne de ſon amy Lazare. Chap. XXV.*



Mais le principal & plus euidēt miracle d'entre toutes ſes merueilles, pour donner teſmoignage de ſa Deité, a eſté fait lors que montans en la montaigne avec ſes diſciples, ſon corps fut changé en vne figure ſemblable à la diuine, dequoy ont eſté ſpectateurs ſeulement de peur qu'il ne fut diuulgué, S. Pierre & les deux ſils de Zebedee, Jacques & Iean, comme eſtans les plus apparens des diſciples, & pourtāt reputez dignes d'un ſi grand honneur, que d'eſtre ſeuls admis à ſi precieus ſpectacle. Car eſtāt en prieres, ſa face donna lueur telle que le Soleil, & encor plus claire : & ſes veſtemens deuindrent reſplendiſſans comme la lumiere. Et du bas des enfers vint Moÿſe miniſtre de la loy, qui apparut & ſe preſenta avec Helie, ſorty des cachettes occultes. Deſquels l'un & l'autre tenoyent propos avec Iesus-Christ, touchant ſon depart de ceste vie par la croix, qui deuoit eſtre en bref accompli pres la ville de Hieruſalem. Au ſurplus ces trois diſciples, faiſans leur apprentiſſage aux ſecrets myſteres, eſtonnez de ſa grandeur par la veue d'un miracle ſi excellent, n'en parlerent aucunement pour lors, mais ſ'en teurent, comme de choſe qu'ils eſtimoyent excéder la portee du naturel des hommes. Mais quand ils eurent veu puis apres ce plus prodigieux miracle, de ſa reſurrection des morts : alors premierement ils publierent à tous ceste mutation de figure avec beaucoup d'autres faits miraculeux, afin de confirmer la foy des croyans, & la rendre plus manifeſte & certaine. Encor eſt-ce la choſe la plus excellente que Iesus ait faite, que le bon tour qu'il fit à ſon amy Lazare, natif du village de Bethanie, frere de Marthe & Marie, qui luy faiſoyent ſernice. Ces deux ſœurs, voyans leur frere couché au liēt de la mort, & ſur le poinēt de rendre le dernier ſouſpir,

Les mira-  
cles princi-  
paux de no-  
ſtre Sau-  
ueur.Metamor-  
phoſe &  
tranſfigura-  
tion de Je-  
ſus-chriſt.Reſurrec-  
tion de Je-  
ſus-  
Christ, des  
morts.Reſuſcita-  
tion de La-  
zare.

D ij

# LIVRE I. DE L'HIST. ECCLESIASTIQUE

enuoyent vn messager à Iesus Christ, qui luy porta ces nouvelles, & requit son secours & ayde. Mais sçachant bien que le delay tourneroit à sa louange, il se print à porter familièrement & priuément avec ses disciples: & peu apres leur disoit, que Lazare estoit endormy, & qu'il se resioüissoit à cause d'eux, de n'y auoir assisté lors qu'il auoit commencé à dormir. Or y auoit il ja quatre iours que Lazare trespasé auoit esté enseuely & enfermé au sepulchre, quand nostre Sauueur se trouua en Bethanie: & apres que les deux sœurs eurent tenu beaucoup de propos pitoyables de leur frere mort, entr'erompus de sanglots, & arrousez de ruisseaux de larmes: à la fin il s'approche du lieu de la sepulture, & commande que la tombe qui couuroit le monumēt, soit leuee: où lon trouua, que desia le corps commençoit à se pourrir, & sentoit fort mal: car desia les nerfs se lachoyent, & les ioinctures & liaisons se conuertissoyent en pourriture. Ce que voyant le bon Seigneur, il se mit en oraison, & fremit bien fort, puis inuoquant l'aide du pere celeste, cria à haute voix: Lazare, vien dehors. Parquoy le deffunct se leue, & le suit, comme uiuant qu'il estoit, & se tenant tousiours pres de son amy. Lié donc des bendes, desquelles il auoit esté enseuely, il sortit du tombeau, qui fut vn fort renommé spectacle à tous les assistās: & apres qu'on l'eut deslié de ses liens, s'en alla au logis. Or par ce que le menu peuple en faisoit bruit, & en parloit diuersement, chacun selon que son affection le conduisoit: pour autant aussi que les Pontifes deliberoient entre eux, & consultoyent comment ils pourroyent trouuer le moyen de mettre à mort Iesus Christ, qui auoit fait ce miracle, & Lazare resuscité: le bon Seigneur se retira de là & demeura en vn lieu voisin, appelé Ephrem. Voyla donc quels sont les miracles nouveaux, excédans toute nature humaine, que Iesus a fait en son viuant.

*Iean 11.*

## *Narration & bref discours de toutes les comparaisons ou paraboles de nostre Sauueur. Chap. XXVI.*

*Les paraboles de Iesus en S. Matt. 13.*



Eut estre que ce ne sera pas hors de propos, de reciter en peu de paroles, tant que faire se pourra, ce qu'il a dit par comparaisons & paraboles, pour en auoir plus claire intelligence. Doncques la premiere parabole, en l'Euangile Sainct Matthieu, est la semence cheant en terre ainsi qu'il falloit, qui germa & rendit en partie trente fois autant, en partie soixante fois autant, & en partie cent fois autant qu'on auoit semé. La seconde, est le champ, auquel on sema l'yuroye par dessus le bon grain: à laquelle il sembla estre bon de pardonner, la laissant croistre iusques à la moisson, de peur d'arracher avec elle le blé froument. Apres y a le grain de seneué, croissant en vn haut arbre. Puis le leuain, mis en trois mesures de farine. Encor, le champ, acheté bien cherement, à cause du tresor, qui y estoit caché & enfouy. D'auantage, la precieuse perle, qu'un marchand a achetée, pour y gagner & faire son profit. Plus, toute sorte de poissons, enclos dās la grande rets du pescheur. Puis le troupeau de cent brebis: l'une desquelles, s'esgarāt loing des autres, fut cherchée soigneusement par le bon pasteur. Et le debteur de dix mille talens Le loüage des ouuriers, ramenant à l'equite ce qui sembloit inique, en equalité inegale. Les deux fils, appelez par leur pere, & enuoyez l'un apres l'autre pour ouurer en la vigne, lesquels renuersans l'ordre font le contraire de ce qu'ils luy auoyent dit. Il y a puis apres les meschans laboureurs, qui firent mourir le fils de leur maistre. Puis le Roy preparant les nopces magnifiques de son fils: qui fait le banquet à ceux qui furent trouuez sur le champ aux quatreours des chemins.

*Matth. 18. 10000. talens sont six millions d'escus selon Budée, à 600. escus pour talēt.*

*Matth. 20.*

*Matth. 21.*

*22. 25.*

*Les similitudes en S.*

*Marc. 4.*

*Marc 12.*

*Les coparaisons esrites en S. Luc.*

*Luc 6.*

*7.*

*10.*

*11.*

*12.*

Encor les cinq vierges sages, & les cinq folles, avec la lampe de chacune d'elles, ou ardente, ou esteinte. Le pere de famille distribuant prudemment les talens à ses seruiteurs. Finalement, y est le bon pasteur, qui separe avec discretion son troupeau, mettant les brebis à la main dextre, & les boucs à la fenestre. Voila les paraboles, esrites en l'Euangile S. Matthieu. Quant à Sainct Marc, il ne s'est aduisé d'en raconter que quatre de celles que j'ay desia mises par escrit: c'est à sçauoir, le reuenu inegal de la semence double: ceux qui prient le pere de famille, & luy veulent mettre en teste de leur permettre d'arracher l'yuroye d'avec le bon grain: l'arbre de seneué: & l'heritier de la vigne, mis à mort tresmeschamment par les seruiteurs vigneron. Sainct Luc troisieme Euangeliste, en raconte plusieurs: & entre autres, il met les similitudes qui s'ensuyuent: Premièrement, de celuy qui bastit sa maison sur vne pierre ferme, & ne fait pas les fondemens d'icelle sur le sable, ou bien sur la terre: Du debteur qui a receu beaucoup de bien de son maistre, pour luy auoir quitté vne grande debte, ce qui estoit cause qu'il le deuoit aimer d'auantage. Du voyageur, qui cheut entre les mains des brigans, & fut pensé & guarý par le moyen du Samaritain. Plus, de celuy qui va requerir son amy en pleine nuit, & l'importune tant, qu'il obtient de luy sa demande. Encor, du pere donnant à son enfant, qui le requiert, ce qui est bon: & non, la chose mauuaise, comme seroit vne pierre, ou vn scorpion. Puis, de l'esprit malin trouuant la maison balliee & ornee, qui s'accompagne de sept autres, avec lesquels il y entre, & eux ensemble y font pis qu'au-parauant. Vous y pourrez aussi veoir le seruiteur, qui attend son maistre retournant des nopces à sa maison.

**¶**

Et le figuier, qui auoit esté fumé & cultiué trois ans durans : mais par ce qu'il ne portoit aucun fruit, il fut couppé par le laboureur. Semblablement, vn autre figuier, deuenant sec, à cause de sa sterilité. Au surplus, la femme nettoyant sa maison avec le balay, pour retrouver sa drachme perdue : laquelle estant retrouvée, elle assemble ses voisines, & se resioit merueilleusement. Encor y est le prodigue enfant, perdu par dissolution & excès : qui apres auoir tout despensé, & voyant que son pere prenoit encores pitié de luy, l'embrasse, ioyeux d'estre receu en grace & recogneu par son pere, contre son opinion & esperance. Pareillement le despensier inique, loué toutefois & prisé de son maistre, pour auoir esté bien aduisé en sa meschanceté : par ce qu'il pourchassa la grace d'autrui (ayant perdu celle de son maistre) par vne singuliere & prudente subtilité, en quittant vne partie des deniers deuz. Aussi on y peut lire du pauvre Lazare, chargé d'ulceres : & encor du riche impitoyable, luy demandant vne goutte d'eau, pour appaiser aucunement l'ardeur qu'il enduroit au milieu de la fournaise du feu infernal. En outre, le Publicain & peagier, frappant sa poitrine, & regardant au ciel timidement, avec vn cœur humilié, abaissé & repentant : le Pharisien, au contraire, esleué de vain orgueil, & se tenant droit, pour estre veu. La distribution des mines ou marcs, faite par vn homme noble à dix de ses seruiteurs. Les mesmes comparaisons, ou du moins approchantes à celles qui sont deuant dictes, on peut lire en l'Euangile que S. Iean a escrit. Et voila en quoy consistent les paraboles ou similitudes, avec lesquelles Iesus Christ a enuélépé quelques autres points par insinuation obscure, signifiant le vieil & nouveau testament, & avec ce courant fort bien sous telles comparaisons la perfection accomplie du Royaume futur, ensemble l'accroissement de sa doctrine & predication : tandis que ses disciples estoient encor imparfaits, n'ayans pas acheué leur apprentissage es choses plus hautes & sublimes.

Luc 13.

15.

16.

18.

19.

*Mine est  
une liure,  
qui vaut  
dix escus:  
ou bien un  
marc, qui  
n'est que de  
mie liure.*

*Comment nostre Sauueur, ayant accompli l'age de trente ans, vint en Bethanie: de la femme  
paillardise: des rameaux de palme: & du figuier, qui deuint sec  
& aride. Chap. XXVII.*



Onc estant passée la trentiesme année de l'age, que le fils de Dieu auoit vescu & hanté en ce monde terrestre, pour publier sa doctrine : & le téps venu, auquel il falloit (suyuant ce qui estoit estably & ordonné dès la creation de tout l'vniuers, & depuis predict par les propheties & oracles des saintes escritures) qu'il exposast sa vie pour le salut de celle des humains : & qu'encor il descendist aux enfers, pour ramener à la vie, & esleuer mesme en son paradis (comme prince & autheur de vie eternelle, qu'il estoit) les personnes dignes & idoines, qui auoyent bien vescu & constammēt perseueré en la foy : & apres que le Verbe de Dieu, singulier & excellent, eut accompli toutes choses à ceste fin, & signifié à ses disciples la ioyeuse nouuelle, que le Royaume des cieus approchoit : & eut aussi annoncé la liberté à ceux qui estoient detenus en captiuité, sous la tyrannie de Sathan : & predict, qu'à ceux, les esprits desquels estoient enseuélis au profond des tenebres, & deprauez par incredulité, grande lumiere luroit pour prescher l'an acceptable du Seigneur, & le iour de la retribution & recompense, avec consolation à ceux qui pleurent en Sion : il print en sa compagnie ses Apostres qu'il auoit imbuez des choses sacrees & de ses mysteres, & s'en alla au village de Bethanie, qui estoit loing de Hierusalem enuiron d'une petite lieue. En ce village Simō le lepreux le receut, & logea en sa maison : le quel Simon fut pere de Lazare, comme disent manifestement les liures apocriphe & non receuz du nombre des approuuez. Là dedans prenant son repas, le Lazare, auquel peu de temps auparauant il auoit rendu la vie, luy tenoit bonne compagnie. Et en cedit lieu Marie, sœur de Lazare, qui auoit humainement traité Iesus Christ, pour remercement de la resuscitatio de son frere, arrousa son chef d'un precieux vnguent. Comme aussi vne autre femme auparauant, enuiron le my-temps de sa presche : & de rechef encor vne autre, qui auoit abandonné son corps à paillardise, pour y gagner sa vie, l'aua les pieds de Iesus, avec de l'vnguent de grand poix & prix, peu de temps auant sa passion, hors la ville de Hierusalem : figurant couuertement par cela, & representant le mystere de sa sepulture. Laquelle femme essuya les pieds ainsi lauez, avec ses cheveux, en guise d'esponges (par lesquels elle auoit alliché & attiré plusieurs hommes à lubricité, luxure & voye de perdition) & ainsi meslant avec grande contrition ses larmes & l'vnguent par ensemble, elle fut deliuree du fascheux lien de peché qu'il tenoit enchainée. En apres afin que les escritures, mises en auant de luy, eussent vne fin deuë & competente (c'est à dire, afin que ce qui auoit esté prophetisé de luy, fut accompli) celui qui est mené par les throsnes des Cherubins, estant monté sur le petit asnon de l'aneisse qui estoit sous le ioug, fait son entree, à portes ouuertes, en la ville de Hierusalem. Lors la populace (s'aduançant & hastant de luy faire l'honneur & bon recueil qu'on fait ordinairement à ceux qui viennent de voyage loingtain) chante publiquement ses louanges, comme d'un personnage excellent, surpassant l'homme, & à

*Desce de  
Iesus aux  
enfes.*

*Sommaire  
de la predi-  
cation Euā-  
gelique.*

*En la mai-  
son de Simō  
le lepreux;  
qui estoit  
pere de La-  
zare.*

*Iesus oint  
d'vnguent  
par Marie.*

*Iesus christ  
oint par  
trois femmes:  
de la vient  
qu'aucuns  
docteurs  
mettēt trois  
Maries.*

*L'eglise tiēt  
qu'il y a eu  
une Mag-  
dalene.*

*Entree de  
Iesus christ  
en Ierusalē.*

la verité Seigneur & Roy tel qu'il est. D'avantage les enfans s'assembloient par bandes à l'entour de luy, entonnans à sa louange hymnes spirituels & chansons de victoire. D'iceux les vns estendent leurs habillemens sur la terre, les autres rompent des rameaux d'olivières & palmes, qu'ils jettent partie sous les pieds de Iesus Christ, partie les esbranlent de leurs mains, & luy applaudissent avec magnifiques benedictions : tout ainsi comme on feroit à quelque gros Seigneur, qui, ayant esté vainqueur de ses ennemis, marcheroit en grand triomphe par les quatre-tours de la ville, & disent haut & clair : O fanna le fils de David : benit soit celuy, qui vient au nom du Seigneur, Dieu le Seigneur, lequel nous est apparu, se monstrant à nous. Et crians ainsi à goige desployee, l'ont conduit vn long temps, & iusques à ce qu'en grand' loüange & gloire il est entré dans le temple. Ou estant arrivé, il chassa de la maison de Dieu, moyennât vn fouët, les marchans, qui cõtre raison & toute pieté faisoient traffique des choses sacrees, & ceux qui depraouoyent & corrompoyent les saintes ceremonies & mysteres diuins, le tout avec vne asseuree liberte & autorité grande, iusques à susciter contre soy l'enuie & rage furieuse de ceux auxquels il s'attachoit. Mais nostre Sauueur voulant euer la tempeste de leur courroux, sortir de Ierusalem, pour vaquer à prieres : car desia ils s'aduançoient pour luy donner la mort, voyas que le monde alloit apres luy. Toutefois peu de temps apres il retourna du matin : & par ce que la faim l'auoit assailly (qui est vn des accidens, auxquels l'homme naturellement est subiet) il se destourna du chemin, pour cueillir du fruit d'un figuier, qu'il veit à l'escart : mais trouuant qu'il n'y auoit aucune figue, soudain il le maudit par execration, comme celuy qui auoit esté premier autheur & guide de la transgression & faute du premier homme. Le figuier, apres telle malediction, destitué incontinent de toute humeur radicale & vegetatiue, fut veu de tous sec & aride : Chose, à dire vray, donnant tres-claire preuue en toutes sortes, qu'il y auoit en luy de la diuinité. Car tout ainsi qu'en ce fait lon voyoit vne volonté naturelle de l'homme ensemble & de Dieu, aussi en ceste mesme chose on pouuoit considerer la vertu, puissance & effect de l'homme & de Dieu quand & quand. Car par l'une & l'autre nature, sçauoir est, humaine & diuine il vouloit & faisoit ensemble ce qu'il aduisoit estre bon, l'une nature faisant part à l'autre de son vouloir & de sa puissance. Par ce que les deux ne faisoient pas à part ny separément leurs offices & actions naisues & propres, sans auoir communication l'une de l'autre : mais & la diuinité ioincte avec l'humanité, & de rechef l'humanité s'aidant de la diuinité, faisoient si bien & parfaitement chacun leur office, que la portee de l'entendement de l'homme n'y pouuoit rié comprendre. Pour autant que tout ainsi que les propres & peculiers offices de la hauteſſe & excellence diuine ont esté communiqes au fils de l'homme : pareillement aussi les imbecillitez naturelles de l'homme ont esté manifestement communiqes à Dieu. Verbe, quasi en recompense, à cause de la conionction & vnion des deux natures, au moyen d'une mesme subsistence & personne. Par aduanture, que ce figuier, deuenu sec, exprime & signifie par quelque figure cachee, la sterilité de la synagogue & assemblee des Iuifs, du tout inutile & ne portât aucun fruit. Aussi à la verité, toute ame raisonnable, subiette à incredulité & desſiance en Iesus Christ, cõbien qu'elle soit estimee florir au possible en la congnoissance & garde des loix de la terre, qũ sont comme fueilles d'arbres : touresfois si elle n'est soustenue par la loy de nostre credence en Dieu, par laquelle principalement elle se nourrit & entretient : & que telle loy luy defaille, c'est chose asseuree qu'elle deuendra seiche & aride, comme estant grandement eslongnee de la diuine benediction.

De la Cene mystique, du laseur diuin Iesus Christ, & de sa priere.

CHAP. XXVIII.

Matth. 21.  
O fanna, est  
à dire, Sau-  
ue nous, & i-  
uifie nous :  
ou bien No-  
stre sauue-  
ment.

Iesus chasse  
du tẽple de  
Ierusalem les  
acheteurs

& vendeurs  
Matth. 21.

Marc 11.

De la põme  
du figuier,  
noſ pmiere  
pere & me-  
re goustè-  
rent.

Le figuier  
sans fruit,  
deuient sec  
à la seule  
parole de Je-  
sus Christ.

Le figuier  
sec, & ne  
portât point  
de fruits,

est la figure  
de l'assem-  
blee des Iu-  
ifs en leur

synagogue,  
florissant as-  
ſez, mais du  
tout sterile.

Maison de  
Iean l'Euā-  
geliste en la  
ville de Ie-  
rusalem.

Cene der-  
niere de Je-  
sus - Christ

agneau Pas-  
qual.

Vray agne-  
au de Pasq.

En ceste ce-  
ne le Pasq.

egale est  
mangé pre-  
mierement.



VR ces entrefaites la Cene est preparee en la maison de Iean l'Euango-  
liste, comme lon dit : laquelle il auoit achetee es places d'environ le mont  
de Sion, apres auoir vendu sa possession de Galilee ( qui n'estoit pas pe-  
tite) à Caiphe grand Pontife de Iudee en ce temps : à raison de laquelle  
vendition il auoit cognoissance à luy, comme luy-mesme en porte asseu-  
ré tesmoignage en quelque endroict de son Euangile. Là donc auant que  
le iour de la feste des pains sans leuain fut arriuee, les disciples appreste-  
rent l'agneau de Pasques ordonné par la loy, chez vn certain personnage,  
comme il leur auoit esté commandé & enioinât. Or nonobstant qu'il fut

besoing, suuant l'edit de la loy, d'immoler vng agneau au iour de la preparation de Pasque sur  
le vespere (qui estoit la fin du ieudy & le commencement du vendredy appellé parascue ou iour  
de preparation, par ce qu'à tel iour tout s'apprestoit pour le lendemain, qui estoit le sabbath) tou-  
resfois il falloit que le vray agneau qui estoit nostre Pasque & qui estoit sur le poinct d'estre sa-  
crifié pour nous en la croix, fut preuenü par cet agneau legal, pour accomplir la representa-  
tion & figure de la Pasque legale (sçauoir est) le mystere du Saint Sacrement de l'Autel : Ce qui  
fut fait enuiron l'heure de vespere, de la cinquiesme iournee. Lon a ceste opinion, qui est approu-  
uee de saint Iean Chrisostome, & de plusieurs autres, que Iesus Christ mangea premierement  
l'agneau

l'agneau irraisonnable & beut avec ses disciples, comme il estoit conuenable : puis ayant esté assis en ceste cene mystique & figuratiue, peu de temps apres il se leua, & soudain despouilla ses habillemens ( qui par aduenture le greuoient, & empeschoient à faire tel seruice qu'il pre- rendoit ) & ayant enuélépé & ceint vn hnge à l'entour de soy, laua promptemēt & gaillardement les pieds de ses disciples : tant afin de leur môstrer tout ensemble qu'il seroit esleué pour s'estre abaissé en prenant nostre humanité, que pour leur donner à congnoître par tel indice & enseigne, qu'à eux specialemēt estoit seant d'estre purs & nets tant de l'esprit que du corps. D'a uantage, il signifoit par cela, que leurs pieds estoient propres & idoines pour aller aux Gen- tils : leur mettant aussi deuant les yeux (couuertemēt toutefois, & assez obscurément) la beau- té des pieds diuins de ceux qui annoncent la paix, preschans chose qui reioüisse & contéte l'hô- me. Mais apres que de rechef il se fut assis à la table, il leur presenta le sacrifice mystique & se- cret de nos mysteres, horribles ensemble & viuifians : qui estoit de :: pain leué, & de vin tiré de la vigne, lesquels ayant rendu graces à Dieu son pere, il sanctifia & benit, puis les donna à ses disciples. Et ayant confermé quasi à l'assurance de la foy, que ce pain & vin estoient vrayemēt son corps & son sang : il leur cōmanda de les prendre, & y participer tous, cōme en chose qui ne différoit en rien d'auec sa chair diuine : laissant aux fideles, cōme de main en main, exemple d'en faire en mesme sorte le temps aduenir, pour auoir par ce moyen entiere memoire & euidente souuenance de luy. Apres donc qu'il eut enseigné & instruit ses conuies, compagnons & amis par paroles celestes, courans de grands mysteres selon qu'il estoit necessaire : leur ayant tenu propos de choses nouuelles & fort cachees : & promis l'aduenement du saint esprit, qui pro- cede du pere & du fils, par vn moyen tressainct & incognu : finalement apres leur auoir decla- ré & donné intelligence du nouueau testamēt : il sort avec eux, & s'en va au bourg de Gethse- mane, pour y faire prieres à Dieu le tout puissant. Et là declarant son imbecillité humaine, il prie affectueusement Dieu son pere, que la coupe de la mort fut trāsportee de luy, supposé toutefois son vouloir & qu'ainsi le trouua bō. Quant aux disciples, ils estoient tellemēt abbatuz de la pe- santeur du sommeil, & tant lasches, qu'en quelque lieu où ils se trouuoient, chacun d'eux se laissoit cheoir, & se mettoit à dormir. Mais le seigneur & maistre Iesus-Christ les reprenoit ai- grement & tençoit : s'adressant principalement à Pierre, plus aspre & bouillant que n'estoient les autres, & qui luy auoit promis de perseuerer ferme & cōstant en tous dangereux euenemēs.

*Mystere du lauement des pieds de disciples de Iesu.*

*:: L'Eglise Romaine tient que nostre Sei- gneur à cō- sacré son corps en pain sans leuain.*

*Des Pontifes Anne & Caiphe, & du temps de la doctrine du Sauueur.  
Chap. X X I X.*



**L**est donc bon de sçauoir, que l'escriture diuine nous donne à congnoi- stre nostre Sauueur Iesus-Christ auoir acheué le cours de sa doctrine sous Anne & Caiphe, grands Sacrificateurs ou Pontifes : parce que tout le temps, pendant lequel Iesus-Christ se mit à enseigner, print fin dans les annees que ces deux Pontifes eurent l'administratiō des affaires sacrees. Car il commença à donner ses enseignemens sous le Pontificat d'Anne : & accomplit sa charge en continuant tel office, iusques à ce que Cai- phe fut esleué en la dignité de grand prestre. Or tout le tēps de la doctri- ne de nostre Seigneur, ne fut pas de quatre ans entiers & accompliz.

*Dans quel tēps le Sau- ueur ache- ua le cours de sa doctri- ne.*

Car par ce que les constitutions de la loy peu à peu se venoyent à abolir & tomber en decadē- ce, entre les autres aussi le cult de Dieu & le sacré mistere qui estoit fort excellent en ceux qui a- uoyēt deuacé Anne & Caiphe & qui succedoyēt les vns aux autres à raison de la tressaincte vie qu'ils menoyent, fut corrompu & quasi reduit à neant. Et de fait on achetoit l'estat de Pontife & maistre des sacrifices diuins, à beaux deniers contans, des gouuerneurs & lieutenans, qui a- stoyent enuoyez de Rome, chacun en son temps : qui estoit cause que cest office ne se cōtinuoit point à vn mesme personage, plus longuemēt qu'une annee. Pour prouuer mon dire estre vray i allegueray Iosephe pour tesmoin, qui dit au li. des antiquitez des Iuifs, qu'apres Anne iusques à Caiphe, y a eu quatre Pōtifes, l'un apres l'autre. Son dire est tel : Valere l'Aggreable, ayāt chas- sé Aman du pontificat, cree Ismael grad sacrificateur, lequel estoit fils de :: Phabe. Mais peu de temps apres ayant osté la mesme dignité à cest Ismael, il establit pour Pontife Eleazar, fils d'Anā n'agueres aussi grand prestre. Au sūplus vne annee finie, il le depōsa de l'estat, & donna le gou- uernement des choses sacrees à Simeon, fils de Carmithe. Le temps duquel en telle charge honorable, ne fut pas plus long que d'un an : cest an expiré, Iosephe, qui aussi estoit nom- mé Caiphe, luy succeda. De là s'ensuit que le temps de la doctrine de nostre Sauueur, n'a pas esté de quatre ans entiers, veu que par quatre annees, quatre Pōtifes, depuis Anne, iusques à l'ordre & creatiō de Caiphe, ont exercé le mesme magistrat, chacun vn an seulement. Quant est de Caiphe, les Euangiles donnent tesmoignage, qu'il estoit Pontife en l'annee de la passion salutaire de Iesus-Christ. On peult donc veoir apertement, que ceste obseruation du temps de la doctrine du Christ, accorde avec celle que i'ay maintenant proposee.


*Les procu- reurs ou lieutenans de Cesar, dō- noyēt l'estat de prestre à chacun sui- uant son plaisir & auarice.*

*Li. 18. ch. 7. Cet Anā est Anne. Valerius Gratus. :: Autres lisent Iabe.*



<sup>a</sup> ans entiers) Niceflore, en l'obſervation de ces quatre années, a ſuiuy Eufèbe, li. 1. chap. 10: Mais elle ne couuient pas avec le 18. chap. precedent, ny avec le 3. chap. de S. Luc. Et Valere l'Aggreable fut lieutenant du pays de Iudee, enuiron dix ans deuant que Pilate y fuſt enuoyé pour gouuerneur. Mais qu'eſt ce qu'eſt fait Valere en Ieruſalem, du temps que Pilate en auoit le gouuernement? Parquoy ce paſſage de Iosephe doit eſtre entendu d'une autre ſaiſon. Et fault en cecy croire ce que dit noſtre auſteur au c. 18. & S. Luc. 3. principalement. Ce que declare auſſi le 4. chapitre du ſecond liure enſuyuant.

De la trahiſon de Iudas: des tourmens diuins de Ieſus-Chriſt: & de ſa croix ſalutaire. Chap. X X X.



*Iudas d'Iſcariot trahit Ieſus Chriſt.*

*Ieſus condamné par Caiphe.*

*Ieſus preſenté à Pilate.*

R Iudas d'Iſcariot, corrompu par le ſacrificateur Caiphe, & par la meſchante troupe des Scribes, cōme celuy qui eſtoit ſurpris de la maladie d'auarice, bien que le Sauueur luy euſt fait part & cōmunication avec les autres diſciples, tant de ce qu'il falloir taire, que de ce qu'on deuoit publier: apres que par ſa meſchanceté ſinguliere il ſe fut eſtrangé & du tout aliené de la grace diuine, & apres le lauement de ſes pieds, luy qui auoit fait ſon apprentiſſage és myſteres & ſacrifices ſecrets, & meſme prins le pain donnât vie: tout viuant encor qu'il eſtoit, fut captiué & mis en la puiſſance de l'ennemy d'enfer, auquel au parauant il ſ'eſtoit dedié par vne deliberation de volonté & courage. Parquoy ſeparé qu'il fut de la cōpagnie des Apoſtres, il accomplit les paſſions qu'il auoit accordees avec les Scribes & Pharifiens. Car aduenant vne groſſe bande de ſoldats avec le tribun, & grande aſſemblée de ſergens, & autre telle canaille, qui ne cherche qu'à piller & deſrober, tous en bon eſquipage, garnis de lanternes & fallots allumez, & de toutes ſortes de baſtons offenſifs, il trahit ſon Seigneur par vn baiſer, qui eſtoit le mot du guet qu'il leur auoit donné: puis ſe retira. Ieſus-Chriſt, en ceſte ſorte prins, fut trainé à la mort, tomme vn agneau innocent. Car il ne monſtroit aucune apparence de faire tant ſoit peu d'effort contre ceux qui luy mettoient la main ſur le collet: en ne faiſant ſemblant de prēdre à deſplaiſir la violence de ceux qui le frappoyent: mais il ſuyuoit paſſiblemēt, ſans ſ'eſmouuoir, ceux qui le tiroient en priſon. Et non ſeulement il endura toutes ces choſes patiaement, mais auſſi tença & reprint aigremēt Pierre, le plus chaud de tous ſes diſciples, qui auoit tiré ſon glaiue, & luy cōmanda de le remettre en ſon fourreau. Encor guarit il l'aureille couppee d'un ſeruiteur du grand Pontife, qui eſtoit appellé Malchus. Or faiſoit il cela afin de donner teſmoignage qu'il ne ſouffroit pas ces extorſions par aucun deffault ou debilité qui fuſt en luy (au ſecours duquel, ſ'il vouloit, pluſieurs legions d'Anges ſe trouueroient incontinent preſtes & appareillees) mais qu'il eſtoit content de laiſſer tout cela au vouloir & plaiſir d'autrui: & qu'il permettoit d'eſtre pour lors vaincu, afin que les choſes ordonnees par les eſcritures des propheties, reuſſiſſent à leur fin legitime & deu. Par ainſi il eſt premierement conduict deuant Anne: puis on le mene à Caiphe, qui eſtoit Pontife pour l'année: Deuant lequel il eſt prins par ſerment, & contraint de declarer publiquement, ſi c'eſt luy, qui eſt Chriſt tant attendu. Le Pontife ayant ouy la depoſitiō veritable (car Ieſus-Chriſt eſtoit aſſez content que lon ſceut qu'il fut le fils de Dieu) incontinent deſchire ſes habillemēs, l'appelle blaſphémateur & meſchant, & le iuge digne de mort. Ceſt arreſt ainſi prononcé par le grand preſtre, on luy fit pluſieurs playes en la teſte, on luy cracha au viſage: & fut iniurié & baſoüé la nuit durant, avec toutes ſortes de mocqueries & outrages, par l'yurongnerie de pluſieurs hommes malſaiſans & importuns. Mais quand le iour fut venu, on le mene, les mains liees, à Pilate. Deſia eſtoit il aſſez haulte heure, quand le lieutenant de Ceſar empereur, au gouuernement de Iudee, ſ'aſſeit au ſiege iudicial: où les Iuiſs comme enragez & hors du ſens, enuironnerent le patient, ſe mettans tous à l'entour de luy, & ſe prindrent à le vilener avec paroles outrageuſes, & luy dirent toutes les iniures dont ils ſe pouuoient aduiſer: luy au contraire, cōfutoit toutes leurs accusations & leur fermoit la bouche ſeulement avec vn ſilence paſſible. Quand Pilate euſt aſſez ouy ceſt abbayement enuieux des Iuiſs, & leur dire tant eſlongné de toute humanité, il l'interrogea de la cauſe de tel tumulte: mais noſtre Sauueur ne luy daigna rendre aucune reſponſe. Ce temps pendant on n'oyoit autre choſe, que le bruit & crierie de ſes haineux, qui avec voix horribles & pleines de menaces, demandoient inſtammēt, qu'il fuſt condamné à eſtre pendu en croix.

Quant à Pilate, il taſchoit de tout ſon pouuoir à ſauuer l'innocent, & l'abſoudre: tant par ce qu'il fut aduertie, par vn meſſage, que ſa femme Proclé luy enuoya, qu'il n'eſt à rien cōclurre à l'encontre de ceſt homme iuſte, à raiſon du ſonge qu'elle auoit veu la nuit precedente: que par ce auſſi que ſa conſcience le iugeoit, que le patient n'eſtoit pas digne de mort, & que lon ne mettoit riē en auant cōtre luy, qui meritoit punitiō corporelle. A fin dōc de ne dōner ſentence, il l'enuoya à Herodes, qui pour lors eſtoit logé en la ville de Ieruſalē: à celle fin qu'il fiſt enqueſte & ſ'informast, ſ'il auoit faiēt aucun crime meritant la mort. Ce qu'Herodes fit: mais quand il

con-



congneut, qu'il n'y auoit aucune cause pour le faire mourir, il le renuoya à Pilate. Deuant lequel il fut accusé de crime de lese maiesté, comme celuy qui se faisoit soy-mesme Roy : & les Iuifs voyans que Pilate estoit fort enclin à le sauuer, & ne demandoit autre chose que de le renuoyer absous, luy mettent au deuât qu'il ne seroit pas amy de Cesar, ains seroit contre son vouloir, s'il le laissoit ainsi aller. Pilate oyant ces propos, soudain fut surprins de crainte de tomber en la male-grace de l'Empereur Tibere, & eut peur de perdre son office de gouuerneur. Parquoy *Iesus codé au foiet.* vaincu tant de l'affection de garder son autorité, que de l'appetit de complaire aux hommes, il mit Iesus-Christ entre les mains des cruels bourreaux, leur donnant permission de le foïetter. Et c'estoit pour la seconde fois que nostre Sauueur estoit au pretoire, quand la multitude & racaille de la populace print ceste audace de faire tout ce qu'ils vouloyent à l'encontre du patiër, *Pretoire signifie tant la maison du gouuerneur que le siege iudicte al où il cō-* sans craindre d'en estre reprins ny punis. Aucuns de ces meschans Iuifs luy osterent ses vestemens, & mirent sur luy vn manteau d'escarlate, en façon de pourpre. Puis corônerent son chef d'une coronne d'espines, comme le chef d'un Roy, & luy donnerent en main vn roseau au lieu de sceptre. Autres, feschissans les genoux iusques en terre, faisoient semblant de l'adorer, *gnissoit des causes.* luy disans par mocquerie outrageuse : Bien te soit Roy des Iuifs. Quelques vns touchoyent la teste d'un roseau, avec frappement de mains en signe d'irrision. Il y en auoit aucuns, qui luy donnoyent des buffes sur les machoires, & tirans leur nez par mocquerie, luy demandoient : Deuine, Christ, qui est celuy qui t'a frappé ? Puis luy despoillèrent le manteau d'escarlate, & de rechef luy vestent ses habillemens, chargeans la croix sur ses espaules, pour la luy faire porter : & ainsi le mettent hors de la porte de Ierusalem. En tel estat ils arriuent au mont de Caluaire (qui est à dire le lieu de Test) où la croix soudain est dressée, le Sauueur esleué pendu en icelle, cloüé avec des cloux, & encor outragé avec force iniures par les passans. Et afin qu'on l'estimast estre meschant, ils font attacher deux larrons en deux diuerses croix, mettans l'un d'un costé, & l'autre d'autre, les faisans mourir de semblable supplice. D'auantage, le dicté ou tiltre mis au dessus de la teste, declaroit la cause de sa condamnation par trois sortes de langues, sçauoir est, Hebreu, Grec & Latin. Or l'un des voleurs gaigna le Royaume de Paradis, où il entra quasi par force, apres qu'il eut confessé deuant tous, que celuy qui auoit ainsi esté condamné, estoit vray Dieu & fils de Dieu : mais l'autre brigand est delaisié, comme blasphemateur. Au surplus, apres que tout fut cōsommé & mis à fin, Iesus-Christ en croix dist, l'ay loïf : Mais ses ennemis, prépts à toute malice, soudain luy apportent du vinaigre meslé avec fiel, & le presentent à boire à celuy, qui autrefois auoit fourny d'eau à leurs ancestres pressés de soif, & en lieux secs, faisant sourdre vne fontaine de la pierre. Et ausquels il auoit anciennement donné du miel à succer. A la fin apres auoir crié à haulte voix, *Iesus mené au suppli- ce de la croix.* il rendit son esprit, l'ayant recommandé premierement entre les mains de Dieu son pere, & ainsi mourut. Or desia son corps estoit demeuré pëdu en la croix par quelque espace de temps, quand quelqu'un d'entre les gens de guerre, pour gratifier & complaire au peuple de Iudee, perça son costé d'un coup de lance, & de la playe en ruissela sang & eau, contre l'opinion de tous ceux qui assistoyent. Ce temps pendant, les Apostres s'en estoient tous fuis, pour crainte des meurtriers, qui auoyent mis la main sur leur maistre : & n'y estoit demeuré la, sinon Marie seule, & le disciple que Iesus aymoït le plus : qui virent de leurs propres yeux, tout ce qui fut fait, tant au parauant, qu'apres la mort : & receurent le plus religieusement & honorablement que possible fut, dans un petit vaisseau, le sang & l'eau, qui sortit de son costé, comme s'il eust esté encor viuant. Au reste, la vierge, mere de Dieu, est nommée mere du disciple bien aymé : auquel comme à celuy qui estoit bien son fauorist, Iesus le fils, la recommandât luy auoit donné charge de la traiter avec autant bonne affection, pieté & amour filiale, que le bon enfant en peut & doit porter aux personnes qui luy ont donné commencement de vie.

<sup>a</sup> pain donnant vie) S. Augustin dit, que les autres Apostres, en la Cene du Seigneur, prindrent le pain & le Seigneur mesme ensemble : mais que Iudas print le pain du Seigneur : au traité 99. sur S. Iean. Et au 2. liure de l'adult. des maries, à Pollence, chap. 27. il escrit ainsi : Si le Seigneur Dieu vouloit cela estre entendu que ceux cy pensent estre à esuier, sçauoir est l'Eucharistie, il n'eust pas donné à celuy qui le trahit, avec autres qui le meritoient, ce que luy indigne print à son dam, sans la coulpe du donneur.

<sup>b</sup> il rendit son esprit.) Tertullian, en son Apologetique, parle ainsi de la mort & passion du Christ : Finalement les principaux des Iuifs, par la violence des suffrages & des voix, firent tant quasi par force que Iesus qui auoit esté mis entre les mains de Ponce Pilate, pour lors gouuerneur & seigneur du pays de Syrie, sous l'Empire Romain, leur fut liuré pour estre mis en croix. Iesus aussi auoit predit, qu'ils en feroient ainsi : Ce qui seroit peu de chose, si les prophetes long tēps auparauant ne l'eussent aussi prophetisé. Toutefois estant attaché en croix, il môstra beaucoup de vrages enseignes de sa mort. Car de son plein gré, tout en parlant, il rēdit son esprit, preuenās l'office du bourreau. En mesme momēt le iour perdit sa clarté, quasi en plain midy. Ce qu'aucuns, qui ne sçauoyent pas cela auoir esté predit de Christ, ont pensé estre vne eclipse. Et toutefois vous auez au tresor de nos chartres ceste aduansure du monde enregistree.

*Que cest qu'il ya en la passion & tourmens que Iesus a endurez, qui luy doiue estre attribué, comme estant Dieu & home ensemble : & aussi comme estant Dieu seulement. Puis de sa descente aux enfers, quant à l'ame : & quand & comment il a deliuré & mis en liberté ceux qui y estoient liez & detenuz en captivité. Chap. XXXI.*

*Prodiges  
& signes  
diuins appa-  
rens en la  
passion de  
Iesus.*



**L**est vray que telles affectiōs & passōs sont aduenues à Iesus-Christ en la chair, non comme à vn pur homme, mais cōme estant Dieu & hōme tout ensemble Car tout ce qui a esté fait en luy magnifiquement par dessus la conditiō du naturel humain, selon qu'il appartenoit à Dieu, tāt auant sa mort, qu'après qu'il fut auallé de là croix, & mesme apres sa sepulture : monstre certainement & au vray sa diuinité sans aucun differēt ay contredit. Que si lon me demandoit, que c'est qui est aduenu, ie respōdrois premieremēt, que lon a veu à l'instant de sa mort, si grādes tenebres & tant obscures, qu'on les pouuoit quasi manier à la main : & dure-

*Ce defaut  
de soleil, e-  
stait admi-  
rable &  
prodigieux  
S. August.*

rent depuis six, iusques à neuf heures : le soleil eclipsé de rechef luisant, non par cours & ordre de nature, mais parce qu'il auoit compassion de son Seigneur, & enduroit vne partie avec luy : Vn tremblement de terre grand & espouventable, les pierres froissées, le voile du temple rōpu en deux, les monumens ouuers, & les morts sortans de leurs sepulchres, qui apparoissoient manifestement à plusieurs de leurs amis, sçauoir est à ceux qui leur sembloient en estre dignes & le meriter, & donnoient trespertaine preuue de la resurrectiō de celuy qui les auoit rpeuillez & releuez du tombeau. Car ce bon Seigneur Iesus-Christ, qui est le soleil de iustice, ayant par sa mort séparé l'ame seule d'avec le corps, se monstra prest & appareillé aux enfers de suruenir

*Descente de  
Iesus aux  
enfes.*

aux ames des gens de bien : & alla deuant comme guide du chemin, qui mene en Paradis, citāt fait pour leur regard prince de lumiere & conducteur à icelle, tout ainsi qu'il auoit esté au laron. Car au mesme iour, ou bien plus tost en vne mesme heure, il retourna des enfers : si nous voulons croire à celuy, auquel la bouche d'or a donné le surnom, & à quelques autres, qui nous ont par dessus tous exposé diligemment & au vray. Aussi n'estoit ce pas raison, que l'ame de celuy qui n'auoit rien du tout apporté, qui se ressentist de la malediction & cheute du premier pere, fut retenue és abismes d'enfer. Mais tout soudain, & ( si il fault ainsi dire ) aussi legeremēt qu'un esclat de tonnoirre, par la lueur de sa Dieté, souuerainemēt resplendissante, il dōna clarté à ceux qui en estoient dignes, & le meritoient : & ayans escaché & mis à neant les princes des tenebres, conducteurs des meschans, par la lueur de son diuin pouuoir, & par la force des bandes Angeliques : les fit passer aux logis saincts & tentes sacrees de Paradis, reluisans de lumiere grande, sans mesure, en moins de temps que rien, sans aucun trauail, & ( pour dire en peu de paroles ) en vn instant, par vn moyen qui n'appartient qu'à Dieu seul : & leur donna lesdits lieux & domiciles de Paradis, ainsi qu'il estoit raisonnable, comme pour quelques arres

*Ramenemēt  
des ames  
iustes en  
paradis.*

& primices des demeurances & hertiages perperuels, qui sont preparez au ciel, pour estre dōnez vn temps qui viendra, apres la resurreccion generale de tous, à ceux qui l'auront desferuy, & par leur bonne vie s'en seront renduz dignes. Et tout ainsi que l'ame nue de nostre Sauueur, assista en presence au iour de la preparation des Iuifs ( à sçauoir au vendredy saint ) enuiron l'heure de vespres, aux ames nués estans aux enfers, en la façon que dit est, leur donnāt aucunes

*Paradis est  
le siege où  
demeure  
des saintes  
ames auant  
la resurre-  
ctiō commu-  
ne à tous.*

ment nouuelles de leur resurreccion : pareillement, sortant du sepulchre, avec son corps, prince de vie, semblable à Dieu, animé, & purement intellectuel, il se releua de rechef, & ressuscita ( cōme il auoit annoncé au parauāt ) au troisieme iour apres, n'estant encor que l'aube & poincte du premier des iours du Sabbath, lors que le soleil se leuoit en Edem, enuiron le lieu de Paradis, & ne touchoit que le bout plus hault & esleué des mōtaignes, & qu'à nostre Horizon ( puis qu'il fault ainsi dire ) ne pouuoit estre qu'enuiron de sept à huit heures de la nuit, ( cest à dire de fort grand matin au lendemain du Sabbath, qui est appelé par nous, le Sabbath. )

*Resurrectiō  
de Iesus  
Christ.*

par sa mort) Qu'a fait la passion de Iesus Christ? Qu'a fait sa mort? sinon qu'elle a séparé le corps d'avec l'ame, mais n'a fait aucune separation de l'ame & du Verbe. S. August. traité 47. sur S. Iean: Toutes choses ont esté donnees au seigneur Iesus Christ, de la part de Dieu le pere, tellement qu'il a toute puissance & au ciel & en la terre. Ce qui luy a esté donné & octroyé quand le Verbe a esté fait chair. A celle fin que tout ainsi que le Verbe de Dieu a eu le premier lieu aux cieus, il eust aussi le premier lieu sur terre, comme iuste & hōme de bien, qui n'a commis aucun peché, & en la bouche duquel n'a esté trouué aucune tromperie: & à fin pareillement qu'il endurast les premieres & plus grandes peines qui soyent sur la terre. Il a esté fait le premier né des morts, à fin que toutes choses vissent leur Roy: & que la lumiere du pere se mist en la chair du seigneur Iesus, & que de sa chair elle vinst resplendir sur nous: & qu'à la fin par ce moyen, l'homme, enuironné de la clarté paternelle, deuinist incorruptible. Irenee, lin. 4. ch. 37. Icy lon peult ueoir la cause de la descente de Iesus Christ aux enfes, & le fruit de sa primogeniture & asnesse des morts.

à aux logis saints ) Le prophetic aussi est à Abraham : c'est à dire, le logis & domicile des Prophetes est donné pour demourance digne à toutes nations, mesme avant le iugement. Irene l. 2. chap. 64. Et Tertullian contre Marc. li. 4. Pourquoi ne sera il pas receu, que le sein d' Abraham soit dit estre quelque lieu temporel à retirer les ames, auquel soyent comme tirez les premiers traits de l'aduenir, & se voye comme une semblante reuisante de l'un & l'autre iugement.

*Claire demonstration prinse des miracles aduenus par dessus la nature : par laquelle est prouué que le Seigneur est resuscité des morts.*

Chap. X X X I I.

**V**Oyla donc comme Iesus-Christ, Dieu & homme, est decedé, non en vn Mort rend-  
coing, ou en quelque lieu occulte & caché : non en temps obscur, où mee de Iesus  
par quelque maniere incongne : mais esleué hault au bois de la croix, Christ.  
tant à la veüe des Gentils que du peuple de Iudee, sur vne motagne eui-  
dère, & au iour solemnel & renomé de la feste de Pasque. Quant à son se-  
pulchre il ne fut moins sumptueux ny magnifique : comme ayant esté  
constant pour vn homme riche & opulent, qui l'auoit fait dresser tout  
neuf, & tailler en pierre peu de temps auparauint : Quelles ont esté les Sepulture  
funerailles, telle en fut la sepulture. Car l'aloë & myrrhe, fort bié meslez magnifique  
ensemble, estoient les vnguens odoriferans, desquels le corps mort, enueloppé en beau linge de Iesus  
& drap de mortuaire, fut oinct & embasme : & le serroyent si estroitement, que le tout ne sem Christ.  
bloït estre qu'un corps : parce que telles odeurs ont ceste propriété qu'elles peuuent estrein-  
dre plus fort & serrement, à quelque chose que vous les appliquiez, qu'aucune glu ne colle, Pourquoi  
tant bonne soit elle. Et tout ainsi que la mort & sepulture de Iesus-Christ, faits en lieu appa- la resurre-  
rent à tous, ont acquis foy & creance sans aucune doubte ny contredit : consequément aussi Etion de le-  
il estoit raisonnable, que la resurrection eust quelque chose de parfait & de certain, pour luy fai sus Christ  
re adiouster foy, afin que les gens de bien, dignes à participer à si grâd mystere, n'en doutassent n'a pas esté  
aucunement, mais creussent fermement & indubitablement cela estre ainsi adueni : Parquoy le de s'couuerte  
bon Dieu, qui auoit voulu prendre substâce & estre pareil à nous, excepté le peché, à soustenu, ny manifeste  
enduré & souffert vne infinité de tourmens salutaires & viuifiants, au veu & sceu de tous les affi- stee à tous ;  
stans, comme i'ay desia dict parauant. Au surplus, il n'a pas voulu permettre, sa pleine de vie re- aussi bien  
surrection des morts le troisieme iour apres sa mort estre veüe, de mesme que le preceder, par que sa pas-  
toutes personnes soit prophanes soit saintes : parce qu'il luy sembloit que ce fut cõtre raison sion.  
& contre le diuin, excellent & iuste iugement de Dieu, qu'il permit, que les yeux ingrats & im-  
mõdes de ceux qui l'auoyent fait mourir, veüssent si grandes choses : & que le saint d'Israel de  
rechercher d'esprouue & experiance à la malignité de leurs cœurs : afin que demourans ainsi  
qu'au parauant, en opinion douteuse & incertaine, & contre toute equité, donnans iugement  
faulx par leurs pèces variables & mal arrestees, ils se repudiaßent & reprouuassent. Mais quãt A qui le-  
à ceux qui auoyent la pensee droite & le cœur merueilleusement net & purifié, il leur a mō- sus s'est ap-  
stré sa resurrection, claire & eslongnee de tout scrupule douteux, & leur a confermé par paru apres  
probation digne de foy : car premierement la mere & quelques autres femmes aussi l'ont veu : sa resurre-  
puis il est apparu à ses disciples esleuz, maintenat aux vns, tantost aux autres, qui l'ont peu veoir Etion.  
par l'espace de quarante iours apres qu'il est resuscité : durant lequel temps, il leur a osté tout  
scrupule & ambiguité de la resurrection, par propos nouueaux & non accoustumez, accompa- Signes tref-  
gnez de signes ou prodiges surpassans toute faculté naturelle. Et non seulement il a confermé la euidens de  
foy de la resurrection par les choses que dessus, mais aussi par les miracles qui ont ensuiuy la la resurre-  
sepulture. Or disons donc, qui sont les faits miraculeux aduenus apres son enseuelissement. Pre- Etion de le-  
mierement, le scel ou cachet dont fut marquee la pierre, seruant de couuerture au sepulchre, qui sus Christ.  
demeura entier : la garde des gens d'armes, estrangers, qui de pres gardoyent ce scel. D'auan-  
tage la grosse pierre mise sur l'entree du monument : qui se coulant hors de sa place, ou bien  
roulee par force de l'Ange, ne corrompit aucunement le signe du cachet : chose qui entre  
tout surpasse toute foy & creance : Car lon trouue par escrit, que les Iuifs auoyent percé la pier-  
re qui seruoit de couuerture au sepulchre salutaire de Iesus-Christ, pres du hault bord  
du monument, & celle aussi qui estoit au fond : le tout industrieusement, avec certains ferre-  
mens seruans à l'art des quarriers, tailleurs de pierre : & que par les deux pertuis ils auoyent  
mis vne forte bande de fer au trauers, laquelle auoit esté courbee par dehors en forme de cer-  
cle ou anneau : & par ainsi ramenans les testes de la bande de fer l'une à l'autre, auoyent ferme-  
ment enuironné & ceint le sepulchre de toutes pars avec ladicte bande, comme d'un lien ou  
ceinture, tellement que la pierre ne pouuoit estre arrachée aucunement de son lieu, ny remuee  
tant soit peu de sa place, en quelque sorte que ce feust, si de necessité le fer n'estoit rompu  
par quelque industrie ou force, ou bien si lon ne brisoit entierement la pierre.

# I. LIVRE DE L'HISTOIRE ECCLESIASTIQUE

Après qu'ils eurent en ceste sorte muni le sepulchre fermement avec grand soing, & imprimé sur le couuercle vn certain signe, pour recongnoistre si lon y auroit touché : ils se retirerēt, & laisserent pour garde competente quelque compagnie de soldats. Parquoy veu que de tous ces seaux, il n'y eut aucune chose remuee ny chāgée, & que la pierre d'elle mesme s'osta de dessus le monumēt, sans aucun bruit ny son (laquelle on tient pour certain) auoir esté fort grosse & pesante) de sorte que par sa grosseur elle donna congnoissance apperte du lieu où auoit esté mis le corps, tant aux femmes apportans des vnguens de senteur pour l'embâsmer, que aux disciples qui le venoyent veoir, qui est celuy, qui ne voudroit recongnoistre telle preuue & enseigne de sa resurrection tant euidente, & à laquelle on ne peut contredire? Voyla les signes tresmanifestes, qui montrent que nostre Sauueur est resuscité de mort à vie. Au reste, les linges, le drap, & (si voulez) le suaire de sa teste, de rechef quels sont ils? quelles preuues nous donnent ils de la resurrection? Ils auoyent esté si bien assemblez & ioincts au corps viuifiant de Iesus Christ, par le moyen des senteurs biē fleurātes de myrrhe & aloés, qu'il sembloit n'estre qu'un corps du tout ensemble (tant estoit grāde la force & vertu des vnguens à coller) tellement, qu'il ne se pouuoit faire, que lon peust deliōber aucunement le corps nud, comme les Iuifs fols & insensēz l'ont voulu maintenir, car qui eust esté le larron tant subtil, qui eust peu oster ny separer les linges si bien collez d'avec le corps, veu qu'ils ont esté trouuez chacun en son lieu, comme ils auoyent esté mis à l'entour de luy, & que le suaire gisoit enuēloppē en son lieu propre, non par cas fortuit, mais raisonnablement, la part où auoit esté la teste mise en le couchant au monumēt? Parquoy cela doit estre tenu pour certain & vray, de tous ceux qui veulent entendre ce qui en est, & auoir intelligence de la verité, que nostre Seigneur non seulement resuscita au troisieme iour, avec son corps, mais encor avec tel corps, qui estoit leger & subtil, non plus mortel, corruptible, & grossier comme au parauant : mais incorruptible, immortel, & (à fin de dire ce qui en est) spirituel & diuin: voire ce que i'ose biē asseurer, estant Dieu <sup>a</sup> quand & quād excedant la portee de tout sentiment humain, <sup>b</sup> & tel, qu'il n'auoit plus aucun besoing de vestemens ou nourriture, tellement que naturellement il pouuoit passer par les portes fermees: bien qu'il se soit laissé veoir & regarder, par vne raison merueilleuse de sa sommission abaissement & conformation) à ceux qui auoyent esté de luy appelez à vne amitié, familiarité & conuersation plus estroite & priuee, les permettant toucher à la playe de son costé & au pertuis où les cloux furent fichez, prenāt quelque fois son repas avec eux, & vsant de poissons & de miel: non pas que la faim l'aiguillonnast aucunement & causast en luy vn appetit de manger, mais afin de donner preuue & tesmoignage de sa nouuelle resurrection, & d'oster l'opinion qu'on auoit, que ce feust vn phantasme ou faulse vision. Or estoit icelle nourriture (prinse par luy apres sa resurrection) consumee par le feu de sa diuinité, par vn moyen, que l'homme ne pourroit dire ne penser aucunement.

*Le corps de Iesus Christ diuin, apres la resurrection.*

<sup>a</sup> quand & quand) Iesus-Christ est parfait, non seulement à cause de sa Deité, qui est la plus parfaite de toutes choses, mais aussi pour raison de la chair, dont il s'est voulu vestir: laquelle a esté oinctē de Deité, & faite vne mesme vñction: & par ainsi Dieu quand & quand. Gregoire Theologien.

<sup>b</sup> & tel,) Il se monstra tel, afin qu'on creust sa resurrection. Chrysostome. Il estoit veu par dispense, non en la gloire deuē de son corps, mais en sa premiere figure. Cyprian. Encor ne monstra il pas soudainement la mesme gloire, qu'il auoit au parauant, fait veoir à ses Apostres: mais ils virent ce, qu'ils auoyent accoustumé de veoir: & a esté differee en autre temps la plenitude de clarté, qui en luy estoit parfaite. Cyprian.

*Des saintes femmes, portans les precieux vnguens, & combien de fois elles vindrent au salutaire monument de Iesus-Christ.*  
Chap. XXXIII.

*Tesmoignage des saintes femmes touchāt la resurrection. Cey a esté recueilly des auteurs, escriuās les choses saintes.*



Encor sert beaucoup le tesmoignage des femmes, portans les vnguens de senteur, à prouuer la resurrection de nostre Seigneur estre vraye, asseuree & certaine: car mesme cela merite foy enuers Dieu, parce qu'en Iesus Christ n'ya point de consideration, ny de malle, ny de femelle, ny de serf, ny de libre: mais ya vn seul Seigneur des dignes & gens de bien, voire de tous: vne foy, vn saint Eprit, qui fait & opere toutes choses, selon sa disposition, vouloir & bon plaisir: car tout ainsi que les hommes entiers & iustes, par lesquels le monde vniuersel a esté prins dans la rets de l'Euangile: & apres eux, d'autres, ayans le second lieu en la foy & congnoissance de verité, ont esté estimez dignes d'estre receuz & admis pardeuant tous, à raison de leur foy excellente & singuliere: pareillement ya e plusieurs femmes, qui ont creu en Iesus Christ, & luy ont fourny les necessitez, & pour ceste cause, il les a admises & receuēs au rangs des personnes bien-heurees.

Entre

Entre toutes lesquelles Marie, natifue du chasteau de Magdale, estoit la plus renommée : laquelle ayant esté parauant detenue par sept malins esprits, & deliuree d'iceux par le seigneur Iesus, auoit arresté de hanter à l'aduenir & viure tout le temps de sa vie avec son medecin, qui l'auoit guarie des mauuais esprits diaboliques. Parquoy elle n'auoit oncques puis cessé d'obeyr & faire seruice à Iesus & à ses disciples, comme celle qui auoit familiere conuersation avec la vierge mere de Dieu, avec Salomé & avec vne autre Marie, fille de l'espoux de la Mere-Vierge Ioseph, qu'il auoit engendrée de la vefue de son frere Cleophas, decédé sans enfans. Aucuns ont voulu dire que ceste Magdalene estoit fille de la Chananee, dont l'Euangile fait mention. Il y auoit encor vne autre Marie, avec celles dont a esté tenu propos : qui estoit femme de l'un des douze Apostres, nommé Iude, fils de Ioseph : laquelle aussi quelques vns disent auoir esté mere de Iacques & de Ioses. Puis Ieanne, mere de Iacques & de Iean, fils de Zebedee. Plusieurs autres femmes de Galilee suiuoyent ces trois icy, par ce qu'elles estoient fort soigneuses & fideles à faire tout deuoir de seruice tant à la Vierge-mere, qu'à son fils nostre Sauueur, auxquels elles duisoient grandement, soit pour racoustrer les habillemens, soit pour toutes autres choses necessaires au mesnage. Ces femmes icy doncques, brusquantes de desir d'aller voir leur maistre au sepulchre, & toutesfois se gardans de mesprendre, de crainte generally des persecuteurs & meschans, estoient forcees de se reposer, comme il falloit & la loy les y obligeoit au iour du Sabbath. Mais au vespre des Sabbaths, c'est à dire apres tous les Sabbaths, car les Iuifs auoyent coustume d'appeller tous les sept iours, Sabbath, c'est à sçauoir, apres que le tour de la sepmaine fut expiré, & apres les heures de la my-nuit d'un des Sabbaths, estant ia venue la iournee du Seigneur, que l'on appelle Dimanche : Marie Magdalaine & vne autre Marie ( que les histoires saintes disent estre la Mere-vierge ) comme plus ardentes en l'amour du trespas, & tourmentees de douleur plus vehemente, venoyent au monument, avec preparatifs d'unguens odoriferans, tels qu'il falloit pour d'iceux oindre Iesus Christ, suiuant la coustume des Iuifs, & plorer par ensemble de bon matin, & saouller la tristesse de leur cœur par effusion de larmes. Mais quand elles approcherent du lieu, elles virent incontinent la pierre qui seruoit de couuerture, rouleée loing de la porte du sepulchre, & un Ange assis dessus, esblouissant leurs yeux des rayons de sa claire lumiere : qui leur dist qu'elles eussent bon courage, & que retournans tout soudain, elles annonçassent la resurreccion aux disciples & Apostres, avec allegresse & ioye. Pendant qu'elles s'en retournoient, Iesus Christ se trouua en leur chemin, & leur ayant donné la salutation, enchargea de dire à Pierre & aux autres disciples, qu'au plustost que faire se pourra ils s'en allassent en Galilee, pour là les contenter du desir qu'ils auoyent de le voir : Et ainsi elles s'en allerent toutes estonnees & espouuantees de telle vision. Voila la premiere apparition & monstre qu'il fit de soy aux deux Maries, apres sa resurreccion, descrite par les deux saints Euangelistes Matthieu & Marc. Elles s'en retournerent donc, ainsi que i'ay dit, discordantes l'une de l'autre, à cause de la crainte & estonnement qu'elles auoyent eu : & n'annoncerent aucune chose de ce qu'elles auoyent veu. Or Marie Magdalaine (comme escrit saint Iean) esmeue de desir retourna au sepulchre, & voyant encor la pierre ostée ( car à la premiere fois elle auoit eu opiniõ que ce qu'elle voyoit n'estoit que songe & resuerie ) soudain elle court afin d'anõcer à saint Pierre & à saint Iean ( qui estoient plus aspres & chauds que les autres Apostres ) que Iesus auoit esté enleué du monument, & que toutesfois elle ignoroit le lieu où il estoit. Ces deux Apostres soucieux & douteux, soudain accoururent au sepulchre, dans lequel ils veirent les linges, draps & suaire tresbien ordonnez, & qui n'auoyent point esté bougez de leur place : qui fut cause de leur ramener en memoire les propos que celui qui estoit ressuscité, leur auoit tenu en son viuant : tellement qu'ils commencerent à adiouter foy à sa resurreccion : toutesfois encor se contenoient ils sans en faire bruit, craignans d'en auoir quelque desplaisir. Quant à Marie, elle estoit toute debout aupres du monument & plouroit comme celle qui doutoit & ne sçauoit qu'estoit deuenue le corps. Lors deux Anges, ayans forme d'hommes, seas l'un au lieu de la teste, l'autre aux pieds, luy demandent la cause de sa desolation & complainte qui la faisoient baigner en larmes. Aufquels elle respond que son seigneur n'estoit plus là, & qu'elle ne sçauoit où on l'auoit mis. Sur ces entrefaites Iesus, nostre Sauueur, estoit derriere elle : A la veüe duquel les Anges se leuent incontinent. Elle, voyant les Anges faire la reuerence, se retourne & le voit, sans toutesfois le congnoistre aucunement. Au reste, pensant que ce fust un iardinier ( d'autant que le sepulchre estoit dressé en un iardin ) apres qu'il l'eust interrogee, elle respondit avec peu de foy, disant : Si tu l'as enleué d'icy & transporté quelque part : ie te supplie me dire le lieu où il est, & ie l'en osteray. Le Seigneur l'appellant seulement par son nom de Marie, à ce mot seul la corrige & reprend en sa folie ioincte avec incredulité. Elle congnoissant incontinent la douce voix qu'elle auoit accoustumé d'oïr : d'une grãde ließe & gayeté de cœur, l'appelle maistre : & adioustant foy à si grand mystere, se mit en deuoir d'embrasser incontinent ses pieds vitaux. Ce qu'il empesche, luy deffendant de ne le toucher ( par ce qu'elle auoit l'esprit grossier & terrestre ) iusques à ce qu'il fust retourné à son pere celeste : car il luy dist, Que ceux qui pourroyent estre ioincts & vnis avec luy, selon l'esprit, deueroyent iouyr de

*Denombrement des saintes femmes.*

*Marie Magdalaine.*

*Magdalaine esimee fille de la Chananee.*

*Marie femme de l'Apostre Iude.*

*Mat. 28.*

*Marc 16.*

*Iean 20.*

*Marie Magdalaine court de rechef au sepulchre.*

*S. Pierre & S. Iean viennent au sepulchre.*

*Iean 20.*

*Deux anges apparaissent à Magdalaine.*

*Le Seigneur apparoit aussi.*

*Combien de fois Marie Magdalaine vint au sepulchre.*

E

*Les femmes annocēt aux Apostres la resurrection de Iesus Christ.*

*Les gēd'armes, gardes du sepulchre, corrompus par argent, disēt faussement que le corps de Iesus Christ a esté desrobé. Math. 28.*

ceste puissance de l'attoucher. Donc la Magdalainē par trois fois vint au sepulchre, & y veit Iesus Christ par deux fois. • Premièrement elle y arriua avec la mere de Dieu, comme saint Matthieu le raconte : à la seconde & troisiēme fois elle estoit seule sans aucune compagnie, comme l'escriit saint Iean. Encor y vint elle pour la quatriēme fois, accompagnée de Marie, mere de Iacques, de Salomé, de Ieanne & de plusieurs autres qui estoient venues de Galilee : & ce du grand matin, lors que le Soleil venoit de se leuer nouvellement. Ausquelles deux Anges (selon le dire de saint Luc) se presenterent en forme humaine, avec estoies resplendissantes, & vestemens reluisans, qui leur dirent, que le viuant n'auoit aucune affaire ny communication par curiosité, avec ceux qui estoient morts : car ils tesmoignent Iesus estre resuscité & n'apparoistre point en son monument : leur enioignant de reduire en memoire les propos, & d'aller signifier à ses disciples le tout comme il l'estoit porté. Par ainsi ces femmes estans de retour avec la Magdalaine, qui brusloit de l'amour de son bon Seigneur, annoncent aux vnze Apostres ce qu'elles auoyent veu, & d'auantage à toutes autres personnes. Les Apostres, estimans que les propos des femmes n'estoyent que resueries, ne peurent induire leur esprit de prime face à les croire. Or la renommee prenoit force de plus en plus, & croissoit par tout de iour à autre, publiāt que Iesus estoit resuscité : quand les Pontifes & grands Sacrificateurs avec eux, qui auoyēt quelque reputation & estime en l'assemblée ou Sinagogue, mettent le fait en deliberation : où il fut arresté qu'avec argent ils corrompoyent & gagneroyent les gens d'armes de la garde du sepulchre. Ce qui fut fait, tellement que les gardes ainsi corrompus, s'efforçoyent de mettre en teste à vn chacun, qu'eux estans endormis en leur premier & plus profond somne, les disciples du trespassé auoyent rauy & enleué, en cachete, le corps de leur maistre deffunct. Ce que mesme l'Euangeliste saint Matthieu dit estre encor faussement en bruiet entre la gent de Iudee, iusques au iourd'huy.

*a* fille de l'espoux de la vierge mere, Ioseph ) *Cecy desroge à la virginité de Ioseph.*

*b* femme de l'vn ) *Il vaudroit mieux lire, Mere : Car cy apres liure 3. chap. 10. Iude est dit frere de Iacques, & par mesme raison aussi frere du Seigneur, nepueux à cause du fils. Parquoy il est escrit qu'il eut une femme en laquelle il les engendra : mais si elle eust eu nom Marie, il faut que c'en ait esté une autre que la mere de Iacques & de Ioseph.*

*c* Ces femmes icy ) *Cecy n'accorde point avec le troisiēme chapitre du deuxiēme liure ensuiuant.*

*d* Mais au vespre des Sabbaths, &c. ) *Comment doit-il estre entendu ? Deux Maries viennent au monument pour oindre Iesus. Elles y apperçouyent vn Ange : Iesus leur apparoit.*

*e* Premièrement elle y arriua ) *saint Mathieu ne fait aucune mention que la Vierge, mere de Dieu soit venue au sepulchre, chapitre vingt & quatre.*

*Combien de fois, & à qui d'entre les Apostres nostre Seigneur apparut apres sa resurrection.*

*Comment il se monstra à S. Luc & Cleophas : puis sur le vespre aux vnze Apostres,*

*les portes estans fermées : & comment, au huietiēme iour d'apres il*

*fut attouché par Thomas l'Apostre*

CHAP. XXXIII.

*Actes 1. Iesus apparoit aux femmes, à S. Pierre, à S. Luc & à Cleophas.*



*Epiphane estime que cestuy n'estoit pas S. Luc, mais un autre nommé Nathanael.*

**R** ceux mesmes qui ont veu toutes ces choses de leurs propres yeux, n'ont pas trouué qu'il fut de besoing rediger par escrit, en forme d'histoire publique, combien de fois Iesus Christ s'est par apres apparu à ses disciples, & par quels signes & miracles il a esté congneu d'eux, les ayant premierement espouuētez & estonnez : prenans occasion d'en escrire peu & facilement, à cause d'une frayeur d'enhaut, & bien seante à l'en droit de Dieu, ioincte avec admiration : cōme ceux qui se sont estudiez d'exposer tant seulement ce qui pourroit suffire à faire foy aux hommes moins aduisez & difficiles à persuader, & d'en laisser couvrir la plus grande partie du manteau de silence. Car se monstrant à eux de fois à autre par l'espace de quarante iours (comme dit saint Luc) non sans miracles & signes prodigieux, il leur signifia la nouvelle ioyeuse de ce qui appartient au royaume de Dieu. Premièrement donc il s'est apparu aux femmes, comme plus ardantes en foy, & brullantes d'auantage de desir en leurs cœurs. Puis à Simon Pierre, ayant singuliere ferueur de dilection enuers son maistre, & qui s'estoit plus oublié que ses compagnons, par l'inconstance de sa langue, par apres se donnoit d'auantage de garde de ses affaires qu'iceux, & en estoit plus soigneux. Et au mesme iour qui estoit le troisiēme apres la passion, & premier de la resurrection, il fut congneu par saint Luc & Cleophas, en rompant du pain, lors qu'allans aux champs, sur le vespre, ils l'arrestērēt au soupper avec eux, & le firent asscoir : lesquels, le voyans en vn instant estre esuanouy de deuant eux, sans



sans arrester tant soit peu au lieu où ils auoyent souppé, à mesme heure s'en retournerent en grand haste en la ville de Ierusalem: & monterent incontinent en la chambre, où le soupper auoit esté fait, & où lors s'estoyent assemblez les disciples surprins de crainte que les Iuifs ne leur fissent outrage. Là fut mise en auant l'apparition de Iesus Christ à Simon Pierre, & autres choses touchant la Magdalaine: là fut parlé de la pierre seruant de couuercle au sepulchre: des Anges habillez de beaux vestemens, clairs & reluisans: Où le tout fut conté avec le grád plaisir & contentement des assistans. Pareillement ces deux pelerins ne s'oublierent à narrer à leur rang, ce qui leur estoit aduenü sur les chemins, & comment ils l'auoyent congneu le voyans rompre le pain: toutesfois il y eut grand trouble & contredit entre ceux qui estoient encor en doute, comme non assez asseurez. Or comme ils estoient en tel different, pour la nouueauté de ce qu'on racontoit, enuiron le soir du mesme iour, s'augmentant la vespre, estans les portes bien fermées ( par ce qu'ils craignoient que aucun n'entraist là dedans sans leur sceu ) tout incontinent le Seigneur Iesus Christ se monstra au milieu d'eux, encor tous paoureux, & imprima en leurs esprits vne tranquillité asseurée: puis leur trouble apaisé, souhaita suiuant la coustume, que la paix fust avec eux. Et apres leur auoir laissé mahier ses mains, ses pieds & son costé diuin: il leur osta entièrement ce qui n'estoit pas assez ferme en leur opinion, touchant la resurrection: & leur dóna pleine foy & asseurée, par laquelle ils creurent fermement & constamment, que c'estoit-il mesme, qui depuis bien peu de temps auoit esté attaché & percé avec des cloux: & non pas vn phantôme ou esprit. Car comment seroit-il possible qu'un esprit se peust seruir de chair & d'os, ainsi comme ils le voyoyent en auoir? ou comment pourroit-il endurer d'estre attouché, s'il n'estoit non plus maniable qu'un esprit; qui ne l'est aucunement: parquoy c'est moy-mesme (disoit-il) non totalement changé, ny de toutes parts. Or suis-ie le premier qui halene en vos faces les premisses & commencemens des graces du Paraclet ( c'est à dire Consolateur. ) Prenez ( vous dy-ie ) le saint Esprit, par lequel ie vous donne toute puissance de lier & deslier tous hommes qui auront peché: mais il faut que vous entendiez ce que par plusieurs fois ie vous ay dit qu'il estoit besoing que le tout aduint ainsi, & qu'il faillloit que le Christ souffrist, selon l'ordonnance des escrits des Prophetes, & que par ce moyen il retournaist en sa gloire. Mais à fin que vous soyiez conformez en vostre foy, non seulement par me voir de vos yeux, ouyr de vos oreilles, & manier de vos mains, mais aussi par experience, vous dónant à congnoistre que i'ay le sentiment du goust: & à celle fin que congnoissiez que ie ne suis pas vne faulx vision & abusive, mais celuy mesme qui ay souffert mort au bois de la croix, qui ay esté clos & enfermé au sepulchre, & qui suis eschappé & sorty de là, par puissance de la vertu diuine: si vous auez quelque viande de reste, qu'elle soit mise sur table. Ce qu'ayans entendu les Apostres, luy presenterent vne piece de poisson rosty, & du miel meslé avec son rayon. Parquoy en preséce de tous il print avec ses mains ce qu'on auoit mis deuant luy, & le mangea: & d'auantage il demanda à boire & beut: le tout pour confirmer que son corps estoit resuscité des morts. Saint Luc & S. Iean en leurs Euangiles ont tres-bien descrit ceste apparition de nostre Sauueur à ses disciples. Quant à ce qui s'ensuit, ç'a esté saint Iean, fils du tonnerre, qui l'a publié: à sçauoir que saint Thomas surnommé Didime, n'assista point au spectacle que ce soir Iesus fit à ses Apostres: parquoy quand les autres disciples luy annonçoient à son retour avec grande liesse ceste apparition, il estoit fâché d'en oyr tenir propos, & estimant qu'on luy faisoit tort de dire telle chose, il auoit l'esprit diuisé en plusieurs opinions, & ne sçauoit à qui s'arrester, pour le doute qui le faisoit flotter en differents aduis: tellement que tant s'en falloit qu'il adioustast foy à ceux qui luy disoyent ces nouuelles, que mesme il nioit Iesus estre resuscité. Car comment eust-il peu faire cela ( disoit-il ) veu qu'il estoit homme? Mesmes il debatoit fermement contre ceux qui luy asseuroient la verité du fait, leur faisant entendre qu'il n'en croyoit rien, si premierement il n'en faisoit l'espreuue avec maniment, en attouchant avec ses mains les ouuertes des cloux, & mettant ses doigts dans la playe de son costé.

Le huietiésme iour d'apres les disciples de Iesus Christ estoient amassez ensemble au mesme lieu, par crainte qu'ils auoyent, tenans leur porte bien fermée, comme de coustume, & y estoit Thomas avec eux: lors Iesus de rechef se monstra en leur preséce, & tout debout au milieu d'eux, sans aucun empeschement, avec son corps spirituel & ( pour mieux dire en vn mot ) diuin, les salua ( selon la coustume ) de la salutation de paix. Puis, à fin d'oster l'ambiguité douteuse, qui estoit en l'esprit de Thomas, & bastir au moyen de luy les fondemens fermes & certains de la resurrection, pour seruir à toutes autres personnes: il luy móstra ses mains, ses pieds & son costé tout ensemble, & luy commande toucher & manier diligemment & de pres, les apparences des fichures des cloux restans en ses pieds & mains, & mettre ses doigts dans la fente de son costé, qui estoit assez grande & ouuerte: parquoy au moyen de cest attouchement sa foy a esté tellement confermée, qu'à haute voix il le publia deuant tous estre son Dieu & son Seigneur.

*Aux vn-  
ze Apo-  
stres.*

*Iesus donne  
le S. Espris  
aux Apo-  
stres.*

*Puissance  
de lier &  
deslier.*

*Iesus mène  
à la venue de  
ses disci-  
ples.*

*Luc 24.*

*Iean 20.*

*S. Thomas  
Didime in-  
credule.*

*Iesus appa-  
roit de re-  
chef aux  
Apostres  
assemblez.*

*Il se laisse  
manier par  
Thomas.*

## LIVRE II. DE L'HISTOIRE ECCLESIASTIQUE

*Comment encor puis apres Iesus Christ apparut à Pierre, Thomas & Nathael,  
pres la mer Tyberiad, à la prinse des poissons: où  
il print aussi avec eux sa refectiō.*

CHAP. XXXV.



Ncor pour la troisieme fois nostre Seigneur se laisse voir apres sa resurre-  
ction, à Pierre, à Thomas, à Nathanael, aux fils de Zebedee & à deux  
autres qui estoient tous ensemble occupez à pescher en la mer de Tybe-  
riade. Or auoyent ils passé toute la nuit, durant laquelle ils ne trouue-  
rent ny ne prindrent du tout aucun poisson, quel qu'il fust, comme ils  
esperoyent. Au surplus le Seigneur apparoiſſant sur la poincte du iour,  
leur commanda de getter leur rets à la dextre partie de la nacelle: ce  
qu'ayans fait, ils prindrent tant de poissons, qu'ils ne pouoyent retirer  
la rests de l'eau. Les disciples apres auoir veu la prinse de poissons si grã-

de, qu'il seroit bien difficile de le croire, congneurent qui estoit celuy qu'ils voyoyent arresté  
à la riuē, tellement que Pierre incontinent se met à nage pour aller à luy: car ils estoient loing  
de la terre, enuiron de deux cens coudees seulement: & esmeu d'ardant desir d'aprocher de  
son maistre, apres auoir couuert ses reins & parties honteuses, d'un linge que soudain le temps  
luy presenta, il se gette en l'eau, & va droit à Iesus Christ, attirant & repoussant l'eau de fois  
à autre, avec vne douce halaine. Et les autres disciples ramans en leur nacelle de pescheurs, abor-  
derent à la riuē. Estans sortis de la nacelle, chacun d'eux salua humainement & embrassa son

*Viade apre-  
ſtee diuine-  
ment.*

Seigneur tant desiré, & tout soudain ils voyent sur la terre de la braise, & du poisson qui rotis-  
soit dessus, avec du pain tout aupres: qui estoit vn desjeuner preparé (comme ie pense) par les  
mains des saincts Angēs de Paradis. Encor ne fut ce pas assez, car il leur commanda d'appor-  
ter des poissons nouuellement prins & peschez, afin de les faire cuire pour en manger. Ils  
entrerent donc en leur nacelle & tirerent hors de l'eau la rets, toute pleine de poissons, excellens  
& en grosseur & en nombre: car il y en auoit cent & cinquante & trois pieces. Or ce fut grand'

*Iesus veut  
estre asseuré  
de l'amour  
de Pierre en  
uers luy.*

merueille que la rets ne se trouua aucunement rompue, bien qu'il y eust tant de grans poissons:  
& par tel signe ils le iugerent à la verité estre leur maistre & Seigneur. Dōt il n'y eut aucun d'en-  
tre eux qui ne se trouuaſt grandemēt resiouy de telle rencontre. Quant à luy, il l'asseit & fit as-  
seoir ses disciples & leur departit de la viade qui estoit apprestee pour repaistre. Au reste, apres  
que ce desjeuner miraculeux fut mangé, il interrogea Simon Pierre, non vne fois seulemēt, mais  
deux, voire trois fois, demandant s'il estoit aymé de luy plus que des autres: non pas pour en

*Que signifie  
l'interroga-  
tiō faite par  
trois fois*

apprendre la verité de luy (car quel besoing luy estoit-il de l'interroger à ceste fin, veu que tou-  
tes choses luy estoient apparentes & congneues, mesme celles qui n'estoyent point encor' ad-  
uenues?) mais afin de reparer la faute qu'il auoit faite en le niant par trois fois, avec trois ex-  
presses confessions & franches affirmations de son amour enuers luy. Et incontinent que tout  
soudain il eust respondu par trois fois aux trois interrogations, qu'il luy portoit affection en-  
tiere, procedante de vraye amitié: il luy fit entendre par ses propos qu'en paissant les Brebis rai-  
sonnables par effaits & bonnes œures, il feroit le deu de son vray & legitime office, & que

*Iean 21.*

lors il s'en acquiteroit honnestement quand il seroit question d'exposer pour elles sa vie, com-  
me luy mesme il auoit fait, & que le temps viendrait qu'estant estably pasteur de ses Brebis, sem-  
blablement il glorifieroit Dieu par sa croix, car cela est signifié par ce propos: Quand tu estois  
plus ieune, tu te ceignois & allois la part où tu voulois: mais quād tu seras ancien & viel, vn au-  
tre te ceindra & liera tes mains, & te menera où tu ne voudras point, tellement que tu yras par

*S. Pierre  
ſ'enquiert  
ſoigneuse-  
ment de la  
mort de S.  
Iean.*

le chemin conduisant à la mort, laquelle nature abhorre & fuit, ne cherchant autre chose sinō  
de prolonger la vie, longuement au possible. Ayant donc sainct Pierre entendu ce qui auoit e-  
sté dit, il veit le disciple qui l'estoit encliné au souper sur la poitrine du Seigneur, lequel ſuiuoit  
par derriere: parquoy il s'enquit de sa fin & trespas. Mais Iesus Christ le reprenant rudemēt  
de ce qu'il ſ'informoit ainſi en vain & follement des ſecrets du iugemēt de Dieu, desquels l'hō-  
me ne doit faire enqueſte aucunement, luy repliqua tels propos: Si ie veux qu'il demeure en  
ceſte preſente vie avec ſon corps, iuſques à tant que ie vienne (voulant donner à entendre la  
ruyne de Ieruſalem, ou bien ſon ſecond aduenement) qu'en as-tu affaire? Quant eſt de ta part  
prepare toy à la mort de la croix, ainſi que moy, car il eſt ordonné que tu l'endureras, & n'aye  
aucun ſoucy ny de Iean, ny d'aucun des autres: repose t'en ſur moy, & m'en laiſſe auoir le ſoin.

*Desirs de  
l'Apoſtre  
S. Iean, &  
de Marie  
mere de  
Dieu.*

Et de là vint que le bruit courut entre eux que ce disciple ne verroit pōint la mort. Toutesfois  
pour corriger ceſte opinion de pluſieurs, comme importune & aliene de verité, le meſme diſ-  
ciple a eſcrit ainſi: Iesus ne luy a pas dit qu'il ne mourroit point, car il doit mourir en la meſme  
ſorte que la Vierge-mere de Dieu: mais tout ſoudain il recouuera vie & ſe releuera des morts  
pour attendre le ſecond aduenement de ſon Seigneur & maistre, en vn autre corps non ſubiect  
à corruption.

*Com-*

*Comment finalement Iesus fut veu en Galilee, & quand il eust monté au dessus de la montaigne des Oliues, il fut receu au ciel, & s'assit à la main dextre de Dieu son pere.*

*Chap. XXXVI.*



Pres cela les Disciples le veirent pour la derniere fois, sur vne montaigne de Galilee, comme il est escrit par saint Mathieu Euangeliste trefrenommé, où il les assura que la puissance singuliere & tref grande sur le ciel & sur la terre (sçauoir est, selon. l'humanité luy auoit esté donnee par son pere celeste : & les ayant admonestez & aduertis de leur deuoir, commanda qu'ils allassent à toutes gens & nations pour les initier, instruire & endoctriner en ses secrets & misteres de sa religion, & afin aussi de baptiser au nom du pere & du fils & du saint esprit ceux qui croiroient tous ses commandemens : leur promettant qu'il seroit tous les iours avec eux, iusques à la fin & consommation du monde present. Puis apres il les mena en la montaigne des Oliues, par Bethanie, & leur promit la venue du saint Esprit : leur ordonnant de se tenir cois en la ville de Ierusalem, & là attendre iusques à ce que diuinement ils fussent munis & fortifiez de l'equipage spirituel de toutes sortes d'armes diuines. Et apres leur auoir déclaré par sa predication les principaux mandemens & la charge du deuoir qui est requis en la cōmission Apostolique : leur donnant sa benediction ainsi qu'il estoit cōuenable, il fut enuironné d'une nuee fort claire & luisante, puis <sup>a</sup> esleué & porté aux cieus à la veuë des disciples : & retourné avec l'humanité deifié (laquelle il auoit prinse comme vne accession à sa diuinité, s'estans conioinctes les deux natures en vne personne diuine) s'assit à la dextre de Dieu son pere. Or afin que son depart ne leur causast quelque tristesse (par ce que ce n'estoit pas chose qui fust contre droit & raison, qu'estans priuez de la presence de leur maistre, ils fussent surprins de vehemente douleur) ce bon Pasteur y donna bon ordre & en eut soucy : car il enuoya deux Anges ça bas en terre, pour leur signifier & faire sçauoir son retour aux cieus & les remplir de liesse merueilleuse & telle qu'on ne la sçauoit dire : leur annonçant qu'ainsi il reuiendrait en autant grande magnificence. Parquoy ayans paracheué leur adoration, ils s'en <sup>b</sup> retournerent volontiers au logis, pour attendre en leur cornacle la venue du saint Esprit, consolateur. Or tout leur exercice n'estoit qu'oraisons & prieres : comme le tesmoigne saint Luc, disant : tous ceux-cy estoient perseuerans d'une volonté en prieres & oraisons, avec les femmes & Marie, mere de Iesus, & avec les freres d'iceluy, iusques à ce qu'ils receussent l'esprit consolateur, qui descendit sur eux corporellement & substantielement, le dixiesme iour apres qu'il fust monté aux cieus, & cinquante iours apres sa resurreccion des mors, qui aduint au tiers iour depuis sa passion.

*Matt. 28.*

*Et figure d'ancantissement.*

*Actes 1.*

<sup>a</sup> esleué & porté) *A fin de mettre son corps, non plus en lieux terriens, mais es sieges celestes & à la dextre du Pere. Rufin. C'est la verité du sacrement Euangelique & de l'esperance humaine, que la nature de l'homme & la chair corruptible ont esté transformez en substance eternelle, par la mutation & changement de ceste gloire. S. Hilaire au Psal. 143. Si on demande où est le fils unique, on le trouuera au sein du pere en esprit Euangelique. S. Ambroise, de l'incarnation du Seigneur Sac. chap. 15. A la verité c'est grande chose, admirable & pleine d'estonnement, que nostre chair soit assise là sus, & adoree par les Anges, Archanges, Cherubins & Seraphins. Quand ie pense telle chose à part moy en mon esprit (ce qui aduient souuentefois) i'endure excez, & quasi comme un depart de moy-mesme, imaginant chose plus grāde du genre humain : car ie voy des commencemens grands & clairs, Dieu faisant beaucoup pour nostre nature. S. Christostome sur le 2. chap. de l'Epistre aux Hebreux.*

<sup>b</sup> retournerēt volontiers) *On peut coniecturer & iuger que leur retour en la ville de Hierusalem, fut deux iours apres l'Ascension au iour du Sabbath. Et pour ceste cause ils auoyent à faire le chemin d'un Sabbath, comme a dit S. Luc, Actes 1. Or est le chemin d'un Sabbath, de deux mille pas, qu'on dit une lieue, sçauoir est, autant qu'il y auoit de chemin depuis les tentes du camp des enfans d'Israel, iusques au tabernacle & arche du tesmoignage : comme le saint & diuin personnage Moise l'ordonna. Au surplus l'Ascension sacrée & celeste de Dieu aux cieus aduint au cinquiesme iour de la sepmaine. Nicefore.*

*Pour quelle raison la resurreccion du Seigneur aduint au troiesme iour apres sa mort : & pour quelle cause aussi il monta aux cieus le quarantiesme iour apres estre ressuscité. Chap. XXXVII.*



R à l'aduenture quelqu'un de ceux, qui pour le desir qu'ils ont d'apprendre ne refusent aucun trauail ny labeur & se delectent grandement à la recherche de telles choses occultes & cachees ; me pourroit demander quelle raison il y a, pour laquelle la resurreccion du Seigneur Iesus Christ est aduenue le troiesme iour apres la passion : & pourquoy aussi il voulut retourner au ciel le 40. iour apres qu'il reuint de mort à vie : d'auantage, à quelle cause l'Esprit diuin fut enuoyé pour descēdre sur les Apostres, le dixiesme iour apres l'ascētiō, & le cinquatiemesme suiuit la resurreccion sainte & salutaire :

E iij

## LIVRE I. DE L'HISTOIRE ECCLESIASTIQUE

Car j'ay opinion que rien n'a esté fait legerement, ny à l'auanture, sans quelque singuliere consideration & aduis, de la part du Verbe nostre Sauueur, qui conduit toutes choses à fin avec raison & ordre duisant, selon qu'il est conuenable, & que la chose le requiert: si ce n'est que telles recherches soyent de si haulte cõtemplation, qu'elles passent la portee de l'entendement humain, pour cause de la difficulté qui se trouue à la poursuite de la cognoissance d'icelles, qui en est incomprehensible. l'auseray toutesfois quelque peu de chose par dessus l'intelligence & apprehension humaine, & diray qu'il me semble que le Seigneur de cet vniuers pour ceste cause a remis sa resurrection au troisieme iour apres sa mort, c'est à sçauoir, que cõme lon conte trois ordres principaux, ou aages de la vie des hommes, depuis le temps que nous auons esté gettez hors de nostre vray pays: tant de ceux qui ont esté auant la loy, que de ceux, qui ont vescu sous la loy: & en dernier lieu de ceux qui sont venus apres & participent à la vie, qui est par grace: il a esté bié scéat que celuy qui auoit entrepris de souffrir mort pour le salut de tous les humains, reparaist la perte & ruine des hommes en trois iours consecutifs, comme s'il imprimoit vn signe à chacune des parties de ses trois aages: les assurant en liberté, & garantissant de toute corruption & endommagement, par vne proportion conuenante & bien accommodee de sa descente aux enfers, ou plus tost de sa demeure corporelle au sepulchre, & de sa mortification. Que si quel qu'un trouuoit bon, de rapporter à la cause de la resurrection de nostre Seigneur, la reduction du genre humain en ses principes & elemens, & sa restitution aussi: & que (parce qu'elle a esté faite par la Trinité mesme, qui parfaict & accomplit toutes choses) il fust d'opinion d'affirmer, qu'en trois iours la mort a esté abolie & mise à neant par le Seigneur de toutes choses: encor ma consideration contemplatiue ne luy contrarieroit, mais seroit conforme à tel aduis. Aussi Lazare (qui estoit la figure, & patron de corruption mondaine, de resolution elementaire, & avec ce de regeneration) est de rechef assubiecty à la mort & remis en son premier ordre fatal, & lequel Iesus auoit establi en semblables principes elementaires qu'auparauant (c'est à dire Lazare ayant semblable cõstitution de corps apres sa resurrection qu'auant sa mort.) Or nostre Seigneur est retourné au ciel, qui est le throsne & siege de Dieu son pere, le quarantiesme iour apres qu'il resuscita: parce que la loy (qui est l'exemplaire & la figure des choses à aduenir) donne entree & permet auoir accès aux lieux secrets du temple sacré, à ceux, qui sont engendrez en corruption: apres auoir passé tel nombre de iours, qui leur sert quasi de sauue-conduite. Et ie croy, que pour ceste cause aussi, Iesus Christ (fait le premier né d'entre les morts, & acertenant l'immortalité de sa creature, c'est à sçauoir de son humanité) par la restitution d'icelle, est receu excellentement & avec toute magnificence, allant au sainct des saincts, & plus que celeste lieu non fait d'aucune main d'homme, bref tres-sacré par dessus toutes autres places sacrees.

*Mort de Lazare par l'espace de quatre iours, que signifie. Par quel mystere le mort est morté aux cieux, le quarantiesme iour apres sa resurrection.*

*\* le premier né) Premier né des morts, & prince de la vie diuine. Car Dieu est passé en l'homme à celle fin que l'homme passast en Dieu. Irenee, li. 4. chap. 59.*

*Quelle raison il y a, pour laquelle le Consolateur, qui est l'Esprit diuin, a hanté substantiellement & en corps avec les Apostres, au cinquantesme iour apres la resurrection, & dixiesme apres l'ascension de Iesus Christ. CHAP. XXXVIII.*



R ie trouue le cinquantesme iour, non seulement parce qu'il est sacré, & prend son origine de racine sacree, comme sortant de ce iour par vne reuolution circulaire en soy mesme, auquel le createur se reposa de toutes ses œuures qu'il auoit voulu faire, soit en sa peregrination & voyage, soit en la constitution & creation du monde vniuersel: mais aussi parce qu'à ce iour est accomplie l'image & figure du iour de remission, perpetuel, & qui n'a point de vespere aucunement (cest à dire qui dure à iamais) Parquoy ce iour mesme estant representé comme sous vmbre & couverture, à ceux, qui viuoyent selon l'escriture ancienne, leurs otroyoit liberté de toutes choses, s'arrestant le cours circulaire des anneés en ce nombre de cinquante: tellement que ce qui se faisoit pour lors, signifoit, qu'apres ceste reuolution par semaines de nostre vie fugette à la misere & seruitude, le iour viendroir, auquel il seroit besoin d'estre receuz en nostre ancien estat, & restituez & remis en nostre premiere liberté diuine. Par ce qu'aussi maintenant la venue du saint Esprit est telle, qu'elle nous ordonne vne nouuelle maniere de viure, & nous esueille & incite d'aspirer au susdit iour, apres la nuit obscure & tenebreuse de ceste vie presente. Voila qui me semble estre la cause, pour laquelle le saint Esprit est venu consoler les Apostres à telle iournee. Ce n'est pas aussi sans cause qu'icelle iournee de la Pethecoste est cheuë le dixiesme apres l'ascension: par ce que, tout ainsi que la semaine, retournée en soy par circuit, la multipliant sept fois, produit pour le premier iour d'apres, le cinquantesme iour de remission: aussi le troisieme, multiplié trois fois, nous amene par sa reuolution le dixiesme iour, qui est le iour saint & sacré, auquel (apres l'ascension) le saint Esprit descédit en substance

*Pourquoy encor la venue du S. Esprit est le dixiesme iour apres l'ascension.*

stance corporelle sur les Apostres de Iesus Christ. Aussi estoit-il bien seant & conueuable que cela aduinst ainsi, nō seulement à raison de la diuine Trinité, creatrice de toutes choses: mais aussi parce que le Verbe, qui est l'une des trois personnes de la Trinité, a mis à effect ce grād œuvre de resuscitation & reſtabliſſemēt du monde, par vne raison merueilleusement ſecrete & cachee, comme i'ay dit vn peu au parauant. D'auantage, quelques vns ont voulu dire que le S. Esprit, qui estoit vn autre conſolateur, vint le dixieſme iour apres l'aſcenſion, pourautant que lors que Dieu Verbe retourna au ciel avec l'accroissement deſié de ſon humanité de toute la troupe des Anges plus nobles, diuiſée en neuf, chacun ordre ſe preſenta à part à ſon tour, & feit deuoir avec toute reuerence d'adorer le Verbe diuin <sup>a</sup> avec ſon corps deſié, qu'il ſ'eſtoit adiouſté, & lequel il auoit reprins à ſa reſurrection: comme choſe, qui a tresbien & treſſagement conduit le fait de la reconciliation & appointement dū genre humain avec ſon createur: & que cela parſait, puis apres le Conſolateur diuin a eſté enuoyé, ſuyuant la promeſſe qui en auoit eſté faite. Voyla ce qui m'eſt venu en fantaſie de dire ſur ce paſſage: car le Verbe n'a rien fait à la volée, ny accompli, ſans quelque ſingulier egard d'excellente conſideration. Mais ſ'il y a quelque choſe, qui ſoit de plus grand & de plus ſecret en ce myſtere, & qui ſemble digne de la grandeur des choſes que Ieſus-Chriſt à couuertes & cachees: ie le laiſſe à veoir & rechercher à ceux auſquels il eſt permis de veoir & congnoiſtre pleinement, avec plus ſubtils yeux de contemplation, la hauteur profonde des choſes diuinement accomplies, leſquelles on ne peut bonnement declarer.

*Disposition  
d'ordon-  
nance de la  
reparation  
du genre  
humain*

<sup>a</sup> avec ſon corps) *Cecy eſt extraict des vieux theologiens Grecs: Mais que pourroyent reſpondre à cecy les nouueaux theologiens de noſtre temps, qui mettent au nombre des creatures pures la chair glorifiée de Ieſus Chriſt, & doutent ſi elle doit eſtre adoree? Les eſprits Angeliques menent ioye au ciel pour l'agneau Paſchal, & ont en admiration la gloire du Seigneur, ſe releuant des morts: ils ſe reſouiſſent & prennent plaſir en ce, que la forme du ſeruiteur eſt retournee en la forme de Dieu, & que l'aneantiſſement & rabbaïs de ſon humilité eſt reuenue à la maiesté & excellence de ſa hauteur, qu'il auoit depoeſe. Cyprian, au ſermon de Paſque. De là vient que le theologien dit, que la Paſque, ou paſſement du Seigneur Ieſus, eſt l'honneur de la Trinité.*

*Que Iosephe hitorien a fait mention de noſtre Sauueur Ieſus Chriſt, au dixhuitieſme liure de ſes hſtoires des Antiquitez des Iuiſ: & les propos qu'il a tenu de luy.*

C H A P. XXXIX.



Oyla tout ce qu'on peult dire au plus bref, des choſes, qui ſont miſes par eſcrit au liure des ſaintes Euangiles, touchant la vie & faits de noſtre Seigneur Ieſus Chriſt. Il me ſemble, que rien plus ne reſte maintenant, que de mettre en auant le teſmoignage de Iosephe hitorien Hebreu, grand amateur de verité: & amener, pour la fin de ce premier liure de nos hſtoires, ce qu'il a laiſſé par eſcrit du Sauueur Ieſus Chriſt, au dixhuitieſme liure des Antiquitez Iudaïques: Car apres auoir dict ce, que


*Teſmoigna-  
ge treſſa-  
rent de Io-  
ſephe hiſto-  
rien, ſou-  
chāt noſtre  
Sauueur.*

cy deuant i'ay allegué de ſainct Iean Baptiſte ſon auant coureur & precurſeur: puis apres il tient tels propos de Chriſt: En ce temps eſtoit Ieſus, homme ſage, ſ'il eſt permis de l'appeller homme. Car il faiſoit des œuvres, excedentes toute opinion & foy: & eſtoit maiſtre des hommes, qui volontiers embraſſoyent la verité. Aussi attira-il à ſa diſcipline pluſieurs perſonnes, tant des Iuiſ, que de la ſuperſtition des Grecs. C'eſtoit le Chriſt & Oinēt. Et combien que Pilate l'eut adiugé au ſuplice de la croix, induit par l'accuſation de pluſieurs grands & excellens perſonnages d'entre nous: toutesſois ceux qui l'auoyent aimé & ſuiuy au parauāt, ne ſe ſont pas deportez de le hanter encor apres ſa mort: Car il ſ'apparut à eux plein de vie, le troiſieſme iour apres qu'on l'eut fait mourir. Aussi les ſainctes Prophetes auoyēt predict de luy, qu'il reuiuroit, prophetiſans avec ce pluſieurs autres choſes merueilleuſes, ioinēt que la nation des Chreſtiēs, qui a prins de luy ſon ſurnom, encores au iourd'huy luy porte vn grand hom- mage & reuerence (rendant teſmoignage par tout de ſa ſaincteté.) Voyla ce que Iosephe dict de Ieſus-Chriſt.

*De la figure celeſte du corps & diuins traits du viſage de noſtre Sauueur Ieſus-Chriſt*

C H A P.

X L.



V reſte, l'effigie & forme de noſtre Seigneur Ieſus-Chriſt, comme nous l'auons en- tendu des anciens, a eſté telle ou à peu pres, ſelon qu'on en peut parler maigremēt. Son viſage eſtoit beau par excellence, & fort viſ. La ſtature & grādeur de ſon corps, venoit du tout à ſept paulmes en hauteur. Sa perruque eſtoit iaunaſtre, non trop eſpaiſſe, tournoit quelque peu ſur cheueux creſpus & madrez. Il auoit les ſourcils noirs, & non beaucoup pliez. Ses yeux <sup>a</sup> tirans ſur le iaune, luy donnoyent bonne grace à mer- ueilles. Ils eſtoyent viſs & ſubtils, & ſon nez bonnemēt long. Il auoit le poil de ſa barbe, iaune,

*Effigie &  
ſtature de  
Ieſus Chriſt*

## LIVRE I. DE L'HISTOIRE ECCLESIASTIQUE

& non pas trop long, ny auallé en bas : Mais il portoit les cheueux de sa teste, bien longs. Car le rasouer ne fut iamais mis sur sa teste, ny aucune main d'homme, toucha à icelle, sinon de sa mere, encor luy estant bas d'aage & bien petit. Son col alloit peu à peu en abbaissant, de sorte que le maintien de son corps n'estoit pas trop haut ny estendu, ny aussi trop bas, au reste, ayant telle couleur que le<sup>b</sup> blé froument. Il ne portoit pas le visage rond ny aigu, mais tel que celuy de sa mere, penchant vn peu vers le bas, & moyennement rouge : lequel donnoit apparence de grauité & sagesse, ioincte avec douceur, portant la mine d'estre benin & facile, sans aucun fiel de courroux. Bref, il estoit sèblable en tout & par tout, à sa mere diuine & immaculée. Voyla ce qui m'a semblé bon de dire iusques à maintenāt. Or ce premier liure d'histoires, comprend le temps de trente trois annees, commençant au quarantedeuxiesme an de l'Empire d'Auguste Cesar, qui desia vieillissoit fort, auquel an nostre seigneur Iesus-Christ nasquit & print chair humaine de la sainte Vierge Marie: & prenāt fin au <sup>c</sup> dixhuietiemesme an de Tibere, Cesar, Empereur des Romains <sup>d</sup> qui fut l'annee cinq mille cinq cens trentehuietiemesme depuis la creation du monde, & trentetroisiesme depuis la naissance de nostre Seigneur.

<sup>a</sup> tirans sur le iaune) Il est dit en Genese, chap. 49. de Iudas fils du Patriarche Iacob : Il a les yeux fauues & estincelans de vin. Aussi auoit nostre Seigneur les yeux fauues, reluisans & estincelans, avec quelque peu de noirceur. Theodore Ga<sup>la</sup> retourne la diction qui se trouue en Nicefore, quand il dist, que le Lyon a les yeux fauues.

<sup>b</sup> blé fourment) Il faut entendre cecy de la couleur du blé meurissant, lequel deuient rouge avec un peu de brun. Les annees comprises en ce premier liure.

Les nouueaux Chroniqueurs sont grandement differens avec les anciens, en la supputation des annees. Auec lesquels ont opinion que cest an est le troismille neuf cens nonantecinquiesme. Theodore Bibliander le dit estre le quattremille 11. an du monde.

<sup>c</sup> dixhuietiemesme an de Tibere) Nicefore, & les atheurs semblablement, r'apportent la passion de nostre Sauueur Iesus-Christ au dixhuietiemesme an de l'Empire de Tibere : auquel an furent Consuls Eurie Camille, Arunce Scribonian, & Cnee Dimittie Enobarbe. Mais Lactance au quattresme liure des Institutions diuines, dit ainsi: Le quinziemesme an de Tibere, lors que deux, portans le nom de Gemeaux, estoient Consuls, deuant le septiesme iour des Calendes d'Auril (qui est le vingtcinquiesme iour du mois de Mars) les Iuifs attacherēt le Christ en croix. Les noms entiers de ces Consuls, estoient, Caie Rubellie Gemeau, & Caie Fusie Gemeau. Enquoy Lactance a suiuy l'opinion de Tertullian, qui dit ainsi au liure qu'il a escrit contre les Iuifs: Le quinziemesme an de l'Empire de Tibere, Iesus-Christ a souffert, ayant enuiron trente ans alors : &c. Laquelle passion a esté accomplie sous Tibere Cesar, estans Consuls Rubellie Gemeau, & Rufin Gemeau, au mois de Mars, du temps de Pasque, le septiesme iour des Calendes d'Auril (qui est le vingtcinquiesme iour de Mars) au premier iour des pains sans leuain: auquel auoit esté ordonné par Moysse de tuer l'agneau, enuiron l'heure de vespre.

Ican Lange, traducteur du Grec en Latin, au Lecteur.

<sup>d</sup> qui fut l'annee) Il faut que ie confesse franchement en ce lieu, que (ayant veu le grand different qui est entre les anciens & modernes historiographes, en l'observation des temps, & conte des annees depuis la creation du monde) en la premiere publication des liures de nostre Nicefore, i'auois par tout osté mille ans, à fin que son calcul & computation approchast plus pres du conte des nouueaux, qu'ils ont retiré de la sainte Bible. Mais en ceste derniere edition faite plus soigneusement, i'ay remis par tout mille ans, comme ie les ay trouuez aux exemplaires Grecs. Ce que i'ay fait principalement, pour raison que ie voyois Lactance & saint Augustin auoir escrit, que de leur temps estoient passez six mille ans depuis la creation du monde. Lactance, au liure septiesme de ses Institutions, chap. 14. dit ainsi : Que les philosophes, qui nombrent les mil des siecles depuis le commencement du monde, sçachent & entendent, que six mil ans ne sont pas encor expirez : & que ce nombre accompli, il est necessaire que la consommation du monde aduienne, & que l'estat des choses humaines soit reformé en mi. ix. Saint Augustin, au liure 20. de la Cité de Dieu, chap. 7. escriuant des mil ans dont il est parlé en l'Apocalypse, dit ainsi: Aux derniers mil ans cela est fait (sçauoir est, le serpent est tenu lié par le temps de mil annees) c'est à dire, au sixiesme millier d'annees, comme au sixiesme iour: duquel les derniers temps se contournent maintenant: iusques à ce que le sabbath, qui doit suyuir, vienne, lequel n'a point de vespre: c'est à dire, le repos des saints, qui n'a aucune fin. Ainsi la calculation que fait Nicefore des ans du monde, n'est pas grandement differente d'avec telle supputation.

## FIN DV PREMIER LIVRE.

Après auoir acheué l'impression de ce premier liure, nous auons trouué bon de mettre icy quelques annotations declaratiues d'aucuns lieux difficiles.

Au feuillet second, chapitre 9. sur ce qu'il est parlé de la demolition du temple de Ierusalem Iosephe liure quinziemesme, des Antiquitez Iudaïques, chap. 11. & au premier liure de la guerre des Iuifs, chap.



*dixseptiesme, dit: Herodes a demoly & destruit le temple iusques au fond, que Zorobabel & Esdras auoyent edifié, apres la captiuité des Iuifs en Babylone: & de rechef en edifia un autre à grands frais & avec singuliere magnificence, selon la forme & pourtrait de celuy que Salomon auoit basti premierement. Iosephe liure quinziemesme chapitre unziemesme des antiquitez: & au liure premier, chapitre dixseptiesme, de la guerre de Iuifs.*

Sur ce qu'au mesme feuillet & chapitre, Nicefore raconte qu'Herodes a mis en vente l'estat de grand Sacrificateur, Iosephe le declare plus apertement au liure dixseptiesme, chapitre cinquiesme, lequel dit qu'Herodes deposa de l'estat de prestise Simon, qui estoit pere de sa femme, & prouueut de l'office de Pontife, un nomme Matthias, fils de Theophile.

Au mesme feuillet & chapitre, touchant les semaines de Daniel, faut noter que si lon veut conter les semaines de Daniel, depuis la seconde annee d'Artaxerxes Longue-main, ou enuiron iusques à la mort, resurrection de Iesus-Christ, & aussi iusques au regne de la iustice eternelle, qui a suiuy ladicte resurrection, & peu d'annees par dessus on les trouuera estre remplies par quelque moyen: Car de soixante & dix semaines d'annees, sont faits quatre cens quatre vingts & dix ans. Et n'y aura ambiguité ou doute, à tout le moins que de deux ou trois ans. Au reste le conte en seroit encor plus certain, si les soixante & dix semaines d'annees prenoient leur commencement à la trentedeuziemesme annee de Daïre, fils de Hystaspes: qui fut l'an auquel les murs de Ierusalem furent parcheuez. Deuxiesme d'Esdras, chapitre cinquiesme & neuuesme. Car on y trouuera quatre cens quatre vingts & dix ans iusques à la natiuité de Iesus-Christ.

Encores au mesme feuillet, sur le commencement du chapitre dixiesme, est à noter ce qui ensuit, Les Chronographes & obseruateurs des temps sont differens en opinion, touchant ceste annee de la natiuité de Iesus-Christ: Car quelques uns aussi acc. tenent qu'il nasquit en l'an depuis la creation du monde trois mille neuf cens quarante quatre, autres en l'an trois mille neuf cens soixante & deux: aucuns aussi, en l'an trois mille neuf cens septante neuf.

Encor de rechef au mesme feuillet sur ce mot, Cyrene, Autres l'appellent Cyprian. L'aucture auoit il esté Censeur & reformateur de la police: Car Caïe Martie Censorin (c'est à dire, qui auoit eu l'office de Censeur) fut Consul avec Caïe Asinie Galle, en l'an sept cens quarante six, depuis que Rome fut bastie. Et un peu de temps au parauant en l'an sept cens quarante deux, Marc Valere Messale & Publie Sulpice Quirin (lequel plusieurs dient estre ce Cyrene) auoyent exercé l'estat du Consulat.

Au feuillet 12.2. page, sur ce mot, Dieu homme. Duquel le premier aduenement en terre, qui estoit fort humble est icy deduit: Car il a esté fait à la semblance des hommes, & trouué en apparence comme homme. Paul, aux philippiens deuxiesme chapitre. Et par ainsi d'autant que la forme de Dieu a prins la forme de seruiteur, l'un & l'autre est Dieu, l'un & l'autre est homme. Et ce tout ioinct ensemble, est appelé Dieu à cause de Dieu, & homme, à cause de l'homme.

Saint Ambroise, au quatreiesme liure, chapitre vingt & uniesme, des mysteres de l'incarnation.

Au feuillet treziesme, chapitre treziesme, sur ces mots: Car ils faisoient demeure, il y a grande coniecture que Ioseph & Marie auoyent quelques biens & possessions & en la ville de Bethlehém, & en celle de Nazareth.

Encor au mesme feuillet, sur ces mots, Or estoient ces Sages excellens, Les Sages de la nation de Perse, s'employent & estudiant à l'observation des choses hautes, en impostures, tromperies, enchantemens & accords naturels de choses contraires. Il semble que Balaam, se soit delecté à telles enchanteries, lequel fut appelé par Balaac, à fin de maudire le peuple d'Israel, avec quelques meschantes paroles. Mais au lieu de le maudire, il le benist, disant: Vne estoille procedera de Iacob, & un homme s'esleuera d'Israel. Nombres, chapitre vi:zge quatreiesme. Parquoy (comme dit saint Basile au sermon de la natiuité de nostre Seigneur) les Sages, cherchant le lieu de Iudee, ayans souuenance de l'histoire ancienne, y sont venus, à fin de congnoistre & scauoir le lieu où estoit né le Roy des Iuifs.

En la mesme page, vn peu plus bas, sur ces mots, conduits & menez, L'aucture que les Sages s'apperceussent que leur vertu & force estoit abolie (par ce qu'à l'apparition de Dieu, fait homme sur terre, toute puissance aduersaire à la sienne, fut debilitée & affoiblie) pour tesmoignage de la grande authorité du Roy nouveau né, en luy donnans des presens, luy ont fait cest honneur de l'adorer.

Saint Basile, au sermon de la natiuité de Iesus-Christ.

Au mesme feuillet, sur le fait de la naissance de Iesus-Christ, Epiphane dit, contre les Alloges, que Iesus-Christ nasquit en la trente troiesme annee du regne d'Herodes: l'an trente cinquiesme, les Sages vindrent à luy: & l'an trente septiesme Herodes mourut.

## LIVRE II. DE L'HISTOIRE ECCLESIASTIQUE

Sur le fucillet 16. chap. 18. où il est parlé de l'effect du baptesme de saint Iean ) Les paroles de Nicefore sont un peu crues, & semble qu'il vueille esgaller le baptesme de saint Iean, au baptesme de Iesus-Christ : mais tant s'en faut qu'il approchast de la perfection d'iceluy, que nous croyons n'avoir esté qu'un preparatif, & disposition au baptesme de Iesus-Christ, pour attirer peu à peu les hommes, & les accoustumer à iceluy, joint que ceux qui estoient baptiséz du baptesme de saint Iean devoient estre de rechef baptiséz par Iesus-Christ, apres la promulgation suffisante de l'Evangile : ce qui n'eust pas esté fait s'ils eussent esté esgaux & pareils en vertu. A ce propos dit saint Augustin, au liure contre l'epistre de politian, chap. 18. laçois que saint Iean Baptiste & saint Paul l'Apostre, ne sont qu'un (parce que tous deux sont amis de l'espoux Iesus-Christ) toutesfois par ce que le baptesme qui estoit donné par saint Iean, n'estoit point semblable à celuy que donnoit saint Paul, saint Paul aux Actes 19. commanda que ceux que saint Iean auroit baptiséz fussent baptiséz du baptesme de Iesus-Christ, non pour autre cause (dit-il ailleurs, au liure 5. contre les Donatistes, chap. 1.) sinon parce que le baptesme de saint Iean n'estoit point le baptesme de Iesus-Christ : mais un baptesme particulier à saint Iean, concédé par Iesus-Christ, par maniere de dispence, non pour durer long temps, mais autant qu'il seroit de besoing à preparer la voye au Seigneur, duquel saint Iean Baptiste devoit estre précurseur & denancier : tellement que quand il est dit que saint Iean a baptisé d'eau de penitence en remission de pechez, cela doit estre ainsi entendu selon le dire dudit saint Augustin, au liure preallegué contre les Donatistes, chap. 10. que les pechez estoient remis, par esperance, à ceux que baptisoit saint Iean, mais que veritablement & de fait telle remission leur estoit octroyée au baptesme de Iesus-Christ. De cecy nous fait foy, mesme saint Iean, lequel apres en saint Matthieu 3. avoir dit, ie vous baptise en eau de penitence en remission de pechez, voyant Iesus-Christ vint à dire, en saint Iean premier: Voyla l'agneau de Dieu, voyla celuy qui efface les pechez.

Sur le troisieme chapitre, où il est dit que Iesus-Christ est retourné au ciel avec l'humanité deificée ) saint Augustin nous aduertit au liure De presentia Dei, ad Dardanum, au tome second, que nous nous donnions de garde en constituant une diuinité en Iesus-Christ homme, que ne venions à nier la verité de son corps. Car il ne s'ensuit pas que celuy qui est en Dieu, soit par tout comme Dieu, attendu que l'escriure dit de nous veritablement aux Actes dixseptiesme, que nous avons nostre vie, mouvement & estre en Dieu & toutesfois nous ne sommes pas tout ainsi que luy, vray est que le Verbe, homme, est autrement en son humanité, qu'en nous, par un moyen qui luy est propre & singulier. Et au liure De fide ad petrum, au chapitre seizesme, il dit : Croy fermement & ne doute aucunement, que le Verbe de Dieu qui a esté fait chair, a deux natures distinctes, & non confondues ensemble: Une diuine, qui luy est comme avec son pere, selon laquelle il est en saint Iean dixiesme, Moy & mon Pere ne sommes qu'un. Et qui me voit, voit aussi mon Pere: Et, je suis en mon Pere, & mon Pere est en moy. Pour le regard de laquelle nature diuine, saint Paul pareillement l'appelle en l'Epistre aux Hebreux, au premier chapitre, La lueur de la gloire, & La figure de la substance de Dieu : l'autre humaine, selon laquelle iceluy Dieu incarné, a donné ce tesmoignage en saint Iean quatorzieme, mon Pere est plus grand que moy. Il faut donc entendre l'humanité & corps de Iesus-Christ, estre deifié suivant l'exposition de saint Cyrille, sur le sixiesme chapitre de saint Iean, pour autant qu'il est joint à la diuinité, & qu'à raison d'une telle union, il a des proprietés autres que les nostres, de sorte que combien que Iesus-Christ ayt un corps solide & naturel comme nous, toutesfois il ne le faut pas mesurer comme les nostres qui sont pesans & corruptibles. A ce propos dit un bon mot saint Ambroise, Cherches tu l'ordre & le cours de nature en Dieu, qui a esté né par dessus l'ordre de nature? & qui est ceste nuee legere, de laquelle parle Esaye, au dixneufiesme chapitre, disant: Voicy le Seigneur Dieu montera sur une nuee legere & viendra en Egypte, & les marmosets & simulaehres d'Egypte seront esbranlez devant sa face. Eusebe au liure sixiesme, chapitre vingtiesme, De demonstratione euangelica, interprete la nuee legere, l'humanité de Iesus-Christ, qui a caché la diuinité, ainsi que la nuee est au en l'air on ne peut veoir le soleil.

Sur ce qu'au mesme chapitre vers la fin, il est dit que le saint Esprit descendit sur les Apostres corporellement & substantiellement, le dixiesme iour apres qu'il fut môté aux cieus ) Est à noter que selon qu'a laissé par escrit saint Augustin, au 2. liure de la Trinité, chap. 5. il y a eu quelque espeece de creature faite sur l'heure, en laquelle le saint Esprit s'est monstré visiblement, soit lors qu'il est descendu sur Iesus-Christ en forme de colombe, soit alors que le iour de la Pentecoste a esté fait un son soudain, venant du ciel, & comme si c'eust esté un vent & tourbillon. Et avec ce ont esté venues des langues de feu qui se sont arrestées sur chacun des Apostres. Ceste operation exprimée visiblement, & presentée aux yeux mortels, est appelée mission ou descente du saint Esprit: Non que la substance par laquelle il est invisible & immuable, ainsi que le pere & le fils, s'apparus à eux, mais bien que par la venue de chose externes, le cuer des homes a esté conuertty à l'eternité cachée de celuy qui est par tout present. De sorte que S. Augustin par ces paroles declare la maniere de ceste mission & descente visible du saint Esprit, qui ne se fait pas en sa nature, laquelle n'est point d'avantage de creatures susdites, qu'en toutes autres. Vray est qu'autre est l'effect du saint Esprit aux susdites creatures : car il estoit en elles, à fin que par elles venant aux hommes, lon congneut qu'il fut en ceux auxquels telles creatures venoyent. Quant à luy, il ne vient ne descend sur les hommes par un mouvement temporel: mais par le mouvement temporel de la creature, il signifie son infusion ou donation spirituelle, invisible & interieure. Ce pendant le mesme S. Augustin, ne veut pas accorder au liure De agone Christiano, chap. 20. sur la fin, que nous ayôs à dire que Iesus-Christ, luy senlayt en un vray corps, & que le S. Esprit soit apparu aux yeux des homes avec fallace, par

*par phantome: mais il veut que nous croyons que les corps prins par eux deux soyent vray corps. Car ne plus ne moins qu'il ne falloit pas que le fils de Dieu deceut les hommes : aussi il n'eut esté bien seant que le saint Esprit les eut trompez. Mais à Dieu qui est tout puissant, & qui a fait & formé de rien toutes les creatures, il n'estoit pas mal aisé de figurer un vray corps de colombe, sans mynistere, secours, & ayde des autres colombes: Ainsi qu'il ne luy a esté difficile de bastir & composer un vray corps au ventre de la vierge, sans semence virile. Il en dit autant au liure troisieme De mirabilibus sacra scriptura, chapitre cinquiesme.*

## FIN DV PREMIER LIVRE DE L'HISTOI-

RE ECCLESIASTIQUE DE

Nicefore.



# LIVRE DE VXiESME DE

## l'Histoire Ecclesiastique de Nicefore,

### fil de Calliste, Xanthoupolis.

*Comment Matthias fut esleu pour parfaire le nombre des douze Apostres, en la place du trahistre Judas, apres que le Seigneur fut monté aux cieux.*

## CHAP. I.



'Ay exposé assez amplement, en mon premier liure, ce qui concernoit & estoit bon de dire touchant la diuinité du Verbe, & de l'origine tres-ancienne de la doctrine Chrestienne & Euangelique: sçauoir est, que la maniere de viure selon l'ordonnance de l'Euangile, a eu son commencement aussi tost que le monde, & a esté frequentee & obseruee par les anciens personnages, ayez de Dieu pour leur sainteté, quasi comme solbs ombre & figure de l'aduenir. D'auantage, i'ay monsté que les noms de nostre Sauueur ont esté anciennemét bien estimez & honorez: puis, comment le Royaume de Iudee, dès le commencement s'est gouuerné & conduit iusques à Herodes: en apres, i'ay parlé de l'apparition & presence corporelle de nostre Sauueur Iesus-Christ, en terre, & ensemble de la façon de viure & doctrine: plus, de l'eslection des Apostres, du lauement de baptesme, de la passion du fils de Dieu, de la resurrection d'iceluy, de son retour aux cieux: bref, du reestablishement & restitution du monde en son premier estat. Or cy apres ie discourray briuevement ce qui s'est passé apres l'Ascension du Sauueur, m'arrestât, avec plaisir, aux faits des Apostres: & diray en quelles contrees, & comment le Verbe salutaire s'est augmenté & a prins accroissemét par le monde habitable: & les œures & actions que les Apostres ont mises à effect par le moyen du saint Esprit, quelle fin de vie chacun d'eux a eu, quelles Eglises ont esté establies & ordonnees par eux aux natiós de Gentils: bref, quels successeurs ils ont laissé à l'execution de leurs charges & offices. Ce qu'en partie sera recueilly des escritures saintes, en partie d'autres Historiens, selon que l'occasion se presentera.

*Le contenu du premier liure.*

*Dequoy sera parlé en ce liure.*

## LIVRE II. DE L'HISTOIRE ECCLESIASTIQUE

Or quand la sainte & diuine compaignie des Apostres, fut de retour de la montagne d'Oliuet, à la maison de saint Iean l'Euangeliste, située au mont de Sion (auquel lieu la Vierge-mere de Dieu vesquit en la garde du disciple & vierge, iusques à son decés vital: comme en a esté le bruit de toute ancienneté) ils s'addonnerent à continuelles prieres & oraisons: & peu de iours apres, estans bien enuiron six vingts hommes en nombre, saint Pierre leur fit vne harangue, par laquelle il remonstra que son aduis estoit de fournir le nombre de douze Apostres, à fin qu'ils fussent tousiours autant en conte, que le Seigneur en auoit appellé par son election: & presenta deux personages, qu'il choisist entre les soixante & dix disciples, excellés en paroles & en œuvres, à fin que l'un d'eux fut pourueu de l'administration & office d'Apostolat, au lieu de Iudas, qui auoit esté trahistre à l'endroiect de son Seigneur & maistre. Les deux qu'il nomma, s'appelloient Iuste & Matthias. Et quand les sorts furent iettez, avec oraison propre à cest effect (par laquelle ils prioient, que par celeste suffrage & signe il pleust à Dieu de declarer & donner à congnoistre celuy qui estoit idoine & suffisant d'auoir la charge de l'administration de la parole de l'Euāgile, le sort vint sur Matthias. Ainsi fut remply ce nombre sacré, & Matthias par imposition des mains enroullé au nombre des Apostres, qui n'estoyent que vnze au parauant.

*Matthias est esleu Apostre en la place du trahistre Iudas.*

*De l'auenement subit du saint Esprit, au iour de la Pentecoste: & des miracles faictz par les Apostres. Du mesme vouloir, & vie des fideles: & de l'election de sept Diacres, ou ministres.*

CHAP. II.

*Les Apostres recoiuent le s. Esprit, au iour de Pentecoste.*



L estoit ia le dixiesme iour d'apres l'Ascension, & le cinquiesme d'apres la resurreccion, quand les Apostres se trouuans assemblez en vne chambre haute, soudainement fut ouy vn son fort grand, enuiron trois heures du iour, comme si c'eust esté le soufflement d'un vent vehement & subit: lequel remplit toute la maison: & apparurent des langes de feu, departies en pareil nombre qu'estoyent les Apostres, qui s'arrestèrent sur le sommet de la teste d'un chacun d'eux. Et par ce moyē estans remplis du saint Esprit, commencerent à parler en diuerses langues de la gloire de Dieu, & prescher la diuinité de Iesus-Christ au peuple, qui de toutes parts s'as-

*Actes 2.*

sembloit. Car vne grande multitude de gens accouroit au son de la foudre, & alloient à l'entour de la maison où les Apostres estoient, lesquels ils oyoient parler diuersement en plusieurs sortes de langages. Or à cause de la solennité du iour, il y auoit des gens quasi de toutes les parties du monde: car il s'y trouua des Parthiens, Mediens, Elamites, Syriens, & Arabes aussi, Romains, & Iuifs, Phrygiens, & Cappadociens, & autres nommez aux Actes des Apostres. Qui estoient tous si estonnez du miracle, & s'esmerueilloient tellement de ce qu'aucuns les entendoient biē, & d'autres non, qu'il y en eut de la troupe qui les outragerent de paroles: attribuant ce qui se faisoit, à yurongnerie: & faisans iniure à ceux mesmes qui s'en enquestoyent songneusement en diuers & estranges langages. Ausquels saint Pierre, ouurant sa bouche diuine, pour leur donner à congnoistre d'où venoit telle diuersité de langues, fit entendre que ce n'estoit pas le vin, qui les induisoit à ce faire, mais bien le saint Esprit, promis par le prophete Iohel, grand spectateur de Dieu (c'est à dire voyant ce prophete: Car les prophetes s'appelloient *Videntes*, à raison qu'ils voyoyent de loing ce qui deuoit auenir, leur ayant esté reuelé de Dieu 1. Reg. 9. 4. Reg. 11.) Sçauoir est, que l'Esprit diuin seroit es derniers iours espandu sur toute chair. Et allegant ceste prophetie, avec propos assurez, il confirmoit les faictz du Sauueur, & les aduertissoit tous de deuenir sages & se repentir du passé, d'estre en outre baptizez au nom salutaire de Iesus, & receuoir le saint Esprit.

*Harangue de s. Pierre à la multitude.*

*Iohel. 2. g.*

*Trois mille personnes conuerties à Iesus Christ par ceste harangue de Pierre.*

*Communauté de vie entre les Chre-tiens.*

*Horrible mort d'Ananias & saphira.*

Car il les assureoit que la promesse estoit faite particulièrement à eux, à leurs enfans, & encor à tous ceux que le Seigneur appelleroit. Et soudain enuiron trois mille personnes vindrent à receuoir le diuin baptême, qui aussi du depuis estoient perseuerans en communion, en doctrine, en oraisons, en participation de viures, & fraction du pain avec les Apostres. Et n'y auoit esprit si assuré, qui ne fust surprins de crainte, voyant tant de diuers miracles, qui se faisoient par les saints Apostres. Plusieurs aussi vendoyent toutes leurs possessions & subistances, & en mettoyēt les deniers aux pieds des Apostres: desquels estoit departy à chacun, selon qu'il en auoit besoin pour son vsage necessaire. De sorte que toutes choses estoient communes à eux tous, comme à ceux qui viuoient en vn mesme lieu: & n'estoit loisible à aucun, de dire aucune chose estre sienne en particulier. Toutesfois Ananias & Saphira, la femme, penserent qu'ils pouuoient bien sans charge de conscience, retenir à eux vne partie du prix de leurs biens vendus: mentans ce pendant au saint Esprit, qui fut la cause pour laquelle ils furent emportez morts de soudain mort de deuant les Apostres. Encor s'assembloyēt ils au temple, donnans louange à Dieu, & viuant de viande commune, pour la simplicité de cuer qui estoit en eux. Or y auoit il beaucoup de gens, qui incessamment estoient nettoyez par le diuin lauement du baptême. Et la vertu & puissance

puissance diuine accompagnoit les Apostres : de sorte qu'il n'y auoit aucunes maladies tant grandes feussent elles, qui ne fussent guaries incontinent, & chassées des personnes qui les auoyent, à la présence & attouchement d'iceux. Parquoy lon apportoit ceux qui estoient atte-  
 nuez de longues maladies, & les mettoit on à l'air deuant les portes, au milieu des rues : afin que touchans du moins à l'ombre de S Pierre, ils fussent deliurez des maladies qui les pressoyent. Entre lesquels fut aussi le Boiteux dès sa natiuité, qui gisoit iournellement à la porte du temple nommée la Belle, ou Specieuse: car au simple attouchement des mains de S. Pierre l'Apostre, ayant recouuert la force de ses membres, il fut veu de tous sauter alaigrement. Pour ceste cause, s'esleua contre eux vne enuie, qui mettoit en teste à leurs haineux, de s'efforcer par toutes voyes d'abolir & obscurcir sous perpetuel silence le nom de Iesus-Christ: Ce que les saints Apostres se delibererent de n'endurer aucunement. Ainsi donc qu'ils preschoient publiquement la parole de Dieu avec grande liberté, ils furent mis en la prison publique de la ville. Mais ils en sortirent, leur estans ouuertes les portes par les Anges : & entrerent au temple, où ils pour-  
 suyrent à faire ce qu'ils faisoient au parauant. Or fut assemblé le Consistoire par Anne & Caiphe: auquel assistant vn personnage nommé Gamaliel, qui estoit l'un des principaux & plus honorables de tous, il remontra à toute l'assemblée, qu'il ne falloit point empescher l'œuvre que les Apostres faisoient : car (disoit-il) si elle semble bonne à Dieu, il faut de necessité qu'elle prenne accroissement & obtienne le dessus: & est grand besoin de se donner garde, de n'entreprendre guerre à l'encontre de Dieu. Pour exemple, il leur proposoit vn Theudas : & vn Iudas Galileen, qui tenoit bon & resistoit au premier denombrement & description qui fut faite, avec grosse multitude de peuple, qu'il auoit amassé: lequel estoit pery, pour autant que par son effort il auoit contreuenu à la volonté de Dieu. Apres telles remonstrances, Anne & Caiphe donnent ordre que les Apostres fussent battus & outragez : puis les laissent aller abfouls, leur ordonnas de ne plus rien dire ny faire par apres au nom de Iesus. Or comme grande multitude de gens se tournoyent de iour en iour à la foy, vn murmure & indignation des Grecs s'esleua contre les Hebreux, par ce que leurs vesues estoient mesprisées: Et pour ceste cause, S. Estienne, & six autres hommes avec luy, tous sept estans douez du saint Esprit, furent esleuez & ordonnez à l'administration publique, (*c'est à dire, à auoir soin du temporel & mesnager les deniers consinez entre les mains des Apostres pour l'entretienement des Chrestiens qui viuoient en commun*) avec prieres precedentes, & imposition des mains sur eux par les Apostres : lesquels arresterent entre eux de ne s'employer, sinon à Oraison & à la presche de la parole.

Miracles  
faits par  
les Apo-  
stres.

speciosa.


Persecution  
des chre-  
tiens.

Gamaliel,  
entier &  
vray con-  
seiller.

Rebellio cō-  
tre le denō-  
bremēt &  
description  
punie.

Erection de  
sept Dia-  
cres.

*De l'election de saint Iacques frere de nostre Seigneur. Declaration de la race de Ioseph espoux de Marie, de saint Iean Baptiste, & de la tres sainte mere de Dieu. Et est ceste declaration retiree des escriptures de Clement le collecteur, d'Euode, & de Hippolyte, qui furent successeurs des Apostres. Chap. III.*



Q R fut Saint Iacques créé premier Euesque de l'Eglise de Hierusalem, tant par ce qu'on l'appelloit frere du Seigneur, à cause qu'il estoit fils de Ioseph, espoux de la mere de Iesus : que aussi pour raison de sa vertu tant excellente, & autres ornemens tant grands, qu'il auoit acquis enuers tous le surnom de Iuste. Clement le collecteur tesmoigne cela, escriuant ainsi au sixiesme liure des dispositions: S. Pierre, saint Iacques & saint Iean ( ausquels le Seigneur auoit bien voulu faire plus grand honneur qu'aux autres) apres l'Ascension, ne furent pas studieux de gloire, ny n'affecterent point la louange du monde: mais esleurent S. Iacques le iuste, pour Euesque de Hierusalem. Encor, au septiesme liure de cest argument mesme, il tient ces propos de luy: Le Seigneur, apres sa resurrection, donna congnoissance & science à saint Iacques le Iuste, à saint Iean, & à S. Pierre. Ceux-cy la communiquerent & en firēt part aux autres Apostres, lesquels la donnerent de rechef aux autres seprante disciples, l'un desquels estoit Bar-  
 nabas: Or y a il eu deux Iacques: l'un, surnommé Iuste, qui fut ietté du haut en bas des creneaux du temple, & frappé d'un baston iusques à la mort, par vn foulon: & l'autre, qui fut decapité par le commandement de Herodes. Saint Paul parle de ce Iuste, quand il dit: Je ne vy aucun autre des Apostres, sinon Iacques, frere du Seigneur. Au surplus, Euode, personnage diuin, qui fut successeur des Apostres, escrit ainsi en ses commentaires, & mesmement en l'Epistre intitulée Lumiere: Iesus-Christ de ses propres mains baptiza tant seulement S. Pierre: puis S. Pierre baptiza saint André, & les fils de Zebedee : lesquels consecutiuellement lauerent en eau de Baptême le reste des Apostres. Mais S. Pierre, & S. Iean surnommé le Theologien, baptizerent les disciples, qui estoient soixante & dix. Encor adiouste il : Depuis le baptême de Iesus-Christ iusques à sa passion & mort, y a trois ans: depuis sa passion, Resurrection & Ascension au ciel, se trouuent sept ans iusques au temps auquel saint Estienne fut lapidé : & depuis le martyre & mort de Saint Estienne, iusques à ce que la leur diuine enuironna Saint Paul, on conte six mois. Depuis ce temps iusques au decés de la sainte mere de Dieu, trois ans. Au surplus,

cery est  
contraire à  
ce que disōs  
que Ioseph  
a demouré  
vierge.

Deux Iac-  
ques.

Gal. i. d

Tesmoigna-  
ge d'Euode  
appartenāt  
à l'illustra-  
tion de l'hi-  
stoire Evan-  
gelique.

F

*Age de la  
vierge Ma-  
rie, & cō-  
bien elle  
vesquit  
d'annees.*

*Maison de  
Iean l'Euā-  
geliste, si-  
tuee au mōt  
de sion, en la  
ville de  
Hierusalē.*

*Tesmoigna-  
ge de Hyp-  
polite, Euef-  
que de Port,  
touchāt les  
enfants de  
Ioseph, es-  
poux de  
Marie, qu'il  
eut de sa pre-  
miere fem-  
me Salome.*

*À ceste opi-  
nion n'est  
tenue de  
l'Eglise.  
Du parēta-  
ge de la biē-  
heureuse  
vierge Ma-  
rie.*

*Marie la  
vierge, com-  
sine germai-  
ne de sain-  
cte Eliſa-  
beth.*

il dit, qu'il y eut quarante quatre ans en tout & par tout, depuis la natiuité de Iesus Christ ius-  
ques au depart & deslogement de la Vierge sa mere: laquelle demeura en ceste vie mortelle,  
cinquante neuf ans. Car elle, ayant trois ans, fut presentee au temple, où elle demeura par  
l'espace d'unze ans, dans le sanctuaire des sanctuaires. Puis elle fut dōnee en garde à Ioseph,  
sous titre de mariage, par les mains des Sacrificateurs: avec lequel ayant demeuré quatre mois,  
l'Ange Gabriel luy apporta la ioyeuse nouvelle. Ainsi elle enfanta la lumiere du monde,  
le quinziesme an de son aage, au vingtquiesme iour du mois de Decembre. Puis encor  
passa elle trente trois annees, qui fut autant de temps, que son fils, le Verbe eternel, quia esté de-  
uant tous siecles, vesquit sur terre. Or apres qu'il eut enduré le supplice en la croix, elle accom-  
plit & passa encor unze annees, demeurant en la maison de S. Iean: de sorte que les ans de son  
aage, assemblez par ensemble, sont cinquanteneuf en nōbre. Ce rut en ceste mesme maison de  
S. Iean, en laquelle le Seigneur celebra le premier Pasque avec ses Disciples, en un cōuiue my-  
stique & secret. De là, ayans dit le Cantique, ils sortirent, & allerent au mont des Oliues, pres la  
metairie de Gethsemane. C'est la maison, où les disciples se tenoyent sur leurs gardes cloz &  
enfermez, pour la crainte qu'ils auoyent des Iuifs. Là mesme Iesus s'apparut à eux, apres qu'il  
fut ressuscitē, & y entra les portes fermees, sans aucune ouuerture: quand il souffla en leur face,  
& leur donna le saint Esprit. En ceste mesme maison, la foy de Thomas fut confirmee, huit  
iours apres. Là descendit le saint Esprit en forme de langues au iour de la Pentecoste. Ce fut  
aussi là dedans, où les Apostres par leurs suffrages establirent & creerent S. Iacques, le Iuste,  
premier Euesque de l'Eglise de Hierusalem: & eleurent saint Estienne, avec six autres Diacres,  
(pour auoir esgard sur le temporel.) Or dit on, que S. Iean achepta ceste maison, apres la mort de son  
pere Zebedee, qui estoit homme autant renommē qu'autre du pays de Galilee, comme celuy  
qui auoit à soy nauire sur mer, de laquelle il estoit le patron. Lequel decedant en Galilee, lais-  
sa tous ses biens par heritage à ses deux fils, saint Iacques & S. Iean. Mais saint Iean auoit ven-  
du sa part de l'heritage à Caiphe, grand Sacrificateur pour ceste annee là. Parquoy il auoit con-  
gnoissance à luy, à cause du contract passé par ensemble à la deliurance de ceste possession: com-  
me luy-mesme le dit en son Euangile. Ayant donc ainsi aliené le patrimoine, qui luy estoit es-  
cheu en Galilee, il achepta vne autre maison pour son vsage, dans la ville de Hierusalē, au saint  
mont de Sion (car ainsi on l'appelloit) en laquelle depuis la tres-entiere & pure mere du Christ,  
paracheua iusques au dernier iour le surplus de sa vie. Saint Iacques, frere de S. Iean, fit aussi le  
semblable: car il aliena le bien qu'il auoit en Galilee, & demeura en la ville de Hierusalem, où  
il prescha la parole salutaire de l'Euangile aux douze tribuz & lignees d'Israel. Or il me semble  
que ce ne seroit pas hors de propos, de meller avec ceste presente histoire ce que le diuin Eues-  
que de Port, Hippolyte, a mis par escrit de Saint Iacques frere du Seigneur: duquel faisant  
mētion, il dit: Ioseph, charpentier, fut marié avec vne femme, nommee Salome, fille d'Aggee,  
frere du Prophete Zacharie, qui estoit pere de S. Iean Baptiste: lequel Zacharie, & son frere Aggee  
aussi estoient enfans du sacrificateur Barachias. De laquelle Salome Ioseph engendra quatre  
enfants masles: qui se nommoient, Iacques, Simeon, Iude & Iose: & deux filles aussi, Ester &  
Thamar. Ceste Salome donc & Iean Baptiste, estoient enfans des deux freres: Car Aggee, pere  
d'elle, estoit fils de Barachias, & oncle de Iean. Aussi Zacharie fut frere d'Aggee, & oncle de Sa-  
lome, femme de Ioseph. Je ne dy pas ceste Salome, qui estoit sage-femme pour suruenir aux ac-  
couchees en la ville de Bethlehem: attendu que celle de Bethlehem estoit cousine germaine de  
Elizabeth, & de la sacree vierge Marie aussi: comme le saint Euangile de saint Luc le monstre.  
Car il y eut trois sœurs de Bethlehem, filles du prestre Mathan & de Marie sa femme, sous le  
regne de Cleopatre, & Casopare de Perse, auant que Herodes, fils d'Antipater, fust estably Roy  
en Iudee. La premiere des trois, s'appelloit Marie: la seconde, Sobe: la tierce, Anne. Marie, la  
premiere d'entre elles, fut mariee & pourueue en la ville de Bethlehem: & engendra Salome la  
sage-femme. La seconde, Sobe, print aussi mary en la ville de Bethlehem: duquel elle eut vne  
fille, nommee Elizabeth. Anne, la troisieme, print finalement mary en la terre de Galilee, qui en-  
gendra d'elle Marie la mere de Dieu, de laquelle nous est yssu le Christ, qui est la mesme Verité.  
Tellement que la sage-femme Salome, Elizabeth, & la mere de Dieu, se trouuent cousines ger-  
maines, filles des trois sœurs. Et pourtant S. Iean Baptiste, & Iesus Christ, nostre vray Dieu sont  
dits à la verité estre cousins yssus de germains. Quand est de Iesus Christ, on le dit fils de Ioseph,  
par ce qu'il estoit frere de ses enfans, à cause de la conseruation de la famille & parētage d'Aggee  
frere du sacrificateur Zacharie. Voila ce qu'en dit l'Euesque Hippolyte.


*a Iacques creē premier Euesque) Epiphane, contre les Nazariens, escrit, que ce Iacques icy estoit le fils  
aîné de Ioseph, engendré, non de la vierge Marie mere de Dieu, mais d'une autre sienne femme: lequel Iacques a  
estē sanctifié. Il adiouste aussi, que Ioses, Iudas, & Symeon furent ses freres: comme aussi le semblable dit Hip-  
polyte, Epiphane escrit cela mesme, contre les Antidicomarianites.*

*b frere du Seigneur) Iacques, surnommē Iuste, que lon appelle frere du Seigneur, comme aucuns estiment,  
estoit le fils de Ioseph d'une autre femme. Il me semble que cestoit la sœur de la mere de nostre Seigneur, nō-  
mmee aussi Marie, de laquelle saint Iean parle en son liure.*



*Des grands Sacrificateurs & Pontifes Hebreux, qui se sont entresuyuis, succedans par ordre, depuis Aaron, iusques à saint Iacques, premier Euesque de la ville de Ierusalem, & mesme iusques à la captivité d'icelle.*

*Chap. 1111.*



R me semble il estre bon, d'adiouster à ceste histoire vn petit discours  
 declarant qui ont esté les Pontifes & grands Sacrificateurs, commençant  
 à Aaron, iusques à ce Saint Iacques icy, frere du Seigneur, & mesme ius-  
 ques à la prinse de la ville de Hierusalem. Leui a esté le troisieme fils du  
 patriarche Iacob, duquel fut engendré Caath: & de ce Caath, est venu  
 entor vn autre. Abraham, duquel sont yssus Moyse & Aaron. Quant à  
 Moyse, il fut Capitaine & conducteur des enfans d'Israel à leur depart,  
 hors le pais d'Egypte: & Aaron oinct pour Sacrificateur & premier Pon-  
 tife, par Moyse son frere. Le premier donc fut Aaron: le second, Eleazar:  
 le troisieme, Phineas: le quatrieme, Eliezer: le cinquieme, Bochchi: le sixieme, Ozi: Eli, le septi-  
 eme: le huitieme, Achitob: sous lequel le deuin Samuel estoit Prophete, prestre, & iuge tout  
 ensemble. Le neuvieme, s'appelloit Abimelech: lequel Saül fit mourir avec les prestres, pour au-  
 uoir receu Dauid humainement. Le dixieme, se nommoit Abiathar: qui, seul entre tous les pre-  
 stres, que Saül mit à mort, eschappa, & sauua sa vie. Sadoc, fut l'vnieme: du temps duquel Sa-  
 lomon edifia le temple de Dieu en Hierusalem. Achimaas, luy succeda: puis Azarias, le trezieme:  
 lequel Ioram suyuit: apres, vint Iodas, qui vesquit cent trente ans, & mit à mort Godolias,  
 lequel vouloit esteindre & abolir du tout la race de Dauid. A cestuy succederent, chacun en son  
 ordre, Axioram, Phadec, Sudee, Icule, & Ioatham, qui fut le vingtieme. Vrias le suyuit, en la  
 charge duquel furent les choses sacrees du temps des Rois Achaz & Ezechias. Apres luy furent  
 Neri, Ioas, Selam, Chelcias, qui administra l'office de prestre sous le bon Roy Iosias. Sarcas  
 luy succeda: puis Iosedec, du tēps duquel le peuple fut emmené captif en Babylone, par le Roy  
 Nabuchodonosor. Apres luy, Iesus, son fils, fut Pontife: sous lequel les Iuifs furent deliurez de  
 leur captiuité, & renuoyez libres par le Roy Cyre. Ce Iesus, avec Zorobabel, entreprit la char-  
 ge du gouvernement de la nation Iudaïque. Ioachim luy succeda: sous lequel Esdras reueit &  
 leur au peuple les loix. Apres luy, Eliaeph fut grand Sacrificateur, trentieme en nombre. Puis  
 Ioachaz: & de son temps aduindrent les faits d'Esther & Mardochee. D'auantage il y eut: Ica,  
 Iadec, du temps que lon edifia en Garizim: Onias, Simon, Eleazar: au temps duquel la Bible  
 sainte a esté traduite d'Hebreu en langage Grec, par les soixante & douze interpretes, du con-  
 seil & aduis de Ptolemee second. Puis Manasses, Onias, Simon. Le quarantieme en nombre,  
 est Onias: puis Iesus, & vn autre Onias: du temps que le peuple Iuif a esté griefuement affligé  
 par Antioche Epiphane. Apres luy fut Pontife vn nommé Alcime: qui (combien qu'il n'estoit  
 pas de la tribu & lignee des prestres) fut esleu à c'est honneur par Antioche, apres auoir fait  
 mourir Onias: duquel le fils, nommé semblablement Onias, succeda à Alcime: qui, se retirant  
 par fuite en Egypte, edifia vn temple semblable à celuy de Ierusalem, au finage des Heliopolites.  
 Apres luy, Iudas Machabee, qui estoit l'vn des fils d'Asamonee, print la charge des choses sa-  
 crees. Auquel succederent par vne entressuite, Ionathas, son frere: puis vn autre sien frere, nom-  
 mé Simon: Iean, qu'on appella Hyrcan: Aristobule (ce fut le premier, qui mit le diademe sur son  
 chef) & Ianneas, qui eut aussi nom Alexandre. Le cinquiesme s'appelloit Hyrcan: au temps du-  
 quel, le Capitaine Romain, Pompee, ayant destruit la ville de Ierusalem, voulut veoir les dōs sa-  
 crez & saints presens du temple. Le cinquante & vnieme, fut Antigone: qui amena les Par-  
 thes à l'encontre du temple, à raison des inimitiez, qu'ils auoyent l'vn à l'autre, luy & Hyrcan.  
 Mais il fut depose de son office de sacrificature, par Herodes: lequel crea Anaele grand Pontife,  
 cinquante-deuxieme en nombre: combien qu'il ne print pas son origine de la race sacerdo-  
 tale. Le cinquante-troisieme, se nommoit Aristobule: lequel Herodes mit en la place d'Anaele,  
 qu'il auoit deieté. Puis de rechef il le remit au mesme estar, ayant fait mourir Aristobule par  
 cautelle. A Anaele, succeda Iesus, fils de Phabe. Puis Simon, pere de la femme de Herodes est  
 créé grand Sacrificateur: apres luy, vint Matthias, puis Iosephe, auquel Ionare succeda. Au sur-  
 plus, Eleazare fut le soixantieme, sous le temps duquel, Herodes mourut miserablement. A  
 cest Eleazare, succederent par ordre l'vn à l'autre, Iesus fils de Seas, Anan beau-pere de Caïphe,  
 Ismael fils de Phabe, Eleazare fils d'Anan, & Simon fils de Camythe. Caïphe fut le soixante-  
 septieme, qui estoit aussi appelé Iosephe. Du temps de ce Caïphe, nostre Seigneur endura  
 pour nous la mort salutaire. Ceux qui le suyurent par ordre, sont: Ionathas fils d'Anan, Theo-  
 phile son frere, Simon fils de Boethe, puis Ionathas fils d'Anan, & apres luy son frere Matthias,  
 plus Elinee: encor Iosephe fils de Came: lequel Anan, fils d'Anan, suyuit, qui mit à mort Iac-  
 ques frere de nostre Seigneur, premier Euesque de l'Eglise Ierosolimitaine. Saint Paul, vsant  
 de grande liberté en parole, dit à cest Anan, avec hardiesse: Dieu te frappera, paroy blanchie.

Cestuy a  
 soit nommé  
 Amram,  
 Exod. 6.  
 Nomb. 3.  
 Rolle des  
 Sacrifica-  
 teurs de lu-  
 dee, depuis  
 Aaron ius-  
 ques à Iac-  
 ques, frere  
 du seigneur.  
 Helcia.  
 Paralip. 34.  
 Autres  
 l'appellent  
 Iudas.  
 Apres ce  
 Iean, aucuns  
 mettent le  
 grand pres-  
 tre Iudas:  
 qui tua Ie-  
 sus son fre-  
 re germain,  
 dans le tem-  
 ple de Hie-  
 rusalem.  
 Cestuy  
 fut appelé  
 Iosep. li. iiii.  
 chap. 8.  
 Alcime  
 est ablygrat  
 Sacrifica-  
 teur par l'ye-  
 sus.  
 Autres  
 ont fils de  
 sabite.  
 cyrene gou-  
 verneur de  
 Syrie, fit  
 Anan po-  
 tife, Iosep.  
 li. 18. ch. 5.  
 Act. 23.

## LIVRE II. DE L'HIST. ECCLESIASTIQUE.

*Commence-  
mēt, & fin  
de la guerre  
des Iuifs.* Or Iesus fils de Gamaliel, luy succeda: puis Matthias fils de Theophile, sous lequel commença la guerre entreprinse contre les Romains, à la huitiesme année de Claude Cesar: Phinee fut le dernier de tous. De son temps, la ville, le temple, & tout le peuple furent prins, & toutes les ordonnances, ceremonies & reigles du temple & de la loy esteintes & mises à neant. Voila comme tout s'en est porté. Or apres auoir dit cecy par maniere de digression, ie veux me remettre en mon grand chemin, & suyure l'histoire commencee des faits des Apostres.

<sup>a</sup> Onias) *Aucuns ne content point cest Onias, & mettent Simon apres Manasses.*

<sup>b</sup> Iesus & vn autre Onias) *Cestuy aussi fut appelé Iason. Antioche luy osta la sacrificature, & la donna à Onias appelé Menelas. Parquoy il y eut sedition esmene, à cause de Iason & Menelas freres.*

<sup>c</sup> Parthes) *Pacore, Roy des Parthes, denonça la guerre au Iuifs. Antigone est estably Roy de Iudee par les Parthes, apres que Fafele & Hyrcan furent vaincus & prins prisonniers. Fafele se tua luy-mesme: & Antigone couppa les aureilles à Hyrcan. Egesippe. liure 1. Iosephe. li. 14.*

<sup>d</sup> fils de Phabe) *Valere l'Aggreable, ayant depose Anan du Pontificat crea Ismael grand Sacrificateur: cōme a esté dit cy dessus, liure premier, chap. 29.*

<sup>e</sup> Caiphe) *Mais ce ne fut pas du temps de ce Pontificat, qui fut en l'an de la natiuité de nostre Seigneur 22. Le mesme Caiphe fut de rechef grand Sacrificateur en l'an 33. de Christ & lors il endura la mort pour nous.*

<sup>f</sup> Anan fils d'Anan) *Pour Anan, il y a aux Euangiles, Anne: & aux Actes des Apostres, Ananias. Act. 22. 23.*

*De Saint Estienne premier martyr: & de Saint Paul esleu de Dieu, pour estre son organe. Chap. V.*



*Martyre de  
S. Estienne.*

*Triquavos,  
est à dire,  
Coronne.*

*Persecution  
de l'Eglise  
de Ierusalem.*

*Saul, princi-  
pal & pre-  
mier perse-  
cuteur des  
Chrestiens.*

*S. Paul  
vaisseau  
d'eslection.*

*Conversion  
de S. Paul.*

Ainct Estienne estoit remply de grande grace du Saint Esprit, & faisoit beaucoup de prodiges & miracles, signes euidens de sa saincteté. Or estoit-il homme bien enlangagé & eloquent, parquoy il ne cessoit de prescher, & aduertir le peuple de se retourner & faire toute reuerence deüe au Seigneur & Sauueur Iesus Christ. Qui fut cause d'esmouuoir & mettre en fureur les Iuifs, tellement qu'ils le meurtrirent à grand force de coups de pierre. Ainsi a il esté le premier qui a souffert mort, en tesmoignage & pour la defense de la foy Chrestienne, gagnant la corohne de martyre: ce que son nom signifie. Au reste ainsi qu'on le meurtrissoit, & qu'il respiroit encores, illuminé de gloire diuine, il vid les cieux ouuerts, & le Sauueur estant à la dextre de Dieu, qui l'asseuroit & confirmoit en ses peines. Parquoy, aspirant de toute son ame à celuy qui voyoit là haut, tant desiré de luy, & priant pour ses persecuteurs & meurtriers, à ce qu'il pleust à Dieu ne ramener aucunement leurs pechez en conte, mais leur pardonner l'offense qu'ils faisoient, il deceda de ceste vie, pour aller à son Seigneur. De là premierement est venue la persecution tresgrande, & premiere entre toutes, de l'Eglise Ierosolimitaine, entreprinse par les Iuifs. Au surplus tous les disciples excepté les douze principaux (*à sauoir les Apostres*) furent separez & dispersez par la Iudee & Samarie. Aucuns desquels vindrent iusques en Phenice, & Cypre, & Antioche: n'osans encor bonnement communiquer aux Gentils la parole de la foy, & l'annonçans tant seulement aux Iuifs. En ce temps là Saint Paul, homme natif de la ville de Tarse, qui auoit esté bien & soigneusement enseigné & instruit par son precepteur Gamaliel, en la loy de ses ancestres (car il estoit Pharisien) ardant à la defense de la loy, laquelle il voyoit estre grandement esbranlée par la doctrine Apostolique, qui luy faisoit la guerre, portoit de grands dommages & nuisoit beaucoup aux Eglises. Premierement il auoit esté suaseur & contentant de la mort de Saint Estienne, comme celuy qui gardoit les habillemens de ceux par lesquels il fut saccagé à coups de pierres. D'auantage, faisant effort aux maisons des fideles, tout ainsi qu'une beste sauuage pleine de rage & cruauté, il saisissoit & menoit à force les hommes & femmes ensemble liez & garrottez, & les mettoit en prison fermee. Mais quelque temps apres (bien qu'un peu trop tard) enflammé encor merueilleusement de menaces excessiues: & ayant impetré lettres de commission aux Sacrificateurs, par lesquelles luy estoit permis de pour suyure à son vouloir les gens de bien & fideles de l'Eglise de Damas, sans estre repris ny puny d'aucune des extorsions, qu'il leur feroit endurer: il fut specifié & designé, pour estre le vaisseau d'eslection, & le plus grand Apostre: non des hommes, ny par les hommes, mais par la reuelation de Iesus-Christ, & de Dieu le pere, qui l'a ressusité de mort à vie. Et alors vne lumiere celeste esbloüit tellement ses yeux, qu'il en perdit la veüe: & en mesme instant il entendit vne voix du ciel, disant (afin de le retirer & detourner de son entreprinse) Saul, Saul, pourquoy me persecutes tu? Mais ayant le disciple Ananias (induit par reuelation diuine) mis les mains sur luy, il recouura la veüe: & se trouua tellement conforté & esclaircy en son entendement, que soudain il commença à nous soustenir & defendre avec autant d'affectio de tenir nostre party, cōme au parauant il estoit aigremēt enflâmé contre nous: de sorte, qu'incontinent il se print à affermer deuant tous ceux qui luy tenoyēt propos, & prouuer par autorité des escritures, q Iesus-christ c. *ray Dieu.*

Or


Or fut-il pour ceste cause tant enuyé & hay des Iuifs de sa nation, qui mettoient la plus grande & inéuitable defense en propos douteux & ambiguz, que par cautelle & celceur ils luy brassèrent vn brouet de mort: & pour luy faire aualler ce bruuage, ils se mirent au guet, & luy dresserent embusches par toutes les portes de la ville de Damas. Mais les disciples ayans descouvert ceste finesse, le descendirēt en bas des murailles de la ville en l'auallāt en vn corbeille. Quand donc il fut arriué en la ville de Ierusalem, il taschoit par tous moyens de se pouoir trouuer familièrement & hanter avec les disciples: mais ils refusoient de le receuoir en leur compagnie, croyans que c'estoit tromperie: & ne se pouoient persuader ny mettre en teste qu'il fust de mesme opinion qu'eux. Car ils scauoient, assez combien il leur auoit esté contraire quād il estoit du tout inflammé comme feu pour nuire aux fideles. Et si Barnabas, hōme fort renommé, estant du nombre des septante disciples, ne les eust asseurez par sa harengue, que le dire & contenance de saint Paul n'estoyent pas chose feindte, mais vraye: & s'il n'eust porté asseuré tesmoignage de ce qu'il l'auoit veu faire, il eust fallu qu'il s'en fust allé sans rien faire avec eux. Parquoy à la suasion & bon rapport de Barnabas, il est admis & receu entre les disciples. Et se porta si bien, que, faisant ainsi comme eux, il disputoit en la ville de Ierusalem, & confermoit avec argumens bons & valables, que Iesus-Christ estoit le vray fils de Dieu. Au reste, quand les Grecs, qui luy contredisoient, commencerent à luy machiner la mort, par le bon aduis des disciples, il fut mené en la ville de Césaire: Puis de là on l'enuoya en la cité de Tharse. Ce pendant il dōnoit tousiours accroissement à l'Eglise, & adioustoit tousiours quelques croyans, à l'assemblée des fideles. Mais ie parleray de cela cy apres plus amplement.

*Embusches  
des Iuifs de  
Damas con-  
tre S. Paul.*

*Paul Escap-  
pe, estant  
auallé en  
une corbeil-  
le par la  
muraille.*

*S. Paul re-  
ceu de l'E-  
glise de Je-  
rusalem.*

*De saint Philippe, l'un des sept Diacres: & de Simon l'enchanteur. Pareillement de l'Eunuque  
de Candaces, Royne des Ethiopiens. Puis des miracles de saint Pierre. De Cornille, le cen-  
nier, & de ceux, qui entre les Gentils donnerent leurs cœurs à Iesus-Christ. Et cō-  
ment saint Barnabas & saint Paul furent premiers, qui surnommerent  
les fideles du surnom de Chrestiens, en Antioche. Chap. V I.*



Or estant la persecution esmeue & enflammee, principalement contre saint Estienne, S. Philippe (l'un de ceux quiauoient esté esleuz pour estre diacres avec saint Estienne) à la separatiō qui auoit esté faite d'eux estoit allé au pais de Samarie, où il triomphoit de faire miracles. Car en cela, il eut tel le vertu & puissance, que mesme vn enchanteur, nommé Simon, fut par luy induit à renoncer à son art, par lequel il auoit vn long temps abusé le peuple avec les enchanteries magiques. Car il tenoit si bien les hommes & femmes en main avec ses abus d'enchantemens, & s'estoit acquis si grand bruit en la science de magie, pour le temps qui couroit, que chacun estimoit ce Simon estre la grande vertu de Dieu mesme. Or combien que Simon fut tel, ce néantmoins les choses merueilleuses, que saint Philippe faisoit par dessus l'opinion & foy des hommes, luy engendrerent tel esbahissement de son esprit, qu'avec le reste de la Samarie il se presenta au baptême, & fut receu: mais ce n'estoit que feindte, & ne tenoit riē de la profession & foy en Iesus Christ, sinō de bouche, avec laquelle il se scauoit bien desguiser & faire paroître bon Chrestien. Ce que tous les autres, qui estoient enyurez du venin de sa malheureuse & abominable secte contrefaisoyent aussi: & par belles paroles & deceuantes, faisoient part du poison pestifere de leur autheur cassé dans le vaisseau infaiet de leurs pensees, à ceux, qui le receuoient, en le leur distillant autāt qu'ils pouuoient faire. Lesquels toutefois ont esté puis apres reiettez à bon droit, quand leur malice & simulation a esté descouverte & esuentee. Cōme aussi saint Pierre, qui donnoit le saint Esprit en mettant ses mains sur les personnes, s'aperceut manifestement, que Simon l'enchanteur estimoit ceste grace pouuoir estre vendue à deniers contans, & pour ceste cause il fut reprouué & chassé, comme celuy qui ne valoit riē. Parquoy luy estant esmeu d'enuie, s'equippa de tout ce qu'il peut, pour nuire aux Apostres, & empescher l'aduancement de leur doctrine. Or couloit leur predication diuine par toute la terre, cōme vn feu gaigne place aux enuirs du lieu où il est allumé, quand le Satrape ou gouverneur de Candaces, Royne des Ethiopiens (car, à la mode du pais, ceste nation se laissoit gouverner par femmes) par la disposition diuine, se trouue le premier des Gentils, qui creut en Iesus Christ. Car rencontrant S. Philippe, qui alloit le chemin où Dieu le conduisoit selon l'inspiration qu'il auoit eue, il fut par luy initié & instruit es mysteres secrets de nos sacrifices, au moyen de la lecture d'un seul oracle du Prophete Esaie, & receut le saint baptême, apres lequel il s'en retourna en son pais, & le premier de tous apporta vne ioyeuse nouuelle aux Ethiopiens, par laquelle il leur dōna cōnoissance de nostre Dieu & Sauueur. Et par ce moyen, iceluy gouverneur accomplit vrayement la prophetie de Dauid, qui dit: Ethiopie la premiere estendra ses mains à Dieu. Voyla en quelle sorte se portoyent les affaires de saint Paul, que nous auons recueilly en peu de mots.

*... L'Eunu-  
que de Can-  
daces, royne  
d'Ethiopie  
est cōduict  
au Christia-  
nisme par  
S. Philippe  
Ethiopie se  
hastera d'es-  
tendre ses  
mains vers  
Dieu: c'est  
à dire,  
Les Ethio-  
piens cour-  
ront pour  
estendre  
leurs mains  
en oraison  
deuāt Dieu.  
Psalm. 68.*

*Les faits de  
S. Pierre.*

*Tabithe si-  
gnifie Dor-  
cas.*

*Les Gentils  
receux à la  
commun  
de l'Euan-  
gile, & à re-  
pentance.*

*Les fideles  
premiere-  
ment appel-  
lez Chre-  
stiens en  
Antioche.*

*Prediction  
de famine  
future.*

Quant à Sainct Pierre, venant à Lydde & Affaron, il guarist par sa seule parole, & rendit la sante à Ence, qui n'auoit bougé du liect <sup>b</sup> trente huit ans durant. Mais quand il fut à Ioppe, & que des pauures & vefues se mirent à l'enuion de luy, à celle fin de le supplier pour vne femme defuncte, nommee Tabithe, luy monstrans des vestemens & autres choses, que Dorcas leur auoit donnees: en moins de rien il la ressuscita de mort à vie, & regenera toute ceste assemblee par le saint lauement de Baptisme Puis en la ville de Cesaree, il s'employe à l'endroit du Centenier Cornille: apres auoir veu le linceuil, auallé du ciel en terre, & soustenu par les quatre bouts en le descendant. Ainsi Cornille, & ceux qui assistoyent avec luy, estans tous instruits és commanemens de la foy, par la doctrine de Sainct Pierre, la grace du saint Esprit descendit sur eux, qui apparut euidemment par la diuersité des langages, dont ils vsoyent. Puis ces choses ainsi parfaites non sans grande merueille, ils furent purifiez au diuin lauement de Baptisme. Or ceux d'entre eux, qui tenoyent la circoncision en Hierusalem, n'ayans pas assez grande intelligence de la grace Euangelique, se courrouçoient grandement à S. Pierre, quand il fut de retour, de ce qu'il auoit communiqué le sel de la doctrine diuine & ses mysteres secrets, aux Gentils non circoncis & ayans prepuce. Lesquels, apres auoir entendu la cause pourquoy cela s'estoit ainsi passé, se teurent incontinent, & cesserent d'estriuer: s'esmerueillans en leur esprit & s'esbahissans, de ce que Dieu auoit aussi donné repentance aux Gétiles, pour obtenir vie. Mais ceux qui auoyent esté espars en Phenice, Cypre & Antioche, preschoyent la foy aux Iuifs seulement. Or il y auoit aucuns hommes d'entre eux, Cypriens & Cyreniens, qui conuertirent à la foy vne grande multitude d'hommes & femmes, tant qu'à peine les pouuoit-on conter: ce qui fut fait en Antioche, avec l'aide diuine, qui y tenoit la main. Dont le bruit estant venu iusques aux aureilles des fideles de Hierusalem, ils se despescherent d'enuoyer incontinent Barnabas en Antioche. Qui, remply de la grace de Dieu, & se contentât de ce qui estoit adueni, alla en la ville de Tarse, pour y trouuer S. Paul, lequel il ramena avec luy en Antioche. Où ils enseignerent par l'espace d'un an entier, & tirerent à la foy de Iesus Christ vn peuple infiny. Et là ordonnerent premierement que leurs disciples s'appelleroyent Chrestiens. Mais Agabe, l'un d'entre les Prophetes qui estoient avec eux, predict & prophetiza la famine deuoir aduenir par tout le monde. Or S. Paul & Barnabas furent enuoyez de tous costez & en tous lieux, afin de subuenir aux affaires des freres, suyuant leur charge, pour cause de la famine, qui de iour en iour prenoit accroissement.


<sup>a</sup> vaisseau infaiect) Toutes personnes, qui falsifient la verité, en quelque sorte que ce soit, & font breche contre la louange de l'Eglise: sont disciples & successeurs de Simon le Samaritain enchanteur.  
<sup>b</sup> trente huit) Aux Actes n'y en a que huit ans.

De ce qui a esté fait par S. Taddee l'Apostre, enuers Augare, en la cité d'Edesse. Et de l'image de nostre Sauueur Iesus-Christ, peinte de soy-mesme, sans qu'aucun peindre y ait mis la main. Chap. Vll.

*Euseb. li. i.  
chap. 13.*

*Augare  
prince des  
Edessiens,  
detenu d'une  
maladie  
incurable,  
enuoye des  
lettres à Ie-  
sus Christ.  
Responce de  
Iesus à Au-  
gare.*

*Taddee,  
l'un des se-  
ptante disci-  
ples, est en-  
uoyé par*



Rest il necessaire de scauoir, que la diuinité de nostre Sauueur, & la vertu, par laquelle il mettoit en effect des œuvres tant admirables, qu'elles excedoyent l'opinion & foy de tout humain entendement, estoit tellement en bruit par toute la terre, que mesme elle suscitoit & esmouuoit plusieurs estrangers, demeurans en pais fort loingtains, d'auoir en elle esperance de pouoir recouurer guarison de leurs maladies incurables. Parquoy le gouuerneur Augare administrant avec louange le deu de son gouuernement, és pais qui sont outre la riuier d'Euphrates, quand il eut entendu le bruit du nom de Iesus, tant renommé, qu'on en tenoit propos par tout le monde (par ce qu'aussi ses œuvres portoyent assureté de telle renommée) considerant aussi que les Medecins & chirurgiens l'auoyent abandonné, comme ne pouuans trouuer aucun remede à sa maladie incurable: le supplia par lettres, qu'il luy pleust de donner ordre à la guarison de son infirmité. Il est bien vray que Iesus Christ se departa de l'aller veoir en personne: mais il luy fit responce, par vne lettres escrites de sa main: disant, qu'il luy estoit besoin de retourner à son pere, apres auoir parfait & mis à entiere executio les choses qui luy estoient par luy commandees. Mais qu'ayant fait ce depart, il luy enuoyeroit vn disciple qui l'auoit suyuy, nommé Taddee, lequel le guariroit & rendroit sain de sa maladie, & encor conduiroit luy & les siés à vne vie meilleure & plus salutaire. Parquoy apres qu'il fut ressuscité de mort à vie, & monté és cieus, Thomas, l'un des douze Apostres, inspiré par vn certain instinct diuin, enuoya en la ville d'Edesse, vn nommé Taddee, qui estoit du nombre des septante disciples, pour estre messager & trompette de l'Euangile à ceux du lieu: afin que tout ce que le Christ auoit promis, sortist son plein effect, & print fin telle qu'il l'auoit ordonné par sa diuine prescience. Taddee là arriué, print son logis en la maison d'un nommé Tobie: & commença incontinent à se mettre en deuoir de guarir toutes maladies.

Quand

Quand Augare en fut aduerty, & eut ramené en memoire ce que Iesus luy auoit escrit par lettres : il commande soudain qu'on le fit venir à luy. Mais quand il eut veu son visage, il fut tellement estonné de la lueur & clarté qui en procedoit, que se prosternant en terre, en la presence & veüe des plus grands seigneurs de sa maison, il fit cest honneur & reuerce à Thaddée, que de l'adorer : & s'enquit soigneusement de luy, s'il estoit disciple de ce grãd personage saint Iesus, qui luy auoit escrit. Thaddée luy respondit, qu'il estoit l'un des disciples de celuy qu'il disoit, & qu'il ne venoit là pour autre raison, sinon pour faire choses dignes de la foy, & tendans l'accroissement d'icelle. Que s'il luy plaisoit de perséuerer en sa premiere opinion & creance, il verroit biẽ de plus grandes preuues de la diuinité du Seigneur : & les desirs de son cœur viendroyẽt à leur plein effect, & reüssiroyẽt à leur fin deuë & desirée. Augare luy repliquant, dist ainsi : Telle est ma foy & persuasion, que mesme ie ne feroye point de difficulté ny doubte, d'assembler vne grosse armee & mouuoir guerre à ceux qui l'ont mis en croix : si la crainte du dāger euidẽt, qui viẽdroit de la part des romais auxquels nous sommes assugettiz, ne m'en retiroyt. Mais Thaddée luy remonstra disant : Nostre Seigneur Iesus, n'a que faire du secours, main forte, ny puissance des hōmes : qui ayant accōply la volōrẽ de son pere, est retourné à luy. Mais dist Augare de rechef, cela luy feroit vn signe de ma bonne affection, & quali comme recōpense à luy & à son pere, en contr'eschange de la foy que i'ay en eux. S'il est ainsi repliqua Thaddée, cā, & ie mette ma main sur toy au nom du Iesus Christ. Et quand & quand la maladie se retira & euanouit avec l'attouchemẽt, de sorte qu'en peu de temps on le cogneut estre aussi sain qu'il estoit auant tel accēs. Et nõ seulement il reçoit guarison, mais aussi Aude son fils, ayant vne griefue maladie aux pieds : & d'auantage plusieurs autres souffrans grãdes douleurs à cause de leurs infirmitẽs diuerses, sont incontinent deliurez de leurs passions excessiues, par le moyen des oraisons & attouchemens du saint personage Thaddée. Lequel ayãt assemblé tout le peuple de la cité se met à declarer par le menu la disposition & ordonnance que garda le Christ & Sauueur, à mettre à fin ce qui concernoit nostre salut : les instruisant plus parfaitement es choses sacrees, & les lauuant de l'eau du saint baptesme. Il leur cree aussi & ordonne des prestres & Sacrificateurs, tels & autant qu'ils leur en estoit besoing : & establit toutes autres choses bien & deuement, chacune en son ordre : bref, il dedie & consacre à Dieu toute la ville d'Edesse. Or Augare enuoya puis apres de l'argent au saint disciple de Iesus-Christ, qui le refusa plat & net, disant : Si nous auons laissẽ ce qui estoit nostre, cōment pourrons nous prendrel'autrui ? Au reste, les lettres que Augare enuoya à Iesus-Christ par Ananias le courrier leger & delibere, en ce qu'on en a peu comprendre assez rudement, estoient de telle substāce : Quand i'ay ouy parler de toy, & des cures & guarisons que tu fais, qui sont telles, que sans aucuns remedes ny herbes, à ta seule parole, tu donnes aux auengles la veüe, aux boiteux le marcher, aux lepreux le corps net, & aux affligẽs de longues maladies, entiere santẽ & guerison, sans aucun loyer ou recompense : & qu'encor tu fais des autres choses qui sont plus grandes, que les forces humaines ne peuvent porter : il m'est venu en fantasie de penser que tu sois vn de ces deux, ou Dieu, qui as laissẽ les cieux, pour te retirer avec nous sur terre : ou du moins fils de Dieu, qui executes choses si grandes, outre toute foy & opiniō humaine. Parquoy ie te supplie affectueusement par ces presentes lettres, de ne trouuer estrange, si ie te semons à me venir voir, afin de me deliurer d'une maladie enracinee, qui depuis long temps n'a cessẽ de me donner vne infinitẽ de trauerres & douleurs : Parce que i'ay crainte que les Iuifs, qui te portent mauuaise dent, comme ceux qui te portent enuie, ne consultent quelque chose à ton dommage, & ne te brassent vn dangereux breuuage. Quant à moy, i'ay vne ville, petite de foy, & peu renomẽe, mais encor est elle assez grande & suffisante pour nous suruenir à tous deux. Elle, & celuy qui la presente, est bien à ton commandement, s'il te plaist me faire ce bien de l'accepter, & en disposer à ton bon vouloir. Or ne peut le seigneur Augare persuader à Iesus Christ ce qu'il eust bien voulu luy mettre en teste par ses lettres. Parquoy n'ayant plus d'esperance qu'il le vinst veoir, à cause de la responce qu'il auoit receue de luy, & ne sachant quel aduis il prendroit sur ce fait, d'autre costẽ se cognoissant auoir telle affection & desir à luy, qu'il ne le pourroit bonnement oublier, arresta en son esprit d'enuoyer en Ierusalem vn peintre pour le pourtraire au vif.

Afin donc que la deliberation fust mise à fin, il choisit le plus excellent peintre qu'il peult trouuer en Ethiopie : & ayant fait sa despẽche, luy donna charge expresse de contrefaire en peinture la face du Christ, le plus exactemẽt qu'il luy seroit possible : & apres l'auoir ainsi pourtrait au vif, commanda qu'il eust à luy en apporter la figure, pour satisfaire à son desir. Le peintre suyuant sa commission, se met en chemin, & arriue la part où il tendoit, de tout son esprit s'efforçoit de tirer au plus pres du vif le visage de Iesus-Christ : & pour ce faire plus commodẽment, il s'estoit mis en vn lieu plus hault, afin de le contẽpler plus à son aise, & faire mieux son pourtrait. Toutefois son entreprinse ne pouuoit assez bien succeder, ny auoir telle fin qu'il desiroit : car la lueur diuine & grace celeste, qui estoient reluyfans en son visage, luy empeschoyent son dessein : comme à celuy qui estoit tellement ententif à le regarder avec admiration & esbahissement que son esprit, du tout occupé en telle contemplation, n'auoit aucune force de guider

Thomas en  
Edesse, suy-  
uant la pro-  
messe du  
Christ : où il  
guarit Au-  
gare & son  
fils Aude :  
lesquels il  
instruit en  
la foy des  
chrestiens.

La ville de  
Edesse re-  
çoit la foy  
chrestienne  
par Thaddée.

Lettres du  
gouuerneur  
Augare à  
Iesus Christ

Augare  
enuoye vn  
peintre à  
Iesus, pour  
le pourtraire  
au vif.

## II. LIVRE DE L'HIST. ECCLESIASTIQUE

la main, dont le Sauueur s'apperceut bien: <sup>a</sup> parquoy il demanda vn tissu de lin, auquel, bien lauë premierement, il coucha sa face naïfue, mettant le linge dessus: puis l'enuoya à Augare. <sup>b</sup> On dit que le Roy de Perse enuoya aussi à Iesus Christ vn peintre excellent, prompt de l'esprit & de la main: par lequel enflammé du desir de la foy, il eut incontinct le vif pourtrait d'iceluy, & de la Vierge, qui l'engendra diuinement. Ce que i'en dy, est extrait des registres gardez au tresor des chartres de la ville d'Edesse, qui pour lors estoit gouuernee par Rois. Car tout estoit enregistré és liures des Chroniques publiques. Mesme qu'il y a eu des hystoires, escrites en langue de Syrie, & depuis traduites en autres langages, touchant les faicts d'Augare, qui contenoient ce que i'ay dit presentement: qui me semble n'auoir esté mis en auant en ce lieu, que bien à propos.

<sup>a</sup> parquoy il demanda) Iesus Christ enuoye à Augare son pourtrait, contrefait au naturel dans vn tissu de lin, sans artifice de peinture.

<sup>b</sup> On dit que) Les pourtraicts de Iesus & de sa mere portez aussi iusques au Roy de Perse.

*Comment Tibere Cesar fut esmeu, ayant congnu les faicts du Sauueur Christ, par les lettres de Pilate: Et de ce que Tertullian en a couché par escrit.*

*Chap. V<sup>lll</sup>.*

*Tibere Cesar, aduertty par Pöce Pilate des faicts de Iesus, le mit au nombre des Dieux, mesme contre l'opinion de tout le Senat.*



Elia estoit la parole de Dieu viuifiante & merueilleuse, semee par tous les coins de la terre. & les propos plus ordinaires de tous, ne publioient rien plus que la resurrection, Ascension & autres miracles donnans tesmoignage de la puissance diuine de Iesus. Or estoit ce vne coustume de long temps obseruee, que quiconque estoit appellé au gouuernement de quelque prouince, ou y auoit aucune autre charge, faisoit scauoir à Cesar, tenant l'Empire souuerain, toutes & chacunes les choses nouuelles, freschement aduenues és terres de ses seigneuries: afin que rien n'estant incongnu à l'Empereur, il fust aduertty incontinent de tout ce qui se faisoit Parquoy suyuant ceste coustume, Pilate escriuit à Tibere Cesar, de la Resurrection de Iesus Christ, & de ses autres miracles & signes merueilleux: & luy fit scauoir entre autres choses, qu'il estoit releué des morts, ayant vie de rechef, & suruiuant par foy-mesme: de sorte que plusieurs le croyoyent fermement estre Dieu, mesme le plus excellent & singulier Dieu d'entre tous autres. Ce que Tibere mit en deliberation au Senat Romain: Lequel fut d'aduis de ne rien arrester sur ce fait, & de n'en point deliberer, se courrant de ce pretexte, que Iesus auoit esté mis au nombre des Dieux par la populasse, sans en auoir premierement demandé l'aduis du Senat, suyuant la coustume ancienne: Mais à la verité, les enseignemens de la doctrine celeste n'auoyent aucun besoin de l'aide des humains. Aussi combien que la Cour de Parlement de Rome eut reietté les propos que lon tenoit du Sauueur: toutefois Cesar demoura ferme en son opinion, & ne mit point d'empeschement à la predication salutaire de la parole Euangelique. Tertullian, homme excellent, & renommé en la congnoissance & diligente recherche des loix & autres negoces Romaines, nous a laissé cela par escrit en l'Apologie & defence pour les Chrestiens, qu'il a composée en langue Latine, puis traduite en Grec, en laquelle faisant mention de ces choses, il dit ainsi: Afin que nous parlions encor de telles loix, il y auoit vn arrest ancien, qui defendoit à l'Empereur de ne consacrer, ny rediger au rang des Dieux, aucune personne, sans en auoir premierement l'approbation & consentement du Senat. Tibere donc, au temps duquel la religion Chrestienne print son commencement, mit en deliberation par deuant le Senat Romain, la verité de ceste doctrine, à luy signifiée de la region de Palestine (car c'estoit le lieu où elle auoit prins ses premiers commencemens) avec la prerogative & auantage de sa voix & suffrage, tenant le party d'icelle. La Cour du Senat la reietta, par ce qu'elle n'en auoit encor rien approuué auant le bruit: Mais Cesar l'arresta à son aduis, menaçant de faire mourir ceux qui accuseroient les Chrestiens. Or estoit ce la prouidence diuine, qui luy faisoit tenir bon à l'aduantage des fideles, par sa disposition & ordonnance tres-sage, afin que la parole de l'Euangile eust son cours par toutes les regions de la terre, sans estre empeschée ny troublée aucunement. Ainsi la doctrine salutaire du Verbe donna clarté au monde vniuersel, comme la lumiere du soleil, par la force & vertu celeste du Dieu eternal. Car soudainement (comme il a esté prophetizé en la sainte escriture) le son de ses Saints Euangelistes & Apostres, est yssu par toute la terre, & leurs propos, iusques aux bouts du monde. Et pourtant, par les villes & villages ont esté mises sus des Eglises en grand nombre, & tant frequentes, qu'il y en auoit par tout, comme vne moisson tres-copieuse: tellement que ceux desquels les cœurs estoient infectez de la religion, qu'ils tenoyent de race comme en succession, & par contagion des superstitieuses ceremonies à l'endroit des idoles & des erreurs anciennes, se sentoient deliurez de tels abus, par le moyen de la vertu & force diuine de Iesus Christ, qui les inspiroit, & par la doctrine & miracles ensemble de ses disciples & spectateurs, comme s'ils fussent sortis du seruice, ennuyeux de maistres

*Tesmoignage de Tertullian.*

*Publicatio  
libre de l'E  
uangile par  
tout le monde.*


*Isal. 19.*



freres par trop fascheux & difficiles, & desliez des liens tresserrez, qui les tenoyent en captiuité de sorte, que congnoissans la verité, ils mesprisoyent & auoyent en horreur toute ceste multitude de faulx Dieux diaboliques, qu'auparauant ils admiroyent : & confessans publiquemēt, qu'il estoit vn seul & vnique Dieu, qui auoit tout creé, ils adoroient ce Dieu mesme, avec toute obseruance des loix de vraye pieté, & avec reuerence diuine, sobre & non excessiue, enseegee au genre humain par le Sauueur, qui par sa vie saincte nous a donné à tous exemple de viure bien & sainctement.

*Comment Caie a succedé à Tibere au gouuernement de l'empire : & comment Philon vint à luy en ambassade. Que disent Philon & Iosephe d'iceluy Caie. Et comme la fureur & rage des Romains contre les Iuifs a prins de là son origine.*

*Chap. I x.*



R ayant Tibere gouuerné l'Empire Romain par l'espace de vingt deux ans & demy, quād vint à deceder, il le laissa à Caie <sup>a</sup> lequel soudain posā le diademe & couronne Royale sur le chef d'Agrippe, & le crea Roy de Iudee : luy donnant deslors les tetrarchies & seigneuries de Philippe & Lysanie, freres. Encor adioustā il peu de temps apres au domaine d'iceluy, le royaume d'Herodes, qui auoit fait trécher la teste à saint Iean, punissant le mesme Herodes, & sa femme Herodiade aussi, d'un bannissement peptuel es contrees du Ponant : & ce, pour beaucoup de raisons, comme Iosephe le recite. Philon viuoit de ce temps, personnage fort re-

*Caie Cesar, ayant deliuré Agrippe des liens où il estoit emprisonné le fit Roy des tetrarchies de Philippe & Lysanie. Iosef. l. 18. c. 15. Et au li. 2. cha. 5. de la guerre des Iuifs.*

nommé & celebre, non seulement à nous Chrestiens, mais aussi à tous philosophes Ethniques. Il estoit Iuif de nation, excellent entre les bourgeois & officiers de la ville d'Alexandrie. Combien il a esté grand personnage aux disciplines des Iuifs, & avec quel trauail il les a practiquees & entendues, l'effect en donne assez ample declaration. Et quant aux arts liberaux de la philosophie des Gentils, quel besoing est il d'en tenir propos, cōbien que son industrie a esté lingu- liere, & son sçauoir profond. On dit, qu'il a surpassé de beaucoup tous les philosophes de son temps, en ce qui concerne la doctrine de platon & de Pythagoras, lesquels il estoit grandement studieux d'imiter. Il a comprins en cinq liures les affaires des Iuifs, sous l'Empire de Caie : es- quels il poursuit & declare amplement la folie insensee d'iceluy, & ses faits tres-outrageux, & en- cor plus meschans durant le temps de son gouuernement, & les calamitez & les miseres que les Iuifs ont endurees sous son Imperiale maiesté. Or fut <sup>b</sup> enuoyé Philō à Rome en ambas- sade, de la part des Iuifs : où estant arriué, & faisant sa harangue deuant l'Empereur, pour la de- fense de sa nation, & des loix & coustumes du pais de Iudee, il ne rapporta autre chose de luy, sinon mocquerie & desdain. Encor peu s'en fallut, qu'il ne fust en danger de sa vie, ainsi que Io- sephe raconte, tenant propos de luy enuiron la fin du dixhuitiesme liure de ses histoires, intitulees des Antiquitez Iudaïques. Par ce qu'en la ville <sup>c</sup> d'Alexandrie, dit il, il y eut vne sedition & mutinerie esineue entre les Iuifs y demeurans, & les Grecs : trois ambassadeurs furent esleuz de chasque ligue, qui se presenterent deuant l'Imperiale maiesté de Caie Caligule. L'un d'en- tre eux se nommoit Appion : lequel apres auoir beaucoup dit de choses aigremēt contre eux, encor adioustā il, qu'ils ne tenoyent conte des honneurs de Cesar, mais les auoyent en mespris. Car combien que toutes les autres nations suiuettes à l'Empire Romain, edifiant des autels & té- ples à l'Empereur Caie, l'honorans en toutes choses, cōme Dieu : il disoit, que les Iuifs, <sup>d</sup> seuls entre tous, estimoyēt estre folie, de luy faire l'hōneur de dresser des statues à sa maiesté, ou de iu- rer par le nom d'iceluy. Apres qu'Appion eut dit cela & plusieurs autres propos aigres à l'encō- tre des Iuifs, par lesquels il esperoit bien que Caie s'en orguelliroit, comme celuy qui aimoit à estre loué : Philon qui estoit le plus apparent & principal ambassade des Iuifs ( homme à la verité, de grande louēge, & docte en philosophie, frere d'Alexandre Alabarche ) commença à refuter avec grande eloquēce, les poincts mis en auant par aduerse partie, defendant en sa harē- gue la cause de sa nation. Mais Caie, frappant ses mains l'une contre l'autre, le fait taire, & se re- tirer hors de sa presence, luy commandant qu'il s'absentast soudain. Encor sembloit il tant in- digné & plein de courroux, qu'il monstroīt à son apparence vouloir ordonner qu'on leur fist quelque grief outrage. Quant à Philon, se voyāt reietté avec iniures, il se retira, & dist aux Iuifs, qui l'accompagnoyent : Il nous est grand besoin d'estre assurez, & auoir bon courage. Il est biē vray que nous sommes en la mallegrace de l'Empereur Caie, d'autant qu'il couue vn cour- roux contre nous : Mais, à la verité, Dieu sera auditeur & iuge de nostre cause par dessus luy, qui nous deliurera de ses mains, sans que de luy soyons autrement outragez. Voyla qu'en dit Iose- phe. Philon aussi luy-mesme a mis par escrit, & déclaré par le menu tout ce qu'il luy aduint en ceste legation : donc i'en laisseray vne grande partie & poursuyray tant seulement les poincts par lesquels facilement on pourra congnoistre que toutes les aduersitez & miseres qui peu de temps apres arriuerent aux Iuifs, leur sont ainli aduenues, pour les punir de leur peruerse

*Seian mal  
affecté aux  
Juifs.*

*Caie rem-  
plit de ses  
statues les  
temples des  
Juifs.*

temerité & indiscretion legere, qu'ils monstrerent estre en eux, quand ils mirent meschamment à mort celuy, qui leur auoit donné vie. Il raconte donc en premier lieu, qu'un certain personnage, de grand' autorité & credit enuers la maiesté de Tibere, Empereur, qui se nommoit Seian, auoit mis le plus de son estude à trouuer les moyens de reduire à neant & destruire totalement la nation Iudaïque. Puis que Pilate f gouverneur du pais de Iudee ( au temps duquel fut commis l'abominable forfait du meurtre de l'innocent Iesus Christ ) auoit attenté, & mesme mis à effect quelque cas nouveau & non accoustumé contre les loix, constitutions, ordonnances & coustumes Iudaïques, leur temple estant encor debout en son entier : & que pour ceste cause il les auoit mis en grande esmotion & trouble. Il dit d'auantage qu'apres la mort de Tibere, Caie Caligule, qui print l'Empire en main, fit plusieurs grands outrages & iniures à la nation des Juifs, & d'auantage leur porta plusieurs dommages excessifs, avec perte intolérable. Or afin que chacun les puisse mieux entendre des paroles mesmes de Philon, il m'a semble estre le meilleur de les raconter en ce lieu. Voyla donc ce qu'il en dit : Tant fut grande la mauuaise naturelle, & accoustumance de mal faire, de Caie l'Empereur, à l'endroit de tous, & principalement contre le peuple des Juifs, auquel il portoit vn tresmauuais vouloir : qu'en plusieurs de leurs villes, commençant à celle d'Alexandrie, il remplit leurs oratoires de tableaux & statues faites à sa semblance & pourtraict, & les attribua & dedia à soy-mesme. Car les temples & lieux de pierres, consacrez par autres, il occupoit par force, à ce l'induisant sa grande conuoitise : De sorte qu'il changea & transforma en vn propre & priué lieu pour se faire adorer, le temple de la sainte cité, qui tousiours estoit demeuré non viofé, sacrosainct, & libre de toute pillerie : le faisant appeller le temple de Caie, du nouveau Dieu, & de Iuppiter illustre ou renommé.

*a* Caie, lequel soudain ) Cet Empereur Caie Caligule, du commencement de son Empire, se monstra favorable au peuple, & enflamma les cœurs & volonte des hommes à l'aimer : Mais puis apres il se declara estre monstre de nature, par son excès, incontinence, cruauté, auarice, & toutes autres sortes de meschancete.

*b* enuoyé Philon ) Philon alla à Rome, comme ambassadeur des Juifs Alexandrins, deuant l'Empereur Caie : duquel il fut peu humainement receu.

*c* d'Alexandrie ) Tesmoignage de Iosephe, touchant ce passage de Philon.

*d* seuls entre eux ) Les Juifs ayans expres commandement de Caie Cesar, de poser son effigie & image en leur temple, choisirent plustost de prendre les armes en main, que d'obeir. Et n'y eut rien, qui appaisast ceste esmeute, sinon la mort de Cesar. Tacite lib. 12.

*e* Il raconte donc ) Icy sont mises en bref les calamitez que les Juifs souffrirent, sous l'empire de Tybere, & sous celuy de Caie : qui estoient les proemes & commencemens de l'extreme destruction & ruine finale de la ville de Ierusalem.

*f* gouverneur du pays de Iudee ) Grande mutinerie des Juifs, pour ce que Pilate mit dedans leur temple des statues de Cesar. Iose. lib. 2. de la guerre Iudaïque, chapitre 3. Egesippe, lib. 2. chapitre 5. Dont sera parlé au suyuant chapitre.

*Quels maux Pilate attira l'un apres l'autre, & fit souffrir aux Juifs : & comment il se tua luy-mesme & mourut. Chap. X.*



Auantage Philon raconte plusieurs autres calamitez sans nombre, & lesquelles on ne pourroit dire, ny mettre par escrit, estre aduenues aux Juifs Alexandrins, sous cet Empereur Caie, duquel i'ay desia parlé. Ce qu'on peut lire au second liure, qu'il a intitulé, Des vertus, sous vn nom simulé & feinct : auquel Iosephe s'accorde aussi, disant que les aduersitez des Juifs ont eu leur commencement dès le temps de Pilate, & du forfait execrable comis en la personne de l'innocent Sauueur Or sera il bon d'oyr ce qu'il en a escrit au second liure de la guerre des Juifs. Pilate (dit-il) enuoyé procureur au gouuernement de Iudee, de la part de l'Empereur Tibere, mit de nuit dedans la ville de Ierusalem les statues de Cesar, couuertes & cachees, que l'on appelle signes ou marques : Mais quand le iour fut venu, il y eut vn merueilleux trouble esmeu, pour cause de la nouveauté de ce fait. Car ceux qui en estoient les plus prochains voisins, s'estonnerent à la veüe de telles figures : come si par ce fait, leurs loix estoient manifestement foulees aux pieds. Parce que cela leur tournoit à grand scrupule de conscience, & estimoyent griefuement offenser, de souffrir qu'il y eust quelque statue esleuee en leur cité. Si quelcun veult prendre la peine de conferer ce que i'ay allegué presentement avec les paroles de l'Euangile, il trouuera que c'est la verité. Car bien tost apres ils ont esté puniz, pour ce qu'ils dirent presumptueusement à haulte voix deuant Pilate, & crièrent qu'ils n'auoyent point d'autre Roy, sinon Cesar.

Iosephe

Iosephe escrit encor, que peu de temps ensuyuant ils furent opprimez d'une autre calamité, disant: Apres cela, Pilate esmeut encor vne autre mutinerie, quand il employa le thesor saint & sacré, qui s'appelloit Corbona, à la construction des canaux & conduicts à mener l'eau, qui tenoyent bien en longueur, pres de trois cens stades, qui faisoient peu pres de dixneuf lieues. La populace ne se contentoit point de ceste meschanceté: ce qu'il monstroït assez, quand, en entourant la maison Royale & le siege iudicial, chacun se mettoit à crier & braire piteusement & d'une façon bien estrange: mesme en la presence de Pilate, estant en la ville de Ierusalem: lequel auoit bien preueu, que ce tumulte aduiendroit entre les Iuifs. Parquoy il donna ordre, qu'il y eust des soldats & gens de guerre armez, & par dessus leurs armures vestuz d'habillemens communs & populaires, qui se messassent parmy ceste populace Iudaïque: ausquels il defendit expressement, de frapper aucun d'espees ny autres ferremens: mais trop bien leur commanda de chastier, ceux qui crieroyent à grands coups de bastons: & à ceste cause, pour sçauoir quād ils cōmenceroyent, le mot du guet fut, que dès son siege iudicial il leur feroit vn certain signe: lequel ayans veu, ils se mettoyent tous en deuoir. Ce qui fut ainsi fait: tellement que les pauvres Iuifs endurerent tant de bastonnades, que les vns estoient tous meurtriz, les autres restèrent morts en la place, d'autres demeurerēt escachez par la foule de leurs gens mesmes, qui taschoient à se sauuer de ce tumulte, & en moururent. Au reste, la troupe populaire, esperdue de paour, s'appaisa bon-gré mal-gré, & cessa la mutinerie, voyant telle execution. Le mesme historien raconte plusieurs autres calamitez & miseres innumérables esmeues pour innouer & charger les choses: affermant avec suffisante preuue, que depuis le miserable meurtre commis iniustement en la personne de Iesus, le Sauueur, ny en la ville de Ierusalem, ny en tout le païs de Iudee, ne cessa d'y auoir des seditions, mutineries, debats & entressuites de plusieurs pertes intolerables & meschancetez infinies, suruenans l'une sur l'autre: iusques à ce que la derniere entorce de toutes, & le siege final de la ville sous Vespasian, les ruina du tout & mit à sac. Et telle a esté la vengeance, qui s'en est ensuyvie diuinement, punissant petit à petit les Iuifs, des outrages qu'ils auoyent faits à Iesus Christ. <sup>a</sup> Il est vray aussi, que Pilate, iuge du Sauueur, receut de grands outrages & griefs excessifs sous Tibere: apres que Marie Magdalene, arriuee à Rome, eut apporté les nouuelles des torts qu'il auoit faits à Iesus-Christ. Et du depuis souffrit les dernieres peines de son iniustice, durant l'Empire de Caie, comme on peult veoir es histoires de ceux qui ont mis par escrit les Olympiades des Grecs, & ce qui est aduenü es temps d'icelles: Car ce mal-heureux Pilate fut reduict à telle destresse, par vne infinité de diuers accidents contraires & infortunes, que luy mesme de ses propres mains se donna le coup de la mort, estant vainqueur de soy sur sa personne mesme: ce qui aduint par punition diuine, le suyuant de bien pres, ainsi qu'il fault estimer & croire. <sup>b</sup> On dit aussi qu'Anne & Caiphe, & plusieurs autres Scribes & Pharisiens, furent puniz diuersement, comme ils l'auoyent bien meritè, pour la mort inique & contraire à toute iustice, qu'à tort & sans cause ils auoyent fait souffrir à nostre Christ & Sauueur.

*Le saint thesor du temple, despensé par Pilate, au bastimēt des conduicts à mener l'eau*

*seditions de peuple, sont vengeance diuines.*

*Pilate se tue soy-mesme par diuine vengeance:*

<sup>a</sup> Il est vray aussi ) *Luce Vitelle gouuerneur de Syrie, commanda à Pilate d'aller à Rome, pour se purger de l'accusation des Iuifs: & donna le gouuernement de la Iudee à Marcel. Iosephe, li. 18. chap. 11.*

<sup>b</sup> On dit aussi ) *Les autres persecuteurs du Sauueur Iesus-Christ, perirent tous malheureusement.*

*De l'Empire de Claude Cesar, successeur de Caie: & de la grande famine qui fut de son temps: & de l'affronteur Theudas.*  
Chap. X I.



Encor n'estoyent pas expirées quatre années entieres depuis que Caie Caligule commença à tenir l'Empire, quand il fut surpris de la fureur, & deuint tant effeminé, qu'il vsoit de vestemens, plieurs autres atours de femmes. Parquoy on le mit à mort, estant aux bains: & luy succeda Claude, l'Empereur, sous lequel on dit que la grande famine aduint, laquelle Agabe, excellent en don de Prophetie, auoit predite & prophetisée deuoit arriuer. Et pour ceste cause, Barnabas & Paul de la ville d'Antioche, où ils estoient, fournissoient & enuoyent aux freres prouision pour eux viure. En ce temps mesme la Roïne de la gent Adiabene, nommee Helene (comme Iosephe le tesmoigne) achetta en Egypte du blé froument pour vne tres-grande somme de deniers, lequel elle enuoyoit & faisoit distribuer à ceux qui en auoyent necessité. Vn long temps apres encor ont esté veuës des statues excellentes & braves es faulxbourgs & autres lieux de la ville d'Elie, representans la figure de ceste Helene, de laquelle l'Historien susdit a parlé. Encor à il tenu propos du malheureux abuseur & meschant

*Mort de Caie Empereur. Famine en Iudee sous l'Empereur Claude. Helene, Roïne des Adiabenes suruie à la necessité des pauvres en Iudee.*

*De Theudas, affronteur seditieux: extrait de Iosephe.* affronteur Theudas, dont est faite mention aux Actes des Apostres. Car il en escrit ces mots: Quand Fade auoit la charge du gouuernement de Iudee, vn certain affronteur, nommé Theudas, mit en teste à vn grand nombre de peuple, de le suyure au fleuve de Iordain, & prendre avec eux toutes leurs richesses: car on le disoit estre Prophete. Au moyen dequoy, par ce qu'il donnoit à entendre, qu'à son simple commandement la riuere se diuiferoit & leur donneroit aisement passage: il abusa beaucoup de gens, qui creurent à sa promesse. Mais Fade ne leur donna pas le loisir de iouir longuement du plaisir de leur folie & faulx de sens: car il enuoya contre eux vne bonne bande de gens à cheual, bien equippez, qui les surprindrent à l'improuiste, & mirent en route, les tuans en partie, & en partie les amenans prisonniers. Quant à Theudas, il fut prins & mis vif en leur puissance: auquel ils trancherent la teste, & l'apporterent iusques à la ville de Ierusalem.

*Martyre & mort de saint Iaques, l'Apostre, fils de Zebedee: & du sergent ausi qui le menoit à mort. Emprisonnement de saint Pierre.*  
Chap. X I I.

*Act. II. d. 12. a. Martyre de S. Iaques Apostre. Le sergent, qui menoit S. Iaques au supplice est fait Chrestien, & decapité avec S. Iaques.*



Iosephe adioust d'ordre en ceste histoire, la grande famine susdicte: cōme aussi saint Luc, aux Actes, ayant parlé d'icelle famine, & du deuoir des Apostres du temps qu'elle duroit, il met puis apres: « Et en ce mesme temps (sçauoir est sous l'Empire de Claude) le Roy Herodes (Iosephe le nôme, Agrippe: saint Luc, Herodes: peut estre qu'il auoit deux noms) mit les mains sur aucuns personnages de l'Eglise, pour les affliger, & occit par glaïue S. Iaques, frere de Saint Iean. De ce saint Iaques Clement le chroniqueur a escrit vn fait digne de memoire, au septiesme liure des Dispositions, lequel il dit auoir entendu par le recit & rapport des anciens, qui est tel: Que le sergent, qui le menoit au martyre, le voyant aller gaillardemēt, & avec grande constance au supplice, sans monstrier aucune apparence d'auoir regret à sa mort soustint publiquemēt qu'il estoit Chrestien, comme celuy qu'il conduisoit. Parquoy l'vn & l'autre furent menez ensemble aux tourmēs. Et en allant, comme il prioit saint Iaques, que ses offenses luy feussent pardonnees: saint Iaques pensa vn peu, pour prendre aduis sur cela: puis soudain luy dist: Paix soit avec toy. Et en luy tenant ce propos, il le baïsa: & ainsi fut la teste trenchee à l'vn & à l'autre. Or Herodes (comme la sainte escriture tesmoigne) voyant que la mort de saint Iaques, estoit bien agreable aux Iuifs, fit mettre saint Pierre en prison, luy d'onnant bonne garde, & le liant d'une forte chaisne: car il luy brassoit vn mesme bruuage qu'à saint Iaques, & ne taschoit à autre chose, sinon à trouuer occasion de luy faire aussi trencher la teste. Ce qu'il eust fait contre tout droict & pieté: si l'Ange ne feust venu de nuit, qui le deliura de ses liens, & le remit en son premier estat, pour prescher, comme deuant, la parole de l'Euan-gile. Et voylà à la verité comment la disposition diuine mania pour lors les affaires de S. Pierre, l'Apostre. Au demeurant, la vengeance celeste ne cessoit de poursuyure l'effort meschant & mal heureux d'Herodes à l'encontre des Apostres: de sorte qu'elle (qui en autres choses communément est coustumiere de se monstrier plus tardieue,) fut apperceue en son endroit soudainemēt preste & appareillee.

*Saint Pierre deliuré de prison par vn Ange.*

« En ce mesme temps) Claude conferma le Royaume à Agrippe, luy adioustant les Seigneuries d'Herodes & de Lyfanie, Il establit Herodes, frere d'Agrippe, pour estre Roy de Chalcide. Iose. li. 19. chap. 4. & de la guerre li. 2. cha. 4. Le mesme Herodes obtint de l'Empereur Claude, l'administration des Sacrificateurs, & du temple, Iose. li. 20. cha. 4. Iceluy Herodes estant mort Claude donna son Royaume au ieune Agrippe: qui le garda iusques la à destruction de Ierusalem. Iose. li. 20. chap. 9.

*Comment Agrippe (qui est nommeparillement Herodes) ayant commencé à poursuyure les Apostres, esprouua incontinent en soy-mesme la vengeance diuine.*  
Chap. X I I I.

*Horrible & miserable mort d'Herodes.*



Ar ayant entrepris cest effort & poursuyte contre les pauvres Apostres, il vint à Cesaree, & voulut tenir le siege iudicial à vn certain iour solennel: auquel estant paré d'habillemens sumptueux, à haulte voix fit vne harangue au peuple, autant copieuse, persuasue & ornee de ce qui est requis en vne oraison bien faite, qu'il est possible. Et cōme le peuple qui l'escoutoit, se fust prins à crier haultement: Cest la voix de Dieu, & non point d'un homme: soudain comme disent les saintes escritures (l'Ange du Seigneur le frappa d'une playe occulte, tellement qu'il fut con-sumé & rongé de vermine, puis rendit l'esprit. Or entre autres choses ie m'aduise, qu'il à bien occasion

occasion de s'esmeruiller de ce que Iosephe, historien des Hebreux, est venu par tout se con-  
former & accorder à la sainte escripture. . . J'allegueray donc en ce lieu ce qu'il a escript de la  
mort de Herodes, au dixneuuesme liure des Antiquitez. Le troisieme an estoit accompli (dit  
il) depuis qu'Agripe auoit prins le gouuernement de toute la Iudee, quand il vint en la ville  
de Cesaree, qui estoit au parauant appelee la tour de Straton, pour y faire représenter des spe-  
ctacles & iouer des ieux publics, en l'honneur de Cesar, pour le salut & prosperité duquel il  
auoit institué quelques iours de festes. Les officiers du pays & autres constituez en dignitez,  
venoyent à luy de toutes pars en grandes compagnies & troupes. Desia estoit passé vn iour des  
spectacles, quand à la seconde iournee, dès la premiere poincte du iour, il monta au theatre,  
vestu d'une robe tissue d'argent, avec vn merueilleux artifice: en laquelle ny pourfisure ny bro-  
dure, ny façon aucune dont vn habillement peut estre enrichy, ne manquoient aucunement.  
Encor quand le soleil commença à espandre ses rayons par dessus cet habit, il luy donna tel lu-  
stre par sa lueur resplendissante merueilleusement avec la clarté de l'argent, que telle splen-  
deur apportoit aux yeux des regardans vne frayeur & crainte meslee de ne sçay quel horreur es-  
pouuante: parquoy il y eut des hateurs de costé & d'autre, qui s'escrierent, tenans de luy  
propos, qui toutesfois n'apporterent rien à son aduantage. Ils l'appelloyét Dieu, & le prioyét  
d'estre fauorable, bien-vueillant & propice en leur endroit. Encor luy promettoyent ils, que  
si iusques à là ils l'auoyent reueré & craint comme homme, d'ores en auant ils le confesseroyent  
publiquement estre grand & excellent par dessus l'humaine nature. Le Roy ne les reprint point  
ny ne monstra aucun semblant que ceste flatterie tant repugnante à la pieté & religion enuers  
Dieu, luy fust desplaisante. Peu apres il esleua en haut sa teste, enflée d'orgueil & vaine gloi-  
re, avec superbe contenance: & veit vn Ange assis sur vne petite cordelette. Soudain il le cō-  
gneut estre vn de ces mauuais esprits qui auoyent esté bons autresfois: parquoy en vn instant si  
grande douleur d'estomach le surprint, & les trenchées du ventre commencerent à le tourmé-  
ter avec telle vehemence qu'il ne pouuoit durer, ny tenir contenance arrestee. Sentant donc v-  
ne douleur excessiue, il se tourna vers ses amis, qui accompagnoyent sa personne, & dist: Voi-  
cy, moy, que nommez vostre Dieu, ie suis contraint de laisser ceste vie, quittant les armes à la  
mort qui me vient saisir: car les Parques tout à coup reprennent & conuainquent la fausseté  
des propos desguisez & menteurs qu'avez tenu de moy presentement, & suis mené maintenāt  
à la mort, moy, que n'y a gueres vous disiez estre immortel: Mais il faut receuoir la mort qui  
vient par l'ordonnance de Dieu, à laquelle il est impossible de contreuenir. Il ya vne chose  
qui me console: c'est que i'ay mené vne vie, non obscure, mais avec fortune heureuse & ma-  
gnifique. Ayant ainsi parlé, les douleurs s'augmentans de plus en plus, le tourmentoyent mi-  
serablement: parquoy à grand haste il fut porté en sa maison Royale, & courut le bruit de tou-  
tes parts qu'il ne pourroit gueres durer ainsi sans mourir. Alors toute la multitude des hommes  
avec leurs femmes & enfans, prenans des sacs, selon la coustume du pays, remplirent toute  
la ville de larmes & pleurs, menans vn dueil desesperé: & feirent supplications & prieres à  
Dieu pour la santé du Roy. Il estoit couché au lit, en vne chambre fort haute, de laquelle il  
pouuoit voir par les fenestres vne infinité de gens, qui se laissoyent cheoir le ventre contremot,  
pour donner apparence de la douleur qui les auoit saisis: Dont il ne se peut tenir de ietter lar-  
mes d'œil. Toutesfois apres auoir esté miserablement affligé & tourmenté des trachees & dou-  
leurs du ventre, par l'espace de cinq iours continuels, sans aucune intermission ou relache, il  
rendit l'esprit, estant en la cinquante-quatriesme annee de son aage, & en la septiesme de son  
regne: car il auoit tenu le gouuernement du Royaume, sous l'Empire de Caie, par l'espace de  
quatre ans: sçauoir est, la tetrarchie, ou seigneurie de Philippe seulement, trois ans du-  
rant, & avec ceste là, print la charge de celle d'Herodes, en l'an quatriesme. Les trois autres  
annees, accomplissans le nombre de sept, furent passees du temps que Claude gouuerna l'Em-  
pire Romain. Qui oseroit donc soustenir que Iosephe ne soit digne de grande admiration, puis  
qu'il s'accorde tant bien avec les saintes escriptures, & conforme ses histoires avec les chroni-  
ques diuines?

*De Simon le magicien, & de son heresie: puis comment le saint Apostre Pierre luy a  
tenu bon & résisté, principalement en la ville de Rome.*

## C H A P. X I I I I.



Ors que la Religion Chrestienne & Foy en Iesus Christ nostre Sauueur prenoit  
ainsi accroissement par toute la terre, l'ennemy ancien du genre humain, en-  
uieux de nostre salut, s'esforçant par toutes cautelles de gagner à soy les Ro-  
mains, & s'emparer de la ville de Rome, en laquelle pour lors estoit le souverain  
Empire de tout le monde: y enuoye vn certain personnage, nommé Simon, natif  
d'un village qu'on appelle Gitthon: lequel auoit circuy tout le pays de Leuāt,

*Simon l'en-  
chanteur  
vient à Ro-  
me.*

G

*Honneurs  
mōdains at-  
tribuez à  
Simō le ma-  
gicien.*

*Helene com-  
pagne de Si-  
mon.*

*Aucuns la  
nomment  
Sele.*

*Simō le ma-  
gicien, au-  
teur de rou-  
tes heresies.*

*2. Thi. 3. b*

*Le Seigneur  
Dieu oppo-  
sa contre ce  
magicien ses  
Apostres,  
& speciale-  
ment saint  
Pierre.*

*2. Cor. 10.  
b.*

*Pierre prin-  
ce des Apo-  
stres.*

& remply de ses enchanteries, abus & impostures. Estant là, dāns peu de temps il sçeut tant bien gagner le peuple par son art magique & avec ses enchantemens, que peu de bourgeois se peurent garder d'estre par luy seduits & abusez. Or vint son impieté par tel point, que non seulement il estoit tenu & estimé Dieu, mais aussi luy auoit esté dressée vne statue magnifique, entre deux ponts, dans la riuere du Tibre, laquelle on reueroit en son honneur, avec tel titre: A Simon Dieu saint. Et de là est venu que non seulement les Samaritains le croyent estre Dieu, mais aussi autres nations l'adorent comme premier & principal Dieu. Encor auoit-il avec luy vne Helene, sa compagne ( qui auparauant auoit hanté le bordeau de Tyr, en Phenice, & abandonné son corps à toute paillardise pour gagner argent ) laquelle acquist pareil honneur à luy, & fut appelée la Princesse d'intelligence. Ce que le saint philosophe & martyr Iustin raconte estre ainsi, en la deffence qu'il a faite de nostre profession, dediee à Antonin. Irene, Euesque de Lyon, escrit aussi le semblable en son premier liure contre les heresies: desquels l'un & l'autre a vescu peu de temps apres les Apostres. Je parleray d'eux, & diray ce qu'il en faudra dire quand le temps, occasion & ordre le requerront. Or cest enchanteur Simon a esté le capitaine, prince & auteur de toutes heresies: mesme que iusques au iourd'huy ceux qui tiennent son opinion & s'arrestent à sa secte, contrefont tant bien la maniere de viure entiere & sobre de la philosophie Chrestienne, qu'ils semblent auoir renoncé entierement à l'erreur des Idoles: combien qu'ils mettent peine de la suiure & retenir, dressans les images & statues de Simon & d'Helene, lesquels ils s'estudient d'adorer, leur faifans des offrandes & autres sacrifices, avec beaucoup de ceremonies. Les actes de ces deux, confits en toutes meschancetez & ordures, ne scauroyent apporter aux hommes sinon vn estonnement & espouuement d'esprit: Par ce qu'ils sont tels qu'il n'y a bouche pudique, modeste ny posée, qui les aise raconter ou nommer, à raison de l'abondance de leur vilenie & deshonneste: tant s'en faut qu'on les puisse coucher par escrit, ainsi qu'ils le meritent, & comme ils ont esté mis en effect. Car il n'y a rien, que la pensée humaine puisse comprendre, tant meschant soit-il, quand encor il surpasseroit en meschancete & turpitude le vice mesme: que ceste heresie, la plus detestable de toutes, n'ait surmonté de beaucoup, abusant les hommes miserables, & affrontant les pures femmelettes, ia assez chargees de peché, sans encor se laisser abîmer en ce gouffre de toute iniquité. Or vous voyez comment dès le commencement du salut des humains, la puissance cauteleuse de l'ennemy de nature, espiant à nous surprendre, mit en auant alencontre des enseignemens de la foy, vn pere, auteur & capitaine si puissant qu'estoit cest enchanteur, afin de contreuenir à la doctrine des Apostres de Iesus Christ, excellens & diuins, qui à grand peine auoit encor prins racine au cœur des gens de bien. Mais au contraire, la grace diuine & vertu de Dieu, qui ne peut estre forcee, assista soigneusement à ses ministres & disciples, & esteignit tout à coup le flambeau de tant de meschancetez qui espandoit par tout, & iettoit ça & là le feu de son embrasement. Aussi est celuy qui soule aux pieds toute hauteur & sublimité, qui s'esleue contre la congnoissance de Dieu: parquoy de tous les maux qui lors sembloient vouloir croistre, il n'en y eut oncques qui paruint à tel estat & vigueur qu'ils en monstroyent apparence: car la lumiere de verité, resplendissant à merueilles, reluisoit, & la parole inuincible, venue nouuellement du ciel, rendoit vigoureuse clarté, & prenoit accroissement de plus en plus par les predications & maniere de viure des Apostres. Doncques ce mal-heureux enchanteur, estimant que la grace du saint Esprit s'achetoit à deniers contants, fut premierement esblouy des yeux de son entendement en la Iudee, par saint Pierre, qui luisoit plus clair que la lumiere mesme: puis par long voyage sur mer, d'Orient il prend la route d'Occident, & s'aduanee d'occuper la ville de Rome, la gagnant par ses affronteries & abus. Et par ce que la souueraine maiesté de l'Empereur fauorisait à ses entreprinse, en bien peu de temps ses affaires succederent tant bien selon son desir, que non seulement par ses enchanteries & abusions il se mit en la grace de tous les bourgeois de la ville: mais aussi luy fut dressée vne statue ( comme i'ay desia dit ) par les Romains, qui le reueroyent & adoroient avec honneurs diuins, comme vn Dieu, tels qu'ils l'estimoient estre. Mais il ne luy fut pas permis de s'ayder longuement de telle tromperie: car sous l'Empire de Claude mesme, la prouidence de Dieu ( qui dresse & dispose toutes choses sagement, à raison du singulier amour qu'il porte au genre humain ( esmeut saint Pierre, comme son port'enseigne & deffenseur vaillant & inuincible de la foy Chrestienne ( lequel auoit diuinement acquis le premier lieu entre les Apostres, à cause de sa vertu & ardeur à l'augmenter par tous moyens possibles ) pour aller conuaincre cet enchanteur, & le combattre comme vne beste sauuage fort dangereuse. Luy, tout ainsi que preux & hardy capitaine de Dieu, esquipé de toutes pieces d'armes diuines, porte la lumiere celeste ( qui est le secret mistere de Iesus Christ ) del'Orient iusques aux nations Occidentales, & leur publie la ioyeuse nouvelle du Royaume des Cieux.

Et par ce moyen, apres que la lampe de l'Euangile eust commencé à esclairer en ceste sorte au pays d'Occident, incontinent ce mal-heureux Simon le magicien s'est esteint & esuonouy avec ses tromperies abusives, meslees d'enchantemens.



*De l'Euangile de saint Marc, & comment la vie des moines a esté par luy  
instituee premierement en Egypte & en Alexandrie.*

CHAP. XV.



Ainct Pierre laissa si grande lumiere de pieté & amour enuers Dieu, au cœur de ceux qui luy prestoyent l'aureille attentue, qu'ils ne pouuoient se contenter de ce qu'il leur auoit fait entendre par l'ouye, ny demeurer ou s'arrester à cela seulément qu'ils auoyent apprius de la parolle diuine, sans escriture. Parquoy ils supplient saint Marc autant affectueusement que possible est (ce saint Marc icy pour lors estoit à la suite de saint Pierre) qu'il leur vueille laisser par escrit, quelque memoire de la discipline à eux donnée par viue voix seulement : le requerans de ne departir d'avec eux, qu'il n'eust mis en effaiet ce dont il estoit prié. Quat l'Apostre saint Pierre eut congnoissance de cela, inspiré par le saint esprit, fut grandement resiouy de la bonne volonté de ces gens de bien : & pourtant de son iugement & opinion il approuua ce que saint Marc auoit mis par escrit, & ordonna qu'il fust leu aux Eglises: Saint Clement au sixiesme liure des Dispositions, dit que ce a esté la cause pour laquelle saint Marc a mis la main à la plume pour escrire l'Euangile : à quoy est conforme le dire de Papias Hieropolitain. Et pour ceste raison l'Euangile, qui est selon saint Marc, est appelée l'Euangile de S. Pierre. Lequel aussi parle de saint Marc en sa premiere epistre, qu'on dit auoir esté composée par luy, du temps qu'il estoit à Rome : en laquelle sous figure il appelle la ville de Rome Babylone, quand il dit, Marc, mon fils, vous salué par l'Eglise qui est en Babylone, ensemble avec vous esleüe (C'est à dire en vous saluant il vous resjouyt des nouvelles de la conuersion de plusieurs Romains.) S. Luc aux Actes le nome aussi Jean. On dit que ce fut ce diuin personnage saint Marc qui premierement fut enuoyé en Egypte & Alexandrie, où il prescha l'Euangile escrete par luy, ordonna les Eglises & establit loix & reigles de solitaire vie aux moynes Chrestiens qui estoient en ceste contree. Or dès le commencement si grande multitude de gens se retira vers les saints Apostres & disciples de Iesus Christ, que Philon (comme tres-renommé en la profession des deux sortes de philosophie) a mis par escrit leur doctrine, exercice & estude, avec leurs maniere de faire, mœurs, façon de viure, bref toute leur conuersation. Aussi le bruit est qu'il trouua l'opportunité & moyen de deuifer avec saint Pierre, du temps qu'il preschoit à Rome la parolle de Dieu.

*• Rome sous figure dite Babylone par S. Pierre.*

*1. Pier. 5.*

*• S. Marc appelé Jean aux Actes.*

*Marc premier predicateur de l'Euangile, au pays d'Egypte: où il mit sus la vie monastique.*

*Philon parla à S. Pierre en la ville de Rome.*

Parquoy ils supplient) *La requeste des auditeurs de S. Pierre, Marc, son sectateur, escriuis l'Euangile, laquelle depuis saint Pierre approuua.*

*Quelles choses escriit le tressage historien Philon, de ceux qui premierement ont fait profession de la philosophie du Christ, au pays d'Egypte, & sy sont exercés.*

CHAP. XVI.



Onc Philon, comme inspiré diuinement, non seulement poursuit en ses œuvres & façons de faire des personnages Apostoliques, venus & descendus (comme il semble) des Iuifs: mais encor il les approuue de son iugement, combien que toutesfois plusieurs coustumes des anciens Iuifs fussent aussi pour lors obseruees soigneusement. Quant est de luy, il assure que rien ne luy est plus cher ny precieux, & dont il tienne plus de conte, que la verité, & qu'il n'a pas delibéré d'adiouster rien du sien, outre ce qui sera au vray: parquoy ce liure est veu manifestement contenir les reigles & ordonnances qui sont obseruees en l'Eglise, mesme du tēps où nous sommes. Le titre est De la vie contemplatiue, ou Des supplians: où il appelle ouriers, curateurs ou guarisseurs ceux qui se delectoyent à suiure ceste maniere de vie: ou pour ce qu'alors tel estoit leur nom, l'appellation des Chrestiens n'ayant pas encor acquis tel accroissement qu'elle a de present: par ce qu'encor vsoit-on peu de ce mot, ou pour cause du seruice de Dieu, pur & entier, ou pourautant que comme medecins ils guarissoient & employoyent à l'exercice des bonnes œuvres les esprits de ceux qui venoyent à eux, en les deliurât de tous troubles & passions causees du vice: ou bien pour quelque autre raison occulte, car il n'est point besoin d'estre en dispute sur ce passage. Il dit dōc que dès le premier commencement de leur reigle, du temps qu'on començoit à les instruire en la philosophie Chrestienne, ils auoyent coustume de laisser leurs richesses & biēs particuliers: d'auantage que quittas tout le soucy qu'un homme peut auoir en ceste vie, ils hantoyent & viuoyent en quelques terrages ou iardins separez des gens & hors des villes, ou bien aux montaignes desertes: & fuyans la compagnie & frequentation de tous hommes de bien, contraires à la leur, cōme chose dangereuse & pernicieuse: ils vaquoyent

*Philon a escriit des moines Chrestiens d'Egypte.*

*Maniere de viure & mœurs, non seulement des moines, mais aussi de tous Chrestiens.*

G ij

## LIVRE II. DE L'HISTOIRE ECCLESIASTIQUE

à meditation , & fuiuoient la vie prophetique d'ardant courage & avec vne foy bouillante. Encor escrit-il que non seulement en ce pays là , mais aussi en d'autres lieux par le monde, y auoit des gens de telle vie: car il estoit bien raison que la Grece & la Barbarie eussent part au bien souuerain. Toutesfois il dit que ceste maniere de viure estoit en vsage plus frequent & commun en la terre d'Egypte , qu'ailleurs. Or en chacune demeure solitaire vous trouuiez vne maison ou châtre sacree, qu'ils appellent ou Oratoire, ou le Lieu de grauité & honnesteté, ou bien Monastere : & là dedans ils estoient instituez és misteres de la vie honneste & sainte, se separans de tous autres pour y demeurer solitaires. En celieu sacré on ne mettoit ny froumêt ny bruuage, ny autre chose quelconque appartenant à l'vsage necessaire du corps: mais tant seulement ce lieu estoit ordonné pour y mediter, avec interieure contemplation, les propos celestes, loix diuines, parolles des prophetes, & les hymnes, cantiques & louanges diuinemēt inspirees, & pour vaquer à telles autres meditations, par lesquelles la doctrine & pieté prend accroissement, & acquiert le souuerain bien. Or tout l'espace de temps, qui est depuis le point du iour iusques au vespre, ils l'employent à tel exercice, & s'arrestent à contempler. Car s'adonnans aux escritures saintes, ils consument ainsi le temps, & trauaillent soigneusement à telle philosophie, qui est particuliere & propre au pays d'Egypte, où ils viuent. La premiere pierre qu'ils assent, pour le fondement de leur doctrine, c'est la continence: sur laquelle ils mettent par ordre toutes les autres vertus, pour acheuer le bastiment de leur sainte conuersation: car il n'est licite à aucun d'eux de manger ny boire auant que le soleil soit couché. La cause de cela, est telle: Ils ont opinion ( comme aussi la raison s'y accorde ) que l'estude de vertu est digne de lumiere: au cōtraire que les soucis que l'on préd pour l'vsage & necessité du corps, appartiennent aux tenebres. Et y a quelques vns d'entre eux plus studieux & cupides de doctrine, qui en trois iours, ou plus, ne se souuiennent de boire ny de manger. Autres se delectent tant & prennent si grand plaisir aux mets que la sapience leur presente, les fournissant de plusieurs bonnes & saintes doctrines, qu'ils s'abstiennent de toute nourriture corporelle par deux fois autant de temps que les susdits, de sorte qu'à grand' peine mangent-ils vne fois en six iours, pour leur aliment necessaire. Quant aux saintes propheties, ils en donnent les explications & interpretations par secretes allegories & changemens de parolles, donnans à entendre autre chose que ce qu'elles signifient: & vsent en cela de sentenees occultes, avec intelligences mystiques & fort contemplatiues. Car l'estude & la loy ( si ainsi faut dire ) de ces philosophes est fort semblable à vn animant: de laquelle la lettre s'appelle le corps, & l'ame est le sens inuisible, ou bien l'intelligence cachee en elle. Or là mesme il y a des femmes solitaires, appelees cultrices ( c'est à dire, ouurieres, labourantes ou trauaillantes ) qui suiuent ceste vie & maniere de faire: plusieurs desquelles, paruenues à vne vieillesse sobre & modeste, ont en grande reuerence la netteté & virginité: non par aucune necessité qui les contraigne à la garder, mais à cause d'une deliberation volontaire, qu'elles ont arrestee en leurs esprits: & n'ayans aucun soucy ny esgard aux voluptez corporeles, s'estudient à engendrer des enfans, nō subiects à la mort, mais immortels, & tels que la seule ame aymant Dieu, peut de soy produire. Il est bien vray qu'il y a deux especes de la maniere de viure des hommes: sçauoir est, l'une de ceux qui sont liez par mariage: & est la moindre. L'autre consiste en la virginité celeste, Angelique & bien aymee de Dieu: qui est vne façon de vie solitaire & plus nette. Que si quelqu'un suit l'estat de mariage legitime & non pollū, il ne peut estre aucunement repris: si est-ce toutesfois qu'il n'a point receu tant de dons celestes, ny les graces du saint Esprit ne sont tant abondantes en luy. On dira bien qu'il mene vie sobre & pudique: & pourra recueillir pour le fruit de sa vertu, trente fois autant que la semence montoit: mais difficilement montera iusques à soixante. Mais celuy auquel Dieu aura donné la grace de viure entierement d'Angelique vie, bien quelle soit aspre & mal-aisée, toutesfois ce luy sera chose assez facile de multiplier la semence iusques à soixante, voire iusques à recueillir cent fois autant de fruit qu'il en aura semé: comme à celuy qui vise fort droit au souuerain bien, & touche quasi au blanc de la perfection. Il dit d'auantage que les escritures & liures qu'ils ont en main, sont de quelques personnages anciens qui furent auteurs & premiers capitaines de leur profession, & laisserent apres eux plusieurs enseignes & marques de ceste forme & idee, qui se delecte en allegories & parolles couuertes, desquels ceux-cy vsent, comme d'originaux & premiers exemplaires, pour ensuiuir ceste façon & maniere de faire. Quant à moy, ie pense que tels monumens & memoires sont les diuins Euāgiles & Epistres de S. Paul: qui ne contiennent autre chose que la vraye interpretation des saintes escritures anciennes. Or non seulement ( dit-il ) ils s'adonnent & s'employent à contemplation, mais ils composent aussi des nouueaux hymnes, carmes & louanges à Dieu, en toute sorte de rithme, plus graue & pesante dont ils se peuuent aduifer. Par aduenture quelqu'un pourroit auoir opinion que Philon n'a pas dit toutes ces choses de la vie Euangelique, par ce qu'elles peuuent aussi estre accommodees à d'autres: mais il peut bien croire à la verité, & tenir pour certain, sans en douter, que par cela il a depeinct au vif nostre maniere de viure, veu quelon sçait au vray que telles reigles & coustumes sont obseruees

uees iusques au iourd'huy, non par autres que par les nostres. Car ne voit-on pas des assemblees en des lieux separez, d'hommes à part, & de femmes aussi à part, qui hantent l'un avec l'autre, chacun en son sexe en mesme monastere, s'adonnans à certains & determinez exercices qu'ils ont accoustumé : ausquels nous seuls Chrestiens nous estudions, ayans coustume de celebrer certains iours, & obseruer principalement des ieusnes avec faim & abstinence du manger, y entremellans des prieres frequentes & meditation des escritures diuines, avec veilles en oraisons, mesmement és series de la passion salutaire de Iesus Christ, & à d'autres iours deuant icelles? Philon adioust encor ce qui s'ensuit : Que les Chrestiens ont accoustumé de chanter ainsi leurs hymnes, que quād vn cōmence le premier, en gardāt certains nōbres & mesures ainsi qu'il est requis, les autres l'escoutans tacitement, chantent finalement les derniers mots des cantiques. D'auantage que de son temps ils estoient coustumiers de se coucher à terre sur l'herbe : & qu'ils ne touchoyent point du tout au vin, ny ne goustoyent aucune chose qui eust sang. Que leur bruiage n'estoit autre que d'eau : & leur viande de l'hyssope & sel, avec du pain. Outre plus il descrit aussi la façon de faire des magistrats, ayans la charge des Eglises : & en eux donne à congnoistre quel est l'office & deuoir tant de tous ministres, que de l'Euesque qui tiēt la dignité supresme. Or celuy qui voudra lire diligēment & soigneusemēt l'histoire de Philon, touchant ces moynes d'Egypte, pourra congnoistre & se persuader qu'il a escrit telles choses des premiers trompettes & prescheurs de la pietē, & des mœurs & coustumes qu'ils ont d'ancienneté practiqué & tenu.

*Veilles des Chrestiens és series de la passion & autres.*

*Philon n'a pas escrit ces reigles d'autres, que des Chrestiens.*

« Curateurs ou guarisseurs ) Iesus en langue Hebraique signifie Curateur ou Medecin & Sauueur. Et par aduensure les fideles ont esté appellez Iesuiens, du nom de Iesus, auant qu'ils eussent le surnom de Chrestiens : car les disciples & l'assemblee vniuerselle, ou l'Eglise des gens de bien, ont commencé à estre appellez chrestiens en la ville d'Antioche : comme saint Luc en donne tesmoignage de verité en l'vniēisme chapitre des Actes des Apostres. Vous en trouuerez autre tesmoignage, si voulez lire les commentaires de Philon, au liure inscrit des Iesuiens. Qui, racontant la maniere louable de viure des disciples, & parlant des monasteres qu'ils auoyent en la region pres le lieu de Marie, a basti son histoire, non d'autres, que des premiers chrestiens : comme celuy qui auoit esté sur les lieux mesmes. Epiphane 9. des Nazaréens.

*Des escrits de Philon, & des mœurs d'iceluy. CHAP. XVII.*



V reste, Philon est copieux en paroles & abondant en sentences. Il est aussi hault & profond quand il vient à exposer les escritures saintes par secreta interpretation pleine de misteres : disposant & ourdissant en plusieurs manieres le narré des propheties diuines. Ce qu'en partie il donne à congnoistre és commentaires qu'il a composez sur Genese, ausquels il a donné le tiltre & inscription d'Allegories des loix sacrees : en partie aussi és distinctions, ambiguites & solutions des escritures qui sont mises en question, rapportees sommairement par chapitres. D'auantage il y a d'autres siennes œures qui sont à part mises en lumiere : sçauoir est deux liures d'agriculture, & autant d'yurongnerie, puis autres escrits de diuers titres, comme est cestuy-cy : Quelles choses la pensee sobre prie par raison luy aduenir, ou non. Puis de la confusion des langues. Des choses qui sont à desirer & esuiter. De la nature & inuention. Des choses qui doiuent s'amasser & entretenir és disciplines : ou bien de l'Encyclopedie, c'est à dire Amas de toutes sciences en vn, ou du monde des disciplines. Plus vn autre liure intitulé, Qui est l'heritier des choses diuines : ou, de la section qui se fait par egalles ou inegales parties. Encor, Des trois vertus. Des choses desquelles on change les noms & pourquoy ils sont ainsi changez : auquel liure il donne tesmoignage qu'il a aussi escrit du vieil & nouveau testaments. Il a pareillement escrit vn liure de la retraite à l'escart, & de la vie de l'homme sage : & vn autre pareillement, Des Geants : & des choses de Moyse. Encores en a il fait cinq, ausquels il traite que diuinement aucuns songes peuuent aduenir. Voila tout ce qu'il a escrit sur Genese, du moins qui soit venu à nostre congnoissance.

*Oeures de Philon.*

De ce qu'il a couché par escrit sur le liure d'Exode, nous auons cinq liures de questions & solutions, que nous recongnoissons pour siens. Vn, du tabernacle : vn, du Decalogue ou des dix commandemens de la loy. Quatre liures, des choses qui se rapportent au Decalogue, establies & ordonnees sous espee de loix. Vn, des sacrifices des animaux, & combien il y a d'especes de sacrifices. Pareillement, des loyers & recompenses proposees en la loy, sçauoir, des honneurs & peines. L'on trouue encor de ses liures composez à part & separement : comme de la Prouidence : Contre les Iuifs : De la Republique : Alexandre, ou des animaux irraisonnables ayans raison. Puis, Que les seruiteurs sont tous mauuais. Et vn autre ensuiuant, Que les gens de bien sont libres en toutes sortes. Apres ceux-cy, y en a vn composé sous le nom de la .iij. vie contemplatiue, ou des supplians : duquel i'ay retiré ce qui a esté dit cy dessus, des Apostres, & des premieres façons de viure & coustumes des Chrestiens.

*.iij. Suidas racontant les œures de Philon, intitule ce liure, De l'institution des chrestiens.*

G iij

## LIVRE II. DE L'HISTOIRE ECCLESIASTIQUE

Encor tiét on que les interpretations des noms Hebreux que'on trouue en la Loy & Prophetes sont venues de luy. Or Philon éstât venu en ambassade à Rome, du temps de l'Empire de Caie, composa des liures de la folie, forcenément & troublé d'esprit, de l'Empereur Caie: lesquels par vne ciuilité & moquerie il desguisa & leur donna vn nôm de bonne grace, qui estoit, Des vertus. Il aduint puis apres qu'il les monstra & recita au senat de Rome, du temps que Claude tenoit l'Empire en garde: dont chacun des Conseilliers eut telle admiration, qu'ils furent estimez & iugez dignes d'estre ferrez en la biblioteque publique de la cour de Parlement.

*Des liures de Iosephe, grand amateur & sectateur de verité: & quelles ont  
aussi esté ses mœurs & façons de faire.*

CHAP. XVIII.

*Les œuvres  
de Iosephe.*



N mesme temps, & peu apres Philon, Iosephe a eu le bruiſt: qui estoit homme luif de nation, venant de la race des Sacrificateurs. Or a il esté tant excellent en la congnoissance des disciplines & sciences, qu'il a acquis le plus haut degré de ſçauoir, tât en la langue de son pays, qu'en celle des Grecs. Il a pareillement mis par eſcrit plusieurs liures. L'on dit que les liures des Machabees sont de ſa façon: inesmement aussi celuy qui est intitulé, *Que c'est l'ame & la raison*, qui ont la ſouueraine domination en l'homme. Il a comprins les Antiquitez des Luifs en vingt liures, & en a composé sept autres de la guerre des luifs & destruction de Ierusalem: lesquels il est bruit que Tite Cesar Empereur, eſcriuit de ſa propre main, & les approuua, commandant qu'ils fuſſent publiciez par tout, & mis par excellence en la Biblioteque de Rome. Il eſcriuit aussi & laissa deux autres liures de l'Antiquité, eſquels il dit que les Hebreux ont esté les premiers de tous hommes, & que leurs eſcrits sont les plus anciens de tous. D'auantage il a mis en lumiere les confutations alencontre d'Appion, le Grammarien, qui de ce temps là auoit eſcrit des oraisons inuectiues, ſ'adreſſans aux luifs: encor contre d'autres qui auoyent eu la hardieſſe de calomnier & reprendre les couſtumes & façon de faire de la nation Iudaïque. Or en la premiere oraison de ſes refutations, il met le nombre des liures testamentaires & canoniques du vieil instrument ( car on l'appelle ainſi ) enſeignant lesquels deſdits liures, sont receuz des Hebreux par la tradition de leurs ancestres, & tenus pour legitimes & vrais, ſans aucun doute ny differend. Son dire est tel: *b* Nous n'auons pas beaucoup de milliers de volumes, differens entre eux, & ſe contredifans l'un à l'autre: mais il y a ſeulement vingt & deux liures, comprenans les faits de tout temps: lesquels pour plusieurs cauſes raisonnables on croit auoir esté eſcrits par inspiration diuine. Il y en a cinq de Moÿſe qui contiennent les loix, l'accroissement & multiplication du genre humain, avec l'entrefſuite & ſucces d'ice-luy, iuſques à la mort dudit Moÿſe: qui ne renient à guerres moins en tout, qui voudroit ſupputer les temps, que de trois mil anneés. Conſequemment pour le regard de ce qui ſ'eſt fait depuis la mort de Moÿſe, iuſques au regne d'Artaxerxes, lequel ſucceda à Xerxes au gouuernement de l'Empire des Perſes: les Prophetes qui vindrent apres Moÿſe ont pourſuiuy & couché par eſcrit, en treize liures, les choſes aduenues durant ces temps. Les autres quatre liures qui reſtent contiennent les hymnes, cantiques & louanges composées en l'honneur de Dieu, avec les preceptes & commandemens pour reigler la vie des hommes. Il est bien vray que depuis Artaxerxes iuſques à noſtre aage, tout ce qui a esté fait entierement est redigé par eſcrit: mais les liures qui en ſont composez, n'ont pas merité ny acquis telle foy en noſtre endroit, comme ceux qui les precedent: par ce que la ſuccesſion & ſuite des Prophetes qui ſont venus apres, n'est pas ſi certaine ny aſſeuree. Au ſurplus, la veuë deſcouure aſſez le fait, & monſtre avec quelle religion nous auons accouſtumé de venir à nos liures & les fueiller: Car bien qu'il y ait ſi long temps qu'ils ſont eſcrits, iamais ne ſ'eſt trouué aucun tant hardy qui ait oſé ou adiouſter quelque choſe, ou oſter, ou changer ny muer des oracles inuiolables des propheties diuines. Aussi tous Luifs ont cela de nature, dès leur naiſſance, qu'ils croient ceſte doctrine auoir esté diuinement deſcouuerte, manifeſtee & donnee: en laquelle naturellement ils perſeuerent, avec telle conſtance & fermeté, que meſme ( ſi beſoing eſtoit ) ils n'auroyent point regret de ſe preſenter à la mort & l'endurer pour la deſence de leur religion. Or ſur la fin du 20. liure des Antiquitez il afferme aussi qu'il mettra par eſcrit quatre liures de Dieu: *Quelles opinions on a de Dieu au pays de Iudee: De la ſubſtance de Dieu: De ſes loix: Pourquoi, en leur endroit il leur eſt permis de faire certaines choſes, & d'autres ſont deſſendues.* D'auantage, en ſes œuvres il aſſeure luy meſme auoir cōpoſé autres liures: mais ſur la fin des Antiquitez, parlât d'un ſtyl aigre & mordât, cōtre vn nommé Iuſtin, de la ville de Tiberiade: qui auoit eſcrit des choſes eſloignées de la verité, touchât le ſubieſt meſme, que Iosephe traitoit, tât des affaires aduenues, que des temps: apres l'auoir reprins & blaſmé pour beaucoup de raiſons, à la fin il vſe de ces propos: Or quant à moy, ie ne ſuis point tant ſoucieux de mon hiſtoire, que tu es de la tienne, mais

*pureté des  
liures de  
l'ancien te-  
stament.*

*Iosephe a  
ſuuy la ve-  
rité ſoigneu-  
ſement, qu'il  
au fait d'eſ-  
crire hiſtoi-  
res.*

« mais j'ay présenté mes escrits aux Empereurs, lors qu'encor on voyoit quasi comme les choses se faisoient. Car il est ainsi, comme ma conscience me iuge, que j'ay gardé tous les preceptes & moyens necessaires, pour suyure la verité. De laquelle ayant eu esperance d'acquiescer bon témoignage, me promettant qu'on m'en estimeroit studieux & zelateur: ie n'ay pas esté deceu de mon opinion. Car ayant présenté mon histoire à lire, & à plusieurs, les aucuns desquels se sont trouvez mesme à la guerre dont ie parle, le Roy Agrippe, & quelques vns de ses cousins & parens: l'Empereur Tite pareillemēt voulut que la congnoissance des choses passées fust diuulgee & publicke aux hommes, par les monumens & memoires de mes escritures seulement: de sorte que Tite ordonna mon histoire, signee de la marque de sa main, estre mise deuant les yeux de chacun, & fucilletée de tous. Au surplus, le Roy Agrippe a escrit soixante deux Espistres, par lesquelles il donne suffisant tesmoignage de foy & de verité à mon histoire. Entre lesquelles il y en a deux principalement à ce propos. Or est il tant entier & parfait en son styl historic & façon de dire, escriuant le tout à l'imitation de Thucydides: qu'il n'y a personne qui puisse emporter le premier lieu par dessus luy, en telle sorte de louange. Parce que de fois à autre, il se delecte en nouveaux argumens, avec vne facilité grande, & ne quitte rien de la force & vigueur de son art, passant tousiours en auant avec vne douceur & gaillardise. Et bien que par tout son parler il ait merueilleusement bonne grace: si est-ce que singulierement en harangues, il merite souverain honneur & louange. Quand à Philon, cela est certain qu'il a mis le plus de son travail à l'estude de philosophie: mais Iosephe s'est plus delecté en l'eloquence, & sçauoir de bien parler: tellement que le premier a regardé & cherché tous moyens d'imiter Platon: l'autre a prins plaisir à suyure Thucydide à la trace. Mais c'est assez parlé de Philon & de Iosephe. Il est besoin maintenant de retourner à l'ordre & texte des Actes des Apostres, à fin de les discourir sommairement, comme par vn petit abbrege.

<sup>a</sup> Or a il esté tant) *Vespasian*, ayant subiugué la ville de *Iotapate*, print *Iosephe* prisonnier, & estoit en deliberation de l'enuoyer à Rome pour le presenter à l'Empereur *Neron*. Mais ledit *Iosephe*, (deuinant que l'Empire Romain viendrois en la puissance de *Vespasian* & de *Tite*, apres *Neron*) leur mit en teste, qu'ils le gardassent captif en leur camp avec eux. Qui depuis l'eurent en grande estime & honneur dans Rome: mesmes, qu'on y dressa vne statue en son nom, à cause de la netteté au styl, & grace qu'il auoit à escrire histoires. *Suidas*. Ceci est aussi au troisieme liure, chapitre vn & dixieme de ceste histoire.

<sup>b</sup> nous n'auons pas beaucoup de milliers) *Tesmoignage de Iosephe*, touchant les liures canoniques & reguliers du vieil Testament.

<sup>c</sup> mille anneés) *Eusebe*, liure troisieme, chapitre huitieme: *Theodore Bibliandre* conte deux mille quatre cens octante huit ans, depuis le commencement du monde, iusques à la mort de *Moyse*.

Comment saint Paul a conduit les Gentils à la profession de la foy Chrestienne. Et de la question esmeue, touchant la loy de *Moyse*: sçauoir est, si les Gentils la doiuent obseruer: Et de ce que les Apostres assemblez en *Ierusalem*, en ont conclud & arresté, par vne Epistre.

C H A P. XIX.



Pres que saint Paul & Barnabas eurent accomply leur charge en l'administration de la parole de Dieu, estans de retour en *Ierusalem*, eux deux furent deputez & esleuz par le saint Esprit, pour acheuer la besongne, à laquelle ils auoyent esté appelez, & vindrent par *Seleucie* en l'ille de *Cypre*, & à *Salamine*, annonçans aux Iuifs la bonne & salutaire nouuelle du Verbe diuin: & auoyent pour ministre ou ayde avec eux, *Iean* surnommé *Marc*, qu'il leur faisoit seruire: lequel depuis retourna de *Perge* en *Ierusalem*. Or *Helymas* l'enchanteur, qui estoit aussi appelé *Bariesus*, à la remonstrance aigre de saint Paul, eut les yeux tellement esblouys, qu'en vn instant il deuint aueugle. Et le Proconsul *Serge* adiousta foy à la predication & remonstrance de saint Paul. Au partir de là, il alla en *Antioche*, qui est vne ville de *Pisidie*, où il prêcha la parole de l'Euangile, en la synagogue mesme. Et desia plusieurs Gentils venoyent se conuertir à la foy. De rechef saint Paul, ayant trouué l'opportunité, se met à faire harangue au peuple: & pour l'ouir, infinie multitude de gés y va à la foule. A l'occasion de quoy, les Iuifs esmeuz de meschante enuie, tiennent bon & contrarient à saint Paul: Lequel, comme plein d'ardeur celeste & zeile diuin, leur dit, que (puis qu'eux mesmes, par leurs faits, se iugeoyent indignes de la vie éternelle) il les dedaignoit, & leur tournant le dos, se retiroit vers les Gentils. De quoy les Gentils se resiouyrent grandement, pour se veoir ainsi receuz, & admis au nombre des fideles. Mais les Iuifs, par cautelle, esmeurent vn grand nombre des principaux personages d'entre eux,

*Actes de S. Paul & Barnabas.*

*Serge Paul, lieutenant du Consul, conuertit à la foy par S. Paul.*

*Les Gentils sont receuz à la foy Evangelique.*

## LIVRE II. DE L'HISTOIRE ECCLESIASTIQUE

& qui estoient constituez en dignitez & offices : & leur mirent en teste, qu'il falloit assaillir & poursuivre les Apostres à coups de pierres, tellement qu'on les mist à mort. Parquoy les Apostres s'enfuirent de là à Iconie, puis à Lystre, & de là à Derbe, villes de Lycaonie. Puis ils retournent à Lystre, à Iconie, & à Antioche. Encor passent ils par Pisidie & Pamphile: en apres, de Perge, ils viennent iusques à Antioche la grande: où ils declarent aux freres la conuersion des Gentils. Or aucuns des Iuifs fideles s'esleuerent, qui debattoient & vouloyent soustenir, suyuant l'ordonnance de la loy de Moysé, que ceux des Gentils, qui auoyent affection de se conuertir à la foy, deuoient estre premierement circoncis, puis apres croire en Iesus-Christ, & garder toute la loy Mosaique. Donc Barnabas & Paul monterent en Ierusalem, pour mettre ceste question en deliberation deuant les Apostres & Prestres. Et là, en la presence de plusieurs homes assemblez, saint Pierre se deschargea du ioug & seruitude de la loy: & saint Iaques, par sa harangue & predication, remonstra qu'il ne falloit point donner de fascherie aux Gentils, qui se conuertissoient à la foy: mais qu'il estoit bon de leur faire entendre par lettres, qu'ils s'abstinissent de la souillure des choses sacrifiees aux idoles, & de paillardise, & de choses estouffees. Par ainsi Iudas

*Dispute, à  
sauoir si les  
Gentils fide-  
les deuoient  
estre con-  
traints d'ob-  
seruer la loy  
de Moysé.*

*Decision de  
la dispute.*

*Contention  
entre saint  
Paul &  
Barnabas.*

*Exemple de  
disputation  
Apostoli-  
que.*

*Neapolis.*

*Actes 15.*

*Epistre des  
Apostres  
& prestres  
de nostre  
seigneur en  
Ierusalem, en-  
uoyee en  
Antioche  
par les fide-  
les d'entre  
les Gentils.*

(qui auoit aussi nom Barfabas) & Silas furent enuoyez aux freres d'Antioche, avec saint Paul & saint Barnabas : & leur fut mandé par lettres, quel estoit l'arrest de la deliberation faite par les Apostres en la ville de Ierusalem. Or peu de temps apres, ils partirent d'Antioche: Mais saint Paul & Barnabas se separerent l'un d'avec l'autre, pour cause de quelque contention & courroux, qui suruint entre eux: tellement que saint Barnabas, s'accompagnant de saint Marc, passa en l'isle de Cypre: & saint Paul, ayant prins Silas pour compagnie, se mit au chemin de Syrie, passa par Lystre & Derbe, & en son chemin voulut qu'un certain disciple, nommé Timothee (fils d'un grec, & d'une mere Iuiue fidele) voyageast avec luy. Or quand il eut prins ce timothee, il le circoncist, à cause des Iuifs, qui estoient en ces lieux là: car combien que son aduis fust d'abolir la Circoncision, si est ce qu'il print conseil selon que le temps le requeroit, & se voulut accommoder à la façon de faire des Iuifs fideles, qui sçauoyent bien tous que le pere d'iceluy Timothee estoit homme Grec. Ils allerent donc ensemble de ville en ville, & publierent par tout les enseignemens & ordonnances arrestees par les Apostres. Et apres qu'ils eurent presché la parole de l'Euangile par les pais de Phrygie, Galatie, & Mysie: ils estoient en deliberation d'aller en la province de Bithynie, mais le saint Esprit les empescha de ce faire. Au surplus quand ils estoient à Troas, Paul eut quelque aduertissement à son dormir, qui l'incita d'aller depuis là en Macedone. Ils s'embarquerent donc en vne nef, & vindrēt à Samothrace, puis à Naples: & de là, à Philippes, qui est la principale ville & Colonie d'une des parties du pais de Macedone. Apres cela, ils prindrent le chemin de Thessalonique: puis de Berrhee, qui luy est prochaine : & de là, arriuerent en la ville d'Athenes: & consequemment, suyuant leur chemin, tirerēt la part du Ponant, en preschant & annonçant l'Euangile. Or l'Epistre, que les Apostres estans en Ierusalem, enuoyerent par Silas, à ceux des Gentils, qui s'estoyent conuertis à la foy en la ville d'Antioche & es pais de Syrie & Cilicie, & autre lieux, contient ce qui s'ensuit: Parce qu'auons entēdu, qu'aucuns, partis de nous, vous ont troublez, disans qu'il vous falloit estre circoncis, & garder la loy, combien que ne leur ayons donné aucune charge de vous tenir tels propos: il a semblé bon au saint Esprit & à nous, estans assemblez d'un accord, de ne mettre plus aucune charge sur vous, sinon ces choses necessaires: c'est, que vous vous absteniez des choses sacrifiees aux idoles, & de sang, & de paillardise, & de chose estouffee: desquelles choses si vous auez soing de vous garder, ce sera tresbien fait. Bien vous soit. Et pour ceste cause, à fin de vous aduertir de ce qui a esté delibéré entre nous tous, auons enuoyé par deuers vous Iudas & Silas, personnages plus apparens d'entre les freres, avec noz treschers Barnabas & Paul, hommes (à la verité) qui ont abandonné leurs vies pour le nom du seigneur Iesus-Christ: à fin que vous aduertissans de cecy, ils apportent à vos cueurs quelque consolation.

*De ce que saint Paul, trompette sainte & incorruptible, a fait à Macedone: Et de Denys  
l'Areopagite: ensemble des liures de sa façon.*

C H A P.

X X.

*Esprit deu-  
nateur chas-  
sé d'une fil-  
le par saint  
Paul à Phi-  
lippes.*



Quand ils estoient en la ville de Philippes, vne femme marchande de pourpre, de la ville des Thyatiriés, fut inspiree à recevoir le saint lauement du baptesme: Et l'esprit de diuination sortit du corps d'une fille, au commandement de saint Paul. Les maistres de laquelle, voyans que l'esperance du gaing, qu'ils tiroient d'elle, estoit du tout perduë, mirent la main sur les Apostres, avec grandes extorsions & outrages, les fouettans de verges, & leurs faisans plusieurs playes: puis les enfermerent en prison liez & garottez, ayans aux pieds les ceps de bois. Or à la my-nuit ils s'aduiserent de faire prier à Dieu, tellement que ceux qui estoient en la prison, les oyoyent facilement. Et en mesme instant Dieu esbranla & esmeut tellement la terre, que du grand tremblement toutes les portes de la prison furent ouuertes, & les liés de tous les prisonniers desliés. Quand le geolier fut

*S. Paul mis  
en prison.*



fut esueillé, voyant les huys de la prison ouuerts, & pensant que tous les captifs s'en feussent fuis, il se vouloit tuer luy mesme, si saint Paul ne l'en eust empesché par sa voix : car il s'escria, disant, que tous les enfermez estoient encores là dedans. Aussi il alluma vne lumiere, & entra vers les prisonniers, leur demandant que c'est qu'il luy estoit besoin de faire, à fin d'estre sauué. A ceste demande, les Apostres luy annoncerent la parole du Seigneur : & luy, il fit chauffer de l'eau, auel laquelle il l'aua les playes encor toutes fresches des coups de fouërs qu'ils auoyent endurez : & incontinent fut baptisé, se dediant & consacrant ioyeusement à Iesus-Christ, luy & toute sa famille. Or le lendemain de grãd matin les Magistrats & principaux officiers les ellargirent & leur donnerent congé. Apres qu'ils furent hors de prison, ils semirent en chemin pour aller en Thessalonique, & passerent par Amphipolis & Apollonie : Mais les Iuifs infideles de Thessalonique esmeurent vn tumulte en la ville, & donnerent de l'affaire à Iason, qui les auoit benignement receuz en son logis. Encor ne leur fit on pas moins de fascherie en la ville de Berroë : pour laquelle euitier, saint Paul print le chemin d'Athenes, estant conduit par les freres fideles, iusques à ce qu'il s'embarqua sur mer. Mais quand il eut veu que la ville d'Athenes estoit du tout addonnee à idolatrie, il commença à disputer & auoir propos avec les Iuifs de la Synagogue, & encor avec les philosophes, tant Epicuriens, que Stoïques, lesquels ne cessoyent de le traouiller & picquer par iniures, avec toutes les paroles les plus outrageuses dont ils se pouuoient aduifer. Or l'estimoyent ils estre vn semeur de choses fausses, rapporteur de baueries, & annonceur de Dieux estrangers : ce qui estoit cause qu'on le poursuyuoit avec iniures outrageuses : de sorte qu'en fin il fut apprehendé, & mené à la Cour souueraine des Areopagites, en la rue de Mars, où il comparut au parquet deuant les iuges de l'Areopage. Ces iuges estoient ordinairement neuf en nombre, estimez excellens par dessus tous autres, tant en sagesse & vertu, qu'en noblesse de lignage & richesses, & pourtant choisis & nommez pour tenir le siege de iudicature, & administrer iustice à chacun. Quand il se trouua au milieu d'eux, ayant en passant contemplé leurs superstitions, il veid vn autel consacré A V DIE V IN CONGNE V : lequel il leur annonça, se disant estre son Apostre, ambassadeur & messager : le louant & magnifiant de ce qu'il est le seigneur & createur du ciel & de la terre : qui maintiët toutes choses chacune en son estre, n'ayant besoin d'aucune d'icelles : bref, qui n'est semblable à matiere aucune. Encor adioustoit il, qu'il ne pouuoit estre mieux honoré ny adoré que par bonnes œures de gens de bien, & par la congnoissance de verité : & qu'il dissimuloit de congnoistre les pechez, que iusques à cy auons commis par ignorance, lesquels il nous pardonnoit : au reste, qu'il nous estoit besoin de deuenir sages cy apres, & nous arrester aux paroles de la foy. Il disoit d'auantage, que ce Dieu incongneu auoit pour ceste cause receu la puissance de iuger : à sçauoir Iesus-Christ, qui par ses faits celestes & œures totalement diuines, se declara ensemble, Dieu parfait & homme parfait, hors mis le peché, duquel onc ne fut entaché : qui aussi fut crucifié pour tous, & ressuscita de mort à vie : puis au veu & sceu de tous, retourna au ciel à son pere, qui est Dieu de tout cet vniuers. Or quelques vns oyans ces propos, estimoyent que tout son dire ne fust autre chose sinon quelque farce ou moquerie, s'arrestans à ce qu'il parloit de la resurrection : chose qui leur sembloit estre du tout impossible. Il y en auoit d'autres qui croyoient à ses paroles, & le suyuoient : entre lesquels fut saint Denys l'Areopagite, l'un des iuges eleuz & prudens personniages, dont j'ay parlé au parauant. Or fut si grande la foy de cet homme enuers Iesus-Christ, que non seulement il se monstra digne de receuoir le diuin lauement du baptisme, mais aussi saint Paul de sa main le fit Euesque & gouverneur de l'Eglise d'Athenes : parce qu'il le congneut estre remply de graces diuines & dons merueilleux du saint Esprit. Cestuy-cy hanta familièrement avec le saint homme Hierothee. Saint Paul aussi communiqua & fit part à l'un & à l'autre des mysteres diuins les plus excellens & singuliers : leur donnant à entendre, comment il auoit esté initié en iceux, lors qu'il fut rauy iusques au troisieme ciel & en Paradis mesme : & les instruisant en tout ce qui faisoit besoin pour cōgnoistre parfaictement la sainte Theologie, à sçauoir le moyen comment a esté faite l'vnion de la nature diuine & humaine en la personne du fils de Dieu, la diuine principauté ou hierarchie celeste, bref, la disposition & ordonnance tresparfaite de toutes choses. Ce que saint Denys puis apres a mis par escrit : Et outre cela il s'est monstré tant pour cointif, & a vŕe de telle liberté à prescher honorablement, avec hardiesse assecurée, la parole de pieté & le cult & reuerence deüe au vray Dieu, que par plusieurs annees il a glorifié Iesus-Christ es pays del'Occident, iusques à ce que plein d'ans & chargé de vieillesse, il acquist cet honneur d'estre couronné du diademe de martyre, endurant la mort pour la protection de la foy de Iesus-Christ. On dit qu'apres auoir esté decapité, il soustint sa teste avec ses deux mains, laquelle il porte en ceste sorte iusques à deux mille pas du lieu où elle luy auoit esté coupee, qui estoit la longueur d'une lieue : & que, arriué là, il la donna en garde, comme vn deposit, à vne femme, qui s'y rencontra d'auenture. Or mettray-je en ce lieu ses escrits excellens & admirables (pour raison de sa haute contemplation des choses diuines, de ses sentences, & de son beau-parler) & qui surpassent tous ceux que la portee de l'homme a iamais peu mettre en lumiere. En premier lieu, il a escrit vn œuvre, Des noms diuins, contenant treze chapitres : auquel aussi y en a cent

*Le geolier,  
& sa famille,  
est baptisé,  
& croit  
en Iesus-  
Christ.*

*Acte de S.  
Paul en  
Athenes.*

*Areopagi-  
tes.*

*Sommaire de  
la predica-  
tion de S.  
Paul en  
Athenes  
deuant les  
Areopagi-  
tes.*

*S. Denys  
Areopagi-  
te.*

*Hierothee.*

*Martyre de  
S. Denys : &  
le grãd mi-  
racle, qui y  
aduint.*

*Escrits de S.  
Denys l'Areopagite.*

## LIVRE II. DE L'HISTOIRE ECCLESIASTIQUE

autres adioustez, pleins de celeste sapience. Le second liure par luy composé, est inscrit, *De la hierarchie celeste*, & contient quinze chapitres. Le troisieme n'en a que sept, qui est *De la hierarchie Ecclesiastique*. Le quatriesme, de la secrette ou mystique Theologie, est de cinq chapitres. Encor il a laissé par escrit dix Epistres: la dernière desquelles s'adresse à saint Iean l'Euangeliste, qui, en la Cene, reposa pres la poiétrine du Seigneur. Voyla les escrits de saint Denys l'Areopagite, qui encor pour le iourd'huy sont fueilletez & leuz par les gens studieux. Il est bien vray qu'il fait mention en ses œuvres, que nous auons d'autres siennes compositions: comme d'un liure, qu'il nomme, *Les dispositions & ordonnances Theologiques*: De la Theologie symbolique: Des proprietéz des Anges, & ordres d'iceux: Du Commentaire de l'Ame: Du iuste & diuin iugement: Des Hymnes & Cantiques diuins, faits à la louange de Dieu: encor, Des choses que lon congnoist ou par sens, ou par intelligence. Mais ces Commentaires ne furent iamais veuz ou congnez, ny par nous, ny par ceux qui nous ont precedé. Il suffira donc d'auoir dit ce que dessus, de saint Denys & de ses œuvres ou escritures.

*De la hierarchie) Si quelqu'un nomme hierarchie, il dit sommairement en un mot la disposition ordonnée & parfaite de toutes les choses sacrees. Et si lon appelle quelqu'un hierarque, on le signifie estre personnage inspiré de Dieu, diuin & expert en la congnissance des choses sacrees. Saint Denys l'Areopagite.*

*Comment la Vierge mere de Dieu, morte selon la loy de nature, a esté transporcée corporellement aux celestes tabernacles.*

C H A P. X X I.

*Agio-  
graphie, ou es-  
crit saint.*



N mesme temps, lors que Claude estoit au cinquiesme an de son Empire, approchant l'heure, en laquelle il falloit que la Mere entiere & immaculee du Verbe de Dieu, passast le pas de la mort (parce que mesme son Fils, pour confirmer & monstrier qu'il estoit vray homme, ne paruint pas au plus haut aage de caduque vieillesse) au cinquante-neufiesme an de son aage, elle receut nouuelle de son Fils par l'Ange, touchant son depart de ce monde, & venue d'iceluy à elle, tout ainsi qu'auparauant elle auoit esté auertie qu'il deuoit estre engendré en son corps, elle demeurant vierge. Parquoy congnoissant par ce moyen son departement, elle

*Depart de  
cette vie,  
& assump-  
tion de la  
mere de  
Dieu au  
ciel.*

est remplie de liesse & ioye singuliere. Car quelle chose luy eust peu aduenir plus agreable, que d'estre en la compagnie de son Fils & de son Roy: Donc la chandelle luy est apportee, la maison nettoye, ses parés plus prochains sont appelez, comme estoit la raison: bref, on prepare deuement, & met on bon ordre à tout ce qui faisoit besoin à tel deslogement. En apres elle declare le message qui luy a esté fait, à ceux lesquels estoient en sa compagnie: & d'auantage leur monstre vn rameau de palme, pour enseigne & souuenance de victoire acquise sur la mort. Or approchoit le temps de son trespas, quand on la coucha sur vn petit liét bas, au mont de Sion, en la maison de saint Iean, qui y estoit present, & où il l'auoit tousiours entretenue depuis la mort de Iesus-Christ son enfant. Au reste, toutes les femmes renommées de la ville de Ierusalem, qui luy appartenoyent ou par familiarité & amitié, ou par affinité de race & alliance, la vindrent veoir là dedans: En la presence desquelles, la sainte Vierge ordonna & enioignit au Disciple-vierge & autres du logis, de donner ses deux habillemens à deux vefues ses voisines, qui entre toutes luy auoyent porté plus d'amitié & de reuerence. Sur ces entrefaites, il n'y a personne en la compagnie, qui ne se mette à espandre grande abondance de larmes, plorans ensemble la perte qu'ils endurent par le trespasement d'elle. Puis apres sons Fils descend du ciel, avec armee innombrable d'Anges, à fin de receuoir son ame du tout sainte & diuine: & par vn son de tonnerre meslé avec vne ondee de pluye, soudain de toutes parts il assemble tous les disciples au lieu où sa Mere estoit couchee sur le liét de la mort. La Vierge sans macule, estant bien auertie de son decés, prie aduenir à chacun ce qu'elle voudroit desirer pour soy: leur donne à tous sa benediction, & pour les derniers propos qu'elle tint, dist à tous, A Dieu: leur commandant de ne se consumer en dueil & tristesse pour cause de son depart, mais bien plustost en mener ioye: &

*Les Apo-  
stres de Je-  
su-Christ  
assisterent à  
la mort &  
funerailles  
de sa Mere  
vierge.*

avec ce, leur declara doucement avec alaigresse de cueur, ce qui estoit bon de faire pour les funeraillies, & ordre de sa sepulture. Puis elle fait venir Pierre à elle, & incontinent apres appelle les autres Apostres, ayans tous des torches ardentes en main: & tressaillant à merueille, de liesse, ouurit sa bouche, à fin de rendre graces à son Fils. Apres cela, de rechef on la remit dessus son liét, où elle esleua les mains en lair, avec telle reuerence & grauité qu'il luy estoit conuenable: Et ageaçant & composant fort proprement son corps venerable, plus net & pur que le soleil, avec vn grand plaisir & contentement, accompagné de miracle, elle parla à son fils Iesus-Christ (qui luy apparoissoit enuironné de toutes pars de la gloire des Anges, comme d'archers de la garde) & luy

& luy dist ce qu'autrefois elle auoit respondu à l'Ange Gabriel : Me soit fait selon ta parole. Et ainsi mit entre ses mains bien-aymees son ame heureuse, avec autant peu d'emotion, que si elle se feust endormie.

*(son departement) Sainct Hierosme en parle ainsi: Si cest apocriphe & obscur propos du depart de Marie la bien-heuree, glorieuse, & tousiours vierge, venoit en vos mains: gardez vous bien de receuoir de douteux pour ce qui est certain. Ce que plusieurs des Latins embrassent plus cherement par amour de pitié, tant ils sont studieux de la lecture: veu que mesmement on n'en scauroit rien autre chose tirer ny exprimer de certain, sinon qu'aujourd'hui son ame est partie du corps.*

*Testmoignage de Denys l'Arcopagite, discourant en bref comment les Apostres s'assemblerent tous des extremités de la terre, pour faire le conuoy des obseques de Marie mere de Dieu, avec son fils Iesus-Christ. Et d'un Iuis, la main duquel cheut en bas toute seche, pour auoir irreueremment, & avec mauuais vouloir assouché le sarcueil ou biere de la sainte Vierge.*

CHAP.

XXII.



V reste, à fin qu'il ne semble que j'aye parlé à la volée de l'assemblée des Apostres au trespas de la Vierge mere, il ma semblé bon de mettre en auant ce que Denys l'Arcopagite escrit à Timothee Euesque d'Ephese, au troisieme chap. lequel est ainsi intitulé : Quelle est la force des prieres: De sainct Hierothee: & De la religio, & histoire Theologique. Or parle-il en ceste sorte de Hierothee: Hierothee s'est aussi trouué avec les hierarques inspirez de Dieu (c'est à dire avec les Apostres qui estoient les principaux pasteurs en la hierarchie de l'Eglise, & qui estans esparus par toute la terre en un moment se trouuerent ensemble portez au lieu où la glorieuse vierge rendit l'ame)

*Testmoignage de Denys l'Arcopagite.*

quand & moy & luy & plusieurs autres de nos saints freres nous nous rencontraimes ensemble, pour auoir la veüe de ce diuin corps & salutaire. Sainct Iacques aussi frere du Seigneur, y estoit present: & sainct Pierre pareillement, chef & prince des Theologiens. Or apres tel spectacle, on a aduisé estre bon, que tous les saints personnages de la compagnie, chacun en son endroit, selon qu'il pourroit, ayant chanté vn hymne à la louange de la defuncte, rendit actions de graces, & donna benedictio à la bonté infinie & puissance innenarrable de la vertu diuine. Il te souuient assez, que ledit Hierothee, selon le dire des Theologiens eut vne prerogatiue par dessus tous les autres prestres & ministres des choses sacrees, qui estoient lors assemblez: comme celuy qui fut tout hors de soy, ayant toute sa pensee fichée en contemplation, & estans ses affections & passions conformes totalement à ce qu'il chantoit: de sorte que ceux qui l'oyoient & regardoyent, le congnoissoient & mescongnoissoient tout ensemble: le iugeans estre inspiré de Dieu à chanter diuinement les hymnes & louanges de la Vierge. Mais que te diray-ie des propos religieux que ces saints personnages mirent pour lors en auant? Veü que j'ay souenance, si ie ne me suis oublié moy-mesme, que i'ouy plusieurs Cätiques, & quelques parties de ses louanges diuinement inspirees, estre mis en chät par toy. Voyla ce qu'en escrit Denys. Or les Apostres, & ceux qui avec eux y assistoyent, tous personnages d'élite, enuironnans le list de la Vierge, comme avec vn cerne, ne se pouoyent saouler de la baiser morte, avec toute reuerence. D'auantage aupres d'elle se faisoient miracles infinis: car les auengles, outre leur esperance & attente, regardēt avec leurs yeux, & voyent claiement le soleil: les sourds recourēt le sens de l'ouye: aux boiteux est renduë la dexterité du marcher: bref, à fin de dire tout en vn mot, toute sorte de maladie est forcee de quitter la place à la santé, par le seul attouchement des patiens au corps de la trespassee. Puis avec cierges ardens, que lon tenoit deuant, & avec vnguens respandus & fleurs semees, ce corps intellectuel & du tout spirituel est porté par les mains des Apostres, depuis Sion iusques en Getsemani: en chantant diuers Cantiques fort admirables, iceux Apostres ayans les Anges pour compagnie, qui diuinement ou alloient deuant le sarcueil, ou l'environnoient comme pour le garder, ou bien le suiuoient. Mais sur le point de si grande ioye, suruint vn accident fascheux, & difficile à diger, qui me semble ne deuoir estre caché sous silence. Car ce temps pendant que lon portoit ceste diuine biere au lieu de Getsemani, comme dessus à esté dit, pour obeir à l'ordonnance & derniere volonté de la Mere de Dieu, qui y auoit ordonné sa sepulture: les Iuis creuans d'enuie, descoururent le mauuais vouloir, qui se nourrissoit en leurs pensees: lequel estoit si grand, que plus ne le pouoyent cacher. Entre lesquels vn plus hardy que tous les autres, de la race des Sacrificateurs, (comme celuy qui estoit plein de rage) lors que lon faisoit le conuoy avec tout honneur & reuerence, par grand effort & impetuosité, & contre toute raison, poussa le sainct sarcueil de toute sa force, avec intention de le ruer par terre, & mettre en pieces. Mais la vengeance suyuit de bien pres le peché: Car ses deux mains desquelles il s'estoit efforcé d'abattre la sacree biere, furent diuinement coupees au plus pres des coustes, & demeurerēt pendues au sarcueil. Vray est que la bonne Dame, qui, dès sa natiuité

*Funerailles de la Mere de Dieu.*

*L'Eglise tiēt que la vierge Marie est en corps & en ame en Paradis.*

## LIVRE II. DE L'HISTOIRE ECCLESIASTIQUE

auoit remply de ioye tout le monde habitable, ne vouloit pas à son trespas estre cause de facherie ou ennuy à personne viuante. *d* Car celuy à qui tel cas aduint (bien qu'il fust mauuais) n'ayât toutesfois intention de se desesperer, ou demeurer en cet estat, par son obstination: aduisa qu'il valoit mieux s'ayder soudainement du remede de penitence, que d'estre opiniastre en son mal-heur. Congnoissant donc sa faute, il ietta vne infinité de larmes, en recompense de ce qu'il ne pouuoit pas ioindre les mains en priant, lesquelles luy estoient ostées. Et soudain avec ceste seule marque & indice de recongnissance de sa faute, il merita d'obtenir guarison. Car le sarcueil s'arresta, & les bras, ioincts & accommodez (par le commandement de saint Pierre) aux mesmes lieux d'où ils auoyent esté diuinement coupez, recouurerent soudainement leur premiere force & vertu. *e* Or quād la cōpagnie du cōuoy fut arriuee au lieu de Getsemani, le corps de la Vierge-mere fut mis en sepulture, à l'imitation de son Fils: Et quant à luy il l'a esleuee & f portee aux tabernacles celestes du Royaume de Paradis, auquel est planté l'arbre de vie. Le moyen de ceste eleuation, est si incomprehensible, que Dieu seul, qui a creé cet vniuers, en a la congnoissance.

*a* ce corps intellectuel) On voit le sepulchre de la vierge Marie iusques au iourd'huy au milieu de la vallee de Iosaphat: qui est vne vallee entre le mont de Sion & celuy d'Oliuet: où lon la dit auoir esté enseuelie: Mais on n'y voit rien dedans pour le present, car il est vuide, & n'y a seulement que le sepulchre. Je dy cecy, parce que plusieurs des Chrestiens mesmes sont en doute, si elle a esté receue au ciel en corps & en ame, ou si elle y est montee laissant son corps çà bas en terre. Saint Hierosme.

*b* sarcueil) Epiphane, contre les Antidicomarianites, escrit, qu'il ne peut pas bonnement dire ny assurer touchant la Mere de Dieu, si elle est demeuree immortelle, ou si elle est allee de vie à trespas.

*c* Entre lesquels vn) Les mains tombent à vn Sacrificateur des Iuifs, & demeurant pendues au sarcueil de la Vierge-mere: pource qu'il y auoit voulu faire effort, le poussant impetueusement.

*d* Car celuy) Le Iuif se reprant, & pource ses mains luy sont rendues, & remises en leur lieu.

*e* Or quand) Le corps de la sainte Vierge, diuinement transferé en Paradis.

*f* portee aux tabernacles) Nous ne nions pas que cecy n'ait esté fait à l'endroit de la bien-heureuse vierge Marie: puis qu'à Dieu rien n'est impossible. Combien que pour se garder de mesprendre, il faille plustost, sauue la foy, en iuger avec vne pieté sainte, qu'arrester temerairement & à la volée vne chose que lon peut ignorer, sans le danger de la foy. Saint Hierosme.

Comment la sainte vierge Marie ne verroit elle le Royaume des cieux en chair corporellement, ven qu'elle n'a ny folastrie, ny paillardie, ny commis adultere, ny mesme n'a fait aucune meschante œuvre de la chair, mais est demeuree entiere sans pollution quelconque? Epiphane contre Marcion.

*Testmoignage de Iuuenal Ierosolimitain, touchant la sacree assumption de la tres-sainte Mere de Dieu: Et de la forme & mœurs d'icelle. CHAP. XXXIII.*

*Cecy est cōfermé par l'autorité de Iuuenal Euesque de Ierusalem.*



R y a il plusieurs auteurs qui ont apertement & eloquemment mis par escrit l'assumption de la Vierge, qui nous apporte vie salutaire: & entre autres spécialement vn nommé Iuuenal, Euesque de Ierusalem: personnage grand, à dire vray, & inspiré du S. Esprit. Lequel suyuant ce qu'il en auoit entendu par les anciennes escritures, assure à la verité, cela auoir ainsi esté fait. Il dit donc que les Apostres demeurèrent par l'espace de trois iours aupres du monument, escoutans les diuines chansons, Cantiques & Hymnes de la court celeste de Paradis. Or aduint il encor de rechef, que saint Thomas n'estoit pas en la compagnie: à fin que (comme i'estime) l'assumption de la sainte Mere de Dieu, fust congneuë & manifestee, tout ainsi qu'au parauant: par mesme moyen, la resurrection de son Fils, apres le troisieme iour, vint à la congnoissance des humains, comme il estoit bien raisonnable. Saint Thomas donc fut grandement marry de n'y auoir assisté, & ne pouoit trouuer aucun repos en son esprit, pour n'auoir participé à vn si grand bien. Mais la compagnie sainte des Apostres, estimant qu'on luy feroit tort, si on ne permettoit qu'il veid & embrassast le diuin corps de la Vierge-mere, commanda le sarcueil estre ouuert. Apres auoir fait l'œuvre, on n'y trouua pas le corps que lon s'attendoit de veoir: mais seulement les linges & draps, où elle auoit esté enseuelie, arrangez chacun en son lieu, tout ainsi qu'ils y furent mis avec le corps: de mesme sorte qu'au sepulchre de Iesus-Christ son fils, les drappeaux & suaire auoyent tant seulement esté laissez. Saint Thomas, & toute la compagnie qui estoit presente, avec grande reuerence les baissa: & prindrent tous grand plaisir à sentir les bonnes odeurs & souefues, qui les remplissoyent, avec plus grand contentement, que si tout le musc, cyuette, balsem & autres senteurs odoriferantes, les eussent parfumé. Apres cela, ils fermerent le sepulchre, & le reserrèrent comme au parauant il estoit. Ce miracle a esté raconté, & donné

donné comme de main en main à ceux qui sont venus apres, tellement que les nouuelles certaines en sont tombees iusques à nos oreilles. Or que le diuin tabernacle & corps de la Mere-vierge deust resusciter, le Prophete Dauid l'a ainsi predict, quād il vſa de tels propos: Leue toy, Seigneur, pour venir en ton repos, toy, & l'arche de ta ſanctification. Toutefois le bruit eſt, qu'il n'y a pas fort long temps, que lon a commencé premierement à celebrer la ſolemnité de l'Assumption de la Vierge treſſacree. Or ſes mœurs & façons de faire, auec ſa forme & ſtature, ont eſté telles, comme dir Epiphane. En toutes choſes elle eſtoit honneſte, gſtue & poſce: parlant bien peu, & encor quand la neceſſité le requeroit: facile à ouyr parler chacun, & fort affable & courtoiſe: de ſorte que, portant honneur à tous, elle ſe rendoit auſſi honorable à vn chacun, tellement qu'il n'y auoit perſonne, qui ne luy feiſt la reuerence. Elle eſtoit de bonne ſtature, & grandeur mediocre de corps: combien qu'aucuns la dient auoir excédé & paſſé aucunement la moyenne hauteur d'vne femme. Quand elle parloit aux perſonnes, on voyoit en elle vne liberté conuenable & bien duiſante, ſans rire, ſans eſmotion, ſans ſe troubler, & principalement ſans colere, encor qu'elle reprint quelcun. Sa couleur retiroit à celle du blé froument: & auoit les cheueux iaulnes, les yeux viſs & penetrans, deſquels les prunelles eſtoyēt iaulnaſtres, & comme de couleur d'oliue. Les ſourcils tourneſ en demy rond & noirs conuenablement, luy donnoyent bonne grace: auec le nez aſſez longuet, & les leures vermeilles, qui eſtoyent pleines de bons propos & doux. Si vous euſſiez veu ſon viſage ny rond, ny aigu, mais aucunement long, vous euſſiez dit, qu'il n'eſtoit fait ſinon pour eſtre regardé: comme auſſi ſes belles mains blanches, au bout deſquelles on voyoit les doigts longs & menuz. Bref, elle ne ſe reſſentoit aucunement d'orgueil, ny d'arrogance: mais ſe maintenant en ſa ſimplicité, ne fardoit point ſon viſage, ny ne donnoit aucune apparence d'eſtre molle ou delicate laſciement, ains alloit rondement en beſongne, auec telle humilité qu'autre ne la pourroit auoir plus grande. Et ne deſiroit pas eſtre veuē ſumprueuſe en habits, magnifique, ny braue: mais ſe contentoit de porter des veſtemens non teins, auec la couleur naturelle. Ce que meſmement ſon couurechef ſainct, d'or elle ſ'aſſuloit, nous donne aſſez à congnoiſtre. Il me ſuffira donc, ſi ie dy en peu de paroles, qu'en tout ce qui eſtoit en elle, la grace diuine & bien-ſeance ne defailloit aucunement. Quant eſt de l'aage qu'elle a veſcu, il en eſt ainſi comme i'ay dit par cy deuant. Maintenant il faut retourner aux faits des Apoſtres.

Pſal. 132.

Epiphane  
corre Mar-  
cion.Mœurs de  
la ſainte  
Mere de  
Dieu.Stature &  
forme d'i-  
celle.

*Comment ſainct Paul paſſa d'Orient en Occident: & de là retourna de rechef en Orient, annonçant la parole diuine. Et comment au partir d'Ephēſe, il ſe mit ſur mer, pour paſſer en ſyrie:*

*& en fin arriva en la ville de Hieruſalem.*

*Chap. XXI.*



Ainct Paul partant d'Athenes, vint en la ville de Corinthe, où il rencontra vn Iuiſ, nommé Aquile, tapiffier de ſon meſtier, & ſa femme Priſcille, qui peu de temps auparauint eſtoyent venuz de Rome: Car tous les Iuiſ auoyent eſté chaffez du pays d'Italie, par vn edict de l'Empereur Claude. S. Paul donc ſ'addreſſa à eux, & ſe mit à faire des tapis & autres brodures auec eux. Or les Iuiſ ayans ouy la doctrine de ſainct Paul, luy contredifoient & reſiſtoient fort & ferme. Parquoy en colere il leur dit: Voſtre ſang ſoit ſur vous, duquel eſtant net, dès maintenant ie m'en iray aux Gentils. Mais il y eut vn perſonnage principal de la ſynagogue, qui creut en Ieſus Chriſt, & receut le ſainct Baptēſme, luy, ſa femme, & ſes enfans. Quand à Sainct Paul, il demeura en la ville de Corinthe, par l'eſpace d'un an & demy entierement: durant lequel temps Gallion, Proconſul d'Achaye, chaffa les Iuiſ du ſiege iudicial: & ne tint gueres grād conte de ce que Soſthenes, l'un des principaux de la ſynagogue, fut batu & outragé. Quelque temps apres ſainct Paul partit de là, & nauigea en ſyrie: Et quand il fut arriué en Ephēſe, certaines occaſions le contraignirent de demeurer là pour vne eſpace de temps. Toutefois à cauſe du iour de la feſte prochaine, qu'il deſiroit celebrer en la ville de Hieruſalem, on ne le ſceut pas arreſter longuement, qu'il ne ſ'embarquaſt pour prendre la route de la ville de Ceſaree en Paleſtine. De là ſ'en alla en Hieruſalem, puis encor vint en Antioche de ſyrie. D'où eſtant party, paſſa par les païs de Galatie, & Phrygie: les Eglises deſquels il viſitoit, afin de confermer les diſciples, & les aſſeurer en leur bonne volonté. Or y auoit il vn Iuiſ, nommé Apollos, Alexandrin de nation, homme bien enlangagé, & inſtruit és eſcritures: qui, auec certains argumens & demōſtrations vrayes, donnoit à congnoiſtre que le Chriſt eſtoit ce Meſſias, tant attendu de tous les Iuiſ. Ceſt Apollos, au partir de la ville d'Ephēſe, vint à Corinthe, où il ſe mit en deuoir d'annoncer à tous publiquement la parole de la foy, auec toute aſſurance & grande liberté. Ce temps pendant Sainct Paul, de la terre de ſyrie, vint en Ephēſe: ou ceux qui n'auoyent encores ouy nouuelles du Sainct Eſprit (*c'eſt à dire qui n'auoyent receu encores le ſainct ſacrement de Confirmation*) & qui le receurent en abondance & à foïſon par l'impoſition des mains dudit

Actes de  
S. Paul.Aquile.  
Priſcille.

Apollos.

H

*Miracles de  
s. Paul.*

Sainct Paul, tellement que chacun d'entre eux parloit de choses diuines fort admirables, les vns d'un langage, & les autres d'autre. Il demeura doncques en Asie en l'eschole d'un certain bon personnage, nommé Tyran, par l'espace de deux ans entiers : durant lesquels, il attira à soy tous les Iuifs & Grecs du pays, & leur fit ouyr la parole & Euangile de Dieu. Et tant croissoit la renommee de ses miracles, desquels iamais on n'auoit ouy parler au-parauant : que les suaires, linges & ceintures, & autres bandelettes, qui auoyent touché à son corps, guarissoyent les maladies, & donnoyent telle crainte & espouuementement aux mauuais esprits, qu'ils sortoyent hors des personnes. Ce que voyans sept fils d'un certain Sacrificateur, nommé Sceue, afin de s'acquiescer bruit, furent iusques là hardis & outrecuidez de coniurer les diables au nom de Sainct Paul, & les chasser hors des corps. Mais les esprits diaboliques, ainsi forcez de sortir, disoyent qu'ils auoyent bien congnoissance de Sainct Paul : & que quant à eux, ils ne le congnoissoyent aucunement. Parquoy aduint qu'ils se ietterent avec grand effort à l'encontre d'eux, & les chasserent rudement avec plusieurs coups & blessures. Ce qu'estant venu aux oreilles de ceux d'Ephese, il n'y eut aucun qui ne monstrast auoir grande crainte du nom de Iesus, & qui n'eust peur d'en abuser, & de celuy de Sainct Paul aussi, comme auoyent fait ces Exorcistes. Aussi toutes personnes, qui gaignoyent leur vie en sciences curieuses de deuination, & s'estudioyent à telles vanitez & folies, vendirent incontinent leurs liures : & contans le pris d'iceux, y trouuerent bien enuiron cinquante mille piece d'argent. Ces choses ainsi accomplies, Sainct Paul delibera en son esprit de passer par Macedoine, pour aller en Achaie, & de là retourner en la ville de Hierusalem : puis veoir aussi Rome, de mesme voyage. Mais estant encor en Asie, il enuoya Timothee & Eraste en l'Occident. Or un orfeure, nommé Demetrie, fut cause d'esmouuoir un grand trouble en la ville d'Ephese : par ce que les statues & images d'or, qu'il faisoit en l'honneur des Dieux du peuple Gentil, estoient mesprisees & contemnees, par la persuasion & remonstrance que Sainct Paul en faisoit ordinairement en ses harangues, leur donnant à entendre qu'il n'en falloit tenir conte aucun. Et disoit cest orfeure, se complaignant & demandant secours, que c'estoit fait des Dieux : que lon ne les auroit plus desormais en reuerence : mesme que le temple de Diane, avec sa maiesté (laquelle toute l'Asie honoroit & adoroit) estoit en grand danger de venir en ruine, si on n'y mettoit promptement bon ordre. La populace fut grandement esmeue, oyant telle complainte : & remplie d'ire & fureur, crioit à haute voix, Grande est la Diane des Ephesiens : tellement qu'avec effort plus brutal, que ne seroit celuy des bestes destituees de raison, aucuns des disciples de Sainct Paul furent empoignez & traictez rudement : & pour le regard de Sainct Paul peut estre qu'il ne fust pas eschappé sa vie sauue, si Alexandre (qui estoit Greffier) faisant signe de la main, n'eust arresté le peuple courroucé, lequel il apaisa par douces paroles & remonstrances honnestes. Apres que le trouble fut cessé, Sainct Paul ne voulut arrester d'auantage en la ville d'Ephese, ains partit de là, & alla en Macedoine, où les Eglises furent par luy confirmées & asseurees. Puis vint au pays de Grece : où ayant aduertissement que les Iuifs luy dressoyent quelques embusches, son aduis fut de retourner en Macedoine. Ce qu'il fit, ayant pour compagnie Sopater, Aristarque, & Timothee. Mais Tychique & Trophime, qui estoient Aliens, allerent deuant, & les attendirent en Troas : où Sainct Paul & Sainct Luc, nauigeans de Philippes, les vindrent trouuer, apres les iours des pains sans leuain. Or aduint il, qu'à un iour du Sabbath, S. Paul estant sur le point de partir le lendemain de Troas, auant son partement, voulut faire une harangue aux fideles du lieu assemblez : qui fut longue, tellement qu'il prolongea son propos iusques à la my-nuit. Ce temps pendant, un ieune fils nommé Eutyche, estoit assis sur une fenestre : lequel remply de la douceur du parler de l'Apostre, s'endormit tellement, que, n'ayant la force en si profond sommeil de tenir fermement de ses deux mains les bords du fenestrage, il cheut du troisieme estage en bas, & mourut. Sainct Paul estant descendu, se ietta sur luy, & l'embrassa, donnant courage aux assistans, lesquels il pria de ne se tourmenter ny troubler, les asseurant que l'ame du ieune homme estoit encor en luy. Ainsi fut Eutyche ressuscité, & trouué sain & sauue : qui donna occasion de grande ioye & liesse aux gens de bien là assemblez. Cela fait, Sainct Paul continua son propos iusques à l'aube du iour : puis partit de là, & vint à Mitylene, & puis à Samos : & apres auoir quelque peu arresté à Trogyle, il arriva à Milet : se hastant le plus qu'il pouuoit de gagner pays, afin d'estre à heure en la ville de Hierusalem. Toutefois estant à Milet, il fit appeler les prestres d'Ephese & Euesques des Eglises : ausquels il raconta par le menu ses façons de faire, & fit un long discours de sa vie : disant qu'il ne s'estoit pas espargné de leur faire entendre toutes les choses qui leur pouuoient profiter, sans en laisser aucune en arriere : mesme qu'il leur auoit enseigné les moyens de faire penitence, & espouser la foy enuers Iesus-Christ, donnant vray tesmoignage d'icelle, tant en priué qu'en public. Et pourtant il les admonesta de prendre garde soigneusement à eux, & aux troupeaux, sur lesquels le Sainct Esprit les auoit establis Euesques, pour gouverner l'Eglise de Dieu : les priant de veiller, & auoir souuenance des aduertissemens & autres preceptes, qu'il leur auoit apprins par l'espace de trois ans entiers, durant lesquels il s'estoit arresté avec eux : en outre, d'euer & fuir les loups fascheux aux Eglises des fideles, qui ne tarderoient pas longuement à se faire cognoistre, &

leur

*S. Paul estant en Troas, rend la vie à Eutyche, qui estoit mort par une cheute.*

*Harangue de S. Paul, qu'il fit aux Euesques & fideles d'Ephese, en la ville de Milet.*



leur donner de l'affaire. Avec ce, leur ayant donné à entendre plusieurs choses commodés & viles, à grand peine les peult laisser, les voyant tous plourer tendrement, pour cause de son depart. Et de fait ils le conduirent iusques à la nauire, apres s'estre entrebaitez luy & eux par grande affection, & le commanderent à Dieu. Les ayant laissez, de droit cours il vint en l'isle de Coos. Puis estant abordé à Rhodes, de là passa par Patara, & fut mené avec bon vêt en Phenice. Encor alla il plus outre, laissant l'isle de Cypre à main gauche, & nauigea en Syrie: Dont estant party, il arriua en Tyr: puis de rechef aborda en Ptolemaïde: & de là, en vne ville de Palestine, que lon nomme Cesarée: où il logea, & fut receu benignement en la maison de Philippe Euangeliste, qui estoit l'un des sept Diacres. Ce Philippe auoit quatre filles, auxquelles Dieu auoit fait ceste grace de leur donner l'Esprit prophetique, par le moyen duquel elles auoyent ce pouuoir de prophetizer & rendre responce des choses aduenir. Sainct Paul ayant demeuré là par plusieurs iours, il y suruint vn prophete de Iudee, nommé Agabe: lequel se liant pieds & mains avec la ceinture de Sainct Paul, inspiré diuinement, tint ces propos: Le sainct Esprit predict ces choses: Voila la sorte, en laquelle les Iuifs lieront en Ierusalém le personnage, à qui est ceste ceinture, & le liureront es mains des Gentils. Parquoy plusieurs se mirent en deuoir de destourner Sainct Paul de se mettre en chemin pour aller en Hierusalem: mais tât s'en salut qu'on le peust retirer de sa deliberation, que mesme il se dist estre prest & appareillé, non seulement d'estre lié, mais aussi de souffrir mort en Hierusalem, pour la deffense du nom de Iesus. Christ. Or par ce qu'on ne le pouuoit induire à rompre son voyage, ceux qui estoient avec luy prierent que la volonté de Dieu fust faicte, & le laisserent prendre le chemin de Hierusalem: où apres auoir bien cheminé, il arriua luy & sa compagnie.

*Quatre filles Prophe-  
risses de Phi-  
lippe l'Euā-  
geliste.  
Agabe Pro-  
phete.*

*Comment saint paul, estant en la ville d'Ephese, fut condamné d'estre exposé aux bestes sauvages,  
sous le lieutenant Hierosme: contre lesquelles il batailla en se deffendant, & demeura  
vainqueur. Chap. XXV.*



Eux qui ont mis par escrit les voyages de Sainct Paul, font mention de plusieurs choses par luy faictes & endures: & disent mesinement, que, luy estant en la ville d'Ephese, lors que Hierosme en auoit le gouuernement, il y preschoit & annonçoit la parole de Dieu avec grande liberté: tellement que le Gouverneur tesmoigna qu'il parloit fort bien & elegamment: mais que son dire n'estoit propre ny cōuenable au temps qui couroit. Le menu peuple ne trouuoit pas bon ce qu'il disoit, comme chose, qu'il n'auoit accoustumé d'ouir: parquoy il s'esmeut, & avec fureur, mit la main sur Sainct Paul, luy lia les pieds aux ceps, & l'emprisonna, à fin de l'exposer puis apres aux lions pour estre deuoré. Ce temps pendant, Eubule & Artemille, fēmes de deux personnages des plus apparens d'Ephese, venans de nuit veoir le pauvre Sainct Paul prisonnier, furent tellement par luy instruites en la foy, qu'elles luy demanderent le diuin lauement du Baptême. Parquoy vne nuit, que la vertu diuine & la compagnie des Anges esclarcirent l'obscurité de la nuit, par leur abondante lueur, sainct Paul, deliuré miraculeusement des ceps & chaines de fer, dont il estoit lié, les initia & conferma en la foy, par le moyen du sainct Baptême, qu'il leur donna sur le bord de la mer: & apres cela, reuint à ses liens, avec lesquels il estoit gardé pour estre viande aux lions, sans ce que aucun des gardes, qui l'auoyent en charge, s'en aperceust aucunement. Or fut lasché contre luy vn lion de grandeur excessiue & force non supportable, lequel avec apparence de grande cruauté, furieusement courut sur le sable: mais incontinent s'arresta tout appaisé & doux aux pieds du sainct personnage: contre lequel on lascha encor plusieurs bestes sauvages, cruelles au possible: mais il se mit en oraison, de sorte qu'il n'y en eut aucune qui fust si hardie de toucher à son corps en aucune façon. Sur ces entrefaites, soudain est suruenue vne gresle vehemente, qui tomboit avec vn son esclatant, tellement qu'elle sembloit estre contre tout ordre de nature: car elle rompit la teste à plusieurs personnes & bestes cruelles: mesmes emporta l'aureille du Gouverneur Hierosme, qui puis apres fut conuertie à la foy par Sainct Paul, & acquis à Dieu, & luy & les siens, qui tous voulurent estre baptizez. Quant au grand lion, il fut tellement espouuanté, qu'en fuyant, il print sa course, & se retira aux montaignes prochaines. Et Sainct Paul partant d'Ephese, tira en Macedoine & en Grece: puis passant de rechef par le pays de Macedoine, fit tant qu'il arriua en Troas & Millet: & de là finalement se trouua en la ville de Hierusalem. Or il ne se fault pas esmerveiller de ce que Sainct Luc n'a pas entremeslé ceste bataille de Sainct Paul contre les bestes sauvages, avec les autres actes d'iceluy: Car combien que Sainct Iean seul entre tous les Euangelistes, ait parlé de la resuscitation du Lazare, ce n'est pas à dire pourtant qu'il faille mettre en doute ceste histoire, veu qu'au contraire il faut moins douter de la foy & verité d'icelle. Car il n'y a personne tant despourueu d'entendement, qui ne sçache bien que chacun ne peult pas escrire, croire, ny congnoistre toutes choses. Mais selon qu'il a pleu au

*s. Paul em-  
prisonné en  
Ephese.*

*s. Paul avec  
miracles, ba-  
ptême Eubule &  
Artemille  
en Ephese.*

*Bataille de  
s. Paul avec  
les bestes  
sauuages:  
dont est par-  
lé en la pre-  
miere epi-  
stre aux  
Corinthiens  
chap. 15.*

*s. Luc n'a  
pas escrit a-  
vec les au-  
tres actes de  
s. Paul, ceste  
bataille si-  
ne avec les  
bestes sau-  
uages.*

H ij

## LIVRE II. DE L'HIST. ECCLESIASTIQUE.

Seigneur Dieu d'élargir ses dons à vn chacun, & selon que le Saint Esprit a diuisé & dispensé les graces aux hommes: ainsi chacun entend, croit, & escrit spirituellement ce qui appartient à l'Esprit

*De la sedition, esmeue en la ville de Hierusalem, sous Claude l'Empereur. De l'audace effrontee des sacrificateurs, sous l'Empire de Neron & sous le gouvernement de Felix. Des voleurs meurtriers, & du faux prophete Egyptien. Chap. XXVI.*

*Diuers  
meurtres  
& grieues  
calamitez  
des Iuifs  
sous l'Em-  
pereur  
Claude.*

*Le mesme  
est escrit par  
Eusebe, liu.  
2. cha. 19.  
Toutefois il  
met seule-  
ment le com-  
mencement de  
l'esmeute:  
& ne dit  
pas tout ce  
qui en est  
aduenu, com-  
me Iosephe  
l'a mis par  
escriit.*

*Autre tu-  
multe hor-  
rible en la  
ville de Je-  
rusalem, à  
cause des  
meurtres  
qui brigoyent  
& tuoyent  
les gens pu-  
bliquement,  
& sans en  
estre re-  
pris.  
Jonathas le  
Pontife mis  
à mort.  
Le prophete  
Egyptien  
ennemy, est  
accablé.*



N mesme tēps que Saint Paul alloit de costé & d'autre par tout le pays qui est depuis Hierusalem iusques au Golfe Illyric, l'Empereur Claude ordonna par edict, que tous Iuifs eussent à sortir de la ville de Rome. Encor luy ayant le gouuernement de l'Empire Romain, és iours des festes de Pasques, il y eut si grand tumulte & sedition esmeue en la ville de Hierusalem entre le menu peuple, que bien trente mille personnes furēt foulez aux pieds & tuez en la presse à la porte du temple, des Iuifs seulement, qui (voulans sortir par force) se pressoyent l'un l'autre à l'issue, de telle sorte qu'il n'y auoit si puissant homme, qui n'y demeurast escaché.

Parquoy la feste fut conuertie en grand dueil, pour le regard de la populace: & n'y eut quasi aucune maison, laquelle ne participast aucunement à telle douleur & tristesse. D'auantage en mesme temps les Iuifs endurerent aussi plusieurs aduersitez & calamitez. Iosephe, escriuant de ces choses, dit ainsi: L'Empereur Claude establit pour Roy des Iuifs, Agrippe, fils du vieil Agrippe: & ordonna Felix, pour Lieutenant au gouuernement de toute la region de Samarie & Galilee, & en outre de tout le bas pays qui est au delà de la riuere de Iordain. Ce Claude Empereur, apres auoir gouuerné l'Empire par le temps de treize ans & huit mois, alla de vie à trespas, & laissa son fils Neron successeur en toutes les seigneuries. Le mesme Iosephe, au vingtiesme liure des Antiquitez, parle des factions, partialitez & seditiōs ciuiles qu'eurent les prestres entre eux, aduenues du temps que <sup>b</sup> Felix estoit gouuerneur de Iudee: & dit quasi ce qui s'ensuit: Or fut vne sedition esleuee entre les Pontifes & les Sacrificateurs ou plus apparens personnages d'entre la populace Ierosolimitaine: tellement que chacun d'eux, ayant leuē & assemblé bonne compagnie d'hommes temeraires, & studieux d'innouer quelque chose, vouloit estre maistre & Capitaine de sa part. Parquoy, quand ils se rencontroyent les vns les autres, ils s'entr'outrageoyent par iniures & maledictions, & mesme à coups de pierres se battoient ordinairement. Et n'y auoit aucun, qui s'osast ingerer d'y mettre empeschement, pour les destourner de s'entrebattre: mais tous ces outrages se faisoient par force & violence, sans crainte de punition, comme si la ville eust esté destituee de Gouverneur & Magistrats. Quant aux Pontifes, leur impudence & audace estoit telle qu'ils n'auoyent point de honte d'enuoyer de la ville aux champs leurs seruiteurs, pour piller & faire enleuer par force les dixmes, qui estoient deuës aux Sacrificateurs. Parquoy il aduint que quelques vns des prestres, estans ainsi frustrez de leur droit, tēberent en telle pauureté & necessité, qu'ils moururent de faim à la veuē mesme de plusieurs: tāt la force & violence outrageuse des seditieux auoit eniambé & gagné par dessus tout droit de iustice. Le mesme historien raconte encor, que de ce temps s'esleua vne certaine maniere de meurtriers, qui (comme il dit) en plain iour au milieu de la ville mettoient à mort ceux qu'ils rencontroyent. Car és iours de feste principalement ils se fourroyēt parmy le peuple, & auoyēt des dagues cachees sous leurs robes, avec lesquelles ils tuoyent & meurtrissoient vne infinité de personnes. Mesme qu'ils se ruoyent sur ceux qui les auoyent subornez à faire ces meurtres, sous faux semblant de ne pouuoir bonnement endurer si grandes meschancetez. Dont aduenoit, qu'on ne se pouuoit apperceuoir de leur fait, pourautant qu'ils se couuroient du pre-texte de bonne foy. Or en premier lieu, ils mirent à mort Ionathas, grand Sacrificateur & Pontife: & plusieurs autres aussi, de iour en iour. Bien que toutefois la crainte du peril fut plus grande & falcheuse, que non pas le mesme danger: car il n'y auoit celuy qui n'attēdist la mort d'heure en heure, comme ceux qui sont en la bataille. Puis il escrit encor ce qui s'ensuit: Au surplus, vn Prophete Egyptien fut cause de plus grande malencontre aux Iuifs: car luy qui se mesloit d'enchantemens, & ioüoit de passe-passe, estant venu en leur pays, sceut tant bien ioüer son personnage, qu'on l'estima prophete: à cause de quoy il amassa iusques au nombre de trente mille hommes, qu'il auoit pratiquez & seduits: lesquels, des lieux solitaires, il amena à la montaigne que lon dit des Oliues. Or estoit son intention & vouloir, de prendre par force la ville de Hierusalem, & s'en estant fait seigneur (par le moyen de sa gendarmerie, au moyē de laquelle il luy vouloit liurer l'assaut) exercer tyrannie & cruauté sur le peuple, apres auoir vaincu & saccagé la garnison Romaine, qui y estoit pour la deffendre. Mais le Gouverneur Felix donna bon ordre que telle deliberation ne sortist son effect: car il fit marcher contre luy les enseignes des Romains, avec le secours qu'il eut du menu peuple de la ville: & estās entrez en bataille l'une des armées contre l'autre, le prophete Egyptien fut soudain mis en fuite, & plusieurs de ses gens ou-  
tuez

29 tuez ou prins prisonniers. Voila ce que dit Iosephe, au second liure de la captiuité & guerre Iudaïque. Or est-il aussi parlé es Actes des Apostres, de ce gentil Egyptien, quand la populace des Iuifs s'esmeut à l'encontre de S. Paul. Où le Capitaine de l'armée luy demande : N'es-tu point  
 30 cest Egyptien, qui, ces iours passez as esmeu vn tumulte & sedition, & retiré au desert quatre  
 31 mille hommes tous voleurs & brigans ?

Chap. 12.

Chap. 21.

a grand tumulte) Sedition esmeue entre les Iuifs & samaritains: d'où vindrent plusieurs larrecins. Quadratus gouverneur de syrie. fit prendre les auteurs & princes d'icelle. Iosephe li. 20. cha. 6. 7. 8. Tacite, li. 12.

b Felix estoit gouverneur) Felix Gouverneur de Iudee, print en mariage Drusille, sœur d'Agrippe, femme d'Herodias, Roy des Amasées. Iosephe, 20. liure, chap. 9.

Antoine Felix, affranchy & mis en liberté par l'Empereur Claude, usurpa la puissance Royale en Iudee, avec toute cruauté, selon que son esprit seruil le conduisoit : lequel print à femme la niece de Cleopatre & de Antoine, nommée Drusille. Tacite, liure 21.

c Or fut vne sedition) Sedition en la ville de Hierusalem, entre les Pontifes & autres sacrificateurs & Prestres, sous l'Empereur Neron.

Des miracles de s. Pierre l'Apostre, & des enchanteries de Simon le Magicien: & comment l'Empereur Neron les chassa tous deux hors la ville de Rome.

Chap. XXVII.



V temps que Neron tenoit en main l'Empire, Simon l'Enchanteur faisoit plusieurs miracles en la ville de Rome, par le moyen de ses enchantemens & affronteries. A la porte de son logis il y auoit vn fort grand chien lié & enchainé, pour empescher d'entrer ceux qui ne luy plaisoyent pas : Or aduint-il que S. Pierre, le grand Apostre, arriua là, pour veoir Simon: Mais quand il veit que ce cruel & horrible chien s'aduançoit contre luy pour le mordre, il n'en eust aucune peur, combien qu'il eust entendu qu'il auoit esté cause de faire mourir plusieurs personnes, voulans entrer au logis, au parauant sa venue, ains le deslia, & luy commada d'aller à son maistre, & luy dire en langage tel que les hommes parlent, que Pierre seruiteur de Iesus Christ, estoit là, qui vouloit entrer. Le chien obeit, & fit son message en la sorte qu'on luy auoit commandé: dont ceux qui pour lors estoient avec Simon eurent frayeur, & se trouuerent fort estonnez. Mais pour les assurer, Simon leur dit que ce n'estoit pas chose nouuelle, & qu'il auoit bien la puissance d'en faire autant. Puis il l'enuoye le chien, avec charge d'appeler & faire entrer l'Apostre. S. Pierre ainsi mandé, entre dedans: & deuiſe par vn long temps avec l'Enchanteur, tenans ensemble plusieurs propos: mais S. Pierre le surpassa de beaucoup, & fut incontinct plus estimé que luy pour le regard des miracles & autres diuerses œuvres prodigieuses qu'il faisoit contre le cours de nature. Qui font cause que plusieurs des assistans furent conuertis à la foy de Iesus Christ, & receurent le diuin lauement de Baptême. Il est bien vray, que Simon faisoit aussi plusieurs choses estranges & merueilleuses : mais c'estoit à l'aide des esprits diaboliques, desquels il se seruoit en telles œuvres. Par son moyen les statues se remouoyent d'elles mesmes, les pots & toutes autres vtencilles de maison se transportoyent d'un lieu en autre, de leur propre mouuement, sans ayde d'homme: & luy enuironné de flammes, n'estoit point bruslé, ny ne sentoit aucun endormagement en son corps & en ses habits. Encor s'esleuoit il en l'air, y estant porté comme s'il eust volé. Il tournoit aussi les pierres en pains (du moins il sembloit estre ainsi) par le fard & enforcellement de sa science. Ce n'estoit pas tout: car il se transformoit en dragon, & en autres diuerses especes de bestes. Autre-fois on luy voyoit deux visages: puis il se muoit tout en or. A sa parole seule il faisoit ouurir les portes, bien qu'elles fussent closes de serrures & garnies de verroils ou barres pour estre fermées plus seurement. Il rompoit aussi les liens de fer: & conuiuies & banquet il donnoit le passe-temps de faire apparoir toutes les choses que lon vouloit, les representant comme en leurs vrayes figures. Encor faisoit-il aller deuant luy plusieurs esprits, comme de trespassez, lesquels il disoit faulſement estre les ames de ceux qui long temps au parauant estoient decedez. Et non seulement il se tournoit en telle forme qu'il vouloit, mais aussi transformoit à son plaisir tous autres hommes en diuerses representations de bestes. Que si quelques vns se mettoient en peine de le prouuer estre vn affronteur & plaïsanteur, pour le gain & profit: il ne cessoit point, que sous vmbre d'amitié, qu'il scauoit bien feindre, il ne les eust inuité à dîner, sacrifiant vn bœuf, afin de les y attirer: auquel estans venus, les enforceloit, & assubiectissoit par ses charmes, non seulement à diuerses maladies incurables, mais encor à mauuais esprits & cruels. Or le Saint Apostre Pierre faisoit telles choses & semblables à la verité, & sans fard: mais l'Enchanteur Simon n'y besongnoit, que par illusion, abus & faulſeté, faisant apparoir ce qui n'estoit pas.

Simō l'Enchanteur abuse les Romains par ses enchanteries. Vn chien estoit auget à la porte de l'Enchanteur, parle langage humain.

Deuis de S. Pierre avec Simon. Eux deux ont debat, à qui mieux fera des miracles.

Abus & enchanteries de Simon le Magicien, comme de quelque Protee.

## LIVRE II. DE L'HIST. ECCLESIASTIQUE

*Nerō chasse de Rome S. Pierre l'apostre & Simon l'en-chanteur.* L'Empereur Neron aduertty de leur debat, les fait venir deuant luy : & par ce qu'il n'auoit pas l'esprit de iuger & congnoistre ce qui estoit le meilleur, il chassa pour lors de la ville de Rome l'un & l'autre, comme abuseurs, vagabons, plaiseurs & hommes faisant des choses prodigieuses & non accoustumées d'estre veuës. Mais quelque temps apres, luy, qui estoit meschant & de mauuaise conscience, mit son cœur & affection en Simon le detestable affronteur.

*Comment S. Paul, estant en Hierusalem, dissimula sagement, & s'accommoda au temps & au lieu, en ce qu'il viuoit selon l'ancienne coustume de la loy: & comment, enchainé qu'il estoit par le Tribun & Capitaine de l'armee des Romains, il defendit sa cause tout en preschant, & contant ses aduentures. Puis comment il fut mené en la ville de Cefaree, au Gouverneur Felix, & mis en seure garde.*  
Chap. XXVIII.

*S. Paul viét en Ierusalē.*



Ainēt Paul, en mesme temps avec ses Disciples, partit de la ville de Cefaree, puis monta en Hierusalem. Le lendemain de son arriuee, il alla faire la reuerence au saint Euesque Iacques, & aux autres prestres de la ville : ausquels il raconta par le menu ce que Dieu auoit fait par luy, à l'endroit des Gentils. Dequoy premierement ils donnerent louange à Dieu : puis admonesterent S. Paul, qu'il y auoit plusieurs milliers de Iuifs fideles, qui meuz d'un grand zeile & enuie à l'observation de la loy, auoyent eu aduertissement de son fait, comme s'il eust enseigné toutes personnes de laisser les ordonnances de la loy, abolir la circoncision, & contemner les

*Cōduite Apostolique.*

coustumes du pays : & pour ceste cause luy conseilloyent de dissimuler & s'accommoder au tēps present & ne trouuer mauuais d'estre purifié, & faire raire sa teste, luyuant le mandement de la loy, afin qu'il ne semblast la vouloir abolir. Ce qu'il fit, & ainsi purgé qu'il estoit, entra au tēple. Mais les Iuifs d'Asie, l'ayans veu, furent esmeus d'ire & vehemente fureur, tellement qu'ils ne se peurent contenir de mettre la main sur luy : & l'aduertissans l'un l'autre de son fait, comme s'il eust prophané & pollué le temple, ils l'en tirerent hors, s'efforçans de le tuer. Or le Capitaine de la gen'darmerie & garnison Romaine, soudain qu'il eut ouy le bruit de telle esmeute de ville, y accourut à grand haste, & osta S. Paul d'entre les mains de ceux qui le battoient : puis le fit lier de deux bonnes chaines, & le mena en son camp, s'informant de luy sur ce qu'il auoit opinion, que c'estoit l'Egyptien, duquel peu au parauant a esté tenu propos : Mais saint Paul luy fit response, qu'il estoit citoyen de Tarse, ville de Cilice. Et quand il l'eut fait arrester aux de-

*S. Paul defend sa cause deuant les Iuifs.*

grez, il luy permit de parler & defendre sa cause. Saint Paul donc estant debout au hault des degrez, commença à discourir sur ses faictz, disant, que c'estoit chose assez notoire qu'il auoit apprins les ceremonies de la loy avec toute diligence & cure sous Gamaliel, du temps qu'il brusloit du grand zeile & enuie qu'il portoit à la defence de ladite loy. Mesme qu'ayant obtenu lettres de commission des plus anciens & apparens, il s'estoit mis en chemin pour aller en la ville de Damas, afin de faire poursuite contre ceux qui preschoyent Iesus Christ, & les mener liez en prison : mais comme il approchoit de Damas, vne grande lumiere du ciel soudainement l'environna, & entendit vne voix telle que iamais au parauant n'en auoit ouy de semblable. Puis estant aueuglé pour la grande lueur qu'il auoit veuë, il tournoyoit à l'entour comme vne personne qui ne voit rien : Mais il recouura sa veuë par le moyen d'Ananias, en apres fut baptizé, & enroollé au liure des fideles de nostre Seigneur Iesus-Christ. Or ce pédant qu'il parloit ainsi, la multitude du peuple commença de plus en plus à s'esmouuoir & faire bruit, criant à haute voix, qu'il le falloit oster de la terre, & qu'on ne deuoit pas endurer qu'un tel homme vesquist. Alors le Capitaine commanda, que saint Paul fust foyetté : mais on cessa, quand il dit, qu'il estoit citoyen de Rome. Le lendemain dès le point du iour, le Capitaine voulant scauoir à la verité tout son fait, assembla les Pontifes, & tout le conseil. Laquelle assemblée faite comme S. Paul de rechef preschoit deuant toute l'assistance, il fut par Ananias frappé sur le visage : A cause dequoy ne sachant pas qu'il fust le principal Sacrificateur, il l'appella paroy blanchie, luy reprochant & mettant au deuant son iugement inique & contreuenant à la loy. Au surplus, il s'aduifa d'un moyen propre selon le temps & l'occasion presente : car il se dit estre Pharisien, soustenant que pour-autant qu'il preschoit la resurreccion des morts, il estoit accusé & amené en iugement. Par-ce moyen il practiqua & gagna les Pharisiens, qui le croyoyent n'auoir commis aucun crime. Mais le Capitaine l'emmena hors de là, craignant que la populace ne luy feist quelque outrage. La nuit ensuyuant le Seigneur Iesus-Christ se presenta deuant Saint Paul, & luy donna bon courage, disant, que comme il auoit rendu tesmoi-

*Complot de quelques Iuifs pour mettre S. Paul à mort*

gnage de luy en Hierusalem : ainsi falloit il le testifier en la ville de Rome. Or aucuns auoyent faict complot, avec grand serment, de mettre en teste aux Sacrificateurs que Saint Paul fust tiré hors de la cité, & qu'ils seroyent tous prests pour le mettre à mort. Saint Paul aduertty de ceste entreprinse par un sien neveu, fils de sa sœur, le faict scauoir au Capitaine, qui auoit

auoit à nom Claude Lysias : lequel donna le saint Apostre en charge à deux centeniers & deux cents picquiers, accompagnez de soixante & dix hommes de cheual, pour le mener de nuit, mené en Celié & garroté sur vne iumét, en le ville de Cefaree, avec lettres adressantes au gouuerneur Felix. Lequel apres auoir receu ceux qui venoyent de Ierusalem, & promis qu'il attendroit les accusateurs, commanda que saint Paul fust gardé au palais d'Herodes.

*Comment saint Paul disputa avec ses accusateurs venuz de Ierusalem, en se defendant. De Felix & Durisille. De Feste aussi qui succeda à Felix : deuant lequel, apres auoir librement plaide sa cause, se porta pour appellant à Cesar. Chap. X X I X.*



Inq iours apres, les anciens de Ierusalem vindrent en Cefaree, entre lesquels estoit le Pontife Ananias, & Tertulle, orateur & bon aduocat, lequel entre autres choses (lesquelles par forme d'accusations il mettoit au deuant de saint Paul avec son beau parler & vaine eloquence) luy dit plusieurs iniures oultrageuses, comme s'il eut eü faire à vn homme dangereux & seditieux, violant le saintuaire des saintuaires, & le temple mesme. En oultre il adiouta, cōme pour vn grief crime & execrable, qu'il estoit le port'enseigne & aucteur de la secte des Nazariens. Saint Paul refuta tous autres crimes avec doulces paroles : mais dit hault & clair, qu'il seruoit à Dieu, & l'adoroit

*s. Paul se defend.*

en ensuyuant la secte mentionnee : qu'il ne contredisoit point à ce qui estoit escrit en la loy, & aux prophetes : qu'il n'auoit pas deliberé de croire autremēt que ses accusateurs & mesdisans mesmes : bref, qu'il annonçoit la resurrection des morts, qui auoyent bien ou mal vescu : & que c'estoit le poinct principal de la presente cause, sur lequel il falloit asseoir iugement. Ces choses ouyes, Felix les remit à vne autre fois, & differa de prononcer la sentēce, iusques à la venue du capitaine Lysias : lequel estant arriué, il promit d'ouyr encor vne autre fois ceste mesme cause. Or attendant ce tēps, il mit saint Paul en seure garde, & toutefois n'empeschoit personne de venir à luy, ny de luy administrer ses necessitez. Au reste, peu de temps apres, Felix & sa femme Drusille firent appeller S. Paul, & voulurent ouyr prescher la parole salutaire. Felix l'ayant ouy, fut tant espouanté de sa predication, qu'il sembloit peu à peu le vouloir deliurer & absoudre. Toutesfois il ne se vouloit pas conuertir à la foy, ny faire profession d'icelle : bien est vray, qu'il esperoit auoir quelque argent, pour sa deliurāce : & pour ceste cause, souuent le mandoit, & volontiers deuisoit avec luy en particulier & familièrement. Or deux ans accomplis, Portie Feste fut enuoyé par l'Empereur Neron, pour succeder au gouuernement à Felix : lequel estant monté de Cefaree en Ierusalem, le Pontife Ananias le supplia d'y vouloir faire amener S. Paul : & estoit telle la delibération de ses ennemis, qu'en chemin ses conspirateurs le mettroyēt à mort finemēt & sans qu'on l'apperceut qui auroit fait le coup. Toutefois Feste ne voulut entendre à telle requeste, ains leur commanda se trouuer en Cefaree, ou son proces seroit vuidé. Or estant là venu, luy & les Sacrificateurs, S. Paul se purgea des crimes mis en auant contre luy, deuant le iuge seant en son siege, & les reietta aussi aisément, comme il est facile de rompre les toilles des araignees : monstrāt fort bien, qu'il n'auoit en rien peché ny offensé, ne contre la loy des Iuifs ny contre leur temple. Mais le gouuerneur Feste, voulant gratifier & faire plaisir aux Iuifs, dit, que S. Paul seroit mené en Ierusalem, pour y recevoir iugement. Dont S. Paul en appella & refusa plar & ner d'y aller, les prenant à tesmoins, comment il vouloit assister au siege iudicial de Cesar, où il conuenoit qu'il fut iugé. Encor soustenoit il, n'estre licite à aucun, de donner de grace entre les mains des Iuifs vn homme qui se rendoit appellant à Cesar, par ainsi S. Paul, vlsant d'vne finesse subtile changea le vouloir du gouuerneur Feste, afin que la chose fut mise au conseil, & deliberee. Ce qu'ayant esté accompli, iceluy gouuerneur luy dit en fin : As tu appellé à Cesar : tu iras doncques à Cesar.

*D' Agrippe & Bernice : & du presche que saint Paul fit en leur presence. Chap. X X X.*



E pendant, le Roy Agrippe & sa femme Bernice vindrent en Cefaree veoir le gouuerneur Feste : avec lequel il demeura par plusieurs iours, durāt lesquels Feste declara au Roy la cause du proces de S. Paul, sçauoir est, que Felix gouuerneur deuant luy, l'auoit laissé lié en ses prisons, & que les prestres & maistres des sacrificateurs l'auoyent requis de leur faire iustice de ce prisonnier : comment en fin il l'auoit fait amener deuant luy, seant au siege iudicial, les accusateurs presens : où, la cause bien debatue d'vne part & d'autre, l'accusé ne s'est trouué coulpable d'aucun

crime, entant qu'on en a peu congnoistre & soupçonner : sinon que ses parties aduerses luy mettoient en auant aucunes questions de leur religion, & d'un certain personnage nommé Iesus, mis à mort, lequel Paul soustient estre en vie. Et que Paul auoit euoqué la congnoissance de son procès à la personne de l'Empereur Cesar, voyant son iuge estre en doute, & ne sçauoir bonnement y asseoir iugement certain. Lors Agrippe luy dit : le desirerois grandement, que me feissiez ce bien, de le faire parler deuant moy, à celle fin que ie l'oye. Vous le pourrez ouyr demain, respondit Feste. Parquoy dès le point du iour, Agrippe & la femme Bernice, avec sumptueux appareil, fit conuoquer vne grande compagnie de gens: où assisterent aussi tous les plus grands personnages de la ville, pour obeir au commandement du gouuerneur, qui auoit mandé l'assemblée. Alors saint Paul ainsi lié qu'il estoit, fut amené au consistoire, & le gouuerneur Feste entamant la parole dit : Roy Agrippe, & vous tous qui estes icy assemblez, voicy le personnage que la populace des Iuifs poursuit viuement à la mort : car avec grande esmotion & tumulte ils sont venuz par deuers moy, & m'ont requis luy oster la vie. Quant à moy, parce que ie n'ay pas apperceu (ayant veu son procès, & ouy son playdoyé) qu'il ait commis aucun crime digne de mort, & par ce qu'il a appelé à Cesar Augste : i'ay esté d'aduis, & est encor mon opinion telle, qu'il le fault enuoyer à l'Empereur. Or par ce que ie ne sçay que ie doie escrire de luy à la verité, ie le mets icy deuant vostre maiesté, Roy Agrippe: afin que apres auoir ouy son procès, ie puisse finalement apprendre de vous ce, que deuray faire sçauoir à l'Empereur Cesar. Car il me semble qu'il n'ya point raison d'enuoyer vn prisonnier lié, sans declarer la cause de son emprisonnement, & faire tenir quād & quād des informatiōs à l'encōtre de luy. Lors Agrippe dit à S. Paul : Il t'est permis de parler pour toy de ton fait, & dire ce que bon te semblera. Adonc S. Paul, ayant estendu & leuē la main (selon que peult estre il estoit coustumier de faire) parla à toute l'assistance : & premierement n'bublia pas à louer sagement & avec quelque ruse de rethorique, le Roy Agrippe, comme personnage iuste, & cōgnoissant tres-bien les coustumes & questions qui sont entre les Iuifs. Puis il se iugea estre heureux, pour cause qu'il auoit à dire les raisons deuant vn tel homme, qui deuoit estre auditeur de son procès. Et apres telle preface & exorde, declarant son fait, il dit ainsi : Des m'a ieunesse, i'ay esté diligemment & soigneusement nourry en mon pais, & instruit en la secte des Pharisiens. Et ne suis pour autre cause maintenant amené en iugement, sinon pource que i'enseigne la resurrectiō des morts deuoir aduenir, laquelle au temps passé, Dieu a promis à nos saincts peres. Quant à ce qui appartient au nom de Iesus de Nazareth : lors que i'estois ardent à la defense de la loy, & grand zeleur d'icelle, i'ay fait beaucoup de choses contre raison, que ne deuois pas faire, le tout apertement & à veue d'œil. Toute la ville de Ierusalem en donneroit bien tesmoignage : car i'en ay emprisonné, enchainé & mis en seure garde plusieurs, suyuant la commission & puissance que les Sacrificateurs m'auoyent donnee. Or ceste fureur & rage m'auoit tellement maistrisé, que mesme ie me transportois es villes lointaines, poursuyuant ceux qui estoient de telle secte, laquelle ie m'efforçois d'abolir & destruire, de tout mon pouuoir, sans rien laisser en arriere, qui luy peust apporter nuisance. Mais quand i'estois en chemin pour aller à Damas, ie vey en plein midy vne lueur plus grande que celle du soleil, laquelle venant du ciel diuinement, m'environna, & commença à reluire tout à l'entour de moy. Or fut si grande & esmerueillable ceste lumiere, que pour la lueur d'icelle mes yeux en furent si fort esblouis, que ie ne voyois aucunement, & tombay à terre. D'auantage i'ouy vne voix du ciel, qui me defendoit de persecuter Christ : puis me faisant leuer sur mes pieds, me donna à entendre que telle vision s'estoit offerte à moy, afin de m'employer pour donner tesmoignage des choses que ceste voix sçauoit, & lesquelles peu apres me seroyent declarees : sçauoir est, que i'ouurirois les yeux des aucugles, & conuertirois les hommes de la voye de tenebres à lumiere, & de la puissance & seigneurie de Sathan, à Iesus-Christ, afin de receuoir entiere remission de leurs pechez, & prendre part à l'heritaige de Dieu, avec ceux qui sont sanctifiez par la foy & creance qui est en luy. A la verité i'eusse fait conscience de desobeir à telle vision, qui surpassoit infiniment l'œuvre de nature. Parquoy i'annōce ce aux Iuifs & Gentils ensemble, qu'ils ayent à se conuertir à Dieu, par recognoissance de leurs pechez, & par repentance, ne faisans œuvres dignes de penitence, avec regret d'auoir offensé. Et n'enseigne rien qui soit aucunement repugnant aux Prophetes, ny à Moysse aussi : car ie dy, que Christ, qui a souffert la mort, & qui premier est resuscité, annōce aux Gentils la lumiere : & à son peuple particulier & propre, la vie, & salut eternal. Ce pendant que saint Paul, avec familiere eloquence, tenoit ces propos, le gouuerneur Feste se mocquoit de luy, & l'iniurioit cōme hōme brutal qu'il estoit, & qui ne comprenoit pas bonnement ce qui estoit de l'esprit de Dieu : parce qu'il pensoit que S. Paul fust fol & insensé, & que la grande science des lettres le fist desuoyer & estre hors de son bon sens, tellement qu'il n'entendist pas assez bien ce qu'il disoit. Mais S. Paul luy fit responce, & l'assura qu'il n'estoit pas troublé en son esprit, mais qu'il proféroit paroles de verité en sens rassis & sobre : & que le Roy mesme, en la presence duquel il tenoit librement ces propos, cōgnoissoit tres-bien ce qui en estoit : comme celuy qui n'ignoroit rien de ces choses, & qui croyoit à tout ce que les Prophetes auoyent annonce. Sur ces entre-

*Haraguede  
S. Paul, tou  
chant son  
fait, en la  
presence du  
Roy Agrip  
pe.  
Neron don  
na à Agrip  
pe vne par  
tie du pays  
de Galilee :  
Encor luy  
fit il presē  
de la cité de  
Iulide,  
avec quator  
ze villages  
et à Ari  
stobule, fils  
d'Herodes  
roy de Chal  
cide, il per  
mit iouyr  
de la moind  
re Arme  
nie. Iose.  
lin. 20. des  
Ant. cha.  
11.*

*sommaire  
de la predi  
cation de S.  
Paul.*



faictes, le Roy Agrippe dit amiablement à saint Paul : Tu me persuades & attires aucunement à estre Chrestien. Lors il luy respondit : Le plus grand & premier de mes desirs enuers Dieu, est que non seulement quelque peu, mais aussi totalement, & vous (Sire) & tous ceux qui au iour d'huy ont ouy ma harangue, soyent faits tels que ie suis : hors mis les liens de chaines, avec lesquelles ie me sens lié & garroté estroitement.

*Du voyage de Saint Paul, pour passer en Italie : & du danger où il se trouua, quand leur nauire perilla par naufrage.*  
Chap. X X X I.



Grippe donc & ceux qui estoient avec luy, se leuans de leur sieges, & retirez à part, disoyent entre eux, que cest homme n'auoit rien fait, qui meritaist emprisonnement ny mort. Et encor le Roy dit d'auantage, qu'il deuoit estre deliuré & absous, s'il ne feust porté pour appellât à Cesar. Et pour ceste cause fut arresté qu'il le falloir mener par mer en Italie. Parquoy pour cest effect il fut mis entre les mains d'un certain centenier, nommé Iule, de la bande d'Auguste. Ils trouuerent donc de bonne fortune vne nauire d'Adramitte, en laquelle ils s'embarquerent : & estoient avec S. Paul, S. Luc, & Aristarque de Macedoine Theſſalonicien. Ayans

*S. Paul nauige à Rome*

mis le voile au vent, ils furent portez en Sidon : puis passans outre, ils costoyerent l'isle de Cy pre, en nauigeant par aupres. De là, ils labourerent la mer de Cilicie & de Pamphylie, & arriuerent à Myra, port de Lycie : où ils rencontrerent vne nef d'Alexandrie, qui tiroit en Italie : dās laquelle Iule mit les prisonniers. Puis ayant approché Gnide, il nauigea outre Crete, pres de Salmon : & de là vint en vne contree, qui se nomme bon-port, pres duquel estoit la ville de Laſſee. Auquel lieu la nauigation se trouuant dangereuse, S. Paul les aduertit que la nauire estoit en danger de periller, & que tous ceux qui estoient dedans ne pouuoient estre en seureté de leurs vies : parquoy son opinion estoit qu'ils ne bougeassent de là. Mais le centenier adiouſtoit plus de foy au gouuerneur & patron de la nauire, qu'à saint Paul. Ils mettēt doncques le voile au vent, & partēt de là, parce que le port ne sembloit estre assez conuenable pour y passer l'huy. Le vent de midy souffloit pour lors qu'ils tirerent vers Affos, & costoyerent Crete, pour l'outrepasser. Mais tantost apres, vn tourbillon de vent s'esleua, que lon appelle Eure, plein de tourmente, ou bien Euroaquilon. La nauire agitée de ce vent, ne peut resister à l'encontre : pourtant ceux de dedans l'abandonnās à demy à la tempeſte, se mirent à la mercy des flots, & tirans de droit cours à vne petite isle, nommee Claude, est tout tant qu'ils peussent faire de retenir & sauuer leur esquif (*qui est vne petite nacelle qu'on loge dans la nauire & dont on ſayde pour arriuer au bort de la mer, quand la nauire est ancrée & arrestée au port & laquelle aussi sert à charger & deſcharger la nauire.*) Toutefois ils la monterēt par engins faits de cordages, & la mirēt dans leur nauire, la quelle ils fortifierent au mieux que faire se peut, le ceignans & enuironnans à l'entour contre les courſes & tourmentes des flots. En apres de peur de tomber en Syrtē, ils cheminent les voiles abaissē. Ce pendant ſuruint vne tempeſte fort vehemente avec vn froid violent, tellement que le troisieme iour d'apres ils eurent grande perte, & telle qu'ils furent contrains de jeter dans la mer, de leurs mains propres, tout l'equipage de leur nauire. Or comme par plusieurs iours ny ſoleil, ny estoilles ne leur apparoiſſoyent au ciel, & que d'auantage la tempeſte continuoit & se renforçoit : il ne leur reſtoit aucune eſperance de pouoir estre ſauuez. Qui estoit cause qu'il n'y auoit perſonne en la compagnie, qui tint conte de boire ny de manger : ains au contraire chacun ſ'en abſtenoit, & faiſoit trop long temps la diette. Lors S. Paul eſtant au milieu d'eux, leur dit : Meſſieurs, il vous euſt eſté beſoing de me croire, & ne partir point de Cardie, car par cela vous euſſiez eſuité ce dāger & dommage. Toutefois ie veux encor que preniez bon courage. Car bien que la nauire periſſe, il n'y aura perte, que du vaiſſeau, & n'y demeurera aucun entre vous : Pour ce que l'Ange de Dieu, à qui ie ſuis, & auquel ie ſers, ſ'eſt preſenté denāt moy ceste nuit, & m'a commandé de n'auoir aucune peur, diſant qu'il me falloir eſtre preſenté & comparoir en perſonne deuant Cesar. Et parce (me diſoit l'Ange) que tu es en la grace du Seigneur Dieu, il te dōne tout ceux qui nauigēt avec toy. Mais il fault que ſoyez iettez en quelque isle. Or quand la quatorzieme nuit fut venue, comme ils estoient transportez çā & là en la mer Adriatique : les mariniers iettans la sonde en bas pour ſçauoir la haulteur de l'eau, trouuerent qu'elle auoit vingt pas en profundité. Et craignans de tomber en lieux perilleux, ils ietterent quatre ancrs de la poupe dans l'eau : & prioient à Dieu, qu'il luy pleuſt enuoyer le iour. Alors les mariniers mirent hors de la nauire leur nacelle en mer, en delibertion de fuir & ſe ſauuer, mais le centenier, par la ſuaſion de S. Paul, cōmanda les cordes de la nacelle eſtre coupees, & qu'on la laiſſaſt au cōmandement des vêts. Auant le iour S. Paul les enhortoit tous de prédre à manger, promettant qu'aucune perte ne leur aduiendroit, & que meſme vn ſeul cheueuil ne tomberoit de leurs teſtes. Luy-meſme tout le premier, ayant rendu grāces à Dieu, ainſi qu'il falloir

## LIVRE II. DE L'HIST. ECCLESIASTIQUE

falloit, print à manger : ce qu'aussi firent tous ceux de la naui- re, qui estoient au nombre deux cens septante-six personnes. Quand le iour commença d'apparoistre, ils ne peurent pas cōgnoi- tre ny remarquer au vray la contree où ils abordoyent : mais apperceurent vn goulfe ayât riu- age. Parquoy ils retirerent les an- c- res, & lascherēt les ionictures des gouuernaux, & leuerēt au- cunement le voile, tendans à riu- e, à l'ayde du soufflement & force du vent. Or la prouë demeu- ra entiere, mais la poupe fut mise en pieces par la violence des flos. Adonc les gens de guerre furent en deliberatiō de mettre à mort tous les prisonniers, de peur qu'aucū d'eux n'elchap- past à nage, & se sauast, mais le centenier les empescha de faire tel meurtre, seulement pour l'amour de S. Paul, qu'il vouloit sauuer : & commanda que chacun, en son endroit, regardast à se sauuer comme il pourroit.

*Naufrage  
& perte de  
naui- re par  
la tempeste.*

*Comment saint Paul est mors d'une vipere, à la main, estant en l'isle de Melite.  
De Publie, & d'autres miracles de saint Paul.  
Chap. XXXII.*

*S. Paul avec  
les autres  
de sa naui- re  
se sauue à  
nage, en  
l'isle de Me- lite.*



*Vne vipere  
venimeuse  
ne nuit  
point à S.  
Paul par sa  
morsure.*

R n'y eut il aucun en la naui- re qui soudain ne se mist en peine de se sau- uer à terre, de sorte que tous gagnerent le riuage, & aborderent cha- cun au mieux qu'il peut, en vne ille nommee Melite : les habitans de la- quelle, bien qu'ils feussent Barbares, tenoyent assez grand conte des pauvres gens eschappez du danger de mer, & leur faisoient toute la cour- toisie & bon recueil qu'ils pouuoient : tellement qu'ils allumerent vn fort grand feu, tant pour cause de la pluye impetueuse qui tomboit, que pour resister au froid qu'il faisoit. Les pauvres gens eschappez du dāger, se mirent à l'environ pour se chauffer & essuyer. Et S. Paul ayant assem- blé grande quantité de sarmens, les mettoit dans le feu, lors qu'une vipere cachee dedans, sor- tit hors à cause de la chaleur, & empoignant sa main, le mordit serrément. Quand les Barbares virent le serpent ainsi pendant à sa main, ils eurent opinion qu'il n'estoit pas homme de bien, mais plustost homicide & meurtrier inhumain, qui, cōbien qu'il eust eschappé la violence d'une cruelle tempeste, ce neantmoins enduroit à l'heure la vengeance de ses mes- faits, estant mors d'un serpent venimeux, afin qu'il ne demeurast plus en vie. Toutefois aucun danger n'aduint à S. Paul de ceste morsure : car ayant secoué le serpent, il le ietta dans le feu. Biē est vray, qu'ils le pensoient soudain deuoir estre enflammé & brulé par l'adustion du venin, ou perdre courage & subitement mourir par contagion mortelle de morsure si venimeuse : mais quand ils virent qu'il ne luy en aduenoit aucun inconuenient, & que l'affaire alloit autrement qu'ils n'auoyent estimé, changēas de propos, & poussans la poupe de leur aduis, en arriere, pour en arrester le cours plus violent, ils commencerent à parler bien autrement de luy, & luy firent honneur comme à Dieu. Les possessions & heritages de ceste ille, appartenoyent pour la plus part à vn des principaux du lieu, nommé Publie : qui les receut par trois iours durant, autant benignemēt & humainement qu'il seroit possible de faire, tellement qu'il n'oublia rien du deuoir d'hospi- talité & courtoisie à loger les estrangers. Au reste, il fut biē rescōpensé de son humanité & bon recueil : Car au seul attrouchement de S. Paul, les fieures vehementes, avec flux & trenchees de ventre, qui long temps auoyent tourmenté le pere d'iceluy Publie, furent entieremēt guaries. D'auātage il en guarist encor beaucoup d'autres affligez de plusieurs maladies, leur faisant ces- ser tout soudain leurs douleurs, & les rendant sains cōme auant leur mal. Qui fut cause que lon porta grand honneur & reuerence à S. Paul : & que lon fournist abondamment à toute sa com- pagnie, ce qui estoit necessaire à leur navigation.

*Miracles de  
S. Paul, en  
l'isle de Me- lite.*

*a & poussans la poupe) Pousser la poupe, & se retirer peu à peu en arriere, sans tourner la naui- re, c'est autant à dire que reculer petit à petit, de sorte qu'il ne semble point qu'on fuy- e apertement, quand on se retire ainsi par le menu, sans tourner le dos à son ennemy. On vse de ce prouerbe, pour signifier qu'on change d'ad- uis peu à peu. Suide.*

*Comment S. Paul, sefant embarqué en Milet en vne nef d'Alexandrie, passa par la ville de Syracuse, & vint à Rome : ou il deuisa & disputa avec les principaux des Iuifs y estans. Et comment il comparut deuant l'empereur Neron, par lequel il fut pour lors absous. Cōment aussi il demeura deux ans à Rome, preschant le Royaume de Iesus-Christ avec grande libere, & sans aucun empeschement. Chap. XXXIII.*



L y auoit pour lors, en l'isle mesme, vne naui- re d'Alexandrie dedee à Castor & Pol- lux ( qui estoient faux Dieux) desquels elle portoit les images, pour enseigne. Car tout ainsi que les pilotes & gouuerneurs des nauires, qui ont en recōmandation la pieté Chrestienne, dedient leurs nef- s à quelques saints, & pour tesmoignage de ce, y mettent

mettent leurs images, & y escriuent leurs noms, lesquels mesmes bien souuent ils donnent aux vaisseaux : aussi du temps passé, ils y faisoient des peintures en l'honneur de leurs Dieux faulx, selon que leur affection les conduisoit. Or ceste nauiue Alexandrine estoit arrestee en Milete, pour y passer l'hyuer : en laquelle S. Paul sembarqua, trois mois apres son arriuee, & en icelle alla à Syracuse, puis à Rhege, & de là le lendemain à Puteoles. Apres il arriva à Rome sain & sauf. De la venue duquel quelques vns des freres estans aduertis, vindrent au deuant de luy iusques au marché d'Appie, & au trois tauernes ou boutiques : qui sont lieux situez hors la ville de Rome. Or quand ils furent là arriuez, le centenier liura les autres prisonniers à qui il falloir, mais il retint S. Paul avec luy. Le troisieme iour d'apres S. Paul appella les principaux des Iuifs, deuant lesquels il afferma par sa harangue, qu'il n'auoit en rien contreuenue à la loy de son pais, ny fait ou dit aucune chose cōtraire à icelle : au reste, qu'estoit emprisonné & rendu captif es mains des Romains (qui, ayans veu le procès, le iugeoyēt deuoir estre absous, cōme innocent qu'il estoit) ceux de son pais mesme, & de sa nation l'ont tellement poursuiuy, que necessairement il a esté contrainct par leur poursuyte vehemente & importune, de se porter pour appellant à l'Empereur Cesar. Non pas (dit-il) que j'aye aucune chose, de quoy ie vueille accuser ma nation : car ie ne porte pas ceste chaine, de laquelle me voyez enuironné & lié estroitement, sinon pour l'esperance d'Israel. Les Iuifs, l'ayans ouy parler, osterent tout soupçon de luy, & dirent qu'ils n'auoyēt entēdu aucun mal de luy, ny par paroles, ny par lettres : l'asseurans qu'ils estoient prests & appareillez d'ouyr ce qu'il voudroit dire, afin de sçauoir son opinion : & mettoient en auant qu'ils n'estoyent pas ignorans, que par tout lon contredisoit & repugnoit à la secte Chrestienne. Or luy fut assigné iour, auquel il leur deuoit declarer son aduis. Ce iour venu, tous se trouuerent au lieu où il estoit : en la presence desquels il fut vn iour entier à parler de Iesus-Christ & de son Royaume : & selon que la matiere le requeroit, il allegoit pour preuue, & mettoit en auant à chacun propos qu'il tenoit plusieurs authoritez, extraites de la loy & des Prophetes, en tesmoignage de son dire. Quant à eux, en partie ils luy obeissent, & cōprennent peu à peu ses paroles, & en partie ne peuent estre induits à croire à son dire : tellement qu'ils partirēt de là estās en differēt d'opinions, par ce que les vns estoient d'un aduis, & les autres d'autre. Or quand Neron eut receu les lettres du gouuerneur Feste, S. Paul fut appelé en iugement, & mené deuant sa maiesté : où il se defendit avec telle grace & eloquence, & sçeut tant bien & sagement pratiquer l'Empereur par son beau parler, qu'il eschappa, & se purgea des accusations de la cauteleu se beste à plusieurs testes, telle qu'estoit le peuple de Iudee : non pas qu'il dit mal de ceux de sa nation, ou qu'il les desprisast ou blamast aucunement, mais sa defense gisoit toute en iustification, se prouuant seulement estre innocent des crimes que lon auoit mis en auant cōtre luy. Dès ce temps là, S. Paul demeura deux ans à Rome, viuant du loyer de son travail : durant lesquels il receuoit humainement toutes gens, qui le venoyent veoir, & les entretenoit & nourrissoit de double nourriture, & principalement de viande celeste & diuine. Voila la maniere par laquelle il y annonça l'Euangile, preschant à tous le Royaume de Dieu, nostre Seigneur Iesus-Christ, avec toute liberte & de la langue & d'esprit, & sans luy estre fait aucun empeschement.

S. Paul arriue à la ville de Rome.

S. Paul aussi dispute en ce lieu de la doctrine Euangelique, en la presence des Iuifs.

S. Paul absous par le premier iugement de Neron.

S. Paul presche l'Euangile à Rome par deux ans entiers.

*Saint Paul s'en va hors de Rome, afin de faire son deuoir à prescher de rechef l'Euangile.*

*Encor retourne il à Rome, où il souffre mort en tesmoignage de Iesus-Christ.*

*Puis est parlé de ses diuines epistres. Chap. XXXIIII.*



Ainct Luc, Apostre & Euangeliste diuin, a iusques à ce lieu descrit l'histoire des Apostres, & discourt sur les faits d'iceux. Or cy apres ie me delibere de suyuir les traces apparentes des historiens Ecclesiastiques, en ce que ie mettray par escrit touchāt le reste de l'histoire de l'Eglise, sous la bonne confiance que j'ay à Dieu : & adiousteray ce qui est de demourant d'icelle, avec l'inspiration du saint Esprit. L'Apostre donc absous par l'Empereur Nero, retourne à faire son premier deuoir de prescher : Mais à son retour à la ville de Rome, lon croit à la verité, que martyr il y laissa la vie. Aussi n'estoit ce pas merueille, que Neron s'accordast facilement à la defense de saint Paul, entreprinse pour la doctrine de la foy, parce que du commencement il y auoit quelque apparence d'humanité & douceur en cest Empereur. Mais apres qu'il fut tref-buché au heurt de toute meschanceté execrable & inhumaine, comme contre quelques rochers ou cailloux, on ne se doit gueres esbahir, si à tant de meurtres, qu'il faisoit à l'endroit de plusieurs autres personnes, il a aussi adiousté la defaictte & mort de quelques Apostres. Parquoy, ayant esté renuoyé absous pour ceste premiere fois (comme a esté dit) il composa la premiere :: epistre adressante à :: Timothee, lequel au parauant il auoit establi Euesque d'Ephese. En ceste epistre comme en vne figure ombragee, il declare bien au long le deuoir & estat de Euesque, ou autre ayant superiorité en l'Eglise : escriuant par l'instinct du saint Esprit, qu'elles mœurs sont bien diuisantes aux Prelats, qui veulent auoir la superinten-

.. Au 13. an de l'empire de Nero.

S. Paul, vint de rechef à Rome, & y souffre martyre.

:: Epistre premiere à Timothee.

.. Ceste epistre fut es-crite & enuoyee de Laodicee, ville souueraine & capitale de Phrygie Pacasiane.

Autres  
epistres de  
S. Paul.

Deliberatio  
de S. Paul,  
en escriuant  
ses epistres.

Epistre der-  
niere à Ti-  
mothee.  
2. à Timo-  
thee, ca. 4. c

S. Luc a cō-  
tinué ses  
Actes des  
Apostres  
iusques à la  
premiere  
venue de S.  
Paul à Ro-  
me.

dence des choses sacrees. Et non seulement il escriuit à Timothee, & sous le pretexte de son nom à toutes les Eglises de Iesus-Christ: mais aussi il adressa vne autre epistre au saint per-  
sonnage Tite, lequel au parauant il auoit ordonné & laissé pour Euesque en l'isle de Candie, autrement appelée Chrete: afin, que s'il y auoit encor quelque défaut en sa predication & ad-  
ministration de la parole Euangelique, il l'accomplist & rendist parfaire. Encor furent par luy  
enuoyees des epistres aux Corinthiens, aux Ephesiens, aux Galatiens, aux Colossiens, aux Phi-  
lippiens, aux Thessaloniens, puis aux Iuifs & Hebreux, & d'auantage aux Romains, & à plu-  
sieurs autres, vers lesquels la puissance & grace du saint Esprit l'auoit induit d'aller semer la  
parole, & lesquels il auoit honorablement regenez en Iesus-Christ, par la foy Euangelique:  
tellement que ce que par ses presches & harangues il auoit clairement enseigné, estant avec  
eux en personne, il leur remettoit en memoire par ses lettres, comme par vn abbrege, bié qu'il  
fust absent & loing d'eux. D'abondant il s'est monstré tant secret & sage à dicter ses epistres, que  
ce dont il s'estoit teu au parauant (comme de chose plus cachee, & ayant en soy quelque my-  
stere plus secret) il a eu soin de declarer puis apres manifestement par ses diuins escrits, avec pa-  
rolles qui se ressentoyent de plus haulte sapience: ou bien du moins, il a couuert, en façon de  
parabole ou comparaison (si ainsi fault parler) cōme par enigmes & propos de difficile intelli-  
gence. Et en ce faisant, ny il ne tenoit pas cela caché totalement pour ceux qui deuoient estre  
propres & idoines à ouyr les choses diuines: ny les exposoit du tout ouuertement & clairement,  
pour cause des ineptes & indignes de si grands mysteres, afin mesmemēt d'euitier le danger que  
telles choses ne vinssent à mespris. Or quand apres longs voyages & diuerses peregrinations  
faites par luy en plusieurs contrees, pour la seconde fois il fut venu à Rome, il y endura la mort  
pour le nom de Iesus-Christ: où il composa la derniere epistre adressante à Timothee, du  
temps qu'il estoit encor liéés prisons. En ceste epistre non seulement il parle de sa premiere de-  
fense, mais aussi declare l'acheuement & execution du martyre qui luy estoit prochainement  
preparé. Car il dit ainsi: Nul ne m'a assisté en ma premiere defense, mais chacun m'a delaissé.  
Je prie Dieu, que cela ne leur soit point imputé ny reproché, mais le Seigneur ne m'a point de  
laissé, ains m'a assisté, me fortifiant & donnant confort, afin que la predication fust parfaicte &  
acheuee par moy, & que tous les Gentils l'ouissent: Par ainsi j'ay esté deliuré de la gueule du  
lion. Il entendoit Neron par ce mot, à cause de son esprit inhumain, tyrannique & trempé au  
fiel de toute cruauté & arrogance. Et congnoissant en son son esprit, que la mort, qu'il deuoit  
endurer pour le nō de Iesus-Christ, estoit desia assez prochaine, il dit puis apres: Et le Seigneur  
me deliurera de toute mauuaise œuvre, & me contregardera & sauuera en son Royaume cele-  
ste. Par lesquels propos il signifioit & donnoit à entendre la mort qui luy estoit ia preparee. Ce  
qu'il predict plus apertement en la mesme epistre avec l'ayde du saint Esprit qui l'inspiroit. Car  
ie doy maintenant estre sacrifié (dit il) & offert à la mort: & le temps de ma resolution & de-  
partement est prochain. Au reste en ceste derniere epistre à Timothee, il declare que S. Luc luy  
assista, & ne le laissa pas: mais qu'en sa premiere defense chacū se retira, & ne luy demeura per-  
sonne, non pas S. Luc mesme. On peut bien conclure de là, que S. Luc a escrit entierement les  
Actes des Apostres, iusques au temps du premier emprisonnement de S. Paul: & qu'il a tref-  
bien poursuiuy l'histoire de tous leurs faits, ce temps pendant que premierement il a tenu com-  
pagnie à iceluy S. Paul. J'ay bien voulu dire cecy, afin de mōstrer que S. Paul ne rapporte point  
son tesmoignage qu'il donne de S. Luc, à ce qu'il a escrit en ses Actes de l'aduenement de saint  
Paul, en la ville de Rome: mais bien à vn autre temps suyuant apres, & plus dernier. Car S.  
Paul ayant voyagé quasi par tout le monde, & soustenu la bataille pour le party de l'Euangile  
du Christ, par le temps de trente cinq annees: finalement estant de rechef arriué à la ville de  
Rome, & y ayant trouué saint Pierre, chef & parangon des Apostres, il y receut ensemble avec  
luy la couronne d'immortalité, par la mort qu'il endura pour le tesmoignage du Seigneur.

\* temps suyuant ) Sçauoir est, au temps que saint Paul escriuit sa seconde & derniere epistre à Timothee,  
& fut emprisonné & lié des liens par l'Empereur Neron.

Des peregrinations & voyages de l'Apostre saint Pierre. De saint Clement,  
& de sa parenté: & comment il vint à Rome puis apres.  
Chap. X X X V.

S. Pierre  
souffre mar-  
tyre à Rome



Ainct Pierre aussi rendit son ame à Dieu, apres auoir non moins esté par  
le monde, & publié Iesus-Christ par ses predications à tous Iuifs tenans  
la circoncision par les regions de Palestine & Syrie, & quasi par tous au-  
tres païs: lors qu'il vint à Rome, du temps de l'Empire de Neron, pour  
resister à ce detestable enchanteur Simon, qui auoit ausé se faire appeller  
Dieu, avec escrireaux attachez és lieux publics, & abolir la predication de la  
parole de Iesus-Christ: l'ayant premierement rendu cōfuz, tant par ses faits,  
que

que par la vertu de son parler : & apres qu'il eust donné les clefs de l'Eglise Romaine à Line *Premier E-*  
premierement , puis à Anaclete , & apres eux tiercement ( lors qu'il alloit mourir ) à Cle- *uesque en*  
ment , homme tressage & vertueux. *l'Eglise Ro-*

Aufurplus saint Pierre , ensemble l'enchanteur Simon , fut chassé de Rome par l'Empe- *maine.*  
pereur Neron , qui l'estimoit estre forcier & magicien : parquoy il se retira d'où il estoit venu ,  
en Ierusalem & autres citez du leuant : & comme il embellissoit le monde par ses miracles , il *Actes de*  
se rencontra avec Faustin & Faustinian , ou bien avec Nicete & Aquile , fils de Fauste ( homme *s. Pierre.*  
Romain tref-renommé , & tenu en fort bonne reputation ) appartenans aussi de parenté à l'Em  
pereur Cesar , & freres de Clement.

Quand saint Pierre eut retiré les esprits de ces deux hommes des enchanteries & a- *Clement E-*  
bus de Simon , il alloit voir aux villes de costé & d'autre , d'où il arracheroit la semence des il- *uesque de*  
lusions de ce malheureux affronteur , iusques à la racine. Encor attira-il à soy le saint hom- *Rome.*  
me Clement , duquel il practiqua l'amitié & grace , en respondant aux questions secretes &  
obscures , qu'il luy mettoit en auant touchant l'ame , le reſtabliſſement de l'homme & plusieurs  
autres choses ſouueraines & de grande importance , lesquelles il luy ſçauoit declarer & ſou-  
dre bien à poinct. Et ce qui le rendoit encores plus ſon amy & familier , estoit qu'il le voyoit  
faire plusieurs miracles , avec vne vertu de ſapience tref-secrete.

Plusieurs annes apres il conuertit aussi à la foy Chrestienne , leur mere , nommee Mathi- *Mere de S.*  
die , femme notable & honorable , laquelle il rencontra , de fortune , en ne ſçay quelle ille , *Clement.*  
où elle ( ſeſtant ſauuee du danger de l'orage qui auoit fait periller le vaiſſeau auquel elle estoit  
portee ) viuoit en grand mal-aiſe , pleine d'ennuis & facheries. Or elle ſ'eſtoit miſe ſur mer ,  
pour aller de Rome à Athenes , & tenir compagnie à ſes ſils qui y nauigeoyent , en eſperance de  
proffiter aux lettres , en ſi fameuſe vniuerſité : mais la force de la tempeſte froiſſa leur nauire ,  
qui fut cauſe de les ſeparer , quand chacun de ſa part ſe mit en peine de ſauuer ſa vie : de ſorte  
que les vns & les autres eſchaperent ſains & ſaufs du danger , par la volonté diuine , & ſe trou- *S. Clement*  
uerent l'un en vn lieu & l'autre en vn autre. *avec ſes*

Quant à la mere , elle iettée en vne ille , fut contrainte de gagner ſa vie à ſeruir : en laquel- *deux freres*  
le ſaint Pierre la trouua vn iour qu'il estoit ſorty hors de ſon chemin , pour aller voir les co- *puis encor*  
lonnes portans vignes , accompagné des trois freres ( deſquels j'ay deſia parlé ) enfans d'elle , *avec ſes pe-*  
qui la recongneurent pour leur mere , outre toute eſperance & attente. Parquoy ſaint Pier- *re & mere*  
re luy donna baptême , la renouellant en ce lauement diuin. *tint compa-*

Fauste aussi leur pere , eſtant party de Rome , pour commencer la cerche de ſes femme & en- *gnie à ſains*  
fans , ayant voyagé par les pays d'Egypte , Syrie & Phenice , par le vouloir de Dieu , & de bô- *Pierre , lors*  
ne aduenture , rencontre ſaint Pierre & ſes gens , lesquelſ il cerchoit , & fut baptiſé comme *qu'il alloit*  
eux , avec lesquelſ il accompagna l'Apoſtre , quelque part du monde où il allaſt : parquoy ils fu- *par le mon-*  
rent pour vn long temps vrais trompettes & certains teſmoins de ſes actes , & avec luy preſ- *de preſchāt*  
cherent la parole du Chriſt. *l'Euangile.*

Or comme ſaint Pierre alloit en ceſte ſorte de costé & d'autre par le monde , il ordonnoit  
& eſtabliſſoit des Eglises par tout où il paſſoit : & donna en charge celle de Rome par vne ſuc- *Eueſques*  
ceſſion , à ceux deſquelſ a ia eſté parlé : ſçauoir eſt à Line , à Anaclete , puis en troiſieſme lieu *premiers de*  
au ſaint homme Clement. Et ſemble qu'iceluy Clement ſe dit auoir eſté eſleu par ſaint Pier- *l'Eglise Ro-*  
re approchant de ſa mort , & qu'il ſe conte ſecond & ſucceſſeur d'iceluy : mais les autres au- *maine.*  
theurs le mettent quatrieſme Eueſque apres ſaint Pierre , entre lesquelſ eſt Euſebe de Pam-  
philie.

Quant à l'Eglise d'Alexandrie , ſaint Pierre en ordonna ſaint Marc gouuerneur & chef : à *Eueſques de*  
la ſainte adminiſtration & ſeruiſſe de laquelle Anian luy ſucceda , lors que Neron estoit en la *l'Eglise d'A-*  
huietieſme annee de ſon Empire. *lexandrie.*

Encor institua il Eueſque de l'Eglise d'Antioche , premierement Euode , puis le ſaint hom- *Eueſques de*  
me Ignace , qui à la verité estoit inſpiré diuinement & approchant de Dieu en toute perfectiô : *l'Eglise*  
& c'eſt celuy que Ieſus Chriſt preſenta rendrelet , l'ayant eſleué en haut avec ſes mains , com- *d'Antioche.*  
me vn perſonnage ſimple & entier , & voulant monſtrer la ſimplicité & integrité d'iceluy aux  
disciples , il dit , que iamais ils ne paruiendroyent au royaume des cieux , que l'on preſchoit  
pour lors , ſ'ils ne ſe rendoyent ſemblables au petit enfant Ignace.

D'auantage ſaint Pierre eſtablit & crea Pancrace , Eueſque des Siciliens : & à plusieurs au- *Eueſques en*  
tres qui auoyent aprins de luy la ſainte diſcipline de Ieſus Chriſt , il donna en gouuernement *Sicile.*  
d'autres villes , Illes & regions , les faiſant Eueſques & Pasteurs d'icelles.

Par ce moyen , ayant publié l'Euangile du Chriſt , par la vertu & force de la parole diuine *s. Pierre*  
( avec l'ayde de plusieurs miracles & ſignes ſupernaturels ) eſ regions de Paleſtine , Sirie , Phe- *uint à Ro-*  
nice , Pont , Galatie , Cappadoce , Bithinie , & ( pour le faire court ) en toutes les contrees *me eſ der-*  
d'Asie & d'Europe , bref à tous Grecs & Iuiſſes diſperſez çà & là : finalement il arriua à la vil- *niers temps*  
de Rome ( Royne de toutes les villes ) lors meſme que ſaint Paul y estoit : ce qui aduint ſur *de Neron.*  
le dernier temps de l'Empire de Neron.

*Des miracles faits à Rome par les Apostres. De la mort de l'Antechrist, Simon le magicien :  
& comment les saints hommes Pierre & Paul ont enduré la mort  
à Rome, & receu la couronne de martyre.*

C H A P. XXXVI.

*Persecution  
des Chre-  
stiens sous  
Neron.*



Neron (entre les mains duquel estoit la souveraine puissance & gouvernement de l'Empire) apres qu'il se fut laissé aller à toutes meschâcetez cruelles & inhumaines, ayant congnoissance & voyant à l'œil, que par les admirables œuvres & miracles espouventables de ces deux saints personnages, si grande multitude de peuple se convertissoit à la foy de Iesus Christ, qu'il estoit impossible de les mettre en cote : à ceste occasion prend les armes en main, pour mener guerre à la pieté & honneur deféré à Dieu : de sorte qu'il ordonna des meurtriers, lesquels mirent à mort tant les fideles Romains nouvellement reduits à la voye de salut, que le

*Simō le magicien met  
sous efforts  
à faire mourir les Apostres.*

Senat & court de Parlement, affoibly grandement pour le peu qu'il y avoit de Conseillers, Senateurs & gens de son ordre, ne se pouvoit contenter des meurtres qui s'accroissoient de heure en heure, & venoyent l'un sur l'autre, ains en estoit fort desplaisant & marry. Et de là vint que Simon l'enchanteur, qui poursuiuoit vivement les Apostres, avoit grand accès, & acquit liberté tant à l'endroit du Senat, que de l'Empereur Neron. Or ce gentil abuseur mettoit toute peine de ruiner les saints Apostres : mesme s'efforçoit au possible d'abolir & mettre à neant leur nom : comme de ceux qui estoient le seul motif des meurtres qui se commettoient en si grand nombre de personnes. Parquoy Neron (fort courroucé contre eux) comme abusé qu'il estoit, s'abaisa iusques à là, que d'embrasser & caresser l'affrôteur Simon, lequel il entretenoit & aymoit tellement, qu'il mettoit le plus de son estude à luy faire plaisir. Simon donc resistoit & contrarioit à saint Pierre, avec lequel souvent il avoit grandes disputes : au moyen dequoy l'enflure de son impiété vint à tel accroissement, qu'estant sur le point d'apostumer, finalement vint de fort grande liberté & audace plus que temeraire, & dit à saint Pierre, en la présence de tous les Romains : Et toy que dis tu ? Ton Christ a il esté grand pour avoir monté depuis la terre aux cieus ? ce m'est chose facile d'en faire autant : & incontinent estendant les bras, fut esleué en haut par la conduite des esprits diaboliques, auxquels il s'estoit habandonné. De-

*Aux prieres de S. Pierre, Simon volant au ciel, à l'ayde des diables, tombe à bas & meurt.*

quoy S. Pierre fut en grand soucy, & commença à se retourner de cœur par prieres au seigneur Dieu. Finalement tout rempli du saint Esprit, il se print à tancer & reprendre aigrement les puissances des diables, qui esleuoient en haut cest homme detestable, leur ordonnant de se retirer d'entour luy. Soudain apres ce commandement, l'enchanteur tombe violement du haut à bas, & meurt tout froissé & rompu de sa cheute. Quand la populace (qui auparavant avoit tenu grand conte de Simon, & le louoit, luy portant honneur comme à un Dieu) eut veu l'Enchanteur ainsi rué soudainement à bas, se desdisant avec chant contraire aux premieres louanges qu'elle luy avoit donnees, commença à crier à haute voix : Il est un seul grand Dieu, que Pierre & Paul annoncent clerement par leurs predications. Encor iusques au iourd'huy, le lieu où ce piteux spectacle aduint, est appelé *Simonium*, du nom de Simon l'Antechrist, declarant sa mort & destruction miserable. Or y avoit-il quelques uns en la compagnie, qui l'estimoient deuoir reuenir en vie & resusciter : qui fut cause de le laisser plus long temps gisant sur le carreau : mais quand le corps mort commença à se corrompre & rendre mauuaise odeur, ils furent hors de toute esperance, & l'enterrerent secretement en un lieu caché. Quand Néro fut aduerty de la mort du Magicien, aduenue par les prieres de saint Pierre & de saint Paul :

*Martyre de s. Pierre & de s. Paul.*

il fit attacher saint Pierre en croix, les pieds tendans en haut & la teste en bas : car luy mesme avoit demandé d'estre ainsi attaché, tant par ce qu'il se iugeoit indigne de souffrir en la mesme sorte que son Maistre endura, pendu en la croix tout droit : que aussi afin que sa mort fust plus tost avancée, & qu'il ne tardast pas si longuement à paruenir au ciel. Quant à saint Paul, il le fit passer au tranchant de l'espee, en mesme temps & iour. Et furent tous deux enterrez au chemin que l'on appelle La voye d'Ostie, en l'an trentesiesme apres la passion salutaire de nostre Seigneur Iesus Christ.

*S. Paul apparait à Neron, le iij. iour apres sa mort.*

Ordit on que saint Paul tesmoigna deuant la maiesté de Neron, avant sa mort, que le troiesme iour ensuiuant icelle, il se représenteroit tout vis deuant luy, & luy appareroit plein de vie. Ce qu'estant aduenu, l'Empereur en eut si grand estonnement, qu'il ne se pouvoit rassurer. Encor dit on d'avantage, que saint Paul luy appareroit certainement & à la verité, apres sa mort, se print à le prescher, disant librement que Iesus Christ estoit vray Dieu, & luy remonstrant que le vray salut ne gisoit en autre nom, sinon en celuy de Iesus : & que Neron s'efforçât bien de comprendre le dire de saint Paul : mais qu'il n'en peut venir à chef, par ce que ceste vision s'esuanouit incontinent de ses yeux.

\* est appelé *Simonium* ) Que l'enchanteur Simō (qui se disoit estre la grāde vertu de Dieu, & apelloit sa pntain



putain le saint Esprit) die & raconte comment en certain temps il paya dans la ville de Rome le deu de nature, quand il fut tout froissé, tombant mort au milieu de la ville. Epiphane contre l'heresie de Simon.

Saint Augustin aux sermons des saints, en parle ainsi : Lors que Simon se disoit estre le Christ, & asseuroit que comme fils il pouoit monter en volant à son pere : & que soudain, par sa science de magie, il commença à voler estant esleué en l'air : alors saint Pierre, ayant mis les genoux en terre, fit prieres au seigneur Dieu, & par son oraison sainte vainquit la legereté magique : tellement qu'il luy fit quitter l'air, le rendant comme lié, & le faisant venir à terre par une cheute soudaine, le froissa entierement contre des pierres, & luy rompit les iambes. Le mesme saint Augustin, parlant de la ieunesse du Samedy, en l'epistre 86. dit ainsi : Elle est l'opium de plusieurs ( combien que d'autres l'estiment estre faulx ) que l'Apostre saint Pierre, estant sur le point de combattre à Rome à l'encontre de Simon l'enchanteur, à un iour nommé, qui estoit le Dimanche, renua le iour de denant avec toute l'Eglise des fideles de la ville, pour cause du danger de si grande & perilleuse veneration : laquelle custume de ieusner les Samedis, il a tenu & gardée depuis, à cause de l'euenement bien heureux, qui s'en ensuiuit à sa louange & honneur. En quoy quelques Eglises de l'Occident l'ont suiuy & imité.

De la cruauté & villenie de l'Empereur Neron. De ce que quelques uns de nos auteurs Ecclesiastiques ont mis par escrit de luy, & de la mort des saints Apostres. Puis quelle fut la diuine figure & representation des visages d'iceux Apostres.

CHAP. XXXVII.



Oilà comment ces deux saints Apostres ont acheué le cours de leur vie par martyre. Quant à l'Empereur Neron, d'autant que les forces de son Empire prenoient plus grand accroissement, d'autant estoit-il plus meschant : de sorte que étant venu iusques à ce point d'impieté qu'il se laissoit aller à tous les plus execrables vices, il print mesme les armes contre ce honneur & reuerence, que tous humains doiuent à Dieu.

Or ce n'est pas de mon entreprinse, ny ne concerne à ce present œuvre de declarer par le menu & au long toutes les meschansetez & outrages : ses façons de faire : Que si quelqu'un desire de voir par escrit les mauuaises du personnage auquel le parle, avec la fureur descouuerte, il se pourra adresser aux escriptures d'une infinité d'histoires, que plusieurs ont fidelement & soigneusement mises en lumiere, touchant les faits de cest Empereur. Car ayant esté auteur de la mort de beaucoup de personnes, il se souilla au sang de tant de meurtres, que finalement il ne pardonna pas mesme à ses plus grands amis : tant il l'estoit oublie en son deuoir, & tant il mettoit en arriere toute raison en l'execution de ses affaires. Outre ce, non seulement il l'estudioit à faire toutes choses de plaisir, mal seantes à la grauité d'un tel seigneur : comme celuy qui chantant des chansons de musique, en iouant de la harpe, se delectoit encor à representer des gestes & autres mouuemens vilains, qui se ressembloient d'une paillardie, de sorte que mesme puliquement en plain theatre ( qui est chose ridicule & impossible ) il ne craignoit à sauter ou baller deuant tous ses subiects : mais encor ne laissoit rien de ce qui est hay de Dieu & mal-plaisant, qu'il n'entreprint & esprouast : comme étant le premier ennemy capital de la parole, conioincte avec vraye pieté. Ce ne luy fut pas assez d'adonner son esprit à tant de meschansetez : car outre cela, apres que l'on luy eust descouvert les embusches de la coniuration faite contre la personne, il fit mourir sa propre mere, son frere & sa femme : & mit à mort tres-inhumainement par diuerses sortes de tourmens un nombre infiny des plus apparens bourgeois & grands personnages de la ville de Rome, mesmement ceux qui luy atouchoyent de parenté. A toutes les cruautés il adiousta ce point, qu'il fut le premier de tous les Empereurs qui emporta & cueillit les fruits premiers de la cruelle impieté entreprinse à l'encontre de Dieu. Or il ne resta autre chose à son extrême fureur, sinon qu'il diuint insensé & trauaillé en son esprit par tel remors de

La meschante & ignominieuse vie de Neron descrite en bref.

conscience, que, n'ayant point de repos en son entendement, finalement luy mesme se tua : apres auoir gouuerné l'Empire en toute villenie & meschanseté par le temps de quatorze ans, hors mis peu de mois. Tertulian, historiographe Romain, tient de luy ces propos : Voyez & fusillez vos registres publics, vous y trouuerez que Neron fut le premier qui s'agrit & exerça cruauté contre cette secte, laquelle pour lors s'esleuoit & prenoit accroissement en la ville de Rome. Encor nous glorifions-nous d'auoir esté condamnez d'un tel homme : car quiconque sçait ce qui en est, il peut bien congnostre que rien iamais ne fut hay ny blasmé par Neron, si ce n'a esté quelque bien. Par ce moyen il fut conduit & incité par sa cruauté mesme, à faire mourir les Apostres : luy que l'on r'apporte auoir esté le premier qui liura l'assaut à Dieu & à sa Religion. Or dit-on que saint Paul fut decapité à Rome, & saint Pierre attaché en croix en un mesme temps. Pour confirmation de ce, la sepulture de tous d'eux s'y voit encor pour le iourd'huy en un mesme cimetiere. Voilà ce que Tertulian en dit, lequel j'ay bien voulu alleguer en ce lieu. Pareillement il y a un autre escriuain Ecclesiastique, nommé Caie, qui a vescu du temps de Zephetin Pape de Rome, & escrit à l'encontre de Procle, auteur & capitaine de l'heresie des Cataphrigiens : lequel parle ainsi des lieux où sont les sepultures

Mort de Neron.

Neron fut le premier des Empereurs Romains qui persecuta les Chrestiens.

S. Pierre & S. Paul ont souffert martyre à Rome, en mesme temps.

de ces deux saints Apostres : Quant à moy, ie monstrey bien des enseignes, qui rendent témoignage de la victoire des Apostres. Car qui voudra aller en Vaticain, ou chemin d'Ostie, il y trouuera des trophées des Apostres qui ont fondé ceste Eglise. Or qu'en mesme temps tous deux ayent enduré mort pour la deffence de la foy Chrestienne, des pieça Denis Euesque des Corinthiens, escriuant aux Romains, nous l'assure, quand il dit : Certainement vous auez gouverné, avec vne moderation, la plante de l'Eglise Romaine & Corinthienne, entee par saint Pierre & saint Paul, par le moyen d'une telle doctrine & exhortement : car eux deux, semans icy à Corinthe la parole de Dieu en nos esprits, ont enseigné mesme chose : & la où vous estes en Italie, ayans ensemble publié mesme doctrine, en mesme temps ont souffert martyre. I'ay mis en auant ces authoritez, à fin que l'histoire des Apostres soit confirmée par auteurs merittans plus certaine foy : car ie n'ignore point aucuns vouloir soustenir qu'un an apres la mort de S. Pierre, à vn mesme iour, S. Paul aussi finit sa vie, pour rendre témoignage à Iesus Christ. Or selon ce qu'on peut descrire simplement, la grandeur & forme de leurs corps fut telle. Saint Pierre n'estoit pas de grosse stature, mais de grandeur assez bonne & droite, avec face aucunement pale & fort blanche. Il auoit la chevelure & la barbe espee, crepelue & non longue. Ses yeux noirs sembloient quasi estre arrousez de sang : & les sourcils comme arrachez, tant ils se monstroyent en dehors. Son nez estoit aucunement long, non aigu toutesfois, mais pressé & plus tost camus. Saint Paul auoit le corps petit, retiré & trappe : comme estant aucunement courbé & bossu : son visage estoit blanc, monstrant apparence de bon age : sa teste petite : ses yeux fort gracieux & beaux, avec les sourcils tirans vers le bas. Il auoit le nez bien tourné & assez long : la barbe epaisse & bonnement grande, entremeslee de poils blancs, aussi bien que les cheveux de sa teste. Or quand on regardoit l'un ou l'autre de ces deux Apostres de Iesus Christ, il y auoit apparence qu'en eux estoit logé quelque signe de diuinité : car le saint Esprit les auoit tellement remplis de grace secrete & cachée, que les fideles qui les voyoyent, au seul regard d'eux, conceuoyent quelque grace secrete & cachée, qui les forçoit latemment de bien conformer les mœurs & vie avec la foy, & se conuertir à vne meilleure façon de viure.

Statue de  
S. Pierre.

Statue de  
S. Paul.

:: Ce iour de solennité  
De la feste Apostolique  
De deux que la Deité  
Logea au palais celiue,  
Noble pour le sang de Pierre  
Et de Paul, reuiuent sur terre.

L'un & l'autre une iournée  
A veu de tourmens miné,  
Et n'y auoit qu'une amee  
Entre deux, quand couronné  
Chacun d'eux de mort cruelle  
Entra en vie eternelle.

Prudentius.

Saint Iacques, frere du Seigneur, combat iusques à la mort pour le Christ.

CHAP. XXXVIII.

Il propose ce  
qu'il veut  
dire.



'Est assez parlé des deux principaux Apostres de Iesus Christ. Il me semble puis que ie suis venu iusques à ce point, que leurs martyres sont racontez, qu'il sera bon de traiter au bref d'une suite, en ce liure second, quelle fin de vie ont eu les autres dix : non pas que ie les vueille dire auoir tous en mesme temps passé le pas de la mort bien-heureuse : mais tel a esté mon aduis, qu'il falloit ainsi faire, afin de rendre mon histoire plus abregee & facile à comprendre. Puis ayant dit lesquels d'entre eux ont esté mariez, & qui sont ceux qui ont laissé les escriptures saintes, entieres & approuuees en l'Eglise : ie mettray fin à ce deuxiesme liure de

Martyre de  
S. Iacques  
frere du Sei-  
gneur.

Oblis, c'est  
à dire, rem-  
part, ou de  
fense du  
peuple, &  
la iustice.

l'histoire sacree : afin qu'apres le premier, qui contient entierement les faits de Iesus Christ, ce second soit acheué, qui parle des actes des douze Apostres : bien que mon liure prenne accroissement, & se face plus long que ie ne pensois. Donc apres le deceds de saint Pierre & de saint Paul, ie veux mettre par escrit la mort de saint Iacques, qui fut surnommé frere du Seigneur, & print la charge de l'Eglise de Ierusalem, le gouvernement de laquelle luy auoit esté mis en main par le sauueur Iesus Christ mesme : ou bien (côme aucuns veulent dire) par les Apostres, du depuis, lequel aussi pour raison de sa bonté & preud'homme, acquit le surnom d'Oblis, qui signifie Iuste. Car apres q S. Paul eust eschapé les cautelles des Iuifs, par le moyé du gouverneur Feste, & par l'appel qu'il interjeta à Cesar : les embusches dressées cõtre luy, sans auoir eu tel succez qu'ils pretedoyent, furēt par eux tournees à l'encõtre de S. Iacques. Quelle fut la fin de sa vie, Hegesippe ( qui vesquit es temps de la premiere successiõ des Apostres ) le raconte au cinqiesme liure de ses comentaires, où il dit ainsi : Or Iacques, frere du Seigneur, prend la charge du gouvernement de l'Eglise avec les Apostres : lequel a esté de tous appelé Iuste, depuis le tēps d'iceluy Seigneur, iusques au iourd'huy. Plusieurs ont esté nommez du nom de Iacques : mais cestuy cy fut saint dès le ventre de sa mere, lequel ne beut oncques vin, ny citre, ne autre

„ autre bruuage qui peult enyurer : & ne mangea iamais de quelque beste que ce fust. Iamais le  
 „ rasouer ne monta sur sa teste, ny ne fut oinct d'huile, encor moins vſa-il de bains. A luy seul  
 „ estoit permis d'entrer au sanctuaire des sanctuaires, & ne portoit point robbes de laine, mais  
 „ de lîn seulement. Quelques fois il se retiroit seul au temple : & là on le trouuoit prosterné à ge-  
 „ noux, & faisant à Dieu prieres pour la remission des pechez du peuple. Ses genoux estoient  
 „ endurcis en la sorte de ceux du chameau, par ce que tousiours il les mettoit à terre, afin de  
 „ prier Dieu.

„ Or les Iuifs, voyans que plusieurs, mesmes des Princes & gros seigneurs, estoient bien af-  
 „ fectez à la foy en Iesus Christ, & la soustenoyent, esmeurent sedition & tumulte en la ville de  
 „ Ierusalem, aydez par les scribes & Pharisiens : qui disoyent la chose estre tombee en tel danger  
 „ & venue à ce poinct, que tout le peuple tenoit Iesus pour le Christ attendu. Parquoy se retirās  
 „ à Iacques, ils luy dirent : Nous voudrions bien vous aduertir & prier de reprimer & arrester  
 „ le peuple, qui est tellement abusé en l'estime qu'il a de Iesus, qu'il le tient & iuge estre le vray  
 „ Christ. Nous vous prions tres-humblement qu'il vous plaise oster de la fantasie à ceux qui sont  
 „ venuz pour celebrer la feste de Pasque ou du Passage, l'opinion & foy qu'ils ont conceue de ce  
 „ Iesus. Vous sçavez que chacun de nous vous porte obeissance, & donne tesmoignage avec tout  
 „ le menu peuple, que vous estes iuste, & n'avez point d'acception de personnes. Remonstrez  
 „ donc à la populace qu'elle se donne garde d'errer en ce que l'on dit de Iesus. Il n'y aura person-  
 „ ne qui ne vous croye : car tout le peuple vniuersellement, & nous aussi, ne pourrions desirer  
 „ vn plus grand bien que d'obeyr à vos commandemens. Mettez vous sur les creneaux du tem-  
 „ ple, afin que chacun vous puisse veoir facilement estant en haut lieu, & que toute l'assemblée  
 „ entende vos propos. Car à cause de la feste du Passage toutes les tributs ou lignees des enfans  
 „ d'Irael s'estoyent assemblez en la ville de Ierusalem, & les Gentils aussi.

„ Les Scribes doncques & Pharisiens firent monter Iacques aux creneaux du temple, & à hau-  
 „ te voix luy tindrent tels propos : Seigneur Iuste, il n'y a aucun de toute ceste compagnie qui ne  
 „ vous doie obeissance, parquoy nous vous prions qu'il vous plaise nous faire certains de  
 „ la verité, touchant Iesus qui a esté pendu en croix : par ce que le peuple est seduit en  
 „ sa foy, & erre en ce qu'il croit de ce personnage crucifié. Iacques, parlant si haut que  
 „ chacun le pouuoit entendre, respondit en ceste sorte : Pourquoi m'interrogez vous de Ie-  
 „ sus fils de l'homme ? C'est luy, c'est luy qui sied aux cieus, au costé droit de la grande ver-  
 „ tu & souueraine puissance : c'est luy qui viendra dans les nuees du ciel. A ceste responce plu-  
 „ sieurs furent bien satisfaits & trescontens en leur foy certaine & indubitable : lesquels fort  
 „ ioyeux d'auoir ouy le tesmoignage de Iacques, se glorifioient en leur opinion, & chantoient  
 „ haut & clair : *Osanna le fils de Dauid.* Ce que voyans les Scribes & Pharisiens, se repentoient,  
 „ & disoyent entre eux : C'est mal fait & inconsiderément à nous, d'auoir procuré vn si grand  
 „ tesmoignage à Iesus. Mais voyla que nous ferons : montons la haut, & ruons Iacques du haut  
 „ en bas : à fin que le peuple espouuanté n'adiouste poinct de foy à son dire. Ce qui fut fait :  
 „ car ils monterent au creneau où il estoit, & s'escrians tous ensemble, commencerent à dire  
 „ O ô Dieu, qu'est-ce cy ? le Iuste mesme est seduit & abusé par erreur. Et quand & quand  
 „ le ietterent du haut en bas. Encor ne leur suffit il pas : mais ils disoyent l'vn à l'autre : Ac-  
 „ cablons le de pierres : & se prirent à le lapider. En ces entrefaites, apres auoir enduré  
 „ plusieurs coups de pierres, n'estant pas encor du tout mort, il se retournoit à Dieu, & mettant  
 „ les genoux à bas, disoit : le te supplie, mon Seigneur, mon Dieu, mon pere eternal, par-  
 „ donne à ces gens icy : car ils ne sçauent pas bonnement ce qu'ils font. Et comme les autres  
 „ poursuyuoient à l'assaillir viuement à coups de pierres, l'vn des prestres, enfans de Rechab  
 „ (desquels le prophete Ieremie a donné tesmoignage) s'escria, disant : Cessez, mes amis,  
 „ cessez : arrestez vous. Qu'est-ce que vous faites ? veu que Iuste (lequel vous lapidez) prie  
 „ mesmement pour vous tous. Cependant vn foullon print son bois, duquel il applanit les  
 „ draps : & avec cest instrument brisa la teste de Iuste, qui par ce moyen trespassa martyr, en la  
 „ septiesme année de l'Empire de Neron : & fut enseuely en vn certain lieu au pres du temple,  
 „ où pour le present lon voit encor sa sepulture. Or de son viuant il porta vray tesmoignage aux  
 „ Iuifs & aux Grecs aussi, que Iesus estoit le Christ. Incontinent apres commença la ruine & op-  
 „ pression des Iuifs, & fut assiegee la ville de Ierusalem. Au demeurât, ce Iacques fut tant merueil-  
 „ leux en toutes perfections de vertu, & tant renommé par sa grande iustice, que mesme les plus sa-  
 „ ges hommes, d'entre les Iuifs, confessent franchement & tiennent pour certain, que telle cruau-  
 „ té, commise en la personne de Iacques, a esté cause de la guerre Iudaïque. Comme aussi Iose-  
 „ phe le tesmoigne en ses histoires, disant ainsi en quelque lieu : Ces euenemens arriuerent  
 „ aux Iuifs, pour vengeance de la mort de Iacques le Iuste, qui estoit frere de Iesus, lequel on nom-  
 „ moit Christ. Les Iuifs le mirent à mort, encor qu'il fust homme tresiuste. Mais au vingties-  
 „ me liure des Antiquitez Iudaïques, le mesme historien Iosephe décrit la mort de ce bon  
 „ personnage, & dit ainsi : Cesar, ayant entendu la mort du gouuerneur Feste, enuoye Albin au  
 „ pais de Iudee, pour auoir eſgard au gouuernement d'iceluy. Ce temps pendant, Anan le ieune

*Osanna sau-  
 ue nous, vi-  
 uifie nous :  
 ou bien no-  
 stre sauue-  
 mens.*

## LIVRE II. DE L'HISTOIRE ECCLESIASTIQUE

*Anan ou Ananias, auteur de la mort de Jacques.* ( comme nous auons dit ) auoit prins la charge du Pontificat : qui se fiant à ses façons de faire, & audacieux au possible, estoit de la ligue des Sadduciens, lesquels se monstroient fort cruels & inhumains en leurs iugemens, au regard de tous autres Iuifs. Anan donc, estant tel, & estimant que l'opportunité du temps luy venoit bien à souhait, puis que le gouuerneur Feste estoit mort, & Albin son successeur encore en chemin, assembla les Iuges : & pourfuiuit tellement son entreprinse, qu'il feit lapider quelques hommes, & entre autres vn nommé Jacques, frere de Iesus, qu'on appelloit Christ : lesquels il auoit fait conuenir par deuant la iustice, en actiō d'auoir enfraint & violé les loix. Tous les gens de bien de la ville, & qui estoient estimez bien entendus en la loy, ne trouuerent pas cela bon, ains en furent fort marris : tellement qu'ils enuoyerent secretement vne ambassade à l'Empereur, à fin de le supplier que son bon plaisir fust de mander au Pontife Anan, qu'il ne s'ingeraſt plus cy apres de faire telles choses : luy donnās à entendre ( comme aussi la verité estoit ) que ce qu'il auoit fait au parauant estoit contre droit & raison. Il y en eust aussi quelques vns qui allerent au deuant du gouuerneur Albin, lequel venoit d'Alexandrie : & luy remonſtrèrent qu'il n'estoit pas loisible au Pontife Anan d'assembler le consistoire des Iuges, pour donner aucun arrest, sans auoir premierement congé de luy, qui estoit gouuerneur du pays. Albin adiouſta foy à leur dire, & escriuit en cholere à Anan, avec menaces, luy donnant à entendre qu'il le chastiroit bien de sa mal-verſation. Mesmement il semble que le Roy Agripe, pour ceste cause, le depōsa de son office de grand ſacriſicateur.

*En ce mesme liure, ch. 4. il dit ce Iesus estre fils de Gamaliel.* . En ce mesme liure, ch. 4. il dit ce Iesus estre fils de Gamaliel.

Lequel il auoit tenu par trois mois : & le donna à Iesus, . fils de Damnee. Voila cōment se porte le fait de Jacques : de la façon duquel on tient estre la premiere epiſtre entre les Catholiques, adressante à toutes Eglises : laquelle est fort bien escrite, & avec grande liberté, aussi bien que celle de Iude : combien que les plus anciens ne fassent aucune mētion de l'vne ny de l'autre.

4 année del'Empereur) *Aucuns rapportent la mort de saint Jacques en l'an troiesme de l'Empire de Neron, qui estoit la seconde année depuis que saint Paul, lié, fut mené prisonnier en Iconse. Il y a eu quelques vns qui ont dit ce meurtre auoir esté cause de la ruine de Ierusalem.*

*Les saints Apostres André, Philippe & Bartholomee endurent mort pour la deſſence de la foy de Iesus Christ.*  
CHAP. XXXIX.

*Les saints & martyre de saint André Apostre.*



E saint Apostre André, frere du plus excellent d'entre tous les Apostres saint Pierre, fut celuy qui premierement congneut le Seigneur, aux enseignes que saint Iean Baptiste en donnoit : & l'ayant congneu, luy amena son frere germain. Or fit il bien son deuoir, & se gouerna comme il appartenoit, en ſuiuant la trace de son maistre, depuis que premierement il fut appelé, iusques au iour que Iesus Christ monta aux cieus. Et ayant receu diuinement la grace du saint Esprit, en forme de langues de feu, ceste charge aussi luy aduint par sort, d'estre enuoyé aux Gentils, à fin de leur annoncer la parole de Iesus Christ : pour à laquelle

*Antropophages.*

le fournir, il fit le chemin de Cappadoce, Galilee & Bythinie : puis ayant voyagé par ces regions, il arriua en la contree des Antropophages, qui est vn peuple viuant de chair humaine : de là vint aux solitaires deserts de Scythie, puis à l'vn & l'autre pont Euxin, & encor aux régions Septentrionales & de Midy, & mesme à la contree de Byzante : où il ordonna saint Stachys pour Euesque premier de l'Eglise, qu'il y institua premierement. Non content d'auoir veu ces pays, encor fit-il le voyage de Thrace, Mecedoine, Theſſale & Achaye. En toutes ces regions il demeura long temps, donnant louanges à Iesus Christ, par harangues & predications diuines, par signes, par œuvres & par miracles infinis, surpans tout naturel : de sorte que finalement Egeate, lieutenant du consul de Rome, au pays de Scythie qui est en Europe, le fit esleuer & mourir en croix : luy mettant sus, pour toute accusation, qu'il auoit enseigné à sa femme Maximille & à son frere Stratocles, de detester & auoir en horreur son impieté, leur ouurant la porte à la foy de Iesus Christ, à laquelle ils furent par luy conuertis.

*Philippe & Bartholomee.*

*Hierapolis est à dire, ville sacrée.*

*Telle idolatrie, de nostre tēps a esté solennelle en Liouana & Samogitie.*

Quant à Philippe & Bartholomee, les pays de Syrie & Asie la superieure leur adnindrent par sort : où ils bastirent les fondemens de la foy par toutes les villes, y edifiāns des Eglises ou temples, & en donnans la charge au Euesques & Prestres. Au surplus, Philippe ayant passé par toutes les villes de l'Asie, arriua finalement en vne ville de Phrigie, qui est appelée . Hierapolis, citée au demeurant fort riche, bien renommee, & s'accordant en toutes choses au nom qu'elle portoit : toutesfois les habitans d'icelle estoient tellement idolatres, que mesme ils portoyent honneur à vne vipere ( qui est vn serpent venimeux & immonde ) enfermee en la chapelle où l'on serroit les choses sacrées, & l'adoroyent comme Dieu, avec grande manificence & reuerence, l'entretenans & nourrissans de ce qu'on luy sacrifioit, & estans merueilleusement addonnez à son seruice.

Or

Or quant l'Apostre fut là arriué, avec sa sœur Mariamne, qui luy faisoit ordinairement compa- *Mariamne*  
 gnie, comme celle qui auoit arresté en son esprit de passer toute sa vie sans estre mariee, & gar- *sœur de S.*  
 der sa virginité: soudain l'adoration des idoles fut abolie en ceste contree, & l'insolence des dia- *Philippe.*  
 bles y demeurans abaissée & mise à neant. Car ce Dieu serpent, que j'ay dit, sortit de son logis,  
 & se print à fuir, comme s'il eschappoit d'un brasier de feu ardent. Qui fut cause que ceux qui  
 l'auoyent reueré avec si grand soing & estude, deuinrent tant honteux, qu'ils ne s'auoyent au-  
 cunement monstrier. Au reste, la populace, voyant que Philippe & Mariamne de iour en iour  
 faisoient plusieurs miracles, esmeut un trouble & sedition: Par ce que les uns s'arrestoyent au  
 Dieu que Philippe & Bartholomee preschoyent: car Bartholomee auoit esté enuoyé par le Sei-  
 gneur en une region prochaine de Philippe, à fin de luy ayder en toutes choses. Les autres en-  
 tentifs à ce que de long temps ils auoyent conceu en leur esprit, demeuroyent obstinez en leur  
 opinion diabolique: de sorte qu'ayans fait assemblée, & iuré par ensemble la mort de deux Apo-  
 stres, ils se ietterent impetueusement sur eux: & les ayans apprehendez, ils pendirent Philippe à  
 une colonne, l'attachant par la teste, comme quelque victime, & esleuerent Bartholomee sur un *Martyre de*  
 bois dressé à la forme d'une croix, lesquels à l'instant de tels supplices, se retournerent à faire *Philippe &*  
 prières à Dieu. Et soudain vous eussiez veu la place, où on les faisoit souffrir, s'aualler, & abais- *Bartholo-*  
 ser si profondement, que le peuple commençoit à plonger & cheoir en fond: & par ce moyen *mee* *Apo-*  
 route la ville fut en grand danger d'abîmer. Lors ceux qui estoient demeurez, craignans le pe- *stres.*  
 ril si prochain, & ayans opinion que tel euénement dommageable leur aduenoit diuinement,  
 en vengeance de l'outrage & iniure que lon faisoit à tort & sans cause aux saints ministres de  
 Iesus-Christ, tous soudainement se tournent à la foy, que les deux patiens annonçoient, & sur  
 le champ Bartholomee est par eux delié: mais on trouua que Philippe estoit ia mort, ayant cou-  
 rageusement souffert martyre pour le sostenement de la parole de Iesus. Bartholomee donc luy  
 fit cest honneur, de l'enseuelir. Et voyant que toute la ville estoit conuertie à la foy, & dediee à  
 Dieu, il se retira au pais de Cilicie: ou, quelque temps apres, de rechef il fut esleué & pendu en  
 croix, en la ville d'Urbanopolis, & y endurant mort corporelle, son ame se retira à Iesus-Christ,  
 lequel elle auoit singulierement désiré.

*Des saints, Thomas, Jacques fils d'Alphee, Simon le Zelateur, Judas appelé Lebec: &*  
*de Matthias qui tint la place du traistre Judas.*

CHAP. XL.



Mais comment me pourrois-je contenir de parler de la grand' amour, que *Les saints*  
 Thomas, surnommé Didyme, portoit à Iesus-Christ: il est bien vray que *de S. Tho-*  
 du commencement il ne vouloit entendre à son voyage, qui luy estoit *mas.*  
 escheu par sort: & auoit aucunement horreur d'aller en Ethiopie, & en-  
 cor moins en Indes: & differoit, tant que possible luy estoit, de se mettre  
 en chemin pour passer en ces contrees, à cause de la deformité & laidure  
 des visages noirs de ceste gent, desquels encor il desdaignoit les esprits  
 rudes & non traictables. Mais le Seigneur Dieu, qui en beauté & grace  
 n'a son pareil, luy apparut apertement & clairement, & l'enhorta d'en-  
 treprendre la charge d'administrer sa parole, & l'annoncer à la gent barbare, où il faisoit refus  
 d'aller. Et à celle fin qu'il fust plus assuré, il luy promit d'estre avec luy tant qu'il seroit en vie,  
 & de luy donner secours en tous assauts & combats, quels qu'ils feussent. Mesmes pour luy don-  
 ner entree en la region des Ethiopiens, il fit tant qu'il fut vendu à un marchand d'Ethiopie: car  
 telle nation n'a autre pratique sinon de se mesler de marchandise, tant elle est adonnée à son  
 profit & à l'auarice en singuliere recommandation. Ayant par ce moyen accès au pais, il se donna  
 à cōgnoistre au seigneur de la regio, qui auoit à nom Smindee, luy faisant ouuerture du Royau-  
 me des cieus, avec autant de soing & estude qu'il pouuoit. Il se rendroit avec ce tresraisonnable  
 aux Parthiens, Mediens, Indiens, & à tous les Ethiopiens, à raison des tresgrands miracles & si-  
 gnes prodigieux qu'il faisoit iournellement. D'auantage, par sa predication il ouurist les yeux de  
 l'entendement aux habitans de la derniere contree d'Orient, qui sont pres de la derniere mer  
 Oceane, les enseignant en la foy, avec ceux de l'isle nommée Taprobane, & la nation des Brach-  
 manes. A la fin, apres qu'il eut donné ordre par tout de bastir des Eglises, & disposé saintement *Martyre de*  
 toutes choses concernant la religion Chrestienne, ainsi qu'il estoit de besoing, son costé fut *S. Thomas.*  
 percé à coups de lances, tellement que l'ame, contrainte de laisser son corps terrien, se retira  
 vers celui duquel il auoit manié le costé, mettant ses doigts en la playe qui y estoit.

Saint Jacques aussi, fils d'Alphee, l'un des douze Apostres, fit plusieurs choses miraculeuses *Actes des*  
 & grandes, en la vile de Gaze premierement, puis en celle d'Eleuteropolis, & es autres villes *S. Jacques*  
 voisines en la mesme contree: apres qu'il fut séparé de la compagnie & corps des autres Apo- *fils d'Al-*  
 stres, fuyant le vouloir & conduite du saint Esprit, qui le gouuernoit: duquel les diuines pa- *phée.*  
 roles s'apportées par luy aux Gentils, avec une force non forcée, ains paisible & sans effort d'ar-

mes furent cause que le tesmoignage du Royaume de Iesus-Christ print fort grand accroissement. Apres cela, venant aux Egyptiens & à la dernière contree de leurs pais, il annonça en public la parole de Iesus-Christ, lequel il soustenoit estre nostre vray Sauueur & Dieu : puis à la parfin arriua en vne ville nommée Ostracine: où ayant vescu assez long temps, & esté tourmenté en plusieurs dangereux combats, finalement (à fin d'asseurer le salut de ceux qu'il auoit enseignez, & les confirmer en la bône opinion qu'ils auoyent espousé) il fut attaché en la croix par quelques gens mal-heureux, contrarians à la parole de la foy, Voyla comment peu s'en fallut, que par telle mort il n'ensuyuist & imitast à peu pres celle de Iesus son maistre.

*Mort de S. Jacques.*

*Les faits de S. Simon le Zelateur*

Encor ay-ie opinion, que ce ne sera pas hors de propos de discourir vn peu en ce lieu sur les faits de Simon l'Apostre, natif de Cana de Galilee: lequel fut surnommé Zelotes, jaloux, ou bien zelateur, à raison de l'affection ardente qu'il portoit à son Seigneur & maistre, & pour cause aussi de son tresgrand soucy en toutes choses concernantes l'Euangile. Apres que ce bon personnage eut receu le saint Esprit, qui estoit diuinement descendu sur la celeste compagnie des Apostres, il passa par le pais d'Egypte, Cyrene, Afrique, Mauritanie, & de toute la Libye, sans auoir cessé de prescher l'Euangile. Encor porta il ceste doctrine iusques à l'Ocean Occidental, & à l'isle d'Angleterre, & autres voisines. Or apres qu'il eut fait plusieurs miracles, signes & prodiges, & donné accroissement à la sainte doctrine de Iesus-Christ, ainsi comme il deuoit, se presentât luy-mesme à vne infinité de trauaux & griesues afflictions : finalement il voulut suyure son Maistre par mesme espee de mort, qu'il endura en la croix avec telle ließe, qu'à grande peine le pourroit on croire bonnement.

*Martyre de S. Simon.*

*Faits de S. Iude, nommé Thadde.*

Saint Iude aussi (non pas celuy d'Iscaiot, mais vn autre qui auoit double surnom, sçauoir est, Thaddee & Lebbee) fils de Ioseph, frere de Jacques (qui fut ietté du haut en bas du pinnacle du temple) print au fillé de l'Euangile le pais de Iudée premierement & Galilee, Samarie & Idumee: puis les villes d'Arabie, & encor les contrees de Syrie & Mesopotamie. Finalement il arriua en Edesse cité d'Augare, en laquelle auoit esté au parauant enseignée la doctrine de Iesus-Christ par vn autre Thaddee, qui estoit l'vn des septante disciples. Or quand Iude eut treshonnestement accomply ce qui pouuoit defaillir au deuoir de l'autre, suppleant à son defaut : & apres auoir glorifié le Christ, tant par ses remonstrances & harangues diuines, que par œures admirables : il trespassa de ce monde, & alla à Dieu, par vne mort paisible & non forcee, ny violente.

*Mort non violente de celuy Iude.*

*Attes de S. Matthias.*

Quant à Matthias (qui auoit réparé le dommage de la perte d'vn des douze Apostres, estant mis en son lieu) tout premierement il vint en Ethiopie, où il endura beaucoup d'outrages par les gens du pais, qu'il trouua sauages, brutaux & inhumains. Vn ayant fait son deuoir (comme il y estoit tenu) d'annoncer les commandemens diuins de l'Euangile, tant par paroles, que par œures : & apres auoir donné accroissement au nombre des fideles Chrestiens, par vne grande multitude de personnes, qu'il conuertit à la foy: il acquit la couronne de martyre, endurant a mort outrageuse pour le tesmoignage de Iesus-Christ, d'vn courage assuré & grand au possible.

*Martyre de S. Matthias*

*a mort outrageuse) Estant quasi assommé de pierres, en fin il eut la teste trenchée.*

*De saint Matthieu, Apostre & Euangeliste.*

C H A P. X L I.

*Attes de S. Matthias.*



*Anthropophages.*

Vant est de saint Matthieu, il fut choisi d'entre les Publicains & peagers, & receut autant de graces du saint Esprit descendant sur luy, sous espee de lague de feu, comme les principaux Apostres. Il fut le premier qui adressa aux Hebreux l'histoire des saintes Euangiles, laquelle il auoit couchée par escrit. Ce diuin Apostre (apres auoir accôply plusieurs voyages, & employé le temps de sa peregrination, à aller par fois d'vne region en l'autre pour annoncer l'Euangile) vint à la parfin, sous la conduite du saint Esprit, en la contree des Anthropophages, en vne ville d'icelle, nommée Myrmene. De laquelle ayât déclaré son cōpagnon Platon

Euesque, luy seul monta en vne certaine colline proche de la ville, à fin de prier Dieu, que son bon plaisir fust luy reueler le sauueement de ceste nation. Comme l'Apostre estoit en prieres, le seigneur Iesus s'apparut à luy forme d'vn beau ieune fils, qui luy donna sa paix, avec vne verge qu'il mit en ses mains. Estant descendu & retourné à la ville, il commanda la verge estre plantée à la porte de l'Eglise, que luy & André auoyent fait edifier: laquelle verge il assura deuoit soudainement croistre en vn grand & haut arbre, & porter beaucoup de fruiets plus excellens que tous autres, tant en grosseur, qu'en bonté & sauuer, promettant d'auantage, que de la racine d'iceluy sourdroit vne grande fontaine & claire, coulant avec vn doux murmure: en laquelle quiconque des Antropophages se laueroit, la laideur de son visage se trouueroit incontinent changée en vne beauté bien-sçante & hōneste, & le cuer (se deuestât de toute cruauté sauuage) conuertit &



terry & mué en douceur & humanité, tellement qu'il seroit transformé totalement de pis en mieux. Or comme il descendoit de la colline, le seigneur de la ville, nommé Fuluian, & sa femme Fuluiane, avec leur fils Fuluian (qui estoient possédez & tourmentez par esprits diaboliques) vindrent au deuant de luy: sur lesquels il n'eut pas si tost mis les mains, que les esprits malins s'enfuirent, sortans de leurs corps à grand haste. Il planta donc ceste verge, laquelle soudain croissant à veüe d'œil, monta en vn haut arbre: & tout ensemble du pied de sa racine produit vne source de fontaine, dont l'eau non seulement estoit belle à regarder, mais aussi tresbonne & sa- uoureuse à boire. La populace estonnée & espouuantee de ce miracle tant souuerain, fait si soudainement, y accouroit de toutes parts: laquelle estant là assemblee, le saint Apostre se mit en vn lieu eminent, & leur annonça la parole salutaire de l'Euangile, parlant le langage du pais. Le peuple conuertý à la foy, d'interieure affection de cuer, requit à estre baptisé: ce qui fut fait, & receut le saint lauement de baptesme en l'eau mesme de la nouuelle fontaine. Encor ne fut-ce pas tout: car ayant aussi gousté du fruit de cest arbre nouuellement creu, il n'y eut celuy qui ne sentit en soy vne metamorphose & mutation belle au possible par dessus toutes. Le seigneur Fuluian, qui auoit esté deliuré du mauuais esprit, se repentit incontinent d'auoir esté demander secours à l'Apostre: & parce qu'il voyoit vn chacun accourir à luy de tous costez à la foule, vne mal-heureuse enuie commença à luy ronger le cuer: de sorte que bien marry de ce qui se faisoit, il enuoya vne cõpagnie de gens en armes, pour luy mettre la main sur le collet, & le mener en prison. Lesquels estans de retour sans auoir mis leur charge à execution, luy mesme, avec bon nombre de soldats, se met en chemin, pour aller prendre l'Apostre: mais comme il y alloit, vne fortune luy aduint diuinement, sans que iamais on apperceust d'où cela procedoit: car il perdit soudainement la veüe, & deuint aueugle. Toutesfois il fit tant par ses prieres enuers saint Matthieu, que la veüe luy fut rendue: mais ce neantmoins son cuer demeura endurcy & aueuglé: Car incontinent, sans plus attendre, il commanda que le saint Apostre fust attaché contre terre avec longs cloux, ce pendant que ses ministres, assemblans avec poix & terre limonneuse sulfuree du bois de serment & autre matiere facile à estre allumee, mettoient le feu par dessous. Mais tout cest appareil se couuertit en raffraichissement de rousce, contre l'esperance & attente de tous: Ce que le peuple voyant, soudain comence à croire à ce Dieu, que saint Matthieu annonçoit. Au contraire, le Prince (ayant opinion, que ce qui aduenoit à ce bon Apostre, n'estoit qu'enchantemens & abus) enflammé d'ire, commanda ses dieux estre apportez en la place, sur le champ. Or en auoit il douze, qui estoient faits d'or & d'argent autant magnifiquement que possible est. Quand ces idoles furent apportees, il les fit mettre toutes par ordre à l'environ du monceau de bois, préparé pour brusler saint Matthieu, à fin qu'à l'aide & par la puissance d'icelles le feu peust faire son deuoir de brusler l'Apostre: & estans ainsi rangees, il ordonna que le feu fust mis de tous costez. Il est bien vray, que le bois s'alluma, mais l'embrasement de feu se tourna à l'encontre des idoles, & les fit fondre & diminuer iusques à s'escouler toutes. Et de là sortit vne effigie comme d'un serpent ardent: & saillant contre le Seigneur par derriere, le poursuist viuement, de sorte qu'il ne pouuoit trouuer moyen d'eschapper, pour se sauuer en son chasteau. Parquoy surprins de desespoir de se pouuoir retirer de la puissance du serpent, de rechef il se retourne vers l'Apostre, & le prie de faire tant qu'il puisse estre deliuré de la fureur & poursuite impetueuse de la beste portant venin. L'Apostre congnoissant que son heure approchoit, à laquelle il falloit qu'il passast à son tant desiré Christ, n'ayant esgard à autre chose, commence à reprendre asprement le feu: qui, à telle obiurgation, soudain s'estainct, & le serpent s'esuanouit. Et apres auoir déclaré au prince Fuluian les commandemens plus souuerains & singuliers de la foy Chrestienne, & assuré toutel'assemblee par le moyen de ses prieres, il rendit son esprit à Dieu, & passa à Iesus-Christ. Son saint corps, posé en vn liect excellent & doré, & enue-

*Martyre de  
S. Matthieu*

*Miracle au  
corps de S.  
Matthieu  
apres sa  
mort.*

que Platon viuoit encor : puis ayant prins l'habit d'humilité abbaissée au possible, il fit son apprentissage es plus secrets mysteres des Chrestiens, & outre ce, fut eleué en la dignité de prestre par le saint Euesque Platon : apres le trespas duquel, Fuluan estant admonnesté par le saint Apostre, de nuit en vision, & consacré, entreprint la charge d'Euesque & eut le gouvernement en l'Eglise de Myrmene: où il fit tant bien son deuoir en la ministration & presche de la sainte Euangile, que plusieurs furent par luy acquis & gaignez pour faire seruice à Dieu. Puis ayant acheué le cours de sa vie, il la changea contre vne beaucoup meilleure, en laquelle n'y a point de mutation.

*De saint Iean Apostre & Euangeliste : & de la diuine assumption d'iceluy.*

CHAP. XLII.



Este à parler de saint Iean l'Apostre bien aymé de Dieu, qui reposa sur la poitrine de son Maistre, au banquet de la Cene : les voyages duquel, & les miracles & œuvres diuines faictes en ses peregrinations, & semblablement les predications admirables, & propos secrets & mystiques qu'il a tenuz de Dieu, outre ce qu'il n'est pas en ma puissance de raconter par le menu les vns apres les autres, non plus que tous les faicts des autres disciples & Apostres: aussi penserois-je repugner & contrarier à l'histoire, que j'ay prinse en main, si ie me donoïs peine de les coucher par escrit chacun à part. Je diray toutesfois vne partie de ce que i'en ay appris par les histoires anciennes : lesquelles nous tesmoignent que ce tressaint Euangeliste vesquit en sa maison (laquelle j'ay dict cy deuant auoir esté au mont de Sion, en la ville de Ierusalem) avec la vierge Marie mere de Dieu, depuis que Iesus monta au ciel, iusques à ce qu'il alla à son Seigneur & Sauueur. Encor disent elles qu'il publia Iesus-Christ par la predication de l'Euangile en Asie, & rasa de fond en comble le temple de Diane. Au surplus, qu'il fut banny & enuoyé en exil en l'isle de Pathmos, du temps de la persecution des Chrestiens, sous Domitian : & qu'au quatorziesme an de l'Empire d'iceluy, ledit saint Iean remply du saint Esprit, composa là son Euangile, avec vn styl souverainement haut & excellent : & non content de ce, y mit encor par escrit la sainte Apocalypse, & reuelation qui luy fut diuinement inspiree.

*Ce Domitian fut Empereur xv. ans durans.*

*Exemple digne de noter, monstrant combien vaine la doctrine de l'Eglise, ou à vraye religion, quand elle est obscurcie : ou bien à cruauté & impiété, si on la laisse. S. Iean recommande en charge à vn certain Euesque vn ieune fils de bonne physionomie, pour l'endottriner & instruire. Le ieune homme de*

Or apres la mort de Domitian, il retourna en Asie, & s'arresta en la ville d'Ephese. Et de ce temps il gouerna toutes les Eglises du pais, edifiant des temples, enseignant le clergé, & instituant les ministres de l'Eglise, par l'inspiration du saint Esprit, à faire tout ce qui est requis pour paruenir à perfection. Du temps qu'il vaquoit à telles œuvres, aduint quelque fois qu'il rencôtra de fortune, en vne certaine ville, vn beau ieune fils, promettant quelque chose de bon par son visage, mais au reste d'ardant esprit & impatient : à cause dequoy il se tourna vers l'Euesque du lieu, & en le regardant, luy dist : Je vous recommande ce ieune fils, autant qu'il m'est possible, & vous le donne en garde comme vn depost ou gage, à fin que preniez tout soin & diligence à l'instruire en la foy de Iesus-Christ. Dequoy ie le prens en tesmoin, & son Eglise aussi. L'Euesque le print en sa charge, promettant qu'il ne laisseroit aucune chose derriere, qui peust seruir à son instruction : Ce pendant saint Iean retourna en Ephese. Au surplus l'Euesque entretenoit le ieune fils en sa maison, & le conduisoit, par toutes voyes deues & raisonnables, à la lumiere de la congnoissance & doctrine de Iesus-Christ : Aduint neantmoins avec le temps que l'Euesque s'oublia en son deuoir, & n'eut pas tel soin de l'enfant qu'il auoit eu du commencement, luy laschant la bride sur le col, comme s'il eust ia imprimé en l'esprit d'iceluy le souverain & parfait signacle de Iesus-Christ. Le ieune homme, ayant ainsi la bride laschée, & estant mis en sa liberté auant le temps, fut incontinent corrompu & gâté par ses pareils, qui estoient enfans perduz par oisiveté, obstinez à mal, pleins de toute meschanceté, & ne voulus recevoir aucune bonne remonstrance, discipline, ny correction : par lesquels il fut premierement mené aux tauerne, pour y rongner & faire des banquets illicites à heures indues : & à fin d'y fournir, il luy fut besoin de s'addonner à piller & desrober : ioint que par plusieurs manieres on l'incitoit à faire toutes sortes de meschancetez. Et plus venoit il en auant, & plus il s'accoustumoit à mal faire & paillarder : de sorte qu'il prenoit le chemin, qui le conduisoit au gouffre d'enfer, tout ainsi qu'un cheual robuste est conduit par son appetit, ayant rompu la bride qui le gouernoit. Or estant perdue toute bonne esperance de sa reduction, & que luy-mesme ne tenoit conte de son salut, comme celuy qui ne se pouoit retirer de l'abyssme où il estoit plongé : il commença à mener la vie de larrons & brigans, mesme qu'il est faict Capitaine de la bande des meschans, & leur commande comme maistre & seigneur. Et parce que c'estoit le plus hardy pour entreprendre quelque chose, & avec ce, le plus cruel & inhumain en l'execution des meurtres, souuent il se ruoit sur les passans, & les assailloit violement au despourueu. Apres quelques annees, le saint Apostre Iean vint de rechef en la ville d'où estoit ce ieune homme, & dist à l'Euesque : Or sus, rendez moy le depost que ie vous ay donné en charge, ayant appelé Iesus-Christ pour tesmoin.

tesmoing. A ceste demâde, l'Euesque demeura tout estonné, pensant qu'on luy demandast quel- *son bon com*  
 que somme de deniers laquelle il n'auoit pas receüe, & que ce fust vne cauteleuse inuètiô de l'A- *mencement*  
 postre, pour attraper argent. De ne pas adiouster foy totalement à saint Iean, qui luy tenoit ces *par la negli*  
 propos, ce ne luy estoit pas chose licite: d'autre part, on ne le pouuoit induire à croire ce, dont il *gence de l'E*  
 ne se sentoît pas chargé. Mais quand l'Apostre luy eut parlé du ieune homme, duquel il luy de- *uesque: &*  
 mandoit l'ame: soupirant hautement, il se print à l'armoyer, & dist: Helas! long temps y a, qu'il *deuiant fi-*  
 est mort: comme homme perdu, & addonné à toutes sortes de meschancetez. Et à fin de vous *nalement ca-*  
 donner à entendre le comble de ses mal-heurs, il est deuenu brigand & voleur: Car ayant laissé *pitaine des*  
 l'Eglise, il tient les bois & grands chemins, en vne montagne, & est le conducteur des pilleurs & *brigans.*  
 meurtriers. A ces nouuelles, l'Apostre deschira ses vestemens, & frappant souuent sa teste, he se  
 peut tenir de mener grand dueil, & plorer tendrement: puis vîa de ces propos, non sans grande  
 fascherie meslée de cholere: vrayement, ie deuois bien donner en charge l'ame de nostre frere à  
 vn tel gardien. Ca ça, qu'on m'amene vn cheual, & que quelqu'un vienne avec moy, à fin de me  
 guider iusques au lieu où il brigande: Soudainement donc il sortit de l'Eglise, & se mit en che-  
 min. Estant paruenû au lieu qui luy auoit esté designé, les espions & guetteurs de passages ( en-  
 uoyez par le ieune homme Capitaine, pour espier ) le descourirent & prindrent, surprins qu'il  
 fut, il declara qu'il ne vouloit ny fuir, ny les prier de le laisser en paix: mais disoit, qu'il est la ve-  
 nu tout expres, à fin d'estre prins par eux, & emmené à leur Capitaine: d'or il les supplioit. De bô- *Le ieune hō*  
 ne auenture, le Capitaine qu'il cerchoit, se tenoit arresté au chemin en bon equippage & bien *me, perdu*  
 en armes. Mais quand il eut recongneu l'Apostre saint Iean venant à luy au petit pas, il se retira *en vices &*  
 en arriere le plus legerement qu'il peut. Mais saint Iean, oubliant le peu de force de sa vieilles- *meschâceté,*  
 se, & toute autre chose, disant ainsi: Pourquoi me fuyez vous, mon amy: veu que vous estes ie- *est r'appellé,*  
 ne, moy vieillard: vous estes mon fils, moy vostre pere: vous estes armé de toutes pieces, moy *& reduit*  
 nud & sans armes: N'ayez aucune crainte, encor l'esprit de vie n'est pas entierement desesperé *à bien faire.*  
 en vostre endroit: il y a quelque bon heur, qui vous attend, si voulez y entédre. Ne vous estônez,  
 ie rendray conte de vous au seigneur Iesus: Et mesme, si besoin est, ie metteray en dâger ma per-  
 sonne pour vostre sauement, & souffriray mort, à fin que la vie vous demeure. Arrestez vous,  
 mon amy, ie vous supplie: & ne fuyez celui, lequel deuez croire estre enuoyé à vous de la part  
 de Iesus-Christ. Le ieune homme, conducteur des brigans, oyant ces propos, s'arreste premiere- *Exēple sin-*  
 ment, & baissa les yeux en terre: puis se despouille de les armes, surprins de crainte: & tremblant *gulier de*  
 comme la fueille, avec grande lamentation, embrasse l'Apostre, qui s'approcha de luy: deuant *recongnos-*  
 lequel, iettât vn ruisseau de larmes, il deteste & abhordine son forfait, autât qu'il luy fut possi- *sance de foy.*  
 ble: puis mit les genoux en terre, & estendit sa main dextre au sein du bon Apostre. Saint Iean  
 congneut que le ieune homme auoit repentance de ses fautes: parquoy il luy promit que Dieu  
 luy pardonneroit ses offenses, & ne differeroit à le sauuer & beatifier, pourueu qu'il ne retour-  
 nast point à sa meschanceté: Ce que le pauvre repentant luy iura. Parquoy l'Apostre luy baïsa  
 la main dextre, desia nettooyée & purifiée par telle repentance: puis le remena au sein de son Egli- *Forme de*  
 se, où il demeura avec luy, n'ayât autre vacation ny estude, que de prier Dieu, & ieuner assiduel- *vraye repē-*  
 lement ensemble, à fin de guarir l'enslure de l'ame malade du pauvre pecheur, avec propos salu- *tance.*  
 taires & gracieux, quasi comme avec quelque medecine, ou enchantement: de sorte que iamais  
 il ne voulut partir de ce lieu, que premierement il ne l'eust rendu à l'Eglise, sauf & ferme en la  
 foy au possible. En quoy à la verité, il donna aux Eglises vn excellent patron de vraye peniten-  
 ce, & bel exemple de regeneration, seruant de trophée & enseigne de victoire contre la mort,  
 par peché: puis qu'auant la resurrection generale de tous, cestuy fut resuscité de mort à vie, & re-  
 mis en son premier estat. Clement, surnommé le Contexteur, a laissé ceste histoire par escrit à  
 ceux qui viendront cy apres, à fin que ceux qui liront son Commentaire (intitulé, Qui est le riche  
 qui peut estre sauué) en ayent quelque fois souuenance. Or puis que nous sommes venuz à ce  
 poinct, il me semble estre necessaire de raconter d'une suite, comment le saint Apostre a esté di-  
 uinemet transporté au ciel, passant de ceste vie en l'autre. Le bon homme congnoissant dès long *Commēt S:*  
 tēps qu'il luy falloit aller à Dieu, & preuoyant le iour & l'heure de son trespas, print en sa com- *Iean l'Euā-*  
 pagnie les prestres & ministres de l'Eglise, & d'auantage tous les autres freres, qui auoyent bon- *geliste dece-*  
 ne affection & ardant courage à la foy: puis sortit hors de la ville d'Ephese, & monta avec eux *da de ceste*  
 en vn certain tertre prochain de la ville, où bien souuēt il se retiroit pour y faire ses prieres plus *vie.*  
 à requoy & avec moins d'empeschement à sa deuote contemplation. Estant là, il se print à prier  
 Dieu avec grande affection, luy recommandant l'estat des Eglises: puis il comanda qu'avec  
 quelques besches & hoyaux soudain on luy fouist vn lieu creux pour son sepulchre. Ce temps  
 pendant, il enseigna les assistans comment ils se deuoyent gouuerner, & leur tint des propos  
 secrets de Dieu, leur donnant à congnoistre quels estoient les plus excellens preceptes, concer-  
 nans la foy, l'esperance, & principalement la dilection & amour, comme celui qui estoit bien  
 aymé. Et assurant leurs courages, & confirmant leurs cueurs, il les recommanda au Verbe di-  
 uin, nostre Sauueur. Puis les saluât en nostre Seigneur, & leur disant le dernier à Dieu, se fortifia  
 du signe de la croix, & descendit au sepulchre: leur commandant de le fermer du bon couuercle,

Chap. 21.  
 & dernier.  
 Exposition  
 du passage,  
 si ie veux  
 qu'il de-  
 meure ius-  
 ques à ma  
 venue: S.  
 Iean, chap.  
 dernier.

bien estoupper l'entree, finalement de reuenir apres en ce lieu, ouurir le monument, & regarder soigneusement dedans pour faire la recherche de sa personne. Voyla comment il descendit en la fosse, reuestu qu'il estoit d'habits funeraux, & enseuely quasi comme vn homme trespassé: puis s'estant ageancé & mis en ordre comme pour deceder, soudain il fut endormy d'un sommeil, qui n'est deu qu'aux gens de bien: apres qu'il eut vescu l'aage de soixante & huit ans apres la passion de nostre Sauueur Iesus-Christ. Car il nous faut adiouter foy à ce que luy-mesme, ou bien plus tost le Christ, dit en l'Euangile escrete par ce saint Euangeliste: & pareillement au sage Christome, amenant ce passage pour tesmoigner la mort de saint Iean. Iesus ne luy auoit point dit, Il ne mourra point: mais, Si ie veux, qu'il demeure iusques à ce que ie viene, qu'en as tu à faire? Auquel lieu Iesus entend parler de son aduenement, pour ruiner & destruire la ville de Ierusalem: car saint Iean l'Euangeliste vesquit iusques à ce temps, & encor plus longuement, iusques au temps del'Empire de Traian. Et voyla comment la vie de saint Iean print fin. Or le Seigneur Dieu, avec sa gloire diuine (laquelle l'homme ne peut comprendre, dire, ny trouuer à la trace) lui sant à telle heure qu'il luy plaist, & qu'autre ne congnoist sinon luy, transmua le corps de saint Iean, lors terrien & subiet à corruption, en vn corps immortel & incorruptible & le receut en son diuin Paradis, tout ainsi qu'il y auoit admis au parauant la bien heureuse & renommee mere de Dieu, qui par grace l'auoit engendré: qui est vn miracle surpassant la nature, & donnât à congnoistre combien la diuinité est puissante, & encor combien est grand le loyer qui suit la bonne vie. Aussi estoit-ce chose raisonnable, que celuy fust aucunemēt participât de l'immortalité, qui auoit tenu pour mere la Vierge sans corruption, & par ce moyen esté frere du promptuaire d'immortalité, Iesus-Christ, qui luy portoit sur tous autres merueilleusement bonne affection. Le iour ensuiuant que cela fut fait, ceux à qui le saint Apostre auoit donné charge de reuenir veoir au sepulchre, retournerent à son monument, suiuant le commandement à eux fait: & ayans leué le couuercle, & regardé diligemmēt de toutes parts, n'y trouuerēt autre chose que les draps mortuaires, où auoit esté enseuely le personnage qu'ils cerchoyent. Voyla ce qu'il m'a semblé bon de raconter de saint Iean l'Euangeliste.

*Tertullian, au liure des prescription des heretiques, parlant des matyres des saints Apostres Pierre, Paul, & Iean, dit ainsi: L'Eglise est bien-heureuse, en laquelle les Apostres ont espendu abondamment toute la doctrine de l'Euangile, avec leur propre sang: où Pierre, en martyre, est fait egal à la passion de son Seigneur & maistre: où Paul est couronné de mesme sorte, & souffre pareille mort à celle de saint Iean Baptiste: où l'Apostre saint Iean est banny, & enuoyé en une isle, apres auoir esté plongé dans l'huile bouillante sus le feu, sans auoir endure aucune lesion ny blesseure. Or parle il de l'Eglise Romaine.*

*a renommee mere de Dieu) Aucuns veulent maintenir, que la vierge Marie, desia resuscitée, est avec Iesus-Christ és cieux, reuestue d'immortalité bien-heureuse. Ce que plusieurs assurent aussi de saint Iean l'Euangeliste, son ministre: auquel, cōme vierge, la Vierge fut donnée en charge par Iesus-Christ: parce que (ainsi que lon dit) en son sepulchre rien ne se trouue que manne, que mesme lon voit sortir comme d'une source. Toutefois nous sommes en doute quelle opinion est la plus vraye: Car il vaut beaucoup mieux remettre tout cela sur le Seigneur Dieu, auquel rien n'est impossible, que de vouloir de nostre autorité, arrester quelque chose à la volée, que nous ne prouuions pas bonnement. Saint Hierosme.*

*Des saints Euangelistes, Marc & Luc, qui estoient du nombre des septante disciples.*

CHAP. XLIII.

Actes de  
 S. Marc l'E-  
 uangeliste.



Martyre de  
 S. Marc.

Ncor ne fera ce pas chose hors de propos, d'adiouter à ce discours des Apostres, vne briefue narration des faits & martyres de saint Marc & saint Luc, qui furent du nombre des septante: parce que l'un estoit disciple de saint Pierre, & l'autre de saint Paul. Aussi est il conuenable de les nombrer avec les deux tresgrands Euangelistes saint Matthieu & S. Iean, comme Euangelistes qu'ils sont. Il est vray, que desia au parauant en ce liure j'ay assez parlé de saint Marc, & de sa pedication au pais d'Egypte. Or estoit il neveu de saint Pierre, fils de sa sœur: & annonça la parole de Iesus-Christ en Egypte, Libye, & par toute la Barbarie, du tēps de l'Empereur Tibere. Il coucha par escrit l'Euangile, qui est sous son nom, laquelle saint Pierre luy dicta, & puis apres l'approuua cōme vraye & bonne, telle qu'elle est. Il fit plusieurs choses miraculeuses & grādes au pais des Cyreneans & Pétropolitains. Par luy furent basties beaucoup d'Eglises, le clergé ordonné, les Euesques establis: bref, toutes autres choses necessaires en matiere de nostre foy, regee bien & deuinemēt chacune en son ordre. Finalement il reuint en la ville d'Alexandrie, où il logea avec aucuns freres Chrestiens, en vn lieu nommé Bucele, preschant & annonçant librement la deité de Iesus-Christ. Qui fut cause, que les idolatres de la ville, soudain se ietterent impetueusement sur luy, lierent ses pieds serreément avec des cordes, & ainsi lié le trainerēt inhumainemēt par les ruēs de la cité. Parquoy son corps, heurtāt rudemēt aux pierres, qui

qui estoient au chemin, fut brisé & froissé de toutes parts: tellement qu'il n'y auoit place sur luy, de laquelle le sang ne decoulât abondamment. Après cela, ils l'enfermerent en vne forte prison: où le Seigneur Dieu luy apparut, & annonça la gloire qui luy estoit preparee. Les méchants Alexandrins, non contents de l'auoir ainsi outragé, le tirent hors de prison, & de rechef le traient cruellement par tous les carrefours de la ville, si bien qu'à la fin, étant ainsi tiré, il rendit son esprit à Dieu. Il fut d'assez bonne stature: d'aage meur, & arrêté: chauue à demy: duquel si le corps auoit plusieurs perfections & dons de grace, l'esprit ne reluysoit pas moins en toutes sortes de vertus, l'interieur de luy se conformant & correspondant merueilleusement bien avec l'exterieur. Saint Luc, natif de la ville d'Antioche, qui est en Cellesyrie, medecin souverain & peintre excellent tout ensemble, vint à saint Paul, de Thebes, ville à sept portes ou entrees: où, de medecin des corps qu'il estoit, il fut soudainement fait medecin des ames, apres auoir renoncé à l'erreur de son pays, & embrassé Iesus Christ. Il escriuit son Euangile sous saint Paul qui la luy nommoit, & les Actes des Apostres pareillement. Or ayant esté avec iceluy saint Paul à Rome, il retourna en Grece, où plusieurs furent enluminez de la lumiere de doctrine & congnoissance diuine, par le moyen de ses predications. Toutefois à la fin, les malheureux contempteurs de la parole diuine le pendirent aux branches d'un oliuier portant fruit, à faute d'autre bois sec pour charpenter vne croix ou potence: & ainsi pendu & estranglé, laissa son esprit au commandement de Dieu, étant aagé (comme on l'assure) de quatre vingts ans, ou enuiron. Quant à son corps, par les prieres & oraisons des fideles on congneut où il auoit esté enseuey, combien qu'il fust entre plusieurs autres sepultures: car Dieu enuoya du ciel en son monument des liqueurs tressalubres, seruans de medecine, pour donner indice & argument (comme l'estime) de sa cure & guarison: qui fut cause que son sepulchre a esté congneu de tous fideles. Lon dit aussi qu'il fut le premier qui tira au vif, par son art de peindre (car il estoit fort excellent en ceste science) les pourtraicts de nostre Seigneur Iesus Christ, de sa Mere qui l'engendra, & des principaux Apostres: & que depuis ces effigies tant venerables & precieuses ont esté portees & diuulguees par tout le monde. D'auantage que Constant, fils du grand Constantin, Empereur de Constantinople, fit transporter les reliques de son corps, dignes de toute reuerence, de Thebes en la ville portant le nom de son pere (qui est celle de Constantinople) & les mit en l'Eglise dediee aux saints Apostres: & ce par le moyen du tres-grand martyr Artemie: comme aussi il recourrit le corps d'André (qui fut le premier appelé à l'estat d'Apostre) en la ville de Patres, en Achaye: & celuy aussi du disciple Timothee, en la ville d'Ephese en Asie; lesquels semblablement il fit mener en sadite ville Imperiale, & poser en la mesme Eglise. Or süssise vous d'auoir leu ce que i'ay escrit en ce lieu des Saints Apostres de Iesus Christ: Car au troisieme liure ensuyuant, mon histoire traitera des autres disciples & de leurs successeurs, & de ce que chacun d'eux a laissé par escrit. Pour le present ie n'ay plus autre chose à faire, sinon que de poursuyure à raconter qui ont esté ces Apostres de Christ: lesquels d'entre eux ont esté martyrs: qui sont ceux qui ont mis la main à la plume, pour escrire la vie & faits du Seigneur Iesus, & les epistres qu'auons en main: quels escrits sont receus en l'Eglise comme testamentaires, vrais, & auxquels on ne peut ny ne doit contredire: & quels sont reiettez, comme faux, contrefaits, & apocryphes.

Actes de S.  
Luc l'Euangeliste.

Martyre de  
S. Luc.

S. Luc peint  
au vif Iesus  
Christ, sa  
mere-vierge, & les  
Apostres  
saints Pierre & S.  
Paul.

Les corps  
des saints  
Luc, André,  
& Timothee,  
transportez  
à Constantinople.

*Qui ont esté les douze disciples premiers & Apostres de Iesus Christ: & lesquels  
d'entre eux ont entré au lien de mariage.*

Chap. XLIIII.



R y a il eu douze Apostres, & septante disciples premierement: & encor outre ceux là, vn nombre infiny d'autres les ont ensuyui. Mais par ce qu'il y en a plusieurs, qui ne sçauent pas qui furent les Apostres, il m'a semblé bon d'adionster en ce lieu les saints noms d'iceux. Le premier, plus excellent, & prince de ceste diuine assemblee, se nomme Pierre: le second, André, son frere: le troisieme, Iacques, que lon disoit fils de Zebedee: le quatrieme Iean, frere d'iceluy Iacques (Ce Iean estoit vierge, bien aimé & fauorité de Iesus Christ, qui fut assis à table à la Cene, ioignant la poitrine de son Maistre) Le cinquiesme auoit nom Philippe: le sixiesme, Bartholomee: le septiesme, Thomas. Puis l'Euangeliste Matthieu fut le huitiesme: le neufiesme, Iacques, fils d'Alphee: non pas cest autre Iacques, frere du Seigneur: le dixiesme, fut Iude, que lon appelloit Thaddee, & Lebbee aussi. Ce Iude fut fils de Ioseph, espoux de Marie, & frere de Iacques que lon disoit frere du Seigneur. L'vnzieme, fut Simon Zelotes, zelateur, ou ialoux. Le douzieme, Iudas le traistre, lequel à raison de sa cupidité & auarice insatiable, creua par le milieu: en la place duquel Matthias fut mis, afin d'accomplir le nombre de douze. Voila ceux qui à la verité ont esté Apostres de Iesus-Christ. Quant au vaisseau d'election Saint Paul, il n'est conté ny au nombre des douze, ny encor

Douze Apostres.

K

*Lesquels  
des Apo-  
stres furent  
mariez.*

*.. Sainct  
Ambroise  
sur ce passa-  
ge de sainct  
Paul, Dico  
autem non  
nuptus &  
viduus, bo-  
nus est illis  
si sic permā-  
serint sicut  
& ego.*

*1. Cor. c. 7  
dit, que s.  
Paul a esté  
vierge.*

*:: Cy dessus  
a esté dit q  
s. Iean fut  
transporté  
au ciel.*

*Chap. 21. b.*

*A sçavoir  
si s. Paul  
fust marié.  
1. Cor. 7. b*

entre les soixante & dix: mais c'est luy, qui est en tous, deuant tous, & avec tous les Apostres & disciples: comme celuy qui fut appelé diuinement, & qui principalement a trauaillé par dessus tous autres à la multiplication & accroissement de la parole diuine du saint Euangile. Or afin de sçauoir lesquels d'entre eux ont esté mariez, il faut lire le troisieme liure des commentaires de Clement le contexteur: où, reprenant aigrement ceux qui contrariaient au sacrement de mariage, il dit ainsi: Ces galans cy reietteront-ils aussi les Apostres à la parfin? Car Pierre & Philippe ont trauaillé à faire des enfans. Mesme que Philippe pourueut ses filles de maris. Paul aussi n'est pas honteux de saluer sa compagne, en l'une de ses epistres: laquelle il n'auoit pas menée avec luy, afin que plus facilement, & avec moins d'empeschement il peust administrer la parole Euangelique. Encor au septiesme liure le mesme Clement parle de saint Pierre en cette sorte: Saint Pierre, voyant sa femme estre menée à la mort, en eut grand' ioye, prenant plaisir à la veoir estre ainsi appelée pour retourner au ciel, son premier pays, dont son ame estoit venue: & tout ensemble parla à elle bien honnestement, luy faisant de belles remonstrances: & l'appella du nom duquel il auoit accoustumé d'vser, disant: Mamie, ie vous supplie qu'ayez nostre Seigneur en vostre memoire. Voila quel fut l'estat du mariage des saintes personnes: qui donne à congnoistre combien a esté parfaite l'affection des esprits de ceux qui estoient liez par ensemble du lien de tres-chere amitié. Polycrates aussi, Euesque de l'Eglise des Ephesiens, escriuant à Victor Euesque de Rome, parle de saint Philippe, & de ses filles, & avec ce fait mention de saint Iean l'Euangeliste, vsant quasi de telles paroles: Il y a en Asie de grans principes & commencemens de nostre profession Chrestienne, qui y reposent & dorment: lesquels seront rendus & resuscitez au dernier iour de la venue de Iesus Christ, lors qu'il viendra du ciel en sa gloire, & resuscitera les saints personages. Philippe, l'un des douze Apostres, y est, qui repose en la ville de Hierapolis. Il y a aussi là mesme deux de ses filles, qui enuicillirent, gardans tousiours leur virginité. Et une autre sienne fille, qui paracheua le cours de sa vie sous la conduite du S. Esprit, est inhumée en la ville d'Ephese. Semblablement: Iean qui reposa sur l'estomach du seigneur, & lequel a eu le gouuernement du spirituel de l'Eglise d'Ephese, y portant la mitre episcopale, est audit lieu enseuely. Caie aussi, duquel cy deuant a esté parlé, escrit quasi le semblable à Procle, & dit ainsi: Il y eut en la ville de Hierapolis en Asie, quatre prophetisses, filles de Philippe: auquel lieu est leur sepulture, & celle de leur pere aussi. S. Luc pareillement fait mention es Actes des Apostres, des filles, non de l'Apostre Philippe, mais d'un autre de mesme nom: & dit, qu'elles estoient pleines de l'esprit prophetique, dès lors mesme qu'elles demeuroient avec leur pere en la ville de Cefaree, au pays de Palestine. Il est ainsi escrit aux Actes des Apostres: Nous sommes venus en la ville de Cefaree, & y estans arriuez, entraismes au logis de Philippe l'Euangeliste, l'un des sept diacres, & demeurasmes avec luy. Or auoit-il quatre filles vierges, qui prophetizoyent. Au surplus beaucoup de grands personages, & bien estimez entre les Chrestiens ne sont pas d'opinion que Paul ait esté marié. Ce qu'ils veulent inferer de son dire mesme, par lequel il recommande la virginité & estat de continence sans entrer en mariage, quand il dit: Je voudrois bien, que tous fussent comme ie suis. Et quand à la recommandation qu'il fait à sa compagne, vsant de ce mot Latin *Compar* en la salutation: ils estiment qu'elle ne s'adresse point à une femme, mais bien à quelque homme, qui (à l'aduenture) estoit ainsi appelé.

*Qui sont ceux d'entre les Apostres & disciples qui ont laissé par escrit les liures testamentaires & canoniques. Des quatre liures de la sainte Euangile: pour quelles causes ils ont esté escrits, & de leur ordre. Du liure aussi contenant les Actes des Apostres: & encor, des epistres, & autres escrits catholiques desdits saints Apostres.*

*Chap. XLV.*

*Des escritures  
legitimes & re-  
gulieres des  
Apostres & disci-  
ples.*



Yant déclaré les noms des douze Apostres, & lesquels d'entre eux ont esté mariez, il reste à dire qui sont ceux qui ont laissé quelques escrits apres eux, & quels liures sont legitimes, testamentaires & approuuez: Quoy faisant, ie parleray des quatre saintes Euangiles, des Actes diuins des Apostres, puis des Epistres Catholiques, & ensemble de toutes autres escritures, venans de leur main: d'auantage, de l'ordre d'icelles, & finalement quels escrits sont repudiez & reiettez par nostre mere sainte Eglise, comme bastards & illegitimes. Je commenceray donc premiere-ment aux diuines Euangiles: & diray, que c'est une chose notoire & congneue à chacun, qu'il n'y a seulement que deux de tous les douze Apostres, qui ayent escrit l'histoire des faits & vie de nostre Seigneur & Sauueur Iesus Christ: qui sont Saint Matthieu & Saint Iean: comme aussi d'entre les septante disciples deux tant seulement ont mis la main à la plume, pour ce fait: sçavoir est, Saint Marc & Saint Luc. Et semble, que tous ces quatre escriuains ayent esté induits à ce faire par quelque necessité. Car le premier d'entre eux, saint



sainct Matthieu le publicain ou peagier, ayât presché la parole salutaire de Dieu aux Hebreux, se mit à escrire son Euangile en langage maternel, en la quinzième année apres que Iesus-Christ fut monté aux cieux: & ce, pour autant qu'il se vouloit haster d'aller autre part, afin d'annoncer la foy Chrestienne aux Gentils, estrangers. Et laissant à ceux de sa nation ce qu'il en auoit escript en leur langue Hebraïque, bien qu'il fust party de son pays, il recompensoit son absence par la presence de son Euangile, qui suppleoit à ce que luy-mesme ne leur pouuoit dire de bouche. Long temps apres, Sainct Marc & S. Luc composerent celles que nous auons en main sous leur nom: l'un ayant commandement & ordonnance expresse de S. Pierre, & l'autre de Sainct Paul: Mais S. Iean qui auparauant auoit presché la foy sans en escrire quelque chose, trente six ans apres l'Ascension de nostre seigneur, print la plume en main le dernier de tous, pour mettre par escrit l'Euangile: & fut incité à ce faire, pour la cause & occasion que vous entendrez. Desia les liures des trois premiers Euangelistes estoient par tous publicz, lesquels estans tombez es mains de sainct Iean, il fut bien d'opinion de les recevoir, & par son tesmoignage leur donna foy de verité: toutefois il dit qu'en iceux y auoit quelque defaut d'aucunes choses, que le Sauueur auoit faites au commencement qu'il se mit à prescher. Car ces trois premiers poursuuyent tant seulement en leurs Euangiles ce que Iesus-Christ a fait en vn an, commençant à l'emprisonnement & captiuité de S. Iean Baptiste. Ce que mesme ils donnent à entendre dès le commencement de leurs histoires: Par ce que S. Matthieu ourdit son escrit de ce temps de la prison du Baptiste, apres auoir discoursu sur l'abstinence & ieusne de quarante iours & autant de nuits, & narré la tentation suyuant immédiatement. Voila ce qu'il dit: Et quand Iesus entendit que sainct Iean estoit prisonnier, il se retira de Iudee en Galilee. Pareillement sainct Marc a escrit dès le commencement ces mesmes mots: Or apres que sainct Iean fut liuré, Iesus vint en Galilee, preschant l'Euangile du Royaume de Dieu. Quant à S. Luc, auant que de se mettre à narrer les faits de Iesus-Christ, il parle de S. Iean & de Herodes, & raconte pour quelle occasion & comment Herodes fit emprisonner sainct Iean: puis tout d'une suite commence son discours de la vie de nostre seigneur Iesus. Or l'Apostre S. Iean fut prié par ses amis, de vouloir mettre par escrit ce que Iesus-Christ auoit fait auparauant l'emprisonnement de S. Iean Baptiste. Ce qu'il a fait en son Euangile: comme il le montre appertement & avec grace, disant quelque fois: Iesus commença à ce signe miraculeux. Il confirme aussi le mesme aucunes fois, quand il se met à parler de S. Iean Baptiste, au milieu des faits de Iesus Christ: comme en ce lieu, Aussi sainct Iean baptizoit en la ville d'Enon, pres de Salim, pour autant qu'il y auoit beaucoup d'eaux. Et puis apres, quand il dit: Car sainct Iean Baptiste n'auoit pas encor esté mis en prison. Il est donc facile à congnoistre, que S. Iean l'Euangeliste a discoursu, pour la plus grand part, sur les faits de Iesus Christ, auant la prison du Baptiste: & que les autres trois Euangelistes ont mis par escrit ce qui luy est aduenü apres ce temps d'emprisonnement: Parquoy quiconque prendra soigneusement garde à cela, mettant la raison en ieu, il n'aura pas opinion que les Euangelistes soyent en different les vns avec les autres: puis que ce deruiet comprend les premiers actes de Iesus, que les trois autres auoyent laissé en la plume, sans les coucher par escrit: & eux s'arrestent à narrer les derniers beaux faits d'iceluy. Ce qui est montré assez manifestement, par ce que sainct Iean n'a pas denombé la genealogie charnelle du Sauueur, au parauant racontée par S. Matthieu & par sainct Luc, mais il a tres-bien fait son deuoir d'escrire la Theologie & generation diuine dès le commencement de son Euangile: come chose beaucoup plus excellente que l'autre, & reseruee à luy par le sainct Esprit du Seigneur. Quelqu'un pourroit bien à l'auenture, mettre en auant d'autres causes pour lesquelles sainct Iean se mit en deliberation de composer son Euangile: Car les trois autres auoyent obmis le miracle de Lazare resuscité, qui est le principal patron, & tres-ample figure de la future resurrection. Ils n'auoyent pas couché par escrit la vraye Theologie de la generation & lignee diuine, n'ayant aucun commencement. Encor auoyent ils oublié de parler des dernieres ordonnances & commandemens de nostre Sauueur, estant prest de mourir, qui seruoient de testament. Parquoy ces trois poincts estoient suffisans de faire mettre à sainct Iean la plume en main, pour adiouster son Euangile aux trois autres. Quant à sainct Marc, qui vouldra sçauoir quelle cause l'a induit à escrire, il le pourra veoir au quinzième chapitre de ce liure second, où l'en ay dit l'occasion: qui est telle. Sainct Pierre, résistant virilement par paroles & œuvres à Simon le magicien, & tenant bon contre les grands efforts d'iceluy, lors que ce bon Apostre apporta la lumiere de la foy, & l'alluma en la contree del Occident, engendra si grand desir aux esprits de ses auditeurs d'auoir la copie de ses harangues & predications, qu'ils ne se pouuoient contéter de la viue voix d'iceluy, s'ils n'auoyent encor ses oraisons & remonstrances par escrit: Parquoy affectueusement ils supplierent S. Marc (qui pour lors faisoit compagnie au sainct Apostre) qu'il luy pleust de leur vouloir laisser la copie des Concions & presches de S. Pierre, mises par escrit pour memoire perpetuelle de son dire. L'Apostre trouua fort bon tel desir des fideles tant affectez à ses predications, & s'en resiouist grandement, de sorte que leur bonne affection fut cause qu'il dicta l'Euangile à Sainct Marc, & ordonna qu'on la leust puis apres ordinairement es Eglises. Clement, au sixiesme liure des Dispositions,

K ij

L'Euangile  
de S. Mat-  
thieu escri-  
te en He-  
breu.

Par quelle  
raison saint  
Iean a esté  
induit à es-  
crire son Eu-  
angile.  
Epiphane,  
contre les  
Ebionites,  
escriit que  
l'Euangile  
selon S. Iean,  
translatée  
de Grec en  
Hebreu, fut  
gardée es  
thesours des  
Iuis, en la  
ville de Ti-  
berias.

Chap. 4. b  
Chap. 1. b  
Chap. 2. b  
Chap. 3. c

Pour quelle  
occasion S.  
Marc a es-  
crit l'Eu-  
gile.

*Delibera-  
tion de S. Luc  
à escrire l'E  
uangile.*

*Les Actes  
des Apo-  
stres, com-  
posés par  
S. Luc.*

*Epistres ca-  
tholiques  
de S. Paul.*

*Des epistres  
S. Paul.*

*Apocalyp-  
se de S. Ieā.*

raconte telle auoir esté la cause, qui nous a mis en main l'Euangile selon saint Marc : comme aussi fait Papie, Euesque de la ville de Hierapolis. Or l'Euangeliste Saint Luc, dès le commencement de son esécriture declare quel a esté son conseil, par lequel il s'est mis à escrire : Car il dit, que plusieurs ont osé entreprendre de traicter temerairement les choses, esquelles il estoit certainement instruit, mais que, quant à luy, il a esté induit par necessité à mettre l'Euangile par escrit, reiettant tous liures douteux & incertains, comme celuy qui scauoit la certitude des paroles de verité, y estant enseigné par la bouche de Saint Paul & des autres Apostres, avec lesquels il auoit vescu & hanté : & pour ceste cause se sentoient grandement soulagé en cela, par les propos ordinaires, nourriture & conuersation familiere de ceux qui dès le commencement auoyent eux mesmes veu les choses, & esté ministres de la parole. Voila les vrayes & naturelles Euangiles, composées par les Apostres & disciples dessusdits, publiées & mises en lumiere dès le commencement de l'Eglise naissante, & approuvées en icelle, par ce qu'elles contiennent toutes choses meritiens foy certaine & indubitable. Saint Luc a encor composé vn liure contenant les Actes des Apostres, desquels il porte le nom : & ce, par le commandement de Saint Paul, comme lon dit. Donc deux du nombre des douze Apostres, & deux aussi d'entre les seprante disciples, ont acheué & parfait la sainte esécriture des quatre Euangiles. Au demeurant, Saint Iacques, frere de nostre Seigneur, a escrit vne epistre Catholique, laquelle il adresse aux douze tribus ou lignees des Iuifs : Saint Pierre en a composé deux : le diuin Apostre Iean, trois : & saint Iude frere de saint Iacques (qui, par auenture, deuroit aussi estre appelé frere de nostre Seigneur) vne seulement. Toutes lesquelles epistres, estans sept en nombre, nostre mere sainte Eglise a receuës, approuvées vrayes, & speciallemēt mises au nombre des liures domestiques & saints du nouveau testament : comme aussi les quatorze Epistres de Saint Paul en font du conte : lequel a esté tant copieux & graue non seulement en l'ornement de son dire, mais aussi en appareil de sentences, qu'il n'a rien voulu escrire d'auantage que ses Epistres : combien qu'il fust en luy de composer vne infinité de liures touchant les choses secretes, diuines & ineffables, comme celuy qui auoit esté raui iusques au troisieme ciel, & esleué en Paradis, abondant en toutes voluptez diuines, où il auoit entendu & apprins des choses tres-grandes, qui n'est pas licite à l'homme de reueler. En apres il est notoire, que l'Apocalypse, ou reuelation faite à Saint Iean, est le dernier liure que l'Eglise a receu & approuué. Tous autres escrits, excepté ceux cy, ont esté illegitimes & contrefaits, & ne doiuent estre tenus au rang du nouveau testament. Or ay-ie dit l'ordre des liures de la sainte esécriture, ensemble la cause de la composition d'iceux : & avec ce, les auteurs qui les ont mis en lumiere.

*De quelques liures testamentaires & vrais, mis en doute : & comment depuis ils ont esté maintenus en leur autorité & fermeté. Puis, des escriptures adulterines, contrefaites, illegitimes, & que lon doit reprouuer.*

Chap. XLVI.



*Des escrits  
canoniques  
& regu-  
liers du  
nouveau  
testament,  
l'autorité  
desquels a  
esté mise en  
doute.*

*Deux Iean.*

Mais par ce que quelques vns des anciens ont voulu reietter aucuns des liures que l'Eglise a receuz pour vrais & certains, desquels j'ay cy deuât parlé : apres en auoir dit en bref quelque chose, mesmement ce qu'Eusebe de Pamphile en a laissé par escrit, ie suis content de mettre fin à mon second liure. Il est bien vray, que, quant aux quatre Euangiles susdictes, ie n'ay point encor ouy dire, qu'aucun les ait mis en doute, ny qu'il s'y soit trouué quelque different en cest endroit, iusques au iourd'huy : car qui seroit celuy qui ne les confesserait publiquement & tiendrait pour vrayes, legitimes & naifues ? On doit auoir mesme opinion du liure, qui est escrit & inscrit des Actes des Apostres. Mais ie vous diray ceux qui ont esté mis en doute : L'Epistre de Saint Iacques, frere du Seigneur, comptée la premiere entre les Epistres Catholiques, est de ce nombre : & la septiesme, de la composition de S. Iude, frere d'iceluy S. Iacques : puis la seconde & dernière epistre de S. Pierre : de sorte que l'opinion des anciens touchant ces escriptures susdites, a esté douteuse, & non pas bien asseurée. D'auantage, pour quelque temps lon n'a pas donné entiere autorité, ny adiousté certaine foy aux deux dernières epistres de S. Ieā, cōme à la premiere : car on les estimoit & croyoit estre de la façon d'un autre nommé aussi Ieā prestre, qui fut chef de l'Eglise d'Ephese apres S. Iean l'Apostre, cōme Papie Hierapolitain dit, faisant mention qu'en la ville d'Ephese y a deux monumēs, de l'un & de l'autre Ieā : de l'un desquels il se nome le disciple, scauoir est, de celuy Iean, qui fut appelé Prestre. Car en racontāt les plus anciens des Apostres, il parle aussi de ces deux Iean, & dit ainsi : Que si aucune fois quelcun venoit, qui eust esté des suyans & familiers des anciens Apostres : ie leur demandois, quels propos ils auoyent coustume de tenir, & de quelles sentences ils vsoient ordinairement : & m'enquestois qu'André disoit, ou Pierre, ou Philippe, ou Iacques : ou bien, ie voulois scauoir les propos de Iean, »  
ou

ou de Matthieu, ou de chacun autre des Apostres & disciples du Seigneur: d'Aristion aussi ou de Iean le prestre. Car ie croyois à la verité, que la lecture des liures ne m'estoit pas tant profitable ny secourable, comme la viue voix. Aucuns donc ont esté arrestez en ceste resuerie & folle fantasie, que Iean le prestre, chef de l'Eglise d'Ephese, auoit composé la seconde & troisieme epistres, nuiſes en lumiere sous le nom de Iean, & qu'encor l'Apocalypſe estoit de sa façon. Quant aux epistres de Saint Paul, excepté celle qu'il adresse aux Hebreux, toutes sont demeurées en leur autorité certaine, & sans aucun doute: Mesme que Clement le Romain non seulement parle d'icelle Epistre aux Hebreux, mais encor il se sert bien à propos d'aucuns passages qui y sont, & les allegue pour autorité. Chose qui nous donne assez facilement à cōgnoistre, que l'edition & publication de ladite Epistre n'est pas nouuelle, mais ancienne: & qu'on la peut & doit on mettre au rang des autres œuvres de Saint Paul, comme celle qui merite bien d'estre estimée de sa façon. Or semble-il que la principale cause, pour laquelle l'autorité d'icelle a esté mise en doute, est telle: sçauoir est, que S. Paul n'y a pas mis son nom dès le commencement, ainsi qu'il a fait à toutes ses autres epistres. Mais j'ay opiniō qu'il a fait cela, de peur de les troubler soudain à l'entree de ses lettres, comme les ayant laissé pour suyure autre party. Parquoy c'a esté chose tres-bien aduisee à l'Apostre de n'y mettre point son nom: veu mesmement qu'il escriuoit aux Hebreux en langue Hebraïque. Aucuns assurent que depuis elle a esté traduite par S. Luc l'Euangeliste: autres (l'opinion desquels est plus approchante de la verité) disent que Clement l'a tournée. Aussi le style de l'Epistre aux Hebreux est semblable en tout & par tout, à celui de l'Epistre de Clement: mesme que les sentences de l'une & de l'autre, ne sont pas grandement differentes entre elles. Or encor que ces liures ayent esté mis en debat & doute par les anciens, toutefois depuis ils ont esté maintenus en autorité & credit inuiolable, & auquel ne faut contredire aucunement, par toutes les Eglises qui sont sous le ciel: tellement qu'ils nous sont demeurez & laissez comme principes ou elemens perpetuels de nostre pieté & religion Chrestienne. Au surplus, chacun doit entendre que ces escrits sont illegitimes & contrefaits: sçauoir est, La predication que lon dit estre de S. Pierre: & l'Euangile qui est selon luy, & sous l'appuy de son nom: aussi le liure de ses actes & l'Apocalypſe, ou reuelation, qui est publiée & mise en lumiere au nom diceluy. Nous entendons aussi que le liure des actes de Saint Paul soit au nombre des escritures, de l'autorité desquelles on a doute. Aussi soit celui qui a le titre de Pasteur: lequel aucuns attribuent à Hermes, que saint Paul en l'Epistre aux Romains, mande estre salué de sa part. Toutefois quelques vns l'estiment grandement necessaire, comme celui qui apporte beaucoup d'utilité & profit, mesmement à ceux qui apprennent encor les premiers enseignemens de pieté, & font leur apprentissage en la religion Chrestienne: Pour ceste cause il y a eu plusieurs des anciens qui se sont bien aidez & seruis de ce liure. Encor entre les écrits controuuez & reiettez hors du conte du testament, est l'epistre, que lon attribue à Barnabé: & vn autre liure, nommé, Les doctrines des Apostres. Semblablement faut mettre en mesme rang l'Euangile selon les Hebreux: à la lecture de laquelle, ceux des Hebreux, qui ont creu en Iesus Christ, se sont entre autres choses delectez. Or estoit-ce chose necessaire, de rememorer & nommer les liures, qui sont ou receuz & approuuez publiquement, par vraye & ferme tradition de nostre mere l'Eglise: ou qui ont esté en controuersé & doute, auant qu'estre en autorité: toutefois par vsage & prescription de long temps, estans acceptez, tiennent le rang des écritures testamentaires & canoniques. Ce que j'ay dit, afin que chacun congneust quels liures sont legitimes, propres, & peculiers de l'Eglise: & quels escrits aussi sont (par la science humaine, qui est faulſe) referez & r'apportez aux noms des plus grands Apostres, comme de S. Pierre, S. Thomas, de S. Matthias, & par auenture de quelcun des autres, comprenans les Euangiles & Actes des Apostres: comme sont les liures, qui portent les noms de S. André & de S. Iean desquels il n'y en a aucun qui face mention des successeurs des Apostres, ny encor de quelque auteur Ecclesiastique. Aussi le style de telles œuvres est beaucoup different du beau parler & de la façon d'escrire des Apostres: & l'entreprinſe, deliberation, ou sentence d'icelles ne respond aucunement à l'attente, que le titre promet au lecteur: mais se retire bien loing de la doctrine synce-re, & droite voye de verité. Parquoy on peut bien assurer & croire, que telles escritures ont esté mises en auant, & controuuees par personnes qui se laissoient gouverner aux esprits diaboliques. Et pour ceste cause tels liures (comme adioustez, controuuez & faux,) ne doiuent point estre fueilletez, leuz ny mesmemēt touchez: mais plus-toſt on les doit du tout auoir en horreur, detester, & fuir en toutes sortes au possible: & au contraire, s'arreſter tant seulement à ces autres legitimes, s'employer à la lecture & intelligence d'iceux, comme estans diuinement inspirez, & croire simplement à ce qu'ils contiennent, ainsi comme il est escrit. Car les Saints Apostres (gens fort admirables en sainteté de vie par dessus la capacité du naturel humain, & embellis en leurs esprits de toutes sortes de vertus) n'ont pas ſceu, & avec ce ne se sont pas estudiez ny esprouuez de publier la doctrine de leur Seigneur & maistre avec vn langage poly & orné de toutes couleurs de rethorique, afin de pouoir mieux persuader leur dire (car avec vn rude parler, & non fardé, sans aucune crainte ils mettoyēt hors de leurs bouches les propos, q̄ la grace &

*De l'Epistre aux Hebreux.*

*L'Epistre aux Hebreux écrite en langue Hebraïque.*

*Ecrits illegitimes & faux.*

*Les Apostres ont usé en leurs doctrines & écrits d'un simple parler, & d'un style affecté rude.*

puissance du souverain Dieu leur inspiroit diuinement) mais bien ils ont annocé à tous la celeste discipline, par la vertu du S. Esprit, qui faisoit par eux des choses tres-grandes, s'aidans des œuvres miraculeuses, qu'ils mettoient en execution, en lieu de demonstrations & preuues: & n'ont eu aucunement esgard, ny au langage artificiel & excogité, ny à l'écriture bien couchée, pourueu que simplement ils peussent donner à entendre la verité, avec la parole telle que la grace diuine pouloit hors de leur estomach. Ce qu'ils ont ainsi fait, par ce qu'ils sçauoyent bien que leur vie estoit assuiettie à plus grand & haut ministere, que la capacité de l'entendement humain ne pouoit pas attoucher. En l'histoire suyuant ie parleray de Clement, d'Ignace grand defendeur du nom de Dieu, de Polycarpe, de Iustin, & des autres successeurs des Apostres, & diray quels liures ils ont laissé par escrit à nostre mere l'Eglise. Quant aux Apostres, vous auez entendu quels ont esté leurs actes, par quelle mort chacun des douze a passé de ce monde à Dieu: & quels sont les escrits legitimes, vrais, & canoniques, lesquels ils nous ont laissé en main.

Or est il temps de mettre fin à ce second liure, qui necessairement est venu à telle grandeur, qu'il a esté besoin de comprendre en iceluy ce qui s'est passé en l'Eglise depuis la dixneufiesme année de l'Empire de Tibere Cesar, iusques à la quatorziesme de Neron: à laquelle les deux plus apparens & princes des Apostres S. Pierre & S. Paul, ont esté couronnez de la couronne de martyre, pour tesmoignage du nom de Iesus. Il contient donc trêsept ans: & prend fin en l'accomplissement depuis la creation du monde cinq mille cinq cens septante & cinquiesme, & au septantiesme depuis la natiuité de nostre seigneur Iesus-Christ.

*Années cō  
tenues en ce  
secol liure.  
Selon les  
nouveaux  
historiens,  
4048.*

*a septantiesme depuis) Le septantiesme an de Iesus Christ, contant dès sa natiuité, escheut au temps des Empires des Césars regnans par ensemble, lors que Seruis sulpic Galbe estoit au septiesme mois de son regne: Marc sylvie Othon, au mois troisesme, iour cinquiesme: & Aule Vitelle, au mois huitiesme, iour dix.*

*Fin du second liure de l'histoire Ecclesiastique de Nicefore.*



## LIVRE TROISIÈME DE l'Histoire Ecclesiastique de Nicefore, fils de Calliste, Xan- thouplois.

*Qui ont esté les premiers successeurs des saints Apostres. Chap. I.*

*il propose ce  
qu'il veult  
dire.*



Continuant mon histoire, apres auoir bien & deuement mené à fin le second liure d'icelle (qui a contenu au vray les actes & escrits des Apostres, & tient le premier lieu apres celui qui le precede) au troiesme liure, lequel maintenant ie prens en main, leur premiere succession & suite sera declaree: sçauoir est, comment la predication de la parole diuine a donné accroissement à la foy Chrestienne par le monde vniuersel: & qui sont les personages, qui ont eu le gouvernement de routes les plus grandes Eglises. Encor contiendra il d'auantage la tuerie, qui fut faite de la gent Iudaïque, & la ruine & destruction de Hierusalem, ville capitale du pays. Puis sera parlé des auteurs & do-

*En quelles  
parties du  
monde cha-  
cun des A-  
postres a  
presché l'E-  
uangile.*

cteurs Ecclesiastiques, qui ont esté en bruit apres telle desolation & calamitez: & qui sont ceux d'entre eux, qui ont emporté la couronne de martyre, apres auoir courageusement & virilement soustenu le combat pour la foy de Iesus-Christ: & qui ont esté au contraire, les premiers Capitaines & ministres d'heresie, faulsement appelée du nom de science. I'ay dit cy deuant, que les Saints Apostres espars par toutes les contrees de la terre, auoyent party entre eux les provinces du monde, pour aller prescher l'Euangile, chacun en la region qui luy estoit escheue par sort. Ce que Saint Pierre fit premierement en la ville de Hierusalem, puis aux pays de Galatie & Bithynie: & encor en Asie la superieure, en Cappadoce, & par toutes les Itales.

Quant

Quant à S. Jean Apostre, il deceda de ceste vie au pais d'Asie, apres y auoir enseigné la foy par plusieurs annees. Les prouinces qui escheurent à S. André, estoient celles qui sont voisines de la mer Euxine, la Scythie vniuerselle, . . . Byzāce, Macedoine, & la terre ferme de Grece. S. Thomas publia l'Euangile aux Parthes, Indiens, & aux habitans de l'isle Taprobane. Vn autre des douze Apostres a eu pour son lot, l'Egypte & la Lybye : vn autre aussi les derniers pais de l'Ocean, & l'Angleterre, & autres isles prochaines. Quant est de saint Paul, il alloit d'un costé & d'autre par les pais habitables, volant par tout comme quelque oiseau celeste : & posa tresfermement les premiers fondemens de l'Eglise, commençant en la ville de Ierusalem, & semant en toutes parts la doctrine de vraye pieté soigneusement & avec foy viue, même iusques à la mer Illyrique. Or tant de gens de bien ont esté emulateurs & zelateurs de ces personages saints, que ce ne seroit pas chose facile de les raconter tous : lesquels (apres auoir receu assez abondamment les graces tant de parole que de l'esprit diuin, pour construire les Eglises fondees au parauant par iceux) ont esté iugez suffisans & idoines de paistre le troupeau du Seigneur, & de succeder aux Apostres en telle administration & estat : comme ceux qui auoyent esté par eux bien soigneusement instruits & enseignez de leur deuoir. Parquoy tels aussi semerent par tout, avec grand cœur, la salutaire semence du Royaume des cieus : Car ils estoient tellement incitez d'une bonne & vehemente amour de la vraye philosophie diuine, que premierement ils distribuoyent aux pauvres leurs substances & richesses, suyuant la salutaire ordonnance de Dieu : & non contens de ce, poulsez d'une certaine ambition sainte, ils descouuroyent le secret de la doctrine des diuins comandemens aux autres nations des Gentils, qui encor n'estoyent obeissans à la parole de la foy. Et ayans ce fait, ils se retiroyent en autres contrees pour même occasion, apres auoir estably des pasteurs & Euesques sur les Eglises par eux instituees, & nouuellement fondees. De sorte, que la grace de Dieu par tout abondamment respand, ueau moyē de plusieurs miracles, attiroit à la foy Chrestienne toutes nations ensemble. Or serois-je trop prolix, si ie me voulois arrester à raconter par le menu l'un apres l'autre tous les Euesques & pasteurs d'Eglise, qui prirent la charge de l'office Apostolique & publication d'Euangile par tout le monde habitable, dès le temps de la premiere succession des Apostres. Il me suffira parler de quelques uns choisis entre plusieurs, lesquels aussi nous ont esté monstrez ou doigt par les monumens & autres histoires de l'Eglise Apostolique. Comme il est vray, que saint Paul, le premier de tous, en ses epistres tient propos de plusieurs, lesquels il appelle ses aydes, coopérateurs & compagnons de guerre. Saint Luc aussi en loüe beaucoup nommeement : comme Timothee, qui eut premier le gouvernement de l'Eglise en Ephese, ainsi que Tite en Crete ou Cadie : comme aussi Barnabas, & S. Luc même : Marc & Crescent pareillement, qui print la charge de l'Eglise des Gaulois. D'auantage il parle du tressage Denys l'Areopagite, qui fut chef de l'Eglise souveraine d'Athenes : de Linnus aussi, de S. Clement, du diuin personnage Ignace, & d'Apollos, homme admirable. Encor tient il propos de tous les septante disciples, & de plusieurs autres : lesquels si ie voulois tous mettre par escrit, ie n'aurois pas peu à faire.

*Des saints personages, qui apres les Apostres ont esté les chefs & Euesques de l'Eglise  
és villes de Rome, Alexandrie, Antioche & Hierusalem. Et encor de quelques autres gens de bien, puissans en dons Apostoliques. Chap. 11.*



R voicy ceux qui ont presidé & gouverné es grandes Eglises. Apres S. Pierre, Linnus fut le premier Euesque de Rome : duquel saint Paul fait mention en son epistre qu'il a écrite de Rome à Timothee. Ce preud'homme, ayant bien fait deuoir en sa charge Episcopale, par l'espace de douze ans, laissa l'Euesché à Anaclete, & mourut du temps que Vespasia & son fils Tite gouvernoyent ensemble l'Empire Romain. Puis au second an de l'Empire de Tite, Anaclete deceda, apres auoir souverainement bien gouverné l'Eglise Romaine par autant d'annees que son predecesseur. A iceluy Anaclete succeda le sage Clement, renommé pour sa noblesse, comme celuy qui se disoit estre extrait de la lignee des Césars Empereurs : duquel puis apres ie parleray d'auantage. Saint Paul escriuant aux Philippiens, tesmoigne que ce Clement estoit son ayde & coopérateur en la ministration de l'Euangile, quand il dit : le te prie aussi, mon vray compagnon, ayde leur : à icelles dis-je, qui ont bataillé avec moy en l'Euangile, avec Clement, & mes autres aydes & coopérateurs, qui labourēt avec moy : desquels les noms sont ensemble escrits au liure de vie.

En l'Eglise d'Alexandrie, le premier Euesque apres saint Marc l'Euangeliste, fut Anian, qui deceda en la quatriesme annee de l'Empire de Domitian, apres auoir tenu le gouvernement de l'Eglise, par le tēps de vingt & deux ans. Apres sa mort le siege episcopal fut mis entre les mains d'Abilie : qui, en ayant ioüy treize ans durant, apres auoir bien gouverné l'Eglise tout ce temps, laissa pour son successeur vn nommé Cerdon.

successors  
de saint  
Pierre &  
Luc en l'E-  
glise d'An-  
tioche.

Successors  
de S. laques  
frere du sei-  
gneur en  
l'Eglise de  
Ierusalem.

Polycarpe  
Euesque de  
smyrne.

Papie Hie-  
ropolitain.

Quadrat  
prophete.

L'Eglise d'Antioche fut gouvernee per Euode, premier Euesque, incontinent apres S. Pierre & S. Luc. Le second se nomma Ignace, lequel fut expose aux bestes & deuore d'icelles à Rome, en l'an troisieme del'empire de Traian, apres auoir bien & deuement administred son office de prelat en l'Eglise d'Antioche, par l'espace de neuf ans. Son successeur auoit nom Heros, qui fut le troisieme en nombre depuis les Apostres.

Simeon, fils de Cleope (lequel on dit auoir esté cousin germain de nostre Sauueur) apres la destruction de la ville de Ierusalẽ, fut Euesque d'icelle, & succeda à S. laques, frere du Seigneur, qui auoit tenu le mesme euesché par l'espace de trẽte ans. Iuste fut le troisieme euesque en l'ordre, qui estoit l'un des Iuifs croyans pour lors en Iesus-Christ. Ces trois euesques continuerent en leur dignité & administratiõ, iusques au tẽps del'empereur Traian, durant lequel S. Iean le bien-aymẽ disciple, estoit encor en vie. De ce mesme temps Polycarpe florissoit en la ville de Smyrne en Asie, que le mesme Apostre S. Iean auoit crẽe euesque. Semblablement Papie Hierapolitain (homme en partie renommẽ pour son eloquence & bien-parler, en partie aussi pour sa doctrine es saintes lettres) eut l'administration del'euesché de la ville mesme de Hierpolis. Pareillement Quadrat estoit pour lors en bruit, douẽ d'esprit de prophie, & les filles de Philippe aussi. Plusieurs autres d'auantage furent en vogue de mesme temps, tous personnages excellens, renommez, & enrichiz de grace diuine, comme les Apostres, desquels ils estoient successeurs. Or cy apres, en ce mesme liure, ie raconteray ce qui sera expedient, de Clement, Ignace, Policarpe & Papie: le tout selon son ordre. Car en ce lieu ie n'ay pas proposẽ de monstred autre chose, sinon ce qui seulement appartient à la premiere succession des Apostres.

a Cleope) Egesippe dit que Cleope estoit frere de Ioseph, espoux de la Vierge-mere.

*Quelle cause eurent les Romains de faire la guerre aux Iuifs. Combien de temps les Iuifs furent à repos & sans guerre, apres la mort de Iesus-Christ. Comment plusieurs personnages fideles, aduertiz par reuelation, laisserent la ville de Ierusalem, & se retirerent à Pella. Et combien de temps le Royaume des Iuifs fut entre les mains des estrangers, venu de race d'Herodes. Chap. 111.*

Les calamités  
des  
Iuifs sous  
Neron, ont  
estẽ comme  
prophes &  
commence-  
mẽs de leur  
destruction  
future.

Liu. 20. ch.  
dernier des  
Antiqui-  
tez, & de  
la guerre, l.  
2. chap. 13.



Mais ce sera chose venant bien à propos, de decouurir par quel moyen la guerre des Iuifs contre les Romains a esté menee & commencee: quelles causes & signes prodigieux ont ensemble precedẽ la destruction de la ville de Ierusalem: & comment ceste ville fut en fin saccee & destruite, endurant iuste punition de l'impietẽ & tyrãnie executee contre la personne de Iesus-Christ, en vengeance de leur furieuse rage & default de bon sens. I'ay dit & expose au liure precedent quelles calamitez & desconfitures aduindrent aux Iuifs sous l'Empire de Neron, & deuant luy sous le gouvernement de Felix, qui eut charge de la prouince de Iudee apres Pilate: Lors que les Pontifes & grands Sacrificateurs s'armoyent & se combatoyent les uns contre les autres, & encor contre les plus grands personnages de la citẽ: & quand vn chacun d'eux, ne s'estudiant qu'à choses nouuelles, se faisoit capitaine de sa propre autoritẽ, ne se trouuaist aucun qui y mist empeschement, & quand aussi l'impudence es-hontee des Pontifes & Sacrificateurs d'une part, & d'autre part la licence effrenee des meurtriers rebelles, estoient venues à tel point, qu'elles ne pouuoient estre plus grandes, & mesme au temps que le grand Sacrificateur Ionathas, & encor plusieurs autres excellens personnages estoient mis à mort en cachettes: bref que le faux prophete Egyptien, ayant seduit grand nombre de gens, fut cause de la perte de trente mille hommes: & qu'aussi toutes autres choses se cõmettoient & faisoient du tẽps quel'estat de la ville estoit en si merueilleux trouble, qu'aucun ne se trouuoit, qui voulust faire bien son deuoir, ny de cõmander, ny d'obeir. Iosephe raconte, que en la dixiesme annee de l'Empire de Neron, s'esmeut vne grande guerre, qui fut cause que toute la nation des Iuifs endura vne grande calamitẽ: & oultre les autres dommages, qu'environ dix mille hommes, tous gens d'estat, & qui auoyent eu les offices, magistrats & hõneurs en la republique de Iudee, furent battuz & dechiquetez à coups de foiets, & finalement penduz & estranglez par le commandemẽt du gouverneur a Flore. b Il dit d'auantage, qu'un grand tumulte s'esmeut contre les Iuifs par tout le païs de Syrie, lors que plusieurs d'entre eux estoient mis à mort par les habitans des villes (comme s'ils eussent esté leurs ennemis) avec si grande cruautẽ, que par tout es citez lon voyoit les rues & autre lieux couverts de corps morts gisans à terre sans sepulture: entre lesquels lon trouuoit des hõmes, des enfans, des vicillards, & mesme des femmes, desquelles les parties honteuses n'estoyent cachees ny couuertes. Et combien que le païs fust assailly d'une infinitẽ de miseres, toutefois la ruine annoncee par menaces, à cause des meschancetez d'un chacun, esquelles ils prenoient plaisir, estoit beaucoup plus grande & plus fascheuse que tout autre euẽnement ny calamitẽ. Voylà ce que Iosephe escrit auoir precedẽ la guerre. Or par ce



ce que les Iuifs apertement s'estoyent monstrez rebelles aux Romains, l'Empereur Neron se mit en cholere contre eux : & enuoya Vespasian avec son fils Tite, d'Achaie & Italie en Iudee, avec grosse & puissante armee, leur ordonnant d'aller contre la ville de Ierusalem, & mettre le siege deuant. Vespasian, pour accomplir sa charge, poursuyuoit de plus en plus la guerre, tellement que de iour en iour il acquerioit nouuel honneur, à raison de plusieurs victoires qu'il emportoit des Iuifs : lesquels ce pendant n'auoyent par prins seulement les armes en main contre l'Empire de Rome, mais aussi contre Iesus-Christ mesme, duquel ils se declaroyent estre ennemys mortels : de sorte qu'en partie ils dressoyent vne infinité d'embusches aux Romains, en partie aussi prenoyent plaisir à se baigner au sang des Chrestiens, lesquels ordinairement ils faisoient mourir. Ce qui estoit monstré à l'œil par l'execution de saint Estienne, de S. Iaques fils de Zebedee, du frere de nostre Seigneur (qui portoit aussi le nom de Iaques) & de plusieurs autres : tellement que, si quelques vns fideles restoyent encor à la poursuyue des Iuifs, ils estoient dechassez du pais, & contraincts d'abandonner la Iudee. Mesme que le peuple vniuersel de l'Eglise Ierosolimitaine, aduerty par certaines responces secretes & diuines (qui par reuelation occulte furent rendues à quelques bons personages, & approuuez par sainteté de vie) sortit de la ville au parauant ceste guerre, & se retira en vne petite ville, nommé Pellé, suyuant le commandement qui luy en estoit fait : Ce qui fut fait en la ville de Ierusalem, destruitee & delaissee totalement de toutes personnes religieuses & diuines (comme celle, qui estoit la chaire ou ville premiere, metropolitaine & capitale) & le pays de Iudee aussi voisin d'icelle, endurassent la vengeance de Dieu, pour auoir fait souffrir plusieurs tourmens à Iesus-Christ & à ses Apostres, & que toute nation fust accablée & effacée du nombre des viuans. Il est vray que les Iuifs ont bien esté quarante ans apres l'ascension de Iesus-Christ aux cieus, sans estre assailliz à guerre ouverte : car ce bon Dieu leur vouloit bien donner temps de repentence, & les inuiter à reconnoistre leur mesfaits, par le moyen de la bonne vie, doctrine salutaire, & œuvres admirables des saints Apostres. Mais par ce que iamais n'ont tenu cote de se couertir & amender leurs fautes, ils se sont couuerts eux-mesmes du mal'heur de leur ruine, qui les a diuinement surpris par le iuste iugement de Dieu, leur obstination ouurât la porte au desastre, & ostant tout empeschement du delay de la vengeance & punition qu'ils meritoient. Or auoyent ils vescu par l'espace de cent ans sous le gouuernement de Rois estrangers : Car Herodes fut le premier qui tint leur Royaume en main, trente-sept ans durant : apres lequel son fils Archelaus regna neuf ans. Puis Herodes, son frere luy succeda, & fut Roy vingt-quatre ans : & fut celuy qui fit trancher la teste à S. Iean Baptiste. Puis Agrippe surnommé : Herodes (qui fit mourir saint Iaques, frere de saint Iean, fils de Zebedee) regna sept ans : duquel fut successeur son fils Agrippe le ieune. Et deuant iceluy saint Paul librement plaida luy-mesme sa cause. Cest Agrippe tint le Royaume des Iuifs par l'espace de vingt trois ans, iusques à ce que la ville de Ierusalem fut entierement destruitee & saccagee.

La charge de Iudee, est donnee par Neron à Vespasien. Rebellio des Iuifs contre les Romains & contre Dieu mesme.

Vengeance diuine sur les Iuifs. La longue patience de Dieu, a inuité en vain les Iuifs à penitence. Combien de teps la Iudee a esté sous Rois estrangers : & le denombrement d'iceux.

Antipater.

Prisc.

<sup>a</sup> Flore ) Voyez Tacite, liu. 21. de l'auarice & cruauté de Cestie Flore, gouverneur de Syrie.

<sup>b</sup> Il dit d'auantage ) La sedition & guerre ciuile, s'esteuant en toutes les villes, remplit de sang & de corps morts tous les lieux de Iudee, comme dit Iosephe, & Egesippe, li. 4. chap. 11. Chap. 19. du 2. de la guerre.

<sup>c</sup> Mesme que le peuple ) Les Chrestiens aduerti diuinement, sortirent de Ierusalem. & allerent à la ville de Pellé, auant la destruction de ladicte ville de Ierusalem.

<sup>d</sup> Orauyent ils vescu ) Auguste victorieux augmenta le Royaume qu'Antoine auoit donné à Herodes : puis ses enfans gouvernerent, la nation des Iuifs resserree, estât le Royaume deuise en quatre parts. Sous Tibere ils furent en repos. La mort de Caius Cesar a assopy l'estimation des Iuifs. Claude puis apres donna la prouince de Iudee à gouverner aux cheualiers Romains, ou mesme à ceux qu'il auoit affranchi, quand les Roys furent trespassez, ou fort abbaissez de leurs estats. Toutefois ils prindrent tout en patience, qui leur dura iusques au temps du gouuernement de Cestie Flore, procureur : sous lequel la guerre commença. Tacite liure 21.

Comment sept signes tresmerueilleux & prodiges fort grands, aduenus auant la guerre des Iuifs, ont donné quelque indice de la destruction de Ierusalem.

Chap. I I I I.



V surplus quelques signes admirables predisoient aucunement la prochaine ruine de la ville, par aucuns indices assez descouverts : comme aussi Iosephe mesme le mostre au septieme liure des histoires de la guerre Iudaïque. Ces abuseurs (dit il) se fouruoyans grandement du vray chemin de Dieu, deceuoyent le miserable peuple par leurs suasiōs, qui ne mettoit sa pensee, ny n'adioustoit foy aucunement à plusieurs signes certains & euidens, qui monstroyent apertement la desolation future & de-

Chap. 12.

gast à venir: ains mesprisoit les prediçtions diuines, comme gens frappez de foudre, ou estonnez par quelque esclat, & n'ayans ny yeux, ny esprit. Mais quels ont esté ces signes? Premièrement vne estoille cheuelue, fort semblable à vne espee, fut veüe luire sur la ville de Ierusalem, par l'espace d'un an entier. A vn certain iour de feste des pains sans leuain, qui estoit le neuuesme iour d'Auril, à neuf heures de nuict, vne lueur resplendissante donna telle clarté par dessus l'autel & mesme au temple, qu'il sembloit que ce feust le clair iour: & dura bien ceste resplendeur par l'espace de demie heure. Encor veit on la porte de la ville, regardant vers l'Orient, s'ouuir d'elle mesme, sans que personne y mist la main, enuiron les six heures de nuict: combien qu'elle feust faite d'airain massif, soustenue de gonds de fer puissans & gros, & arrestee avec pieux tresgrands fichez en terre, tellement que pour la pesanteur de tel fardeau, vingt hommes se trouuoient bien empeschez à la fermer à soleil couchant. D'auantage des chariots de merueilleuse haulteur, des armées prestes à cōbatre, & assigeans des villes, apparurent és nues en plain iour auant le coucher du Soleil. Oultre aduint vn iour de feste, appelée la feste des Tabernacles, quand les prestres alloient de nuict pour faire leur deuoir aux sacrifices, cōme estoit la coustume, qu'ils s'apperceurent d'un mouuement & son esclattant, puis ouyrent vne voix merueilleuse, leur denonçant qu'il falloit desloger de là, & aller autre part. Encor la quatrieesme année auant la guerre, vn homme, nommé Iesus, personnage fort rustique & agreste (fils d'un pauvre homme de fort basse cōdition, qui s'appelloit Anan) entra soudain au temple, lors qu'il y auoit encor bonne paix & assés repos en la ville: & y estant entré au despourueu, crioit haultement, disant: Voix de l'Orient, voix de l'Occident, voix des quatre vents, voix dessus Ierusalem, & sur le temple mesme, voix sur les espoux & espouses, voix dessus tout le peuple. Et alloit d'un costé & d'autre de iour & de nuict, criant incessamment ainsi. Parquoy quelques vns esmeuz de telles paroles, qui estoient bien peu agreables & mal plaisantes, empoignerent le galland, & le frapperent à coups de bastons & fouets, afin de le faire taire. Dont il ne s'esmeut aucunement, ains demonstroït qu'il n'auoit aucune crainte de chose qu'on luy sceust faire, & continuoït tousiours son cry coustumier, sans tenir autre propos. Meismement quand on l'eut amené deuant le gouuerneur du pais, qui estoit homme Romain, il ne dit autre chose que sa premiere chanson, & ne ietta pas vne seule larme, encor que bastonnades ne luy manquassent aucunement: ains seulement avec lamentatiō miserable à chascun coup qu'il receuoit, il s'escrioit disant hault & cler: *b* Malheur & malediction sur la ville de Ierusalem. D'auantage, au iour de feste des pains sans leuain, vne vache que lon auoit amenee au milieu du temple, pour en faire sacrifice, engendra vn agneau, à la veüe d'un chacun assistant. Or le mesme Iosephe dit encor vne autre chose beaucoup puls admirable: c'est, que dedans les sacrez liures du tēple on trouua vn certain *c* oracle, qui disoit, qu'en ce tēps mesme quelq'un sortiroit de leur pais, qui tiēdroit l'Empire du monde vniuersel. Il est bien vray, *d* que Iosephe attribue ceste responce à *e* Vespasian: combien que toutefois il n'ait eul le gouuernement que de la ville de Rome seulement, & non de toute la terre. Parquoy le meilleur est, d'accommoder cest oracle à nostre Sauueur & Seigneur Iesus Christ: auquel est aussi rapportee ceste responce de son pere, qui dit en vn Psalme par la bouche du Prophete & Roy Dauid, Demande moy, & ie te donneray les gens pour ton heritaige, & pour ta posession les bouts de la terre. Duquel aussi les disciples ont esté tels, que le son de leurs voix s'est esté due par toute la terre, & leur propos sont allez iusques aux extremités du monde. Or ayant en premier lieu deduit ces choses icy, il est temps que ie pourfuyue mon histoire.

*Signes espouuérables denotans la ruine de Ierusalem.*

*a* quelques signes) Les bons Apostres, s. Pierre & saint Paul, ont aussi predit en leurs predications la ruine de la ville de Ierusalem, cōme dis Lactan. l. 4. c. 21. Signes prodigieux & esmerueillables denotans la ruine de Ierusalem, lesquels ceste gent addōnee à superstition, & contrariant à la vraye religion, estima n'estre licite de purger par sacrifices, ny appaiser par vœux. On a veu des armées courir par le ciel, des armes reluire, le temple rendre lueur par vn feu soudainement yssu des nues. Les portes du temple ont esté soudainement ouuertes de soy-mesmes: Et fut ouye vne voix, plus grande que l'humaine, disant que les Dieux departissent de ce lieu. Encor y eut il ensemble grand mouuement & tremblement de terre, dont ceux qui sortoyent s'apperceurent. Plusieurs auoyent peur de tels signes. Tacite liure 21. Psal. 2. b. Psal. 19. a.

*b* Malheur & malediction) Iosephe, liu. 7. cha. 12. de la guerre, dit, que par l'espace de sept ans & cinq mois, ce paisan continua ses maledictiōs sur Ierusalem, & sur les Iuifs, sans tenir autre propos, iusques à ce que tournant à l'entour des murailles, en fin il dit: Malediction aussi sur moy, & lors vne pierre, lanchee par quel que machine bellique, le froissa & mit à mort sur le champ.

*c* oracle, qui disoit) Oracle de l'Empire de Iesus Christ, trouué au temple de Ierusalem.

*d* que Iosephe attribue) Suetone, en Vespasian en parle ainsi: Par tout l'Orient, des long temps ceste opiniō estoit diuulgee & tenue pour vraye, que ceux qui viendroyent de Iudee, aproyent la souuerainete en mains. Les Iuifs

*Iuifs s'attribuans ce qui estoit predit d'un Empereur Romain (comme l'euenement en fit apparoir puis apres) se reuolterent: & ayans tué leur gouverneur, ils rauirent l'enseigne de l'aigle, & mirent en fuite l'ambassadeur, homme consulaire, amenant du secours au pays de Syrie.*

• Vespasian ) Encor à ce propos Tacite dit: plusieurs auoyent ceste persuasion, qu'aux anciennes escritures des sacrificateurs & prestres estoit contenu en ce mesme temps deuoit aduenir, que l'Orient seroit en valeur: & que ceux qui sortiroient du pays de Iudee, tiendroyent la souveraine puissance, & iouiroient de l'Empire. Par lesquels propos ambigus Vespasian & Tite estoient signifiez.

*Comment (apres Neron) Galbe, Otthon & Vitelle ont esté Empereurs des Romains: puis Vespasian les a suiuy au gouvernement de l'Empire: vn particulier discours des calamitez & miseres aduenues en la ville de Ierusalem, du temps de Vespasian.*

*Chap. V.*



Eron ayant tenu l'Empire par quatorze ans deceda de ceste vie, & non sans grand des-honneur laissa le gouvernement d'iceluy à Galbe, Otthon & Vitelle, lesquels trois furent tuez dans vn an & demy: & laisserent la souveraineté à Vespasian, qui pour lors faisoit guerre contre les Ierosolimitains, & emportoit la victoire en plusieurs rencôtres, avec grand honneur & louage. Ce fut là, où les cōpagnies des gens de guerre le declarerent empereur, & pour ceste cause il donna la charge de la guerre des Iuifs à son fils Tite, & se mit en chemin pour aller à Rome, à la plus grande haste qu'il peut. Au surplus qui voudra sçauoir par le menu, cō-

*Empire de Galbe, Otthon & Vitelle.*

*Empire de Vespasian.*

bien de maux aduindrent sur tout le pais de Iudee, combien de pertes la nations des Iuifs receut de toutes parts: combien de mille de personnes de tous aages moururent par diuerses sortes de morts, & principalement par faim, & au trenchant de l'espee: quelles villes ont esté assiegees à part: bref (puisque il n'y auoit aucun que de tous costez ne s'enfuißt, pour se retirer à seureté en la ville de Ierusalem, <sup>a</sup> comme en vn lieu de bonne defense & imprenable) quelles miseres le pauvre peuple des Iuifs a enduré, qui furent si grandes, qu'il n'y a bouche qui n'ait horreur à les dire, ny aureilles à les ouyr: il pourra trouuer toutes ces choses amplement escrites en l'histoire de Iosephe. D'auantage il y lira quel fut l'appareil de toute la guerre, & quelles choses aigres & fascheuses chacun à part endura de ce temps: finalement, cōment l'abomination de la desolation s'est arrestee en ce temple tant renommé (ainsi qu'il auoit esté predit par les Prophetes) tellement qu'il fut vaillainement gasté & par feu, & du tout ruiné, n'y demeurant pierre sur pierre. Il est bon toutefois que lon sçache ce que le mesme historien dit en quelque lieu, qu'environ trois millions de personnes estoient venues par bandes de tout le pais de Iudee à la ville de Ierusalem, du temps des festes de Pasque: & tout ce peuple fut tenu enclos & assiégué là dedans, tout ainsi que s'il eust esté en prison & sous garde. C'estoit aussi chose raisonnable, qu'ils feissent esprouue de la vengeance diuine, pour cause de la fureur pleine de rage, qu'ils auoyent vomie contre nostre Sauueur: & que leur ruine derniere commençast à les saisir (pour seruir de guerdon & recompense digne de leurs faits) és mesmes iours, esquels avec si grande affection ils s'estoyent mis furieusement à faire mourir, avec grande cruauté, le Sauueur & bien faicteur de tous, Iesus-Christ, auquel ils auoyent preferé vn homme meurtrier, homicide & sanguinaire, ne tenans conte de ses bien-faits excellens, mesprisans les graces par eux receues de luy, & reietans arrogamment son Royaume & puissance, comme ceux qui pour estre arrestez à Cesar Empereur terrien & humain, ne se vouloyét assuietir à Dieu, qui est Roy des Roys, & Seigneur des Seigneurs.

*Nōbre des Iuifs assiegez dans Ierusalem. Trois millions valēt trentefois cent mille.*

Orie ne diray point par le menu quelles desconfitures ou playes les Iuifs ont receu, ou par les trenchans des espees & autre armes, ou par les instrumens de guerre: & feray seulement vn discours des miserables calamitez que le default de toutes choses & la famine leur a fait endurer: Car cela me semble assez suffisant pour monstrier au long à tous ceux qui liront quelque fois ceste histoire, que la vengeance (laquelle ils meritoient pour auoir arrogamment & avec fureur commis si grand outrage, que de faire mourir le Sauueur de tous) n'a pas esté longuement retardee, & que la punition a suiuy de bien pres le peché. Au reste, Iosephe nous raconte apertement telle calamité tragique, au sixiesme liure de ses histoires de la guerre des Iuifs & tient quasi tels propos.

*Chap. ix.*

<sup>a</sup> cōme en vn lieu Tacite, l. 21. tesmoigne que la ville de Ierusalem estoit tres-bien munie de tout ce qui est requis pour la defense d'une place. Mais les Iuifs auoyent fortifié la ville, qui estoit mal aisee à prendre, tant à cause de l'assiete, que du labour des hommes, & auoyent aussi bien remparé les fortresses. Il y auoit d'autres murs dedans, à l'entour du palais Royal. Puis on y voyoit un chasteau fort hault & ostenté, qu'Herodes nomma

la tour *Antonie*, en l'honneur de *Marc Antoine*. Le temple y estoit fait en maniere de forteresse, avec ses murailles particulieres, massonnees ingenieusement & de bon artifice, avec grand labeur, par dessus tous autres. Les galeries environnans le temple y seruoient de boulevards & braves defenses. Encor y avoit il une fontaine d'eau vive, que jamais ne tarissoit. Ceux qui bastirent la ville, preuoient plusieurs guerres de voir aduenir, pour la diversité des façons de faire, qui fut cause de la fournir de toutes choses necessaires, encor que le siege fut longuement devant. Puis la crainte & l'experience leur avoit appris beaucoup de ruses, quand ils furent forcez & vaincu par *Pompee*. Or du temps de l'avarice des *Claudians*, ils acheterent le droit de se fortifier, & dresserent des murs en temps de paix, comme pour faire guerre: estans accreuz par la desconfiture d'autres villes. *Tacite*, *liv. 21.*

<sup>b</sup> millions de personnes) *Tacite* au mesme lieu dit ainsi: La multitude des assiegez de quelque aage qu'ils feussent, hommes, femmes & enfans, estoit de six cens mille personnes, comme nous l'avons entendu.

<sup>c</sup> Le Sauveur de tous) Parce qu'ils se sont resjouiz des outrages, qu'ils faisoient au Fils de Dieu tres-ajmé & tres-approuvé. *Lactance*.

*Declaration de la famine, qui affligea les Juifs: prise du sixiesme livre de la guerre Iudaïque, de Iosephe. Chap. V I.*

Grande famine.



Our dire verité, le demeurer estoit aussi dangereux aux riches, que le sortir: pour ce que leurs biens estoient cause de leur mort, sous ombre qu'on leur faisoit à croire qu'ils s'en estoient voulu fuir. Or avec la famine, croissoit aussi le des-espoir des sedicieux: & l'un & l'autre mal s'enflamboit tous les iours de plus en plus: tant que publiquement on ne voyoit aucun bled en vente: qui faisoit que par force ils entroient dedans les maisons pour en trouver. Et si d'avanture ils rencontroient quelque chose, ils battoient ceux qui leur auoyent reclee. S'ils n'y trouvoient rien, ils ne laissoient pourtant à les tourmenter & gehenner, come s'ils eussent trop soigneusement caché ce qu'ils cherchoient. Et iugeoit on par la disposition & maintien des corps de ces pauvres miserables, s'ils en auoyent, ou s'ils n'en auoyent point: en ce qu'estas encor forts & dispos, cela donnoit apparence & argument, qu'ils auoyent de quoy manger. Et ne faisoient aucun mal à ceux qui estoient bien palles, & defailloient par faulte de viande: ne leur semblant chose raisonnable de tuer ceux qui deuoient quasi aussi tost apres mourir de faim. Il en y eut plusieurs hommes riches qui donnerent secretement tout leur bien, pour un boisseau de bled froment: & les plus pauvres, pour un boisseau d'orge: aucuns desquels s'estans renfermez au dedans de leurs maisons, le mangeoyent en grande pauvrete, sans estre moulu: & les autres en faisoient du pain, selon que la necessité & crainte les pressoyent. Et icy avoit maison où lon dressast table pour manger, ains rauissoient la viande du feu, ayant qu'elle fut à demy cuite. Dont leur viure estoit miserable & un spectacle digne de l'armes & commiseration: attendu que les plus forts & puissans en emportoient le plus: & aux plus foibles n'estoit autre chose laissée, sinon l'occasion de plore & lamenter l'injure qui leur estoit faite. Et à la verité, comme ainsi soit que de toutes les calamitez du monde il n'y en a point une plus extreme que la faim, c'est elle aussi qui plus rend la personne eshontee: car la honte, que lon auroit es autres choses, est du tout perdue aduenant la misere de famine. Qu'ainsi soit, les femmes rauissoient la viande de la bouche de leurs maris: les enfans, de celle de leurs peres & meres: & (qui estoit encor plus horrible & miserable à veoir) les meres l'estoyent à leurs petits enfans. Et encor qu'elles les sentissent affoiblir & defaillir entre leurs bras, elles leur rauissoient toutefois ce peu qui leur restoit pour soustenir leurs vies. Encor ces pauvres miserables ne pouvoient pas manger à leur aise ce qu'ils recouvoient, sans qu'on le sceust: car les sedicieux faisoient continuellement le guet de toutes parts sur eux, & sur leurs viandes, afin de piller & raver tout ce qu'ils trouueroient: en sorte que s'ils voyoient quelque maison fermee, cela leur estoit comme un signe & argument que ceux de dedans auoyent quelque chose à manger: Parquoy rompsant les portes & se ruans au dedans prenoient ces miserables à la gorge, & quasi leur arrachoyent du gosier la viande ia machée. Les pauvres vieillars qui se mettoient à defendre leur menageaille, estoient batuz & outragez: les femmes tirees par les cheveux, quand elles cachoyent ce peu de viandes qu'elles auoyent. Et sans avoir aucune misericorde ny compassion, ou de la teste che nue, ou de l'age tendre, ils arrachoyent les enfans, qui pendoyent à un morceau de pain, & les froissoient & brisoient contre terre. Et si quelqu'un (les anticipant & deuantant) se feust hasté de manger avant leur entree, ce qu'ils estoient venuz raver: lors ils voyoyent de plus grande inhumanité, come si on leur eust fait grand tort. Encor inuentoient ils des tourmens insupportables, pour plus facilement trouver à manger: affligeans les uns par les parties honteuses, estouppans aux autres les conduits naturels, afin qu'ils ne peussent redre aucuns excremens, & perçans

perçans à quelques autres ( chose horrible à oyr ) le fondement avec perches agues : dont y en auoit tel , qui pour confesser d'auoir vn pauvre pain , ou quelque poignée de farine cachée, souffroit de terribles tourmens. Qui pis est, ces bourreaux n'estoyent pas tous necessiteux ny presséz de la faim ( car à la verité, si la necessité les eust contrainsts à cela, telle iniure & violence eust semblé moins cruelle, comme ayant quelque apparence de raison & equité ) mais exçans leur furie & mauuaistié deuât tout le monde : & se voulans fournir de viures pour le téps aduenir, aucuns alloient au deuant de ceux qui durant la nuit eschapoyent à trauers le guet des Romains, pour aller cueillir des herbes sauuages pour manger: de sorte que ces pauvres gens, pensans estre eschappez du danger des ennemis, tomboyent entre les mains de ces brigans, qui leur ostoyent entierement tout ce qu'ils auoyent apporté. Et quand les genoux en terre ils les supplioient tref-instamment de leur donner vne partie des choses qu'auec si grand peril de leur vie ils auoyent amassées, implorans à ceste fin le nom horrible de Dieu: tant s'en faut qu'ils leur en donnassent aucune chose, que mesme ils pensoient auoir vſé de grande graceuseté & courtoisie, quand ils ne tuoyent point ceux qu'ils auoyent volé & pillé.

Encor Iosephe consequemment adiousté autres choses, disant :

En outre, tout moyen de sortir, & espoir de salut fut retranché aux Iuifs : & la famine saugmentant auoit ia faisi toutes les familles & maisons, lesquelles estoyent pleines de femmes & enfans trespassez, & les destroits des rues couuerts de vieilles gents morts. Les ieunes hommes & ceux ausquels l'aage plus forte aydoit ( enflez & bouffis, & ressemblans aux images des trespassez ) se tenoyent par les places & marchez, tombans l'un cy, l'autre là, chacun où la mort le surprenoit. Encor ceux qui restoyent en vie ne pouuoient pas enseuelir leurs parens & amis, pour estre par trop affoiblis & debilitéz par la faim : & ceux ausquels quelque force estoit demeurée, n'auoyent pas le courage, mais abhorroyent de ce faire, tant pour la grande multitude de des corps morts, que par ce qu'eux mesmes n'estoyent pas asseurez de leurs vies : ioinct que plusieurs mouroyent sur les corps de ceux qu'ils vouloyent enseuelir. Il y en eut plusieurs qui auant que d'estre morts, descendirent & s'allerent rendre dans leurs tombeaux. Et en telles & si grandes calamitez ame ne faisoit dueil, ame ne plouroit, pour ce que la faim surmontoit toutes autres afflictions. Ceux qui mouroyent les derniers contemploient à yeux secs & bouche torse les autres qui ja estoyent trespassez. La ville estoit pleine d'un profond silence, & la nuit remplie de plusieurs images de mort. Mais les brigans estoyent encor plus cruels, lesquels fouillans les maisons ( qui pour lors seruoient de sepulchre à ces pauvres miserables ) & despoillans les corps morts, & desnuez de toute couuerture, sortoyent rians : & esprouoyent sur eux si leurs especes auoyent bonnes poinctes. S'ils en voyoyent aucuns respirer encor, ils leur en donnoient à trauers du corps, pour experiméter la bonté de leurs armes. Mais si quelqu'un les prioit d'estre tué d'eux, ou leur demandoit vne espee pour se tuer, pour euitier la faim: l'ayant outragé de parolles, ils le laissoient à la misericorde de la famine. Au moyen dequoy, tous ceux qui mouroyent iettoient continuellemēt leur veuē vers le temple, marris de ce qu'ils laissoient en vie ceux qui estoyent cause de la sedition. Or du commencement il y eut des gés à gages du public, qui auoyent charge d'enseuelir les morts, à cause de la puanteur intolérable qui en sortoit : mais ne pouuans fournir à les enterrer tous, ils les iettoient puis apres du haut en bas de la muraille dans les fosses de la ville. Desquels Tite faisant vne fois le tour par maniere de reueue, & les voyant pleins de corps morts, qui baignoyent au sang & ordure saillie d'eux mesmes, pourris & infects : se print à soupirer & plourer, puis leuant les mains en l'air, appella Dieu à tesmoing, comme il n'estoit point cause ny autheur de si grande pauvreté.

Après, le mesme historiē racōtant quelques autres choses au milieu, dit en fin ce qui s'ensuit : Et certes ie ne me puis garder, ny n'ay point crainte de dire & publier ce que la douleur de mon cœur me cōmande. : le croy à la verité, & iuge, si les Romains eussent tardé plus longuemēt à venir contre ces meschans, afin de venger par guerre leur meschansetē, que la ville de Ierusalem eust esté abismee & engloutie de la terre, ou qu'elle fut perie par deluge, ou bien qu'elle eust experimēté la vengeance diuine par feu & foudre, ainsi que la ville de Sodome : veu qu'en icelle pour lors y auoit gens beaucoup plus meschās & execrables, qu'il n'y eut oncques dedans Sodome : lesquels aussi par leur obstination desesperee furent cause que tout le peuple fut perdu.

De rechef, au septiesme liure de la mesme guerre des Iuifs, chapitre septiesme, il escrit ainsi :

Quant à ceux qui estoyent presséz de la famine dedans la ville, il y en mouroit vne multitude infinie, & y auoit des pauvretes & miseres si grandes, qu'il seroit impossible de les raconter : d'autant qu'en chacune maison où on croyoit qu'il y auoit quelque chose propre à manger, s'ouuoit incontinent vne guerre, & venoyent les plus grands amis à iouer des cousteaux les vns contre les autres, s'enterrauissans les reliques calamiteuses de leur miserable vie. Et bien qu'on veit clairement qu'ils mouroyent de male rage de faim, si est-ce que les larrons & brigans ne le pouoyent croire : ains cerchoient & espluchoyent si aucun d'eux ( contrefaisant le mort ) auoit point caché quelque viande dedans son sein.

Chap. 14.  
d'auire 6.  
de la guerre.

Tite Empereur a eu cō  
miseration  
en son cour-  
rage de la  
alamité &  
misere des  
Iuifs.

Chap. 16.  
suivant.

L'impietē  
extrefme  
des Iuifs  
vengee de  
Dieu.

:: Iugemens  
de Iosephe  
touchans  
la mal-heu-  
reuse fin  
des Iuifs.

### LIVRE III. DE L'HISTOIRE ECCLESIASTIQUE

*La faim extrême contrainst les Juifs de manger choses tresordres & sales.* Et ainsi insensé pour la disette qu'ils souffroyent, ouvrans la bouche de male faim, comme chiens enragez, & se trouuans deceuz de l'esperance qu'ils auoyent de recouurer viande, se laissoient trebucher parmy les portes, comme gens yures & transportez : & courans ça & là, comme ceux qui ne pouuoient arrester en place, molestoient par vn desespoir deux ou trois fois en vn instant vne mesme maison. Et apres que la necessité les eust forcé de consommer de toutes sortes de fruiets, la faim les contrainst à mettre sous les dents ce, dont les plus sales & infames bestes eussent eu horreur. Finalement, ils mangerent iusques à leurs ceintures & souilliers, voire iusques au cuir de leurs pauois, lequel ils arrachoyent & faisoient destremper & attendrir dedans l'eau. Mesme le vicil foin, quasi mis en poudre, qu'ils pouuoient ramasser, leur seruoit de viande : & y eut tel qui ayant recueilly les balieures de sa maison, en vendit quelque peu pesant, au prix & somme de quatre Attiques.

*« Or avec la famine &c. ) Famine fut tres-grande en la ville de Ierusalem durant le siege d'icelle. Simon, Jean & Eleazar, capitaines de la guerre intestine & ciuile, remplirent le temple, le fort & la cité de sang, par la boucherie qu'ils faisoient des citoyens. Iosephe : & Tacite liure 21. Les plus opiniastres s'estoyent retirez là dedans, & pour ceste cause on s'y gouuernoit avec toute obstination. Sainct Ierosme dit : Plusieurs Princes & grands Seigneurs ont esté du temps de la captiuité Iudaïque, qui se disoyent estre Christs : tellement que (les Romains assiegeans la ville de Ierusalem) il y auoit là dedans trois factions & lignes.*

*D'une femme Iuisie qui mangea elle mesme son enfant au siege de la ville de Ierusalem.*

CHAP. VII.

*Horrible histoire.*



*••• Quelques exemplaires ont Bathechor : d'autres ont Vetezbra.*

Ais qu'est il besoing de vouloir monstrier la dureté & rigueur eshontee de la famine, par les choses qui sont sans ame : Pourquoi plus tost ne doy-ie reciter vn fait qui ne fut iamais congneu ny entre les Grecs, ny entre les Barbares, & lequel n'est moins horrible à raconter, qu'il est incroyable à ouyr ? Qui fait que pour ne donner occasion à la posterité de m'estimer menteur, i'estois delibéré de passer ceste calamité sous silence, n'eust esté qu'entre ceux de ma nation i'auois vne infinité de bons tesmoings : ioinct aussi que par aduenture i'eusse rendu trop froide recompensie à mon pays, si ie me fusse espargné à declarer les miseres & calamitez lesquelles il a vrayement enduré. Il y eut donc entre les habitans d'outre le Iordain vne femme nommee Marie, fille d'un certain Eleazar, du village de •• Bathechor ( qui signifie Maison de l'hissope ) riche & de noble race : laquelle fuyant avec les autres, fut receue, & depuis assiegee dans la ville de Ierusalem. Or auoyent les tyrans ia prins & pillé tous les plus precieux meubles qu'elle auoit apporté de dela le Heue : & les soldats & fatalites, entrans de force en sa maison, rauissoient de iour en iour le reste de ce qu'elle auoit peu serrer, principalement quand ils trouuoient quelque chose bonne à manger. Dont ceste femme estant courroucée à l'extremité, maudissant souuent ces brigans, taschoit à les irriter contre elle : & toutesfois pas vn d'eux, ny par courroux, ny par pitié ou commiseration, ne la voulut iamais tuer. Ainsi, quand ceste pauvre femme s'apprehoit quelque chose pour manger, c'estoit pour vn autre qui luy arrachoit des mains. Or n'y auoit-il plus aucun moyen de luy rien oster, & ia la faim auoit penetré iusques à ses moelles & entrailles, laquelle pourtant ne l'aigrissoit point tant que le desdain qu'elle auoit de se voir si mal traitée : Qui fut cause que ( vsant du conseil que le courroux & la necessité luy donnoient ) elle tomba en telle furie, qu'elle vint à se despiter contre nature, de sorte qu'ayant prins son fils, qui estoit à la mammelle : « Enfant miserable ( dit elle. ) pour qui, ny a quelle esperance te garderay-ie en ceste guerre, famine & sedition ? Encor que tu reschappes & viues, il faudra que tu sois esclau des Romains : toutesfois la faim est plus prochaine que la seruitude, & les seditieux plus cruels & inhumains quel vne ny l'autre. Il vault donc mieux que tu serues de viande à moy, qui suis ta mere, de furie vengeresse aux voleurs, & de conte & fable à la vie humaine : laquelle seule calamité defaut aux miseres des Iuifs. A grand peine auoit elle acheué le dire de ce propos, qu'elle met à mort son fils, duquel ayant fait rostir la moitié au feu, la mangea, & couurit le reste pour le garder. Tout aussi tost, voicy les brigans arriuer : lesquels attirés de ceste infame & execrable odeur, menacent ceste femme de la tuer, si elle ne leur monstre ce qu'elle auoit appresté. Elle leur fait responce qu'elle leur en auoit gardé bien bonne part, & ce disant leur descouure l'autre partie de son enfant : laquelle ils n'eurent pas plustost regardée, qu'ils commencerent à entrer en horreur & furie, se trouuans estonnez & effroyez de la nouveauté du fait. Lors la femme leur dist ainsi : Cestuy est veritablement mon fils & mon ouurage, vous en pouuez manger hardiment, puis que i'en ay mangé la premiere. Il seroit beau voir que vous eussiez moins de cœur, & fussiez plus delicats qu'une femme, ou plus misericordieux & pitoyables qu'une mere.

Que



» Que si vous auez la pitié en quelque reuerence, & pour ceste cause vous auez en horreur mon  
 » sacrifice, ie suis contente que le reste de la viande de laquelle i'ay desia bien mangé me demeu-  
 » re. Cela fait, ils sortent tous tremblans de la maison, & en ce seul cas se monstrent craintifs,  
 » estans toutesfois entre deux, s'ils prendroyent ou laisseroyent ceste viande à la mere. La ville  
 » fut tout aussi tost remplie du bruit de ce cas si execrable, & chacun se proposant cest esuene-  
 » ment deuant les yeux, en auoit horreur, comme si elle fut auenue à luy mesme: tellement que  
 » tous ceux qui se sentoient pressés de la farine se hastoyent d'autant plus volontiers d'aller à  
 » la mort: & estimoit-on bien-heureux ceux qui estoient morts auant que d'auoir ouy ou veu vn  
 » cas si estrange & abhominable.

D'auantage Iosephe amassant le nombre de la multitude des Iuifs qui moururent durant ce  
 siege, tant au fil de l'espee que par famine, dit qu'il y en eut que tuez que morts en quelque  
 sorte que ce fust, <sup>b</sup> vn million: & recite que les seditieux & brigans, qui restoyent de la des-  
 confiture, s'entretuerent les vns les autres, apres la destruction de la ville. Encor dit-il que  
 ceux d'entre la ieunesse qui estoient beaux, de belle copulence & bien formez de corps, furent  
 reseruez pour le triumphe: & que le reste de la populace, passant l'aage de dixsept ans, fut en-  
 uoyé lié & garroté en Egypte, pour le faire seruir aux œuures publiques: & aussi que plusieurs  
 furent distribuez par les prouinces, pour les représenter és Theatres & spectacles publics, &  
 les faire combattre entre eux & s'entretuer, ou bien les exposer aux bestes sauuages: bref, que  
 ceux qui n'auoyent encor atteint la dix-septiesme annee, furent vendus à l'encamp: de tous les-  
 quels (outre ceux que i'ay dit auoir enduré la mort) le nombre fut si grand qu'il y en auoit bié  
 quatre vingts & dix mille. Et furent ces choses ainsi faites en la seconde annee de l'Empire de  
 Vespasian.

<sup>a</sup> Enfant miserable &c.) Tacite parlant de l'obstination des Iuifs assiegez dans la ville de Ierusalem, dit  
 ainsi: Ceux qui pouuoient porter armes, & encor plus grand nombre qu'il n'estoit de besoing, en portoyent.  
 Autant grande estoit l'obstination des femmes que des hommes: & estoit plus grande la peur qu'ils auoyent  
 de la vie, que de la mort, s'ils estoient contraincts & forcez de laisser leur ville pour aller demeurer autre part.

<sup>b</sup> Vn million) Eusebe liure troiesme, chapitre cinquiesme, met vn<sup>te</sup> cens mille: les autres n'en con-  
 tiennent qu'un million, comme Iosephe liure septiesme de la guerre, chapitre dix & sept, & Nicefore qui allegue Iose-  
 phe, suivant le premier & principal exemplaire.

<sup>c</sup> quatre vingts & dix mille) Iosephe liure septiesme, de la guerre, chapitre dix & sept, dit qu'ils es-  
 toient au nombre de quatre vingts & dix-sept mille.

Recit des parolles de Iesus Christ, par lesquelles il a predit la ruyne  
 de Ierusalem: & de l'histoire de Iosephe.

CHAP. VIII.



E fut là le loyer & rescompense des iniures, griefs & outrages qui  
 furent faits à nostre Sauueur. Que si quelqu'un veut prendre plaisir de  
 confronter les oracles de nostre Seigneur Iesus Christ, avec ceste hi-  
 stoire, ce luy semblera chose fort admirable: car il trouuera que la pre-  
 diction & congnoissance celeste des choses lesquelles par la vertu di-  
 uine ont esté annoncees auant qu'elles soyent aduenues, estoit vraye  
 & manifeste. Aussi predisoit-il & preuoyoit ce qui deuoit aduenir, com-  
 me s'il eust esté present, ou desia mis en effect: Car plourant quelque  
 fois sur la cité de Ierusalem & se retournant à elle (comme les sain-  
 tes escritures des Euangiles diuines le tesmoignent) il disoit: O si

» tu eusses congneu, au moins à ceste tienne iournee, les choses qui appartiennent à ta paix! Mais *Iesus parle*  
 » elles sont maintenant cachees de deuant tes yeux: car les iours viendront sur toy que tes en- *à la ville de*  
 » nemis t'assiégeront de rampars & t'environneront & ensereront de tous costez, & te raseront *Ierusalem.*  
 » toy & tes enfans qui sont en toy, & ne laisseront pierre sur pierre: pour autant que tu n'as co-  
 » gneu le temps de ta uisitation. Et en autre lieu, parlant du peuple, il dit: Il y aura grande ne-  
 » cessité sur la terre, & courroux contre ce peuple, & tomberont à la pointe de l'espee, & seront *Luc 9. f.*  
 » menez captifs en toutes nations: & Ierusalem sera foulée des Gentils, iusques à ce que les *Luc 21. e.*  
 » temps des Gentils soyent accomplis. Et de rechef il est escrit: Quand vous verrez Ierusalem en-  
 » stre enuironnée de gens d'armes, sachez alors que la desolation & degast est pres. Et encor en *Mat. 24. b.*  
 » vn autre lieu: Mal-heur à celles qui seront enceintes, & qui allaisteront en ces iours là. Or  
 » priez que vostre fuite ne soit en hyuer, ny au iour du sabbath: car lors il y aura grande afflictio-  
 » & tribulation, telle qu'il ne s'en est veue de semblable depuis le commencement du monde  
 » iusques à maintenant, & n'en sera iamais de pareille.

L ij

*La patience & longue attente de Dieu, attirant diuersement par plusieurs annees les Iuifs à se reconnoistre, n'a profité en rien.* Or combien que nostre Sauueur ait ainsi prophetisé ces choses deuoir aduenir, & par plusieurs fois monstré la bonté de son amour enuers les hommes, oëtroyant aux Iuifs assez long temps pour se reconnoistre & repentir, afin que par le moyen de leur reconnoissance, suiuaus meilleur conseil & plus raisonnable aduis, ils peussent eschaper la vengeance des iniures outrageuses qu'il auoit receu d'eux : combien que aussi de sa grace il ait fait à tous cest aduantage de leur donner la doctrine souueraine de viure d'une vie Apostolique, avec plusieurs signes & miracles merueilleux : & que ceste sienne bonté se soit estendue iusques au temps de quarante ans, ou enuiron : & encor iacoit que ceste desolation & tuerie fust predicte & monstree à ce peuple obstiné par des signes monstrueux, qué i'ay mis cy deuant par escrit : toutesfois ils n'en deuindrēt en rien meilleurs, mais plus tost estans deuenus plus meschās, non seulement par mespris ne voulurent congnoistre leur Sauueur : mais encor, sentans assez mal de la premiere loy, ne laisserent aucune meschansetē ny vice en arriere, lesquels ils n'ayent commis eshontement avec teste nue & visage leué : parquoy puis qu'ils ne tenoyent conte de la longue attente & patience de Dieu, ils furent tous ruez dans le profond abyssme de perdition, par vne tuerie & deffaite telle qu'elle ne pardonna à aucun. Or s'il y a quelqu'un qui ait desir de scauoir ceste histoire, facilement il en pourra auoir la congnoissance, & satisfaire à son affection, s'il arreste diligemment son esprit à toutes & chacunes les choses que l'historien Iosephe a mis par escrit, avec autant de grace & bien-seance, qu'autre scauroit faire. Quant à moy, ie ne puis assez admirer la grandeur & magnitude du bon Dieu, disposant deuement de toutes choses (& les conduit de pareille sagesse) lequel a tellement fait esleuer vn homme Iuif d'entre les infideles, & luy a donné langue tant douce & diserte, avec la parolle tant à commandement, qu'il a tresbien couché par escrit l'histoire des Iuifs, ainsi comme il falloir. :: Ce que le bon Seigneur a ainsi ordonné, afin que personne ne peust contredire ce que cest historien en dit, ny contreuenir à son tesmoignage, & encor (qui plus est) à celle fin qu'il y eust quelqu'un entre les Iuifs, ennemis de la foy Chrestienne, qui tesmoignast choses se rapportans aux predictions de Iesus Christ. Quant est de Iosephe, qui il estoit, quels liures il a escrit, de quelle nation, loy & institution il fust, i'en ay parlé assez amplement au secōd liure. Voila le bout & fin que prindrent les affaires des Iuifs. Or il me semble qu'il est temps de retourner à traiter des autres choses qui restent touchant mon histoire proposee.

*Comment Simeon, fils de Cleope, apres la destruction de Ierusalem, en fut ordonné Euesque : & de la cruauté de l'Empereur Domitian.*

C H A P. I X.



Y deuant a esté dit que S. Iacques, frere du Seigneur, endura la mort & martyre en tesmoignage de son nom. Or quand la ville de Ierusalē fut saccagee, il y auoit cinq mille cinq cens soixāte & dixneuf ans que le monde auoit esté créé : & quarāte ans que nostre sauueur Iesus Christ estoit monté au ciel. Alors les disciples & Apostres, qui encor viuoyēt, suiuaus vn mesme conseil, s'amasserent & vindrent de toutes parts, & pareillement ceux qui estoient parens de Iesus Christ, selon la chair (qui se trouuerent beaucoup en nombre) & estans assemblez, mirent soigneusement en deliberation & consulterent par ensemble, à fin de scauoir qui seroit celuy lequel ils mettroient en la place de saint Iacques, pour luy succeder en l'administration del'Euesché de Ierusalem. Estans en telle consultation, tous ietterent la veue sur Simeon, fils de Cleope (duquel la sainte Euangile fait mention, & luy donnerent la charge & gouuernement de l'Euesché. Egesippe dit que ce Simeon estoit cousin germain de Iesus Christ, par ce que son pere Cleope estoit frere de Ioseph, espoux de la Vierge-mere. Or afin qu'aucun de la lignee des Roys & tribu de Dauid ne s'eschapast à l'emblee, apres la prise de la ville de Ierusalem, Vespasian donna charge de chercher diligemment tous ceux qui estoient descendus de la race de Dauid. Et de là sourdit vne grande persecution à l'encontre des Iuifs, laquelle proceda plus auant, non sans estrange calamité : car Domitian, fils aussi de Vespasian, qui fut Empereur des Romains apres son frere Tite, commença de mettre à mort contre tout droit & raison, plusieurs des plus grands personnages & des plus nobles, combien qu'ils eussent obtenu la franchise de bourgeoisie de Rome : à d'autres il confisquoit tous leurs biens, les enuoyoit en exil, & condānoit à bannissement perpetuel. Mesme ce Domitian fut le second apres Neron, qui fit la guerre à Dieu, dressant vne fort grieve poursuite contre les fideles, amateurs de Iesus Christ : tombien que toutesfois son pere Vespasian n'eut ordonné ny fait aucune chose contre nos deuanciers Chrestiens, dont ils se sceussent bonnement plaindre. De ce temps le saint Apostre Iean estoit encor en vie : lequel on dit auoir esté banny & enuoyé en exil en l'isle de Pathmos, par le mesme Empereur, à cause de sa pieté, & pour raison de la reuerence qu'il portoit au nom de Iesus Christ, duquel il soustenoit & publioit la foy & religion : où il composa le saint liure de l'Euangile, & quand

*Persecution des Chrestiens sous Domitian.*

& quand escriuidit son Apocalypse ou reuelation à luy faite. De laquelle Apocalypse; Irenee Euesque de Lyon, en son cinquiesme liure contre les heresies ( au lieu où il traicte de la suppuration des annees par le nom de l'Antechrist ) escriuit ainsi: Si en ces temps son nom deuoit estre par tout publié, ie croy à la verité que celui qui a veu l'Apocalypse & reuelation, en eust dit quelque chose: car il n'y a pas long temps qu'elle a esté reuelee, ains quasi de nostre aage, enuiron l'an de l'Empire de Domitian. Or non seulement les hommes de nostre profession & & foy, mais encor beaucoup plus ceux qui font profession d'une religion contraire à la nostre, ont mis par escrit ceste tres-cruelle persecution sous Domitian, & les personages qui pour lors florissoient & estoient en grand bruit, avec leur deposition & martyre: cottans assez bien & à la verité le temps auquel telles choses aduindrent. Car outre plusieurs autres bannis & mis à mort par cet Empereur, les auteurs Ethniques escriuent qu'en la quinziesme & derniere annee de son Empire, il exila en quelque certaine isle, nommee Pontie, vne Damoiselle Romaine, qui auoit à nom <sup>a</sup> Flaue Domicille, niepce de l'un des Consuls de Rome, nommé <sup>a</sup> Flaue Clement, à cause de sa sœur: pour ce qu'elle auoit receu la foy de Iesus Christ, & en portoit tesmoignage publiquement.

Les auteurs Ethniques ont aussi escript de ceste persecution.

<sup>a</sup> ville de Ierusalem ) La ville de Ierusalem fut prinse, bruslee & rasée, l'an depuis la naissance de nostre Seigneur 73. le 8. iour du mois de Septembre, au second an de l'Empire de Vespasian: comme dit Iosephe, liure septiesme de la guerre, chapitre dixhuitiesme: Tite laissâ en Iudee pour la subiuguer, au dernier assault de la ville de Ierusalem, tua sept hommes de dedans, avec autant de coups de fleches, & print la ville, au iour de la naissance de sa fille. Tranquille, en la vie de Tite. Selon les nouueaux Chroniqueurs Ierusalem fut prinse l'an depuis la creation du monde 4050. & depuis la natiuité de nostre Sauueur 72.

<sup>b</sup> Cleope ) Cestuy est appelé Cleope cy deuant, li. 1. chap. 33. Et aussi ce Simeon icy n'est pas celui qui cy dessus a esté nommé fils de Ioseph, frere de Iacques, Iude & Iose.

<sup>c</sup> Domitian ) Domitian fut le premier qui par commandement se fait appeller Seigneur & Dieu. Nostre Seigneur & Dieu ordonne qu'ainsi soit fait. Tranquille. Et sa femme aussi. Eutrope.

<sup>d</sup> Flaue Domicille ) Flaue Domicille fut transportee sous Domitian & bannie en une isle, à cause de Iesus Christ. Eutrope liure neuuesme, sur la fin.

<sup>e</sup> Flaue Clement ) Tranquille en la vie de Domitian fait mention de Flaue Clement, qui estoit cousin germain dudit Domitian: comme aussi il parle de la persecution des Chrestiens, sous le nom du reuenue & domaine de l'Empereur, prouenant du pays de Iudee: Entre tous autres reuenus de l'Empire, dit-il, on s'est gouuerné tres-rudement à leuer les deniers du domaine de Iudee, auquel estoient tenuz ceux qui viuoient en la façon des Iuis, comme en faisant profession dans la ville de Rome: & ceux aussi qui, dissimulans leur origine, n'auoient pas payé les tributs desquels estoit chargée la nation Iudaïque. Et ce qui s'ensuit.

Comment iusques à ce temps ceux de la race & famille de Dauid ont esté cerchez & mis à mort: authorité prinse d'Egesipe. CHAP. X.



Comme Domitian estoit aussi en deliberatiō de mettre à mort tous ceux qui <sup>a</sup> estoient descendus de la race de Dauid, on trouue aux histoires, qu'aucuns des heretiques, contrarians à la foy de Iesus Christ, firent venir en iugement les nepueux de Iude, pour ce seulement qu'ils descendoient de la lignee de Dauid. Ce Iude estoit frere de nostre Seigneur, selon la chair, comme estant fils de Ioseph. Dont Egesippe escript ainsi: Encor restoyent ils du lignage & race de nostre Sauueur, quelques neveux de Iude ( qui fut appelé frere du Seigneur, selon la chair ) Ceux cy ( par ce qu'on les descouurit estre de la lignee de Dauid ) furent ame-

Successeurs de Dauid cerchez pour estre mis à mort.

Les parens de nostre Sauueur trouuez, furent par Domitian despris pour leur pauvrete & abisols.

Vnde quadragesima agri iugera.

nez pardeuât l'Empereur Domitian, par un nommé Euocat: car l'Empereur craignoit la venue de Iesus Christ, aussi bien comme Herodes auoit fait au parauât. Il les interrogea d'oc si ils estoient du sang de Dauid. Ce qu'ayans confessé, de rechef furent interrogez quelles estoient leurs richesses & biens temporels. Aquoy il respondirent que tout leur patrimoine ensemble ne valoit pas d'auantage de neuf mille deniers ( qui estoit la somme de mil cent soixante & quinze liures, à compter chacun denier pour trois sols & six deniers tournois, selon la supputatiō de Budé ) lequel diuisé en deux parties egalles, la moitié en appartenoit à l'un d'eux, l'autre moitié à l'autre: encor ne consistoit pas leur richesse en deniers cōtans, mais en dixneuf arpens & demy de terre, desquels la valeur estoit estimée du prix de neuf deniers. De ce bien en partie ils payoient le tribut, en partie ils faisoient leur despense, labourans eux mesmes leurs terres. Puis à fin de prouuer à veue d'œil qu'ils estoient endurcis au labeur, & gaignoyent leur vie avec trauail: ils luy montrent leurs

L iij

## LIVRE II. DE L'HISTOIRE ECCLESIASTIQUE

maines pleines de cals & durillons. Mais leur ayant demandé s'ils sçauoyent quelque chose du Royaume de Iesus Christ, quel il estoit, où & quand il prendroit commencement: ils dirent & attesterent que son regne ne seroit point mondain ny terrien, ains celeste & angelique à la consommation & fin de ce mode: quand il viendroit en grande gloire iuger les vifs & les morts; & rendroit à chacun digne recompense & guerdon selon ses faits, œuvres & estudes. Or Domitian estant ainsi par eux informé de la verité, ne les condamna pas: ains ne tenant conte de leur petitesse & pauvreté, les renuoya libres & quittes, deffendant ensemble la persecution des Eglises, par vn edict qu'il fit publier. Ainsi eux absous eurent le gouuernemēt des Eglises, comme tesmoins & aussi parens du Seigneur Iesus: & la paix estant rendue aux Iuifs, parurent iusques au temps de l'Empire de Traian. Voila ce qu'en dit Egesippe. Tertulian aussi fait mention de Domitian, quand il dit: Domitian participant à la cruauté de Neron, s'estoit essayé de faire choses semblables à luy. Mais se ressentant auoir (comme ie pense) quelque raison & prudence, il se desista de bonne heure, & rappella ceux qu'il auoit exilés & condamnés à perpetuel bannissement.

*« estoient descendus de la race de Dauid ) Il fut commandé qu'entre les Iuifs on cerchast les successeurs de Dauid, avec toute cruauté de tourmens & par question ou genne, & qu'on mit à mort ceux qui se trouueroient estre de ceste race: comme si encor pouuoit venir quelqu'un de la semence de Dauid, qui peust conquieser le Royaume: tant on portoit d'enuie aux saints prophetes, & adioustoit-on foy que quelqu'un d'eux pouuoit quelque iour y entrer au royaume de Iudee.*

*Decès des Empereurs Vaspasian, Tite, Domitian & Nerue:  
& de l'Empereur Traian.*

CHAP. XI.

*Peste fort  
cruelle sous  
Vespasian.*



V regne de l'Empereur Vespasian il y eut si grande pestilence à Rome, que chacun iour, long temps durant, il s'y mouroit de peste plus de dix mille hommes. Aussi on dit qu'alors les Rhodiens esleuerent & dedierent vn colosse & statue massiue de six vingts sept pieds, en l'honneur de Iupiter, dans leur ville de Rhodes. Ce pendant Vespasian repara le Capitole de Rome, qui auoit esté brulé: & ayant gouuerné l'Empire par l'espace de dix ans, mourant, laissa son fils Tite Empereur: du temps duquel le mont Vesuuie s'ouurit, & ietta tant de feu, que le pays d'alentour en fut tout gasté & les villes prochaines bruslees entierement. Cet

*Mort de Ti-  
bere, fils de  
Vespasian.*

*Empire  
cruel de Do-  
mitian.*

*Meurtre  
des Chre-  
tiens.*

*Apollonne  
Tyanece af-  
fronteur.*

Empereur se donnoit grande peine de rendre en bref temps la ville de Rome heureuse, & la mettre à son aise: d'autant qu'il estoit fort studieux & amateur de sagesse, & se delectoit grandement aux sciences liberales. Aussi porta il grand honneur à Iosephe, comme à vn homme renommé & excellēt au possible: mesme qu'il escriuit de sa main les liures d'iceluy, & les mit dans la biblioteque de Rome, comme vn œuvre excellent. Or ayant gouuerné l'Empire par deux ans entiers, aduint que comme il alloit sur les champs en plain iour & en temps d'esté, il commença à saigner du nez, tellement que (apres auoir ietté du sang habondamment par les narines) le cœur luy faillit & s'esuanouyt. Et lors son frere Domitian (qui ne desiroit autre chose que d'estre Empereur) trouua moyen de l'empoisonner, & comme encor il soufpiroit, le mit en vn sarcueil appareillé pour ceste cause. Ce Domitian gouuerna l'Empire avec assez peu de religion, contre l'honneur de Dieu, & (pour dire en bref) meschamment: de sorte que se rendant second persecuteur des personnes studieuses de la vraye pieté & sainte conuersation, apres Neron, il fit mourir vn grand nombre de gens de bien, comme i'ay dit peu auparauant: car ce fut de son regne que Thimothee, Onesime & Denis l'Arcopagite paracheuerent leurs courses en la lice du martyre, pour la deffence de Iesus Christ. De ce temps mesme, Apollonne Tyanece viuoit: lequel les hystoires disent estre venu de Rome à Constantinople (qui pour lors se nommoit seulement Byzance) où il chassa vne grande troupe de serpens & scorpions par ses charmes & enchantemens diaboliques, & dompta avec la bride les cheuaux les plus vifs, courageux & superbes que l'on eust sçeu trouuer: bref fit plusieurs autres choses prodigieuses & monstrueuses. Or par ce qu'iceluy Apollonius estoit bien en la grace de Nerue, Domitian le fit tondre par moquerie, puis mettre en prison sous garde seure. Mais Domitian ayant tenu l'Empire quinze ans durans, fut en fin mis à mort par ceux qui auoyent conspiré & iuré de ce faire: & contre son vouloir laissa le gouuernement d'iceluy à Nerue. Incontinent apres, le senat de Rome, ayant aboly tous les actes & faits du feu Empereur, rappella les bannis, & les remit en leurs biens qu'ils possedoyēt auant leur bannissement. L'on dit aussi que le S. Apostre Iean retourna à la ville d'Ephese, de l'isle de Pathmos, où il auoit esté exilé, & depuis gouuerna les Eglises d'Asie. Or Nerue ne gouuerna l'Empire qu'un an & peu d'auatage: & iceluy estant decedé, laissa Traian pour son successeur, sous lequel viuoit en Asie ce disciple biē-aimé, qui se reposa & s'inclina à table sur l'estomac de son seigneur & maistre.

Temoins

Testmoins sont de mon dire, Irenee Eueque de Lyon, & Clement le chroniqueur Alexandrin, qui ont tous deux publié constamment la parole de la foy. Le premier des deux, en son liure troisieme contre les heresies, dit ainsi : Tous les prestres qui ont hanté & tenu propos avec S. Iean, disciple du Seigneur, en Asie, sont testmoins de ce qu'il a enseigné. Car il demeura avec eux iusques au temps de l'Empereur Traian : & donna vray & certain testmoignage des choses, qui sont de la tradition & doctrine des Apostres. Clement aussi (au chapitre, duquel le tiltre est, Quel riche est sauué) ayant tresbien & elegamment descouvert ce temps, & fait vn discours sur l'histoire du larron, qui fut sauué pour s'estre recongnu & conuertý (comme i'ay dit cy deuant) en escrit ainsi: Escoute vn conte, non pas quelque conte fait à plaisir, mais vne vraye narration, qui nous a esté faite de saint Iean l'Apostre, & dont la memoire est bien contregardee. Car a-près que le tyran fut mort (ce qui s'entend entierement de Domitian) Iean reuint de l'isle de Pathmos en la ville d'Ephese, & ce qui s'ensuit.

Chap. 3.

Chap. 42.  
du liure 1.

<sup>a</sup> de sa maison) Tranquille dit, que Tite estoit coustumier d'escrire treslegerement en bref, avec petites marques & abbreviations: tellement que combattant par ieu avec ses secretares & clercs à qui escriroit plus hastiement, il contrefaisoit tous signes & escritures de main, qu'il auoit veues: & confessoit souuent deuant tous, qu'il eust peu estre vn tres-subtil & grand faussaire. Parquoy ce n'est merueille si luy-mesme a escrit de sa main les sept liures de Iosephe, traictans de la guerre des Iuifs.

<sup>b</sup> Apollone Tyante) Cest Apollone disparut soudain & se perdit en iugement, lors que Domitian le vouloit faire mourir. Lactance, liure cinquieme, chapitre troisieme.

<sup>c</sup> Nerue) Nerue, de son temps ordonna que tous enfans & filles, issus de pauvre lieu, fussent nourris aux despens & frais du public, par toutes les Itales. Eutrop.

Nerue voulut que tous ceux qui auoyent esté accusez d'impieté enuers les dieux (sçauoir est, tous Chrestiens) feussent absous: Et fit defense par vn edict expres qu'il n'y eust aucun seruiteur si hardy de formaist, qui auast accusé son maistre fausement, ny en autre sorte: & qu'il ne fust licite à personne de quelque condition ou qualité qu'il peust estre, de dresser accusation contre quelqu'un, au temps à venir, ny de l'impieté (ainsi appelloient ils la foy Chrestienne) ny de la secte & religion des Iuifs. Ainsi escrit Dion.

De Menandre, second heretique apres Simon l'enchanteur.

CHAP. XII.



Oubs le mesme Empire de Traian, apres ce grand enchâteur Simon, Menandre son disciple, Samaritain comme luy, se monstra equippe d'une armure de puissance & operation diabolique, autant singuliere & excelente en meschanceté, comme son precepteur Simon l'auoit laissé apres luy beaucoup plus grand maistre & ouurier, plus expert en toutes sortes d'affronteries, enchantemens & ieux de passe-passe, qu'il n'estoit pas luy-mesme, bien qu'il l'eust enseigné. Cest affronteur s'attribuoit l'honneur d'estre nostre sauueur & gardien, disant entre autres baueries, qu'il estoit bien voulu abbaissier du ciel en terre, pour le salut des humains. Encor soustenoit il, que si quelqu'un entreprenoit le combat contre les Anges, architectes & fabricateurs de ce monde, iamais autrement il ne pourroit retourner victorieux ny gagner la bataille, si l'n'estoit instruit parfaitement en la science de magie, & si l'n'auoit la congnoissance entiere de tout son art és enchantemens magiques & charmes de necromance: encor falloit il estre baptisé du baptesme qu'il enseignoit. Il disoit d'auantage, que si l'on faisoit tant d'honneur à vne personne, que de luy conferer son baptesme, telle personne ne deuenoit iamais vieille, ains viuoit d'une vie perpetuelle, & non asseruie à la mort. Irenee (duquel i'ay parlé au chapitre precedent) fait mention de ce galand icy: & aussi entre les philosophes le martyr & fort bon testmoin Iustin, qui tenant propos de Simon l'enchanteur & de Menandre son disciple, dit ainsi: Vn certain personnage, duquel le nom est Menandre, Samaritain aussi, natif d'un village nommé Caparate, disciple de Simon, non moins atteint de fureur diabolique que luy, a seduit plusieurs personnes par son art magique, du temps qu'il viuoit en Antioche: lequel aussi persuada & fit accroire à ceux qui le suiuyent, qu'ils ne mourroyent iamais. Encor y a il de ce temps quelques vns de ses disciples qui font profession de cest erreur, & soustiennent sa fause opiniõ. Or estoit ce vn bon tour de finesse diabolique, de donner occasion de vituperer & calomnier le souverain mystere de la diuine pieté, comme vne eschole de charmes & enchantemens, à raison de tels magiciens, qui pour donner couleur & couerture à leurs meschancetez, se disoyent Chrestiens: & toutesfois ils renuersoyent & des-honoroyent publiquement la doctrine de Chrestiens, en ce qui concerne l'immortalité des ames, & la resurrection des morts.

Menandre, disciple et successeur de Simon le magicien, &amp; de son heresie aussi.

Baptesme de Menandre.

Le diable a liuré de merueilleux as-faultes &amp; tres-fudes à la foy Chrestienne, par Simon &amp; Menandre enchâteurs.

*Herésie d'Ebion. Hebion, en Hebreu, signifie pauvre, ou, pauvre de sens: Hebionites pauvres, ou, pauvres de sens. Au contraire, la justification s'acquiert par seule foy, sans les ceremonies de la loy.*



Oyla comment ces affronteurs abusoyent & seduisoient les hommes. Il y en eut d'autres, qui, ne pouuans retirer du tout les humains de la profession & foy en Iesus-Christ, fils de Dieu, mirer en auant vne opinion de luy, qui n'estoit pas si haute: mais bié moindre que celle que la Chrestienté tient. Les anciens les ont appelez Ebioncos ou Ebionites: dignes à la verité, d'auoir entieremēt ce nom, lequel declare directemēt & au vray la pauvreté de leur esprit, & la mendicité d'entendement qui est en eux: car ce mot de Hebion (auec la note d'aspiration, h) est celuy, par lequel les Hebreux nomment vn mendiant. Or enseignoyent ils que Iesus-

Christ estoit seulement pur homme, lequel fut iustifié par l'accroissement & augmentation de ses bonnes mœurs, qui luy firent auoir cest auantage: lequel premierement fut engendré de Marie, & print commencement & origine de son estre, par le moyen de la cohabitation de Ioseph auec elle son espouse: d'auantage, qu'il ne se pourroit faire facilement, qu'auqu'un fust sauué par la seule foy qu'il auoit en Iesus-Christ, s'il n'obseruoit aussi les ceremonies de la loy, & ne suyuait la maniere de viure, telle qu'elle la commande. Ceste heresie, & secte des Ebionites, fut diuisee en deux parties: Les vns auoyent l'opinion, que ie vien de dire: Les autres confessoient bien que le Christ auoit prins naissance du saint Esprit & de la vierge Marie, mais ils nioyent qu'il fust eternellement & ne le confessoient point estre ny le Verbe, ny la sapience de Dieu eternal, & qui n'a aucun commencement. Et pourtant ils se resentoient de la mesme impiété des autres: parce qu'ils s'estudioyent soigneusement de garder & s'astreindre aux ceremonies de la loy, comme faisoient les premiers. Encor reiettoient ils & mesprisoyent toutes les Epistres du saint Apostre Paul, l'appellans du nom d'Apostat & renieur de la loy: & perseueroient de se tenir & arrester à la seule Euangile, qui est selon les Hebreux. Et encor qu'ils obseruassent le Sabbat & toutes autres choses, que les Hebreux auoyent en recommandation, faisans ainsi comme eux: ce nonobstant ils solennifioyent aussi, comme nous autres Chrestiens, les iours des Dimanches, en memoire de la resurrection de nostre seigneur Iesus-Christ.

## Du grand heretique Cerinthe.

CHAP.

XIIII.

*Herésie de Cerinthe.*



Ertain autheur Ecclesiastique, nommé Caie, fait mention d'un certain Cerinthe, qui fut autheur & Capitaine d'une autre secte d'heresie: quand il dict: Cerinthe aussi nous met en auant de merueilleux propos, lesquels faulxement il feint luy auoir esté enseignez par ses Anges, comme par reuelation faite à un grand Apostre, & mise en escrit par iceluy: soutenant & affermant, que le regne de Iesus-Christ deuoit estre, & de fait, seroit terrien apres la resurrection: & que la chair, qui pour lors tiendroit le premier lieu, s'addonneroit de rechef à ses plaisirs & voluptez, en Ierusalem. Encor disoit il (comme celuy, qui, voulant seduire les hommes, se

Le regne de Iesus en terre, de mille ans apres la resurrection. *Origine & commencement des Chiliasmes ou Milenaires. Chap. 25. Chap. 3. L'Apostre S. Iean fuyoit bié fort la presence & venue de Cerinthe* faisoit ennemy mortel des escritures saintes de Dieu) que Iesus-Christ auoit assigné & destiné un temps pour celebrer les nopces l'espace de mille ans. Pareillemēt Denys Alexandrin parle de luy, au second liure des promesses de l'Apocalypse de saint Iean l'Euangeliste. Cerinthe (dit-il) qui a institué l'heresie appelée de son nom Cerinthiène, s'est voulu attribuer enuers le vulgaire vne appellation idoine & digne de sa doctrine feinte & controuuée: qui estoit telle, sçauoir est: Que le regne de Dieu seroit terrien: & que, si l'homme, aymant son corps & grandement charnel, & estoit en sa vie conuoiteux de quelque chose, en laquelle il prinst plaisir, comme à boire & manger, ou à congnoistre les femmes charnellement: lors qu'il seroit auec Iesus-Christ, il viuroit en telles voluptez & delices, comme en songes: sçauoir est, en festihs, bâquets, yurongneries, beuueries, accomplissmens de mariages, & ce aux iours de festes, & grands sacrifices & immolations de bestes (esquelles il a pensé ces plaisirs deuoit estre trouuez meilleurs, & plus agreables.) C'est ce que Denys en dit. Mais Irenee non seulement a proposé, en son premier liure contre les heresies, plusieurs sottises pleines d'abus & resuerie de Cerinthe: mais encor, au 3. liu. du mesme subiet, il fait discours d'une histoire d'iceluy, laquelle est digne de memoire, disant, qu'il y a quelques vns, qui en ont ouy faire le côté à Polycarpe, Euesque de Symrne. Le cas est tel: Aduint vne fois que l'Apostre S. Iean auoit besoin d'aller aux bains: où estat entré, il entedit que Cerinthe y deuoit aussi venir. Ce que cōgnoissant, il se retira & sortit de là, en la plus grād' haste que possible luy fut, estimant n'estre pas raisonnable de demeurer auec luy, nō pas mesme en s'arrester en la maison où il seroit. Et non seulement il s'en alla, mais cōseilla à ceux qui estoient auec luy, & leur persuada de se retirer aussi, disant: Fuyons d'icy mes amis: de peur que le bain, où l'ennemy de verité Cerinthe se laue, ne tombe sur nous & viēne à la vallee.

De l'heresie



*De l'heresie des Nicolaites, & comment elle a prins son origine de Nicolas,  
l'un des sept premiers Diacres.*

C H A P. XV.



Ncores entre ces heresies, celle des Nicolaites, qui fut la quatriesme depuis Simon, a eu son cours: de laquelle le saint Apostre Iean fait mentio en son Apocalypse. Nicolas en fut autheur, qui estoit l'un des Diacres eleuz avec saint Estienne, pour auoir le soing du mynistere des pauures: comme il estoit escrit aux Actes des Apostres. Clement Alexandrin, au troisieme liure de ses compositions, dit, qu'il auoit vne belle femme, de laquelle les Apostres (apres l'Ascension de nostre Sauueur) luy reprocherent qu'ils estoient ialoux, le reprenant de cela, & luy remonstrant qu'il ne falloit pas faire ainsi. Qui fut cause qu'il la mit au milieu de toute la compagnie, & permit que quiconque en auroit affection, la prinst a femme: adioustant vn propos conuenable & conforme a ce fait, & disant qu'il falloit <sup>ne</sup> abuser de la chair. Par lequel propos, il me semble qu'il ne vouloit donner a entendre autre chose, sinon qu'il ne se faut pas seruir de sa chair aux voluptez defendues, ny s'abandonner a l'appetit desordonné des plaisirs & delices d'icelle. Or ceux qui ont voulu soustenir son heresie, suyuant son fait & son dire sans l'examiner avec meur iugement, s'addoient a fornicatio & paillardise sans aucune honte. Toutesfois Nicolas ne leur a pas enseigné de ce faire, car il n'a iamais cogneu autre femme, que la siene: & a eu d'elle de beaux enfans, desquels les filles sont enuieillies avec leur virginité & chasteté: le fils ne s'est iamais voulu marier, mais est tousiours demeuré sans femme. Or puis qu'il n'y a personne qui contredie a cela, il est assez euident, que, quant a auoir produit sa femme au milieu des Apostres, c'estoit pour monstrier qu'il renonçoit a toute affection charnelle, & que par l'abus de la chair, il n'enseignoit autre chose, fors vne continence & vn entier retrenchement des voluptez charnelles: comme celuy qui n'a iamais voulu s'assubiettir ny faire seruice a deux maistres, sçauoir est, a volupté & au Seigneur, suyuant le commandement d'iceluy. On dit aussi que saint Matthias enseignant parloit ainsi: Il faut certainement forcer & vaincre sa chair, & vser d'icelle tout autrement qu'elle ne veut, en ne luy donnant aucun abandon a delices: mais l'ame doit estre nourrie, entretenue, & auancee par foy, avec congnoissance de la verité. Or il suffira d'auoir icy discouru briefuement & succinctement qui ont esté ceux qui dès le commencement de l'Eglise naissante, se sont dōnez peine d'abastardir & corrompre la vraye & entiere doctrine de la foy: ayant monstrier, quels ont esté leurs abus, & comment incontinent ils se sont escoulez & venuz a neant: sous protestation & avec promesse de parler aussi de toutes les autres heresies, quand le lieu & l'occasion se presenteront.

*Heresie des Nicolaites.*

*Excellente doctrine & exemple du vray abus de la chair.*

<sup>a</sup> abuser de la chair) Au liure premier des loix de Ciceron, il y a vne fort belle sentence, touchant cest abus de la chair. Quelle chose (dit-il) pourroit on dire ou penser plus heurieuse, que quand l'ame se retire du seruice & obeissance du corps, ayant acquis intelligence & congnoissance des vertus, & met sous le pied & surmonte la volupté, comme vne mauuaise tasche de des-honneur? & suyuant toute crainte de mort & de douleur, abandonne la cōpagnie de la chair, s'estimant estre conioincte par nature avec tous? & quād aussi elle embrasse l'honneur & reuerence de Dieu avec pure religion, & aguise la pointe de son entendement, aussi bien que des yeux, pour eslire le biē, & reietter le cōtraire? qui est vne vertu appelle Prudence, a cause qu'elle prenoit & pouruoit.

*Comment Simeon, fils de Clope, endura martyre. Et d'oū sont venues premierement les heresies, qui ont assailly l'Eglise de Iesus-Christ.*

C H A P. XVI.



Neron fut le premier qui commença a persecuter l'Eglise de Iesus-Christ: Domitian, le second: Traian, le troisieme: sous lequel (cōme les anciens nous ont laissé par escrit) grande persecution fut esmeue contre nous, & publiquement, & en priuē: tous les peuples s'esleuans par toutes les villes, pour nuire a ceux qui soustenoyent la foy Chrestienne. En ce temps, c'est chose certaine, que Simeon, fils de Marthe & de Cleophe, oncle de Iesus, acheua le cours de sa vie par martyre. Ceste Marie n'estoit pas la mere de nostre Seigneur, laquelle fut fille de Ioachim & Anne: mais bien elle estoit estimee sa fille, comme engendree de Ioseph son mary, & de Salome, premiere femme d'iceluy: comme i'ay dit cy deuant. Or auoit esté donnee la charge de l'Eglise Ierosolimitaine a ce bon homme Simeon, apres saint Iacques le premier Euesque d'icelle: & fut r'encusé & decelé par quelques heretiques, comme l'un des succeurs de Dauid (car encor les cherchoit on de ce tēps là, pour les mettre a mort) & venu de la tribu & lignee Royale

*Persecution des chrestiens sous l'Empereur Traian.*

*Martyre de Simeon Euesque de Ierusalem.*

### LIVRE III. DE L'HISTOIRE ECCLESIASTIQUE

de Iuda, & parent de Iesus-Christ du costé du pere : & à raison de luy (parce que libremét il soustenoit la religion Chrestienne, de laquelle il faisoit profession) les princes & grâs seigneurs furent frappez d'enuie. Or apres que par plusieurs iours il eut souffert courageusement beaucoup d'aspres tourmens, qu'Attique, gouverneur du pais, luy faisoit endurer : il fut finalement condamné à mesme supplice, que celuy de Iesus-Christ. Car estant esleué en croix, il rendit son ame à nostre Sauueur, ayant bié pour lors six vingts ans. Egesippe escrit, que mesme les acuseurs de Simeon furent apprehendez aussi bien que luy, parce qu'ils estoient de la tribu & race des Roys de Iudee : des successeurs de laquelle on faisoit en ce temps là soigneusement enqueste, pour les faire tous mourir. Or si quelqu'un se veut arrester à la vraye raison, & faire diligente obseruation de la verité : il n'aura pas tort de dire que ce Simeon a esté de ceux qui ont veu de leurs yeux, & ouy de leurs oreilles nostre Seigneur Iesus. Son vieil aage en peut estre bon tesmoin : & mesme que l'escriture des saintes Euangiles fait mention de Marie, femme de Cleophe, de laquelle cestuy-cy fut fils, comme i'ay dit cy deuant. Le mesme historiographe parle aussi de quelques autres, qui sont descenduz de l'un des freres du Sauueur du costé du pere, & iceluy frere estoit nommé Iude : lesquels il dit auoir vescu iusques à ce mesme temps, & outre ce qu'il a déclaré au parauant, encor adiousté il & met par escrit le martyre de quelques vns, sous l'Empire de Domitian, pour la defense de la foy en Iesus-Christ. Ce qu'il en escrit, est de telle substance : Les parens du Seigneur sont aussi venuz, & ont eu le gouuernement de toute l'Eglise, comme martyrs & tesmoins : & (apres qu'elle a esté mise en paix) y sont demeurez iusques au temps de l'Empereur Traian : & aussi iusques à ce que Simeon, fils de Cleophe, & cousin d'iceluy seigneur, a esté meschamment accusé par les heretiques deuant Attique, homme Consulaire, qui estoit gouverneur de Iudee. Lequel Simeon, ayant esté gehenné & tourmenté cruellement, endura tellement le martyre, que tous (& mesme le gouverneur Attique) s'esmerueilloient, comment il estoit possible qu'un homme de six vingts ans peust souffrir tant de tourmens. A la fin, par le iugement du magistrat, il fut condamné à estre attaché & leué en croix, & la sentence executée. Peu apres que l'historien a entremellé, par digression, le discours de quelques autres narrations, ayant mis par escrit ce que i'ay presentement allegué de luy, il dit : Que l'Eglise a demeuré, iusques à ce temps, vierge pure, entiere, & sans corruption : & que si aucuns estoient, qui se voulsent efforcer de corrompre & gaster la sainte doctrine de predication salutaire, ils demouroient encor cachez és lieux obscurs & caligineux, tellement qu'ils ne s'osoient bonnement declarer ny monstrier. Mais apres que la sainte assemblee des Apostres (qui de leurs oreilles auoyent ouy les enseignemens de la parole & sagesse diuine) fut mise à mort par diuerses sortes de tourmens : alors premierement le complot, conspiration & alliance des seducteurs, cōtreuenans à la vraye religion, print son commencement par tromperie des docteurs estrangers. Lesquels puis apres qu'ad il n'y eut plus aucun des Apostres, ont bien osé publier à front leué & teste nue (comme lon dit) une doctrine faulse, sous couuerture de bonne appellation, contre la predication de verité. Voyla ce qu'en dit Egesippe. Quant à moy, ie me delibere d'adiouster à ceste histoire, suyuant son ordre, le reste de ce qui est aduenü sous l'Empire de Traian.

*Simeon a  
vescu six  
vingts ans.*

*L'Eglise est  
demeuree  
entiere &  
vierge, sans  
estre corrom-  
pue par les  
heretiques,  
iusques au  
temps de l'Em-  
pereur Trai-  
an.*

*Origene des  
heretiques.*

*De la persecution des Chrestiens sous l'Empereur Traian: & de  
l'edit qu'il fit publier contre eux.  
CHAP. XVII.*

*Pline le ieune,  
touchant  
la persecu-  
tion des  
Chrestiens.*



*Response de  
Traian à  
Pline, en for-  
me de let-  
tres patentes,  
touchant les  
Chrestiens.*

R la persecution contre les Chrestiens auoit attainct le but de sa grandeur, tellement qu'elle ne pouuoit croistre d'auantage, quand Pline le second (qui estoit le chef des gouverneurs de la prouince) trouua bō d'escrire à l'Empereur Traian, combien estoit grand le nombre de ceux qui auoyent esté mis à mort pour la foy : voyant que la multitude en estoit si grande qu'il estoit bien raisonnable que l'Empereur en fust aduertý. Encor adioustoit Pline d'auantage en ses lettres que les Chrestiens ne commettoient aucune meschanceté contre les loix, si ce n'estoit que se leuans dès la premiere pointe du iour, ils chantoient les louages du Christ qui par eux estoit adoré & estimé Dieu : quant au reste, qu'ils se retiroient & alienoient entierement de toutes meschancetez & vices. Traian, s'eschy par telles paroles, luy escriuit qu'il n'estoit ia besoin de rechercher la gent Chrestienne, ny en faire aucune poursuite en apres : & que lon fist seulement punition de ceux qui seroient presentez & amenez en iugement. Et pourtant, ceste poursuite violente fut aucunement assoppie, & eut quelque peu de cesse : toutesfois les affaires des Chrestiens n'estoient pas trop bien assurees, à cause des embusches de ceux qui ne demandoient qu'à les affliger, & leur porter nuisance. Car en quelques lieux le peuple s'esleuoit contre nous : en autres endroits les seigneurs & gouverneurs des pais auoyent la dent sur nous. Et combien que la poursuite contre les fideles n'estoit pas publiee par tout vniuersellement, ny ordonnée estre faite, si est-ce que la persecution de Chrestiens estoit telle par les prouinces à part,

part, que plusieurs en enduroyent la mort, estans martyrs en tesmoignage de leur foy. Tertul-  
 lian, en sa defense qu'il a mise par escrit en langue Latine, recite ce que ie dy, avec telles paro-  
 les : Mais nous trouuons que l'inquisition & poursuite contre nous, a esté aussi defendue. Car  
 Plin le second, ayant le gouuernement de la prouince, apres auoir condamné & fait mourir  
 quelques Chrestiens, & depose d'autres de leur degre d'honneur, se trouua en fin tant trouble à  
 cause de la grande multitude des fideles, qu'il ne scauoit où il estoit, ny qu'il en deuoit faire à  
 l'aduenir : de sorte qu'estant en tel doute, il voulut auoir l'aduis & conseil de l'Empereur Traian  
 sur cest affaire : luy allegant qu'il ne trouuoit rien de meschant en eux, reserue leur obstination  
 de ne point sacrifier. Encor adioustoit-il que les Chrestiens se leuoyent, & s'assembloyent du  
 grand matin, & louoyent Iesus-Christ, comme Dieu, par Cantiques & Hymnes : defendans en-  
 tre eux l'homicide, paillardise, tromperie, fraude, trahison, desloyauté, & tous autres vices, pour  
 bien obseruer leur discipline. Traian ( apres tel aduertissement ) rescriuit par lettres parentes,  
 qu'on n'eust plus à faire enquete, ny aucune poursuite contre les Chrestiens : & que si quelqu'un  
 d'eux estoit amené en iugement, on en fist la punition.

*Martyre de saint Clement le Romain, & de ses liures.*

*CHAP. XVIII.*



Ncor estoit de mesme temps saint Clement bien renommé en la ville  
 de Rome, lors qu'aussi Ignace gouernoit l'Eglise d'Antioche : & Papie  
 trauailloit à escrire & composer ses liures en la ville de Hieropolis. Pan-  
 crace semblablement viuoit pour lors, & Polycarpe Euesque de Smyr-  
 ne : lequel estoit sectateur & disciple de l'Apostre saint Iean ( qui fut  
 assis à table & reposa sur la poitrine du Seigneur ) & les autres, du S.  
 Apostre Pierre. Or saint Clement, natif de Rome, de noble lignage, &  
 r'apportant sa genealogie aux Empereurs Romains, desquels il se disoit  
 parent, estoit fils d'un gentil-homme nommé . . . Fauste, & d'une damoi-

*Autres  
le nomment  
Faustin.*

selle, qui se nommoit Matthidie : lequel estudia si bien es disciplines diuerses des Grecs, qu'il  
 acquit la cognoissance entiere de toutes sortes de sciéces. Il fut familier du prince des Apostres S.  
 Pierre ( comme l'ay dit cy deuant ) par lequel apres auoir esté instruit es mysteres secrets de Ie-  
 sus-Christ, il publia l'Euangile. Mais pour autant qu'il ne faisoit pas le commandement de Tra-  
 ian, il fut banny, & enuoyé en exil en ville obscure, desolee, de peu de renom, & assez mal ha-  
 bitee, prochaine de : Cherfone : finalement, ayant enduré plusieurs aduersitez pour la cōfession  
 de Iesus-Christ, il fut ietté dans la haute mer, avec vne ancre de fer pendue à son col. Or apres  
 sa mort, il aduint de luy vn cas estrange, & qui surpasse toute opinion humaine : Car la mer se  
 separa sept iours durs bien lieue & demie en longueur, tellemēt que plusieurs allerent au lieu  
 ou estoit son corps, en pleine mer, dans vn temple, que la vertu diuine auoit basti & edifié : & là  
 estās, bai soyēt le martyr. Et la mer estant vne fois retiree, cōme elle a de coustume, & apres que  
 le peuple, ayāt fait ses deuotiōs, s'en fut retourné chacun en son logis : aduint qu'un enfant y fut  
 laissé par oubliāce de ses pere & mere. La mer s'enfla & reuint en son lieu accoustumé, tellemēt  
 que le tendre enfant fut couuert d'eau : Mais quand de rechef les flots se furent retirez, les pere  
 & mere de l'enfant, estans là venus en grand haste pour scauoir des nouuelles de leur fils, le trou-  
 uerent sain & sauue, assis aupres du tombeau du saint martyr. Voyans cela, ils congurent que  
 leur fils auoit esté entretenu par la grace diuine, qui là residoit, & conserué sans receuoir aucune  
 nuissance par les bestes marines. Parquoy ils porterēt à l'Apostre telle reuerence & hōneur qui  
 luy appartenoit, & estoit besoin : puis, avec leur enfant, se retirerent en leur maison. L'ay parlé  
 au parauant de ce Clement assez au long. Eusebe de Pamphile fait mention d'une Epistre, écrite  
 sous le nom de Clement, qui est grāde & admirable : laquelle il a adressée & enuoyee au nom  
 de l'Eglise Romaine, aux Corinthiens, du temps qu'il y auoit sedition entre eux. Il dit que ceste  
 Epistre se lisoit publiquement en l'Eglise au temps passé, & de son temps aussi : en laquelle il  
 s'est aydé de plusieurs sentēces prinſes en l'Epistre de saint Paul aux Hebreux. Encor y a il vne  
 autre Epistre de son nom, qui n'est pas de telle marque, que ceste premiere. Le mesme Eusebe  
 escrit que les anciens l'ont ignoree. Il reprouue aussi ce peu de compositiō, qu'il dit estre vn dia-  
 logue de saint Pierre & d'Appion : comme n'ayant point en soy l'entiere & vraye forme de la  
 bonne opinion Apostolique. Quant à moy, si il parle des liures que lon dit estre de la compositi-  
 on de saint Clement, & que nous tenons pour tels, ie ne suis pas de son auis, parce qu'ils  
 sont receuz en l'Eglise. Mais si outre ceux-cy, il en y a quelque autres : ie n'y mets pas empes-  
 chement. Au reste, nous croyons saint Clement auoir esté autheur des constitutions Apostoli-  
 ques & saints canōs. Quant est de l'Epistre aux Hebreux, on n'est pas bien assure, si c'est saint  
 Clement, ou bien saint Luc l'Euangeliste, qui la tradūcte de l'Hebreu de saint Paul, duquel  
 elle est propre & naturelle, comme de celuy qui la dicta premierement.

*Liv. 2.*

*chap. 35.*

*Autres*

*l'appellent*

*Cherſonſee.*

*Martyre de*

*S. Clement.*

*Miracle*

*insigne.*

*Eſcrits de*

*S. Clement.*

*Liv. 3.*

*chap. 31.*

*Canōs Apo-*

*ſtoliques de*

*S. Clement.*

*De l'Epi-*

*ſtre aux*

*Hebreux.*

*& enuoyé en exil) saint Clement fut transporté en une isle, par le commandement de Traian: où il trou-  
 ua deux mille Chrestiens, condamnez à rompre & briser le marbre.*

*Comment saint Ignace accusé & mené depuis la ville d'Antioche, en celle de Rome, fut  
présenté aux bestes sauvages, pour estre deuoré pour l'amour  
de Iesus-Christ : & de ses Epistres.*

C H A P. X I X.

*Les faits de  
S. Ignace.*



Oilà commēt les affaires de saint Clement se sont portees. Or Ignace, bien renommé enuers tous, secōd Euesque en l'Eglise d'Antioche apres saint Pierre, fut lié & enuoyé à Rome, pour estre viande aux lyons, fil ne renonçoit à la foy de Iesus-Christ : & ce par ce qu'il ne cessoit de reprendre la superstition de Traian, qui pour lors estoit en Antioche. Et en allant accompagné de bonne & seure garde de gens de guerre, ainsi comme il passoit par Asie, de ville en ville, les Eglises estoient par luy visitées & confirmées en la discipline Chrestienne, avec sermons & familiers aduertissemens. Et par ce que lors premierement les heresies au-

foient plus librement leuer les cornes, & se mettre en auant petit à petit : il les admonnestoit de s'en garder diligemmēt, & de s'arrester avec grande constance à la doctrine & tradition des Apostres. Et à fin de les induire plus certainement à ce faire, il trouua bon de mettre par escrit ses aduertissemens & remonstrances. Parquoy estant en la ville de Smyrne, où Polycarpe auoit

*Les Epistres  
de S. Ignace.*

le gouuernement de l'Eglise, il enuoya vne Epistre à la congregation des fideles d'Ephese, en laquelle il fait mention du pasteur Onesime. Puis il en escriuit vne autre en la ville de Magnesie, situce pres la riuere Meandre, en laquelle il tient propos d'un certain Euesque, nommé Damase. Encor en adressa il vne autre à l'Eglise de Tralles, de laquelle Polybe estoit pour lors Euesque. Sa quatriesme Epistre fut enuoyee à l'Eglise Romaine, avec exhortation ample & copieuse, tendant à ce qu'ils ne missent aucun empeschement à son martyre : & qu'ils ne feissent rien par l'imbecillité & foiblesse de leurs esprits, parquoy il fust frustré de l'esperance qu'il auoit conceue en son entendement, & laquelle il desiroit tant venir à son effect. Or me semble il n'estre hors de propos, ains conuenir à la presente matiere, à fin de declarer la grandeur de sa cō-

*Courage  
fort desi-  
reux de  
martyre.*

stance en la foy de Iesus-Christ, si l'allegue en ce lieu vne partie de son dire, qui est tel : Depuis le pais de Syrie iusques à Rome, i'ay à batailler contre des bestes, & par terre, & par mer, tant de iour, que de nuit : sçauoir est, avec dix leopards, c'est à dire, contre vne compagnie de dix hommes de guerre, qui deuiennent tousiours pires, encor qu'on leur face du plaisir. Mais les torts qu'ils me font, me rendent sage de plus en plus ; Toutesfois ie ne suis pas pour ceste cause iustificie. O que ie desirerois bien que les bestes qui sont destinees & preparees pour moy, fussent icy presentes ! lesquelles aussi ie desire trouuer, plustost auioird'huy que demain. Ie les amadouieray avec toutes les flatteries & mignardises que possible me sera, à fin qu'elles ne me facēt pas long temps languir, ains me deuorent legerement. Et si elles n'en veulent rien faire, ie les prouoqueray & animeray contre moy, leur faisant quelque violence, pour me faire plustost despeschier. Ie vous supplie me pardonner, si i'offense en cest endroit, ie congnoy bien ce qui m'est expedient : Car ie commence à apprendre, seulement de ceste heure, de ne desirer ny demander aucune chose, tant de ce qu'on ne voit point, que des autres mises à la veuë des hommes : sinon que ie puisse auoir ce bon heur, d'aller en bref à Iesus-Christ. Que les feuz, les croix, les compagnies des bestes, les rompemens des os, les detranchemens & chiquetures des membres, les brisures de tout le corps : bref, tous les tourmens & supplices du diable viennent tous sur moy, ensemble, où l'un apres l'autre : moyennant que ie puisse paruenir au but, où ie preten, qui est Iesus-Christ. Voilà vne partie de ce qu'il a escrit en la ville de Smyrne. Or luy estant en Troas, il communiqua sa doctrine par lettres à l'Eglise de Philadelphie. Encor escriuit il vne Epistre aux fideles de Smyrne : & vne autre à part à l'Euesque Polycarpe, luy faisant honneur comme à un personnage diuin, & luy recommandant son troupeau comme à un pasteur Apostolique, luy qui aussi estoit bon pasteur : avec aduertissement en maniere de priere & requeste, que son bon vouloir fust d'auoir soucy de sa bergerie Chrestienne, & ne luy enseigner aucune chose, qu'il n'estimast estre tresbonne & tressalutaire : En l'Epistre aux Smyrneans, il tient quelques propos singuliers & excellēs de Iesus-Christ : & ne sçay pas au vray, où il les a prins. Car parlant d'iceluy, il dit : Ie l'ay veu en chair apres sa resurrection, & croy certainement que c'est il. Parce que quand il fut venu au lieu où estoit saint Pierre & les autres de sa compagnie, & leur ayant dit : Tenez, prenez moy, touchez & maniez mes membres, & voyez que ie ne suis pas un diable sans corps : soudain ils le manierent, & le touchant, creurent que c'estoit il à la verité.

*Bel exemple  
de l'obeis-  
sance deuë  
aux magi-  
strats, &  
seigneurs.  
Rufus.*

Irenee aussi a congneu le martyre d'Ignace, & Polycarpe pareillement fait mention de ses Epistres. Irenee escrit de luy, ce qui s'ensuit : Comme quelqu'un des nostres à dit, lequel fut condamné à estre exposé au bestes sauvages, à cause de sa profession, & du tesmoignage qu'il portoit de Iesus-Christ : Ie suis le fourment de Dieu, qui seray moulu par les dents des bestes sauvages, à fin que sois trouué pain entier & pur. Et Polycarpe, en son Epistre qu'il adresse aux Philippieus

Philippiens, fait mention de luy, & vse de telles paroles : le vous supplie tous en l'honneur de Iesus Christ, que vous portiez obeissance aux magistrats & officiers, ayans toute telle patience que l'avez veue à l'œil, non seulement es bien-heureux personnages Ignace, le Roux, & Zosime, mais aussi es autres gens de bien tenans nostre profession, & mesme au diuin homme Paul, & es autres Apostres : & que vostre opinion soit, que tous ces bons preud'hommes n'ont pas couru en vain, mais avec vraye foy & iustice : estimans & croyans certainement, qu'ils sont en leur place deue & lieu destiné auprès de Dieu leur Seigneur, avec lequel ils ont paty. Car ils ne se sont pas arrestez à ce monde vain & mortel, & n'ont aimé les vanitez d'iceluy : mais toute leur affection & pensée a esté fichée en celuy seul, qui pour nous a enduré la mort, & qui, pour l'amour de nous, a esté resuscité de Dieu. Quant est de ses epistres, il escrit ainsi : Vous m'avez mandé, & vous, & Ignace, que si quelcun va en Syrie, il vous porte de mes lettres. A quoy ie donneray ordre, quand l'opportunité se presentera. Et encor de rechef : Nous vous auons enuoyé les epistres d'Ignace, qu'il nous a escrites, & les autres aussi qui estoient par deuers nous, lesquelles sont empaquetées avec nos presentes lettres, & vous pourront aider de beaucoup : Car elles contiennent toute la foy, patience & edification qui se rapporte à nostre Seigneur Iesus Christ. Or le saint homme Ignace, apres auoir enduré plusieurs tourmens, demeurant ferme & constant (comme il estoit raisonnable) en sa premiere opinion, finalement fut présenté à deux lions, au beau milieu du theatre, par la cruauté desquels il souffrit martyre, & fut mis à mort. Il est vray que les lions deuorerent la chair, & ses os les plus tendres : mais les plus durs & fermes, qui resterent de la furie des bestes, furent apportez long temps apres de Rome en la ville d'Antioche, par les compagnons & disciples du bon martyr Ignace : duquel il me suffira auoir escrit ce que dessus avez peul lire.

*Lieu des saints apres leur decés.*

*Martyre de S. Ignace.*

*De Papie Hierapolitain : & ce qui est escrit de luy, outre la commune opinion des hommes.*  
Chap. X X.



Papie Hierapolitain fut aussi bien renommé, pour cause de sa bonne vie approchant à celle des Apostres, & laissa par escrit beaucoup de ses œuvres à l'Eglise : desquels nous en auons en nos mains cinq liures, qu'il a intitulé, Des paroles du Seigneur : desquels Irenee parle, quand il dit : Papie, auditeur & disciple de Iean, & compagnon de Polycarpe, par ses écrits donne tesmoignage d'icelles paroles, au quatriesme liure de son œuvre : car il en a composé cinq. Que Papie n'ait iamais veu les Apostres, mais qu'il ait appris la profession de la foy par la bouche de ceux qui leur estoient familiers & congneus : luy mesme le donne à entendre en la preface de ses écrits, disant ainsi, Il ne me greuera point de t'exposer tout ce que i'ay appris de bon, & bien retenu en ma memoire, par la doctrine des prestres, confirmant la verité avec bonne interpretation : Car iamais ie ne prins plaisir à ouyr ceux qui disoient beaucoup (en quoy plusieurs se delectent) mais bien volontiers me suis accosté de ceux qui enseignoyent choses vraies, & racontoyent, non quelques preceptes estranges, ains les commandemens de la foy que nostre Seigneur a donnez de sa bouche, & (apres luy) ceux qui auoyent familiere conuersation avec la verité mesme. Et si l'aduenoit quelque fois, qu'aucun sectateur des prestres arriuaist, ie luy demandois leurs mesmes sermons, comme estant bien resiouy, quand ie pouuois entendre quelques bons propos qu'ils eussent tenus : m'enquistant de ce qu'André auoit dit, ou les Saints, Pierre, ou Thomas, ou Philippe, ou Simon, ou Iacques, ou Iean, ou Matthieu, ou quelque autre disciple du Seigneur, quel qu'il fust : desirant aussi sçauoir ce que disoit Aristion, & le bon prestre Iean : bref, quels propos tenoyent les disciples & Apostres de nostre Seigneur Iesus Christ. Car telle estoit mon opinion, que ie ne pouuois pas tant bien estre instruit & aidé par la lecture des liures, comme par la viue voix. Or est-il bon de noter en ce lieu, que Papie met deux fois le nom de Iean : premierement, quand il nomme les Apostres l'un apres l'autre, tellement qu'il se peut entendre du disciple bien aimé : secondement, il adioute Aristion & Iean, lequel il appelle Prestre. Qui fait, que quelques vns, ignorans le nom commun de ce Iean avec l'Apostre, ont attribué à iceluy Apostre les deux dernieres epistres escrites sous le nom de Iean, & l'Apocalypse aussi : qui sont toutes fois de la façon de Iean le prestre, lequel a pareillement vescu en la ville d'Ephese : où lon dit estre veues encor de present deux sepultures, appellees l'une & l'autre, Le sepulchre de Iean. Or par ce que Papie raconte en ses liures plusieurs autres choses admirables, qu'il a receu par ses deuanciers, comme de main en main : il me semble n'estre chose hors de propos, si i'en touche quelque peu. Car il dit, que Philippe (qui fut en la ville de Hierapolis, & eut des filles qui prophetizoyent, comme a esté dict cy deuant) estoit l'un des douze Apostres, & non pas du nombre des sept Diacres, comme Saint Luc a dict au liure des Actes : & qu'il a deuisé avec ses filles, par lesquelles il entendit, que de ce temps là un homme mort resuscita. Encor dit-il de Barsabas (qui est surnommé Iuste, aux Actes) que, ayant ben du venin pestifere, il n'en eut aucun mal, nostre Seigneur

*Actes de Papie Euesque de Hierapolis. Des paroles du Seigneur liures de Papie.*

*L'Apostre Philippe eut aussi des filles prophetis-*

*Actes 21.*

M

# LIVRE III. DE L'HIST. ECCLESIASTIQUE

luy aidant de sa grace. Il raconte aussi plusieurs autres choses, prinſes de la tradition des anciens ſans eſtre eſcrites : comme quelques paraboles & doctrines du Sauveur : & encor d'autres aucunement ſe reſſentans de menſonges & fables. Il maintient auſſi que le Royaume de Jeſus-Chriſt ſera de mille ans, prolongé corporellemēt en ceſte terre, apres la reſurreſtion des morts. Ce que ie croy auoir eſtē ainſi lourdement entendu de luy, comme de celuy qui ignoroit les promeſſes de Dieu faites aux hommes par quelque ſecrer myſtere. Auſſi n'eſtoit-il pas homme de fort grand eſprit, comme lon peut preſuppoſer par la lecture de ſon oraiſon. Toutesſois il a tiré pluſieurs à ſon opinion, induits ſeulement par l'admiration de l'ancienneté du perſonnage: cōme Irenee le monſtre, & ſi y a quelque autre d'auantage qui eſt de meſme aduis & iugemēt. Au reſte, Papie eſcrit encores qu'il a d'autres traditions & enſeignemens d'Ariſtion & de Iean le preſtre, deſquels a eſté parlé cy deuant; auſquelles il m'a ſemblé bon de renuoyer les hommes ſtudieux, & dire en ce lieu ce qu'il a eſcrit des Euangelistes Sainct Marc & Sainct Matthieu, cōme de choſe neceſſaire & vtile. Voila donc la ſubſtance de ſon dire. Iean, le preſtre, dit pareillement ainſi : Sainct Marc a couché par eſcrit ſoigneuſement & au vray, ce qu'il auoit bien mis en ſa memoire : par ce qu'il eſtoit l'interprete & truchement de Sainct Pierre, en quoy toutesſois il n'a pas obſerué ny gardé l'ordre des dictſ & faits de Jeſus-Chriſt : Car il n'a pas ouy de ſes aureilles, ny ſuiuy ou hanté le Seigneur, mais il fut puis apres diſciple de Sainct Pierre, comme i'ay dit. Il publiā donc ſa doctrine par le rapport qu'il auoit eu d'autrui : mais il ne raconte pas par ordre les ſermons, remonſtrances, faits & miracles de noſtre Seigneur. Parquoy Marc ne ſ'eſt point abuſé, ny n'a aucunement erré, en eſcriuant pluſieurs choſes ainſi qu'il les auoit ouyes, & gardees fidelement en ſa memoire: Car mettant la main à la plume, il ſ'eſtoit propoſé ſeulement vn point, de n'obmettre rien de ce qu'il auoit ouy, & de ne ſortir aucunement ny foruoyer du chemin de verité. Quant à Sainct Matthieu, il a compoſé ſon liure d'Euangile en langage Hebraïque : lequel puis apres chacun a traduit & interprete ainſi qu'il a peu faire. Le meſme Papie ſ'aide des authoritez & teſmoignage prins de la premiere epiſtre de Iean, & encor en tire-il de la premiere epiſtre de Sainct Pierre. Il adiouſte d'auantage vne autre hiſtoire d'vne femme qui fut par calomnie faulſement accuſee de pluſieurs crimes par deuant noſtre Seigneur Jeſus-Chriſt. Voila ce qui en eſt, quant aux eſcrits de Papie Hierapollitain.

*De Quadrat & Ariſtides, perſonnages du tout Apoſtoliques : qui ont eſcrit des Apologies, pour la tuſtion & deſſence de noſtre foy.*

*Chap. XXI.*

*Quadrat & Ariſtides, perſonnages Eccleſiaſtiques.*



N ce meſme temps fut auſſi en bruit vn homme totalement diuin, nommé Quadrat : auquel ne ſ'eſt veu aucun defaut des dons de grace, qui ſōt requis aux ſucceſſeurs & imitateurs des Apoſtres. Ariſtides auſſi florifſoit de meſme aage : homme, à la verité, qui bruſſoit pour lors de grande ardeur & emulation en la profeſſion de noſtre foy. Tous deux furent ſemblables & egaux en doctrine, ferueur & bonnes mœurs, concernant la vie Chreſtienne. Tous deux auſſi compoſerent des oraiſons, qu'ils adreſſerent & dedierent à l'Empereur Elie Hadrian, ſucceſſeur de Traian en l'Empire : par leſquelles ils defendent la doctrine Chreſtienne contre quelques meſchans & mal-heureux qui entreprenoyent de tourmenter & perſecuter les Eglieſes. En icelles on peut veoir pluſieurs ſignes & indices tres excellens, qui monſtrent le grand eſprit, la vie Apoſtolique, & ſaine doctrine de ces deux perſonnages. Et à la verité, Quadrat declare aſſez ſon integrité ancienne, & ſa foy, par le propos qui ſ'enſuit. Les œuvres de noſtre Sauueur (dit il) nous ſont touſiours à la main: Car il y a vne multitude trop grande, & meſme infinie, de ceux qui ont eſté par luy guaris. Pluſieurs, qu'il a reſſuſcitez de mort, ſont apparus, & ont eſté veuz continuellement ſur terre, pleins de vie, non ſeulement lors qu'il les guarifſoit & faiſoit reſſuſciter, ains auſſi du depuis : & encor ont veſcu, non ſeulement quand noſtre Seruateur eſtoit ſur terre, mais long temps apres ſon departement : tellement que quelques vns de ceux qu'il fit releuer de mort à vie, ont duré iuſques à noſtre temps.

*Quelles pertes ſont aduenues aux Iuiſ, durant l'Empire de Traian.*

*Chap. XXII.*

*Chreſtiente florifſante.*

*Calamitez & afflictions nom-*



Voila comment nos affaires florifſoyent avec heureux ſuccès, & auoyent de iour en iour accroifſſement, la Chreſtiente eſtant bien enracinee par la doctrine des gens de bien & Apoſtoliques, qui pour lors viuoyent en grand nombre, & l'Eglieſe ayant eſté abondamment arrouſſee du ſang des ſainctſ martyrs, qui auoit eſté reſpandu ſur icelle. Or la nation des Iuiſ enduroit ce pendant pluſieurs calamitez & pertes fort grandes coup ſur coup, & ſ'entrefuyans de bien pres.

L'Em-



L'Empereur Traian estoit en la dixhuitiesme annee de son Empire, quand de rechef vn trouble s'esmeut entre les Iuifs, qui fut cause de la ruine de tout le peuple qui estoit resté: Car estās agitez & gouvernez par quelque esprit meschant & sedicieux, qui ne demandoit qu'à esmouvoir furieusement les miserables à cholere, afin que puis apres vengeance en fust faite, ils feirēt vne sedition <sup>a</sup> contre les citoyens Grecs en la ville d'Alexandrie, au pays d'Egypte, & en la citē de Cyrene sa proche voisine. Et ce tumulte peu à peu croissant de plus en plus, l'annee prochainement suyante ils menerent vne grosse guerre. Celuy qui tenoit alors le gouvernement de la prouince d'Egypte sous l'Empire Romain, estoit nommē: Loup. Or à la premiere rencōtre les Iuifs eurent le dessus: & les Grecs r'assemblez, apres vne villaine & ignominieuse fuite, assaillirent à l'improuiste les Iuifs d'Alexandrie, & en partie les firent passer au tranchant de l'espee, en partie les emmenerēt prisonniers. Parquoy ceux qui estoient en Cyrene, n'ayans plus aucune esperance au secours des Iuifs d'Alexandrie, coururēt toute l'Egypte, de laquelle Loup estoit encor Gouverneur, ne s'espargnans à faire tout degast à eux possible, sans crainte d'en estre repris ny punis. L'Empereur Traian, esmeu de telle brauade, y enuoya Martie Turbon, avec bonne compagnie de gens de guerre, afin de donner la bataille aux Iuifs. Ce Turbon n'auoit pas seulement armee forte sur mer, ains estoit secouru par terre de plusieurs enseignes de soldats, hommes d'armes, & cheuaux legers, pour s'en aider à son besoin. Ayant donc en peu de temps donné plusieurs batailles, il fit si bien ses besongnes, qu'il mit à mort beaucoup de milliers d'hommes Iuifs, non seulement de Cyrene, mais aussi des Egyptiens qui auoyent donné secours à leur Roy, nommē Luc. Or craignoit Traian, que les Iuifs qui estoient en Mesopotamie, ne fissent la guerre à ceux de leur pays, à l'exemple de ceux cy: Parquoy il manda à Lucie Quinte, qu'il eust à nettoier le pays, de Iuifs, en les saccageant tous. Ce qu'il fit: car ayant leuē secrettement les compagnies de gens de guerre, il les assaillit de grande furie, & en fit passer au fil de l'espee si grande multitude, qu'on ne les eust peu facilement compter. Et à raison de telle execution, l'Empereur enuoya Lucie gouverneur en la prouince de Iudee: comme aussi disent ceux qui ont escrit les Annales.

*uelles des Iuifs en Alexandrie, Cyrene, & Egypte, sous l'Empereur Traian. Les iuifs auoyent icy André pour capitaine. Loup, Gouverneur d'Egypte. L'Empereur. Martie Turbon. Tuevie des Iuifs en Mesopotamie. Lucie Quinte, gouverneur de Iudee.*

<sup>a</sup> contre les citoyens) En ceste esmotion les Iuifs ne furent pas contens de la boucherie & meurtre qu'ils faisoient: mais encor se prirent-ils à manger chair humaine. Les Cypriens receurent fort grande perte des Iuifs, desquels le capitaine estoit pour lors Artemion. Les Iuifs ayans fait conspiration & cōplot, tuerēt de tous costez sans de gens, qu'il s'en trouua deux cens quarante mille de morts. Dion. Orose.

*Des mœurs & œuvres de Traian. Des bastimens & edifices somptueux qu'il ordonna estre faits en Antioche: & de cinq filles martyres.*

Chap. XXXIII.



Vant est de l'Empereur Traian, il a le bruit d'auoir esté tant studieux de droit, raison, & iustice, & tellement retiré de toute meschanceté, que quelque fois à la veue d'un chacun il donna vne espee nue au Gouverneur de la ville, & luy dist: <sup>a</sup> Gouverneur, prenez ceste espee, & vous en seruez pour moy, si ie gouerne bien l'Empire: si non, tournez la cōtre moy. Il vainquit les Daces, pour la victoire desquels il triompha. De son temps aussi les Persans auoyent fait course, & estoient venus iusques à la ville d'Antioche: & l'ayans prinse par composition avec certaines conditions de paix, l'auoyent rendue tributaire, y mettans garnison dedans. Mais l'Empereur donna soudainement secours à ses gens: & apres s'estre approché de leur pays, il rescriuit avec certains caracteres secrets, & leur fit secrettement scauoir, qu'ils deuoyent mettre à mort la garnison que le Roy de Perse leur auoit laissée: & que, quant à luy, il estoit pres, afin de leur donner secours, & les deliurer de la crainte & seruitude des Persans. Ils obeirent à son commandement: Et l'Empereur, ayāt attaqué les Persans en champ de bataille, mit leur Roy à mort, emporta vne belle victoire, & leur dontha vn autre Roy à son plaisir & vouloir. De là enttant en la ville d'Antioche, comme victorieux qu'il estoit, l'embellit de plusieurs beaux bastimens & superbes edifices. Il y fit aussi mourir vn grand nombre de Chrestiens: & entre autres, condamna au feu cinq filles vierges, faisans publiquement profession de la foy en Iesus-Christ: lesquelles estans entierement bruslees, leurs cendres furent meslees avec de l'airain, dont il fit faire des vaisseaux de cuyure, & autres, qu'il dedia aux bains publiques, qu'il auoit fait bastir tresmagnifiquement. Or aduint que quiconque entroit là dedans pour se baigner, incontinent qu'il auoit attouché l'eau chaulde, se sentoit estourdy, avec vn esbloüissement, qui le faisoit courir comme enragé, & en fin tomber & mourir sur le champ. Traian, ayant congny la cause de ce mal, commanda autres vaisseaux & chaudières estre faites de pur airain, pour s'en seruir aux estunes: & fit fondre en la fournaise ces premieres cuues, & en fit faire cinq statues

*exquise & iustice du prince Traian. Il donna & accorda la paix à leur capitaine Decebele. Traian recouure Antioche prinse par les Persans. Miracle des cendres des cinq vierges.*

# LIVRE III. DE L'HIST. ECCLESIASTIQUE

à la semblance des visages & habillemens des cinq vierges brulées : puis commanda qu'elles fussent esleues pres les estuues, en perpetuelle memoire de si grand miracle.

<sup>a</sup> Gouverneur) l'ay mesmement armé la main du Gouverneur contre moy, si l'utilité commune de tout le requeroit ainsi, dit Traian, au Panegiric de Pline le ieune. Il tint aussi ces propos à ses amis: qu'il estoit tel Empereur aux simples bourgeois, que luy-mesme l'eust desiré estre en son endroit, s'il n'eust point eu d'estat. Il appelloit le fisci & reuenu de son domaine, Rate ou ratelle : par ce que luy croissant, les autres membres sechoyent & deuenoyent en chartre.

De l'Empire d'Elie Hadrian: & de la merueilleuse boucherie des Iuifs, faite de son temps.

Chap. XLIIII.



Extrefme  
& dernie-  
re destru-  
ction de la  
ville de Je-  
rusalem,  
& boucherie des iuifs  
sous Ha-  
drian.  
Marc 13. b

Hadriano-  
polis edi-  
fice.

La ville de  
Jerusalem  
remise sus  
& rebastie,  
est appellee  
Elie.

Raian doncques eut le gouvernement de l'Empire par l'espace de dix-neuf ans & six mois, & decedant de ce monde le laissa au mary de <sup>a</sup> sa sœur, nommé Hadrian: lequel, soudain qu'il vint à estre Empereur remit & quitta aux villes, les debtes publiques, & donna aux Romains beaucoup de reuenus: qui fut cause, qu'en la ville de Rome on luy faisoit autant d'honneur, comme à vn Dieu. Il fortifia de bonnes & fermes murailles les villes de Nicee & Nicomedie, qui auoyent esté fort endommagées par vn tremblement de terre. En cor fit il publier des ordonnances & loix, à l'exemple & imitation de Solon & de Dracon, legistateurs Atheniens. On dit aussi que les Iuifs se reuolterent du temps de son gouvernement, & voulurent reparer & r'edifier le temple de Hierusalem. A raison dequoy Hadrian fit passer au tréchant de l'espee pour vn iour cinquante huit myriades de Iuifs, qui sont cinq cens quatre vingts mille: & desmolist & razi iusques <sup>b</sup> au pied des fondemens, ce qui restoit des anciens bastimens, tellement qu'il n'y demeura pierre sur pierre: par ce moyen l'oracle & prophetie de nostre Sauueur Iesus, mence à fin, confirma la certitude de sa parole. Outre cela, ayant beaucoup accourcy le tour de la ville, la r'edifia & rebatist de rechef sous son nom: & la fit nommer Elie, & au lieu plus secret & saint du temple y dressa & erigea sa statue. Or si quelcun, à bonne raison, appelloit cela L'abomination de desolation, arrestee & posée au lieu saint (suyuant le dire du Sauueur) il me semble, selo mon iugement, que ce ne seroit que bien parlé. Il peupla aussi ceste nouvelle ville, de gés Grecs de nation. Le mesme Hadrian fit bastir vn temple tres-grand & tres-renommé en la ville de Cyzic: & edifia aussi vne ville, qui encor pour le iourd'huy est nommée de son nom Hadrianopolis, qui est à dire, Cité de Hadrian. Or sera-il bon d'entendre ce qu'Ariston Pellee a mis par escrit touchant le dernier siege & guerre des Iuifs. Son dire est tel: Au surplus, la rebellion & reuolte des Iuifs ayant de rechef passé plus outre, le Roux, Gouverneur de Iudee, marcha contre eux à enseignes desployées comme ennemy, avec les compagnies de gens de guerre qu'il auoit receues de la part de l'Empereur, prenant occasion de bien executer ses desseings, à raison de la folie & sortise des pauvres Iuifs: tellement que par tout il mettoit à mort vn infiny nombre d'hommes & femmes, & mesme de petits enfans, & assuiettissoit à sa puissance toutes leurs places, par droit de guerre, apres qu'il les auoit pillées. Le capitaine des Iuifs, qui estoit pour lors, auoit <sup>c</sup> nom Barchochebas, qui signifie Estoille: au demeurant, homme sanguinaire, cruel, voleur, & qui s'estudioit à brigander. Or à cause de son nom d'Estoille (qui se ressentoit de quelque prodige) il auoit mis en teste à quelques valets & meschants garnimens, qu'il estoit enuoyé du ciel ça bas, pour estre la lumiere, qui deuoit esclaire aux affligés & opprimer misérablement. Or la guerre estoit fort enflambee, en la dixhuitiesme année de l'Empire de Hadrian, quand le siege fut mis deuant Bitthere, ville bien garnie de ce qui luy estoit besoin, & située pres de Hierusalem: laquelle on tint assiegee par si long temps, que les rebelles & amateurs de nouveauté furent redigés à l'extremité de faim & de soif: & celuy qui estoit cause & auteur de telle folie & reuolte, endura peines dignes de sa temerité, par la vengeance que les Romains en prindrēt: de sorte que dès cetemps, il fust deffendu à toute la nation des Iuifs de se retirer pres, ny attoucher aucunement le pays voisin d'alentour de Hierusalem. Ce qui fut fait par l'ordonnance & edict de l'Empereur Hadrian, qui commanda tel ordre y estre donné, afin que les Iuifs n'eussent pas mesme le moyen de regarder la terre de leur natiuité, ny voir le pais de Iudee du lieu le plus haut ou eminent qu'ils eussent peu choisir. Par ce moyen la ville de Hierusalē fut destituee du peuple Iudaïque, qui l'auoit habitée de toute ancienneté: & ce, par vne extrefme boucherie, qui fut faite d'eux, tellement que depuis, icelle ville fut hâtée par personnes estrangères, come vne ville du tout Romaine, portāt le nom d'Elie, en l'honneur de l'Empereur de Rome, Elie Hadrian. Et en ceste sorte aussi les Iuifs endurerent la dernière punition, en vengeance de l'offence commise contre la personne de nostre Seigneur Iesus-Christ, avec vne fureur temeraire & effrontee.

Or

Or est il temps de retourner à la succession & entresuite des personnages saints, se ressentans aucunement de la diuinité.

<sup>a</sup> la (œur) *Dion le dit auoir esté le mary de la niece de Traian, fille de sa ſœur.*

<sup>b</sup> au pied des fondemens) *Iule ſeuere, enuoyé en Iudee par Hadrian, ſaccagea & rua à bas cinquante forteresses, & mit à feu & à ſang neuf cens & quatre vingts villages. Dion. Oraſe li. 7. cha. 13.*

<sup>c</sup> nom Barchochebas) *Ce meſchant Barchochebas (comme Iuſtin le philoſophe & martyr le teſmoigne, & Euſebe liure 4. chap. 5.) commanda les Chreſtiens ſeuls eſtre vraieſ & à ſupplices extremes & cruels, ſiſ ne renonçoient à ieſus Chriſt, & ſiſ ne blaſphemoient contre luy. De noſtre temps auſſi l'Allemaigne a eu ſon Barchochebas ſuperbe, pour les eſtoilles qu'il portoit en ſes armoiries.*

*Quels perſonnages de ce temps ont eu le gouvernement des plus grandes Eglises Chreſtiennes, eſtans Eueſques d'icelles. Chap. XXV.*



Ors de la douzième année de l'Empire de Traian, apres qu'Euarest eut administré l'estat & charge de Pontife en la ville de Rome, Alexandre, cinquième, successeur depuis Saint Paul & Saint Pierre, entreprit le gouvernement & administration de l'Eglise Romaine. Lequel apres auoir passé & accompli dix années en telle vocation, la laissa en la garde de Xiste, au troisième an de l'Empire de Hadrian. Et en la douzième année du même Empereur, Telephore luy succeda apres qu'il eut gouverné l'Eglise par l'espace de dix ans, aussi bien que son predecesseur Alexandre. Or ce Telephore, en l'année vnième de son administration & Euesché, endura la mort, par martyre, en tesmoignage de la foy Chreſtienne, comme dit Irence: auquel succeda Hygine, au gouvernement du siege papal, en la premiere année de l'Empire d'Antonin, surnommé Pie. Hygine mourut apres le quatrième an de sa papauté: apres lequel, Pie vint à estre Pape: duquel le nom estoit pareil au surnom de l'Empereur. Le successeur de ce Pape Pie, fut Anicete, en l'an vingtième de l'Empereur Pie. Cest Anicete, ayant administré l'Eglise Romaine vnze ans durans, la laissa en la charge de Soter. En la place duquel vint Eleuthere, apres le temps & terme de huit années: qui fut le douzième successeur en l'administration de l'Eglise Romaine, apres le saint Apostre Pierre: qui aduint au dixseptième an de l'Empire de Marc Antonin, qui pour lors en auoit fait part à son fils. Quant à l'Eglise d'Alexandrie, Prime fut le quatrième Euesque d'icelle, depuis les Apostres: duquel Iuste print la place, apres qu'il eut tenu l'Euesché douze ans durans, lors que l'Empereur Hadrian estoit au troisième an de son gouvernement. Et environ la douzième année de l'Empire d'iceluy Hadrian, & d'auantage vn an & quelques mois apres, la charge de la même Eglise fut mise entre les mains d'Eumenes, apres que Iuste l'eut administrée & gouvernée environ par l'espace de douze années. Or Eumenes tint cest Euesché treize ans durans: auquel Marc succeda, & fut Euesque par le temps de dix ans, ou environ. Celadion tint puis apres sa place, & s'estant acquité de telle charge par quatorze ans, laissa le siege Episcopal à son successeur Agrippin, qui fut le neuvième Euesque de la ville d'Alexandrie, apres les Apostres. En la ville d'Antioche, apres l'Euesque Heron, Corneille eut le maniment des affaires de l'Eglise: auquel Eros succeda, qui fut le cinquième apres les Apostres. Le sixième se nommoit Theophile: & le septième, Maximin. Quant aux Euesques de la ville de Hierusalem, il ne s'en trouue rien couché par escrit, ny d'eux, ny de leur temps, qui fut de peu de duree: car lon a ſceu (par ouyr dire ſeulement, & non par eſcriture) qu'ils ne furent que quinze, tous Hebreux de nation, qui ont tres-bien fait leur deuoir en l'office où ils estoient apellez: par ce que leur eſtude principale estoit de garder & obseruer ce que nostre Seigneur Iesus-Christ auoit enseigné par sa doctrine & profession. Qui fut cause, que ceux qui ont tenu le siege episcopal de Hierusalem ont esté tous eſleuz de la nation des Iuifs, par l'Eglise dudit lieu, qui dès le temps des Apostres estoit quasi toute de même pays, & a duré iusques à la destruction & sac de leur ville. Or sera-il bon de mettre icy le denombrement des Euesques Ierosolimitains, depuis le commencement, parlant ſeulement de ceux, qui, eſtans du nombre des circoncis, ont fait profession de la foy en Iesus-Christ, & ont esté le reste des seditions mutuelles des Iuifs. Le premier Euesque de Hierusalem, fut Saint Iacques, que lon nommoit frere de nostre Seigneur: le second, Simeon: le troisième, Iuste: :: Zachée, le quatrième: le cinquième, Tobie: Benjamin, le sixième: le septième, Jean: le huitième, Matthias: Philippe, le neuvième: Seneque, le dixième: l'vnième, Iuste: :: Lebes le douzième: le treizième, Ephrem: le quatorzième, Ioseph: & Iudas, le quinzième. Aufquels Marc, venant de la nation des Gétiles, succeda apres la destruction de la ville. Depuis le tēps des Apostres, iusques à ce Iudas (Euesque quinzième, cōme i'ay dit) il y a eu autant d'Euesques de la circōcision en la ville de Hierusalē: cōme auſſi aux autres principales Eglises les euesques ont esté ceux q' i'ay mis par escrit en ce chapitre.

M iij

*∴ Marc E-  
lie Antio-  
nin Philo-  
sophe, &  
Luce Elie  
Commode  
Vray prin-  
ces freres,  
gouverne-  
rēt l'Empi-  
re Romain  
par eſgale  
portion, vn-  
ze ans du-  
rans. Marc  
Antonin  
ſeul fut qua-  
tre ans Em-  
pereur: &  
quatre au-  
tres années  
avec ſon fils  
Commode.  
Eueſques de  
l'Eglise de  
Alexan-  
drie.  
Eueſques  
d'Antio-  
che.  
Eueſques de  
Ieruſalem.  
∴ Autres  
l'appellent  
Zacharie.  
∴ Quelques  
uns le nom-  
ment Lemi.*

*Faits de Iustin philosophe & martyr.**Titre de son Apologie pour les Chrestiens. Autres lisent, fils de Prisce Bacchie.**Iustin a esté converty à la foy Chrestienne par la constance & fermeté de courage des martyrs.**Meliton, Euesque de Sardes, a aussi escrit une Apologie & deffense de la Chrestienne.*

V temps mesme de l'Empire de Hadrian, il y eut vn Philosophe martyr, nommé Iustin, entier & grand defenseur de la vraye philosophie Chrestienne, & tres-bien exercé des disciplines des Grecs, qui fut estimé entre les plus grands & doctes personnages de son aage. Or quia esté ce Iustin, quel homme c'estoit, & comment il laissa l'erreur des Grecs pour embrasser & tenir la philosophie vraye & salutaire : il me semble que ce ne sera hors de propos, de l'apprendre de ses escrits mesmes. Et comme ainu soit, qu'il ait escrit quelques oraisons contre les Grecs & Gentils pour la deffence des Chrestiens, auxquels ils n'ont peu resister ny contredire : encor outre ce il presenta à l'Empereur Antonin Pie & au Senat de Rome (où il faisoit sa demeure) vne Apologie & deffence pour nous Chrestiens, qui estoit ainu intitulée : *Je Iustin* : Prisce, fils de Bacchie, natif de Flaue, nouvelle cité de la region de Syrie Palestine, en faueur & deffence de ceux qui de toutes parts du monde sont à grand tort enuiez & affligez, ay offert & presenté ceste oraison en forme de supplication, à la maiesté Imperiale de Tite Elie Hadrian, Antonin Pie Auguste Empereur, & à son fils Verissime Philosophe Cesar, & à Lucie fils par adoption du Philosophe Cesar & de Pie, personnages amateurs de la bonne doctrine : & encor au sacré Senat tenant la Cour de Parlement, & à tout le peuple Romain vniuersellement. Et en la mesme oraison il raconte qu'il ne s'est pas mis à suyure la profession Chrestienne temerairement & à la volée, mais avec leur iugement : quand il dit : Quand j'entendois (moy, qui prenois plaisir aux disciplines & enseignemens de Platon) que les Chrestiens estoient accusez & menez en iugement par calomnie, & que ie les voyois n'estre point estonnez, ny craindre aucunement la mort, ny aucune des choses, qui semblent estre horribles aux humains, Je considerois en moy-mesme, qu'il ne se pouoit faire, que telles gens passassent leur vie en meschance & delices voluptueuses. Car combien trouuerez vous d'hommes suyuant la volupté, prenants plaisir à paillarder, & se delectans es viandes de chair, & à toutes choses corporelles & terriennes, qui estiment la mort (par laquelle ils seront priuez des voluptez & delices mondaines, qui dominant en eux) leur apporter quelque grand bien ? & qui plus tost ne s'efforcent en toutes sortes, de tousiours mener leur vie voluptueuse, & tromper les magistrats, iusticiers, & loix, tant s'en faut, qu'eux-mesmes se viennent presenter à la mort ? Encor en ceste mesme Apologie il escrit ce qui s'ensuit : Ce ne sera pas chose hors de propos, de raffreschir la memoire d'Antinoe, qui deceda n'a pas encor long temps : lequel tous par crainte ont soustenu de uoir estre reueré & adoré comme Dieu : encor qu'il n'y eust celuy qui ne sceust fort bien qui il estoit, & d'où il auoit prins origine. Egesippe aussi fait mention de cest Antinoe : lequel auteur estant en bruit du temps mesme, raconte en ses histoires (desquelles il a laissé cinq liures) plusieurs traditions des Apostres, exposant appertement la doctrine Apostolique, avec vne simple façon de parler. En ses liures, il monstre en quel temps il a esté : & tient propos de ceux qui premierement ont erigé des idoles & images : puis consequemment il dit ainu : Aufquels ils ont dressé des representations & images de trespassez, avec autres simulachres, sepulchres & temples, iusques au temps où nous sommes. Desquels aussi l'un, est Antinoe, seruiteur de l'Empereur Hadrian Cesar. En l'honneur d'iceluy, ont esté ordonnez les ieux, où sont representees toutes sortes de combats, comme iustes, luttres, & autres : que lon appelle Antinoies, qui mesmes ont esté iouez de nostre temps. Encor l'Empereur Hadrian a fait bastir vne ville, qu'il a nommée Antinoie, du nom de son fauorit Antinoe.

Semblablement en mesme temps estoit Meliton, Euesque de Sardes, menant toute telle vie, que ceux desquels j'ay presentement parlé, & ayant pareille affection & ardeur à l'endroit de l'Eglise Chrestienne. Et est assez euident, que c'estoit en mesme aage, qu'il florissoit, & auoit le bruit d'estre homme de bien. Ce qui nous est assez montré par la deffense qu'il a écrite à l'Empereur Vere, pour la religion Chrestienne : qui est fort belle, bonne & vile : & en laquelle il esmeut l'auditeur & le frappe viuement au cœur, tant par bonne grace de son parler, que par vne force & vertu qu'il a de persuader son dire.

\* d'Antinoe, qui deceda) *Antinoe estoit vn fort beau garson, qui, pour sa beauté, fut le mignon & fauorit de l'Empereur Hadrian : lequel bastist vne ville en Egypte (où il estoit mort) qu'il appella Antinoie en l'honneur & souuenance de son nom : & luy dedia vn temple, des statues & Prestres : assurant qu'il auoit veu son estoille. Dieu.*

Comment

*Comment l'Empereur Hadrian a defendu par un edict publié en faueur des Chrestiens,  
que lon ne fist aucune poursuyte ny punition d'eux, sans auoir ouy leur  
defense & examiné meurement leur procès.*

*Chap. X X V I I.*



Justin, homme tressage & bon Chrestien, nous a laissé par escrit que l'empereur Hadrian receut des lettres de Serene Granian, adressees à sa maiesté : par lesquelles il luy donnoit aduertissement, que c'estoit chose fort inique & contre toute raison, que les Chrestiens fussent mis entre les mains du peuple, au premier tumulte & cry d'iceluy, pour l'en laisser faire à son plaisir : que c'estoit contre tout droit, que sans aucune iuste ouerture ny occasion, & sans les auoir premierement ouyz en leurs iustificacions, ils estoient cruellement mis à mort. Parquoy l'Empereur despescha vnes lettres patêtes qu'il adressa à Minuce Fundan, Proconsul & gouverneur du pais d'Asie : par lesquelles il defendoit que désormais aucun ne fust liuré à mort sans préallabe accusatiō, qui fut trouuee iuste, legitime & vaillable. Ces lettres patêtes sont mises par escrit de mot en mot en vn des liures de Iustin, apres que premierement il a dit ce qui s'ensuit, par maniere de preface : Nous pouuons bien vous demander telle chose, en ensuyuant les lettres patentes du tresgrand & encor plus renommé Empereur Cesar Hadrian, vostre pere, qui a ordonné les iugemens & sentences estre données en la forme & maniere que nous l'auions supplié estre gardee par nostre requeste à luy presentee : & ce, nō tāt pource que tel est le mādement de l'Empereur Hadrian, que pour raison que nous scauons tresbien nostre demande estre iuste & conforme à l'equite. Or auons nous mis icy le double des lettres Royaux de l'Empereur, afin que vous congnoissiez qu'en cest endroit aussi nous mettons tout nostre appuy sur le fōdement de verité. Ces lettres traduites du Latin en langue François, contiennent ce qui s'ensuit : Hadrian Cesar Empereur, à Minuce Fundan, salut. Nous auons receu des lettres de la part de Syrene Granian, homme tres-noble, duquel estes successeur au gouvernement de la province ; qu'auiez de present en charge. Suyuant l'aduertissement qu'il nous a fait par icelles, & le tout bien considéré il nous semble que le principal soing que deuous auoir en l'administration de la iustice, est, que ceux qui ont le maniment d'icelle, se doiuent donner soigneusement garde, que les hommes innocens ne soyent point opprimez ny foulez : & qu'on ne donne point occasion aux calomniateurs de leur courir sus à tous propos, à tort & sans cause. A ceste raison nous voulōs & ordōnons, que si ceux de vostre gouvernement & prouince peuent prouuer en iugement, avec conduite legitime & bonne suite de procès, ce qu'ils mettent en auant à l'encōtre des Chrestiens, pour les persecuter & leur nuire : qu'ils suyuent cy apres ceste seule voye de proceder, & que désormais on ne s'arreste plus aux seules demandes & crieries d'une populasse, pour icelles ouyes, condamner celuy, contre lequel l'esmotion sera faite. Car en premier lieu, c'est chose bien raisonnable, si quelqu'un s'ingere d'accuser vn autre, que vous entendiez & cōgnoissiez & au vray, le fond de la matiere. Parquoy si quelqu'un accuse les Chrestiens & prouue suffisamment qu'ils ayent fait quelque chose contre les ordonnances & loix, nous voulons, & vous enioignons expressement, que pour la qualite du delict vous en donniez tel iugement & arrest que de raison. Et s'il est trouué que quelque personnage ait mis sus aucun crime à vn autre par calomnie seulement, sans le pouuoir prouuer aucunement : nous vous ordonnons, & nous plaist, que le faulx accusateur selon la grauité du mesfait, soit par vous puny en toutes sortes, & de mesme punition, qu'eust enduré l'accuse, s'il y eust eu preuue suffisante contre luy. Telles furent les lettres patentes en forme d'edict, enuoyees par l'Empereur Hadrian au gouverneur d'Asie, en faueur de nos Chrestiens.

*Lettres Roy-  
aux de  
l'Empereur  
Hadrian, en  
faueur des  
Chrestiens.*

*De l'Empereur Antonin, successeur de Hadrian : & comment il escriuit à ses gou-  
uerneurs & lieutenans au pais d'Asie, pour defendre & faire  
cesser la persecution des Chrestiens.*

*Chap. X X V I I I.*



Après que Hadrian, ayant gouverné l'Empire Romain par l'espace de vingt & vn ans, fut decédé, Antonin Pie luy succeda : auquel, & au Senat Romain aussi, Iustin adressa l'Apologie qu'il auoit escrite pour la tuitiō de la foy Chrestienne. Par les escrits d'iceluy, l'Empereur esmeu (avec ce que plusieurs des freres Chrestiens, qui estoient tourmentez par les gens du pais, avec iniures & paroles outrageuses, luy auoyent fait complainte des torts qu'on leur faisoit) despescha les lettres patentes aux peuples de l'Asie, lesquelles il m'a semblé bon mettre en la presente histoire. La

*Lettres pa-  
trées d'An-  
tonin pie  
Empereur,  
pour les  
Chrestiens.*

teneur d'icelles estoit telle : L'Empereur & Cesar Marc Aurele Antonin Auguste , Armenie, grand Pontife & Sacrificateur , ayant puissance de Tribun , XV. & Consul pour la troisieme fois , aux peuples d'Asie , salut. Je sçay tres bien que les Dieux ont aussi le soucy & soing , & donnent ordre que telle gens ne soyent couverts & cachez. Car beaucoup plustost ils se vengeront de ceux , qui ne leur veulent pas faire sacrifice , que vous ne sçaurez pas faire , vous qui faites des tumultes à l'encontre d'eux : confermaus par ce moyen l'opinion , qu'ils ont conceue de vous , à sçauoir que vous estes atheistes , & gens qui tenez ne point de Dieux. Or il leur est beaucoup meilleur mourir plus tost pour leur Dieu , que de rester en vie , lors qu'ils semblent estre accusez & repris : Car par ce moyen ils demeurent vainqueurs , met- tans plustost en danger leur vies , que d'estre induits par vos persuasions à faire selon vostre vouloir. Quant aux tremblemens de terre qui sont ia aduenuz , ou qui aduennent encor de present , il ne sera pas hors de propos de vous donner aduertissement ( puisque pour ceste cau- se vous avez perdu courage , & estes quasi entrez en des-espoir ) que vous communiquiez & conferiez vos affaires avec les affaires d'iceux. Il est vray que leurs esprits sont plus librement & de meilleur cœur addonnez à Dieu. Quant à vous , on voit bien que pour ce temps auquel il semble qu'ignoriez leurs causes , vous ne tenez conte ny de Dieu , ny de toutes vos autres af- faires : & n'avez autre soing sinon de donner empeschement aux Chrestiens , à celle fin qu'ils n'ayens pas le moyen ny loisir d'adorer le Dieu immortel , auquel ils sont seruite : & pour ceste cause les poursuyuez iusques à la mort. Quant au reste , il y a eu plusieurs gouverneurs de pro- uinces , qui ont escrit à nostre feu Seigneur & pere , touchant le fait des Chrestiens : Ausquels il manda pour response , qu'il n'entendoit pas qu'on leur feist aucune facherie , si ce n'estoit qu'ils fussent conuaincu d'auoir attenté & voulu faire aucune chose à l'encôtre de l'Empire Romain. Plusieurs aussi nous en ont escrit des lettres : ausquels nous auons respondu conformement à ce que nostre feu sieur & pere (lequel nous a semblé bon d'imiter & ensuyure en cest endroi) auoit aduisé & ordonné. Que s'il y a aucū qui ne desiste , ains perseuere de dōner del'affaire à au- cun Chrestien , seulement pource qu'il est tel : l'accusé sera absouls de crime , bien qu'il soit con- uaincu estre Chrestien : & l'accusateur endurera griesue punition. La lecture de ces lettres fut faite en la ville d'Ephese , en vne assemblee publique de la nation d'Asie. Voila ce que l'Empe- reur Antonin ordonna pareillement en faueur des bons Chrestiens.

*Les infide-  
les atri-  
buer cou-  
sumiere-  
ment aux  
Chrestiens  
les choses  
aduenantes  
par fatale  
destinee.*

*De saint Eustache , qui aussi se nommoit Placide : Et saint Eleuthere , Euesque  
d'Illyrie. Chap. X X I X.*

*Martyre de  
S. Eustache.*



R auant que telles lettres fussent publiees , on dit que plusieurs Chre- stiens defendirent vaillamment & iusques à la mort , la foy en Iesus Christ : l'un desquels se nommoit Eustache , tres-renommé pour la victoire qu'il eut des ennemis & infideles en souffrant martyre. Il estoit hōme de grād lignage & tres-puissant en biens , qui autrement estoit appelle Placide , & administroit l'office de Preteur , sous l'Empereur Traian. Or combié qu'il fust esleué en grande dignité & honneur , encor eut il cest auanta- d'estre finalement honoré de la vocation celeste , & escrit au liure de vie , où sont les esleuz denombrez : car ainsi qu'il estoit à la chasse en vn lieu solitaire , le Seigneur Iesus-Christ assis entre les cornes d'un cerf qu'il poursuyuoit , s'apparut à luy & le tira à foy par le conseil de la prouidence diuine & secreta sagesse , luy predisant pro- phetiquement ce qu'il luy deuoir aduenir. Parquoy il se donna à Dieu , se mettant en la sau- ugarde d'iceluy , avec toute sa famille , par le moyen du baptesme , que luy & tous ses gens receu- rent. Or estant cōgneu tel , par quelques espions & surueillans , il fut chassé & despoillé de tous ses estats & richesses : tellement qu'estant desnue de ses dignitez & honneurs , il fut long temps sans oser venir veoir , ny femme ny enfans qu'il eust. Et par ce moyen estant accoustumé & duit à porter patiemment toutes calamitez & miseres , tout ainsi qu'un autre Iob : puis apres , cōme luy , par la disposition & ordonnance de nostre Sauueur , il fut remis en ses estats , richesses & hō- neurs , luy , sa femme , & ses enfans , Agapie & Theopiste. Toutefois ayant gaigné sur les enne- mis plusieurs victoires l'une apres l'autre , tellement qu'il estoit grandement craint & redouté d'eux : estant à Rome pres de la personne de l'Empereur Hadrian , & ayant esté interrogué de plusieurs choses , entre autres il refusa de sacrifier aux diables , que les Romains adoroient comme Dieux. Qui fut cause , que lon l'enferma en vn grand taureau d'airain , rougy à force de feu , avec sa femme & ses enfans : où finalement ils trespasserent tous : combien que toutefois ayans endure tel martyre , il n'y eut pas vn seul poil consumé du feu , & ne furent aucunement atteints de brulure.

*Martyre de  
S. Eleuthe-  
re.*

En mesme temps y auoit au pais d'Illyrie vn ieune homme , renommé pour sa grande ver- tu , qui s'appelloit Eleuthere. Il estoit natif de la ville de Rome , d'une mere nommee Anthie , laquelle on dit auoir esté conuertie & reduite à la profession Chrestienne , par les predications du



du grand Apostre saint Paul. Or fit elle son fils heritier & de ses biens & de sa religion aussi, le donnant en charge au Pontife & Pape de Rome, qui pour lors estoit nommé Anicete: lequel l'endoctrina si bien es saintes lettres, qu'en peu de temps il fut mis & receu au nombre du clergé, tellement qu'en l'age de quinze ans il fut diacre, & trois ans apres sacré prestre. D'auantage n'ayât encor que vingt ans, on l'esleut Euesque d'Illyrie, à raison de la bone vie qu'il auoit menée en toute sainteté, faisant plusieurs signes & miracles. Mais apres auoir cōuertý plusieurs personnes à la foy Chrestienne, il fut appellé pour se trouuer deuant l'Empereur Hadrian: en la presence duquel il se monstre ferme & constant en la defense de sa religion, tellement que (pour le faire renouer à icelle) il fut mis premierement sur vn liç de fer ardent & rouge: puis ietté dans vne chaudiere pleine de sein doux & huille bouillante, & apres posé sur vn foyer garny de braise ardante. Ces tourmens ne furent suffisans pour le faire mourir: & pour ceste cause on fit chauffer vne fournaise tant qu'il fut possible, dans laquelle on le ietta, aprs que Cerabores ouurier d'icelle fournaise fut consumé & bruslé dedans, pour autāt qu'il s'estoit tourné à la foy Chrestienne. Puis apres Eleutherius estant tiré de prison fut attaché aux queues de plusieurs cheuaux mal dóptez, pour le mettre en pieces, estāt tiré d'un costé & d'autre. Mais par la puissance diuine les cordes se desliérēt, tellement qu'il eschappa, & monta sur vne montagne, où il demeura quelque tēps avec les bestes, lesquelles il appruiuoit. Il ne laissoit toutefois à publier les commandemens de Dieu, de sorte qu'il en induit cinq cens à receuoir le baptesme. Mais estant de rechef mené à l'Empereur, par le commandement d'iceluy, il fut présenté & exposé aux bestes sauuages: desquelles estāt deliuré, deux soldats se ruerent sur luy, & le mirēt à mort. Encor sa mere se trouuant à l'entour de luy lors qu'on le saccageoit, receut mesme fin de sa vie que son fils, endurans tous deux martyre en tesmoignage de leur bonne foy en Iesus-Christ.

*Eleuthere auāt l'age requis, fut fait clerc, diacre, prestre & Euesque, pour cause de sa grande vertu pieté & sainteté. Autres le nomment Corebore.*

*De Polycarpe successeur des Apostres.*

*Chap. X X X.*



Nicete auoit encor le gouuernement de l'Eglise Romaine, quand Polycarpe (ainsi qu'Irenee le raconte) vint à Rome, pour entēdre la diffinitive d'une question qui auoit esté meue touchant le Pasque ou Passage: & estant là, deuiſa familièrement avec Anicete. Encor dit Irenee plusieurs autres choses de Polycarpe, lesquelles il me semble estre bō d'adiouster icy à ceste œuvre. Au troisieme liure contre les heresies, chapitre troisieme, il tient ces propos de luy. Or Polycarpe non seulement fut institué & enseigné par les Apostres, & passa vne bone partie de son aage avec plusieurs de ceux qui de leurs yeux auoyent veu nostre Seigneur: mais encor les Apostres mesmes l'ordonnerent Euesque & Prelat de l'Eglise de Smyrne en Asie. Iel'ay aussi veu en mon ieune aage: car il a vescu longuemēt, & estant plein d'ans & de viellesse, il endura la mort tresconstāment & avec grāde patience & louange, en tesmoignage de la foy Chrestienne, & deceda martyr de ceste vie: ayant tousiours monstré & enseigné ce qu'il auoit appris des Apostres, & ce que l'Eglise entend estre tenu: qui est la seule verité. Tesmoins en sont toutes les Eglises d'Asie, & ceux qui iusques au iourd'huy ont succédé à Polycarpe, & tenu sa place affermeront qu'on luy doit mieux adiouster foy, & qu'il a porté plus certain & asseuré tesmoignage de verité, que ny Valentin, ny Marcion, ny tous les autres auteurs de faulſes & meschantes opinions. Or estant Polycarpe venu à Rome du temps du Pontife Anicete, il persuada plusieurs des heretiques, de se retourner à l'Eglise de Dieu, les asseurant par ses prediciōs qu'il auoit appris & retenu des Apostres mesmes, ceste seule & vnique verité que l'Eglise enseignoit. Encor y a il des personnages pleins de vie, qui luy ont ouy faire le conte, que le saint disciple & Apostre de Dieu, Iean, s'allant vne fois lauer aux bains de la ville d'Ephese, & aduisant par cas fortuit l'heretique Cerinthe, qui estoit aux estuues mesmes où il se vouloit estuier, s'en retourna soudain sans se baigner, & dit aux gens de sa compagnie: Fuyons nous en, ie vous prie, de crainte que les bains, dans lesquels Cerinthe, ennemy de la verité, se laue, ne viennent à terre & tombent sur nous. Quand aussi l'heretique Marcion se presenta quelque fois deuant Polycarpe, & luy dist: Cogneoy nous. Polycarpe luy respondit, disant: Je te congnoy assez, & ſçay bien que tu es le fils aîné de Sathan. Cela nous donne à entendre que les Apostres de nostre Seigneur, & leurs disciples estoýēt si fermes en leur religion Chrestienne, & auoyent telle peur d'en estre diuertiz, qu'ils ne vouloyent par seulement tenir aucun propos avec quel qu'un de ceux qui falsifioyent & deprauoyent la verité, mais aussi desdaignoyent de se trouuer avec eux, & mesme de les regarder. Comme aussi dit le saint Apostre Paul: Euite l'homme heretique, apres la premiere & seconde admonition: ſçachant que celuy, qui est tel, est subuertý & qu'il peche, estant condamné par son propre iugement. Or y a il vne epistre fort longue, que Polycarpe a écrite, & enuoyee aux Philippiens: de laquelle ceux qui voudront & qui auront soing de leur salut, pourront apprendre tous ensemble & la grandeur de sa foy, pour leur seruir de patrōn ou exemple & la doctrine de verité, pour y adresser le but de leur vocation. Tels

*Polycarpe alla à Rome visiter Anicete.*

*Excellēt tesmoignage d'Irenee parlant de Polycarpe.*

*Les bons Chrestiens ne veulent auoir aucun accointāce ny communication avec les heretiques.*

*A Tite 3. chap. c.*

sont les propos qu'Irenee tient de Polycarpe: lequel vsc en son epistre ( de laquelle i'ay parlé presentemēt) de plusieurs tesmoignages prins & extraicts de la premiere epistre catholique de sainct Pierre.

*De la succession des Empereurs de ce temps là, & de leurs faits.*

*Chap. X X X I.*

*Quelques  
actes d'An-  
tonin Pie.*

*Loy des  
testamens  
des sena-  
teurs.*



Antonin Pie gouverna l'Empire vingt & trois ans durans, & quand il vint à mourir le laissa à son fils Marc Elie (qui aussi estoit surnomé Antonin) & à son frere Luce. Le mesme <sup>a</sup> Antonin Pie fit bastir des bains & estuues, avec plusieurs autres edifices publics en la ville d'Alexâdrie, Antioche & autres plusieurs villes renom mées: mesme qu'en la ville de Rome il fit faire vn grand cōduict & fort long pour mener l'eau dehors. Encor il abolist la loy ancienne de Caic Iule Cēsār, par laquelle il n'estoit loisible à aucun des Senateurs de tester de ses biens, s'il ne laissoit la moitié d'iceux au Prince & Empereur qui seroit pour lors. Car par vne sien- ne constitution & ordonnance, il donna puissance & autorité libre à tous hommes de l'ordre des Senateurs, de disposer de leurs richesses à leur plaisir. Marc Elie son fils, pareillement fit vne loy iuste & raisonnable, par laquelle il ordonna que les fils succedassent aux biens & heritages de leur pere & mere, encor qu'il fussent decedez sans faire testamēt. Il fit encor vn autre edict, que le fils, duquel n'auroit esté fait mention au testamēt de ses pere & mere (enuers lequel ne seroit fait deuoir tel qu'il appartient de pere à fils) receuroit la quarte partie de l'heritage paternel. Or <sup>b</sup> Luce ne vesquit pas d'auātage de douze ans en l'Empire, lequel il laissa à Antonin le philoso- phe, qui en eut le gouvernement enuiron huiēt ans durans: & <sup>c</sup> deceda en la ville de Vendobone, estant aagé de soixante & vn ans complets, ou enuiron. Du temps de leurs Empires, plu- sieurs poētes excellens florirent au pais de Grece: beaucoup d'orateurs aussi & medecins furēt en bruit: bref, il y eut de leur temps plusieurs personages bien experts & doctes en tou- te sorte de philosophie: entre lesquels fut vn Hermogenes, grand rhetoricien, vn Aristides fort bon orateur, vn Galien medecin, Oppian poēte, Apollone Alexâdrin & son fils Herodian, au- theurs en l'art de Grammaire: bref plusieurs autres lesquels il seroit trop long de racōter pour le present. Or fault il sçauoir & entendre que Marc Antonin <sup>d</sup> laissa à son fils le liure de l'in- struction & enseignement d'un Empereur, traitant cōme vn prince doit estre institué & nour- ry en toutes vertus: lequel liure estoit plein de toutes sortes de disciplines, & enrichy d'une infinité d'exemples prophanes. Au reste, non seulement pour lors il y eut de grands & excellēs personages entre les Grecs, mais aussi en nostre profession Chrestienne plusieurs doctes hom- mes eurent le bruit: desquels ie parleray cy apres, en poursuyuant mon histoire.

<sup>a</sup> Antonin Pie) *Tite Aurille Antonin Pie, gēdre de Hadriā, fut adopté & prins pour fils par iceluy: Cō- me aussi le mesme Pie adopta son gēdre Marc Antonin. Quāt à Luce Annie Antonin, il estoit neueu d' Anto- nin Pie. Marc, Antonin, appelé le philosophe, affecia avec soy en l'Empire Luce Annie Antonin Vere. Et alors premierement la republique Romaine fut assuiettie & obeit à deux Empereurs, ayans ensemble pareille puis- sance: bien qu'au parauāt ils n'eussent iamais eu qu'un Empereur Auguste à la fois. Or par le cōmandement de Hadrian, Antonin Pie adopta & tint pour fils l'un & l'autre.*

<sup>b</sup> Luce ne vesquit ) *Luce Vere mourut d'apoplexie, estant assis avec son frere dans une coche, sur le chemin qui est entre Altin (ville situce sur le bord de la mer de Venise) & Concorde.*

<sup>c</sup> deceda en la ville de Vendobone ) *Marc le philosophe, deceda au pais de Hongrie ou Pannonie, près d'une ville nommee Vendobone, que quelques uns disent estre Vienne.*

<sup>d</sup> laissa à son fils ) *Cest Empereur Marc Antonin print grand soing & diligence à bien nourrir & instrui- re cest enfant, appellans de tous costez & faisant venir les hommes plus renommez en sçauoir, qui se pouuoient trouuer, & leur donnant grands gages, afin que chacun en son endroit prinst peine de bien dui- re son esprit à toutes bonnes mœurs. Herodian.*

*Comment le philosophe Iustin mourut martyr pour le nom de Iesu Christ, apres auoir virilement defendu la religion Chrestienne, sans par ses escrits, que de vive voix, & bonnes œuures.*

*Chap. X X X I I.*



N ce mesme temps Iustin (duquel cy deuant i'ay desia parlé) estoit en grand bruit: le- quel finalement fut orné de la courōne de martyr, apres auoir aussi présenté aux prin- ces dessusdits vne autre Apologie & defense de nostre foy Chrestienne, & soustenu la reli-

religion catholique & professiō des fideles contre les Grecs & Iuifs, ennemis & oppugnateurs d'icelle, leur faisant visage & tenant barbe en toutes sortes de disputes : tellement que par ses haranges excellentes, & braues oraisons, il appaisa le caquer vain & trop grande bauerie des heretiques, ausquels il fit congnoistre le peu de sens & vaine folie qui estoit en leurs esprits : defendant nostre foy avec viues raisons & fermes comme vn rocher, & monstrant abondamment la verité & certitude. Vn certain philosophe, nommé Crescens ( Epicurien & Cynique totalemēt, quant à ses mœurs & façon de viure ) estoit celuy, quiluy dressoit embusches & qui luy a brassé la mort : Car iceluy se voyant plusieurs fois conuaincu par Iustin, tant en deuissant familièrement, qu'en disputes, de ce qu'il faisoit beaucoup de choses contredroit & raison, & blasmoit faullement avec paroles outrageuses la profession que nous tenons, il fallia d'aucuns meschans, qui auoyent estats & offices en la republique : & poursuyuit tellement son dessein, par le moyen de ses officiers & autres ( avec lesquels ils auoit fait complot, au preiudice de Iustin ) qu'il fit endurer plusieurs tourmens, & finalement oster la teste de dessus les epaules à celuy, qui ne demandoit autre chose que de suyure entierement la vraye sapience : lequel passa par ce moyen à Iesus Christ, comme tant il desiroit. Or en la derniere defense, de laquelle i'ay parlé, il a preueu & diuiné ce qu'ils deuoit souffrir : car il dit en ceste sorte, Je vous assure, que i'attens des embusches & bastonades de quelqu'un qui sera d'autorité & renom : mesme que ie me puis bien tenir seur, que cest insensé & fol Crescens ( qui est plus grand amateur d'orgueil & arrogāce, que de sagesse ) me brassera quelque mauuais broüet. Il est bien vray, qu'il ne merite point, ny n'est pas digne d'estre appellé Philosophe & studieux de sapience, parce qu'il afferme publiquement des choses qu'il ignore, disant que les Chrestiens sont meschans, atheistes, & ne tenans totalement aucun Dieu. Ce qu'il fait afin d'auoir la grace & faueur de ceux qu'il a abusez & conduicts en cest erreur. S'il blâme & reprend la doctrine de Iesus-Christ, laquelle il n'a pas gousté, il est meschant par dessus tous autres, & pire beaucoup que les idiots & indoctes qui souuent ne desistent de parler ou tesmoigner faullement des choses qu'ils ignorent. Mais s'il a esté instruit en la profession Chrestienne, où il n'a pas eu l'intelligence de sa grandeur : ou bien, s'il l'a entendue, il nous blâme & reprend à tort & sans cause, afin d'euer par ce moyen le soupçon d'estre Chrestien. Parquoy d'autant est il encor plus outrageux & importun, comme n'ayant rien de bon ny honneste en son esprit, tenant vne sorte opinion, & contraire à la verité, & encor estant asseruy à vne villaine crainte. Voylà ce que Iustin en a dit. Tatian aussi, homme tresexcellent ( lequel a passé son ieune aage à enseigner les disciplines des Grecs, enquoy il sest acquis grande louange, & aussi nous a laissé par escrit plusieurs choses dignes de memoire ) donne assez suffisant tesmoignage que Iustin a esté pourluyuy iusques à la mort ( suyuant ce qu'il en auoit predict ) par Crescens, qui fut autheur de la coniuuration faite contre luy. Tatian donc, en vne sienne oraison aux Grecs, escrit ainsi : Et Iustin ( homme digne, que tout le monde l'ait en admiration ) non sans cause a dit publiquement à haulte voix, que ceux, desquels nous auons parlé, estoyēt fort semblables à volleurs & brigans. Puis apres auoir exposé quelque chose des philosophes, il dit d'auantage.

Crescens donc, ayant hanté la ville dès sa ieunesse, estoit le plus actif de tous, quant à la pourfuite des ieunes enfans, pour en abuser à son plaisir : il estoit aussi fort addonné à l'auarice. Or luy qui donnoit à entendre aux autres, qu'il ne falloir craindre la mort, suadant à tous le mespris d'icelle : c'estoit la personne de ce monde, qui craignoit le plus de mourir : tellemēt qu'il brassa la mort à Iustin, comme si c'eust esté quelque grand mal : par ce que preschant la verité, il reprenoit les philosophes, & les disoit n'estre que gourmans, happeloppins & affronteurs. Et voylà ce qui fut cause de faire mourir Iustin, martyr.

*Martyr du philosophe Iustin.*

*Iustin a preueu & pre dit son martyr.*

*Crescens philosophe Cynique, fut cause de faire mourir Iustin.*

*De quelques autres martyrs, desquels Iustin fait mention en un sien petit liure.*

*Chap. XXXIII.*



Le mesme Iustin en son Apologie fait mention de quelques autres martyrs, qui ont esté deuāt luy : & encor s'accōmodant tres-bien à la matiere de l'argument proposé, il adioute qu'une ieune femme forte & legiere pour s'estre temerairement accoustumee à choses mauuaises, fut conioincte par mariage à vn homme luxurieux & paillard, comme elle estoit putain. Or aduint que ie ne sçay par quel moyen ny comment, elle fut instruite en la profession mystique de Iesus-Christ, & l'apprint si biē, que laissant sa premiere façon de viure, addōnee à toutes lubricitez, elle embrassa de tout son cœur la vie moderee & continente : à laquelle aussi elle vouloit induire son mary, & s'efforçoit à luy suader de laisser ses meschantes mœurs : luy remonstrant que le feu eternal est preparé pour les personnes impudiques & addōnees à volupté : & encor mettant deuant ses yeux, de fois à autre, les promesses des biens prouenans de la felicité que Dieu a preparez à ceux qui l'aiment & gardent ses commandemens. Et par ce

*Vne femme impudique ayant un mary meschant, incōtinēt qu'elle fut cōuertie à la foy chrestienne, voyant que son mary ne se vouloit reduire à la*

*bonne voye  
le laissa la  
& quitta  
du tout sāt  
sa premiere  
meschāceté,  
que son mary  
addonné  
toutes vo-  
luptez.*

que la femme par ses belles paroles, & avec les propos que souvent elle luy tenoit, ne gaignoit rien à l'endroit de son mary, qui demouroit obstiné & arresté en sa mauuaise effrontee: les meschantes mœurs d'iceluy furent cause de l'aliener & faire separer de sa compagnie. Car iugeant n'estre raisonnable, ains contreuvenir à sa religion de viure & hanter desormais avec vn tel mary, qui contre les loix de nature suyuoit en toutes sortes ses voluptez & plaisirs, pour satisfaire à l'appetit desordonné de sa paillardise, elle delibera de se retirer d'avec luy, par separation de corps & de biens: Toutefois par ce que ses parens & amis par leur autorité, la destournerent de sa beliberation, luy donnans esperance qu'un iour viendroit que son mary changeroit sa vie mauuaise en vne meilleure: elle fut contraincte de s'arrester encores, & demeurer avec luy. Or aduint qu'il fit vn voyage iusques en la ville d'Alexandrie, durant lequel le bruit courut qu'il ne s'estoit pas amendé en façons de faire, mais (au contraire) fort empiré. Qui fut cause que la femme, craignant estre pollue de son impieté, & estre de rechef par luy induite à mal, si de là en auant elle ne faisoit qu'un liēt & vne table avec vn si meschant mary, le repudia, & se separa de luy. Au surplus, combien qu'il se deuoit grandement resiouir à raison de sa femme, qui auoit quitté sa premiere façon de viure, & donné congé à toute yurongnerie & paillardise, bref, (pour comprēdre tout en vn mot) auoit dit à Dieu à toute meschanceté & dissolution, ne s'abandonnant plus pour vn peu de gain ord & sale, ny à valets, ny à autres bordeliers & ribaulds, ny ne se veautrant plus en la fange de toutes sortes de paillardises: veu encor qu'elle s'estoit par plusieurs fois donnee peine de luy persuader & mettre en teste de suyure meilleure voye: tant s'en fault qu'il s'en soit resiouy que (soudain apres le depart de sa femme) il presenta vne requeste à l'Empereur, par laquelle il l'accusoit estre Chrestienne, requerant que la punition en fust faite telle que de raison. La femme estant adiournee à comparoir deuant l'Empereur, luy fit presenter vne requeste, demandant qu'il luy fust permis de donner ordre premierement aux affaires de son mesnage, & puis elle respondroit à l'accusation qu'on auoit dressée contre elle. Ayant impetré le contenu de sa requeste, le mary desista de son accusation, laquelle il mit à neant & laissa de poursuyure sa femme: mais il s'adressa à faire poursuite à l'encontre d'un certain personnage, homme de bien, nommé Ptolemee, qui l'auoit instruite & endoctrinée en la profession de vraye pieté. Or il le surprit si finement qu'il le fit emprisonner & mettre les fers aux pieds: Car il practiqua vn centenier qui estoit son amy, & fait à sa poste, l'instruisant que apres auoir mis la main sur le collet de Ptolemee, il ne luy falloit demander autre chose, sinon s'il n'estoit pas Chrestien. Ce galand de mary le congnoissoit estre tellement amateur de verité & haineux de toute fraude & menterie, qu'à ceste seule interrogation, soudain il se confessoit estre Chrestien. Estant donc Ptolemee mis en prison par vn long temps, il endure plusieurs tourmens, & fut griefuement genné du Centenier: lequel finalement l'amena deuant le gouuerneur Urbicie, où il fut interrogé & diligēment examiné touchant la religion. Et par ce que plusieurs annees il auoit suiuy & tenu la doctrine de Iesus-Christ, dont il ne sentoit point sa conscience chargée d'aucune offence, il confessa librement que sa profession n'estoit autre que de la diuine puissance, & qu'il vouloit viure & mourir Chrestien. Car celuy qui nie sa religion & foy, le fait, ou par ce qu'il n'est pas bieu assuré en icelle, & la condamne aucunement, ou bien il n'ose faire profession d'une doctrine de laquelle il se sent estre indigne & aliéné, tant elle est grande & excellente. Or quelque chose qu'il en soit, ny l'un ny l'autre ne se ressent aucunement du vray Chrestien. Urbicie donc, veu la confession de Ptolemee, le commanda estre mené au supplice & mis à mort. Vn certain personnage, nommé Lucie, Chrestien aussi de religion, estoit present quand la sentence fut donnée: qui n'approuuant pas, ains condannāt le iugement inique du gouuerneur, luy tint ces propos avec vn peu de cholere: Mais quelle raison ou loy y a il en ce-cy? Ce personnage qu'avez presentement condamné, est il conuaincu d'auoir commis quelque meschanceté ou infame malefice? Estes vous esmeu à luy faire souffrir punition & sans cause, pour ce seulement qu'il se resiouyt au nom de Chrestien, auquel il se glorifie? Cela ne sied pas bien au regne d'un Empereur pitoyable, portant le nom de Pie: & n'est point seant à l'Empire de son fils, portant le nom de Philosophe. Seigneur Urbicie, vous ne iugez pas comme il appartient, ny comme la sacre Cour de Parlement & Senat Romain entend. Or le gouuerneur ne respondit autre chose à Lucie, sinon qu'il prenoit coniecture touchant ses propos, que luy (qui ne s'estoit pas déclaré encor iusques à la, ains auoit tenu son fait secret) sembloit estre Chrestien aussi bien que Ptolemee. Ce qu'il afferma & confessa franchement, sans aucune crainte: parquoy il le condamna pareillement à souffrir mort: dont Lucie se remercia tres-affectueusement, s'estimant estre bien tenu à luy, par ce que par son moyen il estoit deliuré de mauuais Seigneurs, & alloit à Dieu son pere, Roy tres-bon & misericordieux. Ce ne fut pas assez, car encor y en eut vn qui se vint ioindre à eux: contre lequel fut aussi donné arrest de mort. Apres que Iustin a raconté ceste histoire, il met les propos que i'ay cy deuant alleguez de luy: le vous assure que

*Martyre de  
Ptolemee  
& Lucie.*

*Sentence  
notable.*

*Liberté  
Chrestienne.*

*Chap. 23. de  
ce liure.*

Or a Iustin escrit plusieurs liures, enrichiz & pleins de sçauoir excellent & diuine sapience: comme homme (tel qu'il estoit) tres-bien instruit en la doctrine celeste: desquels escrits ie me de-

libere

libere tenir propos au liure prochainement suyuant.

*De quelques autres martyrs, qui ont porté patiemment la mort pour nostre Seigneur, en Asie. CHAP. XXXIIII.*



Rest il certain, que plusieurs autres gens de bien ont souffert martyre en Asie, auant que l'Empereur Marc Aurele Antonin, emeu par les Apologies & liures à luy presentez par Iustin & autres Chrestiens, eut fait cesser la poursuite de ceux qui adoroient Iesus Christ, au moyen d'vnes lettres patentes despeschees & enuoyees aux peuples d'Asie, desquelles auons cy deuant mis le contenu. Et en ce mesme temps, durant les emotions sedicieuses & grands tumultes de l'Asie, Polycarpe, sectateur familier & disciple des Apostres, mourut martyr: lequel fut Euesque de l'Eglise de Smyrne, apres vn personnage, nommé Bucole, homme de grande entreprinse & heureuse execution en choses admirables. Le martyre d'iceluy se trouue encor pour le iourd'huy raconté bien au long en vn escrit, lequel enuoyé au nom de l'Eglise de Smyrne (laquelle il a gouuerné) aux Eglises de Pont, declare apertement les derniers faits de sa vie. Or m'a il semblé bon, d'en alleguer quelque passage, & l'insérer à mō histoire. Il y a donc ainsi: L'Eglise de Dieu, qui est en la ville & Euesché de Smyrne, supplie la bonté diuine, que la misericorde, paix & charité de Dieu le pere, & nostre Seigneur Iesus Christ, soit multipliee à l'Eglise de Dieu qui est aupres de Philomelic, & à tout le voisinage des autres Eglises saintes & catholiques, quelque part où elles soient. Freres, nous vous auons escrit touchant les martyrs, & aussi du bien heureux saint Polycarpe, lequel par son martyre, a donné fin à la poursuite qu'on faisoit contre luy, & moderé la persecution des infideles, comme s'il eust signé & imprimé son cachet à la profession de nostre foy. Puis ils commencent leur epistre par le discours de la mort de plusieurs martyrs, qui ont esté deuant Polycarpe: desquels ils admirent les combats singuliers, soustenuz pour la defense de leur religion: dont ils furent les spectateurs avec toute admiration. Aucuns d'entre eux ont esté tellement batuz de verges, fouets, courgees, & estruieres, iusques à descouurir les veines interieures & arteres, qu'on pouuoit veoir dedans le creux les membres secrets & cachez, mesme les boyaux & entrailles. Pour d'autres on semoit & pauoit la terre de dures & raboreuses coquilles de poissons & de fers fort aigus, sur lesquels ils estoient couchez tous nuz, & trainez puis ça, puis là. Et apres les auoir affligez de plusieurs peines & tourmés de toutes sortes, en fin on les presentoit pour seruir de viande aux bestes sauuages, les vns viuans encor, les autres morts, pour estre enseueliz dans leurs ventres. Or en premier lieu Germanique est renommé sur tous autres, à raison de son martyre: lequel aidé de la grace diuine, vainquit toute crainte de mort, qui eust peu saisir son esprit à la poursuite du corps. Il est bien vray, que le Proconsul & gouverneur du pays eust bien voulu le retirer du nombre des autres martyrs, ayant opinion qu'il falloit auoir pitié de son aage florissant, & pardonner à la beauté excellente qui estoit en luy. Mais le ieune homme n'y voulut pas entendre: car sans auoir soucy de sauuer sa vie, d'un grand desir & courage par ses mains propres il attira à soy vne beste cruelle, n'estant content de l'irriter seulement & esmouuoir à l'encontre de soy, en luy faisant violence, à celle fin qu'il fust plus tost deliuré des mains des hommes meschans, qui le faisoient mourir. Or consumma il & mena son martyre à fin, si courageusement & constamment, par le moyen de la mort (qu'il endura pour la defense de la foy en Iesus Christ) qu'il n'y auoit homme en toute l'assemblée presente, qui ne s'en esmerueillast, avec vn esbahissement & estonnement de veoir la vertu de tous les Chrestiens estre si grande & admirable.

*Martyre de saint Polycarpe.*

*Epistre de l'Eglise de Smyrne aux Eglises de Pont.*

*Supplix des autres martyrs.*

*Germanique ieune homme, & martyr tresrenommé.*

*Du martyre & mort de Polycarpe, Euesque de la ville de Smyrne.*

*CHAP. XXXV.*



Herchoiét encor nos ennemis à faire mourir Polycarpe: Ce qu'estant venu à la cognoissance, il arresta en soy-mesme, qu'il ne bougeroit de la ville de Smyrne, & attendroit de pied coy ceux qui le deuoient emmener, bien deliberé de demeurer constant & ferme, & ne perdre vn seul brin de la force de son courage. Toutesfois il fut vaincu par l'importunité des prieres que les prestres de l'Eglise luy faisoient souuent & en grand nombre: de sorte que, pour leur complaire, il se retira en vne metairie non loing de la ville, où il demeura avec peu de compagnie, vaquant continuellement à ieusnes & oraisons, & priant Dieu pour la paix de toutes Eglises fideles & catholiques, estans au monde: ce qu'aussi il estoit coustumier de faire tousiours, & de iour, & de nuict, en quelque lieu où il se trouuast. Or trois iours auant qu'il fust prins, il veid de nuict vn songe, ou bien plus tost vne vision: car il luy estoit aduis, que

N

*Polycarpe* luy faisant ses prieres à Dieu, l'aureillier qu'il mettoit ordinairement sous sa teste, se print soudainement à brulser, & fut tout consumé de feu. Estant estonné de tel songe, il se leua, puis le raconta à ceux qui estoient avec luy : disant que pour certain il deuoit finir sa vie, & aller à Iesus Christ, par feu. Or on le cerchoit de toutes parts, pour le prendre, ce qu'entendans ceux de la compagnie, meuz d'entiere affection de ferme amour enuers luy, le menerent en vn autre logis aux champs, à fin de le faire eschapper : Mais ils ne sceurent donner tel ordre à le cacher, qu'il ne fust incontinent decelé, de sorte que ceux qui le poursuuiuoient, furent quasi aussi tost au logis que luy. Il estoit ia l'heure de vespres, & Polycarpe auoit monté au plus hault étage de la maison, d'où il eust peu facilement passer en vn autre logis contigu, & euter les embûches de ceux qui le cerchoient, s'il eust voulu. Mais il ne tint conte de se sauuer de leurs mains, & dist seulement ce mot : La volonté du Seigneur Dieu soit faicte. Parquoy en lieu de fuir, il descend à bas, & va au deuant d'eux avec vn visage ioyeux & riant : puis ayant parlé à eux doucement, sans s'estonner ny en contenance ny en paroles, & entendu leur charge & son office est commission, encor de gayeré de cuer il les inuita à soupper. Eux, qui estoient lassez & trauallez du long chemin qu'ils auoient fait, demurerent à soupper, comme s'ils eussent esté amis : où ils firent tresbonne chere, puis s'allerent coucher & reposer à leur aise. Mais luy, ayant osté toute crainte, comme celuy qui estoit plein de la grace de Dieu, passa la nuit en oraisons & prieres. Dont plusieurs de ceux qui l'escoutoient, furent tous esmerueillez & esbahiz : & doutans s'ils le deuoient laisser & luy faire voye, disoient entre eux, qu'ils se repentiroient & auroient regret, s'ils estoient auteurs & cause de la mort d'un si deuot & venerable vieillart. L'escrit de l'Eglise de Smyrne, de laquelle j'ay cy deuant parlé, dit de luy ce qui s'ensuit :

Après que finalement Polycarpe eut acheué ses prieres, esquelles il auoit tenu propos de tous ceux qui autrefois auoient vescu avec luy, tant grans personages & renommez, que de bas estat & incogneuz pour leur petitesse ou obscurité : & encor, ayant fait mention de toutes les Eglises Catholiques, estendues par tout le monde : quand l'heure de partir fut venue, ils le mirent sur le dos d'un asne, & l'amenerent à la ville au iour du grand Sabbath. Or l'Irenarche Herodes, & son pere Nicetes allerent soudainemēt au deuant : & l'ayans fait entrer en leur coche, & seoir auprès d'eux, l'aduertissoient & conseilloyent ainsi : Mais (ie vous prie) quel mal y aura il, si vous dictes : Seigneur Cesar : & si vous sacrifiez, & demeuriez sauué, par ce moyen, quel danger vous en aduiendra il ? A quoy premierement il ne fit point de response. Mais voyant qu'ils poursuuyuoient d'auantage à luy tenir tels propos : le ne feray pas (dist il) ce que me voulez mettre en teste. Alors ils le getterent avec violence de la coche à bas, parce qu'ils ne luy pouuoient persuader ce qu'ils vouloyent. De ceste cheute il fut fort bleissé en la iambe : ce nonobstant il ne s'esmeut ny changea aucunement pour toutes ces choses, ains passa outre, tirant au lieu où lon le menoit. Or ainsi qu'il y alloit, on dit qu'une voix du ciel fut ouye, luy disant : Polycarpe, sois constant, & te gouernes courageusement, ayant bon courage. Il est vray, que celuy qui proféra ces paroles, ne fut pas veu ny apperceu : mais plusieurs de noz gens Chrestiens, qui estoient en la compagnie, l'entendirent clairement. Or quand il fut venu deuant le lieutenant du Consul, il l'interrogea en premier lieu, si c'estoit il, qui se nommoit Polycarpe. L'ayant confessé, le lieutenant commença à l'enhorter doucement (comme s'il eust voulu faire quelque accord avec luy) qu'il deuoit auoir égard & consideration à son vieil aage : que ce seroit son meilleur de iurer par la puissance & biens de Cesar, & se retourner à luy : que par repentance il abolist & effaçast ce qu'il auoit fait au parauant, touchant la religion Chrestienne : bref, que ce seroit son profit de crier à haulte voix deuant tous, Qu'on depeche & punisse tous les mescreans atheistes, & contempteurs des Dieux. Mais comme il n'entenoit conte de tels aduertissemens & ne s'en esmouuoit aucunement : le Proconsul le vouloit contraindre à luy obeir, disant qu'il estoit nécessité de reparer la :: fortune & hōneur de Cesar, lequel il auoit blecé, & offensé : ce qu'il feroit aisement, s'il vouloit renoncer à Iesus Christ, & l'outrager par iniures. A quoy s'il vouloit prester l'aureille, il luy promettrait de le deliurer soudainement, & mettre à l'instant en sa pleine liberté. A quoy Polycarpe fit telle response : Il y a ia quatre vingts & six ans que ie le sers, & durant tout ce temps, il ne m'a fait aucun tort, ny iniure : Comment donc seroit il possible que mon courage fust induit à m'edire par blasphemies de celuy qui est mon Sauueur & mon Roy : Iamais cela ne se fera. Que si vous dissimulez de cōgnoistre, quel ie suis : ie veux bien que vous sçachez, que ie suis Chrestien. Et encor si d'auenture vous auez vouloir de sçauoir quelle est nostre profession Chrestienne, ordonnez moy le temps & m'assignez lieu, où voulez que ie la vous enseigne, & mettez peine à l'apprendre. A quoy le lieutenant repliqua : Persuadez donc le mesme à toute ceste populace. Polycarpe, respondant à cela, dist : C'est quasi à regret, que ie daigne vous porter quelque reuerence, ce que ie ne ferois, n'estoit pour obeir à vn certain commandement, que nous auons : par lequel nous est en ioinct, de faire tout hōneur deu aux officiers, magistrats & puissances superieures des Seigneurs, quels qu'ils soient : pourueu que, en ce faisant, on ne contreuienne point à la reuerence & honneur que nous deuons à la diuine pieté.

Quant



» Quant à moy, quelle accointance pourrois-je auoir avec ce menu peuple, qui n'a en soy aucu-  
 » ne cōduite ny raison ? A ces propos le gouuerneur le menaça de la furieuse rage & impetuosi-  
 » té des bestes, s'il ne se vouloit recongnoistre & retourner à son bon sens. Faites les venir (dit  
 » Polycarpe) car on ne me fera iamais croire (aussi ne me le sçauroit-on prouuer suffisamment)  
 » que faire eschange des choses meilleures à celles qui sont pires, soit reuenir à la congnoissan-  
 » ce de soy, ny deuenir plus sage : mais bien celuy retourne à son bon sens, qui laisse les choses  
 » pernicieuses, pour faire eslection de ce qui est iuste & sainct. Le iuge oyant cela, le voulut es-  
 » pouuenter par le menaſſer du feu, mais il luy tint ces propos : Vous qui par vos menaces me  
 » presentez le feu, lequel en vne heure est esteint, me semblez ignorer totalement que le brasier  
 » préparé en la gehenne à ceux qui ſuiuent l'impiété, est eternal & tousiours durable, comme  
 » celuy qui iamais ne s'esteint. Tels propos & plusieurs autres ayans esté tenus d'une part & d'au-  
 » tre, le sainct personnage se monstra tellement remply de ferme assurance, que le iuge, tout  
 » estonné s'esmerueilloit de voir son visage tant ioyeux, & congnoistre son courage tel que la peur  
 » n'y pouuoit faire bresche. Toutesfois par son ordonnance le crieur public à son de trompe, fit  
 » par trois fois le cry, publiant & faisant entendre à tous, que Polycarpe confessoit publique-  
 » ment, avec assuree liberté, qu'il ſuiuoit & renoit la religion Chrestienne. Alors vous eussiez  
 » ouy toute l'assemblée des Grecs, & principalement des Iuifs habitans de Smyrne (qui auoyent  
 » coustume de se trouuer en tels troubles & tumultes, esquels ils se delectoyent grandement) se  
 » prendre à crier avec clameurs & voix confuses & obscures : Que le pere des Chrestiens soit  
 » condamné à estre brûlé, par ce qu'il veut abolir nos Dieux, & ne permet qu'on leur face sacri-  
 » fice, ny qu'on les adore ou face aucun honneur ny reuerence. Et prièrent tous le gouuerneur  
 » d'Asie qu'il donnast soudain cest Arrest. Aussi estoit ce raison que ce personnage, qui estoit  
 » plein d'esprit prophetique, ne fust pas frustré de ce qu'il auoit veu en songe. Le gouuerneur s'ac-  
 » corda au vouloir du peuple, & donna sentence contre Polycarpe, ainsi qu'il en estoit requis :  
 » laquelle fut quasi aussi tost executée que prononcée. Car incontinent vne troupe de gens pa-  
 » resseux & inutiles (ne prenans plaisir sinon es choses seditieuses) & encor la nation des Iuifs  
 » Smirneans (preste & appareillée de fournir toutes choses iusques au bout, aux ennemis des  
 » Chrestiens) rauissans des boutiques prochaines & estuues, bois, ſarment & toute autre matie-  
 » re propre à brûler, assemblèrent vn grand monceau de bois, & y mirent le feu. Apres qu'il  
 » fut bien allumé & que la flamme estoit ia fort grande, Polycarpe ayant luy meſme despoillé  
 » ſes habillemens, commence aussi à deschauffer ſes ſouilliers & chaussure : ce qu'il n'auoit ia-  
 » mais fait auparauant, estant tousiours empesché & preuenue de ſes gens, qui luy faiſoyent ce  
 » ſeruiſſe : car par vne bonne coustume & discipline de viure, ſes familiers domestiques luy fai-  
 » ſoyent honneur & ſeruiſſe, meſme deuant ſa vieillesſe. Or afin que puis apres il n'y euſt aucun  
 » des fideles ſuruiuans, qui attouchaſt à ſon corps, apres qu'il euſt oſté luy-meſme tous ſes ha-  
 » billemens, & couuert ſes parties honteuses, il marcha de ſon vouloir & ſe lança dans le feu :  
 » tout ainſi qu'un braue belier, choiſi en quelque grand troupeau pour estre tué en ſacrifice & ſer-  
 » uir de holocauste deuant Dieu : & y allant, fit telle priere à Dieu : O Dieu & ſeigneur tout  
 » puiffant, pere de ton bien aymé & beny ſils Ieſus Chriſt, par lequel nous auons eu congnoiſ-  
 » ſance de toy : Dieu des anges & puiffances, Dieu de toute creature, Dieu de tout le nombre  
 » des eſleuz & iuſtes qui viuent deuant ta face : ie te beny, qui m'as eſtimé digne à ce iour & heu-  
 » re de receuoir part au rang des martyrs, du calice de Ieſus Chriſt, ſoubs l'eſperance de la reſur-  
 » rection de vie eternelle avec l'ame & le corps, & de l'immortalité & incorruption du ſainct  
 » Eſprit : au nombre deſquels ie deſirerois grandement estre receu au iourd'uy deuant ta face,  
 » comme le ſacrifice acceptable d'une beſte graſſe & bien reſaite : tout ainſi que toy, Dieu vray,  
 » & qui ne trompes point, l'as préparé en l'accompliſſant, & te donnant premierement à con-  
 » gnoiſtre à nous. Parquoy ie te loué & beny à cauſe de toute choſe, avec ce que ie te glorifie auſ-  
 » ſi par Ieſus Chriſt, Pontife eternel, qui eſt ton ſils bien-aymé : par lequel honneur & louange  
 » ſoit à toy par tous ſiecles, avec luy & avec le ſainct eſprit. Ainſi ſoit-il. Puis conſecutiue-  
 » ment en l'Epiſtre de laquelle j'ay parlé, y a ce qui ſ'enſuit : Apres que le feu fut allumé par les bour-  
 » reaux, & que la flamme commença à rendre grande lueur & clarté, vn beau miracle a eſté ap-  
 » perceu de ceux auſquels fut donnée la grace de le voir : & d'iceux quelques vns ſont demeurez  
 » & eſchappiez, afin de conter aux autres ce qui eſt aduenue. Car la flamme & feu ſe mit en  
 » forme de l'arc de quelque voute, enuironnant tout le corps du ſainct martyr Polycarpe, com-  
 » me ſi à l'entour de luy il y euſt eu vn voile d'une nef, enflé & plain de vent. Encor outre cela, nous  
 » ſentiſmes vne bõne odeur, cõme d'encens, ou de quelque autre ſenteur pretieufe & odoriferante.  
 » A la fin, quand les aſſiſtans virent que le feu n'auoit aucune puiffance ny vertu contre la chair  
 » du patient : ils commanderent à l'un des bourreaux, de le percer d'outre en outre par derriere a-  
 » uec la pointe d'un long bois, qu'il tenoit. Ce qu'il fit : & ſoudain ſi grande abondance de ſang  
 » yſſit du coup, qu'il eſteignit toute la violence du feu. Plusieurs de de la cõpagnie furent eſton-  
 » nez de cela : & ſ'eſmerueilloient de veoir ſi grande difference entre les meſchantes & ſainctes  
 » perſonnes : iugeãs que Polycarpe estoit homme diuin, digne d'admiration, & du tout Apoſtoli-

*Penitence  
vraye.*

*Exemple de  
domestique  
discipline,  
et honneur  
deu aux  
vieilles per-  
ſonnes.  
Oraison  
derniere de  
Polycarpe  
voulant en-  
trer dans  
le feu.*

### LIVRE III. DE L'HIST. ECCLESIASTIQUE

que & Prophetique. Or l'ennemy de nature humaine ( qui tousiours dresse des embusches aux gens de bien ) voyant l'excellence de ce martyr, & considerant que ce personnage saint auoit vescu sans reprehension depuis le temps de son ieune aage, & finalement emporté la couronne & prix de victoire, par le moyen de son martyr, se voulut mettre en peine de tout son pouuoir & estude de nous frustrer entierement de son saint corps : car il y eut des meschans qui subornerent & practiquerent Nicetes, pere de Herodes, & frere de Darcas, de faire tant enuers le gouuerneur, qu'il ne laissast pas ainsi entier le corps mort du martyr : disans qu'il y auoit danger que ceste maniere de gens ne se prinsent à l'adorer, laissant leur Christ crucifié à cause de luy. Par ainsi, à la poursuite des Iuifs, le corps est mis dans le feu, pour y estre consommé & redigé en cendres. Mais les amis & sectateurs du saint homme, ne laisserent pourtant à recueillir les reliques de ses os, plus precieuses que l'or : lesquelles ils garderent, comme vn thesor, en lieu tel qu'il estoit de besoing. Et dès ce temps là on a celebré la memoire d'iceluy, avec ioye & liesse.

Or les affaires du bien renommé Polycarpe ont eu telle yssue qu'avez entendu : avec celles aussi des douze martyrs de la ville de Philadelphie, qui ont pareillement soustenu iusques à la fin, le saint combat, en tesmoignage de Iesus Christ.

*Des autres qui en mesme temps ont finy leurs vies par martyre, ainsi que Polycarpe. CHAP. XXXVI.*

*Metrodore martyr de la secte de Marcion. Pionie martyr tres-renomme.*



Ous trouuons encor en l'Epistre cy dessus alleguee, qu'en mesme temps il y eut à Smyrne plusieurs autres martyrs : entre lesquels il est fait mention d'un Metrodore ( qui suiuiot l'erreur de Marcion ) tenu & estimé prestre, lequel fut brulé tout viu. D'auantage l'excellent martyr Pionie fut aussi mis à mort : duquel qui voudra sçauoir, ou la profession qu'il tenoit en priué, ou la liberté de parler hardiment deuant tout le monde, & l'ardeur qu'il auoit à la deffence de la foy : d'auantage le doux recueil & humain, qu'il faisoit à ceux qui se retiroient & alloient cacher vers luy, du temps des persecutions : encor, les bons aduertissemens & pleins de consolation, desquels il vsoit enuers ceux qui auoient peur, quand il estoit en prison, le le renuoye à l'Epistre des Smyrneens, de laquelle a esté si souuent parlé cy deuant : où lon pourra lire aussi les tourmens qu'il endura, les fichures de cloux, les vexations par feu, les brulures, les peines & supplices de toutes sortes : bref, la mort digne d'eternelle memoire, laquelle il a soufferte. Car ie n'aurois pas le loisir, & ne pourrois aussi mesurer avec vn seul globelet la mer des combats soustenus par les saints martyrs. En ceste mesme annee, Carpe, Euesque de Pergame, & Papyle ministre & diacre, vne femme aussi nommee Agathonice ( ainsi qu'on le trouue par escrit ) souffrirent vaillamment la mort, en tesmoignage de leur foy, avec plusieurs autres martyrs.

*Carpe, Papy le, Agathonice martyrs.*

*De deux Iuifs baptisez miraculeusement : l'un avec du sable : l'autre par les petits enfans. CHAP. XXXVII.*

*Vn Iuif che miné avec des Chrestiens par lieux arides aduenant l'extreme necessité de maladie, est baptisé avec du grauiers en lieu d'eau.*



Le ne fault pas encor taire ny cacher sous silence, ce qui aduint aussi de ce temps mesme, lors que Marc Aurele Antonin gouernoit l'Empire Romain. Vn Iuif, voyageant avec quelques Chrestiens par des lieux deserts & solitaires, arides & secs, chantoit ordinairement des psalmes & chansons spirituelles avecques eux : Or aduint qu'une maladie, qui subitement le va surprétre, le tourmenta de sorte, qu'il sembloit deuoir rendre l'ame sur le champ, & demeurer en ces deserts, parquoy il supplia affectueusement les Chrestiens, avec lesquels il voyageoit, qu'ils ne le laissassent point destitué de tout secours & aide, ains qu'il leur pleust le faire participant du diuin lauement de baptesme, puis apres qu'ils s'en allassent leur chemin : Mais quand ils eurent allegué pour excuse, qu'il n'y auoit aucun de la compagnie qui le sceust baptizer ( car il falloit vn prestre ) & que lon ne trouuoit point d'eau en ces lieux arides ( lesquelles deux choses estoient requises à parfaire le baptesme, tant par ancienne coustume, que par la loy certaine & inuiolable ) & apres luy auoir refusé ce qu'il demandoit, à raison du default de telles choses, le Iuif ne laissa pas pourtant à demeurer ferme & arresté en son opinion, & trouua moyen de les contraindre par serment à luy satisfaire. Parquoy luy ayans deuestu ses habillemens, & vñs de grauiers, qui estoit là, au lieu d'eau, ils le baptizerent au nom du Pere & du Fils & du saint Esprit, en luy iettant par trois fois du sablon sur la teste. Le Iuif incontinent se sentit deliuré de toute maladie & foiblesse ( comme s'il eust esté deslié de quelque lien ) par ce commencement merueilleux & non coustumier des mysteres diuins : & se trouua puis apres beaucoup plus gaillard, disposé, & fort à marcher, que ses compagnons.

*Le Iuif guary apres tel baptesme.*

compagnons. Arriuez qu'ils furent à la maison, ils raconterent le fait à Denis, Euesque d'Alexandrie, lequel en fut merueilleusement estonné, & mit cest affaire en deliberation, pour auoir l'aduis des gens de l'Eglise sur iceluy. Apres auoir le tout bien espluché & considéré ensemble, il fut arresté que le Iuif, initié en telle sorte, deuoit encor estre lauë d'eau, suiuant la tradition de l'Eglise: à fin de reparer le default, qui se trouuoit en ce sacrement.

Les histoires racontent que du temps d'Athanasie le grand, aduint vn cas pareil à cestuy-cy: Et mesme nous scauons bien que de nostre aage a esté fait vn baptesme quasi semblable. Vn enfant Hebreu hantoit familiarierement avec les enfans de quelques Chrestiens, & comme leur demeure estoit pres de la mer, les enfans Chrestien seurent affection de se baigner & nager: à quoy faire, l'enfant Iuif les suyuit, lequel estât dans la mer tout nud, les autres enfans le baptizerent en se iouant. A quoy dès le commencement il ne fit aucune resistance ny refus: Mais apres qu'ils eurent inuoké le troisieme nom des diuines personnes comprises en la Trinité, & quand & quand plongé le Iuif en l'eau pour la troisieme fois, ils deschirerent le bord de la fissure de sa robe, puis en firent (tellement quellement, & par imagination) vn petit affublement, duquel on vse ordinairement en tel affaire, & le mirent sur sa teste, en representation d'vn heaume secret & mystique: puis armerent sa main d'vne petite verge de bois, en lieu du cierge beneit: paracheuans tous les mysteres & ceremonies que lon a coustume d'observer au sacrement de baptesme. Finalement se promenerent à l'entour d'vne Eglise prochaine de là, comme faisans la .iij. procesion. Et apres qu'ils furent entrez dās l'Eglise, ils rendirēt graces à Dieu, receuans la diuine recompense de ce fait. L'enfant Iuif aussi, qui auoit esté ainsi initié par ce baptesme, en fit tout autant que les autres. Or celuy qui auoit la charge de l'Eglise du lieu, s'enquit diligemment de ce baptesme: & en ayant l'entiere cognoissance, il le signifa & fit scauoir aux gens de l'Eglise de Constantinople, au mandement de laquelle l'enfant y fut mené: bien que les Iuifs s'efforçassent par tous moyens à eux possibles d'empescher l'accomplissement de ce baptesme. L'affaire mise en deliberation, l'aduis du conseil fut, que ce qui deffailloit en tel cas, deuoit estre accompli, suiuant la coustume requise à l'execution du sacrement: Ce qui fut fait ainsi qu'on l'ordonna. L'enfant baptizé, paruenü en aage competant, se fit sacrer prestre: & est encor viuant pour le present, exerçant l'estat de secretain & gardien des ornemens & reliques, en la grande Eglise de Constantinople.

Or est il temps de mettre fin à ce troisieme liure des histoires Ecclesiastiques, lequel cōprend ce qui s'est fait en l'Eglise, durant le temps de cent & deux annees: Car il a prins son commencement à l'Empire de Galbe, & Orthon, & Vitelle, finissant au temps, auquel Marc Vere (qui fut le fils d'Antonin premier) cessa de gouverner la monarchie du monde: qui fut en l'an, depuis la creation de l'vniuers, :: cinq mille six cens septantesept; & depuis la diuine incarnation & natiuité de nostre Seigneur, cent septante-deux.

*Le baptesme  
par eau ad-  
iouste au  
Iuif.  
Du tēps de  
Nicefore  
mesme, vn  
enfant Iuif  
baptisé en se  
iōuant, par  
des enfans  
Chrestiens,  
avec l'obser-  
uance de tou-  
tes les cere-  
monies à co-  
requises.  
Ceremonies  
du baptes-  
me.  
Les proces-  
sions ne sont  
nouuelles.  
L'enfant  
Iuif de re-  
chef bapti-  
sé.  
Selon les  
nouveaux  
chroni-  
queurs, cest  
an est le  
4149.*

FIN DV TROISIEME LIVRE DE  
l'histoire Ecclesiastique de Nicefore.

N iij





# LIVRE QVATRIESME DE l'Histoire Ecclesiastique de Nicefore, fils de Calliste, Xan- thouplois.

PREFACE, MONSTRANT EN BREF DE QUELLES  
*choses il a parle cy deuant, & de quoy il veut traiter par  
apres en ces quatre liures.*

## CHAPITRE PREMIER.



Hacun donc entende & retienne que la premiere succession & entresuite des Apostres, finissant au saint & diuin personnage Polycarpe, a duré iusques au temps d'Antonin, le dernier, qui fut aussi nommé Philosophe, frere de Lucie Vere, & compagnon participant à l'Empire avecques luy: Et les diuins Apostres, vñs de simple maniere de parler, en enseignant ont assubiety à eux (comme il estoit raisonnable) tout le monde, par leurs faits miraculeux, grands & espouuentables, faisans toutes leurs œuures en la vertu & puissance celeste, selon que le saint Esprit les inspiroit. Ceux qui leur ont succédé, estoient aucunement inferieurs à eux, de sorte qu'ils n'ont sceu atteindre à la perfection de leur vertu: routesfois ils en ont approché de bien pres, au moyen de leur bonne vie & sainte, suiuan vne maniere de parler, non pas du tout autant simple que celle de leurs maistres.

*Brefue repetition des choses deuant dites.* Le premier liure de ceste histoire a discoursu sur tous les faits & dits, bref sur toute la vie de Iesus Christ, comme la raison requeroit que de luy ie prinsse mon commencement. Le second a poursuiuy les actes des Apostres, & de leurs disciples, autant que besoing a esté.

*Proposition de ce qui sera dit en ce liure.* Le troisieme a raconté au bref leur premiere succession & suite. Mais en ce quatriesme que nous auons entre nos mains, l'ordre requiert que ie mette par escrit qui ont esté ceux qui apres eux furent meschans & affronteurs: lesquels abusans de nostre doctrine Chrestienne, ont porté grand dommage au troupeau de Iesus-Christ. Ce sont les instrumens dangereux pour les ames, autheurs & ministres de perdition, desquels s'est aydé Sathan, ennemy d'honneur & pieté, quand il s'est armé contre l'Eglise, voulant vñs d'une autre ruse & finesse, pour tascher à la mettre à neant & saccager. Encor y adiousteray-je les personnages que la prouidence diuine leur à mis en barbe, pour leur tenir bon: lesquels se portans vaillamment à l'encontre de leurs heresies obstinees & combatans avec les parolles de verité, ont facilement rompu leurs entreprises, & donné empeschement aux efforts de leur presumption. Et y pourrez vous lire les noms de ces docteurs, leurs escrits, à quelle heresie chacun d'eux s'est attaché pour y contreuenir: bref, quelles choses dignes de memoire ils ont laissé à l'Eglise Chrestienne. Puis par vn mesme moyen, ie n'oubliay à raconter les braues combats que les saints martyrs ont osé soutenir. Je diray aussi quelle resolution on a donné à la question meue dès long temps, touchant la Pasque ou Passage. Finalement ie parleray de quelques autres excellens personnages, douez de dons & graces Apostoliques: & par ainsi ie feray fin à celiure. (Dieu aydant) Or voicy le lieu où il faut commencer.

*Des grans heretiques, semeurs de faulſe doctrine, Saturnin & Baſilides : qui de re  
temps ſe ſont ruez ſur l'Egliſe de Jeſus-Chriſt.*

*CHAP. II.*



Desia la parole salutaire de l'Euangile commençoit à enuironner toute la terre, & ſ'emparer du monde entierement, autant qu'il estoit poſſible: de sorte que la doctrine de foy auoit ia ferme fondement, prenant racine es cueurs des hommes de bien, tant à cause de leurs enseignemens & vie Apostolique, avec les miracles qui de là ſ'en enſuiuoyēt: que par le moyē des bons aduertissemens, predications & liures, venās de la part des ſucceſſeurs des Apostres, auſquels on ne pouuoit contredire aucunement, à raiſon de la verité inexpugnable contenue en iceux: & encor (qui plus eſt) par les combats & martyres de pluſieurs excellens perſonnages qui ont ſouffert iuſques à la mort, en teſmoignage de leur foy & profeſſion. Car les pourſuites & perſecutions qui ſe faiſoyent contre les gens de bien, rendoyent de plus en plus l'Egliſe florissante & alaigre. Mais l'aduerſaire, & ennemy commun de noſtre pieté & vraye religiō, ne peut demeurer à repos: Car voyant que les Eglises reluiſantes clairement & excellemment, ſorſoyent & eſtoient en vigueur trelgrande (comme quelque lumiere, ou torche allumee) par le moyen de la foy, que lon auoit en noſtre Sauueur & ſeigneur Jeſus-Chriſt: apres qu'il eut cerché dés long temps tous les moyens (comme ennemy mortel du ſalut des humains) pour abolir la Chreſtienté, ſ'efforçant de rediger les fideles à neant, & les ſaccager par exterieures perſecutions faites de la part des grans ſeigneurs à l'encontre deſdites Eglises, Finalement il congneut que toute ſon entreprinſe eſtoit vaine, & qu'il ne venoit pas à la fin qu'il deſiroit: Parquoy, ſe ſentant bruſquemēt repouſſé, & quaſi ſuffoqué & noyé dās le ſang des martyrs, il ſ'aduiſa de trouuer autre moyen, pour venir à chef de ſon deſſein, & inuenta nouuelle fineſſe, qui fut telle: Il ſuſcita des hommes, ſeducateurs, & impoſteurs: qui uſurpans le nom de Chreſtiens, faiſoyent tomber en la foſſe de perdition les fideles gens de bien, qu'ils auoyent prins en leurs fillets par telles fineſſes: & deprauoyent & deſtournoyent la bonne affection & deſir d'apprendre la ſaine parole de l'Euangile ſalutaire, de ceux qui ne ſe donnoient pas de garde de leurs tromperies. Premièrement donc il ſuſcita contre nous l'enchanteur Simon: puis Menandre, Cerinthe & Nicolas, deſquels i'ay amplement parlé es liures precedés. Il mit encor en auant d'autres monſtres, peu d'interualles apres, es temps deſquels i'ay deſia tenu propos par cy deuant. Or par le moyen de Menandre, qui ſema vne ſemence doreuſe, meſlee d'erreur de double contagion, il engendra deux Capitaines de deux ſectes d'heresies: l'un nommē Saturnin, natif de la ville d'Antioche: l'autre, Baſilides, qui eſtoit d'Alexandrie: deſquels l'un ſe meſla de tenir eſcole odieuſe à Dieu, en Egypte: l'autre, en Syrie. Irenee dit que Saturnin a controuuē & ſouſtenu les meſmes menteries que Menandre: & que Baſilides a inuenté des choſes fabuleuſes & eſtranges, ayans toutesfois apparence de doctrine, contenant en ſoy des ſecrets myſteres du tout ineffables, deſquels il a eſtendu & dilaté infiniment l'inuentiō cachee & ſens couuert. Et lors que de leur temps pluſieurs hommes Eccleſiaſtiques leur alloient au deuant & reſiſtoient avec argumens conformes à la raiſon & doctrine, & ſ'aydans des ordonnāces Apostoliques, Quelques uns d'entre eux ont meſme laiſſé en leurs liures des enseignemēs preſeruatiſ contre les embuſches de tels abuſeurs, & de leurs heresies. Du nombre deſquels eſtoit Caſtor Agrippe, qui mit par eſcrit la reprehension del'importunité de Baſilides: & contant de ſes enchanteries ſecretes & abuz palliez, dit qu'il compoſa vingt-quatre liures ſur l'Euāgile: & qu'il eſleut, pour eſtre les prophetes, Barcabas, & Barcoph (qui toutesfois iamais ne furent en eſtre) à fin d'eſpouuenter & donner terreur aux Barbares, & qu'il miſt en auāt le ſilence, à l'exemple de Pithagoras, & enſeignast de ne mettre aucun differēd es choſes: comme ſ'il eſtoit licite de renoncer expreſſement à la foy ſans aucune execution, lors que le temps le requiert, & gouſter des viandes preparees pour les ſacrifices des idoles. Le meſme Irenee, continuant ſon propos de Baſilides, a tresbien donné à congnoiſtre l'erreur qu'il tenoit. Comme auſſi il dit que Carpocrates luy reſſembla, lequel fut autheur & Capitaine de ceux que lon nommē Gnoſtiques. Il n'auoit point de honte d'exercer l'art magique publiquement & ſans ſe cacher, de laquelle ſon pere Simon auoit fait profeſſion en cachette, avec fineſſe. Il eſtoit glorieux au poſſible, & aymoit louange autant qu'homme de ſon temps, ſe vantant à raiſon des ſciences curieuſes, dont il ſe meſloit: par les amours que luy-meſme en pratiquoit: par viſions de ſonges, & par les diables familiers qui luy aſſiſtoient. D'auantage il enſeignoit que ceux qui vouloyent acquerir la perfection de ſes ſacrez myſteres & ſecrets, deuoyēt par neceſſité commettre toute villenie, & qu'il n'eſtoit pas poſſible qu'aucun ſe peuſt eſchapper de ceux qui ſont appelez par eux Prince du monde, ſ'il ne ſ'eſtoit acquitté de toutes les ordures & infamies que lon pourroit penſer.

*Les pre-  
miers here-  
tiques de  
l'Egliſe,  
groſſes be-  
ſtes, ou bien  
pluſtoſt Epi-  
cures, & af-  
frōteurs ma-  
niſeſtes. :  
Saturnin  
& Baſili-  
des, hereti-  
ques. :  
Li. 1. chap.  
22. 23.  
Saturnin  
enſeignoit  
que Jeſus-  
Chriſt a  
ſouffert en  
ſantoſme: et  
avec ce nioit  
l'reſurre-  
et on.  
Terrullian,  
des hereti-  
ques.  
Caſtor A-  
grippe a eſ-  
crit contre  
Baſilides.  
chap. 24.  
du li. 1.  
Carpocrates  
heretique,  
villain, im-  
pudēt, & hō-  
te, & plein  
de ſes plai-  
ſirs.*

# LIVRE IIII. DE L'HISTOIRE ECCLESIASTIQUE

<sup>a</sup> l'erreur) Tertullian dit ainsi : Basilides radorant, dit entre autres vesneries, que le Christ n'a pas esté enuoyé de Dieu, qui crea toutes choses : mais d'Abrazas : encor en fantosme, & non en substance de chair : & qu'il n'a pas esté crucifié par les Iuifs, ains que Simon a souffert en son lieu, & que pour ceste raison, il ne faut pas adorer celuy qui fut mis en croix.

<sup>b</sup> Gnostiques) Irenee, liure premier contre les heresies, chapitre vingtquatriesme, dit ainsi, parlant des Gnostiques : Les autres d'entre eux marquent leurs disciples avec cauterres ou fers chauds es plus hautes parties de l'apparence de l'oreille droite. Or s'appellent ils Gnostiques : & ce qui s'ensuit.

<sup>c</sup> glorieux au possible) Tertullian parle de Carpocrates en ceste sorte : Le mesme Carpocrates a dit qu'il y auoit vne seule vertu principale es lieux superieurs, de laquelle les Anges sont descendus : que Iesus-Christ n'est pas né d'une vierge, mais a esté fait de la semence de Ioseph, estant homme plus excellent que les autres, en vertu & iustice : & qu'il n'y a que son ame qui ait esté receue es cieux.

Des heretiques, Valentinian, Cerdon, Marcion, Pontique & Marc.

## CHAP. IIII.

Valentin  
heretique.



Es heretiques, desquels i'ay parlé presentement, estoient du temps de l'Empereur Hadrian. Mais le mesme Irenee escrit que sous l'Empire de Pie Antonin, lors que Hygine auoit en main le gouuernemēt de l'Eglise Romaine, <sup>a</sup> Valentin & Cerdon mirent en auant leurs heresies, lesquelles ils publierent : estans aussi cause, & quasi Capitaines de l'erreur de Marcion. Encor dit-il, que l'un & l'autre ont estably vne maison à Rome, pour en icelle enseigner leur doctrine odieuse à Dieu. Ses propos sont tels : Car Valentin vint à Rome sous Hygine, & print force,

Cerdon he-  
retique.

à Cerdon, il fut deuant Marcion, & vesquit aussi sous Hygine, neuuesme Euesque de l'Eglise Romaine : du temps duquel il vint à l'Eglise, où il se recongneut, & fit profession de piercé. Et ainsi demeura en icelle, enseignant quelque fois occultement & en secret, quelque fois confessant qu'il s'en repentoit de rechef. Encor il aduenoit quelque fois que lon le reprenoit aigremēt, de ce qu'il enseignoit mauuaise doctrine : & pour ceste cause il estoit chassé & banny de la compagnie des freres. Voyla ce que dit Irenee en son troisieme liure contre les heresies. Et au premier liure, parlant de Cerdon, il dit ce qui s'ensuit : Vn certain personnage, nommé Cerdon, ayant prins l'occasion de son impieté des disciples & sectateurs de Simon, vint à Rome, lors que Hygine tenoit le siege Episcopal de l'Eglise dudit lieu (lequel estoit neuuesme en la succession & suite depuis les Apostres) où il enseigna que celuy Dieu qui par la loy & les prophetes a esté tenu & presché, n'estoit pas le pere de nostre seigneur Iesus-Christ : car celuy qui l'a engendré, a esté congneu : & l'autre, estimé Dieu par nos deuanciers, est tousiours demeuré incongneu. Il

Marcion he-  
retique, di-  
sciple de  
Cerdon.

est bien vray que l'un estoit iuste, & l'autre bon. A ce Cerdon, Marcion succeda, qui donna accroissement & augmentation à ceste meschante doctrine, blasphemant sans aucune honte ny vergongne. Or ayant Irenee descouuert facilement le gouffre secret & grand abyssme de la doctrine de Valentin, il tira par force le serpent de toutes impostures & abus, estat arresté & caché dedans les plus retirees & secretes cauernes de la forest obscure, pleine d'erreur & tromperie de peuple, où il auoit long temps demeuré sans estre apperceu, le produisant tout nud à la veüe

Marc here-  
tique.

Chap. 18.  
du li. 1. con-  
tre les here-  
sies.

Noces spi-  
rituelles de  
Marc.

des hommes. Et dit encor que de ce mesme tēps, y auoit vn Marc, tres-expert & scauāt es sciences de magie, duquel il raconte les sacrifices detestables, avec telle paroles : Car aucuns d'entre eux dressent vn liēt nuptial, pour seruir de couche d'espousailles, & font solēnellement ie ne sçay quel mystere par vne secreete maniere d'initier, adioustans quelques vœux & prieres sur ceux que lon sacre, & disent que les nopces qu'ils celebroyent sont spirituelles, à la semblance & forme des mariages qui se font là haut aux cieux. Les autres les menent à l'eau, & en les baptisant, disent ces mots : Au nom du Pere incōgneu de tous, & en celuy Iesus qui est descendu. Il y en a aussi qui prononcent aucuns mots Hebraïques, pour donner crainte & plus grand espouuement à ceux qui sont initiez & sacrez.

<sup>a</sup> Valentin & Cerdon) Valentin fait & introduit vn ietton de la diuinité, iusques à la portee de trente aages, qu'il nomme aones, comme si c'estoit vne truye, portant beaucoup de cochons. Il a nié que Iesus feust en substance d'un corps mortel pareil au nostre. Cerdon a mis deux commencemens : c'est à dire, deux Dieux : l'un bon, & l'autre mauuais & cruel. Encor auoit il, que Christ fust vray homme : & qu'il eust vrayement souffert.

De Tatian



*De Tatian, & Seuere : & de l'heresie des Encratites.*

CHAP. II II.



N dit que l'heresie des <sup>a</sup> Encratites a esté forgée & mise en auant apres celles de Saturnin & Marcion, de laquelle Tatian fut le prince, lequel on tient auoir esté disciple de Iustin le martyr : Il est bien vray qu'il ne fingera pas d'en semer vn seul poinct, tout le temps qu'il fut avec son maistre. Apres le martyr duquel ce Tatian, enflé d'orgueil à raison de son sçauoir (comme celuy qui s'estimoit plus docte, qu'autre homme viuant) se print à publier vne doctrine propre & particuliere à luy seul, produisant des siecles inuisibles, comme faisoit Valentin : & disant les mesmes baueries que Saturnin & Marcion, touchant les nopces, la corruption, & fornication. Encor a il controuué & songé de soy-mesme vne nouvelle cause du sauement d'Adam. Seuere succeda à Tatian, l'heresie duquel il augmenta de plus en plus : & ayât pratiqué & attiré à soy les disciples d'iceluy, print occasion de les nommer de son nom Seuériens. Ils reçoient la Loy, les Prophetes, & les Euangiles aussi, approprians & accommodans les sanctes escritures à leur erreur, ainsi que bon leur semble, avec certaines interpretations propres & peculieres à eux tant seulement. Mais quant aux Epistres de saint Paul Apostre, & aussi quant au liure des Actes des Apostres, ils n'en veulent point ouïr parler, ains les reiettent du tout : mesme qu'ils parlent mal d'iceluy saint Paul, lequel ils maudissent & iniurient outrageusement de paroles. Or le dessusdit Tatian a mis par escrit l'vñion, appointement & concordance des quatre Euangiles, donnant à son liure le titre de Diatessaron (qui signifie assemblement ou accord de quatre) lequel aussi a esté de longue duree. Lon dit pareillement qu'il transposa & changea quelques passages des Epistres du saint Apostre Paul, à fin (disoit il) de polir sa simplicité non elaboree ny curieuse de paroles elegantes. D'auantage il laissa vn grand nombre de liures par escrit : entre lesquels y a vne oraison adressee aux Grecs ou Gentils, qui est la plus renommee & estimee de toutes ses œuvres : En icelle poursuyuant la memoire du temps passé, & discourât sur les faits de nos ancestres, il mōstre que Moÿse a esté le plus ancien de tous nos deuanciers : comme i'ay souuenance de l'auoir leu. Suffise vous de ce qui est dit de la secte de Tatian, ou (si vous l'aymez mieux) de Seuere.

*Exemple de science qui en orgueille. Neones, ou aages & siecles de Valentin. Les Encratites nōme Seuerians de Seuere. Concordances de quatre Euangiles de Tatian. Diatessaron, appointement et accord de quatre par ensemble. Autres escrits de Tatian. Moÿse le plus ancien de tous les deuanciers.*

<sup>a</sup> Encratites ) Tatian, auteur de l'heresie des encratites. Encratites est à dire, continens, sobres, & qui s'abstiennent & gardent de mal faire.

*Comment la grace de Dieu a esbranlé & abbatu les efforts des heretiques : tant en leur mettant au deuant plusieurs autres empeschemens, qu'en suscitant & esleuant en l'Eglise des hommes doctes, bien-parlans & fideles. Puis le denombrement des auteurs Ecclesiastiques, qui pour lors ont mis la main à la plume. Chap. V.*



V Oyla commēt les heresies pulluyoient en ce temps, par lesquelles l'ancien ennemy du genre humain a miserablement attiré les heretiques à perdition, & mis en sa puissance. Or à l'endroit des Gentils, il nous mettoient sus pour reproche, vne faulxe calomnie d'infamie tres-griefue à supporter : tant estoit grande & merueilleuse sa villende, destrempee de mal-heureuse enuie, pour tascher de nuire à la bonne renommee des Chrestiens, & empescher l'aduancemēt de la doctrine & parole salutaire du saint Euangile de Iesus-Christ. Ce qu'il faisoit, à fin que ceux qui n'estoyēt pas encor conuertis à nostre foy, eussent mauuaise estime de nous, soupçonnās que nous ne feissions point de difficulté d'auoir habitation charnelle avec nos meres & sœurs par detestable paillardise, ny de nous cōtaminer & souïller en toutes sortes de melchacetez. Mais le bon seigneur Dieu, qui a soucy de nostre salut, n'endura pas les heretiques longuement regner : Car les enseignemens faulsemēt introduits en l'Eglise, qui s'estoyent peu à peu esleuez, furēt en bref abolis & esteints par eux-mesmes, quand les vns, à l'enuy des autres, s'estudioyent à quelques nouueautez, estans differens ensemble, & ne se pouuans accorder : tout ainsi que les flots des eaux, qui s'esmeuuent & coulent impetueusement l'vn sur l'autre, se resoudent en plusieurs formes, & en fin viennent tellement à se perdre & euanouyr, que rien n'en apparoit aucunement. Au contraire, la cause de verité venoit en augmentant, & prenoit accroissement de iour en iour, se fortifiant & faisant grande par les outrageux assauts des heretiques : Car l'estat & vñion de l'Eglise Catholique s'entretenoit tousiours en vn poinct, & voyoit on la grauité d'icelle, avec sa modestie, liberté, ordre diuin en la discipline de vie & mœurs, & pureté de doctrine reluire merueilleusement enuers les Grecs & Barbares. De sorte que les heretiques, comme desobeissans, s'escouloyēt avec le temps : & pareillement la faulxe calomnie,

*Le diable a grandement greué la Chrestienté par ses heresies meschantes. Les heresies s'estimoÿt d'elles mesmes par la prouidence diuine, avec l'infamie faite à la Chrestienté à tort et sans cause. Eglise florissante. Moyen pour abolir les heresies.*

# LIVRE IIII. DE L'HIST. ECCLESIASTIQUE

qui s'estoit esleuee contre nostre doctrine, celloit, & petit à petit venoit à neant : tellement que la seule foy & doctrine, de laquelle nous faisons professiō, & la pure philosophie des enseignemens de verité, demurerent entierement (comme la raison requeroit) en leur estat, orné d'une honneste gravité & modestie : si biē qu'aucun puis apres n'osoit bonnement calomnier les Chrestiens, ny dire faulxement quelque villenie outrageuse de leur religion. Chose que les anciens auoyent sur tout en recommandation, si quelques vns venoyent vne fois à s'esleuer contre la doctrine de l'Eglise Catholique, pour euitier le mal-parler des gens meschāts & ne craignās point Dieu. Et la grace & providence de Dieu permettoit telles choses par plusieurs manieres, cōme il luy sembloit bō : ce nonobstant toutesfois elle a produit plusieurs grands personages, pour combattre & resister à telles resueries, & à fin de rembarrier viuement ces homes pernicioeux & meschans, & leur faire teste, non seulement par liures escripts, mais sans aucunes escriptures, avec viues raisons, preuues certaines, & demonstrations vrayes, qui ont donné à congnoistre & conuaincu les mensonges de ses meschantes heresies. Du nombre desquels apres Clement, Ignace & Polycarpe, Iustin martyr entre les philosophes fut le premier, duquel i'ay parlé au liure precedent. Apres luy Egesippe acquit grand bruiēt & renom. Le troisieme ensuyuant fut Denys, Euesque de Corinthe : le quatriesme, Theophile d'Antioche. Puis par ordre le suiurent Philippe, Modeste, Melitō, Apollinaire & Musan. Apres eux, Bardesanes, Syriē, tint le douzieme lieu. Lesquels tous ont laissé plusieurs & diuers monumens par escrit, desquels ie parleray au present liure, tant qu'il me sera possible : comme aussi ie me delibere de faire es autres liures suy-uās, sans que ie laisse esuanouyr la memoire des autres auteurs, qui sont venus apres ceux-cy. Je feray semblablement mention en son ordre de Pantene, & de Clemēt, Alexandrin, qui à cause de son liure fut appellé le Compositeur. I'en'oubliray aussi à parler de Rhodon & Miltiades, Apollone & Serapion, Irenee & Hippolyte, & des autres qui ont esté depuis ceux-cy iusques au tresdocte Origenes : lesquels tous par la vertu de leur parler, par leur bōne doctrine & par leurs beaux escripts & liures, ont beaucoup prouffité à nostre religiō Chrestienne. I'ay desia par cy deuant tenu propos de Papias, Quadrat, Aristides, & Castor. Maintēat il faut parler des liures de Iustin.

*Catologue  
des pre-  
miers hom-  
mes Eccle-  
siastiques,  
qui ont lai-  
sé des liures  
escripts en  
memoire  
d'eux.*

*Des liures que Iustin philosophe & martyr, a mis par escrit.*

*CHAP. VI.*

*Escripts de  
Iustin phi-  
losophe &  
martyr.*



Iustin le philosophe a mis plusieurs liures en lumiere, desquels voicy ceux qui sont venus en nos mains : Vne oraison à l'Empereur Antonin Pie, à ses enfans, & au Senat de Rome. Vne autre oraison ou defense de mesme argument à l'Empereur Marc Vere, successeur d'Antonin. Encor vne autre oraison escripte aux Grecs, en laquelle il tient plusieurs propos de la nature des diables, qui est vne questiō laquelle les sages des Grecs, & les nostres aussi ont fort bien debattue & espluchee. Vn autre liure s'adressant aux Grecs, le titre duquel est Confutation ou abbrege, Puis le liure de la monarchie de Dieu : duquel les argumēs & lieux sont prins

& extraicts, non seulement de nos auteurs Chrestiens, mais aussi des prophanes. D'auantage, le liure intitulé Psaltes, c'est à dire, Chantre. Briefue expositiō de l'ame : auquel apres auoir de-

*Qu'a dit Iu-  
stin de mar-  
cion l'here-  
tique.*

*Herese de  
Marcion.*

*Iustin con-  
duit, par la  
grace diui-  
ne, de phi-  
losophie à  
Chrestieté.*

*Les Iuifs  
ont machiné  
plusieurs  
choses cōtre  
les Chre-  
stiens : tes-  
moins Iustin*

claré plusieurs questions des Philosophes Grecs, il met en auant quelques opinions d'iceux : & promet de produire quelques fois ses raisons contre icelles, & donner à entendre son opinion en vn autre Commentaire. Puis il a composé vn liure contre l'heretique Marcion, Pontique, auquel il escrit le mesme qu'il a mis en l'oraison de l'Empereur Antonin, quand il dit : Encor pour le iourd'huy Marcion Pontique enseigne à ses disciples qu'il y a vn autre Dieu plus grand que celuy qui a créé toutes choses. Il a encor persuadé à plusieurs homes de toutes sortes, (avec l'aide & moyē du diable) de dire blaspheme, & nier plat & net, que le createur & ouurier qui a fait tout l'vniuers, fust le pere du Christ : & de soutenir publiquement qu'un autre, plus grand qu'iceluy pere, s'estoit entremis de faire & disposer en bon ordre ceste machine ronde du ciel & de la terre. Toutesfois ceux qui sont venus de telles gens, ne laissent à estre appelez Chrestiens, cōme nous auons desia dit : tout ainſi que le nom de Philosophie est commun à tous les Philosophes, iacoit que toutes leurs traditions & preceptes ne soyent pas semblables, ains differens les vns des autres. Il adioust encor à ces paroles, peu apres, les propos qui s'ensuyuent : Nous auōs vn liure composé contre toutes les heresies, lequel nous vous mettrons en main s'il vous plaist prēdre le loisir de le lire. Encor a il mis en lumiere vn certain dialogue s'adressant aux Iuifs, lequel il dedia à vn personnage fort estimé entre les Hebreux, nommé Tryphō, lequel il introduit disputāt avec luy. En ce dialogue il cōfesse franchement, que par grace diuine il a esté attiré à faire profession de nostre foy Chrestienne, & qu'à ceste raison ayant employé beaucoup de temps & trauaillé grandement aux disciplines de Philosophie, il s'estoit adōné par grande estude, & d'un courage desireux d'apprendre, à l'inquisition de la verité. Il dit aussi que les Iuifs se sont mis en peine de faire plusieurs entreprinſes, par fraude & trahison, contre la doctrine de Iesus-Christ :

*yfant*

« vſant à Tryphon de tels propos : Mais tant ſ'en faut qu'ayez eſté repentans , ny fait penitence  
 « pour les maux par vous commis , que meſme vous auez enuoyé en toutes les parties du monde  
 « des perſonnages les plus excellens qu'ayez peu choiſir en la ville de Ieruſalem , pour dire par  
 « tout que la ſecte des Chreſtiens eſtoit conuaincue de manifeſte impieté , comme n'y ayant en  
 « icelle ſinon que des atheiſtes aboliffans les Dieux : & à fin de mettre en auant contre nous tous,  
 « tels propos que tiennent ceux qui n'ont congnoiſſance de nous,ny de noſtre religion. Parquoy  
 « vous eſtes auteurs d'iniquité, non ſeulement nuiffans à vous meſmes, ains generalément pour  
 « le regard de tous hommes,auſquels mettez en teſte telles paroles. D'auantage il eſcrit que de ſon  
 « tēps les dons prophetiques reluiſoyēt grandemēt en l'Egliſe de Dieu. Il aſſerme auſſi que pour  
 « vray la reuelatiō ou Apocalypſe eſt de la façon de Iean l'Apoſtre. Finalemēt il reprend aigremēt  
 « Tryphon, de ce que les Iuiſ ont retrenché & couppé pluſieurs propos des prophetes, qu'ils cō-  
 « gnoiſſoyent manifeſtemēt auoir eſté predits & prophetiſez de Ieſus-Christ. Encor y a il eu beau-  
 « coup d'autres liures de la compoſition de Iuſtin : duquel les eſcrits eſtoyēt tant eſtimez par les  
 « anciens, que meſme Irenee en ſon quatrieſme liure contre les heresies, raconte quelques vns de  
 « ſes propos, diſant : Iuſtin a fort bien parlé en ſon liure contre Marcion, quand il dit : Je n'ad-  
 « iouſteroie pas foy à noſtre Seigneur meſme, ſ'il publioit qu'il y euſt vn autre createur de toutes  
 « choſes que Dieu. De rechef au liure enſuyuant, qui eſt le cinquieme, de meſme argument, il dit  
 « ainſi : Iuſtin a tresbien eſcrit, Que, deuant l'aduenement de noſtre Seigneur, Satan n'oſa iamaſ  
 « blaſphemer Dieu, parce qu'il ne ſçauoit pas encor l'arreſt de ſa condamnation. Voyla comment  
 « il en va, touchant les eſcrits & œures de Iuſtin.

*Dōs prophé-  
tiques en  
l'Egliſe du  
temps de  
Iuſtin.  
Les Iuiſ  
ont oſté de  
la Bible plu-  
ſieurs pro-  
pheties par-  
lās de Ieſus  
Christ.*

*D'Egeſippe, & de ſes eſcritures.*

*CHAP.*

*XII.*



Egeſippe viuoit en meſme temps , lequel comprint l'entiere & ſimple do-  
 ctine de la profeſſiō Euangelique en cinq liures qu'il nous a laiſſez : dās  
 leſquels il donne aſſez à congnoiſtre, commēt il a parlé à pluſieurs Eueſ-  
 ques, quand il alloit à Rome , leſquels tenoyent la meſme doctrine tout  
 ainſi & en la forme & maniere qu'il l'auoit couchee par eſcrit. Il fait mē-  
 tion en ſes liures de l'Epître enuoyee par Clement aux Corinthiens : de  
 laquelle il allegue quelques paſſages. Encor raconte il comment il deui-  
 ſa avec leur Eueſque Prime : & de là paſſa à Rome, du temps que Anicete  
 y gouernoit l'Egliſe. Duquel il dit Eleuthere auoir eſté le diacre, qui ſuc-

*Eſcrits d'E-  
geſippe.*

*Egeſippe de  
quelques  
premiereſ  
heresies.*

*L'Egliſe en-  
cor uſerge  
& non cor-  
rompue.*

*Autre-  
ment,  
Thebais.  
Sept premie-  
res heresies.*

ceda à Sother, comme auſſi Sother auoit ſuccedé à Anicete au ſiege Papal. En outre il porte teſ-  
 moignage, qu'en toutes les villes il a trouué la predication de la parole de Dieu, ſaine & entiere,  
 telle que la loy, les prophetes, & noſtre Seigneur meſmes l'auoit enſeignee. Il fait pareillement  
 mention du commencement de quelques heresies, diſant ainſi : Apres que Iacques le Juſte eut  
 ſouffert martyre pour la parole de verité, comme auſſi auoit fait ſon maĩſtre, en ſon lieu, le fils  
 de ſon oncle Cleophas, nommé Simeon (que tous diſoyent eſtre couſin de noſtre Seigneur) fut  
 ordonné Eueſque de Ieruſalem. Or appelloit on pour lors l'Egliſe Vierge, pour autant qu'elle  
 n'auoit pas encor eſté corrompue par vaines doctrines. Thebutes, homme du populaire &  
 de petite eſtime, fut le premier qui commença à la deprauer & gaſter : pour cauſe qu'il nauoit  
 peu paruenir à eſtre eſleu Eueſque, quelque pourſuite qu'il en euſt faite. C'eſtoit l'un des ſept  
 heretiques : comme auſſi fut Simon, duquel ſont venus des Simoniaques : & Cleobie qui a do-  
 né le nom aux Cleobiens : comme Doſithee, aux Doſitheens : Gorthee, aux Gortheens : & Maſ-  
 bothee, aux Maſbotheens. Les Menandriens, Marcionites, Carpocrathiens, Valentinienſ, Ba-  
 ſilidiens, & Saturnienſ ſont deſendus des deſſuſdits. Chacun d'eux à part a introduit & mis en  
 auant ſes opinions propres & peculiers à foy. Et de là ſont yſſus des faulx Chriſts, faulx pro-  
 phetes, faulx Apoſtres, qui ont mis diuiſion en l'vnité & concorde de l'Egliſe, tenans de meſ-  
 chans & dangereux propos contre Dieu & contre le Chriſt ſon fils. Le meſme Egeſippe eſcrit  
 auſſi des heresies des Iuiſ, & dit : Pluſieurs opinions & ſectes diuerſes ſe ſont trouuees en la  
 Circoncifiō, entre les fils d'Iſrael cōtre la bande & lignee de Iuda, & cōtre le Chriſt d'icelle : ſça-  
 uoir eſt, des Heſſeens, Galileens, Hemerobaptiſtes, Maſbotheens, Samaritains, Sadduciens, Pha-  
 riſiens. Il a encor parlé de beaucoup d'autres choſes, dont i'en ay allegué cy deuant vne partie,  
 ſelon que la matiere l'a requis. Et touchāt ce qu'il a couché par eſcrit, pluſieurs choſes ſont prin-  
 ſes de l'Euangile des Hebreux & des Siriens, & auſſi du langage Hebraïque & entre autres choſes  
 il donne aſſez à congnoiſtre que du Iudaïsme il eſt venu à la Chreſtienté. Il fait auſſi men-  
 tion d'autres choſes, ſuyuant la tradition des Iuiſ, ſans qu'ils les ayēt miſes & redigees par eſ-  
 crit. Quant aux Prouerbes de Salomon, il les appelle Sageſſe, remplie & ornee de toute vertu :  
 & non ſeulement luy, mais Irenee auſſi, & pluſieurs autres, meſme quaſi tous ceux que l'ancien-  
 neté fait eſtre en recommandation, ſont de ceſt aduiſ & iugement. Touchant les liures que l'on  
 nomme Apocriphes, il dit que ce qui a eſté controuué en iceux, y a eſté adiouiſté ſecretement par  
 quelques heretiques de ſon temps meſme.

Escrits de  
Denys, Eues-  
que de Co-  
rinthe.



Yant parlé d'Egesippe, ie veux en son ordre tenir propos de Denys le Corinthien, qui eut l'administratiō de l'Eglise du lieu de Corinthe: auquel estat non seulement il profitta beaucoup par son saint labeur & travail charitable à ceux qui luy estoient donnez en charge, mais aussi à tous autres qui demouroient en loingtain pais, se rendant facile à tous, & escriuant des Epistres Catholiques à ceux auxquels il ne pouuoit par viue voix donner instruction. La premiere de ses Epistres s'adresse aux Lacedemoniens, qui contient le Catechisme, c'est à dire, l'instruction ou enseignement de la vraye opinion & meilleure doctrine: de laquelle le titre

est, De la paix & vnitē. La seconde fut par luy enuoyee aux Atheniens, par laquelle il les incite & aiguillonne à suyure la vraye & entiere foy: avec vne aigre reprehension (legitime toutefois & raisonnable) de ce qu'ils ne se monstroient pas assez ententifs ny soigneux a l'endroit de la doctrine Euangelique & bonne maniere de viure: pour autant qu'ils auoyent quasi du tout delaisse & quittē la profession Chrestienne, depuis que leur Euesque Public auoit souffert mort par martyre, durant la persécution qui se faisoit pour lors contre les Chrestiens. Il dit encor en ceste meisme Epistre, que Quadrat succeda à Public au gouuernemēt de l'Eglise: & que par son estude & soing, les fideles de rechef commencerēt à faire assemblee entre eux, & que lors le feu de la vraye foy commença à s'allumer de rechef. En ce liure aussi il donne à congnoistre que saint Denys l'Arcopagite print la charge de l'Eglise d'Athenes, induict à ce par les bons aduertissemens & monitions de saint Paul. Il a encor escrit vne autre Epistre à l'Eglise de Nicomedie, en laquelle il s'arreste & appuye sur les reigles & traditions Ecclesiastiques, en resistāt fort & ferme à l'heresie de Marciō. On dit d'auantage qu'une autre Epistre est siēne, qui s'adresse aux Gortynians & au reste des Eglises de Cādie: en laquelle (avec ce qu'il louē Philippe leur Euesque, d'auoir bien & deuement gouuernē son Eglise florissante en toute louange de magnanimitē & vertu) finalement il les admoneste de se donner garde des fraudes & meschacetez des heretiques. D'auantage en ce qu'il escrit à Amastrides & aux Eglises de Pont, il fait mention de Bacchilide & Elpiste, qui l'auoyent incité de mettre la main à la plume, & parle aussi de l'Euesque Palme. En ceste Epistre il donne beaucoup de bonnes solutions & declarations des escritures, lesquelles il interprete & expose: & dit plusieurs bons propos touchant la chasteté, & de l'estat aussi de mariage. Il ordonne pareillement que tous les mal-aduisez, qui puis apres se recongnoissans, renoncent à quelque heresie que ce soit, & se corrigent de leurs delicts & pechez, estans conuertis à Dieu par le moyen de penitence & vraye contritiō, soyent receuz doucement au nombre des fideles en l'Eglise. Apres les susdites Epistres celle qui fut enuoyee aux Gnosies, les suit en son ordre: en laquelle il aduertit l'Euesque Pinyte, de n'imposer aux fideles la charge de: viure sans se marier, comme si c'estoit chose necessaire de se passer de femme, mais qu'il eust esgard à l'infirmitē & foiblesse de plusieurs. A laquelle Epistre Pinyte rendant response, admire en partie, louē & embrasse en toute humilité ce personnage saint: en partie aussi le prie de luy vouloir faire tenir des lettres plus fermes & pleines de sentences, ayans plus de maturité, par lesquelles il puisse departir à son troupeau pasture plus solide & viande meilleure: de peur qu'estans tousiours nourris d'alimēs pueriles, il n'enuieillissent en la nourriture de lait.

Tous pe-  
cheurs, fai-  
sans penitē-  
ce, doiuent  
estre receuz  
en l'Eglise.  
.: Notez ce  
passage du  
celibat.  
Pinyte Eues-  
que Gnosie.

Par laquelle Epistre responsiue, Pinyte donne assez à congnoistre, non seulement sa bonne opinion & vraye foy, mais aussi son don de grace quant à bien parler, avec sa prudence diuine, & le grand soin qu'il auoit à l'auancement & profit de son troupeau. Pour retourner à Denys, il enuoya pareillement vne Epistre à Soter, Euesque & Pape de Rome, de laquelle il m'a semblé bon mettre en ce lieu quelque passage, touchant la coustume des Eglises, qui a duré iusques à leur persécution. Approuuant laquelle coustume, il parle ainsi: Desia dès le commencement

:: Coustume  
ancienne en  
l'Eglise Ro-  
maine, d'en-  
uoyer l'au-  
mosne aux  
Eglises &  
Chrestiens  
affligez.

vous auez ceste :: accoustumance, de faire à tous les freres fideles autant de plaisirs que possible vous est, & d'ayder & secourir plusieurs Eglises, qui sont par toutes les villes: au moyen dequoy il y ia long temps qu'auiez soulagé la necessité des pauvres (comme encor faites pour le present) & allégez le labeur des freres travaillans aux metaux, retenans (comme Romains tels que vous estes) la bonne coustume Romaine, qui vous a esté baillee de vos ancestres. Laquelle non seulement vostre bon & bien-heureux Euesque Soter a contregardee, mais aussi augmentee, tant en enuoyant en secret plusieurs presens aux saintes personnes par sa liberalité, qu'en aduertissant & endoctrinant les freres retournans par deuers nous par ses bons propos & salutaires, comme feroit vn bon pere à l'endroict de ses enfans. Au mesme lieu il parle de l'Epistre que Clement a rescritte aux Corinthiens, & donne à congnoistre qu'au temps passé la coustume ancienne estoit de lire telles Epistres en l'Eglise: Car il dit ainsi, Nous auons passé ce iourd'huy, qui est le iour de Dimēche, auquel la lecture de vostre Epistre a par nous esté faite, laquelle aussi

no us

„ nous lironstousiburs cy apres, afin de nous en aider, comme d'un bon aduertissement & instruction salutaire : comme nous lisons ordinairement l'Epistre que Clement nous a escrite. D'avantage, il a luy-mesme parle des escripts, qui auoyent esté cauteleusement deprauez & meschamment corrompus par quelques heretiques : disant ce qui s'ensuit, l'ay escrit quelques Epistres, à la requeste des freres Chrestiens: „ mais les apostres du diable les ont remplies d'iuoye, effaçans aucuns passages du mien, en inserant & adioustant d'autres de leurs testes : „ ausquels est preparee la malediction. Et certes ce n'est pas merueille, si quelques vns ont eu la hardiesse de corrompre & falsifier les escripts du Seigneur Dieu : veu qu'ils ont desia dressé plusieurs embusches aux miens, qui ne sont en rien semblables, pour estre comparez aux saintes escriptures. Encor y a il vne epistre de luy addressée à Chrysophore, fidele sœur en Dieu : à laquelle escriuant choses conuenantes, il l'a saoulee de nourriture raisonnable de pain Celeste. C'est ce que ie voulois dire de ce saint homme, Denys.

*Epistre de Clement le Romain, leuë en l'Eglise, à Corinthe. „ Epistres de Denys le Corinthien, deprauees par des enuieux, luy encor uiuant.*

„ sans se marier] Touchant le fardeau du Celibat, il y a plusieurs belles sentences de saint Ignace. Si quelcun peut demeurer & viure en chasteté, qu'il y demeure en l'honneur de la chair de nostre Seigneur, & sans aucune vanterie ny gloire. Or est il bien seant & faut que ceux & celles qui se marient, ordonnent si bien le fait de leur mariage, selon la volunté de l'Euesque, afin que les nopces se facent selon Dieu, & non, suyuant un appetit desordonné de paillardise: N'impose à aucun le fardeau du Celibat, luy deffendant de se marier. Car c'est chose dangereuse, & quand on l'obtient, difficile à garder, lors qu'on la garde par necessité & contrainte. Permetts, que les ieunes gens se marient, auant qu'ils soyent corrompus par les amours des paillards. Au Gnomologic Grec, liure 1. chap. 14. où il faut noter, que l'Eglise ne contrainct personne à garder le Celibat, mais elle reçoit ceux qui de leur gré & volunté se presentent pour garder le Celibat.

*De Theophile, Euesque d'Antioche, & de ses escripts.  
Chap. I X.*



Vant à Theophile, Euesque d'Antioche, il y a trois liures, des Institutiōs ou Enseignemens, que lon dit estre de sa composition : & sont dediez à vn personnage, nommé „ Autolic. Puis vn liure contre l'heresie de Hermogenes, auquel il vſe de plusieurs tesmoignages, extraicts de l'Apocalypse ou reuelation de saint Iean. Nous auons entre mains d'autres siens escripts & œures, remplis de diuines & saintes doctrines. Au demeurant, voyant les Euesques des Eglises, qui estoient par le mode, que les heretiques prenoient accroissement parmy la bonne & pure semence de la toy Chrestienne, comme fait l'iuoye avec le blé : ils les empeschoyent de venir à maturité, & les repoulsoyent tout ainsi qu'on chasse les bestes sauuages, maintenant par aduertissemens, admonitions & instructions enuoyees par escrit, aux freres Chrestiens : tantost parla seule vertu & force de paroles, faisans barbe à leurs ennemis, & combatans face à face, afin de les renuerſer & abbatre : quelquefois en les poursuyuant par les liures, qu'ils mettoyent en lumiere, pleins de confutations certaines & argumens valables : pour confondre leurs heresies. Entre lesquels Euesques, celuy, duquel ie parle presentement, est l'un des plus forts guerriers & apres defenseurs : comme il est assez euidēt par les liures que nous auons de luy, qu'il s'est porté vaillant à l'encontre de l'heretique Marcion, & a descouuert son erreur & cautelle : Et n'est pas seul, qui a bataillé contre Marcion Pontique : mais Philippe aussi, qui estoit Euesque de Gortyne (comme peu auparauant nous auons apprins, par le dire de l'Euesque Denys) a composé & mis en lumiere vn fort beau liure contre luy : comme aussi a fait Irenee, & Modeste, lequel a principalement descouuert & reprins les impostures & abus sur tous les autres. Plusieurs outre ceux cy, luy ont aussi liuré le combat, desquels les escripts & monumens ont esté iusques à ce temps gardez curieusement par gens studieux & amateurs des bonnes lettres.

*Escripts de Theophile, Euesque d'Antioche. „ Autres l'appellent, Anatolie.*

*Liures de Theophile, contre Marcion.*

*De Meliton, Euesque de Sardes, & de ses Opuscles.  
Chap. X.*



V mesme temps Meliton & Apollinaire, l'un Euesque de l'Eglise de Sardes, l'autre de Hierapolis, florissoyent sur tous, & tenoyent le premier lieu, quant à la grace de bien dire, & quant à la doctrine & vie Apostolique. L'un & l'autre, chacun à part, firent vne Oraison deuant l'Empereur Marc Antonin, le ieune, par lesquelles ils defendoyent la religion Chrestienne. Quant à Meliton, il composa deux liures du Pasque, ou Passage : au commencement desquels il monstre en quel temps ils ont esté couchez par escrit, disant ce qui s'ensuit : Ces liures ont esté escripts „ & composez par moy, durant le temps que Seruile Paul tenoit la place de Proconsul au

*Escripts de Meliton & d'Apollinaire.*

*Defence des  
Chrestiens,  
dedicee par  
Meliton à  
l'Empereur  
Antonin.*

gouvernement d'Asie, lors que Sangaris souffrit martyre, & qu'en la ville de Leodicee s'esmeut „  
vne grande question touchant le Pasque ou Passage, dont tout à temps la feste estoit aduenue „  
& tombee en ces mesmes iours. Clement Alexandrin parle semblablement de ces mesmes li- „  
ures, en son œuvre de Pasque, lequel il tesmoigne & afferme auoir esté par luy composé tout „  
expres pour l'amour de Meliton. D'auantage nous auons en main vn liure de Meliton, qui est „  
de la Police & des Prophetes: vn autre, de l'Eglise: vn autre, du iour de Dimenche: vn autre, „  
intitulé de la Nature & facture de l'homme. Puis vn, de l'obeissance de la foy: vn autre des „  
Sens & de leurs sieges. D'auantage, il en a fait vn, de l'ame & du corps: vn autre, du lauement „  
& de la verité: de la foy & de la natiuité de Iesus Christ: Puis, de la Prophetie, & de l'Hospitali- „  
té & recueil enuers les estrangers. Outre, celuy que lon nomme la Clef: du Diable: de l'Apo- „  
calypse ou reuelation de Saint Iean: de Dieu incorporé. Encor y ail vn liure, lequel il presenta „  
à l'Empereur Antonin, où il parle de nos affaires en ceste sorte: Maintenant à la fin est aduenu „  
ce que iamais on n'auoit veu estre fait: que ceux qui adorent & aiment Dieu, sont affligez, exi- „  
lez & bannis, suyuant les edicts publiez par le pays d'Asie. Car il y a des calomniateurs effron- „  
tez, qui, pour leur conuoitise & auarice, ayans leurs cœurs aux biens d'autrui, prennent occasiō „  
sous l'ombre des constitutions & ordonnances des princes & de iour & nuict, publiquement „  
& en secret de rechercher & constituer prisonniers, & mesme faire mourir les pauvres Chrestiens „  
qui n'ont commis aucune chose meritant punition. Si cela se faisoit par vostre commandement „  
& ordonnance, il y auroit apparence de l'approuuer, & n'y trouueroit-on pas tant à dire: Car „  
vn prince raisonnable & iuste n'ordonnera iamais chose iniuste ny contreuenant à la raison, & „  
encor voudrions nous porter patiemment & endurer de bon cœur l'honneur de tel martyre, „  
si il venoit de vostre part, & que vostre plaisir fust de commander ainsi estre fait. Seulement nous „  
vous supplierions d'une chose, qui est, que vous ne mettiez rien à execution, sans y auoir pre- „  
mierement aduisé avec bon conseil & meure deliberation: & qu'il vous plaise ordonner, en „  
questes ou informations estre faites des autheurs de si grande perseuerance: suyuant lesquelles „  
vostre iugement fust donné par droit & raison, si telles gens sont dignes de punition & sup- „  
plice de mort, ou bien de salut & repos. Mais si c'est à vostre sceu, que (telle ordonnance & con- „  
stitution ayant esté publiee, par vne nouvelle façon de faire) on exerce cruauté sur les corps de „  
vos citoyens par feu & boucherie non accoustumee (chose, qui ne fut iamais parcy deuant „  
faite, non pas mesme contre les ennemis barbares:) encor auons nous plus grand besoin de „  
vous presenter nos requestes, tendans à fin qu'il vous plaise ne nous despriser au temps de si „  
grand effort public & ouuerte pillerie: ains tourner les yeux de vostre clemence vers vos pau- „  
vres suiets, redigez en telle extremite de toutes miseres. Encor dit-il peu apres ce qui s'en suit: „  
Nostre Philosophie Chrestienne a esté par cy deuant florissante par le pays des Barbares, & tāt „  
qu'elle a eu son cours es provinces de l'Empire Romain, lors que l'un de vos ancestres Augu- „  
ste Cesar auoit le maniment des affaires, comme Empereur qu'il estoit: cela portoit fort bon „  
heur à vos seigneuries & pays. Car depuis ce temps là, tousiours l'Empire Romain a prins ac- „  
croissement sans fin ny mesure: duquel vous estant fait successeur, au desir de tous vos suiets, „  
par vn bien long temps le tiendrez en main, & le gouvernerez comme vn bon prince doit fai- „  
re, si vous & vostre fils gardez en son entier ceste Philosophie, laquelle a quasi esté nourrie en- „  
semble avec l'Empire, & prins son accroissement avec l'Empereur Auguste. Car c'est la religiō, „  
de laquelle vos deuiciers Empereurs ont eu meilleure estime, & tenu plus de conte, que de tou- „  
tes autres religions. En premier lieu, ce, qui monstre que nostre profession apporte bon heur à „  
la Republique, est, qu'elle a commencé à estre en vigueur, lors que l'Empire estoit en sa plus „  
grande force, & que rien n'est adueni sous le gouvernement d'Auguste, qui fust contre le „  
bien public: ains au contraire, toutes bonnes choses & heureuses sont arriuees selon le vouloir „  
& desir d'un chacun. Neron & Domitian se sont trouuez seuls, qui, ayans presté l'aureille aux „  
enuieux, flateurs & meschans hommes, ont esté tellement persuadez par eux, que leur vouloir „  
& permission a rendu nostre profession suiette à calomnie & faulxe accusation. Et voila d'où „  
est venue la menterie de ces effrontez calomniateurs, qui, par vne tres-inique façon de faire, „  
ayans le mot du prince, faisoient beaucoup d'auantage qu'il ne leur estoit commandé. Mais „  
vos pere & mere, aimans la pieté, ont corrigé leur ignorance & iugement: quand souuent ils „  
ont reprins aigrement par leurs lettres patentes, ceux qui auoyent eu la hardiesse d'ordonner „  
ou entreprendre quelque chose contre nous, qui ne feust conforme aux loix & à l'equité. En- „  
tre lesquels vostre ayeul, l'Empereur Hadrian, a r'escrit de cest affaire & à Fundan Procon- „  
sul en Asie, & encor à plusieurs autres grans Seigneurs, establis sous luy, au gouvernement „  
de plusieurs Princes. Vostre pere aussi, administrant les charges de l'Empire avec vous, a „  
escrit expressement de nostre affaire, par vn edict en forme de lettres patentes, qu'il en- „  
uoya à quelques villes, & nommément aux Larissiens, Thessaloniciens, & en general à tous „  
les Grecs, avec deffence de ne faire ny attenter contre nous aucun cas de nouuelleté. „  
Or auons nous ceste persuasion, que vous nous accorderez & ferez tout ce que deman- „  
dons, & encores d'auantage: veu que vous estes celuy qui auez meilleure opinion du fait „  
de

*La religion  
Chrestien-  
ne est apu-  
blice, l'Em-  
pire Romain  
fut au plus  
haut de ses  
biens & ho-  
neurs, sous  
le prince  
Auguste  
Cesar, Em-  
pereur.  
Neron &  
Domitian  
persecu-  
teurs des  
Chrestiens.*



de nostre religion, que n'ont eu tous vos deuanciers Empereurs, comme celuy duquel le iugement est meilleur, & l'esprit plus capable d'humanité & de philosophie. Voila ce que dit iceluy en son oraison addressée à l'Empereur Antonin. Mais en ses Eclogues ou colloques, & en ses abbregez des escritures, il raconte par ordre, dès le commencement à vn nommé Onesiphore, (lequel il introduit parlant audit œuure) les liures du vieil testament, lesquels sont receuz sans aucun contredit. Il loüe aussi grandement Onesiphore, par ce que sa foy estoit bien approuuée & congneüe, & pour ce aussi qu'il auoit employé tout son temps à l'estude des saintes lettres afin de les apprendre. Il dit aussi qu'il alla expressément à la ville de Hierusalé; & non pour autre occasion, sinon à celle fin qu'estant là il comprint la verité des liures de l'escriture. Desquels mettant par escrit le nombre & les noms, il dit ainsi : Il y a cinq liures de Moysé : sçauoir est, *Meliton, des liures canoniques du vieil testament.* Genese, Exode, Leuitique, Nombres, Deuteronomie : puis Iesus fils de Naué, le liure des Iuges, Ruth, quatre liures des Rois, deux liures des Chroniques nommez Paralipomenon : le liure des Psalmes de Dauid : les Prouerbes de Salomon, ou la Sapience : l'Ecclesiaste, le Cantique des Cantiques, Iob : les liures des Prophetes, sçauoir est, d'Esaié, de Ieremie, des douze Prophetes : Daniel, Ezechiel, Esdras. Puis il poursuit, disant : Desquels j'ay recueilly les Eclogues ou deuils, & mis à part les belles sentences & bons enseignemens seruans de doctrine : les ayant redigé & mis en six liures. Or c'est assez d'auoir dit cecy de Meliton.

*D'Apollinaire Hierapolitain : puis de Musan, & de Bardefanes  
de Syrie : & de leurs escrits*

*Chap. X I.*

**L**es œuures d'Apollinaire, entre plusieurs autres, sont ceux qui s'ensuyuent : Vne oraison à Antonin, pour la foy : cinq liures, ausquels il parle avec les Grecs ou Gentils : deux liures, de la verité : deux liures aussi adressez aux Iuifs : & d'auantage, ce qu'il a composé contre l'heresie des Phrygiens : laquelle peu de temps apres amena choses nouvelles en l'Eglise, & commença premierement à pulluler & ietter les bourgeons de la venimeuse semence, dès lors que Montan se print à sortir hors du chemin de la vraye foy, avec ses deux faulces prophetisses. Je ne diray que cela d'Apollinaire Hierapolitain. Quant est des œuures de Musan, duquel j'ay desia parlé cy deuant, nous auons de luy vn tres beau liure escrit à quelques freres, où il les desenhorte & tâche à gagner, d'autant que sans raison ils s'estoyent laissez aller de la part des Encratites : desquels la secte, nouvellement de ce mesme temps mise sus, auoit introduit & amené vne mauuaise opinion & dangereuse heresie. Nostre histoire a desia monstré, que Tatian auditeur & disciple de Iustin le martyr, estoit capitaine & auteur de telle secte, & que Seuerel l'auoit multipliée, & auancee. De laquelle Irenee parle en ceste sorte : Les heretiques, nommez Encratites ou Contiens, ont prins leur source de Saturnin & Marcion, lesquels ont enseigné le celibat, disans qu'il ne falloit point estre marié : & reiettoient la premiere creation de Dieu, accusans tacitement par ce moyé celuy qui auoit créé l'homme & la femme male & femelle, pour la multiplication des humains. Ils ont aussi ordonné, qu'il falloit s'abstenir des choses qu'ils nomment animees : ne sçachans aucun gré (comme gens ingrats) à Dieu, qui a fait & créé toutes choses. Ils nient aussi obstinément, le sauement du premier homme. Voila ce que j'auois à dire de Musan. En ce mesme temps, que les heresies des Phrygiens & autres estoient abondantes en la Mesopotamie, Bardefanes de Syrie (personnage fort docte rant es autres langues, qu'en celle de son pays : d'auantage fort bien exercité & duié à repoulsier les heretiques) mit en lumiere quelques dialogues, & plusieurs autres escrits en langage Syriaque, contre Marcio & autres, auteurs de cinq opinions variables entre elles, leur faisant visage, & les combatant vaillamment avec bons argumens & viues raisons. Lesquels liures plusieurs de ses auditeurs ont traduit en langue Grecque, pour autant qu'ils soustenoyent & deffendoyent brauement la parole de foy. Encor a il escrit vn liure de l'ordonnance diuine, à laquelle l'homme ne peut contreuenir : qu'il a dédié à l'Empereur Antonin, où il declare assez le Pere du Verbe eternal. On dit aussi qu'il a composé plusieurs autres opusculs, prenant occasion de ce faire à cause de la persecution & poursuite contre les Chrestiens. Or auoit-il esté premierement disciple de Valentin : mais apres l'auoir reprouué, & confuté par bonnes raisons ses opinions fabuleuses & doctrine erronée, il s'estima estre paruenü à la fin & perfection de la vraye foy : toutesfois il ne nettoya pas du tout les ordures de son ancienne opinion, qui estoit si bien enracinée en son esprit, qu'il ne la pouoit arracher.

*Eusebe en son hist. eccl. li. 5. c. 19  
Encratites; est adire cōtinens, deffendoyēt de se marier, & cōmandoyent de s'abstenir de viandes.  
1. epist. à Tim. ch. 4.  
Liur. 1. c. 30  
Salut du premier homme.  
Escrits Ecclesiastiques de Bardefanes Syrien.*

# LIVRE III. DE L'HIST. ECCLESIASTIQUE

*De Caie : & Tertullian, lequel escrit qu'à la priere des gens de guerre Chrestiens, Dieu envoya la pluye, lors qu'en Allemagne l'armee Romaine mourroit de soif : & qu'à mesme instant la foudre mit les ennemis en pieces, du temps de l'Empereur Marc.*

Chap. X X I I.

*Caie au-  
theur Eccle-  
siastique.*



Plusieurs autres pareillement ont prins les armes de leur sçavoir en main, & ont combatu, d'vncourage totalement Chrestien, les heresies, pour soustenir la foy Catholique : & à ceste cause ils ont laissé plusieurs liures par escrit à la posterité, apres avoir eu congnoissance de l'estat & coustumes de l'Eglise, mettans en leurs œuvres ce qu'ils en sçauoyent, & auoyent apprins de leurs deuanciers ou par leurs escrits, ou de viue voix, & autrement sans escriture. Entre lesquels Caie & Tertullian meritent auoir place, qui nous ont mis en main beaucoup de liures tres-

*Tertullian.*

*Mesme  
qu'il auoit  
coustume de  
l'appeller  
maistre.*

*Les gens  
d'armes*

*Chrestiens,*

*estans à la  
solde de*

*l'Empereur*

*Marc An-*

*tonin, impe-*

*rerent de*

*Dieu, par*

*leurs prie-*

*res, la pluye*

*en tēps d'ex-*

*trême se-*

*cheresse, &*

*la victoire*

*au milieu*

*d'un tres-*

*grand desef-*

*poir: par la-*

*quelle vi-*

*ctoire An-*

*tonin mit*

*fin à la guer-*

*re Marco-*

*mannique :*

*& deliura*

*les Panno-*

*nies, ayant*

beaux & doctes : mais ie n'ay pas entrepris de les nommer tous à part & l'un apres l'autre. Quant à Tertullian, il a esté prestre en son viuant : & auoit vn pere Centenier. Lon dit que Cyprian prenoit grand plaisir à ouyr sa leçon. Et par ce que sur tous il auoit la grace de bien parler & escrire, il composa plusieurs liures sous l'Empereur Seuer : Toutefois il se laissa aller à la doctrine de Montan, l'heretique, pour raison de l'enuie que le Clergé Romain luy portoit, tellement qu'il mit en lumiere quelques liures à l'encontre de l'Eglise, en defendant l'opinion de Montan. Il a pareillement escrit de la Continence, de la Persecution, du Ieune, de Monogamie (c'est à dire, mariage avec vne seule femme, sans se remarier apres sa mort : ) d'Ectase (ou excès d'entendement) six liures : sept contre Apollone : & beaucoup d'autres, ausquels il a adiousté l'Apologie & defence de la foy, dediee au Senat Romain : en laquelle il fait vn tres-beau discours, qui est tel : Quand l'Empereur Marc Antonin faisoit guerre contre les Allemans & Sarmates, & mettant en ordre ses gens de guerre, dressoit ses bataillons, pour donner le choc à ses ennemis, Aduint que toute son armee se trouua en telle extremité de routes choses, & entre autres fut tellement affoiblie, pour cause de la soif (laquelle ja long temps elle auoit enduré, qu'il ne luy restoit plus que le desespoir) lors que l'escadron des Chrestiens se mit à genoux (suyuant nostre coustume) pour prier Dieu, & implorer son aide. Chose, qui causa vne crainte & frayeur aux cœurs des ennemis, comme nouuelle & non accoustumee en leur endroit. Encor aduint il d'auantage, vn plus grand cas outre l'opinion & attente de tous, lors que les gens de guerre Chrestiens estoient ainsi en prieres : Car & l'ennemy se trouua par plusieurs fois frappe, & poursuuy à grans coups de tonnerre, & foudre tombant du ciel : & l'armee des Romains, estant sur le point de mourir de soif à faulte d'eau, fut abreuee & soulagee au moy des grandes pluyes qui vindrent apres le tonnerre : tant les prieres des nostres eurent de puissance & vertu enuers la maiesté diuine. Non seulement cela se trouue dans les histoires Ecclesiastiques, mais les auteurs profanes aussi, qui ont redigé par escrit les faits des Empereurs Romains, en parlent : non pas qu'ils attribuent si grand miracle aux prieres des nostres (car comment le feroient ils, veu qu'ils sont du tout cōtraires à nous ?) mais ceux qui tiennent nostre party, ou qui nous portent quelque faueur, n'estans poussez par aucune affection, attribuent à la verité ce miracle aux prieres des nostres. Entre lesquels Appollinaire a dit d'auantage, quel Empereur ordonna & voulut que la legion, qui estoit composee de gens Chrestiens, tint le premier & principal lieu en l'armee, par certaine prerogative & priuilege, & qu'elle marchast deuant toutes les autres compagnies & enseignes : & encor iceluy Empereur luy donna le nom de foudroyante. Tertullian aussi en est assez suffisant & bon tēsmoin, lequel en a escrit ainsi : Il y eut aussi pour lors des lettres escrites par Marc Empereur tres-prudent, par lesquelles il porte tēsmoignage, que la soif, que l'armee des Romains endura iusques à l'extremité au pays d'Allemagne (quand ils furent tous sur le point de mourir à faulte d'eau) fut appaisee & estanchee du tout par le moyen d'une pluye non esperee, que les gens d'armes Chrestiens impetrerent de Dieu par leurs prieres. Ce mesme Empereur ordonna, sur peine d'auoir la teste trenchee, qu'il n'y eust aucun si hardy de dresser accusation contre les Chrestiens, menaçant les accusateurs d'iceux de les faire mourir le plus cruellement qu'il seroit possible. Tertullian met puis apres : Combien donc ceux qui sont enqueste seulement de nous, sont iuges iniques, iniustes, cruels, & retirez de toute pieté ? veu que Vespasian, encor qu'il fust victorieux des Iuifs, ne commanda point que les Chrestiens fussent poursuyuis ny veillez ? En faueur desquels Traian en partie a cassé les premiers edicts, deffendant qu'on laissast les Chrestiens, sans faire aucune enqueste d'eux : Mesme que l'Empereur Hadrian, esplucheur diligent de toutes choses & curieux au possible, & celuy qu'on appelloit Pie, ont ordonné par edict, qu'aucune poursuite ne fust faite à l'encontre de telles manieres de gens. Quant à Caie, il a acquis grande louange & gloire sous Zephirin, Pape, à cause d'un dialogue compose par luy contre Procle sectateur de Montan : auquel il repréd son audace temeraire & effrontee, d'auoir mis en auant vne nouuelle prophetie.

<sup>a</sup> auteurs profanes) Iules Capitolin, en la vie de Marc le Philosophe Empereur, en parle ainsi :

il impetra par ses prieres, & quasi arracha par force la foudre du ciel, contre l'effort de l'ennemy, moyennant la pluye à ses gens, lors qu'ils estoient travaillezz de soif.

Dion est autheur, qu'une legion du nom Chrestien impetra cela. Suidas semble avoir attribué le tout à un nommé Iulian, prestre.

b prerogative & priuilege) Les deux freres Empereurs, ayans memoire du bien receu par les prieres de la legion Chrestienne, par lettres patentes ont confirmé la religion Chrestienne, & deffendu d'accuser les Chrestiens, ordonnans qu'ils fussent de mesme condition que les autres, quant aux offices & honneurs. Ce qui est assez bien deduit en la loy Generaliter. S. final. ff. de Decuri. Les Seigneurs Vero & Antonin ont permis à ceux qui suyuent la profession Iudaique (qui s'entend de la religion Chrestienne) d'acquiescer les honneurs & estats: mesme qu'ils ont defendu expressement sur certaines peines, de ne les empeschier ny troubler en leur façon de faire.

D'Irenee Euesque de Lyon: & qu'en son temps y a eu des predicions & deuinemens celestes, excedans quasi la foy & creance des hommes.

Chap. XIII.



V surplus Irenee, Euesque de la ville de Lyon (par dedans laquelle la riuiere du Rofne passe) & successeur de Pothin (qui, estant aagé de quatre vingts & dix ans, endura la mort en France avec les autres martyrs, desquels ie parleray bien tost) fut en sa tendre ieunesse auditeur & disciple de Polycarpe: & depuis laissa plusieurs enseignes de son erudition dignes de memoire. Nous auons en main cinq de ses liures, ausquels il a donné le titre de Confutation, ou Destruction: de la science aussi faullement nommée. Au second desquels il assure elegamment, que de son

*Irenee disci-  
ple de Poly-  
carpe.*

*Liures d'I-  
renee.*

*... sçauoir  
est, des here-  
tiques Gno-  
stiques,  
Du temps  
d'Irenee, en-  
cor se fai-  
soient en  
l'Eglise des  
miracles  
par diuine  
vertu.*

» vertu diuine & admirable. Car il dit ainsi: Tant s'en faut, qu'ils n'ayent pas ce don de grace, de  
» pouuoir faire resusciter les morts par prieres & oraisons, comme nostre Seigneur mesme &  
» les Apostres ont fait: que bien souuent on s'est apperceu, que l'ame est retournée dans le corps  
» d'un tre(pas)se d'entre les freres Chrestiens, la necessité suruenant, quand toute l'Eglise du lieu  
» se mettoit à prier Dieu deuotement, & s'adonnoit plus que de coustume à macerer leurs corps  
» par ieiune & abstinence, tellement qu'aux prieres des gens de bien & saints, la vie estoit réduite  
» à l'homme mort. Et de rechef encor adiouste il les propos qui s'ensuyuent: Que si li veulent  
» soutenir & dire, que le Seigneur a fait ces choses seulement par fantasie & quali par tromperie  
» ou fard, ramenans iceux aux escritures prophetiques, Nous monstrerons que le tout a esté ainsi  
» predit de luy, & pour ceste cause aussi fait à la verité, & que luy est le seul fils de Dieu. Et pour-  
» tant ses vrais disciples & sectateurs perseuerent de faire plusieurs bonnes œures enuers leurs  
» semblables, au nom d'iceluy, ayant receu de luy la grace de ce faire, & suyuant le don que cha-  
» cun d'eux a acquis de sa diuine maiesté. Car quelques vns chassent les diables des corps: les au-  
» tres predissent les choses à venir, & ont des visions, & rendent des responces prophetiques. Il y  
» en a d'autres, qui suruiennent aux affligez par maladie, & mettrons les mains sur eux, leur don-  
» nent entiere guarison. Encor (comme nous auons dit) quelques vns sont aussi retournez de  
» mort à vie, & apres auoir esté resuscitez, ont vescu entre nous long temps depuis. Que vou-  
» lez vous que ie die d'auantage? veu qu'il n'est pas possible de mettre en conte tous les dons de  
» grace venans de Dieu, que l'Eglise, esparse par tout le monde, a receüe de luy, au nom de Iesus  
» Christ, qui fut crucifié sous Ponce Pilate, & lesquels elle descouure & monstre tous les iours  
» à vn chacun par les bonnes & diuines operations qu'elle met en effaiet, en faueur du peuple  
» Chrestien & Catholique? En quoy faisant, elle ne defraude ou trompe personne, ny ne tire ar-  
» gent pour cela: Car tout ainsi que gratuitement elle a receu tel pouuoir de Dieu, aussi elle dispē-  
» se & depart telles graces sans en esperer aucune recompense. Encor en vn autre lieu il dit quasi  
» le semblable à ce que dessus: Nous oyons que plusieurs de noz freres en l'Eglise, ayans les dons  
» de prophetie, parlent par le Saint Esprit de langages diuers, & descouurent & mettent en lu-  
» miere les secrets des hommes pour l'utilité d'iceux, & declarent les mysteres & conseils occul-  
» tes du Seigneur. Voila ce que dit Irenee.

Ce que Irenee a dit des saintes escritures, & de l'Apocalypse ou reuelation de S. Iean, & de la traduction faite par les septante interpretes de la Bible. Chap. XIII.



Renee fait aussi mention de la sainte escriture, & des liures testamentaires & canoniques d'icelle, mettant en premier lieu les quatre Euangiles, tout ainsi quasi que ie les ay contez par ordre sur la fin du second liure de ceste histoire: Et au cinquiesme liure de mesme argument contre les heresies, Irenee parle semblablement de l'Apocalypse ou reuelation de Iean & de son epistre, & encor de

*Liures cano-  
niques du  
nouveau tes-  
tament.*

O iij

*Del' Apocalypse de S. Jean.* l'epistre qui porte le nom de l'Apostre Saint Pierre. Del' Apocalypse il dit ce qui s'ensuit: Il en est ainsi, & est ce nombre trouué en tous les exemplaires plus corrects & anciens. Ce qu'aussi tesmoignent ceux qui ont veu l'Apostre Jean viuant: mesme que les mots declarét le nombre du nom de la beste, selon le calcul & supputation des Grecs, signifié & noté par les lettres qui y sont. Et de rechef il tient ces propos: Assurément ie ne me mettray point en danger de soustenir & confermer quelque chose au vray du nom de l'Antechrist. Car s'il eust esté besoing que de ce temps son nom fust publiquement descouuert & presché: celui qui a veu l'Apocalypse & reuelation, ne s'en fust pas teu, ains nous l'eust enseigné & déclaré. Il n'y a pas long tēps qu'il viuoit encores, & a esté quasi de nostre aage, enuiron la fin de l'Empire de Domitian. Irenee parle aussi de la Sapience de Salomon: & reçoit pareillement le liure du Pasteur, vñant du tesmoignage & autorité d'iceluy, quand il dit: L'escriture donc parle tres-bien ainsi: Premièrement croy qu'il est vn Dieu, qui a créé & parfait toutes choses qui sont en l'vniuers. Encor fait il mention d'un certain Prestre homme de vie Apostolique, duquel il ne met pas le nom. L'ay opinion que c'est vn autre Jean, surnommé le Prestre, qui aussi fut demeurant en la ville d'Ephese, aussi bien que le saint Apostre Jean: duquel il raconte plusieurs belles harangues & propos memorables. Il parle semblablement de Clement & de Iustin, desquels il allegue quelques passages. Quant à ce qu'il a écrit <sup>b</sup> des septante interpretes, & de la traduction faite diuinement par eux des saintes escritures, Il m'a semblé fort raisonnable de le raconter en ce lieu, avec les mesmes propos qu'il en tient. Parquoy Dieu est fait homme, & luy (qui est le Seigneur) nous a sauuez, donnant le signe de la Vierge. Et ne faut pas dire comme aucuns, qui ont bien osé traduire faulxement l'escriture, mettans en ceste sorte: Voicy, vne ieune fille sera engrossie, & engendrera vn fils. Ainsi que Theodotion Ephesien & Aquilas Pontique, tous deux Iuifs conuerts à nostre religion, l'ont traduit. Les Ebionites, suyuant l'interpretation d'iceux, disent que Iesus a esté engendré de Ioseph. Il dit encor peu apres: Auant que les Romains tinssent la nation de Iudee sous leur Empire, lors que les Macedoniens commandoyent encor à l'Asie, Ptolemee, fils de Lage, desirant & s'efforçant au possible d'orner & embellir de toutes sortes de bons liures la biblioteque ou librairie qu'il auoit dressée magnifiquement en la ville d'Alexandrie, demanda aux Ierosolimitains, que par leur permission il luy fust loisible d'auoir leurs escritures traduites en langage Grec: Or par ce qu'encor ils estoient en la suiection des Macedoniens, ne luy osans bonnement refuser la demande, ils esleurent (comme Dieu voulut, qui dispoit cest affaire) d'entre leurs prestres & plus anciens, soixante & dix personnages, tres-doctes & fort bien versez, tant es saintes lettres, qu'es langues Hebraïque & Grecque, & les luy enuoyerēt, pour traualier en cest endroit. Lors Ptolemee, voulant faire experience de chacun d'eux à part: craignant aussi qu'estans tous mis ensemble, ils ne s'accordassent en sorte, que par leur traduction la verité des escritures fust celee & desguisee: les separa tous les vns des autres, & ordonna que chacun d'eux se mist à traduire vn mesme liure. Ce qu'il fit aussi de tous les liures de l'escriture. Puis leur traduction acheuee, ils se presenterent tous deuant Ptolemee, & conferans par ensemble leurs versions, Dieu fut grandement glorifié, & par ce moyen les saintes lettres contenues en l'ancien testament vindrent à la congnoissance des hommes. Car il aduint, que toutes les translations d'eux tous, depuis le commencement iusques à la fin, furent trouuees semblables, & contenans mesme mots & locutions, sans y auoir aucune forme de parler differente en quelque chose que ce fust: de sorte qu'encor pour le iourd'huy, les Gentils mesmes ont tous ceste opinion, que les escritures saintes ont esté traduites par l'aduis & conseil de Dieu. Or ne se faut il pas esmeruiller que la prouidence diuine ait ainsi ordonné cela aduenir, veu que mesme Esdras, prestre de la lignee & genealogie de Leui, fut anciennement inspiré de Dieu, en sorte qu'il composa de rechef, & remit par escrit tous les liures des Prophetes, qui auoyent esté esgarez, & restitua au peuple les loix Mosaiques, & autres escritures, au parauant perduës du tēps de la captiuité du peuple Iudaïque, sous Nabuchodonosor, Roy de Babylone: ce qu'il fit, quand les Iuifs furent de retour en leur pays de Iudee, soixante & dix ans apres leur prinse, lors que Artaxerxes commandoit aux Perles. Voila ce qu'Irenee dit, touchant les escritures saintes, aux vingt & trois, vingt & quatre, & vingt-cinquiesme chapitre du troiesme liure contre les heresies.

<sup>a</sup> nombre du nom de la beste) Irenee, traitant crainctiement & soigneusement de l'inquisition du nombre & nom de l'Antechrist, enuiron la fin du cinquiesme liure, doit estre principalement obserué, quand par un esprit fatidique, pour exemple il propose au lecteur ces trois noms, representans chacun le nombre de six cens soixante-six: qui sont, Euan, Latanos, & Tuitan. Car telles choses ne sont pas sans grand mystere.

<sup>b</sup> des septante interpretes) Saint Hierosme, en la preface sur le Pentateuque, escrit, que les septante interpretes, assemblez tous en la maison Royale, ont conseré les saintes lettres, & non pas prophetes: suyuant en ce l'autorité d'Aristee & de Iosephe, au chap. 2. du 12. li. de l'histoire des Iuifs,

Ce

*Et qu'a escrit Irenee, du nombre des Euesques ou Papes de Rome, & comment les martyrs de Vienne ont recommandé iceluy Irenee à Eleuthere, Pape.*

*Chap. X V.*



N ce liure mesme, chapitre troisieme, il met le denombrement & roolle des Euesques Romains, iusques à Eleuthere, successeur de Soter, & fait iceluy Eleuthere douzieme Pontife de Rome, apres les Apostres, selon l'interuite & succession de ceux qui ont gouverné icelle Eglise, les vns apres les autres. Le denombrement que i'en ay fait cy deuant, est du tout pareil au sien: car il n'y a rien, en quoy il ne luy soit conforme.

Or parlant de Clement assez au long, il tient aussi propos de la seditio qui s'eleua en la ville de Corinthe, & de l'epistre aussi dudit Clement. L'Eglise Romaine (dit-il) a escrit vne fort longue epistre à l'Eglise de Corinthe, taschant à reduire à paix & concorde les auteurs & fauteurs de dissension & renouvelant leur foy, & la tradition que dès le commencement elle auoit receu des Apostres. Il dit encor qu'un des Euesques Romains apres Clement, nommé Telephore, a souffert martyre avec grande gloire: puis en fin il conclud ainsi, Mais pour le present, Eleuthere tient en son rang l'Euesché de Rome, ayant le douzieme lieu (depuis les Apostres) par sa doctrine & grand sçavoir: & est aussi venue iusques à nous la tradition & enseignement que les Apostres ont donné à l'Eglise par la predication de verité.

Or qui voudra sçavoir avec quel ardeur Irenee soustenoit la foy Catholique & profession de nostre religion diuine: il en trouuera tesmoignage assez suffisant en l'Epistre que les martyrs de Vienne & de Lyon (estans encor affligez miserablement en prison) enuoyerent à Eleuthere, Pape de Rome, luy recommandans Irenee, qui lors exerçoit la dignité de prestre avec son grand honneur. La recommandation est telle: A nostre saint Pere Eleuthere salut, & perpetuelle iouissance de toutes choses selon son bon plaisir. Nous auons tât fait enuers nostre frere & compagnon Irenee, que nous l'auons persuadé de vous porter & presenter ces lettres nostres: lequel nous vous supplions auoir pour recommandé, comme celui qui est grand zeleur & defenseur du testament de Iesus-Christ. Que si nous pensions que pour quelque degré d'honneur la personne peust acquerir aucune louange de Iustice: l'estar auquel il est, comme prestre & ministre de l'Eglise, le redroit en premier lieu tres-recommandable enuers vous, à nostre requeste. Encor ya il d'autres œures d'Irenee, à cause desquelles il est fort renommé, comme sont quelques siens escrits à Blaste, & à Florin, & à Marcian: le liure des dispntes: en cor vn liure tres-necessaire, lequel il adresse aux Grecs, & luy a donné le titre De science. Puis ce qu'il a dit touchant le Pasque: de quoy nous tiendrons propos cy apres, quand le lieu & occasion le requerront. Voilà ce que i'auois à dire du saint homme Irenee.

*Des lettres des saints martyrs de France: & de la grande persecution dont ils furent affligés.*

*Chap. X V I.*



Onc puis que nous sommes tombez sur les propos d'Irenee, & des martyrs de Vienne & de France, il m'a semblé raisonnable de faire vn petit discours de leur constance & magnanimité. L'Empereur Antonin Pie estoit en la dixseptiesme année de son Empire, quand plusieurs milliers de martyrs ont enduré la mort pour Iesus-Christ en toutes les côtrees de la terre, lors que le vent violent de la persecutio des Chrestiens souffloit impetueusement par tout, & que les peuples s'eleuoient contre nous, avec vne audace temeraire, par le monde vniuersel: come il est facile de comprendre par ce qui s'est passé en certaines regions par les habitans d'icelles. De quoy aussi les escritures contenans leurs braues combats dignes de perpetuelle memoire, portent assez bon tesmoignage. Or quant à ces histoires prophanes, pour l'ouenance de la prestre: qu'un autre historien y adressant son style, les escriue & raconte les victoires & triomphes sur l'ennemy vaincu, descourant les fineses & ruses de guerre que les Empereurs & autres capitaines ont brassé à leurs ennemis: deduisant aussi comment les affaires des guerres ont esté conduictes sagement avec bon conseil, & vaillamment, & descourant sur la vaillance & prouesse des braues gens de guerre, qui ont gaillardement soustenu le combat pour la defense de leurs femmes, enfans & de leur pais mesme, pour le salut desquels ils ont espandu leur sang abondamment en plusieurs cruelles batailles. De ma part, ie ne feray autre discours en mon histoire (qui a esté par moy entreprinse, pour raconter les façons de faire & autres bonnes ordonnances de la vie & religion Chrestienne) sinon des efforts violens faits,

contre la verité : des combats tres paisibles soustenuz par des esprits excellens : de la magnanimité & vertu admirable & surpassant toute portée de nature humaine, qu'ont eu ceux qui plus tost ont choisi de se monstrier vaillans pour la pieté, honneur & vraye adoration de Dieu, que pour ne se laisser gagner pour sauuer leur vie qui leur estoit treschere : bref, ie me suis proposé de deduire les despoilles & victoires conquises sur les ennemis inuisibles, & des courónes de triomphe, qu'ils en ont rapportees. Ce que i'en graueray non en vn pillier d'airain, ou de marbre, mais bien en colomne de diamant, pour seruir de memoire perpetuelle à toute la posterité. Or pour lors le pais de France estoit comme vne braue lice de martyre : ou entre autres y a deux villes capitales, Lyon & Vienne, par lesquelles la riuere du Rhone passe, apres auoir circuy plusieurs autres lieux de la contree. Les Eglises renommes de ces deux bonnes villes, enuoyerent le registre de leurs martyres, aux Eglises qui estoient en Asie & Phrygie : auquel ils vident de telle preface dès le commencement : Les seruiteurs de Iesus Christ, qui demorent en France es villes de Vienne & Lyon, desirer la paix, grace & gloire de Dieu le Pere & de nostre Seigneur Iesus-Christ aux freres estans en Asie & Phrygie, qui ont mesme foy de la redemption & mesme esperance de la vie éternelle avec nous. Puis ayas adionsté quelques propos apres ceste preface, en poursuyuant leurs lettres, ils vident de telles paroles : Si nous voulions escrire entierement & au long la grandeur de nos afflictions, miseres & tribulations, & le grand courroux que les Gentils ont à l'encontre des saintes personnes, & les calamitez que les bienheureux martyrs ont soustenu & sufferts, il n'est pas en nostre puissance, ny mesme autre ne le pourroit faire comme nous pensons : Car nostre aduersaire se rue sur nous avec toutes ses forces, bien que du commencement il s'est apparu tel, qu'il sembloit que sa presente ne nous faisoit aucune peur. Il a fait l'experience de nous affliger avec toutes sortes de persecutiōs & tourmens, accoustumant & exerçant les siens à l'encontre des seruiteurs de Dieu. Et non seulement les maisons nous sont defendues, & les bains, & le marché : mais aussi toute place publique, sans en excepter aucune, tellement que personne d'entre nous ne s'auseroit aucunement monstrier. Mais la grace de Dieu a tousiours tenu bon pour nous, & bataille encor contre nostre ennemy : car elle a confirmé ceux qui n'estoyent encor assez fermes, & assuré les foibles, leur baillant en barbe les plus stables & forts pour seruir de colonnes tresfermes : comme sont les saintes personnes qui tirent sur eux entierement tout l'effort de ce mal, par endurer patiemment le combe de si grandes aduersitez : & qui ont peu faire teste & combattre leurs ennemis, soustenir toutes sortes d'outrages & tourmens, quels qu'ils fussent & estimer petites & nulles les persecutiōs infinies & grandes : se hastans par ce moyen de venir à Iesus-Christ, & monstrans par effaict que les passións & souffrances du temps present ne sont point dignes de la gloire à venir. Or premierement tous ensemble vniuersellement ont endure iusques à la fin ce que la populace leur a voulu faire souffrir : comme sont les crieries outrageuses & iniurieuses, frapures, veautremens, rapines, lapidatiōs, prisons : bref, toutes autres insolences, dont le peuple furieux & enragé se peult aduifer pour endommager ses ennemis.

*De Vetie, Saint Pothine, Alexandre, Bibliade, Bladille, & autres qui ont tenu bon pour Iesus Christ : & comment leurs cendres furent iettees dans la riuere.*

Chap. XVII.

*Vetie Epagathebraue ieune homme*

*Dix Chrestiens renoncant au martyre.*

*Seruiteurs infideles questionnez, pour les faire accuser les Chrestiens de meschancetez execrables.*



A mesme epistre poursuyuant le discours de ces saints martyrs, montre comment ils furent menez deuant le Tribun, interrogez par luy, puis constituez prisonniers : Entre lesquels y auoit vn ieune homme, nommé Vetie Epagathe, lequel (estant en la fleur de son aage, & remply de foy avec toute sorte de bonnes ceuures requises en vn homme de bien) fut tant desplaisant de veoir vn si grand nombre de gens estre tant mal menez & cōduits en la prison, qu'il se mit en deuoir de les secourir & oster d'entre les mains des Satellites : & pour cause d'une braue profession, il fut saisi au corps, & mené par force avec le autres prisonniers. Or entre eux y en eut dix, qui, vaincuz de la grandeur du danger où ils estoient, renoncèrent au martyre, & eurent la vie sauue : chose qui causa grande peur aux autres saintes personnes, craignans la fin douteuse qui pourroit suruenir de cest accident : sçauoir est, qu'ils ne fussent en danger de laisser la foy en Iesus-Christ. Toutefois il y en eut d'autres iusques à pareil nombre, qui tindrent la place des dix Apostats. Encor n'estoit ce pas assez, mais on choissoit les plus gens de bien de l'un & de l'autre Eglise : & prenoit-on aussi avec les martyrs, des seruiteurs Gentils qui estoient contraincts à force des fouets & tortures, de controuuer faulxement contre nous des crimes incroyables, & qui ne sont pas dignes d'estre ny ouyz, ny racontez, comme d'auoir tué & mangé nos enfans, ainsi que fit Thyestes : d'auoir mis à mort nos peres, & habité charnellement avec nos meres, comme fit Oedipe : & plusieurs autres execrables malefices qui sont en horreur au ciel & à la terre, & lesquels on n'a creu auoir iamais esté perpetrez depuis la creatiō de l'univers

De



« De sorte que le mauuais bruit & diffame de telles meschancetez a contre nous animé tout le  
 « monde : mesme que ceux qui iusques à present auoyent esté les plus moderez & rassiz en no-  
 « stre endroit, à raison de leur familiere conuersation & humanité avec nous, ont changé de cou-  
 « rage & sont entrez en fureur, ne ralschans qu'à nous nuire. Et pour ceste cause les saincts mar-  
 « tyrs ont souffert des tourmens qu'il ne seroit pas possible de raconter : mesme que Sathan s'es-  
 « forçoit de tout son pouuoir de faire sortir hors de leur bouche quelque blaspheme. Or estoit  
 « principalement la fureur de la populace des gens d'apparence, des soldats, & du gouuerneur  
 « descochee sur vn bon personnage, nommé Sainct, diacre de l'Eglise de Vienne : sur Mature,  
 « guerrier de foy, courageux & fort, encor qu'il fust nouuellement illustré de la grace diuine : sur  
 « Attale, natif de Pergame, qui estoit le support & appuy des fideles Chrestiens de France : & sur  
 « .i. Blandille, de seruile condition quant au corps, mais d'esprit libre & de cœur affranchy. Car  
 « Dieu representa & fit veoir en elle, que les choses qui sont estimees des hommes comme viles  
 « & de nul prix, estoient en tres-grand honneur quant à son endroit, pour cause de l'affection  
 « singuliere & amour tres-grande que les bons esprits luy portoyent. Car encor que tous eussent  
 « peur d'elle, & mesmement sa maistresse quant à la chair (qui estoit presente, & du nombre des  
 « vaillans combatans pour Iesus-Christ) fust en grâd soin & soucy, de crainte que par imbecillité  
 « de nature à cause de son sexe & aage, sa seruante ne peust souffrir patiamment iusques à la fin les  
 « peines des tourmens qui luy estoient preparez à raison de sa profession, Le bruit est qu'elle eut  
 « si bon courage, & fut tellement confirmee en son opinion sainte, que les bourreaux qui de-  
 « puis le matin iusques au soir ( venans les vns apres les autres pour se soulager & faire reposer  
 « ceux qui s'estoyent lassez à force de frapper ) n'auoyent fait autre chose que de la battre sans in-  
 « termission à coups de verges, fouets & bastons, furent decouragez de la plus tourmenter, &  
 « confesserent qu'elle les auoit vaincuz par sa patience, tellement qu'ils n'en pouuoient plus, &  
 « estoient en doute qu'ils deuoyent faire d'elle. Car ils s'esmeruilloient grandement de ce que  
 « son corps estant deschiré de toutes parts & ouuert à force de coups, l'esprit luy restoit du tout  
 « sain & entier : Mais elle ne faisoit conte de tous ces tourmens, ains enduroit patiamment côme  
 « si dés son enfance elle eust esté accoustumee & duiète à tels cōbats : & quant elle pouuoit crier  
 « par fois à haulte voix qu'elle estoit Chrestienne, cela luy seruoit de relasche, & luy estoit aduis  
 « qu'en ce faisant elle ne sentoit ses playes aucunement. Quant à Sainct, il se presenta aux bour-  
 « reaux, avec hardy & vaillant courage, & vainquit leur rage inhumaine & cruauté barbare en  
 « tourmens, avec telle patience, qu'estant interrogué d'eux, il ne leur parla ny de sa nation, ny de  
 « son païs, ny de son nom, ny d'autre chose quelconque : mais en tel combat & lutte de supplices  
 « ne fit autre responce à toutes leurs interrogations sinon qu'il estoit Chrestien : combien qu'ils  
 « esperoyent ouyr de luy quelque propos contraire à nostre religion & degenerant d'icelle, pour  
 « raison des tourmens grieux & intolerables qu'ils luy faisoient endurer. Parquoy estans lassez de  
 « la peine qu'ils auoyent prinse à le tourmenter inhumainement, à la fin ils s'aduient de faire  
 « chauffer plusieurs petites lames ou escailles d'airain, & les attacher toutes ardentes sur les mè-  
 « bres plus tendres & sensibles du pauvre patient : desquels estans ainsi bruslez, il en prouenoit  
 « vne odeur avec la gresse qui en sortoit. Et combien que telle inuention de supplice fust inhu-  
 « maine au possible, si est ce que le bon homme demouroit tousiours constant en son opiniō &  
 « ferme en la foy : tellement qu'il prenoit consolation de foy mesme de plus en plus, sentant les  
 « playes de sa brullure arrousee & raffraischies de l'eau de vie distillate de la fontaine celeste de  
 « Iesus Christ. Or tout le corps de Sainct, avec tous ses membres, estoit martyr du tout : ce n'estoit  
 « rien qu'une playe : ce n'estoit rien qu'une marque ou cicatrice enflanglantee, tellement qu'il  
 « festoit retiré & n'y auoit, qu'à l'exterieur, aucune apparence de forme humaine. En quoy, Ie-  
 « sus-Christ mesme souffrant, luy estoit cause de grande gloire & parfaite louange, & foulloit aux  
 « pieds son aduersaire. Car il môstra bel exemple à tous autres, que rien n'y a qui soit terrible ny  
 « à craindre, où est la dilection & amour de Dieu le pere : rien plein de miseres, ny à plaindre, où  
 « est la gloire de Iesus-Christ. Or les aduersaires, creuans de despit & bruslans d'ire, eurent opi-  
 « nion qu'ils pourroient mieux venir à bout des Chrestiens s'ils leur laissoient reprendre aleine,  
 « puis par interualle de rechef, apres qu'ils seroient reposez, recommençoient à les tourmenter  
 « comme deuant : Car ils estimoient, que les martyrs, vaincuz par le moyen de telles cruantez, se  
 « tourneroyent à leur malheureuse impieté : ou bien, que mourans par supplices trop inhumains,  
 « ils donneroyent aux autres crainte & estonnement, de sorte que la peur les feroit changer d'o-  
 « pinion. Toutesfois commençans à ce faire à l'endroit de Sainct, ils furent tellement deceuz  
 « de leur esperance, que son corps estant soudain guarý & sain, sans aucun sentiment de tourmens  
 « ny douleurs, ils virent à l'œil, qu'il auoit recouuert sa forme entiere & l'usage de ses membres,  
 « tellement qu'il sembloit que les coups inhumains qu'on luy donnoit de rechef, luy seruoient  
 « d'entiere guarison & non pas de supplice : chose qui aduenoit par le secours qui luy estoit don-  
 « né de grace diuine. Au resté, ils mirent aussi la main sur le collet d'une certaine dame, nommee  
 « Bibliades, à laquelle (ayans dechiqueté son corps à coups de fouets & verges) ils s'efforçoient  
 « de faire dire que nos sacrifices n'estoyent autre chose qu'une offense detestable contre la diuinité.

Pourquoi  
 les Chre-  
 tiens ont  
 encouru l'in-  
 famie &  
 haine du  
 commun.

Sainct, dia-  
 cre : Matur-  
 e, Attale,  
 Blandille,  
 martyrs  
 principaux.

.i. Eusebe  
 la nomme  
 Blandine,  
 au 5. liu. de  
 l'hist. eccle.  
 chap. 1. 2. 3.

patience  
 admirable  
 de Blandille  
 à endurer  
 toutes sor-  
 tes de tour-  
 mens.

Les saintes  
 personnes se  
 sont grande-  
 ment dele-  
 stées &  
 glorifiées  
 au nom des  
 Chrestiens.

Iesus mes-  
 me souffrit  
 en ses mar-  
 tyrs, comme  
 en ses men-  
 bres.

Le corps de  
 Sainct, cruel-  
 lement ville-  
 né par les  
 bourreaux,  
 diuinement  
 guarý &  
 rendu sain  
 cōme deuant.

Grand cou-  
 rage des Bi-  
 bliades.

Mais elle soustint tout le contraire de ce qu'ils attendoyent : & ( comme si elle eust esté sucil-  
lee d'un long sommeil ) dist d'avantage ce qui s'ensuit : Commét seroit il possible , que les per-  
*Martyrs* sonnes Chrestiennes mangent les enfans , veu que mesme ils s'abstiennent de goûter du sang  
*tourmentez* des bestes qui sont sans raison ? Disant ces paroles & endurent courageusement ce qu'on luy fai-  
*en prison,* soit patir, elle fut mise au nombre des martyrs. Or quand ces bourreaux & tirans congneurēt  
*par ordures* que par la vertu de nostre Seigneur, ils estoient les plus foibles, & que l'effort & patience des  
*et villes* martyrs les avoit abbatuz & vaincuz : l'arrest de leur aduis fut, que desormais ils les affligeroyēt  
*nies d'icel-* dans les prisons. Suyvant laquelle deliberation, les pauvres Chrestiens estoient tourmentez, tāt  
*les.* par l'obscurité & ordure des fosses tenebreuses, que par gennes & tortures, par lesquelles on  
leur estendoit les pieds & mains iusques à desnouer tous leur mēbres, alonger les nerfs, venes  
& arteres, & faire sortir les os de leurs ioinctures. Parquoy plusieurs d'entre eux se sont trou-  
vez estouffez es liens, autres ne viuant qu'à regret, sont morts pauvement en langueur, estans  
destituez de tout secours humain. Quelques vns ne pouans endurer l'odeur & ordure des  
prisons, sont decedez tout aussi tost qu'on les y a mis. Voylà comment nostre Seigneus Iesus-  
*Martyre de* Christ glorifioit ses martyrs en diuerles sortes. Or Pothin, Euesque de l'eglise de Lyon, fut me-  
*Pothin, E-* né en iugement avec les autres, lequel estoit homme fort debile, comme ayant passé l'an qua-  
*uesque de* tre vingt & dix de son aage : tellement que pour cause de son infirmité naturelle, il n'auoit qua-  
*Lyon.* si le pouuoir de se soustenir. Toutefois combien qu'il viuoit à grand peine, ayant le corps def-  
fait, maigre & foible, à raison de sa viellesse, qui donnoit à congnoistre le peu de courage & for-  
ce qui estoit en luy, Si est-ce que le grand desir de souffrir martyre, & soustenir sa religion, luy  
haussa le cueur, & le rendit plus fort & vaillant, que son aage ne portoit. Car estant deuant le  
*Renieurs de* Tribunal au consistoire, il ne desista de soustenir la profession Chrestienne : & quand le iuge luy  
*Iesus Christ* eut demandé, qui estoit le Dieu des Chrestiens : Vous le sçavez, (dist il) quand viendrez à  
*apres auoir* estre Chrestien. Ceste responce entendue, encor fut il traicté & batu plus rudement : Car les  
*renoncé à la* satellites, qui estoient plus pres de luy, se getterent de pieds & de mains sur ses blancs cheveux,  
*foy Chre-* & luy firent plusieurs outrages : les autres estans plus loing, luy ruerent à la teste tout ce qu'ils  
*stiens, sont* rencontrerēt, & se presentoit à leurs mains. De sorte que tous pensoient grandement offencer,  
*mis en pri-* s'ils laissoient en arriere quelque insolence ou inhumanité, qu'ils ne meissent à execution sur  
*son comme* luy : estimans tous, leurs Dieux estre bien vengez par ce moyen. Or ce bon homme, ayant esté  
*mal fai-* si mal-mené, qu'il ne pouoit quasi plus respirer, fut remis en prison : où il rendit son ame à  
*teurs : ou* Dieu, deux iours apres qu'on l'eut attainct si cruellement. Au surplus, ceux, qui auoyēt renoncé  
*admirans* Iesus Christ, furent mis en prison comme mal faicteurs, & leur donna-lon les Chrestiens en gar-  
*l'heur des* de : à la veüe desquels ils estoient confermez, & les prioient d'estre receuz avec eux : par ce  
*Chrestiens,* qu'ils les voyoyent estre ioyeux & gaillards, rempliz de gloire & de grace, sentans la doulce  
*qu'ils desi-* odeur de Iesus-Christ, comme s'ils eussent esté oincts de quelque vnguent pretieux ( comme  
*royent, a-* aucuns estoient d'aduis ) de sorte que leurs liens ressembloyēt aux ornemens bien-duisans des nou-  
*uoient pitié* ueaux mariez, attifez mignonnet. Mais au contraire, eux ( qui auoyent laissé leur Seigneur )  
*de leur for-* estoient laids, difformes, ords, mal sentans, pleins de meschanceté, subiects à iniure, comme gés  
*tune.* ayans dans eux vne conscience vengeresse & bourrelliere de leurs ames, qui les conuainquoit  
d'auoir reietté ( ainsi que meschans hommes, peu constās, homicides d'eux mesmes ) le plus ex-  
cellent nom qu'il soit, & perdu le titre de Chrestiens. Toutefois les fideles ne firent aucune dif-  
*Ils sont re-* ficulté de les recevoir avec eux, ostans toute suspeçon & deffiance qu'ils eussent peu auoir de  
*ceux volō-* leur premiere constance. Dés ce temps les martyrs furent tourmentez les vns d'une sorte, les  
*tiers en la* autres d'une autre : Car ils tissoient vne couronne d'innies fleurs dissemblables en couleur &  
*compagnie* forme, pour la presenter au Seigneur Iesus-Christ : au moyen de quoy ils meriterent recevoir le  
*et grace* guerdon eternal d'immortalité perdurable. Or Mature & Sainct, Blandille & Attale furent ame-  
*des martyrs* nez deuant tous en vne place publique, & presentez aux bestes sauuaiges, au milieu de l'Amphi-  
theatre, où ils firent espreuue de pareilles angoisses aux precedentes. Puis ayans vaincu vne in-  
finité de diuers tourmens, finalement on les fit asseoir dessus vn siege de fer, sous lequel y auoit  
grand feu allumé : où ayans esté quelque tēps si grande senteur de brulure sortit de leurs corps  
qui rostissoient, que les bourreaux en estoient tous remplis iusques à ne la pouoir plus sup-  
porter. Encor auoyent ils si grand dueil de veoir la constance des martyrs estre telle, que, com-  
me gens agitez de furie, ils se donnoient toute peine à eux possible de vaincre leur patience en  
quelque sorte que ce fust. Il est bien vray que Sainct & Mature, ayans souffert les assauts de si  
aigre combat, à ce iour mesme paruindrent au bout de leur course : car ils passerent au trenchāt  
de l'espee, & furent offerts à Dieu en sacrifice agreable. Blandille fut attachee & estendue sur vn  
pieu, & laissée pour viande aux bestes : où representant le supplice de celuy qui pour elle fut  
crucifié, elle donna occasion grande à ses compaignons d'armes, de desirer tel martyre, voyans  
leur sœur auoir eu la constance & issue telle qu'ils desiroient. Enquoy elle sembloit monstrier &  
quasi persuader, que celuy qui endure pour la gloire de Iesus-Christ, est participant des passios  
du Dieu vivant. Or par ce que les bestes sauuaiges ne la vouloyent aucunement attoucher, elle  
*Martyre de* fut reseruee à autre combat : par lequel non seulement elle se monstra vn exemple certain de  
*Blandille.* magna-

magnanimité & constance aux freres Chrestiens, ayans vaincu le mal-heureux serpent diabolique en plusieurs & diuerses lutttes, bien qu'elle fust imbecille & foible : mais aussi rapporta la bien-heureuse couronne d'immortalité, par le moyen de son defendeur invincible Iesus-Christ, à l'ayde duquel elle repouloit son aduersaire par vne infinité de combats. Apres elle, Attale estoit mené au theatre, deuant lequel on portoit vn petit tableau, ayant telle inscription : Cestuy-cy est Attale le Chrestien. Or estoit il du nombre des plus grands & nobles personnages de la ville, d'autant ferme & saine conscience, & autant bien duié à soustenir virilement le party de la religion Chrestienne, & porter tesmoignage de la verité avec asseurez constâce, qu'autre que lon eust peu trouuer. Luy estant amené, la populace effrontee commença à faire vn merueilleux bruit : mais le gouuerneur congnoissant qu'il estoit citoyen Romain, le mit en seure garde, iusques à ce qu'il eust sondé le vouloir de l'Empereur, touchant son fait & de quelques autres aussi. Or ceux qui par auoir renoncé à la religion Chrestienne pour la crainte du martyre, estoient morts au parauant, quant à l'ame, venans à se recongnoistre, de rechef receurent l'esprit de vie : tellement que la mere sainte Eglise embrassa ses enfans retournez à vie, lesquels elle auoit deiettez & abandonnez comme perduz & trespassez. Car ayans presté l'oreille à vne doctrine plus douce, la force & puissance d'endurer leur fut donnée de celuy qui ne vult pas la mort du pecheur, mais plus tost qu'il se conuertisse & viue. Ce temps pèdant Cesar enuoya des lettres parentes, suyuant le contenu desquelles tous les Chrestiens Romains passerent au fil de l'espee, les autres furent presentez aux bestes pour estre deuorez, ou bien endurerent d'autres supplices griefs & inhumains. Or en premier lieu on faisoit poursuite & enqueste de ceux qui auoyent vû de repentance, puis s'estoyent recongneuz : car ceux qui les cerchoient auoyent esperance que de rechef estans prins ils se dediroient cōme au parauant. Ce qui aduint de quelques vns, qui indignes de tel honneur, peu fermes en la foy, & n'ayans pas assez ferme opinion touchant le fait de nostre doctrine, suyrirent la voye de perdition, & pour la seconde fois renoncèrent au Christianisme : mais il y en eut entre eux de plus asseurez, qui, plustost que changer de loy, aymerent mieux endurer la mort par martyre. Vn certain personnage, nommé Alexandre, homme fort docte en medicine, & bien congneu par toutes les contrees de la France, fut mis au nombre des martyrs : comme celuy qui estoit fort libre, en paroles, & remply de grace Apostolique. Aduint vn iour qu'il assistoit au parquet, & par signes aduertissoit les martyrs d'estre constans & asseurez, quand, estât apperceu, on le saisist, comme celuy qui auoit affection de participer à leurs tourmens Parquoy estant accusé deuant le iuge, & condamné à mourir, il fut exposé à la cruauté des bestes, avec vn autre Chrestien, nommé Attale. Toutefois les bestes ne les endommagerent aucunement : qui fut cause qu'apres qu'ils eurent passé beaucoup de martyres, on les mit à mort comme victimes agreables à Dieu. Il est bien vray qu'Alexandre ne tint aucun propos lors qu'on le faisoit mourir : Mais Attale ce pendant qu'il brusloit, assis sur vn siege de fer, avec grand feu dessous, & que l'odeur de la chair & graisse remplissoit toute la place, parlant en langage Romain, dit seulement ces paroles : Ce que vous faites n'est autre chose, que mâger chair humaine. Quāt à nous, il ne se prouuera pas que nous mangeons les hommes ny enfans : ny d'auātage, que nous faciōs aucun mal. Il y eut quelcun qui l'interrogea du nom de Dieu, demandant comment on le nommoit, auquel il respondit ainsi : Dieu n'a point de nom, comme l'homme. Or au dernier iour des ieux d'escrime, la vertueuse Blandille fut presentee avec vn ieune fils de quinze ans ou enuiron, nōme Pōrique : ausquels deux on fit cōmandement de iurer par les Idoles ou semblances des Dieux. Ce que l'un & l'autre refusa de faire : parquoy la populace fut tellement animée & aigrie cōtre eux, qu'à la poursuite on leur fit souffrir des tourmens infiniz, tellement que le ieune fils n'ayant la force de pououir endurer supplices tant inhumains, rendit à Dieu son esprit. Blandille fut la dernière, qui esmeuë, comme vne vaillante mere ayāt enuoyé deuant soy ses enfans victorieux à leur Roy, se hastoit d'aller ioyusement à la mort, comme à vn banquet de nopces : auquel il sembloit qu'elle se preparast, & nō pas à seruir de viande, & estre mise en pieces par les bestes. Parquoy apres auoir enduré les verges, le hazard des bestes, & la chaudiere, à la fin elle fut enfermee en vn rets, & presentee à vn taureau sauage & furieux : lequel l'ayāt remuée & tournée ça & là par plusieurs fois, long temps durant, finalement l'estrangla. Les bourreaux inhumains, qui l'auoyent persecutee en tāt de sortes, s'esmerueillans de sa constance asseurez porterent tesmoignage que iamais ils n'auoyēt veu vne femme souffrir tant de cruauté ny si grandes. Quant le tout se fut ainsi passé, ce ne fut pas assez à ces meschans persecuteurs d'auoir traité tant cruellement les pauures Chrestiens durant leur vie : mais encor ils adioustērēt au comble de leur inhumanité, plusieurs torts & outrages, qu'ils firent mesme contre les corps morts de ceux ausquels ils auoyent osté la vie. Et la cause de leur cholere tant grande, estoit, qu'ils voyoyent leur fureur estre vaincue par la patience Chrestienne. Parquoy ils donnerent ordre, par le moyen des chiens & mastins (qui gardoyent les corps tant de iour que de nuict) qu'aucun n'eust l'honneur d'estre enseuely ny mis en terre, tant de ceux qui s'estoyent laissez mourir en la prison, que des autres qui auoyent esté tourmētez par diuers martyres, iusques à la mort. Dauātage, ce qui restoit de la cruauté des

Les remi-  
eurs de le-  
sus venans  
à se recon-  
gnoistre,  
sont receuz  
par l'Eglise  
leur mere.

Les Chre-  
stiens Ro-  
mains sont  
mis à l'es-  
pee, les au-  
tres iettez  
pour viade  
aux bestes.

Quelques  
vns de re-  
chef renon-  
cent à Iesus

Alexādre,  
medecin,  
martyr.

Martyre  
d'Attale.

Martyre de  
Pontique,  
ieune fils.

Martyre de  
Blandille.

Les bourre-  
aux vain-  
cus par les  
martyrs.

# LIVRE IIII. DE L'HIST. ECCLESIASTIQUE

*L'honneur  
de la sepul-  
ture est nie  
aux mar-  
tyrs.*

*Les corps  
des martyrs  
redigez en  
cendres, les-  
quels sont  
iettez dans  
le Rhosne.*

*Comment  
les tyrans  
pensoient  
retirer les  
Chrestiens  
de l'espera-  
ce à la resur-  
rection.*

bestes, & violence du feu, bien que telles reliques fussent menues, & quasi toutes redigees en charbons, fut expressement donné en charge à quelques bandes de gens-d'armes, pour en faire bonne & seure garde par plusieurs iours: cōme aussi furēt les testes & autres pieces des corps, rongnees ou par le feu, ou par les dents des lions, & autres bestes sauvages. Et encor partie des soldats commis à telle garde, grinçoit les dents à l'encontre des corps morts, afin que leur fureur ne pardōnast pas mesme aux reliques des defuncts, les oultageāt en toutes sortes: partie se moquoit des corps trespassez. Et si quelques vns sembloient estre plus doux & equitables, à l'endroit des martyrs decedez, que les autres: soudain on leur demādoit (cōme par reproche iniurieuse) où estoit le Dieu des Chrestiens, & que leur auoit profitē leur religion de laquelle ils auoyēt plus tenu de cōte, que de leurs propres vies. Or le troupeau des fideles, qui resta de telle boucherie, se sentoit fort atteint de douleur & tristesse, pour ne luy estre permis d'enseuelir & mettre en terre les corps morts des saincts martyrs. Et tant s'en fault, que les prieres des gens de bien eussent aucun lieu pour feschir les tyrans & meurtriers sanguinaires, de leur dōner permis d'inhumier les pauvres gens meurtriz, que mesme iamais ils ne peurēt auoir le moyen de ce faire, ny par l'obscuritē de la nuit, ny à force d'or & d'argent, qu'ils leur vouloyent donner pour les racheter & payer leur rançon: estimans (ces mal'heureux bourreaux) que ce leur estoit le plus grād gain qu'ils en eussent sceu iamais retirer, si les corps des pauvres Chrestiens mis à mort demeuroyēt sans sepulture. Suyuant ce discours, y a en la mesme epistre: Parquoy les corps des sainctes personnes mal traitez avec, toute sorte de mocqueries & outrages, & iettez puis çà puis là par le tēps de six iours entiers au milieu des rues, & à la veue d'un chacun, furent finalement bruslez & redigez en cendres: puis lesdictes cendres esparfēs & iettees dans la riuere du Rhosne, qui passe par là. Ce que aucuns meschans gens firent expressement, afin que rien du tout ne restast de leurs corps sur la terre: cōme si (par cela) ils eussent voulu vaincre Dieu, & se monstrier plus grands que luy, ayās opininiō qu'ils pourroyēt empescher par ce moyē la generatiō d'iceux: afin que (disoyēt ils) ceux de la secte Chrestienne, n'ayēt aucune esperance de la resurrectiō future, par laquelle ils sont induits à nous mettre en auant vne religion estrange & nouuelle: qui est cause, qu'ils ne tiennent conte de chose, tant soit elle dure & difficile à supporter, & se presentēt à la mort gaillardement & ioyeusement sans aucune crainte ny regret à leur vie. Mais voyons maintenant s'ils resusciterōt & si leur Dieu les peult secourir & oster de nos mains. Tout ce que dessus est racontē en mesmes paroles en icelle epistre. Or est il facile à coniecturer & penser par raison, qu'ēs autres provinces on n'en faisoit gueres moins qu'en France: & que par tout y auoit dēs lors vne infinitē de martyrs.

*Quelle vision apparut au Martyr Attale, pour raison d'un autre martyr, qui menoit une vie trop dure & estrange: puis comment les martyrs de Iesus-Christ, ont facilement fait grace & pardonné à ceux qui auoyent failly.*

Chap. XVIII.

*Humilité  
& abbaiss-  
ement es-  
merueillable  
des  
saincts mar-  
tyrs, refu-  
sans le nom  
de martyrs.*

*Iesus Christ  
vray & fi-  
dele mar-  
tyr.*

*Memoire  
de martyrs  
defuncts.*



En la mesme epistre y a vn autre cōte, digne d'estre recitē & mis en auāt, lequel i'ay estimē deuoir estre bien receu, cōme vtile à plusieurs, si ie le mettois en ceste histoire. Or en est tel le discours: Vn certain bō personnage, nomē Alcibiades, du nōbre des martyrs, menoit vne vie austere, dure & estrāge, de sorte qu'il ne viuoit que de pain & eau seulemēt, sans vser de quelque autre viāde, quelle qu'elle fust. Quād il fut emprisonné avec les autres, il vouloit obseruer ceste mesme façon de faire: mais quād Attale, apres auoir soustenu le premier combat de son affliction, fut mis en la mesme prison, aduertty du fait d'Alcibiades, & l'ayant entendu, Il luy remonstra, que ce n'estoit par bien fait à luy, de n'vsr des creatures de Dieu: veu que par ce moyen il donnoit occasion de scandale & offense à plusieurs. Alcibiades, apres telle remonstrance, osta tout scrupule (quant aux viādes) & en mangeoit de toutes sortes, sans auoir esgard quelles elles estoient, sinon qu'il se donnoit garde d'en prendre son saoul. Dont se trouuant mieux que deuant, il rendit grāces à Dieu de luy auoir enseignē & aprins le default qui estoit en luy. Aussi la grace de Dieu n'estoit pas eslongee d'eux, car le saint Esprit les accompagnoit, les conseillant en toutes choses, & dressant leurs affaires de mieux en mieux. L'epistre mesme de laquelle i'ay tant de fois parlé, recite ce qui s'ensuit, touchāt l'equitē & humanitē des mesmes martyrs: Ils furent tellement emulateurs de Iesus-Christ, que, quand ils'estoient en si grande gloire, & soustenoyent les efforts du martyre, portans les marques & cauterēs de nostre Seigneur Iesus, ne s'appelloient point martyrs, ny ne vouloyent endurer qu'aucun de nous vsast de tel nom, en leur endroict: & si quelqu'un des Chrestiens les appelloit martyrs, ou en leurs epistres, ou en leurs harangues, sermons & deuiz: ils les reprenoyent aigrement, quittans volontiers l'appellation du martyre à Iesus-Christ, vray & fidele martyr & tesmoing, qui est le premier nay des morts, & capitaine & auheur de vie, comme Dieu. Encor y a il d'auantage en cest

„ cest escrit, qu'ils ont celebré la souuenance & memoire des trespassez: disans, que ceux que Ie-  
 „ sus-Christ auoit tirez à soy, estoient martyrs: & qu'eux, qui restoyent sur terre, ne pouuoient  
 „ auoir autre titre, sinon de personnes viles, & de nulle apparence. Encor demandoient ils, que  
 „ lon feist prieres pour eux, à fin qu'ils eussent ce bien de soustenir le combat iusques à la fin  
 „ avec louange & gloire. Aussi, combien qu'avec grande liberté ils montraissent par effaict qu'en  
 „ eux estoit la vertu du martyr, si est-ce qu'ils ne se vouloyent attribuer le nom: car ils aimoyent  
 „ beaucoup mieux s'humilier sous la main puissante de Dieu, l'ayans en crainte & reuerence, à  
 „ fin que puis apres ils fussent exaltez, que se glorifier vainement deuant le monde: Aussi ont ils  
 „ eu le soing de defendre vn chacun, & n'accuser personne, tellement que tous estoient par eux  
 „ desliez, & nul lié: mesme que (à l'exemple de sainct Estienne, qui en auoit autant fait au para-  
 „ uant) ils ont tousiours faict prieres à Dieu en faueur de ceux qui en les tourmentant leur fai-  
 „ soient du pis qu'ils pouuoient. Encor la mesme epistre contient les propos qui s'ensuyuent:  
 „ Ils auoyent tresgrande guerre contre l'aduersaire & ennemy de nature humaine, laquelle ils  
 „ conduisoient avec vne integrité de charité, à fin que ceste beste estréglee rendist tous vifs ceux  
 „ qu'elle pensoit auoir au parauant deuorez. Car ils ne se sont aucunemēt glorifiez pour la cheu-  
 „ te des pecheurs delinquas: mais ils ont cōmuniqué les dons de grace, dont ils auoyent abon-  
 „ dance, à ceux qui en estoient necessiteux & indigens, de sorte qu'ayans affection maternelle  
 „ enuers tous, mesmement enuers les tirans & persecuteurs, ils ont getté plusieurs larmes au Sei-  
 „ gneur Dieu leur pere, pour ceux qui en auoyent besoing. Ils luy ont demandé la vie, & il leur a  
 „ accordée & donnée, pour en faire part à leurs prochains. Ce qu'ils ont faict par le moyen de  
 „ leur doctrine saincte & exemple salutaire: tellement que la victoire leur est demeurée, quand  
 „ ils ont passé à Dieu. Leur vie a esté tant bien reiglee & conduite, qu'en embrassant tousiours la  
 „ paix, & nous recommandant la paix, en paix il sont paruenus à la paix de nostre Seigneur &  
 „ Sauueur, & n'ont laissé apres leur decez, ny douleur & trauail à leur mere, ny aux freres sed-  
 „ tion & guerre: mais bien liesse, ioye, paix, concorde, vnion & charité fraternelle. I'ay bien vou-  
 „ lu alleguer ces passages, tant à fin de montrer l'affection sincere, entiere & charitable de ces  
 „ saintes personnes à l'endroit de ceux qui se laissoient tomber au gouffre de peché, que pour  
 „ donner aussi à cognoistre combien estoit inhumain & sans pitié le cuer de ceux qui puis apres  
 „ s'esleuerent orgueilleusement, & avec toute inhumanité, contre les membres de Iesus-Christ,  
 „ ausquels ils n'auoyent aucun esgard: tant estoit en eux refroidie la vertu de compassiō. Or à la  
 „ verité, combien que pour lors ces martyrs ayent faict bon deuoir à la defense de leur fidele o-  
 „ pinion, ou mis en auant quelque chose profitable pour l'accroissement de l'Eglise, ce n'est pas à  
 „ dire pourtant, qu'ils s'en soyent enflés ou glorifiez, ny qu'ils en ayant haussé le sourcil par or-  
 „ guel: comme aussi il ne nous fault pas esleuer pour nos bien-faicts, scachans que le tout vient  
 „ de Dieu. Au surplus, dés lors premierement Montan, Alcibiades, & Theodote furent renom-  
 „ mez grandement au pays de Phrygie, tellement qu'on n'auoit point autre opinion d'eux, sinon  
 „ qu'ils estoient prophetes. Car comme en ce temps là plusieurs Eglises auoyent receu de Dieu  
 „ beaucoup de dons & perfectiones, quelques vns (qui estoient en grand nombre) ont estimé  
 „ que ces trois personages participoyent à telles graces du saint Esprit, & pourtant ils eurent  
 „ la reputation d'auoir receu de Dieu le don de prophetie. Il est bien vray, que les opinions es-  
 „ toient diuerses touchant ce point, les vns estans d'un aduis, & les autres d'autre: Mais les fre-  
 „ res Chrestiens, qui pour lors estoient en France, ont mis par escrit le iugement catholique &  
 „ iuste, qu'ils auoyent de ces trois hommes, en la mesme epistre, de laquelle i'ay tant de fois tenu  
 „ propos: & y ont encor adiousté quelques epistres des martyrs dessus nommez, lesquelles ils ont  
 „ escrites, estans en captiuité de prison, & enuoyées aux freres d'Asie & Phrygie, contenans leurs  
 „ opinions touchant quelques questions & disputes des affaires Ecclesiastiques. Or iusques à ce  
 „ lieu i'ay assez parlé des martyrs François: il fault maintenāt passer outre, & changer de propos.

*Belles exem-  
 ples de pro-  
 fession par-  
 faite & ac-  
 complie en  
 la foy Chre-  
 stienne.*

*Les martyrs  
 François ont  
 escrit au log  
 des leur pris-  
 son, aux fi-  
 deles d'As-  
 sie & Phry-  
 gie, leur iu-  
 gement tou-  
 chant Mon-  
 tan & sa  
 prophetie.*

„ osta tout scrupule ] Il n'estoit point utile pour l'Eglise primitive d'estre trop scrupuleux ou superstitieux  
 en viandes, en public, quand principalement l'Eglise n'y auoit point passé: car telle maniere de viure offensoit  
 tant les nouueaux Chrestiens (à cause qu'ils n'estoyent point imitateurs d'icelles) que les payens: d'autant  
 qu'une si grande auerité les pouuoit retirer & esloigner du Christianisme.

*Qui ont esté les Euesques florissans pour lors en dignité Episcopale és Eglises renommées.*

C H A P. XIX.

**A** Pres que Antonin, frere de Vere, eut tenu l'Empire de Rome par l'espace de  
 sept ans & quatre mois, Commode luy succeda, lequel estant en la dixief-  
 me année de son gouvernement, Eleuthere, successeur de Soter, fut Euesque  
 de l'Eglise Romaine: qui, ayant vescu en ceste charge par l'espace de treize  
 ans, laissa Victor en son lieu. Ce Victor gouerna l'Eglise de Rome dix ans du-  
 rans: auquel Zephyrin succeda, l'année .iij. neufiesme de l'Empire de Seuer. Apres Zephy-  
 rin, qui eut la charge de l'Eglise Romaine tant de temps que dixhuiet ans durerent, Calliste

*Euesques  
 ou Papes de  
 Rome.  
 Euesques de  
 Alexandrie.  
 .iij. En la pre-  
 miere an-  
 née de l'Em-*

*perceur Com* print la place: qui la gouverna cinq années seulement, laissant la charge d'icelle entre les mains  
*mode. Euse.* d'Urbain son successeur. En l'Eglise d'Alexandrie, l'Euesque Agrippin fut pasteur du troupeau  
*li. 5. ch. 9.* de Iesus Christ, douze ans durans. Iulian vint apres luy: qui apres y auoir fait bon deuoir par  
 l'espace de dix années, en laissa la charge à Demetrie son successeur. En la ville d'Antioche, apres  
*Euesques* Maximin, qui fut vnze ans Euesque, Serapion fut esleu pour gouverner l'Eglise: qui estoit le  
*d'Antioche.* huietiesme successeur depuis les Apostres. Il en eut assez long temps le gouvernement à son  
 grand honneur & louange: puis la laissa es mains d'Asclepiade, qui luy succeda. De ce temps  
*Euesques* metime, en la sainte Sion & ville de Ierusalem, <sup>b</sup> Narcisse, homme admirable en preud'hom-  
*de Ierusalem* mie, auoit encor la charge de l'Eglise, & tenoit le quinziesme lieu de succession ou suite, depuis  
*esleu des* la seconde destruction d'icelle ville, aduenue du temps de l'Empereur Hadrian. Or ay-ie dict  
*Gentils de-* cy deuant, que depuis ce temps là, apres les Euesques luifs tenans de la circoncision, Marc fut  
*puis la de-* le premier des Gentils, qui print en main le gouvernement de l'Eglise Ierosolymitaine. Apres  
*struction de* lequel, de suite (comme on le trouue es registres de ladicte Eglise) vint vn nommé Cassian: puis  
*la ville. Eu-* d'ordre l'ont suyuy Publie, Maxime, :: Iulian, Caie, Symmache, vn autre nommé Caie, & en-  
*sebe liu. 5.* cor vn autre Iulian, Capito, Valens, Dolichian, puis Narcisse tenant le trentiesme lieu depuis  
*chap. 12.* la succession des Apostres. En la ville de Cesaree en Palestine, Theophile estoit pour lors Eues-  
 que. Es villes du pais de Grece, Bacchyle gouuernoit l'Eglise de Corinthe, Polycrates celle  
*Autres* d'Ephese: & es autres villes il y auoit d'autres Euesques en grand nombre, selon que le cas le  
*disent Iule.* requeroit: tant durant le temps que Commode eut en main l'Empire de Rome, qu'encor a-  
*Euesques de* pres, sous l'Empereur Seuer. Et cecy suffira, touchant ceste matiere.  
*Corinthe et*  
*d'Ephese.*

<sup>a</sup> Antonin] Eusebe liure cinquiesme, chapitre neuuesme, escrit que ce Marc Antonin a gouuerné l'Empire par l'espace de dix & neuf ans.

<sup>b</sup> Narcisse] En la persecutiō sous Seuer, Narcisse Euesque de Ierusalem, fut caché quelques années en lieux solitaires: Ce temps pendant on en mit d'autres en sa place, qui furent par ordre Die, Germanion, Gordie, cōme est dit cy apres, liure cinquiesme, chapitre dixiesme, où est mise vne autre cause de l'absence de Narcisse. Quelques autres auteurs ne mettent point en ce denombrement Symmache, ny le conseil de Caie. Et ainsi, quand Narcisse, retourné de sa cachette, eut reprins l'Euesché, il se trouue le quinziesme Euesque, depuis Marc, en la ville de Ierusalem, & le trentiesme depuis les Apostres.

Denombrement des auteurs & capitaines d'heresie, faulxement nommee Science, qui depuis ont esté:  
 & des hommes Ecclesiastiques qui leur ont resisté. CHAP. XX.



*Artemon*  
*& Montā*  
*heretiques*  
*en Phrygie.*  
 :: Rubera,  
*braisset ou*  
*verdier, es-*  
*pece de rai-*  
*ne.*  
*Victor Eues*  
*que de Ro-*  
*me a refusé*  
*Artemon*  
*& Theo-*  
*dote.*  
*Apollina-*  
*re & au-*  
*tres resiste-*  
*rent à Mon-*  
*tan.*

Ombien que par la vertu & sainte doctrine des personnages diuins, desquels i'ay parlé, les heresies susdictes ayent esté du tout arrachees: si est-ce que l'ennemy de paix, semeur d'yuroye, n'a pas cessé d'en semer d'autres par dessus. Il est vray, qu'encor estoient plusieurs petits regettons & greffes des premieres opinions erronees, qui nuisoient grandement à la pure semence des chāps de Iesus Christ: desquels on voyoit en vn instant bourgeonner & sortir vn grand nombre d'autres heresies, qui de là prenoient leur origine & commencement. Toutesfois à fin de dire verité, toutes ont prins leur source de Simon l'enchanteur, de Saturnin, & de la science hors de raison & mal a propos de Cerinthe. Alors premierement l'erreur d'Artemon & Montan gettoit ses sur-geons, & se trainoit par le pays de Phrygie en Asie, en la façon des bestes venimeuses rampans dessus la terre, ou bien comme les serps pour suiuan le :: braisset, & taschans à le faire mourir. Quant à la secte de Marcion, elle estoit ia diuisee & rompue. Encor estoient en la ville de Rome vn Florin, & vn Blaste, qui auoyent mis en auant quelques nouuelles opinions touchant le vray Verbe de verité. Ce qui les auoit induits à ce faire, fut, que Florin ne sceut auoir le moyen d'impetrer & obtenir vn estat de prestise en l'Eglise, comme il le briguoit: & Blaste, pour chose quasi semblable. Or auoyent ils chacun à part dressé leur boutique contre la vraye pieté, & attiroient à leur erreur plusieurs supposts de l'Eglise. Quant à Artemon, & son successeur Theodote, Constantinopolitain, conroyeur, qui donna grand auancement à son heresie, Sainct Victor leur fit barbe, & les combatit brauement. Leur doctrine peu conuenable est aussi bien refutée par vn liure, qui est appelé, Le petit Labyrinthe: lequel aucuns pensent auoir esté composé par Origenes, mais le style & maniere de parler les contredit, & monstre, que ce n'est pas de sa façon. Au reste, Dieu mit en barbe à Montan, comme pour ser-uir de bouleuert inexpugnable & forteresse inuincible, vn nommé Apollinaire, Euesque de l'Eglise Hierapolitaine, homme fort excellent, & qui auoit conioinct avec la diuine doctrine l'entiere cognoissance des disciplines prophanes. Contre Montan ont escrit Miltiades, Apollone, Serapion Euesque de l'Eglise d'Antioche, & beaucoup d'autres: comme aussi Caie (duquel  
 i'ay



i'ay parlé par cy deuant) a mis la main à la plume à l'encontre de Procle, guidon ou port' enseigne de la mesme heresie. Rhodon homme tres-renommé à raison de sa prudence, résista à l'opinion de Marcion, & à sa diuision. Quant est de Florin & Blaste, qui furent les auteurs & capitaines du schisme & dissension, qui estoit à Rome: Irenee (duquel tant souuent i'ay tenu propos) leur escriuit quelques admonitions & remonstrances, les aduertissant qu'ils eussent à s'arrester aux traditions Apostoliques, & quitter toutes vaines paroles, sans plus vser désormais de quelques estrifs friuoles & disputes inutiles. Or me semble il, que ce seta chose tres-bien faicte à moy, si ie me mets en deuoir de coucher par escrit les faulx enseignemens d'hommes tant dommageables à la religion Chrestienne, leur donnant en face (tant qu'il me sera permis) quelques personnages excellens en pureté de doctrine, qui leur ayent respondu pertinement, & confuté brauement leurs radotemens inutiles & baueries superflues, par argumens valables & raisons inuincibles, puisees au profond de la sainte escripture.

*D'Artemon & Theodote cordonannier & conroyeur, qui enseignoyent que Iesus Christ auoit esté homme purement & simplement : & comment ils furent les premiers qui commencerent à corrompre les escriptures. Puis du confesseur Anatole.*

CHAP. XXI.



Artemon donc, que lon nommoit aussi Artemas, a tenu la mesme opinion que nous auons, du Dieu de cest vniuers, le disant estre createur de toutes choses. Quant à nostre Seigneur Iesus-Christ, il asseuroit qu'il auoit esté homme pur & simple, nay de la Vierge, mais plus excellent en vertu, que ne furent onc les prophetes. Encor affermoit il avec ce, que les Apostres auoient presché le mesme: enquoy il exposoit faulxement & mal les escriptures, & deprauoit le sens des saintes lettres. Il disoit d'auantage, que les successeurs des Apostres auoient attribué la diuinité à Iesus-Christ, combien qu'auparauant il ne fust pas Dieu. Or vn certain

*Heresie & radotemens d'Artemon.*

conroyeur & cordonannier de la ville de Byzance, nommé Theodote, disciple d'Artemon, fut auteur d'une autre secte, & inuenta des reueries pires beaucoup que celles de son precepteur. Cest artisan estimoit auoir fait vn beau chef d'œuvre, d'oster toute autorité aux escriptures diuinement inspirees, auxquelles il ne vouloit foy aucune estre adioustee, mesme qu'il corrompit & falsifia les passages qu'il receuoit des lettres saintes. Mais Victor, Euesque de Rome, résista vaillamment à ces galans, qui abastardissoient & corrompoient la doctrine de la foy, bannissant le conroyeur de la communion de l'Eglise. Celuy qui a composé le liure intitulé Le petit Labyrinthe, reprend aigrement ces deux princes d'heresie, affirmas qu'ils auoient receu telle doctrine des Apostres & de leurs successeurs, & que la verité auoit eu cours iusques au temps de Victor, treizieme prelat de la ville de Rome, depuis le saint Apostre Pierre, laquelle fut corrompue (selon leur dire) par son successeur nommé Zephyrin. Les propos contenuz en ce petit Labyrinthe, sont tels: A l'auenture ce que ces heretiques enseignoient eust eu quelque apparence de verité, si en premier lieu les escriptures diuines ne leur contredisoient: puis les liures d'aucuns prestres fideles, viuans du temps de Victor, lesquels ils ont escrits en faueur de la verité, & tant adressez aux Gentils, que composez contre les heresies. Je dy cecy de Iustin, & de Miltiades, de Tacian, Clement, & de plusieurs autres: par lesquels tous en general la diuinité est attribuee à Iesus-Christ. Car quant aux escriptures d'Irenee, Meliton, & autres: qui est celuy qui ne sçache bien, quelles preschent & publient Iesus-Christ vray Dieu & vray homme tout ensemble: Tous les psalmes aussi & cantiques, qui depuis le commencement iusques à present ont esté composez par gens fideles, donnans louange à Iesus-Christ, qui est le Verbe & parole de Dieu, luy attribuent deité. Veu donc que l'arrest des traditions Ecclesiastiques a esté annoncé & presché depuis tant d'annees, comment pourroit on defendre ny soustenir que ceste doctrine a eu cours és Eglises, iusques au tēps de l'Euesque Victor, cōme disent ces seducteurs? Comment n'ont ils point de honte de controuuer & feindre telles mensonges à l'encontre de Victor, qui est homme de bien? veu qu'ils sçauent tresbien à la verité, que le conroyeur Theodote (qui apres Artemon a esté cōme le pere & prince de ceste opinion heretique, niant la diuinité de Iesus-Christ, & fut le premier, qui le dist estre homme pur & simple) a esté chassé & mis hors de la communion des Chrestiens, par le bon Euesque Victor? Car si Victor eust esté de leur opinion (ainsi que leur blasphemie le monstre) cōment eust il degetté Theodote inuētuer de telle heresie? Apres ces paroles, il en adiouste encor d'autres, qui l'ensuyuent: A dire vray, ils ont falsifié les escriptures saintes sans aucune crainte ny honte, ils ont aboly & mis à neant les anciennes reigles & ordonnances de la foy, ils ont ignoré Iesus-Christ. Aussi ne cherchent ils pas ce que disent les diuines escriptures, ains à l'auenture ils adorent vn Euclide ou vn Galien.

*Refuerie de Theodote cordonannier de Constantinople.*

P ij

Encor y a il peu apres: Or pour ceste cause ils ont mis la main à l'écriture sainte, disans qu'ils la vouloient corriger, amender & purger de toutes faultes. En quoy ils ont depraue & corrompu la sainte vertu des sentences des lettres sacrees, se vantans estre plus sages que le S. Esprit mesme. L'auteur d'iceluy liure nous a laissé par escrit, que ce n'a pas esté fait par eux avec vn mesme consentemēt & accord: car Theodote a dit d'un, Asclepiodote d'autre: de rechef Hermophile s'est arresté à vne opinion, & Apollonides a eu vn autre aduis. Encor dit il, que chacun d'eux a mis en lumiere comme vn amendement & correction de leurs propres escrits: & que le discord des exemplaires se repugnans & contrairians, monstre cela estre vray. Il dit aussi, qu'aucuns d'entr'eux n'ont pas depraue ny corrompu les escritures, mais sont venuz au comble de perdition, par vne doctrine du tout inique & contraire à la vraye religion Chrestienne, sous couuerture de grace diuine, nyans plainement & abolissans entierement & la loy & les prophetes. Le mesme auteur, qui a mis par escrit le liure du petit Labyrinthe à l'encontre d'iceux heretiques, fait vn conte d'eux, duquel il m'a semblé bon faire le discours en ce lieu, cōme venant bien à propos, & estant digne d'estre entrelacé & mis en ceste histoire. Le conte est tel: Vn certain personnage nōme Natalis, du nombre de ceux qui faisoient profession de la religion Chrestienne librement avec gayeté de cuer & sans aucune crainte, fut deceu par Asclepiodote & Theodote (non pas le conroyeur, mais vn orfeure ainsi appellé: lesquels deux auoyēt esté disciples de l'autre Theodote Byzantin, capitaine de ceste mal-heureuse secte, apres Artemon) lesquels firent tant, qu'ils luy mirēt en telle (au moyen d'un bon gage & somme de deniers, qu'ils luy presentoyent) de se faire chef & conducteur de leur compagnie & ligue. Ce qu'ils pratiquent, pour l'auoir veu ferme en la confession de sa foy, dont il s'estoit acquis vne louange & renommee grande: estimans que, s'ils le gaignoyent, il pourroit autant s'opiniastres à defendre leur heresie, qu'il s'estoit monstre constant en sa religion. Le loyer qu'ils luy promettoyent, fut de cent cinquante deniers: par iour. S'estant donc arresté à leur heresie, Iesus Christ, qui est le vray medecin des ames, quelque fois s'apparut en songe à luy, & l'aduertit qu'il feroit bien de se retirer de tel erreur & seduction: Car il ne vouloit pas qu'il perist, estant separé de l'Eglise, veu qu' auparauāt il auoit porté bon tesmoignage de ses passions, & combatu vaillamment, non pour soustenir l'opinion abusive de ces affronteurs, ains pour la doctrine de l'Euangile. Pour tels aduertissemens il n'obeist pas à la vision, craignant perdre l'honneur, qu'il pensoit auoir acquis, pour estre le chef & capitaine de quelque nobre d'hommes seduits: & à l'auenture amorcé (comme homme) de la douceur du gain. Parquoy nostre Sauueur, de rechef le poursuyuant de nuit, le fit fouetter par les anges, iusques au sang, tellement que tout son corps en estoit dechiqueté. Alors il cōgneut par touche & experience, combien est grand le mal que fait celuy qui s'oppose & contreuiet à la volonté de Dieu: & s'estant couuert d'un sac, apres auoir respandu des cendres sur sa teste, soudain que la poincte du iour apparut, il s'en vint en l'Eglise en grand haste, & se getta aux pieds de Zephyrin, Euesque de l'Eglise Romaine, lequel il supplia de vouloir faire prieres à Dieu, amateur du genre humain, en faueur de luy, à fin qu'il luy pleust octroyer pardō à celuy, qui l'auoit ameremēt offensé en le laissant: & môstra publiquemēt de uāt luy les cicatrices, marques & playes, receues à coups de fouets sur tous ses mēbres. Zephyrin, le voyant ainsi plorer & se cōplaindre, eut pitié de luy: & luy donnant la main, lereceut facilement à penitence, bien que toutesfois il fist difficulté de l'admettre à la cōmunion Chrestienne.

:: Nicefore  
dit par cha  
cun iour, ce  
qu' Eusebe  
dit par cha  
cun mois, li.  
5. chap. der  
nier.

Le denier  
uant trois  
sols 6. de  
niers, selon  
la supputio  
de Budé:  
Dōc les cēt  
cinquante  
deniers ual  
ent vingt  
six liures  
tourois.

Natalis est  
batu en son  
ges & in  
mis par le  
sus Christ  
plusieurs  
fois à peni  
tence.

*De l'heresie de Montan, qui est nommee des Cataphryges: c'est à  
dire, des Phrygiens, ou selon les Phrygiens.  
CHAP. XXII.*

Heresie de  
Montan se  
lon les Phri  
giens.

Priscille &  
Maximille  
prophetis  
ses.



Montan, natif d'un certain village appellé Ardaba, fut inuenteur de l'heresie, qui se nomme des Cataphryges, ou selon les Phrygiens. Cest abuseur, esmeu par vne ambition d'honneur & de dignité, & conduict tout ensemble de certaine arrogance & conuoitise de dominer, se disoit estre le Paraclit, mediateur, consolateur, & saint Esprit: qui est le plus enorme blaspheme qui pourroit sortir de la bouche de l'homme. Il auoit avec luy deux siennes femmes, Priscille & Maximille, lesquelles il appelloit ses prophetisses: & disoit, que leurs escrits estoient liures prophetiques. Or auoit il vn malin esprit, qui le gouuernoit, comme aussi deux esprits familiers tenoyēt en leurs liens ses deux femmes, qui fut cause que le malheureux (comme personne estant hors du sens, & trauaillee en sa conscience par vne infinité de diables) commença à dire choses nouvelles & non accoustumees. Au surplus, à fin que l'esprit diabolique, qui les conduisoit, feist plus facilement adiouster foy à ses impostures, il predisoit & deuinoit aucunes choses tant par luy, que par ses deux femmes, seulement par coniectures, seduisant plusieurs, lesquels il destournoit de la droite voye, & nourrissoit d'une infinité de grandes promesses: appellant bien-heureux ceux qui auoyent bonne

bonne opinion de luy, encor qu'elle fust faulſe. Il n'y eut pas toutesfois beaucoup de Phrygiens ſeduits par ſa meſchante doctrine. Au ſurplus, ce diable effronté ſans aucune honte ne ceſſoit de calomnier & pourſuyre avec iniures toute l'Egliſe vniuerſelle, qui eſt ſous le ciel. Eſtant donc ceſte hereſie diuulguee par tout, les fideles Chreſtiens qui demouroient en Aſie, firent ſouuent des aſſemblees en pluſieurs lieux de la contrée, pour faire enqueſte de ceſte doctrine eſtrange, nouuellement miſe ſus: laquelle à la fin ils degetterent de l'Egliſe catholique, & mirent hors de la communion Chreſtienne, comme vne ſecte meſchante & condamnée par les execrations. Le meſme Montan fut auteur de ieufnes nouuelles, outre la couſtume de l'Egliſe: & publia auſſi vne loy, de deffaire & ſeparer les mariages. Quant eſt de la Trinité, & de la creation du monde, il en auoit meſme opinion que nous, & n'en enſeignoit autre choſe que ce que nous en diſons. Combien que quelques vns de ſa ſecte puis apres ont eſté d'aduiſ, que les trois perſonnes diuines n'eſtoient qu'une: diſans que le Pere eſtoit vne meſme choſe que le Fils, & que le ſainct Eſprit: & dit on que Sabellie de Libye a pris de ceſte opinion les principes & commencemens de ſon hereſie. Or les diſciples de Montan, & ceux qui ſe ſont arreſtez à ſa diſcipline, ont pris de luy le nom de Montaniſtes: & eſt la meſme hereſie appelée des Cataphryges: où ſelon les Phrygiens, à raiſon de la nation de Phrygie, où elle commença à pulſer premierement. Encor ont ils le nom de Pepuzians, à cauſe d'un certain village, lequel Montan auoit couſtume de nommer Ieruſalem. Ces heretiques preferent à la ſaincte Euangile de Dieu, la prophetie de Priſcille & Maximille, à laquelle ils adiouſtent plus de foy, & font plus de reuerence & honneur, qu'à la ſaincte eſcriture. Aucuns ont publié & mis en lumiere pluſieurs choſes concernans leurs myſteres ſecrets, mais ils ne les veulent pas recognoiſtre, ains les nient, & afferment qu'ils ont eſté pourpenſez & inuentez faulſement contre eux, pour les rendre odieux aux hommes.

*D' Appollinaire Hierapolitain, & de ce qu'il a mis par eſcrit contre la ſuſdite hereſie. CHAP. XXIII.*



R, comme i'ay dit au parauant, Apollinaire Hierapolitain a tres-bien & clerement eſcrit à l'encontre de ceſte ſecte d'hereſie: lequel dès le commencement de ſon eſcriture, monſtre qu'il l'a combatue à viue voix, ſans mettre la main à la plume, par argumens ſolides & confutations valables. Leliure qu'il a compoſé contre les Montaniſtes, ſ'addreſſe à vn certain perſonnage nommé Aberic, où pour preface il vſe d'un tel commencement: Trescher Aberic Marcel, ayant receu mandement de vous, par lequel m'auiez ordonné de compoſer quelque choſe contre l'hereſie d'Alcibiades (à l'auenture qu'il ſeroit meilleur de dire, la ſecte de Montan) i'ay long temps demeuré ſuſpens, eſtant en doute, quelle deliberation i'en deuois prendre: non pas que ie n'euſſe bien de quoy ie peuſſe reprendre leur menterie, & ſouſtenir la verité, mais ie craignois qu'il ne ſemblait à quelcun, que par mes eſcrits i'adiouſtaſſe quelque choſe aux liures de l'Euangile & nouveau Teſtamēt: auſquels, celui qui delibere viure ſelon l'ordonnance Euangelique, n'adiouſtera ny diminuera aucune choſe. Or il n'y a pas long temps, quand i'arriuay à la ville d'Ancyre en Galatie, & vins à l'Egliſe du lieu (qui a le bruiet de ſ'arreſter à ceſte nouuelle, non pas prophetie, comme ils la nomment, mais: pseudoprophetie, comme il ſera monſtré:) ie fis mon deuoir, ſelon la portee de mon petit eſprit, & avec l'aide de la grace du Seigneur Dieu, de mettre en diſpute tous les poincts qui eſtoient par eux mis en auant, & les debatre & refuter en pleine aſſemblee de l'Egliſe, pluſieurs iours durans. Ce que les gens de bien eurent pour agreable, bien que nos aduerſaires contrariaſſent & reſiſtaſſent à mon dire.

D'auantage il monſtre que les deuis & propos, qui furent tenuz en ceſte diſpute, ont eſté par luy mis en eſcrit, à la requeſte de quelques vns: où il parle d'un Zotique Oſtrene, preſtre. Puis apres vne breue digreſſion, il raconte toute la vie de Montan, qui il a eſté, d'où il vint, & quelles reſueries il a diſtes en radotant: le tout quaſi de la meſme ſorte, cōme peu au parauant ie l'ay couché par eſcrit. Et peult on veoir ces choſes en ſon premier liure, où il reprend ſa tromperie & donne a congnoiſtre l'abus qui y eſt: mais au ſecond liure, il parle ainſi de ſon trespas, Or puis qu'ils nous appellent meurtriers de prophetes, parce que nous ne voulons pas recevoir les propos ambiguz & obscurs de leurs propheties (car ils ſe diſent eſtre ceux que le Seigneur a promis d'enuoyer au peuple) qu'ils nous reſpōdent au nō de Dieu immortel. Meſſieurs y a il quelcun de tous ceux qui ſortās de l'eſcole de Montā & de ſes femmes, ont puis apres commencé à enſeigner, lequel ait ſouffert perſecution & outrage de la part des Iuiſ, ny qui ait eſté mis à mort par les traſgreſſeurs de la loy? Iamais vn ſeul d'entreux ne fut apprehédé, iamais aucun d'eux ne fut attaché en croix pour la loy, iamais vn ſeul n'endura le fouēt es ſynagogues ou aſſemblees des Iuiſ.

*Apollinaire confuteur des Montaniſtes.*

*Les anciens ont eſcrit des choſes diuines avec crainte, honte, & religion. Voyez Eusebe hiſt. eccl. li. 5. chap. 16.*

*Zotique preſtre Oſtrene, & Iulian d'Antiochie, entreprinrent d'arreſter l'eſprit ſacrilège de Maximille: cōme diſt Eusebe, li. 5. ch. 18.*

*Mort de Montan, Maximille, & Theodote.*

Or dit on que Montan & Maximille sont morts bien d'une autre façon : Car l'un & l'autre se trouvant agité par un esprit enragé, & étant hors du sens, se desespererent tellement, qu'on trouva qu'ils s'estoient penduz d'eux-mêmes, l'un d'un costé, & l'autre d'autre : & par ce moyen ils finirent leur vie de mesme sorte que le traistre Judas. Theodote aussi, premier defenseur de leurs propheties, qu'ils font tant admirable, apres s'estre mis en la puissance de l'esprit de seduction, fut pousse & eleué vers le ciel: mais apres auoir monté bien hault, il cheut avec violence en bas, & mourut ainsi malheureusement. Encor en ce mesme liure il fait le cõte, que quelques diuins personnages voulurent faire esprouue & seuerter de reprendre l'esprit familier de Maximille,

*Prophetes de Maximille faulx.*

& conuaincre sa faulx vanité: mais qu'ils furent empeschez par ceux de la secte des Phrygiens. Puis passant outre, il dõne à cognoistre en ce temps mesme, que les propheties de Maximille estoient faulx. Car il dit qu'alors treize ans estoient ia passez depuis la publication d'icelles, & toutesfois qu'aucune chose n'estoit encor aduenue de ce qu'elle auoit deuiné: Parce que depuis il n'y auoit point eu de guerre ny au monde vniuersel, ny en aucune contree de la terre: mais la paix & tranquillité auoit esté donnee aux Chrestiens par la misericorde & grace du Seigneur.

*Les Montanistes se vantoyent d'auoir plus de martyrs, que nous.*

Au surplus, il refute & rembarre viuement les Montanistes en son troisieme liure, de ce qu'ils se glorifioient d'auoir de leur part plus grand nombre de martyrs, que nous: & disoient, que ce leur estoit un certain indice d'auoir en eux un esprit prophetique: car ainsi le nommoient ils. Les propos d'Appollinaire sont tels: Et vrayement c'est la chose de ce monde, la plus faulx & contraire à la verité. Il est bien vray, qu'aucunes autres heresies ont eu beaucoup de martyrs: toutesfois ce n'est pas à dire, que nous deuions soudain suyure leur opinion. Mesme ceux, que lon appelle Marcionistes, à cause de Marcion auteur de leur secte, sont estimez auoir plusieurs martyrs: ce nonobstant ils n'ont pas fait profession de la foy Chrestienne, selon la verité. Et peu apres il dit encor : Et pourtant quand les Chrestiens, de l'Eglise des fideles sont conduits

*Les martyrs catholiques n'ont pas voulu se ioindre avec les heretiques martyrs.*

& menez au martyre pour la profession de la vraye foy & pieté, avec autres martyrs, qui tiennent l'heresie des Phrygiens: ils meurent à part & separez d'eux, comme ceux qui n'accordent pas à leur opinion, ny ne communiquent aucunement avec eux: parce qu'ils ne veulent pas tenir l'aduis de Montan, ny croire à l'esprit familier de ses femmes. Ce qui est monstré estre vray, par un exemple de ce qui est aduenue de nostre temps en la ville d'Apamee, situee pres la riuere de Meandre, à l'endroit de deux martyrs, sçauoir Caie & Alexandre d'Eumenie, qui ont combatu pour la vraye opinion & aduis de nostre foy Chrestienne.

*Miltiades, homme bien Ecclesiastique, a pareillement escrit contre l'heresie des Phrygiens.*

CHAP. XXIIII.

*Eusebe, li. 5. chap. 16. Les prophetes ne deuinent en ecstase: selon l'opinion de Miltiades. Prophetes du nouveau testament.*



Esmement ilest parlé en cest œuvre de Miltiades auteur catholique, le quel a escrit tresdoctement contre la mesme heresie des Phrygiens, & y sont alleguez quelques propos de luy, quasi en la maniere qui s'ensuit: Quand i'euz trouué ces choses en un commentaire de Miltiades, nostre frere Chrestien, où il affirme & prouue qu'il ne fault pas que les prophetes parlent estans en ecstase & palmoison, ou troublement des sens, ie le redigeay en forme d'extrait, ou abregé. Puis passant outre & continuant son dire, il nombre par ordre les prophetes du nouveau Testamēt: entre lesquels il conte un certain personnage nommé Ammias, & Quadrat aussi.

Or n'est il pas possible, qu'ils nous monstrerent, entre tous les prophetes & du vieil & du nouveau Testament, qui ont esté conduits par l'esprit de Dieu, un tel prophete, qui deuine ainsi en ecstase & alienatiõ de ses sens. Car ils ne peuuent glorifier ny vanter, que ny Agabe, ny Judas, ny Silas, ny les filles de Philippe, ny Ammias de Philadelphie, ny Quadrat, ny aucun des autres saincts prophetes, leur appartiene aucunement: aussi n'ont ils pas prophetizé en la sorte que ces abuseurs. Puis il dit peu apres: Or puis qu'ils se vātēt, qu'apres Quadrat & Ammias, les femmes de Montan ont receu le don de prophetie, ie voudrois bien qu'ils nous eussent monstré quels autres ont eu ceste prerogatiue & auantage par succession, apres Montan & seldictes femmes. Car l'opinion de l'Apostre a esté, qu'il est necessaire que la grace prophetique demeure en toute Eglise iusques au dernier aduenement de Iesus Christ: Mais ils n'ont personne, qu'ils puissent nommer auoir apres eux receu l'esprit de prophetie, & toutesfois il y a ia quatorze ans, que Maximille est morte. Voila ce qu'en dit Apollinaire. Quant à Miltiades, il nous a laissé en main d'autres monumens & enseignes de son estude & diligence à cognoistre les choses sacrees. Car il a composé tresdoctement un liure adressant aux Grecs, puis un autre aux Iuifs. Le troisieme, qu'il a escrit, fut dedié aux Princes & grands Seigneurs, auquel il dressa une defense de la philosophie, de laquelle il faisoit profession.

*Ecrits de Miltiades.*

*Apologie de Miltiades pour les Chrestiens.*

*Que le Romain Apollone combatit aussi contre la mesme heresie de Montan.*

CHAP. XXV.



„ **L**ya eu aussi vn autheur Ecclesiastique, nommé Apollone, qui a donné *Apollone*  
 „ viuement l'assault à l'heresie selon les Phrygiens, par quelques oraisons *contre Mon-*  
 „ qu'il composa, esquelles en partie il refute leurs faulces propheties de *tan.*  
 „ mot à mot, en partie aussi il diffame les autheurs d'icelle pour leur mau- *Les prophe-*  
 „ uaise vie & mœurs, avec les mots qui s'ensuiuent : C'est icy celuy qui a *ties de*  
 „ enseigné de faire separation és mariages : c'est celuy qui a estably & or- *Montan*  
 „ donné des ieunes par loix & edicts : c'est luy qui appella du nom de Ie- *sont icy*  
 „ rusalem deux petites villes de Phrygie, Pepuze & Tymie, où il voulut a- *peintes de*  
 „ masser & assembler les gens, qu'il attiroit à soy de tous costez : c'est luy *leurs cou-*  
 „ qui a ordonné & mis sus des receueurs de deniers pour leuer argent de tous & par toutes voyes, *leurs, or-*  
 „ tant par amour que par force : c'est luy qui a inuenté par son auarice, vne infinité de moyens *nees de*  
 „ pour arracher des presens & dons, sous couuerture & pretexte d'oblation ou offrande : c'est *leurs ver-*  
 „ luy qui a donné salaire & bon gage à ceux qui preschoyent sa parole, à fin que sa doctrine fust *tu.*  
 „ confirmee & prinst accroissement par le soin & soucy de la pance. C'est ce qu'Apollone a mis *Theomison*  
 „ par escrit de Montan : mais oyez ce que puis apres il a dit de ses deux femmes prophetisses : *Montaniste*  
 „ Nous auons montré que ces prophetisses souueraines ont laissé leurs mariz, depuis le temps *sest faulse-*  
 „ qu'elles sont remplies de l'esprit prophetie. Comment donc sont ils si auez que de mentir tant *ment van-*  
 „ impudemment, n'ayant aucune honte d'appeller Prisce, l'une d'entre elles, du nom de vierge? *ré estre con-*  
 „ Il adiousté encor : Te semble il pas que toute escritures defend aux prophetes, de ne receuoir *seigneur de*  
 „ aucuns presens, ny argent? Puis donc que j'ay veu ceste braue prophetisse prendre de l'or, de l'ar- *Iesus*  
 „ gent, & des robes precieuses pour leur richesse : comme se peut il faire, que ie ne la deteste, & *Christ.*  
 „ aye en abomination & horreur? Puis peu apres il parle ainsi de quelques vns de leurs confes- *Alexan-*  
 „ seurs : D'auantage Theomison, (homme tant auare, qu'il n'a aucun contentement) parce qu'il *dre Mon-*  
 „ ne pouuoit bonnement endurer le martyre (qui est le cachet de nostre profession) il rachetta ses *taniste.*  
 „ liens & prison avec vne bonne somme de deniers : à raison de quoy, d'autant qu'il deuoit se *dre Mon-*  
 „ monstrier plus humble, il en deuint plus glorieux & arrogant, comme celuy qui par ostentation *taniste.*  
 „ se vantoit estre martyr. Il a bien eu aussi la hardiesse, d'escrire à tous en general vne Epistre Ca- *taniste.*  
 „ tholique, à l'imitation du saint Apostre, par laquelle il veut enseigner ceux qui ont plus ferme *taniste.*  
 „ opinion que luy, touchant la foy : & defendant ses vaines paroles, il iette hors & auance des *taniste.*  
 „ propos, blasphemés & meschans à l'encontre de nostre Seigneur, des Apostres, & de la sainte *taniste.*  
 „ Eglise. Puis suyuant sa carriere, il repréd vn certain de leurs martyrs, nommé Alexandre : lequel *taniste.*  
 „ estant prins cōme vn brigand ou voleur, & delié pour auoir appelé à son ayde nostre Seigneur, *taniste.*  
 „ puis renuoyé, vespquit familièrement en vne mesme maison avec la prophetisse, & luy amassa *taniste.*  
 „ grande somme d'argent. Duquel il n'est ia besoin (dit-il) de raconter les volleries, l'arrecins, & *taniste.*  
 „ autres meschancetez mises par luy en execution avec vne hardiesse incroyable, pour lesquelles il *taniste.*  
 „ a enduré plusieurs tourmens : veu que la cour de Parlement les a en registrees és Cōmentaires pu- *taniste.*  
 „ blicqs. Qui sera dōc celuy d'entre eux, qui pardonera à l'autre ses offences? La prophetisse don- *taniste.*  
 „ nera elle pardon au martyr de ses larrecins & pilleries, ou le martyr à la prophetisse du gain de *taniste.*  
 „ son auarice? Il parle encor des prophetes, à raison desquels ils se glorifient, disant : Mais s'ils *taniste.*  
 „ nient que leurs prophetes prennent aucuns presens, s'ils sont conuaincuz d'auoir receu quel- *taniste.*  
 „ ques dons, il fault qu'ils confessent qu'ils ne sont pas prophetes. Or nous prouuerons par vne *taniste.*  
 „ infinité d'exemples qu'ils en ont prins Mais il me semble estre bon & necessaire d'esplucher & *taniste.*  
 „ examiner au vif les fructs de leurs prophetes, à fin de les congnoistre ou approuuer par le moyē *taniste.*  
 „ d'iceux. Dy moy, ie te prie : est ce le fait du prophete, d'vser de fard? de frotter les yeux avec *taniste.*  
 „ antimoine, pour leur donner grace, & les embellir? & de s'oiindre d'vnguens, musc, ou ciuette? *taniste.*  
 „ Le prophete est il soigneux de la beauté & bien-seice de son corps? Le prophete est il ioieur de *taniste.*  
 „ tablier, dets, cartes, & autres ieux de hazard? Le prophete est il vsurier, ou studieux de gain? D'a- *taniste.*  
 „ uantage le mesme Apollone remarque le temps qu'il a escrit, disant qu'il y auoit ia quarâte ans *taniste.*  
 „ que Montan auoit commecé à semer sa faulse heresie, & publier sa prophetie diabolique, quād *taniste.*  
 „ il composa son œuvre. Il tient aussi propos de Zotique Ostrenois, duquel j'ay pareillemēt parlé *taniste.*  
 „ cy deuant : & dit que quand Maximille commençoit ia à prophetiser en la ville de Pepuze, *taniste.*  
 „ Zotique se delibera de conuaincre le diable par coniurations & exorcismes : toutesfois qu'il fut *taniste.*  
 „ empesché de ce faire par ceux qui estoient de la secte d'elle. Encor fait-il mention d'un certain *taniste.*  
 „ martyr, nommé Thrasee. En outre il dit qu'il a receu par la traditiō des anciēs, que Iesus-Christ *taniste.*  
 „ auoit ordonné à ses Apostres, de ne partir de la ville de Ierusalem, auant douze anneés apres son *taniste.*  
 „ Ascension. En beaucoup de lieux aussi il s'ayde du tesmoignage de S. Jean en son Apocalypse : le- *taniste.*  
 „ quel il dit auoir ressuscité vn hōme de mort à vie en la ville d'Ephese. Au surplus il escrit encor *taniste.*  
 „ plusieurs autres choses, descouurant par icelles la fraude & l'erreur de telle heresie obstinee. *taniste.*

*Que le mesme Apollone a souffert martyre en la ville de Rome.*

CHAP. XXVI.

*Apollone  
mourut  
martyr à  
Rome, sous  
l'Empereur  
Commode.*

E mesme Apollone, homme tresrenommé en toutes sortes de doctrine & sagesse, souffrit martyre, & endura la mort à Rome. Il est bien vray que la paix & repos fut accordé par le mode vniuersel à nostre religion Chrestienne, du temps que Commode tenoit en main l'Empire de Rome, tellement que la parole salutaire de l'Euangile, preschee par tout librement & en public, ne cessoit de faire son operation, attirant & menant beaucoup d'ames des humains à la vraye religion & adoration de Dieu: mesme que toutes les maisons & familles de Rome furent ensemble conuerties à l'entiere foy en Iesus-Christ. Mais comment l'ennemy de nature humaine, qui dresse tousiours embusche à ce qui est bon & saint, eust il longuement enduré la doctrine Euangelique prendre tel accroissement? Parquoy non seulement il inuenta plusieurs autres moyens pour nous offenser, mais il suscita <sup>a</sup> vn certain personnage confit en toutes meschancetez, & assez prompt de soy-mesme à controuuer quelque ruse: auquel il mit en teste, de faire venir Apollone en iugement, & dresser contre luy son accusation. Toutesfois ce calomniateur, pour estre son accusation mal fondee, fut puny comme il meritoit, estant condamné par la sentence de Perenne, iuge en ceste cause, d'auoir les iambes rompues. Ce qui fut executé suyuant vne certaine coustume, obseruee à Rome contre ceux qui apportoyent aux iuges quelque chose non vraye d'un autre. Or quand le martyr Apollone eut rédu raison, en plein auditoire du Senat Romain, de sa confession & foy, par vne docte harangue, suyuant l'ordonnance du iuge, il fut decapité, par <sup>b</sup> l'arrest de la cour de Parlement, & ainsi passa de ceste vie mondaine à celle qui tousiours est durable. Quant au reste, si quelqu'un veut congnoistre & scauoir plus certainement autre chose de son fait, ie le renuoyray à ce qui est couché par escrit de son martyre.

*Perenne, commis pour estre iuge, fit mourir plusieurs grâds personnages & nobles: comme diset Lampride et Hierodien.*

<sup>a</sup> vn certain personnage] Ce galand auoit nom Second, comme dit saint Hierosme au liure des personnages excellens & illustres, ou il dit qu'Apollone estoit Senateur de la ville de Rome.

<sup>b</sup> l'arrest de la cour de Parlement] Parce qu'il y auoit une loy à Rome, qu'un personnage Chrestien ne deuoit iamais estre absous, apres auoir plaidé sa cause deuant le iuge, s'il ne chageoit d'opinio. Euseb. li. 5. chap. 20.

*Comment Serapion, Euesque d'Antioche, a aussi confuté Montan: & de ses œuvres & liures.*

CHAP. XXVII.

*::Eusebe les  
appelle Cari  
que & Pon  
tique, au li.  
5. chap. 18.*

Erapion aussi (lequel i'ay dit auoir esté successeur de Maximin en l'estat Episcopal de la ville d'Antioche, situce entre la riuiere Orontes & vne montagne de mesme nom) parle de ce qu'Apollinaire a composé & mis par escrit à l'encontre de l'heresie Phrygienne: car il dit ainsi en vne Epistre par luy enuoyee à :: Caricon & Ponce: Mais à fin de vous donner à entendre que la fraternité & communion des Chrestiens qui sont par tout le monde, deteste & a en horreur la secte que lon dit La nouuelle prophetie, Je vous ay bien voulu enuoyer les lettres du tresbon & trefheureux personnage Claude Apollinaire, Euesque de Hierapolis en Asie.

*Autres nomment le premier, Caricone. Sotas exorciste, ou adiuuateur.*

En la mesme Epistre de Serapion, sont contenues à la fin quelques souscriptions de plusieurs Euesques, l'un desquels y a quasi escrit de sa main ces mots mesmes: Aurele Cyrene, martyr, desire que soyez en santé. Vn autre a mis ainsi: Ælie Publie Iule, Euesque de Debelte, colonie de Thrace: Ainsi viue Dieu, qui regne és cieus, que le bien-heureux Sotas, qui est d'Anchiale, a voulu ietter hors par ses coniurations, le diable & esprit familier de Priscille: mais les hypocrites & fiateurs ne l'ont oncques voulu permettre. Beaucoup d'autres Euesques ont pareillement soussigné ces lettres de leurs propres mains, approuuans par leur opinion & aduis le contenu en icelles. Et ainsi s'est portee l'heresie de Montan, où selon les Phrygiens:

*Comment l'heresie & secte de Marcion a esté diuisee en plusieurs parties: & combien estoient estranges & monstrueuses les opinions qu'elle mettoit en auant.*

CHAP. XXVIII.

*Heresie de  
Marcion.*

Marcion Pontique (duquel i'ay parlé cy deuant) donna grand accroissement à l'impieeté & meschante opinion de Cerdon, & avec propos merueilleux feignit & controuua quatre substances non engendrees. La premiere substance, il appelle vn Dieu bon, & incongneu, lequel il dit estre pere de Iesus Christ: le second, iuste & createur de l'univers,



uers, toutesfois mauvais. Puis il met vne matiere mauuaise, parfaite & accomplie par vn autre mauuais. Quant au bastisseur du monde, il raconte qu'estant par dessus le mauuais, il a prins la matiere, & creé tout l'vniuers: & qu'à la verité, du plus cler & net d'icelle les cieus & autres choses, en purifiant le tout, ont esté par luy faits: & que la matiere plus espessée & grosse, a seruy à cōstruire Paradis: duquel ayāt prins vne motte, il en a basti Adam, premier hōme: & luy bail-la vne ame, tiree de sa propre substance: & que de là vient le combat perpetuel, & qui est sans cesse entre le corps & l'ame. Il imagine d'auantage & feinct que le serpent est meilleur que le createur: & pour ceste cause, il porte honneur à iceluy serpent. Il outrage encor & villenne les Patriarches & Prophetes, avec blasphemés & paroles iniurieuses. Quant aux Euangiles, il n'en reçoit aucune, ains les reiette toutes, excepté celle que saint Luc a mise par escrit: sans toutefois admettre la genealogie qui y est denombree. Il n'approuue tant seulement que neuf Epistres de l'Apostre, & encor il rongne & coupe dans icelles plusieurs passages. Du vieil Testament & des Prophetes, il n'en veut point ouyr parler, ains les reiette du tout, comme mis en lumiere d'un autre Dieu. Il met encor en auant vne autre bauerie, que Iesus-Christ auoit esté hōme seulement par fantasie & apparence, & oste la resurrectiō de mort à vie, disant qu'il n'y en a point. D'auantage, il soustient par ses escrits, que Cain & les Sodomites ont acquis leur salut, parce que quand Iesus-Christ descendit aux enfers, ils vindrent à luy: mais qu'Abel, Enoch, Noé, les Patriarches, Prophetes & autres iustes sont demeurez aux enfers, parce qu'ils ne tindrēt conte de s'adresser & venir à luy. Il a bien tenu d'autres propos meschans & mal-heureux à l'encontre de Dieu, à ce l'induisant vne faute de sens, & rage furieuse qui le menoit: toutesfois il m'a semblé bon de me contenter de ce que j'en ay dit, & me taire du reste. Or ses adherans & sectateurs furent diuisez en plusieurs sectes: Car il y en eut vn. . . nommé Appelles, qui adiousta aux quatre substāces, non engendrees de Marcion, vne cinquiesme ignee ou ardante: & donna nom à vn liure qu'il compōsa, La prophetie de Philumene. Cest Appelles attribuoit aussi à Iesus-Christ vn corps non humain, mais estant de la substance de leur monde.

. Doc d'un  
fourneau de  
chaux on est  
venu à un  
fourneau de  
charbō, com-  
munement:  
de Marcion  
à Appelles:  
c'est à dire,  
d'un mau-  
uais prece-  
pteur à son  
disciple.  
Tertullian.  
Appelles  
Marcioni-  
ste.

*De Rhodon: & de ce qu'il a escrit contre Marcion: & encor de ses autres opusculs.*

C H A P. X X I X.

**R**hodon, Asian de race, auditeur & disciple de Tatian (duquel a esté parlé cy deuant) compōsa vn liure contre les dessusdits & leurs diuerses sectes: auquel il refute leur impieté, & raconte soigneusement les autheurs de telles diuisions. Pour ceste cause ils ne sont pas d'accord entre eux, puis qu'ils soustiennent & defendent vne opinion qui ne peut estre stable, ar-  
restee, ny ferme. Car il y en a vn de leur bande, nommé Appelles, homme biē estimé à cause de sa vie & vieillesse, qui enseigne n'y auoir qu'un seul principe & commencement de toutes choses: & dit que les propheties viennent d'un esprit aduersaire & maling: à quoy il est persuadé par les propos & responses d'une vierge agitée du diable, qui a nom Philumene. Quelques autres met-  
tent deux principes, comme Marcion mesme: entre lesquels Potime & Bahilisque, lesquels ont ensuiuy vn nommé Loup Pontique, qui avec nues & simples paroles, sans aucune demonstra-  
tion ny preuue, a introduit deux commencemēs ou principes: mais Synere en a mis trois. Rhodon aussi escrit qu'il a deuillé & tenu propos avec Appelles, par maniere de dispute: lequel estât  
ia de bon aage, se mesla quelque fois avec les Chrestiens Catholiques, & dist plusieurs meschā-  
tes paroles. Et qu'il afferma que tous hommes :: croyans à celuy qui fut crucifié, sont sauuez, pourueu qu'il y ait espereu de leurs bonnes œuvres. Puis racontant iceluy autheur l'entiere o-  
pinion du vieillard Appelles, il dit ce qui s'ensuit: Or quand ie luy demādois: D'oū auez vous  
cette demonstratiō ou definition? Comment pouuez vous affermer & soustenir qu'il y a vn prin-  
cipe? Dites le nous. Lors il respōdit: Les propheties qui ne disent aucune chose qui soit vraye, se  
refutent elles mesmes, cōme estans differentes & discordantes entre elles, faulces, & contraires  
les vnes aux autres. Il disoit encor qu'il ignoroit comment il y auoit vn principe, & que seule-  
ment il estoit esmeu d'ainsi le maintenir, comme se le persuadant de soy-mesme. Puis ie le prins  
par serment, à fin de tirer de luy la verité de son opinion. Ayant iuré, il m'assura qu'il disoit vray  
en ce que dessus est dit, & qu'il ne scauoit pas comment il estoit vn Dieu non engendré: tou-  
tesfois qu'il le croioyt ainsi. Parquoy ie ne me peuz contenir de rire & me mocquer, le reiettar,  
pource qu'il vouloit estre estimé docteur, & ne pouuoit confermer, defendre ny soustenir sa do-  
ctrine par aucunes raisons. Or le susdit Rhodon, en vn liure qu'il escriuit à Callistion, a donné à  
entendre que dedans Rome il fut disciple de Tatian: par lequel il dit auoir esté compōsé & mis  
en lumiere vn œuvre, où il promet d'esclaircir & exposer les passages obscurs & lieux couuerts  
de la sainte escriture. Mesme qu'iceluy Rhodon se fait fort avec promesse, de declarer & dōner  
à entendre les solutions des propositions & problemes d'iceluy. Or dit on qu'il a compōsé plu-  
sieurs liures sur l'Hexaameron, qui est à dire, sur les six iournees de la creation de l'vniuers.

Rhodon contre  
les Marcioni-  
stes.

Philumene  
deuineresse  
& prophé-  
tisse d'Ap-  
pelles.  
Secte &  
opinion  
d'Appelles.

:: Eusebe  
mes Espe-  
rans, au li-  
s. chap. 12.  
Et disoit le  
mesme Ap-  
pelles, qu'il  
ne faisoit  
point du  
tout s'en-  
querir ny  
auoir égard  
à la foy d'u-  
ne persōne,  
mais que  
chacun de-  
uoit perse-  
uerer en  
son opinion.

Quant à Apelles, duquel i'ay desia tenu propos, il a escrit beaucoup contre la loy Mosaique, & a mis toute peine de la ruiner & aneantir. Doncques vous retiendrez, que voylà ce que Rhodon a mis par escrit à l'encontre de l'opinion erronee de Marcion.

*Du schisme, diuision & debat esmeu à Rome, pour cause de Blaste & Florin : & de ce que Irenee leur rescriuit : & encor des autres liures composez par ledit Irenee.*

CHAP. XXX.



*Escriits d'Irenee contre Blaste & Florin.*

*Soing d'Irenee, a ce que ses compositions ne fussent deprauees par les copistes, qui les transcriuoient.*

*Pourquoy on se souuent facilement des choses passees en ieunesse.*

*Ancienement les saintes personnes pouuoient pas ouyr les propos malheureux des heretiques.*

Il y auoit au surplus à Rome deux personnages, l'un nommé Florin, & l'autre Blaste, tenus pour ennemis de l'Eglise : lesquels estans frustrez de leur poursuite, qu'ils auoyent faite, pour obtenir quelque estat en l'Eglise, par vne ialousie & enuie, s'estoyent efforcez & mettoient encor peine à corrompre les constitutions Ecclesiastiques, s'estans enuoloppez en l'erreur de Marcion. Côtre ces deux abuseurs Irenee escriuit deux Epistres : l'une desquelles s'adressoit à Blaste, & parloit de schisme & discord : l'autre, à Florin, intitulé De la Monarchie, ou Que Dieu n'est pas autheur de mal : parce qu'iceluy Florin sembloit defendre & soustenir cest erreur. Mesme que depuis, à raison de l'inconstance en son opiniõ, il se laissa gagner par l'heresie de Valentin, & la suyuit : de sorte que cela fut occasion & cause à Irenee, de composer vn autre liure, auquel il imposa le titre d'Ogdoade, ou Octonaire : auquel il donne à cõgnoistre qu'il a attainct la premiere succession des Apostres. Sur la fin de ce liure il a adiousté vne clause qui est bien à noter, & laquelle il m'a semblé bon de reciter en ce lieu. Ses paroles sont telles : Je te conieure (toy, qui as transcrit ce liure) par nostre Seigneur Iesus-Christ, & par son glorieux aduenement, auquel il viendra iuger les viuans & les morts, que tu conferes & collationnes ce qu'as copié, & que tu le corriges soigneusement à l'exemplaire & original, sur lequel tu l'as transcrit : mesme qu'à ta copie tu adioutes ce serment, & l'y escriues aussi. Ce n'est pas sans raison que i'ay icy mis ceste clause, à fin que cest exemple proposé nous donne à congnoistre, avec quel soin & prouidence ces personnes saintes se donnoient garde que les compositions & liures des anciens ne fussent deprauez. Or en l'Epistre à Florin, Irenee tient propos de la cõuersation & familiarité qu'il auoit avec Polycarpe, quand il escrit ce qui s'en suit : Ces enseignemens, Florin (à fin de le te dire en peu de paroles, & modestement) ne sont pas de saine opinion. Ces enseignemens & doctrines sont discordans & contreuient à l'Eglise, lesquels font tomber en tresgrande impieté ceux qu'ils tiennent & suyuent. Onc les heretiques, chassés hors de la communion de l'Eglise, n'osèrent mettre en auant ny publier tels articles. Onc les prestres, nos deuanciers, ny ceux qui ont hanté avec les Apostres, ne t'enseignèrent telle doctrine : Car lors que i'estois encor ieune garson, demeurant en Asie l'inférieure, avec Polycarpe, ie t'ay veu auoir bon accès & grand credit en la maison del'Empereur, duquel tu pratiquois & briguois la faueur, pour acquerir par ce moyen louange & renommee. Car i'ay meilleure souuenance de cela, que de ce qui mesme est fraichement aduenü : d'autant que les choses apprinses en ieunesse, croissans petit à petit avec les personnes, se viennent à vnir du tout à l'ame, de sorte qu'on ne les peut oublier bonement. Je pourrois donc bien parler du lieu, auquel le bien-heureux Polycarpe estoit assis, lors qu'il disputoit : ie scay bien quelle estoit son entree, quel son progrès & aduancement, quelle sa façon de faire, sa maniere de viure, & la forme de son corps : ie dirois bien aussi quelles harangues & oraisons il a faites deuant les assemblees en public : encor me souuient il que ie luy ay ouy faire le conte, de quelle priuauté il vsoit, & combien estoit grande la familiarité qu'il auoit avec le saint Apostre Ican, & avec les autres aussi, qui de leurs yeux auoyent veu le Seigneur : & comment il recitoit les bons propos de ces saints personnages, & mesme de nostre Sauueur, comme ils disoyent les auoir apprins de luy : bref, ie raconterois bien par le menu tous les bõs enseignemens cõformes à l'escriture sainte, que Polycarpe disoit coustumieremēt par cuer, les ayant apprins de ceux qui auoyent veu & hātē Iesus-Christ, lequel est la parole de vie. Je prenois alors grād plaisir d'ouyr ses bõs propos, & estois studieux & soigneux (avec la grace qu'il plaisoit à Dieu me faire) de les engrauer en ma memoire, & escrire nō en papier, mais au secret cabinet de mon cuer : lesquels encor ie rumine assiduellemēt & reduis en memoire, à ce m'induisant le bon Dieu, duquel est venue si salutaire doctrine. Et à la verité, ie pourrois biē affermer & porter tesmoignage deuant Dieu, que si le bon prestre Polycarpe eust entēdu les propos des heretiques, tels qu'ils les tiennent de present, il se fust escrié, & estouppant ses oreilles eust dit le mot, dont souuēt il vsoit : O bon Dieu, à quel temps m'avez vous gardé, pour endurer telles impietez ? Mesme qu'il se fust aussi retiré & eust fuy le lieu, auquel il eust ouy tenir propos tant melchans & detestables, en quelque sorte que c'eust esté. Aussi lon peut bien veoir & entendre combien fut grande la pureté de sa doctrine, rāt par les Epistres qu'il a adressees aux Eglises circonuoisines, pour les confermer, que par celles qu'il escriuit à quelques vns des freres Chrestiens, les instruisant & enseignant. Voylà ce qu'il m'a semblé bon de coucher par escrit des heretiques, qui separez de l'Eglise, l'ont assaillie & combatue en la ville de Rome.

De

*De Hippolyte Euesque de Port, & de ce qu'il a mis par escrit. Chap. XXXI.*



**H**ippolyte, Euesque de Port, a eu grand bruiet du temps de l'Empereur Seuer, & entre autres liures qu'il a escrits, donnas tesmoignage de sa grãde prudẽce & doctrine, il en cõposa vn qui traitoit du Passage, ou Pasque : auquel faisant vne description des tẽps & comme vn Calendrier, il propose vne reigle de seize ans touchant le Pasque, & fait vne deduction & conte des temps iusques à la premiere annee d'Alexandre. Le denombrement & roolle de ses liures, est tel : Vn liure sur les six iournees de la creation de l'vniuers, qu'il nomme Hexaemeron : encor vn autre, apres l'Hexaemeron, refutant Marcion : Puis vn sur le Cantique des Cantiques, vn sur les parties d'Ezechiel, & vn de Pasque. Il composa aussi vn œuvre tref-vtile contre toutes les heresies, & de l'aduenement de l'Antechrist, & de la resurrection, & plusieurs autres volumes : plus, des Commentaires sur le prophete Zacharie, sur les Psalmes, sur Esaie, sur Daniel, de l'Apocalypse, des Prouerbes de Salomon, de Saul & Python : d'auantage, des louages de nostre Seigneur Iesus-Christ, auquel liure il deuise & tient propos avec Origene, comme par dialogue. Or bien que d'aucuns de ses escrits soyent, à la verité, aucunement à reprendre : si est-ce que le martyre que puis apres il souffrit pour le nom de Iesus-Christ, a lauẽ & nettoiyẽ la tache de son ignorance. Et de là Origene print son commencement (comme lon dit) & occasion d'escire ses Commentaires sur les escritures sainctes. Je ne diray autre chose de cest Hippolyte.

*Ecrits d'Hippolyte Euesque de Port. Hippolyte a escrit Commentaires sur les visios de Daniel, & sur les prouerbes de Salomon. Suide. Prudẽt à cõposer vn Hymne du martyre de Hippolyte.*

*De Pantene, philosophe Alexandrin, homme Apostolique : & du grand soing qu'il auoit au diuin estude des saintes lettres.*

*CHAP. XXXII.*



**P**antene aussi, homme souuerain en sagesse, & tref-renommẽ pour sa prudence, eut la charge de l'escole des lettres diuines en la ville d'Alexandrie, du temps de l'Empereur Commode, laquelle de toute anciennetẽ florissoit en ladite ville par le soing qu'on mettoit à estudier aux saintes escritures. Chose qui fut de longue duree : mesme que plusieurs, à l'enuy les vns des autres s'efforçoient de se faire valoir en toutes sortes de sciences. Or entre tous ces anciens qui y ont eu cours, ont dit que Pantene a estẽ l'vn des mieux renommez à cause de son erudition : lequel s'allia avec nous, pour tenir nostre profession, laissant celle qu'il suyuoit, avec les philosophes Stoiques. Et fut tant studieux de publier la parole diuine de l'Euangile, & luy donner accroissement, qu'il prescha la foy en Iesus-Christ, mesmes aux peuples de Leuant, & print bien la peine de les visiter, de sorte que par ses iournees il alla iusques aux Indes. Je parle d'un temps, durat lequel il y auoit plusieurs personages de bon cueur & de grande entreprinse, qui ne prenoient autre soing, ny ne se trauailloyent en rien plus, sinon à respandre la semence diuine de l'Euangile, par tous les coins de la terre, & avec grande louange l'arrouser, à fin de la faire leuer, croistre, & multiplier. Entre lesquels estoit ce bon homme Pantene, qui ne fit point de difficultẽ ny refus d'entreprendre vn voyage tant lointain & difficile, à fin de donner quelque auancement à nostre religion. Or dit-il en quelque passage, qu'estant aux Indes, il trouua que quelques fideles auoyent l'Euangile selon saint Matthieu, traduitẽ en langue Hebraïque par l'Apostre Bartholomee, qui premierement les auoit instruits & preschez : & qu'il l'auoit long temps gardee si soigneusement que les figures des lettres, escrites de la main dudit Bartholomee, ne se trouuoient aucunement corrompues ny gastees. Doncques Pantene, tref-renommẽ à raison de plusieurs beaux faits qu'il a continuez iusques à la fin de sa vie, eut la charge de l'escole des lettres saintes en la ville d'Alexandrie : où il declara & interpreta les escritures contenans les diuins commandemens de Dieu, tant par viue voix, que par doctes Commentaires qu'il a laissez à la posterité.

*Pantene principal des escoles de Theologie en la ville d'Alexandrie.*

*\* anciennetẽ florissoit] Saint Hierosme, au traitẽ des hommes illustres, dit qu'il y auoit vne coustume ancienne en la ville d'Alexandrie : c'est, que depuis que saint Marc l'Euangeliste s'y estoit tenu, ils auoyent tousiours eu des docteurs Ecclesiastiques pour enseigner la sainte escriture.*

*De Clement le Compositeur, de ses œuvres, & de ce qu'il a dit touchant la sainte escriture.*

*CHAP. XXXIII.*



**C**lement aussi, homme souuerain en sagesse, & tref-renommẽ pour sa prudence, eut la charge de l'escole des lettres diuines en la ville d'Alexandrie, du temps de l'Empereur Commode, laquelle de toute anciennetẽ florissoit en ladite ville par le soing qu'on mettoit à estudier aux saintes escritures. Chose qui fut de longue duree : mesme que plusieurs, à l'enuy les vns des autres s'efforçoient de se faire valoir en toutes sortes de sciences. Or entre tous ces anciens qui y ont eu cours, ont dit que Pantene a estẽ l'vn des mieux renommez à cause de son erudition : lequel s'allia avec nous, pour tenir nostre profession, laissant celle qu'il suyuoit, avec les philosophes Stoiques. Et fut tant studieux de publier la parole diuine de l'Euangile, & luy donner accroissement, qu'il prescha la foy en Iesus-Christ, mesmes aux peuples de Leuant, & print bien la peine de les visiter, de sorte que par ses iournees il alla iusques aux Indes. Je parle d'un temps, durat lequel il y auoit plusieurs personages de bon cueur & de grande entreprinse, qui ne prenoient autre soing, ny ne se trauailloyent en rien plus, sinon à respandre la semence diuine de l'Euangile, par tous les coins de la terre, & avec grande louange l'arrouser, à fin de la faire leuer, croistre, & multiplier. Entre lesquels estoit ce bon homme Pantene, qui ne fit point de difficultẽ ny refus d'entreprendre vn voyage tant lointain & difficile, à fin de donner quelque auancement à nostre religion. Or dit-il en quelque passage, qu'estant aux Indes, il trouua que quelques fideles auoyent l'Euangile selon saint Matthieu, traduitẽ en langue Hebraïque par l'Apostre Bartholomee, qui premierement les auoit instruits & preschez : & qu'il l'auoit long temps gardee si soigneusement que les figures des lettres, escrites de la main dudit Bartholomee, ne se trouuoient aucunement corrompues ny gastees. Doncques Pantene, tref-renommẽ à raison de plusieurs beaux faits qu'il a continuez iusques à la fin de sa vie, eut la charge de l'escole des lettres saintes en la ville d'Alexandrie : où il declara & interpreta les escritures contenans les diuins commandemens de Dieu, tant par viue voix, que par doctes Commentaires qu'il a laissez à la posterité.

*Clement, prestre Alexandrin.*

- sectateur de mesme estu- de avec Pantene.* que par la traditiue & façon d'enseigner. Aussi dit-il en vn œuvre qu'il nomme les Dispositiōs ou Ordonnances, que Pantene estoit pere de ses liures. Et au premier liure de ses Compositions & meslanges, i'ay opinion & me semble qu'obscurément il entend parler d'iceluy Pantene, quād faisant comme vn denombrement des excellens personages qui ont succedé aux Apostres, il escrit ainsi: Or les liures que i'ay couchez par escrit, ne furent oncques commencez, pour luy-uis, ny mis en lumiere par ostentation ou vanterie: mais à fin de seruir de monimens & souue- nance à ceux qui viendront cy apres, pour r'affreschir la memoire des choses passees, & estre le remede contre l'oubliance, comme vne image euidente de l'ancienneté, & representatiō ou sem- blance de ceste luisante & viue doctrine, laquelle i'ay, par la grace de Dieu, entendue & apprinse de plusieurs bien-heureux & excellens personages, l'un delquels estoit Ionique en Grece, l'autre en la grande Grece, l'un de rechef au pais de Celefyrie, & toy en Egypte, & d'autres en O- rient. Où il y en auoit vn en Assyrie, l'autre en la Palestine, qui estoit luif de race par ses ance- stres. Le dernier que i'ay rencontré, en vertu & puissance estoit prince de tous les autres au pais d'Egypte, auquel ayant trouué des choses qui au parauāt m'auoyēt esté incōgneues, ie me des- troy de chercher plus auant: Car ils s'estoyent mis en deuoir d'obseruer tousiours & garder la ve- rité de la doctrine celeste, laquelle ils auoyent receue de main en main, comme succession laissée de pere à fils, par la tradition des saints Apostres: la continuans & enuoyans iusques à nous, ausquels ils ont laissé comme vne semence de la vie de leurs ancestres, & des Apostres mesmes.
- Precepteurs de Clemēt.* Or Clement succeda à Pantene, quant au gouuernement & regime des escoles de Theologie: lesquelles aussi Origene, n'estant encor pour lors qu'un enfant, fréquentā. En son œuvre des Re- cueils, il deduit le premier liure iusques au decés de l'Empereur Commode: & est mis par es- crit, quasi comme des annales. Or y a il huit liures de Recueils ou Compositions: autant en a il composé de ceux qu'il nomme Dispositiōs, Ordonnances, ou Instruētōs: esquelles il parle de son maistre Pantene (comme i'ay desia dit) & raconte quelques siens propos & traditions. Il a aussi escrit, & adressé au Grecs ou Gentils, vn liure exhortatoire plein d'enseignemens: & encor trois autres liures, qu'il appelle Pedagogues: Puis vn autre doctement composé, & me- ritant bien d'estre leu, duquel le titre est: Qui est le riche sauué: & vne autre composition, en laquelle il dispute du Pasque. Encor sont de la façon des Homelies du ieune, & de detraction: de rechef, vn' admonitiō à patience: puis vn autre liure qui s'adresse aux illuminez & illustrez par nouvelle conuersion, outre celuy auquel il a donné le nom de Reigle Ecclesiastique: & vn autre qu'il enuoya à l'Euesque Alexandre, contre ceux qui Iudaizoyent & viuoyent à la façon des Iuifs.
- Les liures des Contextes cōposés avec une ve- rité et amas de choses di- uerses.* Es liures des Recueils non seulement il amasse plusieurs bonnes choses prin- sées des lettres saintes, ains ne laisse rien de ce qui merite estre receu de la doctrine des Grecs. Puis ayant donné ample declaration & exposition des arrests, ausquels les Grecs & Barbares mettent leur appuy: & encor declarant les opinions de ce que les Philosophes & princes des heretiques ap- pellent faulxement Science: il donne vne instruētō pleine de toutes sortes de doctrines. Par- quoy non sans cause tel nom de Meslanges ou Recueils a esté donné aux liures, dans lesquels y a telle verité de diuerses matieres ramassees les vnes avec les autres. Dedans iceux il s'ayde ordinairement du tesmoignage de Sirach l'Ecclesiastique, & encor de l'Epistre de Barnabé, & de celle de Clement. Il fait aussi mention du liure de Tatian aux Grecs, & de Cassian (qui pareille- ment a mis par escrit des annales & supputation des temps) de Philon, Aristobule, Iosephe, Demetrie, & Eupoleme, auteurs Iudaïques: par lesquels il afferme & prouue que Moyse a esté plus ancien que les plus anciens d'entre tous les Grecs. Tant y a que tous les liures de la façon de ce bon personnage Clement, sont farcis d'une vtile erudition & doctrine salutaire. En son liure premier il donne euidentement à entendre qu'il est de ceux qui de plus pres ont ap- proché de la succession des Apostres, comme estant leur prochain successeur: & promet aussi qu'il laisseroit par escrit des Commentaires sur le liure de Genese. En son liure du Pasque, il se dit auoir esté contrainct & forcé par quelques vns de conter les histoires, & exposer les traditions qu'il auoit apprinses des prestres anciens: & entre autres il nomme Meliton, Irenee, & aucuns autres, ausquels il attribue quelques sentences, desquelles il use. Es liures des Dispositiōs ou Ordonnances, il met vn denombrement assez compendieux & bref des liures testamentaires & canoniques de toute l'escriture sainte, & ne laisse pas derriere les escrits, ausquels on cōtre- dit: comme sont l'Apocalypse & reuelation de Pierre, & l'Epistre de Barnabé. Quant est de l'Epistre aux Hebreux, il a opinion qu'elle est de la façon de Paul l'Apostre, qui l'escrui- t & adressa aux Hebreux en langue Hebraïque: mais quel Euangeliste Luc l'a traduit excellē- ment en langage affecté, & declaree aux Grecs. Encor dit-il vne bonne raison, pour laquelle il n'a pas mis le nom de Paul au commencement de ladite Epistre, comme estoit la coustume du saint Apostre de se nommer en ses lettres auant toutes choses: c'est qu'il craignoit que les Iuifs qui le tenoyent suspect par quelque presumption, ne fussent decouragez dès le com- mencement de la lecture de son Epistre, voyans son nom en la preface: & à fin que cela ne fust cause de les garder de la lire, il auoit fait sagement de ne se nommer aucunement d'entree. D'auantage il soustient que le cours de l'oraison, la suite du parler, & façon de dire, est sembla- ble en

ble en l'epistre aux Hebreux, & aux Actes des Apostres. En autre lieu de ses escrits, il tient tels propos : Or, comme dit le bien-heureux Prestre, puis que nostre Seigneur, Apostre du tout-puissant, a esté enuoyé aux Hebreux : Paul, afin de l'abbaisser avec plus grande humilité, n'escrit point qu'il est Apostre des Hebreux, comme n'ayant charge en sa légation, sinon d'estre l'ambassade de Iesus Christ aux Gentils : & luy cede volontairement tel honneur d'Apostre des Hebreux, estimant estre chose superflue, que luy, qui estoit trompette & legat des Gentils, enuoyast pareillement des lettres aux Hebreux. Quant est de l'ordre des Euangiles, ainsi qu'il le tenoit des ancestres, il dit que celles qui poursuivent & contiennent le denombrement des genealogies, ont premierement esté mises en lumiere, & que l'Euangile de Marc fut escrite par telle disposition & occasion, qui s'ensuit : Quand Pierre avec viue voix eut annoncé & prêché l'Euangile, ses familiers & ceux de sa suite (qui estoient en grand nombre) enhortèrent Marc, son compagnon assidu (lequel auoit parfaite intelligence de la force & vertu des propos de l'Apostre) de mettre par escrit ses harangues & predications : Ce qu'il fit à leur iustification, & leur donna le liure qu'il en escriuit. Ce qu'estant venu à la congnoissance du Saint Apostre Pierre, ny il n'empescha pas que le liure fust publié, ny ne le commanda pas aussi. Quant à Saint Iean l'Apostre, il le dit estre dernier, qui mit la main à la plume pour escrire l'Euangile : en laquelle il descouurit soigneusement & declara les choses spirituelles propres à la Theologie & concernant la diuinité, apres qu'il apperçut que les autres auoyent assez exposé en leurs Euangiles ce qui estoit corporel en nostre Seigneur Iesus Christ. Or c'est assez parlé de Clement d'Alexandrie.

Ordre des  
quatre Eua-  
ngiles.

*De Tertullian & Caie, auteurs Ecclesiastiques.*

#### CHAP. XXXIIII.



E meisme temps Tertullian prestre (duquel i'ay parlé cy deuant) estoit du nombre des auteurs Romains, apres Victor & Apollone. Il fut natif de Carthage en Affrique, & auoit son pere Centenier, autrefois Proconsul. Au demeurant il estoit homme tres subtil & de fort grand esprit : lequel florist principalement du temps de l'Empereur Seuer, & composa plusieurs liures. Paul de la Concorde, Italien, nous a laissé par escrit, que luy estant ieune, il vid à Rome le secretaire du bien-heureux Saint Cyprian, homme fort aagé, qui estoit encor viuant : auquel il auoit ouy dire, que son maistre Saint Cyprian ne laissoit pas quasi passer vn seul iour sans

*Tertullian, & ses écrits.*

*Cyprian pre-  
noit plaisir  
à lire les  
œuvres de  
Tertullian.*

lire quelque chose des œuvres de Tertullian, & que de fois à autre il vloit de ces mots : ça, donnez moy mon maistre : entendant Tertullian par ce mot de maistre. Tertullian donc, au milieu de son aage plus posé, estant prestre en l'Eglise Catholique, mit par escrit plusieurs bones choses à l'encontre de la doctrine de Montan : Mais puis apres il tomba en meisme erreur, & composa plusieurs liures pour la deffence de celui, contre lequel il auoit escrit apparauant, esquels il fait mention de la nouuelle prophetie, & pour ceste cause il mit en lumiere vn nouveau liure expressément composé à l'encontre de l'Eglise Catholique. Il en escriuit aussi vn autre de pudicité, ou bien exhortation à chasteté : puis vn autre de Monogamie, ou conionction avec vne femme seulement : encor vn, de la persecution : vn autre, du ieusne & abstinence. D'auantage il composa six liures de l'ecclase ou palmoison : & le septiesme, contre Appollone & plusieurs autres. Or vesquit il vn fort bon aage. Il y eut vn autre grand personnage, nommé Caie, qui florissoit du temps de Zephyrin, Pape de Rome, lors qu'Antonin, fils de Seuer, tenoit en main l'Empire des Romains. Ce Caie a mis par escrit vne tres-ample dispute contre vn des disciples de Montan, nommé Procle : auquel il donne blasme, le reprenant de son audace temeraire, & à raison de sa nouuelle prophetie, dont il s'attribuoit le nom. En ce meisme liure il met en conte seulement treize Epistres de S. Paul. Car il nie, que celle qui est escrite aux Hebreux, soit de la façon de l'Apostre : & dit encor, que les Romains ne l'auoyent iamais auparauant estimée de la composition dudit Paul. Or ce peu que i'ay dit de ces deux personnages, doit suffire & donner au lecteur contentement en cest endroit.

*Tertullian, devenu Maniche.*

*Ecrits de  
Caie.*

*L'epist. aux  
Hebreux  
n'est pas de  
S. Paul.*

*De plusieurs autres auteurs Ecclesiastiques : sçauoir est, Iudas, Heraclite, Maxime, Candide, Appion, Sexte, Arabian & autres.*

#### Chap. XXXV.



Auantage plusieurs liures ont esté en bruit, composez par gens Ecclesiastiques, qui facilement auoyent acquis le premier lieu pour leur ancienneté : esquels apparoissoit vne souueraine affection & bon vouloir enuers la foy & religion Chrestienne.

Q

*Commentaires de Iudas l'historien sur les semaines du prophete Daniel. L'aduenement de l'Antechrist attēdu sous Seuer. Ausheurs Ecclesiastiques, Heraclite, Maxime. Candide. Appion. Sexte. Arabian.*

Entre ces bons personnages y auoit vn historien, qui se nommoit Iudas, homme de grande recommandation, & bien renommé entre les auteurs de son temps. Cest historien employa beaucoup de temps & de travail à escrire sur les semaines du Prophete Daniel, desquelles il composa & laissa vn œuvre tres-excellent à la posterité: Car il en fit comme vne suite & continuatiō d'histoire, laquelle il a deduite & menee iusques au dixiesme an de l'Empire de Seuer. Il donne à congnoistre en ce liure, que son opinion estoit, que l'aduenement del' Antechrist, long tēps auparauant prophetizé & predict, estoit prochain, & quasi sur le point de se manifester. Or la persecution tres-griefue, qui pour lors fut esmeue, donna foy à telle opinion; & la conferma grandement, & troubla les esprits de plusieurs, tellement que viuans en doute & attente de chose si grande, on ne leur pouuoit oster de la fantasie que cela ne fust sur le bureau & fort prochain. Il y eut encor vn autre saint personnage, nommé Heraclite, qui composa beaucoup de bons liures: & fut le premier qui mit par escrit quelques expositions & declarations sur les epistres de l'Apostre. Maxime aussi, homme saint & de bonne vie, escriuit plusieurs solutiōs & decisions sans contredits, touchant la question que les heretiques souuent ont en la bouche: qui est, D'où procede la malice & meschanceté: & encor touchant cē qu'ils mettent en auant, Que la matiere est creēe. Candide pareillement, bien qu'il ait trauaillé en beaucoup d'autres endroits, a escrit des commentaires sur l'Hexameron, c'est à dire, les six iournees de la creation de l'vniuers: comme aussi Appion s'est grandement estudié de traicter le mesme argument. Semblablement vn nommé Sexte, par ses escrits approuue la resurrection, avec fort grande louange. Arabian aussi a bien trauaillé & beaucoup escrit sur quelques autres argumens de la sainte escriture. Au surplus il y a encor vne infinité de liures doctes & excellens de plusieurs autres auteurs, qui dès lors ont esté mis en lumiere pour souuenance & instruction de la posterité: mais ie me suis aduisé, que ce n'estoit pas chose conuenante à mon entreprinse, ny seruante à ceste histoire, d'escrire en ce lieu, ny le temps, auquel ils ont esté composez, ny les argumens d'iceux. Or les susdits auteurs Ecclesiastiques, qui furent deuant Origenes, ont en partie continué par ordre & d'une entressuite, l'histoire des choses sacrees & de la doctrine Euangelique: en partie aussi fait barbe, & en face (avec armes diuines) resisté à ceux qui auoyēt deliberé de gaster & rompre la doctrine de la vraye foy Catholique. Chose qui auoit esté ainsi disposée par la providence du Dieu de l'vnuers, afin que l'estat de la Chrestienté fust confirmé & assuré de rechef, apres les Apostres & leurs premiers successeurs, par le sang des martyrs, par leur bonne doctrine, & par la claire lueur de leur vie tressainte: afin que les affaires des Chrestiens fussent fortifiees, en sorte que les assauts de leurs ennemis ne peussent aucunement faire breche en leur fort inexpugnable & inuincible. Or c'est assez parlé de ces auteurs Ecclesiastiques.

*De la dissension & discord, meu pour lors, touchant le Pasque: des Synodes ou Conciles, assemblez pour cest affaire: & comment le tout fut pacifié & accordé.*  
Chap. XXXVI.

*Questiō entre les Eglises d'Asie & celles de l'Occident, touchant le tēps de celebrer la feste de Pasque.*



Nuiron la fin de l'Empire de Commode, s'esleua vne question grande entre les Eglises Orientales & de l'Occident: Car celles d'Asie estoient d'opinion que necessairement il falloit obseruer & auoir esgard au quatorzieme iour de la Lune, en ensuyuant la tradition ancienne, qui leur auoit esté laissée, & quasi comme donnée de main en main, iusques à leur temps: disans, qu'à ce iour les Iuifs estoient coustumiers de tuer l'aigneau par l'ordonnance de la loy, & manger leur Pasque. Comme si la necessité les contraignoit, à quelque iour de la semaine escheust la pleine Lune, de rompre leurs ieusnes ordonnees & coustumieres à ce mesme iour, & celebrer le saint mystere de nostre Pasque es Eglises, avec les Iuifs, & ainsi & au mesme temps qu'ils le solemnizent. Les autres Eglises d'Orient, & encor celles de l'Occident, soustenoyent qu'il n'estoit pas permis d'ainsi faire: mais que plus-tost il se falloit arrester & tenir à la coustume que lon auoit pour lors, qui estoit venue de la tradition des Apostres, & continuee de toute ancienneté, depuis leurs temps iusques alors. Par ce qu'il n'estoit pas honneste ny raisonnable, que la solemnité de Pasque fust celebre à autre iour, en reiettant la ieusne, qu'au iour de Dimenche, auquel le Seigneur Iesus ressuscita de mort à vie. A ceste cause la question & dispute fut merueilleusement grande aux Eglises, lesquelles d'une part & d'autre s'efforçoient de soustenir, qu'il estoit besoing de garder la coustume pratquee de toute ancienneté: en quoy elles se contrarioient, & ne pouuoient bonnement accorder: Qui fut cause, qu'en plusieurs lieux on fit quelques assemblees d'Euesques, pour oster & appointer ce different. Or furent ils tous d'une opinion, & publierent puis apres l'ordonnance & arrest de leur deliberation, lequel ils enuoyerēt par escrit & proposerēt à toutes les Eglises de toutes villes & lieux. Le decret ou edict estoit, que le merueilleux mystere de la resurrection & de Pasque, ne seroit deormais célébré à autre iour, sinon au Dimenche, & q'tors on cesseroit de ieusner. Lon a encor de present des lettres de



de quelques synodes celebres de ce temps, lesquels remarquent quelques Euesques de diuerses Eglises d'une part & d'autre: c'est à sçauoir, Victor de l'Eglise Romaine, Narcisse de Hierusalem, Theophile de Cesaree au pays de Palestine, Cassie de Tyrie, Clare de Ptolemaïde. Les mesmes lettres donnent à entendre, que pour lors le tres-ancien Palme auoit le gouvernement des Eglises de Pont: Irenee, de celles de France, & des pays qui sont pres la riuere du Rhin: Bacchyle de Corinthe: & autres, d'autres prouinces, qui tous, d'une voix & mesme aduis, ordonnerent par accord que la feste de Pasque fust celebree & solemnizée au iour du Seigneur, qui est le Dimenche. Or Narcisse & Cassie, Euesques en la region de Palestine, & Clare de Ptolemaïde, & d'auantage tous ceux qui se trouuerent à ceste assemblee (apres auoir premierement declare & remonstré plusieurs bonnes choses, touchant les traditions, qu'ils auoyent en premier lieu receuës des Apostres, puis continuees & soigneusement obseruees iusques à leurs temps) sur la fin du decret arresté en eux à ce synode, ont aussi adiousté ce qui s'ensuit: Faites que la copie & double de ceste nostre Epistre soit enuoyee par toutes les Eglises, afin que ne soyons point chargez ny participans à la faute de ceux qui facilement trompent, seduisent & deçoient leurs ames. Au reste, ie vous aduertis & assure, que lon celebre la solennité de Pasque en la ville d'Alexandrie, à mesme iour que vous. Car nous leur auons r'escrit touchant cest affaire, & eux pareillement nous ont mandé de leurs nouuelles: tellement que d'un consentement & accord nous auons conuenu de solemnizer ce iour saint tous ensemble, & à mesme iour. Donc ceste ordonnance & reigle a esté à tous signifiée & annoncee.

*Du different de ceux d'Asie, à raison du Pasque: & de ce que Polycrates, Euesque d'Ephese, en a r'escrit à l'Euesque de Rome, Victor.*

*Chap. XXXVII.*



R ceux d'Asie estoient encor fermes & artestez en leur opinion, estimas qu'il falloit deffendre iusques au bout les traditions des Apostres. Celuy qui entre autres soustenoit principalement leur aduis, estoit Polycrates, Euesque & prelat en l'Eglise des Ephesiens: lequel, ayant reputation d'estre grand personnage & Apostolique, declara par lettres à Victor, Euesque & Pape de Rome, & mesme à l'Eglise Romaine, quelle estoit la tradition & autorité des Apostres sur ce point, qui duroit encor de son temps. Entre autres propos, tel est son dire: Or est il vray, que nous passons ceste iournee sans la violer, contaminer ny souiller, & n'y adioustons ny diminuons aucune chose. Car il y a de grands commencemens & bien souuerains, qui reposent & dorment en Asie: lesquels ressusciteront au iour de l'aduenement de nostre Seigneur, lors qu'il viendra des cieux en sa gloire, & fera ressusciter tous les saints: sçauoir est, Philippe, l'un des douze Apostres, qui repose en la ville de Hierapolis: & deux siennes filles, qui demurerent vierges iusques à leur vieil aage: d'auantage, vne autre sienne fille est inhumee en la ville d'Ephese, apres auoir paracheué le cours de sa vie sous la conduite du S. Esprit. Iean aussi, qui reposa sur la poitrine de nostre Seigneur: & encor vn autre Iean (lequel estant creé Prestre, porta les enseignes de grand Sacrificateur, qui est lame d'or au front) docteur ensemble, & martyr, qui decederent tous deux en Ephese. Puis Polycarpe, Euesque de Smyrne & martyr: & encor Thraseas, Euesque d'Eumenie, & martyr, qui ont souffert mort en la ville de Smyrne. Que diray-je de l'Euesque & martyr Sangaris, qui mourut en la ville de Laodicee? D'auantage, le bien-heureux Papyrie, & Meliton l'Eunuque, qui, ayant passé le cours de sa vie sous la conduite du saint Esprit, fut inhumé en la ville de Sardes, attendant la visitation celeste, à laquelle il ressuscitera de mort à vie. Tous ces hommes de bien ont tenu & obserué le quatorziesme iour pour celebrer le Pasque, suyuant l'Euangile, sans la transgresser aucunement, l'arrestans aux ordonnances & reigles de la foy. Quant est de moy Polycrates, qui suis le moindre d'entre vous, & mesme de tous les viuans, assurez vous, que ie suy, marche & me gouerne selon la tradition de mes parens & alliez (car i'ay eu sept de mes cousins, de mesme aage que moy, qui ont esté Euesques, & suis le huitiesme:) aucuns desquels i'ay ensuyui, tant qu'il m'a esté possible. Et mes parens & alliez ont tousiours solemnizé ce iour, quand le peuple des Iuifs a assaisonné & magé le pain sans leuain. Quât à moy, mes freres, cōbien que i'aye atteint l'aage de soixante-cinq ans, avec l'aide de nostre Seigneur, ie ne me sens point esmeu ny troublé aucunement pour quelques menaces, ny pour crainte que lon me vueille faire touchât ceste miene opinion en cest endroit: car ie l'ay communicee à tous les freres fideles de ce monde, & ay quasi leu toutes les saintes escritures: esquelles i'ay trouué que plus grands personnages, que ie ne suis, ont tousiours esté d'aduis, qu'il falloit plus tost obeir à Dieu, que non pas aux hommes. Or sur la fin de son epistre, il tient propos de tous les Euesques, qui auoyent consenty à son opinion: quand il escrit ainsi, Je pourrois bien mettre les noms des Euesques, qui m'ont donné la main, accordans avec moy touchant ce point, lesquels i'ay appelez & assemblez, pour auoir leur aduis sur

Q ij

# LIVRE III. DE L'HIST. ECCLESIASTIQUE

ce fait, ainsi que l'avez voulu & ordonné : mais si ie les voulois escrire en ce lieu, le nombre en est si grand, que ce ne seroit iamais fait. Eux congnoissans bien ma petitesse, & sçachans assez que ie ne porte pas les cheveux blancs pour neant, ont bien voulu approuver ceste mienne epistre par leur opinion, comme ceux qui ne sont pas ignorans, que i'ay tousiours vescu suyuant la parole de Iesus Christ.

*Comme Victor, Pape de Rome, fut esmeu de separer les villes d'Asie de l'union de l'Eglise, pour cause de la fesse de Pasque. Chap. XXXVIII.*

*Victor Pape de Rome delibere d'excommunier les fideles d'Asie.*



*Les autres Euesques du pays d'Occident, entre lesquels estoit Irenee, firent changer la deliberation à Victor.*

*Lieu à noter. Bons propos d'Irenee à Victor.*

Mais Victor, ayant receu ces lettres, deliberoit de reietter soudain de la communion & vnité Catholique les Eglises d'Asie, & celles qui leur estoient prochaines: Et pour ceste cause il leur r'escriuit incontinent, les picquant & blasmant en public, & leur deffendant à toutes ensemble de ne se reclaimer ny nommer puis apres de l'Eglise Chrestienne, comme excommuniées qu'elles estoient. Bien est vray, que de foy-mesme il auoit prins ce conseil: lequel toutefois ne plaisoit gueres aux autres Euesques qui estoient avec luy. A cause dequoy ils luy firent remonstrance, que son honneur seroit, de moderer sa sentence, & donner iugement moins seuer, avec plus meur aduis, sur ceux qui soustenoyent le fait de mesme foy & religion: disans, qu'il ne deuoit pas si facilement laisser le soing & negliger le profit & vtilité de ses alliez, sans s'estre diligemment enquis du fait: & que peu à peu cela se pourroit corriger & amender, tant par le moyen de bonne doctrine, que par le progrès & succession de temps. Vray est, qu'ils se monstrerent assez rudes & seueres à l'endroit de celuy qui les surpassoit en honneur & louange: entre lesquels mesme fut Irenee, comme il appert par les lettres qu'il escriuit à Victor, au nom des Eglises de France, qui estoient en sa charge. Il afferme bien que la solennité de Pasque doit estre celebree le Dimanche, & non à autre iour: mais ce n'est pas de son consentement ny permission, que Victor separe & reiette de la communion Ecclesiastique si grande multitude d'Eglises: veu mesmement qu'ils gardent la coustume ancienne & tradition des Apostres. Or ce bon Euesque Irenee a escrit beaucoup de bonnes choses conformes à la raison, à Victor, touchant la paix & vnion: entre lesquelles il m'a semblé bon d'alleguer vn passage, qui pourra estre vtile & necessaire à l'Eglise: comme aussi i'en ay maintenant allegué de l'Epistre de Poly-crates.

*Comment Irenee, homme fort amateur de paix, accorda les Eglises, les remettant en tranquillité & con corde, & leur proposant deuant les yeux les exemples des successeurs des saints Apostres.*

CHAP. XXXIX.

*Variété en l'observatio du ieusne.*



*La commune participa-tion de l'Eucharistie, y auoit il grande difference entre ces deux, observer, & n'observer pas: Si est-ce que personne n'a esté reietté pour ceste cause. Mesmes que les prestres, vos deuanciers, qui ne tenoyent pas ceste coustume, ont enuoyé l'Eucharistie & Sacrement du corps & sang de Iesus Christ, aux suruenans des autres Eglises, qui la gardoyent. Et quand le bien-heureux Saint Polycar-pien, chari-pe vint à Rome, durant le Pontificat d'Anicete, & qu'ils eurent quelque temps disputé ensemble de choses d'assez peu d'importance, les ayants soudainement accordees entre eux, ils n'eurent plus de different puis apres touchant ce poinct: Car Anicete ne peut onc persua*

Voicy donc vne partie de ce que Irenee escrit: Non seulement il y a dissension & dispute touchant le iour, mais aussi de l'espece du ieusne: Car quelques vns ont opinion qu'il ne leur faut ieusner qu'un iour: les autres sont d'aduis qu'ils en doyent ieusner deux: les autres plus. Mais aucuns mesurét le iour de quarante heures tât de iour q de nuict. Or ceste varieté touchant ceste obseruation n'est pas venue de nostre aage, mais long temps auparauant elle a esté entre nos ancestres: lesquels ont enuoyé & donné de main en main à leurs successeurs la coustume soigneusement pratiquée par vne simplicité pure & entiere, ainsi qu'il conuenoit faire. Ce nonobstant ils ont tous vescu en paix les vns avec les autres: comme aussi le discord qui est entre nous, ne trouble point tellement l'estat de l'Eglise, qu'encor nous ne retenions le paix: car la dissension & debat touchant le ieusne, confirme l'accord & conuenance de nostre foy. Puis à ces paroles il adioute vne histoire, qui merite d'estre declaree & mise en ce lieu: Or les prestres qui ont esté deuant Soter, tenans le gouuernement de l'Eglise que vous avez en charge (sçauoir est, Anicete, Pie, Hygine, Telesphore, & Xiste) n'ont pas ainsi obserué ny le Pasque, ny le ieusne, & mesmes n'ont pas permis à ceux qui estoient avec eux, de les garder en ceste sorte: Toutesfois ceux qui ne les obseruoient pas ainsi, ont entretenu la paix & con corde avec ceux qui venoyent vers eux, des Eglises lesquelles tenoyent ceste obseruation. Or y auoit il grande difference entre ces deux, observer, & n'observer pas: Si est-ce que personne n'a esté reietté pour ceste cause. Mesmes que les prestres, vos deuanciers, qui ne tenoyent pas ceste coustume, ont enuoyé l'Eucharistie & Sacrement du corps & sang de Iesus Christ, aux suruenans des autres Eglises, qui la gardoyent. Et quand le bien-heureux Saint Polycar-pien, chari-pe vint à Rome, durant le Pontificat d'Anicete, & qu'ils eurent quelque temps disputé ensemble de choses d'assez peu d'importance, les ayants soudainement accordees entre eux, ils n'eurent plus de different puis apres touchant ce poinct: Car Anicete ne peut onc persua

persuader à Polycarpe, qu'il reiettaſt ceſte couſtume, laquelle il auoit touſiours gardée apres  
 » Sainct Iean, diſciple de noſtre Seigneur, & apres les autres Apoſtres, avec lesſquels il auoit veſcu:  
 » & Polycarpe ne ſeueſt jamais mettre en teſte à l'Eueſque Anicete, de la garder & obſeruer: car  
 » Anicete alleguoit & mettoit en auant, qu'il falloir ſe tenir à la couſtume des preſtres, qui auoyent  
 » eſté auant nous. Ces affaires eſtans en tel point, ils ne laiſſerent pas de celebrer enſemble la cõ-  
 » munion. Meſmes qu'en l'Egliſe de Rome Anicete fit ceſt honneur à Polycarpe, qu'il luy laiſſa  
 » faire le ſeruire & adminiſtrer l'Euchariftie. Et ainſi ſe ſeparerent en paix l'un d'avec l'autre, par le  
 » departement de Polycarpe: ioinct auſſi que les Eglifeſ ne laiſſoyent pas de viure en paix les vnes  
 » avec les autres, ſoit qu'elles gardaſſent telle façon de faire au Paſque & à la ieune, ſoit qu'elles  
 » fiſſent autrement. Voila cõment ce grand perſonnage : Irenee (aſin quel'effect fuſt correſpon- *...i. qui fait*  
 » dant à ſon nom) appaiſa ce different: car par le moyen de telle ſupplication & requeſte, il mit *la paix.*  
 » paix entre les Eglifeſ, & conſera de la queſtion propoſee, non ſeulement avec Victor, mais auſſi  
 » avec pluſieurs autres prelatſ d'Egliſe, autant honneſtement qu'il eſtoit poſſible, ſuyuant ce qu'en  
 » auons dit cy deſſus. Mais ce que la raiſon n'auoit peu perſuader, le temps puis apres l'a mis à  
 » execution: Car à la fin les Eglifeſ d'Asie ſ'accorderent avec les autres, & par tout le monde fut  
 » arreſté, que le myſtere de Paſque ſe feroit, & la feſte ſeroit ſolenniſee au iour de Dimenche, &  
 » non à la façon des Iuiſ. Si eſt-ce qu'encor y a il en Asie quelques reliques, qui ſont reſtees de  
 » ceux qui retiennent & gardent ceſte couſtume de celebrer Paſque au quatorzieme iour de la  
 » Lune: leſquels pour ceſte cauſe ont eſté nommez du nom Latin *Quatuordecimani*, qui pourroit  
 » eſtre à dire *Quatorzains*, gens gardans l'ancienne façon de faire des Eglifeſ d'Asie, & autres  
 » choſes retirees de quelques liures apocriſes & reierrez des fideles, & meſmes abuſans en ceſt  
 » endroit des noms d'aucuns Apoſtres & autres perſonnages renommez. Or fut ainſi decidee la *Combien*  
 » queſtion de Paſque, avec la reſolution de laquelle ie mettray fin à ce quatrieme liure, qui a du- *d'annees*  
 » ré iuſques à la mort de Commode, apres auoir gouuerné l'Empire par l'eſpace de treize ans & *ſont conte-*  
 » d'auantage: lors que Seuerus, apres Pertinax, n'auoit pas encor eu le gouuernement d'iceluy ſix *nues en ce*  
 » mois entiers. Ce liure donc contient le temps de vingt-quatre anneés non completes touteſois: *liure.*  
 » & a prins ſon commencement <sup>a</sup> à Antonin, frere de Vere, finiſſant avec l'Empire de Commo-  
 » de & de Pertinax, en l'an de la creation du monde, <sup>b</sup> cinq mille ſept cens & vn: & de la nati-  
 » uité de Ieſus Chriſt <sup>c</sup> cent quatre vingts & ſeize.

<sup>a</sup> à Antonin frere de Vere] *C'eſt à dire, dès le temps que Marc Antonin philoſophe commença à regner ſeul, apres le decés de L. Vere.*

<sup>b</sup> cinq mille ſept cens & vn] *ſelon les nouueaux Chronologues, 4173.*

<sup>c</sup> cent quatre vingts & ſeize] *On plus toſt, cent quatre vingts & quinze.*

*Ces deux Princes freres, Antonin & Vere, ont enſemble gouuerné & tenu l'Empire de Rome par l'eſpace d'unze ans, durans leſquels ils auoyent puissance eſgale: Mais quand L. Vere fut decedé, M. Antonin ſeul regna quatre ans: puis, avec ſon fils Commode, cinq: tellement que le temps du gouuernement de M. Antonin, fut de dix-neuf ans, ou enuiron. Mais Nicefore a eſté d'opinion, que L. Vere tint l'Empire avec Marc ſeulement ſix ans durans: apres lequel, par l'eſpace de dix ans & quelques mois, Marc Antonin fut Empereur. Touteſois en ceſte traduction j'ay ſuyuy l'authorité & aduis d'autres autheurs. Or apres la mort de Commode, Pertinax fut mis à mort au ſecond mois, iour vingt-cinquieme de ſon Empire: & Didie Iulian, le deuxieme mois auſſi iour cinquiesme. Et L. Septimie Seuerus fit marcher ſes compagnies contre deſcenuie le Noir, qui auoit eſté crée Empereur en la ville d'Antioche par l'armee de Syrie. J'ay bien voulu annoter cecy, aſin que le nombre & compte des ans ſoit trouué vray en l'hiſtoire de Nicefore.*

## FIN DV QUATRIESME LIVRE DE l'Hiſtoire Eccleſiaſtique de Nicefore.

Q iij



## LIVRE CINQVIÈME DE

l'Histoire Ecclesiastique de Nicefore,  
fils de Calliste, Xanthoupolis.

*Sommaire & briefue repetition de ce qui a esté dit par cy deuant : avec declaration  
des choses contenues en ce liure.*

*Chap. 1.*

*Briefue repetition  
des choses de-  
uantes dites.*



*Proposition  
de ce qui se  
ra dit en ce  
liure.*

Acilement l'ordre & entresuite sera gardee en la continuation du propos commencé, & se fera vn corps entier de l'histoire sainte, si à ce qui a esté deuant dit, ie fais deuoir d'adiouster ce qui est ensuyuy. Oray-ie dedié le premier liure de ce mien œuvre (comme aussi la raison le requeroit) à Iesus Christ, chef de toutes choses: Puis le second a esté consacré bien & deuëment aux sectateurs d'iceluy, gens de bien, auteurs saints, qui nous ont esté guides & capitaines. Leurs premiers successeurs se sont emparez du troisieme. Au quatrieme, j'ay tenu propos de ceux qui ont combattu & forcé le fort de toutes erreurs, & ce qui faulxement estoit appellé science, ou en singuliers combats estans martyrs, ou bien docteurs par leurs doctes escrits: racontant qui ont esté les auteurs Ecclesiastiques, & quels liures ils ont laissé par escrit apres leur mort: puis ce qui a esté dit & ordonné touchant la question de Pasque. Quant à ce liure cinquieme, que ie prens en main, il declarera pleinement & entierement les faits d'Origenes, qui fut dit Adamantie: discourant sur les labeurs & travaux qu'il a soufferts pour la vraye pieté: qui il fut, d'où il est venu: comment il a incité & esmeu plusieurs personnages à soutenir le combat pour Iesus Christ: combien il a esté studieux des choses diuines: combien il a eu de disciples qui ensuyuoient sa doctrine, & estoient amateurs des deux especes de philosophie, diuine & humaine: quelles choses il a osé entreprendre sur soy mesmes, quand il se proposa de cōregarder sa virginité, & se passer de prédre femme: bref, comment à la fin, prestât l'aureille au diable seducteur & abuseur, il se foruoya de la droite voye, & decheut de la saine doctrine. Encor ce liure comprendra d'autres choses: sçauoir est, la grieve persecution, qui aduint du temps de l'Empire de Decie: qui furent les Euesques & Prelats des Eglises saintes: & quelles merueilleuses choses aduindrent en icelles, contre l'opinion & attente des hommes fideles. Or prendray ie icy le commencement de mon discours.

*De la persecution des Chrestiens, aduenue sous l'Empereur Seuerè: en laquelle Leonides, pere d'Origenes, souffrit la mort pour Iesus Christ.*

*Chap. 11.*

*Acuse  
des lettres  
patées des  
deux Prin-  
ces, freres.*

*L'Eglise  
Chrestienne  
florissant.*



Où le temps que Commode gouerna l'Empire, les affaires des Chrestiens furent paisibles & en repos, mais apres qu'il fut mis à mort par vne menée, & que Pertinax eut tenu le gouuernement bien peu de tēps: & aussi quand Seuerè luy eut succédé (comme desia a esté dit) le fait de nostre religion estoit alors encor en assez bon estat, mesme que la profession de nostre foy prenoit de iour en iour accroissement, estant auancée par les escrits & bonnes doctrines des docteurs Ecclesiastiques, lesquels j'ay par cy deuant racontés: principalement aux grandes villes, comme en Alexandrie, en Antioche, en Elie, & par tout le pais de Palestine, en Ephese, en Cesarée, & tirât vers l'Occident en Theſſalonique, en Athenes, à Corinthe: & en Gaules & pays de France, mesmement en la ville de Rome. Car il n'y auoit assemblee de gens, ny maison, qui ne s'estimast heureuse d'estre receu au nombre des fideles Chrestiens: & estoit vn chacun prest & appareillé d'endurer plus-tost & faire toute autre chose, que d'entreprendre

ou in-

ou innouer quelque chose au preiudice de nostre religion. Or quand l'Empereur Seuer *Persecution*  
 eut aduisé qu'il n'estoit pas bon d'endurer si grand accroissement de l'Eglise Chrestienne, *sous l'Em-*  
 soudain il va mouuoir & commencer vne merueilleuse poursuite contre toute la Chrestienté: *perceur Se-*  
 tellement qu'il n'y auoit aucune contree de monde, où lon ne veist en vn instât vne infinité de *uere.*  
 martyres endurez courageusmēt pour la defense de Iesus-Christ: principalement en Egypte,  
 Libye & Thebaïde. Mesme que vous eussiez dit qu'en la ville d'Alexandrie y auoit comme vn  
 lieu public estably pour s'exercer en la vraye pieté: où les plus vaillās & preux martyrs, receu-  
 rent de Dieu (duquel ils estoient aimez) les prix & courōnes, en recompense de leur fermeté,  
 ayans soustenu & souffert diuerses sortes de tourmens les plus cruels que lon pouuoit penser,  
 avec merueilleux assauts. Et dit-on que Leonides, pere d'Origenes, de ce temps mesme endura *Leonides,*  
 martyre pour le nom de Iesus-Christ: & receuant mort violente au trenchant de l'espee, laissa *pere d'Ori-*  
 son fils Origenes, qui n'estoit encor qu'un ieune garson. Or par ce que cest Origenes non seu- *genes, mar-*  
 lement est bien renommé entre nous, mais aussi pour autant que le bruit de ses loüanges, qu'il *tyr.*  
 a laisse à raison de sa vie (laquelle toutefois n'est pas tousiours demeuree entiere iusques à la fin)  
 est fort grand: j'ay opinion qu'il n'y aura personne qui soit enuieux si ie raconte combien il a  
 esté grand personnage, & de quelle affection & estude il a employé son esprit aux saintes escri-  
 tures. Bien est vray, qu'il seroit besoing d'employer vn long temps, qui voudroit mettre par es-  
 crit toute sa vie. Mais entre les choses qui se disent de luy en grand nombre, i'en rongneray plu-  
 sieurs & en mesleray quelques vnes seulement à ceste mienne histoire: afin que les faits de si  
 grand personnage ne demeurent enseueliz en tenebres, & incongneuz aux hommes studieux:  
 veu que sa vie a semblé meriter, au iugement de plusieurs, d'estre couchee par escrit, & mesme  
 racontée entierement dès le berceau.

*Des estudes & exercices d'Origenes dès son ieune aage, lequel des lors n'auoit rien  
 plus en recommandation, que la parole de verité: & comme il se prepara  
 à soustenir le combat pour Iesus Christ.*

Chap. I I I.



Ar mesme dès le commencement à grand peine auoit il passé l'aage d'en- *Exemple*  
 fance, quand son pere se mit à l'endoctriner és saintes lettres. Lequel *tres-beau*  
 auant toutes choses auoit le soing, & tenoit la main à ce que son fils ega- *de l'instruc-*  
 lement profitast en la Theologie & aux sciēces liberales tout ensemble: *tiō puerile.*  
 Parquoy auant que de l'exercer és lettres humaines, il ne se passoit aucū  
 iour, qu'il ne l'interrogeast sur certaines promesses & autres passages de  
 l'escriture sainte, qu'il auoit apprins par cœur: chose, qui n'estoit pas  
 ny contre le iugement de l'enfant, ny repugnant à sa volonté. Car son  
 desir le plus grand tendoit plus tost à l'estude des saintes lettres, que  
 non pas aux sciences des Grecs: tellement qu'il ne se contentoit pas d'apprendre ce qui estoit  
 plus commun & moins difficile és saintes lettres, mais (estant curieux au possible) s'efforçoit  
 d'esplucher les sens les plus occultes d'icelles: & de fois à autre faisoit de la facherie à son pe-  
 re, & le mettoit en peine, quand il l'interrogeoit sur le sens caché sous la lettre, tellement qu'il  
 ne scauoit aucunes fois où il en estoit, ny qu'il deuoit respondre. Le pere, voyant le zele si grād  
 de son fils, estoit ray en admiration, & se resioüissoit grandement en soy-mesme, congnoissant  
 la grace que Dieu luy auoit faite, de le faire estre pere d'un tel enfant. Ce nonobstant quelque  
 fois il faisoit semblant de le reprendre en priuē & tancer aigrement, en l'admonestant de ne  
 s'enquister trop auant des choses qui estoient par dessus la portee de son aage & entendemēt.  
 Or fut il tellement esmerueillé & estonné de son fils, qu'il se confessoit publiquement estre biē  
 tenu de rendre graces à vn seul Dieu, distributeur de tous biens, tellemēt que par plusieurs fois,  
 se rencontrant au lieu où l'enfant reposoit, il deconuroit doucement son estomach, & avec grā-  
 de reuerence le baisoit, cōme si le S. Esprit y eust fait sa demeure, tant il s'estimoit heureux d'a- *L'enfant*  
 uoir mis sur terre vn fruct si excellent & plein de si grāde felicité. Qui fut cause & occasiō, que *Origenes*  
 l'enfant dès son ieune aage fut instruit en la foy & lettres saintes, receuant bonne nourriture *out un mes-*  
 de celuy qui luy estoit & pere & precepteur, & donnant certaine opinion & attente de la futu- *me nourri-*  
 re preud'hōmie. Ce que i'en ay dit, & plusieurs autres choses semblables, sont mises en escrit *cier & pre-*  
 de l'infance d'Origenes. *cepteur, qui*

Or en la dixiesme annee de l'Empire de Seuer, apres que le :: Ioyeux fut enuoyé gouver- *estoit son*  
 neuren Egypte, & Demetrie succeda à Iuliā en l'Euesché de la ville d'Alexādie, lors que la per- *pere.*  
 secution des Eglises estoit grandement enflābee & que plusieurs se presentans aux combats a- *:: Latius, 019*  
 uec grand cœur, estoient couronnez de la couronne de Martyre, On dit qu'Origenes fut telle- *le Ioyeux,*  
 ment attrainct du desir de souffrir en tesmoignage de la foy Chrestienne, mesmement du temps *Pro consul*  
 de sa trop grāde ieunesse, qu'avec vne gayeté de cœur il'exposoit volontaiemēt à tous perils *d'Egypte.*

*La mere  
d'Origenes  
empesche sa  
deliberatio  
de souffrir  
martyre.*

*Origenes a-  
nimoit par  
lettres son  
pere estant  
en prison à  
endurer  
martyre.*

tant il estoit ardent & desireux de patir, pour la tuition du nom de Iesus-Christ. Et deslors s'avie eust prins fin par martyre, si par les prieres de sa mere il n'eust esté diuertie de sa deliberation, & retiré de ce faire : & ce, par la providence divine, qui avoit esgard à l'utilité & profit de plusieurs autres, lesquels eussent eu besoing de la doctrine d'un si grand personnage. Car elle entra quelque fois en sa chambre, & à jointes mains le supplia de faire quelque chose pour l'amour d'elle, qui luy portoit autant de bène affectio qu'autre mere s'auoit porter à son enfant : le priant de ne perseverer deormais de luy donner occasion d'avoir tant d'ennuiz & fascheries, à raison de son entreprinse, qui pourroit estre cause de la faire demeurer malade. Or quand son pere fut prins & mis en la prison, plus grande affection & desir du martyre le vint saisir, lequel de iour en iour l'enflambloit & brusloit, cème si quelque feu nouveau luy eust causé vn ardeur intolérable Parquoy sa mere le voyant ainsi animé, s'aduisa de luy cacher tous ses habillemens : tellement qu'il fut cōtrainct de garder la maison, quād il ne trouua aucū de ses vestemēs. Mais voyāt qu'il ne pouuoit autre chose faire, par lettres il donnoit courage à son pere, luy servant comme de maistre d'escrime, ou comme celuy qui oingt les lucteurs quand ils se veulent presenter nuds au combat de la lucte : car bien souuent il luy escriuoit & aduertissoit de ce qu'il auoit à faire, vsant de tels propos entre autres : Ayez bon courage, mon pere, endurez & vous donnez bien garde que ne changiez d'opinion, & à cause de nous, ne prenez autre conseil, que celuy, pour lequel vous estes captif. Voylā donc la premiere espreuue, servant d'indice tref-cuident de la foy entiere & bonne affection qu'Origenes auoit enuers Dieu, dès le commencement que son ame entra dans la prison de son corps terrien.

*De l'institution & nourriture d'Origenes : quels personnages ont esté ses familiers, & se  
sont aidez de sa doctrine. Comment il eut la charge de l'escole des fideles en  
Alexandrie, n'ayant encor passé la dixhuitiesme année de son aage :  
où il fit son deuoir, comme ieune homme bien renommé,  
avec son grand honneur. Chap. II II.*

*Le patri-  
moine &  
biē du pere  
d'Origenes  
confisqué à  
l'Empereur*



Vand son pere fut trespasé, ayāt souffert mort par martyre pour le nom de Iesus-Christ (comme i'ay desia dit) il n'auoit par encor seize ans passez, & furent tous leurs biens confisquez au profit de l'Empereur, & adioustez au domaine d'iceluy : qui fut cause qu'estāt demeuré sur les bras de sa mere, avec six autres enfans plus bas d'aage, il viuoit avec eux en grande pauvereté & necessité des choses requises & necessaires à la vie humaine. Mais la puissance divine le regardant en pitié, il ne fut pas long temps en telle misere, sans auoir secours contre son indigence, par vn moyen estrange & quasi incredible : Car vne certaine bourgeoisie, femme d'honneur, tref-riche & bien renommee en la ville d'Alexandrie, ayant pour mary l'un des principaux heretiques de la ville, print Origenes en tel amour, & luy porta si bonne affection qu'elle l'adopta & tint pour son fils : & non seulement l'eut en bonne reputation, en faisant grāde estime, ains aussi fournissoit à luy & à tous les siens liberalement & abondamment tout ce qui leur estoit besoing pour l'usage quotidian. Il vidoit donc familièrement avec Paul (car ainsi s'appelloit le mary de ceste bonne Dame) avec lequel (par ce qu'il estoit grand heretique) iamais il ne voulut faire ses prieres, lesquelles tousiours il continua suyuant sa coustume, obseruant diligemment les constitutions & ordonnances de l'Eglise : combien que toutefois plusieurs hantassent iournellement en la mesme maison avec Paul, non seulement de ceux qui renoient la superstition des Grecs, mais aussi d'autres de nos gens. Mesme qu'ayant esté ia long temps instruités disciplines des Grecs, il profitoit de plus en plus en l'escole de Paul, son pere adoptif. Or depuis ce temps il se mit à enseigner, & prenant peine à instruire, fit si bien que du loyer deses labours il viuoit, tellement que tout luy venoit à souhait, & n'auoit deffault d'aucune chose. Mais apres qu'en Alexandrie il n'y eut aucun qui s'ausast ingerer de faire professio des lettres saintes (par ce que la crainte d'estre poursuyuy & persecuté auoit fait retirer & tenir vn chacun couuert) il y eut plusieurs personnages d'entre les Gentils qui s'adresserent à Origenes, & publiquement soustindrent la parole de Dieu, detestans pour la plus part les sacrifices de leurs pais, en partie afin que familièrement ils peussent viure avec luy, en partie afin de luy pouuoir aider en ses affaires : tant estoit grand l'affection, que sur toutes choses ils luy portoyent. Le premier d'entre eux (à ce que lon dit) se nommoit Plutarque, homme excellent & renommé, tant pour la saincteté de sa vie, que pour raison de la courōne de martyre. Apres lequel fut son frere Heraclas : qui donna si bonne preuue de son estude en la plus vraye philosophie & discipline des saintes lettres, que puis apres il fut esleu pasteur de l'Eglise d'Alexandrie apres Demetrie, auquel il succeda. Or estant Origenes en la dixhuitiesme année de son aage, on luy donna la charge des escoles de Theologie en Alexandrie, afin d'enseigner les mysteres de la religion Chrestienne. Et quand la poursuyte des Chrestiens estoit plus violente en la susdicte ville,

*Eusebe, li.  
6. chap. 2.  
dit que  
Paul fut  
l'adoptif de  
cette dame,  
& que Ori-  
genes le  
hanta au  
logis d'elle.*



ville, & se faisoit plus grande sous vn gouverneur, nommé Aigle: il acquit grand renom envers ceux qui tenoyent le party de Iesus-Christ: par ce que familièrement il receuoit vn chacun, faisant recueil autant aux incongneuz comme à ceux qu'il cognoissoit: & visitant soigneusement les prisonniers, lesquels il animoit & encourageoit à patience, & s'auançant avec grande confiance & liberté pour baiser ceux que lon trainoit à la mort. Parquoy il est souuent aduenü, que le menu peuple des Gentils estant en fureur, l'a voulu lapider: Mais contre son attente la main celeste de Dieu ne le laissoit point destitué d'ayde à son besoing: comme aussi par plusieurs autres fois il l'a contregardé, lors qu'on luy dressoit des embusches à cause de sa liberté, allegresse & gayeté de cœur à enseigner la parole de Dieu. Or il y eut si grãde esmeute cõtre ce ieune homme Origenes, qu'à la poursuyte du peuple Gẽtil, en la maison où il demouroit, se trouuoit ordinairement vne bonne troupe de gens d'armes, pour auoir esgard sur ceux qui par luy estoient instruits es saintes disciplines. Mesme que la poursuyte fut si grande contre luy, qu'il estoit contraint de changer de logis & aller de maison en autre secretemẽt, par tous les endroits de la ville, pour cause de la multitude, qui, par sa doctrine auoit esté induicte à prendre la profession de la foy. \* Car non seulement son dire, ains ses œuures aussi donnoyent tref certain indice de la vraye sagesse dont il estoit remply: d'autant que sa vie estoit conforme & respondante à sa parole: Parquoy (avec l'ayde de Dieu) il attira plusieurs personnes à foy, & eut vne infinité d'imitateurs.

*Aquila: Aigle, commis au gouuernement d'Egypte.*

\* Car non seulement ) *Donques (à ce que lon dit) telle estoit sa vie, que son parler: & tel estoit son dire, que sa vie. Eusebe, liu. 6. chap. 3.*

*Comment Origenes menoit vie plus parfaite, que celle d'un Philosophe, & gardoit diligemment les commandemens de l'Euangile.*

Chap. V.



Onc quãd il veid qu'une infinité de disciples venoyẽt à luy pour l'ouyr, comme principal regent & lecteur de l'escole d'Alexãdrie, qui luy auoit esté donnee par Demetrie: estimant avec bonne raison que les lettres prophanes ne deuoyẽt pas estre meslees avec la sainte doctrine de Theologie, incontinent il quitta l'estude des sciences estrãgeres: par ce qu'elles ne pouuoient estre tant profitables ny vriles, que l'escriture sacree, & qu'elles mettoient en auant des choses contraires & repugnantes à icelle. Puis avec vn cœur haultain & (pour dire entierement ce qui en est) se ressentãt d'un Philosophe, afin qu'on ne l'estimast auoir affaire de quel que secours d'autrui, il mit en vente tous ses liures Grecs, qui estoient beaux & bien en ordre, stipulant avec l'acheteur & accordant que iusques à fin de paye, il receuroit de luy par chacun iour seulement quatre :: oboles.

*Origenes laisse les lettres profanes.*

*Il vend ses liures Grecs*

Parquoy il continua longtemps à philosopher en ceste sorte, chassant loing de foy toute occasion & maniere qui l'eust peu attirer à choses nouuelles & non permises, tellement qu'il se donnoit peine d'euitier toute concupiscence mal-seante à vn homme. Mesme qu'apres auoir passé la iournee, le plus souuent en trauail, encor de nuict il ne reposoit gueres, ains consumoit la plus grande partie du temps en la meditation & contemplation des saintes escritures. Et quant l'appetit de dormir le faisoit, il ne reposoit pas sur quelque bon liẽt bien accoustré, mais se couchant sur la terre nue, dormoit, tant peu que rien moins: & au reste, s'addonnoit à ieusner bien souuent, & à autres exercices, se ressentans du Philosophe, avec grande constance.

*:: Obole, piece d'argent valãt sept deniers tournois. 4. Obobes sont 28. deniers.*

Or entre tous les commandemens de nostre Sauueur, il disoit qu'il falloit principalement obseruer ceux qui defendoyent d'auoir deux habillemens, d'vser d'aucunes chausses, & se passionner & tourmenter son esprit à cause du soing & soucy trop grand des choses futures. Ce qu'il obseruoit soigneusement, comme celuy qui passoit sa vie en grande misere, par froid, pauureté & nudité, en endurant plus que son aage ne pouuoit bonnement porter. Aussi monstra il assez combien estoit grande la promptitude & ardeur de son courage, en ce que voyageant long temps par plusieurs pais, iamais ne se voulut ayder de foulriers, & s'abstenoit entierement de boire vin, & de prendre autre chose, que ce qu'il sentoit luy estre necessaier pour sa nourriture simple, tellement que par plusieurs fois il fit tort à foy-mesme, & mit son corps en grand peril & danger de mort. Viuant en telle sorte, & donnant exemple de bonne vie à ceux qui le voyoyent tant seuer en son endroit, il estoit cause que l'on ne se pouuoit assez esmerveiller de luy: Encor refusoit il de hãter ses familiers mesmes, & les desdaignoit quand ils se vouloyent ingerer de luy donner & departir ou prester chose, de laquelle ils le voyoyent auoir faulte & disette.

*Vie de philosophe Chrestien.*

*Qui sont ceux lesquels il a duiſts & enſeignez ſi bien qu'enſin ils ont eſté  
couronnez du martyre. Chap. V 1.*

*Plutarque.  
Serene.  
Heraclides.  
Heron.  
.. Car il  
eſtoit nou-  
uellement  
conuertý à  
la foy.  
.. Receues  
au S. ſacre-  
ment de  
Bapteſme.  
Vn autre  
Serene.  
Bafilides.*



A vie donc fut telle qu'il incita par icelle pluſieurs de ſes ſectateurs eſcoliers, & meſme de ceux qui ſuyuoient la mauuaife doctrine, à l'amour de philoſophie diuine: enracinant tellement la celeſte parole de la foy au plus profond de leurs entendemens, que de telle ſemence ſe leuoit puis apres vn fruit bien abondant, lequel venoit au but de ſa perfectió & maturité, tellement qu'aucun d'entre eux furent couronnez du chappeau de martyre, durant le temps des perſecutions. Le premier martyr (comme i'ay deſia dit) ſe nommoit Plutarque, lequel quand on menoit au ſupplice, peu ſ'en fallit qu'Origenes ne fuſt mis à mort par les gens de la ville, comme celuy lequel on diſoit eſtre cauſe de la fortune du pauvre patient: Et n'eut iamaís eſchappé de leurs mains, ſi la prouidence diuine (qui adreſſoit & gouernoit toutes ſes affaires) ne l'eut encor de rechef contregardé. Le ſecond martyr, auoit à nom Serene, qui ſortit de ſon eſcole, monſtra dans le feu à veüe d'œil, combien eſtoit ſa conſtance recommandable. Heraclides fut le troiſieſme en ordre, lors qu'encor on l'inſtruiſoit & endoctrinoit eſ lettres ſainctes, comme apprenny en icelles. Heron teint le quatrieſme rang, & portoit .. encor les marques & .. enſignes de lumiere diuine. L'un & l'autre de ces deux derniers mourut au trenchât de l'eſpee. Le cinquieme fut vn autre Serene, de meſme nom que le ſecond: qui, ayant eſté dès ſon ieune aage nourry en ladiſte eſcole, apres pluſieurs dangers & tourmens par luy ſoufferts, receut à la fin la couronne de gloire celeſte, pour le loyer de ſa vraye pieté, quand la teſte fut leuee de deſſus les eſpaules. Le ſixieſme eſtoit nommé, Baſilides, qui, par commiſeratió, deliura Potamiene, femme tant renommee, des mains de pluſieurs paillardſ qui luy vouloyent faire tort & honte.

*De Potamiene, martyre, laquelle fut eſcoliere d'Origenes.  
Chap. V 1 1.*

*Rais.  
Bapteſme  
par l'elemēt  
du feu.  
Potamiene.*



Ve ſ'il fault auſſi bien mettre les femmes en nôbre, que les hômes: Rais fut la ſeptieſme, qui paracheua le cours de ſa vie par martyre, apres auoir receu le ſainct bapteſme par feu (comme en quelque paſſage eſt dit par Origenes) lors qu'encor on l'inſtruiſoit en noſtre foy & aux ceremonies de noſtre religion. Mais la huitieſme eſtoit Potamiene, le renom de laquelle eſt encor bien celebré entre ceux de ſa nation. Elle, apres auoir bien combattu & reſiſté à ceux, qui, ſoubs vmbre de bonne amitié, l'importunoyent iuſques à luy vouloir oſter l'honneur (car avec la vertu, qui embellissoit ſon eſprit, la beaulté du viſage, & du reſte de ſon corps, la rendant autant recommandable, qu'autre de ſon temps) fut tant ferme & conſtante de courage à la deſenſe de ſa virginité, & quand & quand ſe monſtra tant vertueuſe à ſoute-  
nir la foy, qu'apres vne infinité de tourmens intolerables, à la fin elle franchit le fault de la mort, par feu, dans lequel elle fut ietee & ſa mere auſſi, nommee Marcelle. On dit que le iuge, nommé l'Aigle, (apres l'auoir fait battre grieuement pour la premiere fois avec verges & foüets) la menaça de la mettre entre les mains de quelques ieunes hômes laſciſ, pour luy faire outrage & violer ſa chaſteté: & que quand on l'eut interrogee laquelle des conditions propoſees elle vouloit choiſir, delibérant tacitement en ſon eſprit, elle donna reſponſe fort magnanime & hardie, par laquelle on eſtima incontinent qu'elle auoit offenſé & tenu propos contraire & repugnant à la couſtume des Romains: Et pour ceſte cauſe, ſoudain la ſentence de condemnation fut prononcee à l'encontre d'elle. Mais ainſi qu'on la menoit au ſupplice, la multitude du peuple pour luy faire iniure, luy diſoit pluſieurs paroles outrageuſes, villaines & impudiques: quád Baſilides (qui eſtoit le bourreau) eſmeu de pitié en ſon endroit, ſe print à faire retirer la troupe de ceux qui l'iniurioyēt. Lors elle, ayant agreable tel ſoing & deuoir de Baſilides, pour ſa cauſe, luy diſt: Baſilides, ayez fiance en Dieu, & que le courage ne vous defaille: car aſſez vous, que puis que ie prens le chemin pour aller veoir en bref mon Seigneur Ieſus-Chriſt, ie n'oublieray ce bon vouloir & plaſir que me faites, ains vous rendray la pareille avec ſuffiſante recompence. Ayant dit ces mots, la poix ardante reſpandue ſur toutes les parties de ſon corps, luy oſta incontinent la vie. Peu de temps apres on voulut faire preſter le ſerment à Baſilides, pour quelque occaſion non petite, preſens ſes compagnons de guerre: mais il aſſura deuant tous, qu'il ne luy eſtoit permis de iurer aucunement: car il eſtoit Chreſtien, & le confeſſoit publiquement. Ses cōpagnons ſoldats penſoyent de prime face qu'il ſe mocquaſt, eſtimās qu'il tenoit tels propos pour faire outrage à noſtre religion Chreſtiene: Mais quand ils virent que c'eſtoit à bon

*Marcelle,  
mere de  
Potamiene.*

*Potamiene  
predit à ſon  
bourreau  
Baſilides,  
qu'il ſeroit  
martyriſé.*


*Les Chre-  
ſtiens ne iu-  
royēt point  
au temps  
paſſé.*

à bon escient, & qu'il perseueroit en telle opinion, soudain on le mena deuant l'Aigle, qui estoit iuge : en la presence duquel, apres qu'il eut parlé fort elegamment, confessant librement son fait, incontinent il fut mis en prison. Or y eut il quelques vns des freres Chrestiens, qui l'allerent visiter & consoler, non sans grand estonnement & admiration de veoir en luy vn si soudain changement : mais il leur fit le conte que trois iours deuant, Potamiene s'apparut à luy avec face ioyeuse & en tel estat qu'elle estoit en son viuant : & que luy mettant vne couronne sur la teste, elle luy tint ces propos : Basilides, i'ay prié Dieu pour vous, soyez seut que mes prieres ne seront point vaines, ains sortiront leur effect : car en brefie vous auray pres de moy. A ces paroles, les freres Chrestiens le munirent & armerent du .<sup>sc</sup>. seel de Iesus-Christ : & le lendemain il souffrit martyre par le trenchant del'espee. Et non seulement cestuy endura mort pour Iesus-Christ, en la ville d'Alexandrie, durant la persecution qui se faisoit contre les fideles, mais aussi plusieurs autres ensemble participerent à pareil euement : ausquels Potamiene apparoissoit en dormant, de mesme sorte qu'elle s'estoit monstree à Basilides, & leur donnoit aduertissement de suyure la meilleure voye. Voylà comment tous ces martyrs, qui souffrirent de ce temps là en Alexandrie, instruits en la foy par Origenes, acquirent le diuin loyer d'immortalité.

.. Entēde  
le signe de  
la croix, ou  
plustost le  
baptisme  
car les  
Grecs le  
nomment  
oſſpays  
qui est à di-  
re signacle  
ou seel.

*Comment Origenes eut bien le cœur de se chastrer luy-mesme, à fin qu'il peust passer le reste de sa vie sans soy marier.*

Chap. V I I I.



Rigenes auoit la charge des escolles Chrestiennes de la ville d'Alexandrie, quand il s'ingera avec trop de hardiesse d'entreprendre vne chose qui se presentoit d'vne imperfection de ieunesse, & tourefois donnoit assez à congnoistre combien estoit assuree la fermeté de sa chasteté & foy : Car par ce que estant encor en la fleur de ieunesse, non seulement il preschoit aux hommes la parole, mais aussi enseignoit aux femmes la voye de salut, afin de retrancher toute calomnie & soupçon de honnesté, & se delibérant en son esprit d'accomplir par effect le propos de nostre Sauueur (lequel il prenoit simplement & selon la lettre seulemēt)

qui dit ainsi : Il y a quelques Eunuques, qui se sont chastrés pour le royaume des cieux, luy mesme se chastra, pensant celer son fait à ses familiers & amis. Mais quelque peine qu'il mist à se tenir secret, il n'en peut venir à bout : car il y eut plusieurs personnages qui furent aduertiz de la verité. :: Demetrie aussi euesque du lieu, sachant cela en fut grandement esmerueillé, & estimant qu'il ne falloit pas trouuer mauuaise l'ardeur de si grande foy, luy donna courage & dist que pour telle chose il ne luy estoit besoing d'auoir aucune crainte. Telle fut l'affection & bon vouloir que l'Euesque luy porta pour lors. Mais quand avec le temps il veid que par tout Origenes auoit acquis grande louange & reputation, l'affection humaine le transporta tellement, que seduit par icelle il escriuit aux Euesques & s'efforça d'obscurcir & mettre à neant sa bonne renommee, declarant par ses lettres la sorte entreprinse d'iceluy. Au surplus, quand au pais de Palestine, les Euesques de Ierusalem & de Cesaree (personnages plus excellens que les autres en dignité) eurent estimé Origenes digne de grand honneur, & pour ceste cause luy eurent donné place entre les prestres, luy conferas cest ordre par l'imposition des mains, croissant dès ce temps sa louange, & le renom de sa sagesse & louange de sa vertu, prenant grand accroissement quasi par toute la terre, Demetrie luy donna grand blasme, & tourna à calomnie ce qu'autre fois il auoit fait par vne ignorance de sa ieunesse (car il ne trouuoit autre chose à reprendre en vn si grand personnage) mesme qu'aucunement il taxoit ceux qui l'auoyent auancé en la dignité de prestrise. Mais Demetrie s'estoit prins trop tard à blasmer vn tel homme : lequel employant son temps & l'estude à l'entour de ses disciples, ne se monstroient aucunement paresseux de communiquer sa doctrine à tous ceux qui venoyent à luy. Ce temps pendant, Seuerus apres auoir gouverné l'Empire avec toute meschaceté, par le temps de dixhuit annees, eut pour successeur son fils Antonin Caracalle.

Demetrie  
portant en-  
uie au bon  
renō d'Or-  
igenes, qui  
auoit esté  
auancé en  
l'ordre de  
prestrise au  
pais de Pa-  
lestine, le  
blasma par  
ses escrits.

Antonin  
Caracalle  
successeur  
de Seuerus  
en l'Empire

*Des miracles esmerueillables de Narcisse, Euesque de Ierusalem.*

Chap. I X



En ce mesme temps Alexandre (l'un de ceux qui soustindrēt plusieurs calamitez pour la vraye pieté, durant la persecution faite sous Seuerus) preserué de Dieu, print la charge & gouvernement de l'Eglise de Ierusalem : mesmes du viuant de Narcisse, qui en auoit eu l'administration. Duquel Narcisse les gens de ce lieu racontent plusieurs choses merueilleuses : & entre beaucoup d'autres, assurent que de luy on trouue es hi-

Alexandre  
est fait coad-  
iuteur de  
Narcisse en  
l'Euesché  
de Ierusalem.

*L'Euesque  
Narcisse  
muet l'eau  
en huyle.*

*Quelques  
meschans  
gens dres-  
sent vne ca-  
lomie &  
faulx accu-  
sation contre  
Narcisse,  
& de leur  
certaine ma-  
lice la cōfer-  
ment par  
serment.*


*Exemple de  
pariuremēt  
pūny diuin-  
ement, sur  
les calōnia-  
teurs de  
Narcisse.*

stoires ce qui s'ensuit : Car ils disent qu'au iour solemnel de la veille de Pasque, du soir, il y eut faulte d'huyle pour l'vltage des lampes, dont le peuple estant grandement fasché, Narcisse comanda que les ministres qui en auoyent la charge, fissent diligence de tirer de l'eau d'un puis qui estoit prochain, & de la luy apporter. Ce qu'estant fait, il se mit en prieres & benit l'eau puis commanda qu'on en verfast es lampes, avec foy certaine & entiere. Apres qu'on eut obey à son commandement, soudain par vertu & efficace diuine, l'eau estant conuertie en la nature d'huyle, de couleur & qualité, rendit au feu vne lueur nouuelle & plus claire qu'autre huyle n'eust sceu faire. Et plusieurs garderent deslors fort longuement de ceste huyle en memoire de ce miracle. D'auantage lon raconte plusieurs autres choses dignes de memoire de ses manieres de faire & façons de viure : entre lesquelles ceste cy est digne d'estre entēdue. Quelques meschantes personnes qui de leur vie ne s'estoyent estudiez sinon à mal faire & paillarder, congnoissoyent assez la constance, seuerité & grauité du personnage : Parquoy craignās que par son iugement, estans surprins en quelque meschanceté, ils ne fussent puniz & chastiez selon leur demerite : pour obuier à ce danger, ils inuitent malicieusement vn mensonge & tromperie, & luy dressent vne faulx accusation, & à fin de dōner opinion aux hommes que leur dire estoit vray, ils conferment leur calomie avec pariuremens & sermens execrables, se donnans à l'ennemy de nature humaine, s'ils y prétēdoient ny pensoyent aucune tromperie. Car le premier d'entre eux s'offroit à estre brulé, li ainsi n'estoit ce qu'ils mettoyent en auant contre luy : l'autre desiroit mourir du mal caduc, s'il ne disoit verité : le tiers vouloit auoir les yeux creuez, si en son dire lon trouuoit menterie. Et combien que par leurs iuremens & execrations ils se meissent en peine de colorer ou couvrir leur calomie : toutefois il ne se trouuoit aucun qui adioustast foy à leur accusation, par ce que la chasteté & vertu du saint homme Narcisse estoit assez cogneue de chacun Il est vray que quand il ne sceut plus endurer la meschanceté de ses accusateurs, cōme celuy qui ne demādoit qu'à passer le reste de son aage hors d'affaires, & mener en tout repos vie philosophique, & voyant que la populace en fin auoit esté deceue & induite à croire ce que les accusateurs luy mettoyēt au deuant, il se retira & ne fut pas veu par plusieurs annees : car il auoit ainsi ordēné de sa vie & de son partemēt. Au surplus, ce grād cil de vengeance n'arresta pas longuement à punir ces hommes pernicieux & pestiferes, il les contraignit à souffrir les maux, ausquels ils s'estoyent obligez par serment, chacun selon qu'il l'auoit desiré. Le premier tesmoing donc fut miserablement brulé contre l'opinion d'un chacun, avec tous ses parens & alliez, au milieu de tous ses biens : ce qui aduint quasi sans aucune occasiō, par vne petite estincelle, qui ayant tombé de la lumiere, embrasa & mit en feu toute sa maison. Le second, se trouue en vn instant surprins de griefue maladie, telle qu'il l'auoit desirée, laquelle saisit routes les parties de son corps. Or le tiers, voyant l'issue si cruelle & griefue de leur pariurement estre aduenue à ses deux compagnons, & considerant la soudaineté de la diuine vengeance (qui contemple toutes choses) qui s'estoit ainsi hastee & aduancée, confessa soudain publiquemēt & deuant tous, ce que d'un commun accord ils auoyent entre eux controuuē par leur tromperie malicieuse à l'encontre du saint homme Narcisse : & ne cessa iamais de plourer & mener dueil, qu'il n'eust senty la force & clarté de ses yeux s'escouler avec ses larmes. Ainsi ces faux tesmoins receurent loyer digne de leur pariurement.

*Alexandre, Euesque de Cesaree, est conduit diuinement à l'Euesché de Ierusalem, uiuant encor son deuancier Narcisse, de sorte que l'Eglise y fut gouuernee par deux Euesques ensemble : puis des escripts d'Alexandre.*

Chap. X.

*Euesques  
de Ierusalē  
en l'absence  
de Narcisse.  
Die.  
Germain.  
Gordie.  
Narcisse re-  
tournē, de  
rechefre-  
prend son  
Euesché.  
Narcisse a-  
gē de 106.  
ans.*



R quand on veid que Narcisse s'en estoit fuy, & qu'il demouroit trop long temps sans retourner, les plus apparens de l'Eglise furent d'aduis de creer vn autre Euesque & eslire celuy que la pluralité des suffrages & voix nommeroit. Parquoy la charge de l'Eglise Ierosolymitaine fut donnee à vn certain personnage, nommé Die : auquel, par ce qu'il alla de vie à trespas, peu de temps apres Germain succeda : & apres luy Gordie. Mais durant qu'il tenoit l'Euesché, soudain voycy Narcisse, qui reuiet en la ville de Ierusalem, cōme s'il fut resuscité de mort à vie : & reprēd la charge de l'Eglise, à la fuscitation & cōtraincte (s'il fault ainsi dire) des freres fideles. Or telle retraicte se ressentant d'un philosophe, auoit donnē grand accroissement à la reuerence qu'on luy portoit : & encor sans plusieurs autres grands biens qui se voyoyent estre en luy, la vengeance que Dieu auoit prinse des meschans accusateurs, luy estant absent, le rēdoit encor plus admirable & loūable. Il est bien vray, que à raison de son viel aage (qui l'auoit cōduict iusques à la cent sixiesme annee) par ce qu'il ne pouuoit plus bonnemēt s'acquiter de sa charge, la prouidence & disposition diuine commit à l'Eglise de Ierusalem vn nōmé Alexandre (lequel

J'ay dit estre lors Euesque d'autre Eglise) pour la gouverner avec Narcisse : & fut iceluy Alexandre instruit de tout ce qu'il deuoit faire, par vision nocturne : par laquelle estant appelé du pays de Capadoce (où il auoit pareille administration) à fin de la mettre à effect, cōme quel- que diuin oracle, il entreprit le voyage de Ierusalem, tant pour y faire prieres à Dieu, que pour congnoistre comment les affaires s'y portoyent. Luy estant là arriué, les Chrestiens du lieu luy portans bonne affection & amitié, ne luy voulurent permettre de retourner en sa maison : à quoy ils furent induits par vne autre reuelation qui se estoit à eux presentee de nuict, & en auoit autant fait sçauoir à toutes gens de bien de l'Eglise, comme à Alexandre mesme. Encor quand ils furent sortis hors des portes de la ville pour aller au deuant, & luy faire honneur, ils entendirent vne voix venant du ciel, qui leur dist : Receuez de vostre plain gré pour Euesque celuy qui vous est enuoyé par la grace diuine. Cela estant ainsi fait, les Euesques voisins, qui ça & là gouernoient les Eglises, furent d'opinion qu'il deuoit obeyr à telle ordonnance : par quoy ils le contraignirent de demeurer en Ierusalem, & quasi par force l'y arresterēt, ioinct que Narcisse mesme en estoit consentant. Iceluy Alexandre en vne epistre qu'il a escrite aux Antinoïtes, enuiron la fin, reduit en memoire telle sienne charge d'Euesché, cōmune avec Narcisse, quand il dit : Narcisse vous salue, qui a tenu le lieu de cest Euesché auant moy : & maintenant, ayant vescu cent & six ans, avec moy s'addōne à oraison : lequel aussy avec moy vous aduertit & enhorte, que prestās vostre consentemēt, vous accordiez à nostre opinion. Alexandre aussy parle d'Asclepiades, qui succeda à Serapion, en l'Eglise d'Antioche, duquel j'ay tenu propos peu au parauant, en parlant de l'heresie selon les Phrygiens. Voila les mots desquels il vse : Alexandre, seruiteur de Iesus-Christ, & lié pour soustenir sa querelle, donne salut en nostre Seigneur, à la bien-heuree Eglise d'Antioche. Quand i'eū entendu que l'Euesché de vostre sainte Eglise d'Antioche, par la prouidence diuine auoit esté mise es mains d'Asclepiades, homme tref-idoine & capable de telle charge, à raison de sa foy singuliere, le Seigneur a fait que mes liens & prison m'ont esté plus faciles à supporter & legiers d'auantage, du temps que j'ay demeuré sous bonne garde. Encor donne il à congnoistre qu'il leur enuoye ceste epistre par vn nommé Clement, lequel aussy il recommande, quand il dit : Messieurs & freres, ie vous ay enuoyé ces lettres, avec Clement prestre tresheureux, qui est vn homme excellent & assez cogneu pour sa vertu. Vous sçavez quel personnage il est, & encor le congnoistrez vous d'auantage cy apres. Quand il estoit par deça, il asseuroit & donnoit accroissement à l'Eglise de Dieu, par sa prouidence & visitation du Seigneur. Le mesme Alexandre, en l'epistre à Origenes, fait mention de Clement & de Pantene, comme de deux personnages qui estoient bien ses familiers, en escriuant ainsi : Telle a esté la volonté de Dieu (comme bien tu le sçais) que l'amitié, qui de nos ancestres est venue iusques à nous, demeurast inuiolable & asseuree, ou bien, plus ferme & ardente. Car nous cognoissons assez nos peres, ces bien-heureux personnages, qui nous ont deuançé : avec lesquels ie desire grandemēt que Dieu nous donne la grace d'estre en bref. Je parle de Pátene, ce bon sieur vrayement bien fortuné, & du saint homme Clement mon Seigneur, & qui m'a fait beaucoup de plaisirs : & s'il y en a eu quelques autres de mesme marque, par le moyē desquels j'ay eu en toute sorte parfaite cōgnoissance de mô tresbon Seigneur & frere. Alexandre aussy escriuit vne autre epistre à ceux d'Antioche : puis vne autre, à Origenes : de rechef, vne autre, pour la defense d'Origenes, contre Demetrie : c'est à sçauoir de ce qu'il ordonna Origenes prestre, fuyuant le bon rapport & tesmoignage, que Demetrie auoit donné d'iceluy. On manie encor d'autre epistres dudit Alexandre, enuoyees à d'autres. Or en la persecution des Chrestiens, faite sous l'Empereur Decie, Alexandre fut de rechef présenté au iuge, & amené au parquet, où ayant plaidé sa cause, sentence fut donnée contre luy, qui estoit homme fort venerable, à raison de sa grande vieillesse. Et pour mettre son arrest à execution, il fut mené à la ville de Cesaree, & gardé quelque temps es prisons d'icelle : puis en fin mis à mort, estant par ce moyen couronné du chapeau de martyre.

*Alexandre  
cōpagnō en  
la charge  
d'Euesque  
avec Nar-  
cisse.*

*Le voyage  
de Ierusalem  
entrepris  
par Ale-  
xandre Eues-  
que de Cap-  
adoce,  
pour y fai-  
re ses prie-  
res.*

*Asclepia-  
des Euesque  
d'Antio-  
che.*

*Clement pre-  
stre Ale-  
xandrin.  
Pantene.  
Epistres de  
Alexandre  
Euesque de  
Ierusalem.*

\* Antinoïtes] *Antinoe est d'Egypte, construite par l'empereur Hadrian, en l'honneur de son mignon Antinoe, cōme dict est cy deuant. Elle se nome aussy Antinoe, & Hadrianopolis, c'est à dire, ville d'Hadrian.*

*De prouisiō & auancement que fit Origenes es saintes lettres :  
& de la traduction des escritures,  
qu'il nomma Sextruple.*

CHAP. XI.



uant à Origenes, il eut affection d'aller veoir la ville de Rome, du temps que Zephirin y gouernoit l'Eglise : toutesfois il n'y arresta pas long temps, ains retourna en Alexandrie, où il print la charge d'enseigner & instruire, comme precepteur ou regent : estant induit à ce faire par l'importune priere de Demetrie, qui luy mit en teste de travailler en cest endroit, avec autant d'af-

*Origenes  
fut aussy à  
Rome.*

R

*Origenes  
pred. Hera-  
clas pour  
compagnon  
& aide à  
enseigner  
en l'escole  
d'Alexan-  
drie.  
Origenes  
apprend  
l'Hebreu.  
Il cherche  
les tradu-  
ctions de  
l'escrip-  
ture  
sainte.  
Œuvre de  
la Bible.  
Hexaple.*

fection plus grande, que l'affaire estoit de plus d'importance. Mais quand il veid qu'il ne pou-  
uoit pas vacquer à espulcher & tirer le sens plus caché de l'escrip-  
ture, par ce qu'à grand' peine  
auoit il le loisir de respirer librement, à cause des gens, qui dès le Soleil leuë, iusques au soir,  
ne celloient tous les iours de frequenter & aller à son escole, il aduisa, que son meilleur seroit  
de diuiser en deux parties vne si grande multitude d'escoliers: & print pour compagnon & aide  
à enseigner, vn honeste homme, tresdocte, & le plus apparant de tous ses sectateurs, nommé  
Heracles, lequel auoit employé tous son temps & estude tant aux disciplines de philosophie,  
qu'és saintes escritures. Parquoy il luy donna la charge d'instruire és commencemens de la re-  
ligion Chrestienne ceux qui nouvellement estoient venuz à la foy, il se reserua le soing d'ensei-  
gner ceux qui estoient bien promis & és esprits desquels la diuine doctrine estoit mieux enra-  
cinee par long vsage. Or fut telle la soigneuse enqueste & estude qu'il employoit aux saintes  
escritures, que meismes il apprint la langue Hebraique: puis la scachant, chercha les liures He-  
breux escrits sur les premiers exemplaires & copies: & d'auantage ausli trouua toutes les tra-  
ductions de ceux qui ont tourné les saintes lettres, sans eux arrester à l'interpretation com-  
mune: bref, mit en lumiere les editions d'Aquile, Symmache & Theodotion, comme s'il les  
eust retirees des coins cachez & occultes cauernes de la terre, où elles auoyent esté par vn long  
temps enseuelies. Ce qu'ayant fait, du tout il recueillit & amassa en <sup>a</sup> vn œuvre, auquel il donna  
le nom d'Hexaple ou Sextuple. Duquel liure la raison, force & vertu pourra facilement estre  
entendue par les propos suyans. Il recueillit toutes les traductions de la sainte escrip-  
ture, qui se pouoyent pour lors trouuer: La premiere, estoit celle des Septante interpretes: la seconde,  
de ceux qui sont venuz apres Iesus-Christ: d'auantage, d'un Iuif, nommé Aquile, puis, celle de  
Symmache: de rechef vne autre de Theodotion: finalement vne autre version (qui estoit la six-  
iesme & derniere) d'un auteur incogneu, & duquel le nom n'est pas escrit: lesquels tout estoient  
tresdoctes tant au langage Hebraique, qu'au Grec. Desquelles traductions il dit en auoir trou-  
ué vne en la ville de <sup>b</sup> Nicopolis, qui est situee tirant au Septentrion: & vne autre, en vn autre lieu.  
Touchant les Psalmes de Dauid, apres les quatre editions plus renommées & communes, il  
monstre qu'il a adiousté non seulement la cinquieme version, mais ausli la sixiesme & septies-  
me, qui furent trouuees dans vne tonne, en la ville de Hierico, du temps de l'Empire d'Anto-  
nin, fils de Seuer. Il mit donc en lumiere telles interpretations & editions des anciens, ama-  
ssées par ensemble, & disposees en chacune page, viz à viz de l'exéplaire Hebraique: tellemēt que  
de là il estoit facile d'auoir la vraye intelligence du certain sens de l'escrip-  
ture, & congnostre  
l'accord & discord des traductions. Voila comment il redigea les exemplaires de l'escrip-  
ture en  
six ordres ou colomnes: bien qu'au parauant il eust amassé en vn volume (qu'il nomma Terrasse,  
ou Quadruple) les versions separees d'Aquile Symmache, Theodotion, & des Septante inter-  
pretes du viel Testament.


<sup>a</sup> vn œuvre] Ce liure contenoit tous les exemplaires du viel Testament par colomnes: en la premiere estoit  
l'Hebreu: en la seconde, le Grec mis viz à viz de l'Hebreu: en la tierce, l'edition d'Aquile, puis celle de Sym-  
mache au cinquieme lieu, des Septante interpretes: au sixiesme, de Theodotion: come dit Eusebe, liu. 6. chap. 13.

<sup>b</sup> Nicopolis] Nicefore dist que ceste ville de Nicopolis est situee au pole arctique ou septentrional: &  
Eusebe asserme qu'elle est assise pres d'Asie: Car ceste ville de Nicopolis fut bastie par Auguste Cesar, pres  
d'Asie la promontoire, ou montaigne eminente en la mer. Encore y a il vne ville de mesme nom, situee assés  
pres de la mer Euxine.

*De l'interprete Symmache, & des disciples d'Origenes.*

## CHAP. XII.

*Symmache  
l'interprete  
estoit Ebio-  
nite.*



*Origenes  
conuertit*

*Ambroise  
à la foy ca-  
tholique,  
de l'erreur  
de Valentin.*

R est il bon de sçauoir que Symmache, interprete des lettres saintes,  
estoit de la secte des Ebionites: laquelle (comme l'ay exposé cy deuant)  
auoit mis en auant quelques opinions desrogeant à Iesus-Christ, assen-  
rant qu'il estoit pur homme, qu'il auoit prins son origine & commence-  
ment de Ioseph & de Marie, qu'il estoit besoing d'obseruer la loy en tout  
& par tout, à la façon des Iuifs. Symmache ausli mit par escrit des com-  
mentaires sur l'Euangile de saint Matthieu, par lequel il semble vouloir  
côfermer & fortifier son heresie. Origenes a dict en ses escrits, qu'il auoit  
recouuert ces commentaires de Symmache, avec la version des escritures  
saintes, d'une femme, qu'il appelle Iuliane: laquelle, ayant receu ces liures de l'auteur mes-  
me, les auoit gardez soigneusement en sa maison. En ces entrefaictes, vn certain personnage  
nommé Ambroise, grandement infecté & gâté de l'heresie de Valentin, fut gagné par Ori-  
genes, qui esclaire si bien à son esprit avec la lumiere de verité, que, laissant son erreur, il se ren-  
gea à la sincere & pure doctrine de la foy.

*Plusieurs*



Plusieurs autres aussi, les oreilles desquels auoyent esté gaignees & emmillees par les harangues de Origenes, pleines de bonne doctrine, venoyent à luy de toutes parts, pour faire esprouue de la perfection du sçauoir qui estoit en luy. Entre lesquels il y auoit mesmement vn bon nombre d'heretiques : comme aussi beaucoup de grands personnages & bien renommez prenoient bien la peine de s'y trouuer, comme studieux qu'ils estoient de l'aller ouyr, bien qu'ils eussent entiere cōnoissance de l'vne & l'autre philosophie. Et ceux qu'il cognoissoit capables des Mathematiques, non seulement il les auançoit en icelles, mais d'auantage les poussoit à la Geometrie, Arithmetique, & autres arts liberaux. Encor les instruisoit il en la cōnoissance des sectes des philosophes; leur declarant les opinions & arrests d'iceux, & escriuant des commentaires sur chacune chose: tellement qu'il auoit reputation entre les philosophes, d'estre vn grand personnage. Si quelques vns estoient plus rudes desprit, il leur enseignoit & monstroient les autres moindres sciences, que l'on appelle Cycliques ou Circulaires: asseurant que par icelles on acqueriroit vn grand profit & auancement à la doctrine des saintes lettres. Et pour ceste cause il a dict luy-mesme, que par vne certaine necessité, il s'abbaissa iusques à vouloir estudier aux lettres prophanes, pour les apprendre. Ce que les philosophes qui ont esté en bruit de son temps, ont confirmé par leur tesmoignage, és liures desquels on trouue que souuent est tenu propos d'Origenes: mesmes que par fois quelques vns luy ont dedié leurs liures, ou bien autrefois se sont arrestez au iugement qu'il en donnoit.

*Ce qu'a escrit Porphyre de l'estude singulier d'Origenes en la doctrine  
d'eloquence, & de toute sorte de sciences: que dit aussi  
Origenes de ses estudes en philosophie.  
CHAP. XIII.*



'Vest il besoing de dire d'auantage: Porphyre de Sicile (qui s'est grandement estudié d'outrager les Chrestiens de paroles & escrits, reprenant & voulant abolir l'escripture sainte, comme si ce n'estoit chose qui vaille) parlant de ceux qui ont trauaillé sur les saintes lettres, & descouuert le sens plus secret d'icelles, estant despourueu & d'argument & de paroles, lesquelles il peut mettre en auant malicieusement contre nos statuts & ordonnances, se prend à belles iniures, & taxe ceux qui ont exposé & donné l'intelligence des commandemens: entre lesquels il se donne peine de blasmer Origenes, lequel il auoit veu en son ieune aage. En quoy

toutesfois, contre son gré, il met des choses qui sont à sa louange, le pensant iniurier & outrager: car ne sçachant autre chose dire de luy, maintenant il en dit des choses conformes à la verité: tantost il controuue des mensonges, quand il a quelque esperance de les pouuoir pallier & cacher pour deceuoir plus facilement. Car vne fois il luy reproche & obiecte, comme, crime qu'il est Chrestien: vne autre fois il l'a en admiration, quand il le décrit vivant en philosophe.

Mais on pourra mieue entendre de ces paroles mesmes ce qu'il en dit, qui sont telles: Quelques vns (ayans esperance qu'ils trouueroient non l'abolissement de la meschanceté contenue és escritures des Hebreux, ains la solution d'icelles) se sont addonnez à mettre par escrit des expositions & enarrations, avec vne grande gayeté d'esprit: lesquelles sont sottises, contredisantes à elles mesmes, & non conuenables en aucune sorte, ny conformes ausdictes escritures: tellement qu'elles ne seruent pas tant à la defense de la doctrine estrangere, qu'à moyenner gain & louange aux auteurs qui les ont mises en lumiere. Car avec grande arrogance ils mettent en auant telles declarations, donnans apparence qu'és liures de Moysé y a plusieurs choses obscurément escrites, comme enigmes & sentēces insolubles, & leur attribuant l'autorité de diuins oracles, pleins de sens occultes & mysteres secrets, avec vn iugement enchanté par charmes d'outrecuidance & orgueil, qui les induit à ce faire. Et peu apres encor il parle ainsi: Or est auteur Origenes de telle sortie, avec lequel ie me suis trouué, estant encor fort ieune: & estoit pour lors en bonne reputation, tellement que chacun luy donnoit grand' louange: comme encor de present son nom est bien estimé, à raison des liures qu'il a laissez à la posterité: & principalement de ceux qui enseignent mesmes choses. Car du tēps qu'il a esté auditeur & disciple d'Ammoné, il proufita grandement, sous ce maistre, en eloquence & toutes autres disciplines: mais quant à sa maniere de viure, il a suiuy vn chemin du tout cōtraire à celui de son precepteur. Car Ammoné (bien que du commencement il fust Chrestien & esleué de pere & mere Chrestiens) apres qu'il eut cōmencé à se cognoistre, & gousté la philosophie, soudain reprist la meilleure maniere de viure. Mais Origenes Grec, & instruit es disciplines des Grecs, tourna son esprit à vne barbare temerité, suyuant laquelle il exposa à gain & proufit, non seulement sa doctrine, mais aussi soy mesme. Il est biē vray qu'il viuoit en bon Chrestien & legitimemēt, ainsi que le requeroit la coustume obseruee ordinaiemēt en telle profession: mais quant à l'opiniō qu'il auoit touchant le fait de sa religion, & quant à ses estudes & compositions, il suyuoit les Grecs, & soumettoit

*Porphyre  
grād perse-  
cuteur des  
Chrestiens  
Eusebe liu.  
6. cha. 15.*

*Que dit  
Porphyre  
d'Origenes*

*Ammoné  
precepteur  
d'Origenes.*

R ij

## LIVRE V. DE L'HISTOIRE ECCLESIASTIQUE

& assubiectiffoit leurs deliberations & arrests philosophiques, aux fables des estrangers. Car tousiours il a prins plaisir à lire les œuvres de Platon, de Numenie, de Cronie, d'Apollophanes, de Longin, de Moderat & de Nicomache. Il s'est pareillement aidé des liures de Chæremon Stoicié, & de Cornute : desquels il a appris la maniere d'exposer & declarer allegoriquement, & en autre sens que les paroles ne signifient, les mysteres & choses occultes qui sont és liures des Grecs, laquelle façon de faire il a accommodée aux escritures Iudaïques. Voila ce que dit Porphyre au troisieme liure de ceux qu'il escriuit contre les Chrestiens. Quant à ce qu'il dit de l'erudition en diuerses sciences du personnage, duquel il tient propos, ie confesse bien qu'il est vray : mais quant au reste de son dire, il ment euidemment : Car quelle chose y a il qu'il n'ait tâché à controuuer, comme trompeur & calomniateur, tel qu'il est, veu que le plus de son plaisir a tousiours esté d'ainsi mal parler par euiue contre les Chrestiens ? Voyez comme il a ausé affermer qu'Origenes s'estoit retiré de la superstition des Grecs, pour se rendre d'autre party : au contraire qu'Ammoné, laissant la vraye pieté, auoit tourné sa robe, & prins vne religion estrangere : veu que la profession, qu'Origenes tenoit de son pere & de son pays aussi, estoit Chrestienne (comme dès le commencement, que ie me suis mis à parler de luy, l'ay monstré) & qu'Ammoné a constamment perseueré en la religion & foy en Iesus-Christ, iusques au dernier soupir de sa vie. Ce que ses lucubrations & œuvres ( par le moyen desquelles il a acquis louange & gloire immortelle ) tesmoignent manifestement : & mesme son commentaire, qu'il a intitulé, De la consonance & accord de Moysé & de Iesus : & encor d'autres de mesme espeece, qui sont gardez soigneusement par toutes personnes studieuses. l'ay mis cecy en auant, afin que par mesme voye la trompette de ce calomniateur fust par moy descouuerte & refutée, & qu'on cogneust combien estoit grand & renommé Origenes és disciplines estrangeres. Or estant iceluy Origenes reprins par quelques vns, de ce qu'il se trauailloit & mettoit trop son estude & peine aux sciences qui sembloient estre de peu d'importance, il leur rendit raison de son fait, vlsant de telles parolles en vne de ses epistres : Apres que ie me suis du tout employé à l'estude des saintes escritures, & que le bruit de mon peu de iugement & sçauoir a prins accroissement, de sorte que souuent il y auoit maintenant des heretiques, tantost d'autres personnes studieuses des lettres Grecques, & principalement des philosophes qui venoyent à moy, il m'a semblé bon de faire diligente recherche, & esplucher au vis les opinions des heretiques, & arrests des philosophes ; qu'ils promettent donner sur le fait de la verité : en quoy i'ay ensuiuy Pante-ne, homme bien instruit en toutes sciences prophanes, qui est de nos deuanciers, & par son bon sçauoir a grandement profité à plusieurs : & avec luy i'ay aussi imité Heraclas, qui est maintenant du nombre & ordre des prestres Alexandrins, lequel i'ay trouué employant son temps & trauail sous le precepteur de la philosophie, duquel il auoit ia esté disciple cinq ans au parauant que ie commençasse à m'addonner à telles disciplines. A cause dequoy, ayant osté son habillement commun, duquel il auoit coustume d'vser, il print puis apres la robe de philosophe, laquelle encor il porte iusques à ce iourd'huy. Voila ce que raconte Origenes de son estude & sciences Grecques.

*Les propos  
du meschât  
Porphyre  
sont icy exa-  
minez &  
espluchez  
à la verité.*

*Cha. 2. &  
3. de ce 5.  
liure.*

*Escrits de  
Ammoné.*

*A quelle  
occasion O-  
rigenes prit  
gaine d'ap-  
prendre les  
lettres de  
philosophie  
prophane.*

*Heraclas  
prestre por-  
ta la robe  
de philoso-  
phe.*

*Qu'Origenes aussi alla en Arabie : & que n'estant pas encor prestre, il interpreta  
publiquement les saintes lettres en l'Eglise de Cefaree.*

CHAP. XIII.



*Origenes  
prié par les  
Euesques,  
n'estant en-  
cor prestre,  
enseigne la  
sainte escri-  
ture en l'E-  
glise de Ce-  
faree.  
Defense  
d'Origenes  
contre De-  
metrie.*

Yant Origenes receu lettres d'Arabie, par lesquelles le Prince du pays le mandoit, à fin de luy communiquer la doctrine de la parole sainte, il s'y en alla tout expres, pour ceste seule occasion. Mais il n'y demeura pas longuement, ains reuint incontinent en la ville d'Alexandrie, d'où il partit de rechef à raison des guerres, & ayant le pays d'Egypte suspect, pour le danger de ceste guerre, se retira en la Palestine. Estant donc en vne ville d'icelle, qui se nommoit Cefaree, les Euesques de la region luy enuoyerent vn ambassade, par lequel ils luy permettoient de disputer des lettres saintes, & les interpreter publiquement en l'Eglise, cobien qu'en- cor il n'eust acquis l'honneur ny le nom de prestre. Ce que mesmes est prouué par les escrits que l'Euesque Demetrie (mal affecté à l'endroit d'Origenes, comme peu au parauant a esté dict) enuoya aux Euesques de la Palestine, esquels, entre autres propos, y a ce qui s'esuit : Iamais au parauant on n'a ouy dire, iamais n'a esté fait, que les homes laiz ayent presché publiquement presens les Euesques. Parquoy lesdicts Euesques, & principalemēt Alexandre pasteur Ierosolymitain, & Theoctiste de Cefaree, luy escriuirēt la defense de telle reprehension, affermas que son dire ne cō- tenoit pas verité : Car en quelque part (disoyēt ils) que lon trouue des perones capables, qui par leur doctrine puissent moyēner quelque profit aux freres fideles, s'ils font quelques harangues ou remonstrances au peuple par la permission & ordonnāce des saints Euesques, il n'y a point d'offense, ny de danger en cela : comme nous en dirions bien, qui ont esté inuitez à ce faire par quelques

quelques Euesques, qui tous estoient du nombre des bien-heureux freres en Dieu. En la ville des Larandois, Euelpis fut prié par Neon de prescher: & en Iconie, Paulin par Celse: en Synade, Theodore par Attique. Et est chose approchante de verité, qu'en autres lieux le mesme peult auoir aussi esté fait: ce que toutesfois nous ignorons, tant estoit grand l'honneur que l'on portoit à Origenes, & la reputation qu'on auoit de luy, non seulement en son pays & ville, mais aussi es Eueschez estrangeres. Au reste, ayant quelque fois receu lettres de Demetrie, il s'en retourna à la ville d'Alexandrie, où il reprit sa charge accoustumee, trauaillant à enseigner les foibles, & non encor assez assurez en sçauoir. Or est il vray que iusques au temps d'Origenes, plusieurs autres grands personnages ont eu le bruit de l'eloquence & autres doctrines: desquels les œuvres, escrits & epistres, Eusebe fils de Pamphile, dit auoir esté gardez iusques à son aage, en la librairie qui estoit en la ville d'Elie: mesmes qu'il confesse que de là luy a esté donné argument & matiere d'escire l'Histoire Ecclesiastique, qu'il a mise en lumiere. Encor dit il, que ceste biblioteque a esté dressée & faite par Alexandre, qui par ordonnance diuine, administra la charge Episcopale de Ierusalem, avec le bon vieillard Narcisse.

*Origenes de retour en Alexandrie pour s'acquies de sa charge.*

*Li. 6. cha. 16. Elie autremēt dit Ierusalem.*

*De Berylle, de Bostre en Arabie, d'Ambroise: & quels liures de la sainte escripture Origenes interpreta en la ville d'Alexandrie.*  
CHAP. XV.



Ly auoit plusieurs doctes personnes bien rehommees, & florissans à cause des bons liures qu'ils mettoient en lumiere, comme monumens & enseignes de leur sçauoir à la posterité, avec lesquels ils batilloient brauement contre les heresies. De ce nombre estoit Berille, Arabe, de la ville de Bostre, qui laissa apres soy plusieurs escrits elegans & de grand proufit: & Hypolyte Euesque de Port, & Caie aussi, auteurs Ecclesiastiques, desquels au parauant i'ay tenu propos. Origenes aussi appliqua son esprit à composer quelques expositions sur l'escriture, à la suscitation d'un nommé Ambroise, qui l'incitoit à tel estude & trauail: telle-

*Berille de Bostre, auteur Ecclesiastique.*

*Origenes compose des commentaires sur l'escriture sainte, auquel Ambroise fournit les frais & les notaires pour escrire.*

ment que non seulement il vsoit en son endroit d'exhortations par paroles & aduertissemens, mais luy fournissoit aussi liberalement ce qui luy faisoit besoing pour ses fraiz & despenfes, telles que de raison. Car il luy donna sept escriuains, habiles de la main au possible, lesquels à certaines heures qui leur estoient assignees, escriuoient l'un apres l'autre, chacun à son tour. Outre ceux-cy, encor y auoit il sept autres escriuains pour escrire soigneusement & en plus belle forme, dans des liures ce qu'il auoit dicté, & que les copistes auoyent copié à la haste, durant qu'il leur dictoit. Quelques ieunes fillettes aussi, bien vstées en l'escriture, luy faisoient seruice: ausquels tous Ambroise fournissoit tous les iours la despenfe de son bien & richesse. Mesmes qu'il estoit fort soigneux de donner quelque accroissement & augmentation à l'alai-gresse & courage delibéré d'Origenes en tel estude des lettres saintes, par beaucoup d'autres moyens, à fin qu'estant par ce moyen esguilloné plus volontiers, & plus au long, il s'addonast à la composition de ses commentaires. Or me semble il estre bien raisonnable de raconter presentement quelles marques & enseignes de sa doctrine il a laisses à la posterité. On dit qu'en la ville d'Alexandrie il escriuit six liures sur l'Euangile selon saint Iean: Et sur tous les Euangiles, il en composa vingt & deux. Mais au neuiesme liure sur Genese (car il en coucha par escrit iusques à douze) il dit auoir commenté & mis en lumiere ceux, qui precedoyent ce neuiesme, en Alexandrie: comme aussi les expositions sur les vingt-cinq premiers Psalmes. D'auantage, il y a neuf volumes de sa façon sur les Trenes ou lamentations de Ieremie: esquels il parle de deux siens liures de la resurrection. Encor composa-il en Alexandrie les liures des Principes: & ceux, qu'il nomme Meslanges ou Recueils, qui sont dix en nombre. Or en l'exposition sur le premier Psalme de Dauid, il met en conte le nombre des liures saints du vieil Testament, disant ce qui s'ensuit:

*Ecrits d'Origenes.*

*Que dit Origenes des liures Canoniques ou Reguliers du viel & nouveau Testament.* CHAP. XVI.



Est besoing (dit il) de sçauoir qu'il y a vingt-deux liures Testamentaires de l'escriture, comme les Hebreux nous l'ont laissé par escrit, de sorte que ce nombre s'accorde avec les elemens de leurs lettres. Puis il dit en poursuyuant: Or y a il vingt & deux liures des Hebreux, qui sont: Celuy que nous auons sous le titre de Genese: qui, selon iceux, a prins le nó de son commencement, Beresith: qui signifie, Au commencement. L'Exode, Vellesemoth: c'est à dire, Ces nós. Le Leuitique, Vaicra: qui est à dire, Or a il appellé. Les Nombres, Vaiedaber: qui est, Il a parlé. Le Deuteronomie, Ellehaddebarim: c'est à dire, Voila les propos. Iesus fils de Naue, Ichosua Ben Nun: qui vaut autat que, Iesus fils de Nun.

*Origenes des liures Canoniques de la Bible.*

R iij

# LIVRE V. DE L'HIST. ECCLESIASTIQUE

Le liure des Iuges, Sophtim. De Ruth, qu'ils appellent Iosaphatim. Des Rois, Melachim premier & second, ou bien Samuel : c'est à dire appelé de Dieu. Des Rois, Melachim troisieme & quatriesme, ou bien le regne de Daud. Paralipomene premier & secod, Dibrachiamini c'est à dire, Les sermons des iours. Premier & second liures d'Esdras, Esdras : qui signifie, Secoureur. Le liure des Psalmes, Spharthelim. Les Prouerbes de Salomon, Mille. L'Ecclesiaste, Coheleth. Le Cantique des Cantiques ( & non pas comme aucuns estiment, les Cantiques des Cantiques ) Sirhasirim. Esaie, Hieremie, avec ses lamentations & epistre, Daniel, Ezechiel. Le liure des douze prophetes, Thereasar, Iob, Esther. Outre ceux-cy il y a les liures des Machabees, que les Hebreux intitulent, Sarbeth Sabanaiel. Voila ce qu'il en dit au commentaire duquel i'ay parlé. Mais au premier liure sur l'Euangile selon saint Matthieu, gardant la regle Ecclesiastique, il tesmoigne aucunement qu'il n'a congnoissance sinon des quatre Euangiles seulement : car il parle ainsi, Comme i'ay aprins par la tradition de mes ancestres, touchant les quatre Euangiles, celles là seules sont de certaine authorité, ausquelles on ne peut ny doit resister ou repugner en toute l'Eglise qui est sous le ciel. La premiere fut escrite par vn iadis publicain & fermier des deniers communs, & depuis Apostre de Iesus Christ, Matthieu, & donnée aux fideles d'entre les Iuifs, en langue Iudaïque. La seconde a esté escrite par Marc, tout ainsi qu'elle luy fut dictée par pierre : & pour ceste cause en son Epistre Catholique il le recongnoit pour fils, disant : L'esleu en Babylone vous donne salut, & mon fils Marc. La troisieme Euangile, selon Luc, fut louée & approuuée par Paul, lequel eust le soing de la faire escrire aux Gentils. A ces trois est adioustée celle que l'on dit selon saint Iean.

*Liures du  
nouveau Te-  
stament.*

D'auantage, au cinquiesme liure des expositions sur saint Iean, voila ce qu'il dit des epistres des Apostres : Or celuy qui a esté iugé digne d'estre fait le ministre du nouveau Testament, non de la terre, ains de l'esprit, Paul, qui accomplit & mena à fin le cours de l'Euangile, depuis Ierusalem, & tout à l'entour de tous costez, iusques à Illirie, n'escruiuit pas à toutes les Eglises qu'il auoit instruites & enseignées : & encor vfa de peu de parolles à l'endroit de celles, ausquelles il adressa ses Epistres. Mais Pierre ( sur lequel est edifiée l'Eglise de Iesus Christ, à l'encontre duquel les portes d'enfer ne pourront preualoir ) a seulement laissé vne epistre, sans qu'il y ait aucun different ny contredit : Toutesfois posons le cas que l'autre qui est mise en doubte soit de sa façon. Mais que faut-il dire de Iean, qui se reposa & appuya à table sur la poitrine de Iesus Christ ? Il laissa à la posterité vn Euangile, confessant publiquement qu'autant en pourroit-il mettre en lumiere, que le monde vniuersel n'en scauroit comprendre. Encor mit-il par escrit l'Apocalypse ou Reuelation : il est vray que commandement luy fut fait de se taire, & ne point escrire les voix des sept tonnerres. Il laissa pareillement vne epistre fort briefue & contenant peu de vers : mais si suis-je content que la seconde & tierce aussi ( qui sont en lumiere sous le nom de luy ) soyent siennes : lesquelles quelques vns pensent toutes n'estre vrayement de luy, & l'vne & l'autre ne contiennent pas plus de cent vers.

*De l'epistre  
aux He-  
breux.*

Quant est de l'epistre aux Hebreux, aux homilies sur icelle il en parle en ceste sorte : Le style & l'elegance de l'epistre qui est intitulée aux Hebreux, ne se ressent point du trait naïf, ny mesme de la phrase rude de l'Apostre Paul, lequel a confessé librement qu'il estoit lourd & rustique en son parler : mais ceste epistre a beaucoup meilleure grace en son langage Grec, qui voudra auoir esgard à la disposition & ordre, que n'ont les autres escrites par iceluy Apostre. Ce qu'à la verité chacun confessera facilement, pourueu qu'il puisse tant soit peu iuger des differences du bien parler. De rechef on ne nyera pas que les sentences de ladite epistre ne soyent du tout admirables & non inferieures ny moindres que les escrits qui sont tenus au vray estre de la façon de Paul l'Apostre : pourueu que ceux qui en voudront asseoir iugement ayent attentiuement versé en la lecture de ses œuvres.

*Au liure  
4. chap. 33.  
il est fait  
mention de  
ceste epistre  
aux He-  
breux.*

Encores puis apres il adioute à son dire : Or a fin que ie declare quel est mon iugement sur ce point, ie dy que les sentences sont vrayement de l'Apostre : mais le texte & bien parler sont de la façon de quelqu'un qui a mis par escrit le dire de l'Apostre, pour seruir au temps à venir de r'afraichissement à la memoire : & a noté & recueilly en vn commentaire les bons propos de son maistre : parquoy s'il y a quelque Eglise qui vueille tenir ceste epistre comme estant de la forge de Paul, qu'elle soit bien receue & louée comme elle merite, mesmement pour ce nom d'Apostre : car ce n'est point en vain que les anciens luy ont attribuee. Vray est que Dieu seul congnoist certainement & à la verité qui en est l'auteur : toutesfois, suiuant la memoire & souuenance des choses qui sont venues iusques à nous, on tient ou que Clement, Euesque de Rome, a mis ceste epistre en lumiere, ou bien que Luc, qui a escrit l'Euangile & les Actes des Apostres en est l'auteur.

Tout ce que dessus a esté composé par Origenes, en la ville d'Alexandrie. Quant à ce qu'il a mis par escrit du temps qu'il estoit en palestine, ou autre part, ie les mettray bien tost apres en conte.

*De Mamme*

*De Mammee, mere de l'Empereur Alexandre.*

CHAP. XVII.



Pres l'Empereur <sup>a</sup> Antonin, qui gouverna les affaires Romaines par le temps de lix ans & demy, <sup>b</sup> Macrin s'empara du gouvernement de l'Empire, lequel estant mis à mort, avant que le premier an de son règne fust expiré, laissa la charge de l'Empire à vn autre Antonin, qui ne le sceut pas garder d'auantage que de quatre ans. L'Empereur qui luy succeda eut à nom Alexandre : duquel la mere Mammee, attraitée & esmeue par la grande renommee d'Origenes, desirant faire espreuue, & auoir congnoissance de son erudition & sagesse es choses diuines, dont chacun faisoit tant d'estime (car elle estoit bien deuote, & portoit grande reuerence à la diuinité, comme la dame de ce monde la plus chaste & modeste en ses façons de faire, que l'on scauroit desirer) du temps qu'elle estoit arrestee en la ville d'Antioche, enuoya honeste cōpagnie de gens de guerre pour seruir de garde à Origenes, venant au mandement d'elle, où il demeura assez long temps. Mais apres l'auoir incitée par sa doctrine à l'amour de la parole diuine & discipline Chrestienne, autant qu'il estoit besoin, luy ayant fait part de la grace que Dieu luy auoit inspiré en toutes choses, il se retira en Alexandrie, pour y trauailler à enseigner, suyuant sa bonne coustume.

*Origenes fut avec Mammee en la ville d'Antioche.*

<sup>a</sup> Antonin] Antonin Caracalle (ainsi surnommé à cause de la robe longue à la Françoisse, qu'il donna aux gens de guerre & au peuple) mit à mort son frere Geta, entre les mains de sa mere Iulie, laquelle il prind à femme, combien qu'elle fust sa belle mere, ou maistresse.

<sup>b</sup> Macrin] Opilie Macrin, Antonin Heliogabale, Aurelle Alexandre Seuer, Empereurs Romains.

*Comment Origenes fut promu à l'ordre & dignité de Prestre, au pais de Palestine : & qui ont esté ses successeurs en l'escole d'Alexandrie.*

CHAP. XVIII.

V téps de cest Empereur, Origenes voulant passer <sup>a</sup> en Grece, à cause de quelques troubles suruenus en l'Eglise, vint en Palestine : & fut ordonné prestre en la ville nommée <sup>b</sup> Cefaree de Philippe, ayant receu cest honneur Ecclesiastique par l'imposition des mains faite par les Euesques du pais, à la fuscitation & poursuite de l'Euesque Alexandria. Mais quelle enuie s'est esleuee entre les chefs d'Eglise pour ceste occasion, & combien Origenes a employé de temps & de trauail es saintes lettres, luy estant encor en la fleur de son aage, parce que cela appartient à autre histoire, ie ne veux empescher ceux qui desireront en auoir la congnoissance, de l'apprendre d'autres auteurs. Or quand Origenes voulut partir d'Alexandrie pour faire son voyage en la Palestine, au douzième an de l'Empire <sup>c</sup> d'Alexandre, il laissa pour successeur en son escole, où il auoit fait deuoir d'enseigner la parole de Dieu, vn personnage <sup>d</sup> nommé Heraclas, lequel n'administra pas long temps ceste charge : car Demetrie Euesque du lieu (apres auoir regy & gouverné l'Eglise d'Alexandrie, bien & deuement quarante-trois ans durans) venant tost apres à deceder, <sup>e</sup> Heraclas eut l'administration des affaires Ecclesiastiques de l'Euesché, au lieu du trespasé. Quant est des escoles, <sup>f</sup> Denys (qui depuis succeda à Heraclas en la dignité Episcopale) fut esleu principal & docteur en icelles : & fut le cinquième d'entressuite & ordre, apres Pantene : Car Pātene auoit esté le premier precepteur, apres lequel Clement le prestre, Contexteur ou Ramasseur, eut le second lieu : Origenes, le troisième : Le quatrième, fut Heraclas : Denys, le cinquième : apres lequel, Athenodore, print la place, sixième en ordre : duquel ie parleray bien tost apres.

<sup>a</sup> en Grece] Afin de conuaincre les heretiques, comme dit Rusin.

<sup>b</sup> Cefaree de Philippe] Origenes est promu à l'ordre de prestre en la ville de Cefaree de Philippe en la Palestine, non sans la grande enuie de quelques vns.

<sup>c</sup> d'Alexandre] Cest Empereur Aurele Alexandre Seuer auoit pour son cōseil des homes tres-doctes & tres-ensiers, disciples du tressaint personnage rapinia : lesquels estoient plusieurs en nombre. Lāpride. Les liures des Pandectes du droit Civil sont tous farcis & pleins de leurs aduis & responses. Domitius Ulpian, Iuriconsulte, estoit son tuteur. Or en la guerre d'Allemagne, il fut mis à mort en vn tumulte des ges de guerre, luy & sa mere Mammee, non loing de Mogunce, pres vne petite ville, nommée Vesalie ou Vesel : où sadite mere est enseuelie.

<sup>d</sup> nommé Heraclas] Heraclas, successeur d'Origenes en Alexandria, aux escoles de Theologie.

<sup>e</sup> Heraclas eut l'administration] Heraclas Euesque d'Alexandrie.

<sup>f</sup> Denys] Denys succeda à Heraclas en la principauté du college Theologal d'Alexandrie.

*Quels saints liures de l'escriure Origenes interpreta en la Palestine:  
& de ses autres liures & compositions.*

C H A P. XIX.

*Oeuvres  
d'Origenes,  
cōposées en  
Palestine.*

*Origenes,  
ayant passé  
soixante ans,  
cōmēça à di-  
cter ses cōpo-  
sitions à des  
escriuains.  
Cy dessus en  
ce mesme li-  
chap. 15.*

*Persecution  
des Chre-  
stiens sous  
l'ulx Maxi-  
min.*

*Ambroise et  
Protoctete,  
prestres, de  
Cesaree,  
martyrs.  
Pamphile  
martyr.*

*Li. 6. ch. 23.  
Il est escrit  
en Suidas,  
qu'Origenes  
fut surnom-  
mé Compo-  
seur, parce  
qu'il cōposa  
une infinie  
de liures: Ce  
qui fut cau-  
se qu'il s'a-  
busa & tō-  
ba en erreur  
fort grand.*



Stant Origenes au pais de Palestine, il composa & mit par escrit ses lucubrations ou commēts sur les prophetes Esaie & Ezechiel. Les Commentaires qu'il a faits sur la troisieme partie d'Esaie, iusques à la vision des bestes à quatre pieds en lieu solitaire & desert, furent par luy acheuez & redigez en trente liures: mais sur ezechiel, il n'y en a que vingt-cinq. Au reste, il ne poursuyuit pour lors que iusques à cinq volumes, sur le Cantique des Cantiques: mais depuis il acheua iusques à dix liures en tout. Mais aduenant que la profession de nostre foy prenoit accroissement de plus en plus, comme il estoit bien raisonnable, & que Dieu le permettoit, Origenes (qui auoit desia franchy la soixantieme annee de son aage, & s'estoit acquis par longue meditation & accoustumance, le comble de profection en la Theologie, estant en luy la vertu d'enseigner & disputer venue au plus haut qu'elle eust peu) il commença lors à dicter les preceptes & enseignemens qu'il mettoit en auant, pour estre escrit par escriuains habiles de la main: ce qu'auparauant il n'auoit onc voulu permettre, car luy-mesme de sa main escriuoit ses compositions. Et de ce temps furent aussi par luy mis en lumiere ces beaux liures contre Celse Epicurien, qui s'estoit efforcé de tout son pouuoir de blasmer & outrager la diuine doctrine. Il en fit encor cinq autres sur l'Euangile selon saint Matthieu, & plusieurs autres aussi sur les douze Prophetes. Nous auons d'auantage en main vne Epistre qui s'adresse à l'Empereur Philippe: puis vne autre enuoyee à Seuerus femme de l'Empereur: & encor d'autres à quelques autres personnes. Il escriuit pareillement à Fabian Euesque de l'Eglise Romaine, & à plusieurs autres prelatz ayans la charge d'autre Eglises: tous lesquels escrits n'enseignent ny ne contiennent autre chose, sinon vne vraye profession de foy. Or est il vray qu'en la persecution qui aduint sous Maximin Cesar, grād tumulte fut esmeu contre nous, à cause de la haine que Maximin portoit à l'Empereur Alexādre, duquel il estoit successeur, & parce qu'Alexādre auoit porté bonne affection aux Chrestiens, tellement que tous ses familiers & seruiteurs de sa court estoient de nostre profession. Mesmement que la plus grāde poursuite se faisoit à l'encōtre des chefs & piliers des Eglises, cōme auteurs de la doctrine Euangelique: à l'endroit desquels il exerçoit telle cruauté qu'il les faisoit tous passer au tranchant de l'espee, leur ostant les testes de dessus les espaules. De ce mesme temps Origenes composa ceste tant belle oraison, par laquelle il enhorte à souffrir martyre: & la dedia à deux prestres de Cesaree, Ambroise & Protoctete, qui enduroient grande angoisse, & viuoyent en merueilleux soucy, à cause de la vehemence incroyable de ceste persecution. A cause dequoy les raisons estoient declarees à tous-deux en ceste oraison, par lesquelles il les animoit à soutenir & endurer virilement, iusques à la fin, le combat pour Iesus-Christ en la hie de martyre. Mais qu'est il besoin de vouloir rediger en certain nombre les escrits de ce bon personnage, veu que pour ce faire il faudroit prendre le loisir pour y trauailler à part & separément? Eusebe de Pamphile (honorant de dignes louanges Pamphile le martyr, & recommandant son estude singulier à l'endroit des choses diuines) escrit qu'il a declare en six liures le denombrement des liures d'Origenes, & des escrits d'autres auteurs Ecclesiastiques, qu'iceluy Pamphile auoit soigneusement recouverts & mis en sa biblioteque: auquel escrit ledit Eusebe tient ces propos des Epistres d'Origenes: Desquelles Epistres toutes celles que j'ay peu trouuer, gardees à part en diuers lieux par plusieurs personnages, j'ay redigees en leur rang l'une apres l'autre, par certains tomes, à fin qu'elles ne fussent perdues; de sorte que j'en ay recueilly plus d'un cent. Vous trouuerez aussi le denombrement des liures qu'il a mis par escrit, au sixiesme liure de l'Apologie & defense que j'ay escrite pour ce bon personnage.

« parce qu'Alexandre ] Alexandre Seuerus Empereur endura qu'il y eust des Chrestiens, & voulut construire un temple à Iesus-Christ, & le recevoir au nombre des Dieux: Ce que mesme lon dit l'Empereur Adrian auoit eu en pensee de faire, lequel auoit ordonné qu'en toutes villes on edifiast des temples sans y mettre aucunes images: lesquels encor au iourd'huy on appelle les temples d'Adria, parce qu'ils n'ont point de nom, & disoit on qu'il les auoit preparez à ceste fin. Mais il fut destourné & diuert de son entreprinse par ceux qui ayans consulté les oracles, trouuoient que tous demieroyent Chrestiens, si cela aduenoit suuant son souhait: mesme que le reste des autres temples seroyent destituez & delaissez. Or Alexandre Seuerus aima tant ceste sentence Chrestienne [Ne fay à autrui ce que tu ne voudrois pas estre fait à toy] qu'il commāda qu'elle fust escrite pour deuise, & en son palais, & es places publiques. Il proposoit & disoit au peuple les noms de ceux auxquels il vouloit donner la charge des offices: aduertissant la commune, que si aucun scauoit quelque crime contre eux, il le dist haut & clair avec preuue suffisante: car s'il ne prouuoit, la teste luy seroit tranchee. Et disoit estre chose facheuse & mal-ordonnee, que cela n'estoit pas obserué à l'endroit des gouuerneurs des



des provinces, ausquels lon donnoit en charge & les biens & les vies des hommes, veu que les Chrétiens fissent telle chose, quand ils preschoyent & instruisoyent ceux qu'ils vouloyent sacrer prestres. *Elie Lampride.* Encor dit on qu'Alexandre auoit les statues & images de nostre Sauueur Iesus-Christ & d'Abraham, en la chapelle de son palais.

De plusieurs disciples d'Origenes, mesmement de Gregoire, homme excellent en fait de miracles: & en quel prix & estime fut Origenes de son temps enuers les grands Euesques qui pour lors viuoient:

C H A P. X X.



**C**ependant qu'Origenes enseigna les saintes lettres en la ville de Césaire, en la region de Palestine, il eut aussi plusieurs disciples, non seulement des habitans de la contree, mais aussi d'estrangers qui quitoient la douceur de leurs pais, à fin d'auoir familiarité avec luy, & estre instruits de sa doctrine. Entre lesquels, les plus excellens furent, Theodore, qui se gouerna en l'estat de Prestre avec grande louange du pais de Palestine: Athenodore, & son frere aussi appelé Theodore, qui aussi fut surnommé Gregoire, & encor Merueilleux, ou faisant miracles: duquel ie parleray quand son lieu viendra: car depuis il eut la charge de l'Euesché en vne ville de Pont, qui se nomme Neocesaree, ou Nouuelle Césaire. Il est vray que ces hommes estoient tant studieux des disciplines Latines & Grecques, qu'ils y emploioient tout leur peine & travail: mais quand Origenes leur eut donné à congnoistre combien estoit grande la beauté & bonne grace de la plus vraye philosophie celeste, facilement il leur persuada de changer avec ardent desir leurs premieres estudes à vne meilleure doctrine. Ayans donc les deux freres étudié sous luy & travaillé es saintes lettres cinq ans durans seulement, ils firent tel profit, que pour leur grand sçauoir, ils meriterent d'estre appelez au gouuernement de deux Eglises en la contree de Pont, encor qu'ils fussent en la fleur de ieunesse. Denys estoit aussi ensemble avec eux, qui non seulement tint les escoles Theologiques en Alexandrie, mais en fin y gouerna pareillement les affaires Ecclesiastiques de l'Euesché, tant estoit grande la facilité & bonne grace d'Origenes à enseigner ses disciples en toutes disciplines: & tant auoit de vertu la renommee celebre à attirer plusieurs hommes à sa doctrine & sapience. De sorte que non seulement venoient à luy ceux qui estoient studieux de bien-parler & d'autres arts, mais aussi les gens doctes & bien estimez en sçauoir se reputoyent bien-heureux d'estre ses auditeurs. Pareillement Firmilian, Euesque de la ville de Césaire en Cappadoce, auoit telle reputation d'Origenes, qu'il luy enuoya quelquefois vn passage, par lequel il le prioit de le venir veoir, pour le grand profit de ses Eglises. Au demeurant, bien qu'il cherchast tous moyens de s'en excuser & dilayer, en fin il alla en Iudee, & y demeura quelque temps, hantant & communiquant avec Firmilian: & finalement il reuint en son pais, beaucoup plus docte es saintes lettres, qu'auparauant son voyage. Mesme qu'Alexandre Euesque de Ierusalem, & Theodiste de Césaire en Palestine, ne bougerent d'avec luy, & luy tindrent tousiours bonne compagnie, comme à celuy qui estoit plus docte es saintes lettres, que la nature humaine ne pouuoit supporter, s'employans du tout à ouyr sa doctrine, & luy accordans devant tous le premier lieu en sçauoir, & es choses qui appartiennent tant à la doctrine Ecclesiastique, qu'à l'interpretation des saintes lettres.

De Iules l'Aphricain, auteur Ecclesiastique: & de ses escrits.

C H A P. X X I.



**L**es histoires disent que Iules l'Aphricain vesquit aussi de mesme temps qu'Origenes, duquel il fut sectateur, & soigneux qu'à coucher par escrits des annales, lesquelles il comprint en cinq liures: & en icelles dit: *l'auteur que Heracleas, il entreprint le voyage d'Alexandrie. Lon tient à la verité que cest pour Heracleas, il faut reuillement vne Epistre à Origenes, par laquelle il reiette de la prophetie de Daniel l'histoire de Susanne, comme vn escrit faux & controuué.* Mais Origenes, luy escriuant, monstre qu'elle n'est pas supposee ny contréfaicte, ains vraye & certaine escripture, comme celle qui apporte beaucoup de profit. Encor y a il vne autre Epistre, qui s'adresse à Aristides (laquelle on dit estre de la façon d'Aphricain) parlant de la contrariété, qui semble se trouuer (bien qu'il n'y en ait aucune) es Euangiles de saints Matthieu & Luc, touchant la genealogie de Iesus-Christ: en laquelle il prouue par vne certaine histoire qu'il auoit receue des anciens, que les Euangelistes plustost s'accordent ensemblement que d'auoir aucun different entre eux. Laquelle Epistre i'ay bien voulu alleguer

## LIVRE V. DE L'HIST. ECCLESIASTIQUE

& mettre au premier liure de ceste mienne histoire, quand lieu & matiere l'ont requis. Or voyla le renom & bonne reputation qu'Origenes acquit enuers tous : voyla l'estude & travail qu'il mettoit aux saintes lettres : voyla combien estoit grande l'admiration en laquelle les Euesques (desquels aussi il s'est ayde, comme de ses disciples) & autres chefs d'Eglise l'auoyent. Cy apres ie me delibere poursuyure de monstrier combien il estoit ardent à refuter ceux qui mettoient en auant des constitutions nouuelles & meschantes, contrains aux anciens statuts de l'Eglise.

<sup>a</sup> qu'on appelle Cestes] *Des liures des Cestes Suidas parle en la diction d'Aphricain. Escrips d'Aphricain. Chapitre vniesme.*

<sup>b</sup> genealogie de Iesus-Christ] *Accord de la genealogie de Iesus-Christ descrite en S. Matthieu, & S. Luc.*

*De l'erreur de Berylle, & comme il se recongneut. Chap. XXII.*

*Enseigne-  
mei faux et  
errone de  
Berylle Eues-  
que de Bo-  
stre, tou-  
chant l'essen-  
ce & divi-  
nité de Je-  
sus-Christ.*



*Berylle re-  
duit à la  
vraye do-  
ctrine par  
Origenes.*

Y deuant i'ay parlé de l'Euesque de Bostre en Arabie, lequel en ce temps mit en auant quelques opinions nouuelles & alienes de la reigle Ecclesiastique: Car il afferma & soustint que nostre Seigneur Iesus-Christ n'auoit point de propre substance ny essence auant qu'il vint à nous: mesme qu'il n'eut onc de diuinité qui luy fust peculiere, & que la seule substance & deité du Pere estoit en luy lors qu'il marchoit sur terre, & hantoit humainement avec nous. Il est bien vray que plusieurs prelatz d'Eglise, l'attachans à luy par dispute, se mirent en peine de luy oster ceste meschante opinion: Mais ce fut en vain, car iamais il ne voulut desmordre, ains retint & soustint obstinément la persuasion laquelle vne fois il auoit conceue, iusques à ce qu'Origenes, à la suscitation de plusieurs, vint à luy: & parlant à luy, l'interrogea premierement quelle opinion il tenoit, & quelle doctrine il enseignoit. Ce qu'ayant entendu de luy, il vfa d'argumens tant fermes, solides & vehemens, qu'il le conuainquit, & prouua que son aduis n'estoit pas bon, ains du tout faux & meschant: de sorte qu'à grand' peine luy peut il persuader & mettre en teste de changer de persuasion, bien que les remonstrances dont il vsoit en son endroit, fussent certaines & vrayes. Toutesfois petit à petit il le gaigna avec humanité & douceur, & trouua moyen de le conuertir & reduire à la saine doctrine & verité, le faconnant selon la premiere opinion qu'il tenoit auant qu'estre tombé en heresie. Les registres & liures du Concile des Euesques, assemblée pour raison de Berylle, contenans par ordre les questions & demandes d'iceluy, avec les responses & solutions que donnoit Origenes, ont esté gardez soigneusement par vn long temps. Voyla ce qui me sembloit deuoir estre couché par escrit, touchant l'erreur de Berylle & sa recongnissance.

*De l'heresie qui fut au pais des Arabes, les sectateurs de laquelle asseuroyent les ames estre mortelles.*

C H A P. X X I I I.

*Heresie des  
Arabes tou-  
chant la  
mort de l'a-  
me.*



N mesme temps il y eut vne secte d'heretiques en Arabie, qui par leurs faulces opinions mirent grand trouble en l'Eglise: car ils asseuroyent que l'ame de la personne mouroit avec le corps, qu'en fin il aduiendroit quelquefois en la resurrection future, que telle ame ressusciteroit de mort à vie avec son corps, & seroit de là en auant referuee à l'immortalité. Or pour raison de telle vaine heresie, on fit assemblee des plus apparens Euesques & prelatz d'Eglise, avec lesquels Origenes finalement fut appellé, quand ils veirent qu'ils ne pouoyent plus rien faire pour conuaincre ceste faulce opinion: lequel, sans aucun delay, fit diligéce d'y assister. Estant arriué, plusieurs propos furent tenus de costé & d'autre: & leur question mise en auant, ce bon personnage disputa si bien à l'encontre d'eux, & vfa en ceste assemblee d'argumens tant valables, prins en l'escriture sainte, que ses aduersaires ne sceurent que respondre au contraire, ny luy mettre au deuant. Parquoy soudain ils furent tellement conuertis & reduits, qu'ils se condamnerent eux-mesmes d'auoir failly, & se iugerent estre dignes de griefue punition.

*De l'heresie des Helcesaites.*

C H A P. X X I I I I.

*Heresie des  
helcesaites.*



Pres ces heresies il y en eut vne autre beaucoup plus dangereuse & pernicieuse, qui fut mise en auant par vn nommé Helcesae: laquelle toutesfois se trouua esteinte par Origenes, avec de l'eau soudainement puissee és torrens de l'escriture sainte, auant qu'estre du tout en lumiere, encor qu'elle fust esleuee par l'instinct d'un maling esprit. Car ces Helcesaites, faisans vn recueil d'une infinité de fables, composerent à leur poste, & inuenterent vn erreur merueilleux & remply de toute mal'encôtre.

Il est

Il est bien vray qu'ils s'accordent avec nous touchant le principe & commencement de toutes choses : car ils afferment comme nous, & soustiennent qu'il y a vn seul createur de cest vniuers : mais que non seulement vn Christ a esté, ains plusieurs & diuers. Encor disent ils qu'il y a vñ Christ là haut és cieux, & vn autre Christ ça bas en terre : lequel au parauant auoit fait la demeure en plusieurs personnes, & depuis aussi se seroit arresté pour habiter dedans Iesus, qui fut enfant de Marie. Mais que quelque fois ils soustiennent Iesus estre Dieu : aucune fois qu'il eut vñe vierge pour mère : telle fois est il, qu'ils ne le disent pas. Ils sont aussi d'opinion que l'esprit passe outre de corps en corps, & entre en corps diuers, & en tous temps se represente diuerfement. Ils vsent d'enchantemens & inuocations de diables : & des baptêmes aussi, en la confession des elemens. L'Astrologue, & :: l'erreur Mathématique leur est en recommandation singulière : aussi veulent ils estre appelez deuins, comme scachans predire les choses à venir. Encor mettent ils à neant l'Apostre saint Paul, rayans & abolissans entierement tout ce qu'il a mis par escrit. D'auantage, ils se vantent, comme par miracle, qu'vn certain liure qu'ils ont composé eux-mesmes, est tombé du ciel. Que si quelqu'un est trouué digne d'ouyr & entendre le contenu en ce liure, il acquerra la remission de ses pechez, autre que celle qui a esté par le Christ donnée. Or contre ceste heresie Alcibiades Apamene Syrien, se monstra vaillant combattant : toutesfois Origenes eut le premier lieu quant à la conuaincre & confondre. Aussi fait il mention d'icelle, en vñe harangue qu'il declama en pleine assistance de peuple, interpretant le Psalme quatre-vingt-deuxiesme, quand il dit : Vñ certain personnage est venu en ce temps, homme arrogant & fort hautain par son orgueil, qui publie par tout l'opinion meschante & abusive que lon dit des Helcesaites, laquelle nouuellement est entree & a prins place és Eglises. Or il m'a semblé bon de vous declarer & faire entendre combien sont dangereux les propos qu'il soustient publiquement & deuant tous, à fin de vous donner garde qu'aucuns d'entre vous ne soyent attirez par telle heresie, à mettre à neant & abolir quelques enseignemens de nostre foy Catholique. Il vse vniuersellement des autoritez tant de l'ancienne escriture, du vieil Testament, que de la doctrine Euangelique : sinon qu'il oste hors du costé des saintes lettres les escrits de l'Apostre saint Paul, lesquels il abolit & reietto entierement. Il enseigne aussi qu'il est permis, & n'y a point de danger de denier la foy : par ce que, quiconque l'a conceue fermement en son esprit, ne la renie iamais de cuer, combien que la necessité quelque fois le force de la nier de bouche seulement. Encor telle maniere de gens fait grand conte d'vn certain liure, lequel ils disent leur auoir esté transmis & enuoyé du ciel : & soustiennent que quiconque preste l'oreille & croit à ce qui est contenu en iceluy, tel croyant acquerra remission de ses offenses, toute autre que n'est celle que Iesus-Christ a instituee. Voyla ce qu'en dit Origenes. Or y a il vñe infinité d'autres choses dignes de memoire, qui se disent d'Origenes : mais il m'a semblé estre le meilleur de les passer sous silence, à cause de briuefeté : ioinct aussi que cela ne concerne en rien la presente histoire. Il est bien vray que i'ay recueilly & amassé assez bien (selon mon iugement) & par ordre, ce que i'ay pensé necessaire d'estre inseré en ce mien ceuvre. Il reste toutesfois vn seul point à dire d'Origenes : c'est que par l'enuie du malin & diabolique esprit, qui est auther & cause de tout mal, ce personnage si grand (lequel, ensemble & par paroles & par effects, estoit venu à la parfaite grandeur de science en la plus certaine & accéplie philosophie, par le moyen du travail continuel qu'il employoit à l'estude) se fouruoya & sortit de la droicte voye par erreur, dans lequel il s'enveloppa tellement qu'il souilla & (qui plus est) effaça du tout l'estime en laquelle il estoit pour lors, & la louange qui (à raison de ses bons enseignemens precedens) deuoit faire viure son nom à perpetuité. Mais ie differeray à dire comment cela est aduenü, & n'en parleray point d'auantage. Car apres que i'auray couché par escrit le denombrement, non seulement de ceux qui ont gouverné l'Empire, ains aussi des Euesques qui ont eu les grandes Eglises en charge, d'vñe suite ie poursuyueray puis apres les meschantes opinions & mort mal-heureuse dudit Origenes : & par ce moyen mettray telle fin que possible me fera, à ce liure cinquiesme. Or ie parleray donc à ceste heure des Empires.

:: L'erreur des Mathématiciens à esté defendue come nuisant et dommageable, au Code de Malésie. & Mathématique.  
:: Mahomet a depuis mis ceste fraude. Alcibiades d'Apamene et Origenes refut ceste heresie.

*Denombrement des Empereurs Romains, comme ils ont succédé par ordre l'un à l'autre : & que le premier Chrestien des Empereurs fut Philippe.*

CHAP. XXV.



Euere ayant tenu l'Empire Romain l'espace de dix-huit ans, son fils Antonin luy succeda, lequel apres auoir gouverné la monarchie sept ans & demy durans, laissa pour successeur Macrin : qui estant decedé auant qu'il eust acheué vñe année au gouvernement de l'Empire, eut pour successeur vn autre Antonin, surnommé Heliogabale. Cest Empereur fut quatre ans durans en regne : & apres luy Alexandre, fils de Mammee, fut esleü à la dignité Imperiale. I'ay dit au parauant que ceste Mammee estoit femme studieuse, au possible, de la religion Chrestienne, & qui aimoit la pieté diuine autant

Entreprise des Empereurs Romains.  
Persecution sous Macrin.

# LIVRE V. DE L'HISTOIRE ECCLESIASTIQUE

Chap. 6.  
de ce liv. 5.

Philippe  
Chrestien  
entre les  
Empereurs  
Romains.

:: Europe  
met cinq  
ans.

que faire se peut. Le fils d'elle, Alexandre, passa treize ans en son Empire: au lieu duquel Maximin Cesar fut surrogé, qui ordonna que les Euesques & les prelatz d'Eglise seuls fussent mis à mort: & ce pour raison de la grâde haine qu'il portoit à son deuancier Alexandre, lequel auoit en sa maison plusieurs fideles Chrestiens, comme i'ay dit par cy deuant. Apres <sup>a</sup> Maximin qui gouerna l'Empire par l'espace de trois ans, Gordian fut créé Empereur: lequel apres auoir gouuerné les affaires de la Reublique Romaine enuiron six ans nō entiers, ~~laissa~~ laissa Philippe pour successeur, avec son fils Philippe. Lō dit qu'il a esté le premier des Empereurs qui print en amour la religion des fideles, tellement qu'il se fit Chrestien: mesme qu'il voulut participer au reste des oraisons en l'Eglise, és dernieres veilles de Pasques: toutesfois que <sup>b</sup> l'Euesque, qui pour lors auoit la charge de l'Eglise Romaine, mit empeschement à ce & ne voulut permettre qu'il fust receu en l'assemblée des Chrestiens, auant qu'il eust fait entiere confession de ses pechez, se mettant au nombre des penitens qui estoient separez selon leur ordre & lieu, & avec vne certaine consideration. Car l'Euesque disoit qu'il ne luy estoit pas permis de le recevoir autrement, & qu'il n'eust osé l'admettre en l'assemblée de la feste de Pasque avec la multitude des fideles amassez en l'Eglise, s'il n'obeyssoit à son dire: & ce pour raison de ses grâdes & griefues offenses. Le bruit est, qu'il donna à congnoistre combien estoit grande la crainte qu'il auoit de la puissance diuine, & qu'il monstra fort bien qu'il estoit bien affecté à la religion Chrestienne, puis que par obeissance il ne contredist aucunement au dire de son prelat, ains s'accorda à faire ce qui luy fut enioinct. Le successeur de Philippe (qui tint l'Empire par le tēps de :: sept ans) a esté vn grand persecuteur de Iesus-Christ & des siens, nommé Decie: lequel ayant gouuerné la monarchie Romaine par l'espace de deux ans, laissa l'administration d'icelle à Galle, qui ne la tint que vingt mois durans.

<sup>a</sup> Maximin] Maximin & son fils sont mis à mort pres la ville d'Aquille: Puis incontinent Maxime Pupien & Balbin, esleuz en vn tumulte de la gen'd'armerie: tellement que le ieune Gordian demeura seul Empereur.

<sup>b</sup> l'Euesque] Fabian, pape de Rome, nous est en cest endoit exemple de liberté Episcopale.

<sup>c</sup> Le bruit est qu'il donna à congnoistre] Philippe l'Empereur est icy mis pour exemple d'un prince à la discipline Ecclesiastique.

Qui furent pour lors les Euesques des grandes villes.

C. H. A. P. X X V I.

Pontifes ou  
Papes de  
Rome.



R les Euesques qui ont eu les Eglises en charge, durant le temps que ces Empereurs ont dominé, seront icy mis par escript chacun selon son ordre. A Rome, durant l'Empire d'Alexandre, Potian succeda à Urbain au gouuernement de l'Eglise: Mais apres qu'il eut fait son deuoir en la charge de l'Euesché par l'espace de de six ans, sous l'Empereur Gordian, il eut pour successeur, Anterotes, lequel ne tint qu'un mois le siege Episcopal, & mourut incontinent. Or fut mise l'administration de l'aglie sainte de Rome, apres la mort d'Anterotes, és mains de Fabian, par vn moyen miraculeux & diuin: Car on dit que ce Fabian venant des champs, arri-

Election canonique & reguliere du Pape de Rome.

ua en la ville de Rome, tost apres la mort d'Anterotes, où il hantoit avec les autres Chrestiens: tellement qu'estans tous les Euesques & freres de la religion Chrestienne assemblez en l'Eglise pour ellire vn prelat, & se trouuans les suffrages & opinions des electeurs en different (parce qu'ils ne se pouuoient bonnement accorder, lequel de tant de personages excellens, & renommez pour leur sainteté, obtiendrait la dignité Episcopale, suyuant l'attente de ceux qui estoient presens) <sup>a</sup> Fabian aussi y assistot. Et combien qu'il n'y eust aucun de tous les Euesques qui pensast à luy, voicy toutesfois vne colombe venant ne scay de quelle part, qui vola & s'arresta sur sa teste: comme pour le marquer, & donner à congnoistre que ledit Esprit (qui est soustunier d'apparoir en forme de colombe) faisoit en luy sa demeure & arrest: ainsi que long temps au parauant, sous mesme forme, l'esprit de Dieu porta certain tesmoignage de nostre Sauueur Iesus-Christ, lors que s'arrestant dessus luy (qui estoit le Verbe de Dieu le pere) fut ouye vne voix celeste, qui le disoit estre son fils bien-aymé. Cest euement tant merueilleux donna ioye à toute l'assemblée: laquelle conduite de gayté & alegresse de

Fabian mar-  
tyr tint le  
siege Episco-  
pal, 12. ans  
durans: &  
Corneille,  
trois.

cœur, d'une mesme voix le proclama estre digne du siege Episcopal vaquant: & de fait soudain fut esleu & publié Pape de Rome. Or en fin durant la poursuite que Decie ordonna estre faite à l'encontre des Chrestiens, le chef celeste de Fabian fut orné de la couronne de martyr, & la charge qu'il auoit de l'Euesché commise à Corneille son successeur. Quant est de la ville d'Alexandrie, durant l'Empire d'Alexandre fils de Mammee, Demetrie succeda à Iulian en la charge du gouuernement de l'Eglise, & en eut la charge par l'espace de quarante trois années: lequel eut pour son successeur le premier & plus excellent des disciples d'Origenes, nommé

nommé Heraclas le Philosophe: qui, ayant esté Euesque dudit lieu par l'espace de treize ans, mourut, & laissa en son lieu ce grand personnage Denys, lors que Gordian auoit l'Empire de Rome en main. En la ville d'Antioche, du temps de l'Empereur Alexandre, Philere fut mis en la place d'Asclepiades, qui y auoit la charge de l'Euesché: puis Zebene luy succeda. Au surplus, étant iceluy Zebene decédé, durant l'Empire de Gordian, le saint martyr Babylas fut esleu Euesque du lieu, & y gouerna l'Eglise, iusques à ce qu'il mourut en prison du temps de l'Empereur Decie, apres auoir constamment perseueré iusques à la mort en la confession de la foy Catholique: & laissa pour son successeur vn honneste homme, qui auoit à nom Fabie. En la ville de Hierusalem, apres l'Euesque Narcisse tant renommé, ou plus-tost ensemble avec luy (Die, Germanion, & Gordie ayans tenu le siege Episcopal, durant la fuite d'iceluy) Alexandre eut charge de l'Eglise: duquel l'ay beaucoup tenu de propos par cy deuant. C'est luy qui ordonna & sacra Origenes prestre, luy mettant les mains sur le chef. Or ayant iceluy Alexandre parauant, durant les persecutions precedentes, constamment perseueré en la confession de sa foy en Iesus Christ, avec grande louange au possible (apres qu'il se fut tresbien acquitté de la dignité Episcopale, en laquelle il auoit acquis bonne reputation dans la ville de Hierusalem) luy estât chargé d'ans & presque sur le bord de sa foisse, lors que l'Empereur Decie iettoit le venin de sa cruauté à l'encontre des fideles en la ville de Cesaree, il fut de rechef appellé en iugement, pour donner raison de la foy qu'il auoit en Iesus Christ, & endura brauement martyre, iusques à la mort, qui le saisit en prison. En mesme temps il y eut vn homme en la ville de Nicomedie, qui se nommoit Babylas, lequel combatit virilement pour la deffence de Iesus, iusques à ce que mort s'en ensuyuit. C'estoit vn autre Babylas que celuy qui soustint aussi publiquement la religion Chrestienne sous Numerian. Or apres Alexandre, Mazabenes fut Euesque de Hierusalem: auquel puis apres succeda le bon vieillard Hymence. Il suffira d'auoir mis cecy par escrit, touchant les entresuites & successions, tant de la seigneurie temporelle & profane, que de l'autorité Ecclesiastique. Il est temps que ie me mette de rechef à la continuation & poursuite de mon histoire.

• Fabian aussi y assistoit] *Fabian est creé Euesque de Rome, pour l'augure de la colombe qui s'arresta sur sa teste. Eusebe, lin. 6. chap. 21.*

*De la persecution sous l'Empereur Decie: & comme Cyprian, Euesque de Carthage, souffrit martyre.*

### Chap. XXVII.

**D**Ecie, esleué à la dignité Imperiale, entreprit vne tresgriefue persecution à l'encontre des Chrestiens, pour raison de la haine qu'il portoit à Philippe son deuanier, qui s'estoit fait Chrestien. En ceste poursuite il y eut plusieurs personnages qui pour le nom de Iesus Christ, se sont offerts & presentez au combat: & specialement les prelatz & chefs des Eglises, mesmes ceux de nostre party, qui en eloquence & sagesse estoient estimez surpasser les autres, endurerent vne infinité de tourmens cruels, detestables, & horribles à raconter, tellement qu'ils y laisserent la vie. De ce nombre furent, Fabian, à Rome: au pays de Palestine, en la ville de Hierusalem, Alexandre: Babylas, en Antioche (duquel fut successeur en son Euesché, Fabie) lesquels, faisant de noir de soustenir vaillamment la iuste querelle de Iesus Christ, en bon combat, abbreuerent leur estole Episcopale de sang, issant abondamment de leurs corps. Cyprian aussi, homme fort renommé pour sa grande sagesse, demeurant en la ville de Carthage, & qui autrefois auoit employé le plus de son estude es sciences de Magie, fut de ce conte. Ce Cyprian ayant captiué son cœur en l'amour de Iustine (qui estoit vne ieune fille singuliere en beauté) declara son affection & recommanda son affaire à vn certain esprit amateur de la chair, impudique & industrieux au fait d'amour, comme celuy qui induisoit les personnes à aimer. Toutefois quand il veid qu'en aucune maniere il ne pouuoit iouir de ses amours tant desirées, par ce que la ieune pucelle auoit auparauant dedié sa virginité à Dieu, & defendoit pour lors l'honneur de sa chasteté par ieunes, prieres, & autres armes de foy, comme la chose estoit bié raisonnable, cela fut cause de luy faire congnoistre & publier sa faulte: tellement qu'il sacra à Vulcan tous ses abus & seductions, jettant dans le feu tous les liures de Magie dont il se seruoit auparauant. Et par ce moyen la vierge Iustine fut cause de luy faire espouser la foy en Iesus Christ, & suyure la religion des Chrestiens, si bien que tost apres il fut sacré prestre, puis eut la charge de la garde du temple des fideles: finalement print le gouvernement de l'Eglise vniuerselle du pays d'Aphrique, comme l'homme de ce monde qui meritoit le mieux de porter le titre d'Euesque. Du temps qu'il eut ceste administration il confirma plusieurs personnes, & leur donna courage

*Persecution des Chrestiens sous Decie.*  
• *Cyprian. martyr.*

*Exemple de virginité & chasteté gardee.*

*Armes de foy.*

# LIVRE V. DE L'HIST. ECCLESIASTIQUE

de souffrir constamment pour le nom de Iesus Christ : & ce, par le moyen de ses sermons, harangues, remonstrances & écrits exhortatoires. Finalement il fit honneur à la dignité Episcopale, qu'il tenoit, de sa teste, qui luy fut leuee de dessus les espauls, du tēps de la persecution de Decie, apres auoir premierement passé par plusieurs tourmens inhumains : comme aussi le pareil aduint à la pucelle Iustine, esmerueillable à raison de ses vertus. En mesme temps, Christophore martyr, & des enfans Ephesiens, & vne infinité d'autres, se sont donnez à congnoistre avec leur grande louange, par le moyen des combats qu'ils ont heureusement soustenu iusques à la mort, pour la deffence du nom de Iesus Christ.

*Prudent, en l'hymne de Saint Cyprian (lequel il escrit auoir souffert mort sous les Empereurs Valerian & Galien) parlant d'iceluy Cyprian, dit ainsi :*

*C'estoit l'homme du monde, en sinistre science  
Le mieux duit, & plus docte, ou fust pour abuser  
De l'honneur d'une femme, ou de finesse user,  
Ou n'estimer rien saint, & n'auoir conscience.  
Bien souvent il chantoit des rithmes de Magie  
Par les charniers des morts, pour induire à aimer*

*Les femmes, & du feu d'amour les enflammer,  
Rompant le droit, qui deux en mariage lie.  
Mais Iesus Christ, soudain luy restraints ceste rage  
De charnel appetit, chasse l'obscurité,  
Pousse hors la fureur, fait qu'il est incité  
A l'aimer, à le croire, avec honte au visage.*

*Des choses qui aduindrent à Denys, Euesque d'Alexandrie, durant la mesme persecution sous Decie.*

## Chap. XXVIII.

*Dieu cōtre-  
garda du  
martyre De  
nys l'Alex-  
andrin.*



V temps de la mesme persecution, grande cruauté estoit aussi exercee à l'encontre des Chrestiens en la ville d'Alexandrie, mesmement que Denys, Euesque de l'Eglise d'icelle (lequel i'ay dit auoir esté esleue à telle dignité apres Heraclas) n'auoit aucune ceste d'estre poursuuy & endurer martyre. Il est bien vray que le Seigneur Dieu le rendit superieur & maître de ses ennemis : car il vainquit les entreprinſes & efforts de ses persecuteurs, par le vouloir diuin & celeste prouidence : & ce, pour cause de l'vtilité & edification de plusieurs personnes qui auoyent besoing de sa doctrine sainte. Car en premier lieu, ceux qui estoient enuoyez pour

*Exēple de  
grand a-  
mour d'un  
troupeau à  
l'endroit de  
son Pasteur.*

luy mettre la main sur le collet & le mener en prison, estans soudainement au euglez, ne peurēt mettre à execution leur entreprinſe, bien que le bon homme fust en sa maison, attēdant de pied coy leur venue. Puis encor que de son plein grē il se fust presentē à eux pour estre emmenē, apres qu'ils eurent enleuē & pillē tout ce qui se peut rencontrer en son logis, il y eut quelcun qui donna aduertissement de ce qui se faisoit aux bons Chrestiens & fideles, passans pour lors la nuit en vn festin de nopces : Parquoy à ceste nouuelle tous ensemblement s'esleuerent, & soudain coururent d'un choc au lieu où il estoit, crians à haute voix, sans aucune intermission : tellement que les sergens se prindrent à fuir, oyans telle esmeute, & voyans le secours qui venoit à leur prisonnier : lequel fut trouuē vestu seulement d'une chemise de gros lin, couchē sur vn liēt mal accoustre. Ses amis, qui estoient venus à son aide, le firent leuer, & le contraignirent de les suyure, combien qu'il se prosternast à leurs pieds, les priāt qu'ils luy feissent ce bien, ou de se retirer & le laisser là : ou bien, de souffrir que les gens de guerre qui l'emmenoyent prisonnier, emportassent sa teste. Touthois combien qu'il leur feist telle requeste d'affectiō, si est-ce qu'ils n'y voulurent rien entendre : ains le tirerent par les pieds & par les mains, puis le mirent sur vn asne, comme si c'eust esté vn bas, & le ramenerent iusques au dedans de la maison Episcopale. Voila ce qui fut fait quant au regard de Denys. Mais les satellites, meschans, & ne demandās

*Tumulte  
tres cruel en  
Alexādie  
à l'encontre  
des Chre-  
stiens.*

que pillage, entrerent par force publiquemēt, & avec vne audace effrōtee, es maisons des Chrestiens, qui auoyent descouuert la prinſe de l'Euesque, & s'estoyent mis en deuoir de le sauuer : tellement que non seulement ils pilloyent les ioyaux ou choses plus precieuses & mises à part en icelles, mais encor froissoient ce qui estoit de peu de conte, & qui ne pouoit facilement estre prins ny emporté : puis, ayans tout gastē, s'en alloient. Or cestel licence & impunitē des gēs de guerte donnoit apparence d'une ville prinſe par l'ennemy : car de tous costez il n'y auoit sinō dueil, pilleries & spectacles miserables : mesmes que les gens d'armes combatoyent entre eux pour les despouilles & choses rauies, faisans à l'enuy les vns des autres les plus grandes cruau-tez dont ils se pouoyent aduiser. Il n'y auoit chemin, ny rue, ny carrefour, par lequel on peust eschaper ny fuir : telle poursuite duroit iour & nuit, sans y auoir aucune ceste. Les crieurs publics alloient par toute la ville avec les trompettes iurez, & par leurs cris faisoient entendre que quiconque n'outrageroit le nom de Iesus Christ, avec les plus vilaines & meschantes paroles dont



dont il se pourroit aduier, seroit par force tiré en la prison, & cruellement tourmenté en icelle : puis ainsi mal-mené & vilené, passeroit encor finalement le pas d'une triste mort dans la fournaise ardante.

*De ceux qui vaincus par tourmens sous Decie, renoncèrent à la religion Chrestienne.*

CHAP. XXIX.



Lors vous en eussiez veu plusieurs palles, abbatus de la peur, & tellement estonnez, qu'ils ne sçauoyent qu'ils faisoient : lesquels, par crainte, alloient aux temples des idoles, pour assister aux sacrifices meschans & detestables, qui estoient faits à icelles : mais (à contempler leurs visages & gestes) on eust plus tost estimé qu'ils deuoyent estre sacrifiez aux dieux faux, que de leur faire sacrifice. Aussi les meschans satellites qui les forçoient à ce faire, poursuyuoient avec toutes sortes d'iniures & brocards, ceux qui auoyent ainsi les cœurs faillis & courages perdus. Il y en auoit d'autres qui promptement accouroient aux autels, & plus legerement

*Visages misérables de quelques Chrestiens d'Alexandrie, renonçans Iesus Christ par crainte du martyre.*

qu'il ne leur estoit commandé : lesquels, avec hardiesse effrontee, asseuroient & soustenoyent qu'ils n'auoyent pas congnoissance que c'estoit d'estre Chrestien. Tels suyuoient les ravisseurs, les autres fuyoyent, & les autres estoient prins & saisis au collet. Aucuns aussi se laissoient mener en prison, & mettre les fers aux pieds & mains : toutefois ils renonçoient premierement à la foy Chrestienne, que d'estre menez au parquet deuant les iuges. Quelques autres ayans souffert aucunement d'estre tourmentez, se trouuoient incontinent recreuz & lassez, & ne vouloyent entendre à endurer les supplices, qui autrement leur estoient preparez. Mais les autres qui restoyent fermes & constans en leur opinion, portans entierement Iesus Christ en leur cœur, se sentoyent diuinement par luy confirmez : de sorte qu'ayans acquis autant de force qu'une foy inexpugnable & constance inuincible peut meriter, ils se monstroient estre tesmoins excellens & martyrs singuliers du Royaume des cieux. Or qui voudroit presentement mettre en conte tous ceux qui lors finirent leur vie par martyre en tesmoignage de leur foy en Iesus Christ, ou bien qui entreprendroit de mettre par escrit le temps, lieu & sorte de combats tant excellens, il en pourroit autant venir à son honneur, comme celui qui s'ingéreroit de nombrer entierement le sable de la mer : Parquoy il me semble qu'il sera bon de poursuyure seulement en ce lieu (pour souuenance) les assauts soustenus par aucuns martyrs, en petit nombre, qui nous ont esté ou racontez par nos deuanciers, ou bien laissez par escrit es histoires : combien qu'à l'aduenture on n'y adioustera pas telle foy qu'ont fait ceux desquels nous auons appris telles choses. Si est-ce que ie parleray de quelques vns en bref, & comme par abregé. Quant à ceux qui me sont eschappez de la memoire, ou desquels ie n'ay iamais ouy propos, ie suis d'aduiz de les laisser sous le secret & priué conseil de la prouidence & science diuine. Par ainsi ayant fait discours de peu de martyrs, ie poursuiuray ce qui est de reste.

*Constance excellente de quelques martyrs.*

*De ceux qui pour lors ont souffert martyre : sçauoir est, le bon vieillard Metras, la bien-heureuse femme Quinte, la vierge Apollone, Serapion, Iulian, Besas, Macaire & autres.*

Chap. XXX.



L faut donc parler en premier lieu & deuant tous de Metras, vieillard digne d'admiration : lequel, estant cruellement & rudement traité par les ennemis du nom Chrestien, fut quasi forcé de dire des propos iniurieux, outrageux, & blasphemés au possible contre Iesus Christ. Toutesfois sa constance fut si grande, qu'il ne s'oublia iamais iusques à là, ains leur desobeist plat & net : qui fut cause qu'ils luy deschiqueterent tout le corps à grands coups de foüets & bastons, sans y espargner aucune sorte de cruauté : puis luy percerent tout le visage avec cannes aigües, luy crenerent les yeux, & deschirerent les parties interieures & cachees

*Metras, les autres le nomment Metrane, come Eusebe liu. 6. cha. 31.*

de son debile corps : finalement, non contents de ce, afin de n'oublier rien qui se ressentist d'inhumanité (à laquelle quasi ils sembloient renoncer, veue la perseuerance du personnage) ils l'accablèrent & mirent à mort à coups de pierres. D'auantage, ces mal-heureux persecuteurs amenèrent par force vne femme, qui auoit à nom Quinte, deuant vn simulachre representât vn de leurs dieux : lequel ils luy commandoyent d'adorer. Mais d'autant qu'elle refusa de ce faire, on la lia de fortes cordes par les pieds, avec lesquelles elle fut trainee par le milieu d'Alexandrie. Puis au sortir de la ville on la mena tousiours en cest estat par lieux aspres & panchans en valles, iusques à ce qu'en fin, au mesme lieu où peu auparauant Metras auoit esté lapidé, elle sentit combien estoit pesante la rude charge des pierres esbranlees par gés mal affectez enuers elle, tellement qu'à la mort prochaine s'en ensuyuit. Encor y eut il apres la dessusdite, vne vierge desia venerable à raison de sa vieillesse, nommée Apollone, laquelle on auoit reseruee pour seruir de pasture aux bestes cruelles. Or apres qu'elle eut perdu & machoires & dents ensemble par grâs coups de pierres qui

*Quinte, qu'Eusebe nomme Coimthe, liu. 6. chap. 31.*

*Apollone vierge.*

S ij

# LIVRE V. DE L'HIST. ECCLESIASTIQUE

Serapion.

Julian.

Ischyriou

Eune.

Ischyriou  
est à dire,  
fort, puisât  
et parlant  
librement a-  
vec cōfian-  
ce & sans  
peur: Eune,  
benevole,  
studieux, et  
ayant bone  
opinion.

Besas.

Macaire:  
ce nō est au-  
tāt, que bie  
heureux.

Epimache.

Alexandre.

Ammo-  
naire.

Mercur.

Denyse.

Heron.

Aster.

Isidore.

Dioscore,  
ieune gar-  
çon.

Nemesion.

Amon.

Zeno.

Ptolemee.

Ingenue.

Theophile,  
sans gens  
d'armes.

luy furent iettez, par ce qu'elle n'auoit point voulu sacrifier aucunemēt aux idoles: de son plein gré, par vne gayeté de cœur, elle se lança dans vn tres-grand braisier allumé & préparé pour le sacrifice des Dieux contrefaits: ayant opinion que ce luy estoit bien plus grand honneur d'estre ainsi offerte en sacrifice à Dieu, que d'obeir aux idolatres. Serapion fut aussi de ce conte, qui estoit natif d'Ephese: duquel estans tous les membres chiquetez à grands coups de foyers, par les mains des bourreaux infideles, tellement que mesmes les ioinctures de son corps disloquées & mises hors de leur lieu naturel, luy causoyent vn tourmēt incredible: encor fut-il puis apres finalement ietté d'un lieu haut, en bas, tellemēt qu'il en endura la mort. Alors aussi Julian, ainsi malade des pieds qu'il estoit, de sorte qu'il ne pouuoit ny marcher ny se remuer aucunement, est amené avec deux autres qui le soustenoyent esleué en haut. L'un desquels soudain ayant perdu tout courage pour cause de si grande cruauté de tourmens, renonça à la foy Chrestienne, & fut laissé en sa liberté. Mais l'autre qui auoit nom Ischyriou, surnommé Eune, donna preuue assez apparente que telles appellations luy estoient bien duisantes, & résista virilement aux efforts des persecuteurs: comme celuy qui estoit prest d'endurer mille morts plus-tost que de quitter le moindre point de sa bonne profession. Cest Ischyriou & Julian le goutteux, pour mesme cause furent enleuez & mis sur des chameaux, & ainsi menez par les carrefours de la ville, & fustigez, iusques à ce que le peuple se ruant cruellement sur eux, les ietta dans le feu & les fit bruster. Besas pareillement, homme d'armes & braue victorieux, par l'aide de Iesus Christ, endura que la teste luy fut tranchée pour s'estre monsté des premiers & plus affectez à la profession de vraye pieté. Macaire aussi (duquel le nom estoit conuenable à sa fortune) natif du pays de Libye, fut brulé tout vif, par ce que estant par plusieurs moyens attiré à nier sa religio, il demeura ferme & constant en sa foy. D'auantage Epimache & Alexandre furent iettez finalement dans la chaux ardente, & mis cruellemēt en cendres, apres auoir auparauant souffert toutes les pauuretez de la prison, des fers, & encor (qui estoit le pis) les tranchés des rasoirs affilez.

Des autres martyrs qui souffrirent pour lors, tant en Alexandrie, qu'au pays de Palestine.

Chap. X X XI.



Arcillement en tel combat il n'y auoit pas defaut de femmes, qui d'un courage viril bataillèrent hardiment & soustindrent l'effort du martyre. La premiere d'entre elles, fut Ammonaire: qui estant constituée prisonniere, afin de garder constamment sa promesse, ne voulut onc faire aucune chose de ce que le iuge luy ordonna, lequel par diuersité de tourmens taschoit à l'esbranler & gagner. Puis il y en auoit vne nommée Mercure: & Denyse, meré de plusieurs beaux enfans, & (qui plus est) ayant Dieu avec toute reuerence. Ces deux passerēt au fil de l'espee, ayant le iuge criminel honte de leur faire souffrir d'auantage, par ce qu'il se voyoit estre surmonté avec toutes ses inhumanitez, par la constance des simples femmelettes. Puis Heron, Aster, Isidore, & Dioscore (qui n'estoit qu'un ieune enfant, enuiron de quinze ans) tous Egyptiens, furent amenez en iugement, & tous bruslez, hors mis le ieune Dioscore, auquel le iuge pardonna, pour vne sotte opinion qu'il conceut de luy: estimant qu'il n'estoit pas encor assez ferme, ny homme parfait, & que pour ceste cause il pouuoit estre facilement seduit & abusé: d'auantage, que le delay du temps & l'attente rendroyent en luy parfait & accomply ce qui defailloit à l'age. Nemesion d'Egypte, homme nourry & esleué entre les larrons & brigans (qui pour volerie auoit esté constitué prisonnier, & amené en iugement) les suyuit de bien pres: qui s'estant monsté innocent du crime pour lequel il estoit accusé & captif, fut puis apres detenu prisonnier, à cause qu'il tenoit la profession Chrestienne. Mesme que le iuge criminel (exerçant, contre tout droit & iustice, plus grande cruauté à l'encontre de luy que des autres) le fit mourir martyr dans vn feu allumé au milieu des voleurs. Apres luy, vne certaine compagnie de gens de guerre n'en souffrit pas moins: sçauoir est, Amon, Zenon, Ptolemee, Ingenue & Theophile, qui ja estoit d'assez bon age. Eux estans presens au parquet, & considerans les assauts que lon faisoit aux martyrs combatans: fils en voyoyent quelcun sur le point de se desdire, ou renonçant à sa religion, ils monstroyent à leurs visages le courroux qu'ils en auoyent, tordans la bouche & grinçans les dents: mesmes quelques fois leur faisoient aucuns signes, pour les diuertir de renier leur foy: aucunes fois estendans leurs mains, leur donnoyent à entendre quelle contenance ils deuoyent tenir, pour se comporter honnestement. Mais ils furent prins sur le fait, & presentez au magistrat: deuant lequel ils confesserent publiquement que leur profession estoit Chrestienne, avec si grande liberté & fiance, que le iuge & les Conseillers qui luy assistoyent, & toute la compagnie presente, s'en trouuerent merueilleusement troublez, confus, estonnez, & saisis d'une crainte incroyable: bien que toutesfois au contraire les bons gens d'armes se sentoyent de plus en plus asseurez & fortifiez en leurs courages, tellement que la ioye qu'ils auoyent de se veoir estre couronnez de couronnes de victoire en si magnifique triomphe, estoit tant grande qu'il seroit impossible de la pouuoir expliquer par paroles.

Ce

Cetemps pendant les infideles ne traitoyent pas mieux les bons Chrestiens es villages & bout gades, qu'es grandes villes. Du nombre des fideles mal menez aux champs, fut Ischyron, auquel vn homme riche & renommé auoit mis en main la charge & administration de quelque metairie. Son maistre luy auoit fait commandement de sacrifier à l'Autel des Dieux contrefaits: Mais d'autant qu'il refusoit de ce faire, il l'outragea premierement de paroles, puis le poursuuyt avec iniures & reproches, toutesfois quand il veit qu'Ischyron estoit ferme & arresté en son opinion, il ne se contéta pas des outrages qu'il luy auoit fait, ains encor empoigna vn gros baston aigu, avec lequel il luy tresperça entierement le ventre & les boyaux, tellement que mort prochaine s'en ensuyuit. Mais quel besoin est il de raconter la grande multitude de ceux qui ex- rans en lieux solitaires & montaignes inaccessibles, moururét, les vns de faim, les autres de soif, quelques vns par froid trop aspre, d'autres par maladie, aucuns saccagez par brigas ou voleurs, & les autres mis en pieces par bestes sauvages, inhumaines & cruelles? Dont ceux d'entre eux, qui en eschapperent sains & saufs, ont porté suffisant tesmoignage. Or m'a il semblé estre necessaire d'en raconter vn exemple du moins, entre plusieurs autres. Il y auoit vn personnage, nommé Chæremont, Euesque de la ville que lon nomme Nilopolis, homme fort venerable pour le regard de sa grande vieillesse: lequel, accompagné de sa femme, s'enfuit à la montaigne, que lon appelle Arabie: d'où iamais il ne retourna, ny ne fut onc veu depuis: mesme qu'il n'y a personne, qui ait peu sçauoir que sont leurs corps deuenus, bien qu'on les ait cerchez en toute diligence. Beaucoup d'autres pareillement ont esté prins au mesme mont Arabie, par ceux qui en sont habitas: des mains desquels ou on les a rachetez avec quelques sommes de deniers pour leurs rançons, où ils sont morts en leur miserable captiuité, n'ayant esté donné argent pour les retirer de la prison. Voila vne partie de ce qui est adueni contre nous, tant en la ville d'Alexandrie, que par le pays d'Egypte. Au demeurant, on ne faisoit pas moindre poursuite à l'encontre des Chrestiens en la contree de Palestine: & ainsi plusieurs martyrs, de tous costez, combattoient virilement pour la deffence du nom Chrestien, animez à ce faire par les aduertissemens & harangues exhortatoires d'Origenes.

*Ischyron mis à mort par son maistre.*

*Fuite & retraite des Chrestiens en lieux solitaires.*

*Chæremont Euesque de Nilopolis, qui est à dire, Ville du Nil.*

\* Dioscore] Eusebe, *liv. 6. chap. 31. dit que Dioscore fut premierement tenté par le tyran à renoncer à Iesus Christ avec belles paroles, puis par le battre: & que toutesfois il ne voulut obeir au vouloir d'iceluy.*

*Comment Origenes, assistant au parquet des iuges qui estoient sur le point de le condamner au martyre, degenera de sa premiere vertu, & renonça à la pieté Chrestienne.*  
Chap. XXXII.



omme ainsi est qu'Origenes fut cause du martyre de plusieurs gens de bien, le malin & cauteleux Sathan, avec toutes ses forces, se print à luy faire la guerre, sans y espargner aucune chose qui peust seruir à son entreprinse: mesme qu'il mettoit tous ses efforts à le poursuivre plus viuement, & avec plus grande violence, qu'aucun autre des fideles. Parquoy ayant le cœur failly aux assauts de l'ennemy, il se sentit tout à vn coup destitué de vertu, qui auparauant estoit en luy parfaite & accomplie, comme celuy qui decheut de la soumission & humilité, mere de toutes vertus, & de celle patience qui en prouient, par laquelle on a l'es-

*Origenes n'a point souffert martyre.*

*Humilité & soumission, mere de toutes vertus.*

prit bien arresté & immobile, de sorte que lon endure patiemment toutes choses qui surniennét. On dit donc, que du temps de la persecution sous l'Empereur Decie, il fut apprehédé, lié estroitement & enfermé: puis en premier lieu cruellement traité avec griefs tourmens, dont tout son corps se ressentoit: & apres cela, auallé en vne fosse profonde & rigoureuse, pour y tenir prison. Et afin qu'il ne peust eschapper de ce lieu, son corps estoit estroitement lié & enfermé de fers de grande pesanteur: & d'auantage, on le menaçoit de le faire mourir par feu. Mesme que dès lors on luy faisoit endurer beaucoup de maux, & plusieurs autres aussi luy estoient preparez pour l'aduenir, ausquels on le garda par l'espace de plusieurs iours, ayant quatre seps de bois au pieds. Toutefois il auoit patience, & enduroit le tout de grand courage: de sorte qu'il estoit prest & appareillé de se presenter à la mort. Or le iuge criminel changea soudainement d'aduis par vne nouvelle cruauté, par laquelle il luy sembla qu'il pourroit destourner Origenes de son opinion & premiere volonté: Car il aduisa qu'il ne seroit pas bon de le punir par le trenchant de l'espee, mais, afin de le faire languir d'auantage, il arresta que peu à peu par diuersité de tourmens la vie luy seroit ostée. A la fin, quand le magistrat congneut que la constance du patient estoit plus grande que l'inhumanité des tourmens qu'il luy faisoit patir, il tourna son esprit à vne deliberation du tout diabolique: Car congnoissant le cœur d'iceluy estre totalement addonné à la vraye philosophie, conseruatrice de chasteté & tutrice de pudicité, ce fut la part par laquelle il se delibera de faire bresche à sa perseuerance. Parquoy il le fit deschainer & oster des liens: puis ordonna qu'il fut mené à l'Autel de leurs idoles, afin d'y sacrifier & brusler de l'encens.

S iij

*Le iugement  
Origenes de le  
re connoi-  
stre impu-  
diquement  
par un ord  
& vilain  
Ethiopien  
Sodomite:  
Ce que sui-  
das aussi a  
dit de luy.*

*Origenes  
renonce à la  
foy Chre-  
stienne.*

*Origenes  
met en auant  
des erreurs  
abomina-  
bles.*

*Origenes  
est excom-  
munié.*

Orauoit il attiré pres de luy vn vilain & impudique paillard du pays d'Ethiopie, duquel il le menaçoit, s'il ne vouloit accorder à faire sacrifice à leurs dieux: Car il luy dit que ce putier detestable le congnoistroit charnellement, & souilleroit son corps par paillardise autant abominable & execrable par dessus routes maledictions, comme elle est contre nature. Telle fut la mennee que le iuge luy brassa, meslee avec menaces. Origenes donc, faisant eslection de la chose qui estoit pire, aima mieux renoncer à la foy qu'auparauant il auoit eu en Iesus Christ, & souiller par ce moyen son ame sans aucun profit, que de souffrir son corps estre aucunement contaminé. <sup>a</sup> Apres ceste premiere faulte, il decheut de la bonne opinion à l'endroit de la diuinité, & perdit la grace de Dieu, tellement que par l'instinct & poursuite de Sathan, il mit en auant plusieurs opinions estranges, faulces & erronees: au moy en desquelles, plusieurs se trouuerent seduits & abusez long temps apres: & luy, fut separé & banny de l'vnité de l'Eglise Chrestienne par excommunication. <sup>b</sup> Eusebe escrit de luy ce qui s'ensuit: Or quels propos il a laissez à la posterité, qui sont en grand nombre, adressez à ceux qui auoyent besoyn de l'aide & vtilité qui prouient par estre receu en grace: plusieurs de ses epistres en donnent assez suffisant tesmoignage, comme celles qui pour certain comprennent assez la mesme verité. Quant à moy, ce ne me sera pas chose fascheuse de mettre en cel lieu ce qu'il a dit luy-mesme, dont on le peut appertement reprendre de ce qu'il ne s'est pas arresté fermement aux bornes, constitutions & ordonnances des saincts Apostres. Et afin que ie ne m'amuse à toucher par escrit plusieurs autres siennes opinions cōtraires à la raison, fortes, & pleines de blasphemes, ie n'en diray autre chose que ce que luy mesme nous a communiqué par ses escrits. Voila donc ce qu'il en dit.

<sup>a</sup> Apres ceste premiere faulte] *Eusebe de Pamphile & plusieurs autres peres anciens ont eu meilleure estime & opinion plus sincere d'Origenes.*

<sup>b</sup> Eusebe escrit de luy] *Nous auons receu & admis quelques opusculs d'Origenes que saint Hierosme ne reiette pas: mais nous disons que tous ses autres liures, & l'auteur mesme doiuent estre reiettez & recussez. Distinct. 15. chap. La sainte Eglise Romaine.*

*Des erreurs & blasphemes d'Origenes: & comment il mourut sous l'Empereur Galle.  
Chap. XXXIII.*

*Opinions  
absurdes  
& meschā-  
ses d'Orige-  
nes.*



Es esprits & entendemens (dit-il) estoient dès le commencement, sans nombre & sans nom totalement, lors que toutes choses prenoient leur origine de l'vnité, & estoient raisonnables, par mesme substance, efficace & vertu: Mais quand ils commencerent à se saouler de la charité & contemplation diuine, ils prindrent les corps & noms ou menus & petits, ou espais & gros, selon la proportion & mesure de la conuoitise & appetit d'un chacun, à ce qui estoit desreiglé. Et de là vindrent les vertus celestes empeschees au seruire & ministere: mesme que le Soleil, la Lune, & toutes les estoilles ont esté faites par ceste vnité de choses raisonnables, par inclination à ce qui estoit le pire. Mais celles qui estoient d'auantage refroidies en la charité diuine, furent appelees Ames, & mises en nos corps lourds & grossiers. Les autres qui passerent outré en malice, & atteignirent le but de toute meschanceté, se trouuerent encloses dans des corps froids & pleins d'obscurité, tellement qu'elles furent faites & nommees Demons ou Diables. Encor dit-il les resueries qui s'ensuyuent: Que de la constitution Angeli- que ont esté establies les choses animees, & que de tel establissement animé est venue la constitution des diables ou demons: & celle aussi qui se dit humaine. D'auantage, qu'une seule raison & intelligence entre l'vniuerselle vnité des choses raisonnables, demeure sans estre esbranlee ny remuee par la charité & contemplation diuine: laquelle intelligence a esté faite Christ, Roy & homme. En outre, que la mort perpetuelle & destruction entiere des corps deuoit estre parfaite & accomplie: veu que le Seigneur mesme a premieremēt demis & laissé son propre corps, puis tous autres aussi. Plus, que tous en general retourneront à ceste mesme vnité, & viendront à estre de rechef esprits ou intelligences telles qu'auparauant leur estre sur la terre: tellement que le diable & les autres demons, ou esprits diaboliques, avec les meschans hommes, seront tous, à son dire, restituez à la mesme vnité: & n'auront pas moins d'vnion à Dieu, qu'en ont les personnages diuins, les hommes religieux, les vertus celestes, & que mesme le Christ en a, tout ainsi qu'ils l'ont eu auparauant: de sorte que le Christ n'aura du tout rien de plus excellent ny souverain en particulier par dessus les choses raisonnables deuant dites, ny en substance ny en intelligence, ny en vertu. Voila ce que dit Origenes. Or l'Empereur Decie, apres auoir tenu le gouvernement deux ans durans, marchant en equipage de guerre contre les Scythes (qui auoyent passé la grande riuere d'Ister, ou Danube, & pilloyent les pays de l'obeissance des Romains, avec merueilleux degasts) mit à mort au premier choc plus de tréte mille hommes de ses ennemis

ennemis, & emporta sur eux la victoire. Mais à la seconde rencôtre qu'il s'attacha à eux, & <sup>b</sup> luy *Virie Galle* & son fils eurent du pire: de sorte qu'ils resterent vaincus, & demeurerent morts en ceste bataille. *astige aussi* Par ainsi l'Empire escheut à vn nommé Galle & à Volusian. Ce Galle ( d'autant qu'il ne consi- *les Chre-* dera pas pour quelle cause Decie estoit tombé en tel accessoire & desconfiture de guerre ) se *tiens.* hurta à la mesme pierre qui auoit fait trebucher son deuancier: Car encor que son Empire fust bien affermé & que toutes choses luy vinssent à son souhait, ce neantmoins il se print à tourmē- *Les Chre-* ter par diuerses afflictions les saintes personnes qui faisoient prieres à Dieu, pour la paix & *tiens* tranquillité de la Monarchie Romaine, & pour la prosperité & santé de luy qui estoit Empe- *prient pour* reur & Monarque. Parquoy en poursuyuant tels personages, il faisoit aussi poursuyte contre *la Republi-* leurs veuz, & contre les prieres qui s'adressoyent à Dieu, en faueur de luy mesme qui les per- *que &* secutoit. Donc ces deux Empereurs decederent incôtinent, n'ayans pas gouuerné l'Empire plus *pour les* long temps que d'un an & quatre mois. Æmilian leur succeda, qui ne fut Empereur que durât *Princes.* quatre mois seulement: apres la mort duquel, la charge du gouuernement de l'Empire fut mi- se es mains de Valeriâ & Galien. Or est il ainsi que le malheureux Origenes ayât passé la soixan- *Succesions* te & neufiesme annee de son aage, mourut miserablemēt sous l'Empereur Galle, qui auoit suc- *des Empe-* cédé à Decie, en l'administration de la Monarchie Romaine. Qui sera l'endroit où il est bon de *reurs Re-* mettre fin à ce liure: auquel à la verité, Origenes auoit donné bon commencement, ores que *mains.* la fin n'en ait esté telle. *Mort d' Ori-*

Celiure donc comprend soixante deux annees, commençant dès le premier an de l'Empe- *genes.* reur Seuer, & prenant fin sous l'Empire de Valeriâ & Galien, qui peut estre l'an <sup>c</sup> cinq mil *Années* sept cens soixante & trois, depuis la creation de ce monde: & deux cens cinquante & huit de- *cōprins* puis que nostre Sauueur Iesus Christ, naissant sur ceste terre, voulut prendre chair humaine. *en ce liure.*

<sup>a</sup> Scythes] Nicefore met en cest œuure les Goths pour les Scythes, non une seule fois, mais plusieurs comme mesme en ce lieu.

<sup>b</sup> luy & son fils ) Decie, en la guerre contre les Goths, fut noyé en un maret de Thrace, & son fils mis à mort. Europe.

<sup>c</sup> cinq mille sept cens soixante & trois ) selon nos nouueaux chroniqueurs, 4236.

Suidas parle ainsi d'Origenes.

L'industrie & curiosité d'Origenes, fut cause qu'il tomba vilainement, & d'auantage donna occasion à plusieurs de huer rudement & se perdre: Car par ce qu'il s'ingeroit de vouloir declarer tous les passages des lettres saintes, il se ietta luy-mesme en erreur, qui luy fit mettre en auant beaucoup de propos execrables & dangereux, desquels Arrius & ses adherans & sectateurs affermans le fils estre egal au pere, & tous autres mal-heureux heretiques ont prins la matiere de leurs enseignemens. Car il a bien ausé soutenir & cōfesser publiquement que le fils unique ne peut veoir ou congnoistre le pere, & que le saint Esprit n'a pouuoir de regarder le fils, tout ainsi que les Anges ne peuuent veoir l'Esprit, ny les hommes les Anges. Et que le fils n'est pas de la substance du pere, mais est vne creature: & que par grace seulement il est appelé fils de Dieu, mesme que les ames des hommes sont plus excellentes & vont deuant. Il dit encor bien d'autres choses fortes, blasphemés & contraires à la pieté & religion. Aussi n'auoit il pas bien entendu ny obserué le dire de Salomō, qui tient ces propos: Mon fils garde toy bien de cōposer plusieurs liures, & ne te haste de ta bouche. Ton cœur ne soit point leger à proferer paroles deuant Dieu: Car Dieu est là hault au ciel, & tu es ça bas en terre. Et pourtant parle peu: car plusieurs paroles ne seruent qu'à multiplier & croistre la vanité. Ne sois point trop iuste, ny plus sage qu'il n'est de besoing: Car le iuste perit en sa iustification. Or estant Origenes banny de l'Eglise, & ne pouuant pas endurer ceste iniure, il laissa la ville d'Alexandrie, pour se retirer au país de Iudee. Mais quand il fut arriué en la ville de Ierusalem, l'ordre des prestres le pria premierement (comme prestre qu'il estoit) de tenir quelque propos en l'Eglise, deuant eux, & faire vne harangue: puis le contraignit à ce faire. Parquoy il se leua sur pieds, & recita seulement ces paroles du Psalmiste: Or Dieu a dit au pecheur, Pourquoi annonces tu mes iustifications? & pourquoi usurpes tu mon testament en ta bouche? puis apres apres auoir fermé le liure, il s'arresta & s'asist avec grand pleur & en larmoyant abondamment: de sorte que chacun se print à plover avec luy. Le lieu de sa sepulture fut en la ville de Tyr.

FIN DV CINQUIESME LIVRE DE  
l'Histoire Ecclesiastique de Nicefore.



# LIVRE SIXIESME DE

## l'Histoire Ecclesiastique de Nicefore,

### filz de Calliste, Xanthouplois.

PREFACE DE CE LIVRE, EXPOSANT EN  
*bref ce qu'il contient.* Chap. I.

*Proposition  
 de ce qui se  
 ra dit en ce  
 liure.*



Ont esté les faits d'Origenes, & autres affaires aduenues de son temps compris dans le cinquieme liure precedent, lequel a prins fin ensemble avec la mort d'iceluy. L'argument du sixiesme liure que i'ay en main, sera le grand Euesque d'Alexandrie, Denys : car les escrits qu'il nous a laissez apres luy, donnent assez ample matiere & fournissent suffisant argument pour en faire vn liure entier. L'exposeray par mesme moyen les choses qui se sont passees en l'Eglise, apres les persecutions des Empe- reurs Seuer, Maximin & Decie. Aussi diray-je d'où est venu Nouat, qui se monstra publiquemēt capitaine des Chatares, ou entiers & purs. Puis comme il a esté reietté, & commēt ceux qui estoient tombez en la persecution, ont esté depuis receuz en l'Eglise. Semblablement ie parleray du lauacre diuin, que quelques vns ont introduit apres la persecution, & des autres heresies. Pareillement ie mettray par escrit les actes des ty- rans d'Egypte & de la Palestine. Encor tiendray ie propos de quelques prodiges & signes ad- uenuz contre nature, des epistres de Denys, de la peruerse & meschante opinion de Nepos, de Paul de Samosate, & des Manichees. Puis ie feray vn petit discours des personnes diuines qui furent en bruit de ce temps, iusques aux Empereurs Diocletian & Maximian, qui donnerent de merueilleux assauts à l'Eglise. Or sera tel mon commencement :

*Comment les Euesques qui pour lors auoyent les Eglises en charge, receurent en l'Eglise ceux  
 qui estoient tombez, pour n'auoir esté assez constās en la persecution sous Decie,  
 ayans premierement fait iuste penitence, en amendans leur faulte.*

Chap. II.

*Penitens  
 receuz en  
 l'Eglise.*



*Forme de  
 penitence.*

*:: Sçauoir  
 est, apres en-  
 tiere con-  
 fession.*

Vrant les persecutions desquelles a esté parauant tenu propos, plusieurs bons Chrestiens ayans combattu leurs ennemys, en souffrant dur marty- re, rapportèrent tel guerdon de leur victoire qu'ils meritoient. Plusieurs aussi, bien qu'ils se soyent presentez aux dangers, ne les pouuans bon- nement endurer à cause de la foiblesse de patience & imbecillité de cou- rage, ont tous ensemble & sacrifié aux idoles, & renoncé à la religion de vraye pieté. Or quand la plus grande esmeute & calamité de la persecu- tion fut appaisée aucunement, ils commencerent à considerer à part, & penser en leurs esprits, à quel poinct de misere ils estoient venuz : & tel- le consideration leur causa vne douleur vehemente, meslee avec repentance. Parquoy ils se re- tirerent aux Euesques qui estoient de ce temps, & protesterent publiquement qu'ils recon- gnoissoient leur mes-fait : & se repentoyent de leur inconstance, assurant qu'ils les trouueroyent preits & appareillez de faire tout ce qu'on leur commanderoit pour reparer leur faulte. Les E- uesques qui estoient gens de bien & diuins, ensuyuans l'humanité & clemence de Dieu, ne fu- rent pas refusans de les receuoir : ains les embrasserent & inuiterent à faire penitence legitime & deuë de leur forfait : puis les ayans admis en l'Eglise, leur donnerent (:: avec le temps) estat &



& lieu entre les fideles Chrestiens, en faisant seulement prieres pour eux, & mettans quand & quand les mains sur iceux, comme d'anciēne coustume ceste façon de faire estoit obseruee en l'Eglise. Il est bien vray que Cyprian, Euesque de Cartage, fut le premier qui eut opinion qu'il seroit bon de changer telle coustume, estant d'aduis qu'on ne deuoit pas autrement purger ceux qui auroient failly en telle sorte, sinon avec le lauement: ny recevoir ou admettre en la communion de l'Eglise aucuns heretiques se recongnoissans & renonçans à quelque heresie que ce fust. Toutefois voylà comment les Euesques des Eglises se gouuernoient pour lors en tel affaire: de sorte que tous les iours ils receuoient amiablement & volontiers en public tous ceux qui se retournoient de leur erreur, & confessoient leur faulte.

*Cyprian disoit que ceux qui estoient en heresie, & se recongnoissoient deuoient estre rebaptizés.*

\* fut le premier qui eut opinion ) L'opinion de Cyprian pleut aussi à tous les Euesques d'Afrique, Numidie & Mauritanie: Mesme le bien-heureux saint Hilaire a quelque fois esté d'aduis qu'il ne failloit pas recevoir en l'Eglise les personnes baptizées par les Ariens, si les bons Chrestiens ne leur auoient de rechef donné le sacrement de Baptême: comme l'escriit apertement saint Hierome. L'Eglise contreuient aujour d'huy à telle ordonnance, & les constitutions Imperiales defendent expressément l'iteration du Baptême. Aussi ne seroit ce pas chose assez seure, d'ouurer tellement la fenestre touchant les saintes ceremonies, que de croire qu'un prestre meschant ne face rien en administrant les sacremens: comme les Donatistes estoient d'opinion. Toutefois encor de present au pays de Pologne, les Euesques & gens d'Eglise lauent de rechef aux saints fonds de Baptême ceux qui ont ià esté baptizés par les prestres Orientaux (come sont ceux de Moscouie, & de toute la Russie) mais ils adioustent ces mots, Si tu n'es baptizé. l'ay esté parrain & leué sur les fonds vn qui fut baptizé en ceste sorte.

*Discours du meschant Nouat, & de ses faits: & quelle a esté sa doctrine.*

*Chap. 111.*



V mesme temps y auoit à Rome vn prestre, nommé Nouat, lequel esleué en orgueil par vaine presomption & vanterie s'estoit mis en peine par tous moyens d'auoir en gouuernement l'Eglise Romaine. Mais quand il veid que ayant fait son deuoir d'esprouuer tous les moyens pour y paruenir, les efforts furent vains, tellement qu'ils n'eurent pas telle fin qu'il esperoit (cōme surprins d'orgueil, ambition & conuoitise de vaine gloire) il tomba en des-espoir: & finalement ne sçachant autre chose faire, il se separa de l'Eglise, & commença à faire des assemblees particulieres, & mettre en auant la semēce d'une nouuelle heresie, en laissant

*Nouat, & son heresie:*

la vraye religion. Et pour couurir son reuoltemēt & donner quelque couleur à telle separatiō, il disoit que les Euesques auoyent mal fait de recevoir en grace, par le moyen de penitence cōdigne, ceux qui auoyent fait sacrifice aux Dieux, durant la poursuyte qui se faisoit cōtre les bons Chrestiens sous l'Empereur Decie: de sorte qu'en bien peu de temps il amassa vne assemblee & conuenticle de plusieurs personnes seduites par le moyen de sa faulse doctrine, & se fit chef & capitaine de ceux qui se font appeller de ce nom Grec Cathares, c'est à dire, purs & entiers, pour cause qu'ils se vantoient estre nets de toutes ordures & vilenies. Or afin qu'il eust cest honneur de iouyr de la dignité Episcopale, que dès long temps il auoit tant aymee & desirée, il fit tant par le moyen de deux personnages de sa secte (qui estoient ià tombez du tout en des-espoir de leur salut) qu'il attira à soy trois Euesques peu congneuz & desquels la renommee n'estoit pas grande, & les fit venir à Rome de quelque contree d'Italie: hommes, à la verité, de mœurs simples & façons de faire assez rustiques, tellement qu'ils n'auoyent pas la grace de sçauoir dissimuler, comme peu idoines qu'ils estoient, à feindre ou faire quelque semblant. Et pour les induire à venir, il vsoit de telle couuerture avec apparence assez hōneste, qu'employāt leur credit, ils seroyēt mediateurs entre luy & les Euesques, & pacifieroyent les anciennes rancunes & inimitiez qui estoient entre eux. Ces Euesques ne se donnans garde aucunement de telle menēce, vindrent au mandement de Nouat: Mais quand ils furent enfermez au conclaue, quelques vns de sa sequele trouuerent moyen de les practiquer, tant par force que par toutes autres voyes, enyurans leurs esprits pesans & grossiers du vin de leur fard deceptif: tellement qu'ils les contraignirent de luy conferer la dignité Episcopale par vne imaginaire imposition de mains. Ce que (à la verité) ils firent contre leur gré, induits & forcez à ce faire par violence & necessité contrainte: Toutefois Nouat vsurpoit tel honneur, lequel il auoit practiqué & acquis tant meschamment, selon le iugement d'un chacun, & se donnoit peine de le defendre contre ses ennemys, cōme personnage qu'il estoit, dans lequel Sathan faisoit sa demeurance & abusoit du nom de Iesus-Christ, & de la foy en iceluy, du moins par pretexte ou couuerture de sainte religion. Car dès lors que les adieureurs ou exorcistes l'instruisoyent en la sainte foy, il tomba en griesue maladie: & n'ayant plus autre attente que la mort, il demanda

*Nouat est creé Euesque par fraude.*

*Nouat demoniaque.*

*Nouat malade est baptizé dans le lict.*

de l'eau, de laquelle se mouillant, ainsi qu'il estoit couché dans le lietz, <sup>a</sup> estima estre baptizé, si tel arrousement peut estre appelé du nom de baptême. Encor apres ne fut il pas reputé digne de recevoir les autres marques & enseignes de l'Eglise, ny qu'en son endroit les ceremonies fussent faites, desquelles ont coustume d'vser ceux qui sont lauez en telle sorte, suyuant les ordonnances & constitutions Ecclesiastiques: ny ne receut par apres aucun .: signacle de l'Euesque quand il eut recouuert sa santé. N'ayant donc reçu aucunement les marques mystiques requises en telle chose, comment se pourroit il faire qu'il ait reçu le saint Esprit? Or est il ainsi que du temps de la persecution il renonça à l'honneur & nom de prestre, par crainte que pis ne luy en aduinist: Car estant prié des Diacres ou ministres, de secourir les freres constituez en danger & ayans grand besoing d'ayde sur le point de tourmens qui leur estoient preparez (comme estoit le deuoir d'un prestre & homme d'Eglise, de suruenir en telle necessité aux affligés) tant s'en fault qu'il leur eut obey en cest endroit, que mesme il se retira par grand colere, & nia son estat, comme celuy qui ne vouloit plus estre prestre, mais suyure vn autre maniere de philosophie. Encor comit il vne chose aliene de raison à l'encontre de soy mesme. Car comme vne fois il faisoit la consecration du precieux corps de nostre Seigneur, en presentant les oblations, estant venu à la distribution de pain consacré, il en donna à chacun sa part: & en lieu de leur faire recevoir avec action de graces à Dieu (come ils deuoyent) il contraignit & força les pauvres miserables, ausquels il administroit ce sacremēt tant saint, de iurer & s'obliger par sermēt. Car empoignant & serrant l'une & l'autre main :: de ceux qui vouloyēt participer à telle communion, il ne les voulut point lascher, que premieremēt ils n'eussent presté le sermēt de le suyure & ne se plus arrester à Corneille, pour lors Pape de Rome. Les mots desquels il vsoit, estoient, Tui iures par le corps & sang de nostre Seigneur Iesus-Christ, que iamais tu ne me laisseras, ny ne partiras d'avecques moy, pour retourner à la suyte de Corneille. Les pauvres malheureux ne goustèrent point de ce qu'ils auoyent entre leurs mains, que par promesse solemnelle ils ne se fussent obligez à entretenir ce qu'il leur demanda: & au lieu de dire ce qu'ils deuoyent (qui est, Ainsi soit il: sçauoir est, en lieu de confesser & protester publiquement qu'ils se retourneroyent & mettroient du party de Corneille Pape) ils promirent de ne le suyure de leur vie. Or Maxime prestre, & Urbain (qui par deux diuerses fois avec liberte souveraine ont bataillé pour Iesus-Christ, & rapporté fruct tres grand de leur confession) furent les premiers qui decouurirent sa grand' malice: & avec eux Sidoine & Celerin, qui firent espreuue d'eux mesmes en plain champ de bataille, pour la defense du nom Chrestien. Ces quatre s'attachans les premiers à luy rapporterent victoire & triompherent de sa defaite. Quant à ceux qui par leur suffrage & consecration ordonnerent Nouat Euesque, il y en eut vn qui peu apres se retourna à l'Eglise: en laquelle bien est vray qu'il fut receu, estant son crime aboly au moyen de la penitence & ducil qu'il en fit: mais seulement luy fut ottroyé d'y auoir lieu comme personne laye, & sans autre dignité: & d'autres furent ordonnez en leurs Eueschez.

*En ce temps la s. Eucharistie estoit mise es mains mesmement des gens laïcs: ce qui a esté chagē du depuis en l'Eglise.*

*a* estima estre baptizé) Tels anciennement s'appelloient Cliniques, comme baptizé au lietz: car *κλινικ* en Grec, signifie un lietz.

*Comment Denys estoit d'aduiz que les hommes tombez en heresie, deuoyent estre receus en l'Eglise: & d'une sienne Epistre adresser à Nouat.*

## Chap. IIII.



Le tumulte fut grand quand ceste heresie vint à estre diuulgee & publiee de costé & d'autre: Pour à laquelle donner ordre, plusieurs gens de bien se mirent en peine d'abolir & reuēcher les fondemens de telle erreur, tant par escrits que par tous autres moyens. Je diray donc (sil vous plait m'escouter) ce que Denys d'Alexandrie a mis par escrit en vne sienne epistre.

*Les repentans admis à la communion du manger.*

Les saints martyrs de pardeça, qui maintenant sont assesseurs ou conseillers de Iesus-Christ, participans à son royaume, participas aussi au iugement, & ayans place avec luy dans son parquet, ont receu quelques freres Chrestiens en l'Eglise, qui au parauant estoient tombez par faulte de constance, & auoyēt encouru & soustenu le crime des sacrifices accoustumez d'estre faits aux idoles: & voyans leur conuersion ioincte avec suffisante repentance (estimans qu'elle seroit agreable à celuy qui ne desire pas ny ne veult la mort du pecheur) apres l'auoir bien espluchee & approuuee, les ont admis en l'Eglise, donné leur place à ceux qu'ils auoyent ainsi receus, communicans avec eux les prieres & le manger ensemble. Doncques, mes freres, quel conseil me donnez vous de tels personages se reconnoissans apres auoir failly? Que pensez vous estre bon de faire? Vou lons nous pas porter faueur à leur opinion & la signer de nos mains, nous monstrans benins &

& doux enuers ceux desquels ils ont eu pitié, en nous accordant à leur iugement, & faisant gracieux aux pauvres repentans, comme ils ont fait? Ou bien reprouuerons nous leur sentence, comme repugnante à iustice? Ferons nous enqueste sur ce qu'ils ont arresté par leur iugement? Serons nous cause de contrister leur benignité & clemence par nostre rigueur & seuerité? Retraiterons nous ce qui par eux a esté constitué & ordonné? Bref, voulons nous aigrir & irriter Dieu contre nous? Ce-cy est ce que Denys a couché par escrit, parlât de ceux qui par foiblesse de courage se laisserent tomber en erreur du temps des poursuites qui se faisoient contre les bons Chrestiens. Il est aussi plus que raisonnable de dire en ce lieu ce qu'il a pareillement escrit à Nouat, qui troubloit l'Eglise de Rome, au moyen de son heresie. Car quant pour pallier son fait, il chargeoit & reiettoit toute la cause du chisme & dissension sur aucuns freres Chrestiens, comme si par eux il eust esté contrainct & forcé de prendre ce conseil, & faire telle entreprinse :

„ voyez, ie vous prie, de quels propos il use en l'endroit d'iceluy. Denys salue le frere Nouat. Si c'est contre ton gré & par force (comme tu dis) que tu as prins telle deliberation, tu le declareras estre ainsi, te remettant au droit chemin de ta propre volonté sans aucune contraincte. Et à la verité, la louange & gloire du martyre n'est pas moindre, mais encor (à mon iugement) est plus grâde pour la defense de l'uniō & accord de l'Eglise, que de ne sacrifier pas aux idoles. Car quant est de ne faire sacrifice aux Dieux controuuez, celui qui patit pour ceste cause, ne baillie sinon pour vne seule ame, qui est sienne : mais en soustenant l'Eglise, le combat du martyre que lon entreprend est pour la iuste querelle del'assemblee vniuerselle des fideles. Parquoy si avec tes persuasions tu peuz induire, ou mesme contraindre les freres Chrestiens de retourner à concorde, le merite de telle recongnissance sera plus grand & excellent que n'a esté meschante la faulte de ta cheute : tellemēt que tel chastiment te sera reputé à souveraine louange, tant s'en fault que ta coulpe tourne à ton des-honneur, ny que iamais en soit parlé à ton des-avantage. Mais si tu n'as la puissance de leur commander & qu'ils ne tiennent conte de tes remonstrances, du moins, si possible est, salue toy, en gardant que ton amē ne perisse. Je desire & prie nostre Seigneur, qu'il te tienne en santé, pourueu que tu aymes & suiue la paix.

*des prieres, chacun en son lieu, mais non si tost receu à la perception de l'Eucharistie.*

*Denys Alexandrin rappelle amiablement Nouat, de son erreur à la droite voye, & l'invite fraternellement à se recongnistre.*

*Des Synodes ou Conciles assemblez à Rome. & en Afrique, qui condamnerent l'heresie de Nouat.*

*Chap. V.*



Nouat donc estant conduit au contraire de bien par arrogance de son esprit, preschoit en public, avec grande liberté sans aucune honte, & enseignoit que ceux qui estoient tombez en erreur & auoyent renoncé à la religion Chrestienne par faulte de courage, craignans les tourmens du temps des persecutions, ne pouuoient auoir de reste aucune esperance de salut, encor qu'ils eussent fait entierement toutes les choses requises à la conuersion legitime, vraye recognoissance de son mes-fait & entiere confession de tous pechez. Or auoit il attiré à soy & amassé vne grande multitude de gens, tellement que plusieurs des plus renommez personnages suyuoient son erreur : lesquels se faisoient appeller Cathares, qui est à dire, purs & entiers : tant estoit grande l'arrogance & presumption qui enflait leurs esprits. Le capitaine & Empereur qui conduisoit meschamment & avec toute vilenie, ceste compagnie diabolique, estoit Nouat. Quand les Prelats des Eglises, & en premier lieu Corneille Pape de Rome, & Cyprian, Eueque de Carthage (car il n'auoit pas encor receu la couronne du saint martyre) eurent veu telle calamité & peste de nostre Eglise, qui petit à petit alloit tousiours en accroissant, ils assemblerēt des conciles, & firent de tres-grandes assemblees, l'un à Rome, l'autre à Carthage. Au Synode de Rome soixante Euesques assisterent, & des prestres & diacres en nombre plus grand. Encor y eut il d'autres conciles celebres à part en plusieurs lieux & pais : au seul iugement desquels tous, fut arresté, que Nouat & les Euesques adherens à luy, d'auantage tous ceux qui approuuoient leur opinion par vn aduis inhumain & cruelle opinion, deuoient estre du tout banniz de l'Eglise : & que les freres Chrestiens tombez au paganisme par crainte des tourmens, seroyēt admis en icelle, & traitez humainemēt, pourueu qu'ils feussent les fructs dignes de penitence. Ce que monstrent assez euidentement les actes & decretz arrestez au Synode de Rome, & aux autres conciles assemblez au parauant, tant en Italie, qu'au pais d'Afrique, auquel Cyprian presidoit & estoit chef des choses sacrees, comme il a desia esté dit cy deuant. Les œures couchées par escrit en langue Latine par Corneille Pape de Rome, & par Cyprian aussi & par autres Euesques qui ont esté avec luy, nous en donnent ample congnoissance : & confirment pour vray chacun auoir pour lors esté d'opinion, & que lon suruint à ceux qui n'auoyēt pas eu fermeté ny constance en la persecution, en leur donnant secours & ayde à leur besoing, & que l'auteur de l'heresie avec ses suyans & complices, fust banny de l'Eglise par excommunication, comme il estoit bien raisonnable. Encor y a il vn autre escrit de Corneille, dans lequel sont exposez amplement les decretz de par toute l'assemblee du Concile. Il a pareillemēt escrit

*L'heresie de Nouat condamnée en plusieurs conciles provinciaux.*

*Nouatiens excommuniés.*

## LIVRE VI. DE L'HIST. ECCLESIASTIQUE

vne epistre à Fabian, Euesque d'Antioche, dans laquelle Nouat & ses beaux faits sont racontez bien au long. Oray ie retiré beaucoup de choses touchant les folies & detestatiōs de Nouat, lesquelles sont icy mises en nostre histoire.

<sup>a</sup> Cyprian ) Prudent doncques a bien escrit que Cyprian a souffert mort sous les Empereurs Valerian & Galien.

<sup>b</sup> Synode de Rome ) Eusebe, *liv. 6. chap. 33.* raconte cecy seulement du Concile Romain.

*Des Epistres de Denys, touchant la penitence : avec un nouveau discours d'un Serapion, qui estant sur le point de rendre l'esprit, receut le precieux corps de nostre Seigneur, avec repentance de ses pechez.*

Chap.    ¶ 1.

*Autres le nomment Fabian.*



*La communion de l'Eucharistie fut anciennement ostroyee mesme à ceux qui se mouroyent.*

Ar le diuin personnage Denys, escriuant à Fabie qui se laissoit aucunement aller à la secte de Nouat ( duquel Fabie, ou Fabian i'ay parlé presentement) met beaucoup de disputes en auant touchant la penitence: & racontant depuis le commencement iusques à la fin les combats des martyrs, comme ie les ay mesmes declarez, & amenant plusieurs bonnes choses, entres autres il fait vn conte digne d'admiration, lequel il m'a semblé bon de mettre en ce lieu par escrit. Ie te veux amener vn exemple (dit-il) qui est aduenu en ce pais. Il y auoit avec nous vn bon vieillart & fidele, nommé Serapion: lequel vesquit long temps sans crime, qui meritaist reprehension: toutefois aduenant la persecution, decheut & se laissa aller par vne crainte de tourment. En fin il recongneut sa faulte, & pria souuentefois par grande affection qu'on le receust en la communion de l'Eglise: mais il n'y auoit personne qui en fist conte, par ce qu'il festoit tant oublié, que de sacrifier aux idoles. Or fut il tant attenué de maladie, que la parole & le sentiment furent perduz en luy: & passa trois iours cōtinuels en cest estat, iusques à ce qu'ayant vn peu reprins de force, & se trouuant aucunement mieux au quatriesme iour, il fit appeller & venir à luy son neveu, fils de sa fille, & dist: Mon fils, mon amy, combien de temps est on deliberé de me tenir en cest estat, sans faire deuoir de bon Chrestien? Fay diligence, ie te prie, & m'amene soudain quelque prestre. Apres ces paroles, de rechef il se taist, comme s'il eust esté muet. Ce temps pendant, le garçon court en diligence au logis du prestre: lequel il trouua couché au liēt, biē malade, mesme qu'il estoit desia nuict. Le prestre dōcques ne pouuāt venir au mandement du vieillard, à cause de sa maladie & aussi de l'obscurité de la nuict ( par ce qu'il auoit commandement de moy, que l'absolution fust donnée à ceux qui estoient sur le point de mourir, s'il en estoit besoing, & mesmemēt si au parauant ils auoyent fait requeste de ce, afin qu'à leur trespas ils eussent meilleure esperance ) donna au garçon <sup>a</sup> quelque peu de la sainte Eucharistie, & luy ordonna de le couler & mettre dans la bouche du patient. Le garçon reuenoit & n'estoit encor gueres long quand Serapion se leuant & dressant de rechef en son liēt, luy dist auant qu'il entraist: Estu venu mon fils? Ie sçay bien que le prestre n'a peu venir à moy: mais fais legerement ce qui t'est commandé, puis me laisse. Le garçon incontinent luy mit en la bouche l'Eucharistie, laquelle peu à peu le patiēt print peine d'aualler, puis soudain rēdit son esprit. Cela donne il pas apertement à congnoistre que Serapion fut contregardé, & demeura en vie iusques à ce qu'il fut absoul de ses pechez, lesquels il confessa & esteignit par le moyē de beaucoup de bonnes œures qu'il mit en effect? Voylà ce que Denys escrit de Serapion. Il y a vne autre sienne epistre traitant de penitence, qu'il adressa aux Egyptiens: en laquelle il declare quel est son iugement touchant ceux qui sont decheuz de courage, poursuyuant leurs ordres & differēces. Encor en y a il vne autre, ayant pareil titre de penitēce, adressée à l'Euesque d'Heropolis, nommé Conon. Il en enuoya aussi vne à l'Eglise d'Alexandrie, en laquelle il vse d'aduertissemens & exhortations. D'auantage il enuoya vne autre epistre à Origenes, traitant du martyre: puis vne autre aux Laodiciens, qui auoyent pour leur Euesque, Thelymidris: encor vne autre parlant aussi de penitence, aux Armeniens: l'Eglise desquels estoit en la charge de Meruazanes. Plus il escriuit à Corneille, Pape de Rome, lors qu'il receut vne epistre de luy cōtre Nouat, & luy donne aduertissement qu'il fut prié par Helene, Euesque de Tarse, en Cilicie, par Firmiliā aussi euesque des Cappadoces, & par Theoctiste pareillemēt euesque des Palestins, de se trouuer au concile d'Antioche, auquel quelques vns se mettoyēt en peine de soustenir & confirmer l'heresie de Nouat. Encor fait il sçauoir que Fabie estoit decedé, au lieu duquel on auoit donné la charge de l'Eglise Anthiochene, à vn personnage nommé Demetrian. Quant est de l'Euesque Ierosololymitain, il luy en escrit ces mesmes mots: Ce bon Alexandre, homme digne de toute admiration est mort heureusemēt en prison. Outre, Denys adressa deux autres epistres

epistres aux Romains : l'une, traitant de la paix : l'autre, parlant de penitence. Encor en escriuit il vne autre à ceux qui s'arrestans encores à l'opinion de Nouat, auoyent fait confession de leur foy en la ville de Rome : & deux autres aussi, qu'il enuoya à eux-mesmes, quand ils se furent retournez à l'Eglise. Pareillement par les lettres, qu'il adressa à plusieurs autres, il fut cause à tous de grand profit & auancement en la religion Chrestienne.

*Escriits de Denis Alexandrin.*

quelque peu de la sainte Eucharistie] Cyrille, à l'uesque Calosyrie, dit ainsi : l'enten qu'ils disent, que la benediction mystique est inutile à sanctification, s'il y en demeure quelque reste iusques au lendemain mais ils radotent en disant cela : car on ne fait pas un autre Christ, & n'est son saint corps immué : mais la vertu de benediction & grace viuifiante demeure en luy perpetuellement.

*De la question meisme de ce temps, touchant le saint Baptisme : & comment Sabellie s'esleua deslors. CHAP. VII.*



Orneille estant decedé apres la troisieme annee de son Pontificat, Luce luy succeda : qui, n'ayant eu la charge de l'Eglise que sept mois, encor non entiers, eut Estienne pour successeur : auquel Denys escriuit la premiere epistre, traitant du baptisme. Car Cyprian l'Africain estoit le premier qui fut d'opinion qu'il estoit de besoing que ceux qui recognoissent leur erreur & heresie, deuoyent estre purgez par le baptisme, & receuz en l'Eglise. Estienne, au contraire, estoit d'aduis, qu'il ne failloit rien innouer en cest endroit, & qu'il suffisoit de suyure la coustume receue de toute ancienneté, qui estoit de faire seulement oraison à Dieu pour

*Cyprian estoit d'opinion, qu'il falloit de rechef baptiser ceux qui*

telles gens, & leur imposer les mains sur la teste. Parquoy Denys escriuit bien au long à Estienne (qui ne pouuoit endurer bonnement telle dissension, pour laquelle il portoit beaucoup de fascherie) & à la fin luy donne aduertissement, que toutes les Eglises ont paix & sont d'accord entre elles, par ce que la persecution est assopie, & les nouvelles opinions de Nouat reiettees.

*Estienne, Pape de Rome, luy resista.*

Son dire est tel : Je veux bien que vous sçachez, mon frere, que les Eglises Orientales, & celles de l'Occident, qui au parauant estoient en different, sont maintenant redigees en vnion & concorde : & que tous les Euesques d'icelles, de quelque part qu'ils soyent, se resiouissent grandement, de se veoir estre d'accord les vns avec les autres, auoir mesme volonté, & consentir ensemble, viuans en paix & amitié : ce qui est aduenue contre l'esperance & attente d'un chacun.

*Denys Alexadrin à Estienne Pape de Rome,*

Car en premier lieu ces Prelats s'accordent ensemble : sçauoir est, Demetrian, Euesque d'Antioche, Theoctiste de Cefaree, Mazabanes d'Elie, successeur de feu Alexandre, Marin de Tyr, Heliodore Laodicien (qui a esté surrogé & mis au lieu de Thelymidris) Helene de Tarse, toutes les Eglises du pays de Cilicie, Firmilian, & la Cappadoce entierement. J'ay icy mis les noms des plus apparens Euesques seulement, à fin que mon epistre ne soit trop prolixie, & que ie ne vous attedie & fasche par mon trop parler. Mesme toute la Syrie & Arabie sont pacifiees : aussi

*touchant l'accord & paix entre les Eglises.*

quelles vous fournissez tousiours quelque portion, & faictes part de vostre bonne doctrine : ioinct qu'encor leur escriuez vous aussi de present. Je vous assure que la Mesopotamie, avec les pays de Pont & Bithynie, bref (pour le faire court, & dire en vn mot) tous generalement en toutes parts demement ioye, donnans honneur & louange à Dieu, pour raison de telle concorde & charité fraternelle. Voila ce que Denys escrit au Pape Estienne : mais il adressa la seconde epistre, traitant du baptisme, au Pape Xyste, successeur d'iceluy Estienne, le iugement duquel, & des autres aussi, y est monstré assez clairement : car Estienne auoit escrit au parauant d'Helene, de Firmilian & de tous les peuples circonuoisins, disant qu'il ne vouloit auoir aucune communication avec eux, pour ceste seule cause, qu'ils baptisoient de rechef les heretiques.

*Denys à Xyste, Pape de Rome, touchant le baptisme des heretiques se reconnoissans, & laissant leurs heresies.*

Or considere (dit il) la grandeur de cest affaire. Car il est bien certain, que (comme j'ay entendu) plusieurs choses ont esté arrestees sur ce fait, és grâdes assemblees d'Euesques : sçauoir est, que les heretiques, qui ont repentance de leur erreur & se conuertissent à la vraie religion, premierement sont enseignez en la foy catholique par instruction salutaire, puis lauez aux fonds du saint baptisme, à fin de nettoyer les ordures de leur ancien leuain, vilain & meschant. Et peu apres il dit : J'ay mesmement respondu, premierement en peu de paroles : mais assez amplement pour ce coup, à nos bien-aymez prestres comme nous, Denys & Philemô, qui au parauant donnoient faueur & aide à Estienne, d'autant qu'ils m'en auoyent rescrit quelque chose. C'est ce que Denys a escrit en ce lieu, du baptisme. Mais quâd il parle de l'heresie de Sabellie, qui pour lors s'esleuoit, il en tiét ces propos : Quant à l'opinion qui a esté nouvellement mise en auant en la ville de Ptolemaïde, l'une des cinq citez, du tout contraire à la foy catholique (pour ce qu'elle contient beaucoup de blasphemies contre le Dieu tout puissant, pere de nostre Seigneur Iesus-Christ : & qu'en elle y a grande infidelité contre son vniue Fils, premier nay de toute creature, Verbe, ayant prins humanité : & osté l'intelligéce & sens au saint Esprit, comme de costé & d'autre lon m'eust apporté les decrets & arrests, & les freres Chrestiens feussent venuz à moy pour en disputer, j'en ay escrit quelque chose, selô que la capacité de mô peu d'espoir me l'a permis, avec l'aide venant de Dieu, & ay déclaré le tout bien au long & clerement.

*Denys de l'heresie de Sabellie.*

\* l'heresie de Sabellie] *Sabellie a nié que Iesus-Christ fust le fils de Dieu, & premier nay auant toute creature : & avec ce, disoit, que le saint Esprit n'a aucune cognoissance ny intelligence.*

*De la vision qui apparut à Denys.*

CHAP. VIII.

*Denys a lu aussi les liures des heretiques.*



*Denys est assés en cest endroit par une vision.*

N la troisieme epistre, parlant du baptesme, laquelle il escriuit à vn prestre Romain, nommé Philemon, il tient ces propos : Quant à moy, j'ay prins autrefois plaisir, & employé du tēps à lire les escrits & traditions des heretiques, souillant aucunemēt mon esprit de l'ordure tres-infecte de leurs opinions : mais en ce faisant, i'en prenois ce profit, que plus facilement ie les refutois & reiettois en moy-mesme, avec execration & detestation trop plus grande. Il est bien vray qu'un de mes freres prestres taschoit à m'empescher de les lire, craignant que ie ne feusse enuélé avec eux en la fange de meschancerie, & que mon ame ne se trouuast infectee par la contagion de leur erreur dommageable. Or comme i'estois d'opinion, qu'il disoit la verité, il me vint vne vision, s'apparoissant à moy deuinement, qui avec vne claire voix me confirma & donna quelque assurance. La voix fut intelligible, claire & aperte & manifeste, laquelle m'ordonna & dist ce qui s'ensuit : \* Fueillette & ly tous les liures qui te seront mis es mains : car tu peuz bien chercher, corriger, & regarder soigneusement toutes choses : mesme que cela a esté cause dès le commencement, que tu as embrassé la foy catholique & Chrestienne. Ceste vision s'est apparue à moy, qui se conforme au dire de l'Apostre, lequel dit à ceux qui sont plus fermes & assurez, soyez Changeurs esprouuez, cōgneuz, & bien estimez. Puis apres auoir tenu quelques propos des heresies en general, il dit ce qui s'ensuit.

\* Fueillette & ly] *Eusebe li. 7. chap. 6. Lise tout, & tene ce qui est bon. Il est utile de cōgnoistre les opinions des heretiques.*

*De l'erreur & seduction malheureuse & meschante des heretiques : puis de leur baptesme contraire à nostre façon de faire, & quelles epistres Denys en a escrit.*

CHAP. IX.

*De là est venu que insques à cy ceux qui recoignoissent leur heresie, confessent & declarer leur erreur publiquement en l'Eglise, en se desdisant, & cōme parrap-pel.*



*Denys reprouue le baptesme i-teré de ceux qui recoignoissent leur fautes & se desdisent.*

E tien ceste reigle & forme de nostre bien-heuré Pape Heraclas. Car si quelques-vns laissoient leurs opinions heretiques, & se conuertissoient apres auoir quitté le party de l'Eglise (où bien donné apparence de laisser nos façons de faire, avec lesquelles ils sembloient auoir hanté & communiqué avec nous) par ce qu'il les descouuroit estre de la suite de quelque nouveau maistre, enseignant choses estranges, & pour ceste cause estoient iertez hors de la communion de l'Eglise : bien qu'ils luy feissent requeste d'estre receuz, avec autant grande affection qu'autre pourroit faire : si est ce qu'il ne les vouloit point admettre en l'Eglise, si premiere-ment ils ne declaroyent en public deuant vn chacun tout ce qu'ils auoyent entendu des ennemis de nostre religion. Et apres auoir tout dit, alors il les menoit à l'Eglise : & estoit tel son iugement, qu'il ne leur falloir autre baptesme que celui qu'ils auoyent receu de luy au parauant leur erreur. Or apres auoir traité bien au long ceste question, il dit ainsi : j'ay appris aussi, que non seulement ceux d'Afrique ont maintenant mis en auant telle façon de faire faulxement & à tort, mais aussi que cela a esté ainsi arresté & ordonné par les Euesques, qui ont esté auant nous es Eglises plus renommées, mesme par les assemblees des freres fideles de la ville d'Iconie en Cappadoce, & de celle de Synade en Asie, pres de Carie : d'auantage de plusieurs autres aussi. Mais combien que ie ne vueille recevoir leur conseil, si est-ce que ie me passeray bien de les mettre en contention ou debat : Car (dit il) tu ne remueras point les bornes de ton prochain, lesquelles ont esté plantées & arrestées par tes deuanciers. Quant à la quatrieme epistre, traitant du baptesme, il l'escriuit à Denys le Romain, lors qu'il estoit encor en l'ordre de simple prestre. Ce Denys Romain a esté grād personnage & admirable, cōme lon peult colliger par les escrits de cestuy nostre Denys Alexandrin, lequel, en l'epistre qu'il enuoya à l'autre Denys, parle ainsi de Nouat : Nous portons haine veritablement à Nouat, pour des causes qui sont iustes & raisonnables : pour ce qu'il a outragé par paroles la sainte Eglise, attiré quelques freres Chrestiens à impieté & blasphemies, & mis en auant doctrines vilaines & meschantes, contre Dieu. Car cōme faux accusateur (tel qu'il est) il a ausé publiquemēt diffamer nostre Seigneur Iesua



» Iesus-Christ, qui est tant doux & benin, disant qu'il est sans pitié, & qu'il n'a miséricorde d'au- *Nomat die*  
 » cune personne. D'auantage, il abolit le saint baptême, & met à néant la foy & confession *Iesus Christ*  
 » Chrestienne: mesme qu'il chasse totalémēt le saint Esprit des cueurs des hommes, encor qu'il *estre sans*  
 » y peust rester quelque esperance, ou qu'il feist en eux sa demeure, ou qu'il retournast à eux. *pitié.*  
 » Mais en la cinquième epistre enuoyée à Xiste, Pape de Rome, ainsi qu'il escrit plusieurs choses  
 » contre les heretiques, il recite que telle chose luy est aduenue quand il dit: Or frere & amy,  
 » j'ay bon besoyn de conseil, & demande vostre opiniō & iugemēt puis que, ce que ie vous con-  
 » teray presentement, est icy aduenu: car ie crain de m'abuser moy mesme. Les freres Chrestiens *Un homme*  
 » estans amassez, quelque fidele (estimé tel dés long temps avant mon eslection, & mesme auant *Chrestien,*  
 » celle du bien-heureux Heracles, comme ie pense) vint à nostre assemblee: & voyant ceux que *mal bapti-*  
 » pour lors on baptisoit, & entendant les demandes & responses qui se font ordinairement en *Ze par les*  
 » telle chose, s'adressa à moy larmoyant, & plorant son defastre, & se getta à genoux deuant mes *heretiques*  
 » pieds: puis confessa qu'il auoit receu le baptême par les mains des heretiques, auquel il renō- *à leur mo-*  
 » çoit, disant qu'il n'estoit pas tel du tout, que celuy lequel il voyoit administrer, & qu'il n'y auoit *de, prie De-*  
 » rien de semblable: mesme qu'il l'asseuroit estre plein & farchy de blasphemés & outrages cōtre *nys, qu'il*  
 » la vraye foy. Et pour ceste occasion son ame estoit tellement attaincte de repentance & com- *soit rebapti-*  
 » punction, qu'il n'auoit leuer bonnement ses yeux à Dieu: & ce, pour cause de la vilenie & mes- *Ze: mais il*  
 » chanceté execrable des paroles & effects, avec lesquels il auoit esté initié & baptizé. Parquoy *n'obtiens*  
 » il prioit toute l'assistance, qu'il luy pleust luy faire tant de bien, que de le recevoir & admettre *pas ce qu'il*  
 » au laudemēt trespur de nostre baptême, requerant celuy luy estre ottroyé de grace. Il est vray, *demande.*  
 » que ie n'auay pas faire ce qu'il requeroit: mais ie luy di, que cela luy deuoit suffire, d'auoir eu  
 » avec nous si longne frequentation & communion: veu que, apres que nostre action de grace a  
 » esté exaucée, il a chanté quand & nous & respondu, Ainsi soit il: ioinct aussi, que assistant à la  
 » table, il a tendu les bras pour recevoir la sainte nourriture du diuin corps de nostre Seigneur *L'Euchari-*  
 » Iesus-Christ, l'a prins en ses mains, & par assez long temps a eu part à la precieuse Eucharistie. *stie se don-*  
 » Et pourtant il ne m'a pas semblé bon de reparer ny renouveler de rechef ce baptême, en le *nois en mai*  
 » recommençant sur luy. Toutesfois ie luy donnay courage, & ordonnay qu'il meist sa fiance en *le temps pas*  
 » Dieu, & qu'il se presentast, avec ferme foy & bonne conscience, à la communion des saints *se aux com-*  
 » misteres & perception du sacrement de l'autel: Mais pour chose que ie luy disse, il ne mit au- *muniens.*  
 » cune fin à ses pleurs, & ne vint point à la table, par crainte & frayeur qu'il auoit. Mesme qu'à  
 » grand peine luy peut on finalement mettre en teste, quelques belles remonstrances qu'on luy  
 » feist, de vouloir assister aux prieres & oraisons qui se font ordinairement en l'Eglise. Denys a  
 » encor escrit vne autre epistre au Pape Xiste, en laquelle il tient plusieurs propos touchant ceste  
 » question. Encor en a il enuoyé vne autre à Denys, aussi Pape de Rome, parlant de Lucian, & de  
 » ceste-mesme question. C'est assez parlé des epistres de Denys Alexandrin sur le fait du ba-  
 » ptême.

*De la persecution sous Valerian: & de ce que pour lors Denys Euesque  
d'Alexandrie, endura. CHAP. X.*



Yant succédé Valerian à Galle au gouuernement de l'Empire, il sem- *Licine Vale-*  
 bla de prime face estre doux, clement & benin, mesme qu'il monstroir *rian succes-*  
 bon visage & donnoit apparence de porter faueur & amitié meslee avec *sieur de Gal-*  
 douceur aux personnes aimans Dieu, car iamais n'y auoit eu Empereur *le Hostiliā,*  
 deuant luy, qui fust plus addonné à fauoriser aux Chrestiens, non pas *grand fau-*  
 mesmes ceux qui manifestement faisoient profession du Christianisme: *teur & son*  
 tant il se monstra paisible à son commencement, & humain a l'endroit de *stenant des*  
 nous. Aussi estoit toute la maison pleine de gens de nostre religion, ama- *Chrestiens,*  
 teurs de la puissance diuine: de sorte que la court ne sembloit estre autre *à son com-*  
 chose, sinon l'Eglise de Dieu. Or le prince & docteur de la secte des sages Egyptiens (qui n'en- *mencement.*  
 seignoit autre chose qu'abus, tromperies & enchantemens) luy mit en teste, non seulement de  
 chasser hors de sa maison, & enuoyer bien loing les personnes saintes: mais aussi de leur oster  
 la vie au trenchant de l'espee. La cause de telle menée estoit pour ce qu'ils leur faisoient nuisan-  
 ce, & resistoyēt à leurs arts & enchâteries. Car encor y auoit il des gens de bien, qui rabatoient  
 les coups des demōs pernicious, & esprits diaboliques, en empeschât qu'ils ne portassent dom-  
 mage: & ce seulemēt par auoir veu ou entēdu leurs meschantes actiōs. Vlant donc de l'aduis de  
 tels cōseillers, il poursuuyoit avec toute cruauté ceux qui cōfessoient Iesus Christ: de sorte qu'il  
 mit son esprit à faire des sacrifices les plus meschās qu'o sçauroit dire, offrāt aux dieux des victi-  
 mes humaines, mettāt à mort des ieunes hōmes miserables, sacrifiat cruellement les enfans mal-  
 heureux de peres & meres, constituez au plus haut de toute infelicité, coupāt en pieces les en-  
 traillies nouuellement mises au monde, & dechiquetāt en lopins fort menuz les creatures du seul  
 Dieu & Seigneur. Et en telles inhumanitez il estimoit trouuer le comble de tout son heur, & y

*Valerian* posoit le but de sa felicité, ayant opinion que cela estoit le seul & seur moyen d'estre heureux  
*grād enne-* au possible. Parquoy en ce faisant il fut fait non seulement ennemy mortel de l'Eglise Chre-  
*my & per-* stienne, mais encor se rendit-il indigne de la benignité & clemence diuine. Ainsi sous luy  
*secuteur des* fut commencee vne persecution merueilleuse, de sorte que si quelqu'un vouloit entreprendre  
*chrestiens.* de raconter par le menu ceux qui passerent par les picques & endurerent le martyre, il luy seroit  
beloing d'en faire vne histoire particuliere, qui traitast ceste seule matiere.

*Emilia gou-* Or Denis, duquel j'ay parlé, plaida sa cause en iugement, lors qu'Emilian, gouverneur, a-  
*uerneur d'E-* uoit la superintendence sur le pays d'Egypte, durant que le malheur de ceste persecution pre-  
*gypte.* noit de iour en iour accroissement: & avec luy Maxime le prestre, & deux diacres aussi, Fauste  
& Eusebe: puis avec Cheremon vn :: certain frere fidele, duquel le nom m'est incongneu. Aul-

*:: Cestuy e-* quels quand on eut fait commandement de sacrifier aux dieux controuuez, avec leur Euesque  
*stoir de la* ayant la maistrise sur les choses sacrees, ils refuserent premierement de ce faire, puis conseillè-  
*ville de Re-* rent publiquement qu'ils estoient Chrestiens, & qu'il ne leur estoit aucunement possible de  
*me.* craindre ny adorer autre, comme Dieu, sinon Iesus Christ: car c'est luy qui a créé le ciel &  
la terre: c'est luy qui donne aux Princes la puissance & commandement en ce bas monde,

*Denis &* par certains temps limitez. Ces choses & plusieurs autres estoient mises en auant par Denis  
*quelques* & ses compagnons, pour leur seruir de deffence: mais Emilian fut arresté en son opiniõ, de sor-  
*autres Chre-* te qu'il ne luy fut possible de luy faire changer d'aduis: tellement que quand il veid qu'il ne  
*sties disent* leur pouuoit rien mettre en teste de ce qu'il desiroit, sans aucun delay, il enuoya Denis  
*leurs raisõs* (bien qu'il fust malade) en exil es lieux solitaires de Lybie, où aucune personne ne han-  
*deuant ce* te, pour estre trop retirez & separez loing de la frequentation des hommes. Estant ainsi ban-  
*gouver-* ny, plusieurs gens de la ville d'Alexandrie l'allerent voir, & beaucoup de ceux d'Egypte: &  
*neur.* demeurèrent avec luy, apprenans la doctrine de la foy.

*Toute puis-* Depuis on le fit retirer en vn pays nommé Cephro, au lieu dit Colythie, où il endura bien plus  
*sance vient* grãde misere, & plus grieux trauaux que les premiers: Ce nonobstãt le bien-heureux Denis por-  
*de Dieu.* ta patiemment & avec bon courage toutes ces aduersitez. Aussi quelques vns des freres Chre-  
stiens, luy tenans perpetuelle compagnie, estoient cause de luy faire trouuer plus douce la  
rigueur & aspreté du lieu de son exil, & addoucissoient l'austerité de ses miseres, avec paro-  
les humaines, pleines de consolation.

*Denis est* Or si quelqu'un vouloit sçauoir plus exactement quelles pauuretez & afflictions Denis, & a-  
*par deux* uec luy vne infinité d'autres freres Chrestiens, durant telle persecution, ont esté contrains de  
*fois banny.* souffrir, il se pourra adresser à la lecture de ce qu'il escriuit pour lors à vn certain Euesque de  
son temps, nommé Germain, qui mesdisoit de luy, où il met tel commencement: le serois  
*Les freres* fol & hors du sens, si ie me voulois forcer & imposer telle necessité, de coucher par escrit le  
*cõpagnons* foing admirable & disposition merueilleuse de Dieu à l'endroit de moy: mais pour ce qu'il est  
*de Denis en* bon & honneste (comme dit l'escriture) de celer le secret d'un Roy, & digne de louange de  
*son bannis-* publier & mettre en euidence les œuvres singulieres de Dieu, ie veux commencer ma narra-  
*ssement.* tion entreprinse: & ce qui s'ensuit.

*Des martyrs de la ville de Cesarée au pays de Palestine.*

CHAP. XI.

*Martyre de*  
*Prisque,*  
*Malche &*  
*Alexandre.*



Vrant ceste persecution qui se faisoit par le commandement de l'Em-  
pereur Valerian, il y eut beaucoup d'autres martyrs lesquels franchi-  
rent le sault de la mort en tesmoignage de leur foy: mesme qu'en la vil-  
le de Neocesaree en la Palestine, trois personages soudenans coura-  
geusement avec grande louange la confession du nom de Iesus Christ,  
ioustèrent aux lices du seul Dieu, quand par sentence ils furent expo-  
sez aux bestes sauuages: leurs noms sont, Prisque, Malche & Ale-  
xandre. On dit que leur demeure estoit aux champs, & qu'ils s'accu-  
serent eux mesme, comme paresseux & lasches d'une chose la plus bel-


le & louable dont on sçauoit tenir propos: sçauoir est, que les loyers celestes & diuins leur  
estans proposez, ils ne tenoyent conte de les meriter ny percevoir, tant leur bestise & faute  
de sens estoit grande: par les loyers entendans la couronne de martyre. Parquoy quand ils eu-  
rent prins deliberation ensemble de recevoir la mort pour leur religion, soudain en grand haste  
se sont mis au chemin de Cesarée, où estans arriuez, vindrent deuant le iuge, & luy dirent ce  
qui estoit de besoing touchant la profession de la foy en Iesus Christ: à raison dequoy, incon-  
tinent on les ietta deuant les bestes cruelles, qui mirent heureuse fin à leur vie, ainsi qu'ils de-  
siroient. Dedans la mesme ville de Cesarée il y eut aussi vne femme (laquelle, comme l'on dit,  
auoit suiuy l'heresie de Marcion) qui passa le pas de la mort en mesme champ de bataille.

*De la*

*Martyre*  
*d'une fem-*  
*me qui a-*  
*uoit suiuy*  
*l'heresie de*  
*Marcion.*

*De la paix sous l'Empereur Galien, & des lettres patentes qu'il ottroya en faueur des Chrestiens: & quel cest Empereur a esté.*

C H A P. XII.



Alerian, se <sup>a</sup> gouuernant ainsi en son Empire tout au contraire de bien, ne continua pas longuement la persecution entreprise: Car <sup>b</sup> il fut prins par les Barbares, reduict en seruitude & fait esclau le reste de sa vie, de sorte que le gouuernement de <sup>c</sup> l'Empire fut mis es mains de son fils Galien: lequel soudain fit publier des edicts & ordonnâces (comme son naturel le rendoit enclin à toute humanité) par lesquelles la poursuite contre les Chrestiens fut defendue, & permission donnee aux prelatz d'Eglises & autres predicateurs de la parole Euangelique, de faire librement leur deuoir accoustumé concernant leur office ordinaire. Les let-

tres patentes, ottroyees par l'Empereur Galien, estoient de telle teneur: L'Empereur Cesar Publie Licinie Galien, Heureux, Debónaire, Auguste & magnifique: aux Euesques Denys, Pinne, & Demetrie, salut. Nous auons ordonné, affin que le deuoir & benignité de nostre liberalité fust estendue par toutes les contrees de la terre, que lon ait à vuidier de toutes les places, es- quelles on reure les choses diuines en toute deuotion. Nous entendons aussi qu'il vous soit loisible de vous seruir de la copie de nos lettres patentes collationnees à l'original, à ce qu'aucun ne soit si ausé de vous faire quelque fascherie ou ennuy pour cause de vostre religion: Car nous voulons que ce qui par nous vous a esté ottroyé & permis, y aia assez long temps, soit accompli & tienne lieu autant que faire se pourra. Et pour ce faire, Aurele Cyrene, nostre commis au gouuernement de l'ordre supreme & plus grands affaires, donnera estat que l'ordonnance de par moy publiee, soit entierement gardee & sortisse son plein effect. Encor dit on, qu'il fit aussi vn autre edict, & l'enuoya à d'autres Euesques: par lequel il donnoit permission aux Chrestiens, de se remettre es lieux de leurs cemetieres. Tel fut le bon Empereur Galien, duquel <sup>d</sup> Denys escrit ainsi: Des Empereurs, qui ont esté deuant luy, l'vn :: il delaisa & abandonna, :: l'autre il assaillit impetueusement de toutes ses forces: tellement que luy & tout son lignage y fut ruiné & perdu du tout. Or fut Galien déclaré & proclamé Empereur ancien & nouveau, de tous, par voix commune & suffrages de chacun. Car ayant esté auant les autres en la dignité Imperiale, encor y demeura il apres eux, suyuant ce qui fut dit au prophete Esaie, Voicy, ce qui a esté dès le comencement, vient: & est nouveau ce qui naist maintenât. Car tout ainsi qu'une nuee, se mettant deuant les rayons du Soleil, l'obscurcit pour vn peu de tēps au moyē de l'ombre mise viz à viz, & apparoit d'auantage que la lueur d'iceluy: puis la mesme nuee passant outre, ou seuanouissant, soudain le Soleil est veu resplendissant, comme s'il se venoit de leuer, ou comme estant leué au parauant que la nue: aussi Macrin s'empara par force & tyrannie de l'Empire, duquel Galien auoit receu le gouuernement. Bien est vray, que l'vn ne se void plus maintenant, comme celuy qui aussi n'estoit rien en cest endroit: l'autre est remis & arresté en son estat, comme il estoit au parauant qu'on le troublast, de sorte que son Empire est plus florissant & d'auantage en vigueur, comme s'il s'estoit despouillé de la vieillesse, & repurgé le vice qui luy infectoit & souilloit l'esprit. Et pour ceste cause on luy porte honneur par tout en plus loingtain pays, où lon oit parler de luy, & n'a le monde en la bouche autre propos plus familier ny frequent, que du bon prince Galien. Voyla ce que Denys en escrit.

*Lettres patentes de Galien en faueur des Chrestiens.*

*Cemetieres des Chrestiens.*

*Il entēd Macrin ou Macrian.*

*C'est Galien, duquel il parle.*

*Entend de Aureole.*

<sup>a</sup> gouuernant] *Valerian fut creé Empereur Auguste par les gens de guerre au pays de Rhetie: & son fils Galien, par le Senat, à Rome: & gouuernerent l'Empire par egale puissance.*

<sup>b</sup> il fut prins] *Valerian, vaincu par le Roy des Persans en Mesopotamie, puis soudain prins prisonnier, enueillit en seruitude sous les Parthes: Mesme que, tant qu'il y vesquit, le Roy de la prouince s'appuyoit constument sur son col, & faisoit soubas de luy, quand il vouloit monter à cheval. Eutrope. Tamerlan Scythie a fait le pareil de Baiazeth grand Turc.*

<sup>c</sup> l'empire fut mis] *Galien fut six ans Empereur avec Valerian son pere: & seul, commanda neuf ans durs. De ce temps, plusieurs ont esté creés Empereurs par sedition en diuerses prouinces: entre lesquels fut Macrin, lequel on mit à mort en l'Illyrique, avec son fils. Or Galien associa avec soy Odenat au gouuernement de l'Empire, duquel il le fit participant, comme compagnon.*

<sup>d</sup> denys escrit ainsi] *Macrian, voyant que Galien gouuernoit les affaires de la republique assez negligement, s'empara de l'Empire en Orient: Puis il eut bataille, sous le capitaine Domitian, au pays d'Illyrique, contre Aureole, qui auoit aussi usurpé l'empire, au preiudice de Galien. Mais Macrian & son fils aussi nommé Macrian, furent vaincus, tellement que toute l'armee se rendit à Aureole. Or le pere & le fils furent mis à mort, comme aussi son autre fils Quiete passa au fil de l'espee à la poursuite d'Odenat, au pays d'Orient où il estoit. Trebellie Pollion.*

Tijj

*Sparran en la ville d'Adrian recoit la dignité de la vigne pour l'estat de Centenier. Martyre de Marin, homme de guerre. Theotecne Euesque, en horte brauement Marin à souffrir martyre, sans user d'aucune harangue, luy présentant seulement le liure des Euangiles.*



En ce mesme temps, lors que la paix estoit par tout vniuerselle, vn certain personnage de la ville de Cefaree en Palestine, nommé Marin (homme fort renommé, tant à raison de ses richesses, que de sa noblesse & dignité) passa au fil de l'espee, & fut decapité pour la defense de Iesus-Christ: L'occasion de sa mort fut telle. L'ordre de la discipline militaire l'appelloit à plus grand honneur, & à plus hault degré de dignité, selon qu'estoit la coustume des Romains. Cest honneur ou degré, estoit appelle du nom de la vigne: & quiconque la pouuoit auoir, estoit fait Centenier, ayant cent hommes sous sa charge. Or estoit il sur le point de receuoir tel honneur, quand .i. vn autre, enuieux de son bien, se presenta au parquet du iuge, affermant par son accusatiō qu'il n'appartenoit pas d'esleuer à aucune dignité de l'Empire Romain vn homme Chrestien, & qui refuse de faire sacrifice aux Empereurs: pourtant l'accusateur poursuyuoit à ces fins, que tel estat luy estoit mieux deu qu'à Marin. Achee, le iuge, ne fut pas content de Marin: le quel il interrogea, si telle estoit sa deliberation de perseuerer tousiours en ce propos. Quand il veid sa ferme affection & constance de courage enuers Iesus-Christ, il luy accorda seulement trois heures d'aduis pour deliberer sur ce fait hors de iugement. Comme il sortoit de l'auditoire, Theotecne Euesque de la ville le prend par la main, & le menea l'Eglise, luy tenant tels propos que besoing estoit & selon que l'affaire le requeroit. Puis le fit entrer au lieu plus sacré du temple, & luy ouurant les pans de son saye, luy monstre l'espee qu'il auoit au costé, & luy presenté tout ensemble le liure sacré de l'Euangile: laissant à sa discretion le choix de l'un ou de l'autre, qui plus luy viendrait à gré. Or estendit il soudain la main d'extre pour empoigner le liure, qui fut cause que l'Euesque le mit en auant, comme martyr armé du corselet de prieres & oraisons: luy faisant remontrance qu'il eust à l'arrester plus tost à Dieu, pour obeir à ses commandemens, que non pas aux hommes: Car il l'asseuroit que facilement il auroit de luy tout confort & aide, tellement que par ce moyen il pourroit acquerir ce que plus il desiroit en ce monde. Luy ayāt donné tels aduertissemens, il le laisse aller en paix. Quand le tēps, qui luy auoit esté donné pour prendre aduis, fut expiré, & que le sergent luy eut baillé assignation pour se trouuer au consistoire, il ne feir pas faure d'y assister, ains monstra en foy plus grande allegresse & courage à soustenir la foy en Iesus-Christ: qui fut cause que soudainement on le mena au suplice, où la teste luy fut ostee de dessus les espaules.

*D'Asterie, histoire admirable & surpassant toute foy. CHAP. XIII.*

*Asterie, Sénateur Romain, ensevelit magnifiquement le corps de Marin.*



Asterie, Sénateur ou Conseiller Romain, assista à la mort de ce bien-heureux martyr, homme aymant Dieu sur toutes choses, venu de grande maison, fort opulent en biens, & duquel les Empereurs faisoient grand conte: de sorte qu'il estoit congneu d'un chacun, tant à raison de sa noblesse que pour cause de ses biens. Cest homme de bien ayant fait apporter des habillemens sumptueux & riches, enueloppa dans iceux le saint corps de Marin, & le chargeant sur ses espaules, le porta en lieu où il l'honora de magnifique sepulture. Ce saint personnage Asterie (duquel ie parle maintenant) a bien fait plusieurs autres choses dignes de memoire: entre lesquelles il me semble que cene sera hors de propos de discourir en ceste histoire & reciter ce qu'il fit en la ville de Cefaree de Philippe, que les Pheniciens appellent paneas. L'on dit qu'assez prez de la ville y a vne montaigne qu'on appelle ranie, au pied de laquelle s'ouuert des fontaines abondantes & copieuses: mesme que l'on tient que là est la source du fleuve de Iordan. Or est-il que les habitans du pays auoyent coustume de s'assembler à vn certain iour de feste fort sollempnelle entre eux, pres de ceste eau, & iettoient dans icelle vn sacrifice en l'honneur d'un certain esprit diabolique ou dæmon. Et par ce que la beste sacrifiée soudain estoit perdue de veüe, & n'apparoissoit onc puis apres à aucun de la compagnie (ce qui se faisoit par la puissance & force de l'esprit auquel estoit fait le sacrifice) il n'y auoit homme, oyant raconter ce fait, qui ne le tint à grand miracle: mesme que par tout on en tenoit propos. Aduint qu'Asterie s'y trouua quelque fois, & veit tout semblablement ce qui se faisoit, mesme qu'il apperceut que les hommes se trouuoient grandement estonnez & espouuantez de telle chose. Parquoy ayant premierement pitié de l'erreur ou ceste populace estoit enueloppee, il esleua ses mains au ciel & inuoca le Dieu de toutes choses, le suppliant tant de vouloir chasser l'esprit diabolique, nageant par ces eaux pour seduire les personnes, que de deliurer ces pauvres miserables & abulez de l'erreur où ils estoient tombez par la fraude & tromperie du dæmon. Ayāt fait telle priere, soudain vous eussiez veu la beste sacrifiée nager entre deux eaux, & sortir hors. Par ce moyen, & ce gentil miracle & l'opinion merueilleuse des hommes touchant ce fait, furent en vn instant abolis & mis à neant, de sorte que iamais depuis telle chose n'aduint en ce lieu, dont on ait ouy parler.

*Asterie empesche & abolit vn miracle espouuanteable qui se faisoit par un mauuais esprit, pres la ville de Cefaree.*

*De la*

*De la statue & image de nostre Seigneur Iesus-Christ, dressée en la ville de Paneas : & de l'herbe qui creut pres de ladite image.*

C H A P. X V.



R puis que ie suis venu sur le propos de la ville de Paneas, i'ay opinion qu'il ne faut pas oublier à raconter vne autre certaine histoire qui merite bien & est digne que chacun l'ait en la bouche : Car le brui& est que de ceste ville estoit la femme qui ayant le flux de sang, rauist (quasi comme par force) sa guarison, par l'attouchement du bord ou frange de la robbe de Iesus-Christ, comme l'escriure diuine des saintes Euangiles le tesmoigne suffisamment. Encor voyoit-on la maison magnifique & belle de ceste femme en ladite ville : avec laquelle maison estoit iusques alors, & encores depuis demeurée vne enseigne pour souuenance & memoire du

*La femme  
ay& le flux  
de sang, m&-  
tionnee en  
l'Eu&gile,  
estoit de Ce  
saree ou Pa-  
neas.*

*Matt. 19. c*

*Marc 5. c*

*Luc 8. f*

bi& que nostre Seigneur luy auoit fait, en la rend& saine & garie. • Deu& la porte de sa maison y auoit sur vne col&ne deux statues d'airain, dress&es fort haut : l'une desquelles est& sur ses genoux & haul&ant les mains, portoit apparence de femme & sembloit faire quelque requeste : l'autre, pos&e viz à viz, auoit le maintien d'un homme est&nt dress& debout, vestu de robbe longue avec b&ne grauit&, & sembloit presenter la main à ceste femme qui estoit à genoux. Au pied de la col&ne & soubassement de ceste statue, croist vne herbe, laquelle depuis qu'elle a attain& la frange de l'habillement d'Airain, ne monte iamais plus haut. Et dit on que quand elle a touch& ceste fr&ge, sa vertu est telle, qu'elle donne remede contre toutes sortes de maladies, comme si ladite frange estoit s&ct&e & sainte, qui luy d&ne ceste puissance. Or est vraye & certaine l'histoire venue iusques à nous, qui dit que ceste image de bronze (dont ie parle) fut iett&e en moule & fondue & elleuee à la semblance & forme de Iesus-Christ, par la femme qui (selon qu'on trouue en l'Euangile) estoit tourment&e du flux de sang, depuis douze ann&es. Et a dur& ceste image iusques au temps de l'Empereur Iulian. Vous voyez comme ceste femme nous donne à congnoistre que lon ne se doit pas esmerveiller si ceux qui autrefois ont receu quel que bien de nostre Sauueur Iesus-Christ, laissent quel que souuenance de leur cueur non attain& d'ingratitude, par le moyen de pareilles enseignes de recongnoissance.

• Deuant la porte] Statue de Iesus dress&e pour enseigne & souuenance, par vne femme de la ville de Cesaree, à la porte de son logis. Soub& ceste statue croist l'herbe nommee Alexipharmaque. Eusebe, liure septiesme, chapitre quator&iesme.

*De la figure & forme des saints Apostres, & du throne ou siege de Iacques, fr&re de nostre Seigneur.*

C H A P. X V I.



Nous auons aussi congnoissance que les images des saints Apostres Pierre & Paul, mesme de Iesus-Christ, & de sa Vierge-mere (laquelle l'a eng&dr& par vne merueilleuse fa&çon surpass&ant la port&e du naturel humain) peintes de viues couleurs, ont est& gard&es en grand nombre iusques à ce iourd'huy. Mesmement que le disciple & Euangeliste saint Luc, fut le premier qui entreprit telle besongne, & y mit tel soing qu'il les rendit peint&e de ses mains. Puis quelques autres personnages d'entre les anciens ont fait le pareil, gard&ans telles effigies grauees, elleuees, ou peintes, comme pour représenter à leurs yeux leur protecteurs & guides, ainsi que rai-

*Usage des  
images sa-  
ct&es.  
S Luc peint  
le premier  
des images.*

son le requiert. Ce qui est escrit auoir est& par eux fait, sans aucune obseruation necessaire, & quasi sans qu'il s'en donnassent garde, comme de ceux qui (à l'auenture) estoient conduits par vne fa&çon de faire des Ethniques, & s'estoyent vs&g&ez à garder telle coustume, sans y estre aucunement contrain&ts : laquelle receue de l'Eglise, a prins accroissement de plus en plus par la prouidence de Dieu, qui auoit le soing & dispo&oit de cest affaire : car non seulement les effigies & statuts, ains aussi les vestemens, bast&ns, li&ts & autres reliques de saints personnages sont gard&ez en icelles autant soigneusement qu'il est possible, pour r'affreschir aux hommes la souuenance d'eux, de sorte que l'oubliance ne les puisse iamais effacer de leur memoire. Comme aussi nous scauons bien que le throne ou siege de Iacques (lequel, &s saintes escritures est appell& fr&re de nostre Seigneur, & a est& cre& premier Euesque de Ierusalem par Iesus-Christ mesme & par les Apostres) a est& gard&é par un vn long temps. Car ses successeurs l'ont eu en grande reuerence, donn&ans assez cl&rement à congnoistre, avec quel deuoir, affection & volont&, ils portoy&ent honneur aux saints personnages : comme aussi cela est venu iusques à nous, qui aussi gardons plusieurs choses de mesme marque, pour nous seruir de souuenance. Mais c'est assez parl&e de tel affaire.

*Usage des  
enseignes de  
souuenance,  
reduis&es en  
memoire les  
saints tref-  
pass&.*

Gregoire  
Euesque de  
Neocesaree,  
Mirifique.

·: θαυμαστός  
·: γος, Faiseur  
de miracles.

Faits mira-  
culeux de  
Gregoire.



V temps del'Empereur Galien, vn saint personnage nommé Gregoire auoit le gouuernement des Eglises de Pont, avec son frere Athenodore. Ce Gregoire fut homme florissant tant en doctrine qu'en miracles, auquel l'Euesché de la ville de Neocesaree (c'est à dire, la nouuelle Césaree) estoit aduenü : & auoit acquis le surnom de :: Mirifique, ou Merueilleux, à raison de la grâde puissance & vertu qui se voyoit en luy, qu'à faire miracles. Or fut il engendré d'un pere Grec : & estant en aage competant, il s'addonna à comprendre les enseignemens de la foy, en laquelle il proufita grandement : mesme estudiant ioubs Origenes en la ville

d'Alexâdrie, il acquit la parfaite congnoissance des lettres tant saintes que prophanes. Adhînt en ladite ville qu'une paillardie venant à luy pour le calomnier, se sentit incontînet surprinsé & possedee du diable, laquelle incontînet que Gregoire se mit en oraison en faueur d'elle, receut entiere guarison, & fut soudain deliuree d'iceluy esprit diabolique. Quelque temps apres, Phedime Euesque d'Amase, imposa les mains sur sa teste, & le crea Euesque. Et lors qu'il estoit en telle dignité, on le mena en vn certain lieu, où vn <sup>a</sup> rocher fort gros, quasi comme vne montagne, donnoit empeschement, lequel se remua de sa place premiere & fut miraculeusement transporté en vn autre lieu, à la seule oraison que fit Gregoire à Dieu. D'auantage, vn prestre profane, gardien du temple d'Apollon, fut par luy conuertý à la foy Chrestienne, pour auoir chassé du temple l'esprit diabolique du faux Dieu qui rendoit responce, & pour l'auoir r'appellé & rendu sa puissance premiere. Plus, par ses prieres il rendit sec & aride vn estang, pour lequel deux freres auoyent grande question ensemble, & se faisoient la guerre l'un à l'autre. Encor appaisa il & reprima les eaux pernicieuses de la riuierie nommee Lyce, ayant planté son baston dedans, lequel iusques à cy a prins tel accroissement, qu'il est deuenü grand arbre, lequel ceux qui passent par là voyent encor de present. En outre, voyant vn Iuis qui contrefaisoit le mort, il le rendit à la verité tel, que iamais depuis n'a eu vie. Aduint aussi quelque fois, qu'aucuns le poursuioyent en intention de luy faire de la fâcherie : mais il se transforma en arbre, & demeura ainsi ententif à prieres, tellement qu'il n'y eut aucun qui s'en apperceust. Par ses oraisons aussi il moyenna la pestilence aux infideles, & deliura de mort vne certaine femme qui s'estoit conuertie à la foy.

·: Autres miracles de S. Gregoire sous le grand Empereur Constantin, sont recitez cy receu la foy auant luy, estoit petit, quand il mourut il ne laissa gueres plus de personnes perseverantes en leur infidelité. Voylà ce peu qu'il m'a semblé bon de uoir estre dit en bref, & comme 8. chap. 15. par abbrege, du miraculeux saint Gregoire.

<sup>a</sup> rocher fort gros] Eusebe, liure septiesme, chapitre vingt-cinquiesme, dit, qu'on estoit sur le point de bastir vne Eglise en vn certain lieu estroit, & que d'un costé y auoit vne roche, d'autre part la riuierie qui empeschoyent que la place ne fust assez spacieuse : Lors voyant Gregoire, il passa la nuit en oraisons, & fut trouué au lendemain que le rocher se estoit retiré autant loing que besoin faisoit pour edifier l'Eglise.

<sup>b</sup> & ce qui concerne la diuinité] Ceste Theologie est en Eusebe, liure septiesme, chapitre vingt-cinquiesme, sous ce titre: La foy de Gregoire martyr & Euesque de Neocesaree.

Des Epistres solempnelles de Denys Alexandrin.

CHAP. XVIII.

Epistres de  
S. Denys  
touchant la  
feste de  
Pasque.

·: On bien, apres l'equinoxe du printemps.



Vant est de Denys Alexandrin, les Eglises n'estas encor remises en paix par l'Empereur Galien, outre les Epistres escrites par luy sur le fait de la penitence & du baptesme, encor en composa il d'autres belles & bonnes touchant la feste de Pasque. Desquelles il adressa l'une à Flavian, vne autre à Didyme & Domitie, en laquelle il approuue & soustient l'ordonnance arrestee huit ans au parauant, & l'expose, disant que la sollénité de Pasque ne doit point estre celebree en autre tēps qu'en :: l'Equinoxe de la primeuere, lors que les nuits sont semblables aux iours qu'à au nôbre d'heures. Encor en a il escrit vne aux prestres de la ville d'Alexandrie, & autres diuerses à d'autres personages. Or quand l'Eglise fut remise en paix, il retourna de son bannissement en Alexandrie, où estant



où estant esmeue sedition ciuile, par ce qu'il ne pouuoit iouir de son Euesché, d'autant que les freres Chrestiens estoient enclins à l'une & l'autre partie de la factiō, il parla par lettres à eux, lesquelles il leur enuoya de la ville mesme d'Alexandrie, cōme si encor il eust esté en exil. Aussi escriuit il à vn Euesque d'Egypte nommé Hieraces, des lettres solēnelles de la feste de Pasque, esquelles tenant propos de la sedition meue en Alexandrie, il dit ce qui s'ensuiuit.

*De la sedition esleuee par le peuple d'Alexandrie.*

*CHAP. XLX.*



« Pourquoy m'esmerueilleraie (dit-il) de ce qu'il est mal-aysé de cōmuhiquer par lettres avec ceux qui sont distans de nous par vn long interualle de lieux: veu que ie suis en doute commēt ie parleray en moy-mesme, & par quel moyē ie me donneray garde de ma vie & de mon ame? Car encor que les freres fideles, qui sont mes entrailles, soyent viuans avec moy de compagnie, ayās mesme courage, mesme entreprinse de vie, & mesme alliance en l'Eglise, si est-ce que pour parler à eux, il se faut ayder du moyē que les absens ont pour communiquer avec ceux auxquels ils ne peuuent tenir propos en personne: c'est à dire de lettres & Epistres: & m'est difficile & quasi impossible des les pouuoir faire porter ou tenir seurement sans estre descouuert: mesme qu'il seroit bien plus facile passer non seulement en vn loingtain pais, nommé pour y viure en bannissement, mais plustost de l'Orient en Occident, que non pas aller en Alexandrie depuis vn bout iusques à l'autre, estant mesme d'Alexandrie. Aussi est beaucoup plus dangereux & moins seur le passage des rues de nostre ville, que ne furent onc les deserts solitaires & inaccessibles à faute de chemin, par lesquels les enfans d'Israel ont passé par le tēps de deux aages ou generations, & nos ports autrefois paisibles (comme lieu de repos qu'ils estoient) sont faits plus tempestueux & pleins de tourmente que n'a iamais esté la Mer rouge (qui se rendit ouuerte, & s'arresta en forme de parois de costé & d'autre, pour donner chemin large à ceux que Dieu le createur guidoit sous la conduite de Moyse) lors qu'elle engloutit & noya les Egyptiens, qui la pensoient trouuer autant douce & facile à passer, qu'elle s'estoit monstree à l'endroit de ceux contre lesquels ils faisoient poursuite. De sorte que bien souuent aduient que nos hautes ressemblent à vne Mer rouge pour le sang qui y est espandu par vne infinité de meurtres & carnages qui s'y font iournellement. Mesme que la riuere du Nil, qui passe par la ville s'est veu beau coup plus seiche & aride que n'estoyent les deserts solitaires ayās faulte d'eau, par lesquels passant le peuple d'Israel fut tellement tourmenté de soif, que (pour luy suruenir) celuy Dieu, qui seul fait les choses admirables, fit sourdre de l'eau d'un rocher hault & tref-dur, à la seule priere & clameur de Moyse. Quelque fois l'eau a esté si grande, que se desbordant elle couuroit tout le pais à l'enuiron, tellement que les chemins & terres voisines n'apparoissoient non plus que par le Deluge: & sembloit menacer pareille inondation que celle qui aduint du temps de Noé. Bref, depuis ceste sedition, tousiours la riuere a esté infectee & contaminee de sang humain, à l'occasiō des meurtres que lon y a faits, & par les suffocations des bourgeois qui y ont esté noyez: de sorte que lon pouuoit le comparer au fleue, que Moyse fit conuertir en sang & auoir goust de sang, en la presence de Pharaon Roy d'Egypte. Or ie vous demande, quelle eau pourra lon trouuer, qui rende saine la riuere laquelle purge toutes choses? Comment sera il possible que le grand Ocean, inaccessible aux hommes, bien qu'il soit mellé parmy, corrige l'amertume & oste l'infection de ce fleue? Ou si ceste grande riuere, venant d'Edem, & coulant par quatre royaumes, auxquels elle est assignee, passoit par la terre seule de Geon, comment pourroit elle lauer & nettoier l'ordure venant du sang purifié? Bref, comment sera il possible que l'air infecté & pollué de toutes parts à cause des vilaines exhalations de tant de meurtres, soit purgé & rendu sain? De la terre sortent tant de vapeurs, sur la mer y a telle tempeste & tourmente, des riuieres viennent si grans vents, des ports procedent broüillars tāt espais, que vous diriez le tout baigner en sang, voyant que les corps morts decoulent & viennent en pourriture, quelque element qui les soustienne. Qui s'esbaira donc ou doutera d'où prouiennent tant de pestilences continuelles, qui sont cause de tant de griefues maladies, d'où procedēt tāt de calamitez de toutes sortes, ny quel le est l'occasion de tant de tueries & meurtres diuers des personnes? Qui fait que ceste cité tant grande n'a pas maintenant autant d'habitans (encor qu'on les denombre depuis les petits enfans iusques aux personnes plus aagees & vieilles) qu'il y auoit au paruant seulement de vieillars en leur premiere vieillesse gaillars & dispos? Encor auons nous veu si grande multitude d'hommes & femmes en l'aage de quarante iusques à soixante & dix ans, que si on conferoit avec eux pour le iourd'huy les enfans de quatorze ans, & les autres qui consecutiuelement suyuent iusques à quatre vingts ans, pour perceuoir les viures de l'annee distribuez aux fraiz de la ville, encor le nombre ne seroit pas tel ny si grand. Et mesme ceux qui n'ont quasi point d'aage, ressemblent de face & de visage à ceux qui iadis estoient fort vieils, & auoyent desia vn pied en la fosse. Et combien qu'ils voyent le genre humain venir tousiours à diminution, & se

*Epistres touchant le Pasque, enuoyee par Denys à Hieraces Euesque Egyptien, parlant des calamitez.*

*Tueries en la ville & ports d'Alexandrie. Le Nil seiche. Le Nil desbordé cōme par deluge. Le Nil sanglant.*

*Pour mieux entendre cecy lisez Eusebe, ecl. hist. li. 7. ch. 16.*

*Pestilences.*

*Petit nombre d'habitans Alexandrie.*

consommer sur terre, si ne monstrent ils aucun indice de frayeur, ny ne s'espouventent aucunement de veoir la tuerie, qui tous les iours s'augmente par vn continuel carnage.

*De la pestilence merueilleusement cruelle qui estoit en la ville d'Alexandrie.*

C H A P. X X.

euſebe li. 7.  
chap. 17. con-  
te fort bie  
ceſte hiſtoi-  
re.



Après la sedition, c'estoit pitié des pauvretez qui aduindrent en Alexandrie, au moyen de la peste qui s'y mit. Durant laquelle, approchant la solennité de Pasque, Denys parla par escrit aux freres Chrestiens, & raconta bien amplement les miseres de telle maladie contagieuse, disant ce qui s'en suit: A l'auenture que quelques hommes n'auront pas opinion qu'il soit bon de celebger le saint iour de la solennité Paschale, veu le temps ou nous sommes de present, & considéré comme les affaires se portent. Et telles gens qui sont desgoustez de nostre religion n'estiment point ny ceste saison, ny le temps present quel qu'il soit: ie ne dy point triste ny plein de dueil, mais si ioyeux qu'il pourroit estre propre & idoine pour celebrer les mysteres des Chrestiens. Il est bien vray que maintenant tout est en pleur, chacun se contrist: on n'oyt resonner autre chose par la ville, sinon crieries & lamentations: & ce à raison de la grande multitude des morts, & de ceux qui meurent tous les iours. Cela me reduit en memoire le carnage fait sur les premiers naiz d'Egypte, par l'Ange exterminateur: Car tout ainsi qu'il y auoit grand' peine & crierie, d'autant qu'il ne se voyoit maison en laquelle on ne trouuaſt quelque personne morte, ainsi en est il maintenant de la ville d'Alexandrie, car il n'y a demurance ou la peste n'ait fait quelque massacre. Toutesfois pleust à Dieu qu'il n'en allast pas de la sorte, car les maux precedens nous deuoyent suffire, puis que desia auions enduré plusieurs griefues calamitez au precedent. Ce nonobstant combien que nous fuſſions pour lors seuls qui estions affligez & mis à mort, si est-ce toutesfois qu'à l'instant des plus grandes persecutions à l'encontre de nous, encor celebrions nous les iours de festes: & tout lieu (quel qu'il fust) où se cōmettoient les meurtres & tyrannies, nous donnoit encor la commodité de pouuoir faire des assemblees: soit que feussions aux champs, és deserts solitaires, sur mer, en hostelleries publiques, ou mesme detenuz captifs en prison. Et n'y a eu personne qui plus ioyeusement ait solennisé la feste de Pasque, que les parfaits martyrs qui banquettent maintenāt au Royaume des cieux. Après toutes ces aduersitez, la guerre & la pestilence sont venues à vn flot nous assaillir: & nous ont osté ces pauvretez communes avec les Gentils, qui en ont enduré leur part aussi bien que nous. Il est vray que seuls nous auons porté des pertes & afflictions lesquelles on nous a fait patir: mais les calamitez aduenues à raison du tumulte, ou qu'eux. mesmes ont moyenné les vns aux autres en quelque façon que ce soit, ont esté par nous souffertes, & par eux aussi ensemblément. Durant lesquelles aduersitez, nostre Seigneur Iesus-Christ de rechef nous a resiouys de sa paix, laquelle il a communiee & donnee à nous seulement. Or quand le moyen est venu & à nous & à eux de pouuoir vn peu respirer & prédre aleine, ceste maladie contagieuse s'est emparée de la ville, & nous donne vn continuel assaut: chose plus horrible aux infideles qu'autre crainte qui les scauroit surprendre, & plus remplie de calamité dommageable qu'autre accident dangereux qui leur pourroit arriuer. Aussi est-ce la perte de ce monde la plus grande (comme quelqu'un de leurs historiens a dit) qui puisse aduenir, & surpassant l'opinion & attente de tous hommes quāt à leur endroit: mais elle ne nous est pas si fascheuse comme à eux, veu que cela nous sert d'exercice & espreuue, aussi bien que les pauvretez qui sont desia passees. Ceste peste ne nous a pas espargnez, toutesfois elle s'est monstree beaucoup plus affectée à l'encontre des Gentils, qu'à l'endroit des bons Chrestiens.

Puis encor dit-il par apres: Plusieurs de nos freres, pour la grand' amour & charité fraternelle qu'ils portoyent les vns aux autres, sans auoir peur de leur peau, visitoient les malades pestiferez, ne craignans rien, comme si l'un dependoit de la volonté de l'autre: de sorte qu'en les sollicitant avec grand soin & soucy, ils sont morts avec eux, comme bien ioyeux qu'ils estoient de participer à la douceur d'autrui, & attirer à eux la maladie de leur prochain, & quasi deuorer les tourmens suruenans de la maladie pestilencieuse, sans en monstrier aucune apparence de fascherie ou mescontentement. Lon en a veu plusieurs qui sont trespassez en sollicitant & donnant courage aux autres, de la mort desquels ils faisoient eschange en eux-mesmes. Par-ainsi le dire commun (qui a tousiours semblé estre plein de douceur & beneuolence) fut par eux entierement mis en effect: puis que decedans en ceste maniere, ils se monstroient estre comme la racure ou rongneure des autres. Voyla comment aucuns de nos bons freres, quelques prestres aussi, avec des diacres seruans de ministres, mesme plusieurs bien estimez d'entre le peuple, sont passez de ceste vie à l'autre, de façon que ceste sorte de mourir confirmee par grande pieté & foy, ne sembloit estre gueres differente du martyre. Aussi receuoient ils les corps morts des saintes personnes en leur sein avec bras ouuerts, torchoient leurs yeux, fermoient leurs bouches, les portoyent

Comment se  
sont portez  
les Chre-  
stiens les uns  
enuers les  
autres du  
temps de la  
peste.

portoyēt sur leurs espaules, les accoustroyēt, les tiroient pres d'eux, les embrassoyent, lauoyent, a trouuoyent de vestemens funeraux, enseuelissoyent : & à la fin, ils n'en auoyent pas meilleur conte qu'iceux, parce qu'ils tomboyent en pareil defastre, & soudain suiuyent par mort ceux qui les auoyent peu au parauant precedé & laissé suruiuans. Or les gentils & infideles en faisoient tout autrement, car ils dechassoyent les personnes incontinent que la maladie les prenoit : ils fuiuyent leurs plus familiers & amis : ils les iettoient es ruës & chemins, n'estans encor que demy morts : ils laissoyent les morts sans estre enseuelis : & se donnoyent garde d'approcher d'eux, ny faire chose qui les feist succeder ou auoir part à la mort, qui auoit saisi leurs prochains : laquelle toutesfois ils ne pouoyent euer, encor qu'ils cerchassent tous moÿens de la fuir. Quand le tout fut vn peu appaisé par la ville d'Alexandrie, Denys escriuit vne Epistre touchant la feste de Pasque, aux freres Chrestiens estés en Egypte : puis encor en enuoya il des autres à d'autres. Encor dit on que c'est de sa façon, vn petit liure parlant du Sabbath : & vn autre, de l'exercice. Es lettres qu'il adresse à Hermanion, & aux freres d'Egypte, entre autres choses, il parle amplement de Decie & Galle, & de leurs mauuaises façons de faire, & reduit en memoire la tranquillité & paix qui a esté du temps que l'Empereur Galien commandoit.

*a* est-ce la peste] Ceste peste & contagieuse maladie, qui semble horrible & mortelle, esprouue soigneusement les iustices d'un chacun, & examine les entedemens & consciences des humains : à sçauoir, si les saints & dispos feront seruice aux malades, si les prochains parens aiment bien leurs cousins & affins, si les maistres auront pitié de leurs seruiteurs languissans, si les medecins ne laisseront point au besoin les malades qui leur demandent guerison, si les arrogants cruels reprimeront leur effort violent, si les auares usans de rapine modereront l'ardeur toujours insatiable de leur furieuse auarice, mesmement par crainte de mort, si les orgueilleux baisseront point la teste, si les meschans amolliront point leur audace, si les riches estans sur le point de mourir sans heritiers, à raison de la mort de leurs chers enfans & proches parens, donneront quelque chose de leurs biens aux necessiteux? Ces choses nous seruent d'exercices & non pas de mortelles funerailles : elles donnent à nos esprits une gloire de force & constance, & nous preparans à la couronne par un contentement & mespris de la mort. *Saint Cyprian, au sermon de la mortalité.*

*b* elle ne nous est pas] La pestilence & autres calamités sont extremes à l'endroit des infideles : mais elles seruent aux Chrestiens d'exercice en patience & esprouue de pieté.

*c* raclure ou rōgneure] Les anciens faisoient les purgations anniuersaires des villes, jettoyēt de quelque lieu haut, dans la mer à bas, les homes sacrez & dediez aux Dieux : sçauoir est, gens qui leur estoÿent immolez pour faire appaiser la peste, ou purger quelque autre maladie : lesquels on nommoit Catharmes (c'est à dire, sacrifice pour satisfaction d'un peché) ou Pharmaces, qui signifie expiateurs ou purgateurs. Or estoÿent ils sacrifiez à Neptune, avec ces mots Grecs solennels : *πρὸς τὸν ἑοῦτον γὰρ ἵππο ὁμοῖα, καὶ ἀπὸ τῶν ὕδατος* : C'est à dire, son fait comme la limure de nous, seruant de sacrifice pour nostre salut, purgation & redemption, comme victime gardienne de ceste ville. *Suidas, & Nicolas Leonice, liure 3. de l'histoire diuerse, chap. dernier. Saint Paul aussi à la premiere aux Corinthiens, chap. 4. dit ainsi : Nous sommes faits comme l'immundice & ordure de ce mode, n'estans sinon la raclure ou rōgneure de tous les autres. Qui vault autant à dire, que, Nous sommes faits comme sacrifice pour la purgation des hommes, & comme victimes immolees solennellement pour le peché du peuple.*

De Nepos & de son heresie.

CHAP. XXI.



V surplus, Denys a mis par escrit deux liures des promesses : ausquels vn personnage, nommé Nepos, a donné l'argumēt. Ce Nepos, estant Euesque d'Egypte, r'apportoit au tēps present, & à vne certaine vie forgee & controuuēe de mille ans, les promesses qui sont faites es escritures saintes de Iesus-Christ : cōme celuy qui les interpretoit lourdemēt, & leur donnoit vn sens corporel par vne sienne opiniō Iudaïque. Et pource qu'il luy sembloit qu'il pourroit confirmer son opinion par l'Apocalypse ou Reuelation de S. Iean, il composa vn liure auquel il donna le nom de Conlufation. Auquel Denys respondāt par les deux liures que i'ay dit, au premier il declare son aduis touchant les preceptes & enseignemens de Nepos : au dernier il traite bien au long de l'Apocalypse de l'Apostre. Et pourtant qu'ils mettent en auant (dit-il) vn certain escrit de Nepos, sur lequel ils s'appuyent grandemēt & lequel ils disent monstrer à la verité & prouuer sans cōtredit, que le regne de Iesus-Christ sera sur terre, il faut que ie die qu'en plusieurs autres choses ie reciteray bien & admettray l'opinion de Nepos : car ie l'ayme à raison de sa foy, de la patience qu'il a au trauail, par ce qu'il a versé en la lecture des escritures saintes, & mesmement pour l'exercice frequent à psalmodier, à cause de quoy plusieurs freres Chrestiens ont prins grand plaisir d'estre en sa compagnie, qui fait que ie luy porte honneur & reuerence. Puis en poursuyuant son propos, il dit : Il est vray que si quelque propos a esté par luy bien dit, c'est raison de luy donner louage comme il merite : au cōtraire, si il s'est deuoyé du vray chemin,

*Quels ont  
esté les infi-  
deles à l'en-  
droit des pe-  
stiferez?*

*Escrips de  
Denys.*

*Erreur et fa-  
ble Iudaï-  
que des Chi-  
listes ou  
millenaires.*

# LIVRE VI. DE L'HISTOIRE ECCLESIASTIQUE

*Denys dispute par trois iours durās de la doctrine de Nepos, en la ville d'Arfinoé, & refute son heresie.*  
*Progrez tres bon de disputer des choses sacrees en assemblee.*  
*Voyez Eusebe, liv. 7. de l'hist. Eccl. ch. 19.*

escriuant quelque chose qui cōtreuiene à la saine doctrine, ie dy qu'il le faut corriger, & amēder l'erreur. Que s'il estoit present, lon trouueroit assez d'argumēs & raisons en deuifāt avec luy (par le moyē des interrogations & respōses, dōt on s'ayderoit) pour persuader, accorder & confrōter les poinēts qui se contrariēt ensemble. Mais puis que les escrits (qui sont assez bien emmiellez pour gaigner le lecteur) se manient entre les hōmes, par lesquels il dit iniure à la loy & aux prophetes, sōstient les Euāgiles sainctes n'estre rien, & desprise les Epistres & liures des Apostres cōme chose de nulle valeur. Puis que luy-mesme louē son œuvre, tout ainsi que si c'estoit quelque mystere occult & secret: & ne veut pas que les freres simples cōcoiuet en leur esprit vne celeste & diuine opinion, de la certaine vraye & glorieuse apparition de Iesus-Christ, ou de nostre future resurrection de mort à vie: du recueil, association & ressemblāce avec luy, mais leur permet seulement de iuger & imaginer choses basses & caduques, comme sont celles de ceste presente vie, & n'esperer autre chose plus grande au Royaume de Dieu: il est plus que necessaire de disputer & traiter de ces poinēts, tout ainsi que si nostre frere Nepos estoit icy en personne. Puis peu apres il raconte qu'il fut autrefois en la ville d'Arfinoé en Egypte, où lon tenoit ceste heresie, & quelā par trois iours continuels il disputa de la doctrine de Nepos, en la presence de tous les Ecclesiastiques & autres hommes de sçauoir, apres qu'on luy eut presentē le liure de Nepos, qui seruoit de pauois & escu à ceux de telle secte. Encor il s'esmerueille de la bonne & ferme coustume des freres de ce lieu, qui accommodoyent fort bien & par ordre ce qu'ils cōcedoyent & confelloyent avec leurs respōses: & ne perseueroyent de defendre obstinēment avec contention ce qu'une fois ils auoyent arrestē en leur esprit: ne laissant toutesfois de mettre en auant quelques obiectiōs legitimes & receuables, selon que la matiere le requeroit, & s'arrestans à la verité, laquelle ils confelloyent deuant tous, quand on leur auoit donnē à congnoistre: (ce qu'aucuns ne font pas, de honte qu'ils ont quand ils se voyent conuaincuz) mesme qu'avec bonne conscience ils receuoyent ce qui leur estoit prouē par l'autorité des sainctes Escritures, sans aucune faintise ny dissimulation: comme gens ayans les cueurs en toute simplessē dressēz à vn seul Dieu. Il adioust d'auantage, qu'un certain docteur de ce lieu, nommé Coracion (estāt persuadē & gaignē par les propos tenuz contre la doctrine de Nepos) auoit promis en presence de tous, qu'il n'auroit d'ores en auāt rien à demesler avec Nepos: ny que iamais il ne tiendrait propos de luy, ny ne publiceroit puis apres sa doctrine, cōme celuy qui ne vouloit plus auoir aucune chose à faire avec vn tel abuseur, puis que lon luy auoit assez amplemēt decouvert la verité. Encor dit-il que les autres freres Chrestiens mōstrerent grand signe de liesse, & se resiouirent grandement d'ouir telles disputes, lesquelles moyennerent vne amitiē entre tous, avec vn commun accord & consentement de toute l'assemblee.

De ce que Denys, Alexandrin, à laissē par escrit, touchant l'Apocalypse de S. Iean. Chap. XXII.

*L'opiniō de Denys touchāt l'Apocalypse S. Iean.*



N outre, il dit son aduis de l'Apocalypse de sainct Iean, ce qui m'a semblē estre necessaire de mettre en auant & inserer en ceste histoire, allegāt ces mesmes propos, combien que celā soit vn peu long. Son dire est tel: Quelques vns de ceux qui les ont deuancē, ont aboly, & de rechef remis en son entier & restituē ce liure, & le corrigeans en tous les chapitres, l'ont redigē en telle forme que lon ne l'eust bonnement peu cōgnoistre, de sorte qu'encor sembloit il auoir estē composē sans raison aucune. Ils disoyēt aussi que le tiltre en estoit faux, & qu'il ne se ressenoit point de la façon de sainct Iean, & qu'en ce n'y auoit aucune reuelation, veu qu'il estoit couuert d'un voile d'obscurité si grand & elpez: mesme qu'ils vouloyent sōstētir que tant s'en faut qu'il ait estē couchē par escrit de la main d'aucun des Apostres, que mesme iamais personnage sainct & Ecclesiastique n'y auoit touchē. Encor disoyēt ils, que Cerinthe (lequel est auteur de l'heresie, qui de son nom est surnommee Cerinthienne) vouloit donner autorité digne de foy à son heresie feincte & controuuee, par vn nom celebre & bien receu: car par l'arrest de sa doctrine il se donnoit peine de persuader à ceux qui s'y arrestoyent, que le regne de Iesus-Christ deuoit estre terrien, & qu'ēs choses lesquelles il auoit desirēes (comme grandement corporel & charnel qu'il estoit) estoit posēe toute esperance: que la vie se passeroit en icelles comme en songes, sçauoir est en plaisir & appetit desordōné du ventre & des parties plus basses que le ventre, avec abondance de boire & de manger, accomplissement de mariage, iours de festes (à fin que par tiltres qui ont vne apparēce de beauté, il palliast ou embellist sa sortie si grande) sacrifices & immolations de bestes, tuees aux autels. Quant à moy, ie ne m'oserois pas bonnement entremettre d'abolir ou mettre à neant le liure, que plusieurs de nos freres on ēs mains & lisent diligemment: bien est vray que i'ay conceu plus grande opiniō d'iceluy, que ma petitesse ne porte: car combien que ie n'aye pas l'esprit si vif que de le pouuoir entēdre, ie me doute toutesfois, qu'ēs propos qui y sont couchēz par escrit, vn sens plus secret & haut doit estre cachē: de sorte qu'il est d'intelligence beaucoup plus excellente, que mon entendement ne sçauoit comprendre.

*Cerinthe amateur de son corps & chair.*

*Heresie de Cerinthe.*

„ comprendre. Ce que ie ne iuge pas par vn aduis ou sçauoir qui soit en moy, mais ie remets plus-  
 „ tost & attribue tel iugement à la discretion de la foy. Aussi ie ne reiette pas ce que mon esprit ne  
 „ peut bonnement comprendre, mais i'admire d'auantage ce dont ie n'ay pas l'intelligence. Or *Vraye sentē*  
 „ ayant puis apres bien consideré & diligemment examiné toute l'escriture de la Reuelation, il *ce de Theo-*  
 „ monstre qu'il ne se peut faire qu'une personne vienne facilement à la parfaite congnoissance du *logien bon*  
 „ vray sens d'icelle: Car il dit ainsi, Quand toute la prophetie sera parfaite & accomplie (s'il faut q̄ *entier:*  
 „ ie parle ainsi) le Prophete annonce ceux deuoir estre bien-heureux, quil'auront obseruee & *qui mōstre*  
 „ gardee, & luy mesme aussi. Car bien-heureux est eueyl (dit-il) qui contregarde les mots de la *qu'il fault*  
 „ prophetie de ce liure: & moy aussi, Iean, qui ay veu & ouy ces choses. Ie ne contredy point, ny *plus attri-*  
 „ ne trouue pas à dire que celuy qui a mis par escrit ceste Apocalypse, ne soit appelle Iean: & cō- *buer à la*  
 „ fesse que le liure est de la façon de Iean. Ie consens encor que ce Iean estoit quelque saint per- *foy qu'à no*  
 „ sonnage, & inspiré diuinement à escrire la Reuelation: Mais ie ne puis bonnement accorder que *stre iuge-*  
 „ l'auteur del'Apocalypse fust l'Apostre, fils de Zebedee, frere de Iacques, portant ce nom de *ment.*  
 „ Iean, de la façon duquel est l'Euangile intitulee selon Sainct Iean, & l'Epistre Catholique de *Argumens*  
 „ mesme nom. Le style de l'un & de l'autre, la façon de parler, & le progrès & suite du liure me *de Denys*  
 „ donnent coniecture que ce n'est pas de la composition del'Euangeliste, lequel n'a aucunement *pour mon-*  
 „ mis son nom en aucun de ses escrits, ny ne s'est nommé ny en l'Euangile ny en l'Epistre. Puis *strer que*  
 „ poursuivant Denys vn peu plus outre, dit il encor ce qui l'ensuit: Le Sainct Apostre n'a pas fait *l'Apocaly-*  
 „ mention de ce nom de Iean, en aucun passage, ny comme parlant d'un autre, ny comme s'il tenoit *pse n'est*  
 „ propos de foy-mesme: Mais celuy qui a mis l'Apocalypse par escrit, soudain met son nom dès *point de la*  
 „ le commencement, & parlant de foy, dit ainsi, L'Apocalypse de Iesus Christ, laquelle Dieu luy a *composition*  
 „ donnée pour la descouurir soudainement à ses seruiteurs, & l'a signifiée & enuoyee par son An- *de s. Iean*  
 „ ge à Iean son seruiteur, qui a donné tesmoignage à la parole de Dieu: & est ce tesmoignage te- *l'Apōstre;*  
 „ stifiant toutes les choses qu'il a veues. D'auantage il escrit aussi en ce liure vne epistre, dont le *mais d'un*  
 „ commencement est: Iean aux sept Eglises qui sont en Asie, grace vous soit donnée avec la paix: *nommé.*  
 „ mais l'Euangeliste n'a iamaïs mis son nom: non pas mesme en l'Epistre Catholique: mais il a *autre ainsi*  
 „ commencé d'une sorte que lon ne pourroit dire, dès le mystere secret de la diuine Reuelation. *nommé.*  
 „ Le commencement de son epistre premiere, est tel: Ce qui a esté dès le commencement, ce qu'a-  
 „ uons ouy, ce qu'auons veu de noz yeux. Et à raison de telle reuelation, nostre Seigneur Iesus-  
 „ Christ a loué Sainct Pierre, quand il luy dist: Tu es bien-heureux Simon Barjona, par ce que la  
 „ chair ny le sang ne t'a pas reuelé cecy, mais bien mon pere celeste t'en a donné la congnoissan-  
 „ ce. Mesme que ny en la seconde ny en la troisieme epistre que lon dit estre de Sainct Iean l'A-  
 „ postre, ce nom de Iean n'y est pas premis nommément: mais sans aucune addition de nom, le mot  
 „ de Prestre ou d'ancien fait l'entree, sans aucune autre particuliere declaration. Quant à l'autre  
 „ qui a escrit l'Apocalypse, ce ne luy a pas esté assez d'auoir mis son nom pour vne fois seulemēt,  
 „ & declarer les choses luyuant, mais de fois à autre il le repete, comme quand il dit: Ie Iean, ay  
 „ veu & ouy ces choses. En outre, Denys Alexandrin donne à entendre que ce liure de Reuelatio  
 „ estoit à la verité de la façon d'un Iean, portant mesme nom que l'Apostre, mais que ce n'estoit  
 „ pas de Iean le bien aimé de Iesus Christ. Parquoy il ne peut autre chose coniecturer ny penser,  
 „ sinon que c'est de la composition d'un Iean du pays d'Asie, surnommé Prestre, duquel i'ay tenu  
 „ propos par cy deuant, quand ie disois qu'en la ville d'Ephese lon monstroït deux monumens,  
 „ en chacun desquels lon tenoit auoir esté inhumé vn personnage nommé Iean, & par ainsi l'un  
 „ & l'autre portoit le mesme nom de Iean. Car (dit-il) plusieurs estoient tant bien affectez & ad-  
 „ donnez aux Apostres, que quand ils compofoient quelques liures, ils les publioient sous le  
 „ nom de l'un d'iceux Apostres.

*Par quelles raisons Denys affirme que l'Apocalypse n'est pas de la façon de Sainct Iean  
 l'Euangeliste, mais d'un autre, aussi nommé Iean. Chap. XXIII.*



L monstre assez bien par la composition & accord de la diction, par les *Denys prolo-*  
 „ sentences & paroles mesmes, que l'auteur du liure del'Apocalypse n'est *ue q̄ s. Iean*  
 „ pas l'Apostre & Euangeliste, mais quelque autre surnommé Iean. Car il *l'Euangeli-*  
 „ en escrit ainsi: l'Euangile & epistre sont accordans l'une avec l'autre, & *ste n'a pas*  
 „ ont quasi semblable commencement. Car l'Euangile dit ainsi: Au com- *mis par es-*  
 „ mencement estoit le Verbe: & l'epistre a le mesme aucunement changé: *crit l'Apo*  
 „ Ce qu'auons ouy, ce qu'auons veu de nos yeux, & ce que nos mains ont *calypse.*  
 „ manié du Verbe de vie, & la vie a esté manifestee, &c. Or met il ces mots, *Accord de*  
 „ comme pour essay, debatant contre ceux (ainsi qu'il le monstre par apres) *l'Euangile se*  
 „ qui disoient que nostre Seigneur Iesus-Christ n'estoit pas venu en chair. Parquoy soigneu- *lō s. Iean,*  
 „ sement & proprement il a conioint ce qui l'ensuit: Et ce qu'auons veu, & vous annonçons: *de sa pre-*  
 „ comme dependant continuellement de foy-mesme, sans vser de digression, ny sortir hors de son *miere Epist.*  
 „ propos. Et ainsi en tout le sommaire de la matiere, & aux noms mesmes il pourroit le tout, dōt *catholique.*

*Matiere & argumens de l'Euangile & Epistres de S. Iean l'Apostre.* ie reduiray en memoire quelques poincts le plus breuement que faire se pourra. Que si quelcun veut estre attentif à la lecture de l'Euangile & Epistres, en l'un & l'autre il trouuera beaucoup de vie,abondance de lumiere, detestation de tenebres, perpetuelle verité, grace,ioye,liesses, la chair & le sang du bon Seigneur Iesus, le iugement, la remission des pechez, l'amour & dilection de Dieu enuers nous, commandement de fraternele charité entre nous, obseruation de tous les preceptes & ordonnances, reprehension du monde, aduertissement de resister au diable & se donner garde de l'Antechrist, la promesse du saint Esprit, l'adoption des fils de Dieu, & la foy qui est requisite & necessaire en nous en tout & par tout. Mesme que le Pere & le Fils sont signifiez specialement en tous passages des susdites escritures qui les representent & proposent en tous lieux deuoir estre totalement considereez & congneuz pour vne seule & mesme deité. Voila quelles sont les formes & idees de l'Euangile & Epistre du Saint Apostre Iean. Mais l'Apocalypse ou Reuelation, est tout estrange & bien autre que ne sont les escrits dessusdicts: ausquels elle n'accorde, ny approche en quelque sorte que ce soit: comme celle qui n'a pas vne seule syllabe (s'il faut ainsi dire) qui participe ou soit commune aveciceux. Car ny l'Epistre (afin que ie ne touche point à l'Euangile) n'amene aucune sentence, ny ne fait mention, en sorte que ce soit de l'Apocalypse, ny l'Apocalypse de l'Epistre: combien que le Saint Apostre Paul monstre quelque chose de ses reuelations, mesme en ses Epistres: lesquelles reuelations, ce nonobstant il n'a pas mises par escrit specialement en liure composé à part. D'auantage, on peut colliger, remarquer & congnoistre la difference qui est au langage del'Euangile & Epistre, avec la suite du parler dont vse l'auteur del'Apocalypse: Car elles sont escrits non seulement en dictions non barbares & rustiques, selon le langage vsité des Grecs, mais exquis, bien couchees, & embellies de plusieurs syllogismes, argumens, compositions & interpretations fort belles. Tant s'en faut que lon y puisse trouuer vn seul mot estrange & hors du commun vsage de parler, ny vn solecisme ou composition mal ordonnee en ses parties d'oraison, ny mesme aucune rusticité ou rudesse de parole. Car on peut bien veoir & congnoistre que l'Apostre (qui en est auteur) auoit l'un & l'autre don: sçauoir est, de l'eloquence ou bien parler, & de l'intelligence des mysteres secrets de la diuinité: tellement que l'une & l'autre grace luy fut octroyee par le Seigneur, & celle de l'eloquence, & celle aussi de congnoissance. Quant est de l'autre qui a escrit l'Apocalypse, ie ne veux pas nier qu'il n'ait veu les reuelations y comprises, & qu'il n'ait receu de Dieu la science & prophetie: mais ie ne voy point qu'en son parler la propriété du langage Grec soit autant soigneusement obserué qu'és autres escrits del'Apostre. Car en quelques passages il vse de barbarismes rustiques & mal seans, il est rude en ses paroles, & tient des propos mal ordonnez & liez en leurs compositions. Ce que ie ne dy pas à celle fin qu'on ait opinion que ie le vueille reprendre ny taxer, en luy faisant iniure (car il n'y a aucune necessité qui m'induise à ce faire) mais i'ay bien voulu descouurer & monstrer seulement la dissimilitude & diuersité des susdites escritures, pour donner à congnoistre qu'elles ne sont de la façon d'un mesme auteur. C'est ce que Denys d'Alexandrie s'estant attaché à Nepos, escrit touchant l'Apocalypse de Iean, au dernier liure des Promesses.

*Des autres epistres & compositions de Denys. Chap. XXIIII.*

*Autres escrits de Denys.*

**I**L y a encor plusieurs autres epistres de ce saint personnage, comme est celle qu'il adresse à Ammon, Euesque de Beronice, contre Sabellie: puis vne à Telesphore & à Euphranor, & de rechef vne autre à Ammon & à Eupore. D'auantage, il a mis par escrit quatre liures de mesme argument, dediez à vn Pape de Rome, portant le nom de Denys, comme luy. Au surplus, encor a il composé beaucoup d'epistres & autres oraisons prolixes & longues, lesquelles il met en conte avec les epistres, come sont celles qu'il escriuit à l'enfant Timothee, intitulees De la Nature: comme aussi celle qu'il enuoya à Euphranor, inscrite Des Tentations. Encor, escriuant à Basilides Euesque des Eglises de la region, nommee Pentapolis (à raison des cinq citez qui y sont) dès le commencement il donne à congnoistre qu'il auoit mis par escrit des commentaires sur l'Ecclesiaste. Plusieurs epistres luy ont pareillement esté enuoyees par autres personnages. Il a mis aussi la main à la plume contre Paul de Samosate, & contre Manes, qui estoient de ce temps là. Je parleray d'eux cy apres quand leur rang sera venu, & l'opportunité le donnera. Or estant Denys paruenue à l'aage de grande vieillesse, au douzième an del'Empire de Galien, il mourut fort aagé, du temps mesme que le Concile ou Synode fut assemblé à l'encontre de Paul de Samosate, en la ville d'Antioche. Mais auant que mettre fin à nostre propos de Denys, il m'a semblé bon d'adiouster icy ce que Basile le grand a mis par escrit des liures & compositions de Denys, en vne epistre qu'il enuoye à vn philosophe nommé Maxime.

*\* Pentapolis] Pentapolis, region entre Palestine & Arabie, ainsi appelee pour cinq villes qui y estoient. Il y a vne region en Libye, ainsi nommee pour mesme raison, que lon dit autrement Cyrenaique. De laquelle i'ay opinion que nostre auteur parle en ce lieu.*



Récit de ce que Basile le grand escriit de Denys l'Alexandrin, en une sienne epistre.  
CHAP. XXV.



Plusieurs escrits de Denys, lesquels vous cherchez (dit-il) sont tombez en mes mains : Mais par ce que ie n'ay qu'un exemplaire d'iceux, pour ceste cause ie ne vous les enuoye pas. Or ay-je telle opinion & iugement de ces liures : le ne puis bonnement approuuer ne receuoir tous les œures de ce personnage. Mesme il y en a quelques vns que ie reiette & aboly du tout : Car c'est luy, à ce que ie puis entendre, qui premier a fourny de semence à l'impieté & meschante opinion, laquelle est maintenant si fort en bruit, i'enten l'heresie de l'inegalité des personnes en la sainte Trinité. Non pas que ce qu'il en a fait, vienne de meschanceté qui fust en son vouloir, ny de mauuaise opinion qu'il eust, mais estant trop ardent, aspre & vehement à contredire & combattre Sabellie, il est tombé en tel erreur. Et pour ceste cause coustumierement ie le compare à vn enteur, lequel s'estudiant de corriger soigneusement ce qui defaut au ieune & tendre sauagin : sur lequel il veut enter, & le voulant redresser, fait faute par le plier trop rudement, ou par l'entailler plus que de besoing, & donne à sa plante vne forme du tout contraire & diuerse. Aussi m'apperceoy-je bien que le mesme est aduenue en ce bon personnage : Car quand il s'est attaché trop alprement à l'impieté & heresie de Sabellie, heretique de Libye, il ne s'est pas donné garde que soudain il a esté transporté en vn mal contraire, par trop grãde affection qu'il auoit de le combattre & conuaincre. Ce luy eust bien esté assez de monstrier que le Pere & le Fils ne sont pas vne mesme personne, quant au subiet : car par ce seul moyen il eust bien acquis la louange de victoire sur ce meschant blasphemateur. Mais afin de le conuaincre tres-appertement & bien au long, non seulement il introduit la diuersité des personnes, mais encor la difference de la substance, & comme l'abbaissement de puissance, & changement de gloire. Et par ce moyen luy est aduenue de changer vn mal à vn autre mal, de tomber en erreur, & de se desuoyer de la vraye doctrine. Aussi ne se montre il aucunement constant en ses escrits, ains variable & peu ferme : Car telle fois est il qu'il oste aux trois personnes de la Trinité la participation de mesme essence, ou consubstantialité : & ce, en son liure duquel il se veut seruir (mais mal à propos, & contre verité) pour retrencher & abolir la pluralité des substances. Autrefois il admet & accorde le mesme, & ce par ce qu'il a escrit pour la deffence d'icelle commune & vne substance, à vn personnage Pape de Rome, ayant mesme nom que luy. Encor a il tenu des propos du Saint Esprit, ne le ressentans aucunement d'un homme spirituel, ou inspiré diuinement : car il le bannissoit totalement de ceste diuinité que lon adore, disant qu'elle n'estoit pas en luy telle qu'elle meritoit l'honneur d'adoration : & le reduisant & mettant au rang du plus bas degré de la nature créée & seruante. Tel, à la verité a esté ce Denys d'Alexandrie.

*Iugement de Basile le grand touchant les escrits de Denys l'Alexandrin. Erreurs de Denys.*

*...τοῦ αὐτοῦ  
σίου.  
Consubstantial.*

*De sabellie, de l'heresie d'iceluy, & qu'il estoit de ce temps.  
Chap. XXVI.*



'Ay cy deuant parlé de Sabellie : maintenant ie veux donner clairement à entendre qui il estoit, & quelles furent les paroles de blaspheme dont il a vsé. De nation il fut de Libye, natif d'une region d'icelle, nommee Pentapolis. Or a il enseigné que c'estoit vne mesme substance du Pere, du Fils, & du saint Esprit, & vne mesme personne ayant trois noms. Que au vieil Testament, Dieu a donné la loy, comme Pere : au nouueau, il a esté fait homme, comme Fils : & qu'il est venu aux Apostres, comme saint Esprit. Mais Denys, s'attachant à luy pour le refuter, se laissa aller & cheoir en vn mal contraire. Il vous suffira d'auoir entendu en bref ce peu que i'ay dict de Sabellie.

*Opinion heretique de Sabellie. En ce mesme liure, chap. 7.*

*De l'heresie de paul de samosate : & du premier synode ou concile, assemblé contre icelle.  
Chap. XXVII.*



E ce temps, apres que Demettie Euesque d'Antioche fut mort, Paul de Samosate print le siege Episcopal, lors que Zenobie estoit Dame & Royne du pays : Car les Perfes, ayans eu victoire des Romains, luy auoyent donné le gouuernement de Syrie & de Phœnice. Or cest Euesque Paul, parce que la Royne obseruoit plusieurs petites superstitions en la religion (comme est la façon des Iuifs) il se voulut efforcer de la reduire & luy oster de la teste telles choses de nulle importance : & de fait il mettoit la plus grande part de son trauail & soucy à la bien instruire & conuertir. Mais voulant guarir autrui, il tombe en maladie : car il se laissa aller à l'heresie d'Artemon, par ce qu'il luy enseignoit choses trop petites & basses de Iesus Christ. Son opinion & doctrine estoit que Iesus estoit de nature homme commun & pareil aux autres,

*Samosate ville de Comagene, region ou contrée de Syrie. Heresie de paul de samosate.*

qu'il n'auoit rien plus excellent que nous, qu'en luy ne se trouuoit aucune participation à la substance diuine, que le Fils de Dieu s'estoit arresté & auoit demeuré en luy tout ainsi qu'en vn prophete, & que de rechef il s'estoit retiré d'avec luy: & plusieurs autres erronees opinions cotreuenantes à la doctrine Ecclesiastique. Ce qu'ayans congneus les pasteurs qui pour lors gouuernoyent les Eglises, ils iugerent incontinent que besoing estoit d'auoir esgard & donner ordre à telle contagion, qui delia pulluloit & alloit en auant petit à petit: veu mesmement que telle meschante opinion auoit trouué vne telle ville, pour s'arrestier en icelle & y auoit faueur & support. Or Denys d'Alexandrie, homme de bonne reputation, différa d'aller celle part, pour cause de sa vieillesse qui le rendoit tellement debile qu'il n'eust sceu endurer le trauail du voyage. Mais par lettres il luy donna aduertissement qu'il eust à faire autrement son deuoir, & esguillonna & incita ceux qui le suyuoient, à l'emulation & ardeur de la vraye pieté: leur enuoyant par escrit son iugement & aduis touchant la question proposee. Mais les autres prelatz des Eglises venoyent l'un apres l'autre & s'assembloyent en la ville d'Antioche, comme pour meurtrir & assommer ceste dangereuse beste qui gastoit tout, & portoyent deuant eux les ordonnances de l'Eglise pour leur seruir d'espees reluisantes & estocs tres-aiguz à enfoncer leur ennemy commun. Les plus renommez & celebres, resplendissans comme estoilles qui rayonnent, estoient: Ce grand Gregoire, tant loué pour les miracles qu'il scauoit si bien faire: & Athénodore son amy & frere Chrestien, non inferieur à luy, quant aux sentences, propos & effects: Les Euesques des Eglises Pontiques, Firmilian pasteur de l'Eglise de Cesarée en Cappadoce, homme excellent, & fort docte es lettres tant prophanes que saintes: Helene, prelat de la ville de Tarse, metropolitaine & capitale de Cilicie, puis Nicomas Euesque d'Iconie, Hymenze de Hierusalem & Theotecne de Cesarée au pays de Palestine. D'auantage, Maxime ayant le gouuernement de l'Eglise de Bostre s'y trouua: Theophile aussi, Procle, Helian, Paul, Babylian, Protogenes, Hierax, Eutyche, Theodore, Malchion & Luce, gouverneurs de diuerses Eglises ne faillirēt à y assister. Tous ces Euesques & beaucoup d'autres, lesquels ie ne nomme pas, avec plusieurs prestres, diacres & ministres en l'Eglise, se trouuerent ensemble en la ville d'Antioche, où estans assemblez ils tenoyent plusieurs propos les vns avec les autres, & souuent faisoient congregation, esquelles ordinairement plusieurs questions estoient proposees. Quant à Paul de Samosate il trauailloit au possible d'ombrager, couvrir & cacher son heresie: Mais les autres assemblez pour ce fait, ne s'estudioyent à autre chose plus, sinon qu'elle fust descouuerte & mise en auant, afin que si grand blasphemē à l'encontre de Iesus Christ demeurast congneu & fust manifesté à vn chacun. Ils se mirent donc en deuoir, premierement de luy suader & conseiller ce qu'il deuoit tenir, puis s'efforcerent par tous moyens de luy oster l'opinion qu'il auoit conceue en son esprit, & l'attirer à autre aduis contraire au sien. Mais quand Paul, par vn serment qu'il fit, eut renoncé appertement à son erreur, & affermé qu'il n'auoit plus telle opinion en sa teste, & qu'il se vouloit désormais arrester au but & doctrine des Apostres, sans plus varier en aucune chose, alors les Euesques & gens de bien rendirent graces & donnerent louange à Dieu le createur & Sauueur de tous, par le consentement & accord des Eglises: puis ont rompu l'assemblée du Synode, & chacun de sa part s'est acheminé pour retourner au lieu de sa charge.

\* Zenobie estoit dame & Roynne du pays d'Odenat vainquit les Perses en Orient, deffendit le pais de Syrie, receut en son obeissance la Mesopotamie, & alla iusques au bourg de Ctesiphon: Mais depuis, quand Saporès perdit la bataille, il fut mis à mort avec son fils Herodes, par les embusches & menées d'un sien cousin germain. Cest Odenat estoit seigneur des Palmirenes, & luy auoit l'Empereur Galien fait ce bien & honneur de luy donner part & l'associer en son Empire. Apres sa mort, Zenobie sa femme, avec Herennian & Timolans ses fils, tint le Royaume: Mais l'Empereur Aurelian la print prisonniere pres d'Antioche, plus par crainte du combat que par effort de meslee: & fut menée à Rome, où on la mena deuant le char de l'Empereur entrans en equipage de triomphe. Auteheur Eutrope.

Qu'en la seconde assemblee Paul de samosate fut confuté, & ietté hors de la salle du Synode par Malchion Sophiste. Chap. XXVII.

Paul de Samosate tōbe derechef en erreur.

Poursuite legitime contre vn heretique.



Onc par succession de temps, quand le bruit fut de rechef semé partout que Paul degeneroit & auoit changé la profession de la vraye foy à vne opinion contraire, ces tres-renommez personnages ne se sont pas soudainement hastez ny mis en chemin pour l'aller contredire & combattre: mais par lettres qu'ils luy escriuirent se mirent en peine de donner guarison à sa playe, estimans que par ce moyen ils pourroyent estouffer la doctrine pernicieuse & mortelle d'iceluy. Il est bien vray que Denys mit la main à la plume, & composa vne Epistre: mais en icelle il ne daigna pas faire cest honneur à l'auteur de l'heresie d'adresser à luy seulement sa parole, ains

ains il ne fit autre chose, sinon qu'il instruisoit le peuple de l'Eglise Antiochene & le confirmoit en la foy Chrestienne. Firmilian de Cappadoce fit d'avantage, car il alla en personne au lieu d'Antioche, mais soudain Paul v'sa d'une ruse, & promit de rechef qu'il vouloit renoncer à toute opinion mauuaise, feignant qu'il reconnoissoit son erreur, en contrefaisant le conuertý : qui fut cause de faire retirer Firmilian & reprendre les arrres de son pays. Or puis après, iceluy Firmilian fut esleu pour s'attacher de rechef à Paul & le combattre, comme estant celuy qui par tant de fois auoit fait esprouue de l'audace de ce galand, qui estoit bien si temeraire de nier Dieu, mais le bon homme deceda pendant ces entrefaites : ce qui aduint en mesme temps que Denys alla de vie à trespas, en l'annee douziesme de l'Empire de Galien (comme desia a esté dit) ayant iceluy Denys tenu en main le gouuernement des affaires Ecclesiastiques dix-sept ans durans : & laissant pour successeur en l'Euesché d'Alexandrie, Maximin. Au demeurant, quand Galien eut administré les affaires de l'Empire par le temps & terme de quinze ans, Claude luy succeda qui fut Empereur deux ans durans seulement, apres lequel Aurelian print la charge de la Monarchie Romaine. Durant son Empire, le dernier Synode fut assemblé, arresté, & mis à fin contre Paul de Samosate : pour auquel assister, vous eussiez veu venir un grand nombre d'Euesques de toutes parts, lesquels voyans que ce malheureux homme perséueroit en sa negation, combien qu'ils l'eussent admonesté de beaucoup de bonnes choses, v'sans d'aduertissemens & luy ramenâs en memoire les accords & promesses par luy faites es assemblees precedentes : & que les accusateurs prests & appareillez de le confuter & conuaincre, ne cessoyent de les solliciter pour donner ordre à si grande meschanceté, en fin le concile fut arresté & peu apres assemblé en la ville d'Antioche. Or y auoit-il un personnage nommé Malchion (lequel auoit auparauant tenu escoles de philosophie & disciplines Grecques en Antioche, & depuis auoit esté esleué à la dignité de prestre à raison de sa foy en Iesus Christ, & de ses singulieres vertus) qui s'attacha à luy par disputes en pleine assemblee (où y auoit des Notaires habiles de la main, ayans charge de mettre par escrit tout ce qui seroit dit d'une part & d'autre) & apres plusieurs questions meues entre eux, & responses à icelles, le conuainquit & rendit confus. Car il descouurit & mit en lumiere le sens de son heresie caché & couuert, laquelle il monstra estre pleine de seduction abusive, de sorte qu'il n'y eut aucun en la compagnie qui ne veist appertement la fraude, dont v'soit cest abuseur. Parquoy estant conuaincu de tenir opinion cōtraire à la verité & enseigner faulx doctrine, par le commun aduis de toute l'assemblee, il fut banny & excommunié de la Catholique & vniuerselle Eglise qui est sous le ciel, comme duc & auteur d'heresie : de sorte que non seulement on le degrada & desmit de l'ordre fidele du clergé, ains aussi fut ietté hors du temple où lon tenoit ce concile, & deposté de sa dignité Episcopale, au lieu duquel, Domne print le gouuernement de l'Eglise Antiochene.

*Iugement de l'Empereur Aurelian sur le fait des suffrages & arrests du concile, & comment il fut diuinement empesché de persecuter les Chrestiens, comme il auoit pourpensé & delibéré de faire.*  
Chap. XXIX:



Le est vray que Paul ne vouloit obeir au decret du Concile, ains s'efforçoit au cōtraire, & prenoit peine de se faire maintenir & garder en la possession de son Euesché d'Antioche : qui fut cause que pour la desobeissance à l'arrest du Synode, l'Empereur Aurelian (qui pour lors commandoit) fut aduertý de son audace. Lequel bien informé du fait, ordonna treslaintement de cest affaire, enioignant que l'Euesché demeurast à ceux que les Euesques Italiens & Romains auroient approuuez par leurs lettres. Car ores que cest Empereur fust addonné à l'adoration des idoles, si est ce que pour lors son iugement se trouua iuste & raisonnable : par lequel il ordonna que celuy qui contreuiendroit au consentement des fideles estans d'un accord en la profession de foy, & auroit en mespris leur ordonnance & decret, fust retranché & ietté hors de leur college & compagnie. Ainsi Paul fut deietté & chassé de l'Eglise à son grand deshonneur, non seulement par le decret de la puissance sainte & Ecclesiastique des Euesques, mais aussi par l'ordonnance prophane & seculiere d'un Empereur Gentil. Or pour lors Aurelian se monstra equitable & iuste en nostre endroit : mais son Empire prenât accroissement & plus long trait avec le tēps, quelques gens ennemis de nostre religion luy mirēt en teste qu'il ne deuoit pas estre ainsi affecté à nous, ains au cōtraire q̄ ce seroit mieux fait de nous affliger : de sorte que peu à peu il fut incité à mouuoir persecutio cōtre les Chrestiens. Et ja le bruit en estoit grand par tout & croissoit de iour en iour : Or estoit ce à grand peine, & quasi contre son gré, qu'il accordoit la persecution à ceux qui luy en parloyēt, toutefois il y cōsentit & estoit sur le point de signer de sa main les lettres patētes octroyees cōtre la vraye pieté, quand soudain la diuine vengeance s'y opposa : laquelle arresta la main & le coute ensemble de l'empereur, qui tenoit la plume pour faire

Dieu em- l'office de meschant secretaire. Chose qui dūnoit assez à congnoistre à vn chacun, qu'il n'est pas  
pescha l'en- toujours facile à ceux qui s'esleuent à l'encontre de nous de mettre à execution leurs entre-  
treprinse de prinſes au preiudice des Eglises de Dieu : si par son iugement secret & occulte il ne permet que  
Aurelian: telles deliberations soyent mises en effect, en tel temps qu'il luy plaist, afin de nous esproouuer,  
Aussi ne chastier & conuertir à la recongnoissance de luy. Or estant Paul de Samosate excommunié ainsi  
permes-il que dit est, les pasteurs des Eglises furent d'aduis & accorderent ensemble qu'ils escriroyent  
point les vne epistre cōmune au nom d'eux tous, s'adressant à Denys Pape de Rome, & à Maximin, Eueſ-  
ſiens estre que d'Alexandrie. Ce qu'ils firent, & enuoyerent des copies d'icelle en routes les contrees de la  
chastieſ, terre, afin de donner amplement à congnoistre aux bons Chrestiens, les actes du concile d'An-  
ſinon quād tioche: ſçauoir est la bonne affection & ardent vouldoir des aſſiſtans en iceluy, pour deſraciner  
il luy paist, les heresies, la grande meschanceté de Paul, les diſputes & confutations publiques, & la vie  
le temps deshonneſte & impudique du perſonnage. Et par ce que ceste epistre est fort belle & pleine  
est venu. d'inſtruction, i'en ay bien voulu icy adiouſter quelque partie.

<sup>a</sup> de sorte que peu à peu] Aurelian brasse vne persecution contre les Chrestiens. Il fut le premier en-  
tre les Romains qui mit vn diademe sur son chef, & vſa de pierres precieuses & de robes de drap d'or: chose  
non auparauant vſitee ny congneue par les couſtumes Romaines. Eutrope en est aucteur.

<sup>b</sup> diuine vengeance ſ'y oppoſa] Quand Aurelian, neuſieſme depuis Neron, ordonnoit la persecution  
des Chrestiens, la foudre cheut impetueuſement deuant luy, non ſans faire grand peur à toute l'aſſiſtance. Peu  
de temps apres il fut mis à mort entre les villes de Conſtantinople & Heraclee, par la menſee & fraude d'un  
ſien ſecretaire nommē Mneſtee, lequel monſtra à quelques gens de guerre, amis dudit Aurelian, leurs noms mi-  
en eſcrit & marqueſ, comme de la main d'iceluy, duquel il auoit contrefait & falſifié l'eſcriture: leur donnāt  
à euidēdre qu'il auoit propoſé de les faire mourir. Aucteurs en ſont Eutrope, & Flauie Vopique.

Epistre des Eueſques aſſiſtans au Synode en Antioche, faiſant diſcours de la vie deſreiglee,  
deſordonnee & luxurieuſe de Paul de Samosate.

Chap. XXX.

Des mes-  
chantes  
mœurs de  
Paul de Sa-  
mosate.



Eueſque a-  
maſſant ar-  
gēt de tous  
coſteſ, &  
par tous  
moyens.

Ala miēne  
volontē que  
nos Eueſ-  
ques ayent  
eſgard à ce  
qui eſt diſt  
icty! Conſi-  
dereſ cecy  
en voſtre  
conſcience.  
Ce n'eſt pe-  
tite choſe,  
ains de grā  
de importā-  
ce: Car icy

Vant à pluſieurs autres poincts contenus en icelle, ie les paſſeray: mais  
ce qui declare ſes mœurs, comme ſi elles eſtoient engrauées en vne co-  
lomne, ie ſuis d'aduis de l'amener en ce lieu. Il y a donc eſcrit ce qui ſ'en-  
ſuit: Apres qu'il ſ'eſt deſuoyé de l'ordonnance & reigle de la ſincere &  
vraye doctrine, de laquelle il a fait eſchange aux faulſes determinatiōs,  
& ſuppoſees, il n'eſt ja beſoin de raconter par le menu ce qu'il a fait hors  
de l'Egliſe, ny de dire qu'il eſt paruenū à grandes poſſeſſions & richesses  
par le moyen de ſes fraudes tres-iniques & ſacrileges exceſſifs: combien  
qu'auſſi auparauant il fuſt pauvre extremement & mendiant, comme celuy  
qui n'auoit eu aucune ſucceſſion ny patrimoine de ſes pere & mere ny d'autres parens, & ne  
ſ'eſtoit ingeré d'amaffer aucun bien par le moyen de quelque ſcience ou eſtude. Encor moins  
faut-il mettre par eſcrit ce qu'il a exigé des freres Chrestiens par crainte & menaces, prenant  
gage & loyer de ceux auſquels il faiſoit tort, & promettant leur donner aide & faueur, pourueu  
qu'il en receut ſalaire, leſquels toutefois il a abuſez: car il perceuoit grand profit par ce moyen,  
ſans en meriter vn ſeul brin, & ce par la promptitude & inclination trop affectee enuers luy, de  
ceux qui eſtans embrouillez d'une infinité d'affaires, les luy donnoient en main avec tel guer-  
don qu'il demandoit, afin qu'ils fuſſent deliurez de la faſcherie prouenant à raiſon des procès.  
Qui donne à coniecturer qu'il eſtimoit le gain & ſoing à amaffer argent, & les rentes ou reue-  
nuz, tenir le lieu de ſaincteté, & eſtre pieté, religion & honneur que lon faiſoit à Dieu. Il n'eſt  
auſſi point de neceſſité de diſcourir comment il monta en orgueil, & deuint tellement ſuperbe  
pour cauſe de ſes dignitez mondaines, qu'il aimā mieux eſtre appellé Ducenaire, qu'Eueſque.  
Pareillement on ſe paſſera bien de reciter en ce lieu, comment il ſe pourmenoit par le marché  
publiquement avec grand pompe, comment il y liſoit les epistres qui luy eſtoient adreſſees,  
comment il dictoit les reſponſes d'icelles en public deuant tous, comment il n'alloit point par  
les ruēs ny ailleurs, ſans grande compagnie de ſatellites & hommes armez & bien equippez,  
dont les vns alloient deuant, les autres marchoyent apres. Bref, ce ſeroit choſe ſuperflue d'eſ-  
crire, que pour ſon arrogance & fiereté de cœur, il print la foy tellement en hayne, qu'il l'auoit  
en horreur & execration. Encor vaut-il mieux ſe taire de l'orgueil monſtrueux & admirable qui  
eſtoit en luy par cupidité de renommee & gloire, dont il monſtroit apparence avec quelques  
contournemens des yeulx, avec geſtes abuſifs, & avec inuention en façons de faire fardees  
& contrefaites: de ſorte que par telles geſtes il eſtonnoit les eſprits des plus ſimples &  
moins rufeſ, les rempliſſant de merueilleux eſpouuement. Ce ne luy fut pas aſſez, car de-  
dans l'Egliſe il fit dreſſer vn ſiege beaucoup plus hault qu'il n'auoit de couſtume, non pas  
tel

„ tel qu'il falloit pour vn disciple de Iesus-Christ : mais plus somptueux , & se ressentant entie-  
 „ rement de vaine gloire. Il voulut aussi faire le siege à son secretaire, afin qu'il fust tousiours prest  
 „ pour escrire : <sup>b</sup> tout ainsi que les iuges & presidens ont accoustumé de les auoir au bas de leur  
 „ sieges. Encor fit il faire vn cabinet, cōme les Princes & grands Seigneurs. Quand il estoit en sa  
 „ chaire, pour contenance il s'esbranloit de la main & faisoit tréber sa cuisse, & de fois à autre frap-  
 „ poit des pieds le bas de son siege. Et si quelqu'un se trouuoit qui ne louast point telles façons  
 „ de faire, ou ne frappast en signe d'approbation, ou ne iettast des bandelettes menues, ou ne dô-  
 „ nast quelque autre apparence de contentement (comme lon a coustume de faire es theatres &  
 „ ieux publiques) ou ne s'escriast de ioye & sautast ainsi que ceux de sa faction qui l'enuironoyent  
 „ faisoÿt, il iugeoit que tel luy faisoit iniure. Voyla comment les hommes & les femmes escou-  
 „ roient ce prescheur, faisant ses harangues avec contenances des plus sortes & mal-seantes que  
 „ lon scauroit penser. Or ce gētil prescheur outrageoit aussi avec paroles iniurieuses & fort ru-  
 „ des, ceux qui prenoient place pour s'asseoir en l'Eglise, disposans la contenance de leurs corps  
 „ avec gestes graues & maintien honneste. D'auantage il se mocquoit effrontément, & sans honte  
 „ parloit mal des bons docteurs decedez, qui auoyent interpreté la parole & déclaré les saintes  
 „ escritures. Bref, il estoit fascheux & ennuyeux en public, parlant de soy magnifiquement à son  
 „ aduantage : non comme doit faire vn Euesque, mais ainsi qu'un sophiste & affronteur. Outre  
 „ ce que dit est, il reietta les Pſalmes & Cantiques contenant les loüanges de Iesus-Christ, cōme  
 „ chose nouuelle & composee par hommes modernes, & non par anciens personages, & ordon-  
 „ na qu'au milieu de l'Eglise, au grand iour & solemnel de Pasque, les femmes de sa suyte chanta-  
 „ sent ses loüanges, ce qui n'est pas possible à vn homme de bon cœur de pouuoir ouyr, sans en  
 „ auoir horreur. Il faisoit aussi secretement venir des villes voisines & bourgs prochains, quel-  
 „ ques Euesques & prestres qui s'estimoyent bien-heureux d'estre aupres sa personne, pour le gai-  
 „ gner par flatterie, lesquels il attiroit si bien & faconnoit à sa poste, qu'ils montoyent en chaire  
 „ publiquement quand tout le peuple estoit assēblé, & ne parloyent d'autre chose en leurs ha-  
 „ rangues ou presches, sinon des perfections & vertuz qu'ils feignoient estre en luy. Or il ne veut  
 „ pas confesser avec nous que le fils de Dieu est descendu du ciel, afin que nous mettions en auant  
 „ comme par preoccupation & auance quelques vnes des choses qui puis apres seront mises par  
 „ escrit. Ce que nous ne dirons pas en simples paroles & nues, mais sera prouué totalement par les  
 „ commentaires que vous auons enuoyez. Il ne dit pas moins en quelque autre part, que Iesus-  
 „ Christ a prins son origine de la terre. Or ceux d'entre le peuple qui chantent les loüanges de ce  
 „ meschant homme en leurs pſalmes & cantiques, le disent estre vn ange & maistre qui est des-  
 „ cendu du ciel pour les venir instruire & enseigner sur terre. Quant à luy, il est tant superbe qu'il  
 „ ne defend point telles choses estre chantees, mesme il assiste & est present quand on les chante.  
 „ Mais que dirons nous de ses femmes : subintroduictes, amenees d'ailleurs ou estrangeres ?  
 „ (car on les appelle ainsi en la ville d'Antioche.) Que dirons nous de ses prestres & diacres ou  
 „ ministres : auxquels il permet d'auoir des femmes avec eux, & conuie à plusieurs autres pe-  
 „ chez sans remission, & les cele & tient secrets avec eux, cōme s'en ressentant coupable & par  
 „ interualle les reprend de telles offenses pour les tenir tousiours en la suiection. Et en ces cho-  
 „ ses il leur fait tort, & par effect & paroles quant & quant, par ce que la crainte qu'ils ont du  
 „ mal qui leur en pourroit aduenir, les empesche qu'ils ne prennent la hardiesse de l'accuser. Ou-  
 „ tre ce, il les a aussi faits riches : qui est la cause que ceux qui suyuēt telles affectiōs, le cherissent,  
 „ l'aiment, & l'ont en admiration. Mais pourquoy escriuons nous cela ? Nous scauons biē, amys,  
 „ que l'Euesque & l'ordre de prestrie en general doit seruir d'exemple à la multitude, pour inci-  
 „ ter à faire toutes bonnes œuures. Nous n'ignorons pas aussi que plusieurs qui ont introduit  
 „ & admis des femmes estrangeres ont grandement failly & se sont oubliez en leur deuoir. Beau-  
 „ coup d'autres sont tombez en vn vilain soupçon que lon a eu d'eux. Or quand nous accor-  
 „ derions que quelqu'un ne fait rien en cest endroit qui soit des-honneste & impudique, si est ce  
 „ toutefois qu'il fault euitier la suspicion qui procede & vient de telle maniere de viure, à celle fin  
 „ que aucun n'en soit offensé, ny incité à imiter & ensuyure telle mauuaise accoustumance. Mais  
 „ comment sera il possible qu'un homme tence, reprenne, ou indoctrine & instruisse quelque au-  
 „ tre, à ce qu'il se donne garde de tomber en faulte, au moyen de trop frequente conuersatiō avec  
 „ femmes (cōme il est escrit) si tel reprenneur en a desia repudié & ietté vne hors d'avec luy, & s'il  
 „ en entretiēt en sa maison d'eux autres florissantes en aage & excellentes en beauté, & mesme s'il  
 „ les mene en sa cōpagnie en quelque part où il aille, follestrât impudiquement & se laissant trāf-  
 „ porter à toutes sortes de plaisirs & mignardises ? A raison de quoy toutes gens de bien soupirent  
 „ grieveusement en eux mesmes, & en menent grand dueil. Ioinct que chacun a telle crainte de sa  
 „ tyrannie qu'il n'y a personne qui ait la hardiesse de l'accuser ny reprendre, ou de luy remonstret.  
 „ Or si c'estoit vn hōme qui tint l'opiniō catholique cōme nous tenons, & qui fust enregistrt au  
 „ roolle de nostre ordre, on le pourroit facilement corriger & faire changer ceste maniere de vi-  
 „ ure, ainsi qu'auons dit cy deuant. Mais ce seroit temps perdu de vouloir scauoir la raison & fai-  
 „ re rendre conte de telles maluersations & pechez à celui qui a déclaré des choses qui deuoyent

„ est d'escri-  
 „ vn Eues-  
 „ que superbe  
 „ auare,  
 „ plein de  
 „ vaine gloi-  
 „ re, & tota-  
 „ lement se-  
 „ culier &  
 „ mondain

„ Heresie  
 „ meschante  
 „ de Paul de  
 „ Samosate.

„ Impudicē  
 „ de Paul de  
 „ Samosate  
 „ deuant les  
 „ yeux d'un  
 „ chacun.

estre enseuelies sous vn perperuel silence, qui a descouuert & reuelé le mystere & qui a ramené en ieu & semé l'heresie detestable d'Artemon. Car qui nous empesche de donner à congnoistre à tous finalement, qui est le pere de cest Apostat, au fait de l'heresie? Puis à la fin de leur Epistre, pour conclusion ils teindrent ces propos: Parquoy puis qu'il repugnoit à Dieu en telle sorte, & ne vouloit ceder, ny se rendre vaincu, la necessité nous a contraincts de l'excommunier & ietter hors de l'vniõ de l'Eglise, & de mettre vn autre en son lieu, qui eust la charge de la congregation des fideles Catholiques en Antioche, chose qui n'a pas esté faite sans la prouidence diuine, cõme bien nous estimons. Et celuy que nous auons fait Euesque en sa place, est nommé *Domne*, fils du bien-heureux prelat *Demetrian*, qui a fort bien regy l'Eglise dudit lieu, auant que ce meschant Paul de Samosate en eust l'administration: il est homme de bien & a en luy tous les ornemens & dons de grace que l'Euesque doit auoir. Nous vous auons rescrit ces choses, à telle fin qu'enuoyez des lettres de communication & alliance à ce nouveau Euesque, & qu'en receuiez pareillement de luy. Quant à celuy de Samosate, qu'il rescriue (s'il veult) à Artemon, & que ceux aussi qui approuuent l'opinion d'Artemon communiquent les vns avec les autres. Voylà comment se sont portees les affaires de Paul de Samosate.

*Domne  
Euesque  
d'Antioche.*

*Demetrian  
Euesque.*

*a Ducenaire qu'Euesque) Le Ducenaire, fut le nom du principal officier & plus grand apres le gouverneur & commis de l'Empereur Auguste, ou apres le Comte d'Orient, ou mesme apres chacun des autres gouverneurs des provinces: lequel estoit esleu & appelle à tel estat de l'escole & assemblée des conseillers du conseil priuè, manians les affaires de l'Empire. Il est fait mention des Ducenaires es loix, & sont de semblable puissance à eux les chanceliers des Roys & grands Princes.*

*b tout ainsi que les iuges) Ce que ie dy en celieu, Siege de secretaire, est dit au Grec de l'auteur οὐκιστορ d'ou est venu ce nom de Secretaire, qui manie les affaires secretes. Il peult estre interpreté le contonier, sur lequel le greffier ou secretaire escrit aux pieds du iuge. Ou bien si on le trouue en Latin, Secretarium (comme Ruffin l'a traduit d'Eusebe, liu. 7. chap. 26.) on le pourra dire estre vn cabinet où les grands Seigneurs serrent les choses plus precieuses & secretes. I'ay bien voulu mettre icy l'un & l'autre, afin que le Lecteur s'arreste à celuy qui luy semblera meilleur.*

*c subintroduites) Au troisieme chap. du Concile de Nice, il est dit: Le saint Concile interdit & defend en tout & par tout, que ny le prestre, ny le sousdiaire, ny aucune personne du clergé quelle qu'elle soit, n'ayent licence ou permission de tenir avec soy, ou auoir aucune femme introduite ou estrangiere, si ce n'est d'auenture sa mere, ou sa sœur, ou sa tante, ou bien quelque vieille, ou autres telles femmes, desquelles on ne puisse auoir soupçon. Et la Distinction 32. Que personne n'oye la messe du prestre, lequel il sçait sans aucune doute auoir vne concubine ou quelque femme estrange. Là mesme. Le mot Grec οὐκιστορ, signifie introduites, amenees d'autre part, ou estrangeres: c'est à dire, qui ne sont ny femmes mariees, ny concubines, mais d'une troisieme espee, que les prestres entretenoyent non pour engendrer lignee, ny pour le plaisir charnel, mais par affection de charitable pitié, ou du moins sous pretexte & conuerture de pieté. Desquelles s. Ieã Chrysostome a fait vne fort belle homilie. Ruffin, au 10. liu. de l'hist. Eccles. mettant les articles du Concile de Nice, tourne ce mot Grec en vn Latin, qui signifie Estrangeres, comme aussi elles sont dites estrangeres en la loy, Eum qui. au Code des euesques & clerics. Gregoire le Theologien, escrivant aux Vierges dediees à Dieu, contre les hommes subintroduits ou estrangers (car aussi bien y auoit il des hommes que des femmes) dit ainsi:*

*Entre la vie & mort n'y a aucun milieu:  
Parquoy ie ne sçay pas bonnement, en quel lieu  
Les hommes estrangers, introduits & admis  
Avec femmes, seront ou doient estre mis.  
Sont ils non mariez: ou ioincts par mariage?  
Ou au milieu des deux passeront ils leur aage?  
Encor y a il ce qui s'ensuit:*

*Tout homme fault fuir, mesme subintroduit.  
L'eau de mare est amere, & à boire ne duit.  
Et de rechef.*

*Sois Vierge en ton priuè, vierge deuant le monde:  
Vierge de cœur & corps, & n'introduis ny mets  
Aucun masle avec toy, ny l'estranger n'admits:  
Christ soit ton seul amy & espoux pur & munde.*

*De Manes heresiarche, duquel les Manichees ont prins le nom: & de son heresie.  
Chap. X X X I.*

*Heresie de  
Manes &  
de ses ad-  
herans.*



Necor n'estoit pas du tout appaisée ceste tempeste, quand de rechef vne autre, beaucoup plus cruelle que la premiere fut eleuee & mise sus, menant avec soy de grands flots, & conduisant vne fascheuse *a* tourmente. C'estoit *b* Manes, homme du tout destitué de son bon esprit, & insensé, lequel par la meschanceté de son intelligence deprauée, avec vne langue armée de propos fardez, & avec paroles enuenimees d'heresie diabolique, attira à soy les volonteés de plusieurs personnes à leur grand dommage. Or estoit il Persan de nation, de seruile condition par vn long temps: Mais



Mais venant soudain à heriter aux biens de sa maistresse, laquelle le constitua son heritier par testament & ordonnance de dernière volonté, il ne se voulut pas contenter de viure plus delicatement & mieux à son aise, comme il en auoit le moyen qui luy estoit venu outre son esperance: mais encor qu'il n'ignorast pas qu'il deuoit rendre graces de tel bien au Seigneur Dieu donateur de telles choses, si est ce qu'il se rendit comme instrument (tel qu'il estoit) à l'ennemy de verité pour la combatre, & se deuoya du bon chemin, à celle fin de semer des opinions erronees & fabuleuses: car il maintenoit qu'il y auoit deux choses non engendrees, ains donnees de nature: sçauoir est, Dieu, & la Matiere, appellant Dieu, lumiere: la Matiere, tenebres. Que la lumiere estoit bonne, les tenebres mauuaises. Que l'un & l'autre n'estoyent autre chose sinon des arbres portans fruiçts conuenables. Que Dieu estoit bien loing de la Matiere, & la Matiere encor plus loing de Dieu. Pareillemēt que Dieu tenoit la contree d'Orient, Septentrion & Occident, & que la matiere auoit le midy. Que beaucoup de siecles apres, la matiere esmeur seditiō & eut debat à l'encontre de ses fruiçts, & qu'à la iournee de la bataille, les vns furent mis en fuyte, les autres quitterent la place, & que telle contention, debat & persecution vint iusques à la lumiere. Que la matiere, accompagnée de mauuais esprit, de diables ou daimons, de feu & d'eau, a couru iur & assailly la lumiere. Que Dieu espouuanté & estonné de se veoir tant subitement surprins par l'effort de telle armee, ne sçauoit de prime face qu'il deuoit faire, & n'auoit pas bonnement le moyen de repoulsier si grande force & se venger de telle iniure. Parquoy il empoigne vne partie de la lumiere, & l'enuoya contre la matiere, comme pour l'amorcer & alleicher. Mais que la matiere fut blessée, & deuint grosse ayant englouty ceste partie de lumiere. Puis, que Dieu estant contrainct par cela, composa & bastit le monde, afin d'appaiser tel debat, & remettre en paix ce qui ne s'accordoit pas ensemble, donnant peu à peu liberte à la lumiere meslée avec la matiere. D'auantage il maintenoit que l'homme n'auoit pas esté créé de Dieu, mais de Seucia, matiere princesse & plus excellēte, & que pareillemēt Eue auoit esté produicte immobile & sans ame par la mesme matiere principale. Encor disoit il qu'Adama uoit figure de beste sauuage, & plusieurs autres baueries semblables qu'il mettoit en auāt. Il tenoit aussi ceste opiniō que le Soleil & la Lune estoyent quelque chose diuine, tellemēt qu'il controuua beaucoup de choses mōstureuses touchant iceux, dont il vault mieux se taire que le racōter. Il appelloit le diable, tantost matiere, tantost prince de la matiere. Il a dit le mariage du diable estre loy & cōstitution. Outre ce, il affermoit le Seigneur Iesus n'auoir receu ny ame ny corps, mais qu'il sembloit seulement homme, bien qu'il n'eust rien d'humain en soy, & que les passions coustumières aux hommes, ne luy sont aduenues sinon par apparēce, fantasie & fard. Il reiettoit la resurrection des corps, cōme chose fabuleuse, car il iugeoit qu'il n'y auoit aucune part de la matiere qui fust digne d'estre sauuee. Bref, entre autres choses contraires à la verité, il enseignoit que les ames passoyent de corps en corps, mesme que celles des hommes mourans se lançoient au corps des oyseaux, ou beste domestique ou sauuage. Ceux qui suyuent sa doctrine ont opiniō que tous les elemens sont animez. Ils se seruēt de diuerses impostures, abuz & tromperies, mettant en effect des mysteres meschants & execrables, comme sont les conionctions charnelles, abominables & defendues, mesme en temps de nuit, & plusieurs autres meschantes, indignes d'estre mises par escrit: Parquoy il est impossible d'amender ny purger l'ordure de leur doctrine, car il fault estimer & croire que ce ne sont qu'enchantemens diaboliques, lesquels tiennent les ames de ceux qui ont fait quelque apprentissage en icelle, liees & garotees, de sorte qu'on ne s'en peult retirer aucunement.

*Ainsi Bafilides en ses baueries disoit que le Christ auoit esté enuoyé par Abraxas en fantasme ou semblance de chair. Tertullian. Ainsi les heretiques controuuent & mettent en auant des mots mōstueux.*

<sup>a</sup> tourmente) Manes, qui aussi se disoit Scythia, estoit Brachman de nation, & eut pour precepteur Buddas, qui au parauant se nommoit Terebinthe. Ce Buddas és sciences Grecques, ensuyuit l'heresie d'Empedocles, qui disoit y auoir deux principes contraires entre eux, Debat & Amitié. Il affermoit faulxement qu'il nasquit d'une vierge au pays de Perse & fut nourry & esleué és montaignes. Il composa quatre liures, lesquels il intitula Des Mysteres, De l'Euangile, Du Tresor, Des Chapitres. Or fut il tourmenté & vexé par un diable qui le fit mourir. Ses liures & le reste de son bien par succession hereditaire vindrent és mains d'Arbique, depuis nommé Manes, qui les tint comme siens, par ce qu'il luy auoyent esté donnez par testament & leguez par la femme, qui entretenoit iadis Buddas, laquelle ayant acheté Arbique aagé de sept ans, pour le prix de dix escuz & quelque monnoye, luy donna puis apres liberte & l'institua son heritier. C'est ce que Suidas en dit.

<sup>b</sup> Manes) Manes par quelques vns est nommé Maniche, d'où est venu le nom des Manichees: qui en Grec signifig semez de folie: mais les manichees fuyās ceste appellation, se sont voulu dire Mannichees, comme versans la manne, afin que par l'alleichement de ce mot, ils attirassent à eux les plus rudes.

Comment Manes fut escorché tout vif, & denué de sa peau en toutes les parties de son corps, ietté aux chiens pour viande.

Chap. XXXI.



R Manes eut trois sectateurs & disciples qui estoyent, Addam, Thomas & Hermas, desquels il enuoya Addam en Syrie, & Thomas aux Indes, pour y prescher & annoncer sa doctrine. Eux estans de retour, & rapportans comment ils y auoyent souffert de

Mort de  
Manes.

Personna-  
ges eccle-  
siastiques qui  
ont escrit  
contre l'he-  
resie de  
Manes.

grandes extorsions & falcheries, & qu'aucun n'auoit voulu receuoir sa discipline : Manes, l'hō-  
me de ce monde le plus outrageux enuers Dieu, aua biē se faire nommer le Christ, disant qu'il  
estoit le S. esprit, & l'autre paraclit, consolateur & aduocat, enuoyé aux hōmes pour moyenner  
leur salut. Et pour se monstrer tel, il se mit aux champs avec douze Apostres qu'il print pour sa  
compagnie : & fit tant par ses iournees, qu'il arriua en Mesopotamie, & de la tōurnoya tout le  
Royaume de Perse, où il promit (par sa temerité & faulte d'esprit) qu'il guarirōit le fils du Roy,  
qui fut cause de le faire tomber au cōble de ses maux. Car apres que lon l'eut chassé de là, com-  
me celuy qui manifestement auoit Dieu à mespris, il ne se peut garder d'y retourner : & à son  
retour il fut tout esbahy quēle Roy luy fit mettre la main sur le collet, & ayant fait son proces  
l'adiugea à la mort par le <sup>a</sup> supplice coustumier au pays de Perse : Car il fut escorché & des-  
nué entierement de peau, puis ainsi nud exposé aux chiens pour leur seruir de viande. Telle fut  
la fin de ce meschant & malheureux heretique, duquel si quelqu'un vouloit mettre par escrit  
toutes les resueries & sottises opinions, il luy seroit besoing d'en faire plusieurs volumes. Or est  
son heresie comme vn amas & extraict d'infinité de faulces ordōnances & doctrines ia des long  
temps atteinētes & assopies, lesquelles il a assembles en vn, les amenāt du pays de Perse en nos  
contrees, & les vomissant contre nous, comme venin mortifere. Le serpent trescauteleux & ru-  
sē a inspiré telles disciplines es esprit humains, se seruant de tels auant-coureurs, guidons, ou ser-  
geās de bande, quand il veult ordonner son armee pour presenter la bataille à la verité. Or est  
il bien facile au Seigneur Dieu, de descouurir & conuaincre la mensonge de telles tromperies,  
& rompre ou mettre en route la bande de tels repugnateurs de verité : Chose à luy autant aisée  
à faire qu'il est facile de mettre en pieces vne toile d'araignee. :: Les gens de bien qui ont cō-  
batu virilement ceste heresie avec la gloire de la victoire, par liures mis en lumiere à l'encōtre,  
sont Tite, Euesque de Bostre, & Diodore, pasteur de la ville Metropolitaine & capitale du pais  
de Cilicie. Gregoire de Laodice aussi a mis la main à la plume contre icelle : lequel defendit &  
soustint l'heresie Ariane, ayant esté fort bien instruit des son ieune aage es disciplines de phi-  
losophie. D'auantage, Eusebe de Phenice a escrit cōtre Manes & sa secte C'est icy ce que i'auois  
à dire de l'heresie d'iceluy, du nom duquel plusieurs sont encor de present appelez Manichēes.  
Or est il besoing de passer outre & venir aux autres poincts de ceste histoire. Pour la fuyte de  
laquelle ie reciteray premierement les successions des Empereurs, puis les entresuytes des eues-  
ques qui ont la charge des grandes Eglises : puis ie mettray en ieu pour enseigner de recon-  
noissance, les liures & autres cōpositions que les autheurs Ecclesiastiques ont couché par escrit  
declarant par mesme moyen lesquels d'entre eux ont vescu iusques au temps de la persecution  
des fideles, faite par les tyrans inhumains, & iusques à ce que les Eglises ont eu beaucoup à souf-  
frir à raison des assauls qu'on leur liuroit de tous costez.

<sup>a</sup> supplice cousturnier) Le Roy de Perse commanda qu'il fut escorché tout vif, comme celuy qui estoit au-  
theur & cause de la mort de son fils, lequel il auoit promis de guarir & rendre sain, sans ayde ny travail d'au-  
cun medecin. Or quand on eut donné congé aux medecins, entre les mains desquels le ieune prince estoit, peu de  
temps apres il mourut. Manes aussi reieta le vieil Testament, comme n'estant pas du bon Dieu, & approuua le  
Nouveau, comme estant du bon Dieu. encor affirmoit il que le Christ apparut seulement par opinion & fantasie,  
& qu'il a fait toutes choses par fard & beau semblant. Suidas.

De la succession des Empereurs Romains. Chap. XXXIII.

Les au-  
tres histo-  
riens escri-  
uent que  
Valerian n'a  
pas esté mis  
à mort,  
mais bien  
qu'il en-  
uieillist en  
seruitude  
miserable  
& vilaine



Mort Decie, Galle tint l'Empire Romain deux ans durans. Depuis luy,  
la Monarchie vint es mains de Valerian & Galien. Or ayant Valerian  
leué vne armee pour faire guerre aux Persans, aduint que la gend'arme-  
rie se trouua en grande extremité pres d'Edesse : tellement que voyant  
l'ennemy qu'elle estoit plus atteneue par la famine que non pas de bō-  
ne guerre, il se prepara pour donner la bataille. Or craignoit Valerian  
qu'il ne peust soustenir l'effort de ceste gent : parquoy il fit semblant de  
vouloir attendre le choc, & se rendit volontairement aux Persans, en de-  
liberation de traicter quelque accord de paix avec eux, & leur trahir &  
rendre son armee. Les Romains s'apperceuas de la menue, eschaperent au fuir, hors mis vn bon  
nombre qui y perdirent la vie. Valerian doncques demeura serf entre les mains des Barbares,  
& de leur Roy Sapore : à la fin, luy estant la gorge coupee, il laissa l'Empire à Galie son  
fils. Ces deux furēt Empereurs l'espace de quinze ans, & eurent Claude pour successeur au gou-  
uernement de la Monarchie, lequel <sup>a</sup> ayant administré les affaires de l'Empire par le temps  
& terme d'un an & dix mois, laissa la puissāce souueraine d'iceluy à Aurelian. Cest Aurelian fut  
mis à mort par vne menue cauteleuse en vn certain <sup>b</sup> Chasteau-neuf, apres auoir cōmandé par  
l'espace de six ans. Tacite luy succeda, qui ne demeura que six mois en l'Imperiale maiesté. Lon  
dit que de son temps ce grand personnage Chariton paracheua le cours de sa confession.

Florian,

Florian, esleu Empereur apres Tacite, gouuerna les affaires de l'Empire Romain, trois mois durans. L'un & l'autre franchist le pas de la mort au trenchant de l'espee, cause que le maniment de l'Empire fut transmis & donné es mains de Probe, qui en iouist six ans & quatre mois: puis estant mis à mort en vn lieu nommé :: Sirmie, il laissa la souueraineté à Care & à ses enfans Carin & Numerian. Encor n'auoyent ils pas tenu l'Empire trois ans entiers, quand Diocletian en fut pourueu. Or dit on que Numerian, fils de Care, estant venu en la ville d'Antioche (qui est pres de la riuere d'Orontes, tenant au pais de Syrie) entra en l'Eglise des Chrestiens, où voulant regarder librement & à son aise les mysteres secrets d'iceux, quasi par maniere d'acquiescement, l'Euesque Babylas se dressant deuant sa face avec grand courage y mit empeschement, disant n'estre chose licite, que luy qui estoit souillé de sang des bestes sacrifiées aux idoles, mist si hastiuement le pied en la maison de Dieu, & regardast les mysteres diuins avec ses yeux contaminez & polluz. Numerian se sentant offensé à raison de telle reprehension, luy fit endurer tant de tourmens que la mort s'en ensuyuit. Quant à l'Empereur Care (pere de Numerian & Carin) il fut brulé dans sa tente, par vn feu du ciel tombant avec foudre, qui le mit en cendre avec le pavillon. Numerian fut mis à mort par son beau-pere. Carin, par ce qu'il se gouuernoit mal, & des-honnestement en son Empire, ne se peult sauuer que le peuple ne le tuast. Quand ces trois eurent ainsi esté saccagez, Diocletian (venu du pais de Dalmatie, ia de long temps Senateur & Conseillier de Rome, renommé pour auoir esté Consul de la ville, homme qui auoit mis à executiõ plusieurs proïesses & beaux faits de sa main, vaillât au fait de la guerre, au reste prompt à donner bon conseil) fut proclamé Empereur des Romains par la commune voix de tous les soldats de l'armee.

a ayant administré) Apres la mort de Faue Claude, son frere Quintilie fut esleu Empereur par les gens de guerre, & mourut le dix-septiesme iour de son Empire. Eutrope.

b chasteau neuf) Le nom de ce chasteau, estoit Cenophrurie.

c L'un & l'autre) Vopisque & Orose disent le pareil: Mais Eutrope dit que Tacite mourut de fièvre en la ville de Tarse, n'ayant encor tenu l'Empire deux cents iours entiers, & que Florian sestant fait luy mesme inciser les veines, fut cause de sa mort.

d sauuer que le peuple) Il mourut de la main d'un Tribun, de la femme duquel il auoit abusé par pail-lardise, comme dit Eutrope.

Les Euesques qui ont tenu le siege episcopal es grandes villes, & y sont demeurez iusques à ce que les Eglises ont esté combatues.

#### Chap. XXXIII.



Oylà comme l'Empire mondain & affaires seculieres se gouuernoient pour lors. Maintenant ie veux mettre en ieu & denombre les Euesques qui de ce mesme temps gouuernoient bien & sainctement les plus grandes Eglises. A Rome, Luce fut creé Euesque apres Corneille, lequel peignit assez bien Nouat de toutes ses couleurs, & qui tint le siege Episcopal trois ans durans. Luce n'ayant passé huit mois entiers au gouuernement de l'Eglise, laissa l'administration d'icelle à vn nommé Estienne, qui eust Xiste possesseur, apres la deuxiesme annee de sa prouision. Tous ces Papes estoient du temps de l'Empereur Valerian: mais quand Galien vint à l'Empire, Xiste fut administrateur & gouuerneur de l'Euesché Romain, vnze ans durans auquel Denys succeda, qui regit l'Eglise par le temps & terme de huit ans. Felix, son suyuât, demeura Pape cinq ans: puis laissa la charge du clergé es mains d'Eutychien, duquel (ayant tenu la Papauté enuiron huit mois) Caie fut successeur. Or auoit il eu quinze ans durans la puissance souueraine des choses sacrees, quand il alla de vie à trespas, laissant le tout es mains de Marcellin, au temps duquel aduint la persecution & poursuyte inhumaine contre les Eglises Chrestiennes. En la ville d'Alexandrie. Maximin succeda à ce grand personnage Denys, & gouuerna l'Eglise dudit lieu par l'espace de dix-sept ans, apres Heraclas, lors que Galien eut atteint le douzieme an de son Empire. Apres Maximin qui tint l'Eglise en sa puissance enuiron dixhuit ans, Theonas en print la charge, lequel fut Euesque dix-neuf ans durans: & apres sa mort, laissa Pierre pour successeur. Iceluy Pierre s'acquitta tres-bien de son deuoir par l'espace de douze ans: dont les trois premiers luy furent assez faciles à passer, car c'estoit auant le temps de la persecution, mais les neuf autres apporterent vne plus fascheuse maniere de viure, avec plusieurs entorses & combats: d'autant que son plus grand soing estoit de solliciter & procurer le commun profit des

Euesques ou Papes de Rome.

Euesques en Alexandria.

Autres l'appellent Maxime.

Euesques  
d'Antio-  
che.  
Euesques  
de Ierusalē.

:: Autres  
lisent Lab-  
das.  
:: Autres  
disent  
Thermon.

Eglises au possible : Mais au neuuiesme an de la persecution, à la fin on luy treucha la teste, & par ce moyen il receut brauement la courōne de martyre. Quant est de l'Eglise d'Antioche, Demetrian succeda à Fabie en la charge de l'Euesché, & Paul de Samosate à Demetrian. Ce gal-  
land Paul fut depōsé de son office: au lieu duquel, Domne, fils de Demetrian print le gouver-  
nement de l'Eglise Antiochene. Timæ succeda à Domne, Cyrille à Timæ, & Tyran à Cy-  
rille. Et de ce temps s'esleua fort grand trouble à l'encontre des Eglises, par le moyen des per-  
secutions qui se faisoient contre les fideles Chrestiens. En la ville de Ierusalem, :: Zabdas fit le  
deuoir de gouverner l'Eglise sainte apres Hymenæ, & mourut plusieurs annees apres sa pro-  
motion en l'Euesché, d'une mort qui appartient aux gens de bien, au moyen de laquelle la  
puissance souueraine sur le clergé, fut donnée à . . Hermon qui fit son deuoir au ministere de l'e-  
glise, iusques à la persecution, defendant brauement le siege Apostolique, par longues annees  
qu'il vesquit. Voylà ceux qui par ordre & avec intersuite gouvernerent les Eglises de renom,  
iusques à la tresgrande persecution qui aduint sous l'Empire de Diocletian & Maximin.

*De quelques autres personages Ecclesiastiques, excellens en eloquence & doctrine,  
qui furent de mesme temps. Chap. X X X V.*

Eusebe l. 7.  
cha. 26. dit  
que Doro-  
thee fut e-  
uesque  
d'Antio-  
che, entre  
Cyrille son  
precesseur,  
& Tyran  
qui luy suc-  
ceda.

Dorothee  
prestre de  
Antioche.  
Dorothee  
maistre de  
la teincture  
d'escarlatta  
en la ville  
de Tyr. Eus.  
l. 7. ch. 25.  
vrie pre-  
stre Ale-  
xandrin.  
Achillas  
prestre en  
Alexandrie

Les lettres  
profanes,  
utiles aux  
Theologes.  
Melice Pon-  
tique.  
Miel d'At-  
rique, hōme  
d'erudition  
tresparfaite  
en toutes  
sortes de  
sciences, &  
de vertu  
singuliere.



R par ce qu'en d'autres paroisses & eglises se sont aussi trouuez de ce  
temps quelques hommes sages & de grand cœur, ie parleray d'eux autāt  
succinctement que faire se pourra. Il est vray que i'ay delia mis en ieu  
au parauant le bon Gregoire, renommé au moyen des myracles qu'il fai-  
soit, & son frere Athenodore, puis Firmilian, tous euesques de Cappa-  
doce, mettans d'eux par escrit ce qui estoit besoing: comme aussi ie n'ay  
mis en oubly Theotecne, euesque de la ville de Cesaree en Palestine. En  
ce mesme temps, lors que Tyran commandoit en l'Eglise d'Antioche, y  
auoit en ladicte ville vn prestre, nommé Dorothee, homme fort biē ap-  
prins & instruit en tous arts liberaux, lequel fut tant studieux de pieté & foy Catholique, qu'il  
vouloit parfaictement apprendre la langue Hebraïque, afin que par le moyen d'icelle il peust  
auoir plus entiere intelligence des lettres saintes, qui furent premierement couchees par es-  
crit en ceste langue. Il naquit eunuque & fut trouué chastré de nature, dès l'instant de sa natiui-  
té: & pour ceste cause l'empereur se rendit amy & familier de luy, comme ayant en foy quel-  
que chose de nouveau que les autres n'estoyent coustumiers d'auoir, & pour luy faire hōneur  
luy dōna la superintendēce & esgard sur tous les teinturiers d'escarlatta en la ville de Tyr. Or  
enseignā il le peuple, luy declarant les choses saintes en pleine assemblee: mesmemēt qu'Eusebe de Pamphile se dit auoir esté son auditeur en son bas aage. Il y eut vn autre personnage en  
Alexandrie, nommé Pierie, prestre en dignité, homme honorable d'apparence & renom, lequel  
estoit en admiration de tous, tant pour le mespris qu'il faisoit des richesses, pour la philosophie  
qui estoit en luy, & pour le sçauoir des disciplines Grecques qu'il auoit acquises par son trauail,  
que pour l'estude & congnoissance des saintes escritures, esquelles il se monstroit fort expert  
par les interpretations & disputes publiques qu'il faisoit d'icelles. Alors y auoit vn Euesque en  
Alexandrie qui se nommoit Theonas. Avec iceluy Pierie, Achillas acquit grand louange en l'e-  
stat de prestre, lequel auoit la charge des escoles où estoient enseignees les saintes lettres: au  
deuoir de laquelle charge, l'estude de philosophie luy ayda grandement & fut tres-profitable,  
car par le moyen d'icelle, il descouurit apertement & mit en euidence les vrais enseignemens  
& arrests entiers de l'euangile. Aux contrees de Pont, Melice fut bien renommé & en grād' esti-  
me, qui fut surnommé Miel d'Attique, par ceux qui tenoyēt conte de la Grecque philosophie.  
Or fault il necessairement que ie dise cela de luy, que si quelqu'un veult descrire vn personna-  
ge tres-parfait & accompli en toutes sciences excellentes, il luy doit suffire de mettre en ieu  
Melite, comme vray patron & parfait de ce qu'il se propose: Car premierement on a veu & cō-  
gneu que la science de bien dire, qui gist en l'art oratoire, a esté en luy naturelle & naïue au pos-  
sible. Que si nous l'auions en admiration pour autre cause, que pour ceste cy, nous luy ferions  
tort, luy denians l'honneur qui luy est deu, & ne luy attribuans pas le tout de ce qu'il merite:  
Car il n'est pas possible de penser d'auantage (si est question de parler de toutes sortes de sci-  
ences & doctrines) que ce qu'il en a acquis par son estude & labeur. Tellement, venant à con-  
ferer & tenir propos de quelque science avec vn hōme tresparfait en icelle, vous eussiez dit que  
c'estoit celle en laquelle seule il s'estoit exercé & rendu docte par sus toutes autres. De rechef si  
quelqu'un luy eust parlé d'une autre doctrine, oyāt cōment il s'en acquittoit, on l'eust iugé estre  
beaucoup plus excellent en icelle, qu'en l'autre en laquelle il se monstroit au parauant auoir le  
premier lieu. Et encor qu'il n'eust eu la congnoissance des lettres & sciēces diuerses (qui estoit  
en luy si grande que rien plus) les vertus, qui quasi à l'enuy l'une de l'autre combatoyent pour  
se monstrier & faire veoir en luy, deuoient suffire au comble de sa perfeccion, tant il auoit tra-  
uailé à ne laisser aucune chose en arriere, qui se ressentist de la vertu, & qui appartenist à la  
grandeur

grandeur de louange & parfaite renommée. Lon dit qu'il demeura sept ans és contrees de la Palestine, durant la plus grieve persecutiō qui se faisoit contre les Chrestiens fideles & catholiques.

*Des Euesques de Laodice, hommes tres-renommez en sagesse.*

## CHAP. XXXVI.



Pres Socrates, Eusebe eut le gouvernement de l'Eglise de Laodice: lequel venu d'Alexandrie à cause de Paul de Samosate (contre lequel pour lors on faisoit enqueste & poursuite) arriua en Syrie: où il fut empêché & engardé qu'il ne retournast en son pays, par ceux qui là estoient studieux des choses diuines, d'autant que sa foy enuers Dieu, grande au possible pour le temps, estoit assez cogneue. Anatole, apres le decez d'Eusebe, obtint le siege Episcopal, qui fut bon successeur d'un deuancier fort homme de bien. Son pays estoit aussi la ville d'Alexandrie. Ce personnage fut tel, que par la voix commune de tous hommes doctes & ver-

*Eusebe  
Alexandrin  
Euesque de  
Laodice.*

*Anatole  
Alexan-  
drin, succes-  
seur d'Euse-  
be en l'Eues-  
ché de Lao-  
dice.*

*Anatole,  
hōme tres-  
docte, &  
qui a fait  
plaisir à la  
ville d'Alexandrie.*

tueux, louange souueraine luy a esté donnée, non seulement en la philosophie profane, ains aussi en la sainte sapience & intelligence des lettres sacrees: comme à l'homme de ce monde, qui plus hault auoit attainct la cognoissance souueraine de Geometrie, de la proportion des nombres concernants l'art d'Arithmetique, de l'Astrologie, de la Dialectique, de la Physique, mesmement de la diuine Theologie, bref de toutes les sciences esquelles l'esprit humain peult paruenir: de sorte que son grand sçauoir ne permettoit aucun estre pareil à luy en erudition. Aussi est il bruiet qu'il a esté le premier que lon estima digne de leuer vne escole, où la doctrine d'Aristote fust enseignee. Encor dit on qu'il fit beaucoup de bonnes choses en Alexandrie, quand du temps de la guerre ciuile & danger de famine, les greniers de la ville estoient assiegez, & qu'il fut cause de pourueoir aux citoyens. Il a monsté par certaines raisons & argumens necessaires qu'il falloit celebrer la solennité de Pasque au temps de l'Equinoxe, qui fait les iours & nuicts pareils en longueur. Aussi a il composé dix liures de l'institution d'Arithmetique, & plusieurs autres bonnes œuvres, qui donnent assez à cognoistre combien il estoit studieux des sciences honnestes & arts liberaux. Theotecne, Euesque de la ville de Cesaree en la Palestine, fur le premier qui luy posa les mains sur la teste, & le crea Euesque, le nommant & ordonnant pour son successeur en la charge de son Eglise. Mais tous deux ne tindrent pas long temps le gouvernement d'icelle, car Theotecne fut appellé au concile assemblé contre Paul de Samosate: & Anatole passant par la ville de Laodice, fut arresté & retenu par les freres Chrestiens, qui le firent chef de leur Eglise, par ce qu'Eusebe leur Euesque<sup>b</sup> duquel le nom donnoit tesmoignage de sa preud'homme, sainteté & religion) estoit decedé depuis peu de temps. Or ce bon homme Anatole, estant allé de vie à trespas, plusieurs années apres son institution en l'Euesché de Laodice, Estienne print sa place, & fut le dernier Euesque des fideles en la dicte ville, auant les temps de persecution, lequel (à dire vray) estoit fort bien instruit és sciences profanes, mais non tant docte és saintes escritures que ses predecesseurs & deuanciers. Le temps de persecution en donna bonne cognoissance, & fit apparoir qu'il estoit homme craintif, remply de peur, & plein de dissimulation & feintise, mesmement aliené de la vraye philosophie. Que si tel fut cest Euesque, quelle merueille est-ce si son Eglise a depuis tourné sa robe, se retirant de la sainte profession & foy en Iesus-Christ? Toutesfois, avec l'aide de Dieu, elle s'est raddressee & confirmee. Car Theodote ayant prins la charge de l'Eglise Laodicene apres Estienne, s'y gouverna tant dextrement, qu'il se monstra tel que son nom le disoit, faisant conuenir & correspondre ses faicts à son appellation: & monstra par effectz & œuvres, quel il fault que l'Euesque soit. Aussi estoit il medecin & des ames & des corps ensemble, lesquels il sçauoit si biē penser & medeciner, qu'en ce nul ne luy eust ausé donner le second lieu: ioinct qu'il se monstroir tant humain & benin, qu'aucun autre ne le pourroit estre d'auantage. Son estude & deuoir de pasteur s'accommodoit si bien aux affections de ses brebis par un mélange de compassion, qu'il n'auoit autre soing, sinon de procurer avec toute diligence & fidelité le profit de ceux qui luy demandoient conseil, & s'adressoyent à luy pour receuoir guarison, ou du corps ou de l'ame.

*Estienne,  
Euesque de  
Laodice,*

*plus docte  
és sciences  
profanes,  
qu'és saintes  
lettres.*

*Theodote  
successeur  
d'Estienne*

*medecin  
des ames  
& des  
corps tout  
ensemble.*

<sup>a</sup> greniers de la ville] Le mot Grec est *πρωχάριον*, qui signifie le lieu où l'on serre & reserve le vin public d'un an, & le froment, qui se nomme en Grec *μυδο*. Ce sont les greniers de la ville. Voyez Eusebe en l'histoire Ecclesiastique, liure septiesme, chapitre vingt-huit.

<sup>b</sup> duquel le nom] *Ευσεβης* en Grec: *Pius, religiosus, piéfaciens*, en Latin: *aimant Dieu, religieux & de sainte vie*, en François.

# LIVRE VII. DE L'HISTOIRE ECCLESIASTIQUE

*Des Euesques de la ville de Cefaree au pays de Palestine, & d'Eusebe fils de la sœur de Pamphile. CHAP. XXXVII.*

*Agapie, Euesque de Cefaree.*

*Pamphile, prestre martyr. College mis sus en la ville de Cefaree.*

*Eusebe de Pamphile, & ses escripts.*

*Nicetore est d'opinion que cest Eusebe se ressenoit d'estre Arian.*

*Chap. 8. 10. & 11. ou vous noterez que Socrates estoit Nouatien.*



EN l'Eglise de Cefaree, au pays de Palestine, apres Theotecne, Agapie fut bien estimé, duquel la doctrine & vie le declara auoir esté bon & fidele Euesque: Car il gouerna son peuple en toute saincteté & religion catholique, & distribua ses richesses aux necessiteuz, autant liberalement, humainement & de bon cuer, que possible est. Or n'y a il aucun qui ne soit aduertie que de ce tēps le diuin personnage Pamphile florissoit, homme vrayement philosophe Chrestien, tant par son erudition & grand sçauoir, qu'à raison du train & conduite de sa vie sainctement ordonnee en la dignité presbyterale, qu'il acquist par son merite: duquel la vie, les operations, le college aussi tresrenommé en philosophie profane & diuine, qu'il institua & dressa en la ville de Cefaree: d'auantage, la ferme confession en persecutions diuerfes: puis les combats & martyre excellent, soufferts par luy pour la defense du nom de Iesus-Christ, Eusebe, fils de sa sœur (lequel il aimait tant chèrement qu'il voulust qu'il portast son nom) a mis par escript bien au long en vn œuvre particulier, auquel ie renuoye ceux qui en voudront cognoistre d'auantage. Cest Eusebe ayant acquis la cognoissance de toutes disciplines, fut excellent & louable principalement en la science des saintes escriptures, esquelles il s'arresta particulièrement, & vesquit iusques aux temps de l'Empire de Constant. Et par ce que c'estoit l'homme du monde le plus studieux de la profession Chrestienne, comme celuy qui auoit vne souveraine emulation & tresgrande enuie soustenir l'honneur de Iesus Christ, il comprit en vnze liures la preparation Euangelique, & en dix autres tomes la demonstration Euangelique. De sorte que c'est le premier (que lon sçache) qui a mis la main au present argument que ie traite, appellant son œuvre de l'Euangelique demonstration, du nom d'histoire Ecclesiastique, laquelle il a parfaicte & acheuee iusques à son temps, en dix liures. Encor a il mis par escript des Chroniques ou Annales, dans lesquelles il a digeré & mis par ordre diligemment & au vray le certain conte & supputatiō des temps. Aussi a il couché par escript la vie de Constantin, comprise en cinq liures: auquel il dedia vn aultre œuvre qu'il intitula Tricennale, ou de trente ans. Puis il en adressa vn autre à Estienne, traitant des poincts de l'Euangile qui sont mis en doute, & sur lesquels y a dispute. Il a aussi laissé plusieurs autres escripts qui sont de grand profit à l'Eglise. Or combien qu'il fust tel, toutesfois il apparoit en plusieurs passages de ses œuvres qu'il a approuué l'opiniō d'Arie, car il dit que: le fils de Dieu estoit creature, cōme il est facile de prouuer par ses escripts. Il est vray, que Socrates (qui d'entre les Nouatiens a mis par escript l'histoire ecclesiastique) se met en deuoir de dōner à entendre en son second volume, que l'opiniō d'Eusebe estoit bonne & catholique, & que c'est à tort que quelques-vns luy ont mis ceste calomnie au deuant. Et à fin de donner avec grand courage preuue plus certaine de son dire, en sa defense il allegue vne epistre d'iceluy aux Palestins, contenant ambiguité, & dit qu'il assista au premier concile, & l'accorda avec les autres, donnant consentement par son suffrage à ce qui y fut arresté, touchant la consubstantialité des trois personnes de la Trinité, c'est à dire, qu'elles ont mesme substance. Quant à moy, ie ne contredy point à Socrates, en ce qu'Eusebe ait eu bonne opiniō & catholique, sans regarder ses escripts: mais sil fault tirer le iugement de cecy par ses œuvres, & par ce qu'il a mis par escript, il sen fault beaucoup que ie vueille accorder, son aduis, touchant la foy Chrestienne, auoir esté sain & entier. Toutesfois c'est assez tenu propos de luy. Il est temps de mettre fin à ce liure, lequel cōtient le tēps de trente-deux ans, & a prins son commencement à la premiere année que Valerian tint l'Empire, finissant au commencement de l'Empire de Diocletian, qui est l'an depuis la creation du monde, :. cinq mille sept cens nonante-cinq: & :: deux cens nonante, depuis la diuine natiuité de nostre Sauueur & Seigneur Iesus-Christ.

:. cinq mille sept cens nonante-cinq] *Selon les Chroniqueurs modernes 4265.*

:: deux cens nonante] *autres disent 287.*

FIN DV SIXIESME LIVRE DE  
L'Histoire Ecclesiastique de Nicetore.

LIVRE





# LIVRE SEPTIESME DE l'Histoire Ecclesiastique de Nicefore, fils de Calliste, Xan- thouplois.

EXPOSITION DE CE QVI EST A DIRE.

CHAPITRE PREMIER.



Egardant à ce qui a esté dit iusques à cy, mon labeur ne s'est trouué que bien facile, & mon histoire a prins son cours par vne voye aisce & plaine: Car combien qu'auparauant le mauuais vent ait soufflé contre nous, donnant beaucoup d'empeschement à nos vaisseaux, à ce qu'ils n'abordassent à port désiré, si est ce que ceste calamité estoit simple & vniue, de sorte qu'il n'y auoit que ceste seule misere qui contrariait à nos desseins. Mais ie ne sçay commét tout en vn instant ma plume a horreur de passer outre, & mettre par escrit ce qui s'est ensuyuy: Car elle est descouragée de son entreprinse, & aucunement empeschée par le grād choc & violente impetuosité de plusieurs & diuerses desconfitures & meurtres: tellement qu'il ne luy est bonnement permis de poursuyure sa poincte, ou tenir chemin asseuré, à raison de l'inondation & desbordement du sang des martyrs, coulant en abondance comme si c'estoit vne mer. Ce nonobstant, puis qu'une fois i'ay mis la main à la paste, il fault necessairement passer outre, & poursuyure mon entreprinse iusques à la fin: Parquoy ayant mis par escrit, ainsi que i'ay peu, ce qui s'est passé auparaui, ie veux en ce liure reciter de poinct en poinct ce qui est aussi adueni sous l'Empereur Diocletian, & sous les consors, desquels par adoption il s'est associé en l'Empire, car c'est de leur temps que la plus grande poursuite d'entre toutes les persecutions qui onc furent faites des Chrestiens, a esté mise sus & executée. Et par mesme moyen, en passant, ie discourray en bref sur les calamitez qui sont aduenues en certains lieux, desquelles aucunes seront recitees separément par le menu. Puis ie diray, comment les tyrans tres-inhumains, qui ont vsé d'excessiue cruauté en nostre endroit, furent reduits à ce poinct, qu'ils se desdirent, renonçans à la fureur de leur tyrannie, & en fin moururent miserablement de mort condigne à punir leur inhumanité. D'auantage, ie n'oublieray à coucher par escrit, comment ce tresgrand Empereur Constantin, par la permission de Dieu, armé du corselet salutaire, & garny du signe de l'inuincible croix, nettoya tous pays, regions & contrees des tyrans, assassineurs & voleurs, arrachant du tout la racine de la meschäte superstition des Grecs: de sorte qu'il remit en son entier nostre religion Chrestienne, qui desia estoit fort abbaissee, & quasi sur le poinct d'estre ruinée, si ce bon Empereur ne l'eust releuee & asseuree pour estre permanente & durable perpetuellement, avec le bon, vouloir de la diuine prouidence. Les affaires donc se portoyent ainsi qu'il s'ensuit.

*Proposition  
de ce que  
l'auteur  
veult trai-  
ter en ce li-  
ure.*

*Comment les affaires des Chrestiens (qui auparaui s'estoyent bien portees) vindrent en decadence par  
dissenfion intestine & noise ciuile, decheant le soing de pieté & service diuin: chose  
qui aduint ainsi pour un temps, par la permission de Dieu.*

C H A P. I I.



N temps a esté quelquefois, que la religion Chrestienne auoit le cours, & estoit renommee pour sa gloire & liberté, comme celle que les Grecs & Barbares ensemble tenoyent pour agreable, & auoyét en bonne estime & recommandation. Pour enseignement & preuue de mon dire, ie veux mettre en ieu la beneuolence & humanité singuliere de plusieurs grands Princes & Seigneurs à l'endroit des hommes de nostre religion: puis aucunes nations, desquelles les pays & seigneuries ont esté

*Est et florif-  
sant  
Ch de la*

X ij

# LIVRE VII. DE L'HISTOIRE ECCLESIASTIQUE

donnees en gouuernement aux Chrestiens : & mesmement les Empereurs Romains, & autres magistrats excellens, qui ont doné la charge de leurs affaires de Cour & de leurs maisons à gens de nostre profession, par ce qu'ils les iugeoient deuoir estre preferez aux autres en honneur & dignité, comme meritaient de commander pour raison de leur foy excellente, par eux bien approuee & cogneue. Le bon seigneur Dorothee est de ce tesmoin suffisant, lequel entre tous officiers & gouuerneurs, n'eut oncques son pareil en matiere d'honneur, pour la pureté de son bon entendement, & pour la syncerité de sa foy. Aussi est le renommé Gorgone, & plusieurs autres, qui seroyét trop longs à denombrez : ausquels le Seigneur Dieu a fait si grand honneur que de les appeller & receuoir en son royaume celeste de paradis, pour le merite de leur foy excellente & entiere. Mesme que par tout les Euesques des Eglises ont receu beaucoup d'aide, consolation & confort par le moyen de tels personages. Encor, pour preuue de mon dire, i'ameney les assemblees & compagnies de plusieurs milliers d'hommes & femmes, qui se trouuoient ensemble és maisons oratoires, dedies à prier Dieu : lesquelles (ne pouuans plus receuoir ny tenir, pour leur petitesse, si grãde multitude de personnes y abordans de toutes parts) vous eussiez veu estre esleues & construites en temples magnifiques, par tous pays, avec vne grandeur ample & admirable, combien que les premiers fondemens fussent du commencement tant petits que rien plus. Et encor depuis, ces temples edifiez avec telle magnificence, ont prins accroissement de plus en plus, avec le progrez du temps, d'autant qu'il n'y auoit personne qui les empeschast d'estre edifiez ny accrez, tant s'en falloit que pour lors on les voulust abolir & mettre à neant par aucun charme de l'enuie mordante : Tant la main du grand Dieu celeste les gardoit bien, & les asseuroit contre le dangereux hazard de toutes embuiches. Mais depuis que par nostre trop grande liberté, nous conuertismes la profession de foy en moleste destrempe en ius d'oisiuereté, & que aiguillonnez d'enuie, nous-mêmes commençâmes à prendre les armes contre nous, & que nous seruans de nos inuectiues & escrits en lieu de lances & dards, emeulines malheureusement entre nous des seditions vilaines, tellement que telles façons de faire ont ouuert la porte de l'Eglise à hypocrisie, dissimulation, mocquerie & derision, qui estans entrees en icelle autant auant que faire se pouuoit, ont donné accroissement aux forces de la malice, de sorte qu'elle est paruenue au comble de toute meschanceté : depuis (dy-ie qu'a-uons ainsi negligemment oublié la charge de nostre deuoir, l'œil de Dieu (qui ne dormant pas, estoit continuellement au guet) nous a visité selon la coustume, chassiant benignement nostre paresse, & a reprimé & restrainct nostre peu de soing, avec telle correction dont vse le pere à l'endroit de son enfant. Il est bien vray que les miseres & tribulations ont prins leur commencement sur les freres fideles, suyans le train de la guerre : du sentiment desquelles combien qu'encor nous fussions grandement esloingnez, tant s'en fault que nous ayons pensé estre besoing d'appaiser le iuste courroux de Dieu à l'encontre de nous, par oraisons & bonnes œuvres, que mesme plus tost auons amoncelé & amassé toute sorte de meschancetez & vices avec nos fautes precedentes, comme si là hault és cieux Dieu n'eust point esté, qui considerast & regardast nos façons de viure du siege de sa magesté, pour nous en faire rendre bon conte à l'auenir. Au reste, ceux qui s'estimoient estre les colonnes & pilliers de nostre religion, & qui exerçoient l'estat de pasteurs en l'Eglise, mettans en arriere les loix & constitutions diuines, se laisserent conduire par vne affection de noise & debat : de sorte que se sentans grandement irritez les vns contre les autres, par vne ardeur vehemente, ils ont semé nouuelles dissensions sur autre querelles, donnans de plus en plus accroistement à la haine mutuelle qu'ils s'entreportoyent, & v-fans de vengeance les vns sur les autres, par leur ambition & conuoitise de dominer, chacun d'eux s'efforçoit d'estre le maistre & superieur à la maniere des tyrans. Qui fut cause qu'a-uons veu de nos yeux aduenir ce que l'escripture met en ieu : Car le Seigneur a obscurcy & rabaislé en son ire la fille de Syon, & a ietté du ciel en terre la gloire d'Israel : & au iour de son courroux, n'a point eu memoire du scabeau de ses pieds. Il a destruit ses murailles & ramparts, & a renuerlé le testament de son seruiteur. Il a profané, abbatu & rué par terre sa sanctification, par le degast & ruine des Eglises : & ce, qui ensuit. Car les temples ont esté demoliz iusques aux fondemens, & applaniz rez à rez de la terre. Mesme que lon a fait du feu des liures de l'escripture sainte, au milieu des marchez & grandes places publiques : & les Euesques & grands personages, qui surpassoyent les autres en dignitez, courans deça & dela, ont sauué leur vie par le moyé de leur fuite. Quelques autres, surprins en fuyât, ont seruy de risée à ceux qui s'esleuoient contre nous & nous couroyent sus. Alors (côme dit vn autre prophete) la cōtention, outrage & mespris a esté espendu sur les principaux, lesquels Dieu a fait errer par des lieux n'ayans aucun chemin, & nō par la voye. Or ce n'est pas mō entreprise, d'escrire le tout par le menu : sinon pour donner à cognoistre le iugemēt diuin, & luy donner louage de sa iustice, laquelle s'estend à l'endroit de toutes creatures raisonnables, par raison certaine & iuste. Laisant donc le discours de telles choses, il vault mieux que ie me mette à raconter les saints combats des martyrs, & les reciter au plus bref que faire se pourra. Et à fin de commencer à vn bout, ie diray premierement comment les affaires de l'Empire Romain se sont portees.

*Dorothee  
& Gorgo-  
ne, Courti-  
sans, &  
Chrestiens,  
ont grande-  
ment profi-  
té à l'Egli-  
se.*

*Les petits  
oratoires  
changez en  
grandes E-  
glises.*

*Par trop  
d'aïse, les  
Chrestiens  
se sont ad-  
donnez à  
paresse.  
Dissensions  
intestines  
& ciuiles  
en la Chre-  
stienté.*

*Affliction  
& punition  
diuine des  
Chrestiens.  
Thren. 2. a.  
Psal. 78. b.  
Psal. 88. f.*

*Psal. 106.  
a.*

*Comment*

*Comment Diocletian associa au gouvernement de l'Empire Maximian Hercule:  
& comment la persecution contre les Chrestiens fut  
ordonnee & mise en auant par eux:  
CHAP. III.*



Diocletian ayant prins en charge le gouvernement de l'Empire Romain (comme dessus a esté dict) & delibérant de faire la guerre aux Chrestiens autant grande que iamais au parauant on eust veue, pour autant qu'il cognoilloit assez combien estoit inuincible le courage & force des martyrs de Iesus-Christ, braues guerriers au possible, auxquels il deuoit auoir affaire auant que d'executer son entreprinse, il estima que son plus grand soing deuoit estre à se faire le plus fort, à celle fin de commencer la guerre avec plus de hardiesse & assurance: Parquoy trouuant vn personnage, nommé Maximian, l'esprit duquel symbolisoit en cruauté avec son entendement inhumain, il l'associa avec soy en l'administration des affaires de l'Empire, luy donnant autant de puissance en iceluy, qu'il s'en reseruoit pour soy mesme. Et par ce moyen, l'ennemy de nostre foy, mettât en besongne (autant qu'il pouuoit) ceste braue couple de tyrans propre & du tout conuenable à ses desseins, voloitoit cōme vn oyseau par dessus ceste terre, qui est sous le contour du ciel, & s'efforçoit au possible de mettre tous les humains sous le ioug de sa puissance, & arracher iusques aux fondemens (si ainsi faut que ie parle) la memoire du nom de Iesus Christ. Il est vray que la trame de la persecution des Chrestiens n'a pas esté par luy ourdie tout à vn coup dès le commencement, ny soudain mise sur le mestier par la vehemence d'un assault subitement precipité: mais bien avec trahison, en espiant pour nous deceuoir par surprise secreete & clandestine. Car la premiere esprouue de son conseil, touchant l'affliction qu'il preparoit aux Chrestiens, fut faicte en vn camp, où y auoit grande assemblée de gendarmerie. Aussi auoit-il opinion, que son entreprinse luy succederait à souhait, s'il pouuoit gagner les gens de guerre petit à petit en quelque sorte que ce fust, par le moyen de sa cautelle: Toutesfois plusieurs d'entre eux aimerent mieux faire échange de leurs estats & dignitez honorables avec vne vie priuée & sans office quelconque, ayans seulement cest heur de seruir à Iesus Christ, que viure hault-eleuez és tenebres du paganisme: tant estoit grande en eux l'affection de pieté à l'endroit de la diuine puissance. Car apres que celuy qui auoit charge de faire reueue, & nettoier le camp de gens de nostre religion, comme estant autheur de la persecution, eut donné le choix & option aux gens d'armes Chrestiens, ou d'estre maintenus aux honneurs & estats militaires avec les autres, en obeissant aux edits de l'Imperiale magesté, ou bié de quitter les armes, & partir du camp, s'ils vouloyent auoir à mespris l'autorité des ordonnances de l'Empereur: plusieurs bons soldats, seruans à Iesus-Christ, laisserent ce qui donnoit apparence d'estre heur & felicité, comme ceux qui estoient prests & appareillez, non seulement de quitter les dignitez & honneurs que lon peut acquerir en ce mode, mais aussi de se presenter à la mort, & l'endurer courageusement, le cas aduenant que l'ennemy les pressast de plus pres avec charge plus violente. Chose qui fut veue à l'œil dès le commencement en quelques vns, qui en donnerent certaine preuue: bien que le nombre de tels n'a pas esté grand, pour autant que l'autheur de telle embuscade n'auoit bonnement conduire son entreprinse par tel moyen, duquel il n'usa pas tant souuent qu'il eust bien voulu. Aussi différa-il de continuer cest effort commecé iusques à l'effusio du sang des fideles, & n'esmeut pas la guerre contre tous les Chrestiens à vn coup: car encor y auoit il de la paresse de son costé, avec le peu de fiance qu'il auoit de l'issue de son dessein. Mais quand il se fut descouuert, & qu'il s'arresta entierement, & manifestement à la persecution: il n'y a langue si bien parlante, qui puisse bonnement declarer combien fut grande la multitude des vaillans martyrs de Iesus-Christ, qui endura vne infinité de tourmés, quasi par toutes villes & contrees. Car premierement on publioit par tout les edicts de l'Empereur, qui ordonnoient que les Eglises fussent mises par terre, & rasces: que les escritures saintes fussent iettees dans le feu, bruslees & redigees en cendre: que les Chrestiens, qui tenoyent quelque office ou estat honorable, fussent priuez de leurs honneurs, & mis au rang de la populace, avec honte & infamie: & que les maistres donnassent liberté aux seruiteurs qui renonceroient à la foy Chrestienne. Encor peu de temps apres, autres ordonnances furent faictes & publiees contre nous: par lesquelles estoit commandé, que les Euesques & prelatz des Eglises fussent apprehendez, emprisonnez & mis aux liens, en quelque part qu'ils seroyent trouuez: & que par tous moyens possibles on les contraingnist à sacrifier aux Dieux par vne necessité forcee.

*Diocletian  
estit Maxi-  
mian Her-  
cule pour  
compagnon  
au gouver-  
nement de  
l'Empire.  
Autres le  
nomment  
Maximi-  
nian.*

*La persecu-  
tion des  
Chrestiens,  
commence  
dès le camp.*

\* Car premierement &c.] *Edits Imperiaux contre les Chrestiens. Il estoit ordonné & commandé que le pareil fust mis à execution par tout, en ce mesme temps, durans les festes de Pasques. Eusebe, liure huitiesme, chapitre deuxiesme de l'histoire Ecclesiastique.*

# LIVRE VII. DE L'HISTOIRE ECCLESIASTIQUE

*Des honnestes coustumes & louables façons de faire des saints personnages, qui combattirent courageusement en ceste persecution. CHAP. 1111.*

*Plusieurs  
tourmés des  
Chrestiens.*



**V**ous eussiez alors peu veoir plusieurs d'entre eux endurer d'incredibles tourmés, avec constance merueilleuse. Aussi y en auoit il qui s'espouentoient à la premiere crainte qu'on leur faisoit, & renonçoient à leur religion, par vne debilité & engourdissement d'esprit. Et à la verité, on leur mettoit d'euant les yeux plusieurs sortes de supplices diuers. Car l'un estoit fustigé avec fouets, & bastu de verges par toutes les parties de son corps: l'autre, lié estroitement, sentoit sa chair entamee avec cornes, qui la perçoient iusques aux os. Aucuns aussi trainez par force au lieu des sacrifices immondes, estoient renuoyez libres & quittez, comme

*Iouste trespelle des  
saints martyrs refusans de sacrifier aux Dieux.*

s'ils eussent fait sacrifice aux Dieux estranges, encores qu'il n'en fust rien. Il s'en trouuoit qui n'eussent pas mesme leué les yeux, pour veoir ceste execrable religion: mais pour autant que les autres, esmeuz de compassion, les disoient auoir sacrifié, on les laissoit aller, par ce qu'ils accordoyent par leur silence telle fraude & calomnie, & afin d'euer le danger. Il y en auoit d'autres, qui, sur le poinct de mourir, & respirans encor, estoient iettez, comme morts du tout: lesquels quelques persecuteurs empoignoient, & trainoyent par les pieds, pour les faire offrir sacrifice aux idoles, avec les autres. Quelcun de rechef crioit à haulte voix, comme se voulant purger de la calomnie & ruze par laquelle on luy auoit sauué la vie, & perseueroit d'affirmer qu'il n'auoit pas sacrifié, contre le dire des satellites. Vn autre se iugeoit auoir honneur, quand il continuoit de crier qu'il vouloit viure & mourir Chrestien: L'autre soustenoit constamment, qu'encor n'auoit il poinct sacrifié, & que iamais on ne l'induiroit à ce faire. Et tels n'estoyent pas pourtant exemptez des tourmens: car les soldats les repoulsoyent à coups de poings, dónnez sur leurs maschoueres & visages, & ainsi les contraignoient de se taire & partir du lieu. Tant ces bourreux estoient glorieux & contés, non seulement s'ils auoyent fait ce qu'ils desiroient, mais aussi quand il sembloit que leur vouloir fust par eux mis à execution. Mais toutes ces choses n'estoient pas de grand' importance à l'endroit des bons combatans & vrais defenseurs de la pieté Chrestienne: desquels la constance & hault courage ne pourroit estre assez bien declaré ny raconté, encor que le mieux parlant de ce monde desployast le meilleur de son eloquence, pour s'en seruir à cest effect.

*D'un personnage Chrestien, qui mit en pieces la meschante ordonnance de l'Empereur, en la ville de Nicomedie: & des Courtisans, qui, tirez de sa Cour, ont souffert mort par martyre  
CHAP. V.*

*Martyre  
d'un excellent  
personnage, lequel  
mit en pieces  
l'edict  
des Empereurs  
contre les Chrestiens.*



**E**ntre les plus renommez, il y eut vn certain personnage, constitué en grande dignité, lequel, assistant au cry de l'edict qui se publioit à l'encontre de la pieté Chrestienne, en la ville de Nicomedie, encouragé par vne ardeur diuine, & bruslé de grand despir, allumé en son cuer par vne bonne enuie de le faire paroistre par le dehors, arracha ce qui en estoit escrit, du carrefour où il auoit esté attaché par autorité publique (comme ordonnance execrable & pleine de detestation, telle qu'elle estoit) & le déchira & mit en pieces, encor que les deux Empereurs feissent pour lors seiour en ladicte ville. Ayant ce personnage commis tel fait, il fut apprehendé, & puny tresgriueusement, contrainct d'endurer les mesmes tourmés qu'il seroit raisonnable de faire souffrir à celuy qui auroit perpetré le plus enorme & grand forfait de ce monde: dont il ne s'estonne aucunement, ains au milieu de ses peines plus cruelles, monstra deuant tous auoir le cuer assis en fort bon lieu, par vne libre constance & fermeté de courage, sans en rien d'sementir l'assurance d'esprit qu'il auoit auparauant monstree, & laquelle il continua iusques au dernier soupir de sa vie. Apres luy, Pierre, Dorothee, Mygdone, & Gorgone, tous Courtisans, domestiques & familiers des Empereurs, s'y sont môstrez autant excellens en grandeur de courage & louangé de haultesse de cuer, qu'autres qui ayent onc esté renommez entre les Grecs & Barbares. Car combien que leurs Seigneurs feissent estime d'eux, comme de ceux qui estoient en leur grace autant qu'autres de la Cour, & qui auoyent autant d'accez à leurs personnes, que pourroyent auoir les enfans d'un Roy à la personne de leur pere: ce neantmoins ils priferent moins que rien toutes ces choses, & ayans en mespris les autres vanitez ombrageuses de ce monde abuseur, ne desirerent iouyr d'autre plus grande felicité, que de pouoir endurer pour le nom de Iesus-Christ, & monstrent nouuelle promptitude & allegresse d'esprit, pour leur seruir de contrepoix aux nouveaux tourmens & supplices que les bourreaux inuentoient, à fin de les affliger d'auantage. Car Pierre, estant apprehendé, fut trainé par la ville de Nicomedie: & apres que publiquement il eut refusé de faire sacrifice aux idoles, il fut despouillé tout nud, pendu & attaché hault, puis battu de verges avec autant de cruauté qu'homme scauroit

*Martyrs,  
Pierre, Dorothee,  
Mygdone, Gorgone,  
demeurés des  
Empereurs.*

*Martyre  
tresrenomé  
de Pierre.*

penfer:

penſer : à celle fin de le contraindre à ce qu'il auoit reſuſé faire, par tourmens exceſſifs & inhumains. Toutesfois il ne peut eſtre diuert ny eſbranlé de ſa premiere deliberation : en laquelle, quand les bourreaux & tyrans le virent perſeuerer & eſtre conſtant (encor que ſes os apparuſſent denuez de chair à force de coups de fouets & verges) pour le tourmenter d'auantage, ils meſlerent du ſel & vinaigre enſemble, & en arrouſerent toutes les parties de ſon corps, deſquelles le ſang couloit abondamment. Ayant le pauvre patient enduré conſtamment ſi grande inhumanité, lon allume vn grand feu, ſur lequel on mit vn gril, & ſur le gril fut poſé le bon homme : ainſi fut ſa chair roſtie petit à petit, & grillée à la ſorte que lon fait griller les viandes qui ſont appreſtees pour la nourriture des perſonnes. Encor ce temps pendant qu'il roſtiſſoit, les bourreaux, le tournans tantost ſur vn coſté, tantost ſur l'autre, ne ſe pouoyent tenir de l'aiguillonner par paroles, l'afſeurans qu'il ne luy feroient aucune grace, ny n'adouciroyent l'aigreur de ſes tourmens, ſ'il ne vouloit changer d'opinion, & ſ'accorder à faire ce qu'on luy commanderoit. Or eſtoit il du tout arreſté en ceſte deliberation de perſeuerer, & leur reſiſter courageuſement : parquoy attenué & affoibly par la vehemence de tant de tourmens, il rendit à Dieu ſon ame, ornee de la couronne de victoire : & ainſi il deceda, ayant enduré martyre pour le ſouſtenement de la foy en Ieſus-Chriſt. Les autres trois, ſes compagnons, n'ont par aduenture gueres moins ſouffert de ſuppliques, leſquels ie ne mettray par eſcrit, pour cauſe de briefuete : ie diray ſeulement qu'apres vne infinité de tourmens inſupportables, à la fin ils furent penduz & eſtranglez. Or furent faites leurs obſeqs & funerailles, & leurs corps enſeuelis & mis en terre, ſuyuant la couſtume. Mais à celle fin que (comme lon diſoit) eſtans es ſepulchres, on ne les eſtimast eſtre Dieu, ils furent depuis deterre, & iettez dedans la mer.

*Martyre des  
autres trois*

*Du martyre de l'Eunuque Indes : & de la mort bien-heureuſe de vingt mille martyrs,  
en la ville de Nicomedie, & de la vierge Domne.*

*CHAP. VI.*



Après cela, vne vierge nommee Domne, & vn Eunuque, appellé Indes, furent amenez en iugement. Car apres que par l'inſtitutiō & bon enſeignement d'Anthime, Eueſque de Nicomedie, ils eurent acquis la grace du ſain & Eſprit, & furent inſtruits à la religion Chreſtienne, tout ce qu'ils auoyent de biens & de faueur en la Cour des Empereurs, fut par eux deſpenſé & employé à l'entretienement & cure des pauvres. Parquoy lors que Diocletian entreprit l'expedition d'une guerre contre les Ethiopyens, celuy qui auoit le regard & gouuernement ſur les Eunuques, ſcachant à la verité que Indes & Domne (laquelle auoit eſté preſteſſe des

idoles, en la Cour des Princes) auoyent fait profeſſion de la foy Chreſtienne, les fit apprehender & mener en priſon. Or Domne, pour eſtre deliuree, contrefit ſa mine, tordant ſon vilage, & faiſant ſemblât d'auoir le diable au corps : & pour ceſte cauſe, elle fut miſe es mains d'Anthime Eueſque, qui auoit le bruiet de pouuoir chaſſer les mauuais eſprits par ſes cōiurations, autāt diuinement qu'hōme de ſon tēps. Quād l'Empereur fut de retour, eſtāt aduertie du fait de l'Eunuque priſonnier, il luy fit ſoudainement trencher la teſte : puis cōuertiffant tout le venin de ſa fureur, & le vomiffant contre les monaſteres & conuents, il eſmeut vne merueilleuſe perſecutiō à l'encontre de nous, laquelle eſtoit tant aliene de toute humanité, qu'il ne ſeroit bonnemēt poſſible de le coucher par eſcrit. En ces monaſteres y auoit pluſieurs Nonnains, & autres filles ayās fait vœu de garder perpetuellement leur virginité, à quoy elles ſ'eſtudioyent avec toute religion : leſquelles franchirent le ſault de martyre, & coururent dans la lice des tourmens, avec plus de conſtance, que ny le ſexe ny l'aage ne portoyent. Avec leſquels y eut vn preſtre, tenāt le premier lieu entre ceux de ſon ordre, nommé Glycere, qui fut finalement brulé & redigé en cendres, apres auoir ſouffert patiemment vne infinité de tourmens, & eſté moulu & chiqueté à grands coups de nerfs de beuf. Pareillement beaucoup de Senateurs & conſeillers furent de la danſe : & meſme, quelques grands perſonnages qui auoyent eu charge de gens en guerre, ne ſe peurent exempter, qu'ils ne tinſſent compagnie aux autres : car vn bon nombre d'entre eux fut eſtranglé & mis à mort, n'eſtans tous chargez d'autre crime, ſinon qu'ils eſtoyēt affectez à la pieté & religion des Chreſtiens, du nombre deſquels ils ſe contoyent. Or aduint à vn iour de la natiuité de Ieſus-Chriſt, que tous les Chreſtiens (de quelque aage & ſexe que ce fuſt) ſ'aſſemblerent en leur Eglife ordinaire, à fin de celebrer ceſte Natiuité en tout honneur & reuerence, à leur maniere accouſtumee. Lors le tyran deteſtable, & Empereur inhumain, ayant (ce luy ſemboit) temps opportun & occaſion preſente de pouuoir accomplir ſon deſir furieux, & vomir le poiſon de ſa rage, y enuoya la compagnie du preuoſt de ſon hoſtel, avec charge & commiſſion expreſſe de fermer les portes du temple, & allumer vn grand feu à tous les coins de l'environ. Cela fait, vn cryeur iuré, au ſon de la trompette, fit vn cry à haute voix, de ſorte que chacun le pouuoit facilement entendre : diſant que ceux qui voudroyent auoir la vie ſauue, re-

*Martyre de  
la vierge  
Domne, &  
de l'Eunu-  
que Indes.  
Anthime,  
Eueſque de  
Nicomedie,  
grand exor-  
ciſte et cōi-  
rateur de  
mauuais  
eſprits.  
Perſecution  
des Nonnains  
et filles de-  
diees à  
Dieu : &  
leurs mar-  
tyres.  
Poursuite  
des Sena-  
teurs et gēs  
d'eſtas.  
Vingt mille  
Chreſtiens,  
celebrans la  
natiuité de  
noſtre Sei-  
gneur Ieſus  
Chriſt, en  
ſon Eglife,  
ſont ſacri-  
fiez à Dieu  
par marty-  
re.*

eussent à sortir de ceste Eglise, & bruller de l'ancens & faire sacrifice sur l'autel de Iupiter, qui estoit dressé assez pres de ce lieu: autrement, & au refus d'obeir à ceste ordonnance, tous seroyent bruslez dans ce temple, sans en prendre aucun à mercy. Mais il y eut quelque Chrestien, qui respondit hault & cler avec grande assurance, portant publiquement la parole pour toute ceste assemblée, & dist: Nous autres sommes tous Chrestiens, & croyons que Iesus-Christ est seul Dieu & Roy: qui est cause que facilement chacun de nous est prest & appareillé de faire sacrifice à luy, à son Pere, & au saint Esprit, & leur offrir volontairement sa vie. A peine auoit il acheué son propos, quand le feu soudainement fut allumé, qui embrasa en vn moment toute l'Eglise, & la mit en cendres avec tous les Chrestiens estans dedans, iusques au nombre de vingt mille personnes. La teste aussi fut trenche à la bien-heureuse vierge Domne, apres l'auoir fait passer par les piques de plusieurs tourmens, lesquels elle porta patiemment avec incroyable constance. Quant au diuin & saint Euesque Anthime, premierement il fut batu & fustigé avec cruauté excessiue: plus il eut les talons percez avec alenes & broches de fer rougies au feu. Apres cela, on le mit sur des tests de pots casséz, on le chargea & caressa de coups de bastons, on luy chaussa des bottes ou foulriers d'arain ardent & rouge de feu, on luy donna la question & torture de gehenne extraordinaire, on le brusla avec flambeaux & torches ardantes: & à la fin, on luy leua la teste de dessus les espaulles.

*La teste est  
trenchee à  
Domne.*

*martyre de  
l'Euesque  
Anthime.*

*« Ethiopyens] A l'auenture qu'il faut lire, Egyptiens: Car Diocletian se rua sur le pais d'Egypte, & vainquit Achillee, occupateur de l'Empire en Alexandrie.*

*Des martyrs de Melite, Egypte, Tyr & Phenice.  
CHAP. VII.*

*Description  
grâce de plu-  
sieurs mar-  
tyrs en beau-  
coup de  
lieux.*



Oyla ce qui se faisoit en la ville de Nicomedie, dès le commencement de la persécution. Ce temps pendant, pareille tyrannie estoit exercee en la ville & isle de Melite: comme aussi en la contree de Syrie: Car les edicts Imperiaux estoient leuz & publiez par toutes les villes, lesquels ordonnoient que les Euesques & pasteurs des Eglises fussent par tout prins au corps & emprisonnez. Or estoit la face & apparence du succez de nos affaires miserable & grieve au possible, en quelque pais dont on eust voulu parler: pour autat que plusieurs milliers de personnes Chrestiennes estoient de toutes parts tirez & trainez inhumainement es pri-  
sons: de sorte que les gardes qui au parauant auoyent esté preparees pour les batteurs, homicides, meurtriers, & violateurs des sepulchres, se voioient employees à l'endroit d'une infinité d'Euesques, prestres, diacres, & autres saintes personnes de même calibre: tellement qu'il n'y auoit plus de lieu pour les mal-faicteurs, brigans, voleurs, n'y pour toutes autres gens meritants punition corporelle. Peu de temps apres, on apporta d'autres lettres parentes, par lesquelles il estoit ordonné que quiconque d'entre les prisonniers voudroit sacrifier aux Dieux, fust renuoyé & remis en sa premiere liberté: & que lon exerçast toutes sortes de tyrannies & cruautéz à l'en-  
droit de ceux qui refusoient de ce faire. Mais ie vous prie, qui seroit celuy lisant telles inhumani-  
tez, qui pourroit mettre en conte si grand nombre de martyrs, lesquels ont virilement souste-  
nu le combat, & abandonné leurs vies? De telles gens fut l'Afrique fertile, & la Mauritanie aussi: & n'en y auoit pas moins es pais de Thebaïde, & d'Egypte: d'où quelques vns se retirans es  
autres villes, ont donné preuue suffisante de leur constance & courage assuré à la defense du  
nom du Seigneur Iesus-Christ. Mais qui seroit celuy, s'il assistoit à tel spectacle, qui n'auroit en  
admiration, meslee avec grand estonnement, l'allegresse de tels combatans, ne rebouchans aucu-  
nement aux supplices que lon ne pourroit bonnement mettre en conte? Mesmement, qui ne  
s'esbahiroit de les veoir, apres tous autres tourmens, presenter le collet aux bestes sauuages, pour  
les luiçter? Car les leopards, les ours, les porcs sangliers, & les taureaux sauuages, mis aux alteres  
& irritez à cruauté avec le fer & le feu, estoient ordinairement laschez à l'encontre de nos gens,  
qui estoit vn merueilleux spectacle de veoir tant de martyrs genereux & nobles ne s'estonner  
de toutes ces choses, ains auoir vne constance perseuerante & assurance de courage cõtre tous  
assaults qu'on leur liuroit. Encor estoit ce plus grand miracle, que telles bestes sauuages, coustu-  
mieres de se repaistre de chair humaine, & plus furieuses & cruelles pour auoir enduré vne lon-  
gue faim, ne leur donnoient aucune attaincte de la dent, & sembloient n'auoir pas la hardiesse  
d'atoucher les corps des martyrs: mais elles se ruerent avec grande impetuosité & hurlement  
sur les autres, qui estans hors du parc, les irritoient à l'encontre des homes Chrestiens & agrea-  
bles à Dieu: lesquels tant s'en faut qu'elles ayent offensez ny blesez aucunement, encor qu'ils  
fussent nuz au milieu de la place, que mesmes elles enduroyēt d'estre par eux maniees & flattees  
à l'atouchemēt de leur mains. Que s'il y en auoit quelques vnes qui pressées de faim se missent  
en deuoir de courir sus aux saintes personnes qui leur estoient presentees: lors qu'elles s'estoyēt  
approchēs

*Eusebe a  
veu aucuns  
de ces mar-  
tyrs en la  
Palestine, et  
en la ville  
de Tyr en  
Phenice: cõ-  
me il le tes-  
moigne en  
son huities-  
me liure de  
l'hist. Eccl.  
chap. 7.*

*Les bestes  
sauuages ne  
mettent pas  
en pieces les  
saints mar-  
tyrs à elles  
presentez.*



approches au plus pres, vous les eussiez veu reculer en arriere, cōme si quelque soudain effort les repoussant, leur eust donné empeschement. Chose qui engendra grand espouuementment és esprits des hommes assistans, veu que plusieurs bestes estans laschees souuentefois sur vn seul personnage Chrestien, les gouuerneurs d'icelles estoient contraincts de les faire retirer, sans auoir en rien auancé en ce qu'ils pretendoyent. Il n'y auoit pas moindre cause d'auoir en admiration les pauvres martyrs, desquels l'assurance fut si grande, & le courage tellement inuincible, que meisme és cueurs des ieunes gēs apparoiſſoit vne constāce qui sembloit n'appartenir qu'aux personnes de plus meur aage. Car vous eussiez veu vn ieune homme, n'ayāt encor vingt ans accomplis, sans estre lié, tenir ses mains estendues en hault, à la façon d'vne croix, & vaquer à prieres, lesquelles il adressoit à Dieu tacitement, sans donner aucune apparēce de crainte ou faute de courage, & sans remuer, ny fleschir les genoulx : encor que les bestes sauuages, n'halenās rien que cruauté, buglassent horriblement à l'entour de luy & fussent sur le point de luy liurer vn dur assaut, & mettre en pieces son corps, se ressentāt quasi de la diuinité. Encor l'eussiez vous peu veoir ne chāger aucunement de contenāce, quand elles s'arrestoyēt, cōme estans bridees de brides celestes, qui leur empeschoyent le mordre : & quand & quand il sembloit qu'il y eust des chaines qui les tiraſſent en arriere contre ceux qui les aguillonnoyent, & leur estoient à dos. Vous eussiez veu vn autre Chrestien, présenté au taureau pour estre mis en pieces, ne sentir aucune dure entorce de la part d'iceluy, combien qu'il eust ietté en l'air avec ses cornes quelques vns des spectateurs infideles, & escarté à force de courſes & rué par terre ce qu'il rencontroit : Car combien qu'à l'approcher il semblast menacer le martyr, & ne donnast autre signe que de cruauté : si est-ce que (par le vouloir de Dieu) il ne le pouuoit bleccer, mais luy presentant la corne assez laschement & petit à petit, avec la langue il luy leſchoit les pieds, & se retiroit tout bellement, comme faisant conscience de l'offencer. Or apres que beaucoup de bestes furēt laschees en ceste sorte sus les martyrs, & que l'euenement & succez eut pſins meisme fin à l'endroit de tous, finalement les bourreaux descouragez les mirent tous à sang : & les ayās fait passer cruellement au fil del'espee (apres vne infinité de supplices, & autre effort de griefs tourmēs qui leur furent liurez) à fin de les priuer de l'hōneur de sepulture, ils les ietterent dans la mer, pour estre enseuelis és ventres des balenes & autre monstres marins. Telles furent les meslees des trefnables combatans Egyptiens, esquelles ils se trouuerent en la ville de Tyr en Phenice.

*Des martyres soufferts en la contree d'Egypte & Thebaïde, par plusieurs & diuerses sortes de supplices.*

C H A P. V I I I.



Mais pourroit on bien ſçauoir le nombre des martyrs qui ont enduré la mort en leur païs meſme ? ou bien, ſeroit il poſſible de raconter par le menu toutes les ſortes des diuers tourmens qu'il leur a eſté contraincte ſouffrir ? Car pluſieurs ſe ſont trouuez qui avec leurs femmes & enfans ont abandonné leur vie meſme, ſe preſentans à toutes eſpeces de mort diuerſe. Quelques vns on eſté finalement mis en cendres, & conſumez par feu, apres auoir courageuſement, & avec merueilleuſe conſtance, paſſé par la queſtion, gehenne & torture, par les tenailles, par les fouēts, & par vn nombre infiny d'autres cruauſtez, à la ſeule memoire deſquelles il n'y a eſprit tant aſſeuré qui n'ait horreur. Les autres, en nombre innumerable, chargez dedans nacelles, ont eſté ſubmergez & enfondrez és gouffres de la haute mer. Aucuns ont preſenté le col volontairement, & ſans effort, aux bourreaux qui leur vouloyent trancher la teſte. Pluſieurs autres ſont morts de male rage de faim : & beaucoup ont eſté crucifiez : les vns punis de meſme rigueur que lon corrige les malſaiſteurs : les autres renuerſez & penduz par les pieds, ont long temps prolongé leur vie en langueur, iuſques à ce qu'ainſi attachez en croix ils ſont morts de faim. Or n'eſt il pas poſſible qu'homme, tant ſoit il de bon eſprit, puiſſe coucher par eſcrit les tyrannies & maux exceſſifs que les ſainſts martyrs ont ſoufferts en la contree de Thebaïde : Car leurs corps estoient mis en pieces par les bourreaux avec des tests de pots caſſez & choſes ſemblables, iuſques à ce qu'il n'y reſtoit aucune apparence de vie. Encor estoient ces tyrans tant inhumains, que d'attacher par vn pied les pauvres femmes à vn certain engin, avec lequel ils les leuoyent en haut, la teſte pendante vers le bas, comme vne beſte que lon a tuee : & auoyent ſi peu d'eſgard à l'honneſteté, qu'ils ne leur couuroyent aucunement les parties honteuſes, que nature veut eſtre cachees : ains les laiſſoyent toutes deſcouuertes, preſentās à tous vn ſpectacle de ſinguliere inhumanité & cruauté la plus grande que lon ſçauroit imaginer. D'autres martyrs estoient liez aux branches d'arbres, & miſerablement attenez de tourmens iuſques à la mort. Car és rameaux les plus forts, tirez artiſciellement & courbez à toute force contre bas, on attacheoit les iābes ouuertes des pauvres patiens avec forces cordes : puis quand on les laiſſoit aller en leur lieu naturel, ils deſchiroyent cruellement les membres à eux attachez, allant la partie ſelon que violement elle eſtoit emmenee par l'arbre auquel on l'auoit attachee. Et telles

*Martyrs d'Egypte.*

*Autres liſent, avec morceaux et pieces de cornes des pieds des beſtes. Martyres tresinhumains au païs de Thebaïde.*

*Allegresse  
diuine des  
martyrs.*

cruautez eurent cours non pour vn peu de temps, mais ce mal fut de longue duree, & ne cessa qu'apres plusieurs annees. Car tant d'hommes que de femmes, ieunes & vieux, estoient mis tous les iours à mort, dix, vingt, trête, soixâte & aucunes fois vn cent, ou plus : auxquels on faisoit endurer diuers supplices, & porter la mort ensemblémēt, & quasi par vne mesme playe : tellemēt que les pointes des espees, enrouillees par la cōtinuelle teincture de sang, rebouchoyēt, & le tréchant ne pouuoit quasi plus couper : mesme que les bourreaux, lassez de tant de meurtres, & ne se pouuans presque plus remuer, estoient contraincts de se reposer, & laisser l'execution de leur office à d'autres plus frais & dispos. D'autre part on pouuoit bien veoir & congnoistre à l'œil l'allegresse de nos gens, & l'ardeur viue & vertueuse de leur foy en Iesus-Christ : Car à peine auoit le iuge prononcé la sentence & arrest de condamnation contre les premiers, que d'autres, venans de diuerses parts à la foule, confessoient publiquement sans force ny violēce qu'ils estoient Chrestiens, & qu'en telle foy vouloyēt viure & mourir sans auoir esgard ny au danger où ils se mettoient, ny aux tourmēs qui leur estoient preparez : ains se resiouillans en plein confistoire, de pouuoir donner à congnoistre par leur martyre combien ils estimoyent grand cest heur de mourir pour la defense du nom de leur Sauueur. Aussi soustenans sa querelle, avec vne liberté assuree, & sans aucune crainte, ils assistoyent au iugement de leur mort autant ioyeusement & volontiers, comme de grand courage eux-mesmes s'estoyent accusez : de forte qu'en l'execution du contenu de leur arrest, ils perseueroyent iusques à la fin de leur vie en actions de graces, chantans à Dieu proprement des Hymnes & Cantiques qu'ils dressoient à sa louange.

*De deux renommez & excellens martyrs, Philorome & Philee : & des choses  
qui furent faites par les meschans en la ville d'Alexandrie,  
à l'encontre des Chrestiens.*

*C H A P. I X.*



*Martyre de  
Philorome  
& Philee.*

*Escrit de  
Philee, Euef  
que de  
Thmuite,  
touchant les  
martyrs A-  
lexandrins.*

L est vray que tous ceux qui se sont monstrez excellens & braues à la defense de la vraye pieté, meritent qu'on les ait en admiratiō : toutesfois on doit tenir plus grand conte & auoir en plus grande estime ceux qui ayās acquis renomēce singuliere par le moyen des richesses, noblesse, honneurs, dignitez & estude es bonnes lettres, n'ont pas tenu si grand conte de toutes ces choses, que le desir de s'uyure Iesus-Christ à la trace, ne leur ait fait mettre en oubly tout ce qu'ils auoyent de mondain. Tel a esté Philorome, lequel ayant obtenu de l'Empereur la dignité principale de la plus grande office en la ville d'Alexandrie, marchoit accompagné de plusieurs gens de guerre pour sa garde, & (comme sa charge le portoit) assistoit tous les iours au parquet, pour ouyr les plaidoyez & arrests, s'uyuant la coustume Romaine. Tel a esté Philee, Euefque de l'Eglise des Thmuites, lequel non seulement s'est fait renommer pour auoir bien & deuement exercé l'estat des offices publiques de sa ville, mais aussi s'est rendu excellent & parfait en la cōgnoissance des sciences de philosophie. Or estans mis en iustice pour le fait de la religiō, iamais on ne les peut induire, en quelque maniere que ce fust, d'auoir esgard à sauuer leur vie, en renōçant à la profession de foy en Iesus-Christ : encor que leurs proches parens, amis, familiers & autres grands personnages tenans les offices, mesme le iuge de sa cause, le cōiurassent & requissent de grande affection, qu'ils eussent pitié d'eux-mesmes, & que l'affection coniugale & paternelle esmeust leurs cueurs à auoir esgard à leurs femmes & enfans. Parquoy, sans vouloir ouïr aucun aduertissement, ils soustindrent avec ferme deliberation & force constance de leur sagesse (où bien plustost, de leur esprit ayant Dieu) les iniures, outrages & tourmēs qui leur estoient adiugez : & en fin, avec vne generosité & assurance merueilleuse, franchirent aussi le saut de la mort au tréchant des espees, avec lesquelles on leur leua les testes de dessus les espaulles. Or parce que i'ay dit, n'a pas long temps, que Philee passoit tous autres en grace de bien dire, il sera bō de le mettre icy en ieu, à fin que luy mesme face le discours des martyrs soufferts en la ville d'Alexandrie, & tout ensemble porte tesmoignage certain de son fait par son dire mesme, lequel il a couché par escrit luy estant prisonnier, & enuoyé à ses diocesains & peuple de son Eglise, auant que la sentence capitale de mort fust donnee contre luy. Ayant donc vſé de long propos seruans à la louange des martyrs, à raison de leur souueraine emulatiō en Dieu & singuliere enuie d'ensuyure Iesus-Christ, il dit puis apres : Parquoy les martyrs Chrestiens, se mettrons en de- uoir d'obtenir ces plus grands dons de grace, ont souffert iusques à la fin tous trauaux, tous la- beurs, & toutes sortes de supplices, non vne fois seulement, mais quelques vns iusques à secon- de fois. Ce nonobstant, il n'y a eu aucune espee de menaces (desquelles les gens de guerre, s'es- forçans à qui mieux mieux d'exercer en leur endroit les plus grandes cruantez dont ils se pou- uoyent aduiser, ont vſé à l'encontre d'eux, non seulement par paroles, mais aussi par effect) qui ait eu puissance de les diuertir ou esbranler tant soit peu de l'opinion qu'ils auoyent conceue &

„ arrestee en leurs esprits : d'autant que la charité parfaite iette hors toute crainte . Mais quelle  
 „ raison, tant bien dictée que voudrez, pourroit estre assez iussante de raconter ( ie ne dy pas,  
 „ loier) leur grande vertu & asseurée constance à endurer toutes inhumanitez & tourmens ? Car  
 „ avec ce que chacun auoit permission & puissance de les outrager de paroles, & leur dire toute  
 „ iniure : les vns estoient carellez à coups de bastôs, les autres festoyez avec des verges, quelques  
 „ vns fouëttez cruellement d'esclourgees, les autres d'estriuieres, & les autres de cordes . Mesme  
 „ que le spectacle & regard de tant de tourmens, causoit aux assistans fascherie, labeur & peine  
 „ plus qu'il n'estoit aduis. Car vous en eussiez veu qui ayans les mains liees derriere, estoient at-  
 „ tachez à vne potence de bois, auxquels on tiroit tous les membres avec certains engins, pour  
 „ les faire allongir & estendre : puis les bourreaux, par l'ordonnance du iuge (pour les acheuer de  
 „ peindre, encor que leurs corps fussent ainsi estenduz violement, & à force) vsans de cruauté  
 „ incroyable, leurs faisoient souffrir plusieurs inhumanitez par le moyen des coups qu'ils leur don-  
 „ noient, non seulement sur les costez ( cōme lon fait aux homicides & meurtriers ) mais aussi sur le  
 „ ventre, sur les gras des iambes, & sur les machoueres. Il y en auoit d'autres qui estoient attachez  
 „ seulement à vne main, & penduz aux arcs des voultres, lesquels ne trouuoient point de supplice  
 „ plus grief en leur endroit, que de ce que les membres & arteres leur estoient par force estenduz  
 „ & allongez violement. On en auoit lié d'autres aux colonnes, la face tournée vers icelles, &  
 „ le corps esleué, en sorte qu'ils ne touchoyent point à la terre, ny ne se soustenoyent sur les pieds :  
 „ qui estoit cause que la pesanteur les retiroit à bas, & que par ce moyen les liens se serrans d'a-  
 „ uantage leur apportoyent plus griefue douleur, & faisoient plus de mal. Encor non seulement  
 „ on les faisoit souffrir ces tourmens, durant le temps que lon parloit à eux, ou lors que le iuge ou  
 „ preuost les examinait & pressait de se reconnoistre : mais on les laissoit en cest estat les iour-  
 „ nees entieres depuis le matin iusques au soir. Car quand le preuost en auoit ouy quelques vns,  
 „ allant pour en examiner d'autres, il laissoit les premiers en garde aux bourreaux & tyrans, leur  
 „ donnant autant de puissance qu'il en auoit luy-mesme : à fin qu'ils representassent sa personne,  
 „ & missent peine de gagner les patiens à force de tourmens, & leur faire changer d'opinion. En-  
 „ cor ordonnoit il qu'ils fussent liez & serrez estroitement, de sorte que le cuer leur faillist, &  
 „ qu'estans tombez à terre par defaillance de vigueur, on les trainast de costé & d'autre.

„ Or estoient les bourreaux inhumains tellement acharnez & curieux de tourmenter en tou-  
 „ tes sortes nous pauvres Chrestiens, & inuentoient & vsoient de tels supplices en nostre endroit,  
 „ qu'il n'y en auoit aucun qui ne fust aussi grand ou plus que ceux dont l'ennemy le plus cruel vsa  
 „ oncques à l'endroit de son mortel ennemy . Aucuns des nostres, ayans esté tourmentez outre  
 „ mesure, estoient estenduz sur vn engin de bois, percé en quatre lieux, attachez par les pieds &  
 „ par les mains, avec fortes cordes qui passoyent par les pertuis, & lesquelles on tiroit à force, tel-  
 „ lement qu'il n'y auoit nerfs ny veine sur le corps des patiens qui ne fust allongé de beaucoup :  
 „ & les laissoit on ainsi estenduz le ventre en haut sur le bois, combien qu'il n'y eust aucune partie  
 „ de leurs corps qui ne fust entamée d'une infinité de playes nouuelles, de sorte qu'ils n'auoyent  
 „ pas bonnement le pouuoir de souffrir avec ce la pointure des tests des pots cassez, qui estoient  
 „ semez dessous eux. Les autres ruez par terre, au moyen des tourmens de toutes sortes qu'ils e-  
 „ stoyent contraints d'endurer, demeuroyent à demy morts, representans aux assistans vn specta-  
 „ cle plus grief, que les tyrannies & inhumanitez qu'ils auoyent souffertes : comme monstrans  
 „ par leurs playes la diuersité de leurs peines & martyres.

„ Or ce temps pendait que telle cruauté auoit cours, aucuns des martyrs rendoyent l'esprit à Dieu  
 „ au milieu de leurs tourmens, faisans rougir de honte leurs ennemis par la constance de leur cou-  
 „ rage : les autres à demy morts espousoient de rechef la prison, où peu de iours apres on les trou-  
 „ uoit sans vie, comme ceux auxquels la douleur des peines endurées auoit esté cause de mort.  
 „ Quelques vns, ayans recouert guarison de leurs playes par la diligente cure des medecins &  
 „ chyrurgiens, estoient renduz plus courageux, encor qu'on les tint longuement prisonniers. Or  
 „ quand on eut publié l'edit, par lequel le choiz leur estoit donné, ou d'estre deliurez & mis en li-  
 „ berté, sans leur donner aucune fascherie puis apres, pourueu qu'il s'accordassent à faire sacrifice  
 „ aux Dieux : ou bien, s'ils estoient refusans, de passer le pas de la mort au trenchant de l'espee :  
 „ aymerent mieux viure en ceste liberté, que d'eux-mesmes ils auoyent, que d'en acquerir vne au-  
 „ tre par le moyen de ces tyrans : & sans aucun delay ny reffuz, volontairement ils se presentoyent  
 „ au supplice de la mort . Car ils estoient bien aduertis & instruits, qu'és saintes escritures il  
 „ nous est ordonné & enjoinct de ne sacrifier aux dieux estrangers, sur peine d'estre chassé & ban-  
 „ ny de la grace de Dieu. Car il est dit : Celuy qui fera sacrifice à autres dieux, sera destruit & ex-  
 „ terminé. Et encor de rechef : Tu n'auras point d'autres dieux, sinon moy . C'est ce que Philee,

Contre l'i-  
dolatrie.

*D'une ville de Phrygie, de laquelle tous les habitans moururent par martyre: & d'un certain martyr, nommé Adauſte.*

C H A P. X.

*Vne certaine ville de Phrygie, dont le feu, à cause de la confession de nostre Sauveur Iesus-Christ. Adauſte, martyr, Maistre des offices, Catholique.*



Q' est il besoin de raconter par le menu les proüesses & beaux faits des martyrs aymez de Dieu, ny de discourir sur les nouveaux combats, esquels ils se sont trouuez en plusieurs contrees de la terre? On en peut bien mettre d'autres en ieu, pour seruir de preuue plus facile de la cruauté inhumaine des tyrans, & pour monſtrer combien estoit grande l'incredible affection & pieté des braues vainqueurs enuers le Sauueur Iesus-Christ: Car non seulement vn ou deux personnages, ou plusieurs enſemblément, mais tous les habitans d'une certaine ville du pais de Phrygie, hommes, femmes & enfans vniuerſellement, ſans en excepter aucun, furent bruslez, avec leur ville, par vn camp de gens de guerre, qui ayans mis le ſiege tout à l'entour d'icelle, ietterent le feu dedans, & firent tout rediger en cendres. Or n'estoit accusé tout ce peuple d'autre crime, ſinon que le gouuerneur, les magistrats & officiers, & generalemēt tous les citoyens inuoyoyent le nom de Iesus-Christ, lequel ils tenoyēt pour leur Dieu, & n'auoyent pas voulu donner obeïſſance à ceux qui leur faiſoyent commandement d'adorer les idoles. De ce nombre estoit vn grand personnage, nommé Adauſte, gentil-homme Italien, de grande maison, qui auoit acquis tous les honneurs qu'homme pourroit auoir, & lequel ſ'eſtant fort bien acquitté des magistrats & dignitez qu'il auoit tenuz en grand nombre, estoit paruenü à ceſte grandeur de Maistre des offices. Ce bon Seigneur, ſurpaſſant facilement tous autres quant au fait de pieté & confession d'un ſeul Dieu, merita la couronne de martyr, laquelle luy fut donnee en ceſte meſſee avec les autres.

*De plusieurs autres martyrs qui par diuers tourmens furent mis à mort.*

C H A P. XI.

*Supplices diuers des martyrs.*



*Martyrs en la ville d'Antioche.*

*Martyrs de Pont.*

*Les bourreaux vaincus par la vertu & conſtance des martyrs.*

L n'est besoin de denombrez les martyrs chacun à part, où de ſ'enquerir du conte, ou bien de mettre par eſcrit les eſpeces tant diuerſes des ſupplices qu'il leur a conuenü endurer. Aucuns d'entre eux ont eu la teſte leuee de deſſus les eſpaules, ce qui eſt aduenü au pais d'Arabie: aux autres, les iambes ont eſté rompues, ce qui ſ'eſt fait en Cappadoce: les autres, ayans l'un des pieds attaché à leurs teſtes, eſleuez en haut, ont eſté eſtouffez par la fumee prouenant du bois verd que lon mettoit à vn petit feu, qui estoit allumé deſſous eux, choſe qui a eſté pratiquée en la Meſopotamie. Aux autres on couppoit les narines, les leures, les aureilles, les mains & les pieds: puis les mettoit on en pieces, ainſi que lon dechiquette vne beſte preparee pour viſtime eſ ſacrifices: ce que la ville d'Alexandrie a peu veoir. Mais qui eſt celuy qui pourroit bonnement reduire en memoire tous les ſupplices inuentez & executez en la ville d'Antioche? On y faiſoit des grilles, ſoubs leſquelles on allumoit vn peu de feu qui n'auançoit pas ſoudainement la mort à ceux qui estoient attachez nuds deſſus, ains rotissoit petit à petit les corps des martyrs, & prolongeoit leurs peines & tourmens. Il y en auoit auſſi qui aimoyent mieux mettre leurs mains en vn braſier de feu, qued'atoucher aucunement les ſacrifices execrables, ny la moindre des choſes que les Gentils tenoyent pour ſacrees. Lon y en trouuoit d'autres qui pluſtoſt ſe precipitoient du haut en bas des lieux eminés & fort eſleuez, que de ſe vouloir expoſer au danger des tourmens: choiſſans pluſtoſt vne ſoudaine mort, que de ſe laiſſer envelopper eſ laqs des tyrans inhumains. Encor ſont bien plus horribles & faſcheux à ouyr les ſupplices que les martyrs ont ſouffert au pais de Pont. Aux vns on perçoit les ongles & extremitéz des doigts avec tuyaux fort aguz & pointuz au bout: aux autres, on faiſoit diſtiller ſur les eſpaules & ſur les parties du dos de la poix bouillante & du plomb fondu au feu. Il y en auoit d'autres, auſquels on faiſoit ſouffrir pluſieurs tourmens execrables & vilains, eſ parties honteuses, & qu'honneſtement lon n'oſe pas nommer: leſquels toutesſois ces personnages nobles & conſtans (garnis de courage, ſe reſſentans plainement de philoſophe) monſtrerent ne leur ſeruir d'autre choſe, ſinon d'abondance ſuperflü de magnanimité: ayans en eux vne certaine ambition louable contre les tyrannies nouuellement inuentees au preiudice de leurs pauvres perſonnes, & ſ'eſſorçans à l'enüy l'un de l'autre de ſupporter le plus patiemment qu'ils pouuoient tous les efforts villains & deshonneſtes de leurs tyrans, comme ſi (pour ce faire) nouuelles recompensés leur estoient preſentees. Or quand les inuenteurs de nouuelles cruantez ſe ſentirēt vaincuz par la patience des martyrs, & qu'ils furent laſſez de faire les meurtres, auſquels ils estoient accouſtumez, comme ſaulez du ſang des martyrs coulant abondamment ainſi que torrens, finalement ils changerent leur ſelon courage, & donnerent apparence de quelque bonté ſeinte

seinde & dissimulee, tellement qu'il estoit aduis qu'ils vouloyent se desister de plus vser de si grande cruauté qu'auparauant, se monstrans plus benins que de coustume à l'endroit des pauvres Chrestiens. Car ils disoyent que les citez ne deuoyent pas estre souillees du sang de leurs citoyens, ny la clemence des Empereurs exposee aux calomnies & paroles d'une populace par le moyen de leur inhumanité: mais que plus-tost la benignité & douceur de l'Imperiale maiesté se deuoit estendre sur tous vniuersellement. Parquoy viredict fut publié, par lequel on defendoit sur les peines cōtenues en iceluy, qu'aucun ne fust si ausé de mettre vn Chrestien à mort: comme si, en leur ostant la vie, on mettoit fin à tous supplices & peines qu'ils meritoient. D'auantage, il fut ordonné que lon creuast ou arrachast l'un des yeux à chacun de nos gés, & que l'un des pieds leur fust aussi couppé. Car par ce moyen il aduendroit que la cruauté sembleroit moins desreiglee & inhumaine, comme, estant plus douce à prendre végeance. Or est il qu'à l'occasion de telle inhumanité aucunement humaine, il ne seroit possible de dire combien estoit grande la multitude de ceux ausquels premierement les yeux dextres furent arrachez avec certains ferremens, puis des charbons ardans de feu iectez dedans la playe, tellement qu'on les voyoit errer de tous costez. Encor moins pourroit on mettre en conte ceux qui ayans les pieds fenestres cauterisez & bruslez violemment avec fer chauld, les tiroient apres eux, se trainans sans pouuoir plus marcher, & reduits à telle extremité qu'ils n'estoyent plus que pesantier inutile de la terre. Qui pourroit aussi denommer ceux qui furent condamnez à besongner perpetuellement és minieres des metaux en chacune prouince où il y en auoit, non pour necessité qu'ils en eussent, ou pour aucun profit qui leur en reuint, mais afin que cela leur seruiſt de tourment & calamité perpetuelle? Choses autant inhumaines que lon scauroit penser. Les autres n'auoyent pas meilleur marché, par ce qu'on les affligeoit avec autres tourmens, qui furent en si grand nōbre, qu'il seroit bien difficile de les pouuoir mettre, en conte: aussi leurs cōbats & luctes ont esté telles qu'il n'y a aucune oraison qui les puisse bonnemēt deduire ny raconter.

*La tuerie des Chrestiens est deffendue, & la mutilation de leurs membres ordonnée.*

*De quelques vierges excellentes en beauté, de la ville d'Antioche, qui coururent és lices du martyre avec leur pudicité. Chap. XII.*



**E**T non les hommes seulement, ains aussi les femmes & filles se gouvernerent tres-bien és accidens qui de ce temps leur suruenoyent, montrās sous le sexe debile vn courage se ressentant d'homme magnanime. Au nombre desquelles se trouua vne bonne femme en la ville d'Antioche, fort renommee par tout, à raison de sa vertu & plusieurs autres honnestetez & bonnes parts qui l'embellissoient grandement. Ceste femme, ayant deux belles filles & ieunes, pour euitier l'enuie qu'on luy portoit, se retira secrettemēt en vn pays loingtain, où elle fut cachee pour quelque temps: toutefois estant r'appelée & reuenue au lieu de sa naissance, elle & ses deux filles furent apprehendees par vne compagnie de gens de guerre, seulement à raison qu'elles estoient Chrestiennes. Or se voyant entre les mains des tyrans, elle perdit soudain toute esperance, tant du salut d'elle mesme que de l'honneur de ses enfans: & considerant en soy-mesme les calamitez & traueses qu'elle estoit sur le point d'endurer, elle ne fut aucunement deceuē de son opinion: car il n'eſt pas possible de pouuoir ouyr plus de vilenies que ces meschans & detestables hommes. luy en dirent, touchant le fait de paillardise. Qui fut cause qu'elle mit en teste à ses filles de garder leur virginité iusques à la mort: & leur perlua da qu'il n'y auoit rien pire en ce monde que d'adorer les idoles: mesme qu'il valoit mieux souffrir mille morts que de s'adonner aucunement à leur faire sacrifice: les assurant sagement que le plus seur & assuré remede contre l'un & l'autre mal, estoit de recourir au Seigneur Dieu, & se mettre sous sa protection & sauuegarde. Les filles, s'accordans à l'opinion de leur mere, se couvrirent & agencerent le plus honnestement qu'elles peurent, avec ce peu d'habits que le temps & occasion leur permettoit auoir: puis s'estans vn peu escartees du chemin, au milieu duquel elles estoient, & s'estans escartees & soustraites de leurs gardes, elles se ietterent dans vne riuere qui passoit par apres: comme celles qui aimoyent beaucoup mieux se noyer, que souffrir leur ame estre souillee par paillardise, ou par idolatrie. En la mesme ville y eut deux autres sœurs, nō moins renommées que celles dont a desia esté tenu propos, tant pour le doüaire de virginité, vn consentement vnanime, vne beauté naïue & grandeur de courage, que pour leurs richesses, & bon renom, en quoy elles ne leur cedoyent aucunement: lesquelles, guidees de pareille affection & enuie louable, courans en mesme lice (afin que la terre ne se peust vanter d'auoir seule l'honneur de tels ornemens) se precipiterent d'elles mesmes dans vn golfe de mer. Car l'importunité des persecuteurs & paillards les contraignist à ce faire: tant estoit grande la meschanceté des putiers, qu'il seroit impossible de plus. Encor adiousteraie en ce lieu le fait d'une fille d'honneur & vierge pudique, lequel (pour dire vray) est saint, mais ioyeux & plaisant tout ensemble.

*Deux filles d'une honneste bourgeoisie de Antioche, à la suasion de leur mere, se iettēt dans la riuere & se noyent, afin de n'estre violees, & afin de ne sacrifier aux idoles. Euseb. li. 8. chap. 12.*

*Deux autres sœurs d'Antioche vierges, se iettēt dans la mer pour mesme occasiō.*

Y

*Vne fille de Nicomedie condānee à estre menee au bordeau pour n'auoir voulu sacrifier, garde sa chasteté avec vne finesse, & par mesme moyen souffre martyre.*

*Quand lon cōdemnoit la Chrestienne d'estre enuoyee plus tost au bordeau qu'au bourreau, & ex posee plus tost à un macquereau qu'à un lion, vous auez cōfessez n'apais logtēps, que la tache de chasteté violée estoit estimée entre nous plus outrageuse, q̄ toute peine & mort.*

*Toutefois cela ne nous a riē profité.*

*Tertul. 9.*

*Vne autre fille garda sa chasteté par vne finesse religieuse, quand les ruffiens venoyent à elle pour auoir sa compagnie.*



Este fille peut estre à bon droit nommee le bel ornement & embellissement inuiolable de virginité, au tesmoignage de tous ceux qui entendront son fait: car estant apprehendee, par ce qu'elle auoit refusé de faire honneur & sacrifice aux Dieux Gentils (disant que telle adoration est le plus grand & souuerain mal, que la personne puisse faire) on la mit entre les mains des ruffiens & gens addonnez à toute paillardise, pour en faire à leur plaisir. Or l'émenoit on desia, pour en abuser charnellement, quand de fortune, Anthime, Euesque de l'eglise de Nicomedie, se rencontra en son chemin: auquel elle demanda son aduis, lequel des deux maux egaux elle deuoit eslire, qui estoient, sacrifier aux idoles, ou estre violée. Ma fille Euphrasie (respondit ce bon Euesque) il est bien vray que le don d'une chaste virginité est tres-beau & fort excellent: mais le commandement de la foy est bien plus grand & souuerain. Que si quelque fortune ou nécessité nous auoit reduits à telle extremité qu'il fust besoing de donner ou la robe ou le corps en proye à ceux qui voudroyent mettre en pieces l'un ou l'autre, il vaudroit beaucoup mieux quitter les habits, que donner la personne mesme. Aussi puis que les affaires sont en tels termes, il est bien raisonnable de considerer ce que lon a à faire, & d'auoir esgard aux tentations & aduersitez presentes. Puis dōc qu'il ne t'est pas permis de pouoir garder ta religion & virginité tout ensemble, ie suis bien d'opinion que du moins tu ayes le soin de conseruer ton ame, sans qu'elle soit contaminee ny polluee: & que assurant & confirmant ton esprit par le moyen de la foy, tu laisses ta chair au commandement des meschans, encor que leur deliberation ne tende qu'à te faire iniure & outrage. Quand elle eut entendu l'aduis de ce saint personnage, son entendement douteux flotloit d'une part & d'autre, ne sçachāt si elle s'arresteroit à ceste opinion, ou si elle suyuroit autre cōseil. A la fin, sa deliberation fut maistrresse: car elle proposa en soy-mesme, non d'abandonner l'un pour retenir l'autre, mais bien de garder sa foy & sa pudicité ensemblement. Estant ainsi resoluë, elle suit, & va là par où on la conduisoit. Quand elle se sentit enfermee en vne chambre avec vn ieune ruffien qui vouloit faire d'elle à son plaisir, elle inuenta soudain vne finesse pour le deceuoir, qui fut telle: Entre autres propos qu'elle tenoit pour faire delayer le galand, finalement elle confessa franchement qu'elle estoit sorciere: & que s'il luy vouloit permettre de garder sa pudicité sans la cōgnoistre charnellement, la recompense qu'elle luy donneroit, seroit si grande, que sa vie en seroit contregardée, & luy preserue de mort: car elle sçauoit composer & faire vn vnguent, duquel estant vne personne oincte, en quelque guerre ou bataille que ce fust, elle ne pouuoit estre endommagée ny entamee aucunement, ny de dards, ny de ferrement quelconque. Mesme, que si vous voulez (dist-elle) faire l'experience de ce remede, ie ne mettray pas long temps à vous donner à cōgnoistre manifestement la verité de mon dire: Seulement donnez moy autant de loysir, que ie seray de temps à composer mon vnguent. Le ieune hōme pensant qu'elle dist vray, & studieux d'esprouuer la force de la drogue, luy permet de la preparer. Alors elle vrayement sage, prend de la cire, la destrempe en huyle, la broye entre ses mains, & en oinct son col de toutes pars, s'en frottant doucement tout à l'entour. Apres s'en estre bien oincte, elle luy permit, mesme quasiment contraignit de la frapper par le gosir avec son espee, & n'y espargner aucune de ses forces, pour faire espreuue de la vertu de ce remede. Ce qu'il feist, & sans laisser rien de ses forces en arriere luy donna vn coup d'espee qui leua & separa la teste de ceste pauvre fille d'avec ses espaulles. Vne autre vierge aussi, mise es mains de gens paillards & putiers pour en faire à leur plaisir, disoit à ceux qui la vouloyent congnoistre charnellement, qu'en ses parties honteuses au dedans de la nature elle auoit vn vlcere chancreux & contagieux: & les prioit d'auoir pitié d'eux-mesmes, & de ne la vouloir attoucher, afin que le coucher avec elle ne feust cause de les gaster, en leur donnant son mal: avec promesse d'estre toute en leur puissance aussi tost qu'elle auroit recouuert entierement sa santé, s'il leur plaisoit de differer d'auoir sa compagnie. Par ce moyen estans les fols amans deceuz, avec l'aide de Dieu elle contregarda sa chasteté, & se desfit d'eux finement. Car vn ieune homme, sous pretexte de paillarder, s'adressa au macquereau qui tenoit les filles de ioye en main, & accordant avec luy de marché, luy donna certaine somme de deniers pour coucher vne nuit avec celle de qui ie parlois presentement: mais estant enfermé avec elle il se despouille de ses habillemens, & les fait vestir à la fille, laquelle il equippe & couure de sorte qu'on ne l'eust sceu congnoistre: puis la fait sortir & s'eschapper. Quant à luy, il s'habilla des vestemens d'elle avec lesquels estāt surpris, il paya la folle-enchere de son entreprinse au prix de sa teste. De ce tēps mesme il y eut vn religieux qui cōbatit en mesme chāp de bataille, reduisant soigneusement en memoire en ses estudes continuelles la chasteté & les autres vertus ensembles. Ce moyne (ayāt donē si bō ordre à la defēce de sō esprit, qu'il ne peut aucunement estre forcé, & ostāt toute esperāce à ses aduersaires de le pouoir vaincre) apres vne infinité de tourmēs qu'il endura



endura par contrainte, fut attaché & lié sur vn list: & pour compagnie, luy fut amené vne ieune femme dissolue, hantant les bordeaux, laquelle se print à l'embrasser, baiser & mener & couler ses mains lasciues aux membres secrets du pauvre homme: n'oubliant aucune chose qui le peust induire à paillardise, ains vsant de tous allechemens impudiques, & lasciuetez eshonteés, dont elle se scauoit bien aider pour prouoquer l'appetit à luxure. Le bon religieux, ainsi lié qu'il estoit, n'ayant pouuoir de faire autre chose, couppa sa langue avec les dents, & la mit en morceaux, puis en crachant la ietta au visage de la putain: Parquoy au lieu de donner entree à volupré, il se moyenna de griefues douleurs, & fit honte à la paillarde effrontee, luy causant ennuy & estonnement par le veoir victorieux de ses allechemens amoureux, tant puissans à reueiller les esprits de la chair. Mais tout ainsi qu'il la vainquit au combat de chasteté, aussi peu de temps apres il assoura & conferma sa vie par le cachet de martyre.

*Vn moyne  
couppe sa lan-  
gue avec ses  
dents mes-  
mes, entre  
les embras-  
semens &  
attraits a-  
moureux  
d'une pail-  
larde.*

*De saint Pantaleon, ou Panteleemon, De saint Eustrace aussi, & de ses compagnons :  
Et de plusieurs autres grands martyrs:*

*Chap. XIIII:*



**P**antaleon (qui est aussi nommé Panteleemon) florissoit en mesme temps: le quel *Martyre de  
S. Patalemon  
ou Pante-  
leemon.*

exalta grandement nostre Seigneur Iesus Christ, non seulement de paroles, ains aussi par effects & prodiges de miracles. Par effects, d'autant qu'il resista virilement à vne infinité de tourmens intolerables: Car il eut combat contre le fer trenchant, contre le plomb bouillant, & contre la rouë brisant les membres: nageant sur l'eau de la mer, il tira apres soy la meule d'un moulin, à laquelle il estoit attaché, comme si elle n'eust esté non plus pesante qu'un oiseau leger, sautelant au milieu des eaux, tout ainsi que sur vne terrasse seiche: il fut maistre des bestes furieuses, auxquelles on l'auoit présenté, & de la pointe des espees, lesquelles on tira contre luy, ayant pour compagnie un Euesque, nommé Hermolas, & deux autres saints personnages, Hermippe, & Hermocras: tellement que son ame desiointe & separee d'avec le corps, fut par ce moyen conioincte, assemblée & vnice avec Dieu en la vie eternelle. Par paroles il magnifia Dieu: car en preschant la vertu & haults mysteres de nostre Sauueur Iesus Christ, il fit honte à l'ennemy de nostre religion. En la mesme annee, Clement Euesque d'Ancyre, avec Agathangele, donna commencement à son martyre autant excellent, que lon scauroit penser: par ce qu'il fut le temps de vingthuit ans, entiers, auant que d'acheuer sa course commencee en la lice du Christianisme. De sorte que (selon mon iugement) ce saint homme Clemēt, & Agathangele ont passé de beaucoup tous les martyrs, qui depuis la creation du monde ont esté affligés, iusques à la perte de leur vie, pour la deffence du nom de Iesus, en quelque sorte qu'ils ayent souffert. Car encor que le feu ait redigé aucuns en cendre, ou que par fer leur mort ait esté aduancee, ou par pierres, ou par bois: encor que quelques vns ayent eu affaire avec les bestes sauuages, ou enduré les liés & pauuretez des prisons, sans aucune intermission, par longue espace de temps: bien que d'autres, au prix de leurs vies, soyent eschappés des tourmens qu'il leur a conuenu patir en diuerses manieres, ou en l'air, ou sur terre, ou dedans les eaux: encor que quelques autres ayent franchy le sault de la mort, ou par trop grande froidure, ou par excessiue chaleur, ou par la violence de quelques peines & cruautéz quelles qu'elles ayent peu estre: si est-ce que ny les tourmens, ny la vertu de patience des autres ne peuuent approcher au martyre & grandeur de courage de ces deux soldats, combatans sous l'enseigne de Iesus Christ. Car premierement à Rome, puis en la ville de Nicomedie, on les traita de telle sorte, que, veu leur constance, les plus cruels & inhumains bourreaux furent choisis pour les caresser avec eschange de martyres nouveaux: lesquels estans au bout de leur scauoir, & lassés tellement qu'ils ne se pouuoient plus ayder, autres estoient ordonnez en leurs places, à fin de tourmenter les pauvres patiens sans aucune intermission ny relasche, iusques à ce que lon n'eust pas bonnement sceu mettre en ieu aucune tyrannie nouuelle, dont on n'eust desia vsé en leur endroit: de sorte qu'à la fin ny les iuges ny les bourreaux ne sceurent plus que faire à l'encontre d'eux, sinon de leur oster la teste de dessus les espauls, & les faire mourir au trenchant de l'espee, leur moyennant un eschange de ceste mortelle vie avec vne autre, qui tousiours sera durable. Mais comment me pourray-ie garder de parler d'Eustrace, & de ses compagnons? le quel, estant sorty de la region des Arabraces, voisin à celle des Armeniens, s'aduança tellement en la congnoissance des disciplines Grecques, qu'il n'estoit second à personne quant à la philosophie? Il est vray, que secrettement il se fit instruire es mysteres de nostre religion: mais en public, il faisoit seruice à Lyfias gouverneur du Leuant, le quel, par l'ordonnance des Empereurs tyrans mal-affectez à la pieté, faisoit mettre les gens de bien à execution, commettant des meurtres execrables sur les personnes des Chrestiens. Or estant Eustrace secretaire du gouverneur, & greffier de sa iustice, quand il veid combien estoit merueilleuse la constance & magnanimité des nobles martyrs, il ne se peult contenir qu'il

*Martyre de  
l'Euesque  
Hermolas,  
d'Hermippe  
& Hermocras.*

*Clement  
Euesque  
d'Ancyre,  
& Agathangele.*

*Eustrace,*

# LIVRE VII. DE L'HIST. ECCLESIASTIQUE

ne luy prinst enuie de faire comme eux, & estre leurs imitateurs: de sorte que, sans attendre qu'autre l'accusast, luy mesme se declara Chrestien. Parquoy apres qu'il eut repris la vanité & folie enragee des ennemis de nostre foy, on le leua en l'aër, l'atrapade luy fut dōnee, on le foietta d'estriueres, on luy brusla les entrailles avec fers ardans, puis on arrousa ses playes de vinaigre mellé avec du sel: d'auantage on le brisa tellement avec des pieces de pots de terre rompus, que son corps ainsi broyé ne sembloit estre qu'une playe. Mais soudain les membres du martyr, par la volonté diuine, retournerent en leur premier estat, & furent guaris tout en vn instāt, comme si c'eussent esté escailles, que lon eust veu tomber de son corps: qui fut cause de hausser le courage à Eugene & Auxence, qui guinderent le vol de leur esprit avec pareilles ailes de magnanimité, que celles qui conduisoient le gentil combatant Eustrace. Or quand Lysias le gouuerneur fut arriué à Nicopole, ces pauvres martyrs furent cruellement traitez & trainez tyrāniquemēt: avec lesquels Mardaire fut aussi mis en ieu. Quant à leur fin, elle a esté telle qui s'ensuit: La teste fut tranchée à Auxence: Mardaire franchiit le sault de la mort, pendu en haut par les talons, la teste contre bas, percé en diuers lieux de son corps avec aiesnes ardantes, & bruslé avec flambeaux allumez: & par ce qu'Eugene auoit parlé contre l'impieté des tyrans au desaduantage de leur religion, on luy couppa premierement la langue, puis on luy rompit les bras & iambes, pieds & mains, comme à ceux qui sont mis sur la roue: & ainsi traicté, il mourut. Quāt est d'Eustrace, il fut mené à la ville de Sebeste, au Lieutenant Agricolas, avec vn autre, nommé Orestes: où son procès estant fait, luy & son compagnon furent offerts pour sacrifice au Seigneur, par feu qui les consumma & conuertist en cendres. Il seroit trop long à raconter par le menu les tortures infinies & diuerses qu'Eulampe & Eulampie endurerent en la ville de Nicomedie: & celles aussi qu'Anastaise souffrit à Rome par vne mutilation de tous ses membres en general. Je ne pourrois aussi bonnement reciter les tourmens par lesquels vne autre femme de pareil nom, ayant passé, fut en fin cōsommee par feu. Je ne veux pourtant oublier de mettre par escrit, en passant, qu'il y eut d'autres femmes, comme Agape, Irene & Chioine, qui d'un cœur tref-noble se sont presentees au martyre. Comme aussi ie ne me puis tenir de mettre en ieu deux braues combatans, Sergie & Bacchie: desquels la constance fut si grande, que iusques à la mort ils ne donnerent apparence d'aucune faute de cœur: l'un estant tellement caressé à coups de bastonnades, qu'il y laissa la vie: & l'autre, apres plusieurs supplices, passant au fil de l'espee. Mais seroit-il bien possible de mettre en conte, ie ne dy pas les especes des tourmens (chose, qui ne se pourroit faire) mais ie dy les noms seulement d'une infinité d'autres innumerables martyrs, qui diuersemēt ont exposé leurs corps pour la deffence de Iesus Christ?

Eugene.  
Auxence.

Mardaire.

Orestes.  
Eulampe.  
Eulampie.  
Anastaise.

Vn autre

Anastaise.

Agape.

Irene.

Chioine.

Sergie.

Bacchie.

*Des martyrs tref-renommez, George, procope: & Demetrie, qui iette une source d'unguent au pays où son corps fut precipité.*

## Chap. XV.

George.




N mesme temps, le chef & capitaine de tous ces martyrs (qui furent bien renommez & en grand nombre) George cueillit les vrais fruiets des travaux par luy endurez pour la foy & religion Chrestienne. Ce fut au pays de Cappadoce, où il passa le pas de martyre, soustenant brauement tous combats pour la deffence de Iesus Christ, encor qu'il ne fust qu'un ieune iouuenceau d'excellente beauté, auquel à grand peine la barbe commençoit elle à poindre. Car luy estant mise la main sur le collet, pour autant qu'il auoit outragé de paroles & iniurié les faulx Dieux des idolatres, soustenant qu'ils n'estoyent autre chose sinon esprits diaboliques, & se moquant de l'impieté & faulse religion des Empereurs: on luy fit souffrir des tourmens tant aigres & cruels, que ie m'esbahys comment nature les pouuoit porter. Premieremēt estant emprisonné, on luy mit les fers aux pieds & aux mains, puis on le traicta en la torture, avec pointes aigues: apres cela, il fut mis dans la chaux viue & ardante, non sans estre bruslé & rosty de tous costez. Ce ne fut pas assez: car de rechef il eut la question & gehenne plus aspre que deuant, par laquelle ses membres furent violemment tirez & allongez, puis decoupez avec des pointes, estant son corps du tout miné & moulu, par la violence de plusieurs peines & tourmens, qu'il estoit contraint endurer. Chose qui ne l'estonnant aucunemēt, donnoit à cōgnoistre la constance & grandeur de son courage, avec la fermeté qui auoit prins place en son esprit genereux. Car nonobstāt tous ces martyres, il ne laissa pas d'abatre, ruer par terre, & mettre à néāt le bæuf d'un abuseur, nommé Glycere, qui l'auoit dressé pour le faire adorer comme vn Dieu. Encor ressuscita il & tira des enfers, par le moyen de son oraison seulemēt, la Roynne Alexandre, ja de long temps trespassee. En fin il endura virilemēt, & avec grāde assurance, le coup d'espee qui luy separa la teste des espaulles, & l'ame d'avec le corps. Il y eut en mesme temps vn gentilhomme, natif de la ville de Cesaree, au pays de Palestine, qui acquist grande reputation & bōne renommee

Procope.

renommée entre les martyrs. Il est vray que l'Empereur Diocletian l'auoit mis en estat honorable, le faisant Capiraine de sa gendarmerie en la contree de Leuant: mais nostre Sauueur Iesus-Christ l'esleua bien d'auantage quand du ciel il l'appella à soy, tout ainsi qu'il auoit appelé auparauant le vaisseau d'eslection, Saint Paul. Ayant donc accepté la charge de Capitaine sous l'Imperiale maiesté, comme homme preux & hardy en guerre, tel qu'il estoit, il arma des armes inexpugnables de la croix: & entra premierement en champ de bataille contre ses ennemis mortels, qui se congnoissent par le sens: puis entreprit de combattre ceux qui sont veuz seulement par les yeulx de l'esprit. Car il mit en pieces les Dieux d'or & d'argent qu'il auoit fait dresser, & le prix d'iceux distribua aux pauvres par aumosne. Puis s'attaqua aux idolatres (qui defendoient la querelle des Dieux friuoles & faulx) en leur faisant la guerre, notât & reprenât l'imbecillité de leur esprit, avec toute infamie: & au contraire, louant magnifiquement la puissance de Iesus Christ, qui est grande sans mesure, de sorte qu'elle excède la portee d'humaine nature. Mais quelles peines pourroit on excogiter qu'il n'ait courageusement soutenues à l'occasion de telle foy? Quelles questions, gehennes & tortures n'a il eues? Quelles poinctures ont esté espargnées à l'endroit de sa pauvre peau? Y a-il ny feux ny flambeaux dont ses mēbres n'ayent senty l'ardeur? Y a-il aucuns ferremens ou poinctes qui n'ayent esté mis en œuvre au preiudice de son corps, & qui ne soyent rebouchées par trop frequente reiteration de tailler & de poindre? Or apres que plusieurs des principaux & plus fauorits, entre les cōseillers des Empereurs, furent mis à mort & enuoyez à Dieu par le moyen de tels & semblables tourmens, Procope fut en fin decapité, & avec liesse incredible s'achemina droit au Seigneur Iesus, duquel de long temps il estoit desirieux.

Quand Herculie fut arriué en la ville de Thessalonique, ayant eu aduertissement par le rapport de quelques accusateurs, que Demetrie (qui estoit le plus apparent, & gouverneur de la ville) portoit tesmoignage à Iesus Christ, & faisoit profession du Christianisme: il le mit incontinct en seure garde, le faisant apprehender, & espouser la prison. Ce temps pendant il fit son appareil pour les ioustes & combats à pied & à cheual, qu'il vouloit faire deuant le peuple. Entre les soldats qui estoient de la meslee, il fit marcher en bataille dās le parc vn iousteur, nommé Lyce, qui au combat & à la luitte n'auoit iamais trouué son pareil, tellement qu'il ne pouuoit estre vaincu, tant il estoit puissant, fort, adextre, & expert en toutes ruses de guerres: si bien que l'Empereur Maximian faisoit grand conte de sa force & dextérité, se glorifiant d'auoir en sa cour vn si vaillant combatant. Estant ce braue soldat dans la lice, sans qu'aucun s'osast auancer pour l'accoster au combat: il y eut vn ieune homme, bourgeois de Thessalonique, bien fait de corsage, au reste humain & gracieux de contenance, fort familier & amy du martyr Demetrie, nommé Nestor: lequel soudain courut la part où ledit Demetrie estoit captif, le priant de grace, qu'il luy fust permis de s'attaquer à ce combatant, & qu'il luy pleust de faire prieres à Dieu en faueur de luy, afin de luy augmenter ses forces au moyen de son oraison. Demetrie le luy accorda, & le laissant aller avec sa benediction: Tu rangeras (dit il) Lyce à la raison, & auras victoire sur luy: mais assurez toy que tout ensemble tu souffriras martyre, qui t'est preparé pour le nom de Iesus Christ. S'estant doncques présenté au combat, il traicta si bien l'ennemy, qu'il ne faisoit plus que parer aux coups: de sorte que, se retirant en arriere, il tomba sur des poinctes fichées en terre l'aigu au dessus: ou Nestor, luy ayant fait quitter les armes, l'enfonça d'un coup, & luy osta la vie. Mais l'Empereur, marry contre luy pour la mort de son fauorir, sur le champ le fit hacher en pieces. Puis Demetrie (pour ce que par ses prieres il luy auoit donné assurement de sa victoire) fut amené, qui passa par tes picques, de sorte que, estant percé par les costez à coups de lances & autres long bois, il rendit son esprit à Dieu. Son corps mort fut ietté dans vn puy, où iusques à ce iourd'huy se redouue vne source qui iamais ne tarit, faisant vne fontaine d'vnguens odoriferans & bāme precieux. Or est-ce assez parlé pour le present des martyrs excellens, & renommez par tous les coins de la terre. Que si quelque curieux veult auoir la congnoissance entiere de la multitude des autres, dont ie ne couche rien par escrit: qu'il lise diligemment le liure, que Eusebe le Pamphile a composé de l'assemblée des martyrs, & il y pourra comprendre & veoir, combien sont apparens & manifestes les indices & tesmoignages de la vertu ineffable & indicible puissance de nostre Seigneur Iesus Christ.

*Des prelatz de plusieurs eglises, qui ont brauement soutenus tous efforts pour la deffence de leur foy, en diuers lieux: Et comment les affaires des Chrestiens ont esté changees en mieulx, avec bon succès* Chap. XVI.

 R non seulement c'est chose difficile, mais aussi du tout impossible, de mettre par escrit nommément chacun des martyrs. Mais afin de raconter simplement les plus excellents personnages d'entre eux, le premier que ie veul amener en ieu (comme le plus illustre, & meritāt de comēcer la dance de vraye pieté) sera Anthime, Euesque de Nicomedie, Anthime Euesque.

Lucian pre-  
stre.

Tyrannion  
martyr.

Zenobie.

Sylvain.

Martyr nô-  
mé Zenobie

Sylvain, a-  
vec 39. sies

cōpagnons.

Pelee.

Nile.

Pamphile  
de Cefaree.

Pierre Euf-  
que d' Ale-  
xandrie.

Eufques

Egyptiens.

Paix des E-

glises, auât

l'Empire de

Diocletian.

... palin-

die signifie

desir &

changemēt

d'aduis.

qui passa au fil de l'espee, & fut decapité. Au second lieu sera mis Lucian, natif d'Antioche, & pre-  
stre en l'Eglise dudit lieu, qui mena vne vie tressaincte autant de temps qu'il vesquit, & mit à fin  
la bonne profession de la foy en la ville de Nicomedie, en la presence de l'Empereur, donnant à  
congnostre son assurance & par paroles & par effects. Le pays de Phenice se peut aussi vanter  
d'auoir eu de braues martyrs, & pasteurs excellens du tressainct troupeau de Iesus Christ: entre  
lesquels fut Tyrannion, Euesque de Tyr, & Zenobie, prestre en la ville de Sydon. Sylvain pa-  
reillement, fort homme de bien, & Euesque de l'Eglise d'Eunese, a esté présenté aux bestes sau-  
uages, avec quelques autres preud'hommes: & mis à mort par icelles, iouyt maintenant des cele-  
stes lyesses, au milieu des saints martyrs. D'auantage, deux des plus apparens d'Antioche, por-  
tans la mort patiemment & avec merueilleuse constance, se sont offerts en sacrifice au Seigneur  
Dieu: l'un desquels fut ietté dans vn golfe de mer: l'autre (le nom duquel est Zenobie) tourmé-  
té & batu par les costez iusques à rendre l'ame. En la contree de Palestine, Sylvain, Euesque de  
la ville de Gaze, avec trente neuf hommes, passa au trenchant de l'espee, & fut executé en la mi-  
niere d'airain, nommée Phæne. Deux autres Euesques du pays d'Egypte, l'un Pelee, l'autre Nile,  
furent brûlez & redigez en cendres, avec vn grand nombre d'autres Chrestiens. Nous pouuons  
bien mettre en ce lieu ce grand personnage, & digne d'admiration Pamphile de Cefaree, duquel  
estoit fils (comme lon dit: ou, comme autres estiment, neveu & fils de sa sœur) Eusebe, historié  
Ecclesiastique. Quant aux autres martyrs des villes d'Egypte vniuersellement, & en especial de  
Alexandrie, & aussi de Thebaïde, Pierre euesque Alexandrin (qui a esté la reigle tref- certaine, &  
iuste compas de l'execution de la charge Episcopale) tient à bon droit le premier rang deuant  
tous. Avec lequel coururēt la même carrière, Fauste, Didyme & Ammoine. D'auantage, Phileas,  
Hefychie, Pachomie & Theodore, euesques Egyptiens: & vne infinité d'autres saints person-  
nages assez renommez, ont acquis grande reputation, & sont grandement louez es pays où ils  
endurerent martyre, encor que leurs noms ne nous ayent pas esté laissez par escrit. Desquels les  
trauaux & combats soustenus brauement ne sont pas en ceste histoire: par ce qu'il m'a semblé  
que cela ne concernoit aucunement ce que i'ay entrepris. Reste maintenant que i'adiouste en  
ce lieu le deschat & ... palinodie des cruautez qui ont esté mises à execution cōtre nous. Les af-  
faires de l'Eglise se sont bien portez auparauant, quand les Empereurs Romains les ont laissez  
en repos & tranquillité: & lors la profession Chrestienne estoit florissante au possible en tou-  
tes manieres, de sorte que par l'espace de dix, voire de vingt ans, continuant ce bon temps son  
beau & paisible sercin, nous faisons bien souuent des assemblees, iouyssans de tous plaisirs &  
lieffes, qu'eussions sceu delirer, & quasi nous oublions en l'abondance de la paix assuree, qui es-  
toit cause que de iour en iour & de plus en plus nostre liberté se faisoit grande, & prenoit ac-  
croissement continuel. Mais on fut tout esbahy, qu'à l'improuiste & sans se donner garde de tel-  
le chose, les Empereurs changerent d'opinion: & (sans aucun denoncement, sommation  
ou aduertissement) commencerent à nous faire la guerre autant cruelle & eslongnee de toute  
esperance de pouuoir moyenner vne paix que lon en veid iamais: laquelle a quasi duré deux ans  
continuels sans aucune relasche. Mais aduenant vne chose nouuelle & non accoustumee à Dio-  
cletian, autheur & Capitaine de telle outrage & malice, cela fut cause de changement, estant  
l'Empire diuisé en deux parties, contrel'opinion de tous: ce qu'on ne lit point auoir esté fait  
en telle maniere auant ce temps. Or veux-je mettre par escrit (entât que possible me fera) & re-  
peter de plus loing ceste mutation de gouvernement.

les Empereurs changerent] Diocletian & Herculie ont affligé les Chrestiens par deux ans conti-  
nuels. Le reste de la persecution fut executée par les tyrans successeurs, huit ans durans. Voyez le 22. ch. suyuât.

Diocletian eslit pour gendre Maximin Gallere: & Maximian Herculie, Constans Chlore venu du sang des  
Empereurs: ausquels ils donnerent leurs filles en mariage. Chap. XVII.


De Diocle-  
tia, Maxi-  
mia: & de  
leurs enfas  
& gēdes.  
... Aucuns  
le nōment  
Maximian.  
:: Cōstās, au-  
tres disent  
Constance.  
... Neuen de  
par sa fille,  
Eutrope.



Diocletian tint le gouuernemēt de l'Empire Romain par l'espace de vingt  
deux ans entiers: mais au quatriesme an de son regne, il admit à l'admi-  
nistration de la Monarchie Maximian Herculie, duquel il fassocia, luy  
donnant pareille puissance à celle qu'il se reseruoit. Diocletian choisit  
pour son gendre, ... Maximin, surnommé Gallere, & luy donna sa fille  
Gallerie pour femme. Maximian Herculie maria Theodore, fille de sa fē-  
me, à ... Cōstans (qui aussi auoit le surnom de Procere & de Chlore) estât  
pour lors en estat de Tribun & conseruateur du peuple: lequel fut  
... cousin germain de Claude, qui gouuerna l'Empire auant Aurelian.  
Il est vray que ces deux gendres des deux Empereurs estoient mariez auparauant, & auoyent  
chacun sa femme: mais pour gratifier aux Seigneurs qui leur faisoient ce bien de leur don-  
ner leurs filles en mariage, ils repudierent leurs premieres espouses. Or Theodore, femme  
de Constans, auoit vn frere, nommé Maxence, qui mourut au pont de Milieu, comme ie  
diray

diray cy apres. Constans donc engendra en elle deux enfans masles: l'un, nommé Constance, *Chap. 29. de ce livre.* qui fut pere du meschant Iulian & de Galle: l'autre appelé Anibalin, qui fut aussi surnommé Dalmace, pere du ieune Dalmace. Ils eurent encor vne fille qui eut à nom Constance: laquelle fut mariee à Licinie, puis apres salué du nom de Cesar, & denoncé Empereur. D'autre part, Gallere maximin, gendre de Diocletian, eut aussi deux enfans masles de sa femme Gallerie: sçavoir est, Maximin, qui tint en main l'empire de Leuant, sous le gouvernement duquel les pere & mere de Basile, le grand, demurerent au lieu solitaire des montagnes, à cause de trop griefue persecution qu'il faisoit à l'encontre des Chrestiens: & Seuer, qui fut déclaré & nommé Empereur en la ville de Rome: au lieu duquel les Romains puis apres creerent Licinie, Monarque, pour gratifier à Constantin, frere de sa femme, qui pour lors faisoit seiour au pais de France & en Angleterre, avec puissance Imperiale. Car Constans Chlore engendra en sainte Helene un autre fils que les susdicts, qui eut à nom Constantin, auquel il laissa le gouvernement de l'Empire, pour cause qu'il faisoit profession de la religion & foy Chrestienne: priuant ses autres enfans (que Theodore luy auoit engendrez) de la succession Imperiale, & les desauoiant pour siens, à raison de leur nonchalance & paresse. Or est il ainsi que ie diray cy apres, touchant la naissance de Constantin.

*Pour l'intelligence plus facile de la genealogie deduite en ce chapitre precedent, la table suivante est icy adioustee.*



*De la naissance, nourriture & instruction du grand Constantin,  
homme vrayment Apostolique.  
Chap. XVIII.*



Es Tyrans dessusdicts ayans monstré par effect leur fureur implacable cōtre Iesus-Christ, soudain plusieurs diuerfes fortunes & griefues playes *Constans est enuoyé en ambassade aux Persans.* diuinemēt enuoyees pour vengeance, cōmencerent à opprimer l'estat de l'empire Romain: Car les Persans, les Parthes, les Sarmates aussi & plusieurs autres peuples voisins se prindrent à piller, gaster & saccager (sous la conduite de Varaque, leur capitaine) les terres de l'oboissonance Romaine. Pour appaiser ceste fureur, & traicter quelque compositio & accord avec luy, les Empereurs qui commandoyent pour lors, enuoyerēt de Rome Constans en ambassade, tant pour faire quelque traité de paix avec leur Colonel, que pour l'asseurer de quelque somme de deniers, qui luy seroit payee chacun an, pour acheter la paix & faire cesser la guerre. Constans donc, estant embarqué pour mettre à execution la charge de sa legation, fit voile tirant de Ponant vers la part du Leuant, & arriua au port que son nomme Drepane (qui est vne ville situee pres le golfe de Nicomedie, s'estendant bien auant dans la haulte mer Mediterranee) où s'arrestant pour se refreschir, l'affectio naturelle luy vint d'auoir compagnie de femme. Son hoste s'en apperceut: lequel (esmeu de sa magnificence, & ayant esgard à son train Royal, & à la foyte qui luy obeissoit) moyenna que sa fille belle, au possible, ieune, & preste à marier, couchast avec luy. Il fit d'oc à son plaisir d'elle, & la congneut charnellement: puis au partir (pour le salaire de la bone nuit qu'il auoit eue avec elle) il luy fit present d'une riche robe bordée d'escarlatte. Ceste nuit il veid vne merueilleuse vision, qui luy fit peur aucunement, qui fut cause qu'il aduertit le pere de la fille, & luy ordonna expressement de la garder soigneusement, & auoir l'œil sur elle, à ce qu'elle ne fust atouchée charnellement d'homme viuant, iusques au terme d'enfanter: car ill'estimoit estre enceinte de celle nuit, & qu'elle portoit en ses flancs un ioyau excellent, cōmandant aussi que l'enfant qu'elle mettroit sur terre, fust nourry & esleué diligemment & avec soing. Car il disoit que la nuit qu'il coucha avec elle, il auoit veu des la rente, le soleil se leuer contre son cours naturel de la mer Occidentale. Or ayant fait le deuoir de sa legation, Constans s'en retourna à

*Constans  
Chlore &  
Maximin  
Gallere, Ce-  
sars, puis  
Empereurs  
Augustes.*

Rome par vn autre chemin : où tost apres il fut salué du nom de Cesar, avec Gallere Maximin, puis fait Empereur, receuans l'un & l'autre le nom d'Auguste, avec la charge entiere de la monarchie Romaine : Parquoy Diocletian se retira en la ville de Nicomedie, laissant l'Empereur Herculie à Rome. Or aduint quelques annees apres, qu'on enuoya d'autres ambassades aux Parthes, qui vindrent aussi à Drepane, & logerent en la mesme hostellerie, où Constans auoit eu si bon traictement. L'enfant, engendré par iceluy en Helene fille de l'hoste, estoit encor bien petit, & se iouoit, faisant quelque petite folie, comme est la façon des enfans, quand quelqu'un de la compagnie des ambassades luy fit vn peu de fâcherie, dont il se courrouça, & commença à quereller celuy qui l'offensoit avec fort bonne grace, pour l'age qu'il auoit, dont l'autre ne fut aucunement content : de sorte que la mere se mit de sa partie, & craignât que son enfant ne receust quelque mal-heur, declara qu'il estoit fils de Cōstans pour lors Empereur : dont elle donna preuue suffisante, môstrant le riche vëstement bandé d'escarlatte qu'il luy auoit donné : ioint que la face & phisiognomie du petit enfant en portoit assez suffisant tesmoignage. Quand Constans eut aduertissement de telle nouuelle, par les propos que les ambassadeurs luy entendrent : il donna ordre puis apres que la mere & l'enfant fussent amenez à Rome, avec tel train qu'il est requis au fils d'un Empereur. Toutefois, craignant que quelque mal ne leur aduint, par le moyen de la ialouzie & emulation cōiugale, que Theodore, sa femme legitime, pourroit concevoir cōtre eux, il enuoya son fils Constantin (car tel estoit son nom) à la ville de Nicomedie, vers l'ancien Empereur Diocletian, qui faisoit là sa residence avec son gendre Gallere Maximin. Le petit fils fut benignement receu, & esleué au palais, pres du vieil Empereur, puis estant devenu grandelet, on luy donna vn pedagogue domestique & maistre, qui luy enseigna les disciplines Grecques, esquelles il profita grandement : & par vn mesme moyen fut instruit en la foy & religion Chrestienne, à laquelle il mit son cœur entierement.

*Constantin  
nourry en  
la cour de  
Diocletian.*

*a* que sa fille) Ceste fille estoit Helene, de laquelle les histoires parlent diuersement : Les Grecs la disent estre de leur nation : Les Latins escriuent qu'elle estoit fille du Roy des Bretons. Aussi Constance, pere de Constantin seigneuria sur la Gaule & Bretagne. Constans engendra Constantin d'Helene, fille de son hoste, à Drepane.

*Comment le grand Constantin fut diuinement esleue en la dignité  
Imperiale de son pere : & quel il a esté.  
Chap. XIX.*



Royant le ieune Constantin, que les empereurs avec lesquels il estoit esleué & nourry, prenoient plaisir à l'effusion du sang des Chrestiens, il commença auoir en horreur leur familiarité & conuersation. Eux d'autre part, estans les hommes de ce monde plus addonnez à la superstition des Dieux, cōsulterēt les augures, auspices, & toutes autres sortes de deuins : par lesquels ils congneurent secretement que ce ieune hōme Constantin, non seulement auroit en gouuernemēt l'empire des Romains, mais aussi qu'il aboliroit & destruiroit l'idolatrie des Grecs, & seroit amateur au possible de Iesus-Christ, & de tous ses loyaux seruiteurs : Au moyen dequoy, pour obuier à tels euénemens, Diocletian se mit en peine de le faire mourir en Alexandrie, du temps de la rebellion qui fut faite en Egypte, sous la conduite d'Achilles : encor que pour obuier & remedier au tumulte, il se portast autant vaillamment, qu'on eust sçeu faire. Gallere aussi luy dressa des embusches en la Palestine, pour le surprendre & mettre à mort : Desquelles apres que (par la volonté & permission diuine) il sentit le vent, partant de Nicomedie, *b* se retira au pais de France, pres de son pere, qui de bōne fortune l'auoit appelé à sa cour, quand il se sentit estre prochain de la mort, & que son testament fut fait. Or estoit sondict pere bien affecté à la religion Chrestienne, mesme qu'il honoroit religieusement & avec toute saincteté les sacrifices & ceremonies des Chrestiens : & à ceste cause congnoissant l'humour de son fils conforme à la sienne, il le receut avec grande lyesse & contentement d'esprit. Mesme que se soustendant & haulsant sur le liët où il gisoit malade, ayant priué de la succession de l'Empire les autres enfans, encor qu'ils fussent pres de sa personne, avec le Senat & le peuple vniuersel, & plusieurs estrangers, il imposa sur la teste de son fils Constantin la couronne d'or, luy donna en main les enseignes & marques d'Empereur, & luy-mesme (qui estoit le pere) fit office de herault à l'endroit de son enfant. Encor vſa il de tels propos, parlant à son fils & au cōseil, qui estoit present : Maintenant l'estime que la mort me doit estre plus douce, que la vie : maintenant mon decez approche tel que ie desirois : puis que ie tiens mon fils, qui me seruira d'epitaphe ou escriture sur ma sepulture. Aussi me semble il, que ce m'est vne souueraine felicité, & telle, que plus grande ne me pourroit aduenir, de laisser sur terre vn Empereur apres ma mort, qui assuyera les larmes des Chrestiens, & prendra vengeance des cruantez & tyrannies mises

*Constantin  
est estably  
par son pere  
successeur à  
l'empire.*



mises à execution par tyrans execrables & n'ayans deuât les yeux aucune crainte de Dieu. Puis se tournât vers les assistans, il les pria d'auoir bon courage, & qu'ils fussent fermes en la vraye pieté & foy en Iesus-Christ, lequel il disoit deuoir estre en armes avec Constantin par apres. Or durant l'excez d'impiété, lors que les Empereurs vomissoient le venin de leur felonie contre les Chrestiens, Constans demoura tousiours sobre, & ne se voulut enyurer du bruuage de cruauté: mesme qu'il festudia tousiours de garder la religion Chrestienne, & luire comme vn petit flambeau, qui demeure ardent, au milieu de ce merueilleux deluge de meschanceté. Car encor que par tout on commist vne infinité de meurtres, & que les tueries & massacres de gens de bien continuassent quasi en toutes les villes du monde vniuersel: celles qui estoient sous son obeissance demeurerent tousiours francs & exemptes de telle boucherie, contamination & souillure, de sorte que les lieux de son gouuernement seruoient de port tres-assuré pour la religion Chrestienne, esquels quiconque estoit poursuyuy & affligé pour le Christianisme, se pouuoit retirer seurement, & y estoit gardé comme en franchise. Constans donc ayant créé son fils Constantin Empereur, deceda de ce monde heureusement, en l'an cinquante-sixiesme de son aage, & vingt-troisiesme de son Empire (qui fut l'annee premiere de .l' Olympiade deux cens & vniesme) lequel il administra & gouerna avec tant de louanges qu'il fut mis aucunement au nôbre des dieux, par les Romains. Aussi estoit son naturel fort doux & clement: de sorte que iamais il n'attéra aucune chose contre nous, ains tousiours nous a porté faueur & ayde en nous entretenant & gardant, comme desia a esté dit parauant. Parquoy il eust aussi de telle victorieuse fin, laissant à son trespas pour son successeur & imitateur tres-parfait & accomply, vn fils fort moderé & bien affecté à la pieté Chrestienne. Or c'est assez parlé pour le present de Constantin, qui fut ainsi esleué à la dignité Imperiale par la sage prouidence de la diuine volonté: car aussi bien en faudra il tenir propos par apres.

Constans a  
tousiours  
porté fa-  
ueur aux  
chrestiens.

Deced de  
Constans.

Les au-  
tres mett-  
l'Olympia-  
de 272. qui  
est le meil-  
leur.

a d'Achilles) *Achilles secret occupateur de l'Empire d'Alexandrie, fut par quelques mois assiégué, puis vaincu, prins & donné aux bestes par Diocletian pour estre deuoré d'elles.*

b se retira au païs de France) *Constantin ayant eu une belle victoire sur les Sarmates, craignant l'envie que lon auroit sur luy, à ceste occasion se retira vers son pet. Bap. Egnace.*

c fils de Constantin) *Eusebe au premier liure de la vie de Constantin, dit que Constans estoit bien aymé de ses citoyens & suiets, & qu'il ne les greuoit d'aucunes exactions: Mesme que Diocletian, ou Maximian, luy mettans quelque fois en auant, par le rapport de ses ambassadeurs, le default & besoing qu'il auoit de deniers, il appella quelques vns des plus riches & opulens, les requerant qu'ils eussent à luy fournir argent pour suruenir aux necessitez de la Republique. Lesquels bien ioyeux d'auoir trouué si bonne occasion de gratifier & faire service à leur Prince, de gayerie de cœur apporterent grande somme d'or & d'argent, en la presence des ambassadeurs. Ausquels Constans adressant sa parole, dit, qu'encor n'auoit il iamais veu les thresors qui estoient gardés par les citoyens, sinon alors. Les ambassadeurs s'en allerent fort esmerueillez, avec charge expresse de faire le rapport de ce que dessus à l'Empereur Auguste. Et Constans rendit à ses citoyens toute leur finance.*

*Constantin, homme tres-benin de nature, ne voulut pas accepter l'Empire d'Italie & d'Afrique, ains se contenta de France & d'Angleterre. Pompon.*

*Eutrope dit que Constantin fut fait Empereur, par le moyen & à la poursuyte d'Eroce Roy des Allemans principalement.*

*Comment Diocletian & Maximian moururent, apres s'estre deuotez  
de leur Empire: & qui furent leurs successeurs.*  
Chap. X X.

**D**iocletian & son compagnon en l'Empire Hercule Maximian, peu de temps apres se trouuerent ensemble à Salon, suyuant ce qui estoit accordé entre eux: & arresterent l'vn avec l'autre, que tous d'eux en vn mesme iour poseroient bas la puissance imperiale, & prendroient l'habit de gens prieux & sans office ny dignité. L'occasion de telle deliberation fut (ainsi que dit Eusebe Palestin) qu'ils commençoient à deuenir fols & à radoter comme insensés: ou bien selon que les autres auteurs recitent qu'ils esleurent de mener la vie telle, qu'estoit celle des Philosophes Grecs. Car voyans que par assez long téps ils auoyent vſé de puissance souveraine au gouuernement de l'Empire, avec toute pompe & abondance de delices, ayas opinion d'auoir acquis par ce moyen, louange à suffisance: congnoissans aussi que leurs gédres qui auoyent esté par eux surrogez & establis Empereurs en leurs places, estoient suffisans à telle

En mesme  
iour les  
deux Empe-  
reurs se dé-  
uestirēt de  
leurs habil-  
lemens Im-  
periaux:  
Diocletian  
en la ville  
de Nicome-  
die: & Ma-

*Maximian, à Milan. Et est icy de-  
duite l'oc-  
casión de  
ce fait.*

*Mort de  
Maximian  
& de Dio-  
cletian.*

*Saborin roy  
des Persans.*

*Maxence  
déclaré Em-  
pereur.*

*La mort de  
Maximin  
& de Se-  
uere : &  
la creation  
de Licine.*

*Hercule  
redemande  
l'Empire,  
mais c'est  
pour neant.*

charge, ils se voulurent mesler de philosopher par vne ambition superbe & arrogante: Car ils se proposoyent en leur esprit, puis qu'ils auoyent opinion d'auoir bien administré l'Empire, qu'ils pourroyent aussi meriter & acquerir quelque loüange de la posterité, à raison de la vie philosophique qu'ils deliberoient mener. Il est vray que Hercule fut estouffé & estranglé avec vne corde, au moyen dequoy il mourut mal-heureusement. <sup>b</sup> Et Diocletian franchit le saut de la mort en grande misere, ayant quasi attainct l'extremité de vieillesse. Mais Gallere Maximin assailly de la vengeance diuine, fut premierement enflé par tout le corps: puis ceste enflure se creuant en diuers endroits, il commença petit à petit à se pourrir: de sorte que sa meschante lan- gue & blasphemé, qui n'auoit iamais cessé de vomir toute sorte d'iniquité, rendoit dedas la gor- ge vne infinité de vers, qui sortans de sa bouche remplissoient le lieu où il estoit. <sup>c</sup> A la fin, ab- bayant comme les chiens, il rendit son esprit remply de toute meschanceté, avec force & vio- lence. Or Gelais, euesque de la ville de Cesarée a mis & redigé par escrit, qu'apres qu'ils se fu- rent deuestuz de l'Empire, puis apres s'en repentans, le voulurent recouurer: mais par l'ordon- nance & aduis du Senat, qu'ils furent occiz & mis à mort. Il y en a aucuns qui disent que par vne fureur & rage qu'ils auoyent conceu contre Iesus-Christ, se desfirent de leur Empire: pour ce qu'à cause des vertueux & constans esprits des genereux martyrs, ils se desesperoyent de pou- uoir exstirper & du tout tollir le nom & memoire d'iceluy. Tant y a, qu'eux estans en ceste sor- te esteincts, & Constantin pere de Constantin decedé en nostre Seigneur, Gallere Maximin tint l'Empire en Orient, en Nicomedie, & Constantin en Occident, es Gaules. Lors Saborin (dit autrement Saporès) regna sur les Persans, & à Rome Syluestre presida sur l'eglise apres Mil- tiades. En ce mesme temps Maxèce, fils d'Hercule, fut à Rome par les gens d'armes déclaré em- pereur. Or Gallere auoit ordonné Cesar ses deux enfans, Maximin & Seuere: & au premier auoit destiné l'empire d'Orient, & au second, celuy d'Italie. Mais l'un & l'autre mourut en vn mesme temps. Seuere fut <sup>d</sup> esteinct d'une maladie, & <sup>e</sup> Maximin, en Cilicie, s'estant efforcé de s'investir de la seigneurie & empire de son pere, mourut vilainement: Parquoy Licine, mary de Constance, sœur de Constantin, fut par Maxence & par le saint & sacré Constantin fait Cesar. Ce qui tourmenta fort <sup>f</sup> Maximian Hercule, qui pour lors estoit seulement appelé Cesar: Car d'autant qu'il estoit tyran de nature, s'estant emparé de la dignité Imperiale, il se fait & crea soy-mesme Auguste par apres, & voulant encore vsurper la puissance qu'il auoit deposee, ne peut mettre à chef les trahisons & embusches qu'il auoit dressées à son fils Maxence, pour l'op- position & empeschement qu'en cela luy firent les gens d'armes qui estoient à Rome. Et voyant que la chose estoit desesperée, & qu'elle n'auoit sorty son effect, il se conuertit aussi pareille- ment à circonuenir & tacher à faire mourir par trahison son gendre Constantin: Mais son entreprinse ayant esté descouuerte par sa fille Fauste, femme dudit Constantin, il fut mis à mort par l'aduis & deliberation du Senat de Rome, duquel la vilaine & des-honneste mort fut soudain accompagnée d'une autre honte & diffame: Car tous ses images & statues ou re- presentations furent par tout renuersees, iettees par terre & abolies, comme choses d'im- pieté & seruantes à la purgation de son offense. Et ainsi pour retourner à mon premier pro- pos, estans ces tyrans occis & mis à mort, Constantin tint l'Empire de son Pere en Gaule & en Angleterre: Et à Gallere obeit Nicomedie & l'Orient. Mais Maxence fils d'Hercule eut en l'Empire pour son appennage, Rome & le pais d'Italie: ayant pour compagnon & adioint Licine Cesar.

<sup>a</sup> pompe & abondance] *Diocletian, apres auoir triomphé des Parthes, voulut estre adoré: & ordonna qu'on l'appellast frere du Soleil & de la Lune, & qu'on luy baisast les pieds, lesquels il ornoit d'or & pier- res precieuses: comme dit Pomponne.*

<sup>b</sup> Et Diocletian] *Egnace dit ainsi touchant la mort de Diocletian: il mourut en l'age de septante & huit ans, ou par alienation d'esprit, ou par poison: craignant Licinie & Constantin, qui l'auoyent griesuement repris, comme donnant faueur & ayde à Maxence.*

<sup>c</sup> A la fin] *Egnace dit qu'il se tua luy mesme de son espee, ayant les genitoires pourries.*

<sup>d</sup> esteinct d'une maladie] *Seuere ayant esté mis en route par Maxence, fut prisonnier à Rauenne, & puis executé. Orose. Eutrope dit qu'il fut tué pres de Rome, en un lieu dit les trois hostelleries.*

<sup>e</sup> Maximin en Cilicie] *Maximin ayant esté vaincu par Licine, mourut à Tarse, d'une colique. Ensebe.*

<sup>f</sup> Maximian Hercule] *La femme de Maximian Hercule estoit nommée Eutrope, de laquelle il eust Ma- xence & Fauste. Eutrope.*

Des

*Des tres-ords & tres-vilains actes que firent Maxence à Rome, & Maximin à Nicomedie. Chap. X X I.*



Maxence, pour premierement s'insinuer en la bonne grace & faueur du peuple Romain, & prèdre peu à peu accointance avec iceluy par quelque art & flaterie, se feignit auoir la pieté Chrestienne en recommandation : & pour en faire preuue, defendit par edits publicqs à tous ceux qui luy estoient suiets en l'empire, de ne molester ny persecuter aucunement les Chrestiens. Chose toutefois qu'il ne fit pour autre cause, sinon afin que sous ceste apparence & couleur, il ne se monstra en aucune sorte estre inferieur en toutes meschancetez, à ses deuanciers. Ce qu'il fit congnoistre par apres, en ce qu'il ne se monstra pas tel en effect, comme il se feignoit estre en apparence au parauant. De façon que s'estant laisse tomber en plusieurs ords & vilains actes, ne delaisa rien en arriere de ce qui cõcerne le comble & accomplissement de toute turpitude & ordure. Car abusant de sa puissance, faisoit son plaisir des femmes qui par quelque diuorce s'estoyent separees de leurs maris, & puis ainsi corrompues, les leur renuoyoit : faisant telles iniures non aux personnes de basse condition, mais aux plus honorables, & qui exerceoyent les premieres dignitez en son conseil. A cause de quoy il encourut vne merueilleuse haine, accompagnee d'une crainte de tous les gens de bien, & de tout le peuple : Car par sa tres-cruelle tyrannie & oppression, ils estoient excessiuement tourmentez sans aucune esperance que telle cruauté print fin quelque fois, & pour la moindre occasion qui se presentoit, enuoyant ses satellites & officiers, il faisoit pendre & estrangler vn grand nombre d'hommes, tellement que desia il y auoit vne telle multitude de gens tuez & meurtris, que la quantité estoit innombrable. Entre lesquels il y eut plusieurs Senateurs, qui pour l'enuye qu'on portoit à leurs biens, y laisserent leur vie. A la fin, pour le comble & accumulation de tels & semblables maux que ce mal-heureux Empereur faisoit, il deuint magicien & enchanteur. La pratique de cela se congneut, d'autant que par son commandement quelques femmes enceintes furent ouuertes & fendues en deux : & d'autre fois, les entrailles des tendres enfans diligemment recherchees. Et d'auantage, il y eut des lions immolez & tuez : Es guerres, les diables euoquez & coniuerez, par le moyen desquels il pensoit emporter la victoire. Tel fut Maxence : de maniere qu'il surpassa la cruauté de tous les autres tyrans qui l'auoyent precedé. Sous lequel aussi il aduint à Rome telle cherté & disette de toutes choses necessaires pour la vie humaine, qu'il ne se trouue de memoire d'homme, y en auoir iamais eu vne telle au parauant. Maximin semblablement qui tenoit l'empire d'Orient, faisoit le pareil que cestuy-cy : & qui plus est, de tout son pouuoir s'efforçoit à vaincre & surpasser les tres-deshonestes meschancetez d'iceluy, & en toute sorte & maniere de lascherez d'emporter le prix & l'honneur sur luy : enuers lequel aussi les magiciens & ioüeurs de passe-passe estoient les bien venuz, & emportoient les premiers & principaux honneurs de sa cour. Et comme estant du tout addonné à toute superstition & du tout plongé en idolatrie & erreur, il ne fut iamais veu auoir quelque chose entrepris, voire la moindre de ce monde, que premierement il n'en eust l'aduis & conseil des deuins & sorciers. Ce qui l'occasionna d'entreprendre contre nous vne tres-aigre persecution, & qu'il edifia par tout des temples aux faux Dieux, & leur establit & constitua des prestres, par toutes les villes & lieux de son obeissance, & qu'il leur ordonna par chacune prouince vn pontife & souuerain sacrificateur, le plus celebre & renommé qu'il peut trouuer entre les autres, pour avec vne cõpagnie de gens d'armes aller & venir & se transporter en uisitation par toute sadite prouince. Il conferoit les plus excellentes dignitez de son empire aux iongleurs & plaisanteurs & à autres tels personnages notez de semblable infamie, comme aux amis des Dieux. Il establit & crea des exactions d'innombrable argent. Il opprima les peuples de son obeissance de charges insupportables & non ouyes au parauant. Il pillà toutes les maisons des plus riches & opulens en biens, pour la moindre occasion qui se trouuoit, & sous vn pretexte cherché de toutes parts & à l'auantage des rapporteurs : & donna leur bien à ses flateurs & plaisanteurs. Et estant fort suiet & addonné au vin, il ne laissa rien en arriere de tout ce qui prouient du vin qu'il n'exercast, comme contumelie & outrage en paroles, impudicité, & cruauté. Parquoy estât desenyuré & à ieun, il s'est souuentefois grandement repenty des meschancetez & excez qu'il auoit comis par yrongerie. Et en ce qu'il se remplissoit par trop excessiuement & trop longuement de viandes, il n'a rié laissé en toute sorte d'excez & l'asciueté, de quoy il n'en ait fait essay : de sorte qu'il a esté le maistre & conducteur de tous ses familiers à toute turpitude & deshonesteté. En tẽps de paix & que la discipline militaire cessoit, il fut autheur à toute son armee de s'addonner à toutes delices, voluptez & rapines. Les capitaines & chefs de son armee, lieutenans & gouuerneurs des prouinces, comme participans & compagnons de sa tyrannie, s'enrichissoient par toutes les voyes d'auarice. Qui est ce, ie vous prie, qui pourroit assez declarer les vilanies & des-

*Maxence sous le pre-  
texte du  
nom Chre-  
stien exerce  
une tresor-  
de, & tres-  
vilaine  
tyrannie.*

*On hait cõ-  
munement  
ceux que  
lon craint.*

*La tyrannie  
de Maxi-  
min en O-  
rient.*

*Son idola-  
trie & per-  
secutio des  
Chrestiens.*

*Excellentes  
femmes cō-  
bassées pour  
la conserva-  
tion de leur  
pudicité.*

*Vne femme  
d'Alexan-  
drie ayma  
mieux per-  
dre tous ses  
biens, &  
estre mise  
en oxil, que  
de perdre sa  
chasteté.  
Ruffin l'ap-  
pelle Doro-  
thee.  
Pour la  
mesme cau-  
se vne fem-  
me Romai-  
ne se tua  
elle mesme  
Ruffin  
l'appelle  
Sophronie.*

honnesterez, paillardises & adulteres qu'il a commis à la suscitation de ses plaisirs? Il ne peut oncques passer par vne ville, qu'un grand nombre de femmes n'y fussent gastees, corumpues & rauies: tous lesquels excès il a exercé non seulement contre nous Chrestiens, mais cōtre tous ses suiets aussi pareillement, de quelque condition, religion, ou autorité qu'ils fussent. Or est il qu'entre les nostres, tant en Orient, qu'en Occidēt, nō seulement les hommes pour l'amour qu'ils auoyēt enuers Dieu, ont combatu à l'encōtre du feu, du fer, des glauiues, des vndes & flots de la mer, de la faim, de l'ardeur du chaudt, du froid, & contre les bestes, brisēment & concisiō de leurs membres: mais les femmelettes aussi, confortees par la parole diuine, ont souffert & enduré les mesmes choses, & qui estans menees par force, pour estre corumpues & outragees en leur pudicité, ont mieux aymé perdre la vie, que le corps. Ce qu'a fort bien mōstré celle vertueuse femme Alexandrine, tant celebree non seulement pour les richesses & grands biens qu'elle possēdoit: mais beaucoup d'auantage pour ses bonnes mœurs & vertus, & pour la gloire de sa chasteté, tres-vertueusement surmontant le mauuais vouloir & libidineuse affection de ce Tyran. Car encor qu'elle le priaist affectueusement, de luy oster plustost la vie, que sa chasteté (ioinct aussi que plustost par vne affection desordonnee, qui l'auoit esleue en vne grande esperāce de pouuoir iouir de son desir, que d'un courroux & maltalent qu'il eust contre elle, il luy couroit sus) il ne voulut accorder sa requeste: mais l'enuoyant en exil perpetuel, il saisit & s'attribua tout son bien. Il y en a eu d'auantage plusieurs autres en diuers lieux, qui ne voulans pas seulement du bout des aureilles ouyr iamais parler de paillardise, ont enduré iusques à la mort de fort grieux tourmens. Lesquelles toutes sont dignes de grande admiration, mais sur toutes, icelle excellente & tres-noble dame qui fut trouuee en la ville de Rome: Car Maxence s'estoit entierement resoult, & auoit deliberé en son esprit, d'imiter en toute lubricité & paillardise Maximin, & faire en tout & par tout le mesme que luy, comme son proche parent & frere, parquoy à son sceu & adueu furent enuoyez des ministres de la paillardise en la maison de ceste femme: mais son mary qui estoit pour lors lieutenant de la ville, exerçant la iurisdiction d'icelle, en ayant esté aduertý vn peu au parauant, atteint d'une crainte, luy auoit commandé de l'esuader & sortir hors sa maison pour se retirer en vne autre. A quoy obeissant se mit incontinent en chemin: mais à peine estoit elle encore sortie hors, qu'elle rencontra ces maquereaux qui venoyent pour l'enleuer, avec lesquels elle fit tant que par feintes paroles elle impetra permission de retourner en sa maison, pour mieux & plus sumptueusement s'aorner d'habillemēs, qu'elle n'estoit. Et là se voyāt seule se trāsperça tout outre d'une espee: & ainsi leur laissa son corps mort. Par lequel acte, elle declara assez combien estoit inuincible & inexpugnable la vertu des Chrestiens, & qu'il n'y a rien plus violent, qu'un ferme & constāt courage: Tant estoit grande l'abondance de tous vices & meschancetez en vn & mesme temps tout ensemble tant par tout l'Orient, que par tout l'Occident, sous ces deux Tyrans, ayās les cœurs & affections fraternelles confites en toutes meschancetez. Tellement que ie peux seurement & à la verité affermer, que la cause pour laquelle ils tomberent quelque peu de temps apres aux inconueniens qui leur aduindrent, ne leur prouint d'autre part, que de la persecution qui contre nous fut esmeue. Mais elle a obtenu sa vigueur & estat plus ferme & asseuré, que nous n'auons receu & maintenu nostre accoustumee liberté & constance qui reluisoit en nos peres.

*Il semble que Prudent ait escrit le l'accident de ceste Sophronie, en ceste sorte:*

*Si par rigueur elle a esté contraincte  
De consentir au desloyal Tyran:  
De par sa main s'estant soy-mesme estaincte,  
Elle a monstre la vertu du Chrestien.*

*Des mal'heurs & desastres qui ont ensuiuy ceste persecution: & de la repentance  
que ces Empereurs firent de leurs fautes.*

*Chap. XXI.*

*Guerre ci-  
uile entre  
ces deux  
Tyrans.*

*Calamitez  
publiques.*



Ix ans estans ia passez que la persecution des Chrestiens se continuoit, encor ces Empereurs aussi durant ce temps n'ont rien obmis de tout ce qui concernoit ou les trahisons & embusches couuertes, ou à faire la guerre ouuertement entre eux: car il y eut guerre mortelle entre ces deux Tyrans, & fut la mer tellement infestee par eux, qu'on n'y pouuoit aucunement faire voile. Et si quelqu'un estoit si hardy de s'y hasarder & qu'il tombast entre les embuscades ou d'une part & d'autre, pour ce qu'un chacun tacheoit à surprendre & emmener prisonnier son ennemy, il falloit qu'il ne se proposast autre chose, sinon d'attendre gehēne & torture, fouets & bastures, croix & supplices de feu, & plusieurs autres diuers tourmens. En tous lieux estoit

estoit faite prouision de corcelets, de lances, de picques & haches, & mesmes de galeres, de nauires, & autres vaisseaux & instrumens de guerre : de façon que durât ce tēps là en tous lieux & par toutes les prouinces, il n'estoit fait bruit ny mētion, ny n'attendoit qu'ils ne deuoyeroient iamaïs de la fermeté & constance, en laquelle ils auoyent delibéré de viure & mourir. L'escrit de Sabin portoit semblablement, qu'il fust signifié à tous autres magistrats, & officiers de l'Empereur, de ne punir ny ne molester plus les Chrestiens, ains qu'on les laissast en repos. Lesquels pensans que tels commandemens contēssent verité, feirent à tous sçauoir generalement le vouloir & sentence du Prince, contenu en ses lettres patentes. Et non seulement de viue voix & par lettres, ces choses ont esté ainsi executees, mais aussi ceux qui estoient detēnuz prisonniers pour la parole de Dieu, furent incontinent deliurez & remis en leur premiere liberté : & ceux qui estoient condamnez d'estre enuoyez aux mines dont on tiroit l'or & l'argent, & semblables metaulx, furent par mesme moyen absoulz. Quoy faisant, ils pensoient faire plaisir & gratifier leur Empereur : en quoy toutesfois ils se trōpyoient. Ces choses donc estans ainsi executees, il fut aduis à toutes personnes, de veoir aussi tost vne grāde lumiere estre yssue de quelques profondes tenebres : Car vous eussiez veu frequenter les Eglises & se faire de grandes assemblees : tellement que du costé des Payens, vn chacun voyant ces choses, estoit tout estonné, & s'esmerueilloit de la soudaine mutation des choses, criāt à haute voix, que le Dieu des Chrestiens estoit le seul Grand. Et tous ceux qui des nostres auoyent noblement & vertueusement enduré le combat, estoient publiquement en honneur & reuerence d'un chacun, avec vne grande liberté. Mais ceux qui par vne imbecilité d'esprit auoyent hēschī à la luitte des tourmēs, mettoient toute peine d'amender leur faute par penitence, prenans & baïsans les mains de ceux qui auoyent conserué leur foy en son integrité, & avec vn esprit humble & repentāt, & vn sordide habit qu'ils portoyent par penitence, les supplioyēt de prier Dieu pour eux, à fin qu'il leur fust propice & qu'il luy pleust leur pardonner. Ceux qui auoyent esté condamnez aux metaulx, estoient à pur & à plein deliurez & remis en liberté, & retournoient en leur pays en toute ioye & gayete, remplis d'une indicible & incroyable liesse. Les chemins & voyes publiques resonnoient de leurs triomphans chans & cantiques : de façon que les voyageurs qui se trouuoient sur le chemin, en les accompagnant, glorifioient Dieu de leur si soudaine liberté & non esperée. Et ceux qui vn peu deuant auoyent esté à toute force & oultrance dechassez de leur pays, vous les eussiez veu retourner avec vn visage ioyeux & allegre en leurs maisons : & ceux qui parauant, ainsi que lyons, contre nous rugissoient, voyans le changement inespéré des choses, en nous congratulans, de nostre fortune s'esioiissoient avec nous.

*Execution de l'Edit.*

*Les Chrestiens ayant eu repos, se resioiissent.*

*La penitence des Chrestiens, qui par une imbecilité d'esprit auoyent perdu courage entre les tormens Chans & cantiques des Chrestiens, pour la restitution de leur liberté.*

*De la nouvelle statue, que Theotecne erigea de nouveau en Antioche.*

C H A P.

X X V.



**M**R Maximin, Empereur d'Orient, ne persista pas six mois entiers en ceste opinion : car cōment celuy qui estoit ennemy de toute honnesteté, cruel & aduersaire de Iesus-Christ, eust il souffert, que le troupeau de Iesus-Christ eust pris longuemēt accroissement, & se fust tant resioüy ? Parquoy tout soudain, à fin de rōpre la paix qui sembloit estre lors, feit premiere-ment defendre nos assemblees qui se faisoient es cemetieres : puis par vne ruse & cautelle qu'il controuua, il s'enuoya à luy mesme vne ambassade de la part & au nom de ceux d'Antioche, par les citoyēs mesmes, tendant aux fins que defences fussent faites à tous Chrestiens, de ne demeurer ny frequēter en icelle ville, sur peine de mort : leur faisant entēdre par sa cautelle, que par ce moyē ils auroient sa grace & faueur, c'est à dire, moyennāt que par mesme feintise & simulation que luy, fussent moyē de chasser les Chrestiens hors leur ville. Chose aussi qu'il persuada faire à tous autres : Entre lesquels s'en trouua vn nommé Theotecne, qui en cest affaire fut le principal conducteur, hōme desguisé & cauteleux, & garny d'un fort deprauē esprit, & du tout indigne du nō qu'il portoit, & qui en icelle cōtree exerceoit l'estat & charge de receueur des fināces. C'estuy, cōme guide & capitaine de ce negoce, ayāt au parauāt pourchassē & machiné cōtre nous beaucoup de meschācetez, & grādemēt vīe de faulses accusatiōs & trōperies, desquelles il auoit coustume de s'aider, il eut à la fin en souueraine recōmandatiō de nous faire aussi abādonner la ville, cōme larrōs & voleurs : Parquoy apres auoir esté autheur & ministre de plusieurs meurtres & grāde effusiō de sang humain, à la fin pour mieux executer ses charmes, incātatiō, & impostures, il feit eriger vn :: Simulachre de Iuppiter l'amy : & avec ce, il institua des sacrifices, cathechismes ou enseignemēs & institutiōs en leur religiō Paganesque, & plusieurs autres choses detestables, & mesme des purgations & purifications du tout immundes & pleines de toute ordure & impieté. Laquelle chose, ensemble les responce de son Idole, vindrent aussi aux aureilles du Prince. Or Theotecne par vne deshonestē & vilaine flaterie, se voulant quasi constituer comme l'espie & speculateur de l'Empereur, esmeut & concita ce Simulachre à l'encontre des Chrestiens.

*Maximin apres la mort de son frere, remet sus la persecution des Chrestiens.*

*Theotecne, receueur, d'Antioche, ministre de l'idolatrie & persecutiō de Maximin. :: Le Simulachre & Oracle de Iuppiter l'amy, est erigē en Antioche.*

Z

*Iuppiter l'a  
my, enne-  
my des  
Chrestiens,  
les coman-  
de d'estre  
chassez de  
la ville.*

De façon qu'il feist courir le bruit par tout, que ce Dieu estant courroucé, commandoit que les Chrestiens, comme ses perpetuels & irreconciliables ennemis, feussent au plus loing qu'on pourroit, iettez hors la ville, & de tout le pays à l'entour. Ces choses ayans esté entendues par l'Empereur, & luy estant fort plaisantes & agreables, & par mesme moyen à ses lieutenans & gouverneurs des autres villes, qui ne s'estudioyent qu'à luy complaire & à luy gratifier, tous ensemble conclurent les mesmes choses contre nous, & le manderent à leurs peuples & citoyens. Et ainsi l'Empereur n'arresta gueres apres le trespas de son frere, à accorder vn tel decret. Au moyen dequoy fut contre nous en peu d'heure resueillee vne aigre persecution. Ce faict, Maximin cōstitua des prestres par toutes les villes, pour seruir à cest Idole, ceux qu'il trouuoit entre les autres hommes les plus celebres & mieux estimez : & mesme des Pontifes & souuerains sacrificateurs, d'entre ceux qui par leurs vertus auoyent acquis plus grande renommee & plus de gloire & d'honneur, & qui sur tout il cognoissoit estre plus affectez au seruire des dieux. Mais le comble de sa folie & superstition s'apparut en cela, qu'il arma tellement contre nous tous ceux de son obeissance, qui vouloyent auoir sa grace & estre des ses fauoriz, qu'il seroit impossible de poursuyure par paroles, la feuerité qu'ils exercerent contre nous. De sorte que ceux qui plus inuentoyēt de nouuelles insolēces & iniures contre nous, estoient les mieux venuz, & remportoient trop plus de profit & de grace que les autres. Au moyen dequoy ils se dedioyent du tout, & s'efforçoyent à l'enuy l'vn de l'autre à qui plus nous greueroit, & feroit plus de desplaisir & de dommage.

*De quelques faucetez controuuees contre Iesus-Christ.*

CHAP. XXVI.

*Liure conte-  
nant plu-  
sieurs blas-  
phemes fau-  
cement con-  
trouueez  
sur l'inter-  
rogatoire  
que Pilate  
feist à Iesus  
Christ.  
Les petits  
enfants ap-  
prenoyēt es  
escoles leurs  
premiers  
fondemens  
en ce liure.  
Quelques  
femmes par  
contrainte  
attribuent  
faucement de  
grādes in-  
famies aux  
Chrestiens.  
Nouvelle p-  
secution de  
Maximin,  
contre les  
Chrestiens.*



Velques meschans garnimens, pour estre mieux receuz en la bonne grace de l'architecte & autheur de ces choses, apres auoir composé & inuenté plusieurs faucetez incroyables, & qui surpassoyent toutes les maledicences & blasphemes à l'homme possible d'excogiter, sur le contenu des enquestes & interrogatoires que feist Pilate à Iesus-Christ nostre Sauueur, les enuoyerent par gens à eux semblables, en toutes leurs seigneuries & gouuernemens : ayans mis vne epistre au commencement du liure, à fin que tel escrit fust à tous publié & communiqué. A quoy fut d'abondant adiousté vn commandemēt, que tous gens lettrez & faisans profession d'enseigner enfans, leur proposassent à tous ce liure, à fin que pour leurs premiers rudimens aux lettres ils s'exercassent en iceluy, & que leur tendre & delicate memoire fust abbruuee d'vn tel venin. Or comme ces choses s'exerçoyent en ceste sorte, aduint que quelcun de ceux que les Romains appellent Ducz & Capitaines, ayant pris pres la ville de Damas en Phenice, quelques femmes abandonnees & qui es assemblees publiques & marchez vont communément chercher leur aduenture, apres en auoir faict son plaisir, se print à les menacer de les battre & tourmēter, si par tesmoignage escrit & signé de leur main, ne confelloyent qu'apres auoir esté faites Chrestiennes, elles eussent eu la compagnie charnelle de ceux qui entre les nostres tiennent le premier degré & exercent la plus excellente dignité, & que plusieurs autres crimes & meschancetez se cōmettoyent cōmunément en nos saints temples. Et maintes autres choses semblables, qu'ils ont controuuees mal-heureusement contre nous, pour par icelles calomnier nostre doctrine & profession. Il enuoya aussi ces paroles redigees par escrit à son Prince, lesquelles par apres furent de son conseil & autorité publiquement publiees par tous lieux, villes & citez : Mais par diuine punition, quelque temps apres, le Capitaine de ces calomnies, estant meurtrier de soy mesme, réporta le condigne loyer de telles iniures contumelieusement faites à Iesus-Christ. Et pour nostre regard nouuelles persecutions nous furent apprestees sous luy, fuites, banissemens, moqueries, derisions & outrages de tous peuples, non moins dommageables & enuyeuses, que celles que nous auions souffertes auparauant : Tellement que maints grands personages, issuz de noble race & grand lieu, furent apprehendez, emprisonnez & puis sans refus ny contredit, liurez au dernier supplice de la mort.

*Des martyrs qui furent faits en ce temps là, & des Edicts publiez contre nous, & qui pour nous intimider furent engrauez en des colonnes d'erain.*

CHAP. XXVII.

*Les celebres  
martyres  
de plusieurs  
saints per-  
sonnages.*



Pour lors à Emese, qui est vne cité de Phenice, furent apprehendez trois hommes confessans Iesus-Christ, qui tout aussi tost furent exposez aux bestes cruelles pour estre deuorez. L'vn desquels estoit l'Euesque Syluain, homme fort aage & sur le bord de sa fosse, pour auoir exercé l'office pastoral par l'espace de quarante ans. En cemesme temps aussi Pierre Euesque d'Alexandrie, diuin patron &



patron & exemple de l'estat Episcopal, ayant esté prins & saisi au corps à cause de sa vertu, & pource que de toute sa ieunesse il estoit fort exercez es saintes lettres, sans qu'aucune iuste cause luy fust proposée (car aussi Maximin l'auoit ainsi ordonné) fut condamné d'auoir la teste trenchee, accompagné de plusieurs autres Euesques d'Egypte.

Autant aussi en print il au prestre Lucien, qui pour la continence & pureté de sa vie, & le sçauoir qu'il auoit aux saintes lettres, auoit esté mené à Nicomedie. Là, pour autant qu'iceluy en la présence de l'Empereur, avec vne merueilleuse liberté & constance soustint & defendit la foy, pour laquelle il batilloit, fut emprisonné, & puis mis à mort. Tant cest impitoyable Maximin exerceoit contre nous de cruels & inhumains actes. En quoy il a semblé auoir lors esmeu contre nous plus de trouble & emotion, qu'en la premiere persécution. Duquel aussi la lascheté d'esprit s'est en cela monstree trop plus grande, qu'on ne l'auoit encore cogneue. Car les ordonnances de villes, & escrits contenans les constitutions Imperiales, ne furent pas seulement publiees par les carrefours des villes, mais aussi, pour plus donner de terreur & de crainte aux Chrestiens, furent engrauees en colonnes d'erain. Et si d'auantage il n'estoit autre chose entendue en la bouche des enfans qui alloient aux escolles, que l'interrogatoire de Pilate, & la response de Iesus-Christ, & autres choses semblables, malicieusement controuuees à nostre desauantage.

Par toutes lesquelles choses on pouuoit veoir à l'œil, l'extreme haine que Maximin auoit conceüe contre Dieu, & la tresgrande felonnie de sa meschante & malheureuse ame. A l'occasion de quoy aussi il fut surpris de la vengeance & punition de Dieu, laquelle a coustume d'estre sans cesse au guet & de veiller sur la malice des meschans & de les suyure tout au coup.

Luy donc estant effroyé par icelle vengeance, quelque peu de temps apres, ordonna vne loy par escrit pour nous, du tout contraire à la premiere pacification & traité de paix qui auoit esté fait. Mais à fin que la desloyauté soit à tous appertement cogneue, il m'a semblé bon d'insérer à ceste mienne hystoire, quelque partie de son ordonnance, qu'il a voulu estre engrauee en vne colonne. Le fait est tel:

„ Nous auons tant fait par nostre diligence, poursuite & industrie que l'imbecille, audace & L'Edit de  
 „ outrecuidance de l'entendement humain, a à la parfin dechassé & reietté de foy l'obscurité de tenebres de toute seduction & erreur, lequel, par les pernicieuses tenebres d'ignorance, a par cy Maximin  
 „ deuant tellement enuoloppé les sens humains, non point de foy tant meschans que miserables, contre les  
 „ qu'ils n'ont sceu cognoistre la chose dont est question, & la verité. Mais par la singuliere & benigne Chrestiens  
 „ prouidence des dieux immortels, le desloyal & inique poix de la liure (à fin d'ainsi parler) est à la fin reduit à la iuste & droicte balance. Ce que nous auons ainsi fait, à fin que toutes choses vous succedassent desormais gratieuses, douces, ioyeuses, & à souhait : & à fin qu'à present soit manifeste la tresgrande & trescertaine apparence tant de nostre vouloir enuers vous, que de nostre pieté & deuotion enuers les dieux, Aussi n'a il esté de nul incogneu iusques à icy, de quelles ceremonies, solennitez & sacrifices, les dieux immortels ont esté par vous seruis & reuerrez : lesquels aussi il fault, si nous voulés estre estimez gens de bien, perpetuellement auoir en reuerence & les magnifier, non par paroles de foy, nues & vaines, mais par œuvres admirables & excellens. A raison de quoy, iustement & à bon droit, vostre ville pourroit estre appelée Le sacraire & domicile des dieux immortels, tant pour le seruice qu'en icelle leur est fait, que pour la crainte qu'on a d'eux : & mesme aussi qu'il appert assez par plusieurs indices, qu'elle florist par la presence des dieux celestes.

„ Quand doncq' vostre ville (en postposant tant les profits & comoditez, que peculièrement elle a receu par cy deuant, qu'en contemnant les pertes & detrimens qui luy sont aduenuz) a incontinent senty & apperceu, que les hommes addonnez à execrable vanité, recommençoient à se repeupler fort & ferme, & à se dilater au long & au large encore de rechef : & qu'ainsi que quelques embrasemens de feu, negligez & quasi du tout esteincts, quand le vent venant à donner dedans, fait reprendre au feu, ia presque du tout mort & assopy, la force & vigueur, s'allument plus fort que iamais, ils recommençoient à se multiplier & à reprendre vigueur : incontinent & sans aucune dilation, elle a eu recours à nostre pieté, tout ainsi qu'à la metropolitaine & principale ville, ou reposent les choses sacrees & seruice des dieux, en nous demandant secours & aide. Ce que aussi nous ne vous auons voulu denier. Et autres choses en iceluy Edit contenues qui s'ensuyuent, farcies de pareille impieté, & pleines de mespris de nostre profession : comme s'il y auoit quelque puissance diuine, tellement irritée pour l'amour de nous, qu'elle enuoyast aux humains tout ce qui est de mal en l'air, en la terre, & dans les eaux.

Et entre autres choses en iceluy edit Les idolatres ont coustume d'imputer aux Chrestiens les mes-aventures & desastres des cas fortuits. Euseb. lib. 9. chap. 7. lequel dit auoir veu cest escrit affigé, & a tous proposé, en la ville de Tyr.

*Se trou-  
uoyent scā-  
dalisez &  
offensez.*



*Secheresse.  
Famine.  
Pestilence.  
Le Charbon.*

*La guerre  
d'Arme-  
nie.*

*Cruelle fa-  
mine.*

*Extreme  
& tresmi-  
serable an-  
goisse de  
faim.*

*Aspre &  
dangereuse  
contagion  
de peste.*

Es lettres estans ainsi publiees contre nous, toute esperance de meilleure condition, entant qu'en nous, estoit forclosé : & mesme ceux qui estoient eileuz entre nous, (ainsi qu'il est cōtenu en l'oracle diuin) :: tomboyent en non mediocre scandale & offense. Toutesfois comme vn chacun fust espouuenté & esperdu de courage, au moyen de ceste tant soudaine & non attendue mutation des choses, & que ces mandemens Imperiaux & ordonnances n'estoyent encore arriuees à plusieurs villes : le seigneur Dieu, qui de sa seule volōté fait & change toutes choses, comme voulāt estaindre l'orgueil & outrecuide de ce Tyran, enuoya tout à

coup son aide d'enhaut : Car soudain les pluyes ordinaires furent liees & retenues, mesme au temps d'hyuer, es nues du ciel, dont s'ensuyuit grande famine, & la peste par apres. A ces defaistres survint vn vlcere puāt & infect, qui pour la couleur qu'il a du feu, est appellé Charbon, lequel retiroit grandement & accourcilloit les membres du corps humain, & se dilatant en grande largeur, causoit vn grand danger à la personne : de façon qu'ayāt occupé les coings des yeux, priuoit de la veue tous ceux qui en estoient surprins, tant hommes que femmes. En outre, la guerre fut denoncee à Maximin par les Armeniens, qui au parauant estoient confederez avec les Romains. L'occasion de ceste guerre fut à cause de la foy & religion Chrestienne : car pour autant qu'il vouloit induire & persuader que les hommes feissent l'honneur aux idoles, qu'ils faisoient à Iesus-Christ, il a eu pour ennemis ceux qui auparauint luy estoient amis. Tous lesquels maux estans en vn mesme temps assemblez, demonstrent assez l'audace & fureur que ce Tyran auoit conceue contre la puissance de Dieu, & par vāterie & vaine gloire, que ny la peste, ny la guerre n'enuahiroient point la seigneurie de son Empire, à cause de la persequution qu'il exerceoit sur les Chrestiens, & du soing & diligence qu'il mettoit à auancer l'honneur des idoles. Amassees toutes ensemble ces calamitez, ont d'une part rabaislé sa sorte vāterie & audace : & de l'autre, allēz ouuerremēt monstřé que sa ruine & sa mort estoient prochaines. Et de fait, apres qu'il eut dressé son armee pōur soustenir la guerre contre ses ennemis, au lieu que ses forces luy deuoyent croistre, elles appetissoient & diminuoyent tous les iours. La peste aussi entremeslee d'une grande famine, faisoit iournellement vn merueilleux degast en toutes les villes & autres lieux de son Empire. Il y auoit par tout telle penurie & disette de viures, & de toutes choses necessaires pour la sustentation de nature, qu'une mine de bled, contenant six boisseaux, s'achetoit deux mille cinq cens Attiques, qui est vne espee de monnoye dont vsent les Atheniens. Au moyen de quoy plusieurs tomboyent par les villes de malle rage de faim : & sur les champs il s'en mouroit en si grand nōbre, qu'il estoit impossible de les sçauoir nombrer, estans pour la plus part consommez de peste, qui lors les massacroit estrangement. Les vns vendoyent aux plus riches ce qu'ils tenyoient le plus cher & precieux, pour vn petit morceau de pain. Les autres, ayans obligé leurs heritages & possessions à leurs creanciers, estoient reduits à extreme pauvereté. Il y en auoit d'autres, qui ainsi que bestes brutes rongeoient ce qu'on reiectoit de superflu du soin, & en y adioustant des herbes pernicieuses, en mouroyent. Les femmes yssues d'honneste lieu, pour la souffreté & indigēce de toutes choses qu'elles enduroient, furent aussi reduites à vne si eshontee necessité, qu'elles faisoient estat d'aller & venir par les marchez & assemblees publiques, demandans l'aumosne pour Dieu : demonsttrans tacitement par la honte qu'elles auoyēt, & l'honneste accoustremēt qu'elles portoyent, le lieu d'où elles estoient descendues, & l'affluēce des delices & liberré qu'elles auoyent eues au parauāt. Aucuns estoient si fort pasles, maigres, & attenez, qu'ils sēbloient estre plustost quelques simulachres & statues, qu'hōmes viuās : estans si indigens & denuez de toutes choses, qu'en se traināt de costé & d'autre, tombōient dans les rues & carrefours des villes tout plat sur le nez, sans secours ny aide de personne quelcōque. Et ceux qui estoient quelque peu plus forts & robustes, & qui à quelq̄ peine se pouoyent porter, pour attester l'extreme angōisse de faim qu'ils souffroyēt, d'une voix si piteuse & lamētable demādoient à ioinctes mains vn lopin de pain aux passans, qu'il ny auoit cœur si dur qui n'en fust fort cōpassionné. Les plus riches, d'autre part, se desesperās pour le grād nōbre des médiās qu'ils veoyēt à leurs portes, apres leur auoir beaucoup eslargy de leurs biens, eux-mesmes tombōient à la parfin en ceste indigēce & pauvereté de famine : & endurāt le semblable que les pauvres, ils portoyēt fort impatiēment ceste condition. D'auātage, les corps morts gissans plusieurs iours, par tout, nuds & estēduz sur la terre, dōnoyēt encore outre ce mal, vn pitoyable spectacle aux viuās. Il y en eut aussi plusieurs qui furent māgez des chiens : au moyē de quoy on en faisoit souuēt assommer, de crainte qu'estās deuenuz enragez ils ne s'accoustumassent à manger la chair humaine. La peste quant & quant allāt de maison en maison, en faisoit autant qu'elle en trouuoit dedans, & sur tous autres, elle se prenoit aux riches & les abbatoit : de façon que ceux que la faim n'auoit tuez, l'aspre cōtagiō de peste les emportoit. Parquoy tout estoit plein de soupirs,

de souspirs, & de pleurs, tellement qu'il ny auoit maison, place, ne lieu public, où par tout ne fust ouy & entendu avec les clameurs & lamentations accoustumées, dueil, plainte & gémissement. Et ainsi la mort, quasi comme avec ces deux sortes d'armures faisant la guerre, à sçauoir, famine & peste, emporta presque toute la generation & le peuple de ce temps là. De façon que iournellement estoit trouué si grand nombre de corps morts, qu'on ne pouuoit fournir à faire fosses & sepulchres à les mettre. Ce sont icy les guerdons & salaires qui ont ensuyuy les Edicts de ce felon & arrogant Maximin, lesquels il auoit proposez cōtre nous. En ce temps calamiteux, beaucoup de nōs hommes firent excellente preuue de leur vraye pieté : car en declarant leur humanité, avec tout soing & diligence, enseuelissoyent les corps morts, qui en grande quantité gissoyent par tout sans sepulture : & ayans fait assembler ceulx qui de famine estoient affligez, leur distribuoyent selon leurs facultez & puissances, pain & autres alimens au myeux qu'il leur estoit possible. Au moyen dequoy fut soudain diuulgé vn bruit fort celebre, de nous, par lequel on nous attribuoit sur tous autres humains, le los & renom de la vraye pieté, & de la crainte de Dieu, vn chacun loüant en toute magnificence la guide, & defendeur des Chrestiens, Iesus-Christ. <sup>a</sup> Ces defastres ayāz prins fin, Dieu le protecteur de nostre salut, apres auoir assez monstré son courroux par ces calamitez qu'il auoit enuoyees, pour l'insolente & temeraire iniure à luy faicte, & pour les inimitiez, qu'on auoit prises contre nous, nous fait finalement par sa diuine prouidence reluire des temps plus ioyeux, nous donnant apres les espaisnes tenebres, vne ineffable lumiere d'une tranquillité pacifique. <sup>b</sup> En ce temps là il apparut à la verité, que Dieu estoit spectateur & gouuerneur de nos affaires, lequel es afflictions qu'il enuoye vsc de son fleau, pour la conuersion, chastiment & par maniere de dire, pour la discipline des siens : laquelle parecheuee, comme il sçait estre decent & expedient, regarde treshumainement & paternellement ceux qui ont la ferme esperance de leur salut arrestee & mise en luy. Ce que, comme il a en toute sagesse & prudence disposé & executé, i'ay delibéré de dire par le discours qui s'ensuyt.

*La famine & peste si grande, que tous furent quasi esteins.*

*Au temps de la grande peste & famine, les Chrestiens enseuelissent deuotement les morts, & alimentent les necessiteux : à cause de quoy ils acquerent grand los & bruit enuers les Payens.*

<sup>a</sup> Ces defastres] *Après la retiree affliction, est enuoyee diuinement ioyeuse consolation aux Chrestiens.*

<sup>b</sup> En ce temps là] *Par la diuine prouidence nous sommes paternellement chastiez, & puis remis sus.*

*Comme Constantin, le grand, triompha de Maxence, qui exerçoit la tyrannie à Rome : & comme aussi il veit au ciel le signe de la croix, resplendissant d'estoiles.*

C H A P. XXIX.



Maxence, fils d'Hercule, comme auons touché cy dessus, gehennoit ses citoyens de Rome, par ses vilains & deshonestes faicts. Ce qu'estant venu à la cognoissance de Constantin (car souuent venoyent à luy ambassadeurs de Rome, pour luy en faire rapport, & le supplier d'auoir en souuenance & recommandation leur ville, mere des Empereurs, & de n'endurer d'auantage que par ceste tant cruelle beste sauuage, elle fust ainsi perdue & gastee) il porta avec grād ennuy & fascherie le bruit d'une si grande indignité : car ceux qui vivent selon l'ordonnance & volonté de Dieu, reputent l'iniure faicte à autrui, leur estre faicte. Ce vertueux

*Constantin pour suite & venge sur le Tyran Maxence, les iniures faictes aux Chrestiens.*

Prince commença premierement d'aduertir Maxence par lettres, & luy manda de se deporter de tant de meschans actes, que iournellement luy estoient rapportez de luy. Mais voyant que pour tous les aduertissemens & honnestes remonstrances qu'il luy faisoit, il ne profitoit en rien, il iugea qu'il ny auoit moyen plus seant, ne plus expedient, que d'auoir recours aux armes : tant pour luy faire sentir sa folie, que pour à son possible faire la vengeance du tort que ce mal-heureux faisoit aux pauvres affligez. Apres donc qu'il eut dressé & équipé son armee preste à marcher en bataille, il s'en vint droit en Italie : non tant armé d'un appareil de guerre, que de toutes les sortes d'armure de Dieu. Quand Maxence eut tout cecy entédu, & qu'il veit que c'estoit à bon effcient, & qu'il luy conuenoyt mettre les armes en ieu & se defendre, s'assurāt plus sur les illicites impostures des arts magiques dont il vsoit, que de la biçueillance & amitié de ses Citoyens, il n'osa iamais premieremēt sortir hors la ville. Mais apres auoir mis gens en ambuscades, & seure garnison de gens d'armes ça & là en diuers lieux de son Empire, il meit en campagne vne autre armee pour faire teste à Cōstātin. Lequel, apres qu'il par deux batailles estē victorieux sur l'armee de ce Tyrā, il s'espandit au long & au large par le pays d'Italie, & tāt fait qu'à la fin il s'approcha au plus pres qu'il peut de la ville de Rome. Mais craignant que pour la seule cause de ce Maxence, il fut contrainct faire la guerre à tous les Romains, Dieu, par vne indicible prouidence, tyra ce Tyrā loing hors les portes de la ville : Car iceluy ayant avec quelque industrie & ruze faict vn pont de bassteaux sur la riuiera qui passe ioingnant la ville (où est aussi pareillement construit vn autre pont, appellé le pont Miluien) y fait passer son armee : & ainsi à grand puissance alla contre Constantin.

*La guerre entre Maxence & Constantin.*

*Le pont Miluien.*

Or estoit lors Constantin en extreme perplexité touchant l'euenement & succez de ceste bataille, se desliant fort de ses forces : & consideroit en luy-mesme quel aide il inuoceroit pour son secours, au danger où il se veoit. Estant donc en grande pensée sur cest affaire, comment il en viendrait à son honneur, luy vint soudain en l'esprit, que Diocletian n'auoit iamais esté secouru ny aidé, pour l'espoir, fiance ou appuy qu'il eust mis en plusieurs dieux qu'il adoroit, suivant la superstition des Grecs : mais que son pere Constans auoit beaucoup mieux & plus heureusement fait, d'auoir soudainement renoncé à la religion des Grecs. Parquoy en toute humilité, du profond de son cuer, commença à inuocuer le Dieu de son pere, le priant affectueusement de le regarder en pitié, & qu'ès dangers où il se voyoit estre, il estendist sa dextre & son aide sur luy. Ce qu'incontinent luy fut conféré selon son souhait, & l'affaire où il estoit redigé :

*Constantin voit au cielen plein midy la croix victorieuse.*

Car en plain midy, comme il marchoit avec sa compagnie, le soleil declinât desia vers l'Occident, il luy fut présenté vn miracle, plus grand qu'on ne scauroit ne dire ne raconter : à scauoir, vne colomne de feu, accompagnée d'une resplendeur de lumiere qui fut veüe en l'air, representant vne forme de croix, avec vne apparence d'estoilles toutes esgales en grandeur & quantité, en façon de lettres Latines, où ces mots estoient clairement contenuz : Constantin, en ce signe sois victorieux. De laquelle chose estant espouuënté, & pource qu'en luy-mesme il doubtoit de ceste vision, demanda à ses amis qui l'accompagnoient, s'ils ne l'auoyent pas aussi bien veüe que luy. Auquel ils respondirent que ouy. Et pour la confirmation d'icelle, la nuict ensuyuant, Iesus-Christ s'apparut à luy ensemble avec ce merueilleux signe, & luy commanda qu'il en feist vn semblable, & le portast deuant luy és guerres qu'il feroit : & qu'il aduendrait, que par ce signe il surmonteroit tous ses ennemis. Parquoy le iour ne fut plustost venu, qu'obeissant à ceste vision, il n'en feist faire vn pareil de fin or, lequel encore iusques à present depuis tant de temps est gardé aux chartres & tresor de la cour Imperiale. Duquel, en passant, ne sera

*La banniere, enseigne de la croix pce. de l'armee de Constantin. Euseb. li. 1 qu'il a fait de la vie de Cost. Victoire de Constantin contre Maxence.*

hors de propos, d'en faire quelque petite description. Il fault donc entendre, que la hante de ce signe de fin or, faicte en forme de croix, a le costé oblique, & au hault d'iceluy vne coronne ferrant par le meillieu la lettre Greque P, faicte en forme de croix Bourguignonne, qui obliquement represente par les premieres lettres, le nom de Christ. A l'autre bout de trauers, lié à celle hante, pend contre-bas vn voile d'or, auquel est la figure de l'Empereur, en or, & de ses enfans, pourtraicte au vif, iusques à l'estomach seulement. Cela estant fait à la haste, & au plus tost que faire se peut pour lors, selon l'opportunité & exigence du tēps, fut par luy ordonné qu'en la bataille seroit porté pour estendart deuant l'armee. En l'assurance dequoy, il marcha aussi allegrement au combat : auquel Maxence à toute outrance fut mis en routte, & la plus grand part des siés au fil de l'espee : par l'armure de la croix. Mais estant poursuuiuy par l'Empereur Constantin, fut à la fin (comme lon dit en commun prouerbe) pris par son laqs mesme : Car le pont, par la puïssance & vertu diuine estant rompu, & les bateaux, desquels le fleuve estoit couuert, desliez, le passage se rompit, & les nasselles & bachors, au fond de l'eau avec les hommes. Entre lesquels ce miserable, avec ceux qui auoyent espousé sa querelle, fut le premier submergé & suffoqué dans la riuere, à la façon que fut iadis Pharaon avec son armee. De sorte, qu'iceluy fleuve, iusques au pont Miluien, fut veu remply de cheuaux & de leurs cheuaucheurs. Et

*La mort du tyran Maxence, semblable à celle de Pharaon.*

par ainsi on a peu voir representé à l'œil, ce que iadis auoit esté chanté : Dieu a ietté en la mer les chariots de Pharaon & sa gendarmerie : & ses capitaines d'élite & satellites, ont esté noyez en la mer rouge. Les gouffres les ont couuerts, & sont descenduz au profond, comme vne pierre & comme plomb, avec leurs grāds cheuaux. Or est il bon en ce lieu, à l'exemple de ce grand seruiteur de Dieu, Moïse, qui à Dieu seul attribua la victoire qu'il emporta sur les Egyptiens, de chanter à Dieu en toute ioye & liesse le mesme cantique, contre & au desauantage de ce meschant Tyran. Chantons (dit il) au seigneur Dieu, car il est grandement exalté : Il a rué ius en la

*Cantique de liesse, sur la victoire de Constantin.*

mer le cheual & son cheuaucheur. Il m'a esté fait aide & protecteur à mon salut. C'est celuy qui est mon Dieu, & par ainsi ie le glorifieray. C'est le Dieu de mon pere : parquoy ie l'exalteray de louenge. Qui est celuy, Seigneur, d'entre les dieux qui soit semblable à toy ? Qui est celuy qui te puisse eïgaller ? N'es-tu pas celuy qui est glorifié és saincts, en gloire admirable, & qui fais les merueilles ?

*Prudent.*

*Du grand Miluien l'onde Tyberiaide  
Abysmant le Tyran, cruel & outrageux,  
Fut fidele tesmoing, que tres-victorieux,  
Le Duc deuoit entra, dans la ville indomptable:  
Et de quelle façon (du tout incomparable)  
Veit les armes regir, iadis victorieuses,  
Et quel signe portoit la dextre conuoiteuse  
De vengeance exercer, à nulle equiparable.*

*Bref, veit de Iesus-Christ la figure ineffable,  
Qui tissue en fin or, velus soit en tout lieu  
Plus que le cler Soleil, & couuroit le millieu  
De l'estendart semblant au pourpre delectable,  
La forme de rechef & figure notable  
Couuroit des guerriers les boucliers engrauez:  
Puis sur la cresse estoit des armets asserez,  
La croix flamboyant en l'air, par splendeur admirable.*

*Des enuers*

*Des œuvres saintes & plaisantes à Dieu, que Constantin feit à Rome, apres qu'elle fut reduite en son obeissance.*

CHAP. XXX.



Constantin ayant eu vne si merueilleuse victoire sur son ennemy, en chantant & louant Dieu l'auteur d'icelle, est en toute ioye & triomphe entré en la ville de Rome, estant receu, cōduit par les habitās comme leur sauveur & deliureur, portant avec soy le trophée de la victoire obtenue, avec vne liesse & gayeté de cuer indicible, accompagnée de toutes les louanges, faueurs & acclamations de bien-venue, à eux possible de dire & de penser, la ville estant de tous costez tendue & parée de couronnes & toutes sortes de fleurs. Mais Constantin qui auoit aucuncement de nature vne

*Constantin apres la victoire obtenue, entre en la ville de Rome.*

vraye deuotion enuers Dieu plantee en luy, n'estoit nullement esmeu de tout l'applaudissemēt & bon accueil qu'on luy faisoit en cest endroit, sçachant au vray, l'heureux succez qui en telle entreprinse luy estoit aduenu, proceder de Dieu & non de luy. A raison de quoy commanda aussi tost que le signe de la croix fust mis & colloqué au plus beau & eminent lieu de toute la ville. Les citoyens aussi de leur part, firent forger soudain, & sans delay, vne statue de bronze à la forme & semblance d'iceluy, qui en la main d'extre tenoit le signe de la croix, fait & forgé de mesme matiere. Laquelle statue tenāt ainssi avec vne magnifique & ioyeuse contenance la croix, il commanda estre erigee à Rome au plus celebre & apparent lieu qui fust en elle, estant soustenue sur fermes fondemens qu'il y fit faire tout quant & quant, avec le tiltre & inscription qui sensuit : Par ce signe salutifere, & vray exemple de vertu, j'ay deliuré & affranchy vostre ville du ioug de la seruitude du Tyran, qui la tenoit captiue, & remis le Senat & le peuple Romain en son ancienne dignité & grandeur. Apres donc que Rome fut ainssi reduite en la puissance de cest Empereur, il voulut & commanda qu'auant tout autre affaire les corps des saints fussent de toutes pars amassez en vn lieu, & en tout honneur & reuerence ensepulturez. Puis il ordonna que tous ceux qui pour la foy auoyent esté exiliez, retournassent à Rome. Il defendit pareillement par Edit, qu'il ne fust fait aux Chrestiens trouble ny ennuy, quelque part qu'ils fussent : que ceux qui estoient detenez en prison, fussent deliurez à pur & à plein : & que les biens confisquez, fussent renduz à leurs vrayz possesseurs. Et sur toutes choses il commanda tres-expressément, que les Eglises de Dieu fussent au plustost qu'on pourroit, reparees, les douant & aornant de grans biens. Au contraire, que les autels des idoles fussent rasez iusques au fondement, & puis apres ards & bruslez : & s'ils auoyent rentes ou reuenuz, le tout fust dedié aux temples de Dieu. Toutes lesquelles choses furent aussi tost executees, que commandees. Et fut la ville à demener ioye, & à faire assemblees & processions pour la victoire obtenue, par l'espace de sept iours entiers, en louāt Dieu l'auteur d'icelle & la triomphante armure de la croix, & en remerciant le victorieux Constantin. Or estoit il lors au septiesme an de son Empire, depuis le trespas de son pere : Et apres auoir fait tout deuoir enuers ce qui concerne le seruice de Dieu, luy & Licinie, qui n'auoit encore commencé à monstrier sa rage contre Dieu, firent par ensemble & d'un commun accord, vne bien belle & fauorable ordonnance pour les Chrestiens. Ce que par lettres ils manderent bien au long à Maximin le tyran d'Orient (qui encore nous monstroist quelque apparence d'amitié) ensemble les choses miraculeuses, qui contre l'esperance & opinion de tous, estoient aduenues par la grace de Dieu, & comment Maxence auoit esté vaincu : & mesme luy enuoyerent l'ordonnance qu'en nostre faueur ils auoyent faite. Quoy ayant entendu Maximin, il fut fort mal content de ce qui estoit aduenu : mais à fin que par quelque roze il monstreat n'estre leur subiet (car il ne pouuoit bonnement refuser l'Edit qui luy auoit esté enuoyé, à cause qu'il les craignoit, comme plus forts & plus puissans, & plus grands que luy) qu'est-ce, ie vous prie, qu'il inuenta ? C'est qu'il simula & feignit que de son propre mouuement il auoit beaucoup fait en faueur des Chrestiens, en ordonnant pour eux routes choses douces & benignes, que par lettres il auoit enuoyees à tous ses subiets, racontāt beaucoup de choses qu'il n'auoit iamais executees. En quoy de propos deliberé se deceuant soy-mesme, ne faisoit que mentir. S'ensuit le contenu des lettres qu'il leur escriuit :

*La statue de l'Empereur Constantin colloquee à Rome, avec le signe de la croix.*

*L'inscription de la statue. Les religieux & deuots œuvres que Constantin fit à Rome.*

*Les processions faites à Rome pour la victoire obtenue contre Maxence. Edit de Constantin & de Licinie, en la faueur des Chrestiens.*

*De l'Edit de Maximin Gallere, que pour les Chrestiens il ordonna, contre son vouloir.*

CHAP. XXXI.



Mouien Maximin Auguste, à Sabin. Ie me persuade que ta prouesse & tous hommes sont assez aduertis, que nos seigneurs & peres Diocletian & Maximin, quand ils veirent que presque tous mortels en delaisant le seruice des dieux, se rangeoyent à la religion des Chrestiens, bien & deuement arresterent, que tous ceux qui festoyent retirez de la veneration des dieux imortels, fussent cōtraincts par

*edit de maximin pour les chrestiens, seint & cōstruē*

par hypocrisie, & par force arraché de luy. punition & vengeance publique, de retourner aux ceremonies d'iceux dieux. Apres donc qu'en tout heur & bonne rencontre, ie suis premierement parvenu en Orient, & que j'ay sceu & congneu en quels lieux & places beaucoup d'hommes, qui pouuoient estre vtils & profitables à la Republique, auoyent esté exiliez pour la cause deuant-dite, par les iuges & gouuerneurs des pais de nostre obeissance, j'ay mandé à tous iceux iuges, que par eux ne fust decreté chose contre nos prouinciaux qui sentist cruauté : mais que plustost par douce exhortation & remontrance amiable on les retirast de leur opinion aux ceremonies & seruice des dieux. Parquoy ayant les iuges (ainsi que raison le requiert) rendu obeissance à nos commandemens, il est aduenu que nul entierement en toutes les parties Orientales n'a esté depuis enuoyé en exil, ny mesme outragé d'iniures ou de paroles : Dont s'est fait que plusieurs, à cause qu'on ne faisoit rien contre eux, sont retournez à la religion des dieux. Mais l'annee precedente ayant fait en tout heur & felicité mon entree en Nicomedie, & sejournant audit lieu, les bourgeois de la ville sont venus vers moy avec les images de leurs dieux, me priant affectueusement de leur vouloir tant faire de bié & de faueur, que par tous moyes fust par moy inhibé & defendu à ceste gent, d'auoir repaire ou domicile en leurs pais. Ausquels j'ay fait responce que tres-volontiers ie fauoriserois leur requeste, mais que d'un consentement & accord ces prieres n'estoyent de tous faites enuers moy. Que s'il y auoit aucuns qui voulussent perseverer en leur superstition, il leur estoit libre de ce faire & d'y demeurer, selon l'arbitre & volonté d'un chacun : toutesfois si aucun d'entre eux se vouloit retourner à la congnoissance des dieux, il ne luy estoit point defendu. Et par ainsi estant contraint par vne necessité, j'ay benignement respondu tant aux Nicomediens, qu'aux habitans des autres villes, lesquelles aussi d'une grande affection & vehemence, pour ce mesme fait, ont enuers moy entre-meslé leur demande, à sçauoir, qu'il fust defendu à tous Chrestiens de n'habiter ny frequenter en leurs villes. Qu'il m'auoit pleu & me plaisoit de confermer la petition qui toucheroit la cause du seruice des dieux, attendu que tous les anciens Empereurs ont aussi gardé cela aux dieux, par lesquels tous hommes avec le gouvernement des Republicques consistent. Parquoy, combien que par cy deuant il ait esté signifié par lettres à ta deuotion, & par mesme moyen fait commandement à tous ceux qui ont la charge & superintendence sur tant de peuples, qui sont sous nostre obeissance, de ne rudoyer ny mal mener nos prouinciaux, mais les supporter en toute douceur, moderation & patience : si est-ce qu'il m'a semblé bon aussi maintenant d'aduertir ta prudence par cest escrit, qu'iceux ne soyent par nos vassaux, ny par autres quelsconques, iniuriez, outragez, ny chassez. Mais plustost que par douces & humaines exhortations, ils soyent admonestez de recognoistre l'honneur & seruice qu'ils deuoyent aux dieux. Par ainsi, ie suis d'aduis que s'il y en a aucun qui de son vouloir trouue bon de prendre la religion des dieux, il y soit receu : au contraire, si aucuns aiment mieux suyure à part leurs ceremonies, il leur soit libre de faire à leur vouloir & arbitre. Ta deuotion donc donnera ordre, que ce qui luy est mandé par nous, soit gardé : & qu'il ne soit à aucun donné puissance ny autorité de retirer & soustraire ceux de nos prouinces de leur religion. Et à ce que ces nostres commandemens viennent à la congnoissance de nos subiets, tu y pouruoiras par vne ordonnance que tu feras à tous proposer publiquement.

*De la precipitee malice & soudaine esmotion de Maximin, contre Constantin le grand.*

CHAP. XXXII.



*Cest Edit ne profita pas beaucoup aux Chrestiens.*

*Maximin peu apre et comode à estre empereur.*

Yant ainsi mandé ces choses, plus par vne contraincte & necessité, que d'une bõne volonté qui fut en luy, il n'y eut celuy qui n'apperceut incõtinence la feintise & simulation : pource qu'auparauant par vne legereté & inconstance de cerueau, il auoit ordonné tout le contraire : Parquoy, par son ordonnance derniere, personne n'osoit publiquement faire assemblee, ny seruir à Dieu libremet. Et ne nous seruoit à autre chose ce rescrit, sinon de maintenir nos personnes en seureté, à ce que tort ny iniure ne nous fust faite : mais par cela il ne nous estoit pas permis de cõuenir ensemble, ny de bastir des temples à Dieu, pour en iceux le prier & inuoker, & plusieurs autres choses, qu'auõs coustume de faire & d'observer en nostre religion Chrestienne : veu mesme que l'Empereur Constantin, guidon & autheur de nostre vraye pieté & de nostre paix, ensemble avec Licinie, par les lettres patentes qu'ils auoyent enuoyees tant à luy, qu'à tous peuples subiets à leur domination & Empire, auoyent ottroyé & permis toutes ces choses. Mais le tout desplaisoit à ce meschant : combien que par apres, ou cõtraint par diuine punition, ou malgré qu'il en eust, il fut forcé d'establir & confermer les mesmes ordonnances que les autres auoyent faites. Or la cause principale qui l'esmuuoit à celle folie, estoit qu'il ne pouoit porter ny soustenir la grandeur de l'Empire qui luy estoit escheu : au moyen dequoy estât mené par folles pées & presumptueux conseil, faisoit tous ses affaires à la volée & sans cõsideration. Et estant en ceste sorte d'une vaine arrogance enflé en son esprit, par vne temerité & confiance, s'est osé opposer aux Empereurs, qui sans cõparaison en toutes sortes le surpassoyent de parenté, de race,



de race, de nourriture, d'institution, de prudence, de dignité & de vraye religion etuvers Dieu, en- *Louange de*  
semble d'une complexion d'esprit, decence & moderee en toutes choses & pleine de courtoisie: *Constantin et*  
lesquelles vertus, comme entre toutes autres les principales & plus illustres, reluisoyent en eux *de Licinie.*  
merueilleusement. Premièrement il eut soing sur toutes choses, que par tout le rapport fust fait  
des acclamations de vien-venue, & gracieux accueils qui luy estoient faits par tout publique- *Maximin*  
ment: puis tournans sa folie en vne rage, rompit l'alliance & confederation qu'il auoit faite au *machine con-*  
parauat avec Licinie. Et apres qu'il eut assez pensé en son esprit ce qui estoit aduenü à Maxence, *tre Licinie.*  
par la vertu & efficace de la croix, non seulement il print les armes contre ces Empereurs, mais *il persecute*  
aussy contre Iesus-Christ crucifié, se voulant venger de luy. Et estant espris de ceste rage, peu *de rechef*  
peu lacha de rechef la bride à la persecution contre les Chrestiens. En ce temps, plusieurs ad- *les Chre-*  
mirables & vertueux hommes paracheuerent vaillamment leur course en la lice du martyre. *stiens.*

*Comment Constantin le grand fut baptisé à Rome, par saint Sylvestre, Pape.*

CHAP. XXXIII.



Vand le deuot Empereur Constantin eut entendu ces nouuelles, & pre- *Constantin est*  
mierement congneu & sceu au vray que Maximin auoit appertement re- *sur le pèse-*  
nouuellé la persecution contre les Chrestiens, pour ce que de sa ieunesse *mēt de faire*  
il auoit tousiours hay mauuaistié & toute meschanceté, qui fut bien fas- *la guerre à*  
ché, ce fut luy, & perdit tout courage: tellement qu'il se print à soi- *Maximin.*  
gneusement considerer en luy-mesme tous les moyens comment il pour-  
roit aussi venir au dessus de cestuy cy, & en despecher le pais. Et comme  
il estoit sur ces alteres, & y pensoit diligemment, & ne fust encore rege-  
neré par le laement de baptesme, tout à coup, il luy suruint vne grietue  
maladie, à sçauoir vne grande & prodigieuse playe, qui luy couroit tellement par tout le corps, *il tombe en*  
qu'elle l'exulcera, & entama la peau de toutes pars, ne faisant d'iceluy corps qu'un vlcere. *lepre.*  
sorte que le plus souuent, & quasi presque continuellement, luy empeschoit la respiration, &  
n'auoit son halaine qu'avec grande peine & difficulté: & icelle playe vn peu apres se conuertit  
en vne lepre, qui profondément s'enracina par tout son corps. Pour laquelle guerir, y vint grand  
nombre de magiciens & enchanteurs de toutes pars, & mesme beaucoup d'imposteurs du pais  
de Perse. Lesquels tant s'en fallut que par leurs charmes, enchantemens, sorceries & impostu-  
res y profitassent rien, que mesme ils augmentèrent sa maladie. Il y vint aussi des Grecs, qui do-  
lens de la mutation de religion del'Empereur, s'efforcent par leurs affrontemens & seductions,  
de l'attirer à leur faction, au moyen de ceste maladie, comme le plus singulier & commode argu-  
ment qui se pouuoit presenter pour ce faire: Parquoy ils luy font entendre monstrueusement &  
contre nature, qu'au Capitole il falloit faire vn lac ou viuier, & apres le remplir de sang de pe- *Le sangui-*  
tits enfans innocens, dans lequel estat encore tout chaud & vaporant, il falloit qu'il se baignast: *naire reme-*  
& que par ce moyen il gariroit facilement, & seroit son corps purgé & nettoyé de ceste conta- *de que les*  
gion lepreuse. Autrement, qu'il n'y auoit moyen de le pouuoir guerir. Estant donc ainsi seduit *Grecs ordō-*  
par la nouvelle imposture de ces mal-heureux & cruels hommes, fut soudain commandé de fai- *nent contre*  
re grand amas de pauvres innocens: & ia s'approchoit le temps que les bourreaux deuoyent exe- *la lepre de*  
cuter ce tant piteux & lamentable massacre. L'Empereur aussi de son costé estoit ia tout prest &  
appareillé de se baigner en leur sang, quand voicy soudain arriuer les meres de ces petits inno- *Constantin.*  
cens, toutes descheueles, & monstrans en toute decence & honnesteté leurs mamelles, lesquel-  
les pour l'abondance du lait qu'elles y auoyent, par faute d'estre tettees, sentoient vne grande  
douleur & angoisse: & avec ce, elles faisoient telles clameurs & doleances, qu'elles remplissoyent  
l'air du hurlement & dueil qu'elles menoyent. Adonc l'Empereur apres auoir entendu la cause  
de tant de complainctes, esmeu de misericorde, prend grande compassion de ces pauvres fem- *Constantin es-*  
melettes, & suyuant sa grande humanité, change d'opinion, & ayme trop mieux demeurer tou- *meu de pi-*  
te sa vie malade, que par vn fait, tāt abominable, recevoir guerison, & retourner à coualescence. *tié, refuse se*  
Parquoy apres auoir long temps pleuré à chaudes larmes, se print à dire à ceux qui estoient au- *baigner dās*  
tour de luy: La dignité & grandeur de l'Empire Romain a la vraye pieté pour sa source & ra- *le sang des*  
cine. Et à fin qu'à tous ie monstre appertement que ie suis yssu de ce tige, ie postpose ma santé *enfants.*  
& guerison à la vie de ces innocens. Apres qu'il eut dit ces paroles, par son accoustumee bene- *Sentence*  
ficence & liberalité, il reconforte & appaise la tref-aigre douleur de ces meres: & ce fait, re- *d'un vray*  
prend le chemin de sa maison. Et la nuit ensuyuant, il reçoit vne tref-ample recompense & gra- *Empereur.*  
tieux fruit de sa bonté, car les princes des Apostres, saint Pierre & saint Paul, s'apparoissent *Le salaire*  
à luy, luy disant en ceste sorte: Constantin, sçache que nous sommes Pierre & Paul, par le com- *que Constā-*  
mandement de Dieu à toy enuoyez, à fin de te bailler le signe & indice de ta santé. Puis ils l'en- *tin receut*  
hortent qu'il ait à cercher l'Euesque de la ville, nommé Sylvestre, luy disant que chez luy il y *de Dieu*  
auoit vn lauoir, dans lequel s'il s'estoit baigné, sa maladie incontinent cesseroit: & ce pour au- *pour sa bon-*  
tant qu'il auoit donné la vie aux enfans innocens & sans corruption. *té.*

*S. Pierre & S. Paul* Incontinent donc qu'il fut esueillé, il donne congé & chasse le medecin qui luy assistoit, disant que desormais il n'auoit plus que faire d'art ny d'ayde humaine, pour la guerison & santé de sa personne, mais que son seul secours dependoit de la main du Tres-haut. Parquoy le medecin l'estant retiré arriere de luy, & l'ayant abandonné, tout soudain mande querir saint Syluestre. Lequel estant venu à son mandement, le fait seoir en tout honneur & reuerence au pres de luy: & ce fait, Constantin le commence à interroguer diligemment, s'il auoit des dieux qui se nommassent Pierre & Paul. A quoy luy respôdit saint Syluestre: Quant à nous (dit-il) qui sommes Chrestiens, ô Empereur, nous n'auons point pluralité de dieux, mais seulement en auons vn, lequel a creé & fait tout cest vniuers. Pierre & Paul, desquels tu as parlé, ne sont aucunement dieux, ains seruiteurs & Apostres de Dieu: qui par ce qu'ils ont esté amis & agreables à Dieu, à cause principalement de leur excelléte foy, & de l'ardeur & desir de charité qui estoit en eux, ont gagné, comme vaillâs genſd'armes, la forteresse de sainteté, & obtenu le premier lieu entre les Saints. Car c'ont esté les premiers qui à tous les Gentils ont annoncé la diuinité de nostre Seigneur Iesus-Christ, & desquels toutes les Eglises ont prins leurs premiers commencemens, & qui apres qu'ils ont eu paracheué & accomply leur charge & course en ce monde, ils sont passez de ceste vie en l'autre par martyre, estans de present les amis du Tout puissant. Apres que saint Syluestre eut finy son propos, Constantin luy demanda à voir leurs effigies: ce que fit ce saint Euesque. Lors estant plus asſeuré par l'exhibition de la chose mesme, cōferma que c'estoyent là ceux qu'il auoit veu en son sommeil: Parquoy au lieu d'un vestement de pourpre, il prend la haire, & vaque sept iours continuels à ieusne & oraison. Il commande aussi tout quant & quant que les temples des idoles fussent fermez, & les prisons ouuertes: & d'une grande misericorde & liberalité, il fait des dons à tous: & ce fait, il s'en va en grande solennité & deuotion aux saints fons. Ce pendant, se faisoit pour luy de toute l'Eglise seruite & continuelle oraison, suyuant le commandement qu'en auoit fait saint Syluestre: lequel regardant l'eau du baptême, se print à dire à l'Empereur, Ceste eau (dit-il) engendree de la diuine vertu, par l'inuocation de la viuifiante Trinité, tout ainsi qu'elle nettoye le corps de l'homme par dehors, aussi mondifie elle l'ame par le dedans & la purge de toute souillure & immundicité, & par ses salutaires rayons la rend plus reluisante. Et ainsi apres auoir esté oinct du saint huille, il entre au lauoir, & selon la coustume se fait l'inuocation de la tressainte Trinité. Estant là, voicy soudain vne splendeur d'une lumiere inenarrable qui s'apparut de ie ne ſçay où, & donna vne merueilleuse clarté en ce lieu. Et avec ce, fut là ouy vn son admirable, comme d'un psalterion ou d'une harpe, rendant vne non-pareille harmonie & accord. Les solennitez paracheuees, l'Empereur sort du lauoir tout sain entierement & guery, & comme estant reueſtu d'une nouvelle chair, ayant delaisſé en l'eau comme quelques esquailles de poisson: de façon qu'il dist à saint Syluestre, que luy estant dans ceste sainte & sacree eau, il auoit senty l'atouchement des mains de quelqu'un, comme ayant esté enuoyé du ciel. Son fils aussi Crespin fut participant avec luy de ce diuin lauatoire, & se vestirent tous deux chacun: d'une robe blanche, de laquelle vsoyent iadis en signe d'innocence les nouueaux baptizez.

<sup>a</sup> Incontinent &c.] Ores que ne ſçachions le nom de celuy qui a escrit les faits & actes de saint Syluestre, Euesque du ſiege Apostolique, toutesfoiſ nous ſçauons qu'ils se liſent de pluſieurs Catholiques en la ville de Rome, & que beaucoup d'Eglises les imitent, ſuyuant l'ancien vſage. Ce neantmoins quand tels escrits ſeront venus es mains deſdits Catholiques, ie les voudrois bien prier qu'ils fiſſent en ſorte que la ſentence de l'Apoſtre ſaint Paul precedaſt: *Eſprouuez (dit-il) routes choſes, & reſenez celles qui ſont bonnes. Gelaiſe, Pape, en la diſtinction quinzieme, qui ſe commence, Sancta Romana eccleſia.*

*Les choſes que Constantin, le grand, a bien inſtituees, apres qu'il eut receu le baptême.*

CHAP. XXXIIII.

*Les loix & faits de Constantin pour les Chreſtiens.*



*Liure des baptêmes du temps de Constantin.*

Incontinent apres cecy, il fait vne loy que quiconque seroit si hardy de mesdire ou blasphemer Iesus-Christ, ou faire iniure où à tort à aucun qui portoit le nom de Chrestien, la moitié de ses biens seroit confisquée, & perduë. Et luy-mesme en personne prend en ses mains vn hoyau, & commence le premier à fouir la terre en son palais, qu'on appelle De Latran, & à marquer & assigner vne forme d'Eglise en l'honneur de nostre Seigneur Iesus-Christ. Puis il fit vne ordonnance & cry public, que tous pauures & souffreteurs qui se voudroyent faire Chrestiens, seroyent nourris & entretenuz du thesor Imperial. Qui fut cause que plusieurs gës de bië receurent ceste grace & don, par lequel ils attestoyent que tout ce bien leur prouenoit par le moyen de ce deuot & religieux personnage Constantin. Tellement qu'en ceste annee là furent contez de nombre fait, & enrolez au registre de la regeneration, plus de douze mille hommes, sans les femmes & petits enfans. Et ainsi le troupeau de Iesus-Christ prenoit iournellement ses accroissements: au contraire le seruice des dieux s'escouloit tous les iours, & s'euanoüissoit petit à petit.

à petit. Et qui plus est, le Senat s'estant assemblé en la maison de ville, appelle Vlpia, d'une pure & sincere volonté conclud & arresta que ces dieux qu'ils adoroient au parauant, ne seroyent désormais creuz ny appelez dieux: disant qu'ils n'estoyent pas les dieux des hommes, mais plustost que les hommes estoyent leurs dieux. Et attendu l'euident & manifeste exēple qu'ils auoyēt de cela, il fut dit que de la en apres vn chacun adoreroit & seruiroit nostre sauueur & redēpreur Iesus-Christ, le vray & certain Dieu, regnant au ciel. Or de crainte que quelqu'un ne peust en soy-mesme soupçonner qu'il residast encore en ce bon Empereur quelque relique de son ancien erreur, il fit lors preuue de son integrité, par le temple qu'il faisoit construire en son palais Imperial. Et le peuple pour applaudir à tous ses dits, s'escria par quarante fois, & protesta à pleine voix, que le Dieu des Chrestiens estoit le vray Dieu. En outre, il cōstitua que le baptēisme fust volontaire, & non contrainct: & que nul ne se fist Chrestien par crainte humaine: mais quicōque se voudroit mettre de leur sacré nombre, il le fist d'une franche & libre volonté, & avec prudent & meur conseil. Le peuple donc receut vne ioye incroyable apres la publicatiō de ceste loy, par laquelle il estoit dit que nul ne fust contre son vouloir attiré à autre religion, qu'à celle qu'il luy plairōit prēdre, choisir & suyure. Avec les Eglises les monumēs & sepulchres des Saints s'aornoyent tous les iours magnifiquement, & estoyent donnez des grans salaires à ceux qui auoyēt esté enuoyez en exil, & qui pour soustenir la foy auoyēt perdu leurs biēs. Il fut tout quāt & quāt crié que quiconque confesserait Iesus-Christ, seroit tenu pour amy & fauory de l'Empereur.

*Constantin se propose soy-mesme un vis exēplaire de Iesus-Christ, pour estre imité.*

*La religion Chrestienne volontaire.*

*Les monumens des Saints aornez.*

*Refutation de ceux qui ont dit que Constantin fut puis apres baptizé à Nicomedie par les Arriens: & qu'à cause du meurtre par luy fait en la personne de son fils Crespin, il se fit Chrestien.*  
CHAP. XXXV.



R que le diuin Constantin ait esté sacré & baptizé à Rome par le Pape Syluestre, apres l'oppressiō & defaite de Maxēce, qui sous le signe de la croix fut si vaillāment vaincu, le Baptistere le mōstre assez, qui pour cela en tref certain tesmoignage est gardé iusques à present à Rome, ainsi qu'oit dire & reciter par gens anciens, qui ont verité en singuliere recōmandatiō. Et quāt à ce qu'auāt le baptēisme ce treslouable Prince a esté digne d'une si grande grace, que dōuir la voix diuine qui luy fut enuoyee, & de voir au ciel la venerable forme de la croix, & de cōtépler les honorables faces des saincts & sacrez Apostres Pierre & Paul, nul ne s'en doit esmerveiller: Car long tēps parauāt il auoit esté Chrestien de meurs & honnestes façons de viure, & son nom estoit escrit au ciel. Ioint aussi que les signes sont donnez non point aux infideles, mais aux croyans. Ceux qui au passé en Orient ont suiuy la secte Arrienne, ont voulu mettre en auāt que Constantin receut baptēisme en la ville de Nicomedie, estant proche de mourir, par l'Euesque d'icelle, nommé Eusebe: & disent que la cause pourquoy il differoit à se baptiser, estoit qu'il le vouloit estre au fleue de Jordan, & qu'il l'auoit ainsi ordōné. Mais cela est facile à refuter par l'autorité & accord de l'Eglise, qui tient au certain, qu'il fut baptizé à Rome par saint Syluestre. Parquoy ie veux que cela soit à tous déclaré, à fin aussi qu'eux-mesmes le pensent & croient indubitablement: Car les Arriens mal affectez à luy, d'un meschant & diabolique conseil ont cela controuué, affermans qu'il ne fut onques baptizé à Rome, où bien voulās dire qu'il estoit de mesme opinion qu'eux, comme si pour ceste occasion il eust receu le baptēisme d'enx: Qui est vne chose mensongiere, & pleine de toute absurdité. Car si ainsi est qu'il n'eust esté pour lors encore baptizé, il s'ensuyueroit, qu'il ne se seroit point aussi trouué au Concile de Nice, avec les peres là assembles, & qu'il n'auoit point avec eux participé aux diuins mysteres. Car si autrement estoit, comment eust il esté reputé digne de leur saincte benedictiō, & fait participāt de la table commune, comme dit l'histoire qui en est escrite? Or que les Arriens se moquent de cecy, comme & tant qu'il leur plaira: quant à nous, retournōs à l'histoire. Je ne suis point ignorant des crimes que les Grecs imposent à Constantin par faulse accusation & calomnie: Car ils disent qu'à l'ocasiō que Constantin auoit fait mourir quelques vns de ses proches parens & allies, & mesme qu'il auoit occis son fils Crespin de sa propre main, pour le rapport que sa marastre Fauste auoit fait à son pere du pourchas qu'il auoit fait d'elle, la sollicitant à paillardise illícite & incestueuse, en estant desplaisant, s'estoit adressé au philosophe Sopater, qui pour lors presidoit à l'escole de Plotine, pour de luy scauoir les moyens comme il se pourroit purger des offenses qu'il auoit commises en cela: & qu'iceluy luy fit responce que ce crime estoit si grand, qu'il n'y auoit expiation aucune qui le peust effacer. Et cōme pour cela il estoit en vne tref-grande sollicitude & perplexité, ils disent qu'il se trouua de fortune avec les Euesques des Chrestiens, qui luy promirent qu'ils le pouuoient purger par leur baptēisme, non seulement de ces pechez & offenses là, mais aussi de beaucoup plus grandes, s'il en auoit commis aucunes autres. Et que d'autāt qu'il estoit venu au dessus de son desir, fut grandemēt ioyeux, & eut en grāde admiration

*Constantin est baptizé à Rome.*

*Probatiō par laquelle il monstre que Constantin a esté baptizé à Rome.*

*Refutation de la calomnie que les Grecs idolatres imputent à Constantin. Sopater philosophe. L'escole de Plotine.*

## LIVRE VII. DE L'HISTOIRE ECCLESIASTIQUE

la religion des Chrestiens, & qu'apres qu'il se fut fait Chrestien, il imposa telle necessité à ceux qui luy estoient subiets, que force leur fut d'abiurer & renier la religion des Grecs. Voila ce que disent les Grecs pleins de calomnie: Mais tout cela ne sont autres choses que bourdes & appertes menteries, par lesquelles, comme par quelques comedies, se sont estudiez de blasmer la foy & religion des Chrestiens. <sup>4</sup> Et qu'ainsi soit, il se congnoist assez en cela, que Crespin mourut de sa mort naturelle l'an vingtiesme de l'Empire dudit Constantin: à raison dequoy ils disent qu'il eut mestier de purgation. Et de fait, en son viuant il fit beaucoup de loix avec son pere pour les Chrestiens, à cause du second lieu qu'il tenoit en l'Empire, & qu'il estoit Cesar, ainsi qu'encores pour le iourd'huy les temps auxquels ces loix ont esté faites le monstrent appertement, & en portent bon & euident tesmoignage. Mais où trouuent ils que Sopater eut iamais propos & familiarité à Constantin: voire que pour lors il faisoit sa demeure & residence vers les limites del'Océan & du Rhin: aussi que lors que Constantin faisoit guerre contre Maxence & au pais d'Italie, pour le diuorce des affaires Romaines, il ne luy estoit pas facile de communiquer & se mesler avec les Gaulois & les Anglois, au pais desquels il est certain que Constantin auoit ia prins la religion Chrestienne, & auant qu'il entreprit la guerre contre Maxence, & qu'il vint à Rome, & mesmement qu'il vint en Italie. Chose aussi que les temps & les loix que pour nous il establit & conferma, tesmoignent au vray. Et ores que nous concedions que Sopater eust peu parler & deuifer avec luy familièrement, où que par lettres il luy eust fait entendre son opinion sur cela, si est-ce qu'il ne semble pas croyable, qu'un si grand philosophe ait ignoré, qu'Hercules apres auoir occis ses enfans & tué Iphite son bon hoste & amy, fut à Athenes nettoyé & purgé par les mysteres de la deesse Ceres. Or suffit en ce lieu, d'auoir monstré que les Grecs auoyent aussi coustume de promettre des moyens pour la purgation des crimes vilains & deshonestes: & que ces calomnieurs & controuueurs de bourdes, chargent plus Sopater qu'ils ne l'excusent, où qu'ils ne le louent: car ie ne me puis persuader, qu'un personnage celebre, & tant excellent en sagesse, ait ignoré toutes ces choses. Mais c'est assez d'auoir parlé de cecy iusques à present.

<sup>4</sup> Et qu'ainsi soit &c.] Crespin fils de Constantin & le ieune Licinie, nepueu de Constantin du costé de sa sœur Constance, fils du vieil Licinie, & plusieurs notables & gens excellens, l'an vingt de l'Empire de Constantin, par la trahison de Fausse femme de Constantin, furent tuez Pomp. Oros. Lequel Constantin l'an vingtdouzieme de son Empire fit mourir ladite Fausse, l'ayant fait ietter en des bains tous ardens.

*De sainte Helene, & comme elle vint à Rome: & des propos qu'enrent les Iuifs avec saint Syluestre*  
C H A P. X X X VI.



*Colloque et pour parler des Iuifs et des Euesques chrestiens en la ville de Rome, touchant la religion. Les Iuifs sont attirez au Christianisme par Syluestre. Helene mere de con-*

Elene mere de l'Empereur Constantin, faisoit pour lors sa demenure en la prouince de Bithynie. Là les Iuifs considerans en eux-mêmes la mutation si soudaine del'Empereur, s'adressent à sa mere, & luy persuadent de rescrire à son fils, & de l'aduertir qu'il auoit bien & sagement fait d'auoir abandonné la religion des faux dieux: mais au contraire qu'il auoit fort mal fait, d'auoir au lieu de l'autre, prins celle des Nazariés: Ce qu'elle fist. Quand Constantin eut receu les lettres de sa mere, luy fit response, luy mandant ce que bon luy sembla sur cest affaire: la priant quant & quant d'amener quand & elle à Rome vn nombre de ceux qui entre les Iuifs elle congnoistroit les plus experts & mieux entendus & affectez en leur loy, à fin que par vn colloque ils conferassent sur l'affaire du Christianisme avec les prestres des Chrestiens, & que la partie qui pour la defense de sa loy & religion, apporteroit meilleures raisons, l'autre partie necessairement la suyueroit. Et ainsi estoit desia pour la quatriesme fois qu'à l'instigation & commandement de l'Empereur Constantin se faisoit assemblée pour ce fait en la ville de Rome: où assisterent vingt-quatre Euesques Romains, & six vingt prestres Iuifs, entre lesquels il y en auoit douze qui surpassoyent les autres en excellence: En ceste assemblée & pour parler, saint Syluestre tenoit le premier lieu. Là estoit l'Empereur avec sa mere Helene, qui attentifvement & soigneusement les oioient disputer: Mais comme fust que le tressacré Syluestre par la force & vertu de son eloquence, en toutes sortes les surpassast, de façon qu'avec vne grande admiration les Iuifs deleguez tout estonnez à bouche beante l'escoutoyent, estans tout esperduz pour l'efficace & persuasion de ses respôces: voyas aussi d'autre part qu'à l'inuocation du nom de Iesus-Christ, il auoit restitué de mort à vie vn taureau qui auoit esté empoisonné, à la fin ils tombent tous à ses pieds, & ayans quitté leur religion, receurent la Chrestienne, d'un mesme accord & consentement que S. Syluestre: Tellement qu'eux qui là estoient venuz en intention de prendre les autres, furent eux-mêmes prins. Ce fait donna grâd argumēt à sainte Helene d'auoir meilleure opinion de son fils, qu'elle n'auoit eue au parauant. Et si d'auantage elle delaisa la religion de ses

de ses ancestres pour prendre la nostre, & s'estant iettée aux pieds de Saint Sylvestre, le pria del'enseigner és sacrez mysteres de nostre foy. Et ainsi finalement se monstra estre vraye mere d'un fils accomply de tant & si grandes vertus, ayant conceu avec luy vne mesme ardeur & foy en Iesus Christ.

*De la bataille d'entre Constantin & Maximin, & comment en icelle fut porté le signe de la croix és estendarts. Chap. XXXVII.*



Vand le Tyran d'Orient, Maximin, eut entendu toutes ces choses, il ne se peut faire qu'il ne les portast fort impatiemment. Parquoy d'une haine irreconciliable :: suscita vne grand' guerre, & en peu de temps mesla & troubla toutes choses. Et pour executer son mauuais vouloir, il assembla de toutes pars vne armee d'une infinité de gens, faisant apprest & provision de tout ce qui est d'uisible à la guorre, de toute sa puissance, seduict d'une esperance & fiance qu'il auoit aux diables, & du grand nombre de gendarmerie qu'il se voit auoir. Adonc le magnifique & tres-celebre Empereur, accompagné de Licinie Cesar, partit de Rome, pour avec vne

grosse & forte armee, qu'il menoit tant par mer, que par terre, tirer la part d'Orient, en laquelle neantmoins ne se fioit point tât, qu'en l'armure de la croix. Et estant paruenue iusques en vn lieu de Bithynie, appellé Astaque, en grande fiance & espoir d'emporter la victoire, il marcha en bataille droit contre son ennemy plein de toutes trahisons & meschancetez, qui delia tenoit la campagne, & destruisoit tout par où il passoit. Or Constantin auoit commandé de porter deuant l'armee le signe de la croix, qui des Romains estoit auparauant appellé Banniere, qui estoit l'enseigne la plus excellente d'entre toutes celles desquelles ils vsoient en guerre, à raison qu'il auoit esté par luy despendu d'estre porté par les dens d'armes deuant l'armee & adoré comme auparauant. La cause, comme ie pense, pourquoy Constantin changea ce tres-celebre & tant renommé estendart, dont l'Empire Romain vsoit en guerre, en celuy de Iesus Christ, ce fut afin que par l'assidu regard qu'on iettoit sur iceluy, & l'honneur qu'on luy faisoit, ses subiects vinsent à l'estranger, & à du tout se deporter de leur ancienne superstition : & qu'ils creussent celuy là seul estre le vray Dieu, quel l'Empereur & ses Capitaines adoroient, & de la protection duquel ils vsoient à l'encontre de leurs ennemis. Il auoit donc commandé, que ce signe fust porté deuant son armee, & présenté deuant ceux qui seroyent au combat & au danger de leur vie, & que de fois à autre chacun en son tour, fust par ses satellites porté sur leurs espaules, & que les bandes & escadrons fissent le limacon avec iceluy. Comme d'oc ceste salutaire armure estoit portee deuant l'armee de Constantin, Maximin feit commandement aux siens, que ceux qui pourroyent mieux & plus droit viser, tirassent contre ceste enseigne, & se tinssent serrez, pour par apres, tous d'un effort & impetuosité aller droit à elle, & s'en emparer. De quoy estant intimidé celuy qui la portoit (le bruit fut qu'il estoit de la superstition des Grecs) la quitta là soudain, & la bailla à vn autre pour la porter. Ce qu'il ne refusa, comme vaillant & hardy qu'il estoit, & engendré d'un qui auoit enduré martyre, & avec vne allegresse ayât là ietté son corps de cuirace & armet, & seulement couuert de son hocqueton, empoigna ce signe de la croix. Et aduint que celuy qui pour la crainte des dards s'estoit retiré, receut en ceste bataille vn coup, dont il tomba par terre tout roide mort : mais celuy qui portoit ce sacré signe de la croix, combien que de routes pars fust assailly de traits, & tombassent sur luy dards & fleches en plus grand nombre, que l'espaisses neige ne cher du ciel, si est-ce que de nul d'eux ne fut atteint ne blessé aucunement. Car contre toute opinion, par vne vertu diuine, tous les dards, qui par les ennemis estoient iettez contre, si tost qu'ils se fichoyent à la hante d'iceluy signe de la croix, ils s'enuoloyent sans endommager celuy qui la portoit, encores qu'il fust au milieu du danger des armes : d'auantage on dit, & le croyent tous ceux qui ayment Dieu, que ny lors, ny depuis n'est tombé en aucun inconuenient, n'y n'a esté prins ny blessé en quelque guerre où il se soit trouué. Or quand ce vint au fort de la bataille, & que les deux armées se fussent à toute outrance chargees l'un l'autre pêle mesle, le tyran Maximin qui n'auoit autre recours & appuy, sinon qu'aux detestables impostures des magiciens & charmeurs qu'il auoit en sa compagnie, s'estât despouillé iusques à sa chemise & prins les habillemens d'un simple soldat, il s'enfuit où fortune le conduisoit, avec quelque peu de nombre de ses plus familiers amis : Et changeant de village en autre, à peine peut il euader les mains de ses ennemis qu'il ne fust ou prins, ou tué, monstrant par effect l'oracle diuin estre vray, qui dict : Le Roy n'est point sauué par le grand nombre de sa gendarmerie, ny le Geant en la multitude de sa force : & ce qui s'enfuit en ce Psalme. Et apres qu'avec sa honteuse fuite fut paruenue au lieu où il commandoit, il tourna toute sa colere & fureur sur ses prestres, deuins & enchanteurs, par les magiques incantations, abusemens & tromperies desquels il auoit esté induit d'entreprendre vne guerre d'un tel faiz & importance : & ayant fait assembler les principaux d'entre eux, les feit tous pendre & estrangler, comme abuseurs

*... Ayant violé & rompu l'accord, qu'il auoit fait avec Licinie. Euseb.*

*La banniere qui estoit la principale enseigne des Romains chargée en forme de croix.*

*L'efficace de la victorieuse armure de la croix.*

*Maximin estât vaincu, s'enfuit tant qu'il peut.*

*Il fait pendre & estrangler les magiciens & enchanteurs qui l'auoient abusé.*

AA

LIVRE VII. DE L'HIST. ECCLESIASTIQUE

& seducteurs. Et lors en faueur du Dieu protecteur des Chrestiens, proposa, non comme il auoit fait auparauant, mais vne parfaite & entiere ordonnance pour eux: & ce fait quelque peu de temps apres, outre sa destinee, finit sa vie par vne vilaine & deshonneste mort. Laquelle ordonnance i'ay bien voulu icy inferer, qui est telle comme il s'ensuit:

*De l'Edit que fit Maximin, apres qu'il eut eschappé le danger de la bataille.*  
Chap. XXXVIII.

*.. Rusin à ce mot Galere d'auantage. Le mesme est au dessus appelée Iouie.*

*Tardisue ordonnance de Maximin, pour les Chrestiens.*

*Edict bien diuers au premier qu'il auoit fait.*

*La liberté rendue aux Chrestiens, par le dernier Edict de Maximin.*



Empereur Cæsar Caie .. Valere Maximin, Germanique, Sarmatique, Heureux, Pie, Inuincible, Auguste, à tous ceux qui ces présentes lettres verront, salut. Je croy que nul n'ignore la bonne affection que nous auons, à vouloir pourueoir en toutes les sortes & manieres à nous possibles, à la continuelle commodité de nos prouinciaux, & à leur bailler les choses qui sur toutes autres leur sont vtils & profitables, & qui seruent à l'usage commun de tous, & qui pour la Republique sont expedientes, & aux esprits de tous plaisantes & agreables. Ce que nous croyés estre à tous congnu, & en auoir telle persuasion, quant aucuns ont eu recours à l'effect & execution de la chose. Mais pour ce que par cy deuât il vous a esté déclaré, qu'à l'occasion du commandement fait par nos feuz peres Diocletian & Maximin, d'oster les assemblees des Chrestiens, il y en a eu plusieurs d'entre eux qui ont esté chassez, bannis, & leurs biens confisque par nos officiers, ce que aussi à l'aduenir eust deu ainsi auoir cours & procedure contre nos subiects, si par nous n'y eust esté diligemment pourueu, & eussent esté leurs biens & heritages ravis & pilliez: à ceste cause nous auons l'annee precedente ordonné par lettres patentes, enuoyees par nous aux gouuerneurs d'une chacune prouince, que s'il y auoit aucun qui voulust adherer à l'obseruation & façon de seruir à Dieu, qu'ont les Chrestiens, il ne luy fust en cela fait destourbier ny empeschement: mais que chacun feist à sa volonté ce qu'il scauroit ou verroit estre bon à faire en c'est endroit, sans crainte ny superstition. Je pense aussi quant au reste, que n'estes ignorans, quelques vns de nos iuges auoir mal prins & interpreté nos commandemens, & que pour ceste occasion est aduenu, que nos subiects ont commencé à entrer en scrupule, s'ils y deuoyent consentir ou non: & que par cela plus froidement vn chacun a poursuiuy la religion qu'il approuuoit, & tenoit pour la meilleure & plus certaine. Mais afin que d'icy en apres tout scrupule & toute crainte soit retranche, il nous a pleu mettre en auant & proposer en public, la presente constitution & ordonnance, afin que tous sachent & congnoissent, que quicóque voudra suyure ceste secte & religion, nous luy permettos par l'octroy & grace de ceste loy, de l'embrasser & prendre, ainsi qu'il se fera proposé de la suyure Et si d'auantage, nous voulons qu'il leur soit permis de se bastir des Eglises & temples selon qu'il leur plaira. Et afin que cestuy nostre octroy soit de plus grande estendue, nous voulons aussi & mandons, que s'il y a maisons ou heritages, qui par cy deuant ayent esté des appartenances des Chrestiens, & soyent de present par le commandement de nos peres & deuanciers confisque entre nos mains, ou detenus en aucune de nos villes, ou que depuis la confiscation soit entreuenue donation ou vendition aucune, nous voulons, di-ie, & commandons que le tout soit remis à l'ancienne appartenace des Chrestiens: afin qu'en cest endroit ils iouissent aussi de nostre misericorde & prouidence. Voila l'ordonnance que fit Maximin apres sa deffaitte: ce qu'il fit par aduenture, afin que par ce moyen il appaisast & rendist plus doux & benin enuers luy Constantin, qu'il ne le cõgnoissoit estre en effect & par experience. Or n'y auoit-il pas encore vn an, que les commandemens par luy ordonnez contre nous, auoyent esté attachez en des colonnes, quand cest Edict fut publié. Par lesquels commandemens il n'estoit auparauant permis à nul Chrestien, de demeurer, ie ne dy pas en aucune region & pays, mais en aucune solitude mesme, qui fust sous son obeissance: Toutefois, comme il pleut à Dieu, ceux qui ainsi que gens meschants & mal-heureux & sans Dieu totalement, & qui estoient chassez de tous costez, & exposez à tous maux, au fer, au feu, aux bestes sauuages, & à innumerables genres de supplices & de mort, auoyent soustenu toute sorte de tourmens & d'afflictions, il leur fut à la fin loisible de maintenir leur religion, & d'edifier leurs Eglises, avec permission de iouyr de leurs droits & franchises à leur plaisir.

*De la mort de Maximin, laquelle par diuine punition luy aduint: & de l'extreme deffaitte des ennemis de la verité.*  
Chap. XXXIX.

*Enseb. li. 9. chap. 10.*



R escriuit-il ces choses apres sa fuite, comme ayant en icelle receu quelque grãd plaisir & benefice, & souffert quelque chose pour l'amour de nous, encore que ce ne fut selon qu'il auoit bien merité, comme par la preuue qu'il en faisoit, le confessoit publiquement & deuant tous. Toutefois en la seconde bataille qu'il eut contre nous, il y



il y laissa la vie : mais non en bataillant ainsi qu'il appartenoit, ny en mourant brauement avec loüange & gloire. Car son armee rengeee en ordonnance de guerre se campa en vne pleine: Luy, ce pendant, ne bougeant de sa maison, pour euit les coups, comme voulant esleuer les mains contre Dieu & le combattre, fut affligé du fieu diuin en tout son corps. Et estant subitement surprins d'une douleur, prouenant d'une grosse melancholie qui le saisit, fut contraint de se tenir au lict, en telle perplexité & destresse, qu'il dessechoit faute de boire & manger : Car il luy vint vne telle alteration & inflammation dans les entrailles, qu'elle luy corrompoit toute l'habitude & forme interieure : & par le dehors desfiguroit tout le traict & apparence de son corps. De façon qu'en peu de temps, il ne luy resta rien d'entier, que la bouche toute seiche & aride, semblable à vn simulachre, faisant pœur & horreur à ceux qui le veoyent, tellement qu'il sembloit que son corps fust vray sepulchre, dans lequel l'ame fut enseuclie, ou bien vn sac de cuir, auquel elle eut esté enfermee. Et quant il eut tout le cerueau ars & bruslé, à cause de l'extreme chaleur qui residoit en son corps, les prunelles des yeux estans sorties hors leur place, luy tóberent à la fin, & l'aueuglerent. Et comme il estoit en ces alteres, & vexé de ces grandes douleurs, il se confessa à Dieu, le priant d'auancer sa mort. A la fin, apres auoir protesté, que iustement il auoit desferuy les peines qu'il souffroit, pour les meschancetez & outrages, qu'arrogammēt & deshonnestement il auoit fait contre Iesus Christ, son ame execrable sortit de son corps. Et ainsi cestuy cy, qui sur tous les autres Tyrans qui l'auoyent precedé, auoit exercé plus de cruauté, estant en ceste façon despesché, les Eglises commencerent à s'esleuer incontinent dès les fondemens, & la parole de la foy à librement se prescher, & le seruice, ou plustost la frenesie, des idoles, à descheoir en toute honte & ignominie. Et quant à Maximin, il est premieremēt par lettres par tout publiees, & inuectiues, déclaré ennemy de Dieu, & Tyran. Puis les statues & images, qui en son honneur par toutes les villes auoyent esté erigees, sont iettees du haut en bas, & mises en pieces, & celles où lon pouuoit facilement atteindre, barbouillees en la face, ou de fuye ou de fange, ou de quelque autre couleur noire : & du tout exposees à la derision & moquerie de tous ceux qui s'en vouloyent gaber : & par ce moyen, tous autres honneurs qu'on auoit fait aux ennemis de verité, sont abolis. Tous ceux pareillement qui estoient de sa ligue, & qui auoyent suyuy son party, & qui par orgueil & outrecuidance s'estoyent mocquez de nostre religion, ensemble ses amis & familiers, sont punis selon le droit & l'equité de iustice. Entre lesquels, fut vn nommé Peucence, qui en sa cour estoit esleué au plus haut degré d'honneur, & estoit le plus cordial & le plus feable amy qu'il eust entre tous les autres : & qui par luy auoit esté par trois fois créé Consul, & renommé à cause de plusieurs dignitez qu'il auoit exercees. Vn autre, aussi nommé Lucien, qui principalement par luy auoit pareillement esté honoré de toute dignité & puissance : & qui par l'effusion du sang des Chrestiens qu'il auoit respandu de ceux qui demouroient en Egypte, auoit obtenu de grandes preeminences & magistrats. Il y en eut plusieurs autres aussi qui furent executez, par le moyen & ayde desquels Maximin auoit gaigné & vsurpé grande puissance, afin d'estre de tous veu terrible & redoutable. Constantin feit pareillement apprehender Theotecne, duquel nous auons fait mention cy dessus, la vègeance l'ayant suyui bien pres, pour les meschancetez qu'il auoit controuuees & machinees à l'encontre des Chrestiens. Car pour autant qu'il auoit esté esleué en honneur à l'occasion de l'Idole & feintises qu'il auoit controuuees contre nous, il fut aussi pour cela exorné des premieres & principales dignitez. Apres donc que Licinie fut arriué à Antioche, & qu'il eut mis à mort la troupe des Magiciens & imposteurs qu'il y trouua, ils luy furent presentez trois cens prestres de cest Idole, qui par tourmens furent contraincts de dire & confesser la cause de leur imposture. Et ayans descouuert la fraude de Theotecne, Licinie le feit premierement mourir : & apres luy, tous ces imposteurs les vns apres les autres. Furent aussi apprehendez les enfans de Maximin, ensemble tous ceux qui luy estoient conioincts ou de parenté, ou d'amitié, qui tous furent executez & punis de semblables supplices. Et ce, pour autant qu'ils ne voulurent oncques recevoir discipline, ny entendre qu'il ne faut mettre son appuy, ny sa fiance aux princes, ny aux fils des hommes, ausquels il n'y a point de salut. Et par ce poinct, en ce iour là, toutes leurs pensées deuindrent à neant.

*Horrible maladie de Maximin.*

*La mort d'iceluy.*

*Après le trespas de ce Tyran, le Christianisme recomença à florir.*

*Les statues de Maximin sont ruées par terre, & sa memoire abolie.*

*Les amis d'iceluy, malvenus.*

*Euzebe le nôme Culchien, & Rufin Quirien.*

*Les prestres de Iupiter l'amy.*

*Les enfans de Maximin.*

*De la paix qui par la grace de Dieu fut donnée aux Chrestiens, & de la ioye qui entre eux fut par tous celebrée pour la renouasion & restitution de leur liberté.*

*Chap. XL.*

**E**s Tyrans, ennemis de Dieu, estans ainsi accablez & du tout exterminiez, sans aucun contredit ny debat, le gouuernement de tout l'Empire aduint, & fut confirmé à Constantin & à Licinie : lesquels apres l'oppression & defaite de ces meschans là, apres la certaine experience qu'ils eurent de la force & vertu de l'aide diuin, ont abondamēt môstré la noblesse de leur foy estre à toute vertu encline, tant en mouuât & faisant tout ce qui leur estoit possible pour les Chrestiens, qu'en publiant loix

AA ij

*L'Eglise  
chrestienne  
florissante.*

*Le tres-bel  
estat de l'E-  
glise Chre-  
stienne, fẽ-  
dãt q̃ tout  
estoit paifi-  
ble & en  
trãquillitẽ.*

*Ceste orai-  
son est en  
Eusebe, lin.  
10. cha. 4.*

& ordonnances pour leur sauueté & assurance. Parquoy, en tous lieux, sans opposition & umbrage d'aucun nuage, le iour gay & serein s'esclaircit sur eux totalement: & vne diuine & admirable lueur resplendit & illumina toutes les Eglises par tout le monde: & furent nos affaires mises en seurere & hors de tout danger de nos aduersaires. Tellement qu'il n'y a eu celuy qui du tout n'ait esté fait participant de la paix enuoyee de Dieu, & qui apres l'abolition de toute iniuste domination & tyrannie, n'ait regardé librement le Soleil, en louant & remerciant le seul vray Dieu, protecteur de ceux qui deuotement le seruent & l'honnorent. Il n'y a eu celuy qui n'ait esté elpris d'une grande ioye & liesse, en contemplant, comme par ce moyen toutes choses reprenoyent vigueur, qui de long temps par vne pestilentielle desconfiture & calamité, auoyent esté mortes: Parquoy furent en ce temps là bastis des temples de grande magnificence, tant en grandeur qu'en hauteur, & de trop plus grande beauté & lustre sans comparaison, qu'auparuant. Et qui sur toutes choses estoit le plus à souhaiter, c'est que les festes & solemnitez de la renouation & nouvelle dedicace des temples, furent excellemment & magnifiquement celebrees: & qu'és Eglises nouvellement edifiees, se faisoient les assemblees des Chrestiens, avec leurs Euesques, tant honorables que rien plus, où ils y conuenoyent & arriuoient de toutes pars en grande affluence & deuotion, afin que par ce moyen se feist vne decence harmonie & constitution de tous les membres du corps de Iesus Christ, assemblez en vn: & (comme dit le Prophete) tellement se liassent ensemble, que de tous ne fust fait qu'une bouche & vn accord, pour l'accomplissement de ce que le Verbe de Dieu Iesus Christ auoit predit par son oracle diuin. Il n'y auoit en tous qu'une seule vertu de l'esprit diuin, qu'une ame, & qu'une volonté. En la bouche de tous, il n'y auoit qu'un seul chant, qui de tous estoit ouy & entendu, tous collaudans par un tres-bel accord & harmonie la diuinité du Verbe de Dieu. Là estoient celebrez & frequentez les purs seruites de Dieu, le sincere sacrifice, les ordonnances & constitutions des Eglises, & les chants des Psalmes. Là d'auantage se faisoit la predication de la parole de Dieu. Les secrets & mystiques ministeres deuotement & saintement s'administroient, & les enseignes de la recongnissance & des marques inenarrables de la salutaire passion se receuoient. Là aussi gens de tout aage & hommes de toute sorte & condition, vacans à oraison & actiõ de graces, loüoyent le moyenneur & l'auteur de ces biens si soudains. Là se faisoient predications & harangues au peuple, entant que le temps le permettoit, & à l'improuiste en fournissoit l'argument. De sorte, qu'une fois aduint qu'un fort humain, modeste & deuot personnage, en ceste grãde assemblee de l'Eglise, en presence de plusieurs hommes & quelques Euesques, vn chacun luy prestât l'oreille en toute honnesté & tranquillité, prononça vne oraison & harangue qu'il auoit composee en sa maison. Elle estoit telle, comme celle là, que quelque autre escriuit vne fois & recita deuant Paulin, Euesque de Tyr. C'est ce Paulin, qui entre les Pheniciens estant en souveraine reputation, bastit par ce pays là maints sumptueux & magnifiques temples. Voila comme lors les affaires d'Orient se portoyent. Au moyen de quoy, il me sera moins ennuyeux d'inferer en ce present œuure, les constitutions & ordonnances, qu'en nostre faueur ce bon & amy de Dieu Empereur publia. En premier lieu, ie mettray celle qu'il feit par vn commun accord avec Licinie, auant qu'il monstrast sa rage forcenee, pour les affaires des Chrestiens, laquelle est telle.

*Ordonnance de l'Empereur Constantin le grand, faite en la faueur des Chrestiens, à ce que leurs maisons & heritages leur fussent rendus, qui par les autres Emperours auoyent esté confisqueZ.*

chap. XLI.

*Edict de Cõ-  
stantin &  
de Licinie  
pour les  
chrestiens.*



Comme apres la chose bien veüe & examinee, nous eussions esté d'aduis, la liberté de la religion ne deuoir point estre deniee, mais estre laissée au bon plaisir & volonté d'un chacun, afin que tous selon leur iugement & fantasie, seruissent à tel Dieu qu'ils voudroyent: nous aussi par meisme moyen auons octroyé aux Chrestiens, de garder & maintenir la secte de leur profession, & leur seruice diuin. Mais par ce qu'il a semblé que plusieurs & diuerfes opinions ayent esté adioustees par paroles difertes & elegantes à ce r'escrit, par lequel telle puissance leur est permise, il s'est peu faire par aduenture que quelques vns peu apres se soyent distraits & retirez de l'obseruance de telle religion. Comme fust donc que moy Constantin & Licinie, tous deux Augustes, nous fussions heureusement arriuez à Milan, & que là nous eussions proposé en nostre conseil les choses qui singulierement concernent l'utilité & profit de la Re- publique: nous auons trouué & arresté qu'il falloit constituer & ordonner entre plusieurs choses mises en deliberation, celles qui nous ont semblé estre commodés à tous, ou plustost les premieres & principales d'entre toutes les autres: à sçauoir celles, esquelles est compris l'honneur & seruice de Dieu. C'est à dire, à ce que nous concedissions aussi aux Chrestiens

vne

„ vne franche volonté de totalement suyure telle religion qu'ils voudroyent , à celle fin que  
 „ tout ce qui est de puissance diuine & celeste, peust à la fin estre propice, fauorable & bening, tât  
 „ à nous, qu'à tous ceux qui demeurent soubs nostre puissance & domination. Parquoy nous auons  
 „ par vne saine & droite resolution redigé en forme d'Edict, ceste nostre sentence & aduis,  
 „ afin que la puissance ne fust à nul retranchée d'embrancher en tout temps que bon luy semblera,  
 „ l'obseruance & religion des Chrestiens, & de suyure telles ceremonies & seruice diuin, qu'il  
 „ croira en son esprit luy estre commode & seant: afin que la puissance de Dieu nous soit en toutes  
 „ choses fauorable & benigne. Or est il raisonnable, que nous signifions à tous, par cestuy nostre  
 „ r'escrit, que tel est nostre plaisir: afin que toutes heresies & diuisions entierement abolies,  
 „ si aucunes choses estoient contenues en nos premieres lettres, enuoyees à ta deuotion pour les  
 „ Chrestiens, lesquelles fussent au desaduantage & preiudice d'iceux, & alienes de nostre clemence  
 „ & humanité, elles soyent pareillement cassées & annulées. Parquoy, quiconque aura enuie  
 „ de librement & appertement garder les ceremonies des Chrestiens, nous voulons qu'il le face  
 „ sans trouble ny empeschement d'homme viuant. Chose aussi que nous auons voulu estre pleinement  
 „ signifiée à toy & tous ceux qui sont soubs ton gouuernement, afin que ne pretendiez  
 „ cause d'ignorance que nous n'ayons donné libre & pleine puissance aux Chrestiens de maintenir  
 „ leur religion. Et ta discretion voyant leur estre par nous octroyée tant entiere & parfaicte  
 „ faculté, sçache aussi que tous ceux qui se voudront transporter à leur façon de viure & ceremonies,  
 „ leur estre par nous permis libre & franche liberté de ce faire. Aussi que c'est chose notoire,  
 „ n'estre rien plus seant au repos & tranquillité de nos temps, que de faire qu'un chacun ait liberté  
 „ d'honorer & reuerer la puissance diuine, ainli qu'il luy plaira. Chose aussi que nous auons  
 „ bien voulu faire, de peur qu'il ne semblast à quelcun, que nous eussions voulu retrencher &  
 „ diminuer aucune chose de l'honneur & du seruice qui appartient estre fait à Dieu. Parquoy nous  
 „ ordonnons quant & quant, & voulons en la faueur des Chrestiens, que les lieux ausquels ils auoyent  
 „ coustume de s'assembler par cy deuant (touchant lesquels aussi nous auons ordonné  
 „ autre forme & moyen par nos premieres lettres, autresfois enuoyees à ta discretion) s'il y en a  
 „ aucuns qui les ayent acheptez ou de nostre fisque, ou de quelque autre, ils les rendent aux Chrestiens  
 „ tout aussi tost, sans restitution de l'argent, ou aucune repetition du prix qui en auroit esté  
 „ donné par l'acheteur. Que si aucuns les ont euz de don de quelcun, ou obtenuz de nostre  
 „ munificence & liberalité, nous voulons que ceux-là ayent recours au iuge d'un chacun lieu, ou  
 „ cela auroit esté fait, afin que par nostre benignité & grace, raison leur en soit faite. Ce pendant,  
 „ tu feras diligence que tous ces lieux-là soyent sans delay entierement restituez au corps des  
 „ Chrestiens. Et pourtant qu'il est certain qu'iceux Chrestiens auoyent non seulement ces lieux  
 „ là, esquels ils faisoient communément leurs assemblees, mais d'autres pareillement, qui n'appar  
 „ tenoyent particulièrement à quelcun d'entre eux, mais à l'usage du corps d'iceux, c'est à dire, des  
 „ Chrestiens, tu commanderas aussi en vertu de la loy deuant dictée, qu'ils soyent tous rendus, sans  
 „ difficulté ou contredit, ausdits Chrestiens, c'est à dire, au corps d'iceux, & à vne chacune con  
 „ gregation d'entre eux, le tout suyuant la forme deuant dite: à sçauoir, qu'à ceux qui les auroyent  
 „ rendus sans restitution du prix, les ayant premierement acheptez, soit comme auons dit pour  
 „ ueu par nostre benignité à leur desdommagement. En toutes lesquelles choses, qui concernent  
 „ le corps des Chrestiens, tu employeras tout ton estude & diligence, & (entant qu'il te sera pos  
 „ sible) donneras telle prouision que nos commandemens soyent au premier iour executez, &  
 „ que par nostre bonté & liberalité, soit prouueu au commun & public repos: car il se fera par  
 „ ce moyen (comme auons dit) que la diuine grace & benignité, laquelle nous auons ja expérimentée  
 „ en plusieurs affaires, demeurera perpetuelle & ferme enuers nous. Au reste, afin que la sen  
 „ tence de ceste nostre liberalité & ordonnance, puisse venir à la cōnoissance de tous, il faudra par  
 „ mesme moyen qu'avec tes lettres attachees à celles-cy, tu faces publier par tout & en tous lieux,  
 „ cestuy nostre decret, & le faces entendre à tous nos subiets, à celle fin que nul ne puisse preten  
 „ dre cause d'ignorance de la loy, de ceste nostre munificence & largesse.

il est com  
 mandé que  
 les lieux  
 &  
 biens des  
 Chrestiens  
 leur soient  
 restitués.

Deux autres ordonnances dudit Constantin, par lesquelles il veut qu'argent, dons &  
 franchises fussent permises aux Eglises.

Chap. XLII.



„ Les publierent de rechef vne seconde ordonnance, par laquelle ils donnoient  
 „ à entendre, & mandoyent que telle liberalité auoit esté par eux conferee en la  
 „ faueur de l'Eglise Catholique, dont la teneur s'ensuit. A nostre feal amy & digne  
 „ de tout honneur & reuerence, Anylin, salut. Tres-reuerend Anylin, la presente  
 „ est pour te faire entendre, que la forme de nostre grace & liberalité est telle, que  
 „ nous voulons & entendons, que les choses qui appartiennent à autrui, non  
 „ seulement ne soyent par aucuns violemment detenues ou rauies, mais soyent entierement

Ordonnance  
 des mesmes  
 empereurs,  
 pour la re-  
 stitutiō des  
 biens des  
 Chrestiens  
 de l'Eglise

AA iij

*catholique  
qui auoyt  
esté confis-  
que & a-  
liene sous  
la persecu-  
rio de leurs  
deuanciers.  
Les heretiqs  
ne se res-  
iussent pas  
des priuile-  
ges que Co-  
stantin a co-  
feré aux  
Catholi-  
ques. En la  
loy, Priuile-  
gia. C. de  
Heret. &  
Man.  
Constantin  
de l'exceptio  
& immu-  
nité des  
Clercs. En  
la loy, lux-  
sa sanctione  
C. de Episc.  
& Cler.*

rendues & restituees à ceux à qui elles sont. Parquoy nous voulons & commandons, tout aussi tost que tu auras receu ces lettres, que tous les biens, quelque part qu'ils seront trouuez, ou dās les villes, ou ailleurs, ou estans occupez & detenus par les habitans d'icelles, ou par quelque autre, qui appartiennent à l'Eglise Catholique des Chrestiens, luy soyent incontinent rendus: Car nous auons entierement resoult & ordonné, que toutes les possessions qu'ont eu les Eglises par cy deuant, retourneront à icelles. Veu donc que ta discretion peut clairement veoir de quelle affection nous part cestuy nostre mandement, il sera en toy d'y donner ordre, & le faire tout incontinent & sur le champ executer, à sçauoir, s'il y a iardins, ou maisons, ou autre chose qui soit des appartenances des Eglises, qu'elle leur soit rendue. Et ce faisant, tu nous feras paroître le vouloir, diligence & fidelité, que tu as à obeir à nos commandemens. Et à Dieu, nostre tref-honoré & fidele amy Anylin.

Ils escriuirent aussi vne autre ordonnance à cestuy cy mesme, par laquelle ils commandoyēt que les ministres & prelatz des Eglises, fussent du tout exempts des charges ciuiles, en la façon qu'il s'enfuit: A nostre tref-reuerend & feal amy Anylin, salut. Apres qu'en plusieurs affaires qui nous sont suruenus, nous est apparū, que par la negligence & mespris qu'on faisoit par cy deuant de la religion (par laquelle la souueraine obseruance & reuerence de la tressaincte puissan- ce celeste, est maintenue & conseruee en son entier) sont aduenuz plusieurs grands maux & def- astres aux choses publiques: & au contraire, qu'apres qu'icelle religion a esté legitimelement & deuotement receue & honnoree, par la grace & benignité diuine, grand' heur & prosperité sont suruenus aux Romains, & beaucoup de grands biens & benefices à toutes personnes, de quel- que condition & qualité qu'elles soyent: Ce consideré, il nous a pleu & voulons, que tous ceux qui deuotement & soigneusement obseruent telle religion, & en leur charges font leur deuoir de l'honorer & reuerer, soyent deuement salariez & recompensez de leurs labeurs: Par- quoy, ceux qui dans la prouince que tu as sous ta charge, sont en l'Eglise Catholique, sur la- quelle preside Cecilien, & qui employent tout leur soing & estude en l'obseruance de la tref- sainte religion, qu'on appelle vulgairement Clercs, nous voulons que totalement ils soyent exemptez de toutes charges: afin que par nul erreur, ny faute remplie de sacrilege, ils ne soyent retirez du seruice qu'on doit faire au Dieu souuerain: mais plus tost sans trouble aucun, de- stourbier, ny empeschement, seruent en toute diligence & deuotion à leur religion & ceremo- nies. Lesquels certes s'ils employent à Dieu deuement & religieusement leur seruice, qui est tref-grand & excellent, il semble qu'ils font beaucoup pour le profit & emolument des affaires publiques. A Dieu nostre tref-honoré & desiré Anylin.

*Cōstitution  
& ordon-  
nance de la  
donation de  
Constan.*

Outre ceste ordonnance, Constantin en feit encore vne quatriesme, en laquelle il donne ar- gent aux Eglises, escriuant à Cecilien, Euesque de Carthage, en la sorte: Constantin Auguste, à Cecilien Euesque de Carthage, salut. Pour ce qu'il nous a semblé iuste & raisonnable d'elargir quelque chose pour suruenir aux despens de certains ministres de la legitime & sainte & sa- cree religion Catholique, par toutes les prouinces d'Afrique, de Numidie, & de la Moree, i'ay enuoyé lettres à Vrsin, le Catholique, d'Afrique, par lesquelles luy ay mandé de te deliurer pour ceste fin, 4 trois mille mailles dor. Parquoy si tost que tu auras receu ceste somme d'argent, dō- ne ordre qu'elle soit distribuee à tous ceux qui sont comprins dans le bordereau & petit regi- stre, qui t'a esté enuoyé par Hosie. Et si tu trouues qu'il y ait faute à ladite somme, & qu'elle ne fuffise pour accomplir la liberalité & largesse que nous auons ordonnee estre faite aux susdicts clerks & ministres de l'Eglise Catholique, tu demanderas à Heraclide tresorier & receueur ge- neral de nos finances, qu'il te baille, sans y faire difficulté, ce que tu verras estre encor necessai- re au fournissement de nostre-dicte largesse. Ce qu'il ne faudra de te deliurer, pour le comāde- ment que ie luy ay fait estant icy, que si tu luy demandois quelques deniers, que sans aucune dif- ficulté ny doute, il t'en tint compte. Et pour ce que i'ay entendu qu'aucuns temeraires & outre- cuidez veullent par ie ne sçay quelle faulx ruz & sophistique doctrine, gaster & corrompre le peuple de la tressainte Eglise: sois aduertie que i'ay donné charge & commandement au pro- consul Anylin, & à Patrice semblablement, Lieutenant de nos gouuerneurs, que sur toutes choses il donne ordre, & à toute instance il en face diligente poursuite & inquisition. Et quant à toy, si tu congnois aucunes telles personnes s'opiniastres & perseuerer en telle folie & deluoye- ment de leur bon sens; ie veux & ordonne que tout aussi tost, & sans delay, tu les deferes à ceux qui sont establis iuges par les villes & prouinces, pour faire droit à vn chacun, & leur faces en- tendre le fait ainsi qu'il est: afin qu'ainsi que ie leur ay commandé, parlant à leurs personnes, ils en facent suffisante punition, & qu'ils refraignent & r'abbattent leur outrecuidance & auda- cieuse temerité. Et à Dieu, lequel ie prie estre garde de toy, & te donner en santé bonne & lon- gue vie.

*Le catholi-  
que d'A-  
frique.*

*Le receueur  
general des  
finances de  
l'Empereur*

*Lieutenant  
des gouuer-  
neurs des  
prouinces.*

*punition des  
heretiques.*

4 trois mille mailles d'or) Ceste monnoye s'appelle *phollis*, que les Turcs disent *Phol*, de laquelle parle *Alciat* au 12. li. du Code, De pretorib. & honor. pratur. parquoy voy le tout à plein.

De

*De deux autres ordonnances de Constantin pour assembler conciles, afin d'accorder  
les Eglises, qui estoient en discord.  
Chap XLII.*



L publica encores vne cinquiesme ordonnance, par laquelle il fit commandement aux Euesques de s'assembler, à fin de mettre paix entre eux & accorder toutes les Eglises, qui lors estoient en grand diuorce, dont la teneur est telle. Constantin Auguste, à Miltiade, Euesque de Rome & à Marc, & à tous autres, salut. Pour ce que plusieurs plaintes, informations, memoires, & aduertissemens m'ont esté enuoyez par le noble Anylin, Proconsul d'Afrique, par lesquels il me fait entendre que Cicilien, Euesque de la ville de Carthage, est repris & accusé de plusieurs choses, par aucuns de ses compagnons qui sont en Afrique, & que i'ay trouué cela fort mauuais, qu'és provinces, lesquelles par le vouloir & octroy de la diuine prouidence ont esté commises à ta discretion, & auxquelles il y a grande affluëce de peuple, il se soit trouué quelque trouble & dangereuse esmotion, preste à faire vne sedition, pour l'estrif qui est entre les Euesques du pais. A ceste cause, il m'a semblé bon, d'embarquer iceluy Cecilien & l'enuoyer à Rome, & avec luy dix autres euesques, qui sembloient estre ses parties & accusateurs; & encore dix autres avec eux, qu'il a pour sa iustification: afin que là ils soyent ouys par deuant vous, & par deuant Retice, Materne & Marin vos compagnons, auxquels i'ay commandé se transporter à Rome, au plus viste qu'ils pourront pour cest affaire. Mais afin que plus facilement vous puissiez terminer & vider leur procès selon la tres-augustissime loy, & entierement plus asseurez du fait des parties, i'ay quant & quant enuoyé aux susdicts vos cōpagnons, les formulaires des escritures d'Anylin, qu'il m'auoit enuoyez, que i'ay adioustez à mes lettres: par la lecture desquels vostre constance & fermeté congnoistra aisement, comment icelle-dicte cause doit deüement & par ordre estre decidee, & selon droit & equité determinee: car vostre soing & diligence n'ignore point que i'ay en tel honneur & reuerence la sainte eglise Catholique, que ie ne veux qu'en null lieu il y ait noise ny sedition. Et à Dieu, tres-reuerends peres, lequel ie prie vous auoir & maintenir en la sainte garde & protection à iamais.

Il publica encore de rechef vne autre ordonnance, par laquelle il voulut qu'il se fist vne autre assemblee, pour en icelle donner moyen d'appaiser tout le different qui pour lors estoit entre les gens d'eglise, dont la teneur s'ensuit: Constantin Auguste, à Chrestin, euesque de Syracuse, salut. Comme soit qu'aucuns ia de long temps par cy deuant meschamment & peruersement se soyent retirez de la sainte religion, vertu celeste & Eglise catholique, par vne contention & asfection de riote qu'ils ont les vns contre les autres, à ceste cause voulans y remedier & retrancher tous tels debats, nous auons arresté de faire venir quelques euesques du pais de Gaule & de celuy d'Afrique, qui en façon de mortels ennemis se combattoient avec telle opinionistreté & obstination, qu'il sembloit proprement qu'ils se deussent manger les vns les autres: afin que deuant l'Euesque de Rome fust leur different en leur presence decisi & accordé en toute diligence, & avec bon & seur iugement. Mais pour ce qu'il y en a encor aucuns (comme il aduient communément) qui peu curieux de leur salut, & ayans du tout mis en oubly leur religion & obseruance deuë à leur tressainte profession, ne se desistent pour tout cela de poursuyure encores d'auantage & d'exercer leurs haines & inimitiez accoustumees les vns enuers les autres, & qui ne veulent acquiescer au iugement qui en est desia donné: mettans en auant, pour fin de non receuoir ce qui a esté ia voidé, qu'ils estoient bien peu à la decision de ceste sentence, & qui mesme par vne cupidité & precipitation, s'estoyent là ingerez pour en determiner, premier qu'en route diligence & soingneuse inquisition ils eussent examiné les poursuytes & recherches qu'il conuenoit faire en cela. A ceste cause, voulans obuier aux scandales de ceux qui iagoient qu'ils deussent estre ensemble tous d'une fraternelle concorde & vnanimité, ils sont neantmoins tellement diuisez, qu'il n'y a entre eux foy ny amitié, donnans ce pendant par ce moyen grande occasion aux personnes mal-affectées à la tressainte religion, de s'en moquer & en detracter d'auantage: nous auons bien voulu pourueoir, que ce qu'il falloit ia pieça estre arresté par vne volontaire transaction, apres la sentence donnée, prenne maintenant fin en la presence de plusieurs. Apres donc que nous auons donné commandement, à ce que de plusieurs & diuers lieux les Euesques s'assemblassent en la cité d'Arles, dans le premier iour du mois d'Aoust, ie t'ay bien voulu aussi enuoyer la presente, afin qu'ayant prins etiquette, d'honorable hōme Latronië, voiturier de Sicile, pour faire charoier tes hardes par le chariot public, & deux autres avec toy du second ordre, que tu choisiras à ton vouloir, & tels que tu penseras estre capables pour cest affaire, & trois seruiteurs avec vous, pour vous servir sur le chemin, tu te trouues dans le iour dict au susdict lieu d'Arles: afin qu'en ce lieu moyennant ta constance & fermeté, & par l'unanime & resoluë prouidence de tous les autres qui y assisteront, le different qui iusques à present a

*Constantin ne veut congnoistre de la cause de Cecilien Euesque de Carthage, mais l'enuoye deuant l'Euesque de Rome, & autres.*

*Le bon Empereur ne veut qu'il y ait discord de ny debat entre les Euesques.*

*Comission Imperiale pour composer les dissensions qui estoient entre les Euesques.*

*pour le discord des Chrestiens, nostre profession a mauuais bruit enuers les infideles.*

perseueré au grand detrimēt & preiudice de toute la Chrestienté, par la vilaine contentiō de ce debat pernicieux, les parties qui sont en alteration, ouyes d'une part & d'autre, ausquelles aussi auons cōmandé de s'y trouuer, puisse maintenant à la fin estre reduite en vne decēte honnesteté, profession de foy & concorde fraternelle. Le Dieu tout-puissant te conserue en bonne & longue vie.

*« qu'ayant prins etiquette ) Par la permission du Prince, les Euesques du passé usoyent de la voiture publique es voyages qu'ils faisoient pour la cause de l'Eglise, d'autant qu'ils auoyent bien peu de moyen & pouuoir.*

*De la mauuaise du desloyal Licinie : & qui ont esté les Martyrs  
qui sous luy ont enduré martyre.  
Chap. XLIIII.*

*Reuolsemēt  
de Licinie  
contre Con-  
stantin.*



*∴ Ceste  
ville se  
nommoit au  
parauant  
Perinte.*

Oylà les loix & ordōnances que faisoit ce bon Empereur, pendant que Dieu nous auoit abondāment donné paix, & que la grace celeste nous faisoit iouyr amplement de liberré. Mais à la fin, l'ancien ennemy du genre humain ne peut cela longuement endurer : Car bien tost il gaigna Licinie, & tant fit que l'ayant retiré de la droite opinion, il l'incita à prendre inimitié contre Constantin, encore qu'iceluy pour la gloire & honneur qu'il auoit acquis en la guerre contre Maxence, l'eust non seulement illustré du nom & siltre d'Empereur, mais luy eust aussi oūtoyé la domination de Nicomedie & ∴ d'Heraclee, qui est en Thrace, & de l'Orient.

Mais Licinie, iāçoit qu'il sceust assez ce qui estoit aduenu aux Tyrans qui l'auoyent precedé, pour leur meschanceté & outrecuidance ( lesquelles choses luy pouuoient donner ample aduertissement de se mieux gouuerner en son administratiō, & suyure meilleur conseil que ceux là n'auoyent fait le temps de leurs regnes ) & qu'il eust espousé la sœur de Constantin, & qu'il fust le second apres luy en dignité & honneur : si est-ce qu'il ayma mieux reietter l'exemple de son beau frere, & imiter la trace des Tyrans, desquels il auoit veu la ruine & deffaitte, que de s'entretenir en l'amitié d'iceluy son beau-frere. De maniere, que non seulement il ne fit cōpte de toutes autres choses, mais avec ce il contemna l'affinité & alliance que par serment il luy auoit iuree : dressant par ce moyen plusieurs meschancetez aux Chrestiens, & tachant de toute sa puissance à recompenser par vne mauuaise grace, tout le bien & honneur qui luy auoit esté fait. Et premierement en tousiours celant la mauuaise affection qu'il auoit enuers luy, & luy monstrāt signe d'amitié sous vne dissimulation & feintise, entreprint souuent de le circonuenir & abuser par ses ruzes & deceptions : toutefois il ne peut oncques venir au dessus de ses desseins. Car Constantin, que Dieu aimoit, estoit remparé & muni d'une vertu inexpugnable : de façon que toutes choses que son ennemy luy machinoit les vnes sur les autres, es cachettes de son cœur, estoient à la fin descouuertes, & par ce poinct les amortissoit & abbatoit facilement : tant l'armeure de l'honneur, amour & crainte de Dieu qu'il auoit, luy fournissoit fort & puissant ayde pour son salut. Et ainsi par la grace & faueur que Dieu luy portoit, fit tant qu'il esuita les occultes trahisons, que ce mal-heureux luy dressoit incessamment : tellement que voyant à la fin que toutes ses entreprinſes couuertes, ne luy succedoyent pas ainsi qu'il vouloit, pour le decēlēmēt que Dieu tousiours en faisoit, sans plus vser de dissimulation, il l'arma appertement contre Constantin ( & quand ie dirois contre Dieu le createur de toutes choses, par aduēture que ce seroit mieux dit, lequel il sçauoit estre de luy adoré & reueré. ) Il commēça donc premierement petit à petit à opprimer & greuer les Chrestiens qui estoient sous son obeissance. Puis estant du tout forcené, suyuant la naturelle folie qui estoit en luy, il esmeut vne manifeste persecutiō contre les Eglises, pensant qu'il se feroit par cela, que Constantin tōberoit en telle tristesse & fache-

*Licinie per-  
secute les  
Chrestiens.*

cherie, quand il verroit la religion en danger de perir, qu'il en mourroit. Or estoit il assez aduertie que toutes les Eglises prioient Dieu pour la santé & prosperité d'iceluy, & qu'elles ne demandoyent pas mieux que d'estre sous son Empire & gouuernement : parquoy pour venir à chef de sa folle enterprinſe, il fit vne telle ordonnance en sa cour ∴ que ceux là qui ne voudroient sacrifier aux diables, seroyent bannis de sa maison & famille, & les Cheualiers & autres gentils-hommes qui en seroyent refusans, seroyent despoüillez & priuez de leur hōneur & dignité : & par ainsi qu'un chacun choisist laquelle il voudroit prendre de ces deux conditions. Cela fait, il fit des loix du tout contre iustice & equité, fermāt par icelles la porte de toute pieté & misericorde à ceux qui estoient detenuz prisonniers pour la parole de Dieu : & aux autres Chrestiens, qui pour tels estoient congneuz & apprehendez, decernant mesmes peines qu'aux mal-faïcteurs. Que diray-je maintenant des choses qu'il a ordonnees, qui par auant n'auoyent iamais esté ouyes ny entendues touchant les mariages ? De la nouvelle maniere dōt il a vſé contre les trespassez ? De la quantité d'or & d'argent qu'il a exigé contre tout droit & raison



raison des habitans des villes ? Des nouveaux mesurages & arpentages des champs, qu'il a ordonnez ? Et mille autres inuentions qu'il a excogitees ? Et mesme des faulx rapports & accusations qu'il a receuz contre beaucoup de personages de grand lieu, & autres de grande recommandation & honneur ? Et des femmes lesquelles par repudiation les ayant separees d'avec eux il les exposa à gens lachifs & impudiques, pour en toute paillardise & lubricité en abuser ? Que diray-je aussi des filles & femmes mariees, desquelles luy mesme en son extreme viellesse, il abusoit tous les iours tres-impudiquement : & si ne pouuoit encor pour tout cela assouuir sa desreiglee & intolerable impudicité ? Mais les meschancetez par luy pratiquees, qui s'ensuyuent, font paroître que tout ce que nous auons dit, est biē peu, ou de tout, rien, à prix : Car à la fin comme vaincu, laschant sa bride à son extreme fureur, il tourna toute sa tyrannie cōtre les Euesques lesquels il scauoit estre ministres & seruiteurs de Dieu. Les premiers & plus excellens desquels il fit cauteleusement mourir à cachette, ayant en cela inuenté vn moyen tout nouveau & non accoustumé de faire mourir les hommes. De sorte que ce qu'il fit en la contree de Pont, & es villes d'entour Amasee, surpasse toute autre felonnie & cruauté. Car par son commandement vne partie des Eglises fut abbattue & rasce iusques aux fondemens : l'autre, du tout fermee & estouppee, de peur qu'on y entraist plus. Les prestres aussi en grand mespris & contemnement de leur estat & dignité, apres auoir enduré mille gehennes & afflictions estoient à la fin ainsi que mal-faictours & meurtriers mis à mort & executez : & puis dehachez en pieces & loppins plus menus que chair à pastez, estoient iettez en la mer pour estre viande aux poissons. Car qui pourroit assez reciter les tueries, meurtres, occisions & boucheries qui sous ce Tyran furent faites des bons Chrestiens ? Lors aussi les solitudes, deserts & montaignes non habitees, estoient leur repaires au lieu des villes. Et en ceste façon, quand la fantasia le prenoit, la part qu'il se transportoit, il pilloit tout, rauissoit & saccageoit. En ce temps là aussi Theodore, chef & conducteur d'armee, souffrit martyre, homme fort magnanime, & d'excellente vertu, lequel faisoit lors sa residence au païs de Pont, en la ville d'Heraclee, & estoit gouuerneur des Mariandinois. Iceluy, ayant esté mandé par Licinie, & faisant refus de venir à son mandement, Licinie l'alla en personne trouuer en sa maison : où Theodore apres auoir brisé & mis en pieces ses Dieux, les donna aux pauvres indigens. Puis Licinie l'ayant fait prendre, encore qu'au parauant il luy monstraist grands signes d'amitié, luy fit endurer de grands tourmens : Car premierement il le fit pendre en croix, & luy mettre des alefnes dans les secrets conduits de son corps, & puis luy fit trancher la teste. Le corps duquel fut apres cela magnifiquement emporté en son pays d'Euchaïte, & là grandement honoré d'un beau temple où il fut enterré. Or fault il noter, que cestuy-cy n'est pas ce ieune soldat qui en la ville d'Amasee, sous Bringe, lieutenant de Maximin, estant fait holocauste & offrande à Dieu, endura vertueusement le supplice de feu. Ny mesmement celuy qui à Perga, ville de la contree de Pamphilie, fut crucifié : Combien que tous ceux-cy n'ayent esté qu'un corps, & qu'un esprit en Iesus-Christ. Apres ce Theodore, fut aussi apprehendé l'Euesque d'Amasee, nommé Basile, lequel apres auoir enduré intolerables tourmens, fut à la fin decapité. La ville pareillement de Sebastie veit lors en son estang, ces quarante excellens & diuins personages, qui en iceluy par le froid qu'on leur fit souffrir & endurer, furent d'une merueilleuse façon tous offerts à Dieu en holocauste, sous Lisias & Agricole, satellites & des-fenseurs de ce Tyran : qui sur tous autres excelloyent en estranges inuentions & imaginations de nouveaux supplices pour faire mourir les martyrs. On dit pareillement que leurs femmes, lesquelles estoient aussi iusques au nombre de quarante, furent menees à Heraclee, qui est en Trace, & là avec un diacre, nommé Amon, apres auoir noblement & vertueusement enduré les plus extremes tourmens qu'il est possible de dire ny exprimer, furent avec excellente professio de leur foy, par le glaive, offertes à Dieu en sacrifice.

*La cruauté de Licinie, contre les Euesques.*

*Le martyre du capitaine Theodore*

*Theodore de Perga.*

*Basile Euesque d'Amasee.*

*Quarante martyrs de la ville de Sebastie.*

*Quarante femmes, esposées des susdits, qui souffrirent martyre à Heraclee.*

*Amon martyr.*

\* que ceux là) s'ensuit la confession d'Auxence, recueillie de Suidas. Cestuy-cy suyoit la cour de Licinie, luy seruāt de secretaire, hōme yssu de noble lieu. Or y auoit il au palais Imperial vne belle fontaine, & sur icelle la statue de Bacchus, couuerte d'une large vigne, qui là donoit par son umbrage un grand plaisir. Cōme vne fois Licinie avec vne grande troupe, qui par plaisir l'accompaignoyent, fust venu en ce lieu & veist vne grosse grappe de raisin meure pendente en un seps de ladicte vigne, commande aussi tost à Auxence de la cueillir : Ce qu'il fait, sans penser à mal quelconque. Adonc Licinie, presente la (dit-il) aux pieds de Bacchus. Ce que refusa faire Auxence, luy disant qu'il estoit Chrestien. Parquoy Licinie luy respond, Tu partiras donc tout à ceste heure de ma cour (dit-il) & te demetteras de ta dignité : Car il fault que de ces deux choses tu faces ou l'un & l'autre. Et ainsi Auxence sans retarder, se desceint volotiers & met sus sa ceinture deuant l'Empereur, & dit à Dieu à la cour. Quelque temps apres les Euesques du pays l'esleurent Euesque de Mopsuestie.

*Comment Licinie, ayant esté prins en guerre, finit miserablement sa vie. Chap. XLV.*



Pres donc qu'il fut vne fois tombé en ceste extremite & comble de folie, il la continua tant qu'il mit à la fin en apperte euidence son reuoltement & defaillance de la foy & se conuertit totalemēt en manifeste idolatrie : pensant par les sacrifices & victimes qu'il

## LIVRE VII. DE L'HIST. ECCLESIASTIQUE

qu'il offroit, auoir plus facile & meilleurẽ expedition de la guerre qu'il auoit entreprinse : de sorte que pour cest effect il inuoca les diables. Aucuns disent aussi qu'ayant esté seduit par quelques vns qui luy promettoient victoire, se transporta à Milet pour consulter l'oracle d'Apollon le Didymien ou le Gemeau, & que l'interrogeant de l'issue & euẽnement de ceste guerre, le diable luy respondit par ces vers :

*O pere vieux, la guerre de ieunesse  
Te troublera, & ta vertu cassée  
Ruine aura par ta griesue vieillesse,  
Estant en toy vigueur du tout passée.*

*La pitoyable & bõne affection de Constantin.*

Or le bien aymé de Dieu, Empereur, Constantin, homme doué de singuliere modestie, courtoisie & humanité, ayant entẽdu toutes les choses que faisoit son beau-frere, se contint en soy-mesme premierement sans experimer l'ennuy qu'il en portoit, ayant au demeurant grand'compassion de sa fortune, encor qu'il fust indigne qu'on en eust pitié & commiseration. Mais à la parfin apres en auoir enduré, voyant qu'il employoit tous ses efforts à maintenir tousiours & poursuyure de plus en plus l'amitié & enuie qu'il luy portoit, & que la rage qu'il auoit cõceũ contre Iesus-Christ, l'augmentoit en luy tous les iours, recueillant & reprenant quelque peu ses esprits selon sa coustume, & par vne iustice & equité attrempant son humanité, arresta en luy-mesme & conclud qu'il ne feroit pas bien s'il ne surueuoit à ceux qui par ce Tyran estoient de telle cruauté affligez : sçachant à la verité & par experience, que le salaire qui du ciel estoit proposé à sa pieté, estoit d'auoir victoire contre ses ennemis. Parquoy, estant esmeu d'honnesteté & vertu, entre-meslee d'amour & de haine contre la malice & le vice, se mit au champ cõtre Licinie, accompagné de son deuot fils Crespin : sous la conduite de la salutifere armeure de la croix, où estoit filché & arresté tout son aide & espoir. Et ainsi en bel arroy & ordonnance de guerre, luy liuerent tous deux la bataille pres Chrysopole, ville de Bithynie : où toutes

*Victoire de Constantin contre Licinie.*

choses leur succederent si heureusement & à souhait, que vaillamment ils emporterent la victoire sur leur ennemy, toute son infanterie estant mise en route, & le secours qui par mer estoit venu, totalement desconfit. Adonc Licinie estant au bout de sa chance, ne sçachant plus qu'il deuoit faire, ny à qui auoir recours, ne sceut autre conseil tenir, sinon de se rendre aux victorieux :

*Licinie se rend à Constantin.*

voire luy, qui vn peu parauant estoit esleué en telle fierté & arrogance qu'il n'halenoit, ny ne proiettoit autre chose en son estomach que menasses, mettant tous ses efforts à assubiectionner toutes choses à sa puissance. Mais l'Empereur vsant de sa bonté accoustumee, le receut humainement à composition, & luy donna la vie sauue, l'enuoyant sous seure garde à la ville de Tessalonne. Où toutefois ne se desista de ses façons de faire accoustumees, regardant à tous les moyes qu'il pouuoit excogiter, comme il pourroit sous main & à la desrobée executer & venir au dessus de ses entreprinsees & occultes trahisons : de maniere qu'ayant mandé venir grand nombre de Barbares à ses cousts & despens, pour tacher à remettre sus son armee, & à se recompenser de ses pertes qu'il auoit receuës en ceste bataille, & ayant esté apprehendé & cõuaincu d'entreprinsees nouuelles, eust la teste trenchée par le commandement de l'Empereur, receuant le mesme salaire que tous les Tyrans qui l'auoyent precedé. Car d'autant qu'il n'auoit voulu se recongnoistre pour tous les inconueniens & desastres, auxquels il auoit veu tomber tous ses predecesseurs, & qu'il auoit suiuy le mesme train d'impieté qu'eux, il estoit bien raisonnable aussi qu'il tombast en telles des-honnestes calamitez que ses complices. Ce fait, il ny eut statue ny image qui en son honneur eust esté ou esleuee ou engraeue, qui aussi tost ne fut iettee par terre, arrachée & abolie. Voylà la fin de ce mal-heureux, apres qu'il eut esté vaincu.

*La mort de Licinie.*

*La memoire d'iceluy du tout condamnée & abolie.*

*Licinie fut tant ennemy des lettres, qu'il les disoit estre la poison & la peste publique, y estant si mal instruit qu'il ne sçauoit signer les ordonnances qu'il faisoit. Vne chose estoit louable en luy, qu'il reprimoit merueilleusement l'insolence des chastes & courtisans. Egnat.*

*Des loix & ordonnances de Constantin, & du bien qu'il fit à la  
Republique des Chrestiens.  
Chap. XLVI.*

*Après la descõsiture des Tyrans vne souveraine tranquillité & felicité*



T ainsi apres la ruine de tous ces Tyrans, tant l'Orient que l'Occident furent finalement reduits sous l'Empire & domination de Constantin : lesquelles regions avec toutes leurs prouinces, quelque part qu'elles s'estendissent, eufemble les fins & limites des pays Septentrionaux & Meridionaux, il remplit d'vne asseuree & tranquille paix, toute crainte mise au loing. Au moyen de quoy, de toutes pars se commencerent à faire magnifiques assemblees, à s'entre regarder vn chacun de bon œil, à se souzrire les vns aux autres de meilleure affection & ferueur qu'au passé : toute vieille rancune

cune reiettee, tous lieux & places à reluire de nouvelle lueur : partoutes les villes & bourgades à chanter hymnes & cantiques, en l'honneur premierement de Dieu le createur de toutes choses, & puis en faueur de l'administrateur d'un tel heur & prosperité qui estoit aduenue par tout le monde : à abolir la memoire des meschans ; à mettre en oubly toute impieté & idolatrie : à user & iouyr en toute affluence des biens qui se presentoyent : à auoir plus ample & meilleure esperance des choses futures, tant pour les loix & ordonnances remplies de toute humanité & de tous biens, qui lors librement & en la presence de tous se publioient par tout, que pour les donations qui se faisoient, declaratifues de l'amplitude de la pieté Chrestienne. La multitude desquelles, y a il langue qui la puisse declarer ? De façon que l'Empereur mesme en per-  
*vint aux Chrestiens.*  
*par vraye pieté, toutes prosperitez consistent.*  
toutes leur entreprinse leur succederoyent heureusement & selon leur desir. Mais s'ils faisoient du contraire, qu'ils s'assurassent hardiment de n'attendre autres choses, tant en paix, qu'en temps de guerre, que toute aduersité, tribulation & malheur. Ce qu'il prononça publiquement non par gloire ou iactance qui fust en luy, mais par la congnoissance qu'il auoit & confessoit de la grace de Dieu. Et par ce moyen offrant à Dieu ministre commode & profitable, Dieu aussi soumit & assubiection tout le monde à son Empire, afin que par cela la religion Chrestienne fust par  
*Merueilleuse dilatation du Christisme.*  
tout dilatee, & que ceux qui en l'obseruance d'icelle constamment perseuereroyent, fussent esleuez sur tous, en tout honneur & dignitez. S'estant donc du tout arresté à ce conseil, pour mon-  
strer le comble de bonne affection qu'il nous portoit, il reuqua, quassa & mit à neant tout ce qui dès le commencement auoit esté decreté contre nous par ses deuanciers : r'appella les ban-  
nis & leur rendit à tous leurs biens & possessions, & les dignitez militaires à ceux à qui elles auoyent esté ostées. Il edifia des deniers publicqs, des Eglises beaucoup plus amples que celles qui auoyent esté premierement basties : il donna les immunités & franchises aux gens de l'Eglise : il permit qu'on fit assemblees, & commanda que toutes autres choses qui appartiennent & sont de la bienfaisance de la religion Chrestienne, fussent faites & gardees. Et ainsi apres qu'il eut en ceste façon tout reduict en son ancienne liberté, & rendu à vn chacun ses biens, hōneurs & dignitez, il fit vne loy, que les biens de tous ceux qui par sentence de iuge seroyent condamnez à mort, reuiendroyent aux plus proches parens de l'executé : mais si de fortune il aduenoit qu'il n'eust aucuns parens habiles à succeder, il vouloit que l'Eglise du lieu dont il estoit natif, eust lesdits biens, ou fussent particuliers ou fussent publicqs. Apres donc que ce bon Empereur eut donné ce bon ordre en tout & par tout, & eut le tout legitiment consermé, il donna en-  
*Le bien des condamnés reuenoit à leurs heritiers.*  
core d'abondant, & voulut que les Chrestiens eussent l'administration & gouuernement des magistrats prophanes & non autres. Il defendit aussi & prohiba la celebration des festes des Grecs, les viâtes qu'ils offroyent aux idoles, les ceremonies qu'ils faisoient à leur Dieu Bacchus, tous enchantemens, charmes, sorceries, & inuocations des diables. Plusieurs choses de l'ancienne coustume furent chagees en mieux : Car il feit commandement en Egypte, que le  
*Abolition d'idolatrie.*  
Coulde (qui estoit vne longue mesure ou perche, par laquelle on cognoissoit l'accroissement & inondation du Nil, quand il desbordoit) fust transporté des lieux dediez aux idoles, que les Grecs auoyent en singuliere veneration, en nos saints temples, & qu'il fust là dedie. Le specta-  
*Le coulde ou mesure du Nil. Eli. li. 5. cha. 9.*  
cle qu'on souloit frequenter à Rome des gladiateurs & escrimeurs, qui se combatoyent homme à homme & corps à corps, qu'ils appelloient Duel, & les Grecs Monomachie, fut de ce temps là defendu. La destable coustume, qu'auoyent les Pheniciens, habitans du mont Liban, en la ville d'Heliopole, de prostituer & abandonner à toute paillardise leurs filles premier que les marier, & laquelle estoit entr'eux au parauant receüe pour loy, fut ostee, & du tout abolie. Plusieurs grands temples furent bastis, & ceux qui au parauant auoyent esté edifiez, furent re-  
*La prostitution des ieunes filles en la ville d'Heliopole, ostee & abolie.*  
patez du tronc de l'Eglise, & des deniers aulmoinez en icelle. Quelques autres en furent con-  
struits dès les fondemens. A toutes lesquelles choses l'Empereur y aida du sien, avec vne grande liberalité : les Euesques ayans le soing de l'edifice, & l'Empereur fournissant les cousts & des-  
pens des deniers de son reuenue, par les mains de ses officiers. Les Sauromates & autres nations qui demeurent le long de l'Istre, subiectes à son Empire, lesquelles auoyent surmonté toutes autres nations fors les Romains, qui tousiours leurs ont fait barbe, furent à la fin vaincues par  
*Les Sauromates vaincus par Constantin.*  
le moyen de quelques miracles & aduertissement de quelques visions qu'on veoit la nuit en dormant. Et autant qu'en fait de guerre il a surmonté de peuples, comme s'il eust esté en de-  
bat avec Iesus-Christ touchant sa gloire & honneur, autant de fois il a recompensé la grace la-  
*La domination de Constantin.*  
quelle luy auoit esté par luy conferee, d'une sincere & cordiale affection qu'il auoit à dilater la religion Chrestienne. Car il ny a eu nation ny peuple, qu'il n'ait incité à la suyure elle seule  
& maintenir, en donnant par toutes les prouinces quelque partie de ses domaines & reuenuz  
annuels, & confermant toutes ses donations par arrests & approbations perpetuelles, sans au-  
cune restriction ou reuocation, tant pour luy que pour ses successeurs Empereurs de Rome. Et  
à fin que les gens d'armes par vne continuelle souuenance s'accoustumassent à auoir en tout  
honneur & reuerence Iesus-Christ, il voulut que toutes leurs armes feussent aornees du signe

de la croix. Et bien qu'il eut construit vn temple en son palais imperial, comme il a esté dit par cy deuant, si est ce qu'il en voulut encore auoir vn autre portatif, lequel se peult transporter quelque part qu'il allast, & principalemēt en guerre, afin que si le cas aduenoit qu'il se trouuast en quelque solitude & lieu reculé d'habitation, & qu'il deust faire ses prieres, & participer aux diuins mysteres, il n'eust faute d'Eglise pour ce faire, à laquelle aussi ainsi qu'anciennement au tabernacle des Iuifs, assistoyent incessamment les prestres & diacres, exercans les diuins mysteres selon les ceremonies ordonnées de l'Eglise. Le iour aussi que les Iuifs ont appelé le premier, & que les Grecs ont dédié au Soleil, voulut qu'on le nommast <sup>a</sup> Dimanche, & ordonna par vne loy qu'il fit sur cela, que toutes personnes le festeroyent en cessant de toutes œures. Il ordonna semblablement qu'en celuy qui precede le Samedi, nous vaquassions à prieres & oraisons. L'vn, pour autāt qu'en iceluy nostre sauueur Iesus-Christ ressuscita de mort à vie: l'autre, à cause de la croix en laquelle il auoit esté crucifié, de laquelle il auoit fait experience mainte-fois en plusieurs aduentures où il s'estoit trouué, de beaucoup de bien qui par ce moyen luy estoit aduenü. Pour laquelle cause aussi il l'auoit en souueraine reuerence & honneur: & par ainsi il l'a fait escrire & engrauer par toutes ses monnoyes & images: chose qu'elles tesmoignent par la forme & habit qu'elles nous proposent. Et mesmement fit defense à tous iuges, de ne faire à l'aduenir mourir homme en croix: ce qui estoit le supplice le plus frequenté & visité entre les Romains. Et s'il a esté studieux de l'augmentation & accroissement du seruice diuin, il faut penser qu'il n'a moins acquis de gloire & de louange à faire loix & ordonnances: Car par icelles il reprima toutes illicites & impudiques fornications, que nul deüat luy n'auoit defendues, comme il appert par les loix & constitutions qu'il fit sur cela. Il abrogea pareillement toutes les loix delreiglees qu'auoyent lors les Romains, & entre autres, celles par lesquelles il estoit dit que gens non mariez ne deuoyent point esgalement participer avec ceux qui l'estoyent es biens & heritages qui leur fussent aduenüz par succession: & que nul ne pouoit rien auoir de celuy qui par son testament & derniere volonté luy eust delaisé quelque chose de ses biens, s'il n'estoit son proche parent: d'auantage que ceux qui estans mariez n'auoyent engendré enfans procrez de leur chair, fussent mulctez de la moitié de leurs biens, applicables au fisque Imperial. Et ce de paour que ceux qui auroyent enuie d'embrasser & suyure le celibat, ny fussent destournez de ceste maniere de viure agreable à Dieu, estās en pire cōdition que les mariez. Mais qui plus est, il ordonna que ceux qui voudroyent mener vne vie chastē & continente, fussent au partage quelque chose d'auantage & de preciput que les autres ses coheritiers: & ce à fin que ceux qui ne seroyent point mariez, & mesmement les iouuen-ceaux peussent faire testamēt, contre la coustume laquelle auoit de long temps duré entre les Romains, afin que la ville qui auant ceste constitution auoit esté par seditions & guerres ciuiles, presque toute puysee & desnuee d'habitans, fust rendue plus frequente & populeuse, par les mariages & procreation des enfans. Mais qu'elle reuerence porta ce bon Empereur Constantin à la profession de nostre foy, cela est aussi assez amplement déclaré, par la permissiō qu'il fit à tous clerics, d'estre francs & libres de tout subside, taille & emprunt: & mesme en cela qu'il commanda aux Euesques d'auoir iutisdiction sur les clerics & congioistre de leurs causes, s'ils vouloyent s'exempter de la congnoissance & fuir iugement des iuges ciuils: voulant & ordōnant que tout ce qu'auroyent iugé les Euesques eust vigueur & pleine autorité de sentence. Il voulut aussi que tout ce qui auroit esté decreté par les conciles tant generaux que partiiaux, fust ferme & immuable: & ordonna que ce qui auroit esté iugé par les Euesques, fust executé par les magistrats gouuernās la Republique, & que par la force militaire qui seroit sous leur charge, le tout suyuant la teneur de la sentence d'iceux Euesques. Il conceda pareillement franchise à l'Eglise, par vne loy qui fit sur cela: & que ceux qui seroyent de seruitude mis en liberté & affrāchis sous le tesmoignage des prestres, seroyēt escrits & enroolez au nōbre des citoyēs Romains. Lesquelles toutes choses le tēps mesmel a cōfermé & conduit iusques au iourd'huy, par la loüable coustume qui par l'espace de tant d'annees perseuere encore iusques à present. Et ainsi cest Empereur crea ces loix avec vne singuliere affection qu'il auoit à la religion Chrestienne: mais par effect & deuote execution augmenta soigneusement l'honneur & seruice de Dieu. Aussi que la religion estoit lors d'elle mesme en grande force & vigueur, par les vertueux actes de ceux qui la maintenoient & auoyent en reuerence. Car apres que la persecution des Tyrans fut assopie, il se trouua vn grand nombre de bons Confesseurs, par l'exemple desquels plusieurs furent lors incitez à mener sainte vie, & à estre à leur grand gloire & honneur gens de bien & apostoliques: illustrans grandement la foy, tant par leurs bonnes & saintes œures, que par leurs saines doctrines, desquels sera parlé en son lieu.

*La croix engrauée en la monnoye de Constantin.*

*Le supplice de la croix aboly.*

*Toute pail-lardise & impudicité prohibee.*

*Celibat honoré.*

*Loix anciennes de la fa-çon de con-stracter mariages.*

*Immunité Ecclesiastique.*

*Iurisdiction Ecclesiastique.*

*Ordonnances synodales.*

*La liberté de l'Eglise en la loy. I. & 2. C. de his que in eccl. manū. Confesseurs Chrestiens.*

<sup>a</sup> Dimanche) Je ne veux obmettre que les noms de ces iours furent changez par l'empereur Constantin, comme maintenant les usurpent les Chrestiens: selon la mention de Nicéphore, en la louange d'iceluy, qu'il a faite & composée en Grec. Angel. Politian. Miscel. chap. 8.

*Comme Constantin gagna la ville de Bizance, & de la deffaiſte qu'il feit de ceux de la ville.*

CHAP. XLVII.



Après que les affaires & de la guerre & de la religion se furent ainſi bien & heureuſement portez, & que les contrees tant d'Orient, que d'Occident, furent toutes reduites ſous la puiſſance de Constantin, & qu'il fut fait ſeul Empereur des Romains, le Chriſtianisme commença à ſe dilater iournellement de plus en plus, & fut rendue vne bonne paix par tout l'Empire des Romains. Mais ſur ces entrefaiſtes aduint de mal-

*La mort de creſpin, fils ainſé de conſtantin*

heur, que Creſpin ſon fils ainſé, deceda de ce monde en l'autre. Ce fait, apres qu'il eut deſigné Ceſars ſes autres enfans, & enuoyé à Rome le plus aagé de ſes enfans, nommé Conſtatin, pour illec eſtre ſon lieutenant, ſ'en alla avec la puiſſance qui luy reſtoit, contre les Bizançois. Or faut il noter, que du temps de Manasses, Roy des Iuiſs, il y auoit vn certain nommé Bizar, Grec de nation, qui edifia vne petite ville, laquelle il nomma de ſon nom, & qui fut anciennement habitee par quelques Barbares, vſans en celieu en toute liberté de leurs loix, eſtans gens agreſtes, mal courtois & inciuiſis, qui à plate couſture reſuferent de ſe ſouſmettre à l'Empire des Romains. Parquoy auſſi toſt que la guerre que Coſtatin auoit en Bithynie contre Licinie, eut prins fin, il ſ'en partit de Nicomedie, pour leur aller donner l'aſſault. Ainſi ces Bizançois ne ſe voulans aucunement renger ſous l'obeiſſance d'iceluy, & luy eſtre tributaires, & par vne extreme pertinacité, tachans à reietter de deſſus eux & ſecoüer le ioug de la ſeruitude Romaine, ne peurent à la fin tant faire, qu'ils ne furent contraiuſts ou de ſ'y ranger, ou bien de mettre les armes en ieu, & ſe defendre. Et ainſi eſtant d'une part & d'autre donné iour de bataille, de la premiere rencontre, Constantin eut du pis, tellement que de ſon armee furent deſſaiſts iuſques à ſix mille hommes, & apres encore trois mille en vn autre iournee. Pour l'euenement & heureux ſucces de laquelle fortune, les Bizançois furent grandement eſleuez, & regardoyent tous les moyens comme ils defferoyent tout le reſte de l'armee des Romains : car lors le cap de l'Empereur eſtoit mal fourny de gens de guerre, pource que eſtans venues nouuelles que les Perſans auoyent en campagne groſſe & forte armee, & faiſoyent mille courſes ſur le pays ſubieſt à l'Empire, ils auoyent quaſi tous eſté enuoyez (fors quelque petit nôbre) en garniſon au bruit de la venue de l'ennemy, pour la deſenſe de la domination Romaine. Comme donc il fuſt ſur la veſpree, l'Empereur ne ſachant qu'il deuoit faire, ne quel conſeil prendre, ne ſceut autre contenace tenir, ſinon qu'en ceſte perplexité auoir recours à Dieu, & eſleuer continuellement les yeulx au ciel. Et eſtant ainſi en ceſte agonie, veit comme il auoit fait à Romme, quand il auoit guerre contre Maxence, vne eſcriture au ciel, figuree d'un rang & cõpartiment d'eſtoilles fort reſplendiſſantes, où eſtoit eſcrit ce qui ſ'enſuit : inuoque moy au iour de ta tribulation, & ie te deliureray, & me glorifieras. Et comme il fuſt faiſi d'un grand eſpouuement, effroy & admiration, il eſleua encore de rechef les yeux au ciel, où il vechoit comme auparauant vne croix figuree d'eſtoilles, avec vne inſcription tout à l'entour, qui portoit ces mots : En ce ſigne icy, tu vaincras tous tes ennemis. Et tout incontinent redut en memoire tout ce qui luy eſtoit aduenu au parauant : Parquoy le iour ſubſequent ne fut pluſtoſt venu, qu'il commanda ſonner trompettes, fifres, & tabourins pour aſſembler ſes gens : & les ayât rangez en bonne ordonnance de guerre, dõna encore vn aſſault aux Bizançois. Et pource qu'en ce conſict dernier il commanda le ſigne de la croix eſtre porté deuant ſon armee, il vainquit auſſi ſes aduerſaires vaillamment, & emporta la ville par meſme moyen. Et ce fait il feit planter le trophee & ſigne de ſa victoire au lieu-meſme où eſt de preſent haultement eſleuee la colõgne, faiſte de pierre de porphyre.

*La ville de Bizance, de libre condition, au parauant nommee Lygos. Plin. li. 4. chap. 11. Guerre de conſtantin contre les Byzançois.*

*conſtantin voit enco- re un coup le ſigne de la croix au ciel.*

*victoire de conſtantin*

*Comment treſmagnifiquement il edifia la ville de conſtantinople, la nommant de ſon nom.*

CHAP. XLVIII.



Pres donc que ce grand Empire eut atteint le comble de ſa hauteur & ſublimité, Constantin ſe delibera de construire vne autre ville qui egalast tant en grandeur qu'en honneur, celle de Rome, & de luy faire porter ſon nó. Il y auoit lors pres d'Helleſpont vne grand' pleineau deſſous d'Ilion, où Ajax auoit iadis eſté inhumé, & où lon dit que les Grecs, faiſans la guerre aux Troyens, auoyent leur ſtation & centinelle de mer :

*Fondation de la ville de conſtantinople par l'Empereur conſtatin.*

ayant ia en ſon eſprit la forme deſcrite de la ville qu'il vouloit edifier, ne regardoit qu'aux endroiſts les plus commodés, où il pourroit mettre & poſer les portes. Et comme il proieſtoit cela en ſon entendement, aduint que Dieu luy apparut vne nuit en ſon ſommeil, l'aduertiſſant par oracle, d'edifier l'œuvre qu'il auoit entrepris, viz à viz & à l'oppoſite de Calcedone, à l'entour de Byzance. Ice-luy voulant obeir aux diuins commandemens, faiſant proieſt du tour que pourroit contenir ſa ville, ſ'empara du dict lieu, & pour executer ſon deſſein feit couper & arracher tout :

B

*Louange de  
la metropo-  
litaine vil-  
le Con-  
stantinople,  
à cause de  
sa vraye &  
sincere reli-  
gion: Mais  
au grand re-  
gret & per-  
te de la  
Chrestienne,  
elle a esté  
prise des  
Turcs, l'an-  
1453. & p-  
due pour  
nom.*

le bois d'al'entour, & monstra sa douceur & grace accoustumee enuers les habitans du pays: de façon que, receuant grande delectation à cause de la region, & de la temperature de l'air & de l'assiette du lieu, bien proportionné pour vn bastiment de ville, l'enceint de grosses & fortes murailles, & de son nom l'a nommé Constantinople. Il y edifia aussi vn magnifique & somptueux palais pour sa demeure, sur le bort de la mer, lequel il decora & enrichit de toutes les somptuositez, parures & ornemens de tout l'Orient, qu'il y feit apporter. Pres lequel il feit aussi faire, ainsi qu'à Rome, vn Tournoy, qui estoit vn lieu entouré de murs, pour picquer les cheuaux & exercer les lucteurs à la lice, ensemble deux galleries de brique pour se pourmener, & plusieurs autres edifices & excellens manoirs qu'il edifia de tous costez, d'une fort liberale volonté & largesse, sans y rien espargner. Il feit quant & quant faire des bains & lieux propres à se lauer, & des fontaines qu'il feit venir en la ville, de plusieurs endroits, lesquelles gettoient des eaux fort claires & en grand'abondance. Et voyant que ceux qui estoient natifs du pays ne pouuoient satisfaire à vne telle grandeur & amplitude de ville, à fin que plustost elle fust habitee & peuplee de manans, il y feit bastir à ses frais en diuers endroits plusieurs grands logis, pour le manoir des plus celebres & opulens, que tant de l'ancienne Rome, que de toutes autres nations, il auoit illec attiré & fait venir pour y demeurer. Il assigna aussi pareillement rentes & reuenus aux bourgeois & citoyens de la ville, tant pour l'entretienement des bastimens & clostures, que pour leur viure, à fin qu'elle abondast & s'augmentast en toute sorte de richesses, & affluence de tous biens. Il edifia semblablement vne aimple Cour pour le Senat, & feit appeller la ville, la nouuelle Rome, & ville Imperiale, esgalant l'autre en toutes choses entierelement. Et au vray dire, elle en eust dès son commencement de grands indices & approbations, tant à cause de la pieté, deuotion & insigne amour enuers Dieu de son premier fondateur, que pour la religion des habitans d'icelle & singuliere inclination à toute benignité, courtoisie & cômiseration. En elle estoit telle force & vertu de persuation & attrait à la foy de Iesus-Christ, qu'elle attiroit quasi tous, tant Iuifs que Grecs, à embrasser l'institution de la vie Chrestienne. Et dès qu'elle eut vne fois cômencé à recevoir & reuerer la vraye pieté, elle n'a iamais depuis experimenté ny frequenter les autels, sacrifices, & seruices des idoles, fors que sous l'Empire de Iulien l'Apostat: laquelle tache neantmoins s'estant quelque peu espandue, incontinent restraincte & empêche d'oultre-passer, s'escoula & ny apparut aussi tost.

*de la temperature de l'air] Cela est d'abondant adiouste à la magnificence de ce lieu, que la mer rend Constantinople plus belle pour son assiette: car coulant largement le long d'elle, & s'estendant en une grand mer, elle luy donne vn merueilleux lustre, & fait ses ports tranquilles pour les nauires qui y abordent: Car du costé que la ville regarde l'Orient, les mers Egee & Euxine sy assemblent, par la mutuelle collision & choc des flots & vagues desquelles mers, grande commodité & plaisir luy vint de toutes pars. Procop.*

*Des autres œuures, temples, structures & edifices qu'il bastit dedans la ville.*

CHAP. XLIX.

*Les orne-  
mens & de-  
corations de  
la ville de  
Constanti-  
nople.*



*La statue  
de Constā-  
tin.*

Entre les autres embellissures & decorations, desquelles Constantin illustra sa nouuelle ville, ce fut des medailles, pourtraicts, images & statues, lesquelles il feit transporter en ce lieu, de tous les temples des Grecs, qu'il feit raser, à fin d'abolir du tout la memoire de leur erreur. Et pour le comble de sa magnificence, il feit le tout faire de fort belles & reluisantes pierres: de sorte qu'il ny auoit rien tant es cymes des maisons, galleries, colonnes & en toutes autres choses, qui ne fust digne de spectacle & admiration. Et si d'auantage plusieurs œuures qui par artifice humain approchoient du naturel, furent par luy en ce lieu enuoyees, pour seruir de patron en tout ce qui là se faisoit. Mesme il y eut plusieurs villes, lesquelles pour luy gratifier, apres auoir changé de religion, & rué ius & spolié les temples de leurs dieux, luy en enuoyerent les simulachres iusques à Constantinople. Il erigea pareillement en la grand' place, qui iusques au iourd'huy en retient le nom, & est appelée La place de Constantin, ceste grande colonne de pierre de Porphyre, de laquelle auons touché cy dessus, qu'il feit apporter de Rome, sur laquelle il feit mettre sa statue & representation, faite d'airin, tenant en sa main dextre vne grosse pomme d'or, sur laquelle estoit fichée le venerable signe de la croix, avec telle inscription: O verbe de Dieu Iesus-Christ, ie te recommande ceste ville. Le soubassement de ceste colonne, estoit fort bien fondé de toutes pars, sur quatre solides & fermes cambrures ou degrez, sous lesquels l'Empereur de ses propres mains mit & cachetta de son signet les douze coffins, & sept corbeilles, avec le reste des sept pains, lesquels Iesus-Christ benest & en rassasia la multitude qui le suyuoit: ensemble la doloire de laquelle Noé fabriqua l'arche. Qui est iusques à present en icelle ville vn thesor qui n'a encore esté touché ne violé d'homme viuant. Il feit aussi vn pont de pierre sur la riuere d'Ister, dicté autrement le Danubé, pour aller contré les Scythes,



les Scythes, qui au dela de ce fleuve faisoient leur demeurance, lesquels il subiuga & reduit sous son Empire. Auquel temps luy apparut encores vne autre fois au ciel la salutaire armure de la croix, par le moyen de laquelle il eut encores de rechef, comme auparauant, le dessus de ses ennemis. Mais quel besoin est il de reciter par le menu & de denombre les temples qu'il a bastis? Premièrement (comme il vous a esté dict cy dessus) luy mesme de ses propres mains fit le proiection du plant de celuy qu'il bastit à Rome, en son palais de Latran: lequel palais il fit aussi magnifiquement & somptueusement bastir à ses despens, & puis le dedia à Iesus Christ. En la ville de Nicomedie, au plus beau & eminent lieu d'icelle, nommé La place Brachie, fit aussi edifier vne fort belle & magnifique Eglise en l'honneur des vingt mille martyrs, qui pour la foy y ont souffert martyre. Autant en fit il à Antioche, laquelle il nomma le temple Kyriaque, c'est à dire du Seigneur, & le fit en forme octogone. Il en erigea vn autre à Drepane, qui est le lieu de sa naissance, en l'honneur de Saint Lucien martyr: laquelle ville pour l'honneur de sa mere, fut depuis appelée Helenopole. Il bastit aussi à Constantinople trois autres excellens & magnifiques temples, qu'il dedia à son Sauueur Iesus Christ: le premier, de sainte Sophie ou Sapience: le second, de sainte Paix: & le tiers, de sainte Vertu. Il fit semblablement aux Apostres, Saint Pierre & Saint Paul, le leur. Lesquels tous ont par apres esté magnifiquement illustrez & ornez par les autres Empereurs qui luy ont succédé. Il en edifia encore d'autres fort excellens en l'honneur des Saints Martyrs Mocie, Acacie, Agathonique & Menas.

Constantin voit au ciel pour la troisieme fois, le signe de la croix.

Le palais de Latran à Rome.

Drepane ville, dite autrement Helenopole.


Les trois somptueuses Eglises de Constantinople.

a pomme d'or] Il y a des auteurs qui pensent que pour ceste pomme d'or, la ville de Constantinople soit appelée des Turcs, Pomme d'or.

b douze coffins &c.] En S. Iean. 6. & S. Marc. 6. & S. Matth. 14. & Luc. 9. il n'est fait mention que de douze coffins, & ny arien des sept corbeilles, & n'est parle que de cinq pains & deux poissons.

Des bastimens qu'il fit sur le passage de la mer, avec l'histoire du lieu, nommé Sosthenium.

Chap. L.



Vltre les susdites Eglises, il en fit faire encore deux autres sur le passage d'une part & d'autre de la mer, à sçauoir, l'une du costé de la ville, & l'autre sur l'autre bord de la mer, en vn lieu nommé Sosthenium, en l'honneur de l'Archange Saint Michel: pour lesquelles triomphamment parer, rien n'y manqua de la magnificence Imperiale. Or ne sera il fascheux au lecteur de ceste presente histoire, si ie insere en icelle la cause de ces structures & bastimens, & d'où ce nom Sosthenium a esté imposé à ce lieu. Il est recité par les histoires, que quand les nautonniers Grecs, nommez Argonautes, allans en Colchos, furent arriuez en ce lieu, se mirent à pil-

Sosthenium est vn lieu viç de Constantinople, siue sur le passage.

ler & raur celle contree, & qu'estans mis en fuite par Amyce, qui pour lors seigneurioit ce pais, s'enfuirent tous desperdus çà & là parmy les champs, sans tenir ordre ne demy, & à la fin s'estans assemblez, se vindrent ranger en vn lieu bocageux & inhabité, pour l'espaisseur des arbres & buissons qui là estoient en grand nombre: & estans là cachez, il leur vint du ciel vne vertu diuine, en forme d'homme, ayant en ses deux espaulles des ailles à la façon d'un aigle, qui par oracle & vision leur denonça qu'il prissent cœur, & qu'ils emporteroient la victoire sur Amyce. Et ainsi suyans cest aduertissement celeste, se mirent en bataille pour aller trouuer leur ennemy: & se comporterent si bien & vertueusement, qu'à la fin la victoire leur en demeura, & desferent Amyce, avec tous ses gens. Mais à fin qu'ils ne se montraissent ingrats enuers ceste vertu, qui s'estoit à eux apparue, ils edifierent en l'honneur d'icelle vn temple en ce lieu, avec son image, qu'ils y posèrent & dresferent en la mesme forme qu'ils l'auoyent veüe, quand elle se monstra à eux, & nommerent la region, Sosthenium, à cause qu'ayans là reprins courage, furent deliurez de leur ennemy. Donc comme vn iour entre autres, ce tres-commandable prince Constantin, pour quelque affaire necessaire qu'il auoit en ce lieu, passoit par l'oree de ceste mer, accompagné de ses plus familiers amis, & qu'il eut entendu le discours de ceste histoire, esprits d'un grand estonnement, ne peüt assez admirer la region. Et s'estant là arresté pour se refreschir, coucha celle nuitée en ce lieu: où en dormant, veit en son sommeil la mesme vision qui a esté descrite cy dessus, & la forme de la statue, qui luy dit: Je suis (dit-elle) Michel, l'Archange du Seigneur des armées & vertus, défenseur de la foy Chrestienne, qui à toy son fidele & vray ministre ay ministré les armes secourables, desquelles tu as vaincu en camp de bataille les impitoyables Tyrans. Apres donc qu'il fut esueillé de son sommeil, fit fort elegam-

L'archange S. Michel s'apparoist aux Argonautes.

S. Michel s'apparoist aussi à Constantin.

B ij

*Apparitions  
de s. michel  
l'archange.*

*Sothenium  
est aussi ap-  
pellé Mi-  
chaelium.*

*Probatien  
medecin de  
l'Empereur  
est devenu  
podagre, reçoit  
en ce lieu  
guérison.*

*Vertu du  
signe de la  
croix.*

*Les Anges  
& saints  
prisent pour  
nous.*

*Retour des  
Argonautes  
en Grece.*

*Les années  
que cōprēd  
ce septies-  
me liure.*

*Cōbien d'ā-  
nées regna  
Constantin  
le grand.*

ment parer & annoblir toute celle region, & vers Orient il y feit construire vn autel Imperial, d'une grande liberalité & magnifique main, rendant ce temple fort celebre, tant aux habitans du pays, qu'aux estrangers qui illec affluoyent de toutes pars. Car aussi singulierement icelle Eglise estoit illustree & renommee, à cause des frequētes apparitions de l'Archange. Tellement que nul ne se trouua par tout ce pays là surprins d'inconuenient quelconque, tant grief qu'il peust estre, ou de danger, qu'on ne peut fuir, ou de douleur incongneue, ou finalement de maladie incurable, qui en ce lieu en priant Dieu deuotement, n'ait trouuē facile secours & allegeance de tous ses maux. Et de fait, n'y a celuy qui doute, que l'Archange saint Michel n'apparoisse là constumierement, & ne preserue ce lieu de tout desastre & meladuanture: à raison dequoy il est aussi des anciens appellé *Michaelium*. Pour l'approbatio dequoy, ie vous reciteray vn exemple de ce qui aduint anciennement en ce lieu, à vn medecin nommé Probatien, qui suyuoit le camp de l'Empereur. Aduint que cestuy fut surprins d'une fort griesue & fascheuse maladie, qui luy tomba sur les pieds, de laquelle fut long tēps tourmenté es ioinctures & ligatures des nerfs: A la fin, ayant fait sa deuotion en ce temple, fut de toute sa douleur par diuine reuelation deliuré. Or faut il noter, qu'ayant esté dès son enfance nourry & esleué en la superstition des Grecs, Dieu l'appella à la fin à la religion Chrestienne, n'ayant ce neantmoins en elle totale foy: mais disoit qu'en icelle il y auoit maintes choses, qui estoient aucunement croyables & probables: les autres, non: ne voulant ce pendant nullement admettre, que la sainte croix eust esté cause du salut humain. Et comme il perseueraست assez dangereusement en ceste opinion, aduint que l'Archange s'apparut à luy, & luy presenta en vision le signe de la croix, lequel estoit posé deuant le saint Autel de son Eglise: luy faisant entendre, & remonstrant par paroles elegantes & disertes, que depuis le temps que Iesus Christ auoit esté crucifié, il n'y auoit chose en ce monde, qui peust aider & subuenir au genre humain, tant en priué qu'en public: ny Ange, ny autre Saint, qui peust obtenir la fin & effect des volonteés humaines, sinon par la vertu de ce sacré & venerable bois, comme estant le tesmoignage du vray amour de Dieu enuers les hommes. Par laquelle persuasion, ce medecin changea d'opinion, & reprint son bon entendement. Soit iusques icy traité de luy. Ce riuage duquel nous parlons, est à la main dextre en venāt par mer de l'ont à Constantinople, distant d'elle enuiron de trentē cinq stades: mais la mer qui est au milieu, en tournoyant, en est eslongnee de septante pieds. Le temple semblablement de l'Archange, qui est au passage deuant dit, ha vne mesme grace & vertu, que le precedent. Or pour retourner aux Argonautes cy deuant mentionnez, il faut sçauoir, qu'incontinent qu'ils furent paruenus à la mer Euxine, & estans poursuyuis par Æetes, à cause du rauissement qu'ils auoyent fait de la toison d'or, ne retournerent pas en Grece par la mesme nauigation, dont ils auoyent vsé en venāt: mais ayans passé la mer au dessus du pays des Scythes, par les riuieres qui sont en ceste region, feirent tant qu'à la fin ils aborderent es fins & limites d'Italie. Et là passans l'hyuer, edifierent vne ville, qu'ils nommerent *b* Eme. Et l'esté subsequent venu, tant feirent avec l'aide des habitans du pays, qu'avec certains engins, ils tirerent par terre leur nef Argo, par quarante stades de chemin, & la conduirent iusques dans le fleue Acyle, qui tombe dans Eridane, qui pour le present est nommé le Pau: lequel passant par le pays d'Italie, va tomber en la mer. Mais c'est assez dit de ces choses pour le present. Donc, pour reuenir à mon premier propos, Constantin bastit par tout plusieurs autres temples, & feit maints autres œuures, demonstans entierement sa vraye pieté: ayant en singuliere recommandation, que la profession de la religion Chrestienne fust par tout le monde peuplee & dilatee. Chose aussi qu'il congneut par experience luy succeder selon son desir. Aussi la tant desirée paix se monstra tout ce temps là, fort fauorable pour les affaires des Chrestiens, estans en peu d'heure tous scandales & empechèmens tollus, à elle contraires & repugnans. Or est-il maintenant temps de mettre fin à ce septiesme liure de nos histoires, lequel comprend en somme ce qui s'est fait en l'espace de vingt-six ans, desquels sous l'Empire de Diocletian & Maximian Hercule s'en sont passez *d* vingt, & les six autres sous la tyrannie de Gallere Maximin, Maxence, & Licinie. Durant lesquels aussi Constantin le grand, tant es Gaules, n'estant encore salué Auguste, qu'en la ville de Rome, a tenu la souueraineté. Lesquels ans aucuns attribuent au tyran Dioclerian: les autres plustost à Constantin, comme aussi nous faisons Et iceux soubtraits, ceux qui restent sont ces vingt-six ans, esquels apres la defaictē de ces Tyrans, luy seul, & vnique Prince a bien & syncerement administré l'Empire. Et ayant delaisse l'Occident, se retira au palais Imperial qui estoit à Nicomedie: & par apres d'une grande ferueur edifia la ville, qu'il nomma de son nom: qui fut de la creation du monde, l'an cinq mil *e* huit cens vingt & vn: & de la natiuité de Iesus Christ, trois cens & seize.

*a* vn temple en ce lieu] Quant à ces deux temples de saint Michel, Procopie Cesarien en fait mention en ceste sorte, Iustinian (dit il) orna d'une singuliere beauté l'un & l'autre riuage de Constantinople: Car deux temples furent edifiez d'une part & d'autre de la mer. L'un en la region qui est appelée Le passage, du costé de la main dextre, quand on commence à nauiger la mer Euxine. L'autre est situé sur le bord opposite, qui est vn lieu par les anciens nommé le promontoire, à cause (comme ie pense) qu'assez loing du riuage il s'estend & se rend

rend en la mer. Donc l'Empereur Iustinian restaura de rechef des les fondemens ces deux temples d'une structure admirable, qui par la calamité des temps auoyent esté desmolis & ruinez.

b Eme. Et l'esté subsequenceu venu] Plinè au tiers liure de son histoire, chap. 18. dit que la nauire Argo de scendis par une riuere, en la mer Adriatique, pres de Tergeste: mais sur quelle riuere ce fut, on ne sçait bonnement. Ceux qui ont esté plus diligens à faire description de l'histoire, disent que les Argonautes la passerent à force d'espaules par dessus les Alpes. Et de là qu'ils la mirent sur le l'istre, puis sur la Saue, & finalement sur Nauport, dont elle porte encore le nom, qui a sa source entre Aemone, & les Alpes.

c Or est-il maintenant temps] Combien que Constantin ait esté aucunement fort bon Prince & Tres-chrestien, si est-ce qu'aucuns ont escrit de luy, qu'ès dix premieres années qu'il regna, fut appelle Prince tres-excellent en vertu & magnanimité: és douze suivantes, larçon: & és dix dernieres, pupille & mineur, à cause de ses par trop grandes largesses & donations. Egnat.

d vingt, & les six autres] Selon les autres historiens vingt & deux.

e huit cens vingt & vn] Selon les modernes historiographes 4294.

Après la deffaitte de Licinie, Constantin tint seul l'Empire, vingt six ans. Avec Licinie & Maximin (ie delaisse Maxence) enuiron six ans. Auant ces deux cy, Constant chlore, pere de Constantin, & Gallere Maximin, après que Diocletian & Maximian se furent desueus de la pourpre, regnerent quasi quatre ans. ces deux cy par ensemble, six ans. Diocletian seul, quatre ans.

FIN DV SEPTIESME LIVRE DE  
l'Histoire Ecclesiastique de Nicefore.



LIVRE HVCTIESME DE  
l'Histoire Ecclesiastique de Nicefore,  
fils de Calliste, Xanthoupolis.

Repetition de tout ce qui a esté par cy deuant dit, avec la proposition de ce qui se doit  
dire cy apres. chap. 1.



Le meschant & desloyal Licinie estant deffait ainsi que l'auons descrit cy deuant, les gestes du vray apostolique Constantin se sont ainsi comportees, iusques à la parfaite & entiere construction de la ville de Bizance, & qu'elle fut reduite en l'amplitude & grandeur en laquelle elle est de present: Mais pour ce qu'il me semble estre vne chose fort absurde, d'obmettre vne tant noble administration d'Empire, & qui est, par maniere de dire, le fondement & le comble de la vraye religion enuers Dieu, pour le meslange & participation qu'elle a ainsi avec le catalogue & histoire des tres-meschans & tres-desloyaux Tyrans (chose toutesfois qu'il a fallu ainsi poursuyure de necessité) ie ne puis faire, qu'estant d'eux despestré, ie ne la poursuyue, entant que faire se pourra, par vn propre & particulier liure, & fait expressement pour cela: veu mesme qu'elle est si ample, & en toutes choses tant excellente, que rien plus. Parquoy ie tascheray de deduire separément les choses que i'ay par cy deuant declarees confusément, & qui estoient entremeslees avec le temps des Tyrans, au plus bref que ie pourray: à sçauoir, du pere de Constantin, de la naissance & nourriture d'iceluy: comment il est paruenue à l'administration des affaires, & consequemment comment il a obtenu l'Empire de l'ancienne Rome: comment il a veu au ciel le triomphant signe de la victoire, au

Bb iij

L'argument  
& proposi-  
tion de tout  
ce qui est  
traicté en  
ce liure.

moyen duquel il a aussi vaincu les pernicious & execrables Tyrans : comment il a receu à Rome le saint Sacrement de Baptême : ce qu'il a fait pour les Chrestiens & pour leurs Eglises : des belles ordonnances & edicts qu'il a publiez en faueur de nostre religion, & par lesquels il a fait que nos besongnes ont en peu de temps prins grand accroissement : & comment à la fin il a desconfit Licinie : & comme finalement apres avoir prins la ville de Bizance, & d'elle dechassé les voleurs & brigans qui la tenoyent, il la r'edifia, & la nōma de son nom, en toute magnificence la decorant d'un grand nombre de somptueux edifices, tant sacrez, que prophanes, de portiques ou galleries, de saillies & proiects, d'images & statues, de belles & claires fontaines, & maints autres manoirs, tant au dedans, qu'au dehors de la ville, qu'il y feist bastir. Toutes ces choses qui ont esté cy deuant expliquees plus au long estans repetees en peu de mots, nous reciterons tout à plain celles qui s'ensuyuent : à sçavoir, les actes de ce mal-heureux Arrien : les causes du premier œcumenique & vniuersel concile de Nice : le grand nombre des saints personnages qui en ce temps là florissoient : qui furent les nations, & en quelle façon elles receurent la profession de nostre foy : comment l'improbité des Arriens fut reiectee apres le concile : & les choses qui ont esté faites à Antioche, Tyr, Élie, Alexandrie & Constantinople contre Eustathie, & Athanase illustrateur de la vraye pieté Chrestienne. Nous traiterons pareillement les gestes de sainte Helene, mere de Constantin : comme elle alla en Ierusalem, & y trouua la precieuse & venerable croix de nostre Seigneur : comme elle reuera en tout honneur & deuotion les sacrez lieux de nostre redemption : & comme elle finit ses iours. Plusieurs autres choses seront aussi comprinses & inserees en certains endroits : comme l'histoire d'Asturie, de Marcel, des Melitiens & Nouatiens : & comme Arrius creua, apres avoir fait & presente au Concile vn liure, qu'il intitula De la pure & vraye pieté Chrestienne. Apres la deduction de toutes ces choses, nous reciterons la tres-heureuse mort de Cōstantin, & les magnifiques obseques & funerailles dignes d'un tel Prince, qui luy furent faites : ensemble d'un grand nombre de miracles & prodiges qu'il a faits apres son trespas. Nous mettrons donc icy la main à l'œuure, & commencerons par vn tel exorde.

*Recueil de tous ce qu'a fait l'Apostolique Constantin, depuis sa naissance, iusques au commencement de son Empire. Chap. I I.*

*Les parens  
& origine  
de Constantin.*

*Autres disent qu'il fut né de la fille de Crespin, qui fut frere de Claude, & q son pere auoit nom Eutrope. Cōstantin auoit coustume de dire, que les richesses publiques estoient de plusieurs en plus d'estime, que celles qui estoient gardées au sabinet d'un Prince. Eutro.*



Constantin, surnommé Procere, & par aucuns Chlore, ou verdoyant, fut pere de Constantin : cestuy estoit yssu de fort noble race, prenant son origine des Empereurs Romains : car il est certain qu'il fut neveu de Claude, qui a esté Empereur auant Diocletian & Aurelian, du costé de sa fille. Or faut il entendre, qu'apres que les Perses, Sarmates & Parthoys eurent entrepris la guerre contre les Romains, à la suscitation de Varache, Diocletian, qui pour lors tenoit l'Empire, enuoya Constantin en ambassade, pour moyenner la paix avec ces Barbares. Estant donc party des Itales pour prendre la route d'Orient, tant feist qu'il arriua avec belle compagnie au lieu nommé Drepane : Son hoste estant espris de l'excellence de sa suite & cour Royale, à sa demande, luy bailla sa fille ja vigoureuse, & en aage d'estre mariee, pour en faire à son plaisir. Luy pour le salaire de l'amour qu'il portoit à la fille & recompense de son pucelage, il luy feist present d'une longue robe à la regalle, tissue & pourfillee de pourpre Royal, commandant au pere de la fille d'esleuer & cherement nourrir ce qu'elle enfanteroit : assésuré que ce seroit quelque chose de grand & admirable : ce qu'il auoit congneu par vne vision qu'il auoit veüe estant vne fois couché avec ceste fille. Car il luy sembla veoir pres son liect, vers le costé d'Orient, le Soleil donner vne grande lueur, d'où il coniectura cela. Au surplus, apres qu'il se fut bien & deuëment acquité de son ambassade, il reprit le chemin de sa maison, où il demeura sans plus là retourner. Ce pendant, Diocletian sur la quatriesme annee de son Empire, print à compaignon pour le gouuernement d'iceluy, Maximian Hercule. Constantin aussi & Maximin Gallerre, furent illustrez des titres & enseignes des Césars. Desquels l'un, à sçavoir Maximin Gallerre espousa Galleria, fille de Diocletian : & Constantin espousa Theodora fille d'Hercule : ayans l'un & l'autre repudié leurs femmes, pour la singuliere affection qu'ils auoyent de faire alliance avec ces deux Empereurs. A Constantin escheut pour son gouuernement le pays de Bretagne, les Alpes, & la haute prouince de Gaule, regions inaccessibles, & bien peu chargees de tailles. Quelques annees apres, il enuoya des ambassades au pays de Leuant (où il auoit par auant esté enuoyé) personnes de noble race & de grand lieu. Lesquels paruenus qu'ils furent à Drepane, sont aussi receuz à la maison de la mere de Constantin : où l'enfant en ioüant, ayant esté tancé par l'un des ambassadeurs, print cela fort aigrement, & en pleurant, s'en alla le dire à sa mere, se cōplaignant fort & ferme de l'iniure qu'il disoit que ces ambassades luy auoyent faite. Lors la mere leur declara tout ce qui estoit de l'enfant, & comme il estoit yssu de sang Royal : le dire de laquelle aisément confermoit tant le trait de la face de l'enfant, qui totalement & au naturel re-

presentoit celle de Cōstant, que la robbe pourfillee de pourpre qu'elle leur môitra. Leur legatiō, paracheuee au gré & desir de Constant, ils s'en retournent aussi tost en leur pays. Oū arriuez en ces autres choses de leur charge qu'ils recitent à Constant, ce fut ce qu'ils auoyent veu en cest enfant Constantin, luy descriuans estre vn bel & ingenieux enfant, se ressentant des mœurs d'un Roy en tous ses gestes & maintien : & qu'il auoit le trait du visage de mesme luy, & quasi toutes ses complexions. Ce qu'ayant entendu Constant, l'enuoya tout aussi tost querir & sa mere semblablement. Mais craignant que sa femme, picquee de jalousie, ou d'enuie coniugale, ne fist faire mal ou à l'enfant ou à la mere, prouueur (comme raison le vouloit) à Helene : & quelque temps apres il enuoya l'enfant à Nicomedie, à la Cour de Diocletian, tref-affectueusement luy recommandant le Iouuenceau. Oū il demeura au palais Imperial, estant là nourry & instruit en toute vertu & sciences, entre les domestiques de l'Empereur, comme s'il eust esté son propre fils, executant souuent de sa main plusieurs braues & vaillans actes. Et tellement profita que peu à peu (occultement toutefois) il embrassa la religion Chrestienne, detestant les Empereurs qu'il veoit tant addonnez à la vaine superstition des Payens, & prendre plaisir au massacre de tant de martyrs. A la fin, par ie ne sçay quels arts magiques, enchantemens, sorceries & diuinations, estant venu à la congnoissance de Diocletian, que Constantin apres la mort d'iceluy deuoit auoir luy seul la souueraineté & superintendence de l'Empire, & du tout exterminer le seruice des idoles, cōceut vne grand'haine contre luy, & print conseil & aduis de le faire mourir. Ce qu'ayant entendu Constantin, ne fit pas là long sejour, qu'il ne s'en reuint à son pere, lequel il trouua au liēt de la mort & quasi prest à rendre l'ame, & empesché à faire son testament : par lequel il luy laissa son Empire & sa puissance (à luy, di-ie, qui suyuoit la religiō Chrestienne) luy postposant tous ses autres enfans qu'il auoit eu de Theodora. Et pour mieux faire attestation & preuue de la bonne volonté qu'il portoit à Constantin, & que ses freres apres la mort du pere ne luy donnassent aucun trouble en la possession de son Empire, luy-mesme de ses propres mains luy mit sur le chef & imposa la courōne Imperiale es pays de Bretagne, ayant atteint l'age de cinquante-six ans, & demeuré en l'Empire .iij. vingt trois ans. Ce qui succeda fort bien aux Chrestiens, pour estre le seur & tranquille port & refuge de tous ceux qui suyuoient la pieté Chrestienne. Et ainsi Constantin obtint l'Empire de son pere : ce qui fut la deux cens septante-cinquiésme Olympiade, l'an de la creation du monde, cinq mil huit cens & quinze.

*Constantin fut nourry en la Cour de Diocletian.*

*Constantin successeur de Constans.*

*.iij. 19. ans cōme Cesar, & 4. cōme Auguste.*

*la deux cens septante-cinquiésme) Je trouue selon les autres Chroniqueurs, que ce fut la 272. olympiade. Et l'age du monde, 4271. Et de la natiuité de nostre Seigneur, 310.*

*Bibliader met l'an de la creation du monde, 4289. & de nostre Seigneur, 311.*

*Comment Constantin vainquit les Tyrans, & comme il embrassa la religion Chrestienne.*  
*Chap. I I I.*



Onc apres que Diocletian & Maximian eurent administré l'Empire par l'espace de vingt ans, tant pour ce qu'en leur admiration ils auoyent enduré beaucoup de malaises, & receu souuent plusieurs calamitez & dommages, que pour autres certaines causes, de leur propre motif, sans autre contraincte se deuestirent de la puissance Imperiale. Quant aux edits & ordonnances qu'ils firent pendant leur regne, ou contre nous Chrestiens, ou pour nous, & combien eux & leur successeur Maximin ont fait mourir de mille de martyrs, vaillamment combatans pour le nom de Iesus-Christ, il vous a esté vn peu au dessus amplement expliqué. Maxence exerçant la tyrannie à Rome, & Maximin à Nicomedie, cestuy-là en Orient, & cestuy-cy en Occident, tellement s'entr'entendoyent l'un l'autre en tous leurs affaires, que tout leur estat n'estoit que de rauer les biens de leurs subiects, violer les mariages d'autrui, & quasi chacun iour faire innumerables massacres & occisions par gens subornez à ce faire. A l'encōtre desquels Constantin ayant esté excité iusques au pays des Gaulles par plusieurs ambassades enuoyez par les pauvres affligez, fit la guerre & premierement à Rome contre Maxence. Auquel temps cōme il estoit sur le point d'esprouer la fortune de la guerre par vne baraille contre ce Tyran, il se print à inuoker le Dieu de son pere. Ce qu'ayant fait, luy apparut tout soudain au ciel en plein midy le salutare signe de la croix, du costé d'Orient, lequel en resplendeur & clerté surpassoit le Soleil : & tout à l'entour fut veüe vne inscription d'estoilles en façon de croix, representât la forme de certaines lettres Latines, qui contenoient ces mots : Sois victorieux en ce signe. Duquel signe en fit faire incontinct le pourtrait de fin or, en forme d'estendart, lequel il enrichit d'une grande quantité de pierres precieuses : par l'ayde duquel il emporta brauement la victoire sur Maxence, ayant esté submergé & engloury des eaux, sur vn pont de bois qu'il auoit fait, lequel s'enfonça sous luy : & par ce moyen ledict Constantin receut Rome en son obeissance. Ce fait

*Guerre de Constantin contre Maxence.*

*Le signe de la croix luy apparut au ciel.*

il brisa & redigea en cendre les simulachres des Dieux, quelque part qu'ils fussent trouvez, & rasa leurs temples iusques aux fondemens, afin que la memoire en fust perdue. Et pour faire ample preuue de la bone affectiō qu'il portoit à Iesus-Christ nostre Sauueur, fit de sa propre main avec vn hoyau les premiers proiecs & alleignemens du temple, qu'en son palais à Rome il fit edifier en son honneur. Il fit semblablement plusieurs loix & ordonnances, & maintes autres choses d'une singuliere affectiō, en faueur des Chrestiens, lesquelles vn peu au dessus nous auons recitees. A la fin, par diuine permission aduint qu'il tomba en vne fort extreme & dangereuse maladie: de laquelle ayant eu le conseil des medecins, dirent tous qu'il n'y auoit autre remede pour sa santé & guerison, sinō qu'il se beignast au sang tout chaud de quelques petits enfans. Ce qu'ayant entendu cest Empereur, bien aymé de Dieu, eut en grand horreur l'execution dudict aduis des medecins, & s'en deporta, esmeu de pleurs & cris lametables des meres de ces innocens. Ce pendant la nuit subsequente les princes des Apostres s'apparurent à luy, & entre autre aduertissement luy commanderent d'enuoyer querir l'Euesque qui pour lors presidoit sur l'Eglise de Rome, luy declarant que chez luy il y auoit vn lauoir, lequel estoit de telle efficace & vertu, que s'il s'y lauoit il receueroit tout aussi tost guerison de sa maladie. Ainsi le matin ne fust si tost venu, que Constantin manda querir cest Euesque, lequel vint à son mandement, & l'aduertit de tout ce qu'il deuoit faire, & le baptize. Aduint par le vouloir de Dieu, que l'Empereur recoit guerison & sa lepre flotta sur l'eau du saint Baptistere, en forme d'escailles de poisson: non yssantes des yeux seulement, ains de toute la chair de son corps. De façon qu'il se trouue incontinent tout guery, dont il s'esmerueillla si fort que mesme il doubtoit si c'estoit luy qui au parauant auoit esté Constantin. Sur ces entrefaites vn grand nombre des Iuifs s'adresserent à sa mere, lesquels admirent & louent grandemēt le fait de l'Empereur, d'auoir laissé l'adoration des idoles: mais trouuent fort mauuais & blasment qu'il f'estoit fait Chrestien. Ce qu'ayāt entendu, elle enuoye aussi tost lettres à son fils pour cest effect: Mais luy appuyé sur fermes. & seurs fondemens, tant s'en fallut qu'il se deuoyast aucunement pour cela de la foy ia conceue en son cœur, & receue au saint fonds de Baptisme, que mesme il manda querir lesdicts Iuifs, pour avec S. Syluestre, Euesque de Rome, disputer & ensemblēmēt conferer de la foy. De maniere que ce saint personnage gagna tant par la vertu de son eloquence, que par dispute les conuainquit facilement. Puis apres Constantin donne iour de bataille à Maximin, accompaigné du trophée de la croix, lequel il commanda estre porté deuant son armee pour estendart, & presente en la face de son ennemy. Lequel d'autre par fait commandement aux siens de brādir dards & lancer fleches à l'encontre: Mais à la fin il fut vaincu par le merite de ce signe, & toute son armee desfaicte. Apres laquelle victoire, les affaires des Chrestiens prindrent incontinent grand accroissement: au moyen de quoy furent aussi de toutes pars faits feuz de ioye, & enuoyez des vns aux autres dons & presens, festes & solemnitez celebrees pour la paix & tranquillité que Dieu par sa sainte grace auoit cōcedee à son peuple: bref, toutes choses accoustumées d'estre faites en telles renouations, changemens & dispositions de Dieu. En apres, furent edicts & ordonnances publiez, tant par elctit que de viue voix, pour mettre en bon ordre & bien policier les affaires des Chrestiens. Furent quant & quant plusieurs temples bastiz de nouveau, les autres racoustrez & changez en meilleure, plus ample & plus decente forme. Furent faites loix accordantes immunité aux ministres de Dieu, & liberté, avec magnifiques donations aux temples consacrez à Dieu. Autres pareillemēt pour assembler les Synodes & Conciles des fideles, & autres touchant l'vniō des Eglises qui estoient en different. Voylà comme lors toutes ces choses se portoyent. Or Licinie, beau-frere de Constantin, à cause de sa sœur Constance qu'il auoit espousee, & à qui par ce moyen auoit esté laissée l'administration & gouuernement de l'Orient, en Nicomedie, ne pouuant moderément supporter la grandeur de son Empire, machina vne rebellion & reuoltēmēt contre celuy duquel il auoit receu tant de biens, hōneurs & plaisirs, & mit tout son effort à faire mourir occultement les Chrestiens (desquels il scauoit son beau-frere Constantin estre grand amateur) & à en faire passer plu sieurs d'entre eux par l'espreuue de martyre. A la fin, voyant Constantin qu'il ne pouuoit enuers luy aucunement impetrer, ny par remōstrance, ny par suasiō, ny par menaces qu'il luy peut faire, de se deporter de sa meschāte & inique entreprinse & mauuais vouloir, cōtraincte luy fut, de luy liurer la guerre: & luy donna iour de bataille pres Chrysopole, ville de la prouince de Bithynie. \* Oū ayāt esté vaincu, vint en la puissance de Constantin, qui nonobstāt luy donna la vie sauue. Mais ayant esté enuoyé soubz seure garde à Thessalonie, encore ne se peult il contenir d'entreprendre nouuelleitez. En quoy ayāt esté apprehédé, fut executé & eust la teste trēchee, causant à soy-mesme fin de sa vie, & dōnant occasion à tous gens de bien de faire guerre à toute tyrannie & idolatrie.

*Constantin  
est baptizé  
à Rome.*

*Il desfaict  
Maximin.*

*Les Chre-  
stiens font  
feuz de  
ioye, &  
s'entre-  
enuoyent  
des presens  
en signe de  
resioissan-  
ce.*

*Constantin  
en faisant  
mourir Lici-  
nie, se dōna  
garde qu'il  
ne fist le  
mesme que  
Maximian  
Hercule, le  
quel repeta  
l'Empire  
apres qu'il  
l'eut laissé  
& s'en  
voulut de-  
rechef em-  
parer.*

\* Oū ayant esté vaincu ) Constantin vainquit par quatre fois Licinie, son compagnon en l'Empire. Premierement en Hongrie: secondement en Macedonie: tiercement en Tracie: & finalement en Asie: qui estoit l'ennemy mortel des lettres, natif de Dace, de parens qui gardoyēt le bestial, à raison de quoy il fut nommé bergier au gardeur de bestes.

De



*De la construction de la ville de Constantinople, & de ses edifices : & comme les affaires des Chrestiens prospererent : & de la pieté, vertu & ordonnances de saint Constantin.*

*Chap. 1111.*



Constantin apres l'heureux succès de ses affaires contre Licinie, il voulut pourueoir aussi à se bastir vne ville, à laquelle il imposast son nom. Et pour ce faire, il s'adressa premierement aux Bizançois, qui estoient gens fort cruels, inhumains & barbares : & qui pour l'industrie & experience qu'ils se disoyent auoir de longue main au fait des armes, ne s'attribuoyent pas peu d'audace, à la mode Barbaresque. Les ayant donc sommez de luy rendre obeissance, ainsi que toutes autres nations, & n'en voulans rien faire, les assaillit par armes, & tant fit qu'à la fin il les vainquit de droit de guerre : & apres les auoir deffaits, rasé & ietté par terre leur ancienne forteresse, & commandé que toutes les finâces, tailles & reuenus fussent illec de toutes part amenez, il edifia vne grande & magnifique ville, laquelle il nomma de son nom Constantinople : n'omettant rien entierement de tout ce qu'il scauoit faire & appartenir au lustre & embellissement d'icelle. Car premierement il y fit faire de sumptueux, magnifiques & excellens manoirs, pour lesquels habiter, fit venir gens tant de la ville de Rome, que de toutes autres nations. Il y fit faire aussi des belles lices & tournois pour s'exercer à la lance, & picquer cheuaux : ensemble des galleries & pourmenoires, des proiects & suspendues de maisons, des conduicts d'eaux, des fontaines, statues, images & tous autres œures quelconques d'excellent art & exquisite inuention. Lesquels il fit apporter là afin d'enrichir & embellir le lieu. Outre ce, il edifia plusieurs beaux temples, tant en l'honneur de Dieu, que des saints Apostres & martyrs, mesme il dressa vne grande colonne de marbre de porphyre, sur laquelle il colloqua son effigie, laquelle tenoit en la main dextre vne pome, à la façon de la rotondité du monde, & sur icelle estoit fichée la croix. Par ceste marque il demonstroït qu'en la vertu de ce trophée & signe inuincible, il estoit assubiecty toute la terre & la mer. Il edifia semblablement des magnifiques Eglises en celle region, qui est appelée par les habitans Sosthenium, & Au pas : à cause qu'en ce lieu l'archange S. Michel estoit à luy apparu : & y fit maints autres excellents œures, dignes de son diuin esprit & prudence, & de sa maiesté Imperiale, qui en tout se monstroït magnifique. Quant à la ville qu'il nomma de son nom, on dit qu'il commença premierement à la construire pres d'Ilion, qui par les historiens est surnommée Troye, pres le lieu où les Grecs faisoient la guerre aux Troyens, auoyent leur guet & centinelle de mer : mais qu'ayât esté de nuit admonnesté par diuine reuelation, luy fut commandé de la construire au lieu de Bizance, viz à viz de Chalcedone. Et ainsi voulant obeir à l'oracle diuin, enseinait ce lieu de fortes & amples murailles, la faisant au demeurant en toute sorte de lustres, decoremens & principaux honneurs, esgale à celle de Rome, donnant aux habitans d'icelle, d'une magnificence totalement Imperiale, vne Cour & Senat de grands reuenus, cens & rentes, tant en bled, qu'en argent, priuileges & dignitez, en toute sorte & maniere requise à l'amplification & grandeur d'une telle ville. Toutes ces choses ainsi deuement & en ce bon ordre disposees, voulut que ceste ville fut nommée Constantinople, & la nouvelle Rome, commandant qu'en toutes choses elle fust conforme à elle en puissance & autorité, en mœurs & institution, en loix & coustumes. Et si d'auantage il voulut qu'elle fut declarée & tenue pour la ville Imperiale, de tous peuples qui se reconnoissoient subiects à l'Empire Romain : tant du costé de Septentrion, que de Midy, & d'Orient & de tous ceux qui habitent la mer qui est entre deux, depuis les villes qui sont l'istre & de celui d'Epidae (dire à present Dyrrhache) jusque sur le golfe de la mer Ionie, jusques à la ville de Cyrene, qui est en Lybie, & par tout le climat Septentrional & region Arctoe. Ceste ville comme disent les historiographes, fut commencée à bastir, l'an de la creation du monde cinq mil huit cents vingt-cinq, & de son Empire le dixiesme : & apres qu'elle fut du tout paracheuée l'an vingt-huit de son Empire, qui escheut l'an de la creation du monde cinq mil huit cents quarante-trois, ou comme tiennent aucuns trente-huit. Les mesmes historiens disent aussi que l'Empereur en personne print la mesure de l'entour & circuit d'icelle, & la tournoya à pied avec vne mesure qu'il tenoit en sa main : & comme il sembla à ceux qui l'accompaignoyent qu'il excendoit la circonference d'icelle, l'un d'entre eux luy vint à dire : Jusques où finalement voulez vous, Sire, que ceste ville s'estende ? Auquel respondit discrettement : Jusques à l'endroit que nostre guide s'arrestera. Par où il estoit assez euident que quelque vertu celeste le conduisoit en ce fait & l'aduertissoit de tout ce qu'il deuoit faire. Ayant donc fondé ceste ville en la grandeur & magnificence cy dessus descrite, l'appella encore outre le precedent nom, l'Alme Rome, qui vault autant à dire, comme excellente en gloire. Et ainsi ce bon Empereur, qui faisoit toutes choses pour l'aduancement de la pieté Chrestienne, non à Bizance simplement, mais de tous

*La ville de Constantinople se construit & s'orne.*

*La statue de Constantin.*

*Apparition de S. Michel.*

*La nouvelle Rome, & ville Imperiale.*

*Les limites de l'Orient & de l'empire de Constantinople. Le temps que la ville de Constantinople fut edificiee.*

*L'heureux augure de la construction de Constantinople. L'Alme Rome.*

# LIVRE VIII. DE L'HIST. ECCLESIASTIQUE

costez aussi edifia des temples de grande beauté & excellence: ce qu'il fit singulierement és sieges metropolitains, comme à Nicomedie, qui est la principale ville de la prouince de Bithynie, à Antioche située sur le fleuve Orontes, en l'ancienne Rome, & en Ierusalem. Desquelles choses & autres qu'il a faites en ce lieu, nous parlerons cy apres. Ainsi comme toutes choses luy succedassent à souhait, il y eut plusieurs années fort grande paix & tranquillité en tout l'Empire, mesme enuers les nations estrangeres, tant prochaines que loingtaines, appaisées ou par droit & de guerre, ou par alliance & traité de paix. Ce qui fut aussi cause que la profession de la foy Chrestienne fut en peu de temps dilatee par tout: tellement que plusieurs cruelles & barbares nations, delaissant leur faulxe religion, embrasserent la nostre: & par toutes les l'Eglises vne merueilleuse façon de viure commença a esclaircir, & s'espandre non seulement parmy le commun populaire, mais és montaignes semblablement & lieux solitaires & deserts, ou plusieurs se retiroient pour mener vie solitaire, & ce à cause que c'estoit sur le commencement que les moines pulluloient, & que les martyrs & bons confesseurs estoient encore en leur vigueur & integrité, & que les prestres ayans les dons des Apostres, faisoient miracles & cheminoyent en toute simplicité de vie. En la conuersation desquels on pouuoit veoir lors en terre vne vie totalement celeste: de sorte que la religion prenoit sans cesse en toutes choses vn merueilleux accroissement. A quoy aussi Constantin de toute son affection rendit la main & estoit soigneux & ententif à la confermer & l'asseurer enuers tous, & à l'augméter & maintenir de plus en plus en sa grandeur: tellement que par luy, moyennant l'ayde de Dieu, le Christianisme estoit en grande paix & tranquillité. Et pour le faire bref, il est impossible de dire combien nos affaires estoient lors en toute ioye & liesse florissantes: & les aduersaires au contraires, viuoyent en grande amertume, seruitude, destresse, dueil & langueur.

*Le Christianisme par tout le monde florissant.*

*Du debat & controuerse d'entre Arrius & Alexandre: & de l'heresie Melicee (dit autrement Meletie) & d'où, & comment, & pour quelles causes aduint ce debat.*  
Chap. V.

*Les heretiques par leur importunité ont tousiours trouble le tranquille & florissant estat Ecclesiastique.*



Ostre religion estant en ce grand honneur & gloire, & florissant en la sorte qu'auons descrit cy dessus, il ne tarda guere qu'une si grande paix & repos ne fussent troublez par vne guerre intestine. Car quelques controuerses friuoles & cõtenticieuses disputes s'esleuerēt entre aucuns malings esprits, sous le pretexte & couleur de la vraye pieté, & plus ample & plus parfaite cõgnoissance de Dieu, t'amenās plusieurs choses en doute, desquelles il n'auoit iamais esté fait mention au parauāt, & par ce moyen ils esmeurent par toutes les Eglises vn merueilleux trouble & scandale. Car la peste de nostre gère humain, & iurē ennemy de la religion Chrestienne, voyāt la nauire ecclesiastique estre si paisiblement portee de vêts, tant propices & fauorables, & estre gouuernee du Dieu de cest vniuers, avec vne telle modestie & tranquillité ne peut long temps souffrir cela, & luy porta telle enuye qu'il ne cessa iamais de luy procurer sa submergion & naufrage, estāt faché de luy veoir tenir vn cours si seur, sans vagues ne tempestes de faulxe doctrine. Car incontinent qu'il veid les abus & impostures de la superstition des Grecs estre ruees ius, & ses lacqs frauduleux descouuers & tirez en euidence, estre manifestement reprins & couaincuz: & la creature n'estre plus adoree ainsi qu'au parauant: ains le createur d'icelle estre seul (comme Dieu) loué & adoré, entreprend de rechef ouuertement faire la guerre à Dieu, par vne ruzé que fort clandestinement & malicieusement il inuēta. Car ayāt trouuē gens à la poste, faisans bien certes profession de la foy Chrestienne, mais au reste agitez comme de quelques furies & tourmens d'esprit, & menez d'une certaine arrogance & friuole ambition de vaine gloire & cupidité de dominer, & desquels il se seruoit ainsi que d'instruments de son inuention & fraude, par ie ne sçay quel subtil moyen s'efforça de reduire la Chrestienté en la premiere fouruoyance & sedition de verité: à sçauoir à ce que Dieu le createur de toutes choses estāt esgalé & rangé au nōbre des creatures, la creature fut encore de rechef adoree cōme au parauant: & que l'honneur & seruice qu'on doit à Dieu, fust semblable à l'adoration de ladicte creature. Mais en repetant la chose de plus loing, ie declareray (entant qu'il me sera possible) d'où, ou cōment, & par quel ceste yuroye a esté semée au chāp de la Chrestienté. Il fault donc entendre premierement, que (ainsi qu'auons dit par cy deuant) Pierre excellent defenseur de la vraye pieté & religion, eut le gouuernement apres Theon, de l'Eglise d'Alexandrie, cité capitale & premiere de toutes celles d'Egypte, Thebaïde & de Libye, & la plus ample & populeuse qui soit entre les autres. Cestuy-cy ayant vaillamment paracheuē la course du sacré combat sous les meschans Tyrans, eut peu de temps apres Achilles pour successeur. Au lieu duquel par apres au gouuernement & conduction d'icelle Eglise, succeda Alexandre, braue & vaillant defenseur de la doctrine Apostolique: qui en icelle tranquillité &

*Le diable aueur & propagateur de toute idolatrie & superstition.*

*Les Euesques d'Alexandrie.*

paix devant dite, par ses diuines institutions & enseignemens, reconfortoit tous les iours d'une  
 ioye inestimable l'Eglise de Dieu. En ce mesme temps, il y auoit vn nommé Arrius, homme fort  
 & de professiō Ecclesiastique ou clericature, mais qui ia dès son commencement auoit par  
 sa doctrine assez déclaré l'affection & volonté qu'il auoit: Car en premier lieu il estoit adherant  
 & complice de Melitie, qui ia faisoit de grandes menées & factiōs. Mais à la fin abandonnant  
 le party d'iceluy, s'en vint puis apres rendre au saint personnage Pierre, duquel auons touché  
 cy dessus: & fut par luy ordonné Diacre, & quelque temps apres dechassé de l'Eglise: pource  
 que Pierre excommunia tant Melitie que ses adherans, ne voulant nullemēt permettre qu'il ad-  
 ministrast le sacrement de baptesme. Et ce, pour beaucoup de raisons, & entre autres, à cause  
 qu'ayāt refusé la lice du martyre, il abiura le seruice de Dieu, de crainte d'endurer le supplice  
 de mort pour Iesus-Christ: & ayma mieux, pour sauuer sa vie, sacrifier aux diables. Au moyen  
 dequoy iceluy Melitie fut debouté du ranc des fideles de Dieu, forclus & degradé de leur com-  
 pagnie, non pour autre occasion qui peust estre probable ou defensible que celle-la. Ce qui l'a-  
 nima grandement, disant par tout qu'on luy auoit fait vn grād tort de l'auoir ainsi banny de l'E-  
 glise: & se mit à deschiter Pierre de tous les outages & paroles meschantes & iniurieuses dont  
 il se pouuoit aduiser. Et comme il eust gagné beaucoup de gens qui tenoyent son party, il se fit  
 leur heresiarque & capitaine: & à l'ayde d'eux il enuahit & vürpa la dignité Episcopale, faisant  
 sans honte ne crainte, ny de Dieu, ny des hommes, tout ce qui concerne l'estat Episcopal, en la  
 ville de Lycone, qui est en Egypte, au grand mespris & contemnement du bon personnage & fi-  
 dele seruiteur de Dieu Pierre. A l'exemple & imitatio duquel, Arrius semblablement ayāt trou-  
 ué ceste occasion, ne chomma guere qu'il ne se ralliaist avec les complices & fauteurs de ce Me-  
 litie, & estant avec eux bandé contre Pierre, se print à fort & ferme l'outrager de conuices, vo-  
 missant contre luy tout ce qui proiettoit de longue main en son estomach. Toutesfois, apres que  
 ledit Pierre eut acquis la couronne de martyre, & finy ainsi noblement ses iours, Arrius recon-  
 gnoissant sa faute, en demanda pardon à son successeur Achilles: lequel non seulement luy o-  
 ſtroya, mais aussi luy permit exercer encores l'estat de Diacre en son Eglise, & l'admit au rāc des  
 prestres. Et nō cela seulemēt, mais par Alexandre qui succeda peu de tēps apres audit Achilles en  
 l'Euesché, fut esleu en beaucoup plus grande dignité qu'il n'auoit encores esté sous les autres:  
 de façon que pour le sçauoir qu'il auoit es cauillatiōs & subtilitez de dialectique, & l'experience  
 & exercice en toutes autres disciplines, la charge de prescher & d'interpreter les escritures luy  
 fut cōmise. Mais se voyant à la fin estre en bruit & reputation pour son sçauoir & eloquence, ne  
 pouuoit endurer qu'Alexandre fust en ceste dignité Episcopale, le disant n'auoir iamais esté le-  
 gitimement esleu, ny selon l'ordre deu, en telle eslection, prouueu du benefice. A raison dequoy,  
 commença à faire ligues & menées couuertement contre luy, & à luy susciter force contentions  
 & debats. Et voyant qu'il n'y auoit rien tant en la vie, qu'es mœurs & conuersation d'Alexandre  
 qu'il peust mordre & reprendre, ne chose qu'il sceust par faulse accusation facilement controu-  
 uer contre luy, qui le peust enuers le monde rendre odieux, ne dit mot pour ce regard: mais s'es-  
 força à son possible de contredire à ce qu'il preschoit sainement & religieusement en chaire.  
 Car cest Euesque appuyé sur le tesmoignage & tradition des saintes escritures, enseignoit pu-  
 bliquement en tous ses sermons, que le Fils estoit avec Dieu le Pere de mesme honneur, gloire,  
 puissance maiesté & substance, & en tout & par tout esgal à celuy qui l'a engendré. Arrius  
 au contraire, qui entre les prestres tenoit le premier lieu, contredisoit totalement à la pa-  
 role de verité, appellant le Fils, Createur & facture du Pere, & mille autres absurdes opiniōs qu'il  
 tenoit. Car en premier lieu, il le disoit auoir eu la naissance de choses qui n'auoyent point d'estre  
 de soy, & auoir esté vn temps qu'il n'auoit point esté: & que d'une pure liberté de volonté &  
 d'arbitre, estoit capable de vice & de vertu: & maintes autres choses semblables qu'il mertoit  
 en auant, lesquelles il falloit que celuy-là estimast estre telles, qui eust proposé d'en disputer &  
 d'en enquerir. Et comme il fust en cest erreur de penser que l'Euesque tint l'opinion de Sabelli-  
 te le Lybien, d'un ardeur & affection qu'il auoit de contentionner & luy contredire, il tomba  
 diametralement en l'erreur contraire & opposite audit Sabellite. Et tant peut ceste nouueau-  
 té d'opinion, qu'elle en attira beaucoup à elle: de façon que d'une petite estincelle de feu, sen-  
 flāma vn grand & merueilleux embrasement: Car ceste faulse doctrine ayant prins son premier  
 cōmencement & naissance en Alexandrie, courut incontīnēt non seulemēt tout le pais d'Egypte,  
 de Libye, & de la haulte Thebaïde: mais paruint aussi aux autres villes & prouinces de l'uni-  
 uers. Ceste question ne fut plustost venue en controuersē, qu'Alexandre ne mit tous ses efforts  
 pour tacher à la dissuader & garder qu'elle ne pullulast: mais desia plusieurs Euesques, & vne  
 grande partie du clergé en estoient espris, qui affermoient qu'Arrius disoit bien, & embrassans  
 son opinion, l'approuuoient comme bonne & véritable. Ce que voyant Arrius & le discord qui  
 estoit entre les parties contraires, agité de furies infernales, s'efforçoit de plus en plus à publi-  
 quement enseigner son impietē: tellement qu'Alexandre voyant sa pertinacitē, outreuidan-  
 ce & folie, à la fin l'excommunia comme meschāt & blasphemateur de la verité, avec tous ceux  
 qui du clergé suiuiroient son party, & les depōsa de l'ordre Ecclesiastique. Ausurplus s'ensuyuit le

Arrius cō-  
 plice de  
 Melitie.

Melitie he-  
 resiarque  
 excommunié  
 par Pierre,  
 Euesque de  
 Alexandrie,  
 & Arrius  
 avec luy.

Melitie s'e-  
 pare de luy  
 mesme de  
 la dignité  
 Episcopale.

Arrius est or-  
 donné prestre  
 & docteur  
 Theologal  
 de l'Eglise  
 d'Alexan-  
 drie.

Cōtentiō de  
 l'Euesque  
 Alexandre,  
 et d'Arrius,  
 prestre, sou-  
 chant la do-  
 ctrine de la  
 profession  
 chrestienne.

l'heresie  
 d'Arrius.

*L'Euesque  
Alexandre  
banni de  
l'Eglise Ar-  
rius, avec  
ses adherans  
& caplices.  
Alexandre  
Baucal, estât  
aussi prestre  
d'Alexan-  
drie, tenude  
quelques  
vns pour  
auteur de  
ceste dissen-  
sion.*

*Arrest de la  
cōsubstantialité du fils  
de Dieu le-  
sus-Christ  
avec son pe-  
re, doné par  
l'Euesque  
d'Alexan-  
drie.*

nont de ceux qui au diocese d'Alexandrie estoient de la seine opinion, Aithalas, Achilles, Carponas, Sarmates, & l'autre Arrius, tous prestres: ensemble Euzoie, Macaire, Jules, Menas & Heliadien, tous diacres qui auoient de leur part la plus grande partie du commun peuple. Entre lequel, il y en auoit aucuns qui disoient bien qu'il falloit sentir & croire de Dieu le mesme que sentoient & croyoient leur Euesque: les autres (comme communement il aduient entre vne populace que les vns sont d'une opinion, les autres d'autre) auoient compassion & pitié de ceux qu'on auoit ainsi dechassez & bannis de l'Eglise, sans auoir esté ouys premierement en leurs iustificacions, comme si on leur faisoit tort par ce moyen. Aucuns tiennent que quel que autre, premier qu'Arrius, auoit esté auteur de ce debat, nommé Alexandre, qui en dignité sacerdotale tenoit en ceste Eglise le second lieu apres Arrius, lequel estoit surnommé Baucal, ayant acquis ce surnom, à raison d'une grosse tumeur de chair & bosse qui luy estoit de fortune venue sur le dos en forme d'un pot de terre: ce que les Alexandrins appellent en leur langage vulgaire communement Baucal. On tient, dy-ie, que cestuy-cy qui au sacré ministere auoit la seconde dignité, auoit esté cause de la dissension, de laquelle puis apres sourdit la contention d'entre Alexandre & Arrius, & d'où est issuë la publication de la consubstantialité de Iesus-Christ & Dieu son pere. Car pour l'indignation que Baucal auoit conceuë contre Arrius, à raison qu'il auoit esté preferé à luy en dignité, il luy imputa ceste nouuelleté d'opinion & faulx doctrine: mais l'Euesque les voulant tous deux appaiser & diuertir de ceste contention & estrif qui estoit entre eux, il les inuita à disputer l'un contre l'autre, & à conferer ensemblément leurs propos, estimant pouoir mieux & plus commodément assopir leur controuersé, par honneste remonstration & persuasion, que par violent commandement. Et comme par plusieurs fois ils eussent combattu l'un contre l'autre par disputes, beaucoup d'autres (comme il aduient communément) s'entremeslerent aussi avec eux, & voulurent eltrier sur ce mesme different & contention, les vns tenans pour vne partie, les autres pour l'autre, tellement que force fut à l'Euesque qui y presidoit, par vne bienveillance & selo qu'il voyoit estre commode, d'adhérer tantost à cestuy-cy, tantost à cestuy-là, pour tacher à moyenner paix entre eux. Mais voyant à la fin qu'il n'y pouoit donner autre ordre, conclut la sentence de ceste dispute, & la prononça discrettement: à sçauoir que le Fils estoit coeternel & consubstantiel au Pere, comme aussi il auoit esté de tous temps iusques adonc creu: & fit commandement à Arrius, sur peine d'estre excommunié & retranché de la compagnie des fideles d'en croire autant: Mais pour toutes ces remonstrances il ne perdit que peine. Quoy voyant ce bon Euesque, & qu'il ne luy pouoit autre chose mettre en teste que l'opinion qu'il auoit ia conceuë, il le dechassa de l'Eglise.

*« opposé avec Sabellite. ] Sabellien disoit que le Pere, le Fils, & le saint Esprit n'estoyent qu'une personne, les confondant toutes trois en une. Arrius, au contraire, separant la nature ou substance des personnes (Mais l'Eglise marche entre-deux &) prestchant qu'il n'y a qu'un Dieu, dit qu'il y a trois personnes contre Sabellien: & confesse que ces trois personnes ne sont qu'un Dieu contre Arrius.*

*Qui ont esté en ce temps là les Euesques des villes metropolitaines de la Chrestienté: & des Euesques, qui dès le commencement ont gouverné l'Eglise de Bizance.*

*CHAP. VI.*

*Les Euesques des pri-  
maces eglises de la  
chrestienté.*



En ce tēps là Syluestre presidoit sur l'Eglise Romaine, successeur de Miltiades, qui apres Marcellin (lequel en la persecution soustint vaillamment le combat du martyre iusques à la mort) print le gouuernement & administration du sacré ministere Episcopal. A Alexandrie lors tenoit la iurisdiction Ecclesiastique le dessus mentionné Alexandre, ayant eu pour predecesseurs Theon, Pierre & Achilles. A Antioche gouuernoit l'Eglise vn nommé Vital, y ayant esté mis au lieu de Tyran, incontinent que les choses furent pacifiées en l'Eglise. Cestuy-cy remit sus de rechef ladite Eglise, laquelle auoit esté ruinée par les Tyrans: & en parfit le reste de la structure, vn nommé Philogone, qui d'aduocat, ayant esté créé Euesque du lieu, luy succeda: & qui du regne de Licinie (comme homme vaillant & de grand cuer) fit ample preuue de la grande ferueur & bon zele qu'il auoit en la vraye pieté Chrestienne. En Hierusalem, apres Hermon, le sacré office fut commis à Macaire, homme digne du nom qu'il portoit, pour auoir flory en tous biens & ornemens de vertu. A Constantinople, apres Metrophanes, nepueu fraternel de l'Empereur Probe, la superintendence des choses sacrees aduint par sort & election à Alexandre. Or me semble il expedient en ce lieu, auant que outre-passer, de discourir plus amplement la suite des Euesques, qui depuis les Apostres ont succédé les vns apres les autres en l'Eglise de Constantinople, & de les adiouter à ceste histoire, ainsi que quelque sacré tableau. Donc il faut entēdre que saint André, Apostre de nostre Seigneur, ayant eu par sort les prouinces de Trace, Macedoine, & l'Euxine, pour en icelles diuulguer l'Euangile, fut le premier qui prescha Iesus-Christ à Bizance.

Bizance. Et comme il eut là seiourné quelque temps, & fut pourchassé à la mort par Zeuxippe, qui la pour lors exerçoit la tyrannie, passa de là à Agryopole. Auquel lieu par l'espace de deux ans preschant publiquement à tous ceux qui le vouloyent venir ouyr, en attira vn grand nombre à la foy de Iesus Christ : Mais apres auoir en ce lieu fondé & basti vne Eglise, & en icelle estably vn homme de bien pour Euesque, nommé Stachys, s'en alla à Sinopé. Stachys ayant administré ceste sainte charge seize ans durans, finit là ses iours, & laissa en icelle pour successeur Onesime. Onesime en fut gouuerneur quatorze ans, & luy fut subrogé Polycarpe, lequel apres auoir exercé cest estat dixhuiet ans en tout hōneur & louége, le laissa à Plutarque. Cestuy cy presida en celle Eglise seize ans, & apres en resigna la charge à Sedecion : lequel apres l'auoir tenue neuf ans, Diogenes en fut iouissant, qui la gouerna quinze ans. En son lieu, par apres, fut constitué Eleuthere, qui apres auoir exercé ceste charge sept ans, eut Felix pour successeur. Felix tint ce siege Episcopal cinq ans, & le transporta à Polycarpe. Lesquels tous pour les incursions assaults, & embusches que incessamment leur dressoyent les infideles, ont tousiours celebré les saintes messes & fait assemblees au susdict oratoire de l'Apostre S. André, depuis qu'il l'institua & bastit. En apres, Athenodore s'estant chargé de ceste fonction Ecclesiastique, l'exerça quatre ans, & esleua vne autre Eglise en vn autre lieu, nommé Olea, & là celebra la sainte cōmunion du corps & sang de Iesus-Christ: Lequel temple fut puis apres augmenté & magnifiquement orné par Constantin le grand. A Athenodore succeda Euzoye, qui six ans gouerna l'Euesché : auquel Laurent succeda, & presida sur icelle Eglise vnze ans. Apres lequel, vint Alypie, qui administra ce sacré magistrat, treize ans. Le successeur de cestuy fut Pertinax, homme qui auoit autre fois exercé l'estat de Consul, & demeura en ceste dignité Episcopale neuf ans : lequel estant homme riche & opulent, edifia vne autre Eglise pres la mer, en vn lieu nommé Les figuiers, & luy donna le nom de Paix. Les Chrestiens, esprins de la singularité & deuotion de ce lieu, le reduirent en forme de ville, l'ornant de iour en iour de fort beaux edifices tenans les vns aux autres, parquoy l'excellent & vertueux prince Constantin le feit puis apres encindre de fortes & puissantes murailles : à cause principalement du temple de Paix qui y estoit basti. A Pertinax succeda Olympien, qui fut euesque vnze ans entiers : Apres luy c'est euesché fut desseruy par Marc, l'espace de treize ans. Apres Marc vint Cyrillien, qui à ceste Eglise presida seize ans. Apres Cyrillien y fut estably Constantin, qui la gouerna sept ans. Cestuy cy en la premiere annee de son Episcopal, edifia vn temple dans la ville de Bizance vers le costé de Septentrion, lequel il consacra à la martyre de Dieu sainte Euphemie, qui en ce temps la accomplit ses iours par le combat du martyre. Auquel temple ayant passé le reste de sa vie, delaisa Tite à la charge Episcopale : qui apres l'auoir administrée trentecinq ans, la transporta à Dometie, frere de l'Empereur Probele, fils duquel, nommé Probe, ainsi que l'Empereur, succeda à ladite charge. De maniere que Dometie administra ceste dignité Episcopale, vingt quatre ans, & Probe douze ans. Son successeur fut son frere Metrophanes. Cestuy cy honora le ministere Episcopal non sans grād los de sa preud'hōmie & vertu, par l'espace de trente ans. C'est celuy qui gouernoit ceste Eglise au temps que Constantin, tousiours Auguste, commença en toute magnificence d'edifier la ville, laquelle de son nom il nōma Constantinople. Le successeur de Metrophanes, ce fut Alexandre, hōme en dons Apostoliques fort excellent. Soit iusques à icy parlé des Euesques. Retournons maintenant à nostre premier propos. Voyant donc Alexandre Euesque d'Alexandrie, qu'Arrius brusloit d'vn ardeur de dominer, & qu'il faisoit à part iournellement des assemblees illicites, & excitoit vn grand trouble & esmotion en la Chrestienté, il le feit entendre par lettres patentes, non seulement aux saints prelatz des Eglises, mais aussi à tous les fideles, habitans ça & là és villes, leur mandant & declarant tout au long les blasphemés d'iceluy. Vne partie desquelles lettres i'ay bien voulu inserer à cest œuvre, à fin que la narration de ces choses me soit plus facile & patente, & ne soit aduis à quelcun que de mon esprit ie controuue ou inuente aucune chose. Oultre ce, ie y adiousteray encore autres choses conformes à la verité, & qui pourront rendre toute l'histoire plus claire & intelligible.

*Epistre d'Alexandre, Euesque d'Alexandrie, enuoyee à Alexandre Euesque de Constantinople, touchant le fait des Arriens*

C H A P. VII.

**A**Oicy donc le contenu de ce qu'Alexandre, Euesque d'Alexandrie, escriuit à Alexandre Euesque de Constantinople, qui portoit mesme nom que luy : Alexandre à son tresfreuerend & cordial frere Alexandre, donne salut en nostre Seigneur. L'institution & façon de faire des hommes peruers, & qui sont menez par vn mauuais desir de dominer & d'vne cupidité d'argent, est telle qu'ils espient tousiours & tachent à semparer des Eglises qui leur semblent les plus amples & honorables, ayans coustume sous diuers pretexte & couleur, d'enuahir la pieté Ecclesiastique.

C c

*Catalogue des Euesques de Bizance, depuis l'apostre saint André, iusques à Alexandre, par les prieres duquel, Arrius a esté ruiné & desconfit.*

*Olea est vne contrée de Constantinople.*

*Les figuiers est vn lieu pres Constantinople. Le temple de Paix, auquel les Chrestiens batissent vne ville.*

*Deux Euesques de Bizance, l'vn frere de l'Empereur Probe, & l'autre son neveu fraternel.*

*Rescrit de Alexandre Euesque de Alexandrie, à Alexandre Euesque de Constantinople.*

*noble, ren-  
chant la do-  
ctrine que  
tenoit Ar-  
rim, contrai-  
re à celle de  
l'Eglise ca-  
tholique.*

Car estés incitez & aiguillonnez à poursuivre le plaisir qu'ils se sont vne fois proposé, à l'inspiration du diable, qui en eux est fort & puissant pour mettre à chef ce qu'ils ont entrepris, après auoir reietté toute religion, contemnent totalement & mettent sous le pied la crainte du iugement de Dieu. Desquels après auoir beaucoup enduré, ay esté nécessairement contrainct d'en escrire à vostre pieté, à fin de vous aduertir de vous tenir sur vos gardes, & de ne permettre aucunement que telles gens couuertement s'ensinuent & se fourrent en Eglise de nostre diocèse. Car ces imposteurs icy sont instruits, tant par simulation que par dissimulation, à toute fraude & seduction, ne talschans à autre chose, que ou par eux-mêmes ou par lettres coulourees de quelque fard, accompagné d'une assentation, & vanterie, renuerser & seduire ceux qui suyuient la simplicité & sincérité de la foy. De façon, qu'Arrius, & Achillas ayans ces iours faicte vne coniuration, ont ensuiuy la cupidité de dominer de Colluthe, faisans encore beaucoup pis que cestuy-cy ne fait iamais. Car iceluy Colluthus ayant dressé vne accusation à l'encontre d'eux, a trouué en cela vn pretexte & couuerture de son malin esprit. De maniere, que ces deux icy voyans que la trafique & marchandise qu'iceluy Colluthe auoit entreprinse pour executer son meschant vouloir, l'estoit faicte sous le nom & tiltre de Iesus-Christ, ils l'ont voulu imiter en cest endroit: & pour en faire preuue, n'ont plus voulu estre subiects à l'Eglise de Dieu, ains se sont bastis des cauernes de larrons, esquelles ils font leurs assemblees continuables, ne s'exercans iour & nuict à autre chose qu'à controuuer & machiner des calomnies à l'encontre de Iesus-Christ & de nous: & en reprouuant toutes les saintes & Apostoliques sentences & determinations, ils ordonnent ainsi que les Iuifs vne boutique persecutrice de Iesus-Christ nostre Sauueur, en niant fort & ferme la diuinité d'iceluy, & enseignant qu'il est à tous autres hommes semblable. Et en faisant, vn des propos qu'il a tenu touchant ses ordonnances salutaires & contenans l'obeissance & submission qu'il a faicte pour nous, ils s'efforcent d'en faire vn amas pour l'establissement & appuy de la doctrine de leur impieté: & reiettent les paroles de la diuinité de Iesus-Christ & de la gloire, laquelle dès le commencement il a eue avec son Pere. Et par ainsi corroborent la faulxe opinio que les Iuifs & les Grecs ont de Iesus-Christ, cherchent louenge & faueur d'eux de toute leur puissance, & practiquans & procurans ce de quoy nous leur sommes en derision & moquerie, ne font iournellement autre chose, qu'exciter seditions & persecutions contre nous: en controuuant tantost des faulxes accusations contre nous, par le moyen d'un tas de femmelettes impudiques, lesquelles fraudulemment ils ont seduictes: tantost en attirant le Christianisme en blasme & mespris, par placarts & libelles difamatoires, que temerairement (en falsifiant la pieté & religion Chrestienne) ils diuulguent en toutes les places & rues des villes. Et qui plus est, ils osent desmembrer & rompre en pieces & loppins l'indissoluble tunique de Iesus-Christ, laquelle les bourreaux qui le crucifierent, ne voulurent diuiser. Parquoy, nous voulâs remedier aux choses qui s'accorder à leurs mœurs & façons de faire, & à leurs mal-heureux & apperts efforts, nous les auôs avec le cōseil de plusieurs, bannis & excommuniez de l'Eglise qui adore la diuinité de Iesus-Christ: Ils ont aussi aduisé (à fin de cauteleusement & par surprise nous circonuenir) de se transporter secrettement à nos compagnons Euesques qui consentent avec nous, sous couleur de paix & vnion, seignans vouloir presenter requeste pour leur iustification: mais en effect ne procurans autre chose, que par leur papelardise, doux & gracieux parler, d'entacher de leur maladie aucuns entre eux. Et quand ils ne peuuent ou n'osent ce faire de bouche, ils leur enuoyent quelques lettres captieuses & farcies de petites subtilitez de dialectique & sophistiquerie, à fin que par la lecture d'icelles ils les attirent puis facilement en leur fraude: & plus apres estans ia accoustumez à toute impieté, ils soient degoustez totalement de penitence & ne puissent eschapper les arreurs dont ils sont seduicts, & qu'ils ayent aussi des Euesques accordans & conuenans avec eux. Quant à eux ils n'ont garde de confesser ce qu'ils ont icy mal fait & enseigné (à raison de quoy, ils sont aussi de nous excommuniez) mais ils ont ceste ruse qu'ils le passent sous silence du tout, ou bien le couurent d'un vmbrage de feintes paroles, & escrits mensongers: & par ce moyen ils abusent les personnes, & en cachant leur pestiferee doctrine sous telles paroles insidieuses & propres à persuader, ils rauissent à toute outrance ceux qui sont exposez à seduction & tromperie. Et pour mieux venir à bout de leurs desseings ils n'omettent rien de ce qu'ils pensent leur seruir à calomnieusement reprendre & faulxement accuser de toutes pars & enuers tous, nostre religion. Ce nonobstant, à cause qu'il y en a aucuns qui soubssignent leurs lettres, il aduient qu'en plusieurs endroits il sont admis & receuz en l'Eglise: nos compagnons en dignité Episcopale, qui osent telle chose permettre, sont (à mon aduis) coupables d'un grand crime de calomnie, à cause qu'ils contreuient au canon Apostolique, qui leur defend cela: mesmo que par ce moyen ils enflamment & accroissent l'efficace à la force qu'ils ont du diable contre Iesus Christ. Chose qui m'a occasionné (mes chers amis) & excité, sans temporiser, à vous escrire la presente, à fin de vous faire cōgnoistre par icelle la desloyauté & infidelité de telles personnes.

*L'heresie  
d'Arrius.  
Les cōmen-  
cemens de  
sous heresi-  
ques, sont  
quasi. tou-  
siours ag-  
greables au  
commun po-  
pulaire, &  
aux insi-  
deles.  
L'indissolu-  
ble tunique  
de Iesus-  
Christ des-  
membree  
par les he-  
retiques.  
Bannissemens  
& excommu-  
nications  
des Arriens.  
Entreprin-  
ses decepti-  
ues des he-  
retiques.  
Les hereti-  
ques ne doi-  
uent estre re-  
ceus en la  
cōmunion  
de l'Eglise,  
sans publi-  
que peni-  
tence.*

Ledit



Ledit Alexandre delare encôres puis apres par le menu leurs blasphemés, leur opposant plusieurs refutations tirees des escriptures saintes, par lesquelles il reprend bien au long leur impiété, en la forme qui s'ensuit : Mes biens aimez freres en nostre Seigneur, ayant plusieurs choses en main, que ie vous pourrois rescrire, touchant le fait de ceux qui nous troublent, ie m'en suis bien voulu deporter pour le present, pour l'estime que i'ay d'estre chose importune, & plus ressentant son ennuyeuse arrogance qu'autrement, de vouloir admonester par long i'angaige les docteurs, qui avec nous ne discordent en opinion : Car ie pense que vous, qui estes enseignez de Dieu, n'estes ignorans, que ceste doctrine que nous apportent ces inuenteurs de nouuelletez icy, est celle-la mesme d'Ebion, :: d'Artemas, & de Paul Samosatenien : desquels deux cy ayans auallé la bourbe & limon d'impieré, nous mettent maintenant en auant & descourent peu à peu les plantes & racines cachees d'iceux, c'est à sçauoir, Arrius & Achilles, & touté l'assemblée des malins qui les accompagnent : & mesmement ces trois Euesques, qui ont esté, ie ne sçay comment, creéz en Syrie : desquelles choses i'en souismets le iugement à vostre sentence & arbitre.

Consequemment, apres auoir declaré les simples voix & mots de l'escriture, lesquels nostre Sauueur a vsurpez pour l'amour de nous par son ancantissement & salutaire passion : & semblablement apres auoir amené & exposé ces lieux-la, par lesquels hors tout commencement, son commencement & Deité, & sa naturelle gloire & diuinité est exprimee, il poursuit ce qui s'ensuit : Qui sera-ce (mes amis) qui s'esmerueillera de ce que i'escriray cy apres, quand par la declaration que ie veux faire, aura entédu leurs mensongieres calomnies, & faulces accusations, & médisances qu'ils ont forgees & contre moy, & contre nostre tressainct peuple : Car si ceux cy ont bien osé s'esleuer & faire la guerre contre la diuinité du fils de Dieu, il ne se fault esbahir, si contre nous aussi ils ne craignent, sans grace aucune, dire mille reproches & outrages. Lesquels aussi n'estiment aucuns des anciens estre dignes d'estre à eux comparez : ny ne veulent endurer, que ceux-la leur soyent esgallez, lesques dès nostre enfance nous auons eu pour precepteurs & maistres : ny mesme ne veulent permettre qu'aucuns de nos compagnons Euesques & Prestres de tous ceux qui sont par tout le monde, leur soyent comparez : se vantans par tout estre les seuls sages & entenduz, contempneurs d'heritages & possessions, & inueteurs de toute verité & resolués opinions. Et ce, pour autant qu'ils se disent estre seuls à qui a esté reuelé ce qui ne tomba iamais en entendement de tous les hommes qui habitent sous le Soleil. O arrogance & presumption par trop meschante ! O fureur surpassant, excessiue ! O opinion inferree ! O conception totalement satanique !

Puis, apres auoir recité plusieurs autres choses, & exposé tout à plein leur creance & profession de foy, il adioute sur la fin de son epistre ce qui s'ensuit : Donc, ie vous prie que nul d'entre vous ne recoiue tels personages, ainsi excommuniez par le consentement des freres fideles, ny ne recoiue, soustienne, ou admettre leurs dicts & escrits. Et ce, pour raison que tels imposteurs, qui sont estat de mentir à tous propos, ne diront iamais verité. Vous les verrez conuiller circuyas les villes, pour nulle autre intention, sinon que sus vne ombre d'amitié & bienueuillance, fardie d'une vraye hypocrisie & assentation, enuoyer & recevoir lettres de tous costez, par lesquelles ils puissent seduire quelque nombre de femmes, chargees de pechez, qui par eux sont ia abusees.

Il adioute en apres ceste conclusion : Parquoy (dit il) chers freres, ie vous prie de vous destourner de telles personnes, qui osent ainsi entreprendre contre Iesus-Christ, & publiquement diffamer le Christianisme enuers le peuple, & qui de tous leurs efforts & puissance le travaillent de manifestes iniures deuant les iuges : & qui, entant qu'en eux est, ne cessent de susciter contre nous & renoueller la persecution en ce temps de paix : & qui finalement s'efforcent d'aneantir l'ineffable mystere de la natiuité de Iesus-Christ. Euitiez les dy-ie (chers amis) & vous destournez d'eux : & d'un commun consentement, & accord, par vos censures reprimez leur furieuse audace, à l'exemple de nos compagnons Euesques, qui tous d'un accord ont consenty qu'ils fussent excommuniez & chassés hors la congregation des fideles, par lettres qu'ils m'ont escrites contre eux à ceste fin, avec la sentence de leur condamnation signee de leur main, que i'ay enuoyé par mon fils Appion Archidiaque par toute l'Egypte, Thebaïde, Libye, Pantapole, Syrie, Lycie, Pamphyle, Asie, Cappadoce, & toutes les autres regions d'alentour. A l'exemple & imitation desquels, ie me persuade aussi que vous confirmerez ladicte sentence. Quant à moy, ie me suis employé du mieulx qu'il m'a esté possible de reduire plusieurs qui auoyent esté gaignez par eux : mais encores sera-ce un plus grand bien par obuier au malheur qui se pourroit ensuiure de la seductio des fideles, si les desuoyez, par le commun accord & exhortation de nos compagnons, sont tellement induits, qu'ils retournent à penitence, & recognoissent leurs fautes. Saluez vous les vns les autres au nom de l'accordante & vnanime fraternité qui est entre nous tous. Je prie Dieu, au demeurant (chers amis) qu'il demeure avec vous : & que son bon plaisir soit de me faire percevoir quelque fruit de vos tant deuots & telz esprits enuers Iesus-Christ, lequel ie prie estre garde de vous. Ainsi soit il.

# LIVRE VIII. DE L'HISTOIRE ECCLESIASTIQUE

Outre ce, il recite en son epistre ceux qui par la censure de son Eglise furent excommuniez: lesquels aussi auons par cy deuant denombrez. Il escriuit le semblable à Philogone, Euesque d'Antioche, & à Eustache, Euesque de Berroë en Syrie, & à autres Euesques de plusieurs autres Eglises, lesquels ils scauoit approuer la doctrine Apostolique. Que si le S. Euesque d'Alexandrie estoit soigneux des affaires de nostre religion, il fault estimer que Arrius aussi pour son regard ne chommoit pas à diligemment solliciter ses affaires. Parquoy, force luy fut de preuenir & gagner la bien-ueillance, bonne grace & faueur des Euesques: & en demandant pardon de sa coulpe, leur fait entêdre par lettres la foy qu'il tenoit, les requerât par mesme moyen, que si elle estoit bonne, qu'il fust en icelle maintenu & confirmé par leur autorité, & qu'il leur pleust mander à Alexandrie, de n'importuner luy ny les siens. Ou bien, si la foy n'estoit telle qu'il appartenoit, il les supplioit de le vouloir enseigner de la forme & maniere qu'il luy falloit tenir en sa creance. Chose qui ne seruit pas peu à Arrius, & à ses complices & confederes: Car ceste opinion estant quasi par tout venue à la cognoissance des Euesques de l'Orient, il ny eut celuy qui n'en voulut disputer & iuger. Parquoy, apres qu'ils y eurent aduisé, les vns escriuerent à Alexandre, l'aduertissans ne falloir admettre ne receuoir Arrius au nombre des fideles, qu'il n'eust premierement solennellement, & deuant tous, rechanté & abiuré son blaspheme. Les autres, au contraire le desendoyent fort & ferme comme bon & fidele Chrestien, & qu'en tout ce qu'il acertenoit, il n'auoit rien innoué qui fut contraire à la doctrine de la foy. Ce que voyant Alexandre, & qu'il y en auoit lors plusieurs qui sous couleur d'une sainteté & grauité, autorisoient à receuoir chez eux les Arriens, & mesme que plusieurs insistoient à luy persuader de se recôcilier avec Arrius: & sur tous les autres principalemēt Eusebe, Euesque de Nicomedie, homme excellent & fort versé es bonnes lettres, tant humaines que diuines, & qui en la Cour de l'Empereur estoit grandemēt esleué en honneur & dignité (car non seulement Diocletian, mais aussi tous les autres Princes qui l'auoyent precedé, auoyent en ceste ville de Nicomedie constitué leur domicile Imperial) fut esmeu à luy escrire, luy mandant qu'il ne trouuoit pas par son conseil (ny ne falloit aussi) de receuoir les Arriens à la communion des fideles. En laquelle lettre il touche fort ledict Euesque de Nicomedie, dont la teneur s'ensuit.

*Vne autre epistre du mesme Euesque d'Alexandrie, enuoyee à tous les autres Euesques de la Chrestienté en general, en laquelle il declare comme Arrius est excommunié: il taxe aussi en icelle Eusebe, Euesque de Nicomedie.*

CHAP. VIII.

Socrates en l'histoire Ecclesiast. l. vi. c. 6.

Epistre du mesme Alexandre, Euesque de Alexandrie, enuoyee à tous les Euesques catholiques, touchant le fait des Arriens.

Eusebe Arrien.

:: Il est dict autrement Iulien. Les faulces & damnees opinions de Arrius.



Ses treschers & tresfreuerends compagnons Euesques, qui sont espars par toute l'Eglise catholique, Alexandre donne salut en nostre Seigneur. Attendu que toute l'Eglise catholique n'est qu'un corps, & qu'es saintes lettres nous est commandé de retenir ensemblement le lien de concordé & de paix, il est bien seant & raisonnable, de faire entendre les vns aux autres, les choses qui aduiennent à vn chacun de nous separément: à fin que s'il aduiet qu'un membre soit contristé, ou ioyeux, qu'en ayons entre nous ou cōpassion, ou bien nous nous en resiouissions & luy gratifions. Or est il, qu'en nostre Eglise se sont leuez ces iours quelques mechans hommes, qui se sont bandez contre Iesus-Christ, & reuoltez contre la saine doctrine d'iceluy, gens qui à bon droict doiuent estre appelez auancoueurs de l'Antechrist. Ce qu'à la verité auois deliberé de passer sous silence, à fin que parauéture ce mal print fin & consommation entre ces deserteurs seulement, & que les aureilles de plusieurs ne fussent (de ce malheur espandu en diuers lieux) offencees. Mais pour autant que Eusebe, Euesque maintenant de Nicomedie, pensant que tous les affaires de l'Eglise soyent en sa disposition (& de fait aussi cela luy est bien deu, pour n'auoir esté legitiment puny pour son ambition, d'auoir ainsi abandonné son Eglise de Beryte, pour enuahir celle de Nicomedie, dont il iouyt à present) a commencé de se faire chef, de ces apostats & abandonneurs de Dieu & de son Eglise, & de les recommander par tous les lieux où il escrit, Il m'a semblé bon, en reduisant en memoire ce qui est escrit en la loy, de ne m'en taire plus, mais de vous en aduertir par mes lettres, & vous faire entendre par icelles tout ce qui en est: tant à fin que parauéture ils n'attirent quelques ignorans, en vne extreme heresie contraire à Iesus-Christ, que aussi à fin que cognoissiez ces deserteurs icy, & leurs dangereux propos, & que si d'auenture il aduiet qu'Eusebe vous escriue, vous ne preniez garde à ce qu'il vous escriira. Car ayant de long temps caché sa mal-ueuillace & mauuaise affection qu'il a enuers Dieu & son Eglise, & la voulant maintenant mettre en euidence & renoueller par ces ministres-cy, il s'y porte comme s'il escriuait en leur nom: mais à la verité, il monstre assez clairement que c'est pour luy-mesme tout ce qu'il fait. Quant au nombre des rebelles & abandonneurs de Dieu, sont icy les capitaines Arrius, Achillas, Aithales, Carponas, vnau autre nommé Arrius, Sarmates, Euzoye, Lucie, :: Iules, Menas, Helladien, Caie,

Second, &c

Second, & Theonas, appelez iadis Euesques. Les propositions qu'ils tiennent contre les escriptures, sont cestes-cy: Dieu n'a pas tousiours esté pere: mais a esté quelque fois que Dieu n'estoit point pere: parquoy le Verbe de Dieu n'a pas tousiours esté: ains a esté fait de choses qui n'ont pas tousiours esté en nature d'elles-mêmes. Car celuy qui estoit Dieu, a fait celuy qui n'estoit point, d'une chose qui de soy n'estoit point. Au moyen de quoy, il a esté vn temps, qu'il n'estoit point: car aussi le fils n'est qu'une creature & facture. Ny n'est en substance esgal au pere, ny le vray & naturel Verbe du pere, ny mesme aussi la vraye sapience d'iceluy: mais il est l'une des choses qui sont crees & engendrees: mais abusivement il est Verbe & sapience d'iceluy pere. Et est en la propre & naturelle parole de Dieu, & en la sapience de Dieu, en laquelle sont toutes choses, ayant aussi esté fait & créé de Dieu. Qui fait, qu'il soit pareillement de sa nature subiect à mutation & alteratiō, ainsi que sont toutes choses vñs de raison. Au moyen de quoy, le Verbe est estrange, reculé & séparé de la substance de Dieu. Et le pere ne se communique point au fils, ny le Verbe ne peult parfaitement veoir le pere, ny parfaitement & certainement le cognoistre. Et de fait, aussi le fils ne cogneut onc la substance d'iceluy, ainsi qu'elle est. Car il a esté fait à cause de nous, à fin que par luy, comme par quelque instrument, Dieu nous creast: ny ne fust demeuré en son estre, si Dieu ne nous eust voulu créer. Aduint vne fois que quelcun les oyant tenir ces propos, les interroga: Si le Verbe de Dieu pouuoit estre changé, ainsi que le diable l'a esté? Auquel ceux-cy n'eurent honte de répondre, qu'ouy, pource qu'il estoit de nature muable, subiect ainsi que tous autres hommes, à generation & mutation. Ce que voyans, nous, avec les Euesques d'Egypte, & du pays de Libye nos voisins, nous nous sommes assemblez iusques au nombre de cent Euesques, ou avec meure deliberatiō auons excommunié tous ceux qui tenoyent tels propos, & les Arriens qui impudemment se iactoyent par tout de ces choses, ensemble tous leurs confederez & complices. Dequoy Eusebe estant mal content, s'est pour eux formalisé entre nous, & les a receuz sous sa sauuegarde, s'estudiant du tout d'entremesler le mensonge avec la verité, & l'impieté avec la sainteté. Si est-ce que tous ses efforts à la fin viendront à neant, & la verité vaincra tousiours: Car il n'y a nulle communication de la lumiere avec les tenebres, ny aucun accord de Iesus-Christ avec Belial. Qui jamais entendit telles choses? Qui ne s'estonnera d'ouyr chose si estrange & insolente? Qui ne bouchera les oreilles, de peur que les ordures de telles paroles ne viennent iusques à son ouye? Qui sera-ce qui entendant ce que dit saint Iehan: Au commencement estoit le Verbe, ne condamnera ceux-cy d'horrible blaspheme, qui disent qu'il y a eu vn temps, qu'il n'estoit point? Ou qui sera-ce, qui oyant en l'Euangile ce mot, l'Vnique fils de Dieu: & Toutes choses ont esté par luy faictes, ne detestera ces abominables qui disent, le Fils estre l'une des creatures de Dieu? Comment se peult-il accorder entr'eux, que tout a esté fait par luy: & celuy-là estre l'unique fils de Dieu, qui à leur dire, est mis au nombre des autres creatures? Comment se peult-il faire qu'il soit faict de choses qui n'ont point d'estre de soy, attendu que le Pere dit: Mon cuer a mis hors & produit la bonne parole? Et, De mon ventre ie t'ay engendré auant l'estoille du matin: c'est à dire, de toute eternité, auant toute creature? Comment n'est-il de mesme substance que le Pere, quand il est la parfaite image & la spendeur du pere? Et veu mesme qu'il dit: Qui me voit, il voit mon pere? Si le Verbe & la Sapience est le fils de Dieu, comment se fera il qu'il y ait eu vn temps, auquel il n'estoit point? Chose qui vault autant, comme s'ils disoyent, que Dieu eust esté sans entendement & raison, & du tout insensé. Comment peult estre celuy là subiect à mutation & alteration, qui dit: Je suis en mon Pere: & Moy & mon Pere nous ne sommes qu'un? Et par le Prophete: Considerez que ie suis, & si ne change point. Et combien que ce lieu se puisse referer au Pere, si est-ce qu'en cest endroit-cy, il ne se peult mieux & plus proprement accommoder, qu'au Verbe: pource que iacoit qu'il ait esté fait homme, si est-ce toutesfois qu'il n'a receu aucun changement: mais au contraire, ainsi que dit l'Apostre, Iesus-Christ, qui a esté hier & aujourdhuy, est aussi le mesme eternellemēt. Qui est-ce qui leur persuade de dire, qu'il a esté fait à cause de nous, veu que le mesme S. Paul dit: Que toutes choses ont esté faictes par luy, & pour l'amour de luy: Quant à ce blaspheme qu'ils disent que le fils ne cognoit point le pere, il ne nous en fault point esmerveiller: Car depuis qu'ils ont vne fois conclu & arresté en eux-mêmes d'impugner, comme ennemis, Iesus-Christ, il n'y a mot es saintes lettres que fraudulément & calomnieusement ils ne corrompent & depraient, encore qu'il dise: Comme mon pere me cognoit, aussi cognois-je mon pere. Si donc le pere cognoit le fils en partie, aussi le fils cognoit le pere en partie. Mais si cela est illicite de dire, & qu'ainsi est que le pere cognoit le fils parfaitement: il est certain & manifeste que tout ainsi que le pere cognoit son Verbe, aussi le Verbe cognoit il son pere, duquel il est aussi le Verbe. Et ainsi declarant ces choses, & expliquant les diuines escriptures, nous les auons souuentefois conuaincus: mais ainsi que Chameleōs ils se sont tousiours trāsformez en diueres formes, s'efforçans par vn combat à qui mieux mieux, de tirer à soy ce qui est escrit par le Sage: Quand le melchanch est paruenue au profond de tous maux, lors il n'en tient plus cōte, il n'en fait plus d'estime, ce luy est tout vn. De sorte, que bien qu'il y ait eu plusieurs autres heresies deuāt celles-cy,

*Les Arriens  
condamnez  
& excommuniés de  
l'Eglise au  
concile pro-  
uincial as-  
semblé à  
Alexan-  
drie de cent  
Euesques  
du pais d'E-  
gypte, & de  
Libye.*

*2. Cor. 6.*

*Cōfutation  
de l'erreur  
d'Arrius.*

*Jean. 1. 3.*

*1. Jean. 4.*

*Psal. 44.*

*Psal. 109.*

*Sapient. 13.*

*2. Cor. 4.*

*Colo. 1.*

*Hebr. 1.*

*Jean. 14.*

*1. Jean. 14. 10.*

*Mala. 3.*

*Hebr. 13.*

*Rom. 11.*

*Colo. 1. 3.*

*1. Jean. 14. 17.*

*Les hereti-  
ques sem-  
blables aux  
Chame-  
leons.*

*Prou. 18.*

*Les Arriens  
pires que  
tous les au-  
tres heresi-  
ques.*

1. *Timo. 1.*  
*Mat. 26.*  
*Luc. 22.*  
*Act. 1.*  
*Mat. 24.*  
*Mar. 13.*  
*Les heresi-  
ques doiuent  
estre soi-  
gneusement  
eueillez.*  
*1. Tim. 4.*

lesquelles ayans osé attenter maintes choses plus qu'il n'estoit scéat, ny ne falloit, sont à la fin tombées en extreme folie: si est-ce que ceux-cy, comme plus prochains de l'Antechrist, ont surpassé tous les precedens en toute sorte d'impieté, ayans voulu par leurs detestables propos entreprendre d'abolir du tout la diuinité du Verbe eternal. Ce qui a esté cause aussi qu'ils ont esté deboutez & proscripts de l'Eglise. Veritablement nous sommes fort dolens de leur perdition: & singulierement pource qu'autrefois ils ont esté du nombre des nostres, ont apprins ainsi que nous les sacrez mysteres de l'Eglise, & maintenant s'en sont retirez. Toutesfois, nous ne trouuons pas cela estrange, à cause que nous sçauons que rien ne leur aduient de nouueau, & que ce n'est que leur coustume d'ainsi faire tousiours: Car le semblable est iadis aduenü à Hymenee & Philet, & deuant eux à Judas, qui a premierement suiuy nostre Seigneur, & apres l'a trahy & abandonné. Pour la confirmation de quoy, nous n'auons faite d'enleignement ny de preceptes: & mesme Iesus-Christ l'a ainsi predict en l'Euangile: Donnez vous garde (dit il) que nul ne vous seduise, car il y en viendra plusieurs en mon nom, qui diront: Ce suis-ie: & le temps s'en approche, & en seduiront plusieurs: parquoy, gardez vous de les suyure. Et S. Paul en escrit autant, enseigné de nostre Seigneur: Es derniers temps (dit il) aucuns se reuolteront de la saine foy, s'amulans aux esprits abuseurs, & aux doctrines des diables, se destournans de la verité. Donc, comme ainsi soit que nostre sauueur & seigneur Iesus-Christ nous ait commandé par sa bouche-mesme, & par son saint Apostre nous ait aduertty de toutes ces choses, nous bien & deuement informez de toute impieté de ces abominables, & de leurs blasphemies, que de nos oreilles mesmes auons entendu, nous les auons excommuniez (ainsi qu'auons premis) & totalement reiettez de la communion de l'Eglise, & de la foy catholique. Ce que, mes treschers & tresvenerables compagnons en dignité Episcopale, auons bien voulu faire entendre à vostre saincteté, tant à fin de vous, que à celle fin aussi que ne croyez à Eusebe, ou à quelque autre quiconque soit, qui vous escriue d'eux. Car il vous fault (comme Chrestiens) auoir en horreur & detestation, ne plus ne moins qu'enemis de Dieu & pestes des ames, tous ceux qui contre Iesus-Christ disent ou sentent chose qu'il ne fault dire ne sentir, & ne les vouloir pas seulement saluer, de peur que ne participions à leurs pechez, comme saint Iean nous en aduertit. Au demeurant, ie vous prie de saluer tous les freres qui sont avec vous: Ceux qui sont avec moy vous saluent.

*Divorce des  
Eglises aug-  
menté, à cau-  
se des lettres  
d'Alexandre.*

Ces lettres ayans esté portees par tout, furent occasion de plus grand trouble & commotion qu'au parauant, & augmentèrent le mal ia commencé, pour la bonne volonté que les ennemis auoyent de contentionner. De façon, que ceux qui tenoyent le party d'Alexandre sousignerent à ses lettres: mais les autres y contrarierent du tout, & ne les voulurent accorder. Entre lesquels le premier fut Eusebe, Euesque de Nicomedie, pour auoir entédu qu'il auoit esté en icelles fort picqué. La ligue & faction duquel, fut suyvie par plusieurs autres. Tellement que cestuy-cy enuoya souuent lettres à Alexandre, à ce qu'en postposant la question qui estoit en cōtrouersie entr'eux, il eust à recevoir en la communion de l'Eglise les Ariens: à quoy aussi ce mesme Eusebe auoit esté induit par fréquentes requestes & importunités qu'Arrius luy en auoit faites par ses lettres. Desquelles lettres en produiray quelque fragment en ce lieu, tant à fin qu'on cognoisse ceux qui en son impieté participoyent avec luy: que à fin que la foy d'Alexandre soit à tous manifestée, & que chacun sçache qu'il n'entreprint iamais ny n'ordonna chose contre eux sans iuste occasion. S'en suit donc la teneur d'une lettre qu'Arrius escriuit à Eusebe, Euesque de Nicomedie.

*Le contenu d'une lettre qu'Arrius escriuit à, Eusebe Euesque de Nicomedie.*

C H A P. I X.

*Lettre de  
Arrius à  
Eusebe, E-  
uesque de  
Nicomedie,  
en laquelle  
il se com-  
plaint d'es-  
tre iniuste-  
ment tour-  
menté par  
Alexandre  
Euesque  
d'Alexan-  
drie.*



Son tres-desiré seigneur, homme de Dieu, fidele, & de droicte opiniõ Eusebe, Arrius iniustement persécuté par Alexandre Euesque d'Alexandrie, à cause de la toute vainqueresse verité, & de laquelle aussi tu es le protecteur, salut en nostre Seigneur. Mon pere Ammonie, s'en allant à Nicomedie, i'ay aduisé que ie ferois bien, si par luy ie te presentois mes humbles & affectionnees recommandations, & si par mesme moyen i'aduertissois la charité qui de nature est en toy, & la bonne affection que tu portes aux freres pour l'amour de Dieu & de son Christ, de la grande persécution & resistance qui m'est faite par moy Euesque: & tellement qu'il n'y a occasion qu'il ne cherche à l'encontre de nous, pour par tous moyens à luy possibles, nous casser & bannir hors la ville d'Alexandrie, tout ne plus ne moins que personnes du tout sans Dieu. Et ce, à raison du refus que nous faisons de ne vouloir approuuer les propositions qu'il tient publiquement & deuant tous, qui sont telles: Dieu a tousiours esté, & le fils semblablement. Le pere a tousiours esté ensemble avec le fils, & le fils avec le pere. Le fils de Dieu est de mesme substance, existence,

existence, & qualité, qu'est celuy qui n'est point engendré. Celuy qui est engendré, a tousiours esté, & si celuy qui est engendré, est de celuy qui n'est point engendré, Dieu ne precede le fils, ne de volonté, ne d'aucune espace de temps. Dieu a tousiours esté, le fils a tousiours esté, le Christ a tousiours esté, le fils est & procede de la propre nature & substance de Dieu. Et pour autant que ton frere Eusebe de Cesarée, & Theodote, & Paulin, & Athanasie, & Gregoire, & Aetie, & tous ceux d'Orient disent que Dieu, qui est sans commencement, est premier que son fils, on nous a excommuniés : fors & excepté seulement Philogone, Helanice, & Macaire, hommes heretiques, & de nul sçavoir & doctrine. Entre lesquels aucuns appellent le fils la production éternelle du pere, les autres le germe, & les autres le disent auoir sa generation quant & quant le pere, de façon qu'il soit engendré avec luy, de mesme essence & éternité. L'impieté desquels nous ne pouuons entendre ny ouyr, quand mesme les heretiques nous menasseroient & attenteroient de nous faire mourir de dix mille morts. Mais quant à nous, que disons nous? que sentons nous? nous qu'auons nous enseigné? & qu'enseignons nous? C'est, que le fils est engendré, & qu'il ne peut aucunement estre vne partie de celuy qui n'est point engendré, ny ne consiste d'aucun subiect : mais qu'auant tous temps & tous siècles il subsistoit en la volonté & conseil du pere, Dieu parfait, vnique, & immuable : & auant qu'il fust engendré, ou créé, ou designé, ou fondé, il n'estoit point : car aussi celuy-la ne pouuoit estre, qui n'estoit point encore engendré. Or sommes nous affligez, à cause qu'auons dict que le fils a commencement & que Dieu est sans commencement : voyla, dy-ie, la cause pourquoy nous endurons persécution. Et pour ce aussi que nous auons dit que le fils consiste de choses qui de soy-mesme n'ont point d'estre. Et l'auons aussi dit, pource qu'il n'est ny partie de Dieu, ny ne consiste d'aucun subiect. Pour ceste seule cause nous sommes affligez. Quant au parlys, tu congnois assez ce qui en est. Je prie Dieu, qu'il soit garde de toy, te suppliant humblement d'auoir souuenance de mes tribulations. Et à Dieu, Eusebe mon compagnon d'escole, & qui est veritablement deuot & amateur de sainteté.

*Les noms des Euesques qui tenoyent le party d'Arrius.*

*Il appelle Eusebe son compagnon d'escole, pource que ils auoyent tous deux esté auditeurs du S. martyr Lucien, à Antioche, qui là enseignoit les saintes lettres.*

Or faut il sçauoir que ceux qui sont en ceste Epistre denommez, sont tous les Euesques qui tenoyent le party d'Arrius, dont le premier, est Eusebe, surnommé Pamphile, Euesque de Cesarée qui est en Palestine : Theodote, Euesque de Laodicee, Paulin Euesque de Tyr, Athanasie Euesque d'Anazarbe, George Euesque de Beryte, Aetie Euesque de Lyde, qui maintenant est appelée Diospole. Tous ceux-cy estoient de la ligue d'Arrius. Ceux qui tenoyent du party contraire, mentionnez en ceste Epistre, sont Philogone Euesque d'Antioche, Helanice Euesque de Triple, & Macaire Euesque de Hierusalem : lesquels faulsement & meschamment il appelle heretiques, pource qu'ils n'estoyent pas de la coniuration, & qu'ils ont tousiours tenu & enseigné que le fils estoit au pere coéternel, & de luy engendré auant tous siècles, & de mesme gloire, honneur & substance que le pere. Eusebe estant esmeu par ses escrits, non seulement excite plusieurs autres contre les Catholiques, en vomissant par tout le venin de son heresie, mais il escrit aussi lettres à Paulin, Euesque de Tyr, desquelles il est bon d'ouir la teneur.

*Des choses que le mesme Eusebe escriuit à Paulin, Euesque de Tyr, en faueur des Arriens.*

*C H A P. X.*



Eusebe, à son seigneur Paulin donne salut en nostre Seigneur. Monsieur, tout ainsi que la bonne & excellente affection qu'on ma rapportee de mon seigneur Eusebe enuers la parole de verité, ne peut estre tenue cachée en mon endroit : aussi ne puis-je tenir couuert le silence que vous faites sur cest affaire. Parquoy, d'autant que nous nous esiouissons (comme aussi il est bien raisonnable qu'il se face) du bon vouloir de mon seigneur Eusebe : d'autant aussi sommes nous dolens & marris de vostre silence, estimâs nostre cause auoir moins de vertu pour la taciturnité d'un tel personnage. A raison dequoy, vous qui sçavez combien c'est chose mal seante à un homme prudent & sage de sentir choses qui soyent alienes, absurdes & reueles de raison, & de cacher la verité, ie vous conseille & enhorte de ma part, de reprendre vos esprits à escrire, & de commencer à mettre quel que chose en lumiere touchant ces choses : lesquelles ne pourroyent estre que profitables & à vous, & aux auditeurs d'icelles : pourueu que sur tout vous vous proposiez de ne rien escrire qui ne soit cōforme & accordant à l'escriture, en suyuant les traces des paroles & sentences d'icelle. Car en premier lieu, monsieur, nous ne ouïr me iamais dire que deux soyent non engendrez, ny qu'un seul soit en deux diuisé : ny moins auons nous en nostre creance apprins que ce fust aucune chose corporelle subiete à passio : mais bien auons nous apprins, qu'il n'y a qu'un seul, qui n'est point engendré, & un seul qui de luy a esté fait & créé vrayement : non pas toutesfois de la substance, où en rien participant de la nature de celuy qui n'est point engendré : où estant de la substance d'iceluy, mais ayant esté de luy fait : tout autre que luy, tant en nature qu'en puissance, à la similitude parfaite de la disposition & vertu de son facteur. Le commencement duquel, nous croyôs non seulement estre innarrable

*Epistre de Eusebe, Euesque de Nicomedie, à Paulin Euesque de Tyr. Il entend par cest Eusebe, l'Euesque de Cesarée, nommé Eusebe Pamphile. L'opinion erronée d'Eusebe, touchant la personne du fils de Dieu, en imitant celle d'Arrius.*

Prou. 8.

Les uns ont en Grec *ὁμοούσιον*, c'est à dire marque, en-seigne, indi-ce. Les autres ont en Grec *ὁμοῦσιον*, c'est à dire, diminutio, décroisse-met, amoindrissement. 1<sup>re</sup> Jsa. 1. 2<sup>de</sup> Deut. 32.

de parole, mais aussi incomprehensible d'entendement: ie ne dy pas des hommes seulement, mais aussi de toutes choses qui sont par dessus les hommes. Parquoy, n'estans point appuyez sur nos raisons, mais estans apprins & enseignez par les autoritez de l'escriure sainte, nous disons le Verbe estre créé, fondé & engendré d'une substance, nature & ressemblance à son fa-cteur, du tout immuable, côme le mesme Seigneur dit: Dieu m'a créé dès le comencemēt de ses voyes, & engendré avant toutes ses œuvres. Or s'il estoit de luy, c'est à dire de sa propre nature & substance, où une part & portion de luy, où de la defluccion de sa substance, il ne seroit pas lors dit estre créé, fondé ne basti. Chose aussi que vous, monsieur, n'ignorez pas, comme ie croy: à sçavoir qu'il est de celuy qui n'est point engendré, & par ce moyen qu'il faut de nécessité qu'il soit créé d'autrui: où bien qu'il soit de soy-mesme, & par ce point qu'il ne soit fait ne créé, n'estant point engendré dès le comencemēt. Mais s'il est dit estre engendré, il faut qu'il en monstre quelque indice, côme estant engendré de la substance de son pere, & de sa nature, ayant avec luy equalité, identité, & totale ressemblance. Or sçavons nous que non seulement en l'escriure, estre engendré, se prend pour luy, mais aussi comment aux autres choses, de nature totalement differentes à luy. Car en premier lieu, elle dit ainsi des hommes: « L'ay engendré & elle ué des enfans, lesquels apres m'ont contemné. Et, :: Tu as delaisé le Dieu qui t'a engendré. Et quant aux autres choses, que dit elle? C'est celuy qui a engendré les gouttes de la rosée. Ce que Dieu a fait, non en tirant nature de nature, mais en montrant la generation d'une chacune chose qui est engendree par la volonté d'iceluy: car en icelle generation il n'y a rien qui soit ou qui participe de la substance, mais toutes choses sont ainsi engendrees comme elles sont par sa volonté, & pour luy. Or est il luy Dieu: mais ces choses sont faites à la semblance d'iceluy, en vertu de sa parole: si est-ce pourtant qu'elles sont toutes créées de Dieu. Voyla la foy & creance que nous auons touchant ces choses, lesquelles vous ay bien voulu rescrire, à fin que quand vous les aurez receües & diligemment examinées, selon la grace de Dieu qui vous assiste, il vous plaise d'en escrire vn mot à monseigneur Alexandre, & de l'en informer à la verité: car j'ay ceste persuasion que si vous escriuez à l'homme, que aisément le conuertirez à croire le semblable. Au demeurant, ie vous prie de saluer tous nos amis de pardela, en nostre Seigneur. Priant Dieu, monsieur, vous auoir en sa garde, & vous donner en santé bonne & longue vie. Priez Dieu pour nous.

Des conciles qui furent lors assemblez pour l'amour d'Arrius, & du trouble & confusion qu'il excita par tout le monde.

C H A P.

X I.

Alexandre Euesque d'Alexandrie ne peut estre persuadé d'admettre Arrius à la communion de l'Eglise.



Oyla les choses que ceux-cy escriuoient les vns aux autres, ayans entrepris de faire la guerre à la verité. A la fin, apres auoir bien & longuement escrit & mandé lettres d'une part & d'autre, voyans que pour tout cela ils ne pouuoient fleschir Alexandre, & l'encliner à faire ce qu'ils vouloyent, comme s'ils eussent esté de luy grandement iniuriez, fort fâchez, vont employer tous leurs efforts à mettre sus la faulx opinion & doctrine d'Arrius, & tacher par tous moyens à eux possibles de la faire preualoir: tellement qu'apres auoir dressé vne boutique d'impieté en la capitale ville de Bithynie, l'Euesque Eusebe, enuoye lettres en toutes parts

Arrius demande permission de faire presche et assemblees en son Eglise: ce qui luy est octroyé par les euesques de palestine, moyennāt qu'il demāde pardon qu'il s'humilie à son Euesque.

de la Chrestienté, aux Euesques, les suppliant par icelles de vouloir admettre Arrius & ses adherans en la communion de l'Eglise, & que cela seroit cause qu'ils acquerroyent grand los & gloire par le moyen de ceste doctrine, & qu'il aduiendroit par cela qu'Alexandre se conuertiroit à la fin, & y cōsentiroid. Mais Arrius voyant que pour toutes ces lettres son entreprinse n'aduançoit rien d'auantage selon qu'il desiroit, attendu qu'Alexandre (à qui il auoit principalement à faire) perseueroit tousiours constamment en ce qu'il auoit vne fois decreté, iouant à la desesperade, enuoye moyenneurs de toutes parts, pour tacher à l'accorder avec ses parties aduerses: & sur tous autres escrit à Paulin, Euesque de Tyr, à Eusebe Pamphile, Euesque de Cesaree, qui est en Palestine, & à Patrophile, Euesque de Scythopole, & à leur college, pour les prier que permission fust faite à luy & à tous ceux qui suiuyoient sa ligue, d'estre remis en son Eglise, pour illec faire presches & assemblees, ainsi qu'autrefois ils auoyent fait: allegant pour ses raisons, que ia de longue main, il auoit son rang & lieu en l'ordre des prestres de l'Eglise d'Alexandrie, & par ce moyen que suyuant la cōstume ancienne du pais d'Egypte, tout ainsi que l'estat de l'Euesque estoit d'auoir la superintendence de tout son diocese: aussi qu'il falloit que les prestres gouvernassent chacun son Eglise, & là enseignassent par harague publique chacun ceux qui leur estoient commis. Ceux-cy reçoient l'ambassade du personnage, & ayans fait avec quelques autres vn Concile prouincial au pais de Palestine, luy octroyent & conferment sa demande, & redigent par escrit leur determination & decret: permettant par iceluy à Arrius de pouoir comme au parauāt faire presches & assemblees publiques: sous l'obeissance neantmoins de son Euesque Alexandre,



Alexandre, & qu'il s'humilieroit & se soubsmettroit à luy, humblemēt le suppliant de le vouloir admettre en la grace & le reünir à soy. Il fut fait pareillement vn autre Concile en Egypte sur ce mesme affaire. Melite aussi de sa part, avec ses cōfederez, faisoit à Arrius toutes les faueurs, aydes & supports qu'il luy estoit possible, pource que luy & les siens, ainsi qu'Arrius, auoyent esté excommuniez & dechassez de l'Eglise quelque peu au parauant : au moyen dequoy, estoient mal affectez enuers Alexandre, & le haïssoient à mort. Or qui a esté ce Melite, nous l'auons ia dit au dessus. A la fin, ceste heresie ayant esté diuulguee par tout le pais d'Egypte, & par toutes les Eglises de Leuant, s'esleua par ce moyen en toute la Chrestienté vn implacable & irreconciliable diuorce. Et tellement que mesme le commun populaire s'en vouloit faire croire, & vouloit dire la sentence par dessus les plus sçauans & mieux entenduz. Par tous les plaidoyers, marchez & lieux publics, il n'estoit tenu autre propos, chacun se vouloit meller d'en disputer, enclinās les vns d'une merueilleuse animosité tantost d'une part, les autres tantost de l'autre. Et ainsi l'estat calamiteux de ces choses, cauſoit à tous vne risce & vn tragique spectacle. Car les estrangers & gens d'autre pais n'oppugnoient point les Eglises, mais les citoyens & manās d'une mesme ville, qui ne bougeoient iournellement d'ensemble, se faisoient vne guerre intestine & mortelle les vns aux autres, vſans de langues au lieu d'armes offensiuës, & s'entremordans de paroles. Et vint ceste contention iusques à telle indignité, que le Christianisme estoit à tous exposé à moquerie & à derision. Car le combatans ensemble à la façon de ieunes gens, ils enuoyoyent embassades de tous costez, pour pratiquer & gagner gens de toutes pars chacun en son endroit, s'efforçant chacune partie, qui a plus attireroit de personnes pour maintenir leur ligue & faction. Plusieurs Epistres aussi cōtraires les vnes aux autres, furēt enuoyees de tous costez, par ceux qui vouloyent ou qu'Alexandre, ou qu'Arrius accordast à leurs opinions. D'où, puis apres, toutes les heresies qui s'en sont ensuyuies, ou des Arriens, ou des Eunomiens, & autres semblables, ont prins l'occasion de leur discord, debat & contention.

*Les Melitiens, fauteurs d'Arrius.*

*Origine de plusieurs heresies yssue de telle contention.*

*Comment l'Empereur Constantin apres auoir entendu le diuorce de l'Eglise, enuoya en Orient, vn nommé Hosius, Hespagnol, pour moyenner la paix entre les discordans.*

CHAP. XII.



Este contention prins tel trait, qu'elle paruint à la fin à la Cour de l'Empereur : donc aduertie ce tres-recōmandable prince, & informé du motif d'icelle, en fut fort desplaisant : Et en conceut en son esprit vne telle tristesse & melencolie, qu'il reputa ceste calamité non autrement que la sienne propre. Parquoy il mit incontinent toute peine à esteindre ce feu ia enflammé, & à eltoupper la source de ces maux : Car il craignoit grandement que la religion, qui ne faisoit que commencer à prendre racine & vigueur, ne print diminution par cela, & que plusieurs meuz & attirez par la dissention de telles opinions, ne se débordassent de la foy. Donc

*Constantin enhorte par lettres Alexandre & Arrius à conuerse.*

ayant escrit lettres à Arrius & à Alexandre, les reprint aigrement par icelles, & les blasma de temerité, d'auoir ainsi mis en auant vne question qui du tout se pouuoit taire, & que par vne trop grande affection & conuioitise de vouloir debatre, ils auoyent sans cause & raison esuenté des choses qui ne deuoient ny esmouuoir, ny aucunemēt mettre en leur fantasie : ou pour le moins fils les y auoyēt mises, qu'il les falloit taire & cacher soubz silence, ny n'auoir tel estrif ensemble, ores que la proposition ne fust pas encore entre eux accordee. Car entre toutes choses necessaires pour la manutentiō de la foy Catholique, il croyoit celle là l'estre principale, que nous fussions tous d'un mesme accord & consentement en ce qui concerne la diuine prouidence, & que tous eussions vne mesme foy. Et que quant à rechercher ces choses si ententiuement & avec vn tel soing & sollicitude, cela estoit vne entreprise laquelle surpassoit les forces & vertus humaines. Que si quelques opinions douteuses & ambiguës sourdoyēt entre eux, qu'il estoit trop plus expedient de les tenir closes dans le secret de la pensee, comme soubz quelque vmbre, que d'en disputer ainsi publiquement & deuant tous. Parquoy il les admonnesta de s'abstenir d'ores en auant de telles friuolles disputes, mais que tous eussent vn mesme sentiment & opinion en la foy : leur attestant qu'il prenoit peu de plaisir de visiter tels personages, & les villes de l'Orient (ores que le bien public le requit) & sur toutes autres celle d'Alexandrie, se presentant tel trouble & diuision. Telles & semblables choses escriuit ce tressage & tresprudent Empereur à Alexandre, & Arrius, par lesquelles en partie les blasmoit & taxoit aigremēt, en partie les aduertissoit de leur bien, honneur & salut. Cela aussi grandement le courrouça, quand il entendit dire, qu'en Orient il y auoit aucuns qui celebroyent la feste de Pasque en autre temps qu'en celui qui pour ce faire auoit esté ordonné en l'Eglise par les Chrestiens, en s'attribuant quelque chose de singulier plus que les autres, & se retirant de l'institution coustumièremēt receue par l'Eglise vniuerselle, & qu'à la mode & façon de faire des Iuifs, ils celebroyēt leurs festes.

*En la profession de la foy, nous deuons estre tous d'accord.*

*Les questions ecclesiastiques ne doivent estre saueraiement et à la volée publiees.*

*Controuersie pour la celebration de la feste de Pasque.*

# LIVRE VIII. DE L'HISTOIRE ECCLESIASTIQUE

Par laquelle partialité & dissentiõ il se faisoit, que la tât ioyeuse & plaisante assemblée des Chrétiens, s'obscurcissoit & corrépoit. Parquoy voulant pacifier tous ces differens, & remettre l'estat des Eglises en bõ accord, procura avec soigneuse diligence d'empescher en l'un & l'autre affaire, l'impetueux cours de ce mal, premier qu'il s'espendist plus loing & qu'il infectast plusieurs autres, & de rascher par tous moyens licites, reduire ceste sedition en vne bonne concorde. Pour laquelle chose executer, fit election d'un homme de bien d'entre tous ses familiers amis, entier, tât en vie qu'en doctrine & sçavoir, nommé Hosius, qui estoit Euesque de la cité de Cordoue en Hespaigne. Homme dis-je qui comme il excellast en plusieurs choses, en cela singulierement estoit excellent, que quelque peu au parauant il auoit acquis vn grand los & honneur en la defense qu'il auoit entreprinse & executee de la profession de la foy, contre ceux qui là vouloyent opprimer: & qui pour toutes ses vertus estoit en grande reuerce & honneur enuers l'Empereur. Cestuy donc estant esleu, fut par ledit Empereur enuoyé en Egypte, avec lettres adressantes à ces contentieux, pour tacher à moyenner paix entre eux, & les reduire à vn bon accord: & semblablement à ceux qui en Orient ne se vouloyent rengier & accommoder aux autres Eglises, touchant la celebation & solennité du iour de Pasque, pour les attirer à se condescendre avec nous en nos ceremonies & façons de faire. Desquelles lettres il ne sera mal seant à la suite de nostre histoire, d'en inserer en ce lieu vne partie. Car quant à la totalité, Eusebe au second liure de ceux qu'il a escripts des gestes de Constantin, l'a recité de mot à mot. De laquelle Epistre les poinets principaux sont tels:

*Pour pacifier les troubles et dissensions qui estoient par l'Orient, Constantin enuoye en Egypte Hosius, Euesque de Cordoue.*

*Lettres de l'amy de Dieu Constantin, enuoyees à Arrius, & à Alexandre Euesque d'Alexandrie.*

## CHAP. XIII.

*Vne particule de l'epistre de Constantin, enuoyee à Alexandre Euesque d'Alexandrie, & à Arrius.*



LE victorieux Constantin, Souuerain, Auguste, à Alexandre, & à Arrius, salut. Ainsi que j'ay peu entendre, le commencement & origine du diuorce dont est à present question, est yssu de vous deux. Car premierement toy Alexandre, j'entends que tu as demandé aux prestres de ton Eglise, que c'est qu'un chacun d'eux iugeoit, touchant vn passage de l'escriture que tu as mis en auant: où (pour mieux dire) que tu les as interrogé de ie ne sçay quelle friuolle question, fondee sur quelque partie d'icelle escriture. Et quant à toy Arrius, que tu as respondu à sadite question, ce qui ne deuoit entrer en esprit, où sil estoit entré, deuoit estre retenu du tout & teu entie-

*Il est marry que l'union ecclesiastique est ainsi diuisee.*

*Les questions de la religion chrestienne n'ont necessaires, ne se doiuent facilement mettre en auant.*

rement. De laquelle dispute seroit excitee vne telle dissention, que la communion solennelle de l'Eglise a esté deniee à quelques vns, & le saint peuple de Dieu s'est diuisé en diuerses parties, tellement que beaucoup se sont retrenchez de la bien seante & accordante vnion du corps commun de l'Eglise. Ce qu'ayant entendu à la verité, vous ay bien voulu enuoyer la presente, à fin qu'un chacun de vous, selon qu'il est raisonnable, monstrent sa bonne volõté, fut obeissant à ce, à quoy vostre compagnon & seruiteur de Dieu, avec vous, iustement & legitiment vous exhorte. Et qu'est-ce, c'est qu'il eust esté beaucoup meilleur & plus expedient, de ne questionner point dès le commencement de toutes choses, ny d'y respondre aucunement. Car les questions que la necessité de la loy ou de nostre religion ne contrainst point de proposer, mais qui par vaines fadescs, caüees d'une oisüeté inutile sont mises en auant, cõbien qu'elles se proposent pour quelque exercitation naturelle, si est-ce que nous les deuons contenir dans le secret & retraite de nostre esprit, & ne les produire facilement es publiques assemblees, ny ne les commettre imprudemment aux aureilles d'un chacun. Car combien en trouue on qui puissent voir, comprendre & interpreter à la verité, bien & deuement choses tant grandes & si difficiles, comme sont celles que vous auez mises en dispute? Que sil y a aucun qui sestime le pouuoir faire, à qui du commun peuple le pourra il faire entendre? Où qui sera celuy-là qui pourra se defendre contre les arguties & subtilitez de choses si hautes, sans vn dangereux trebuschemet? Au moyen dequoy, la trop longue dispute en telles choses, est à prohiber, de crainte que si aucunement ou l'imbecillité de nostre nature ne puisse declarer ce qui est proposé & mis en auant, ou que l'hebeté & peu subtil esprit des auditeurs apprentifs, ne puisse comprendre la parfaite intelligence de la question proposée, le peuple ne tombe en la necessité de l'un de ces deux-cy, ou de blasphemie, ou de schisme & diuision. Par ainsi, il faut que l'imprudente interrogation, & l'inconsiderée response cede ensemble d'une part & d'autre esgalement: Car vous n'auéz pas prins l'occasion de vostre dispute, ny ne l'auéz fondee sur quelqu'un des principaux commandemens de nostre loy, ny n'auéz introduit & mis en auant aucune nouvelle institution touchant la religion: mais vous ne vous estes proposé qu'une & mesme raison, comme aussi vous n'auéz qu'un & mesme signe de communion. Or n'est il ne beau ne seant à vous, qui par vos prieres & oraisons & avec vne prudence & modestie deuéz regir & gouverner vn si grand peuple de Dieu, d'auoir vn tel discord l'un contre l'autre pour si petites choses, & de si peu de consequence, Mais à fin que

*i'aduertisse*

„ l'aduertisse vostre sapience par quelque petit exemple, vous sçauiez assez, comme ie croy, que *Exhortatiō*  
 „ les Philosophes s'accordent tous en vne opinion & sentence qui entre eux aura vne fois esté *à concorde*  
 „ decretée & arrestée: de sorte, que si de fortune il aduient qu'ils soyent discordans en quelque *& unioi*  
 „ partie de l'une de leurs sentences & opinions, i'açoit que quant à la force & vertu de la science,  
 „ ils soyent diuisez, si est-ce toutesfois qu'ils conspirent tous, & s'accordent les vns aux autres en  
 „ l'vnité du corps vniuersel & société d'entre eux. Veu donc que ces choses sont telles, combien à  
 „ plus forte raison est il iuste & conuenable que vous qui estes establis au seruice de ce grād Dieu,  
 „ & colloquez au gouuernement d'une si grande religion, vous soyez d'accord & vnanimés les  
 „ vns avec les autres? Or ça considerons, ie vous prie, avec plus meure deliberation, & prenons  
 „ garde plus attentifvement à ce qui a esté deuant dit: si cela est honneste, & si c'est bien fait, que  
 „ pour quelques petites picques & vaines paroles que auez ensemblément, les freres s'esleuent  
 „ ainsi contre les freres: & que vous soyez cause que les assemblees solennelles soyent diuisees  
 „ par vne impitoyable dissention, qui est entre vous, qui ainsi guerroyez par mutuelles conten-  
 „ tions & debats de ie ne sçay quelles friuolles disputes ny bonnes, ny necessaires que vous auez  
 „ les vns contre les autres. C'est à faire à ie ne sçay qui, & cela ressent plus l'esprit & folie d'en-  
 „ fans, qu'une sapience d'hommes graues & prudents. Retirons nous donc de nous-mêmes  
 „ sans force ne violence, des tentations du diable. Ce grand Dieu & sauueur de nous tous, a *Constantin*  
 „ espandu & fait luire sa lumiere comme sur tous: par la prouidence duquel permettez que ceste *demande*  
 „ mienne affection & bonne volonté, de moy qui suis son seruiteur, sortisse son effect: à sçauoir *qu'il luy*  
 „ que ie puisse reuoker vous qui estes son peuple, en vne communion de paix, par ma parole, mi- *soit permis*  
 „ nistere, & instante exhortation. Car (comme i'ay desia premis) il n'y a en vous qu'une seule foy, *qu'en abo-*  
 „ & vne seule opinion de vostre profession Chrestienne, & le commandement de la loy avec ses *lissant l'ex-*  
 „ parties ne tend qu'à vne fin, propos & volonté de l'ame. Cela donc qui entre autres choses a ex- *communica-*  
 „ cité & esmeu en vous vne contention, pour autant qu'il n'est pas referé à la vertu de la loy, ne *tiō des Ar-*  
 „ doit point faire entre vous de diuision & de sedition. Ce que ie dis, non pour vous imposer vne *riens, de re-*  
 „ necessité d'assopir totalement ceste tant puerile & imprudente, ou telle quelle question. Car *dire le peu*  
 „ vous pouuez pour cela solennellement en toute syncerité celebrer vn Concile general, & illec *ple chre-*  
 „ garder vne vnion ensemble, encore qu'en vne partie d'entre vous se puisse engendrer quelque *stien en la*  
 „ debat particulièrement. Car en toutes choses nous n'auons pas tous vne mesme volonté, ny ne *comuniō de*  
 „ sommes pas tous d'une semblable nature & opinion: Parquoy, quant à ce qui touche la proui- *l'Eglise.*  
 „ dence diuine, faites qu'il n'y ait en vous qu'une foy, opinion, & consentement en Dieu. Et en  
 „ ce qui concerne ce qui a esté entre vous deux en dispute, pour ie ne sçay quelles friuolles que- *Constantin*  
 „ stions, combien que vous ne tombiez pas d'accord, il est trop mieux de le garder dans le secret de *estime la*  
 „ son estomach & du tout s'en taire, que de le pourfuyre d'auantage: Parquoy mettez peine que *vie luy è-*  
 „ cest ineffable & principal sacrement de reconciliation, amitié, & charité commune, la foy de la *stre amere*  
 „ verité, le seruice de Dieu, & l'honneur & reuerence deue à nostre religion & loy Chrestienne *& malplai*  
 „ soit & perseuere en vous fermement & constamment. Reconciliez vous les vns aux autres, & *sante, si l'af-*  
 „ retournez en grace & bienueillance mutuelle: rendez à tout le peuple l'amitié & syncerité de *faire Eccle-*  
 „ cuer que leur deuez: & vous, comme si en ce faisant vous purgiez vos ames, reconnoissez de *siastique*  
 „ rechef l'un l'autre. Car souuent l'amitié est plus gaye & abondante es personnes, quand apres *n'est redui-*  
 „ les inimitiez & controuerses qu'on a eues ensemblément, on vient à se reconcilier l'un l'autre. *te à vne*  
 „ Rendez moy pareillement mes iours clers & serains, mes nuits seures & paisibles, à fin que *paix &*  
 „ par cy apres i'aye quelque iouissance & recreation de la pure lumiere & tranquillité de vie. Au- *tranquillité.*  
 „ trement, force me sera de consumer le reste de ma vie en continuels pleurs & gemissemens, ai-  
 „ mant plus cher estre mort, que de viure en la sorte. Car si ainsi est, qu'un si grand & si copieux *il ne fault*  
 „ peuple, des seruiteurs de Dieu, comme moy, par vne tant inique & dommageable altercation, *pas rompre*  
 „ discordant ainsi entr'eux, comment se pouura il faire, qu'entendant tous ces debats, ie puisse *l'unioi &*  
 „ desormais estre en repos & tranquillité d'esprit? Mais à fin que vous sentiez la grandeur de ce- *communiō*  
 „ ste mienne tristesse, escoutez la ie vous prie. Estant ces iours arriué à Nicomedie, me disposois *Ecclesiasti-*  
 „ d'aller aussi tost en Orient: Mais comme ie m'acheminois vers vous, & fusse ia pres de vous, *que pour*  
 „ nouuelles me sont venues de vostre différent, que i'ay trouué fort mauuais: tellement que cela *questiōs de*  
 „ a retardé mon chemin, de peur que contrainte me fust veoir de mes yeux choses que ie pensois *peu d'effe-*  
 „ impossibles pouuoir tomber au sens des aureilles humaines. Parquoy si vous voulez que ie *cace.*  
 „ pourfuyue cy apres mon chemin, ouurez le moy par vostre concorde, qui par vos debats & mu-  
 „ tuelles dissensions me l'avez clos & fermé. Et faites que de bref ie puisse veoir & vous & vos  
 „ peuples remplis de toute ioye & liesse, à fin que ie puisse par mesme moyen rendre à Dieu par  
 „ prieres fauorables, deue action de graces, pour la concorde & liberté d'un chacun de vous.

„ Mais comme ie m'acheminois] *Constantin allant de Nicomedie en Orient, & estant certain sur le*  
 „ chemin du divorce des Eglises, reprend le chemin qu'il estoit venu.

*Hosius s'en  
reueint à  
l'Empereur  
sans rien  
faire.*



*L'Empereur  
Cōstantin de  
nonce le pre  
mier cōcile  
de Nice.  
Les Eues  
ques des pre  
mieres Egl  
ses de la  
chrestienté.  
Les manda  
taires des  
Euesques de  
Rome &  
de Constan  
tinople.*

*Plusieurs  
gēs laiz do  
ctes & cra  
gnās Dieu,  
se trouuerēt  
aussi à ce  
Concile.  
Ce qu'escrit  
Eusebe Pam  
phile tou  
chant l'as  
semblee du  
Concile de  
Nice.*

A prudence del'Empereur fut telle à escrire les choses susdites. Tant y a que pour tout cela ne s'appaisa le diuorce des parties litigantes, ains au contraire s'augmentoit de iour à autre de plus en plus : tellement qu'au rebours de toute bonne esperance, les affaires tornoient tousiours de mal en pis, & l'impatiente & desmesuree contention, ne laissoit aucun lieu à reconciliation mutuelle: Car ny la tant affectionnee pieté de l'Empereur, ny l'excellète vertu & efficace del'orateur, ne peut aucunemēt remedier à tout cela. Et tant s'en fallut que les personnes fussent persuadez à se reconcilier les vns les autres, & à retourner en grace, qu'au contraire,

ils furent d'auātage irritez à se venger. De sorte, qu'Hosius, qui y auoit esté enuoyé pour tascher à moyenner la paix entre eux, fut cōtraint de retourner vers l'Empereur, sans rien faire. Parquoy iceluy Empereur voyant que ce mal s'augmentoit tous les iours de plus en plus, commanda assembler en Bithynie le Synode de Nice tant celebré, & par lettres qu'il enuoya par toute la Chrestienté, manda venir en ce lieu tous les Euesques au iour par luy assigné : qui pour ce faire n'auoyent autres montures que les charrois, cheuaux, iumens, & mulets publicqs, lesquels ils louoyent pour porter eux & leurs hardes, & ceux qui pour les seruir ils menoyent avec eux. En ce lieu de Nice, presque de toutes les prouinces & villes de la Chrestienté les peres s'assemble-  
rent: les noms desquels, ensemble des villes dont ils estoient Euesques, le grand Athanasé a redigé par escrit en son liure qu'il a fait des Conciles generaux. Le nombre des Euesques fut enuiron de trois cens dix-huict, sans les Prestres & Diacres qui les auoyent accompa-  
gnez, qui ne montoient guere moins. En ce temps là, tenoyent les sieges Apostoliques, à Alexandrie, ville assise sur le lac Mareotide, Alexandre: A Antioche située sur le fleuue Orontes, auoit la superintence de l'Eglise, vn nommé Eustache, qui par eslection des Euesques prouinciaux, & des prestres, & du commun peuple de Dieu, fut tiré de la villé de Ber-  
rhoé, pour estre subrogé au lieu de Philogone, qui depuis n'aguere estoit decedé en nostre Seigneur, & transporté en meilleure vie que celle de ce mode. Sur celle de Ierusalem presidoit Macaire, homme de bien, & respondant au nom qu'il portoit. A Rome, administroit l'Eglise vn nommé Iules, & à Constantinople, Alexandre. Mais pource que celuy de Rome estoit lors fort vieil & decrepit, & celuy de Constantinople fort debilité de maladie, ils n'assisterent point à ce Concile, mais se teindrent chacun en son siege: & en leur lieu enuoyerēt vne couple de prestres. Celuy de Rome y enuoya Vite & Vincēt, & celuy de Cōstantinople deux autres pour sa part, hommes en bonne vie & sçauoir fort excellens. Ceux-cy auoyent commandement d'eux & creance de tenir leur lieu en ceste assemblée, & d'approuuer à fait & à dit, tout ce que bien & deuement y seroit fait & decreté. En ce Synode, plusieurs assisterent doüiez de pareils dons & graces que les Apostres: dont les vns pour auoir constāmēt soustenu la foy Chrestienne, en portoyēt les marques & notes empreintes avec vn fer chaud en leur chair: & de ce nombre, entre les Euesques, estoient les Principaux Paphnuce, Euesque de la haulte Thebaïde, Spyridon Euesque de Trimythunde qui est en Cypre, Hosius Euesque de Cordoue, & Iacques Euesque de Nisibe (car ainfi estoit appellee au parauant Antioche, qui est en la contree de Mygdonie) lequel ressuscitoit les morts, & faisoit plusieurs autres miracles: Meletie, Euesque de Sebaste: Basile, Euesque d'Amassee, Nicolas, Euesque des Myroriens: Georges, Euesque de la grande Armenie: Paul, Euesque de Neocesaree, qui est sur le riuage du fleuue Euphrates, estāt priué de l'vsage des deux mains par l'improbité de Licinie, qui luy auoit fait brusler, avec vn fer chaud, les veines & nerfs, esquels consiste la force & vertu du mouuement. Et quelques autres, ausquels en partie on auoit arraché vn œil hors la teste avec vn fer ardēt, en partie mutilé les iarrets dextres avec vn cautere, tellemēt qu'ils ne se pouuoÿēt porter sur les pieds. Du nombre desquels l'Egyptien Paphnuce en estoit l'vn, duquel plus à plein, & de Spyridon pareillement, nous traicterons cy apres. Et pour le faire bref, tous les martyrs entierement qui pour lors restoyent encore en vie par la Chrestienté, se trouuerent en ceste sainte assemblée. Là semblablement comparurent plusieurs autres excellens personages laiz, fort doctes & eloquens, & bien versez en toutes sortes de lettres, tant saintes que prophanes, bien appareillees de monstres leur sçauoir, & de constamment tenir ou pour l'vne, ou pour l'autre partie. Eusebe Palestin, faisant le recit de ceux qui assisterent à ceste assemblée Synodale, dit ainfi au tiers liure de l'histoire qu'il escrit des gestes de Constantin:

De toutes les Eglises qui sont par toute l'Europe, Libye & Asie, les chefs & colomnels des ministres de Dieu conuindrēt en vne Eglise d'oraison, vous eussiez dit qu'elle auoit esté de Dieu dilatee & amplifiee tant il y entra de gens. Là se trouuerent Syriens, Ciliciens, Pheniciens, Arabes, Palestins & les Egyptiens leurs voisins, Thebeens, Libyens, Mesopotamiés & mesme vn Eues-

que

que de Perse. Le Scythien mesme ny defaillit. Ceux de Pont pareillement, d'Asie, de Phrygie, & Pamphylie, y enuoyerent leurs deleguez, les plus excellens qu'ils auoyent peu choisir & trouuer par tout leur pays. Là aussi comparurent les Traces, Macedoniens, Achayens, & Epyrotes: Et ceux mesmes qui sont beaucoup plus loingtains qu'eux. Ce tant celebre aussi & tant renommé Euesque d'Hispaigne, Hosius, estoit l'un des assistans. Celuy de la ville Imperiale estoit absent, derenu de son extresme vieillesse, mais son default & absence fut suppléé par deux Prestres qui en son lieu sy presenterent. Et ainsi ce debonnaire Empereur Constantin a esté le seul, qui depuis la constitution du monde, ayant amassé telle compagnee, avec lien de paix, l'a consacrée pour quelque don & largesse d'action de grace en recongnissance de la victoire obtenue sur ses ennemis, à son Sauueur Iesus Christ: nous exhibant & representant cest excellent patré pour l'aduenir d'une assemblee Apostolique, si le cas aduenoit qu'un tel diuorce s'esleuast en l'Eglise de Dieu. De sorte, que lors a esté accomply ce qui est dict és Actes des Apostres, que gens craignans Dieu estoient là assemblez de toute nation qui est sous le ciel: entre lesquels estoient Parthiens, Mediens, Elamites, & qui habitent en Mesopotamie, & en Iudee, & en Capadoce, Pont & Asie, Phrygie & Pamphylie, Egypte, & és parties de Lybie, qui est à l'endroit de Cyrene, & ceux qui se tiennent à Rome, & Iuits, & Proselytes, Creteins, & Arabiens. Mais vne chose defailloit en l'assemblee mentionnée és Actes des Apostres, à sçauoir que ceux qui couindrent lors n'estoyent pas tous seruiteurs de Dieu: mais ceux de ceste presente assemblee, l'estoyent tous, excédans le nombre de trois cens Euesques, sans les Prestres, Diacres, Acolistes, & plusieurs autres, qui les auoyent accompagnez, dont le nombre ne se peut dire ne comprendre. Entre ces seruiteurs de Dieu, aucuns excelloyent en eloquence & beau parler: les autres en syncerité & assurance de bonne vie: les autres en constance de patience: les autres de rechef estoient douiez des dons de Dieu moindres que ceux-là. Il y auoit aussi en la compagnie desdits, des gens fort honorables pour la vieillesse en laquelle ils estoient: les autres florissoient en ieunesse & vigueur d'esprit: les autres estoient nouuellement establis en la charge qu'ils exerçoient. Et iceux tous estoient iournellement nourris & alimentez aux despens de l'Empereur, lesquels d'une grande magnificence & liberalité il ordonna leur estre fournis, tout le temps qu'ils seroyent là congregez. Voila ce qu'en escrit Eusebe.

*Apostolique  
assemblee  
des Eues-  
ques au con-  
cile de Nice.*

*Liberalité  
de Constan-  
tin à nour-  
rir ceux qui  
assistèrent au  
Concile: en  
quoy est as-  
sez monstrée  
la pauureté  
des Eues-  
ques de ce  
temps là.*

*Des choses qui furent faites auant le Concile: & des deux Philosophes, qui contre l'opinion  
de toute l'assistance furent conuertis à Iesus Christ.*

Chap. XV.



L'en trouua là aussi plusieurs, qui fort & ferme soustenoyent le party d'Arrius, & approuoyent son opinion. Entre lesquels estoient les principaux Eusebe, iadis Euesque de Beryte, & lors de Nicomedie, Tergue, Euesque de la mesme cité de Nice, & Marin, Euesque de Chalcedone en Bithynie. Contre lesquels vaillamment combattoit Athanasie, Archidia- cre d'Alexandrie, pour estre homme excellent en toute doctrine & vertu, & fort graue, acut & subtil disputateur, & qui pour son sçauoir & sainte affection à la foy Chrestienne, faisoit la plus grande partie du Concile: au demeurant, fort bien congneu tant de l'Empereur, que de ses fami-

*Euesques A-  
rriens sans.*

*Athanasie  
archidia-  
cre d'Alexan-  
drie.*

liers & domestiques. A cause de quoy il prouoqua grandement contre soy la malueillance & haine des Arriens, comme par le discours de ceste histoire il sera dit cy apres. Or faut-il entendre qu'auant que les Euesques s'assemblassent au consistoire, pour determiner des affaires de ce concile, ouuerture & permission fut faite à tous ceux qui estoient entendus és arts liberaux, & qui vouloyent entrer en la lice de dispute (comme il se fait ordinairement en toutes controuerfes & causes litigieuses) de faire le coup d'essay, sur le different des sentences & opinions qu'un chacun suyuoit. Mais comme aucuns esprits du plaisir de la dispute procedassent trop auant, aduint que quelcun du nombre des Confesseurs laiz, qui là assistoit, doué d'une simple prudence, leur dict: Les premiers autheurs & fondateurs de nostre doctrine, ne l'ont mise en auant, ne plantée par paroles fraudulentés & capricieuses, ny par art de disputes contentieuses: ains l'ont simplement & appertement fondée sur vne foy nue, bons enseignemens, & bonnes œures. Le mesme monstra aux Arriens, qu'ils ne deuoyent rien innouer de ce qui concerne la foy, qui dès le commencement leur auoit esté baillée: mais qu'ils deuoyent suyure & embrasser simplement, sans autre inquisition ne poursuite, l'aduis de leurs deuanciers, touchant la creance qu'il faut auoir, & l'honneur & reuerence qu'il conuient faire à Dieu. Eux au contraire disoyent qu'il ne falloit receuoir les opinions & sentences des anciens, que premierement elles ne fussent diligemment examinées par disputes. Les uns iugerent, que l'aduis & conseil de ce Confesseur n'estoit point à mespriser: les autres, pour autant qu'ils sçauoyent fort bien qu'il disoit la verité, ne voulurent plus deslors auoir propos ne dispute avec luy. Il y eut aussi plusieurs Philosophes de

*Le comen-  
cement et essay  
de la dispute  
du Concile  
de Nice.*

*Dict excel-  
lent d'un  
Confesseur  
laiz.*

*les philosophes mesmes infidelles disputent de la profession Chrestienne: mais d'une mauvaise volonte.* toute la Grece, qui s'immiscerent en ces disputes, là venus les vns pour par experience sçauoir & congnoistre quelle estoit nostre religion: les autres, pour l'indignation & duel qu'ils auoyent de ce que pour le Christianisme naguere venu en lumiere, les impostures de la superstition Grecque se supprimoient de iour en iour, & du tout venoyent à neant. De sorte que ceux cy mettoient toutes les peines qu'ils pouuoient, à tirer nostre profession Chrestienne en vne contentieuse controuerse, afin que par intestines dissensions, elle fust vilipendee, mise sous les pieds, & moins agreable à plusieurs qui la suyuoient.

*Spiridon Euesque fort age, fait cõdescendre en peu de paroles les subtils philosophes à la religion Chrestienne.* Or aduint il vn iour, qu'un d'entre eux esteue d'une ambition par trop aduantageuse, & iactance pour l'art de rhetorique & dialectique, & eloquence dont il sçauoit fort bien s'aider, se mocquoit de la simplicité de nos prestres, leur obiectant, par vne reprehensio, que tout ce qu'ils disoyent ne contenoit que friuoles & resueries. Quelque ancien des nostres oyant ces propos, & ne pouuant supporter telle arrogance & outrecuidee elation (on tient que ce fut ce grand & tant celebre Spiridon) l'assaillit par dispute. Les presomptueux & temeraires qui là estoient, cõmencerent à tourner le tout en moquerie & derision: mais les plus raisonnables & plus humains, doubtoient fort que ce vieillard qui estoit du tout ignare des sciẽces & disciplines Grecques, ne succombast, & ne seruist de risée à ce personnage, qui toute sa vie n'auoit fait autre profession que des lettres, & qui estoit fort bien instruit en toute finesse & subtilité de dispute: & neantmoins d'autre costé, ils craignoient de destourner vn homme constitué en telle dignité, d'une si bonne entreprinse.

Après donc que permission luy eust esté faite de poursuyure sa bonne affection, va ainsi parler à ce Philosophe: Escoute (dit-il) ô Philosophe, au nom de Iesus Christ: Il faut que tu entendes, qu'il n'y a qu'un Dieu, qui a creé ce ciel & ceste terre, & toutes choses qui sont en eux, tant visibles qu'inuisibles, & qui par la vertu de son Verbe, les a toutes produites & les soustient: & par la sainteté de son esprit les assure & confirme. Ce Verbe, qui de nous est appelé le fils de Dieu, ayant pitié & compassion de l'erreur & seduction du genre humain, est venu en ce monde, & a prins corps humain substantiellement au vêtre d'une vierge: il est aussi mort pour nous, & resuscité le troisieme iour, & doit venir à la fin des siecles pour enquerir & iuger les faictz des viuans & des morts. Nous croyons ces choses estre telles, sans autre curieuse inquisition. Ny ne t'enquiers comment ces choses sont telles, ny ne sois si hardy de vouloir faire demonstration ou enqueste de la raison d'icelles: Car elles excèdent toute raison humaine, & surpassent toute congnoissance. Ce qu'après auoir dit, il se teut quelque peu de temps sans plus mot dire. Puis reprenant sa parole: Crois tu cecy (dit-il) ô Philosophe? Responds.

A cecy ne sceut de prime face que dire ce Philosophe, mais demeure là tout esperdu, la bouche ouuerte: puis quelque peu apres ayant repris ses esprits, respond qu'il le croyoit: & se cõfessant incontinent vaincu, s'escria qu'il auoit le mesme sentiment de foy, qu'auoit ce vieillard, & qu'il ne vouloit croire autre chose que luy. Et ce fait, admonnesta tous ses compagnons qui là estoient, de faire le mesme que luy, & auoit pareille volonte: protestant par son serment deuant toute l'assistance, n'auoir pas embrassé ceste religion sans au preallable estre poussé de vertu de Dieu, & qu'il y auoit esté soudain attiré par ie ne sçay quelle vertu ineffable & secrette.

*Alexandre euesque de Constantinople fait le pareil en un autre philosophe.* On dit chose approchante de ceste cy estre par apres aduenue à Alexandre, Euesque de Constantinople: Car le concile paracheué, & l'Empereur Constantin estant de retour à Constantinople, vindrent à luy quelques Philosophes Grecs, comme pour se plaindre à luy, & luy faire remonstrance de la façon qu'il auoit changee & innouee d'honorer Dieu, en introduisant en la Republique nouvelles ceremonies & manieres de le seruir, contre celles que leurs deuanciers, & tous les Princes qui par le passé auoyent seigneurie tant les Grecs que les Romains, auoyent obseruees: & qu'ils vouloyent sous son congé & obedience, disputer de ceste doctrine avec l'Euesque du lieu, Alexandre. Ce que ce bon Euesque accorda volontiers, bien qu'il ne fust des plus exercez, & presque du tout imperité en l'art de Dialectique: toutefois se confiant en Dieu totalement, & en l'integrité de sa vie (car il n'auoit lors son pareil en toute preud'homme & bonté) puis qu'il plaisoit à l'Empereur d'ainsi luy commander, ne voulut reculer la lice & combat de telle dispute.

Et comme plusieurs Philosophes fussent là assemblez, Alexandre les requit qu'ils nommassent l'un des plus excellens d'entre eux pour entreprendre ceste dispute, & que les autres estans tous assis, se teussent & escoutassent paisiblement. Et ainsi l'un d'eux s'estant présenté au combat, Alexandre commença à luy dire: Au nom de Iesus Christ, ie te commande de te taire. Ce qu'ayant entendu ce Philosophe, sa langue fut tellement retenue & liee, qu'il deuint totalement muet sans pouoir dire autre chose: espouuantant par effect aduenue en la personne ses compagnons, & par signes des yeux & de la teste, qu'il faisoit, les espouuantant. Or apres auoir signifié par signes & gestes des mains qu'il croyoit, sa langue se deslia & recouura sa voix. Et ainsi par experience il apprint la vertu & doctrine de ce mystere. Voila ce qui aduint touchant cecy.

Comme



Comme l'Empereur Constantin assista au concile de Nice : & de la harangue qu'il feist aux Euesques.

Chap. XVI.



Pres donc que l'Empereur eut paracheué la feste qu'il ordonna estre faite en l'honneur & memoire de la victoire qu'il auoit obtenue alencontre de Licinie, vint à Nice, où dans le palais Imperial commanda soudain dresser vn grand edifice, avec vne grãde quãtité de sieges & marchepieds tout alentour, pour seoir les saints personages qui là se deuoyent assembler. Il feist quant & quant reuestir les parois de riches & somptueuses tapisseries : & ce fait, comãda que tous entraissent en ce lieu, & prinsent place, chacun selon son degré & dignité. Et estans tous entrez, il y entra finalement tout le dernier quand bon luy sembla de ce faire, & avec bien peu de suite. Il le faisoit fort bon veoir, car il estoit vn homme grand de corsage, & d'vne belle taille, ayant le visage riant, representatif d'vne gracieuse & decẽte maiești, digne de tout honneur & respect. Or luy ayant esté mis & preparé vn throne, beaucoup plus bas, & moindre que sa maiești Imperiale & grandeur ne portoit, ne s'y voulut iamais seoir, sinon que avec le congé & permission des Euesques : tant estoit grande l'humanitẽ & reuerence en cest Empereur enuers ces saints personages. A la fin, estant par eux prié & admõnesté de se seoir, il s'assit le premier en ceste sacree assemblee, & apres luy, toute l'assistãce. Où apres que silence fut fait, se leua avec vne remarquable honnestetẽ l'Euesque d'Antioche, nommé Eustathie, & avec vne docte harangue qu'il eut auant tous autres, fut le premier, qui, comme de quelques fleurs recentemente cueillies, exorna de louenge le chef Imperial, & d'vn honneur legitime, & souhait de tout heur & prosperitẽ à sa maiești Imperiale, guerdõna par icelle oraison sa tant recommandable affectiõ qu'il auoit enuers la promotion & auancement de l'honneur de Dieu, & de son Eglise. Apres luy, harangua aussi Eusebe Pamphile, Euesque de Cesarẽe. L'oraison duquel, ainsi que du precedent, ne contenoit en substance, que les louenges des vertueux actes de ce deuot Empereur, consacrant par le merite d'iceluy, actions de graces, hymnes & cantiques, à Dieu : Lesquelles paracheuees, & apres qu'encore de rechef eut esté fait silence, l'Empereur monta en chaire, & là vĩa d'vne fort honneste & sainte exhortatiõ, par laquelle il s'efforçoit de tout son pouuoir d'inciter les Euesques à auoir & maintenir entre eux paix & concorde : commandant sur l'heure de chasser arriere d'eux, & mettre en oubly, toute rancune & malueuillãce, que chacun particulierement pouuoit auoir l'vn contre l'autre. Ce qu'il disoit, à cause que plusieurs d'entre eux s'estoyent entre-accusẽz les vns les autres enuers sa maiești : & pensans que le tẽps & l'opportunitẽ se fut la presentee, pour auoir raison de ce qu'en son endroit vn chacun d'eux se trouuoit offensé, & dont il disoit auant esté fait tort de toutes les querelles, debats & differens qu'ils auoyent ensemblement, ils en auoyent presenté à l'Empereur requestes, charges & informations. Lesquelles ayant tref-volontiers & humainement receues, dit qu'à quelque certain iour il delibereroit de ce qu'il en denoit faire : & ce pendant commanda que pour le present on procedast sur ce qui auoit esté mis en auant & proposé touchãt la foy. Car il y en auoit plusieurs qui sans qu'aucune occasion leur en eust esté baillee, auoyent conceu de longue main, grandes haines & inimitiez contre quelques Euesques, & par ce moyen les auoyent accusez & blasphemẽz enuers l'Empereur, & à luy presenté leurs plainctifs & griefs par escrit. Apres auoir empacquees ensẽble toutes ces querimonies, il les cacheta de son seau, de crainte qu'elles ne fussent veues, & commanda icelles estre diligemment gardees. Quand le iour fut venu, lequel auoit esté de luy ordonné pour decider ces differens, luyuant la conclusion qu'il en auoit faite, tenant entre ses mains ces requestes : Ces accusatiõs icy (dit-il) que vous m'auẽz presentees, Messieurs, soyent renuoyees deuant ce grand iuge, pour en estre par luy faite la decisiõ, & donnee la sentence & arrest au iour de son dernier iugement : auquel aussi sont toutes choses occultes patẽtes & manifestes : Car quant à moy qui suis hõme subiect à peché, il me semble estre illicite de receuoir & en tendre, ou d'auoir la congnoissãce des accusatiõs des personnes Ecclesiastiques. Aussi pense ie estre chose totalement indecente & moins cõuenable, que les ministres de Dieu se monstrent tels en leurs meurs, creante & estat, qu'il faille qu'ils soyent iugez & sentenciez par moy, ou par autruy. Car si les delicts & offences des prestres sont congneuz de plusieurs, ils leur est par cela donné grande occasion & matiere de scandale, & de s'accoustumer à offencer Dieu sans crainte ne danger. Parquoy en imitant nostre Sauueur Iesus Christ, faites que vous vous pardonniez les vns les autres, & qu'entre vous il n'y ait iamais querelles ne debats : Car il a dict, que celuy qui veult auoir grace & pardon de ses faultes, il fault que premierement il pardonne à celuy qui l'a offensé, & se reconcilie avec luy. Cela dict, il brusla en pleine assemblee toutes ces requestes, charges & informations, apres auoir protesté sur sa foy n'auoir rien veu ne leu de tout ce qui estoit contenu en icelles. Il dict encore d'auantage, que s'il auoit trouuẽ vn Euesque violer la femme d'autruy, qu'il cacheroit sa faulte de

La session  
des saints  
peres au cõ-  
cile de Nice.

Constantin  
se sied au  
cõcile avec  
les saints  
peres.

Constantin  
enhortẽ les  
euesques  
d'auoir paix  
& concorde  
entre  
eux.

Requestes,  
charges &  
informa-  
tiõs presen-  
tees à l'em-  
pereur.

Constantin  
en presence  
de toute l'as-  
semblee  
brusle les  
informatiõs  
à luy presen-  
tees, & les  
renuoye au  
iugement de  
Dieu.

# LIVRE VIII. DE L'HIST. ECCLESIASTIQUE

*Les offenses & delicts des Euesques doiuent soigneusement estre cachez de peur de scandale.* son manteau, plustost que de le deceler, de peur qu'un si ord & si vilain acte ne causast aux spectateurs occasion de mal & de scandale. Voila ce qui fut fait, premier que de s'assembler au concistoire pour decider des affaires de la foy. Or faut-il noter qu'en ceste assemblee des peres, il eut encore vne oraison, pour les enhorter par icelle à paix & vnion les vns avec les autres: puis leur commanda de consulter entre eux des propositions mises en auant touchant la foy, & en toute syncerité de conscience d'en dire leur aduis & opinion, selon qu'il sembloit à vn chacun d'eux. De laquelle oraison en voicy le sommaire:

*Oraison de constantin.* Peres, & treschers freres (dit-il) ie rends graces à mon Dieu pour tous les biens qu'il m'a faicts, & sur toutes choses principalement de m'auoir fait la grace de m'estre trouué en ceste sainte assemblee: Car à bon droit i'ose ainsi parler, puis que le commun Sauueur de nous tous, m'a tant presté de faueur, que l'affaire par moy entreprinse, s'est mieux portee, que ie n'eusse osé souhaiter: Car ne faut-il pas estimer vn grand heur m'estre aduenü, de veoir par la grace & permission de Dieu, vn tel amas de prestres & ministres d'iceluy en vn concile & assemblee generale? Mais tout ainsi que ie suis fort aise de vous veoir tous icy assemblez, aussi desirerois ie fort affectueusement de vous veoir tous penser vne mesme chose, & estre tous d'un mesme consentement d'esprit & d'une mesme opinion: Car entre tous les maux que l'homme pourroit dire ou estimer, ie pense & croy cela estre le pire, que ie voy l'Eglise de Dieu discorder en foy par troubles & seditions, & à la façon d'ennemis guerroyer ainsi les vns contre les autres par diuerses & contraires opinions. Car voyant que les choses que i'ay icy recitees sont de tous cogueues maintenant (ce que Dieu ne vueille toutefois) de quelle douleur cuidez vous auoir esté lors mô cœur atteint & nauré, quand i'entendy premierement que vous estiez enuoloppez en ces seditions? Choses certes mal seante à vous, qui estes ordonnez les ministres de Dieu, & les heraults & annonciateurs de paix. Qui sera-ce maintenant, qui persuadera aux autres de suyure le conseil de paix, concorde, & vnion, quand vous qui deuez estre les exemplaires de toute sainteté, prenez les armes avec telle inimitié, & vous faites ainsi la guerre les vns contre les autres? C'est ce qui m'a occasionné d'assembler ce Concile, qui suis Empereur & seruiteur de Dieu avec vous. Et ne requiers de vous, autre grace & faueur (laquelle il est autant iuste & raisonnable, que ie reçoie de vous, qu'à vous de me la faire & octroyer) sinon que les choses qui ont engendré ceste sedition & trouble, produites en euidence deuant tous, & les controuerses decidees par vn conseil paisible & moderé, vous reduisiez tout le monde en paix, & en vn consentement de doctrine selon la grace qui vous accompagne. Et se fera par ce moyen, que moy & ceste vostre grande & sacree assemblee, emporterons la victoire sur le diable nostre ennemy, & l'ayans despoillé de ses armes, desquelles il s'aide contre nous, en ferons vn commun trophée. Lequel apres la subite deffaicte des pestilentiex tyrans (de l'aide desquels il vsoit auparauant en toutes choses à sa volonté) estant soigneux & diligent en ses affaires, a de rechef esmeu ceste guerre tant intestine, par vne enuie qu'incessamment il porte à nostre auancemēt, heur & prosperité. Parquoy, comme si i'estois deuant Dieu, ie vous prie affectueusement, que chacun en son endroit reiette de foy l'ennuy & fascherie, qui en l'esprit le tourmente, & s'estudie au profit de la commune concorde. Car que nul d'entre vous ne pense que la Republique se puisse bien & deuement administrer, si par seditions & dissides vous vous combattez ainsi. Et de fait, c'est chose fort estrange & ennuyeuse, que les ennemis de nostre foy estans maintenāt deffaicts & vaincus, & que nul n'ose s'opposer au contraire d'icelle, vous vous guerroyez ainsi par armes les vns les autres, & que bailliez par ce moyen occasion de plaisir & de risée aux ennemis, & mesme en chose qui concerne le principal poinct de nostre religion Chrestienne. Et vous encore principalement, qui par la doctrine du saint Esprit estes apertement enseignez de tout ce qu'il vous fault faire & croire. Car de fait, l'escriture des saintes Euangiles & les paroles diuinemēt inspirees des Apostres, ensemble les anciens oracles des Prophetes nous enseignent ouuertement tout ce qu'il nous conuient dire & sentir de Dieu. Parquoy la contention qui entre vous a incité & esmeu ceste guerre des choses saintes, estant mise au loing, encerchons par la diuine doctrine la decision de ces controuerses. Chose certes qui ne nous sera moins profitable que facile à trouuer, si nous voulons.

*De quelles choses furent faits decrets au Concile de Nice, & du saint Symbole de nostre foy.*

*Chap. X V I I.*

*progres du Concile de Nice.*



Elles ou semblables choses dit ce bon Empereur aux Euesques, ainsi qu'un deuot & religieux Fils à ses Peres spirituels. Il adiousta aussi autres choses par lesquelles il permit disputer de la doctrine, en mettant toutes les peines à luy possibles d'introduire paix & concorde Apostolique entre eux. Fut aussi à la fin produit en auant Arrius, avec soigneuse & diligente disquisition des choses par luy mises en question. Mais auant tout il fut soigneusement pourueu à ce que resolution

ou

ou sentences aucunes diffinitives ne se proferassent ou d'une part ou d'autre temerairement & à la volée. Or estime ie bon de relater icy en brefce qu'Eusebe recite de ces choses au tiers liure qu'il a escrit à Constantin, en ces termes :

Pluseurs argumens (dit-il) ayans esté proposez d'un costé, & vne longue dispute instituee premierement d'une part & d'autre, l'Empereur escouta le tout patiemment, & attendit d'une attentifue diligence les questions qui là furent auancees : & puis faisant vn recueil à part des choses qui des deux costez auoyent esté apportees, sceut si bien moyenner les contendans, que petit à petit il appaisoit ceux qui d'une par trop aspre ardeur de contention se transportoyent : & se portant avec vn chacun si paisiblement & modérément, que rien plus, se monstroir à tous merueilleusement gracieux, doux & affable : en vsant tousiours de langue Grecque, en laquelle il estoit fort bien instruit. Il enhortoit les vns, & de parole il impoisoit silence aux autres : & tant en loüant ceux qui bien disoyent, qu'en incitant vn chacun à paix & concorde, tant peut par sa grace & courtoisie, qu'il les amena tous à vne mesme opinion & sentence de toutes les choses qui lors estoient tirees en controuerse : tellement qu'ils s'accorderent tous en vne mesme profession de foy : & promirent de celebrer en vn mesme temps la salutifere feste de Pasque. Furent aussi quant & quant les decretz cōmuns redigez par escrit, & confirmez par la soubscriptiō d'un chacun. Or n'ay-ie en ce lieu inseré ces choses pour autre cause, sinon afin que le tesmoignage de la profession de nostre foy eust quelque autorité & poix par la confession mesme des ennemis. Et afin aussi que nul ne peust obiecter & mettre en auant, ou dire par moquerie que ceux qui l'ont redigé par escrit n'estoyent que gens idiots, & totalement ignorans. Car (comme tesmoigne Eusebe) entre les seruiteurs de Dieu, qui se trouuerent au concile de Nice, il y en auoit aucuns qui en tout genre de sçauoir & eloquence excelloyent, les autres en saincteté de vie. Et l'Empereur mesme y estant en personne, les attira tous tellement à paix & concorde, qu'il les mist tous d'accord. Quant à la profession de la foy, qui fut lors couchee par escrit par trois cens dix huit Euesques, & par les signatures d'iceux confirmee & aueree, ensemble par l'autorité du tressage Empereur Constantin, & pour lors baillee aux Eglises de la Chrestienté, & qui a perseueré en icelle iusques à present, en voicy la teneur de mot à mot :

Nous croyons en vn Dieu, pere tout-puissant, fauteur de routes choses, visibles, & inuisibles. Et en vn seigneur Iesus Christ, fils de Dieu, engendré du pere, fils unique d'iceluy, c'est à dire, engendré de la substance d'iceluy pere : Dieu, yssu de Dieu : lumiere de la lumiere : vray Dieu, du vray Dieu : engendré, non fait ny créé : consubstantiel au pere, par lequel toutes choses ont esté faites, tant au ciel, qu'en terre. Qui pour l'amour de nous hommes, & pour nostre salut, est descendu du ciel : & ayant prins chair humaine, s'est fait homme, & a souffert mort, & est resuscité le troisieme iour. A monté aux cieus, & de là doit venir iuger les viuans & les morts. Et croyons pareillement au Saint Esprit. Parquoy ceux qui disent auoir esté vn temps, que le fils de Dieu, n'estoit point, ou n'auoit point esté, auant qu'il fut engendré, ou auoir esté fait de choses qui n'ont point estre de foy, ou de quelque autre subsistence ou substance, ou auoir esté créé, ou estre subiect à mutation ou alteration, tous ceux là, la Catholique & Apostolique Eglise de Dieu excommunie, condamne & reprouue. Et ainsi tous s'accorderent à ce poinct, & decreterent que le fils de Dieu estoit consubstantiel au pere, & embrasserent la saine foy.

*Des Euesques, qui par diuorce & contention ne voulurent accorder le decret du Concile de Nice : & de qu'iceluy Concile, & l'Empereur, ordonnerent contre eux, & contre Arrius. chap. XVIII.*



Rest-il qu'il y en eut bien peu, qui en ceste assemblée approuuerent l'opinion d'Arrius : lesquels nonobstant quelque peu de temps apres se recongneurent, & auoüerent la foy, à laquelle ils contredisoient auparavant, fors & excepté Second & Theonas, qui persisterent en leur erreur. Et entre ceux qui ne voulurent premierement accorder ceste sentence & mot Consubstantiel, furent les Euesques qui s'ensuyuēt : Eusebe Euesque de Nicomedie, Theognis Euesque de Nice, Marin Euesque de Calcedone, Theonas Euesque de Marmarice, Second Euesque de Ptolemaïde, Monophante Euesque d'Ephese, Patrophile Euesque de Scythopolis, Narcisse Euesque de Neroniade, qui est vne cité de la basse Cilice, appelée maintenant Irenopolis. Ceux cy disoyent que ce mot Consubstantiel, s'approprioit à ce qui se faisoit & prouenoit de quelque autre, ou par participation, ou par gement, ou par vn decoulement & defluxion. Par defluxion premierement, comme les enfans de leurs peres : par gement, comme vn iecton de quelques racines : par participation, comme d'une masse d'or, sortent deux ou trois branches qui dependent du tige d'icelle masse. Mais par ce que le fils ne procede du pere en aucune desdites façons, ils se delibererent pour ceste cause de reietter la profession de foy qu'ils auoyent vne fois faite. Et comme ils ne receussent aucunement ce mot Consubstantiel, d'Arrius.

DD iij

*L'empereur Constantin assis au concile.*

*Eusebe Euesque de Cesaree Arrianisant, cōme il semble à Nicefore, loué le concile de Nice.*

*Le decret ou symbole de la foy Chrestienne, fait au concile de Nice. La condamnation des Arriens.*

*Euesques Arriens, qui ne voulurent recevoir ce mot Consubstantiel. Ces Arriens icy reietter la forme de la foy, ordonnée au concile de Nice, & reprouuēt la degradatiō d'Arrius.*

ils ne voulurent aussi lors consentir & souscrire au decret, par lequel Arrius auoit esté dégradé & depouillé de sa dignité sacerdotale. Ce qui donna occasion au Concile d'excommunier tant Arrius, que ceux qui adheroient à son opinion, & de decerner vne defence & prohibitio à eux tous, de n'aller ne venir à Alexandrie. Et non seulement Arrius fut anathematizé avec son heresie, mais ses liures pareillement, & entre autres vn qu'il auoit fait & composé contre la pieté Chrestienne, lequel il auoit intitulé Thalia, qui vaut autant à dire, comme floride ou verdoyant. Duquel le style & maniere de parler à ce que j'ay peu colliger de la lecture d'iceluy, estoit simple, & sans liaison, approchant fort des chansons du poete Sotadin. Il fut ordonné en outre, que tous les escrits, qui, ou de luy, ou de ses complices se trouueroyent, quelque part que ce fust, seroyent ars & bruslez. Et pour plus authentique confirmation de ce decret, Constantin ordonna que s'il se trouuoit aucun qui eust caché & latité quelque chose des escrits d'iceluy Arrius, ou l'ayant trouuee, ne l'eust aussi tost mise au feu, qu'il fust mis à mort & executé. Outre, il enuoya en toutes les villes plusieurs lettres patentes au desauantage d'iceluy Arrius, & de ses complices. Il dechassa & depouilla pareillement de leurs sieges Episcopaux Eusebe & Theognis: mandant lettres aux Nicomediens, & par icelles les enhortant de suyure la vraye & droite foy, mise en auant & confirmée par trois cens Euesques au concile de Nice: & par mesme moyen qu'ils eleussent autres Euesques que les susnommez, qui eussent bon sentiment de la foy. Et quant à Eusebe, qu'ils le missent du tout en oubly: comme homme qu'il haïssoit & ne voyoit guere volontiers, tant pour auoir suiuy le party de Licinie, que pour s'estre desuoyé de la droite foy de l'Eglise de Dieu. Il menaça aussi de punir aigrement tous ceux qui tiendroyent la faction d'Arrius, & qui approuueroient & loueroient son opinion. Parainli, non seulement ceux-là furent proscripts & exilés, mais aussi autres furent subrogez en leur place. Car au lieu d'Eusebe, fut esleu Amphion en l'Euesché de Nicomedie, & en la place de Theognis, fut colloqué Chreste en celuy de Nice: tous deux hommes de bien & d'honneur, & fort studieux de la sincere pieté. Or faut il sçauoir, qu'Eusebe & Theognis, & tous ceux qui estoient de ceste faction, presenterent à part au Concile la profession de leur foy par escrit: laquelle comme erronée & pleine de impiété fut deschirée & mise en pieces & loppins en pleine assemblée. Et pour ce qu'à raison de ceste leur manifeste impiété, s'esmeut là vn grand trouble, & que tous les autres Euesques furent fort indignez & courroucez contre eux, ceux cy, ainsi que les autres, sousignerent la profession de foy, fors & excepté Second & Theonas. Vray est que quant à la degradation d'Arrius & deposition de sa dignité sacerdotale, ils ny voulurent consentir aucunement. Chose toutefois qu'ils ne firent que par fiction & hypocrisie, apres qu'ils furent reuoz d'exil, comme nous le monstrerons cy apres. Ce que aussi testifieront tant les actes qu'ils firent alencontre des deffenseurs de la vraye pieté, que leurs escrits touchant ces choses, lesquels semblablement ie reciteray. Quant à l'autre Eusebe, qui pareillement assista à ce Concile, il estoit en grand doute & perplexité, s'il deuoit cōsentir à la profession de la foy promulguée, ou non: toutefois apres auoir quelque temps vacillé, & retenu son consentement, il l'approuua à la parfin, & la confirma par sa souscription. Et d'abondant, il enuoya icelle profession & determination à son Eglise, qui la luy demandoit: en laquelle il feit declaration ouuerte de ce mot Consubstatiel, de crainte qu'il ne fust soupçonné d'auoir souscrit à icelle profession de foy trop tard, ou negligemment, & à la volée.

« Et quant à Eusebe] Eusebe, Euesque de Nicomedie, tenant en sa main la robbe qu'il portoit, & la montrant, oïa dire à l'empereur Constantin: Encore que, moy voyant, ceste robbe se rompiſt & se diuisast en deux, ſe ne confeſſeray-ſe iamais, que le pere & le fils ſoyent d'une meſme ſubſtance. Au moyen duquel blaſpheme eſtant fort courroucé Constantin, conſentit plus facilement à ſon banniſſement. Sozomene, liu. 2. chap. 21.

De ce qui fut decreté au Concile de Nice, touchant la feſte de Paſque, & de l'heretique Melitie: & des ſacreſ & diuins canons. Item de la remonſtrance que fait le confeſſeur Paphnuce.  
Chap. XIX.

La diſſenſiō pour la celebration de la feſte de Paſque, reduite en vn bon accord & cōſentemēt. Decret ſynodal aſſez



'Arrest & determination de la foy ayant esté ainsi bien & deuëment confirmé, fut faite la seconde assemblée & session, pour decider la controuersé qui estoit pour la celebration du saint iour de Paſque. Et apres en auoir suffisamment discuté, il pleut à toute l'assemblée, que ceste feſte ſeroit de toute la Chrestienté celebrée en vn & meſme temps. La troisieme session fut pour conferer de l'heretique Melitie (duquel vous a esté parlé cy dessus) & de ses adherans, & de toutes les choses qui par luy auoyent esté innouées par le pays d'Egypte. Surquoy fut faite diligente inquisition, & arresté, que tous ceux de ceste secte, ſe nommeroyent Lyciens, retenans & portant le nom nud de l'Euesché qu'il auoit vsurpé, & que nul Euesque d'entre eux n'auoit par cy apres

apres puissance d'imposer les mains sur quelque autre, & de l'ordonner. Et quant à ceux à qui par cy deuant ils les auoyent imposees, il fut bien dit & ordonné, qu'ils demureroyent au ministère qu'ils auoyent obtenu, & que sans doubte ny crainte aucune ils se trouueroyent es assemblees : mais quant à la dignité, preeminence & honneur, qu'ils seroyent inferieurs à tous autres euesques de quelque eglise que ce fust : & ceux qui auoyent esté entre eux recentemente ordonnez, seroyent d'oresnauant subrogez au lieu & place de ceux qui decederoyent, moyennant qu'ils fussent congneuz estre dignes & capables de telle subrogation, laquelle se cõfermeroit par l'election de l'euesque d'Alexandrie : & quant à eux, que toute puissance leur seroit par cy apres ostee d'ellire aucun à leur vouloir & arbitre. Chose qui fort bien & commodément fut ainsi par le Concile ordonnee, afin de refrener & brider par ce moyen l'outrecuidance & temerité de Melitie & de ses sectateurs, à imposer les mains à autrui. Car il faut entendre que ce Melitie estoit d'une audace tant obstinee, que du temps de la persecution lors qu'il fuyoit & se cachoit par tout où il pouuoit, se vendiquoit la puissance d'imposer les mains & d'ordonner, laquelle appartenoit à ce tres-celebre renommé Pierre martyr : ce qui causa, que son schisme & faction eut tel cours & vigueur par tout l'Egypte. Ces choses paracheuees, le concile finalement fit : vingt loix (que nous appellons cõmunément Canons ou reigles) pour la reformatiõ des mœurs du clergé. Desquels comme on en consultoit & demandoit l'aduis d'un chacun, il sembla bon à tout le reste qui là asistoit, qu'il falloit ordonner, que tous ceux qui auoyent obtenu le sacré ministère (excepté seulement les Lecteurs) s'abstinissent de là en auant de coucher avec leurs femmes, lesquelles ils auoyent espousees premier que d'auoir esté initiez es saintes ordres. Mais Paphnuce, Euesque des hautes Thebes, duquel il a esté mentionné cy dessus, seul entre tous les autres, empescha cest affaire par son oppolition : disant pour ses raisons, le mariage estre chose fort honorable, & qu'il auoit aussi bien sa chasteté & pudicité, que le Celibat. Et apres auoir remonstré le legitime droit d'iceluy mariage, il pria le Concile de n'ordonner ceste loy : & que cela causeroit vne bien grande fâcherie à tous les deux, à sçauoir aux prestres, & à leurs femmes : & par aduenture leur donneroit occasion de mener vne vie peu chaste & pudique. Parquoy il faut (dit-il) d'oresnauant tenir & obseruer ce qu'on a accoustumé faire de toute antiquité : à sçauoir, que ceux qui ont receu la dignité sacerdotale sans auoir esté mariez, s'abstiennent aussi de l'estre à l'aduenir. Mais ceux qui sont admis aux saintes ordres, estans en l'estat de mariage, il ne fault pas qu'ils se separent d'avec leurs femmes. A la persuation & remonstrance de Paphnuce, qui iamais n'auoit esté marié, ces choses furent approuuees par le Concile : de sorte qu'il n'en ordonna autre chose, ains delaisa le tout au bon vouloir d'un chacun. Mais quant aux autres choses qui concernoyent l'honneur, bien-seance, & police Ecclesiastique, selon qu'il aduisa estre bon, en fit plusieurs ordonnances & decrets, lesquels pour ce qu'ils sont à tous proposez, vn chacun qui vouldra les pourra lire facilement, sans que j'en face plus longue description pour le present.

*Les canons du concile de Nice, touchant la reformation des mœurs du clergé. La sentence de Paphnuce Euesque de Thebes, touchant le celibat des prestres. Socrates liure 1. ch. 11. de l'hist. ecclesiast. Ruffin en son histoire ecclesia. li. 10. cha. 6. en recite 22. canons.*

\* A la persuation] *Suyuant ceste sentence de Paphnuce, il y a vne loy escripte par les empereurs Honorie & Theodose, au Code, au titre, De Episcop. & cler. l. Eum qui. laquelle aussi se garde iusques à present es Eglises Oriensales.*

*Acese, Euesque des Nouatiens, est aussi mandé venir au Concile, par l'Empereur Constantin. chap. XX.*



'Auantage le bien aymé de Dieu Empereur, soigneux de la commune tranquillité & corcorde, à fin de ne laisser rien en arriere & indecis, euaqua pareillement au Concile, Acefe, Euesque des Nouatiens, qui n'y auoit voulu comparoir & luy môstra tout ce qui auoit esté arresté en iceluy, touchant la doctrine de la foy catholique, & celebration de la feste de Pasque : & par mesme moyen l'interroqua si ces choses à son aduis auoyent esté bien & legitiment ordonnees par les Euesques : lequel respondit qu'il trouuoit tout cela fort bon & bien ordonné. Et comme il louast tout ce qui auoit esté fait, & dist n'auoir rien este par eux desfiny de nouveau, & qu'il auoit aussi receu de ses ancestres & deuanciers la mesme doctrine de foy, & qu'il n'auoit iamais autrement celebré la feste de Pasque. Comment donc (dit lors l'Empereur) veu que tu es de mesme sentence & opiniõ avec nous, as tu tant en horreur & desdaing nostre communion ? Adonc Acefe luy va faire vn discours du diuorce qui auoit esté entre Nouate & le Pape Corneille, sous l'Empereur Decie : à sçauoir que cestuy Nouate tenoit qu'il falloit reietter de la communion des diuins mysteres & Sacremens, tous ceux qui apres le baptême, eussent commis & perpetré vn peché à la mort, & eussent sacrifié aux idoles : disant que la puissance de remettre le peché à tels homes, appartenoit à Dieu seulement, & nō aux prestres :

*Le disside qui fut entre Corneille, Euesque de Rome, et Nouate, touchant la reception des penitens en l'Eglise.*

*Proposition  
des choses  
qui se doi-  
uent dire  
cy apres.*

& que quant à luy, il vouloit suyure ceste opinion, qui estoit cause pourquoy il auoit en abomi-  
nation la compaignie & communion des autres Eglises. Auquel respondit promptement & sur  
le champ l'Empereur : Je suis donc d'aduis (dit il) ô Acefe, que tu dresse vne eschelle au ciel, &  
que seul tu y montes. Par laquelle response, il monstra assez qu'il n'approuuoit l'epinion d'Ace-  
se, mais plustost qu'il le grattoit où il ne luy demangeoit pas, à l'occalion paraenture qu'il le  
veoit s'estimer iuste & du tout n'estre entaché de peché. Voylà en bref comme se porterent les  
affaires du Concile. Au demeurant, pour plus certaine & asseurée confirmation de foy, de ce  
qui à esté dit cy deuant, il ne me sera ennuyeux d'alleguer ce que les propugnacles & defenseurs  
de la vraye pieté, Eustathie & Athanase, ont mis par escrit des dols & fraudes des furieux Ar-  
riens : ensemble ce que Eusebe Pamphile manda à son eglise des constitutions du Concile : pa-  
reillement ce que par toute l'assemblée des peres fut d'un commun accord decreté : & finale-  
ment ce que l'amy de Dieu Constantin escriuit à quelques iuesques absens, de la confirmatiō  
& arrest de la foy, de la feste de Pasque, d'Arrius & de ses adherens, & mesmement d'Eusebe,  
Euesque de Nicomedie. Car par ces choses, sera facile à entendre tout ce que principalement  
fut fait & arresté au Concile. Et pour le premier, ie declareray les paroles d'Eustathie, Euesque  
d'Antioche, par lesquelles Il reprend le blaspheme des Arriens, & montre comme le tout se  
passa : & par où d'auantage il interprete ce passage, Le Seigneur m'a créé dès le commence-  
ment de ses voyes Il escrit donc ainsi :

*Des choses que les defenseurs & boucliers de la religion Chrestienne, Eustathie, Euesque  
d'Antioche, & Athanase, Euesque d'Alexandrie, ont redigé par escrit, sou-  
chant ce qui fut fait & arresté au Concile de Nice.  
Chap. X X I.*

*Eustathie  
Euesque de  
Antioche,  
souchant ce  
qui fut fait  
au Concile  
de Nice.*



*Eusebe E-  
uesque de  
Nicomedie  
avec son for-  
mulair de  
foy, est mal  
venu au  
Concile.*

*La fraude  
des Arriens  
par la con-  
demnation  
qu'ils font  
de leur  
doctrinne.*

*Athanase  
de l'impro-  
bité des  
Arriens.*

Ans faire autre plus long discours, ie viens droit au point de la chose, „  
comme elle s'est faite : C'est qu'apres que pour les causes susdictes, ce „  
grand Concile fut assemblée à Nice ( & là se trouuerent pour le moins „  
deux cens septante Euesques : car combien ils estoient au vray, ie n'en „  
sçauois dire le nombre, pour le trouble & confusion d'une si grande „  
multitude, aussi que ie ne m'en suis pas beaucoup soucié) si tost que la „  
questiō de la foy fut proposée & mise en termes, fut quant & quant pro- „  
duit d'une singuliere impudence par Eusebe, Euesque de Nicomedie vn „  
escrit, contenant vn manifeste & evident blaspheme. Lequel ayant esté leu en la „  
presence de toute l'assemblée, apporta d'une part aux auditeurs vn diuers trouble pour la peruerse de- „  
prauation de nostre foy en iceluy contenue : & de l'autre part, vn reproche & des- „  
honneur à son autheur. Toutefois apres que le deceptif & fraudulent dessein de Eusebe fut de tous ap- „  
pertement congneu, & son tresinique & peruers escrit deschiré deuant toutel'assstance, quel- „  
ques vns montrans beau-semblant, sous couleor de vouloir tout pacifier, tant firent par leurs „  
menees que la bouche fut close à ceux qui auoyent coustume en toute question & differet, d'en „  
bien dire leur sentence & aduis. Mais les Arriens craignans que par le decret & arrest d'une si „  
grande assemblée, qui pour ceste fin auoit esté congregee, ils ne fussent reiettez & excōmuniiez „  
del'eglise, furent les premiers qui par leur sentence anathematizerent, mirent à neant & annul- „  
lerent la doctrine d'Arrius, par la testification qu'ils en firent en vn papier, lequel ils signerent „  
de leurs mains, se disans tous auerer ce qui se determineroit de la foy par le Concile. Et comme „  
par leur grande ruze, ambition & menees, eux qui plustost deuoyent faire penitence, eussent mis „  
toutes les peines à eux possibles de preualoir & vaincre en saine opinion, bon iugement & esti- „  
me de la foy tous les prelatz qui estoient là assemblez, ils commencerent premierement ce- „  
leement & à cachette, puis tout apertement à enseigner par tout & alleguer leurs damnees opi- „  
nions, en dressant souuentes-fois embusches à ceux par lesquels ils se pensoient estre vaincus, „  
taschans par tous moyens à planter les germes de leurs zizanies : & declinans la congnoissance „  
des iuges de ceste grande assemblée, n'essayoyent qu'à fraudulēment forcer & vaincre les pro- „  
fesseurs de la vraye pieté & religion. Mais nous auons ceste foy & assurance, que les meschās „  
& qui sont sans Dieu, ne supplanteront iamais la sainte loy de Dieu & la doctrine Euangeli- „  
que. Car iasoit qu'à quelques fois ils semblent estre les plus forts pour quelque temps & auoir „  
tout gaigné, si est ce neantmoins qu'à la fin ils seront confus, selon la graue voix du Prophete „  
Isaie, &c. Voylà ce qu'en dit ce grand Eustathie. Le tres- celebre Athanase pareillement, succes- „  
seur de ce tant renommé Alexandre, Euesque d'Alexandrie, en rien inferieur, soit en vertu, soit „  
en zeile de la religion, au susnommé Eustathie, adiouste ce qui s'ensuit en escriuant aux Aphri- „  
quains : Les Euesques qui en ce Concile estoient assemblez, voulans abolir les termes d'impie- „  
té que les Arriens auoyent excogitez, & desquels ils vsoyent (à sçauoir, que le fils auoit esté fait „  
& créé de choses qui n'auoyent point d'essence d'elles mesmes, & qu'il auoit esté vn temps qu'il „  
n'estoit point, & qu'il estoit d'une nature muable ) & publier ceux qui sont expressement con- „  
tenus



renus és saintes escritures : à sçavoir, que le fils est de Dieu naturellemēt le fils vnique, le verbe, la vertu, & la seule sapience du pere, & vray Dieu, ainsi que dit saint Iean : & ( comme escrit saint Paul ) la splendeur de la gloire & l'expresse image du pere : aduint que les Eusebiens transportez par la propre persuasion de leur folle opinion parlementerent ensemblēmēt, & s'incitans les vns les autres à tenir bon pour leur ligue & faction s'entredisoient : Soyons tous d'un accord, & nous entr'entendons : car nous sommes aussi bien de Dieu qu'eux. Car il n'y a qu'un Dieu, duquel sont toutes choses. Et, toutes choses vieilles sont passées, voicy tout est renouuéllé : mais le tout est de Dieu. Il leur vint aussi en memoire ce qui est escrit au liure du Pasteur, qui est tel : Croy premierement & auant toutes choses, qu'il n'y a qu'un Dieu, lequel a tout fait & créé & produit de rien la substance de toutes choses. Or les autres Euesques apres auoir apperceu la malice de ceux-cy, & la cauteleuse meschanceté de leur impiété, dirent tous d'un accord qu'il falloit declarer plus appertement & manifestement ce qu'ils disoient, que tout estoit de Dieu. Parquoy ils furent tous d'adués d'escire, que le fils estoit de Dieu, c'est à dire, de la substance de Dieu : Tellement que les creatures, pour ce qu'elles n'ont point de substance d'elles-mesmes, mais qu'elles ont le commencement de leur creation de Dieu, elles sont dictes pour cela estre de Dieu. Mais quant au fils, il est dit estre le seul fils eternal & propre, consistant & ayant esté engendré de la substance du Pere. Car cela est le peulier & propre de l'vnique & vray verbe de Dieu. Voylà donc la cause & occasion pourquoy il fut lors arresté, qu'il seroit dit de là en apres estre de la propre substance du Pere, & non seulement estre de Dieu.

*Les Euesques catholiques obuiennent fort biē aux fraudulentes cauillations des Arriens.*

*Le fils est de la substance du Pere.*

Or comme encores d'abondant les Euesques eussent interrogué quelques vns qui leur sembloient estre Arriens, fils ne s'accordoyent pas à cela, dire que le fils de Dieu n'estoit pas creature, mais qu'il est la seule vertu & sapiece du Pere, & la sempiternelle image & figure d'iceluy, ne differant en rien, ne variant aucunement du Pere & vray Dieu : là se trouuerent quelques Eusebiens, qui faisans signe de la teste, respondirent, que cela pouuoit aussi bien tomber és homes, que nous soyons dictés l'image & gloire de Dieu. Et de fait, de nous ( disent ils ) est ainsi escrit : Car nous qui tousiours viuons. Et, il y a plusieurs vertus. Et, toute la vertu de Dieu sortit d'Egypte. Et mesme la chenille & la sauterelle est appelée la grande vertu de Dieu. Et le Dieu des vertus est avec nous & nostre conducteur & guide est le Dieu de Iacob : avec ce que nous sommes les peuliers de Dieu, non par domination simplement, veu mesme qu'ils nous appelle ses freres. De façon que si nous disons le fils estre aussi vray Dieu, cela ne nous trouble en rien, veu qu'il est vray, puis qu'il a esté fait. Voylà la peruerse & meschante opinion des Arriens.

Parquoy les Euesques aussi de leur costé ayans veu ceste fraude & deception, recueillerent des escritures ( outre la subsistence ) la splendeur, la fontaine, le fleuve, l'expresse image & figure, ce passage : En ta lumiere nous verrons la lumiere. Et, moy & mon pere ne sommes qu'un. Desquelles autoritez, plus apertement par apres & plus briefuement ils tirerent le fils estre au pere consubstantiel, ce qu'ils ont déclaré par un mot grec *ὁμοιός*. Lequel ainsi que les susdicts iacqoit qu'il ne se trouua exprimé en l'escriture sainte, ce que volontiers confesse Eusebe Cesarienſe, neantmoins à tort & sans cause reietté par les Arriens, veu & attendu qu'iceux s'aydent pour fondement de leur impiété de ce qu'il n'est point couché en ladicte sainte escriture, car vous n'y lisez point ces parolles. ( *Ex non existentibus, & fuit aliquando cum non esset* ) par lesquelles ils pretendent monſtrer que le fils de Dieu a esté fait des choses qui n'estoyent point & qu'un temps a esté qu'il n'estoit point. Par ainsi ils furent conuaincus & condānez par parolles, qui ores qu'elles ne fussent prinſes des escritures, si est ce qu'elles estoient religieusement inuentées & saintement entendues. Car eux ayans tiré leurs termes & allegations, cōme de quelque fange & orduſe, toutes leurs parolles ne resſentoient rien que la terre. Au contraire les Euesques n'ayans controuué de leur teste ce qu'ils allegoyēt, ains estās appuyez sur le tesmoignage des peres, ont le tout accōmodé à ce qu'ils ont dit & escrit. Et de fait, leur deuāciens euesques presque cent trente ans au parauant, tant en la grand' Rome, qu'en ceste nostre ville ont tous iours reprins ceux qui ont voulu maintenir que le fils estoit facture ou creature, & qu'il n'estoit point consubstantiel au pere. Ce qu'en a point ignoré Eusebe, euesque de Cesarée, lequel au parauant defendoit la secte d'Arrius : mais à la fin consentit & soubſigna au Concile de Nice. Et pour le faire plus amplement congnoistre, il escriuit à ses diocesains, leur faisant entendre par ses lettres, qu'il auoit congneu plusieurs doctes & excellēs euesques & escriuains d'entre les anciens, qui en leurs escrits auoyent vſé du nom de Consubstantialité, pour confirmation & approbation de la Deité du pere & du fils. Et ainsi ceux-cy pour la crainte qu'ils auoyent du Concile, consentirent à la foy, laquelle en iceluy auoit esté exposée, coupables de l'incrépation faite par le Prophete, quand il dit : Ce peuple m'honore des leures, mais le cœur est biē loing de moy. Or pour ce que Theonas & Second ne voulurent faire le ſemblable que ceux-cy, du commun accord de toute l'assemblée furent excommuniez pour auoir proposé le blasphemē d'Arrius à la verité Euangelique. Voylà ce qu'en escrit Athanaſe.

*Les Arriens reprennent ſortēmēt les parolles des catholiques, que le fils est de la substance du pere & à luy consubstantiel, pour ce que cela ne se trouue pas és saintes escritures, veu que ny les mots, ny les ſentēces de leurs abusēmēts & tromperies ne ſey trouuent non plus.*

*L'épistre qu'Eusebe Pamphile escriuit à son Eglise, en laquelle il declare ce  
qui fut fait au Concile de Nice.*

*Chap. . X X I I.*

*Theod. li. 1.  
c. 11. & 12.*

*Eusebe  
Pamphile des  
actes du  
concile de  
Nice.*



*La forme de  
la confessio  
de la foy  
Chrestienne,  
presentee  
au concile  
de Nice par  
Eusebe  
Pamphile.*

R est il bon d'entendre & sçavoir ce que Eusebe Pamphile a escrit tou-  
chant ce qui fut conclu & arresté au Concile de Nice, à quelques Ar-  
riens, qui non sans cause luy auoyent reproché le reuoltemēt qu'il auoit  
fait de leur secte : chose aussi qui montre apertement leur rage. Mais  
son escrit declarera mieux que ie ne pourrois faire, son conseil & inten-  
tion, dont la teneur s'ensuit : Il est croyable ( dit-il ) que vous auez en-  
tendu d'autres que de moy, ce qui a esté fait & celebré en l'assemblée de  
Nice, touchant la profession Ecclesiastique de la foy, pour autant que  
la commune renommee & bruit a souuent coustume de preuenir la cer-  
titude & relation exacte des choses qui ont esté faites. Toutefois de peur que par tels recits la  
verité du fait ne nous ait esté portee autrement que le tout n'est passé, nous vous enuoyons,  
necessité nous y obligeant, l'écriture premierement par nous proposée & mise en auant de la foy,  
puis apres vne autre, laquelle a esté par les Euesques arrestee au concile avec, quelques additiōs  
qui y ont esté faites. Quant à nostre escrit qui a esté recité en la presence de nostre bien aymé de  
Dieu Empereur, & que de luy & de toute l'assemblée a esté iugé auoir esté de nous bien &  
droictement conceu, il est tel : La profession de foy par nous tenue & declaree par cy deuāt ius-  
ques à icy, est telle que nous l'auons receue de nos predecesseurs Euesques, tant en la premie-  
re institution de nostre Christianisme, que quand nous auons receu le saint sacrement de Bap-  
tesme, & ainsi que l'auons apprinse des saintes lettres, ensemble cōme nous l'auons tousiours  
confessée & enseignée depuis qu'auons esté ordonnez Prestres & Euesques. Nous croyons  
donc en vn Dieu le Pere tout puissant, createur de toutes choses visibles & inuisibles, & en vn  
Seigneur Iesus-Christ, le verbe de Dieu, Dieu de Dieu, lumiere de la lumiere, vie de la vie, le  
fils de Dieu vnique, le premier né de toute creature, engendré du pere auant tous siecles : par  
lequel aussi toutes choses ont esté faites, & qui a prins chair pour nostre salut, & a conuer-  
sé entre les hommes, & souffert mort, & est resuscité le tiers iour ensuyuant, & est monté à son  
pere, & doit encore vne fois venir en sa gloire pour iuger les morts & viuans. Nous croyons  
aussi au saint Esprit, croyans qu'un chacun d'eux est & subsiste, & que le pere est vraiment le  
pere, le fils vraiment le fils, & le saint Esprit vraiment le saint Esprit : comme aussi nostre  
Seigneur enuoyāt ses disciples pour prescher leur dit : Allez, & enseignez toutes gens, les bap-  
tizans au nom du pere, du fils & du saint Esprit. Ce qu'encore de rechef nous confermōs estre  
ainsi, & que nous sentons & croyons ainsi, & que de tout temps on l'a ainsi creu & tenu, & que  
iufques à la mort nous combaterons sur telle profession de foy, detestans & anathematizans  
toute impieté & heresie eslongnée de Dieu. Nous tesmoignons & certifions auoir ainsi creu de  
cœur & d'ame, depuis le temps que nous nous congnoissons iufques à present : & que main-  
tenant nous croyons & confessons vraiment estre vn Dieu tout-puissant & nostre Seigneur  
Iesus-Christ. Nous vous pouons aussi declarer par certaine & fidele probation, & vous per-  
suader qu'auons par le passé ainsi creu & presché. Ce qui a causé, que ayans fait telle declaratiō  
de ceste nostre confession de foy en pleine assemblée, n'auons donné occasion d'estre en cela de  
nul cōtre dit. Et qui plus est, nostre aymé de Dieu Empereur a esté le premier qui a attesté & con-  
fessé deuant tous auoir telle creance, & nous a tous enhorté d'y consentir, soubsscrire & d'une  
voix y accorder, en y adioustant seulement ce mot de Consubstantial, lequel mot il a aussi inter-  
preté, en disant que Consubstantial n'est point dit selon les passions corporelles, ny selon la di-  
uision, comme si au fils il y auoit vne partie de la substance du pere separee : pour autant qu'une  
nature intellectuelle & incorporelle, & qui ne participe en rien avec la matiere, ne peut auoir  
en soy aucune passion : ains que telles choses doiuent estre entēdues & considérées en l'esprit par  
vne raison diuine & ineffable. Voylā cōme ce tressage & tres-chrestien empereur philosophoit.  
Mais les Euesques qui là assistoyēt soubz l'occasiō & pretexte de ceste addition de Consubstā-  
tiel, firēt vne autre confession de foy, laquelle ay vn peu au dessus insérée à ceste histoire. Icele  
confession de foy ayant esté leuē & recitée deuant toute l'assemblee, nous n'auons pas obmis  
sans diligemment discuter & soigneusement examiner comme il a esté d'eux interpreté, que le  
fils soit de la substance du pere & Consubstantial au pere. Car apres que ceste profession de foy  
eut esté faite & composée, il fault entendre que plusieurs interrogatiōs & responses d'une part  
& d'autre furent mises en auant, & que la raison & sentence d'un chacun fut exactement recer-  
chée & espluchée. Il fut donc de l'opinion & d'aduis d'un chacun déterminé, touchant ce mot  
Substance, que par cela estoit signifié que le fils estoit bien du pere, mais qu'il n'estoit pas com-  
me vne partie du pere. A laquelle opinion, pour ce qu'il nous sembloit estre vray que la doctri-  
ne Chrestienne disoit le fils estre du pere, & non vne partie de la substance d'iceluy, nous nous y  
sommes

*Ceste forme  
de foy louee  
par l'Empe-  
reur Con-  
stantin.*

*L'expositiō  
de ce mot  
Consubstā-  
tiel par Cō-  
stantin.  
chap. 17.*

» sommes consentis & accordez. Parquoy en accordant cela nous n'auons pareillement reiecté  
 » ce mot, Consubstantiel, tant à cause de la paix que nous auons proposée deuant nos yeux, que  
 » aussi de pœur que ne descheussions de la vraye opinion de la foy Chrestienne. Par mesme rai- *Engendré*  
 » son nous auons admis & receu que le fils est engendré du pere. & non pas fait: à cause que les *& nō fait.*  
 » peres là assemblez, disoyent, que ce mot, fait, estoit la commune appellation & ouurage des au-  
 » tres creatures qui sont faites par le fils, ausquelles nous le confessons & disons n'auoir rien de  
 » semblable, ou de commun Et ainsi nous disons qu'il n'est ny facture ny creature (chose qui ap-  
 » partient à ce qui par luy se congnoist auoir esté fait & créé) mais qu'il obtient vne substance  
 » trop plus excellente sans comparaison que toute creature, laquelle substance les diuins oracles  
 » enseignent auoir esté engendree du pere par vn moyen de generatiō du tout inenarrable & in-  
 » comprehensible à toute nature faite & engendree. Aussi semblablement la raison bien conside- *Consubstā-*  
 » ree congnoist le fils estre au pere Consubstantiel, non à la façon & maniere des corps, ny à la *tiel au pere*  
 » semblance des animaux mortels: Car cela ne se fait selon la diuision de la substance, ny selon au-  
 » cune resection, passio ou mutation de la substance & vertu paternelle. Car la nature non en-  
 » gendree du pere, est du tout aliene & reculee de toutes ces choses. Mais il fault dire le fils estre  
 » au pere Cōsubstantiel, en cela que le fils de Dieu n'a aucune equalité ou ressemblance aux crea-  
 » tures qui sont faites: & mesme pour ce qu'il est en tout & par tout semblable au pere qui l'a  
 » engendré, & qu'il n'est d'aucune autre substance ou essence, que de celle du pere. A laquelle pa- *pourquoy*  
 » role, ainsi exposée par interpretation, il nous a semblé bon de consentir: ioinct que nous sca- *Eusebe. Pā-*  
 » uons que beaucoup de sçauans & notables euesques & escriuains Ecclesiastiques en exposant *phile con-*  
 » la raison de la diuinité du pere & du fils, auoyent vsé de ce nom Consubstantiel. Voylà ce que *sensit à*  
 » nous auons à dire touchant la confession de foy, faite en pleine assemblee du Concile general: *l'excommu-*  
 » à laquelle nous auons tous consenty, non sans grande inquisition de la verité de ces choses, & *niciō des*  
 » selon les sentences & opinions de tous les assisians, produites en la presence del'amy de Dieu *Arriens,*  
 » Empereur, & à nous declarees & totalement accordantes aux raisons deuant dites. Nous auons *adiouste au*  
 » pareillement esté d'aduis d'approuuer l'excommunication qui par eux a esté adiouste à la sus- *decret sy-*  
 » dicte confession de foy, à fin que defenses fussent faites à toutes personnes d'vsér de termes qui *nodal.*  
 » ne se trouuēt point es saintes escritures, à cause que par iceux termes est procedee presque en-  
 » tierement l'occasion de la confusion & sedition qui est aduenue es eglises: Car en nul lieu de  
 » l'escriture diuinement inspiree ne se trouuent ces mots: Que le fils est fait de choses qui de foy- *Qu'en ce*  
 » mesmes n'ont aucun estre: &, Qu'il a esté vn temps qu'il n'estoit point: & plusieurs autres qui *qui concer-*  
 » disoyent, desquels nous n'auons point coustume d'vsér par cy deuant. Parquoy il n'a semblé *ne les prin-*  
 » ny bon ny raisonnable au Concile, d'en vsér, ny moins de les enseigner. Ce qui nous a plus fa- *cipaux arti-*  
 » cilement occasionné d'approuuer par nostre censure l'excommunication qui contre eux a esté *cles de la*  
 » deuēment par iceluy decernée. Ny mesme auons estimé absurd d'anathematizer ce qu'ils di- *foy, on ne*  
 » sent que le fils n'estoit point auant qu'il fust engendré: à raison que tous le confessent estre le fils *doit vsér*  
 » de Dieu, mesme deuant sa natiuité selon la chair. Et qui plus est, le tres-aymé de Dieu Empereur *d'autres*  
 » a voulu estre inseré en icelle confession, qu'il estoit deuant tous les siecles, selon la diuine nati- *mors que de*  
 » uité. Veu mesme que deuant qu'il fut naturellement engendré, il estoit par puissance en son pe- *ceux qui se*  
 » re qui n'est point engendré, le pere estant tousiours, comme aussi estant tousiours Roy & Sau- *trouuent es*  
 » ueur, estant toutes choses par puissance, & se portant tousiours en vne mesme sorte & maniere *escriures*  
 » sans alteration, vicissitude ou changement quelconque. *sainctes.*

» Voylà treschers freres, ce que nous auons pensé estre bon de necessairement vous escrire, à  
 » fin de vous faire entēdre quelles ont esté les ordōnances & decretz, qui ont ensuyuy nostre dili *Expositiō*  
 » gente recherche, examination & consentement touchant ceste confession de foy: & que par *de ce mot,*  
 » ceste nostre epistre vous congnoissiez que dès le commencement iusques à l'heure presente, *Né deuant*  
 » nous n'auons iamais varié d'icelle nostre foy, attēdu mesme que tous escrits à ce cōtraires nous *tous les sie-*  
 » ont tousiours despleu: & outre ce, que toute contētion reiectee, auons embrassé les choses qui *cles.*  
 » ne nous troubloyent en rien, & qui (apres auoir espluché en toute douceur & modestie l'impor-  
 » tance & significatiō des mots) nous sembloyēt auoir manifeste & euidēt consentement avec cel-  
 » les dont auons fait professiō en la foy, laquelle nous auoit esté dès le cōmencement proposée.

Et ainsi Eusebe par tout ce discours montre apertement que ce mot de Consubstantiel *Ce mot Cō-*  
 n'est pas nouuellement mis en lumiere, ny inuenté par les Euesques, lors premierement con- *substantiel,*  
 gregez au Concile de Nice: mais qu'il auoit esté long temps au parauant vsurpé & mis en a- *n'est nou-*  
 uant par les anciens & sages Peres. Or qu'il fut lors approuué par le commun consentement & *ueau, ny*  
 accord de tous, ie l'ay déclaré vn peu au dessus: ce que Eusebe aussi afferme clairement en la *nouuelle-*  
 vie de Constantin. *ment in-*  
*uenté.*

*S. Ambroise au liure qu'il a escrit de la foy contre les Arriens chap. 5. dit ainsi: Comment dis tu Arrien  
 que ce mot de Consubstantiel ne se trouue point es saintes escritures? comme si Consubstantiel fust autre chose  
 que ce que nostre Seigneur dit: Moy & mon pere ne sommes qu'un: le suis yssu de mon pere, & suis venu au*

## LIVRE VIII. DE L'HIST. ECCLESIASTIQUE

*monde : le suis en mon pere, & mon pere est en moy. lequel cōme il fust en la forme de Dieu, il n'a pensé estre rapine, d'estre esgal à Dieu. Combien donc que tu ne puisses deffinir la chose comme elle est, qui est inenarrable, si est ce que la raison de ce nom, veut, que tu croies & admette au Pere & au Fils une vnié de substance: Tellement que soit que tu dises le fils estre lumiere de la lumiere, ou, le verbe du verbe, ou l'esprit de l'esprit, ou le Seigneur du Seigneur: bref quoy tu dises de luy, si fault il que tu croies le pere & le fils n'estre qu'une essence. Car ce que les Grecs disent Omoufion, ce n'est autre chose, que ce que nous disons: Vne mesme essence du fils avec le pere.*

*Comme deux Euesques & peres, l'un nommé Chrysanthé, & l'autre Musonie, estans trespassez durant ce Concile, apres leur mort miraculeusement sous-signerent aux decretz d'iceluy Concile.*

Chap. X X I I I.

*Par un grand miracle deux Euesques ia trespassez sous-signerent au decret du Concile de Nice.*



Ais il ne sera hors de propos de faire le recit de l'insigne & merueilleux miracle qui aduint lors en la souscriptiō du saint Symbole de la foy: Parquoy, il fault entendre, que premier que fin fut imposee aux choses qui furent arrestees en ce Concile, aduint que deux Euesques trespasserent en ce lieu de Nice, auāt qu'auoir apposez leur signature en signe d'approbation à l'escriit de la profession de la foy qui là auoit esté contlue & arrestee. Ce que voyant le reste de l'assemblée des Peres, vindrent tous au lieu commun de leur sepulture & dormition: où estans tous à l'entour de leur monūment, & tenans en main ledict escriit, cōmencerent à parler à eux comme s'ils eussent esté encores viuans, & eussent ouy: O Peres saints (dirent ils) vous auez avec nous soustenu vne bonne bataille, vous auez paracheué vostre course, vous auez gardé la foy: Si donc vous estimez que ce qui de nous a esté fait & decreté, soit selō Dieu & verité, & qu'en puisiez obtenir la ratification & demonstrance par l'attestation de vostre signature (pour autant qu'a present sans nulle interposition d'obstacle, estans illuminez de la splendeur de la Trinité, vous voyez le tout plus claiement que nous, qui sommes encore és tenebres de ce mortel monde) nous vous priōs de souscrire avec nous à cest escriit. Cela dit, ils cachetrerent diligemēt ce libelle, & le mettent sur les sepulchres de ces Euesques, passans toute la nuit sans dormir. Le iour ensuyuant ne fut plustost venu qu'il se transportent en ce lieu, où ils trouuent leur cachet ne corrompu ne violé: & ayans fait ouuerture de leur libelle, reconnoissent les souscriptions desdicts Euesques, inserees à celles des autres, qui contenoient ces mots: Nous Chrysanthé & Musonie confessons par nos signatures apposees à ce libelle de nostre propre main, que ores que soyons de corps translatez de ce monde en l'autre, auons toutefois consenty à tous les Peres assemblez au saint premier Concile general & œcumenique de Nice en tout ce que par eux a esté determiné & ordonné.

*Epistre enuoyee par le Concile à l'Eglise d'Alexandrie, touchant ce qui fut fait & arresté en iceluy Concile.*

Chap. X X I I I I.

*Lettres du Concile de Nice enuoyees aux Alexandrins & Egyptiens.*



*Les actes du Concile.*

*Arrius avec sa doctrine condamné.*

Pres que tout fut conclu & arresté, le Concile manda lettres aux Eglises d'Alexandrie, d'Egypte, de Libye, & de Pentapole, leur escriuant bien au lōg de tout ce que par les Euesques auoit esté en iceluy deffiny & determiné en la sorte qu'il sensuit: Les Euesques qui à Nice estās assemblez, y ont celebré le grand & sacré Concile, à la grande & sainte, par la grace de Dieu, Eglise d'Alexandrie, & aux chers freres qui sont en Egypte, Libye, & Pentapole, donnent salut en nostre Seigneur. Apres que par l'ayde de la diuine grace, & du tres-aymé de Dieu Empereur Constantin auons mis fin au saint Concile, il nous à semblé estre totalement expedient & necessaire, vous enuoyer les presentes lettres, tant pour vous faire entendre les choses qui là ont esté mises en cōtrouerse & diligemēt discutees, recherchees & examinees, que pour vous aduertir de ce qui a esté decreté, deffiny & arresté. Scachez donc premierement, que les meschantes, iniques & sans Dieu propositions d'Arrius, ont esté diligemēt debatus & discutees. Ce qu'après auoir esté fait, il a semblé bon au Concile, en la presence de nostre tres-aymé de Dieu Empereur Constantin, & par le consentement & commun accord de toute l'assistance, de condamner par vn decret & anathematizer & luy & sa meschante & deprauée opinion, ensemble ses mots & paroles blasphematoires, desquelles il a vsé en blasphemant le fils de Dieu, le disant auoir esté fait & créé de choses qui desoy au parauant n'auoyēt essence ne substance: & qu'il auoit esté vn temps qu'il n'estoit point: & qu'iceluy fils de Dieu par la liberté de son arbitre & volōté, estoit capable de vice & vertu, le nōmant creature & facture. Lesquelles toutes choses

„ choses le saint Synode a anathematizé, ne pouuant endurer ne supporter si meschante opi- *Religieuse*  
 „ nion, telle folie d'esprit, & paroles si pleines de blaspheme. Or pensons nous qu'ayez en- *& deuote*  
 „ tendu, ou qu'entenderez de bref, quelle issue ont eu toutes ces choses, à fin que ne soyons veuz *modestie*  
 „ dire ou faire outrage au personnage, qui pour son delict a receu digne salaire & recompense. *des anciens*  
 „ Toutesfois son impieté n'obtenu telle force & vigueur, qu'ensemble avec luy sont allez à per- *peres.*  
 „ dition Theonas Euesque de Marmarice, & Second Euesque de Ptolemaide: Car ceux-cy sont *Theonas*  
 „ de sa faction. Mais attendu que par la diuine mercy & ineffable grace de Dieu, en abolissant *& Second*  
 „ icelles peruerfes & damnees heresies, blasphemes, discorde, audace, & diuision, que ces per- *condam-*  
 „ sonnes auoyent concitees entre le peuple qui auparauant estoit en repos & tranquillité, l'Egyp- *ne avec*  
 „ te en a esté deliuree: & qu'encore restoit la temerité & outrecuidance de Melitie, & de tous *Arrius.*  
 „ ceux qui par luy ont esté ordonnez & receuz en l'estat de préstrise: aussi auons nous bien voulu  
 „ par mesme moyen vous signifier, treschers freres, ce qui en a esté deffiny & arresté par le Con-  
 „ cile: Car iceluy a ordonné, que Melitie (enuers lequel il a vſé plus d'humanité qu'il n'apparte- *Audace*  
 „ noit, veu que pour sa desloyauté de droicte raison il ne meritoit grace ne pardon) ne bongera d'o- *de Melitie*  
 „ resenauant de sa propre cité, & qu'il n'aura puissance ny autorité deslire ne d'ordonner: & qu'il *refrence.*  
 „ ne fera veu ny apperceu, ny ne frequentera region, ville, ne cité autre que la sienne, à tout le  
 „ moins pour cet effect: mais seulement retiendra le nom seul de la dignité episcopale. Et quand  
 „ à ceux qui par luy ont esté ordonnez, comme l'estans par suffrages mystiques & sacrez, il a esté  
 „ dict qu'ils seront receuz en la cōmunion de l'Eglise. Et d'auantage qu'il leur sera bien libre d'ob-  
 „ tenir l'honneur & fonction du ministère: mais toutesfois qu'en tout & par tout ils suyueront la  
 „ reigle & maniere de faire de tous ceux qui sont elleuz & designez Euesques en vn chacun dio-  
 „ cese & Eglise, par nostre reuerendissime frere & compaignon Alexandre. Et mesme qu'ils n'au-  
 „ ront aucune puissance d'essire, ou de presenter ceux qu'il leur plaira, ou de preferer leurs noms  
 „ aux autres, ou faire & attenter aucune autre chose contre le vouloir & opinion des Euesques  
 „ de l'Eglise Catholique, qui sont sous l'Euesque d'Alexandrie. Au contraire, il est bien seant &  
 „ raisonnable, que ceux qui par la grace de Dieu & de vos prieres & oraisons n'ot esté trouuez en  
 „ aucun schisme, mais sont demeurez entiers & impolluz en l'Eglise catholique & apostolique,  
 „ ayent puissance d'essire & de presenter ceux-là pour le moins qui sont dignes de clericature, &  
 „ de faire toutes choses entierement selon les loix & constitutions Ecclesiastiques. Toutesfois s'il *Electio des*  
 „ aduient que quelcun de ceux qui president à l'Eglise decede, il est aussi raisonnable de pour- *Euesques*  
 „ ueoir en sa place l'un de ceux qui de n'agueres sont ordonnez par iceluy Melitie, pourueu qu'il *par le peu-*  
 „ en soit capable, & qu'il soit à ce elleu par le peuple: de sorte toutesfois que le tout se face par le *ple.*  
 „ consentement, suffrage & confirmation du primat d'Alexandrie.

„ Voyla ce qui est à tous autres permis par la resolution du Concile: mais quant à la personne  
 „ de Melitie, telle permission ne luy est pas ostroyee, à cause de sa desordonnee presumption, &  
 „ de la legereté & precipitation de son opinion & conseil. Parquoy autorité ne puissance ne luy *Combien la*  
 „ a esté permise, à luy dis- ie, qui est vn homme leger, & volage, & qui par ce moyen peult encore *confusion*  
 „ derechef introduire les mesmes indisciplinations, procacitez, & petulences, desquelles il a vſé *de l'ordre*  
 „ par cy deuant. Ce sont icy les choses, qui concernant principalement l'Egypte, & la sainte E- *est à fuir.*  
 „ glise d'Alexandrie: S'il y a quelque autre chose d'auantage, qui par Canons ou Decrets ait esté  
 „ en ce Concile constitué, nostre reuerendissime Seigneur, frere & compaignon Alexandre, le *Decret par*  
 „ vous dira de bouche plus seurement estant de retour à vous, comme celuy qui a esté moyennneur *lequel il est*  
 „ & participant de tout ce qui s'est fait & ordonné en iceluy Concile. *ordonné*

„ Au demeurant, nous vous annonçons vne ioyeuse nouuelle, du consentement qui s'est fait *que par tou-*  
 „ touchant la celebration de la tres-sainte feste de Pasque. Car cela a esté ainsi droictemēt con- *te la Chre-*  
 „ stitué & ordonné suyuant la requeste que vous en auez faicte: de façon que tous les freres de *stienté la*  
 „ l'Orient, qui par cy deuant l'ont faicte & celebree avec les Iuifs, ont consenty tous d'un accord *feste de Pas-*  
 „ de la celebrer d'oresenauant avec les Romains, & avec nous, & avec tous les autres, qui d'an- *que se cele-*  
 „ cienneté l'ont celebree avec nous. Rejouissez vous doncq' de ce que les affaires Ecclesiastiques *brera en un*  
 „ ont esté ainsi bien ordonnees, ensemble du consentemēt & concorde de la paix restituee, & de *& mesme*  
 „ ce que les heresies ont ainsi esté extirpees. Et par ce moyen ayez en plus grād honneur, reueren- *temps.*  
 „ ce & charité qu'au parauāt nostre cōpaignon en dignité episcopale & vostre Euesque Alexādre, *Recommen-*  
 „ lequel certes par sa presence & assistance en ce Cōcile, nous a tous resiouis & cōsolez, & a grā- *dation de*  
 „ demēt trauaillé, en l'aage auquel il est, pour accorder la paix entre nous. Priez pour nous tous, à *l'Euesque*  
 „ fin que ce qui a esté par nous cōstitué, demeure ferme & stable par l'aide du tout puissant Dieu, *d'Alexan-*  
 „ & de nostre Seigneur Iesus-Christ, avec le saint Esprit, auquel soit gloire tousioursmais. Amē. *drie.*

„ Or fault il entendre, que non seulement le Concile, mais le tres-celebre aussi Constantin  
 „ enuoya lettres pour le mesme regard au peuple d'Alexandrie: par lesquelles il leur feit remon- *Constantin*  
 „ strance, que non simplement, temerairement, ou à la volée auoit là esté faicte la deffinition de *escrie le*  
 „ la profession de la foy: ains que ce auoit esté avec grande examination, & diligente disquisi- *mesme à*  
 „ tion des choses qui auoyent esté mises en auant par ceux qui estoient de la faction d'Arrius, & *ceux d'Alexandrie.*  
 „ qu'auant toutes choses, ce qui pouuoit engendrer occasion de controuersé & sedition, ayant

# LIVRE VIII. DE L'HISTOIRE ECCLESIASTIQUE

esté obserué d'une soigneuse recherche, auoit tellement esté reietté, qu'il estoit impossible de pouuoir dire du contraire: & qu'ainsi finalement le tout auoit esté conclu & publié. A la fin de laquelle lettre, il appelle la concordante opinion & sentence des Euesques au Concile assemblez, la sentence de Dieu, & refere au saint Esprit le consentement de tant de Peres, par la direction duquel ils ne se sont desuoyez: mais ont suiuy la vraye & saine opinion.

*Epistre de l'Empereur Constantin le grand, enuoyee à toutes les Eglises de la Chrestienté, declaratiue de tous ce qui fut fait au saint Concile de Nice, & par les Arriens.*

C H A P. X X V.

*Lettres de l'Empereur Constantin enuoyees à toutes les Eglises, des choses qui furent decretees au Concile de Nice.*

*Utilité des saints Conciles.*

*Humilité & submission de l'Empereur.*

*Le consentement & accord pour la celebration de la feste de Pasque.*

*La hayne que Constantin portoit aux Iuifs.*

*De l'auenglement des Iuifs.*

*Constantin suade de ne celebrer point la feste de Pasque avec les Iuifs.*

*Iesus Christ ne nous a*



Constantin aussi de sa part escriuit lettres aux autres Euesques, qui n'auoyét peu venir au Cōcile, & à toutes les Eglises en general de la Chrestienté, leur declarant par icelles les actes d'iceluy Concile, en la façon qui s'ensuit: Apres auoir experimenté par l'heur & prosperité des choses publiques, combien est grande la grace de la diuine puissance, i'ay iugé que ie ne me deuois proposer autre meilleure fin, sinon qu'une foy, une sincere charité, & une accordante religion & pieté, fust par tout gardee & obseruee de tous bié-heureux peuples de l'Eglise catholique.

Mais comme il ne se peut nullement faire autrement, qu'un ordre ferme & stable fust constitué, sinon par la cōgregation & assemblee en un lieu de tous les Euesques de la Chrestienté, ou de la plus grande & saine part d'entr'eux, pour iuger & determiner d'une chacune chose appartenante à la tres-sainte & sacree religion: à ceste cause, entant qu'il s'est peu faire, plusieurs estans assemblez à Nice, & moy aussi y assistant ne plus ne moins que l'un d'entre vous (car ie ne veux nier estre seruiteur de Dieu avec vous, ains plustost m'en resiouis grandement) toutes choses qui estoient en controuersé, ont esté si bien & diligemment espluchees & avec une telle recherche & examination discutees, que rien n'a esté laissé en arriere, qui nous puisse à l'aduenir causer ou discorde, ou ambiguïté en la foy, qu'il nous conuient tous confesser & tenir. Ce qui a esté confirmé par la sentence agreable à Dieu de toutes choses spectateur, laquelle sur ce fait en a esté donnee par les susdicts Euesques, pour l'establissement de la paix, & accordante vnion de toute la Chrestienté. La question semblablement de la tres-sainte feste de Pasque, y ayant esté mise sus & discutee, il a esté par les sentences & conclusion de tous decreté, qu'en un mesme temps elle seroit de tous generalmente celebree. Car que pouons nous auoir de plus beau & de plus graue, sinon que ceste feste, d'où nous auons perceu l'espoir de nostre immortalité, soit de tous faicte seurement & inuiolablement d'un bon ordre & celebre façon d'honorer & seruir Dieu? Et de fait c'estoit premierement chose indigne de celebrer ce tres-saint iour là, à l'imitation & coustume des Iuifs, qui ayans les mains & consciences contaminees du meschant acte qu'ils ont executé en la personne de nostre Sauueur, non sans iuste cause sont auenglez en leurs esprits, & sont hommes pleins de toutes meschancetez. Car pourquoy ne sera il pas licite, en reiettant ceste nation maudicte, de transporter à nos successeurs ceste obseruance d'un meilleur & plus asséuré ordre que n'est le leur: celuy di-ie lequel dès le premier iour de la passion iusques à icy auons gardé & obserué? Parquoy n'ayez rien de commun avec ceste tres-nuisible & ennemie racaille de Iuifs: Car nous auons une autre voye, que nous auons receue de nostre Sauueur. Nostre tres-sainte religion a son cours proposé & limité, elle a la legitime reigle qui luy appartient, laquelle (tres-reuerends freres) ie vous prie tous d'embrasser & suyure d'un consentemēt vnanime, & de vous retirer de ceste orde conscience, & de honneste compaignie. Et au vray dire, c'est la chose la plus absurde de ce monde, qu'iceux en se glorifiait se puissent iacter, que nous ne soyons pas assez suffisans d'observer ces choses, sans qu'ils nous en donnent doctrine, enseignemēt & prescription. Mais cōment est il possible qu'il puissent auoir bon sentiment & droicte intelligēce de ce qui concerne nostre religion, quād pour le meurtre par eux cōmis en la personne de Iesus-Christ estās baillez en sens repprouuē, ne sont conduictz de raison aucune, mais seulement d'une ontrecuidance & impetuositē la part que leur naturelle fureur les poulsē? Parquoy veu qu'en cela & en toute autre chose, ils ne voyēt ce qui est vray: mais cōme de tout temps sont, & ont tousiours esté trāsportez d'une affectiō vitieuse, plustost que de corriger leur erreur, aussi celebrent ils la Pasque deux fois l'an. Pour quelle raison dūcq' les suyurōs nous, veu qu'eux-mesmes se cōfessent estre impliquez en extreme erreur? Car quant à nous, nous ne souffrirōs iamais que Pasques se feissent deux fois l'an. Et mesme quand ces choses ne vous seroyent declarees, si vous faudroit il neantmoins, suyuant la sagesse & bonté de vostre esprit, tousiours estudier & desirer de ne souiller la cōsciēce & pureté de vos ames, par l'imitation & exemple d'autrui, & vous donner bien garde, que ne fussiez veuz suyure en aucune sorte & maniere la coustume des mauuais hommes. Ioinct aussi qu'il fault diligemment aduiser estre chose fort pernicieuse qu'il y ait dissention & controuersē entre nous, en chose de telle importāce, & tant solennelles festes de nostre religiō. Car il ne nous a esté baillé par nostre Sauueur,



» Sauueur, qu'un iour, pour la celebration de nostre franchise & redemption, à sçauoir celuy de sa  
 » tressainte passion. Il a voulu son Eglise catholique & vniuerselle n'estre qu'une : de laquelle  
 » combien que les parties soyent esparles ça & là en plusieurs & diuers lieux, si est-ce qu'elle n'est  
 » entretenue en son integrité & fomentee que d'un esprit, c'est à dire, que d'un vouloir diuin.  
 » Que l'industrie doncq' & ingeniosité de vostre sainteté considere, combien est chose ennuyeuse  
 » & indecente, qu'en mesmes iours, les vns vaquent à ieusnes, veilles & oraisons, & les autres  
 » à boire & à manger : & qu'aupres les iours de Pasque, les vns cessent à travailler & se reposent,  
 » & les autres se macèrent par les ieusnes ordonnez & commâdez. Parquoy la diuine providen-  
 » ce veult que cela soit corrigé comme il appartient, & soit reduit à vne bonne ordonnance &  
 » honneste forme de faire, entant que, certes, hors toute affection ie peuz veoir & considerer.  
 » Veu doncq' qu'il est expedient que cela soit ainsi corrigé, à celle fin principalement que  
 » n'ayons rien de commun avec les meurtriers de nostre Seigneur, & que l'ordre decent & conue-  
 » nable obserué par toutes les eglises du monde habité, en Occident, en Midy & Septentrion,  
 » & en quelques lieux aussi par les Orientaux soit gardé par tout vniuersellement : à ceste cause  
 » il a semblé bon à tous les Euesques qui ont assisté au concile de Nice, & à moy pareillement,  
 » que ce qui d'un mesme & concors aduis est obserué par tout le pays Romain, par toute l'Italie,  
 » l'Aphrique, l'Egypte, les Hespaignes, les Gaules, l'Angleterre, la Libye, toute la Grece, l'Asie,  
 » Pont, & Cilice, soit aussi pareillement receu volontairement & sans contredict de vostre pru-  
 » dence : en considerant diligemment, que non seulement le nombre des Eglises est plus grand  
 » susdicts lieux, mais aussi que c'est chose fort sainte de vouloir tenir & obseruer ce que tous en  
 » commun tiennent & obseruent, veulent & accordent. Ioinct aussi que la plus estroicte & per-  
 » faicte raison semble requerir, que nous n'ayons aucune communication ou acointance avec le  
 » periure des iuifs.

» Et à fin que finalement ie die en deux mots le neu & sommaire de la chose, il a pleu au com-  
 » muniugement de tous, que la tressainte feste de Pasque fust de tous Chrestiens solemnizee  
 » d'icy en auant en un & mesme iour : Car il n'est decent ne conuenable qu'en vne chose  
 » tant sainte comme est celle là, il y ait entre nous aucun diuorce. Et le plus beau que i'y voye  
 » c'est de suyure l'opinion, où il n'y a nulle contagion de l'erreur & peché d'autrui. Et comme la  
 » chose soit telle, receuez d'un affectionné desir ce celeste & vrayement diuin commandement :  
 » Car il fault croire que tout ce qui se determine es saintes assemblees des Euesques, est referé à  
 » la volonté de Dieu. Parquoy apres que ces choses que nous vous escriuons auront esté declarees  
 » à tous nos feaux & bien aimez freres, vous n'aurez occasion de faire aucune difficulté de res-  
 » cevoir & ordonner par tout que ce tressaint iour soit ainsi celebré comme il a esté decreté : à fin  
 » que quand ie seray arriué & me seray rendu à vostre sainteté (ce que ie souhaite grandement  
 » long temps a) ie puisse ensemble avec vous solemnizer en un & mesme iour ceste sainte feste,  
 » & mesuoir en tout & par tout de tout mon cuer avec vous : en voyant la tyrannie du diable  
 » estre tollue, moyennant la vertu diuine & la nostre & aussi vostre foy, paix & concorde auoir  
 » par tout force & vigueur. Qui est fin de lettre, apres auoir prié Dieu, mes bien-aimez freres,  
 » vous tenir en sa garde & protection.

Il est aussi bon de cognoistre ce qu'il a escrit à tous Euesques & peuples de la Chrestienté,  
 » contre Arrius & ses complices, dont la teneur s'ensuyt :  
 » Comme ainsi soit que Arrius ayt voulu estre imitateur des meschans, il est aussi bien seant  
 » & raisonnable, qu'il recoiue le pareil loyer d'ignominie, qu'eux. Doncq' tout ainsi que Porphy-  
 » re, ennemy de la pieté diuine, a receu condigne recompense pour ses liures qu'il a composez  
 » contre la religion Chrestienne, à cause desquels il sera à iamais subiect à toute malediction &  
 » opprobre d'un chacun, & en toute infamie enseuely, avec l'abolition de ses meschans escrits :  
 » aussi nous a il pleu maintenant qu'Arrius & ceux de sa secte, soyent appelez Porphyriens : à  
 » fin que de ceux desquels ils ont imité les mœurs, ils en obtiennent aussi pareillement les appel-  
 » lations. Que s'il aduient qu'il se trouue aucun escrit d'Arrius, nous voulons qu'il soit aussi tost  
 » mis au feu : à celle fin que non seulement sa meschante doctrine soit abolie, mais aussi qu'il  
 » n'en demeure aucun enseignement ny memoire. Et si aucun se trouue qui recele aucun liure,  
 » qui par iceluy Arrius ait esté fait & composé, & ne l'ait incontinent mis au feu, ie veux & or-  
 » donne qu'il soit mis à mort : Car nous voulons que celuy qui en ce crime aura esté deprehendé,  
 » soit sur le champ executé.

Il enuoya aussi en diuers lieux plusieurs autres epistres à l'encontre d'Arrius & ceux de sa se-  
 » cte, se mocquant d'eux, sous paroles conuertes & ironiques.

Il escriuit semblablement aux Nicomediens contre Euse & Theognide, taxant fort Eusebe,  
 » comme celuy qui autre fois auoit fauorisé & tenu le party de Licinie, & dressé embuches à  
 » Constantin : à raison de quoy il leur commanda aussi d'eslire un autre Euesque, & le mettre en  
 » la place d'iceluy Eusebe : ce qui fust fait. Lesquelles epistres i'eusse icy mis volôtiers, si ie n'eusse  
 » pensé estre chose mal conuenante à ce lieu, de craincte d'estre ennuyeux au lecteur, par ma  
 » trop grande prolixité. Soit doncq' iusques icy traité de ces choses.

# LIVRE VIII. DE L'HISTOIRE ECCLESIASTIQUE

*Comment Constantin esmeu d'une liberalité procedante d'une affection de charité, ayans transporté le Concile de Nice à Constantinople, feit un festin à toute l'assemblée : & apres leur auoit fait par honneur dons & presens, renuoya un chacun en sa maison.*

CHAP. XXVI.

*Constantin  
baisa les  
playes &  
cicatrices  
des Eues-  
ques, qui  
auoyent en-  
duré pour  
le nom de*

*Iesus-  
Christ.  
La dedica-  
ce & con-  
secration  
de Cōstan-  
tinople, la-  
quelle fut  
dediee à la  
mere de  
Dieu.*

*Constantin  
ordonne vi-  
uires & pē-  
sions annuel-  
les de son  
reuenu aux  
uefues &  
vierges sa-  
cres.*

*Il escriit  
aux autres  
Euesques  
qui ne se-  
froyent  
point trou-  
ués à ce  
Concile.*

*Le Concile  
de Nice cō-  
mēça le. 17.  
an de l'ēpi-  
re de Con-  
stantin,  
& finit le.  
20. Son  
commence-*



Es affaires se portans en ceste sorte, aduint de bōne fortune, que la vingtième année de l'Empire de Constantin s'accomplissoit lors. Or fault il noter que les Romains auoyent en ce temps là ceste coustume, que de dix ans en dix ans de l'Empire de leur Prince, il faisoient entr'eux vne commune & publique assemblée, & feste solennelle : Parquoy ayant aduise que cela venoit bié à propos, feit en ce mesme lieu vn festin & banquet solennel, auquel il conuia tous ceux qui assisterent à ce Concile : & y ayant rangé par ordre vne grande quantité de lits pour les seoir (à la mode des Grecs) les receut en ce lieu fort humainement : où il declara par plusieurs bons propos qu'il eut avec eux, & par dons & presens qu'il leur feit, son honorificence & liberalité enuers eux : faisant seoir à sa table ceux qu'il scauoit entr'eux estre les plus honorables & excellens. Desquels voyant les membres ainsi mutilez pour auoir soustenu le nom de Iesus-Christ, & de là recueillant la constance & fermeté de leur foy, il ne dedaigna d'en baiser & venerer les cicatrices, se confiant que par ce baisement & par leur benediction, il receuroit la grace de Dieu. Apres que son festin fut paracheué, se leua de son lieu, & à la façon de quelcun qui eust voulu impetrer quelque requeste, pria l'assistance, que leur plaisir fust, puis qu'ils auoyent tant enduré de travail, de luy donner encore quelques peu de iours, & ne vouloir trouuer grief, de venir visiter la ville, qu'il auoit nouuellement bastie, & qui pour lors estoit paracheuee, à fin que par leurs prieres ils en affermissent les murs & forteresses. Chose qu'à la priere ils accorderent tout aussi tost. Ils viennent doncq' tous à Constantinople, & à leur arriuee ils y celebrent la feste de la dedicace : ils y font le sacrifice non sanglant : par leurs prieres & oraisons, ils fortifient la ville largement, & la dedient à la mere de Dieu, la nommant la nouvelle Rome & ville de Constantin & capitale de l'Empire, lors que sur l'Eglise d'icelle presidoit Alexandre. Et non content encore de les auoir ainsi festoyez par ce solennel banquet, il leur feit en outre des dons & presens fort magnifiques : & enuoya lettres patentes à tous les gouuerneurs & lieutenans de ses prouinces, à ce que par toutes les villes fussent administrez viures annuels à tous ceux qui estoient dediez au seruice de Dieu, & à toutes les sacrees uefues & vierges qui seruoient aux temples à Dieu dediez. Ce qu'il feit plus par vne liberalité & magnificence, que par necessité qu'ils en eussent. Ces viures furent puis apres rongnez par Julian : lesquels son successeur voulut qu'ils fussent d'oresnauant pris sur la troisieme partie de son patrimoine.

Voyant à la fin ce bon Empereur qu'un chacun se deliberoit de se retirer en son pays, leur feit vne harangue, par laquelle les enhortoit tous à suyure & maintenir vne mesme foy, & d'auoir sur toutes choses les vns avec les autres paix & charité, & que sans aucune sedition en toute concorde & tranquillité ils meissent peine de complaire à Dieu le createur de toutes choses. Et ainsi par ceste harangue ayant continué fort longuement son propos sur la concorde qu'ils deuoyent auoir tous ensemblement, à la fin il les adinonnesta & supplia d'auoir luy, ses enfans, & tout l'Empire Romain en leurs saintes prieres & oraisons, & que tāt feissent par icelles, que Dieu luy fust propice & secourable : & que ce qui auoit esté par eux au Concile déterminé, fust de tous tenu ferme & arresté. Quant aux autres Euesques qui n'y auoyent comparu, il leur manda par lettres ce que auons par cy deuant récité, à scauoir qu'ils eussent à recevoir & suyure la profession de foy, qui par la diligente & soigneuse examination & recherche de tant de doctes & saints personages auoit esté discutee, & par la sentence du createur de cet vniuers constituee, & finalement approuuee par les suffrages des peres assemblez en ce grand & vniuersel Concile. Ce fait chacun se retira en sa maison sur son troupeau, apres auoir receu beaucoup d'honneur & merciment de l'Empereur. Lequel estant grandement esiouy, de ce qu'il voyoit qu'il n'y auoit par tout le monde qu'une seule Eglise, vnue & accordante en vne seule foy & doctrine, offrit à Dieu solennellement actions de graces, pour l'unanime concorde en laquelle il veoit estre les Euesques par toute la Chrestienté. Au reste ie suis assez asseuré, que de scauoir les noms des Euesques qui là assisterent, les iurisdiccions des villes esquelles ils president, & les appellations d'icelles, cela seruiroit grandement aux gens studieux : & les ayant toutes trouuees au liure Synodal d'Athanase, les eusse en ce lieu volontiers mises par ordre si ie n'eusse craint d'ennuyer le lecteur de ceste miene histoire par vne trop longue prolixité. Parquoy ie les delaisse à les aller là chercher, à tous ceux qui auront enuye de les veoir & scauoir.

Quant au temps que ce Concile fut célébré, nous trouuons que ce fut l'vniemesme iour du mois de May

de May, la vingtiesme indiçtion, souz le Consulat de Paulin & de Iulian, qui fut l'an six cens trente six, du regne d'Alexandre Roy des Macedoniens, & le vingtiesme de l'Empire de Constantin, en contant depuis qu'il commença à seigneurier en Angleterre, & la treziesme année qu'il vint premierement à Bizance. Le Concile dura à Nice l'espace de trois ans entiers, & quelque peu d'auantage. Voyla la fin des affaires de Nice. Or fault il noter que Constantin depuis ce temps la en auant, fust tellement enflammé d'une ardeur à promouoir & aduancer la religion Chrestienne, qu'il manda lettres à toutes les villes & peuples subiects à l'Empire Romain qu'ils eussent à se retirer totalement de leur premier erreur, & à embrasser de toute leur affection la doctrine & religion Chrestienne. Et d'une grande munificence & liberalité, enuoye argent aux Euesques de toutes pars, les incitant à edifier des Eglises par tous leurs diocèses, & les fournissant abondamment de tout ce qui estoit requis & necessaire pour ce faire. Il commatida pareillement que liures pour faire le seruice diuin fussent par tout escripts & accoustrez à la main. Et pour plus certainement entendre son dessein & vouloir sur cet affaire, l'epistre qu'il en escriuit à Eusebe, le declare appertement, dont la teneur s'ensuyt.

*ment fut  
lan de no-  
stre sei-  
gneur  
326. &  
la fin l'an.  
329.  
Constantin  
fait bastir  
des Eglise,  
& fait fai-  
re liures  
pour le ser-  
uice diuin.*

*Epistre de Constantin le grand, touchant la reparation, amplification, & bastiment des  
Eglises, & achat des liures, pour faire le diuin seruice.*

*CHAP. XXVII.*

**L**E victorieux, tres-grand, & tres-auguste Constantin, à Eusebe, donne salut. Tres-cher frere, ie croy, & me le persuade au certain, que tout le temps iusques à present, que l'impieté & tyranie a persecuté, ainsi que bon luy a semblé, les ministres de Dieu nostre Sauueur, les bastimens de toutes les eglises ont esté en ruine & decadence, pour le peu de soin qu'on en a eue: ou n'or esté ainsi paracheuez que la dignité d'icelles le requeroit, pour la crainte de l'imminente persecutiō qui pour lors seuiſſoit. Mais maintenant que toute liberté est restituee & remise en son premier estat, & que par la prouidence du tres-bon & tres-hault Dieu, & par nostre moyen, le serpent est dechassé du gouuernement & administration de toutes republiques, ie pense que la diuine puissance s'est enuers nous assez demonstree: que ceux qui par cy deuant ont esté ou par crainte, ou par incredulité, ou mesme par peché opprimez, apres auoir eu la cognoissance de celuy qui est le vray Dieu, ont à la fin atteint le vray & droit estat de vie. Parquoy ie t'ay bien voulu enuoyer ces presentes, pour par icelles t'aduertir, d'admonester toutes les Eglises ou qui sont souz ta charge, ou les autres Euesques, prestres, & diacres, que tu cognois en auoir la superintendence, à ce que diligemment ils mettent peine de reparer, ou amplifier, ou (la necessité le requerant) à edifier de nouveau toutes les Eglises qui sont encore de reste. Pour le fourniment desquelles choses, toy ou les autres en ton nom en demanderez ce qui sera necessaire aux gouuerneurs & magistrats des prouinces: ausquels a esté par lettres patentes mandé diligemment de faire tout ce que ta saincteté aduifera sur cecy estre bon à faire. Ce pendant ie priay Dieu, mon cher-frere, estre garde de toy.

Voyla ce qu'il escriuit de la structure des Eglises: non à cestuy-cy seulement, mais à tous les autres Euesques semblablement, ausquels il manda le pareil.

Quant aussi à ce qu'il manda au susdict Eusebe Pamphile touchant d'achaper liures pour seruir aux Eglises, ce ne sera hors de propos de l'adiouster en ce lieu. Il luy escriuit donc en la maniere qui s'ensuyt:

*Il escriuit  
aussi aux  
autres eues-  
ques pour  
la mesme  
chose.*

Le victorieux, tressouuerain Auguste Constantin à Eusebe, salut. En la ville de nostre nom, par la diuine prouidence, vn si grand nombre d'hommes s'est dedié & sous-mis à la tressainte Eglise, que prenant tous les iours vn merueilleux accroissement, il fault de necessité que plusieurs Eglises soient en icelle construites: Parquoy recey volontairement & sans contredict, ce qu'il a pleu à nostre iugement d'ordonner (ce que aussi nous auons bien voulu faire entendre à ta discretion) c'est que nous voulons que tu achepes vne cinquantaine de liures en parchemin, bien reliez & accoustrez, & que lon puisse aisément tourner & porter: & qu'en iceux tu faces bien & nettement escrire par bons escriuains, & bien entendus en l'art d'esécriture, les saintes lettres: celles principalement que tu verras pour l'usage & profit d'une chacune Eglise, estre les plus necessaires. Car lettres ont esté enuoyees par nostre benignité à nostre receueur general de la prouince, à fin de fournir deniers à tout ce qui sera necessaire pour la facture d'iceux. Quant à la diligence qu'il conuient y estre employee, tant à les bien escrire qu'à les bien reliair, nous nous en reposons sur toy. Nous voulons aussi qu'apres qu'ils seront prests, qu'ils nous soyent apportez iusques icy. Et pour ce faire, il te conuiendra prede deux voictures publiques, qui par l'autorité de ce rescrit, te seront deliurees. Ce qui se fera par le ministère de l'un des diacres de ton Eglise: lequel estant venu à nous, experimentera nostre liberalité & munificence. Dieu te maintienne en sa garde, frere trefcher.

*Epistre de  
Constantin  
enuoyee au  
mesme Eu-  
sebe, pour  
achepter &  
faire faire  
des liures  
pour seruir  
aux Eglises.*

E iiij

*Le contenu des lettres que Constantin le grand escriuit à Macaire, Euesque de Ierusalem, pour la restauration du saint Sepulchre de nostre sauueur Iesus-Christ.*

CHAP. XXVIII.



*Les infideles ayas au lieu de Caluaire comblé de terre le Sepulchre de Iesus-Christ, ils y edifierent le temple de Venus.*

*Constantin fait desmolir le temple de Venus, & au lieu d'iceluy fait bastir l'Eglise du S. Sepulchre.*

*Lettres de Constantin enuoyees à Macaire Euesque de Ierusalem pour le mesme effect. Par un grand miracle le monument de Iesus-Christ, qui parauant estoit caché d'un gros monceau de terre, s'apparus sans humaine industrie.*

*Il baille la charge de l'edificatio de ce temple, à l'Euesque Macaire.*


Ombien que chacun puisse par ce qui a esté recité cy dessus facilement & appertement cognoistre la bonne affection qu'auoit l'Empereur Constantin enuers les choses sacrees, si est-ce que non moins le declare ce qu'il fit en Ierusalem au saint Sepulchre de nostre Redempteur: Car ayant sceu & cogneu au vray, que ceux qui iadis auoyent esté conduicts de l'erreur d'idolatrie, & agitez comme de quelques frenaisies & intemperies de fureur, auoyent desmoly & du tout arraché le salutaire Monument où auoit reposé le corps de Iesus-Christ, & qu'au lieu où il souloit estre, ils auoyent fait vn gros rampart, & eleué vn grand monceau de terre: & ayans occupé tout a l'entour le lieu voisin du mont de Caluaire & de la Resurrection, ils en auoyent avec grosses pierres couuert la terre, à fin que la memoire s'en perdist à iamais: & outre ce qu'ils y auoyent edifié & basty vn temple en l'honneur de l'impudique deesse Venus, & y colloqué la statue, en derision du Virginal enfantement, à fin que ceux qui là eussent voulu exhiber l'honneur deu à Iesus Christ, fussent veuz l'exhiber à ce simulachre, & que par laps de temps, l'oubliance supprimast & cachast la vraye cause du fait: pour ce que par ce moyen se feroit qu'il ne seroit à nul libre de là a border d'oresnauant, ny à aucun permis d'enseigner la chose aux autres: l'Empereur, dis-ie, ayant entendu tout cecy, fit incontinent abatre & desmolir ce temple rez à rez des fondemens, & commanda que la terre qui là auoit esté amassée, par les idolatres en forme de rampart, fust de là transportee & ietee fort loing de la ville, pour auoir esté pollue & contaminée par les abominables sacrifices des Payens: & au lieu du temple de Venus, il commanda d'en estre basty vn autre à l'honneur du Redempteur, de beauté, excellence, amplitude & magnificence la plus exquise qui se pourroit faire ou excogiter. Lequel temple, quel il fut, le declare assez l'epistre laquelle sur cest affaire il enuoya à Macaire, Euesque de Ierusalem (lequel aussi avec les autres peres enerua l'opinion d'Arrius) en la forme & maniere qui s'ensuit:

Le victorieux, tressouuerain, Auguste Constantin, à Macaire, salut. Tant est grande la grace de nostre Sauueur, qu'il n'y a vertu ne efficace d'oraison en l'homme, qui soit assez suffisante pour l'exprimer, & mesme en ce miracle que presentement ie reciteray. C'est que le Monument de la tressainte passion de nostre Redempteur ayant pieça esté comblé de terre, & caché par l'espace de longues annees, apres que le commun & public ennemy de nous tous a esté accablé, & les seruiteurs de Dieu mis en liberté, & le lieu deliuré de la main des infideles & mescreans, s'est à la fin miraculeusement apparu & demonstté: qui est vn miracle, lequel veritablement excède tout humain espouuementement & admiration. Car ores que ceux qui par toute la terre sont en estime d'hommes sages & eloquens, estans tous en vn & mesme lieu assemblez, voulsissent dire leur aduis d'une si esmerueillable chose: si toutesfois n'en scauroyent ils atteindre par l'artifice de leur eloquence, voire la plus petite partie. Car la foy de ce miracle excède d'autant plus la nature suiuite de la raison & cogitatio humaine, que les choses celestes sont plus puissantes & efficaces, que les humaines. Au moyen de quoy i'ay tousiours deuant mes yeux proposée ceste seule & principale fin de tous mes conseils & executiōs d'œuvre, que tout ainssi que la foy de la verité se manifeste & exhibe foy-mesme par nouueaux miracles, aussi soyēt les esprits de nous tous réduz plus allaires & dispos enuers icelle, par vne chasteté & volōté viue gaye & deliberee. Ce que come ie pense estre à tous notoire, ie veux aussi que sur tous autres tu te persuades, que ie n'ay rien en ce mode en plus de recommandatiō, que d'illustrer & orner de belles structures d'edifices, le saint lieu, que i'ay par le cōmandement de Dieu, come de quelque vrgent & pesant fardeau, deliuré del'aduanantage que les idolatres y auoyent vsurpé, en y posant l'idole de Venus, vilaine & deshōnneste. Lequel lieu certes ie ne voudrois dire que des adōc son cōmencement il n'eust esté saint par le vouloir & iugemēt de Dieu: mais ie diray biē qu'il a esté fait & déclaré plus saint, depuis qu'il a produict en lumiere la foy de la salutaire passio de nostre sauueur Iesus-Christ. Au reste, c'est à faire à tō industrie & ingeniosité, de si bien & proprement disposer toutes choses, & si diligēment procurer tout ce qui sera necessaire pour ce bastiment, que non seulement ceste maison de Dieu soit plus magnifique & excellēte que toutes les autres, quelque part quelles soyēt, mais aussi que tout le reste soit en telle sorte cōstruit & preparé, que tous œuvres en quelques villes qu'ils se trouuent d'excellēte beauté, magnificēce & somptuosité, soyēt en tout & par tout par celle structure surpassez. Quāt à la massonnerie, charpēterie & tout autre artifice de l'œuvre, sois aduertie que la charge en a esté par nous commandee à nostre feal & cher amy Dracillien, lieutenant & gouuerneur de la prouince: Car il a cōmandement de nostre pieté de faire prouision d'ouuiers & manouuiers, & de tout ce entierement qui sera necessaire pour l'edifice: lesquels il māderra venir, tout aussi tost que par ta dexterité d'esprit aura esté disposé, ce qu'il faut

qu'il faudra faire. Quant aux colonnes & marbre qu'il y fault, apres que tu auras en bresproietté le modelle & pourtraict de l'edifice, mède nous celles que tu auras iugé estre les plus excellentes & commodés pour l'œuvre, à fin qu'apres auoir entendu par tes lettres la quantité & qualité de ce qui sera nécessaire, il y puisse estre porté de toutes pars. Car il est bien seant & raisonnable, que le lieu qui sur tous ceux de ce monde est le plus admirable, soit orné selon sa dignité. Quant à la forme de l'edifice, ie voudrois volontiers auoir ton aduis comment nous y deuons proceder, où si nous le ferons en façon de voulte, ou de planchier & de lambris, ou en quelque autre mode, qu'il semblera estre la meilleure, plus honneste & plus belle. Car s'il se fait en forme de planchier, il se pourra aussi pour son embellissement illustrer d'or & d'asur : Parquoy aduise y diligemment, & mande aussi tost aux magistrats à qui la charge est donnée, combien d'ouuriers y seront nécessaires, & à combien se pourroient monter les frais qu'il y faudra employer. Fay aussi diligence que soudain le rapport nous soit fait, non seulement de la quantité du marbre & des colonnes qu'il y faudra, mais de la façon semblablement qu'il y faudra tenir, laquelle tu aduiferas pour la plus belle, & la plus commode, ou en forme de voultes, ou de plancher. Qui sera fin de lettres, priant Dieu te maintenir en sa garde, frere trescher.

*Comment Helene, mere de Constantin, fut en Ierusalem, & comme elle y trouua la sainte Croix, & de ce qui aduint en l'inuention d'icelle.*

CHAP. XXIX.



R fault il entendre que sainte Helene, mere d'iceluy Empereur, ayant eu ceste grace de Dieu d'auoir engendré vn tel fils, estoit celle qui à escrire ces lettres l'auoit incité: Car la mesme année que le Concile fut assemblé à Nice, elle fut en son sommeil admonestee par diuine inspiration de faire le voyage de Ierusalem. Ce qu'elle, tant par vne ferueur de deuotion, que pour voir les saints lieux, entreprit faire, sans en pouuoir estre retardee ny par le trauail du long chemin, ny par aucune fascherie ou moleste de son vieil aage: Car il conuient noter qu'elle estoit lors paruenue à l'extremité de sa vie, & quant à toutes les choses qui cōcernoyent la religion Chrestienne, elle en faisoit grand cas. La principale affection qui là la conduisoit, estoit la bonne intention & estime qu'elle proiettoit en son esprit, de pouuoir trouuer le bois de la sainte Croix, & le viuifiant monument de Iesus-Christ. De manière qu'estant là arriuee, tant fit qu'à la fin elle trouua ce qu'elle desiroit, & vint au but de ses attentes, par le moyen & conduite d'un homme luif, lequel (comme lon dit) auoit tousiours remarqué l'endroit, par l'indice que luy en auoit autresfois fait son pere. Toutesfois, pour en parler à la verité, ie croirois plus tost que Dieu le reuela à ceste bonne & deuote Dame, par quelques signes & visions qui luy apparurent la nuict en son sommeil: Car toutes & quantes fois qu'il a pleu à Dieu de reueler & mettre en euidence les choses diuines & occultes, il n'a esté besoin de signes ou indices humains. Tant y a qu'il se trouue qu'apres que par le commandement de l'Empereur ce temple contaminé, de Venus, eust esté rué par terre, & du tout desmoly, & que la terre qui combloit ce lieu fut de là transportee ailleurs, tout aussi tost s'apparut icelle sainte cauerne de la resurrection miraculeusement: où furent trouuees trois croix, escartees & esparses ça & là sans aucune distinction, ensemble vn tableau blanc, auquel le preuost Pilate auoit escrit en diuerses lettres ces mots: Celuy qui est icy crucifié, est le Roy des luifs: & qui par luy auoit esté mis sur la teste de Iesus-Christ, en forme d'une colonne. Mais parce que les lettres estoient effacees, & que le tableau auoit esté là ietté indiscretement & sans consideration, il estoit encore mal-aisé de scauoir discerner lequel de ces bois estoit celui où Iesus Christ auoit esté crucifié, à l'occasio que les croix auoyent esté là iettees confusément, & sans ordre ne discretion. Car de fait, que s'estoyent soucié ceux qui les auoyent là mises, en quel lieu, ou comment ils les mertoyent? loingt aussi que les gens d'armes qui les auoyent crucifiez, se hastoyent le plus qu'ils pouuoient pour l'amour du iour du sabbath. Et mesme qu'ils auoyent ceste fantasie, que c'estoit chose portant mal-heur, que les croix de ceux qui par iustice auoyent esté executez, demourassent là le iour du sabbath. Parquoy les vnes furent iettees d'un costé, les autres d'autre, sans distinction ne difference aucune. Cōme donc ceste disquisition fust incertaine, la Mere de l'Empereur estant en doute qu'elle deuoit faire, ne peut à qui auoir plus certain recours sinon à Dieu, parquoy se mit en priere, & oraison, le requerant que son bon plaisir fust de l'oster hors de doute, & en faire la demonstration. En quoy elle fut exaucee, & l'ambiguité tollue par le moyen d'un miracle, par lequel fut euidemment monstré lequel de ces trois bois estoit celui, auquel le corps de nostre Seigneur auoit esté attaché, & auoit esté arrousé des gouttes de son diuin sang. Le miracle fut tel: Il y auoit vne femme en Ierusalem, issuë d'honneste lieu, laquelle estoit fort malade, & en danger de mort. Ce que sachant l'Euesque Macaire, vint à elle, ensemble sainte Helene, & ceux qui l'accompagnoient.

*Helene mere de Constantin a seruy souvent de secretaire à son fils, pour escrire lettres en faueur de la pieté Chrestienne.*

*Comment par vne deuotion elle alla en Ierusalem.*

*L'inuention du sepulchre, & de la croix de nostre Seigneur.*

*Miracle, par lequel fut cognou la quelle des*

trois croix  
estoit celle  
de Iesus-  
Christ.  
Ruffin en  
son histoire  
Ecclesiasti-  
que, cha. 7.  
et 8.  
La feste de  
l'exaltation  
de la sain-  
te Croix.  
Socrates hi-  
storien dit  
qu'il a escrit  
ces choses  
par la rela-  
tion qu'il a  
entendue des  
autres, li. 1.  
chap. 17.  
Les cloux  
desquels no-  
stre Sauveur  
fut attache  
à la croix.  
Zacha. 14.  
Oracle de la  
Sibylle, tou-  
chant la sain-  
te Croix.

Plusieurs  
choses ont  
aussy esté re-  
ueles aux  
ethniques,  
qui conuer-  
toient les  
mystères de  
notre re-  
demption.

Or premier que d'y venir, ce signe auoit esté constitué, que celle qui de ces trois croix (ayans esté toutes trois appliquées sur le corps de ceste malade) la guariroit, estoit celle de Iesus-Christ. Et ainsi fit son oraison, laquelle paracheuée, fit ce qui auoit esté arresté, & appliqua ces trois croix sur ceste pauvre malade, l'une apres l'autre. Apres que deux y eurent esté mises chacune à part, la femme ce nonobstant demeure tousiours en mesme estat & danger de sa vie, qui ia estoit du tout desesperée & abandonnée: Mais si tost que la vraye fut sur elle imposée, la maladie la lascha, & commença soudain à regarder les assistans, & ainsi ses forces luy ayans esté restituées, saillit aussy tost de son liét. On dit aussy que par apres ayant esté mise sur vn corps mort, l'ame retourna incontinent en luy, & reuint en vie. Et ainsi par ce moyen fut faite ample preuue, qui des trois estoit la vraye. De laquelle la plus grande partie sainte Helene fit enchaîner en argent, & la laissa à l'Euesque Macaire en perpetuelle memoire de ce miracle, pour seruir à la posterité: où elle ordonna quant & quant qu'on en celebrait tous les ans la sainte Exaltation. L'autre partie elle l'enuoya à son fils l'Empereur: laquelle, qui pourroit assez dire & exprimer de quelle affection il receut, quand d'une sincérité de foy il considéra en soy-mesme que sa ville seroit par ce sacré reliquaire gardée & conseruée, contre tous defastres & sinistres eueneimens? Parquoy il la fit soigneusement enfermer en sa statue, qui auoit esté colloquée sur vne colonne de pierre de Porphyre, en la ville qu'il auoit de nouveau magnifiquement bastie, en la place appelée Le marché de Constantin. Sa mere luy enuoya semblablement les cloux qu'elle trouua aussy au monument, desquels le corps de nostre Sauveur auoit esté cloué en l'arbre de la croix. L'un desquels (comme lon dit) il mit à la cyme de son armet, & l'autre qu'il attacha au frein de son cheual, pour par le moyen d'iceux estre preserué en guerre de naureure & de mort: & à fin aussy que par cela fust en son temps accouplée la prophetie du prophete Zacharie, qui dit ainsi: En ce temps là sera mis sur le frein du cheual ce qui est saint au seigneur Dieu tout puissant. Car il fault croire que les saints Prophetes ont iadis congneu toutes ces choses, mais qu'elles n'ont forry leur effect, sinó au temps qu'il a pleu à nostre Seigneur: Dequoy il ne se fault pas beaucoup esmerueiller, attédu mesme que les Grecs ont dit plusieurs choses diuines en leurs escrits. Et mesmement il n'y a aduersaire qui ne cōfesse que la Sibyle n'aye anciēnemēt predict ce qui s'en suit de la sainte Croix:

*O bois heureux, où le Dieu de nature  
Souffrira mort, pour nostre forsaicture.*

Et de fait plusieurs entre les Grecs qui ont esté des plus signalez en preud'homme & sçauoir, ont eu la congnoissance de maintes propheties, lesquelles ils ont comprises & redigees en escrit par les vers & graves sentences qu'ils ont proposez au peuple, ainsi que quelques oracles & diuines reuelations. Il me semble aussy qu'il estoit bien en la puissance de Dieu, pour plus certain consentement & accord des choses futures, de les predire non seulement par les propres & peculiers ministres: mais d'vser aussy peu à peu des estrangers. Faisant en cela comme quelque expert musicien, lequel chantant vne gratieuse & ioyeuse chanson, touche souuent avec son arcelet par mesme moyen les cordes superflues: ou pour mieux orner son chant, en adiousté d'autres, outre celles qui luy seruent. Or combien que j'aye dit ces choses par vne digression, si les pensay-je auoir dites commodément & à propos: c'est, que ceux qui estoient reculez de nostre doctrine, ont predict beaucoup de choses de Iesus-Christ, qui deuoyēt aduenir, par quelque excellente & supernaturelle disposition de Dieu.

*Des Eglises que sainte Helene & Constantin firent bastir en  
Ierusalem, & és environs.  
CHAP. XXX.*

Temple basti  
au mont de  
Caluaire, ap-  
pellé Ierusa-  
le nouvelle.  
Plusieurs  
autres tem-  
ples edifiez  
par Helene,  
en diuerses  
regions du  
pays de Ju-  
dee.



Pres donc que Helene mere de l'Empereur Constantin eut ainsi fait bastir vn tres-somptueux & magnifique temple sur le monumēt de la resurrection & de Caluaire, de sorte qu'il ne s'en trouuoit pour lors aucun ailleurs de ceux qui sont excellens ou en beauté ou en grandeur qui le surpassast, elle voulut que ce lieu fust appelé, La nouvelle Ierusalem, comme estant l'exemplaire & patron de cest ancien & ia aboly tabernacle. De quoy non contente encore, elle en fit edifier deux autres fort magnifiques à ses propres frais & despēs. L'un en Bethleem, sur la spelonque où Iesus-Christ print naissance, distant de la ville de six mille pas: dans la circonference duquel saint sacraire, elle comprint aussy l'estable où estoit la creche, dans laquelle auoit esté posé le Sauveur, ensemble la sainte cauerne où il auoit esté né. L'autre, sur la cyme du mont des Oliues, d'où Iesus-Christ en delaisant ses disciples monta és cieux. Elle en edifia pareillement vn autre fort singulier au champ de Gethsemani, en l'honneur de la Vierge mere de Dieu: dedans lequel elle enferma de fortes & espaisſes murailles le saint sepulchre d'icelle Vierge.



Vierge. Et pource que le lieu estoit en vne vallee, elle y fit faire des marches de marbre, qui portoyent ceux qui y vouloyent aller de la sainte Cité, du costé d'Oriét. Et est ce bas lieu, de tous communément appelé La vallee de pleurs ou de Iosaphat, ou du torrent de Cedron. Là pres aussi est le iardin, auquel Iesus-Christ fut trahy, & où il auoit coustume de prier. Elle fit aussi vne Eglise au lieu où l'Ange apporta la ioyeuse nouuelle aux pasteurs, qui veilloient sur leur troupeau, laquelle, elle dedia à la Vierge, qui là pres enfanta le Verbe de Dieu: & vne autre en l'honneur des saints petits innocens, & l'autre en l'honneur de saint Ioseph, espoux de la Vierge. De là venant en Bethanie, elle en bastit vn autre fort insigne, au nom du Lazare, amy de Iesus-Christ, pres de Ierusalem de deux mille pas. Puis tirant le fleuve Iordan, elle en fit faire vn autre fort excellent, sur la cauerne où iadis saint Ieah Baptiste auoit sa retraicte, lequel elle luy consacra. Semblablement vn autre à la descente du mont d'Helie Thesbitien. De là apres auoir tournoyé le pais de Iudee par l'espace de quatre iournees de chemin, elle vint à Thebériade, où elle erigea vne autre Eglise, qu'elle nomma Le temple des douze Throfnés, au lieu auquel Iesus-Christ rassasia cinq mille personnes. En la mesme cōtree est la ville de Capharnaüm, en laquelle fut fait le miracle au seruiteur du Centenier & du Paralytique, qui fut incontinent guery par Iesus-Christ, ayant esté deuallé en pleine rue deuant luy par le tect de la maison où il estoit gisant, & où il restitua la santé à la femme qui souffroit le flux de sang. Elle fut aussi en la region appelée Les sept Fontaines, où nostre Seigneur fit ce grand miracle de sept pains & de deux poissons. Elle vint pareillement à la pescherie de Tiberiade, & au lieu auquel la Magdalaine fut guarie. A chacun desquels lieux elle construisit diuers temples en l'honneur des Apostres. Apres auoir trouué dans la ville de Tiberiade la maison de la belle mere de saint Pierre, elle y construisit vn beau temple au nom d'iceluy saint Pierre. Elle fit le semblable au mont de Thabor, où lon dit que Melchisedech benoit Abraham. Et au lieu où auoit esté faite la transfiguration, elle bastit vne fort belle Eglise, à l'honneur des trois Apostres, qui là virent ceste magnifique clerté: Auquel lieu elle laissa aussi vne grande somme d'argent pour la nourriture & entretien de ceux qui là demeureroyent, & habiteroyent ce lieu. De là descendant vers Orient, elle vint à Nazareth, où y ayant trouué la maison, en laquelle auoit esté faite la salutation Angelique, elle y edifia vn temple au nom de la Mere de Dieu. Et au bourg de Cana, qui est en Galilee, où les nopces de Simó le Cananeen furent celebrees, & où d'occultes grappes de raisins fut fait du vin, elle y edifia pareillement vne autre maison d'oraison. A la fin apres auoir ainsi circuy toute celle regió, elle retourna en la sainte Cité, où sur le môt de Sion, edifia encore vn tresample & tresmagnifique temple: dans le pourpris duquel elle comprit la maison, en laquelle pour la crainte des Iuifs, les disciples s'estoyent retirez tenans les portes closes: & où fut faite la sacree Cene, le lauemēt des pieds, la descente du saint Esprit sur les Apostres, estans là assemblez en vne chābre haulte: & où finalement saint Iacques fut esleu & ordonné le premier Patriarche & Eueſque de Ierusalem. Elle mit aussi en ce tēple la colomne de marbre, à laquelle fut lié le Sauueur, quand il fut flagellé. Elle fit pareillement en iceluy esleuer & magnifiquement colloquer vers le costé senestre, le sepulchre du royal prophete Dauid. Quant à l'Eglise de Sion, elle est située au dessus de la ville, vers le costé du Midy, en distance de celle de la resurrection, de mille pas. De la maison de Caiphe, elle en fit faire vn autre temple, qu'elle dedia au prince des Apostres saint Pierre. Elle fit faire semblablement des œures magnifiques sur la fosse de Hieremie, & à la fontaine de Siloé. Elle fit accoustre pareillement & clore le champ du potier de terre, pour la sepulture des estrangers & pelerins. Et qui plus est, à l'instigation de son fils Constantin, elle edifia vn fort grand & illustre temple au lieu dict: L'arbre de Mébré, qui de present est appelé Le Terebinthe, ayant pour voisine la ville de Hebron de quinze stades pres de là, du costé de Midy, & loing de Ierusalem, enuiron de deux cens cinquante stades (qui peuuent valoir pres de quinze lieues) où lon tient pour tout certain & asseuré, qu'Abrahā receut en son hostel le Fils de Dieu, ensemble les Anges qui alloient contre Sodome, & qu'en celieu fut par luy annoncée la naissance d'Isaac. Or qui esmeut Constantin de faire là bastir vn temple, c'estoit qu'il auoit entendu que sous cest arbre les anciens idolatres qui suiuyent la superstition des Grecs, auoyent fait des autels, & sur iceux sacrifié à la mode des Grecs, à leurs idoles: leur auoyent offert du vin, fait encensement, sacrifié bœufs, boucs & coqs: offert chandelles allumees trempées en huile: offert tourteaux & autres semblables choses: & mesme que quelques vns auoyent ietté de la monnoye & des senteurs & perfuns de toute sorte en vn puy pres de là: de façon que pour la grande quantité des choses qu'ils y auoyent iettees, l'eau en estoit deuenue mauuaise & du tout inutile. Ce qu'ayant veu à l'œil la belle mere de Constantin, comme de fortune elle passoit vne fois par là, le manda à son gendre: Car elle auoit prins garde & apperceu, qu'au temps d'esté, non seulement les habitans du pais, mais ceux aussi qui estoient de loing, comme Palestins, Pheniciens, & Arabes, faisoient tous les ans leurs festes en ceste region. Et mesme que ceste assemblee & celebrité estoit à tous plaisante & agreable: aux Iuifs premierement, pour ce que le Patriarche & prince de leur nation Abraham, y estoit collaudé: aux Grecs, pource qu'ils disoyent que les Anges estoient venuz en ce lieu: aux Chrestiens finalement, pource

*La vallee de Iosaphat.*

*Le temple des douze throfnés.*

*La region des sept Fontaines.*

*Le mont de Thabor.*

*Les nopces de Simó le cananeen.*

*Le sepulchre de Dauid.*

*L'Eglise de Sion.*

*Le chesue de Mébré.*

*Huist stades ne font qu'une demi lieue: parquoy quinze stades, valent enuiron une lieue.*

*Constantin en plusieurs lieux fait abbatre l'idolatrie, pour y bastir temples à l'honneur de Iesus-Christ.*

*Sozomene en son hist. Eccl. li. 2. ch. 4. & 5.*

qu'à cest amy de Dieu Abraham, auoit esté predict long temps au parauant, ce qui deuoit estre fait & accomply en la Vierge. Ce qu'ayant congneu Constantin, il en blasma grandement Eusebe Pamphile, à cause qu'ils auoyent ainsi peu tenu conte de ce saint lieu. Parquoy il manda aussi tost aux Euesques du pais de Phenice, de faire ruer par terre & demolir ces autels iusques aux fondemens, brusser & reduire en cendre les idoles du pais, & qu'il fust là edifié vn temple conuenable, en memoire de ceste antiquité : auquel Dieu, selon la coustume receüe de l'Eglise, fust honoré & reueré, & que ce lieu fust desormais deliuré de toute ordure, & contamination. Et que si quelqu'un estoit d'ores en auant trouué faire telle abomination, il ordonna qu'il fust aigrement puny. Chose qui fut puis

*Temple edifié en la ville d'Heliopole, ou toutes les femmes estoient communes, & les filles abandonnées aux estrangers.* apres executée, ainsi que par elle auoit esté ordonnée. Constantin aussi commanda, qu'un temple fust edifié en la ville de Heliopole, qui est en Phenice, & luy bailla son Euesque & son saint clergé, en ostant l'ancienne loy qu'ils auoyent, par laquelle il estoit commandé que toutes femmes fussent communes, & à vn chacun de prostituer & abandonner à paillardise ses filles à tous estrangers qui là venoyent, à fin qu'on ne sceust à qui estoit l'enfant qui en procedoit, & qu'il n'y eust entre eux discretion ou difference aucune. Et ainsi il abolit ce tant detestable & abominable crime, & fit que les gens & familles se congneussent de la en auant. Il fit aussi presque le semblable au pais des Aphaciens: Car il demolit le temple de Venus, qui là estoit sur le mont de Liban, & extermina par mesme moyen les ordes & deshonestes paillardises qui là s'exerçoient pelle-messe & sans discretion. En Cilice semblablement il ruina le temple de Python, & en deierra le diable qui là residoit. Tellement que ce bon & deuot Empereur, non seulement bastit ces Eglises dès le fondement, mais aussi de la grande affectio & amour qu'il auoit à Iesus-Christ nostre Sauueur, fit faire vn temple portatif de plusieurs toilles, comme auons dit par cy deuant, lequel, ainsi qu'un autre Moise, faisoit porter quant & luy la part qu'il alloit : à fin que si d'auenture il se trouuoit en lieu solitaire & desert, il ne fust sans les saintes reconnoissances de nostre redemption. D'auantage, outre les susdites Eglises, la tresaimée de Dieu, Mere de l'Empereur en fit encore edifier trente autres en diuers & plusieurs saints lieux : & ce fait, reuint trouuer son trescher fils, qui apres la celebration du Concile, faisoit sa demeure es parties d'Occident.

*Des saintes & plaisantes oeures à Dieu de sainte Helene, & de la mort d'icelle.  
Item de sa ville Helenopole : & d'une histoire surpassant toute creance du saint martyr Lucien.*

CHAP. XXXI.

*Oeures de pieté de sainte Helene.*

*Que les grâs princes imitent cest exemple en leurs festins & banquets.*



*Loyers de la pieté de sainte Helene en la vie presente & future.*

*Mort de sainte Helene.*

Ombien que plusieurs choses executées par ceste bonne & deuote dame Helene, donnent ample & suffisant tesmoignage de l'amour & bonne affection qu'elle auoit à Dieu & à la religion Chrestienne, si est-ce que non moins declare icelles siennes vertuz ce que ie diray à present : Car il est recité d'elle, qu'estant en Ierusalem, & y ayant fait vne fois vn festin aux sacrees Vierges de la ville, elle seruit en iceluy non de dame & maistresse, mais de simple seruante : en ce que de ses mains elle voulut apposer les viandes sur table, tenir le bassin & bailler l'eau à lauer les mains, & faire elle mesme en personne tous les offices & deuoirs qu'on a coustume de faire à gens inuitez à banquets. Elle donna pareillement de grands & precieux ioyaux & reliquaires à toutes les Eglises d'Orient. Aux pauvres aussi & souffreteurs, commanda que toutes leurs necessitez leur fussent abondamment administrees. Plusieurs, qui par difficulté & misere des temps auoyent esté destruits & ruinez, furent par elle remis en leur premier estat, par l'aide & subuention qu'elle leur fit. Les pauvres prisonniers semblablement, qui de long tēps estoient detenuz en captiuité, furent par elle deliurez & remis en leur premiere liberté, ensemble ceux qui auoyent esté codamnez aux metaux, & les bānis r'appellez. Au moyen dequoy aussi, elle fut de Dieu condignement salariee. Car en ceste presente vie elle eut vne chose, que nul ne scauroit dire ny estimer luy pouuoir aduenir plus grande: C'est qu'elle fut denoncee & declaree Auguste: fit forger de la monoye d'or sous son effigie : & ayant le maintien & superintendence de tous les thresors & finances de l'Empire, elle en disposa toute sa vie comme bon luy sembla. Et ainsi finalement apres auoir passé sa vie en tant de bons & vertueux actes, elle finit ses iours à Rome, avec vne tressainte & trescelebre renommee qu'elle laissa d'elle, aagée de trois vingts dix neuf ans : apres auoir en ses derniers propos & finals à Dieu, fait plusieurs saintes remonstrances & commandemens à son fils, sur l'institution Chrestienne. Il luy fit aussi apres sa mort de grā honneurs, comme il appartenoit luy estre faits, pour auoir tant saintemēt & religieusement vescu. Elle fut ensepulturee hors la ville de Rome, en l'Eglise appelée, Nostre Dame la Ronde, & mise en vn sercueil de marbre, d'où deux ans apres, elle fut transportee avec ledit sercueil à Constantinople, & comme princesse qu'elle estoit, fut mise en vn monumēt Imperial, au lieu que son

fil Con-

son fils Constantin auoit ordonné que d'ores en auant seroyent enterrez les Empereurs, dans l'Eglise des saints Apostres : où elle fut celebree (comme il estoit decent & raisonnable) de ser- *Memoires pour les tres*  
 uices & obseques le plus honorablement que faire se peut, tant de iour que de nuit. Ces vene- *passé*  
 rables Vierges semblablement qu'elle auoit fondees en Ierusalem, & ausquelles (comme il a esté dit cy dessus) elle auoit seruy de chambriere luy firent vn seruice solénel. Que si quelqu'un veut referer ces choses mondaines à quelque raison de choses bonnes & viles, elle surpasse aussi en cela & excède grandement toute oubliance : Car les siecles futurs ont pour la perpetuelle sou- *Côstantin im*  
 uenâce d'icelle, côme quelque gage, deux villes portâs son nom : L'une en Bithynie, & l'autre en *pose le nom*  
 Palestine : ausquelles, apres qu'elles furent edifiees, Cōstantin voulut qu'en perpetuelle memoire *de sa mere à*  
 de sa Mere, le nom d'icelle leur fust imposé. En l'une desquelles, nommée au parauant \* Drapane, *deux villes.*  
 lon dit que sainte Helene se delectoit fort, tant à cause de la region & assiette du lieu, & qu'elle y auoit prins naissance, que pour le miracle qui là aduint au corps mort du martyr Lucien, le- *Le corps de*  
 quel apres auoir souffert & enduré martyre pour le nom de Iesus-Christ, fut là porté par vn *Lucien mar*  
 d'auphin. Duquel Martyr il se chante, que quelque peu auant qu'il mourust, pour autant que la *tyr porté à*  
 violence & cruauté des tyrâns ne luy permettoit d'aller au temple ny estre au sacraire, & que *Helenopole*  
 les liens desquels il estoit detenu, & les playes desquelles il estoit nauré, luy denioyent totale- *cité de Bi-*  
 ment le mouuement, estât couché sur son estomach, celebra le redoutable mystere de la Messe, & *thynie, par*  
 que par ce moyē il participa à l'immaculé sacrifice, & qu'à faire le pareil que luy, il enhorta tous *vn d'aul-*  
 ceux qui là assistoyent. Et ainsi ce diuin mystere se faisoit en la prison, & ceste sainte assemblee *phin.*  
 qu'il enuironnoit, estant prest à mourir, representoit l'Eglise. Il y a ce nonobstant encore vne au- *Plusieurs*  
 tre raison, pourquoy ce sacrifice fut là ainsi celebré, qui estoit à fin que ce qui par ces saintes *disciples,*  
 personnes se faisoit, ne fust veu par ceux qui estoient d'autre opinion. On dit que ses disciples *Arriens, de*  
 furent, Eusebe Euesque de Nicomedie, Maris Euesque de Calcedone, Theognide Euesque de *Lucien mar*  
 Niœ, Leonce qui par apres a esté Euesque d'Antioche, Antoine Euesque de Tarse en Cilice, Nu- *tyr Catho-*  
 menie, Eudoxe, Alexandre & Asterie Cappadocien : lesquels, comme lon dit, se deuoyerent de *lique.*  
 la religion Chrestienne, & se tournerent à la superstition des Grecs, cedans à la cruauté des ty- *ains embrasserent*  
 rans. Qui toutesfois puis apres à l'instance de leur Precepteur qui les ramena à penitence, re- *Soit iusques icy dit de sainte Helene.*  
 noncerent à leur faulte & erreur : bien qu'ils ne voulussent sentir le mesme que leur maistre,

\* Drapane] *Socrates liure 1. chap. 18. escrit que Constantin amplifia plusieurs bourgs en forme de ville, & auant tous autres celui de Drapane, à laquelle il imposa le nom de sa mere, & l'appella Helenopole : ensemble une autre ville, laquelle du nom de sa Seur il nomma Constance.*

*De trois magnifiques Croix que Constantin colloqua sur de grandes colonnes à Constantinople, avec vn recit merueilleux de l'une d'icelle.*

#### CHAP. XXXII.



Constantin, ayant edifié par tout plusieurs temples en toutes les villes de renom du pais de Leuant, il en edifia principalement de magnifiques & excellēs en celle qu'il auoit appelle de son nom. Et non seulement la voulut orner de somptueux temples, mais de statues pareillement, medales, figures & pourtraicts de toutes sortes, & autres œures singulieres, & de grande excellence, ainsi qu'il vous a esté dit à la fin du precedent liure. Et pour autant que par effect il auoit experimenté la vertu & efficace de la sainte Croix, il l'auoit aussi tousiours en singuliere reuerence & admiration. A raison dequoy apres que sa mere Helene fut de retour de Ieru-

salem, il fit forger par grande industrie trois Croix d'une mesme grandeur, à l'exemple & patron *Le signe de*  
 de celles que par trois fois il auoit veues au ciel. A Rome premierement, bataillant contre Ma- *la Croix ap-*  
 xence. Secondement, faisant la guerre à ceux de Bizance, sur lesquels par l'aye de la Croix, il em- *parus trois*  
 porta la victoire. Tiercement, quand ayant trauersé la riuere de l'Isle, sur vn pont de bois qu'il y *font à Con-*  
 fit, il subiuga les Scythes qui habitoyēt au dela d'iceluy fleuue. A l'imitatiō donc de ceste triple *stantin.*  
 vision, il fit faire trois excellētes Croix d'erain, leur imposant à chacune l'un de ces sacrez noms, *Trois tro-*  
 Iesus-Christ, le victorieux. Celle qui portoit le nom de Iesus, l'ayant toute faite dorer de fin or, fut *phes de la*  
 colloquee sur vn arc de triomphe qu'il fit mettre en la grande place de la ville, pour par ce signe, *Croix, mise*  
 signifier couuertement l'ardeur & affection de sa pieté. A cause que par la force & vertu de ceste *par Cōstantin*  
 triomphante Croix, il auoit debellé la superstition des Grecs. L'autre, qui portoit ce nom *en les trois*  
 il la fit mettre sur vne colonne de porphyre, qu'il auoit expres fait amener de Rome, au lieu ap- *principales*  
 pellé La place de l'amour fraternelle. La troisiēme, qui par luy fut nommée *places de Cō*  
 par Hieracle *Inuictrice*, fut mise sur vne fort haute colonne de marbre, au lieu appellé La place *stantinople.*  
 ou marché au pain : par laquelle aussi plusieurs vertus & miracles y ont esté faits, surpassans

*merueilleuses guaris-  
faires par le  
signe de la  
croix.* toute humaine opinion; de sorte que ceux principalement qui estoient vexez de la rigueur d'inflammation, ou presséz du mal des yeux, ou qui auoyent la cataracte & effusion en l'œil, en estoient là guaris. De laquelle ie reciteray vn fait de grande admiration, & vray neàrmoins, à fin que nul n'en face doute. Car il faut croire qu'il n'y a rien, tant soit il contre toute opinion & creance, que Dieu ne puisse faire, ny n'est rien qui luy soit impossible, quand il le veut faire. Or dit on, & le dit on à la verité, qu'après que ce venerable signe de la Croix fut là erigé, l'Angé de Dieu y

*Miracle de  
l'Angé desce-  
dant du ciel  
sur la croix.* venoit trois fois l'an sur la minuit, en forme d'un escler reluisant venant du ciel, accompagné d'une lueur insupportable, lequel environ ceste Croix avec vn perfun d'une odeur admirable, insinuoit sa presence par vne douce voix, comme par quelque petit indice, à ceux qui pour la purité de leur vie, & qui abhorroyent tout Vice & peché, meritoient voir & ouyr telles choses. Et apres que d'une douce & melodieuse voix il auoit par trois fois chanté vn Cantique & Hymne à Dieu, il s'en retournoit à son office en forme d'une estoille, d'une merueilleuse resplendeur. Long temps apres, l'an dixhuit de l'Empire de Maurice, ceste venerable Croix tomba par vn grand tremblement de terre qui là aduint, laquelle par apres l'Empereur Heraclee, qui luy succeda, fit releuer en son lieu & l'affermir avec force grosses bandes de fer : & au soubasbassement de la colonne, fit engraver ceste inscription : Cest œuvre à Dieu agreable, a esté remis sus & fondé par le grand Empereur Heraclee. Laquelle inscription dure encore iusques à nostre temps. Voyla touchant les trois Croix que Constantin fit eriger.

*Comment Constantin fit par tout dilater & espandre le Christianisme.*

CHAP. XXXIII.

*Estans faits  
edicts pour  
la propaga-  
tio du Chri-  
stianisme,  
les temples des  
idoles sont  
negligez,  
les statues  
& simula-  
chres rom-  
pus, mis en  
pieces, fon-  
dus & pro-  
phanez.*



Constantin ne s'estudioit à autre chose qu'à dilater la religio Chrestienne, & à luy faire tousiours prendre plus grands accroissemens. Ny ne se peut contenir en cela : Car entant qu'il a esté en sa puissance, il s'est tousiours efforcé d'attirer toutes personnes à Iesus-Christ, en monstât en toutes choses son esprit & affection du tout Apostolique. Mais pour ce que ceux qui estoient soubz la puissance de l'Empire Romain, retenoyent encore contre toute raison & equité, l'opinion qu'ils auoyent vne fois conceue, estoient ialoux de leurs ceremonies & superstition, suiuoyent tousiours les coustumes & manieres de faire de leurs pais, & despédoient du

*Les prestres  
des idoles,  
contemnans  
la supersti-  
tio d'iceux,  
descouurent  
au peuple  
sous le se-  
cret.*

tout de l'autorité de leurs predecesseurs & ancestres, il se persuada qu'il deuoit les retirer de ceste vanité, & leur faire oublier icelle fauce religion qu'ils maintenoient. Chose toutesfois qui ne se pouuoit autrement ny au parauant executer, qu'eux-mesmes n'eussent negligé & contemnè leurs temples, avec les statues, simulachres & idoles qui estoient en iceux. Voyla son dessein. Pour lequel mettre à execution, fit publier force edicts Imperiaux par tous les pais de son obeissance, tendans à ces fins, sur grandes peines contre ceux qui y contreuindroyent : Parquoy les peuples craignans encourir le danger & detrimement des choses qu'ils auoyent les plus cheres & precieuses, se mettent en deuoir d'obeir aux mandemens Imperiaux. Quoy voyans les gardes & administrateurs des temples & les prestres, qu'ils n'y pouuoient autre chose faire, ny autre ordre donner, eux-mesmes commencent à n'en faire plus de conte, ains totalemēt negligier & mespriser les choses qu'auparauant ils auoyent eues en grande recē mandation, honneur & reuerence : & à tirer de leurs lieux secrets, cachauts & mustettes, & mettre en euidence les choses qui de long temps y estoient cachees, & dont nul fors qu'eux en auoyent eu la congnissance. Toute matiere de bois & de pierre, de quelque estoffe ou grand prix qu'elle peust estre, fut ietee au feu, arse & reduite en cendre, ou mise en pieces & loppins : mais celle de cuyure, d'elain ou de marbre, qui estoit faite ou forgee de quelque singulier artifice, pour la beauté & excellence de l'ouurage, fut reseruee en son entier, & portee en la nouvelle ville de l'Empereur, & colloquee en plusieurs & diuers endroicts d'icelle, & principalement en l'Hippodrome,

*Les dieux  
des Payens  
auillonnez.*

c'est à dire, au lieu où les cheuaux & luitteurs s'exercitoient, & par tout autre part. Ainsi Apollo y fut amené du siege de l'oracle Pythien, les muses du mont Helicon, & le sacré trepier de Delphi, & le Pan tant célébré, lequel Pausanias au retour de la guerre qu'il eut contre les Medoys, auoit dedié. Et ainsi par ce moyen les temples estans negligez, deuindrent totalemēt en ruines. Le temple d'Esculape qui pour lors estoit en la ville d'Égée en Syrie, & celui de Venus en la region des Aphaciens, sur le mont de Liban, fut du tout osté & rué par terre : ores que l'un & l'autre eust esté fort honoré & célébré par les anciens. Lesquelles choses cōme ainsi elles s'excutassent, le tout ne procedoit que du vouloir, commandement & autorité de l'Empereur : de

*L'idolatrie  
venue en  
mespris &  
coïnement.*

façon qu'eux voyans les temples des dieux qu'ils auoyent adoré au parauant, estre venuz en tel mespris & contemnement, & qu'ils auoyent ainsi par le passé embrassé le chaulme & paille pour le fourment, & le mensonge pour la verité, detestoyent aussi & reprenoient en eux-mesmes aigrement l'erreur & abus de leurs deuanciers. Ainsi quelques vns nous ont du tout ensuiuy. Les autres estimoyent que puis qu'il plaisoit à l'Empereur que chacun fust comme luy, qu'il falloit aussi

aussi viure & cheminer selon les mœurs & ordonnances du Prince, & n'y estoient induits pour autre meilleure raison. Aucuns par quelques diuins indices estans tombez entre les bones exhortations des Euesques & Moines, & par eux enseignez au Christianisme, ont mieux aimé recevoir la religion Chrestienne, que de persister en leur erreur & superstition. Et par ce moyen plusieurs peuples & nations & presque toutes les villes, se conuertissoient au Christianisme. Ainsi le haure des Gazeans, appellé autrement Maïuma, & qui sur toutes autres villes de Leuant estoit auparavant addonné à idolatrie & au cult des diables, se conuertit du tout à nostre religion. A raison de quoy, & pour recompense de la commune & generale conuersion d'iceluy haure, Constantin luy voulut faire cest honneur de le proclamer ville, & la nomma Constance, à cause de la religion qu'elle auoit receue, honorant le lieu du nom de l'un de ses enfans. Autant en fit il à celle de Phenice, qu'il appella Constantine: Car pour la mesme raison, ce nom luy fut imposé par le mesme Empereur. Plusieurs autres villes semblablement furent induites de leur bon gré & sans contraincte, à recevoir nostre religion, & mirent volontiers leurs simulachres à bas, & changerent leurs temples en Eglises. Et ainsi par tels incremens s'augmentant l'Eglise, & la profession de la foy, passant mesme par les nations Barbares, occupa peu à peu tout le monde: Car non seulement les peuples qui habitent le Rhein receurent la religion Chrestienne, mais aussi les Gaulois & Celtes, qui sont limitrophes de l'Océan. Les Goths semblablement & leurs proches voisins qui sont habitans du l'Istre, n'eurent si tost embrassé la foy de Iesus Christ, qu'ils ne deposerent leur rusticité & vie agreste, pour se composer & reduire à toute douceur, courtoisie & humanité. Et pour dire le vray, il n'y a eu qu'une occasion qui ait incité ces nations barbares, à embrasser le Christianisme, à sçauoir la guerre qui de fois à autre s'est faite entre les Romains & les nations estrangeres sous l'Empire de Galien, & de là en apres: Car vn grosse armee entre-meslee de toutes sortes de gens, peuples & nations, passant vne fois en Orient, marcha par icelle partie du monde, en pillant & ruinant tout la part qu'elle passoit: & autres Barbares d'autre costé faïsans le pareil, firent plusieurs courses & inuasions sur les Romains leurs proches voisins: & apres auoir fait en cela maint gros butin, se retirent en leurs contrees, en emmenant quant & eux prisonniers plusieurs prestres. Lesquels demeurans avec eux, quant ils les virent guarir les malades, & chasser les diables hors des corps de ceux qui en estoient possedez, à la seule inuocation du nom de Iesus Christ, & qu'en toutes leurs œuvres ils se môstroyent gens entiers, & totalement irreprehensibles en leurs mœurs, ces Barbares de toutes pars les honoroient & reueroyent pour leur vertu & œuvres admirables: & tant les frequenterent, qu'ils apprirent d'eux la maniere de faire, & le gouuernement qu'il fault tenir pour bien viure selon Dieu & equité. De sorte qu'estant Dieu par le moyen de ces prestres reconcilié enuers ces pauvres Barbares, suyurent à la fin le vray cult & adoration de Dieu, & en delaisant leur superstition & ancien erreur, embrasserent la sincere doctrine: & ainsi finalement bastirent des Eglises.

*Au code, li. 11. Tit. 45. Toutes les villes, ayas conculqué & mis sous le pied l'adoration des idoles, se conuertissent au Christianisme. Constance, ville. Constantine, ville. Nostre religion apportée quant elle, une humanité & courtoisie. Les guerres, que les Romains ont faites avec les Barbares, ont esté cause qu'ils ont receu nostre profession Chrestienne. Soc. l. 1. c. 20.*

<sup>a</sup> Syrie] *Au dessus, chapitre 30. il a mieux dict, en cilice, comme aussi il se lit en Sozomene, li. 2. chap. 5.*

<sup>b</sup> sur le mont de Liban] *En ce lieu, quelque certain iour par l'innuocation & enchantement d'aucuns diables, on voyoit un feu resplandir sur la cyme du mont de Liban, qui puis apres en forme d'une estoille, se noyoit dans le fleuve proche de là, nommé Adonis. Ceux du pays l'appelloient Venus celeste. Sozomene, li. 2. cha. 5.*

*Des Iberiens, & comment ils ont esté amenez à la sainte profession de la foy Chrestienne.*

*Chap. XXXIIII.*



A esté là le moyen, par lequel les Iberiens (qui est vne gent Barbare, & du tout addonnée à la guerre) ont esté faits Chrestiens, du temps que Constantin gouernoit l'Empire Romain. Or faut il noter que ceste nation habite l'interieure partie de l'Armenie, du costé de Septention & de la mer Euxine ou Pontique: vn grand nombre desquels passa iadis en Hespaigne pour l'habiter. Pour toute instruction & enseignement de laquelle religion ils n'ont esté induits & esmeuz à la prédre, que par vne esclaue qu'ils emmenerent en leur pays captiue: laquelle comme elle eust tousiours vescu en toute continence & pudicité, elle ne discontinua iamais estant en captiuité, de la sainte vie qu'elle auoit menée iusques adonc, & du propos & institution en laquelle elle auoit esté nourrie: Car nuit & iour ne faisoit autre chose que s'exercer en toute sainteté, vacquant continuellement à ieusnes, prieres & oraisons. Parquoy, ces Barbares voyans ceste nouuelle maniere de viure, commencerent à l'admirer, & à s'enquetter d'elle, de la raison pour-quoy elle faisoit ainsi. A quoy leur respondit la bonne foy & en toute simplicité ceste esclaue, qu'il falloit de nécessité, que le fils de Dieu

*Les Iberiens attirés au Christianisme par une femme captive: desquels parle Plin, li. 6. ch. 4. & 10. Sozomene, li. 2. ch. 6. & 7.*

F F

LIVRE VIII. DE L'HIST. ECCLESIASTIQUE

*Ceste esclave* Iesus-Christ, fust ainsi reueré, adoré & recongnu. Lors ces Barbares de nom & de religion, ne guarist entendans celuy qu'elle veneroit en ceste sorte, on furent tout estonnez. Il aduint sur ces entre-  
*l'enfant du* faites que le fils du Roy, qui estoit encore petit enfant, fut griefuement malade, & que selon  
*Roy des Ibe* la coustume du pays, la mere le fit porter aux autres femmes de la ville où elle se tenoit, pour par  
*riés ia aban* leur moyen & aduis plus facilement trouuer remede à ce mal. Mais apres que l'enfant eust bien  
*donné des* esté çà & là pourmené par sa nourrice, voyât que pour tout cela il ne s'en portoit point mieux,  
*medecins,* il fut à la fin porté à ceste esclave: laquelle en presence de plusieurs qui là assistoyent, ne luy ap-  
*par l'inuo-* pliqua remede aucun composé de matiere: ains estant l'enfant enuveloppé d'un petit linge, &  
*cation du* d'une peau avec son poil, ne luy fit autre medecine, sinó que l'inuocatio du nom de Iesus Christ,  
*nom de Je-* qu'elle appliqua sur luy. Ce qu'elle n'eut pas si tost fait, que voicy celuy duquel on n'attendoit  
*sus christ.* que la mort, en fût incontinent deliuré. Deslors le bruit de ceste femme fut si grád, qu'il n'estoit  
*Elle guarit* fait autre mention par tout que d'elle, & vint à la congnoissance tant de la mere, que des autres  
*aussi la Roi-* femmes du pays. De façon que quelque temps apres, par le mesme moyen, elle restitua en santé  
*ne estât ma-* la mere mesme de l'enfant, detenue d'une maladie incurable: & l'enhorta d'adorer & remercier  
*lade, & l'é-* de là en auant celuy qui est le distributeur & moyennneur de tous biens, ensemble le collateur de  
*horte à pré-* la vraye santé, de la vie & du Royaume, & que celuy estoit Iesus Christ, le vray Verbe de Dieu.  
*dre la reli-* Par ce moyen elle commença à la frequenter tous les iours, & à luy donner les salutaires me-  
*gion Chre-* dicamens de la vraye pieté. Parquoy apres que la Roynne eut en elle mesme congny par effect  
*stienne.* qui s'en estoit ensuiuy, la verité de ce qu'elle preschoit, elle eut ceste femme en grand honneur  
*Elle refuse* & reuerence. Le Roy semblablement apres auoir entendu de sa femme la soudainereté & raisó  
*le present* du remede, il voulut faire present à ceste femme, pour recópanse du bien qu'elle luy auoit fait:  
*que le Roy* Mais elle le remercia humblement, & luy dit qu'elle n'auoit affaire d'or ny d'argent, & qu'elle  
*luy offroit.* estoit fournie en Iesus-Christ de tous les thresors & richesses de ce monde: & que ce luy se-  
*Où est Iesus* roit assez suffisante recompense, s'il leur plaisoit de prendre la mesme religion qu'elle tenoit. Ce  
*Christ, là* dict, elle renuoya au Roy le present qu'il luy faisoit, qui estoit assez grand. De là en apres sa fem-  
*son les ri-* me commença peu à peu à aucunement le persuader, & à l'attirer à ceste religion, l'incitant à ce  
*chesses.* faire par autre moyen totalement diuers, que iadis n'auoit vís Eue enuers son mary Adam: car  
*La Roynne* elle l'admonnestoit d'adorer iceluy Dieu que l'esclave annonçoit, le disant estre de telle puissan-  
*inuite le* ce, maiesté & grandeur, qu'il pouuoit facilement tout ce qu'il vouloit, comme conseruer en tou-  
*Roy son ma-* te paix & tranquillité les royaumes, annoblir & enrichir les gens de bas estat, soudain agrandir  
*ry au Chri-* & magnifier les humbles, & deliurer vn chacun de toute aduersité. Comme sa femme luy tenoit  
*stianisme.* ces propos, ce prince d'Iberie condescendoit aucunement, & fleschissoit à ses paroles: toutes-  
*Le Roy dou-* fois il en doubtoit encore & chancelloit, pour ce qu'il auoit pour suspectes toutes nouuelletez,  
*te de cela.* & qu'il craignoit de changer les loix & ordonnances de son pays. Or aduint vn iour comme il  
*Estât en ce* estoit allé à la chasse, que voicy soudain s'esleuer des montaignes & s'espandre & dilater de tou-  
*doubte, il* tes pars des brouillars fort espais, amenans quant & eux de grandes tenebres & obscuritez, les-  
*luy est of-* quelles couuroyent l'ombragement de la forest, en telle sorte, qu'elles conuertissoyent le iour  
*fert, comme* en nuict. Le lieu où se faisoit la chasse, estoit fort estroict, & le chemin empesché, & tel que pos-  
*il estoit à la* sible n'estoit d'y pouuoir passer: Parquoy, il n'y eut celuy qui n'eut grande frayeur, & s'escarte-  
*chasse, une* rent où la fortune portoit vn chacun. Le Roy estant seul demeuré en non moindre peur que  
*punition de* les autres, en errant çà & là de tous costez, inuouquoit à son aide les dieux du pays. Mais comme  
*quelques es-* pour tout cela ceste calamité ne cessast point, aduint (ainsi qu'il se fait communément, quand  
*paisses tene-* les personnes sont accablees d'infortunes subites & euenemés inopinez) que le Dieu de la cap-  
*bres.* tiue luy vint en memoire, & se proposa de l'adorer desoresmais, s'il luy plaisoit le deliurer de ce  
*stant là, il* soudain inconuenient où il se voyoit reduict contre son attente. Il n'eut pas si tost voüé cela,  
*se tourne au* que ceste obscurité se dissoult incontinent, & qu'une ample serenité iettât ses rayons lumineux  
*Christia-* sur ceste forest, ne succedast: Parquoy, tout ioyeux reprit le chemin de sa maison, recite douce-  
*nisme.* ment à sa femme ce qui estoit aduenü, commanda que ceste femme esclauue luy fust soudain ame-  
*Il enhorte* nnee, l'interroge affectueusement de la façon & maniere qu'il falloit tenir en l'adoration & ser-  
*incontinent* uice de ce Dieu qu'elle preschoit, & la prie qu'elle l'enseigne bien & diligemment en tout ce  
*ceux de sa* qu'il luy estoit besoing de faire. Chose qu'elle fit au mieux qu'il luy fut possible, usant de tous  
*cour à rece-* les honnestes aduertissemens & saintes remonstrances dont elle se peut aduifer, pour l'induire  
*voir la reli-* à recevoir la foy Chrestienne. Et ainsi apres auoir esté du tout soigneusement informé, mande  
*gion Chre-* aussi tost ceux de sa cour & seruiteurs domestiques: & usant enuers eux plus d'oraisons & prie-  
*stienne.* res que de harangue, leur raconte les bienfaits qu'il auoit receus en sa maison de ceste captiue:  
*Ceux de sa* & combien qu'il ne fust encore initié en nostre doctrine & façon Chrestienne, si est-ce qu'il  
*maison suy-* fait entendre à son peuple sa volonté & intention: Laquelle tous en general accordent volon-  
*uét son con-* tiers, & d'une conuoiteuse allegresse reçoynent la religion Chrestienne. Et pour faire preuue  
*seil, & edi-* de leur bone & sainte affection enuers icelle, au plustost que possible leur fut, ils erigét une ce-  
*fient une* lebre Eglise, suyuant la description que ceste femme captiue leur en fit. Le Roy attiroit les homes  
*Eglise.* d'un affectiôné desir qu'il portoit à la religio: & la Roynne, avec la captiue, les femmes. Or auoyét  
 ils ja de tous costez fait les murailles de ce temple. Mais quád ce vint à eriger les colonnes pour  
 les



les colloquer chacune en leurs places, ce fut là la difficulté. Car comme ils les tiroient en haut avec cordes & engins, la première & seconde obtindrent leur siège facilement : Mais quand ce fut à l'assiette de la troisième, la collocation en son lieu en fut tant difficile & laborieuse, qu'ils n'en peurēt jamais venir à bout. Car l'art & industrie ne suffisoit ny respondoit à l'effort qu'on y faisoit, ny la force & vigueur de ceux qui la tiroient amont, seruoit aucuement, bien qu'ils fussent grande quantité d'hommes à la haller avec cordes & engins. La nuit estant suruenue, chacun se retire en sa maison, fors la captiue, laquelle demeura seule en ce lieu, implorant Dieu avec deuotes prieres & oraisons, à ce que son plaisir fust de vouloir poser ceste colonne sur son sousbassement: Car estant à demy leuee, elle demouroit en son obliquité, estant vne partie debout, & l'autre restant immobile entierement. Ce qui aduint par diuine permission, non pour autre chose, sinon qu'afin que ces Iberiēs fussent mieux acertenez & fondez en leurs entreprin- ses & desseins, & en toutes autres choses que de là en auant ils entreprendroyent pour l'honneur de Dieu & de sa religion. Estans donc de grand matin venus à leur Eglise, ils voyent comme vn miracle, & comme vne chose du tout semblable à vn songe: Car la colonne, qui le iour precedent auoit esté immobile, estoit erigee toute droicte, suspendue de quelque peu d'interualle par dessus son sousbassement. A la fin, comme ils fussent tous fort estonnez de ce fait, & cōfessassent Iesus Christ estre le seul vray Dieu, ceste colonne sans force ne contraincte, en presen- ce de toute l'assistance, se laissa aller peu à peu, & s'adapta en son lieu, trop mieux que nul art ne l'eust peu faire, & furent les autres colonnes par apres tant aisees à colloquer & à affermir, que rien plus. Au moyen dequoy les Iberiēs furent de là en auant si affectez à poursuyure ce qu'ils auoyent commencé, que rien ne les en pouuoit retarder. Mesme qu'à l'exhortation de l'escla- ue, ils enuoyerent embassades à Constantin, pour faire alliance avec luy, & moyenner avec les Romains vn bon appoinctement & traité de paix: & avec cela prier que pour toutes ces choses il luy pleust bailler à ceste gent des prestres & ministres de Dieu. Lesquels apres auoir publi- quement & deuant tous déclaré ce qui auoit esté fait en leur pays: & combien tout ce peuple en general estoit prest & appareillé à receuoir la religion Chrestienne, & à faire tout l'honneur & reuerence qu'il appartient à Iesus Christ, l'Empereur en fut grandement resiouy. Et ainsi ayāt donné prouision à toutes les requestes de ses ambassadeurs, & despesché leurs demandes à leur volonté, les renuoya au plustost qu'il peut à leur maison. Voyla le moyen comment les Iberiens receurent la parole de Iesus Christ, & comme depuis si long laps d'annees, ils ont tousiours ius- qu'à present persisté en la religion de plus en plus.

*La foy de ceux de la cour du Roy commencee par vn grand miracle qui fut diuinement mon- stré en la structure de leur eglise, se para- cheue & confirme. Les mesmes ayans traité de paix avec Constantin par am- bassades, im- petrent de luy de leur enuoyer pre- stres & do- cteurs de la foy, pour y estre ensei- gnés.*

*Comment le peuple de l'Indie interieure receut aussi la foy Chrestienne: & comme les Armeniens en eurent la premiere congnoissance.*

Chap. XXXV.



Oubs l'Empire du mesme Constantin, la gent aussi d'Indie plus interne & retirée dans le pays, que celle qui decline vers nous, & qui estoit demeuree sans auoir esté informée en la parole de Dieu par Sainct Barthelemy, y fut instituee & faite participante d'icelle par vn saint homme, nommé Frumentie. Par lesquels Indiens, ils se congnoit assez que le Christianisme ne prouint point de l'industrie & vertu humaine, mais de la seule grace & misericorde de Dieu, qui y appelle ceux qu'il luy plait, quelque part qu'ils soyent. Ces Indiens furent premierement nommez Sabeens, puis apres ont esté appelez Homerites. On dit que ceste nation est descendue

d'Abraham & de Cetura, & que la region où ils habitent, est celle qui des Grecs est appelée La grande & heureuse Arabie (les fins de laquelle s'estendent iusques aux extremités de l'Océan) de laquelle la primace & metropolitaine ville est Saba, d'où le bruit obtient que vint la Roine de Midy, visiter Solomon. Ceste gent se circoncit, & sacrifie au Soleil & à la Lune, & à autres diables habitans de la region. Elle est aussi entremeslee d'un grand nombre de Iuifs. Vne fois quelque Philosophe, nommé Meropie, natif de Tyr, voulant congnoistre & visiter ceste contrée (à l'imitation des anciens sages Platon, Empedocles, & Democrite, qui pour veoir ces pais, vserent de loingtaine nauigation, & sur tous autres, le Philosophe Metrodore, qui depuis eux tournoya toute l'Indie) ayant prins avec soy pour l'accompagner, deux de ses plus prochains parens, bien entendus & versez en la langue Grecque (lesquels aussi il auoit instruit es arts liberaux) s'y achemina. Et tant sceur bien & prudemment se conduire en ce loingtain voyage, qu'apres auoir tout veu & congnu ce qu'il vouloit veoir & congnoistre pour en faire puis apres son profit, se remit en chemin pour retourner en son pays, estant porté dans vn vaisseau d'Egypte. Comme ils vogueyent, force leur fut vn iour entre autres prendre port en vne ville du pays, ou pour se refreschir, ou pour ce que leur eau leur estoit faillie, ou pour quelques

*Les Indiens semblable- mēt par vn moyen ino- piné furent conuerts à la foy Chre- stienne. Indiens. Sabeens. Homerites. pline, li. 6. cha. 23. Idolatrie des Indier. Meropie philosophe de Tyr s'a- chemine en l'Indie avec deuxiēnes iouuēceaux Socrates li. 1. cha. 29.*

FF ij

*Meropie estant prins à son retour des Indes, est occis.*

*Les adolescents Aedesie & Frumentie sont receuz au service du Roy des Indiens.*

*Ils sont mis en liberté. Ils sont ordonnez curateurs du Roy pupille.*

*L'Indie interieure commence à recevoir la religion Chrestienne par le moy de Frumentie.*

*Aedesie & Frumentie retournent d'Indie en leur pais.*

*Les Armeniens ont la congnissance de Iesus, par le moy du grand & merueilleux Gregoire.*

*Hommes convertis en pourceaux par punition divine.*

autres necessitez. Or estoit-il advenu lors de male-fortune, que la confederation & paix, qui entre les Romains & les Indiens auoit esté accordee, fut rompue: Parquoy les Indiens ayans de ie ne sçay quel costé fait course sur eux, & les ayans surprins à l'impourueu, en tuerent plusieurs d'entre eux: & entre les autres demeura sur le champ le philosophe Meropie, & furent les deux parens en l'aage de dix-huit à vingt ans prins prisonniers, & emmenez par les Indiens, desquels firent present à leur Roy. Qui les receut en sa cour volontiers, & les voyant hommes bien apprins, ingenieux & capables pour bien administrer quelque bonne charge, mit le plus ieune, nommé Aedesie, en l'estat d'eschançon: & l'autre, pour estre le mieux entendu, nommé Frumentie, le fit son chancelier, & superintendant & gouverneur de ses finances. Et apres qu'en ces charges ils se fussent long temps portez fideles & loyaux à leur Seigneur, aduint que le Roy tomba malade d'une grosse maladie dont il mourut, delaisant sa femme regente avec un enfant encore bien tendre & petit. Mais avant que mourir, voulut recompenser la fidelité de ces deux bons seruiteurs, & la longue bienueillance & amitié qu'ils luy auoyent tousiours portee tout le temps qu'il les auoit euz en son seruice, par une liberté & permission qu'il leur donna de se retirer la part que bon leur sembleroit. Ayans obtenu du Roy cest octroy, ils delibérèrent se retirer à Tyr, lieu de leur natiuité. Ce que voyant la Roine d'Indie, & que son fils estoit encore fort tendre & en bas aage, les ordonna curateurs d'iceluy & du Royaume, & par ce moyen les pria de demeurer encore avec elle pour quelque temps, iusques à ce que son fils eust atteint aage competant pour le gouvernement & administration de sondit Royaume. Ce qu'ils luy accorderent, car ils craignoient refuser leur maistresse en si iuste demande. Et ainsi administrerent le Royaume d'Indie au mieux qu'il leur fut possible. Toutefois la souveraine superintendence estoit en la puissance de Frumentie, lequel (comme il est croyable) pour ce qu'il estoit Chrestien, s'enqueroit diligemment par l'instigation de Dieu, de tous les Chrestiens qui estoient en Indie, ensemble des Romains qui pour trafique venoyent là souuent par mer. Et les ayant trouuez, il les receuoit avec toute l'humanité & courtoisie qu'il luy estoit possible, & alloit prier Dieu avec eux aux lieux ordonnez pour faire oraison, à la façon des Chrestiens. Ayant quelque temps procedé par ceste voye, à la fin il edifia une maison d'oraison pour y seruir à Dieu, & institua quelques Indiens en nostre religion & ceremonies, leur enseigna la maniere de prier Dieu, & enhorta tres-diligemment à faire profession de la religion Chrestienne. Sur ces entrefaites, le fils du Roy deuint grandet & en l'aage de quatorze ans, pour pouoir commander: Parquoy ils luy demandent le congé que son feu Pere leur auoit octroyé, qu'ils obtindrent. Et combien qu'ils fussent fort contraincts de là demeurer: toutefois tant firent, qu'avec la bonne grace & permission tant du Roy, que de la Mere regente, ils s'en retournerent en leur pays. Où paruenus, Aedesie à cause de ses parens, quelque temps apres receut la dignité presbyterale: Mais Frumentie delaisa la Phenice, & s'en alla à Alexandrie pour trouuer Athanase, qui de n'aguere estoit paruenu au sacré gouvernement de l'Eglise: auquel declara les affaires des Indiens, & combien ils estoient enclins & prompts à recevoir le Christianisme. Et avec ce le supplia d'y vouloir entendre, & de ne negliger point une chaste qui tant opportunément se presentoit: mais qu'il seroit bon au plustost que faire se pourroit, de leur enuoyer là un Euesque avec son clergé. Athanase ayant diligemment pensé à ces paroles, & fait appeler à soy les Euesques, qui pour lors estoient à Alexandrie, leur declare ceste affaire, qui tous iugerent que personne ne se pourroit trouuer plus apte & idoine pour en prendre la charge, & pour là augmenter & accroistre l'honneur de Dieu & dilater la religion, que celuy mesme qui ja tout le premier y auoit espandu les semences de la communion des Chrestiens. Parquoy, ayant esté persuadé de ce faire, receut de luy la charge de l'Euesché des Indiens: où estant retourné, il fut là à tous fait le publicateur & le trompette de l'Euangile. En laquelle entreprinse on dit qu'il y fit tant de deuoir, qu'il n'en rapporta pas moins d'honneur & de los que les Apostres firent en leur endroit par tout où ils porterent la parole de Dieu: Car Dieu le rendit en toutes vertus fort commandable, l'ornant d'insignes prodiges & miracles. De sorte qu'apres auoir acquis une abondante grace, & la faueur de tous, il edifia à Dieu plusieurs temples. Et estant tout ensemble medecin des corps & des ames, il guarit des playes ja de long temps infligees à toutes personnes, & quasi du tout incurables. Ruffin descrit ceste histoire, & recite auoir parlé à Aedesie en la ville de Tyr. Voila comment la dignité sacerdotale & administration de la parole de Dieu, fut instituee en Indie: & comme de là en apres la sacree doctrine s'ensaisina des pays prochains.

J'entends que presque en ce mesme temps, les Armeniens receurent aussi semblablement la religion Chrestienne: Car apres que Gregoire, homme admirable en fait & miracles, eut beaucoup souffert & enduré par Teridates, pour le nom de Iesus Christ, & qu'il fut, (apres plusieurs & diuerses especes de maux) reclus & enfermé en une basse fosse pleine de fange, & en laquelle on ne veoyoit ny ciel ny terre, par l'espace de quatorze ans entiers: à la fin Teridates, Prince de ceste gent, avec toute sa maison & les principaulx du pays, experimenta la vengeance de l'ire de Dieu: Car ayans esté reduicts en une vie & forme de pourceaux, se deuoroyent cruellement les uns les autres. Mais Gregoire ayant esté à la fin tiré hors de ceste obscure

&c

& renebreuse fosse, persuada à tous, par vn seul miracle qu'il fit, de prendre la religion Chrestienne. Les mesmes ne, à sçauoir, par la deliurance qu'il leur fit de ceste vie & forme porcinal. Et ce fait, il leur ba- receyuent  
 stit des temples, & en iceux celebra le secret & mystique sacrifice, & par nouueaux miracles de- leur premi-  
 chassa du pays les diables qui l'habitoient. Aucuns tiennēt qu'iceluy « Gregoire, ensemble Te- er estas &  
 ridates, se transporterent vers le grand Empereur Constantin, & qu'apres auoir entendu d'eux, cōdissō, &  
 choses tant esmerueillables & inopinees, en fut grandement resiouy, & qu'ayant ordonné Gre- se font Chre-  
 goire Euesque de toute icelle region, l'enuoya là pour en gouuerner l'Eglise: Parquoy Gregoi- stiens par le  
 re estant approuué par le suffrage, election, & adueu, tant d'iceluy Empereur que de Teriades, moyen d'i-  
 non seulement ruina tous les temples des idoles du pays, mais aussi en edifia d'autres en leur celuy Gre-  
 lieu, en l'honneur de Iesus Christ. Et ainsi, apres qu'il eut conuertie par grands miracles toute i- goire.  
 cellegent à nostre foy, les baptiza par apres, & les amena à nostre Sauueur Iesus Christ.

« Gregoire] Quelqu'un pourroit par aduerture estimer que ce merueilleux Gregoire icy seroit vn autre que celuy que nous auons leu au dessus auoir esté disciple d'Origene, & Euesque de Neocesaree: mais c'est le mesme, comme il est facile à recueillir par ce qui est de luy escrit au dessous, liure 11. chap. 19.

De ce qui aduint lors à Saporez Roy des perses: & de l'Euesque Simeones, & des autres qui avec luy souffrirent martyre.

### Chap. XXXVI.



Velque temps apres, nostre sainte doctrine & institution Chrestienne Origine &  
 paruint à plusieurs autres peuples d'alentour, par le moyen de leurs voi- premiere  
 sins: de façon que par iceux (cōme le pense) elle vint deslors aux Perses. propagatio  
 Car quelques vns de ces Perses frequentans familierelement avec les Os- du Christia-  
 roniciens & Armeniens, & parlementans souuent avec quelques saints nisme en  
 personnages du pays, apres auoir peu à peu experimenté leur vertu, cō- perse.  
 mencerent à estre tacitement emulateurs de leur vie & façon de faire, & à embrasser le Christianisme. Et apres qu'avec le temps leur nombre fut  
 augmenté, furent basties Eglises, l'ordre Sacerdotal institué, & plusieurs

autres choses faites, qui concernoyent nos sacrees ceremonies. Ce qui apporta vne playe non Les Magies  
 mediocre aux Magiens: Car ceux cy de toute antiquité, comme quelque famille à laquelle ap- & Iuifs  
 partenoit le Sacerdoce, exerçoyent en ce pays là, l'estat de sacrificature. Cela pareillement tour- sont dolens  
 mentoir grandement les Iuifs qui habitoient là, estans de longue main, par vne haine & enuie que Iesus  
 qu'ils portoyent à nostre religion, fort animez contre nous. Parquoy ayans trouué l'opportuni- Christ soit  
 té pour executer leur mal-talent, s'en viennent au Roy du pays, nommé Saporez, & deferent ca- là adoré.  
 lomnieusement enuers sa maiesté Symeones de Seleucie, Euesque de Ctesiphon, ville capitale de Perse, comme personne qui fauorisoit l'Empereur des Romains, & totalement nuisible aux  
 affaires des Perses. Ausquels le Roy adioustant foy, commença premierement à fort vexer les Griefue per-  
 Chrestiens, leur constituant des personnes confites en toute cruauté & seuerité pour gouuer- secution des  
 neurs, & leur imposant des tailles, subsides & tributs insupportables: afin que par pauvreté & Chrestiens  
 indigence, & par la vexation & seuerité des collecteurs de dictes tailles & rançonnemens, estās en perse:  
 vaincus, fussent contraincts de renoncer à leur religion Chrestienne. Ce qu'il s'efforça faire de  
 toute sa puissance, toutefois, voyant que pour la grande constance qui estoit en ces bons Chre-  
 stiens, il ne leur pouuoit encore faire abandonner leur foy, fit commandement qu'autant que lon  
 trouueroit de prestres & d'Euesques, comme ceux qui auoyent la superintendence sur les au-  
 tres, qu'on leur coupast la gorge: que les Eglises fussent rüees par terre & demolies, les ornemēs  
 & sacrez ioyaux vendus & confisquez, & que Symeones fust prins au corps, comme infidia- Symeones  
 teur, & pourchassant le desaduantage & detrimēt tant de la religion que du Royaume de Per- prins pri-  
 se. Ce commandement ne fut plustost donné, que les Magiens avec l'aide des Iuifs n'abbatent sonnier, &  
 incontinent rez à rez de terre, & saccagent les Eglises, ne prennent prisonnier Symeones, & luy amené lié  
 ayans mis de gros fers aux pieds & aux mains ne le presentent au Roy en cest equipage, apres & garroté  
 auoir esté battu & outragé à l'aduenant. Où certes il se monstra homme de bien & honneste: au Roy.  
 Car ayant esté introduict deuant luy, apres auoir enduré tous ces outrages, ne le voulut plus a-  
 dorer ny luy faire reuerence selon la coustume du pays. Dequoy estant ce Tyran fort irrité, l'in-  
 terroge pourquoy il faisoit cela contre la coustume. Pour ce (dit lors Symeones) que ie ne fus  
 onc par cy deuant mené par force deuant toy, comme ie suis maintenant, afin que ie trahisse le  
 vray Dieu. Lors qu'il n'y auoit point de dissention entre nous deux, j'ay tousiours suyui la cou- il luy est  
 stume de Perse: mais de present ie pense & croy que cela soit illicite, & contre tout droit & rai- fait comme  
 son: Car la guerre que nous auons ensemble maintenant, est pour la foy & pour la verité. S'a- demer d'a-  
 pores l'ayant ouy parler, luy fait commandement, sur peine de la vie, d'adorer le Soleil, le me- dorer le so-  
 naçant que s'il ne le faisoit, qu'il le feroit non seulement mourir, mais aussi pareillement autant leil.

Il est reme- qu'il y auoit de Chrestiens en son Royaume. Mais voyant à la fin qu'il ne profitoit rien, ny par  
né en prisō. les menaces desquelles il le pēsoit espouuēter, ny par les promesses par où il le pēsoit amadou-  
Vsthazanes Eunu- & fleschir, & qu'il n'y auoit espoir aucun de le pouuoir destourner de sa religion, & faire ado-  
que, qui a- rer le Soleil, il le r'enuoya ainsi lié & garroté qu'il estoit, en prison. Lequel, comme il estoit ain-  
uoit renié si mené, aduint que Vsthazanes ancien Eunuque, qui auoit esté iadis pedagogue & cōducteur  
la foy, est cō de Sapores, exerçant la premiere & principale dignité en la cour du Roy, se leua deuant luy  
temné de sy pour luy faire honneur & reuerence, telle qu'il appartenoit estre faite à vn martyr. Car de bon-  
meones. ne fortune il estoit lors assis en la cour du palais Royal: Mais Symeones comme s'il eust esté de  
luy iniurié, passe outre, sans luy daigner dire mot, ne faire conte ne semblant de le veoir: dete-  
Dueil de stant en luy, que quelque temps auparauant, il auoit voulu par contrainte adorer le Soleil. Adóc  
Vsthazanes faisant penitence. l'Eunuque se print à plorer à chaudes larmes, & en delaisant sa belle robbe de laquelle il estoit  
vestu, en print vne noire: & ainsi accoustre, se sied deuant sa maison, & cōtinua vn merueilleux  
dueil entremeslé de gemissemens, larmes, & sanglots, en repetant souuent ces paroles: O moy  
miserable, quel esperay- ie que Iesus- Christ fera à l'endroit de moy, lequel sans force ne con-  
trainte ay ainsi malheureusement renié? Quand mesme cestuy Symeones, qui d'ancienneté e-  
stoit tant mon amy, ne m'a pas seulement daigné regarder pour ceste cause, en passant deuant  
moy? Ces choses ne peurent estre cachees au Roy Sapores: Parquoy ayant mandé querir cest  
Eunuque, l'interroge de sa dolence, & luy demande si quelque fortune estoit aduenue en la  
maison. Auquel fit responce l'Eunuque, qu'il n'auoit receu aucun inconuenient ny mesaduen-  
ture en sa maison, & que si quelqu'un luy fust suruenu, cela luy seroit heur & prosperité. Et  
qu'il le porteroit plus patiemment, que d'estre opprimé d'une telle calamité, que celle où il se  
veoit reduit. Le pleure (dit-il) ô Roy, & lamente de ce que ie suis encore en vie, & que le voy  
le Soleil, moy qui de lōg temps ay meritē & desseruy la mort: pour ce qu'en ta faueur & pour-  
suinte, & non de mon vouloir ay fait l'honneur au Soleil, qui n'appartient estre fait qu'à vn seul  
Dieu. Parquoy, ie me iuge digne de mort pour deux railons: l'une, pour ce que i'ay esté des-  
loyal en la plus belle & plus precieuse chose de ce monde, en niant Iesus Christ de moy tant de-  
siré: l'autre, pour autant que ie t'ay aussi deceu & trompé par ce moyen. Ce dict, il fit serment  
Constante & ferme resipiscence. que de là en apres iamais ne changeroit d'opinion. Sapores tout estonné d'une si repentine &  
si grande mutation de cest Eunuque, fut plus irrité que iamais à l'encontre des Chrestiens, es-  
timant que telles choses se faisoient d'eux par impostures & enchantemens. Et pour la fami-  
liere amitié & faueur qu'il portoit à son nougriissier, il tente par tous moyens à le diuertir & de-  
stourner de son opinion, moderant sa cruauté en vne mansuetude & douceur. Mais voyant  
qu'il ne pouuoit venir à chef de son intention, pour chose qu'il peust faire ou dire (Vsthazanes  
luy respondant qu'il n'estoit ny si simple, ny tant stupide & despourueu de sens qu'il voulsist a-  
dorer la creature au lieu du createur & facteur) Sapores estant surmonté de courroux, le con-  
damna d'auoir la teste trenchée Et ainsi, comme on le menoit au supplice, voyant vn sien tres- fi-  
dele amy, du nombre des Eunuques, l'appella, & le pria d'aller vers le Roy, & luy porter ces  
paroles de sa part: Je croy, ô Sire, que ie n'ay besoing de tesmoins pour attester de quelle bene-  
uolence & amitié i'ay tousiours esté des mon ieune aage iusques à present, tant enuers vous,  
qu'enuers monsieur vostre pere, & enuers tous ceux de vostre sang, vous faisant seruire de  
toute ma puissance en toute allegresse de cœur: car ie cōnois assez que vous ne l'ignorez pas.  
Tant y a, que pour tous mes seruices, par lesquels ie me suis tousiours estudié de vous complai-  
re & gratifier, ie ne vous requiers qu'une seule grace qu'il vous plaira m'octroyer: laquelle aussi  
il est bien raisonnable que me rendiez, qui en auez receu plusieurs de moy. Car ce m'est chose  
bien grieve & faischeuse, que moy qui suis condamné à mourir, ie sois puny honteusement ainsi  
qu'un traistre & desloyal, & comme ayant mal meritē de vous & de vostre famille: Parquoy, ie  
vous requiers me vouloir faire ceste faueur, que commandement soit fait à vn trompette, de pu-  
bliquement proclamer deuant tous, que Vsthazanes est executé, non pour auoir commis chose  
aucune digne de mort contre la maiesté du Roy ou contre le Royaume: mais pour cela seule-  
ment qu'ayant fait profession de la religion Chrestienne, il n'a voulu obcir au Roy, en reniant  
Dieu le facteur de toutes choses, qu'il a tant ardemment seruy & honoré iusques adonc, pour  
adorer le Soleil au lieu d'iceluy. Et que c'est la seule cause pourquoy il meurt. Voila la requeste  
que Vsthazanes pria ce sien amy de presenter au Roy Sapores. Lequel la luy octroya volon-  
tiers, pour l'opinion qu'il auoit que ce cry public succederoit bien, & à son aduantage. Car il  
pensoit en soy-mesme, que, si les Chrestiens mettoient vne fois en leurs esprits, qu'il ne seroit  
d'oresnauant faict pardon à personne, quand mesme celuy qui auoit nourry le Roy, & qu'il  
aymoit tant, auoit esté executé pour le faict de la religion Chrestienne, lesdicts Chrestiens  
s'en deporteroient tout aussi tost, & abandonneroyent Iesus- Christ. Mais la chose succe-  
da tout au rebours de sa pensee, & aduint bien à poinct & fort commodément pour le faict  
de Vsthazanes. Car tout ainsi que par vne crainte ayant esté attiré à adorer le Soleil, il a-  
uoit troublé plusieurs Chrestiens, & causé par son exemple qu'ils auoyent renoncé leur foy  
& creance: aussi que ceux-là mesmes, le voyans mettre à mort pour la verité de la religion,  
deuoient

deuoient estre ses imitateurs. Et ainsi Vsthanes triomphamment finit sa vie. Le iour subsequent, le Roy commanda qu'il en fust autant fait de Symeones. Or estoit ce iour là, celui qui precede la venerable resurrection de nostre Seigneur. Il commanda semblablement que cent autres qu'il tenoit en ses prisons, tant du nombre des euesques du pays, que du sacré ordre sacerdotal, fussent mis à mort au tranchant de l'espee avec Symeones. Lequel estant produit en iugement pour ouyr finalement ce qu'il vouloit dire, persista constamment en son opinion, ne voulant adorer ny le Roy, ny le Soleil : & batailla avec vne grande liberté & vertu pour sa doctrine. Maximin Archimagien, ou le prince des Magiens, fit le semblable à tous les autres, qui pour estre interrogez auoyent esté amenez deuant luy : ausquels il demanda que c'est qu'ils vouloyent dire, & s'ils ne vouloyent pas tous viure & sacrifier aux Dieux, à la mode de leur Roy. Qui tous d'un accord refuserent de ce faire, parquoy furent tous par vn même arrest condamnés à la mort. Quoy voyant Symeones, de crainte qu'ils ne defaillissent de courage, commença à les enhorter d'auoir tousiours bon cœur, & ne perdre leur confiance, leur reduisant en memoire la mort & vie sempiternelle, la resurrection future semblablement & la vraye pieté. Et pour faire foy à sa harangue & exhortation, il alleguoit quelques tesmoignages des saintes lettres, disant la mort temporelle estre la vie. Mais si quelqu'un par vne timidité abandonnoit sa religion & l'honneur de Dieu, que cela finalement estoit la vraye mort : & que quand maintenant ils ne seroyent mis à mort, si est ce qu'il leur conuiendrait mourir de bref, selon le cours de nature : à raison que nul ne de mere peut onc eschapper la mort. Mais que les choses qui doiuent estre eternelles, & qui pour tesmoing ont vn iamaïs, ne suyueront pas toutes personnes esgalement : mais sera la vie qu'un chacun aura menee en ce monde examinee à quelque certaine & exacte reigle, selon laquelle chacun receuera ses loyers : pour les bonnes œuvres, les immortels : & pour les mauuaises, les supplices eternels. Disant pour conclusion de son exhortation, que c'estoit vn tresgrad & souverain bien, de mettre sa vie & s'exposer à la mort pour le nom de Dieu : & que quant à nous, nous n'en pourrions auoir ne desirer de plus hault, ne qui nous rende heureux. Par ces termes, Symeones, comme vn bon champion & capitaine, animoit ses disciples au combat, les enhortant de se presenter à la mort avec grande fiance d'en emporter la gloire & recompense eternelle. Apres donc que ces cent furent executez, le fut aussi finalement Symeones avec le tranchant de l'espee. Entre ceux-cy estoient Abdechallas & Aninas, personnes fort vieilles, & qui en son Eglise tenoyent l'estat & dignité d'anciens & prestres. Mais comme fust qu'Aninas, pendant que le bourreau l'accoustroit pour le descoller, eust crainte, Pufices maistre des œuvres royaux qui là estoit, luy commença à dire en ceste sorte : Bon homme (dit-il) fermez vn peu les yeux & receuez le coup d'un cœur ferme & assuré, car bien tost vous verrez la grande clarté de Dieu. Il n'eust pas si tost acheué ces paroles qu'on luy met la main sur le coler, & le mena on au Roy : Ou apres auoir franchement confesse qu'il estoit Chrestien, & vaillamment defendu la doctrine Chrestienne, & pour ce qu'il parla librement & tint bon côté le Roy pour les martyrs, comme ayant usé d'une trop grande liberté de parler, sans garder la decence, le lieu, l'opportunité, & personne du Roy, fut condamné à mort, & executé d'une nouuelle façon de supplice. Car apres qu'on luy eut percé la teste, on luy tira la langue par là : & ainsi termina heureusement sa vie. Et si d'auantage non contens de ceste cruauté, sa fille, qui estoit vne sacree vierge, fut aussi mise à mort par la calommie de quelques vns.

*Martyre de Vsthanes.*

*Martyre de Symeones & de cent autres gens d'Eglise, le iour de deuant la feste de la resurrection de nostre Sauueur.*

*Exhortatio que fit Symeones à ses compaignons martyrs, au dernier supplice, pour les animer à force & constance.*

*Abdechallas & Aninas, autrement dict Ananias, martyrs.*

*Pufices courtisan, est aussi martyr ensemble vne sienne fille vierge.*

*De Trabule, sœur de Simeones, ensemble des Euesques Acepstimas & Milos, & de seize mille autres martyrs qui furent Martyrizez en Perse.*  
Chap. XXXVI.



Année suyuant le propre iour de la Resurrection, fut publié vn edict par le Roy Sapores, que tous Chrestiens, la part qu'ils seroyent trouuez fussent punis de mort. Lequel fut lors tellement executé, qu'un grand nombre d'iceux, & nomément de la Cour du Roy, finirent leur vie par martyre. Entre lesquels endura ce combat vn des plus grands fauoriz que le Roy eut en sa Cour, nommé Azades : à cause duquel le Roy estat fort desplaisant & cōtrist, ne voulut qu'une grande quantité qui estoit condānee à mesme supplice, fust executee : ains qu'il n'y eust seulement que les port'enseignes & principaux guidons de la religiō. Lors fut aussi empoignee vne sacree vierge avec sa seruāte qui suyuoit la mesme institutiō de vie, que sa maistresse. Laquelle auoit aussi vne sœur, qui ayāt esté vne fois mariee, apres le trespas de son mary, ne se voulut iamais remarier, & fit vœu de continēce pour l'aduenir. Ceste vierge que nous auōs dit auoir esté lors apprehēdee, estoit sœur de l'euesque Symeones, & se nomoit Trabule. Or fut elle emprisonnee par faulx accusation & calomnie qu'on luy auoit dressée par ie ne scay quels iuis, qui la disoyent, pour le courroux qu'elle auoit eu de la mort de son frere Symeones,

*Martyre de l'Eunuque Azades.*

*Martyre de Trabule: item d'une autre puecelle, & d'une veufue.*

# LIVRE VIII. DE L'HIST. ECCLESIASTIQUE

*Les Juifs or  
donnēt que  
le malefice  
soit purgē  
par mesme  
malefice.*

auoir voulu empoisonner la Roynie. Car de fait la Roynie estoit fort malade & en extreme danger de mort, qui donnoit couleur à leur faulſe accusation & l'approuuoit comme vraye: Car elle qui se voyoit reduite à telle destresse, adiouta foy aisement à ces choses detestables, mesmement qu'elle estoit yssue de la race des Juifs, & suyuoit leur institution & maniere de viure, & croyoit que par ce moyen ils luy vouloyēt son bien & auancement de tout leur cœur & affection. Chose qui luy bailla assez d'occasion de mal estimer des Chrestiens, & de cōtinuer enuers eux la hayne & malueillance que de long temps elle leur portoit. Parquoy ces pauvres vierges furent condamnées d'estre sciees en deux pieces, & mises en croix: Et ce fait, contragnirēt la Roynie, malade qu'elle estoit, de passer par le milieu d'elles, luy persuadans falloir ainsi faire, afin que cest abominable forfait retournast en elles, pour la purgation d'une telle offense. Or fault il noter que ceste pucelle Trabule, estoit fort belle de visage & d'un corsage fort plaisant, parquoy l'un d'entre les Magiens la voyant telle fut espris de son amour: & l'ayant secretemēt fait venir parler à luy, la sollicita de son des-honneur, luy promettāt que si elle luy vouloit cōsentir & se soubmettre à luy, qu'avec le present qu'il luy feroit, il la rēdroit indamne de ce qu'on luy mettoit sus. Mais tant s'en fault que la pucelle ne consentist à sa conuoitise & libidinité, que mesme elle pourſuyuit d'atroces iniures son impudique demande, & ayma plus cher mourir que de faulſer sa pudicité & virginité

*Les Magiē  
faisans bon  
clier de l'e-  
dict du Roy  
seussent cō-  
tre les E-  
uesques &  
prestres, par  
tout le Roy-  
aume de  
Perſe.*

L'edict de Sapore, ayant esté publié de tous costez par tout son Royaume, par lequel il estoit mandé (comme auons recité cy dessus) que mercy fut fait à tous autres, fors que aux Capitaines de la religion, les Magiens & leur Princes ioyeux de telle chose, il est incroyable & impossible de dire avec qu'elle improbité par toute la Perſe ils meurtrissoyēt les Euesques & prestres: Mais principalement firent exhibition & preuue de leur cruauté es pays d'Adiabene, laquelle region de Perſe estoit lors habitee pour la plus grande part de Chrestiens. Fut aussi lors saisi au corps & emprisonné l'Euesque Aceplimas, & avec luy plusieurs de son clergé, lesquels luy excepté laisserent aller, apres auoir rauy & pillé tous leurs biens. Ayans iceluy Aceplimas entre leurs mains, apres luy auoir fait plusieurs outrages en son corps, l'auoir batu & fustigé de verges, s'efforcèrent à toute outrance & contraincte de luy faire adorer le Soleil: Mais voyas que pour tout cela ils ne luy pouuoient rien faire, ils le remettent en prison. Lequel fut suivi iusques là pres, sans force & cōtraincte, d'un prestre nommé Iaques: & là pria les Magiens qu'il leur pleust luy permettre l'accompagner en icelle prison. Ce qu'il fit principalemēt, afin de seruir à cest Euesque ia fort ancien: en quoy il s'employa à telle allegresse, que par le soing & diligence de son seruice, il allega les miseres & tribulations de ce vieillard. En ces mesmes prisons fut aussi pareillement mis un prestre, nommé Aithalas, avec trois diacres. . . Ioseph, Azadanès & Abdiele, ayans au parauant souffert & enduré plusieurs tourmens pour la sainte doctrine. Mais apres que l'Archimagien en eut communiqué avec le Roy, obtint de luy de les punir à sa volonté, s'ils refusoient offrir honneurs diuins au Soleil: Et ce fait, leur fit entendre la sentence & resolution du Roy. Lesquels pour autant que sur le champ, apres auoir entendu ceste resolution, firent refus d'abiurer Iesus-Christ, & beaucoup plus de faire sacrifice au Soleil, leur fit endurer maints tourmens, trop plus cruellement qu'il n'auoit delibéré faire. Entre lesquels tourmēs, Aceplimas finit sa vie en un combat merueilleux, apres auoir fait longue preuue de sa constante vertu. Le corps duquel fut celément enleué par quelques Armeniens, & par eux ensepulturé. Les autres qui estoient plusieurs en nombre, apres que leurs corps furent deschirez de fouets & escourgees (eux estans neantmoins sains & entiers de foy & de religion) furent ramenez en prison. Entre lesquels Aithalas eut tellement l'estrapade & torture, que les nerfs de ses bras estans separez de leurs ioinctures, & desnouez d'avec les espaules, ne peurent depuis faire leur fonction: ains estans demeurez comme morts, pendoyent contre bas sans s'en pouoir aucunement ayder, ny mesme porter le morceau à la bouche: de façon que s'il vouloit boire ou manger, il falloir qu'il s'aydast du seruice d'autrui, ou autrement il fust mort de faim. Furent aussi lors tourmentez par semblables & autres diuers supplices plusieurs prestres, diacres, moines, vierges sacrees, & maintes autres personnes enflammées d'une singuliere ardeur enuers la doctrine Chrestienne, & verſez soingneusement es saints myſteres Ecclesiastiques: le nombre desquels fut si grand qu'il est impossible de les pouoir tous nombrer. Entre lesquels furent les Euesques qui s'ensuyuent, Barbasymes, Paul, Gadiabes, Sabin, Marcas, Mocie, Iean, Hormisdas, Papas, Iaques, Romas, Maares, Agas, . . . Bocchoris, Abdas, Abdiele, un autre nommé Iean, Abramie, Abdelas, Sapore, Isaac & Daufas, qui par les Perſes auoit esté prins prisonnier en guerre, en la religion nommée Zabdee. En ce mesme temps fut decouuert un nommé Milas, qui reſſuscitoit les morts, ensemble Euesque de celieu Mareades, avec deux cens cinquante de nombre fait, de son clergé: lesquels pareillement ayans esté prins par les Perſes, furent d'icelle regiō emmenez par eux prisonniers à toute force & violēce pour en faire punition. Quant à Milas, fault entendre qu'il fut gen-d'arme en Perſe, de la premiere institution: puis ayant changé la maniere de viure, suyuit la doctrine Apostolique. Et ayant esté esleu Euesque d'une ville de Perſe, apres auoir souſtenu & enduré pour Iesus-Christ plusieurs griefues playes & naureures en son

*Martyre de  
Aceplimas*

*Iaques, pre-  
stre, prie les  
iuges d'e-  
stre mis en  
prison avec  
l'euesque  
Aceplimas*

*. . . Au lieu  
de Ioseph,  
Sozomene  
met Iaques.*

*Catalogue  
des Eues-  
ques qui  
souffrirent  
martyre en  
Perſe.*

*. . . Sozome.  
au lieu de  
Bocchoris, a  
Bochras.  
Miles, qui  
des autres  
est appelle  
Melisse.  
Mareades  
Euesque.*

corps,



corps, voyant que nul d'entre eux ne vouloit embrasser la religion Chrestienne, en donnât ma- *Ville de Per*  
lediction aux habitans du pays, les delassa & s'en alla autre part. Quelque temps apres, aduint *se, pour a-*  
par diuine permission que ceux qui exerçoient les premiers estats & dignitez en la iudicature, *voir contem*  
& administration de ce pays, offenserent la maiesté Royale: qui fut cause que le Roy y enuoya *né la parole*  
vne grosse armee, laquelle print la ville, & la rasa de fonds en côble: & ce fait, le Roy fit labou *de Dieu,*  
rer le lieu où elle auoit esté, avec des bœufs: & puis apres ensemencer ainsi qu'un champ. Mi- *tombée au*  
las donc s'estant departy de là, ainsi qu'il a esté dit, & ayant prins pour tous biens vn bissac seu- *crime de le-*  
lement, pour en iceluy mettre & conseruer le sacré liure des Euangiles, vint à Ierusalem par de- *se maiesté*  
uotion: Puis de là s'en alla en Egypte, visiter les moines du pays. Or combien ce personnage *enuers le*  
excella lors en fait de grands miracles, & nommément à resusciter les morts, les Syriens qui *Roy, & par*  
ont redigé sa vie & ses faits par escrit, le testifieront par leurs liures. Il me suffira d'auoir seulemēt *apres rasée*  
dit cecy de luy pour le present, & fait mention de ceux qui en Perse ont soustenu le combat de *& mise à*  
Dieu sous le Roy Sapore. Car il seroit fort difficile d'en reciter le nombre; & qui, & d'où ils *destruictio.*  
ont esté, ou comment, & quels supplices ils ont enduré: car en Perse il y a plusieurs & diuers  
genres de tourmens, desquels avec grande ambition se glorifient, & pensent pour cela meriter *Plusieurs*  
grand' gloire & louange. Tan y a que lon dit (ainsi que par raison on peut comprendre) que *& diuers*  
ceux qui en ce lieu accomplirēt le cours de martyre, gens de renom, tant hommes que femmes, *genres de*  
outre la multitude qui excède tout nombre, furent iusques à seize mille. Les noms desquels, les *tourmens*  
Chrestiens, qui demouroient lors en Edissa, Persans & Syriens, iugeans estre chose par trop dif- *en Perse.*  
ficile à raconter, n'en ont laissé par escrit, que ce que nous en auons dit icy.

« Resurrection ] Sozomene, li. 2. chap. 11. dit qu'auant ceste ordonnance, innumerables Chrestiens furent occis en Perse, au treuchant de l'espee, par un autre edit de Sapore, qui d'eux mesmes s'offroyent aux Magiens qui par toutes les villes de Perse en faisoient la recherche: craignans de renier Iesus Christ par leur silence. Saint Hierosme recite aussi en plusieurs lieux, qu'en un iour de la passion de nostre Sauueur, seize mille martyrs souffrirent mort par plusieurs & diuers supplices.

De ce que Constantin escriuit à Sapore, Roy de Perse, pour les Chrestiens.  
Chap. XXXVIII.



Pres que le treslouable Empereur Constantin eut entendu au vray que les Chrestiens qui estoient en Perse, estoient si mal traitez, qui fut fort fasché & troublé, ce fut luy, de maniere qu'il ne regardoit qu'aux moyes comment il leur pourroit ayder, pour les mettre en repos, paix & tranquillité: mais il ne scauoit que leur faire. Toutefois il aduint sur ces entrefaites de bonne fortune, qu'ambassades luy vindrent de Perse: aux demandes desquels apres auoir satis fait, il pensa qu'il feroit fort bien, si par mesme moyen il escriuoit à Sapore, en faueur des Chrestiens qui estoient sous son obeissance. Parquoy il luy enuoya vne epistre digne *Epistre de*  
d'estre de tous entendue & celebree: par laquelle il luy faisoit scauoir, qu'il l'obligerait gran- *Constantin*  
dement & le recognoistroit en autre endroit, s'il donnoit repos à ceux qui en ses pays suyuoient *à Sapore,*  
la religion Chrestienne. Et qu'il n'auoit occasion de blasmer les ceremonies d'icelle religio, pour *Roy des Per*  
autant qu'ils n'immoloyent victimes, ny ne sacrifioient à leur mode & ainsi qu'eux: mais qu'ils *ses, pour les*  
n'vsoient seulement que de sacrifices non sanglans, & que de faire prieres & oraisons à Dieu: *Chrestiens.*  
auquel ne plaisoit nullement le sang espandu, mais l'ame seulement, ornee de vertu synceremet, & les doctrines du tout conuenables à la vraye pieté. Et à ceste cause, que ceux là estoient plus louables, qu'il luy proposoyt qu'il falloit ainsi croire & adorer Dieu. Chose que s'il faisoit, il luy promit & l'assura, qu'il auroit Dieu fauorable, & principalemēt s'il aydoit la promotion & auancement de la pieté Chrestienne. Et pour mieux luy faire entendre tout cecy, il luy mit en a- *Exemples par*  
uant & proposa pour exemplaires les faits de Galien & Valerian, & ce qui estoit aduenu sous *lesquels est*  
son Empire. Luy declarant au long par le menu, cōme ceux là, tandis qu'ils ont souffert & en- *monstré que*  
duré les Chrestiens auoir repos, auoyt prosperé tout le temps de leur Empire: mais qu'iceux, *toute aduer*  
& principalement Valerian apres auoir excité la persecution contre les Chrestiens, ainsi que les *siré aduiuent*  
autres Empereurs de Rome, ayant esté vaincu par iceux Perses, tomba és mains de Dieu, & finit *aux princes*  
miserablement ses iours en captiuité en leur pays de Perse. Mais quant à luy, pour la foy en Ie- *qui persecu*  
sus-Christ qu'il auoit receue, que Dieu luy auoit tousiours aydé, & que tout l'Empire Romain *tēt les chre*  
depuis l'Ocean Occidental avec la plus grand' part de l'Orient, estoit par ce moyen venu en sa *stiens: &*  
puissance: qu'il auoit aussi eu plusieurs batailles, desquelles par le vouloir de Dieu il auoit touf- *au contrai-*  
iours esté victorieux à l'encontre de plusieurs grands tyrans. Et que pour executer toutes ces *re toute pro*  
choses, il n'auoit iamais eu besoing d'immoler aucunes victimes, ny ne s'estoit aydé de predictio *sperité aux*  
d'aucuns deuins, sorciers, ny enchanteurs: ains que pour emporter toute victoire, la seule ar- *defenseurs*  
meure de la croix luy auoit tousiours suffi, laquelle auoit precedé ses armées, accompagnée *d'iceux.*

*l'ample  
fruit de la  
piet  de C -  
stantin.*

*Bienueuil-  
lance & a-  
miti  que  
les subiects  
luy portoy t*

*Observance  
des nations  
Barbares.*

de l'oraison, exempte de tout sang. A la fin de son epistre sont aussi ces paroles adioustees: Com-  
bien penseriez vous que ie serois ioyeux, si i'entendois dire que ce tres-florissant Royaume de  
Perse fust aussi comme les autres orn  de ceste maniere, i'entens dire des Chrestiens ( car tout  
mon propos & intention n'est en ce lieu que de parler d'eux ) ainsi que ie le souhaite: Et ce,  
non pour autre fin, sinon   ce que les affaires se portassent quant   toy tres-prosp rement, &  
quant   eux tres-bien, & tant d'un cost  que d'autre par ce moyen tres-heureusement: Car par  
cela tu aurois le Dieu de cest vniuers, doux & bening. Donc par ton amplitude & grandeur, ie te  
recommande ceux-cy. Et puis que tu excelles en piet , ie les mets sous ta sauuegarde & pro-  
tection. Je te prie donc auoir en recommandation selon l'humanit  & bien-veillance qui t'ac-  
compagne: & ainsi par la foy que tu permetteras auoir son cours, tu obtiendras vne gr de gra-  
ce & de toy-mesme & de nous. Voyl  combien estoit grand le soing en ce saint personnage,  
de tous ceux qui de toutes parts venoyent   la congnoissance de Iesus-Christ. Parquoy com-  
me il fust tel, il se faisoit aussi qu'avec l'abondante grace de Dieu il estoit bien-voulu & aym   
de tous ses subiects, tant de ceux d'Europe & Libye, que de plusieurs prouinces du pays d'Asie  
subiectes   son Empire: qui tous luy obeissoient volontiers. Et non ceux l  seulement, mais  
plusieurs d'entre les Barbares, qui partie de leur bon gr  & sans contraincte, partie par armes a-  
uoyent est  subiuguez, luy seruoient de bon c ur, en luy portant tout l'honneur & obeissance  
qui luy estoit deu . Les troph es finalement & enseignes de victoire, qui par tout esto t esle-  
uees, le declaroyent assez Empereur victorieux.

*De la vie monastique: d'o  elle a prins son commencement: que c'est qu'elle  
promet: & quels auteurs elle a eu.*

*Chap. X X X I X.*

*Sous Con-  
stantin la re-  
ligi  chre-  
stienne estoit  
par elle mes-  
me fort flo-  
rissante,    
cause des c -  
fesseurs qui  
vivo t en-  
core, & des  
Moynes de  
ce temps l ,  
qui esto t  
gens de bi .*



Oyl  de quelle affection & ardeur ce deuot Empereur   voulu augm -  
ter & honorer nostre religion par ses faits & acti s, laquelle aussi estoit  
lors de soy-mesme en grand honneur & gloire, par le moyen des hom-  
mes qui aspiroyent   vertu: car plusieurs d'entre les Confesseurs esto t  
encore en vie, qui donnoient vn merueilleux lustre par toutes les  gli-  
ses. Et si d'auantage ceux qui en ce temps l  suyuo t la vie monastique  
& solitaire, rendoyent de beaucoup plus celebre icelle religion, & au-  
gmentoy t la foy Chrestienne de plus grand gloire, par la lueur de leurs  
m urs. Car il fault penser qu'ainsi que quelque chose secre te & diuine,

ceste philosophie est venue du ciel aux hommes:   cause qu'elle ne fait conte des disciplines &  
arts liberaux, ny des friuoles & vaines disputes, non plus que de choses superflues & qui ne ser-  
uent   rien, sinon que d'occuper tout le temps que l'on peult employer   meilleures estudes, &  
par ce moyen d'empesch r l'homme de suyure la puret  de vie. Mais la philosophie monasti-  
que, vsant seulement de la pure & na fue vertu, n'enseigne ny n'embrace autre chose, que ce  
qui sert   la perfection d'une sainte vie, &   la reiecti n & bannissement des vices, tellement  
qu'entre les choses qui des hommes sont estimees moyennes, elle ne fait conte, ains ne verse  
totalement qu'entour choses honnestes & vertueuses, & tient pour gens peruers & mesch s  
ceux qui se iactent estre reculez de vices, & neantmoins ne suyuent point vertu. Car ceste phi-  
losophie n'admet point l'ostentation & vanterie, mais seulement l'acti n de vertu, mesprisant  
toute gloire qui procede des hommes. Et d'autant que noblement & vaillamment elle vainq  
& surmonte les affecti ns de l'ame, d'autant   elle moins de cure des choses necessaires en na-  
ture, & mesprise toutes autres imbecillitez corporelles. Mais ay t receu ses forces de l'Esprit  
diuin, elle s'esleue en hault   cest immortel entendement, le meditant & contemplant iour &  
nuict, l'adorant aussi par merueilleux moyens, & par continuelles prieres & oraisons, se jo n-  
gnant & vnissant avec luy. Et ainsi par vne puret  d'esprit & bonnes  uures, s'emparant de la  
syncerit  de la religion, reiecte toutes purgations exterieures, & autant qu'il y a de telles lustra-  
tions: demeurant au reste en ceste opinion, qu'il n'y a que l'offense & piacle contre Dieu, qui  
soit pech . Et estant superieure des choses externes, & ayant (par maniere de parler) obtenu l'em-  
pire & domination sur elles, elle n'est destournee de son intention, ny par vne vie desord nee  
ny par aucune necessit : ny ayant est  outragee d'iniures, ne se trouble aucunement: de fa on  
que s'il aduient qu'elle souffre quelque indignit , elle ne pense point   s'en v ger. Car tant s'en  
fault que quelque passion ou disette des choses necessaires   la vie humaine la pressant, la puisse  
abbatre & mettre hors des gons de raison, que au contraire elle se delecte de telles tribulati s  
monstrant en cela sa noblesse & douceur. Elle s'estudie aussi toute la vie de se passer de peu: &  
entant que la capacit  de nature humaine le permet, elle s'efforce de ressembler   Dieu, & l'imi-  
ter au plus pres qu'il luy est possible. Et n'estimant la vie presente autre chose qu'un passage, ou  
vn logis passant, elle ne s'enveloppe  s rets & lacqs des negoces de ce m de, ny ne s'empesche  
de la preuoyance & cure des choses presentes. Et approuuant l'habit de l'homme le plus simple

*Celuy est  
asse  riche,  
duquel la  
suffisance  
ne depend  
que de  
Dieu.*

& le moins empeschant, & non chargé de superfluité, elle n'a autre respect, qu'à la future beatitude & attente d'iceluy heureux repos : & d'une piété qui est receue en son ame come en son domicile & manoir, elle reiette toute des honnesteté de paroles, comme chose à elle mal-seante & des-conuenable. Car elle ne souffre ny n'endure qu'il soit fait aucune mention par paroles des actions qu'elle a banies & reietrees loing de ses mœurs. Et reprimant petit à petit les necessitez naturelles, & domptant sa chair avec vne moderation & attrempance, elle refrene toute relasciueté par continence & chasteté, elle deboute toute iniustice par la reigle d'equité, elle de-chasse tout mensonge par verité, & retranche finalement toute inegalité par vne bien ordonnée façon de viure. Et selon la société humaine, s'accommodant familièrement aux mœurs de toutes personnes, & se conformant aux vouldoirs de ses prochains, elles les informe & instruit à bié & honnestement viure selon raison & equité. Elle prend soing tant des estrangers que de ses amys, afin de pourueoir à tous. Elle veult & entend que tous ses biens & fortunes soyent communes à tous souffreteux & indigens, & distribue à vn chacun ce qui luy est nécessaire. Elle s'esioiuit avec ceux qui s'esioiussent, & console ceux qui ont besoing de consolation. Et pour le faire bref, en appliquant tout son estude & affection à ce qui est veritablement le souuerain bien, elle mesme s'instruit en toutes paroles chastes & pensees spirituelles : elle contemne & mesprise entierement tout ornement superflu de la face : sur toutes choses elle deteste tous maudifions, paroles detraictiores & iniurieuses. Et quād elle entre en propos, elle ne parle iamais qu'avec tout honneur & reuerence des auditeurs, les guarissant tout premierement par ses paroles & exhortations, comme par quelque medicament. Tout courroux, conuice, noise & debat est reculé d'elle : Car d'autant qu'elle est munie de vraye raison, d'autāt aussi decline elle tout mouuement & passio irraisonnable. Et pour faire fin à tout cecy, elle est dame & maistresse de toutes les affectiōs qui sont ou en l'ame, ou au corps, & ne leur permet iamais auoir le dessus d'elle.

*Charité monastique.*

Quant est des auteurs & instituteurs de ceste diuine philosophie, les escriuains parlent diuersement : car aucuns tiennent qu'elle a eu son commencement du grand zelateur de l'honneur de Dieu, Helie : les autres disent que ç'a esté de saint Iean Baptiste, lesquels sont de tous en cela grandement loiez. Philon, Hebreu de nation, & de secte Pythagorean, recite qu'en son temps furent quelques Iuifs, hommes graues & honorables, qui prindrent vne nouuelle maniere de philosopher, en vne region en laquelle il y a plusieurs terres & petites montaignes, par le lac Mareotique, qui est du territoire d'Alexandrie. Les domiciles desquels, façon de viure, & toutes leurs autres institutiōs & ceremonies (entant que lon peult recueillir par la description qu'en fait cest auteur) ne different en rien de celles qu'auoyent les anciens moines d'Egypte : Car eux estans entrez en ceste façon de vie, ils delaissoient à leurs parens toutes les possessions & heritages qu'ils auoyent, & apres auoir delaisé toutes choses, ils viuoient hors les villes, estās seuls retirez en quelques iardins & champs. Leurs demeurances & habitations estoient ce que main tenant nous appellons Monasteres : où gens solitaires estoient en toute grauité & sainteté instruits & apprins es saintes ordonnances & ceremonies Chrestiennes, & avec chants diuins, Hymnes, Psalmes, louoyent & magnifioient Dieu le createur. Leur forme de vie estoit telle, que nul d'entre eux ne beuuoit ny ne māgeoit, que le Soleil ne fust couché. Aucuns ont esté, qui par l'espace de trois ou quatre iours ont esté sans prendre aliment ne nourriture corporelle : & qui totalement s'abstenoyent de boire vin & de manger chair, & chose qui eust sang : & qui de propos deliberé couchoient sur la dure à quelques certains iours. Leur viande n'estoit que pain, sel & hysope : leur boire, qu'eau pure. Philon dit ainsi, que quelques vieilles femmes, esprinsees de l'amour de ceste philosophie, esleurent le mesme cours de vie, & vindrent prendre leur demeure au pres d'eux : de maniere, que d'un propos deliberé & volontaire, ayant esleu l'estat de continence, passoyent ainsi leur vie. Voylā ce que Philon en a redigé par escrit, au liure qu'il a fait de la vie contemplatiue, ou des Supplians. Or semble il qu'il vueille entendre en cest endroit de ceux là, qui d'entre les Hebreux auoyent lors de nouueau receu le Christianisme, & neantmoins tenoyent encore les opinions des Iuifs, & obseruoient leurs mœurs & façon de viure : Car il n'y a gent ne nation, ou telle coustume & maniere de faire se trouue, fors qu'en la nostre. Quant à moy, ie coniecture que ceste coustume de viure a prins sa premiere vigueur & commencement des Egyptiens. Il y en a qui disent que les temps des persecutions ont premierement baillé tout à coup l'occasion de ceste façon de vie : Car la religion estant agitée par les Tyrans, ceux qui se sauoyent à la fuite, se retiroient sur le hault des montaignes, & dans les forests, esquelles errans ça & là de tous costez, de crainte qu'ils ne fussent apprehendez & menez prisonniers, changeoyent souuentefois de placé expressement. Mais apres que par long traict de temps ils furent accoustumez à telle maniere de viure, ils la continuerent de là en auant iusques à la mort : tellement qu'avec succession de temps, elle print vn merueilleux accroissement par la ferueur de plusieurs, qui à leur imitation, suyrirent de leur franc vouldoir, telle vie & conuersation.

*Philō Iuif, sous le nom de quelques Iuifs, qui sefist faits Chrestiens, tenoyēt les premieres dignitez en la ville d'Alexandrie, descript l'institutio des moines d'Egypte.*

*Diete & regime de viure des moines.*

*Le temps des persecutions à cause que plusieurs se sont faits moines.*

*De la vie & institution de S. Antoine le grand, le plus celebre & excellent  
d'entre tous les moines. Item, de ceux qui l'ont ensuyuy :  
& de saint Paul le simple.  
Chap. X L.*

*Excellence  
de S. An-  
toine.*



*Le pays &  
naissance de  
saint An-  
toine.*

*Police mo-  
nastique de  
S. Antoine*

*Sentence de  
Hesiod.*

*Nourrisse-  
ment de lu-  
bricité &  
paillardise.*

*La bonne  
ame n'a be-  
soin des  
lettres.*

*Temperance  
& mode-  
ration en  
disputes.*

*S. Antoine  
n'estimoit  
pas beau-  
coup de  
prevoir &  
predire les  
choses fu-  
tures.*

R soit que les Egyptiens, ou ceux que nous auons nommé les premiers ou autres quiconques, ayent esté les auteurs de ceste institution monastique, & qui en ceste philosophie ont precedé tous autres, si est ce qu'il n'y a celuy qui ne confesse, luyuant l'opinion de tous ceux qui en ont escrit, que ce grand & tant celebre Antoine, ne l'ait entieremés, tant en saincteté de mœurs, qu'en soigneuse & diligente maniere de viure, exercee iusques au comble de perfection. Lequel menant lors vie solitaire és montaignes d'Egypte, le noble Empereur Constantin print en singuliere amitié, à cause de son excellente vertu, l'honorant tant par lettres que souuent il luy enuoyoit, que par prieres qu'il luy faisoit, de le vouloir faire certain & luy mander bien au long de ses façons, & maniere de viure. Ce saint personnage estoit de nation Egyptien, & vn des premiers en biens, noblesse & dignitez de tout son pays, natif d'un bourg nommé Gonia, proche d'Heraclee en Arcadie, qui est en Egypte. Estant en sa ieunesse delaisé de ses pere & mere orphelin, donna tous ses heritages aux habitans de ce lieu, & ce qui estoit de reste de son bien, le departit aux pauvres : car il pensa en soy-mesme falloir que celuy qui auoit deliberé de suyure ceste vie philosophale, n'oseulement delaisast son or & argent, mais aussi le distribuast aux indigens ainsi qu'il verroit estre de necessité & que l'affaire le requerrait. Ce fait, comença à s'accoster de ceux qui lors vaquoyét à tout honneste & vertueux exercice, pour imiter & appréndre tout ce qu'il verroit en vn chacun d'eux d'excellent. Et pour ce qu'il sçauoit que toute bone vie se rend gratieuse & plaisante par accoustumace, ores que du comencement elle soit facheuse & moleste, il s'exerçoit le plus és vtils & parfaites vertus. Et iournallement comme ayant ja ietté le fondement, bastissoit sur iceluy, & profitoit de plus en plus en toute moderation d'esprit & temperance, demonstrent en soy de iour à autre vne nouuelle & vigoreuse allegresse. Et par les continuelles afflictions & trauaux qu'il se donna, non seulement il est aignit & appaisa les plaisirs & voluptez de son corps : mais par la perseuerance & continuatió de son bon propos, reprima les desordonées affectiós & cupiditez de son ame. Il ne prenoit son repas qu'une fois le iour, apres Soleil couché. Il estoit aussi le plus souuent deux iours entiers, aucune fois trois, sans prédre alimét ny nourriture quelcoque. Pour toute pitance, il ne mangeoit que du pain simplement avec du sel : la boisson estoit l'eau du torrent qui là passoit. Et veillant continuellemét (par maniere de dire) toute la nuit en prieres & oraisons, il y en employoit encore vne partie du iour. Que s'il aduenoit qu'en quelque lieu il fust surprins de sommeil, il le faisoit fort court. Il ne repoisoit le plus du temps que sur la dure. Il auoit aussi entiere-ment renoncé à toute onction d'huile & lauemét : n'ignorant pas qu'il n'y a habitude de corps tant soit forte & robuste, qui par choses humides ne se conuertisse peu à peu en lubricité, mollesse & dissolution, quand on en vse. On dit que iamais homme ne le veid nud. Et d'autant qu'il n'auoit iamais aprins les lettres & sciences humaines, aussi n'admira il iamais les gens doctes & lettrez : Mais il a tousiours grandement loué vne bonne ame, comme plus excellente que toutes lettres, & par ce point inuentrice de tous tels arts & sciences. Et si d'auantage, il disoit qu'il n'estoit ia besoing d'elles, pourueu que l'ame fust d'elle mesme assez forte & puissante pour resister à tous les efforts & embusches de l'ennemy. Il estoit doux, humain & courtois, autant ou plus qu'homme que lon eust sceu trouuer, & en son parler fort gratieux, ensemble d'un esprit agu, subtil & inuincible. Es disputes principalement, mesme si aucun quelque fois (comme il aduient) contentieusement debatoit avec luy, il sçauoit si bien attemperer ses affectiós, que iamais il ne se transportoit de passiós quelconques. Car par vne excelléte prudence qui estoit en luy, & par vne nouuelle mode dont il vsoit, accompagnée d'une sapience diuine qui luy assistoit, il sçauoit si bien refraindre vne affectiós d'une contention temerairement mise en auant, & la conformer à vne bonne mesure & attrempance, qu'il n'estoit possible de mieux. Et si en amoderant la vehemence affectée de ceux qui deuisoyent avec luy, il rendoit quant & quant leurs mœurs meilleures par vne honneste & douce remóstrance que sur cela leur faisoit. Ayant pareillement obtenu la congnoissance diuine, & mesme le don de prophetie & preuoyance des choses futures, il disoit que d'estre trop curieux de les sçauoir, & y appliquer du tout son esprit que ce n'estoit que toute vanité. Et enseignoit que de deuiner & predire les choses qui doyent aduenir, n'estoit point vertu : pour ce qu'au contraire il n'estoit point attribué à vice, d'ignorer ce, dont quelqu'un en craint la peine. Mais iugeoit la vraye beatitude & felicité cōsister à bien & deuotement seruir Dieu : & à garder inuolablement ses loix & commandemens. Que s'il y en auoit aucun, à qui print enuie de sçauoir les choses futures, qu'il ait (disoit-il) l'ame pure & nette

nette de toute ordure de peché, & la cōgnoissance des choses futures le suyura, Dieu luy exhibât comme par quelque miroir, la cōgnoissance du futur. Il auoit aussi en horreur & detestation le vice de paresse: de maniere qu'il admonnestoit tous ceux qui auoyent vouloir de bien viure, de soigneusement travailler. Il aduertissoit par mesme moyen vn chacun, de diligemment examiner les œures qu'il faisoit iour & nuict: & s'il se trouuoit qu'il eust fait quelque chose contre la bienfiance & deuë honnesteté, qu'il le notast avec plume & encre, & qu'il se feroit par cela, que l'homme auroit honte de soy-mesme, & ayant ses faicts en horreur, se retireroit de la en-auant des absurds mouuemens & passions de l'esprit: tant de cainte de trouuer à la fin par escrit plusieurs telles notes, que de pœur que si elles estoient trouuées par vn autre, ne fust par luy appertement congneue sa meschanceté. Il defendoit aussi viuement celuy à qui on faisoit quelque tord, ce qui estoit cause qu'il se transportoit souuent aux villes: Car plusieurs venans à luy, & luy contans leurs doléances, le contraignoient de venir aux villes, pour interceder pour eux enuers les magistrats. Lesquels aussi faisoient beaucoup, quand ils le veoyent & entendoient la douceur de son langage, veu qu'il commandoit tousiours au peuple d'obeïr aux princes & magistrats. Or ne tendoit toute son estude & application à autre chose, que d'estre caché, & retiré en lieu solitaire, & hors la frequentation de toutes personnes: de sorte que si quelque fois il venoit en public, son intention n'estoit que soudain que son affaire auroit esté fait, pour lequel il luy conuenoit venir en la ville, de se retirer aussi tost au lieu de sa solitude: Car il auoit coustume de dire, que hors l'eau la demeure estoit mortelle aux poissons: & au pareil que le moine ne se mettoit en moindre danger de perdre la vie celeste & la plus sainte profession, s'il demouroit long temps és villes. Et tout ainsi qu'il monstroït à tous ioyeuse face, aussi se gardoit il soigneusement de n'estre veu par trop se sous-mettre aux personnes & les flatter: & pour autant qu'il estoit de tous tenu en bonne reputation, & honoré, & que tous luy obeïssoient en ce qu'il leur commandoit, il se tenoit bien sur ses gardes, de ne s'esleuer par vne haultesse & arrogace pour tout cela. Comme vne fois Constantin l'eust mandé venir à luy (car il aimoit cest homme singulierement) refusa d'y aller premierement, disant: Si ie vay à l'Empereur, ie seray Antoine: mais si ie ny vay point, Antoine demeurera Abbé. Et par ce moyen se retint d'y aller. Iusques icy soit parlé de saint Antoine, ce qui a esté dit comme pour laisser quelque saueur & petite representation de sa vie & institution, à ce que par ce discours nous recueillions quelle a esté sa philosophie, laquelle bien au long & copieusement saint Athanase a redigee par escrit, & laissée à la posterité pour en faire son profit: ensemble tous les combats & assauts qu'il a eu contre les diables, leurs arts & machinations qu'ils ont controuuées contre luy, & tous les autres merueilleux faicts & prodiges de sa vie. Et ce, à fin que son œuvre fust comme quelque liure declaratif de l'institution, ou de la fin & but de la vie monastique: faisant iceluy Athanase en cest endroit, comme il a fait en la vie de Syncletice. A fin que tout ainsi qu'en cestuy-cy les femmes, aussi en celuy là les hommes eussent vn enseignement & instruction laquelle ils suyussent, exprimee comme en vn registre & papier iournal.

Ce saint personnage Antoine eut plusieurs disciples, qui tous furēt fort gens de bien, & qui assez heureusement ont imité leur maistre, tant en forme de vie, qu'en application de soy à toute sapience, & autre vertu, lesquels ont philosophé, partie en Egypte, & Libye, partie en Palestine, Syrie, & Arrabie. Ce sont ceux qui entre les moines ont esté les plus excellens, ensemble leurs successeurs. Or seroit il par trop penible & laborieux de faire recherche de tous ceux qui en ceste sorte ont à Dieu dédié leur vie, ou bien d'apprendre d'eux les choses qu'on doit faire: veu principalement que de tout leur soing se sont estudiez, que tant leurs personnes, que leurs faits fussent à tous cachez. Qui ne faisoient pas ainsi que font les moines de nostre temps, lesquels ne font autre chose que de troter, aller & venir ça & là par les rues & places des villes, se panadant & montrant avec toute dissolution, arrogance & vaine ambition. Il y a dōc eu maints honorables hommes, qui en cest estat l'ont entuiuy: & sur tous autres ce grand personnage Paul, qui pour sa vertu fut surnommé Le Simple. On dit de luy, que comme il fist sa demeure aux champs avec sa femme, qui estoit fort belle, aduint vn iour entre autres qu'il la trouua en vn crime par trop abominable, couchée avec vn paillard: parquoy en sous-riant, enuy & contre son cueur, fit serment de n'habiter iamais avec elle, & dès l'heure incontinent la laissa, & s'en vint trouuer saint Antoine au desert. On dit qu'il estoit homme fort doux & amiable, & qu'il auoit auant toutes choses obeïssance en singuliere recommandation. Il s'efforçoit à son possible d'atteindre la perfection de son maistre, tant en vie monastique, qu'à tenir fort, & combattre contre les diables, mettant toute peine & diligence, qu'en son imitation & poursuite ne se trouuast chose qui forlignast d'iceluy. Lequel maistre ayant receu tesmoignage de sa perfection en la bonne institution & philosophie monastique, protesta que d'ores en auant il n'auoit plus que faire de precepteur ny d'homme qui l'enseignast. Disant que de soy-mesme sans instructeur, il philosophoit fort bien en l'aage de vieillesse où il estoit, pour n'auoir point aprins de sa ieunesse ceste discipline, & auoir n'aguere entrepris ce combat.

*Vraye felicité.*

*Fort bon en seignement d'une vie Chrestienne & honeste, conforme à l'homme de bien, que descript Virgile en ses opusculs. Defence des opprimez.*

*Ce qu'est le poisson hors l'eau, est le moine en ville. Moderatio d'esprit.*

*Dire de S. Antoine, fort gentil. Athanase a mis par escrit la vie S. Antoine.*

*Es vies des peres, Syncletice est al leguee centre les saintes abbeses.*

*Disciples & imitateurs de S. Antoine.*

*Description des moines de nostre temps.*

*Paul le Simple.*

*Perfection de Paul, disciple de S. Antoine.*

Dieu aussi confirma du ciel, par son autorité, ce que saint Antoine auoit de luy prononcé : de maniere qu'en peu de temps le rendit tant excellent, que mesme il surpassoit son maistre, quant à supplanter & vaincre les diables à la luitte, & à rembarrer leurs efforts.

*De S. Amon : & de Eutichien, qui faisoit sa demeure es deserts  
du mont Olympe, qui est en Eshinie.*

CHAP. XLI.

*Amon E-  
gyptien.*



E ce mesme temps aussi pareillement florissoit Amon Egyptien, lequel par contrainte de ses parés & familiers auoit prins femme, avec laquelle neantmoins, selon la coustume de gens mariez, n'eut onc iamaïs à faire: Car quand le iour des nopces fut venu, & que suyuant la coustume, on eut amené l'espousee en la chambre où ils deuoyent coucher, estās seuls, se print à luy dire, que leurs nopces auoyent ia prins fin, & l'informa du grand bien qui leur aduiendroit si ensemblement ils pouuoient viure en leur virginité. Et luy ayant fait vn discours des loyers qu'ont ceux qui viuent en continence, s'efforça de luy persuader de suyure tous deux

*Vn homme  
& vne fem-  
me mariez,  
viuent en  
continence,  
ensemble-  
ment l'espa-  
ce de dix-  
huit ans.  
ils se sepa-  
rer à la fin,  
à fin qu'ils  
puissent  
mieux suy-  
ure la phi-  
sophie mo-  
nastique.*

& mener vie solitaire. A quoy s'accorda volontiers la pucelle, en l'ouant grandement ses paroles: toutesfois elle ne se voulut onc totalement separer de luy. Parquoy Amon vescu avec elle par l'espace de dixhuit ans en ceste façon, couchās tous deux à part l'un de l'autre, en honorāt par ce moyen, & reuerant l'institution de vie, laquelle est selon Dieu. A la fin ceste femmelette, esmeue du grand & affectionné zeile de son mary, & ayant bonne esperance & couraige estima estre chose inique, d'estre cause qu'un tel, & tant saint personnage, fust ainsi caché, & ne vint en bruit. Et pensant qu'elle exerceroit mieux la pieté, s'ils se separoyent l'un de l'autre, plustost que se tenir ensemble en ceste façon, elle requit d'estre de luy separée par le consentement & accord de tous deux. Et ainsi Amon ayant laissé le gouuernement de sa maison à sa femme, print son chemin vers le costé de midy, & tant chemina par le desert, qu'il vint au lac de Marca: lieu fort solitaire & reculé de la frequentation de toutes personnes, entre le mont de Scetun & de Netrie. Auquel lieu mena vie monastique par l'espace de vingt-deux ans continuels, allant deux-fois l'an seulement veoir & visiter sa femme, & la consoler & inciter à tousiours maintenir ce bon propos de continence. En cel lieu de solitude fut suiuy comme capitaine, de maintes personnes esprinſes de mesme affection que luy, où il fit aussi plusieurs actes miraculeux. Vn grand nombre desquels avec ses beaux dictz, ayans esté entenduz & recueilliz par succession de temps par les anciens moines d'Egypte, qui souloyent lors faire soigneuse recherche de telles choses, & dont leurs successeurs se delectoyent grandement, soit qu'ils fussent redigez par escrit, soit qu'ils se recitassent de viue voix, se celebrent encore par tout pour le iourd huy, & dont chacun en fait fort bien son profit, & y prend grand plaisir. Desquels à fin qu'en ceste hi-

*Exemple de  
honte &  
modestie  
conseruee.*

stoire nous en propositions quelque gouſt, i'y ay bien voulu inserer ceux qui s'ensuyuent. Vn iour ce grand personnage voulant changer de place, & se retirer en lieu plus solitaire que celuy qu'il auoit esleu au parauant avec son disciple Theodore, aduint qu'ils aborderent en vn lieu où il leur conuenoit passer vne fosse pleine d'eau: & pour ce qu'il luy falloit leuer ses habillemens assez hault, comāda à Theodore de se retirer quelque peu arriere, iusques à ce qu'il fust passé,

*Amon est  
transporté,  
par vne ver-  
te diuine,  
oultre la Ly-  
que.*

de peur que l'un ne veist la nudité de l'autre. Mais craignant de se veoir nud luy-mesme, fut soudain enleué par vn moment diuin: de sorte qu'il fut tout esbahy quand il se trouua à l'autre riuē d'icelle fosse, que les habitans du lieu appellent La Lyque. Mais apres que Theodore tout trépé l'eust aussi outre-passee, & fust venu son maistre Amon, & eust veu ses habillemēs & pieds tout secs, pria le bon hōme de luy dire la cause de ce fait: laquelle luy refusa de prime-face, voulant que cela, quoy que ce fust, fust tenu secret. Mais tant l'importuna Theodore, luy promettant que iamaïs ne cesseroit d'insister iusques à ce qu'il luy eust dit, qu'à la fin force luy fut de luy reueler comme le tout s'estoit fait, sous protestation de ne le descourir à personne du monde, pendant qu'il viuerait. Ce qui fut cause que de là en apres il se persuada que cest hōme estoit de quelque nature & cōdition excellente. Or qu'il fust aussi semblablement réply d'une diuine cognoissance des choses passées & futures, ce que nous dirons presentement, en donne

*Autre mi-  
racle d'A-  
mon.*

assez ample tesmoignage: C'est, que quelque enfant issu de mauuais parens, ayant esté vne fois mordu d'un chien enragé, estoit en telle extremite de maladie, qu'on n'attendoit autre chose de luy que la mort prochaine. Lors Amon estant là de fortune, comēça à leur dire: Si vous voulez que vostre fils soit guarý, ne sera pas moy qui le guarira: mais sera vous-mesmes par le regime & medicamēt que ie vous diray: C'est que si vous voulez restituer le bœuf à celuy à qui vous l'avez emblé, l'enfant sera aussi tost deliuré de tout mal. Le bœuf fut réduit à celuy à qui il estoit, & l'enfant incontinent deliuré de toute la douleur & affliction qu'il enduroit. Quelque temps

*S. Antoine  
estant sepa-*

apres Amon vint à mourir, l'ame duquel fut vuee par saint Antoine, estre cōduite & portée au ciel par les vertus diuines en grand honneur & cōpagnie, avec chants & cantiques melodieux.

Et comme



Et comme ceux qui lors estoient avec saint Antoine, le voyans regarder en l'air avec vn tel espouuement, & admirer la maniere de ceste chose si grande, l'enquetaient de la cause d'une telle admiration, il ne la leur voulut celer: ains leur declara tout ce qu'il auoit veu. Ce que puis apres fut confirmé par l'effect qui s'en ensuyuit: Car quelque temps apres estans plusieurs venuz à luy du mont de Scetin, luy annôcans le trespas d'Amon, fut de tous cœgneu que c'auoit esté lors que S. Antoine, tout esperdu auoit regardé avec ciel. Estans l'un & l'autre par cela à bon droit estimez bien-heureux. Amon premierement, pour auoir esté ainsi glorieusement transporté au ciel, de ceste vie presente, & S. Antoine d'autre costé, pour auoir eu cest heur, que telle vision luy ait esté reuelee: veu le grand interualle & long chemin qu'il y auoit du lieu de la residence de tous deux. Voyla quât à ce que les historiens recitēt de saint Antoine & d'Amon.

En ce mesme temps diuertissoit sur le mont Olympe, qui est en Bythynie, vn autre saint personnage, nommé Eutychien, lequel en ce lieu vaquoit à la philosophie monastique. Cestuy, par sa vertu tant participa de la diuine grace, qu'il fit en sa vie plusieurs grands miracles & prodiges, & guarit beaucoup de maladies incurables selō l'art & industrie humaine: Au moyen de quoy l'Empereur Constantin pourchassa affectueusement son amitié & accointance. Or aduint il sur ces entrefaites, que quelque vassal de l'Empereur estant à son seruice, fut soupçonné de vouloir attenter quelque chose au desauantage de la maiesté Imperiale, dont estant accusé & poursuiuy, & de crainte s'estant caché entour ce mont Olympe, fut à la fin prins, & constitué prisonnier. Et comme il fut fort aigrement tourmenté en la prison, ses parens & amis en estans fort compassionnez s'en viennent à Eutychien, qui humblement le prient leur vouloir estre aide en cest endroit, & estre leur embassade vers l'Empereur, pour le supplier vouloir donner grace à ce pauvre prisonnier: & ce pendant qu'il iroit, que son plaisir fust de donner au eunement prouision par son intercession, qu'il eust quelque relache, de pœur que tandis qu'il s'y transporterait, & premier qu'il fust de retour, il ne mourust en prison par l'extremité des tortures. Ce qu'il accorda volōtiers, & aussi tost enuoya aux geoliers & gardes de la prison, les prier de vouloir deferrer ce prisonnier & luy donner repos. Lesquels en ayans fait refus, & ne voulans accorder sa requeste, vint luy mesme en personne iusques là: où il ne fut plustost arriué, que voicy les fermetures & clostures commencerent d'elles mesmes, sans qu'homme y touchast, à se briser: les portes du lieu où le prisonnier estoit gardé, à s'ouurer: les fers qu'il auoit aux pieds & aux mains, ensemble le carquan qu'il auoit au col, à se departir de luy, & à cheoir emmy la place, & avec vn grand bruit s'escarter ça & là. Ce fait, Eutychien s'en va vers l'Empereur, qui pour lors estoit à Constantinople, luy presente sa requeste, luy conte comme le tout s'estoit passé, impetre de luy incontinent la grace de son prisonnier, & le deliure du supplice auquel il estoit condamné, à pur & à plain. Car il fault noter, que Constantin ne trouua iamais difficile ne mauuais, ce que cest homme luy ait demandé, pour l'ardente & affectionnee amitié qu'il luy portoit, l'ayant en singulier honneur & reuerence, pour la sainteté & vertu qui estoit en luy. Toutesfois le bruit court que cest Eutychien tōba par apres en l'heresie de Nouat, & qu'il descheut par ce moyē de la grace qu'il auoit. Voyla ce qu'en peu de mots, nous aucuns trouuē bon de dire de l'institution, maniere de viure, & philosophie monastique. Celuy qui en voudra cercher d'auantage, il trouuera vne grande quantité de liures qui en sont composez, esquels est fait recit de plusieurs excellens personnages, qui en cest aage, & de la en auant ont flory en integrité de vie. Et principalement en ce qu'a escrit d'eux Lausē Preuost. Sophronien pareillement Ierosolimitain, nous en a laissé vne fort vtile histoire, qu'il a intitulée Le Preau, & nouveau Paradis.

*re d'Amon d'un fort grand intervalle de chemin, voit son ame estre portee au ciel par les Anges.*

*Eutychien moine. Socrates, liure 1. chap. 13.*

*Il deliure vn prisonnier, lib. 1. & condamné à la mort.*

*Lausē Preuost, & Sophronien Ierosolimitain ont écrit des saints moines.*

*De trois excellens personnages, en fait de grands miracles, Spiridon, Nicolas & Parthenien.*

*CHAP. XLII.*



Ource que par la promesse que i'ay faicte par cy deuant, de faire mention en passant des saints Spiridon & Nicolas, ie me sentoie obligé, i'ay bien voulu m'en acquitter en ce lieu: Car quāt est des autres Confesseurs & Hierarches qui ont fait & enduré choses innumerables & merueilleuses, & vn grād nombre desquels par la vertu de la grace qui estoit en eux, ont aussi ressuscité les morts, nous en auons traité au dessus. Et mesme de S. Spiridon qui a eu tant de grace du S. Esprit, que la renommee qui encore iusques à present se celebre de luy, peult donner suffisant temoignage de sa vertu: Car bien qu'il fust nourry au village, & s'y pleust plus qu'en la ville, & y fust marié, ayant femme & enfans, ce nonobstant il n'a pour tout cela en rien esté pire ny moins idoine aux choses diuines, que si sa nourriture eust esté autre. Car il estoit homme de telle sainteté, que pour la prelatüre Episcopale, qui par fort diuin luy estoit escheue, de la cité de Trimmythe, qui est l'une des villes de l'Isle de Cypre, il n'abhorroit la vie pastorale: & estoit tāt reculé de tout orgueil & arrogāce, qu'en vn & mesme lieu, il scauoit fort bien paistre les brebis de pasture & fourrage, & les hommes de doctrine & exemple de bonne

*De saint Spiridon, pasteur ensemble d'hommes & de brebis, à sçauoir par son sainte que, & Trimmythe, ville de Cypre: & de ses moines.*

G g ij

*Larrons estés  
par diuine  
permission  
miraculeu-  
sement liés  
s'amendant  
de leurs  
fautes.*

*Irene fille  
de Spiridon  
estant mor-  
te & enter-  
ree, de de-  
dés son sé-  
pulchre par  
le à son pe-  
re, & luy  
enseigne en  
quel lieu  
elle auoit  
ensouy vn  
ioyau, qui  
par son ho-  
ste luy auoit  
esté baillé en  
garde.*

*Vn pareil  
miracle se  
dit de S.  
Stanislaen,  
Euesque de  
Cracovie,  
en Polo-  
gne.*

*Serpent con-  
uertie en or.*

*Vn desloyal  
emprunteur,  
est icy en-  
seigné par mi-  
racle, de se  
maintenir  
en son de-  
voir.*

*Autre mi-  
racle d'un  
marchant  
desloyal.*

& sainte vie. Mais pource que maintes choses sont de luy recitees en vn liure, qui est expressement composé de sa vie, tant de crainte que ie n'encoure le crime de nonchalance, que aussi qu'il ne semble que ie sorte par trop loing hors mon propos & dessein, ie ne feray en ce lieu cy mention que de deux ou trois de ses plus excellés faicts. On dit dōc qu'une fois entre autres, quelques larrons seruerent de nuit en la bergerie de ce saint homme, en intention de surprendre les brebis, & d'en embler quelques vnes furtiuelement: mais ils furent esbahis que nul estant là pour les agguetter, ny pour les enfermer avec sēps & menottes, par diuine permission ils se trouuerēt liez & garrotez. Le iour ne fut plustost éclaircy du lendemain, que voicy venir en la bergerie ce grand personnage, pour veoir son troupeau: où ayant trouué ces larrons auoir les mains liees derriere le doz, se prend à soubrire, & leur deslie les liens qui ne tōbent point sōubs la veue humaine, en les enseignant & admonestant, que s'ils eussent eu besoing de quelque chose qui fust en sa puissance, & luy eussent honestement demandé, qu'ils n'en eussent point esté refusez: & qu'il n'estoit ia mestier de prendre tāt de peine la nuit: mais que cela se deuoit faire en plein iour, avec requeste & declaration de ses necessitez. Au demeurant, qu'il falloit changer ceste meschante vie, & la transformer en meilleure, & gagner leur pain par gain bon & loyal, & non par larcin. Apres ces remonstrances, ayant à la fin pitié de leur misere, Allez vous en (dit-il) & emportez ce mouton quant & vous, à fin qu'il ne semble qu'ayez veillé ceste nuitée pour neant, & que ne me repreniez de vous auoir laissé aller vuides, pour les peines qu'avez prinſes en ma maison. Voyla vne des choses que facieusement, & non sans grande admiration, Spiridon fit. Ny n'est aussi moins emerueillable ce qui s'ensuit. Ce saint homme auoit vne fille, qui se nōmoit Irene, vraye fille d'un si excellent pere: Aduint vne fois que quelcun de ses familiers luy bailla en garde quelque ioyau & enseigne, qu'on a coustume de porter par honneur & singularité, qui estoit de grand prix & valeur. Elle, à qui cela auoit esté singulierement recommandé, pour le tenir plus seur & certain, pensa qu'il seroit en plus seure garde, si elle l'efouissoit en terre en quelque lieu de sa maison: Ce qu'elle fait. Quelque peu de temps apres, elle va mourir, sans dire ne faire entēdre à personne par indice, ou autrement, le lieu où elle l'auoit mis. Quelques iours apres, celui qui luy auoit baillé en garde, vient le redemander, & ne le trouuant, tantost en accusant, tantost en priant, importune merueilleusement Spiridon. Mais apres l'auoir long temps cherché par toute sa maison, & ne le trouuant point, ce bon homme pensa que la perte de son hoste, qui tant se tourmentoit, l'arrachoit les cheveux, & perdoit entierement sens & raison, seroit la ruine & destruction. A la fin, apres auoir encore de rechef bien tourné & viré tout son menage, & ne trouuant ce qu'il cherchoit, luy va dire: Or sus, puis que rien ne se trouue, & que n'en pouuons auoir autre nouuelle, allons nous en au tombeau où ma fille est enterree, & luy demandons où elle a mis vostre bague. Ce qu'ils font: & estans là venuz, Spiridon appelle la fille par son nom, & luy demande où elle auoit mis ce ioyau. A la voix duquel, soudain s'apparut là ceste fille: & fait entendre exactement à ce saint homme, comme le tout s'estoit fait, & le lieu où elle l'auoit posé: Et ce dict, rentre aussi tost en son sepulchre. Et ainsi Spiridon ayant trouué ce depost au lieu qui luy auoit esté enseigné, le rend à cest homme, & luy donne congé. Voyāt aussi vne fois quelque homme qu'il cognoissoit estre tombé en indigence & pauvreté, & n'ayant pour l'heure de quoy luy subuenir, ayant trouué vn serpent qui se couloit le long d'une haye & vieille muraille, le conuertit en or, & le donna à ce pauvre homme, à fin qu'il empruntast de l'argent dessus, & s'en aidast & consolast son indigence. Quelque temps apres que cest homme eust dechassé pauvreté arriere de soy, & se fust quelque peu enrichy, rendit cest or à Spiridon en la mesme forme qu'il luy auoit baillé: lequel il remit aussi tost pres de la haye, au mesme lieu qu'il auoit prins le serpent: & son oraison faicte, cest or reprint encore sa premiere nature de serpent, par l'intercession de ce saint homme: & se trainant & entortillant comme au parauant, rentra en ses cauernes. Mais il me semble bon de faire encore d'auantage mention d'un sien autre fait fort notable. Ce saint homme auoit ceste coustume, quand il vendoit ses grains & autres fruiſts qu'il recueilloit de ses heritages, partie de les distribuer & eslargir aux pauvres, partie de les prester à ceux qu'il scauoit en auoir affaire, sans exigence aucune d'vsure, profit, ou interest. Donc, fust qu'il donnast, ou qu'il receust quelque chose, cela iamais ne se faisoit par ses mains: mais ayant montré vn grenier à part, à ceux qui venoyent vers luy pour emprunter, leur commandoit ou de prendre en ce lieu ce qu'il leur estoit de besoing, ou d'y remettre ce qu'ils auoyent emprunté pour leur vsage. Comme donc ces choses se pratiquassent en la sorte, aduint vn iour que quelqu'un vint soy disant vouloir rapporter ce qu'il auoit emprunté, auquel il commanda, suyuant sa coustume, de le reporter au grenier où il l'auoit prins: Mais au lieu de le remettre, il l'emporta plustost. De façon, que tant s'en fault, qu'il restituast ce qu'il deuoit, qu'encore d'abondant, ainsi qu'un hauet ou vn croc, emporta quant & soy autre chose, & s'en alla: comme s'il eust payé ce qu'il auoit emprunté. Mais son fait ne peut estre tenu secret: Car quelque peu de temps apres, il reuint encore vers le bon homme, pour de rechef emprunter: Lequel, selon sa coustume, luy commande d'aller à ses greniers, & prendre

prendre ce qui luy seroit de besoing. Où venu, ne trouue point de bled, & le vint dire au saint pere. Qui adonc luy dit : Vrayement c'est merueille qu'à toy seul mon grenier semble estre vide. Parquoy (dit-il) il te fault penser, que tu n'as garde d'y rien trouver maintenant, puis que tu n'y as rien mis par cy deuant : Car sois assuré, que s'il n'y auoit fallace & tromperie en toy, que tu y trouuerois ce que tu cerches. Retourne y donc encore vn coup, avec vne certaine & assurée fiance, que tu y en dois trouuer : Et ainsi finalement ce trôpeur ayant esté par ce moyen descouuert, demanda au saint homme pardon de sa fraude. Pareille chose aduint aussi vne fois à vn autre, qui auoit acheté des bestes à laine de luy. Il auoit acheté iusques à cent brebis, au nombre desquelles il y mit quant & quant vne cheure, qui n'estoit pas du conte : laquelle voulant emmener par force, & tachant à l'entraîner quant & luy, ne le vouloit nullement suyure, & par la resistance qu'aucunement elle luy faisoit, & par son beellemēt & cry, deceloit l'iniquité de l'homme. A la fin, apres auoir fait tous ses efforts pour l'emmener, voyant qu'elle ne le vouloit suyure, il la chargea sur ses espaulles : Mais la cheute luy donna tant de coups & de heurts avec pieds & cornes sur le col, qu'elle luy fit lacher prinse, & luy eschappa, & s'en recourut en son estable. Ce qu'ayant sceu Spiridon, l'aduertir de mieux conter vne autre fois, ce qu'il acheteroit, & de ne prendre ce qui ne luy appartenoit. Lequel confessa sa faulte, & pria le saint homme de la luy pardonner : ce qu'il fit volontiers, & lors commanda à la cheure, de suyure ce marchât, de façon qu'elle le suyuit allegrement & sans cōtrainte, & se hastoit par fois en telle sorte, qu'elle alloit deuant luy. Ce sont icy choses miraculeuses, & belles à sçauoir.

Mais pourrois-je passer sous silence, la constance qui a esté en ce personnage, quant à maintenir & obseruer la coustume Ecclesiastique : & sa simplicité, quant à reuerer les diuines traditions obseruees en l'Eglise. Fut vne fois en son Eglise faicte vne assemblee, où se trouua aussi l'Euesque de Ledra, nommé Triphylle, homme versé és lettres, & qui auoit long temps estudié és loix en la ville de Beryte : Auquel, pour le sçauoir qui estoit en luy, fut commandé par les Euesques de faire le sermon & exhortation au peuple, où Spiridon assistoit. Et comme il allegast ce passage duquel Iesus-Christ vfa en guarissant le Paralytique, où il est dit ainsi : Emporte ton grabat, & t'en va : au lieu qu'il deuoit dire Grabat, il luy aduint de dire Liēt. Ce que trouuant mauuais Spiridon, & en estant fâché, se leua de sa chaire episcopale, & en presence de toute l'assemblee : *b* Comment, dit-il, és tu plus excellent que celuy qui a vſé de ce mot Grabat? Bonté de Dieu! as tu donc honte de vouloir vſer en toute grace & bienséance des termes d'iceluy? Par lesquelles paroles, ce bon Euesque s'efforça de rabaisser l'audace & arrogāce de ceux qui par leur parler affecté s'excellent. Ce qu'il peut bien & deuement faire iāçoit qu'il fust homme au demeurant entierement apert, simple, & sans malice. Aussi estoit il personne fort venerable en dignité & honneur, tant à cause des merueilleux œuures qu'il faisoit, qu'à raison de son vieil aage : & mesme qu'il estoit fort renommé pour sa charge episcopale, en laquelle il estoit tousiours porté en toute syncerité & grauité. Je veuz encore mōstrer, combien il fut courtois & humain à recevoir ses amis. Le grand ieusne de la quarantaine se celebroit, quand quelqu'un de ses amis le vint veoir de loingtain pays, & mesme au temps qu'il ieusnoit le plus estroitement : car il y auoit quelques certains iours, esquels il s'abstenoit totalement de viandes, & puis le lendemain il prenoit son repas. Voyant donc qu'en ces sacrez iours son amy l'estoit venu veoir de loing, & qu'il estoit fort las & trauaillé du long traiēt du chemin qu'il auoit fait, commanda à sa fille de luy lauer les pieds, & que soudain elle accoustrast à soupper. Elle luy respondit qu'à cause de la presente abstinence & du ieusne, qu'il n'y auoit en la maison ny pain ny farine, ny autre prouision. Quoy ayant entendu ce bon Euesque, fit sa priere à Dieu, & puis commanda à sa fille de prendre vne :: fliche de lard qui pendoit à la cheminee, & qu'elle la fit rostir au feu incontinent. Laquelle, apres auoir esté assez rostie, fut appoſée sur table, où Spiridon estoit assis pres son hôte, lequel en print & en mangea le premier, incitant son hôte à faire le pareil. Chose qu'il refusa faire, se disant estre Chrestien : ioinēt aussi qu'il se passeroit bien de manger chair en ce saint temps. Adonc Spiridon luy fit remonſtrance, que pour l'indigence & souffrete des choses, il ne deuoit reietter ny contemner viande quelconque qui luy fust presentee : disant, qu'il y auoit l'oracle diuin, qui declaroit toutes choses estre nettes à ceux qui sont nets. Il y a plusieurs autres choses semblables, qui ont esté faictes par luy, que nostre institution ne nous permet pas presentement reciter de pœur de la prolixité, lesquelles aussi Ruffin a redigees par escrit en langue Latine : & maintes autres choses appartenantes au fait Ecclesiastique. A tant soit dit de Spiridon. Florissoit aussi en ce mesme temps saint Nicolas, Euesque de Myrre, qui est en Lycie, en integrité de vie, simplicité de mœurs, & conuenance de nature, semblable à Spiridon : en miracles pareillemēt, & en soigneuse & certaine obseruation de la doctrine de Dieu. On dit de luy, qu'il estoit de telle grace, que nul ne le frequentoit, ou ne parloit à luy familiarement, pourueu qu'il le fit de bonne volōté, qu'il ne puisast de la fontaine de ses graces, ie ne sçay quoy de don de Dieu, & ne receust de là quelque efficace & vertu pour ordonner & confermer sa vie à toutes bonnes œuures. Quant à ses miracles & saintes actions, ie n'en diray autre chose pour le present, d'autant qu'elles sont à tous notoires & cōgneues.

*Les escolles des loix cōroyent iadis fort belles, en la ci-  
té de Beryte.*

*Offices & deuoirs de hospitalité.*

*:: Il dōne à repaistre à son hôte d'une fliche de lard en un iour de Carême : Car aussi diserte, charité, & bōne conscience nous diffèrent de la difference des viandes. S. Nicolas Euesque des Mirriens, en Lycie, oncle d'un autre Nicolas surnommé le Miris-*

# LIVRE VIII. DE L'HISTOIRE ECCLESIASTIQUE

que, ou fai-  
seur de mer-  
veilles, au-  
quel il lais-  
sa sa place.  
l'Arthenien  
Euesque  
Helleponti-  
aque.

Parthenien semblablement, Euesque d'une cité sur l'Hellespont, fut en ce temps la conforme à ceux-cy, homme fort illustre, tant pour la splendeur de sa bonne & sainte vie, que pour son humanité, & grands miracles & prodiges. De maniere que par la puissance qu'il avoit reçue de Dieu, il a resuscité les morts, commandé aux diables, & guary plusieurs & diverses maladies, non moins gratuitement, que promptement. Soit icy parlé de ces saintes personnes. En cette maniere donc se peuploit lors & dilatoit la doctrine de la foy par toutes nations, solitudes & villes, & se manifestoit tous les iours de plus en plus par ses accroissemens en l'Eglise de Dieu, estant par tout esleuee iusques au ciel. Mais nous delaisserons à present toutes ces choses, pour retourner à nostre premier propos, & reprendre ce que lors fut fait en l'Eglise.

*a* Car il estoit homme &c.] *Suidas* escrit que cestuy *Spiridon* estant Euesque, n'eut honte, par la grande humilité & simplicité qui estoit en luy, de paistre les ovaillies. Ce que ne fut de merveilles, en la pauvreté des anciens Euesques. *Socrates*, li. 1. chap. 12. dit de luy, que Dieu luy exhiba avant le temps, la promesse de resusciter les morts, par sa fille, laquelle il rendit de morte vive.

*b* Comment dit-il, &c.] L'Euesque *Triphille* en un sermon allegant par affection & changeant les mots d'un passage de l'Evangile, est repris en plaine assemblée, & devant tous, par *Spiridon*. Lequel s'il vivoit aujour'd'huy que pourroit il dire, je vous prie, de nos nouveaux Theologiens, qui brouillent & confondent ainsi tous ?

*Comment Eusebe & Theognis, ayans présenté requête aux principaux Euesques, contenant leur repentance, furent par le commandement de l'Empereur renvoyez d'exil, receuz en leurs Eglises, & deiettez ceux qui en leur lieu y auoyent esté surrogez.*

CHAP. XLIII.

Les actes du  
concile de  
Nice retra-  
ctez en con-  
souverse.



Le treillouable Empereur mettoit toutes les peines qu'il pouvoit à ce que nostre religion print tous les iours de plus en plus accroissement : car il estoit homme d'un esprit du tout apostolique, & entierement celeste & diuin. Or faut il noter, qu'entre les prelatz des Eglises & magistrats des choses sacrees, il y en avoit lors plusieurs qui auoyent deliberé, non d'edifier l'Eglise de Dieu avec luy, mais au contraire, de la totalement destruire & euertir iusques aux fondemens, come il vous sera monstré cy apres, par la description que nous en ferons. Premièrement, *Arrius* avoit esté condamné, tant par la censure du Concile, que par celle de

*Arrius* re-  
voyé d'exil.

l'Empereur, & puis exilé. L'avoit aussi pareillemént esté *Eusebe* Euesque de *Nicomédie*, avec ses complices & adherans, lesquels certes auoyent bien souscrit à la profession de la foy, mais ils n'auoyent pas voulu approuver par leurs sentences, la degradation & expulsion d'*Arrius*. Lequel toutesfois quelque peu de temps apres le Synode de *Nice*, fut renvoyé d'exil, avec prohibition neantmoins & defense à luy faicte de n'aller ny frequenter à *Alexandrie*. Si est-ce que par les menées d'*Eusebe*, de là à quelque temps, il eut congé & permission d'y retourner aussi bien que iamais, apres qu'il se fut desdict des propositions & erreurs qu'il avoit mis en avant : ce que nous reciterons tout à plein en son lieu. Quelque peu de temps apres, aussi *Eusebe* & *Theognis* furent restituez en leurs Eglises, & en furent deiettez ceux qui auoyent esté surrogez en leur lieu, à sçavoir, *Amphion*, de celle de *Nicomédie*, & *Chreste*, de celle de *Nice*. Quant à la requête qu'ils proposerent, elle fut telle, comme ie l'ay bien voulu icy inserer de mot à mot.

*Eusebe & Theognis*  
rentrent en  
leurs Eglises.

Le libelle  
de leurs re-  
pentance.

Ils souscri-  
rent au for-  
mulaire de  
la foy du co-  
ncile de Ni-  
ce, mais nō  
à la condā-  
nation de  
*Arrius*.

Comme soit (messieurs) que de vos sentences, avant que fussions esté ouys en nos iustificacions, depuis quelque temps en ça, ayons esté condamnez par vostre pieté & reuerence, il a esté bien raisonnable de nous taire & endurer patiemment ce qui a esté contre nous ordonné par vostre saint Concile : Mais pource que ce seroit chose par trop absurde de donner à nos calomniateurs probation & indice de iuste accusation par nostre silence : à ceste cause nous nous sommes bien voulu rapporter à vous, & vous en faire iuges, si avec vous nous n'auons pas consenty à la profession de la foy accordée au Concile : & si apres avoir meurement examiné l'opinion mise en avant, touchant la consubstantialité, nous n'auons pas esté d'accord avec vous, sans avoir adheré à heresie quelcōque. Bien vray est, que pour mieux asseurer les Eglises, nous auons mis en dispute ce qui nous est venu en fantasie : Mais estans à la fin du tout persuadez de la verité, ensemble tous autres à qui il appartient de l'estre par nous, nous auons souscrit à la foy. Vray est, que n'auons pas voulu consentir à l'anathematization qui par vous avoit esté decretee contre *Arrius* : non pour tant que par cela nous voussissions reprendre ce qui avoit esté ordonné touchant la foy, mais l'auons fait comme ne croyans pas que l'accusé fust tel. Car tant par ses lettres qu'il nous a enuoyees, que par tous les propos qu'il a iamais tenu devant nous, nous n'auons onc sceu ne cogneu de luy au certain, qu'il fust tel : Mais si vostre saint Synode a eu autre aduertissement, & a cogneu du contraire, nous n'y repugnons aucunement : ains accommodans nostre consentement à vos decrets, nous le confirmons de pleine & entiere foy par ces pre-

» ces presentes. Non certes, que le bannissement nous soit ennuyeux, mais le faisons pour reietter  
 » de nous tout soupçon d'heresie. Que s'il vous plaist que comparions deuant vous, vous nous  
 » aurez d'accord avec vous en tout & par tout : & par mesme moyen suyuerés toutes vos ordon-  
 » nances & constitutions. Et comme soit qu'il ait pleu à vostre pieté d'humainement reuoyer ce-  
 » luy qui sous le nom de ce crime a esté deferé, nous trouuons estrange que puis que celuy qui  
 » a commis le delict apres sa reuocation, a rendu raison, & s'est iustificié de ce qui luy estoit imposé,  
 » que nous nous taisions, & que par ce moyen nous donnions occasion de reprehension encon-  
 » tre nous, & que soyons mal estimez & mal venuz de tous. Parquoy nous vous supplions que  
 » vostre bon plaisir soit (ainsi que vostre pieté le requiert) de faire entédre toutes ces choses au bie  
 » ayme de Dieu Empereur, en luy presentant nos humbles requestes & supplications; à fin que  
 » tout aussi tost vous ordonniez ce que verrez estre à faire de nous.

*Eusebe &  
Theognis  
abusés de  
la bonté de  
l'Empereur  
Constantin,  
lequel So-  
crates dit  
s'en estre al-  
lé aux par-  
ties Occide-  
ntales, apres  
le concile de  
Nice, lin. 1.  
chap. 13.*

Eusebe donc & Theognis apres auoir rechanté ceste palinodie, furent r'appellez d'exil, & re-  
mis en leurs Eglises, en reiettant ceux qui en leurs places y auoyent esté constituez, comme il a  
esté dit cy dessus. Et par ainsi estans reuestus sous ce pretexte de peaux de brebis, se monstrent  
loups puis apres. Car abusans de l'humanité de l'Empereur pour trouuer plus grand moyen de  
seduire par apres, se voyans remis en premiere dignité, & auoir continuelle entree en la cour  
Imperiale, firent de grandes meschancetez; comme nous dirons cy apres.

*Comment apres le decez d'Alexandre, Athanase print la charge de l'Euesché d'Alexandrie:  
 & de sa nourriture dès son enfance: & comme n'ayant esté instruit que de soy-mesme  
 au fait Ecclesiastique il fut fait prestre, & grand amy de saint  
 Antoine: & des calomnies & embusches  
 que les Arriens luy dressèrent.*

CHAP. XLIIII.



N ce mesme temps, sur le cinquiesme mois d'apres la celebration du  
 Concile de Nice, Alexandre Euesque d'Alexandrie, estant venu à la fin de  
 ses iours, prest à mourir, par l'ordonnance du iugement de Dieu (comme  
 il est à coniecturer) delaisa successeur de son siege episcopal, le celebre &  
 renommé Athanase, lequel toutesfois le refusoit tousiours, & n'en vou-  
 loit aucunement prendre la charge, quelque instance & persuasion que  
 luy en peust faire Alexandre, comme fort bien le declare ce qu'en a lais-  
 sé par escrit Apollinaire Syrien, ainsi qu'il l'ensuit: Non obstant cela  
 (dit-il) l'impieté ne cessa de faire la guerre. Mais tout premierement, elle  
 print les armes contre le bien-heureux maistre de ce saint personnage: auquel neantmoins  
 tousiours il assista, & print la cause en main, comme le fils celle du pere: puis contre cestuy-cy  
 pareillement, apres qu'il fut paruenue à la succession de l'Euesché, en ayant longuement au par-  
 auant reculé la lice d'iceluy, mais à la fin y ayant esté promu & introduict par le conseil de  
 Dieu. Comme aussi il auoit esté par diuins indices signifié au saint homme, qui comme en main  
 luy bailla ledit Euesché, à sçauoir, que nul autre ne luy succederait, que celuy-là. Car Alexandre  
 estoit euoqué de ceste vie mortelle, & ia proche de la mort, quand il appella Athanase par son  
 nom, pour lors absent. Et comme quelque autre qui portoit mesme nom, là present, luy eust res-  
 pondu, Alexandre ne luy fit point de response, ains se teut tout quoy à sa voix, comme à celle de  
 celuy qu'il n'auoit pas appelé: parquoy il appelle encore vn coup Athanase. Et comme il reite-  
 rast le mesme nom souuent, à la fin cest Athanase qui là assistoit, voyant que ceste parole ne s'ad-  
 dressoit pas à luy, se teut, & l'autre qui estoit absent, fut déclaré Euesque. Adonc par vn esprit  
 prophetique, le bien-heureux Alexandre dit: ô Athanase, tu cuides euader, mais tu n'eschap-  
 peras pas. Par ou il monstroir, qu'il estoit appelé au combat Chrestien. Voyla ce qu'en escrit  
 Apollinaire.

*Athanase  
successeur  
d'Alexandre  
en l'Euesché  
d'Alexan-  
drie.  
Dire d'Apol-  
linaire tou-  
chant la suc-  
cessio d'A-  
thanasie en  
l'Eglise d'A-  
lexandrie.  
Athanase  
constitue E-  
uesque con-  
tre son vou-  
loir par Ale-  
xandre.*

Toutesfois les Arrianistes disoyent par tout, qu'apres le trespas d'Alexandre, tant ceux qui  
 voyent tenu le party de Melitie, que ceux qui auoyent suiuy celuy d'Alexandre, s'assemblerent  
 ensemble en conseil, & que d'une part & d'autre vindrent en ce lieu cinquante quatre Euesques  
 de toute la Thebaïde & de tout le reste du pais d'Egypte, & qu'estans là assemblez fut entre eux  
 ordonné, que par cōmuns suffrages seroit par eux esleu celuy qui presidoit sur l'Euesché d'Alexan-  
 drie. Mais que quelques vns d'entre eux iusques au nōbre de sept Euesques, ayans faulx le ser-  
 mēt qu'ils auoyēt fait, & subornez par les menees d'Athanase, firent electio de la personne furti-  
 uement & à l'emblee, au contraire de l'opinio & vouloir de tous les autres, en l'Eglise de saint  
 Denys. Quant à moy, ie ne puis croire, qu'un si grand personnage soit iamais paruenue à ceste di-  
 gnité par voye illicite, & sans le vouloir diuin: lequel certes estoit tel, que ces temps là le re-  
 queroyent, pour estre homme fort suffisant & idoine, tant à entendre, qu'à bien dire, & escrire  
 les choses qui concernoyēt les affaires Ecclesiastiques, & qui pouuoit toucher & faire cōqueste

*Les Arriens  
taxēt faul-  
xement Atha-  
nase d'auoir  
esté malles-  
ment esleu  
Euesque.  
Par le vou-  
loir diuin  
Athanase  
est esleu E-  
uesque, selō*

*que dit so-* de tout ce où volloit son dard : & qui finalement estoit tres-vigoureux pour faire teste & res-  
*Homene &* stance à toutes les embusches qu'on luy pouuoit dresser. D'auantage, il estoit homme fort Eccle-  
*Nicefore.* siastique & bien dui & propre au seruice diuin, & qui (par maniere de dire) estoit à telles cho-  
*Athanasie* ses de luy mesme apprins & instruit. De façon que, ainsi que lon dit, n'ayant pas encore atteint  
*appelle af-* l'aage de quatorze ans, il y auoit ia en luy, ie ne sçay quoy de diuin ombrage, & qui par quel-  
*dodida-* que indice & remonstrance externe se representoit en luy. Or fault il entendre que les Alexan-  
*Etos, c'est à* drins font tous les ans quelque feste fort solénelle, le iour que leur Euesque saint Pierre souf-  
*dire, de soy-* frit martyre pour la cõfession du nõ de Iesus-Christ. Alexadre, qui estoit lors Euesque, celebrait  
*mesme en sei-* aussi la feste selon la coustume du pais, & apres que le seruice de l'Eglise fut paracheuë, il estoit  
*gné & in-* attendant ceux qui deuoyent disner avec luy. Et comme il fut assis au plus eminent lieu, tourna  
*seruicet, sans* la veüe vers la mer, où il veoit iouer quelques enfans sur le sable. Leur ieu estoit, l'imitation &  
*aide d'au-* contrefaçon des choses sacrees qui se font en l'Eglise, & à la fin l'election & establissement de  
*truy.* l'Euesque. Or n'y auoit il en tout cela aucun mal ny danger : Mais quand ces enfans vindrent à  
*Athanasie* contrefaire les plus secrets & plus haults mysteres & ceremonies où il ne falloit pas toucher, il  
*n'ayāt enco-* trouua cela mauuais, & ne voulut endurer : parquoy appella les premiers du clergé qu'il auoit  
*re atteint* en sa compagnie, & leur ayant monstré ces enfans, commanda qu'on les luy amenast. Ce qui fut  
*l'aage de* fait : & estans venus deuant luy, les interroge de leur ieu, leur recitant par ordre tout ce qu'ils  
*quatorze* auoyent là fait. Ces enfans, espris de honte & crainte, nient premierement le fait : Mais estans  
*ans, ayāt e-* par luy menacez d'auoir le fouët, fils ne confessoyēt verité, à la fin luy declarerent cõme le tout  
*st̃ esleu E-* l'estoit passé : à sçauoir, comment Athanasie ayant esté par eux esleu Euesque, en auoit baptisé  
*uesque par* plusieurs, & les autres par l'imposition des mains ordonné prestres & diacres, & mis au rang &  
*des enfans* degré des Ecclesiastiques. L'Euesque s'enquiestant plus amplement de tout cest affaire & com-  
*en iouant,* me c'estoit qu'ils y auoyent procedé, & que quand cest Euesque vmbratil & contrefait auoit  
*fait l'office* tenu les ordres & baptisé, qu'auoyent lors respondu ceux qui de luy auoyent esté ordonnez &  
*d'Euesque.* baptisez : trouua par leur confession, qu'en tout & par tout auoit esté gardee & obseruee la tra-  
*sozomene,* dition Ecclesiastique. Parquoy, ayant le tout mis en deliberation avec les autres Euesques qui  
*li. 2. ch. 17.* l'accõpaignoyent, il fut de luy resoult & arresté, que ceux qui par simplicité auoyēt esté vne fois  
*Ceux mes-* faits dignes de la grace de Dieu, ne seroyent de rechef baptisez. Et quant à ce qui est de l'estat &  
*me qui par* office du prestre, il cõmanda qu'il fust accõply en mystere, *comme declarant que c'estoit un presage de*  
*ieu sont ba-* leur promotion au mynistere de l'Eglise avec le temps. Et amena les enfans en l'Eglise en mesme ordre  
*ptisez, ne* qu'ils auoyent commencé en leur ieu, en attestant Dieu de tout ce qui par eux auoit esté fait. Et  
*doyuēt l'e-* les liurant es mains des parens à qui ils estoient, leur enchargea d'estre garde d'eux, à ce qu'ils  
*stre de re-* ne tombassent en quelque inconuenient, & les fissent instruire pour profiter en leur institution  
*chef : mais* Chrestienne, à laquelle dès leur enfance auoyent esté appelez. Et sur tous les autres, il recom-  
*les ceremo-* manda en cela Athanasie, lequel par apres il print en sa maison pour luy seruir de secretaire, &  
*les doiuent* auoir le maniemment de ses affaires. Auquel estat fit tant bien & fidelement son deuoir, qu'il le  
*estre en eux* print en singuliere amitié, & quelque peu de temps apres l'esleua en l'ordre & degré de diacre.  
*seulement ac-* Plus, estant versé es lettres humaines, Rhetorique & Philosophie, apres auoir autant ac-  
*complies.* quis de ces arts & sciences, qu'il en estoit besoing pour sa capacité & profession Ecclesiastique :  
*Athanasie* craignant encore d'estre surmonté par ceux qui pour lors excelloyent en icelles sciences, s'en  
*secretaire* voulut aller à Nicee, pour illec y profiter d'auantage, où il se montra vaillant au combat de la  
*d'Alexadre,* dispute, de façon qu'il fut estimé celuy qui donnoit meilleures resolutions de tout ce qui en ce  
*& ordonné* ne aage laissoit il argument à vn chacun qu'il fut homme sage, graue & s'entant son vieillard :  
*par luy dia-* Mais sa gloire & renom s'esclarcit bien d'auantage, sa vertu se confirmant & approuuant en tou-  
*cre.* res choses, apres le trespas d'Alexandre, & qu'il luy eut succédé en l'Euesché. Laquelle sienne  
*Il aida beau-* vertu luy augmenta beaucoup d'auantage, & illustra le grand saint Antoine, tant en attestant  
*coup par son* tout bien de luy, qu'en obeissant aussi à tout ce qu'il luy commandoit : Car pour l'amour de luy  
*sçauoir au* il se transporta souuentes fois des montaignes où il se tenoit, es villes, & conuersa en l'Eglise a-  
*Concile de* uec luy. Il se ioignit aussi au iugement qu'il auoit de Dieu, estant aduersaire & ennemy de ceux  
*Nice.* qui prenoyent inimitié contre luy, comme celuy qui estoit son cordial & singulier amy. D'auan-  
*Excellente* tage, les Arriens qui avec Melitie auoyent remply toute l'Egypte de troubles & esmotions, illu-  
*gloire d'A-* strerent beaucoup plus & firent accongnoistre Athanasie de quelle vertu & magnanimité il es-  
*thasie.* toit, qu'au parauant. Car pour toutes les embusches que incessamment ils luy dressoyent, ils ne  
*Les Arriens* pouuoient tant faire qu'ils le peussent prendre aucunement en desfarroy, ainsi qu'ils le desi-  
*sont cause* roient. Eusebe, d'autre costé, auoit esté de n'aguere reuouqué de son bannissement par l'Empe-  
*qu'Athana-* reur, de quoy se rendant plus arrogant & fier que iamais, & mesme qu'il se veoit estre en hon-  
*se est beau-* neur & credit par ledit Empereur, lequel cuidoit qu'il se fust retourné de sa meschante opiniõ,  
*coup plus il* & qu'il eust embrassé la droicte pieté, il vsurpoit vne liberté, qui n'estoit pas petite. De laquelle  
*lustre &* abusant par vne trop audacieuse outrecuidance, il excita de rechef vn plus grand trouble en l'E-  
*celebré.* glise qu'il ne s'estoit encore fait, tant pour la faulse & deprauée opinion qu'il auoit, que pour  
 les inimitiez qu'il auoit princes contre Athanasie, dès lors qu'au Concile il s'estoit hurté contre  
 luy,



luy, cōme contre le bouleuert & forteresse de la vraye pieté. En premier lieu, les Eusebianistes reprenoyent son electiō, cōme n'ayant esté faite ny legitiment, ny par personnes capables & suffisantes pour ce faire, & qui meritaissent foy. Mais ceste faulx accusatiō & blasme ayans esté par luy aysément confutez, pource que vertueusement & d'un grand cueur il combattoit pour la foy establie au Concile de Nice, ils luy ourdirent encore vne autre toille, par tel conseil qu'il falloit trouuer tous les moyens pour le bannir du pays, & faire retourner Arrius à Alexandrie. Car tout leur dessein estoit que tres-facilement ils pourroyent reietter par ce moyē la foy de la consubstantialité, & introduire peu à peu leur impiété au lieu d'icelle. Pour à quoy paruenir, Eusebe tenta Athanase par plusieurs lettres qu'il luy escriuit, à ce qu'il receust Arrius en son premier estat & dignité presbyterale : ou autrement, qu'il luy en prendroit mal, le menaçant fort & ferme par personne interposée, qui luy porta la parole de bouche, de luy faire ressentir, si autrement faisoit, que ce qu'il luy auoit mandé par lettres. Ainsi, apres auoir vsé de tous les moyens dont il se pouuoit aduiser, pour en toutes sortes l'intimider, voyant à la fin qu'il ne le pouuoit abbatre ny attirer à sa cordelle, Athanase s'y opposant fort & ferme, & allegant pour ses raisons que ceux qui auoyent introduict nouuelletez en la doctrine de Dieu, & institué nouuelle heresie, & qui pour ceste cause auoyent esté dechassez par le Concile deuement assemblé, & qui estoient hors l'Eglise, & bannis du pays, n'y deuoyent aucunement estre receus ny admis : il mit par autre moyen toutes les peines qu'il peut, à persuader à l'Empereur, que Arrius fust receu & remis en son premier estat, & retournaist à Alexandrie. Chose qu'accorda à la fin l'Empereur, combien que ce fust avec grande difficulté, comme il vous sera dit en son lieu cy apres.

*Eusebe grād  
ennem, d'  
athanase.*

*Eusebe tēre  
par tous  
moyēs Atha  
nase, qu'Ar  
rius retour  
ne à Alexan  
drie, mais il  
ne luy peus  
oncques per  
suader.*

*Du concile assemblé à Antioche, auquel le grand Eustathie fut depoussé de son Euesché :  
& des Euesques qui luy ont depuis succédé.*

*CHAP. XLV.*



N ce mesme temps s'esleua aussi vn trouble en l'Eglise entre les Euesques qui au parauant estoient ioincts & confederez : lesquels en disputant par trop subtilement de ce mot consubstantiel qui met vne mesme essence de la personne du fils avec celle du pere, & s'y exerçant par vne trop grande curiosité, exciterent entre eux vne guerre si intestine, que leur contention ne differoit en rien à vne guerre nocturne. Car en leurs disputes nul n'entendoit l'autre, parlans tous confusément sans audition des responses les vns des autres, entremeslees de grosses iniures & blasphemies. Car ceux qui n'approuoyent pas la consubstantialité, pensoient que ceux qui la receuoient, suyussent l'opinion de Montan & de Sabellie, & les appelloient blasphemateurs, comme ceux qui eussent voulu euer & du tout annuler l'existence du fils de Dieu. Et ceux qui receuoient ce mot de Consubstantiel, reiettoient les autres, comme personnes qui eussent voulu soustenir le Grecisme, c'est à dire, la façō & maniere des Grecs, qui disoyēt qu'il y auoit pluralité de Dieux. Entre ceux-cy, Eustathie Euesque d'Antioche, & Eusebe Pamphile estoient les principaux, qui s'estans attaquez l'un l'autre, auoyent vn merueilleux estrif touchāt cecy : cōfessans l'un & l'autre le fils de Dieu en vne personne, & vn Dieu en trois personnes. Eustathie accusoit Eusebe de ce qu'il renouelloit, & remettoit encore en dispute la profession de la foy arrestee au Concile de Nice. Cestuy-cy, d'autre part, se disoit en tout & par tout acquiescer à ce qui y auoit esté ordonné, & en le blasmant il luy impropéroit l'erreur de Sabellie. A la fin fut pour cela assemblé vn Synode à Antioche, auquel Eustathie fut deboutté de son Euesché. Or pour en parler à la verité, la cause de tout cela ne fut autre, sinon qu'il soustēnoit & defendoit virilement la foy du Concile de Nice, en contrariant à toute force à Eusebe Euesque de Nicomedie, à Patrophile Euesque de Scythopole, & à Paulin Euesque de Tyr, lesquels il tenoit comme Arriens, & à l'opinion desquels condescendoyent les Euesques Orientaux, comme aussi à la verité ils se monstroyent estre Arriens : & accusoyent cestuy-cy comme fauorisant à Sabellie, & luy mettoient sus plusieurs autres causes, qui n'estoyent ne bonnes ny honnestes, ainsi qu'on a coustume de controuuer maintes choses sur tous Euesques qu'on veut depousser de leur dignité, & leur mettre le chat aux iambes. Mais le tout n'estoit autre chose qu'une faulx accusation, accompagnée d'une calomnie : Car ils osterent à ce saint homme la dignité episcopale, comme s'il l'eust cōtaminée & pollue d'un acte impudique, de volupté charnelle. Car pour le monstrier tel, ils luy attirerent vne paillarde publique, & de laquelle pour la beauté & ieuuesse qui estoit en elle, vn chacun abusoit ordinairement : & tant la subornerent avec belles promesses, qu'ils firent qu'elle leur presta sa langue, & le seruit à toutes les paroles qu'ils vouloyēt mettre en auāt cōtre ce saint Euesque. Parquoy apres auoir fait vne assemblee de deux cens cinquante Euesques, fut à tous autres, qui là estoient, commandé sortir hors le cōfessoire, & à ceste femme de comparer deuant eux, bien instruite, & garnie de tout ce qu'elle deuoit dire, & fiere au demeurant & impudente selon le mestier dont elle se mesloit. Et ainsi elle y entre, portant

*Nouuelle cō  
tentiō entre  
les euesques  
cōioincts &  
associez, & tou  
chāt ce mot  
de cōsubsta  
ntialité.*

*L'ardeur de  
contēdionner  
fait que les  
disputans ne  
s'entendent  
pas les vns  
des autres.*

*Pour ceste  
cause fut en  
Antioche cō  
gregé vn cō  
cile, comme  
dit Sozome  
ne, li. 2. ch.  
19. auquel  
Eustathie  
est dechassé  
de son Eues  
ché, meschā  
ment.*

*Eustathie  
accusé d'al  
dultere, &  
condāné par  
ce moyen.*

*Pariure d'une femme subornée.* entre ses bras vn petit enfant pendant à la mammelle, & avec vne impudence eshontee, elle se prend à crier à haute voix deuant toute l'assistance, qu'elle l'auoit conceu & engendré de la compagnie charnelle que Eustathie auoit eue avec elle. Dequoy estant bien esbahy Eustathie, l'interroge si pour la confirmation de son dire, elle auoit quelqu'un qui le sceust attester avec elle, ou qui en sceust aucune chose. Ce que fort bien ny, & dit qu'elle n'auoit personne qui en sceust tesmoigner, & par ce moyen fut par les iuges par trop seueres & rigoureux, contraincte d'attester sa deposition par serment: combien qu'en toute accusation & chose que lon impose à quelqu'un, la loy dise le falloir verifier par le tesmoignage de deux ou de trois: & que selon le dire de l'Apostre, à l'encontre du prestre ne se doie receuoir accusation, que sous le tesmoignage de deux ou de trois. Si est-ce que sans aucun regard ny de loy ny de tesmoings, ils donnerent sentence à l'encontre de ce grand personnage, au seul rapport & serment de ceste paillarde: Car tout aussi tost qu'elle eut affermenté l'enfant qu'elle tenoit estre l'œuvre de l'eshontee & impure libidinité d'Eustathie, le sententierent incontinent, quelque resistance, ou opposition que les autres Euesques qui estoient ignoras de leurs trahisons, y peussent faire, & quoy qu'ils allegassent que ce personnage fust accusé & condamné contre toute verité, droict & raison. Or ceux qui auoyent brassé toute ceste tragedie, se transporterent aussi tost sans temporiser vers l'Empereur, pour luy faire entendre comment Eustathie auoit esté deuement condamné par les Euesques du pais, en vn Concile qu'ils auoyent fait, & pour par tous moyens tascher à le chasser hors, & le demettre de sa dignité episcopale: voire luy qui estoit le principal defendeur & come la perle de toute vraye pieté & chasteté. Au moy dequoy s'esleua en Antioche vne merueilleuse sedition, regretant vn chacun la deposition d'un tel personnage qui s'estoit tant iniustement faite. De maniere que peu s'en fallut que la ville ne s'en allast tout à sac & en ruine, pour la diuision qui s'y fit en deux parties des habitas d'icelle, & mesme qu'à l'une de ces ligues & factiôs la puissance militaire fauorisoit, & donnoit support & aide, plus qu'à l'autre. Chose qui fut grâdemment au desauantage d'Eustathie: Car incontinent que l'Empereur fut aduertie de ceste sedition Ecclesiastique, il en fut fort mal-content & indigné contre Eustathie, le tenant pour suspect & auteur de ceste seditiô, & pour homme factieux. Parquoy il y enuoya soudain vn des premiers capitaines de son armee, tant pour appaiser ce tumulte, que pour enleuer de là secretement Eustathie, & le transporter ailleurs, la part qu'il auoit ordonné. Parquoy l'emmenèrent en Illyrie, le passant par le pais de Thrace: Or portoit ce bon personnage en toute patience la calomnie qu'on luy auoit dressée, iugeant en soy-mesme qu'il falloit mieux endurer cela que faire autrement. Car il estoit homme honneste & bien entedu en toutes choses, debonnaire, d'une gaillardie & copieuse faconde en matiere de composer oraisons & harangues, comme ses œuvres le testifient: fort excellent aussi en grauité, d'une ancienne elegance & façon de parler, en pureté de sentences, en elegante grace de paroles, & vehemence de bien prononcer. Or aduint il quel que temps apres qu'icelle mal heureuse femme qui l'auoit ainsi denigré & scandalisé, tomba en vne grosse maladie, & reconnoissant le tord qu'elle auoit fait à ce saint homme, confessa comment elle l'auoit faulxement & calomnieusement accusé, & descouurit comme toute la tragedie estoit passée: A sçauoir, comme tout auoit esté fait à la suscitation de quelques prestres, qui l'auoyent corrompue par argent pour luy faire dire ce qu'elle auoit dit, & auoyent osé attenter & luy mettre sus ce crime dont il estoit meschamment accusé. Toutesfois quant à elle, qu'elle n'auoit pas du tout menty en ce qu'elle auoit dit auoir conceu cest enfant d'un nommé Eustathie: mais que c'estoit vn artizan de la ville qui portoit ce nom. Or fault il noter que quand ceste armee Arrienne osa mettre en auant & attenter ces choses à l'encontre de ce saint homme, ceux qui estoient de ceste menée delibererent quant & quant, & arresterent en eux-mesmes, qu'estât Eustathie deposé de sa dignité episcopale, ils colloqueroyent en son lieu au siege d'Antioche quelque homme congneu & fauory de l'Empereur, qui excellast en eloquence, & par ce moyen qu'ils attireroyent facilement le reste du peuple à leur opinion: Parquoy sçachant qu'Eusebe Pamphile Euesque de Cesarée en Palestine estoit tel qu'ils demandoient, ils tachment par tous moyens de l'attirer en ce lieu. De façon qu'ayans fait entendre à l'Empereur ce qu'ils auoyent decreté entre eux en leur Concile, ils adioustent encore d'abondant, que le personnage qu'ils auoyent esleu, estoit homme, duquel le peuple d'Antioche faisoit grâde estime, & luy estoit fort agreable. Ceux principalement qui faisoient ceste menée, estoient ceux qui auoyent Eustathie à contre-cœur: A quoy neantmoins ne voulut onc condescendre Eusebe, ains au contraire de l'election qu'ils auoyent faite en sa personne, enuoye lettres à l'Empereur pour s'excuser enuers sa maiesté du bien & de l'honneur que luy, & ceux du Concile d'Antioche luy vouloyent faire, & qu'il se contentoit de la charge qu'il auoit, sans en prendre vne autre. Ce que l'Empereur ayant entendu, loua grandement son ferme propos & bonne intention, de vouloir si bien garder & observer le Canon Ecclesiastique, en ce qu'il refusoit de laisser l'administration & gouvernement de l'Eglise où il auoit esté premierement esleu pasteur, pour en prendre vne autre qu'on luy offroit: & en faisant response à ses lettres luy escriuit, & au peuple d'Antioche semblablement, qu'il auoit sa sentence & aduis pour agreable, & qu'il l'auoit trouuee fort bonne,

en le

en le disant pour cela heureux d'auoir refusé non seulement l'Euesché & primat d'Antioche, mais celuy aussi de tout le monde. Il en manda autant & en mesmes termes au Synode, & qu'en sa conscience & syncerité de foy, il ne pouuoit autres plus suffisans & capables designer pour l'administation de cest Euesché, que deux prestres, l'un de la ville de Cappadoce, nommé Euphronie, & l'autre George, de la ville d'Arethuse, qui est en Syrie : leur commandant de faire election del'un de ces deux là, & qu'ils missent sur le siege d'Antioche celuy qu'ils trouueroient le plus idoine. Or auoyent ils créé pour Euesque du lieu vn nommé Eulalie, auant l'election d'Eusebe, lequel Eulalie quelque temps apres ayant finy ses iours, ils firent toute diligence d'y transporter Eusebe. Mais ayât refusé ceste charge, & pource aussi que l'Empereur ne vouloit admettre telle translation d'Euesché à Euesché, lon dit que le siege vaua par l'espace de huit ans, & qu'iceux finis & reuolus, Euphronie en fut esleu Euesque. En laquelle charge n'ayant vescu qu'un an & quelques mois, l'administation d'icelle fut baillée à vn nommé Phlaccite. Lesquels tous neantmoins estoient fort infectez de la contagion Arrienne, ores que clandestinement & en cachette, ils semblaient la nourrir. A raison dequoy plusieurs du clergé & de l'ordre des prestres, & quelques autres du rang des laiz, bien qu'ils fussent en bonne deliberation & volonté de faire tout deuoir & acte de vrais Catholiques, si est ce qu'ils delaissoient les assemblees des Eglises, pour en faire d'autres à part. De maniere qu'ils se faisoient nommer Eustathiens, à l'enuy des autres, pour la grande amitié & affection qu'ils luy portoyent apres son departement & exil. Voyla ce qui aduint à Eustathie en Antioche.

*Des Patriarches de Rome & de Ierusalem : Item de la conionction & alliance des Arriens avec les Melitiens.*

*CHAP. XLVI.*



N l'Eglise de Rome, Iule succeda à Syluestre, ayant esté quelque temps parauant gouuernée par Marcellin, & apres luy, par Miltiades. Quant à celle de Ierusalem, apres Macaire, Maximin en obtint le siege, de laquelle iacoit qu'il presida sur l'Eglise Diospolitaine, Macaire luy laissa l'administation, & pour cest effect à la fin il fut retenu par ceux de Ierusalem : Car pour autant que tout le temps passé il auoit esté propugnateur de la querelle de Dieu, laquelle il auoit constamment defendue, estant inquieré pour elle, & au demeurât fort homme de bien, il auoit esté esleu & designé Euesque par les suffrages & voix de tout le peuple, apres le

trespas de Macaire. Mais les Diospolitains se voyans estre priuez d'un tel personnage, ne le pouoyent aucunement supporter : de maniere que s'estant esmeu vn gros tumulte entre eux, s'assemblerent en conseil, où il fut aduisé qu'il falloit faire election d'un autre prelat aux Diospolitains, puis que Maximin estoit arresté par ceux de Ierusalem, pour avec leur dit Euesque Macaire, qui estoit homme fort vieil & maladi, exercer l'estat & fonction Episcopale pendant la vie d'iceluy : & puis qu'apres sa mort il auoit esté esleu pour estre subrogé en son lieu. Or faut il noter que ceux qui ont fait vn peu plus diligemment la recherche & description de toutes ces choses, assurent que ce que le peuple auoit fait ceste electio de Maximin d'un tant affectionné vouloir, le tout ne procedoit que du consentement de Macaire : de sorte que iamais il ne s'en repent, ains vouloit qu'il fust retenu necessairement pour luy succeder, tant pour ce qu'il le scauoit estre homme fidele & bien sentant de Dieu & de la religion, que pource qu'il estoit bien voulu du peuple, pour auoir vaillamment soustenu le combat de la confession. Car il craignoit fort qu'apres sa mort, l'opportunité du temps s'y offrant, son Euesché ne fust baillé par les menées d'Eusebe & de Patrophile à quelque Arrien, pour autât que ia de son viuant ils auoyent commencé à brasser & entreprendre quelques nouuellez sur iceluy : toutesfois ayans esté par luy excommuniés, s'estoyent à la fin deportés de leurs vaines entreprinſes & machinatiōs. Ioinct aussi que le trouble qui s'estoit esleué en Egypte, n'estoit encore assopy : Car l'heresie d'Arrius auoit esté proscripſte & condamnée au Cōcile de Nice, & Melitie receu aux conditions que nous auons cy dessus declarées. Et Alexādre estant de retour en Egypte, Melitie auoit esté contraint luy rendre les Eglises qu'il auoit indeuēmet vsurpees, & à toute force detenues sur la iurisdicſion de sō Primat, hors & contre son ordre & degré. Il faisoit sa residence à Lyce. Et si d'auantage iceluy Melitie auoit resigné son Euesché à vn nommé Iean, hōme factieux, & qui tenoit la mesme opinion que luy, cōtre la doctrine & foy arrestee au Concile de Nice : & qui par ce moyé fut encore autheur par toutes les Eglises du païs d'un nouveau trouble & sedition. Ce qui donna occasion aux Arriens de leuer leurs cornes plus que iamais, & de ne negliger l'opportunité qui se presentoit pour leurs affaires. De façon que ceux-cy (comme il aduint ordinairement à gens factieux, & qui ne demādent qu'à tout troubler & mettre en desordre) loūoyent & approuoyēt au possible l'opinion d'Arrius : les autres ne se soucians pas beaucoup de tout cela, ne pourchassoient autre chose, sinon que les Melitiens presidassent aux Eglises, au gouuernemēt & superintendēce desquelles plusieurs aussi d'entre eux auoyent esté esleus & ordōnez. Ce qui estoit cause qu'au

*Euesques de Rome & de Ierusalem. Deux Euesques de Ierusalem en un mesme tēps bien accordés ensemble cōme aussi enuers nous, ont accoustumé de prendre des aydes ou suffragans. Som. liu. 2. chap. 20. Religieuse sollicitude de Macaire pour celuy qui luy succederait en son Euesché, & pour la posterité. Melitie cause d'un nouveau trouble en sa mort, par le païs d'Egypte. Les railliées & Arriens qui parauant discordoient ensemble, se*

*rallient cō-* parauant les vns se retiroient des autres, n'ayans frequentation ne communication ensemble.  
*tre les Ca-* Mais voyans à la fin que le commun peuple suyuoit les Euefques de l'Eglise Catholique, ils fi-  
*tholiques,* rent vne assemblée entre eux, & par mesme moyen alliance & accord d'entreprendre la guerre  
*& font les* d'un cōmun consentement cōtre le S. clergé d'Alexādie. Et en ce cōmun cōstict, mirent en auāt  
*vns avec les* & produirent tant de faux rapports, reproches, blasmes, faulces accusatiōs & crimes, & au con-  
*autres com-* traire tant de defences & saluations des vns contre les autres, que les Arriés furent en fin appel-  
*munnes accu-* lez Melitiens & les Melitiens Arriens. Or toute la controuersie qu'auoyent les Melitiens, n'e-  
*satiōs et de-* stoyent seulement que pour la iurisdiccion & superintendence des Eglises du pais, laquelle ils  
*fenfes, &* vouloyent auoir, dilans qu'elle leur appartenoit: mais les Arriens sentoyēt mal de Dieu. Et ainsi  
*mesme ne se* la cause pourquoy ils s'estoyent ralliez ensemble, & auoyent prins inimitié contre nous tous  
*dōner qu'un* d'un commun accord, & qu'ils feignoyēt auoir entre eux amitié & concorde, n'estoit sinō qu'ils  
*nom à tous.* pensoyēt que par ce moyen leurs affaires succederoient mieux selon qu'ils les desiroient. Mais  
il aduint apres quelque temps, qu'à raison des propos & colloques qu'incessamment ils tenoyēt  
de ces choses, ils s'accorderent à la fin en mesme opinion de Dieu. Toutesfois les Melitiens quel-  
que temps apres, suyans leur ancienne retraiete, se separant des Arriens: de sorte que le clergé  
& peuple d'une part & d'autre, abhorroyent la communiō les vns des autres. Et tant accreut ce-  
ste contagion, qu'elle enuahit & infecta plusieurs villes: sur tout, l'Arianisme acquit force &  
vigueur au pais de Bithynie & d'Hellespont, & mesme en la ville de Cōstantinople. Ce qui ad-  
uint principalement à cause d'Eusebe Nicomedien, & de Theogne Niccan, lesquels on disoit  
auoir circōueni par quelque art & fallace, celuy qui auoit la garde du decret du Cōcile de Nice,  
& firent tant avec luy qu'ils trouuerent moyen d'effacer leurs signatures & sousscriptions qu'ils  
auoyent faites en iceluy Concile: & ce fait, qu'ils enseignoyēt par tout librement, tant en priuē  
qu'en public, qu'il ne falloir dire ne confesser le fils de Dieu Iesus-Christ estre consubstantiel à  
son Pere. Ceux-cy furent les premiers autheurs de tous les maux & tribulations qu'à enduré  
Athanase. Car ayans obtenu de l'Empereur beaucoup de puillance & de liberté, ils mirent tout  
leur effort à faire que Arrius, duquel ils estoient adherans & amis, fust restitué en son premier  
estat, & retournast en Alexandrie: & que Athanase en fust dechassé, comme celuy qui diame-  
tralement leur resistoit. Et à la verité à grande difficulté peurent ils mettre à effect & executer  
leur mauuaise intention, pour la resistance qu'il leur faisoit. Or comme ils ont peu ce faire, &  
comme l'Empereur fut attiré à receuoir Arrius, ie le diray au chapitre suyuant, au plus bref que  
faire ie pourray.

*Commes Arrius fut reuocqué de son bannissement, sous la promesse qu'il fit que  
de là en apres il suyeroit la vraye doctrine & religion.*

CHAP. XLVII.

*La fraude  
de laquelle  
userent les  
Arriés, pour  
induire Cō-  
stātin à rap-  
peller Ar-  
rius d'exil  
et le renoyer  
à Alexandrie*



*Un prestre  
Arriepersua  
de à Cōstāce  
sœur de Cō-  
stātin, qu'on  
auoit fait  
sortir à Ar-  
rius.*

*Le mesme  
prestre ayant  
esté recom-  
mandé à Cō-  
stātin par  
sa sœur à*

Velque prestre detenu de la contagion & maladie Arrienne ( combien  
qu'elle fut occulte) estoit fort familier & amy de Constāce, sœur de l'Em-  
pereur, qu'auoit espousee Licine, deffaiēt au parauant par iceluy Empe-  
reur en camp de bataille, comme il a esté dit au dessus. Cestuy-cy com-  
muniqunt familièrement avec elle, & v'sant d'une grande liberté de pa-  
ler, entra vne fois en propos avec elle, d'Eusebe: & y entremessa quant  
& quant Arrius, luy faisant entendre qu'il auoit esté contre tout droict  
& equité sententié, & que le tout ne precedoit que de l'enuie & mal-ta-  
lent que luy portoit Alexādre, lequel il n'auoit cessé de pourchasser, ius-  
ques à ce qu'il fust banny du pays, & dechassé de son Eglise, & qu'il viuoit la part qu'il estoit en  
grande misere & pauureté, endurant chose indigne de sa personne, pour estre homme tout autre  
que plusieurs ne pensoient de luy, tant en opinion, qu'en doctrine & pureté de vie. Constāce e-  
stimāt que tout cela fust vray, le tint secret en son cuer, sans en mot dire à personne quelcōque:  
Car elle n'osoit rien innouer pour crainte de l'Empereur, le sçachant estre ferme & constant, &  
du tout arresté à vouloir suyure & maintenir ce qui auoit esté decreté au Synode de Nice. De fa-  
çon que tant qu'elle vesquit, elle eut tousiours ceste fantasie en son cuer cachee & tacite: Mais  
estant quelque temps apres tombee en vne grosse maladie, & souuēt visitee par son frere, elle le  
requit luy vouloir pour la derniere fois faire ceste grace, d'auoir en singuliere recommandation  
& familiarité ce prestre, luy assurant estre homme de grande sainteté, & d'une tres-bonne &  
syncere opinion: Car quant à elle, qu'elle s'en alloit mourir dans peu d'heures. Luy declarant au  
reste, qu'elle craignoit fort, qu'il aduint à son prestre ce qui'estoit adueni à plusieurs gens de biē  
& d'honneur, lesquels à la persuasiō de quelques vns, il auoit exiliez à perpetuité & sans rappel:  
Cela dit, elle rendit l'esprit. Mais ce prestre, apres la mort d'icelle, prenant de là plus d'audace &  
de liberté que de coustume, se print à mouuoir peu à peu avec l'Empereur les mesmes propos  
touchant Arrius, qu'il auoit vn peu au parauant tenus avec la sœur d'iceluy: à sçauoir qu'Arrius  
n'auoit aucune opinion contraire à ce qui auoit esté décidé au Concile de Nice, & que s'il luy  
plaisoit le rappeller de son exil, iceluy monstreroit en la presence de tous, que ce qu'il disoit de  
luy,

luy, contenoit verité: & que contre tout droict & equité, il auoit esté circonuenu par faulſe ac-  
 cufation. L'empereur, ou voulant gratifier à ſa ſœur, ou adiouſtât foy aux paroles de ce preſtre,  
 luy reſpondit en la forte: Si Arrius (dit-il) reçoit, & promet tenir pour article de foy tout ce qui  
 a eſté déterminé touchant icelle au concile de Nice, ie luy promets auſſi de ma part, le receuoir  
 à grace, & de le r'enuoyer ſon honneur ſauf à Alexandrie. Et pour la confirmation & aſſurance  
 de ſa promeſſe, il luy enuoya meſme les lettres qui ſ'enſuyuent: Le victorieux Conſtantin, Sou-  
 uerain, Auguſte, à Arrius ſalut, Long temps a que ie t'ay fait entendre & mandé, qu'en toute aſ-  
 ſurance tu euſſes à reuenir à noſtre cour, & à te repréſenter pour ta juſtification deuant nous:  
 dont ie m'eſbahis que ſoudain & ſans delay tu ne l'as fait. Parquoy ces lettres veues, ne faille  
 de monter à cheual tout auſſi toſt, & nous venir trouuer en diligence la part que nous ſerons, à  
 fin qu'en toute ſeureté ſoubs noſtre aide & faueur, tu te puiffes retirer en ton pays. Et à Dieu, no-  
 ſtre amy, lequel ie prie eſtre garde de toy. Datté du vingt-fixieſme de Nouembre. C'eſt là l'epi-  
 ſtre de l'Empereur qu'il eſcriuit à Arrius. En quoy ie ne puis aſſez admirer le zele & ardente aſ-  
 ſeſſion de la vraye pieté de ce bon & deuot perſonnage: Car il appert par ce qu'il luy eſcrit, que  
 ja par pluſieurs fois il auoit eſté de luy ſecond & inuité à repentance. Pourtant il le reprend,  
 de ce qu'ayant eſté par luy tant de fois aduertý, il n'eſtoit encore retourné à la verité. Ayant d'oc  
 Arrius receu ces lettres, ſuyuant le commandement & aſſurance qui luy eſtoit fait de ſa per-  
 ſonne, ſ'en reuint droit à Conſtantinople, accompagné d'Euzoie. Or eſtoit ceſt Euzoie diacre,  
 qui par Alexandre auoit auſſi eſté dégradé & dechaffé de ſon eſtat, lors qu'Arrius fut debouté  
 de ſa dignité preſbyterale. Eſtans donc venus deuant l'Empereur, le premier propos qu'il leur  
 tint, ce fut de leur demander ſ'ils ne conſentoient pas à la foy qui auoit eſté publiée au concile  
 de Nice: Ce qu'ayans aſſuré, leur ſit auſſi toſt commandement d'eſcrire en vn libelle & ſigner  
 la foy & opinion qu'ils auoyent de Dieu. Adonc en declinant de la premiere voye qu'ils auoyent  
 controuuee pour inuenter leurs opinions particulieres, ils liſſurent par autres paroles de l'eſ-  
 criture diuinement inſpiree, vn nouveau formulaire & expoſition de leur foy, confirmans par  
 ſerment qu'ils ne croyoient ny ne ſentoient autrement en leur cœur, ny n'auoyent onc iamais  
 ſenty, ne creu autrement, qu'ainſi qu'ils auoyent redigé leur confeſſion par eſcrit, de laquelle la  
 teneur eſtoit telle:

Au tref-religieux & tref-aimé de Dieu, noſtre Empereur & ſouuerain Seigneur Conſtantin,  
 Arrius & Euzoius donnent ſalut. Seigneur Empereur, comme ſoit que voſtre ſacree maieſté, &  
 plaſante à Dieu pieté, nous ait commandé de déclarer par eſcrit la profeſſion de noſtre foy,  
 auſſi faiſons nous, & teſtifiſons par le preſent eſcrit deuant Dieu, que nous & tous ceux qui ſont  
 avec nous & tiennent noſtre party, ne croyons ny n'auons creu autrement, que ce qu'auons ſi-  
 gné cy deſſoubs. Nous croyons en vn Dieu pere tout-puiſſant, & en vn Seigneur Ieſus Chriſt  
 ſon fils, engendré de luy auant tous les ſiecles, Dieu Verbe, par lequel toutes choſes ont eſté fai-  
 res, tant au ciel, qu'en la terre: qui eſt venu en ce monde, & a prins chair: qui a ſouffert mort,  
 & eſt reſſuſcité: qui eſt retourné aux cieus, & d'où il doit venir de rechef, pour iuger les viués  
 & les morts. Et croyons au ſainct Eſprit, la reſurreſcion de la chair, la vie du ſiecle à aduenir, &  
 le royaume des cieus, & vne Eglise catholique de Dieu, eſpandue par tout le monde. Laquelle  
 perſuaſion de foy, nous auons receue des ſainctes Euangiles, ainſi que noſtre Seigneur dir à ſes  
 diſciples: Allez, & enſeignez toutes gens les baptizans au nom du Pere, & du Fils, & du ſainct  
 Eſprit. Que ſi nous ne croyons & ne receuons vrayement le Pere & le Fils, & le ſainct Eſprit,  
 ainſi que toute l'Eglise catholique, & les ſainctes eſcritures enſeignent, ſelon auſſi la ferme & to-  
 tale croyance que nous en auons, Dieu en ſoit noſtre iuge, & à preſent, & au dernier iour de ſon  
 iugement: Parquoy de Dieu bien-aimé Empereur, nous vous ſupplions & enhortons au nom  
 de Dieu, que nous qui ſommes eccleſiaſtiques, & qui retenons la meſme foy & opinion de l'E-  
 glife & des ſainctes eſcritures, il vous plaiſe par voſtre pacifique & diuine pieté, nous reünir &  
 reioindre à noſtre mere, qui eſt l'Eglise, en totalement reiettant & mettant à neant toutes que-  
 ſtions & paroles ſuperflues, & qui de rien ne ſeruent, qui ſourdent de telles queſtions: afin que  
 nous eſtans reconciliez avec l'Eglise, par vne concorde & pacification, nous facions prieres &  
 oraiſons tous enſemble ſelon la couſtume, pour l'accroïſſement & manutention de voſtre paci-  
 fique & ſainct Empire, & pour toute voſtre famille.

Quelques vns mieus affectez à la foy que les autres, diſoient que tout ce qu'auoit fait Arrius  
 & ſon compagnon, n'eſtoit que pure ſaintiſe & trahiſon, les diſans, ſe vouloir bien de paroles  
 reconcilier à l'Eglise, mais quant à leurs premieres opinions, qu'ils y vouloyent touſiours ad-  
 herer, quoy qu'ils diſſent ou qu'ils fiſſent: Choe qu'aſſez declaroit le ſens de leurs propos, les-  
 quels inclinoient ambigument d'une part & d'autre, & ſe tournoient en vn ſens obſcur &  
 douteux. Mais l'Empereur eſtimant qu'ils accordaſſent avec les decrets du Concile de Nice,  
 en eſtoit fort aïſe: Toutesſois il ne les voulut iamais receuoir pour eſtre admis à la commu-  
 nion, qu'en premier lieu, ſuyuant la couſtume receue en l'Eglise, ils ne fuſſent preallable-  
 ment examinez par ceulx qui tiennent la ſouueraineté & ſuperintendance des affaires ſalem.

H H

*L'article de la mort, perſuade le ſemblable au dict Conſtā-*

*Arrius eſt rappellé à la cour impériale par les tres q pour ceſt eſſaſt luy enuoye l'Empereur Conſtantin. Socrat. li. i. chap. 25.*

*Benigne in-terpretatiō des lettres de conſtan-tin.*

*Arrius & Euzoïus viennent à l'empereur.*

*Libelle de la profeſſiō de foy de Arrius & d'Euzoïus, preſenté à Conſtātin.*

*L'Empe-reur Conſtā tin par vn erreur de credulité, approuue le formulaire de foy d'Arrius, pour la paix & cō-corde eccleſiaſtiq, & l'euoye pour eſtre exami-né à l'aſſem-blee des E-ueſques qui ſeſtoit fai-te en Ieruſalem.*

# LIVRE VIII. DE L'HIST. ECCLESIASTIQUE

*Les Eusebiens reçoivent la communion, & les recô-mâdés aux autres pour les recevoir aussi de leur part.* ecclesiastiques: partant les enuoya aux Euesques qui pour lors estoient congregez en Ierusalé: auxquels il manda qu'ils considerassent diligemment le nouveau formulaire de foy qu'ils luy auoyent presenté, leur commandant par mesme moyen, d'humainement aduiser, ou si iceux ayas eu telle foy qu'ils deuoyent auoir, auoyent esté par enuie circonuenus & condamnez à tort & sans cause, ainsi qu'ils disoyent: où si ayans mal senty de la foy, par repentance ils acquiesçoient à la fin au iugement qui auoit esté prononcé contre eux. Or les Eusebiens ayans trouué l'opportunité d'exploiter leur malice sous le pretexte des lettres imperiales, auant que le Concile fust du tout congregez, vont iceux recevoir à la communion des fideles, & ce fait, font le tout couuertement entendre à l'Empereur, & escriuent lettres à l'Eglise d'Alexandrie, & par toute l'Egypte & Lybie, aux Euesques & au clergé de leurs Eglises, à ce qu'ils ne fissent aucune difficulté de les recevoir: disans que l'Empereur mesme attestoit leur foy estre saine & entiere, en adioustant quant & quant à leur epistre le formulaire d'icelle foy, & au iugement de l'Empereur, la determination & censure du Synode.

*Comment Athanase pour auoir fait refus de recevoir Arrius à la communion de son Eglise, fut par les Arriens & Melitiens accusé envers l'Empereur: & de la main enchantée d'Arjenie.*

## chap. XLVIII.

*Arrius revient à Alexandrie. Socrates, li. 1. chap. 27. Athanase refuse de le recevoir. L'empereur en est indigné & menace Athanase. Benigne interpretation des paroles de Constantin. Arrius chassé d'Alexandrie par Athanase. Les Eusebianistes prennent conseil de trouuer moyen de chasser Athanase hors de son euesché. calomnieurs subornez pour deposer contre luy envers l'empereur. La premiere calomnie ne procede ny mesme la seconde.*



Oyla le moyen comme Arrius retourna à alexandrie, si est-ce qu'à la fin l'effort du mensonge succomba à la verité: Car tant s'en salut que saint Athanase le receust & admist à sa premiere dignité presbyterale, que mesme il le fuyoit ne plus ne moins que quelque peste. Mais Arrius ne se tint guere là, qu'il n'esuientast encore de rechef son heresie. Les Eusebiens d'autre costé escriuirent à Athanase, & autant en persuaderent à l'Empereur de faire, à ce qu'il se portast si bien en cest affaire, & que si prudemment la moderast, qu'Arrius fust remis en son estat. Ce qu'Athanase refusa faire tout à plat, & manda à l'Empereur, qu'il ne se pouuoit nullement faire, que ceux là fussent receus à la communion des fideles, qui en & par vn si grand Concile auoyent esté excommuniez, pour auoir conculqué la foy de la vraye pieté: & mesmement aussi, qu'ils n'auoyent encore fait acte de repentance & de conuersion de vie. Ces choses entendues par l'Empereur, les trouua fort mauuaises, pour ce que sur tout il estoit desirieux de mettre paix & concorde en l'Eglise: parquoy il remanda à Athanase, qu'il n'eust à empescher aucun d'entrer en l'Eglise, le menaçant que s'il faisoit du contraire, & ne vouloit obeir à ses commandemens, il luy enuoyeroit sur les lieux homme qui le chasseroit de là luy-mesme. Au moyé dequoy, ie n'ay trouué mauuais d'annexer en ce lieu vne particule de l'epistre que Constantin luy escriuit, qui est telle: Veu donc que tu sçais & congnois en cecy ma volonté, ie veux que tu ne refuses à personne quelconque l'entree de l'Eglise. Car si i'entends, que quelcun en ait esté par toy deieté, ou que l'entree luy ait esté deniee, i'ay vn homme tout prest que ie t'enuoiray aussi tost, pour de là t'enleuer & te transporter autre part: C'est icy la teneur de la terre de Constantin, qu'il luy enuoya, ne se proposant en tout cela que l'vtilité publique, & ne voulant veoir la rupture & demembrement de l'Eglise. Mais comme Athanase eust de rechef escrit à l'Empereur, ne falloir aucunement participer ne communiquer avec les Arriens, tant espia & print si soigneuse garde sur Arrius, qu'encore de-rechef fut contraint pour ses mal-versations le chasser d'Alexandrie. Ce que voyans à la fin les Eusebianistes, & qu'ils ne pouuoient nullement venir à bout de leur affaire, si premierement Athanase n'estoit dechassé hors son euesché, prindrét occasion de parfaire leur dessein & mauuais vouloir, sur l'irritation qu'auoit l'Empereur conceue contre luy. Ceux qui contre ce saint homme auoyent conspiré, estoient Eusebe, euesque de Nicomedie, Theognis de Nice, Marin de Chalcedone, Vrsice de Singidone, & Valens de Mursie, qui est en Hongrie. Mais comment ils n'eussent assez d'occasion & argumet pour executer vne si grande calomnie, ils subornerent secrettement à beaux deniers contans quelques vns d'entre les Melitiens, pour intenter à l'encontre de luy vne faulxe accusation. La premiere fut dressée par trois Euesques Melitiens, Ession (les autres le nomment Eusion) Eudemon, & Callinique, lesquels luy mettoient sus, qu'en Egypte il auoit commandé prendre vne certaine robbe de lin en l'Eglise d'Alexandrie, de laquelle il en faisoit traficque. Laquelle calomnie, Alypien & Macaire prestres, estans pour autre certaine cause venus de fortune à Nicomedie, monstrerent deuant l'Empereur estre faulxe. Qui fut cause que l'Empereur taxa aigrement par lettres qu'il enuoya en Alexandrie, ces delateurs, & manda venir à luy Athanase: Lequel n'estoit encore à peine arriué à Constantin, que les Eusebianistes luy intenterent encore vn autre crime, l'accusans de lese maiesté, & que secrettement il machinoit vne trahison contre le Prince, ayant pour cest effect enuoyé vn coffre plein d'or & d'argent à vn nommé Philumene. Chose que l'Em



l'Empereur apres auoir apperceu manifestement estre vne pure calomnie & non moins faulxe accusation que la precedente : faisant pour lors sa demeure en Plamathie, l'un des faux-bourgs de Nicomedie, non sans grand honneur r'enuoya de là Athanase à Alexandrie, avec lettres, par lesquelles il monstroist estre controuuë & mensonger, tout ce qu'on luy auoit r'apporté contre ce personnage, & luy portoit ce tesmoignage, qu'il l'auoit trouuë homme fort doux, paisible, d'une vraye & sincere foy, & du tout diuin : & que tous les crimes qu'on auoit mis en auant contre luy, ne prouenoient que d'une certaine enuie : & ce nonobstant qu'il s'estoit si bien defendu & iustifié, qu'il estoit venu au dessus de ses accusateurs. Il enhortoit aussi par ses lettres le peuple à toute paix & concorde, & à n'auoir les uns contre les autres aucun discord, & qu'en toutes sortes ils apprehendassent & eussent la crainte de Dieu deuant les yeux, & se gardassent de l'offencer : Ne tendans à autre fin tous ses escrits, qu'à tout pacifier, & à remettre vn chacun en paix & vnion. Mais les Melitiens qui point ne dormoyent, dressèrent autres crimes contre Athanase : L'un desquels estoit, qu'il auoit mis en pieces quelque calice, & ruë vn autel par terre, & bruslé quelques liures dediez au seruice diuin. L'autre crime estoit, qu'il auoit coupé la main à vn Euesque de la secte des Melitiens, nommé Arsenie, laquelle il gardoit, & en faisoit choses prodigieuses par charmes & enchantemens dont il vsoit. Et pour faire demonstration de leur dire, firent soigneusement cacher cestuy Arsenie en vn monastere, sous la garde d'un autre prestre, nommé Patrines, lequel ils nourrissoient & entretenoyent graslement & doucement, afin qu'il se tint là caché, & qu'il ne comparust nullement en public. Il y auoit aussi en ceste abbaye vn autre moine, imposeur de crime & diffamateur des personnes, nommé Iean, qui auoit instruit cest Arsenie en tout ce qu'il deuoit dire & déposer contre Athanase. D'autre part les chefs & auteurs de toutes ces menées, apres auoir dressé toutes ces cautelles & embuches, faisoient estat de se promener par tout, semans propos & blasphemes publiquement au desauantage d'Athanase. Ce qui occasionnoit ses ennemis de plus aigrement l'outrager de paroles reprochables : à quoy estoit sur tous autres fort diligent vn quidam nommé Ischyra, lequel faisoit sa residence sur le lac de Mareote, qui est vn pays pres d'Alexandrie, ayant plusieurs gros bourgs & villages fort peuplez, esquels y a aussi plusieurs grandes Eglises subiectes à l'Euesque d'Alexandrie, dont elles sont paroisses & lieux circonuolins. En celieu residant Ischyra, de son propre mouuement, & nay (comme lon dit en vn commun proverbe) de foy mesme en sa maison, sans autorité quelconque ou ordonnance du superieur, s'en estoit fait prestre, & ministre : qui est vn crime qui surpasse sans mesure toute peine & supplice qu'on pourroit infliger à vn malfacteur. Auquel forfait estant deprehendé par Athanase, ayant esté aduertuy qu'on procedoit contre luy par enquestes & informations secretes, pensa qu'une bonne fuite valloit mieux qu'une mauuaise attente, & ayât gagné le hault, s'en vint à Nicomedie, où il s'allia avec les Eusebianistes. Dont estans fort aises, pour l'extreme haine & malueillance qu'ils portoyent à Athanase, le receurent en leur compagnie comme prestre, qu'il n'estoit pas, luy promettans le faire Euesque, s'il vouloit intenter accusation contre Athanase. Luy qui ne cherchoit pas mieux que se venger de luy, controuua facilement ce qu'il auoit à dire, maintenant les dispositions faites contre luy vrayes. Ce qu'estant venu aux oreilles de l'Empereur, ne sceut autre remede y trouuer, sinon que d'auoir recours à iustice, parquoy il escriuit lettres aussi tost à son nepueu Censorin Dalmatien, gouverneur du pays Antiochien en Syrie, luy mandant qu'il eust à donner ordre à toutes ces affaires icy, & en faire telle iustice & punition, comme il verroit estre à faire selon raison. Et pour ce faire, il luy enuoya tout quant & quant Eusebe & Theognis, pour luy seruir d'asseurs, à faire & parfaire le procès d'Athanase. Ce qu'ayant entédu Athanase par l'adiournement de comparoir en personne, que Censorin luy auoit fait bailler, & toutes les menées qu'on luy brasloit, pensant en soy-mesme combien il est ardu & difficile, de se pouuoir bien iustifier & estre ouy à dire ses causes & raisons, deuant iuges mal-affectez, entiers ceux qui sont calomnieusement accusez, & qui peu se soucient du droit & equité, il regarda à les combattre par mesmes ruses & fineses dont ils se vouloyent aider contre luy, esperant qu'il feroit tant par tous moyens, que la verité ne seroit point opprimée. Et pour ce qu'il luy sembloit difficile de faire entendre à tous, & de prouuer comme le tout s'estoit passé, pour l'absence d'Arsenie qui ne se trouuoit point : & qu'en luy-mesme il pensoit qu'il ne pouuoit autrement faire declaration de son innocence, s'il ne monstroist que celuy qu'ils disoyent estre mort, estoit encore tout plein de vie, il enuoya vn Diacre de ses familiers amis en Egypte, pour chercher cest Arsenie. Ce Diacre estant arriué à Thebaïde, apres qu'il se fust soigneusement enquis de ce gallant, il en ouyt nouvelles, & sceut au vray où il se retiroit, qui estoit chez Patrines, qui le receloit. Mais y estant venu, ne l'y trouua pas, par ce que si tost qu'il eust entendu la venue de ce Diacre, & qu'on le cherchoit à pied & à cheual, il s'en alla en la basse Egypte : de maniere que lon ne peut empoigner lors que ce receleur Patrines, avec vn autre nommé Elie, qui l'auoit conduit & transporté ailleurs : qui tous deux furēt amenez en Alexandrie & presentez au President. Qui ayans esté interrogez, confesserent tous deux d'un accord qu'Arsenie estoit encore tout plein de vie, & qu'ayant esté par eux vn long temps tenu caché, estoit

*L'empereur renuoye Athanase à Alexandrie avec ample recommandation & honneur.*

*Nouvelles accusations des Arriens & Melitiens contre Athanase.*

*Ischyra, ayât usurpé la dignité presbytérale, accusateur d'Athanase.*

*Constantin delegue Dalmatien pour iuge des nouvelles calomnies imposees à Athanase, & luy baille pour accusateurs Eusebe & Theognis.*

*Athanase, decline le iugement de ses aduersaires rasseurs & prudemment se prepare pour dire sa cause en iugement legitime, & cherche toutes les probations à luy possibles, pour se iustifier & se rendre innocent des cas à luy imposez.*

HH ij

*Constantin  
absout A-  
thanasie des  
crimes à luy  
faulxement  
imposez.*

presentement en Egypte sain & sauf de tous ses membres. Ces choses estans ainsi trouuees par leurs depositions, furent mandees aussi tost à l'Empereur. Lequel r'escriuit à Athanasie, l'admonestant de bien garder son Euesché, & se tenir soigneux & vigilant sur iceluy, & de bien & fidelement l'administrer, & qu'il ne se donnast peine à l'aduenir de tous les rapports & accusations que les Melitiens pourroyent intenter contre luy, puis qu'il scauoit vne fois de quelle volonté ils y procedoyent. Et si d'auantage, il luy promit par ses lettres, que selon la rigueur des loix, il puniroit de là en auant ceux qui oseroyent attenter choses de telle importance, & ne s'en vouldroyent deporter, & qui d'oresnauant conciteroyent seditions ou tumultes en l'Eglise: à scauoir, ceux qui contre les gens de bien & innocens par vne enuie non seulement dresseroient telles calomnies & trahisons, mais ceux pareillement qui porteroient aucun detrimement à l'ordre Ecclesiastique & à la religion. Ce que l'Empereur non seulement manda à Athanasie, mais voulut aussi quant & quant que ses lettres fussent leuës deuant tous publiquement, afin que nul ne pretendist cause d'ignorance de son vouloir. Chose qui intimida tellement les Melitiens, que craignans les menaces de l'Empereur, ne dirent plus mot. Et par ce moyen fut l'Eglise pacifiée pour quelque temps partoute l'Egypte, pour estre administrée par vn tel & si vertueux personnage. Elle prenoit aussi par cela accroissement tous les iours, & se multiplioit à veuë d'œil, que plusieurs delaisans la vanité & superstition des Grecs, espousoyent nostre foy: de façon que tout le peuple s'assembloit en vn Christianisme.

*a Arsenie] Eusebe liure 10. dit que cest Arsenie auoit esté lecteur d'Athanasie, & le voulant vne fois corriger pour quelque forfait qu'il auoit commis, qu'il s'enfuit d'avec luy de crainte qu'il eut, & ne s'osant trouuer deuant luy, se cachoit par tout chez ceux qui le vouloyent retirer.*

*b Censorin Dalmatien] Je pense falloir lire Cesar, & non Censorin, comme dit Eutrope, qui escrit ainsi de constantin: Quand il vint sur les trente ans de son Empire, il eslit pour Cesar, Dalmatis, fils de son frere. Au catalogue des consuls Romains, le vingt-cinquiesme an de l'Empire de Constantin, on trouue que Dalmatie Cesar estoit Consul.*

*Du Synode assemblé à Tyr contre Athanasie: & des remonstrances qu'il fit en pleine assemblee, pour les choses dont il estoit calomnieusement accusé.*

Chap. XLIX.

*Concile as-  
semble à ce  
saree de Pa-  
lestine à cau-  
se d'Atha-  
nasie: où il  
ne voulut  
assister, ne  
comparoir.*



*La mesme  
assemblee se  
fait à Tyr,  
pour la de-  
dicacion du  
tēple de Je-  
rusalē, que  
constantin  
auoit fait  
bastir de  
nouueau.*

*Macaire pre-  
stre Alexā-  
drin amené  
lié à main  
forte à Tyr:  
où vint aus-  
si Athana-  
se & Ar-  
senie.*

quelque peu de temps apres, les fallaces & machinations des aduersaires donnerent de rechef beaucoup d'affaire à Athanasie, & luy engendrierent la haine & malueillance de l'Empereur: Car la troupe de ceux qui luy procuroyent mal & l'accusoyent, s'assembla tout en vn, pour deposer contre luy & en faire plainte à l'Empereur. Par lesquels estant à la fin (bien que ce fut à grand peine) incité à leur condescendre & obtemperer, commanda d'assembler vn Synode à Cesaree, ville de Palestine. Où estant Athanasie euoqué, différa d'y comparoir par l'espace de trente mois, ayant le dol & trahison d'Eusebe Pamphile Euesque du lieu, & de celuy de Nicomedie qui portoit mesme nom, pour suspect, ensemble toute leur faction: qui luy causa de si long temps temporiser & de dilayer la sa venue. A la fin estant contraint par vne plus aigre force d'y comparoir, il vint à Tyr. Or l'Empereur auoit commandé audit Concile de se trouuer en Ierusalem, pour là dedier vn temple qu'il y auoit fait edifier: où se transporterent Eusebe & ceux de sa ligue, en grand & royal appareil, afin d'estre faits vn spectacle à tous. Or falloit il que le Synode passast par la ville de Tyr, pour venir de Cesaree en Ierusalem, en laquelle ville de Tyr, l'Empereur voulut que la cause d'Athanasie fust discutée, afin que tous altercas, contentions, & toutes friuoles estans ostées d'entre eux, & du tout mises à neant & assopies, fissent d'affection plus pacifique les mystiques ceremonies, requises à la dedicatio de ce tēple. Il estoit lors la trētiesme année de l'empire de Cōstantin. Quant au nombre de ceste assemblee, ils estoient soixante Euesques de conte fait du pays d'Oriēt, qu'un qui auoit esté autrefois Cōsul, nommé Denys, auoit assemblez. En ce lieu fut aussi amené d'Alexādrīe, à main forte, vn prestre appelé Macaire, lié & garroté de grosses chaines de fer. Athanasie y ayant esté de rechef cité, fit de prime face grande difficulté d'y coparoir, & delayoit tousiours, non tant pour crainte qu'il eust des crimes dont il estoit chargé, que de peur qu'il auoit qu'on ne changeast quelque chose, de ce qui auoit ja vne fois esté déterminé & arresté touchant la foy, au Concile de Nice. Toutesfois craignant les lettres de l'Empereur, par lesquelles il le menaçoit, que si de son bon gré ne se venoit purger au Concile de ce qui luy estoit mis sus, qu'il le contraindroit d'y venir vouldist ou non, à la fin il se rendit à Tyr. Où pareillement quelque diuine providence incita de venir vis, sain & dispos de ses membres, cet Arsenie qu'on disoit estre mort: Car il n'eut esgard quelconque ou à l'argent qu'il auoit eu de ces faulx accusateurs & suborneurs de personnes, ou au commandement qu'ils luy auoyent fait de se tenir caché, qu'il ne vint secrettement &

& desguisé à Tyr, pour sçauoir & congnoistre quelle yssue auroyent ces choses à la parfin. Or aduint il lors de bonne fortune, que quelques seruiteurs d'un qui auoit esté autrefois Consul, nommé Archelaus, estoient en vn cabaret à banqueter, quand ils entendirent d'un quidam, qu'Arfenie, qu'on disoit auoir esté tué, estoit en la ville, caché en quelque maison, & qu'il ne se osoit monstrier. Ce qu'ayans entendu ses seruiteurs, le vont dire à leur maistre, lequel apres qu'il s'en fut incontinent informé, & qu'il sceut au vray la chose estre certaine, le fait entendre secretement par homme seur à Athanase, luy mandant qu'il eust bon courage, & que son Arsenie estoit là venu tout plein de vie. Ce gallant estant prins & liuré en leur puissance, nioit fort & ferme, que ce n'estoit pas luy, & qu'ils le prenoient pour vn autre: Mais Paulin Euesque de Tyr, qui congnoissoit l'homme de longue main, affermoit que c'estoit luy mesme en personne, & non autre. Voila comme la diuine prouidence disposa & modera cest affaire. Au demeurant, Athanase ayant esté cité, comparut au Concile, où en presence de tous, partie se laua des cas à luy imposez, partie demanda delay, pour aduifer d'auantage & plus meurement aux responces & saluations qu'il deuoit faire, touchant ce qu'il estoit aceusé: & nommément sur le fait qu'on luy mettoit sus, d'auoir tué Arsenie, & forcé de nuit par argent vne femme. Lequel delay ne requirit sans cause: car il voyoit combien il luy estoit difficile de se pouoir sauuer des mains de ses ennemis, & combien son affaire estoit embrouillé & impliqué, pour veoir ses accusateurs & tesmoins estre fauorisez des iuges, vn grand nombre d'Arriens & Melitiens, bien disposez à luy faire de la fascherie, & qui approuuoient tout ce que disoient les accusateurs: & mesme que ses accusateurs qu'il auoit ja conuaincus auoir faulxement depose contre luy, auoyent esté absous à pur & à plein. Toutefois il sceut si bien avec l'aide de Dieu, conduire son affaire, qu'il monstra en procedant en auant, que ces deux choses dont il estoit accusé, estoient ridicules. Car comme quelque temps apres, ils eussent mandé ceste femme pour estre ouye, & consistast au milieu de toute l'assemblée, & accusast Athanase du forcement qu'elle maintenoit luy auoir esté par luy fait, vn prestre Alexandrin là assistant, & ayant prins la cause d'Athanase en main, cōme si ce eust esté la sienne propre, ainsi qu'il auoit esté entre eux auparauant secretement accordez, se print à luy dire: Veux-tu dire donc femme, que ie t'ay forcee? Ouy, dit elle, ie le veux dire & soustenir, que c'a esté toy, & nul autre: en le montrant au doigt, & adioustant quant & quant, le temps & la maniere comme il auoit procedé à la prendre à force. Chose qui fut (comme ridicule) facilement refutée. Ce fait, la main d'Arfenie fut mise en auant: en laquelle production, l'accusation faite contre Athanase, ne se manioit plus lors par paroles, ains par faits & preuues. Mais iceluy sceut si dextrement & avec telle prudence obuier à tout ce qu'on luy im-  
posoit, que ses aduersaires ne pouuoient rien que repliquer, quelque instance qu'ils peussent faire. Premièrement il interroge les assistans, s'il y auoit homme en la compagnie qui congneust Arsenie. A quoy quelques vns respondirent qu'ils le congnoissoient fort bien, pour l'auoir veu, hanté, & frequenté. Adonc le fait venir en plein Concile en presence de tous, ayans ses deux mains cachees sous sa robbe. Lors il leur dit: Vous voyez, Messieurs, icy present celuy qui estoit mort, & en leur montrant l'une de ses mains, & puis l'autre: Voila (dit-il) vous auez Arsenie, ayant deux mains: que mes accusateurs me monstrent, où ils ont iamais veu vn homme en auoir trois: Car Dieu le createur ne crea onc l'homme au commencement avec trois mains. Ces calomnies ayant esté en ceste sorte confutees, les architectes de ceste imposture, prenants garde à leurs affaires, se lancent dans la troupe qui là estoit pêle-mêle, & en prenant la fuite pouruoyent à la saluation de leurs vies. Et ainsi Athanase repoulsa ce crime qui luy estoit obiecté, par le moyen de la vie d'Arfenie, qu'il leur monstra sain & entier de ses membres. Il reietta pareillement la deposition d'Ischyrras, le disant n'estre receuable en tesmoignage contre luy, en cela premièrement qu'il n'estoit pas prestre. Il en fit autant des Eusebianistes, allegant nul ne deuoir estre iugé par ses ennemis. Et comme quelques autres poincts de ce qu'on le chargeoit, fussent produicts & mis en auant, le Concile ordonna qu'on iroit en Mareotis, pour à l'instant s'informer plus à plein de tout ce qui estoit mis en controuersé, & sur le champ faire & parfaire son procès. Mais Athanase voyant que ceux qui auoyent esté commis & deleguez pour faire l'enqueste & information de ces choses, estoient ceux qu'il auoit ja refusez pour iuges, pour n'estre en ce cas receuables (car ceux qui estoient là enuoyez, estoient Theognis, Marin, Theodoret, Macedonien, Valens, & Vrcisc, qui estoient ses plus grands ennemis) il proposa viuement à leur commission, protestant nullité en tout ce qu'ils feroient, & criant tout haut en plein consistoire, que tout ce qu'ils faisoient n'estoit que surprinsé & trahison, & chose faite à la main, qui ne rendoit qu'à luy imposer faux crimes & faire desplaisir: & protesta, que si ses accusateurs estoient presens avec tels iuges, qu'il tenoit pour suspects & ennemis, que ce ne seroit d'eux tous qu'un iugement inique, & qu'une seule partie, pour estre tous ensemble bandez contre luy. Voyant à la fin que pour tout ce qu'il disoit, nul n'en faisoit conte, ny n'auoit esgard à toutes ses raisons, ny mesme Denys homme d'autorité qui l'à assistoit, craignant aussi d'autre part qu'ils ne missent la main sur luy, & qu'à toute force ne le fissent mourir, baillir hors de ce consistoire, & s'en alla au plus roide qu'il peut vers l'Empereur.

Hh iij

*Athanase est fait certain qu'Arfenie estoit venu secretement à Tyr.*

*Plusieurs articles d'accusation in-tense contre Athanase se trou- uent en Sozo- li. 2. ch. 25.*

*Le iugement d'Athana- se suspect de toutes pars. Athanase repoulsa fa- cilement la calomnie qu'on luy im- posoit, d'auoir for- cé une fem- me.*

*En exhibant aussi Arse- nie vis, il se purge du crime qu'on luy mettoit sus, de l'auoir tué.*

*Le iugement d'Ischyrras & d'A- thanase.*

*Aucuns enuoyez à Mareotis par le concile, pour in- former plus amplement sur le neud de la cause d'Athana- se.*

*Attestatio  
de tesmoins  
suspecte.*

*Athanasie  
condamné,  
comme re-  
belle, deso-  
beissant &  
contumax.*

*Fallace &  
peruersité  
de iuges cor-  
rompus.*

*Arsenie e-  
strangle  
aussi par sa  
sentence*

*Athanasie.  
Paphnuce  
Euesque de  
Thebes, &  
Maximin  
de Ierusa-  
lem, repro-  
uent ce in-  
gement.*

Les commissaires, qui auoyent esté enuoyez à Marcotis, estans de retour, & ayans présenté au Synode les attestations qu'ils auoyent trouuees de ceux du pays, qui toutes se r'apportoyent en vn, comme s'il n'y eust eu qu'un homme qui en eust déposé, firêt à croire que celuy qui auoit accusé Athanasie, auoit dict la verité : parquoy le Synode premierement le condamna comme rebelle & contumax ( ne se trouuant homme là qui print sa cause en main & le deffendist ) puis fut dit par la sentence qui contre luy fut prononcee, que de là en apres il seroit priué de sa dignité episcopale. En laquelle sentence deschiquerent le personnage de maintes grosses & atroces iniures, le disant estre homme seditieux, mutin, & esmouuant toute l'Egypte à troubles & seditions : taisans quant au reste le diffame & impropere qu'on luy auoit fait de celle femme dessus mentionnee, & le meurtre qu'on luy reprochoit auoir commis en la personne d'Arsenie. Ils enuoyerent aussi lettres à tous les Euesques de tout le pays, leur mandant qu'ils n'eussent à aucunement communiquer avec luy, ou de parole, ou de frequentation, & qu'on ne l'endurast nullement resider à Alexandrie, ains qu'il en fust dechassé, comme banny de la communion des fideles & excommunié. Et si d'auantage, ils confirmerent le crime à luy imposé, touchant le calice qu'on disoit iceluy auoir brisé & mis en pieces. Et quant aux autres articles, qu'on luy mettoit sus, donnerent couleur à leur calomnie par quelque singuliere couuerture qu'ils inuenterent : passans soubz silence au demeurant & du tout se taisans de la conuiction qu'il auoit faite des delateurs, qui faulxement l'auoyent accusé, & au contraire louans ceulx qui l'auoyent calomnié. Ils rendirent aussi & confirmerent l'honneur & dignité tant à ce Iean qui auoit succédé à Melitie, qu'à tous ceux de sa secte, & de son clergé. Ils receurent par mesme moyen au nombre des leurs Arsenie, qu'on disoit auoir esté occis : lequel estant aussi lors de la secte des Melitiens, & comme Euesque des Hypselopolitains, soubz-signa à l'inique proscription d'Athanasie. Chose nouuelle & estrange, que celuy qu'on disoit auoir esté estranglé par Athanasie, luy viuait l'estranglast entant qu'en luy estoit, en le bannissant & chassant de son siege. Il y eut aussi plusieurs Euesques en ceste assemblee, qui bien congneurent ce tant iniuste & insence iugement : Car on dit que le confesseur Paphnuce qui là assistoit, se leua lors en prenant Maximin, Euesque de Ierusalem, par la main, disant qu'il n'estoit à l'un ny à l'autre d'eux deux seant ny raisonnable, que ceux qui auoyent esté confesseurs, & auoyent eu les yeux creuez, & le bout des doigts coupez pour auoir soustenu la parole de verité, eussent quelque chose de commun avec les iniques & meschans, & donnassent sentence contre les protecteurs de la vraye pieté.

*« la deposition d'Ischyas ] Le point de la cause de cest Ischyas ou Ischyron (car ainsi le nomme Sozomene) fut tel: Cestuy-cy s'attribuoit & usurpoit la dignité sacerdotale, ores qu'il ne fust ordonné, faisant l'estat de prestre. Ce qu'estant venu à la connoissance d'Athanasie, le fit espier sur cest affaire: de sorte qu'un iour l'ayant trouué en flagrant delict, disant la Messe, fit ruer par terre l'autel sur lequel il la disoit, briser en pieces le calice, & par ce moyen reprima l'impie audace & outrecuidance de ce temeraire homme. Pour laquelle chose, cest Ischyas l'ayant fait conuenir en iustice, Athanasie dit sa cause deuant iuges du tout iniques & corrompus. De nostre temps se sont trouuez plusieurs Ischyas, mais nul Athanasie. Or iceluy Athanasie auoit fait faire toutes ces choses par un prestre nommé Macaire, en dechassant de là & excommuniant Ischyas : au moy de quoy fut aussi cestuy Macaire constitué prisonnier, & là estant, rendit raison de ce qu'il auoit fait.*

*De la consecration ou dedicace du temple de Hierusalem: avec l'epistre que l'Empereur Constantin enuoya au concile congrege à Tyr, qui est en Phenice:  
& comme Athanasie fut banny. Chap. L.*

*Il est com-  
mandé aux  
Euesques,  
par l'Empe-  
reur, de se  
transporter  
de Tyr en  
Ierusalem,  
pour dedier  
le temple  
que de nou-  
veau il a-  
uoit edifié.*



*Le iour an-  
niuersaire  
de l'exalta-*

V temps que le trentiesme an de l'Empire de Constantin s'accomplissoit, & que le temple, que tres-magnifiquement il auoit fait bastir en Ierusalem sur le mont de Caluaire, au lieu dit Le grand martyre, fut paracheué: vn nommé Marian, homme de grande autorité, vint au Concile avec lettres de l'Empereur son maistre, par lesquelles il leur estoit commandé de venir tout aussi tost en Ierusalem, pour dedier ce saint temple. Ce que ayant entendu les Euesques là congregez, incontinent prennent le chemin de Ierusalem, toute altercation & debat mis arriere: & là arriuez dedierent ce temple, & consacrerent tous les dons & ornemens que l'Empereur y auoit enuoyez, fort excellens, & de grand prix, & qui furent là long temps apres exposez à la veue d'un chacun, engendrans à ceux qui les contemploient, vn merueilleux espouuement, tant pour leur grandeur & magnitude, que pour la valeur de laquelle ils estoient. Lors que cela se fit, c'estoit le quatorzieme iour du mois de Septembre: qui depuis ce temps là iusques à present a esté en l'Eglise de Ierusalem par assemblees publiques solemnizé huit iours durans, où toutes personnes de toutes les contrees de la terre y conuenoyent & s'assembloyent de toutes pars, pour celebrer la feste, seruir Dieu, & visiter les saints lieux. Auquel lieu fut aussi ce tant reclamé Synode continué & paracheué, où ils receurent en la communion Arrius & Euzoie, induits

induits à ce faire des lettres de l'Empereur, disans que par icelles, il leur mandoit qu'ils sentoyent bien de la foy, & qu'ils auoyent laissé leurs mauuaises opinions. Ce qu'ils escriuirēt aussi à l'Eglise d'Alexandrie : à sçauoir, que tous troubles, haines & rancunes cessées, Dieu auoit donné à la fin grande paix à son Eglise : qu'Arrius s'estoit recongnu, & qu'ayans receu du personnage son libelle de penitence, il auoit esté d'eux bien & légitement adimis, & qu'il s'estoit totalement soubmis à la puissance & correction de l'Eglise. Chose qu'ils firent pareillement entendre à l'Empereur, luy enuoyant tout ce qu'en leur Synode auoit esté decisi & arresté, & luy mandant couuertement qu'Athanasie auoit esté banny & dechassé de la communion. Voylà cōme le tout se passa. Mais Athanasie, s'en estant allé du Concile droit à Constantinople vers l'Empereur, luy fait sa complainte des torts & iniures qu'il auoit receues en iceluy Concile. Et cōme aucuns de ceux qui l'auoyent condamné se trouuassent là, requit l'Empereur en presence d'eux, que deuant sa maiesté fust sa cause debatue, & qu'enquestes & informations fussent faites sur les charges à luy faulcement imposees, & à cause desquelles il auoit esté contre tout droit & equité par ses ennemys à Tyr sententié. L'Empereur estimât que la requeste d'Athanasie estoit plus que ciuile, aussitost de pesche lettres aux Euesques qui auoyent assisté à tout ce qui s'estoit fait au Concile tenu à Tyr, leur mandant ses lettres veues incontinent venir à luy, desquelles la teneur estoit telle :

Quant aux choses qui par sedition & tumulte, & comme quasi par quelque orage & tempeste, ont esté iugees en vostre Synode, ie les ignore. Si est ce qu'il y a quelque apparence quetumultueusement par vne desmesuree & illegitime cōsultation, la verité y ait esté deprauee : en ce que par vne enuie que vous auez de contentiōner contre vos prochains (chose que vous voulez estre inuincible) vous ne pouuez veoir ce qui est à Dieu plaisant & agreable. Tant y a qu'il appartient à la diuine providence, que puis que le vice de ceste contentieuse ardeur a este manifestement descouuert, il soit aussi discuté & à nous apertement déclaré, si là en vostre assemblee vous auez eu soing de sçauoir & cōgnoistre la verité des choses, & si par vous elles ont esté iugees sans rancune & faueur. Parquoy ie veux que aussi tost que vous aurez receu ces presentes, vous veniez par deuers nostre pieté pour nous exhiber l'exacte raison des choses qui par vous ont esté là faites, & pour vous eniustifier. Quant à la cause pour laquelle ie vous escry la presente, & qui m'a induict à vous mander venir par deuers nous, ie vous l'ay bien voulu faire entendre par mesme moyen, afin que vous aduisiez à vostre affaire. C'est qu'estant presentement arriué à nostre en tout & par tout heureuse ville de Constantinople (or s'est il fait de fortune que ç'a esté de cheual) s'est venu à moy presenter au mitan de la rue publique, l'Euesque Athanasie, accompagné de quelques vns qu'il auoit avec luy. Ce qu'il a fait à l'improuiste & lors que ie ne pensois pas à luy si bien, que cela m'a donné occasion d'effroy. L'appelle Dieu à tesmoing, qui void & congnoit toutes choses, si de prime face ie l'ay congneu, iusques à ce que quelques vns de ma suite m'ont fait entendre qui il estoit. Or aucuns l'ayans interrogué sur les torts & iniures qu'il disoit luy auoir esté faits par vous, il leur respōdit raisonnablement : Quant à moy ie ne parlay pas lors à luy, ny ne luy tins aucun propos, soit pour bien, soit pour mal. Sa requeste ouye, ie la luy denyay incontinent, & peu s'en est fallu que ie n'ay commandé qu'il en fust totalement debouré. Toutefois luy insistât avec vne grande liberté, & disant qu'il ne nous requeroit autre chose, sinon que ie vous fisse commandement de comparoir deuant moy, afin qu'en l'urgent necessité où il se veoit reduict, il peult en vos presences suffisamment deploier & regretter le tort qu'il dit auoir souffert & enduré : moy voyât que sa demande estoit fort accordante à raison & au temps, i'ay volontiers commandé que ces choses vous fussent mandées, afin que vous tous qui auez assisté à l'assemblée faite à Tyr, veniez sans delay & à la plus grande diligence que faire le pourrez, à la cour de nostre mansuetude & doulceur, pour faire entendre & declarer par effect la sincérité & verité de vostre sentēce donnee contre luy, à moy que vous ne sçauriez nier estre vray seruiteur de Dieu. Car par la foy & religion que i'ay enuers luy, toutes choses ont en tous lieux esté pacifiques. Et si d'auantage ay si biē fait par tout le monde, que les Barbares mesmes louent maintenant & benissent le nom de Dieu, qui iusques à icy auoit ignoré la verité. Or est il euident, que celuy qui ne congnoit point la verité, ne congnoit point aussi Dieu. Toutefois les Barbares mesmes, cōme i'ay tātost dit, ont cōgneu Dieu par moy son vray ministre, & ont appris à le craindre, & ont congneu par experience, que i'estois en tous lieux defendeur & protecteur de son nom, & que par effect ie regarde soigneusement à moy. Et ainsi par ce moyen ils ont tout à plein congneu Dieu, lequel aussi ils reuerent & honorent, pour la crainte qu'ils ont de nous. Mais quant à vous qui semblez porter deuant les autres les secrets mysteres de la benignité (car diray-je que les gardiez & obseruiez) & qui deuez monstrer exemple à tous autres, vous, dis-je, ne faites au contraire que susciter noise & discord, & entreprendre (afin de le dire apertement) ce qui ne sert qu'à la perdition & ruine de toutes personnes. Nonobstant tout cela, ne faillez à venir incontinent vers moy à la plus grande diligence que faire le pouuez, comme il vous a esté dit cy dessus : vous persuadans que nous mettrons toutes les peines à nous possibles, à ce que toutes choses emendables & dignes de

si sainte  
croix, ou  
de toutes  
parts on y  
conuenoit  
par deuotio

Lettres de  
l'Empereur  
au Concile  
de Tyr, pour  
enuoyer à  
Constanti-  
nople les E-  
uesques y  
assistās à la  
poursuite  
de requē-  
ste d'Atha-  
nase.

Vn vouloir  
cupide de  
contention-  
ner, ne peut  
congnoistre  
ne veoir  
les choses  
qui sont de  
Dieu.

Barbares  
conuersis à  
la foy par  
Constantin,  
lequel se  
glorifie que  
Dieu luy  
a tousiours  
en tous ses  
affaires  
assisté.

correction, ayans esté corrigees, elles soyent deuëment maintenues en la loy de Dieu, & que lon ne puisse les blasmer ny auoir opinion & suspicion d'elles : à sçauoir, tous ennemys d'icelle loy estans dissipez, rompus, mis en route & entierement defaits, lesquels sous le pretexte d'un beau nom, suscitent mille sortes & manieres de blasphemes & mille occasions de detraction & mesdisance.

*Les Eusebiens viennent seuls à Constantinople vers l'Empereur*

L'Empereur ayant escrit ces choses, qui furent bien estonnez, ce furent les autres Euesques : tellement qu'estans espouuentez d'une grande crainte, vn chacun reprit le chemin de sa maison, pour aduiser à ce qu'il auoit à faire & à respondre à cecy. Toutefois les Eusebiens ayans prins la charge de les exempter de toute la crainte qu'ils auoyent, s'allerent presenter deuât les yeux de l'Empereur, maintenans avec grande assurance, que la sentence qui contre Athanase auoit esté donnee au concile de Tyr, auoit esté bien & iustement donnee. Et apres l'auoir vn long temps atrocement iniurié, ne faisoient ia plus d'instance, ny ne mettoient en auant le calice qu'ils disoient iceluy auoir brisé & mis en pieces, ny la table d'autel qu'ils maintenoient auoir abbatue, ou le bras de ceit homme vif, qu'ils luy imposoient auoir couppe pour en faire des incantations, pour ce que tout cela auoit esté assez liquidé & auéré faulx, ains eurent recours à vne autre calomnie qu'ils auoyent apostee. C'est qu'ils luy mirent sus, qu'il auoit menacé de tant faire par ses persuasions, qu'il engarderoit ceux d'Egypte de mener plus le bled d'Alexandrie à Constantinople, que Constantin auoit ordonné y estre de là porté tous les ans. Et pour miculx approuuer leur mensonge, asséurerent que les Euesques Adamantion, Anubion, Arbathion, & Pierre, luy auoyent ouy dire. Ces choses alleguees & mises en auant, tant firent qu'ils obtindrent & gainerent leur cause par ces calomnies. Car souuent aduient, que le mensonge emporte la victoire, & surmonte la verité, quand on a opinion que le calomniateur est homme de bien. Adonc l'Empereur espris de courroux, relegua le personnage en Gaule à la ville de Treues. Ce que fit Constantin, comme est l'opinion d'un chacun, non point tant pour auoir creu que ce qui auoit esté depose contre luy fust vray, que pour reduire l'Eglise à vnitè, & les Euesques à con corde. Chose qui ne se pouuoit autrement faire, si Athanase n'eust esté relegué : Car il detestoit totalement & auoit en horreur la communion des Arriens. Voylà comme ce bon personnage pour soustenir la foy fut enuoyé en exil à Treues, qui est vne ville de Gaule.

*Comment Arrius estant venu d'Alexandrie à Constantinople, fit de la fascherie à Alexandre, Euesque du lieu : & comme par les prieres & oraisons d'iceluy Alexandre, le mal-heureux creua : & de ce qu'escriit Athanase de sa mort.*  
Chap. L I.

*Arrius retourné à Alexandrie est content. Le mesme est mandé venir à Constantinople par l'Empereur. Sedition faite aussi à Constantinople, pour la religion. Contention d'Alexandre Euesque de Constantinople & de Eusebe, Euesque de Nicomedie, touchant Arrius.*



Arrius ayant gagné le point qu'il demandoit, s'en alla de Ierusalem à Alexandrie. Mais comme l'Eglise d'Egypte ne voulüst auoir aucune communion avec luy, recommença de plus belle avec ceux de sa secte à exciter troubles & esmotions populaires, & à franduleusement semer encore son heresie. La commune fut fort fachee, tant pour le retour d'iceluy, que pour le bannissement de leur pasteur : Mais l'Empereur ayant entendu la mauuaise intention d'Arrius, le manda venir à Constantinople, pour en sa presence rendre raison tant de sa peruerse opinion, que de tous ses autres faits. Or fault il entendre que le peuple de Constantinople estoit mi-party & diuisé en deux bandes : Les vns tenoyent ne falloir aucunement rien changer de tout ce qui auoit esté déterminé au Concile de Nice : les autres soustenoyent, que tout ce que disoit & auoit dit Arrius estoit bon. De maniere que pour cela s'estant excitee vne grande sedition en la ville, plusieurs tachoyent à y faire assembler vn Concile. Alexandre d'autre costé, Euesque de l'Eglise Constantinopolitaine, qui de long temps auoit succédé à Metrophane, homme sur tous autres aimant & craignant Dieu, mettoit toutes les peines à luy possibles à appaiser ce tumulte : Mais voyant que pour tout ce qu'il pouuoit dire ou alleguer, il n'y pouuoit donner ordre, se trouua au milieu d'une grosse mutinerie au grand danger de sa personne. A la fin ne sçachant autre chose que faire, demanda paix avec Arrius, promettant l'admettre à la communion, leur faisant au demeurant remonstrance, qu'il n'estoit pas licite & moins conuenable à la coustume ecclesiastique, d'abroger & rescindre ce qui ia vne fois auoit esté decreté au Concile general & vniuersel, partant de saintes personnes, qui de toutes les contrees qui sont sous le Soleil y estoient conuenus. Nonobstant toutes lesquelles honnestes remonstrances, Eusebe ne desista de le menacer avec grosses iniures, luy disant que s'il ne determinoit & assignoit vn certain iour à Arrius, pour le recevoir à la communion, il ne cesseroit de poursuivre tous les moyens, iusques à ce qu'il l'eust fait bannir & chasser hors son Eglise : & que celui qui luy succederoit, ne feroit pas difficulté de l'admettre. Et ce dit, rompirent leurs propos, & se departirent les vns des autres, tachant Eusebe de son costé par tous moyès à executer ses



ses menaces : & Alexandre du sien, ayant son recours à Dieu & le priant incessamment que ce dont Eusebe fremissant & grinçant les dents l'auoit menacé, ne sortist son effect : non tant sou- *Alexandre*  
cieux de la crainte qu'il ne fust dechasse hors son Eglise, que sollicitieux que rien ne fut innoué *a son re-*  
& changé en la doctrine vne fois arrestee au Concile. L'Empereur l'intimidoit merueilleuse- *cours à*  
ment, lequel sembloit aucunement encliner aux paroles des aduersaires, & leur porter faueur : *prieres &*  
Parquoy ce saint vieillard tremblant en ceste solitude & extreme angoisse, toutes choses mis- *oraisons.*  
ses arriere, & tout art de rhetorique & de dialectique postposé, eut soudain tout son recours au  
saint sacraire, vaquât à ieusne & oraison, sans rien omettre de tout ce qui sert à appaiser Dieu,  
& à le rendre exorable. Pour laquelle chose faire plus ententifvement, & avec plus de ferueur  
& deuotion, il s'enferma au temple surnommé De Paix, & la face enclinee sur l'autel du saint  
sacraire d'iceluy temple, & l'armoyant fut tout vn iour & vne nuit sans cesser continuellement  
d'inuoyer Dieu. L'oraison duquel estoit telle, « que si l'opiniõ que tenoit Arrius estoit vraye *Priere de*  
qu'il luy pleust de luy faire la grace de ne luy permettre veoir le iour assigné de l'assemblée & *Alexandre*  
communion qu'il auoit accordee pour y recevoir ledict Arrius : & au contraire, si l'opinion la- *contre*  
quelle luy (à sçauoir Alexandre) suyuoit, estoit bien fondee & appuyee sur la verité, que son plai- *Arrius.*  
sir fust, de dignement & visiblement punir iceluy Arrius, comme l'auteur & chef de tous les  
maux qui estoient aduenus en son Eglise, pour la controuerser par luy suscitée, sur la professiõ  
de la foy. Telle fut l'oraison d'Alexandre. L'Empereur aussi voulant approuuer Arrius & sça- *Arrius*  
uoir ce qu'il auoit au cœur, le fit venir en son palais Imperial, & là venu l'interroga s'il ne con- *sous signe*  
sentoit pas aux decretis du Concile de Nice. Auquel respondit que ouy : & pour en faire tesmoi- *& accorde*  
gnage sans delay ne deliberation quelconque sousigna incontinent, par vne frauduleuse si- *aux decrets*  
mulation & feintise au decret Synodal. Dequoy estant tout esbahy Constantin, luy commada *de Nice, à*  
quant & quant de confermer & arrester par serment ce qu'il auoit escrit. Ce qu'il fit aussi tost : *Constanti-*  
mais ce ne fut que sous vne fallace deceptiue, remplye de dol, comme l'auons aprins de ceux *noble.*  
qui font mention de ce fait. Car en ce qu'il afferma & iura auoir telle opinion de Dieu, que le *il conferme*  
Concile auoit déterminé & qu'il auoit escrit, il entendoit cela dire, d'un papier qu'il auoit en *sous vne*  
son sein, auquel il auoit redigé par escrit sa confession de foy, telle qu'il la croyoit. Dont l'Em- *fallace sa*  
pereur estant persuadé, & pensant que son dire contint verité, manda seurement à Alexandre *sous-scri-*  
qu'il ne faillist à recevoir Arrius à la communion de l'Eglise. Or estoit il samedi ce iour là que *ption par*  
l'Empereur luy fit ce rigoureux & accompagné de menaces commandement, par lequel Arrius *serment.*  
s'attendoit le lendemain d'estre receu en icelle-dicte communion. Mais la chose vint bien à re- *Socrates li.*  
bours de son attente : car la vengeance diuine ne tarda guere, qu'elle ne suyust de pres & à la *1. chap. 38.*  
trace les pas de celuy, qui auoit vsé de tant absurdes caillations. Aduint donc lors qu'Arrius *La vengean-*  
estant conduit du palais Imperial en son logis par les satellites d'Eusebe, qu'il marcheoit arro- *ce diuine*  
gamment par la place publique qui estoit au milieu de la ville, se pourmenant par vne non me- *senfuit.*  
diocre ostentation & fast. Estant venu à la place de Constantin, où sur vne haulte colonne de  
porphyre estoit magnifiquement sa statue esleuee (cela estoit sur le soir) subitement vne gran- *La place de*  
de douleur & tranchee de ventre surprint Arrius, qui luy prouenoit de la playe de sa concien- *Constantin.*  
ce : tellement qu'estant de ce subit inconuenient grandement tourmenté, force luy fut d'aller  
vistement à vn priué public qui estoit là pres. A grand' peine l'eut il gagné, que le cœur luy *Repentine*  
commença à faillir, & les excremens à luy couller du ventre d'eux-mêmes sans force ne vio- *& horri-*  
lence : & la force de nature qui parauant l'estraignoit estant dissoulte & lachée, le siege avec les *ble mort*  
excremens luy vient à tomber, & tout le sang qu'il auoit au corps à s'escouler : de sorte qu'à la *d'Arrius.*  
fin la totale cõstitution interne de son corps, avec les intestins, foye & ratte luy saillent par la,  
dont il mourut miserablement. Ceux qui l'attendoient voyans qu'il ne sortoit point de là, & y  
estans aucuns d'eux entrez pour sçauoir pourquoy il tardoit tant en ce lieu, le trouuerent tout  
roide mort, recliné sur cet ort & sale siege. Lequel fut vn long temps apres de tous môstré, der-  
riere la gallerie & pourmenoir du grand marché où se vendent les viures : de sorte qu'en per- *Au lieu*  
petuelle memoire tant du lieu, que de la mort d'Arrius, nul ne passoit par là qui ne le monstast *où mourut*  
audoigt. Il se dit aussi, que long temps apres nul ne vouloit aller là pour y faire son aisément, *Arrius,*  
ayant vn chacun ce lieu en horreur & detestation, à cause de la diuine punition qu'Arrius auoit *pour abolir*  
enduree par son impieté. Mais puis apres quelque Arrien, homme fort riche & opulent, indi- *l'infamie*  
gné de l'impropre & blasme qu'on donnoit au chef de leur secte, acheta ce lieu : & en abo- *de sa mort,*  
lissant sa premiere forme, y edifia vne fort excellente & magnifique maison, afin de totalement *sont faits*  
ensepuelir & celler ce qui y auoit esté fait, & que la mort d'Arrius par vne perpetuelle successiõ *des logis*  
de memoire, ainsi qu'en vn ieu comique, ne fust plus exhibée à la posterité. *magnifi-*  
*ques.*  
La mort de ce mal-heureux ne fut plustost publiee, qu'il y en eut entre les hommes plu- *Diuerses*  
sieurs & diuerses opiniõs : Car il sembloit aux vns que cela luy estoit aduenu par vne subite ma- *opinions*  
ladie qui l'auoit surprins, prouenâte d'une par trop libre reiouissance & ebaudissement de cœur *de la mort*  
qu'il auoit eu pour ses affaires, qui luy auoyent succédé comme il vouloit : & que par ceste grã *d'Arrius.*  
delicé qui s'estoit par trop largement espandue en son cœur, il estoit mort subitement. Les au-  
tres disoyent tout du contraire, & que c'estoit la diuine punition qui estoit tombee sur luy, &

qu'il auoit encouru le condigne supplice de son impieté. Ses familiers d'autre costé semoyent par tout que c'auoyent esté ses malueuillans, qui l'auoyent fait mourir par charmes, enchantement ou poison. Eusebe, Euesque de Nicomedie, ayant entendu ceste nouuelle, fut bien esbahy & soucié de ce qu'il deuoit faire : Carce fait courut non par la ville seulement, mais quasi par tout le monde, s'augmentant le bruit par tout iournellement de ceste repentine mort. L'Empereur aussi de sa part en fut fort aisé, & se monstra encores d'auantage pour cela defendeur & protecteur de la profession de foy qui estoit determinee à Nice, comme si elle eust esté dictée de la bouche de Dieu, & fauorisa plus que iamais à la religion Chrestienne. L'elieu au demeurant semble requerir, que nous recitions ce que le grand Athanase a laissé par escrit des actes d'Arrius, qui est tel :

*Athanase,  
du pariure-  
ment &  
mort  
d'Arrius.*

*Il ne se  
faut moc-  
quer de la  
mort de  
personne :  
car on ne  
sait qui  
doit adue-  
nir à un  
chacun.*

Arrius, prince. & port'enseigne de toute heresie, participant & compagnon d'Eusebe, à la solicitation & menecant d'iceluy Eusebe, que de ses amys, ayant esté mandé par le bien heureux Constantin Auguste, & par luy importuné de faire declaration par escrit de la confession de sa foy, à la fin par vne malicieuse fraude, la redigea en vn libelle, & la luy presenta, en supprimant ce pendant les impudentes & eshontees paroles de son impieté, & à la semblance du diable contrefit & vsurpa seulement les simples mots des escritures, ainsi qu'en icelles sont trouuez exprimez. Ce fait, le bien heureux Constantin luy dit: Si tu n'as rien d'auantage caché en ton cœur de mauuais, atteste le & conferme la verité par le tesmoignage de ton serment: Mais garde toy bien de te pariurer, car si tu iures faulxement, sois assuré que Dieu t'en punira. Il ne luy eust pas si tost dit cela, que le miserable iura, qu'il n'auoit rien autre chose caché en son esprit, ny autre sentiment & opinion de la foy, que ce qu'il auoit presentement mis par escrit, bien qu'au tresfois il eust dit du contraire. Ce dit, faillit incontinent de là, & comme receuant la punition de sa desloyauté & de son pariurement, n'arresta guere qu'il ne tomba, & pendu comme Iudas le ventre ne luy creua tout aussi tost. Or comme la fin commune de vie à toutes personnes constituée & ordonnée de nature, soit la mort, il ne se fault iamais esleuer contre celuy qui est decédé, ny ne se mocquer de luy, quelque ennemy qu'il puisse estre, attendu l'incertitude & fragilité de nous tous, & que nul ne se peut assurer, si auant le iour passé, il ne luy en aduiendra point autant. Mais pour ce que la mort d'Arrius n'a pas esté cômune & semblable à celle dont meurent les hommes ordinairement, il est bien raisonnable qu'on en face mention, pour la vengeance que Dieu a en icelle exercee. Comme donc Eusebe par menaces faisoit son compte de l'introduire en l'Eglise, & se faire recevoir en la communion & société des fideles, Alexandre Euesque de Constantinople s'y opposa & luy denya l'entree de son Eglise: Mais Arrius se confioit totalement aux forces & menaces d'Eusebe. La journee en laquelle d'une part & d'autre se faisoient les grands efforts, estoit vn iour de Samedy, auquel Arrius esperoit que lendemain il seroit reintegré & remis en la compagnie & association des fideles. Il y eut ce iour là vn aigre combat entre eux, ceux-cy vsans de menaces, & Alexandre de prières enuers Dieu. Mais à la fin nostre Seigneur interposa son iugement entre ces deux parties litigantes, & donna sa sentence contre les iniques: Car le Soleil n'estoit encores pas couché qu'Arrius estant necessairemēt contraint d'aller aux lieux secrets pour purger son ventre, mourut sur le retraiët: de l'un & de l'autre incontinent priué & de la communion & de la vie. Le bien-heureux Constantin ayant entendu ceste nouuelle, s'en estonna grandement, sçachât au vray que le pariure Arrius auoit esté puny. Lors fut à tous manifeste & euident que tant la denonciation minatrice d'Eusebe, que l'espoir & attente d'Arrius, auoit esté frustrée. Il fut aussi par mesme moyen déclaré que la faueur & rage Arrienne auoit esté par nostre Sauueur forclosée de la communion, tant d'icy que de l'Eglise des premiers nez. Qui sera donc celuy qui ne s'esmerueillera de veoir ces hommes affectez à toute contention & debat, attribuer encores le los de iustice & de preud'homme à celuy que Dieu luy-mesme a condamné? Et les veoir defendre & soustenir l'heresie de ceux que nostre Seigneur a conuaincu estre excommuniez, n'ayant voulu endurer que le capitaine d'icelle entrast en son Eglise? Voylà ce qu'Athanase escrit de la mort d'Arrius.

*que si l'opinion &c.) Il pria Dieu, ou qu'il print son ame, de crainte qu'elle ne fust contaminée de la communion d'Arrius, ou qu'il luy pleust faire quelque chose dont on ne se doutast: ce qui fut fait. Epiphane.*

*De ce qui aduint puis apres à Alexandria: & de l'edict que fit Constantin  
contre toutes les heresies. Chap. L I I.*



Res qu'Arrius fust trespassé d'une mort si des-honneste, si est ce que ses bourdes & diaboliques inuentions ne prindrent fin pour tout cela, ny ceux qui estoient de sa faction se deporterent pour quelque petire espace de temps, de dresser embusches & trahisons à ceux qui leur contrarioient en opinion. D'autre costé le peuple d'Alexandrie enuoyoit souuent vers l'Empereur, pour humblement le supplier d'auoir pitié d'eux, & leur

leur restituer leur pasteur Athanase. Et mesme le vertueux saint Antoine luy escriuit plusieurs lettres, par lesquelles il l'aduertissoit de se donner garde soigneusement, s'il aimoit son ame & salut, de n'adiouster foy aucunement aux Melitiens : mais qu'il creust plustost que toute accusation, qui par eux auoit esté intentee contre Athanase, n'estoit qu'une pure calomnie & faux crime qu'on luy auoit mis sus. Nonobstant toutes lesquelles remonstrances, l'Empereur ne peut jamais estre flechy ne persuadé à le reuoker : ains fit vne aigre responce au peuple d'Alexandrie, leur improperant que ce n'estoit d'eux que toute folie, outrecuidance & desordonnée confusion. Et aux prestres & moines qui auoyent esleu vne vie solitaire & continente, leur manda qu'ils eussent à se contenir & à ne se soucier que d'eux-mesmes & se deportassent de ne luy en rompre plus la teste. Car quant à luy qu'il auoit fait sermēt & s'estoit du tout resoult de iamaïs ne changer de vouloir, touchant Athanase, & que de son viuāt il ne le reuokeroit d'exil, pour estre homme sedicieux & malfacteur : ioinct aussi principalement, qu'il auoit esté condamné par sentence Ecclesiastique. Il escriuit aussi secretement à saint Antoine, qu'il ne pouuoit facilement & sans scrupule de sa consciēce, rescindre & rendre vains les decretz du Concile : Car iaçoit (dit-il) que quelques vns ayent contre luy donné sentence d'un mauuais vouloir qu'ils luy portoyent, ce neantmoins tout le reste de l'assemblée, gens de bien & craignans Dieu, estoit de mesme opinion qu'eux, quant à son bannissement, y procedans simplement & sans aucune temerité ou mauuaise affectiō. Il adiousta aussi qu'Athanase estoit homme de langue fort effrenée, mesdisant & iniurieux de toutes personnes, & propre à susciter seditions & à esmouuoir discordes : Car ceux qui luy vouloyent mal, auoyent fait entendre à l'Empereur toutes ces belles choses, le congnoissant homme qui auoit tels vices merueilleusement à contre-cœur. Or ayant esté aduertiy que l'assemblée en ce Concile estoit diuisee en deux sectes, & que l'une fauorisoit à Athanase, & l'autre tenoit le party de ce Iean qui auoit succédé à Melitie, auquel le Concile de Tyr auoit commandé d'vser de la communion, & d'auoir son honneur Episcopal en son clergé, comme aussi ceux de la secte : il en fut fort marry & pour en faire preuue, le bannit aussi de l'Eglise. Ce qui aduint contre l'opinion & attente de tous les ennemys d'Athanase : il fut fait neantmoins. Ny ne seruit aucunement à ce Iean ce qui auoit esté fait & decreté au Synode de Tyr : Car l'Empereur par aucune supplicatiō ou requeste qu'on luy peust presenter, ne peut onc estre flechy à porter faueur ny ayde à ceux desquels il conceuoit en son esprit quelque suspicion, qu'ils concitassent le clergé Chrestien à sedition & reuoltement.

Or faut il sçauoir, que iaçoit que d'une grande affectiō aucuns publiassent la doctrine d'Arrius de iour en iour, tant en sermons publiques, colloques & disputes, si est ce que pour lors elle estoit sans nom, & ne se faisoit encore ioincte en un propre corps : Car fors les Nouatiés, Phrygiens, Valentiniens, Marcionistes, & Paulianistes, tous les autres communioient tous ensemble & se congregoyent tous en une Eglise. Et ce à cause de la loy que l'Empereur auoit faite contre eux, par laquelle il vouloit que leurs temples & oratoires qu'ils auoyent faits à part pour eniceux faire leurs prieres, presches & assembles, fussent abolis, & qu'ils s'assemblassent avec les autres es Eglises des Catholiques, leur faisant defense de ne faire tant en publicq qu'en priuée assembles autre part qu'à : ains que tous en commun conuinssent en un mesme lieu. Par laquelle loy, entant que j'ay peu recueillir, la memoire de plusieurs heresies fut abolie & deuint à neant, s'escoulant peu à peu : Chose que l'Empereur fit à l'exemple du temps passé, auquel autant qu'il y en auoit qui portoyent le nom de Chrestien, encore qu'ils fussent de diuerses & contraires opinions, s'assembloyent tous en un mesme lieu avec ceux qui suyuoient la superstition des Grecs. Et comme ils fussent affligez & tourmentez d'eux, aduint qu'à la fin ils se deporterēt de curieusement s'enquerir du different & cōtrouerse qui estoit entre eux, si aucune y en auoit : à l'occasion que tous estoient exposez à pareilles calamitez & miseres. Parquoy toutes les parties s'assemblans en un, faisoient aisément leurs predications, & par coustumiere frequentatiō (attendu leur paucité) ne se laissoient point aller en plusieurs factions. Apres la publication de ceste ordonnance, il leur fut difficile de s'assembler publiquement à part, & beaucoup moins de faire assembles clādestines & illicites, les Euesques d'un chacun lieu y prenans soigneuse garde. Et ainsi estans retenus par ceste crainte, se réunirent à l'Eglise Catholique, & quelques vns de fortune se trouuerent persister en leur opinion, pour le moins apres leur mort n'en laisserent aucuns successeurs, à l'occasion qu'il ne leur estoit permis ny licite de faire assemblee, ou de librement enseigner leur heresie. Quant aux autres heresies, elles ne furent ainsi de plusieurs frequentees, ou à cause de la meschanceté de leurs auteurs, ou à cause des sottises & vanitez de leur doctrine : Mais les Nouatiens, à raison qu'ils auoyent mesme opinion de Iesus-Christ, que l'Eglise vniuerselle, tindrent fort long temps leur rang & estat, sans que ceste ordonnance leur fust en rien preiudiciable. Il semble aussi que l'Empereur leur remit volontiers quelque chose de la rigueur & seuerité des loix, aymant trop mieux gagner ses subiects par une crainte qu'il leur donnoit, que de les perdre. A ceste aussi, qui estoit Euesque des Nouatiés, seruit beaucoup à son Eglise, pour estre bien venu & fauory de l'Empereur, à cause de sa sainte vie. Quant aux Phrygiens, ils endurerent es autres contrees de l'Empire, les mesmes choses que les autres

Constantin ne peut estre persuadé qu'Athanase soit reuoké d'exil.

Constantin attribue beaucoup au iugement de l'assemblée ecclesiastique, qui auoit condamné Athanase. Constantin bannit aussi Iean Euesque Melitien.

Les Arriens n'auoyent encore point lors en leur assemblee

l'Eglise particuliere.

Loy de Constantin par laquelle il vouloit que tous Chrestiens de quelque opinion qu'ils fussent, conuinssent tous en une mesme Eglise, & qu'ils ne fissent leurs assembles à part fors & excepté quelques certaines heresies.

Eglise des Nouatiens.

*Eusebe & Theognis ayans composé une nouvelle forme de foy, retiffèrent les decrets du concile de Nice.*

heresies, fors qu'au pays de Phrygie & lieux circonuoisins. Les Montanistes aussi, depuis que leur auteur Montan eut commencé sa secte, demurerent long temps en leurs lieux. En la mesme année Eusebe & Theognis recommencerent à entreprendre de plus belle par leurs escrits tendans à nouuelleriez, touchant la doctrine de la foy determinee au Concile de Nice: toutes fois ils n'oserent du tout, & à teste nue reietter le mot de Consubstantiel, estans assez aduertis de l'opinion & sentement qu'en auoit l'Empereur, & qu'il embrassoit d'une merueilleuse affection le formulaire qui y auoit esté decreté: mais iceux ayans composé vn autre cartel ou formulaire de foy, l'enuoyerent aux Euesques de Leuant, leur mandans & faisans entendre par quelques interpretations qu'ils y auoyent adioustees, qu'icelle comprenoit à la verité les choses qui au Concile de Nice auoyent esté determinees. Et ainsi par les paroles portees en icelle, & par le sens & intelligence dicelles paroles, la premiere question fut encore par eux remise en dispute: Laquelle, bien qu'elle semblast auoir prins fin, li est ce que par ce moyen elle fut encore vne autre fois reuouee en controuersie. Voylà comme les affaires d'Arrius se porterent apres la mort.

*Car l'Empereur) L'Empereur reiettoit toutes les requestes & prieres de ceux qui luy estoient suspects de concister à diuorce & factions le clergé, usurpant le nom de Iesus-Christ. Eusebe en la vie de Constantin.*

*De Marcel, qui fut Euesque d'Ancyre, cité de Gallatie, la mineur: & du sophiste Asterie.*  
Chap. L I I I.

*La dignité Episcopale ostée à Marcel Euesque d'Ancyre, au concile de Constantinople.*



*Asterie Cappadocien, de Sophiste est fait Chrestien, mais Arrien le quel repudiant le Martyre, sacrifie aux Dieux, à cause de quoy ne fut receu en l'ordre de prestre. Marcel Euesque d'Ancyre. il promet d'abolir ses liures par le comendement que luy font les Euesques, ce que il ne fait non-obstant. Marcel quelque temps apres*

N ce mesme temps, les Euesques congregez à Constantinople, deuestirent aussi semblablement Marcel, Euesque d'Ancyre (qui estoit vne ville de Gallatie la mineur) de sa dignité Episcopale, comme celuy qui auoit introduit & suscité nouuelle doctrine en la Chrestienté. Ce qu'il fit pour resister à vn autre heretique, nommé Asterie, qui estoit vn Sophiste. Cestuy-cy estant venu de Cappadoce, tant par vne ostentation, que pour le gain, faisoit estat de Philosophe & d'enseigneur: Mais ayât delaisné ceste vacation, promet prendre & suyure la religion Chrestienne. Et cème il eut composé quelques liures, s'efforçoit en iceux de maintenir l'opinion d'Arrius: avec lequel il auoit semblablement escrit, que Christ estoit dit la vertu de Dieu, comme Moysé appelle la chenille & la sauterelle, la grand vertu de Dieu. Et mettant en auant par mocquerie plusieurs autres semblables choses, adheroit du tout aux Arriens: & assistant aux Synodes, leur portoit le menton & faisoit beaucoup d'ayde. Or ne tendoit toute son intention en ce qu'il faisoit à autre but, sinon que d'attraper en ce Concile, l'euesché de quelque bonne ville: mais tout son dessein luy succeda mal, car n'ayant peu endurer la persecution, auoit depuis sa profession Chrestienne, sacrifié aux Dieux: ce qui fut cause que l'administration des choses sacrees luy fut denyee. Et se voyant hors de tout espoir de pouuoir paruenir à ses fins, se print à diuulguer par toute la Syrie, les liures par luy coposez, contre lesquels Marcel escriuant, ou sciemment & de certaine science, ou par imprudence & inconsideration, tomba en erreur diametralement & du tout contraire à celuy d'Asterie & d'Arrius, disant avec Paul Samosatenien, que Iesus-Christ n'estoit que pur homme. Ce qu'estant venu à la congnissance des Euesques congregez à Tyr & Ierusalem, pour ce qu'Asterie n'estoit point promu en l'ordre de prestre, ne luy obiecterent rien: mais à Marcel, qui estoit esleué en dignité episcopale, luy imputerent plusieurs choses à vice, & le taxerent aigrement d'auoir ainsi faulxement escrit, avec commandement de supprimer & abolir ses liures, qui en rien ne differoyent des escrits de Samosatenien. Ce qu'il promet faire: toutefois il ne fit rien par apres, & faulsa sa promesse. Mais quand Eusebe ayant esté de là mandé venir à Constantin, fut arriué à Constantinople, la cause de Marcel fut de rechef agitée & remise sur le bureau: lequel y ayant aussi esté mandé, & faisant refus de brusler les liures plein d'impiété qu'il auoit mis en lumiere, suyuant la promesse qu'il en auoit faite en plein Concile, les Eusebianistes le depouillerent de son euesché, & en baillerent l'administration & gouuernement à vn nommé Basile, homme fort excellent en eloquence, & en tout genre de sçauoir. Ils escriuirent aussi par tout, que la part que les escrits de Marcel seroyent trouuez, qu'ils fussent tout aussi tost bruslez & reduits en cendre: ayans en leur epistre, pour mieux fulcir la verification de leur mandement, inseré quelques chapitres d'iceux escrits, comme dissonans & du tout contraires à la foy Chrestienne. Lesquels escrits Eusebe Pamphile (comme j'ay entendu) refusa fort doctement par trois liures qu'il fit à l'encontre. Tant y a que puis apres iceluy Marcel recouura son euesché au Concile de Sarde, pour estre estimé n'auoir pas telle opinion: car on pensa que ses escrits n'auoyent pas esté de plusieurs assez diligemment & exactement pourpensez & entendus, & que c'estoit la cause pour laquelle on l'auoit mescreu estre tombé en l'opinion de Paul, & qu'on l'auoit calomnié, comme cy apres il sera dit en son lieu. Il fut allegué semblablement, que tout ce que Marcel auoit fait

fait en ses escrits, n'estoit que par maniere de dispute. Et mesme, l'Empereur congneut au vray *reconure sō* que le tout n'estoit qu'une pure calomnie, que les Eusebianistes auoyent brassé à cest homme: *euesché. Ses* Car ils estoient fort indignez contre luy, & luy vouloyent grand mal de ce qu'il n'auoit voulu *escrits ne* approuuer la deliberation qu'ils auoyent entre eux arrestee en Phenice, contre Athanase, ny ce *sont pas as-* qu'ils auoyent arresté en Ierusalem, en la faueur d'Arrius. Et qui plus est, en ce qu'il s'estoit re- *se & enten-* tiré de leur communion & societé, & n'auoit voulu assister à la dedicace du temple de Caluaire, *due de tou-* surnommé Le temple du grand martyr. A cause de quoy aussi escriuans à l'Empereur, entre au-  
tres choses mirét en barbe à ce personnage, l'iniure qu'il auoit faite à l'Empereur, d'auoir differé  
de comparoir avec les autres euesques à la consecration de l'Eglise, que tant magnifiquement  
iceluy Empereur auoit fait bastir. Voila ce que pour le present i'auois à dire de Marcel.

\* Ce qu'estant venu &c.] Car il tenoit que le fils de Dieu auoit prins son commencement de Marie: &c.  
que son Royaume prendroit fin quelquefois. Sozomene li. 2. chap. 33.

De la mort & testament de Constantin le grand.

Chap. LIIII.



L'Empereur ayant ja diuisé son empire à ses enfans, auoit prouueu Con-  
stantin & Constans du pays Occidental, & Constance de celui d'Orient.  
Sur la dixiesme année de sondict Empire, declara Constantin, César: sur  
la vingtiesme, son autre fils Constance: & sur la trentiesme, le tiers nom-  
mé Constans, les voulant tous de son viuant veoir & estre appelez Ce-  
sars. Puis vn an apres, & quelques mois reuolus, estant aagé de soixante  
:: & cinq ans, & deuenu tout perclus & impotent de ses membres, se trans-  
porta à Helenopole en Bithynie, pour vser des bains qui là pres fluēt na-  
turellement: Mais sentant vne grande debilité & foiblesse en son corps,

*Constantin*  
*de son vi-*  
*uant diuisé*  
*son Empire*  
*à ses trois*  
*enfans.*

:: *Eutrope*  
*en met soi-*  
*xante-six.*

se deporta pour ce coup à s'estouer, & vint à Nicomedie, & là s'estant retiré aux faubourgs,  
(comme disent les historiens ecclesiastiques Hermes, Socrates, & Theodorite) receut le saint  
Sacrement de Baptême, qu'il n'auoit encore eu. Les paroles de quels il m'a semblé bon d'ap-  
poser en ce lieu. Donc Hermes Sozomene dit en la sorte: Estant là, & sejourant aux faux-  
bourgs fut initié du saint Baptême, dont il fut fort ioyeux, & en rendit graces à Dieu affectu-  
eusement. Socrates aussi dit ainsi: d'Elenopole s'en vint à Nicomedie: & estât aux faubourgs  
d'icelle, receut le Baptême Chrestien. Theodorite en dit autant: Le trentiesme an accomply de  
son empire, vn an apres, & quelques mois finis, estant en Bithynie, à la ville de Nicomedie, co-  
mença à se mal trouuer: Mais sçachant au vray combien est peu assée & incertaine la vie de  
l'homme, il y receut le diuin don du Baptême, lequel il auoit iusques à ce temps là differé, pour  
l'affectio qu'il auoit eue de le receuoir au fleuve de Iordan. Voila ce qu'ils en disent: mais pour  
quoy ou comment, ie ne sçay. Quant à nous, nous accordons avec l'Eglise vniuerselle, & di-  
sons qu'il a esté baptizé à Rome, par la main de Saint Syluestre. Soit iusques à icy dit de ces  
choses. Or iceluy ayant fait testament, delassa par iceluy son Empire à ses trois enfans, en la  
mesme sorte & maniere qu' auparauant il leur auoit distribué. Et ainsi apres plusieurs honneurs,  
graces, & priuileges faits & octroyez tant à l'ancienne Rome, qu'à la ville denommée de son  
nom, rendit son esprit à Dieu, :: le soixante-cinquiesme an de son aage, apres auoir gouuerné  
l'empire trête-deux ans, moins quelques mois, le vingt & vniesme iour du mois de May, sous  
le Consulat de Felician & Tarian, qui fut l'an second de là deux cens octate septiesme. :: Olym-  
piade. Estant prest de mourir, il voulut & commanda qu'Athanase fust reuocqué d'exil, & re-  
uint à Alexandria, present Eusebe, & tous ses aduersaires. Mais que nul ne s'esbahisse que ce bon  
Empereur ait tellement esté deceu qu'il ait banny tant de grans & excellens homes: Car il faut  
entendre que ceux qui à cela l'induisoyent, & persuadoyent de ce faire, estoient Euesques qu'il  
pensoit estre autres en conscience qu'ils n'estoyent: sçachans fort bien cacher au dedans vne  
trahison & meschanceté: & au dehors demonstrier vne magnifique apparence & beau semblât.  
Chose mesme qui assez a esté congneue en ce diuin & grand Prophete Dauid: lequel, non  
quelque Euesque, ains vn de ses seruiteurs domestiques digne du fouet, deceut. Car ie n'ignore  
point, que n'ayez leu suffisamment ceste histoire de ce Syba, qui par dissimulez mensonges in-  
cita le Roy contre Miphiboset, à ce qu'il luy ostast ses possessions & heritages. Ce que ie ne  
voudrois dire pour aucunement reprendre ou blâmer le saint Prophete: mais pour seulemēt  
defendre & excuser l'Empereur, & pour monstrier l'imbecillité de nature humaine: en-  
semble pour à vn chacun donner aduertissement de n'adiouster foy du tout incontinent  
aux delateurs, quelque apparence qu'ils ayent de preud'homme, d'excellence, ou de sain-  
cteté, ou quelque aage & vieillesse qu'ils puissent auoir: mais que l'vne des aureilles soit  
touours reseruee à l'aduersaire. Il ordonna de son testament entre les mains de ce Pre-  
stre qui tant louoit Arrius, que la sœur Constance, & qui auoit esté femme de Licinie, de Constans  
en mourant luy auoit recommandé & assuré estre homme de bien. Auquel Constantin

:: *Mort de*  
*constantin.*

*Icelle fut*  
*denoncee*  
*deux ans*  
*deuant, par*  
*une come-*  
*te, d'une*  
*grandeur*  
*inuisitee.*

:: *Aucuns*  
*mettent l'O-*  
*lympiade*  
*279.*

*Constantin*  
*auant que*  
*de mourir,*  
*commanda*  
*qu'Atha-*  
*nase fust re-*  
*uocqué d'ex-*  
*il, lequel,*  
*deceut les*  
*Euesques*  
*qui luy vou-*  
*loyent mal;*  
*il auoit ba-*  
*ny.*

*Theod. li. i.*  
*chap. 33.*

*Le testamēt*  
*de Constans*  
*tin.*

# LIVRE VIII. DE L'HIST. ECCLESIASTIQUE

fit faire le serment de ne le bailler à autre, qu'à Constance, luy estant de retour d'Orient : car nul de ses enfans n'assista à sa mort.

receut le saint Sacrement de Baptême] *Ruffin, Orose, Cassiodore, & Pompeius Latro sont de ceste opinion, & qu'il fut baptisé à Nicomedie par Eusebe, euesque du lieu.*

*Constantin a tousiours en ce principal regard en sa cour, d'aigrement dompter sous ses annuques & Courtisans, lesquels il appelloit ordinairement Tignes & Souris de son palais.*

*De la sepulture de Constantin : & de quelle stature & corporence il estoit.*

C H A P. L V.

*Le corps de Constantin porté à Constantinople.*

*Dueil publicq.*

*Sepulture de Constantin.*

*Commune sepulture de tous les Empereurs Chrestiens et euesques à Constantinople. Grands miracles faicts au sepulchre et image de Constantin.*

*Louange de Constantin.*

*La stature et forme de Constantin.*



T ainsi Constantin s'en alla de ce monde en l'autre, pour en iceluy posseder vne meilleure felicité de Royaume, que du terrien. Apres sa mort son corps fut posé en vn sercueil d'or, & cōduict par ses Capitaines, Lieutenans, Officiers, & seruiteurs de sa maison, iusques à Constantinople : & là colloqué en vn hault & eminent lieu, pour estre de tous veu, luy fut fait par ceux de sa cour le mesme honneur & seruice apres sa mort, qu'on luy souloit faire durant sa vie. Oū il n'y eut celuy qui, comme destitué de son pere, pour auoir tous expérimenté sa benignité & grace, ne menast vn grand dueil, & ne pleurast amerement. Mais quel besoin est il de dire, de quelle honnorificence & veneration il fut d'un chacun poursuyuy, iusques à ce que quelcun de ses enfans fust venu pour l'inhumer ? A la fin, son fils aîné Constance en estant aduertiy, ne fit guere de seiour en Orient (où il estoit lors) qu'il ne vint à Constantinople : Oū arriué qu'il fut, fit de là enleuer le corps de son Pere, & porter en tresgrande magnificence en l'Eglise des Apostres, où il fut solennellement inhumé au sepulchre que de son viuant il auoit fait faire, en vn lieu qui auparauant estoit appellé L'autel des Grecs, sous le nom & tiltre de douze de leurs dieux, qui fut vn spectacle fort admirable. Il fut là mis en vn tombeau de marbre avec sa mere Helene : dont depuis est venue la coustume, que tous les Empereurs Chrestiens y ont esté ensepulturez, ensemble tous les Euesques, tant de Constantinople, que des autres pays, qui ont esté renommez en sainteté & vertu, comme si l'estat episcopal dignement exercé deust estre pareil en honneur à la dignité imperiale. Sa sepulture aussi n'estoit pas fort loing des reliques des Apostres. Ce qui n'aduint sans la grande prouidence de Dieu, auteur & moyennneur de tous biens, qui le combla apres sa mort, comme son fidele seruiteur, de grand' gloire & honneur, en enuoyant dans son tombeau, & à son image colloquee sur la colomne de porphyre, la grace de guarisōns & miracles : de maniere qu'il n'y auoit maladie dont ne fussent guaris ceux qui les atouchoyent, & qu'en cela la foy de la parole de Iesus Christ ne fust verifiee, qui dit : Je glorifieray ceux qui me glorifient. C'a esté l'homme qui plus a exalté la religion Chrestienne, & le premier entre tous les Empereurs qui s'est soucié & entremeslé des affaires ecclesiastiques, & qui les a tellement augmentez, qu'il n'a rien delaisié à la souueraine amplitude & conformation d'iceux : & si ne scay s'il y en a eu aucun autre qui ainsi que luy soit venu au dessus de toutes ses entreprinſes. Aussi n'entreprint il iamais rien sans le vouloir diuin. Au dehors, il a esté tref vaillant & victorieux en guerre : à la maison, il a tant aisémēt gouuerné la Republique & rengé à son vouloir, & comme il luy a semblé bon, qu'en peu de temps il a ordonné vn autre conseil que celuy qui estoit auparauant, vne autre Senat aussi & ville en tout & par tout obeissante. Il osta facilement, dès qu'il commença, la religion des Grecs, laquelle par longue espace de tēps s'estoit avec telle affection iusques là continuee, qu'elle estoit paruenue au comble de toute superstition, & auoit acquis de longue main grande force & vigueur. Quant à ses mœurs, il estoit homme debonnaire, fort doux, gracieux & priué, en exhibant tousiours d'un grand cœur vne singuliere magnificence. Il excelloit & surpassoit tous autres en viuacité d'esprit, en discipline de bonnes arts & sciences, en droicture de iustice, & en allegresse de toute munificence & liberalité. Il estoit en guerre homme hardy, adextre & courageux : de nul secondé en beauté de visage. Et comme il fut fort gracieux, il adiousta quant & quant vne magnificence à sa bien-seance & courtoisie. Il estoit d'une taille & stature fort honorable : car il n'estoit ny trop grand, ny par trop petit. Il estoit large d'espaules, portant le col assez gros, Rouge de face, ayant le poil de la teste mediocrement espais, & iaulne de couleur. La barbe aussi mediocrement deliée & cler semee, ny par trop longue : en sorte qu'en quelques endroits de son visage, il sembloit qu'elle ne creust point. Les yeux tels qu'il appartient à l'homme d'auoir pour sa decence, non farouches & esgarez, ains doux & paisibles : & desquels sailloit vne merueilleuse grace, pour la proportion qui estoit eu eux, tant en subtilité, qu'en grandeur. Son nez estoit vn peu crochu contre bas & aquilin, avec vn peu de carnosité enracinee. Il auoit la face large & fort magnanime : & qui est le principal, il aimoit Dieu sur tous humains. Tout le temps qu'il a vescu, ont esté soixante & cinq



cinq ans : desquels il en passa trente-deux au gouvernement de l'Empire, fors quelques mois, :: Selon les  
comme auôs dit au dessus. Il gouverna tout seul l'Empire vingt-six ans avec la souveraine puis- modernes,  
sance. Or ce huitiesme liure des histoires Ecclesiastiques comprend depuis la premiere annee enuiron,  
de l'Empire de Constantin, iusques à son trespas, l'espace de trente deux ans. Qui fut l'an de 4318.  
la creation du monde, :: cinq mil huit cens quarante-sept : Et de la natiuité nostre Seigneur, .. Selon au-  
l'an .. trois cens quarante-deux. cuns. 340.

FIN DV HUITIESME LIVRE DE  
L'Histoire Ecclesiastique de Nicefore.



# LIVRE NEUFIESME DE

## l'Histoire Ecclesiastique de Nicefore,

### filz de Calliste, Xan-

### thouplois.

Proeme declaratif de tout ce qui est contenu en ce neufliesme liure.

CHAP. I.



Vffilante description ayant esté par nous faicte au precedent, de tout ce qui est adueni à l'Eglise catholique, pendant le regne de Cōstantin, il reste de poursuiure ce qui s'est ensuiuy & fait sous les enfans, par le sacré ordre des Euesques. En premier lieu ie mentionneray en ce liure, comme Athanase estant de retour de Gaulle, où il auoit esté relegué, résista à Eusebe: Et cōme l'Empire vint premieremēt à Cōstant & Cōstance ensemblés: & cōme par apres Constance seul le gouverna. Ie traiteray cōsequēment de Paul, Eusebe, & Macedonié, Euesques de Constantinople, & de ce qui s'est fait sous eux. Ensemble, des choses qui ont esté

*Proposition de ce qui se doit traiter en ce liure.*

executees à Antioche & Alexandrie, par ceux qui là indignemēt ont exercé le sacré magistrat. Et comme Paul & Athanase retournans de Rome avec lettres de l'Empereur Constans & du pape Iul le, recoururent leurs sieges episcopaux: & comme ils en furent encore vne autre fois expulsez. Item, de plusieurs & diuers conciles tenus & celebrez tant en Orient, qu'en Occident, comme à Sarde, Sirmie, Milan, Palestine, & Seleucie. Nous parlerons aussi de Galle Cesar, & des heresiarches Photin, Etien, Macedonien, Eudoxien, & des deux Apollinaires. Nous ferons semblablement mention d'aucuns personnages illustres & ennoblis par leurs vertus. D'auantage, d'Eustathie, & Melicie, l'un Euesque d'Antioche, & l'autre de Sebastie. Nous declarerons finalement, comment Constance mourut d'une mort peu louable. Nous commencerons donc en ceste sorte.

*Des troubles qu'Eusebe de Nicomedie, & ses adherans, voulans confirmer l'opinion d'Arrius, suscitèrent en l'Eglise, par le moyen de quelque prestre Arrien.*

CHAP. II.



Pendant que vivoit Constantin, personne n'osoit apertement aller au contraire de la profession de foy arrestee au concile de Nice, bien que aucuns y en eust, qui couuertement ne la receussent pas: Mais apres son decez, ceux qui paraissant cachoyent dans leur estomach le venin d'heresie, & qui lors pour cest effect estoient tenus suspects, incontinent comme saillans de quelque cauerne où ils s'estoyent mucez, ne faisans plus conte de tous colloques & pourparlez clandestins, assailloyent (comme lon dict en commun prouerbe) vn chacun à teste decouuerte, plus belle.

*Après la mort de Constantin, les Arriens recommencēt leur vie de plus belle.*

II ij

tachant par tous moyens à eux possibles, de faire, que l'opinion & faulſe doctrine d'Arrius obtint & gaignast. Deſquels les chefs & principaux capitaines, estoient les Eueſques de Bithynie, Eusebe & Theognis. Or pensoient ils que leur deſſein viendroit plus aiſément à leur but deſiré & pretendu, ſils pouuoient empêcher qu'Athanaſe ne reuint à Alexandrie. Ayans donc ainſi en eux-mêmes arreſté, trouuent lors moyen de ſ'aider (comme de quelque instrument propre à telles choſes) du miniſtere & faction, de ce preſtre Arrien, qui auoit eſté auteur & moyen qu'Arrius fut reuoké d'exil: lequel preſtre estoit bien voulu & fauory non ſeulement de Conſtantin pendant qu'il viuoit, mais encore mieux de Conſtance: lequel faiſoit la plus part de ſes affaires, par le vouloir & conſeil d'iceluy preſtre. Car ia de long temps il auoit grand deſir de iouyr paiſiblement de l'Empire d'Orient: ce qui luy estoit libre pour lors, par le teſtament & derniere volonté de ſon feu pere, que ce preſtre auoit receu, & qu'il luy auoit baillé entre main. Ce qui l'occaſionna d'auoir ceſt homme en grand hôneur & recommandation, & de luy oſtroyer grande liberté & pleine entree & accez en la cour imperiale, & eſtre de ſon priué conſeil. Choſe qui luy donna congnoiſſance à tous, & le feit eſtre bien voulu tant de l'Imperatrice, que des Eunuques, qui auoyent le maniment & ſuperintendance du palais imperial: deſquels auſſi Eusebe à leur requeſte en auoit eſté fait capitaine, maniant tous les affaires de la maiſon de l'Empereur, avec pleine puiſſance de commander par tout & ſur tout. Ceſtuy-cy ayant eſté par l'inſtitution de ce preſtre es choſes ſacrees & en la religion, abbreué de la rage d'Arrius, faiſoit grand cas & eſtime de ceux de ſa ſecte, & en peu de temps en attira pluſieurs de la cour imperiale en ſon opinion, & meſme pratiqua l'Imperatrice, iuſques à la faire condeſcendre à icelle impie opinion, tant par le moyen de quelques femmelettes qui estoient au Serail, que par le meſme preſtre qui l'auoit ſubuerty. Et tant accreut & augmenta ce mal, coulant peu à peu par toute la cour, qu'il penetra iuſques à l'Empereur meſme, qui en fut atteint: Et ayant en peu d'heure vagué & couru ça & là par le dedans d'icelle cour, il ſ'eſpandit auſſi ouuertement & ſans contredit au dehors d'icelle, & courut ça & là par toute la ville. Adonc ſ'eſleua là vne guerre dialecticienne & diſputatoire: tellement que par toutes les rues, marchez, congregatiōs, hoſtelleries & tous autres lieux où ſe faiſoyēt aſſemblees, les femmes meſmes & petits enfans, ne faiſoyēt autres choſes, ſinō que tenir propos & diſputer de ces opiniōs & doctrines nouuelles: les vns eſtās du tout arreſtez à l'opiniō d'Arrius, cōme celle qui leur ſembloit bonne & honneſte: les autres embrasſans pluſtoſt les decrets Niceens: d'où ſortoyent tous les iours mil riottes, noiſes, eſtrifs, rancunes, enuies & maluueillances des vns contre les autres.

*Le preſtre Arrien qui auoit moyené le retour d'Arrius.*

*Iceluy bien venu en la cour de l'Empereur.*

*Eusebe capitaine des Eunuques*

*Propagatiō de l'Arrianisme par toute la ville de Conſtantinople. Diſputes populaires de la religion.*

*Comment Athanaſe retourna du pays de Gaule, avec lettres de Conſtantin Cesar: & de la mort d'iceluy Conſtantin. Item d'Acacie, qui fut ſucceſſeur d'Eusebe Pamphile.*

CHAP. III.

*Eusebe, & Theognis portenſignes des Arriens.*



*Retour de Athanaſe à Alexandrie du pays de Gaule.*

*Epistre du ieune Conſtantin aux Alexandrins en faueur d'Athanaſe.*

El estoit l'estat des choſes es villes de l'Orient: car les Occidentaux renoient inuiolable tout ce qui auoit eſté arreſté au concile de Nice. Or les affaires d'Eusebe & de Theognis prenoient iournellement leur accroissement en pis, & (pour le dire ainſi) ſ'excitoient ſans ceſſe de plus en plus, & procedoyent en auant ſelon qu'ils les demandoyēt. Iceux en premier lieu ſ'eſtudioient à leur poſſible de mettre à chef & paracheuer leur entrepriſe, qui estoit d'introduire quelque Hierarche ou Eueſque en l'Egliſe d'Alexandrie, qui tint leur opinion: mais Athanaſe eſtant de retour d'Occident empecha leur deſſein, muni de lettres qu'il auoit apportees quant & luy de l'un des Augustes: à ſçauoir du ieune Conſtantin, qui cōmandoit ſur les Gaules Occidentales. Car apres que ceſtuy-cy eut cōgneu que ſon pere, qui portoit meſme nom que luy, auoit caſſé & annullé par ſon teſtamēt le baniſſemēt d'Athanaſe, luy oſtroya permiſſion de ſ'en retourner à Alexandrie. Les lettres qu'il apporta avec luy, portoyēt la teneur qui ſ'enſuit: Conſtantin Cesar au peuple de l'Egliſe catholique d'Alexandrie, ſalut. Je cuide (freres) que la cauſe pour laquelle Athanaſe preſtre de la loy, digne de tout hôneur & reuerence, a eſté pour quelque tēps enuoyé par deça en Gaule, n'eſt pas tōbē de vos ſaincts eſprits: car cōme fuſt que la ſelōnie de ſes ſanguinaires & mortels ennemis fuſt preſte & pourchallast à toute puiſſance de luy creer ſur ſa teſte vn dāger de mort, de peur que par la peruerſitē des meſchās ne fuſt occis: ou au cōtraire à fin que ceſte cruauté fuſt fruſtree & ne trouuaſt lieu d'executiō, ayant eſté deliurē de la gueule des perſonnes qui procuroyēt ſa mort, luy fut commandē de ſe retirer au lieu de ma ſouuerainetē: Où ie vous peus bien aſſeurer qu'il a eu tel traitēment, & meſme en la ville où il a iuſques à icy demeurē, qu'en tout ce qu'il a eu affaire, rien ne luy a manqué. Encore que ſon excellente vertu, ſe conſiant du tout à l'aide de Dieu, ait grandement ſupplē aux griefues afflictions & calamitez de ſa dure fortune, & les ait par ce moyen toutes contemnees. Or cōbien que noſtre ſieur & pere Conſtantin Auguſte, d'heureuſe memoire, euſt deliberē auāt ſa mort de reſtituer ceſt Eueſque en ſon lieu & de grē enuers voſtres treſgrāde pietē: toutesſois

toutesfois puis qu'ainsi est qu'ayant esté preuenü de la condition humaine, il soit premier de-  
 „ cédé, qu'il n'ait executé sa deliberation, il m'a semblé raisonnable d'accomplir ce que l'Em-  
 „ pereur de diuine recordation auoit vouloir de faire, à moy par succession transmis. Lequel per-  
 „ sonnage, quand il sera venu à vous, vous cognoistrez lors en quel honneur & reuerence il a esté  
 „ accepté de nous par deça. Ny n'est de merueille, si j'ay fait quelque chose en sa faueur : car tant  
 „ la face de vostre desir, que l'apparence d'un tel personnage, a du tout esmeu & excité mon vou-  
 „ loir à ce faire. La diuine prouidence soit garde de vous, freres treschers. Suyuant ces lettres,  
 „ Athanase ayant esté receu amiablement & ioyeusement des Alexandrins, administra les Egli-  
 „ ses d'Egypte : mais Eusebe estant feru de son retour, comme de quelque dard, commença de  
 „ rechef par faulxes impositions de crimes & blasmes, à l'oppugner, & à attirer & conduire la  
 „ chose à sedition, luy faisant par nouvelles calomnies qu'il luy dressa, beaucoup de molestes &  
 „ facheries. Car tout aussi tost qu'il sceut sa venue, s'en estant allé à l'Empereur, le desfera, & luy  
 „ fit entendre beaucoup de choses faulxes de luy, & entre autres qu'il estoit homme du tout se-  
 „ ditieux & mutin : qu'il auoit troublé les constitutions & ordonnances Ecclesiastiques : & que  
 „ sans le consentement & adueu des Euesques, il s'estoit vsuré l'entree en l'Eglise, dont il auoit  
 „ esté dechassé, Par lesquelles delations & faux donner à entendre cest Eusebe sceut si bien pra-  
 „ tiquer l'Empereur, & l'irriter à l'encontre d'Athanase, qu'il le ietta encore vn coup & l'expulsa  
 „ de son siege Episcopal, ainsi qu'il vous sera dit cy apres. En ce mesme temps, Eusebe aussi sur-  
 „ nommé le Pamphile, ayant delaisé sa charge Episcopale de Cesaree en Palestine avec la vie, eut  
 „ en icelle Acachie pour successeur. Lequel ayant eu ledict Eusebe pour maistre & precepteur  
 „ és saintes lettres, en toutes choses representoit l'ardeur, vehemence & affection d'iceluy : &  
 „ si fut fort celebre en singuliere & plaisante grace de bien parler, de façon qu'il a delaisé apres  
 „ luy plusieurs liures de grand' estime, & doctement descript la vie de son precepteur. Sur ces en-  
 „ trefaites, aduint que Constantin Cesar se bandant contre son frere Constance (car il s'estoit  
 „ iecté sur son Empire, le voulant enuahir, au moyen dequoy s'esmeut entr'eux deux vne grosse  
 „ guerre) fut defaict par les Capitaines d'iceluy, pres Aquileye. Et par ainsi l'Empire Romain  
 „ Occidental, escheut à Constans, & l'Oriental à Constance.

*Nouvelles  
calomnies  
d'Eusebe,  
à l'encontre  
d'Atha-  
nase.*

*Mort d'Eusebe le Pamphile.*

*Acacie suc-  
cesseur d'iceluy en l'e-  
uesché de  
Cesaree.  
Defaict  
du ieune  
Constantin.  
Son corps  
fut iecté a-  
pres sa mort  
au fleuve  
d'Alse.*

*Comment apres la mort d'Alexandre, Euesque de Constantinople, Paul & Macedonien en obtindrent  
la place par l'election tant des Catholiques, que des Arrianistes : Et comme Paul ayant  
esté exilé, Eusebe Euesque de Nicomedie, fut en son lieu subrogé.*

C H A P. I I I I.



Vruint en la ville de Constantinople vn autre tumulte à l'Eglise : car  
 Alexandre, qui par ses prieres & oraisons auoit vaincu Arrius, le vingt-  
 „ troisieme an de son episcopat, & de son aage le nonante & huitiesme,  
 „ estant allé de vie à trespas, Paul fut subrogé en son lieu : mais ce ne fut  
 „ sans estre calomnié des Arriens (à la mode de tous heretiques) qui di-  
 „ soyent qu'il auoit vsuré icelle dignité, contre la sentence & vouloir de  
 „ Eusebe & de Theodore, l'un Euesque de Nicomedie, & l'autre de Pe-  
 „ rinthe, dicté à present Heraclee, auxquels de tousiours l'election de l'E-  
 „ uesque de Constantinople appartenoit, pour en estre les plus proches

*Mort d'Alexandre,  
euesque de  
Constanti-  
nople.  
Paul succes-  
seur d'iceluy.*

voisins. Laquelle dignité ce neantmoins, comme lon dit à la verité, il auoit eue par le consen-  
 „ tement & resignation d'Alexandre, & par les voix & suffrages des Euesques qui estoient là pre-  
 „ sents : Car Alexandre ia fort vieil & caduc, & pres de sa mort, ayant esté interrogué par ses fa-  
 „ miliers, à qui il luy plaisoit de commettre son siege apres son trespas, leur suada d'en eslire  
 „ l'un des deux qu'il leur nomma. Et d'autant qu'il fault que celuy qu'on veult eslire en cest estat  
 „ d'Euesque, soit bien instruit és choses diuines, & capable pour enseigner : Vous auez (dit-il)  
 „ le prestre Paul : qui quant à l'aage, il est encore ieune, & à l'esprit, il est meur & ancien. Mais  
 „ si il est question d'en faire election d'un qui sçache plus commodément manier les affaires de ce  
 „ monde, & qui s'accommode mieux à la coustume & façon de faire des grands personnages, qui  
 „ avec puissance gouvernent la republique, en cela, & pour plus grande autorité de la religion,  
 „ Macedonien est beaucoup plus sortable & adextre. Et ainsi ceux qui auoyent Macedonien en  
 „ affection & le magnifioyent, dirent que tous les deux auoyent eu bon tesmoignage d'Alexandre :  
 „ Paul certes cōme excellent en doctrine & eloquence : & Macedonien cōme hōme de meilleur  
 „ vie que l'autre. Les mesmes reprenoyent aussi Paul, le disant estre subiect à ses plaisirs, & de vie  
 „ trop plus libre qu'il n'appartenoit à un euesque, & de fait, il sēble que Paul fust hōme de singu-  
 „ liere erudition, & fort propre pour enseigner en l'eglise & faire prediciōs & harāgues exhor-  
 „ tatiues au peuple : Mais pour traicter des affaires seculieres & prophanes, & faire la cour aux  
 „ grands seigneurs, ce n'estoit pas son cas, & estoit à l'autre inferieur, cōme assez l'ont monstřé les  
 „ dangers & inconueniens, esquels il est tōbē, desquels il n'en vint iamais au dessus d'un, comme  
 „ font ceux qui en tels affaires sont experimentez. Et ores qu'il fust bien aimé du peuple, si estoit


*Alexandre,  
auant que  
mourir, pre-  
sente deux  
hōmes par  
optio, pour  
luy succe-  
der, ou Paul  
ou Macedo-  
nien.*

il mal receu de ceux qui oppugnoyent les decrets, & decisions du concile de Nice. De façon que dès la premiere accusation, comme ne vivant point selon les loix, fut deieté de son siege & bany. Là où aussi il mourut, y ayant esté estragné à la fuscitation de ses ennemis. Ce qui aduint quelque temps apres son bannissement. Ce fait, s'esleua vn grand trouble, pour l'election de l'Euesque. Ce pendant qu'Alexandre estoit en vie, les Arriens n'auoyent pas grande liberté, tenant tousiours en bride ceux qui tenoyent la Consubstantialité, pour auoir veu la tres-vilaine & tres-deshonesté mort, de laquelle par diuine punition auoit esté consumé Arrius. Mais apres le tres-pas d'Alexandre, le peuple s'estant diuisé en deux pars, se banda en inimitié ouuertes, & fut le peuple surpris & occupé d'une contention fort à craindre. Car ceux qui suyuoient la foy de Nice, auoyent esleu Paul, pour leur Euesque : mais les Arriens tachoyent à toute force de commettre la sacree administration à Macedonien. A la fin les Catholiques gagnerent, & fut Paul, en ensuyuant la prerogatiue & confirmation de la sentence du defunct son predecesseur, denoncé Euesque en l'Eglise qui obtient le nom de Paix, & qui est voisine du temple de la sapience de Dieu. De laquelle election l'Empereur ne se contenta pas, & la trouua mauuaise & subreptice : Or estoit il venu lors d'estrange pays & ayant fait amas des anciens ennemis de Paul, il le deicta comme indigne du saint estat, & fut son siege baillé à Eusebe, Euesque de Nicomedie : combien que ce fust contre le Canon Ecclesiastique, par lequel il est defendu & prohibé à tous Euesques de changer d'Euesché, pour se transporter d'une ville à l'autre. Mais il ne se fault en cela aucunement esmerueille, si ceux qui d'une rage & furie estoient transportez contre la diuinité de l'unique fils de Dieu, transgresserent aussi, sans crainte ny honte aucune, les loix & ordonnances. Toutesfois il ne l'osa pas faire premierement si soudain, mais temporisa quelque peu, feignant ne vouloir accepter telle charge, ainsi qu'il auoit fait au parauant des autres : Car ayant gouuerné premierement l'Euesché de Beryte, le laissa pour prendre celui de Nicomedie. Ce fait Constance print le chemin d'Antioche.

*Comment Eusebe ayant congregate un concile à Antioche, publia une autre exposition de foy : Et comme il osta l'Euesché d'Alexandrie au grand Athanasie. Item d'Eusebe, Euesque d'Emese.*

CHAP. V.

*Eusebe à l'occasion de la dedicace du temple d'Antioche, y assemble un Concile.*



*Prerogatiue qu'à l'Eglise Romaine aux Conciles. Actes synodaux contre Athanasie. Eusebe Emesien. Gregoire designé par le concile d'Antioche, successeur à Athanasie.*

Restant Eusebe par ce moyen augmenté de plus grande puissance & autorité qu'il ne souloit auoir, tât s'en fallut qu'il se portast modérément, qu'au cōtraire s'efforça par tous moyens à luy possibles, d'exécuter tout ce qu'il auoit deliberé faire. Et ainsi luy vint bien à propos, que l'Eglise d'Antioche, que Constantin par l'aduis & conduite de son fils Constance auoit magnifiquement fait edifier dès le fondement, de telle grandeur & beauté, qu'elle n'auoit sa seconde, fut lors paracheuee, la dixiesme année que les fondemens en furent premierement iettez. Doncques sous le pretexte & occasion de la dedicace de ce temple, il sembla à Eusebe estre chose fort opportune, pour du tout & appertement abolir la profession de la Consubstantialité & changer ce qui auoit esté decreté à Nice, d'assembler vn concile en ce lieu. Parquoy l'ayant fait publier, les Euesques conuindrent à Antioche de toutes pars, iusques au nombre de nonante-sept. Auquel lieu presidoit sur l'Eglise lors vn nommé Phlacite, qui auoit succédé à Euphronie : & sur celle de Ierusalem apres Macaire auoit esté subrogé Maximin : lequel tout expressement & de propos deliberé, refusa de s'y trouuer, de crainte qu'il ne fust encores vne fois chose qui fust contre son vouloir, comme il auoit fait au parauant, ayant par force & contrainte sousigné au bannissement d'Athanasie. Ny mesme le Pape de Rome, Iulle, successeur de S. Syluestre voulut assister à ce Synode, ny en personne, ny autre pour luy : encore que par le canō Ecclesiastique fust arresté, que les Eglises ne deuoyent aucune chose determiner és Synodes, sans l'aduis & consentement de l'Euesque de Rome. Nul n'y vint aussi de toutes les Itales, & autres prouinces d'outre mer. Or estoit il que s'assembla ce Concile la cinquiesme année apres le trespas de Constantin, y assistant l'Empereur en propre personne. Ce qui fut premierement mis sur le bureau, ce fut l'accusation que firent les Eusebianistes contre Athanasie, le disans auoir transgressé les loix & ordonnances Ecclesiastiques, pour auoir repris son siege, premier que l'octroy & permissiō luy en eust esté faite, par l'assemblée Synodale des Euesques. Et mesme qu'à son entree à Alexandrie il auoit esté cause de la mort de plusieurs en vne sedition, qui pour cest effect s'estoit esleuee en la ville : en laquelle aucuns auoyent esté occis, les autres emprisonnez, & apres auoir eu la question, auoyent esté condamnés à vne somme d'argent. Apres donc plusieurs autres & semblables calomnies tissues & là allegues contre Athanasie, le deuestirent encore vn coup de son euesché, & en son lieu designerent premierement Eusebe, surnommé Emesien, duquel nous parlerons cy apres. Cestuy-cy craignant d'aller à Alexandrie, fit refus d'en accepter l'Euesché qu'on luy offroit : à raison de quoy les Euesques en nomme-

RCMT VII

rent vn autre, qui auoit nom Gregoire. Cela fait, la dispute de la doctrine fut mise en auant & *Faire souuēt*  
 mesme touchant les actes du Concile de Nice, sur lesquels ils ne sceurent que dire ne que re- *conciles est*  
 prendre : toutesfois ils laisserent occasion par leurs disputes d'assembler souuent Conciles, & de *nuisibles aux*  
 publier autres formulaires de foy, non à autre fin, sinon que par ce changement de fois à *Eglises:*  
 autre, donner occasion aux hommes de se laisser tomber peu à peu au gouffre des Arriens:  
 Mais l'histoire declarera plus appertement, comme le tout s'est passé. S'ensuit ce qu'ils en escri-

uèrent par tous les pays, aux autres Euesques:

„ Sçachez, que nous ne fusmes iamais adherans ne complices d'Arrius : car comment nous qui  
 „ sommes Euesques, suyurons nous vn prestre ? Aussi n'auons nous receu aucune autre foy que  
 „ celle qui dès le commencement a esté publiee & receue de tous. Mais apres auoir fondé & dili-  
 „ gemment examiné la foy d'iceluy Arrius, nous l'auons plustost receu, que suiuy. Chose que vous  
 „ congnoistrez par la protestation de nostre foy, qui est telle : Nous auons tous premierement *Le formulai*  
 „ dès le commencement apprins de croire en vn seul Dieu, createur & pronuoyeur de toutes cho- *re de foy du*  
 „ ses vniuersellement, tant intelligibles, que sensibles, & en l'vniue filz d'iceluy Dieu, premier *Concile d'An*  
 „ que tous les siecles, & qui est ensemble avec le pere qui l'a engendré : par lequel toutes choses *tioche.*  
 „ tant visibles, qu'inuisibles, ont esté faites. Qui sur les derniers iours, selon le bon plaisir de son  
 „ pere, est descendu, & a receu chair au ventre de la Vierge sainte, & a pareillement accompli  
 „ toute la volonté d'iceluy son pere. Qui a aussi enduré mort, & est ressuscité de mort à vie, & e-  
 „ stant retourné au ciel, se sied à la dextre de son pere. Qui doit retourner de là, pour iuger les vi-  
 „ uans & les morts : & demeurer Roy & Dieu à tousiours. Nous croyons aussi au saint Es-  
 „ prit. Et si il est besoing d'adiouster d'auantage, Nous croyons aussi ce qu'il faut croire de la re-  
 „ surrection de la chair, & de la vie eternelle. Voyla ce que par escriit ils enuoyerent premierement  
 „ aux Euesques : passans sous silence ce pendant, si le filz estoit coeternel & consubstanciel à Dieu  
 „ son pere, ou au contraire. Mais apres qu'ils eurent demeuré quelque temps en Antioche, comme  
 „ filz eussent condamné la premiere forme de leur profession de foy, ils en firent vne autre, qui  
 „ s'accordoit en toutes choses à celle de Nice. Toutesfois ie ne sçay si il n'y a rien de mauuais ca-  
 „ ché sous les paroles d'icelle Elle est telle :

„ Nous croyons, ainsi que l'Euangelique & Apostolique tradition enseigne, en vn seul Dieu *Autre for-*  
 „ pere tout puissant, createur & facteur de toutes choses vniuersellemēt, & en vn seigneur Iesus- *mulaire de*  
 „ Christ son filz vniue, par lequel sont faites toutes choses, engendré d'iceluy son pere auant *foy plus pro*  
 „ tous siecles, Dieu d'un Dieu, total d'un total, seul d'un seul, parfait du parfait, Roy du Roy, Sei- *lix, du mes*  
 „ gneur du Seigneur, Verbe viuant, sapience, vie, vraye lumiere, voye de verité, resurrection, pas- *me concilia-*  
 „ seur, porte, non subiet à mutation, changement & alteration, la mesme & en tout & par tout *bule.*  
 „ semblable image de la diuinité, substance, puissance, volonté, & gloire d'iceluy pere : le pre-  
 „ mier né de toute creature, estant dès le commencement Verbe Dieu, avec Dieu, ainsi qu'il est dit  
 „ en l'Euangile : Et le Verbe estoit Dieu : par lequel toutes choses sont faites, & auquel elles con-  
 „ sistent. Qui és derniers iours est descendu du ciel, & né de la vierge Marie, selon que disent les  
 „ escritures : & a esté fait homme mediateur de Dieu, & des hommes, & Apostre de nostre foy, &  
 „ guide de nostre vie, comme luy-mesme l'a dit : Je suis descendu du ciel, non pour faire ma vo-  
 „ lonté de celuy qui m'a enuoyé. Qui a souffert pour nous, & est pour nous ressuscité le tiers iour,  
 „ & est monté aux cieus, & s'est sis à la dextre de son pere. Et viendra de rechef avec gloire & ver-  
 „ tu pour iuger les viuans & les morts. Nous croyons pareillemēt au saint Esprit, qui a esté don-  
 „ né aux fideles, pour leur departir graces de consolation, sanctification & perfection. Suiuant ce  
 „ que nostre Seigneur Iesus-Christ commanda à ses disciples, quand il leur dit : En allant, ensei-  
 „ gnez toutes gens, les baptisans au nom du Pere, & du Fils, & du saint Esprit. Or est il manifeste  
 „ que le Pere, est vrayement Pere : le Fils, vrayement Fils : & le saint Esprit, vrayement saint  
 „ Esprit : & que non simplement & sans cause ces noms-cy leur ont esté imposez : ains que d'un  
 „ chacun de ceux qui en sont nommez, en signifient certainement & sans doute la subsistence, or-  
 „ dre, & dignité. De sorte que quant à la subsistence (que nous appellons personne) ils sont bien  
 „ trois : mais quant à la volonté, & consentement, ils ne sont qu'un. Ils adiousterent cecy d'avan- *Anathema-*  
 „ tage à la fin : Ayans donc ceste persuasion de foy, deuant Dieu & deuant Christ, nous anathe- *tisations.*  
 „ matisons & detestons toute heretique & faulxe opinion. Et si quelqu'un enseigne au contraire  
 „ de la saine & droicte foy des escritures, disant estre, ou auoir esté vn temps ou siecle auant que le  
 „ filz de Dieu fust, qu'il soit maudit & retrenché. Et si quelqu'un dit le filz estre vne creature, tout  
 „ ainsi que quelqu'une des creatures : ou vne production & geniture, ne plus ne moins que quel-  
 „ qu'un e d'entre les productions & generatiōs : ou qu'il ne sente comme il est redigé en escrit par  
 „ les dizaines escritures : ou qu'il enseigne ou annonce autre chose, que ce que nous auons receu,  
 „ qu'il soit maudit. Car quant à nous, nous croyons & suiurons vrayement & appertement, tout ce  
 „ qui nous a esté baillé des saintes lettres par les Prophetes & Apostres. Veu qu'en ce formulaire *Tout expre*  
 „ ils ont appertement dit & confessé l'imuable & inalterable diuinité du filz, & estre l'image du *sent ce mot*  
 „ tout semblable en volonté, puissance, & gloire, à la diuine substance, & le premier né de toute *de consubst*  
 „ creature : ie ne sçay comme ils ont differé de le dire aussi par mesme moyen consubstantiel au *ciel est ob-*  
 „ mis en ce

*formulaire:* pere. Aucuns publierét auoir trouué telle foy estre ainsi redigee par escrit, & auoir esté conceuë par Lucie, qui souffrit martyre à Nicomedie, homme du tout diuin, & es saintes lettres sur tous ceux de son temps le mieux versé & le plus docte: attribuans (comme ie pense) vne celebrité & renom à leur escrit, plustost par l'amplitude & grandeur du Martyr, que disans vray. Quant à ceux qui assisterent à ce Concile, furent premierement Eusebe, au parauant Euesque de Nicomedie, & pour lors de Constantinople: ensemble Acacie, successeur tant du siege d'Eusebe le Pamphile, que du sçauoir & erudition d'iceluy: Patrophile, Euesque de Scythopole: Theodore Euesque d'Heraclee ou Perinthe, personne d'excellence & renom, lequel a fait des expositions sur les Euangiles: Eudoxie, Euesque de Germanice, qui apres Macedonien gouerna l'Eglise de Constantinople: Gregoire, lequel ils auoyent deputé Euesque de l'Eglise Alexandrine: qui tous estoient de mesme sentiment & opinion. Là aussi comparurent Danie, Euesque de Cefarce, qui est en Cappadoce, & George Euesque de Laodicee, qui est en Syrie: & plusieurs autres Euesques prouueuz de la dignité Metropolitaine des plus insignes thrones de la Chrestienté, excepté Iule & Maximin Euesques, l'un de Rome, & l'autre de Ierusalem, qui pour les causes deuant dites, ny voulurent assister. Là vint aussi Eusebe Emesenien, duquel ie veux parler à present, & dire qui il a esté. Cestuy-cy estant natif d'Edessa, ville du pais & region d'Ostroënie, & yssu de noble parenté, fut sous les maistres du lieu instruit premierement es saintes lettres, puis es disciplines Grecques. Il fut par apres auditeur d'Eusebe le Pamphile, & conuersa familièrement avec luy, & avec Patrophile Euesque de Scythopole, par lesquels fut encore soigneusement enseigné es saintes lettres. De là vint à Antioche, lors que Eustathie, pour le crime contre luy intenté, fut condamné par l'autorité du Concile là assemblé: & se tint avec le successeur d'iceluy Eustathie, nommé Euphronie, en vn mesme hostel. Là ayant demandé, avec requeste, la dignité Sacerdotale, se transporta puis apres à Alexandrie, pour illec frequenter les escoles: où ayant vaqué à l'estude, autant qu'il estoit requis pour en sçauoir, retourna à Antioche, & se tint avec Ithlacite, qui auoit succédé à Euphronie en l'Euesché. Et comme en ce lieu Eusebe, Euesque de Constantinople, celebra le Concile, fut par luy destiné au siege d'Alexandrie: car pour autant qu'il estoit homme facond & eloquent, & de bonne vie, on estimoit qu'en peu de temps il retireroit les Egyptiens de l'amitié & affection qu'ils portoyent à Athanase. Toutesfois luy comme sage & bien aduisé, reputant en soy-mesme la chose comme elle estoit & qu'à la fin il basteroit mal pour luy en ce lieu, à cause que les Alexandrins trouueroient facilement occasion de haine contre luy, attendu qu'ils ne pourroyent iamais voir aucun autre Euesque en la place d'Athanase, refusa ceste charge, & par ce moye fut enuoyé à Emese: & Gregoire conduit à Alexandrie. A la fin cest Eusebe ne fut guere à Emese qu'il ne fut assailli de calomnie, pource qu'il s'addonoit du tout à celle partie d'Astronomie, qu'on appelle Apotelesmatique, par laquelle ceux qui s'y appliquent donnent responce aux demandes de ceux qui en cela les requierent: au moyen desquelles calomnies, se departit de là, & vint à Laodicee pour refuge, à George Euesque du lieu, son ancien amy: & de là s'en estant allé à Antioche vers Phlacite & Narcisse, fut à la fin par leur moyen restitué en son siege d'Emese. Ce personnage fut aussi fort agreable à l'Empereur Constance, de façon qu'il le mena quant & luy en la guerre qu'il eut <sup>b</sup> cõtre les Perles: Car George Laodicésien, lequel a descrit sa vie, recite de luy, que la diuine puissance fit par ses mains beaucoup de prodiges & choses merueilleuses. Ce neantmoins, quoy qu'il fust vn si grand personnage, si est-ce qu'il n'euda pas les lacqs & embusches des enuieux, coustumiers à tousiours faire desplaisir aux gens de bien & d'honneur: car il luy fut impropeté qu'il estoit en mesme opinion que Sebellien. Cestuy-cy donc, comme i'ay predict, assista & eut voix avec les autres au Concile d'Antioche, en tous les decrets & ordonnances lesquelles y furēt faites. Voyla touchant Eusebe. A la fin toutes ces choses ainsi executees, se rompit le Concile d'Antioche, & se retira vn chacun chez soy.

*Au passé les Euesques faisoient cõscience de traicter les Mathematiques, et l'Astronomie Apotelesmatique.*

<sup>a</sup> lors que Eustathie &c.] *Socrates liure deuxiesme, dit ainsi: il aduint que Eustathie estant accusé par Cyrus Berrhoën, comme Sabellien, fut deieté de sa dignité Episcopale.*

<sup>b</sup> cõtre les Perles] *il y a en Socrates, à l'encontre des Barbares: Toutesfois il semble de ce qu'en escrit Eutrope, qu'il faut lire, contre les Parthes.*

*Comment apres qu'Athanase fut deieté de son siege, Gregoire s'en empara avec main forte: & comment Iule, Euesque de Rome, fut grandement fâché de la fortune d'iceluy Athanase.*

CHAP. VI.

*Les François degastent la Gaule.*



N ce mesme temps les affaires publiques & ciuiles se porterent aussi fort mal: Car les François, qui est vne gent fort belliqueuse, coururent toute la Gaule Occidentale, & l'endommagerent grandement. En Orient pareillement furēt plusieurs lieux agitez d'horribles tremblemens de terre, & nommément la ville d'Antioche. Ce qu'elle endura



endura vn an tout entier. Auquel temps, Gregoire s'en alla d'Antioche à Alexandrie pour prendre possession de l'Euesché d'icelle, accompagné & cōduit d'une grosse & forte armee de gens d'armes, iusques au nombre de mil hommes, armez & equippez à l'auantage, sous la conduite d'un capitaine, nommé Syciane. Or ne fut il suiuy de ceste compaignie pour autre fin, sinō qu'en toute seureté & sans aucune sedition il peust entrer en la ville : car le peuple auoit Athanase qui là estoit, en singuliere affection. Les Arriens d'autre costé qui estoient dans Alexandrie, & qui ne faisoient qu'espier les moyes cōment Athanase seroit dechassé, n'aiderēt pas peu en cest endroit à l'entreprinse de cet anti-Euesque Gregoire : car ils auoyēt grande crainte, que suruenant vn trouble & sedition par le peuple, ne fussent mal receuz & qu'on ne se iettast sur eux. Ce que craignant aussi de son costé Athanase, fuioyt peu à peu. Il estoit ia sur les vespres, & iceluy s'occupoit aux choses sacrées dans son Eglise, d'autant que c'estoit lors que l'assemblée se deuoit faire pour commencer. Cependant la force militaire auoit desia surprins & occupé l'Eglise, estant chaque bande colloquee en son ordre & disposition, pour executer ce qui leur seroit commandé, quand Athanase ayant paracheué son oraison & s'estant recommandé à Dieu, commanda que sans crainte on eust à continuer la psalmodie. Les gens d'armes adonc ne bougeoient de leurs rangs, sans faire ne dire mot à personne, estimans le temps estre mal opportun pour luy faire force & mettre la main sur luy : rādis que tous chanteroyēt d'un accord Hymnes & Cantiques à Dieu. Or ce pendant que tous sortoyent par vne porte à la foule, de crainte de ceste gend'armerie, Athanase caché au mitan de la troupe qui psalmodioit, trouua moyen d'e-uader sain & sauf, & ayant prins la poste, s'en recourut à Rome au plus roide qu'il peut. Gregoire pendant la fuite de ce pauvre affligé occupe son siege : à cause de quoy le peuple se mutina de telle sorte, qu'il mit le feu en l'Eglise S. Denis, & la brūla. Eusebe voyant que l'affaire auoit succedé selon son desir, & qu'à toute force & diligence les Euesques Catholiques estoient reiettez par tout l'Orient, & que les plus insignes de tout le pais Oriental luy fauorisoient & tenoyent son party, ensemble les lieutenans & gouuerneurs d'Alexandrie & d'Antioche, fise sur le fleue Orontes, & que de luy mesme il s'estoit enlaidi & inuesty du siege episcopal de la ville imperiale, située sur l'Ellespont, fit tant qu'il n'y eut Euesque de tous ces lieux là, qui ne luy fut en tout & par tout obeissant, & ne fauorisast toutes ses entreprinse. Mais l'Euesque de Rome Iule, & tous les autres Euesques de l'Occident, qui constamment retenoyent & approuuoient tout ce qui auoit esté ordonné touchant la foy au Concile de Nice, estoient fort dolens de ce qui contre toute esperance estoit adueni en Orient. Ils receurent aussi avec toute benignité & douceur Athanase, qui s'estoit retiré vers eux pour refuge : & luy firent tout l'honneur qu'il leur fut possible, tant pour la grandeur & excellence du personnage, que pour autāt qu'il auoit vn mesme sentiment de foy, qu'eux. Et apres qu'ils eurent entendu l'ocasiō de sa venue, voulurent congnoistre la cause, & pour cest effect escriuirent lettres au Synode, & l'euoquerent à eux. A cause desquelles lettres, Eusebe estant fort aigry & irrité, enuoya embassades vers le Pape Iule, & luy permit le iugement de tout ce qu'au Concile de Tyr auoit esté decreté contre Athanase.

*Tremblement de terre continuel. Gregoire est cōduit à Alexandrie à main forte.*

*Athanase s'en refuit à Rome. Le peuple tumultueux brūle l'Eglise S. Denis. Eusebe Arrien regne.*

*Les Euesques d'Occident se troublēt pour les dissensions de ceux d'Orient.*

*Les mesmes euoquent le Concile de Antioche & de Tyr, en Occident.*

*Comment apres la mort d'Eusebe, Paul recut de rechef son siege, contre le gré des Arriens, tenans bon contre luy pour Macedonien : & du meurtre commis en la personne du Duc Hermogenes : & comme Paul fut encore vn coup dechassé de Constantinople.*

C H A P. V I I.



Vant qu'Eusebe peust iamais auoir responce de Rome, il mourut, n'ayant guere vescu apres le Synode d'Antioche. Or estant ceste grande & terrible beste allée de vie à trespas, le peuple de Constantinople, esmeu de lardāt desir que ces gens de bien auoyent enuers ce qui auoit esté decreté au Concile de Nice, remenent Paul en l'Eglise de Constantinople. Mais les Arriens de leur costé avec les adherans de Theognis & de Theodore le Perinthien (dit autrement le Heracleotin) ayans fait vne congregation en l'Eglise sainct Paul, eleurent Macedonien Euesque de Constantinople. Entre lesquels avec plusieurs autres, Vrsicie & Valens y comparurēt, l'un estant Euesque du Singidon, qui est en la haulte Mysie, & l'autre de Mursie, ville de la haulte Hongrie. Lesquels toutesfois se recongneurent puis apres, & ayans présenté au Pape de Rome, Iule, leur libelle de penitence, consentirent à la foy de la consubstantialité, & furent receuz à la communion. Il y auoit lors des personnes qui fort asprement & d'une grande vehemēce & contention soustenoyent l'opinion d'Arrius, & qui par cela exciterent grands troubles en l'Eglise : du nombre desquels Macedonien aussi en estoit l'un, de maniere que pour cest effect s'estant eleuee vne guerre ciuile, presque tous les iours le peuple concitoit sedition & mutinerie : & se rencontrans d'une part & d'autre, il y en eut plusieurs de tuez & massacrez. Ces nouvelles estans venues aux oreilles de l'Empereur, qui encore seiournoit à Antioche, qui fut bien courroucé, ce fut luy : parquoy manda aussi tost à l'un de ses capitaines, nommé Hermogenes, qui pour lors

*La mort d'Eusebe. Nouvelle sedition à Constantinople, pour l'election de l'Euesque. Paul, remenē par la commune en l'Eglise de Constantinople.*

*Constance enuoye vn capitaine*

nommé Hermogenes à Constantinople, pour dechasser Paul de son Eglise. auoit esté enuoyé en Thrace, pour quelque autre affaire qui là estoit suruenue, qu'à son retour repassast avec quelques compagnies de gens d'armes par la ville Imperiale, & qu'il dechassast Paul hors l'Eglise. Estant donc là arriué, comme il vouloit exécuter le commandement de son maistre avec main forte, il fut tout esbahy qu'il eust la commune en teste, qui fort & ferme luy résista Hermogenes la voyant disposée à sedition, & presté à venger l'effort qu'il vouloit faire à leur Euesque, insista d'auantage, & employa plus de force militaire à la repousser, qu'au parant. Au moyen dequoy le peuple commença fort à s'aigrir, & peu à peu à conciter vne sedition & tumulte, tellement qu'oubliant toute raison, chacun saillit en place avec grande impetuosité, & se ruans tous d'un accord sur luy, après auoir brulé sa maison, le tuerent sur le champ, & luy ayans lié vne corde aux pieds, le trainerent mort par les rues de la ville. Ces choses estans rapportées à l'Empereur Constance, bien fâché monta aussi tost à cheual, & s'en vint en toute diligence à Constantinople, bien delibéré de faire bonne iustice & punition de ces sedicieux. Mais estans venuz au deuant de luy avec pleurs, & en toute submission luy requerans pardon de la faute qu'ils auoyent commise contre sa maiesté, il la leur pardonna, & n'exerça enuers eux autre punition, sinon qu'il leur osta environ la moitié du bled que son pere Constantin auoit donné aux habitans de la ville, qu'on prenoit sur les tributs d'Alexandrie & d'Egypte. Car Constance estoit que parauenture les causes de ces troubles & esmotions populaires, prouenoient pluost de là, qu'autrement: lesquelles aussi ont coustume de soudre le plus souuēt d'exces, superfluité & dissolution, & d'une par trop grande licéce des choses prosperes. Car il fault entendre que Constantin auoit donné à perpetuité, aux manans & habitans de Constantinople, la quantité de quarante mille septiers de bled fourmēt par chacun an, qu'on y amenoit des lieux susdits, donc Constance pour toute punition de la faute par eux commise, en diminua lors la moitié: tout son courroux estant conuertie contre Paul, lequel il dechassa non seulement de son siege episcopal, mais le bannit pareillement de la ville. Estant aussi indigné contre Macedonien, comme l'auteur de ces seditions & tumultes, & de la mort d'Hermogenes, à cause qu'il auoit receu l'Euesché sans son commandement & bon plaisir, & premier que son election fust de tous approuuée ou reprouuée: ne le voulut pour cela dechasser, ains luy permit seulement de se tenir coy, & ne bouger del'Eglise où il faisoit ordinairement ses presches & assemblees. Cela fait, l'Empereur reprit le chemin d'Antioche. Ce pendant, les Arriens de leur costé deposerēt aussi Gregoire du siege episcopal d'Alexandrie, où ils l'auoyent mis, pour l'auoir trouué homme nonchalant & peu soucieux de sa charge, & du fait de la religion: & mesme qu'il n'aggreoit guere aux Alexandrins, & qu'à son arriuee, l'Eglise bastie à Alexandrie en l'honneur de l'Euesque saint Denis, auoit esté par la commune arsée & bruslée. L'ayans donc déposé colloquerent en sa place vn nommé George, de nation Cappadocien, qui auoit cōsommé toute sa vie à faire de gros pain bis & de son, & à exercer l'estat de chaircuitier: pource qu'ils le voyoyent estre industrieux, & propre pour la conseruation de leur religion.

*Comment en vertu des lettres qu'Athanasie & Paul obtindrent du Pape Iule, ils receurent leurs sieges episcopaux.*

CHAP. VIII.

Les Euesques Catholiques s'en fuyent à Rome à refuge.

Le pape de Rome reçoit les euesques deiettes de leurs dignitez, à la communion.

Ancien privilege de l'Eglise Romaine.

Socr. liu. 2. chap. 15. Sozomene, liu. 3. ch. 8.



Vrant ces entrefaites, Athanasie se tenoit à Rome, lors que Constance, le plus ieune des enfans de Constantin, gouuernoit l'Empire de tout l'Occident. Là vint aussi Paul, Euesque de Constantinople, & Marcel Euesque d'Ancyre, pour la cause qu'auons dite cy deuant: Asclepas pareillement Euesque de Gaza, qui ainsi que les autres auoit souffert l'accusation & iugement des Arriens, pour leur auoir tenu barbe, & s'estre montré vertueux à résister à leur faulx & erronée doctrine: iceux l'accusans d'auoir desmoly vn autel. A raison de quoy, fut contraint de quitter son Euesché, lequel fut baillé à vn nommé Quintien. D'auantage, Lucie Euesque d'Antioche, ayant esté accusé de mesme crime, & estant aussi despouillé de sa dignité, s'en fuit à Rome. Parquoy apres que le Pape Iule eut congneu la cause pour laquelle ils auoyent ainsi esté dechassez de leurs Eglises, & exilés de leurs pais, & que le tout ne procedoit que de ce qu'ils tenoyent fermement avec luy les decretz & determinations du Concile de Nice, les receut à la communion. Et sçachant que pour l'amplitude & grandeur de son siege, luy appartenoit par vn ancien privilege & prerogative, la superintendence & le iugement sur tous les Euesques de la Chrestienté, d'une fort liberale volōté bailla à chascun d'eux lettres patentes, par lesquelles il vouloit que leurs Eglises leur fussent restituées, & qu'ils y fussent reintegrez comme au parauāt: & ainsi les renuoya en Oriēt: piquāt aigrement par sesdites lettres ceux qui ainsi temerairement les auoyēt priuez de leurs dignitez episcopales: & tāt à cause qu'ils ne suiuyēt pas bon cōseil, que pour autant qu'ils excitoyent troubles & seditions es Eglises, & qu'ils ne s'arrestoyent pas à ce qui auoit esté vne fois conclu & arresté au Concile de Nice, touchant la foy. Il donna aussi par mesme moyen assignation à quelques vns d'entre eux à iour certain, de comparoir à Rome en per-

en personnes, & à ceux là nommément qui approuuoient comme bonne la sentence qui auoit esté donnée contre les condamnés : les menaçant de les punir de la censure ecclesiastique, s'ils estoient refusans de ce faire, & ne se vouloyent desister d'ainsi inuenter nouuelleriez. En vertu donc de ces lettres, Athanase & ceux qui estoient avec luy, recouurerent leurs eglises. Mais les euesques, à Antioche congregez, à qui ces lettres s'adressoyent, tournans à iniure l'obiurgation du Pape Iule, du consentement de tous, luy enuoyerent vne epistre responsiue à ses lettres patentes, fort doctement escrite, mais farcie au demeurant de toutes choses d'ironies & piquantes paroles, & composées à la façon des oraisons & harangues qui se font communément es plaideyers & cours souveraines, & qui par la vehemence & grauité du styl, dont on vse en telles affaires, ne manquoit en rien de toutes sortes de menaces. Or les principaux poincts du contenu d'icelle, estoient que quant à eux ils scauoient fort bien que tout honneur & reuerence deuoit estre deferé de tous à la ville de Rome, pour auoir esté de toute ancienneté le domicile & escole des Apostres, & (par maniere de dire) la metropolitaine & primace ville de toute la Chrestienté : mais ores que les heraults de l'euangile fussent venuz à Rome d'Orient, si est ce que quant à eux en rien ne s'estimoyent inferieurs à celuy qui presidoit à Rome, confessant bien que leurs eglises ne surpassoyent la sienne en amplitude & grandeur, neantmoins qu'en vertu & en toutes autres choses ils s'opensoient estre les premiers. Ils luy obiicerent aussi pour crime, d'auoir voulu cōmuniquer avec Athanase, & le prindrēt en mauuaise part, cōme ayāt fait iniure à la sentence qu'en leur Synode ils auoyent donnée contre iceluy : & malicieusement alleguerent que ce qu'il auoit fait, estoit inique, pour ce qu'il auoit en cela procedé contre les decretz & ordonnances de l'eglise. Et apres qu'ils luy eurent escrit, qu'ils trouuoient ce qu'il auoit fait fort mauuais, & qu'à bon droit il estoit en cela digne de reprehension, ils adiouterent à la fin de leur epistre, que s'il les vouloit amys & paisibles, & qu'ils communicassent avec luy, il falloit qu'il approuuast non seulement la sentence par laquelle ils auoyent condamné Athanase & ses compagnons, mais aussi l'election qu'ils auoyēt faite de ceux qu'ils auoyent au lieu d'eux subrogez en leurs eglises. Et au cas qu'il leur contrariaist en rien, ils luy declarerent qu'ils se banneroient tous vnanimentement contre luy : attendu que leurs deuanciers n'auoyent iamais rien voulu faire ny attenter contre Corneille, euesque de Rome, lors que hors l'eglise il dechassa le prestre Nouat. Quant aux choses determinees au Concile de Nice, ils ne luy en manderēt rien, pensans que cela ne seroit que superfluité, ores qu'ils eussent en cest endroit assez d'argument pour ce faire : mais pour ce que les affaires qui se presentoyent, requeroient necessairement qu'il n'en fust pour lors tenu autre propos, Voylà la teneur des lettres que les euesques Orientaux escriuirent au Pape Iule, en faisant responce aux siennes.

*Lettres aigres, enuoyees par les euesques Orientaux au Pape Iule.*

*Les principaux points de ce rescript*

*Menaces d'Arriens contre le Pape Iule.*

*Comment l'Empereur manda par lettres au gouuerneur de Constantinople, nommé Philippes, de bannir Paul, & de remettre en son lieu Macedonien : & comme Athanase se sauua à la fuite.*  
Chap. I X.



Eux-cy estans mal-contens qu'Athanase & ses compagnons estoient retournez d'exil, & remis en leurs sieges, en escriuirent à l'Empereur Constance, qui pour lors faisoit sa demeure à Antioche, luy mandans qu'ils estoient hommes sedicieux, & que pour cest effect ils auoyent esté par eux expulsez. Lequel incontinent qu'il eut entendu que Paul estoit remis en sa dignité episcopale, peu s'en fallut qu'il n'enragea de despit : Parquoy escriuit aussi tost au gouuerneur de la ville, nommé Philippes, qui pour lors obtenoit la seconde dignité apres la puissance Imperiale, qu'il eust sans delay à dechasser Paul hors la ville, & à bailler le gouuer-

*Par le commandement de l'Empereur Constance, Paul euesque de Constantinople est enuoyé en exil.*

nemēt de l'Eglise de Constantinople à Macedonien. Philippes estant fait plus sage & aduisé par ce qui estoit aduenü à Hermogenes, doutant la fureur de la commune, executa le commandement de son prince, avec certaine ruzé : Car premier que cest affaire fust diuulgué, manda querir Paul en Zeuxippe (qui est vn lieu public fort celebré & frequenté, & tresample, où lon a coustume de se lauer : & qui depuis a esté appellé le bain & l'auoir des Nôbres) saignant auoir quelques choses à luy cōmuniquer, touchant les affaires publiques. Là venu qu'il fut, luy presenta avec tout honneur & reuerence les lettres de l'Empereur, lesquelles leuës, conduit le personnage par dedās le palais Imperial, voisins desdicts bains, iusques sur le port de mer, où il le fit embarquer en vnenuire, qui là tout expres l'attendoit : & le relegua à Thessalonique, d'où on disoit qu'il estoit narif. Et luy defendāt tout le pays d'Orient, luy permit libre puissance & ottroy de viure par toute l'Illyrique, & en toutes les terres au de là. Ce fait, ce gouuerneur de la ville, accompagné du meschant & inique Macedonien, s'en court au plus roide qu'il peult vers l'eglise, où il trouua grand nombre de peuple entre-meslé de toutes sortes & cōditions d'hommes, qui ayans entēdu ce qui s'estoit fait, estoit là accouru à grād foule, pour occuper la place, chacun

*Macedonien est mené pour prendre possession de l'euesché de Constantinople.*

pour son party. Et tant se trouuerent en ce lieu, qu'ils estoient innombrables : suyuoit vne grosse bande de gens d'armes, armez & equippez de mesme, pour par ce moyen intimider le peuple d'autant qu'ils craignoient qu'il ne s'eleuast tumulte. Ceste force militaire estant approchée de l'Eglise, & voyant qu'elle n'y pouuoit entrer, pour la foule du peuple qui de toutes pars y estoit accouru, se print d'aucace à repousser à toute force & à frapper ceux qu'ils rencontroyent en leur voye, pour auoir passage. Mais le peuple, pour la grande multitude qui là estoit reduite en vn lieu fort angust & estroit, ne pouuoit ny luy ceder, ny se ranger quelque part. A la fin cuidans les soldats qu'on leur voulsist resister & empescher l'entree de l'Eglise, mirer tous la main à l'espee, & commencerent à charger à toute outrage sur ceste populace, comme à eux contredisante & repugnante, dont s'ensuyuit vn merueilleux carnage, comme ordinairement en telles recontres aduient : de façon qu'on dit que le nombre de ceux qui furent là occis, tant par la gen-  
*Grād meur- tre à l'en- tree de Ma- cedonien l'Eglise de Constanti- nople.*  
*Macedonien hōme san- guinaire, soudain ap- paroist Euesque.*  
*Fuite d'A- thanase.*  
*Par la calō- nie des Ar- riens Atha- nase est mal- voulu de Constance.*  
*Le temple de Sophie. que Consta- tin ne par- fit pas. Au- dessus, li. 7. chap. 49.*  
d'armerie, que par la foule & oppression du peuple, montoit à plus de trois mil cent cinquante personnes. Or Macedonien non plus effrayé que si rien n'eust esté fait de nouveau, & comme non coupable, ains pur & innocent de ce qui estoit là aduenu, ayant trouué moyen d'entrer au reuestier & sacristie de l'Eglise, & puis au chœur d'icelle, apparut incontinent sans qu'on y pensast, Hierarche & maistre de l'Eglise, comme si vn ioueur de farce & badinerie fust sorty de quelque scene ou eschaffault couuert, pour se monstrer aux sectateurs : ou (comme l'on dit en vn commun prouerbe) si quelque Dieu fut sailly d'une machine & piece de canon, tellement qu'il fut conduit & installé au throne & siege episcopal, plus par le gouuerneur de la ville, que selon la coustume de l'Eglise par l'ordonnance des euesques. En ceste façon & maniere, & par ces meurtres, ce reuerend Macedonien & les Arriens occuperent l'Eglise de Constantinople. Paul aussi par l'inique proscription & bannissement auquel il auoit esté adiugé, fut, ainsi que auons dit, contrainct de quitter le pays. Athanase d'autre costé, craignant la fureur & menaces de Constance, gaigna le hault, & se sauua à la fuite : Car il luy auoit mandé, que s'il ne sortoit bien viste d'Alexandrie, qu'il luy feroit trancher la teste. Ce qu'il ne fit pour autre occasion, que pour les mauuais rapports & calomnieuses accusations qu'auoyent faites enuers sa maiesté les ennemys de ce bon & saint personnage, le disans estre sedicieux & mutin, & allegans qu'à son retour de Rome en son Eglise, auoit esté tué & meurtury vn grand nombre d'hommes de toutes conditions. Mais encore sur tout, la calomnie contre luy intentee par les Arriens, auoit irrité Constance à l'encōtre de luy, l'accusans d'auoir vendu & fait deniers de la prouision des viures que Constantin pere de l'Empereur auoit ordonnee pour estre distribuee aux pauvres d'Alexandrie, pour leur ayder à viure. Voilà quant à Paul & Athanase. Or fault il noter en ce lieu, qu'au temps que Macedonien receut l'euesché de Constantinople, Constance paracheua la grande Eglise de sainte Sophie, prochaine & ioignant celle de Paix, laquelle estant au parauant fort petite & estroite, Constantin pere de Constance, la conduit iusques à l'amplitude & grandeur qu'on la void encore de present, de sorte que les deux costez & ailes de ces deux temples estans contigues l'une à l'autre, il semble que ce ne soit d'eux deux qu'un pourpris & vne muraille.

*Comment Iules, Euesque de Rome, escriuit pour Athanase, aux Euesques Orientaux : Et mesmement Constans Empereur de l'Occident, à son frere Constance : Et comme ceux qui d'Orient estoient venus en Italie, publierent vne autre exposition de foy.*

Chap. X.

*Responce du Pape Iule, au concilia- bule d'An- tioche.*



*L'Autorité de l'Euesque de Rome. Socras. l. 2. chap. 17.*

**I**ule, Pale de Rome, apres auoir receu les lettres qu'Eusebe auant sa mort luy auoit enuoyees, ensemble celles de ceux qui à Antioche estoient as- semblez, & quelques autres particulieres, qu'aucuns Euesques du pays d'egypte luy auoyent esrites, aux fins de luy faire entendre, que tout ce qui auoit esté fait contre Athanase, n'estoit que pure menterie : voyant la dissonance qui estoit entre eux tous, fit responce à ceux d'Antioche, les reprenant aigrement de l'arrogante & rigoureuse sentence dont ils voyoyent en leur epistre enuers luy, & de ce qu'ils s'efforçoient occultement, contre les decrets de Nice, de vouloir changer & corrompre la foy, qui en ce tant celebre Concile, auoit esté vne fois determinee. Il les reprint aussi par ses lettres, de ce que contre la coustume Ecclesiastique ils ne l'auoyent appellé en leur Concile. Leur mandant par ce moyen, qu'il y auoit vn Canon Ecclesiastique, qui leur estoit toute autorité & puissance, de tout ce qui outre l'aduis & opinion de l'Euesque de Rome, auroit esté par eux fait & arresté. D'auantage, qu'en tout ce qu'ils auoyent decreté, tant en la ville de Tyr, qu'à Marco- tis, ils y auoyent procedé illegitimement & contre tout droit & equité : pour ce que l'enque- ste & information qui y auoit esté faite, s'estoit faite en la presence d'une des parties seulement. Il leur reprocha aussi pareillement, que tout ce qu'ils auoyent fait touchant la main d'Arse- nie, laquelle appertement & deuant tous auoit esté exhibee saine & entiere, n'estoit qu'une apperte calomnie & faulxe imposition de crime. A la fin, suyuant toutes ces choses, il infera que raison-  
voulloit

vouloit, qu'on secourust & aydast à Athanase & à Paul. Car aussi quelq peu de tēps apres, Paul faignant d'aller à Corinthe, vint en Italie, où il fit vne lamētable deploratiō de sa misérable fortune. Mais Iule voyant que pour tout ce qu'il auoit escrit aux Euesques d'Orient, il n'auoit riē enuers eux profitē, s'adresse à Constans, Empereur de l'Occident, & luy fait entēdre les affaires d'Athanase & de Paul. Lesquels aussi de leur part vindrēt vers sa maīestē, & luy firēt remonstrāce des cauteleuses fraudes de la faction Arrienne, luy rememorans cōme son pere auoit assemblē le concile œcumenique & vniuersel en la citē de Nice, auquel il auoit assistē, & y auoyent estē establies beaucoup de saintes ordonnances & decrets de la foy, qu'il falloit inuiolablemēt tenir, lesquels par edict public il auoit cōfirmēz : l'enhortans à tousiours suyure & maintenir le saint zele & emulation de son feu pere. Apres que Constans eut entendu toutes ces choses, il fut autāt dolent & contristē du desastre & calamitē de ces pauures personages, que si à luy-mesme elle fust aduenue. Et escriuit sur l'heure à son frere, l'admonestant de garder & maintenir inuiolable la reigle de religion que leur pere leur auoit baillee: Car c'est le moyen (dit-il) par lequel il a estably & confirmē son Empire, & non seulement ruē ius, & extirpē du tout les tyrās Romains, mais aussi defait ça & là, de toutes pars, les plus Barbares ennemis. Il luy manda aussi qu'il luy enuoyast trois euesques du pays d'Oriēt, pour luy venir declarer la raison pourquoy ils auoyēt ainsi degradē & expulsē Athanase & Paul de leurs dignitez episcopales. Ce que son frere Constans fit volontiers: & pour ce fait furent deleguez Narcisse, Euesque d'Irenopole, qui est en Cilice: Theodoret, Euesque de Perynthē: & Marc, Euesque d'Arethuse, qui est en Syrie. Lesquels arriuez qu'ils furent en Italie, se mirent en effort de vouloir persuader à l'Empereur Constans, que la sentence qui contre eux auoit estē donnee, estoit iuste & selon droit & equitē. Tāt y a qu'ils ne voulurent iamais venir en colloque avec Athanase. A la fin ayans estē interrogez de la raison de leur foy & creance, presenterent aussi tost à Constans, vn autre formulaire de foy, que celuy qui au concile d'Antioche auoit estē composē, dont la teneur est telle:

*Complainte d'Athanase & de Paul à l'Empereur Constans.*

*Lettres de Constans à son frere Constance pour la foy orthodoxe.*

*Trois euesques Orientaux enuoyez en ambassade en Occident.*

Nous croyons en vn Dieu pere tout-puissant, createur & facteur de toutes choses vniuersellement. duquel toute paternitē est nommee au ciel & en la terre. Et en son fils vniue nostre seigneur Iesus Christ, engendrē du Pere auant tous siecles, Dieu de Dieu, lumiere de lumiere, par lequel toutes choses ont estē faites, tant aux cieus, qu'en la terre, visibles & inuisibles: estant le vray Verbe, la vraye sapience, la vraye vertu, & la vraye lumiere. Qui sur les derniers iours a estē fait hōme pour nous, & né de la Vierge sainte. Qui a estē crucifiē, mort, & enseuely: & est ressuscitē de mort le troisiēme iour, & est montē aux cieus, & est assis à la dextre de son Pere: & doit de là retourner à la fin des siecles, pour iuger les viuās & les morts, & pour rēdre à vn chacun selon ses œures. Le royaume duquel n'ayāt fin ne limite, demeure à tousiours mais: Car il se sied à la dextre de son Pere, nō seulement en ce present siecle, mais en celuy qui est à aduenir pareillement. Nous croyōs aussi au S. Esprit, c'est à dire, au Consolateur, lequel, comme il l'eut promis à ses Apostres, leur enuoya apres qu'il fut mōté aux cieus, afin de les enseigner & suggerer toutes choses: Par lequel aussi toutes ames qui syncerement auront creu en luy, seront sanctifiees. Quant à ceux qui disent le Fils estre de choses qui de foy n'ont estre ny subsistence, ou de quelque autre substāce, & nō de Dieu, & auoir estē vn temps qu'il n'estoit point, l'Eglise catholique ne les cōnoit nō plus qu'estrangers. Voila le formulaire de foy qu'ils presenterēt à l'Empereur.

*Le Formulaire de foy, que ces ambassadeurs presenterent à Constans.*

Or congnoissant appertement l'Empereur Constans, que tant ceux cy, que leurs complices, auoyent iniquement conspirē contre ces saints personages, & que ce qu'ils auoyent reietté & detestē leur communion & compagnie, ne procedoit d'aucun crime qu'ils eussent perpetrē, ny pour leur meschante vie, comme leurs attestations mesmes & tesmoignages en donnoyent suffisante declaration: mais que la cause de tout le disside qu'ils auoyent ensemblement, ne prouenoit entierement qu'à l'occasion du different qu'ils auoyent en leur doctrine & opinions arrestees, il les renuoya sans aucune resolution de tout cela pourquoy ils estoient là venus. Et par ainsi la dissention qui estoit entreuenūe, fut entre les Oriētaux & Occidētaux, comme quelque grande entre-ouuerture & abysme de terre. Auquel temps aussi l'heresie de Photin commença à s'esleuer en Sirmie, qui est vne ville d'Illyrique: lequel estant venu de Gaulle la mineur, & ayant estē enseignē par Marcel, Euesque du lieu, dont auons mentionné au dessus, fut de là fait Euesque par apres. Cestuy disoit que nostre Seigneur n'estoit qu'homme pur, ne differant en riē de tous hommes. De quoy nous parlerons en son lieu.

*Constans apperçoit la fallace & calomnie des Arriens.*

*Heresie de Photin.*

*Comment par l'espace de trois ans les Occidentaux & Orientaux dissidans ensemble de la doctrine de la foy, les euesques d'Orient composerent vne exposition de foy, qu'ils nommerent La longue, & l'enuoyerent aux Occidentaux.*

*Chap. XI.*

**T**rois ans apres ces choses, passez & reuolus, les euesques Orientaux cōposerent vn autre formulaire de foy, lequel ils enuoyerēt aux Occidentaux, qu'ils nōmerent Macro- Les Orientaux enuoyent aux Occidentaux, c'est à dire le long formulaire ou exposition de la foy Chrestienne, à sçauoir, pour ce qu'il comprenoit plusieurs paroles & sentences. Toutesfois, ny en cestuy-cy

K k

*euesques de Occident vn formulaire de foy.* mesme, ne firent mention nommément de la substance de Dieu: Bien vray est que quant à ceux qui disent le Fils de Dieu, n'estre point de chose qui ait essence de soy-mesme, ou estre d'autre substance que de Dieu, & qu'un temps auoit esté autrefois, qu'il n'estoit point, ils les proscrirent & anathematizerent. Ceux qui auoyent esté par eux deleguez pour porter ce rescrit, furent Eudoxien, Euesque de Germanicie, & qui apres Macedonien presida à l'Eglise de Constantinople, ensemble Martyrien & Macedonien, Euesque de Mopsueste, qui est en Cilice. Les Occidentaux ayans eu ce formulaire de foy par les mains de ces deleguez, ne le voulurent aucunement recevoir ny admettre, disans que la profession de foy qui auoit esté determinee au concile de Nice, leur suffisoit, sans vouloir d'auantage par trop curieusement encercher de cela: d'autre part, que leur formulaire estoit escrit en langue estrangere & à eux incongneue: & par ce moyen qu'ils n'entendoyent pas les paroles en iceluy cōtenues. S'ensuit la teneur de cestel longue exposition.

*Les Euesques deleguez pour l'apporter. Les Occidentaux ne le veulent pas recevoir.* Nous croyons en vn Dieu, pere tout puissant, createur & facteur de toutes choses vniuersellement: duquel toute paternité est nommee aux cieus & en la terre. Et en son fils vnique nostre Seigneur Iesus Christ, engendré du Pere auant tous siecles, Dieu de Dieu, lumiere de lumiere, par lequel ont esté faites toutes choses es cieus & en la terre, visibles & inuisibles. Qui est le Verbe, la sapience, la vertu, la vie, & la vraye lumiere. Qui es derniers iours a esté fait homme pour nous, & né de la Vierge sainte. Qui a esté crucifié, mort, & enseuely, & est ressusité de mort le troisieme iour: & a esté receu aux cieus, & se sied à la dextre du Pere: & doit de là venir à la fin du monde, pour iuger les viuans & les morts, & pour rendre à vn chacun selon ses œuures. Le royaume duquel n'a fin ne terme, mais persiste eternellement. Car non seulement en ce siecle il est seant à la dextre du Pere, mais aussi en celuy qui est à aduenir. Nous croyons pareillement au saint Esprit: c'est à dire, au Paraclet & consolateur, lequel ayant esté par luy promis à ses Apostres, le leur enuoya apres son Ascension aux cieus, afin de les instruire & enseigner en toutes choses: par lequel aussi sont toutes ames sanctifiées, lesquelles purement & sincerement croyent en luy. Or ceux qui tiennent que le Fils est & consiste de choses qui d'elles-mesmes n'ont aucune existence, ou qu'il est de quelque autre subsistence, & non de Dieu, & qu'il a esté vn temps, auquel il n'estoit point, la sainte catholique Eglise ne les reçoit, ny congnoit non plus qu'estrangers. Ceux aussi qui disent qu'il y a trois Dieux, ou que Iesus Christ n'estoit point Dieu, auant les siecles, & qu'iceluy n'est le Christ, ny le Fils de Dieu: ou que ce n'est qu'un du Pere & du fils, & du saint Esprit: ou que le Fils n'est point engendré: ou que le Pere de son propos & volonté n'a point engendré le Fils, la sainte & Catholique Eglise les excommunie tous. Car de dire que le Fils soit de choses non existantes, & qui de soy n'ont essence ne substance, il n'y fait pas peur, attendu qu'en nulle part des escritures diuinement inspirees ne s'en trouue rien. Et de fait, nous n'enseignons point qu'il ait esté engendré d'autre subsistence, ou personne dont il soit au parauant procedé, fors que du Pere: mais qu'il est vrayement & naturellemēt engendré du seul Dieu. Tesmoing la diuine parole enseigne que le pere de Christ, est le seul qui n'est point engendré, & qui n'a point de commencement: & aussi ne fut iamais qu'il n'ait tousiours esté: ce qu'ils nient perilleusement, sans autorité d'écriture, comme s'il faillloit preconsiderer vn interuale temporel: mais en cela, Dieu est seulement à contempler, qui sans tēps l'a engendré: car le tēps & les siecles ont esté par luy faits. Il ne faut aussi pēser, que le Fils soit ensemble avec le Pere sans commencement, ou qu'il n'ait point esté engendré ensemble avec le pere: Car il n'y a pere ou fils qui tout ensemble puisse estre dit proprement, n'auoir point de cōmencement, & tout ensemble n'estre point engendré. Mais nous scauons que le pere seul estant sans commencement & incomprehensible, l'a engendré par vn moyen incomprehensible, & que nul ne peut entendre, & que le Fils est de luy engendré auant tous siecles. Et semblablement, qu'il n'est pas ingenit, c'est à dire qu'il n'est pas sans auoir esté engendré, ainsi qu'est le pere: mais qu'il a son commencement d'iceluy pere, qui l'a engendré: car Dieu est le chef de Christ. Or quand nous confessons le pere, le fils, & le saint Esprit, estre trois choses, & trois personnes, selon les escritures, ce neantmoins nous n'en faisons pas trois Dieux: car nous ne congnoissons qu'un Dieu seulement, de soy-mesme parfait, & non engendré, n'ayant aucun cōmencement, & du tout inuisible, Dieu & pere d'un vnique Fils: & qui n'a essence que de soy-mesme: mais fait estre toutes les creatures, leur communiquant abondamment à chacun ce qui est necessaire à leur existence. Et quand nous disons qu'il n'y a qu'un seul Dieu, & qu'un seul pere ingenit de nostre seigneur Iesus-christ, nous ne nions pas pourtāt q̄ Christ ne soit Dieu auant tous siecles: cēme font les sectateurs & adherés de Paul Samosatenien, qui le disent auoir esté deifié peu à peu & par progrès apres l'assumption de son humanité, pour ce que de sa nature (disent-ils) il n'a esté fait que pur hōme. Car ores qu'il soit inferieur à son pere qui est Dieu, si le scauons nous neantmoins estre né de Dieu, & de nature estre parfait & vray Dieu, & nō Dieu apres auoir esté fait hōme: ains estat de Dieu, auoir esté fait hōme pour nous, & n'auoir iamais desisté d'estre Dieu. De sorte q̄ nous derestons & anathematisons & retréichons tous ceux qui avec vne feintise & dissimulation l'appellent bien Verbe de Dieu, mais nud seulement & sans subsistence: & le disans auoir en autrui son essence, le iuger quelque fois estre cōme vne parole vocale & enunciatue: par autrefois, cōme l'interne & mentale.

Mais

*Paulins heretiques.*



» Mais ne le veulent pas dire estre le Christ, le Seigneur, Dieu, Mediateur, & l'Image de Dieu, auât  
 » tous siecles: ains le disent auoir esté fait Christ, & Fils de Dieu, depuis ce tēps là seulement qu'il a  
 » prins nostre chair de la vierge, depuis trois cens cinquante ans en ça. Car ils veulent dire que le-  
 » sus Christ a prins le commencement de son regne depuis ce temps là, & qu'il prendra fin apres  
 » la consommation, & le iour du iugement. Tels sont Marcel & Photin, Ancyraniens de Galacie, *Marcel & Photin, he-  
retiques.*  
 » qui abolissent la substance de deuant les siecles, & la diuinité de Iesus Christ, & semblablement  
 » son regne qui n'a fin ne commencement: constituans par ce moyen comme il leur semble, vne  
 » Monarchie ou Empire d'un. Car nous sçauons qu'il n'est pas vne parole declaratiue ou interne  
 » simplement: mais qu'il est Dieu, Verbe viuant, par soy-mesme subsistant, & le Fils de Dieu, &  
 » le Christ: & par ainsi ensemble estant, & ensemble agent avec son Pere, presciemment auant les  
 » siecles, & administrant toute sa creation, tant des choses inuisibles, que des visibles: attendu  
 » qu'il est le Verbe subsistantiel du Pere, & Dieu de Dieu. Car c'est luy auquel le Pere a dit: Fai-  
 » sons l'homme selon nostre image & semblance: lequel a esté veu des peres anciens quād il leur  
 » bailla la loy, & a parlé par les Prophetes: & qui finalement s'est fait homme, & a manifesté son  
 » Pere à tous hommes: & qui regne à tousioursmais. Car Iesus Christ n'a rien prins de nouvelle  
 » dignité: ains le croyons estre & auoir esté parfait auparauant, & en tout & par tout semblable  
 » à son Pere. Et par ainsi iustement & à bon droit nous bannissons de l'Eglise tous ceux qui irreligi-  
 » gieusement & avec vne impiété prenans ces trois noms le Pere, le Fils, & le saint Esprit, les di-  
 » sent n'estre qu'une chose & qu'une personne. Et ce à raison qu'ils mettent en auant & disent, que  
 » le Pere qui ne se peut comprendre, & qui n'est subiect à passion, s'est fait comprehensible, &  
 » s'est soumis à passion par son inhumanatiō, c'est à dire, en ce qu'il a prins nostre chair & huma-  
 » nité. Tels sont ceux que les Romains appellent Patropassiens, & les nostres, Sabelliens: Car *Patropas-  
sien & Sa-  
bellien.*  
 » nous recongnoissons le Pere, qui a enuoyé son Fils, auoir tousiours demeuré en son estat de di-  
 » uinité immuable: mais Iesus Christ, qui a esté par son Pere enuoyé, auoir fait la charge, dispo-  
 » sition & ordonnance de l'inhumanation. Nous recognoissons semblablement & tenons pour  
 » tres-impies, tres-meschans & du tout reculez de la verité, ceux qui irreligieusement & faulsemēt  
 » osent dire Iesus Christ auoir esté engendré non de fait appensé & de propos delibéré, & volon-  
 » tairement de Dieu son Pere: à sçauoir, imposans à Dieu quelque necessité, & luy attribuans vne  
 » substance priuée de volonté & d'eslection: en sorte qu'ils le disent auoir engendré son Fils par  
 » contraincte. Lesquels nous reiettons du tout entierement pour ce qu'ils osent proposer & met-  
 » tre en auant telles choses contre les communs principes que nous auons de Dieu, & mesme  
 » contre la sentence de l'écriture diuinement inspirée: Car sçachans Dieu estre d'une tres-absolue  
 » & tres-parfaite puissance, nous estimons aussi saintement, & croyons, que de sa franche & li-  
 » bre volonté & sans aucune contraincte, il a engendré son Fils. Et avec vne crainte, croyās auoir  
 » esté de luy dit ce qui s'ensuit: Le Seigneur m'a créé dès le commencement de ses voyes pour ses  
 » œures, nous aussi ne le pensons pas auoir esté engendré ainsi que ses factures & creatures: Car  
 » aussi est-ce chose par trop meschante & pleine d'impieté, & du tout aliene de la foy Ecclesiasti-  
 » que de vouloir comparer le Createur aux creatures par luy faites & créées, & qu'il ait pareil &  
 » semblable moyen de generation, qu'ont les choses de luy reculees & estrangeres: Car les sain-  
 » ctes lettres nous enseignent qu'iceluy seul Fils unique, a esté par un seul & unique moyen naîs-  
 » sement ou naturellement & vrayement du Pere engendré. Et mesme quand nous disons, le Fils  
 » estre par soy-mesme, viure, & auoir de soy-mesme essence & substance ainsi que le Pere, nous  
 » ne le separons pas pourtant du Pere, en imaginant entre la coniunction d'iceux estre corporel-  
 » lement quelques lieux, espaces, & interualles de qualité ou de temps. Car nous les croyons es-  
 » tre sans moyen ny espace conioincts, & auoir leur essence d'eux-mesmes inseparablement: le  
 » Pere certes embrassant tout le Fils, & du tout entierement l'applicant (s'il faut ainsi parler) à sa  
 » poitrine: & le Fils estant entierement conioinct & appliqué au Pere, & seul à perpetuité se re-  
 » posant au sein d'iceluy. Parquoy croyans en toute sorte & maniere la parfaite & tressainte Tri-  
 » nité, nous disons le Pere estre Dieu, & le fils semblablement, & ne les cōfessons estre deux Dieux,  
 » ains n'estre qu'un Dieu, selon l'amplitude & estendue de la diuinité, & vne certaine & absolue  
 » coniunction de leur Royaume. Le Pere certes de toutes choses, & de son fils obtenant en tout  
 » & par tout la domination avec vne souueraine puissance sur icelles choses vniuersellement: & le  
 » Fils estant subiect à son Pere, & hors luy gouvernant apres luy toutefois tout ce que par luy a  
 » esté fait: & de la volonté du Pere, donnant aux Saints largement la grace du saint Esprit. Car  
 » les saints oracles nous ont déclaré & fait entendre, que tel est l'ordre & raison de la Monarchie,  
 » Empire & domination d'un seul, en Iesus Christ. Au reste, necessité nous a contrainct d'exposer  
 » ces choses plus amplemēt, apres le bref formulaire de la foy que nous auons enseigné, non  
 » par ambition, vanterie, & ostentation superflue, mais afin de purger toute estrange suspiciō con-  
 » ceue contre nostre opinion, de ceux qui ignorent nos affaires, & à ce que tous les Occidentaux  
 » congnoissent tant l'impudence de la calomnie de nos aduersaires, que l'opinion ecclesiastique  
 » des Orientaux: à laquelle opinion donnent tesmoignage les écritures diuinemēt inspirees, qui  
 » chez eux sont entierement conseruees, non par aucune contraincte, violente, ou forcee inter-  
 » pretation. Voila la forme de l'institution de ceste longue declaration de foy.



Este confession ayant esté reiettee par les Occidentaux, Constans César pria son frere, de vouloir permettre à Athanase & à Paul de s'entrer en leurs sieges: Mais comme ses lettres n'eussent trouué lieu ny effect, pour la requeste qui par elles estoit portée enuers sa maïesté, obstant l'opposition que les aduersaires faisoient au contraire, & comme mesme pour ce regard se fust esmeue vne sedition entre le peuple, Paul & Athanase ne sceurent autre chose faire, sinon que de retourner encore vn coup vers Constas, pour le supplier de vouloir s'assembler encore de rechef le Concile general, à celle fin que plus diligemment & certainement on peust congnoistre, tant la professio

de leur foy, que la raison de leur cause. Car ils affermoient que toute l'ignominie qu'ils enduroient de leur bannissement, ne procedoit que pour auoir syncerement & purement soustenu

*Du vouloir  
& consen-  
tement de  
Constas &  
Constance  
Empereurs,  
le concile de  
Sardice est  
institué.*

*Trois cens  
Euesques  
Occidentaux,  
& septante-  
six Orien-  
taux.*

*Les Orien-  
taux ven-  
lent qu'A-  
thanasie &  
Paul soyent  
forçés du  
concile:  
mais les Oc-  
cidentaux  
estimēt que  
ce seroit  
leur faire  
tort.*

*Divorce en-  
tre les Eues-  
ques Orien-  
taux & Oc-  
cidentaux.*

*Mutuelles  
degradations  
entre eux.*

*Maximin  
Euesque de  
Trenes.*

*Les Orien-  
taux con-  
grege à  
Philippole  
mettent sus  
l'inequali-  
té en la Tri-  
nité.*

la foy: Parquoy du consentement & aduis de ces deux Empereurs fut ordonné, que les Euesques des deux Empires s'assembleroyent à certain & competant iour à Sardice, qui est vne cité d'Illyrique, dictée autrement Scauonie. Ce que Constans auoit ainsi requis estre fait, & y consentit son frere Constance, pour tollir & appaiser ceste sedition. Et ainsi des parties d'Occident s'y trouuerent enuiron trois cens Euesques, comme en quelque endroit le proteste le mesme Athanase: & de l'Orient, ainsi que Sabin Macedonien le recite, y couindrent septante-six. Entre lesquels, à leur emulation, y vint aussi quant & quant celuy Ischyas, duquel auons traité au dessus, qui de foy-mesme sans autre ordination, l'estoit créé prestre. Et pour ce qu'il auoit affaire à Athanase, il se ioignit & mit du party des aduersaires d'iceluy, par lesquels aussi, à cause des mēteries qu'il auoit contre luy controuuees, il auoit esté ordonné Euesque de Marcotis. Les autres prenans excuse sur la breueté du temps qui pour y comparoir leur auoit esté baillée, & allegans l'vn vne raison & l'autre vne autre, n'y assisterent point, & reiettoient la coulpe de tout ce deffault, sur le Pape Iule, attendu qu'auant l'arriuee des Euesques en ce lieu, il y auoit ja plus de vingt mois passez, que l'assignation & ordonnance de ce Concile en auoit esté faite & arrestée, sans qu'aucune execution s'en fust ensuyuie. Or estoit il lors la dixiesme année, que Constantin pere de ces deux Empereurs, estoit allé de ceste vie en l'autre. Si tost donc que les Orientaux furent arriuez à Philippole, qui est en Trace, escriuirent vne missiue aux Occidentaux, qui ja estoient venus à Sardice, à ce qu'ils eussent à faire retirer Athanase & ses adherans du Concile, pour ce qu'ils estoient interdits des sacrez ministeres: ou autrement qu'il leur estoit impossible de s'assembler en vn. Chose aussi qu'à toute instance ils s'efforcèrent d'obtenir incontinct qu'ils furent paruenus à Sardice. Mais les Occidentaux, & sur tous autres Hosie Espagnol, Euesque de Cordoue, & Protogenes euesque de Sardice, respondirent qu'ils n'auoyent iamais fuy ny euité leur communion, ny moins qu'ils auoyent enuie de le faire à l'aduenir: attendu que l'Euesque de Rome, Iule, apres auoir veu leur cause, les auoit absous, & iugé auoir esté par trahison & faux crimes à eux imposez, iniquement circonuenus. Et qu'eux-mesmes estoient là en personne, pour respondre & faire remonstrance à toute l'assemblée, de l'inique iugement qui contre eux auoit esté donné. Ils s'entre-escriuirent aussi plusieurs autre choses d'une part & d'autre, par gens interposez. Ce qui esmeut entre eux plus grande rancune & inimitié qu'auparuant: & si se passa par ce moyen le iour qui pour eux assembler auoit esté prefix & ordonné. Et s'estans incontinct departis & separez les vns des autres, & faisans leurs Conciles les vns d'un costé, & les autres d'autre, donnerent à part sentences au desauantage des vns & des autres: Car les Orientaux se congregèrent à Philippole, où par eux fut encore d'auantage confirmée la sentence qu'ils auoyent decretee contre Athanase, Paul, Asclepas, & Marcel: & non cela seulement, mais deposèrent Iule, euesque de Rome, de son magistrat ecclesiastique, pour auoir esté le premier qui auoit communiqué avec eux. Ils en firent autant du confesseur Hosie, tant pour ceste occasion, qu'à cause qu'il s'estoit tousiours porté amy d'Eustathie & de Paulin, euesques de l'Eglise d'Antioche. Autāt aussi en firent ils de Maximin, Euesque de Trenes, pour auoir esté le premier qui auoit admis Paul à la cōmunion, & procuré son retour à Cōstātinople: ioinct aussi qu'il auoit proscrip̄t & dechassé les Euesques Orientaux, qui estoient venus en Occidēt. Et non seulement deposèrent ceux-cy de leur sacree dignité en leur cōcile: mais firent aussi le semblable à Protogenes, euesque de Sardice, pour auoir secouru à Marcel, euesque d'Ancyre, à sa grande necessité, lequel ils auoyent auparauāt condāné par leur sentence: & Gaudēce pareillemēt, pour ce qu'il auoit porté honneur & receu en sa cōpagnie ceux qu'ils auoyent ignominieusement deuestus de leurs dignitez episcopales: & parce qu'il sentoit autremēt des choses diuines, q̄ n'auoit fait Cyriaque son deuācier. Quāt à la cause de la foy, ils reietterēt du tout la Cōsubstantialité, & par lettres qu'ils enuoyerēt de toutes pars, diuulguerēt l'opinion del'inequalité du Pere & du Fils. Esquelles lettres ils manderent quant & quant aux euesques de plusieurs lieux, qu'ils

n'eussent

n'eussent à recevoir à la communion de l'Eglise, ceux principalement qu'ils auoyent notez par la sentence & iugement, qui en leur Concile auoit esté donné: ny mesme à leur escrire. Aucuns tiennent qu'ils firent à tous commandement de croire en la foy descrite en ce long formulaire qu'auons premis, sans faire aucune mention de ce mot Consubstantialiel: ains seulement de ceux qui disent qu'il y a trois Dieux, ou que Iesus Christ n'est pas Dieu, ou que ce n'est qu'un du Pere, du Fils, & du saint Esprit, ou que le Fils n'est point engendré, ou qu'il a esté vn temps ou siecle quelque fois qu'il n'estoit point. Voila en substance ce que firent en leur Concile les Euesques Orientaux en la ville de Philippole qui est en Thrace. Mais Hosie & ceux qui estoient avec luy à Sardice, les condamnerent tout premierement, sans en alleguer autre cause ne raison, sinon leur contumace, rebellion & desobeissance: puis receurent Athanase, & rescinderent tout ce qui auoit esté fait à Tyr contre luy. Restituerent à Marcel sa dignité episcopale, à cause qu'il protesta n'auoir iamais eu opinion ne sentiment de toutes les choses dont il auoit esté calomnieusement accusé. Ils confirmerent aussi par leur autorité l'Euesché de Gaza à Asclepas, dont il en auoit receu la dignité par le suffrage & eslection de plusieurs euesques, & nommément de Eusebe le Pamphile, ce qu'acertenoyent les actes de sa sentence. Ils restablirent aussi par mesme moyen Lucie en son euesché d'Andrinople, pour ce que ses accusateurs s'en estoient fuis, & n'auoyent osé comparoir au Concile. Et pour toutes ces choses, manderent lettres aux paroisses & Eglises de tous ceux-cy: leur commandans qu'ils n'eussent à recevoir autres Euesques que eux, & qu'en bref ils attendissent leur retour chacun en son Euesché. Ils degraderent aussi & demirent: Gregoire de celuy d'Alexandrie, Basile de celuy d'Ancyre, & Quintien de celuy de Gaza, & non cela seulement, mais ordonnerent que de là en apres ne fussent honorez du nom d'Euesques, ny mesmement de Chrestiens. Ils firent le pareil à Theodore de celuy de Perinthe, à Narcisse de celuy d'Irenopole, à Acacie de celuy de Cesarée, successeur d'Eusebe le Pamphile, à Menophante de celuy d'Ephese, à Vrsicie de celuy de Singidon, & à Valens de celuy de Mursie qui est en Hongrie, & à George de celuy de Laodicee, bien qu'iceluy n'assistast au synode des Orientaux. Apres donc qu'ils eurent dégradé tous ceux-cy de leur dignité episcopale, ils leur interdirent quant & quant la communion des fideles, & ce pour autant qu'ils separoyent le Fils de Dieu de la substance de son Pere: & qu'aussi ils receurent & esleuerent en plus ample dignité du ministère de Dieu, qu'ils n'auoyent auparauant ceux qui ja long temps auoyent esté retrenchez de l'Eglise Catholique pour l'opinion & heresie d'Arrius qu'ils tenoyent. Et les ayans condamnés, enuoyerent lettres incontinent par tout à vn chacun des euesques, pour les faire ratifier & confirmer ce qui auoit esté par eux decreté, & pour les enhorter de tenir comme seurs & Catholiques les determinations du concile de Nice. Lesquelles choses apres auoir esté du consentement & commun accord de tous corroborées & affirmées, ils repudierent aussi l'Inégalité que les Orientaux tenoyent de la sainte Trinité, & publierent appertement la Cons

*Les actes  
des Occiden  
taux au cō  
cile de Sar  
dice.*

*Il y doit  
auoir para  
mensure Ge  
orge, du  
quel il a e  
té parlé au  
dessus, c. 7.  
Singidon  
est aujour  
d'huy appel  
lé Segedim.*

*Les Occiden  
taux con  
damnent  
l'inequali  
té en la Tri  
nité.*

*Auec grand  
crainte &  
saincteté les  
anciens fai  
soient ou  
ordonnoyēt  
quelque cho  
se nouvelle  
de la foy.*

# LIVRE IX. DE L'HIST. ECCLESIASTIQUE

*Ce que Socrates, escrivain ecclesiastique, a laissé par escrit de l'opinion d'Eusebe le Pamphile:*

*& quelle a esté la sentence de l'Orient & de l'Occident, touchant*

*la foy du concile de Nice. Chap. XIII.*

*Eusebe le  
Pamphile a  
escrit con-  
tre Marcel.  
Socrat. li. 2.  
chap. 20.*



R faut il sçavoir & entendre qu'Eusebe le Pamphile refuta par trois liures le commentaire d'iceluy Marcel: Car ayât diuisé son liure en ses parties, il farreste par apres à la confutation d'iceluy, ce qu'il fait par tout son œuvre. Desquels liures, Socrates qui est l'un de ceux qui a escrit l'histoire ecclesiastique, allegue plusieurs articles, à l'occasion dequoy iceluy Eusebe a esté quasi taxé d'auoir esté Arrien. Il recite consequemment comme il assista au premier Concile, & qu'il consentit avec les Euesques là assemblez, à coucher & dresser les ordonnances & decrets d'iceluy, ainsi que ledit Eusebe en fait mention au tiers liure qu'il a escrit à Constantin.

Il met en auant aussi la sainte interpretation d'iceluy Eusebe sur ce passage: Le Seigneur m'a créé dès le commencement de ses voyes: en laquelle il escrit ce qui s'ensuit:

*Exposition* En cela (dit-il) que nostre Seigneur se dit luy mesme auoir esté créé, il ne le dit pas en telle for-  
*d'Eusebe le* te, comme s'il n'eust point esté auparavant, & qu'il ait lors commencé d'estre premierement: tel-  
*Pamphile* lement qu'à la façon des autres creatures, il fust aussi de chose que de soy-mesme n'a point d'es-  
*de ces paro-* sence, ce qu'aucuns n'ont pas bien prins ny entendu: mais faut entendre, qu'iceluy comme co-  
*les, le Sei-* sistant, & viuant, & estant auparavant, & subsistant auant la constitution de tout le monde, a esté  
*gneur m'a* ordonné du Seigneur son Pere pour gouverner & administrer tout cest vniuers: en sorte que ce  
*créé dès le* mot, Il m'a créé, soit dit en ce lieu, pour, Il m'a ordonné ou constitué. L'Apostre Saint Pierre  
*commence-* nomme aussi appertement creature les Princes & gouverneurs des hommes, quand il dit: Soyez  
*ment de ses* done subiers à toute humaine creature, pour l'amour de Dieu, soit au Roy, comme au superieur,  
*voyes.* soit aux gouverneurs, comme à ceux qui sont enuoyez de par luy. Et le Prophete parlant en la  
*Ce mot créé* personne de Dieu, dit ainsi: Voicy, moy ordonnant le tonnerre, & creant l'Esprit, & annonçant  
*comment il* son Christ aux hommes. Ou il ne prend pas ce mot Creant, en ce sens là, qu'il n'ait point esté au-  
*est prins es* parauant: Car Dieu ne crea pas lors l'Esprit quand par iceluy il annonça son Christ à tous hom-  
*escriptions.* mes, ny n'a esté lors recent & nouveau sous le Soleil. Mais il faut entendre, qu'il estoit aupara-  
*1. Pet. 2.* uant, & a esté lors enuoyé au temps que les Apostres estoient ensemble congregez, quand à la  
*Amos 4.* façon d'un tonnerre vint sur eux un son du ciel, comme d'un vent qui souffle de vehemence. Ou  
*Act. 2.* ce terme Creant, est mis au lieu que nous dirions, L'enuoyant ça bas, ou l'ordonnant, ou con-  
*Psal. 5.* stituant: & ce mot Tonnerre, est mis pour vne autre forme de parler, par laquelle est signifiée la  
*Ephes. 2.* predication euangelique. Telle aussi est ceste maniere de parler: Dieu, cree en moy un cœur  
*Ephes. 4.* celuy qu'il a, soit purifié & parfait. Et mesme ce passage: Afin qu'il en creast deux en un nouveau  
*Gal. 6.* homme: au lieu que nous dirions, assemblast & congregeast. Voy, ie te prie, si ce passage n'est  
pas aussi semblable: Reuestez vous du nouveau homme, qui est créé selon Dieu. Et mesme ce-  
stuy cy: Si aucun est en Iesus Christ nouvelle creature: & plusieurs autres semblables, à ce que  
tu ne t'esmeruilles, si par metaphore & translation, en ces paroles, Le Seigneur m'a créé dès le  
commencement de ses voyes: M'a créé, est mis pour constitué ou ordonné. Voila qu'escrit Eu-  
sebe au tiers liure qu'il a fait contre Marcel, quant à ce point. Socrates tenant aussi le party d'iceluy Eusebe, & le voulant excuser, recite de luy ce qui s'ensuit:

*Defence de* Veu donc (dit-il) & considéré, qu'Eusebe faisant mention du concile de Nice, il recite que  
*Socrates* toutes les choses qui estoient en controuersie furent lors determinees, resolutes & ordonnees,  
*pour Euse-* & que ceux qui là se trouuerent, furent tous d'un mesme consentement & accord, comment  
*be le Pamphile,* est-ce que quelques vns le souspeçonnent & mescroient Arrianniser? Les Arriens aussi qui l'e-  
*contre* stimment estre des leurs, & tenir leur party, se trompét eux-mesmes. Mais quelcun me dira, qu'en  
*ceux qui le* ses escrits il me semble estre Arrien, pour ce qu'il dit souuent « par Christ. Auquel nous res-  
*disent a-* pondons, que les Ecclesiastiques ont souuent vsé de ceste locution & façon de parler, & de plu-  
*uoir esté de* sieurs autres, par lesquelles est signifiée & entendue la disposition & charge de l'humanité de no-  
*l'opinion* stre Sauueur. Et auant ceux-cy l'Apostre mesme a vsé de ces termes: & pour cela neantmoins on  
*d'Arrius.* n'a iamais iugé de luy qu'il eust enseigné & mis en auant vne mauuaise opinion. Et puis dit con-  
sequemment: car ils ne pourront monstrer qu'Eusebe attribue au fils de Dieu un commence-  
ment de son estre diuin, combien qu'ils le trouuent abuser d'aucuns mots, es liures qu'il a faits  
de l'ordonnance & disposition de l'humanité de Iesus Christ. Un grand argument de cecy, c'est  
qu'il a tousiours fait singulier cas, & a fait son profit des liures d'Origene, par tout lesquels,  
ceux qui en peuuent comprendre la subtilité & ingeniosité, trouuent que le Fils est engendré du  
Pere. Socrates amenant ces choses en auant, & plusieurs autres, s'efforce d'attribuer à Eusebe  
vne pureté de doctrine. Quant à moy, j'aymeroie trop mieux que le personnage eust esté tel,  
mais l'Eglise Catholique peut estre n'en a pas ce iugement, laquelle c'est le plus seur de croi-  
re. Quoy que ce soit si au vray il a vescu en syncerité de foy & de religion Chrestienne,  
comme

comme dit cestuy-cy qui est Nouatien, nous remettons le tout à Dieu, qui soigneusement & à la vérité void & considere toutes choses occultes. Soit dit de ces choses iusques icy. Le Concile de Sardice ainsi paracheué, chacun se retira en sa maison, selon qu'auons dit cy dessus : estans tous d'une part & d'autre en telle cōtrouerse, que de là en apres l'Occident fut par vn departemēt diuisé de l'Orient : Car de ceste heure là, les Occidentaux ne voulurent iamais plus auoir affaire ny alliance ou confederation avec les Orientaux, pour le diuorce de la foy qu'ils auoyent ensemblement. De sorte que la separation de la communion d'entre ces deux peuples, Occidentaux & Oriētaux, fut faite lors entre l'Illyrique & Thrace, pres le mont de Susace : Car outre ce lieu, pour la diuersité de leur foy, ne voulurent onc depuis communiquer ensemble. Et comme il aduiuent communément en tel cas, il n'y auoit lors par les Eglises que calomnies & dissensions, de façon qu'un gros trouble & cōfusion enuahit l'Eglise Catholique : Car combien qu'au parauant il y eust entre eux different & discordassent ensemblément, si eist ce que pour tout cela ne desistoyent à se frequēter les vns les autres, & ne pensoyent la chose estre de telle importance & poix, estimās pour lors telle hantise & conuersation, estre vn mesme sentimēt de Iesus-Christ. Et pour le faire bref, toute l'Eglise Occidentale estoit en telle tranquillité, qu'estāt arrestee totalement à la religion du pays & de ses deuanciers, estoit exempte de tout combat & contention, & reculee de toute application à vaines paroles & estrifs, fondees sur la dispute de la religion, retenant purement & sincerement la profession de foy, arrestee au Concile de Nice. Et iacoit qu'aussi Vrticie, Euesque Hongrien, & Auxence, Euesque de Milan s'efforçassent lors de distraire leurs Eglises de la vraye creance, pour les attirer à l'opinion Arrienne, si est ce qu'ils ne peurent venir au dessus de tous desseins, pour le bon ordre & vigilance que le siege Romain y employa, & les autres Euesques Occidentaux, extirpans tout aussi tost les greffes & iectōs de ceste heresie. Apres le Concile d'Antioche, s'exalterēt par tout l'Orient de merueilleuses tragedies & dangereuses seditions, pour les altercats & contentions qui se leuerent apertement & en publicq contre la foy de Nice, s'efforçant vn chacun d'en vouloir dire sa sentence & aduis. Si est ce nonobstāt qu'à la verité, ainsi que lon peut colliger, il y en auoit plusieurs qui approuoyent les arrests du Concile de Nice, confessans que le fils estoit de mesme substance que le pere, encore que par vne cupidité de contention & dispute, ils baraylassent d'un esprit impatient & d'une felonnie, contre ce mot Homousion : c'est à dire, Consubstantialiel. Entre lesquels, il y en auoit quelques vns (comme aucuns ont laisse par escrit) qui, pour raison qu'ils auoyēt tenu contre ce mot dès le commencement qu'il fut mis en terme par Arrius & ses adherens, persistoyēt tousiours en leur opinion, de crainte qu'ils ne fussent veuz estre vaincuz, & faisoient tout leur effort d'annuller & du tout abolir ce vocable, estimans que s'ils changeoyent d'opinion, ce leur seroit honte & reproche à iamais. Quelques autres, pour auoir par disputes & paroles souuentefois alterqué de ces choses, aymoyēt plus cher de leur propre fantasie persister en leur opinion ia conceue en leur esprit, que de rechanter ce qu'ils auoyēt desia dit. De façon qu'estans vne fois deceuz de ce qu'il falloit tenir pour ferme & asseuré, ils ne vouloyent changer d'opinion, quel que remonstrance qu'on leur peust faire du contraire. Il y en auoit d'autres, qui en eux mesmes considerans combien estoit mal seant & deshonneste, d'ainsi s'addōner à tels debats, declinoiyēt à l'opinion qui leur venoit plus à cœur : poulsēz à ce faire, ou par quelque gloire qu'ils preten- doient, ou pour vne crainte, ou par force, ou par vne familiarité qu'ils auoyent aux personnes, le plus souuent aussi à cause d'une amitié qu'ils leur portoyent, ou paraenture pour quelques autres raisons, par lesquelles les hōmes estans attirez (ainsi que les affaires lors se comportoyēt) ils condescendent & gratifient aux vns mesme en choses peu seantes & honnestes, ou finalement par ce qu'aucuns ne pouoyent respondre aux aduersaires ne refuter librement & publiquement ce qui estoit par eux mis en auant & obiecté, ils se soubf-mettoyent aux surnommez & faisoient tout ce que bon leur sembloit. Il y en auoit vn grand nombre d'autres en ce mesme temps, qui estimans chose du tout inepte & superflue de se debatre de telles choses, se retiroyent de la cōpaignie de tels contentieux, & à par eux tacitement embrassoyent & reueroyēt les decretz Niceans.

« par Christ. ) Les bons Chrestiens s'offensoyent au passē, si Christ eust esté simplement nommé, sans luy donner le siltre d'honneur qu'il luy appartient, à raison de sa diuinité, comme Iesus-Christ nostre Dieu, Sauueur, Redempteur, ou semblables choses.

Des moines du pays d'Egypte, à sçauoir, Scetiotēs & Tabannesiotes : & des deux Machaires, qui là ont regné : Item de Rambo, & Pachonie : plus d'Apollone & d'Anub.

Chap. X I I I I.



Vant à ceux qui en l'Orient avec vne grande liberté ont esté les defenseurs & protecteurs de la psus sainte doctrine, & qui avec vne signalee perseuerance ont tous iours tenu & embrassé les decretz de Nice, furent sur tous autres Paul, Euesque de Constantinople, & Athanase, euesque d'Alexandrie, ensemble tous les Moines du pays d'Egypte, aufquels presidoit saint Antoine, qui pour lors estoit encore viuant. Or fault

Socrates e-  
stait Noma-  
tien.

Disside ou-  
uert entre  
les Occiden-  
taux &  
Oriētaux.

Susacismōr.

Grandeur  
de ce di-  
uorce.

Les Occide-  
ntaux ont  
tousiours  
fort constā-  
ment rete-  
nue le Sym-  
bole de  
Nice.

ceux d'O-  
rient debat-  
tent fort  
& ferme  
ce mot Ho-  
mousion,  
c'est à dire  
Consubstā-  
tiel.

Affection  
grande de  
contentieu-  
se opinia-  
strée.

Hommes re-  
culez de  
toute con-  
tention &  
estrif.

Les Catho-  
liques en  
l'Orient.

il noter, que ceux qui estoient avec luy demeurans en Egypte (qui estoient en grand nombre) & autres lieux sous l'empire de Rome, se nommoient Ascetes, plusieurs desquels durerent iusques à l'empire de Constance, & mesme long tēps apres. Tels ont esté (afin de me taire d'Aamon, & de Paul Thebeen) les Machaires, portans mesme nom, & iustement & à bon droit ainsi nommez, pour la signification de leur nom, qui vault autāt à dire, que bien-heureux : à sçavoir, l'egyptien & celui qui estoit surnommé Urbain, ou le Politique. Tels pareillement furent entour le pays d'Illyrique & de Trace, S. Martin, natif de Sabarie, en Hongrie, & S. Hilaire, euesque de Poictiers, hommes excellēs & dignes de toute admiratiō & loūange, desquels nous parlerons incontinent en son lieu. Plusieurs autres personnes aussi d'excellence & reputation regnoyent en ce temps là, ayans bruit & renomēs eglises de Dieu: entre lesquels principalement florissoit en erudition & eloquence, Eusebe, euesque d'Emese, Tite, Euesque de Bostre, Serapiō Euesque de Thmuene, Basile, euesque d'Ancyre, Eudoxe, euesque de Germanice, Acacie, euesque de Cesaree successeur d'Eusebe, Cyrille qui apres Maximin a gouverné l'Eglise de Ierusalem, & Theodore, euesque de Perinthe: lesquels tous ont delaisé aux eglises des fruiets de leur doctrine de grand valeur & estime. Il semble toutefois qu'Ephraim, Syrien, a encore surpassé tous autres en cest endroit & les a excellé en ceste gloire, par l'ornement & lustre qu'il a exhibé en toute l'Eglise vniuerselle. Regnoyent aussi en ce temps là, Lucifer, Didyme & Etie, hommes certes en tout genre de sçavoir fort singuliers, mais qui nonobstant combatoient grandement contre la verité. Et pour le faire court, il fault entendre, que pour lors les prelatz des eglises s'addonnoyent à mener vne vie tresparfaite, & estoit le peuple par eux si biē & religieusement gouverné, qu'avec vne merueilleuse assurance & constance, la religiō Chrestienne estoit honorée & reuerée de toutes pars, & la foy de iour en iour prenoit accroissement: tellement que petit à petit l'Eglise de Dieu paruint à grande gloire, tant pour la vertu & splendeur des bonnes œuvres qui se faisoient en elle, que pour plusieurs excellens prodiges & diuins miracles, qui par les Saints de Paradis, & autres personnes ecclesiastiques, se voyoyent iournellement. Au contraire, la superstition des Grecs vint lors du tout à descheoir, & fit eschange de ses opiniōs meschantes à la vraye foy. Mais pour raison qu'en ce lieu nous auons fait mention de ces saints personnages, il m'a semblé bon aussi de poursuivre par mon styl la description de la vie tant d'iceux, que d'autres qui en ce temps là ont esté en estime & reputation de gens de bien, & ce le plus succinctement que ie pourray. En premier lieu nous parlerons de ceux qui ont esté les plus celebres conducteurs & capitaines des Scetes, & de ses montaignes tout à l'entour. Ceux cy portoyent tous deux le nom de Machaire, estant l'un natif du pays d'egypte, & l'autre de la ville d'Alexandrie, surnommé l'Urbain, ou le Civil, ou bien le Politique: tous deux homes entierement diuins & admirables en la profession monastique, ayans le don de Prophetie, & la grace de ietter les diables hors les corps de ceux qui en estoient possedez, ensemble de faire miracles, & de promptement guerir les malades. L'un desquels, à sçavoir l'egyptien, ressuscita vne fois vn mort, afin d'attirer par ceste persuasiō vn quidam desbauché de la vraye doctrine, à croire la resurrectiō des morts. Il est recité de luy, qu'il a vescu plus de quatre vingt dix ans, desquels il en a passé plus de la moitié en vie solitaire & monastique. Il fut dès sa grande ieunesse fort excellent en sagesse & prudence: tellement qu'il fut pour cela surnommé en langue Grecque Pedariogeros, qui vault autant à dire, qu'enfant vieil, meur & rassis. Il receut la dignité sacerdotale en l'age de quarante ans: Mais celui qu'on surnommoit le Politique, obtint plus tost icelle dignité. Il s'addōna à tous exercices de sainteté, iusques au comble de toute perfection, lesquels il inuenta partie de luy mesme, partie les ayans entēduz & apprins des autres, s'efforça par tous moyens de les accomplir. Il estoit, tellement extenué & defait, qu'en luy il n'y auoit lieu ne place d'où les poils de sa barbe peussent prendre nourriture ou accroissement. Quant à l'egyptien, il estoit bien aussi austere, mais il exerceoit ceste austerité avec vne discretion. L'Alexandrin ores qu'il fust semblable en toutes autres choses à l'Egyptien, ce neantmoins il estoit en cela seulement different à l'autre, qu'il estoit en ses propos & deuis homme accord & ioyeux, vsant le plus souuent de paroles facetieuses, pour attirer par ce moyen les ieunes gens à l'estude & sainteté & religion Chrestienne. Euagrie a esté disciple de tous les deux, avec lesquels il apprint d'exprimer d'œuvre & de fait, les preceptes de la plus sainte philosophie, n'ayant fait au parauant profession de l'estude de sapience, que de paroles seulement. En ce mesme temps & mesme lieux, ont premierement philosophé avec eux, ce tant celebre & renommé Pambo, & Paeie, qui a mené vie Angelique, si autre iamais la mena: semblable Heraclides Cronien, Paphnuce, Putubastes, Arselie, & ce grand Serapion, Pithyrion semblablement, lequel toutes fois eut autre part, à sçavoir, à Athenes, vn ascetere ou domicile pour l'exercice de la pieté & religion. Le grand Pachomie pareillement, que lon dit auoir esté le guidon & auteur de la vie des Tabennésiotes. Or fault il entendre, que ceux cy ont vne façon de vie discordante en quelques choses à celle des autres moines du pays: Car ceux qui suyuent la vie & institutiō de ceux cy, s'accoustument d'aspirer tousiours & de tendre à vertu, & de mettre sous le pied & contemner toutes choses terriennes, & à regarder en hault continuellement: en sorte qu'il leur est facile



facile de là en auant, quant ils deposent ceste pouffiere du corps mortel, de paruenir au celeste Tabennesio-  
 sejour. Pour tout vestement ils n'vsoient que d'une peau de brebis, qui en representatiō com- tes, desquelz  
 me ie pense, de ce genereux & magnanime Helie Thesbitien, leur seruoit de maceration & fur condu-  
 mortification de toute concupiscence de chair & actes venereens: à ce que par le mesme zele fleur &  
 & ardeur de l'esperance qu'il auoit, ils eussent à embrasser continence & chasteté. Au surplus capitaine  
 l'habillement de tous les autres Moines du pays d'Egypte, tend (comme est le bruit cōmun) à Pachomie.  
 quelque exemple & patron d'une secrete philosophie, estant vray semblable, qu'ils n'ont pas  
 remerairement & sans grande occasion desguisé leur habit de celui du commun: Car ie pense Non sans  
 que le manteau sans manches qu'ils portent, leur demonstre & signifie qu'ils ne doivent cause &  
 auoir les mains faciles & promptes à faire iniure à aucun. Le couuremēt aussi & affulemēt qu'ils raison les  
 ont en teste ainsi poinctu, declare qu'il faut qu'ils soyent simples & ne se vengēt iamais à tort Moines ont  
 qui leur auroit esté fait, & qu'ils vivent en toute pureté & innocence, à la semblance des enfans prins un  
 qui sont à la mammelle, desquels on a coustume de couvrir les testes de telles mitres de lein, habit diffé-  
 qui couurent & entretiennent en chaleur la partie où git & tient son siege la raison. En apres rēt à celui  
 la ceinture, qui serre les espaules & les bras, designe obicuremēt la prōpre allegresse qu'on doit du cōmun.  
 auoir au ministere de Dieu, afin de promptement & sans delay parfaire & accomplir ce qui est  
 commandé. Peut estre que quelques autres pourront rendre raisons plus pertinentes que celles les loix des  
 cy, touchant la philosophie monastique, quant à moy il me suffira pour le present auoir dit ce- Moines Ta-  
 cy. Or pour retourner à Pachomie, on dit de luy, qu'estant au commencement fort constāment bennefotes.  
 arresté à ceste philosophie, en quelque creux soubz terre où il se retiroit, vn Ange s'apparut à  
 luy, qui luy commanda de congreger vne nouuelle compaignie de Moines: luy disant qu'il e- Vn des As-  
 stoit de necessité que luy qui representoit d'une vie irreprehensible la pure & vraye philoso- cetins ou so-  
 phie, fut fait conducteur & capitaine de plusieurs, à qui il pourroit par ce moyen profiter, & les litaires di-  
 façonner par certaines loix & statuts. Apres qu'il luy eut dit cela, il luy bailla vn tableau auquel soit une fois  
 estoit la figure pourtraicte, representāt le mesme habit, auquel il s'estoit à luy apparu, qui estoit un mot biē  
 vne longue robbe pendant iusques aux talons: Lequel tableau se garde encore iusques au iour notable:  
 d'huy. Par le contenu de ce qui estoit escrit en iceluy, estoit en forme de loix déclaré, qu'il fal- C'est que le  
 loit permettre à vn chacun de boire & manger & trauailler autant qu'il pourroit & voudroit: Moine oisif  
 & semblablement qu'il fust au vouloir d'un chacun de ieusner ou de ne ieusner point Et à ceux est sembla-  
 qui mieux beuroient & mangeroient, qu'il eut à leur encharger les plus penibles trauaux: mais à l'homme  
 à ceux qui plus sobrement vsoient de viandes & plus s'addonnoient à l'exercice de pieté, il auaricieux.  
 leur enioingnit les plus legers & faciles. Il luy commanda aussi de edifier quelques domiciles  
 & manoirs propres pour des religieux tout à l'entour de là: en chacun desquels se tinssent  
 trois ensemble & fit qu'ils eussent à prendre leur repas en l'un des plus amples d'iceux domi-  
 ciles: où estans assis avec vn grand & profond silence, eussent la face tellement couuerte, que  
 l'un ne peust veoir l'autre, ny mesme autre chose, que la table & la viande, qui leur seroit appo-  
 see. Et que nul ne beust ny ne mangeast en mesme table avec eux qui fust d'autre habit que le  
 leur, si ce n'estoit quelque hoste & estranger qui diuertissant par là, fust receu d'eux en passant  
 chemin. Et que pendant leur refection ils demandassent tout ce qui leur seroit necessaire, par  
 quelques signes ou des mains ou de la teste, à ceux qui en leur tour & ordre seruiroyēt à table.  
 Que si aucun se vouloit retirer & viure avec eux, ayant premierement changé d'habit, qu'il fust Les ans re-  
 par l'espace de trois ans exercé aux plus grands trauaux & peines que ils eussent en leur manie- requis à la  
 re de viure: & ainsi finalement apres auoir esté institué en leurs plus secretes ceremonies qu'il probaton  
 fust admis entre eux, en mesme degré qu'eux, & qu'ils n'eussent autre vestement & habit qu'un de la vie  
 hoqueton de peaux, & pour l'affulement de teste, qu'une mitre de drap, tissue & distincte de monastiqua  
 quelques certains poincts de fillets, teints en couleur de pourpre, representans vne forme de  
 croix. Et que leurs chemises & ceintures fussent de toille, & qu'avec elles & leurs hoquetōs en  
 semblément, se couchassent sur les liets qui leur estoient dressez: & que là ainsi accouttrez sans  
 despouiller prinsissent sommeil mediocrement, & que le lieu de leur repaire, fust tellemēt clos  
 & enuironné de haye, que le liēt d'un chacun y fust enfermé. Item qu'aux festes solempnelles & Reception  
 iours de Dimenche venans à la communion & perception des diuins mysteres, ostassent leurs de la jain-  
 ceintures & hoquetons de peaux. Plus que tousiours ils priaissent Dieu douze fois par iour, sur ète & la-  
 le soir semblablement & de nuēt, & par trois fois sur l'heure de None. Et quand il faudroit cree Eucha-  
 boire ou manger, qu'auant toute oraison & priere fut premis vn Pſalme. D'auantage il luy fut ristie.  
 commandé par l'Ange de diuiser toute l'assemblee des Moines qui là demeuroient, en vingt-  
 quatre ordres, selō le nombre des lettres Grecques, & d'imposer le nom & appellation conue-  
 nable à chaque ordre, ainsi que l'esprit, vie & meurs d'un chacun d'eux porteroit: sçauoir est,  
 que les plus simples fussent nommez Iota & Omicron, & ceux qui ne se voudroyent renger à  
 raison, fussent appelez, Zita & Xi, & ainsi consequemment des autres, selon l'institutiō d'un cha-  
 cun, & importance de la lettre, leur accommodant le surnom qui leur seroit le plus sortable &  
 competant. Telles furent les loix, par lesquelles Pachomie gouerna ses Moines. Au demeurāt  
 homme fort doux & humain, & grand amateur de Dieu, & qui paruint par ses vertus à telle

L'Isle Ta-  
benne.

Sept mille  
Moines,  
d'une mes-  
me institu-  
tion.

Apollone  
Moine.

Anub  
Moine.

excellence & grandeur, qu'il congnoissoit mesmes les choses futures, & ce principalement par le continuel & assidu colloque qu'il auoit avec les Anges. Il tint sa boutique de philosophie en Thebaïde, en vne Isle nommee Tabenne, dont ils sont encore iusques à maintenant appelez Tabennestiores. Lesquels avec quelque laps & continuation de temps, ont eu de merueilleux accroissemens: tellement que pour vne fois ils se sont trouuez à plus de sept mil personnes fort celebres & de grãde reputation, qui ont mené celle vie en obseruât les loix susdictes tres-exactemēt. Car dans icelle Isle de Tabenne, où estoit Pachomie, ils estoient enuiron treze cens: les autres estoient espardez, tant par la Thebaïde, que par tout le reste de l'Egypte. Tant y a que ils n'auoyent tous, en quelque lieu qu'ils fussent, qu'une institution & maniere de viure, & si auoyent tout en commun. Ils estoient en tel nombre & quantité, qu'on eust dit proprement icelle Isle estre vne Metropolitaine: & que ceux qui presidoient aux autres, estoient les Peres. D'entre lesquels ceux que lon congnoissoit estre les plus ardens zelateurs de leur institution, estoient appelez & constituez leurs vicaires & lieutenans en chacun ordre & conuent. Voylà quant à Pachomie. En ce mesme temps florissoit aussi Apollone, embrasé d'un grand amour enuers la diuine philosophie, lequel au quinzieme an de son aage ayant esté initié aux sacrees institutiōs de ceste philosophie solitaire, quand il fut venu sur le quaratieme, obeissant à vne vision que Dieu diuinement luy reuela, vint encore de rechef en public, aux lieux habitez des hommes, & se bastit vne logette en Thebaïde. Et pour ce qu'il aymeroit Dieu sur toutes choses, Dieu aussi luy donna la grace de faire des œures merueilleuses: & n'omit choses de ce monde, esquelles il n'excellast, & sur toutes autres en celles qui concernent ce genre de philosophie. Quant à luy, il estoit homme de bonnes meurs, & qui aquit beaucoup de grace à longuemēt enseigner la pieté Chrestienne. Et si d'auantage en toutes ses prieres & oraisons, il a tousiours eu Dieu tant doux & fauorable, qu'il n'a esté de luy en rien refusé, de tout ce qu'il luy a demandé. Aussi il estoit si prudent & si sage, qu'il ne le requeroit d'autre chose, que de ce qu'il a coustume de donner facilement. En ce mesme temps aussi florissoit iceluy Anub, que lon dit apres la confession qu'il fit pour Iesus-Christ durant la persecutiō, n'auoir iamais depuis proféré ne dit mensonge, ny conuoié chose terrienne: & auoir impetré tout ce qu'il a requis à Dieu, & mesme qu'ayant l'Ange pour son instructeur, auoir atteint le comble & la perfection de l'exercice de toute vertu & sainteté.

a Pambo, ) Comme Pambo fust homme sans lettres, s'en alla vne fois en vne escole, où lon interpretoit les psalmes de Dauid: Là estant, il entendit premierement l'interpretation d'un verset du Psalme 38. où il y a ainsi l'ay dit, ie garderay mes voyes, afin que ie n'offense en ma langue: laquelle entendue, sortit de là incontinent, disant que ce verset luy suffisoit, pourueu qu'il apprint bien à le mettre en effect, & à l'exprimer par œuvre. Apres que six mois furent passez, s'en reuint à ladite escole, où le Docteur lisant luy fit plainte de sa loque demeure, le reprenant de ce qu'il auoit demeuré si long temps sans retourner. A quoy respondant Pambo, s'en excusa, & dit qu'il n'auoit pas encores par effect apprins ny pratiqué le premier verset de sa leçon. Longues annees apres, ayant esté interrogé par un sien amy, si il auoit apprins ce verset, ou non: luy respondit, qu'à grãd peine l'auoit il peu apprendre d'œuvre & effect en l'espace de dix-neuf ans. Vn iour quelque autre luy bailla vn certain nombre d'or, pour le distribuer aux pauvres: & en le baillant luy dit qu'il constast la somme qui luy estoit baillée. Lors, il v'est ia besoing (respondit il) de conte en telle chose, mais seulement d'une bonne & sainte affection partant du fond du cœur. Le mesme Pambo, ayant esté quelque fois mandé par l'Euesque Athanase de venir parler à luy, se transporta du desert à Alexandrie, où ayant veu vne femme iouant des ieux sur des eschaffaulx, qui faisoit des gestes impudiques & lascifs, pleura largement: et comme ses amys luy demandassent la cause de ses pleurs, leur respondit que la cause estoit double: l'une, qu'il pleuroit la perdition & ruine de ceste femme: l'autre, pour ce qu'il ne mettoit tant de peine à complaire à Dieu, que celle là à plaire aux hommes vains & deshonestes. Cecy dit Socrates en son histoire Ecclesiastique, liu. 4. chap. 23.

Des Moines de la palestine & de syrie. Chap. X V.

Hilarion  
moine de la  
Palestine,  
en grande  
estime &  
reputation,  
pour sa  
sainteté  
de vie.



R suffit d'auoir dit ces choses iusques icy des Moines d'Egypte. La renommee & bruit desquels s'estans espardez de là par le pays de Palestine, plusieurs commencerent aussi d'embasser la mesme profession de philosophie: En laquelle fleurit tout le premier Hilarion, natif d'un bourg nomme Thebase, en distance de la ville de Gaza enuiron de quinze stades (qui valent pres d'une lieue) situé vers le Midy, sur vn torrent qui entre en la mer, non loing de là, dont iceluy bourg en retient le nom. Cōme ce personnage frequenta les escoles d'Alexandrie, & eust entendu par le recit qu'on faisoit de S. Antoine, duquel le renom accroissoit & faugmentoient tous les iours de plus en plus, luy vint enuie vn iour del'aller veoir au desert, où il se tenoit. Et apres auoir demeuré avec luy quelque temps, se delibera de suyure la mesme institutiō de vie: Mais à cause du grand nombre de ceux qui iournellement se venoyent rendre à Saint Antoine,

Antoine, il ne peut pour lors satisfaire à son entreprinse & desir. Parquoy s'en estant retourné au lieu de sa naissance, apres que ses pere & mere furent allez de vie à trespas, distribua tous ses biens & heritages à ses freres & autres pauvres indigens, sans rien se reserver. Ce fait, incontinent se bastit vne logette de menuz tuilleaux en vn lieu pres de la mer, en distance de celuy de sa naissance de vingt stades (qui valent environ lieue & demie) laquelle il couvrit d'un amas de testis de pots de terre qu'il trouuoit ça & là. La logueur, largeur & haulteur de laquelle, estoit de telle capacité, qu'estant debout il falloit que necessairemēt il baillast la teste, & se voulant coucher, qu'il retirast ses pieds à luy. Et tellement s'accoustumoit à toute misere & grief travail, que par celle accoustumance il n'y auoit peine ne tribulation, laquelle en toutes choses ne luy fust prompte & facile à supporter. Et si tout son travail estoit confit en telle moderation & tempe-  
 rance, qu'en tous ses faits iamaiz ne fut esprins d'aucune arrogāce ou vaine gloire, encore qu'il n'y eust hōme qui en ce genre de solitaire philosophie l'egallast, ou fust à luy superieur. Tellement domprant toutes les voluptez, blandissemens & attraiets de l'ame, qu'il n'y auoit disette ny indigence, soif, froid, ne chaud, sur lequel il n'emportast la victoire. En ses meurs il estoit pur & entier, en son parler doux & humain: de telle memoire, qu'il n'y auoit sacrez oracles qu'il n'apprint & soingneusement retint. Il deuint en vertu de sa pieté & sainteté de vie, tant cher & amy de Dieu, qu'encore pour le iourd'huy, suyuant la grace que Dieu luy a donnee, plusieurs sont par son merite & intercession guaris de diuerses maladies incurables: & les demoniacles deliurez de la possession que le diable a sur eux, quand ils viennent ou sont amenez à son monu-  
 ment, non seulement en Cypre, où il a esté premierement ensepulture, mais aussi au pays de Pa-  
 lestine, où son corps a esté par apres transferé. Car demeurant en Cypre sur ses derniers iours, il y mourut, & y estant inhumé, ceux du pays l'eurent en grande reuerence & honneur. Quelque  
 temps apres il y eut vn de ses disciples, nommé Hefychas, le plus celebre & renomé de tous, qui par quelque finesse enleua son corps de là, & le transporta en son domicile en Palestine. Depuis  
 ce tēps là, la coustume d'icelle region a tousiours esté telle, que sa memoire a esté de tous publi-  
 quement celebree. Car aussi les Palestins ont coustume par tout leur pays, d'aini honorer & re-  
 uerer les excellentes personnes: Comme ils firent d'un Abrille Anthedonien, d'un Alexion Be-  
 thagathonien, & d'un Alephe Asaliensien, qui en ce mesme temps ont fleury, & saintemēt ves-  
 cu, & qui par l'abondance & copiosité de leurs vertus, ont grandement augmenté la religion  
 Chrestienne, principalement es villes à la superstition des Grecs, sous l'empire de Constance. Pour  
 lors aussi ce grād personnage Iulien philosophoit en la ville d'Edesse, d'une façō de viure  
 plus Angelique qu'humaine: duquel l'abstinēce fut si grāde, qu'il sembloit auoir les os du tout  
 desnuez de chair, & qu'ils fussent adherens à la peau. La vie duquel aussi Ephraim, Syrien, a biē  
 voulu mettre par escrit. Or fut il tant agreable à Dieu, que par son autorité il a diuinement  
 confermé la bonne & sainte opinion, que les hommes auoyent de ce personnage. Car il luy  
 donna la grace de guerir par ses prieres plusieurs & diuerses maladies, & la puillance de ietter  
 les diables hors des corps qui en estoient possedez. Esquelles toutes choses, il n'y auoit qu'un  
 prompt & expeditif remede, qui est l'oraison. Plusieurs autres aussi embrasserent en ce mesme  
 temps, la philosophie Chrestienne, tant par toute ceste region, qu'en Amide, & au mont appel-  
 lé Gaugalie: entre lesquels, Daniel & Symeon estoient les chefs & capitaines. Voylà pour le  
 present quant aux Moines de Syrie. Cy apres, Dieu aydant, nous parlerons plus amplement,  
 tant d'eux, que de ceux qui leur ont succédé.

*Grands  
miracles au  
sepulchre  
de saint  
Hilarion.*

*La memoire  
d'iceluy  
saint par  
toute la Pa-  
lestine, &  
de quelques  
autres.*

*Iulien moi-  
ne d'Edesse.*

*Daniel.  
Symeon.*

*Des Moines de Pont, d'Europe, & d'Italie. Item d'Eustathe, Euesque de Sebaste, qui  
au mesme pays a esté leur auteur & guidon. Plus, de saint Ephraim.*

*Chap. X V I.*



N dit, qu'entre ceux qui en Armenie, & Paphlagonie, & aux mōtaignes de Pont, ont commencé à reuerer & suyure la philosophie monastique, Eustathe fut le premier, lequel du depuis a esté gouuerneur des choses sacrees en l'eglise de Sebaste, qui est en Armenie. Il se dit aussi de luy, que de tel vouloir & affection il a suyuy si estroitement leur institutiō, vie & habit (à sçauoir celuy dont il falloit vser, & duquel non) que plu-  
 sieurs luy attribuent le liure du grand Basile qu'il a fait & composé d'eux, intitulé l'Ascetique. Ce nonobstant, il se dit de luy que par vne  
 trop grande curiosité, il s'est arresté à quelques absurdes obseruatiōs, du  
 tout repugnantes à la reigle ecclesiastique: Toutefois il y en a aucuns, qui en l'excusant en ac-  
 cusent quelques vns de ses complices & adherens, en cela principalement, qu'ils refusoient fai-  
 re prieres & oraisons, es maisons des gens mariez, ores qu'ils fussent prestres, les ayans en tel  
 desdain, qu'ils ne vouloyent mesme parler à eux. Ils obseruoient les ieusnes aux iours des

*Eustathe,  
Euesque de  
Sebaste, en  
Armenie,  
moine au  
parauant.*

*Absurdes  
obseruances  
de ses ad-  
herens.*

Dimanches, & faisoient le plus souvent leurs assemblees Ecclesiastiques en leurs maisons privées. Ils pensoient que les riches fussent bannis totalement & forclos du royaume des cieux. Ils reiettoient ceux qui eussent vne fois mangé chair. Et en rejetant l'habit accoustumé des autres Moines, ils en vloyent d'un nouveau & non accoustumé. Et ainsi de plusieurs autres choses, qu'ils innouoyent d'eux-mêmes. De façon que maintes femmes nobles & de grand lieu, ayans esté seduïtes sous le pretexte de continence & chasteté, abandonnerent leur marys, avec lesquels elles s'estoyent mariees en la fleur de leur ieune aage: lesquelles puis apres par vne incontinence, s'addonnerent à toute paillardise & ordure. Il y en eut aucunes qui s'estans fait touser & raser les cheveux (chose du tout mal-seante & illicite aux femmes) s'habillerent en homme. Pour raison desquelles choses, fut congregé le Concile de Gangre, par les Euesques du pays de Paphlagonie: où il fut decreté, que tous ceux là seroyent deiettez & excommuniez de l'Eglise Catholique qui ne voudroyent abhorrer & detester tout ce qui a esté dit cy dessus. Parquoy Eustathe pour monstrier qu'il auoit fait ces loix & ordonnances, non d'une mauuaise & obstinee affection qu'il eust, ains pour l'exercice de sa pieté enuers Dieu, changea aussi tost son habit qu'il portoit different à celuy des autres, & duquel on n'vsoit point pour lors, & se vestit de là en auant de celuy que tous les autres prestres portoyent, allant & venant en public ainsi comme eux. Et tout ainsi qu'estoit sa vie, tel estoit aussi son parler: non qu'il eut grande eloquence, laquelle aussi par soingnense cure & diligence, il n'auoit iamais apprinse, & en laquelle il ne s'estoit exercité: mais par la persuation de ses meurs admirables, il auoit celle grace, d'attirer facilement toutes personnes, la part qu'il vouloit. De façon qu'ayant vne fois scû, qu'il y auoit quelques hommes & quelques femmes, qui par paillardise se hantoyent les vns les autres, tant fit par ses remonstrances & honnestes aduertissemens, qu'il les retira de ceste lubrique & deshonneste vie, & les induit à plus chastement & estroïtement viure, qu'il n'auoyt fait par le passé. Il se recite qu'un iour un homme & vne femme, sous le pretexte de vouloir mener vie chaste & continence, à la façon des Ecclesiastiques, tomberent à la fin en l'infamie de frequentation clandestine. Ce qu'ayant entendu Eustathe, s'efforça de tout son possible à leur persuader de s'abstenir de telle conuersation illicite: Mais voyant que pour toutes les remonstrances dont il vsoit enuers eux, n'en vouloyt faire autre chose, lon dit qu'il ietta lors un hault soupir, en leur disant, qu'il se fimerueilloit de ce que plusieurs femmes honnestes, qui selon les loix de mariage auoyent vescu en tout honneur avec leurs marys, s'estoyent distraictes par son parler de l'ordinaire hantise & habitation d'iceux: mais qu'enuers ceux-cy, qui contre toutes loix, raison & equité conuersent ainsi ensemblement pour vne mauuaise fin, la douceur & efficace de sa parole ne pouuoit trouuer lieu ne place. Et ainsi ce personnage a esté en ce pays là, le capitaine & auteur de ceste souueraine institution & parfaite philosophie.

*Femmes  
ayans la  
testeraise.*

*Le Concile  
de Gangre  
condemna  
l'institutio  
& ordon-  
nance de  
ceux-cy.*

*Parcille fa-  
çon de vi-  
ure de quel-  
ques Moi-  
nes de ce  
temps là,  
& des gēs  
mariez.*

*S. Martin  
du pays de  
Hongrie.*

*Elle est  
situee en la  
mer Tusca-  
ne, contre  
les monts Ly-  
gustiques.*

*Resuscita-  
tion des  
morts &  
autres mi-  
racles d'ice-  
luy.*

*S. Hilaire,  
Euesque de  
Poitiers.*

*Eusebe,  
Euesque de  
Versel.*

*:: Laquelle*

En Europe pareillement, & au pays de Thrace & Illyrique, combien que les homes eussent iusques adonc ignoré la façon & maniere de la vie monastique, si est ce que telles regions n'ont point du tout manqué d'hommes entenduz & scauans en la philosophie Chrestienne. S. Martin en a esté l'un, qui florissoit en ce temps là, natif de la ville de Sabarie, qui est en Hongrie: homme qui fut si excellent, tant en noblesse de race, qu'en fait de guerre, qu'il merita & eut beaucoup d'honneurs en icelle, avec charge & conduite de compagnies: Si est ce toutefois qu'il postpola la guerre Cesarienne à celle de Dieu. Le premier lieu où il exerça la philosophie Chrestienne, ce fut en Illyrique: où ayant esté assailly de persecutions & embusches qu'on luy dressa, force luy fut à la fin de se departir de là & abandonner le pays: ce qu'il fit pour l'enuie & malueillance que luy portoyent quelques Euesques de la contree, lesquels il reprenoit apertement & deuant tous, pour les auoir congneu atteints de l'erreur d'Arrius. Partant donc de là, s'en vint droit à Milan, où il se tint quelques temps à part luy, sans aucun frequenter: Mais à la fin craignant les embusches & trahisons d'Auxence, Euesque du lieu, qui mal sentoit des decrets de Nice, s'en alla de là en vne Isle, nommee par ceux du pays l'Isle .s. Gallinaire, où tout le temps qu'il y fut caché il n'vsa d'autre aliment que de racines d'herbes. Or est ceste Isle fort petite, n'ayant edifice ne maison quelconque, situee dans la mer Tyrrhene. Estant à la fin retiré de là, print l'administration de l'Eglise de Tours, en Touraine. Il fut en sa vie tant accompli de dons de grace, qu'il a restitué la vie à grand nombre de personnes, & fait plusieurs prodiges & miracles approchans de bien pres des signes des Apostres. Au mesme temps & lieu florissoit aussi saint Hilaire, homme totalement diuin, & qui en fuites & persecutions a esgalé S. Martin: pour autant qu'il estoit porté de semblable ardeur & affection enuers la foy qu'iceluy. Il fut Euesque de Poitiers, & composa plusieurs liures fort vtils & necessaires pour la confirmation de la foy, à l'encontre de ceux qui apportoyent des opinions repugnantes à la saine doctrine. Lors aussi es pays d'Italie, & en ceux de par de là, estoient en grand vogue & reputation Eusebe & Lucifer, hommes sur tous ceux de leur temps fort excellens en eloquence du pays. L'un desquels, à scauoir Eusebe, fut Euesque de Versel, & Lucifer (comme nous dirons tantost) fut auteur d'une heresie, qui print son nom de luy. D'auantage en ce mesme temps regnoyent aussi Flavian & Paulin

Paulin, & qui estoient en grande estime, & administrerent du depuis l'Eglise d'Antioche, laquelle conséquemment leur fust ostée par Leonce, pource qu'ils ne se vouloyent accorder en opinion avec luy, & qu'ils luy contredisoient. Sont ceux qui accompaignerent le bon Euesque Eustathe en l'exil où il fut enuoyé. Lequel aussi ne voulut iamais souffrir ny endurer, qu'aucune chose de son temps, concernant les sacrez affaires de l'Eglise d'Antioche, ou pour mieux dire, de la plus syncere & pure religion Chrestienne, fut ou violée, ou corrompue par faulx doctrine & opinion des meschans, qui à toute puissance s'efforçoient lors de la renuerser. En ce mesme aage, Ephraim estoit aussi en grande célébrité, & qui d'un grand interuaile surpassoit tous autres de son temps. Il estoit natif de Nisibis, & estant fort bien versé en la philosophie monastique, en peu de temps profita tant en la langue Syriaque, sans que iamais au parauant il y eut esté instruit par autres, ou eut de foy donné aucune preuue ou esperance, qu'il deust estre tel, que combien que par l'exercice de sa pieté, il fut paruenu au comble & sommet de contemplation, il surpassa neantmoins tant en lustre, facilité & douceur de paroles, qu'en poix & grauité de sentences, mesmes les plus excellens, qui entre les Grecs auoyent anciennement fleury en eloquence. Et de fait, si quelcun d'entr'eux eust de fortune traduit les escrits des Grecs, ou d'autres en langage Syriaque & estranger, & en eust osté celle florissante & naifue grace dont vissent les Grecs, pour orner & donner lustre à leur langue, tout aussi tost par default des couleurs qui sont aduentites, & non necessaires à l'explication, de l'essence de la chose dont il estoit question, on sapperceuoit d'une obscurité de sentences. Mais le langage, styl, & maniere de parler d'Ephraim, estoit bien autre: Car luy estant encore en vie, & aussi apres sa mort, comme ses liures se traduisissent en l'ague Grecque, sa phrase & grace de parler ne se reculoit que bien peu de sa propre & naifue vertu en les traduisant. C'est chose merueilleuse d'entendre dire, qu'ils se lisoient publiquement par les escoles tant en langue Grecque, que Syriaque. A cause de quoy iceluy grand Basile, ainsi surnommé Grand, tant pour son facond & elegant parler, que pour sa vertu, & qui par l'intendence & gouuernement qu'il a eu de l'Eglise des Cappadoçois, illustra la capitale ville du pays, a grandement admiré ce personnage, & estimé bien-heureux pour le hault sçauoir qui estoit en luy. Tellement que par le tesmoignage tant certain & d'un si grand homme il est manifeste, qu'Ephraim a esté des Grecs, qui pour lors ont eu renom en eloquence, iugé estre un homme sur tous autres tres excellent. Et pour dire vray, il fault estimer, que la voix d'un tel personnage qu'estoit saint Basile, n'a esté de luy temerairement proférée. On dit que ce saint homme Ephraim a en sa vie composé trois cens mil vers. Il eut aussi plusieurs disciples, qui tous de bien pres ont ensuiuy son institution & philosophie, entre lesquels les plus celebres & mieux famez, ont esté Abbas, Zenobie, Abraham, Maran & Symeon, hommes qui par toute la Syrie ont receu vne excelléte gloire, & beaucoup d'autres ausquels les precedés cōmuniquerent ceste façon de vie solitaire. Au mesme pays aussi ont esté en reputation de grande faconde & excellence, Paulonas & Anarad: qui toutesfois sont tombez depuis en heresie, & decheuz de la saine doctrine de la foy. Outre lesquels, y en a eu d'autres en la contree de Osrroene, celebres par mesme moyen, à sçauoir Bardesanes, & son fils Harmonien. Quant au pere il institua vne heresie de son nom: mais le fils ayant esté suffisamment instruit és disciplines Grecques, par la bouche de son pere il les mit en chansons, composées selon l'art de musique & qui se chantoient d'un ordre rond & circulaire, par les Syriens, lesquels iusques à huy les vsurpent encore, & s'en accommodent en psalmodiant. Non qu'ils vsent des carmes, comme ils ont esté de luy inuentez & mis en auant, mais de leurs sons & chants seulement: Car iceluy estant tombé en l'heresie de son pere, & estant de mesme opinion que les Grecs touchant la generation de l'ame, & corruption du corps, ensemble la future regeneration, il farcit telles doctrines de chants que lon chante à la harpe. Par le son desquels plusieurs d'entre les Syriens estans alliechez, tant à raison de la douceur & elegance du langage, que de l'harmonie des chants musicaux dont il vsait, s'accoustumerent peu à peu à recevoir ces opinions. Chose qu'Ephraim ayant cogneu, ores qu'il n'entendist rien és sciences Grecques, tant fit qu'il modéra la musique d'Harmonien, & au lieu des chansons & carmes d'iceluy, en ayant composé d'autres conformes à l'opinion & foy de l'Eglise, en print seulement le chant qu'il accommoda à ses vers, & les bailla pour chanter aux Syriens, dont ils vsent encore iusques à present. Car selon les loix & mesure des carmes d'Harmonien, il composa plusieurs hymnes diuines, à la louange de Dieu & de ses saints: desquels, comme ie pense, les chantres des Eglises qui sont venuz par apres, par vne ferueur d'imitation, ayans emprunté les formes des mesures qu'ils tiennent en leurs chants, se prindrent à les augmenter & dilater de plus en plus. Par où il est facile à colliger de quelle douceur & facilité de langage a esté ce personnage.

Quant à la vie qu'il a menée, elle a esté fort estroicte, & fort honorable, pour les bonnes œuvres qu'il faisoit. Il a tousiours aussi fort affectueusement aimé & suiuy le repos d'esprit. Et pour la chasteté de ses meurs, il a si soigneusement taché à fuir & euitier toute calomnie & mesdisance des hommes, qu'il a presque du tout abhorré le regard des femmes.

*est aussi appelée des Homonymiens.*

*Flavian.*

*Paulin.*

*Eustathe,*

*Euesque*

*d'Antioche.*

*Ephraim*

*de Syrie.*

*Le grand*

*Basile a eu*

*en grande*

*admiration*

*Ephraim.*

*Ephraim a*

*beaucoup*

*escrit &*

*composé.*

*Les disci-*

*ples d'ice-*

*luy.*

*Paulonas.*

*Anarad.*

*Bardesanes.*

*Harmonie.*

*Heresie de*

*Bardesanes.*

*Musique*

*des Syriens.*

*Reſponſe  
qu'un pail  
larde fit  
une fois à  
Ephraïm,  
laquelle il  
redigea a-  
pres par e-  
ſcrit.  
Ephraïm  
apprins d'a-  
voir l'ire  
en ſa poiſ-  
ſance.*

*Diſt &  
ſait du  
meſme, ſort  
facileux.*

*Ephraïm  
pour cuſter  
la charge  
d'un eueſ-  
ché qu'on  
luy vouloit  
bailler, ſei-  
gnis eſtre  
hors de ſon  
bon ſens.*

*Ephraïm  
au temps de  
famine  
nourris  
tous les pau-  
vres du  
pays, des au-  
moſnes, que  
il avoit  
reſcues des  
riches pour  
diſtribuer.*

On dit, qu'à quelque fois vn femme totalement impudique & eſhontee, l'ayant rencontré de fortune en quelque deſtroict, ſ'eſtant là trouuee ou tout expreſſément pour tenter l'homme, ou pour ce faire ayant eſté louee par quelques autres, comme elle iettaſt ſa veue ſur luy ſans in-  
termiſſion, il ſe print à la tenſer, & luy commanda de regarder contre terre, & non ſur luy : à  
quoy elle reſpondit : Pourquoi regarderoy-je contre terre, quand il eſt plus raiſonnable que  
toy meſme la regardes, qui en es formé, que moy qui ay ma naiſſance & originie de toy, & qui  
pour cela ay occaſiō de te regarder ? Laquelle parole de ceſte femme il admira grādement, & l'a  
reduit puis apres par eſcrit. Or entre les choſes que les Syriens trouuent en luy dignes de re-  
cit, c'eſt premierement qu'ayant eſté ſouuent vaincu d'ire, incontinent qu'il ſe fut addonné à la  
philoſophie monaſtique, ne fut onc depuis veu eſtre eſmeu de courroux. Vne fois comme ſuy-  
uant ſa couſtume de ieūſner, il euſt paſſé pluſieurs iours ſans boire ne manger, & ayant appetit,  
ſon ſeruiteur luy euſt appreſté de la viande en vn pot de terre, & luy apportait ſur l'heure qu'il  
prenoit ſa reſectiō ordinaire, aduint de male- fortune qu'il rompit le pot auquel icelle viande  
auoit eſté cuite. Quoy voyant Ephraïm, & que le garſon eſtoit ſurpris & de honte & de crainte :  
Ne te ſoucie (dit il) pour tout cela, bon courage : Car d'autant que la viande a fait refus de  
ſ'approcher de nous, or ça approchons nous d'elle. Et ainſi ſe ſeant aupres de ce pot caſſé, com-  
mença à ſe repaiſtre de la viande qui en iceluy auoit eſté cuite, ſans beaucoup ſe ſoucier de l'in-  
conuenient. Qu'ainſi il ait ſurmonté toute vaine gloire, il eſt appertement monſtré par ce qui  
ſ'enſuit : C'eſt, que ceux du pays le voulans vne fois faire Eueſque, eſtans ia ſur le point de  
l'emmener, ſelon l'election qu'ils auoyent faite de ſa perſonne, pour ſ'en exempter ſeignit eſtre  
hors du ſens, & qu'il eſtoit deuenu fol & inſenſé : de maniere qu'eſtant ſorty en la place où ſe  
tenoit ordinairement le marché, couroit ça & là avec toute indecence & deshonneſteré, ainſi  
qu'un homme du tour hors des gons de bon ſens & raiſon, trainant ſa robbe par les rues fort  
ſalement, & rauiſſant des vendeurs & accepteurs ce qu'il pouuoit empoigner, & le mangeant  
publiquement & deuant tous. Ce qui fut occaſion, pour l'eſtime qu'on eut de luy qu'il fuſt de-  
uenu hors de ſon entendement, qu'il ſe deliura de ceſte charge epiſcopale. Et tant ſe cacha en ſa  
maison, qu'un autre fut ordonné Eueſque au lieu auquel on le vouloit eſtablir. Ceux de ſa pro-  
uince, enſemble les Romains & Syriens, recirent pluſieurs autres choſes de luy, dignes d'eſtre  
cogneues d'un chacun : Parquoy il ne ſera auſſi hors de propos, d'inſerer à ceſte preſente hiſtoire  
vne choſe fort memorable qu'il fit auant ſa mort, C'eſt, que la ville d'Edeſſe eſtant vne fois fort  
affligee d'une groſſe famine qui ſuruint au pays de Syrie ; luy qui de long temps n'eſtoit ſorty  
hors ſa maiſon, ayant en fin fait intermiſſion de ſon eſtude de philoſophie pour quelques iours  
ſe monſtra en public, & ſe print à aigrement tenſer ceux qu'il congnoiſſoit les plus riches & o-  
pulens en ce qu'ils meſpriſoyent ſi vilainemēt, & tenoyent ſi peu de conte de leurs concitoiens,  
qu'ils voyoient auoir ſouffrere des choſes neceſſaires pour la ſuſtentation de ceſte vie, & ne leur  
ſubuenoyent aucunement : les reprenāt de la negligence & peu de ſoing qu'ils auoyent de leurs  
ames, & de ce qu'ils appliquoyent tout leur eſtude à nourrir opulemment & à entretenir leurs  
corps. Iceux en tout honneur & reuerence, craignans l'integrité & pureté de ce perſonnage,  
l'aſſeurent de tout le contraire de ce qu'il leur auoit reproché, & qu'il n'y auoit perſonne d'en-  
tr'eux qui ne fuſt en bonne & prompte volonté, d'eſlargir de leurs facultez aux pauvres indi-  
gens : mais qu'en cela ils auoyent faulte d'un homme qui en vouliſt prendre la charge, & tel à  
qui on peult auoir foy & aſſurance en ceſt en droit, ainſi qu'il appartient : diſans qu'il n'y auoit  
aucun de ceux qui auoyēt l'adminiſtratiō du bien des pauvres, qui n'en fit ſon propre & qui ne  
conuertit ce qu'on auoit laiſſé auſdits pauvres à ſon profit particulier. Lors Ephraïm, & moy  
(dit-il) que vous ſemblay-je eſtre ? quelle eſtime auez vous de moy ? Nō autre (reſpondirēt ils)  
que d'un hōme de bien & hōneſte, & tel entierement, qui en vie & cōuerſation reſpond du tout  
à l'opinion qu'on a conceu de luy. Si donc (dit-il) vous m'auiez en telle reputation, & que vous  
vouliez vous fier à moy, me voicy preſt & appareillé de ſeruir en cela à tous. Ce qu'ils accorde-  
rent volōtiers. Et ainſi ayāt receu d'eux grād' ſomme d'argent, fit appreſter trois cens tables en  
des galleries publiques : ou receuant tous pauvres indigens & ſouffreteux, les nourrit là ſoin-  
gneuſemēt & humainemēt, faiſant penſer les eſtrangers, & tous ceux qu'il cōgnoiſſoit affligez de  
maladie, avec toute courtoiſie & douceur dōt il ſe pouuoit aduiſer. Ce qu'il fit, tout le tēps que  
la famine eut cours par ce pays là. Et apres qu'elle fut appaiſee ſ'e retourna à l'exercice de ſa phi-  
loſophie, où quelque iours apres il treſpaſſa. Il n'a eu en l'Egliſe autre functiō & miniſtere, que  
de clerc. Si eſt-ce pourtāt qu'au fait de la vie monaſtique il a eſté l'un des plus celebres & renō-  
mez qui ait eſté de ſon tēps, ayāt autāt aquis de louāge, que ceux qui en leur epiſcopat, doctrine,  
& ſaincteté de vie, ſont mis au rég des perſonnes illuſtres. Voylà ce qu'en bref nous auïōs à dire  
de pluſieurs ſaincts actes, que ce deuot & religieux perſonage Ephraïm a executez. Car ſi nous  
vouliōs d'eſcrire tous ſes ſaincts & geſtes, ſelon la dignité d'un chacun d'eux, ou pareillement de  
ceux qui pour lors ſe ſont appliquez en vn ſemblable genre & maniere de philoſopher : à ſçauoir,  
cōment vn chacun d'eux à veſcu, & de quelle inſtitution de meurs il a vſé, ou quel il a eſté, il en  
faudroit faire des deſcriptions particulieres d'un chacun à part. Choſe que ne pouuons faire



tât à cause du defect & penurie de nostre oraison & stil, que pour l'ignorance que nous auôs de leurs actes tressaincts. Car plusieurs d'entr'eux s'estans retirez és lieux solitaires, ont esté cachés des hommes pour la plus part du temps de leur vie. Que si il est aduenue, qu'aucuns ayans eu leurs domiciles dans les villes, ils ont tout expres recelé leurs actes, à cause qu'ils se iugerent estre personnes viles & abiectes, & en rien diférer des autres: Car reietans toute louange humaine, & appellans Dieu seulement en tesmoing de leurs œuvres, ils n'ont iamais cherché la gloire des hommes. Voyla ce qui est venu à ma cognoissance, touchant ceux qui sous cest Empire ont fait profession de la philosophie monastique, & qui selon les loix de l'Eglise ont mené vie parfaicte & exacte en plusieurs & diuers lieux de l'Empire Romain.

*choses fuy  
la gloire  
mondaine.*

*De Didyme Ecclesiastique escriuain: item d'Etie, & des deux Apolinaires, heretiques.*

*CHAP. XVII.*



N ce mesme temps aussi Didyme, qui a escrit l'histoire Ecclesiastique, & tenu l'escole de Theologie en Alexandrie, fut en grand bruit & reputation d'homme de bien & de sçauoir: Et non seulement pour son erudition és sacrees disciplines il merita louange, mais aussi pour tout autre genre de science, ayât en chacune trauaille d'affection. Car quant à l'art de Poësie & d'Oratoire, il l'auoit tresparfaictement apprins: Il n'ignoroit rien pareillement de ce qui concerne l'Astronomie, Geometrie & Arithmetique, qui consiste en proportions & conuenances des nœbres. Il fesoit aussi d'un tel soing & diligence appliqué à entendre la diuer-

*Didyme docteur & lecteur public d'Alexandrie, & ecclesiastique escriuain, estant deuenue aueugle dès son enfance, appelé le miracle de nature.*

sité des opinions que tiennent les philosophes, & les auoit si exactement comprises, qu'il sembloit n'auoir autre sçauoir que cestuy-la. Lesquelles choses il apprint seulement d'une viuacité d'esprit qu'il auoit, & par l'ouye: Car des son enfance il perdit totalement la veue, lors qu'il falloit qu'il apprins les premiers elemens. Ayant quatorze ans il aima les arts liberaux, & se mit à suiure les escolles, oyant seulement les precepteurs & regens qui y enseignoyent. Ce qu'il continua avec telle affection & diligence, qu'en peu de réps par la grâdeur & subtilité de son esprit, paruint à si hault degré de sçauoir, qu'il vint à bout d'entendre les obscuritez des arts mathematiques, & les secrets des institutions & speculations diuines. Et comme il fust entiere-ment aueugle, lon dit que par le seul attouchement des mains, eut la congnoissance des lettres. Car ayant les caracteres & formes d'icelles proprement taillées en bois, ou cuire, ou autre telle chose, en les maniant souuent, tant fit qu'il les cōgneut. Quant au reste, comme aux syllabes, assemblages & liaisons des lettres, & autres choses semblables qui s'ensuiuent par ordre, il les comprint toutes, d'une subtilité de nature qu'il auoit, & par la diligente apprehension de son esprit, & par l'ouye. C'estoit de luy vn excellent miracle, quand il estoit veu & ouy: de maniere que maints personages sont souuentefois venuz tout expressément à Alexandrie, pour voir vn si grand homme, & ouyr sa tant douce & gracieuse eloquence. Il batailla constamment pour les decrets du concile de Nice, & tint bon contre les Arriens, les rembar- rant à tous propos par son bening parler, sans qu'on imaginast qu'il les vouloit forcer ou contraindre aucunement: Car parlant à ceux qui disputoyent contre luy, il les faisoit tousiours iuges de tout le different qui estoit entr'eux. Et pource que facilement en matiere de dispute il se laissoit vaincu, & volontiers cedoit, ne s'arrestant pas à son iugement particulier, il estoit pour cela tenu fort cher & grandement aimé des Catholiques & de ceux qui auoyent saine foy. Et non de ceux-cy seulement, mais estoit aussi en grâd honneur & reuerence enuers les moines d'Egypte: & par dessus tous, l'admiroit merueilleusement ce tant renommé, pour l'exercice de sa pieté, S. Antoine. Lequel on dit qu'estant quelque fois venu à Alexandrie, pour dōner tesmoi- gnage de la ferme & asseuree foy que tenoit Athanase, il alla aussi veoir & visiter Didyme, & qu'en parlât à luy, vſa de ces termes: Tu n'as occasiō, ô Didyme, de te tourmēter ou ennuer pour la cecité qui t'est aduenue, & pour estre priuē des yeux, qu'ôt aussi bien que tous hōmes, les sours, laifards, & autres vils & abiets petits animaux. Mais en cela trop plus doibs tu prēdre plaisir & resiouissance, qu'ainsi que les Anges, tu es garny d'une force & vigueur singuliere des yeux interieurs: par lesquels tu es paruenue à l'immortelle & diuine cōgnoissance, & vois parfaictement la verité. Il a laissé apres sa mort les liures qui s'esuiuent. Premierement il a escrit plusieurs & diuers cōmentaires sur tout le liure des Psalmes: cinq liures sur les prophetes Osee & Zacharie: dix-huit sur Isaïe: sur les Euāgiles selō S. Matthieu & selō S. Iean, plusieurs cōmentaires. Il a escrit aussi cōtre les Arriens, & touchât le S. Esprit avec plusieurs autres choses qui seroyēt longues à raconter par le menu. En ce mesme aage florissoit semblablement Etie, du pays de Syrie, lequel entre ceux qui enseignēt doctrine diuerse & cōtraire à nous catholiques & vrais Chrestiens, a esté en estime d'hōme fort admirable & subtil en disputes: Car de fait il estoit hōme fort addōné & propre à alrercats, cōtentiōs de paroles, ratiocinatiōs & captieuses fallaces, pour auoir en cela, suiuant sa professiō, cōsommé toute son estude. Et pource qu'il estoit tel, & que mal affecté enuers

*Excellent tesmoignage de Didyme, par saint Antoine, abbé. Les liures qu'il a escrits & composés. Etie heretique.*

*Reſte d'icelle luy.*

*il fut appelé* toute saine doctrine contrefaisoit le Theologien, & babilloit de Dieu à tout propos, la premiere  
*le Atheiste,* occasion se presentant, il fut nommé Atheiste & contempteur de Dieu. Il estoit natif de Cellesyrie. Et comme son pere en vne bataille, apres plusieurs dommages & pertes qu'il y receut, eust à la fin esté occis, le prince qui pour lors commandoit, confisqua ses biens, pour le reuoltement qu'il luy auoit fait, en tenant contre luy le party de son aduersaire. A cause dequoy, *Ætie* avec sa mere estant reduit à extreme pauvreté, se mit à apprendre le mestier d'orfeure ou affineur d'or, à fin qu'en quelque sorte & maniere que ce fust, il peust gagner sa pauvre vie. Apres auoir assez suffisamment vsc de cest estat, se voyant auoir l'esprit bon & fort docile, se conuertit à l'art d'Oratoire, & voulut ouyr Paulin, qui de l'Eglise de Tyr auoit esté transferé au gouvernement de celle d'Antioche. Ainsi apres la mort de sa mere, à raison de laquelle il s'estoit mis à la trafique & estat d'orfeurerie, il s'addonna incontinent du tout à l'art de Rétorique. Et estant entré en bataille de dispute, s'y porta si vaillamment, qu'en disputant il en vainquit plusieurs, qui s'estimoient des plus braues. Mais apres qu'Eulale eust esté au lieu de Paulin colloqué au siege d'Antioche, aduint qu'une grande multitude de peuple, ayant concité une esmeute à l'encontre d'*Ætie*, l'expulsa hors la ville. Parquoy s'estant sur l'heure retiré à Anabarze ville de Cilice, il exerça en ce lieu encore un coup son estat d'orfeure, pour gagner sa vie : en sorte toutesfois qu'il ne delaissoit point du tout ses disputes, & l'art de Rétorique. Or aduint il sur ces entrefaites, que quelque Sophiste admirât l'engin d'*Ætie*, eut vouloir de communiquer son art avec luy. Et par ainsi estant receu au logis de ce Sophiste, luy seruit (comme il se fait communement) d'estat de seruiteur domestique. Au moyen dequoy ce Sophiste luy apprint la Grammaire & Logique : Mais comme une fois entre autre, *Ætie* reprit son maistre de la faulx & erronnee opinion qu'il auoit des saintes lettres, receut à la fin ; pour tout salaire de la bonne administration de sa maison un congé. Parquoy estant chassé de là, tant fit qu'il s'accosta del'Euesque d'Anabarze, avec lequel il se tint pour quelque temps : pendât lequel, il se mit à exactement lire & fucilleter les Euangelistes : Puis vint à Tarse, où il s'adiongnit avec Antoine, cognéu & familier du martyr Lucien, sous lequel oyant les epistres S. Paul, demeura un assez long temps avec luy, n'estant encore qu'au degré de simple prestre. Mais apres qu'iceluy Antoine fut inuesty de la charge & dignité episcopale, & qu'il ne peult plus vaquer à enseigner & faire leçon à *Ætie*, s'en retourna à Antioche. Et là comme il fut auditeur de Leonce, qui n'estoit encore Euesque (on dit que cestuy-cy fut l'un des disciples du martyr Lucien) & qu'il ouyt sous luy les Prophetes, & nommément Ezechiel. Il fut encore de rechef chassé de là, pour l'intemperance de sa langue, & les estranges opinions qu'il auoit : Parquoy faisant estat de sophistiquerie, & dressant une guerre de dispute contre tous ceux qui lors estoient en bruit & reputation d'exceller en cest art, se print à roder plusieurs pays, & faire teste à tous ceux qui se presenteroyent. Ce fait, il s'addonna à la Medecine, laquelle il apprint fort soigneusement, & vsc en cest endroict du docteur Sopolis, personne qui en cest art n'auoit lors son secod. *Ætie* ayant acquis grand bruit d'estre en iceluy art fort expert & entendu, il guarissoit les pauvres gratuitement & sans rien prédre d'eux. Que s'il aduenoit qu'il eust quelque fois souffrete & indigence, il se transportoit la nuict au mieux entédu de son mestier d'orfebuerie qu'il cognoissoit, de crainte de se destourner le iour de ses plus serieuses études & principales vacations, & luy demandoit quelque ouurage d'or, où il y auroit plus à labourer, qui seroit le plus difficile à faire : & l'ayât avec la plus grâde diligence qu'il pouuoit paracheué, le luy rapportoit : & du gaing qu'il en receuoit, en sustétoit sa vie. Mais quand Leonce fut esleué en l'euesché d'Antioche, il l'ordôna diacre de son Eglise & docteur theolocal : Toutesfois n'osant accepter le diaconat le refusa, & se chargea seulement de l'estat d'enseigner & prescher. Auquel estat ayât versé assez long temps, de là se transporta à Aleandrie, pour oppugner Athanasé : Car Athanasé defendoit fort & ferme la Consubstantialité. A la fin, *Ætie* ayant esté par quelques-vns esleu pour estre Euesque, ne fit aucun compte de ceste dignité. Or fault il entendre, qu'auant que cestuy-cy se rangeast du party des Arriens, ores qu'il y eust discord entr'eux & ceux qui confessoient la Consubstantialité, si est-ce toutesfois que leurs prieres, hymnes, conseils, & presque tous leurs affaires, estoient communs ensemblement, excepté seulement le mystique sacrifice de la Messe : Mais depuis que cestuy-cy commença à se ranger du costé des Arriés, dès l'heure les liens de toute amiable assemblée, & accointance mutuelle estans rompuz, ne firent que faire ligues & factions, suiuant l'opiniô qu'une partie tenoit au contraire de l'autre. Il y auoit aussi lors un nommé Eumonien, qui attiré du bruit qu'auoit *Ætie* en sçauoir & subtilité d'esprit, laissa Cappadoce pour s'en venir à Antioche, où s'estant accointé d'un nommé Second, se fit recommander à *Ætie*, qui demouroit encore à Alexandrie. Et là s'estans obligez l'un à l'autre, *Ætie* de luy monstrer, & Eumonien d'apprendre de luy, comme bon & diligent disciple, travailloyent tous deux aux saintes disciplines tant qu'ils pouuoient. *Ætie* print aussi cognoissance & familiarité à Galle Cesar, qui estoit fort curieux de la religion & amateur des personnes qui travailloyent aux saintes lettres, & au gouvernement & police des Eglises. Parquoy pour mieux luy complaire, sçachant qu'il se delectoit en telles disceptatiôns, il s'exerça au possible en ce genre de disputes, de sorte

de sorte que pour cela expressément il leut tous les œuvres d'Aristote, & ne bougeoit d'auec ceux qui à Alexandrie faisoient profession de les enseigner. Au surplus par ce qu'il tomba à la fin, pour sa peruerse & erronée opinion, en la malice grace & indignation de Galle, par son commandement on luy eust rompu l'une des iambes, n'eust esté Leonce, Euesque d'Antioche, qui par sa dissuasion fit tant, que la sentence de condamnation qu'il auoit eue, fut mise à néant. Si est-ce que de prime entree qu'il fut présenté à Galle, il l'aima fort, & le cognoissant homme de bon esprit & bien à langue, l'enuoia souuentefois vers son frere Iulian, apres qu'il eut entendu qu'il vouloit abandonner le Christianisme, pour reprendre le Grecisme, & retourner de recherche à l'idolatrie, ne tendant à autre fin sinon que de retirer par ce moyen le personnage du goufre, où il auoit encore enuie de se precipiter. Et si d'auantage Galle l'institua professeur des saintes lettres. Voyla quant à Eue. Or comment il fut esleué en la dignité episcopale par la plus grand' part de ceux qui renoient & enseignoyent la faulxe proposition de l'inegalité & diuerité de substance du Pere avec le Fils, & comment il fut deietté & bany du pays, & mesme comment Eunomien, beaucoup pire que luy, l'ayant circonuenu par ses menées & faulxes accusations, fut subrogé en sa place, nous en traiterons cy apres & mesme d'iceluy Eunomien. Florissoient aussi en ce mesme temps en la ville de Laodicee qui est en Syrie, deux homes portans mesme nom, pere & fils, qui se nommoient Apollinaires. Le pere estoit Prestre, & le fils tenoit le rang de Lecteur. Tous deux bien versez & entendus es disciplines Grecques, le pere enseignant la Grammaire, & le fils la Rhetorique. L'ancien, estant natif d'Alexandrie, regenta en Grammaire en la ville de Beryte, & print femme à Laodicee, en laquelle il engendra son fils Apollinaire. Ils frequentoient avec Epiphane, qui là faisoit profession de Sophistiquerie : & estans tous en bruit & reputation pour leur sçauoir, s'entretenoyent comme vrais amis. Mais Theodote lors Euesque de Laodicee, craignant que par la continuelle frequentation d'iceluy, ils ne declinassent à l'impieté des Grecs, leur defendit sa familiarité : Toutesfois l'amitié qu'ils portoyent à Epiphane eut plus de vertu en leur endroit, que les edits & prohibitions de l'Euesque. Parquoy George aussi successeur de Theodote employa tout son pouuoir, pour tacher à dissoudre leur conioction & amitié : mais voyant à la fin que pour ce qu'il faisoit, il ne perdoit que temps & peine, il leur defendit la communion Ecclesiastique. Chose qu'ayans prins pour vne insigne contumelie faicte à leurs personnes, le fils aidé de ruzes & petites subtilitez sophistiques institua vne nouvelle heresie, referante le non de son autheur. Il y a toutesfois vne autre cause outre celle qui a esté alleguee, pourquoy il se banda & mutina cōtre George : pour ce qu'il disoit qu'iceluy George par vne opinion estrange & du tout absurde, soustenant tantost la sentence d'Arrius, tantost confessant que le Fils estoit esgal au Pere, auoit consenty au concile assemblé à Seleuce : & que pour ceste occasion il s'estoit retiré & departy de luy & auoit mis tous ses efforts à introduire vne nouvelle opinion, puis que nul n'en faisoit autre contre. Or enseignoyent ces Apollinaires, que nostre Seigneur n'auoit point prins vne ame, qui par effect eust executé le deuoir & office de la chair. Toutesfois comme s'estans par penitence corrigez de ceste absurdité & faulxe opinion, ils adiousterēt, qu'il auoit bien prins ame, mais qu'elle estoit priuee de tout humain entendement : Car ils disoyent qu'au lieu de l'ame, la diuinité suffisoit assez, laquelle auoit à soy conioinct nature humaine. Voyla en quoy ils discordoyent des vrais fideles, receuans au demeurant avec les Catholiques, tous les decrets du concile de Nice. De toutes lesquelles choses il sera parlé cy apres en son lieu.

*Haine de Galle cōtre Eue.*

*Galle tache à diuertir son frere Iulian d'idolatrie, par le moyen de Eue.*

*Des deux Apollinaires, pere & fils, heretiques. Epiphane Sophiste de Laodicee, amy des Apollinaires.*

*Apollinaires excommuniés pour la frequentation qu'ils auoyent avec Epiphane.*

*Heresie des Apollinaires.*

*Socrates liure. 2. chap. dernier.*

*De Theophile, l'Indien.*

*CHAP. XVIII.*

*Theophile Indien.*



En ce mesme temps semblablement regnoit Theophile, surnommé l'Indien, qui pour sa vertu & doctrine, acquit beaucoup de los & de gloire : lequel toutesfois fut fort addonné à l'Arianisme, bien qu'il n'ait esté autheur ny inuenteur d'aucune secte. En sa grande ieunesse, il fut enuoyé par les Adiabeniens en ostage en la puissance des Romains, sous l'Empereur Constantin. Adiabene est vne region d'Indie, fort ample & celebre. Theophile demeurant avec les Romains, conforma si bien ses meurs, par longue accoustumance aux façons de faire & institutions d'iceux Romains, qu'il esleut la vie monastique, & print la dignité de Diacre, par l'imposition des mains d'Eusebe Euesque de Nicomedie. Or Constace voulant vne fois enuoyer vne ambassade aux nations Orientales, pour la propagation de la vraye religion, & confirmation de la foy, ordonna & voulut que cela se fit avec vne ostentation d'une grande munificence & liberalité, & pour icelle faire & executer, fut par luy delegué le susdit prince Theophile. Mais à fin de luy donner en cela plus d'autorité, & le rendre enuers ceux à qui il l'enuoyoit, par vne magnificence plus gratuite & bien voulu, luy fit deliurer deux cēs des plus beaux & plus vaillans cheuaux qu'il peut trouuer par toute la Cappadoce, qu'il fit mettre en des nauires qui

*Adiabene, comme dit Plin, lib. 6. chap. 13. est le comencement des Assyriens. Theophile enuoyé ambassadeur en Orient par Costace, pour dilater le Christianisme.*

L L iij

*Taphare, ville.*

*Adané, region.*

*Homerites, sont peuples d'Arabie, comme dit Pline, li. 6. chap. 28.*

*Theophile ordonne les affaires ecclesiastiques en Orient.*

*Auxumites, peuples. Deux seins ou golfes de la mer rouge.*

*Æla, ville.*

*Auxumis ville.*

*Assyriens.*

*Exil de Ætie, Eudoxe, & Theophile.*

pour cela furent faites tout expres, ensemble quelques autres presens de grand valeur, pour leur porter: à fin que par ce moyen ils admirassent tôt l'amplitude de sa liberalité, que la grandeur de son cuer & la bonne affection qu'il leur portoit. Et ainsi Theophile estant chargé de ceste legation, la sceut si bien conduire, qu'il en vint à son honneur, au grand contentement & gré de l'Empereur. Car il fault noter que le Roy de ces pays là estant addonné à la superstition & folie des Grecs, se conuertit à la fin à la religion catholique par les saintes exhortations & remonstrances que luy fit ce personnage: de sorte qu'il edifia trois Eglises en trois diuers lieux de ses pays, non seulement des dons que par l'Empereur luy auoyent esté enuoyez, ains principalement à ses propres frais & despens, tachant d'une allegresse & promptitude d'esprit à l'escaller en toute magnificence & somptuosité. L'une de ces Eglises fut erigee en la ville capitale de sa nation, nommee Taphare: La seconde, au lieu appellé le marché des Romains, vers la mer Oceane, en la region d'Adané: La troisieme, en une autre partie de sa terre, au lieu nommé le marché des Perles, sur la coste de la mer Persique. Apres que Theophile eut amplement disposé & donné ordre à ses affaires au pays des Homerites, & qu'il leur eut dédié plusieurs temples, & mesme qu'il les eut ornez & douez de plusieurs beaux ioyaux, selon ses facultez & puissances, il passa de là en Adiabene, que nous auons dit au dessus estre son pays: & de là voyagea tout le reste de l'Indie, où il corrigea maintes choses, qui là ne se faisoient ny bien ny honnestement. Car entre autres, ils auoyent ceste mauuaise coustume qu'ils se couchoyent contre terre, comme bestes, quand ils s'assembloyent pour oïr l'Euangile: & plusieurs autres choses qu'ils faisoient contre toute decence & honnesteté Chrestienne, & que les constitutions Ecclesiastiques ne commandoyent pas. Toutes lesquelles choses il changea & reduit à la tranquille coustume & bienſeance de l'Eglise. Mais si en cest endroit il profita beaucoup à ceux de ces pays là, il leur porta aussi d'autre costé fort grand dommage, & en chose principalement de grande consequence: c'est qu'il les informa en l'erreur d'Arrius, touchant la Consubstantialité, & inégalité du Pere au Fils. Au surplus ayant couru toute l'Indie & la grande Arabie, partant de là, chemina tout le pays des Auxumites Ethiopiens, qui habitoient sur les premiers riuages de la mer rouge, laquelle se fait de l'Ocean, qui degorge & s'influe dedans. Laquelle mer rouge s'estendant en une grande longueur, se mïpart & diuise en deux golfes de mer ou seins: L'un desquels desbordât de ladite mer Oceane, prend son cours vers l'Egypte, où il pert aussi son nom, lequel iadis les enfans d'Israel, fuyans les Egyptiens qui les pourſuiuoient à main forte, passerent à pied sec. L'autre flue vers la Palestine, pres la ville nommee anciennement Æla. Sur les dernieres fins & limites de ceste mer rouge, à costé gauche, sont les Auxumites, dont la metropolitaine & capitale ville se nomme Auxumis. Deuant ceux-cy sont les Assyriens, qui s'estendent iusques au dernier & plus esloigné de nous Ocean, vers l'Orient, lesquels aussi retiennent ceste appellatiō, pour auoir esté là enuoyez habiter par Alexandre de Macedoine, apres les auoir chassés de Syrie. Ceux cy vsent encore iusques à present de la lague de leur pays: Et sont totalemēt noirs, à cause des rayōs du Soleil fort acuts & poignās, desquels ils sont ards & brulés. Le pays est fort abondant en coton, casse, baume & canelle, & si il y a d'auantage une innombrable multitude d'elephans. Apres dōc que Theophile eut bien & deuement disposé des affaires des Auxumites, reuint de la legation vers le pays des Romains, où il fut apres son retour honoré de tous grandement, sans toutesfoīs auoir ville ny Eglise, en laquelle il presidoit comme Euesque. Tant y a, qu'il n'y auoit celuy, la part qu'il fust, qui ne iettaſt sa veue sur luy, pour la reuerēce du personnage, tout ainsi que si c'eust esté quelque miracle, iusques à tant qu'Ætie & Eudoxe ayans esté enuoyez en exil, pour auoir communiqué leurs conseils avec Galle, & tenu son party, il fut aussi transporté à Heraclee, ville de Pont, pour auoir esté amy d'iceluy Galle.

*• Theophile. ] Suidas dit que ce Theophile estoit une image & ressemblance des Apostres: de façon que l'on dit de luy, qu'il ressuscita l'enfant mort d'une Iuisue, & qu'un sien familier qui n'eust voulu mentir pour rien, nommé Thalassie, testifioit de luy l'auoir veu, avec plusieurs autres qui estoient de ce temps là,*

*De Philostorgie, & de ce qu'il a laissé par escrit de l'Arabie heureuse, des quatre grands fleuves, & du Paradis terrestre. CHAP. XIX.*

*Du fleuve du Tigre selon l'opinion de Philostorgie.*

**D**U Vis que nous sommes sur le propos de Theophile, il ne sera pas mauuais de faire une brefue narration de ce que l'ennemy de Dieu, Philostorgie, a redigé par escrit de l'opinion du susdit Theophile. Il dit donc qu'avec le Tigre plusieurs autres grands fleuves se vont rendre dans le golfe de la mer rouge ou Persique, de sorte que la mer Oceane s'estendant fort largement vers ceste partie là, & comprenant plusieurs pays & nations, fait qu'iceluy golfe soit vaste merueilleusement & de grande estēdue. Lequel Tigre, apres que vers Apeliotes, sous la mer Hyrcanie, reprenāt son cours du mōt Cordica, il s'est monstré apertemēt, & coulāt tout le long de la Syrie, teint le terroir de Suse, le fleuve

le fleuve Euphrates s'estant mélé avec luy, & des deux riuieres estant fait vn conuant, & par ce moyen estant iceluy fait desia fort gros & impetueux par la force des eaux qui de toutes pars s'y assemblent, il flue là vn merueilleux & esclatant bruit: de façon qu'on le dit auoir esté sur-nommé pour icelle sienne precipitée vitesse & impetuosité, d'une beste sauuaige nommée Tigre. Mais premier qu'il tombe en la mer, il se depart en deux gros bras, & puis se lance en la mer Persique par deux bouches, distantes fort loing l'un de l'autre, enfermât au meillieu d'elles vn grand pais de terre, dont il se fait vne isle, enclose d'iceux fleuves de deux costez, & de l'autre, de la mer: dans laquelle isle habite vne nation nommée Méseniens. Quant au fleuve d'Euphrates, il est tout certain qui prend sa source & origine d'Armenie, du mont Ararat, ainsi nommé par les habitans du pays: sur lequel les saintes lettres disent que l'arche de Noé s'arresta, dont encore iusques à present se garde vne grâde quantité du reste du bois & des clouz dont elle fut edifiée. Saillant donc de là, il est premierement fort petit, & s'enfle tousiours tant plus qu'il est porté loing, pour les sources & grosses riuieres que de toutes pars il reçoit en son canal & en son nom. Et apres auoir trauersé les deux Armenies, grande & petite, il trauese encore icelle qui d'un nom particulier est appellé Euphratesie: & puis de là il diuise & mipartit le reste de la Syrie. Ayant delaisié l'une & l'autre region d'un costé & d'autre & par sa vehemence & impetuosité arrachant & emportant quant & soy toute maniere de lierre qu'il s'encontre sur son cours, incontinent qu'il se veut approcher d'Arrabie, il se rompt là: & deualant contre la mer rouge de tra-uers, à la façon d'un cercle, & entourant par ses destours & circonuolutions vn grand pays, conuertit son cours vers Cecie. Et estant de là parueniu au meillieu de ceste contree, entre Boree & Apeliotes, & ayant cheminé iusques au fleuve du Tigre, il ne se ioint pas du tout avec iceluy, mais ayant perdu quelques portions seulement de ses eaux sur le mitan de l'intervale, l'autre partie qui est la plus grande & nauigeable, tombe du tout dans iceluy Tigre, pres la ville de Susse, où il perd son nom, & s'en va avec luy cheoir dans le golfe de Perse. Où il faut noter, que toute icelle estendue de terre, qui est entre ces deux fleuves, est appelée Mesopotamie. Voila donc d'où & en quels endroits le Tigre & l'Euphrates ont leurs source & origine. Toutesfois nos saintes lettres disent tres-veritablement qu'ils sourdent du Paradis terrestre: Car d'iceluy pre-nans les sources & commencemens de leurs eaux, il se fait parauenture qu'ils coulent sur terre iusques à quelque certain lieu, puis estans receuz par vne vaste & sablonneuse solitude, & là engloutis dans quelques creux profonds sous terre, ne cessent de couler contre bas, iusques à ce qu'ils soyent paruenus aux destroits & lieux pierreux d'icelle terre, & que leurs cour precipité & tendant vers bas, soit empesché & retenu par vne terre dure & solide. Où leurs eaux fluës tout de suite, & s'assemblans de plusieurs lieux en vn, contraignent puis apres par leur force & grandeur iceux fleuves tenir leur droit cours, sans s'espandre ny escarter ça & là en diuers lieux. Lesquels fleuves coulans par apres par le cours & passage qu'ils ont sous terre, & icelle terre qui est au meillieu recueillant & consommant la plus grande part de leurs eaux, les plus subtiles & desliées paruiennent lors en ces lieux là, d'où elles saillent en apert de leurs cauernes. Or qu'iceux ainsi cachez sous terre suiuent long temps leurs cours sans qu'ils se monstrent, cela ne doit sembler incroyable: Car quasi par tout aussi il y a plusieurs autres riuieres fort grandes & violentes, qui sont portées sous terre. Chose que lon congnoit facilement par le son qui se rend à nos oreilles, du grand & esclatant bruit qu'elles font en deualant. Et mesme en cela qui est adueni quelques fois à gens qui fouilloient des puis, sous lesquels se sont trouuez des riuieres: lesquels ayans rompu quelque peu le fond d'embas qu'ils trouuoient pierreux, l'eau bruyante tellement les a surprins & gaigné, qu'à grande peine ont ils peu estre tirez assez tost & receuz de ceux qui estoient demeurez à la gueule du puis, qu'ils n'ayent esté noyez & engloutis. Et de là puis apres s'en est ensuiuy vn cours d'eau, qui pour la force & flux perpetuel d'icelle n'a peu iamais depuis estre tary, quelque siccité & grande chaleur d'air qu'il ait peu faire: Car l'innéffable sapience de Dieu a ainsi fait les cours des eaux tât occults, que patens, comme fournissant les vaines qu'il scauoit estre necessaires pour cela. Qui fait que le Prophete Dauid luy en chante louage en la sorte: Il a fondé la terre dessus les mers, & l'a bastie dessus les fleuves. A scauoit, accumulant les mers à la semblace d'un thresor, dans grâds & merueilleux golfes de terre, estant leur plant fermement consolidé, pour le soustenement d'une telle quantité & pesantueur d'eaux portées sur iceluy: Et quant aux fleuves, en leur donnant libre passage, par vne com-mode & admirable constitution, les haultes regions s'affessans tousiours contre bas, & reculés, & donnans lieu au poix des eaux tombantes des haultes contrees aux basses & au plat pays. Le mesme autheur par vne coniecture qu'il a prinse de là, a dict que le Paradis estoit du costé d'Orient, situé sous le cercle equinoctial. Il a prins la coniecture de son dire, de là premierement, qu'il est manifeste que vers le Midy il n'y a guere lieux qui ne soyent habitez, iusques à la derniere mer seulement, laquelle est toute l'année arse & bruslée de l'ardeur du Soleil, pour les rayôs qu'incessamment il enuoye sur ceste cōtree: car aussi est elle droitement sous la Zone meridionale, nommée vulgairement la Zone du meillieu. Secondement, en cela que le fleuve appellé maintenant Hyphasis, & es escriptures saintes nommé Phison, & qui, ainsi que les sūdits, a la

*Méseniens.  
Du fleuve  
Euphrates.  
Ararat mōt  
d'Armenie.  
Les reliques  
de l'arche  
de Noé.  
Euphratesie.  
Syrie.*

*Mesopota-  
mie.  
Que le Ti-  
gre & Eu-  
phrates  
sourdent du  
Paradis ter-  
restre.*

*Comment ces  
deux fleu-  
ues coulent  
par long che-  
min sous  
terre.*

*Ceux qui  
fouillent les  
riuieres &  
lieux où se  
prend le me-  
tal, scauent  
& experi-  
mentent cecy  
ordinaire-  
ment.*

*Le lieu où  
est situé le  
Paradis ter-  
restre.  
Hyphasis  
ou Phison,  
que Plin  
au li. 2. ch.  
73. appelle  
Hipasis, est  
vn des qua-*

# LIVRE IX. DE L'HISTOIRE ECCLESIASTIQUE

*Le fleuve qui s'écoule du Paradis.* source & origine du Paradis terrestre, semble plustost fluer & auoir son cours vers le Midy, des parties d'Orient qui tendent sur le Septentrion, & se desgorger en l'Océan, vis à vis & à l'opposite de l'isle Taprobane. Sur le riuage de ce fleuve, se trouue du Cariophillum, soit qu'il soit appelé fruit, ou fleur. Tant y a que les habitans du pays se persuadent & croient que ce soit l'un des arbres qui croissent au paradis terrestre. Et qui plus les induit à croire cela, est que la terre qui est par dessus eux, est fort deserte & totalement sterile, & que ce fleuve apporte ceste fleur, il est assez apparent, en ce qu'elle se garde & conserue sur la superflue de la terre, sans prendre racine en elle aucunement dans creux ou cauernes quelconques: Aussi qu'elle ne pourroit pour sa sterilité porter ce qui est là né. Ce fleuve aussi a vne autre marque, par laquelle il se congnoit qu'il est meslé avec la terre de Paradis: Car on dit que si quelque personnage malade de fièvre chaude & ardente, s'y baigne, il est incontinct guary. Mais quant au Tigre & à Euphrates, pource qu'ils entrent en terre, & en saillent puis apres, ils ne peuuent emporter d'iceluy Paradis chose aucune pour la remarque & congnoissance de leur source, comme fait Hyphasis, ny mesme le Nil: Car qu'ainsi soit qu'il sorte de là, les lettres diuinement inspirees & declarées à Moysse, nous en donnent suffisant tesmoignage. Il est de luy appelé Geon, & des Grecs l'Egyptien: Car cestuy-cy (entant qu'on peut coniecturer) sortant du Paradis, & par cauernes & certains meats entrant en terre, premier qu'il ait atteint la partie du monde habitable, passe de là sous la mer Indique, & tournoyant tout autour d'elle, ainsi qu'on en peut faire iugement par quelques argumens & coniectures, sans autrement en sçauoir la verité (car qui est l'homme qui le peut certainement asseurer & demonstrez?) & dessous toute l'estendue de la terre du mitan, courant vers la mer rouge, & tombant aussi pareillement sous icelle, tant continue son cours, qu'il est porté de l'autre riué de ladite mer passant sous le promontoire de la Lune, où il fait deux fontaines non fort loing l'une de l'autre, qui saillent contre mont avec vne merueilleuse violence & bruit. De là coulant par l'Ethiopie, s'en va droit en Egypte, se precipitant par les haults rochers qu'il rencontre sur le chemin, avec vne impetuosité incroyable. Cest autheur adiouste cela d'auantage, qu'icelle contree du monde, de tout le costé d'Orient & de Midy, quelque grâde ardeur & vehemente chaleur qu'elle puisse auoir, ne porte rien qui ne soit fort grâd & robuste, soit qu'il naisse en terre, ou en l'eau: Car en ceste mer là se trouuent des balaines & semblables autres poissons, d'une merueilleuse magnitudo & grandeur, que ceux qui font voile sur iceluy Océan ont souuent fois veu nager & s'agiter sur l'eau se monstrer. Et a ceste terre d'auantage des elephans d'une grandeur & largeur merueilleuse, & principalement ceux qui sont appelez elephans bastards: lesquels quand au reste sont comme grands bœufs, mais en peau, couleur & hauteur, sont elephans. Il y a là pareillement des dragons ou serpens, non moindres en grosseur que poulx de maison, & en largeur de quinze pas d'estendue: les peaux desquels ont esté apportées & veuës à Rome. Il s'y trouue aussi vne sorte d'animant, qu'on appelle Licorne ou Monoceros, ayant la teste comme vn dragon, & vne corne au mitan du front, non fort grâde, mais tortue. Elle a tout le menton barbu, le col long & esleué en haut, & quant à l'atouchement tressemblable au serpent. Elle a le reste du corps plus approchant du Cerf que de toute autre beste: Ses pieds sont comme ceux du Lion, la forme & effigie de laquelle se peut veoir exprimee par les couleurs des peintres. Ceste contree engendre semblablement le Chameleopard, qui est vne sorte d'animal, lequel en toutes les parties de son corps represente le Cerf en grandeur, mais en hauteur & longueur, il imite le corps du Chameau. Il porte le col fort long, & l'a tellement hault & esleué contre mont, qu'il ne respond point à la proportion & conuenance du demeurant du corps: & ayant la peau depuis la cime de la teste iusques au bas des pieds, toute de couleur changeant, il ressemble fort au Leopard, & a les pieds de deuant plus haults que ceux de derriere. Ils ont aussi en ce pais là, vne sorte de Singe, nommé Captifinge, estant moitié cheure, & moitié singe. Car il y a pareillement plusieurs genres de Singes, comme sont Ourfinges, Leonfinges, Cynocephales ou Testes de chien, que nous appellons en nostre vulgaire ou Magots, ou Marmots, ou Guenons, ou de semblables noms des autres animaux, ayans leur forme meslée avec les especes des singes. Dont plusieurs ont esté apportez iusques à nous, qui nous en baillent aperte & manifeste declaration: du nombre desquels est celuy qu'on nome Pan, ressemblant à la cheure de teste, de face, & de cornes, & mesme depuis les flancs cōtre bas, il a les iambes & pieds & se marche comme la cheure: mais de ventre, d'estomach, & de mains, il est vray singe, dont aussi le Roy des Indes en enuoya vn lors à l'empereur Constance, par grande singularité. Lequel animal, à cause de sa ferocité, il fit enfermer en vne cage, & porter la part qu'il alloit, où il vescu quelque tēps. Estant mort ceux qui en auoyent le gouuernement l'ayans euenté, l'embaumerent, & puis le porterent à Constantinople, pour y estre gardé par excellence & monstré à tous qui onc n'en auoyent veu de semblable. Il m'est aduis neantmoins que les Grecs auoyent veu au parauant cest animal, & qu'estans espouuantez de la nouveauté de sa figure, en firent vn Dieu, veu & considéré qu'ils auoyent en grâde recommandation & solemnité ce qui excedoit toute foy & creance, tellement qu'ils le mettoient au nombre de leurs Dieux. Ce qu'ils firent en pareil cas du Satyre, qui est vn singe semblablement rouge de face, facile & prompt à sauter,



fauter, & qui porte queue. Le Sphinx aussi est du genre des singes, le corps duquel est tout couvert d'un poil rude ainsi que les autres singes, fors la poitrine & le col, qui est toujours sans poil. Il a les mammelles pareilles à celles de la femme: & une enflure & saillie de chair: rouge & deliée, d'espece de vermillon, luy environne le corps tout autour, la part qu'il est nud, qui donne un grand lustre & grace à la couleur humaine, qui est au meilleur. Il a la face un peu ronde & agüe, & retirant sur la forme de la femme: d'abondant sa voix est humaine, mais non articulée & distincte, semblable à celui qui hativement crie à haute voix quelque chose difficile à entendre, comme quasi avec un courroux & douleur: mais tant plus qu'elle s'irrite d'autant est elle plus aigre & moleste. Or est cest animal fort farouche & cruel, cault, subtil, & malueillant & par ce moyen fort difficile à dompter & apprivoiser. Je pense que ce soit celui qui anciennement fut apporté à Thebes, ville de Beotie, qui est une region sur les limites de Grece. Ceste beste s'estant une fois iettée sur quelques uns du pais, qui par curiosité l'estoyent allé veoir, & leur ayant diffamé le visage avec les ongles, leur Roy Oedipus en fut fort marry, & ne voulant endurer l'iniure faite à ses citoyens, la commanda tuer, dont il acquit tel bruit & renommée, que son nom en a esté toujours illustré par le monde uniuersel. Toutesfois, quand les fables attribuent à Oedipe le los de force & de magnanimité, ils feignent que ceste beste auoit des ailes: pource qu'elle se iettoit soudainement avec une impetuolité sur les premiers qu'elle rencontre. Elles luy accommodent aussi pareillement une poitrine de femme, & un corps de Lyon: l'un, à cause de sa nudité, & ressemblance de forme à la femme: & l'autre, à cause de sa ferocité, & principalement pource qu'elle marche à quatre pieds. La fiction fabuleuse luy attribue quant & quant la parole, pource que sa voix est conforme à celle de l'homme. Elle luy attribue conséquemment les enigmes & sentences obscures & difficiles à soudre, à cause qu'on ne peut entendre ce qu'elle veut dire ou signifier par le cry qu'elle fait de sa voix. Et ne se faut nullement esmerveiller de telles fictions: Car ce n'est que la coustume des Grecs de changer la verité des choses, en plusieurs fictions & inuentions fabuleuses. Ce pays porte aussi des asnes sauvages fort grands, d'une peau diuersifiée de plusieurs couleurs changeantes, contre la coustume des asnes, à sçauoir d'un bigarrement de blanc & de noir, avec des ceintures qu'ils ont au hault de l'espine du dos, qui leur deualent le long des costez iusques sous le ventre: où estans diuisees & entremeslees d'un changement de couleurs, font une merueilleuse & nouvelle plieure & variété. Le Phenix semblablement, qui est un oiseau tant célébré par tout le monde, se trouue en celle region. Nous sçauons pareillement que le Papegay est de là apporté à nous, qui est un oiseau qui sur tous autres parle le mieux, & qui mieux imite & cōtrefait la voix humaine. Et mesme plusieurs autres sortes d'oiseaux figurez de diuerses couleurs, qu'on appelle Garamantides, ayans le nom de la gent, d'où plus on en apporte. Maintes autres choses belles & singulieres par excellence s'engendrent là, voire en si grand nombre & quantité, qu'il m'ennuye en ceste histoire les reciter: Car en ce lieu naist plus fin & plus pur or qui se trouue, en forme de petites racinettes d'or, cōme cheueulx, qui prouienent de la terre, & qui estans entremeslez les uns dans les autres, apportent un grād reuenue à ceux du pays. Il y croit aussi de fort beaux & gros fruitz, entre lesquels les plus commus & notoires sont les noix. D'auantage la contree d'au dessus des Homerites, iusques à la mer rouge, est de telle fertilité & abondance, qu'elle porte fruit deux fois l'an, qui est la cause pourquoy icelle region est appelée Arrabie heureuse. Et pour le faire bref, faut entendre que tout le pays qui plus tire vers le Soleil Leuant, en toutes choses excelle tout le reste de la terre. Par où il est assez cler & euident, que le Paradis, pres lequel bat la mer Orientale, par son excellence incomparable a le plus bel, pur, gay & souef air, qui soit au demeurant du monde, & est enroulé d'eaux les plus cleres qui se trouuent: & par ce moyen il porte & engendre choses beaucoup meilleures, que toute la terre qui est sous le Soleil. Or combien que ces choses soyent dites par une digression, hors l'argument qu'auons entrepris de traiter, si est-ce toutesfois qu'à gens studieux des bonnes lettres & sciences liberales, elles sembleront necessaires, comme ie pense. Il faut sçauoir d'auantage, qu'outre ceux que nous auons iam mentionnez, plusieurs ont aussi esté de leur temps fort sçauans & entenduz es saintes lettres, & qui les ont copieusement traitées & declarees: Mais de les raconter tous par le menu, ce seroit chose par trop difficile à faire: ioinct aussi que cela n'est du principal subiet & argument du present œuvre. Je cuide aussi d'autre costé, que nul ne me pourra iustement reprendre de ce qu'en iceluy ay fait mention de quelques auteurs ou sectateurs d'opinions heretiques, parmi ceux qui ont bien senty & escrit des saintes institutions & ordonnances de nostre religion & profession: Car la cause pourquoy en ce liure i'ay fait mention d'eux, n'a pas esté pour asseoir & donner iugement sur leur foy & opinions, mais c'a esté pource qu'ils ont excellé en une eloquence graue & plaisante. Et de fait nostre dessein en cest œuvre (cōme auôs dit) n'est pas de dōner nostre sentence & arrest sur leurs opinions & doctrines: ains seulement d'exposer simplement comme une chacune chose est aduenue en son temps, sans riē adiouster du nostre temerairement. Quant aux dites opinions, & autres choses semblables, la verité en est toute claire & manifeste: Ceux aussi à qui par les loix est permis d'en iuger, la pourront mieux declarer que moy.

*sphinx.**La fable du  
Sphinx &  
d'Oedipe et  
d'où elle a  
pris son  
origine.**Les Grecs  
grands con-  
trouueurs  
de fables.  
Asnes sau-  
uages.  
Phenix.  
Papegays.**Oiseaux  
nommez Ga-  
ramantides.  
Or tresfin  
& trespur.**Arbres por-  
tans deux  
fois l'an.  
Arrabie  
heureuse.  
La felicité  
du paradis.**Quelques  
heretiques  
non temerai-  
remēt reci-  
tent avec les  
gens de bien  
& vrais fi-  
deles.*

Voyla quant à ceux qui en ce temps là ont excellé tant en insigne vertu, qu'en haut sçauoir & erudition. Nous reciterons conséquemment en son lieu, ceux qui les ont ensuiuis.

laquelle est toute l'année arse] Presque tous les anciens ont esté de ceste opinion : Toutesfois de la mémoire de nos Peres, la nouvelle navigation des Espagnols, entreprinse premierement par le seigneur Colombe Milanois, a trouué la plus grande part d'Afrique incongneue à tous les anciens au parauant, & plusieurs isles & terres estre habitées en l'Ocean meridional. Par où il est assez notoire l'Ocean n'estre point (comme lon pensoit au passé) d'une magnitude du tout inutile: Mais au contraire, estre entierement fertile & abondant en isles & terres, mesme d'une immense magnitude & grandeur, habitées des hommes, (c'est ce que nous appellons le nouueau monde) & que tout ce qui participe d'air vital, n'est point, comme on a creu au parauant, inhabitable. Chose toutesfois, qu'aucuns ont voulu dire, auoir esté anciennement obseruee, premierement par le philosophe Posidonien, disciple de Panetie, puis conséquemment par Auicenne, medecin Arabique.

*De la bonne affection & volonté que les enfans de Constantin le grand ont eu à la religion Chrestienne, & de leurs opinions, & comme Constance fut un peu desuoyé de la saine foy & creance. Plus du diside & contention qu'il y eut en ce temps là sur la Consubstantialité & Equisubstantialité du Fils de Dieu avec son Pere: & de la fiction des Ariens.*

CHAP.

XX.

*Propagation du Christia nisme sous l'Empire des enfans du grand Constantin. Temple d'Emese, construit par Constance.*



Ouruiuous maintenant l'histoire entreprinse. Donc non seulement les amis de Dieu qu'auons escrit cy dessus, ont excellé en bonne vie, & en toute sapience & sainte conuersation, & par ce moyen honoré & reueré la religion Chrestienne, en l'augmentât par nouueaux exercice & deuotes façons de viure: mais aussi les Empereurs mesmes par vne emulation & zele de leurs deuâciers, ont eu en singuliere recommandation les affaires Ecclesiastiques, & le cult & seruice deu à Dieu. Car ils ont illustré & décoré le Clergé de Dieu, & ses enfans & amis non seulement de grands honneurs & immunités, mais aussi par bonnes & honnestes loix que leurs peres auoyent faites, ont amené les autres Roys & Potentats à la religion Chrestienne, d'une deuote & sainte affection qu'ils auoyent à Dieu: Lesquels tous ont reietté l'idolatrie, & commandé en tous lieux les temples des Grecs estre les vns clos & fermez, & les autres incōtinent desmolis & razez des fondemens. Et ne se sont contentez de restaurer les saints Temples & Eglises, qui de vieillesse estoient quasi du tout ruinez & tombez, mais en ont construit vn grand nombre de toutes nouuelles. Entre lesquelles Constance en fit edifier vne à Emese, la plus excellente & somptueuse, tant en beauté, qu'en grandeur, qui fut entre toutes celles du pays.

D'auantage ils firent vn Edict, par lequel il fut defendu à tous Iuifs, de ne faire esclau aucun Chrestien, & de n'en vser, de quelque secte qu'il fust, ou de quelque prix ou avec quelque solemnité qu'il eust esté acheté, & si quelqu'un estoit trouué faire du contraire, qu'on le fist serf public: ou s'il estoit trouué l'auoir circoncy, qu'il eust la teste tranchee, & ses biens fussent confisquez. Car comme ils eussent constitué en leurs esprits de peupler & dilater la religion Chrestienne, ils auoyent aussi cela en recommandation, que personne ne fust temerairement & par contraincte attiré à la religion des Iuifs: mais plustost que tous ceux desquels il y auoit quelque esperance, fussent reseruez pour embrasser la vraye religion Chrestienne. Et de fait, aussi icelle pieté Chrestienne, prenoit plustost ses accroissemens des Grecs & Gentils, que des Iuifs: Mais sur toutes choses les enfans de Constantin ont gardé & maintenu l'opinion de leur pere entiere & certaine en ce qui concerne la foy de Nice, l'approuuant l'un & l'autre fort affectionnement. Quant à Constans il a en icelle persisté iusques à la fin: mais Constance l'ayant quelque temps iuiue, & en tous lieux loué & soustenu la Consubstantialité, à la fin par vne faulse persuasion, ceda quelque peu & fleschit de sa premiere sentence. Non pas toutesfois qu'il s'en detournast ainsi totalement, qu'il ne confessast apertement le Fils estre en substance esgal au Pere: mais Eusebe, Euesque de Nicomedie, & quelques autres Euesques Oriētaux de ce temps là, qui par leur sçauoir & estoient en grande eslime & reputation, luy faisoient entendre & l'asseuroient qu'il y auoit grande difference, entre ces termes Omouision: c'est à dire, Consubstantiel, & Omouision: c'est à dire, Equisubstantiel, ou esgal en substance. Car ils inferoyent que ce mot Omouision: c'est à dire, Consubstantiel, ne se disoit proprement que des corps, à sçauoir, des hommes & des autres animaux: item des arbres & plantes, qui n'ont toutes leur communication & generation, que d'égalité. Mais quant à cest autre mot Omouision, qui est à dire, Equisubstantiel, ils disoient qu'il ne deuoit estre prins ny vsurpé, sinon que pour choses priuees de matiere, comme est Dieu & les Anges: tellement que si quelqu'un veut par soy mesme contempler vne chacune de cesdites choses immaterielles en son entendement, il trouuera que de foy elle

elle subsiste à part, sans conjection ou mixtion d'autre chose. Par lesquelles paroles, Constance (comme il semble) estant seduit, & persuadé autrement qu'au parauant, a quelque peu foruoyé de sa foy & creance. Ce neantmoins (entant que ie coniecture) il s'est tousiours accordé en vouloir & opinion avec son pere & frere: de maniere que pour le changement & mutation du mot, il n'a pensé descheoir de la vraye foy & religion, à sçauoir si au lieu de Consubstantiel, il disoit Equisubstantiel. Lequel mot aussi a semblé le plus droit & certain, à ceux qui le mettoient en auant. Car ils disoyent si quelqu'un ne disoit ainsi, qu'il y auoit danger qui ne dist & creust par apres, cela estre corps qui est sans corps: Chose neantmoins que plusieurs ont iugé estre pleine de grosse bestise & moquerie. Or falloit il qu'ils entédissent que les noms des choses que nous contéplons d'entendement, se prennent necessairement par vne transumption des choses apparentes & visibles (*estans contraincts par faute de noms propres: de noms seruir d'autres, contre leur naïfue signification.*) Mais quel danger peut il auoir es noms, quand il n'y a faute ny erreur en l'intelligence ny en l'entendement? De là aussi peut on coniecturer, que non sans cause ce grand & excellent homme en Theologie, Gregoire, pendant qu'en ses oraisons inuectiues qu'il a faites contre l'Empereur Iulien, est du tout occupé à collauder Constance, il l'orne de merueilleuses loüanges, & extolle tellement sa pieté & religion, que mesme il dit, qu'apres sa mort il fut conduict au ciel par les vertus angeliques, qui de toutes pars l'environnoyent & honoroient de nouueaux & merueilleux Cantiques, comme plus à plein declarerôs à la fin de ce liure. Ny ne se doit on esmerveiller, si l'Empereur estât occupé aux affaires de l'Empire, à la suasion de ces grâds personnages qui ne bougeoient de la cour, approuua ce mot: veu mesmement que plusieurs Euesques, qui pour lors consentoyent de cuer & sincere volonté aux arrests & determinations du Concile de Nice, l'ont aussi receu simplement, & sans debat ne contention. Les autres ne soupçonnans nullemēt ny en l'vne, ny en l'autre diction, aucune contrariété, les ont prinſes toutes deux en vn & mesme sens d'vne bonne & saine opinion. Par où il est aisé à entendre, que les Arriens ne controuuerent iamais ces vocables à leur commodité, & pour donner couleur à leur heresie, que par vn œueur enflé de tout orgueil & fierté. Car ils disent qu'apres la determination de trois cens dix huit Euesques, qui au Concile de Nice furent assemblez, il y en eut plusieurs d'entre eux, & sur tous autres Eusebe & Theognis, Euesques Bithyniens, qui ne voulurēt iamais confesser, que le Fils fust au Pere Consubstantiel, bien qu'ils eussent soubſigné au formulaire de foy, arresté en iceluy Concile. Et aussi l'Empereur Constantin estant courroucé cōtre eux, les enuoya en exil. Mais que la sœur d'iceluy veid en son sommeil vne vision, par laquelle il luy fut diuinement reuelé, que son frere les auoit iniustement & à tort exilés, attendu qu'ils auoyēt bonne & saine opinion de Dieu Et par ce moyen ayās esté r'appelés, que l'Empereur les interrogea pourquoy ils ne s'accordoyent à ce qui auoit esté decreté par le Synode, veu mesmement qu'en iceluy ils auoyent eu voix & auoyent esté faits participās du contenu en ses decrets: & que lors ils luy respondirent qu'ils s'y estoient condescenduz contre leur vōloir: mais que c'auoit esté d'vne crainte qu'ils auoyent, que par vne contention prouenant de là, iceluy Empereur ne se reuoltast contre la doctrine Chrestienne, comme inutile & contentieuse, & qu'il ne retombast encōres vn coup en son ancienne superstition, lequel depuis vn iour ou deux (par maniere de parler) auoit commēcé d'estre Chrestien, & auoit den'aguères esté baptisé, & que cela fait, ayant changé d'opinion, ne se mit à persecuter les Chrestiens. Et qu'ainsi apres auoir entēdu ces paroles, il les auoit appellez de leur exil & remis en leur premier estat, & auoit approuué leur conseil & leur fait, & qu'il auoit arresté en son esprit, d'assembler vn autre Concile: Toutesfois qu'estant prauenu de mort, il en auoit esté empesché. Et qu'il commanda à Constance, comme à son fils aîné d'executer & mettre à chef son entreprise, luy remonſtrant que l'administration de son Royaume ne luy seruiroit de rien, si tous ses subiets n'estoyent d'accord & vnanimés. Et ainsi ne voulant outrepasser les commandemens de son pere, qu'il auoit denōcé le Concile d'Arimine. Voyla ce que disoyent les Arriens. Mais il est facile à l'homme sage & aduisé, d'appercevoir la menterie de ceste fiction: Car ce fut le :: vingt & vniēme an de l'Empire de Constance, que le Concile d'Arimine fut congregé, plusieurs autres assemblees ayans esté celebrees auant ce temps là, esquelles ceste question de la consubstantialité & de l'egale substance fut principalement agitée & debatue. Mais tous d'un accord refuserēt entierement de dire que le Fils fust en :: substance esgal au Pere, hors mis Etie Syrien, qui avec ses complices souſtint fort & ferme le contraire, à l'occasion duquel d'autant que si il opinoit mal encōres enseignoit il mal, Constance commanda aux Euesques de s'assembler de toutes pars à Arimine & à Seleuce, pour abolir ceste opinion. Ce que j'ay bien voulu dire en ce lieu, à fin de faire entendre maintenant à tous que la cause que les Arriens ont mise en auant & cōtrouuee, n'est pas celle, pour laquelle Constance ordonna le Concile d'Arimine: ains que ce fut à raison de l'opinion qu'Etie auoit faulſement diuulguee. Et que cela soit vray, la suite & continuation de ceste nostre histoire, le declarera cy apres. Or combien que par vne digression ces choses cy ayent esté de nous dites, si est-ce que pour l'accord qu'elles ont avec l'argumēt qu'auôs entrepris, il a fallu qu'elles ayent esté aussi necessairemēt par nous premises & exposees. Mais retournôs d'où nous sommes partis.

Gregoire  
Nazianzen  
ne a grande  
ment loué  
Constance.

La faute &  
erreur de  
Conſtāce est  
icy deſedue.

Fiction des  
Arriens con-  
tre les de-  
crets du Co-  
cile de Nice.

Sozome-  
ne met au-  
tremēt, &  
dit auant  
qu'il fut ba-  
ptisé, lib. 3.  
chap. 19.

Concile de  
Arimine.  
Refutation  
du mēſonge  
des Arriens.  
:: Sozomene  
a le vingt et  
deuxiēme.  
:: Il ſemble  
qu'il y ſaut  
ainsi dire:  
Ils ne voulu-  
rent iamais  
consentir de  
dire que le  
fils ne fuſt  
esgal au pe-  
re. Ce qui  
est monſtré  
au deſſous,  
chap. 36.

*D'avantage &c.] La ley unique de Constantin, Cod. ne Christian. manusc. l. Deo nobis. §. De ista dispositio. C. de Episcop. & Cler.*

*Comment apres le Concile de Sardice, Constance induit par les menaces de son frere Constans Cesar, renouua d'exil Paul & Athanase: & des lettres que Constance escriuit à Athanase.*

CHAP. XXI.



*Costas veut que Paul et Athanase soient restitués en leur estat & dignité.*

*Lettres de Costas envoyées à Constance son frere pour ceste fin.*

*Constance renouue par lettres Athanase.*

*Autres lettres de Constance pour ce fait.*

*Item d'autres lettres du mesme Empereur.*

Onstans Empereur de l'Occident, apres auoir sceu & entendu ce qui auoit esté fait & arresté au Concile de Sardice, enuoya deux Euesques accompagnez d'un capitaine nommé Salien, homme fort celebre & renommé tant en foy & sincere religion, qu'en preud'homme & bonnes mœurs, vers son frere, pour luy faire entendre ce qui auoit esté déterminé à Sardice, luy enioignant de remettre & restituer Paul & Athanase en leurs Eglises, comme ceux à qui on auoit fait tord. Mais voyant à la fin que son frere Constance dissimuloit de luy faire response, & differoit toujours, luy escriuit de rechef, & le pressa par vne autre missiue ou qu'il

eust à recevoir Paul & Athanase en leurs sieges: ou s'il ne le vouloit faire, qu'il luy denonçoit la guerre. Parquoy ayant consulté de ceste affaire avec quelques Euesques ses familiers, il fut resolu entre eux estre plus expedient qu'Athanase fust restitué en son Eglise, que de faire par ce moyen vne guerre ciuile. Les lettres de Constans contenoient en substance peu de paroles, dont la teneur s'ensuit: Athanase est venu vers nous, lequel nous a fait remonstance comme l'Euesché d'Alexandrie luy appartient: Parquoy ie vous prie de l'en faire iouir. Car si autrement le faites, il faudra mettre les armes en ieu, pour luy faire recouurer ce qui luy appartient de droit, d'election & de merite. Constance ayant receu ces lettres fut par elles incité à faire le contenu d'icelles, parquoy manda venir Athanase à luy, luy ordonnant voicture publique la part qu'il passeroit. Mais iceluy delayant son retour, pour le doubte des trahisons & embusches de ses ennemis qu'il auoit suspectes, Constance luy rescriuit plusieurs autres lettres, par lesquelles il luy mandoit de venir à luy en assurance, & qu'il n'auroit mal ne destourbier aucun. Les lettres duquel, pour seruir de foy à mon dire, i'ay bien voulu inserer à la presente histoire, qui sont telles:

Constance, Victorieux, Auguste, à Athanase, Euesque, salut. Sçache que l'humanité de nostre debonnaireté & mansuetude ne peut plus endurer qu'ainsi que par quelques orages & impetueux flots de mer, tu sois plus long temps transporté ça & là & affligé: ny nostre perpetuelle pieté ne te prise pas moins, pour auoir esté dechassé de tó propre pays, & despoillé de tous tes biens, & que tu sois errant es lieux innaccessibles des bestes sauuages. Sçaches aussi que ce que i'ay si long temps differé à te rescrire & à te mander mon vouloir, n'a esté pour autre occasion, sinon que i'ay toujours pensé que de toy-mesme, sans autre mandement & incitation, tu te presenterois à nous, pour nous demander le remede de tes peines & trauaux. Toutesfois considerant qu'une crainte parauanture a peu retarder ton dessein & deliberation, i'ay bien voulu pour ceste occasion enuoyer ces presentes pleines de toute munificence à ta constance & fermeté, à fin que sans doubte ne crainte aucune tu nous vienne trouuer la part que nous serós le plus tost que tu pourras, à ce que tu sois remis en tout ton estat & dignité, & de nostre humanité tout ce qui t'appartient te soit restitué. Car aussi nous auons pour ceste cause prié nostre Seigneur & frere Constans, Victorieux, Auguste, pour toy, à ce qu'il t'octroyast permission de retourner par deça, & que par ce moyen, suyuant l'octroy de nous deux, tu retournes en ton pays, & ayes ce gaige & assurance de nostre grace enuers toy.

Constance, Victorieux, Auguste, à Athanase, Euesque, salut: Combien que par nos premieres lettres nous t'eussions mandé, que sans doubte ne crainte aucune tu eusses à te venir presenter deuant nostre face, pour le bon desir que nous auons de te restituer ton droit: si est-ce toutefois que pour plus ample confirmation de l'assurance que tu te dois en cela proposer de nostre grace & faueur, nous t'auons bien voulu de rechef enuoyer la presente: Par laquelle nous t'enhortons, que toute desffiance & crainte reiettee, tu prennes des montures publiques, & viennes à nous au plustost que tu pourras, pour te faire iouyr du desir des choses que tu tasches à recouurer.

Constance, Victorieux, Auguste, à Athanase, prestre, salut: Pendant que nous seiournions à Edesse, quelques vns de tes prestres estans venus vers nous pour ton affaire, & ayans entendu leur demâde, il nous a pleu d'enuoyer vers toy l'un d'iceux avec la presente, & par icelle te mander de te hastier de venir à nostre cour: à fin qu'apres t'estre à nous présenté, nous te t'enuoyons aussi tost à Alexandrie. Mais par ce que ia de long temps ayant receu nos lettres, n'es encore venu à nous, nous t'auons bien voulu encore vn coup aduertir, de t'auancer de nous venir trouuer en toute

en toute seureté, afin que par nous tu puisses estre remis en ta dignité, & que tu iouisses par ce moyen de ton desir. Pour laquelle chose te faire entendre plus amplement, & t'asseurer d'auantage de nostre clemence & de bonnairété, nous t'auons enuoyé le diacre Acheras: duquel tu pourras congnoistre l'affection de nostre cœur enuers toy, & t'asseurer entierement d'obtenir de nous ce que tu souhaites. Athanase ayant receu ces lettres à Aquileie, où pour lors il se tenoit, qui fut bien aise ce fut luy, & s'en vint incontinent à Rome vers le Pape Iule, pour luy communiquer les lettres de l'Empereur, & aduiser avec luy les moyens qu'il deuoit tenir en ses affaires. L'exhibition desquelles lettres apporta à Iule & à toute l'Eglise de Rome vne extrême ioye: Car par cela ils se persuadoyent aussi, qu'iceluy Empereur s'accorderoit avec eux en la profession de la foy, veu que tant humainement inuitoit Athanase de venir vers luy. Parquoy Iule l'instruisit en tout & par tout, cōme il se deuoit gouuerner en son fait, & luy fournit tout ce qui luy estoit de besoing pour son voyage: & si d'auantage il luy bailla lettres, adressantes à son clergé, & au peuple d'Alexandrie: par lesquelles il leur faisoit entendre & mandoit, combien il estoit ioyeux de la restitution d'un si grand personnage, que Dieu leur auoit baillé pour Euesque & pasteur. La teneur de l'epistre qu'il leur enuoya, est telle.

*Epistre de Iule, Pape de Rome, enuoyee aux Alexandrins en faueur de saint Athanase.*

CHAP. XXII.



**I**ule, aux Euesques, Prestres & Diacres, & generallyment à tout le peuple demeurant à Alexandrie, ses chers freres, dōne salut en nostre Seigneur. Freres amis, ie ne puis que ie ne vous congratulate de ce que vous perceuez de vos yeux le fruit de vostre foy: car ie croy qu'il n'y a celuy d'entre vous qui veritablement ne confesse que cela ne se face en la personne de nostre frere & coeuesque Athanase, lequel tant à cause de sa pureté de vie, que par le moyen de vos prieres & oraisons, Dieu vous a restitué. D'où lon peut veoir, que vos bonnes prieres pleines de charité, sont tousiours presentees deuant Dieu: Car estās memoratifs des celestes promesses & de l'amour enuers Dieu, qu'avez apprinse de la doctrine du mesme frere dont auons parlé, vous auez à la fin certainement congneu & experimenté, suyuant la droicte foy qui est plantee en vous, qu'il ne deuoit point estre de vous segregé iusques à la fin de sa vie, lequel auez tousiours eu comme present en vos saints cœurs. Ce qui me gardera d'vser de beaucoup de langage en la presente que ie vous escry, puis que vostre foy a premierement anticipé tout ce qu'en icelle ie vous pourrois escire & mander, & à la verité les communes prieres de vous tous, sont par la grace de Iesus Christ accomplies. Ce qui me donne occasion de vous congratuler: car ie vous dy cela de rechef que vous auez conserué vos ames inuincibles en la foy. Au surplus ie ne congratulate moins à mon frere Athanase, en ce que combien qu'il ait enduré & souffert beaucoup d'indignitez & choses lamentables en sa personne: si est-ce iamais il n'est venu en oubliance de vostre charité & desir, & iacioit que pour quelque temps il ait semblé qu'il fut de vous distrait & separé, toute fois il a tousiours esté en esprit cōme present avec vous. Parquoy (amis) ie pense à la verité, que toute sa tentation & travail ne sera point frustrée de sa gloire: Car vostre foy & la sienne est à plusieurs congneue & experimentee. Que si ces choses ne fussent interuenues, qui eut creu que vous eussiez eu vn tel iugement, & vn si grand amour enuers vn si honorable Euesque? ou qu'iceluy eust esté comblé de tant de vertus? au moyen desquelles aussi il eust asseuré qu'il ne decherra point de l'esperance du ciel: Car il a acquis en plusieurs facons & en ce monde present & au futur vn glorieux martyre & tesmoignage de confession: en cela principalement qu'en diuerses sortes estant agité de tempestes tant par mer que par terre, il a mis sous le pied tous les assauts & embusches de l'heresie Arrienne: & par enuie estant souuent insidieusement en danger de sa personne, a contemné la mort, & appuyé de la sauuegarde & protection de Dieu tout-puissant, & de nostre Seigneur Iesus Christ, il a tousiours eu cest espoir d'euader les embuscades & trahisons de ses aduersaires, & de retourner à vous pour vostre consolation. Et si avec ce il a de vous rapporté de beaux trophées prouenant de vostre conscience, par lesquels il a esté congneu par tous les coings du monde estre excellent en certaine & asseuree sainteté de vie: vsant iceluy d'une grande liberté deuant tous, suyuant la coustume & maniere de faire de son cœur & celeste doctrine, & avec ce d'un perpetuel & constant iugement, iustissamment tesmoignant qu'il estoit aimé de vous. Il s'en retourne donc vers vous, avec beaucoup plus de bruit & de renommee, qu'il n'est party d'avec vous: Car si le feu esprouue & purifie la precieuse matiere (i'entends dire l'or & l'argent) qu'est-ce qu'un chacun pourra dire de ce personnage pour la dignité de son fait, qui ayant surmonté tant & si grands enuoloppemens de tribulations, aduersitez & dangers, vous est rendu pur & entier, & sans coulpe, ayant esté receu & trouué tel non de vous seulement, ains de tout le Synode? Receuez donc, freres ayez, avec toute la gloire & ioye qui est à Dieu plaisante & agreable, vostre Euesque Athanase, ensemble ceulx qui avec luy ont participé en ses tribulations & aduersitez, &

*Lettres de Iule, Euesque de Rome, à ceux d'Alexandrie, pour Athanase.*

*Force & efficacite des prieres de l'Eglise cōcorde & pacifique.*

*La foy se cōgnoit en tentation.*


MM

vous resiouissez en ce que vous auez iouissance de vostre souhait, & qu'auez ( par maniere de parler) nourry & rassasié de salutaires escrits vostre pasteur, qui autre chose ne desire ny ne souhaite, que vostre pieté: Car aussi lors qu'il demouroit en loingtain pays absenté de vous, l'auez cōsolé, & nourry au mitan de ses persecutions, tēpestes, orages & embusches que luy ont dressé ses ennemis, par vos tref-fideles esprits & bonnes volonte. Or suis ie maintenant grandement esiouy, en ce que ie considere en mon esprit & preuoy l'esioüissance & liesse d'un chacun de vous à son retour, & les bons & gracieux acueils & venues au deuant de luy que luy ferez, ensemble les excellentes & ioyeuses congregations des personnes qui pour le recevoir s'assembleront. Et quelle finalement sera-ce ceste iournée là, en laquelle mon frere sera restitué en sa premiere dignité? & que les substituez en son lieu, en seront deiettez? & que son tref-honoré & tref-desiré retour vous remplira tous d'une gracieuse liesse? Laquelle ioye aussi pour la plus part s'est estendue iusques à nous, en ce que Dieu nous a fait ceste grace, qu'ayons peu paruenir à la congnoissance d'un tel personnage. Or ne sera-il point mauuais de clore nostre epistre, par vne priere & oraison que nous ferons à Dieu pour vous en la sorte: Nostre Dieu tout-puissant & son fils vnique Iesus Christ nostre Seigneur & Sauueur, vous vueille à tous faire la grace, pour la recompēce de ceste vostre admirable foy, que par vn excellent resmoignage vous auez exhibee enuers vostre Euesque, qu'en vous & en ceux qui viendront apres vous, tant en ce monde qu'en l'autre, soyent demeurans les biens, qu'œil ne vit onc, ny oreille n'a ouy, ny ne sont montez au cœur d'homme vivant: à sçauoir ceux que Dieu a preparez à ceux qui l'ayment, par nostre Seigneur Iesus Christ, par lequel soit gloire au tout-puissant Dieu son pere à tousiours. Mais. Ainsi soit il. Lequel ie prie, tref-chers freres, estre garde de vous.

prieres du  
pape Iule  
pour les  
Alexan-  
drins.

*Des Euesques d'Antioche, & de la malice d'Estienne,  
auquel succeda Leontie.*

Chap. XXIII.



*Euesques de  
Antioche.*

*Estienne E-  
uesque de  
Antioche,  
ayāt dressé  
vne trahiso  
aux ambas-  
sadeurs Ro-  
mains, est  
pour cela de  
gradé de sa  
dignité epi-  
scopale.*

*Athanasie  
estant en  
Antioche  
cōmunique  
auec les Eu-  
stathiens,  
pour euitier  
l'accointāce  
des Ar-  
riens.*

Thanase estant garny de ces lettres, s'en vint droit en Orient vers l'Empereur Constance, qui pour lors seiournoit à Antioche qui est en Syrie. Or faut-il noter, que Leontie estoit en ce temps là gouuerneur de l'Eglise d'icelle ville: Car Eustathie (comme auons dit au dessus) en ayant esté banny, le premier apres luy qui en obtint le siege, ce fut vn nommé Euphronie, auquel succeda Phlacite, & à cestuy cy de rechef succeda Estienne: lequel pour les dols & embusches qu'il fit dresser par vn sien parēt, homme & d'esprit & de meurs tref-cruel, nommé Onagre, à Euphrate & à Vincent, qui de Rome estoient venus vers l'Empereur Constance de la part de son frere Constans, qui tous deux taschoyent entant que possible leur estoit de desmeller les calomnies & sinistres entreprises de beaucoup de mauuaises personnes qui ne s'estudioyent qu'à faire ligues & partialitez, fut à la fin deietté de sa dignité episcopale comme indigne d'icelle, par le iugement & sentence que mesme en donna Constance. Car cest Estienne estant aduersaire de la verité, affligeoit de toute sorte de peines & trauaux ceux qui tenoyent bon pour la vraye doctrine. Et allant par la ville & lieux publics d'icelle, & entrant par les maisons, molestoit grandement non seulement les hommes, ains les femmes de bien pareillement, congnes de tous pour telles & quant à la pudicité & quant à la sainteté de leur vie, & les iniurioit & outrageoit de paroles. Mais quel il a esté, il se peut assez coniecturer par cela seulément qu'il fit aux ambassadeurs susdicts: Car pour la crainte qu'il auoit qu'Athanasie, en faueur duquel ceste ambassade auoit esté principalement enuoyee, ne r'entraist en son Eglise, l'aida de ce lien parent, que nous auons dit au dessus auoir nom Onagre, pour suborner vne chambriere qu'à prix fait il loüa d'une putain & la mit au logis ou les susdicts Euesques estoient logez: puis non loing de ce lieu met traistreusement des embuscades d'hommes sedicieux, pour soudain & avec impetuosité se jeter dans l'hostel de ces saints personnages, & tascher à les surprendre en quelque desarroy. L'un desquels incontinent qu'il sentit le bruit de ceste femme impudique qui venoit droit à luy, cuidant que ce fust vn diable, se print à chanter vn Psalmes. A la fin, l'inquisition ayant esté faite par l'Empereur d'où & comment ceste farce & trahison s'estoit faite, fut trouué que l'auteur & inuenteur d'icelle auoit esté Estienne, Euesque de la ville: à raison de quoy fut aussitost degradé de sa dignité episcopale, & au lieu de luy Leontie esleu Euesque de Antioche. Lequel Athanasie euitant, à cause de sa depravee opinion, communiqua & hanta avec les Eustathiens, qui en maison priee faisoient leurs Eglises & assemblees.

\* se print à chanter vn Psalmes] Theodoret liure 2. chapitre 9. dit qu'il implora l'ayde de nostre Sauueur Iesus-Christ.

Comment



*Comment Athanase fut receu en son siege episcopal, & comme ses adherans receurent aussi chacun les leurs. CHAP. XXIIII.*



**C**R combien que l'Empereur Constance eut fait bon racueil à Athanase & l'eut receu de bien bon visage, si est ce qu'il voulut tenter sa courtoisie & humanité: Car à la suggestion & poursuite de ses aduersaires, le voulant deceuoir par parole captieuse, il luy dit ainsi: Athanase, de la commune sentence du Concile, & de celle de mon frere & de la mienne, ie fay & accomply tout ce que tu demandes, & te rends & restitue ton siege. Si est il aussi raisonnable, que de ta part, tu me faces ceste grace & faueur, de permettre vne Eglise en Alexandrie à ceux qui discordans d'auec toy, abhorrent ta communion. Adonc respondit Athanase: Il est certes tres-iuste & equitable, ô Empereur (dit-il) qu'ebeissance vous soit rendue en tout & par tout, mais ie vous requiers en cas pareil ceste grace, qu'attendu qu'en ceste ville d'Antioche aucuns sont qui detestent & du tout reiettent la communion de ceux qui ont autre sentiment de la foy, que nous, permission leur soit faicte d'auoir leur l'Eglise à part, en laquelle ils puissent librement faire leurs ceremonies ordinaires & accoustumees, comme il leur plaira. A quoy l'Empereur n'ayant que respondre, estima trop plus seant que les aduersaires d'Athanase se tinssent quoy, & se deportassent de leur requeste, comme a eux peu commode, qu'autre chose entreprendre: Parquoy ils n'oserent pour l'heure autre chose mouoir. Ce que par eux fut fort bié auisé & prouueu, iugeas assez que pour cela les affaires des Catholiques ne s'aduancoyét pas moins, attendu qu'Athanase pourroit par son industrie & futueillance non seulement defendre les siens du dâger, mais aussi attirer à soy ceux qui estoient distraits de son abeissance. Et si ce qu'il demandoit estre fait à Antioche, luy estoit accordé, en aduiendroit beaucoup d'accroissement aux Eustathiens, qui estoient en grand nombre. Aussi que peut estre ils aspireroient à quelques nouuelletez, veu & consideré qu'ils auoyent puissance & liberté de poursuivre sans crainte aucune ce qu'ils auoyent coustume de faire. Ils n'estoyét pas moins en doute qu'ores qu'ils eussent la souveraine puissance des Eglises de ce lieu, toutesfois ils n'eussent pas tout le clergé & le peuple obeissant à eux, & quelle opinion de Dieu auoit vn chacun, assez le declaroit la fin de la psalmodie qu'ils faisoient tout debout en leur assemblee. Car il y en auoit aucuns qui de mesme honneur celebroyent le Pere & le Fils: les autres qui collaudoyent le Pere en son Fils (par l'interposition d'une preposition, obscurément attribuant au Fils le second rang & degré de puissance & de maiesté diuine) les autres qui chantoient, gloire soit au Pere par le Fils au saint Esprit: les autres aussi, gloire soit au Pere & Fils, au saint Esprit. On dit que quelque Antiochien, nommé Flauien, voyant ceste diuersité de psalmodier, ayant assemblé vne grande multitude de moines, fut le premier qui hault & cler chanta, Gloire soit au Pere, & au Fils, & au saint esprit: Ce que comme n'ayant aucune suspition d'erreur, a tousiours depuis ce temps la iusques à maintenant esté maintenu & gardé es Eglises de Dieu. Or voyant cecy Leontie, en estoit bien fâché, mais il n'osoit empescher ceux qui selon la tradition de la foy du concile de Nice louoyent Dieu, de crainte d'une sedition. Et vne fois entre autres passant doucement la main sur la teste blanchissante d'un chien qu'il auoit, on dit qu'il dit ces paroles, Qu'après que ceste neige seroit fondue, s'en ensuiuroit beaucoup de fange: sousignant obscurément par cest enigme & parole couuerte, que ce discord que le peuple auoit à louer & celebrer Dieu, viendrait vne fois à grande sedition & scandale: & que ceux qui estoient de la faction & ligue, ne s'accorderoyent iamais avec le reste de la multitude. Quant à l'Empereur Constance il restitua tant à Athanase, qu'aux autres ses compagnons, par un edict qu'il fit & lettres qu'il enuoya par tout exprez pour cela, leurs Eglises: commandant à toutes les villes auxquelles il escriuoit, qu'elles eussent sans difficulté ny controuersé aucune, à les recevoir & admettre en la vaquante possession de leurs sieges. Au moyé desquelles lettres, les Gazens premierement receurent sans cōtredit ny opposition, leur Euesque Asclepas. Autât en firent les Adrianopolitins de Lucie. Mais Marcel estât de retour à Ancyre, s'y esleua vn grand tumulte à cause de l'expulsiō qu'on fit de Basile, qui en son lieu auoit esté receu & subrogé: lequel tumulte donna occasiō aux aduersaires de blasme & de contice: Macedonien aussi sans force ne contraincte ceda à Paul: & quelque peu de tēps apres fit en la ville sa cōmunion & assemblee à part. Il ne fut semblablement difficile à Athanase de retourner en Egypte: Car Cōstāce euoqua à soy George, par vne lettre qu'il luy enuoya dont il en fut tellemēt indigné, qu'il s'en alla en son pays, où il se tint tout le reste de sa vie, ne se souciāt ny ne se messāt d'autres affaires, q̄ des siēnes particulieres. Cōstāce d'autre costé bailla lettres d'octroy à Athanase, par lesquelles il luy donna licence & permission de rétrier en possession de son siege, avec cōmandemēt à tous iuges & lieutenans, de casser & annuler toutes les procedures, qui cōtre luy en plusieurs sortes & par diuers iugemens auoyēt esté faictes. Lesquelles lettres & autres semblablement, i'ay bien voulu icy inserer pour la confirmation de la verité de mon histoire, dont la teneur est telle cōme il s'ensuit.

MM ij

*Constance demande à Athanase vne eglise à Alexandrie, pour les Ariens. Athanase en demande aussi vne à Antioche à l'Empereur, pour les Catholiques. Pourquoi il fut ainsi fait par l'induction des Ariens.*

*Diverses opinions à Antioche de la foy, en leur psalmodie.*

*L'hymne Gloria patri & filio, &c. de qui il a esté inuenté.*

*Beau dist de Leontie Euesque d'Antioche, dominant ce qui aduendrait par apres.*

*Athanase & les autres Euesques Catholiques sont à pur & à plein restituez en leurs sieges.*

# LIVRE IX. DE L'HISTOIRE ECCLESIASTIQUE

*Epistre de l'Empereur Constance, enuoyee aux Alexandrins, pour Athanase. CHAP. XXV.*

*Lettres de Constance enuoyees à l'Eglise d'Alexandrie pour Athanase.*



Constance, Victorieux, Souuerain, Auguste, aux Euesques & Prestres de la Catholique Eglise d'Alexandrie, salut: Vostre tres-reuerend Euesque Athanase n'est pas despourueu ny destitué de la diuine benignité, & combien que pour quelque peu de tēps il ait esté exposé à l'espreuue & à la tentatiō humaine, si est-ce qu'il en a reporté le deu iugement de la diuine prouidence, qui voit & cognoit toutes choses, ayant cité par la volonté de Dieu, & par nostre sentence, receu en sa patrie & en son Eglise, dōr le gouuernement luy estoit aduenü par le vouloir de Dieu. Lequel il a esté iuste & raisonnable, que d'une accordante sentence & vouloir, nostre mansuetude & douceur imitast aussi en cest endroit, à sçauoir en cela que tout ce que par cy deuant a esté decreté cōtre ceux qui avec luy ont vſé de cōmunion, soit maintenāt cassé & enſeuely en perpetuelle oubliāce: & que toute mauuaise suspitiō qu'au passé on a peu cōceuoir cōtre luy, soit desormais abolie: & que la franchise & immunité que les Ecclesiastiques qui l'ont ſuiuy, auoyēt eue par cy deuant soit par ces presentes lettres cōfermee, ainsi qu'il appartient. En outre, nous auōs estimē qu'il falloit à bon droit encore adiouster à ceste nostre clemēce & benignité enuers luy, & tous ceux qui sont du nōbre du sacré ordre Ecclesiastique, sçachēt & cōgnoissēt que la frāchise & liberté est augmētée à tous les Euesques & clercs qui ont esté ioinctz & alliez avec luy. De sorte que ce sera vn argumēt que lon aura en saine & bōne opiniō de la foy si on tient son patty. Car à la semblāce de la prouidence qui nous preuiēt, nous auons enioinct & commandé à tous ceux qui comme mieus aduisez, & ayans plus entiers iugement voudront ſuiuere la communion, d'vſer & iouir de ceste nostre grace & benignité, que par le vouloir de Dieu nous leur exhibons.

*Immunité & franchise Ecclesiastique.*

*Il inuite ceux qui ont bon sens à la cōmunion de Athanase. Autres lettres de Constance, enuoyees au peuple de Alexandrie.*

Constance, Victorieux, Souuerain, au peuple de l'Eglise catholique d'Alexandrie, salut. A cause qu'en toutes choses vostre heur & felicité, qui procede de la bonne constitution du droit & des loix, nous est proposée, & que n'ignorons pas qu'un assez long temps auez esté destituez de la prouidence de vostre Euesque, nous auons trouuē aussi estre iuste & raisonnable, de vous renuoyer vostre prelat Athanase, homme de toutes personnes honoré & cogneu fort homme de bien, tant pour la sincerité de la foy qui est en luy plantee, que pour la naïue bonté de ses meurs. Le receuans donc, comme la coustume le porte en toute decence & honnesteté, & le constituans adiuteur de vos oraisons & prieres enuers Dieu, mettez peine & diligence à ce que selon la sanction & ordonnance de l'Eglise, vous gardiez paix & concorde entre vous qui soit de duree, laquelle à la bonté vous est seante & vtile, & à nous plaisante & agreable: Car il ne fault nullement qu'il soit entre vous engendré aucun discord ou sedition en ceste tranquillité de nos temps. Et voulons que telle incommodité soit de vous totalement esloignee. Et quant à vos prieres & oraisons, nous vous admonestons, qu'en vſant soigneusement du susdict autheur & aide, vous insistiez au seruice de Dieu, selon la forme & maniere receue: à fin qu'un tel propos & intention de vos cueurs surpassant les desirs & souhaits de tous vniuersellement, nos chers amis Alexandrins, mesme les Gentils, qui sont encore enſerrez & detenuz en l'erreur d'idolatrie, s'aduancent de paruenir à la congnoissance du saint & sacré sacrifice & de la religion. Parquoy nous vous admonestons de rechef de persister es choses susdictes: & de recevoir de bonne affection vostre Euesque, à vous enuoyé par le vouloir de Dieu, & par nostre ordonnance, & de l'estimer homme digne d'estre de vous embrassé de tout vostre cueur. Chose qui vous appartient de faire, & qui est fort decence & conuenable à nostre mansuetude & douceur. Car à fin de retrancher tous troubles & toute occasion de sedition de ceux qui de propos deliberé ſuiuent les liguez, factiōz, & entreprises pernicieuses, nous auons mandé par nos lettres aux iuges de vostre pays, de punir aigrement & selon la rigueur des loix, tous ceux qu'ils sçauront & congnoistront estre sedicieux. Parquoy veu & consideré que vous cognoissiez l'un & l'autre, à sçauoir, tant la diuine que la nostre sentence, & mesmement le soing & sollicitude, que nous auons & de vous, & vostre paix & concorde, & du legitime supplice des meschans, faites qu'en gardant bien & deuement les choses qui concernent les ordonnances & determinations de la sainte religion, & en ayant en tout honneur & reuerence vostre susnommé Euesque, vous priez diligemment Dieu, pere de toutes choses vniuersellement, tant pour vous-mesmes, que pour la bonne prosperité & conseruation de toute la republique.

*Autres lettres de Constance aux lieutenans & gouuerneurs de Augustonique, Thebaïde, & Lybie. Immunité Ecclesiastique.*

De mesme exemplaire il escriuit aux lieutenans & gouuerneurs d'Augustonique, Thebaïde, & de Lybie, dont aussi est extrait ce qui sensuit: Que s'il se trouue que quelque-fois par cy deuant ait esté faicte aucune chose au deshonneur & detrimēt de ceux qui ont communiqué avec l'Euesque Athanase, nous voulons qu'elle soit maintenant abolie, cassée & annulée: Car nous voulons & ordonnons qu'ils reçoient la mesme immunité & franchise que les clercs ont eue par cy deuant: & commandons que ceste nostre constitution soit gardée & obseruee: laquelle est, qu'apres auoir restitué l'Euesque Athanase en sa dignité episcopale, ses complices aussi & adherans retiennent & iouissent de la mesme franchise & liberté qu'ils ont eue par cy deuant, à sçauoir, de celle qu'ont tous autres clercs: à fin qu'en en vſant ils s'eslouissent.

*Du recueil*

*De recueil que les villes d'Egipte firent à Athanase à son retour, & du Concile congregé en Ierusalem pour l'amour de luy : de ce qu'iceluy Concile escriuit aux Alexandrins pour Athanase.*

CHAP. XXVI.



Athanase estant muni de ces lettres, print par la Syrie le chemin d'Egipte : & de là passant par <sup>a</sup> Pelusie, se vint rendre à Alexandrie. Et allant par toutes les villes d'Egipte, autant qu'il y trouuoit d'Arriens, autant en depouuoit il de leurs Eglises, l'administration & gouvernement desquelles il commettoit à ceux dequels par experience il cognoissoit la doctrine. Chose qu'on dit qu'il faisoit semblablement, passant par les autres pays & nations, où il scauoit que le gouvernement des Eglises estoit commis aux Arriens : Laquelle chose fut par apres commencement & cause d'autre imposition de crimes qu'on luy mit sus, qui estoit qu'es

*Nouvelles impositions de crime contre Athanase, & de nouvelles procédures.*

dioceses qui n'appartenoyent point à sa iurisdiction, il osoit vsurper l'election Ecclesiastique.

Et comme apres son retour, entrepris contre le vouloir & opinion de ses aduersaires, il se monstra auoir plus de cuer qu'il n'auoit encores fait, à cause de l'amitié & bienueuillâce que luy portoit Constant, tant moins sembla il digne de mespris & contemnement ausdits siens ennemis, qu'il auoit esté esleué en plus grand honneur & illustre gloire qu'au parauant : Tellement que la plus grand part d'entr'eux perdirent courage, & ayans osté toute la haine & rancune qu'ils auoyent parauant conceüe contre luy, se rallierent à sa communion. Comme aussi firent quelques Euesques Palestins, & mesme celuy de Ierusalem, nommé Maximin, qui durant la persecution de Licinie, s'estoit monstré excellent martyr, quand l'un des yeux luy fut arraché, pour la pieté qui estoit en luy. Car apres qu'Athanase leur eust exposé les actes du concile de Sardice, & présenté les lettres de l'Empereur, lesquelles contenoient la mesme determination, tant sceut faire par ce moyen qu'il les attira tous à son opinion. Et ayans assemblé un Concile de ceux du pays de Syrie, Palestine, & de toute la contree circonuoinne, ils le receurent en leur communion, & luy firent tout l'honneur deu à sa dignité. D'où Maximin acquit grand' haine & blasme de ceux qui vouloyent mal à Athanase : pource que luy qui au parauant auoit aidé & fauorisé de sa voix & parole ceux qui à Tyr auoyent condamné ledit Athanase, auoit maintenant sans leur en demander conseil prononcé telle sentence pour iceluy : auoit aussi par son autorité confirmé sa dignité : & d'une grande allegresse & affection communiqué avec luy.

*Athanase attire Maximin, Euesque de Ierusalem, & quelques autres, à son opinion. Le Synode provincial congregé en Ierusalem recoit Athanase à la communion.*

S'ensuit ce que le Synode de Ierusalem escriuit en Egipte, Libye & Alexandrie, aux prestres, diacres, & à tout le reste du peuple, pour Athanase :

Le saint Sinode congregé en Ierusalem aux prestres, diacres & au peuple d'Egipte, de Libye & d'Alexandrie, nous aimez & desirez freres en Iesus-Christ, salut. Bien aymez, nous ne pouuons assez suffisamment & dignement rendre graces au Dieu de cest vniuers, pour toutes les merueilles qu'il fait incessamment. Et mesme pour ce qu'il a fait n'agueres en l'endroit de vostre Eglise, en vous rendant vostre pasteur & gouverneur, & nostre compaignon en dignité episcopale Athanase : Car qui eust esperé veoir de ses yeux ce que par effect vous voyez maintenant ? Mais il fault penser au certain que le tout n'est procedé que de vos oraisons & prieres, exaulcees du Dieu de cest vniuers, qui pour le soing qu'il a de son Eglise, a regardé vos larmes & souspirs, & par ce moyen exaucé vos prieres. Car n'ayans point de pasteur, vous estiez comme brebis esgarees & esparées de costé & d'autre : Mais le vray pasteur qui est au ciel, ayât soing de ses brebis, vous a à la fin rendu celuy que tant desiriez. Nous aussi de nostre part, qui faisons tout ce que nous pouuons pour la paix & tranquillité de l'Eglise, & qui nous accordés avec vostre charité, l'auons receu & embrassé auant vous. Et en sa personne vous receués en nostre cõmunie, nous vous auons enuoyé cest escrit avec nostre action de graces, à fin de vous faire entēdre, que par le lien de charité & de dilectiõ, nous sommes avec vous & luy, ioinctz & vniz. Au surplus vous deuez prier pour la pieté des tres-amez de Dieu Empereurs, lesquels aussi ayans cogneu tant la bonne affection & desir qu'auiez enuers luy, que son integrité, ont daigné le vous restituer avec tout honneur. Parquoy receuez le en toute allegresse, & mettez peine d'humblement remercier Dieu qui vous a fait telle grace : à fin qu'à perpetuité vous puissiez resiouir avec Dieu & le collauder, en nostre seigneur Iesus-Christ, par lequel soit gloire au Pere à tousioursmais. Amen. Voyla le contenu de ce que Maximin & le Concile de Palestine escriuirent pour Athanase.

*Rescrit d'iceluy Synode aux Alexandrins pour Athanase.*

*Les communes prieres de l'Eglise, tres-efficaces.*

*Qu'il fault prier pour les Princes.*

<sup>a</sup> Pelusie] *Pelusium est l'une des entrees du Nil en la mer, & une cité en la partie d'Egipte, nommee Augustonique.*

*comment Vrsitie & Valens, Arriens, presenterent au Pape Iule leur libelle de respiration : & comme ayans receu la foy de Nice, renindrent en grace avec Athanase.*

CHAP. XXVII.

*Vrsitie & Valens Arriens se ral-  
liens avec  
Athanase,  
& delais-  
sent leur he-  
resie.  
Libelle de re-  
pentance de  
Vrsitie, &  
de Valens  
présenté au  
Pape Iule.*



Plusieurs autres aussi, quoy qu'ils fussent fort affectionnez enuers la religion Arienne, si est-ce toutesfois qu'à la fin consentirent à l'aduis & opinion d'Athanasie. Ce que firent pareillemēt Vrsitie & Valens, qui avec Theognis & les autres auoyent esté à Mareotis, ainsi qu'il a esté dit au dessus, pour faire l'information & enqueste, touchant ce qu'Ischyas auoit impropéré & mis sus à Athanasie, d'auoir rompu & brisé vn calice, & plusieurs autres choses. Ceux-cy ayans changé leur premiere opinion, s'en vindrent à Rome vers le Pape Iule, & luy ayans présenté leur libelle de penitence, se confesserent estre vaincus par Athanasie, & promirent que de là en auant ils consentiroient à la foy de la Consubstantialité. Ils escriuirent aussi à Athanasie, & luy manderent que liberalement ils communiqueroient avec luy. Chose certes qui publiquement se tourna comme en vn grand triomphe, & en vn certain enseignement & indice, que les sentences dictes & prononcées à Tyr contre Athanasie, auoyent esté faulxement controuuées. Voicy ce qu'ils escriuirent à Iule Euesque de Rome:

*Tesmoigna-  
ge pour l'in-  
nocence de  
Athanase.*

Au tressainct Seigneur Pape Iule, Vrsitie & Valens, salut. Pource que par cy deuant nous vous auons fait entendre par nos lettres, plusieurs grieues choses de l'Euesque Athanasie, desquelles depuis que nous sommes tournez par les lettres de vostre bonté en autre opinion, nous n'en auons peu rendre raison, pour l'empeschemēt que nous auons touchāt l'affaire dont nous vous auons rescrit : à ceste cause nous vous auons bien voulu enuoyer la presente : Par laquelle nous protestōs maintenant enuers vostre humanité, en presence de tous les prestres nos freres, que toutes les choses qui par cy deuāt sont paruenues à vos oreilles de la renommee d'Athanasie dessus mentionné, sont faulxes, feinctes, controuuées, & de luy totalement alienes. Qui fait qu'affectueusement nous desirons la cōmunion, veu principalement que vostre sainteté, pour l'integrité qui l'accompagne, a daigné nous faire grace & pardon de nostre erreur. Nous protestons aussi quant & quāt, que si quelquefois les Oriētaux par maluueillance, voire mesme iceluy Athanasie nous voudroit pour ces choses faire cōuenir, nous ne nous presenterōs deuant aucun iuge, pour dire & accorder le contraire de vostre sentence & opinion. Et quant à l'heretique Arrius & ses complices & à adherans, qui disent qu'il a esté quelquefois que le Fils n'estoit point : & que Iesus-Christ n'est point yssu de celuy qui de soy-mesme est & subsiste : & qui nient Iesus-Christ estre Dieu & Fils de Dieu auant les siecles & constitution du monde, ne plus ne moins qu'en nostre premier libelle que nous vous auons offert à Milan, aussi de present nous les anathematizons. Ce que nous signons de la sousscription de nos mains, & protestons encore de rechef comme auons tantost fait, que nous condamnons à perpetuité l'heresie d'Arrius, & les fauteurs d'icelle. Je Vrsitie ay soussigné de ma main ceste mienne profession : Et moy Valens semblablement. Voyla ce qu'ils escriuirent au Pape Iule. Et quant à ce qu'ils manderent à Athanasie, la teneur & substance de leurs lettres est telle :

*Rescrit d'Vr-  
sitie & de  
Valens à  
Athanase.*

Vrsitie & Valens Euesques, à nostre sieur & frere Athanasie, salut. Cher frere, ayans trouué l'occasion & opportunité de te faire entendre de nos nouuelles par nostre frere & prestre avec nous Musee, nous n'auons voulu faillir à t'escrire la presente d'Aquileie, desirans qu'en bonne disposition & santé tu la puisses lire. De laquelle nous asseureras si en escriuant tu nous rends responce : Car sçache que nous sommes hommes de paix, & prests & appareillez à communiquer avec toy l'alliance & conionction ecclesiastique. De toutes lesquelles choses la presente que nous te mandons sera l'espreuue & indice. Voyla comme se portèrent les affaires d'Athanasie. Et ainsi estant de retour du pays d'Occident en Orient, il gouerna encore de rechef les Eglises d'Egypte. Paul semblablement, & Marcel, & Asclepas, & Lucie, recouurerent leurs sieges.

*Comment en ce mesme temps la republique aussi se porta mal: Et de l'armee que Sapore, Roy des Persans, dressa contre la ville de Nisibe. Plus des tyrans Magnence, Britanio, & autres, qui apres la mort de l'Empereur Constans s'esleuerent au pays d'Occident.*

CHAP. XXVIII.

*Meurtre de  
Constantin  
le ieune.*



En ce mesmetēps les republiques aussi furēt grādemēt affligées: Car de trois enfans de Constantin le grād, l'aîné qui portoit mesme nō que sondit pere, fut occis en Aquileie, & mis à mort par les capitaines de son frere Cōstās : nō qu'iceluy l'eut cōcōmādē, vray est qu'il n'auoit pas defendu de ce faire, cōme il vous a esté dit cy dessus. Il me semble aussi qu'on ne doit point outrepasser, qu'apres le trespas de Constantin, vn nommé Dalmatie Cesar, portāt mesme nom que son feu pere, fut Empereur avec les enfans

enfants dudit Constantin, qui estoit vn ieune Prince, ressemblant totalement à son pere, & qui pour le bon naturel qu'il auoit promettoit quelque chose de grand & d'honneur. Mais il ne demeura guere, qu'il n'eust la gorge coupee par aucuns gens d'armes, Constance le souffrant faire, plustost que le commandant. Depuis ce temps là, les affaires de Constance luy succederent assez mal au pays de Leuant: Car les Perses ayans leué vne grosse armee, aduint qu'ainsi que si quelque obscure & tenebreuse nuit eust esblouy les yeux des Romains, la victoire s'enclina du costé des Perses. Ce fut lors qu'Athanaſe estoit agité de diuers troubles & accidens & qu'on luy menoit guerre, pour le fait de la Consubstantialité. Sapore tint le siege deuant la ville de Nisibe, (des autres appellee Antioche de Mygdonie) par l'espace de septante iours, dressant tout à l'entour des machines & bombardes, avec vn rempart esleué en grande hauteur, s'aydant aussi de toutes les sortes d'armes qui se pouuoÿt trouuer ou inuenter propres pour assaillir vne ville, & ayant fait des tranchées & leues de terre au circuit d'icelle. Mais apres auoir fait la preuue & experience de toutes ses forces & puissances, voyant en fin qu'il ne pouuoit mettre à chef ses desseins, s'aduifa d'vne autre ruse, & comanda faire assez loing des murailles de la ville, de grandes leues & terrasses d'vne part & d'autre de la riuiera de Mygdonie (car elle est ainsi vulgairement appellee) qui passe par le mitan de la ville, pour empêcher & retenir l'eau d'auoir son cours. Icelle caue ayant là esté quelque temps retenue, il la fit aller tout en vn coup d'vne grande impetuosité contre les murailles de ladite ville, à la façon de quelque gros & impetueux Torment, qui est vn instrument de guerre, à ietter loing pierres, boulets & semblables. Ce qui fut cause qu'icelles ne pouans soutenir la vehemence & impetuosité desdites eaux, furent contraintes de céder & de leur bailler d'vne part & d'autre libre passage par leur cheute & ruine. Adonc Sapore, Perse, esleué en esperance d'emporter la ville, le lendemain que les eaux furent escoulees, & les lieux fangeux & marecageux sechez, cōme il approchaſt avec toute ſon armee vers le costé que les murs estoient tombez, il les vit refaits biē mieux qu'auparauant: Car l'Euesque de la ville qui auoit nom Iacques, remply de la grace de Dieu, les repara incontinent par son oraison. Et les Perses qui s'en approcherent, furent de luy repoulſez à grands coups de traits, ne voyāz ny ne ſachans d'où ils viennent. Ce que voyant Sapore, qui fut bien estonné ce fut luy, & ayant veu apres des murailles quelque homme aorné d'accoustremens Royaux, & pensant que ce fust Constance, se print à menacer ses espions de les faire tous mourir, à cause qu'ils ne luy auoyent pas r'apporté qu'il fust dans la ville: Mais apres qu'ils l'eurent asſeuré de la verité de leur r'apport, à ſçauoir que Constance estoit à Antioche, lors il cōgneut le prodige de ceste vision, & dit que Dieu prenoit en main les affaires des Romains, & qu'il batailleoit pour eux. A cause de quoy esmeu d'vn grand courroux, le miserable commença à ietter traits & fleches contre le ciel, pſeant n'auerer celuy qui est incorporel. Or Ephraim, qui au pays de Syrie (comme auons dit au dessus) estoit vn excellent escriuain & compositeur de liures, ayant monté sur les murailles de la ville, & veu vn si grand nombre d'ennemis qui de toutes pars l'enuironnoÿent, pria le ſusnommé Euesque Iacques, d'enuoyer des moucherons aux Perses: à fin que meſme par ces petits animaux ils congneussent combien Dieu fauoriſoit à ceux de la ville. Cest Euesque ne se fut si tost mis en oraison, que voicy soudain venir de l'air vne armee de ces petites bestioles à la façon d'vne nuée, qui toutes d'vn vol se iettent à gros tas sur les museaux & trompes des Elephans, lesquelles leur saillent de la tēte, droictes à la ſemblance de fleutes, pareillement sur les oreilles & naſeaux des cheuaux & autres bestes: Lesquelles ne pouans soutenir l'assaut & combat de ces petits animaux, se mettent à courir de toutes pars pêle-mêle ſans tenir ordre ne demy, & estans en vau de route, se tuent d'elles meſmes vilainemēt. A la fin Sapore voyāt par ces petites choses, le grand secours & ayde que Dieu donoit à ses ſeruiteurs, ores qu'en toute ceste expedition de guerre il eut tenté & fait l'eſſay de pluſieurs entreprinſes, ſi eſt-ce qu'à la fin contraincte luy fut de plier ſon camp & ſe departir de là avec ſa courte honte & vergongne, y ayant plustost acquis la perdition & ruine de ſon armee que gagné la victoire.

Sur ces entrefaites ainſi que Constance estoit occupé en Orient pour la guerre qu'il auoit contre les Perses, aduint qu'vn nommé Magnence occupa tyranniquement l'Occident, apres auoir traistrenſement es pays des Gaulles, occis & mis à mort l'Empereur Conſtans: tellement qu'il mit l'Empire Occidental en ſa puissance & domination, d'où vint l'occasion de la guerre ciuile qui lors ſ'eſleua en iceluy pays: Car Constance ſœur de l'Empereur, craignant la cruauté & ſelonnie de ce Magnence, elle impoſa le diademe imperial à vn nommé Britanio, luy commandant de faire reſte & de ſ'opposer aux entreprinſes & iniuſtes inuaſions de ce tyran. De quoy l'Empereur Conſtance eſtant aduertÿ, enuoya auſſi de ſa part audit Britanio les marques & liures d'Empereur. Mais ceſtuy-cy eſtant eſpris d'vne affection & volonte deſordonnee d'eſtre Empereur, ſe mit auſſi de ſa part à exercer la tyrannie à Sirmie. Il y eut ſemblablement lors vn gros tumulte & ſedition populaire à Rome, pour ce que Nepotian, neveu de Conſtance, du costé de ſa ſœur Eutropie, ſ'attribuant l'Empire en la ville, auoit fait amas d'vne grosse armee de ſatellites & ſpadacins: Toutesſois quelque temps apres qu'il eut iouÿ de la monarchie, Magnence le deſit, lequel nonobſtant ne delaiffa de faire degaſt en tous lieux de

*Meurtre de  
Dalmatie le  
ieune.*

*Sapores Roy  
des Perses  
aſſiege la  
ville de  
Nisibe.*

*Les murail-  
les de Nis-  
ibe par l'im-  
petuoſité des  
eaux rete-  
nues, tombēt  
par terre.*

*Lesdites mu-  
railles refai-  
tes incōtinēt  
par les prie-  
re de l'E-  
uesque de la  
ville, nom-  
mé Iacques.  
Dieu deſed  
Nisibe des  
ennemis.*

*Ephraim.*

*Moucherons  
enuoyez d'v-  
nuemēt cō-  
tre les per-  
ses, rempor-  
tēt d'eux la  
victoire.*

*Meurtre de  
l'Empereur  
Conſtans.*

*Tyrānie de  
Magnence,  
Britanio, es  
Nepotian,  
au païs  
d'Occident.*

*Meurtre de  
Nepotian.*

# LIVRE IX. DE L'HISTOIRE ECCLESIASTIQUE

*Cocile natiō* l'Occident. Tant de maux en si peu de tēps furent accumulez: Ce qui aduint la quatriēme an-  
*nal assemblée* née apres la celebration du Concile de Sardice. Or Constance qui auoit esté declaré Empereur  
*Alexandrie,* de l'Orient s'efforça de mettre aussi en sa puissance l'Occident, & pource faire dressa vne armee  
*pour Ascha* à l'encontre du tyran qui par force tenoit le pays. En ce mesme temps Athanase assembla vn  
*nase.* Concile prouincial à Alexandrie de tous les Euesques d'Egypte, à celle fin que ce qui de luy auoit esté decreté tant au Concile de Sardice, qu'en celuy de Palestine, fut approuué & confirmé.

« Magnence] *Constans s'estant addonné aux delices & plaisirs de ce monde, fut à la fin occis pres d'Espaigne, en la ville d'Hele, par les embusches & trahisons que luy dressa Magnence, qui estoit conducteur des regimens de la ville d'Auguste, qui est en Germanie. Eutrope. Ce mesme Magnence desit aussi Nepotian, le vingt-huictiesme iour d'apres, la teste duquel fut attachee au bout d'une lance, & portee par toute la ville. Le mesme auteur.*

*Comment Athanase fut encore de rechef expulsé par le moyen des Arriens, & George reconduit à Alexandrie, où il dressa infinis maux aux Alexandrins, ainsi que le tesmoigne ledit Athanase, au liure qu'il a escrit de sa fuite.*

CHAP. XXIX.

*Les aduersaires blasmer Athanase enuers Constance.*

*Constance ayant changé d'opinion exila de rechef les Euesques Catholiques, qui vn peu auparavant auoyent esté restitués.*

*Costace enuoya vn homme pour traicher la teste à Athanase et à quelques euesques, la part qu'ils se voyent trouuer.*

*Leonce Euesque d'Antioche n'estant encore que simple prestre se chassa.*

*Après la fuite d'Athanasie, George gouverne l'Eglise d'Alexandrie.*

*Escrit d'Athanasie touchant les calomnies.*



R. l'Empereur Constance estant transporté au rebours de raison & equité par l'importune sollicitatiō de la secte contraire & ennemie de la vraye creance, changea le premier aduis. Car les Arriens luy auoyent fait entendre qu'Athanase troublait encore de rechef l'Egypte & la Libie, luy mettant à sus qu'il auoit dechassé les Euesques & prestres hors des dioceses & paroisses qui n'estoyent point de sa iurisdicțiō, & qu'en leur lieu il y en auoit député d'autres: Et qui estoit le pis & le plus grand crime de tous, c'estoit qu'ils mettoient en auant, qu'il auoit aussi incité son frere

Constans à haine & inimitié cōtre luy. Par lesquels crimes, tant peurent ces ennemis de verité enuers Constance, qui estoit homme qui croyoit de leger, & instable comme vne mer qui va & vient en tournoyant puis cy puis là, qu'il abolit, cassa & annula du tout entierement ce qui auoit esté constitué au Concile de Sardice, & commanda que les Euesques qui par iceluy Concile auoyent esté restituez en leurs sieges Episcopaux, en fussent de rechef dechassez & enuoyez en Exil. Ce qui fut tellement executé, que Marcel estant deietté de son siege d'Ancyre, qui est en Galatie, Basile y fut reconduit & s'en reinuestit: & Luce, Euesque d'Orestiadie, mis en prison lié & garoté, où il finit ses iours: & Paul Euesque de Constantinople, exilé à perpetuité, fut porté en vne ville d'Armenie, située en vn desert, nommée Cucuse, où à la sollicitation des Macedoniens fut estranglé. D'abondant la calomnie intentee contre Athanase enuers l'Empereur, eut tant de force & de pouuoir, qu'il enuoya secretement vn de ses satellites pour luy couper la teste quelque part qu'il se trouuast, & semblablement à Theodule & Olympie, Euesques d'aucunes Eglises de Thrace. Chose que si tost qu'Athanase eut entendu, donnant lieu à ses menaces, prouueut à sa vie par la fuite qu'il print. Laquelle fuite les Arriens calomnièrent puis apres, & principalement Narcisse Euesque de Neroniade, qui est vne ville de Cilice, & Leonce, Euesque de Laodicie, mais pour lors Euesque d'Antioche. Duquel escrit ledit Athanase qu'estant prestre, il fut debouté de son ministere, par ce qu'il s'estoit chastré. L'occasion de ce fut à cause d'vne chambrière qui demeuroit avec luy, nommée Eustolie, qui estoit fort belle femme, & dont vn chacun murmuroit. Parquoy voulant faire cesser ceste deshonneste & vilaine suspicion qu'on auoit de luy, & qui desia prenoit accroissement par tout, il se fit chastrer, à fin que de là en auant il la peust librement & sans cōredit tenir avec luy. Ce nonobstant il n'osta pour tout cela le mauuais bruit qu'il s'estoit acquis par ce moyen, ny le soupçon qu'on auoit conceu de luy: de sorte que pour ceste occasion, sa dignité luy fut ostée. Toutesfois il fut apres par le moyen & faueur de Constance, premierement estably Euesque de Laodicee, & puis apres, l'ennemy de Dieu, Estienne, qui auoit succédé à Phlacite apres Euphronie, fut ordonné Euesque d'Antioche. Au surplus pendant la susdite fuite d'Athanase, George estant subrogé en son lieu, traita si mal les Eglises d'Egypte, que riē plus: Mais les indignitez qu'il y commit & perpetra, s'entendront trop mieux par le recit mesme qu'en fait Athanase, qui y fut present & les souffrit & endura, que si par moy ou par autres elles estoient relatees. Car en son Apologie qu'il a intitulee de sa fuite, où il se defend contre ceux qui l'auoyent reprins & taxé, il fait aussi quant & quant mention des choses qui se firent lors en ce lieu, en vsant de ces termes:

Se ietterent encore de rechef dans Alexandrie vn grand nombre de gens, qui nous cerchoyēt pour nous mettre à mort, de façon que nos dernieres affaires furent beaucoup pires que les premieres: Car soudain vne grande quantité de gens d'armes de toutes pars enuironnerent l'Eglise, & au lieu qu'ils y deuoyent faire leurs prieres & oraisons, ils y font la guerre. Quelque iours apres en temps de Karesme, George qui par eux auoit esté mandé venir de Cappadoce, y estant entré,




entré, accréut & augméta les meurtres & ruines qu'il auoit apprinses & cōgneues d'eux. La sep- que l'Eglise  
maine d'apres Pasque, les vierges estoient trainees en prison, les Euesques liez & garrotez par les d'Alexan-  
gens de guerre y estoient aussi menez, le pain & les maisons des pupilles & des veufues ravis drie endura  
& pillez, force & violence s'exerçoit par toutes les maisons de la ville. Les Chrestiens la nuit durant sa  
estoyent iettez en l'eau & noyez, les maisons crochetees, ouuertes & enfondrees, & les freres des fuste.  
Ecclesiastiques en danger pour leurs freres: Ce sont icy choses dures & rigoureuses, mais qui ne  
sont rien au prix de celles qui s'ensuyuent. La semaine d'apres la sainte feste de Pentecoste, le ieuſne d'a-  
ieuſne paracheué, pource que le peuple auoit en horreur & detestoit la communion de George, pres la Pen-  
estoit fort au cimetiere pour faire prieres & oraisons Ce que voyant le meschant & mal-heu- secoste.  
reux George, va inciter contre eux vn capitaine Manicheen, nommé Sebastien, lequel accom-  
pagné d'une grosse bande de soldats, portés armes, espees toutes nues, arcs & fleches, le iour du  
Dimanche, marcha contre ce peuple en ce lieu assemblé, pensant les y surprendre: & en y ayant  
trouué quelque petit nombre qui prioient Dieu (car desia la plus grande part pour l'heure du  
iour s'estoyent retirez en leurs maisons) ces impitoyables executerent choses decentes & conue- horribles et  
nables de leurs personnes: Car apres auoir allumé vn grand feu, prindrēt les ieunes filles qu'ils cruels cho-  
trouuerent là, & les approchans du feu & menaçans de les ietter dedans, les taschoient à con- ses, que les  
traindre mal-gré elles, de dire & confesser qu'elles tenoyent la foy Arrienne. Mais ce capitaine Arriens execu-  
voyant que nonobstant toutes ces menaces elles ne se soucioient ny de feu ny de flamme, les fit tēt cōtre les  
despouiller toutes nues, & tant battre & meurdrir la face à coups de fouets, qu'il fut vn long ques.  
temps qu'à peine les pouuoit on recognoistre. Et y ayant trouué quarante hommes, les fit aussi  
battre & fustiger d'une nouvelle façon. Sçauoir est, ayant fait subitement cueillir des verges de  
palmiers, qui auoyent encore leurs poinctes aigues & tranchantes, leur en fit si cruellement de-  
chiquetter le dos, qu'aucuns d'entre eux en furent long temps entre les mains des chirurgiens  
& barbiers, pour les poinctures desdits palmiers, qui leur estoient entrees dans la chair si vi-  
uement qu'on ne les pouuoit arracher: & les autres ne pouuans endurer telle cure, en mouru-  
rent. Quant aux autres qui endurerēt ce tourment, ils furent tous ensemble avec les ieunes pu-  
celles enuoyez en exil en la grande Oasis. Et si d'auantage leur cruauté fut si extreme, qu'ils ne  
voulurent permettre que les corps des decedez fussent renduz à leurs amis, ains les celerent à  
ceux qui les demandoient, les laissant là gesir pour leur plaisir sans sepulture: estimans par ce Euesques ca-  
moyen pouuoir cacher la grande cruauté qu'ils auoyent exercee. Mais les pauvres insenssez fu- tholiques  
rent bien diuēt & deceuz de leur opinion: Car comme les familiers des decedez s'esjouïssans enuoyez en  
pour la confession de foy qu'ils auoyent maintenue, & pleuraſſent pour la denegation qu'on exil par les  
leur faisoit des corps morts, de plus en plus vint en euidence & acquit brūt le crime de leur im- Arriens.  
pieté & infidelité. Ils bannirent aussi incontinent apres, du pays d'Egypte & de Libye, les Eues-  
ques qui s'ensuyuent: à sçauoir Ammonie, Thmuis, Caie, Philo, Hermes, Pline, Psenosiris, Ni-  
lammones, Agatho, Anagamphe, vn autre nommé Ammonie, Marc, Dracontie, Adelphe, Athe-  
nodore: & les prestres Hierace, & Dioscore. Et les expulserent & bannirent si rudement & avec  
telle violence, qu'aucuns d'eux trespasserent sur le chemin, & les autres en exil. Et si outre ce,  
furent par eux qu'exilez qu'estrangez, plus de trente autres Euesques: Car tout leur dessein ne  
tendoit, qu'à la façon d'Achab tollir & du tout renuerſer la verité, s'il se eust peu faire. Sont icy  
les beaux actes qui par George s'executerent à Alexan drie.

• Luce, Euesque d'Orestiadé,] Cestuy-cy est dit au dessus, chapitre huitiesme, de ce mesme liure, estre E-  
uesque d'Adrianople, comme aussi le confirme Socrates en son histoire Ecclesiastique, liure deuxiesme, chapitre  
vingt-neufiesme. Quāt à la ville d'Orestie, les historiographes la disent estre sise au dessus de Macedone, sur une  
fort basse montaigne, au pais des Orestins, que Plin, liure quatriesme, chapitre dixiesme, dit estre vn peuple  
ainsi appellé. C'est le pais d'oū estoit yſſu Ptolomee, surnommé Lagus. Il semble que la mesme ville a esté nommee  
Adria, qui estoit vne colonie des Romains, d'oū estoit l'empereur Adrian: laquelle par apres il amplifia &  
nomma Adrianople.

Des maux que Macedonien fit à Constantinople & es enuiron: & comme Marcien, Martyrien,  
& Paul Euesque de Constantinople, furent martyrisez.

## CHAP. XXX.

 R apres que Paul fut dechassé de Constantinople, & que Macedonien se fut em- Tyrannique  
paré de son Eglise, il n'exerçoit pas moins de cruauté & tyrannie que le susnom- fenerisé, con-  
mé George, & ses adherans: Car ayant receu grande puissance de l'Empereur, en tre les casbo-  
abusa, tellement qu'il entreprit la guerre contre l'Eglise, & ne laissa rien en ar- liques, de  
riere de cruauté tyrannique, qu'il n'exercast. Et qui plus à cela l'animoit, estoit que Macedonien  
l'Empereur circonueni par ses ruses & deceptions, confirma par ordonnance les rapines & pil- Euesque de  
leries qu'iceluy Macedonien s'estoit delibéré d'executer es Eglises de sa iurisdicō. De maniere cōstantinople

que les lettres patentes de l'Empereur octroyées à ceste fin, se portoyent & publioyent par toutes villes. La puissance & force des soldats secondoit ses commandemens: & ceux qui fauorisoient & tenoyent le party de Paul, & qui de bouche confessoient la Consubstantialité du Fils avec le Pere, estoient dechassés non des Eglises seulement, ains des villes semblablement. Et au commencement ne s'estudioient qu'à persecuter les Chrestiens, mais puis apres ils leur imposoyent telle contraincte & necessité que force leur estoit de communiquer avec eux: tellement que la feuerité & rigueur dont ils vsoient, ne differoit en rien de celle qui iadis s'exerçoit par ceux qui forçoient les Chrestiens, d'offrir sacrifices aux idoles. Et de fait non seulement en cela il y estoit procedé par proscription & bannissement, mais aussi par confiscation & ravisement de biens, & puis par coups de fouets, bastures, naureures, & toutes sortes de tourmens & exils. Plusieurs moururent pour les coups qu'ils y receurent: Les autres furent priuez de tout droit de la cité: Aucuns furent marquez au frôt d'un fer chault, à fin qu'ils peussent estre cõgneuz de tous comme gens diffamez. Ce mal-heur fut tel, qu'il proceda aussi iusques à l'occision des personnes: Car avec plusieurs autres, Marcien & Martyrien y finerent leurs iours, non sans grands los de constance & magnanimité, qui auoyent esté les familiers & secretaires de Paul. Macedonien les liura entre les mains du Lieutenant de la ville, leur mettant ce crime en auant, qu'ils estoient seditieux, & auoyent beaucoup aydé au meurtre commis en la personne d'Hermogenes. L'un desquels qui estoit Marcien fut sousdiacre, & Martyrien estoit chantre & lecteur des diuines

*Martyre de  
Marcien &  
Martyrien.*

*Miracles qui  
se faisoient à  
leur monu-  
ment.*

*Cõstace des  
Occidentaux  
à suivre  
l'heretodoxie, & ve-  
rité Catho-  
lique.*

*Paul eues-  
que de Con-  
stantinople  
pendu & es-  
tranglé à Cu-  
cuse, par les  
macedoniens  
heretiques.*

escriptions. Le sepulchre desquels estant hors les murs de la ville, fut par apres encleinct d'un ce-  
lebre & somptueux temple, qui pour le iourd'huy est dict le temple du monumēt des martyrs. Le premier qui commença à le construire, fut saint Iean Chrysostome, & puis a esté paracheué par Sisinie, qui tous deux consecutiuelement ont presidé à l'Eglise de Constantinople: Car ils iugerent tres-bien que ceux-cy auoyent merité l'honneur de martyrs, puis qu'ils auoyent obtenu ceste gloire de Dieu tant de ietter les diables hors des corps de ceux qui en estoient possedez, que de guarir toute autre sorte de maladie, par le seul attouchement de leurs sepulchres. Et ainsi par ce moyen ce lieu qui au parauant estoit condamné, & où nul n'osoit faire sa demeure pour les espouventables apparitions des diables qui s'y faisoient, fut par eux expié & nettoyé. Voyla le train que Macedonien menoit par les villes de l'Orient. Mais celles de l'Occident & de toute la Grece iusques en Illyrique, ne souffrirent ny n'endurerent aucunes telles choses, à cause qu'elles retenoyent constamment dès le commencement ce qui auoit esté conclu & déterminé au Concile de Nice. Ausurplus Paul, ainsi qu'il a esté dict cy dessus, ayant esté relegué à Cucuse, y termina ses iours, & ayant esté estranglé par la cruauté de gens meschās & impitoyables. Athanase fait aussi mention de la mort d'iceluy, en la defense qu'il fait de sa fuite contre ceux qui l'en calomnioient, en ces termes: Car comme ils eussent pouruiuy Paul, Euesque de Constantinople, & l'eussent trouué, ils ont tant fait qu'ils l'ont pendu & estranglé publiquement en la ville de Cucuse, vsans pour l'execution de ce meurtre, d'un bourreau nommé Philippe, qui estoit preuoost de la ville: car il estoit le guidon & port'enseigne de leur heresie, & ministre de leurs peruers & meschans conseils. Voyla comment les affaires de l'Orient se portoyent lors.

*\* ayant esté estranglé] Quant à la mort de Paul, Sozomene, liure quatriesme, chapitre deuxiesme, dit en la sorte: Paul fut condamné à perpetuel exil, & porté à Cucuse, qui est une ville d'Armenie, où aussi il fina sa vie. Si c'a esté par maladie, ou par violence qu'on luy ait faite, je n'en scay qu'en dire au vray. Tant y a que le bruit court encore iusques au iourd'huy, qu'il fut pendu & estranglé par les macedoniens.*

*De l'heresiarque Photin, & des trois formulaires de foy qui furent faits en Sirmie: & principalement de l'exposition de la foy de Marc, Euesque d'Arrethuse.*

CHAP. XXXI.



*Herese de  
Photin, E-  
uesque de  
Sirmie.*

Vrant que ces choses se demenoient, Constance estoit à conduire son armee du pays d'Orient en Illyrique, à l'encontre des Tyrans qui s'estoyent esleuez en Occident. Or reciteray-je vn peu apres ce qu'il fit contre eux. Sur ces entrefaites, & pendant qu'il seiournoit à Sirmie, attendant l'amas de ses forces, il fit examiner & proposer en dispute la doctrine qu'enseignoit Photin. Cestuy estoit homme eloquent & qui persuadoit tout ce qu'il vouloit, & Euesque de l'Eglise de Sirmie, lequel ayant institué & mis sus vne nouvelle heresie, tant peut par son eloquence & beau-parler, qu'il en attira plusieurs en son opinio: laquelle aussi en presence de l'Empereur, il preschoit publiquement & libremēt. Sa doctrine & opinio estoit, qu'il n'y auoit qu'un seul Dieu tout puissāt, qui par sa parole auoit cõstitué cest vniuers: Mais à la generatiõ eternelle & l'existence auāt les siecles du Verbe, il l'auoit totalemēt. Et enseignoit que Iesus-Christ auoit prins

prius son commencement de Marie. Ceste erronnee opinion ayant esté par tout diuulguee, tous les Euesques en general tant Orientaux qu'Occidentaux, ou qu'ils suyussent la foy de Nice, ou qu'ils embrassassent l'opiniô d'Arrius, en furent fort desplaisans : pour autant que contre tous en general, il estoit estimé induire nouuelletez. Et mesmel l'Empereur ne fut pas peu courroucé de ce debat suruenu : a raison dequoy il assembla vn Concile audict lieu de Sirmie, où du pays d'Orient conuindrent Marc, euesque d'Arethuse, George, euesque d'Alexandrie, que les Arriens y enuoyerent : Basile, euesque d'Ancyre, Pancrace, euesque de Peluse, & Hypatië, euesque d'Herocleate. Du pays Occidental y vindrent Valens, euesque de Mursie, & pour sa vertu le grand Hosie, euesque de Cordoue, ville d'Espagne, confesseur, l'un des principaux de ceux qui assisterent au Concile de Nice, & qui comparut à cestuy de Sirmie à son grand regret. Car quelque temps au parauant ayant esté par la meschanceté & deception des Arriens enuoyé en exil, en fut à la requeste de ceux qui à Sirmie estoient assemblez par edict Imperial reuoké, pour illec assister. Ils auoyent ceste esperance, que si ou par persuasion, ou par force il venoit à s'accorder avec eux, que cela apporteroit vn grand poix à la constitution & establissement de leur doctrine & assertion, pour autant que des hommes de cest aage là, il estoit tenu pour tel à qui on doit adiouster foy, & à vray dire on en faisoit tant de cas que lon l'estimoit comme vn miracle entre les autres. Mais comme il leur eut refusé tout à plat de consentir à eux, ils luy firent de rechef souffrir beaucoup & diuers tourmens, en son corps ia tout accourfy & attenué de vieillesse, iusques à luy faire endurer la torture, & plusieurs coups & batures. Par lesquelles tant le contraingnirét que forceluy fut de cōsentir & souscrire à trois formulaires de foy qu'ils firent. Or le Concile ayant deprehendé & congneu apertement que Photin estoit de l'opinion de Sabellie le Libien, & de Paul le Samosatienien, & que sa doctrine s'accordoit du tout avec la leur, il le degrada incontinent de sa dignité episcopale. Ce qui fut de tous generalement lors & par apres confessé auoir esté deuëment fait, & bien iugé, voire digne de l'approbation d'un chacun. Neantmoins apres auoir demeuré à Sirmie par vn long temps, iceux, comme s'ils eussent voulu condamner les trois premieres formes de foy, ils en publierent trois autres. L'une desquelles fut composee en langue Grecque par Marc, euesque d'Arethuse, & les autres escrites en Latin, qui tant en paroles, qu'en la structure & composition differoyent totalement de l'exposition de celle qu'auoit fait l'Euesque d'Arethuse. Et si d'abondant elles ne comprenoyent le mesme que les premieres formes. Car celle qui estoit en Grec, ne disoit pas que le Fils fut consubstantiel ou equiconsubstantiel au Pere, & si excommunioit ceux qui enseignoyent que le Fils n'auoit point de commencement, & qui faisoient le Fils d'une substance de Dieu dilatee & estendue, & ceux aussi qui le disoyent estre conioinct, & non subiect à son Pere. L'une des Latines semblablement traitant de la substance, defendit entierement qu'on n'eut à vsér de ces mots Consusubstantiel & Equisubstantiel, pour ce que ces termes ne se trouuent en aucun lieu des saintes escritures, & avec ce ne se comprennent pas par les premieres notices & apprehensions ny par la congnoissance des hommes. Elle ordonnoit qu'il falloit dire, le Pere estre plus grand que le Fils, tant pour l'honneur, dignité & diuinité d'iceluy, que pour le nom qu'il a de paternité. Elle decernoit pareillement, que le Fils estoit avec toutes autres choses subiect au Pere, & qu'iceluy Pere estoit bien sans commencement, mais que la generation du Fils estoit à tous incongneue, fors qu'au Pere. Laquelle forme comme moins droitement faite & erronnee, ayant ce neantmoins esté diuulguee & baillee à plusieurs, les Euesques là assemblez mirent peine de retracter. Ce que fit aussi de sa part l'Empereur, commandant estroitement sur peine de punition corporelle, que quiconque l'auroit receue se mit en deuoir de la rendre à gens à ce commis & ordonnez. Toutefois à raison qu'elle estoit ia paruenue es mains de plusieurs, elle ne peut estre du tout supprimee & abolie. Je reciteray à present l'une des Latines, qui fut iointe à celle qui par Marc, Euesque d'Arethuse, auoit esté composée. Et quant à l'autre qui fut publiée par apres, ie la mettray en son lieu, quand ie viendray à faire le discours de ce qui fut fait à Arimin. S'ensuit la teneur de celle que Marc dicta :

» Nous croyons en vn Dieu, pere tout-puissant, createur & facteur de toutes choses vniuersel  
 » lement : duquel obtient son nom toute paternité tant au ciel, qu'en la terre : Et en son fils vnique  
 » nostre Seigneur Iesus-Christ, engendré du Pere deuant tous siecles, Dieu du Dieu, lumiere de  
 » la lumiere : par lequel toutes choses sont faites, tant aux cieus qu'en la terre, visibles & inuisi-  
 » bles. Qui est le Verbe, & la vraye lumiere, & la vie. Qui es derniers iours a esté fait homme pour  
 » l'amour de nous, né de la sainte Vierge, crucifié, mort & enseuely. Et est resuscité des morts le  
 » tiers iour, & est monté au ciel & s'est sis à la dextre de son Pere : & doit de là retourner à la con-  
 » sommation du siecle, pour iuger les morts & viuans, & pour rendre à chacun selon ses œuvres.  
 » Le Royaume duquel par infinis siecles demeure sans fin ne terme : Car il est assis à la dextre de  
 » son Pere, nō en ce siecle seulement, mais aussi en celuy qui est à aduenir. Nous croyons aussi au S.  
 » Esprit : c'est à dire au consolateur : lequel selon que Iesus-Christ auoit promis à ses Apostres  
 » de leur enuoyer apres qu'il seroit monté aux cieus, afin qu'il les enseignast & admonestast de  
 » toutes choses, il leur a enuoyé : par lequel aussi sont sanctifiées les ames de tous ceux qui en

Concile de  
Sirmie, as-  
semblé à  
cause de  
l'heresie de  
Photin.

Hosie, com-  
fesseur.

Hosie con-  
traint par  
tourmens,  
souscrit  
aux trois  
formulaires  
de foy des  
Arriens.

Photin Sa-  
bellie, Paul  
Samosate-  
nien, condā-  
né au con-  
cile de Sir-  
mie. Socra.  
l. 2. cha. 30.  
Sozomene.  
l. 4. cha. 6.  
Trois for-  
mules de  
foy faits au  
concile de  
Sirmie par  
les Arria-  
niens.

Le somma-  
ire du pre-  
mier for-  
mulaire.  
Celuy du  
second.

Le formu-  
laire de foy  
composé par  
Marc, Eues-  
que d'Are-  
thuse, au  
concile de  
Sirmie.

luy croyent syncerement. Mais ceux qui disent le Fils estre de choses qui d'elles mesmes ne consistent point, ou d'autre subsistence que de Dieu : & qu'il a esté vn temps ou siecle, qu'il n'estoit point, la sainte Eglise Catholique ne les reçoit ny ne reconnoit non plus qu'estrangers. Et si disons de rechef, que si aucun confesse & dit le Pere & le fils estre deux Dieux, qu'il soit anatheme. Si quelqu'un ne confesse Iesus-Christ Dieu de Dieu auoir assisté à son pere auant les siecles en la creation de toutes choses, qu'il soit anatheme. Si quelqu'un est si osé & hardy de dire, que celuy qui n'est point engendré, à sçauoir le Pere, ou qu'une partie d'iceluy a esté engédree de Marie, qu'il soit anatheme. Si quelqu'un dit, que celuy qui est né de Marie, est seulement fils selon la prescience, & qu'il n'estoit point avec Dieu né du pere auant les siecles, & que toutes choses n'ont point esté faites par iceluy, qu'il soit anatheme. Si quelqu'un dit, que le Fils de Dieu fait vne substance dilatee, ou qui appelle le Fils l'estendue de la substance de Dieu, qu'il soit anatheme. Si quelqu'un dit que la substance de Dieu, s'estend ou se retire, qu'il soit anatheme. Si quelqu'un dit, le Fils de Dieu n'estre autre chose que la parole conceue en l'entendement, ou celle qui se profere de bouche, qu'il soit anatheme. Si quelqu'un dit le Fils né de Marie estre seulement homme, qu'il soit anatheme. Si quelqu'un est confessant que Dieu & homme est né de Marie, entend par cela que Dieu soit ingenit & non engendré, qu'il soit anatheme. Si quelqu'un prend ce passage : Je suis Dieu deuant & apres, & outre moy il n'y a point de Dieu ( lequel passage s'entend de l'abolition des idoles & des faulx Dieux ) afin d'abolir & aneantir l'unique Fils de Dieu engendré auant tous siecles, qu'il soit anatheme. Si quelqu'un oyant ce passage : Le Verbe s'est fait chair, estime que le Verbe se soit changé en chair, & ait prins vne conuersion, & ait ainsi prins nostre humanité, qu'il soit anatheme. Si quelqu'un entendant que l'unique Fils de Dieu a esté crucifié, le dit auoir enduré selon la diuinité corruption, ou passion, ou mutation, ou diminution, ou aneantissement, qu'il soit anatheme. Si quelqu'un dit que Dieu

*Cecy se trou-  
ue quelque  
peu autre-  
ment en So-  
crates, li. 2.  
chap. 30.  
Jusques  
au iour-  
d'huy aussi  
les Rabins  
des Iuifs,  
& les Chre-  
stiens iudai-  
zans, expo-  
sent & pren-  
nent ce  
passage en  
la sorte  
qu'il est  
icy couché.*

le Pere en prononçant ces paroles : Faisons l'homme à nostre semblance, ne se soit pas adressé au Fils en les disant, mais seulement les ait dites à soy-mesme, qu'il soit anatheme. Si quelqu'un dit que ce n'a pas esté le Fils comme homme, mais que c'a esté le Dieu ingenit, ou vne partie d'iceluy qui a lui-même avec Iacob, qu'il soit anatheme. Si quelqu'un interpretant ce passage : Le Seigneur est pleut du Seigneur, c'est-à-dire le Seigneur prend son origine du Seigneur, ne le préd & ne l'entend du pere & du fils, mais ains qui le dit s'estre pleut soy-mesme de soy-mesme, qu'il soit anatheme : car le Fils nostre Seigneur est pleut du Pere nostre Seigneur. Si quelqu'un quand il entend ces formes de parler : Le Pere est le Seigneur, le Fils est le Seigneur, conclud par cela que le Pere & le Fils soyent deux Seigneurs, & en disant le Seigneur est du Seigneur, en fait deux Dieux, qu'il soit anatheme : car nous ne conioignons pas par composition le Pere avec le Fils comme si ce n'estoit qu'une personne, ains nous disons le Fils estre sous le Pere : d'autant qu'il n'est descendu en ce monde pour prendre corps, sans le conseil du Pere : & n'est pleut de soy-mesme ains du Seigneur, le pere en estant autheur & facteur : ny ne se sied de soy-mesme à la dextre d'iceluy, mais il oit son Pere qui luy dit : Sieds toy à ma dextre. Si quelqu'un dit que le Pere, & le Fils, & le saint Esprit n'est qu'une personne, qu'il soit anatheme. Si quelqu'un confessant le S. Esprit estre le Consolateur & Paraclet, entend par cela que ce soit le Dieu ingenit, qu'il soit anatheme. Si quelqu'un, cōme l'écriture nous enseigne, ne dit que le Paraclet ou Consolateur est autre que le Fils, car il dit ainsi : Et mon Pere que ie priay, vous enuoyra l'autre Paraclet, qu'il soit anatheme. Si quelqu'un dit que le saint Esprit est vne partie du Pere ou du Fils, qu'il soit anatheme. Si quelqu'un dit le Fils de Dieu auoir esté fait par le propos & volonté de Dieu, comme vne des autres creatures, qu'il soit anatheme. Si quelqu'un dit que le Fils a esté engendré sans le vouloir du Pere, qu'il soit anatheme : Car iceluy Pere mal-gré qu'il en eust n'a pas engendré son Fils contre sa volonté, y estant contrainct par vne nécessité naturelle : mais l'a exhibé apres qu'il a esté de luy engendré, ensemble avec sa volonté, & sans temps ne passi on. Si quelqu'un dit le fils n'estre point engendré, & n'auoir point de commencement, comme disant qu'il y en eut deux ingenits, & deux sans commencement, & par ce moyen mettant deux Dieux, qu'il soit anatheme : Car le Fils est le chef & le commencement de toutes choses, & Dieu le Pere est le chef de Iesus-Christ. Et en ceste sorte en gardant le deuoir enuers Dieu nous referons par le Fils toutes choses à vn commencement d'icelles, lequel est sans commencement. De rechef en faisant plus certaine & diligente inquisition de la sentence du Christianisme, Si quelqu'un dit que le Fils de Dieu Iesus-Christ n'a pas assisté à son Pere auant tous les siecles, en la creation des choses vniuerselles, & qu'apres qu'il a esté engendré en Marie, il a esté lors appelé le Fils de Dieu & le Christ, & le commencement, tellement qu'il le die auoir lors comencé d'estre Dieu, ce qu'à tenu Paul Samosaténien, qu'il soit anatheme. Voylà quant au formulaire fait en Grec au Concile de Sirmie par Marc, Euesque d'Arethuse : Mais celuy qui en ce lieu fut fait Latin, & depuis traduit en Grec, estoit bien autre que cestuy-cy. Car pour autant qu'il auoit esté arresté de toute l'assemblée, qu'on eust à diligemment considerer & examiner ce qui concernoit la foy, toutes choses y furent si exactement & tant au certain espuchées & exposées en la presence de Valens, Vrsicie, Germinien, & des autres qui là assisterent, que rien plus.

*Le second  
formulaire  
de foy, fait  
à Sirmie, les  
auteurs  
duquel  
voulurent  
qu'il fust  
supprimé.*

Le

Le sommaire donc de ce formulaire qui là fut arresté & conclud estoit tel : Qu'il y auoit vn Dieu, pere tout puissant, comme par tout le monde vniuersel il a esté aussi annoncé : & vn sien fils vniueſel Ieſus-Christ, nostre Seigneur, & Dieu, & ſaluateur, de luy engendré auant les ſiecles. Toutesſois qu'il ne falloir pas dire pour cela que ce fuſſent deux Dieux. Car iceluy ſaluateur a meſmement dit : Je vois à mon Pere & le voſtre, & à mon Dieu & le voſtre. A cauſe de quoy il eſt auſſi le Dieu de tous, comme auſſi l'Apoſtre l'a enſigné, quand il a dit : Dieu eſt il ſeulement le Dieu des Iuiſ ? N'eſt-ce pas auſſi le Dieu des Gentils ? Car il y a vn Dieu qui a iuſtifié la circoncifion par la foy. Et ainſi de toutes les autre choſes qui ſ'accordent à cecy, & eſquelles il n'y a doubte aucun. Mais pour autant que ce mot de Subſtance tourmente pluſieurs, c'eſt à ſçauoir (à fin que plus certainement & à la verité ils entendent) l'Equiſubſtantialité, ou la Conſubſtantialité du Pere avec le Fils, il ne faut faire aucunement mention de ces termes, ny les enſeigner en l'Egliſe, à cauſe qu'ils ne ſe trouuent point eſ ſainctes eſcritures, & qu'ils excèdent la capacité de l'entendement & congnoiſſance humaine : & pour autant auſſi que nul ne peut expliquer la generation du Fils, ainſi qu'il eſt eſcrit : Qui pourra reciter ſa generation ? Il n'y a que le ſeul Pere qui cognoiſſe comment il a engendré ſon Fils, & le ſeul Fils comment il a eſté engendré du Pere. Car il n'y a perſonne qui face doubte, que le Pere ne ſoit plus grand que le Fils en honneur, dignité, & diuinité, & meſme pour le nom de Pere qu'il a pardellus le Fils, teſmoing iceluy Fils, quand il dit : Le Pere qui m'a enuoyé eſt plus grand que moy. Nul n'ignore pareillement que cela ne ſoit catholique, qu'il y a deux perſonnes, du Pere & du Fils, & que le Pere eſt plus grand que le Fils, & que le Fils eſt ſubiect au Pere, avec tout ce qu'il luy a ſubiect & ſoumis. Et que le Pere eſt ſans commencement, & qu'il eſt inuiſible & immortel, & impaſſible : mais quant au Fils, qu'il eſt engendré du Pere, Dieu de Dieu, lumiere de la lumiere : & que nul ne cognoit ſa generation, ainſi qu'il a eſté dit, fors le Pere ſeulement. Et qu'iceluy Fils nostre Seigneur & nostre Dieu, ſ'eſt veſtu de chair ou corps : c'eſt à dire a prins notre humanité, ainſi que l'Ange l'auoit annoncé, & toutes les eſcritures l'enſeignent, & ſur tous autres l'Apoſtre, docteur des Gentils : Ieſus-Christ (dit-il) a prins à ſoy notre humanité de la vierge Marie, par laquelle il a auſſi ſouffert & enduré. Or le chef & fondement de toute notre foy git en cela que la Trinité ſoit toujours de nous recogneue, comme nous liſons en l'Euangile : En allant, enſeignez toutes gens, les baptizans au nom du Pere, & du Fils, & du ſainct Eſprit. Eſquels mots, le nombre de la Trinité eſt entier & parfait. Et le Paraclet ou Conſolateur, qui eſt le ſainct Eſprit, enuoyé par le Fils, eſt venu ſelon qu'il auoit promis, à fin de ſanctifier & deſigner les Apoſtres & tous croians.

Voilà le contenu d'une des formes Latines de foy qui fut faite en ce Concile de Sirmie, à laquelle les Eueſques là aſſemblez enhorterēt Photin de conſentir & ſ'y accorder, & d'y ſouffir, meſme apres que ſa dignité epiſcopale luy euſt eſté oſtee, luy promettans de la luy rendre avec ſon ſiege, ſ'il vouloit par penitence abiurer & rechanter tout ce qu'il auoit fauſſement enſeigné. A ceſte remonſtrance tant ſ'en fallut qu'il y voulut entendre, qu'au contraire il les prouoqua tous à la diſpute : Parquoy au commandement de l'Empereur fut aſſigné iour pour ce fait : où eſtans aſſemblez & cōuenuz tous ceux qui ſembloyent exceller les autres en doctrine, ſçauoir, eloquence & honneur, Baſile Eueſque lors d'Ancyre, entreprit l'offre d'icelle diſpute. Ceſte conſtellation & combat dura long temps, auquel aſſiſtoient eſcriuains & notaires qui couramment reduiſoyent par eſcrit & recueilloyent tout ce qui ſe diſoit d'une part & d'autre. Mais à la fin Baſile ſurmonta l'autre & le vainquit, & fut de toute l'aſſiſtance eſtimé trop plus excellent en doctrine & erudition que Photin. Au moyen de quoy comme conuaincu de ſon erreur, fut condamné à eſtre enuoyé en exil : où eſtant, redigea par eſcrit en langue Grecque & Latine ſon opinion, eſquelles langues il auoit grande grace de bien coucher ce qu'il vouloit dire. Mais tout le contenu de ce qu'il eſcriuit en ſon exil, ne tendoit qu'à vouloir prouuer aſſez mal à propos, que toutes les opinions des autres, n'eſtoyent rien au regard de la ſienne. Voilà quant aux affaires & à l'opinion de Photin.

« eſt plus grand que moy. ] Ce mot Maior, eſt un mot de la ſubmiſſion & exinanition temporelle du fils de Dieu, ſelon ce qui eſt eſcrit, Pſal. 8. & aux Hebreux, 2. Tu l'as amoindry & fait inferieur un peu moins que les Anges.

Comment les tyrans Occidentaux, Britanio & Magnence, furent vaincus par l'Empereur Conſtance. Item de la rebellion que firent aux Romains les Iuiſ de Dioceſaree, & comment Galle y fut occis. CHAP. XXXII.



R l'Empereur ayāt aſſemblé ſon armee cōtre les tyrans il termina le cōbat avec Britanio, moyennāt certaines paches & cōditions ayāt gagné ſes genſdarmes par la remonſtrance & perſuaſion qu'il leur fit de vouloir chāger d'affection, & de le recognoiſtre ſeul Empereur : Car Britanio voyant ces trahiſons, ſe vint ietter aux pieds de l'Empereur, en toute humilité & ſouſmiſſion luy requérant pardon

N n

# LIVRE IX. DE L'HISTOIRE ECCLESIASTIQUE

*Britanio re-  
ceut grace  
avec Con-  
stance.* de sa faulte. Alors Constance le deuestit des marques & enseignes d'Empereur, à sçauoir de la couronne & de la pourpre, luy commandant de se retirer en la maison, & d'y viure de là en apres en toute paix & tranquillité, sans se meïler d'office ny d'estat : luy disant qu'à luy qui estoit hōme viel & ancien estoit trop plus seant & cōuenable de viure d'oresenauant en repos, que de vouloir vsurper & s'attribuer vn nom, plein de tant de troubles & seditions. Et pour son viure & estat luy ordonna ample pension, des deniers prouenant des tailles, peages & subside de l'Empire, comme à homme aagé, en la ville de Pruse, pres du mont Olympe. Où estant, escriuit lettres apres à l'Empereur, par lesquelles il le mercioit du bien qu'il luy auoit fait de l'auoir deliuré de tant & si grand nōbre de sollicitudes, peines & trauaux, qui estoient en l'Empire. Les affaires touchant Britanio s'estans ainsi bien & heureusement portees, il enuoya la plus grand' part de ses forces qu'il auoit avec luy, en Italie contre Magnence. Ce pendāt il despecha son cousin germain Galle, fils de Constance (cestuy estoit frere de son pere Constantin le grand) pour aller en Orient & en Syrie au secours des prouinces de pardela, à l'encontre des courtes des Perfes : lequel aussi outre la charge & autorité qu'il luy dōna d'estre son lieutenant general, le fit Cesar, denonçant par tout que Constance estoit Cesar. Auquel temps, comme iceluy Galle alloit à Antioche, le signe de la croix s'apparut encore vn coup au ciel pres Ierusalem, surpassant par ses rayons la clerté du Soleil, estant entouré d'un grand cercle à la façon de l'arc en ciel qu'on appelle Iris, tout rond comme vne couronne, sur les huit heures du matin, pres la feste de Pentecoste, lors que Cyrille gouernoit apres Maximin l'Eglise de Ierusalem. Toutesfois la lumiere de ceste croix ne s'espandoit pas par cy par là, comme il se fait cōmunement en vne comette, ains estoit setree & espesse & claire d'une grāde & merueilleuse lueur. Elle occupoit estant au ciel, enuiron quinze stades de pays, qui valent enuiron vne lieue d'estendue. Sa longueur, comme on a peu recueillir, s'estendoit depuis le mont de Caluaire, iusques à celuy qu'on dit vulgairement d'Oliuet, & sa largeur conuenoit en proportion avec sa longueur. A ce miracle il n'y eut celuy qui ne fut espouuenté de crainte & frayeur, voyant vn chascun chose tant inaccoustumee, & non attendue. Parquoy tous delaisans la besogne que d'auanture ils faisoient lors, s'enfuirent à la grande Eglise avec leurs femmes & enfans, pour prier Dieu. Ceste chose se diuulga par toutes terres & regions, qui en espouuenta plusieurs, à cause que ceux qui de loingtain pays estoient venuz en Ierusalem par deuotion, de diuerses prouinces, le publioient par tout à leur retour. Il y en eut aussi plusieurs d'entre les Iuifs & les Grecs, qui par cela se conuertirent au Christianisme. L'Empereur aussi en fut aduertty par ses familiers & par l'Euesque du lieu, Cyrille, qui par lettres luy en manderent la verité. Les gens sçauans disoient que cela auoit esté diuinement exhibé quasi comme vn prodige, attendu qu'il auoit esté long temps au parauant exprimé és saintes lettres. Ce lumineux & digne de reuerence spectacle fut pareillement veu au camp de l'Empereur, lors qu'il estoit en Occident sur le point de suppediter & vaincre les tyrans Britanio & Magnence : où iceluy camp estant defatigué de plusieurs peines & trauaux, apres auoir veu ce grand miracle, fut attainct d'une merueilleuse liesse pour la grand' lueur d'iceluy : ce qui leur donna telle allegresse que le cuer leur redoubla. Or Magnence ayant prins d'emblee l'ancienne Rome, il y exerçoit de grandes cruautez, de façon qu'il y massacra inhumainement grand nombre de Senateurs, & plusieurs du commun peuple : Mais apres qu'il eut cogneu que l'armee de Constance s'approchoit, il quitta la ville, & print le chemin des Gaules par les Alpes de Iules. Qui est vn passage, comme lon dit, fort anguste & estroit, pour les haultes montaignes qui là tellement s'assemblent en vn lieu d'un costé & d'autre, qu'elles se couplent quasi les vnes aux autres, peu differentes du destroit de Thermophile. Où il fault noter que les susdictes Alpes de Iules ou Iulianes, diuisent les Gaules des Itales. Mais les Alpes appelees Susacenses, sont situees entre le pays de Dace & de Thrace. Apres donc que ces deux armées se furent attaquees d'une part & d'autre, & eurent fait plusieurs courtes & saillies les vns sur les autres, & que tantost ceux-cy, tantost ceux-la eussent esté les superieurs és batailles qu'ils s'entredonnerent, à la fin Magnence eut du pire : tellement que pour sauuer sa vie s'alla retirer en vne forteresse du pays de Gaulle, qu'on appelle Mursa ou Murtium. Auquel lieu mit toutes les peines à luy possibles d'encourager ses gens au combat, ia fort estonnez & abbatuz de cest euenement & perte de la bataille, & de les exciter à reprendre cuer & courage : Mais comme à la façon des gens d'armes ils luy eussent deu, ainsi qu'à leur Empereur, souhaiter par acclamation tout heur & prosperité, au contraire mal-gré eux & quasi de contrainte ils publioient & à haulte voix crioient, Viue Constance Auguste, au lieu qu'ils deuoyent dire Magnence. Par ou il entendit que l'Empire ne luy estoit pas conféré de Dieu, ains que c'estoit par iniuste inuasion & tyrannie qu'il le tenoit : parquoy abandonnant le Chasteau ou il s'estoit retiré, marcha plus outre. Mais estant suiuy de pres avec vne merueilleuse vistesse par l'armee de Constance, force luy fut de tout quitter, & seul prendre la fuite : de manière qu'à grand course de cheual se retira à sauueré en la ville de Lyon. Où ne fut plustost arriué, qu'il ne coupa la gorge à son frere Didier, pour l'amitié qu'il luy portoit, de crainte qu'il ne tombast és mains & puissance de ses ennemis. Ce fait, vint à sa propre mere, laquelle aussi il esgorgea,



il esgorgea, & fit le semblable à autant de ses parens qu'il trouua en ce lieu. Et finalement ayant prins son espee, & dressé la poincte contre-mont, se laissa tóber sur elle, & se transperça le corps d'outre en outre: & ainsi fina sa vie miserablement, apres auoir exercé la tyrannie quatre ans non encores complets & entiers. Quelque peu de temps apres, vn sien autre frere nommé Decennie, qui vn peu auparauant auoit esté par luy déclaré Cesar, se pendit & estrangla soy-mesme par ses propres mains. Si est-ce nonobstant que pour tout cela les republicques ne furent encores pacifiées: Car incontinent apres s'esleua és Gaules Occidentales de rechef vn tyran nommé Sylvain, qui troublant le repos public, fut bien tost apres defait par les Lieutenans & capitaines de Constance. Les Iuifs pareillement qui habitoient en Diocesaree, se reuoltans contre les Romains, & se voulans mettre hors de leur puissance & subiection, prindrent les armes, & courans toute la Palestine & le pays de là entour, y firent vn meueilleux degast. Contre lesquels sortit Constance Galle, de la ville d'Antioche, où il faisoit sa residence: & les ayans vaincus en champ de bataille & defaits, fit d'eux vn grand trophée, & desmolit leur ville rez à rez des fondemens. Mais voyant que ses affaires s'estoyent si bien portées, il ne peut onc endurer la fortune qui luy rioit, & bien vser d'un tel heur & prosperité: de façon qu'il commença d'aspirer à nouuelletez, & mediter les moyens pour paruenir à la tyrannie. Vray est q̄ Cōstance n'arresta guere qu'il ne congneust tout à plein ses desseins: Et en cela principalemēt, que d'une audace effrene il auoit fait mourir de sa propre puissance & autorité le gouuerneur d'Oriet Domitien, & vn tresorier des guerres nommé Montie, sans qu'auarant il eut fait entendre à l'Empereur la cause de ceste execution. Laquelle chose & autres semblables furent cause que l'Empereur l'eut en telle indignation & desdain, qu'il le voulut faire mourir, comme ayant offensé sa maiesté. Et en ce courroux le manda querir: Mais luy interpretant vn tel mandement & r'appel en mauuaise part, & craignant qu'il bastast mal pour luy, à grand peine y voulut il aller, que premierement il n'eust enuoyé sa femme Constance deuant, afin d'interceder pour luy enuers l'Empereur. Toutefois elle mourut sur le chemin. Parquoy il print avec luy l'Indien Theophile, duquel nous auons parlé au dessus, pour estre comme mediateur entre luy & Constance: lequel aussi auoit confirmé auparauant l'amitié & concorde qui estoit entre eux deux, tant quand ice-luy Galle fut designé Cesar, que quand les accords de paix furent faits. A la fin Galle s'estant présenté deuant l'Empereur, iceluy luy osta la pourpre dont il estoit comme Empereur reuestu, & puis fut cruellement occis és parties Occidentales pres l'isle de Phlanone, par les embusches & trahisons que luy dressa vn Eunuque nommé Eusebe. Chose qu'en la colere l'Empereur commanda, dont puis apres se repentit & en fut fort desplaisant. Quelque temps apres manda querir le frere dudit Galle, nommé Iulien, qui gouuernoit le pays d'Ionie, & le crea Cesar, pour autāt qu'il se trouuoit fort greué de la charge & pesanteur de l'Empire: lequel il enuoya en Gaule à l'encontre des Barbares qui troubloient le pays, pour tout pacifier, & donner ordre à tous les troubles & seditions qui là estoient. Les faicts & gestes duquel Iulien, seront plus diligemment deduits par le discours de l'histoire qui sera descrite cy apres.

*puis se tue luy-mesme.*

*Decennie se pend & estrangla soy-mesme.*

*Mort du Tyran Sylvain.*

*Les iuifs de Diocesaree rebellans,*

*sont repris par Galle Cesar.*

*Galle entre prend nouuelletez.*

*Cecy est un crime de leze maiesté.*

*Socrates & Sozome ne l'appellent Magnus.*

*Occision de Galle.*

<sup>a</sup> Britanio] Britanio, Connestable & chef de laendarmerie de l'Empire, fut en Hongrie en la ville de Murse déclaré empereur par les gens d'armes, estant ia homme fort aagé, & de tous aymé, pour estre homme de bien, retenant tousiours les meurs & costumes de faire des anciens, & d'une ioyeuse ciuilité & courtoisie: mais au demeurant qui n'estoit aucunement entendu és arts liberaux, de maniere qu'il n'apprint iamais mesme les elemens des premieres lettres, fors que sur la fin de ses vieux iours. Eutrope.

<sup>b</sup> Apres donc &c.] Orose & Eutrope disent que par ces guerres, les forces des Romains furent consumees: car cinquante quatre mil hommes de guerre y furent deffaits.

*Comment les Arriens ayans encore de rechef assemblé deux conciles, l'un à Antioche & l'autre à Milan, tachoyent par tous moyens à nuire à Athanasie: & quels conseils print Constance, pour peruerbir la foy.*

CHAP. XXXIII.



Onstance estant deliuré du tourment & danger des tyrans susdicts, s'en vint à Rome, où il voulut triompher d'iceux: Voulant aussi en ce mesme temps accorder (comme il faisoit courir le bruit) les Euesques Orientaux avec les Occidentaux, touchant leur doctrine & opinion, commanda qu'un Concile fust congregé en Italie. Au mesme temps aussi trespas-sa le Pape Iule, apres auoir gouuerné l'Eglise Romaine l'espace de vingt cinq ans, au lieu duquel fut subrogé Libere. Adóc ceux qui ne vouloyent tenir la professiō de la foy de Nice, estimās par celā que l'opportunité se presentoit pour exocuter leur mauuais vouloir, recōmencerēt encore de rechef à dresser calōnies

*Constance triomphe à Rome.*

*Libere successeur de Iule.*

NN ij

*Les Ariens  
font de re-  
chef des cō-  
ciliabules  
contre A-  
thanasie &  
les Catho-  
liques.*

contre les professeurs de la Consubstantialité, à ce que ceux qui auparavant auoyent esté de-  
chassez des Eglises comme heretiques & suyans opinion estrangere, en dechassassent totale-  
ment ceux qui auoyent esté mis en leur lieu: Car pendant que Constans viuoit, ils n'auoyent pas  
osé par vne deceptiue & calomnieuse temerité entreprendre sur les Empires & les mettre en  
picquel vn contre l'autre. Aussi que Constans auoit denoncé la guerre à son frere, si (ainsi qu'il a  
esté dit au dessus) il ne receuoit Athanasie en son siege. Or s'efforçoient ils sur toutes choses (ainsi  
qu'auons premis) d'expulser à perpetuité iceluy Athanasie dudit siege: lesquels mesmes auant le  
meurtre perpetré en la personne de Constans, & pour la simulation qu'ils congnoissoient estre  
en Constance, qui feignoit porter bonne affection à iceluy Athanasie, à cause de la recommanda-  
tion que luy en auoit fait son frere, luy portoyent telle haine & rancune, qu'ils ne se pouuoient  
taire ne contenir. De sorte que s'estans congregez iusques au nombre de trente de ceste maligne  
troupe en la ville d'Antioche, à sçauoir Narcisse Cilicien, Theodore Thracien, Eugene Nicien,  
Patrophile Scythopolitain, Menophante Ephesien, & les autres, calomnioient le retour d'A-  
thanasie comme illegitime: & manderent par tout aux Euesques, qu'ils n'eussent à cōmuniquer  
auec luy, ny mesme à luy r'escire, ains qu'ils eussent en tout honneur & reuerce George, qu'ils  
auoyent ordonné au lieu d'iceluy Athanasie, Euesque d'Alexandrie. Mais Athanasie ne faisoit au-  
cun conte de tout cela. Ce qui fut ainsi fait, iusques au temps que Constance eut defait les tyrans,  
& fut seul Empereur de tout l'Orient & Occident.

*Conciliabu-  
le de trente  
euesques  
Arriens en  
la ville de  
Antioche,  
contre A-  
thanasie.*

Or faut il entendre qu'iceluy Constance estant en Occident, se feignoit estre du costé des E-  
uesques qui tenoyent la foy de la Consubstantialité, & consentir à eux: & peut estre aussi qu'il  
se delibera lors du tout s'accorder auec eux & tenir leur party. Quoy faisant, vñ d'vne grande  
ruze & finesse, en ce qu'il ne les forcea ny contreignit: ains seulement les admonnesta de consē-  
tir à la sentence contre Athanasie, que les Euesques Orientaux auoyent contre luy decretee. Ce  
qu'il luy faisoit faire cela, estoit qu'il se persuadoit aucunement, que si Athanasie estoit vne fois  
condamné par les sentences de tous les Euesques tant Orientaux qu'Occidentaux, qu'il luy fe-  
roit de là enauant aisé de constituer & ordonner du fait de la religion à son plaisir. Parquoy à  
son commandement fut le Concile assemblé à Milan, ou bien peu d'Euesques du pays d'Orient  
assisterent: Car la distance des lieux & longueur du chemin, auec la maladie & vieillesse de plu-  
sieurs les empescha d'y venir. Mais du pays d'Occident s'y trouuerent plus de trois cens.

*Constance  
s'asche à fai-  
re que les  
Euesques  
Occidentaux  
accordet la  
sentence don-  
nee par les  
Orientaux  
contre A-  
thanasie.  
Concile de  
Milan.*

Or l'intention & dessein des Orientaux ne tendoit qu'à ce qu'Athanasie fust là condamné, &  
que la ville d'Alexandrie luy fust interdite. A quoy tout le Concile, deceu ou par erreur, ou  
par crainte de l'Empereur, ou mesme par ignorance, s'y accordoit, iusques à ce que seuls entre  
tous, Denys, Euesque d'Albe, qui est l'vne des Metropolitaines & primasses ville d'Italie, & Eu-  
sebe, euesque de Vercelle, ville du pays de Ligurie, & Paulin euesque de Treues, qui est en Gaul-  
le, ensemble Rhodane & Lucifer, apres auoir entendu le motif & fraude des Orientaux sur la  
poursuite qu'ils faisoient de la condamnation d'Athanasie, qui ne tendoit qu'à renuerser la foy  
de Nice, se leuans de leurs places, s'escrient à haulte voix, que par fraude & deception le Chri-  
stianisme estoit circonuenue, & que toutes ces paroles ne toucheoyent point le fait d'Athanasie,  
mais que le tout ou tendoit l'Empereur & les Arriens, estoit de vouloir entreprendre contre  
les decretz iadis bien & deuement ordonnez de la foy & creance que nous deuons auoir en Dieu.  
Ce qui ne fut plus tost dit par ces euesques, que l'assemblée se departit sans autre chose conclu-  
re ny ordonner: Et ceux qui librement en auoyent dit leur aduis & opinion, furent condamnez  
d'estre enuoyez en exil. L'vn desquels estoit S. Hilaire, euesque de Poitiers. Et qu'ainsi soit  
que sous couleur du nom d'Athanasie, le concile de Milan fut assemblé à l'encontre de la foy  
de Nice, ce qui s'ensuit le confirmera: Car tous les autres Conciles qui quelque peu de temps  
apres ont esté faits, tant en Italie en la ville d'Arimine, qu'en l'Aure en celle de Seleucie, ont tous-  
iours tasché & se sont efforcez d'innouer quelque chose contre les determinations & ordonnā-  
ces de celuy de Nice, comme nous declarerons cy apres.

*S. Hilaire  
Euesque de  
Poitiers  
enuoyé en  
exil, &  
quelques  
autres Ca-  
tholiques.*

*Constance  
pour accor-  
der le diffé-  
rent des E-  
uesques cō-  
mune assen-  
bler un cō-  
cile à Ari-  
mine pour  
les Occiden-  
taux, & à  
Seleucie  
pour les  
Orientaux:  
mais le tout  
denint à riē.*

L'Empereur donc grandement despité de ces choses, vouloit à toute force assembler le Con-  
cile general & vniuers en Occident, & y contraindre venir tous les euesques Orientaux: re-  
gardant par tous les moyens à luy possibles, s'il pourroit aucunement les attirer tous à yne paix  
& concorde. Mais apres auoir bien & meurement pourpensé cest affaire, la voyant estre fort  
difficile à executer, pour le long traict du chemin qu'il leur conuenoit faire, il ordonna bien  
qu'il n'en seroit congrege qu'vn, mais que ce seroit en deux endroits. Et commanda par lettres  
patentes qu'il enuoya par tout, que les Occidentaux s'assemblassent à Arimine, & les Orien-  
taux à Nicomedie. Ce qu'ordonna l'Empereur, ayant esgard à l'vnion & concorde de tous:  
mais son conseil aduint au rebours de son intention: Car par ce moyen suruint d'vne part &  
d'autre vn gros diuorce & dissention, à cause que ceux qui à Arimine estoient assemblez ne pou-  
uoient ensemble accorder, & moins ceulx qui estans empeschez de s'assembler à Nicomedie  
pour le tremblement de terre qui y suruint, s'assemblerent par apres à Seleucie, entre lesquels  
s'esmeut vn grand discord Quant à ce qui fut fait & conclu d'vn costé & d'autre, l'histoire le de-  
clarera cy apres. Mais à present nous reciterons seulement en bref ce qui aduint à Athanasie  
par

par tout le regne de Constance, afin que l'ordre soit gardé & maintenu par toute ceste nostre histoire.

\* Lucifer ] *Lucifer est dict par Theodoret, liv. 2. chap. 15. avoir esté lors Euesque Metropolitain de l'isle de Sardine, par lequel auteur ces choses sont amplement traitées audit lieu.*

*Quelles calamitez le grand Athanase endura sous l'empire de Constance: & comment Dieu le delivra souvent de grands dangers: & comment il preneut plusieurs choses diuinement.*  
Chap. XXXIII.



Pres qu'Athanase eut entendu les menaces qui contre luy auoyent esté faites en la cour de l'Empereur, il s'absenta pour quelque temps: Puis despescha cinq Euesques de ses suffragans & avec eux trois autres prestres de son Eglise, entre lesquels Euesques estoit celuy de Thebes, nommé Serapion, homme aymant & craignant Dieu, & qui tant en parler qu'à rediger quelque chose par escrit, estoit fort graue, lesquels il enuoya vers l'Empereur, qui pour lors estoit en Occident: afin qu'ils confutassent deuant luy les calomnies & aduantageux propos de ses aduersaires, si il luy plaisoit leur commander, & leur donner audience. Mais pendant qu'ils estoient en chemin, luy vindrent lettres de l'Empereur, par lesquelles il luy mandoit venir à luy. Ce qui donna à luy & ses amis vne grande destresse, estant en grande perplexité & sollicitude qu'il deuoit faire: Car d'une part il pensoit qu'il ne faisoit pas beaucoup seur pour luy d'obeir au mandement de l'Empereur, qui erroit en la profession de la foy. Il voyoit d'autre costé combien il estoit dangereux de refuser luy obeir: de sorte qu'il n'estoit pas en petite peine. Tant y a qu'apres auoir bien le tout meurement considéré, il se resolut de n'y aller point du tout: de façon que le messager qui luy auoit apporté les lettres, s'en retourna à vuide & sans response, à l'Empereur. Mais le commencement de l'Esté ne fut plustost venu, que voicy encore arriuer vers luy vn autre messager, accompagné d'un gentil-homme citoyen d'Alexandrie, qui de prime arriuée commença à faire effort d'expulser Athanase de la ville, & de mal-mener son clergé. Quoy voyant la commune de la ville, se rebelle contre luy & s'oppose à ses efforts, le repoullant fort & ferme. Tellement que voyant s'eleuer vne mutinerie & sedition, & qu'il n'estoit pas le plus fort pour executer lors son entreprinse, il se retira en son logis. Mais le iour ne fut plus tost clos, que le capitaine Hilaire, qui pour cest effect auoit esté là enuoyé par l'Empereur, ayant entendu qu'Athanase s'estoit retiré en l'Eglise de Thernas, s'y en alla, accompagné d'une grosse puissance de soldats & gens d'armes Egyptiens. Et ayans rompu les portes, entrèrent à grand'foule dans iceluy temple, mais ils ne trouuerent ny ne peurent apprehender celuy qu'ils cherchoient: Car le conseil & moyen pour euader de là luy ayant esté diuinement reuelé, il en estoit fort y vn peu auparavant: de sorte que les gens d'armes qui là estoient venuz pour le prendre, vindrent trop tard. On dit que par la grace de Dieu il euada beaucoup d'autres & diuers dangers: Car pour ce qu'il estoit aimé de Dieu, il preuoyoit aussi par la grace d'iceluy les choses futures, comme si elles eussent esté presentes. Beaucoup de choses admirables font tesmoigner d'iceluy, qu'il auoit la congnoissance des choses à aduenir: Car en premier lieu, pendant que Constans viuoit encore, comme Constance luy ayant dressé des embusches, il se fust sauué à la fuite & retiré chez quelcun de ses familiers amis, & caché en vne cauerne sous terre & tenebreuse, qui autresfois auoit seruy de cisterne, sans qu'aucun en sceust rien fors vne chambriere seulement, qui pour ce qu'elle sembloit estre fidele, luy seruoit d'administrer ses necessitez, & que ses aduersaires eussent fait toutes choses à eux possibles à ce qu'il fust vis empoigné, & pour ce faire eussent par argent corrompu ladicte chambriere, tellement qu'elle leur eust promis de leur deceler & monstrier le lieu où il estoit mussé, aduint que Dieu la preuenant, fit à Athanase ostention diuinement de la trahison & surprinse qu'on luy brasloit: & par ainsi se transporta ailleurs & euada. Et la chambriere comme ayant déposé choses faulces & mensongeres contre ses maistres, ne r'apporta pour tout salaire, que des coups de fouet: Car il auoit esté despendu sur grosse peine, que nul n'eust à receler Athanase, & que celuy qui feroit du contraire ne seroit moins punissable que ceulx qui voudroyent entreprendre sur les commandemens impériaux, & empescher la droicte administration de la Republique: de maniere que cela fut occasion que plusieurs souffrirent beaucoup de peines & afflictions. Le pareil luy aduint aussi quelque autre fois: Car comme pour la mesme occasion il fust contrainct de s'enfuir en Egypte, & vogast contre-mont la riuere du Nil, & sa fuite eut esté descouuerte par quelques vns qui le poursuioyent, aduint qu'il congneut cela diuinement, & commanda aux nautonniers qu'il le menoyent de reprendre selon le fil de l'eau le chemin qu'ils estoient venus. Et tant fit par le vouloir de Dieu, qu'en descendant il outrepassa ceux qui le poursuioyent: & s'estant ietté & meslé dans la tourbe du peuple qui là estoit en grand nombre, s'y sauua sain & sauf.

*Athanasie  
accusé par  
les Arriens  
& Grecs  
d'enchan-  
ment.*

*il predict  
aux Grecs  
idolâtres,  
l'abolition  
de leur ido-  
latrie.*

*Cruauté de  
George, Ar-  
rien, Euef-  
que d'Ale-  
xandrie,  
contre les  
Catholi-  
ques.*

A raison dequoy tant les Grecs que les Arriens, le disoyent estre enchanteur, & vser de forcelle-rie & deuinatiô. De maniere qu'un iour entre autres comme il entroit en la ville, aduint qu'une corneille volant en l'air se print à crier à la façon d'un corbeau, cras, cras. Là estant une grande multitude, de Grecs commencerent à le pourluyure de paroles iniurieuses & brocards comme imposteur & sorcier, l'interrogans que vouloit signifier le cry de ceste corneille. A quoy avec un doux ris & face ioyeuse, leur respondit: Elle crie cras: par où elle denote, que le iour de demain mal vous succedera: Car il viendra un mandement de l'Empereur, par lequel deffences vous seront faites de celebrer vostre feste: de façon que tout l'appareil & magnificence que vous avez préparé, vous viendra à grand regret. Ce qui aduint le lendemain, tellement que le dire d'Athanasie sortit son effect: Car lettres vindrent de l'Empereur, par lesquelles commandement estoit fait aux Lieutenans imperiaux & magistrats, de faire inhibition & defence aux Grecs de plus conuenir & s'assembler en leurs temples, & de celebrer de là en auant aucunes festes à la mode de leur superstition. Et par ainsi leur célébrité qui ja estoit prochaine, & qu'ils auoyent en grande estime & recommandation, & celebroyent en grande solemnité & reuerence, print de là cesse. Par lesquelles choses il est assez monstré, quel homme estoit Athanasie, & qu'il auoit le don de Prophetie. Comme donc il estoit en fuite, ainsi qu'auons dit cy dessus, ses Eglises furent tousiours regies & gouuernées par ceux de son clergé, iusques à l'arriuee de George, qui s'en saisit & les occupa. Lequel pour ce qu'il n'ordôna pas son administration en estat & mode d'Euesque, il se monstra enuers ses subiects fort terrible & cruel, & mesmement enuers ceux qui tenoyent le party & collaudoyent Athanasie: de façon qu'ainsi qu'un seuer & rigoureux tyran, il faisoit empoigner tant les hommes que les femmes, & mettre en prison. Qui fut cause qu'il acquit & concita la haine & inimitié publique de tout le peuple: Et l'eust on tué, si il n'eust gagné le haut, & ne s'en fust allé à sauueté vers l'Empereur. Durant l'absence duquel George, ceux qui tenoyent le party d'Athanasie, iouïrent des Eglises, mais cela ne dura guere: Car le gouuerneur d'Egypte les en ayant deiettez, les rendit à ceux de la ligue & faction de George, lequel ne fut long temps absent qu'il ne reuint plus furibond & austere qu'il n'auoit encore esté, mais nō moins hay & mal voulu de tous qu'auparauant, pour auoir irrité l'Empereur contre eux. Il fut reprins & argué d'infidelité, d'orgueil, fierté & arrogance par plusieurs gés de bien, & nommément par ceux qui menoyent vie solitaire au pays d'Egypte, & qui par le commun peuple furent suyuis auant tous autres, tant à cause qu'ils estoient de tous tenus & estimez pour personnes qui disoyent verité, que pour autant qu'ils auoyent tousiours perseueré en la parfaite & entiere philosophie de vertu & pieté. Icy est décrit en bref & selon l'ordre, comme sous Constance par diuers euenemens se porterent les affaires d'Athanasie.

*Comment Libere successeur du Pape Iule, fut enuoyé en exil, pour ce qu'il s'opposa à Constance:  
& comme Felix fut mis en sa place.*

Chap. XXXV.

*Libere Pape  
de Rome en-  
uoyé en exil*

*Les causes  
de son ban-  
nissement.*

*colloque de  
constance  
& de Libe-  
re.*

*Theodoret  
traite ceste  
histoire cy  
plus à plein  
li. 2. ch. 16.*



R faut-il noter, qu'auant que l'Empereur vint à Rome & triomphast à la maniere accoustumee, pour la victoire obtenue contre les susdits tyrans, manda querir le Pape de Rome Libere, successeur de Iule, auquel rascha par tous moyes à persuader de s'accorder à l'opinion des Euesques qu'il auoit en sa compagnie, l'un desquels estoit Eudoxe. Mais en luy resistant luy denia tout à plat de ce faire: au moyen dequoy fut condamné d'aller en exil, & relegué en une ville de Thrace nommee Berrœa. Aucuns alleguent une autre cause de sa condamnation, qui fut à l'occasion comme ils disent qu'il ne voulut pas renoncer à la communion d'Athanasie, & qu'il le supportoit & defendoit deuant l'Empereur, lequel l'accusoit d'auoir entrepris sur les Eglises d'Egypte, & estre cause de la mort de ses deux freres. Le mesme vouloit que ce qui par l'enuie des sectateurs de l'opinion estrangere auoit esté fait & arresté à Tyr contre Athanasie, eust lieu & fust approuué comme bon. Mais Libere presenta à l'Empereur le libelle de penitence qu'Ursice & Valens auoyent offert à Iule son deuanier: par lequel declarans ce qui auoit esté fait à Mareotis estre faux & mensonger, requeroient pardon de leur faulte. Il le pria d'auantage de ne vouloir ainsi mal mener & condamner Athanasie, sans estre ouy en ses iustifications, & de n'approuuer choses si faulxement decretees contre luy & pleines d'une tant patente & manifeste calomnie. Et quant à ses freres, il luy remonstra de ne vouloir aucunement permettre qu'inimitiez fussent exercees ou vengees par la main des Euesques, laquelle Dieu auoit ordonnée non pour ces effects, ains à sanctification, & à tout autre bon œure. Nonobstant toutes ces bonnes & honnestes remonstrances & saints aduertissements, Constance le voyant contreenir à son opinion, apres luy auoir permis deux iours d'aduis pour resouldre s'il se vouloit accorder à luy ou non, & changer d'opinion, à la fin considerant sa fermeté

fermeté & constance, commanda qu'il fust porté en Thrace, luy ayant respondu que de long réps il auoit resould en son esprit & arresté ce qu'il deuoit croire & sentir de la foy, & que pour cela il estoit tout prest d'aller en exil. Et comme desia on le menoit, Constance luy enuoya cinq cens escuz d'or, lesquels il refusa prendre, & commanda à celuy qui les luy apportoit de dire à l'Empereur, qu'il le remercioit & qu'il n'en auoit que faire, mais qu'il les donnast à vn tas de flatteurs qu'il auoit autour de luy en sa cour, qui estoient gens deguisez & tournez à simuler & dissimuler à tous propos, desquels l'indigence causee d'une insatiable cupidité estant tousiours logee en leurs cœurs, & incessammēt les tourmētant, ne les pouuoit iamais rassasier. Mais quāt à moy (dit-il) Iesus-Christ esgal à son Pere me sera tousiours largiteur de tous alimens & dispensateur de biens. Sont icy les causes & raisons, pour lesquelles Libere fut enuoyé en exil en Thrace. Au gouuernement de l'Euesché duquel fut estably Felix, pour lors diacre de l'Eglise Romaine. Cestuy-cy tenoit bien la profession de la foy de Nice, & si n'auoit en luy aucune reprehension pour le fait de la religion, mais on le blasmoit d'une chose seulement qu'auant qu'il fust créé Euesque, il ne faisoit difficulté de communiquer avec ceux de contraire opinion. Or quand Constance fut venu à Rome, les principaux d'entre le peuple, & les dames plus illustres de la ville, l'allerēt supplier à grand' instance pour la restitution de leur Euesque Libere. Mais l'Empereur apres auoir communiqué leur requeste & demandé à ses Euesques, promit aux Romains de leur rendre le personnage, s'il se vouloit accorder à la sentence & opinion des Euesques qui estoient en la suite.

*Libere s'en allant en exil refuse un present de cinq cens escus, que Constance luy enuoyoit. Felix est mis en la place de Libere. Les Romains supplient Constance de leur rendre leur Euesque Libere.*

*Du blaspheme de l'heretique Aetie Syrien, & d'Eudoxe, Euesque d'Antioche. Item du Concile assemble à Ancyre. Et de ce que George, Euesque de Laodicee & l'Empereur Constance escriuirent audit Concile, à l'encontre des susdicts Aetie & Eudoxe.*  
Chap. XXXVI.



Vrant ce mesme temps Aetie, Syrien, duquel auons touché au dessus, ouuertement & sans contredit diuulgoit ce qu'il sentoit de Dieu. Il n'estoit encore lors que diacre, ainsi que le chastre Leonce, Euesque d'Antioche l'auoit ordonné. Son opinion respondoit à celle d'Arrius, à sçauoir, que le Fils estoit creature, & qu'il n'estoit point de chose qui d'elle mesme eut essence & subsistence & par ce moyen qu'il n'estoit point esgal au Pere: Mais par ce qu'avec grande contention, & plus aigrement que tous autres, il osoit traicter & disputer de Dieu, & qu'il vsoit en cela de diuerses ratiocinations, il fut aduis aux complices & adherens de la

*Herese de Aetie.*

faction, qu'il tenoit le contraire qu'eux, & qu'il discordoit de leur opinion. Au moyen dequoy ils le chasserent de leur assemblee: de façon qu'iceluy vsant d'une ruse par dissimulation faisoit semblant de les fuir & detester leur communication & accointance, comme de ceux qui apres s'estre pariurez se seroyent r'alliez avec Arrius: attendu que d'un remors de conscience il auoit iuré & affirmé deuant l'Empereur Constance qu'il consentoit à la foy de Nice. Mais il suffit auoir traité de ces choses iusques icy. Or ainsi que l'Empereur seiournoit en Occident, nouuelles vindrent que Leonce, Euesque d'Antioche, estoit allé de vie à trespas. Ce que si tost qu'Eudoxe eut entendu, qui estoit Euesque de Germanice, & qui suyuoit la cour de l'Empereur, tant fit par le pourchas & brigue des Eunuques valets de chambre de l'Empereur, lesquels il auoit employez pour cest effect, qu'il obtint ce siege vaquant. Et ayant ses despesches, & feignant que ce lieu auoit affaire de pasteur qui presidast en personne & veillast apres son troupeau, demāda congé à l'Empereur de s'en aller en Syrie. Et l'ayant obtenu, s'en vint là au plus roide qu'il peut. Où arriué, en print possession, & par ainsi comme si de soy-mesme il fut né & créé Euesque, il s'empara de l'Euesché d'Antioche, sans en rien communiquer aux plus celebres Euesques de Syrie, comme à Marc celuy d'Aréthuse, & à George celuy de Laodicee, qui tenoyent vne mesme opinion, & aux autres, ausquels, suyuant la coustume pays, l'election d'iceluy Euesché appartenoit. On dit aussi que le tout se fit du vouloir & consentement de l'Empereur, & des fauoris de sa cour, .i. qui ensemble avec Eudoxe s'entendoyent & suyuoient l'opinion d'Aetie, lequel disoit le Fils de Dieu n'estre pas esgal au Pere. Apres dōc qu'il se fut ainsi emparé d'Antioche, & qu'il se veit estre esleué en plus grande puissance & autorité qu'il n'estoit au parauant, il defendit en public & deuant tous l'opinion d'Aetie, & s'efforçoit fort & ferme de le supporter & ayder. Et si d'auantage il taschoit à assembler vn Concile des Euesques du pays, & de restituer l'honneur du diacre audit Aetie, mais il ne le peut faire, à cause que la dignité & affection d'Eudoxe n'estoit enuers tous moins suspecte, qu'estoit hay Aetie. Si est ce pourtāt qu'il congrega lors vne assemblee des Euesques qui luy consentoyent, du nombre desquels estoit Acacie, Euesque de Cesaree, qui est en Palestine, successeur d'Eusebe, & :: Vranie, Euesque de Tyr, lequel reiectoit tant la Consubstantialité, que l'Equecōsubstantialité, sous couuerture de

*Aetie chassé des Arriens.*

*Eudoxe Euesque de Germanice par vne ruse de cour enuahit l'Euesché de Antioche.*

*.i. principalement des Eunuques.*

*Eudoxe congrega vne assemblee des complices & adherens de sa secte, à Antioche.*

*Euesque de*

# LIVRE IX. DE L'HIST. ECCLESIASTIQUE

*Tyr reiette  
tant le mot  
de Consu-  
stantiel,  
que d'Equi-  
substantiel,  
sous le pre-  
texte du  
concile de  
Sirmie.* l'autorité des euesques Occidentaux, qui l'auoyent ainsi arresté & déterminé au Concile de Sirmie. Car c'est admirable Hosius, & ceux qui là ensemble avec luy estoient conuenus, cème pour la contention dont ils auoyent vsé contre Vrsice, Valens & Germanien, eussent, selon que nous auons dit, souffert & enduré grand effort & plusieurs algarades, ils auoyent esté cōtraints d'accorder & consentir que le Fils ne fust dit à l'aduenir ny Consubstantiel, ny Equisubstantiel, comme n'estans ces termes tant expressement trouuez és saintes escritures : & sous ombre aussi que par trop subtilement & curieusement s'enquerir de l'essence de Dieu, surpassoit la capacité de l'entendement humain. Et pour ce que lors il leur auoit semblé que les lettres d'Hosius apportoyent beaucoup d'autorité à leurs entreprises, ils auoyent de Sirmie enuoyé vne epistre aux Orientaux au nom d'iceluy Hosius & des autres Occidentaux, par laquelle ils gratifioyent & remercioyent grandement Vrsice, Valens & Germanien, du bien que par leur moyen estoit aduenü aux Occidentaux d'auoir à la fin eu ce bon sentiment qu'ils auoyent de present de la foy Chrestienne, attribuant aux susdicts tout l'heur de cest affaire. Or Eudoxe faisant telles menaces, & innouant ainsi les choses, plusieurs qui à Antioche defendoient la vraye & sainte doctrine, & luy contrarioyent, furent de luy expulsez & mis hors leurs sieges, qui tous se vindrent rendre à George, euesque de Laodicee, & luy font entendre tout ce qui se faisoit à Antioche par l'euesque Eudoxe & ses complices: Parquoy ayans eu lettres de luy, adressantes à l'assemblée d'Ancyre de Galatie, sy en vindrent pour les leur presenter. Car il faut noter, que Basile, qui de ce lieu auoit l'administration spirituelle, & succedé à Marcel, auoit là fait venir vn grand nombre des euesques prochains, pour dedier vne eglise qu'il auoit bastie de nouveau. Estans donc là arriuez les Antiochiens, apres la complaincte faite du tort que leur faisoit Eudoxe, presenterent les lettres qu'ils auoyent dictées, en la forme qu'il s'ensuit :

*Les Arriés  
sous le nom  
d'Hosius,  
& des au-  
tres catholi-  
ques, en-  
uoyent des  
faulces let-  
tres de Sir-  
mie aux  
Orientaux.*

*Epistre de  
George,  
Euesque de  
Laodicee, en-  
uoyee pour  
les Eues-  
ques Catho-  
liques à  
l'assemblée  
d'Ancyre.*

*Sacré blanc  
des clercs.*

*Ambassade  
enuoyee par  
l'assemblée  
d'Ancyre à  
l'Empereur*

George à ses tres-reuerens Seigneurs, Macedonien, Basile, Cecrope & Eugene, donne salut en nostre Seigneur. Messieurs, ces presentes sont pour vous aduertir, que le naufrage d'Ætie a ia presque occupé & enuahy toute la ville d'Antioche: Car tous les disciples de l'exécrable Arrius, que vous auez notez d'ignominie, sont receuz & mis au rang & en l'ordre des clers par Eudoxe, & qui mesme fait grand compte & a en grand honneur l'heretique Ætie. Parquoy il vous plaira de subuenir & ayder par vostre moyen à ceste tant excellēte ville, de peur que tout le monde ne soit attiré au naufrage d'iceluy. Apres donc que vous aurez receu l'aduis de tous ceux qui pourront comparoir au lieu de vostre assemblée, faites que vous receuiez la souscription de vos decretz des autres euesques qui là n'auront assisté, par lesquels vous requerez qu'Eudoxe iette Ætie hors d'Antioche, & qu'il depose ses adherens & fauteurs du sacré blanc & nombre des clercs. Autrement s'il poursuit de vouloir dire & maintenir avec Ætie, que le Fils est inegal au Pere : ou de preferer en honneur ceux qui osent tenir tels propos, à ceux qui ne les tiennent, & n'y est bien tost donné ordre, soyez asseurez, ainsi que i'ay maintenant dit, que c'est fait d'Antioche. C'est icy le contenu des lettres de George euesque de Laodicee. Apres donc que ceux qui estoient assemblez à Ancyre eurent entendu & sceu au vray, qu'Eudoxe ayant usurpé la dignité du siege d'Antioche, commençoit à entreprendre nouuelletez & à faire des ligues & factions, ils le manderent incontinent à l'Empereur, le suppliant affectueusement qu'avec sa faueur & ayde il donnast ordre que les choses qui à Sardice & Sirmie & és autres Conciles auoyent vne fois esté ordonnees & determinees, ne fussent par iceux Eudoxe & Ætie & leurs complices ainsi destruites & abolies : esquels Conciles il auoit esté decreté de toute l'assemblée, que le Fils estoit en substance egal au Pere. Et pour faire ceste legation & porter ces paroles à l'Empereur, furent par ceux d'Ancyre deleguez iceluy Basile, Euesque du lieu, avec Eustathe Euesque de Sebaste, & Eleusie Euesque de Cyzice, & Leonce l'un des Chapelains ordinaires de l'Empereur. Ceux-cy ne furent plus tost arriuez à Constance, qu'ils n'y trouuent vn prestre Antiochien, nommé Asphalie, qui portoit vne fort grande affection à Ætie, & qui là estant enuoyé par Eudoxe, auoit fait ses affaires ainsi qu'il desiroit, & estoit tout prest à s'en retourner, avec lettres de l'Empereur: Mais iceluy Empereur ayant entendu le contenu de l'Embassade des Orateurs Ancyreniens, reuqua les lettres qu'à son partement deuoit avec soy emporter Asphalie, & par vn autre escrit condamna Eudoxe en la forme qui s'ensuit.

*Lettre de  
Constance  
aux Antio-  
chiens à  
l'encontre  
d'Eudoxe.*

*Description  
des Eues-  
ques ambi-*

Constance, Victorieux, Souuerain, Auguste, à la sainte Eglise d'Antioche, salut. Je vous prie que nul d'entre vous pense qu'Eudoxe ait esté de par nous enuoyé à vous. Nostre vouloir & intētion est biē autre, que de fauoriser à telles personnes. Que s'ils osent tant cautelement mentir, & en autre chose, & en ceste cy, ils sont par cela assez congneuz estre enuers Dieu arrogans & variables: Car de quoy volontiers s'abstiendroyent ils? Qui taschans tousiours de plus en plus de s'eueuer & paruenir à plus haulte puissance, entrent & passent de ville en ville, & cōme gens prins en quelque lieu pour estre enuoyez en habiter vn autre, changent souuentefois de pays: de sorte que par vne cupidité de paruenir à plus hault degré, il n'y a coings ny endroits que curieusement ils ne recherchent, estans par ce moyen vrais bastisseurs & trompeurs, & indignes d'estre autrement appelez. Vous entendez aussi que ce n'est autre chose entierement d'eux qu'une



qu'une faction partie d'une meschante & mauuaise boutique, & en congnoissez assez l'au-  
 theur par ses paroles, & les sectateurs de ceste heresie, pareillement l'estude & application des-  
 quels ne tend seulement qu'à depraver & gaster le peuple. Tellement que ces cauteleux icy, &  
 prompts à toute audace, n'ont desia crainct de temerairement diuulguer à aucuns, que nous auions  
 pour agreable l'election que d'eux mesmes ils ont vsurpee. Choses qui se disent bié par ceux  
 qui sont coustumiers de semer nouuelles parmy le vulgaire, mais toutefois qui par nous n'ont  
 esté faites nullement. Je vous prie de reduire en memoire ceste premiere doctrine, lors qu'en  
 nous delibrans vous demandions vostre aduis & iugement touchant la foy qu'il falloit suy-  
 ure & tenir, où il fut par vous tous déclaré que nostre Sauueur & Fils de Dieu, estoit en substā-  
 ce esgal à son Pere. Si est ce pourtant que ces gens de bien icy qui proferent de Dieu facilemēt  
 & à la volée tout ce qui leur vient en l'esprit, ont procedé iusques à telle impieté, qu'ils ont au-  
 tre estime des personnes qu'il n'est en verité, & maintiennent que les autres enseignēt ce qu'ils  
 ont en leur fantasie. Mais nous auons bien ceste opinion, que le tout tombera à la fin sur leurs  
 testes. Quant à present il suffira de les reietter de tous Synodes & assemblees: Car en escriuant  
 la presente, il m'estoit quasi eschappé de dire presentement, ce que bien tost ils doiuent souffrir  
 & endurer, s'ils ne se deportent & ne delaisent ceste rage. D'autant que ceux-cy (car quel mal y  
 a il, dont ils ne s'aduient & ne facent?) assemblans tous les plus meschans qu'ils peuuent trou-  
 uer, comme s'ils auoyent commandement de ce faire, les mettent au nombre du clergé comme  
 les port'enseignes de toutes heresies, en vilainement des-honorant par ce moyen ce venera-  
 ble ordre, tout ainsi que s'ils auoyent permission de tout faire & ordonner. Mais qui seroit  
 l'homme qui les pourroit en cela supporter, & endurer d'eux? qui ainsi remplissent toutes les vil-  
 les d'impieré & couurent de toute offense & peché leur malheureuse intention? Ne s'estudians  
 à autre chose, qu'à tousiours contrarier & faire nuisance aux gens de bien. Donc que ceste  
 importune faction se retire, & se deporté d'auoir lieu & resider d'auantage es saints thrones.  
 Il est maintenant temps que les nourrissons de verité viennent en euidence, & qui s'estans re-  
 tirez de telles personnes, fuyans leurs meurs & conditions, se sont par vne crainte des long tēps  
 contenuz de les rembarrer: Car ia apparoissoient leurs conseils auoir esté sagement conduicts,  
 & ose dire que celuy qui entreprendra de retirer ceux-cy de leur impieté, n'entreprendra cho-  
 se dont il ne vienne au dessus. C'est le fait de gens de bien, de viure selon la foy de leurs prede-  
 cesseurs, & ne suyure ny maintenir autre que celle-la seulement, comme auons dit, & ne cer-  
 cher d'oresnauant chose aucune par vnetrop grande curiosité. Parquoy ie les admoneste, que  
 se retirans à la fin de l'abyssine & gouffre auquel ils sont tombez, ils changent d'opinion, & s'ac-  
 cordent à celle que de Dieu ont deuement & droictement proferé les saints euesques, pleins  
 de la grace de Dieu. Voylà le danger auquel on fut ce peu de temps, que l'opinion de ceux qui  
 tenoyent l'Inegalité ne gaignast. Ce qui estoit en grand bransle, si l'Empereur par le soing &  
 diligence des Euesques, n'en eust empesché le cours, & n'y eust pourueu.

En quel dā-  
 gere estoit  
 lors la foy.

*De ce qui fut fait au Concile de Sirmie: & comme Libere retourna d'exil à Rome,  
 ou il administra l'Euesché ensemble avec son successeur Felix, iusques à ce  
 que quelque temps apres iceluy Felix deceda.*

Chap. XXXVII.



Eu de temps apres que Constance fut de Rome retourné à Sirmie, à l'instan-  
 ce & priere des Euesques Occidentaux, le Pape Libere fut reuocé de la ville  
 de Berrœa, où il auoit esté relegué. Là l'Empereur en la presence des susmen-  
 tionnez ambassadeurs, & de plusieurs autres Euesques Orientaux, essaya par  
 tous moyens de persuader audit Libere de condescendre à ceste opinion que  
 le Fils n'estoit point Consubstantiel au Pere. Aquoy mesme employa tous les  
 efforts Batile & tous ceux de sa compagnie, & qui aussi auoyent mis cela en teste à l'Empereur,  
 qui les auoit en grande estime & reputation. Et amenans tout ce qui auoit esté ordonné & ar-  
 resté à Sirmie, où de Paul le Samosatenien, où de Photin, & outre ce allegans le formulaire de  
 foy qui à cause de la Consubstantialité auoit esté fait à l'assemblée d'Antioche, à la dedicace &  
 consecration de leur Eglise, comme taschans aucuns sous le pretexte & occasion d'icelle Con-  
 substantialité, de mettre en auant & establir leur propre heresie, s'efforçoient d'induire & attirer  
 Libere en leur opinion, ensemble Athanase, Alexandre, Seuerian & Crescens, Euesques Affri-  
 quains. Vrsice pareillement, Valens & Germinien, & tous ceux qui là estoient du pays d'Orient  
 n'en faisoient pas moins de leur costé. Mais tant s'en fallut que Libere y condescendist, qu'au  
 contraire il fit à part vne autre confession de foy, laquelle reiettoit de la comunione de l'E-  
 glise tous ceux qui disoyent le Fils n'estre selon la substance & en tout & par tout esgal au Pere.  
 Chose qu'il fit, à cause qu'Eudoxe & ceux qui de sa ligue s'estoyent de n'agueres congregez à  
 Antioche pour l'heresie d'Acie, ayans entre main l'epistre d'Hosie, auoyent semé tout plein

Constance  
 & les eues-  
 ques Ar-  
 rianiens,  
 taschent de  
 retirer le  
 Pape Libere  
 de la cōfes-  
 sion de la  
 consubstan-  
 tialisé.

Le formu-  
 laire de la  
 profession  
 de foy de  
 Libere.

# LIVRE IX. DE L'HIST. ECCLESIASTIQUE

*Libere retourne à Rome.*

*Deux Euesques de Rome pacifiques en un mesme tēps.*

*Mort du Pape Felix.*

*Libere seul gouverne l'Eglise.*

d'auantageux propos, esquels par vne calomnie ils auoyent publiquement diffamé iceluy Libere, comme s'il eut repudié la Consubstantialité, & dit le Fils n'estre entierement esgal au Pere. Les ambassadeurs Occidentaux ayans ainsi bien fait leurs affaires reprindrent leur chemin de Rome, emmenans quant & eux le Pape Libere, garnis de lettres que les Euesques congregez à Sirmie mandoyent à Felix, qui pour lors presidoit à l'Eglise Romaine, ensemble au Clergé & peuple d'icelle: par lesquelles ils estoient admonnestez, qu'ils eussent à volontairement & de bon cœur receuoir leur Pasteur. Or fut il pour crainte d'un tumulte permis à tous deux d'administrer par vn commun accord les choses sacrees & la charge Apostolique. Qui s'y accorderent volontiers, & par vne oubliance du passé abolirent ce qui estoit interuenu entre eux tout le temps de l'aduersité d'iceluy Libere. Lequel pour la preud'hómie qui l'accompaignoit, & qu'il auoit constamment résisté à l'Empereur pour la defense de la droicte doctrine de l'Eglise estoit en grande estime du peuple Romain, & l'aimoit on d'un affectionné amour: Tellement que par vne sedition qui pour luy s'esleua en la ville, lors qu'il fut question de sa depositiō & bannissement, s'en ensuyuit tout plein de meurtre. Mais quelque peu de temps apres Felix alla de vie à trespas, au moyen dequoy Libere seul administra la Papauté. En quoy Dieu iustemēt pourueut à l'Eglise, aduisant ainsi qu'il estoit expedient aux affaires d'icelle, de pœur que le souuerain siege des Apostres estant gouverné par deux Pasteurs, n'encourust vne vilaine note & vn diffame qui luy preiudiciaist. Aussi que cela estoit vne chose fort estrange & reculee des constitutions Ecclesiastiques, & d'où sourdent le plus souuent grands debats & discordes. Voylà quant à ce qui fut fait à Sirmie.

*comment à cause du concile ordonné à Nicomedie pour l'heresie d'Eudoxe & Arie, il y survint un grand tremblement de terre: & comment on fut d'aduis qu'iceluy Concile fust lors diuisé & mis party en Orient & Occident. Chap. XXXVIII.*



*Consfâce ordōne vn autre concile.*

*Tremblement de terre à Nicomedie.*

*Se Rome dit que c'estoit l'Euesque de Bosphore.*

*Arsace pris ce desastre de Nicomedie.*

*Mort d'iceluy Arsace.*

*Les miracles d'iceluy.*

R sembloit il lors que les Orientaux & Occidentaux s'accordassent ensemble. Toutefois il alloit bien autrement que lon ne pensoit: Mais le tout ne procedoit que de la seule crainte de l'Empereur, lequel considerant les factiōs & nouuellerez qu'en la ville d'Antioche auoyent excité Arie & Eudoxe, fut d'aduis d'assembler de rechef vn Concile à Nice pour tâcher à y remedier. Mais Basile, Euesque d'Ancyre, ne s'y voulant accorder & allegant pour ses raisons que là premieremēt auoit esté discuté du fait de la foy & religion, & qu'il estoit plus expedient de l'assembler ailleurs, il fut conclu & arresté à Nicomedie. Et ia de toutes natiōs les Euesques qui plus excelloyent ou en prudence ou en eloquēce & sçauoir, s'y acheminoyēt, quand vn grand tremblement de terre qui y survint, esbranla la ville en telle sorte, qu'il ietta par terre des les fondemens, le temple qui de n'aguere y auoit esté edifié: où plusieurs furent tuez & les autres preseruez, selon le lieu & place qu'un chacun se trouuoit. Il n'y auoit comme rien, que l'euesque du lieu, nommé Cecrope, & quelque autre. Les euesques auoyent euadé le dāger. Chose qu'apres que le bruit en fut diuulgū, empescha la venue des euesques: Aussi qu'il se disoit que par ce desastre les villes de Nice, de Constantinople, de Perinthe, & des autres citez du pays de Thrace, auoyent esté subuerties & ruinees. Lequel desastre, ainsi que pour lors on disoit, auoit esté au parauant reuelé à vn personnage nommé Arsace, qui sous Licinie auoit fait confession de foy & qui auoit esté gend'arme, & en la cour de l'Empereur, maistre dompteur de lyons & d'autres bestes sauuages, dont il estoit gardié: mais qui pour lors ayant renoncé à cest estat, & s'estāt addonné à deuotion, philosophoit à Nicomedie en vne haulte tour où il s'estoit retiré, de laquelle estat vn iour descendu, predict tout ce malheur au Clergé & au peuple de la ville. Vray est que tant s'en fallut que foy fust adioustee à celuy qui cest inconueniēt tant inopiné leur predictoit, que mesme n'en remporta d'eux qu'une derision & moquerie. Ce que voyant, remonta en sa tour, où prosterné sur sa face, se mit à prier Dieu qu'il luy pleust luy oſtroyer de finir sa vie premier qu'il veist ceste calamité de la ville, en laquelle il auoit congneu premieremēt Iesus Christ, & auoit esté initié en la philosophie Chrestienne. En quoy il fut exaucé: Car à l'instant de l'impetuosité & vehemence de ce desastre, la tour demurāt en son entier, fut ce martyr trouué mort de plusieurs qui là s'estoyent retirez, afin de veoir de ce hault lieu ce tremblement de terre: vous eussiez dit qu'il prioit Dieu à la façon qu'on le trouua mort. Ce personnage à fait en sa vie maintes choses, qui surpassent la puissance & capacité humaine. Car il a ietté des diables hors les corps de ceux qui en estoient possedez, il a guaruy plusieurs hommes affligez de diuerses maladies: & reduict d'autres en leurs bons sens, qui en estoient deuoyez. Il y auoit vne fois vn dragon, ou bien vne beste venimeuse du genre de celles qui rampent & se trainent sur le ventre, laquelle tellement occupoit le chemin passant, que de son seul soufflemēt & halaine tuoit les viateurs, iceluy par son oraisō la fit sortir hors de sa caverne sans aucune violence, & luy cōmanda de se frapper elle mesme la teste contre terre vne fois ou deux, & qu'ainsi finalemēt elle se la froissast & rompit en deux. Ce que ceste beste fit, & mourut ainsi.

Or

Or pour retourner à ce tremblement de terre qui aduint à Nicomedie, il faut entendre que par la ruine & cheute des edifices, plusieurs furent accablez, & les autres se sauuerent à la fuite par les champs & deserts. Et mesme que la flamme de l'embrasement du feu qui sailloit des fours, bains & boutiques des artisans qui s'aydent de feu en leur ourage, estans de toutes pars close & enfermee de ce qui tomboit de la cime des maisons, & augmentee à cause de la matiere & nourriture qui estoit proche, comme si c'eust esté sarment qu'on y eust ietté, ainsi qu'il se fait communément: Et accreue aussi des planchers faits de bois rendans la resine, & propres à allumer & à dilater le feu, la flamme dis ie, s'espandant de toutes pars pour la grande abondance d'aliment & nourriture qu'elle y trouuoit, & retournant d'où elle estoit partie, n'auoit fait de toute la ville (s'il faut ainsi parler) qu'un ardent brandon. Par lequel, pource qu'on ne pouuoit sortir des maisons, plusieurs y furent ards & consummez. Et pource que cest inconuenient empescha que l'assemblee du Concile ne se fist à Nicomedie, où elle auoit esté ordonnee, l'Empereur fut premierement d'aduis, qu'elle se fist encore vn coup à Nice. Mais Basile qui ne se vouloit accorder de ce lieu, en fut long temps en deliberation avec ledit Empereur. Le peuple d'autre costé estant fort troublé de ce tremblement de terre qui estoit ainsi aduenu, estoit en grande perplexité, si ceste assemblee se feroit à Nice ou autrement. A la fin il sembla à Marc, Euesque d'Arethuse, & à George, Euesque d'Alexadrie, & à Basile Euesque d'Ancyre, qui estoient lors à Sirmie avec l'Empereur, chacun pour son affaire, qu'il n'y auoit lieu plus commode ny plus propre pour ce faire que la ville de Tarse en Cilice. Toutesfois ce lieu n'estât des autres trouué sortable pour cest effect, fut à la fin de tous ordonné & conclu que ledit Concile s'assembleroit à la ville de Seleucie, qui est en Isauze. Ce qu'ayât esté ainsi arresté, Talés, Vrsice, & Eudoxe, qui là assistoyent, & qui sur tous les autres tenoyent l'opinion de l'Inegalité, & estoient les chefs de ceste heresie, composerent incontinent & sur le champ vn formulaire de foy, & tant firent par leurs menées & trafiques, qu'ils praiquerent les autres Euesques là congregez, & les y firent soubssigner. Dans lequel formulaire le nom de Substance n'estoit point inseré. Ils penserent aussi en eux-mesmes, qu'une partie des Euesques congregez à Seleucie, tiendroyent pour la foy de Nice, & que l'autre partie par vne emulation & enuie defendroyent fort & ferme la profession de foy qui à Antioche à la dedicace du temple auoit esté faite & mise en auant. Et quel vn & l'autre formulaire auoit le nom de Substance, & disertement publioyt que le Fils estoit entierement egal au Pere. Et par ce moyen si les Euesques conuenoyent tous en vn lieu, qu'il y auoit doute qu'ils ne retirassent tous d'une voix l'opinion d'Ætie, laquelle en la louant ils s'efforçoyent à toute puissance d'establiir & mettre sus. Que font ils donc? Ils controuuent ceste ruse & finesse, que les Occidentaux s'assembleroyent à Arimine, & les Orientaux à Seleucie, à fin que leurs desseins plus aisément s'exécutassent: Car ils pensoient que ce qu'ils auoyent intention faire, se persuaderoit plus facilement à peu de personnes, que quand ils seroyent beaucoup, & se confioient que les Peres estans ainsi congregez (si cela se pouuoit faire) les deux Conciles seroyent aussi d'une part & d'autre bandez par vn disside & mutuel discord: ou bien qu'ils en attireroyent l'un pour le moins en leur opinion, pouruoyans diligemment à ce que leur heresie ne fust condamnée par les sentences de tous. Chose qu'ils procuroyent faire enuers l'Empereur, par l'eunuque Eusebe, pour lors grand gouverneur de la cour imperiale, & qui principalement s'entendoit avec Eudoxe, & par quelques autres, qui estans esleuez es magistrats & honneurs, & ayans la grace & faueur de l'Empereur, manioient tous les affaires de l'Empire, & en dispo-

*Deliberatio  
du lieu où  
se deuoit te  
nir ce Con-  
cile.*

*Concile de  
Seleucie en  
Isauze.*

*Le formu-  
laire de foy  
qui y fut  
composé.*

*Fraudulent  
conseil des  
Euesques ar-  
rianisans,  
tendant à ce  
que les Oriē-  
taux s'asse-  
blassent à Se-  
leucie, et les  
Occidentaux  
à Arimine.*

*Eusebe, eun-  
nuque, gou-  
verneur &  
grand mai-  
stre de la  
cour de l'em-  
pereur.*

*Constance  
ordonne la  
procédure  
du Concile.*

*Crimes de  
George, E-  
uesque d'Alex-  
andrie.*

\* Ce personnage &c.] Sozomene livre quatriesme, chapitre soixiesme, recite de cest Arface, qu'il y auoit à Nicomedie vn demoniacle, lequel avec vne espee nue courroit par le marché, deuant lequel vn chacun fuyoit, & que là suruint Arface, qui au nom de Iesou-Christ, jecta le diable de son corps, & le guaris, & le mit en bonne voye.

# LIVRE IX. DE L'HISTOIRE ECCLESIASTIQUE

*Du Concile d'Arimine, & comme en iceluy les Occidentaux disorderent des Orientaux.*

CHAP. XXXIX.

*Concile de  
Arimine.*

*Prstie &  
Valés vray  
Proteens.*

*Les susdits,  
defender le  
formulaire  
de foy composé  
en latin à  
Sirmie.*

*La plus sai-  
ne et grâde  
partie des  
Euesques, de  
quiesce au  
Concile de  
Nice.*

*Defense &  
maintien des  
decrets des  
Peres.*

*Ceux qui de-  
fendoient la  
professio de  
foy ordonnee  
à Nice, cōdā-  
nent et exco-  
municent les  
Arrianisās,  
à cause que  
ils ne voulu-  
rēt cōdāner  
la doctrine  
& opinion  
d'Arrius.*

**L**Es Euesques donc, suivant le commandement de l'Empereur, s'assemblerent de toutes pars, les Occidentaux premierement à Arimine, où ils se trouuerent iusques au nombre de quatre cens, & quelque peu d'auantage. Ceux qui estoient fort animez contre Athanasie & luy vouloyent mal, furent d'aduis de ne faire ny ne mouuoir là rien contre luy, pensans que d'ainsi faire ce seroit pour le plus seant & commode. Au surplus la question de la foy estant là mise en auant & la dispute esmeue comment il en conuenoit faire profession, aduint que Valens & Vrsice qui au parauant defendoyent fort & ferme l'opiniō d'Arrius (encore que quelquefois ils eussent présenté au Pape Iule leur libelle de foy, luy demandans pardon de la faute qu'ils auoyēt commise en cest endroit, & protestans de tenir à l'aduenir, & croire la Consubstantialité & mesme essence du Fils avec le Pere, comme auons dict au dessus) s'accomodans tousiours aux temps, ainsi que les affaires se comportoyent, & voyans que les vns estoient d'une opiniō, les autres d'une autre, comme c'est l'ordinaire en toutes deliberatiōs, il dirent qu'il estoit bon de chasser & annuler tous les formulaires de foy qui au parauant auoyent esté faits, & que celui qui de n'aguere auoit esté composé en langue Latine à Sirmie, deuoit auoir lieu seulement, comme bon & approuué par l'Empereur. Ils disent en outre que le Concile deuoit par sa sentence approuuer celle profession de foy & non autre, ny en chercher rien d'auantage outre cela: à ce que par ce moyen fust retranchée toute occasion de discorde, attendu que les mots portez en iceluy formulaire n'auoyent aucune ambiguité, ayans esté d'une subtile & diligente recherche pesez & examinez, pour certainemēt & à la verité estre entēduz. Allegans pour leurs raisons, qu'il estoit trop plus seāt de tenir vne droicte opiniō de Dieu avec quelque rusticité & lourdesse, qu'en chercher de nouveaux termes par les baueries & bourdes des Grecs, introduire des mots & vocables nō intelligibles. Par lesquelles paroles ils denotoyēt couuertemēt, ou pour mieux dire, il reprenoyēt apertemēt avec calōnie le mot de Cōsubstātiel, cōme ne se trouuāt point exprimé es saintes escriptures. Ces remonstrances faites ils proferent leur papier, auquel estoit escrit ce formulaire de foy deuant dict, requerans qu'il fust leu en pleine assemblee: par lequel ils confessoyēt bien que selon les escriptures le Fils estoit egal au Pere, mais ils defendoyent par iceluy, qu'aucune mention fust faite de la substance en parlant de Dieu, au lieu dequoy ils vouloyent qu'on mist que le Fils estoit en toutes choses egal au Pere. Or estoit ce formulaire de foy, celui qu'ils auoyent celé par cy deuant, & lequel ils mettoient lors en euidence. Lequel aussi approuuoyēt fort & ferme Germinien & Auxence, Caic & Demophile. Apres donc que deuant tous la lecture en eut esté faite, plusieurs d'entre eux commēcerent à dire que pour le tēps il n'estoit ia besoing de nouvelle forme de foy, se contentans assez de la professio de Nice: Et que la cause pourquoy ils s'estoyent là presentement assemblez, n'estoit que pour empescher que ce qui depuis auoit esté innoué n'eust cours. Et ores que ce qui là en passant auoit esté leu n'eut rien de nouuellété, ce neantmoins qu'ils vouloyent sçauoir qui estoient ceux qui l'auoyent composé, & qu'ils anathematizassent premierement deuant tous la doctrine d'Arrius, comme ayant concité & esmeu par routes les Eglises de grās troubles. A ceste requeste contredirēt Valens & Germinien, au moyen dequoy le Concile commanda incontinent qu'en presence de toute l'assemblee tous les formulaires de foy, tant des heretiques que celui de Nice fussent là proferez: à fin que les leurs par condamnation fussent reiettez, & l'autre encore vn coup cōfirmé par l'autorité & suffrages du Concile. Et fut arresté que de là en apres ne seroit meūe aucune dispute de la foy, & que pour cest effect on ne congregeroit point de Concile. Attendu que ce qui ia auoit esté déterminé par leurs deuāciars suffisoit, & qu'il falloit que leurs suiūas le tinssent pour certain, & indubitable, & que c'estoit chose fort absurde que ceux là ordonnassent maintenāt de la foy, qui de n'aguere commençoient à croire, & abolissent la tradition des anciens, par laquelle & eux & leurs peres auoyent gouverné les Eglises, desquels plusieurs auoyent esté decorez de martyres, & les autres de couronnes pour la confession de foy qu'ils auoyent faite. Et ainsi apres que ceux-cy eurent dit leur sentēce & aduis, ils constituerēt de totalemēt s'arrester aux decrets de leurs predecesseurs, & den'induire rien de nouveau. Mais les autres, à sçauoir Valens & ceux de sa ligue, que nous auons nommez vn peu au dessus, s'efforcerent de tenir du contraire. Car ils firent tout leur effort à ce que le Concile approuuast le dernier formulaire de foy, qui de nouveau auoit esté composé à Sirmie. Mais tant s'en fallut que les Peres fissent cela, que mesmemēt ils cōdamnerēt par leur sentence Vrsice, Valens, & leurs complices. Et si d'auantage le Concile confirma la profession de foy de Nice. Mais les susdits estans fort indignez de la condamnation qu'on auoit faite d'eux, s'en allerent tant qu'ils peurent vers l'Empereur. Or fault il entendre qu'iceluy Concile non seulement reprint la preface de leur formulaire de foy, mais le formulaire mesme, duquel la teneur estoit telle qu'il s'ensuit:

Ceste

Ceste foy Catholique a esté faite & composée à Sirmie, en la presence de nostre souverain Le form-  
 Seigneur Constance, Auguste perpetuel, au temps du Consulat des nobles personnes Flauien, laire de foy  
 Eusebe, & Hypatie, l'vnziesme auant les Calendes de Iuin. Et puis s'ensuit : Nous croyons en fait en La-  
 vn seul & vray Dieu, pere tout-puissant, createur & fauteur de toutes choses. Et en son Fils v- tin au cōci-  
 nique, de luy engendré auant tous siecles, & auant tout commencement, & auant tout temps le de Sirmie  
 qui par entendement humain se peut conceuoir & entendre, & auant toute consideration & pé-  
 see, sans passion, affection, ou accident quelconque : par lequel les siecles & toutes autres cho-  
 ses ont esté faites & créées. Et qu'il est l'vnique Fils & seul engendré du seul Dieu le pere, Dieu  
 de Dieu, & egal au pere qui l'a engendré, selon que disent les escritures : & duquel nul ne con-  
 gneur onc la generation, fors le Pere seul qui l'a engendré. Nous sçauons aussi & croyons ice-  
 luy vnique Fils de Dieu estre venu du ciel par le consentement & volonté du Pere, pour l'aboli-  
 tion du peché. Estre né de la vierge Marie, auoir conuersé en ce mode avec ses disciples, & exe-  
 cuté toute la disposition & ordonnance, ou administration humaine, selon la volonté de son  
 Pere : auoir esté crucifié, auoir souffert & enduré mort. Estre descendu és enfers, & là-disposé  
 des affaires, & les portes des portiers infernaux auoir eu crainte & frayeur à la veue d'iceluy. Le-  
 quel aussi est resuscité le tiers iour, & a fréquenté avec ses disciples. Et quaranté iours apres est  
 monté au ciel, & s'est sis à la dextre de son Pere : & doit de là venir à la fin du monde avec la  
 gloire d'iceluy son Pere, pour rendre à chacun selon ses œuvres. Nous croyons aussi pareille-  
 ment au saint Esprit, qu'iceluy vnique Fils de Dieu Iesus Christ a promis enuoyer au genre hu Ousia, en  
 main, pour Paraclet ou Consolateur, ainsi qu'il est escrit : Je m'en vois à mon Pere : & le priray Grec signi-  
 mô Pere, & il vous enuoyera l'autre Paraclet, l'Esprit de verité. Iceluy receura du mien, & vous fie substāce  
 enseignera & informera de toutes choses. Ils adiouterent aussi vers la fin de leur formulaire de ou essence.  
 foy, ce qui s'ensuit : Quant à ce nom d'essence, qui d'une simplicité, a esté apposé par les Peres, &  
 non entendu par le peuple, il ne sert que de scandale & d'offence. Et pour autant aussi qu'il ne Les Arria-  
 se trouue point és saintes escritures, il nous a semblé bon de l'oster du tout, & de ne faire par cy nisans ostēt  
 apres aucune mention de l'essence en Dieu, pour ce que les diuines escritures ne mentionnent du symbole  
 aucunement la substance du pere & du Fils. Mais trop bien disons nous, le Fils estre en toutes le mot de  
 choses egal au Pere, comme les saintes escritures le nous disent & enseignent. Or les Euesques Substance.  
 trouuerent cela fort estrange & ridicule, quel l'Empereur estât par eux dit & nommé perpetuel Cōment les  
 ou eternal, iceux ne vouloyent appeller le Fils de Dieu sempiternel : ensemble qu'ils auoyent Peres catho-  
 designe vn certain temps, que ce formulaire de foy auoit esté fait & composé : bref ils estimerēt liques prin-  
 que c'estoit vne manifeste calomnie contre la foy de leurs deuanciers. Chose que sur tous autres drent ce for-  
 principalement Athanase reprint & blasma, comme en quelque endroit escriuant aux siens, il le mulaire de  
 monstre. Et i'eusse inferé en ce lieu son .v. epistre confutatoire, si ie n'eusse craint la prolixité foy de Sir-  
 d'oraison : aussi que i'en ay bien voulu laisser la recherche, & par icelle la congnoissance de tout mie.  
 le fait aux gens studieux. Quant à ceux qui là furent condamnez, ils s'en firent (comme i'ay ja .v. Vne par-  
 dit) à l'Empereur avec leur formulaire de foy, qu'ils emporterent avec eux. Mais le concile en- tie de ceste  
 uoya de sa part dix Euesques pour ambassades vers sa maiesté, avec lettres declaratiues de tout epistre, se  
 ce qui là auoit esté fait & déterminé, dont la teneur s'ensuit. trouue à la  
 fin de ce li-  
 ure 9.

*Epistre du concile d'Arimine, enuoyée à l'Empereur Constance.*

C H A P. X L.



Ire, tant par le commandement de Dieu, que par celui de vostre pieté, Lettres Ca-  
 nous croyons tout ce qu'anciennement a esté constitué & ordonné : Car tholiques  
 autant que nous sommes d'Euesques en ce lieu d'Arimine assemblez de du concile  
 toutes les villes del'Occident, nous n'auons fait ceste assemblee pour au- d'Arimi-  
 re occasiō, sinon afin que par ce moyen la foy de l'Eglise catholique fust ne, enuisees  
 congneue, & ceux qui ont autre opinion qu'elle, fussent manifestez & à l'Empe-  
 descouverts. Or apres auoir long temps & meurement considéré tout le reur Con-  
 different qui maintenant est en controuersē, nous auōs trouué estre bon stance.  
 de faire ce que la foy tient d'antiquité & que nous gardions celle que les  
 Prophetes, Euangelistes & Apostres ont publiee par nostre seigneur Iesus Christ, conseruateur La foy de  
 de vostre Empire, & tuteur de vostre prosperité & santé, & laquelle auons receue de nos deuā- Nice, est  
 ciers, & qu'en la gardant nous la maintenions & conseruons iusques à la fin. Et auons tous e- propheti-  
 sté de cest aduis, que ce seroit chose absurde, illicite, & contre raison, de changer rien de tout ce que C. A.  
 qui a esté ja droitement & legitiment ordonné & desiny par les Peres en pleine assemblee postolique.  
 & qui en la presence de feu de bonne memoire vostre saint & glorieux pere l'empereur Con-  
 stantin a esté delibéré : la doctrine & sentence desquels est paruenue aux oreilles & esprits de  
 toutes personnes par la publication qui en a esté faite, & qui a aussi vaincu & esteint l'heresie  
 d'Arrius, & par laquelle non ceste heresie cy seulement, mais toutes autres aussi ont esté renuer-  
 sées & destruites : & à laquelle adiouster quelque chose, il n'est moins illicite, que dangereux  
 O o

*Vrſice & Valens, ex-  
communiez.*

*Vrſice & Valens, apres  
auoir fait  
penitence de  
leur erreur  
retombent  
encore en  
l'Arria-  
nisme.*

*Recommen-  
dation des  
ambassa-  
deurs du co-  
cile, afin q  
foyleur soit  
adiouſtee  
par l'Empe-  
reur.*

*Supplicatio  
pour la reſti-  
tution des  
Eueſques  
qui eſtoyet  
bannis pour  
la deſence  
de la foy.*

d'en diminuer. De ſorte que ſi l'un ou l'autre ſe fait, c'eſt faire ouuerture & donner licence & permission aux aduerſaires de la foy de faire tout ce que bon leur ſemblera. Et pour ce que ja de long temps Vrſice & Valens auoyent eſté fauteurs & participans de la doctrine d'Arrius, nous les auions forclos & reiettez de noſtre communion, en laquelle neantmoins ils ont eſté receus & admis, apres qu'ils ont recongneu leur erreur, & qu'ils ont prié d'eſtre receus à penitence & ont demandé pardon de leur faute: ce que teſmoigne aſſez ce qu'ils ont eſcrit & ſigné de leur propre main. Au moyen dequoy ils ont auſſi obtenu d'eſtre receus à grace, & que pardon leur fuſt fait. Ce qui ſ'eſt fait au temps que le Concile a eſté aſſemblé à Milan, en preſence des Preſtres & ſenieurs de l'Egliſe Romaine. Iceux ſçauent & congnoiſſent de combien diligente examination, ſoing & ſolitude, la profeſſion de foy qui a eſté faite par les Peres, a eſté publique par celui qui apres ſa mort eſt digne de toute celebration & memoire, Conſtantin. Mais apres qu'ayant eſté baptizé, il eſt decedé de ce monde en l'autre, & a eſté transporté au repos à luy deu pour ſes bienfaits & merites, peuuent ils ignorer combien c'eſt choſe inepte & malſe- ante d'amener & introduire aucune nouuelleté en l'Egliſe, & de meſpriſer par ce moyen tant de ſaincts Peres, Conſeſſeurs & Martyrs, qui ont eſté les auteurs & inuenteurs de ceſte foy & doctrine: leſquels Peres ont tous d'un accord & opinion en icelle perſeueré, ſuyuant l'ancienne ſanction & ordonnance de l'Egliſe Catholique & vniuerſelle: & deſquels Dieu a auſſi trāſporté la foy iuſques au temps de voſtre Empire, par noſtre Seigneur Ieſus Chriſt, par la grace & benedice duquel, vous iouiſſez auſſi de la monarchie & domination de ce monde? Neantmoins ces miſerables & mal heureux là, d'un peruers vouloir & audace pleine de toute meſchanceté qui eſt en eux ſe ſont eux meſmes faits & declarez trompettes & proclamateurs de la meſchante & damnee opinion qu'ils tiennent, faiſans tous leurs efforts pour renuerſer la conſtitution & eſtabliſſement de la verité: Car apres que ſuyuant voſtre commandement, a eſté faite l'aſſemblée du concile, ceux-cy ont appertement deſcouuert en plein conſiſtoire l'intention & deſſein de leur ſeduction & cantelle. De ſorte que fraudulemment ſ'y ingerans avec un tumulte & ſedition, ont fait tout leur effort, d'attenter & mettre ſus quelques nouuelletez, apres auoir trouué compaignons de meſme faction & impieté qu'eux pour les ſeconder, à ſçauoir Germinien, Auxence & Caie, auteurs de tout diuorce & ſedition: deſquels l'inconſtante doctrine excède par ſon impieté le comble de tous blaſphemes. Iceux ayans congneu que nous n'eſtiōs pas de leur ligue & hereſie, & que ne conſentions à leurs meſchantes & damnees opinions, ils ſe ſont inſinuez en noſtre Concile, comme ayans quelque autre choſe à decreter. L'occafion de cecy eſtoit pour ce que quelque peu de temps auparauant, iceluy concile en reprenant leurs ſentences & opinions, les auoit produites en lumiere deuant toute l'aſſemblée. Mais de crainte que les affaires de l'Egliſe ne fuſſent touſiours affligez de meſme ruine & danger, & que ce trouble ſe dilatant & augmentant d'auantage, n'envelopaſt tout le monde, il nous a ſemblé pour le plus ſeur & aſſuré de touſiours maintenir & garder les choſes entieres & inuiolables, qui d'ancienneté ont eſté decretees: & que ceux qu'auons dit, fuſſent forclos de noſtre compaignie & communion. Ce qui nous a occaſionnez d'enuoyer nos ambassadeurs vers voſtre maieſté, pour vous faire entendre & declarer tant de bouche, que par lettres l'aduiz & reſolution de noſtre concile. Ausquels auons auſſi ſur toutes choſes donné commandement, qu'ils euſſent à vous aſſeurer de la vraye foy & à la confirmer par les anciens & legitimes decretz. Ils declareront pareillement à voſtre ſaincteté, eſtre impoſſible qu'il y ait paix en l'Egliſe (au cōtraire de ce que vous ont fait entendre Vrſice & Valens) ſ'il ſe fait changement ou mutation aucune des conſtitutions legitimes d'icelle Egliſe. Car comment ceux-là garderoyent ils paix & concorde, qui l'oſtent & font la guerre? Mais pluſtoſt par ce moyen ſ'eſleueront troubles & ſeditions, tant en l'Egliſe Romaine, qu'ailleurs. Parquoy nous ſupplions affectueuſement voſtre maieſté, qu'il luy plaiſe regarder d'humaine face, & eſcouter de benignes & gracieuſes oreilles nos ambassadeurs: & de ne permettre que choſe concernant la foy ſoit changee & innouee au deſauantage des decedez: & quant à nous, de nous permettre de touſiours perſeuerer és choſes qui legitimement & à la verité ont eſté determinees par nos deuanciers: leſquels nous maintenons & croyons auoir ingenieuſement & prudemment fait par l'inspiration du ſainct Eſprit, tout ce qu'ils ont fait & ordonné. Mais les choſes qui maintenant ſ'innouent par ceux-cy, apportent aux fideles incredulité, & arrogance & fierté aux infideles. Nous vous ſupplions d'auantage que voſtre bon plaisir ſoit, de permettre aux eueſques, qui exiliez de leur pays, demeurent és regions loingtaines, & qui, ou par l'imbecillité de leur vieilleſſe, ou par la difficulté de leur grande pauureté, ſont affligez, de ſe retirer en leurs maiſons, avec voſtre bon congé & permission: afin que leurs Eglises ne perſiſtent plus longuement en telle ſolitude au default & par l'abſence de leurs pasteurs. Et ſi d'abondant ſur tout nous vous ſupplions, que rien ne ſoit aucunement ou diminué ou adiouſté à ce qui a eſté auparauant par nos anceſtres fait & ordonné touchant la foy: mais que le tout perſiſte par voſtre moyen en ſon integrité ſans aucune corruption, ainſi que iuſques à icy a eſté touſiours maintenu & conſerué, par la pieté de ſeu voſtre ſieur & Pere. Et ne permettez que d'icy en auant, nous qui ſommes eſtrangers & de loingtain pays, ſoyons affli-



» affligez du travail du chemin, & que soyons icy long temps absentez de noz dioceses & paroisses, ains qu'au plustost que faire se pourra nous nous retirions : à fin que nous puissions vaquer avec nostre peuple en toute paix & tranquillité, aux sacrez bâquets & offices diuins, prians Dieu le Createur pour vostre salut & Empire, & pour la paix d'iceluy, laquelle nous le supplions vous octroyer bonne & longue. Quant à nos ambassadeurs, ils portent avec eux les signatures & nôs des Euesques qui en ce Concile ont assisté : lesquels ambassadeurs informeront vostre maiesté par tesmoignage des saintes lettres de toute nostre sentence & resolution. Voyla le contenu de ce que les Euesques congregez à Arimine, escriuirent à l'Empereur.

*De la dissention qu'eurent les Euesques congregez à Arimine, avec l'Empereur : & du Synode fraudulemment assemblé à Nique, qui est une cité de Thrace.*

C H A P. X L I.



Mais Valens & Vrsice sceurent si bien diligenter leurs affaires qu'ils preuindrent les embassades du Concile, & firent entêdre à l'Empereur tout ce qu'il leur pleut : & apres luy auoir monstré l'escriit qu'ils auoyent leu en plein consistoire, luy dirent le pire qu'ils peurent du Cōcile avec toutes les calomnies que possible leur fut d'inuenter, pource qu'il n'auoit voulu receuoir le formulaire de foy, à la composition duquel l'Empereur auoit assisté. Dont iceluy fut tellement irrité contre le Concile, que les ambassadeurs que ledict Concile auoit enuoyé vers la maiesté, furēt long temps à suiure la cour, sans pouuoir auoir responce ny expedition de leur

legation, vsant de iour en iour de remise & de delay : au contraire ceux qui par le Concile auoyent esté condamnez, estoient enuers luy en grande estime & recommandation. Toutesfois à la fin non sans grande difficulté & tergiuerfation il leur escriuit, en s'excusant que pour l'urgenteste necessité en laquelle il se voyoit pressé & contraint à dresser vne armee à l'encontre de ses ennemis, il n'auoit peu aisément veoir les susdits ambassadeurs. Et qu'il leur auoit commandé l'attendre à son retour à Andtinople, à fin qu'estant deliuré de ces tumultes & seditions, qui le pressoyent de pres, il peust là ouyr à laise leur embassade, & donner ordre à tout ce qui seroit à faire. Il adiousta cela d'auantage, que celuy qui veut deliberer des choses diuines, doit estre deliure & exempt de tous autres affaires, & auoir l'esprit en repos & liberté. A quoy respōdant le Concile, luy escriuit, qu'ores qu'il s'ordonnast quelque autre chose, rien ne se feroit, que ce que ia auoit esté par eux decreté. Chose que non seulement le Cōcile luy escriuit par lettres, ains cōmanda aussi pareillemēt à leurs ambassadeurs luy dire de bouche de la part de tous les Euesques là assemblez. Et si d'auantage iceluy Concile le supplia, qu'apres auoir en toute paix & tranquillité receu ses ambassadeurs, il receut aussi gracieusemēt ce qu'ils auoyēt à luy dire, & qu'il cogneut & entendit diligēment le contenu de leurs lettres. Ils luy māderent par mesme moyen qu'ils trouuoient cela aucunement dur & facheux, que durant son Empire tant d'Eglises fussent si long temps orphelines & destituees de leurs Euesques eux viuans : Et qu'il estoit expedier, si bon luy sembloit, qu'un chacun se retirast à son Eglise, premier que l'hyuer les surprint. Apres donc que par vne epistre graue & bien limee, accōpaignee d'une harangue propre à persuader, ils luy eurent mādē ces choses & autres semblables, ainsi que par humbles & supplians Euesques il estoit requis d'estre fait, voyans qu'il ne leur faisoit aucune soudaine respōse, apres auoir encore assez long temps seiourné en ce lieu, à la fin fut le Concile rompu, & retourna vn chacun en son siege. Or que les Euesques cōgregez à Arimine ayent lors cōfirmé la foy de Nice, il se monstre assez par le precedēt discours. Nous declarerōs consequemment, cōme plusieurs souffignerent & receurent le formulaire de foy, qui par Vrsice & Valēs fut apporté de Sirmie. On dit que cela se fit pour deux causes : L'une pource que l'Empereur ayant pris occasion sur le Concile, qui quasi cōtre son vouloir & permissiō s'estoit rōpu, auoit donné faculté & puissance à Valens & à ceux de sa secte de pouuoir administrer telles Eglises qu'il leur plairoit par tout l'Occident, & de faire à tous ouuerture & octroy de la foy qu'ils auoyent leuē au concile d'Arimine, & de ietter de leurs sieges tous ceux qui feroient refus d'y souffigner, & d'en subroguer d'autres de leur ligue & faction en leur place. Parquoy iceux ayās receu ceste puissance, la sceurent avec telle audace executer, qu'il n'y eut celuy de tous ceux qui leur contrarioient, qui ne fut à toute force & outrāce assailluy par eux, pour les cōtraindre d'approuuer la forme de foy deuēdite : & tous ceux qui ne le voulurent faire, furent incontinent & sans delay par eux dechassez hors leurs Eglises. Entre lesquels le Pape Libere fut le premier qui par violence fut dechassé de son siege, pour auoir refusé d'incontinent obeir. De vray aucuns tiennent que fut icy son second banissement, les autres que ce fut le premier, à sçauoir lors que les choses deuāt-dites de Felix, furent executees. Et mesme que tout cecy s'estant ainsi porté par tout l'Italie, que ledict Empereur manda qu'il en fust autāt fait par tout le pays de Leuant, & que les executeurs de son commandement, cheminans par la Thrace, quand ils furent arriuez en vne ville de ceste region

*Vrsice & Valens preuindrent les ambassadeurs du Concile.*

*Constance peu courtois enuers iceux ambassadeurs.*

*Sommaire de la respōse de Constance au Concile.*

*Sentēce des autres lettres que le Concile enuoya à Constance.*

*Ruption & fin du cōcile d'Arimine.*

*Deux opinions, comment puis apres plusieurs Euesques Occide*

*aux ayans esté forcez, sous scrirent au symbole de Sirmie.*

*Concile assemblé par les Arriens*

*en la ville de Nique, qui est au pays de Thrace.*

La seconde  
opinion.

appellée Nique, qu'ils y firent vn Concile, où ils s'efforcèrent d'establiſſir & mettre en auant la foy qui par eux auoit eſté leuée au concile d'Arimine: & que l'ayans traduicte de Latin en Grec, la diuulgoient par tout & preſchoient publiquement, diſans que c'eſtoit là le vray formulaire de foy qu'il falloit tenir pour auoir eſté deuement & à la verité, & ſelon l'ordre à ce requis, fait & confirmé par le Concile vniuerſel tenu à Nique. Chose qu'ils ne firent pour autre occaſion, ſinon à fin que par l'affinité & approche de ces deux mots Nicea & Nica, ils peuſſent par leur fraude & deception plus ayſément deceuoir les ſimples & idiots, en prenant ceſt eſcrit comme ſ'il euſt eſté fait & compoſé à Nice, qui eſt vne ville de Bithynie. Toutesſois telle tromperie & cauillation, ayant eſté deſcouuverte, ſ'en alla en moquerie & riſee. Voyla la premiere raiſon qu'on allegue, pourquoy aucuns ſouſſignerent au formulaire de foy d'Vrſice & Valens. La ſeconde opinion qu'on recite de cecy eſt telle: C'eſt que comme ainſi fut que les Eueſques congregés à Arimine ſ'attrediaſſent du long delay dont l'Empereur vſoit à leur faire reſponſe ſur leurs embaffades, & du long ſeiour qu'ils faiſoyent en ce lieu, ne leur eſtant licite ne permis de retourner en leur pays, ceux du party contraire ſubornerent quelques-vns d'entre les Eueſques qui dirent eſtre choſe mal-ſeante & deſconuenable, qu'aucuns avec telle opiniaſtrete defendiſſent ce mot de Subſtance, que cela fut cauſe que les Eueſques en tous lieux diſcordaſſent ainſi par ſédition. Et pour autant qu'il falloit ſeulement dire le Fils eſtre eſgal au Pere, & taire ce mot de Subſtantiel: & que cela eſtoit le moyen d'aſſopir ceſte contention vniuerſelle de tout le monde, & que les Eueſques Oriētaux iamais ne ſ'appaſeroyent, ſi ce nom de Subſtance n'eſtoit oſté & aboly. Ces choſes ayans eſté ainſi propoſées par les fauteurs & adherans de ceſte opinion, avec vne cauteleuſe grauité & vehemence, lon dit qu'à la fin le Concile à ſon grand regret fut contraint de condeſcendre à ſouſſigner au formulaire de foy d'Vrſice & de Valens: Car ceux qui auoyent controuuē ceſte ruse, craignoyent fort, que les ſuſdits ambaffadeurs fiſſent entendre à l'Empereur la conſtance & fermeté à maintenir la Conſubſtantiaſſité des Eueſques Occidentaux, laquelle conſtance ils auoyent dès le commencement iuſques adonc toujours monſtree & exhibee: & qu'ils ne luy declaraffent point la cauſe pourquoy il eſtoit bon à leur aduis d'oſter ce mot de Conſubſtantiaſſité. Au moyen dequoy ils auoyent inuenté ce conſeil, qu'il falloit enuoyer leſdits embaffadeurs pour quelque temps en la ſuſnommee ville de Nique, qui eſt en Thrace, ſoubs ceſte couleur, qu'à cauſe de l'aſpreté de l'hyuer, & difficulté des chemins, les cheuaux & beſtes de monture ne pourroyent marcher & endurer le trauail du chemin. Et pendant ce delay, qu'il eſtoit bon d'enuoyer aux Eueſques Oriētaux la foy qu'ils auoyent compoſee & translatee de Latin en langage Grec: Car ils eſperoyent que par cela ils viendroyent à la fin au deſſus de ce qui ſe dreſſoit, quand ceux-cy enclineroient à leur opinion, & que telle fallace ne ſe deprehēderoit par ceux qui viendroyent à conſiderer ceſt affaire, à ſçauoir, que le concile d'Arimine euſt malgré foy & enuy reietté ce mot de Conſubſtantiel, pourtant qu'il auroit eſté aſſemblé par les Eueſques Oriētaux, qui du tout entierement reiettent ceſte diction. Ce qui eſtoit veritablement faux: Car preſque tous ceux d'Orient (peu exceptez) croioient que le Fils eſtoit eſgal en ſubſtance au Pere, & toute leur controuuerſe ne conſiſtoit qu'en cela, qu'une partie diſoyent le Fils eſtre au Pere Conſubſtantiel, & l'autre Equisubſtantiel. Voyla quant à ce qui fut fait en Occident.

Menterie  
& faulſeté  
des Arriens.

*Quels maux firent les Arriens à ceux qui confeſſoyent la Conſubſtantiaſſité: & de la cruauté de Macedonien. Quels maux auſſi aduiendrent lors aux Nouatiens à raiſon de ce mot Conſubſtantiel.*

*Item comme Macedonien ayant transporté en vn autre lieu les oſſemens de Conſtantin, excita vn gros tumulte entre le peuple, & dont Conſtance fut fort indigné contre luy.*

CHAP. XLII.

Estroubles  
des Eglises  
Orientales.

Cyrille, Eueſque  
de Ieruſalem.

Eleuſie, Eueſque  
de Cyzice.  
Marathonien, Eueſque  
de Nicomedie.



Es troubles n'eſtoyēt pas moindres en l'Orient, auāt l'aſſemblee du concile de Seleucie: Car les propugnateurs & fauteurs de l'heresie Arriene ayans conceu vne grande aſſurance en l'inclination & faueur de l'Empereur, eſtoient eſleuez en vn courage merueilleuſement eſtrené & ſelon, & ne ſ'eſtudioient à autre choſe qu'à inceſſamment controuuer quelques nouuelletez. Parquoy Acacie Eueſque de Ceſaree, & Patrophile Eueſque de Scythopole apres que Maximin fut depoſſedé de la ſuperintendence de l'Egliſe de Ieruſalem, la cōmirent à Cyrille: Macedonien d'autre coſté troubloit Conſtātinople, tant en brouillant les iuriſdictions & villes d'alentour d'elle, qu'en leur baillant tels Eueſques qu'il ſçauoit & cognoiſſoit ſortables à ſes affaires: Car il bailla l'adminiſtratiō de l'Egliſe de Cyzice à vn nommé Eleuſie, qui en la cour de l'Empereur eſtoit couché en vn des plus hauts eſtats, & qui eſtoit le mieux appointé qui pour lors y fut. Il crea ſemblablement Marathonien Eueſque de Nicomedie, lequel tout le tēps qu'il fut diacre d'icelle Eglife, lon dit qu'il ſe monſtra fort hōme de bien, tāt à ſecourir & aider aux pauvres indigēs & ſouffreteurs, qu'à edifier & à reſtaurer les colleges & maiſons de religion des hom-

des hommes & des femmes. Ce neantmoins ores que la vie de ces deux personnes fut d'un chacun approuvée, si est-ce qu'ils estoient par trop diligens & curieux à affliger ceux qui confessoient le Fils estre consubstantiel au Pere: en cela toutesfois dissemblables à Macedonien: Car cestuy-cy non seulement persecutoit cruellement ceux qui eutoient sa communion, mais aussi les y forçoit par detention de leurs personnes, & puis les liuroit aux iuges. De sorte que ceux qui abhorroyent sa communion, il les y contraignoit à toute force, & en tourmenta par ce moyen plusieurs fort excellens en la religion: & avec un baston leur faisant ouvrir la bouche, malgré qu'ils en eussent & en despit d'eux leur mettoit dedans, & faisoit aualler les sacrez mysteres. Ce qui estoit un tourment merueilleux, & qui sembloit surpasser sans mesure tous autres tourmens & afflictions. En ceste mesme sorte il faisoit empoigner tant les femmes que les petits enfans, qui n'estoient encore catechisez ny instruits en la religion Chrestienne & mesme ceux qui n'estoient encore baptizez, lesquels il cōtraignoit à toute force de communiquer à la table de nostre Seigneur. Que si quelcun refusoit de ce faire, ou respondoit un seul mot, playes, bastures, liens, prison & toutes autres sortes de tourmens à ce conuenables, ne luy manquoient. Mais pour mieux entendre combien a esté excessiue la cruauté & inhumanité tant de ce Macedonien, que de ceux qui tenoyent lors son party, en donneront ample tesmoignage un ou deux exemples dont ferons presentement mention. Estant donc vne fois aduertty qu'il y auoit quelques femmes qui desdaignoyent sa cōmunion, les fit apprehender, & tant presser & estraindre leurs mammelles, entre des couuercles de coffres & de bahuz, qu'il les leur arracha du corps. Il y en auoit d'autres, à qui les mesmes parties furent arses & bruslées tantost avec œufs cuits à la braise, tantost avec un fer chault: qui estoit à la verité un supplice fort estrange & non accoustumé, inuenté par ceux qui se disoyent professer le Christianisme, surpassant de grand interualle tous ceux qui par les tyrans des Grecs furent iadis de toute leur astuce & conuotise excogitez. Et qui plus est, il abbatit rez à rez de terre plusieurs Eglises, en exhibant pour ce faire lettres patentes de l'Empereur, par lesquelles il commandoit que les maisons d'oraison de ceux qui confessoient la Consubstantialité, fussent incontinent & sans delay rüees par terre, & desmolies iusques aux fondemens. Pour laquelle cause il desmolir aussi l'Eglise des Nouatiens, sise en la rue vulgairement appelée De la cicogne, pource qu'ils consentoyent à la Consubstantialité avec les Catholiques. Auquel temps en fut par eux bastie vne autre trop plus excellente que celle qu'on leur auoit abbatue, aidez peult estre, de ceux qui tenoyent la Consubstantialité, comme estans tous de mesme opinion qu'à ce point. Car quand ils veirent que leur Eglise estoit abbatue par ceux qui en auoyent la commission, ils s'assemblerent tous avec leurs femmes & enfans, & chacun selonc sa faculté & puissance apportât ce qui estoit necessaire pour l'œuvre, tant firent qu'en peu de temps ils en bastirent un autre de l'autre costé de la ville, vis à vis du premier, au lieu appellé Les figuiers, qu'ils nommerent en langue Grecque Anastasia, qui vault autant à dire comme destruction, ou par contraire signification, retablissement ou releuement: Iulien, & par la permission d'iceluy, transporterent encore de rechef de là en son premier lieu, en y faisant porter la matiere du susdit lieu Des figuiers: en quoy firent telle diligence, que l'un & l'autre edifice fut fait & paracheué d'une incroyable soudaineté. Ces choses se manians ainsi par Macedonien, aduint que quasi tous tant les Nouatiens que les Catholiques qui confessoient la Consubstantialité, se rallierent ensemble, tant pour raison de l'opinion qu'ils auoyent entr'eux en cest endroit accordante & semblable, que pource qu'ils estoient agitez de pareilles calamitez. De façon qu'ayans fait alliance ensemblement, se frequentoient les uns les autres, & communiquoyent en prieres & oraisons & en toutes autres choses, les Arriens n'ayans delaisé aux Catholiques aucun temple qu'ils n'eussent saisi & occupé. Ainsi par la frequentation qu'ils auoyent ensemblement, & par l'equalité de leurs aduersitez, s'estimans autant que n'estre point, s'ils auoyent discord ensemble, ils estoient fort affectionnez & enclins à vne mutuelle communion: & se fust la chose poursuiuie & executée, si quelque petite enuie & emulation qui suruint entr'eux n'eust empesché l'allegresse & bonne affection de la multitude, disans plusieurs qu'il falloit encore retenir la coustume ancienne, & reietter du tout entierement la communion imparfaite. En mesme sorte aussi Eleusie, Euesque de Cyzice, affligeoit les Nouatiens: car il abbatit & rua par terre le temple qu'ils auoyent là. Le mesme souffrirent & endurerent les Nouatiens de la ville de Mantine & tous ceux du pays de Paphlagonie: Mais les Macedoniens voyans à la fin qu'ils ne pouuoient expulser tous ceux qu'ils vouloyent, vont implorer l'aide & secours de l'Empereur, qui commanda que quatre mil hommes d'armes leur fussent baillez pour leur escorce, pensant qu'il se feroit que par la crainte non accoustumée des armes, les Catholiques cederoyent, & se matteroyent. Mais la chose succeda tout autrement: Car le peuple ayant empoigné des faulx, des massues, des coignes, & autres armes qu'ils peurent lors trouuer en main, selonc que l'exigence du cas le portoit, un chacun pour son regard combattit vaillamment. Tellement qu'en ce combat plusieurs tomberent aussi du costé des Paphlagoniens, mais les gens d'armes furent quasi tous desfaits. A cause dequoy Macedonien

Oo iij

*Macedonien  
transporte  
le corps de  
Constantin  
de son lieu  
en un autre  
temple.*

*Acacie  
Martyr.*

*Sedition du  
peuple ad-  
venue en la  
translation  
des ossemens  
de Constant-  
tin.*

*Iulien, Ce-  
sar, enuoyé  
en Gaule.*

fut repris & blasmé de plusieurs, & mesme de ses complices & adherans. L'Empereur sem-  
blablement aliena de luy l'ardeur de la bienueillance qu'il luy portoit, & ne fut de là en apres  
si affectionné enuers luy qu'il estoit au parauant : à cause qu'il estoit autheur de tant de meur-  
tres. Et si d'auantage il aduint lors vne chose qui augmenta enuers luy encore beaucoup plus  
la haine & inimitié de l'Empereur: C'est que le temple où le tombeau & corps de son pere Con-  
stantin gisoit, sembloit estre en danger de tomber. Et comme ceux qui en auoyent la garde &  
les prestres du lieu en fussent fort estonnez & craignissent que ceste ruine n'aduint, Macedo-  
nien vouloit à toute force transporter les ossemens de l'Empereur de là en vn autre lieu: Chose  
qu'estant cogneue par le peuple de la ville, commença à tumultuer, criant vn chacun à haulte  
voix, qu'on ne deuoit pas ainsi transporter ce grand Empereur, & que cela faire, estoit autant  
comme si on violoit son sepulchre. Avec lesquelles paroles s'accordoyét aussi ceux qui tenoyent  
la doctrine du concile de Nice, estimans que d'ainsi transporter l'Empereur, ce luy estoit faire  
tord & iniure. Ioinct aussi que ce qu'ils en faisoient estoit pour expressément repugner & con-  
tre dire à Macedonien. Mais luy ne tenant conte de toutes ces paroles, ne desista pour tout cela  
de transferer le corps au temple ou reposoit celuy du martyr Acacie. Ce pendât que cela se fai-  
soit, il se fait incontinent vn grand assemblément & concursion de peuple, murmurans & dis-  
cordans entr'eux. Les vns approuuoient le fait & les autres le blasmoient, disans qu'on faisoit  
tort au bon Empereur. Lequel blasme voulans de foy repousser les entrepreneurs, dès le com-  
mencement ils se defendoyent au mieux qu'ils pouuoient. A la fin apres plusieurs paroles, se  
ruans les vns sur les autres, & se chargeans à toute outrance, vindrent iusques à ce trouble-  
ment d'esprit & insanie, qu'ils remplirent toute icelle Eglise, & le lieu circonuoin de sang &  
de meurtres. L'Empereur Constâce qui seiournoit encore en Occident, ayant entendu ces nou-  
uelles, & ce qu'on auoit fait au sepulchre de son Pere, qui fut bien fâché & irrité, ce fut luy : de  
sorte qu'il signifia à Macedonien, que son Pere auoit esté par luy offensé, en ce que contre sa  
volonté il auoit osé le transporter de son lieu en vn autre: & qu'il estoit aussi cause du meur-  
tre d'une si grande multitude de peuple. Ce fait, il passa du pays Occidental en Orient, d'où  
il enuoya en Gaule son cousin germain Iulien, qui estoit fils de Galle, l'ayant lors fait Cesar,  
à fin de garder les prouinces Occidentales.

*Du concile congregé à Seleucie, & d'un autre formulaire de foy, publié par Acacie.*  
CHAP. XLIII.

*Les actes du  
concile de  
Seleucie,*



*Leonas pre-  
sident du-  
dict Concile.*

*Lauricie  
gouverneur  
d'Isaure.*

*La premiere  
session.*

*Disceptatio  
sur la proce-  
dure du  
Concile.*

*Le Concile  
divisé en  
deux li-  
gues.*

R cōment Macedonien fut puis apres deietté hors de son siege, & com-  
ment pour tant de maux par luy commis & perpetrez, endura encore  
bien peu de peine, ie le traicteray cy apres. Quant à present i'ay delibéré  
de discourir les actes du concile celebré à Seleucie que Constance, à cau-  
se de la difficulté du chemin, commanda estre tenu en Orient, à l'em-  
ulation & enuie de celuy d'Arimine. Donc à Seleucie, qui est vne ville de  
la contree d'Isaure, s'assemblerent premierement cent soixante Eues-  
ques, au nombre desquels estoit Leonas, qui ia d'assez long temps en la  
cour de l'Empereur tenoit l'un des plus hault & excellent estat qui y  
fust. Auquel l'Empereur par lettres patentes donna charge de presider audit Concile, & que  
sous luy se fist l'examination & iugement de la foy. Assista là pareillement le gouverneur du  
pays, nommé Lauricie, avec commandement dudit Empereur de se ioindre à iceluy Leonas &  
de le secourir avec tous les autres Euesques, s'ils auoyét besoing de quelque chose. Si tost donc  
qu'ils furent en cel lieu assemblez, & que les notaires ou greffiers à escrire diligens furent ren-  
gez en leur lieu, à fin de prendre par escrit & recueillir tout ce quelà se diroit & proposeroit, en  
la premiere session se trouuerent plusieurs absens, & entre autres Macedonien, Euesque de  
Constantinople, Basile Euesque d'Ancyre, & Patrophile Euesque de Scythopole. Cestuy cy se  
feignoit estre malade, l'autre auoir mal aux yeux, & l'autre alleguoit quelque autre chose pour  
son excuse: mais à la verité, ils ne faisoient cela pour autre chose, sinõ que pour fuir & euer l'as-  
semblée, de crainte d'estre là taxez de leur mauuaise vie & cōuersation. Adonc cōme le Concile  
differast de cōmencer à deliberer & disposer des choses qui estoient en cōtrouersie, à raison de l'ab-  
sence des susnōmez, Leonas commanda de sa part à vn chacun de produire en dispute ce que bõ  
leur sembleroit. Ainsi aucuns furēt d'aduis de disposer premieremēt de la doctrine, les autres de  
produire les enquestes & informatiõs qui auoyēt esté faictes de ceux qui entr'eux auoyēt est ac-  
cusez: ce que ceux cy mirent en auāt, à cause de Cyrille, Euesque de Ierusalē, & d'Eustathe Eues-  
que de Sebaste, & quelques autres, à qui ils en vouloyēt. L'ocasiõ de cecy fut aussi pour raison  
des lettres de l'Empereur, par lesquelles il cōmandoit de tantost disputer & ordonner du fait  
de la foy, tantost de celuy des meurs. Au moyen dequoy estans tōbez en contention de paro-  
les, se traicterent mal les vns les autres: & pour l'affection qu'ils auoyēt de rioter & estriuer les  
vns contre les autres, ils se mipartiēt en deux ligues & factions: en l'une desquelles estoient les  
plus emineens Acacie Euesque de Cesaree, George Euesque d'Alexandrie, Vranie Euesque de  
Tyr, &

Tyr, & Eudoxe, Euesque d'Antioche, en ayans encore trente-deux de leur costé qui tenoyét leur party. En l'autre secte & partialité, les principaux estoient George Euesque de Laodicee qui est en Syrie, Sophronie Euesque de Pompeiopolé qui est en Paphlagonie, & Eleusie Euesque de Cyzice, qui par le reste de l'assemblée du Concile furent ensuiuis en leur faction. Tant y a que l'aduis de ceux qui tenoyét qu'il falloit disputer premieremét de la foy, gaigna. Où apres qu'on fut venu, Acacie fut d'opinion qu'il falloit abroger le formulaire de foy qui auoit esté arresté par le Concile de Nice, & en faire vn autre tout de nouveau. Au contraire, l'autre faction qui surpassoit aussi l'autre en nôbre, disoit qu'il falloit tenir & approuuer celuy qui auoit esté fait à Nice, à fin seulement que le mot de Consubstâtiel fust remis sus, & introduict. Cest estrif fut en ceste sorte iusques au soir prolégé, & debatue iusques à ce que Syluan, Euesque de l'Eglise de Tarse, s'escria à haute voix : Il n'est ia besoin (dit-il) de cōposer vne autre forme de foy, car celle qui par cy deuant a esté diligemment & subtilement dictée à Antioche, doit suffire : c'est celle que lon doit retenir. Par lesquelles paroles Acacie estant esmeu de colere, s'en sortit du consistoire, avec les complices de sa faction. Mais ceux qui là demorerent, commanderent lors que la profession de foy d'Antioche fust en plein Concile recitée. Et cela fait, se rompit la session. Le lendemain estans entrez au temple de sainte Thecle, les portes estans fermées ils approuuerent par leur sentences tout ce qui auoit esté leu le iour precedent, & le confirmerét chacun à part par leur soubsscriptions. Aucuns Lecteurs aussi & Diacres qui auoyent commandemét de quelques autres qui estoient absens, y soubssignerent au nom de leurs auteurs. Lequel acte Acacie reprint & blasma, disant que les choses qui se font occultement & à cachette, ne sont loüables, ny ne peuuent estre exemptes de quelque sinistre suspicion. Or toute son intentiō ne tendoit à autre chose, qu'à introduire & mettre en auât vne nouuelle foy, laquelle aussi ayât compoſée à sa poste, la leut en priuē à Leonas & à Lauricie, qui tenoyent le premier lieu en ce Concile, se parforçans par tous moyens de l'obtenir d'eux. C'est ce qui fut fait à la seconde assemblée. Le troisieme iour ensuyuant, les absens se trouverent aussi là : à ſcauoir Macedonien, Euesque de Constantinople, & Basile Euesque d'Ancyre. Mais Acacie avec ceux de sa ligue fit refus de se trouuer à ladite assemblée, si premierement ceux qui au parauât auoyent esté par eux demis de leurs dignitez, & qui pour lors estoient accusez de crime, n'estoyent chassés hors le consistoire. Desquels propos s'estant entre eux eleuee vne grosse noise, fut à la fin ordonné qu'ils sortiroient. Ce qui fut aussi fait : Car ils cederent. Chose que les Peres ainsi ordonnerent, pensans bien que toute la fiction & controuement d'Acacie ne tendoit qu'à trouuer occasion de rompre & dissoudre le Concile, & que par mesme moyen l'heresie d'Étie, fust exempte de la recherche & examination, que presentement on en vouloit faire, & à fin que ceux qui estoient accusez & conuaincuz de crime, ne fussent sententiez : & que par ainsi, iceux Acaciens, ne rendissent raison, ny ne se iustificassent des crimes dont ils estoient atteints & coupables. Apres donc que les autres furent saillis hors du conclaue, & Acacie avec les siens y fut entré, incontinent Leonas exhiba deuant l'assemblée vn libelle, qu'il disoit luy auoir esté baillé par Acacie & ses adherans, & taisoit que ce fust vn formulaire de de foy, combien que le contraire fut vray. Car iceluy Acacie tant secretement qu'apertement impugnoit & taxoit ceux qui assisterent au Concile, & si son libelle ne molestoit moins apertement que clandestinemét les lecteurs d'iceluy. Apres donc que tous eurent donné silence & furent assis, à cause qu'ils pensoyét qu'en cest escrit ne fust contenu ny comprins aucune forme de foy, lors fut publiee la profession de foy dudit Acacie, avec vne preface tissue à la mode qui s'ensuit :

Nous quiau iour d'hier (qui estoit le iour auant le cinquiesme des Calendes d'Octobre) par le commandement de l'Empereur, nous sommes assemblez à Seleucie qui est en l'Isaure, de toute nostre affection & pouuoir nous nous sommes efforcez (en y adioustant toute la moderatiō à ce requise) de garder & conseruer la paix & tranquillité de l'Eglise, & de traiter de la foy avec toute gravité & constance, ainsi que nous a commadé faire le bien aymé de Dieu nostre Empereur Constance, selon les voix portees par les Prophetes & Euangelistes, & de ne rien adiouster ou inserer en la profession de foy Ecclesiastique, outre ce qui se trouue en l'écriture sainte. Mais pour autant qu'il y en a quelques vns, en ce Concile, qui ont fait iniures à aucuns des nostres, & ont fermé la bouche à quelques autres, ne leur permettās de dire leur aduis, & en ont reietté les autres à toute force mal-gré qu'ils en eussent, & mesmemét qu'ils ont icy amené & introduict avec eux de diuerses prouinces ceux qui ont esté priuez de leur dignité episcopale & presbyterale, ou qui contre les canons ont esté admis & receuz en l'ordre Ecclesiastique, tellemét que l'assemblée est de toutes pars remplie de troubles & de seditiōs, comme les nobles personnages le Conte Leonas, & Lauricie gouverneur de ceste prouince, ont le tout veu à l'œil : à ceste cause nous confessons que nous ne refuyons pas l'autorité de la foy publiee au Concile de la dedice du temple d'Antioche, laquelle foy aussi nous proferons & mettons en auant. Et combien que nosperes se soyent iadis assemblez pour la question qui de present est proposee, puis que ce terme de Consubstâtiel ou d'Equisubstâtiel, en a ia de long temps & encore mesme de present troublé plusieurs, & que quelques vns dernièrement par factions & nouuelletez ont publié

*Cōtētiō sur le formulaire de foy.*

*Le symbole de foy de Antioche. La seconde session.*

*La troisieme session.*

*Sozomen ne li. 4. ch. 21. dit qu'il celoie cela tous à propos, à cause qu'il fauoriſoit le party d'Acacie.*

*Le nouueau formulaire de foy d'Acacie, Euesque de Cesaſee, est à la desrobce leu & recité au concile de Seleucie.*

& mis en auant que le Fils n'estoit egal au Pere : pour toutes ces causes nous reiettons tant ce mot de Consubstantiel que d'Equisubstantiel, comme voix qui ne se trouuent point és saintes escriptures. Et quant à ce terme Inegal, nous l'anathematisons, & iugeons alienes & hors l'Eglise de Dieu tous ceux qui ont ceste opinion. Mais nous confessons diuertement le Fils estre egal au Pere, selon la sentence de l'Apostre, disant ainsi du Fils : Qui est l'image de Dieu inuisible. Nous confessons pareillement & croyons en vn Dieu pere tout puissant, facteur du ciel & de la terre, & de toutes choses visibles & inuisibles. Nous croyons aussi en nostre Seigneur Iesus-Christ son fils, de luy engendré sans aucune passion auant tous siecles, Dieu Verbe de Dieu, fils unique, lumiere, vie, verité & sapience : par lequel toutes choses ont esté faites, tant au ciel, qu'en la terre, foyent visibles, ou inuisibles. Nous croyons auoir prins chair de la sainte vierge Marie pour l'abolition du peché, quād les temps ont esté accomplis pour ce faire, & auoir esté fait homme, & souffert mort pour nos pechez. Lequel aussi est resuscité, & monté aux cieus, à fin de se seoir à la dextre de son Pere, & doit de là venir de rechef en gloire, pour iuger les vifs & les morts. Nous croyons aussi au saint Esprit, qu'il a appelé le Paraclet ou Consolateur, & promis d'enuoyer à ses Apostres apres son partement d'auec eux, comme aussi nostre sauueur & nostre Seigneur l'a enuoyé : par lequel il sanctifie en l'Eglise les croyās, & ceux qui sont baptisez au nom du Pere, & du Fils, & du saint Esprit. De sorte que ceux qui outre ceste foy preschent quelque autre chose, nous les disons alienes de l'Eglise Catholique. Voyla le Symbole & formulaire de foy d'Acacie. Auquel aussi soubssignerent trente de ses complices & adherās. Contre lequel on dit que Sophronie Paphlagonois, Euesque de Pompeiopolis, dit apertement ces paroles : Si c'est faire vn Symbole & formulaire de foy, d'exposer tous les iours sa volonté, à la fin la certitude de verité nous defaudra. Cela dit Sophronie lors haut & cler. A quoy ie dy, que si tant ceux qui estoient auāt eux, que ceux qui les ont ensuiuis par apres, eussent eu telle estime & ainsi fait de la profession de foy de Nice, comme cestuy-cy, ils eussent gardé & maintenu la sincere doctrine de l'Eglise, & toutes les reserues & songes des heretiques eussent esté reiettez loing des saintes & sacrees murailles d'icelle Eglise. Et ainsi apres plusieurs altercas & accusations lors faites les vns contre les autres, & qu'ils eurent dict & ouy maintes choses, l'assemblée se leua. A la quatrième session, ils dirent encore friuolement plusieurs propos vains & inutiles, de sorte qu'Acacie s'efforçoit de soustenir que rien n'empeschoit qu'il ne se composast encore vne autre forme de foy, puis que celle de Nice auoit esté changée vne fois. Diray-ie vne fois seulement? Mais aussi par plusieurs fois. A quoy respondit Eleucie, Euesque de Cyzice: Ce Concile (dit-il) a esté assemblé, non pour apprendre les choses qu'il scauoit au parauant, ny pour trouuer vne plus esprouuee & meilleure foy, que celle qui par les Peres a esté publiée à Antioche : Car par vn commun accord & consentement de tous estant arrestée és fins & limites d'icelle Antioche, iagoit qu'icy quelque autre chose se fit & decreta qui fut aliene & reculée d'elle, si est-ce qu'elle ne delaissera iamais sadite foy. Voyla ce que dit Eleucie: Auquel m'opposant, ie luy dirois volontiers en ceste sorte, Comment à la parfin, meschant Eleucie, appelles tu Peres, ceux qui estoient congregez à Antioche? Car il est trop plus seant & raisonnable que tu appelles Peres, ceux qui assemblez à Nice, ont tous d'un accord publié la Consubstantialité : partie à cause que de temps ils sont plus anciens, partie à raison que ceux qui se trouverent à Antioche auoyent receu d'eux la fonction de leurs sacrees charges & dignitez. Que si ceux-cy ont reprouué leurs Peres, c'est bien raison qu'ils soyent nommez plustost parricides, que Peres. Qui sera donc celuy qui voudra suiure telles personnes? Et si la foy de ceux de Nice est reprouuée & ne vaut rien, il ne se peut faire par consequence, que l'election & ordination de ceux-cy ne se doiuent du tout reuoker en doute : Car si auant ceux-cy, ceux-là n'ont point eu le saint Esprit, qui par l'imposition des mains vient & se donne principalement aux personnes, aussi par mesme moyen ceux-cy ne doiuent aucunement estre reputez entre les Euesques & prestres: Car comment ont ils peu recevoir d'eux telle dignité, si ainsi est qu'ils ne l'ayent iamais eue? Voyla ce que quelqu'un eut peu par mesme ou semblables paroles obiicer contre Eleucie. Or se cōtinuant ainsi la dispute tāt alterquerent, qu'ils tomberent de ceste question en vne autre. Et pour autant qu'ils auoyent dict en leur formulaire de foy, que le Fils estoit egal au Pere, la factiō d'Acacie fut par les autres interrogée, par quelle raison & comment ils le disoyent egal au Pere. Et icelle ayant respondu, que c'estoit seulement par volonté & non par substance qu'il estoit egal, tous les autres confirmerent lors qu'il le falloit dire & confesser egal aussi par substance. De laquelle chose il y eut entre eux grande contention toute ceste iournee là. Ils conuainquirent aussi Acacie d'inconstāce, pour cela qu'il auoit diuersement escrit és liures par luy composez, esquels il auoit premierement dict le Fils estre au Pere egal en toutes choses, & auoit au parauāt senty le semblable qu'eux : & que maintenant à la fin il le nioyt estre egal en substance. A quoy il respondit, qu'il n'y auoit iamais eu homme ny entre les modernes, ny entre les anciens, qui eut esté altrinç à redre raison de ses escrits. Et comme la contention de là grandement s'augmenta, à la fin Eleucie, Euesque de Cyzice, se print à dire : Si ou Basile, ou Acacie, ou Marc ont quelque chose à desmesler entre eux, ou à s'entre-accuser ensemblément, qu'ils le facent ainsi que bon leur semblera, le Concile n'a que faire



faire de cela. Ny mesme auons nous à faire de nous enquerir par trop curieusement de ce qu'ils ont escrit de la foy, soit bien, soit mal: Mais i'estime que le plus expedient que nous ayons, soit de nous arrester à la profession d'Antioche, faite & diuulguee par nonante & sept Peres, qui là se trouuerent. De façon que si quelqu'un veut à celle là en adiouter vne autre, il faut qu'il soit de tous iugé & tenu aliene de la vraye religion & de l'Eglise: Soubs ces paroles l'assemblée de rechef se rompit. Le iour ensuyuant Acacie & George avec leurs complices, ne se voulurent pas trouuer en ladite assemblée, ny mesme Leonas ayant esté prié d'y venir pour tenir sa place, n'y voulut comparoir. Par où il monstroir apertement, qu'il s'entendoit avec eux, & qu'il tenoit leur party: allegant pour ses raisons, que par l'Empereur il auoit esté enuoyé là, pour la paix & concorde du Concile. Mais puis que sans garder ordre ny honesteté, ils discordoyent ainsi entre eux, qu'il ne vouloit pas facilement se trouuer en leur compaignie. Et si bon leur sembloit, qu'ils s'en allaissent chacun chez soy, plustost qu'estans assis en l'Eglise ils traictassent en ceste sorte de frivoles & vanitez: Ainsi le temps se passoit. Et estoit Acacie mandé par l'assemblée de comparoir avec les siens. A quoy firent refus, & voulurent que certains Euesques s'assemblassent au logis de Leonas, où ils souloyent conuenir souuentefois, & là affermerent de rechef, qu'ils auoyent commandement de l'Empereur de iuger des autres, & non les autres d'eux. Au moyen dequoy ne voulurent iamais s'accorder avec eux en vne mesme profession de foy, ny respondre deuant eux aux crimes qu'on leur obiectoient. Et si d'auantage ayas esté sommez à venir ouyr la cause de Cyrille, Euesque de Ierusalem, qu'ils auoyent depolé de son Euesché, n'y voulurent onc assister: Car aussi n'y auoit il personne qui les y contraignit. Mais les autres non seulement firent ces choses icy librement, ains priuerent aussi Acacie de sa dignité, & tous ceux qui s'estoyent retirez à luy & suiuy son party, pour auoir craint à se purger des crimes contre eux intérez, à sçauoir George, Euesque d'Alexandrie, Vranie Euesque de Tyr, Patrophile Euesque de Scythopole, & Eudoxe Euesque d'Antioche: & excommunierent les autres, iusques à ce qu'ils se fussent iustifiez par leur bouche, & eussent satisfait aux crimes dont ils estoyent accusez. Et escriuirent bien au long aux dioceses d'un chacun d'eux de tout ce qui par eux auoit esté fait & déterminé. Et si d'auantage en l'Eglise d'Antioche ils subrogerent en la place d'Eudoxe, un nommé Adrian, prestre de ladite Eglise: qui incontinent apres ayant esté prins à l'aduen d'Acacie, & par luy mis entre les mains de Leonas & de Lauricie, fut constitué prisonnier sous seure garde, & son proces fait, enuoyé en exil. Tel fut le progrez & yssue du Concile de Seleucie, ainsi que succinctement ie l'ay peu reciter. Ceux qui en voudront congnoistre d'auantage, qu'ils cerchét & effueillentent les liures que les notaires & greffiers à ce ordonnez en ont soigneusement fait & redigé par escrit. Cela fait, Acacie soudainement se transporta vers l'Empereur, & tous les autres se retirent chacun en sa maison.

*La cinquieme session. Les Accaciers refusent de venir au concile: Aussi fait Leonas.*

*Socrates dit que Cyrille appella du Concile à l'Empereur, et qu'iceluy approuua son appel.*

*Ce qui fut fait contre la custume des canons Ecclesiastiques: Adrian, selon Socrates Adrian, eleu Euesque de Antioche, et puis enuoyé en exil.*

*De ce qui fut fait à Constantinople apres le Concile de Seleucie. Comment la dignité episcopale fut ostee à Eusebe: Et comme tant ceux qui estoient assemblez à Seleucie, que les Occidentaux souscrignerent au formulaire de foy d'Arimine, Et comme icelle foy fut encore depuis approuuee par cinquante Euesques congregez en un Concile prouincial tenu à Constantinople, quelques mois y estans adioustez par Acacie. Item le Catholique des diuerses expositions de la foy.*

## CHAP. XLIIII.



Vr ces entrefaites l'Empereur reuint des parties d'Occident à Constantinople, où il cassa la dignité des Proconsuls, & constitua un nommé Honoré, premier gouuerneur de la ville. Le Concile del'aduis de tous auoit enuoyé dix Euesques vers sa maisté, suyuant l'ordonnance que luy mesme en auoit faite: qui arriuez à Constantinople, ils y trouuerent aussi les dix autres embassadeurs, qui d'Arimine en pareil cas & pour semblable effect auoyent esté enuoyez vers luy, ensemble Acacie avec les siens, qui faisoit tout ce qu'il vouloit, ayant gagné la faueur & bienueillance du Prince, par la pratique de quelques fauoris de sa cour. Car il y en auoit

*Deux embassadeurs enuoyez à l'Empereur par le Concile de Seleucie, qui furent preneuz par Acacie.*

ancuns qui tenoyent la mesme opinion que luy: les autres qui auoyent esté corrompus par les presents qui leur auoyent esté faits du bien de l'Eglise: les autres qui auoyent esté alliechez pour ce faire par les attraiets des blandissemens & belles paroles d'Acacie. Car aussi estoit il homme d'effect & bien entendu tant en conseil, qu'à bien dire ce qu'il vouloit, & non moins propre & expert à bien executer un affaire qu'il eut entrepris. Joinct aussi qu'il estoit gouuerneur d'une fort celebre Eglise, & auoit eu pour maistre & precepteur Eusebe le Pamphile, qui luy auoit resigné son Euesché: & comme il se fut du tout addonné à apprendre & sçauoir plusieurs choses, il estoit de tous estimé le plus excellent, tât pour le bruit qu'on faisoit de son sçauoir & la reputation qu'il auoit enuers tous, que pour la quantité & affluence des liures que son predecesseur le Paphile

luy auoit laissez. Et pource qu'il estoit tel, il ne luy estoit difficile d'exploiter beaucoup de fa-  
*Le Cōstati-* ciendes ainsi qu'il desiroit. Estans donc la conuenuz vingt Euesques pour faire les ambassades  
*nople est di-* d'une part & d'autre des deux Conciles, ensemble plusieurs autres qui de fortune estoient la ve-  
*spure de l'he-* nuz pour le mesme affaire, il leur fut commandé par l'empereur tout premierement de consul-  
*ter ensamblement,* & de dire ce que bon leur sembleroit touchant l'opinion d'Ætie, où furent  
*Son erreur* presens plusieurs senateurs des grandes nations, & où presidoit iceluy Honoré, duquel auôs par-  
*est congneu* lé vn petit au dessus. Mais à la fin en la presence mesme de l'empereur, apres que les propositions  
*et reprehe-* d'Ætie furent bien espluchees & examinees, il fut trouué grandement errer & faillir en la foy.  
*de.* Ce qui occasionna tant ledit empereur, que ses princes & grans seigneurs, de luy porter mauuai-  
*Acacie se re-* se affection, à cause de son manifeste blasphemie Ce que voyant Acacie & ses cōplices, avec vne  
*cōgnois et re-* desplaisance recongneut sa faute, feignant au parauant auoir ignoré ceste heresie & faulx opi-  
*cite l'opinio* nion. Toutesfois il auoit employé toute sa puissance, à ce que ce temps pendant, & hors l'ordre  
*d'Ætie.* de toute iustice & raison, l'empereur commandast qu'Ætie fust ouy en ses raisons, estimât qu'i-  
celuy ne pourroit estre vaincu ne surmonté par aucuns argumens qu'on luy peust proposer, &  
qu'il estoit plus que suffisant à suppediter autāt qui disputeroyēt cōtre luy, ou fust par persuasio  
de paroles, ou fust par force de raisons, & qu'icelles seruiroyent à consermer son opinion, quel-  
que opposition ou resistance qu'on luy peust faire. Mais quād il veit que son entreprinse ne suc-  
cedoit pas ainsi qu'il desiroit, produit deuant tous & fit lecture du rescrit qui auoit esté apporté  
d'Arimine, & commanda aux dix ambassadeurs qui estoient venuz de Seleucie, de le recevoir. Et  
pource qu'ils y resistoyent fort & ferme, & qu'ils disoyēt que cela ne se pouuoit aucunemēt fai-  
re, à celle fin qu'ils omissent & teussent le nom de Substance, il protesta deuant toute l'assistan-  
ce, en interposant le saerement de iurement par le nom de Dieu, qu'il confessoit le Fils estre egal  
en substance au Pere, & qu'il estoit prest & appareillé de bannir & chasser de l'Eglise tous ceux  
qui sentiroient de la foy autrement que cela : & ainsi tant peut par ses remonstrances & prote-  
stations, qu'il leur persuada de souscrire au formulaire de foy d'Arimine. Mais comme fust que  
contre toute opinion, les euesques Occidentaux qui estoient venuz d'Arimine, fussent là presens,  
& omissent le mot de Substance, plusieurs des Acaciens dirent que telle estoit la profession de  
foy enuers eux; Car ils estimoyent que si ce formulaire estoit vne fois receu, en taisant totalemēt  
le nom de Substance, qu'il ne seroit aussi iamais parlé de Consubstantialité, lequel mot les Eues-  
ques Occidentaux magnifioient grandement, pour la reuerence qu'ils portoyent au Concile de  
Nice. Or l'Empereur aussi de sa part loua fort iceluy formulaire : Car il pensoit en luy-mesme,  
que puis que tant d'Euesques s'estoyent trouuez à Arimine, qu'ils ne pouuoient si lourdement  
descheoir & faillir, que temerairement & à la volée ils cōfessassent le Fils estre egal au Pere, qui  
au parauant l'auoyent confessé estre à luy Consubstantial. Et pour son regard, il disoit qu'il n'y a-  
uoit point de difference, & que ce luy estoit tout vn, si en n'viant point des mots qui ne se trou-  
uent point en la sainte escriture, il faisoit professiō de la foy par vn nom qui fust de mesme effi-  
cace & vertu, & pour lequel il n'y auoit debat ne controuersē, à sçauoir d'Egal, pourueu que le  
sens & intelligence ne fust qu'une. Et comme sa raison fust telle, il ne cessa iamais de suader aux  
Euesques qui de Seleucie auoyēt esté enuoyez vers luy, iusques à ce qu'eux aussi eussent approu-  
ué le Symbole & formulaire d'Arimine. Acacie pareillement & les siens, seiournans par lōgue  
eipace de temps à Constantinople, assemblerent aussi les Euesques de Bithynie : entre lesquels  
estoyēt Marin, Euesque de Chalcedone, & Vlphilas, euesque des Gots, qui au parauant auoit ap-  
proué & receu la foy de Nice, en ensuyuant son predecesseur Theophile, lequel auoit assisté au  
dit Concile de Nice, & en auoit consermé la resolution par sa sentēce. Et ainsi estans là cōgregez  
iusques au nombre de cinquante Euesques, ils corroborerēt & establirent par leur autorité la  
profession de foy d'Arimine qui là auoit esté leuē : en y adioustant cela d'auantage, que de là en a-  
uant quand il seroit fait mentiō de Dieu, on n'vseroit plus de ces termes Substāce ou Subsisten-  
ce, & qu'ils ne receuroient desormais aucune autre forme de foy, ou qui eut esté faite au prece-  
dent, ou qui se fist à l'aduenir, que celle là. Laquelle iaçoit que par cy deuant ie l'aye recitee, si m'a  
il semblé bon, veu que le lieu le requiert, de l'enregistrer icy encore vne fois, entant que faire se  
pourra. Elle donc avec sa dependance estoit telle de mot à mot, comme il s'en suit :

Nous croyons en vn seul Dieu, pere tout puissant, & en l'vniue Fils de Dieu, en-  
gendré de Dieu auant tous siecles, & auant tout commencement : par lequel toutes cho-  
ses ont esté faites, visibles & inuisibles, seul engendré du seul Pere, Dieu de Dieu, egal  
au Pere qui l'a engendré selon les escritures : la generation duquel nul iamais ne congneut,  
fors le seul Pere qui l'a engendré : Nous sçauons qu'iceluy vniue Fils de Dieu, ayant esté  
enuoyé par son Pere, est venu du ciel en terre, ainsi qu'il est escrit, pour abolir le peché & la  
mort, & qu'il a esté né par l'operation du saint Esprit de la vierge Marie selon la chair,  
ainsi qu'il est escrit. Et qu'il a conuersé avec ses disciples, & toute l'administration ou charge  
qu'il a prinse, suyuant la volonté de son Pere, ayant esté accomplie : a esté crucifié, a souffert  
mort, & a esté enseuely. Et est descendu aux enfers, duquel a eu crainte & frayeur iceluy enfer.  
Lequel aussi est ressusité des morts le tiers iour, & a cōuersé avec ses disciples, Et quarante iours  
accomplis,

accomplis, est monté aux cieus, & est assis à la dextre de son Pere : & doit de là venir au dernier iour de la resurrection en la gloire d'iceluy Pere, à fin de rendre à vn chacun selon ses œuvres. Nous croiôs aussi au saint Esprit, lequel iceluy vniue Fils de Dieu nostre Seigneur & nostre Dieu promet enuoyer au genre humain pour Paractër & Consolateur, ainsi qu'il est écrit, l'Esprit de verité, qu'il leur a enuoyé, apres qu'il a esté receu aux cieus. Or quant à ce nom de Substance, mis & adiousté au Symbole avec vne simplicité par les Peres, & des peuples non entendu, pour autant qu'il a apporté scandale ou offense à plusieurs, & qu'il n'est point contenuës saintes escritures, on a esté d'aduis l'oster & de n'en faire du tout aucune mention deormais : puis qu'ainsi est aussi que les diuines escritures ne mentionnent nullement de la substāce du Pere, & du Fils. Car de fait aussi la Subsistence du Pere, & du Fils, & du saint Esprit, ne se doit dire ne nommer : mais trop bien confessons nous le Fils estre egal au Pere, cōme les escritures saintes disent & enseignent. Parquoy que toutes les heresies, tant celles qui par cy deuant ont esté condamnées, que toutes autres, si aucunes nouuelles ont esté mises en auant du depuis contraires à ce present escrit qui a esté publié, soyēt anatheme. Voylà le formulaire de foy, qui fut leu premierement à Arimine, & lors aussi à Constantinople. Mais puis que nous auons tant fait, qu'à la fin à toute peine nous sommes deliurez du labyrinthe de ces formulaires ou Symboles de foy, il m'a encore semblé bon de rediger par ordre le nombre & quantité d'iceux. Et premierement la profession de foy qui a esté la mieux faite & dictée, c'a esté celle qui fut faite la premiere à Nice. Le second formulaire fut doublement & en deux sortes mis en auant au concile d'Antioche, à la deducace du temple de la ville. Le troisieme fut par Narcisse & ses adhérens présenté à l'Empereur Constantin, le ieune, es Gaules. A ceux-cy suruint le quatriesme, composé par Eudoxe, & par luy enuoyé en Italie. Il en fut fait trois autres à Sirmie, l'un desquels fut aussi leu & recité à Arimine. Le huitiesme fut composé à Seleucie par Acacie. Le neuuesme & dernier de celuy de Constantinople, auquel la dependance d'Arimine fut annexee, par lequel fut inhibé de ne dire à l'aduenir ny de nommer en Dieu aucune subsistence ou substance : Suffise d'auoir traité de ces choses iusques à icy.

*Socrates li.  
2. chap. 41.*

*Le nombre  
des symbo-  
les, ou for-  
mulaires de  
la foy Chre-  
stienne.*

*Comment Acacie & Eudoxe priuerent Macedonien, Eleusie, Basile, & Sophronie, de leurs  
Eueschez, non à cause de la doctrine & religion, mais pour raison de  
quelques crimes particuliers contre eux intentez.*

*Chapitre XLV.*



Endant qu'Acacie & Eudoxe avec les cōplices de leur faction estoient chefs & presidens à Constantinople, outre le precedent n'auoyent chose en plus de recommandation, que de priuer de leur dignité les Euesques de partie aduersse, non à cause de la religion, mais pour raison d'autres choses dont ils estoient accusez. En general premierement, pour ce qu'ils auoyent troublé les Eglises, & enfreint les sanctions & ordonnances d'icelles : mais en particulier, aucuns intentoyent à vn chacun d'eux, autres crimes, les vns d'une sorte, les autres d'autre. Et ores que ceux là discordassent avec ceux-cy de profession de foy, si est ce qu'en leurs sentences de degradation & priuation, ils n'inseroyent iamais le crime encouru pour raison de la foy. Ils priuerent dont tout premierement Arie de son Diaconat, pour auoir esté auteur de trouble & de seditiō en l'Eglise, & auoir contre l'institution & coustume d'icelle abusé contentieusement de la façon de disputer, qu'il faisoit par vne ostentation à la mode des Sophistes, avec vne mauuaise reputation qu'il s'estoit acquise par ce moyen, & qu'en tous ses escrits il auoit obserué la mesme forme de faire. Ainsi il casserent cestuy-cy non de leur bon gré, mais à celle fin que par ce moyen ils abolissent l'opinion de plusieurs, qui sembloient sentir de la foy les mesmes choses que luy. Et faisans leur bouclier & se couvrans de l'ire & courroux que l'Empereur auoit conceu cōtre plusieurs autres, & sur tous contre Macedonien, tant à cause des seditions & meurtres par luy procurez & perpetrez, dont auons traité par cy deuant, que pour auoir osé transporter en autre lieu les ossemens de son pere Constantin sans sa permission, & mesmement qu'il auoit admis vn Diacre à la communion de l'Eglise, lequel auoit esté trouué en paillardise, pour toutes ces causes & raisons, ils le demirent aussi de sa dignité episcopale. Autant en firent ils à Eleusie, Euesque de Cyzice, pour le crime qu'il luy estoit obiecté, qui estoit que non seulement sans aduis & consideration il auoit admis au baptesme vn quidam nommé Heraclee, qui se tenoit à Tyr, & en icelle ville faisoit estat de prestre d'Hercules, l'un des deux qu'adoroyent les Grecs, & qui estoit vn manifeste imposteur & abuseur : mais aussi pour ce qu'il l'auoit esleu en l'ordre de Diacre, veu & considéré qu'il n'auoit receu le Christianisme que par feintise & simulation, & qui ne s'estoit retiré à Tyr, que pour les impostures, abus & affrontemens dont il se scauoit fort bien ayder : & mesme que du depuis l'ayant sçeu & congneu estre tel, ne l'auoit ce nonobstant depose du saint ordre. D'auantage fut osté de sa dignité, pour ce qu'il auoit contre les saints Canons orné de la dignité sacerdotale quelques vns, qui à Chalcedone auoyent esté condamnéz

*Acacie &  
Eudoxe do-  
posent de  
leur dignité  
à l'assem-  
blee de Con-  
stantinople  
les Eues-  
ques de par-  
tie aduersse,  
non à rai-  
son de la foy  
& religi-  
on, mais  
pour diuer-  
ses causes  
& crimes  
dont ils es-  
toient accu-  
sez & con-  
uaincus.*  
*Arie priué  
de son ordre  
de Diacre.  
Deposition  
de Macedo-  
nien.  
De Eleusie  
Euesque de  
Cyzice.*

# LIVRE IX. DE L'HIST. ECCLESIASTIQUE

*De Basile,  
Euesque  
d'Ancyre.*

par sentence, & bannis par Marin, Euesque du lieu, lequel pour lors assistoit à ceste assemblée de Constantinople. Ils deposerent pareillement Basile (qui ayant deux noms estoit aussi appellé Basilas, & qui en la place de Marcel auoit esté subrogé en l'Eglise d'Ancyre) pour autât que contre toute raison & equité, il auoit condamné quelque hôme à la torture, & détenu aux cadenes quelques autres long temps en prison. Aussi pour ce qu'il auoit dressé de grandes calomnies & faulces accusations contre aucuns clers des pays d'Antioche, de Cicile, de Galatie, & d'Asie, qui par luy ayans esté mis & liurez és mains des preuosts & gouuerneurs de ces prouinces, il auoit esté cause que sans estre ouys en leurs iustifications, auoyent esté puniz & enuoyez en exil. Item à cause qu'il auoit osté par force des lettres à vn prestre nommé Diogenes qu'il portoit quant & soy s'en allant d'Alexandrie à Ancyre, & qu'il auoit iceluy bastu & outragé. Ils luy impropererēt encore & mirent en auant, qu'il auoit osé resister & contreuenir aux commandemens de l'Empereur, par lesquels il estoit cōmandé, qu'Ætie & quelques autres fussent menez à Cecropie, pour estre là interrogez & ouys par deuant sa maiesté, sur les crimes qu'on leur obiectoient. Et pour ce mesmement qu'il auoit escrit au Duc Hermogenes, & au gouuerneur de Syrie pareillement, quels & en quel lieu il deuoit enuoyer en exil & bannir aucuns qu'ils detenoyent prisonniers: pour lesquels combié que l'Empereur eut escrit, cōmandant qu'ils fussent absous & renuoyez en leur pays, iceluy Basile neantmoins par quelque finesse & ruze dont il auoit vsé, auoit tant fait enuers les susdicts que l'opposite du cōmandement de l'Empereur s'estoit ensuyuy, estant par mesme moyen aux Magistrats & aux Euesques contraire & repugnant. D'auantage, à cause qu'à Sirmie il auoit incité à rebellion le clergé de Germinie, luy persuadant qu'il ne deuoit cōmuniquer avec luy: qu'il auoit esté deprehendé en periure: que par lettres il auoit donné occasion aux Illyriens, Romains & Aphricains de discorde & sedition: que escriuāt aux Euesques d'Afrique, il auoit taxé & calomnieusement accusé Vrsice & Valens: qu'il auoit contrainct vne chambriere qu'il tenoit prisonniere, de faulcement deposer & dire faux tesmoignage contre sa maistresse: qu'il auoit baptizé vn homme qui par deshōneite frequentatiō demeuroid avec vne femme mal famee, & mesme qu'il luy auoit cōferé la dignité de Diacre: qu'il n'auoit forclos de l'Eglise vn voleur, qui faisoit estat d'espier les chemins & de destrousser les passans, & qui en auoit tué plusieurs: & pour ce finalement qu'à la table de nostre Seigneur il auoit fait quelques coniurations, & illec astringēt son clergé par le serment sur le *Corpus Domini*, qu'ils ne s'entre accuseroient les vns les autres: ce qu'il auoit fait par vn dol & finesse, à sçauoir, afin que luy qui obtenoit la premiere dignité sur son clergé, declinast par ce moyen tous iugemens. Sont là les causes, pour lesquelles fut ostée la dignité episcopale à Basile, Euesque d'Ancyre.

*De Eustathe, Euesque de Sebaste.  
Socrates  
l. 2. cha. 43.  
l'appelle  
Eulalie.*

Autant en firent ils à Eustathe, Euesque de Sebaste, en Armenie, premierement à cause que quād. il fut ordonné prestre, son pere . . . Eulalie par sa sentence & iugement l'auoit cōdamné, & debouté de l'Eglise, pour autant qu'il vsoit d'habit indecent & mal cōuenable à vn prestre. Or estoit cest Eulalie, Euesque de Cesarée en Cappadoce. Aussi pour ce que ledict Eustathe auoit esté excommunié à Neocesaree, qui est vne ville de Pont, en vn Concile là assemblé, à cause que peu fidelement il s'estoit porté en quelques affaires qui luy auoyent esté cōmises: laquelle note luy fut premierement reprochee à Beryte par Eusebe, puis à Nicomedie, & finalement par l'Euesque de Constantinople qui succeda à Paul. D'auantage, à cause que la dignité episcopale luy auoit esté ostée au Concile de Gangre, pour auoir senty de la foy & enseigné en l'Eglise autrement qu'il n'appartenoit. Et mesme à cause qu'au Concile d'Antioche il auoit esté conuaincu de periure, & qu'il s'estoit efforcé de casser & annuller les choses qui bien & deuēment auoyent esté constituees au Cōcile de Melite. Et qu'ores qu'il fut accusé de tant de crimes, ce neantmoins

*Deposition  
de Eortasie,  
Euesque de  
Sardec.*

qu'il y auoit osé prendre l'estat de iuge & president, en retirant les autres ia estrangez de la foy. Ils condānerent aussi semblablement Eortasie, Euesque de Sarde, à raison que les Euesques du pays de Lydie n'auoyent pas approuué & ratifié son election. Ils priuerent tout quant & quant Dracontie, Euesque de Pergame, pour auoir changé son Euesché qu'il auoit premierement au

*De Dracontie, Euesque de Pergame.*

pays de Galatie à celui dudit Pergame: & luy ayans osté ce dernier, ne luy voulurent permettre de retourner en son premier. Ils degraderēt aussi Sophronie Paphlagonois & le depōssederent de celui de Pompeiopole duquel il estoit gouuerneur, d'autant que d'une desordōnee affection d'auarice qui estoit en luy, il auoit fait traffique de l'argent de l'Eglise qu'il auoit en maniment, & qu'ayāt esté cité deux fois par le Concile, à grande peine y auoit il cōparu, en le nōmant iuge profane par l'appel qu'il fit d'iceluy Concile. Outre ceux-cy ils demirēt aussi Elpidie, Euesque de Satala en Armenie, cōme estant cōpaignon de Basile, & sans auoir esgard à aucun ordre, autheur de confusion & de trouble: & mesmement à cause que temerairement il auoit restitué

*De Sophronie, Euesque de Pompeiopole.*

sans inquisition precedente en l'ordre & degré des prestres vn nommé Eusebe, lequel le concile de Melite auoit priué de la dignité sacerdotale: & qu'il auoit le Diaconat & ministere en l'Eglise à vne femme nommée Nectaria, à laquelle pour auoir faulcé son serment & la foy promise, auoit esté defendue la communion, & qu'il l'auoit admise & receue à cest honneur ecclesiastique, auant que premier elle eust fait penitence, suyuant la coustume de la discipline Ecclesiastique. Neon semblablement Euesque de Seleucie fut condamné de se deposer de son Euesché,

*De Elpidie, Euesque de Satala.*

*De Neon, Euesque de Seleucie.*

pour

pour auoir permis de propos deliberé qu'Adrian fust creé Euesque d'Antioche en son Eglise : & pour autant que sans meure deliberation il auoit fait aucuns Euesques, qui n'auoyent aucune experience aux saintes lettres, & qui estoient ignorans des constitutions Ecclesiastiques, & au demeurant mal-viuans : & qui finalement preferas la pecune à la dignité episcopale, auoyent attesté par leurs lettres, qu'ils aymoyent mieux estans riches & opulens auoir la charge des choses saintes, que d'estre Euesques estans pauvres, & sans biens. Syluain Euesque de Tarse fut aussi deposté, pour ce qu'il auoit esté cause que les autres Euesques congregez tant à Seleucie qu'à Constantinople auoyent esté troublez. Theophile semblablement Euesque de Castabale qui est en Cilice, fut interdict, pour ce qu'ayant esté au parauant esleu Euesque d'Eleutheropole par les Euesques de Palestine, il n'auoit pas fait serment de bon cœur, de n'accepter iamais Eglise autre que celle là, dont du depuis il fit le contraire. Or faut-il en ce lieu obseruer, que ce concile de Gangre deposta Eustathe Euesque de Sebaste de sa dignité, luy ayant desia auparauant esté ostee par celuy de Cesaree, pour autant qu'il auoit fait & ordonné maintes choses au desaduantage & contre la coustume de l'Eglise : Car en premier lieu il defendit le mariage, & enseigna qu'il falloit s'abstenir de manger chair, dont aduint que plusieurs se separerent de leurs femmes, & les femmes de leurs maris, & suada à ceux qui refusoient de communier en l'Eglise, de le faire es maisons priuees. Les serfs & esclaves qui auoyent deuotion de seruir à Dieu sous le pretexte & couleur de la religion, il les mit tous en liberté & affranchit, contre la volonté de leurs maistres. Il print aussi vn habit dissemblable à celuy des autres & non accoustumé, à la mode des Philosophes anciens, contraignant tous ceux de sa secte de faire le pareil, & se desguiser des autres par ces nouueaux habillemens. Il ordonna pareillement que les femmes ne portassent plus de cheueux, & desdaignant les ieunes ordonnez & establis de l'Eglise Catholique, il enseigna qu'il valloit mieux ieusner les iours de Dimanche. Il defendit de ne faire prieres ny oraisons es maisons des gens mariez, & si quelque homme lay ayant espousé femme par legitime mariage, estoit esleu en l'ordre de prestre, il commandoit d'euer sa benediction & communion, ne plus ne moins que quelque grosse offence & abomination. Voila les choses & autres semblables qu'Eustathe fit & enseigna, & pour lesquelles le concile de Gangre en Paphlagonie non seulement le priua de sa dignité episcopale, mais aussi l'excommunia, avec toutes les constitutions & ordonnances.

*De Syluain Euesque de Tarse.*

*De Theophile, Euesque de Castabale.*

*Les causes pourquoy Eustathe, Euesque de Sebaste, fut condamné au concile de Gangre.*

*Comment Cyrille Euesque de Ierusalem, fut aussi par les mesmes doiecté de son Euesché: & qui ont esté ceux qui furent subrogez aux lieux & places des dessusdicts. Item dureprouuée & importun sophisme ou argument caillatoire d'Eudoxe, Euesque de Constantinople: & de la persecution qui vint lors par le moyen d'Acacie.*

Chap. XLVI.



Pres les sus mentionnez, ils condamnerent aussi pareillement pour le treizieme Cyrille, euesque de Ierusalem, homme de grande sainteté & vertu, & fort excellent à enseigner le peuple: les escrits duquel sont par l'Eglise appelez Cyrilliaques. Quant aux causes pour lesquelles il fut par eux sententié, elles sont telles: C'est premierement qu'il auoit communiqué avec Eustathe & Elapie, qui s'estoyent formalisez & bandez à l'encontre du concile de Melite: auquel le mesme Cyrille auoit esté l'un des principaux, & qui mieux auoit soustenu la foy Catholique. Et mesme pour ce qu'il auoit receu Basile & George euesque de Laodicee à sa communion, apres auoir esté deposté de l'ordre presbyteral en Palestine. D'auantage pour ce qu'apres qu'il fut creé euesque de Ierusalem, & monté au siege Apostolique, il auoit eu quelque altercas & procès avec Acacie, Euesque de Palestine, pour l'estendue des fins & limites de la iurisdiction ecclesiastique d'eux deux, & du droit de Metropolitain. A cause dequoy ayans conceu vne haine l'un contre l'autre, ils s'entr'improperoyent le sentiment & opinion qu'ils auoyent de Dieu d'une part & d'autre: Car Acacie suyuoit l'opinion d'Arrius, & Cyrille approuuoit ceux qui louoyent la Consubstantialité. Ce qui estoit cause qu'Acacie estant mal affecté contre luy, ayant congregez les euesques de Palestine qui tenoyent pour luy, luy defendit l'administration des choses saintes: & pour ce faire mit principalement en auant l'occasion qui s'ensuit: C'est qu'une grosse famine affligeant vne fois la Palestine, le pauvre peuple n'auoit autre refuge en telle disette des choses necessaires pour la sustentation de sa vie, qu'à l'Euesque.

*La condamnation de Cyrille, Euesque de Ierusalem. Cyrilliaques.*

*Cyrille en vne grosse famine subuiert au pauvre peuple, par la vendition qu'il fit des tapisseries, reliques & ioyaux de son Eglise.*

Or comme Cyrille n'eust ny bled ny argent pour y suruenir, vint à telle extremité, qu'il fut contrainct de vendre les dons, ioyaux & tapisseries du temple, & par ce moyen soulagea entant qu'il peut l'indigence & souffreté du menu peuple. Ce faict, il aduint de fortune que quelque honneste homme recongneut vne fois vn don qu'il auoit faict audict temple,

qui estoit vne robbe dont estoit reueſtue quelque femme d'entre celles qui ioient des comedies communément ſur des eſchaffaults, & qui ioient des instrumens de musique. L'inquisition faite, fut trouuée qu'elle auoit eſté par elle acheptee de quelque marchand, qui auparauant l'auoit auſſi acheptee de l'Eueſque. Soubſ le pretexte & argument de quoy, Acacie contraignit Cyrille de ſe deporter de l'adminiſtration de ſon Eueſché. L'entens qu'il n'y eut autre cauſe de ſa depoiſition, toutefois non aſſez ſuffiſante pour lors, comme il me ſemble, pour ce que la famine & diſette de la commune furent cauſe d'icelle vendition. Or faut-il noter, que tous ceux à qui Acacie & les complices de ſa faction oſterent leur dignité, ils les expulſerent auſſi par meſme moyen de Conſtantinople: Toutefois il ſ'en trouua dix de ceſte ligue, qui par leurs ſentences ne

*Les Acac-*  
*ciés contrai-*  
*gnent par*  
*force les E-*  
*ueſques qui*  
*aſſiſterent*  
*à l'aſſemblee*  
*de Conſtan-*  
*tinople à cō-*  
*ſentir à leur*  
*ſentence.*  
*Ils font en-*  
*tendre leur*  
*reſolution*  
*aux Eueſ-*  
*ques aſſens.*  
*Conſtance*  
*la cōſume.*  
*ſuccedeurs*  
*des Eueſ-*  
*ques condā-*  
*nez.*  
*Macedonie*  
*demeurant*  
*aux cloi-*  
*ſtres, ſans e-*  
*ſtat ny of-*  
*fice.*  
*Inique in-*  
*gement.*  
*Voix inepte*  
*& meſchā*  
*te de Eudo-*  
*xe, eueſque*  
*de Conſtan-*  
*tinople, au*  
*commence-*  
*ment de ſon*  
*ſermon, aſſe-*  
*ſtāt la face-*  
*tie & eſtre*  
*veu de bon*  
*eſprit & in-*  
*genieux.*  
*Eudoxe &*  
*Acacie taſ-*  
*chent tant*  
*qu'ils peu-*  
*uent à abo-*  
*lir le Sym-*  
*bole de Ni-*  
*ce.*

voulurent onc approuuer tels aboliffemens & degradations, qui furent cōdamnez par Acacie, Eudoxe, & leurs adherans d'eſtre ſerrez en vn certain lieu ſoubſ ſeuſe garde, pour là demeurer ſans office ny eſtat, ny ſ'entremesler des choſes diuines, ou concernantes leur charge epiſcopale, iuſques à tant qu'ils euſſent ſouſſigné aux ſentences des ſuſdites condamnations. Et les menaçoient (comme en tels actes il ſe fait communément) qu'à eux-mesmes leurs Eglises leur ſeroient oſtees & commiſes à autres qui conſentiroient avec eux, ſi dedās ſix mois ils ne venoyēt par repentance à ſe reconnoître, & n'accordoyent en tout & par tout à ce que le concile auoit déterminé. Apres qu'ils eurent mis ordre à tout cela, & qu'ils furent venus au deſſus de leurs deſſeins, ils enuoyerent lettres par tout, à tous les Eueſques, à ce qu'ils euſſent à maintenir & garder la profeſſion de foy d'Arimine avec ſon addition, & à la conſermer par leurs ſignatures, & que ſ'ils faiſoyent autrement & n'y vouliſſent conſentir, qu'on les enuoyroit en exil: Aquoy fut adiouſtee l'edit & ordonnance de l'Empereur, qui approuuoit leurs entreprinſes. Ils firent auſſi entendre tout cecy à Patrophile, Eueſque de Scythopole, qui de Seleucie ſ'eſtoit incontinent retiré en ſon Eglise. Quelque peu de temps apres, Eudoxe avec ſes adherans ſubſtitua autres Eueſques es ſieges epiſcopaux de ceux qu'ils auoyent depoiſez, lequel Eudoxe fut le premier qui fut ſubrogé en la place de Macedonien, & Athanaſe en celle de Baſile, Eueſque d'Ancyre. A Eleuſie ſemblablement ſucceda Eunomien, lequel fut auſſi prince & autheur d'une heretie denommee de ſon nom. Et au lieu d'Euaſthe Eueſque de Sebaſte, ſainct Melitie fut eſleu gouverneur de ſon Eglise. Macedonien eſtant priuē de l'Eueſché de Conſtantinople, fut long temps demeurant en vn lieu nommé vulgairement Les Cloiſtres, conſtitué vis à vis de la ville du coſté d'Orient: où il vomifſoit à bouche ouuerte ſon blaſpheme à l'encontre du ſainct Eſprit, & y paſſa en la ſorte ſa vie malheureuſement. Cependant Acacie & ceux de ſa ligue conduirent Eudoxe en l'Eglise vacante de Conſtantinople, pour en prendre poſſeſſion, pratiquans par cela tout le contraire de ce qu'ils auoyent decreté vn peu auparauant: Car eux qui de n'a-guere auoyent depoiſſé Dracontie de ſon Eueſché, pour ce qu'il auoit quitté celui qu'il auoit au pays de Galatie, pour prendre celui de Pergame, ne regarderent pas que quand ils tranſportoient Eudoxe non en vne nouuelle Eglise, mais en vne autre qu'on luy bailloit en delaiſſant celle qu'il tenoit auparauant, qu'ils faiſoyent tout l'opposite de ce qu'ils auoyent ja decisi & arreſté. Eſtant donc iceluy introniſé en l'Eglise de Conſtantinople, pour ſa bien venue il commença à celebrer la Dedicace de la maiſtreſſe Eglise nommee ſaincte Sophie, c'eſt à dire Sapience, qui fut le quinziesme iour de Feurier. Ce faiſt, il ſe print à preſcher, & eſtant en chaire, cōmença de prime entree à dire ces mots deuant toute l'aſſemblee, *Pater eſt Meſchus*, c'eſt à dire (en prenant les termes ſimplement & ſelon le commun parler) le Pere eſt meſchant: ou autrement, ce mot Grec ſignifie celui qui ne reconnoit aucun ſuperieur, ny ne reuerſe perſonne. *Filius autem eſt Euſebius*, c'eſt à dire: Mais le Fils doit à bon droit reconnoiſſance, reuerſe, & honneur à quelque ſuperieur. A ces paroles ſ'eſtant leuē vn tumulte & ſedition parmy le peuple, il ſe print à leur faire remonſtrance & à les enhorter de n'eſmouoir aucun trouble pour ces mots, & l'interpretant en ceſte ſorte: Le Pere (dit-il) ne reuerſe aucun, ny ne recognoit ſuperieur que luy, & par ainſi il eſt *Meſchus*. Mais le Fils eſt *Euſebius*: car iuſtement & à bon droit il reuerſe & reconnoit le Pere pour ſuperieur. Ayant fait ceſte remonſtrance & declaratiō de ſon dire, le tumulte ſ'amortit, & ſ'en enſuiuit vne grande riſee: de ſorte que meſme iuſques au iourd'huy ce mot ſe dit communement par vne moquerie. Voila comme ces meſchans ſ'occupans à telles badineries, & vſans de telles cauillations & moqueries, troubloyent l'Eglise & deſtournoyent le peuple à opinions contradictoires. Et entre tous les autres nommément Eudoxe & Acacie ſ'efforçoyent de toute leur affection & aſtuce, à abolir les decrets de Nice. Et pour ceſte cauſe ils enuoyerent par tout le pays le formulaire de foy d'Arimine avec l'addition qu'ils y auoyent faite: Laquelle choſe bien qu'il leur ſemblait pouuoir facilement parfaire & accomplir tout ce qu'ils auoyent entrepris contre raiſon & equité, ſi eſt-ce qu'elle apporta quant & elle vn commencement de maintes autres calamitez: de façon qu'elle eſmeut non ſeulement es Eglises, mais en toutes les villes du pays de Leuant vn gros trouble & eſmotion, & par tout l'Empire Romain ſ'eſleua vne perſecution, qui ne cedoit en rien à la tyrannie & cruauté des Grecs: Car ores qu'elle fut moindre pour le regard des ſupplices des corps, ce neantmoins la vilennie & deſhonneſteté fut beaucoup plus grande à l'endroit de ceux qui bien ſçauoyent pourpenſer rel

affai




affaire, & iuger de l'issue qui en aduint: Car tant ceux qui persecutoyent les autres, que ceux qui enduroyent persecution, estoient tous d'une mesme Eglise & religion. Et estoit ce mal pour la honte & villennie d'iceluy d'autant plus grand, que plus deshonnestement on fait la guerre à ceux qui sont d'une mesme ville, qu'aux autres: attendu mesmement que les sanctions & ordonnances episcopales la defendoyent faire aux estrangers, & qui ne participent en foy avec nous. Adonc toutes nouvelles estoient trouuees bonnes, & prenoyent tous les iours petit à petit leurs accroissemens, tendans toutes à un estrange & non accoustumé changement de toutes choses. Et tant se continuerent, qu'elles parvindrent à la parfin à une tant obstinee temerité, que les hommes contemnoyent les anciennes loix de leurs Peres, & s'en forgeoit un chacun de nouvelles ainsi qu'il venoit à sa fantasie: tellement qu'il y en auoit plusieurs qui ne voulans pas sentir de Dieu les mesmes choses que les sedicieux, le plus souuent controuuoient nouvelles propositions & doctrines, sans se pouuoir aucunement contenir d'inuenter quelques choses outre les autres. Voila l'estat auquel estoient lors toutes choses reduictes.

« vne robbe dont estoit reuestue] Theodoret liure 2. chap. 27. dit que ceste robbe cy estoit de drap d'or, & qu'elle auoit esté donnee à Macaire, Euesque de Ierusalem, par le treslouable Empereur Constantin le grand, afin que l'Euesque en vst quand il feroit les ceremonies du saint Baptesme, & qu'ayant esté vendue par Cyrille à un marchand, iceluy la reuendit à un saulteur nommé Thymelique, lequel en estant une fois reuestu, & faisant ses saultes, cheut la subitement tout roide mort.

De l'heresie de Macedonien & de Marathonien, Euesque de Nicomedie, & d'Eustathe Euesque de Sebaste, qui premierement commencerent à blasphemer contre le saint Esprit: à raison dequoy ils furent aussi appellez Pneumatomachi.

## CHAP. XLVII.



Res que Macedonien eut esté iusques adonc de la mesme opinion que Eudoxe & Acacie, si est-ce neantmoins qu'apres qu'il fut mis hors de son Eglise, ne suiuiot pas la mesme opinion: mais fut d'aduis que la profession de foy, qui premierement auoit esté decretee à Antioche, & du depuis aussi confirmee & arrestee à Seleucie, laquelle iceluy Macedonien (ou plustost Marathonien, qu'il auoit fait Euesque de Nicomedie, comme aucuns estiment) appelloit la foy de l'Equisubstantialité, deuoit auoir lieu, & non autre. Chose qu'il ne fit seulement, mais aussi en interpretant la Theologie ou donnant raison de la diuinité, il nia qu'il fallust dire, que le saint Esprit fust l'une des personnes de la Trinité. Tellement qu'il disoit bien le Fils estre Dieu parfait, & en substance egal au Pere: mais que le saint Esprit n'auoit point tel honneur & dignité, enseignant qu'il estoit seruiteur & ministre, & quelque peu plus excellent que les ordres des Anges. Et estoient en ceste mesme opinion Eleusie Euesque iadis de Cyzice, & Sophronie Paphlagonois, & Eustathe Euesque iadis de Sebaste: lequel routefois estant plus raisonnable que les autres, aimant mieux dire, que le saint Esprit n'estoit ny Dieu, ny creature. Il y en auoit aussi plusieurs qui les fauorisoient & supportoyent de voix & de parole: & presque tous ceux à qui leur dignité auoit esté ostee par leur aduerse partie, tenoyent leur party. Et si d'auantage ils auoyent tiré à leur cordelle par leur piperie, la plus grand' partie des habitans de Constantinople, ensemble du pays de Bithynie, de Thrace, d'Hellepont, & des autres peuples d'alentour: Car il fault noter, que de vie & de meurs (à quoy le commun peuple a tousiours coustume d'auoir esgard principalement) ils estoient fort entiers & louables. Quand ils alloient par les rues, ils se marchoyent d'une grauité fort venerable. Leur coustume & maniere de faire ne differoit pas beaucoup de celle des moines, & leur parole entremeslee d'une curieuse & affectee sainteté, auoit en soy vne force & vertu assez propre à persuader. Tel aussi estoit Marathonien, lequel ayant long temps exercé l'estat de contrerouleur des guerres, quand les bouges furent assez remplies, il quitta son estat & se mit à estre curateur des pauvres es maisons publiques & hospitalaires, & à seruir aux malades & souffreteux. De là, à la persuasion d'Eustathe euesque iadis de Sebaste, il voulut s'uyre la vie ascerique ou monastique, & pour ce faire il edifia un beau & insignie monastere à Constantinople, lequel dura longuement. Au reste il fut tant studieux de l'heresie de Macedonien, qu'apres auoir employé tout son argent, il se mit à la diuulguer & prescher par tout: & voulut que les disciples de Macedonien fussent aussi appelez de son nom Marathonien. Et si luy seule tousiours semblé empescher, que ceste secte ne deperist à Constantinople: Car depuis le temps que Macedonien fut depose de la dignité episcopale, les Macedoniens n'eurent par apres Eglise ny euesque iusques à ce qu'Arcade fut paruenue à l'Empire, fors & excepté ceulx que un peu auparauant auons dict auoir esté degradez de leur estat: Car les Arriens ayans dechassé des Eglises tous ceux qui estoient d'autre secte que de la leur, les

Discordes d'hommes qui en l'Eglise se font d'iceux par une licence à nouvelles sectes & seditions.

Heresie de Macedonien.

Les confors d'iceluy.

La sainteté de vie des heretiques.

Marathonien Euesque de Nicomedie.

Les Macedoniens, appellez aussi Marathonien.

# LIVRE IX. DE L'HIST. ECCLESIASTIQUE

*Pneumatomachiens, c'est à dire, oppugnateurs du S. Esprit.* affligeoyent aussi d'autres plusieurs maux. Au demeurant ceux-cy non seulement furent nommez Macedoniens & Marathoniens, mais aussi Pneumatomachiens: c'est à dire, oppugnateurs du saint Esprit, & luy faisans la guerre. Or seroit il par trop ardu & difficile de discourir par le menu qui furent tous les Euesques qui de ce temps là furent expulsez de leurs sieges. Et pour le faire bref, il n'y eut presque par tout l'Empire Romain gent ne nation qui se peut sauuer de ce desastre & calamité.

*a* que le saint Esprit] *Socrates liure 2 chap. 45. escrit d'Eustate Euesque de Sebeste, qu'il disoit en ceste sorte: le ne suis pas d'aduis que le saint Esprit soit appelle Dieu: aussi ne l'oseroye pas nommer creature.*

*Comment apres qu'Eudoxe fut installé en l'Eglise de Constantinople. fit tant que Melitie fut aussi transporté de Sebeste à celle d'Antioche: & comme en ayant esté chassé, Eudoxe fut mis en son lieu. Chap. XLVIII.*



Comme Eudoxe regardast aux grands biens & reuenuz de l'Euesché de Constantinople, & en fust ja en reelle possession, sourdit, par vne ambition & conuoitise d'honneur & de gloire, vne grande contention pour le siege d'Antioche: Car pour autant qu'un chacun (par maniere de dire) pensoit cest Euesché luy appartenir, il s'esmeut (comme il aduient communément en tel affaire) des seditions & mutineries entre le Clergé, & mesme entre le peuple. De façon que les sectateurs d'une chacune opinion, taschoyent par tous moyens, en ceste expectatiue & attente d'obtenir iceluy Euesché, que quelcun de leurs fauoris & adherans en fust prouueu: Car il y auoit encore entre la commune un grand disside touchant la doctrine. Au moyen dequoy ils ne concordoient pas mesme en leurs psalmodies & seruice diuin, mais il n'y auoit celuy qui ne se façonnast des psalmes & cantiques à sa guise, & selon l'opinion qu'il tenoit. Et comme l'estat d'Antioche fust tel, Eudoxe & ceux de sa secte furent d'aduis d'y transporter Melitie, le sçachans excellent tant à bien dire ce qu'il vouloit, qu'à doctement enhorter & prescher, & homme de bonne & louable vie, & qui auoit tousiours auparauant tenu bon pour la mesme opinion qu'ils auoyent: Car ils auoyent conceu vne grande opinion, que par la quantité & singularité des dons de grace qu'il auoit, il se feroit qu'ils attireroyent à leur cordelle non seulement les Antiochiens, mais aussi les villes circonuoinfines, & ceux-là principalement qui du nom du saint personnage Eustathe, se nommoient Eustathiens, & qui gardoyent & maintenoient l'entiere foy de Nice, faisans à part des autres leur communion & assemblees. Mais ils furent bien deceus de leur opinion: car Melitie ne fut plustost arriué à Antioche, que plusieurs Arriens & plusieurs de partie contraire qui auoyent suiuy Paulin, ne vindrent vers luy pour le caresser & luy faire la reuerence. Les uns estans attirez à ce faire pour l'honneur & gloire d'un si grand personnage (car aussi un grand bruit auoit precedé sa venue, qu'il deuoit estre leur Euesque) & les autres pour le veoir & saluer. Et principalement pour l'affection & enuie qu'un chacun auoit de sçauoir à laquelle des deux parties il enclineroit: Car le bruit couroit par tout qu'il faisoit grande estime de ce qui auoit esté decreté au concile de Nice, comme aussi l'issue le demonstra. Or faut-il noter qu'en ses predications, il ne voulut premierement parler du fait de la doctrine & des opinions qu'un chacun auoit touchant la religion, ains seulement voulut traicter des mœurs des hommes publiquement: Puis entrant en matiere, il mit aussi en auant la foy de Nice, & prescha que le Fils estoit egal au Pere en substance. Ce que voyans ceux du party contraire, en furent fort indignez, tellement que lon dit qu'un d'entre eux, qui estoit clerc de condition & archediacre vint à luy pendant qu'il preschoit, & luy mettant la main sur la bouche, la luy ferma. Lors Melitie monstra de main plustost que de voix l'opinion qu'il auoit de la foy, quand en estendant trois de ses doigts appertement, & de rechef les ayans doucement retirez, en erigea un seulement tout droit contre mont. Outre demonstra deuant tous par ceste representation & image, quel sentiment il auoit de la foy, qu'il ne pouoit exprimer de bouche. Laquelle apres que le diacre luy eut desfermé, & eut empoigné sa main pour la luy refermer, lors d'une voix libre & graue se print à disertement promulguer la sentence & opinion qu'il auoit de Dieu, en recommandant à tous la foy de Nice, & attestant ouuertement ceux là errer & defaillir de la vraye opinion, qui autrement sentoient. Et comme ou de bouche, ou de gestes de main il ne cessast à chaque fois, ainsi que la chose venoit à point, d'affirmer & maintenir son opinion, à l'encontre de l'inhibition & contention de cest archediacre, & perseuerast longuement ceste concertation entre les Euesques, qui se combattoient à toute sorte & maniere de conflicts, en vsant de tous moyens à eux possibles pour vaincre & ruer chacun son homme par terre, tant de iambes que de bras, les Eustathiens espris pour ce faict de liesse, commencerent à demener ioye & à s'escrier à haute voix contre eux, tant que les Arriens vaincus de honte & d'ignominie leur cederent. Dequoy estant Eudoxe fort indigné avec les siens, bannit Melitie de l'Eglise d'Antioche, & puis apres le restitua

*Melitie designé & esleu Euesque d'Antioche, arrianisant au commencement, mais par apres fut bon catholique.*

*Melitie tāt par indice de la main, que de libre voix presche publiquement que la Trinité est de mesme substance.*

restitua en son lieu, sous espoir qu'il changeroit d'opinion & qu'il s'accorderoit avec luy, & amenderoit ce qu'il auoit auparauant dit: car ainsi l'estimoit il. Et de fait, Melitie auoit esté premierement par les voix & suffrages des Arriens créé Euesque de Sebaſte, & depuis par les memes transporté à Berrhoé qui est en Syrie, & si au concile de Seleucie il auoit soubſcrit au formulaire de foy d'Acacie. Il auoit en outre assisté au concile de Constantinople, & avec eux fait & déterminé tout ce qu'il leur auoit pleu, & par eux esleué sur le siege d'Antioche. Ce qui les occasionna de le restituer (comme auons dit) en son lieu, sous esperance qu'à la fin il s'accorderoit avec eux aussi bien qu' auparauant: Mais comme il ne peust aucunement estre retiré & diuerty de la droicte opinion, apres que l'Empereur en fut aduertý, il l'enuoya en exil, & bailla le gouvernement de l'Eglise d'Antioche à Euſoie, familier d'Arrius, avec lequel il auoit aussi esté auparauant condamné. Or ceux-là qui ſuiuoyent Melitie, & qui loüoyent & approuuoient ſa doctrine, ſ'eſtans retirez des Arriens, faiſoyent leurs Eglises & assemblees à part: Car les adherans de Paulin, & qui tenoyent la Conſubſtantialité, & ſe nommoient Euſtathiens, ſe deſtournoyent de Melitie & de ceux qui le ſuiuoyent, & abhorroyent leur communion, non pour autre raiſon, ſinon pour ce que Melitie auoit esté fait Euesque par l'eſlection des Arriens qu'ils deteſtoyent, & que les ſectateurs d'iceluy auoyent esté initiez de leur baptême: Tellement que ores qu'ils fuſſent tous de meſme opinion, ſi eſt-ce que pour la ſeule cauſe de l'election, ils ſe ſeparerent entre eux les vns des autres. Et par ainſi il aduint vn diſſide en l'Eglise d'Antioche par les deux parties, qui eſtoyent de meſme opinion. Sur ces entrefaites, nouuelles vindrent à Conſtance, que les Perſes entreprenoyent ſur ſon Empire, & luy dreſſoyent quelques nouuelletez, ce qui fut cauſe qu'il vint à Antioche.

*Le meſme eſt enuoyé en exil par l'empereur. Euſoie Euesque de Antioche. Les pauliniens refuſent comu- nier avec les melitiens catholiques de Antioche, pour l'election de Melitie faite par les Arriens. Conſtance vient à Antioche.*

*Comment Acacie, iadis Euesque d'Antioche, ſ'eſſorça d'oſter auſſi & effacer du ſymbole de foy d'Arimine, ce mot Eſgal: & comme il ſe teut à la fin, ne pouuant executer ſon entreprinſe. Item de George, euesque d'Alexandrie, & des importunités & moleſtes qu'il fit aux Alexandrins. Chap. XLIX.*



Acacie de rechef & ceux de ſa ligue ne peurent long temps durer en repos: mais ſe repentans de leurs premieres entreprinſes, decretz & ordonnances, ils ſe prindrent à les vouloir changer: Et pour ceſte cauſe vindrent à Antioche, accompagnez de quelque petit nombre des leurs: où Euſoie ayant le gouvernement & ſuperintendence des Eglises, & l'Empereur eſtant preſent, ils ſ'eſſorcerent d'effacer & annuller le nom d'Eſgalité, compris au formulaire de foy fait premierement à Arimine, & du depuis à Constantinople: Car deſia non occultemēt & à cachette, ains publiquement & deuant tous, ſans honte ne vergongne quelconque ils enſeignoyent & preſchoyent que le Fils eſtoit en tout, & par tout, tant en ſubſtance qu'en volonté, inegal au Pere, & qu'il auoit esté engendré de choſes qui d'elles meſmes n'auoyēt eſſence ou exiſtence, ainſi qu'Arrius auoit opiné dès le commencement. A ceux-cy principalement fauoriſoyent ceux qui tenoyent l'opinion d'Étie, lequel fut le premier apres ledit Arrius, qui mit tels noms en auant, & qui librement avec vne grande aſſurance & hardieſſe les promulga. Parquoy il fut par les Homouſionistes, ou profeſſeurs de la Conſubſtantialité, appellé Atheiſte, c'eſt à dire, contempteur de Dieu, & ceux de ſa ſecte furent à Antioche nommez Anomionistes, c'eſt à dire Inegaux, & Exucontionistes, c'eſt à dire, non Exiſtentiaux. Lesquels Homouſionistes, comme auons dit vn peu au deſſus, eſtoyent lors enſemble my-partis & diuiſez, à cauſe de Melitie. Or les Arriens eſtans par les noſtres interrogez pourquoy ils oſoyent maintenant dire le Fils eſtre inegal au Pere, & engendré de choſes non exiſtentes & ineſſentielles, veu qu' auparauant en la profeſſion de leur foy ils l'auoyent dit eſtre Dieu de Dieu: ils reſpondirent que c'eſtoit à cauſe que l'Apoſtre S. Paul auoit dit que toutes choſes eſtoyent de Dieu, & que par conſequence le Fils eſtoit auſſi l'vne de toutes ces choſes là, à raiſon de quoy, qu'és Symboles & formulaires de foy ce mot auoit esté auſſi adiouſté ſelon les eſcritures. Voila de quelles cauiſſations & impoſtures ceux-cy inſtruiſoyēt leurs reſponces & refutations, l'auteur deſquelles auoit esté George, Euesque de Laodicee, qui mal entédant telles locutions & façons de parler, ignoroit auſſi ce qu'Origene auoit auparauant diligemment examiné, & amplemēt interpreté, touchant les proprietéz de parler de l'Apoſtre. Tant y a, que ores qu'arrogamment ils allegaſſent & amenafſent ſouuent ces choſes en leurs reſponces, ſi eſt-ce qu'ils ne pouuoient lors ſupporter les iniures & conuices que pluſieurs leur faiſoyent, ny ſatisfaire à ceux qui par diuerſes interrogations les preſſoyent. Et cōme ils n'eufſent aucun crime ny reproche qu'ils peuſſent rejeter contre leurs aduerſaires, apres qu'ils eurent encore vn coup conſermé le formulaire de foy qu'ils auoyent fait à Constantinople, rompirent leur conciliabule, & ſe retirerent en leurs maiſons. En ce meſme temps comme Athanaſe fuſt encore caché & ne ſ'oſaſt produire en public, George non ſeulement mal traittoit à Alexandrie ceux qui tenoyēt le cōtraire de ſon opinō, mais moleſtoit fort auſſi les Grecs: Car il vouloit que ceux-là ſ'accommodaſſent à ſon opinion, fort moleſte

*Les Acaciens ſ'eſſorcent appertement au conciliabule d'Antioche d'inſerer l'inegalité du Fils au Pere, au ſymbole & formulaire de foy. Etie & Arrius de meſme opinion.*

*Cōment les Arriens deſfendoient l'inegalité, à la juſtification de George Euesque de Laodicee. Les Arriens reſuſe en ceſt endroit par Origene.*

*George Euesque d'Alexandrie, fort moleſte*

# LIVRE IX. DE L'HIST. ECCLESIASTIQUE

*Eschacheux* & eussent tel sentiment de la foy que luy, & persecutoit ceux qui refusoient de ce faire: & si d'a-  
à toutes per uantage il se monstroit fort mal- plaissant & eschacheux à toute la commune, estant vn reprehen-  
sonnes, fors seur ordinaire & taxeur des plus apparens & principaux de la ville, & mal-voulu non seulement  
qu'à ses Ar detouts doctes & illustres personnes, pour le mespris & contemnement qu'il faisoit d'eux,  
riens.

mais aussi hay de tout le menu peuple, n'estant de tous en autre estime & reputation, qu'un ty-  
ran, & qui comme de droit de propriété s'vsurpoit la puissance & domination sur eux. En pre-  
mier lieu, il irrita ceux qui suiuoyent la superstition des Grecs pour l'inhibition & defence qu'il  
leur fit de ne faire desormais leurs sacrifices & ceremonies à la mode de leur pays, ny de celebrer  
leurs festes. Et ayant fait venir en la ville un gros nombre de gens d'armes pour luy faire escor-  
ce & luy tenir la main, entra par force en leurs temples, où il brisa les images de leurs dieux, &  
en emporta tous les ioyaux, & tout l'ornement qu'il y trouua: Toutes lesquelles choses furent  
cause de sa mort, comme nous monstrerons au prochain liure qui s'ensuit. Quant à l'Eglise de  
*Euesques de* Ierusalem, elle fut ostee à Cyrille, par le moyen qu'auons dit au dessus, & commise à Herennie,  
*Ierusalem.* auquel puis apres succeda Heraclee, & apres cestuy-cy un autre, nommé Hilaire: Car les histoi-  
res disent, que ceux-cy l'administrerent iusques à l'Empire de Theodose, apres lesquels Cyrille  
fut restitué en son siege.

*De la mort & trespas de l'Empereur Constance: & de ce que Gregoire le Theologien en a  
laissé par escrit. Chap. L.*

*Belles victoi-  
res de Iulien.  
Pres de  
Argentine,  
Eutrop.  
A Paris,  
Ammian.*



Vlien estant créé Cesar par Constance, entreprit la guerre contre les  
Barbares, en laquelle il se porta tant dextremet, qu'il les vainquit en chap  
de bataille. Pres le Rhin, ou plusieurs furent naurez & occis, & les au-  
tres prins & emmenez prisonniers. Et pour ce qu'en l'execution de ce-  
ste entreprinse les gens d'armes le trouuerent homme braue & vaillant,  
tant pour la moderation & attrempance de son esprit, que pour son e-  
quité, il fut par eux déclaré Empereur des Romains. Ce qu'estant r'ap-  
porté à Constance, luy apporta vne merueilleuse sollicitude & chagrin:  
Tellement qu'apres s'estre fait baptizer à Antioche par Euzoie, de là me-  
na son armee contre Iulien. Et estât paruenue à Mopsocrenes, c'est à dire, aux fontaines de Mop-  
sus, qui sont entre Cappadoce & Cilice, rompu & cassé de soucy, fina là sa vie d'une apoplexie  
& catterre qui luy tomba sur vne partie de son corps. Or de quelles meurs & religion ait esté  
Constance, ie le reciterois en ce lieu par le menu, si le tres-vehement orateur Gregoire le Theo-  
logien n'eust au parfait monstre & décrit ses vertus. Et veu que par les termes d'iceluy Gregoi-  
re nous pouuons declarer quel a esté ledit Constance, i'ay estimé superflu de vouloir autrement  
que par luy faire recit de ses actes. Donc en la premiere inuectiue qu'il a escrite contre Iulien,  
côme reprenât ce qu'il auoit esté créé Cesar, il dit pour Constance ce qui s'ensuit de mot à mot:

*Mort de  
constance.*

*De l'Empe-  
reur Cōstan-  
ce, tiré de  
S. Gregoire  
Nazian-  
zene.  
Que Cōstan-  
ce imprudē-  
ment crea  
Iulien, Cesar.*

D'où s'est fait cela, ô tressainct & tres-aimé de Iesus Christ sur tous autres Empereurs (car ie  
suis rauy & transporté par ceste harangue de t'accuser, comme si tu fusses present, & entendisses  
ces miens propos, encore que ie ne sois ignorant que tu excedes & surpasses de beaucoup ceste  
nostre reprehension, qui es maintenant translaté de ce monde heritier de la gloire celeste, & qui  
es d'autant reculé de nous, qu'est plus sainct & magnifique le Royaume que tu as permuté a-  
uec cestuy cy) quel conseil est-ce que tu as icy suiuy & entrepris? Toy, dis-ie, qui en pruden-  
ce & ingeniosité d'esprit as de beaucoup surpassé non seulement tous les princes qui ont esté  
de ton temps, mais ceux aussi qui t'ont precedé: qui hors de ton Empire as nettoiyé & purgé  
de toutes pars les regions à luy voisines de gens Barbares, & dans iceluy as refrené les tyrans:  
desquels en as flechy aucuns par paroles, & vaincu les autres par armes, & fait par ce moyen  
que l'un ne t'ait apporté en l'autre aucune difficulté, dommage ny empeschement. Et combien  
que maintes choses ayent esté par toy acquises en fait de guerre & par les armes, si est-ce pour-  
tant que sans effusion de sang tu as constitué & estably des trophées trop plus grandes & illu-  
stres que ne fut onc tout cela. A toy venoyent de toutes pars ambassadeurs & supplians de di-  
uerses nations, desquels aucunes obeissoient incontinent à tes commandemens & ordonnā-  
ces, & les autres promettoient de ce faire à l'aduenir. De facon que tout ce que tu eusses esperé  
& souhaité, estoit quasi autant comme si l'execution s'en fut ensuiuiue, tant tes conseils & en-  
treprinse ont tousiours esté conduites par la main de Dieu: tellement que ta prudence a esté  
en plus grand bruit & admiration que n'a esté ta force, & d'autre costé plus ta force, que ta pruden-  
ce, mais beaucoup d'auantage ta louable pitié, que toutes ces deux là ensemble. Et quel-  
que peu apres il pourluit ainsi: Car qui est celuy aussi d'entre ceux-là, qui pour le moins l'ont  
congnu en quelque partie, ne le sçache auoir esté tel, que pour la vraye pitié & souveraine ami-  
tié qu'il nous portoit: & pour l'auancemēt en tous biens qu'il nous procuroit, il n'eust voulu nō  
seulement contemner tout l'honneur de sa maison, ou vne partie de son Empire, mais aussi  
faire un eschange d'iceluy sien Empire & de toutes autres choses qui estoient en sa puissance,  
&

*constance,  
prince tref-  
saint.*

„ & mesme de sa propre vie (hors laquelle tous hommes n'ont rien plus cher ny plus en recom-  
 „ mādation ) à nostre prosperité & santé? Et iamais hōme ne fut plus affectionné à chose quel-  
 „ conque, qu'une ardeur & à amour s'estoit emparee en son cœur, à ce que les Chrestiens s'accres-  
 „ sent en hōneur, & parvinssent au comble de toute gloire & puissance. Car toutes les natiōs sub-  
 „ iectes à son Empire ne luy estoient point tant, ne la republique par luy deuēment gouvernee,  
 „ ne les grandes finances & richesses qu'il auoit, ne l'amplitude & grandeur de sa gloire, ne pour  
 „ le nom qu'il portoit de Prince des Rois, & qu'il estoit Empereur, ny finalement toutes les autres  
 „ choses qui semblent faire à la felicité des hōmes, ne luy dōnerent iamais tant desioiſſance, que  
 „ l'affection qu'il auoit à ce que par luy nous eussions louange, & luy par nous tant enuers Dieu,  
 „ qu'enuers les hommes, & que la puissance constante & perpetuelle nous demeurast. Et de fait,  
 „ cōme il considerast beaucoup de choses en son esprit, il consideroit sur toutes les autres celle là  
 „ principalement haultemēt & qui plus ressenoit son Empereur, que n'auoyēt fait plusieurs au-  
 „ tres : c'est qu'il congnoissoit fort bien, que l'Empire Romain auoit prins son accroissement &  
 „ comble ensemble avec le Christianisme, & que quand Iesus-Christ fut venu en ce monde, que  
 „ la souueraine puissance paruint à l'administration & au gouvernement d'un seul prince: chose  
 „ qui n'auoit au parauant esté faite entierement. A raison de quoy iceluy m'a semblé iustemēt &  
 „ à bon droit auoir tant orné & fauorisé les affaires des Chrestiens, lequel iajoit qu'il nous ait  
 „ apporté quelque tristesse : si est ce toutefois qu'il ne l'a iamais fait, ou par un mespris & cōtem-  
 „ nement de nous, ou par contumelie & iniure, ou pour plus gratifier aux autres, qu'à nous : ains  
 „ c'a esté, afin de nous mettre tous d'un accord, & qu'eussions tous un mesme sentimēt de la foy,  
 „ & que ne fussions ainsi diuisez par sectes & diuorces. Puis en la defense qu'il fait cōtre ceux qui  
 „ melisoient & detractoyēt de luy, & qui apres sa mort luy obliçoient couardize & ignorance  
 „ des choses, le mesme auteur adioute ce qui s'ensuit : Ce nous seroit grand' honte, si ayans esté  
 „ de luy esleuez en tant d'hōneur, & estans au vray persuadez qu'il eust tant excellé en la religion  
 „ & pieté Chrestienne, nous ne le defendissions pour son merite : chose aussi que nous deuōs fai-  
 „ re de nous-mesmes, iajoit que nous n'eussions receu aucun bien de luy, pour ce que nous som-  
 „ mes ministres de la parole de Dieu & de la vraye pieté, principalement apres son trespas : veu  
 „ que nous serions hors le blasme de toute flaterie & adulatiō, & que nostre oraison ne seroit sub-  
 „ iectē à aucune suspition. Car qui est celuy qui n'eust esperé, que Iulien apres auoir receu l'hon-  
 „ neur de l'Empire, n'eust esté plus doux & gracieux qu'au parauant : quand il n'y eust eu seule-  
 „ mēt que le regard de l'honneur qu'il auoit receu? Mais outre ce qui estoit cōuenable à luy de  
 „ faire, qui eust esté celuy qui ne l'eust iugé de là en auant plus equitable & moderé qu'au par-  
 „ auant, pour le credit & aduancement des choses qui luy auoyent esté cōmises? Ioinct aussi que  
 „ Constance eut le cœur plus esleué apres qu'il eust adopté Iulien pour successeur de l'Empire,  
 „ qu'au parauant, non tant pour l'estime qu'il auoit de sa preud'hōmie & loyauté, que pour la fi-  
 „ ance qu'il auoit en sa puissance & vertu. Mais pourquoy poursuis-je ainsi cecy : veu que cedant  
 „ & vaincu ie le peu vaincre, & par argumēs en estre supérieur? Car si celuy que s'est fié à un au-  
 „ tre est estimé mauuais, quelle sera la fin de celuy à qui on s'est fié? Et si cela est tenu pour faulte,  
 „ de n'auoir preueu les mauuaises & deprauées meurs d'autrui, afin de les congnoistre & s'en  
 „ garder : en quel rang mettrons nous la mauuaisiē mesme? Or est la malice des hōmes de telle  
 „ nature & condition, qu'elle ne peult estre regie ne flechie par aucune raison : & ne se peult faire  
 „ qu'aucun puisse rendre meilleurs ceux qui ia sont meschans & eshontez : quand mesme celuy  
 „ là, par les choses dont iustement & à bon droit il deust estre mieux affecté, & esteindre s'il auoit  
 „ quelque estincelle de malignité contre aucun, est par les mesmes choses excité à plus grand'  
 „ haine & inimitié, & qu'il a regardé de toutes pars par une mauuaise grace, de quel moyē il ven-  
 „ gera les grands bien-faits & merites de celuy qui l'aduance en l'autorité & degré auquel il  
 „ est. Voylà ce que ce saint personnage recite de Constance en la premiere inuectiue qu'il a es-  
 „ critte contre Iulien. En la dernière il recite ce qui s'ensuit : Mais puis qu'ainsi est, que nous som-  
 „ mes sur le propos du conuoy des obseques & funerailles de celuy qui auant Iulien est decedé  
 „ de ceste vie en l'autre, voyons qu'elle difference il y a eu entre ces deux Empereurs : Et de fait,  
 „ cela sert & profite aucunement aux trespassez, ou à leur felicité, ou infelicité. Or conuient il en-  
 „ tendre que le conuoy de Constance fut conduit en appareil & pompe pūblique, avec la bonne  
 „ encontre & acclamations de tous (i'entens dire des nostres) & avec tous les chants & cantiques  
 „ les plus saints, & hymnes nocturnes, torches & flambeaux, dont entre nous Chrestiens estimōs  
 „ que pitieuses & deuotes funerailles se doiuent honnorer : Et fut le corps porté par une grande  
 „ assemblée de gens d'hōneur, tous portans & faisans le dueil. Et si les paroles que ie veux reciter  
 „ ne meritent qu'on y adioute foy, si est ce pour le moins que cela est venu aux oreilles de plu-  
 „ sieurs par le rapport qu'un chacun en faisoit : c'est qu'on passoit le corps du trespasé par dessus  
 „ le mont Taurus, pour estre apporté en celle excellente & magnifique ville, de laquelle il por-  
 „ toit le nom, fondée & bastie au parauant par son Pere, fut par aucuns ouye & entendue une  
 „ voix venant d'en hault, comme de quelques uns chantans & cōduisans le corps (on estime que  
 „ ce fut la voix des puissances angeliques) de sorte que cest honneur fut exhibé, comme quelques

L'Empire  
 Romain au-  
 gmenté à la  
 venue de  
 nostre sau-  
 ueur Iesus  
 Christ.

Parfaite  
 monarchie  
 des Romains.

Excuse &  
 defense de  
 Constance en  
 ce qu'il a  
 semblé Ar-  
 rianiser.

De ce que  
 Constance  
 fit Iulien  
 Cesar.

Conference  
 des fune-  
 railles de  
 Constance  
 avec celles  
 de Iulien.

Torches &  
 flambeaux  
 funeraires.

obseques, à la pieté & religion. Car s'il a semblé auoir à quelque fois es-branlé de son lieu la droite opinion de la foy Chrestienne, il faut penser que cela a procedé du crime de l'importunité & faulte des conseillers plus grands de sa cour, qui ayas captiué son esprit simple, facile, prompt & enclin à pieté, & peu preuoyant le goulfre & perdition en laquelle ils taschoyent à l'attirer, le menoyent où ils vouloyent, & sous le pretexte d'une certaine inquisition de la verité, conuertissoyent son zele & bone affection à impieté. Quant à nous, nous proposans plustost deuant les yeux la commune opinion qu'il a eue & de la roy & de la religion, ayas esgard à son pere & à la sainte affectiō d'iceluy, lequel a ietté & basti les fondemens de la Chrestienté, & de la puissance & maiesté Imperiale, & de la foy Catholique, & cōsiderans aussi le sort qui luy est tombé, à mettre en auant & à establir nostre doctrine, auons poursuyuy de iuste hōneur (ainsi qu'il estoit decēt & raisonnable) le tabernacle & corps de celuy qui iustemēt a gouuerné l'empire, & a finy sa vie d'une sainte mort, & nous a delaisé la souueraine autorité & puissance. Apres donc que le corps fut approché de la grande & Imperiale ville de Constantinople, qui pourroit assez dire & reciter l'equippage & les ordres des cōducteurs & chefs de l'armee, & de la gend'armie Romaine qui assiterent à leur Empereur, cōme s'il eust esté encore viuāt ? qui pourroit suffisammēt racōter l'affluence du peuple qui sallit de ceste tant magnifique cité pour venir au deuant de luy, & à la rencontre qui fut lors faite, la plus celebre qu'onciamaïs fut, ny ne sera à l'aduenir ? Mais ce vaillant & braue Iulien, se vantant par tout & se mōstrant par vne ostentatiō pour sa nouuelle pourpre, & pour cela s'enorgueillissant cōme il aduient en tel cas ordinairement, fut aussi luy-mesme en personne vne partie de ceste honorifique pompe, dōnant & receuant grace & faueur par vn mesme moyen : mais celle là contre son gré, & ceste cy volontiers ainsi que lon dit. Car toutes les bandes de l'armee Romaine, bien qu'elles fussent vaincues par la puissance de luy present, toutefois portans plus d'honneur au decedé qu'à luy (car nous sommes aussi tousiours de nature affectez enuers les calamitez & miseres recētes) & d'une inclination d'amitié & de misericorde ayas cōpassiō de la mort du trespasé, & à ceste occasion ne se pouuans contenir qu'ils ne le receussent hōnorablement cōme leur Empereur, tant firent qu'ils persuaderent à cest Apostat & deserteur de sa foy Chrestienne, & quasi tout ensemble le contrainderēt d'aller au deuant du deffunct en habit decent & cōuenable. Or estoit cest habit tel, qu'il falloir qu'il deposast & mit bas le diademe & couronne Imperiale qu'il portoit de dessus sa teste, & à face abaissée, exhibast à l'Empereur le dernier deuoir auquel il estoit tenu, & avec toute la suyte l'accompagnaist & conduist au sepulchre, iusques à l'excellent & magnifique temple des Apostres, qui ont receu en leur protection & cōseruent ceste sacree famille, receuāt iceluy quasi les mesmes hōneurs qu'eux. Sont là les choses & plusieurs autres, que Gregoire le Theologien dit en ses inuectiues pour Constance : sans luy attribuer en ce lieu, ny mesme en ses autres oraisons aucune mauuaistié, mais plustost vne simplicité, qu'une legereté & inconstance. Toutefois les autres historiens le disent n'auoir pas esté de droite opinion en la religion, entre lesquels est aussi Theodorite, Euesque de Cyr : Mais quant à moy, ie suy plustost en cela l'autorité du grād Gregoire, defenseur de vraye pieté, que ie ne fay les autres : Car aucuns disent, qu'il ne se fault esmerveiller, si es autres siennes oraisons le taxant legerement, en ses inuectiues il l'orne totalement de magnifiques louanges. D'autant qu'ils disent que l'ardeur & affection dont ce grand personnage a esté incité contre cest Apostat & deserteur de nostre sainte religion, l'a tellement transporté & immué, qu'il s'est entieremēt fait amy & beneuole de celuy qui non par malice, mais par vne simplicité tant seulement à quelque peu troublé nos affaires. Lesquels recitent aussi auoir esté tēlle la coustume de son saint Pere, qu'il pardonnoit les plus grieues offenses qu'on eust peu faire, à ceux qui les eussent commises par quelque ignorance ou erreur. Chose que tout ainsi que ie dirois estre conforme à raison, aussi niroy-je qu'un si grand docteur de l'Eglise eust voulu aucunement gratifier ou fauoriser à aucun au desauantage de nostre religion. Voylà comment se sont portez les affaires de Constance. Or mourut il, comme auons dit cy dessus, à Mopsefontaine, le troisiēme iour de Nouembre, & vesquit quarante cinq ans, desquels il en a esté Empereur par l'espace de trente-huit, treize premierement avec son pere, & les autres vingt-cinq seul. Lesquelles années ce neufiesme liure icy des histoires Ecclesiastiques comprend : qui fut l'an de la creation du monde .iij. cinq mil huit cens septante deux, & de l'incarnation de nostre Seigneur, trois cens soixante-sept.

*Vne partie d'une Epistre d'Athanasie, par luy enuoyée à ses amys, touchant le formulaire de foy composé à Sirmie, ainsi que lon trouue en l'histoire Ecclesiastique de Socrates, liure 2. chap. 27.*



En quoy est ce que la doctrine de la vraye pieté de l'Eglise Catholique a defaillly, dōt ceux cy doiuent maintenant faire recherche & disquisition de la foy, & la reuoyer en doubte ? & qu'à leurs paroles qu'ils ont publices touchant icelle foy, ils adioustent le Consulat des temps presens ? Veritablement Vrsice, Valens, & Germinien ont en cela



» cela fait chose, qui iamais ne fut faite ny entendue entre les Chrestiens. Car apres qu'ils ont  
 » escrit ce qu'ils vouloyent qu'on tint pour article de foy, & qu'il falloit croire, ils ont adiousté  
 » tout quant & quant le Consulat, le mois, & le iour que le tout fut entre eux conclu & passé, afin  
 » de declarer par cela à toutes personnes prudentes, que leur foy n'estoit point au parauant, ains  
 » qu'elle a tout maintenant prins son commencement sous l'Empereur Constance. Car iceux tous  
 » n'ayans esgard qu'à leur heresie, ont escrit cela. Et qui plus est, se feignans escrire de nostre Sei-  
 » gneur, ils se designent nommément vn autre Seigneur que luy, à sçauoir Constance. Car aussi c'a  
 » esté luy, qui leur a baillé la puissance & autorité de leur impiété. Ils le disent aussi estre leur  
 » perpetuel Empereur, & ce pendant ils nient le Fils de Dieu estre eternal. De maniere que par  
 » leur impiété ils bataillent directement contre Iesus-Christ: Mais peult estre qu'ils ont prins leur  
 » cause & occasion de denoter le Consulat, de la façon de faire de laquelle les saints Prophetes  
 » vsent en la demonstration du temps, auquel ils ont escrit leurs propheties. Chose que s'ils osent  
 » dire, ils monstrentont grandement par ce moyen leur ignorance. Bien vray est que les propheties  
 » des saints homes, contiennent la memoire des temps. Ainsi a fait Esaie & Osee es iours d'Ozias,  
 » Ioatham, Achaz, & Ezechias. Hieremie pareillement, lequel a esté du temps de Iosias: & Eze-  
 » chiel & Daniel, sous les Rois Cyrus & Darius. Et ainsi des autres qui ont prophetisé en autres  
 » temps, lesquels neantmoins n'ont fait lors le commencement de la vraye religion & pieté: Car  
 » aussi deuant leurs temps elle a tousiours perpetuellement esté, nous ayant esté de Dieu preparee  
 » en Iesus-Christ auant la constitutiō du monde. Ioinct aussi que ceux là n'eussent voulu designer  
 » le temps de leur foy & creance, pour autant que auant ces temps là ils auoyent esté fideles. Mais  
 » en ce qu'ils ont ainsi escrit, ils ont fait demonstration du temps des promesses de Dieu, qui  
 » par eux ont esté faites. Et de celles principalement qui leur ont esté faites de la venue de nostre  
 » Sauueur, auxquelles ont esté annexeas, cōme quelque accroissement & sūyte, les choses qui aux  
 » Israelites & Gentils deuoyent aduenir. Ou, cōme i'ay dit, les temps ne sont signifiez pour mon-  
 » strer que lors la foy ait eu son commencement: mais cela a esté fait, afin que par ce moyē le temps  
 » & aage auquel estoient les Prophetes fust demōstré, qui ont telles choses prophetizé. Mais nos  
 » sages desquels nous traitons presentement, ne recitans aucune histoire, ny ne predisans les  
 » choses futures, mais escriuans seulement ainsi: c'est icy la foy Catholique qui a esté publiee, ad-  
 » ioustant incontinent le Consulat, le mois, & le iour que cela a esté fait. Parquoy tout ainsi que  
 » la temerité de leur entreprinse fait entendre & declare leur souueraine impiété, aussi leur nou-  
 » uelle & non accoustumee inuention d'escrire, egale l'institution Arriene. Et ceux qui ont escrit  
 » & composé cela en ceste sorte, ont par ce moyen fait assez ample declaration, que lors premie-  
 » rement ils commencerent à croire, & que depuis ce temps là, ils ont voulu leur foy estre mise  
 » en auant & preschee. Et tout ainsi que selon que recite l'Euangeliste Saint Luc, il fut par  
 » l'Empereur Auguste publié vn decret, pour faire la description de la famille & denombrement  
 » des biens d'vn chacun par tout les pays subiects aux Romains, & qu'iceluy decret ou edict n'a-  
 » uoit pas esté au parauant qu'il fut publié, ains commença d'estre seulement lors qu'il fut pro-  
 » posé par celuy qui le commanda publier: au cas pareil, quand ceux cy escriuent en ceste sorte:  
 » C'est icy la foy qui maintenant est publiee, ils monstrent assez par cela, que la sentence de leur  
 » heresie est recente & nouuellement inuentee, & qu'elle n'auoit point esté au parauant la publi-  
 » cation d'icelle. Et quand ils ont adiousté ce mot Catholique, ils n'ont pas aduisé & prins garde,  
 » que par cela ils sont tombez en la preuarication & erreur des Phrygiens. De façon qu'ils disent  
 » ainsi que ceux là disoyent: La foy Chrestienne nous a esté premierement reuelee, & de nous a  
 » prins son commencement. Et tout ainsi que ceux là intituloient leur profession de foy des noms  
 » de Maximilla & de Montan: ceux cy semblablement ont intitulé la leur de leur Seigneur Con-  
 » stance, au lieu de Iesus-Christ. Que s'il est ainsi, que, selon leurs paroles, la foy ait eu son origine  
 » & commencement dès le Consulat seulement qu'ils notent, que feront nos Peres? que feront  
 » les bien-heureux Martyrs? Que deuiendront ceux là pareillement qui par eux ont esté insti-  
 » tuez en la foy, & sont decedez auant ce Consulat? Comment les ressusciteront ils, pour effacer  
 » en eux les choses qu'ils leur ont enseignées, & pour les instruire en ce qu'ils ont maintenāt  
 » inuenté & redigé par escrit? Tant ils sont ignorans & imperites, ne sçachans autres  
 » choses feindre & controuuer, que couleurs & pretextes, & iceux encore  
 » du tout absurdes & contraires à foy-mesmes, & incroyables, à  
 » cause qu'ils apportent incontinent avec eux leur re-  
 » dargution & demonstration que ce qu'ils  
 » contiennent n'est pas vray.

FIN DV NEVFIESME LIVRE DE  
 L'Histoire Ecclesiastique de Nicefore.



# LIVRE DIXIESME DE l'Histoire Ecclesiastique de Nicefore, fils de Calliste, Xan- thouplois.

*De la vie & institution de Iulien l'Apostat : & comment par la permission de Dieu, il fut créé Empereur des Romains. Chap. 1.*

*Constance se-  
duit par les  
Euesques.*



*Les faits de  
l'Empereur  
Iulien.*

*La mort du  
jeune Dal-  
matie.*

*Institution  
& nourri-  
ture de Gal-  
le & Iulie.*

Onstance, Empereur, a finy ses iours en la sorte qu'il a esté dit: lequel aussi ne s'est pas peu repenty & contristé, de ce qu'il auoit changé en aucune chose la profession de foy qu'auoit tenue son feu Pere. Tant y a que ores que par vne facilité d'esprit, & par les attraiçts & allichemens sous le nom de religion, il ait esté séduict par les Euesques, en la puissance desquels il estoit, & que du Symbole de foy il ait osté le mot Consubstantiel, sous le pretexte de l'vniõ & conionctiõ de tous, si est ce qu'il a tousiours confessé le vray sens & sincere intelligence de ceste dictiõ: Car quand il a dit que Dieu le Verbe estoit le vray Fils de Dieu, & qu'il estoit engendré du Pere auant tous siecles, il s'est déclaré lors le certain & manifeste ennemy de ceux qui auoyent osé l'appeller Creature. Et si outre ce qu'auons dit, il a esté le vray patron & exemplaire de son Pere en toutes choses, & principalement en pieté & religion, & à exhiber l'honneur qui à Dieu appartient, & en l'abolition des idoles & de toute superstitiõ. Or sans contredire ny oppositiõ quelconque, Iulien s'empara de l'Empire: & par ce que la suite de nostre histoire nous a conduit & amené iusques à ce lieu, ie suis d'aduis de déclarer en bref quel il a esté & d'où il est descendu, & par quels moyens & inuentiõs il est paruenue à l'Empire. Mais premier qu'outre passer, il est bon de repeter plus hault le fait tel qu'il est, non pour monstrier par vne vaine gloire & ostentatiõ la beauté & elegâce de nostre parler, ains afin que d'un mince & simple stil, ainsi que dès le commencement auons proposé, (lequel aussi est acquis en vne histoire sainte) nous poursuuyiõs la suite & progres de tout ce qui s'est fait & passé. Il fault donc premierement entendre, que Constantin le grand eut deux freres, tous deux engendrez par son Pere Constant, mais d'une autre mere que la sienne nommee Helene: l'un fut nommé Dalmatic, lequel aussi engendra un fils portât le mesme nom: l'autre fut appelé Constance, qui eut deux enfans, Galle & Iulien. Apres que Constantin fut decédé, & que l'Empire fut paruenue à son fils Constance, iceluy craignant vne tyrannie & vsurpation violente de son Empire, & ayant suspectés les plus proches de son sang, les traita fort mal: qui fut cause que le ieune Dalmatic, estant ia fait Cesar, fut mis à mort par les gens de guerre, & peu s'en fallut que Galle & Iulien n'en receurent autant. Mais vne maladie qui surprint Galle, l'en exempta, pour ce qu'on disoit qu'il n'en rechapperoit iamais, & que de bref en mourroit. Quant à Iulien, le rendre aage auquel il estoit luy ayda qu'il ne fut mis à mort: car à peine en auoit il atteint la huitiesme annee. Apres que l'ire que l'Empereur auoit contre eux cõceue fut refroidie & appaisée, il leur fut donné premierement permission de demeurer en Cappadoce, en un certain lieu appelé le Marché, non loing de Cesaree, pres le mont Argee, où estoit vne maison Royale, accommodee d'excellens bains, iardins, & fontaines d'eaux viues. En ce lieu, comme leur grandeur requeroit, furent nourris & entretenus, esleuez & enseignez es disciplines & exercices conuenables à leur aage, & mesme iusques à endoctrinez es saintes lettres par les maistres & precepteurs qui leur furent baillez, que du depuis furent mis au rang du Clergé, faisans iournellement lecture des saintes lettres à tous venans Et non seulement de paroles, mais de fait semblablement, faisoient demonstration de la bonne affection & ardent desir qu'ils auoyent à la religion Chrestienne: Car ils honnoroient amplement ceux qui estoient constituez es sacrees dignitez, & mesme tous ceux qu'ils cõgnoissoient gens de bien, & qui auoyent bruit & reputatiõ pour leur pieté & vertu. Ils fréquen-

frequentoyent aussi souuent les Eglises, ornoyent & entrichissoyent de grands hōneurs & dons les sepultures des martyrs. Et pour monstrier cōme en quelque spectacle, de quelle allegresse & affectionné desir ils honnoroyēt & reueroyent les Martyrs, ils diuiserent entre eux deux, l'honneur du sepulchre du saint martyr Mamas, pour l'enclorre & enfermer d'un excellēt & magnifique temple. Et cōme entre eux il y eust vn combat, (ainsi qu'il estoit raisonnable) à qui mieux & plus magnifiquement feroit l'edifice entrepris, chacun pour son regard, & qu'avec vne grā de ambition & conuoitise d'honneur l'un taschast à surmonter l'autre en excellence & magnificence de structure, vne chose aduint digne d'admiratiō contre l'opinion d'un chacun. Laquelle chose seroit certes quasi du tout incroyable, si de main en main par succession de la tradition de ceux qui l'ont veue à l'œil, elle n'eust esté confirmee & aueree iusques aux temps où nous sommes de present: Car l'edifice que faisoit bastir Galle s'aduança fort bien & selon son desir & s'augmentoit tous les iours. Mais la pārt que Iulien bastissoit quand les murailles furent ia quasi toutes esleuees, vindrent à tōber du hault en bas, & cōme si quelque force & violence cōtraire eust resisté contre les pierres de moilon & brocailles & contre toute l'autre matiere, ou cōme si le tout eust esté agité par quelque tempeste & orage de vent, tout l'edifice dès les fondemens iusques à la cyme cheut par terre. Il se dit aussi, qu'en bastissant, quelques pierres ne se peurent iamais ioindre ny assembler les vnes aux autres: chose qui sembla admirable à ceux qui la virent, & qui par leur rapport fut par apres congneue plus asseurēmēt. Toutefois il y en eut lors quelques vns, qui par cela entendirent bien, que ce qu'il faisoit, n'estoit point tant pour l'honneur & reuerence qu'il portast à la religion Chrestienne, que par vne faintise & dissimulation, de crainte qu'il auoit de l'Empereur: & pour ceste cause que les Martyrs n'auoyent pas son seruice & l'honneur qu'il leur faisoit pour agreable. Or fault il entendre, que Iulien ne fut premierement incité à reietter la pieté Chrestienne, que par la frequentation & hantise qu'il auoit avec les deuins, sorciers & enchanteurs. En fin la colere de l'Empereur Constance estant quasi du tout cessée, il fut permis à Galle de soy tenir de là en apres à Ephese, & là vaquer aux estudés, où estoit aussi le principal biē & meilleures possēsiōs de son Pere. Mais Iulien estoit nourry au palais Royal de Constantinople, où il oyoit les precepteurs & regens qui là enseignoyēt les arts liberaux, assez mediocrement habillé quand il alloit aux leçons publiques où par la vile, sous la conduicte d'un eunuque, nommé Mardonien. Celuy qui luy enseigna premierement la Grammaire, fut un appelé Nicocles Laconien, & Hecebolie la Rhetorique, qui pour lors auoit embrassé la religion Chrestienne. Ce qui auoit aussi esté procuré par Constance pour crainte qu'il auoit qu'il ne s'addonast à superstition, s'il eust eu un maistre Grec. Et cōme il fut de bon & vif esprit, pour apprendre les disciplines liberales, & eust l'accointance & familiarité de plusieurs personnes, il acquit aussi par cela vne fort celebre reputation d'estre hōme pour bien administrer quelques bons affaires & executer de bonnes entreprinſes. Et si d'auantage il fut de plusieurs iugé estre idoine & capable pour le gouuernement de l'Empire De laquelle chose les propos se continuans & prenans continuellement vigueur & accroissement, Constance s'en troubla grandemēt: Parquoy il se transporta de la cité Imperiale à Nicomedie, où il luy fut defendu d'aller ouyr le Sophiste Libanie, Syrien. Car en ce mesme temps ayant esté par les pedagogues expulsé de la ville de Constantinople, il auoit ouuert escoles à Nicomedie à tous ceux qui le vouloyent venir ouyr: où monstrant le mauuais cœur qu'il auoit contre lesdits pedagogues, il escriuit vne fort belle & elegante oraison cōtre eux. Mais combien que cōmandemēt eust esté fait à Iulien de fuir & euitier la conuersation & familiarité de Libanie, à raison de la religion: toutefois pour la grande amitié qu'il luy portoit, il acheta ses liures à cachette, & s'estudia de les imiter diligemment. Sur ces entrefaites, le philosophe Maximin, nō pas le Bizançois, mais l'Ephesien, & qui depuis ayāt esté par Valentinien atteint & conuaincu d'impostures magiques, fut executé par iustice, espris du bruit & renommee de Iulien, vint à Nicomedie: duquel il fut non seulement auditeur en philosophie, mais aussi tresubtil imitateur & amoureux de luy en sa superstition. On dit que cestuy-cy l'eguillonna merueilleusement à desirer & affecter l'Empire, pendant qu'il l'innicioit & informoit es ceremonies & façons de faire des artoles ou deuins, & l'animoit peu à peu à prendre en haine & desdain le Christianisme. Ce qui ne peut estre caché à Constance, parquoy Iulien luy vint en suspicion de vouloir entreprendre sur l'Empire: Mais iceluy voulant oster cela de la fantasie de Constance, s'estant fait raire la tēte il se mit moine sans perdre toutefois l'esperance en laquelle les augures & deuins le nourrissoyent, luy promettans merueilles. Et sous ceste simulation, practiqua faulſement le Christianisme, qu'il auoit veritablement receu au parauant. Et avec ce s'appliqua occultemēt à la philosophie, encore qu'apertement il eust esté esleu & redigé en l'ordre des Lecteurs Ecclesiastiques à Nicomedie, où il faisoit lecture des saintes lettres. Ce qui fut cause que l'Empereur abolit le soupçon qu'il auoit conceu de luy. De là en apres il chemina si auant, que s'il y auoit quelque art diuinatrice des choses futures, il l'encerchoit soigneusement, se persuadant qu'il falloit qu'il l'apprent necessairement. De sorte qu'incontinent qu'il sçauoit quelque vn estre studieux de cela, il en faisoit son amy. A la fin il communiqua peu à peu son conseil à plusieurs de ses compaignōs.

*Ils bastissent un temple à S. Mamé.*

*Socrates, li. 3. chap. 1.*

*Eutrope recitē que Galle fut instruit en Ionie, & Iulien en Constantinople, lequel fut depuis ordonné*

*lecteur.*

*Theodor. li. 3. chap. 2.*

*Les Precepteurs de Iulien.*

*Libanie, Sophiste.*

*Maxime philosophe d'Ephese.*

*Iulien fut fait moine, à cause de la suspicion que l'Empereur auoit sur luy.*

*Il s'estudie & emploie aux diuinités & enchanteries.*

*Il se promet l'Empire par diuination.*

# LIVRE X. DE L'HIST. ECCLESIASTIQUE

Et quasi deninant il leur predict que lors finalement les villes & citez floriroyent en gloire, quād il seroit paruenū à l'Empire. A raison dequoy aussi il delaiſſa Nicomedie, pour s'en aller en Asie: où cōme il conuerſast plus priuément qu'au parauant avec telle maniere de gens, de plus en plus se confermoit en luy l'estude & application de ces choses. Or apres que son frere Galle fut creé Cesar, & qu'il fut entēdu que ia il brassoit & machinoit quelques mauuaises entreprinses, cestuy-cy estant mesmement soupçonné d'affecter l'Empire, il fut pour ceste cause prins prisonnier & mis en seure garde. Mais Eusebie, femme de Constance, ayāt prié pour sa deliurance, fut mis hors de captiuité, & enuoyé à Athenes vers les philosophes. Le pretexte qu'il allegoit pour auoir son congé d'aller là, estoit qu'il disoit qu'il vouloit estudier és disciplines de philosophie: Mais à la verité tout son deſſein n'estoit, qu'à ce qu'il eust plus de moyen de librement traicter avec ses imposteurs, des affaires qu'il auoit deliberé entreprendre & executer. Estant à Athenes, il frequentoit les escolles ensemble avec Basile & Gregoire, lesquels des yeux de leur entendement apperceurēt lors par quelques indices la meschanceté qui en ce personnage latitoit. Quelque temps apres (afin de declarer le tout en peu de paroles) le mesme Constance l'ayāt de là reuoué, le creā Cesar, & luy ayant baillé sa seur Constantie en mariage, l'enuoya puis apres en la Gaulle Occidentale. La cause de cest enuoy, estoit pour autant que les gens de guerre que Constance auoit au pays Occidental à sa ſoulte, & qu'il auoit enuoyez pour resister aux tyrans Magnētie & Britanio, ne luy seruoyēt là rien fors que de despenſe. Voire d'autant qu'ils estoient corrópus par la maniere de viure des Barbares, destruisoyēt les Gaulles: & au preiudice de l'empire Romain pilloyent les villes qui luy estoient subiectes. Mais pour ce qu'il estoit encore ieune, il ne luy est permis entreprendre quelque chose, sans le conseil des ducs & capitaines qui l'accōpaignoyent. Iulien voyant qu'iceux administroyēt mal les affaires de guerre: luy mesme selon son pouuoir & dexterité à conduict la bataille, & de rel ardeur enflamba ses soldars, qu'apres leur auoir fait plusieurs harengues & belles remonstrāces, ensemble proposē les grandes recōpenses qu'ils receuroient, la victoire conquise sur les Barbares, il les rendit affectionnez, prests & dispos à marcher en tous perils & fortunes soubz son commandement. Ce qui vrayemēt donna cōmencement, tant aux Barbares d'estre de là en auant inferieurs au vainqueur, qu'à iceluy de florir de plus en plus par grace & excellēte renomēe. Et apres auoir aduertiy Cōstance de la couardise & lascherē des ducs, a fait d'iceux eschāge à d'autres, que l'Empereur luy auoit enuoyez: par l'industrie & prouēſſe desquels, souuent dōnant choq & diuers alarmes aux Barbares, vaillāment en a rapporté la victoire: & les a contrains enuoyer vers luy ambassade. Au surplus ainsi qu'iceux alleguoyent & mettoient en auant les lettres de Constance, par lesquelles de rechef il les inuitoit à faire trefue, & contracter societé de guerre avec les Romains, iceluy sagement à prolongē le temps, & delayē quelques iours leur orateur: & luy ayant dōné espoir que Constance accepteroit leur trefue, contre l'expectatiō de tous, avec ses bandes s'est ruē sus les Barbares, & avec tresgrande perte & desconfiture d'iceux les a mis en route & vaincus, & enuoyé leur Roy lié à Constance. Iouissant donc de la victoire selon son souhait, il a esté par les gend'armes esleu & denonçé Empereur des Romains: en sorte que faulte de couronne Imperiale, laquelle ils n'auoyent pour lors en main, l'un des gardes tirant un Carquant qu'il portoit au col, le luy mit sur la teste. Le bruit est qu'au parauāt faisant son entree en quelque bourgade, vne couronne suspendue entre deux colonnes, comme c'est la coustume que les villes endressent par honneur, luy cheut gentilement & decentement sur la teste, ainsi qu'il passoit. Laquelle chose fut receue de plusieurs pour presage & significatiō qu'aussi il paruiendroit à la souveraineté de l'Empire. Semblablement les propos estoient vulgaires & communs que la charge de guerre contre les Barbares luy fut donnee par Constance, par ce qu'il en vouloit à sa vie, cherchant le moyen qu'il fust tué à l'assault & cōſict: Mais ce bruit a peu d'autorité enuers moy pour estre estimē digne de foy. Car pourquoy Constance l'eust premieremēt esleu en la dignité de Cesar, & fait espoux de sa seur? Pourquoy eust il obey à ses requestes, à ce que d'autres ducs fussent subrogez aux lasches, & luy eust il enuoyé ceux qui estoient preux & vaillans au fait de guerre, si son courage n'eust esté sain, & sa volonté entiere enuers luy? Parquoy assez lon peut veoir & tirer qu'il estoit dès le commencement bien voulu de l'Empereur, lequel pour ce l'auoit declaré Cesar. Mais apres qu'outre sa permission il a esté esleu & appelé Auguste, il est croyable que, soit que Constance craignit que Iulien se voulsist wenger des iniures, lesquelles il luy auoit faites en son ieune aage, & à son frere: ou qu'il eut à contre-cœur l'hōneur egal au sien, qu'on luy auoit fait, par apres il luy a dressé embuiches par ceux qui sont appelez Barbares. Mais nous laissons ce auugement d'un chacun.

*Iulien se porte bien en ses affaires aux Gaulles. Socrates & Eutrope adiouſter, que les ambassadeurs furent detenus prisonniers. Pres d'Eststrasbourg il a mis à sac grosse armee de ses ennemis: les charognes & corps morts estoient entassēz cōme moſaignes, le sang escouloit comme les fleuues, lors que le noble Roy Chomodomare a esté prins. Eutrope. Asſauoir si Constance enuoya Iulien contre les Barbares desirant sa mort.*

\* & enuoyé leur Roy lié) Iulien a dechassē les ennemis des Gaulles par delà le Rhein, & recouuert des Allemans le nombre enuiron d'onze mil hommes Romains, qui entre leurs mains estoient captifs, & seruoient par droit de guerre: luy mesme a fait guerre contre iceux Allemans. Et par Hariobaude, Tribun, a prins & occupé les chasteaux d'Hercules, saisi les citez & villes de Quadribourg, Stricēse, Nimeſe, Bone, Antenay & Binge: ensemble a vaincu les Sarmates & les Quades. Orose. Ammian.

*Comme Iulien l'Apostat passant & poursuivant son chemin par Thrace, apres le decez de Constance l'Empereur, est venu iusques à Constantinople.*

CHAP. III



Oyla au vray la maniere par laquelle Iulié s'empara de l'Empire : Mais à sçauoir si ce que par apres il a fait , respôdoit à la façô de faire des Philosophes, nous le laissons à la discretion & recherche de qui voudra s'en enquerir. Car nonobstant qu'il sceust bien qu'il auoit receu de Constance beaucoup de bié fait, voire qu'il auoit esté par luy preserué de mort, toutesfois à cellé & contraint les ducs que Constance auoit esleuez, honteusement se retirer, & incontinent mis d'autres en leurs places, sans luy enuoyer aucun ambassade, pour s'excuser & defendre ( ce qu'en tel cas on a coustume de faire) Bref il a fait toutes choses à sa volôté & à sa teste

mesmes du viuant dudit Constance. Et se moquant de Constance a leu ses lettres en plusieurs lieux, par lesquelles faisant prendre les armes aux Barbares côté Magnent, il les auoit attiréz à la subiection des Romains. Aussi auoit il gagné la faueur de la multitude, decernant par ruses & fineses, l'estrageté de Constâce. Pareillement tout à coup ayant renoncé à l'hypocrisie & simulation, par laquelle il s'estoit feint estre Chrestien, frequenta les tēples des malins esprits: Puis sacrifiant & s'addonnant aux simulacres, & idoles se fit nommer Pontife, il permit d'abondant les iours estre festoyez en la maniere Grecque, & s'efforça par belles paroles induire à la mesme religion les citoyens qui luy estoient subiects. Et vrayement il eust esmeu guerre civile, & selon qu'en luy estoit, donné suffisant tesmoignage, & par effusion de sang proposé iugement de sa copieuse Philosophie, si Dieu lequel dresse en mieux toutes choses par raison occulte & cōgneue, n'eust appellé à foy Cōstâce auât qu'il eut esté endōmagé de sō aduersaire: Car lors que Constance appaisoit en Syrie les cources, voleries & expeditiōs des Perses, Iulien s'aduisa de soubz-mettre sans coup frapper, à son Empire, tout l'Illyric. Et feignât addresseer sō chemin vers Constance, en intētion de luy demander pardon, cōme si contre son gré il auroit receu les tiltres de l'Empire, de là poursuiuit son chemin vers la Thrace: & estant venu iusques aux montaignes d'icelle region, ainsi qu'apres les vendâges les estoilles . . Vergilies se couchoyent, les vignes ont germé en bourgeons & nouvelles grappes, & fut la rosee de l'air ainsi respandue sur luy & sa compaignie, que chacune goutte d'icelle representoit la figure de la Croix en leurs hoquetrons guerriers. Lesquels signes & prodiges ont esté receuz autrement des vns que des autres. Toutesfois par les grappes hors de saison & maturité, a esté signifié que son Empire seroit mal-encontreux & peu durable. Quant à la Croix elle designa la doctrine des Chrestiens estre celeste, & qu'il falloit que chacun fust marqué de ce signe. Et de fait l'un & l'autre presage a esté confirmé vray aux tēps ensuiuans. Apres que Iulien fut arriué aux mōtaignes de Thrace, les nouvelles vindrent que Constance estoit decedé pres les fontaines de Mopsus: Parquoy Iulien entrant en Constantinople fut salué Empereur. Estant là il fit des preparatifs magnifiques pour le conuoy de Constance & conduiēt son corps luy mesme, le diademe osté de sa teste: par ce moyen honnorant le deffunct, duquel cōme ennemy à banieres desployees il auoit demandé la vie. Pour lors les Grecs semoyent & faisoient courir bruit que Iulien par quelque art de vaticiner & predire auoit preueu la mutation de ces choses, & pource s'estoit hasté de venir en Thrace. Ce que vrayement pourroit estre tenu certain, si luy-mesme qui comme en songes seulement a gousté & iouy del'Empire, eust cogneu la mort laquelle de pres le suiuit. Car ce fait ne seroit exempt de folie, si iceluy preuoyant le trespas de Constance, & le meurtre de sa personne aux fins des Perses, se fust hasté, & de franc vouloir présenté à la mort. Ce qu'estimer de luy n'est autre chose que le rédre coupable de temerité, despouruen de conseil & de peu d'experience au gouuernement de l'Empire: voire exposer en tel danger ledi Empire Romain, que quasi entier, ou bien la plusgrande partie d'iceluy fut subiect aux Perses. Mais c'est assez de ce cy pour le present.

*Comme Iulien ayant renoncé la Chrestienté, seruit aux idoles: & ainsi qu'il sacrifioit fut espouuēté de semblances & visions horribles.*

CHAP. IIII.



Iulien iouissant de l'Empire, tant impudemment & apertement renonça la Chrestienté, que mesme du tout il nia Iesus-Christ, & laua le sacré lauacre ( qu'il auoit receu) par ie ne sçay quels sacrifices, destables inuocations de diableries & sang de viâtes: & s'est luy-mesme banny, desmis & cassé des mysteres Ecclesiastiques: en sorte que de là en auant non seulement en priué, mais aussi en public vsoit de toutes les solennitez & sacrifices permis aux Grecs. Or quelque-fois ainsi qu'il immoloit l'hostie accoustumee, on dit que s'apparut aux entrailles de la beste le signe de la Croix, enuironé d'une couronne: Ce qui donna grâde frayeur à ceux qui luy aidoyēt, se doubans

*La maniere de faire, & viure de Iulien est Philosophique. Ingratitude de Iulien envers Constance.*

*Apostasie descouuerte de la Chrestienté.*

*Par diuine prouoyance Constance meurt auât la guerre civile.*

*Le voyage de Iulien à Thrace.*

*. . Pleiades, solumen. li. 5. cha. 2.*

*Les vignes prodigieusement germes apres les vendanges.*

*La rosee en forme de croix tombe sur Iulien. Iulien fait en Constantinople les funerailles de Constance.*

*L'Apostasie de Iulien*

*La Croix couronnée se presente à*

Qe

## LIVRE X. DE L'HISTOIRE ECCLESIASTIQUE

*cest Ap-  
stat, mar-  
quee aux en-  
traîles de  
la victime.  
La sinistre  
et de pra-  
uee inter-  
pretatio de  
ce signe.  
Iul. e en son  
idolomanie  
espouventé  
d'illusions  
diaboliques  
les chasse  
par le signe  
de la Croix.*

*Pour l'As-  
postasie de  
Iulien, les  
Chrestiens  
sont en  
grâd' crain-  
te.*

que la puissance de Iesus-Christ & nostre doctrine dureroit à iamais : tant pource que la cor-  
ronne est signe de victoire, qu'aussi la forme circulaire & ronde, prenât de toutes parts commé-  
cement, & finissant en soy, presignoit nulle fin. Mais le sacrificateur qui auoit charge de la so-  
lemnité, à ce que Iulien ne fust esmeu & troublé de ce, l'admonesta qu'au cōtraire ceste victime  
aduertissoit de chose nouuelle, à sçauoir que la doctrine Chrestienne ia s'abbaissoit, & reuenoit  
en soy selon la figure circulaire, & qu'elle estoit resserree & reduite à l'estroit : à ce qu'ainsi  
qu'au parauant, n'ayant aucunes bornes, elle ne s'estendit au long & au large en tout lieu qu'elle  
voulust. Quelque autre temps ainsi qu'il entroit pour deuiner en lieu celebre, où il estoit loi-  
sible à peu de gens d'entrer : soudain se presenterent deuant luy quelques semblances horri-  
bles, lors oubliant la cause qui l'auoit en ce lieu emmené (car il estoit ia sur l'aage quand il s'ad-  
onna & retira aux sacrifices des idoles) d'autant qu'il auoit de coustume aux choses douteuses  
& perilleuses vser, comme de present aide, du signe de la Croix : & qu'il se sentoît en hazard  
& danger, s'adressa au secours accoustumé. Car pour la grand' crainte qui le tenoit il se munit  
du signe de Iesus-Christ, & incontinent tout s'esuanouit: Ainsi l'effaire ia commencé demeura  
lors imparfaicte. Or le chef & conducteur des sacrifices ne sçachant ce qu'il feroit, n'ignorant  
toutesfois la cause pour laquelle les maling esprits s'estoyent disparuz : Ils s'en sont fuiz (dit-  
il) pource qu'ils hayent ce signe comme offense execrable, pour laquelle il est besoing se pur-  
ger. Et l'ayant admonesté de prendre courage, & qu'il ne pensast aucunement, & ne se souciaist  
des affaires des Chrestiens, l'a de rechef induit à continuer ladicte solemnité. Ce qu'estant ve-  
nu aux oreilles des Chrestiens, leur a causé vne doubte non mediocre: Car ils craignoient que  
mal de là ne leur aduint, voyans qu'encore l'Empereur s'employoit à tels sacrifices, dont il leur  
pourroit brasser quelque persecution. Et vrayement l'attente des dangers a esté plus grande que  
les perils mesmes. Car combien qu'il ils eussent quelque temps desapris les afflictions & que  
les persecutiōs fussent intermises, si est-ce la seule souuenâce des maux passez les espouuantoit.  
Tous decheoyent en courage, voyans l'Empereur porter si grand' haine à la Religion : lequel  
parauant auoit esté Chrestien, engendré de parens deuots, studieux & fauteurs de ceste doctri-  
ne, entretenu selon les coustumes & constitutions Ecclesiastiques, enseigné aux lettres sacrees  
& nourry par les sacrificateurs & Euesques. Parquoy ils estimoyent que tel changement de luy  
ne pourroit estre soustenu & que mal-heur en elcherroit.

*Comme Iulien apres auoir ouuert les temples des idoles, leur dedia les anciens priuileges  
& reuenus appartenans aux Chrestiens : & ce qu'il a fait à GaZe  
& Cesaree pour les temples des idoles.*

CHAP. IIII.

*Philochorus dit que  
Erichthoie  
regnât, fut  
premiere-  
mēt ordon-  
né à Athe-  
nes, que les  
vierges ex-  
cellentes en  
dignité por-  
taissent les  
corbeilles a  
luno la de-  
esse, ausquel-  
les estoit ce  
qui estoit ne-  
cessaire pour  
faire les sa-  
crifices aux  
Panathe-  
naïques se-  
fres icelles  
& autres  
assemblees:  
suidas les  
appelle Ca-  
mephores,*



Soudain que Iulien se veid paisible possesseur de l'Empire, il fit ouurir le  
demourant des temples des idoles, qui estoient es parties d'Orient, &  
commanda ceux estre remis en leur entier, qui trop negligemment au-  
royent esté entretenus. Que si aucuns estoient destruits, enioignit de re-  
chef iceux estre edifiez, nettoya les autels, & nous ostant nos anciens re-  
uenus, les leur dedia. Il renouuella les anciennes coustumes des villes,  
les vieux sacrifices : voire les inepties & folies impudētes. Il n'eust honte  
publiquement sacrifier aux dieux, & de fois à autre goustant de l'ho-  
stie, esleuer en grands hōneurs ceux qui vaquoyēt à telles solemnitez. Il  
donna tout ce que portoit l'anciēne coustume à ceux qui auoyēt la superintēdēce des choses sa-  
crees, aux sacrificateurs & porte-paniers : & les cōfirma de son autorité ainsi que (auāt Cōstan-  
tin) les autres auoyēt fait. Il eslargit par decret & ordōnāce immunité de payer tributs & tailles,  
à ceux qui se dedieroyēt à telles choses: il octroya prouisiōns annuelles aux ministres des tēples  
& sacrifices, & pourueut par edict qu'ils fussent cathares : c'est à dire, purs & saincts, & pource  
les ressera des autres hōmes. Il restitua au Dieu Serapis la coudee du Nil, ensemble les autres cou-  
stumes & droictz du pays, lesquels Cōstātin, admonnestāt ses citoyens à vraye pieté, auoit dō-  
né à l'Eglise de Iesus-Christ. Il cōfera prodigalemēt telles donaiōns, que voulurēt ceux lesquels  
il cogneut suiure les solēnitez Grecques. Au cōtraire il s'estudia de nuire à icelles villes, lesquelles  
il sçauoit estre affectiōnees en la Religiō de Iesus-Christ, & ne voulut en icelles se retirer. Et  
souuētesfois lors que les chefs des Prouinces enuoyoiēt vers luy embassades pour quelque cas à  
eux adueni de nouueau, reiettoit leurs requestes & supplicatiōs. Ce que vrayemēt escheut à la  
citē de Nisibene: Car pour cause que les Perles entreprinrēt cōtre eux vne expeditiō & voyage  
de guerre, ils luy enuoyērēt leurs orateurs. Mais iceluy tāt s'en faut qu'il voulut leur porter aide,  
q' mesme il menaça qu'il ne verroit de ses yeux ceste ville, & qu'il ne s'y trāsporterait point, disāt  
qu'elle estoit detestable, tant pource qu'elle ne vouloit les tēples des dieux, qu'aussi elle refusoit  
de receuoir la religiō des Grecs. Pour semblable raisō reprenāt les habitās de Cōstāce en Palesti-  
ne, rendit leur citē subiecte aux Gaziens: Car Cōstāce, ainsi que nous auons dit cy dessus, estāt le  
haure



haure des Gaziens, appelé Maiuma, pour son entier courage à la foy Chrestienne auoit esté *c'est à dire* exornée de droict de ville par Constantin : lequel l'ayant dedice à son fils Constance, permit & *porte-pa-* commanda par ordonnance faicte qu'elle vſast de ses loix: estimant estre peu conuenable qu'elle *niers.* fust subiecte à la cité de Gaze, encore addonnée aux coustumes Grecques Mais apres que Iulien *il assubie-* receut l'Empire, les Gaziens en appellerent, & actionnerent les Constanciens. Desquels Iu- *etis Cōstan-* lien estant le iuge, ordonna ainsi qu'au parauant la ville de Constance estre subiecte au droict *ce ville de* des Gaziens, encore qu'elle fust distante d'iceux de vingt stades. Voire luy osta le tiltre de Con- *Palestine* stance, & l'appella Le port de Gaze. En sorte que ces deux lieux n'ont eu qu'un Chef & Gou- *aux Ga-* verneur & mesmes Magistrats: les Eglises seulement monstrent que c'estoyent deux citez: *ziens.* Car l'une & l'autre a vescu sous son Euesque & Clergé: & les temples d'iceux allignerent *Le port de* leurs fins & bornes. Mais par apres l'Euesque de Gaze voyant que l'Euesque des Maiumites e- *Gaze.* stoit decedé, fit que l'une & l'autre Eglise fut reduicte en une: disant n'estre raisonnable que deux Euesques fussent en une cité. Auquel ainsi que les Maiumites resistoyent, le Synode pro- uincial arresta bien & droictement cest affaire: iugeant appartenir à ceux lesquels par un Em- pereur pieux & deuot, une fois auoyent esté honnorez de souuerain droict de ville pour leur vraye Religion, qu'ils ne suyussent & fissent autre chose pour un Prince meschant, & mespri- sant Dieu. Pour ces causes qu'ils iouyroient du droict & de l'honneur, lequel une fois leur au- *Iulien effa-* roit esté donné, pareillement de l'Eglise: & que cest affaire demoureroit en son estat sans au- *ce du nobre* cunement estre changee. Ce qui a esté fait peu de temps apres que la sentence fut donnée par *des villes,* l'Empereur. Ceste mesme année Iulien retrancha du blanc des citez, Césaree ville de Cappa- *Cesaree de* doce, grande & riche, & luy osta le nô de Cesar: Car icelle estant premierement appelée Mazac, *Cappadoce,* changea de tiltre par Claude Cesar, lequel l'honora & enrichit de son nô. Or le Tyran hay- *et la trai-* soit grandement ceste cité, à cause qu'elle estoit trescelebre pour sa grande pieté, amour & ze- *et tyrānic-* le en Iesus-Christ: & qu'elle auoit abbatu les anciens temples des simulacres, à ſçauoir de Iupiter *quement.* le Tutelaire, & d'Apollon le Partien. Mais iceux ayans par apres demoly le tēple de Fortune, il ſest merueilleusement courroucé à toute la ville, & en blasma aucuns Grecs là residens, en peu de nombre: leur obiectant & reprochant qu'encore que chose dure & estrange se fust offerte, ils deuoyent le tout endurer pour Fortune. Il exigea par force trois cens liures d'or, de ceux les- quels habitoient es fins d'icelle ville: il employa tout le Clergé de ceste region aux offices & *Le Clergé* estats de guerre. Ce que tant pour les despens fut estimé trop pesant, & facheux à porter, *enuoyé à la* qu'outrageux pour telle ignominie & diffame. Ayant aussi imposé gros tribut à tous Chrestiens, *guerre.* il fit & vīa d'icelle ville comme de quelque rue. Voire par iurement & serment menaça les ha- bitans, que s'ils ne restituoient incontinent les temples des dieux, il affligeroit ceste cité de tel- le calamité qu'il pourroit: & apres osteroit la teste aux Galileens. (car ainsi par iniure il appella *Les Chre-* les Chrestiens) Et vrayement il eust mis en effect ses menaces, si par mort la necessité fatale ne *sties appel-* l'eust preuenue. Quant à ce que dès le commencement il ſest montré aux Chrestiens plus hu- *le par Iu-* main & moins cruel que les anciens persecuteurs, ce n'a pas esté pieté qui luy a fait faire: mais *lien, Gali-* ç'a esté parce qu'il ſçauoit que les supplices, voire intollesables, desquels on tourmentoit les *leens.* Chrestiens, n'apportoient aucun moment, ou auancement pour establir la superstition Grec- *Pour quelle* que: au contraire que par iceux nostre doctrine augmentoit d'auantage. Car grande gloire est *cause Iulie* de là venue aux Chrestiens, que beaucoup d'iceux ont courageusement soustenu les tourmens, *seignit au* & se sont presentez à la mort avec constance singuliere. De laquelle louange par apres Iulien *commence-* fut enuieux sur nous, & pource s'abstint de ces tourmens, de feu, de glaiue, & de noyement. *ment estre* Il n'a iecté les Chrestiens vifs aux goulfres, ou fouyz en terre, ce qu'auant luy auoyent fait les au- *plus humain* tres persecuteurs, à cause que ces peines ne pouuoient changer leur courage & sentence: mais *enuers les* estima qu'il falloit gagner la multitude & l'induire à impieté, par harâgues & persuasions. Par *Chrestiens.* ce moyen il se persuada qu'il seroit superieur, & feroit ce qu'il voudroit: ou d'auenture à ce qu'on pensast qu'il fust admirable, doux & humain contre leur expectation, il iugea qu'il ne falloit pas de pleine arriuee vſer de force.

*Comme Iulien à ce qu'il gaignast la faueur du peuple, de toutes parts reuoqua les Euesques chassés,  
en exil par Constance, tant pour la haine qu'il portoit à Constance, qu'aussi il desirois  
que l'Eglise fut troublée. CHAP. V.*

**A**insi que Iulie digeroit ses entreprises, il permit à ceux là reuenir qui pour la Reli- gion auoyent esté enuoyez en exil, & restitua le tout à ceux desquels les biens auoyent esté confisquez. Les edits furent publiez de ne dire ou faire iniure aux Chrestiens, & qu'ils ne fussent contrainct aux sacrifices par force ou contumelie, ensemble que ceux premierement deuoyent estre purgez & lustréz pour appaiser *Iulien oste* les dieux, lesquels de leur propre mouuement vouldroyent approcher des autels. Il abrogea *au Clergé* les prouisions annuelles, & immunitéz, lesquelles Constance pour sa grande obseruance en- *sa prouision* uers Dieu auoit concedees au Clergé: & les a remises aux reuenus publics. *annuelle.*

Q ij

# LIVRE X. DE L'HISTOIRE ECCLESIASTIQUE

*A grande  
peine con-  
de il les pro-  
visions aux  
vesues &  
vierges sa-  
crees.  
Iulien pille  
les Eglises.  
En quoy il  
a esté plus  
doux, & en  
quoy il fut  
plus cruel,  
que les an-  
ciens perse-  
cuteurs.  
Pourquoy  
il reuouqua  
d'exil les  
Euesques.  
La mort de  
Eusebe En-  
nuque.  
Euse ra-  
mené d'ex-  
il.  
Eleuze Cy-  
zicien con-  
trainct res-  
tuer l'Egli-  
se des No-  
uatiens.*

A grand' peine & difficulté pouuoit on lener la nourriture pour estre distribue aux vesues & vierges, ordonnee estre prinse sur le public, à cause de la pauvreté du Clergé. Car lors que Constantin fondeit & ordonnoit les Eglises, il donna à tout le Clergé des reuenus de chacune ville, selon qu'il leur estoit suffisant & necessaire pour viure, & confirma ceste donation par decret & loy, sous certaine peine à ceux qui feroient au contraire, ou n'y obeiroient: laquelle iusques à present est conseruee. Or l'exaction de ces reuenus fut dure & grieve sous Iulien, ainsi que les escriptures & memoriaux des exigeans en portent tesmoignage. Au surplus, ce fut peu à ce Tyran estre contre nous affecté de courage tant ennemy, s'il n'eust employé ceste sienne haine contre l'Eglise à la destruction totale d'icelle: Car il osta & mit aux temples des idoles les vaisseaux sacrez, & tous les ioyaux qui luy estoient necessaires Il usa aussi de ceste violence, à ceux qui sous Constantin & Constance demolirent les temples des dieux: ou qu'ils les rebastissent soudainement, ou qu'ils payassent ce qu'en seroit estimé le bastiment & structure. Que s'ils ne vouloyent ce faire, il comanda qu'ils fussent prins par force, liez & detenus prisonniers. Parquoy il est suffisant de coniecturer qu'encore qu'il ait esté en ce plus moderé que les anciens persecuteurs, qu'il n'a avec endommagement tourmenté les corps, il les a toutesfois par autres manieres surmôré en toutes choses. Car il fut veu manifestemēt affliger l'Eglise de toutes parts, & en ce seulement estimé plus humain, qu'il reuouqua les Euesques enuoyez en exil sous Constance & leurs permit de reuenir en leurs villes. Ce qu'il n'a fait me de misericorde comme il est aisé de le colliger, ains affin qu'il armast les Euesques à vne guerre intestine, les ayans remis les vns avec les autres, & que l'Eglise mesme decheust par leurs discordes & diuisions. Ou ce parauenture il a fait à ce qu'il emmenast Constance à l'enuie & haine des subiects de l'Empire Romain, tant pource qu'il fauorisoit aux Grecs qui avec soy se dedioient aux solennitez des idoles, qu'aussi il maintenoit d'iniure les Euesques lesquels pour Iesus-Christ auoyent esté affligez. Il chassa aussi les Eunuques de la chambre Imperiale: voire il fit mourir Eusebe le quel tenoit en icelle le premier lieu, ne le hayssant pour autre cause, à sçauoir parce qu'il luy estoit suspect, comme ayant mis en auant & persuadé la mort de son frere. Il reuouqua par lettres benignes & doulces Euse Syrien, duc de l'heresie d'Eunome, & le fit reuenir aux despens du public, lequel Constance par sentence auoit condamné & enuoyé en exil. Il commanda pareillement en despit de Constance, qu'Eleuze, Cyzicien, reedifiast en deux mois à ses propres cousts & despens l'Eglise des Nouatiens: laquelle sous Constance il auoit abbatue rez de terre. Il est aussi facile par assez d'autres choses estimer, que pour la haine qu'il portoit à Constance, il fit beaucoup de choses cruelles contre nous, ensemble qu'il a prins plaisir aux maux, lesquels par autres nous estoient faits.

*Comme le grand Athanase ayant esté long temps caché cheZ une vierge pudique, s'auança en public, & receut son Eglise: George, Arrian, estant tué du peuple.*

CHAP. VI.

*Athanase  
caché quel-  
ques an-  
nées, soudai-  
se monstre  
en Alexan-  
drie.  
Vne vierge  
tresbelle &  
treschaste  
nourrit A-  
thanase se-  
crettement.*



Ors Athanase le quel par beaucoup d'annees auoit esté caché, ayant entendu la mort de Constance, s'apparut de nuit en l'Eglise d'Alexandrie: & soudain comme si ce fust nouveau miracle, il reuint, ainsi que quelque mort retournât des enfers. Car depuis le temps que le gouuerneur d'Egypte, tant par les menees de George, que par l'expres commandement de Constance, ne le peut tenir, & qu'il s'enfuit pour sauuer sa vie, il fut caché en Alexandrie chez vne femme vierge, iusques à l'Empire de Iulien. Et dit on qu'icelle estoit en beauté tant excellente, qu'elle rendoit ceux-la espouuentez qui la regardoyent: & nul de ceux lesquels auoyent

proposé viure chastemēt parloit à elle, de peur qu'en ce faisant il ne fust reprehensible. Icelle non-obstât qu'elle fut en sa fleur & vigueur, ne decheut toutesfois de sa pudicité & saincteté de vie. Lesquelles seules choses ont coustume d'orner & embellir la personne, encore que de nature il n'y ait rien d'auantage qui la rende gracieuse & excellente. En sorte qu'il semble n'estre vray, ce qu'a esté dit par les anciens, que tels sont les esprits que les corps. Car plustost au contraire les meurs des corps se conforment à la reigle des esprits, & chacun apparoit tel quel est l'estude qu'il exerce, en quelque temps que cela aduienne. Et vrayement l'estimerois que chacun diroit comme moy, si selon ceste reigle il recerchoit la chose de pres, & que nul ne contrecuiendroir à ceste sentence. Or Athanase fut conduit à ceste vierge & gardé chez elle par pouruoyance diuine. Que si quelcun veult considerer l'euenement de la chose, il trouuera que ce da tout estoit disposition de Dieu: Car à ce que nul ennemy & affaire ne fust donné à Athanase, & ses amis, si on les vouloit surprendre & par sermēt cōtraindre quelcun à le manifester, c'estoit bien ordonné qu'il fust caché chez ceste femme, veu que nul penseroit icelle le pouuoir endurer: chez elle, & de fait qui eut esté celuy qui pour la beauté de sa face se fust doubté qu'un Euesque se recelast chez elle? Mais ainsi qu'elle estoit de courage viril, receut cest hōme, & par merueilleuse prudence garda ce grad tresor iusques à la fin. Elle luy a esté tāt fidele aux seruices hōnestes, que

seule

seule elle s'est employée à luy laver les pieds, préparer & présenter la viande, & autres choses nécessaires & utiles à nostre nature : voire luy a presté les livres desquels il avoit affaire. Et notwithstanding qu'elle ait fait cela longue espace de temps, nul de ceux qui demouroient en la ville d'Alexandrie en a eu cognoissance. Or Athanase ainsi soudain s'estant montré, fut receu de la multitude, & mené aux Eglises. Ce pendant les Arriens chassés firent leurs assembles à part, ayans choisi Lucie pour leur Euesque, attendu que George avoit esté tué par le peuple : Car incontinent qu'on cogneut le decez de Constance, & que Iulien estoit parvenu à la souveraineté de l'Empire, soudain tous ceux qui estoient en Alexandrie, sectateurs de la superstition Grecque, esmeurent sedition : & d'un mesme cry coururent sus George, comme pour le tuer. Et pour lors ils ne firent ce meurtre, mais l'enfermerent en prison : toutesfois non long temps apres le retirerent, & de glaiue le tuerent. Puis l'ayans chargé sur un chameau, en guise de bast, le promenerent par le milieu du marché, se moquans, & selon qu'ils estoient enragez & contumelieux, impudemment s'esleuans contre ce corps mort. Et environ le point du iour comme estâs saulez de ceste iniure, bruslerent au feu ce qui restoit du trainement d'iceluy. Il semble aux Arriens que cela aduint à George par la suasion des amis d'Athanase : mais la chose se porte autrement : Car iceluy avoit concité les Grecs contre soy, pource qu'il les haysoit, & qu'il avoit prohibé leurs solennitez, destruit les temples des dieux, & avec opprobres s'estoit moqué de leurs simulacres, & avoit confisqué leurs biens. Outre plus l'autorité grande qu'il avoit envers l'Empereur augmenta l'envie du peuple contre luy. Cela aussi se voit ordinairement que ceux qui ont quelque puissance sont le plus souvent hais de la multitude. D'auantage ce que lors avoit esté fait de Mithrie lieu sacré, accreut beaucoup le tumulte esmeu contre luy : Car Constance avoit ia donné ce lieu long temps mesprisé à l'Eglise d'Alexandrie, lequel George notoyant pour en faire une Eglise sacrée à l'honneur de Dieu, trouva une caverne sous terre en laquelle estoient des simulacres, & autres symboles, & signes des folies Grecques, & enchanteries, & tout ce qui appartenoit à ceux qui estoient initiés & establis pour leurs sacrifices. Lesquelles choses furent estimées ridicules & nouvelles à ceux qui les regardoyent, & pource non sans cause moquées. Parquoy les Grecs honteux de ce que leurs mysteres & secrets avoyent esté descouverts, s'assemblans en grand nombre se jetterent contre les Chrestiens avec glaiues, pierres & massues : & en tuerent plusieurs, blesserent aucuns, crucifierent d'autres en contumelie de leur doctrine, puis s'en allerent. George delaisa cest affaire commencé imparfait. En apres les Grecs ayans receu par l'Empire de Iulien quelque oportunité de se venger, tuerent George, & firent de luy ainsi qu'ils voulurent. Cela mesme tesmoigne l'Empereur par ses lettres, accusant d'auantage le peuple d'Alexandrie que les Chrestiens. Ce que vraiment il n'eust fait, si la force de verité ne l'eust contrainct. Car il eust mieux aimé les Chrestiens estre auteurs de l'occision de George, que les Grecs. Mais iceluy n'a aucunement celé ceste chose, encore qu'il note grièvement les Chrestiens. D'où vient qu'en l'epistre qu'il escrit aux Alexandrins, seignant estre courroucé, les reprênt & touche en ses paroles, leur remettant leur faute & punition : Ce qu'il se disoit avoir fait, pour la reuerence du Dieu Serapis, protecteur, & d'Alexandre fondateur d'icelle ville, ensemble de Iulien son oncle, iadis gouverneur d'Alexandrie, & d'Egypte, lequel fut grandement addonné à la superstition des fatras Grecs, & tres-vehement ennemy des Chrestiens : Car il brusloit de telle haine contre eux, que sans la sentence de l'Empereur il fut auteur à plusieurs de parfaire le combat de martyre, iusques à l'effusion de sang. Et ne me sera facheux ioindre à cest œuvre nostre, l'epistre de Iulien, & ce que son oncle a fait contre la profession de nostre foy. L'epistre fut écrite selon qu'il l'ensuit.

Lucie Euesque des Arriens en Alexandrie. Le meurtre de George, Arrien, Euesque d'Alexandrie. George pour avoir voulu abolir l'idolatrie, concita contre soy la haine des Ethniques iusques à la mort. La hôte & vilénie de l'idolomanie desployée, & mise en public. Les idoles sont fort defendues leurs sacrifices, & solennitez. Les Gentils Grecs, & non pas les Chrestiens, tuèrent George. Iulien, oncle de l'Empereur Iulien, fut gouverneur d'Egypte.

\* Mithrie lieu sacré] Les Perses estiment que Mithre soit le Soleil, auquel ils sacrifient beaucoup d'hosties. Nul n'estoit initié & installé aux offices & choses sacrées d'iceluy, si l'n'y estoit parvenu par quelques degrés de tourmens : & ne se declaroit estre saint, & delivré de passion. Suidas : Mithrie le temple du soleil. Les Mithriaques, sacrifices & solennités du Soleil. Lampride traitant de Commode : il a (dit-il) pollué les sacrifices Mithriaques par homicide.

L'epistre de Iulien, au peuple Alexandrin, touchant le meurtre fait de George.

CHAP. VII.

Empereur Cesar, Iulien, le tresgrand Auguste, au peuple Alexandrin. Puis que vous ne reuez Alexandre qui a basti vostre ville, & le grand & tressainct Dieu Serapis, comment n'eussiez vous du tout reieté l'esgard du bien public, l'humanité & honnesteté ? voire ie dis de nous-mêmes ? lesquels tous les dieux, & en premier lieu le grand Serapis ont voulu commander par tout le monde. Vrayement il estoit raisonnable que le iugement nous fust reserué de ceux qui vous ont fait iniure. Mais paraverture l'ire & fureur vous a deceuz, laquelle ayât esté aux homes l'esprit & raison, comet souvet grandes meschacetez. Que diriez vous qu'apres que l'esfort fut appaisé par conseil, lequel soudainement & bien à propos vous printes en conténement des loix, vous adionstastes autre violence publique ? Ainsi vous qui prenez le mâtéau & tiltre du peuple, n'eusses hôte esprouver & faire

Re ij

ces choses, lesquelles à bonne raison reprenez, & detestez aux Chrestiens: Car par le Dieu Serapis, dites moy, pour quelle offense fustes vous courroucez contre George? A sçavoir si vous direz: Il a esmeu cōtre nous le tres-heureux Cōstance, amené & cōduict vne armee en ceste ville sacree: & lors qu'il estoit gouverneur d'Egypte il est entré par force au tressainct tēple de Dieu, il a pillé les images, oblations, & tout ornement sacré: nous estans à bonne cause indignez, & voulās desfondre Dieu, ou plustost les biens de Dieu. Et icelle armee meschamment & malheureu semēt contre tout droict, a osé mettre entre nous des gens d'armes: parauanture craignāt & redoutant d'auantage George, que Constance. Lequel ie fust mieux aduise & conseillé, si moderēmēt & ciuilement il eust fait avec nous, sans exercer telle tyrannie. Mais avec ce estans irritē par ces iniures cōtre George, ennemy des dieux, auez souillé par offense excessiue la ville sacree, veu que vous le pouuez soubsmētre à la sentēce des iuges. Car ceste chose par ce moyen n'eust eistē meurtre, né violence faicte aux loix, mais vn iugement legitime: lequel vous eust vrayement rendu innocens, eut reprimé celuy qui auoit commis ces tresgrans forfaits, & finalement retiré à plus grand bien tous ceux qui mesprisent les dieux, qui ne tenant compte des grandes villes, & peuples florissans, vsent d'excessiue senerité contre eux, comme pour accroistre leur puissance. Conferez oeste epistre avec celle que ie vous enuoia depuis peu de temps, & cognoissez combien l'une est differente de l'autre. Car quelle louange pour lors vous ay-je rescrit? Et maintenant ie vous iure, voire par les Dieux, que volontiers ie vous louerois: mais ie ne peux ce faire, pource qu'auez violē les loix. Le peuple ose-il, ainsi que les chiens ont de coustume, déchirer vn homme: loinct qu'il n'a honte de ce fait, & ne se soucie de garder les mains pures, pour & afin de les esleuer aux dieux, innocentes, sans souillure de sang? Mais George estoit digne qu'il endurast telles choses. Voire parauenture ie diray plus griesues, & cruelles que celles-la. Vous parlez pour vostre cause: cela mesme ie dy pour vous. Que si vous dites qu'il deuoit endurer ces peines de vous, maintenant ie ne le vous accorderay, ne permettray. Car les loix sont pour restreindre les offenses: Il fault que tous, chacun en son endroit garde icelles pour soy. Et nonobstant qu'il aduienne qu'aucuns citoyens facent contre les loix: toutesfois la republique & le peuple doiuent estre gouvernez par les loix, obeir aux cōstitutōs, & ne violer ce que dès le commencement est bien ordonné. Vous devez estimer, hommes Alexandrins, pour bon heur que ceste vostre offense soit aduenue au temps de mon Empire: Car pour la reuerence que j'ay enuers Dieu, & pour mon oncle de tel surnom que moy, qui a gouuerné l'Egypte, & vostre ville, i'entretiens enuers vous beneuolence fraternele. Aussi n'appartient il pas au peuple oser & entreprendre sur la souveraine puissance, laquelle ne doit estre contremee: il ne luy est aussi conuenable mespriser la seuerité & syncerité de l'Empire, à ce qu'il ne soit besoing purger telle temerité, comme quelque griesue maladie, par fort & violent remede. Or pour ces causes dictes cy dessus, ie vous exhibe & propose paisiblement ceste admonition, & ces paroles: par lesquelles ie sçay assez que serez suffisamment persuadez. Car ainsi que i'entends, dès vostre origine vous estes Grecs, & mesme de present est imprimée en vos esprits & cueurs vne insigne & excellente apparoiſſance de ceste ancienne noblesse. Soit présentée à mes citoyens d'Alexandrie. Ainsi l'Empereur par cest escript semble attribuer la cause de ce meurtre, non tāt aux Chrestiens, qu'au peuple d'Alexandrie. Au surplus de la cruauté de l'autre Iulien, duquel n'agiere auons fait mention, sont recitees ces choses: Ainsi qu'iceluy auoit atresté d'oster les ioyaux & ornemens de tresgrand prix de l'Eglise d'Antioche, & les apporter aux tresors imperiaux, voire fermer aux fideles les temples & maisons d'oraison, le surplus du Clergé s'enfuit, & Theodorit prestre seul demoura là. Iceluy pource qu'il estoit garde des choses sacrees, qu'on auoit donnees au temple, & les pouuoit enseigner s'il vouloit, ores qu'on vsast de force contre luy ne voulut ce faire: qui fut cause que l'ayant prins, le tourmēta cruellement, & finalement le tua de glaiue, à sçavoir apres qu'à tous les tourmēs contre luy esprouez, d'un courage noble il eust donné responce, & combattu pour la doctrine Chrestienne, ainsi qu'il conuient à vn homme de cuer. Iulien donc rauit les sacrez vaisseaux, & les froissa contre terre, & par risce s'en moqua, & apres que blaphemant contre Iesus-Christ il eust dit tout ce qu'il voulut, pour augmenter l'iniure & contumelie, il passa dessus. Mais incontinent la vengeance s'en est suyie.

*Iulien oncle de Iulien pille les temples des Chrestiens. Theodorit garde des vaisseaux de l'Eglise Martyr. Il est appelé Theodoré par Sosem. Le blasphème & contumelie du Gouverneur Iulien, contre Iesus Christ, & les sacrez vaisseaux du temple.*

*D'Eusebe, Nestabe, & Zenon freres, qui endurerent martyre à Gaze, & de saint Hilarion grand ouurier à faire miracles. CHAP. VII.*



Vis que selon le fil de mon oraison ie suis venu à parler du meurtre & occision de George, & Theodorit, il m'a semblé bon aussi faire mention d'autres: & premierement d'Eusebe, Nestabe, & Zenon freres, lesquels apres que le peuple de Gaze les eust accusez d'auoir demoly les temples, & aboly la superstition Grecque ils les detindrent en garde en quelque maison, puis les ayans fouctez enfermerent en prison. Par apres quand ils eurent couru d'une part & d'autre du Theatre, & ainsi qu'est coustumier au peuple, l'un eust esmeu & eschauffé l'autre: ils coururent par furie en la prison, & tirās de là ces hommes, les tuerent cruellement, les traināns à la ren-

*En Theodorit il est appelé Nestabe.*

à la renuerse, & froissans aux cailloux. Outre ces les vns les frappoyent de bastons, les autres de pierres, chacun de ce qu'il pouuoit rencontrer. On dit mesme que les femmes accourantes de leur filure & tresse de laine, les blessèrent, & piquerent de leurs fuseaux & nauettes. Voire que les cuisiniers publics qui estoient au marché, enleuerent leurs chaudieres & marmites de sus leurs tripiers, ainsi que l'eau bouilloit, & les respendirent dessus leurs corps nuds. Aucuns les transpercerent de broches & alesnes. Et apres qu'ils les eurent assez detranché, & brisé menu leurs restes, & os, de sorte que leur cerueau s'escouloit comme l'eau, ils les menerent hors la ville, au lieu auquel on iettoit la voirie & charongne des bestes, & là brulerent au feu leurs corps. Et meslerent tous les os, lesquels pour leur solidité la flamme n'auoit consommé, avec les ossements des chameaux & asnes, qui estoient là espars, à ce que facilement ils ne peussent estre trouuez de ceux qui les chercheroient, mais en vain ce fut fait: Car Dieu signifia de nuit à vne femme, laquelle depuis se retira en ce bourg, pour demeurer, qu'elle enleuast ces reliques. Icelle par diuine disposition les ayant cueillies, & enfermées en vn vaisseau, les laissa chez Zenon, neveu d'iceux martyrs, qu'elle ne congnoissoit point: car elle estoit conduite en son logis par diuin enseignement. Luy-mesme estoit caché pour la persecution excitee: Car lors que le populaire s'occuppoit au saccagement de ses parens, il s'enfuit à la ville d'Anthedon, proche de la mer, environ vingt stades loing de Gaze, lieu & place où lon faisoit grand exercice de la superstition Grecque, & qui estoit rauie, & excessiuement addonnée au seruice des simulacres. En sorte que là il endura beaucoup des citoyens, puis se retira au haur de Gaze, où il fut secretement celé. En ce lieu ceste femme luy bailla ces os sacrez, les ayant gardez quelque temps en sa maison. Et apres que sous l'Empire de Theodose, il fut esleu Euesque de Gaze, il bastit dehors le bourg vne chappelle sacree, & mit en icelle les reliques des martyrs pres le confesseur Nestor, lequel prins avec ses cousins, souuent endura avec eux les fouës & liens. Mais les bourreaux ayans pitié de luy, pource qu'il estoit de beauté excellente, plaissant visage, & bien formé de corps, lors qu'il estoit en attente de mort, & respiroit à grand peine, le ietterent deuant la porte: lequel aucuns enleuans apporterent à Zenon, où ainsi qu'on pensoit ses playes & blessures, il mourut. Les Gaziens ayans accomply ceste tant hardie meschanceté, furent en grâde crainte: & le bruit couroit que l'Empereur estoit courroucé contre eux, & vouloit leuer des decimes sur le peuple. Ce ne fut toutesfois que bourdes, & ce bruit de peuple en vain fut respendu, par ceux qui sentoyent leur conscience blessée de ce forfait, à laquelle renommee plusieurs ont murmuré contre toute cause & raison. Car il n'a mesme repris & accusé de paroles les Gaziens, ce que toutesfois il auoit fait aux Alexandrins. Voire tant s'en faut qu'il les ait tancez par lettres, qu'il osta & desmit le duc, qui pour lors gouuernoit ce peuple, de sa dignité, & l'eut pour suspect. Et nonobstant qu'il l'eust rendu subiet aux loix, pour iuger icelles, il voulut neantmoins que lon attribuast cela en son humanité, qu'il ne s'estoit ensuiuie aucune condamnation, ny sentence de mort. Il obiecta & reprocha à cest homme pour crime qu'il auoit apprehendé aucuns des Gaziens, auteurs de ceste sedition & meurtre, puis reserré en prison, luy demadant punition estre faite selon les loix. Car quel crime (dit-il) ont ils commis, s'ils se sont vengez par vindicte legitime de peu de Galiciens, en recompense de tant de tres-griefues iniures qu'ils ont d'iceux receues, pour les dieux efforcez, & leurs anciens temples abbatus? Et vraiment ces choses furent ainsi faites. Or en coteemps estoit ce grand & excellent entre les moines, Hilarion, cherché par les Gaziens, pour le faire mourir: parquoy il s'en alla en Sicille, où chargeant aux montaignes sur ses espauls des faisceaux de bois, qu'il portoit en la ville prochaine pour vendre, de ce en passa sa vie. En apres estant là donné à congnoistre, & decelé par vn homme lequel quelquefois il auoit guaray des tourmens que luy faisoient les malings esprits, tira vers Dalmatie: auquel lieu ayant fait beaucoup de miracles, & lié par ses prieres les escumes de la mer, qui souuent innundoit par grande impetuosité toute ceste terre, de rechef se partit de là: Car il ne demouroit volontiers chez ceux qui le louoyent. Parquoy il s'estudioyt sur tout que par frequens departemens de lieu en autre, il fust moins congneu, & que sa bonne reputation & gloire soudain descheust & fust esteincte. A la fin ayant passé par beaucoup de lieux, pour la cause que nous auons dite, nauigeât outre Cypre, il vint iusques à Paphé. Où estant inuité par Cyprie, Euesque de ce temps, de venir vers Carybre (car ainsi ce lieu s'appelloit) pource que là se delectoit, y demoura volontiers, vaquant à la philosophie monastique, ainsi qu'il estoit raisonnable: La fuite fut cause qu'il n'endura martyre. Et il ysa de la fuite selon que l'oracle diuin permet fuir les persecuteurs. Vray est que si quelqu'un est prins, il est besoin qu'il soit constamment arresté, & endure de franc courage les tourmens & supplices infligez par les persecuteurs.

*Leurs os par diuine prouoyance de sorte merueilleuse, cōserue.*

*Zenon neveu de ces martyrs. mit ces ossements en sepulchre.*

*Soz. écrit qu'il fut battu de fouës et esté hors la ville. liv. 5. chap. 9.*

*Nestor cousin de ces martyrs luy mesme martyr.*

*Le meurtre de ces martyrs, fait par les Gaziens, ne fut puny par Iulien l'empereur.*

*Iulien redit coupable le gouverneur de ceste ville, à cause qu'il vouloit punir selon les loix les auteurs de ce meurtre.*

*S. Hilarion moine.*

*Des calamitez aduenues en Phenice, Helyopolis, & Emese: d'Emilian, Dorothee, Domitian & Marc, Euesque d'Arethuse. CHAP. IX.*

**N**on seulement en Alexandrie & Gaze, on exerça telles cruautéz contre nous, mais choses encore plus dommageables & inhumaines ont esté faites en Helyopolis, & Arethuse, & Liban, & Assise en Phenice: & en Arethuse au pais de Syrie. Lesquelles villes ont esté des Reli-

# LIVRE X. DE L'HISTOIRE ECCLESIASTIQUE

gieuses vier fait, par contention de souveraine cruauté, que les meschancetez remarquées aux autres en-  
*es en He-* droicts, eussent seulement second lieu (*c'est à dire, ils se sont efforcés de surpasser en cruauté tous les au-*  
*syopolis.* *tres lieux.*) Car les Helyopolitains (ce que vrayemēt sembleroit impossible à reciter, s'il ne nous  
 avoit esté tesmoigné par ceux qui furent presens à ces actes execrables) apres avoir despoüillé  
 les vierges sacrees de leurs vestemens, & icelles mises au nud, lesquelles n'auoyent permis seu-  
 lement que les hommes les regardassent: ils les ont contrainctes s'arrester au milieu du peu-  
 ple, pour spectacle d'un chacun, & endurer l'iniure de quiconque en voudroit abuser. Et apres  
 que par tel regard & autres choses ils eurent abondamment outragé leurs saints corps, finale-  
 ment les decouperent aux parties inferieures, & fendirent, & enrouferent le dessus de la playe  
 & coupure de la viande qu'on a accoustumé de donner aux pourceaux (il est vray semblable que  
 ce fut de l'orge ou autre chose pareille) puis prouoquerent les porcs à la manger. Parquoy iceux  
 accourans de grande roideur & vehemence, & ne pouuans facilement discerner & choisir à part  
 leur nourriture, ils prindrent ensemble les boyaux: & contrains par necessité de faim, & au-  
 dité de manger, ils mangerēt avec l'orge toutes les entrailles d'icelles, lors qu'elles estoient en-  
 core viuentes, & sentoient ce tres-grief tourment. L'estime que la cause desmouvoir les Helyo-  
 politains à telle fureur contre les vierges sacrees, fut que la coustume du pais estoit de prostituer  
 leurs vierges, & commettre paillardise avec elles, premier qu'elles fussent conioinctes à leurs  
 espoux par mariage. Ce que premierement Constantin le grand defendit de là en auant estre  
 fait, & ayant rasé en ceste place le temple de Venus, y edifia vne Eglise à Dieu, comme i'ay dit cy  
 dessus en son lieu. Comment pourray-je passer sous silence, ce que par apres ils osèrent? Car  
 ayans cruellement tué Cyrille, diacre d'Helyopolis, ils luy fendirent le ventre, & apres tasterent  
 & gouterent de son foye. Mais incontinent la vengeance diuine suyuit ceux qui auoyent osé  
 choses tant enormes: Car tous ceux qui furent participans de si griesue offense, perdirent les  
 dents, la langue, voire mesme les yeux, par pourriture excessiue. Par lesquelles playes fut cele-  
 bree la force & efficace de la vraye pieté & religion. Au surplus en Emese, ville voisine de  
 celle cy, ils dedierent vne maison sacree à Denys, esclau des femmes, & là luy assirent & dresse-  
 rent vne statue Androgyné, ridicule pour le sexe douteux de masse & femelle. En Dorostole de  
 Thrace, Capitolin, gouuerneur du pays, fit brusler vif Amylian, luycteur invincible en la foy.  
 Aussi Dorothee, vaillant champion, qui a mis par escrit la grande histoire Ecclesiastique, & te-  
 nu l'Euesché de Tyr, fut mis à mort. Semblablement quelque passant inhumainement assom-  
 ma d'un monceau de pierres Domitie, moine tres-celebre, lors qu'il estoit caché en sa cauerné. Il  
 ne faut nous taire de Marc, qui endura griefs tourmens en Arethuse. Et vrayement il nous se-  
 roit besoin d'auoir la grauité de parler d'Aeschyle ou Sophocle, à ce que droitement nous peus-  
 sions exposer la tragedie de son martyre: Car les Arethusiens le tuerent cruellement apres qu'en  
 leur ville il eust esté long temps Euesque, esprouué en sa vie & doctrine, & venerable pour sa  
 vieillesse. Or long temps auant ils estoient animez contre luy, pource qu'il contraignit, sous  
 Constâce, plusieurs sectateurs de la superstition Grecque, non tant par persuasion, que par au-  
 thorité & puissance, seruir aux solemnitez des Chrestiens: & qu'il abbatit rez de terre un tem-  
 ple celebre, & auquel n'estoit vn semblable, tant en prix & valeur d'edifice, qu'en magnificence.  
 Quant à luy voyant par apres l'estat des choses changé, & que le peuple estoit esmeu, pour auoir  
 receu ce commandement de l'Empereur, que Marc fust contrainct par arrest, ou payer ce que  
 seroit estimé le temple, ou le restituer en son premier estat: & que d'autre part il ne pouuoit  
 faire nel'un nel'autre (car il estoit impossible, ie ne diray point à l'Euesque, ains à tout autre  
 personne priuée de satisfaire à l'un de ces deux poincts) premierement il choisit la fuite. Toutef-  
 fois aperceuant plusieurs estre pour luy affligez, & endurer grandes calamitez, revenu de sa fuite  
 il se presenta: & permit au peuple faire de luy ce qu'il voudroit. Lors la multitude au lieu de  
 grandement louer cest homme, qui se proposoit de laisser argument d'un vray courage de phi-  
 losophie, au contraire s'estimant estre par luy mesprisee, se ietta sus luy: en sorte que luy qui e-  
 stoit vieil, & Euesque, fut trainé par le milieu de la ville, & tous ses membres ainsi qu'ils se ren-  
 controyent furent batus, deschirez & tirez de costé & d'autre. Car contre luy tout aage, fem-  
 mes & enfans, avec fureur & indignation exercerent toute cruauté: iusques à ce qu'ils arrache-  
 rent à ce vieillard les oreilles, avec petites cordes. Voire les petits enfans s'en allans vers leurs  
 maistres à l'escole, se moquerent de luy, & le tirans & esleuans hault de terre, le piquerent de  
 leurs poinçons desquels ils escriuoyēt sur leurs tablettes, & le tourmenterent griefuement. Et  
 ia il auoit receu des playes par tout le corps, & sa vie abbayee de tous peu souspiroit, quand ils  
 le mirent en vne corbeille faite de ioncs: & l'ayās oinct de lie & saumure de poisson meslé en-  
 semble avec miel, l'esleuerent hault en temps d'esté, & l'exposerēt aux mouches & guespes. Et  
 comme icelles volloyent sur luy, & se nourrissoient, il estoit vif deuoré: & dit à lors ceste no-  
 table & insigne parole: O que ie suis hault esleué, & ie vous voy languir en terre! Desquelles  
 paroles il fut loisible coniecturer, ce que deuoit aduenir, tant à luy qu'aux Arethusiens. Or le  
 gouuerneur de ceste prouince, encore qu'il honorast beaucoup les solemnitez Grecques, homme  
 grand & vaillant, & pource d'auantage estimé, s'est esbahy du tant noble courage de Marc: & a  
 repris



reprins l'Empereur, disant qu'ils estoient dignes de honte, d'estre vaincus par un vieillard, lequel de telle constance & force, & de si grand cueur auroit enduré tant de maux : en sorte qu'il pourroit estre à bonne cause moqué, & ceux auxquels on faisoit tels tourmens esleuez & augmentez en souveraine gloire. Par telle maniere donc l'heureux Marc, de courage du tout viril, soustint la fureur de toute la multitude, & les susdites peines : pour laquelle magnanimité à bonne raison il emporta louanges, non seulement enuers les Chrestiens, mais aussi enuers les Grecs, culteurs des idoles.

*De Theodule, & Tatian, Phryges : d'avantage de Busyris, & Basile, qui endurent martyre en la ville d'Ancyre, au pays de Galatie, aussi d'Euphyche, de Cappadoce.*

C H A P. X.



En ce mesme temps Macedoine, Theodule & Tatian, Phrygiens, endurent & soustindrent vaillamment le combat pour Iesus-Christ : Car en Meroë ville des Phrygiens, le gouverneur de ceste province ouurit & repurgea le temple, lequel pour avoir esté long temps abandonné, sans estre hanté, estoit défiguré. Mais ceux desquels j'ay parlé, de nuit entrans audit temple, briserent menu les simulacres des dieux. Et voyans que de ce plusieurs estoient accusez en iugement, & tenus suspects, eux mesmes se presenterent & s'accuserent. Et apres que par le lieutenant leur fut proposée la condition de sacrifier aux dieux, & par ce moyen recompenser leur faute : encore qu'ils peussent estre delivrez & absous par ce fait, toutesfois ils n'y voulurent entendre. Parquoy le lieutenant leur ayant baillé la torture, les mit nuds sur les grils, & fit allumer le feu. Alors encore qu'ils fussent ainsi cruellement traictez, toutesfois ils luy dirent : Amache (car tel estoit son nom) si te préd goust & appetit de chair rostie, courage, tourne nous de l'autre costé, de crainte que si nous estions demy rostis, lors que tu en mangerois, la viande ne te fust assez plaisante. En telle sorte ayans parfait vaillamment ce combat, finirent leurs vies sur les grils, s'offrans à Dieu volontiers sacrifices & victimes innocences. Pour lors aussi on dit que Busyris soustint courageusement & brauement la confession de nostre Religion, en Ancyre, ville de Galatie : lequel parauant avoit esté de l'heresie des Encratites, cest à dire, Continens. Car ainsi qu'il se monstroir preux & vaillant contre les simulacres & idoles, il fut prins & adingé aux tourmens, par le lieutenant de ce lieu. L'ayant donc amené en public, il commanda qu'il fust enleué au pieu des tourmens : Mais Busyris, les deux mains eleues sur sa teste, presenta ses costez nuds, & se tournant vers le lieutenant, de peur que (dit-il) tu ne lasses en vain ces bourreaux, pour m'esleuer au pieu, & puis m'abaisser : voyla ie suis prest tant que tu voudras leur offrir mes costez à tous coups & tourmens. Adonc le lieutenant s'est esbahy de la prouesse de cest homme, mais d'avantage s'est esperdu de grand effroy, lors qu'il a fait l'espreeue de la constance d'iceluy : Car tant qu'il a pleu au lieutenant, il se presenta aux bourreaux pour estre tourmenté, & en mesme estat & contenance de corps constamment esleuant ses mains, avec force admirable il receuoit les playes. De là il fut gardé lié en prison, & puis apres mis en liberté, quand on annonça que Iulien avoit esté tué. Et iceluy vescu iusques à l'Empire de Theodose. En ce mesme temps Basile, prestre de l'Eglise d'Ancyre, trespassa par martyre. Pareillement Euphyche de Cesaree en Cappadoce, né d'ancienne famille, & noble lieu, qui n'aguere ayant prins femme estoit encore comme espoux. Cest Euphyche, fuy tué pour l'euerfion du temple de Fortune, lequel abbatu n'a esté beaucoup fortuné : veu que pour iceluy l'Empereur s'estoit courroucé contre tous les habitans de Cesaree, comme nous auons dict cy dessus, & que ceux qui furent ou auteurs, ou aydes à desmolir ce temple, ont esté ou tuez, ou bannis perpetuellement. Mais Basile fort studieux de la religion Chrestienne, s'estoit montré vaillant contre les Arriens, sous Constance : Parquoy condamné par la sentence d'Eudoxe & son populaire, il fut empêché de faire assemblees publiques. Toutesfois Iulien estant paruenue à l'Empire, luy marchant en public, admonnestoit apertement les Chrestiens, à ce que constamment ils maintinsent leur religion, & s'abstinsent des solemnitez Grecques, sacrifices, libations & toutes purgations : voire qu'ils mesprisassent les honneurs de l'Empereur, d'autant que les caduques & corruptibles n'apportent autre recompense que dommage eternal. Pour ceste cause les sectateurs des solemnitez Grecques l'eurent suspect, & le hayrent. Nonobstant iceluy les voyant quelques fois sacrifier publiquement, s'arresta gemissant abondamment : & pria qu'aucun des Chrestiens ne tombast en si grande folie & erreur. Incontinent prins fut mené aux iuges, & apres avoir soustenu de courage viril en ce combat tous tourmens, il accomplit le cours de son martyre. Ces choses encore quelles fussent outre la sentence de l'Empereur, furent toutesfois faites : & vrayement c'estoit contre son intention & volonté. Nous scauons aussi qu'au temps de son Empire, autres

*S. Laurent endurent le mesme supplice & fit semblable reproche.*

*Martyre de Basile de Ancyre, & Euphyche cesarien.*

*Martyre de Basile de Ancyre, & Euphyche cesarien.*

*Ces martyres excellents furent par-dessus tout le vouloir de Iulien.*

## LIVRE X. DE L'HISTOIRE ECCLESIASTIQUE

martyrs se monstrent vaillans : desquels, raconter à part & la constance, & tous combats, seroit de grande & fascheuse entreprinse. Au reste ce que j'ay narré de ceux-cy, ç'a esté à fin que ie rendisse l'estat de l'Eglise plus clair & congneu, encore que les martyres d'iceux soyent aduenus en diuers temps.

*De saint Antoine, des saints Manuel, Sabel & Ismael : & de l'heureuse vierge Public.*

CHAP.

XI.

.. Pour les Barbares ie mettrois voientiers les Juifs.

Le martyr d'Arteme, Augustal d'Antioche.

Les ossemens des saints Apostres André, Luc, et Timothee apportez en Constantinople.

Iulien pour la haine de la Chrestienne cotreuiet au droit des ambassades.

Jean prestre d'Antioche, fils de Public, refusa l'Euesché d'Antioche.

Braue cōfession de la Chrestientie faite par Public, Abbess des religieuses.



Rayement Iulien en tourmenta d'autres innumerables par les Grecs & Barbares : Car pour la haine qu'il portoit à nostre religion, il permit aux Barbares faire contre nous tout ce qu'ils voudroyent, en sorte qu'ils ont fait des choses nō moins griefues & atroces, que les Grecs meismes. Il tourmenta par soy-mesme Arteme, noble propugnateur de la foy, Duc & Augustal d'Antioche, qui auoit esté conducteur des compagnies militaires en Egypte, sous l'Empire de Constance. La cause de ses tourmens estoit, qu'obeissant à Constance, & espris du feu & zele diuin, il abbatit & rasa plusieurs tēples des dieux, & apporta d'Achaie & Ephese en Constantinople, les ossemens des Apostres André, & Luc, & du pere Timothee : Toutesfois son pretexte & couuerture estoit qu'il auoit brassé la mort de son frere Galle. Il despoüilla donc ce martyr de tous ses biens, & le priua : puis luy ayant fait beaucoup de peines, voire intolérables, luy trancha la teste. Il affligea aussi les orateurs des Perles, qui estoient venus vers luy de Chalcedoine, à sçauoir, Manuel, Sabel & Ismael : pource qu'ils auoyent en honneur & reuerence la religion Chrestienne, & n'a craint en leur presence violer le droit des ambassadeurs, contre toute coustume receue des peuples. Mais aussi Public, femme, gaigna excellent & tres-grand renom, pour sa vertu. Laquelle encore que peu elle eust vescu en mariage, elle rendit vn fruit digne d'admiration, c'est à sçauoir ce Jean qui fut long temps prestre d'Antioche, & tousiours refusa le siege Apostolique, encore que par legitimes & suffisans suffrages il fust quelquesfois esleu pour le recevoir : celuy là dis-je fut germe & semence de ceste terre (c'est à dire à esté son fils.) Icelle eut la charge de la compagnie des vierges, lesquelles auoyent arresté de mener vne vie chaste : tousiours aussi elle seruit Dieu, celebrant son saint nom, par Hymnes & loüanges continuelles. Or quelquefois ainsi que ceste peste, Iulien, passoit par leur maison, icelles le iugeans digne de risée & moquerie, de voix plus hautaine, chanterent ensemble ces paroles des carmes de Dauid, lesquelles declarent l'imbecillité des simulacres : Les idoles des Gentils sont or & argent, ouurages des mains d'hommes : Ceux qui les font soyent semblable à eux, & quiconque s'y confie. Ce qu'entendu par cest Apostat, il leur commanda silence. Mais icelles d'auantage psalmodians, chanterent aussi cecy : Que Dieu s'eleue & ses ennemis soyent dissipez. Pour ceste cause le Tyran courroucé commada que celle qui presidoit au cœur luy fust amenée, & sans auoir esgard à sa venerable vieillesse, & à l'obseruance de vertu en icelle florissant, enioignit qu'on la souffletast si viuement & asprement, que ses ioues fussent enrouscées de sang. Mais icelle estimant ceste iniure endurée pour Iesus-Christ, luy estre plustost hōneur, qu'ignominie, se retira en sa petite maison, & là poursuyuit de rechef chansons spirituelles. Et par quelque autre maniere fit taire les diables escumans en Iulien, lesquels iceluy en foy auoit introduits de son propre vouloir, ainsi que ce maistre des Psalmes, Dauid, adoulcit de sa harpe le maling esprit qui tourmentoit Saul.

• Augustal d'Antioche] Augustaux estoient dictz ceux qui conduisoient & menoyent les premiers ordres de la bataille, pource qu'ils estoient choisis à cest office, par Auguste. Vegece. Auguste ordonna en egypte un lieutenant Augustal, duquel est fait mention au ff. Augustonique est une partie de la province d'Egypte, Ammian Marcellin.

Comme Iulien l'Apostat commanda les choses qu'on vendoit au marché estre pollues & contaminees : & de saint Theodore nouveau soldat, & des saints martyrs, Iuuentin & Maximin.

CHAP. • XII.

Enchaînes sont peuples d'Ichthyie Plin. liu. 6. chap. 17. Du choix des viandes & ieuſne ſoſanniel.



Insi que cest Apostat s'auança d'auantage, il vſa plus impudemment & librement de son impieté, & disposa ses forces & armes contre pieté. Et lors quel'occasion d'exercer sa cruauté ne se presentoit, il ſouilla les choses qu'on vendoit au marché : Car les viandes furent infectées de sang & contamination des sacrifices, à sçauoir les pains, la chair, pommes, gâteaux & patisseries. A quoy ne prenās au commencement garde, les esleuz & fideles du sauueur Iesus-Christ, furent du ciel admōnestez par diuine pouruoyance. Et de fait Dieu ayant enuoyé par quelque maniere secrette Theodore le martyr, à l'Euesque d'icelle ville, (celuy est Euxoie) luy commanda faire ordonnāce que ceux qui auroyent deliberé viure sainctement, s'abstinssent des choses qu'on vėdoit au marché : mais qu'ils cuissent du bled

du bled dedans des pots, (les Euchaïtes ont accoustumé d'appeller ce *colyba*, c'est à dire fromêt cuit) & que par ce moyen ils eussent consolation en leur nécessité, lequel commandement iusques à present l'Eglise obserue au grand iour du ieûne, renouellant depuis ce tēps la memoire du fait, & s'assemblant solennellement. Ce Theodore est celuy qui du rang des soldats a retenu le nom de soldat, & sous Maximin condamné au feu, parfit brauemēt son cours à l'effort de martyre. Or beaucoup eurent en execration ce fait de l'Empereur, plourās & gemissans : toutesfois s'appuyans aux ordonnances Apostoliques, prindrent & mangerent ce qu'on leur presentoit. Mangez (dir S. Paul) tout ce qu'on vend au marché, ne vous interrogeans de riē pour la conscience. Aduint que deux hommes d'armes portans ordinairement des boucliers, & qui receuoient gros gages en la guerre, amenerent sciaement & bien à propos en quelque banquet, comme en triomphe, ceste abomination de l'Apostat. Car ils chanterēt ces paroles des enfans excellens en Babylone: Tu nous as liurē à vn Roy meschāt, & transgresseur, deserteur & pire sur toutes les nations de la terre. Or de ceux qui estoient en ce banquet, aucuns rapporterent ces paroles à l'Empereur: lors iceluy appella ces hommes de bien deuāt soy, & les interrogea quel estoit ce propos tenu par eux, de luy, au banquet. A quoy eux qui auoyent esté nourris en vraye pieté, vsans de grande liberté, dirent: La republique, ô Empereur, a esté administree par tres-bonnes loix, lesquelles le prince trelouāble Constantin, & ses enfans, ont ordonnees. Maintenant donc voyans ceste tant grande offense tienne, aux viandes & boissons, à bonne cause nous deploions ce fait. Et non seulement nous plorons en nos maisons nostre condition: mais aussi en sa presence, comme tu voids, nous sommes grandement cōtristez. Ces paroles ouyes le Tyran commande qu'ils fussent cruellement batus, & apres grand nombre de tourmens leur fit trancher la teste. En ceste sorte ils furent ostez de ce monde: mais Dieu a donē à ses vainqueurs les couronnes de Martyre. L'vn d'iceux estoit appellē Iuuentin, l'autre Maximin: A bonne cause donc la cité d'Antioche les a non seulement honorez de sepulture sacree, comme braues defenseurs de pieté: mais aussi dediē iour annuel de leur memoire magnifique.

*Des reliques des saints prophetes Helisee, & Iean Baptiste le precurseur.*

CHAP. XIII.



Ainsi que tels outrages se faisoient en tous lieux aux Chrestiens par les professeurs de la superstition Grecque, semblablement vne chose entre toute la plus indigne & horrible a esté commise en la ville de Sebeste en Palestine: Car les os du prophete Helisee, & de saint Iean Baptiste (d'autāt que l'vn & l'autre auoit là son sepulcre) furent tirez de leurs cercueils: & ô cruelle audace! meslez avec les ossemēs des animaux defraisonables, puis iettez au fen & mis en cendres, & respanduz par l'air. Outre ce les Chrestiens, en quelque lieu qu'il fussent trouuez, estoient iettez sur les autels ardens, ainsi que victimes, les hommes aussi furent concitez de furies & rage contre nous, iusques à commettre des meschancetez & forfaits indignes de racōter. Car en Scythopolis ils fouirent les reliques de Pantrophile, & dissipèrent le surplus d'icelles, & se moquerent du tez de sa teste, l'esleuant en haut: ne laissant rien de demourant pour accomplir leur contumelie execrable. Plusieurs autres choses indignes, & Iulien & les Grecs, firent cōtre nous, lesquelles quād il entendoit & scauoit, tant s'en faut qu'il s'en tint offensē, qu'il s'en resiouissoit: à scauoir parce que l'infamie de tels forfaits redondoit sur les autres, & la sentence de son courage estoit accomplie par leurs outrages. Mais apres qu'il a veu son conseil & entreprinse moins succeder par telle fureur, & les cueurs des Chrestiens par ce moyen s'augmenter & cōfirmer de plus en plus, il proceda par autre ruse & fraude & dressa vn cōbat entre ces Euesques, lesquels pour quelque cause auoyent esté deiettez de leurs sieges: & entre leurs successeurs donnāt libre puissance à l'vne & l'autre partie de faire tout ce qu'ils pourroyēt, pour defendre & establir leur fort. Ainsi combattans ensemble, apporterent à la vraye pietē beaucoup d'ignominie & reprehension, qui estoit le pretendu de cest Apostat. Il mit aussi en auant plusieurs autres choses par dol meschant: Car il commanda ceux qui estoient instituez en l'ordre du Clergé faire l'office & denoir de Senateurs, & attribua le reuenu annuel des Eglises aux ministres des malings esprits, & leur permit l'exiger, d'autant qu'il croioyt que par ces moyens il pourroit augmenter le seruice des diables, & abolir la religion de vraye pitie. Ces choses se sont ainsi passees.

*De Lucifer & Eusebe, & comme Paulin fut subrogē au lieu de Meletie, aussi du Concile d'Antioche, lequel, y presidant Athanase, affirma diuinement le saint esprit estre consubstantiel au Pere & au Fils.*

CHAP. XIII.

Pres le retour d'Athanase, Lucifer Euesque de Calaritain en Sardine, ensemble Eusebe de Verfeilles, Euesque des Lybiens, qui sont en Italie, ayans permission par lettres Imperiales de reuenir, dresserent leur chemin iusques aux hautes Thebes en Oriēt. Car ils furent condamnez par Constance à continuel exil. Or iceux estās d'accord de pourueoir aux affaires de l'Eglise, Eusebe se retira en Alexandrie, en intention de faire faire vne assemblee avec Athanase, & confirmer les decrets du Concile de Nice: Mais Lucifer bailla (selon que tous

*Deux hommes de bien de la court Imperiale manifestent l'impiete de Iulien, à sçauoir Iuuentin et Maximin, et leur martyre. Iulien dit qu'il vegoit en iceux sa maieste hlessee & en fit tel bruis, ne voulāt qu'ils eussent le nō ou l'honneur de Martyrs. Theod.*

*Les reliques d'Helisee & S. Iean Baptiste, prophanees.*

*Crmautē exercee par les Scythopolitains, contre les corps morts & viuans.*

*Iulien a dressē les Euesques l'vn cōtre l'autre.*

*Il ordonne les Clercs senateurs.*

*Lucifer Calaritain.*

*Eusebe euesque de Verfeilles.*

# LIVRE X. DE L'HISTOIRE ECCLESIASTIQUE

*Lucifer en Antioche substitue Paulin au lieu de Meletie.*  
*Le concile d'Alexandrie, Athanase y presidant.*  
*Le concile de Philadelphie, ville en l'Asie de Mysie.*

deux auoyent aduisé) vn sien diacre à Eusebe, pour représenter sa personne au Concile, par lequel il promettoit receuoir & ratifier tout ce qui seroit là estably. Ce fait, Lucifer vint en Antioche, où il trouua l'Eglise non pas peu troublée : Car il y auoit des diuisions entre le peuple, non seulement pource qu'ils contrarioyent aux Ariens, desquels l'Euesque auoit esté Euxoie, mais aussi qu'ils ne receuoient ceux qui suiuyent le party de Meletie, estés de mesme opiniõ qu'eux. Peu de temps apres Meletie n'estant encore reuenu d'exil, Lucifer partit de là, ayant substitué en son lieu Paulin. Quant à Eusebe, il assembla le Concile en Alexandrie, de grád courage, avec Athanase. Et là arriuerent plusieurs Euesques, où presidant le grand Athanase, non seulement ils confirmerent la profession de la foy de Nice : mais aussi esmouuans questiõs & paroles de plusieurs choses necessaires, les deciderent. Auquel temps ayans poisé la diuinité du saint Esprit, ils dirent franchement & librement qu'il estoit consubstantiel, & de mesme honneur avec le Pere & le Fils : & appellerent la trine deité d'vne essence, Trinité. Ils louerent aussi publiquement de mesme cueur & de mesme bouche, l'homme parfait, lequel Dieu le Verbe a prins, & non seulement publierent iceluy estre incarné, mais aussi animé d'ame intellectuelle : ainsi qu'à esté arresté par les anciens personages, lesquels ont philosophé du diuin Esprit. Car iceux n'ont point laissé à l'Eglise quelque foy de nouveau excogitee, mais celle laquelle l'Eglise a receu le temps passé de ses ancestres, & ont seulement expliqué & confermé ce que les saints personages nous ont descouuert les choses sacrees des Chrestiens, en les traitans prudemment & religieusement, à sçauoir Irenee, Euesque de Lyon, Clement le Compositeur, Apollinaire Hyerapolitain, & Serapion, lequel iadis gouerna l'Eglise d'Antioche. Et de fait tous ceux-là lesquels maintenant nous auons racontés, ensemble d'autres en leurs œuvres faits à grandes veilles & peines, ont laissé que le Verbe lequel a prins l'homme est animé, pareillement qu'il est consubstantiel. Autant en a publié le Concile, assemblé pour Cyrille, Euesque de Philadelphie, ville d'Arabie, en ses lettres enuoyées audit Cyrille. Aussi cest Origene, renommé en sapience, par tous ses escrits presche le Verbe animé, qui a prins humanité : ce que principalement il afferme en termes manifestes, au tome neuuesime sur Genese, où il fait Iesus-Christ Adam, & l'Eglise Eue. Pamphile escrivain Ecclesiastique, & celuy Eusebe qui de luy fut denomé, lesquels ont descrit la vie de ce personnage, & respondu à ses aduersaires par defences qu'ils composerent pour luy, sont tesmoins riches & suffisans de ceste chose. Iceux disent qu'Origene n'a esté premier auteur de ceste sentence : mais qu'il l'exposa, expliquant les secretes doctrines de l'Eglise, receues des anciens par tradition.

*Ce que le mesme Concile en Alexandrie, ordonna euidentement & clairement de ces dictions, substance, & subsistence.* C H A P. X V.



*Heresie de Sabellie.*

*Personne.*  
*Hose, Euesque de Cordube.*  
*Icy sont examinées ces deux diuisions substantielle et subsistence et leur signification.*  
*Irenee Gracien.*  
*Sophocle.*  
*Menander.*

R pource que la question de substance & subsistence, grandement troubla les eglises, & au temps passé furent esmeues frequentes disputes & questions de ces paroles : le Concile Alexandrin recherchant la propriété & signification d'iceux, arresta qu'il n'estoit besoin en Dieu de telles dictions, & qu'en nul lieu des lettres sacrees ne se trouuoit ce mot de substance, mais que l'Apostre saint Paul pour la necessité d'expliquer sa doctrine, auoit abusé du mot de subsistence. Au reste ils ont ordonné lesdictes dictions estre autrement prinsees (*c'est à dire en diuerse signification*) lors que quelqu'un s'efforceroit refuter l'opiniõ de Sabellie : à ce que faulte de noms, nous ne pensions en la contéplatiõ de diuinité estre ainsi qu'une chose ayât trois noms : mais qu'on entende par les trois noms vsurpez, chacune chose en la Trinité, estre triplement distinguée en sa propre subsistence. Il me semble que cest Hose, Euesque de Cordube, duquel cy dessus souuent auons parlé, premier aduança les propos de substance & subsistence : Car ainsi qu'il estoit enuoyé en Alexandrie par l'Empereur Constantin, pour là appaiser les troubles esmeuz par Arrie, il s'efforçoit aussi dès la racine arracher la doctrine de Sabellie Lybien : pource il proposa la question de substance, & subsistence : d'où sont sortis beaucoup de friuoles. Laquelle questiõ, le Concile de Nice celebré par apres, iugea indigne d'estre là traitée. Mais depuis qu'aucuns ont commencé de rechef iaser d'icelles, il me semble que le Concile Alexandrin sagemet en ordonna ce que nous auons dict cy dessus. Ainsi ces choses furent arrestees en Alexandrie. Il nous sera toutesfois licite icy exposer sans aucune enuie, ce que nous congnoissons de la substance & subsistence. Ceux qui au commencement premiers enseignèrent la philosophie aux Grecs Gentils, n'ont fait aucune mention de subsistence. Mais ils ont desfiny en diuerses sortes la substance, ou essence Irenee chez eux professeur de Grammaire, en ce liure qu'il a intitulé l'Aticiste, ou par l'ordre des lettres il assemble les dictions, & les explique, appelle la diction de subsistence barbare, & dir qu'elle n'est trouuée aux anciens, que si elle y est trouuée, il móstre icelle obtenir autre signification que celle que nous auons maintenant en vsage : Car Sophocle en son Phenix met la diction de subsistence, pour les embusches assises. Menander vsurpe ce mesme mot pour la faulx de broüet, & vn autre pour la lie du vin, qui est au fond du tonneau.

Ce pendant

Ce pendant il faut obseruer, qu'encore que les anciens philosophes n'ayent vſé de ceste dictiō, toutefois les plus recents ont prins quelquefois subsistence pour substāce, & ont laissé plusieurs definitiōs de substance. Que si la substance est comprinſe par definition, comment ceste dictiō sera elle proprement & droictement dictée de Dieu, lequel il n'est possible borner ou limiter? Vrayement Euagre, moine, en son liure monastique dissuade de disputer avec impudente confiance, & temerairement de la diuinité: & ne peut trouuer bon que lon vueille definir Dieu, veu qu'il est simple: Car il dit que les definitions ne sont point des simples, mais des composez. Luy mesme adiouſte cecy: Toute proposition ou enuntiation contient ou le genre lequel soit signifié, ou l'espece, difference, propre, ou accident, ou ce qui est composé d'iceux: que si on ne peut de toutes ces choses rien marquer en ſa ſainte Trinité, il fault adorer avec ſilence ce qui ne peut estre dit ne proferé. Mais nous ferons cy apres mention d'Euagre. Quant aux choses que venōs de dire encore qu'elles ſemblēt estre hors de nostre entreprinſe, ie les estime toutefois vtils & conuenables à l'histoire, & non beaucoup alienes du discours d'icelle.

*Euagre mai-  
ne.*

*De quelles  
choses on  
donne defi-  
nition.*

*Ce qu'Athanaſe recita de l'oraison qu'il inſcrit de ſa fuite.*

*Chap. XVII.*



EN ce concile Athanaſe recita vn liure, lequel long temps auparauant il auoit composé de ſa fuite: duquel i'enclaueraſy en ceſt œure quelques lieux, bien à propos de ceſt argument: Car les hommes ſtudieux pourrēt rechercher l'oraison entiere, laquelle est plus longue. Il eſcrit ainſi: Voila quelle est l'audace des meſchans. Nonobſtant qu'ils ayent fait ces choses, ils n'ont eu honte de nous auoir par cy deuant dreſſé embuſches: & maintenant ils nous calomnient & accusent, de ce que nous auons peu eſchapper leurs mains ſanglantes. Voire pluſtoſt ils lamentent ameremēt, de ce qu'ils ne nous ont rauy la vie, & emporté des viuans. Puis ſeſtans du tout eſtudiez de trouuer en nous quelque pied de reprehension, ils nous reprochent couardie, & n'entendent pas que ce pendant qu'ils babillent de ces choses, ils amaſſent auſſy ſur ſoy tout blaſme: Car ſi fuir est mal, pourſuiuir est beaucoup pire. Celuy qui pouruoit à ſoy par la fuite, à ce qu'il ne ſoit occis, en ſe cachant ſecretement, il n'est point trouué: mais celuy qui pourſuit autrui, ſ'efforce de tuer. Et vrayement on a l'eſcriture qui enſeigne fuir: mais celuy qui ſ'efforce tuer autrui, tranſgreſſe la loy, & d'autant plus donne occaſion de ſe vituperer. Si donc ignominieusement ils nous obiectent noſtre fuite, qu'ils ſe reprennent pluſtoſt eux-mesmes, qui nous ont pourſuyuis. Qu'ils ſ'en allant avec leurs embuſches, & incontinent ceux ceſſeront de fuir, auſquels ils baſtiſſent du mal: Mais ils ne laſſent point leur improbité, ils n'obmettent rien qu'ils n'eſprouuent pour nous perdre, nonobſtant qu'ils ſçachent la fuite de ceux qui endurent perſecution, estre le grand preiudice & crime des perſecuteurs: Car nul ne fuit ce luy qui est doux & humain, mais pluſtoſt l'homme cruel, & de meſchantes meurs. Ainſi les deuſolez qui auoyent le cœur en amertume, & deuoyent à autrui, ſ'enfuyoyent de Saül, & ſe retiroyent à Dauid. Or pour ceſte cauſe ceux cy ſ'efforcent de tout leur eſtude tuer ceux qui cachēt & celent les fugitifs, à ce qu'ils ne ſemblent auoir aucuns, qui reprochent leur improbité. Mais en ce vrayement ils faillent, comme du tout aueuglez: Car d'autant que la fuite est manifeſte, le meurtre auſſy ou expulsion prouenant de leurs embuſches est deſcouuerte. Soit à ſçauoir qu'ils tuent, d'autant plus le meurtre crie contre eux: ſoit qu'ils chasſent en exil, ils ordonnent en tous lieux teſmoignages contre eux-mesmes de leur iniquité: Parquoy ſils eſtoyent ſains d'eſprit, ils ſe verroyent vrayement comprins en telles choses, & qu'ils ſe heurtent à leurs propres conſeils. Mais puis qu'ils ont perdu leur meilleur entendement, il n'y a merueille ſils continuent ces perſecutions: & lors qu'ils cherchent tuer autrui ſils n'ont eſgard à leur propre impiété: Car ſils deſchirent ceux par iniures leſquels ſont cachez, craignās les meurtriers & bourreaux enuoyez contre eux, & ſils accusent calomnieusement ceux qui fuyent les frappeurs & ſanguinaires, que feront-ils ie vous prie à Iacob, fuyant ſon frere Eſau? A Moïſe, ſe retirant vers Madian pour la crainte de Pharaon? Cōmēt ceux qui caquettēt de telles choses parlerōt ils pour Dauid, ſ'enfuyāt de Saül, lequel auoit enuoyé en ſa maiſon des meurtriers pour le tuer, en ſorte q̄ Dauid ſe cacha en la cauerne? ſoit auſſy quād il chāgea ſa face iuſques à ce qu'il ſortist de deuant Abimelech, & ſe ſauuaſt des embuſches à luy dreſſees? Que dirōt d'auātage ceux qui temerairement gazouillēt de toutes choses, de ce grād Helie: puis qu'ils le voyēt inuoker Dieu, reſſuſciter le mort, & ſe cacher pour les menaſſes d'Ahab & Iſabel? Car lors les enfans des prophetes cherchez à la mort, eſtoyēt cachez aux cauernes chez Abdias. Ont ils cōgneu ceux-là cōme plus anciens, & n'ont ſouuenāce de ceux qui ſōt en l'Euāgile? Car les diſciples pour la crainte des Iuiſ ſe retirerēt & cacherēt, & S. Paul recherché par le prince de Damas, au meſme lieu fut eſcoulé de la muraille en vne corbeille, & ainſi eſchappa les mains du meurtrier. Veudōc q̄ l'eſcriture declare telles choses des ſaincts, quel pretexte ou excuſe pourrōt ils trouuer de leur indiſcrette audace? Car ſi ignominieusement ils nous obiectēt timidité, & faulte de cœur, ceſte meſme audace les renuerſe comme enragez. Que ſils diſent, que nous auons fait cecy quaſi outre la volōté de

*Les gens de  
bien aymēt  
mieux reci-  
ter qu'ils  
ont pardon-*

*né lors que  
ils pouuoient  
faire mourir  
& deſtruire, qu'a-  
uoir deſtruit  
lors qu'ils pou-  
uoient par-  
donner.*

*Cicero.  
Deſenſion  
de ceux qui  
fuyent, cō-  
tre les perſe-  
cuteurs.*

*Abimelech nomme  
neral & cō-  
mun des  
Rois de Pa-  
leſtine, ainſi  
que ceſar  
des Empe-  
reurs Ro-  
mains.*

R R

*viles de  
refuge.*

Dieu, qu'ils s'accusent donc comme du tout ignorans les escritures: Car en la loy a esté commandé que fussent basties des villes de retraicte, à ce que ceux qu'on rechercheroit à la mort, peussent estre gardez & sauuez en quelque maniere. Lors aussi que ce mesme Verbe du Pere, lequel parla avec Moysé, est venu vers nous en la consommation des siècles, il nous a baillé de rechef ce mandement, disant: Quand ils vous pourfuyrôt, fuyez d'une cité en l'autre. Et peu apres il dit: Quand donc vous verrez l'abomination de la desolation, qui est dictée par Daniel le prophete, estre au lieu saint (quil lit, l'entende) adonc que ceux qui sont en Judée s'enfuyent aux montaignes, & celui qui sera en sa maison ne descende point, pour emporter quelque chose de sa maison: & celui qui est au champ, ne retourne point en arriere, pour emporter ses habillemens. Aufquelles paroles les hommes saints prenans garde, ont suiuy ceste mesme maniere de faire: Car ce que maintenant le Seigneur a commandé, ce mesme auant son aduenement pour prendre chair il a parlé avec les saints. Or ceste fin est proposée aux hommes pour acquerir perfection, à sçauoir, qu'ils accomplissent ce que Dieu leur aura commandé. Pour tant le Verbe fait chair pour nous, n'a dedaigné, ainsi que nous, se cacher, du temps qu'on le cerchoit à faire mourir. Lors aussi qu'on en faisoit les poursuites il a voulu fuir & euitier les embusches: Car il estoit conuenable que Iesus Christ esprouuast ces choses en soy, à ce qu'ainsi qu'à sa faim & soif, aussi en sa fuite il monstraist euidement qu'il auoit prins la nature humaine. Dès le commencement, qu'estant fait homme il estoit encore enfant, incontinent il commanda par l'Ange à Ioseph: Leue toy, & pren le petit enfant & sa mere, & t'enfuy en Egypte: car Herode cherchera le petit enfant pour le mettre à mort. En apres Herodes trespassé, il est manifeste qu'il se retira en Nazareth, pour Archelaus fils d'Herode. Depuis ce, ayant montré qu'il estoit Dieu, en guarissant la main seiche, & la remettant en sa force & vigueur, les Pharisiens sortans firent assemblée contre luy pour le tuer: ce que congnoissant Iesus se retira de là. De rechef apres qu'il eust ressuscité des morts le Lazare, dès ce mesme iour (dit l'Euangile) ils consulterent ensemble de le mettre à mort. Par ainsi Iesus ne cheminoit plus publiquement entre les Iuifs, mais s'en alla de là en la contree qui est pres du desert. Quand d'auantage le Sauueur disoit, deuant qu'Abraham fust, ie suis, les Iuifs prindrent des pierres pour ietter contre luy: mais Iesus se cacha, & sortit du temple, & passant par le milieu d'eux, il s'en alla dehors. Mais voila grand pitié, ceux cy voyans & entendans ces choses, & ne les prenans au sens pour lequel elles sont escriptes: ils veulent toutefois estre bruslez au feu d'enfer, lors qu'ils pensent & parlent autrement que le Seigneur n'a fait & enseigné: Car apres que Iean Baptiste mourut martyr & que ses disciples eurent enseuely son corps, Iesus Christ en ayant ouy les nouuelles passa l'eau en vne nacelle & se retira seul au desert, ainsi a fait & enseigné nostre seigneur. Or à la mienne volonté que ces bons gens fussent pour le moins iusques là honteux, que seulement ils vlassent de leur audace effrontee contre les hommes, & qu'ils ne fussent emportez de telle fureur, en sorte qu'ils iettassent mesme sur Iesus Christ nostre Sauueur le crime de timidité: ceux dis-je, lesquels vne fois ont deliberé & arresté à leur escient le blasphemier, & assaillir par maledictions. Mais nul ne supportera leur fureur, d'abondant nous les conuaincrons, & monstrerons qu'ils ignorent les Euangiles: Car la deffence de telle fuite & retraicte est vraye, & selon raison: laquelle aussi les Euangelistes ont laissé, du sauueur Iesus. Pour ce nous deuons auoir semblable opinion de tous les saints, & que ce qui est escrit du Sauueur entant qu'homme, soit communément referé à tout le genre humain. D'autant qu'iceluy a receu ce qui estoit nostre, & a montré en soy-mesme les affections de nostre imbecillité. Ce que S. Iean a ainsi escrit: Ils cerchoyent à le prendre, & nul n'a mis la main sur luy, pour ce que son heure n'estoit encore venue. Deuant aussi qu'elle fust venue, il dit à sa mere: Mon heure n'est encore venue. Et à ceux qui ont esté appelez ses freres: Mon temps n'est encore venu. Mais depuis que ce temps fut escheu, il dit à ses disciples: Dormez & vous reposez, voila l'heure s'est approchée, & le Fils de l'homme sera liuré entre les mains des pecheurs. Parquoy deuant le temps il n'a permis qu'il fust prins: il ne s'est aussi caché le tēps estant ja present, plustost il s'est liuré à ceux qui luy dressoyent embusches. Ce les heureux martyrs ont pareillement obserué aux persecutions, en leurs temps aduenues: lesquels, comme ils s'enfuyoyent & se hastoyent de se cacher, lors qu'on les pourfuyuoit, aussi estans trouuez & prins, brauement ont accompli leur martyre. Ces choses le sacré Athanasie a escrit en la defension de sa fuite. Et telle fut la fin du concile Alexandrin.

*commēt on  
peut fuir  
les persecu-  
teurs.*

*Comme en ce tēps furēt en Antioche trois Euesques Meletie, Paulin & EuLoie: & Lucifer ne pouuant endurer la reprehension & remonstrance d'Eusebe, fut auteur de son heresie. Cōme aussi Eusebe de Verseilles, & Hilaire de Poitiers, Euesques en Oriēt, annoncerēt la saine doctrine de la foy de Nice, en langue Romaine & Grecque, aux Illyriques, Gaulois & Italiens. Chap. XVII.*



R Eusebe, lequel nous auons dict estre Euesque de Verseilles, venant en Antioche, apres que le concile d'Alexandrie fut acheué, y trouua le peuple grandement diuisé: Car ceux qui auoyent suiuy la part de Meletie, desdaignoyent du tout Paulin, esleu par Lucifer: & faisoient à part leurs Eglises & assemblees. Parquoy Eusebe

se



se trouuant bonne l'election de Paulin, pour ce qu'elle n'estoit acceptable à tous, & ne communioit avec aucune des parties, il n'approuua ce fait. Toutefois pour l'amitié qu'il portoit à Lucifer, n'en disant rien, il partit de là: seulement il fit mention, qu'on deuoit ordonner de ceste affaire en l'assemblée des euesques. Et combien que du tout il se fust estudié, à ce que ce qui estoit cassé par diuisions, fust conioinct par vnion, il n'a peu nonobstant satisfaire à son souhait: Car ce pendant Meletie reuint d'exil, lequel trouuant ses sectateurs qui le prisoyent beaucoup, faire à part leurs assemblees, les preceda selon la coustume Episcopale, & se fit leur chef. Ainsi a esté fait, qu'en vn mesme temps en Antioche estoient trois prelatz, faisans l'office de pasteurs. En la puissance d'Euzoie, qui auoit presidé aux Arriens, estoient les Eglises: quant à Paulin il obtint vne Eglise moins celebre dedans la ville, laquelle Euzoie luy conceda, pour ce que l'og temps y auoit qu'il le respectoit. Mais Meletie faisoit ses assemblees hors la ville, pres la porte. Ainsi que ces choses estoient en cest estat en Antioche, Eusebe de rechef est de là parry. Or Lucifer entendant que l'election de Paulin desplaisoit à Eusebe, comme s'il eust esté iniurié, portant à contrecœur ceste affaire, se courrouça, & ne voulut venir en communion & s'associer avec Eusebe: & comme si tout ne se fust bien porté au concile, delibera reietter tous les decretz d'iceluy par calomnie. Et cependant qu'en ce temps calamiteux se brassoyent beaucoup de choses dommageables, ainsi qu'il se fait communément, plusieurs furent alienez de l'Eglise. Pour laquelle raison de rechef se leua nouuelle heresie, laquelle print sa denomination de Lucifer, lequel vrayement a eu peu d'occasion de se colerer: car il estoit tenu captif en son lac propre, veu qu'enuoyant son diacre, promit approuuer ce qu'ordonneroit le Concile. Bien est vray qu'iceluy retenant la sentence de l'Eglise, & relaschant son enuie, se retira en son siege en Sardine: mais ceux lesquels se sentoyent irritez & contristez avec luy, en Orient se constituerent vne secte, & long temps oppugnerent l'Eglise. Eusebe d'ailleurs estant en Orient, pensa & sollicita comme bon medecin ceux qui estoient peu fermes en la foy, & les r'adressa, reiectant ce qui estoit peu entier & sincere entre eux: & enseignant tout ce qui estoit naïf & selon l'Eglise. Et de là venant à l'Occident, passa par l'Illyrie, & arriua en Italie, faisant par tout ce mesme deuoir. En ce pays Hilaire Euesque de Poitiers, ville d'Aquitaine, qui auparauant estoit là arriué: car il fut premier reuoké d'exil, auoit respandu les semences de la foy saine, enseignant les Italiens & Gaulois de ce qu'ils deuoient, ou desirer, ou fuir. Il fut grandement eloquent en la langue Latine & Grecque, & composa aucuns liures aux Romains, lesquels non seulement refutent l'opinion d'Arrie: mais aussi confirmēt grauelement la sentence du Consubstantiel. Ces choses furent faites incontinent apres la restitution des bannis. Et ainsi Hilaire de Poitiers, & Eusebe de Verfeilles, euesques, prescherent illustrement la doctrine de la foy de Nice.

Trois euesques des Chrestiens en vn mesme tēps, en Antioche. Meletie reuenu d'exil. Euzoie. Paulin. Meletie.

Lucifer separé d'Eusebe de Verfeilles.

L'heresie des Luciferiens en Orient.

Eusebe fait l'office de bon Euesque.

Ce mesme fait Hilaire Euesque de Poitiers.

*Comment les Macedoniens lors en grande liberté enseignerent leur impieté, quelle a esté leur opinion, & de quelles defences ils ont vse contre leurs accusateurs.*

*Chap. XVIII.*



N ce mesme temps les sectateurs de Macedoine entre lesquels estoient Eleuse Cizicien, Eustathe de Sebastie, & Sophrone Pompeiopolitain, s'appuyans sur la mort de Constance, commencerent manifestement estre appelez Macedoniens. Ayans ainsi prins l'opportunité du temps, librement ils ont fait en diuers lieux frequentes assemblees: appellans à soy ceux lesquels consentirent avec eux en Seleuce, & en telle sorte instituerent la faction de leur secte. Ils excommunierent ceux qui estoient de la partie aduerse, à sçauoir les Acaciens: & se mocquans de la foy prononcée en Arimin, ils publierent la formule d'Antioche, & l'approuuerent

Les Macedoniens se dressent.

Ils excommunient les Acaciens.

La cause qui esmeut les Macedoniens se diuiser des Acaciens & consubstantiaux.

de leurs suffrages, laquelle aussi par apres fut confirmée à Seleucie, comme nous auons dit au liure precedent. Or pour ce qu'ils estoient par aucuns reprins & arguez de ceste diuision, & que lon leur obiectoit, pourquoy lors ils se separoyent des Acaciens par altercations, avec lesquels parauant ils communioient & consentoyent, Ils donnerent telle responce par Sophrone: Les euesques Occidentaux n'ont eu saine opinion du Consubstantiel, & en Orient Aetie a enseigné le Fils estre dissemblable au Pere en substance: parquoy les vns & les autres ont failly en leur sentence: Car iceux par la diction de Consubstantiel, reduisans en vne vnité la subsistence du Pere & du Fils, l'ont confondu: luy au contraire a trop separé la propriété du Fils, de la nature du Pere. Nous donc fuyans l'erreur des vns & autres, auons choisi sans aucun danger la moyenne voye, & sentons plus sainement, enseignant que le Fils est esgal au Pere en subsistence. Ainsi estans reprins, s'efforcerent se deffendre: mais ils sont congneus par cauillation de prauoir la verité, de ce qu'ils accusent Aetie, & non Acace, comme auteur de l'Inégalité. Ils semblent aussi en quelque façon fuir les Arriens, & ceux qui affirment le Consubstantiel, & sont des vns & des autres conuaincus de leur voix propres, vouloir apporter quelque autre nouveauté: ainsi que dit Sabin, lequel a escrit en Latin les actes des conciles.

R R ij

# LIVRE X. DE L'HIST. ECCLESIASTIQUE

De saint Athanase, & comme recherché par Iulien l'Apostat, il se sauua & s'enfuit par merueilleuse ruse. Chap. XIX.

*Iulien com-  
mande que  
Athanase  
soit banny.*

*Belle senten-  
ce d'Atha-  
nase.*



Pres que l'Empereur congneut qu'Athanase faisoit publiquement as-semblees de la multitude, en l'Eglise d'Alexandrie, & attiroit grand nôbre de Grecs à la religion Chrestienne, par la force & douceur de son eloquence: il commanda qu'on le iettast hors la ville. Que s'il vouloit là malgré luy demourer, il luy denonça des peines tres-griefues. Il pre-tendoit cause de ce mandement, qu'estant condané par ses predecesseurs Empereurs à exil, de sa propre autorité il occupoit l'Euesché: & qu'il auoit seulement permis à ceux qui furent chassez en exil par Constance, non r'entrer en leurs Eglises, mais reuenir en leurs pays. Parquoy con-trainct par ce mandement del'Empereur, s'enfuir, iettant ses yeux sur ceux qui à l'enuiron de luy le plouroient & portoyent pesamment son departement: Soyex (dit-il) mes enfans de bon courage, c'est vne petite nuee, en bref elle s'esuanoüira. Ces paroles ainsi dictes, il donna charge à ses familiers, & recômandant l'Eglise aux gens de bien, il sortit: & montant en vn nauire, tira par le Nil vers Egypte. Or ceux qui estoient enuoyez par l'Empereur, le suiuyent de loing, s'efforçans de tout leur estude prendre ce saint personnage. Et ja il auoit entendu ceux qu'il poursuioyent estre prochains, que prenant conseil de ceux qui nauigeoyent avec luy, il luy per-suaderent s'enfuir au desert: mais iceluy suyuant meilleure sentence, prudemment se sauua des mains des gens d'armes: Car delaisant la fuite, il commanda tirer arriere le nauire vers les pour-suyuans: & aller au deuant d'eux. Et lors que les fugitifs s'approcherent des poursuuyans, & fu-rent interrogez où estoit Athanase: ils respondirent qu'il n'estoit pas loing, & que s'ils se vou-loient haster, incontinent ils l'attrapperoient: par ce moyen eschapperent de ce danger. Par ceste ruse les poursuuyans moquez, ne leur firent rien. Mais Athanase secrettement reuint en Alexandrie, & là fut caché iusques à ce que la persecution, laquelle il fuyoit, fust du tout asso-pie & apaisée. Ces choses aduindrent à Athanase, par les sectateurs de la superstition Grecque.

*Mais Athanase] Athanase ngacant contre le Nil, tournât visage, eschappa les mains de ses persecuteurs. Cela ne recite point Sozom.l. 5. ch. 15. & est en autre lieu, ainsi qu'il a esté deduit par Nicephore, l. 9. ch. 34. il est en Socrates escrit, li. 3. cha. 14. Et par aduerture Athanase usa de mesme ruse par deux fois.*

*Comme Iulien de rechef plus asprement & couragement approuua l'idolatrie des Grecs: & d'Eleuse Cizicien, Tite de Bostre, & de Mair de Calcedoine, Euesques. Chap. XX.*

*Iulien con-  
cede aux Ci-  
ziciens ido-  
latres ce  
qu'ils de-  
mandent.  
Il chasse E-  
leuse de Ci-  
zie pour les  
œuvres de  
pieté.*

*Il chasse aus-  
si de ceste  
ville des  
Chrestiens  
estrangers.*



E pendant les Ciziciens enuoyerent ambassade vers l'Empereur, pour aucuns de leurs affaires, avec ceste addition: Qu'il estoit fort necessaire que les temples des dieux fussent restituez. Iulien s'esmerueillant de leur religion & affection au seruice des dieux, leur octroya tout ce qu'ils auoyent demandé. Il interdit aussi Eleuse leur Euesque de l'office diuin, & de la ville: pour ce que rez de terre il abbatit les tēples des dieux, & d'i-ceux s'estoit moqué par iniure, qu'il institua des monasteres & demou-rances des vierges sacrees, qu'il bastit des lieux pour retirer & penser les vieilles personnes & vesues, & accôplit beaucoup d'autres œuvres plai-santes à Dieu. Outre plus à cause qu'en persuasion de paroles (ce qui estoit le plus grief) il auoit attiré plusieurs Grecs au contemnement de leurs superstitions. Il fit aussi cest edict, que nul des Chrestiens qui ne seroit né du pays entrast en Cizic, & pour la cause de ceste ordonnance, ad-iousta que c'estoit de crainte que pour la Religion aucune sedition ne fust esmeue, lors que les estrangers & le populaire d'iceux, lesquels avec les Chrestiens dudit lieu celebroyent mesmes solemnitez, leur pourroyent porter secours & aide, & là viendroyent d'autrepart les Chrestiens estrangers, fileurs de laine & monnoyeurs: Car iceux en grand nombre, diuisez en ces deux e-stats & mestiers plus accoustumez, selon les ordonnances de plusieurs Empereurs demouroyēt en Cizic, avec leurs fēmes & enfans: & rapportoyent grand tribut & reuenu au public, les vns en manteaux de guerre, les autres en monnoye nouuelle. Ainsi voulant approuuer & aduācer grandement la superstition Grecque, il n'a estimé profitable publiquement vsfer de violence, & par peines & tourmens ordonnez opprimer vne si grande multitude d'hommes: veu qu'à grād peine les gouuerneurs du peuple pouoyent arrester quelque certain nombre des Chrestiens, & en sçauoir le cōpre. Iulien aussi ne leur defēdit s'assembler en quelque lieu, ou faire leurs prie-res ainsi que chacun voudroit: car il sçauoit assez que la force employee en ces choses ne pro-fiteroit riē du tout, veu que pour icelles establir est requis iugement prompt & volōtaire: Mais il sest du tout efforcé exiger & tourmenter le Clergé, & les Prelats des Eglises & de la religion. Son conseil estoit d'oster les communions ordonnees & accoustumees, ayant retranché & deimis leurs ducs: Car il estima par ce moyen qu'il ne nous seroit facile, ou faire des assem-blees, ou enseigner: & encore moins participer es choses sacrees, & accomplir les solemnitez & sa-

*En vain on  
employe la  
force, où est  
requis la li-  
bre volōté.*

& sacrifices mystiques & secrets, en sorte qu'avec succession de temps nous pourrions du tout venir à oublier nostre Religion. Et ce pendant il prétendoit ceste couuerture, que le Clergé trop facilement bailloit à la multitude occasion & cause de sedition. Ainsi qu'il agitoit & pourpense à Eleuse, soit ces conseils, lors que n'estoit sedition, voire qu'on ne se doutoit d'aucune, il commanda, pour la restituer à Eleuse vne fort pesante condition, à sçavoir, que si à ses propres cousts & despens il ne réstaureroit en l'espace de deux mois l'Eglise des Nouatiens, qu'il auoit demolie à Cizic, il seroit chassé de la ville. Il commanda aussi à Tite lors Euesque de la cité de Bostre, par edict crié publiquement, que soudain il s'enfuit: le menassant avec le Clergé de griefs supplices, s'il esmouuoit le peuple à sedition. Pour ceste cause Tite enuoya vne requeste à l'Empereur, par laquelle il luy signifioit qu'en ceste ville n'estoit moindre le nombre des Chrestiens que des Grecs, & que par remonstrances il destournoit son peuple subiect à luy de faire tumulte & sedition. Mais l'Empereur pour esmouuoir & enflamber le surplus du peuple à l'encontre de Tite, enuoya lettres aux Bostriens, par lesquelles il intentoit calomnie grande à cest homme: à sçavoir qu'il auoit rescrit que le peuple s'efforçoit d'exciter seditions, non par les remonstrances qu'il leur eut faites, ains par leur propre conseil. Ainsi secrettement il esmeut le peuple, à ce qu'ils chassassent hors de leur ville cest homme comme espie & ennemy. En ceste maniere il est certain que plusieurs autres choses aduindrent, tant par son commandement, que par la volontaire temerité & effort du peuple, desquels maux iceluy fut le principal auteur, tant pour ce que par les loix il ne recherchoit & punissoit ceux lesquels osoient commettre telles choses, que mesme il ne reprenoit telles offenses seulement de paroles, voire qu'il admonnestoit & enseignoit par euidés tesmoignages à les commettre: tant estoit la haine de nostre Religion en luy profondement enracinée, & pour tant il la proposa tousiours deuant ses yeux. Nonobstant donc que manifestement il n'exercast contre nous persecution, toutefois les Chrestiens souuent endurerent du peuple des pertes grandes: Car les temples des Grecs estoient ouuerts, & la superstition des simulacres approuuée avec grand applaudissement. Voire iceluy publiquement fit ses solemnitez: & sacrifia en Constantinople au temple de Fortune, auquel estoit dressée la statue de ceste deesse. Là Mair, Euesque de Chalcedoine en Bithynie, amené par la main d'un enfant, pour ce qu'en son vieil aage la distillation des yeux luy auoit osté la veue, reprint & taxa grandement l'Empereur: l'appellant avec vne insigne ignominie meschant, contempteur de Dieu & Apostat. A quoy par colere il n'a respondu autre chose, seulement il s'est de luy vengé par paroles, reprochant à cest ancien sa cecité: & se mocquant par blasphemés & maledictiōs de Iesus Christ, il dit que ce Dieu Galileen auquel il seruoit, n'estoit pas si puissant, qu'il donnast à son auenglement quelque remede: Car il luy estoit solemnel d'appeller Iesus Christ Galileen, & les Chrestiens Galileens. Auquel l'Euesque venant au deuant avec grande liberté de parler: le réds, dit-il, graces au Sauueur mon Dieu, de ce qu'il a pourueu, à ce que ie perdisse la veue, pour l'estat des choses presentes, afin que ie ne regardasse point ton tres-vilain visage, declinant à meschanceté & impieté. A quoy iceluy feignant en soy quelque modestie, ne respondit aucunement, toutesfois il porta ceste chose assez grieffement: Car sçachant en quel honneur estoient ceux enuers les Chrestiens, lesquels sous Diocletian endurerent martyre, considerât aussi l'aligresse de ceux qui assistoient à ce martyre, enuieux sur eux de telle gloire, ordonna vn autre chemin. Il refusa bien tourmenter par soy-mesme les Chrestiens, comme fait de souveraine cruauté: toutesfois il ne delaisa de les persecuter occultement. Parquoy il permit, aux peuples, & à tous autres, commettre ce qu'ils voudroyent contre les Chrestiens: estimant que par après la superstition Grecque profiteroit & floriroit d'auantage, quand pretendait vne longue tollerance de maux, ainsi que quelque amorce, il simuleroit mesme enuers les Chrestiens gracieuseté & humanité.

*Comme Iulien voulant confirmer par art & tromperie l'idolatrie, delibera accommoder & appliquer au service des idoles les propres ceremonies de nostre Religion. chap. XXI.*




Onc premierement Iulien finement se monstra facile & acceptable à tous, mais de là en auant il ne se declara tel, ou semblable à soy mesme: car où il y auoit quelque calomnie ou accusation intentee contre Constantine, il donnoit ioyeusement tout aux Chrestiens: que si ceste cause ne s'offroit, il manifestoit la haine laquelle il auoit communément contre nous cachée en son cœur. Veu donc que principalement il festudioit, que tous les subiects de l'Empire Romain embrassassent la superstition Grecque, il luy fut fort fascheux de veoir que sa religion estoit beaucoup surpassée en gloire par la Chrestienté. Bien est vray que les temples, sacrifices & solemnitez de la religion Grecque, aussi les festes succedoyent aux villes, quasi selon sa sentence: Mais il se tourmentoit & soucioit beaucoup, regardant à l'aduenir, comment il establirait ce service & ceste religion: pour ce qu'il craignoit, qu'estant destituee de son appuy, elle ne trebuchast pour peu de firmee.

*Il accom-  
de les cere-  
monies, cou-  
stumes &  
doctrines des  
Chrestiens,  
au service  
des idoles.  
Les lectures  
commanda-  
toires des  
Euesques,  
desquelles il  
y a un ca-  
non au con-  
cile de Nice.*

changemēt de chose qui aduint. Et vrayemēt cela le nauroit cōme à la mort, qu'il voyoit que de plusieurs sacrificateurs, les femmes, enfans & ministres estoient Chrestiens: & qu'il consideroit que nostre Religion consiste en la sainctetē de vie, & integritē de meurs, de ceux qui l'embrassent: Parquoy il a cerché tous moyens, à ce qu'il accommodast les meurs des Grecs à nostre maniere de viure. Il fit donc faire aux temples des idoles des sièges & haultes chaires, il ordonna des leçons & enseignemens, lesquels toutefois seroyent appniez aux sentences & doctrines des Grecs. Il institua aussi selon nostre coustume des sacrificateurs & liseurs, & des prieres aux certaines heures & iours. Il bastit des escoles, conuents des hommes & femmes addonnees à la philosophie Ethnique Il construit des hostels pour les pelerins & pauvres: outre plus il monstra vne autre humanité, à ce que par telles choses les solemnitez des Grecs fussent d'auantage trouuees bonnes. Il constitua pareillement des punitions decentes aux pechez commis, ou sciēment, ou imprudemment, moyennant la penitence selon nostre coustume. De pareil estude il s'est efforcé imiter les marques & enseignes des lettres de recommandation, lesquelles les Euesques ont accoustumé donner: à celle fin que de quelque lieu, ou en quelque lieu que ce soit que ceux de dehors viennent pour estre logez & hebergez, ils soyent traitez benignement selon nos coustumes, & receuz par le tesmoignage de ceste marque & enseigne, ainsi que s'ils estoient congneuz & amis. Et à dire simplement & à vn mot, ainsi qu'il entreprenoit ces conseils en son esprit, il ordonna aux Grecs viure de telle maniere que les Chrestiens, & voulut qu'ils s'accoustumassent du tout à nos estudes & maniere de viure, voire du tout semblables à nous: hors routesfois la doctrine. Ce que ie monstreray (tant qu'il est licite & possible) estre ainsi que i'ay dict. par l'Epistre diceluy Empereur enuoyee à Arsace, Pontife des solemnitez & sacrifices en Galatie. Or il luy rescrit en telle maniere.

*L'Epistre de Iulien à Arsace, Pontife de Galatie, à ce qu'il suyue par imitation les meurs des Chrestiens. Chap. X X I I.*

*Il ordonne  
les loix Ec-  
clesiastic-  
ques aux sa-  
crificateurs  
des idoles.*



A religion Grecque ne procede point encore selon nostre sentence & vouloir, & ce pour la faulte de ceux qui l'embrassent: Car l'amplitude & magnificence des dieux, surpasse toutes choses souhaiçtees, & toute esperance. Mais qu'il n'y ait enuie à ce que ie dis, nul eust osé souhaiter vn peu par cy deuant, ne mesme en ses vœux, vne si grande mutation en si bref temps. Quoy donc? estimons nous ces choses suffisantes, & ne regardons à celles qui ont grandement augmenté l'impietē & contemnement des dieux? à sçauoir à celle hospitalité, par laquelle nous receuons les estrangers, à la sollicitude aussi d'enseuelir les morts, à la sainctetē de vie dissimulee: ce que i'estime deuoir estre par vn chacun de nous vrayement fait & obserué: voire d'vn estude singulier. Et ne suffit, que toy seul sois tel, mais aussi il est raisonnable que tous les sacrificateurs qui sont en Galatie soyent à toy semblables: lesquels tu rendras saincts, ou par crainte ou par persuasion, & les forceras de se desmettre de l'office du sacré ministere, si pareillement avec leurs femmes, enfans & seruiteurs ils ne viennent au seruice des dieux: & qu'ils veuillent retenir des seruiteurs, ou enfans, ou femmes Galileennes, se portans meschamment mesme enuers les Dieux, & s'estans proposez le contemnement d'iceux au seruice qu'ils leurs differēt. En apres admoneste chacun sacrificateur, qu'il ne soit veu au Theatre, qu'il ne boiue point chez les tauer- niers, & qu'il n'exerce quelque art ou labour honteux & ignominieux. Tu honoreras ceux qui obeiront, & chasseras de ta compagnie les rebelles. Basty en chacune ville plusieurs hostelleries pour receuoir benignement les hostes: à ce que les estrangers, non seulement de nostre Religion, mais les autres qui demanderont & auront necessité, iouissent de nostre humanité. I'ay pourueu au moyen d'auoir pecune suffisante pour cest affaire: Car i'ay commandé qu'on eut à cueillir & leuer de Galatie, tous les ans pour cest effect, trente mil muids de froment, & soixante mil septiers de vin. Et i'ordonne que la cinquiesme part de ces tributs soit donnee à ceux qui seruent aux sacrificateurs, & que tout le demeurant soit diuisé aux estrangers & hostes, & autres qui mendieront: Car ce seroit vne chose laide, veu qu'entre les Iuifs il n'y a aucun mendian, & que les meschans Galileens non seulement nourrissent les siens, mais aussi les nostres, si nos gēs estoient en peine d'implorer nostre support & aide. Outreplus tu enseigneras les obseruateurs de la religion Grecque, qu'ils contribuent aussi quelque chose à ce ministere: instruy pareillement les rues & villages, qu'ils payent aux dieux les primices de leurs bleds, & accoustume les hommes Grecs à tels offices & biensfaits, les admonnestant qu'anciennement telle estoit nostre coustume, & maniere de faire: Car Homere introduit Eumee, disant ces paroles:

*Trente mil  
muids de  
fromēt, &  
soixante mil  
septiers de  
vin.  
Escoute toy  
qui ne veux  
faire aumos-  
ne des biens  
qui ne sont  
tiens, mais à  
Dieu, tu es  
pire qu'un  
Iuis, voire  
qu'un Gen-  
til, & que  
c'est Apo-  
stat.*

*Hoste, encor que vers moy quelque estrāger s'adresse,  
Voire pire que toy, si fault-il que luy dresse  
La table & le logis: car il ne m'est permis  
L'esconduire, veu que tous sommes cy bas mis*

*Par le grand Iuppiter: tant celuy qui mendie  
Que cil qui le reçoit, & luy donne sa vie.  
Le present que ie fay & l'hospitalité,  
Encor qu'il soit petite, est fait de charité.*

Il n'y a point donc de raison que nous permettions aux autres imiter nos bonnes œuvres : & nous ce pendant pour nostre paresse & pusillanimité soyons cause de nostre honte, ou plustost trahissions l'obseruance & religion des Dieux. Que si i'entens qu'en ceste sorte tu accomplisses ces choses, tu me rendras ioyeux. Visite peu souuent les gouuerneurs des prouinces en leurs maisons, mais enuoye leur des lettres, & lors qu'ils entreront en quelque ville, que nul des sacrificateurs vienne au deuant : quand ils entreront aux temples des Dieux, c'est assez qu'on les preuienne, & reçoie dedans l'entree. Que lors qu'ils entreront en lieu sacré, aucun hōme d'arme ne les precede, toute fois les suyue qui voudra : Car soudain que le magistrat a touché la terre du temple, il est rendu personne priuee, & cōme tu scez, tu obtiens l'Empire dedans le temple. Cela aussi les clauses des loix diuines requierent : ausquelles ceux qui obeissent, sont vrais seruiteurs des Dieux. Mais ceux qui s'esleuent par orgueil, & cherchent insolemment occasion de se vanter & acquerir vne vaine gloire. Je suis prest d'ayder la ville du Pessin, moyennant que les habitans se rendent propice la merē des Dieux : Que si la contemnent non seulement ils seront dignes de reprehension, mais aussi (ce qui m'eit grief à dire) il y aura danger qu'ils nous irritent & qu'ils excitent inimitiez contre eux.

*Note, Magistrat, quel tu es en l'Eglise de Dieu.*

*De ceste ville du Pessin fait mention Eline liu. 5. chap. 32.*

*Car il n'est pas licite, voire aux necessitez  
Secourir ceux qui sont de courage irrité  
Contre les immortels.*

Parquoy persuade leur fils se veulent concilier ma bonne grace, & qu'ayans soucy d'eux ie leur porte bonne affectiō, que tous ensemble ils suppliēt & facent prieres à la mere des Dieux.

*Ce que ce meschant a fait contre nostre pieté & religion, comme aussi il s'efforça  
par dol attirer l'armee aux sacrifices des dieux, ayant à ces fins fait  
largesse generalement à tous ceux de son ost.  
Chap. X X I I I.*



E pendant que Iulien faisoit & escriuoit cecy, il pensoit emmener les Chrestiens aux coustumes du pays, sans aucune guerre : & comme on dit, il remua toute pierre, c'est à dire cercha tous moyens à ce qu'il abolist nostre doctrine : Mais la persuasion de ceste chose luy fut difficile. D'auantage il estimoit que ce luy tourneroit à honte s'il vloit manifestement de violence : car il festudioit fuir la suspicion de tyrannie. Toutefois pour ce il ne relascha rien de son ardeur & estude, pour attirer les subiects à la superstition Grecque, iceluy faisoit aucunes choses par soy-mesme, despeschoit d'autres par ses lieutenans, accoustumant aussi tous

*Toute l'estu de de Iulien estoit d'augmenter la superstition Grecque, ayant abrégé le Christianisme.*

& specialement les gens d'armes, à la superstition Grecque : premierement il remit en son premier estat la plus grande enseigne de tous les estandars Romains, laquelle Constantin ayant reduite en forme de la croix, selon la volonté diuine, comme nous auons dit, commanda estre portee deuant toute l'armee. Il se soucia grandement de se faire peindre aux tableaux mis en public, & qu'avec luy le souuerain de ses Dieux Iuppiter fust pourtraict, cōme regardāt d'une nuée celeste, & enuoyant en bas la couronne, robbe de pourpre, & autres habits & accoustre-mens Imperiaux : d'une part aussi Mercure, & Mars d'autre, le regardans amiablemēt & doucement, & resinoignans aucunement par signe de leurs yeux, qu'il estoit en eloquence excellent, & non moins au fait de guerre. Il commanda ces choses & autres semblables, inuitantes plusieurs à la religion Grecque, estre semees par les images publiques Et cela il faisoit, à ce que par l'occasion del'honneur lequel on auoit de coustume faire à l'Empereur, ceux qui le reueroyent, apprinsent petit à petit à adorer ceux qui estoient avec luy despeincts : & abusant de la ruzē & finesse de l'ancienne coustume, il renuerlast furtiuement l'esprit & iugemēt de tous les subiects. Ainsi il estimoit que par apres tout succederoit selon son souhair & intention, si sous ceste couleur il attiroit les hommes, où il voudroit : & de là enauant qu'il entreprendroit le sur-plus facilement. Il pensoit aussi que raisonnablement il chastieroit ceux, lesquels ne luy obeyoyent & deliberoient innouer quelque chose contre les meursanciēnes du peuple Romain : veu qu'ils offensoient peruertissans la longue coustume de la republique, voire de tout l'Empire. Bien peu de gens entendirent ceste altuce, lesquels aussi pour ce qu'ils ne vouloyent adorer telles images, endurerent poine : Mais le peuple, ainsi que de coustume, tant pour son ignorance grossiere, que son esprit moins curieux & esueillé, comme s'il eust fallu obeir à l'ancienne loy, ainsi qu'il aduenoit, se presentoit temerairement à ces images : Toutefois lors qu'il faisoit & excoigitoit ces choses, il n'accomplit & ne profita rien d'auantage, & nonobstant que la fraude fut cōgneue, il esprouua de rechef vn autre chemin, cerchant & choisissant tous moyēs par lesquels il attireroit les citoyens à la vaine superstition. Et ce qu'il entreprint ne fut moindre que la premiere tromperie : qui plus est il l'accomplit par violence plus grande & manifeste.

*Il remet en son premier estat l'estandart, dist Labarum. Il s'est fait peindre aux tables publiques avec ses dieux, pour faire adorer les personnes.*

*Crime de le se maiesté.*

*Julie veult  
allier les  
Chrétiens à  
l'idolatrie en  
faisant sa  
donnée.  
La simplici-  
té de gen-  
d'armes  
chrétiens.  
Plusieurs ne  
voulans sa-  
crifier mes-  
prirent le  
don du  
prince.  
Aucuns le  
receurent &  
sacrifierent.  
Brocard  
d'esprit.  
Le gen'd'ar-  
mes se repen-  
tans rappor-  
tent à l'Em-  
pereur sa  
donnée, &  
souhaitent  
librement en  
durer pour  
la foy Chre-  
tienne.*

Parquoy il donna occasion à plusieurs, lesquels estoient gagez de la cour Imperiale, qu'ils montraissent en eux courages d'hommes : & lors de fait apparurent ceux qui auoyent esté estimez, & qui furent vraiment Chrétiens, ainsi qu'esprouuez aux fornaises de fonte. Car le temps escheu auquel l'Empereur faisoit sa liberalité, à ses citoyens (ce qu'anciennement fut receu enuers les Romains, & trouué bõ estre fait principalement aux Calendes de Ianuier, & au iour natal de l'Empereur, & des villes Imperiales) iceluy considerat à part foy que nos soldats estoient francs de cœur, simples à merueilles, & cupides d'argent : & qu'ils pourroyent estre surprins facilement par le don & la largesse accoustumee, il arresta en son esprit en façon quelconque leur faire sacrifier aux diables, voire contre leur vouloir. Or le temps passé il estoit ordonné par la loy, que ceux qui viendroyent pour recevoir le present, sacrifiasent : ce qu'aussi leur fut commandé estre fait, & pour ceste cause pres le feu estoit ensemble proposé l'encens & l'or. Adonc aucuns declarerent là leur fort courage, pour ce que contemnans le don, ils ne vouloyent jeter l'encens. D'aucuns cachas la malice naturelle de l'Empereur, sous la couuerture de l'ancienne loy, n'ont mesme peu entendre à quel mal ils estoient tombez. D'autres amorcez de leur perte, accompagnée de gain, ou par auanture de crainte de beaucoup de tumultes, nonobstant qu'ils entendissent assez leur faulte, n'ont peu faire toutefois qu'ils ne fussent grandement travailliez en leurs esprits. Et ce dit on auoir esté fait par ceux, lesquels par ignorance sont tresbuchez en telle calamité. Apres ce sacrifice, lors que les gens d'armes banquetoyent ensemble peut estre que c'estoit la coustume d'ainsi faire, iceulx estans ioyeux suyuant ce qui se pratique communément entre les coporations, & beuvans les vns aux autres, tenans les coupes, appelloyent nommément Iesus-Christ. Là on dit que quelqu'un des conuiues entendant ces paroles, leur repliqua : Vrayement vous faites gentilement & fort bien à propos d'inuoker maintenat Iesus-Christ, lequel n'agueres quand l'Empereur vous recopensoit, & parfumiez l'autel d'encens auez du tout renoncé & nié. Par ceste remonstrance incontinent ils congneurent leur faulte, & soudain sortans du banquet, plourans publiquement, couroyent d'un costé & d'autre, prenans en tesmoignage, Dieu, & les hommes mieux aduisez, qu'ils estoient Chrétiens, qu'ils persueveroyent en ceste sentence, & qu'ils auoyent offensé par ignorance, & que à dire vray les mains seules travaillerent aux sacrifices Grecs, mais l'esprit estoit demouré immuable : ce qu'ils affirmèrent. Sur l'heure aussi eux bruslans d'un ardeur de liberté de parler vindrent à l'Empereur, jeterent à ses pieds l'or qu'ils auoyent receu, & de courage noble & totalement genereux, luy requierent qu'ayant reprins son present, il les estranglast : pour ce que iamais ils ne se repentiroient, si tout leur corps enduroit peines pour Iesus-Christ, de ce que leur main auoit offensé inconsiderément, ayant prins le present, & sacrifié aux Dieux. Ils demanderent semblablement que leurs pieds fussent coupez, lesquels tant importunément se hasterent de prendre le don. Ce qu'entendant l'Empereur, fut esmeu de colere : toutefois il s'abstint de les tuer, craignant de redre dignes d'honneur de martyr, ceux lesquels auoyent esté cõtumeliex contre luy : mais les ayas cassez, les chassa de la cour Imperiale. Entre iceux estoient ce Iouiniã, Valentinian & Valens, qui furent Empereurs apres luy. Et vraiment ils se comporterent en ceste sorte. Or tous ceux lesquels honnoroyent les sacrifices & solemnitez des Chrétiens, non de cœur droit & vray, & postposoyent la vraye beatitude aux honneurs caduques, & à l'argent, vindrent sans aucune crainte pour sacrifier & gratifier à l'Empereur, du nombre desquels a esté ce sophiste de Constantinople, Hecebole, lequel, ainsi qu'un autre Euripe, s'accommoda aux meurs des Empereurs : Car sous Constance, de grande affection il reueroit la religion Chrestienne : mais apres que Iulien appliqua son esprit à la superstition Grecque, d'une maniere du tout terrible il changea son vouloir : & si quelque autre le fit iamais vraiment il embrassa estroitement les inepties & superstitions Grecques. De là, Iulien decedé, de rechef il fit profession de Chrestien. Car à l'entree de l'Eglise humiliant sa face contre terre, crioit miserablement, meslant avec ces cris plusieurs larmes, & prononçoit ces paroles : Marchez sur moy, & me conculquez, qui suis fol insensé. Tels furent les susdicts & tel aussi Hecebole parauant & apres.

*Des ordonnances de Iulien publiees contre nous, & comme il commença à cueillir des deniers.*

*Chap. X X I I I I.*

*Les Chré-  
tiens chassés  
de la cour,  
& cassez  
de leurs of-  
fices.*



Insi que Iulien estoit de courage tant ennemy contre tous les Chrétiens, ayant de là prins oportunité, nonobstant qu'il n'auoit aucun point qu'il peust obiecter aux Chrétiens pour crime : toutefois pour ce qu'ils ne voulurent sacrifier, il ordonna sous peines expressees, qu'ils n'administrassent plus avec les autres la republique, qu'ils ne receussent aucuns honneurs, & ne gagnassent aucun loyer en la cour Imperiale. Il les chassa des assemblees solemnelles, & lieux publics. Il les desmit de l'office de iudicature, & de l'exercice de tout magistrat & dignité. Et establisant ceste loy adiouta cecy : Que les institutions Chrestiennes ordonnoyent qu'il



qu'il ne falloit vser de glaive, contre ceux lesquels commettoient crimes capitaux. Estimant en outre que la guerre qu'il falloit entreprendre contre les Perses, lesquels couroyent par tout l'Orient, luy seruiroit d'un bon manteau & couuerture, pour ce qu'il ne pouuoit rien faire à point sans argent, il controuua vne finesse pour l'exiger des Chrestiens: Car il multa ceux de grande somme de deniers, lesquels ne vouloyent sacrifier aux Dieux. Parquoy lors on pouuoit veoir vne fort cruelle condamnation des Chrestiens, desquels mesme on exigeoit ce qu'ils n'auoyent & ne pouuoient fournir: les autres nonobstant payans le tribut, selon la proportion de leurs biens & facultez. Par ce moyen l'Empereur soudain fut copieusement enrichy d'une inique exaction des deniers. En ce mesme temps les Grecs faisans librement tout ce qu'il leur plaisoit, se banderent & dresserent contre les Chrestiens: & de toutes parts abordoient l'esgout & ordure des philosophes, lesquels renouellerent les anciennes solemnitez des Gentils, & vaquerent à regarder les entrailles des victimes, & s'exercerent en l'art de diuiner par icelles: en sorte qu'ils sacrifierent aux autels des Dieux des enfans malles, & ieunes filles non corrompues, & goustèrent de leur chair. Lesquelles choses ils firent aux autres villes, mais d'auantage en Athenes & Alexandrie: où Athanasie, Euesque, pour ce qu'il resista à telles meschancetez, fut à leur sollicitation & requeste condané d'estre banny. Lequel monté en vn nauire, pour tirer par le Nil vers Egypte, tournant bride s'en reuint en Alexandrie: côme nous auons vn peu cy deuant raconté. Au surplus les gouverneurs des provinces prenans ceste religion de l'Empereur, pour leur grande oportunité, commandoyent choses encore plus griefues que l'Empereur mesme. Ils affligoyent les Chrestiens, arrachans d'iceux par force grande somme d'argent, & pour ceste cause les blessoyent & outrageoyent griefuement en leurs corps. Ce qu'estant venu à la congnoissance de l'Empereur, n'en a toutefois tenu compte, & lors que les Chrestiens s'adressoyent à luy, & declaroyent leurs afflictions, il respondit: Ceste loy vous a esté delaissee par Iesus-Christ, qu'estans mal traictez vous portiez constamment les peines, & lors que vous serez iniuriez, ne respondiez aucunement. Ce qu'assez est manifeste en ce qu'Amache fit, côme en auons cy dessus fait mention. Mais il ne sera mal à propos repeter en bref ceste chose: veu qu'elle est digne de memoire. En vne petite ville de la prouince de Phrygie, fut comandé que quelque temple des Dieux fust nettoiyé & repurgé de piteux estat auquel il estoit & qu'il fut renouellé de sa caduque viellesse: ensemble que les simulacres fussent diligemment remis en leur entier. Ce qui fut fait ainsi qu'il auoit esté comandé. Or ceste chose causa aux Chrestiens vne grande tristesse: Parquoy aucuns d'iceux, à sçauoir, Macedoine, Theodule & Tatian enflambez de zele, pour ce qu'ils ne pouuoient porter ceste indignité, de nuict entrans au temple rompirēt les statues. Le lieutenant esmeu de colere pour ce fait, delibera mettre à mort plusieurs qui n'en estoient coupables. Et voylà les excellens executeurs de ce fait se presenterēt, estimans estre plus beau pour eux de mourir, que veoir les autres en danger pour leur cause, sans l'auoir meritē. Adonc le lieutenant commande ceste faulte leur estre pardōnee, moyennāt qu'ils sacrifient. Ce qu'iceux refusans, il les menassa: mais ces braues homes, de courage diamāts, plustost sont prests endurer toutes choses, que se contaminer par sacrifices. Soudain iceluy, apres qu'il eut de diuerses peines tourmentées hommes saincts, & qu'il ne leur peut persuader ce qu'il vouloit, à la fin les coucha sur des grils, au dessous desquels y auoit vn grand feu, & ainsi les fait mourir. Mais iceux monstrent que telle cruauté du lieutenant leur estoit la fin & l'issue de leur force & constāce, prononçans ceste parole: Amache si tu desires gouter de la chair rostie, tourne nous de l'autre costé: de peur que si nous estions demy cruds, nous ne fussions viande trop peu delicieuse. En telle sorte ces hommes genereux partirent la course de leur martyre.

*comme Iulien l'Apostat, par ordonnance & loy publiee defendit aux Chrestiens les disciplines, leures & institutions Grecques: & comme Gregoire, le grand, & les deux Apollinaires de Syrie, polissans & embellissans les sacrees escritures de toute sorte de carmes, resisterent à son conseil & entreprinse. Chap XXV.*



Vtre ce qui est dit cy dessus, il prohiba par edict, que les enfans des Chrestiens ne fussent instruits aux disciplines Grecques, où leussent les Poëtes & escriuains d'iceux, ou frequentaissent les escoles publiques: à ce que, dit-il, s'ils estoient ornez de l'elegance de leur parler, ils peussent resister facilement à nos disputes, & de leur part amplifier leurs solemnitez & sacrifices, & d'ailleurs refuter nostre religiō. Car Gregoire & Basile de Cappadoce luy causerent grande douleur & fāscherie, pour ce qu'ils auoyent declaré leur sciēce & sçauoir en toutes choses par plusieurs moyēs, surmontans de beaucoup les orateurs de leurs tēps. Et principalemēt Gregoire, lequel explica mesme les paroles sacrees en diuerses especes de poēsies, & les appella carmes, & autres plusieurs hommes illustres, desquels aucuns suyuoyent la foy de Nice, les autres

*il tire deniers des Chrestiens sous le pre-  
texte de la  
guerre Per-  
sique.*

*Humaines  
victimes  
des idola-  
tres.*

*Les gouver-  
neurs des  
provinces  
affligent  
griefuement  
les Chre-  
stiens.*

*Iulien se  
moque des  
chrestiens se  
cōplaignans  
vers luy.*

*Il repete le  
martyre il-  
lustre de  
Macedoine,  
Theodule,  
& Tatian.*

*En cest af-  
faire il usa  
de ces paro-  
les, nous  
sommes frap-  
pez de nos  
propres  
dards, car  
les Chrestiens  
instruits  
des armes*

*prinſes de  
nos liures,  
font guerre  
côte nous.  
Les braues  
côpoſitions  
de ces deux  
Apolli-  
naires.*

approuuoient l'opinion d'Arrius. Semblablement les Appollinaires, Syriens, pere & fils, de meſme ſurnom, ſçauans en toutes diſciplines, bien inſtruits en toute ſorte d'eloquence, furent braues & excellens en ceſt eſtude. Le pere fut inſigne Grammarié, & le fils celebre entre les Sophiſtes & Rhetoriciens. Vrayemēt l'un & l'autre ſe monſtra en ce temps vtile aux Chreſtiens, vſans chacun opportunēmēt & cōmodēmēt de leurs eſprits, & doctrine ſublime. Car le Gram marien, ainſi qu'il eſtoit treſdocte en ſon art, pour la poēſie d'Homere cōpoſa en vers heroïques les liures de Moïſe, & hiſtoires anciennes des Hebreux, iuſques au regne de Saul: & diuiſa ceſt œuure en vingt quatre liures, chaque liure inſcript en la maniere & ſelon l'imitatiō de la poēſie d'Homere, de l'appellation des elemēs & lettres alphabetiques Grecs, ſelon leur ordre & nombre. Suyuant auſſi Euripide, il mit en lumiere des actes tragiques. Il approcha de la harpe de Pindare, & traita des argumens comiques à l'exemple de Menander: les loix de chaque carme deuement gardées. Et à fin que ie diſe en vn mot, iceluy prenant ſa matiere des lettres diuines, pour traiter ces argumens; & compoſer des liures, il eſgalla le nombre des diſplices appellees Cycliques, qui ſ'entretiennent cōme en rondeur, ce qu'il fit en brief temps. En ſorte qu'en grace, eloquence & diſpoſitiō ils ne differoyent riē de ces perſonnages, leſquels pour tels eſtudes receurent grande gloire entre les Grecs, & nulle eſpece & maniere de Grecque doctrine n'eſtoit incogneue aux Chreſtiens. L'autre Apollinaire le plus ieune & Rhetoricien, ſçauant en eloquence, tellement expoſa les ſacrez Euangiles & Epiſtres de ſainct Paul par dialogues, repreſentant la forme & ſtil de Platon, que ſi les hommes n'oſeruyent la prerogatiue de l'ancienneté venerable, & ne ſ'eſiouifſoyent aux choſes accouſtumees, il ne cederait en rien à ceux qui ſont grandement celebrez entre les Grecs, & les lucubrations & veilles des noſtres, ne ſeroient moins admirables & requiſes pour apprendre, que celles de leur part. Parquoy en premier lieu il nous fault contempler la felicité de ceux cy: Car chacun des anciens a mis tout ſon eſtude en quelque choſe certaine: mais ceux cy exercez avec louāge en toute doctrine, lors que l'vſage public le requeroit, ayans en premier lieu heureuſement poly & exorné leur ſtil, traiterent brauement & confermerent les choſes & ſentences des Chreſtiens. Ils refuterent auſſi honneſtement la fine tromperie de l'Empereur, voire le conuainquirent conſtamment par la ſtudieuſe ſubtilité de leurs liures. Quant à moy, ie trouuay le liure des Pſalmes fort bien eſcrit par mon pere. Pareillement le ieune Apollinaire compoſa à grandes veilles vn braue liure, lequel il dedia à l'Empereur, ou meſme aux Philoſophes Grecs, intitulé, De la verité: auquel ſans les teſmoignages des lettres ſacrees, il monſtra clairemēt qu'ils eſtoyēt loing de la ſaine opinion de Dieu: Car l'Empereur ſe mocquant deſdictes lettres ſacrees & brocardāt noſtre religion, auoit eſcrit aux principaux Eueſques de ce temps, ces paroles de nos liures, l'ay leu, i'ay congneu, i'ay condanné. Auquel au nom de tous on dit que quelqu'un reſcrit en ceſte ſorte: Tu as leu, mais tu n'as congneu & entendu: car ſi tu euſſes entendu, tu n'eſſes pas condanné. Et dit on que telle fut la reſponſe de Baſile, lequel en ce temps en qualité d'Eueſque gouuernoit les Eglīſes de Cappadoce. Et n'eſt impoſſible ne du tout eſlongné de la verité, que ce ſoit eſté luy qui ait eſcrit cela. Mais ſoit luy ou vn autre, il ſemble que tel homme eſt digne d'admiration: tant pour la liberté de ſa parole, que de ſon erudition. Voylà les choſes que l'Empereur a fait & à quoy ſ'employèrent les Apollinaires reſiſtans audiēt Empereur.

*Iulien ſe  
mocqua des  
liures des  
Chreſtiens  
& les con-  
damna.*

*Des arts & lettres Grecques & Eſthniques, & qu'elles ſont viles meſmes aux Chreſtiens ſuy-  
uans la pieté, & qu'il eſt beſoyn que les Chreſtiens les apprennent.*  
Chap. X X V I.



*Les eſtudes  
des lettres  
treſ-vtiles  
aux Chre-  
ſtiens.*

R la preuoyance diuine fut beaucoup plus puiſſante, que n'a eſté le conſeil & cruauté de l'Empereur, ny auſſi le trauail & eſtude des Apollinaires: Car les ordonnances de l'Empereur, luy decedé, ainſi que nous dirons toſt à la ſuyte de noſtre traité, ſ'eſuanouyrent en bref, & par apres leurs labours ne furēt en grand prix, quaſi ſ'ils n'eſſent eſté diuulguez. Mais quelqu'un ſ'adreſſera à moy d'auenture, diſant: Qu'eſt-ce que tu parles? Vrayement chacun dira que l'eſſort de l'Empereur cōtre nous, pourueu qu'il ne fuſt de longue duree, eſtoit grandement vtile à la republique Chreſtienne, & qu'il fault ce attribuer à la preuoyance diuine: & quant aux Apollinaires chacun iugera qu'il fault reietter l'eſtude, lequel ils employerent pour la Chreſtienté: & à grand peine quelqu'un eſtimera il eſtre cōmode à noſtre religion que les Chreſtiens de rechef manient les inſtitutiōs des diſciplines Grecques, pour ce que les liures Grecs nous apportent grand detrimēt, enſeignans vne multitude de Dieux, des fables & menſonges: Mais contre ceſte obiectiō nous apporterōs incontinent noſtre reſponſe. Il ſemble que ne leſus-Chriſt, ne les diſciples d'iceluy, ayent arreſté la doctrine des Grecs eſtre ou bone & diuinēmēt inſpiree, ou deuoir eſtre reiettee, cōme nuifible & incommode. Ce que i'eſtime n'auoir eſté fait ſans preuoyance de Dieu: Car pluſieurs des philoſophes Grecs n'ont eſté loing eſloingnez

loingnez de la congnoissance de Dieu. Cela est declaré en ce qu'aucuns d'iceux, par excellens liures, ont bataillé contre les sectateurs d'Epicurus: lequel afferma qu'il n'y auoit aucuns Dieux & que tout estoit estably par fortune & de son propre mouuement, & enseigna apertement que le monde n'estoit gouuerné par aucune preuoyance. Ces philosophes les confuterent par redargutions, destruisans leur ignorance: Parquoy ils ne nous ont apporté peu de profit, à nous dis-ie qui suyons la verité de la droicte & vraye pieté. Vray est que nonobstât qu'ils soyent paruenus iusques là, ils n'ont toutefois touché le chef, ou plustost le sommet souuerain de la supreme doctrine, qui cōsiste en la cōgnoissance de ce diuin mystere de Iesus-Christ, lequel estoit profondement caché par tous les siècles. Ce que S. Paul confirme en l'epistre aux Romains, elcruant ces paroles: Car l'ire de Dieu est descouuerte du ciel sur toute l'impiété & iniustice des hommes, de ceux qui detiennent la verité en iniustice. Pour ce que ce qui peult estre cōgneu de Dieu, est manifeste en iceux: car Dieu le leur a manifesté. Car les choses d'iceluy inuisibles (à sçauoir sa puissance eternelle & sa diuinité) se voyent par la creation du monde, par les choses qu'il a faites estans en icelle entendues, en sorte qu'ils sont sans excuse. Pour ce qu'ayans cōgneu Dieu, ils ne l'ont point glorifié cōme Dieu. Desquelles paroles il est assez manifeste qu'ils ont eu vrayement congnoissance de la verité, laquelle Dieu leur a donnée & descouuerte. Et ils sont repris pour ce qu'ayans cōgneu Dieu, ils ne l'ont seruy ainsi qu'il falloit. Parquoy il semble que de telle sentence lon peut inferer qu'il est licite à ceux-là suyure les disciplines des Grecs, auxquels il plaira, & que n'est la doctrine liberale à reiecter: Et telle est l'une de nos raisons. L'autre est telle: En verité les paroles du Sauueur & les escriptures diuinement inspirees sont doctrines & institutions admirables, lesquelles nous laissent vne droicte maniere de viure & vraye religion: & proposent aux personnes studieuses outre cela la foy acceptable à Dieu. Elles ne nous enseignent point toutefois l'art de disputer, en sorte que nous puissions estre suffisans & idoines, quand nous voudrions le temps le requerant, resister constamment pour l'amour d'icelles à nos aduersaires, & les defendre par disputes: Car c'est le fait d'un homme fort & braue frapper son ennemy de ses propres armes. Ce qu'il n'eust esté assez loisible apprendre par les œuvres Chrestiennes, lesquelles les Apollinaires laisserent. Ce que l'Empereur Iulien sçachant pour certain, arresta par loy que les Chrestiens ne fussent instruits de la doctrine des Grecs. Il n'estoit aussi ignorant que les fables Ethniques obscurcissent sa gloire, & apporteroient cause suffisante contre luy pour l'accuser: lesquelles par ce que Socrates (qui entre les philosophes Grecs obtint la principale louange) mesprisoit & estimoit de nulle valeur, & cōmençoit cōme aduler & eschanger les sacrifices & solemnitez des Grecs, & auancer des Dieux nouueaux, fut cōdamné. Nostre troisieme raison est que l'oracle diuin nous cōmande que nous soyons changeurs exprès, & que de tout choisissons le plus beau, nous reiectiōs ce qui est mauuais, & cerchiōs ce qui est bon: lequel ayans trouué nous retenions soigneusement. Et que nous soyons principalement vigilans que quelqu'un par la legere & vaine seductiō des philosophes, & sentence d'iceux, ne mette en proye les nostres. Mais cōment pourrōs nous pourueoir à cest incōuenient, si ne nous ruōs sur leurs armes? Non pas que pour les vsurper nous sentions choses semblables qu'eux, mais afin que d'abondant nous vions plustost contre eux de leurs propres dards que des nostres. Et que nous reiectiōs ce qui est mauuais, & receuions ce qui est bon & oportun, le lisant finement & prudemment. Car où il y a quelque chose de bon, cela prouient de verité. Que si quelqu'un estime que nous deguifions par paroles trop curieuses, & traictiōs ceste matiere par affection, qu'il considere ie vous prie que ce tresdiuin S. Paul, non seulement ne nous a intredict les doctrines Grecques: mais aussi en quelques lieux de ses epistres a vsé de leurs propres paroles, à sçauoir esquelles il estoit fort bien versé: car à la verité on peult veoir par ses escripts qu'il auoit aprins beaucoup de ce que les Grecs ont dit. Et de fait si l'eust leu les oracles d'Epimenides de Crete, lequel enseigne les solemnitez & ceremonies, comment eust il mis en auant ce verset,

*Crete tousiours menteur, beste pernicieuse & ventre paresseux?*

D'où eust il prins aussi ce demy carme,

*Car d'iceluy nous sommes la race & la lignee:*

si l'eust leu le liure d'Arat, Astrologien des estoilles apparentes? mais aussi ce vers,

*Mauuaise compaignie nuit aux bonnes estudes:*

tesmoigne assez que volōtiers il s'est employé aux fables d'Euripide. Ce que pareillement auât luy Salomon auoit dit à ce mesme propos. Mais qu'est il besoing poursuyure ceste matiere en tant de paroles? Car depuis le cōmencement iusques à present, comme de coustume & estude non defendue & interdite, les saints personnages riches en faueur & grace du S. esprit, & insignes docteurs de nostre eglise, dès leur ieune aage iusques à la vieillesse ont leu diligemment les liures Grecs, tant pour polir leur parole & langage, & exercer leur esprit, que pour cueillir des choses pires que ce que y git de bon. Parquoy il sont iusques là paruenus, qu'ils ont peu deuēment cōdamner les Grecs, en ce qu'ils sont decheuz de l'honesteté & tresbuchez en erreur. Cela monstrent assez Basile le grand, & Ican, lequel pour la douceur de son eloquence a prins le nom de Chrysostome: pareillemēt Gregoire, grand en Theologie, lequel aussi traicte ce lieu des disci-

plusieurs philosophes Grecs approcherēt quasi de la congnoissance de Dieu.

On peult transferer plusieurs bonnes choses à la doctrine Chrestienne des liures Ethniques.

ce que mōstre S. Augustin au l. 2. de la doctrine Chrestienne, chap. 40.

Socrates fut cōdamné, pour auoir mespris les Dieux des Grecs.

Les Theologiens sont eloquens. Basile. Chrysostome. Gregoire.

# LIVRE X. DE L'HIST. ECCLESIASTIQUE

nes Grecques en l'oraison funebre du grand Basile. Il m'a semblé raisonnable entrelacer ce lieu avec cest œuvre, pour cōfirmer les choses desquelles nous disputōs. Car par iceluy il est assez manifeste, que non seulement Basile fut tresbien enseigné en ces disciplines : mais aussi qu'il admoneste autrui de les apprendre, semblablement qu'il accuse ceux d'iniures, lesquels empeschent

*La sentence de Gregoire Nazianzene de l'usage & utilité des lettres prophanes.*

& résistēt aux fauteurs & sectateurs de l'erudition Grecque. Il escrit ainsi : Je estime que tous ceux qui sont de plus saine & entiere opinion, confessent que la doctrine est principale entre les biens qui sont en nous : nō seulement ceste nostre plus excellente, laquelle mesprisant l'elegance & toute vanterie de l'oraison, s'arreste du tout au salut & à la beauté & perfectiō des choses necessaires d'estre entendues : mais aussi ceste externe, laquelle plusieurs Chrestiens, par trop peruerse & perilleuse persuasion, contēnent & reiectēt, cōme s'il c'estoit vne embusche trompeuse, & destournante de Dieu. Car ores qu'aucuns hommes prenans mal ces choses qui sont œuvres de Dieu, le ciel, la terre, l'air & tout ce qui est en icelles, les ayent adoré pour Dieu : toutefois nous ne les desprisons, mais apperceuōs assez d'icelles en l'usage de nostre vie, combien est grande leur vtilité, & fuyons ce qui est en icelles nuisible, & n'esmouuōs aucunement ne dressons la creature cōme en rebellion contre son createur : mais congnoissons le batisseur par les choses qu'il a basties, & cōme dit S. Paul, nous reduisons nostre entendemēt du tout en captiuité en Iesus-Christ. Et ainsi que nous sommes ignorans combien sont grandes les incōmoditez du feu, de l'alimēt & viande, du fer & autres choses lesquelles de soy toutefois sont vtils : mais nous iugeons d'icelles ainsi que nous voyōs vser par les hōmes, (veu aussi que de ces bestes rampātes nous nous en seruons d'aucunes vtilemēt. pour la santé aux medecines & remedes) pareillemēt de ces disciplines nous receuons ce qui ayde pour chercher la verité, aiguiser le iugement & exercer toute contēplation : mais nous reiectōs & repoussons ce qui conduit aux diables, & au profond de perdition : pour ce que nous ne sommes semblablemēt aydez par le moyē d'icelles en l'estude de vraye pieté. Par ce moyen nous apprenōs les choses meilleures, choisies entre les pires, cōuertissans l'imbecillité d'icelles, en la force de nostre doctrine. Parquoy la doctrine liberale ne doit estre condānee, pour ce qu'il semble à aucuns qu'ainsi doit estre fait : mais fault iuger ceux là malicieux & indoctes, qui sont de ceste sentence, qu'ils voudroyēt que tous fussent semblables à eux, afin de pouuoir estre cachez en la cōmune assemblee de leurs semblables, & fuir la reprehensiō de leur ignorance. Ces paroles dit S. Gregoire. Aussi Basile le grand non seulement permet apprendre la doctrine des Grecs, mais confirme cecy fort & ferme en vn liure excellent, lequel il a ainsi intitulé : En quelle maniere les ieunes enfans pourront tirer vtilité des disciplines Grecques. Ces choses suffisent estre dictes des Apollinaires & doctrines des Grecs.

*Basile le grand a composé un liure de cest affaire.*

*Comme Iulien ayant entrepris l'expedition contre les perses, vint en Antioche, & là estant moqué pour sa longue barbe, composa un liure contre les Antiochiens, dit Misopogona, c'est à dire, le haineur de barbe. Chap. XXXVII.*

*Iulien peu sagement ordonne un certain prix de viures.*



*Brocards des Antiochiens sur la barbe de Iulien & ses monnoyes.*

*Le taureau en la monnoye de Iulien.*

*Oraison de Iulien cōtre les Antiochiens.*

L'Empereur ayant arraché des Chrestiens gros deniers, entreprit l'expedition cōtre les Perses : & vint en Antioche, au pays de Syrie. Et là voulant donner tesmoignage aux Antiochiens de sa grande liberalité, il remit à certain prix & ordonné, les marchandises qui se vendoyēt au marché, lesquelles estoient necessaires pour la vie des personnes, n'ayāt esgard à part soy que là où il y a grand nombre de gens d'armes, l'abondance de toutes choses est retrāchee, & pourtant que les voisins endurent necessité de viures. Parquoy les cabaretiers qui souloyēt acheter & puis reuendre les choses necessaires au viure, en esperāce d'y gagner, ne pouuans supporter ceste perte, aptes auoir crié & mis en auant beaucoup de choses contre l'Empereur, fermerent leurs boutiques & n'exercerēt plus leurs marchandises, & firent par ce moyen que la ville fut grandemēt trauaillie de faulte & disette, de ce qui estoit necessaire. Lors les Antiochiens, ainsi qu'ils sont hōmes prompts & faciles aux contumelies & iniures, se moquerent impudēment & librement de l'Empereur, & ietterēt en auant des brocards cōtre sa barbe, disans que pour ce qu'elle estoit trop longue il la falloir abbatre pour en faire des cordeaux : semblablemēt ils se gaberent de sa monnoye, en laquelle estoit l'effigie d'un taureau, diuulgans que le monde estoit renuersé par cestuy Empereur, ainsi que par vn taureau furieux. Car d'autant que sur tous autres il estoit superstitieux, & tous les iours immoloit des taureaux sur les autels des idoles, il auoit fait grauer sur sa monnoye vn autel & vn taureau. Parquoy estāt irrité & courroucé de ces brocards, il menassa les Antiochiens qu'il leur prédroit mal, & se retira en Tarse de Cilicie, & de là delibera pourueoir & fournir les choses necessaires à son armee pour la guerre. Toutefois il n'executa de fait ses menasses : mais seulemēt par paroles iniurieuses il rédīt le charge aux Antiochiens, & sa colere appaisée escriuit contre eux vne oraison excellente & ioyeuse, laquelle il intitula : l'Antiochiēne & Misopogona, c'est à dire, ennemie de la barbe. Estimant en ceste sorte estre vengé de l'iniure qu'on luy auoit faite, ayant remarqué pour tousiours la ville d'Antio-

d'Antioche, il pourfuyuit le voyage de Perse. Or en Antioche il vſa de meſme importunité contre les Chreſtiens qu'il auoit exercé aux autres villes, ſeſſorçant en toutes manieres de fortifier la ſuperſtition Grecque. Mais ce ſeroit meſchamment fait à nous, paſſer ſoubs ſilence ce qui eſt aduenu pres le ſepulchre de Babylas martyr, voire au tēple d'Apollon le Daphnien. Adonc ie prendray mon commencement d'icy.

*Ce qui aduint à ceſt Apoſtat en Daphné, bocage des Antiochiens, & de la tombe de Babylas le martyr, & de ſainct Theodore confeſſeur.*

CHAP. XXVIIII.



Entre les ſaix bourgs d'Antioche, il y en a vn qui eſt principal, auquel croiſſent & florifſent pluſieurs Cyprez, lieu beaucoup eſpais & bocageux, & excellent pour la diuerſité des arbres plâtez, & rengez l'un entre l'autre, en ſorte qu'entre iceux ſont pluſieurs endroiets & places, leſquelles, ſelon la ſaiſon de l'année produiſent toutes ſortes de fleurs treſſouueſues en odeur. Là l'eſpeſſeur des rameaux fueilluz entrelacez dru l'un avec l'autre en forme de couuerture voutee, fait en tout ce lieu vn ombrage, lequel ne permet les rayons du Soleil penetrer iuſques à la terre: tellement qu'il ne default aucun plaifir & beaulté à ceſte region. Là n'eſt ſouhaitée l'abondance d'eaues eſcoulantes doucemēt: l'air y eſt fort tēperé, les Zephyrs & autres vents ſoufflans amiablement entre les brâches & fueilles, rendans auſſi vn petit bruit plaifant, apportēt grande amenité. On dit qu'en ce lieu (ſelō que les Grecs en ont feint vne fable) Daphné, fille du Heuue Ladon d'Arcadie, fuyāt ſon amoureux Apollon, fut tranſinuee en arbre de ſon nō: & nonobſtāt ceſte metamorpoſe, ce Dieu ne delaiſſa le deſir & ſouhait qu'il auoit de ceſte fille, ains cōme conſolant, & dōnant quelque remede à ſon amoureuse chaleur, ceignit ſa teſte des fueilles de ceſte vierge treſ-aimée, voire l'embrassa encore qu'elle fuſt cōuertie en arbre: en ſorte que ne ſe voulāt eſloingner ou partir d'icelle, ſ'aſſit pres d'elle, avec vne gracieuſeté & courtoisie, & par ce moyen honora ce lieu, y faiſant longue demourance, & ſe le rendit plus illuſtre que les autres places, & plus plaifant. Là les hōmes chaſtes & moderez n'ont peu hanter, pource que ceſte region eſtoit ſubiecte & addonnée à pareſſe & paillardie: les ieunes gēs corropuz & depravez l'ont toutesſois trouuee plaifante & du tout amoureuse, à quoy auſſi pour leur plaifir ceſte fable les auoit inuitez. Auſſi ſoubs le pretexte de ceſte fable, doublemēt là fut embrasée leur volonté deſordonnée, à ce que ceux qui ſeroyēt pudiques n'entraſſent en ce lieu ſans hôte, ou qu'ils n'enduraſſent là les perſonnes pudiques. Car ſi quelcun y hâtoit ſans amie, il eſtoit du tout eſtimé niez & liberal, & peu courtois, pource eſtoit dechaffé rudemēt, cōme choſe du tout abominable. Ainſi ce lieu fut grandement reueré & honoré, par les obſeruateurs de la ſuperſtition Grecque. Car là fut la ſtatue d'Apollon le Daphnien grauee fort antiquemēt, & vn tresbeau temple de haulteur & largeur merueilleuſe, baſty de main induſtrieuſe & de grand artifice: lequel on dit que Seleuce pere d'Antioche, qui premierement edifia ſoubs ſon nō ceſte ville en magnificence, auoit cōſtruit & fait equipper de toutes parts. On a creu auſſi lōg tēps que de là eſcoulla l'caue diuinatrice de la fontaine Caſtaliene, laquelle ainſi que du nō, ne differoit auſſi du tout en vertu & force, de celle laquelle eſtoit en Delphos. Pareillemēt il eſt bruit que là fut donnée reſponſe des choſes futures à l'Empereur Adrian, lors qu'il eſtoit encore perſonne priuee, & qu'il euſt congnoiſſance du futur par vne fueille de Laurier, laquelle luy ayant baignee en ceſte fontaine, il retira merquee de lettres, & qu'apres que ceſte reſponſe fut accomplie, il boucha ceſte fontaine d'un grand tertre & rampart, à ce qu'il ne fut auſſi loiſible par meſme moyen aux autres entendre les choſes futures. Et cela dient les Grecs & enſeignent. Mais apres que Galle fut creé Ceſar par Conſtance, il veſcut en Antioche appaiſant les courſes & violences des Barbares. Iceluy ainſi qu'il eſtoit Chreſtien, & reueroit grandement ceux lequels auoyent brauement bataillé pour Ieſus-Chriſt & noſtre doctrine, eſtima qu'il falloit nettoyer & deliurer ce lieu de ceſte longue ſuperſtitiō & mauuiſe couſtume. Mais quand il a veu qu'il ne pouoit autrement deſraciner vn ſi grand mal ſ'il ne baſtiſſoit contre ce temple vne maiſon d'oraïſon, ceſt œuvre eſtant parfait excellēment, il fit transporter la chaſſe de Babylas le martyr en Daphné, lequel auant pluſieurs années auoit vertueuſement tenu le ſiege Episcopopale de l'Egliſe d'Antioche, & conſtamment ſouſtenu le cōbat pour Ieſus-Chriſt, ſoubs Numerian. La cauſe de ſon martyre fut telle: Babylas eſtoit Eueſque, & Numerian par le conſeil de quelque diable eut affection d'entrer en l'Egliſe & aſſemblée des Chreſtiens, lors qu'ils eſtoient grand nombre. Or ainſi qu'il approchoit, l'Eueſque vint à l'entree du temple, lequel ne permit qu'il paſſât outre: & luy ferma la porte aux nez, aſſeurant qu'il ne permettroit point en façon quelconque qu'il vit le loup entrer en ſon troupeau. Pour lors Numerian deſiſta de ſon entreprinſe: mais il calomnia premierement l'Eueſque, de ceſte audace, puis luy comanda ſacrifier aux diables, luy denonçant que ceſte choſe ſeulement luy ſeroit expiation & abolition de ſon crime, & conciliation par apres d'honneur & gloire. Auquel Babylas reſiſtant de

*Bocage de Daphné pres d'Antioche.*

*Fable Grecque d'Apollon, & Daphné.*

*Au bocage ombrageux de Daphné Conſtansin le grand fit aſſoir vne ſtatue à ſa mere Eleene, & pour ceſte cauſe ce lieu fut appelle Au gneſte.*

*Suidas. Fontaine de Caſtal rendās oracles. Reſponſe donnée à Adrian. Gallus Ceſar edifia vne Egliſe en Daphné.*

*Les os de Babylas martyr, la trāſporte.*

# LIVRE X. DE L'HISTOIRE ECCLESIASTIQUE

*Le martyre  
de Babylas  
sous Nu-  
merian.*

*L'oracle de  
Daphné  
muet, pour  
la présence  
des reliques  
de Babylas.*

*Les reliques  
de Babylas  
rapportées  
du bocage  
de Daphné  
en la ville  
d'Antio-  
che.*

*La plasmo-  
die &  
chants de  
ceux qui les  
portoyent.*

*Pour ces  
chants des  
Chrétiens  
l'Empereur  
est enflâmé  
contre eux.*

*Salluste  
lieutenant.*

*Salluste se  
bahit gran-  
dement de  
la constan-  
ce de Theo-  
dore.*

*Divine cō-  
solatiō don-  
née à Theo-  
dore.*

*L'embrase-  
ment du tē-  
ple d'Apol-  
lō le Daph-  
nien.*

*Cest embras-  
ement ad-  
joint divine-  
ment.*

grand courage, receut la courōne de martyr. Pour reuenir à nostre propos les ossemens furent trāsportez par Galle: Soudain ce fait le diable ne rēdit plus d'oracle. Et beaucoup pour lors disoyent & estimoÿt qu'il se taiſoit, pource qu'il estoit despouillē des sacrifices & seruite les- quels parauant ils luy auoyent fait. Mais on trouua que la chose se portoit autrement: Car à la verité la cause estoit, que le martyr reposant au lieu proche n'enduroit ceste chose, & empes- choit d'une plus grāde force son entreprise. Tesmoing que sous Iulien il fut muet nonobstant que tout son saoul il fust remply de sang & victimes. A la fin apres que souuent cest Empereur vint là, pource qu'il s'esioiſſoit à tuer plusieurs bestes pour sacrifier, & reuertoit Apollon par grande effusiō de sang: ainsi qu'il demandoit conseil à ce diable de l'euenemēt du voyage Per- sique, il luy signifiā la cause de ce silence. Car apres que Iulien entrē au tēple, pour l'esprouer, eut proposē à l'oracle ce qu'il luy sembloit bon: ayant immolē des victimes magnifiques il re- quit d'auātage, qu'il pleust au Dieu respōdre des choses qu'il demādoit. Lors iceluy ne signifiā pas manifestement, que selon sa coustume il ne respōdoit pas à l'ocasiō de Babylas le martyr, mais dōna cecy à entendre par autre maniere: Car il dit que ce lieu estoit plēin de corps morts, & pource qu'il ne pouuoit rendre responce. Et vrayement en ce lieu estoient plusieurs autres enseuclis & enterrez. Mais Iulien iugeant seulement que Babylas, le martyr, empeschoit les res- ponses, cōmanda incontinent sa chapse estre de la transportee. Parquoy les Chrétiens venans là, porterent ce martyr en la ville loing de quarante stades, où de present encore il gir, son nom estant dōné à ce lieu. Or ceux qui portoyēt ceste chapse, ieunes & vieux, & autres qui faisoient vne compaignie graue & venerable inuitoyent par le chemin l'un l'autre à chāter des Psalmes, sous ce pretexte, quasi que c'estoit autant d'allegement de labeur & peine du chemin: mais à la verité c'estoit qu'ils estoient enflambez de zele, pour reprendre l'inepte & monstrueuse reli- gion de l'Empereur. Ceux là alloient deuant chantans, qui mieus que les autres auoyent ap- prins cest art. Entre les autres, la multitude chantāt sous eux adioustā aussi aux carmes & vers, cestuy-cy: Tous ceux soyent confonduz, qui adorēt les choses taillees, & se glorifient en leurs simulacres. A ce mesme tēps l'Empereur lequel parauant auoit fait profession de philosophe, fut congneu tout autre: Car estant esmeu de colere, ainsi que s'il fust offensē d'iniures, delibera affliger les Chrétiens, & faire choses telles à l'encōtre d'eux que Diocletian auoit fait. Et pource que l'expeditiō Persique qu'il annōçoit, retardoit ceste fureur, il cōmāda à Salluste, lequel pour lors estoit pourueu de l'estat de Lieutenāt, apprehēder & punir ceux lesquels auoyēt esté prin- cipaux à ceste psalmodie. Toutesfois encore que ledit Saluste fust grandemēt adōné à la vaine religion des Grecs, il ne lōia ce conseil: Mais pource qu'il ne pouuoit cōtreuenir au cōmande- ment de l'Empereur, le iour d'apres il print plusieurs Chrétiens, & les enferma en prison. Par apres d'iceux il en tira vn nomē Theodore, encore adolescēt: lequel ayāt mis aux tourmens, & griefuemēt gehennē, puis fait assez battre & déchirer son corps, voyāt qu'il estoit martyr inuin- cible, & cōbien qu'il fust lié au pieu des tourmens, neātmoins ne prioit qu'on l'espragnast voire ne donnoit argument d'aucune douleur (car ainsi non pas qu'un cōbatant, mais spectateur des choses qui luy estoient faictes, il enduroit constāment les tourmēs, chantoit ce Psalme du iour precedent, monstrant de faire qu'il ne se soucioit aucunemēt des choses qu'on luy demādoit du- rant la questiō) à grāde difficultē le deliura il de si grādes peines. Ce qu'il fit par apres, lors qu'il sembloit aux bourreaux qu'il fut destituē de vie. Salluste dōc s'esbaissant grādemēt de telle force & cōstāce, arriué vers l'Empereur: Si nous ne cessons, dit-il, d'affliger les Chrétiens, en brief nous leur acquerirēs vne grande louāge & gloire, & nous rendrōs à tous ridicules & moquez. Or l'o- pinio de Salluste fut louee, & les prisonniers deliurez, & Theodore apres ceste cōfession vescu long temps. Ruffin qui a traduit en Latin l'hisloire Ecclesiastique, dit que cest hōme depuis fut quelquefois interrogē par l'assemblee, à sçauoir s'il sentit les peines de la torture, & s'il porta les playes sans aucune douleur. A quoy il respōdit: que vrayemēt il n'auoit esté sans le sentiment des peines; mais que quelque adolescēt luy assista, lequel essuyoit la sueur avec vne petite ban- de & respandoit sur luy de l'eau froide, laquelle refocilloit & recreoit l'ardeur de ses douleurs, & emportoit la force des tourmens: & que pource il receut en son esprit grand courage, & en- tre ces labeurs vne ioye incredible. Et vrayemēt aussi il me semble qu'il n'est possible à l'hom- me ainsi mespriser son corps, s'il n'est aidē de Dieu. Ces choses sont de l'admirable Theodore. Et pource ceste-dicte cause, Babylas le martyr fut transportē en Daphné, & de rechef de là rap- porté. Or peu de temps apres vn feu soudain, & embrasement tomba sur le temple d'Apol- lon le Daphnien, lequel le brussa avec toute sa couuerture, voire & le simulacre du Dieu. Et soudain quasi en vn moment de temps tout se monstroient nud, à sçauoir les murs avec leur en- croustement, & les colomnes lesquelles auoyent soustenu le deuant & entree du temple, & le lieu de derriere d'iceluy, ou on retiroit les choses sacrees. Les Chrétiens estimerent que cest embrasement aduint à ce diable, par les prieres du Martyr: les Grecs l'attribuerent aux Chrétiens, comme autheurs. Pour ceste cause aussi le sacrificateur du tēple fut mis à la gehen- ne & question, à ce qu'il enseignast le boutereu: mais apres qu'entre les liens il eust enduré plu- sieurs tourmēs, il ne peut aucun enseigner: Laquelle chose tourna à grāde louāge aux Chrétiens.

Ainsi



Ainsi plusieurs personnes estimerent que ce temple fut brûlé, non par les embusches de quel-  
 que homme mortel, mais par vengeance diuine, le feu étant enuoyé du ciel. En cest estat ces  
 choses se porterent. Or pource qu'assez on pouuoit recueillir par ce qui auoit esté fait, que ceste  
 ruine estoit aduenue au temple basti en Daphné, à cause du martyr Babylas, apres que Iulien,  
 lequel n'en estoit ignorant, entendit que pres d'Apollon le Didyméen ou Gemeau, qui est de-  
 uant Miler, estoient basties d'autres maisons sacrees aux saints martyrs: il escriuit aux gouuer-  
 neurs de la prouince de Carie qu'ils missent le feu aux temples, lesquels auroient le bastiment  
 & couverture haulte, & auxquels seroit posée la table sacree: & qu'ils abbatissent rez à rez de  
 terre ceux lesquels à moitié ne seroyent accomplis.

*De la fraude des oracles Grecs, narrations des choses qu'ont enduré par vengeance diuine ceux lesquels  
 ont fait contumelie & iniure aux sacrifices des Chrestiens & choses diuines.*

C H A P. X X I X.



Mais de ces choses fut cognue & se monstra (aidant la pouruoyance di-  
 uine) l'imbecillité & seduction des dieux, lesquelles Iulien & les Grecs  
 mettoient en auant, pour augmenter & faire valoir d'auantage la puis-  
 sance d'iceux: Car toutes les responses données par les oracles furent ma-  
 nifestement congneues estre faulces, & moins respondre à l'euénement.  
 Lors à sçauoir que Iulien deuoit mener son armee contre les Perses, il en-  
 uoya à Delphos & Dodone, pour là consulter les deuins. Iceux non seu-  
 lement annoncerent la guerre, mais aussi la victoire. Enquoy ils se four-  
 uoyèrent d'autant de la verité, que par apres l'euénement des choses le  
 monstra. Or de ces responses il m'a semblé bon icy en alleguer vne, pour conuaincre leur men-  
 songe:

*Maintenant leuez vous, ô tous dieux & deesses:  
 Entreprenex la guerre, declarez vos proesses,  
 De ce fleuve cruel emportez la victoire  
 Et trophée certain pour vostre loz & gloire:  
 Et moy, Mars le guerrier, cruel & indomtable  
 Je seray vostre Duc.*

L'oracle appella le fleuve Tygris cruel ou beste, pource qu'il y a vn animal de mesme nom que  
 luy. Or ce miserable Iulien deceu & trôpé par telles manieres d'oracles, songea qu'il auroit vi-  
 ctoire: & estat confirmé & arresté en ceste opinion, il se quippa pour batailler cõtre les Perses.  
 Autrefois aussi, nonobstât que les oracles ensemble & à part soy eussent tous respondu que lu-  
 lien, oncle de l'Empereur, encore qu'il fust malade ne mourroit point: toutesfois il fina sa vie  
 miserablement & en grande peine, pour recõpense de ce qu'il s'addonnoit à lire ces responses.  
 Beaucoup de ceux vrayement qui par rage auoyent blasphemé & offensé les Chrestiens, & la  
 vraye pieté, furent punis iustement: & entre les autres tresmanifestement Iulien, pourueu d'illu-  
 stre & grande dignité, à sçauoir qui gouernoit tout l'Empire d'Orient, oncle de cest Apostat  
 comme nous auõs dict. Et apres Felix garde des tresors Imperiaux, & Elpide grãd maistre de la  
 maison Imperiale: la langue Latine l'appelle cõpaignõ aux affaires priuees. Ces trois estoient  
 grandement fauorisez & bien aimez de l'Empereur, desquels aussi pour luy gratifier les deux der-  
 niers abiurerent & renoncerent la vraye pieté. Ce Iulien s'informant de l'embrasement du  
 temple Daphnien, & du simulachre, & soupçonant les Chrestiens auoir excité ce feu pour la  
 haine qu'ils portoyent aux dieux, nonobstant qu'il eust cognu par les voisins laboureurs ceste  
 maison auoir esté frappee de foudre du ciel, toutesfois il n'a peu se moderer, qu'il n'ait prins les  
 armes à l'encontre du Dieu de toutes choses. Il a donc commandé tous les sacrez vaisseaux de  
 notable prix de la grande Eglise, laquelle Constantin le grand auoit fait bastir, estre portez au  
 fisc & domaine de l'Empereur: & s'est efforcé, ayant fermé les portes de ce temple (lequel pour  
 lors les Arriens detenoyent) empescher qu'aucun n'entraist en ce lieu. Or Felix & Elpide thre-  
 soriers des deniers Imperiaux, l'un des priuez, l'autre des publics, estoient venuz avec Iulien  
 en ce temple pour le piller. D'iceux Iulien surprins soudain d'une maladie difficile & incon-  
 gneue fut couché plat estendu l'espace de quarante iours, en sorte qu'il ne parloit & ne sentoit  
 aucunement. La cause de la maladie estoit, que des sacrez vaisseaux, lesquels il auoit froisse-  
 contre terre, il s'en estoit seruy au lieu de siege: & auoit griefuement frappé sur la teste l'Euef-  
 que Euzoie, lequel s'estoit efforcé empescher ceste abomination: voire encore adioustant ce-  
 ste parole, que ia pouruoyance diuine ne se soucioit des affaires des Chrestiens. Iceluy e-  
 stant reuenu à soy & ayant vn peu recouuert de sa santé, se condamna soy-mesme d'auoir pro-  
 feré sa mal-heureuse sentence, & quant & quant il sentit la vengeance diuine, de laquelle il e-  
 stoit affligé. Ainsi donc que contre soy-mesme il estoit tesmoing de ses forfaites me schàs &  
 execrables, la pourriture & toute sorte d'ulceres esbrâsserēt & arracherēt son ventre, ce qui luy  
 causa la mort: Car ses boyaux & entrailles estoient rongez de pourriture, & ne vuidoit pas ses tel.

# LIVRE X. DE L'HISTOIRE ECCLESIASTIQUE

excremens par les membres naturels, qui ont force & vertu de les poulsier hors : mais sa bouche meschante, laquelle il auoit faicte instrument de blasphemies & maledictions, fut faicte la plus honteuse partie, par laquelle il rendoit le tout. Les membres honteux, & les conduits qui sont à l'enuiron d'iceux, furent semblablement corrompus, & sa chair pourrie & mise en pieces s'escoulla toute en vers, en sorte que la maladie fut beaucoup plus puissante, que l'industrie des medecins. Car iceux, pour la reuerence & crainte de l'Empereur, esprouuerent toutes choses, & ayans appliqué toute espee de remede, entre autres ayans aussi apposé la gresse d'oiseaux de grâd prix, lesquels ils sacrifiyēt aux dieux, sur les mēbres corrompus, ils s'efforcerent tirer hors les vers cachez profondement, & faire sortir en auant, comme par quelques allichemens. Mais ceux qui estoient aux membres plus secrets de plus en plus s'auancerent à la chair viue, & ne cesserent de ronger cest homme, iusques à ce qu'ils tuassent ce miserable de mort violēte. On dit qu'il fut frappé & abbatu de telle calamité & misere par l'ire diuine, pour ce qu'ainsi il s'estoit esleué & moqué de l'Eglise & ses sacrez vaisseaux. Quant à Felix iceluy regardant les vaisseaux estre de si grande valeur, (car Constantin & Constance liberalement les auoyent donnez) se moquant & soustiant facetieusement : Voyla, dit-il, de quels vaisseaux est seruy, pour faire l'office diuin, le Fils de Marie. Et pour ceste cause seule l'une de ses venes interieures, qui est la plus grosse se rōpit, & il iecta le sang par sa bouche, ainsi que par vn tuyau. Par ce moyen estant fait horrible & merueilleux spectacle à tous ceux qui le regardoyēt, ne dura pas toute la iournee : mais enuiron le tēps que le iour fault, avec le sang qui defailloit, ensemble il vomit hors son ame. Le troisieme à sçauoir Espide, lequel pareillement auoit blasphemé contre Iesus-Christ, plus tard que les autres fut puny, toutesfois estant surprins entre les autres qui affectoyent la tyrānie, fut despouillé de tous ses biens, & apres auoir enduré griefues peines en prison, finist miserablement sa vie : iugé vilain & detestable d'un chacun. Outre ceux-cy quelcun entré en l'Eglise, avec ceux qui cōme brigans emporterent les ioyaux & toutes choses precieuses d'icelle, & firent contumelie & iniurie à celuy qui gardoit les sacrez vaisseaux, non content de toutes ces indignitez, ayant leué sa robbe fit son eauue tresimpudemment & vilainement contre l'aurel du sacrifice. Mais soudain il porta les peines tresgriefues & pesantes de ce forfait : Car les membres par lesquels il auoit offensé furent mangez & rongez de pourriture iusques aux entrailles interieures, & de là s'accrut & engendra vne incredible multitude de vers, en sorte que miserablement ils firent mourir ce mal-heureux, tellemēt que c'est chose honteuse reciter ceste calamité. Pareillement vne langueur & maladie pourrissant soudain surprint cest Heron, natif de Thebes en Egypte, lequel creé Euesque par cas fortuit tresbucha en la superstition Grecque, & luy rongēāt tout le corps le rendit à tous abominable. Parquoy toutes choses desesperées en son endroiēt il fut iecté au chemin, toutesfois pour cela il ne receut aucun alliegement de personne quelconque. Car les Chrestiens en toutes manieres le mespriserent, ainsi qu'abomination & souilleure extreme : & les Grecs seulement le cognoissoyent, de ce qu'il estoit soumis à leur erreur & fraude. En ceste sorte Heron tres-cruellemēt & miserablemēt sortit de ceste vie. D'un autre aussi, à sçauoir Theotecne qui de nostre Religion estoit tōbé à la Grecque, sa chair consumée de toute pourriture & infectiō, fut faite matiere de vers : en sorte que par leurs rongemens ayant perdu les yeux, mourant de rage qui le surprint, & s'estāt de ses dēts trōçonné & deuoré la lague, de griefs tourmēs il passa à des beaucoup pires & plus grāds. Semblablement d'autres qui auoyent attenté pareilles choses, endurerent des peines condignes à leurs meschancetez. Dieu proposa comme en exemple tous ces miracles en ce temps, punissant iustement & selon le merite, ceux qui impudemment & ouuertement auoyent oppugné la vraye pieté. Desquels cy dessus iusques à ce lieu nous auons parlé.

*Diuine vengeance contre Elpide.*

*La mort tres-vilaine de celuy qui fit son eauue contre l'aurel.*

*Mort miserable de Heron d'Euesque deuenu Apostat.*

*La mort de Theotecne aussi Apostat.*

« Ainsi donc &c.] Theodoret dit que telles furent les paroles de la femme de Iulien à son mary : Il fault mon amy que tu magnifies en louanges Iesus-Christ, de ce que par chastiment il t'a monsté sa puissance : Car tu n'eusses pas cogneu celuy que tu poursuis, si pour sa longanimité il ne t'eust frappé diuinement. Il cogneut donc la cause, & pria l'Empereur, que les vaisseaux fussent restituez à l'Eglise de laquelle ils auoyent esté prins : Mais en vain, liure 3. chap. 23.

*De l'image de Iesus-Christ, laquelle ceste femme qui auoit esté trauaillée du flux de sang dressa en Phenice de Panaan.*

CHAP. XXX.

*Cité de Phenice Dan, appelée aussi Panaan d'Esar.*



Je ne permettray & endureray point que soit cachée & par long temps comme enseuelie la memoire d'un autre insigne miracle, lequel nous monstre à l'œil la puissance de Iesus-Christ, & nous donne non petit tesmoignage de la vengeance diuine à l'encontre des meschans. Phenice ville, fut appelée anciennement Dan, estant denommée de cestuy Dan, l'un des enfans du Patriarche Iacob, lequel fut prince & auteur de la famille, & peuple qui habitoit en ce lieu.

Long

Long temps apres Philippe fils d'Herode voulant gratifier à Cesar, ornant magnifiquement la ville de bastimens & edifices, la denomma de son nom & celui de Cesar, Cesaree de Philippes: Mais les Grecs l'appellerent Panæas, pource qu'en icelle ils auoyent dressé l'image du Dieu Pan. En ceste mesme ville est quelque fontaine: pres d'icelle ceste femme, laquelle auoit esté fort trauaillée du flux de sang, erigea vne excellente statue d'airain à Iesus-Christ, rendât pour le moins à son bien faicteur, pour la guarison de sa maladie grieve, par ce deuoir quelque reconnaissance. Ceste statue sembla de bõne grace, & plaisoit beaucoup à ceux qui la regardoyent. Au pied d'icelle creut vne herbe, qui apporta remede tressoudain à toutes maladies, & principalement au mal etique, & aussi que ceux qui estoient guariz, par grand' diligence recherchoient la cause de ceste vertu, ils ne la peurent routesfois en façon aucune trouver: Car pour la durté du temps & par oubliance, le moyen se perdit par lequel on eust peu entendre quelle forme ceste statue representoit, & pour quelle occasion elle auoit esté là assise. Car pource que ce diuin simulacre estoit à descouuert & exposé en plain air, son corps ne fut de peu changé, & les pluyes emportantes des lieux plus haults & rauissantes la terre, l'auoyent en ce lieu amassée contre ceste statue: pour ceste cause la cognoissance qu'on eust peu tirer des lettres enseignantes tout cest affaire, estoit rendue incertaine. Toutesfois apres que par soucy & diligence plus grande, on a recherché la grace saillante de ce lieu, ceste terre fouye, les lettres lors apparentes enseignèrent certainement ceste chose. Et depuis ce temps ceste herbe ne fut veue ny en ce lieu, ny en autre. Or Iulien ayant abbatu la statue de Iesus-Christ, dressa la sienne en ce lieu, & voyla soudain vn feu vehement fut enuoyé du ciel, lequel deschira son simulacre enuiron la poitrine, & rua euidentement par terre le chef abbatu avec le col, & par force separé de l'estomac. Ce qui dura encore long temps apres, tesmoignant ce fait ainsi que par vn escripteau taillé & gravé sur la colonne, par la fuy de ce foudre qui se monstroient manifestement. Les Chrestiens transporterent lors ceste statue de Iesus-Christ au diaconé de l'Eglise, & icelle mise au lieu le plus honorable, fut par eux reuerée avec toute decence & respect: car volontiers ils frequentoient ce lieu, & regardoyent ceste image, declarans leur desir & amour enuers l'original & premier exemplaire de ceste statue. Mais au temps de cest Empereur les meschans lesquels estoient en Panæas, sectateurs de la superstition Grecque, esmeuz, trainerent par le milieu du chemin ceste image, ainsi que nous auons dict, l'ayns ostée de son lieu, & lié des cordes à ses pieds: excercerent toute vilenie, contumelie, & impieté contre elle. Pareillement ils briserent menu le surplus du corps de cest image, & trainerent le chef qu'ils auoyent arraché de ses membres, lequel vrayement aucuns, qui comme de raison furent contristez de ce forfait, ayans enleué secrettement ainsi qu'ils peurent, cõregarderent: pareillement ayans cueilly les autres parties du corps, les remirent en l'Eglise. L'espece de ceste herbe laquelle nous auons dict iadis croistre en ce lieu, ne fut iamais cogneue par les medecins ny ceux qui se messent de rechercher la nature & qualité des herbes. Quāt à moy il me semble que ce n'est chose merueilleuse que nouveaux benefices soyent eslargis & exhibez aux hommes, Dieu les visitans en nouuelle maniere: car la narration suyuante declare tres-vrayement plusieurs autres miracles, qui se font en certains villages & regions estre seulement cõgneus des habitans desdits lieux, ainsi qu'il est expedient par leurs predecesseurs.

*L'herbe qui croissoit au pied de la statue.*

*Iulien dressa sa statue au lieu de celle de Iesus-Christ: mais elle fut foul-droyée.*

*L'usage saint et legitime des images.*

*Les idolâtres traitterent vilainement l'image de Iesus-Christ. L'herbe salutaire.*

*De la fontaine qui est en Nicopolis ou Emaus, & de l'arbre Persee en Hermopolis, lequel guarissoit des maladies incurables, pource que Iesus-Christ auoit hanté en ce lieu.*

C H A P. XXXI.



**L**y a en Palestine vne cité nommée Nicopolis, laquelle fut anciennement village assez cogneu par le sacré liure des Euangiles, en ce qu'il est appelé Emaus: Car les Romains apres que vaillamment ils eurent desconfit les Iuifs, prins & rasé leur metropolitaine ville Ierusalém, luy imposèrent nom, selonc l'euement, l'appellant Nicopolis. Deuant ceste cité en vn carrefour, au lieu à sçauoir où Iesus-Christ apres sa resurrection des morts cheminât avec Cleophas & son cõpaignon feignit qu'il s'en alloit à vn autre village, est quelque fontaine allegante beaucoup & portante aide aux hommes en toutes maladies, voire deliurant les brutes animaux de beaucoup d'incõueniens & trauaulx. Là on dit que Iesus-Christ lassé de long chemin, lors qu'il cõuersoit avec nous en terre, y lava ses pieds avec ses disciples: & que depuis ce temps ceste eau fut faicte salubre, pour repoulses diuerses maladies. Le bruit est aussi qu'en Hermopolis de Thebaïde est vn arbre, lequel ils appellent Persee, apportant remedes à beaucoup d'infirmitez, mesmes qu'en festu ou fueille d'iceluy soit appliquée aux malades. Aussi le cõmun bruit est encore entre les Egyptiens, que la Mere de Dieu, fuyant ensemble avec Ioseph la fureur d'Herode fut cõduicte en Hermopolis, & soudain qu'elle fut arriuee à la porte de la ville, cest arbre ne peut endurer l'aduenement de Iesus-Christ: en sorte que nõobstāt qu'il fut hault grãdemēt toutesfois il s'abaiissa iusques à la terre, & adora celui qui auoit plāté l'acié du Paradis terrestre.

*Nicopolis en Palestine iadis appelée Emaus.*

*Fontaine en ce lieu salutaire.*

*Arbre Persee en Hermopolis guarissant toutes maladies.*

S s iij

# LIVRE X. DE L'HISTOIRE ECCLESIASTIQUE

l'ay estimé ces choses deuoir estre escriptes, que i'ay leu de cest arbre : Quant à moy ie le iuge auoir esté comme quelque gaige, ou signe de l'aduenement de Iesus-Christ en la ville : ou comme il est loisible de coniecturer qu'iceluy estant honoré de seruice diuin par les habitans de ceste ville selon la maniere Grecque, lors fut esbranlé par ce diable lequel en iceluy estoit adoré, ayant horreur & crainte à la presence de celuy lequel les deuoit du tout abolir & opprimer. Meisme pour lors tous les simulachres d'Egypte trespucherent, ne pouuans porter la venue de Iesus-Christ, selon ce que d'iceux a esté dict par Esaïe. Et pour tesmoigner que le diable auoit esté chassé de cest arbre, en signe de cest acte euidant, il demeura couché & baillé, guarissant ceux qui y venoyent par foy. De ces choses les Palestins & Egyptiens font suffisans tesmoins, & dignes de foy.

*Les simulachres d'Egypte trespucherent.*

*Comme ce meschant Apostat sefforçant esteindre nostre Religion, permit aux Iuifs rebastir le temple en Ierusalem, & des choses quasi excedentes toute foy aduenues en ce lieu.*

CHAP.

XXXII.

*Iulien fauorise aux Iuifs.*



Empereur animé contre les Chrestiens, pourchassa tousiours sa haine à leur preiudice, à l'occasion dequoy il ne monstra peu de faueur, douceur & beneuolence aux Iuifs, & à leurs anciens & ducs : & rescriuit à leur peuple qu'ils suppliasent pour luy, & pour son Empire. Ce qu'on peult coniecturer auoir esté par luy fait, non qu'il estimast leur Religion deuoir estre tenue & obseruee (car il n'estoit ignorant qu'elle estoit comme mere de la doctrine Chrestienne : & que l'une & l'autre s'esioit & glorifie de mesmes Patriarches & Prophetes) mais il auoit tresbien re-

*Comment les Iuifs interpretent la Bible. Iulien l'Apostat, ainsi qu'Adrian cōfirma la verité de l'oracle de Iesus-Christ : mais en maniere contraire.*

merqué la haine mortelle des Iuifs contre nous. Parquoy courroucé contre nous, par la sollicitude & bonne affection qu'il sembloit leur porter, il s'efforça nous faire desplaisir. D'auantage ils les estima prompts & faciles d'estre avec succession de temps emmenez aux sacrifices Grecs, pour ce qu'ils ne receuoyent seulement que les paroles & la lettre des liures sacrez, & n'esleuoient leur esprit en contemplation du sens secret & caché d'iceux : ainsi que font les Chrestiens, & ceux qui sont plus sages & excellés entre les Hebreux. Par cemoien s'esioissant en effusion de sang & superstition vaine, iugea luy estre pour grand detrimant, s'il n'attriroit à ce mesme mal les autres. Il fit ce pareillement voulant, ainsi qu'il estoit sot, conuaincre de mensonge les oracles du Sauueur, lesquels dononcēt telle ruine & euerstiō de Ierusalē, qu'il n'y demoureroit pierre sur pierre. Mais tāt s'en faut que par tout son effort & estude il ait fait quelque chose, que mal gré luy il cōfirma mesme la certitude & immutabilité desdicts oracles : & l'audace d'iceluy, laquelle se sembloit suffisante pour deshonnorer les responses du Seigneur & les abolir du tout, n'entēdit & ne cōgneut point qu'elle preschoit & annonçoit la reuerence à icelles deuē, ausquelles pouuoit escheoir & aduenir aucun opprobre & reproche de faulseté. Car l'Empereur des Romains Adria, lequel aussi fut appellé Elie, rasa Ierusalē, pour chasser & estrāger du tout de ceste ville le peuple des Iuifs, & de peur que mesme la memoire du nō ancīe leur demeurast, & qu'iceux sous ceste appellatiō & tiltre ne peussent prēdre cause ou occasiō de recouurer leur pays, changea le nō ainsi qu'il peut, l'appella de foy-mesme Elie : par ce fait, toutesfois sans y penser & contre son intention, tesmoignāt la verité des oracles de nostre Seigneur. Ce qu'il faisoit par ce qu'il craignoit que les esprits fins, hastifs & hazardeux des Iuifs sous le pretexte du seruice diuin, lequel selon la loy deuoit estre fait en ceste ville, leuassent vn

*Iulien donne courage aux Iuifs de bastir le temple de Ierusalem.*

camp & ne donnassent beaucoup d'affaires aux Romains. Iulien dōc pour augmēter d'auantage ses contumelies cōtre nous, admōnesta, ainsi que s'il eust esté de leur patrie, les premiers & principaux personnages de ce peuple : & les interrogea, quelle cause les empeschoit viure selon les loix Mosaiques. Et soudain qu'ils eurent dit que par tous moyens il falloit qu'ils se gardassent ainsi que d'une chose interdite par serment, faire autre part leurs sacrifices, qu'en la ville de Ierusalem, de laquelle ils estoient du tout dechassez : leur ayāt donné argent, les admōnesta que le plus hastiement qu'ils pourroyēt, ils rebastissent le tēple de Salomō, à ce qu'à l'exemple de leurs predecesseurs, ils sacrifiassent à la mode antique, & fissent l'office diuin. Ainsi se porta Iulien enuers eux. Or les Iuifs ayās trouuē tēps oportun pour entreprendre & parfaire ceste chose, laquelle si long tēps ils auoyent desirée, travaillerent de toute leur force à cest ouurage. Et ia espouuantās les Chrestiens d'un regard de trauers, menasserēt qu'ils nous rendroyēt & feroient sentir toutes les pertes & trauaux qu'ils auoyent enduré iadis des Romains. Mais ces miserables n'eurent souuenance, & ne prindrent garde que ceste chose ne pouuoit estre accomplie, laquelle les oracles des ancīes Prophetes, en paroles expressees, nioyēt du tout pouuoir estre faite. Trauailās donc de si grāde force à cest œure, ils amasserēt tous ceux qui estoient celebres à bastir des edifices, ils firent prouisiō de toute la matiere necessaire pour le bastimēt, nettoyerent honnestement ce lieu : & aux despens du public, firent faire des hoyaux d'argent. Et furent en tel œure ainsi enflābez, & trauiilloient de telle allegresse, que les femmes mesme porterēt

*Les Iuifs travaillent tant qu'ils peuuent à rebastir le temple.*

leur sein.

leur sein & vestemens les ordures : & employèrent sans aucun regret à ce bastiment tous leurs loyaux, atours & tout leur cabiner. Et nonobstant que les Grecs fussent d'autre volonté qu'eux, toutesfois ils ayderent à ceste entreprinse & desseing, estimans que tel effort viendroit à son accomplissement : le tout à fin qu'ils peussent se vanter que les predicions & oracles de Iesus, fussent faux & mensongers. Mais apres que ia ils auoyent fouy iusques aux creux fondemens, & tiré le surplus de la structure antique, & ainsi purgé & nettoyé la terre, que selo la parole de Iesus-Christ, pierre sur pierre n'y demoureroit, le iour d'apres estans venus pour asseoir le premier fondement, on dit qu'il se fit vn mouuement & tremblement de terre tres-grand, en sorte que de la concussion & rencontre vehemente, les pierres furent iettees hors de leurs fondemens, & tuerent plusieurs Iuifs qui estoient là arriuez, ou pour regarder l'ouurage, ou ayder à cest edifice. Pareillemét les bastimens publics voisins de ce tēple, rompuz & tresbuche de grande impetuosité, seruirēt de sepulcres à ceux qu'ils escacherent & opprimerent dedans. Ceux qui voulurent fuyr, furent renuersez comme demy morts. Les vns eurent les cuisses rompues, les autres les mains ou autres membres cassez & mutilz de la soudaine vehemence de ce temblement, chacun selon que le desastre l'accueilloit. Et à grand' peine ce mouuement de terre estoit rassis & cessé, que ceux qui restoyent de rechef commencent à besongner à cest œuure : à ce qu'ensemble ils peussent parfaire ce que grandement ils desiroient, pensans se sauuer de l'indignation & fureur inenueitable, laquelle les suyuoit comme de necessité, pour la constitution & ordonnance de l'Empereur. Car les hommes facilement & comme de nature, par ces estudes, & labours ausquels ils s'eschouissent, tendent tousiours à leur perte & detrimēt. Lesquels lors qu'ils estiment ce seul leur estre profitable, qu'ils ont entrepris & arresté de faire, ils sont attirez par leur seule folie, & ne peuvent meesmēt remarquer & considerer auant que se mettre en train d'accomplir leur pensee, quelle vtilité s'en peut suyure, en sorte que par apres enuolopez de dangers, ou admonnestez par l'experience de ces choses, ils ne se deliurent & desueloppent point prudemment ainsi qu'ils deuoyent : ce qu'est aduenue aux Iuifs.

*Les Grecs aydent les Iuifs en ceste entreprinse.*

*Vn mouuement de terre empesche ce bastimēt & le desmolit.*

*Les Iuifs retournent à leur ouurage.*

*Du feu, lequel soudain s'est leué de ce lieu, & des signes remarquez aux vestemens des hommes en figure de croix : & du diuin Euangile trouué aux fondemens.*

## CHAP. XXXIII.



E grand empeschement assez euidentement monstré, il estoit facile considerer & conclure, que Dieu estoit courroucé de l'entreprinse de cest œuure : Toutesfois les Iuifs de rechef mettans la main commencerent à travailler, à ce qu'ils ne pouuoient accomplir. Mais lors qu'encore il s'esprouuoient au bastiment, on dit qu'un feu soudain sortant des fondemens, ensemble vn autre descendant du ciel en fit mourir d'auantage que parauant. Ces choses se disent communément, & les croit on & n'y a aucune doute. En ce seulement que ie voy dire il y a diuersité : Car aucuns disent que lors que les Iuifs se hastoyent pour venir en ce lieu, la

*De rechef l'ouurage est empesché de feu du ciel, & venant de terre.*

flamme qu'ils eurent au deuant, parfit ce que nous auons dit. Les autres disent que soudain qu'ils commencerent leuer la tarrace cela aduint. Quand l'un ou l'autre sera vray, rien toutesfois ne desroge à ce miracle. Or le feu ainsi qu'est dict, enuoyé du ciel, les marteaux, ciseaux, scies, coignes, haches & tout ce que les ouuriers auoyent apporté, necessaires pour l'edifice, incontinent furent mis en cendres, & tel embrasement dura tout le iour. Lors les Iuifs estonnez de tres-grande crainte, confesserent, voire malgré eux, Iesus-Christ estre vray Dieu, toutesfois ne le voulans suyure, ils demourerēt encore à l'erreur Iudaïque. Et de fait outre cestuy-cy vn autre miracle de rechef fait, & lequel est plus manifeste & admirable beaucoup que les precedens, ne les amena à la foy : Car la nuit prochaine, sans qu'aucun y mit la main, ains cōme volontairemēt leurs robes furent marquées de signes de la croix, vnis & conioincts les vns avec les autres en forme de rayons. Ainsi tous eurent leurs vestemens distinguez comme par art & industrie de tissure & filure, & diuersifiez comme d'estoilles. Ce qu'ayans apperceu soudain que le iour cōmença à luire s'efforcerent lauer & effacer les marques de la croix : mais ils profiterent aucunement. Cela voyant Cyrille, qui lors estoit Euesque de Ierusalem, poisa en son esprit & à part soy la parole de Dieu le prophete, laquelle aussi Iesus-Christ par apres confirma de son autorité aux sacrez Euangiles : & predict à chacun que le temps estoit venu, auquel l'oracle du Sauueur s'accompliroit & prédroit fin, à sçauoir qu'il ne deuoit demourer au tēple pierre sur pierre. Et sur l'heure qu'il disoit ces paroles vn tremblement de terre griefuement se leuant, ietta & respandit hors des fondemens le surplus des pierres : en apres vne grande tempeste & orage de vents soufflans asprement, chasserent en l'air innombrables mines de plastre & chaux. Ensemble ce feu lequel soudain estoit sorty des parties inferieures consumma en vn moment de temps vne infinité de ceux qui de rechef obstinément estoient ordonnez à parfaire cest ouurage entrepris, ou bien

*Tous instrumēt des ouuriers bruslez.*

*L'auenglement des Iuifs.*

*Marques du signe de la croix aux robes des Iuifs.*

*Cyrille Euesque de Ierusalem presche la certitude de l'oracle de daniel et des paroles de Iesus-Christ.*

# LIVRE X. DE L'HISTOIRE ECCLESIASTIQUE

*L'ouvrage pour la troiſieſme fois eſt deſſait.* qui eſtoient là venuz veoir les commencemens. Ainſi proſſita Iulien, ſ'efforçant monſtrer les prediſtions de Ieſus-Chriſt touchant Ieruſalem, n'eſtre aucunement veritables. Ce que non ſeulement il n'a peu faire, mais confirma d'avantage ceſte certitude, lors qu'il ſ'eſuertuoyt au contraire. Ces prodiges ſont vrayement ſuffiſans pour declarer la verité de l'oracle: Et ce que nous dirons maintenant, veu qu'il eſt merueilleux, confirmera d'avantage ceſt affaire. Ce qu'ainſi que da tout ic l'ay trouué eſcrit en liures rares & ſecrets, ie le reciteray auſſi. L'hiſtoire eſt telle: Lors

*Le liure de l'Evangile ſelon S. Iean trouué ſous les fondemens du temple en vne caverne.* qu'on plantoit les fondemens du baſtimēt (ainſi qu'à eſté dict) & entre les pierres, l'une à laquelle le dernier ſoubaiſſement auoit eſté cōioinſt, fut remuee de ſa place, incontīnēt ſe mōſtra la gueule d'une ſpelonque taille en vn rocher: & apres que ceux qui trauailloyēt à ceſt œuvre, ne peurēt du tout appercevoir ceſte caverne pour ſa profōdité, deſirās cōgnoiſtre la choſe quelle elle eſtoit certainement, lierēt à vne longue corde vn des ouuriers, & le deualerēt la dedans. Lequel eſtant venu iuſques au creux, y trouua del'eau à demy iambe: & environnant ceſte foſſe, & recherchant de part & d'autre, apperceut ſelon qu'il peut iuger par l'atouchement de ſes mains, qu'elle eſtoit quarree. Et ainſi qu'il retournoit à la gueule d'icelle, il eſcheut en vne colomne aſſiſe au milieu de la caverne, non beaucoup eſſeuee au deſſeus del'eau: laquelle taſtāt de la main, trouua vn liure mis au haut d'icelle, enuoloppē d'un petit linge bien net & delié. L'ayant prins, il fit ſigne branſlant la corde à ceux qui l'auoyent là deſcendu, qu'ils le retiraffent. Soudain qu'il fut hors, monſtrant ce liure eſtonna grandement tous les aſſiſtans, principalement pource qu'il ſembloit quaſi eſtre neuf, & nullement gaſté, nonoſtant qu'il fuſt trouué en lieu ſi profond & obſcur. Or ce liure deſployē & ouuert non ſeulement effraya les Iuiſs, mais auſſi les Grecs: Car dès le commencement il publiā, & donna à entendre en grandes lettres ces mots: Au commencement eſtoit le Verbe, & le Verbe eſtoit avec Dieu, & iceluy Verbe eſtoit Dieu. Et à ce que ie diſe briſeuement, ceſte eſcriture comprenoit l'Evangile entier, lequel heureuſement la langue du tout Euangelique du diſciple Vierge auoit annoncé. Ce qu'avec les autres miracles, leſquels furēt en ce temps donnez du ciel, ſignifia que la parole de noſtre Seigneur ne deſherroit iamais, par laquelle il auoit predit l'extreme deſolation du temple, & de la ville: Car ce liure enseigna que celuy-là qui auoit arreſté ces paroles, eſtoit conditeur de toutes choſes. Il declara auſſi que vain eſtoit le labeur de ceux, leſquels tant ſ'efforçoient auancer ce baſtiment: veu que la diuine & immuable ſentence auoit par ſon decret ordonné l'extreme abolition de ce temple. A cauſe deſquelles choſes & autres ſemblables pluſieurs iugerent qu'il falloit cōfeſſer Ieſus-Chriſt eſtre Dieu, auquel ne plaſoit que le temple fuſt rebasty. Beaucoup d'iceux vrayement en briſe ſe retirerēt à l'Egliſe, & enseignē & initiez en nos plus ſacrees & parfaites ſolemnitez, appaiſerēt Ieſus-Chriſt par Hymnes & ſupplications, pour les meſchancetez qu'ils auoyent commiſes. Que ſi ces choſes ſemblent à d'aucuns moins eſtre vrayes, qu'ils croient ceux qui les ont veues & entendues, & les ont miſes par eſcrit: ou que pour le moins les Iuiſs & Grecs le leur perſuadent, leſquels ont delaiſſé ceſt œuvre imparfait, ou pluſtoſt n'ont aucunement peu le commencer. Outre ce il eſt beſoin auſſi d'obſeruer que Ieruſalem premierement eſtoit appelee Iebus, & qu'elle auoit entre ſes familles ceux de Beniamin, auant que Dauid l'eust prinſe par ſon duc Ioab, luy ayant fait promeſſe de le pourueoir del'honneur & dignité de gouuerneur de ſon armee, & qu'apres auoir dōné audit Ioab, ce qui luy eſtoit promis pour l'auoir miſe en ſon obeyſſance, il augmenta beaucoup ceſte ville, & l'ordōna eſtre citē metropolitaine & principale de la nation Iudaïque, & luy impoſa le nom de Salem: laquelle par apres pour le temple ſacré qui y eſtoit, fut denommee Ieruſalem. Mais c'eſt aſſez parlé maintenant de la rēdification de Ieruſalem, qu'on eſtimoit accomplir.

*Comment Iulien faiſant effort par la Perſe, ainſi qu'il fut deceu, brulā les nauires qui eſtoient ſur Euphrates, & comme la rōurnee & le choc donnē, il mourut, eſtant frappē d'une ſecrete playe.*

C H A P. XXXIII.

*Iulien reiet teſſierement l'ambassade des Perſes.*

*Carres ville noble de la perte & mort de Craſſus, Plinē, liure 5. chap. 24.*



Ors les ambassades des Perſes eſtoient arriuees vers l'Empereur, & regardoyent de conuenir & appointer de la guerre, ſoubs certaines conditions: leſquels Iulien renuoya à leur Roy, leur faiſant ſeulement ceſte reſponſe, qu'en briſe il les verroit, & qu'il n'auoit que faire d'ambassades. Parquoy ceſt Apoſtat perſuadē par les reſponſes de tous les oracles, qu'il auoit vne force inuicible à l'encontre des Perſes, dreſſa & equippa magnifiquement ſon armee: menaçāt qu'apres l'expedition des Perſes, il prendroit & traiteroit comme il deuot les Galileens, & ſpēcialement ceux de Ceſaree, à cauſe du grand Baſile, & du diuin Gregoire. Incontīnēt donc il haſta ſon voyage, & le fleuue d'Euphrates paſſē outre, il ne ſ'arreſta aucunement en Edeſſe, pour la haine qu'il portoit aux Chreſtiens, parce que toute ceſte ville tref-deuotement ſeruoit Ieſus-Chriſt. Il arriua à Carres, auquel lieu les ſacrifices & prieres parfaites au temple de Iupiter,



Iupiter, il enuoya deuant enuiron vingt mil hommes d'armes vers le fleue Tigris en garnison, pour defendre ces places, & à ce que quand il seroit besoin, il les employast à ces affaires: puis il rescriuit à Arsace, duc des Armeniens, compaignon du peuple Romain, qu'il assaillist ses ennemis. Or vrayement en ses lettres il vſa de trop grande & desbordee temerité: car il faisoit griefues iniures à Constance auquel il auoit succédé, l'appellant Couard, lasche & meschant: & d'autre part s'exaltoit ainsi que personnage digne, & profitable à l'Empire, & amy des dieux. Ayant aussi entendu qu'Arsace estoit Chrestien, il augmenta d'auantage la contumelie: ou plustost s'estudiât à deschirer Iesus-Christ par blasphemés, & mal-heureuses paroles, qui luy estoit vne coustume solemnelle & porpetnelle en plusieurs choses, il se vanta trop insolentement & fierement enuers luy, que s'il accomplissoit negligemment les choses à luy commandées, il ne seroit de celuy-là aydé, lequel il croyoit estre Dieu. Apres donc qu'il eust iugé auoir bien ordonné de toutes ses affaires, il mena les compaignies Romaines par l'Assyrie: & receut en son obeysſſance plusieurs chasteaux & villes, lesquelles, ou il dompta par armes, ou furent rendues par trahison: & poursuyuant temerairement ainsi que la fortune le menoit, il ne se print garde des villes, lieux & forteresses, qu'il laissoit derriere soy, & par lesquelles il falloit qu'il reuint. Il renuersa entierement tous les bourgs qu'il print, & des greniers publics des provisions annuelles & r'apports, aucuns il rasa dès les fondemens, les autres il dissipa & consumma par feu. Et costoyant le fleue d'Euphrates, il arriua pres de Ctesiphon ville excellente, & seconde en ces regions apres la ville de Babylone: laquelle outre les autres commoditez, peut recevoir & loger commodément la cour du Roy, & tout son train. Non loing d'icelle, passe le fleue Tigris. Mais pource qu'il ne pouuoit venir iusques à Ctesiphon, avec les nauires, pour la terre qui est entre-deux, & qu'il estoit necessaire ou s'adresser droit à la ville, & laisser les nauires, ou demourant en ses nauires ne tirer outre: ayant prins quelque captif, & questionné aux tourmens, il trouua par la declaration d'iceluy, vne fosse, laquelle pour la longue espace de temps estoit remplie de terre, par laquelle anciennement les nauires auoyent entree à la ville. Parquoy ceste terrasse fouye qui l'empeschoit, il fit desborder Euphrates dans le Tigre, & par ce moyen avec nauires amena son armee iusques à la ville. Lors les Perses se monstrerent à l'autre riuage de Tigris en braue equipage de cheuaux & hommes d'armes avec leurs Elephans. Adonc Iulien se voyant enfermé entre deux grands fleuves, & son armee mise en tres-grand hazard & danger s'il vouloit là demourer: considerant aussi que s'il ayroit mieux retourner par les villages & bourgs ia brullez, il auroit grande disette des choses necessaires, proposant gaiges & prix, il appella les gens d'armes au spectacle du tournoy, & ainsi qu'il se faisoit, commanda aux patrons & gouuerneurs descharger les nauires, & ietter en l'eau tout le froment de son camp, & autres empeschemens, à ce que les soldats se voyans en extreme necessité, & enuironnez de toutes parts de dâger prissent grand courage, & vaillamment cōbatissent leurs ennemis. Et faisant venir apres le souper les chefs des compaignies, commanda faire monter leurs gens d'armes aux nauires: lesquels de nuit & passez delà le Tigre, donnerent l'assaut. Ce que soudain entëdu de quelques Perses, ils vindrent au deuant pour les recevoir brauemēt, & leur faire teste. Au ioindre avec eux les Romains en abbatirent plusieurs, tuerent aussi grād nōbre d'autres qui estoient encore chargez de sommeil. Ainsi tout le iour se continua la bataille grande & forte, & plusieurs iettez dedas l'eau, plusieurs occis, les Romains se retirerent au fleue: & assirent leur camp deuant la ville de Ctesiphon. Or il ne sembla bon à l'Empereur passer outre, mais estima estre meilleur mettre le fen en ces nauires & fregates, pource qu'il voyoit beaucoup de gēs estre necessaires à les garder, en sorte qu'il n'auroit avec soy toutes ses compaignies. Ce fait il luy fut besoin se haster avec ses bādes aux pays subiets à l'Empire Romain, laissant à main gauche le fleue Tigris. Ils trauerſerēt dōc premierement par vne region fertile, & abondante en toutes choses, pourtāt qu'ils estoient enseignez de ce chemin par aucuns Perses qu'ils retenoyent prisonniers. Mais par apres vn vieillard lequel auoit deuoié sa vie pour la commune liberte des Perses, de fait à pen donna aux nostres occasiō de le prendre. Incontinēt que cōme contre son grē il fut arresté & saisi on l'emmena à l'Empereur. Parquoy interrogé de plusieurs choses, estimé aussi dire verité, il persuade l'Empereur de le luyurer: Car il promit rēdre en brief tēps l'armee aux fins & voisinages des Romains. Seulement qu'ils auoyent deux ou trois iournees de mauuais chemin par vne regiō laquelle il falloit passer, & pource qu'elle estoit inhabitee & solitaire, donnoit conseil d'emmener avec le camp des viures, & autres choses necessaires. Ce seducteur Iulien seduit & persuade par la ruse de ce sage, ou plustost sophiste vieillard, celuy lequel par son art sophistique auoit deceu plusieurs personnes, arresta qu'il falloit aller par la voye que monstreroit cest homme. Ayans donc fait trois iournees de chemin, ils arriuerent en vn pays non cultiue, desert & sec: lors ce conducteur mis à torture confessa son entreprinse, à scauoir que de son propre grē il s'estoit hasté à la mort pour les citoyens, & peuple de Perse: & pource qu'il estoit prest d'endurer tous les tourmens qu'ils voudroyent. Le camp estoit en grād peril & danger, lassé de la difficulté du chemin, & faute de viures: quand, voicy soudain & sans y penser se presenter l'armee bien dressée & equippee des Perses: lors au choc & combat furieusement lasché l'un sur l'autre, vn vent tour-

*Iulie detra-  
che par min-  
res Cōſtāce.  
Le blasphē-  
me d'iceluy  
contre Iesus  
Christ, &  
contumelie  
cōtre Arsace  
duc Chre-  
stien des Ar-  
meniens.*

*Temerité in-  
considerée  
de Iulien.  
Iulien viſt  
pres de Ctes-  
iphon.*

*Iulie cōmā-  
de que le  
froment &  
autres char-  
ges des nau-  
ires fussent  
iettees en  
l'eau.*

*Les Romains  
bataillēt bra-  
uemēt cōtre  
les Perses.*

*Les nauires  
sont brū-  
sées.*

*Iulie retour-  
ne en ses  
pays.*

*La trahison  
d'un vieil-  
lard.*

*Le traistre  
confesse sa  
trahison.*

# LIVRE X. DE L'HISTOIRE ECCLESIASTIQUE

*Sarrasins  
ayde des  
Perfes.*

*Iulien est  
bleffé à la  
mort.*

*Libanius  
touchant la  
mort de Iu-  
lien.*

*La pensée de  
celuy qui  
pouuoit de-  
liberer met-  
tre à mort  
Iulien, com-  
me tyran.*

*Mercurusua  
Iulien.*

billoneux commençant à souffler de grande vehemence, obscurcit le ciel & le Soleil d'une nuee espoisse, & respâdit par l'air le poussier haut esleué, & remplit tout d'obscurité & tenebres merueilleuses. Adonc l'armee des Perfes, seruans sur nos gens, auoit avec soy amené en secours des Sarrasins piquiers. D'iceux l'un dressant sa pique, blessa griefuement l'Empereur, en sorte que la membrane appelée le peritoire, qui couure au dedas toutes les entrailles, estoit tellement rompue, qu'au tirer le fer, sortirent les execremés mellez avec le sang. L'un des garde-corps de l'Empereur, ainsi bleffé à la mort, sur un bouclier, & l'emporterent en son paillón Imperial. Or de ceux qui n'ont du tout veu d'où luy estoit venu ce coup, aucuns l'ont estimé auoir esté fait par l'un de ses familiers, en sorte que les uns disent qu'un Perse, les autres qu'un Sarrazin, aucuns aussi afferment qu'un Romain soldat le tua: courroucé à sçauoir de ce que par son impudéce, temerité & glorieuse audace il auoit perdu une si belle armee. Or Libanius Syrié, sophiste, son intime amy & precepteur, escrit ces choses de celui qui le frappa, en l'oraison funebre qu'il a de luy composée: Y a il quelqu'un qui desire entédré qui l'a occis? Je ne sçay pas son nom. Toutesfois la coëcture est assez manifeste, que celui qui le naura n'estoit son ennemy, veu que nul de ses aduersaires sous le tiltre de ceste playe n'a receu honneur & recompense, encore que le Roy des Perfes par ses heraults fit appeller celui qui l'auoit frappé, promettant grands gaiges à celui qui se declareroit. Ny mesme aussi par cupidité d'auoir argent aucun & osé par iactance s'arrogé & attribuer tel forfait. Et vrayement on doit bien remercier les ennemis, de ce qu'ils ne se sont donnez la gloire de ce fait, duquel ils ne sont autheurs: Mais nous ont permis faire enqueste du meurtrier, ausquels n'a esté bon & profitable, que celui-là vescu longuement. Or ceux qui ont perpetré cest acte, viuent sans aucunes loix. Lesquels quand ils ont veu leur heure venue, à laquelle ils ont peu faire leur coup, l'ont accomply, apres long temps s'y estre efforcez, & auoir recherché les moyens. A ce les a contrainct leur propre meschanceté, à laquelle ils ne voyoyent aucun repos estre laissé sous son Empire: & principalement à cause du seruice des dieux, contre lequel tousiours s'estoyent bandez. Ainsi Libanius semble dire qu'un Chrestien ait frappé ce trās-gresseur & Apostat. Il n'est vrayement difficile à croire que quelqu'un des gens d'armes qui estoyent sous les enseignes considera à part soy ces choses: Que si celui lequel iadis faisoit mourir un tyran, ou pour remettre la commune liberté, ou venger quelqu'un de ses prochains & amis, ou pource qu'il estoit en danger de sa vie, rapportoit de tous une grande louange, pareillement que nul ne le reprendroit, si pour la cause de Dieu & de la religion il s'auançoit en certain peril. Toutesfois il ne me semble aucunement necessaire m'enquerir plus soigneusement des choses dites en diuerses sortes. Car mesme Calliste qui a compris les faits de Iulien en vers heroiques, ayât exposé ses actes belliqueux, dit que nauré par un diable il mourut. Encore qu'iceluy honorast son maistre, neantmoins il escrit ces choses. Et parauanture cela est vray, combien qu'il soit dict par un homme Poëte: Car les erynnes furies en ont vengé & tourmenté plusieurs. Et vrayemēt selon que la renommee paruenue iusques à nous, & par tout respâdue tres-certaine & constante le tesmoigne, il est manifeste que Iulien fut occis par vengeance diuine: les liures aussi nous asseurent que cest illustre & grand Mercure en fut le meurtrier.

*Qu'aucunes visions apparurent à quelques gens diuins, & leur signifient  
la mort de Iulien au pays de Perse.*

CHAP. XXXV.

*Iulien Sa-  
bas, moine.*



*Didyme  
Philosophe.*

*L'un des fa-  
miliers &  
proches de  
Iulien.*

R se presenta quelque diuine vision à Iulien moine, surnomé Sabas, homme en vertu fort excellent, laquelle fut argument de la mort de l'Empereur. Iceluy soudain qu'il eut entendu les menaces de ce meschant, pria Dieu que bien tost il nous deliurast de sa tyrannie. Sa mort donc luy fut reuelee le iour qu'il fut nauré en Perse: Car ses disciples l'interrogeans de la cause de son extase & estonnement, il leur declara cest affaire: iceux pareillement reuelerēt ses paroles par apres à d'autres personnes. Et vrayement enqueste diligēte faite de ceste vision, on a trouué qu'à l'heure que le coup fut fait, iceluy luy fut reuelé. Semblablement Didyme philosophe Ecclesiastique, qui auoit son domicile en Alexâdrie, fut en grande tristesse: tant pour l'empereur suyuant si mal-heureuse religion, que de ce qu'il voyoit les Eglises estre tant contemnees: Parquoy il se macera en ieunes, & inuouqua dieu en prieres, & la nuit mesme ne print aucune nourriture. Ainsi pour la grāde melancolie qu'il portoit en son cuer, assis en sa chaire, fut abbattu de sommeil, & lors espris d'espouuementement, il luy sembloit veoir des cheuaux blancs courās par l'air: & que ceux qui seoyent dessus comme cheualiers, crioient à haute voix. Annoncez à Didyme, qu'à ceste heure mesme Iulien est tué: que ce aussi soit signifié au grand Athanase, & que Didyme se leue, & prenne son repas. Pareillement aussi que l'un des amis & familiers de Iulien s'en allant vers luy par le chemin public, lors qu'il batailloit contre les Perfes, se hastant le plus qu'il pouuoit, arriua en quelque lieu pour loger: pource qu'il n'y auoit autre maison, il fut contrainct

contrainct gister & dormir en l'Eglise. Et là ainsi qu'il afferma depuis, plus veillant que songeâr, il veid comme à l'environ de luy plusieurs assemblez (c'estoit la compagnie des Apostres, Prophetes & Martyrs) qui deploroyent la cõtumelie de l'Empereur contre les Eglises : & requeroit l'un de l'autre qu'il estoit besoin de faire. Et apres que beaucoup & long temps en ceste maniere ils eurent deliberé, & mis cõme en doute cest affaire, dit que deux se leuerent, à sçauoir Arteme & Mercure, lesquels admonnesterent les autres d'auoir bon courage : puis laisserent avec vne allegresse singuliere ceste diuine compagnie, cõme s'ils se fussent hastez pour euerter l'Empire de Iulien. Or celuy auquel apparut ceste vision, craignant l'euẽnement & fin d'icelle, ne se soucia de poursuivre son chemin. Et de rechef abbatu de sommeil en ce lieu il veid ceste mesme assemblee, & ceux lesquels parauant en haste & grande diligence estoient sortis, & qu'on pensoit auoir bataillé la nuit prochaine contre Iulien, reuenir & soudain annoncer que l'Apostat auoit esté tué, & que dores en auant ils n'auoyent occasion de se tant trauailler. Telles sont donc les apparitions lesquelles veirent & Iulien le moine, & l'Ecclesiastique philosophe Didyme Alexandrin, & pareillement le proche & familier de ce deserteur. Desquels nul n'a esté eslongné de la verité, ce que conferma le meurtre d'iceluy rapporté par apres. Que si quelqu'un encore veut soustenir que cestuy qui a ainsi gasté les Eglises n'a esté occis par vne vengeance diuine, qu'il soit persuadé par ceste prophetie, laquelle queque diuin personnage familier de Libanius, mais excellemment instruit aux doctrines Ecclesiastiques, auoit predict. Alors à sçauoir que Iulien menoit son camp contre les Perses, & Libanius disoit à ce saint personnage, se moquant de luy, que faisoit lors le Fils du charpentier : iceluy respondant, il fait, dit-il, vn coffre de bois, pour la mort de ton Empereur. Et peu d'espace escheut depuis ce temps, qu'on apporta cest Empereur mort, lequel parauant ainsi qu'il estoit superbe & enflé, auoit songé la gloire d'Alexandre luy appartenir, voire lequel se festimoit beaucoup le surpasser, & suyuant la sentence de Pythagoras, approuuant les transmigrations des ames, disoit que de la transmigration des corps, il auoit l'ame d'Alexandre, & pource qu'il estoit en vn autre corps Alexandre. Mais il ne peut iamais bien entendre, que c'est chose belle que vaincre : au cõtraire aussi que par insolence abuser de la victoire, acquiert & engendre haine & enuie. Or le philosophe maxime le seduit, lequel luy assista, & retourna au cõtraire plusieurs diuinations. Pareillemẽt l'Empereur congneut aucunement d'où vint sa mort, & du tout ne fut ignorant de l'autheur de ceste calamité. Car on dit que soudain qu'il eust remply le creux de sa main du sang de sa playe, & l'eust ietté au ciel, cõme regardât Iesus-Christ, le faisant autheur & cause de sa mort, s'escria à haute voix : Tu as vaincu ô Galileen, tu as vaincu. Aucuns aussi ont laissé qu'il accusa le Soleil inspecteur de l'heure de sa natiuité, pour quelque circuiton astronomique, à cause qu'il porta ayde aux Perses, & ne le garda point. Et lors qu'il estoit prest à mourir (si toutesfois il est vray) on dit que l'ame sortant hors du corps, il eleua les yeux vn peu plus vaillamment qu'il n'aduient aux homes ordinairement, en sorte qu'il veid Iesus-Christ. Ce que ie ne peux armer, car peu sont qui disent ces choses : toutesfois ie ne refuse point ce comme mensonge : Car il est vray semblable, que ce & plusieurs merueilles plus grandes sont aduenues, à fin qu'aucun ne puisse dire que ceste religion, laquelle retient son nom de Iesus-Christ, soit arrestee par conseil humain. Et iceluy en tel estat, remply de sang qui bouillonoit de sa playe disertement s'escria : Saoule toy Nazarien. Il iniuria semblablement les autres dieux, les appellant mauuais & pernicious. Soudain luy assista Oribase Lydien, né de Sardes, tres-excellent medecin : Mais sa playe estoit si grande qu'en vain il employa toute industrie & labeur. Ainsi celuy qui auoit creu deuoir viure plusieurs siecles, fut esteint en moins de trois iours : en sorte qu'il n'accomplit que cinq ans en la dignité de Cesar, & en l'administration de l'Empire, depuis la mort de Constance, ne vescu que deux ans & demy. Il mourut l'an de son aage trente & vniẽme. Tout le temps de son Empire Dieu estat courroucé enuoya diuerses calamitez & maux innumerables aux Romains, & à tous leurs subiets : Car la terre estonnee de grand tremblement fit que les homes ne pouoyent asseurement demourer en leurs maisons, n'aussi s'arrester à descouuert. Aussi sous son Empire aduint la calamité tant celebree à la ville d'Alexandrie, lors que la mer escumant impetueusement, & rompant tous ses bornes & limites de tel deluge remplit toute la terre, qu'icelle retournée en son lieu, on trouua des fregates marines sur le toit & couuerture des maisons. Parquoy les Alexandrins depuis ce temps que telle inondatiõ leur survint, faisant feste solemnelle, allumẽt plusieurs torches en la ville, & en supplications, carmes & actions de graces appaisent l'ire de Dieu, & obseruent vne solemnité annuelle avec insigne pieté & religion. Les secheresses aussi ont esté longues sous son Empire, en sorte que les grains & froments n'ont peu proffiter, ensemble l'air fut infecté de peste. Parquoy les homes presséz & contrainctz de disette des choses necessaires, la faim s'augmenta asprement : en sorte que les personnes eurent recours aux manieres de viure du tout non accoustumées, & aux viandes & pasture des bestes irraisonnables. Apres la faim suyuit la pestilence, laquelle trauilla les corps & engendra plusieurs maladies, desquelles grand nombre de personnes tres-passerent. Or les affaires de Iulien eurent telle fin, plainstante vrayement & ioyeuse à tous Chrestiens, mais principalement aux Antiochiens, lesquels pour sa mort ordonnerent des

*Les saints  
Arteme &  
Mercure  
messagers de  
la mort de  
Iulien.*

*Ceste mort  
aussi predict-  
te par vn  
Philosophe  
Chrestien à  
Libanius.  
Responõse de  
mesme.  
La transmi-  
gration des  
ames de Py-  
thagoras.  
Iulien fut se-  
duit par le  
Philosophe  
maxime.  
Iulien mou-  
rant cõgnoit  
la vengeance  
de Iesus-  
christ.*

*Oribasius  
medecin de  
Iulien.  
La mort &  
temps de  
l'Empire de  
Iulien.  
Les calami-  
tez adue-  
nues sous  
Iulien.  
Tremblement  
de terre.  
Deluge Ale-  
xandrin.  
Grande sei-  
cheresse.  
Pestilence.  
Brocard des  
Antiochiens.*

# LIVRE X. DE L'HISTOIRE ECCLESIASTIQUE

dances publiques, & broquardèrent le philosophe Maximè, châtans cecy : Où sont tes diuinations fol Maxime? Dieu a vaincu & son Christ. Par apres on trouua plusieurs testes & corps d'hommes estranglez dedans des corbeilles, aux puits & lieux plus secrets de la salle Imperiale d'Antioche: lesquels iceluy s'enquettant des choses futures, auoit occultemēt tué. Ainsi qu'au bourg de Carres : Car en ce lieu luy entré au temple, & les portes bien barrees & fermees, il accomplit par ses enchantemens & impostures des execrables sacrifices de Magic. Là pareillement on trouua apres sa mort vne femme, en l'estat qu'il l'auoit haut esleuee & pendue par les cheueux, laquelle il ouurit & fendit, pour trouuer ce qui aduiendroit.

*La magie et necromance de Iulien, publiée apres sa mort.*

*Ce que Libanius en son oraison funebre de Iulien escriuit contre nous :  
& la response refusante ses paroles.  
CHAP. XXXVI.*



E sophiste Libanius composa vne oraison lamentable de la mort de ce meschant prince, laquelle il intitula Iulien, ou la complainte funebre, où il recite plusieurs de ses loüanges: &, selon qu'il luy a pleu, raconte les faits d'iceluy: faisant aussi mention de ses liures, lesquels il dressa contre les Chrestiens, impugnant les sacrez Euangiles, & s'efforçant les refuter comme mensonges: où aussi il dit qu'il demonstra qu'iceux n'estoyent que moquerie & folie. Que si ce Libanius eust allegué autres raisons pour la loüange de Iulien, ie les eusse passees en silence, & me fusse auancé à continuer nostre histoire. Mais puis que se fiant à l'art & force

*Mesonge de Libanius, touchât les liures de Iulien.*

*Paroles de Libanius.*

*Iugement de l'auteur, de la legereté de Libanius.*

*Porphyre et Hecebole sophistes. Refutation des paroles de Libanius.*

*Iulien et Porphyre brocardeurs.*

*Les accusateurs de Socrates Anyt & Melis.*

de parler, esleuant en grande loüange luy & ses liures, il note griefuement nostre Religion: ie ferois iniure à la verité, si ie ne monstrois que c'est vn bauard, & ne le couainquois & reprenois en cest endroit, où il nous a touché. Toutesfois premierement i'exposeray quelque peu de paroles qui sont en son oraison, puis i'adiousteray ma sentēce. Lors dit-il que les nuicts d'huyet estoyēt plus longues, l'Empereur s'addonnāt à ces liures, lesquels sont l'homme Palestin Dieu & fils de Dieu, les refuta par grādes disputes & force d'esprit, & declara que ceste Religion n'est du tout que risée & folie. Parquoy en cest affaire il se mōstra plus sage que le vieillard Tyrien. Mais que ce Tyrien me pardonne ceste chose, & porte patiemment ceste parole, qu'il est vaincu par son fils. Voyla ce que dit ce sophiste. Quant à moy ie sçay bien que cest homme fut trèsbon sophiste, & qu'il a peu beaucoup par son eloquence, ainsi qu'un grand orateur. Parquoy ie tesmoigne & assure deuant tous, que s'il n'eust esté touchant la religion de mesme opiniō que Iulien, vrayement ainsi qu'il estoit grand sophiste, il eut plus brauement harangué & parlé contre Iulien, & dit d'auantage que les Chrestiens: ven qu'il composa des oraisons braues à la loüange de Constance encore viuāt, puis cōtre iceluy defūct mit en lumiere des inuectiues. Que si Porphyre eust receu le diademe Imperial, i'estime que de son stil celebrant les œures d'iceluy, il les eust beaucoup plus estimees que les iniures de Iuliē. Que si pareillement Iulien eust exercé la discipline sophistique, il eust dit que ce mesme sophiste n'eust esté hōme de bien: ainsi qu'il fit de Hecebole, cōme il appert en sa mesme oraison funebre. Or puis que cestuy-cy estoit de semblable opinion que Iulien, & son amy, & si nous voulons dire d'auantage, sophiste: tout ce qui luy a pleu, l'a du tout attribué à Iulien: sus donc que nous le refutiōs selon que nous pouuōs. Il dit qu'aux nuicts plus longues de l'huyet il s'addōnoit à l'estude des liures. Il semble par le verbe de, s'addonner, qu'il venille signifier qu'il s'estudia d'escrire des inuectiues, ainsi que les sophistes employēt tout leur estude à exercer des enfans. Il est aussi credible que parauant il auoit leu ces liures, desquels à sçauoir estāt au sacré ministere quelquefois il auoit vŕé. Il s'addōna donc à ceux de tout son pouuoir & estude longuemēt, mais par la force de son parler, il ne les a point couaincus ne reprins, ainsi que tu dis: mais plustost pour l'imbecillité de son esprit, & defaillance de verité, ainsi qu'il estoit homme plaisant, & volontiers s'esbatant à brocarder, il s'est efforcé arracher & transporter les choses bien fondees & plantees. Car celuy qui entre avec quelque autre en ceste sorte de combat, tantost adultere & depraue aucunes choses, tantost adioustant de soy d'autres, en toutes manieres il supprime la verité, & aux mots & à chacune sentence, il ment & trompe: & pource qu'il est enflambé de haines & inimitiez, non seulement il s'estudie faire, mais aussi dire hostilement: & tout ce qu'il peut trouuer de meschanceté, s'efforce l'imposer à son ennemy. Or que ces deux, à sçauoir Iulien & Porphyre, lequel il appelle vieillard Tyrien, se soyent grandement estudiez & employez en brocards, nous le mōstrerons manifestemēt par leurs liures: Car Porphyre en son histoire qu'il a intitulé Philosophique, merueilleusement taxe par cauillations la vie de Socrates, chef des philosophes, feignant & controuuant contre luy plus de calomnies que iamais ne firent Anyt & Melit, & n'excogiterent, encore qu'ils l'ayēt accusé de ce qu'il inuentoit choses nouuelles à l'encontre des loix anciennes. Et cela vrayement il a fait cōtre Socrates, duquel pour sa temperance, iustice & autres vertus, non seulement Plato & Xenophon, mais aussi le surplus de l'assemblée des philosophes s'esmerueilla, en sorte que

tous

tous le recommanderent comme <sup>a</sup> bien aymé des dieux, & sage par dessus les facultez humaines. Ceste mesme iniure fit cest Apostat, suyuant son pere, à l'endroit des Empereurs auxquels il succeda: Car il reprint chacun, & ne pardôna mesme au philosophe Marc. Et à la verité il a tant outragé Constantin le grand & son fils Constance, que facilement on peut estimer, que non pour autre raison il entreprit ce labeur d'escrire, que pour les detrancher & deschirer: pour ce à sçauoir qu'ils estoient personnages ayants Dieu, & qui auoyent emporté grandes louanges, par leur force, & autres vertus & par vne vraye philosophie. Mais il ne m'est besoin de plus ample probation, pour môstrer que tous les deux ont esté iniurieux: Car cecy est suffisant pour declarer la certaine malvueillance de son courage: à quoy aussi par cy apres cest admirable Gregoire m'aydera & soulagera par ses paroles, lequel a depeinct au vif la nature & meurs de cest Apostat. D'auantage, plusieurs ont monsté que mesme auant ceux-cy, beaucoup s'efforcerent d'opugner la verité de nostre doctrine, réuersans aucunes paroles des diuins oracles, destournans aussi d'autres à leur sens: lesquels pourtant qu'ils auoyent disputé contre telle sorte de gés, ont mis par escrit, pour en eterniser la memoire, les cauillatiôns d'iceux avec leurs confutations. Et entre les autres le tres-docte Origene, lequel fut long temps auant Iulien, a desduit proprement tout ce qui a apporté troubles aux saintes lettres, & ce qui auoit scandalizé les lecteurs, & mettant au dessous les argumens contraires, & l'exposition de chascun passage, ainsi qu'il deuoit, il a refuté les friuoles & obiections sophistiques de ceux qui mal & indoctement les prenoient & interpretoient. De ce porte assez tesmoignage ce qu'il a composé & dédié à Marcel Galate, lequel a pareillement rescrit laborieusement à <sup>b</sup> Porphyre, duquel nous auons parlé, dressant liures touchant ces matieres, auxquels pour l'abondance des paroles veritables, il a fait que ceux qui les lisoient, ne sçauoyent que dire au contraire. Que si Iulien n'eust leu si haustiement ces liures, iamais il ne fust trebuché à escrire ces cauillations & blasphemes. Mais il est assez de ce manifeste, que Iulien s'estudia à vser de lardons, brocards & gaberies, non enuers ceux qui tiennent la solide verité & forme de pieté, mais les hommes simples & ignorans: Car apres que des escritures il a cueilly & assemblé tout ce qui estoit dict de Dieu, & principalemēt de l'œconomie de Iesus Christ, & administration de nôtre salut, selon la façon de faire des homes, & selon que les choses le requierent pour nostre intelligence, Ce fait il infere & conclut en ces paroles: Parquoy de toutes ces choses, si'il n'y a quelque raison qui contienne en soy vne secrette contemplation, il est à conclure que les liures dont sont extraictes telles choses comprennent beaucoup de blasphemes de Dieu. Il dit cela au tiers liure contre les Chrestiens. D'auantage en ce liure lequel il a inscript du Cynicisme, disputant comme il faut feindre des fables sacrees, il couche ces paroles, Il faut que de telles choses la verité soit cachée: Car nature veut estre secrette, pareillement elle ne permet que par paroles nues, on aduance aux oreilles impures ce qui est secret de l'essence des dieux. Desquelles paroles il est assez manifeste qu'il se doute & soupçonne, que quelque chose mystique & secrette est cachée en la sainte escriture. Il semble pareillement qu'il se courrouce, de ce que tous n'ont vne mesme opinion que luy, & reprend par colere les Chrestiens, de ce que trop simplement ils prennent les paroles des oracles. Mais il ne falloit pas pour la simplicité de beaucoup, qu'il s'esleuast en tel orgueil contre les escritures sacrees: pourtant ne deuoit-il pas les hayr ou despriser, si luy les entendant mal, tous ne les prenoient ainsi qu'il luy sembloit. Au reste le mesme luy est aduenue, qui escheut à son pere & maître Porphyre: Car estant batu par aucuns Chrestiens en Cesarée, pour ce qu'il n'enduroit patiemment ceste iniure, esmeu d'une chaulde-côle renonça le Christianisme, & par despit & haine de ceux qui l'auoyent blessé, s'adonna à dechiquer meschamment par conuices Iesus-Christ, & les escritures des Chrestiens: ainsi que le tesmoigne Eusebe de Pamphile, lequel refuta brauement les liures d'iceluy, composez contre nous. Iulien en cas pareil à l'occasion des similes, par arrogance ayant conceu contre tous les Chrestiens vn malalent & impetuosité furieuse, fut transporté à la rage de Porphyre. Parquoy tous deux sont detestables, à sçauoir pour ce que prudemment & sciement ils ont embrassé l'impiété, & qu'ils portēt la peine de leur peché volontaire, & receu de propos delibéré. Or Libanius lors que se moquant de nous, ils font, dit-il, l'homme Palestin Dieu & fils de Dieu, sēble auoir oublié qu'en la fin de l'oraison de laquelle auôs ja parlé, il raconte Iuliē au nôbre des dieux: disant que le premier messager de sa mort, fut quasi assommé de pierres, cōme mēsonger à l'encōtre de Dieu. Et quelques paroles interposees, de rechef il s'escrie: O nourrisson des demōs! ô sectateur des demōs! ô asseſſeur des demōs! Et nō-obstāt qu'iceluy par ces paroles entēdist autremēt, touteſois l'estāt seruy d'un ſurnom ou dictiō equiuoque, il sēble ce mesme dire, q̄ les Chrestiens diſēt de Iuliē à ſō deshōneur. Que si ce sophiste a fait ceste oraison ſeulement pour louer cest apostat, il deuoit vrayement reicter la dictiō ambigue.

Mesme auant Porphyre & cest Apostat plusieurs opugnerent nostre doctrine.

Origene deſcend la Chreſtiente, eſcrivant contre Marcel Galate & Porphyre le Tyrien.

Les paroles de Iulien, touchant nos ſacrez liures.

La cause pourquoy Porphyre renonça Iesus Christ & se banda contre la Chreſtiente.

Peché à la mort.

Libanius fait Iulien dieu l'appellant demō.

Demons diſtinction equiuoque, ou pour un bon Ange, ou un diable.

<sup>a</sup> bien aymé des dieux] Iustin philosophe & martyr de Iesus Christ, raconte Socrates & Heraclitus au mesme catalogue des saints, avec Abraham & Helie, comme vrais observateurs de la parole de Dieu.

<sup>b</sup> Porphyre] Origene & Porphyre furent ensemble disciples de Plotin, lequel Origene vescuſt iusques au temps de Probus. Suidas.

Ce qu'il semble auoir fait autre part : car estant reprins asprement de quelque parole, il en fait mention en ses oraisons. Mais à sçauoir comme Iesus Christ est homme & Dieu : & ce qui en luy apparoit est homme : & ce qui est compris par l'intelligence est Dieu, & de rechef comme il est homme & Dieu, l'un & l'autre assez clairement sont montrez par les escriptures sacrees & diuines, & ce les Chrestiens congnoissent & entendent. Or comment les culteurs de la superstition

Esaye 7.

Les idolâtres ont ren-  
gè au nom-  
bre des  
dieux des  
hommes tres-  
vilains.

Liures des  
Grecs expo-  
sans la folie  
de leurs  
idoles.

Peuple,  
ancien gen-  
re de veste-  
ment à usa-  
ge de femme.

Grecque pourrout ils ce congnoistre, auant que croire? Car cecy qui est dit par l'oracle du diuin esprit l'empesche: Si vous ne croyez, vous n'entendrez point. Il estoit donc plus raisonna-  
ble que ceux qui ont mis plusieurs hommes au reng des dieux se cachassent de honte avec leurs robes: Car quels hommes, ie vous prie, ont ils nombré avec les dieux? Vrayement il seroit à souhaitter qu'ils fussent iustes & temperans, ou autrement esprouuez en integrité de meurs. Mais on trouue tout le contraire en eux: veu qu'ils ont accompli le cours de leur vie en yurgneries & vilaines paillardises. Cela declarent assez Hercules, Denis & Esculape: par la diuinité desquels Libanius n'a point de honte de iurer en ses liures. Que si par le temps il estoit loisible, & que le tēps permit racôter leurs amours insensees, & autres folies, elles esmouueroyēt vrayement vne grande risée longue & comme continuelle entre les personnages sages & prudens. Mais pour la congnoissance de ceste chose satisfera le peuple d'Aristote, la coronne de Denis, le liure de Regin, faisant mention de plusieurs choses, & toute la troupe des Poëtes, lesquels ayans exposé les faits d'iceux, ont laissé à la posterité plus-tost des radoterics & folies, que quelque Theologie. Or il sera assez clair par ce qu'en brief nous narrerons, que les Grecs ont esté trop prompts & faciles à honorer les hommes, voire des hōneurs des dieux, & ce contre toute raison & equité. Car l'oracle public aux Rhodiens, lors qu'ils estoient oppressez de griefue calamité, que s'ils vouloyent adorer Atis, iadis sacrificateur en Phrygie, par sacrifices insensez: il aduiendroit qu'ils seroyent deliurez de leur affliction. Ceste responce fut telle:

„ Que ce grand dieu Atis soit de vous imploré,  
„ Car non moins qu'Adonis de Venus deploré,

„ Ou que ce dieu Bacchus, joyeux & cheuelu,  
„ Il octroye des richesses.

Il chaftra  
tous les en-  
fans pour  
l'usage de  
Venus lava-  
gabonde.

Alexandre  
dieu.

Cleomedes  
lucifere,  
dieu.

L'oracle fut tel, qu'il commanda qu'on eût à seruir & recongnoistre, par mesmes honneurs qu'Adonis & Bacchus, cest Atys Phrygien: lequel pour la rage d'amour qui le brusloit, se chaftra soy-mesme. Pareillement aussi Apollon le demon donna tel oracle, lors qu'Alexandre le Macedon passoit par l'Asie, avec la faueur des Amphictions.

„ Celebre & Iuppiter en souveraineté,  
„ Celebre & la deesse, qui met l'hostilité  
„ Sous ses pieds par sa force, Minerue la guerriere:  
„ Puis ce Roy Alexandre, qui d'humaine maniere  
„ Est un viure cy bas, mais vrayement est Dieu

„ Caché sous corps humain, qui de celeste lieu  
„ A tiré sa lignee: à ce qu'en ordre droit  
„ Il compose les meurs du peuple en tout endroit:  
„ Maintenus sous sa main par loix bien balacees.

Ainsi cest oracle flattant la puissance d'Alexandre, le fit Dieu. Mais il ne seroit raisonnable passer Cleomedes le lucifere & combattant: lequel ayans augmenté de diuins honneurs, ils ont aussi exorné de tel oracle:

„ Le dernier des grands princes, denommé d'Asypalle,  
„ Cleomedes est dieu: que d'un visage palle  
„ Et contrit on l'adore, qu'on face sacrifice,  
„ Et dresse des autels: car on luy doit seruice.

Pour laquelle responce Diogenes le Cynique, & le philosophe Oenomaüs mespriserent l'oracle d'Apollon le Pythien. Les Ciziciens aussi publierent que l'Empereur Adrian estoit le treizieme dieu. Pareillement cest Adrian infera au nombre des dieux son amoureux Antinoüs. Or que Libanius tres-excellent sophiste à bonne cause se moque de ces choses, & qu'il dise tres-bien que ce n'est que moquerie & babil. Lequel est le premier, s'il y a quelque autre, qui ait congneu amplement les oracles des dieux: & ce seul liure lequel les Alexandrins ont escrit de la vie d'Alexandre. Et nonobstant il n'a point de honte faire Porphyre dieu, par dessus ceux que nous auons dit. Que ce vieillard tyrien, dit-il, me soit propice: à sçauoir pour ce qu'il prefere les escripts de l'Empereur aux liures d'iceluy. I'ay raconté ces choses par digression, pour les cōtumelies du sophiste Libanius: lesquelles il a vommy contre nostre religion. Lequel par apres on dit qu'emmené & gagné par la frequente conuerlation qu'il auoit avec le diuin Basile, il renonça à sa superstition & fut fait Chrestien.

Adrian  
dieu.

Antinoüs  
dieu.

Porphyre  
dieu.

Libanius  
fait Chre-  
stien.

• Prudence au liure premier contre Symmache monstre cecy plus appertement, disant:

Faut-il d'Antinoüs que ma muse recite,  
Lequel assis au ciel, encor ce prince incite  
Aux chatouilleux plaisirs, qui est dieu consacré?  
Celuy du-je qui gist de sort viril chastre  
Au giron purpurin d'Adrian, qui l'embrasse

Com' son Ganymedes: non pas qu'aux dieux il verse  
Les plains verres de vin, mais ioint haut de la couche  
Pres du grand Iuppiter il enrose sa bouche  
Du Nectar precieux? ensemble aux temple octroye  
Avec le sien mary, les vœux qu'on luy enuoye?

De





M Ais à sçauoir de quelle conuerſation de meurs, & compoſition de corps; eſtoit Iulien, comment il finiſt ſa vie, enſemble ſe voulut faire dieu, ie ne peux emmener plus riche teſmoin, que ce Gregoire grand en Theologie, lequel veſcut avec luy, & frequenta meſmes eſcoles, & congneut les affaires d'iceluy mieux qu'aucun autre, & ſe mocqua d'icelles, ainſi qu'il eſtoit raſonnable: pareillemēt les publiā par inuectiues. Parquoy en ſon inuectiue ſeconde contre Iulien, & les ſectateurs de la religion Grecque, il recite cecy de luy: Or Iulien (dir-il) monſtra ces choſes aux autres, lors que l'experience, & ſa puiſſance fut cōfirmee: mais elles me furent congneues de plus long temps auant, à ſçauoir dēs ce temps que ie fus avec ceſt homme à Athenes: Car il vint en ce lieu non long tēps apres que ſon frere auoit braſſé contre l'Empereur nouuelles entreprinſes: ce qu'il fit pour oſter tout ſouſpeçon de ſoy, touchant ceſte offence. Et pour lors il eut deux cauſes d'eſtre venu à Athenes: l'une vrayement plus honneſte, pour congnoiſtre les choſes Grecques, & veoir les eſcoles d'Athenes: l'autre plus ſecrete & à peu de gens congneue, qui eſtoit pour ſ'employer aux choſes eſquelles il eſtudioit grandemēt, les apprenant en ce lieu des ſacrificateurs & ſeduc̃teurs, pourtant que l'impieré tant execrable n'obtenoit encore pour lors ſa pleine liberté. Lors il me ſouuient que ie ne coniecturay mal, pour congnoiſtre ce perſonnage: Et nonobſtant que ie ne fuſſe l'un de ceux qui excellent en tel art, touteſois la diſſimilitude & changement de ſes meurs, & le grand eſtonnement que i'en ay eu, me firent Prophete: car celuy qui coniecture & deuine bien, eſt eſtimé tresbon Prophete. Vrayement, ſa teſte non arreſtee: ſes eſpaules mobiles, qu'il auançoit d'un coſté, puis d'autre: ſes yeux voltigeans & errans ça & là, ayans un regard furieux: ſes pieds inſtables & tremillans des genoux: ſon nez ſoufflant contumelie & contemnement: ſa face digne d'eſtre moquee, apportant avec ſoy un meſme vice: ſon ris immodéré, eſbranlant par ſon excés tout le corps: le ſigne de ſa volonté fait des yeux, ou de la teſte, ou pour accorder ou nier quelque choſe, deſgarney de raiſon: ſa parole peſante & retranchée par reſpiration: ſes interrogations indiſcrettes, ineptes & ſans aucune grace: les reſponces de rien meilleures les vnes ſur les autres, ne ſ'entretenantes aucunement, & ne prouenantes en rien d'une inſtitution de liberale doctrine, me ſemblerent eſtre indices d'un homme depraué. Mais que raconteray-je tout à par ſoy? Ie l'ay veu tel deuant ſes actions, quel ie l'ay congneu en ſes actions meſmes. Que ſi ceux m'aſſiſtoyēt,

*Rien en la terre n'eſt plus monſtrueux que Iulien. Diuerſes opinions de la mort de Iulien.*

lesquels furent lors avec moy & m'eſcouterent, ils ſeroyent teſmoins que ſoudain que i'en veu ces choſes, i'ay dict: O bon Dieu! quel grand mal nourrit l'Empire Romain! Et ie predy iuſques là ces choſes, & deſiray eſtre Prophete menſonger & deceu. Ce qui euſt eſté vrayement meilleur, qu'ainſi tout ce monde noſtre fuſt remply de ſi grands maux, & en iceluy fuſt un tel portente & prodige, quel n'a iamais eſté auparauant: nonobſtant qu'on ait publié beaucoup de deluges d'eaux, beaucoup de bruſlemens, pluſieurs concuſſions & ouuertures de terre, outre ce des eſpeces inhumaines & cruelles d'hommes, & des natures de maniere non accouſtumeē & nouuelle, monſtrueuſes & meſlees. Mais auſſi il emporta ſa fin digne de telle temerité, folie & importunité. De laquelle il n'y a pas ſeulement une opinion, veu que les uns diſent d'une ſorte, les autres d'autre, & en parlent communément en diuerſes manieres, tant ceux qui aſſiſterent à la bataille, que ceux qui en furent abſens de loing. D'aucuns font bruit qu'il fut trāſpercé d'un dard par les Perſes, lors que non ſans grande ſtolidité cheuauchant tantōſt d'une part, tantōſt d'autre, il faiſoit des courſes mal baſties. D'aucuns y a qui racontent cecy de luy: Qu'il monta ſur une montaigne, pour de là, comme d'un haut lieu, illuſtrer & deſcouvrir ſon camp, & cōgnoiſtre combien depuis l'entreprinſe de ceſte guerre il luy reſtoit de compagnies. Et lors ceſte multitude iugée de luy plus grande & ample que n'eſtoit ſon eſperance, il dit en ceſte ſorte: O qu'il ſeroit grief & peſant, ſi tous ceux-cy eſtoyēt emmenez en l'empire des Romains. Pour laquelle parole par luy dictē, cōme ſ'il fuſt faſché de leur ſalut, quelque gend'arme l'entendāt, eſmeu & ne pouuant plus reſrener & moderer ſa colere, ſans auoir eſgard à ſon ſalut, luy perça tout outre le coſté d'une eſpee. D'autres diſent que de la compagnie des Barbares un plaiſant badin, du rang de ceux qui ont accouſtumé ſuyure le camp, non pour autre choſe que pour dōner quelque paſſetemps & conſolation à ceux qui ſont en triſteſſe, & faire rire les gens aux cōpotations & yuongneries qui ſ'y font, entreprit & oſa accomplir ce coup. D'autres auſſi donnent la louange de ce meurtre à quelque Sarrazin. Toutesſois quoy que ce ſoit, il receut playe mortelle, ioyeuſe & ſalutaire à tout le monde: & d'un ſeul coup il porta la peine en pluſieurs entrailles, par leſquelles il auoit mal creu en reiectant la vraye & ſyncere foy. C'eſt vrayement merueille comment ce tres-grand fol, lequel ſ'eſtimoit tout congnoiſtre par l'art de deuiner, ne peut entendre & preuoir ceſte ſeule choſe, à ſçauoir la playe de ſes entrailles & boyaux. D'autre part, il me ſemble qu'il ne faut paſſer ce faiēt de ceſt homme, lequel entre autres plu-

*Iulien à sa mort affecté & diuinité.*  
*Iulien fut déclaré dieu par les oracles des idoles, ainsi que à la fin de ce liure nous ex- trait de Suidas.*

seurs est tres-grand indice d'un esprit demoniacle. Il estoit estendu au riuage d'un fleuve, tra- uillant griefuement de la playe qu'il auoit receue, & par ce qu'il sçauoit plusieurs auant soy auoyent receu telle gloire, que mesme plus que les hommes, voire plus que les dieux ils estoient estimez, à cause que par quelque industrie ils furent ravis du nombre des hommes: luy-mesme esprins & saisi du desir de telle loüange, avec ce qu'il estoit honteux de telle sorte de mort & de la villenie, en laquelle il estoit tombé par temerité mal-aduisee: qu'est-ce, ie vous prie, qu'il entreprend, & fait? Car la meschanceté ne s'esteint, voire avec la vie. Il s'efforce se ietter en l'eau, ayant en cest entreprinse quelques secrets & fideles aides, & quelques sacrificateurs, ainsi que si ce fust quelque chose diuine. Et si quelcun des Eunuques Imperiaux aduertit de ce fait & l'ayât communiqué à d'autres pour l'execration de telle enormité: n'eust empesché ceste violence: il eust esté nouveau dieu enuers les hommes indoctes. Escoutons ce qu'ensemble adiouste par apres ce diuin Gregoire: Les farseurs & badins le conuoyèrent mort avec toute villenie scenique, & accompagnerent son conuoy, chantans de flustes, & sautans, & luy reprochans honteusement l'abiuration de la Religion, la perte de la guerre, & sa mort propre: Car quel mal n'a-il endure? Et qu'est-ce qu'il n'a ouy de ces choses, desquelles telle sorte de gens ont de coustume d'vser iuuenilement, & qui ne sont autre estat que d'injurier? iusques à ce que la ville de Tharse l'ait receu, ie ne sçay comment, ou pour quelle cause elle fut condamnée à vne si grande contumelie. En ce lieu il a vn tombeau deshonoré, & sepulcre detestable, voire auquel on deuroit cracher, indigne d'estre veu des yeux de quelque homme de bien. Et ainsi que j'ay entendu de quelcun, le sepulcre mesme ne l'a peu retenir, mais la terre laquelle pour luy fut esmeue, esbranlée & ietta hors sa charongne, en ce faisant luy baillant les arres des supplices futurs. Et vrayement selon qu'il a imperé & fait la guerre, ainsi vilainement il finit sa vie.

*Qu'il monta sur vne montaigne] Socrates escrit que Iulien cheuauchant à l'entour de ses compagnies, par temerité & fiance trop grande, qu'il auoit concense pour l'aduantage qu'il pensoit auoir sur ses ennemis, ainsi qu'il admonnestoit ses gens d'auoir courage il fut frappé d'une lance sans y penser, laquelle luy transperça le bras & le costé.*

*De l'Empire de Iouinian, ayant & craignant Dieu, au pays de perse.*  
 chap. XXXVIII.

*Iouiniâ déclaré Empereur. Iouinian accordé avec les Perse, et leur cede vne partie de la Syrie & Nisibe. Ce que les Antiochiens, taxerent ainsi que nous mon- strerons par Suidas en la fin de ce liure. ces paroles sont de S. Gregoire Nazianzen.*



*Theodoret escrit que furent faites tres-fues pour trois ans.*  
*D'où vint la faulte de cest accord.*

Le iour d'apres les gens d'armes & capitaines du camp r'apportent que Iouinian estoit Empereur, homme en toutes choses illustre, mais speciale- ment en vraye pieté, & du tout selon sa face & stature de corps, digne de l'Empire. Lequel parauant auoit esté tribun, lors que Iulien offroit l'option aux gens d'armes ou qu'ils sacrifassent aux dieux, ou qu'ils deposassent le baudrier de guerre, & dignité qu'ils pouuoient auoir receue: en sorte que cestuy-cy ayma mieux l'un, que d'obeir à ce mauuais commandement. Or Iulien contrainct par necessité de la guerre qu'il auançoit si fort, enmena avec soy accompagné d'autres ce Duc en Perse. Lors en ceste region hostile estant esleu Empereur, ainsi qu'il estoit plus braue que les autres, il reiecta ceste dignité, & ne voulut recevoir le diademe Imperial: disant qu'il ne pouuoit, luy qui estoit Chrestien, commander aux hommes qui auoyent apprins à Grecizer & suyure les superstitions. ce qu'il fit, iusques à ce que tous de mesmes voix asseurerent qu'ils estoient Chrestiens. Au surplus apres auoir accepté la charge à ces conditions, luy voyant que l'expedition encommencee par son predecesseur estoit hazardeuse & que les choses estoient en grand trouble, tant pource que le camp estoit estonné de ce qui estoit adueni au gouuernement del'Empire precedent, & qu'il estoit oppressé de faute & indigence de choses necessaires, il congneut qu'il luy estoit expedient sortir de la guerre par quelque accord. Parquoy il ceda quelques lieux aux Perse, lesquels parauant estoient del'Empire Romain, à sçauoir la Syrie & Nisibe qui est en Mesopotamie, & leur accorda ces places moyennant quelques conuentions, & rompit son camp. Ce qu'il fit pour maintenir la dignité del'Empire, cōtrainct toutefois par necessité, estât non tât successeur de l'empire, que de la perte & desconfiture. Que s'il n'eust ce fait, & les Perse ne se fussent montrez modestes, & que bornans le succès heureux de leurs affaires, craignans quelque autre chose, ils n'eussent proposé des conditions de paix humaines, plus douces qu'on n'eust estimé, rien vrayement n'eust empesché, que par apres ne mesme vn seul message (cōme on dit) fut eschappé sain & sauf de la guerre. Parquoy venu en telle necessité, à ce qu'il conseruast ses nerfs & forces au peuple Romain, il s'accorda avec ses ennemis sous cōditions vilaines & indignes, ayant ce causé plus la remerité de l'Empereur dernier decedé, que sa timidité & couardise, ou de ses gens d'armes. Et à mon iugement il me semble que celuy sera bien meschant qui iettera la coulpe de ceste pacification sus Iouinian, n'ayant esgard quant & quant à Iulien l'Apostat: Car le blé debout est plus tost à celuy qui a ensémené la terre, qu'à celuy qui la moissonne: & l'embrasement de feu ne doit estre attribué à celuy qui s'efforce l'esteindre, mais qui l'a vne fois excité: & ce qui est en Herodote, Histice a cousu ce soulier, mais Aristagoras l'a chaussé.

*Comme*

*Comme Iouinian relascha l'exil aux Euesques qui estoient bannis, & restitua honorablement les sacrifices accoustumez des Chrestiens aux Eglises, & abolit le seruice des idoles.*

*Chap. XXXIX.*



**L**ouinian l'Empereur enseigné par experience que par diuine vengeance Iulien auoit esté de griefs maux affligé, escriuit par tout, à tous les lieutenans & gouverneurs, qu'ils endurassent toutes personnes faire librement le diuin seruice, s'assembler, & de cœur & entier courage seruir Dieu : & qu'en l'Empire Romain fust obseruee vne foy & vne religion, à sçauoir des Chrestiens. Il restitua aussi aux Eglises leurs droicts anciens : & remit tout ce que pour augmèter le seruice diuin auoit esté iadis par Constantin & ses enfans concédé & confirmé par loix au Clergé, vesues & vierges, que Iulien auoit osté & retranché ainsi qu'il estoit garny de meschant conseil, & portoit grande haine à nostre foy. Il donna aussi ceste generale constitutiō au lieutenant du pretoire, que d'ores en auant on punist capitalement celuy lequel oseroit, ie ne diray raiuer vne vierge sacree, mais seulement l'entreprendre, ou pour la prendre en mariage, ou sur elle ietter vn regard impudique. La cause qui l'esmeut de publier ceste loy, estoit, que quelques mauuais & impudiques hommes auoyent contracté telle sorte de nopces meschantes & incestes, & auoyent corrompu les vierges ou par force, ou par belles promesses : au temps que toute mauuaise coustume & vilaine paillardise estoit permise sous l'Empire de Iulien, & que nostre Religion estoit en peril. Parquoy les Eglises de Dieu de rechef furent ouueres : & les temples des Grecs fermez, & les dieux se cachèrent aux cauernes & secrets de terre. Et ceux qui iusques en ce temps auoyent vsé de sales manteaux, retournerent à leurs communs habillemēs. Les libations & contaminations sanglantes, lesquelles on auoit accoustumé faire publiquemēt, desquelles on auoit abusé sous Iulien iusques à la satieté, prindrent fin & cessèrent : Et tous les Euesques, lesquels par Iulien ne furent reuoeuez d'exil, furent par luy r'appellez & se retirerent chacun en leur maison.

*Les Chrestiens remis en leur entier.*

*La Chrestie tere florit. L'idolatrie s'aneantit.*

*Les Euesques bannis reuoeuez.*

*« & remit tout ce &c. » Par constitution crieé publiquement, Iouinian commanda les prouisions annuelles estre restituées aux Eglises : Mais pourtant que la famine estoit grande, aduenue pour l'impieté de Iulien, en sorte qu'on vendoit le bled bien cher, il ordonna que la troisieme partie des prouisions fust donnée au Clergé, & promit soudain la famine appaisée, leur faire bailler le nombre entier de froment. Theodoret, li. 4. ch. 4.*

*Comme les Macedoniens presenterent requeste en Anrioché à Iouinian, & comme le Concile en ce lieu approuua la foy de Nice, & enuoya sa confession escripte à l'Empereur.*

*Chap. XL.*



**A**pres peu de temps les Prelats de l'Eglise esmeurent de rechef des questiōs touchant la doctrine : Car sous l'Empire de Iulien pourtant que la foy estoit du tout en peril, ils s'estoyent tenus quoy les vns avec les autres, communément implorans Dieu par prieres, à ce qu'il deliurast la religiō de tyrannie si grande : Car telle est la coustume des hommes, que lors que d'autre part quelque danger panche sur eux, les citoyens soyent en repos ensemble : que s'ils ont paix aux estrangers, ils esmouuent & excitent en la maison des seditions. Or les Euesques des Eglises, cōnoissans la pieté du Prince, estimerent qu'il le falloit par tous moyens preoccuper & premierement employer pour soy. Et chacun d'eux croyoit qu'ils auoyent pour soy l'Empereur, & qu'il condescenderoit à la foy de leur faction, & que de là par son autorité ils auoyent plus grande liberté contre ceux, lesquels leur sembloient contrarier. Mais iceluy dès le commencement s'estoit rengé à la profession du Consubstantial, & lors aussi la maintenoit. Les Macedoniens se presenterent premiers de tous, lesquels reiettoient l'heresie de ceux qui estoient appelez Anomiens, c'est à dire inegaux : & receuoient l'Equisubstantial, pour le Consubstantial. Iceux offrirent vne requeste & supplication à l'Empereur, en laquelle ils rendoyent graces à Dieu de son Empire : & demandoient par apres que ceux-là estans reiettez des Eglises lesquels affermoient l'Inégalité, les Eglises leur fussent commises pour gouverner. D'auantage, ou que les ordonnances & arrests du concile d'Arimin & Seleuce demourassent fermes, & que ce que par aucuns contre iceux auoit esté fait par force, fust de nulle valeur : ou que le schisme precedent & diuision remise comme au parauant, il fust permis à tous Euesques s'assembler en quelquelieu qu'ils vouldroyent. A laquelle assemblee ils prièrent qu'aucune personne profane n'assistast : semblablement que celuy ou qui auoit monopolé quelque chose à part, ou entrepris de tromper, ne fust iouissant de sa fin & intention, ainsi qu'il fut fait & ordonné sous Constance. Ils donnerent aussi à entendre, que sans la volonté du Prince ils ne viendroyent

*On remet en auant des questions de la foy.*

*Chacun se veut gagner pour soy l'empereur.*

*Les Macedoniens presenterent leur requeste à l'empereur.*

*Les nōs des  
supplians.*

*Belle res-  
pō-  
ce d'un Prin-  
ce aux re-  
questes des  
heretiques.*

*Concile de  
Antioche,  
auquel est  
confirmé le  
symbole de  
Nice.*

*Leurs noms  
sont en So-  
cra. l. 3. c. 25  
Rescript du  
Concile à  
l'empereur.*

*La significa-  
tion de la  
diction cō-  
substantial.*

à la court & suite de l'Empereur, à ce qu'ils ne semblaissent estre molestes. Que s'il leur estoit permis, ils montreroient que tres-volontiers ils le feroient à leurs propres cousts & despens. Or ceux qui supplierent le Prince en ceste sorte, furent Basile Ancyran, Sylvain de Tharse, Sophroine Pompeiopolitain, Pausinic Zelein, Leōce Comanin, Callicrate Claudiopolitain, Theophile Castabalin, & autres. L'Empereur ayant receu leur requeste, ne leur donna response, mais dit seulement ceste parole: Je hay l'estude de contention, & embrasse & ayme grandement ceux qui poursuyuent paix & concorde. Laquelle sentence venue iusques aux oreilles des autres, rompit le fil à l'intention de leurs debats, & fit que le conseil de l'Empereur succeda, & eut son effect: Car on congneut le neud de l'altercation de ceux qui suyuoient la sentence d'Acace, & tousiours manifestement accommodoyent leurs opinions au iugement des princes. De faict iceux voyans que Meletie euesque d'Antioche estoit en grand credit vers l'Empereur, lequel lors estoit en ce lieu, apres auoir parlé & deuise avec luy, firent que le concile fut de rechef celebre en Antioche. Ce Meletie estoit celuy, lequel vn peu auparauant s'estant separé d'eux, se retira à la profession du Consubstantiel. Parquoy le concile assemblé en Antioche de Syrie, ils establirent & confirmerent la foy de Nice, à sçauoir que sans aucune doute le Fils fut dit Consubstantiel au Pere. En ce concile furent & assisterent celuy que nous auons dit saint Meletie Euesque d'Antioche, Eusebe Samosatein, Pelage de Laodicee en Syrie, Acace de Cesarée en Palestine, Irenion de Gaze, Athanase d'Ancyre, par Ophit & Aetie Prestres, Tite de Bostre, & autres plusieurs Euesques insignes personnages. Cest affaire despesché, ils rescriuirent pareillement à l'Empereur en telle maniere ce qu'ils auoyent decreté: Au tres-pitoyable & tres-grand amateur de Dieu nostre Seigneur Iouinian vainqueur, Auguste, le concile des Euesques assemblé de plusieurs prouinces en Antioche. Nous auons tres-bien congneu, Empereur tres-ardent amateur de Dieu, que ta pieté, ô Prince! s'est estudee concilier la paix & concorde ecclesiastique. Nous ne sommes pareillement ignorans qu'elle a assez congneu & le chef de ceste vnion, & le signe de la vraye & entiere foy. Parquoy à ce que nous ne soyons mis au reng de ceux lesquels deprauent la doctrine de verité l'adulterant, nous rapportons à ta pieté, que nous receuons & renons la profession de foy du concile de Nice, celebre il y a long temps. Nous disons aussi que quant à ce mot de Consubstantiel, lequel semble à aucuns estrange & insolent, nous l'auons receu des Peres & a esté certainement par iceux interpreté. Signifiant icy luy que le Fils est engendré de la substance du Pere, & que le Fils est egal en substance au Pere: Car on n'entend point en ceste ineffable generation quelque passion: & le verbe de Substance n'est prins & usurpé selon quelque vsage ou coustume des Grecs. Mais il est frequemment usurpé pour renuerser Arrius, lequel a osé meschamment nous forger vn fils produit de choses qui n'ont point estre. Ainsi qu'encore de present ceux qui se sont leuez, les Anomiens, c'est à dire Inegaux, lesquels se portent plus impudemment, pour par leur graue audace & temerité mettre sous le pied la concorde Ecclesiastique. Nous auons pareillement mis au destours de cestuy nostre rapport l'exemple de la foy de Nice, dressée par les Euesques mesmes qui la publierent: laquelle avec eux nous embrassons. Or elle est telle: Nous croyons en vn Dieu le Pere tout-puissant: & le surplus de ceste formule, alleguee sans auoir chagé aucune chose, ainsi qu'il est raisonnable. Ces choses donc les Euesques qui s'estoyent assemblez en Antioche arresteret, confirmans de mot à mot proprement la foy de Nice.

*De saint Athanase, comme luy reuoué d'exil fut en grand honneur & credit vers l'Empereur, & administra de rechef les affaires des Eglises d'Egypte, avec puissance & autorité.*  
Chap. XL I.

*Athanase  
fut avec Io-  
uinian en  
Antioche.  
Euuoie s'es-  
force faire  
que Probace  
chastre soit  
faict eues-  
que d'Ale-  
xandrie.*



*Athanase  
est accusé à  
l'empereur.*

En ce temps Athanase Euesque du Clergé d'Alexandrie, par le conseil de ses amis partant pour tirer en Antioche, demoura avec l'Empereur: & là l'ayant aduertie & persuadé de plusieurs affaires necessaires, il retourna en Alexandrie. Aucuns disent que plustost il fut appelé de l'Empereur, afin de luy exposer ce qui estoit de faire touchant la Religion: & qu'apres auoir en ce lieu bien ordonné les affaires de l'Eglise, & planté enuers l'Empereur des certains fondemens de foy, il se retira en sa maison. Mais cest Euuoie lequel presida en Antioche à l'heresie des Arriens, s'efforça grandement d'establir au siege de l'Eglise Alexandrine l'un des Eunuesques appellé Probace, pour ce qu'il estoit de son opinion. Et pour ceste cause à la persuation de Euuoie, Lucius Alexandrin ordonné prestre par George, accusa Athanase vers l'Empereur, le chargeant de griefs forfaites, à sçauoir qu'aux temps precedens tousiours il auoit esté rendu coupable en son Euesché, & condamné à exil par les predecesseurs Empereurs, comme autheur de sedition & discorde: & pour ce demanda qu'un autre Euesque fust donné aux Alexandrins. Iouinian non ignorant que les Arriens estoient de courage du tout ennemy bandez contre Athanase, ne fut aucunement esmeu pour ces accusations, ains com-  
manda

manda que Lucius fust plus posé, & non tant importun, & que Probace & tous ses autres Les accusa-  
chastrez, comme autheurs de tous ces troubles, se portassent plus modestement. Mais apres teurs ne  
que par longue accointance il eust fait Athanase son tres-familier amy, le renuoya en Egypte, profitent  
& luy donna charge d'enseigner les Eglises & peuple de ce lieu, selon qu'il verroit estre neces- rien.  
faire. Et dit on qu'il loia grandement ce personnage, pour sa vertu & innocéce de vie, ensemble  
pour l'elegance de son parler, temperé & moderé de quelque prudence admirable, pareillemét  
pour ce qu'il auoit mis par escrit les arrests, & choses bien ordonnees en nostre religion.

*Du concile d'Alexandrie, duquel le grand Athanase enuoya le decret à l'Empereur,  
& comme la profession de la foy de Nice long temps debatue,  
fut restituée en son pristin estat.  
Chap. X L I I.*



R Athanase reuenue en Alexandrie, avec tel honnneur qu'il estoit rai-  
sonnable, rescriuit à l'Empereur, à ce qu'il gardast inuiolablement la foy  
de Nice entiere, veu qu'elle conuient du tout & correspond aux senten-  
ces & doctrines Euangeliques. Car ce Prince luy auoit signifié, qu'ayant  
assemblé vn Concile prouincial, & appellé tous les plus excellens Euef-  
ques, il luy enuoyast quelque certaine formule de foy irreprehensible.  
Rien n'empeschera, que pour l'vtilité de ceux qui liront ces choses, ie  
n'adiouste icy l'epistre d'iceluy de mot à mot. La forme est telle: Au tres-  
debonnaire, tres-humain, vainqueur, Auguste, Iouinian Athanase & les

*Rescrit de  
Athanase  
à Iouinian  
de la senten-  
ce des Euef-  
ques qui e-  
royent avec  
luy touchât  
la professiō  
de foy syn-  
cere & en-  
tiere.*

autres Euefques, lesquels au nom de tous les Euefques d'Egypte, Thebaïde & Lybie se sont  
assemblez. Vrayement l'affection d'apprendre & le desir d'entendre les choses celestes couient  
tres-bien à vn Empereur aymant Dieu: Car par ce moyen quand ton cœur sera en la main de  
Dieu, tu administreras beaucoup d'années en paix l'empire Romain. Veue donc que ta pieté veult  
congnoistre de nous la foy de l'Eglise Catholique, apres graces rendues à Dieu de ton affectiō  
& tel courage, nous auons aduisé deuant toutes choses, qu'il estoit bon à ta pieté reduire en  
memoire la foy publiee par les Peres à Nice. Laquelle aucuns ayas mise sous le pied, ont bras-  
sé cōtre nous diuerses embusches, pour ce que nous voulus suyure l'heresie Arrienne: & se sont  
faits autheurs de plusieurs sectes & diuisions en l'Eglise Catholique. Et vraiment la sainte  
foy en Iesus-Christ nostre seigneur est manifeste & congneue à tous, cueillie & entendue par  
les diuines escritures. En laquelle plusieurs saints personnages venus en perfection, & bien cō-  
sommés, brauement sont trespassez par martyre: & maintenant absous & deliurez des liens  
corporels, se reposent ensemble avec le Seigneur. Et ne fut icelle corrompue, si l'improbité de  
quelques heretiques n'eut esté iusques là temeraire, de l'oser changer & depraver: Car Arrius &  
son peuple se sont efforçez la corrompre, & contre icelle introduire grande impiété, disans que  
le Fils de Dieu est des choses qui ne sont point, & creature & facture, & qu'il est subiect à muta-  
tion. Et à la verité par telles doctrines ils seduirent plusieurs, en sorte mesme que ceux qui sem-  
bloient estre quelque grāde chose, ont esté emportez & ravis en leur blasphemie. Mais les saints  
Peres hastiuement venans au deuant d'eux, ainsi que nous auons dit, le Concile de Nice assem-  
blé, atterrerent & censurerent l'heresie des Arriens par excommunication, & mirent par escrit  
la profession de foy de l'Eglise Catholique & vniuerselle: à ce qu'icelle par tout preschée, l'he-  
resie de nouveau nee & leuee fut esteincte. Icelle donc surleuée & celebree en toute l'Eglise.  
Mais pour ce qu'aucuns, encore de present, voulans renouueller l'heresie des Arriens, osent ab-  
roger la foy publiee par les Peres à Nice: d'autres aussi sous quelque couuerture semblerent  
ceuoit la profession d'icelle, de fait toutefois la nient, interpretas mal le Cōsubstantiel, lesquels  
aussi accueillent le saint Esprit par blasphemies, veu qu'ils disent qu'il est creature faite & bastie  
par le Fils: nous auons estimé que necessairement il falloit enuoyer à ta pieté ceste mesme pro-  
fession de foy de Nice, ayans considéré le grand detrimēt que reçoynent les peuples pour tel  
blasphemie, à ce que ta pieté congnoisse cōme soigneusement & fidement ceste confession est  
escrite, & voye combien ceux faillent & se destournent de la verité, qui enseignent autre cho-  
se qu'icelle. Sache cecy, ô treschrestien Auguste, que ceste foy a esté preschée depuis le monde  
créé, & que ces Peres qui s'assemblerent à Nice, firent d'icelle mesme profession. Pareillement  
que les Eglises par tout esparées l'approuuent d'un commun accord, à sçauoir, celles qui sont  
en Espagne, Bretagne, Gaule, Allemagne, toute l'Italie, Champagne, Dalmatie, Mysie,  
Macedoine & toute la Grece, en toute l'Afrique, en Sardine, Cypre, Crete, Pamphilie, Lycie,  
Isaurie, & toute l'Egypte, Lybie, Pont, & Cappadoce & autres terres voisines. Pareillemēt tou-  
tes les Eglises d'Orient, peu exceptees, lesquelles sentent avec les Arriens: Car de toutes icelles  
que nous auons raconté, la sentence nous est assez congneue, par les lettres que nous auons d'i-  
celles receues. Et nous sçauons, Auguste tresgrand amateur de Dieu, que nonobstant qu'aucuns  
en peu de nombre contrarient à ceste foy, ils ne peuvent toutefois apporter aucun preiudice à

*L'heresie  
d'Arrius.*

*L'heresie  
des Mace-  
doniens.*

*Le symbole  
de Nice.*

*Excommuni-  
cation des  
Ariens.*

*Les vertus  
Chrétiennes  
de l'Empe-  
reur Iouin-  
nian.*

*Thémiste a  
loué grâde-  
ment Iouin-  
nian en son  
oraison con-  
sulaire, &  
nota brave-  
ment la na-  
ture des  
flatteurs.*

tout le monde. Et iceux encore estans depuis long temps infectez de la contagion Arrienne re-  
sistent maintenant, voire en plus grand effort, à la verité. Et à ce que tapieré entende la foy de  
Nice, nonobstant qu'elle te soit parauant congneue, toutefois tous l'auons voulu mettre de-  
dans ces lettres, ainsi qu'elle fut publiée par trois cens & dixhuiet Euesques. La reueü d'icel-  
le est telle : Nous croyons en vn Dieu le Pere tout puissant, facteur de toutes choses visibles  
& inuisibles. Et en vn Seigneur Iesus-Christ, Fils de Dieu, engédre du Pere, vnigenit, c'est à dire  
de la substance du Pere, Dieu de Dieu, lumiere de la lumiere, vray Dieu du Dieu vray : engendré  
non fait, Consubstâtiel au Pere, par lequel toutes choses ont esté faites, tant celles qui sont aux  
cieux qu'en la terre. Lequel pour nous hommes, & pour nostre salut, est descendu : & incarné,  
a esté fait homme, & a enduré : qui ressuscita le troisieme iour : monta aux cieux, & doit venir  
iuger les vifs & les morts. Et au saint Esprit. Mais la sainte eglise Catholique & Apostolique  
excommunie ceux qui disent, que quelque temps a esté auquel il n'estoit point, & qu'il estoit fait  
des choses non existantes, ou d'autre subsistence ou substance, ou qu'il est créé muable ou alte-  
rable. En ceste foy, treisgād amateur de Dieu, Auguste, il fault acquiescer : & ne fault pour quel-  
ques paroles de persuasion ou contention qu'elle soit changée ou muee. Ce qu'ont premiere-  
ment fait les Ariomanites disans, que le fils de Dieu est des choses existantes, & quelque temps  
auoir esté qu'il n'estoit point, & qu'il est basti & créé & pour ce subiect à mutatiō. Pour laquel-  
le cause ainsi que nous auons cy deuant dit, le Concile de Nice anathematiza & excommunia  
cette heresie, & publia la vraye foy. Car ces Peres ne dirent point simplement que le Fils estoit  
egal au Pere, à ce que simplemēt on creust qu'il fust egal à Dieu : mais estre Dieu vray, du Dieu  
vray. Pareillement ils adiouterent Cōsubstantiel, pour ce que ce est propre au Fils vray & ger-  
main du Pere vray & naïf. Ils n'estrangerent aussi le saint Esprit du Pere, & du Fils : mais plu-  
stost avec le Pere & le Fils ensemble le glorifierent, en vne foy de la S. Trinité : pour ce qu'il  
n'y a qu'une diuinité en ladicte sainte Trinité. Ces lettres leües l'Empereur fut solidement cō-  
firmé, & soudain manifestement declara quelle affection & sentēce il auoit des choses diuines :  
Car il obserua & liberalement esleua ceux qui faisoient profession du Consubstâtiel. Sembla-  
blement il eut tousiours ce conseil deuant les yeux, d'appaiser l'effort des débats entre les con-  
tentieux, plus par remonstrances & persuasions, que force : & ne molester aucun quel qu'il fust,  
& quelque foy qu'il suyuit, & ne laissoit rien toutefois du deuoir & office de Souueraine chari-  
té : en sorte qu'il faisoit grand honneur à ceux qui s'efforçoient reduire l'Eglise à concorde &  
vnanimité. Cela tesmoignent auoir esté par luy fait non seulement les Chrétiens, mais aussi Thē-  
miste le philosophe, estimé trescelebre entre les Grecs, en l'oraison par luy écrite, laquelle il de-  
nomma Consulaire. Car les vertus d'iceluy racontées, & loüanges diuines d'iceluy entrelacées,  
de ce principalement il l'exalte, qu'il permettoit à chacun suyure telle religion qu'il voudroit :  
& dit que par ce moyen il rompit les flateries sortes des assentateurs, desquels se mocquāt plai-  
samment & ioyeusement, dit qu'on pouoit discerner & congnoistre en leurs meurs, qu'ils ado-  
rent plustost la pourpre que Dieu : & qu'en rien ils n'estoyēt differens d'Europe, le quel tantost  
eiscoûle d'une part, tantost flotte d'autre, voire en momens contraires.

*a* *Gaulle, Allemagne, ) Il est assez clair que nostre Gaulle, & premieremēt ceste florissante ville de Paris*  
*receut le symbole de foy Catholique au temps des Apostres par saint Denis, Areopagite : en sorte que ceste*  
*citē, au parauant moindre de toutes, avec la foy s'est aussi multipliee en largeur & grandeur : cōme tesmoigne*  
*Syngele en l'oraison à la loüange de saint Denis. Car sous les Apostres furent destineē sept Euesques aux*  
*Gaulles, sous Decius & Gratus : à sçauoir, saint Saturnin, à Tolose : Gratian, à Tours : Teophime, à Arles :*  
*Paul, à Narbonne : saint Denis, à Paris : Stremon, en Auvergne : Martial, à Limoge. Comme prouue Gregoire,*  
*Euesque de Tours, au premier liure de son histoire des François.*

*Pareillement l'Allemagne entre les autres regions d'Europe a retenu l'entiere foy en Iesus-Christ, nō long*  
*temps apres le temps de l'Ascension d'iceluy : & ainsi qu'est euidēt par Irenee au liure second contre les he-*  
*resies, escriuant en ceste sorte : Nonobstant qu'au mōde les langages soyent dissemblables, toutefois il n'y a qu'une*  
*mesme verité de tradition. Et les Eglises plantees & fondees en Allemagne ne croient autrement, ou ensei-*  
*gnent autre tradition, ne celles qui sont aux Espaignes, ou aux celtes, ne celles qui sont en Orient, ou en Egypte,*  
*ou en Lybie : ne celles qui sont establies au milieu du monde. Mais ainsi que le Soleil creature de Dieu est en tout*  
*cest vniuers un & semblable, aussi la lumiere, predication de la verité luit par tout & illumine tous homes*  
*qui veulent venir à la congnoissance de verité.*

*Comme l'Empereur Iouinian finit sa vie en Dadaſtene, avec grand perte de toutes gens de bien.*

*Chap.*

*X L I I I.*

**P** Ar ce moyen Iouinian appaia l'audace de ceux qui par leurs songes & folies auoyent  
entrepris troubler l'Eglise : & la foy de Nice, laquelle long temps au parauant auoit  
esté oppugnee, sous son Empire fut remise en sa premiere gloire & profession. Mais  
ce succez n'estoit pour durer longuement, que ceste foy ne retournaist de rechef en trouble &  
con-



confusion : Car la diuination de ce grand pere Antoine ne paruint iusques à sa fin, par les seules choses aduenues à l'Eglise sous Constâce, mais encore de surplus restoit quelque chose pour accomplir l'improbite, ainsi que par apres tesmoignerent les afflictions endurees sous l'Empire de Valent. Car auant que sous Constance les Arriens eussent la principauté au gouvernement des Eglises, cest admirable & grand Antoine sembloit veoir en songes des mulets avec furie se ruer contre le saint sacraire : & là sautans & frappans des pieds, abbatre la sainte table. Et lors qu'il fust esueillé, il raconta & exposa ce songe, à sçauoir, qu'il aduiendroit que la confusion des doctrines bastardes & monstreuses occuperait l'Eglise de Dieu, & l'effort des asserteurs de sentences nouuelles fouleroit aux pieds la table sacree. Or les choses depuis faites & aduenues sous l'Empire de Valent, declarerent suffisammēt que ceste vision n'estoit vaine ou mensongere, ne pareillement la prediction de ceste interpretation. Cest assez parlé de cecy. Au reste, l'Empereur sortant hastiuement d'Antioche, s'auançoit pour venir à Constantinople. Et arriué en Tharse, il enseuelit là le corps de Iuliē, & y fut le deuoir des funerailles parfait. Le corps d'iceluy fut par cas fortuit, & faute pluſtoſt que par deliberatiō ainsi enterre, pres de tōbeau contenant les os de Maximin, de sorte que le chemin public separoit seulement l'un & l'autre sepulchre. Là aussi declaré Consul, se hastant d'approcher de Constantinople, vint en Bosphore, en un lieu appellé Dadaſtene, borné de Galatie & Bithynie. En ce lieu le Senat luy vint au deuant, & celui que nous auons dit Themiste recita l'oraison Consulaire, qu'il auoit de luy faite : laquelle par apres il publia avec grande liberté en la ville de Constantinople. Or le froid estoit grand, & l'Empereur ayant plus que de couſtume aidement prins des viandes en quelque hostellerie, se retira en vne chambre laquelle de nouveau estoit enduite de chaux, & là se coucha pour prendre son repos : Mais pour ce que le feu estoit trop largement allumé, il tiroit & humoit l'humidité des parois de nouveau blanchies : en sorte qu'icelle petit à petit s'accueillant au nez, estoit pouoit les conduicts par lesquels est tiree & repouſſee la respiration : à la fin il fut cōme estrāglé, en sorte que de là s'ensuyuit la mort de l'Empereur. Il passa enuiron huit mois à l'Empire, se montrant homme bon & honneste : sous lequel les affaires Ecclesiastiques & publiques eussent eu leur succez heureux, si par la fortune du tout aduerse, la mort soudaine, qui le suffoqua, n'eust enuié sur l'Empire Romain un si grand bien. Il mourut le dix-septiesme du mois de Feurier, sous son consulat, & de son fils Varonian, lequel il auoit denoncé & proclamé le tres-illustre d'Ancyre en Galatie, l'an de son aage trentetroisiesme. Or ce dixiesme liure des histoires comprend le temps de trois ans, lors à sçauoir que depuis le monde créé couroit l'an cinq mil huit cens septante-cinq : & depuis la natiuité de nostre Seigneur, trois cens septante.

*Le grand S. Antoine  
moine veit  
en songes  
par reuelation  
les troubles  
Ecclesiastiques.*

*Iuliē enter-  
ré à Tharse.*

*La mort de  
Iouinian.*

*Les ans de  
ce liure.*

*Selon les  
plus recens,  
4345.*

## FIN DV DIXIESME LIVRE DE

## L'Histoire Ecclesiastique de Nicefore.

## Oracle de la mort de Iulien, l'Apostat.

Après que par prouesses tu auras aux Romains  
Surmonté tous les Perses, & sous tes propres mains  
Rengé, tu te viendras en poursuyte de guerre  
Planter iusque en Seleuce, & occuper la terre  
De ton camp copieux : lors un char flamboyant,  
Ainsi qu'en tourbillon, tout le peuple effroyant,  
En hault s'eleuera : & au ciel d'azur  
Ton siege arrestera pour tous temps assésuré.  
Car tu seras deliuré de travail & labeur,  
Tel que les hommes prennent, lors en tresgrand honneur  
Reviendras en la salle & voult de lumiere,  
Ainsi qu'en ton pays & station premiere  
De laquelle party, soudain enuironné  
D'os & membres caduques, fus Prince destiné.

## LIVRE X. DE L'HIST. ECCLESIASTIQUE

Lors que ce mesme Iulien estoit en Ctesiphon, il receut  
telle responce de ses Dieux :

*Iuppiter de son foudre iadis a trauerse,  
Et sous hautes montaignes pesamment renuerse  
La race des Geans, engendrez de la terre,  
Qui contre les celestes vouloyent faire la guerre.  
Ainsi ce Iulien, Empereur des Romains,  
Lequel semble estre Dieu, voire entre les humains,  
Contre les vaillans Perles a dresse ses armées :  
Lesquels, accompagné de bandes animees,  
Par feu & sang destruit, met à sac leurs rempars  
Et haults murs : sous sa main il renge peuples espars  
Par diverses contrees : ainsi qu'aux Hesperies  
Il a les Allemans desfaicts par tueries.*

De Iouinian.

Son pere fut Varronian, & fut né à Singid, en Pannonie. Il fut declaré Empereur : mais peu acceptable & plaissant aux personnes qui estoient dediez à la superstition Grecque : desquels aussi en Antioche il fut brocardé & mocqué en plusieurs sortes, la paix qu'il fit avec les Perles luy causa vne haine enuers le peuple, laquelle soudain aussi fut de ce plus augmentee, qu'à la persuasion de sa femme il commanda que le temple lequel en ce lieu Adrian auoit magnifiquement basti, en l'honneur de son Pere Traian, ainsi que s'il fust quelque Dieu, duquel par apres Iulien fit vne librairie, fust brulé avec tous ses liures. Parquoy cōtre luy furēt publiez plusieurs placars diffamatoires, ou attachez aux parois ou semez par le chemin, en vers d'Homere, par lesquels est descouuert le peu d'esprit de Paris, & la turpitude de Therſites, les luy appliquant par iniure. Quels sont ceux-cy :

*Or tu es reuenu de la derniere guerre  
En laquelle eust esté besoing que sus la terre  
On t'eust mort abbatu.*

Parcillement cestuy-cy :

*Forlignant, & fardé, embrasé d'amourettes, &c.*

Et cecy :

*Que si t'ayant saisi, & du tout despoillé  
De robbe & de manteau, & iusques la fouillé  
Que ie t'oste ce saye qui de ton corps la honte  
Ceins & cache, de toy ne feray plus de comte  
Que d'un petit enfant, car ie te chastiray  
De verges, puis aux Perles cruels t'enuoyeray.*

*Hipodrome  
est vne lice  
& lieu  
pour faire  
courir les  
cheuaux.*

Aussi quelque vieille le voyant excellent en grandeur & beauté de corps, ayant entendu qu'il estoit de peu d'esprit : O que folie, dit-elle, a grād corps. Outre ce quelqu'un du peuple qui estoit en l'hipodrome le brocarda si viuement, qu'il fit rire abondamment ceux qui estoient à l'environ. Car il dit, que sa hauteur estoit vuide & froide & destituee de sentiment.

LIVRE



# LIVRE VNZIESME DE l'Histoire Ecclesiastique de Nicefore, fils de Calliste, Xan- thouplois.

*De la vie & meurs de l'Empereur Valentinian, & de son frere Valens.*

## CHAPITRE PREMIER.



Y deuant nous auons dit en quelle sorte Iulien l'Apostat fut tué: & *Fl. Valer.* aussi comme Iouinian, Empereur, grandement craignant Dieu tref- *Valentinian* passa de ceste vie, aux fins de Galatie & Bythinie. Il reste maintenant *eslem Empe-* de pourfuyure qu'apres son decez le camp arriua le septiesme iour *reur.* à :: Nice, & r'apporta en ce lieu quel'Empereur des Romains estoit Valentinian: lequel cōme il fut entre autres choses homme de bien, *:: Le 25. iour* aussi estoit il digne de cest Empire. Il fut natif de Cibale, en Pānonie, *de Feurier,* braue & bien entēdu aux affaires de guerre, comme celuy lequel de- *Socrates.* puis son ieune aage auoit tousiours vescu au camp, & tousiours fut veu plus excellent en grandeur d'esprit, que n'estoit sa presente for- *prodige dō-* tune. Or retourné d'exil, assista pour lors à Nice. Et dit on de luy ceste chose, que quelque se- *nant a en-* cretaire veid sortir de sa bouche, enuoyon le vespre, vne flamme de feu, cōme le vent & soufle- *tendre qu'il* ment de sa respiration: ce qui aduint sous Constance, lors que Valentinian sortant des bains *seroit Em-* ausquels il auoit purgé son corps, s'estoit retiré sur vn liēt: Car le secretaire auoit esté enuoyé *perceur.* par l'Empereur pour l'appeller à cause de quelque affaire, ce qu'ayant apperceu il racōta à Con- stance. L'Empereur estonné du message de tel prodige, iugea depuis que ce seroit mal fait mo- lester ou troubler cest homme. Et afin qu'il peust remedier à la crainte que lors il conceuoit, il l'enuoya aux limites de l'Empire Romain, pour estre là en garnison & empescher les incursions des Barbares. On dit que par apres il gouuerna la legion des Iouinians, & fut conducteur des bandes avec Iulien: Mais depuis que cest Apostat vint au but de ses affaires, & iouit de l'Empire, le bruit est qu'ayant despouillé Valentinian de ceste dignité, il le commanda à perpetuel exil, *Valentinian* sous ce pretexte qu'il n'auoit pas biē dressé contre les ennemys ses cōpaignies pour marcher *anny par* en bataille: mais à la verité la cause estoit, que lors que Iulien estoit encore en la Gaule Occi- *Iulien.* dentale, & entroit en quelque temple pour sacrifier, accōpagné de Valentinian (car la coustume estoit que les chefs des maisons Iouiniales & Herculiennes qui estoient legions denomtees de *La cause.* Iuppiter & Hercules, suyuissent derriere le Prince) aduint ainsi qu'il entroit au tēple que quel- que sacrificateur l'enrofa avec des feuilles humides & mouillees, en sorte qu'une goutte d'eau *Temple de* tomba sur la robbe de Valentinian: dequoy iceluy contristē, non seulement il iniuria ce sacrifi- *fortune.* cateur, mais aussi à la presence & veuē de Iulien il coupa de son espee & iecta loing l'endroit de sa robbe, auquel estoit venu cest humeur par l'enrolement: de tel ardeur & courage il em- *Note Chre-* brassoit la religion Chrestienne. Parquoy de là en auant Iulien contre luy animé, non long tēps *fiē que ce-* apres l'ayant condamné, commanda qu'il fust à tousiours banny & chassé en exil en Melitine, *ste eau e-* au pays d'Armenie: se couurant (comme nous auons dit) de ceste cause, à sçauoir que ses *stois dediee* gens d'armes s'estoyent monstrez trop lasches. Par ce fait il enuia & fut fesché de l'honneur de *aux idoles,* martyre, lequel pour la religion Valētinian eust volontiers enduré: Car pour ceste cause il par- *& non de* donna aussi aux Chrestiens, pour ce qu'il voyoit que de ces perils ils pourroyent emporter grā- *l'eau benei-* de loüange & gloire. Mais apres que Iouinian est paruenue à l'Empire, Valētinian a esté reuoké *ste des* d'exil. Or Iouinian decedē, par le conseil & volonté de toute l'armee de Nice, & principalement *Chrestiens.*

*Les gens-  
d'armes  
prient Va-  
lentinian  
qu'il choi-  
sisse avec soy  
un compai-  
gnon d'Em-  
pire.  
Memora-  
bles paroles  
de Valen-  
tinian.*

*Valent,  
Arrien.  
Valentinian  
Catholique*

de ceux qui estoient pourueuz & exerçoient les principales dignitez, en premier lieu de l'ad-  
uis & consentement de Daire Patrice, lequel de Galarie luy auoit enuoyé ses lettres, du second  
gouverneur d'Arinthee Duc, & Glaiphe, preuost de l'hostel, il fut esleu Empereur. Et lors  
qu'ayant prins les accoustremens Imperiaux, il estoit porté en vn bouclier, selon la coustume  
militaire, le camp le pria qu'il appellast & print avec soy vn compaignon au gouuernement de  
l'Empire. Lors iceluy leur faisant signe de la main de faire silence, d'une graue & Imperiale sen-  
tence: Il a esté en vostre puissance, dit-il, de m'esleuer de personne priuee à la dignité Imperiale:  
& vous cōfesserez tous que d'administrer les affaires ce n'est plus en vostre pouuoir, mais à ce-  
luy du Prince. Parquoy d'oresnauant c'est à vous à faire & accomplir ce qui vous sera cōmandé,  
& vous reposer: & quant à moy, il fault que ie me soucie de ce qui sera besoing de faire. Lors  
donc il n'accorda aux gens d'armes ce qu'ils demandoyent: mais estant venu en Constantinople,  
le trentiesme iour apres auoir receu l'Empire, il print avec soy pour compaignon del'Empire  
son frere Valent, & luy donna les prouinces Orientales, & quelques Occidentales vers l'Illy-  
ric: & print pour soy, à ce qu'il ne commandast à tout l'Occident, toutes les autres qui apparte-  
noient à l'Ocean Occidental, & toute la terre ferme de l'autre part, iusques aux fins extremes  
de Lybie. Peu de temps apres ayant esleué à l'Empire son fils Gratian encore adolescent, il l'ac-  
coustuma à ses meurs & enseignemens. Et nonobstant que ces deux freres fussent Chrestiens,  
ils ont toutefois esté differens dès le cōmencement au seruice diuin, en sentence & opiniō: Car  
Valent baptizé par Eudoxe, Arrien, fut grand emulateur & courageux defenseur de la doctrine  
Arrienne, & se faschoit qu'il ne contraignit toutes personnes suyure ceste mesme sentence. Mais  
Valentinian protecteur de la professiō de Nice, voulut que ceux du peuple fussent preferez aux  
autres & promeuz qui tenoyent sa religion, & ne fit aucune fascherie à ceux qui ne s'accordoyent  
avec luy: en sorte qu'ils furent comme egaux en l'administration des affaires publiques.

*Ceux qui en ce temps eurent la charge par succession des Eglises aux grandes villes.  
Chap. 11.*

*Euesques  
de Rome.  
D'Alexan-  
drie.  
D'Antio-  
che.*



N ce temps Liberius tenoit le gouuernement de l'Eglise Romaine, suc-  
cesseur de Iules. Deuant luy Syluestre, sous Constantin auoit regy ceste  
Eglise. En Alexandrie presidoit à la profession du Consubstantiel le grād  
Athanasie, subrogé à George & Gregoire, heretiques: lesquels eux mes-  
mes toutefois luy auoyent succédé. Deuant Athanasie fut en ce lieu Ale-  
xandre, deuant Alexandre, Achillas, deuant iceluy, Pierre, qui sous Cō-  
stantin trespassa par martyre, fut Euesque en ceste ville. Or en Antioche  
Euzeio gouerna les Arriens: Mais de la profession du Consubstantiel  
là residoyent deux Euesques, d'une part Paulin, & de l'autre Meletie, les-  
quels succederent aux Arriens: & de l'un le dernier deuancier estoit Eudoxe, & de l'autre, Leon-  
ce. Deuant iceluy, là Estienne auoit tenu l'Euesché, auant lequel fut Phlacite auant Phlacite, Eu-  
phronie: auant Euphronie Eulale, tous lesquels auoyent esté pleins de rage Arrienne. Deuant  
Eulale, le grand Eustace sainctement gouerna l'Eglise d'Antioche, successeur de Philogon, le  
martyr, & Vital preceda Philogon. En Ierusalem Cyrille de rechef obtint la dignité Episcopa-  
le, lequel premierement succeda à Maxime: & Macaire preceda Maxime, & fut successeur de  
Hermon. Erennie fut substitué à Cyrille, & apres iceluy, Heracle, & apres Heracle, Hilaire, au-  
quel de rechef succeda saint Cyrille. Mais Eudoxe tenoit en ce temps l'Eglise de Cōstantino-  
ple, grand defenseur de l'opinion Arrienne: & les professeurs du Cōsubstantiel faisoient leurs  
assemblees dedans la ville en vne petite maison. En quelques villes, aux temples de la religion  
des Macedoniens, presidoient encore ceux qui auoyent publié en Seleuce la formule de foy,  
sentans mesmes choses qu'Acace. Eudoxe auoit succédé à Macedoine: Macedoine à Paul, con-  
fesseur: Paul à Eusebe, Nicomedien, Arrien: Eusebe à Alexandre, duquel le predecesseur fut Me-  
trophanes. Tel fut l'estat des Eglises.

*De Ierusa-  
lem.  
De Constan-  
tinople.*

*Du Concile de Lampzac, & comme les defenseurs & fauteurs du  
Consubstantiel furent chassés en exil.  
Chap. 111.*

*Socrates au  
liv. 4. ch. 2.  
dit que les  
Macedo-  
niens de-  
manderent ce  
Concile à*



Pres que le soing & vrgence des affaires d'Occident eust appellé Valentinian pour  
venir à la ville de Rome, ainsi qu'il cheminoit par la Thrace, les Euesques qui es-  
toient en Bithynie & Hellespont & autres maintenās la foy du Consubstantiel;  
luy enuoyerent Hypatian, Euesque d'Heraclee ou Perinthe, legat pour leur part, à  
ce qu'il commandast que tous les Euesques s'assemblassent en vn lieu, pour esta-  
blir & ordonner quelque arrest touchant la religion. Lequel ayant fait ceste ambassade à l'Em-  
pereur: Maintenant, dit-il, que ie suis empesché de grandes affaires, & grandement soucié pour  
la

la republique, il ne m'est pas facile de congnoître de ces choses : Mais vous, auxquels est donnée procuration de ces choses, en quelquelieu que voudrez, faites vostre assemblée, & deliberez sainctement de toutes choses. Ceste response ouye, ils se trouuerent tous à Lampfac, & deux mois apres ils ordonnerent d'aucunes choses (& cest an estoit le septiesme depuis le concile de Seleuce) & premierement que tout ce qui auoit esté arresté en Constantinople à la suggestion d'Eudoxe & Acace fust cassé, & de nulle valeur : ensemble que fust abolie ceste formule de foy, qu'ils auoyent là produicte & mise en auant, comme dictée & faicte par les Euesques Occidentaux : à laquelle aussi plusieurs auoyent sousscript, induis par la promesse qui leur auoit esté faicte d'abolir l'inegalité de la substance, lesquels toutesfois furent trompez au fait, par le mensonge des promesses. Ils conclurent aussi qu'il falloit acquiescer à la sentence de ceux qui faisoient profession que le Fils en substance est egal au Pere, veu qu'il estoit grandement utile & necessaire que fut adioustee en la formule de foy la diction de Semblable & Egal (ou son equivalent, à sçauoir, en ce mot de Consubstantiel, qui vault autant à dire que de semblable ou son egale substance) pour signifier differemment les subsistances, & que ceste seule foy deuoit estre maintenue en toutes les Eglises, laquelle auoit esté confirmée à Seleuce, & parauant publiée en Antioche, lors qu'en icelle ville on faisoit & celebrait la dedicace de l'Eglise. Outre ce, que ceux qui auoyent esté iectez hors de leurs sieges, par ceux qui estiment & ont opinion que le Fils est inegal au Pere, receussent leurs Eueschez : pource à sçauoir que sans legitime cause ils auoyent esté chassez de leurs Eglises. Que si aucun vouloit accuser vn autre de quelque chose, il luy fust permis ce faire, sous condition qu'ensemble il se submist à mesme danger, & qu'entr'eux seroyent iuges les Euesques de leurs prouinces, suyuant droicte sentence & iustice, & que pour tesmoins seroyent appelez les Euesques des regions voisines, auxquels, à sçauoir, estoit bien congneue la vie d'un chacun. Ces ordonnances faictes, ils appellerent Eudoxe & ses sectateurs, les inuitans premierement à penitence, des meschancetez par eux comises, & apres qu'ils eurent ce contemnè, ils mirent par escript tout ce qu'ils auoyent fait, & l'enuoyerent à toutes les Eglises. Or craignans qu'Eudoxe ne gaignast la faueur de la court Imperiale, & intentast & auançast contre eux quelque calomnie, ils ont trouué bon, faire rapport à l'Empereur de ce qu'ils auoyent fait à Lampfac. Et ainsi ils exposerent toute l'affaire à Valent, lequel apres auoir accompagné son frere qui tiroit à la vieille Rome, & conduict iusques à l'Illyric, reuenoit à Perinte de Thrace. Mais Eudoxe avec sa suite les auoit preuenus, & ia auoit à foy concilié & attiré la faueur de la court. Ainsi l'Empereur conseilla aux ambassades de Lampfac, qu'ils ne fussent contraires à Eudoxe. Mais apres qu'iceux l'ont reprins, accusans les actes & faits d'Eudoxe, lesquels il auoit perpetré fraudulently en Constantinople, & au concile de Seleuce : l'Empereur esmeu de colere chassa pour lors les ambassadeurs en exil, & commanda que la charge de leurs Eglises fust baillee aux sectateurs d'Eudoxe. Et vint de là en Antioche de Syrie : Car il auoit craint que les Perles ne fissent des courses par ceste region, ayans rompu la paix de trente ans, faicte sous Iouinian. Et apres qu'il a veu qu'ils n'entreprenoient rien de nouveau, il est demouré en Antioche, où il a troublé les Eglises : Car par banissement il contraignit saint Melitie changer de pays : mais pardonna à Paulin, pour la singuliere modestie de ses meurs. Et tous ceux qui ne vouloyent communiquer avec Euzoie, ou il les condamna en exil, ou autrement les fit prendre, fouetter & battre, & les multa de quelque somme d'argent.

*Valent : Et que Valent le leur accorda sans difficulté : pour ce qu'il estoit moit que là tous se porteroit selon l'aduis d'Eudoxe & Acace. Concile de Lampfac.*

*Le procès iudicial contre l'Euesque accusé.*

*Les decrets du Concile exposez à l'Empereur.*

*Les legats du Concile bannis par Valent. Valent vient en Antioche.*

*Là il torture les Catholiques.*

*De la tyrannie de Procope, & du mur de Chalcedon, & de l'oracle trouué en ce lieu, & du conduit d'eau de Constantinople.*

CHAP. 1111.

**E**T vraiment Valent se fust de plus en plus auancé à exercer des griefues cruauttez, si Procope aspirant à la tyrannie ne luy eust en brief temps rompu ce coup : Car iceluy se disant estre de la race de Iulien, affectant mesme sous Iouinian la tyrannie, auoit occupé Chalcedon : & secrettement entré en Constantinople, s'estoit emparé de l'Empire. Et soudain ayant amassé vn camp assez grand, à banieres ennemies tira contre l'Empereur. Auquel Valent, de la Syrie venant au deuant, se ioint en combat : & de là vaincu se retira à Nice. Mais incontinent apres Procope prins & lié par Comaire & Agelon trahistres, lesquels il pensoit luy estre fideles, fut liuré à Valent. Or nonobstant que Valent eust iuré à ces trahistres que tousiours il leur seroit amy, toutesfois mesprisant ceste promesse il chastia l'un & l'autre de nouvelle sorte de supplice : Car il les fit mourir cruellement, les ayans deschirez & partis avec des scies. Mais Procope lié au feste & hautes branches de deux arbres loing distans l'un de l'autre, par force pliez en bas & quasi iointes l'un à l'autre, ayant les pieds garrotez aux bouts d'icelles, puis estans laschees, & permises retourner en leur naturel estat, fut deschiré & mis en pieces. Ainsi ce tyran tiré de deux costez, en sorte que chacune branche emporta sa part, mourut. Or l'Empereur commanda que les murs de Chalcedon, qui est assise vis à vis de Byzance, fussent abbatuz.

*Procope empesche ce Tyran.*

*Ceux estoient Princes de Procope. Suppliees des trahistres. La mort de Procope non dissimilable à celle de Metime Suffesime.*

V V

# LIVRE XI. DE L'HISTOIRE ECCLESIASTIQUE

Pourquoy  
les murs de  
Chalcedon  
furent ab-  
batz.

Oracle trou-  
ué aux rui-  
nes des murs  
de Chalce-  
don.

Car il auoit ce iuré sous certaines maledictions qu'il se donnoit, s'il ne l'accomplissoit ayant vaincu ce tyran, pource que les Chalcedoniens suyans le parti du tyran, n'auoyent tenu compte du deuoir & foy qu'ils deuoyent à l'Empereur. Aussi avec contumelie & iniures grandes, leurs portes fermées, ne voulurent receuoir l'Empereur, lors qu'il arriua pres ceste ville. On abbattoit donc les murailles par le commandement du Prince, & soudain les pierres estoient transportées en Constantinople, pour bastir le lauoir & baing public, lequel fut appellé Constantinian. Or ainsi qu'on abbattoit le mur, on trouua vn oracle escript en grosses lettres tailles, dessus quelque haute pierre, denonçant cecy : Que ou la ville abonderoit de plus grand' eau, lors aduindroit que le mur seruiroit au lauoir : & que peuples innombrables destruisans l'Empire des Romains, apporteroient grâd detrimet : mais qu'apres on les defferoit & mettroit à sac. Or rien n'empêche que pour les gens vertueux & sçauans nous n'inscrions icy cest oracle

*Lors qu'on verra les Nymphes en danses sauteller,  
Et leurs pas reluisans en soy' entortiller  
Entre les saults liquides, au milieu de la ville,  
Et qu'au son tremissant de l'eau coulant' habille,  
Seront de nouveaux murs les lauoirs remonteZ;  
Lors de plusieurs peuples grands milles bien dompteZ,  
Voire qui sous le pied rengeroyent la colere,  
Et tous cruels efforts, qui peussent bien ce faire  
Que Dieu Mars fremissant, ayans passé les ondes  
De l'istre resonant entre ses vagues blondes,  
Par armes sanguinaires, en pieces trancheront  
Les Mysiens, guerrieres ensemble abbatront  
Les habitans frilleux de Scythe la gelee.  
Mais ceste nation d'ire & force peuplee,  
Venue és champs de Thrace, & y faisant effort,  
Ruec bas sera par le dard de la mort.*

Nymphes  
en Constan-  
tinople au  
marché de  
Theodose.

Or il aduint depuis que le conduit d'eau, lequel Valét fit bastir, fournissoit beaucoup d'eau à la ville, & les barbares nations s'esineurent grandement contre les Romains, ainsi que peu apres ie diray, d'aucuns interpreterent cest oracle en autre maniere. Car ce conduit d'eau acheué, Clearche lieutenant & gouuerneur de la ville commanda que des grandes Nymphes fussent faictes au marché de Theodose. Cest ouurage fut appellé la grand' eau, pour lequel la ville a coustume de celebrer tous les ans vne assemblée : parquoy ils estimerent que c'estoit signifié obscurément par l'oracle en ces parolles:

*Lors qu'on verra les Nymphes en danses sauteller,  
Et leurs pas reluisans en soy' entortiller  
Entre les saults liquides, au milieu de la ville.*

Valent re-  
fais les  
murs de  
Chalcedon.  
Grandes  
merueilles  
en Orient  
sous Valé.  
Nice abba-  
tue par tre-  
blement de  
terre.  
Germe pa-  
reillement.  
Pourquoy  
ce aduint.  
Euesques ca-  
tholiques  
bannus.  
S. Basile.  
S. Gregoire  
Nanzian-  
Zene.

& le surplus de l'oracle. Or ainsi qu'on rompoit les murs des Chalcedoniens, cōme nous auons dit, les citoyens de Constantinople, Bithynie, Nicomedie, & Nice supplierent l'Empereur qu'il ne permist qu'en vain ces murs tāt puissans & amples fussent rōpus. A quoy avec grāde difficulté il aquiesça, encore qu'il fut faisi & esmeu de colere, tāt les prieres d'iceux l'auoyēt contrainct. Parquoy faisant cas aussi du iuremēt fait, ainsi qu'il deuoit, en abbatāt, & reedifiant de plus petites pierres, il remit en son entier ce bastimēt : lequel ouurage aussi fut emmené à sa pefection. Ces choses aduindrēt aux murailles des Chalcedoniens. La guerre faicte cōtre Procope, vne tref- grosse gresse semblable & druē cōme pierre grandes tōba, & aduindrent plusieurs tremblemens dangereux de terre, en beaucoup de lieux, lesquels entre les autres places apporterent grand dōmage à Nice, ville de Bithynie, estant icelle du tout abbatue. Ce tremblement estoit le douzielme depuis la subuersion de Nicomedie. Et non long temps apres vn autre mouuement de terre se leuant fit le semblable à Germe, cité d'Hellespont. Et vrayement toutes ces choses furent indices des troubles de l'Eglise: Car beaucoup dirent que la gresse & mouuement de terre estoient aduenus contre l'Empereur, par l'ire de Dieu, pource qu'il auoit chassé en exil plusieurs person- nages, pourueuz de dignité episcopale : & soudain mesme deliberoit chasser les autres, lesquels ne s'accordoyent à la sentence de foy d'Eudoxe. Et entre toutes ces calamitez, l'Empereur & Eudoxe ne quittoient rien du tout de leur affection & entreprinse, en ce que l'un & l'autre s'efforçoit cruellement chasser ceux qui ne conuenoyent avec eux. Ainsi plusieurs saints per- sonnages estoient enuoyez en exil. Entre les autres seulement par diuine pouruoyance ne fut fait commandement à Basile le grand, Euesque de l'Eglise de Cappadoce, & Gregoire, le- quel lors gouuernoit l'Eglise de Nanzianze, qui est vn petit bourg assis pres de Cesaree, ce qui fut fait pour leur insigne vertu. Desquels personnages cy apres nous parlerons.

D'Eucluse



*D'Eleuse Cizicien, d'Eunome, ensemble d'Agil, Euesque Nouatien.*

*CHAP. V.*



l'Empereur Valent fier & esleué pour la desfaiete de Procope, de rechef *Valent con-*  
drella ses efforts & armes contre l'Eglise, contraignant toutes religions *traine Eleu-*  
s'accorder à la doctrine d'Arrius. Entre les autres il semboit escu- *se Euesque*  
mer contre ceux qui assisterent à l'assemblée de Lampfac, de ce que non *de Cizic*  
seulement ils auoyent abrogé la dignité des Euesques Arriens, mais pa- *suiure la*  
reillement condamnerent la formule de foy publiee en Arimin. Or par- *foy des*  
ty de Nice, il vint en Nicomedie, où il fit venir vers soy Eleuse, Euesque *Arriens.*  
de Cizic, lequel principalement estoit addonné à la sentence de Mace- *Penitence*  
doine. Et là ayant assemblé la compagnie des Euesques Arriens, com- *d'Eleuse.*

manda qu'avec eux ils eussent & retinsent vne mesme foy. Parquoy Eleuse au commencement *Et se cō-*  
leur resista, mesprisant courageusement & constamment leur communion : mais lors que l'Em- *plaignt de*  
pereur l'eust menassé d'enuoyer en exil, & confisquer ses biens, abbattu de crainte, volontaire- *la force*  
ment ce que l'Empereur luy commanda, non toutesfois de bon cueur & franchement, mais *qu'on luy*  
soudain esmeu de penitence, venu en Cizic, deuant toute la multitude, en vne commune assem- *auoit fai-*  
blee, publiquement confessa son peché : & adiousta encore cecy, qu'ils esleussent, à sçauoir, *ete, Socras.*  
vn autre Euesque : pource que peu luy couenoit par apres estre pourueu de l'Euesché, veu qu'il *li. 4. cha. 6.*  
auoit trahy sa premiere foy. Mais les Ciziciens pourtant qu'il leur estoit bien voulu, & se dele- *Eunome en*  
ctoient grandemét de son deuoir & ministere, ne receurét autre Euesque, & ne donnerent char- *noyé par eu-*  
ge de gouvernement de l'Eglise à d'autre : & se submettans à Eleuse, ne changerent leur sen- *doxe Eues-*  
tence. Ce qu'Eudoxe gouverneur de la secte Arienne en Constantinople ayât entendu, ordonna *que à Cizic.*  
Eunome pour leur Euesque : Car il estima qu'iceluy en brief pour son eloquence, & heureuse *Les Catholi-*  
force de persuader ayant esmeu les Ciziciens, les attireroit à son opinion. Apres donc qu'Euno- *ques Mace-*  
me fust venu à Cizic, bien est vray qu'il receut les Eglises vuides, pource qu'Eleuse auoit esté *doniens &*  
chassé par le cōmandement de l'Empereur : toutesfois la multitude obeissante à Eleuse, faisoit *Nouatiens*  
ses assemblées hors la ville. Mais vn peu cy apres en son lieu ie parleray d'Eunome, & de son *afflige en*  
heresie. Or à la verité non seulement les Macedoniens, mais aussi ceux qui approuuoient la do- *Constanti-*  
ctrine de Nice, enduroyét pareils maux en Cōstantinople : non moins aussi les Nouatiens, lesquels *nople.*  
aussy receuoyét la profession du Consubstantiel : qui fut cause que l'Empereur commanda que la *Agil Eues-*  
charge des Eglises leur fust ostée, & iceluy n'auoit plus d'autres, qu'il peust chasser : car ia long *que des No-*  
temps auant, Constance auoit osté aux autres les Eglises. Pareillement Valent enuoya en exil *uaries bany.*  
l'Euesque Agil, qui depuis le temps de Constantin iusques à ce iour, auoit commandé aux E- *Saincteté*  
glises des Nouatiens : Lequel vrayement, selon l'opinion de Socrates, mena vie admirable. Car *de la vie*  
il s'est arresté en ce qui est fort excellent en philosophie : veu qu'il n'eust aucunes possessions, & *d'Agil.*  
ne retint aucune quantité d'argent. Outre plus, ce qui declara & illustra grâdemét sa maniere *Agil reuo-*  
de viure, il se contenta d'une seule robe : & s'appuyant aux ordonnances Euangeliques n'vsa *que d'exil.*  
point de souliers. Or iceluy non long temps apres reuqué d'exil, receut ses Eglises, & fit en *Marcia Pre-*  
icelles librement ses assemblées. A quoy Marcian l'aida beaucoup, pourtant qu'il estoit hom- *stre Noua-*  
me venerable en sa vie & doctrine : lequel par long téps auoit eu lieu, & receu estat en la court *rien prece-*  
Imperiale : & pour lors admis à l'ordre des prestres entre les Nouatiens, enseignoit les filles *pteur des fil-*  
de l'Empereur Anathase & Carose, aux preceptes de Grammaire, au nom desquelles Valent *les de Valer*  
bastit & edifia en Constantinople les lauoirs publics. Pour l'esgard de ce personnage les Egli- *fit qu'Agil*  
ses des Nouatiens, lesquelles depuis peu temps auoyent esté fermées, de rechef furent ouuer- *il fut re-*  
tes : Toutesfois ne furent ils pas par ce moyen deliurez des troubles des Arriens, lesquels leur *stitué.*  
estoyent contraires, pource que les Nouatiens aymoyent & embrasloyent grandement les de- *Arriens en-*  
fenses de la doctrine & profession de la foy de Nice, encore qu'ils fussent differens & diuisez *nemis des*  
d'iceux, touchant d'autres opinions. *Nouatiens.*

*Des Macedoniens, & de ceux qui adorent & defendent le Consubstantiel, & de l'ambassade.*  
*des gens de bien, enuoyee à Rome. CHAP. VI.*



En ce temps tous les efforts & estudes d'Eudoxe, & de ceux qui luy adheroyent, *Les Arriens*  
sembloyent auoir le vent en poupe, & succeder à leur souhait, contre ceux qui *persecutent*  
adoroyent le Consubstantiel, & faisoient purement profession de la foy de Ni- *les Macedo-*  
ce. Car les défenseurs d'icelle qui estoyent en la grand part des pays subiects à *niens se re-*  
Valent, & principalement en Hellespont, Thrace, Bithynie, & à l'enuiron aux *connoissai-*  
autres terres voisines loingtains, ne gouvernerent leurs Eglises, aussi n'eurent elles leurs Eues- *connoissai-*  
ques. Sèblablement ils affligerent inhumainement plusieurs Macedoniens de ceste region, aus- *connoissai-*  
quels ils estoyent non moins contraires & ennemis qu'à nous, pource que ia ils commençoient *connoissai-*  
niure la sentéce & doctrine saine & entiere. En sorte qu'iceux, pour les maux qui les arriuoyét, *connoissai-*  
mis soudain en extreme perplexité, enuoyerent les vns aux autres des ambassades par les villes, *connoissai-*

V v ij

# LIVRE XI. DE L'HISTOIRE ECCLESIASTIQUE

Trois Euesques des Macedoniens enuoyez à Rome.

& arresterent qu'il leur estoit besoing fuir, & se retirer à Rome vers le frere de Valent, & que plustost il leur falloit communier avec Libere, duquel ils receuoient la profession de foy, qu'auec Eudoxe. Parquoy ils despescherent pour leurs messagers à Rome, Eustace de Sebaſte, lequel fut priué quelquefois de sa dignité : & Syluain de Tharſe en Cilice, ensemble Theophile Euesque des Castabales, auxquels ils donnerét charge de ne debatre de la foy avec Libere : mais que plustost ils communiquassent avec l'Eglise Romaine, & approuuassent ensemble la profession du Consubstantiel. Iceux donc arriuerent en Italie, avec les lettres de ceux qui furent en Seleuce separez des autres & là ne trouuerent l'Empereur Valentinian, pource qu'il batailleoit en la Gaule contre les Sauromates. Et ainsi qu'ils presentoyent à Libere les epistres qu'ils auoyent apportees avec eux, il refusa, & ne voulut les recevoir, disant qu'ils estoient Arriens, & ne pouuoient ceux estre recongneus de son Eglise, qui auoyent aboly la foy de Nice. Auquel ils firent responce, que par legitime penitence ils estoient retournez à la congnoissance de verité & auoyent reiecté l'opinion de l'Inégalité, ensemble fait profession que le Fils estoit par tout semblable au Pere : & qu'ils ne differoyent aucunement de la doctrine du Consubstantiel, laquelle afferme le Fils estre par tout egal au Pere. Ces paroles ouyes, Libere demanda leur confession de foy mise par escript : Parquoy ils luy presenterent leur requeste, en laquelle aussi ils infererent la foy de Nice. Il n'ay icy adiousté les epistres, lesquelles ils auoyent apportees d'Asie, Pisidie, Isaurie, Pamphilie, & Lycie, à Smyrne, où ils auoyent fait leurs assemblees, considéré qu'elles seroyent trop longues à reciter. Mais la teneur de la requeste, laquelle Eustaccatec ses compaignons presenta à Libere, est telle.

La confession des ambassades presentee à Libere, Euesque de Rome.  
CHAP. VII.

La requeste des macedoniens presentee à Libere, touchant la profession de leur foy.



Nostre Seigneur frere & compaignon Libere, Eustace, Syluain, & Theophile, salut en nostre Dieu. Pour euitier les foles suspiciôs des heretiques, lesquels ne cessent mettre & susciter empeschemens & scandales à l'Eglise catholique, & retrancher de nous toute cause & occasion d'icelles, faisans profession des decrets des conciles de Lampſac, & Smyrne, & autres diuers lieux, celebrez par les Euesques catholiques & bien sentans de la foy : nous sommes deleguez ambassades vers ta bonté, & tous les Euesques d'Italie, & del'Occidét, & apportôs lettres, lesquelles tesmoignent que nous gardons la foy catholique, publiee & confirmee au

Les Arriens & autres heretiques condamnés avec leurs opinions.

sainct concile de Nice, sous l'heureux Empereur Constantin, par trois cens & dixhuiet Peres : & depuis demouree entiere, inuiolable, & immobile en son estat, & qui à tousiours durera : auquel le Consubstantiel fut deuement ordonné contre la peruerſe opiniô d'Arrius. Nous faisons profession, & tesmoignons par nos propres mains, qu'ensemble auons gardé ceste foy, avec ceux que nous auons dit, & garderons iusques à la fin : condamnans Arrius, sa meschante doctrine & les sectateurs d'icelle : pareillement toute l'heresie de Sabellius, des Patripassiens, de Marcion, Photin, Marcel, ensemble de Paul Samosatein, & reiectons toutes leurs opinions, & tous ceux qui s'y accordét & fauorisent : semblablement detestons toutes autres sectes, si aucunes y en a, diuerses & cōtraires à la sainte foy, laquelle deuotement & catholiquement fut composee & publiee à Nice par les saints Peres. Et premierement nous anathematisons la formule leüe en Arimin, à ſçauoir du tout repugnante à la foy de Nice. A laquelle formule apportee de Nice en Thrace, aucuns par erreur ont souſſcript en Constantinople, circonuenuz & trompez par dol mauuais & pariure. Or nostre foy, & de ceux desquels nous sommes ambassades, & au nom desquels nous exploictons nostre legation, est telle : Nous croiôs en vn Dieu le Pere tout puissant, qui a fait toutes choses visibles & inuisibles & en vn vnigenit Dieu, nostre seigneur Ieuf-Christ, Fils de Dieu, engendré du Pere, c'est à dire de la substance du Pere, Dieu de Dieu, Lumiere de la Lumiere, Dieu vray du vray Dieu, engendré, non fait, Consubstantiel au Pere, par lequel toutes choses ont esté faites, tant celles qui sont au ciel, que celles qui sont en la terre : lequel pour nous hommes & pour nostre salut est descendu, a esté incarné, fait homme, & a enduré : & resuscita le troisieme iour, & monta aux cieus : & de là doit venir iuger les viuans & les morts. Et au saint Esprit. Aussi l'Eglise catholique & apostolique anathematise & condamne ceux qui disent que quelque temps a esté, auquel le Fils n'estoit point : & qu'il n'estoit point, auant qu'il fust engendré : & qu'il a esté fait de choses qui n'ont aucun estre, ou d'autre substance, ou subsistence, ou que le Fils de Dieu est subiect à mutation & alteration. Pareillement nous Eustace Euesque de la ville de Sebaſte, & Syluain, & Theophile Legats des conciles de Lampſac, Smyrne, & autres, auôs escrit de nos propres mains & fraîche volôté ceste profession de foy. Que si quelcun outre ceste foy veult intenter quelque crime contre nous, ou contre ceux par lesquels nous sommes enuoyez, renuoye nous, & eux pareillement, avec les lettres de ta sainteté, à tels Euesques qu'il plaira à ta reuerence : à ce que la cause soit debatee & proposee deuant deux iuges, & qu'ensemble selon les loix on punisse celuy qui sera conuaincu de crime.

Caution & arrestee & iugement.

L'Epistre

*L'Epiſtre de Libere enuoyee aux Eueſques Orientaux.*

C H A P. VIII.



R Liber receut à la communion ces ambassades, à luy obligez par ceste requeste ainsi que par quelque gaige: & depuis les laissa aller avec ses lettres, desquelles la teneur est telle: A nos chers freres & cōpaignons Hythie, Cyrille, Hypereche, Herô, Elpide, Maxime, Eusebe, Eucarpe, Eortase, Neô, Eumarthe, Faustin, Procte, Passin: c, Arsenic, Seuer, Didymio, Britan, Callicrate, Damabe, Aedese, Eustoche, Ambroise, Gelon, Pardale, Macedon, Paul, Marcel, Heracle, Alexandre, Adole, Marcian, Sthenel, leâ, Macaire, Charise, Syluain, Photin, Auth, Antoine, Celse, Euphranor, Milese, Patrice, Seuerian, Eusebe, Eumolpe, Athanase, Diophant, Minodore, Diocles, Chrisampel, Eugene, Eustace, Callicrates, Arsein, Eugene, Martyre, Hierace, Leô, ce Philagre, Lueus, & & tous autres Eueſques Orientaux catholiques, suyuans la saine & droite foy, Libere Eueſque d'Italie, & les autres Eueſques de l'Occident, salut perpetuel en nostre Seigneur. Freres tresaimiez, vos lettres reलयantes de lumiere de foy nous ont apporté ioye tresdesiree, & par icelles auons esté grandement recreez, lesquelles Eustace, Syluain & Theophile nous ont rendues. Et d'auantage en ce auons prins extreme plaisir, que les susdicts Eueſques ont confirmé & assuré l'accord du sens, & persuasion de vostre foy, avec la sentence de ma petitesse, & de tous les Eueſques d'Italie & d'Occident. Et vrayement aussi nous auons congneu que celle est la foy catholique & apostolique, laquelle depuis le cōcile de Nice a esté gardée entière & immobile: laquelle aussi les Peres publierent, & confesserent à Nice avec grand ioye, la confirmant non seulement par leurs paroles, mais aussi par les escriptures: à ce qu'ils fussent toute scintille d'opinion absurde. Nous auons estimé que necessairement il falloit adiouter à ces lettres l'exēplaire d'icelle, à ce que par cy apres ne soit laissé lieu & opportunité aux heretiques, de disposer leurs embusches à la foy: par lesquelles excitans le feu de leur meschaceté, ils ont accoustumé (ainsi qu'aduient aux autres) respādre & dilater les embrasemens de leur discord. Or Eustace, Syluain, & Theophile, nos treschierers freres, nous ont signifié à vostre nom, que vostre dilection non moins qu'eux-mesmes, a tousiours & par cy deuant maintenu ceste foy, & icelle gardera iusques à la fin: laquelle à scauoir a esté ensemble approuuee en la ville de Nice par trois cens & dixhuiſt Eueſques catholiques, & bien sentans de Dieu. Laquelle, pource qu'elle contient certaine & parfaicte verité, ferme la bouche à tous heretiques, & renuerse toutes leurs raisons. Car non par cas fortuit, mais par volonté du tout diuine, si grand nombre d'Eueſques fut assemblé contre la folie d'Arrius, à scauoir en tel nombre, quel auoit l'henreux Abraham, quand il debella & vainquit tant de mil de ses ennemis. Ceste foy en ce que elle consiste à la subsistence & nom du Consubstantialiel, ainsi que quelque forteresse bien munie & inexpugnable, mesprise toutes les machines & tourmés de l'infidelité Arrienne, ainsi qu'il est de raison. Et nonobstant que quasi tous les Eueſques Occidentaux se soyent trouuez en Arimin, lors qu'en ce lieu l'impudence des Arriens assembla le Concile, à ce que par hargues pleines de tromperie, ou (ce qui est plus vray) par autorité & puissance profane, ils abolissent ce qui estoit en la formule de foy tressseur & trespertin, ou icelle niasent douteusement & finement: toutesfois toutes ces ruses & finesses ne leur ont profité aucunement. Car presque tous iceux lesquels furent lors amorcez & deceuz par tromperie en Arimin, maintenant se reconnoissans, ont mis par escript leur formule de foy, sous l'anatheme & condamnation de ceux qui firent là leur assemblée: & ont souscript & soussigné à la foy vniuerselle & apostolique, decretee à Nice. Et communiquans avec nous, voire de plus grand courage combatent contre la doctrine d'Arrius, & ses disciples. Laquelle chose vos orateurs ayans congneu estre veritable, vous adiouterent aussi à leur suscription: anathematissans & condannans Arrius & ce qui fut par ceux de sa secte en Arimin contre la foy de Nice mis en auant. Aux actes & faicts desquels vous-mesmes circonuenuz & deceuz, par vn fraudulent serment auez souscript & accordé. Parquoy il nous a semblé expedient escrire à vostre dilection, & vous aider en vos requestes raisonnables, considéré & veu principalement, que nous auons entendu par l'assurance de vos ambassades, que vous Orientaux Eueſques vous estes recongneuz, & consentez avec les Occidentaux bien sentans de la foy. Parquoy nous vous escriuons, à ce que soyez aduertis & congnoissiez que non seulement les blasphemés d'Arimin condamnez & reprouuez, lesquels lors furent introduicts par leurs auteurs à la desrobee, au grand detrimēt de l'Eglise: mais aussi tous les Occidentaux ont embrassé d'un mesme consentement la profession de la foy de Nice. Parquoy il fault que ce par vous soit signifié à toutes personnes, à ce que ceux lesquels par quelque force ont esté seduits & blessez, puissent d'oresnuant des tenebres heretiques, reuenir à la lumiere diuine de la liberté catholique. Que si aucuns par cy apres ne yeulēt reiecter le venin d'infidelité, & abolir toutes les blasphemés d'Arrius, & les anathematiser & condamner: qu'ils sachent & entendent, que comme complices d'Arrius & de ses sectateurs & autres serpens, des Sabelliens, Patripassiens, & autres

*Liberius receit ces ambassades à communion. Lettres de Liberius, & des Eueſques Occidentaux aux Eueſques Catholiques en Orient.*

*Le nombre des 318. Eueſques qui assisterent, à Nice, conuient avec le nombre des seruiteurs d'Abraham.*

*Excommunication des Arriens & autres heretiques.*

*Ces memes ambassades firent profession de la foy de Nice en Cilicie.* heresies, ils sont desmis & dechassez comme estrangers de la communion Ecclesiastique, laquelle ne reçoit les enfans d'adultere. Mes freres treschers, Dieu vous garde en bonne santé. Ces lettres receues, Eustace & ses compaignons passerent en Cicile. Et la apres que le concile des Euesques Siciliens fut à leur persuation celebré, & en iceluy eurent fait profession de la foy du Consubstantiel, ils confirmerent de leur autorité la formule de Nice: puis en ce lieu ayans receu lettres de ceste sentence, reuindrent à ceux qui les auoyent enuoyez. Lesquels firent porter les lettres de Libere à eux rendues par leurs ambassades, & despescherent autres orateurs par toutes les villes, pour s'adresser aux propugnateurs de la foy du Consubstantiel: les admonestans que de mesme courage & consentement ils s'assemblassent en Tharse de Cilicie, pour confirmer la foy de Nice, & abolir les folies lesquelles depuis se sont leuees. Ce que paradventure eust esté fait, si celuy lequel auoit grand credit vers l'Empereur, n'y eust mis empeschement, à sçauoir Eudoxe gouverneur de la religion Arrienne, lequel aussi d'auantage esmeu & courroucé de ce que ce Concile auoit esté signifié, leur fit plus grands dommages & peines. Et que les Macedoniens ayans communiqué par leurs orateurs avec Libere, Sabin l'a confessé, en ce qu'il a cueilly des actes synodaux.

*Des conciles assemblez en Thyane, & Carie.* CHAP. IX.

*Le concile de Thyane catholique*

*On signifie le concile de Tharse.*

*La formule d'Antioche confirmée par quelques Euesques en Antioche de Carie.*

*Valent empesche le concile de Tharse.*



N ce mesme temps fut celebré le concile de Thyane par Eusebe de Césaire en Cappadoce, Pelage de Laodicee, Zenon de Tharse, Paul d'Emese, Otreie de Melitin, Gregoire de Nazianze & autres plusieurs Euesques: lesquels auoyent decreté en Antioche, Iouinian estant pour lors Empereur, qu'il falloit maintenir la diction du Consubstantiel. Là furent leues les lettres de Libere, & des Euesques Occidentaux: lesquelles les ambassades enuoyez de Lampzac à Rome, auoyent apporté avec eux. Parquoy tressaillans de ioye, ils escriuirent à toutes les Eglises, qu'elles leussent les decretz & epistres des Euesques Asiatiques, de Libere, & des Euesques Italiens, Africains, & Gaulois Occidentaux, & qu'ils cōsiderassent vn si grand nombre de personages graues & venerables consentans ensemble, lequel surpassoit beaucoup le concile d'Arimin, & qu'ils s'accordassent à la sentence & cōmunion d'iceux: ensemble qu'eux-mesmes leur mandassent par escript, qu'ils sentoient semblablement avec eux. Outre plus ils leur signifierent qu'à vn iour ordonné, encore au prin-temps, ils se trouuassent tous en Tharse, de Cicile: mais ce pendant qu'ainsi on traicta d'assembler le concile de Tharse, enuiron trente-quatre Euesques d'Asie ensemble arrivans en Antioche de Carie, louerent & approuverent bien l'effort & diligence de remettre l'vniō & concorde Ecclesiastique: mais reiectans le nom de Consobstantiel confirmerent la formule de foy arrestee en Antioche & Seleucie, comme celle laquelle fust retenue de Lucian le martyr; & eust esté approuuee par leurs anciens avec grand peril & travail. Aussi l'Empereur, à la persuation & effort d'Eudoxe, empescha que le concile ordonné estre celebré en Cilicie fust accompli, ayāt fait crier publiquement pour ceste cause des edicts & menasses.

*De la persecution qui dura en ce temps: & de saint Athanase, comme luy seul ne fust iecté hors de son siege.* CHAP. X.

*Commandement de l'Empereur Valent que les Euesques banis par Costance, restitués par Iulien, fussent de rechef chassés en exil.*

*Le gouverneur d'Alexandrie se force chasser Athanase.*

*Le peuple l'empesche.*



Valent. L'Empereur commanda estroitement à tous Preuosts & Prefidens, qu'ils chassassent hors de leurs Eglises ces Euesques, lesquels cassez sous Constance, auoyent receu leur pristine dignité sous Iulien. En vertu de ce commandement, les magistrats mesme d'Egypte s'efforcèrent iecter saint Athanase hors de ses Eglises, & de la ville. Car l'edict Imperial ne menassoit pas de legere peine, veu qu'il denonçoit à tous gouverneurs, gens d'armes & senateurs, qui estoient sous leurs enseignes & puissance, non seulement vne grāde multe & amēde d'argent: mais punition corporelle. Toutesfois le peuple Chrestien fassembloit, & pria le Gouverneur qu'il ne recerchast point leur Euesque, pour vne cause peu deliberee & legere: mais que plus soigneusement il poist la sentence des lettres Imperiales, laquelle à sçauoir banissoit seulement ceux, lesquels ayans receu commandement sous Constance d'exiler, estoient d'icelle proscription reuenus sous Iulien. Ils dirent aussi, que bien estoit vray que sous Constance Athanase s'estoit retiré de son pays, cōme par forme d'exil, mais que par Costance mesme il fut ramené & restitué en son Euesché: voire qu'ainsi que Iulien reuoyoit tous les autres Euesques, il poursuyuit seulement Athanase, lequel depuis Iouinian remit en son estat. Ainsi qu'ils tenoyent ces propos, & ne persuadoyent rien au Gouverneur, ils reisterent toutesfois, & ne permirent qu'aucune force & outrage luy fust faicte. Au surplus comme le peuple abordoit de toutes parts, & grand trouble & tumulte estoit en la ville, en sorte qu'on attendoit

attendoit grande sedition: le Gouverneur signiffia cest affaire à l'Empereur, permettant Athanase là demourer. Et plusieurs iours accomplis, sembloit ceste sedition estre ia sopie & appaisée, lors qu'Athanase sur le vespre sortit de la ville, & se cacha en quelque metairie: Mais le Gouverneur d'egypte, & duc des compagnies militaires qui estoient en pays, vint à pleine nuit en l'Eglise, ou Athanase avoit son domicile, & le rechercha diligemment voire aux chambres hautes de tout le logis: mais frustré de son opiniõ s'en retourna sans aucune exploict & despesche: Car il estimoit que le peuple eust oublié la premiere cause, pour laquelle la ville fut esmeue, & que tous prenoyent somme & repos, qui seroit moyé que facilement il pourroit accõplir les commandemens de l'Empereur, & conserveroit la ville paisible sans sedition. Mais le Gouverneur & ceux qui estoient avec luy s'esbahirent grandement, de ce qu'ils n'auoyent trouué Athanase. Car soit qu'il se partist par secret aduertissement de Dieu, ou par reuelation de quelques hommes: tant y a que ainsi aduint de cest affaire. Et vraiment il sembloit que d'auoir preuë & eschappé en temps necessaire les embusches qui luy estoient dressées, estoit de conseil excédant toute entreprinse humaine. Les autres disent qu'iceluy sentant de loing les foles esmeutes du peuple, eut crainte que si quelque inconuenient en aduenoit, il ne fust estimé authœur de ce mal, pource il se cacha durant tout ce temps au sepulchre de son pere: Ainsi donc il s'enfuit, & s'absconsa. Mais non long temps apres l'Empereur par ses lettres le reuoqua, & commanda qu'il iouist de son Eglise. L'estime que Valent donna cest escrit contre son courage & sentence, ou pource qu'il reputoit & regardoit en soy-mesme la gloire d'Athanase, ou qu'il attendoit estre repris de cest affaire par Valentinian, lequel confessoit le decret & ordonnace de Nice, ou qu'il tenoit pour suspecte, & craignoit beaucoup l'esmeute de ceux lesquels en grãd nombre loüyent Athanase, en sorte que par l'estude & effort d'introduire nouuelletez, la republique receuroit quelque detrimẽt. L'ay aussi opinon que les port'enseignes de l'heresie Arrienne, ainsi que la raison leur remonstroit, ne se parforcerent tant hastier & contraindre la proscrition de ce personnage: pensans en eux cecy, à sçauoir que s'il estoit ietté hors la ville, aduendroit que de rechef il seroit moleste aux Empereurs, & de là auroit occasion de parler à eux, en sorte qu'il attireroit Valent à sa sentence, & enuoueroit en colere Valentinian consentant avec luy: Car ils l'ont craint beaucoup, ayans esprouuë sa vertu aux affaires qui aduindrent sous Constance. Aussi auoit il dès ce temps mesme ainsi renuersé les cõseils & embusches de ses ennemis, qu'iceux sans contraincte cedoyent les Eglises d'Egypte: & pour ceste cause à grande peine acquiesçant aux lettres de Constance reuint d'Italie. L'estime vraiment & coniecture que ceste fut la cause, pour laquelle Athanase ne fut chassé hors de son Eglise, ainsi que les autres. Or le surplus des Euesques ne fut seulement tourmenté par ceste persecution, egale à celles que les idolatres exciterent: Car on decretoit des exils & bannissemens contre ceux qui ne sentoient le mesme avec Valent, & les maisons sacrees leur estoient ostées & commises à d'autres. Mais l'Egypte pourtant qu'Athanase suruiuoit encore fut exemptee de ces maux.

*Athanase prenoit les embusches que luy bras soit le Gouverneur se sauue finement.*

*Athanase se cache de rechef. Valent reuoque Athanase, & pourquoy.*

*La persecution des Euesques Catholiques.*

*Comment les Arriens & Eunomiens pour quelque different se separerent: & d'Eunome & d'Ætius, & des choses lesquelles iceux auancerent contre la foy Catholique par cupidité de nouuelletez.*

CHAP.

XI.



Vrant ce temps Eunome se separa d'Eudoxe, & fit à part ses assemblees, pource que souuẽt il auoit prié Eudoxe, à ce que son precepteur Ætius fust receu en grace & à la communion, ce qu'il ne peut de luy impetter. Or Eudoxe ne refusa Ætius, cõme s'il eust hay son heresie, laquelle mesme il preschoit & approuuoit grandement: mais à ce que son peuple l'estimast estre d'autre secte, icelle fut la cause de la diuision entre Eudoxe & Eunome. Or Ætius fut asserteur vehement, & vaillant defenseur de l'heresie Arrienne, bien instruit en art sophistique. Eunome aussi son disciple, defendit encore plus ceste heresie, homme ainsi que dit Ruffin, lepreux en son corps & ame, & dedans & dehors infait de maladie caduque, puisant toutes fois & subtil en l'art de dialectique. Aucuns ont appellé l'heresie d'iceluy, de son nom: d'autres l'ont intitulee des Anomiens, c'est à dire Innegaux. Aucuns auteurs sont qui afferment que cest Eunome premier osa instituer, que le diuin Baptisme fust seulement accompli en vne mersion, à sçauoir plongeant vne fois en l'eau celuy qu'on baptise: & n'a crainct adulterer la tradition, laquelle encore au iourd'huy receüe de main en main des Apostres, est par tout obseruee, en sorte qu'il a trouuë autre maniere & coustume en son Eglise de Cyzic, courant sa nouuellete d'une grauure plus soigneuse & sainte. Il a esté (ainsi qu'à esté dit, & comme tesmoigne Sozomene, duquel nous adiousterõs icy les paroles) non inapte à cõposer & escrire des oraisons, s'esioiũsant en la sorte contetieuse de disputer, & en syllogismes: quels on peut veoir mesme de present

*Eunome se part d'Eudoxe. Cause de ceste separation. Ætius. Eunome son disciple. Maladie caduque. Eunomiens appellez aussi Innegaux n'usent que d'une mersion au Baptisme.*

*Le Baptême  
des Eunomiens.*

*Ceux qui  
trespasseront  
baptisés  
par les Eunomiens de  
corder sans  
legitime Ba  
ptême.*

*L'Anaba-  
ptisme des  
eunomiens.  
Ætius au-  
theur de la  
secte des eu-  
nomiens.*

plusieurs de ses sectateurs. Car iceux ne louent & prisent point tât, voire en ceux lesquels con-  
sentent avec eux, la vie honneste, saintes meurs, & misericordie prestee & benigne enuers les  
pauvres, que d'estre veu disputer contentieusement, & vaincre par syllogismes & ratiocinatio-  
Tels à scauoir sont estimez de grande pieté par dessus tous : ainsi que Theophrôine de Cappa-  
doce, & Eutyche fauoris de ceste secte, lesquels au tēps de celuy qui maintenāt tient l'Empire,  
se retrēchās del'Eglise, ont introduict choses nouvelles, tāt aux autres articles des opiniōs d'Eun-  
nome, qu'au sacré Baptesme, enseignant qu'il faut baptiser en non la Trinité, mais en la mort de  
Iesus-Christ. \* Aucuns toutesfois disent qu'Eunome n'a rien innoué quant à cest affaire, mais  
qu'il demoura en la sentence d'Arrius, ainsi qu'il auoit fait dès le commencement. Et que depuis  
qu'il fut fait Euesque de Cyzic, son Clergé l'accusa de ce qu'il instituait nouuelle doctrine. En  
forte qu'Eudoxe, lequel pour ce temps estoit chef en Constantinople de l'heresie Arrienne, l'ap-  
pella vers soy, & luy permit prescher au peuple sa doctrine. Tellement qu'Eudoxe ne condam-  
nant rien de sa doctrine, l'admonesta retourner en Cyzic. Mais il respondit que d'ores en auāt  
il ne demoureroit avec ceux qui l'auoyent pour suspect : qui luy fut pretexte & couuerture de  
s'en departir : nonobstant qu'à la verité, la cause estoit qu'il portoit à contre-cœur que son pre-  
cepteur Ætius n'auoit esté receu. De là cest homme perscuera en son entreprinse, & vescu com-  
me personne priuee, & sans office, ne changeant rien de sa premiere opinion. Ainsi les vns recitēt  
ces choses d'une sorte, les autres d'autre. Toutesfois soit qu'Eunome, ou quelques autres ayent  
innoué la tradition du baptesme : il me semble que ceux-là seuls, pour ceste raison dangereuse,  
sont trespassés de ceste vie, exempts de la vertu du diuin Baptesme. Car si iceux, baptisez selon la  
coustume receuē dès le commencement, n'ont peu premieremēt se rebaptiser : ou premiers ont  
introduit ce qui ne leur est point aduenu, ou conféré aux autres ce qu'ils n'ont eu de par eux, ou  
receu par les autres : b ils ont non seulement ordonné & institué leur doctrine sur vn commen-  
cement & fondement, lequel ne peut demourer & subsister, & par leur arrogāce : mais aussi ont  
donné aux autres ce qu'ils n'auoyent point receu : ce que vrayement est bien sot, stolide & ridi-  
cule. Aussi par leur propre confession est manifeste, que veu qu'Eunome n'a esté initié aux so-  
lemnitez du Baptesme, il n'a peu baptiser les autres : considéré qu'ils tiennēt celuy-là pour non  
baptisé, qui n'aura esté baptisé selō leur coustume & tradition, cōme n'estant bien initié en ce Sa-  
crement. Ils tesmoignent ce eux-mesmes, quād ils baptisent toutes les personnes qu'ils ont peu  
gagner à leur sentence, encore qu'au parauant ils ayent esté baptisez, selon les ceremonies ar-  
restees de l'Eglise Catholique. Laquelle nouuelleté ne troubla pas peu la religion, & empescha &  
destourna beaucoup ceux qui vouloyent receuoir le Christianisme, ayans esgard à la dissension  
des doctrines. Or il nous sera encore plaissant adiouster d'Eunome & d'Ætius, que le premier au-  
theur de l'heresie Eunomienne, fut Ætius Syrien : lequel, selon l'opiniō d'Arrius, arresta que  
le Fils estoit innegal au Pere, qu'il estoit créé, & qu'il fut des choses qui n'auoyent point d'estre.  
Ceux qui approuuerent ceste opinion, furent appelez Ætians premieremēt : Mais, comme nous  
auons dict cy dessus, estant aduenu qu'aucuns affermoient le Fils estre consubstantiel au Pere,  
aucuns arrestoyent qu'il le falloīt appeller Equisubstantiel : & qu'il fut lors agreable à l'Empe-  
reur, que selon la sentence du Concile d'Arimin on croiroit que le Fils est egal au Pere. Ætius fut  
condamné en exil, pource qu'il blasphemait contre Dieu : & aucunemēt son heresie diuisee, fut  
abbatue, tant à cause que nul autre de quelque renom, qu'Eunome mesme n'osoit d'icelle dispu-  
ter publiquement & librement. Mais apres qu'au lieu d'Eleuse il receut le gouuernemēt de l'E-  
glise de Cyzic, il ne se peut du tout tenir coy, que publiquement il ne mit de rechef en auant en  
ses predications qu'il faisoit au peuple, l'opinion d'Ætius. Et ainsi que souuent aduiēt, les hom-  
mes lors ignorans le premier auteur de ceste heresie, denommerent ses sectateurs eunomiens :  
pource qu'Eunome renouuella ceste doctrine apres Ætius, & la defendit avec plus grande au-  
dace, que celuy qui l'auoit premierement inuentee.

\* Aucuns toutesfois &c.] Socrates dit qu'Eunome de Cyzic reuint en Constantinople vers Eudoxe, & de-  
moura avec luy : pource que les cyziciens ne pouuans endurer son eloquence enflée, le chasserent de la ville. Car  
à la prolixité de son oraison & babil, estoient requises plusieurs sentences, desquelles son parler estoit grande-  
ment desgarny. En sorte qu'ayant escrit des longs Commentaires sur l'epistre de S. Paul aux Romains : toutes-  
fois il n'a peu attaindre & paruenir au scope de saint Paul, liure 4. chap. 9.

b ils ont non seulement &c.] De pareil argument nous pouuons user en ce temps cy, pour la refutation de  
ceux lesquels osent bien imposer les mains aux autres, encore qu'ils n'ayēt ceste puissance, & du tout ne soyent  
consacrez.

c lequel] Pour declarer l'inepte & mal-heureuse impietē & babil d'Eunome, nous adiousterōs icy les paroles  
de Socrates, liure 4. chap. 9. Iceluy dit de la doctrine de cest heretique : Dieu ne congnoit rien d'auantage de sa  
substance que nous : & icelle ne luy est point plus claire, & entendue, qu'à nous. Mais il sçait entierement ce  
que nous sçauons d'icelle : & de rechef ce qu'il congnoit, su le trouuerai du tout semblablement en nous.

De l'heresie



*De l'heresie des Apollinaires pere & fils, & comme ils y tresbucherent  
pareillement de la secte de Vital.*

CHAP. XII.



Nous auons dit cy dessus, qu'en ce temps estoient deux Apollinaires ; à sçauoir le pere & le fils. Dont le pere estoit prestre & le fils lecteur : l'un & l'autre grandement docte aux lettres Grecques. Le pere fut braue Grammarien, & le fils insigne Rhetoricien. Le pere natif d'Alexandrie, enseigna les lettres quelque temps à Beryt : l'estant marié en Laodicee, engendra son fils Apollinaire. Tous deux aymerent fort intimement l'excellent sophiste Epiphane, duquel ne peut les seioindre mesme Theodot, Euesque de Laodicee : encore que par son autorité & interdict, il leur eut defendu la compagnie d'Epiphane. Ils publierent plusieurs liures vtils & profitables à l'Eglise, ainsi que nous auons dict cy deuant. Mais depuis tresbucherent vilainement en l'heresie appellee de leurs noms. Car Apollinaire le fils, ayant destourné plusieurs de l'Eglise, fit à part ses assemblees : & pour constituer & bastir son opinion & doctrine, print pour compaignon Vital, Antiochien, prestre, du nombre de ceux qui frequentoient l'Eglise de Meletie, homme rien ne cedant à d'autres pour l'egard de la vie illustre, & sainteté de meurs, fort studieux de regarder & penser sur ceux qui luy estoient baillez en charge, & pour ceste cause honoré & reueré du peuple. Car peu apres qu'il se retira de la communion de Meletie, il s'allia d'Apollinaire, & gouerna les sectateurs d'iceluy en Antioche, attirant à soy grande partie du peuple, pour la reuerence de sa vie : tellement que ceux qui le suiuoyent, prenaient leur nom de luy, furent appelez Vitaliens par les Antiochiens, iusques à l'Empire de Theodose le ieune. Et dit on qu'il fit cest acte, contrainct par fâcherie, se voyant comme contemné & mesprisé de Flauian, lequel par apres receut le siege d'Antioche, & pour lors estoit prestre avec luy, & fut empesché d'estre bien venu, & traité familièrement del'Euesque. Car estimant que sa renommee fut pour ce diminuee, vaincu de ceste tristesse, comme aduient aux hommes, se retira vers Apollinaire, & communiqua avec luy, ayant vsé premierement de son amitié. Depuis ce temps ils firent aussi leurs assemblees en d'autres villes sous leurs Euesques, & celebrerent des ceremonies estrangeres de l'Eglise Catholique : chantans plusieurs carmes inuentez par Apollinaire, outre les sacrez chants receuz del'Ancienmeté. Aussi iceluy, outre le surplus de son erudition, fut excellent à composer de toute sorte de vers en poésie : & pour le plaisir d'iceux, persuada à plusieurs luy adherer & le suyure, en sorte que les hommes entre leurs compotations & labours manuels, pareillement les femmes filantes leur laine, chantoient & psalmodioient ses carmes. Car il composa avec grande industrie des œuvres de poésie, tant pour appaiser les travaux des hommes, que pour recreation aux iours de festes & aussi pour autres choses, ainsi que le temps requeroit, le tout appertement à la louange de Dieu. Or Damase premier Euesque de Rome, & Pierre Alexandrin, ayans congneu que ceste heresie se respendoit trop au large, asssemblans à Rome vn Concile, arresterent qu'elle estoit aliene de l'Eglise vniuerselle. Et dit on que pour ceste cause, Apollinaire inuité par l'imbecillité de son esprit, pour establir sa doctrine, choisit & inuenta des ruses nouuelles. Aussi quelquefois Athanase, Euesque de l'Eglise Alexandrine, chassé en exil sous Constance, ayant receu commandement de reuenir en Egypte, raisoit son chemin par Laodicee : où familièrement il cōuersa avec Apollinaire, pource qu'il luy estoit tres-aymé, pourtant donc que ceux de secte contraire reiettoient la communion d'Athanasé & compagnie, comme celle qu'ils auoyent renoncee par serment & promesse : George Euesque de Laodicee, pour ceste cause chassa hors de l'Eglise Apollinaire, comme si contre les canons & saintes constitutions il eust hanté avec Athanasé. En sorte qu'il luy reprocha ce pour crime, voire luy en demanda avec opprobres & iniures, la raison, & constitua peine de ses anciennes offenses, mesme lesquelles estoient effacees par penitence. Car lors que Theodot auant George, gouernoit l'Eglise de Laodicee, Epiphane en ce temps fort excellent sophiste, auoit recité vn Hymne dédié à Bacchus, lequel aussi pour lors estoit precepteur d'Apollinaire encore ieune. Parquoy il assista avec son pere de mesme nom que luy, insigne Grammarien, & fut present à la recitation de cest Hymne. Et pource que soudain qu'Epiphane au commencement de son oraison, selon qu'est coustumier à ceux qui florissent en telles études, commanda ceux sortir & se retirer loing, lesquels n'estoyent initiez, mais prophanes : & nonobstant ne Apollinaire, ne son pere, ne quelque autre aussi de tous les Chrestiens là presens, ne sortit de l'auditoire. Theodot Euesque, ayant de ce congnoissance, fut grandement contristé : tellement qu'ayât tant céaucuns du peuple pour quelque temps, leur fit grace & pardona leur delict. Mais apres auoir reproché ce fait & peché à l'un & l'autre Apollinaire, & iceluy obiecté publiquement, il les separa del'Eglise : Car ils estoient clerics, à sçauoir le pere prestre, & le fils encore lecteur des sa-

*De l'heresie  
d'Apollinaire.*

*Vital compaignon d'Apollinaire.  
Sofom. li. 6.  
chap. 25.*

*La cause qui  
destourna  
Vital de la  
foy Catholique.*

*Carmes ecclesiastiques  
d'Apollinaire.*

*La cause qui  
esmeut Apollinaire  
se retirer de l'Eglise.  
Pource que  
Apollinaire  
sest trouué  
avec Athanasé.*

*George Euesque de  
Laodicee  
l'excommunié.*

*Epiphane  
sophiste recite  
publiquement  
l'hymne de  
Bacchus.*

*Les Apollinaires excommuniés.*

# LIVRE XI. DE L'HISTOIRE ECCLESIASTIQUE

ils sont re-crees escritures. De là quelque espace de temps passée, Theodot de rechef les receut en grace, & apres que se repentans & faisans penitence, ils eurent aboly & effacé le crime commis, par larmes & ieusnes. Mais depuis que Georgē eut attainé l'episcopat, & qu'Apollinaire hanta familiarémēt avec Athanase, ainsi que nous auons dit, il le chassa excōmunié hors l'Eglise. Et dit on que souuent, par toute sorte de supplication, il requit humblement George, qu'il luy pleust le receuoir à la communion. Mais voyant qu'il ne luy pouuoit persuader, saisi de melancolie, troubla l'Eglise, & par nouuelles propositions introduit son herese, & l'auança tant qu'il peut: se vengeāt de son ennemy par oraisons elabourees de grand artifice, le reprenāt qu'il l'auoit chassé & desmis de son degré, encore qu'il fust plus excellent en la doctrine des sacrees escritures que luy. En ceste sorte en tout temps les priuees simulez & inimitiez des clerks l'un contre l'autre, apporterēt tref-grand detrimēt à l'Eglise, & detrancherēt la religion en plusieurs sectes. Cela est assez manifeste par ceste histoire: Car si George eust aussi bien receu Apollinaire penitēt, comme auoit fait Theodot, l'heresie denōmee de luy, ainsi que i'estime à la verité, ne regneroit pas. Car les esprits des hommes, s'ils se voyent mesprisez, conçoient vne audace arrogante, & pour l'estude de contention entreprennent & songent choses nouuelles. Que s'ils obtiennent ce qui est raisonnable, ils se moderent & rengent, ensemble se contentent de leur condition.

*Au Grec exemplaire de Nicefore deffailloit vn cayer entier: lequel deffaut j'ay réply des autres escriuains eclesiastiques, selon l'annotation des chapitres.*

*Comme saints Basile & George escriuirent des liures refutatoires contre Eunome, & Apollinaire: & quelles furent les opinions de ces heretiques.*

CHAP. XIII.

*Epistre de Gregoire de Nazianze, à Nectarius, Euesque de Costantinople, par laquelle il re-  
přet l'heresie d'Apollinaire.*



Insi que nous auons dict, on ne peut nier qu'Eunome n'ait eut pareille sentence qu'Ætius: Car luy-mesme se vante d'auoir pour precepteur Ætius, & le tesmoigne manifestement en ses escrits. Aussi Gregoire de Nazianze Euesque, accusant Apollinaire, escrit ces paroles en l'vne de ses Epistres, laquelle il adresse à Nectaire, Euesque de l'Eglise Constantinopolitaine: Eunome vraiment ne se cōtente de nostre detrimēt, que nous nourrissons en nostre sein, à scauoir qu'il a quelque bruit & renom: mais estime perdre, s'il n'attire avec soy en mesme danger & peril toutes personnes, ce qui est aucunement à tollerer: Mais, ce que ie pense estre plus dangereux à l'Eglise, est qu'on ne recherche point avec punition les sectateurs d'Apollinaire, auxquels ie ne sçay comme ta saincteté ne prend garde, veu qu'ils s'vsurpent licence & permission egale avec nous, en dignité & puissance de prescher, & faire leurs assemblees. Tu congnois vraiment non seulement ce qui appartient à la protection & defense de la parole de Dieu, mais aussi ce qui a esté songé & controuué contre la saine foy par les heretiques, veu que tu as entierement, selon la grace de Dieu, esté enseigné aux diuins mysteres: Toutesfois ie n'estime t'importuner, quand ta sagesse entendra quelque chose de ma petitesse. Quelque liure d'Apollinaire est entre mes mains, lequel surpasse toute heretique meschanceté: Car il assure & afferme que la chair n'a esté prinse par l'aduenement de l'vnigenit Fils, pour transmuier nostre nature selon l'administration de nostre salut: mais que dès le commencement ceste nature charnelle a esté au Fils, & pretend pour tesmoignage de si grande absurdité, le dire de l'Euangile mal prins & interpreté, duquel telles sont les paroles: Nul ne monte au ciel, si non le Fils de l'homme, qui est descendu du ciel. En sorte qu'auant qu'il descendit, il ait esté Fils de l'homme: & soit descendu apportant ceste sienne propre chair, laquelle il ait eue au ciel deuant le siecle, & consubstantielle. De rechef aussi il produit la parole Apostolique, que le second homme est du ciel. Outre plus, il ordonne que cest homme qui est venu du ciel, n'a point d'Esprit, mais que la diuinité de l'Vnigenit tient la place, & retient la parfaite nature de l'Esprit: veu qu'elle est la troisieme partie de la coaugmentation & composition humaine, l'ame & le corps humainement ayans leur estre à l'entour d'icelle, l'esprit leur deffailant, & le Verbe de Dieu tenant son lieu. Et vraiment ceste heresie n'est seulement le spectacle serieux & pesant, duquel ie fus aduertý: mais ce qui est encore le plus indigne & execrable de tout, il arreste que l'Vnigenit de Dieu, iugē de tous, autheur & duc de la vie, destructeur & triomphateur de la mort, soit mortel: en sorte qu'en la diuinité il ait enduré passio, & qu'en la mort des trois iours auxquels le corps fut mortifié, la diuinité ensemble avec le corps mourut, & qu'ainsi de rechef elle a esté resuscitée de la mort, par le Pere. Il seroit long à raconter le surplus qu'il adioust, pour confirmer vne si grande importunité. Des paroles maintenant recitees, chacun peut congnoistre quels furēt Eunome & Apollinaire, & selon que la cōiecture est facile, ils eussent attiré plusieurs personnes de l'Eglise vniuerselle à leur sentēce, s'ils n'eussent trouué pour aduersaires Basile,

*L'heresie de Apollinaire.*

Basile, & Gregoire de Cappadoce, lesquels brauement & serieusement eseruiurent contre eux plusieurs choses. D'auantage l'Empire de Theodose, lequel succeda peu de temps apres, reprima leurs efforts: Car il renuoya les ducs & chefs de ces heresies aux lieux solitaires. D'auantage, les moines de ce temps leur resisterent. Car ceux lesquels menoyent vie monastique aux lieux voisins de ces heretiques, tant en Syrie, qu'en Cappadoce, retindrent & obseruerent de pres les decrets & ordonnances du Concile de Nice. D'autre part ceste region qui tend depuis la Cilicie iusques en Phenice, estoit en danger de tresbucher à l'heresie d'Apollinaire. On craignoit aussi grandement que ces peuples, lesquels habitent la Cilicie & le mont Taurus, iusques à Hellestot & Constantinople, ne fussent infectez par Eunome: Car il n'estoit difficile à l'un & à l'autre persuader aux voisins de ceux, chez lesquels ils hantoyent, & les induire à suyure leur sentence. Ce qu'auint pareillement aux Arriens: A sçauoir les moines, desquels nous auons parlé, estimez grandement pour leurs vertus & œuvres, en partie croyoyent qu'iceux sentoient bien de la foy, mais depuis qu'ils les congneurent pour auoir autre opinion que l'Eglise Catholique, pareillement les mespriserent & reietterent pour le soupçon de leur impure & adulterine doctrine: ainsi que les Egyptiens, suyans la sentence de leurs moines, eurent les Arriens pour ennemis.

*Ce qu'épescas ces heresies.*

*Les heretiques chassés aux solitudes.*

*Les moines résistés aux heretiques.*

*De l'heresie des Anthropomorphites, & massaliens: aussi des Nouatiens, & comme ils furent diuisés en plusieurs sectes, pour la mutation des series de Pasques.*

## CHAP. XIII.



N ce temps Audé, Syrien de langue & nation, inuenta des nouvelles doctrines: Car il a produit en lumiere à la longue les maux, lesquels légument au parauant il auoit conceuz. A sçauoir ayant mal premierement entendu cecy: Faisons l'homme à nostre image & semblance: eust opinion que Dieu auoit forme humaine, & estima qu'il estoit composé de membres corporels: n'estant vrayement paruenue à la naïfue sentence de l'écriture, laquelle attribue aux œuvres de la maiesté diuine les vocables des parties humaines. A la verité aussi ceux en ceste sorte qui ne peuvent ouyr & entendre les choses plus subtiles, par telles similitudes comprennent plus facilement le conseil de Dieu. Outre ce, il adionsta autres choses semblables à ceste impiété: Car s'estant meslé avec Manes, il enseigna que Dieu le constructeur de cest vniuers n'auoit créé le feu, ne les tenebres. Et ceux qui sont de la faction d'iceluy, comurent ces heresies, & autres semblables d'une piété apparente, & dit on d'eux qu'ils se separant des publiques assemblees de l'Eglise, pource qu'aucuns entre nous prestent leur argent à vsure execrable, & d'autres vivent meschamment, ayans accointance aux femmes hors de mariage. Ils communiquent librement avec ceux qui ne sont entachez de ces vices: Mais à la verité il est manifeste & liquide, que selon leur coustume particuliere ils vivent separez des autres, pource qu'ils cachent & celent les blasphemies & impietez de leurs doctrines. Or ceste feinte & dissimulee sainteté est pleine d'arrogance, laquelle à sçauoir est sortie de la doctrine pharisaïque: Car les Pharisiens accusèrent celui qui est ensemble medecin de nos ames & corps, disans aux Apostres: Pourquoi vostre maître prend il viade avec les publicains & pecheurs? Aussi nostre Dieu par le Prophete dit ces paroles, de telle sorte de gens: Ceux qui disent: Je suis pur, ne me touchez point, celle est la fumee de ma fureur. Mais nous n'auons entrepris pour le present refuter la folie de telles gés: Parquoy poursuuons à raconter le demourant. En ce tēps aussi l'heresie des Massaliens pulluloit, lesquels on a denommé Euchites, c'est à dire supplians, laquelle voix est traduite de la diction Grecque. Ils ont encore un autre surnom tiré de la substance de leur secte, car ils sont appelez Enthusiastes; c'est à dire inspirez de quelque esprit diuin, pourtant que quelque demon monstre en eux sa force, & exerce son industrie: laquelle chose ils estiment estre la presence du saint Esprit: Ceux qui sont parfaits en ce vice, reiettent tout œuvre & labeur manuel, ainsi que li c'estoit quelque meschanceté: Parquoy addonnez à dormir, ils appellent les visions & phantasies de leurs songes du nom de prophetie. Les capitaines & ducs de ceste heresie furent Dadoës, Sabbas, Adelphe, Hermas, Simeon & plusieurs autres, lesquels ne s'abstindrent point de la communion Ecclesiastique, disans que la viande diuine ne profitoit & ne nuisoit aucunement. De laquelle toutesfois le seigneur Iesus-Christ dit: Qui mange ma chair & boit mon sang, il vivra eternellement. Et ce pendant ils veulent hastiement & soigneusement supprimer ceste maladie, laquelle aussi impudemment ils renoncent, s'en voyans conuaincus, & couurent de paroles, & desguisent deuant leur peuple, ce qu'ils portent en leurs esprits. Latoius, du temps qu'il gouernoit l'Eglise de Melit, homme illustre en zele diuin, ayant congneu que plusieurs monastères, ou plustost spelonques de brigans estoient infectez de ceste contagion, les brusta & chassa les loups hors du troupeau des brebis. Pareillement ce tres-excellent Amphiloche, lequel gouerna la metropolitaine Eglise de Lycarnie, commise à sa foy, & dressa tout le peuple de ce pais, sons.

*L'heresie des Anthropomorphites, dits Audéens.*

*Ces heretiques sous le pretexte d'une doctrine plus sainte & seuer se separent de l'Eglise.*

*Sainteté pharisaïque des heretiques.*

*Heresie des Massaliens, dits Euchites & enthusiastes.*

*Ils reiettent le labeur manuel.*

*Auteurs de ceste heresie.*

*Ces heretiques mirent la communion entre les choses indifferentes.*

*Latoius, eussant de Melit, brusta leurs mai-*

# LIVRE XI. DE L'HISTOIRE ECCLESIASTIQUE

*Amphilochie les chaf- se de son E- uesché.* ayant cōgneu que ceste peste estoit venue iusques en sa bergerie, la iecta hors, & deliura de ceste ruine les troupeaux qu'il repaissoit. Flavian semblablement homme de celebre renommee, apres qu'il fut fait Euesque d'Antioche, & entendit que telle sorte de gens hantoit en Edesse, infectant les voisins de leur poison, leur ayant enuoyé vne compaignie de moines, les fit venir en Antioche, & par ce moyen surprit ces heretiques en leur crime, lesquels toutesfois nioyent fermement leur maladie: Car il dit que leurs accusateurs & tesmoins contraires, auoyent par calomnie rapporté d'eux toutes faulsetez & mensonges. Et deuissant & parlant doucement avec Adelphe, lequel estoit ancien, & leur presidoit, luy commanda s'asseoir pres de luy: & lors, nous, dit-il, ô bon vieillard, qui auons quasi accompli le cours de nostre vie, auons assez remerqué & congneu certainement que c'est que nature humaine, ensemble entendu les ruses & entreprises des diables nos ennemis, & apprins par experience que c'est que la ministracion de grace. Mais ces ieunes gens cy, qui n'entendent rien parfaitement de ces choses, ne peuuent ouyr paroles spirituelles. Parquoy, dy moy ie te prie, comme tu enseigne non seulement que l'esprit ennemy cede & quitte, ainsi que vaincu: mais aussi que la grace du saint Esprit approche & assiste à la personne? Le veillard alliché par ces paroles, vomit hors le venin ia supprimé, & dit que nulle vtilité ne prouenoit du diuin baptême, à ceux qui vseroyent d'iceluy: mais que la seule oraison iectoit hors le diable. Car il affirmoit que tout homme né du premier parent, ainsi qu'il contractoit la nature d'iceluy, aussi il participoit de la seruitude des diables, lesquels chassiez par vne hastiue priere, soudain de là en auant le saint Esprit s'approchoit, signifiant sa presence, en sorte qu'on le sentoit & voyoit: deliurant le corps de la crainte des affections, ou passions, & vengeance ainsi l'ame de l'inclination laquelle tend au mal, que par apres n'est besoing ou d'abstinence & ieusne pour chastier le corps, ou de doctrine qui nous mette la bride & enseigne cheminer selon quelque reigle. Ensemble que celuy auquel le saint Esprit assisteroit en ceste sorte, non seulement estoit deliuré des chatouillemens du corps, mais aussi preuoyoit clairement les choses futures, & au descouuert regardoit de ses yeux la diuine Trinité. En ceste sorte saint Flavian ayant fouy la fontaine & source infecte, & descouuert l'humour mauuais, dit à ce vieillard miserable: O enueilly en longueur de vie meschante, ta propre bouche t'a conuaincu, non moy, & tes propres leures ont porté tesmoignage contre toy. Ainsi ceste heresie declaree & manifestee, sortit hors de la Syrie, & se retirant en Pamphilie, la remplit aussi de troubles & tumultes: Ce qui suffira estre dict de ces absurdes & ineptes heresies. En ce mesme temps les Nouatiens habitans en Phrygie, chagerent le iour festé de pasque: Ce que i'exposeray soudain que i'auray dit par quel moyen les Phryges & Paphlagon retiennent tant fermement les sanctions de leur Eglise. Or Nouat, prestre, sortit de l'Eglise Romaine, pource que Corneille, Euesque, admit à la communion ceux qui sacrifierent aux dieux, en la persecution excitee par Decius Empereur. Iceluy pour ceste cause separé de l'Eglise, & par les Euesques luy fauorisans esleué en dignité episcopale, rescriuit par tout à toutes les Eglises, qu'ils ne receussent à la participation des saints mysteres, ceux qui auoyent sacrifié: mais bien qu'ils les admonestassent de faire penitence, & permissent à Dieu seul eslargir & donner pardon, lequel seul auoit l'autorité & puissance de remettre les pechez. Les hommes demourans en ces prouinces ayans receu ces lettres, accommodoyent à leurs meurs & coustumes la sentence & iugement d'icelles: Car ayans signifié que ceux ne deuoyent estre receuz aux mysteres, lesquels apres le Baptême auoyent commis le peché à la mort, à d'aucuns vrayement sembla la sentence de ceste reigle estre trop seuer & cruelle: mais d'autres la receurent estimans ce decret estre iuste, & fort cōmode pour corriger la vie & les meurs. Lequel estant reuoké en doute & question, suruindrent d'autres lettres de Corneille, Euesque, annonçant la grace du peché mesmes à ceux qui estoient tresbuchez apres le Baptême. Ainsi donc que l'un & l'autre escriuoyent choses contraires par leurs epistres, & confirmoyent ce qu'ils disoyent par les oracles des lettres diuines, chacun tiroit à soy & fauorisoit à ceste heresie, à laquelle il estoit parauant d'auantage enclin: car ceux lesquels estoient accoustumez volontiers à peché, ayans receu ceste remission & pardon, de là en auant par tout le temps de leur vie vseroyent d'icelle en tous leurs pechez.

*Les Phryges modestes.* Or la nation des Phryges semble estre plus temperée & modérée que les autres nations: Car les Phryges iurent peu souuent. D'autre part l'animosité & courage domine aux Scythes & Thraces: & les Paphlagon & Phryges ne sont enclins à nul d'iceux. Car on ne void point entr'eux de ieux d'exercice, & ne s'ont theatres dressez n'exhibez aucuns spectacles. De là il me semble qu'iceux & autres de mesme condition, accorderent lors aux escripts de Nouat. Entr'eux la fornication est le plus execrable forfait & abomination. Vrayement aussi nous voyons les Phryges & Paphlagon viure plus modérément que tous les autres heretiques. Parquoy ie pense qu'icelle est la cause mesme, pourquoy ceux qui habitent aux parties Occidentales obeissent au decret de Nouat. Or Nouat nonobstant qu'il ait basti sa secte pour vne sorte de viure plus contraincte, ne changea rien toutesfois du iour festé de Pasque: Car tousiours il celebra le Pasque, ainsi que ceux qui demouroient aux parties Occidentales estoient accoustumez de faire, lesquels sont tousiours leur Pasque, voire dès le commencement qu'ils sont Chrestiens, & le ce-

& le celebrent apres l'equinoxe. Quelque temps depuis Nouat fina sa vie par martyre, sous le prince Valerian, lequel excita persecution contre les Chrestiens. Lors ceux en Phrygie qui sont denommez de luy, viuans de plus en plus à leur plaisir degenererent de la maniere de viure & communion de Nouat, muerent aussi en ce temps la feste de Pasque : Car vn concile assemblé en vn petit bourg appellé Paze, où sont les sources du fleuve Sangar, aucuns Euesques Nouatiens en peu de nombre, voire peu estimez, arresterent qu'il falloit obseruer l'azyma des Iuifs, & celebrer avec eux le Pasque. Socrates, lequel assure que touchant ce lieu il n'est different de la doctrine des Nouatiens, escript que ces choses luy furent racontées par quelque vieillard, lequel luy dit qu'il estoit fils d'un prestre, avec lequel il assista à ce Concile. Et nonobstant là ne se trouuerent ou Agil Euesque des Nouatiens en Constantinople, ou Maxime de Nice, ne mesme les Euesques de Nicomedie, ou Cotyl ville fort celebre en la Phrygie, par lesquels principalement la religion des Nouatiens fut administree. Ainli se porterent ces affaires pour ce temps : Et depuis à cause de ce Concile, l'Eglise des Nouatiens se separa en plusieurs parties, comme nous dirons en son lieu.

*Nouat martyr.  
Les Phryges  
Nouatiens  
ordonnent  
en un concile  
abule,  
qu'il faut  
celebrer le  
Pasque avec  
les Iuifs.  
Socrates les  
appelle Co-  
tyains.*

*Comme Eudoxe Euesque de Constantinople decedé, les Arriens esleurent Demophile, & les Catholiques avec la voix & faueur d'Eustace d'Antioche, choisirent Euagre: & ce qui leur aduint.  
Chap. XV.*



Our mener le fil de nostre histoire, il nous faut là retourner, d'où nous sommes partis. L'Empereur Valent sortant de Constantinople, se hata de venir en Antioche par le fleuve d'Oron. Arriué à Nicomedie, là il seiourna pour ceste cause qui l'ensuit. Eudoxe Euesque de la secte Arrienne soudain apres le partement de l'Empereur estoit decedé en Constantinople, au troisieme Consulat de Valentinian, & Valent, apres auoir gouuerné & tenu la charge de l'Eglise Constantinopolitaine l'espace d'unze ans. Les Arriens subrogerent en son lieu Demophile : Mais les professeurs du Consubstantiel estimans auoir trouué temps commode pour recouurer le siege episcopal, esleurent Euagre, prestre de leur faction. Auquel Eustace, quelquefois Euesque d'Antioche, lequel depuis peu de temps auoit esté reuqué d'exil par Iouiniâ, imposa les mains : car lors il estoit caché secrettement en Constantinople, à ce que pour le moins par sa presence il confirmast les professeurs du Consubstantiel. Ainli a esté fait, que les Arriens renouellerent la persecution contre les nostres. Ceste chose r'apportee au Prince, iceluy craignant que la cité ne fust troublée par tumulte & sedition, de Nicomedie enuoya en Constantinople vne compagnie de gens d'armes, avec tel commandement, qu'ensemble celuy qui auoit ordonné, & celuy qui estoit ordonné, fussent prins & chassés en exil, l'un d'une part, l'autre d'autre. Parquoy Eustace fut enuoyé en Bizye bourg de Thrace, & Euagre conduit en vn autre lieu. Pour ce les Arriens, ainli que plusieurs ont coustume de faire, lors que le vent de fortune leur vient à gré, de plus en plus se rendirent fiers & cruels, vexeant, batirent, iniurierent, empoisonnerent, despoillerent de leurs biens & argent les Catholiques, & bien sentans de la foy, & dressèrent contre eux toutes choses intolerables.

*Soc. l. 4. ch. 14. & 15.  
Sozom. l. 6. chap. 13.  
Eudoxe tres-  
passé.  
Debat d'eli-  
rel' Euesque  
entre les ca-  
tholiques  
& les Ar-  
riens.  
Valent com-  
mande Eu-  
agre & ce-  
luy qui l'a-  
uoit ordon-  
né Euesque  
estre chassé  
en exil.*

*De la cruauté des Arriens, & comme Valent brusta au milieu de la mer pres Asfacene port de Nicomedie octante hommes Ecclesiastiques, & les extermina par feu, avec leur nauire.  
Chap. XVI.*



Comme ces calamitez agitoient les nostres, ils enuoyerent au prince gés pour le supplier, & rechercher s'il y auoit quelque moyen de mettre fin à telles aduersitez. Mais ils furent bien esloingnez & deceuz de leur opinion, quand ils esperoyent impetrer iustice de celuy qui du tout estoit iniuste. Car ainli que quatre vingts hommes choisis & esleuz de l'ordre Ecclesiastique, auxquels Urbase, Theodore, & Menedeme presidoient, arriuerent en Nicomedie, & eurent présenté leurs requestes à l'Empereur, & se furent complaincts des griefs & efforts qui leur estoient faits, l'Empereur courroucé dissimule pour ceste heure son ire : mais depuis comanda secrettement à Modeste son lieutenent, qu'ayant saisy ces personages, il les fist mourir. La sorte du supplice qu'il les fit endurer, pource qu'elle estoit nouuelle, & du tout cruelle, fut remerquee en la memoire de la posterité. Le lieutenant donc craignant que s'il tuoit publiquement ces hommes religieux & de bonne vie, qui n'auoyent en rien forfait, ne se leuast quelque sedition entre le peuple, feignit les vouloir enuoyer en exil. A quoy ces personages s'accorderent de grand courage. Il leur comanda donc monter en nauire, comme si seulement ils deuoient changer de pays : & comanda aux nautonniers mettre le feu au nauire, quand ils seroyent

*Cruauté tyrannique.  
Trahison.*

# LIVRE XI. DE L'HIST. ECCLESIASTIQUE

venus au milieu de la mer, à ce que quand en ceste sorte ils mourroyent, ils fussent aussi priuez de l'honneur & office de sepulture. la ils estoient arriuez au sein de la mer <sup>a</sup> lequel est appelé Astacene : & là les nautonniers accomplirent ce qui leur estoit commandé: Car l'estans retirez en la fregate qui suyuoit le nauire, enflamberent tout le vaisseau auquel ces hommes estoient portez. Lors le vent subsolan souffloit de grâde impetuosité, qui fut cause que le nauire fut plus tost embrasé. La flamme dura iusques au lieu de Bithynie, appelé Dacyde, où elle fut engloutie & submergee au riuage, avec ces gens de bien. Mais aussi la végeance diuine poursuyuit ce fait tant miserable: Car soudain telle famine se leua en Phrygie, que <sup>b</sup> les habitans furent contraincts d'abandonner leur pays, & se retirer à Constantinople, & autres diuerses prouinces.

*Grande famine en Phrygie.*

<sup>a</sup> lequel est appelé Astacene] Les Arriens en Constantinople chargerent sur un nauire, auquel n'y auoit aucun gouuernail, auiron, ni autre aide & instrument nautique, plusieurs prestres catholiques & demots: & l'abandonnerent à la mer, pour de toutes pars estre soufflee & agitée de vents. Ils ordonnerent aussi en un esquif d'autres de leur secte, qui auoyent charge d'y mettre le feu. Ainsi ces saints personnages bataillâs avec le feu & l'eau, à la fin noyéz en la mer, receurent la couronne de martyre. Theodores, li. 4. chap. 24.

<sup>b</sup> les habitans & c.] Socrates escrit que Constantinople fournit & nourrit grande multitude de peuple, pour ce que la mer luy rend grand rapport de toutes marchandises: & outre ce, quand il est besoin, là est amenée grande abondance de froment par la mer Euxine, liure 4. chap. 16.

*De la vie, institution, estudes, & intime amitié du grand Basile & Gregoire le Theologien : & comme ils furent esleuez à la dignité sacerdotale.*

Chap. XVII.



*De l'oraison funebre de Basile, escripte par Gregoire le Theologien.*

*De l'exemple de ieunes gens estudiâs ensemble.*

*Enuie honneste.*

*Les compagnons de Basile & Gregoire.*

Consideré qu'il nous faut traicter plusieurs choses de Basile le grand & Gregoire le Theologien, i'ay estimé faire à propos, reciter aucuns points de la tres-estroite amitié & conioction aduenue entre ces excellens personnages. Ce que vraiment ie ne pourray faire ne mieux ne plus certainement, qu'auançant icy les paroles de ce mesme Gregoire, touchant cest argumēt, lesquelles sont couchees en l'oraison funebre, qu'il a escripte de Basile: Avec succession de temps (dit-il) soudain que l'un à l'autre a signifié son amour mutuel (ce qui fut fait en Athenes, où tous deux trauaillerent aux lettres) & qu'on congneut que ceste affection estoit entre nous conceüe, pour l'ardeur qui nous menoit en philosophie: lors nous fumes faits l'un à l'autre en tout familiers & amis. Nous vescuimes ensemble compaignons en vne mesme maison, & conferalmes l'un avec l'autre conioincts par estreote amitié, en sorte que chacun de nous môstra en soy vn courage constant & embrasé: Car la connexion & familiarité des corps, pour ce qu'elle est de choses labiles, se passe non moins que les fleurs du printemps. Aussi la flamme ne dure, depuis que la matiere est consommee par feu, mais icelle bruslee s'esuanouit: & ne peult la charité demourer en son entier, soudain que l'ardeur nourrissant est desseiché. Mais l'amour diuin & pur dique a coustume d'estre plus ferme & constant, pour ce qu'il est appuyé sur ce qui est stable & permanent. Et d'autant plus que les amans considerent la beauté de la chose desirée, ils sont d'auantage conioincts l'un avec l'autre. Telle donc estoit la loy de nostre amitié. Et ainsi qu'en ceste sorte nous estiois animez l'un enuers l'autre, & comme dit Pindare, nous eumes dressé pour soubassement de nostre couche ferme ces colonnes dorees, nous procedasmes ainsi de là en auant, ayans pour aide Dieu, ensemble le souhait mutuel de l'un & l'autre. Mais pourray-ie me souuenir de ceste amitié sans plourer? De l'un & l'autre estoit vne mesme esperance, & but proposé en vne chose tres-enuieuse, à sçauoir touchant la doctrine. Mais nulle enuie n'estoit entre nous, seulement l'emulation exerça l'un & l'autre: & debartoit non quel des deux auroit le premier lieu, mais quel le concederoit & donneroit à son compaignon: Car l'un tenoit la louange de l'autre, ainsi que la sienne propre: en sorte qu'il sembloit en nous vne ame auoir deux corps. Que si on ne croit ceux qui disent, que toutes choses sont l'une en l'autre: pour le moins toutefois qu'on retienne de nous estre vray, que l'un estoit en l'autre, & l'un dependoit de l'autre. Vn œuure seul estoit de l'un & l'autre & mesme propos, à sçauoir la vertu, & que toute nostre vie fust dressée à l'esperance future, & que là nous fussions premierement transportez en esprit, que separez de ce corps & vie caduque: à quoy prenans garde, nous instituyons & ordonnions toute nostre vie & action, à ce que le commandement de Dieu nous conduist, & l'un excitast & aiguistast l'autre à vertu. Et si ceste parole ne sembloit estre trop aduantageuse, ie dirois que l'un fut à l'autre la reigle & le niveau: avec lesquels on esprouue ce qui est droit ou tortu. Nous fumes conioincts à des compaignons non impudiques, mais tres-modestes: non contentieux, mais grandement pacifiques, & avec lesquels il est tres-utile conuerser: pour-

ce



ce que nous sçauions qu'on retient plus facilement les vices par contagion, qu'on ne communique la vertu les vns des autres: Pour ce que la maladie plustost s'accueille aux autres, que la santé. Nous suyuiſmes des disciplines non pas tant recreatifues & plaisantes, qu'honnestes: Car par icelles les enfans sont dresséz ou à vertu ou aux vices. Pour lors deux voyes nous estoient congneues & familiares: l'une premiere & plus honneste, l'autre dernière & non de telle consequence: car l'une nous menoit aux sacrez temples, & docteurs d'iceux: l'autre nous conduisoit aux maistres profanes. Nous laissaſmes les autres à ceux qui s'y vouloyent arreſter, à ſcavoir les iours festez, les theatres, spectacles, assemblees publiques & banquets: Car ie n'estime rien admirable & excellent, qui ne profite, & dresse les personnes à vertu, & ne réde ceux meilleurs, qui l'embrassent & recherchent. Aussi aux vns plaisent les surnoms tirez ou de leurs peres, ou de leurs maisons, ou de leurs estudes & actions: mais ce nous estoit vn grand & illustre titre, d'auoir le nom de Chrestiens, & l'estre de fait. Vrayement la ville d'Athenes nuiſt grandement aux esprits. Aussi les gens de bien n'estiment ſans cause qu'icelle est plus abondante en idoles, que tout le demourant de la Grece. Et à la verité il est bien difficile, que quelcun ne soit destourné par leurs haragueurs & aduocats. Mais aucun inconueniēt ne nous aduint par iceux, pour ce que nous estions bien munis & instruits en nos esprits. Mais au contraire plustost (ce qui est merueilleux à dire) nous fuſmes de ceste chose d'auantage confirmez en la foy, pour ce que nous congneuſmes leur erreur & impurité: là mesprisans les diables, ou les diables sont estimez & priez. Et ſil y a quelque fleuve lequel on estime couler & passer par la mer ſalee & amere, & nonobſtant retenir ſa douceur: ou quelque beste ſauteler au feu lequel conſōme tout, ceste vertu fut monſtree en nous, lors que nous conuerſions avec nos ſemblables. Et ce qui fut chose tres-belle, la ſodalité d'entre nous estoit decoree de noblesſe par luy ordonnee & conduite en meſmes affection & volonte, encore que ie couruſſe à pied aupres du chariot Lydien, taſchant à imiter toutes ſes bonnes façons & maniere de viure. De là nous fuſmes priez & louiez enuers nos maistres & compaignons, ſemblablement par toute la Grece, & enuers ceulx ſpecialement qui en icelle furent tres-excellens. Voire deſia la renommee de noſtre nom paſſoit outre les fins de Grece, ainſi que pluſieurs en tenoyent propos: Car la louange de nos precepteurs fut ainſi grande que celle d'Athenes, & telle fut la noſtre, quelle estoit celle de nos precepteurs. Et ainſi que la chose ſe portoit nous fuſmes estimez la couple fort inſigne d'amis: voire tels qu'entre les Grecs Oreſtes, & Pylades, ou les Molionides, miracle de la poëſie Homerique, n'ont peu auoir d'amitié ſemblable. Ces choses dit Gregoire de ſon amitié & erudition, enſemble de Baſile, laquelle en partie pluſieurs eſcripts, & principalement les epiſtres d'iceux declarerent & manifeſtent. Vrayement ſi quelcun veult conferer ces deux perſonnages enſemble, & expoſer la vie, meurs & vertus d'iceux, il douterà lequel il preferera à l'autre: Car pareil eſtude a eſté entre eux, tant en ſaincteté de vie, qu'en ſacree & profane doctrine. Encore adoleſcens ils apprirent entierement l'art de Rhetorique en Athenes, auditeurs d'Himerius & Prohæreſis: lesquels pour lors estoient les plus excellēs entre les ſophiſtes, & depuis diſciples de Libanius en Antioche de Syrie. Et ainſi qu'aucuns les admonneſtoient d'ouuoir leurs eſcoles, & embrasſer la vie ſophiſtique, pour ce qu'ils les voyoyent fort apres aux eſtudes de philoſophie, & d'autres leur perſuadoient ſ'addonner à plaider au Senat: l'une & l'autre vacation contemnee, ils menoyent vie ſolitaire. Apres donc qu'ils furent aſſez verſez aux lettres philoſophiques, ils apprirent & furent enſeignez de l'intelligence des eſcritures ſainctes, par les liures d'Origene, & d'autres leſquels l'auoyent precedé ou ſuyuy: Car en ce temps la renommee & gloire d'Origene estoit grande par tout le monde. Or ſ'eſtans exercez aux liures d'iceluy, ils reſiſterent brauement aux Arriens. Et pour ce qu'iceux apportoyent les autoritez & teſmoignages des liures d'Origene, pour confirmer leur doctrine, ces deux excellēs perſonnages les reſuterēt, monſtrās qu'ils n'auoyent bien entendu la ſentence d'Origene. En ce temps les Arriēs, & Eunome meſme Arrianifant, furent estimez & priez de pluſieurs: Mais apres qu'ils ſe ſont ioincts à Gregoire & Baſile, ou par eſcripts, ou diſputes, ils furent trouuez du tout indoctes. Or Baſile créé diacre par Meletie, Eueſque d'Antioche, & depuis fait Eueſque de ſon pays de Ceſarce en Cappadoce, gouuerna ſes Eglises fidelement & ſoigneuſement: Car craignant que les nouuelles entreprinſes des Arriēs n'occupaſſent les contrees de Pont, ſoudain il courut ceste part: & là inſtituāt des exercices de moines, & enſeignant pluſieurs en la doctrine ſacree, confirma en la foy meſme ceux qui ſlotoient. Tel deuoir fit Gregoire, lequel ſucceda à ſon pere en l'Eueſché de Nazianze, petit bourg de Cappadoce: Car allant de lieu en autre par pluſieurs bourgs, il conforta ceux qui estoient infirmes & debiles en la religion: & principalement viſitant ſouuent la ville de Constantinople, confirma en la foy ceux qui fauoriſoyent à ſa ſentence: & depuis legitimement appelle en icelle ville, receut l'adminiſtratiō de l'Eglise, là ſ'eſtans assemblez pluſieurs Eueſques, leſquels luy donnerēt leurs ſuffrages. Que ſi la diuine pouruoyance n'eust procuré qu'iceluy fuſt venu en ce lieu, grand danger estoit & crainte vrayement, que chacun dechassé, là ne fuſt n'Eueſque, n'Eglise: & que d'ores en auant ne reſtaſt en Constantinople aucun licu à la foy de Nice. Mais cy apres ie traicteray de ceste chose: maintenant ie pourſuyray l'hiſtoire de Baſile.

*Quels e-  
ſtoient leurs  
eſtudes.*

*Athenes  
infectee  
d'idolatrie.*

*Gregoire  
veult dire  
qu'il eſt  
d'autant in-  
ferieur aux  
vertus de  
Baſile, cōme  
celuy qui  
eſt de pied  
n'eſt à com-  
parer à la  
course au  
chariot Ly-  
dien: comme  
dit Eraſme  
en ſes Chi-  
liades en  
ces mots Ly-  
dim curru.  
Sozom. au  
meſme liu.  
chap. 14.*

*Les prece-  
pteurs de  
Baſile &  
Gregoire.  
Tous deux  
menerent  
vie mona-  
ſtique.  
Ils leurent  
Origene.  
Ils reſute-  
rent les  
Arriens.  
Socrat. au  
meſme liu.  
chap. 26.  
Baſile.  
Eueſque.  
Gregoire,  
Eueſque.*

Discord entre Eusebe & Basile.

Basile cede à Eusebe.



Les gens de bien s'achèvent de ce.

Les Arriens en l'absence de Basile s'efforcent occuper les Eglises de Cappadoce. Basile vient à temps en Cesaree.

Il chasse les heretiques. Il succede à Eusebe.

Il est presenté au siege du Lieutenant par le commandement de Valens.

Constance chrestienne pour la defense de la foy.

Valens au iour de l'Epiphanie vient en l'Eglise, & ses habits de l'ordre qui y estoit observé.

Velque discord aduint entre Basile encore diacre, & Eusebe, lequel auant luy fut gouverneur de l'Eglise de Cesaree. Or Eusebe fut en toutes choses homme excellent, mais entre autres braue & illustre aux combats & dangers, lesquels se sont presentez pour maintenir la foy. Ce que la persecution de ce temps declara. Ce discord donc leué & suscité, Basile se retira à Pont, & là demoura avec les moines, viuans philosophiquement. Mais le peuple de Cesaree, & ceux principalement qui là estoient de meilleure conscience, ayas Eusebe suspect, comme cause de la suite d'un si grand personnage, lequel estoit plus illustre en vertu & eloquence que les autres, mesme en ce temps auquel grande multitude d'heretiques couroit ça & là, prindrent conseil de le laisser, & faire leurs assemblees à part. En ceste sorte Basile, à ce que tant qu'il pourroit il destournast de soy les occasions d'affliger d'auantage l'Eglise ja troublée par plusieurs tumultes, suscitez par ceux qui retiennent opinion estrangere, menoit vie paisible & en repos aux monasteres de Pont. Lors Valens & ceste sacree assemblee qui l'accôpaignoit (car tousiours les Euesques Arriens le suiuoyent l'incitant contre les Catholiques) se vantoient desia d'auoir trouué temps opportun d'accomplir ce qu'ils voudroyent en Cesaree de Cappadoce : pour ce que Basile s'estoit retiré de là, & le peuple pour la haine qu'il portoit à Eusebe deliberoit se diuiser : qui fut cause que de Nicomedie ils s'acheminèrent à Cesaree, comme pour la mettre à sac. En sorte qu'ils s'efforcèrent accomplir ce qu'ils auoyent accoustumé faire aux autres lieux, à sçauoir chasser des Eglises ceux qui estoient entiers & bien sentans de la foy, & mettre en possession les Arriens. Mais ce conseil fut en vain delibéré : car soudain qu'on apporta nouvelles qu'ils estoient arriuez en Cesaree, Basile ayant dit à Dieu aux escoles monastiques de Pont, reuint en Cesaree, & toutes autres choses mises arriere, se reconcilia à Eusebe. Par lequel acte il monstra grandement la bienueuillance de son courage. Et pour ce qu'en tēps perilleux il fit tout avec meur iugement & raison, & vſa bien à propos de disputes, il dechassa vne grande troupe d'heretiques, & profita à l'Eglise aux temps tres-calamiteux. Valens voyant que ceste entreprinse n'estoit paruenue à la fin par luy pretendue se retira avec ses Euesques en Antioche, & de là peu de temps apres reuenu en Cappadoce, trouua Basile administrant les Eglises apres la mort d'Eusebe : lequel voulant chasser & mettre hors, il fut empesché du ciel. Nonobstant pensant qu'il espouuanteroit comme avec vne masque & feinte paoureuxse ce personnage qui toutefois estoit hardy comme vn Lyon, soudain l'enuoya deuant le siege de son lieutenant. Là le lieutenant assistant l'interroge pour quelle cause il ne receuoit la religion de l'Empereur. A quoy iceluy respondit, que c'estoit pour ce que Dieu ne l'auoit pas ainsi comandé. Outre ce il reprint l'erreur de l'Empereur, & defendit le Consubstantiel. Et apres que le lieutenant l'eust menassé de la mort, Basile luy dit que pour ceste cause il le remercioit, veu que volontiers il souhaiſtoit fortir de l'estat des choses de ce monde. Et ainsi que le lieutenant luy commandoit delibérer d'auantage sur cest affaire, Basile dit, ie seray du mesme propos au iourd'huy & demain. Et à la mienne volonté que tu ne te fusses point changé : Car veu que ie suis creature, ie ne me persuadray iamais d'adorer la creature, & faire profession qu'icelle soit Dieu : & ne permettray iamais que ie soye de la compagnie des vostres, inseré en vostre religion : Car neantmoins que vous foyez estimez la partie de tout le monde & plus grande & plus illustre, toutefois il ne m'est pas loisible gratifier aux hommes, & pour ce tenir peu de compte de la foy que ie dois à mon Dieu : laquelle ie t'assure bien que ie ne renonceray, encore que tu me menasses de cōſiſquer mes biens, chasser en exil, & d'autres griefues afflictions, voire mesme de la mort. Car rien de telles choses ne me peut apporter tristesse. Que si tu requiers mes facultez & biens, reçois les si tu es tant cupide d'iceux, & te saisi de ces habits ja quasi cōſommez de ces haïres, & peu de liures que j'ay en ce monde. Que si tu aimes mieux que ie laisse ce pays pour fuyr en exil, ie suis prest. Mais comment seray-je banny, moy qui chemine sur terre ainsi qu'estranger, & aspire grandement & de tous souhais à vn autre region ? Et ce corps, à la verité, voire apres la premiere playe, sera réduit du tout deliure de sentiment, & tourmens, lesquels parauant il auoit soustenus. Basile ayant dit ces paroles tres-librement, & autres semblables, le gouverneur estonné de la prudence de ce personnage, courut hastiuement à l'Empereur, & luy rapporte que Basile estoit trop constant, pour estre destourné de sa sentence par quelque harangue qu'on luy face. Parquoy il estoit expedient, ou que publiquement il le chastiaſt, ou qu'il n'eust plus d'esperance de le persuader par menasses : l'empereur donc pour lors se reposa. Mais le iour de l'epiphanie venu, il artina en l'Eglise, avec toute la fantasie qu'il auoit, en pompe vaine & ambitieuse, & apporta son offre à la sacree table : & là pour ce que tout estoit fait & accompli en ordre merueilleuse, tombé en estonnement, & changé du tout, il fust trebuché en terre, si quelcun des grands seigneurs ne l'eust retenu ainsi qu'il tomboit, saïſſant sa robbe. Et apres auoir

auoir conserué aucuns propos avec ce saint personnage, il s'esmerueillia encore d'auantage de sa sagesse, & de l'ordre tresbeau qu'il maintenoit en toutes choses. Toutefois peu de temps apres esmeu par les calomnies des aduersaires de Basile, delibera l'enuoyer en exil. Et ja la nuit estoit venue, & on apprestoit le chariot, quand soudain vne maladie accueillit le fils de l'Empereur, appelé Gallus. Icelle estoit tant forte & perilleuse, que les insignes & excellens medecins qui pensoient cest enfant, se desffoyent & desesperoyent de sa vie. Valent extremement impatient en ceste fortune, se veautroit en terre, & pour le salut & santé de son fils se souhaiçoit la mort, & se lamentoit desesperement. Pareillement Dominique, espouse de l'Empereur, se tourmentoit griefuement, & confirmoit que de nuit elle auoit esté espouuantee de terribles estonnemens, & que ce elle auoir enduré, pour l'iniure faite à l'Euesque. Parquoy soudain elle fit venir Basile, & le pria qu'il aidast tant qu'il pourroit, l'enfant malade : Car l'Empereur pour la recente iniure qu'il luy auoit fait n'osoit luy demander aucune chose. Basile donc y assista, & l'enfant se commença porter mieux petit à petit. Neantmoins l'Empereur voulant l'esprouuer, luy dit : Si ces choses sont vrayes que tu enseignes de Dieu, prie Dieu que mon fils ne trespasse de ceste vie, & ne me soit osté. Là Basile dit : Si tu as la mesme foy que moy, & deliberes chasser hors des Eglises la maladie virgente qui y est, l'enfant reuiendra entierement en conualescence. Mais ce pendant que Valent promettoit ainsi faire, & entendoit autremet & faisoit, l'enfant deceda de ce monde. Lors tous asseurerent que l'enfant ne fut pas trespaslé, si l'empereur, ayant appelé ceux qui estoient d'autre foy & sentence, ne leur eust commandé prier ensemble avec Basile pour la santé de l'enfant : lesquels aussi il admonnesta le baptiser. Or l'empereur honorant ce personnage, donna aux hospitaux d'iceluy des metairies fort riches, & belles, qu'il auoit en ce lieu. Mais de rechef gaigné par ses familiers, appella vers soy ce saint homme, & l'admonnesta se ioindre à la faction de ses aduersaires, & ne pouuant esmouuoir par aucune harague celui, duquel le cœur estoit adamantin, il commanda qu'il se retirast en exil. Et ja l'arrest de son bannissement estoit escript, mais soudain que Valent le voulut confirmer de sa propre main, il ne peut merquer aucune lettre, car sa plume se cassa. Ce qu'adueni semblablement à la secóde, & troisieme, accoustree ainsi qu'il falloit pour escrire, & icelle brisée comme la premiere, il persista neantmoins encore à vouloir confirmer ce mal-heureux escrit. Mais sa main soudain fut saisie d'un tremblement intolerable, voire tel qu'on ne pourroit exprimer. Parquoy estonné en son esprit, & espouuanté, print la charre & la deschira des deux mains. Et dit on que peu apres aduint, que le lieutenant fut occupé de griefue maladie : toutes fois ayant humblement prié que ceste végeance fust destournée de luy, reuint en entiere conualescence. Mais que sont ces choses au regard des autres principales vertus de ce personnage ? Lequel aussi pour ses faits & doctrine recut merueilleuse gloire. Cest homme vrayement, ensemble Gregoire, laissa à l'Eglise de Iesus Christ plusieurs liures excellens, lesquels si ie ne scauoye estre congneuz à tous, i'eusse parlé d'iceux quelque chose à part. On dit que Ruffin en a traduit plusieurs en langue Latine. Mais ce soit dit briuelement de Basile & Gregoire.

« Mais le iour de l'Epiphanie venu] Assistá à ce collóque Demosthene, pouruoieur de l'Empereur, lequel reprenant ce docteur de tous le monde, vsoit de paroles barbares. Mais Basile soufisant, voila, dit-il, nous auons veu Demosthene illiteré & indocte. Et ainsi qu'iceluy se courrouçant de plus en plus le menassoit : c'est ton office, dit Basile, te soucier des saulces & brouets delicieux. Car en ce que tu as les oreilles estoupees, tu ne peux escouter volontiers les saintes doctrines. Theod. li. 4. chap. 19.

De la fraternelle conionction & amitié de Basile & Gregoire, & de saint Gregoire Nicene : & qu'en l'Eglise furent trois Gregoires, tous participans de grande sainteté : & outre iceux fut un quatriesme heretique. Chap. XIX.



R Basile eut des freres, desquels l'un dit Gregoire fut la lumiere & ornement de l'Eglise de Nice : homme, ainsi que son frere, illustre en meurs & sainteté de vie, & nonobstant qu'il ait eu vne espouse il n'a cedé toutes fois aux autres choses à son frere. Iceluy Basile decedé, accomplit l'œuvre par luy auancé grandement, & nommé Hexameron ou l'œuvre des six iours. Il escriuit aussi plusieurs confutations contre Eunome & Apollinaire. Il composa vne oraison funebre de saint Melite, & laissa à l'Eglise autres opusculs en grand nombre, pleins de bonnes doctrines & institutions. Et toutes les œuvres vrayement, mais principalement l'oraison mise en lumiere traitant de ce grand Gregoire celebré en miracles, montre quel fut ce personnage. Pierre fut le second frere de Basile, lequel ensemble premierement mena vie monastique, & depuis esleu Euesque gouverna la ville de Sebaste. Naucrache fut le tiers, lequel trespassa ieune en l'ordre & maniere de vie monastique. D'iceux fut ceste celebre Macrine sœur, à laquelle Gregoire dedia le liure de l'Ame. Aucuns heretiques, ainsi que j'ay entendu, enroserent cest œuvre de sentences & opinions d'Origene. Tous ceulx vrayement que j'ay recité, pour l'integrité de leur vie, sont redigez au nombre des saints, ainsi qu'on peut dire de Cesaire, frere

Gregoire Nicene.  
Les escrits d'iceluy.  
Pierre Euesque de Sebaste.  
Naucrache moine.  
Macrine.  
Cesaire frere de Gregoire de Nāxiene.

# LIVRE XI. DE L'HIST. ECCLESIASTIQUE

de Gregoire, & Gorgone sa sœur. Mais pourtant que pour la similitude du nom des Gregoires, aucuns errent touchant la discretion des inscriptions de leurs liures, il est necessaire sçauoir, qu'en l'Eglise de Dieu furent trois Gregoires excellens: à sçauoir ce Pontique, né de Neocesarée, plus ancien que les autres, & disciple d'Origene, duquel la renommee est illustre en Athènes, Beryt & la prouince Pontique, voire en tout le monde, par lequel il court pour la doctrine & miracles. Iceluy fut en Cesarée avec Origene, & depuis ce temps ne le laissant, apprint entièrement la plus vraye philosophie. De là reuenu en son pays, premierement lay & profane il fit choses illustres. Il chassa les diables, guerit les maladies, par son eloquence, ou plustost par prodiges, emmena les sectateurs de la superstition Greque à la profession de nostre foy. Pamphyle martyr fait mention d'iceluy en ses commentaires qu'il a composé sur Origene: ausquels est trouuee l'oraison à la loüange de Gregoire, adressée vers Origene. Ainsi ces trois furent appellez Gregoire, à ce que ie comprenne en somme leur excellēce: à sçauoir celuy duquel maintenant nous auons fait mention, & celuy lequel par nos deuanciers fut denommé de Nazianze, & par nous dit le Theologien, comme digne de tel surnom, & le frere de Basile. Outre plus fut en ce temps vn autre Arrien successeur d'Athanase, lequel fut chassé & mis hors par le peuple. Mais c'est assez parlé d'iceux pour le present.

Trois Gregoires illustres.  
Socrates au  
mesme liu.  
chap. 27.

Gregoire le  
Theologien.  
Gregoire  
Arrien.

*De saint Amphiloch, euesque d'Icone, comme il fut consacré par vn Ange: & comme en ce temps le diuin Chrisostome encore adolescent, donna tesmoignage illustre de la grace qui estoit en luy. Chap. XX.*

Les Amphiloches de Basile.



En ce temps aussi Amphiloch Euesque de l'Eglise d'Icone florissoit, lequel fut tres-cher à Gregoire & Basile: Cela tesmoignent les lettres d'iceux à luy adressees, & principalement ce que Basile composa du saint Esprit, qu'il a reduict en trente chapitres & constitutions, lesquelles aussi par plusieurs furent appellees Amphiloches. De ce personnage sont laïssées choses fort illustres en grand nombre, dignes d'estre remarquées & considerees par toute la posterité: Car il fut vieillard simple, auquel la doctrine & vie s'esgalloyent en telle sorte, que mesme il a mis en lumiere aucuns liures. Pareillement la grace diuine declara en cest homme, voire comme vn nouveau prodige, surpassant en maniere incredible toute merueille & entreprinse de nature: encore qu'autrement elle ordonne & dispence en nous ces priuileges: Car pour la grandeur excellente de sa vie & doctrine, Dieu luy a enuoyé & adressé ses Anges, lors qu'il philosophoit aux lieux solitaires: lequel ayas sanctifié par mystique & secrette benedictiō, & doué de tiltre Episcopal, le consacrerent en maniere spirituelle, & declarerent Euesque de la cité d'Icone. Aussi en ce lieu non long temps apres s'assemblerent les Euesques, pour l'eslire & ordonner: Mais apres qu'ils congneurent de luy que les Anges de Dieu l'auoyent consacré, gloire rendue à Dieu de ceste tant sacrée & diuine grace, ils receurent ce personnage comme Euesque de Dieu, & trompette de l'Euangile, & avec crainte & reuerence le nombrerent entre les defenseurs de la foy. En ceste sorte le baiser & salutation accomplis, selon la coustume, luy permirent administrer & parfaire ce qui estoit de l'office Episcopal. En ce temps aussi furent Optime & Latoie, Euesques, personnages tels vrayement, qu'ils, brauement defendirent & par leur vie & par leur doctrine, la diuine foy receu de leurs anciens: desquels l'un presida à l'Eglise de Melit, & l'autre de Psidie. Pareillement le diuin Chrisostome, encore ieune, venant en Antioche, monstra l'excellente force, vertu & beaulté de son esprit: lequel recherchant la discipline des meurs, en icelle de plus en plus y profitoit. En ce temps il n'estoit encore appelé en l'ordre des Euesques, mais accomplissoit le ministere de diacre, selon les ordonnances sacrees, duquel Basile & Gregoire voyans les epistres, s'esmeruillerent, & tesmoignerent qu'en cest adolescent estoit cachee quelque braue & illustre merque de doctrine & probité: Mais nous parlerons en son lieu d'auantage d'Amphiloch, & de Ican Chrisostome. Pour suyons maintenant & passons à ce meschant Valent.

Amphiloch consacré Euesque par les Anges, aux lieux solitaires.

Latoie & Optime Euesques.  
Ican Chrisostome diacre en Antioche.

*Comme Valent esmeut en Antioche tres-grande persecution contre les gens de bien, les suffoquans & noyant aux riuieres, & comme il chassa en exil le diuin Meletie, & Pelage, & Eusebe Samosatein, des actes & faicts duquel est icy inseree vne briefue narration. Chap. XXI.*

Valent poursuit les Catholiques.  
Sozō. en ce  
mesme liu.  
chap. 18.



Insy que Valent seiournoit long temps en Antioche, comme nous auons dit, & paisible de toutes guerres externes se reposoit en celieu, il arma & equippa, comme pour donner choc contre ceux qui suyuoient la foy du Consubstantial, & iecta hors non seulement de l'Eglise d'Antioche, mais aussi de toutes les autres voisines es enuiron, les propugnateurs & defenseurs de la saine doctrine. Pareille-

Pareillement les affligeant d'autres pertes, les fit mourir par diuerses sortes de supplices : tellement qu'il suffoqua & ietta la grande part d'iceux en la riuere d'Oron passant par ce lieu. Il chassa mesme en exil, & rudement mit hors de l'Eglise Meletie, braue combatant pour la vraye pieté. Il bannit Eusebe, homme diuin, & l'enuoya hors de Samosat. Il fit aussi que Laodicee fut orpheline de son excellent pasteur Pelage, & comme reduicte en viduité. Ce personnage encore ieune, voire par contraincte s'allia au ioug de mariage, mais venu à la chambre nuptiale, à la premiere cohabitation de son espouse, luy persuada, que suyuant chasteté, elle declarast en soy plustost vne pieté de sœur, que quelque coustume coniugale. De telle pudicité fut Pelage : laquelle aussi fut accôpaignee de toutes ses sœurs, à sçauoir, des autres vertus, voire main à main l'une suyuant l'autre, ainsi qu'en quelque danse. Ce qui luy causa qu'il fut digne d'estre Euesque, par les sentences & suffrages de tous. Neantmoins ceste tant illustre administratiō de l'office Episcopal, ne peut flechir ce meschant Prince. Soudain donc il commanda iceluy estre emmené en Arrabie : Meletie, en Armenie, & Eusebe en Thrace, personnages vrayement reluisans de dons & graces Apostoliques. Eusebe au parauant ayant congneu plusieurs Eglises estre destituees de leurs pasteurs, print l'habit de soldat, & couurit sa teste de mitre episcopale, laquelle il auoit faite de son chapeau : & en tel estat chemina par toute la Syrie, Phenice, & Palestine, faisant l'office & ordonnant aux Eglises des prestres, diacres, & autres sacrez ministres, lesquels il voyoit deffaillir, & n'estre fourniz. En quelques lieux aussi il auoit estably des euesques sur les Eglises, ayant quelque fois aucuns rencontré fauorilans à sa sentence & intètion. Mais ce seroit mal fait si nous passions en silence quelle excellente espreuue de son fort & genereux courage il donna, quand le commandement luy fut fait de se retirer en exil vers la Thrace, lors que ce luy qui luy apportoit de par l'Empereur les lettres de son bannissement fut arriué enuiron le poinct du iour, Eusebe l'admonnesta qu'il se teust, & supprimaist la cause de sa venue : Car si la multitude (dit-il) en est aduertie, enflambee de colere pour la faueur qu'elle me porte, elle te tuera, & me faudroit apres rendre raison de ce meurtre. Ces propos tenus, au premier rayon de clarté, accompagné d'un seul seruiteur qui apportoit avec soy seulement vn oreiller & vn liure se mit seul en chemin, & arriué à la greue d'Euphrates, lequel flotter & bat les murailles de la ville, où aussi est le passage, il monta en vne nacelle de pescheur, & commanda à ceux qui traictoyent les auirons, tirer à l'autre riuage, droit vers ce lieu lequel on appelle Zeugma. En ceste sorte il partit de sa ville. Mais ceste chose congneue, les Samosateins commencerent estre en pleurs & l'armes, & soudain le port & passage fut remply de gens, ramans & nageans del'autre part. Et apres que grande traicte de ce fleuue passée, ils eurent atteint leur euesque, tous pleurans s'efforcerent luy persuader qu'il ne liurast ses brebis aux loups. Mais voyans que pour toutes remonstrances qu'ils fissent, ils ne pouuoient le gagner & attirer en leur sentence (car il leur obiecta ce dict Apostolicq : soyez subiects aux magistrats & puissances) l'un luy offroit vne chose, l'autre vne autre : en sorte qu'ils luy presenterent del'or, vestemens & seruiteurs pour le iuyure au chemin loingtain qu'il entreprenoit : mais iceluy prenant seulement de tous les amys & familiers choses necessaires, il les munit & renforça par prieres & benedictiōs, ainsi qu'il est raisonnable, & les admonnesta que diligemment & soingneusement ils retinsent la doctrine laissée & donnée par les anciens : & ainsi partit d'eux, & tira iusques en Istre. Or ces troupes de peuple reuenues en la ville portoyent ce fait à contre-cœur, tellement qu'ils estoient prests se ruer contre les loups. Aussi est il raisonnable que i'expose le courage & zele d'iceux, pour vne chose belle & honneste. Et vrayement ie m'estimeroye leur faire iniure, si ie ne reseruoie à la posterité & memoire eternelle de ceux qui viendront apres nous, l'enflambee & ardente sincerité d'iceux en la foy : Car soudain que la faction d'Arrius, tous les pasteurs chassés de leur Eglises, emmena (selon qu'elle auoit fait aux autres lieux) & conduit Eunome en Samosat, lors nul de tous les hommes, ne pauvre, ne riche, ne ieune, ne vieil, & à ce que ie dise en vn mot, nul du tout n'entra pour lors en l'Eglise, encore que de bonne coustume ils la hantassent souuēt. Mais Eunome seul demoura en la maison episcopale, nul ne le regardant ou tenant propos avec luy, ou le venant veoir : nonobstant qu'il fust estimé homme modeste & affable. Ce qui est assez manifeste de ce qui s'ensuit. Car estant venu quelques fois aux estuues publiques, apres que les seruiteurs eurent fermé les portes du baing, & qu'il congneut plusieurs assister à l'huis pour entrer, il commanda à ceux qui luy ministroyent, ouurir & faire à tous libre entree, à ce que sans aucune difficulté prinément ceux fussent lauez, qui vouldroyent. Dequoy mesme il les inuita & admonnesta : ce que pareillement il fit en la chambre. Par ce moyen aucuns entrerent & l'environnerent, lesquels il pria avec luy se baigner aux eues chaudes. Mais voyant ceux qui luy assistoyent tenir silence, estimant que par telle contenance de gens, luy estoit fait honneur, soudain laissa les estuues chaudes, & s'en alla. Toutefois les assistas pensans que les eues fussent tachees & contaminees de l'execration de son heresie, les lascherent par les conduicts & esgouts : puis apres en auoir versé d'autres, se baignerent. Ce que venu à la congnoissance d'Eunome, soudain delaisant la ville, se retira en sa maison, iugeant estre trop grande folie demourer en ceste ville, qui estoit embrasée de commune & publique haine contre luy. En ceste

*Meletie, Euebe & Pelage bannis.*

*Pelage, Eueque tient sa femme pour sœur.*

*Eusebe visité par tous les Eglises qui n'auoyent leur Clergé.*

*Luy mesme s'en alla se cacher en exil trompé de crainte de sedition.*

*Bel exemple de mutuelle affection du peuple enuers son Euesque.*

*Remonstrances Catholiques.*

*Peuple fidele.*

*Eunome homme fort humain.*

*Les Samosateins ne se veulent laisser enuier avec Eunome.*

*Eunome sort volontairement de Samosat.*

*Lucius suc-* forte de son propre mouuement il sortit de Samosat: Mais les Arriés enuoyerent vn autre en ce  
*cede à Eu-* lieu, appelé Lucius, vrayement loup, & non berger. Toutefois encore que les brebis n'eussent  
*nome.* leur berger, elles firent neantmoins le deuoir des pasteurs, entretenâs en son entier la saine do-  
 &trine de la foy. Or combien grande ait esté la haine des Samosatiens cõtre ce Lucius, sera assez  
*Tous hayët* clair, par ce que nous voulons dire. Quelques enfans iouïoyët ensemble à la pelotte vn iour en-  
*Lucius.* tre les autres, & là renuoyoyent les vns aux autres, & lors aduint que Lucius passoit par là: Or  
*Theodor. au* de fortune la pelotte eschappée des mains de l'vn des enfans, roula entre les pieds de la mule  
*mesme liu.* sur laquelle Lucius estoit porté. Lors ces enfans firent vn treshault cry & abboy, estimâs la pe-  
*chap. 15.* lotte estre remplie d'execration: Mais Lucius n'entendant que signifioit ce cry, commâda quel-  
 qu'vn de ses acolytes, ou compagnons, vn peu là s'arrester, & considerer cest affaire. Et voylà  
 ceste troupe d'enfans voulans lustrer ce piacle, & abomination par le feu allumé, iecterët la pe-  
 lotte au milieu de la flamme. Ce que parauanture est acte d'enfance, toutefois assez suffisant pour  
 monstrier à l'œil, combien la haine de ceste cité fut constante & arrestee contre ceux qui osèrent  
 deprauer la doctrine de foy. Or les meurs, esprit & courage de Lucius, ne correspondoyent à  
 celuy d'Eunome. Car la ruze effrontee de Lucius fut grande, en ce que par ses harengues il fit  
 tant enuers les magistrats, qu'ils chasserent hors la ville plusieurs de ceux qui desseruoient aux  
 ordres sacrez & enuoyerent plus loing ceux qui luy resistoyent plus brauement. Par tel moyen  
 le diacre Euolce fut transporté en Oalis: & Antioch, prestre, illustre pour l'affinité qu'il auoit a-  
 uec le grand Eusebe (car il fut fils de sa sœur) florissant en plusieurs excellentes vertus, fut dele-  
 gué en exil en quelques dernieres régiõs de tout l'Armenie. Or apres que ce diuin Eusebe eust  
 cheualeureusement soustenu plusieurs combats pour la vraye pieté, & receu à la fin la courõne  
 de martyre, les prouinciaux s'estans assemblez, entre lesquels aussi se trouua Iouinian, euesque  
 de Perge, qui depuis peu de temps auant suyuit la religion Arrienne, subrogerent par suffrages  
 cõmuns, & esleurent Antioch au lieu de son oncle. Lequel s'approchant pres la table sacree, &  
 selon la coustume ayant deuotemēt flechy les genoux, pour ce que se retournant il apperceut  
 Iouinian luy imposer la main dextre sur le chef, il reiecta son suffrage, & resista à tous les autres  
 electeurs, disant qu'il ne receuroit aucunemēt la consecration & ordinatiõ de la main, laquelle  
 auoit esté initiee aux diuins mysteres par blasphemés & impostures: Mais ces choses furēt faites  
 long temps apres. En ce tēps donc Antioch s'en alla vers l'interieure Armenie. Mais S. Eusebe  
 vescu en Istre, lors que les Goths couroyent par toute la Thrace, pilloyent & degastoyent les  
 villes de ce pays: ainsi que luy mesme l'a tesmoigné par vn sien escrit.

*De Barfes, & de la tyrannie laquelle Valent perpetra en la cité d'Edesse,  
 au lieu du martyre, ou temple de saint Thomas.  
 Chap. X X I I.*

*Barfes, E-*  
*uesque d'E-*  
*desse banny.*

*Theodor. au*  
*mesme liu.*  
*chap. 16.*

*Arad isle*  
*de Phenicie.*

*Miracles*  
*fais au liët*  
*de Barfes.*

*Le tēple de*  
*S. Thomas*  
*en Edesse.*

*Cruauté de*  
*Valent.*  
*Modeste ad-*  
*uertir les*  
*Edessiens de*  
*l'entre-*  
*prinse.*



R Valent condamna Barfes, Euesque d'Edesse, duquel la gloire est flo-  
 rissante par toute la Phenice, Egypte & Thebaïde, pour ce que traue-  
 sant ces regions pour venir demourer en l'Isle des Arades, il les illustra  
 de la splendeur de sa vertu. Et pour ce que l'excellence des dons Aposto-  
 liques, laquelle reluisoit en luy, & la lumiere de sa doctrine attiroit la  
 multitude, voire qu'il guarissoit les maladies, desquelles les medecins  
 perdoyent toute esperance de pouuoir estre faite quelque curation, il se  
 retira de celieu, en l'vne des villes d'egypte appelee Oxyrynchõ. Mais  
 apres que là mesme il eust rauy à foy pour la gloire de ses vertus, les e-  
 sprits de tous les habitans, il se transporta en quelques régiõs dernieres, voisines des Barbares  
 (ce lieu est appelé Philo) luy toutefois qui estoit digne de celeste domicile. Encore de present  
 est vn liët en l'Isle d'Arad, ainsi qu'on dit, lequel Dieu a douïe de tresgrand honneur, en ce que  
 plusieurs malades mis & couchez sur iceluy, reçoient par foy leur conualescence. Mais il n'est  
 raisonnable se taire icy des choses, lesquelles Valent perpetra cruellement en Edesse: Car ayant  
 banny Barfes de son troupeau, ainsi que nous auõs dit, il mit en sa place Lyc, pour Euesque. La-  
 quelle chose pour ce que la multitude portoit avec grande tristesse, & refusoit la cõmunion d'i-  
 celuy, tous les Catholiques du peuple delaisans la ville firent leurs assemblees hors les murail-  
 les d'icelle. Or en ce lieu estoit vn insigne oratoire de S. Thomas, lequel Valent voulant veoir,  
 premierement y enuoya quelques gens avec son lieutenant Modeste, pour dissiper & rompre  
 la foule du peuple là assemblé, par les efforts des hommes armez qu'ils menoyent avec eux,  
 frappans à tort & trauers les personnes, de bastons & massues: & si besoing estoit, de leurs glai-  
 ues & haches. Mais le lieutenant ainsi qu'il ne voulut defaillir au cõmandement de l'Empereur  
 secretement aussi denonça ceste entreprinse aux habitans d'Edesse, à ce qu'ils ne s'assemblassent  
 le iour ensuyuât en ce lieu, selon leur coustume, & les aduertit que cõmandement estoit fait par  
 l'Empereur, de griefuement oultrager & offenser ceux qui seroyent trouuez en ce lieu. Ainsi le  
 lieutenant, encore qu'il fust de diuerse opiniõ & religiõ, les menassa: ou pour ce qu'il souhaitoit  
 que



que nul ou peu de personnes fussent en danger, ou qu'il ne vouloit en cest affaire estre le bourreau de l'Empereur, trop excessiuelement indigné. Mais les citoyens d'Edesse tenans à peu de compte ceste denonciation de menasses, tous ensemble au poinct du iour, voire de courage plus gay qu'au parauant, s'assemblerent au lieu designé, & accôplirent le sacrifice & solemnitez acoustumees. Dequoy Modeste aduerty, despourueu de conseil touchant ce qu'il deuoit faire, le plustost qu'il peut ayant assemblé la compaignie de ses soldats, passa par le marché, & vint en ce champ: & ainsi qu'il se hastoit, rencontra vne simple femme trainâte hastiuelement son petit enfant, & contre la coustume feminine portant sa robbe pendant salement & improprement par terre, & roidement courant par le milieu de ceste troupe militaire, côme voulant veoir quelque chose de grande consequence. Lors le lieutenant cômmande qu'elle fut prinse, & l'interroge quelle raison l'esmouuoit à tant se haster. A quoy ie m'auance, dit-elle, pour me trouuer au champ & place, où les vrais seruiteurs de pieté sont assemblez: Car i'ay congneu, & congnois pour certain quelle entreprinse vous bastissez, qui est cause qu'en ce lieu ie me haste venir d'heure, pour iouyr de pareille recôpense qu'eux, à sçauoir, à ce que ma course interrompue, ie n'arriue trop tard, & de là ie ne sois priuee de la gloire de Dieu. Mais (dit le lieutenant) pourquoy traines tu ainsi cest enfant avec toy? A quoy elle respôdit de rechef: C'est à ce qu'ayant enduré l'afflictio & peine, il soit fait participant du mesme hôneur. Alors le lieutenant estonné en son esprit pour la force tant genereuse de ceste femme, apres d'icelle seule la coniecture prinse du courage de tous les autres, tournant bride vers la maison Imperiale, declara tout ce fait à l'Empereur, & luy persuade qu'il desistast de son conseil & entreprinse: disant que d'icelle mise en effect, sortiroit vne sinistre & vilaine renomée, & neantmoins ne seroit aucunement esteincte l'allegresse des habitans d'Edesse. Par ces paroles le lieutenant conserua & deliura vne grande multitude. Mais l'Empereur apres l'auoir detranché d'abois contumeliex, le frappa mesme du poing: & non content de ces efforts cômmande les chefs principaulx de la multitude saisis au corps, estre contraincts choisir, ou de communier avec Lyc, qui estoit loup, & non berger, ou que sans aucune demeure ils sortissent de la ville, & se retirassent aux plus loingtains pays en exil.


*Courage  
des Edessiens*

*Admirable courage  
de femme,  
pour endurer martyre.*

*Valent delà  
bere bannir  
les principaux  
de ceste multitude.*

*D'Euloge & protogenes, & comme magnifiquement ils combattirent pour la foy: & retournèrent d'exil, l'un fut Euesque d'Edesse, & l'autre de l'Eglise de Carres.*

*Chap. X X I I I.*



R le lieutenant ayant assemblé toute ceste troupe de peuple, mit en auant les commandemens de l'Empereur, vsant de douces paroles, & disant que ce leur estoit folie trop desouuerte, vouloir s'efforcer contre vn si grand Empereur, lequel cômmandoit à tant de peuple: veu qu'ils estoient en peu de nombre, gens simples & mal conduits pour affaires de si grande importance. Lors tous s'arrestèrent tacites & pensifs, regardans leur capitaine, dit Euloge: homme lequel emporta condigne louange à sa vie, & doctrine. Sur lequel Modeste tournant sa face, que responds tu, dit il, ô vieillard? A quoy? dit ce personnage: Je n'ay pensé estre besoing de response, veu que ie n'estois interrogé. De rechef le lieutenant, vrayement, dit-il, ie vous ay tenu plusieurs propos, exposant ce qui vous estoit vtile. Lors Euloge dit: Ces paroles furent adressées à tous en general. Parquoy i'ay estimé estre chose trop inepte, si reiectant plusieurs ie rendoye seul response. Que si tu veux de moy seul t'enquerir, soudain ie t'exposeray ma sentence. A cela le lieutenant, fay donc, dit-il, que tu ayes communion avec l'Empereur. Lors Euloge se soufriaient avec tres-bonne grace: Ce me sera, dit-il, vn grand profit: car avec l'Empire, il est aussi paruenue à l'episcopat. Mais le lieutenant sentant ceste parole mordante ironique, la porta aigrement, & iettant des conuices & iniures contre ce vieillard, entre les autres il aduança ce propos: Je n'ay ce dit à l'estourdy & solement: mais i'ay entendu que tu deuois communiquer avec ces euesques, qui l'accompagnent en tous cômmandemens. Mais ie suis, dit Euloge, ia vieil & de long temps esprouué, & non du tout ignare de l'office de Pasteur: duquel i'entens la voix comme familiere, & suy la doctrine, & ne m'est besoing d'herbe tant pernicieuse & pestifere. Le lieutenant enflambé de telle parole, & rauy en fureur, enuoya en Thrace quatre vingts hommes, colonnes & pilliers de toute la multitude, lesquels soudain il auoit fait pendre. Mais ainsi qu'on les promenoit liez & garrotez par les contrees, ils furent benignement traictez de plusieurs: Car les bourgs & citez venans au deuant d'eux, leur rendoyent l'hôneur deu & cōuenable, côme aux defenseurs de la vraye pieté. Mais l'enuie tousiours gaigere aux courtz des princes, & bien receue vers eux, soudain s'auança & se presenta à l'Empereur, & prononça que l'exil cômmandé par luy, à ceux qu'il auoit condamnés, estoit cause de grâds biens. Parquoy l'Empereur, ceste chose congneue, cômmande qu'ils fussent separez les vns des autres, & enuoyez deux à deux, les vns en Thrace, les autres en Arrabie, aucuns en Thebaïde: & ainsi les vns des autres respandus en diuerses bourgades. Voire mesme il donna charge que si quelques freres estoient

*Modeste expose au peuple le commandement de l'Empereur.*

*Colloque de Modeste & Euloge.*

*Parole bien conchee.*

*Quatre vingts hommes bannis.*

*Histoire tripart. l. 7. chap. 33.*

*Euloge & Protogenes.*

en ceste compaignie ils fussent separez. Euloge, & Protogenes lequel le secôdoit, furent emmenez en Antinoë, bourg des Thebeens. Desquels cōbien la vertu ait esté grande, ce qui s'ensuit le declarera: Car ayans trouué en ce lieu vn euesque de leur sentence, ils cōmencerent communiquer avec luy, & celebrer les assemblees ecclesiastiques. Mais aduint que bien peu de gens les visitoÿt, & congneu que la cause de ce estoit la superstition Grecque, de laquelle encore les habitans de ce lieu estoient attachez: apres ainsi qu'il estoit de raison auoir descouuert & mis en lumiere cest erreur, ils estimerent qu'ils ne deuoyt cesser, iusques à ce qu'ils eussent lamenté & ploré leurs propres consciences, voire mesme s'estudierent & trauaillerent, selon que le besoing requeroit, medeciner & remettre en salut tout le peuple. Euloge se retira en vne maisonnette, en laquelle il vescu en silence, suppliant par prieres le Dieu de toutes choses. Mais Protogenes d'autant qu'il auoit esté enseigné aux lettres sacrees, & fort experimenté en l'art d'écriture, ouurit l'escole, ayant trouué lieu cōmode pour la ieunesse. En icelle il enseigna les enfans à tresbien & hastiue mēt écrire, & leur mōstra les sacrez oracles, en sorte qu'iceux apprenoyt les carmes de Dauid, & ce quiestoit conforme à la doctrine Apostolique. En ce tēps aduint que l'un de ses disciples abbattu de maladie, estoit en tel estat qu'on n'en attendoit que la mort: mais Protogenes arriué en la maison où il gisoit, dechassa la maladie, maniant les mains d'iceluy. Ce que venu à la congnoissance des parens des autres enfans, ils inuiterent & menerēt chacun en sa maison ce vieillard, & le prierent qu'il aydast leurs enfans mal sains. A quoy il respondit ne pouuoir secourir, auant que les malades fussent baptizez. Ce que soudain ils escouterent, & obeyrent à ceste parole, d'autant qu'ils estoÿt espris & contraincts du desir que leurs enfans recouurissent leur santé: & en ceste sorte par la maladie du corps, ils receurēt aussi le salut de l'ame. Que si quelqu'un de ceux qui se portoyt bien, souhaitoit ceste diuine grace, venant vers Euloge, & heurtant à son huis, il le prioit qu'il l'ouurist, & imposast le seau de Iesus-Christ, sur celuy qu'il auoit gaigné. Mais Euloge portant torp pesamment cest affaire, pour ce qu'on le requeroit cependant qu'il faisoit sa priere, Protogenes luy dit: Vrayement la conuersion des errans vers Iesus-Christ est beaucoup plus necessaire. Lequel fait mettoit chacun en admiratiō, à sçauoir que Protogenes faisant tant de miracles, & emmenant si grande multitude à la lumiere de verité, cedit les premiers lieux à Euloge, & tous prisoyent d'auantage la vertu de Protogenes, comme plus excellente & plus grande que la vie d'Euloge. Mais apres que la tempeste de ceste persecution cessa de seoir contre les Catholiques, & qu'ensemble avec les autres ceux-cy furent r'emmenez d'exil, les habitans de ceste region plourans les conduirent: & principalement l'euesque, se voyant destitué de tel ayde. Depuis Euloge receut le gouuernemēt de l'Eglise d'Edesse, Barles trespasé. Mais il sembla expedient à Protogenes labourer la cité de Carres, du tout remplie d'espines des enchâteries Grecques. Laquelle repurgee avec grand labour, il receut le celeste fruit de vraye pieté. Mais nous traiterons de ces choses cy apres.

*Euloge mena vie monastique.*

*Protogenes ressuscite un enfant proche de la mort.*

*Il guarit aussi les autres malades & les baptise.*

*Il emmene ceux qui se portēt bien à Euloge pour estre baptisez.*

*Belle sentence de Protogenes.*

*Protogenes creé Euesque de Carres.*

*De S. Flauian & Diodore, comme ils gouvernerent le troupeau de Meletie, encore qu'ils n'eussent receu la dignité Episcopale. Chap. XXXIII.*

*Valent endure toutes religions sinon la Catholique.*

*Theodor. au mesme li.c. 24 & 25.*

*Il chasse les catholiques de tous leurs temples.*

*Il ne permet pas seulement qu'il s'assemblēt au descouuert.*

*Flauian & Diodore font office d'euesques.*



Valent demourant longue espace de temps en Antioche, lors qu'Euzoie gouuernoit en ce lieu les Eglises, permit aux Iuifs, Grecs, Ethniques, ensemble à ceux qu'on denomme Chrestiens, & nonobstant embrassent doctrine diuerse à celle qui est Euangelique, & à tous en general accomplir librement ce qui leur viendroit à gré. Car l'erreur meschant esteint & enseuely sous Iouinian, mais ressuscité sous Iulien, petit à petit refleurissoit: & les sacrifices Diaux, & Dionysiaux, & de Ceres se faisoÿt non aux lieux secrets: mais comme si l'Empereur le premier s'y fut trouué pour mettre en train les homes au milieu du marché, & place publique, les ministres de telle superstition couroyent ça & là sans aucun empeschemēt, ainsi que les Bacchans eschauffez de quelque fureur diuine. Il estoit d'iceux seulement implacable ennemy, qui suyuoient la doctrine de l'Eglise Catholique. Car en premier lieu il leur osta l'Eglise de nouveau bastie, que Iouinian leur auoit donnee: & depuis les chassa des autres sacrees maisons. Et voyant qu'iceux à l'air descouuert, au pied d'une montaigne celebroyent & magnifioÿt Dieu en hymnes & loüanges, selon leur coustume: & souuent resistans aux diuerses & variables mutations du temps, quelque fois trauaillez de pluyes, neiges & tresgrand froid, d'autres fois brulez & rostis de la chaleur du Soleil, constamment enduroient le tout à l'honneur de Dieu, il ne voulut mesme qu'ils demourassent en ce lieu. Parquoy enuoyāt contre eux des gens d'armes, il dissipa ceste laborieuse maniere de viure. Lors Flauian & Diodore nobles luitēurs & combatans pour la verité, florissoyt: lesquels soudain reduirent en escume les flocs imminēs au troupeau de Iesus-Christ, ainsi que quelques haults rochers. Car iceux, Meletie iecté en exil, combatroyent pour le troupeau de Iesus-Christ: tant en ce qu'ils venoyent constamment au deuant des loups, qu'aussi ils proposoyt aux brebis de Iesus-Christ doctrine cōuenable pour leur pasture. Et

Et apres qu'ils furent rudement chassés des faubourgs, & lieux proches de la ville, ils voulurent paistre leurs troupeaux le long des riuages du fleuve prochain: non sans cause vrayemēt, à scauoir, ainsi que les Hebreux captifs en Babylone, ils pendoyent leurs harpes & instrumens musicaux aux saulx ombrageux, louans toutefois librement Dieu en tout lieu de son domaine selon la doctrine du diuin Dauid. Mais l'ennemy des Catholiques & bien sentans de la foy, ne peut endurer iceux s'arrester d'auantage en ce lieu: ains soudain les contraignit se partir de là, & s'efforça rompre & dissiper ceste assemblée. Mais la diuine couple de ces deux personnages, lesquels fournissoyēt à l'office & deuoir de leurs pasteurs, les exerça & enseigna au fait de guerre pour Iesus-Christ, & leur monstra le lieu où ils se deuoyent repaistre & retirer. Et vrayement le genereux Diodore abbreuua les liens du fleuve diuin, ainsi que quelque hault & tresclair ruisseau. Et se ruant de grand courage contre les estrangers, il effaca & abolit les faulces doctrines: tenant de tout son illustre lignage peu de compte, mais ioyeusement endurant les afflictions & peines à luy presentees pour la foy. Pareillemēt Flauian descendu de noblesse, preposa de beaucoup la vraye pieté à la clarté de son lignage. Iceluy, ainsi que s'il fust maistre du ieu de prix, assista à Diodore, instruit au sacré exercice de pieté: & nonobstant qu'il ne luy fust permis prescher aux Eglises, pour ce que sa grād' ieunesse l'empeschoit estre esleué au degré du sacerdoce: il fournit toutefois des entymemes & argumens, ensemble plusieurs sentences des saintes escriptures, non de peu de consequence, pour ceux qui s'efforçoient en ceste doctrine. En sorte que ces deux, r'enuoyans cōtre les Arriens leurs blasphemés avec grace, tendoyēt tousiours leur arc, & dressoyent leurs dards contre eux: à quoy faire Flauian, ainsi que s'il eust tiré ses fleches de quelque trouffe, fournissoit suffisamment par son docte esprit plusieurs sentences des escriptures. Il n'enseigna aucunement en Eglise comme nous auons dit: mais en sa maison & aux publiques disputes, il rompit les rers des meschans, & monstra ne rien differer des toilles d'araignes, les questions & propositions qu'ils pensoient estre irrefragables.

*Les Catholiques s'assemblent au riuage d'un fleuve.*

*Flauian, pour ce que il n'estoit prestre, ne peut encore prescher: toutefois il fournit les docteurs d'argumens contre les Arriens.*

*De S. Aphraates & Iulien: comme delaisans la vie monastique, qu'ils auoyent menee en la solitude, ils defendirent le troupeau de Iesus-Christ.*

*Chap. X X V.*



Es deux, desquels n'aguere est faite mention, furent grandement soulagez en ce combat, qu'ils dressoyent pour la pieté, par Aphraates homme excellent & de vie insigne, laquelle Theodoret a descrite en l'histoire des seruiteurs aymanz Dieu. Car ce personnage prefera le salut du troupeau de Iesus-Christ, à sa paisible maniere de viure, & delaisant sa case monastique, print la charge de la bergerie du Sauueur: & s'escolât en sueur & continuel travail, chassa de toutes parts les loups rauissans. Or que cest homme ait esté riche en vertu, voire qu'il ait fait ce qui surpasse l'entreprinse & effort des hommes, ce liure que nous auons dit le pourra descou-

*Aphraates moine, laisse la vie theorique pour subuenir au troupeau de Iesus Christ. Theodor. au mesme liu. chap. 26.*

urir, à celui qui le voudra lire. De tous les actes i'ay estimé commode, & non hors de propos, inserer icy ce petit mot, duquel la narratiō est plus plaine en l'œuvre susdict. Le fleuve d'Oron flotte & passe contre la maison Imperiale en Antioche, du costé d'Aquilon. De la part de Midy est vn hault portail de deux poinctes, vers les murailles de la ville, basti merueilleusement, de grā de apparence d'une part & d'autre, pour les haultes tours qui le costoyent. Entre l'hostel Imperial & le fleuve est vn chemin, lequel adresse les passans par la porte voisine de ce lieu, & les conduit aux champs, & metairies proches des faubourgs. Or quelque fois saint Aphraates passoit par ceste voye, pour aller au college de foy, & apporter aux brebis de Iesus-Christ pasturage conuenable. L'Emperer prenait air, & descourant de sa veuē plusieurs lieux, ainsi qu'il regardoit du hault de ce portail, l'apperceut. La robbe de cest Aphraates estoit plusieurs peaux de brebis fort pelues, cousues ensemble, desquelles affublē, encore qu'il fust cassé de grande vieillesse, il couroit hastiuement. Alors quelqu'un dit à l'Emperer, que cestuy estoit Aphraates, duquel despendoit toute la multitude de la ville. Parquoy l'Emperer, du portail interrogeant ce saint homme: Où vastu, dit-il. A quoy Aphraates respondit: Je m'en vois prier pour ton Empire. Mais dit Emperer il te falloit ce faire demourant en ta maison, & là t'arrester en repos, veu que tu suis les loix monastiques. Alors le diuin vieillard respondit tressagement: Tu dis vrayement tresbiē Emperer, qu'ainsi ie dois faire: ce qu'aussi i'eusse fait constāment, si paix estoit aux brebis de Iesus-Christ. Mais veu que l'obscurité grande de folie occupe tous lieux, outre laquelle l'aduanee vne tref-vehemēte crainte, que pour le perilleux danger imminent les brebis ne soyent deschirees des bestes cruelles, ie suis obligé comme de necessité, veiller, prendre garde, & faire tout deuoir, à ce que le troupeau de Iesus-Christ n'endure aucun detrimēt: Car dy moy, Emperer, si i'estoye quelque pucelle cachee secretement en quelque maison maniant le fuscau, & ne me souciant que de filer la laine, & que soudain de quelque part i'apperceusse la flamme se leuer, & de toutes parts enuironer le logis de mon pere, en sorte que de prochain elle menassast la bruller, & mettre en cēdre, que seroit il besoing de faire? Je te prie de par

*Habit d'Aphraates.*

*Aphraates rend raison à Valent, de ce qu'il estoit sorti de la solitude: & parle avec modestie & grande grauité.*

*Aphraates  
touche de  
pres V. l'et.*

*Le valet de  
chambre de  
l'Empereur  
meurt subit-  
temēt, pour  
ce qu'il a-  
uoit rude-  
mēt traité  
Aphraates.*

*Iulien, Her-  
mite vient  
aussi en  
Antioche  
appellé par  
les princi-  
paux.*

*Acace, E-  
uesque de  
Berroe.*

*Theodor. au  
mesme liu.  
chap. 27.*

*Par les mira-  
cles de Iu-  
liē, la ville  
d'Antio-  
che rengee  
auec les Ca-  
tholiques.*

*S. Antoine  
ouurier à  
faire mi-  
racles.*

Dieu, dy de ce ra sentence. Faudroit il qu'ainsi ie fusse assise, & regardasse les lieux domesti-  
ques embrasez, & que i'attendisse le feu rampant de tous coltez : ou bien me seroit il necessai-  
re, ayant abandonné ma chambre, soudain courir hault & bas, porter & puiser de l'eau, & en  
toutes sortes & moyens m'efforcer esteindre la flamme : Je cōnois assez vrayment, que tu me  
conseilleras ainsi faire que la fille prudente & de sain entendement feroit en telle necessité. Ce  
qu'aussi i'estime de present debuoir estre fait par moy : Car veu qu'ainsi que quelque foudre tu  
es tombé contre nostre maison paternelle, & consommes la saine & entiere pieté de route sorte  
de feu, nous courōs en tous lieux ça & là, nous efforçans esteindre la flāme ardante & ambitieu-  
se. Ces paroles profera Aphraates. Lors l'Empereur s'auança iusques aux menasses & le cōtrai-  
gnit se taire. Or il aduint en ce melme temps que l'un des valets de chambre del'Empereur, le-  
quel pour la temerité de son courage, trop rudemēt auoit traité ce saint personnage, soudain  
qu'il fut entré aux bains pour apprester l'eau, en laquelle se lauait le Prince, saisi de folie, & trou-  
blé d'entendement tomba dedans l'eau chaude, & en telle sorte fina sa vie. L'Empereur attendoit  
le retour de cest hōme, lequel pour abbrevier le temps de si longue demeure, cōmanda aux au-  
tres s'enquēster de la cause, & la luy signifier. Lesquels venus en ce lieu, ayās regardé d'une part  
& d'autre, le trouuerēt flottant sur les eāues chaudes, trespassé de froide mort. Ce que l'Empe-  
reur ayant cōgneu, quant & quant iugea tresbien, que cest ouurage estoit en vengeance de l'ini-  
iure & cōtumelie faite trop petulāment à S. Aphraates. Toutefois, il ne changea aucunemēt son  
courage touchant la mauuaise doctrine qu'il maintenoit, ains ressembloit Pharaon en son cœur  
endurcy. Et cōme s'il eust esté enflammé & estonné de la foudre, ainsi par ce miracle a il esté en-  
core plus concité contre la vraye pieté. En ce melme temps le treslouable Iulien fit chose non  
moindre que cest Aphraates. Car delaisant la solitude il arriua en Antioche, à sçauoir pour ce  
que les bastisseurs des mēsonges Arriens, s'efforçoient par impostures diffamer ce saint hōme,  
cōme s'il fust de leur faction, & consentist à la doctrine Arriēne. Flauian, Diodore, & Aphraates,  
lumieres de verité, enuoyerēt vers ce celebre personnage Acace, lequel depuis gouerna & ad-  
ministra tresbien cōme euesque, la cité de Berroe, luy donnans charge proposer telles raisons à  
Iulien : qu'il vint en Antioche, ayant pitié de plusieurs milliers d'hōmes, & d'une part conuain-  
quist de mensonge les aduersaires de la foy, & d'autre libremēt cōfirmant la verité, il preschast  
entierement la doctrine qu'on deuoit croire. Il laisse à l'histoire des tresaymez seruiteurs de  
Dieu enseigner chacun, ce que cest hōme arriuant plusieurs fois en Antioche accōplit avec gran-  
de admiration. Je n'estime aucun de ceux qui ont accoustumé discerner par iuste iugement les  
affaires humaines, estre ignorant que par le labeur & industrie de ce personnage toute la ville  
se rengea à la cōpaignie & assemblée de verité : Car les œuures faites outrel'opiniō & expectatiō  
des hōmes, attirent souuent à foy voire du tout toutes personnes, & les retiennēt en mesme sen-  
tence avec leur autheur. Aussi porterōt tesmoignage non les nostres seulemēt, mais les accusa-  
teurs de verité, que Iulien fit des tresgrands miracles, voire surpassans tout moyen & raison hu-  
maine. Ce que mesme cest Antoine, illustre autheur de la vie monastique, auoit premierement  
fait au temps de Constāce : Car delaisant quelquefois la solitude, chemināt par tous les lieux de  
la ville d'Alexandrie, il tesmoigna deuant tous à haulte & claire voix & paroles descouuertes  
qu'Athanasie estoit propugnateur de la verité, & defenseur de la doctrine Apostolique, mais que  
ceux qui estoient entachez de la rage d'Arrius se fouruoient fort loing de la verité. Ainsi ces  
diuins personnages balançans & poisans iustement les affaires de la religion, employerent leur  
deuoir selon le temps, n'ignorans point ou quand ils deuoient suyure & embrasser la vie plus  
paisible, ou les deserts & hermitaiges delaissez, il leur estoit meilleur viure aux villes.

*Du trespass d'Athanasie, duquel Pierre fut successeur : outre ce de la cruauté de Lucius, Arrien : lequel,  
les Arriens ayans mis hors du siege Pierre, establirent sur l'Eglise d'Alexandrie.*

*Chap. X X V I.*

*L'Eglise de  
Alexādie  
paisible  
sous A-  
thanasie.*

*La mort de  
Athanasie.*

*Pierre suc-  
cesseur de  
Athanasie.*



Pres auoir descrit les choses que le meschant Valent perpetra en An-  
tioche, il est besoing passer à celles qui furent faites en Alexandrie. L'e-  
glise, à sçauoir, estoit lors paisible en Egypte, qu'Athanasie viuoit, pour  
les causes cy dessus declarees. Car ceste multitude laquelle s'estoit arre-  
stee suyure la vraye pieté, surmontoit la troupe des Arriens : specialemēt  
pour l'amour qu'elle portoit enuers Athanasie. Parquoy ce saint per-  
sonnage la voyant trop ardente & addonnee à esmouoir sedition, se fit  
craindre & ouyr en ceste part : afin que par aucun tumulte la republique  
ne tombast en quelque inconuenient. Ainsi par diuine preuoyance la re-  
publique d'Alexādie demoura deliure de griefs maux, ce pendant que le propugnateur de ve-  
rité Athanasie suruiuoit. Mais apres qu'iceluy ayāt passé plusieurs dangers, & coronnes triōpha-  
les, & accomply avec grāde gloire quarante six ans en episcopat, trespassa de ceste vie en vn re-  
pos exempt de tout labeur : Pierre, homme de bonne vie, & fort illustre succeda à son office,  
pre-

premierement par le suffrage de cest heureux chef, puis par le consentement & approbation de tous les Euesques de ceste prouince & de tout le clergé, & ceux qui tenoyent en Alexandrie les premiers honneurs & magistrats : voire tout le peuple confirmant de grand courage ce conseil, par heureuses acclamations : car il auoit esté participant des longs trauaux d'Athanasie, iamais ne se separant de ce grand personnage, fust-il en sa maison ou sur les champs, tellement qu'ensemble ils luiстерent contre plusieurs dangers. Parquoy tous les voisins Euesques & ceux qui suiuoyent vie tranquille, delaisans leurs exercices monastiques s'efforcèrent grandement & firent que Pierre fust substitué en la place d'Athanasie. Apres donc qu'il eust receu le siege sacré, soudain nulle demeure interposée, le gouuerneur de ce peuple ayant assemblé quelque compagnie de Grecs & Iuifs, assiegea & enuironna l'Eglise, & commanda que pierre sortit. Que s'il ne vouloit ce faire, il menassoit le ietter hors, mesme par contraincte. Ce que faisoit ce gouuerneur obeissant d'une part à la volonté del'Empereur, & d'autre part donnant lieu à son impiété : car d'autant qu'il deppendoit de la malheureuse superstition des Idoles, il s'estima faire brauement quelque iour de feste, s'il iettoit la nef de la vraye pieté entre les flots & tempeste. Premierement donc Pierre fut remis en prison & reserré estroitement, depuis s'enfuyant apres auoir trouué commodément vn esquis, passa iusques à Rome, vers l'Euesque de ceste ville, dit Damasie, consentant avec luy. Et peu de temps apres Euzoie, lequel gouuernoit l'heresie des Arriens en Antioche, ayant rencontré temps opportun, trouua en son conseil que luy mesme yroit en Alexandrie, & deliureroit en ce lieu les Eglises à Lucius, Arrien. Ce que l'Empereur ayant agreable (car il estoit encore en Antioche) il partit avec grande troupe & copieuse compagnie de gens d'armes le suiuan, magnus tresorier de l'Empereur estant avec luy. Or il auoit charge & commandement special de l'Empereur, adressant à Palladius gouuerneur, qu'il fauorifast tant qu'il pourroit & ne defaillist en chose quelconque à Lucius & Euzoie. Ainsi Pierre fut gardé en prison comme nous auons dit, & depuis nauigea iusques à Rome : Mais Lucius, Arrien, fut mis au sacré siege d'Athanasie. De là les Egyptiens conceurent plus grandes inimitiez contre les estrangers : car soudain qu'au despourueu arriua Lucius, il s'efforça occuper les Eglises. Et voyant que le peuple commençoit empêcher ceste entreprinse, la guerre fut ordonnée contre les Clercs & vierges sacrees. Ainsi plusieurs calamitez les vnes sur les autres affligerent les sectateurs de l'Eglise catholique : car les Arriens enuironnans le troupeau de Iesus Christ nō moins que bestes sauuages & cruelles, chasserent les vns en exil, prindrent les autres & reserrerent aux fers : lesquels de rechef tirans des prisons & liens, trauaillerent de diuers supplices. Il sembloit vraiment admirable que quelqu'un peut suruiure apres tant de sortes de tourmens. Que si quelqu'un trespassoit plustost de ceste vie, que d'auoir esprouuē ces maux, ou estre condamné à plus tollerable exil, ce luy estoit reputé pour grandeur, voire tel que chacun souhaitoit luy aduenir. Mais qui pourra exposer les maux aduenus à l'entree de Lucius ? D'iceux Sabin, qui a descrit les choses Ecclesiastiques, n'a fait aucune mention, ayant mieux supprimer que declarer la honte des Arriens qui luy estoient conioincts. Toutesfois saint Pierre sorty de la prison, exposa elegamment ces choses, les mettant deuant les yeux, ainsi que quelque tragedie : ce qu'il coucha par escrit & l'enuoya par toutes les Eglises esparfées en tous lieux. Lequel escrit i'inséreray icy, apres auoir recité vne des plus execrables meschansetez de Lucius.

*Election vni-  
nime de  
tous pour  
creer l'Eues-  
que.*

*Palladius  
gouuerneur  
d'egypte  
met Pierre  
en prison.*

*Pierre sen-  
sist à Rome  
vers Damasie.*

*Magnus ay-  
de les entre-  
prises de  
Euzoie.*

*Grāde per-  
secution des  
catholiques  
en Ale-  
xandrie par  
les Arriens.*

*De la persecution que Lucius fit aux monasteres d'egypte, & des disciples du grand Antoine : & des deux saints Macaires, comme bannis pour la foy ils firent plusieurs miracles.*

CHAP. XXVII.



Ainsi Pierre, homme digne d'admiration, se retira à Rome : mais ceux de la faction Arrienne, encore qu'ils fussent en peu de nombre, commanderent aux Eglises d'Egypte. Aussi non long temps apres mandement fut enuoyé par l'Empereur au gouuerneur de ce peuple, par lequel il commandoit les propugnateurs de la foy de Nice, desquels il seroit aduertý par Lucius, estre iettez hors d'Alexandrie & toute la prouince d'Egypte. Euzoie donc voyant ses affaires accomplies à son souhait, tira de rechef vers Antioche. Alors Lucius ainsi que commandé estoit, & le conducteur des la garnison d'Egypte, avec grand' troupe assemblee en meslange des Grecs, Iuifs & Arriens, fit des incursions & pillages barbares, & desploya ses bannieres ennemies contre les moines habitans en la solitude : car telle estoit son esperance que s'il faisoit quelque tourbilloneuse facherie à ceux qui du tout s'estudiēt & employēt au repos, il les emmeneroit à sa puissance, & que par ce moyen les Chrestiens qui estoient aux villes seroyēt par luy vaincuz. Aussi durant ces troubles plusieurs personnages venerables gouuernoient les monasteres en Egypte & Thebayde, lesquels du tout hayoyent l'opinion d'Arrius : iceux la multitude suiuoit & prisoit grandement, en sorte qu'elle ne vouloit sentir ny croire autre chose de la Religion que ses bons peres. Aussi ne voulurent ils disputer solement de la doctrine, ce qu'aussi

*Les Arriens  
maistrisent  
aux Eglises  
d'egypte.*

*Guerre con-  
tre les moi-  
nes.*

Y y

ils ne pouuoient faire. Or tous auoyent ceste sentence arrestee, que la verité estoit chez ceux que Dieu exaulçoit, leur baillant puissance de faire miracles & qui confirmoyent les faits de vertu par propos de foy, comme par vrais tesmoignages : & tels personnages nous auons congneu en ce temps florir, comme chefs de l'estat monastique, les deux Machaires, Alexandrin & Urbain, desquels nous auons fait cy dessus mention : ensemble Pambo & Heraclides, & autres disciples, qui tresbien furent enseignez par ce grand Antoine, conducteur & gouverneur des monasteres d'Egypte, illustre en toute vertu. Parquoy Lucius, arrestât en soy-mesme qu'il ne se pourroit aucunement faire que les affaires des Arriens fussent en assurance, & qu'iceux ne pourroyent s'assubietir l'Eglise vniuerselle, s'ils ne contraignoient les premiers & plus souuerains entre les moines venir en leur sentence, delibera ceste entreprinse. Et pour ce qu'il n'auancoit rien par ses harangues, il vfa de force. Ainsi donc les hommes armez assailloyent ceux qui estoient nuds, voire qui n'eussent en sorte quelconque voulu estendre la main pour se defendre, ils les trauaillerent & affligerent tres-miserablement, tellement qu'il n'est point possible exposer en paroles ce carnage. Ce toutesfois en vain fut entrepris, pour ce que tous estoient prests offrir leur col estendu & enclin aux glaives : & s'il estoit besoin, mourir plus tost gayement, que changer quelque chose des decrets de Nice. On dit aussi que ce pendant qu'ils attendoyent l'assaut des gens d'armes ia proches & voisins, quelqu'un estoit en leur compagnie ainsi trauaillé de spasme & retirement de nerfs, qu'il ne pouuoit aucunement se soutenir, voire qu'il perdoit patience en sa douleur, en sorte qu'il luy estoit besoing pour cheminer, recompenfer l'office de ses pieds avec quelques quinettes. Iceluy ces bons peres ayans oinct avec huile, au nom de Iesus Christ, lequel Lucius poursuivoit, commanderent se leuer & aller en sa maison. Et soudain iceluy se dressant sur pieds, accomplit son chemin, preschant que du tout il failloit sentir & croire ainsi que ces moines, auxquels accusans Lucius, Dieu faisoit ceste grace & tant benignement prestoit l'oreille à leurs prieres, qu'ils l'auoyent deliuré d'une tant longue maladie. Nonobstant toutes ces choses Lucius ne se repentit aucunement de son conseil & entreprinse : car les Arriens ayans de nuict opprimé & prins ces personnages, les enuoyerent en vne Isle enuironnee de toutes parts d'un grand lac, en laquelle anciennement habitoient gens de superstition diabolique, & qui du tout n'auoyent ouy parler de nostre doctrine. Or estoit encore en ce lieu le temple tres-antique d'un pernacieux & pestilentieux diable, auquel pour lors mesme ils seruoyent grandement. Et apres qu'ils aborderent à l'Isle, la fille du sacrificeur agitée du diable, vint vers eux, laquelle pour ce que hastiuement & de grand' course elle couroit, & courant s'escricoit indecemment, les habitans de l'Isle espouuentez de ceste nouveauté, suiurent : mais venue pres le nauire, auquel les diuins vieillards auoyent esté apportez iusques au riuage, le diable la deschirant la ietta par terre, & par icelle s'escria hautement en telle sorte : Pourquoi estes vous venus vers nous, ô ministres du grand Dieu ? car ia long temps y a que sans aucune facherie & trouble nous tenons ceste Isle, & sommes icy cachez incongneuz quasi à tous hommes & remparez de toutes parts de ces lacs. Que si vous avez aduisé d'ores en auant demourer en ceste region, nous sortirons volontiers. Telles parolles le diable crioit hautement par la pucelle. Lequel soudain qu'il fut repris, tancé & commandé par ces bons peres se taire, soudain la pucelle avec honte & modestie reuint à soy-mesme : & lors son pere, toute l'Isle & ses habitans en general receurent le Christianisme, & dedierent à Iesus Christ le temple de ce lieu, l'ayans repurgé & transformé en Eglise. Ceste chose incontinent rapportee en Alexandrie, apporta non peu de facherie à Lucius : car de là fut fait que non seulement il estoit hay des estrangers, mais aussi des siens propres, ainsi que celuy qui menoit guerre non contre les hommes, mais du tout contre Dieu. Parquoy incontinent il commanda que les Macaires secretement se retirassent à leurs estudes & solitude, lesquelles choses vrayement monstrent assez la cruelle impieté de Lucius : toutesfois les lettres du diuin Pierre declarerent plus parfaitement l'inhumanité de son courage. Desquelles, fuyant prolixité, ie cuseray icy & cueilliray ce qui sera proprement pour nostre histoire. Il escrit en telle sorte :

*Lucius pen  
se gagner  
les moines,  
mais il perd  
son temps.  
Sozom. au  
mesme li.  
chap. 20.*

*Les moines  
Catholi-  
ques gua-  
rissent un  
boiteux,  
l'ayans oinct  
avec huile.*

*Ilz guaris-  
sent la fille  
du sacrifice-  
ur des i-  
doles de l'i-  
sle en la-  
quelle on  
les menoit  
bannis, la-  
quelle estoit  
tourmentee  
d'un dia-  
ble.  
Les habi-  
tans de ce-  
ste isle faits  
Chrestiens.*

*L'Epistre de Pierre, Euesque d'Alexandrie, exposant quels maux & dommages Valent & les Arriens ont fait en Egypte aux gens de bien. CHAP. XXVIII.*

**D**Alladius gouverneur d'Alexandrie, pourtant qu'il estoit de la superstition Ethnique & Gerils, & qui s'agenouilloit aux pieds des simulacres & idoles des payens, ayant de long temps pourpensé & entrepris guerre contre Iesus Christ, ceste multitude que nous auons dit assemblee, fait effort contre l'Eglise, ainsi que s'il se fust avancé pour subiuguer les Barbares. Alors vrayement choses miserables furent perpetrees, lesquelles quād seulement ie vouloye dicter, à cause que la souuenance d'icelles me renouuelloit des grandes & excessiues douleurs, j'ay rendu grande habondance de larmes. Et certainement ie fusse long temps demouré en ce dueil, si quelque diuine pensee n'eust relasché ceste facherie : car soudain que la troupe militaire se rua dās l'Eglise, appellee



appelée Theone, au lieu de paroles sacrées elle fescria en acclamations des simulachres : au lieu de la leçon des escritures diuines, elle excita des vilains & meschans applaudissemens : en sorte qu'elle sembloit tonner en bruit de voix cassées & vilaines. Chacun vomissoit telles contumelies contre les vierges sacrées, que la langue ne peut pour l'honneur proferer : car c'est chose deshonneste d'en tenir propos. Que si quelqu'un de sain entendemēt d'icelles oyoit maintenant parler, il estouperoit ses oreilles & plustost souhaiteroit estre fait sourd, que d'estre auditeur de paroles tant vilaines. Mais à la mienne volonté que contents de paroles, ils eussent seulement feuy de paroles : & par leurs faits n'eussent surmōté l'impureté de leurs propos : car facilement ceux peuuent endurer quelque conuice qui leur soit dit, qui ont l'intelligence des choses sacrées & la doctrine diuine. Iceux donc vaisseaux d'ire du tout reprōuez, serrans leurs nez, rendoyent de leurs narines vn son impudique & bruissement hault, ainsi que font les canaux d'eaux, ( s'il m'est licite de parler ainsi ) & deschirerent la robe des vierges dedices à Iesus Christ, desquelles la maniere de viure represente en soy la figure & forme des saints : puis les despouillerent ainsi nues que nature les monstre, & en tel esquipage les menèrent par toute la ville, ainsi qu'en triomphe, se mocquans d'elles laschiuement & impudiquēment, en telle sorte qu'il leur plaisoit, & ainsi les promenoyent en tous lieux, publiquement, despouillees de choses vraiment du tout cruelles, & non paraduāt ouyes. Que si quelqu'un pour l'ingdignité de ce fait, ayant pitié d'elles, avec paroles affables vouloit empescher ceste execration, il s'en retournoit r'apportant pour ce quelque playe. Et qui est d'auantage, ô calamitez ! plusieurs vierges endurent la violente constupration de leurs corps, plusieurs assommées sur la teste de massues, la bouche ouuerte, tomboyent roides mortes, desquelles mesme on ne permettoit les corps estre mis en iuste & deuē sepulture. De la procede qu'encore iusques à ce iour on ne trouue leurs corps, nonobstant que miserablement leurs parens s'en tourmentent & complaignent à hauts cris & gemissemens. Mais pourquoy fay-ie mention de ces choses petites, à l'égard des autres ? Pourquoy m'arreste-ie en icelles, & soudain ne passe-ie à celles qui sont de plus grande indignité ? Desquelles ie scay assez que vous serez esbahis & longuement vous estonnerez avec nous, regardans l'amour & benignité du Seigneur Dieu createur le gentē humain, lequel n'a du tout ensemble brisé & comminué toutes choses. Car, selon qu'il est escrit, ce qui n'a esté fait ny entendu aux iours de nos peres, ces malheureux qu'ils estoient l'accomplirent au plus saint Autel des sacrifices : Car ainsi qu'aux eschaffaux sur lesquels on iouē des jeux impudens & dissolus, ils introduirent vn enfant desguisé en femme & la contrefaisant, les yeux oincts d'antimoine, & la face rougie de suc & fard, ainsi que les simulachres qui sont chez eux, fautes sans sur le saint Autel auquel nous inuouons l'aduenement du saint Esprit : en sorte qu'il se tournoit trepillant des pieds, & dansant ainsi qu'il estoit instruit, & branloit les mains d'une part & d'autre : tous se rians en ceste sorte fort longuement, & les assistants entremeslans des abois indignes d'estre recitez. Les autres estimans ce fait n'estre assez pour vne temerité tant vilaine, & iugeans les choses ia perpetrees plustost honnestes que meschantes, mirent de leur compagnie l'un sur le throne de l'Eglise, celui à scauoir lequel ils penserent estre le plus congneu en obscene turpitude, & luy osterent sa robe & desnuerent les parties honteuses de son corps, en tel estat qu'il les auoit de nature, & l'appellerent le sage predicateur contre Iesus Christ : car pour les diuines paroles il prononça toute vilénie : pour l'oraison graue & sainte vne laschiuētē impudique : pour pieté, impietē : pour temperance, fornication, adultere & conuice. Ionction avec les masses, larcin, boire & manger, avec autres semblables, enseignant ces choses estre viles & profitables pour la vie. Ces choses se portans ainsi, ie sortis de l'Eglise : car comment n'eusse-ie ce fait ? veu que la fureur militaire occupoit tout en ce lieu, le peuple estoit venal pour entreprendre vne licence dissolue, veu que les corruptions par deniers regnoyēt, & les troupes des Ethniques ou Gētils appuyees sur belles promesses que leur auoyent fait les Arriens, commandoyent en ce temple. Alors mon successeur fut en ce lieu enuoyé, c'estoit ie ne scay quel Lucius, studieux de suiure l'improbité & les faits des loups, hōme lequel acheta l'Euesché à bel or & argent, ainsi que si ce fust quelque dignité prophane, en sorte qu'il fut choisi non par le conseil des Euesques bien sentans de la foy, non par les suffrages des clerics vrais & legitimes, nō par reillement à la postulation du peuple, ainsi qu'on pouuoit aux autres dignitez Ecclesiastiques. Or pour autant qu'il ne pouuoit facilement entrer en la ville, il estoit accompagné non de quelques Euesques, non des prestres, non des diacres, non des troupes du peuple, les moines ne l'emmenèrent point, ainsi que de coustume, chantans ensemble des hymnes & louanges prinſes des escritures : mais Eusoie luy assista, lequel ia long temps ayant esté diacre de ceste nostre Alexandria, desmis & dégradé de son ordre avec Arrius au saint & grand cōcile de Nice, maintenant par la superintendēce qu'il a rauy sur l'Eglise, trouble & gaste le troupeau d'Antioche. De ceux aussi de la cour Imperiale le tresorier appellé Magnus l'accostoit, emmenāt avec soy grande multitude de gens d'armes. Cest hōme fut tousiours illustre en toute sorte d'impietē : car d'autant qu'il se voyoit en credit au temps de Iulie, il mit le feu & brusla l'Eglise de Berit, ville insigne de Phenicie, laquelle sous Iouinian, prince d'heureuse memoire, il fut contrainct restituer en son

*Quel estoit  
le 700.*

*Magnus  
ayant prins  
dix-neuf  
prestres &  
diacres Ca-  
tholiques,  
les vult  
contraindre  
d'estre Ar-  
riens.  
Les haran-  
gues de  
Magnus.*

*Response  
des gens de  
bien.*

*Doctre de sen-  
se du Con-  
substantiel.*

*Heretiques  
Apatores  
c'est à dire,  
qui nient  
le Pere.*

premier estat à ses propres despens : & eust esté decollé & mis à mort, si l'Empereur esmeu par les prieres de plusieurs qui le supplioyent, ne luy eust pardonné. Il est donc cōuenable que vostre courage, lequel ie souhaiterois estre esmeu en vengeance de ces faits, estime quelles & combien d'execrables impietez furent commises contre l'Eglise de Iesus-Christ, ce mesme tyran, que nous auons dit, estant en la compaignie: Car soudain ce Lucius, lequel tant souuent a esté condamné par vostre pieté, & les Euesques Chrestiens bien sentans de la foy, arriua en la ville animée en inimitiez à iuste cause contre luy, lceluy non seulement fut corrompu & depraué, ainsi que cest fol infame, lequel dit aux Psalmes que Iesus-Christ n'est vray Dieu: mais en toutes ses pensees, estudes & entreprinſes fut contaminé & souillé, corrompit & souilla les autres. Il s'eslionissoit aux blasphemes elgorgez cōtre le Seruateur, par ceux qui adorent la creature par dessus le Createur. Pourquoy aussi cest hōme tres-peſtilentieux ne feroit il ces choses, veu qu'il oſe bié retenir tel sens que les Grecs, auancer nouueau seruice & adoration, à vn Dieu nouuellement publié: Car à la presence, & deuant la face furent chantees ces louanges: Tu es le tresbié venu, ô Euesque, qui ne confesses point le Fils: Serapis, auquel tu es trescher, t'a en celieu amené. Aussi l'idole du pays se nommoit Serapis. Et soudain sans aucun arrest celuy que nous auons dit appelé Magnus, assidu compagnon d'impieré, officier trescruel, & satrape fort inhumain, ayant rengé les bandes de ses gens, apprehenda dix-neuf prestres & diacres, desquels aucuns auoyent passé quatre vingts ans. Lesquels prins ainsi qu'en quelque forfait abominable, & contraire aux loix Romaines, ayant dressé d'iceux public iugement, il l'efforça contraindre à renoncer la foy de leur pays, receue des Apostres, par les traditions des peres. Et confirma que ce faisant, ils cōtenteroyent grandement le treshumain Valent Auguste. Ainsi ce malheureux ne congnoissoit les loix & reigles de la vertu Chrestienne. Il crioit à haulte voix: Suyuez miserables, suyuez la sentence des Arriens: suyuez & endurez qu'elle vous soit persuadée. Car Dieu vous pardonera, encore que la religion que tenez maintenant soit vraye, veu que vous ne ferez ce de vostre bon gré: mais par necessité & contraincte. A la necessité suruiuent quelque excuse & defense: ainsi que celuy peut estre accusé & cōuaincu de crime, lequel fait quelque chose de son vouloir & cōſeil. Parquoy mettās deuant vos yeux ces raisons, ne differez aucunemēt, voire de courage favorable, vous retirer vers la part des Arriés, & soubſcrire à leur doctrine, telle que presche maintenant Lucius: ayās ce pour arresté, que si vous prestez l'oreille au cōmandement du prince, vous receurez deniers, richesses & honneurs. Que si vous vous efforcez au contraire, vous esprouuerez prison, torture, les tourmēs, ſouets & punitions: & outre ce que vous ferez priuez de vos deniers & possessions, voire chassez de vostre pays, vous serez condamnés demourer aux lieux & regions estranges & fort difficiles. Ainsi cest homme genereux (cest à ſçauoir) mellāt ces menasses avec charité, par admonitions & contraincte vouloit destourner toutes personnes de la sentence saine & approuuée de foy. Mais iceux estimans qu'abiurer la pieté estoit chose plus grieve & pesante que tous les tourmens & gehennes (ce que vrayement ils iugeoyent tresbien, veu qu'ainsi la chose se porte) l'arriuerent en telles paroles, refusās ensemble les embusches & menasses, de courage prompt & vertu necessaire: Cesse desotmais (dirent ils) cesse nous espouuenter par tels propos, cesse d'apporter ces vaines raisons & assauts, car vrayement nous ne seruirons à vn Dieu inuenté n'aguere, ou forgé de nouueau, & nonobstant que comme vn vent violent tu nous assailles, nous persueurons toutefois iusques à la mort en la doctrine de vraye pieté: & n'adorerons aucunement, ne croirons en vn Dieu foible, fol, loing reculé de la verité: ou au Pere lequel ait esté quelque fois, & quelque fois n'ait point esté, ainsi que porte la meschante doctrine des Arriens, lesquels ont opinion que le Fils soit temporellement. Car si, comme les furieux Arriens veulent & arrestent, que le Fils est Creature, & non Consubstantiel au Pere, on conduira le Pere à mesme condition & conclura on de luy que quelque fois il n'estoit point, alors à ſçauoir que n'estoit le Fils, ven qu'ainsi qu'ils confessent, il n'a esté quelque fois Pere. Que si tousiours est le Pere, veu que tousiours subsiste celuy sien vray Fils qui est de luy, non toutefois par defluxion de semence & germe (car Dieu n'est subiect à passion aucune (comment celuy n'est il fol & hors d'entendement, qui opine que quelquefois a esté, que le Fils n'estoit point, par lequel à ce que toutes choses fussent, icelles furent establies par sa grace? Parquoy nos Peres, de tout cest vniuers assemblez à la ville de Nice (desquels ceux-cy diuisez non sans cause furent conuaincu estre Apatores, c'est à dire sans Pere) ayans anathematisé la permicieuse opinion d'Arrius, laquelle maintenant ce ieune disciple defend, ne dirent pas que le Fils estoit d'autre substance que le Pere, ce que maintenant vous nous voulez contraindre dire: Mais affirmerēt qu'il estoit de la mesme substance. Dequoy ayans pleine intelligence, confesserent par bonne & saine sentence, prinſe de plusieurs argumens des diuines paroles, & arresterent le Consubstantiel. Apres auoir tenu ces propos, & autres semblables, il les retint prisonniers plusieurs iours, à ce qu'il les esbranlast de leur saine sentence. Mais iceux ainsi que tous genereux combatans, despouillans & mettans soubz le pied toute crainte lors qu'ils estoient en la course, oincts entierement par cogitations diuines des braves & preux actes de leurs peres, estimerent mesme les gehennes & tourmens leur estre pour exercice de vertu: &

an

en telle sorte maintindrent leur constant courage en la vraye pieté. Et lors qu'ils furent faits le theatre & spectacle tant aux hommes qu'aux Anges, comme escrit l'heureux Apostre : & comme ainsi brauement ils combatoyent, toute la cité accourut pour regarder les lucteurs & cheualiers de Iesus Christ, lesquels par leur constance vainquoyent les foets du iuge les tourmentant, & par leur patience se dressoient grands trophées contre l'impiété, & se rendoyent triomphans des Arriens : nonobstant que ce cruel ennemy les ayant à soy rangez par embusches & menaces, esperast les liurer à ceux qui sentent mal-heureusement de Iesus Christ. Mais ainsi qu'il estoit ia lassé de force de les tourmenter, & de cruelles inuentions des peines esquelles il se estoit employé, tout le peuple se complaignant en pleurs, larmes & autres sortes, ce forcené iuge esloigné de toute humanité, ayant assemblé sa troupe de rechef pour susciter vne dissolue confusion, appella ces personnages au port de mer pour le iugement, ou plustost pour la premeditee & ia arrestee condamnation. Ainsi qu'on les menoit en ce lieu, deliurez vrayement d'une peine pour en souffrir vne plus grande, les seruiteurs des simulacres & Iuifs hurloyer à hauts cris contre eux, ayans receu argent pour ce faire. Et pour ce qu'ils ne se voulurent accorder à la trop manifeste impiété des Arriens furieux, sans auoir esgard à tout le peuple larmoyant, & se plaignant deuant le siege, la sentence fut prononcée, Que iettez hors d'Alexandrie ils deuoyent demourer en Heliopolis de Phenicie, ville en laquelle (pourtant que tous sont deuouez au seruice des simulacres) nul des habitans n'endure seulement oyr parler du nom de Iesus Christ. Et Magnus estant au port, soudain leur ayant fait commandement de monter en vn esquif (car au lieu proche d'iceluy, à sçauoir au lauoir public, il prononça la sentence de condamnation contre eux) il leur monstroït & esleuoit en sa main vne espee nueë, pensant que d'icelle il espuenteroit ceux qui souuēt avec le double glaïue auoyent nauré les diables, leurs aduersaires. En ceste sorte le nauire lasché, il commanda qu'ils partissent, nonostant qu'ils n'eussent rien apporté en ce vaisseau pour leur exil. Lors la mer ayant horreur de ceste indignité admirable & incredible, bouillonnoit & blanchissoit en ses escumes, & (comme ie pense) portoit griefue-ment ce fait) voire en telle sorte (s'il faut ainsi dire) elle ne vouloit se contaminer & souiller, receuant en son seing ces personnes emmenez par si detestable entreprinse de mariniers. Parquoy elle declara, mesme aux ignorans & signifia manifestement la sentence du iuge estre du tout barbare. Vrayement aussi on peut dire que le ciel fut estonné de ce forfait : & lors toute la ville mugissoit, & de present encore fait sa complainte. D'iceux les vns frappoyent leurs poitrines puis d'une main, puis d'autre, & faisoient vn tresgrand retentissement. Les autres tendans leurs mains, ensemble leurs yeux au ciel, protesterent de telle violence, ensemble s'escrierent en telles parolles : Escoutez Cieux ! terre entens de tes oreilles, veu que ces choses qui se font sont iniques & contre les loix. Ainsi generally le peuple fut plongé en pleurs, & lors eussiez ouy chansons miserables & plaintifues courir par toute la ville. Et soudain chacun plourant, vn fleuve de larmes se leua, faisant regorger & enfler la mer par son inondation : mais incontinent que celui que nous auons dit, tenant siege pres le port, eust commandé esbranler les auirons & tendre les voiles : lors les gemissemens & complaintes meslees des vierges, femmes, vieillards & ieunes gens, les pleurs escoulans dessus la face d'un chacun, & la clameur de toute ceste grande troupe par son bruit appaisa les flots montaigneux & entrebrisez de la mer escumante. Comme donc ceux que nous auons dit, l'ancre leuée & le nauire débordé nauigoyent en Heliopolis, lieu auquel tous les habitans adorent les simulacres, où les voluptueux estudes du diable florissent, où sont les horribles domiciles des bestes cruelles (car les montaignes de toutes parts eleuees iusques au ciel l'environnent) depuis, au milieu de la ville d'Alexandrie tous en general & chacun à part soy s'escrïans miserablement & larmoyans prononçoient paroles desplorées : mais le gouuerneur Palladius deffendit par edict plourer & se plaindre : aussi estoit-il homme tres-grandement addonné aux idoles. Outre ce plusieurs qui plouroient apprehendez, premierement furent enferrez en prison, & puis batus, foetrez & tourmentez furent condamnés aux metaux Phennesiaux, hommes non de peu de consequence, mais braues propugnateurs de l'Eglise, pour le diuin ardeur duquel ils estoient espris : desquels plusieurs estoient moines, habitans aux lieux solitaires, pour l'exercice de vertu & pieté. En nombre estoient vingt & trois, avec lesquels vn peu après vn diacre, lequel de la part de nostre frere Demase, Euesque de la ville de Rome, nous auoit apporté lettres consolatoires ensemble & communicatoires, fut publiquement nerué par les bourreaux, les mains liees derriere le dos, ainsi que si c'eust esté quelqu'un des malfaiçteurs, insigne brigand & voleur. Et apres qu'il fut tourmenté, voire plus cruellement que les homicides n'ont coustume de faire, & batu sur la teste avec pierres & crocs plombez, il descendit en mer, porté en vn esquif, & ainsi que les autres, ayant au front le signe de la diuine croix imprimé, sans aucune facherie ne compagnie fut enuoyé aux metaux d'airain, en l'isle Phennese. D'auantage ainsi que ce iuge bourreloit & escorchoit les corps tendres des enfans, aucuns demourerent & faillirent aux tourmens, nonobstant que les parens, freres, cousins, voire toute la ville (à ce que ie dise briue-ment) demandassent ceste seule extreme consolation, qu'il leur fust permis enseuelir ceux

*Ces saints  
personages  
tourmentez  
cruellement.*

*Ils surmon-  
tēt par leur  
patience tous  
tourmens.*

*Magnus cō-  
mande ces  
saints per-  
sonages es-  
sire mener  
en exil vers  
Heliopolis.*

*Dueil &  
grād plain-  
tif en A-  
lexandrie  
pour ce mes-  
chāt iuge-  
ment.*

*Quelle o-  
rois Heli-  
opolis.*

*Palladius  
defend fai-  
re aucun  
dueil en A-  
lexandrie.*

*Aucuns  
plourās cō-  
dānez aux  
metaux.*

*Vn Diacre  
de Damase  
Euesque de  
Rome tour-  
menté mi-  
serablement.*

*Sepulture  
mee aux  
corps des  
saincts.  
Defense d'a  
voir copas  
sion de ses  
amis.  
Ceste cruau  
te surpasse  
toute autre  
ferocité.*

de leur consanguinité. Mais ô barbare inhumanité du preteur iuge, & condamnateur ! Ceux qui ont combattu pour la pieté ne sont pas seulement conferez aux homicides, pourtant que leurs corps sont priez de sepulture. Ceux qui ont accompli & fait bon debuoir au combat, sont exposez aux bestes cruelles, & proposez viandes aux oiseaux. Ceux qui ont delibéré & proposé touchant leur conscience par vne affection de misericorde mener dueil à cause de leurs peres, sont punis de mort, ainsi que s'ils auoyent commis quelque iniuste & malheureux acte : Car quelle loy des Romains, quelle sentence des Barbares a recherché ceux qui gemissoient à railon de leurs peres, esmeuz de pieté ? En quel lieu trouuons nous aucun des anciens auoir commis forfait tant meschant & execrable ? Le temps passé Pharaon commanda les enfans males estre occis : mais l'enuie & crainte fut cause de faire par luy auancer cest edict. Mais combien ces choses anciennes sont elles plus humaines que ces recentes ? Combien sont elles plus à souhaiter, si l'option de l'iniure en estoit faite ? Combien sont elles meilleures, si on confere l'une & l'autre iniquité ? Nonobstât que les vices ne soyent separez d'ensemble. Ces choses que nous auons dictes sont sans feauté, inhumaines, griesues, brutales, barbares, cruelles & outrageuses, desquelles mesme ceux qui suyuent la folie d'Arrius se glorifient : Car neantmoins que toute la cité fut baignee en pleurs & dueil (veu que d'icelle n'estoit aucune maison, en laquelle ne fust quelque mort, ainsi qu'est escript en Exode) ils ne se reposerent & ne cesserent toutefois à scauoir d'autant qu'ils s'estoyent acquis vne disposition insatiable, par long exercice d'iniquité. Car depuis que la volonté & son arbitre estoit accoustumé aux choses meschantes, & que leur poison s'estendoit, iusques aux Euesques provinciaux, voire qu'ils vsoyent de Magnus tresorier de largesse, ainsi que d'un officier d'iniustice, il n'y a merueille si des Chrestiens ils liurerent aucuns à la cour des iuges, & dresserent embusches aux autres en toutes manieres qu'ils voulurent, & de toutes parts ne laisserent rien intenté, voulâs chasser, venter, & emmener toutes choses à leur impieté. D'auantage courans ça & là, ainsi que le diable pere de leur heresie, ils cerchoyent celuy qu'ils peussent deuorer : mais perdans toute esperance de leur entreprise, ils enuoyerent en nostre contree, chez ceux qui crucifierent Iesus-Christ nostre seigneur, à scauoir entre les Iuifs, en la cité de Diocesaree, là estre banniz & exulez vnze Euesques de l'Egypte, hommes qui depuis leur ieunesse iusques à leur viellesse habiterent en la solitude, pour mieux s'exercer à vertu & pieté, qui par leurs faits subiuguerent les delices & voluptez, qui ne craignirent aucunement prescher la foy de vraye pieté, qui dès leur ieunesse s'adonnerent à la doctrine saine & entiere, qui souuent emporterent victoire des diables, qui par leur vertu rompirent la force de leur aduersaire, & descourirent les ruses de la secte Arrienne, par vne tresdocte oraison, ainsi que s'ils les eussent entaillees en quelques hautes colonnes. Toutesfois ces bons personnages furent chassés, par ceux qui auoyent pour instrument de leur cruauté, celuy que souuent nous auons dict. Et non saulez encore de la mort de leurs freres, non moins que l'enfer insatiable, estans hors d'entendement, pauures mortels stupides, oserent laisser memoire de leur cruauté, cherchans acquerir noblesse de leurs mal-faits. Car apres ce que dit est, ils sollicitèrent que le clergé de l'Eglise catholique d'Antioche fut enuoyé en exil en Neocesaree de Pont, & plusieurs moines bien esprouuez (pource qu'ils portoyent tesmoignage de leurs actes & faits trop insolens) ce qu'ils impetrerent de l'Empereur apres l'auoir lassé de complainctes dressées contre eux. En sorte que ces bons personnages trespasserent en peu de temps à cause de la dure situation du lieu & de l'air, où ils estoient enuoyez. Ce temps receut ces tragedies, vrayement dignes de silence & oubliance : mais aussi lesquelles inferées en cest escript, conuaincront ceux qui ont deslié & affilé leurs langues contre le Fils vnique du Pere, & qui esprins de la rage de blasphemie, non seulement s'efforcent frapper de leurs dards le Seigneur de tout cest vniuers, mais aussi ont entrepris guerre mortelle & irreconciliable contre les saincts ministres d'iceluy. Ces choses le diuin Pierre recite, des entreprises de son temps. En ceste maniere donc Lucius troubla toute l'Egypte.

*Les Arriens  
sollicitent  
que les  
cleres &  
moines de  
Antioche  
soyent ban  
nis.*

*Comme pour l'excellente vertu des Euesques de ce temps, la tempeste des heresies ne vint à sa fin : & quelque mention de Britannio, Euesque des Scythes.*

C H A P. X X I X.

*Les Arriens  
minderes  
de ceux, en  
beaucoup  
de lieux,  
qu'ils pour  
suyuent.*



Ais pource qu'en ce temps Didyme philosophe florissoit en ces régions & autres plusieurs illustres personnes, & specialement les moines de ce lieu, gens de bien & en grand nombre, s'efforçoient esgaler la maniere de viure Angeliquement, Lucius ne peut venir à bout de ses entreprises : Car nonobstant que l'Eglise d'Egypte endurast persecution, elle surpassoit toutesfois de beaucoup les Arriens en nobre d'hommes, avec louange & gloire. Ce qu'aussi aduint en Osroë, & en Cappadoce. Aussi ceste diuine couple d'amis, Basile à scauoir, & Gregoire, repoulsoyent les assaurs des ennemis. Seulement la Syrie & l'Antioche estoit en tresgrande dissolutiō de l'ordre

de l'ordre Ecclesiastique : car en ces lieux estoient plusieurs Arriens qui obtenoyent les Eglises, & les Catholiques en moindre nombre, desquels on appelloit les vns Eustathiens, les autres Pauliniens. Pourtant que Paulin & Meletic faisoient entre iceux des assemblees à part, ainsi que nous auons dit cy dessus, & comme peu falloit que toute la cité d'Antioche ne fust en danger & ne flechist à la rage d'Arrius, le labeur & travail de ceux qu'auons nommez, surmonta ensemble l'impetuosité de l'Empereur & de ceste faction. Il aduint donc aucunement que la multitude ne se destourna de l'opinion ia receue, à cause que l'administration des Eglises estoit commise à des personnes braues & constans. De là aussi les Scythes ayans rencontré vn euesque hominemagnanime, sont estimez pour lors n'auoir changé de religion. Ceste nation a plusieurs bourgs, regions & chasteaux : entre lesquels Tomos est ville excellente, comme metropolitaine, cité grandement fortunee, & beaucoup plus illustre en grandeur que toutes les autres. Elle est assise en la region maritime de pont, appelée Euxine, à costé gauche de celuy qui par nature tiro vers le golfe Euxin. Iusques en cetemps l'ancienne coustume perseueroit encore que toute ceste nation obeist à vn Euesque, & au temps dit cy dessus, Britannio les gouuernoit. Or il aduint que Valent arriua en celieu, & entré au temple il suada à l'Euesque (ainsi que sa coustume estoit) se retirer & communiquer à l'heresie d'Arrius. Mais cest homme noble, avec grande liberté, disputa plusieurs choses arriuant vers luy, & debatit beaucoup de poincts de la doctrine des peres de Nice. Et voyant que par ses harengues il ne pouuoit tirer l'Empereur à son opinion, le laissant là, passa vers vne autre eglise, le peuple pour lors suiuant son Berger. Là estoit venue & accourue toute la cité, en partie pour voir l'Empereur, estimant aussi d'autre part que quelque chose se feroit de nouveau. Mais apres qu'il fut delaisé seul au temple, portant assez modestement ce fait, neantmoins ainsi que s'il eust receu quelque iniure, il commanda prendre Britannio & l'emmener en exil : toutesfois il le reuouqua auant peu de iours, craignant que les Schytes n'entreprissent quelques choses nouvelles, esmeuz de la condamnation de leur Euesque, congnoissant assez leur colere & force. Il scauoit aussi que pour la situation du lieu ils estoient tres-necessaires à l'Empire Romain : veu qu'ainsi que quelque mur, ils empeschoyent au milieu le passage aux Barbares & leur faisoient front. Ainsi Britannio, plus fort que l'Empereur, retourna à son siege, homme grandement honneste & illustre en la maniere de viure, ainsi que les Schytes mesmes tesmoignoient. Et pour briefuement dire & en vn mot, tout le clergé & toute l'Eglise d'Orient esprouua l'ire de l'Empereur, touchant la religion. Ainsi Valent perpetra choses fort griefues en Thrace, & Constantinople, en Nicomédie, & Cesaree de Cappadoce, pareillement aux Eglises d'Antioche & d'Egypte.

*Sozom. liu. 6. chap. 21. Quels sont les pasteurs telles sont les brebis.*

*Les Scythes ne changerent de religion pour la constance de leur Euesque.*

*Britannio Euesque des Scythes defend la foy de Nice contre Valens.*

*Britannio enuoié en exil par Valens, mais bien tost reuouqué.*

*Les Scythes fort utiles à l'Empire de Rome.*

*De l'observance de Valentinian touchant la religion diuine : & du concile de Rome, lequel publia la Trinité estre consubstantielle, & de Damase & Ursutius, Euesques de Rome, qui succederent à Liberius.*

C H A P. X X X.



R ie passeray d'Orient aux affaires traitees à l'Empire d'Occident : lequel dura iusques à ce temps, exempt de telles miseres, pour ce que Valentinian administroit ceste part de l'Empire Romain, homme ne cedant à personne aucune, quant à l'amour ardente qu'il portoit aux decretz de Nice, & qui retenoit enuers Dieu vne pieté singuliere, en sorte qu'il n'estima point à luy appartenir aucunement commander quelque chose, ou meilleure, ou pire, touchant les affaires Ecclesiastiques, ou introduire nouveauté, outre ce qui auroit esté arresté vne fois au parauant. Car il iugea que ces choses excedoyent son inquisition & cognoissance : encore qu'autrement il fust tresbon Prince, & se declarast par effect estre digne de l'empire. Aussi en ce téps non moins qu'au parauant, se leua grande question par toute l'Asie & Phrygie, à scauoir si il falloit confesser le saint Esprit estre Consubstantiel au Pere & Fils. De ceste question sortit grande contention de paroles, tellement qu'elle n'estoit estimée de moindre moment & consequence, que celle qui au parauant auoit esté agitée de Dieu le Verbe. Car aucuns se debatoient qu'il estoit inegal, aucuns qu'il estoit Consubstantiel, ainsi que le Fils. Et en ce seulement s'accordoyent les deux parties, qu'ils disoyent le saint Esprit estre administrateur & troisieme en ordre : & à ceste raison ils confirmoyent qu'il estoit autre en honneur & substance. D'aucuns arrestoyent du saint Esprit le semblable qu'ils opinoyent du Fils, & l'adoroyent ainsi que le Fils, de mesme substance, de mesme honneur & gloire avec le Pere, & faisoient profession que le saint Esprit estoit Consubstantiel au Pere. Pour ceste opinion Apollinaire de Laodicee en Syrie, & le grand Athanase encore viuant en Egypte, Gregoire & Basile en Cappadoce & aux Eglises de Pont, combatirent brauement. Ceste question (ainsi que i'ay dict) esmeue, lors que d'icelle s'estoit excité grand debat & altercation, Valentinian pour l'insigne pieté qu'il auoit enuers Dieu, ne scauoit que dire. Mais donna charge à ceux, ausquels telles choses estoient

*Valentinian Empereur catholique. Le Prince ne doit interger l'Eglise.*

*Question du S. Esprit, à scauoir, si est Consobstantiel au Pere & au Fils.*

# LIVRE XI. DE L'HISTOIRE ECCLESIASTIQUE

*Valerian donne charge aux Ecclesiastiques de decider ceste question. Decision de ceste question.*

*Ordonnance de Valentinian touchant la consubstantialité de la Trinité. Theodor. l. 4. chap. 8. L'erreur du Prince n'exuse les errans.*

*Defense de persecuter le clergé catholique.*

*Confession catholique.*

*Exposition de la dictio consubstantial.*

commises, de proferer & arrester ce qui estoit bon & necessaire. Ce qu'entendu, Liberius lequel encore pour lors gouvernoit l'Eglise de Rome, ayant eunuqué les voisins Euesques, par le commandement du Prince, escriuit aux Eglises Orientales, qu'ils preschassent la Trinité de mesme substance & mesme gloire. Lequel fait, à sçavoir ceste chose ainsi deuëment & avec bon ordre decidee par l'Eglise de Rome, causa que chacun fut en repos. Et la question du saint Esprit emmenee à fin, & conclusion raisonnable fit cesser le long debat de paroles. Ce mesme Concile corrobora & confirma par son autorité la foy de Nice. Je coucheray cy dessus les lettres, tant de l'Empereur, que du Concile, lesquelles ils donnerent pour porter en Orient, à ceux qui doutoyent de la saine & entiere opinion. La teneur des lettres de l'Empereur est telle: Les tresgrands Empereurs, tousiours Augustes, vainqueurs Valentinian & Gratian: aux Euesques du diocèse d'Asie, Phrygie, Carophrygie, Pacatiane, salut en nostre Seigneur. Le concile assemblé en Illyric, & grande question esmeue du Verbe salutaire, les Euesques trois fois tresheureux decreterent que la Trinité est Consubstantielle du Pere, Fils & saint Esprit, laquelle ceux qui seruent & adorent, ne voulans defaillir au ministere & fonction dont ils ont charge, tiennent la religion du grand Roy: parquoy nostre sublimité a commandé icelle estre preschee. Ce que nous faisons à ce qu'aucuns ne pretendent excuse, disans qu'ils suyuent la religion de l'Empereur gouverneur de ceste terre: n'ayans esgard à escouter & ouyr celuy qui nous a fait commandemēt de salut. Car ainsi que dit l'Euangile de nostre seigneur Iesus-Christ vray Dieu, decidant ce point, il fault donner & rendre à Cesar, ce qui appartient à Cesar: & à Dieu, ce qui est de Dieu. Que dites vous donc Euesques & ministres de la salutaire parole, vos decrets & ordonnances sont elles semblables & de mesme substance? Parquoy vous embrassans l'un l'autre par mutuelle charité, cessez d'abuser de l'autorité & maiesté Imperiale, & desistez pour suyure ceux lesquels soigneusement & diligemment seruent & trauaillent aux offices sacrez dediez à Dieu. Car vraiment par leurs prieres les guerres sont assopies en la terre, & les incursions des anges apostats & rebelles sont repoulsees. Ceux mesme par leurs oraisons s'estudient chasser loing, & renuerfer les esprits & diables pernicioeux. Et outre ce qu'ils rendent à la republique ce qu'ils doyuent selon les loix, ils ne resistent aucunemēt à la puissance du Prince: mais gardent sincerement & purement les commandemens de nostre Roy celeste, & obeissent à nos loix. Au contraire, vous vous estes mostrez desobeissans. En quoy vraiment nous auons vŕe de grande patience, depuis le commencement iusques à la fin: mais vous en auez abusé comme d'une chose vous estant propre. Parquoy à ce que nous soyons exempts & nets de vostre peché, ainsi que Pilate en l'enqueste & iugement de Iesus-Christ conuersant entre nous, ne le voulant tuer, ains le consoler en son affliction, se tournant vers les parties d'Orient, ayant demandé de l'eau, lava ses mains, disant: Je suis net & non souillé du sang de ce iuste: ainsi nostre celsitude & haultesse tousiours a cōmandé ne poursuyure, ou suffoquer comme entre les flots, & n'opprimer par emulation & enuie ceux qui trauaillent au champ de Iesus-Christ, & ne reietter aucunement les dispensateurs du grand Roy, tellement que mesme ce iourd'huy vous ne pensez point viure sous nostre domaine: mais soudain (apres auoir perpetré ces meschacetez) vous endurez ce qui est promis à celuy qui a postulé, ou sollicité, & enhorté à la mort du iuste, ainsi qu'au sang de Zacharie. Auquel meurtre ceux qui consentirent, furent dechirez par nostre celeste Empereur Iesus-Christ, voire auant son aduenement liurez au iugement de la mort, le diable pernicioeux les accompagnant. Nous auons fait & donné ce mandement en la presence de d'Amegorius, Ciceronius, Damasc, Dialampon & Brethesius. Ensemble, vous auons enuoyé les actes du Concile, à ce que clairement vous entendiez les decrets d'iceluy, desquels les chapitres adioustez à ces lettres sont de telle forme: Nous confessons conformēment à la sentence du grand, catholique & bien sentant Concile, le Fils estre Consubstantiel au Pere, & n'vsurpons ainsi Consubstantiel, comme iadis aucuns ont exposé suyans mauuaise sentence, & ainsi que d'autres entendent appellans les trois personnes Peres, abolissans la force & le sens de ceste dictio, & suyans la lettre, en sorte qu'ils disent par Consubstantiel estre signifié egal, à ce que le Fils ne soit fait semblable, & egalé à aucune des creatures par luy faictes: ains soit semblable, & egal au seul Pere: Car ceux qui vsent de ceste exposition, enseignent le Fils de Dieu estre principale creature. Mais nous, ainsi que de present les conciles de Rome & de France, sentons & croyons que la substance du Pere, Fils, & saint Esprit est vne & mesme, en trois personnes: c'est à dire en trois parfaites subsistences. Nous confessons aussi, selon la formule de Nice, le Fils de Dieu Consubstantiel, estre incarné de la sainte vierge Marie: & auoir habité entre les hommes, & accomply toute fonction pour nous en sa natiuité, passion, resurrexiō, & ascension aux ciens. Et qu'il reniendra, pour nous doner de son autorité sa semblance diuine, selon que la vie d'une chacun sera esprouuee au iour du iugement: iceluy spectacle & visible en sa chair, & donnant tesmoignage de sa diuine vertu, estant Dieu portant chair, ou l'homme (que les Grecs appellent *Sarcophoros*) & non homme portant Dieu (c'est à dire aux Grecs *Theophoros*) & condamnons & anathematisons ceux qui tiennent le contraire: & non moins ceux qui, selon que raison le requiert, n'ont anathematisé celuy qui a dict, que le Fils a



« Fils n'a esté auant qu'il fut engendré : & qui a escript qu'auant qu'il fust actuellement engendré, il estoit potentiellement au Pere. Veu que cecy aduint à toutes creatures, lesquelles tousiours ne sont avec Dieu : Car tousiours le Fils est avec le Pere engendré par generation. Telles furent les lettres Imperiales : celles du Concile estoient couchées en ces paroles : Les euesques de l'Illyrie aux Eglises de Dieu & aux Euesques du diocese d'Asie, Prygie, Carophrygie, Pacatiane, salut en nostre Seigneur. L'assemblée faicte par nous, & enqueste & question abondamment debatue touchant le Verbe salutaire : nous auons decreté la Trinité du Pere, Fils & saint Esprit estre Consubstantielle. Ensemble auons estimé raisonnable vous enuoyer ces lettres : Non toutesfois que par quelque art & industrie nous voulions descrire entierement le seruice & adoration de la Trinité, mais par grande humilité nous estimans dignes de ceste chose, nous vous enuoyons ceste nostre epistre par nostre cher frere Elpide, ministre avec nous & prestre. Car il n'est escript seulement aux lettres de nos mains, mais aux liures du sauueur Iesus-Christ : le suis de Paul, & moy d'Apollo, & moy de Cephas. Paul a il esté crucifié pour vous ? ou, estes vous baptiséz au nom de Paul ? Et vrayement aussi il sembloit à nostre humilité, expedient & conuenable ne vous adresser aucunes lettres, pour l'horreur de la doctrine que vous preschez par toutes les prouinces à vous subiectes, separans le S. Esprit du Pere & du Fils. Mais necessité nous à contrainte de vous adresser le sieur, & nostre ministre Elpide, ayant lettres de l'Empereur de Rome, pour regarder & sçauoir si vostre predication est telle. Car cecy sont excommuniez, qui ne preschent la Trinité estre Consubstantielle. Et celuy soit anathematisé lequel fera congneu auoir communion avec eux. Au contraire le royaume des cieux est préparé à ceux qui prescheront la Trinité Consubstantielle. Parquoy freres nous vous admonestons n'enseigner, & ne sentir autrement : à ce que preschans constamment la Trinité tousiours Consubstantielle, vous puissiez veoir le royaume de Dieu. Escriuans aussi ces lettres, nous auons bien voulu vous admonester des Euesques creez, ou à creer, & de leurs aides, à sçauoir qu'ils soyent choisis d'entre les chefs de sain esprit & doctrine, qui ayent exercé le <sup>b</sup> magistrat Episcopal, si aucuns en y a : autrement qu'ils soyent prins d'entre les prestres. Pareillement aussi que les prestres & diacres soyent tirez & eleuz de l'ordre sacré du Clergé, de toute part irreprehensible, qui n'ayent exercé quelque office en la cour, ou en la guerre. Et n'auons voulu vous rescrire d'auantage, pource que d'entre nous tous vous enuoyons le sieur, & nostre aide Elpide, lequel sondera diligemment vostre predication, à sçauoir si elle est telle que nous auons ouy du sieur, & nostre compaignon Eustace. Au surplus encore que quelquefois vous ayez esté enuoloppé d'erreur, toutesfois despouillans le vieil homme, soyez reuestus du nouveau. Car cestuy nostre frere & aide Elpide, vous enseignera la vraye profession de foy, que la sainte Trinité est Consubstantielle à Dieu le Pere, avec le Fils, & le saint Esprit : sanctifiée, glorifiée & manifestée, le Pere au Fils, le Fils au Pere, avec le saint Esprit à tous les siecles. Car ce estant manifesté, nous pourrons aussi manifestement confesser la Trinité Consubstantielle, selon la foy ia long temps publicée à Nice : laquelle aussi les Peres ont confirmée. Et ceste foy estant preschée, nous pourrons eschapper les playes du diable pernicieux, & iceluy esteindre, viuans paisiblement, venerer & honorer l'un l'autre par lettres pacifiques. Vrayement donc nous vous auons rescript, à ce que sçachiez les insensez Arriens estre cassez, veu qu'ils ne confessent le Fils estre de la substance du pere, ne mesme le saint Esprit. D'iceux nous auons sousscript icy les noms. Tels sont Polyhroine, Telemac, Fauste, Asclepiades, Amantius & Cleopater. Ce que soit dit à la gloire du Pere, du Fils, & du saint Esprit aux siecles des siecles. Amen. Nous souhaitons au pere, & Fils nostre sauuer Iesus-Christ, avec le saint Esprit, que vous soyez sains, & vous portiez bien. Ainsi le treslouable Empereur Valentinian eut soin de la doctrine Apostolique. Or Libere trespassé de ceste vie en meilleur repos, Damasc non moindre que luy en sa vie, erudition, & saine doctrine, fut substitué en son throne. Soubs iceluy aduint que l'Eglise de Rome fut troublée à cause de quelque diacre dit Vrsice, competeur de Damasc, pource que frustré de son esperance en la petitiō de l'Episcopat, il fut repoulsé, il ne peut porter patiemment ceste iniure : ains delibera faire ses assemblees à part. Et ayant secretement esté consacré par quelques Euesques comença prescher à part, & attirer à foy la multitude. Ainsi fut fait qu'aucuns vouloyent que Damasc, d'autres cestuy cy fit l'office Episcopal. De là se leua grād & contētieux debat, en sorte que ia cest affaire s'auançoit à sedition, non pour quelque profession de foy comme est dit, mais à cause de dissention, à sçauoir quel de ces deux deuoit presider au siege Episcopal. Et en telle sorte s'enflamba la sedition, que meurtres s'ensuyuirent, & furent faictz plusieurs conflicts à la rencontre de la multitude de deux parties. Et ceste esmotion eust attiré avec foy vn mal plus grief, si Maximin gouuerneur de la ville punissant plusieurs, tant du clergé, que du peuple, n'eust contrainct Vrsice desister de son entreprise, & ses sectateurs l'abandonner. Et vrayement ne fut aucunement disputé de la doctrine, ne par ceux qui demouroient en la ville de Rome, ou ceux qui habitoient au surplus de l'Occident, ainsi que cy dessus est dit : mais tous d'un commun consentement embrasserent la foy de Nice, & enseignèrent la Trinité d'une mesme substance, & l'adorerent & recogneurent de mesme honneur & puissance.

*Lettres du concile Illyrie aux Euesques de l'Asie, touchant la sainte Consubstantielle Trinité.*  
Elpide prestre messenger du Concile.

*Les oppugnateurs de la Consubstantialité condamnés.*

*Electiō des Euesques & prestres.*

*Damasc à Rome successeur de Libere.*  
Vrsice fut son competeur.

*Sedition populaire.*

*a* Valentinian] Valentinian, ainsi qu'escriit Theodoret, inséra en cest escript le nom de Valens: ou pource qu'encore il tenoit la sentence catholique, ou à ce que par secreta exhortation il le renuoya en la voye. Desquels l'un me semble estre plus vray semblable. Car Valens fut premierement catholique; ainsi que son frere: mais depuis ainsi qu'Eue deceut Adam, sa femme le desfourna: à la suasion de laquelle ayant changé la premiere religion, il se fit baptiser par Eudoxe, Euesque de Constantinople, Arrien. Theodor. liure. 4. chap. 12.

*b* magistrat Episcopal] Or on doit tenir celuy-la pour vray asseur de la foy de Nice, & seruiteur de la Religion catholique, lequel confesse le Dieu tout puissant, & sous un mesme nom Iesue-Christ Fils de Dieu, Dieu de Dieu, & lumiere de la lumiere. Lequel ne deroge par negation au saint Esprit, lequel nous esperons & reuenons du souverain Pere de toutes choses: par lequel le sens de foy saine & entiere florit, & tresbien est dicte par les fideles l'indivisee substance de l'entiere & parfaite Trinite. l. Nullus heres. C. de fimm. Trinit.

*De l'heresie d'Auxent, Euesque de Milan, comme il fut depose par Damase: & ce que le Concile escriuoit d'iceluy aux Euesques de l'Illyrie.*

CHAP. XXXI.

*Auxent, Euesque de Milan, Arrien.*

*Concile de Rome assemble contre Auxent.*

*L'escript de Damase & autres Euesques des decrets du concile de Rome.*

*Il fault que les Euesques observent diligemment la doctrine de leurs Eglises.*

*Il fault retenir les sentences des Peres.*

*La foy de Nice catholique.*

*Les actes du concile d'Arimin sont reiettes.*

*L'autorité de l'Euesque de Rome.*



N ce temps Auxent ayant charge de l'Eglise de Milan, s'estudiant aux nouuelletez, avec aucuns en peu de nombre sentoient & enseignoient contre la comune sentence des Euesques Occidentaux: Car il suyuoit l'opinion d'Arrius, & du tout repudioit la derniere constitution du saint Esprit, laquelle arrestoit iceluy estre de mesme substance & honneur avec le Pere & le Fils. Parquoy plusieurs tant des Gaules, que de Venise ayans signifié son dessein, voire l'ayans d'autres decelé, grand nombre d'Euesques habitans par tout l'Occident s'assembla à Rome: & là premierement ar-

restèrent qu'on deuoit tenir estroitement la foy de Nice, & que les actes de l'assemblee d'Arimin à icelle contraires, estoient de nulle consequence: pource que le hierarchie Romain n'y auoit assisté, & que non en suffisant nombre estoient les cōsentans à ces actes: outre ce que ces decrets desplurent à plusieurs, y assistants. Ils chasserent aussi & interdirent de l'Eglise vniuerselle Auxent & ses sectateurs, qui osoient babiller de ceste folie. L'epistre escripte par Damase, & les Euesques assemblez à Rome, adressée aux Euesques de l'Illyrie, tesmoigne assez ces choses auoir esté ainsi faictes. D'icelles s'enfuit la teneur: Les Euesques assemblez au sacré Concile, Damase, Valere, & les autres, à nos freres treschers les Euesques de l'Illyrie, salut en nostre Seigneur. Nous auons pour persuadé que la sainte profession de nostre foy, fondee en la doctrine des Apostres, retient & propose au peuple ce qui n'est aucunement repugnant aux decrets de nos Peres. Aussi n'est il cōuenable que les sacrificateurs de Dieu sentent & croient autrement, veu que d'iceux il fault que les sages soyent enseignez: Toutes-

fois par la relation des Peres qui sont en la Gaule, & Venise, nous auons entendu qu'aucuns s'estudient aux heresies. Lequel mal il fault non seulement que les Euesques obseruent, mais aussi qu'ils prennent garde, que quelque chose ne soit introduite par l'ignorance & simplicité d'aucuns, contraire aux vrayes & naïues interpretations. Il est vraiment besoing se garder qu'on ne soit seduit & destourné & conduit aux tenebres, par ceux qui inuentent plusieurs doctrines: & à lors plus tost il nous fault retenir la sentece de nos Peres, quant nous voyons souuent iceux se balacer en diuers cōseils & opiniōs. Pour ceste principale cause Auxent de Milan a esté condamné: Parquoy il est raisonnable que tous les docteurs de l'Eglise Romaine cōsentans ensemble, ne contaminent leur foy par doctrines contraires. Vrayement aussi soudain que la meschanceté des heretiques, ainsi que de present le blasphemme des Arriens (lequel pleust à Dieu qu'il ne se fust esleué) cōmença florir, trois cēs & huit de nos Peres choisis, apres l'inquisition & deliberation faicte à Nice, ordonnerent ceste armeure contre le diable, & par cest antidot & remede chasserēt loing ceste poison, à ce que nous croyons le Pere & le Fils estre d'une diuinité, & d'une mesme vertu, voire vne seule chose. Il fault, aussi estre certain, que le saint Esprit est de mesme substance. Que si quelcun sent autrement, nous l'auons iugé hors de nostre cōpaignie & cōmunion. Toutesfois aucuns ont voulu dès le cōmencement polluer & corrompre ce decret, & sanction du tout honorable. Mais soudain iusques à present ceste chose a esté corrigee, par ceux qui en Arimin par nouuelletez furent contraincts changer, & par leur maniment & attouchement deprauer ceste sanction: en sorte qu'ils confessent auoir esté deceuz à la desrobee, par quelque autre forme de parler, laquelle il signoroyēt estre contraire aux sentences des Peres de Nice. Aussi le nombre de ceux qui se trouuerent en Arimin ne peult apporter aucun preiudice, lors que ce Concile fut fait, veu que là n'assistait l'Euesque de Rome, duquel il falloit premierement s'enquerir de la sentence: ne Vincentin, lequel tant de temps sans aucune reprehension auoit administré l'Euesché, & là n'assistait quelcun des autres consentans avec ceux-cy. Veue aussi, ce qui est inuisible, que ceux mesme qui se laisserent aller circonuenus par fraude,

suyuant

» suyans maintenant meilleure sentence, ont tesmoigné que tels actes leurs desplaïoyent. Vo-  
 » stre sincerité donc void clairement, que ceste seule foy doit estre retenue, laquelle est fondée à  
 » Nice, selon l'autorité des Apostres, & dressée par les Orientaux assemblez avec nous, lesquels  
 » aussi recognoissent l'Eglise catholique, bastie & establee pour fermeté constante à tousiours,  
 » & que les Occidentaux peuuent au nom d'icelle se glorifier. Nous esperons aussi que les noms  
 » Episcopaux de ceux qui sentent autrement, par ce seul effort seront en brief segregez de nostre  
 » communion : à ce que le peuple deliuré, de leur fraude & seduction, puisse respirer & estre en  
 » repos. Car l'erreur de la multitude ne se pourra corriger, si les Euesques sont encore en iceluy  
 » enuoloppez. Parquoy que la sentence de vostre dignité s'accorde avec tous les sacrificateurs de  
 » Dieu, en laquelle nous ne doutons aucunement que ne foyez fermes & constans. Et à ce que  
 » nous soyons d'avantage obligez de croire avec vous, declarez le tout par la mutuelle dilection  
 » de vostre pieté, reciproque à la nostre : & le nous signifiez par vos lettres.

*Comme sedition leuee à Milan, Ambroise lors lieutenant de ce lieu voulant icelle appaiser  
 fut esleu Euesque par la multitude : & de sa liberté à parler.*

CHAP.

XXXIII.



N ceste sorte les Euesques Occidentaux appaiserent aux parties Ori-  
 » tales ceux qui s'estudioyent aux nouuelletez, & garderent la doctrine de  
 » foy inuiolable dès le commencement, tellement que ceux estoient en  
 » bien peu de nombre, qui eürer d'autre opinion. En tout il n'y auoit quasi  
 » qu'Auxent : toutesfois non long tēps apres il fut rauy par la mort. Et luy  
 » deffunct, la multitude fut en tumulte pour l'electiō de l'Euesque, pour-  
 » ce que les vns en eslioyēt l'un, les autres vn autre. Milan donc estoit en  
 » grād dāger : car chacun menassoit de sa part qu'il feroit ces choses qu'on  
 » a coustume perpetrer durant tels troubles, voyant que tout ne succedoit

selon leur conseil & entreprise. Entre iceux Ambroise ayāt charge de ce peuple, à cause que Va-  
 » lentinian l'auoit estably son lieutenant, outre ce qu'il estoit pourueu de dignité cōsulaire, tenant  
 » ceste esmotion indiscrete pour suspecte, vint avec grande & honorable multitude à l'Eglise,  
 » & là leur persuada ce qu'il estimoit estre bon, à sçauoir qu'ils desistassent de ceste contention,  
 » & fissent leurs affaires selon les loix de l'Eglise. Puis les admonnesta des vtilitez de concorde,  
 » & des biens qui de coustume suyuent ceux qui prennent paisible conseil de leurs desseins. En-  
 » core il harenguoit, que soudain le tumulte & la sedition assopie, tous conferent les suffrages  
 » de l'Episcopat à ce conseiller d'honneur & concorde : & l'enhorterent qu'il fust baptisé (car  
 » encore n'estoit il initié en ce Sacrement) & humblement le supplierent qu'il receust la dignité  
 » Episcopale, & que par ce moyen aduiendroit qu'ils seroyent vnanimés, & s'accorderoyent en  
 » la foy. Et apres qu'iceluy eut volontiers approuué le Baptisme, & tant qu'il peut, différé ceste  
 » sacree administration, & publiquement reiecté ceste charge, la multitude de plus en plus luy  
 » insista, & confirma que quelque chose qu'il luy aduint, elle ne quitteroit rien de son conseil. Or  
 » ceste chose fut rapportee à l'Empereur Valentinian : laquelle ouye, premierement se mit en  
 » prieres, & puis rendit grace à Dieu, de ce qu'il appelloit ceux à l'office Episcopal, lesquels il  
 » auoit establis pour l'administration de la republique. Et apres auoir cōferé ensemble touchant  
 » la vehemente petition du peuple, & la constante resistāce d'Ambroise, il congneut tresbien que  
 » l'election de ce personnage seroit quelque grand bien en l'Eglise de Milan, pour retenir la con-  
 » corde & tranquillité. Parquoy soudain il commanda qu'il receust l'initiation & consecration.  
 » Aussi incontinent apres qu'il fut plongé au diuin Baptisme, & eust humilié son chef à la con-  
 » secration, tout le peuple se r'allia en concorde, & la tranquillité fut rendue à l'Eglise, laquelle  
 » depuis long temps auoit esté en danger, pour la dissention leuee à cause de la mauuaise admini-  
 » stration d'Auxēt. Et pour ce qu'en tous ces affaires, l'Empereur en toutes manieres fut tresbon,  
 » il chanta cest hymne à Dieu nostre Sauueur : le te rens grāces (dit-il) Seigneur tout puissant,  
 » & nostre Sauueur, de ce que j'ay donné charge des corps à cest homme, & tu luy as commis la  
 » cure & sollicitude des ames, & as approuué l'opinion de mon iugement estre raisonnable. Or  
 » Ambroise non long temps apres tenant propos treslibrement avec l'Empereur, reprint plu-  
 » sieurs choses, non bien faictes par les Magistrats. A quoy l'Empereur, long temps y a, dit-il  
 » que ie congnoissois ceste tienne liberté à parler : & nonobstant qu'elle me fut congneue, ie ne  
 » l'ay non seulement pas empeschée, mais aussi par mon suffrage j'ay aidé ton election, à ce que  
 » tu fusses faict Euesque. Pourfuy donc, ainsi que le diuin arrest commande, guarir les offenses  
 » & pechez de nos ames. Cēs choses furent faictes à Milan. Mais quel ait esté Ambroise en sa  
 » vie & doctrine & zele excellent enuers l'Eglise, & comme virillement & diuinement il exerça  
 » l'office de l'Episcopat, vsant de grande liberté en ses admonitions, faictes en temps & lieu, aux  
 » principaux Magistrats, nous le dirons au liure subsequnt.

*La seule foy  
 de Nice doit  
 estre obser-  
 uée en Orient  
 & Occident*

*La mort de  
 Auxent.  
 Sacrates au  
 mesme liu.  
 chap. 30.*

*Ambroise  
 lieutenant  
 appaise l'e-  
 motion du  
 peuple tou-  
 chant l'ele-  
 ction de l'E-  
 uesque.  
 Tout le pen-  
 ple eslit  
 Ambroise  
 pour Eues-  
 que.*

*Ambroise  
 n'approuue  
 point ceste  
 election.  
 Cest affaire  
 mis entre  
 les mains de  
 Valentinian.  
 L'Empereur  
 commande  
 qu'Ambroise pren-  
 ne l'Eues-  
 ché.*

*Ambroise  
 admonne-  
 ste Valenti-  
 nian de li-  
 niquirer des  
 Magistrats.  
 Ce plaisir  
 l'Empereur.*

Valentinian  
delibere  
chasser les  
Sauromates  
des fins de  
son Empire.  
Les Ambas-  
sades des  
Sauromates  
personnes  
laid.  
Parole me-  
morable de  
Valerinian.



Socrates au  
mesme liu.  
chap. 32.

Valentinian  
le ieune  
esleu Empe-  
reur.

Le Pere de  
Iustine s'ap-  
pellait Ius-  
te.

Sage predi-  
sant l'euene-  
ment de  
l'Empire.

Iuste tue  
par le com-  
mādemēt  
de Constan-  
ce.

La fille d'i-  
celuy, Iusti-  
ne, familie-  
re à Seuerie  
Imperatri-  
ce.

Valentinian  
le ieune fils  
de Iustine.

N ce temps pource que les Sauromates par leurs courtes & voltiges ve-  
royent l'Empire des Romains, & mesmes la partie qui tend vers l'Occi-  
dent, Valentinian s'achemina contre eux, avec grand appareil de guerre:  
Mais iceux craignans si grande expedition de l'Empereur, enuoyans des  
legats & ambassades requierent de luy paix & alliāce. Lesquels ayans dit  
qu'ils auoyēt accoustumē deleguer pour ambassades les meilleurs d'en-  
tr'eux, & plus excellens en lignage & beauté de corps : l'Empereur es-  
meu d'ire, & de grand colere, dit qu'il endureit choses griefues & pe-  
santes à porter, & que grandemēt il estoit infortunē, de ce que l'Empire  
des Romains estoit venu à son temps, si les Sauromates, peuple tant barbare & laid, en quoy  
ils surpassoyent tous les autres, ne vouloyent se contenter de leurs bornes & pays : mais poul-  
sez d'une fiance, qu'ils auoyent en eux-mesmes, couroyent ça & là par tout Empire, & alliechez  
par quelque legere raison, faisoient guerre aux Romains. Et ainsi qu'il se courrouçoit, & crioit à  
voix treshaute, on dit que pour la trop grāde intention de sa voix, les entrailles se cassèrent, &  
se rompit vne veine & artere, de laquelle le sang escoulē abondāment, la vie le laissa, & mou-  
rut <sup>a</sup> en quelque chasteau <sup>b</sup> d'Allemaigne, duquel le nom est Brigit, le iour dixseptiesme du  
mois de Novembre, aagé enuiron de cinquante cinq ans, ayant brauement & avec grand louan-  
ge administrē l'Empire, l'espace de treize ans. Or iceluy apportē au monumēt de ses ayeuls, six  
iours apres, l'armee qui estoit en Italie declara son ieune fils & de mesme nō Valentinian, Em-  
pereur, dans vn bourg d'Italie, appellē Aquinas. Et non long temps apres les Emperours aussi  
Gratian frere, & Valent, approuerent ensemble son Empire par leurs suffrages : encore que  
premierement ils ayent estē de ce contristez, que les gens d'armes sans leur commandement luy  
auoyent presētē la maiesē Imperiale. Or il fault noter que ce Valentinian le ieune fut en-  
gendrē du grand Valentinian, & de Iustine, laquelle il espousa, sa premiere femme Seuerie en-  
core viuante. Ceste fut la cause de ces nopces : Iuste fut le pere de Iustine, lequel au temps de  
Constance ayāt la prouince appellē Picene, sembloit veoir en son dormir (ainsi qu'on dit) qu'il  
engendroit de sa cuisse dextre la pourpre Imperiale. Ce songe premieremēt exposē par luy sim-  
plement, fut depuis diuulgū par plusieurs, & non long temps apres rapportē aux oreilles de  
Constance, lequel prenāt coniecture de ceste vision, qu'il engendreroit vn Empereur, enuoyant  
vn meurtrier, commanda luy trencher la teste. Alors Iustine sa petite fille, neantmoins qu'elle  
eust beaucoup à souffrir, estant orpheline de son pere, contregarda toutesfois la fleur de sa vir-  
ginitē. Depuis elle vint en la congnoissance de Seuerie Imperatrice, femme de Valentinian. La-  
quelle visitant souuent, par longue coustume se rendit fauorable & amiable, en sorte que de  
plus en plus ceste amitiē cōfirmee, Iustine s'insinua à la grace de l'Imperatrice, iusques à se lauer  
avec elle. Parquoy Seuerie l'ayant quelquefois contempee, ainsi qu'ensemble elles se lauoient,  
encore qu'elle fust femme, elle fut nonobstant tant esprinse de sa beauté, que d'icelle elle  
fit relation à son mary : disant que tant excellēte estoit la beauté de la fille de Iuste, qu'elle mes-  
me aymoit la fleur de sa pudicitē & virginitē. L'Empereur frappē par ces paroles, cela en soy  
son conseil : Car il auoit delibéré espouser Iustine, & auoir l'une & l'autre pour femmes legiti-  
mes. <sup>c</sup> Parquoy il fit publiquement crier vn edit & loy, qu'il fust licite auoir deux femmes legi-  
times, à ceux qui les voudroyent espouser. En ceste sorte ceste loy fut proclamē par toutes  
les villes, & quant & quant l'Empereur espousa Iustine pour sa Royale femme, & la retint avec  
Seuerie, en mesme degre & honneur. De ceste Seuerie il auoit depuis long temps engendrē Gra-  
tian, lequel aussi il auoit declarē Empereur de l'Occident : Mais Iustine luy engendra Valenti-  
nian le ieune, lequel l'armee (comme nous auons dit) commanda estre Empereur, outre la sen-  
tence des deux Emperours, à sçauoir du frere, & de l'oncle. Il eut aussi trois filles, Iuste, Grate  
& Galle : desquelles, deux en leur vie embrasserent le celibat : & depuis Theodose le grand  
print à femme Galle, de laquelle luy fut engendree sa fille Placidia. Car il auoit engendrē Ho-  
norē, & Arcade en son premier mariage de sa femme Placille, laquelle il espousa legitiment,  
auant que receuoir l'Empire. Mais nous parlerons en son lieu de Theodose, & de ses enfans.

<sup>a</sup> en quelque chasteau] Eutrope escrit que les Sauromates se resspandirent par la Pannonie, dans l'Em-  
pire des Romains, & le degasterent. Iceluy mesme dit que Brigit est bourg des Quades, & aucuns auourd'hy  
estiment que les Quades soyent les Austraïens, aucuns que ce soyent les Silesiens. Que si le dernier est vray,  
Valentinian peult estre mort au bourg maintenant appellē Brige.

<sup>b</sup> d'Allemaigne] Nicefore n'a pas au Grec, Allemaigne, ou Germanie: mais les Gaulles.

<sup>c</sup> Parquoy il fit puliquement crier] Semblablement au parauant Iule Cesar voulut introduire ordon-

nance, qu'il fut permis épouser telles & sât de femmes qu'on voudroit pour auoir lignee. Suetone. Le pretexte & cause de cette loy, estoit qu'il disoit que par tel decret les terres de l'Empire Romain seroyent bien peuplées les voulât réduire conformes aux régions des Barbares, esquelles la polygamie est honorable. Eutrope. Aussi Procope de Cesarée escrit en quelque lieu, que la monogamie a r'apporté grand detrimēt aux lieux subiects aux Romains.

Quels personnages philosophes, & diuins disciples, & disciples des disciples d'Antoine le grand, florissoyent en ce temps en Egypte: à sçauoir Iean, Or, Ammon, Theonas, Bene, Copres, Helles, Helias, Apelles, Isidore, Serapion, Diodore, Euloge & Apollos.

Chap. XXIIII.



Ais il est besoin de rechef passer de l'Occident, aux choses aduenues en Orient, & apres que selon mes promesses i'auray parlé des philosophes Ecclesiastiques (car lors ils estoient en grand nombre, & ne sçay s'il sera tel en autre temps) ie m'auanceray de deduire des choses prophanes, & m'estant quelque peu, avec plaisir, arresté à la mort du melchant Valent, ie mettray fin à cest vnziesme liure des histoires. Or nous auons recité en l'histoire du tres grand Constantin, & de son fils Constance, quels ont esté les commencemens de la monastique maniere de viure, & quels en furent les peres & ducs: Car lors que nous escriuions l'histoire de Constantin, nous traictasmes d'Antoine, Paul le simple, d'Ammon & Eutychian, qui fut au mont Olympe: d'auantage de Spiridon, Nicolas & Parthenius, souuerains à faire miracles. Pareillemēt auôs nous adiousté aux faits de Constance, les disciples d'Antoine, à sçauoir les deux Macaires, Pambo, Paphnuce, Apollonius, & Anub. Entre lesquels aussi nous auons celebré les moines d'Egypte, qui philosopherēt en Scetis & Tabennefe: & ceux qui en la Syrie, & Palestine festudierent à vertu, & la contemplerent par deuots exercices: & ceux qui à Pont, Europe, & Italie menerent vie Angelique: & d'autres, lesquels vrayement ont esté sçauans, & de nostre religion, mais ne conseruerent la saine doctrine de foy iusques à la fin En ce lieu nous poursuyrôs le traicté de ceux qui florirent par apres, lesquels non seulement ont eu ces premiers pour leurs peres, ains eux-mêmes furent peres de plusieurs enfans selon Dieu: D'iceux ie parleray brieffement, selon qu'il m'a esté permis congnoistre leurs actes. Du temps de cest Empire Iean re-  
 luisoit par route l'Egypte, viuant selon la forme obseruee par ces seruiteurs & amis de Dieu, que nous auons dict: auquel Dieu confere le don de prophetie, & la congnoissance des choses incongneues à plusieurs, en sorte que non moins que les anciens Prophetes il voyoit aussi bien les choses futures que presentes. Il receut outre ce vn autre don, à sçauoir de cōmander aux maladies incurables, & les chasser plus viste que la parole, & guarir les malades. Avec cestuy florissoit en ce temps Or, le celebre, lequel dès son enfance ayant suyuy la vie solitaire en l'hermitage, ne congneut autre labeur que louer & magnifier Dieu: prenant patiemēt sa vie de quelques herbes sauuages, & racines d'icelles. En tout lieu il beuuoit de l'eau, telle que la terre, ou il conuersoit, luy pouuoit donner. Mais apres qu'il eust attainé la vicillesse, ayant par quelque vision diuine receu commandement d'habiter en Thebaïde, il fut fait cōducteur de plusieurs monasteres. Aussi fut-il riche de mesmes dons diuins, que Iean auoit receuz: Car par la seule priere non seulement il chassa les maladies, mais aussi les diables. Et nonobstant qu'il n'eust aucun degré aux lettres, les liures ne luy furent necessaires pour sa memoire: Car ce qu'il auoit appris par ouyr seulement, il le conseruoit en sorte qu'il ne l'oubloit aucunement: ains l'auoit prest & à la main, en quelque temps qu'il luy en fut besoin. Alors aussi en ceste mesme region Ammon philosophoit, lequel gouvernant les monasteres de l'isle de Thebenne, eut trois mil disciples: entre lesquels furent Bene & Theonas, ducs & chefs d'ordres monastiques. Tous ces deux receurēt de Dieu la grace de predictiō & precōgnoissance. Et aucuns disent que Theonas apprint entieremēt la sapiēce & discipline des Egyptiēs, Grecs & Romains, & observa silēce l'espace de trente ans. Bene aussi ordonna ainsi sa vie, que iamais il ne se courrouceroit à personne, & ne iurerait, & neditoit aucun mensonge. Aussi ne profera-il iamais de sa bouche parole vaine, & de nul profit. En ce mesmetēps Copres, Helles & Helie furēt tres illustres. D'iceux Copres auoit receu la grace de chasser les diables, & guarir plusieurs maladies. Helles pareillemēt eut vn don tāt excellent à faire miracles, que lors mesme qu'il apprenoit la discipline de la vie monastique, il porta des charbōs ardés en son sein, & ne brussa ses vestemēs. Parquoy il excita & attira ses cōpagnōs, à l'emulatiō de sa maniere de viure, & bonne vie, laquelle manifestemēt obtenoit la vertu cōduisante à faire des choses merueilleuses. Mais Helie tenoit la boutique de sa philosophie monastique pres la ville d'Antinoé, & vescu plus de cēt & dix ans. Iceluy disoit qu'il auoit demouré septante ans en la solitude, auāt qu'il vint en ce lieu: Et neantmoins qu'il eust atteint cest aage, toutesfois il continua virilement iusques à la fin au combat entrepris, ieusnant & macerant sō corps, ainsi que si ceste annee luy fust la premiere ou troisieme, depuis qu'il estoit entré en la vie monastique. Apelles aussi reluisoit pour lors pres Achoris, estonnant par ses faits merueilleux les monasteres d'Egypte: duquel on dict que quelque fois ainsi qu'il battoit de l'arain

Iean moine  
d'Egypte.  
Soisme au  
mesme liu.  
chap. 28.

Or.

Ammon de  
Thebenne.  
Bene &  
Theonas.

Copres.  
Helles.

Helie aagé  
de cent &  
dix ans.

Apelles?

Zz

la nuit (car tel estoit son estude) & le diable mué en la forme de quelque belle femme, dresseoit embusches à sa pudicité, petit à petit il tira vne masse rouge & ardente de dessus les charbons & la iecta à la face du diable, & le brusta, en sorte que soudain il s'enfuit, criant & hurlant. Pour lors ceux-cy furent celebres peres des moines, à sçavoir Isidore, Serapion & Dioscore. Isidore demourant en vn monastere enuironné d'une part & d'autre, de murailles & cheurons, s'estudioit qu'aucun de ceux qui estoient sous sa discipline ne sortist hors: mais que chacun apres auoir prins les necessitez, selon qu'il estoit suffisant, demourast en son lieu. Mais Serapion ayât enuiron dix mil disciples vescu en Arsenoé: & ceux qui luy obeissoient, gaignoyent leur vie à leur labeur, & le distribuoyent aux pauvres. Et en temps d'esté moissonnans avec gaiges, emportoient avec eux du froment tant qu'ils en auoyent besoin, & le diuisoyent aux autres moines. Or Dioscore auoit cent disciples, & lors qu'il estoit prestre, & ministre des sacrifices & choses diuines, il employa grand soing & trauail en la dispensation d'icelles: s'enquistât avec grand examen de ceux qui venoyent, pour receuoir les sacrez mysteres. Il les admonnestoit que premierement leur ame fust nettoyée, & espluchoit & recerchoit la conscience, à ce qu'elle ne fust entachée des maux qu'elle auoit commis. Outre cestuy, estoit encore vn autre beaucoup plus diligent nommé Euloge, lequel on dit auoir esté doué d'une telle preconnoissance & preuoyance, diuinant d'une telle viuacité d'esprit, pour le regard de ceux qui approchoyent aux sacrez mysteres, que non seulement il reprenoit les pechez, qui manifestement auoyent esté commis, mais aussi congnoissoit appertement ce qui estoit caché au plus profond du cœur d'un chacun: Parquoy il chassoit de la communion ceux qui auoyent perpetré quelque mal, ou qui estoient entachez de quelque vice, proferant leurs pechez. Que si iceux, ainsi qu'il estoit raisonnable, esmeuz de penitence, se fussent purgez, il les admettoit de rechef. Outre ceux que nous auons dit, Apollos aussi demoura aux deserts, & commença exercer la vie monastique, & philosopher, y entrant dès son adolescence: Et s'estant arresté quarante ans en la solitude, admonnesté par diuine responce, se retira en quelque spelonque de la montaigne, du costé de la region habitable, & y sciouerna. Et son bruit florissant pour plusieurs miracles qu'il faisoit, il attira à soy grand nombre de personnes, & fut autheur & duc de plusieurs moines. Aussi tant en ses meurs, qu'à sa doctrine, estoient quelques allichemens debonnaire. Mais quelait esté l'ordonnance & reigle de sa diuine vie, & comme il a conuertie par ses insignes miracles plusieurs gens de ce temps avec admiration, Timothee, lequel gouuerna saintement l'Eglise d'Alexandrie, l'a comprins en vn special traicté: auquel non seulement il fait de luy mention, mais aussi d'autres plusieurs grands personages.

De Dorothée, Piammon, Jean, Beniamin, Marc, Macaire, & Apollon.  
Chap. XXXV.

Nombre de  
deux mil  
moines.  
Dorothée.



Parole nota-  
ble d'un  
moine, tou-  
chant la  
mortifica-  
tion de sa  
chair.

De ce mesme temps en Alexandrie aux lieux solitaires, à l'entour de Mareotis, & les voisins de Lybie, plusieurs bons personages philosophèrent diligemment, lesquels accomplirent le nombre de deux mil. D'iceux Dorothée, natif de Thebes, resplendissoit ainsi que quelque illustre estoille. Sa vie estoit telle, que le iour il cueilloit des pierres de la mer voisine, & tous les ans bastissoit vne maisonnette, & la laissoit à quelque moine, qui n'en pouuoit edifier pour soy: & de nuit il plioit des fueilles de palme en forme de liens, & chainettes, & en faisoit des corbeilles. Sa viande estoit six onces de pain, & vne bote de choux tendres: & pour son bruuage il vsoit de l'eau. Et tousiours continua iusques à sa dernière vieillesse ceste sorte de diete, laquelle il auoit suyvie dès son adolescence. Iamais il ne fut veu coucher ou sus quelque natte, ou lietz, ou estendre ses pieds par lascheté, ou de gré prendre son repos: Car souuent ainsi qu'il travailloit ou prenoit son repas, le sommeil le chargeoit grandement: en sorte pour le moins qu'il fermoit les yeux. Et quelquefois lors qu'il prenoit sa refection, la viande luy est tombée de la bouche pour la violence du sommeil. Il luy est aussi aduenue qu'abbatu de la grande force du sommeil, il est trebuché sur sa natte, faite de joncs ou genest: dequoy grandement esmeu, & petit à petit reuenu à soy-mesme: Si tu peux faire, disoit-il, que les anges prennent leur repos & dorment, tu persuaderas aussi à l'homme, qui s'estudie à vertu, faire le semblable. Ainsi sembloit-il en quelque sorte adresser ses paroles ou au sommeil, ou au diable, empeschât les diligentes actions de la vertu. Et pource qu'ainsi il combattoit avec son corps, comme s'il fust en guerre, quelcun l'arriuant: pourquoy, dit-il, pere, tuez vous vostre corps, l'affligeant en ceste sorte? Auquel il respond: pource qu'il me contrainst le tuer. Pour lors aussi Piammon & Jean furent grandement illustres chefs & conducteurs de plusieurs freres, avec grande sainteté & solitude, habitans pres les destroits de terre, qui sont en Egypte, appelez « Diolcos, à cause que là les nauires sont transportez. Or ces deux furent prestres, & dit on que Piammon ce pendant qu'il celebreroit le saint mystere, veid vn Ange celeste, avec l'estolle sacrée, luy assister à la diuine table, remerquant

en



en quelque liure les moines là presens, effaçant & declarant ceux qui estoient absens de la communion des diuins mysteres. Dieu pareillement exorna en telle sorte de plusieurs miracles Iean, *leau.* qu'il guarissoit beaucoup de maladies, & remettoit en santé ceux qui estoient trauaillees des gouttes, conuulsion des nerfs, & foiblesse des pieds. En ce mesme temps le diuin Benjamin philosophoit pres de Scetis. On dit qu'il receut ce don de Dieu, que sans medicamens, par le seul *Benjamin.* attouchement de sa main, ou avec quelque huile à laquelle il adioustoit sa priere, il deliura ceux *Don mer-* qui languissoient de plusieurs sortes de maladies. On dit aussi de luy qu'ainsi il fut trauaillé de *ueilleux de* hydropisie, qui est eau entre cuir & chair, qu'il ne pouuoit sortir de la cabane en laquelle il vi- *guarir les* uoit, si quant & quant luy on n'ostoit la porte. Et pour ce qu'il ne pouuoit se coucher sur quel- *malades.* que liect, il se retira & s'assit sur vne selle plus large, & pensa les malades selon la coustume, & ne se courrouça aucunement de ce qu'il ne se portoit mieux: Mais plustost consolait les malades, & ceux qui venoyent le veoir, & requeroit qu'ils priaissent pour son ame: ainsi que s'il n'eust esté en rié songneux de son corps, lequel il disoit en santé ne luy auoir aucunement profité, & en ma- ladiene luy auoir nuit. Pour lors en Scetis, Marc, moine celebre, meditoit l'excellence de vertu & pieté: à quoy aussi le ieune Macaire s'employoit, ensemble Apollon & l'illustre Moyse Æ- thiopien. Entre lesquels le diuin Marc dès son ieune aage fut humble & modeste, & tant doué *Marc.* de memoire, qu'en icelle il surpassoit les autres aux lettres sacrees. Et fut tant aymé de Dieu, que Macaire respondant selon son nom (car Macarius en Grec, est à dire heureux) prestre des cham- *Don de me-* brettes & cellules monachales, confirma par grand serment, que iamais il ne luy auoir baillé *moire.* ainsi qu'aux autres, ce qui est à ceux qui sont initiez aux ordres sacrez, seulement permis recevoir de la main des prestres: mais qu'un Ange descendant du ciel auoit coustume luy distribuer ce *L'Ange de* sacré mystere, duquel luy-mesme auoit veu la main iusques à la ioincture: ce qu'il affirma as- *tribue l'Euo-* surément. Dieu fit aussi cest honneur à Macaire, qu'il commandoit aux diables. Vn meurtre *charistie à* qu'il commit sans y penser, luy fut cause & occasion de suyure la vie monastique: Car lors qu'il *Marc.* estoit encore ieune, & gardoit les brebis pres du lac dict Maria, il tua vn sien compaignon se- *Macaire* ioiant, & craignant la peine de son offence, s'enfuit en la solitude. Où premierement il demou- *pour un* roit à descouuert: mais depuis il se dressa vne petite loge, en laquelle il vescu vingt cinq ans. En *meurtre* ceste regle il rendit grandes graces à Dieu de sa premiere fortune, & dit que ce meurtre luy e- *qu'il comit,* stoit salutaire, à sçauoir à cause que pour iceluy il se retira en la meilleure & plus saine philoso- *se fit moine.* phie. Mais Apollon ayant passé vne grande partie de son aage en marchandise, vers sa vieillesse *Infortune* se retira à Scetis. Et pour ce que sa vieillesse pesante l'empeschoit escrire, ou traicter quelque au- *salutaire.* tre chose, & quasi le rendoit inutile, il apportoit en la solitude aux maisons des moines toutes *Apollon, de* sortes de medicamens & viandes, qu'il estimoit estre conuenables aux malades, lesquelles il a- *marchant,* uoit acheptees de son argent: & ainsi tous les iours iusques à neuf heures alloit par toutes les *se fait moi-* loges monastiques, pensant ceux qui estoient infirmes & debiles. Il accomplit le cours de sa vie *ne.* en ceste maniere nouuelle, & diuerse des autres, à luy bien conuenable, & par luy premierement inuentee pour l'exercice de vertu. Et lors qu'il se veid proche de la mort, donna à quelque autre son apoticaire, & luy commanda faire cest office, par lequel ceuvre il eut aussi esperance de recevoir salut.

« Diolcos] Nicetas, Sozomene, liu. 6. cha. 29. & Hesich. font mention de Diolcos d'Egypte Plin. liu. 4. cha. 4. parlant de Isthmos: Hellas (dit-il) touche le Peloponneseus, à son estroicte pointte. D'une part est le quar- tier Corinthiaque, de l'autre le golfe Saronic. D'un costé des destroits, sont les bornes & riuages de Lechee: d'autre de Cenchree, retiens les nauires en la mer, en grande place iointes ensemble d'une part & d'autre, pour ce que la grandeur de ce lieu empesche que les chariots ne puissent passer outre. Pour ce passage des nauires, les Grecs appellent ces destroits Diolcos. Plin. li. 5. chap. 9. ainsi par aduantage que peuuent estre les Cataractes du Nil. Pres ces destroits les moines ont demouré, comme est icy dit.

De Moyse Æthiopien, Paul, Pachon, Estienne & de l'autre Moyse.

Chap. XXXVI.



Mais Moyse Æthiopien serf de condition, pour la mauuaistié de sa nature *Moyse Æ-* s'enfuit de la maison de son maistre: & apres auoir apprins à brigander, *thiopien de* fut gouuerneur & chef de la troupe des voleurs. Ayant accóply plusieurs *esclave fugi-* indicibles meschancetez, apres qu'il fust rendu hardy à faire meurtres, & *tif est fait* respendre le sang, abandonnant & quittant son audace & temerité il en- *moine.* tra en la vie monastique, & commença du tout à philosopher, eschauffé *Moyse dere-* brauement à vertu. Et pour ce que sa maniere de viure premiere, & la *frener les* puissante stature de son corps l'allichoit, & l'incitoit par fois selon quel- *allichomés* ques imaginations à volupté, il s'efforça grandement à dópter sa chair par *de la chair.* diuers exercices. Et quelquefois il vsoit de pain sans aucune viande, apres auoir beaucoup tra- *Force mer-* uailé, chacun iour il faisoit bien cinquante prieres. Et six ans cötinuels il veilla toutes les nuits, *ueilleuse de* ce Moyse.

Zz ij

tenant son corps droit & priant en ceste sorte : tellement qu'il ne flechissoit les genoux, & ne cilloit les yeux, s'esoulant en quelque somne. De nuit allant par toutes les maisonnettes des moines, il emportoit leurs cruches secrettement, & les ayant emplies d'eau, les r'apportoit chacune en son lieu. Ce qui luy fut de grâd labeur, pour ce que le lieu où couloit l'eau estoit loing d'aucunes loges de dix stades, d'autres de vingt, & d'autres de trente. Et par long temps retint sa premiere force, encore qu'en ce grandement il s'estudiait à la debilitier, & extenuer la chair par longues afflictions. On dit que quelque fois quatre brigans taschoyent à voler apres de la cellule & boutique de son repos, & qu'iceux il print, lia & chargez sur ses espauls les apporta à l'Eglise, & permit aux peres en ordonner ce qu'ils vouldroyent : disant deormais ne luy estre loisible apporter mal à personne du monde. Le bruit est aussi que nul ne fut iamais mué & changé en telle sorte de ses vices precedés, & parvenu à vertu tant souveraine : Car il fut crainte & terreur incredible aux diables. Et ce qui surpasse l'opinion de tous, il fut ordonné prestre en Scetis, nonobstant qu'il eust tué plusieurs personnes, au temps qu'il conduisoit la compagnie des voleurs. Et pourtant qu'il fut tant illustre, il laissa apres soy plusieurs sectateurs. Il fina sa vie enuitron de son aage l'an octante. cinquiesme. En ce temps florissoit Paul, Pachon, Estienne & Moyse tous natifs de Lybie, outre lesquels excelloit Pior Egyptien. Paul mena vie monastique

*Moyse ordonne prestre.*

*Paul abbé de cinq cens moines.*

*Nombre de trois cens prières à Dieu faites tous les iours.*

*Pachon.*

*Estienne.*

*Don de consoler les affligés.*

*Il faut endurer patiemment les fortunes humaines.*

*Les afflictions de ce monde profitent aux hommes.*

en Phernes, qui est montaigne situee en Scetis, n'ayant d'auantage de moines que cinq cens. Il ne fit aucun œuvre, & ne receut chose quelconque de personne, sinon ce qu'il deuoit manger. Mais s'exerçant tous les iours en prieres sans relasche, il les offroit à Dieu en nombre de trois cens, ainsi que s'il eust payé quelque tribut. Et à ce qu'il ne faillist en ce nombre, il mettoit autât de petits cailloux en son sein, & ieitoit chacun à chacune priere qu'il faisoit. Lesquels ainsi despéschez, il estoit rendu certain qu'autant il auoit parfait d'oraisons. Alots Pachon exerça la vie monastique dès son ieune aage iusques à la vieillesse, au lieu de Scetis. Son corps mesme assez delibéré, ou son affection, ou quelque diable ne peut en luy remerquer aucune chose, qu'il se portast ou plus delicatement, ou autrement qu'il ne conuient à vn homme, tel qu'il estoit : à sçauoir noter quelque intemperance ou autres choses indecentes à philosophe monastique. En ce temps la demourance d'Estienne estoit à l'entour de Mareotis, non loing de Marmarica : Iceluy fut moine celebre, ayant accompli en ceste maniere de philosophie l'espace de soixete ans, lequel en ce qu'il hanta avec Antoine le grand, il apprint estre fort humble, affable & homme sage. Il estoit tant plaisant & vtile en ses familiers colloques, que par la grace de ses paroles facilement il esmouuoit les cœurs de ceux, voire qui estoient en grande tristesse, & les moderoit & recreoit, encore que de long temps ils eussent reiecté toute consolation. Il se monstra pareil mesme en ses propres miseres : Car quelquefois saisi de mal incurable, il permit que ses membres mal affectez fussent pensez & incisez par les medecins : mais luy ainsi que si en tel cas il fust autre qu'il n'estoit, continuant son labeur accoustumé, tenant entre ses mains des fueilles de palme, les ployoit en forme de chainette, & estoit authour & suaseur à ceux qui luy assistoyent de ne porter impatiemment les euenemens de la vie presente, & ne penser à autre chose sinon à ce qui, Dieu aidant, les conduiroit à bonne fin. Et disoit de ce qu'il estoit assailly de telles miseres, que par aduenture pour les pechez qu'il auoit commis, ce luy estoit vtile & profitable : pour ce que meilleur estoit en ce monde porter la peine des pechez qu'on a commis, que la punition d'iceux fust reseruee à la vie future. Nous auons entendu pareillement que Moyse receut pour sa mansuetude & charité grande gloire : & principalement en ce que par sa seule priere il guarissoit plusieurs maladies incurables.

*De Pior, Didyme, Arsele, Ammonius, & des freres qui furent appellez Les longs.*

C H A P.

XXXVII.

*... Sotomen. c'est à dire que d'ores en auant il ne verroit aucune de ses parens.*



Ior encore adolescent desirant mener vie monastique, ainsi qu'il sortoit de la maison de son pere, fit & arresta ce vœu à Dieu, qu'il ne se presenteroit iamais à aucun de ses parens, & prochains quel qu'il fust. Or apres cinquante ans passez, depuis que sa sœur entendit qu'il estoit encore viuant, elle ne se peut contenir : ains resionye grandement de ce qu'on le luy auoit enseigné contre son opinion, eust vehemente affection de le veoir. Parquoy pleurant & criant supplia l'Euesque de ce lieu, qu'il adressast lettres à Scetis, par lesquelles il fist que son frere luy fust enuoyé. L'Euesque ayât pitié de la vieillesse de ceste femme, escriuit aux anciens peres des moines, que Pior vint en ce lieu. Iceluy donc ayât commandement de ce faire, en sorte qu'il ne pouuoit aller au contraire (car il n'est aucunemēt licite, non seulement aux Egyptiens, mais à tous autres moynes, n'accomplir ce qui leur est comandé) il tira droit vers son pays, menant avec soy vn autre frere. Estât arriué deuant la porte de la maison de son pere, il signiffa sa venue & presence à sa sœur. Et soudain qu'il eust ouy le son, & bruit des pieds d'icelle venant hastinement, & entédu le bruit de la porte, ainsi qu'elle l'ouuroit fermant les yeux, & faisant semblant de

de n'appercenoir sa sœur, l'appella de son nom, & luy dit: Je suis Pior ton frere: iouy de ma  
 presence selon ton souhaict. Alors ceste femme ayant assez regardé son frere, rendit graces à  
 Dieu, pour ce qu'il auoit accomply son desir, & soudain sa priere faite pres la porte de la mai-  
 son, se partit, & retourna en sa region accoustumee. Quelque autre fois fouissant vn puy, il y *Pior trouue*  
 trouua vne source d'eau amere: de laquelle toutefois il vîa iusques à la mort. En quoy la gran- *une source*  
 de temperance d'iceluy fut congneue apres son decés, cōsideré que nul des autres, qui en ce lieu *en un lieu*  
 s'estoyent arrestez à la philosophie monastique, n'oserent & ne peurent entreprendre ceste pei-  
 ne. Et vrayement à mon opinion, s'il n'eust proposé & entrepris en soy-mesme ainsi se chastier  
 & dōpter, il ne luy eust esté difficile, voire à sa seule priere, cōuertir ceste eau en douce liqueur:  
 veu qu'il l'auoit sondée & tirée en ce lieu, où il n'estoit possible en recourir d'autre: Car quel-  
 que autre fois ainsi que ce Moysse, duquel nous auons parlé, creusoit vn puis, & desia estoit ve-  
 nu en hauteur fort profonde, & ne trouuoit neantmoins aucune veine qui luy promist aucune  
 eau, en sorte qu'il perdoit toute esperance, & delaissoit son labeur entrepris. Pior inespé-  
 remment arriua en ce lieu enuiron le midy, & premieremēt le salua, puis reprit la pusillanimité, &  
 incredulité de ceux qui fouissoient. Et apres tels propos, descendit en la fosse, & la troisieme  
 fois ayant avec le hoyau, entamé la terre, soudain se môstra l'eau bouillonnante, laquelle en peu  
 d'heure réplit le puy. Et apres auoir demadé que, prieres & actions de graces rédues à Dieu, il  
 luy fust loisible partir de là, les ouuriers le requierent qu'il luy pleust prendre avec eux vn peu de  
 viade: à quoy il n'acquiesça, disant qu'il n'estoit venu pour ceste cause, & qu'il auoit accomply  
 ce pourquoy il estoit là arriué. En ce tēps plusieurs disciples du grand Antoine florissoient pres  
 Scetis: desquels les plus aagez furent Origene, Didyme & Cronion, lequel vescu plus de cent *Cronio moi-*  
 & dix ans. Pour lors aussi le grand Serapion, Putubastes, Arfion & l'illustre Arsefe, passerēt leur *ne ayt cent*  
 aage iusques à la derniere vieillesse en ceste philosophie, & gouvernerent les monasteres. D'i- *et dix ans.*  
 ceux l'un, à sçauoir Didyme, iusques au dernier iour de sa vie, encore qu'il fust aagé de nonante *Origene.*  
 ans, ne demoura avec homme viuant quel qu'il fust. Mais Arsefe s'employant à instruire & en- *Serapion.*  
 seigner, faisoit grace aux ieunes enfans qui auoyent offensé: & s'il trouuoit les plus aagez & ver- *Putubastes.*  
 tueux en faulte, il les excommunioit, disant, que si on chasse & repoulse par excommunication *Arfion.*  
 le ieune enfant, on le rend mesprisant & contempneur des choses sacrees: mais que celuy qui *Arsefe.*  
 auroit profité en vertu, soudain receuroit le sentiment des reproches à luy faites. Or de ceux qui *Didyme.*  
 estoient en aage moyenne & plus rassis, plusieurs furent moines excellens: entre lesquels flo- *il faut au-*  
 rissoient Ammonius & Eusebe, ensemble Dioscore, & Euthyme freres, qui pour la stature de *tremit cha-*  
 leurs corps furent appelez Les longs. Et dit on qu'en ce temps Ammonius atteint tel degré de *stier les no-*  
 ceste philosophie, qu'il se monstra superieur & maistre, voire vainqueur des voluptez & delices, *uices, et an*  
 en sorte qu'il ne goustâ chose quelconque qui fut cuictē, sinon seulement du pain. Il fut gran- *trement les*  
 dement studieux des lettres & bonne erudition, & lisoit heureusement les escripts d'Origene, *moines plus*  
 Didyme & Euagre, & diligemment s'y exerceoit. Il s'eslongna tant de curiosité, qu'arriué avec la *aagez.*  
 compagnie du grād Athanase, à Rome, de toutes les principales & illustres antiquitez de ceste *Les longs*  
 ville, il ne delibera veoir autre chose, que le temple de saint Pierre & saint Paul, & l'Eglise *freres.*  
 en laquelle les corps d'iceux sont resserrez, ainsi que quelque grand tresor. Quelquefois aussi *Ammo-*  
 ainsi qu'on le vouloit mener pour estre consacré Euesque, apres auoir tenu long propos à ceux *nus.*  
 qui pour ce là s'estoyent assemblez, voyant qu'il ne leur pouuoit persuader ce qu'il vouloit, se- *Dioscore.*  
 fiant coupé l'oreille dextre: pour le moins maintenant, dit-il, partez d'icy, veu que l'ordonnan- *Eusebe.*  
 ce de l'Eglise ne me reçoit plus, encore que ie le voulusse: Car il faut que le sacrificeur soit en- *Euthyme.*  
 tier, & non mutilé en son corps. Et ainsi que les principaux de ceux qui vers luy estoient en- *Bel exem-*  
 uoyez s'en alloyent, & disoyent les vns aux autres que ces coustumes & manieres d'ordonnan- *ple cōtre la*  
 ces estoient prisees & grandement obseruees par les Iuifs, & que c'estoit mespriser l'Eglise de *curiosité.*  
 Dieu, si pour icelles celuy estoit reiecté, qui pourroit estre Euesque entier en ses meurs, & bon- *Ammo-*  
 ne affection, ils reuindrent vers luy, & s'efforcerent le gagner. Lors iceluy affirma par serment, *nus voyāt*  
 que s'ils le vouloyent d'auantage contraindre, il se couperoit & tronçonneroit la langue. Par- *qu'on le con-*  
 quoy ces menaces poisees, ils choisirent en son lieu vn autre grand personnage. Et dès ce temps *traignoit de*  
 là Ammonius fut denommé *Parosie*, comme qui diroit celuy qui a fauté d'une oreille. Ce mesme *prendre un*  
 aduint au philosophe Euagre: Car ainsi que par Theophile, Alexandrin, il estoit tiré & con- *Euesché,*  
 traint recevoir vn Euesché, apres plusieurs artifices & excuses bien dressees, il reietta la digni- *couppa l'o-*  
 té sacerdotale, ne voulant prendre l'Episcopale grandeur: neantmoins il ne retrancha de son *reille: et se*  
 corps aucun des principaux membres. Iceluy depuis ayant rencontré Ammonius, le reprit as- *fust tronçon-*  
 sez facetieusement, disant, qu'il auoit mal fait de se couper l'un des ses membres, & que pour ce *né la langue,*  
 il en souffriroit, & seroit puny de Dieu. Auquel respondit Ammonius: Mais toy, ô Euagre! n'en- *si on ne*  
 dureras tu pas peines condignes à ton mal-fait, veu que tu as tronçonné ta langue, pour la trop *l'eust quit-*  
 grande ialousie que tu conçois de toy-mesme, & n'as vsé de la grace, laquelle pour l'utilité de *té.*  
 plusieurs t'a esté donnée? Mais nous parlerons d'Euagre cy apres.

# LIVRE XI. DE L'HIST. ECCLESTIASTIQUE

*Du mont Nitria, & le lieu dit l'Hermitage: & de l'autre nommé Rhinocurura: ensemble de saint Denys, Mela & Solon.*

*Chap. XXXVIII.*

*Ainsi de  
present au  
mont Athos  
sont vingt  
& deux in-  
signes mo-  
nasteres de  
moines*

*Grecs de  
l'ordre de S.  
Basile, qui  
payent tous  
les ans au  
Turc pour  
le tribut de  
leurs vignes  
& oliviers  
six mil o-  
boles Tur-  
quesques.*

*Les Chre-  
stiens l'ap-  
pellent mon-  
tagne sainte.*

*· Rhinocu-  
rura & ses  
monasteres.  
Rhinocuru-  
ra est une  
ville d'Egy-  
pte, ainsi ap-  
pellee par  
les anciens  
habitans,  
desquels on  
auoit mu-  
lé les ne-  
Estienne.*

*Exemple de  
hospitalité  
Episcopale.  
Mela accou-  
stumé à la  
vie monasti-  
que se bân-  
toit son frere  
de Mela de  
marchant fut  
fait moine,  
& puis E-  
uesque.*

*Rhinocuru-  
ra ville ca-  
tholique.*



Vx enuirs de Scetis est vne montaigne appelée par les habitans Nitria, à cause que pres de là est vn village, auquel on cueille le Nitre, matiere semblable au sel. En ceste montaigne reside vne grande multitude de tels philosophes que ceux que nous auons dit, monasteres contiguz les vns des autres, non moins de cinquante. D'iceux aucuns sont habitez par les moines en commun, d'autres ausquels ils demourent à part. Là est aussi vn autre lieu tirant vers la solitude, & aux plus profonds deserts, loing des susdicts monasteres de septâte stades, lequel est entre tous fort commode pour l'exercice de la vie monastique. Ce lieu est appelé la place des Cellules, pour ce que là les demourances des moines sont basties, non d'une suite, mais respandues d'une part & d'autre. Icelles furent si esloignées les vnes des autres, que ceux qui là reuidoient ne se pouuoient veoir, n'ouyr l'un l'autre: Toutefois leur coustume estoit vne fois la semaine, à sçauoir le iour du Dimanche principal de tous, se trouuer ensemble à l'Eglise. Que si quelcun à ce iour n'assistoit avec les autres, on tenoit comme seur & certain qu'il estoit trauaillé de quelque peine, ou griesue maladie. Parquoy tous le venoyent visiter, non ensemble, mais en diuers temps: chacun luy apportant ce qu'il pouuoit auoir de remede present, & vtile pour le deliurer de son infirmité. Que si quelcun n'auoit de quoy il le peust aider, il ne s'entre-mettoit de l'aller veoir, si ce n'estoit pour entendre du malade quelque propos profitables à l'ame, alors à sçauoir que celuy qu'on visitoit estoit docte & expert. Ceux aussi seulement demouroyent en ces maisonnettes & cases, lesquels estoient paruenus au souverain & parfait degré de philosophie, & se pouuoient dresser & gouverner eux-mesmes: à ce qu'ils peussent faire leur salut separez des autres, & suyure le repos de la solitude, & de leur conscience. Mais c'est assez dit de Scetis, & des moines qui là philosophèrent: Car s'il nous falloit poursuyure & traicter en ce lieu de toutes & chacune choses, il faudroit craindre, que si nostre styl estoit trop long, quelcun ne l'aiguillonast, & reprint trop asprement. Aussi considéré qu'iceux s'arrestoyent, & establissoyent pour soy chacun sa maniere de viure, il ne se pouuoit autrement faire, que les meurs, ceures, ordonnances, conuersations & ieunes ne fussent diuers, selon la capacité des aages, ainsi qu'il estoit raisonnable. En ce mesme temps fut vn autre lieu appelé · Rhinocurura, ce-  
lebre pour l'affluence de plusieurs moines natifs de ce mesme pays. D'iceux les plus insignes furent Denys, lequel auoit sa maisonnette dressée du costé Aquilonaire de la ville: Mela aussi, lequel pour lors gouuernoit l'Eglise de ce lieu: ensemble Solon frere germain, & successeur de Mela en ce mesme siege. De ce <sup>a</sup> Mela on a remarqué pour memoire ce qui s'ensuit: Lors qu'on chassoit des Eglises les defenseurs de la foy du Consubstantiel, arriuerent aussi en ce lieu ceux qui auoyent charge de le ietter hors. Or ils le trouuerent, ainsi que l'un des moindres seruiteurs, ioyeusement s'efforçant accoustrer les lampes de l'Eglise: Car il tenoit en ses mains des mesches de lin, sa robe & sa ceinture falllement aiancée, en sorte qu'iceux s'interrogerent de luy (ne le congnoissans) où estoit l'Euesque, lequel il promit enseigner. Il les mena donc en la maison Episcopale: & pour ce qu'ils estoient trauailliez du chemin, les fit reposer, leur appresta la table, & leur presenta la viande selon sa petite faculté, & leur seruit ce pendant qu'ils prenoyent leur repas. Ce fait il l'aua ses mains, & leur declara quel il estoit. Iceux estonnez de cest homme, ayans déclaré la cause de leur venue, dirent que pour la reuerence de sa personne ils luy remerctoient & relaschoyent son exil. Ce qu'ayant entendu, il respondit que vrayement il ne feroit le semblable que les autres Euesques à luy consentans, à sçauoir qu'il n'iroit en exil cōtre son gré, mais de bon cœur & prompte volonté laisseroit son pays, & se banniroit soy-mesme. Ce per-  
sonnage lors qu'il demouroit en ceste region, estoit illustre en toute sorte de vertu, comme ce-  
luy qui dès son adolescence s'estoit accoustumé à la philosophie monastique. Mais Solon ayant renoncé le traffic de marchandise, achepta vne pretieuse marguerite: Car il fut enseigné diligem-  
ment & fidelement instruit soubz son frere Mela, & les maistres de ce lieu: & apres l'eschange faite de sa vie, s'estudia grandement aux choses diuines, & pour la simplicité de ses meurs, fut bien venu enuers les prochains. L'Eglise de Rhinocurura ayant rencontré premierement ces  
ducs & chefs tant excellens, vsa long temps apres des constitutions & ordonnances accoustu-  
mees, produisant des personages de grand renom. Et ce fut nouveau, & entre autres choses  
plus insigne en ceste Eglise, que les clerics auoyent là toutes choses communes, à sçauoir vn do-  
micile, vne table, mesme maniere de viure, & mesme regime, & lieu pour prendre leur repas.  
Ces choses soyent dictes de Rhinocurura.

<sup>a</sup> Mela on a remarqué] Ceux qui par les Arriens estoient enuoyez pour chasser Mela Euesque de Rhinocurura, pour la reuerence d'iceluy, luy relascherent son exil.

*Des*

*Des moines de la Palestine, à sçavoir, Hefychas, Epiphane de Cypre, Salamines, Ammonius, Syluain & Zacharie.*

*Chap. X X X I X.*



En ce temps aussi en la Palestine plusieurs philosophes solitaires florifoyent: Car lors suruiuoient encore ceux qui resplendissoient en science & vie monastique, desquels nous auons parlé, traitans de l'Empire de Constantin. Avec eux, autres en grand nôbre excelloyent aux mesmes ordonnances & maniere de viure que ces premiers: lesquels par leurs vertus, avec grande louange & gloire augmentèrent les monasteres. Le principal d'iceux fut Hefychas, intime amy de cest Hilariô, lequel surpassoit tout autre de beaucoup en la reigle de viure selon Dieu: semblablement reluisoit entre ceste troupe de personages Epiphane, lequel long temps apres créé Euesque, gouerna l'eglise de Salaminie, en Cypre. Or Hefychas dressa à Gaze vne boutique de repos, au mesme lieu que son amy & maistre Hilarion, avec lequel il cōsentir en toutes choses: Mais Epiphane demoura pres d'un village appellé Besanduc, de la preuosté d'Eleutheropse, d'où aussi il estoit yssu. Iceluy ayant vŕ de bons precepteurs en son ieune aage, & demouré long temps en Egypte pour apprendre la doctrine monastique, par l'effort de sa vertu auoit acquis insigne louange entre les Egyptiens & Palestins: non moins aussi enuers les Cypriens, sur lesquels il fit office d'Euesque. De là il est facile coniecturer, que pour ceste cause il acquit grand & illustre renom par tout le monde. Car veu qu'il estoit Euesque en vne ville ample, maritime & fort peuplee, & qu'il traitoit les affaires ciuils avec illustre gloire de vertu, il fut en bref temps rendu tres-congneu, non aux citoyens seulement, mais à tous estrangers de toutes parts abordas en ce lieu: desquels aucuns l'ont arriué de paroles & veu, d'autres aussi en ont esté instruits par les propos de ceux qui l'auoyēt veu. Auant donc que venir en Cypre, il mena vie solitaire en la Palestine, lors à sçauoir que resplendissoyēt aux monasteres de ce pays & excelloyent en grande sainteté Salamines, Phischo, Malchion & Crispion, natifs de maison noble & illustre, tous freres, lesquels s'exerçoient aux estudes de vertu, pres de Bethleem, bourg de la preuosté de Gaze. Ils eurent aussi pour maistre, Hilarion. Car on dit qu'ainsi qu'ils estoient arriuez ensemble vers Hilarion, & ensemble retournoyent en leur maison, du milieu d'iceux Malchion, seul rauy en quelque sorte, disparut: lequel soudain reuenu cheminoit avec ses freres, & peu de temps apres trespassa de ceste vie, en la fleur vrayement de sa ieunesse, mais en laquelle il ne cedoit beaucoup quant à la vertu & amour diuin, à ceux qui en tels estudes auoyent passé tout leur aage. En ce temps aussi Ammonius auoit grand bruit. Il demouroit loing de ceux que nous auons dit maintenant, enuiron de dix stades. Sa loge estoit assise pres de Chapharchombra, village subiect à Gaze, duquel il estoit natif. Ce personnage constamment & diligēment perseuera en la reigle monastique. Il me semble aussi qu'en ce mesme temps Syluain, natif de la Palestine, suruiuoit: Auquel Dieu fit cest honneur, que les Anges luy seruoient. Lequel apres auoir premierement philosophé en Egypte, de là se transporta en la montaigne de Sina, & depuis bastit vn monastere fort ample, beau & illustre pour receuoir les gens de bien qui s'y retireroient, situé sur le torrent de Gerara: lequel apres Syluain, fut gouuerné par l'admirable Zacharie.

*Moines de la Palestine*

*Hefychas.*

*Epiphane depuis Euesque de Salaminie.*

*Larenômee illustre d'icelui par tout le monde.*

*Salamines, Phischo, Malchion & Crispion freres, disciples d'Hilarion.*

*Syluain. Anges administrateurs.*

*Zacharie.*

*Des moines de Syrie & Edesse, d'Ephraim, Aphraates, Iulien, Barses & Euloge, & iceux deux derniers depuis firent office d'Euesques en leurs monasteres.*

*Chap. X L.*



Il nous fault passer d'Egypte & la Palestine à ces moines qui florirēt en la Syrie & Perse voisine d'icelle: lesquels en grand & copieux nombre furent tresillustres en vertu, & en icelle s'efforcerent egaler les Egyptiens. Aux enuiron de Nisibis, pres la montaigne appellee Sigaron, Batthee, Eusebe, Arges, Abbe, Abdale, Zenon, Helyodore & Lazare qui depuis fut créé Euesque, estoeyēt grandement renommez. Lesquels pour ce qu'ils auoyent depuis peu de temps commencé l'exercice de telle reigle, furent denommez, Volci, c'est à dire paissans, à cause qu'ils n'auoyēt aucune maison, & ne goustoyent aucunement ne pain ne vin, ne autre viande: mais conuerŕans par les montaignes en continence, remercioyent, adoroyent & louoyēt Dieu en prieres & hymnes, selon la coustume des Eglises. Et l'heure venue du repas, chacun ayant en sa main vn crochet ou faucille, cerchoit d'une part & d'autre pour soy, comme pour trouuer sa pasture: puis ayant rencontré quelques herbes commodēs, il en viuoit. En telle maniere ils establirent vne nouvelle philosophie, pour conduire leur vie. Eusebe aussi s'exerçoit en la sapience

*Les moines de Syrie pres Nisibis au mont Sigar.*

*Les moines appellez paissans.*

*Moines pres de Carres.* monastique pres de Carres, où il se resserra en volontaire prison, en sorte que nul ne pouvoit entrer vers luy. Lors Protogene excelloit, lequel apres Vite gouverna en ce lieu vne paroisse.

*Protogene.* Ce Vite fut moine fort renommé, duquel on dit que soudain apres qu'il eust veu l'Apostre Constantin entre les Empereurs, il affirma assurement, que souuentefois par long temps Dieu luy auoit monstré par apparition. Parquoy diligemment il enhortoit les hommes, que sans aucune exception ils fissent humblement & avec prompte obeissance, ce que Constantin auoit ordonné & commandé. En ce temps Batthee s'est tant abstenu de viande, que mesme les vers luy sortoyent des dens. Hallas aussi ne toucha aucunement du pain, durant l'espace entiere de septante ans. Et si grande estoit la temperance d'Heliodore, qu'il veilloit plusieurs nuicts entieres, & continuoit le ieune toute vne sepmaine. Lors aussi florissoit lo grand Aonas, en Phadana: auquel lieu anciennement Iacob, fils d'Isaac, venant de la Palestine, print en mariage vne femme vierge, & premieremēt ayant roulé la pierre du puis, y abbreuua son troupeau. Le bruit est que cest Aonas premier commença l'exercice de ceste industrieuse philosophie, au pays de Syrie: ainsi qu'entre les Egyptiens le grand Antoine. Avec Aonas, Gaddanas, & Azize s'efforcèrent en la mesme reigle de vertu. Plusieurs aussi & en Edesse, voisine de ce lieu, & aux autres parts es enuironz florissoient: entre lesquels tres-celebres estoient Iulien, & Ephraim tant renommé entre les Syriens, lequel à composé des liures en grād nombre pour l'eglise, desquels i'ay fait mention plus ample & certaine, traitant de l'Empire de Constance. Lors pareillement estoient en grande estime Barfes & Euloge, lesquels deux, apres long exercice de la vie monastique, furent faits Euesques, non en quelque ville, mais par honneur acquirent la consecration Episcopale en leurs monasteres: en sorte qu'à bō droit quelcun pourra dire iceux auoir receu ceste dignité, comme gage, recompense pour la reigle & maniere tresparfaicte de viure philosophiquement, par eux obseruee. Tel fut Lazare, duquel vn peu cy deuant nous auons fait mention, apres saint Helyodore.

*Des moines Celecylie, & Antioche: ensemble des moines qui philosophèrent en Galatie, Cappadoce, Bithynie & pres le destroit Euxin: & la cause pourquoy les anciens moines viuoyent longuement.*

*Chap. XLI.*

*Moines de Celecylie. Les Chrestiens doyuent endurer & non faire iniure.*



L'est vray que la Celecylie, & la region d'icelle plus haulte (la seule Antioche exceptee) receurent assez tard le Christianisme, toutesfois elle n'auoit faulte de Philosophes Ecclesiastiques. Lesquels d'autant plus se monstrerent braues personnages, qu'ils veoyent la haine des habitans, studieux de la superstition Grecque, s'enflamber de iour en iour contre eux, & les espier: non qu'ils les ayent reiectez par vengeance, mais que de grand courage ils enduroyent les playes & iniures. Tel estoit ce Valétin, lequel ainsi qu'aucuns ont delaisé par escrit, estoit natif d'Emese, autres qu'il estoit d'Arethuse. Lors aussi florissoit vn autre moine de

pareil nom que luy, & Theodore: lesquels deux furent yssus de Titte, village de la preuosté d'Apamee. Pareillement Marofas, natif de Mecheles, Basse, Bassones & Paul du pays de Telmise auoyent, grand renom. Ce Paul apres auoir institué plusieurs monasteres en diuers lieux, & enseigné beaucoup de personnes à suyure ceste philosophie, par apres edifia vn domicile de moines, insigne & illustre, en la regio appellee Iugarum, & là fina sa vie en vieillesse fort auācée.

*La sainteté des moines a emmené plusieurs Gentils à la foy Chrestienne.* Encore en ce lieu on monstre son sepulchre, ainsi que chacun le sçait. Or tous ces moines cy dessus racomtez, furent bien aagez: ce qui me semble auoir esté fait par disposition & prouidence diuine, à ce que par si longue & entiere reigle de viure, la religion s'accrue & augmentast de plus en plus. Car par ce moyen non les Syriens seulement, mais plusieurs des Perles & Sarrasins, furent attirez à nostre foy: & grand nombre des sectateurs de la superstition Grecque, renoncerēt leurs idolatries. De tous lesquels plusieurs furent persuadez d'honorer & recueillir grandemēt la philosophie monastique: voire d'iceux beaucoup s'enroolerēt aux confraries monachales, à l'exemple de ceux que nous auons maintenant dit. Aussi peult on de là facilement cōiecturer, que ceste sorte de philosophie ayant de là prins son commencement, vint iusques aux Cappadoces & peuples voisins d'iceux: voire iusques au destroit Euxin & Hellespont. Tels personnages vrayement d'autant qu'ils embrassoyent de grand courage la doctrine Chrestienne, eurent le temps passé plusieurs sectateurs de leur diuine philosophie. Desquels aucuns habiterent par les villes & villages, aux domiciles communs, ou pour ce qu'ils n'estoyent encore accoustumez aux traditions & exemples de ceux que nous auons dit, ou à cause que ces regions pour l'aspreté de l'hyuer, sont excessiuelement froides de nature, & entre les autres principalement le Pont, Cappadoce & Galatie, ils ne peurent facilement viure aux lieux solitaires. Neantmoins les mōtaignes de ce pays ne furēt du tout vuides de telle sorte de philosophes: Car avec le temps pour le vehement & ardent estude d'iceux es choses sacrees, le froid aussi quitta ces regions



regions. En ces parties plusieurs menerent vie tressaincte (ainsi que i'ay dit autre part) mais apres Hermites Eustace & le grand Basile, entre les autres furēt ceux cy tref- celebres, à sçauoir, Leonce, auquel de ce pays. depuis fut commise la charge del'Euesché d'Ancyre & Prapadie, lequel voire en extreme vieil Eustace. Iesse gouuerna plusieurs villes, faisant l'office d'Euesque. Il mit ordre aussi à l'illustre hospital Basile. appelé Basilius: pour ce qu'il fut cōstruict par le grād Basile, euesque de Cesaree, & de là tiētson Leonce. nom, & dure encore iusques à nostre tēps. Plusieurs autres moines florirēt en Antioche, entre Prapadie. lesquels apres Iulien & Aphraates, furent premiers Marian, Eusebe, Palladius, Symeones, Abra Basilius, ho hames, & autres plusieurs, qui conseruerēt entier & immortel ce qui estoit en eux basti à l'ima- stel Dieu ge de Dieu. En la mōtagne proche d'Antioche, qui est plaisante pour les prez respandus à l'en- basti par s. uirō, excelloit Pierre de Galate, & vn autre de mesme nom natif d'Egypte. Outre ces deux, Ro- Basile. main, Seuer, Zenon, Moïse, Malchus & autres en grand nombre furēt là en ce temps illustres Moines de en la vie monastique. En la solitude de Chalcis, Abit, Marcian, abrahames & autres plusieurs, Antioche. lesquels facilement on ne pourroit nombrer, menerent vne vie fort austere, se despoillans de Moines de toutes affectiōs, mortifiāns leur chair en beaucoup de peines. Agapet, Symeones & Paul de- la solitude mouroyent en l'hermitage d'Apamee. Publius & Paul philosopherēt aux solitudes de Zeugma. de Chalcis. Aceptimas tant renommé habita en l'hermitage de la ville de Cyr, lequel enfermē en vne petite Moines de loge, tant sainctemēt passa l'espace de soixāte ans, qu'il ne fut veu, & ne parla à personne aucu- Apamee ne. Lors aussi ce grand Zeugmace vīnoit, lequel estoit aucugle, & ne se cacha en aucune cāse, & de Zen- mais enuironnāt plusieurs lieux, amonça la sincere profession de foy. Theodoret, Euesque de gma. Cyr, en l'histoire des amys & seruiteurs de Dieu, a décrit brauement la vie d'un chacun de ces saints personnages. Or le principal soucy d'iceux tous, estoit, voire cōme estude cōmune, pre- Mortifica- mierement soigner de leur ames, & par desaccoustumance s'estranger des affectiōs & inclina- tion de la tions de ceste vie, & consumer la plus grande partie de leur vie en prieres, ieusnes, hymnes, & chair, & louāges telles qu'à Dieu appartient, & mespriser leurs corps, les delices & voluptez de ce mon- vīnificatiō de: voire repoulser de soy l'argent, & l'occupation des affaires, à ce que par imitation ils se de l'esprit. peussent efforcer de suyure la vie Angelique.

*D'Euagre, philosophe, & de sa vie & maniere de faire. Chap. XLII.*



Pres Ephraim le Syrien, Didyme, Alexandrin & Euagre, moine d'Egy- Ephraim Sy pte, furent tref- celebres en l'une & l'autre philosophie. Or quel ait esté rien, Didy- Didyme & quels eſcrits il ait laisse apres soy, ie l'ay recitē au neuſiesme me Alexan- liure de ceste histoire: Mais il m'a semblē raisonnable inserer icy quel- drin, Eua- que peu d'euagre. Encore que ces deux ayent esté balancez en la saine gre Egyptie. doctrine de foy, ils ont lancē toutēfois plusieurs dards de leurs eſcrits. Sosem. l. 6. contre les ennemys de verité. Euagre fut né des Iberiēs, situez pres le de- chap. 30. stroit Euxin: homme sage & grandement illustre, subtil en inuentiō, ingenieux, graue & aigu pour haranguer ce qu'il auoit inuentē. Il discernoit aussi facilement les pensees lesquelles se dressoyent ou à vertu, ou s'inclinoyent aux vices: & ne fut moins idoine à dompter & enseigner, à ce que les vnes fussent retenues, les autres de- chassées. Les liures par luy composez pourrōnt tesmoigner la grace de son oraison & parler. Il fut aussi fort moderē en ses meurs, & esloignē grandement d'arrogance & orgueil. Et ainsi que Euagre dis- pour toutes les iustes & deuēs louanges qu'on luy ait donnees, il ne s'est esleuē en presumption ciple & aussi ne fut aucunement esmeu en colere, pour les iniustes reproches & iniures à luy faites. Il Archidia- apprint brauement les lettres sacrees soubz Gregoire, le Theologien: car il fut son Archediacre, cre de S. Gre lors qu'il gouuernoit l'eglise de Cōstantinople. Mais pource qu'il estoit garny de face & beau- goire de Nā té excellente, & s'habilloit honnestemēt & proprement, l'un des principaux magistrats passionē Xianze. de ialousie enuers sa femme, ayant entendu qu'il y auoit quelque familiarité entre icelle & luy, Euagre ad- secretement brassoit sa mort. Et vrayement ce conseil fust venu à son effect, si ceste mesme nuit uerty de Dieu ne luy eust representē vne horrible, mais salutaire vision, ainsi qu'il dormoit: Car il luy nuit par sembloit se veoir prins à cause d'un crime capital, & lié pieds & mains de chaines de fer en pri- une vision, son. Et cōme on le deuoit presenter deuant le siege du iuge, & endurer peines & supplices pour s'eschappe son malſair, que quelqu'un s'approcha de luy, & luy monstra le liure sacrē des Euangiles, & le des embus- promit deliurer de ces pesans liens, si soudain il sortoit de la ville, & ce faire il cōfirmoit par ser- ches qu'on ment & promesse: tellement qu'ayant mis sa main droicte sur le liure il iura en ceste sorte, & luy brassoit. soudain il fut deslié des ceps, & alors se reueilla de ce sommeil. Ainsi aduerty & persuadē par diui- Euagre dis- ne vision, il eschappa du danger descouuert, & ia dressē contre luy. Et apres qu'il eust arrestē en ciple des son esprit qu'il luy falloir suyure la vie monastique, de Constantinople il vint en Ierusalem. De Macaires, là il s'achemina vers l'Egypte, pour veoir ceux qui philosophoyent en Scetis, puis il s'edifia vne & compai- loge monastique au mont Nitria: & la demoura avec les deux Macaires, l'Egyptien & l'Ale- gnō d'Amo- xandrin, excellens par dessus tous autres: desquels ainsi qu'il imitoit la vie, de fait aussi il s'ac- monius. quit la philosophie monastique. Depuis soubz l'Empire de Theodore, le ieune, il conuersa avec

*Les escrits d'iceluy.* cest Ammonius duquel nous auons parlé. Il fit de mesmes prodiges que les precepteurs. Plusieurs liures & grandement nécessaires furent par luy composez, entre lesquels l'un est intitulé Le moine, ou De la vertu practicienne & ouuiere. L'autre, Le congnoissant, ou De celuy qui a acquis la cōgnoissance. Ce liure est diuisé en cinquante chapitres. Il a escrit vn autre liure lequel contient vne confutation, ou inuectiue contre les diables tentateurs. Il diuisa ce liure en huit sections, selon le nombre des huit deliberations ou pensées. Il fit aussi six cens prognostications problematiques. Outre ce, il laissa deux liures de vers : l'un aux moines qui sont aux monastères ou communautéz : l'autre aux sanctimoniales & religieuses, qui reuerent la virginité. Tous les escrits sont admirables, & du tout bien dressez en sentences & eloquence, pour persuader & gaigner la personne. Celuy qui les lira, pourra congnoistre quel a esté ce personnage. L'estime aussi estre besoing d'inferer briefuement en ceste histoire quelques sentences de ses œuvres, principalement ce qu'il recite des moines, quasi en telles paroles :

*Ce qu'Euagre de mot à mot a escrit en aucuns de ses liures, des moines de son temps.*

chap. XLIII.

*Pourquoy nous sommes plus contristez quand nous pésons aux iniures que les hommes nous ont faites, qu'à celles que nous receuons des diables.*



*L'ombre de chaste la soif. La vie de Macaire fort contrainte.*

*Les vrais Chrestiens sont immortels. Vn moine donne aux pauvres le prix d'un liure qu'il auoit vendu.*

*Les quatre principales vertus & leur office. Prudence. Force. Temperance.*

**L** nous est nécessaire rechercher diligēment les vies des moines qui nous ont precedez & gouvernez, & selon icelles dresser nos actions & pensées : Car ils ont dit & fait plusieurs choses memorables. Entre iceux quelqu'un dit ce propos cy : Que le ieusne sobre & tousiours d'une mesme façon, ioint avec charité, l'ouïain mene le moine au port de priuatiō de toutes douleurs. Ce mesme deliura l'un des freres des spectres & illusions, desquelles il estoit de nuit espouuanté, lors qu'il luy fut cōmandé en ieusnes ministrer aux malades. Car interrogé, respondit que ces terreurs & perturbations ne pouuoient estre plus facilement estaintes, que par misericorde. Quelqu'un aussi des sages vne fois abordant Antoine le iuste : Comment pere, dit-il, peux tu ainsi durer & perseverer en la vie monastique, veu que tu es priuē de la cōsolation qu'on recueille de la lecture des liures ? Mais mon liure, ô philosophe (respondit Antoine) c'est la nature des choses creées. En icelles quand bon me semble, il m'est loisible lire les oracles de Dieu. Quelquefois aussi le vieillard Macaire, Egyptien, vaisseau d'election, m'interrogeoit, pourquoy nous estourdissions nostre memoire, ayans souuenance des iniures faites cōtre les personnes, & ne sentions toute fois aucun detrimēt à l'encontre des diables, nous souuenans des maux que nous auons d'iceux receuz. Ainsi que ie n'auois que respondre & voulois ce apprendre, ie le priay le m'enseigner. Adonc celuy pour ce (dit-il) que la premiere affection est outre nature d'ire, la derniere est selon la nature d'icelle. Vne autre fois à l'heure du midy i'arriuy vers le saint Pere Macaire, & pour ce que ie bruslois quasi de soif, ie luy demanday de l'eau. Là iceluy, contente toy, dit-il, de l'ombre : Car plusieurs voyageurs & nauigeans n'ont d'icelle maintenant iouissance. Et ainsi que ie luy tenois propos de continence & temperance : aye fiance, dit-il, (mon fils) & bon courage. L'espace de vingt ans tous entiers ie n'ay prins mon saoul ne pain, ne eau, ne repos : Car i'ay tousiours mangé mon pain à certain poix de la liure, & beu à certaine mesure l'eau, & desrobé quelque petite portion du sommeil, m'appuyant contre la parois.

Quelque messager estoit venu vers vn autre moine, luy apportant nouuelles de la mort de son Pere, à quoy il respondit : Cesse de blasphemer & parler meschamment, car mon pere est immortel. L'un des freres en tous ses biens n'auoit qu'un seul liure des Euangiles : lequel vendu, employa le prix pour la nourriture des pauvres, v'sant de ce propos digne de memoire : l'ay vendu ce liure à cause de l'oracle, qui dit : Vends que tu as, & le dōne aux pauvres. Or il y a vne Isle aux enuiron d'Alexandrie, tirant vers Septentrion, assise de là le lac appellé Maria : en icelle demeure vn moine tres-celebre, de l'ordre des Gnostiques, lequel dit que tout ce que faisoient les moines, estoit fait pour cinq causes, à sçauoir, à cause de Dieu, de nature, de coustume, de necessité, & pour le travail & œuvre manuel. Luy mesme dit que vertu estoit vne selon nature, & que sa forme estoit engrauee & depeinte aux facultez de l'ame : Car il disoit que la clarté & lumiere de Soleil n'auoit aucune forme, mais qu'elle la receuoit des fenestres, par lesquelles elle penetrait. Quelque autre moine disoit que pour ce il se retirait des voluptez, à ce qu'il retranchast de soy toute cause & occasion d'ire : & qu'il sçauoit qu'icelle tousiours bataille contre nous à cause des voluptez, trouble l'entendement, & dechasse la congnoissance. Pareillemēt quelqu'un des anciens dit, que la charité ne sçauoit conseruer le deposit, & la garde baillee des viandes & argent : Eue ne sçay point, disoit-il, que le diable n'ait trompé deux fois en vne chose. Ces paroles expose Euagre en ce liure, lequel il a intitulé Le practicien. Mais aussi entendōs ce qu'il dit en son liure inscript Le Gnostique Nous auons apprins de Gregoire, le iuste, qu'estoyent quatre vertus, & quatre considerations d'icelles, à sçauoir, Prudence, Force, Temperance &

& iustice. Et disoit aussi que l'office de prudence estoit considerer & contempler sans user d'au- *Iustice.*  
 cunes paroles, les saintes & intellectuelles puissanées : pour ce qu'elles venoyent en cognois-  
 sance par sapience, & que l'office de force estoit perséuerer constamment, & lors qu'on auroit  
 congneu la verité ne condescendre aux choses faulces, encore qu'on nous dresse quelque guer-  
 re & danger: Et que le deuoir de temperance estoit receuoir la semence iectée par le premier  
 laboureur, & reiecter celle, laquelle depuis & furtivement a esté semée par l'aduersaire & en-  
 nemy. Ensemble que le fait de iustice estoit attemperer la parole selon la dignité & commodité  
 d'un chacun, ou mettant en auant ce qu'on veult dire avec obscurité, ou le signifiant par eni-  
 gmes & circunlocutions, ou le declarant apertement pour le profit & vtilité des plus simples.  
 Pareillement Basile de Cappadoce, colonne de verité, disoit que la continuelle meditatio & ex- *Sentence du*  
 ercice augmente la congnoissance & science, laquelle prouient des hommes : mais que iustice, *grad. Basile,*  
 douceur & mansuetude deliure de colere, ensemble la misericorde accroist ceste science, qui nous *touchant la*  
 aduient de la grace de Dieu. En sorte que ceux mesme qui sont subiects à leurs affections, peu- *cognoissance*  
 uent obtenir ceste premiere : mais ceux seulement peuuent atteindre la derniere, qui estrangēt *humaine*  
 de soy toutes passions, lesquels aussi au temps de leurs prieres voyent la lumiere de leur esprit *& diuine.*  
 luisante à l'entour d'eux. Sainct Athanase aussi, lumiere d'Egypte, disoit que Moysse auoit ordon- *Belle senten*  
 né dresser la table vers le costé Boreal : Parquoy que les Gnostiques sçachent, ceux aussi qui *ce d' Atha-*  
 s'employent à la science & contemplation, quel vent soufflé contre eux, & que de grand coura- *nase.*  
 ge ils soustiennēt toute tentation, & ioyeusement nourrissent ceux qui viendront vers eux. Sēbla- *Moysse com*  
 blement l'Angelique Serapion disoit à l'eglise des Thmuites, que l'esprit imbué de cognoissan- *māda dres-*  
 ce & science spirituelle estoit parfaitement purgé, & que la charité guarissoit les parties inflam- *ser la table*  
 bees d'ire, mais que la temperance arrēstoit les mauuaises cupiditez & la paillardise exorbi- *deuers la*  
 tante. Aussi le grand & sçauāt docteur Didyme, pense, dit-il, tousiours avec toy, & reduy en ton *partie Bo-*  
 esprit les raisons de la preuoyance & iugement, & fay que tousiours en ta memoire tu por- *reale.*  
 res la matiere de ces pensées : pour ce que plusieurs s'y deçoient. Et lors tu trouueras la do- *Sentence de*  
 ctrine touchant le iugement diuin en la varieté des corps, & de tout ce monde : \* & tu con- *Serapion.*  
 gnoistras la doctrine touchant la preuoyance aux meurs & moyens, lesquels de vices & igno- *Didyme.*  
 rance nous esleuent à vertu & congnoissance. Nous auons icy mis & adioucté ce peu des escripts  
 d'Euagre, seulement pour en donner goust aux personnes.

\* & tu congnoistras &c. Pour ce que nostre chair, & tout le monde est subiect par soy-mesme à iuge-  
 ment & condamnation : mais ceux lesquels la diuine preuoyance a repurgē de leurs vices par sa grace, es-  
 chapent le iugement.

*Briefue commemoration comme en somme des illustres personages de cest aage, comment  
 la diuine preuoyance les a suscitéz en ce temps, comme rochers  
 contre les grands flots & tempestes.  
 Chap. XLIII.*



En ce mesme temps plusieurs autres resplendissoient en diuers lieux & *Palladius,*  
 monasteres, personages vrayement admirables & ayants Dieu, des- *disciple d'E*  
 quels si nous voulions icy racompter & deduire la vie, meurs & actes *uagre a es-*  
 d'un chacun, nous serions beaucoup esloingnez de nostre entreprinse. *crit la vie*  
 Que si quelqu'un veult diligemment congnoistre ces choses, à sçauoir, *des saintes*  
 ce qu'ils ont fait & dit pour l'vtilité de leurs auditeurs, & cōme les bestes *moines.*  
 leur ont esté assubiecties, Palladius, disciple d'Euagre l'a brauement ex-  
 posé, assemblant leurs faits en vn liure : lequel, qui voudra, le pourra li-  
 re: Car en iceluy il a descrit les vies non des homes seulement, mais aussi

des femmes, lesquelles se sont estudees en la sainteté de meurs, avec ces diuins personages  
 que nous auons dit. Euagre & Palladius florirēt .: sous l'Empire, lequel soudain suyuit ce-  
 luy de Valent. Ces moines dōc & docteurs, de vertu diligēs & soigneux, florirēt en ce tēps. Entre  
 les Euesques furent fort renomēz Basile, le grand, & les deux Gregoires, à sçauoir le theologiē,  
 & la lumiere de l'Eglise de Nice: desquels l'un estoit compaignon, ayde & consentant avec Ba-  
 sile en toutes choses, l'autre luy estoit frere tres-aymé. Leur diacre estoit Pierre du tout mené  
 de fraternel courage, engendré aussi des propres parens de Basile, non tant que luy imbué  
 de lettres prophanes, nō moindre qu'iceux toutēfois quant à la splendeur de vertu. Ces person-  
 nages reluisoyēt en Cappadoce. Or en Pisidie Optime, & en la metropolitaine, villē de Lycœ-  
 nic, le grand Amphilochē, cōbatirent brauement pour la foy receue de leurs maieurs : lesquels  
 apres Athanase furent en Orient cōme propugnacles de nostre sacree religion. En l'Occident,  
 Damase, prelat de l'eglise Romaine, reluisoit en abondante lumiere de verité, ensemble saint  
 Ambroise, Euesque de Milan : lesquels encore qu'ils fussent separez de longue espace de lieux,  
 lancerent toutēfois plusieurs dards de verité contre les ennemis. Outre iceux, plusieurs autres

.: Apres la  
 mort de Va-  
 lent. Socrat.  
 Les braues  
 Euesques de  
 ce tēps, Basi-  
 le, les deux  
 Gregoires.  
 Pierre.  
 Optime.  
 Amphilochē.  
 Damase.

# LIVRE XI. DE L'HIST. ECCLESIASTIQUE

qui furent contraincts habiter les dernières regions de la terre, adresserent leurs epistres contre les aduersaires de l'Eglise, ainsi que s'ils leur eussent iecté quelques fleches, & ensemble confirmerent les Catholiques par leurs escrits. Car le gouuerneur de cest vniuers, contre si grand nombre les flots & tempestes enuoya au contraire des illustres bergers, & contre la multitude & vehemence des ennemys, opposa la vertu conuenable de ces braues ducs, & contre la maladie des temps rampante avec merueilleux troubles, donna les presens & commodés remedes, consideré qu'il a ottroyé tel reuenu & abondance de si grands personages à la multitude du peuple, aux Eglises, voire aux monasteres & montaignes. Et non en cela seulement le Dieu de toutes creatures voulut pourueoir, ains nous a semblé procurer & ottroyer vn autre grand benefice: Car la nation des Goths ayant penetré iusques en Thrace, il tira l'auteur des troubles & confusions iusques au Bosphore, & le liura à ruine manifeste, ie dis le pernicieux Valent, lequel seulement scauoit baraitter contre Dieu & ses ministres. Le deduyray cōment cecy est aduenu & pourfuyray à la fin de celiure, apres premieremēt auoir exposé vne impieté de luy execrable. I'ay dit cy dessus ces choses, ainsi que j'ay peu, de ceux qui philosopherent selon les sanctions de l'Eglise.

*Les Goths enuahirent la Thrace: & firent mourir Valēnt, par diuine providence. Sossim. l. 6. chap. 35.*

*De la mort des idolatres Grecs, comme ils furent tuez pour quelques oracles designez distinctement par lettres, commençans à la lettre Th, iusques à D. De l'Astronomie, & Themiste, philosophe: & par quels propos il appaisa Valent, à ce qu'il relacha quelque peu de sa persecution. Chap. XLV.*

*L'ordre des lettres fut Th, E, O, D, lesquelles Sathan auteur de mensonge amois ordonnées.*



L'aduint en ce temps que ceux qui suyuoient la superstition Grecque, & ceux qui estoient nobles & illustres de lignage furent tuez, quasi pour ceste seule cause qui s'enfuit: Ceux qui excelloyent entre eux voyans que nos Eglises & la Chrestienté croissoit de plus en plus, fachez de ceste prosperité, prindrent conseil de s'enquister & congnoistre par les oracles & autres enchâteries qui succederoit à l'Empire Romain de Valent. Et le tripier fait de Laurier, apres plusieurs paroles & inuocations selon qu'ils ont en telles affaires de coustume, accōplirent ce qu'ils vouloyent: en sorte qu'assemblans les lettres mises en ordre par quelques

*Theodore avec ceux qui consultoyent l'oracle, mis à mort.*

*L'auteur poisa la folie de l'Empereur, & de ces philosophes.*

*Tous les braues personages mis à mort, desquels les noms commençoient à Theo.*

machines du tripier & de l'oracle, apparoissoit le nom de l'Empereur. Or d'une sentēce tous regardoyent à Theodore qui estoit de la maison & cour Imperiale, hōme Grec de superstition, mais grandement instruit en doctrine & philosophie: Car la composition des lettres selon son ordre estoit venue iusques au D, ayant remerqué (cōme douteusement) le successeur de Valēt à l'Empire, en sorte quel'oracle deceut & trompa ces philosophes, tellement qu'ils estimoyent que Theodore seroit Empereur. Ceste chose rapportee à Valēt, ainsi que si quelques embusches fussent dressees à sa vie, ne la porta moderément, mais publiquement tesmoigna son impatience: Car enflambé de courroux fit prendre & Theodore & les ouuriers de ce tripier, lesquels tres-inhumainement il fit bruster, & trancher la teste à Theodore. On vīa de mesmes cruautēz contre les philosophes par tous les pays subiects à l'Empire: & non contre iceux seulement, mais contre ceux aussi qui estoient vestuz de leur sorte. Tellement que pour la crainte de ce danger, nul n'vfoit de manteaux longs frangez, encore qu'il fust d'autre vacation, à ce qu'on ne le soupçonnast estre desuoué aux sacrifices & oracles. Je condamnerois volontiers vraiment les vns & les autres de folie, tant l'Empereur de ce qu'il s'est aduancé à si grande fureur & inhumanité, que les philosophes d'auoir entrepris par audace & temerité, chose qui n'est aucunement digne de philosophie: Car l'Empereur plein de stolidité, estimant qu'il feroit mourir son successeur, ne voulut pardonner n'à ceux qui s'enquestoient, n'à celuy duquel l'oracle faisoit mention. Les philosophes aussi furent tant hors d'entendement, qu'ils estimoyent estre en leur puissance ou de casser vn Empereur, ou de le creer. Or Valent ne pardonna du tout à aucun de ceux qui estoient de pareil nom que Theodore, voire mesme fit mourir ceux qu'il voyoit aucunement estre celebres, desquels le nom se commençoit par Theo, ou autre semblable. Parquoy les Theodots, Theognostes, Theodoses & Theodules furent tuez: entre lesquels aussi estoit Theodosiol, personnage preux & renommé aux faits de guerre, natif des Espaignes d'où estoit son lignage. Plusieurs aussi espouuantēz de crainte, renoncerent à leurs anciens noms imposez par leurs peres, & contrains par la perilleuse difficulté des temps, les changerent à d'autres. Je vueil aussi interroger en ceste sorte les philosophes: Si vous colligez du mouuement des astres, ô bonnes gens, & preuoyez telles choses, il vous falloit attendre ce qui deuoit aduenir. Que si ces choses dependent du diuin conseil, qu'estoit-il besoin de ceste vostre curiosité & entreprinse? Car il ne se peult faire que ce qui plait à Dieu, & par luy arresté, soit recherché par la preconnoissance & estude humaine. Et encore que ie vous cedasse que ce vous fust loisible, ce n'estoit toutesfois sagement fait à vous qui estes hommes, neantmoins que fussiez en sapience

sapience plus excellens que les autres, de penser arrester quelque chose mieux que Dieu mesme. Que si ainsi temerairement par vne cupidité de comprendre les choses futures, contre toute raison vous vous estes precipitez en danger manifeste, ayans contumelieusement violé les loix publiques il y a ia long temps par les Romains, lors qu'il estoit libre suiure la superstition Grecque, & sacrifier aux Dieux, vous auez ignoré vraiment qu'ayez commis vn forfait du tout indigne de pardon. Et lors il failloit que vous sentissiez & fissiez ainsi que vostre Socrates: lequel assailly par iugement inique, ainsi qu'il deuoit mourir buuant la poison d'ice reagal, encore qu'il peust sortir de la prison & eschaper en santé, ne voulut toutesfois ce faire pour la reuerence des loix soubz lesquelles il auoit esté nourry. Toutesfois que chacun iuge & parle de ceste chose, ainsi que luy en semblera. Valent donc demourant en Antioche pres le fleuve Oron, s'auançoit d'affliger, pour suiure en toutes sortes & ietter hors ceux qui sentoient autrement de Dieu que luy: iusques à ce que Themiste philosophe recita ceste oraison qu'il luy auoit rescrite, par laquelle il fit que ceste colere & tempeste de luy fut appaisée. Car il l'admonesta de ne s'esbahir, comme de chose nouuelle, s'il y auoit quelque dissention aux doctrines & sentences Ecclesiastiques, veu qu'elle estoit beaucoup moindre, que chez ceux qui seruent aux superstitions Grecques, lesquels auoyent plus de trois cens opinions: entre lequel grand nombre plusieurs dissentions leur aduenoyent. Et dit que par aduenture ce plaisoit à Dieu, pour ce qu'il n'est facile venir à la congnoissance de luy, & que de là plusieurs conceuoient diuerse opinion de sa maiesté: à ce que d'autant plus chacun le reuere, qu'il se voit moins comprendre d'iceluy la congnoissance, laquelle est incomprehensible, considerant à part soy quel & combien grand il faut que celuy là soit, duquel il n'a peu encore auoir intelligence ne petite ne mediocre. Parquoy gaigné par la harangue de ce philosophe, il se comporta & modera vn petit, en sorte qu'il ne se courrouçoit ainsi qu'au precedent, & ne s'aigrissoit par supplices & tourmens. Il ne desista toutesfois du tout de son entreprinse: mais au lieu des peines capitalles, condamnoit les Euesques & prestres en exil, iusques à ce que les graues & pesantes affaires se sont presentees pour la republique, lesquelles ne luy permettoient vaquer à telles choses.

*Les predictions des Chaldees & mathematiciens condamnées par les loix des Romains Gentils.*

*Themiste philosophe par vne harangue appaise la fureur de Valent.*

*« qu'ils estimoyent &c. ] Il failloit qu'ils monstrassent que ces choses estoient certaines & immuables, lesquelles vne fois il auroit cueilly du cours des astres: en sorte que celuy demoureroit sain & viuant, qui-conque il fust, auquel les astres eussent destiné quelque succession. Sozomene liu. 6. chap. 35.*

*De Mauia, Royne d'Arrabie, comme elle entreprit guerre contre les Romains & soudain composa & fit paix avec eux: & de Moysé, premier Euesque des Arrabes.*

## CHAP. XLVII.



Estant le Prince des Sarrazins trespassé, la paix quelque fois composee avec les Romains rompue & cassée, Mauia espouse d'iceluy ayant charge & administration des affaires de ceste nation, enuahit & gasta la Phenicie, Palestine & region tirant vers l'Egypte, laquelle est à costé gauche de ceux qui de l'Arrabie nauigent en montant le fleuve du Nil. Ceste guerre, encore qu'elle fust entreprise par vne femme, ne fust de facile resistance: car on dit qu'elle batailla vaillamment contre les Romains, & ne sçay si on a trouué en autres combats plus grande proesse. Les affaires à la verité estoient ballancees en telle crainte, que le chef de la gen-

*Mauia Royne des Sarrazins, ou pluystost Ismaélites, montre sa proesse contre les Romains.*

darmerie de Phenicie manda le chef de l'armee Orientale pour luy faire escorte & ayde: mais il mesprisa & se mocqua de ce mandement, contemnant à sçauoir les ennemis, en sorte qu'il dressa ainsi son affaire, que celuy qui l'auoit appellé ne tiédroit la poincte de la bataille, mais seulement estant spectateur, en seroit de beaucoup esloigné. La iournee donnee, & les armes lachees, Mauia resista tant brauement, que le duc d'Orient, avec les siens, fut mis en routte, & ainsi qu'il tournoit dos, à grand' peine peust-il estre guaranty par les gens d'armes Palestins & Pheniciens: parquoy le gouuerneur de ces pays le voyant ainsi fuir & perdre courage, estima estre fait follement, si ainsi qu'il luy auoit esté comandé, il ne s'auançoit d'auantage à la meslee. Pour ce soudain les enseignes despouillees, il s'est ioinct & rué sur les Arrabes, iusques à combattre main à main. Ainsi fut fait que l'un eust loisir de se sauuer en lieu d'assurance, en sorte que se retirant petit à petit, & tournant le dos, il peut lancer quelques dards, & l'autre aussi qui de frais venoit à son secours, repoulsier loing les ennemis, les poursuiuant rudement avec fleches & iauelots. Ceste industrie fut remerquee en memoire par plusieurs, & celebree en vers par les Sarrazins mesmes. Et pour ce que les Romains doutoyent de la chance de ceste bataille, ils delibererent enuoyer vers la Royne Mauia pour traiter paix: mais icelle premierement reietta fierement les conditions de la paix avec les Romains. Toutesfois depuis qu'elle fust initiée à la doctrine Chrestienne, elle receut la paix soubz ceste condition, à sçauoir moyennant que Moysé, lequel viuoit

*Romains mis en fuite.*

*Mauia fait paix avec les Romains.*

A A 2

à la condi- philosophiquement en la voisine solitude, fust consacré Euesque sur les peuples de sa subie-  
tion que ction, homme illustre en vertu, severité, de sainte & parfaite vie, & en plusieurs prodiges  
Moyse, moi- & signes. Ce que l'Empereur ayant signifié deuoir estre fait, à ceux ausquels ceste charge estoit  
ne, luy se- commise, Moyse fut enleué & emmené à Lucius, lequel en ce temps administroit l'Euesché  
roit baillé de l'Eglise Alexandrine, à ce qu'il fust par luy consacré. Là Moyse luy dit librement & devant  
pour Eues- tout le monde : Garde toy de ce faire, car ie suis indigne de recevoir le nom & honneur d'E-  
que. uesque. Que si Dieu par sa grace & volonté m'y appelle, ie le fay tesmoing, que iamais tu ne  
Moyse ne m'imposeras les mains, lesquelles tu as souillées au sang des gens de bien & saints persona-  
vent per- ges. Alors Lucius luy respondit, qu'il ne faisoit point bien de reietter sa foy, devant que l'a-  
mettre que uoir congneü: que si alliché par calomnie de quelque rapporteur il auoit prononcé ces paroles,  
Lucius, E- il le vouloit luy mesme estre iuge, & l'admonestoit qu'il escoutast ses railons. A quoy Moyse :  
uesque Ar- mais l'exil, dit-il, & le bannissement des Euesques & prestres monstre assez appertement ta  
rien, le con- foy, ceux d'auantage la tesmoignent, lesquels meinent vne vie fort miserable, condamnez  
sacre. aux metaux. Penses-tu que ces merques soyent de Iesus Christ, lesquelles sont du tout elloi-  
gnees d'iceluy & des hommes bien sentans de Dieu? Il adiouta aussi à ces paroles son serment,  
que iamais il ne submettroit son chef à Lucius. Parquoy les capitaines Romains reietans Lu-  
cius, emmenerent Moyse aux Euesques qui estoient en exil : desquels ayant receu l'vnction  
Episcopale, il passa vers les Sarraïns, & apres auoir composé & pacifié les affaires entre eux  
Les Sarra- & les Romains, il a saintement & avec grande pieté administré son Euesché. Et combien  
ïns couuer- qu'il eust trouué là peu de Chrestiens, si est-ce qu'il les gaigna presque tous à nostre religion.  
tis à la foy \* Depuis Mauia fut paisible aux Romains, en sorte qu'elle bailla sa fille en mariage au Capi-  
par Moyse. taine nommé Victor.

\* Depuis Mauia fut paisible ] Mauia bailla en mariage sa fille au Duc Romain, nommé Victor.

*De la nation des Ismaélites, ou Agariens, ou Sarraïns : d'où ils ont prins leur origine,  
& comme ils receurent le Christianisme.*

CHAP. XLVII.

Les Ismaéli-  
tes sont ap-  
pellez Sar-  
raïns.

Les Ismaéli-  
tes ont rete-  
nu quel-  
ques ceri-  
monies des  
Iuifs : &  
d'où ils ont  
prins leur  
idolatrie.

Vn peu a-  
uant l'Em-  
pire de Va-  
lent, quel-  
ques Sarra-  
ïns furent  
faits Chre-  
stiens.

Cela mostre  
assez la po-  
lygamie des  
Turcs Sarra-  
ïns.

Sesom. au  
mesme liu.  
chap. 37.



A nation des Sarraïns fut premierement appelée par les anciens Is-  
maélitique, ceste denomination faite de leur premier pere, à sçauoir  
d'Imael fils d'Abraham : mais à ce qu'ils destournassent de foy & reiet-  
tassent la tache & norre de leur natiuité premiere illegitime, & ancien-  
ne seruitude ( car Agar mere d'Ismaël fut serue ) ils s'appellerent Sarra-  
ïns, comme s'ils tiroient leur race de Sarra, femme d'Abraham. Or  
descendus de tel lignage, ils ont vne mesme maniere de viure que les  
Iuifs : car ainsi qu'eux ils retiennent la circoncision, & s'abstiennent de  
chair de porc, & gardent outre ce plusieurs de leurs coustumes. Que si  
du tout ils ne vivent selon leurs traditions, ou il faut ce attribuer au temps, ou à la confusion  
des peuples voisins, lesquels se sont meslez avec eux. Car Moyse, lequel fut long temps apres  
Ismaël, donna seulement les loix aux Iuifs qui s'estoyent fuis d'Egypte : mais les nations voisi-  
nes, addonnees à la superstition des Idoles, corrompirent les coustumes de leurs peres, receues  
d'Ismaël ( selon lesquelles anciennement les Hebreux, auant la promulgation de la loy par Moyse,  
viuoient, non selon quelque droit escrit, mais selon la coustume ia long temps receüe ) & les  
entacheret de la mesme religion qu'elles auoyent. Parquoy il est aduenü qu'iceux, avec les peu-  
ples voisins, inuoyoyent & adoroyent les diables : & quant & quant par ceste deprauee reli-  
gion corrompoient & transgressoyent apertement les loix de leurs ayeulx. Et ainsi qu'il se fait  
communément, le long temps mit en oubly aucunes de leurs coustumes, & en reserua d'autres  
pour encore estre retenues. Et depuis ainsi que d'aucuns d'entre eux trafiquoyent avec les Iuifs,  
ils apprirent d'eux d'où ils estoient issus, & de rechef s'allierent avec eux, vsans de mesmes  
coustumes & loix que les Hebreux : & encorés aussi de present ils viuēt à la maniere des Iuifs.  
Mais non long temps devant l'Empire de Valent, ils assistoyent aux mysteres & solemnitez des  
Chrestiens, lors à sçauoir qu'ils furent faits participans de la grace diuine, les Euesques & moi-  
neñ voisins les attirans à ce, lesquels viuans saintement aux proches solitudes, auoyent  
grand bruit & renommee pour l'integrité de leurs meurs & faits admirables. Auquel temps  
on dit que toute vne tribu & lignee se convertit à la religion de Iesus Christ, lors que Zaco-  
me, tribun d'icelle eust receu la grace du baptesme, pour la cause & occasion qui s'ensuit :  
Ce Zacome n'auoit aucuns enfans, & ia estoit viel & caduc, il aduint donc quelque fois qu'il  
s'adressa à vn moine fort renommé, auquel par maniere de deuis il exposa plusieurs choses, &  
entre autres il deplora ceste misere & fortune, laquelle luy estoit aduenue, car les Sarraïns  
sur toutes choses prisent la procreation des enfans, & non seulement eux, mais tous Barba-  
res. Alors ce saint personnage luy comanda auoir bon courage & retourner en sa maison, luy  
promettant



promettant qu'en brief il seroit rendu pere, moyennant qu'il promist croire en Iesus Christ: Parquoy l'euénement ayant confirmé ceste parole, & l'enfant estant à la priere de l'hermite, Zacomé fut initié à nostre religion, & emmena à ceste grace toute la lignee sur laquelle il estoit estably: & dit-on que depuis ce temps ceste lignee florit grandement, & s'augmenta en nombre & amplitudé, & fut redoutée des Sarrafins & Perles. Ainsi aduint des Imacélites, ou Sarrafins, & ainsi se conuertirent-ils & reduirent à nostre foy: parquoy selon que nous auons peu congnoistre, nous auons traité de leur premier Euesque.

*De la nation des Goths & Hunnes, & pour quelle cause ils passerent l'Istre, & seruerent sur l'Empire des Romains: ensemble d'Athanasie & Fridigernes, & d'Ulphilas leur Euesque: & comment ayans esmeu guerre contre les Romains, contraignirent Valent sortir d'Antioche & venir à Constantinople.*

C H A P. XLVIII.



R non seulement ceste chose touchant les Arrabes contre Valent empescha l'impetueuse fureur d'iceluy, mais vne autre beaucoup pire & plus pernicieuse affaire: car les Goths qui premierement habitoient de là l'Istre, & commanderent en ce lieu à plusieurs autres Barbares, chassés par les Hunnes de leurs premieres demourances, se retirerent aux fins de l'Empire Romain. Ces Hunnes sont ceux lesquels les anciens appellerent les Nebres, qui habitent es monts Riphees, d'où Tanais prenant sa source, enuolpe ses ondes au lac Meotide. Ceste nation fut premierement incongneue aux Thraces, qui demourent en Istre, voire mes-

*Les Hunnes habitent les monts Riphees.*

meaux Goths: car nonobstant qu'ils fussent voisins les vns des autres, ils n'eurent aucune familiarité ne congnoissance ensemble. Ce prouenoit d'un tres-grand lac, lequel pour ce qu'il separoit ces nations, faisoit que chacune estimast n'estre autre terre au reste de ceste basse machine, que celle de son pays, mais que les autres lieux estoient couverts des ondes & vagues de la mer. Toutesfois il aduint depuis qu'un Taureau frappé par un Tahon, transpassa tout ce lac, & aborda à l'autre riuage, laquelle chose estant aduisee par le bouvier qui le suiuoit, il annonça & declara aux peuples de son pays. On fait aussi un autre bruit, que ce ne fut un beuf, mais un cerf, qui decela ce riuage, ayant passé tout ce lac, apres auoir eschappé les toilles tendues par les Hunnes, qui lors chassoyent: & ainsi qu'ils poursuiuoient ceste beste, descouurerent ceste region, & aduiserent le ciel y estre temperé & la terre facile au labourage: de laquelle esbahis, pour lors se retirerent en leurs maisons, & raconterent à leur Duc ce qu'ils auoyent veu. Depuis, en peu de nombre, faisans guerre aux Goths, ils espierent d'auantage ceste region, & peu de temps apres passerent outre avec toutes leurs compagnies, & les vainquirent par armes & occuperent leurs terres. Parquoy les Goths chassés de leur pays, passans l'Istre, s'arrestèrent à la frontiere de l'Empire Romain, & enuoyerent à l'Empereur des ambassades, lesquels confirmassent par serment, que tousiours ils seroyent en guerre compagnons des Romains: seulement ils requeroient qu'il leur fust loisible faire leur demourance en quel lieu on aduiseroit. Le chef de cest ambassade fut Ulphilas, Euesque des Chrestiens qui estoient en ceste troupe. Ayans donc exploité leurs affaires selon leur souhait, commandement leur fut fait de se retirer en Thrace & y demourer, & furent paisibles quelque temps les vns avec les autres ensemble, & avec les Romains: mais depuis diuisez par sedition, se respendirent en deux factions, del'une Athanasie fut chef, & l'autre suiuit Fridigernes. Parquoy iournée donnée & bataille faite tres-rudement entre les deux bandes, Fridigernes vaincu, demanda par ambassade aux Romains quelques compagnies de secours. L'Empereur commanda à celles qu'il adoit en ce pays, porter ayde à Fridigernes: avec lesquelles de rechef il se rangea en bataille contre ses aduersaires & les mit en route & rapporta la victoire. Or à ce que Fridigernes recongneust le plaisir qu'il auoit receu de Valent, & ainsi que par quelque grace confirmast luy estre en toute sorte fidele & intime amy, delibera receuoir la mesme opinion de Dieu qu'auoit l'Empereur, & emmener les Barbares de sa subiectio à ceste mesme sentece: ce qu'il accéplut soudain ainsi qu'il voulut, car il se raga avec toute son armee à l'Arrianisme. Et l'estime que ceste est la cause pour quoy toute ceste nation à suiuy la foy d'Arrius: à sçauoir pour ce que dès le commencement elle auoit fait professio de mesme opinion que Valét. Et non seulement le peuple, mais aussi Ulphilas qui entre eux estoit pourueu de dignité episcopale, receut ceste cōfession de foy. Or cet Ulphilas premierement cōmunicoit avec l'Eglise Catholique, en rien ne differât d'icelle, & nonobstant qu'au Cōcile de Cōstantinople, sous Cōstance, il assistast en la cōpagnie d'Eudoxe & Acace, n'ayant avec eux aucune conuention ne familiarité, il demoura neantmoins en la cōmunjon des Euesques defenseurs de la foy de Nice. Mais depuis seiournât en Cōstantinople, lors que les Ariens disputoyent de leur doctrine, iceux luy promirēt que s'il vouloit embrasser leur doctrine

*L'occasion pourquoy les Hunnes chasserent les Goths de leur pais. Sozom. li. 6. cha. 37.*

*Les Goths par la permission de Valent demourent en Thrace.*

*Ulphilas euesque des Goths.*

*Guerre civile entre les Goths.*

*Fridigernes vainqueur par l'ayde de Valent.*

*Pour lequel il receut la foy d'Arrius.*

*Ulphilas embrasse l'Arrianisme, et attire les Goths.*

AAA ij

## LIVRE XI. DE L'HISTOIRE ECCLESIASTIQUE

ils feroient tant parambassades & recommandations enuers l'Empereur, qu'il obtiendrait ce qu'il desiroit: parquoy alliché par ceste vtilité, ou bien paradventure qu'il festimoit mieux faire s'il suiuoit ceste opinion, communia avec les Arriens, & destourna tout le peuple qui estoit sous sa charge, de l'Eglise vniuerselle: car pourtant que les Goths par le labeur & conduite d'Ulphilas s'estoyent conuertis & rangez à la sincere pieté & religion, & que par son benefice ils auoyent receu vne maniere de viure plus courtoise & honneste, ils obeissoient aussi facilement à ce qu'il commandoit, & le suiuoyent en quelque lieu qu'il les menast: ayans ce pour arresté & persuadé en leur esprit, que quoy qu'il dit ou fit, ne pouuoit estre mauuais, estimans leur estre du tout commode & vtile, le vouloit imiter de pres & suiure sa doctrine & conuersation. Aussi auoit il souuent donné tesmoignage illustre de sa vertu, ayant porté & enduré brauement plusieurs dangers pour la doctrine Chrestienne, auant que ceste nation du tout premierement imbuee de superstition Grecque, se flechist à la Chrestienté.

*Grande autorité d'Ulphilas entre les Goths, & qu'il inuēta les lettres Gothiques.*

*Athanasie persecute cruellement les Chrestiens. Nicetas martyr.*

*Les Chrestiens bruslez avec leur temple.*

Il leur inuenta aussi le premier les lettres, & proposa les sacrees escritures translatees: parquoy il semble que ceste fut la cause & occasion, pourquoy quasi tous les Barbares demouras en l'ltre suiuirent la doctrine d'Arrius.

Or en ce temps aussi vne grande multitude de ceux lesquels fauorisoyent & suiuoyent la part de Fridigernes, fut desfaite par Athanasie, pour le nom de Iesus Christ: car pour ce qu'Ulphilas persuadoit à ceux qui luy estoient subiers, receuoir la foy Chrestienne, portant ce impatiemment, ainsi que si les coustumes du pays par ce moyen s'abolissoient, il les tourmenta de plusieurs supplices, de sorte qu'il fit mourir aucuns, d'auoir defendu publiquement avec grande liberté la doctrine Chrestienne, desquels l'un estoit cet admirable Nicetas, & tua d'autres sans aucune forme de procès. Car on dit qu'il feit asseoir sur vn char vn simulachre engraue, & iceluy mener par les tentes & pavillons de ceux qui faisoient profession de Iesus Christ, & là contraindre luy sacrifier & offrir la reuerence d'adoration: que si aucuns ne luy vouloyent obeyr, il commandoit les brusler avec leurs pavillons.

Voire i'ay leu qu'il feit vn acte encore pire & merueilleux: car plusieurs de ceux qui estoient contrains par force sacrifier, s'enfuyrent, non seulement les hommes, mais aussi les femmes, desquelles les vnes portoyent leurs enfans nouueaux nez pendans à leurs mammelles, les autres trainoyent leurs fils & filles, à sçauoir qui pouuoient aucunement marcher, & comme mesurer la terre avec leurs pieds, & se retirerent au tabernacle de l'Eglise, lesquels les Grecs Idolatres mirent en cendres, le temple enflambé & consumé par feu.

Or non long temps apres ces factions & diuisions, ces Goths reuindrent en grace & alliance, & esleuez d'une confiance & folie trop grande, prindrent meschamment les Thraces, & courans çà & là mirent cruellement à sac & pillerent plusieurs bourgs & villages. Ce que Valentinien qui encores seiournoit en Antioche ayant entendu, par la maistrisse experience il apprint entierement l'inconuenient de sa faute: car il auoit estimé ceste nation tousiours instruite en armes & batailles, estre commode & vtile à l'Empire Romain, & fort propre pour espouuenter les ennemis. Parquoy ceste perilleuse opinion conceüe, il tint peu de comte de ses compagnies militaires & garnisons, & au lieu qu'il leur deuoit bailler gages, & avec choix & eslire attraire & gaigner les citoyens par serment militaire, il exigea d'iceux gros deniers & grand tribut: car il auoit commandé que ses peuples tributaires payassent à chacun des Goths quatre vingts pieces d'or. Ce qui fut cause pour lors que l'Empire Romain balançoit entre plusieurs aduersitez & perils. Valentinien donc ayant perdu toute son esperance, cessa d'envoyer en exil ceux qui faisoient profession du consubstantiel, & soudain abandonnant Antioche se hastia venir en Constantinople.

*Valentinien vint d'Antioche en Constantinople.*

*Theodore Arrien succede en Antioche à Euzoie. Lucius Arrien, vint en Constantinople.*

Auquel temps aussi la guerre des Arriens, comme par quelques trefues, s'appaisa & reposa aucunement.

Lors aussi Euzoie Euesque d'Antioche, trespasé, Theodore Euesque d'Heraclee, en Perse, de mesme opinion que le decedé, fut substitué en sa place, & gouverna en celieu la faction des Arriens. Ceux aussi qui preschoient la doctrine du Concile de Nice prindrent courage aux villes, & principalement en la cité d'Alexandrie: car lors Pierre, deffenseur de la bonne opinion, estoit reuenu de Rome, muni des lettres de Damasc, Euesque Romain, par lesquelles son election estoit approuuee, & la doctrine de Nice confirmee. Parquoy les Alexandrins ayans ietté hors Lucius, luy baillerent le gouvernement des Eglises, & ce Lucius venant en vn vaisseau par mer, fut receu en Constantinople.

*a Riphees, dou Tanais prenant sa source ] Sigismond de Herberstein, baron d'Antioche, ambassadeur de l'Empereur, recite auoir veu en une vaste & infinie plaine de Moscouie, ceste fontaine de Tanais: parquoy il doute avec plusieurs doctes personages quelles sont ces montaignes Hyperborees ou Riphees.*

*Comm.*

*Comment Valentinian reprins Valent, & Terence luy résista librement, se que firent aussi Traian & les autres Ducs & Chefs des compagnies : & comme les citoyens reprochoyent & injurioient Valent, lors que les Goths gastoyent la Thrace.*

*CHAP. XLIX.*



Valent reconnoissant sa folie, enuoya des ambassades vers son frere encore viuant, luy demander secours, lequel on dit auoir fait ceste response, Qu'il n'estoit raisonnable ne iuste porter ayde à celuy qui battoit contre Dieu : mais plustost qu'il falloit luy ayant dénié secours, rabattre son orgueil & vaine confiance. Ce que rapporté à Valent, luy causa encores plus grande tristesse qu'apparauant, & ne desista toutefois de son opiniastre herésie, mais trauailla d'auantage la verité : Car Terence, l'un des plus illustres de tous les Ducs, orné grandement sur tous autres de pieté, reuenu de l'Armenie, rapportant plusieurs victoi-

*Valent en vain demandoit secours à son frere, contre les Goths.*

res, Valent luy ayant volontairement offert qu'il requist ce qu'il voudroit, refusa or, argent, gouuernement & prouinces : & toutes autres choses mises arrière, fit vne requeste honnelle & d'homme de bien, A sçauoir qu'il oëtroyst pour le moins vne Eglise en Antioche, aux deffenseurs de la foy Catholique. Alors Valent ayant leu ceste requeste la deschira, & luy commanda demander autre chose. Mais Terence assembla les pieces de sa supplication : Et l'ay, dit-il, ô Empereur & tiens ce que ie demande, & ne requerray autre chose de toy. Car celuy qui est iuge de tous, sera aussi iuge de mon conseil. Or Valent redoutant la guerre des Goths sejournoit en Constantinople, & enuoya contre eux Traian, Duc bien esquipé, avec vne armee assez suffisante : Mais adueni que ne pouuant seulement soutenir la premiere alarme, il reuint comme vaincu, l'Empereur luy reprocha sa conardise & lascheté. Adonc iceluy avec telle liberté de parler qu'il appartient à un homme braue & courageux : Je ne suis pas, dit-il, vaincu ô Empereur, ains toy-mesme esloignes de toy la victoire, veu qu'ainsi tu batailles contre Dieu : & ainsi repoussant l'ayde procedant de luy, rula l'enuoyes à tes ennemis. Dieu est tousiours vainqueur, & la victoire a coustume fauoriser ceux qui suiuent sa volonté & conduite. Maintenant il se fust de la part des ennemis, à cause que tu le poursuis par armes : car tu n'es point du tout ignorant quels personages tu as ietté hors les Eglises, & quels tu as mis en leurs places. De ce donnerent tesmoignage non Terence seulement, mais aussi Traian, Arinthee & Victor, lesquels furent Ducs & Chefs d'armees, & prièrent l'Empereur qu'il ne s'esmeust par trop de ceste remonstrance, & ne s'en courrouçast : considéré qu'elle estoit conioincte avec verité. On le detestoit aussi à cause qu'il s'arrestoit à Constantinople : car les Goths apres auoir gasté toute la Thrace & pillé les faulxbourgs des villes, voyans que nul ne sortoit hors contre eux, s'auançoient pour forcer les murailles. La ville de Constantinople trouua cela fort mauuais, & reprenoit l'Empereur de ce que peu il s'estoit hasardé en bataille, & menoit trop lentement guerre, & ne se peurent les Citoyens contenir de luy dire des iniures, comme si par sa lascheté il fust auteur des guerres. Depuis ayans aux ieux Circenses publiquement & à haute voix crié contre luy, demanderent qu'il leur baillast armes desquelles ils se peussent ayder au combat. Alors l'Empereur ainsi que s'il eust esté outragé de grande iniure, plein de fureur & rage, marcha contre les Barbares, menassant beaucoup les Citoyens : à sçauoir que s'il reuenoit de la guerre, il leur feroit boire leur folle audace & presumption de telles iniures, & endurer peines condignes de ce que peu de temps au parauant ils s'estoyent alliez à la tyrannie de Procope. Voire il leur declara qu'il raseroit iusques aux fondemens la ville, & la feroit labourer avec la charrue, ainsi que quelque champ.

*Braue exemple de liberté de parler aux princes.*

*Traian, Duc vaincu par les Goths.*

*Traian reproche à Valent qu'il bataille contre Dieu.*

*Haine publique des Constantinopolitains contre l'Empereur.*

*Murmures du peuple contre Valent.*

*Il marche contre les Goths.*

*De saint Isaac, lequel parla librement à Valent, & comme Valent ayant combattu contre les Goths es environs d'Adrianople, s'enfuit en vne maisonnette rustique, en laquelle y auoit beaucoup de paille, & là fina sa vie, consummé par feu.*

*CHAP. L.*



On dit que cest Isaac lequel auoit sa logette monastique es enuiron de Constantinople, homme en toutes choses fort excellent, prest & appareillé d'endurer tout danger pour l'honneur de Dieu, soudain qu'il aduisa Valent sortir avec son armee, s'approcha de luy, & de ses mains print la bride du chenal, sur lequel il estoit monté, & s'escria à haute voix : Où vas-tu Empereur, qui batailles contre Dieu, & n'emmenes avec toy l'ayde d'iceluy ? car il a aucunement contre toy suscité les Barbares, par ce que contre luy as aiguissé les langues blasphematoires & estrangeres des homes meschans, & ietté hors des temples ceux qui deuement le louent, & opinent

*Isaac moine arreste l'empereur & l'admoneste de faire penitence, luy predisant le uenement de la guerre.*

AAA iij

# LIVRE XI. DE L'HISTOIRE ECCLESIASTIQUE

de luy ainsi qu'il est raisonnable. Rends donc les Eglises lesquelles tu as ostees à ceux qui sont sains en la foy, & sincerement obseruent le decret de Nice: & sans aucun trauail tu emporteras la victoire: Car si tu cesses de contreuenir & luy contrarier, celuy aussi cessera, contre lequel tu te bendes. Que si mesprisant ces paroles, tu vas à la bataille, tu esprouueras de fait combien c'est chose dure de regimber contre l'aiguillon, & esleuer ta foible langue contre le ciel: Car tu ne reuiendras toy-mesme, & perdras ces compagnies que tu menes avec toy. Alors l'Empereur esmeu de colere excessiue: le reuiendray, dit-il, avec illustre trophée, & te puniray ainsi que tu merites pour ta temerité, & monstreray ta predication estre faulxe, & soudain commanda cest homme estre prins & enfermé en garde estroite, iusques à ce qu'il fust reuenu: mais ainsi qu'on l'emmenoit il crioit à haute voix, Fay moy mourir mesme, si tu congnois que mes paroles soyent mensongeres. Or à scauoir si les paroles de ce saint personnage furent mises en effect, la chose ainsi qu'elle s'est portee le declarera. Car apres que l'Empereur fust sorty avec ses compagnies, les Barbares aduertis reculerent: lesquels iceluy poursuuiuant, ayant derriere soy laisse la trace, vint iusques en Adrianople, assise aux fins de Macedoine. Et se voyant aborder pres ses ennemis, n'ayant elgard qu'ils estoient en lieu d'assurance, au despourueu sans dresser les bandes & compagnies, & disposer son camp, ne la pointe de la bataille ainsi qu'il deuoit, les assaillit. Parquoy les Barbares arriua à la foule mirent en route l'ordre & force de sa Caualerie, escarterent & chasserent les mieux armez, en sorte que chacun se retiroit où il pouuoit: mais les ennemis sans aucune crainte hardiment les chargeoyent & poursuioyent, & firent grand carnage. L'Empereur aussi comme par grand desespoir descendu de son cheual, fuyoit tant qu'il pouuoit, iusques à ce qu'il se cachea en vne maisonnette d'un village, couverte de chaume, accompagné de peu de gens qui le suiuoyent. Mais les Barbares suiuaient avec fureur & viltesse, ainsi que toutes les autres, ils bruslerent aussi ceste maisonnette: ne se doutans aucunement toutesfois del'Empereur qui y estoit, selon qu'en est le bruit. En ceste sorte ils mirent en cendres l'ennemy de verité, avec tout le village: & dit-on qu'en ce temps le bien aymé seruiteur de Dieu Isaac, sentant l'odeur de Valent roty en ceste maisonnette, annonça à ceux qui le gardoyent ces paroles: Or maintenant Valent est roty au feu, & son nez reçoit le mauuais odeur sortant de luy. Telle aucuns recitent auoir esté la fin de Valent. D'autres racontent que bien est vray qu'il se retira en ceste logette, se pensant cacher, & que là il demoura quelque temps absconlé, ce pensant que les Barbares poursuioyent leurs courses, & qu'il ne congnoissoit que l'Empereur se fust la retiré. Mais apres que la plus grande part des ennemis, ayant gaigné ce lieu, fust passée, ainsi qu'encore quelque nombre d'iceux arriuoit & suiuoit, aucuns compagnons de la fuite de l'Empereur monterent sur le toit de ceste maisonnette, & lancerent les dards contre les Barbares, en sorte qu'iceux soupçonnans que Valent estoit là caché, s'escrierent à hauts cris & applaudissemens, comme vainqueurs, que l'Empereur estoit en ce lieu. Ce que ceux qui estoient passez & ceux qui suiuoyent ayans entendu, le donnerent à entendre aux autres: tellement que ceux mesmes qui estoient ia loing en furent aduertis & tous s'assemblerent en ce lieu. Lesquels enuironnerent ceste maisonnette, & amasserent grãde matiere, puis y mirent le feu, en sorte que le vent qui souffloit y fauorisant, la flamme fut esleue & la maisonnette reduite en cendres avec autres choses qui y estoient, & entre les autres l'Empereur y fut bruslé. Autres ont mis par escrit qu'ainsi que les Barbares poursuioyent ceux qui fuyoyent, l'Empereur esmeu de grande crainte, changea son habit & se mella avec les gens de pied: Mais apres que les gens de Cheual eurent decelé cest acte, & vaincus par l'effort des ennemis, comme par desespoir ayans cessé de batailler, ils furent tous desfaits, entre lesquels Valent aussi fut tué, estant incongneu, pour ce qu'en luy n'y auoit aucun signe qui le tesmoignast estre Empereur. Or Valent trespassa âgé de cinquante ans, & fut Empereur avec son frere Valentinian l'espace de treize ans: & apres le trespas d'iceluy autres trois ans & quelques mois. Parquoy cet vniesme liure des histoires contient le temps de seize ans: lors que depuis le monde créé escheoit l'an: cinq mil huit cens nonante & vn, & depuis la natiuité de nostre Seigneur, l'an trois cens octante six.

*Isaac est res-*  
*serre.*

*Valent ba-*  
*aille con-*  
*tre les*  
*Goths sans*  
*auoir les*  
*ordre à ses*  
*gens, dont*  
*mal luy en*  
*print.*

*Valent s'en*  
*fuit, & se*  
*cache en v-*  
*ne maison-*  
*nette.*

*Il est bruslé*  
*avec la mai-*  
*son: ce qu'il*  
*Isaac cognoit*  
*estant pri-*  
*sonnier.*

*Autre opi-*  
*nion de la*  
*mort de Va-*  
*lent.*

*Le neuf-*  
*iesme iour*  
*d'Aoust.*  
*Deux ans*  
*cinq mois*  
*treize iours,*  
*Diac.*

*Les nou-*  
*ueaux chro-*  
*niques*  
*content*  
*4359.*

FIN DE L'VNZIESME LIVRE DE

*l'histoire Ecclesiastique de Nicefore.*



# LIVRE DOVZIESME DE l'Histoire Ecclesiastique de Nicefore, fils de Calliste, Xan- thouplois.

*De l'Empire de Gratian & Valentinian le ieune, & comme ils receurent  
Theodose le grand pour compaignon de l'Empire.*

## CHAPITRE PREMIER.



Pres que Valent fut en telle sorte decedé, les Barbares esleuez pour la victoire qui contre leur opinion leur estoit aduenue, voltigeans & courans par toute la Thrace, pillerent & assasinerent tous les lieux par lesquels ils passoyent, iusques es enuiron de Constantinople. Les choses ainsi balancees, & mises en danger, les compaignies Sarrazines lesquelles Mauiia, Roine, auoit enuoyees au secours, profiterent grandement à l'Empire. Plusieurs aussi du cōmun peuple enroolez soubz gaiges certains, arrestez par Dominique, femme de Valent, prenans en main telles armes qu'ils pouuoient rencontrer, aborderent de front, & l'attaquerent aux Barbares: en sorte que cōbatans courageusement, ils les chasserent loing hors de la ville. Alors Gratian neuue de Valent, de la part de son frere, & fils de Valērian, avec son frere Valentinian le ieune receut l'administration de tout l'Empire Romain. Aussi Valentinian auoit long temps au parauant apres la mort de son pere obtenu l'Empire d'Europe: & luy viuant fait l'office de compaignon Imperial. En ce temps donc toute l'Asie, & ce qui restoit de la Libye fut rangé soubz sa puissance, pource que Valent estoit trespasé sans hoirs. Il regretta beaucoup son oncle, & deploura les ruines grandes de l'Empire Romain. Il reprouua & cassa le conseil & sentence que Valent auoit retenuz, touchant ceux qui auoyent autrement que luy opiné & senty de la religion, & fit vn edit que chacun suyist telle religion qu'il voudroit & fissent tous librement, en assurance & sans aucune crainte leurs assemblees Ecclesiastiques, ceux seulement exceptez qui suyuoient la secte de Manicee, Photin, ou Eunome. Il permit aussi aux Euesques lesquels Valent auoit condamnez en exil, reuenir en leurs pays. Depuis considerant à part soy la grandeur & charge de l'Empire, & que les Barbares demourans pres de l'Istre, ne celloient piller & perdre la Thrace & l'Illyric: d'autre part que les Alemans estoient proches ennemis des Gaules Occidentales, & leur apportoyent grands dommages, il choisit & print avec soy Theodose pour compaignon de l'Empire, homme issu de lieu illustre, celebre en actes & faits dignes d'Empereur, lequel souuent auoit bataillé pour ses subiects, & auant que Gratian fust créé Empereur, auoit esté de tous estimé digne, auquel la charge de l'Empire fust cōmise: dont il aduint que pour l'enuie de ses compaignons, pourueuz de mesmes honneurs & offices que luy, il se estoit retiré aux Espagnes, s'absentant des guerres. Aussi estoit il de là natif, à sçauoir des enuiron des monts Pyrenees en Iberie, à nul second quant à la noblesse de race. Car on appelle Espagne, Iberie, ce nom emprunté du fleue Iber qui la trauerse. Or Gratian ayant de là appelé ce personnage, le choisit premier chef de son armee, & l'enuoya cōtre les ennemis avec les compaignies qu'il auoit assemblees: Lesquelles muny de foy il mena en Thrace contré les Barbares, qui là gastoyent tout, & ayant bien dressé son camp, vint au deuant de ses ennemis. Or iceux ne pouans endurer la roideur & force de laquelle il couroit sur eux, se desrangerent & mirent en route: & soudain tournans de dos, furēt de grande vertu surmōtez. Car non seulement ils estoient occis par les Romains, mais aussi par leurs gēs mesmes: En sorte que tresgrād nombre d'iceux mis en pieces, peu retournerent en Istre. Là de rechef Theodose monstra son res.

*Les Barbares sont chassés loing de Constantinople.*

*Dominique Auguste soldoye des gens contre les barbares. Gratian & Valērian le ieune, Empereurs.*

*Ordonnance de Gratian que chacun suyist telle religion qu'il voudroit, quelles certaines sectes exceptees.*

*Theodose élu par Gratian compaignon de l'Empire.*

*Theodose en Thrace est vainqueur des Barbares.*

## LIVRE XII. DE L'HISTOIRE ECCLESIASTIQUE

industrie Imperiale: Car ses bandes diuisees par les villes voisines pour la tenir garnison, il se mit en chemin, encore qu'il fust l'og. & facheux, pour luy-mesme estre le messager de sa victoire à Gratian. Ceste chose pource qu'elle estoit aduenue contre l'opinion de tous, sembloit aucunement estre incredible. Car ceux qui l'enuoyoyent, affirmoyent que non seulement il n'estoit vainqueur: mais au cōtraire asseuroyent qu'ayāt perdu son armee il s'en estoit fuy. Sur ce Theodose requit qu'aucuns fussent enuoyez pour explorer & s'informer de cest affaire, nombrassent & missent en comte les Barbares occis, ce qu'ils pourroyent facilement apprendre par leurs depouilles. L'Empereur delegua certains personages, pour s'interroger de cest exploit de guerre: Mais Theodose seiourna quelque tēps en la court, où luy fut representee vne vision, laquelle le Dieu de cest vniuers luy manifestoit apertement. Car il luy sembloit veoir saint Meletie, Euesque d'Antioche, l'environnāt du mātēau Imperial, luy imposer au chef vne couronne de grand prix. Il recita le matin apres quelques iours ceste vision à luy faicte de nuit, à l'un de ses familiers: lequel respondit que ce vrayement n'envelopoit aucune doute; veu que toutes choses representees par ceste vision estoient assez claires & manifestes. Peu de iours apres, ceux qui estoient partis pour s'enquister des affaires de la guerre derniere reuenus, rapporterēt que plusieurs milliers de Barbares auoyent estē desfaits. L'Empereur persuade, ainsi que de raison, crea en la ville de Sirmium Theodose chef & conducteur de sa gendarmerie, & Empereur: & luy donna tout l'Empire de Valent. Lequel ainsi ayāt estably en Sirmium, Gratian s'achemina vers l'Italie, & enuoya Theodose à l'Empire Occidental, lequel il luy auoit donné, concedé & purement conferé.

*Par vision  
l'Empire est  
promis à  
Theodose.  
  
L'un des  
me de lan-  
mier, Auso-  
ne & Oli-  
bre estans  
consuls. Sa-  
crates.*

*Ceux qui en ce temps auoyent le gouvernement des principales Eglises: & des  
Macedoniens, comme de rechef ils troublèrent l'Eglise.*

CHAP. II.

*Les Eues-  
ques des  
plus cele-  
bres Eglises.  
Trois Eues-  
ques en An-  
tioche en  
un mesme  
tēps, de di-  
uerses fa-  
ctions.*



*Les Arriens  
tenoyent  
presque tou-  
tes les eglises  
d'Orient.  
Les Macedo-  
niens se re-  
cognoissent.  
Ils reiettent  
le Consub-  
stantiel, &  
mettent au  
lieu l'Equi-  
substantiel.*

N ce temps Damase gouvernoit l'Eglise de Rome, ayant succedé à Libere. Cyrille encore suruiuant regissoit l'Eglise de Ierusalem. L'Eglise d'Antioche estoit diuisee en trois, car apres Euzebe, Theodore de Perinthe propugnateur de la religion Arriene, fust estably Euesque: Mais ceux qui fauorisoient au Consubstantiel, obeissoient partie à Paulin, partie à Meletie, qui depuis nagueses estoit reuenue d'exil. Or en Alexandrie les Arriens eurent Lucius pour Euesque, lequel lors fugitif viuoit en Constantinople: mais apres Pierre, Timothee son frere gouvernoit l'Eglise catholique. En Constantinople Demophile successeur d'Eudoxe presidoit aux Eglises Arrienes: mais Euagre, Euesque de la religion du Cōsubstantiel, viuoit en exil. Toutesfois les sectateurs d'iceluy desdaignans Theophile, faisoient leurs assemblees à part, sur lesquelles Gregoire le grand auoit esgard, & leur faisoit des remonstrances. En tous lieux de l'Orient, Ierusalem seulement excepté, quasi toutes les Eglises estoient en la puissance des Arriens: Car bien est vray que les Macedoniens depuis s'estre reconciliez avec Libere, ne dissent les eglises tant de ceux qui suiuioyent le decret de Nice. Aussi quelque tēps eurent ils commerce & conuention ensemble, non aux villes seulement: mais aux Eglises, & comme se rapportans à vne mesme sentence, communioient librement. Mais depuis que l'edit de Gratian permit à yn chacun suyure telle religion qu'il voudroit, aucuns Euesques ayans receu leurs Eglises, qu'ils auoyent perdues sous Valent, de rechef se separerent des autres. Lesquels assemblez en Carie reiecterent la diction de Consubstantiel, & au lieu d'icelle ainsi qu'au parauant, confirmerent l'Equisubstantiel, abolissans la profession de la foy de Nice, & faizans à part leurs Eglises. Toutesfois ceste leur entreprinse fut vaine: car plusieurs ayans de pres remerqué leur contention, par laquelle ainsi qu'Europe maintenant ils suiuioyent vne sentence, maintenant au lieu l'Equisubstantiel, du tout s'abstindrent de leur communion, & constamment s'allierent & accorderent avec ceux qui approuoyent la foy du Consubstantiel.

*Comme les Arriens confinez & bannis par l'ordonnance de Gratian, les professeurs de la foy du  
Consubstantiel prindrent le gouvernement des Eglises, & des choses qui  
aduindrent en Antioche par Paulin & Meletie.*

CHAP. III.

*Gratian re-  
stitue les E-  
uesques bannis, & oste  
les Eglises  
d'entre les  
mains des  
Arriens.*



Gratian, ainsi que nous auons dit, dediant à l'Empereur, & Dieu ensemble de cest vniuers, les primices de son Empire, fit publier vne loy, par laquelle il reuouoit les Euesques bannis, & permettoit les Arriens estre chassés des maisons sacrees, & icelles estre rendues aux defenseurs de la foy de Nice. Il enuoya aussi de duc Saporez homme fort excellent, pour es parties d'Orient faire mettre en execution ce mandement. Cest edict fut mis en effect, & par toutes les prouinces. Or en Antioche se leua entre



leua entre le peuple vne grande contention & debat, pour la cause qui sensuit: Ceux qui defendoyent la foy du Confubtâtiel, & la doctrine des Apostres, s'estoyent escartez en deux parts. Car plusieurs soudain apres auoir dressé embusches à Eustace, laissans là les Arriens, faisoient leurs assemblees sous Paulin Euesque. Aucuns ayans en horreur la compagnie des meschans, & l'election d'Euzoie, estoient repeuz sous le tressage pasteur Meletie. Or paulin pour son excellente humanité, ne fut chassé en exil par Valent: Mais Meletie ne fut si tost banny, qu'il fut restitué & reuoué par Iulien: & depuis de rechef ayant commandement sous Valent de quitter son pays, suyuant l'ediât de Gratian, estoit lors reuenu en Antioche, où il trouua Paulin vivant en sa derniere & caduque vieillesse. Là ceux de sa faction remuerent toutes les cordes, & sefforcerent par tous moyens, faire que Meletie fust mis en mesme throne & degré avec Paulin. Mais Paulin ne s'y voulut consentir, disant que ce estoit contre les canons Ecclesiastiques, veu que Meletie auoit esté consacré par les Arriens. Toutesfois le peuple ne pouuant endurer ce refus, establit Meletie au throne d'un temple assis aux faubourgs. Ce fait, se leua vn grand debat de paroles, en sorte que par trop grand effort & contention, les choses trespuchoyent en pis: le peuple d'une part & d'autre indigné marchandait quelque sedition. Depuis, quelque ingenieux & bon conseil fut trouué, selon lequel les choses furent appaisées sous ces accords. Car il fut trouué bon, que ceux ou qui lors estoient idoines & suffisans pour exercer l'office Episcopale, ou quelquefois en seroyent capables, desquels apres cinq autres Flavian estoit le sixiesme, fussent obligez par promesses & serment, arrester que nul d'iceux ne receuroit l'Episcopat, & n'aspireroit à ceste dignité, voire n'approueroit l'election, si aucune estoit faite de quelcun, ce pendant que Paulin & Meletie seroyent viuans, & que l'un d'iceux decedé, celui qui suruiuroit, succederoit en sa place: & apres le trespas d'iceluy, celui d'ores en auant obriendrait la chaire Episcopale, qui par le saint Esprit seroit choisi d'entre ceux qui seroyent dignes de tels suffrages. Ces accords ratifiez & confirmez par sermens, presque toute la multitude y accorda: vn peu de nombre de Luciferiens seulement ne furent de ce consentement, reprenans la consecration de Meletie, comme receue de ceux qui fauorisoient à la sentence & doctrine estrange de l'Eglise catholique.

*Discord en Antioche entre les Pauliniens & les Meletiens.*

*Ce discord appaisé. Flavian interdit de ne pretendre à l'Euesché du vivant de Paulin & Meletie. Luciferiens entretiennent encore ce debat.*

*De l'erreur d'Appollinaire, & de saint Flavian & Meletie: & ce qui aduint au siege d'Antioche: ensemble de Sapore lieutenant pour l'Empereur, & d'Eulale, Euesque des Amasiens.*

*CHAP. II.*



Lors Apollinaire s'estant reuestu de la masque de pieté, fut autheur en Antioche d'une autre secte: Car sous le pretexte de defendre la doctrine Apostolique, il se monstra en brief merueilleux oppugateur de la vraye religion. Ayant à scauoir controuué des opinions adulterines, touchant l'eternelle & immortelle nature, auança quelques degrez & dignitez entre soy differetes. Il rendit aussi imparfait le mystere de l'administration de nostre salut, & dit que l'ame raisonnable, par laquelle tout nostre corps est gouverné, n'estoit capable du salut à nous conféré: pource que Dieu le Verbe n'auoit prins ceste nature, ainsi que celle qui reste du corps, parquoy il ne luy auoit laissé ne guarison ne felicité, n'aucun honneur. De là il a feint que: le corps au ciel estoit adoré par toute la gend'armie intellectuelle: mais que: l'ame demoureroit en terre, comme n'ayant aucun accez au ciel, n'estant iusques à present aucunement nettooyée: mais enuironne de l'ignominie de peché. Ainsi babillant d'autres plusieurs choses pleines d'absurdité, quelquefois il disoit que nostre Seigneur n'auoit receu sa chair de la Vierge, quelquefois qu'il l'auoit avec soy apportée du ciel. Aucunes fois aussi il a dit que le Verbe estoit mué en chair, & n'auoit rié prins de nostre chair. Ainsi ayant inuenté d'autres radotteries & fables legeres, les inséra avec les diuines promesses de nostre Sauueur: desquelles i'estime que traicter à part maintenant seroit chose superflue, outre ce que i'en ay parlé cy dessus. Or non seulement pour lors il communiqua ceste peste à ceux qui le suiuyent, mais aussi infecta plusieurs des nostres. Car nonobstant que par apres ses subiects voyans l'obscurité de sa doctrine & l'illustre splendeur de nostre foy, peu exceptez, se retirassent tous à l'Eglise catholique, & participassent à nostre communion, ils ne vomirent toutesfois entierement la poison de leur maladie: mais à la desfrobee l'auançoient & rengoient entre ceux qui suiuyent la saine opinion. De là comme d'une mauuaise racine, l'opinion pullula, laquelle affermoit que la nature de la diuinité & de la chair n'estoit qu'une: & que la diuinité qui n'est aucunement subiecte à passion, auoit enduré (ce qu'aussi cy dessus nous auons recité du texte de Gregoire Nazianze) & sortirent autres plusieurs fantasies, qui engendrerent, & à la multitude, & aux Euesques vne contention & guerre secrete, implacable: Mais ces choses aduindrent par apres. Or en ce temps comme i'ay dit, le duc Sapore venu en Antioche, comandoit que la ville d'Antioche acquiescât

*Terrien: Theodore.*

*Faicté à l'image de Dieu: Luy mesme.*

*Appollinaire ses serent à l'Eglise catholique: mais n'ayans du tout renoncé leur erreur.*

## LIVRE XII. DE L'HISTOIRE ECCLESIASTIQUE

*Sapores ex- cuteur de l'ordânance de Gratian.* & gardast la foy, laquelle Damase preschoit: surquoy Paulin assura qu'il estoit de la part de Damase. Le semblable dit Apollinaire, cachant sa maladie. Mais Meletie escoutant les paroles de l'un & l'autre, estoit assis sans dire mot. Alors en ce lieu le diuin Flaviâ, le levant d'entre l'ordre des prestres, le duc prestant l'oreille paisible, dit à Paulin: Monseigneur si de pareille sentence tu acquiesces à Damase, exhibe nous la conionction & affinité de ton opinion. Car il fait profession d'une mesme substace de la Trinité, & publie en paroles disertes & claires trois substances. Toy toutesfois, selon que tes paroles declarer, tu ostes du tout la Trinité des subsistances: Parquoy d'un consentement ioin toy à la doctrine & sentence d'iceluy, & retien en assurance les Eglises selon leurs sanctions. Ayant ainsi contrainct Paulin le taire, dressant sa parole vers Apollinaire: Je suis grandemēt esbahy te toy mô amy (dit-il) de ce que tu n'as honte t'arrester tant impudēment au mensonge, veu que tu sçais assurément que l'admirable personnage Damase, publiquement à pleine bouche enseigne, que Dieu le Verbe a prins toute nostre parfaite nature. Neantmoins tu sens du tout le contraire. Car tu dis que nostre ame & mentalité, laquelle en nostre nature est tresexcellente, n'a esté prinse d'iceluy, chose vrayemēt pernicieuse, veu que de là tu priues l'une & l'autre de salut. Que si à tort nous te reprenons, reiecte donc ceste tienne maladie de nouuelleté, & môstre que tu cōsens à Damase, lequel du tout enseigne choses à toy contraires: puis apres tu obtiendras paisible la charge de l'Eglise. En ceste sorte le diuin Flavian refrena la desbordée licence de parler de l'un & de l'autre, les refusant ainsi qu'il appartenoit. Alors Meletie l'un des plus affables & amiables de la compagnie, respondit paisiblement à Paulin: Veu que non à toy seulement, mais aussi à moy pour les causes, & selon les paroles que Dieu sçait, vray pasteur & maistre des brebis, est commise & commandée la charge & administration de ceux-cy, & que noz deux troupeaux communiquent par ensemble, & paisissent & cueillent l'herbe salutaire, fuyans ceste nuisible & mortifere pasture des heretiques, cōioingnons mou amy, si bon te semble, les troupeaux de vraye pieté, & les assemblons en vne bergerie: & ayans estainct le debat & contention cy deuant leuē touchât la charge pastorale, quel'un & l'autre garde ses brebis, & ait soing d'icelles, les enseignant en commun. Que si le throne & degre d'entre nous, excite le desir de debatre & cōtendre ensemble, nous nous efforcrons soudain l'assopir. Car s'estime qu'il fault que religieusement & avec reuerence le sacré Euangile soit mis au milieu du Throne, & que nous soyons assis plus bas, l'un d'une part, l'autre de l'autre. Que s'il aduient que ie trespasse de ceste vie le premier, tu iouyras seul d'iceluy. Que si tu decedes auant moy, ie gouverneray seul toute ceste bergerie selon la grace que Dieu me fera. Ces propos furent tenus par le diuin Meletie, parlant d'une grace fort admirable. Mais Paulin ne receut ceste condition. Alors Sapores iuge de tels propos, donna le gouvernement des Eglises au grand Meletie. Et de rechef Paulin presida à ceste sienne faction, laquelle il auoit segregée des autres. Depuis toutesfois, ainsi que nous auons dit, le serment receu des competiteurs del'Euesché, designez & arrestez, le peuple fut reduict en accord: Mais Apollinaire se voyant frustré de son esperance, comme si les Eglises luy fussent ostées, enseigna publiquement & clairement son heresie, & se fit chef & capitaine de sa nouvelle opinion. Puis ayant choisi & estably en Antioche Vital, homme (ainsi que cy dessus nous auons dit) illustre en sainteté de vie, & qui au parauit auoit hory en doctrine Ecclesiastique: mais depuis fut infecté de la contagieuse maladie d'Apollinaire, il se retira en Laodicee, où le plus souuent il faisoit seiour. Alors plusieurs Euesques reuenus d'exil, auquel sous Valent ils furent condamnez, suivirent la sentence de Meletie, ne voulans aucunement debatre de la prerogative & préeminence de leur siege Episcopal: mais procrer soigneusement l'accord de la multitude. Voire ils prierent les Arriens, lesquels en leurs places auoyent esté establis sur les Eglises, qu'ils ne se retirassent, & ne troublassent l'Eglise par leur dissension, considéré qu'icelle est vne, & nous a esté laissée de Dieu & des Apostres vne: & est toutesfois diuisee souuent par debats & contentions, par l'ambition d'estre assis aux premiers sieges, & orgueil de ceux qui s'estudient en vaine gloire. Parquoy ils prioient les Arriens, que faisans profession de la vraye pieté, ils retinissent les premiers thrones des Eglises. Ce qu'entre les autres fut sollicité par Eulale, ayant la charge de l'Eglise d'Amase au Pont. Car on dit de luy qu'au retour de son exil, il trouua vn pasteur de la secte Arrienne, & que ceux qui luy obeissoient ne pouuoient estre à grande peine en nombre de cinquante, & toutesfois pour le desir & affection qu'il auoit d'entretenir paix & accord, il l'endura, voire luy presenta vne amiable cōdition avec prieres: par laquelle il luy cedoit le siege plus honorable, & principale prerogative du throne, comme ce luy estant recompensé proposée pour s'accorder en opinions & doctrines, en sorte que tous deux administreroient l'Eglise. Mais l'autre reiecta ceste condition: & non long temps apres fut delassé de ceux qu'il gouvernoit, pource qu'ils s'allierent & vnirent à la plus frequente multitude des gens de bien fideles.

De Me-

*De Meletie, & Diodore Euesque de Tarse : ensemble d'Acace Euesque de Berrohé, & d'autres : & de saint Eusebe, Euesque de Samosat, comme il accompist le combat de martyre.*

C H A P. V.



Ain& Meletie ayant reconcilié la multitude, il ordonna Diodore pasteur de Tarse, & luy bailla en charge le peuple des Ciliciens. Ce Diodore, duquel cy dessus nous auôs parlé, auoit avec Flauian, durant ceste cruelle tempeste sous Valent, gouverné l'esquif de l'Eglise : mais il estoit bien autre personnage, & autrement reuestu que luy. Meletie pareillement donna l'Euesché d'Apamee à Iean : homme non illustre seulement en noblesse de sa lignee, mais fort renommé en plusieurs excellens ornemens des principales vertus. Outre ce, la sainteté de sa vie, & doctrine insigne conioinctes ensemble, l'auoyent rendu plus celebre. Ice-

*Meletie cree des Euesques. Il ordonne Diodore sur l'Eglise de Tarse. Iean sur Apamee.*

luy, ainsi que Flauian & Diodore au temps des cruels oraiges, retint en deuoir ceux qui suyuoyent sa sentence, & les confirma par sa doctrine. Cest Estienne qui est tant renommé, luy fut compaignon en cest affaire, lequel aussi Meletie appella à vn combat non petit : car il l'enuoya medeciner (ainsi qu'il estoit à ce faire tressuffisant) & pourueoir de remedes la cité Germanicia, laquelle avec grand danger trauailloit de la maladie d'Eudoxe. Et non sans cause à ce l'auoit il choisi, veu qu'il auoit estudié à toute doctrine liberale, tant des disciplines sacrees, que prophanes, & n'auoit deceu les personnes de l'esperance de luy conceue : car iouant de la huste spirituelle, il conuertit mesme les loups en brebis. Ainsi fit le grand Eusebe, reuenue d'exil en la ville de Samosat : car il donna charge à Acace, duquel la gloire est grande, pour sa vie pure & entiere, & l'installa au gouvernement de l'Eglise de Berrohé. Il bailla aussi Hieropolis à l'admirable Theodor, lequel fut grandement celebre en la vie monastique. Il fit Eusebe Euesque de Calchis, & Isidore, Euesque de Cyr, auquel lieu peu de temps apres le grand Theodoret gouverna l'Eglise. Ces deux furent excellens en zele & diuin ardeur. On dit aussi que ce grand Eusebe enuoya en Edeffe Euloge, lequel à cause de la religion & pieté, auoit esté emmené avec Protogenes en l'isle d'Antinoé, & l'ordonna Euesque de ce lieu, apres que saint Barles par sa mort eüst laissé ce throne, & la vie. Euloge aussi auança en degré Protogenes sur Carres, pour estre son compaignon en mesme sorte de combat. Il l'enuoya en ceste ville griefuement malade, comme quelque braue medecin, pour curer & purger toute maladie. Il donna aussi à Mair l'Euesché de Doliche, bourg grandement infecté de contagion Arrienne. Eusebe vint en ce lieu pour installer Mair, illustre en diuerses sortes de vertus, en la possession du siege Episcopal : Mais ainsi qu'il entroit en ce bourg, vne femme remplie des radoterias Arriennes, luy iecta d'en hault vne tuille sur le chef, & en ceste sorte la teste de ce saint personnage fut comminee & cassée, & peu apres la pourriture s'estât accueillie au cerueau, il trespassa pour suyre vne plus heureuse vie. D'iceluy on dit qu'ainsi qu'il rendoit l'ame, il adiura ses amis par serment, & fit promettre qu'on ne requerroit aucune peine de la femme qui auoit osé perpetrer ce forfait. En ce vrayement il suyuoyt nostre Seigneur, lequel fit priere : Mon pere pardonne leur ce peché, car ils ne scauent qu'ils font. Ceste fut la fin de la vie d'Eusebe, apres s'estre auancé à plusieurs & diuers combats pour la vraye pieté. Lequel en Thrace eschappé de la cruauté des Barbares, ne se peut sauuer des mains des meschans heretiques : mais receut par eux la couronne de martyre. Ainsi ces choses furent faictes. Mais le diuin Meletie, ayant confirmé l'accord, côme nous auons dit, par serment, arriua en Constantinople, pource que là estoient venuz plusieurs Euesques, estimans estre necessaire transporter le diuin Gregoire de Nazianze, & avec puissance souveraine luy commettre la charge de l'Euesché de Constantinople.

*Estienne sur Germanique.*

*Eusebe de Samosat retourne d'exil il ordonne des Euesques.*

*Acace en Berrohé. Theodor. en Hieropolis.*

*Euloge en Edeffe.*

*Isidore en Cyr & autres.*

*Eusebe tué par vne femme qui luy ietta vne tuille sur la teste.*

*Assemblée de Meletie & autres Euesques de Constantinople.*

*Comme les Empereurs Theodose & Gratian, l'un des Allemans, l'autre des Barbares demourans pres l'istre, composerent les affaires & differens : & comme Theodose en Thessalonique malade fut baptisé par Ascholius, & publia la confession de sa foy : & commanda à tous adorer la Trinité Consustantielle, & suyre la foy de saint Pierre l'Apostre.*

C H A P. VI.



R les deux Empereurs se retirerent en leurs pays : l'un en ceste part de l'Empire qu'il auoit eue de son pere, laquelle il festoit reseruee, & à son frere : & l'autre, à la charge à luy donnée, à scauoir en Illyrie & autres prouinces d'Orient. Ils menerent si bien leurs affaires, que tous les euenemens des guerres qui leur aduindrent, leur succederent à souhait : Car Gratian vainquit les Allemans qui ga-

*Theodose chasse les Goths de*

## LIVRE XII. DE L'HISTOIRE ECCLESIASTIQUE

*Thrace, & fait alliance avec leur Roy Aschanaric. Orose. Diac. Theodose malade baptisé en Thessalonique, est guary.*

*Orientaux variables en la religion.*

*L'Arianisme a pullulé en Orient par les Euesques heretiques, & la fauteur des Empereurs. Ordonnance de Theodose touchant la foy de Nice.*

que d'ores en auant ils seroyent compagnons des Romains, & les conditions receues, ayans aussi baillé ostages furent rengez sous la puissance de Theodose. Ces choses ainsi bien dressées, il arriua en Thessalonique pour venir en Constantinople, où soudain detenu de maladie mortelle, apres estre baptisé & initié par Ascholijs pour lors Euesque de ce lieu, comença à se trouuer mieux. Au parauant il s'accordoit volôtiers aux decrets de Nice, & les honnoroit, pour ce que ses predecesseurs auoyent grandement prisé la religion Chrestienne. Et pour lors se resiouissoit d'auantage, qu'il voyoit qu'Ascholijs defendoit ceste sentence. Outre ce, il prenoit plaisir d'ouyr dire qu'il estoit homme de bien, excellent en sa vie & doctrine, propre & dressé en toutes les vertus que la dignité Episcopale requiert, & que tout le peuple d'Illyric abhorroit totalement la rage des Arriens. Et s'informant d'Ascholijs quelle estoit touchant la religion, l'opinion des autres peuples, entendit que tout l'Occident iusques en Macedoine, estoit d'accord en ses Eglises: pour ce que tous esgalemēt adoroyēt Dieu le Verbe, & le saint Esprit avec le Pere, & confessoient clairement la Trinité Consubstantielle: Mais que ces regions de l'Empire Oriental, qui sont situees par delà Macedoine, estoient les vnes des autres ainsi diuisees, qu'entre le peuple plusieurs heresies & factions estoient semees. Il apprint aussi que Constantinople, d'auantage que tous les autres lieux babilloit de ces choses, & estoit remplie de peste Arrienne. Ascholijs luy en exposa la principale cause: à sçauoir que l'Occident n'estoit trauaillé de ces maux, pource que Constantin le plus aagé des enfans de Constantin, & Constans le moindre d'iceux, & depuis leurs successeurs Valentinian & Gratian auoyent gardé entiere la foy de leurs peres: Mais que ce mal de plusieurs parts estoit venu iusques à l'Orient, pource qu'Arrius autheur & duc de ceste heresie, natif d'Alexandrie en Egypte, & là fait prestre, vomit en ce pays la poison de ces blasphemés, & maldisance: & que depuis luy Eusebe de Cesaree, Patrophile de Scythopolis, & Aetius de Syrie furent en la Palestine: Paulin aussi & Gregoire Euesque d'Alexandrie sortirēt de la Phenicie. Ensemble la Cilicie auoit produit Theodore de Laodicee, & son successeur George, & depuis Athanase, apres lequel le quatriesme fut Narcisse: lesquels tous abbrevuerent d'irrigations sinistres, ces semences mal dispersees, & enroserent ceste iuroye. Et qu'outre ceux-là, Eusebe de Nicomedie, Theognis de Nice, Memophant d'Ephece, Maris de Chalcedon, & Theodore de Perinthe, furent en Bithynie: & autres la Thrace mit en auant & donna, lesquels eurent celebre renommee pour leurs vices & malice. En sorte que ceux-la par longue espace de tēps enroserent & nourrirent les doctrines peruerfes. Outre, la facilité de Constance (à ce que ie ne die, ainsi que Gregoire le Theologien, la legereté, craignant, à sçauoir que la religio & pieté ne soit offensee) ensemble l'improbité extreme de Valēt, auança beaucoup & profita aux semeurs de ces mauuaises semences. Theodose suffisamment instruit de toutes ces choses, estima que puis qu'il auoit receu l'Empire, il falloit penser de reduire les Eglises en grace & cōcorde. Et iugeāt qu'il seroit expedient (à ce qu'il ne semblast vsr de force & recherche, cōmandāt contre droit suyure la Religion) qu'il declarast à ses citoyens & subiects ce qu'il sentoit de Dieu, il enuoya vne ordonnance de Thessalonique en Constantinople: Car il estimoit que son mandement, de celieu, comme de quelque tour souueraine, viendrait par tous les pays iusques aux autres villes de l'Orient. Ceste ordonnance commandoit embrasser & retenir la religio, laquelle au cōmencement le prince des Apostres saint Pierre auoit enseignee, laquelle aussi Damase Euesque de Rome, & Pierre Euesque de la ville d'Alexandrie suiuyēt & maintenyēt. Outre ce, il signifia que ceste seule estoit appelee l'Eglise catholique & vniuerselle, laquelle disertement, plainemēt & purement de cuer & de bouche cōfessoit la Trinité Consubstantielle. Et cōmanda que ceux qui sentiroient autrement fussent appelez heretiques, cassez de leurs estats, rendus inutiles, & punis, s'ils osoyent publiquement enseigner.

*De saint Gregoire le Theologien, comme celebrant la communion, & faisant les predications en vne petite maison de Constantinople, fut chef de ceux qui faisoient profession du Consubstantiel: & du temple sainte Anastase.*

CHAP. VII.

*Gregoire de Nazianze instruit en vne maison de Constantinople les catholiques de ce lieu. Ceste maison fut depuis vne*



illustré & enrichy de plusieurs miracles, diuinement faits en ce lieu. Car la vertu diuine se monstrant clairement à plusieurs, & quelquefois en leur repos & somne, non seulement à les deliura

Est edicté publié en celieu, non long temps apres il arriua en Constantinople: & pour lors encore les Arriens ayās iecté hors Euagre, gouernoient les Eglises, & leur Euesque estoit Demophile. Et le Theologien Gregoire de Nazianze, presidoit au lieu d'Euagre, sur ceux qui cōfessoient la Trinité Consubstantielle, & faisoit ses assemblees en vne petite maison, laquelle alors les gens de bien de ceste religion changerēt en sainte chapelle, & quelque temps depuis entre les autres excellentes Eglises de Dieu en firent vn tēple fort celebre à Constantinople, lequel non seulement surpassa les autres de beauté & magnificence: mais aussi fut

deliura de diuerſes & incurables maladies : mais auſſi les emancipa de griefues afflictions & fortunes,leſquelles communément aduiennent aux hommes.Et de main à main nous a eſté de-  
laiffé de perſonnages dignes de foy , qu'en ce lieu ſeſtoit apparue la glorieuſe mere de Ieſus-  
Chriſt,& touſiours vierge Marie. Ce qu'ils aſſeuroyent,pour ce qu'elle ſeſtoit monſtree à plu-  
ſieurs,en meſme forme & contenance.Ils appellent ceſte Eglise Anaſtaſe,ou la reſurrectiõ,ainſi  
qu'on peut coniecturer,pour cauſe que la doctrine de la foy de Nice,laquelle en Conſtantino-  
ple,pour la force & violence de la faction contraire,eſtoit comme morte & eſteinte, fut rele-  
uee,& comme reſſuſcitee de rechef par le trauail & eſtude de Gregoire. I'ay auſſi entendu de  
quelques vns,qui affirmoyent dire verité,qu'une femme groſſe eſtoit trebuchee en ce temple,  
des hautes galleries,& ainſi auoit rendu l'eſprit.Mais apres que le peuple là aſſemblé, euſt pour  
elle fait ſes prieres à Dieu,elle fut reſtituee en vie,& reſſuſcita ſans aucun dommage de ſon fruit :  
& que depuis ce ſurnom fut donné à ce lieu,à cauſe que Dieu y auoit accompli ceſt œuvre. Mais  
ces choſes ſoyent dictes comme en paſſant.

chapelle,  
& apres  
vne inſigne  
Eglise, ap-  
pellee Ana-  
ſtaſe.  
Raiſon du  
nom d'A-  
vne femme  
morte, reſſu-  
ſcitee.

*De ce lieu d'Anaſtaſe, ce meſme Gregoire a eſcript cecy en vers, apres  
ſon departement de Conſtantinople.*

„ Temple ie te ſalue, tant honnoré de Dieu,  
„ Que par mes remonſtrances, que j'ay fait en ce lieu,  
„ As peu l'entiere foy, comme ia treſpaſſee,  
„ Releuer en honneur, toute hereſie caſſee.

*comment les Arriens & Eunomiens, ieſte hors de leurs eglises retournerent en leurs pays :  
& comme Gregoire gouverna l'Eglise Catholique : enſemble de la  
grande & doctrine d'Eunome. Chap. VIII.*



Empereur deſpelcha gens, qui munis de ſon commandement declaraſ-  
ſent à Demophile,ou qu'il conſentiſt au concile de Nice,& emmenaſt le  
peuple à l'vñion & accord de religion,ou ſ'il ne vouloit ce faire,ſoudain  
fortiſt de ſes Eglises.Iceluy iugeant n'eſtre raiſonnable cõtreuenir à ceux  
qui pouuoient d'auantage,ayant aſſemblé la multitude, & public la ſen-  
tence de l'Empereur, entre autres dit ces paroles: Mes freres, puis  
l'oracle diuin nous commande que ſi les homes nous perſecutent, d'une  
cité nous paſſions en vne autre, veu auſſi quel'Empereur nous chaſſe  
de nos oratoires, ſçachez que demain nous ferons l'aſſemblee hors les

Demophile  
Arrien ſort  
des Eglises  
de Conſtan-  
tinople, &  
fait ſes aſ-  
ſemblees  
hors la vil-  
le.

muys de la ville.Ces paroles ainſi dictes,il ſe retira:& depuis avec ceux de ſa ſecte ſ'aſſembla,&  
fit les ſacrifices & ſolemnitez pres les murailles de la ville,n'entendant la ſentence diuine, ainſi  
qu'il falloir:Car ſoubs vne ſignification paraenture obſcure,elle nous commande,que fuyans  
la conuerſation de ce monde,nous ſouſpirions,& efforcions du tout à la ville ſouueraine, qui  
eſt Ieruſalem la celeſte.Avec ce Demophile,Lucius ſe partit, lequel pource qu'en Alexandrie il  
defendoit l'hereſie Arrienne,fut de là chaſſé,& depuis demoura en Conſtantinople,duquel lieu  
Demophile ſe retira delaiſſant les Eglises qu'il auoit auparauant tenues. Or l'Empereur arriué  
en Conſtantinople,entra en icelles toutes,ſaiſant prieres & ſouhaiçts que tout ſe portalt mieux  
pour l'aduenir,& en donna la charge à Gregoire, en ſorte que depuis ceux qui confeſſoyent la  
Trinité conſubſtantielle obtenoyent les Eglises.Ceſtuy eſtoit l'an cinquieſme de l'empire de  
Gratian,& premier depuis que Theodoſe fut creé conſul.Et non moins de quarante ans eſtoyent  
eſcheus,depuis que les Arriens auoyent occupé & iouy des temples.Demophile donc chaſſé ſe  
retira en ſon pays de Berthoé. Theodore ieſté hors d'Antioche retourna en Thrace,dont il e-  
ſtoit natif.Auſſi Hypatie banny de Nice reuint à Tyr de Syrie,qui l'auoit engendré.Ainſi les au-  
tres furent reſpandus par d'autres places.Mais en Antioche Aſter,& Creſpin preſtres,& les au-  
tres de la faction de Theodore,ayans fait vn conciliabule,auquel autres pluſieurs Eueſques ſe  
trouuerent des villes voiſines,enuoyerent ambaffades vers les Eunomiens,deſirans eſtre leurs  
amis,alliez & conioincts en meſme communion.Auſquels ils reſpondirent par vne epiſtre, que  
ſils vouloyent renouueller leurs ſuffrages,par leſquels ils auoyent condamné Aëtius & ſa con-  
ſecration,& approuuer ſes eſcripts,ils les receuroient en amitié.Ils requierent auſſi que premie-  
remēt ils purgeaſſent leur vie par quelques luſtrations,pour ce à ſçauoir qu'ils auoyent eſté in-  
fectez d'une mauuiſe maniere de viure.Ceſte petition & requête fut lors en ceſte ſorte recen-  
touteſois depuis ceux d'Antioche furent iuſques là auancez,qu'en leurs aſſemblees Eccleſia-  
ſtiques ils detractoyent par maledictions d'Eunome,& de ceux de ſa faction:les appellans fiers,  
babillars des choſes celeſtes,& ſublimes en arrogance & fard de paroles,pleins de folie & meſ-  
chaceté de vouloir entreprendre ces choſes.En ce temps les Arriens ſans aucune crainte faiſoyent  
leurs aſſemblees,pour ce qu'ils eſtoyent en grand nombre,accreus & augmētez dès long tēps,  
à ſçauoir depuis Coſtance iuſques ſoubs Valent.De là rendus hardis,diſputoyent temerairement

Commēt il  
fault enten-  
dre ceſte pa-  
role du Sau-  
ueur,quād  
on vous per-  
ſecutera en  
vne cité,  
fuyez en  
l'autre.

Les Arriens  
ſe ioignent  
aux Euno-  
miens, &  
puis les re-  
ſectent con-  
melieuſe-  
ment.  
Ils ſeſſorçēt  
de gaigner  
l'empereur.

B b b

de Dieu & de sa substance. Ils voulurent aussi renter le courage de l'Empereur, par le moyen d'aucuns personnages qui hantoyent la cour Imperiale, & le sonder fils le pourroyent allicher à leurs opinions: ayans conceu ceste esperance, qu'aussi facilement ils le pourroyent gagner, comme ils auoyent gagné Constance. Laquelle entreprinse vrayement apporta vne grande crainte & sollicitude à ceux qui estoient de l'Eglise Catholique. Ils furent en grande doute principalement à cause qu'ils auoyent pour suspecte la force & grace d'Eunome en disputes: Car non long temps auparavant, lors qu'il commença se diuiser des Ciziciens, & se segrega de la compagnie des Arriens, il s'estoit retiré en Chalcedon, ville de Bithynie, assise vis à vis de Constantinople, & là viuoit solitairement comme personne priuee. Toutesfois ceux de Constantinople venoyent vers luy à grandes troupes, & d'autres arriuoyent d'autre part, lesquels non seulement esprouoyent sa vie & doctrine, mais escoutoyent de luy ententifvement, s'il aduenoit qu'il dist aucune chose de nouveau, en sorte que ja la renommee d'iceluy estoit venue iusques à l'Empereur. Et vrayement eust il esté admis, voire à parlementer avec le prince, si Placille sa femme qui grandement aymoit & craignoit Dieu, & dès sa ieunesse auoit esté nourrie aux decrets de Nice, & d'iceux fait constante & ferme confession, ne se fust de toute sa force & estude auécée de resister & empescher, qu'il ne parlât aucunement à Eunome: Car elle craignoit beaucoup, que tant par les allichemens de sa maniere de viure, que par son eloquence & grauité, il n'emmenast l'Empereur à sa sentence.

*De la liberté de parler que declara Amphiloche, Euesque d'Icone, deuant l'Empereur Theodose. Chap. 1 x.*

*Amphiloche demâde à Theodose qu'il desfen de les assemblees aux villes, ce qu'il n'impetre point. Braue stratageme de Amphiloche, pour monstrier qu'on doit pareil honneur au fils de Dieu le Pere, qu'au Pere mesme & pour ce qu'on doit chasser les Arriens. Theodose defend les assemblees publiques aux Arriens, li. 2. c. de sum. trin. & fid. cathol.*



Insiqu'ces choses se brassoyent & les Arriens s'estudioyent gagner l'Empereur, le grand Amphiloche, duquel cy dessus nous auons fait mention, l'un des Euesques qui lors estoient arriuez en Constantinople, non qu'il fust expert en beaucoup de choses, mais toutesfois estoit-il venerable en vieillesse, & de grand esprit pour ruminer les choses sacrees & diuines, vint à l'Empereur, & le supplia qu'il ostant les assemblees des Arriens loing hors des villes. L'Empereur n'accorda ceste requeste, & nel'approuua, pour ce qu'elle luy sembloit trop griefue & inhumaine: Parquoy ce venerable vieillard pour lors se retira sans mot dire, mais depuis avec conseil meur & sage, fit vn acte digne de memoire. Car ainsi que de rechef avec plusieurs autres Euesques il estoit entré en la salle de l'Empereur, l'ayant salué fort humblement, ainsi qu'il deuoit, & selon que les autres Euesques auoyent fait, ne fit aucun honneur ne reuerence à son fils Arcade, lequel de nouveau auoit esté choisi & deligné Empereur. Au contraire l'abordant, & parlant à luy ainsi qu'à vn enfant, & le prenant par la main: & Dieu vous gard beau fils, dit-il. L'Empereur estimant que le vieillard Amphiloche estoit peu ciuil, & sentoist son rustault, l'enseigna comme il luy falloit saluer son fils. Mais Amphiloche luy respondit, que cest honneur luy estoit assez, & qu'il s'en deuoit contenter. L'Empereur esmeu de colere, & courroucé comme si son fils auoit receu quelque iniure, commanda avec opprobres qu'on mist hors cest Euesque: Mais ainsi qu'on le trainoit, il se retourna vn peu, & delcourrant son conseil, caché auparavant en son esprit: vois tu, dit-il, ô Empereur, comme legerement tu venges, & ne peux porter l'iniure faite à ton fils, mais soudain avec colere, pour vne rustique responce que ie t'ay faite, te courrouces & enflambes contre nous? Ainsi à scauoir il fault que tu estimes, que le celeste Empereur, & Pere de l'Vnigenit se courrouce, à cause de ceux qui n'attribuent au Fils honneur commun avec le Pere, mais sont iusques là temeraires, qu'ils l'osent appeller dissemblable & beaucoup moindre que le Pere. L'Empereur cõgnoissant par ces paroles la cause du fait, & s'humiliant à ses pieds, luy requit pardon, & confessa que le tout se portoit entierement ainsi qu'il auoit dit: en sorte que depuis confirmé en ceste sentence, il eut en haine ceux qui autrement opinoyent, que n'auoit esté arresté à Nice. Il defendit les contentions au marché, & soles assemblees, il mit entiere fin aux disputes de Dieu, & de sa nature: & par edict publié & proclamé denonça peines certaines à ceux qui ne luy obeiroient, menaçant ceux qui oseroyent venir au contraire. Ainsi fut fait, que les Arriens & Eunomiens chassez, les professeurs de la foy du Consubstantiel gouuernoyent les Eglises.

*Du saint & second concile general, lequel par la sollicitation de l'Empereur Theodose, & travail de Meletie, Euesque d'Antioche, conféra à Gregoire, le Theologien, l'Euesché de Constantinople. Chap. x.*



Pour ces causes, l'Empereur commanda aux premiers iours le Concile des Euesques des prouinces subiectes à son Empire seulement, s'assembler en vn lieu, pour confirmer les decrets de Nice, & deliberer auquel deuoit estre donnee la charge de l'Eglise



l'Eglise de Constantinople. Et pour ce qu'il estimoit que les Macedoniens se pouuoient vnir & allier avec l'Eglise vniuerselle, veu qu'ils n'estoyent beaucoup differens d'icelle touchant l'opinion de Dieu, il les appella à ceste assemblée. Parquoy de ceux qui annoncent la Trinité consubstantielle se trouuerent enuiron cent cinquante Euesques, & de l'autre secte trente-six, desquels plusieurs estoyent de l'Hellespont. Les premiers d'iceux estoyent Eleuse de Cizic, & Marcian de Lampfac. Les principaux entre les Catholiques estoyent Timothee, lequel en Alexandria auoit esté subrogé au lieu de Pierre son frere, & successeur d'Athanase. Meletie Euesque de Antioche, lequel long temps auparauant, à cause de Gregoire, estoit arriué en Constantinople: & Cyrille Ierosolymitain, lequel ayant premierement suyuy l'opinion de Macedoine, s'estoit de nouveau recongneu par penitence: pareillement Ascholius de Thessalonique, Diodore de Tarse, & Acace fort bien denommé, Euesque de Berrhoé. Tous ces personnages ainsi qu'ils s'accordoyent aux decrets de Nice, se parforçoient attirer à leur sentence Eleuse, & ceux de son opinion, leur remettant deuant les yeux l'ambassade qu'ils enuoyerent à Libere, en laquelle par Eustace, Syluain & Theophile ils auoyent promis receuoir la foy de Nice. D'auantage que de leurs propres grez depuis long temps ils ne s'estoyent segregez de leur communion: dont ils disoyent que vrayement ils estoyent dignes de reprehension, veu qu'une fois de grand courage ils auoyent receu vne pareille & mesme foy qu'eux, laquelle toutefois ils auoyent de rechef abolie. Mais les Macedoniens ne tindrent conte de ceste remonstrance, ains dirent publiquement qu'à leur iugement l'opinion d'Arrius estoit la meilleure, & iamais ne leur aduiendroit confesser que le Fils fut consubstantiel au Pere, encore qu'ils eussent autrement promis à Libere. En ceste sorte ils se partirent, & donnerent lettres à ceux de leur faction, par lesquelles ils les exhortoyent, qu'en quelquelieu qu'ils fussent, ils ne receussent aucunement la foy de Nice: Mais ceux qui tenoyent la part de l'Eglise catholique, là demourerent & prindrent conseil d'ellire vn Euesque pour la ville de Constantinople. Et dit on que l'Empercur admirant Gregoire pour sa vie & excellente erudition, l'estima digne de rel siege, & luy donna sa voix: Parquoy tout le concile ayant esgard à la vertu de ce personnage, luy fauorisa & le choisit Euesque. Et principalement entre les autres il sembloit à sainct Meletie qu'on deuoit conferer l'Euesché de Constantinople à Gregoire, mettant arriere le canon faisant mention de la translation des Euesques, lequel aucuns obiectoient reprenans ce conseil: Car ce diuin personnage scauoit tres-bien l'intention, & but de ceux qui auoyent publié ce decret. Aussi le Concile qui l'a ordonné, l'auoit mis en auant, pour retrencher l'ambition qui pulluloit aux Eglises, considerant qu'alors par l'ambitieuse attrape des competeurs, plusieurs maux estoyent aduenus. Qui, s'il n'y auoit aucune ambition, arrestoit & iugeoit qu'aucun empeschement ne destourneroit la translation d'un Euesque, moyennant qu'il surpassast plusieurs autres en vie ou doctrine, ou qu'ensemble l'un & l'autre fust euidet, ou qu'on esperast quelque grande commodité & vtilité pour le public.

*Nombre des Euesques. Les catholiques s'efforcent de gagner les Macedoniens.*

*D'autres effrayés qu'en ce concile de cent & huit peres, Macedoine fut condamné, qui disoit que le S. Esprit n'estoit point Dieu.*

*Gregoire de Nazianze est désigné Euesque de Constantinople.*

*L'intelligence du canon du concile de Nice, touchant de ne transférer*

*les Euesques.*

« s'assembler en vn lieu] Sozom.li.7.chap.7.dit que les Euesques Catholiques furent conuoqués: & n'adiouste point que seulement ils ayent esté des provinces subiectes à l'empire de Theodose. Et semble que ce Concile ait esté célébré en Constantinople.

Iean Psellus, escriuant du second Concile general, entre autres, met ces vers:

» Ce Concile celebre	» L'esperit, Creature,
» Du tout areiecté	» Qui fit ciel, terre & mer.
» Macedoine & sa lepre	» Le priuer & desmettre
» Dont il est infecté.	» De sa diuinité,
» Car par audace impure	» Voire entre peché mettre
» Il osa denommer	» La mesme sainteté.

*Comme Gregoire voyant qu'aucuns estoyent offensés pour la mutation ou translation de son Euesché, refusa le siege de Constantinople: & pour ce qu'il n'auoit rien en plus grande recommandation que l'accord des Eglises, se retira en son pays: & de Maxime philosophe cynique.*

*Chap. XI.*



Regoire donc premierement accepta la charge Episcopale, & monta en son throsne: Car comment n'eust il tenu conte des cohortations & remonstrances de si grands personnages? Parquoy il enrofa & entretint son troupeau d'humeurs Euangeliques, en sorte que l'ayant receu petit, il le rendit abondant & tres-grandement multiplié. Pareillement avec le filet de son eloquence, il retint plusieurs, & remmena en sa bergerie ceulx qui en estoyent esgarez.

Mais peu de temps apres, voyant que plusieurs, & entre les autres ceulx principalement qui

Bbb ij

*ques d'Egy  
pre, il en  
quitte son  
droit.* estoient arriuez d'Egypte s'entremesloyent de son election, & la reprenoyent, leur ayant fait vne oraison & harangue synodale, de rechef se desmit de l'Euesché. Aussi soudain apres ce Synode, le diuin Meletie trespassa de ceste vie à vne plus heureuse: & fut celebré de plusieurs par oraisons funebres, & entre les autres de ce fit plein deuoir Gregoire de Nice, lumiere de l'Eglise. Auant son trespas les Euesques d'Egypte estoient separez, entre autre choses reprenans le fait de Gregoire, de ce qu'ayant parauant administré l'Euesché de son pere, & l'Eglise de Nazianze, il auoit neantmoins esté esleué au siege de Constantinople. Et desia Timothee Alexandrin auoit esté esleu en la maison de Choraule, lieu secret, & consacré pasteur de Constantinople, veut faire

*Timothee  
Alexandrin,  
veult faire  
Maxime  
philosophe  
Cynique E-  
uesque de  
Constanti-  
nople.* Maxime philosophe Cynique, luy coupant ses cheueux Cyniques. Ce Maxime auoit esté disciple de Gregoire, mais depuis fut vilainement infecté de l'ordure d'Apollinaire. Toutefois ceux qui s'assemblerent en Constantinople, reprenans cest acte tant absurde, reiecterent aussi ceste consecration: Car en ceste compagnie estoient plusieurs personnages remplis de spirituelle sapience, & zele diuin, quel fut Hellade successeur de Basile le grand, Gregoire & Pierre issus de mesmes parens que Basile, Amphiloche d'Icone ville de Lycanie, Optime de Pisidie, Diodore de Cilicie, Pelage de Laodicee, Euloge d'Edesse, Acace de Berrhoé, Isidore de Cyr, Cyrille de Ierusalem, Gelase de Cesarce en Palestine, successeur d'Acace, substitué au lieu d'Eusebe de Pamphile, & autres plusieurs Euesques, braues luidteurs de vertu, illustres combatans pour la foy, qui par leur vie sainte exornoyent leur doctrine, lesquels tous execrans tel acte, se separerent des Egyptiens, & fauorisoyent à Gregoire: Car tous librement selon la coustume receue, faisoient avec luy leurs assemblees, sacrifices, solemnitez & ceremonies Ecclesiastiques. Lesquels le diuin Gregoire, ainsi qu'il estoit humain & humble, si quelcun le pouuoit estre, admonnestoit affectueusement, qu'ils gardassent concorde & paix les vns avec les autres, pour laquelle à sauoir les assemblees se faisoient, & là preferassent à l'iniure d'un homme, laquelle il falloit mespriser: Car disoit-il, m'estant deliuré de plusieurs sollicitudes, ie poursuyray ma vie en repos des long temps souhaité & désiré. Ensemble, messieurs, apres tant longue & inexpugnable guerre, vous succedera la paix requise par si grand estude & effort. Aussi à mon iugement ce seroit chose fort absurde, si n'y a gueres deliurez du danger & combat de nos ennemis, nous prenions les armes contre nous-mesmes, & iectons nos iauelots, & lancions nos dards à coup perdu ou la fortune les meneroit, & consumions toute nostre force aux combats tels qu'ils ne seruēt aucunement. Par ce moyen vraiment nous donnerions occasion à nos ennemis de s'eslouyr de nostre ruine. Parquoy si il vous plaist suyure mon conseil, ayans par bonne enqueste trouué vn personnage de diuin esprit, qui puisse satisfaire à ce siege, lequel ayant Dieu pour gouverneur de ses actions, puisse tout deuement accomplir & establir en bon ordre, donnez luy la charge & le gouvernement de ceste Eglise. A ces paroles les assistans n'ayans que respondre, cederēt voire par contraincte à Gregoire ce qu'il requeroit. Et soudain ayans despoillé de la dignité Episcopale Maxime Cynique & excommunié, le iecterent hors de l'Eglise, tant pour ce que contre tout droit & raison il auoit inuadé le siege Episcopal, que pour ce qu'il estoit agité des impudentes & desbordees opinions d'Apollinaire. Alors Gregoire ayant laissé le siege, se retirant en Nazianze son pays, comme priué, mena vie tranquille: & en ce que de son propre vouloir il quitta le throsne, il retrencha toute occasion de scandale. Aussi se peult on esbahir de ce personnage, & l'estimer tres-sage en toutes choses, mais principalement de ce qu'il ne s'est aucunement esleué en arrogance, pour l'eloquence de laquelle il estoit grandement enrichy: & ne souhaita aucunement, comme vaincu par vaine gloire, l'administration d'une Eglise si grande, laquelle toutefois par sa doctrine il auoit de rechef releuee en son amplitude, lors qu'elle estoit comme morte & abbatue: mais soudain rendit aux Euesques la charge qu'ils luy auoyent baillée, & n'allegua les labeurs qu'il auoit endurez, ou les perils ausquels il s'estoit auancé, bataillant par guerre intestine contre les heresies, ioinct qu'il n'y auoit du tout aucun ou bien peu d'empeschement qui se peust destourner, qu'il ne retint ce siege & administra l'Eglise de Constantinople, veu que ja vn autre euesque estoit déclaré pour la ville de Nazianze. Ainsi le Concile gardant les coustumes anciennes, receut de Gregoire non contrainct; ce qu'ils auoyent mis entre les mains d'iceluy, sans faire grand cas des graces diuines qui estoient en ce personnage.

*D'autres  
Euesques fa-  
uorisent à  
Gregoire.*

*Gregoire  
persuade  
d'eslire vn  
autre à sa  
place.*

*Grande mo-  
destie de  
Gregoire.*

*De la vie & meurs de Nestaire, successeur de Gregoire, & comme soudain qu'il fut baptisé, il fut pourueu de la chaire Episcopale.*

*Chap.*

*XII.*

*La faueur à  
lieu, mesme  
aux elections  
des Eues-  
ques.*



R l'Empereur & les Euesques estoient en grand soucy & deliberation, & principalement l'Empereur, les admonnestant s'informer diligemment & soigneusement à ce qu'on trouuast vn personnage de bonne vie & tres-honneste, auquel à bonne cause on peust bailler la bride & charge de l'administration de la plus grande de toutes les villes: Mais le Synode n'estoit mené de mesme affection que l'Empereur: Car chacun trauailloit pour soy, & s'efforçoit faire que quelcun de leurs amis & fami-

familiers fust pourueu de l'honneur de ce siege. Ainsi que tous les Euesques tissoient ce con- *Nectaire*  
seil, Nectaire natif de Tharse en Cilice, de la premiere noblesse, illustre pour la dignité de Sena- *preteur, Gē*  
teur, & qui pour l'humanité de ses meurs estoit admirable à tous, & lors grand personnage, *sil, non ba-*  
pour ce qu'il estoit installé en l'honneur & magistrat de Preteur, viuant en Constantinople, ainsi *ptix, est cō-*  
qu'il vouloit partir pour tirer vers son pays, s'adressa à Diodore, Euesque de Tharse, à ce qu'il *me miracu-*  
priaist pour luy & luy donnaist sa benediction, veu qu'il estoit sous son Euesché : & s'il estoit be- *llement*  
soin emportast de ses lettres avec soy. Et de bonne fortune, alors Diodore consideroit à part *esleu eues-*  
soy quel il seroit expedient eslire pour la charge susdicte. Soudain donc qu'il eust apperceu Ne- *que.*  
ctaire, ainsi qu'il entroit, il iugea en son esprit, qu'il estoit capable pour receuoir ce siege. Il rumi-  
noit en soy-mesme, & regardoit Nectaire de grande affection, voyant ses cheueux blancs &  
chenus venerables, sa face digne d'Euesque, ensemble la grande humanité de ses meurs. Et sous  
quelque autre pretexte l'ayant emmené à l'Euesque d'Antioche, le pris grandement : & le re-  
quit qu'il luy fauorisast en ceste part. L'Euesque d'Antioche souffrant en soy-mesme, comme  
en chose graue & de grande consequence, à cause que plusieurs excellens personnages auoyent  
esté designez pour ce siege, reiecta le suffrage de Diodore, & neantmoins appella Nectaire, & le  
pria vn peu demourer avec luy. Ce pendant l'Empereur commanda que les noms des esleuz  
fussent escripts en vne charte, & que chacun declarast celuy qu'il estimeroit apte pour gouver-  
ner l'esquif d'une si grande Eglise : à ce que quand iceux luy seroyent presentez en escript, luy  
fust delaissee la puissance d'en eslire l'un de tous. Ainsi les vns en choisirent aucuns, les autres  
d'autres, & les coucherent par escript ainsi que bon leur sembloit. L'Euesque d'Antioche apres  
que selon sa sentence il eust nommé en la presentation quels il voulut, au dernier lieu pour gra-  
tifier à Diodore, il escriuit Nectaire. L'Empereur ayant receu entre ses mains ceste charte, en la-  
quelle les noms des designez estoient mis par escript, lisant, est venu iusques au nom de Nectai-  
re, & là s'est arresté. Et selon sa coustume, pour pensant cest affaire plus haultement, consultoit à  
part soy, & ayant remerqué avec son doigt le nom de Nectaire, de rechef il leut les noms de  
ceux qui auoyent merité les suffrages & voix des Euesques. Et de rechef arriué au nom de Ne-  
ctaire, apres long temps auoir deliberé de ceste chose, le iugea entre tous, & par dessus tous di-  
gne de ce siege. Tous s'estonnerent de ce fait, & chacun demandoit, quel estoit ce Nectaire, quel  
son estat & doctrine, & de quel lieu il estoit issu. Et ayans congneu qu'encore il n'estoit initié,  
ils admirerent d'auantage & s'esbahirent du iugement de l'Empereur. Voire l'estime que Dio-  
dore mesme estoit ignorant de ce : car il n'est pas credible qu'il eust osé tant hardiment eslire  
celuy qui n'estoit initié. Mais estimoit à sa teste blanche, qu'il estoit ja consacré. En sorte que ie  
n'estime point que ce soit autrement aduenue, que par la pouruoyance de Dieu. L'Empereur ad-  
uertit de ce, encore que les Euesques s'opposassent à son eslection, demoura toutes fois en sa sen-  
tence. Apres donc que tous confirmerent la voix de l'Empereur, soudain Nectaire initié au ba- *Larobemy-*  
ptisme, & vestu de la robe mystique, fut par le consentement de tout le Concile déclaré Eues- *sique de*  
que de Constantinople. On estima ces choses estre aduenues en ceste sorte, Dieu vlsant du Prin *ceux qu'on*  
ce commemoien & instrument. Mais à sçauoir si ce est vray, ou autrement, ie n'en puis affermer. *baptisoit.*  
Je me persuaderay bien que si grande chose n'a point esté faite sans diuine pouruoyance, tant  
pour la non accoustumee & nouuelle maniere d'eslire & consacrer, que pour la grandeur des  
choses qui en sont suyues : Car pour ce qu'il estoit paisible, humain, & bon en toutes choses, il  
est vray semblable que Dieu par ce Concile luy a baillé charge de cest Euesché. Parquoy la cō-  
secration de Nectaire ayant eu ce commencement, fut aussi honoree d'une heureuse fin.

*Quels decrets fit le second Concile uniuersel, mettant ordre aux dioceses & dignitez Eccle-  
siastiques : & comme confirmant la foy de Nice, & exposant la sentence  
touchant le saint Esprit, en fit quelques canons.*

CHAP.

XIII.



Ar apres, tous les Euesques assemblez avec Nectaire, ordonnerent & ratifierent *Les arrests*  
le decret de la foy de Nice : condamnerent toute hereſie : &, diuisans les pro- *du concile*  
uinces, y establirent des Patriarches. Ils arresterent aussi, selon les anciens ca- *de constā-*  
nons, que les Euesques residans en leurs eglises, ne passassent legerement aux *tinople.*  
fins des autres dioceses, & sans estre appelez ne s'ingeraſſent receuoir des con- *On institue*  
secrations contre tout droit & raison : ce qui toutefois auoit esté fait, lors que *des Patriar-*  
toute l'Eglise estoit agitee de persecutions. Et que s'il aduenoit quelque chose à pouruoir, que le *chats.*  
Synode de ceste region en ordonnast & arrestast, selon qu'il verroit estre necessaire. Outre *L'Euesque*  
plus, quel Euesque de Constantinople, ainsi que l'euesque de Rome, obtiendrait le premier & *Constanti-*  
principal honneur, considéré qu'il auoit la charge de la nouuelle Rome : Car non seulement ceste *nopolitain*  
ville est ainsi nommee, & exornée d'honneurs & magistrats & d'abondance populaire : mais iouit *oblier le pri-*  
mar par des

Bbb iij

*sur les au-  
tres, par in-  
dult de l'E-  
uesque de  
Rome.*

*Maxime  
Cynique pri-  
ué de sa di-  
gnité.  
Canons Ec-  
clesiasti-  
ques.  
Supplément  
du Symbole  
de Nice.*

de mesmes loix que les Romains en Italie, de mesmes signes & meurs : en sorte que toutes choses sont à l'un & l'autre esgales, tant les recompenses des dignitez, que les droicts & hõneurs. Le concile aussi traitant de l'ordre qu'on deuoir garder aux dioceses, donna charge à Nectaire de la Thrace & de la grande cité, & à Hellade successeur de Basile en Cappadoce, tout le diocese de Pont, depuis la Bithynie iusques en Armenie : & à Gregoire Euesque de Nice, ceste mesme cité assise en Cappadoce. Il laissa aussi la prouince de Melit à Otreius. Amphiloche d'Icone, & Optime Euesque d'Antioche en Pisidie, receurent l'administration de l'Asie. L'Egypte demoura sous Timothee Alexandrin. Le gouvernement des Eglises Orientales demoura aux Euesques d'icelles, à sçauoir Laodicee à Pelage, & Tarse à Diodore. Laissans pareillement à la terre d'Antioche ses priuileges, en donnerent la charge à Meletie encore suruiuant. Ils establirent aussi sur les villes assises en Thrace & Scythie, Terence, Tomitain & Martyrie Marcianopolitain. Lesquels tous l'Empereur ayant veu, par sa sentence confirma leurs eslections. Leur gloire vraiment estoit illustre, veu qu'ils administroient les Eglises ainsi qu'il estoit de raison. Touchant Maxime, ils decreterent & qu'il ne fut Euesque, & qu'il n'en eust le nom : & que toutes choses qu'il auroit faites fussent cassées & de nulle valeur, mesme s'il auoit consacré quelque clercs. L'Empereur aussi arresta par edict & ordonnance, que l'autorité de la foy de Nice fust ferme & perpetuelle : & que toutes les Eglises, en quelque lieu qu'elles fussent esparées, fussent commises à ceux qui confesseroyent vne diuinité du Pere, & du Fils, & du saint Esprit, en la subsistence de trois personnes, de mesme honneur, & mesme gloire. Et apres auoir publié quelques canons pour l'ornement des Eglises, ils adiousterent au saint Symbole de la foy de Nice la gloire du saint Esprit, à sçauoir ces mots, semblable, & egal au Pere, & au Fils : Gregoire de Nice y inferant ce qu'y defaillloit.

*\* & Scythie, &c.] Il est escript en Sozomene, que ce diocese de Pont, depuis Bithynie iusques en Armenie, fut baillé à Hellade de Cesaree, Gregoire de Nice, & Otreie de Melit, Euesques, liu. 7. ch. 9.*

*De Cyriaque, Euesque d'Adane, & Martyrie de Cilicie, & comme les reliques de saint Paul Constantinopolitain furent r'apportees en Constantinople : ensemble de Meletie d'Antioche, & comme Flavian luy succeda : pareillement des scandales & troubles de rechef esmeuz pour le siege d'Antioche.*  
Chap. XLIII.

*Adane vil-  
le de Cili-  
cie.  
Nectaire ap-  
prend l'offi-  
ce d'Eues-  
que.*

*Martyrie  
ne peult es-  
tre persua-  
dé de rece-  
voir l'or-  
dre de pre-  
sbytre.*

*Les ossemens  
de Paul E-  
uesque de  
Constanti-  
nople &  
martyr, ap-  
portez en  
Constanti-  
nople.*

*Le temple  
de S. Paul  
en ce lieu.  
Le corps de  
Meletie ap-  
porté de Co-  
stantinople*



Es choses ainsi faites, le Concile fut accomply, & les Euesques s'en retournerent à leurs sieges. Mais Nectaire retint avec soy Cyriaque, Euesque des Adaniens, pour apprendre de luy ce qui appartient à vn Euesque sçauoir : Car il l'auoit demandé à Diodore de Tarse, pour vn brief réps. Lequel non seulement le laissa chez luy, mais aussi luy donna plusieurs Ciliciens pour sa compagnie. Entre lesquels Martyrie estoit medecin tres-expert, lequel Nectaire auoit eu en son ieune aage compaignon de ses folies & offences. Nectaire en ce temps desiroit le promouvoir

au nombre des diacres, mais Martyrie refusoit la fonction & charge de ce ministration : Car il s'affermeoit estre indigne de si grand' offre, & louoit Nectaire tesmoin de sa vie mal passée. A quoy Nectaire, qu'estimes-tu (dit-il) moy qui suis maintenant Euesque, ay-ie pas vescu plus inconsiderement que toy, lors que i'estois ieune? Je t'en fais tesmoin, toy dis-ie, qui souuent m'as esté compaignon aux mauuais plaisirs & voluptez. Alors Martyrie : mais toy, ô personnage heureux, dit-il, depuis peu de temps par le Baptisme tu as laué toute ordure & tache, & lors quant & quant tu es paruenue à la dignité Episcopale. Et nous congnoissons par les ordonnances sacrees, que l'un & l'autre à sçauoir le sacré lauacre, & la charge Episcopale, est remede & expiation des offences, en sorte que tu me sembles ne differer rien d'un petit enfant nouvellement engendré. Mais il y a ja long temps que i'ay esté purgé par le diuin lauacre, & neantmoins ay perseueré en mes plaisirs, tenant vne mesme maniere de viure qu'en ma ieunesse. Ces paroles dictes, il ne s'est soumis au ioug du sacerdoce. Duquel, voyant que ie ne pouois me taire, que ie ne louasse beaucoup la braue harangue & refus, ie l'ay quant & quant icy voulu remercier en quelque lieu de nostre histoire. Or le Concile celebré, l'Empereur ayant entendu ce qui estoit iadis aduenue à Paul, Euesque de Constantinople, à sçauoir comme, en exil il auoit esté par les Arriens suffoqué & tué, il fit transporter honorablement son corps en Constantinople, & le posa au temple, lequel Macedoine, qui luy auoit dressé embusches, auoit fait bastir. Iceluy encore de présent retient le nom de Paul, temple vraiment tres-grand & tres-excellent, & second à peu d'autres. Mais ceulx qui ignorent cest affaire, estiment que saint Paul l'Apostre soit en ce lieu inhumé. En ce mesme temps les sacrees reliques de Meletie furent apportées de Constantinople en Antioche, & assises pres Babylas le martyr. On dict que par le commandement de l'Empereur, outre la coustume des Romains, son corps fut

receu

recen par toutes les rues & voyes publiques, dedans les murailles des villes : & qu'il fut honoré avec prieres & psalmes chantez alternatiuement dedans les villes, iusques à ce qu'il arriva en Antioche. Et dit on que ce personnage fut tant désiré de tous, qu'ils firent peindre sa forme & effigie aux parois & tableaux, voire icelle engraver en leurs anneaux. Ainsi donc, & en tel honneur Melerie fut inhumé. Flauian luy fut substitué, pour la pasture de son troupeau : tenant peu de compte du iurement & sermēt duquel il se estoit lié : car Paulin viuoit encore. Qui fut cause que les troubles se remuerent de rechef en Antioche, laquelle toutefois auoit esté paisible quelque temps. Car plusieurs laisserent Flauian, & suyurent Paulin. Pour cest affaire non seulement les Antiochiens, mais les voisins Euesques des enuironns furent grandement empeschez, en sorte qu'ils n'estoyēt d'accord les vns avec les autres : Car les Egyptiens, Arabes & Cypriens estoient indignez à cause de Paulin, comme si on luy eust fait iniure, & les Syriens, Pheniciens, Palestins, & ceux qui habitēt l'Armenie, Cappadoce & Galatie, ceux aussi qui sont situez au Pont Euxin, fauorisoient la plus grande part à Flauian. Mais Damasc, Euesque de Rome, & les Euesques de l'Occident, se courrouçoient grandement contre Flauian : & adressoient des epistres à Paulin, lesquelles communément on appelle Synodales, par lesquelles ils luy attribuoient le nom d'Euesque de l'Eglise d'Antioche, & reiectoyent du tout Flauian. Et n'accusoient pas moins Diodore de Tharse, & Acace de Berrhoë, qui luy auoyent imposé les mains, lesquels aussi ils desmirent de la communion. Et à ce que plus certainement ils fussent aduertis de tout cest affaire, & eux, & Gratian leur adresserent lettres, les mandans venir de l'Orient en Occident.

en Antioche avec grand honneur. Flauian contre son serment accepte l'Euesché d'Antioche. Discord pour ceste cause. Les Euesques Occidentaux irrités à cause de l'ordination de Flauian.

*Comme Theodose assemble le second Concile, voulant reduire en paix les Eglises : & ce que Sisinie, Euesque des Nouatiens veut persuader touchant l'accord : & come Theodose condamne les heresiques en exil, voyant qu'il ne pouuoit venir au bout de ses entreprinſes.*

Chap. X V.



En ce mesme temps, lors qu'on chassoit les Arriens des sacrez temples, & qu'on mettoit les Catholiques en possession d'iceux, plusieurs grands troubles se leuerēt : Parquoy l'Empereur Theodose, peu de temps apres le precedent Concile, conuoca de rechef les port'enſeignes des heresies lors florissantes, à ce que l'un de ces deux fut fait : à ſçauoir ou qu'ils persuadassent aux autres leur opinion, ou fussent persuadez par les autres d'en suyure vne plus saine touchāt les poincts cōtrouersies, esperant que tous seroyent emmenez en vne mesme sentence, si en public auditoire les opinions querelleuses & douteuses estoient debatues par disputes. Or ils s'assemblerent tous ceste mesme annee, en laquelle l'Empereur declara son fils Arcade Auguste. Alors aussi il communiqua son conseil à Nectaire de Constantinople, touchant la celebration du Concile, l'admonestant qu'il fit que les questions desquelles iſſent toutes heresies, fussent mises en auant en publiques disputes, à ce que par ce moyen ne fust faite qu'une Eglise, & ne fust arrestee qu'une doctrine, du consentement de tous, en sorte qu'on ne recogneust qu'une religion, ainsi qu'on doit, & ne fust laſſee au reste aucune controuersie. Nectaire pour pensant à part soy en son esprit plusieurs choses, appella en conseil Agil, Euesque des Nouatiens, qui estoit de mesme sentence que luy touchant le Conſubſtantiel : lequel pour ce que d'auantage il declaroit la vertu par ſaicts & œures, & du tout s'abſtenoit de babil, & ſard de paroles, mit & designa vn autre en ſa place, dit Sisinie, excellent entre l'ordre des lecteurs, & qui peu de temps apres receut l'Euesché, à ce qu'il aduiſſt ce qui seroit à faire, & se tint prest pour disputer, s'il en eſtior beſoing. Car ce Sisinie, estoit homme fort ingenieux & inuentif, fort propre à deduire ce qu'il auoit inuenté, & non moins subtil pour chercher les ſens ſecrets & cachez des ſacrees eſcritures, & les expoſer copieusement d'une langue faconde, ensemble docte grandement en la prophane & ſacree philosophie. Iceluy à cause que pour lors il sembla parler fort raisonnablement, persuada qu'aucune dispute ne fust entreprinſe avec ceux qui opinoyent autrement, veu que de couſtume elle engendre eſtrif & noſes d'une part & d'autre : mais qu'il les falloit interroger, à ſçauoir ſ'ils admettoient ces interpretes des oracles ſacrez, qui auoyent veſcu au parauant que la diſſenſion fuſt leuee aux Eglises. Que ſ'ils reiectoyent leurs sentences, il leur aduendroit aussi, que le peuple de leur ſecte les reiecteroit. Que ſ'ils les eſtimoyēt ſuffiſans pour declarer & decider leur controuersies, on deuoit ſoudain produire leurs liures deuant tous. Ce qu'il persuada en ceste ſorte, pour ce qu'il ſçauoit certainement, que les anciens ayans trouué aux lettres ſacrees le Fils eſtre coeternel au Pere, n'auoyent oſé aucunement dire que ſa generation euſt prins commencement de quelque autre. Apres donc que ce conseil euſt eſté trouué par Nectaire, & l'Empereur, ayans aſſemblé tous ceux qui estoient appelez au Concile, ils

Sesm. li. 7. chap. 12. Nouveaux troubles pour auoir reſetē les Arriens.

Theodose fait vn autre concile, y euoquant les chefs des heresies.

Agil plus illustre en ſaincteté de vie, que subtilité de disputes.

Bon conseil de Sisinie, comment il fault proceder contre les heretiques contentieux.

## LIVRE XII. DE L'HIST. ECCLESIASTIQUE

*L'empereur  
interroge  
les hereti-  
ques quelle  
opinion ils  
ont des tes-  
moignages  
des anciens.  
Les hereti-  
ques se fient  
aux dispu-  
tes.  
L'empereur  
commande  
que chaque  
heresie luy  
presente sa  
requeste.  
Il approuve  
la requeste  
des Catho-  
liques, &  
deschire les  
autres.  
Nouvelles  
ordonances  
de Theodo-  
se contre les  
heresies, l.  
cuncti here-  
tici. cum ll.  
sequitibus,  
& l. omnes  
verita. C.  
de hereti.  
& Manic.*

l'efforcerent congnoistre premierement ce qu'ils sentoient des escrits des anciens. Et apres que tous avec clameur & admiration eurent tesmoigné l'affection & pieté qu'ils leur portoyent, l'Empereur leur declara apertement, que si ces tesmoins estoient idoines & suffisans pour confirmer la vraye doctrine, ils pourroyent facilement decider la question & debat de toutes choses, s'ils se vouloyent accorder en ce qu'ils ont senty & dit de telles controuerses. Mais pour ce qu'en ce les chefs & capitaines d'heresies ne s'accordoyent (car tous n'auoyent mesme iugement des opinions des anciens : ) l'Empereur considerant à part soy leur contenance, cōgneut qu'ils refuoyent la condition à eux proposee, pour ce qu'ils se fioient en leurs disputes. Parquoy fâché de leur mauuaise opinion, commanda que chaque heresie luy presentast sa requeste, comprenât la sentence d'un chacun. Et le iour escheu que l'Empereur auoit arresté pour cest affaire, de ceux qui confessoient la Trinité consubstantielle assisterent Nectaire & Agil : de la part des Arriens Demophile : Eunome se presenta au nom de son heresie : & Eleuse de Cyzic pour defendre la part des Macedoniens. Au reste l'Empereur ayant leu au long toutes les opinions des heresies, pris avec admiration, & iugea ceste seule estre vraye, qui presche la Trinité consubstantielle : & deschira les autres comme repugnâtes à la verité. Quant à ceux qui estoient infectez de l'heresie de Nouat il ne leur aduint aucun dommage, consideré qu'en tout ils consentoyent à l'Eglise Catholique, sinon en vne chose, & s'arrestoyent constamment au Consubstantiel. Mais les autres heresies furent fort indignez contre leurs Euesques, pour ce que trop inconsiderement ils s'estoyent presentez à l'Empereur : En sorte que plusieurs d'iceux ayas meprisé leur opinion, se retirerent à la sentence la plus louable. Depuis, l'Empereur fit vn edict, que ceux qui ne s'accordoyent à la confession de foy du Consubstantiel, ne fissent aucunes assemblees Ecclesiastiques : & n'osassent par apres enseigner de la foy, & n'eussent aucune puissance d'eslire, ou consacrer quelqu'un. Il ordonna aussi que partie d'iceux fust chassée des champs & villes, autres suspens des priuileges & commoditez de la bourgeoisie, & n'eussent rien commun avec les autres citoyens. Outre ces ordonnances, il arresta plusieurs griefues peines cōtre ceux qu'il congnoistroit contreuenir à ses decrets & edicts. Mais il ne les mit en execution : car il vouloit seulement intimider ceux qui fauorisoient aux heresies. Il auoit en grande recommandation, que les subiects de son Empire eussent mesme foy & opinion de Dieu que luy. Parquoy il a grandement honoré ceux qu'il congnoissoit s'estre retirez des heretiques à l'Eglise vniuerselle. Or ce pendant que de rechef, comme est dit, sous l'Empereur Theodose le concile se faisoit en Constantinople, lettres sont venues de l'Occident, par lesquelles estoit mandé aux Euesques d'Orient, qu'ils vinssent aussi à Rome au Cōcile general, auquel on decideroit des affaires des Antiochiens, entre Paulin & Flavian : Mais les Euesques congregez en Constantinople, refuserent s'acheminer à Rome, iugeans que ce voyage leur seroit incommode. Et leurs escriuerent vne epistre, en laquelle ils exposerent la tresgrande tempeste, leuee en l'Eglise par les heretiques : & noterent aucunement leur negligence & peu de sollicitude, & sommairement y insererent la sentence Apostolique. Mais leurs propres lettres declareront d'auantage leur courage viril, & leur vraye sapience, lesquelles furent couchees en ceste sorte :

*Epistre du Concile de Constantinople, aux Euesques Occidentaux.*

Chap. . . . . X V I.

*Les Catho-  
liques ont  
esté en Orien  
griefuement  
affligés par  
les Arriens.*



Nos reuerendissimes seigneurs, & compaignons grandement craignās „  
Dieu, Damase, Ambroise, Briton, Valerian, Alcholi, Anemius & autres „  
saincts Euesques Catholiques & bien sentans de la foy, congregez en la „  
grande ville de Constantinople, salut en nostre Seigneur. Par aduenture „  
que c'est chose superflue enseigner vostre pieté cōme ignare, & raconter „  
la multitude des tribulations qu'auons receues de l'insupportable tyrā- „  
nie & domination des Arriens : Car nous n'estimons pas que vostre pieté „  
iugeast nos affaires si peu luy appartenir, quelle d'eust estre aduertie, de „  
ce dont il luy falloit condoloir avec nous. Vrayement aussi les tempestes „  
& afflictions que nous auons endurees, ne sont point telles que pour leur petitesse elles ayent peu „  
estre celes. Voire le temps encore proche des persecutions, conserue vne recente memoire, non „  
à ceux seulement qui sont affliges, mais à ceux qui par charité reputēt les miseres des affliges „  
estre leurs propres calamitez. Car hier encore, s'il fault ainsi parler, & de nouveau aucuns absoulz „  
des liés d'exil cōme vñs du droit par lequel on peut retraire & recouurer ce qui estoit sié l'ayāt „  
perdu, apres afflictions innumerables sont reuenus en leurs Eglises. On a aussi de quelques vñs „  
trespassez en exil r'apporté recentemente les reliques D'autres, apres leur retour, tombez entre „  
la fureur encore embrasée des heretiques, ont enduré voire pires maux en leurs maisons, qu'ils „  
n'auoyent receus aux loingtrains & estranges pays. Car d'iceux les vñs ont esté accablez de pier- „  
res iusques à la mort, suyuant en ce martyre la trace de Saint Estienne : d'autres ont esté „  
deten-



„ detrenchez de foyers & escourgees, en sorte qu'encore de present ils en portent en leurs corps  
 „ les merques, cicatrices & enseignes pour Iesus-Christ. Qui pourroit racompter les impositions, *Action de*  
 „ exactions d'argent, pilleries des villes, confiscations des meubles domestiques, les embusches *graces aux*  
 „ dressees, les contumelies & prisons qu'ils ont enduré? A la verité les afflictions se sont sur nous *tribulations.*  
 „ d'avantage multipliees, que ne pouuions porter, ce que par aduenture nous est aduenü, pour le  
 „ paiement de nos offenses: ou que le bon Dieu, pour l'ardent amour qu'il porte aux personnes *Difficulté*  
 „ nous a voulu exercer par tant de maux. Pour ce regard nous rendons actiõs de graces à Dieu *de remettre*  
 „ lequel par tant & si grandes afflictions à chastité ses seruiteurs, & de rechef selon la multitude de *les eglises*  
 „ ses miserations nous à retiré de nos maux & donné quelque refraichissement. Quant à nous, il *catholi-*  
 „ seroit besoing de temps long & grand loisir, pour pouuoir remettre les Eglises à leur entier, à ce *ques.*  
 „ qu'ainsi qu'apres longue maladie, petit à petit confirmât le corps de l'Eglise en sa nature, nous *Les hereti-*  
 „ le rendissions à sa premiere santé & conualescence. Car encore qu'il semble que nous soyons *ques sont*  
 „ deliurez d'une grande partie des iniures & persecutiõs, & qu'ayons de nouveau recouuert nos *lousps.*  
 „ Eglises par trop long téps cy deuant retenues par les heretiques: toutefois ne sommes eschapez *Les Eues-*  
 „ des lousps cruels & acharnez, qui de rechef nous accueillēt, lesquels chassēz des bergeries, escu- *ques Orien-*  
 „ ment leur rage par les bocages & forests, là robans nos troupeaux, faisans assemblees contre *taux eno-*  
 „ nous, excitans des seditions populaires: en sorte qu'ils ne laissent rien qu'ils n'essayent, pour fai- *que? à Ro-*  
 „ re tourner toutes choses au preiudice & dommage de nos Eglises. Parquoy comme nous auons *me par les*  
 „ dir, il nous seroit requis & plus de temps, & d'avantage de loisir, pour remettre tout en nature. *lettres de*  
 „ Vrayement d'autant que vous, en nous euoquant ainli que vos propres membres, & appellant *l'Empereur*  
 „ au Concile indiēt & arresté à Rome par les lettres de l'Empereur tref-aymant Dieu, vous cõ- *Gratian.*  
 „ seruez vostre pieté fraternelle enuers nous, & donnez suffisant tesmoignage de vostre dilectiõ, *Excusation*  
 „ afin qu'apres que les calamitez nous ont seuls enuironnez & tourmentez, vous aussi ne regnez *legitimes des*  
 „ par cy apres sans nous, en l'accord & commun consentement de la vraye pieté, que maintiennent *Euesques*  
 „ avec vous les Empereurs: mais que nous regnions ensemble avec vous, ainli que dit la voix A- *d'Orient tou-*  
 „ postolique: pour ceste cause nous estions deliberez, si possible eust esté, tous ensemble nos E- *chant ce*  
 „ glises abandonnees, satisfaire soit à vostre desir, soit à ce qui vous seroit duisant & profitable: tāt *qu'ils ne*  
 „ nous estions affectez à vous gratifier. Car qui nous baillera des ailes ainli qu'aux colombes, à ce *peuvent al-*  
 „ que nous volions, & puissions venir iusques à vous? Mais pour ce que nostre voyage vers *ler à Rome.*  
 „ vous, pour plusieurs causes nous à semblé impossible. Car nous nous sommes assemblez à Con- *ils enuoyēt*  
 „ stantinople, pour aduiser sur les lettres dernieres, lesquelles vostre reuerence, apres le Concile *des manda-*  
 „ d'Aquilee, a enuoyees à l'Empereur Theodose, tref-aymāt Dieu: & pour lors n'estiõs instruits *taires à Ro-*  
 „ & aduertis que du voyage de Constantinople où nous receusmes le commun consentemēt des *me.*  
 „ Euesques qui estoient demourez en leurs prouinces, touchant ce seul Concile. Et n'auons at- *La vraye*  
 „ tendu qu'il fust necessaire de plus grand entreprinse, & plus long chemin: & n'auons du tout *Theologie.*  
 „ ouy parler d'aucune chose, auant que nous fussions assemblez en Constantinople. Outre plus,  
 „ le temps que nous auez borné & arresté, est si estroict, que n'auons aucune espace de nous ap-  
 „ prester pour faire plus long voyage: & ne pouuons faire certains de nostre departement tous  
 „ les Euesques respandus par les prouinces, qui suyuent nostre communion, ne recevoir d'iceux  
 „ leur consentement. Outre ces causes, voyans & que les troubles, & grand nombre d'autres grā  
 „ des affaires, empeschoyent plusieurs de pouuoir venir avec nous: pour ce qui restoit de faire,  
 „ nous auons iugé estre bon, tant pour la correctiõ de plusieurs choses, que pour declarer nostre  
 „ charité enuers vous, supplier nos reuerendissimes & tref-honorables freres & compaignõs  
 „ Cyriac, Eusebe & Priscian Euesques, d'entreprēdre d'alaigne courage ce labeur d'aller vers vous  
 „ à Rome: par lesquels nous montrons nostre volonté & sentence estre pacifique, & ne rendre  
 „ qu'au conseil, & fin d'union & conionction avec vous: ensemble, pour manifestement descou-  
 „ urir nostre ardeur, & tesmoingner l'affection que nous portons à la plus saine foy. Car nonob-  
 „ stant que nous ayons enduré des persecutions, afflictions des menaces des Empereurs, la cruau-  
 „ té des magistrats, ou quelque autre tentatiõ & d'anger des heretiques: toutefois nous auons le  
 „ tout porté patiemēt tāt qu'il nous a esté possible, pour maintenir l'Euangelique foy de Nice,  
 „ en Bithynie, confirmée par trois cens dix-huit Peres Aussi fault-il qu'icelle soit receue, & de  
 „ vous & de nous, & de tous autres qui ne renuerfent la parole de vraye foy, cõsideré qu'elle est  
 „ tref-ancienne, & conforme au Baptēme, nous enseignant croire au nom du Pere, & du Fils, &  
 „ du S. Esprit: à sçauoir à ce qu'on croye vne diuinité & puissance du Pere, & du Fils, & du S. E-  
 „ sprit, & vne meisme dignité d'honneur, & vn royaume coeternel en trois parfaites subsistēces,  
 „ ou trois parfaites personnes: en sorte que la Sabellique contagion, par laquelle les subsistēces  
 „ sont confuses, & les proprietēz retrenchees, n'ait aucun lieu: & à ce que le blaspheme & mal-  
 „ disance des Eunomiēs, Ariens & Pneumatomachiens, ne sauance & face vouloir, quant à diui-  
 „ ser la substāce ou nature, ou diuinité, & attribuer à l'increée, coeternelle & cõsubstantielle Tri-  
 „ nité, ou aucune des personnes d'icelles vne nature créée ou substantielle qui soit depuis l'estre  
 „ des autres. Nous ne consentons aussi aucunement à l'erreur touchant l'incarnation de nostre  
 „ Seigneur, croyans qu'il n'ait eu ou vne ame, ou esprit, ou estimans qu'il ait prins nostre chair


imparfaite: Sçachans pour certain, que le Verbe a esté deuant les siècles Dieu parfait, & qu'aux derniers iours pour nostre salut il a esté homme parfait. En somme telle est nostre foy, laquelle constamment nous preschons & publions, de laquelle aussi receurez plus grande consolation en vos cœurs, si ne vous est grief lire le liure du decret fait à l'assemblée d'Antioche, & dernièrement publié par tout le Concile general celebré à Constantinople. Auquel nous auons plus à plain fait professiō de nostre foy, & mis par escrit les heresies leuees de nouuelletez qui ont par nous esté condānees & excomuniées. Quāt aux administratiōs des Eglises, vous sçauiez l'ancienne sanctiō & ordōnance des saints Peres cōgregez à Nice, à sçauoir qu'en chascun vne prouince, l'Euesque du lieu, & avec eux, s'ils veulent, les voisins feront les elections & consecrations selon l'usage commun. Suuant ce decret, sçachez & qu'aucunes Eglises de par deçà sont ordonnées & administrées, & qu'aux autres plus celebres nous auons par election pourueu d'Euesques. Parquoy au Concile general, par le commun consentement de tous, en la presence de Empereur Theodose, tres-aymant Dieu, avec les suffrages de tout le Clergé & toute la ville, auons esleu le reuerendissime & bien aymé de Dieu, Nectaire, Euesque de l'Eglise de Constantinople, comme de nouveau fondée: laquelle depuis n'aguere par la misericorde de Dieu nous auons deliuree des blasphemés & maldiscances des heretiques, ainsi que si l'eussions retirée de la gueule du Lyon. Pareillement les euesques du diocèse Oriental assemblez, ont canoniquement & legitiment créé le reuerendissime & tres-aymant Dieu, Flavian, Euesque de la tres-ancienne & Apostolique eglise d'Antioche, en Syrie, en laquelle premiere commença le nom venerable des Chrestiens: ce qu'ils ont fait par le consentemēt de toute l'Eglise, laquelle d'une pareille & commune voix à tant honoré ce personnage. Ceste election la communauté du Concile a approuuée, comme ordinaire & legitime. Nous sommes d'abondant assurez qu'en l'Eglise de Ierusalem, mere de toutes les autres, le reuerendissime & bien aymé de Dieu Cyrille a esté y a long temps Euesque esleu par les prouinciaux euesques, & qu'iceluy vrayement a beaucoup combattu en plusieurs lieux cōtre les Arriens. Lesquelles choses, veu que legitiment & canoniquement elles ont esté faites par deçà, nous requerōs que vostre pieté ioyeusement & fauorablement y acquiesce, à sçauoir en reietter par charité spirituelle, & crainte de Dieu, toute faueur des hommes, & l'affection & inclination enuers les singulieres personnes, & en preferāt l'edification des eglises, & commodité d'icelles, à l'amitié & grace particuliere des homes. Car la parole de foy estant reduite en tel accord & consentement, la charité aussi Chrestienne confermee, nous n'y surperons point entre nous ce qui est condanné par les Apostres: Je suis de Paul, & ie suis d'Apollon, & ie suis de Cephas. Mais quād il sera manifeste que nous tous soyōs à Iesus-Christ, lequel n'est point diuisé entre nous, Dieu aydant nous conseruerons le corps de l'Eglise entier & indiuis, & nous presenterons avec assurance & liberté deuant le throne du seigneur Dieu. Ces choses furent en ceste sorte escrites contre Arius, Arius, Eunome, & contre la rage & folie de Sabellius, Photin, Marcel, Paul de Samosat & Macedoine. Par mesme moyē ils condannèrent manifestement les nouuelletez d'Apollinaire, disans ces mots: Nous ne retenons aucunement la peruerse opinion de l'incarnatiō de nostre Seigneur, & ne croyōs ou qu'il n'ait point d'ame, ou d'esprit, ou qu'il ait receu l'administration imparfaite de sa chair.

*L'epistre synodale de Damase, Euesque de Rome, escrite contre Apollinaire & Timothee.*  
Chap. X V I I.

*Ce que Damase, Euesque de Rome, rescrivit aux Orientaux.*

*Timothee, disciple de Apollinaire, condanné avec sa doctrine.*

*Loiange de la foy de Nice.*



R Damase, homme tres-celebre, apres auoir congneu que ces heresies s'estoyent leuees, exautorisa & de rechef chassa & excommunia non seulement Apollinaire, mais aussi Timothee son sectateur: Ce qu'il signifia aux Euesques Orientaux par vne epistre, laquelle i'ay iugé pouuoir estre profitable, si nous l'inserions à nostre histoire. La reueur d'icelle est telle: De ce que vostre charité rend l'obseruance deuē au siege Apostolique, mes reuerendissimes enfans, en ce vous faites beaucoup pour vous, & honnorez grandement l'Eglise, en laquelle le saint Apostre assis, a cy deuant enseigné par quel moyen il estoit expedient regir & maintenir ce gouuernement, que nous auons receu. Et vrayement selon nostre iugemēt, nous ne sommes pas dignes de si grād hōneur: toutefois pour ceste cause du mieulx qu'il nous est possible, nous mettons peine que puissions approcher en quelque façon, de la gloire de sa beatitude. Sçachez donc que nous auons degradé, condanné & reprouuē Timothee dès long tēps meschāt, & prophane disciple d'Apollinaire, heretique, ensemble sa peruerse doctrine, en sorte que ne croyōs aucunement que les reliques d'iceluy puissent par cy apres auoir force tant petite qui soit. Que si ce serpent antique, lequel est hors de l'Eglise, ayāt esté vne & deux fois assommé, ose pour accroistre sa peine, reuiure, & ne cesse de chercher les moyēs de mettre sous le pied quelques infideles & les empoisonner, fuyez le ainsi qu'une presente peste. Ensemble ayans fresche memoire & souuenance de la foy Apostolique, & principalement de celle qui fut redigee en escrit à Nice

Nice par les Peres, soyez arrestez de pied coy en la ferme foy, y perseuerans inuiolablement & constamment. Ne permettez aussi d'oresnauant que vos clerics ou personnes laïques prestēt l'oreille aux vaines disputes & questions defendues: Car nous en auons ia proposē ceste forme & reigle, que quiconque se recongnoistra Chrestien, il garde ce qui nous a esté laissé par les Apostres: ce qui est exprez aux paroles de S. Paul, disant: Si quelqu'un vous euangelise contre ce que vous auez receu, qu'il soit maudict. Car Iesus-Christ Fils de Dieu, nostre Seigneur, a par sa passion conseruē à l'humaine nature tref-entier salut, à ce qu'il rachepst tout hōme subiect aux iniquitez, & le deliurast de tout peché. Que si quelqu'un dit ou qu'en l'humanité, ou en la diuinité il ait eu quelque default, ainsi qu'il se monstre plein d'esprit diabolique, il se declare aussi enfant de gehenne. Pourquoy me demandez vous donc de chef la condamnation de Timothee? Considerē, qu'icy par le iugement du siege Apostolique, voire en la presence de Pierre, Euesque de la ville d'Alexandrie, il a esté reprouuē avec son maistre Apollinaire. Lequel aussi au iour du iugement endurera les peines & tourments deuz à son impieté. Que si par la persuasīō comme ayant quelque esperance de se maintenir, il emmene à son opinion quelques hommes volages, qu'ils sçachent que quiconque aura changé la vraye esperance qui est en Iesus-Christ, & au lieu d'icelle prins la profelsion d'Apollinaire, il perira ainsi que son maistre, veu qu'il resiste à la reigle de l'Eglise. Dieu vous garde en santé mestref-reuerends enfans.

*Refutation  
de l'heresie  
d'Apollinaire.*

*Autre edict synodal de Damase, contre plusieurs heresies. Chap. X V I I I.*



Eux aussi qui estoient assemblez en la grande ville de Rome escriuirēt autres plusieurs articles contre diuerses heresies: Parquoy i'ay iugē estre bon les inserer à nostre œuvre. Et premierement Damase, Pape, enuoya à Paulin, euesque de Macedoine, qui aussi auoit gouuernē l'Eglise de Thessalonique, la confession de la foy vniuerselle, en laquelle entre autres choses il raconta ce qu'il s'enfuit: Pour ce que depuis ce concile de Nice s'est leuē cest erreur, que quelqu'un a osē dire & prononcer de sa bouche infecte, que le saint Esprit est engendré par le Fils, nous excommunions tous ceux qui ne preschēt avec toute liberté, le S. Esprit estre ensemble avec le Pere & le Fils, d'une mesme substance & puissance. Nous anathematisons pareillement les sectateurs de l'erreur de Sabellins, qui dit que le Pere est le Fils. Nous anathematisons Arrius & Eunomius, lesquels nonobstāt qu'en diuerses paroles, de pareille impieté, toutesfoies assurent que le Fils & le S. Esprit n'est qu'un. Item nous excommunions les Macedoniēs, surgeons de la racine d'Arrius, lesquels ont seulement changé de nom, & non d'impieté. Item nous anathematisons Photin, lequel renouellant l'heresie d'Ebion, dit que nostre seigneur Iesus-Christ est seulement de la vierge Marie. Item nous reprouuons ceux qui afferment qu'il y a deux Fils, l'un deuant les siecles: l'autre depuis auoir prins chair de la tousiours vierge Marie. Outre plus, nous communions ceux qui debatenent que le Verbe de Dieu n'a esté en la chair humaine, au lieu de l'ame raisonnable: Car le Verbe de Dieu n'a esté en son propre corps cōme tenant la place de l'ame raisonnable & intellectuelle: mais il a prins & gardé sans peché nostre ame, c'est à dire l'ame raisonnable & intellectuelle. Nous n'excommunions pas moins ceux qui disent que le Verbe de Dieu est segregé du Pere par extension & contraction, & qu'il ne peult subsister: ou qui blasphemēt disans qu'il finera quelque fois. Et quant à ceux qui passent d'une Eglise à autre, nous arrestons qu'ils soyent suspens de la cōmunion, iusques à ce qu'il retournent aux villes esquelles premierement ils ont esté esleuz. Que s'il aduient, que delaisant quelque un son lieu pour se transporter à un autre, quelque autre soit subrogé par election à la place d'iceluy encore viuāt: celuy qui aura delaisné la ville, sera priuē de dignité Episcopale, iusques à ce que son successeur soit trespasné en nostre Seigneur. Si quelqu'un dit que le Pere n'est tousiours, & que le Fils, & le S. Esprit n'est tousiours, qu'il soit maudict. Si quelqu'un ne dit que le Fils soit engendré du Pere, c'est à dire de la diuine substance d'iceluy, qu'il soit maudict. Si quelqu'un ne dit que le fils de Dieu soit vray Dieu, ainsi que son Pere est vray Dieu, & qu'il peult toutes choses, & congnoit toutes choses, & est semblable au Pere, qu'il soit maudict. Si quelqu'un dit que quand le Fils de Dieu a esté en terre viuant en sa chair, il n'ait esté aux cieus & avec le Pere, qu'il soit maudict. Si quelqu'un dit que le Fils de Dieu, & Dieu le Verbe en la passion de la croix a enduré douleur en sa diuinité, & non en sa chair ensemble avec l'ame, laquelle (ainsi que dit la sainte escriture) il a vestue en la forme qu'il a prinse de seruiteur, qu'il soit maudict. Si quelqu'un ne dit que le Verbe de Dieu ait enduré en sa chair, & ait esté mis en croix en sa chair, & qu'il ait en sa chair gousté la mort, estant fait le premier nay des morts, ainsi qu'il est la vie, & celuy qui viuifie, à sçauoir Dieu, qu'il soit maudict. Si quelqu'un ne dit que le Verbe de Dieu soit assis à la dextre du Pere, en la chair qu'il a prins, en laquelle aussi il viendra iuger les viuans & les morts, qu'il soit maudict. Si quelqu'un ne dit que le saint Esprit vrayement & proprement soit du Pere, ainsi que le Fils, & qu'iceluy Verbe de Dieu soit vray Dieu, de la diuine

*Confession de  
la foy Catholique de  
Damase, Pape,  
à Paulin  
Euesque.*

*Contre les  
Euesques  
qui laissent  
leur Euesque  
pour en  
prendre un  
autre.*

## LIVRE XII. DE L'HIST. ECCLESIASTIQUE

substance, qu'il soit maudit. Si quelqu'un dit ou que le S. Esprit soit creature, ou engendré par le Fils, qu'il soit maudit. Si quelqu'un ne confesse que le Pere n'ait créé par le Fils depuis incarné, & par le saint Esprit toutes choses, à sçavoir visibles & invisibles, qu'il soit maudit. Si quelqu'un ne confesse vne Dité du Pere, & du Fils, & du saint Esprit, vne mesme puissance, vne gloire, vne propriété, vn royaume, vne volonté & verité, qu'il soit maudit. Si quelqu'un dit qu'il y a trois vrayes personnes, à sçavoir le Pere, le Fils & le S. Esprit, egaux, tousiours viuans, contenant toutes choses visibles & invisibles, tout-puissans, iugeans toutes choses, viuifiâs toutes choses, creans toutes choses, conseruans toutes choses, qu'il soit maudit. Si quelqu'un ne confesse que le S. Esprit doit estre adoré de toute creature, ainsi que le Fils & le Pere, qu'il soit maudit. Si quelqu'un sent bien du Pere & du Fils, & erre touchant le saint Esprit, il est heretique: Car il est manifeste que tous heretiques qui sentent mal du Fils de Dieu, & du S. Esprit, ils sont ioincts à l'infidelité des Iuifs & Ethniques. Si quelqu'un diuise la diuinité, disant Dieu le Pere, Dieu le Fils & Dieu le saint Esprit, chacun à part, & debate qu'il faille dire .iij. trois Dieux, & non vn Dieu, pour vne diuinité en trois subsistences, & vne puissance, laquelle nous sçauons & croyons du Pere, & du Fils, & du saint Esprit: ou en contraire en retirant le Fils & le S. Esprit estime que le seul Pere doit estre appelé Dieu, ou qu'on ne doit croire autre Dieu que le Pere, qu'il soit maudit. Car le nom des Dieux est imposé & donné de Dieu par grace aux Anges, & à tous les saints: mais le nom de nostre Dieu, & non des Dieux, est signifié & déclaré, du Pere, du Fils & du saint Esprit, à cause d'une seule & egale diuinité des trois personnes: à ce que nous croyons que nous sommes seulement baptizez au Pere, au Fils & au saint Esprit, & non aux noms des Archanges, ou Anges, comme les heretiques, Iuifs, ou Ethniques incensez. Cestuy donc est le Salut des Chrestiens, que estans arrestez en la foy de la Trinité, du Pere, du Fils & du saint Esprit, & baptizez en icelle, à sçavoir vne seule Deité, puissance, diuinité & substance, nous croyons en iceluy Dieu.

∴. Aucuns  
exemplai-  
res ont ce  
mot Trois.

*De la rebellion de Maxime, & comme Iustine, mere de Valentinian, donna beaucoup d'affaires à Ambroise, Euesque de Milan, dont le peuple pour sa faueur esmeut sedition: & de Basile secretaire.*

Chap. X I X.

*Guerre de  
Allemai-  
gne.  
Maxime, ty-  
ran, yssu de  
Bretaigne.*



Es choses furent faites Gratian encore suruiuant. Or ainsi que les Conciles, desquels nous auons parlé, se celebroyent, & Gratian estoit empêché en la guerre d'Allemaigne, vn tyran, dit Maxime, natif des parties de Bretaigne, s'auança pour exciter des troubles. Et pour ce qu'il auoit destiné en son esprit enuahir & renger sous sa main tout l'Empire des Romains, il assaillit premierement Valentinian, qui pour lors encore ieune demouroit en Italie: la charge de l'Empire & l'administration des affaires commise à Probus, lequel estoit pourueu de puissance Consulaire.

*Iustine Ar-  
rienne don-  
ne beaucoup  
d'affaires à  
S. Am-  
broise.  
Elle veut  
auancer la  
foy d'Ari-  
min.*

*S. Ambroi-  
se luy resi-  
ste, & re-  
monstre au  
ieune Em-  
pereur.  
S. Ambroi-  
se est appre-  
hendé en  
l'Eglise.*

*Le peuple le  
defend.*

En ce temps Iustine, femme du grand Valentinian, & mere du plus ieune des long temps infectée de l'ordure Arrienne, pour ce qu'au parauant, son mary encore viuant, elle n'auoit osé descouurir aucunement sa pensee, ou affliger ceux qui faisoient profession de la foy du Consubstantial, se fiant à l'aage ieune & tendre de son fils, donna beaucoup d'affaires au grand Ambroise, duquel cy dessus est faite mention: Car arriuee à Milan troubla grandement les Eglises, s'efforçât contre la vraye doctrine introduire plusieurs nouuelletez. Elle chercha tous moyens de faire que la foy d'Arimin eust lieu: & se confiant aux allichemens & doulces amorces de nature, elle bailla premierement l'hamesson à son fils pour l'aualler sans sauouer, estant encore tendre d'aage, auquel il ne pouuoit encorer discerner le bien d'avec le mal. Et iugeant qu'elle pourroit facilement venir à bout de ses entreprinse, si elle gaignoit saint Ambroise, elle s'est parforcee le reduire sous sa puissance. Mais voyant qu'iceluy encore d'auantage enseignoit le contraire, & admonnestoit qu'elle desistast de son entreprinse, & remonstroît à son fils qu'il entretint & gardast ensemble non moins la paternelle religion, quel'hoirie, toute saine & entiere, luy proposant la difference des opinions, à sçavoir que la sentence que sa mere auancoit, repugnoit du tout contre la doctrine de Iesus-Christ, & predication des Apostres: Iustine portant ce indignement, s'aduisa de circunuenir cest enfant de ruze & finesse. Ainsi donc comme si elle eust receu quelque iniure, elle accusa à l'Empereur son fils, cest Euesque; & requit que punition en fust faite. Parquoy l'enfant croyant à ces calomnies, enuoya vne compagnie de gens d'armes, & soudain l'Eglise fut enuironnée de troupes de soldats garnis de boucliers: lesquels entrez par force à la foule dedans le lieu saint, soudain empoignerent S. Ambroise, le traînerent & le vouloyent chasser en exil: Mais la multitude de la ville se renga à l'entour de luy, deliberee plustost de mourir, que d'endurer que son Euesque fust si vilainement traité. Dequoy Iustine d'auantage courroucée, s'efforçoit consermer son decret par edict: Parquoy elle appella Beneuole,

Beneuole, l'un des secretaires de la chambre des requestes & ordonnances, & bouyllonnant de fureur, soudain commada qu'un edict fust fait, par lequel il fust enjoinct que toutes Eglises acquiescassent aux decrets d'Arimin. Ce que luy, ayant refusé faire, d'autant qu'il estoit studieux de la foy du Consubstantiel, allichant avec amorse ce personnage, elle luy promit plus grands honneurs & dignitez qu'il n'auoit, moyennant qu'il fist ce qu'elle luy commandoit. Toutesfois elle ne peut par ses ruses luy persuader son intention: Car tant s'en fallut que ces promesses luy fissent changer de propos, qu'ayant desceinct sa ceinture, il se jeta aux pieds de la Princesse, restant en foy qu'il ne deuoit retenir ne celle dignité de laquelle il iouissoit, ne se laisser gagner pour plus illustre honneur, comme recompense d'impieté. Neantmoins Iustine le sollicitoit de plus en plus, mais au contraire Beneuole asseuroit qu'il ne changeroit aucunement de sentence: en sorte qu'elle fut contraincte appeler autres greffiers, avec lesquels elle composa son edict. Par iceluy donc elle ordonnoit que libremēt & en assurance ceux fissent leurs assemblees, qui suiuoyent l'opinion des Euesques d'Arimin, & ce qu'iceux mesmes auoyent de rechef arresté congregez en Constantinople. Que si aucuns estoient d'opinion contraire, & leur resistoyent, ou oloyent requerir autre chose que ne commandoit ceste nouuelle constitution Imperiale, elle arresta qu'ils fussent punis de mort.

*Beneuole se cretaire Imperial ne veut signer une loy pernicieuse à l'Eglise.*

\* Soudain l'Eglise, &c. ] *Theodoret, liure 5. chap. 13. insere à la narration de ceste histoire un propos excellent, que tenoit saint Ambroise à Valentinien le ieune. Alors, dit-il, le ieune enfant courroucé commanda que saint Ambroise soudainement & publiquement sortit hors du temple. A quoy il fit response, que volontiers il n'obeyroit à ce commandement: car ie ne liureray point, disoit-il, la bergerie & parc de mes brebis, & ne trahiray le temple de Dieu, pour estre remply de blasphemies. Que si tu me veux mettre à mort, de gaigne contre moy l'espee, & me lance la pointe dedans l'Eglise: i'endureray patiemment ceste sorte de mort.*

*Comme Gratian par tromperie fut tué par Andragath: & comme Valentinien le ieune craignant le Tyran Maxime s'enfuit en Illyrie.* CHAP. XX.



E pendant que la mere de l'Empereur estoit sur ces poincts, & partous moyens s'efforçoit faire garder ceste ordonnance, le brui & vint soudain, que Gratian, Empereur, auoit esté tué par la tromperie d'Andragath chef de la cōpagnie de Maxime le Tyran: Car cest Andragath se faisoit porter secrettement en un chariot du tout semblable à celui de l'Empereur, lequel des mules trainoyent. Or il auoit comandé qu'on eust à dire aux Capitaines de la garde Imperiale, que l'espouse de Gratian approchoit, à sçauoir à fin qu'avec appareil magnifique l'Empereur allast au deuant pour luy faire honneur. Ce qu'ayant Gratian entendu, tant pource que depuis peu de tēps il l'auoit espousée, qu'à cause qu'elle estoit ieune, & l'aimoit d'intime amour, espris de desir & affection de la veoir, assez inconsiderément passa le fleuve en la ville de Lyon, & ainsi comme s'il eust esté aueugle, se mit entre les mains de ses ennemys. Car Andragath sautant incontinent de sa liectière le print & se faist de Gratian, & peu de temps apres le tua, d'autant qu'il estoit braue combatant & ordinairement victorieux. Ainsi celui qui assez iustement & modérément auoit administré ses villes, & augmenté l'opinion de la foy de son pere, mourut sans enfans, aagé de vingt quatre ans: apres auoir commandé quinze ans avec Theodose, & seul l'espace d'un an & six mois. Ce meurtre annoncé & certifié à Iustine, elle relascha sa colere cōtre saint Ambroise. Or Maxime conduisoit vne grosse & forte armee de Bretons, & des Gaulois, leurs voisins, & des Celtes, & autres habitans es enuiros de leurs pays, & menoit toutes ses troupes en Italie, esperant ranger sous sa puissance l'Empire de Valentinien, considéré qu'il estoit encore ieune. Ausurplus il menoit ses compagnies sous ce pretexte, à sçauoir comme voulant empescher qu'aucune chose ne fust innouee contre les coustumes & traditions des Peres, & que rien ne fust chagē par nouuelletez: & à ce qu'il mist ordre à l'Eglise & la gardast: Car il n'estoit ignorāt de ce que par Iustine estoit aduenū à S. Ambroise. Toutesfois à la verité il taschoit par tous moyēs, & tout son but estoit de destourner de soy l'opiniō de tyrānie, & faire sembler que non tant par armes, que par loix il eust conquesté l'Empire des Romains. Parquoy par lettres qu'il adressa à Valētinien, signifia qu'il auoit esté eleu Empereur: Ensemble l'admonesta qu'il cessast faire guerre cōtre la vraye pietē, & contregardast sa religiō paternelle entiere & sainte, adioustāt des menasses, s'il ne vouloit obeyr à ses lettres. Et certainemēt il approuua son dire par effect: Car il marcha avec son armee droit vers Milā, où seiournoit l'Empereur. Mais Valētinien aduertī de l'exploict & aduenemēt de ce Tyrā, à ce qu'il ne luy fust fait quelque iniure & & violēce, s'enfuit en Illyrie. Et de là vint en Thessalonique, enseigné par experience quel fruit il receuoit d'auoir suīy le cōseil de sa mere. Iustine, & Probas lieutenant se retirerēt en ce lieu avec luy. Valētinien aussi fut cōtraint par la necessitē des temps, que malgré & par force il admit & receut les enseignes Imperiaux de Maxime, duquel les embassades estoient venuz vers luy.

*Meurtre misérable commis par Andragath, capitaine du Tyran Maxime, à la personne de l'Empereur Gratian.*

*Maxime pour exercer tyrānie se courrouce du meurtre de la religion. Maxime adressa ses lettres à Valētinien le ieune. Valētinien s'enfuit. Maxime s'empare de l'Empire.*

*Comme Theodose sans combat & effusion de sang vainquit le tyran Maxime, & du bruit semé par les Arriens contre Theodose : & de Symmache philosophe, comme Theodose luy pardonna.*

CHAP. XXI.

*Theodose se  
cognoit que  
ces afflictions  
aduennent  
à l'Empe-  
reur à cause  
qu'il a per-  
secuté les ca-  
tholiques.*



Le treslouable Empereur Theodose ayant veu les iniures & violences lesquelles pour auancer des nouuelletez auoyent esté entreprises & commises contre saint Ambroise: estant aussi aduertý de l'embassade que le tyran auoit adressée à Valentinien, & des lettres qu'il auoit escriptes à l'Empereur fugitif, qui estoit en bas aage, iugea qu'on ne se deuoit esbahir si l'Empereur estoit en si grande crainte, & la force du Tyran estoit si grande qu'il auoit peu mettre en fuite l'Empereur: Car, disoit-il, Maxime fauorise à l'opinion de la vraye foy: mais l'Empereur ce pendãt qu'il oppugne la pure & entiere sentece, fait guerre cõtre Dieu: & toy vrayement desnué de l'armure celeste, t'es auicé au hazard de la fuite: & luy many de droicte & saine opinion a le pardessus, & surmonte son maistre Car l'auteur & legislateur de la vraye pieté, a coustume d'assister à ceux qui la fauorisent: ces choses rescriuit Theodose à Valentinien, estãt encore loing. Toutesfois peu de temps apres il assembla vne armee, laquelle il mena contre le Tyran: Car il craignoit que Maxime venu au dessus de ses entreprises contre le ieune Empereur, ayant de plus en plus augmenté ses forces, ne s'emparaist semblablement de l'Empire d'Orient. En ce temps les Perses luy enuoyerent embassades, demandans paix: & lors luy fut né de Placille, le neufiesme iour du mois de Septemhre, vn autre fils, lequel il appella Honoré. Or son armee dresse brauement & equippee au possible, ayant laissé en Constantinople son fils Arcade, tira vers Thessalonique, où il parla avec Valentinien. Et premierement guarit l'ame d'iceluy, restituant en luy la foy de son pere, & dechassant la maladie de sa mere, de laquelle il auoit esté infecté: puis luy cõmanda qu'il eust bon courage, & ne craignist aucunement de son Empire. Il ne reiecta du tout, & ne receut aussi manifestemẽt les embassades que Maxime auoit enuoyez: mais ses troupes amassees, s'achemina vers Occidẽt en Italie: dont le bruit courroit par tout, tel qu'à vn chacun en sembloit. Car les hommes ont coustume de controuuer des propos mesmes sur ce qu'ils ignorent, & exciter des bruiets auantageux, s'ils peuuent inuenir quelque occasion & pretexte sur ceux auxquels ils fauorisent, d'autãt qu'ils sont cupides de choses nouuelles. Ce qu'aussi aduint pour ce temps en Constantinople. Car touchant la guerre, l'vn controuuant l'vn, & l'autre, semoyent cela parmy le peuple: & tous pour la plupart apportoyent des mauuaises nouuelles. Et nonobstant que nul d'iceux n'eust assisté à la guerre, toutesfois ils racontoyent des choses qui y estoient aduenues, comme s'ils eussent veu presentement faire le combat sur le lieu. Entre les autres, les Arriens, chassés de leurs Eglises, agitans & conceuans en leurs courages vne guerre, semoyent vn bruit que l'Empereur auoit esté vaincu par le Tyran, & que tant & tant des nostres auoyent esté desfaits, & qu'en brief temps l'Empereur mesme tomberoit entre les mains du Tyran. Ayãs ainsi semé plusieurs autres choses, selon qu'ils les auoyent ruminees, les faisoient valoir pour vrayes & certaines. Parquoy descourse grãde, muniz de vaine confiance & violence imprudente, mirent le feu en la maison de l'Euesque Nestaire, pource qu'il gouuernoit les Eglises. Ainsi se portoyent les affaires de Constantinople. Mais l'Empereur Theodose fit la guerre ainsi qu'il desiroit: Car les gens d'armes du Tyran craignans l'appareil de guerre, & les grandes bandes de Theodose, espouuentez aussi de la renommee d'icelles, iecterent le Tyran prins & lié aux pieds de l'Empereur. Alors Theodose craignant faire iniure à Gratian, avec lequel il auoit contracté alliance, s'il pardonnoit à ce Tyran, & ne prenoit punition du meurtre commis, commanda qu'incontinent il fust tué. Mais Andragath qui par fraude & ruse auoit tué Gratian, estant aduertý de ce qui estoit aduenu à Maxime, se iecta avec ses armes dedans le fleuve qui passoit par là, & mourut en l'eau. Par ce moyen tout l'Empire fut restitué à Valentinien le ieune. Parquoy Theodose ayant heureusement mené la guerre, entra en la ville de Rome, avec le ieune Empereur, & celebra vn triomphe fort illustre. Puis il mit bon ordre en Italie, & à l'Eglise de milan, Iustine lors decedee: chose assez profitable pour les Catholiques. Et ce temps pendant que Theodose estoit encore à Rome, il fit emmener de Constantinople en cel lieu son fils Honoré, encore tendre & bien petit: Et lors qu'il celebrait le festin de la victoire à Rome, il declara manifestement sa clemence & humanité, & principalement enuers Symmache de l'ordre des Consuls. Cest homme estoit premier du Senat de Rome, reputé en admiration grande pour les illustres ornemens de vertu qui estoient en luy, prisé grandement par dessus toutes choses pour son eloquence & science de la langue Latine: Car il a mis par escript en langue Romaine plusieurs excellentes oraisons. Il a aussi dedié quelques œures au Tyran Maxime encore viuant. Qui fut cause qu'on le rendit coupable du crime de perduellion & lesemaiesté. Parquoy iceluy craignant qu'il ne fust condãné à la mort, s'enfuit en l'Eglise ainsi cõme en

*Theodose re-  
monstre à  
l'Empereur  
sa faulte.  
Les Arriens  
forger vn  
mauuais  
bruit à  
l'Empereur  
pensans a-  
uoir tout  
gagné.*

*Ils bruslent  
l'hostel de  
l'Euesque  
Nestaire.  
Theodose  
sans armes  
reçoit entre  
ses mains le  
Tyran Ma-  
xime.*

*Triomphe  
de Theodose  
à Rome.  
Mort de Ju-  
stine, profi-  
table pour  
l'Eglise.*

*L'Empire  
restitué à  
Valentinien.  
Honoré ap-  
porté à Ro-  
me.*

*Crime par-  
donné à  
Symmache  
pour lare-  
uerce d'un  
euesque.*



vn lieu d'assurance. Or l'Empereur Theodose a tellement honoré le Christianisme, & a tellement obey à l'Eglise, que non seulement il a beaucoup honoré ceux qui estoient de pareille foy que luy, & l'est efforcé les maintenir en bonne opinion: mais aussi a receu humainement & ciuilement les Nouatiens, sentans avec nous conformement vne mesme foy, vne chose seulement exceptee. En sorte que Leonce, Euesque de l'Eglise des Nouatiens, en la ville de Rome, lequel singera supplier pour Symmache, ne fust frustré de son esperance: Car l'Empereur luy gratifiant, remit vn grand peché à Symmache. Lequel ayant receu pardon, enuoya par escript à l'Empereur vne harague, par laquelle il se defendoit. En ceste sorte la guerre Occidentale ayant eu tel commencement, Dieu aydant, est paruenue à vne fin desirée.

*Des mauuaises coustumes & mœurs, lesquelles l'Empereur Theodose ietta hors de la ville de Rome.*  
CHAP. XXI.



**D**urant le tēps que l'Empereur Theodose demouroit en Italie, il fit beaucoup de bien à la ville de Rome, en ce non seulement qu'il luy octroyoit liberallement ce qu'elle n'auoit eu au parauant, mais aussi retrenchât d'elle plusieurs choses honteuses & deshonestes, qu'elle auoit retenues de l'antiquité. Entre les autres y auoit à Rome la vilenie qui s'ensuyt: Là estoient bastis des grand edifices, ausquels la prouision annuelle de la ville estoit gardee. Ceux qui en auoyent la charge, en langue Romaine appelez Mancipes, auoyent par succez de temps rendu ces bastimēs domiciles de voleurs. Car pource qu'à costé de chacun edifice en bas estoit vn moulin à bras, ceux qui en auoient la charge firent bastir es enuirs des tauernes, ausquels ils prostituoyent des paillardes pour en retirer quelque gaing: & par telles ruses dressoyent embusches à ceux qui pour auoir leurs prouisions venoyent en ces maisons. Mesmes qu'aucuns abordoyent en ce lieu seulement pour contenter & satisfaire à leur vilaine concupiscence. Or là estoit faicte vne machine par engin, laquelle, de ce bordeau ceux qu'on vouloit, estoient transportez au moulin. Ce qui aduenoit le plus souuent aux estrangers, & ceux qui venoyent de dehors. Et ceux qui estoient prins en telle sorte, contraincts par necessité, falloit malgré eux que ils trauaillassent le long de leur vie en grande peine au moulin: sans leur donner aucune liberte ny recompense de leur labeur, tellement que leurs parens & amys pensoyent que dés long temps ils fussent trespasssez. Aduint vn iour que l'vn des soldats de Theodose fut prins à ce trespacher, & ainsi qu'on ne luy vouloit permettre sortir non plus qu'aux autres, desgainant son epee laquelle luy pendoit au costé, mit à mort ceux qui le retenoyent. Dequoy les autres espouuantez, craignans estre frappez comme leurs compagnons, le laisserent aller. Ceste chose venue à la cognoissance de Theodose, il fit mourir ignominieusement de diuers supplices ces mechans, & dés les fondemens renuersa les cachettes des voleurs, & les bordeaux des paillardes. Ainsi Theodose osta de la ville principale de toutes, ceste execrable fœdité. Il retrenchâ aussi ceste autre coustume: à sçauoir si quelque femme auoit esté surprise en adultere, les Romains la punissoyent, non par la coërcion du crime qu'elle auoit commis: mais par plus grand embrasement de concupiscence. Car ils enfermoyent en vne estroicte logette celle qui auoit perpetré l'adultere, & par apres permettoyent impudemment, qu'elle assouit l'effrenee volupré & peculance d'vn chacun. Et ce qui excède toute absurdité, les homes libidineux & paillards se garnissoyent & accommodoyent des sonnettes, au temps qu'il auoyent compagnie charnelle avec ceste femme: à ce qu'au mouuement elles faisoient vn son, donnassent non seulement aduertissement aux passans du faict: mais aussi à fin que par ce moyen au braict des sonnettes fust enseignee ceste peine conioincte avec iniure & contumelie. Parquoy l'Empereur trespudique aduertit de ceste coustume vilaine & impudente, ne la peut endurer, mais la cassa & annulla. Car il fit rompre & renuerser les listres, qui estoient maisonnettes basties pour telle cōtumelie, ainsi appellees par moquerie: & fit vn edict & ordonnance contre les adulteres, contenant autres punitions. Ainsi le diuin Empereur deliura la ville de Rome de ces deux coustumes plaines de contumelie. Et toutes choses bien dressées & ordonnees, laissa l'administration de la ville de Rome & de l'Empire Occidental à Valentinien: & retourna avec son fils Honoré en Constantinople.

*De la vie angelique du grand Arsene, lequel fut au parauant precepteur des Emperours.*  
CHAP. XXII.



**E**n ce temps l'Empereur voulant bailler charge de ses enfans à vn maistre & precepteur de vertu, les mit sous la main d'Arsene, duquel la gloire a esté respandue par toute la terre illustree du Soleil. Lesquels receus en sa charge il enseigna si bien, qu'il leur fut non seulement precepteur en toute bōne discipline, mais aussi au lieu de pere en toute liberale education & saine nourriture. Car l'Empereur

Ccc ij

## LIVRE XII. DE L'HISTOIRE ECCLESIASTIQUE

*Memorable sentence d'empereur à ses enfans* l'auoit admonnéste ne craindre aucunement la sublimité qu'ils auoient à l'Empire, & pource ne les espargner, mais plustost vser d'iceux comme de seruiteurs. Toutesfois tant s'en fault qu'il ait ce fait, qu'au contraire il vsoit d'insigne modestie & prudence enuers eux. Or aduint que Theodose les print quelquefois au despourueu, car entrant soudain, il veid ses enfans en arroy magnifique, assis ensemble, & trouua Arsene debout, ainsi qu'il les enseignoit. Dequoy l'Empereur courroucé, apres auoir osté à ses enfans les ornemens & ioyaux de Prince qu'ils portoyent, dit ceste parolle vrayement Imperiale, & digne d'estre reseruee à perpetuelle memoire: que s'ils vouloyent rengier leurs mœurs & leur vie sous bonne discipline, & se composer selon les loix de Dieu, ce l'esmouueroit de leur bailler entre les mains son Empire, pour en vser à l'vtilité & commodité de ses citoyens & subiects: que s'il aduenoit autrement, il leur seroit plus expedient, ainsi mener leur vie comme personnes priuees, que commander avec danger sans aucune doctrine. Mais ceste charge sembla estre trop pesante à Arsene, considéré qu'il haysoit telles sollicitudes, & ne pouuoit endurer tant de troubles & tumultes: Parquoy il pria Dieu, que cause honneste se presentast, pour laquelle il se peust deliurer de ces liens & charge. Ce que Dieu fit en brief: Arcade auoit commis quelque offense, lequel pource qu'Arsene ne pouuoit laisser impony, il le chastia avec verges. Arcade portant ce fait ainsi comme quelque grande iniure, brassoit la mort de son maistre. Arsene aduertuy secrettement de ceste entreprise, ayant reiecté ses habillemens insolens & sumptueux, soudain s'enfuyt en Scetis, où il ouyt vne voix apportee du Ciel, qui luy dit: Arsene, fuy les tumultes, & tu seras sauué. Ainsi fut il caché durât que Theodose viuoit: mais Arcade paruenù à l'Empire, cogneut qu'il menoit vie angelique: parquoy luy rescriuant, requit sa benediction: & qu'il priaist Dieu pour luy, ensemble qu'il luy pardonnast son peché. Il luy permit aussi distribuer aux pauures tout le tribut d'Egypte. Mais Arsene refusa ceste charge. Paruenù donc en grande vertu, il feignoit estre rustique & ignorant de toutes lettres, nonobstant qu'il ait laissé des œuvres dignes de memoire, & plusieurs liures, lesquels l'histoire recite, composee de ses faits. Iusques à ce iour encore sa vie monastique est grandement celebree en Scetis, Rome & Constantinople. l'eusse peu vrayement raconter icy aucuns de ses dictz facetieux, & actès illustres: mais pource que l'argument proposé me contrainct pour suyure autre chose, ie renuoye le lecteur à l'histoire d'iceluy: & reuiens au propos duquel ie suis party.

*De la succession des Euesques, & du tumulte de rechef esmeu en Constantinople pour Flauian, apres le decez de Paulin: & comme depuis avec le travail & diligence de l'Empereur, & Theophile Euesque d'Alexandrie, ce discord de l'Eglise fut assés, le peuple mis d'accord avec grande difficulté.*

### CHAP. XXIIII.

*Euesque de Alexandrie, Ierusalem, & Constantinople.* En ce mesme temps Timothee & Cyrille, qui reluisoyent aux thrones des Eglises d'Alexandrie & Ierusalem, trespasserent: desquels l'un eut en Alexandrie Theophile, l'autre en Ierusalem eut Iean pour son successeur. Peu de temps apres Demophile deceda, lequel auoit esté chef de l'heresie Arriene en Constantinople, au lieu duquel ceux de sa faction donnerent ceste administration à Marin de Thrace, lequel auoit esté pourueu d'autre Euesché: Mais il ne leur dura guere, car il mourut peu de iours apres. Sous iceluy la faction des Arriens fut diuisee en deux sectes, ainsi que nous dirons cy apres. Depuis, Dorothee, lequel auoit esté esleu en Antioche de Syrie pour presider à ceste heresie, comme le plus suffisant pour satisfaire à ceste charge, de là vint en Constantinople, & gouerna en ce lieu la secte. Ce pendant apres que Paulin fut trespasé en Antioche, ceux qui auoyent suiuy son autorité & sa faueur, reiectans Flauian, firent leurs assemblees à part, prétendant que Flauian contre tout droict & raison auoit violé le serment presté par luy à Meletie: nonobstant qu'ils ne fussent en rien differens de luy touchant la doctrine. Or ils subrogerent à Paulin vn nommé Euagre: auquel en brief temps decedé, nul ne succeda & ne fut substitué en son lieu, pource que Flauian y resistoit. Ceux donc qui dissentoyét de la communion de Flauian celebroyent leurs assemblees Ecclesiastiques à part, ainsi que nous auons dict. Bien est vray que apres le decez de Meletie, Paulin voulut receuoir toute l'administration de l'Eglise: mais toute la compaignie des Euesques luy resista. Car ils alleguoyent estre moins conuenable, que celuy apres la mort de Meletie fust pourueu de son lieu, qui auoit reiecté les cōseils d'iceluy: ains que il estoit plus raisonnable que cestuy fust fait pasteur des brebis, qui avec grād labeur auoit preserué la bergerie. Laquelle chose, ainsi que nous auons dict, excita vne longue haine & similté entre les Occidentaux & les Orientaux: Toutesfois les Occidentaux ne relascherent rien de la duresse & feuerité de leurs courages contre Flauian, ne mesme apres la mort de Paulin: mais furent courroucez contre luy, voire apres la mort d'Euagre, lequel cōtre toutes les sanctiōs Ecclesiastiques auoit esté designé Euesque: car Paulin seul l'auoit arresté pour son successeur, ayāt mis sous

sous les pieds tant de canons à ce contraires : considéré qu'ils ne permettent à celuy qui est proche de la mort, subroger vn autre en sa place, mais commandent que tous les Euesques des prouinces s'assemblent en vn lieu pour l'election, voire qu'ils ordonnent que l'election & consecration ne doit estre faite sans trois Euesques. Mais les aduersaires de Flauian ne voulans à ce prendre garde, receurent Euagre & reietterent du tout Flauian, iusques à laisser de ces affaires les oreilles de l'Empereur : en sorte qu'ennuyé pour trop souuent estre sollicité, euoqua non seulement Flauian vers luy en Constantinople, ains aussi le contraignit aller à Rome. Toutesfois Flauian s'excusa pour l'incommodité de l'hiver, promettant qu'à l'entree du printemps il executeroit ce qui luy estoit commandé. En ceste sorte pour ceste heure Flauian laissé s'en reuint à son troupeau, & s'efforça par tous moyens de s'allier avec ceux qui par sedition s'estoyent de luy separez. Ce qu'aussi petit à petit il accomplit, s'estant concilié la grâce de Theophile, Euesque d'Alexandrie, par lequel il gagna grandement la faueur de Damase, Euesque de Rome ; car aussi ces deux auoyent esté beaucoup irritez contre Flauian, non seulement par ce qu'il auoit violé son serment & promesse, mais aussi suppedité grande occasion & fait la planche aux hommes alliez en vne mesme doctrine, de se diuiser & separer les vns des autres. Ainsi Flauian ayant differé son chemin à Rome, saint Damase, & apres luy Sirice, & par apres Anastase successeur d'iceluy, reprindrent par leurs lettres la pieté de l'Empereur : luy reprochant qu'il estoit assez diligent d'incontinent mettre fin à ses propres guerres : permettoit neantmoins ceux exercer leur tyrannie, qui se portoyent insolens contre Iesus Christ, & contre toute raison contemnoyent ses sacrees ordonances : parquoy l'Empereur l'ayr appelé de rechef, luy imposa la necessité d'aller à Rome. Or iceluy arriué en Constantinople, vltima tres-sagemēt de liberté de parler enuers l'Empereur : Si aucuns, ô Empereur, dit-il, arguent & reprennent ma religion, comme non tant entiere & saine qu'elle doit estre, ou mesme ma vie, comme non conuenable à l'office Episcopal, ie prens mes accusateurs pour iuges, prest d'aquiescer, voire fusse contre mon gré, à la sentence qu'ils donneront. Que s'il y a discord du throsne & de la chaire, il n'est besoing de iugement : car soudain ie quitteray à quiconque on voudra, & me tireray tres-loing de l'honneur de prelature. Et toy, ô Empereur, donne charge du siege d'Antioche à qui bon te semblera. Theodose esbahide si grande liberté de parler & constance de ce personnage, luy commanda retourner à son pays & bien paistre le troupeau qui luy estoit commis. Mais assez long temps apres l'Empereur venu à Rome, fut assailly par les Euesques de mesmes aiguillons de reprehension & accusation, comme s'il n'eust fait son deuoir de comprimer la tyrannie de Flauian. Là l'Empereur les admonesta de proferer hardiment & deuant tous, quelle estoit ceste sorte de tyranie, alleguant que luy mesme estoit Flauian, & designé comme son syndic & aduocat : mais ils repliquoyent que de droict il ne falloit debatre avec l'Empereur. Parquoy Theodose leur persuada que par cy apres ils alliasent les Eglises par concorde, & ostassent toute contention, ensemble assopissent tous inutiles efforts de debats & noises : car il y a ia long temps, disoit-il, que Paulie est trespassee : & que depuis luy l'election d'Euagre n'a procedé selon les ordonnances Ecclesiastiques. Outre plus toutes les Eglises Orientales despendent & acquiescent grandement à l'Episcopat de Flauian : & d'auantage les Eglises d'Asie, ou de Pont, ou de Thrace mesme ne s'abstiennent aucunement de la communion d'iceluy. Voire tout l'Illyric reconnoit iceluy auoir la principale charge des Eglises Orientales. Par ces douces paroles de l'Empereur, les Euesques Occidentaux furent mitiguez, & promirent qu'ils osteroyent toute contention, despoilleroient toute simulté, & receuroient les Legats, si aucuns venoyent de ceste part. Ceste chose congneue Flauian appaisa la colere de Theophile. Lequel aussi depuis ayant enuoyé son prestre Isidore à Damase, deslia routes les inimitiez : luy mandoit qu'il estoit fort expedient pour l'Eglise, que pour appaiser le peuple, le delict de Flauian fust pardonné, lequel il auoit commis, contreuenant à son serment. Pareillement Flauian enuoye ses orateurs à Rome, à sçauoir des Euesques, prestres & diacres d'Antioche, personnages fort illustres, desquels le principal estoit Acace, gouuerneur del'Eglise de Berrhoë en Syrie, qui par terre & par mer auoit emporté grande louange. Ainsi les inimitiez lesquelles auoient duré dix-sept ans, assopies, les Eglises furent mises d'accord. Car la communion redintegree avec les Occidentaux, petit à petit le peuple d'Antioche embrassa la paix : Pareillement les Euesques d'Egypte, ceste chose cogneuë, se rengerent d'accord, ayans esteinct la contention nourrie de long tēps. Pour lors Innocēt, successeur d'Anastase gouuernoit l'Eglise de Rome : & Theophile celle d'Alexandrie, homme de bien & de courage viril. Il succeda à Timothee & Timothee à Pierre son frere. lequel le grand Athanase preceda. En Ierusalem apres Cyrille, Iean eut la charge de l'Euesché, & apres luy Nepos. En ceste sorte l'Empereur bien aymé de Dieu restitua la paix aux Eglises. Alors les Ariens ayans delaisé Antioche, firent leurs assemblees hors les murailles de la ville. Ainsi se porterent les affaires d'Antioche.

*Paulin ordonne mal Euagre pour son successeur. L'Empereur commande à Flauian d'aller à Rome. Flauian gaigne Theophile Alexandrin.*

*Le Pape reprend l'Empereur de ce qu'il n'empesche l'Episcopat de Flauian.*

*Braue excuse de Flauian faite à l'Empereur*

*L'Empereur plaide pour Flauian à Rome.*

*Toutes- fois ce discord dura iusques à l'Empire d'Arcade & l'Episcopat de Chrysostome.*

*Innocēt Pape de Rome. Euesques de Ierusalem,*

*De la sedition leuee en Alexandrie à cause de la demolition des temples des Idoles, & de la singuliere diligence & travail que Theophile, Euesque d'Alexandrie, y employa.*

C H A P. X X V.

*Ordonnance  
de Theodo-  
se d'abatre  
les temples  
des idoles.*



Rand trouble, en ce mesme temps, fut excité en Alexandrie, pour la raison qu'il s'enfuit. Apres que le tresfidele Empereur eust de tout son pouuoir pacifié les Eglises, dressant tout son estude contre les erreurs des Grecs, fit des ordonnances par lesquelles il commanda que les temples des Idoles, en quelques lieux qu'ils fussent trouuez en son Empire, fussent rasez & abbatuz dès les fondemens : car ce grand Constantin, lequel emporta grande & illustre louange, moindre toutesfois de sa vertu & gloire, le premier exorna l'Empire de vraye pieté, & d'autant qu'il auoit trouué quasi toute la terre plongee en l'erreur du seruice des Ido-

les, du tout il prohiba sacrifier aux diables, neantmoins il ne fit abatre leurs autels, mais fit publier par edict que les temples des dieux fussent fermez, à ce que nul n'y peust entrer. Ce mesme ordonnerent ses enfans : car ils estimoyent faire par trop cruellement, si soudain ils commandoyent vne si grande mutation, iugeans estre meilleur avec entreprinse & conseils paisibles, petit à petit attirer les personnes à la vraye pieté & religion. Mais depuis Iulien fit reuiure ceste impieté, & de beaucoup augmenta la flamme de cet erreur & seduction. Apres Iouinien cassa & abrogea tous les faits de Iulien, supprimant le seruice des Idoles. Ce mesme fut fait par Valentinien, lors qu'il auoit l'Empire de l'Europe : mais son frere Valent permit à toute religion vser & faire ces cerimonies accoustumées : & se monstra au descouvert, esmeu de courage ennemy contre ceux seulement qui faisoient profession de la foy irreprehensible. Parquoy par tout son Empire les libations & sacrifices estoient offerts aux simulachres, par ceux à qui bon sembloit, le feu estoit allumé sur les autels, les banquets publics, les discursions, esbatemens & vagues agitations des inspirez de fureur satanique estoient faites en plain marché : & les sacrificateurs de Bacchus menoyent les danfes, & courans de part & d'autre, avec leurs escus, assommoient leschiens & les deschiroyent : & ne laissoient rien de toutes ces choses qui portent tesmoignage au premier inuenteur d'icelles, d'une honte & fœdité. Toutes lesquelles choses le tres-religieux Empereur Theodose ayant trouuées estre encores obseruees, retrenchâ dès la racine, & par tous moyens les abolit. Alors aussi par la diligence de Theophile le susdit commandement fut publié, à sçauoir qu'en Alexandrie tous les temples des Idoles fussent renuersez, dequoy l'Empereur luy auoit baillé charge & procuration. Iceluy donc ayant receu ceste puissance, s'estudia par tous moyens de deceler avec contumelie les mysteres des Grecs. Il fit abatre le Mithrium, & renuerfer le temple de Serapis : & en l'un, ainsi qu'en vne pompe solemnelle, il proposa les meurtres qui y auoyent esté faits : & en l'autre il mit deuant les yeux de tous les spectateurs, les sacrifices ridicules & detestables de Serapis : car par le commandement de Theophile on trainoit par le marché les Phalles & Ithyphalles, villainement despouillees & longs. Or en Alexandrie estoient les Grecs, & entre les autres ceux qui estu-

*Iulien.  
Iouinien.  
Valentinien.  
Valent.  
L'idolatrie  
maintenue  
librement  
sous Valér.*

*Folies des  
Idolâtres.*

*Theophile  
Alexandrin  
mit en ex-  
ecution l'or-  
donnance de  
l'Empereur.  
Il abbat le  
temple de  
Serapis.  
On connoist  
la fœdité  
des Idoles.  
Plusieurs  
Gentils &  
philosophes  
combattent  
contre les  
Chrestiens,  
pour la que-  
relle de  
leurs dieux.*

*Fuite des  
Gentils, sedi-  
tiens.*

*Impiété des  
Gentils.*

dioient en philosophie, qui pour ceste inopinee & soudaine venue estonnez, ne pouuans porter en leur cuer la douleur qu'ils en receuoient, quelque compagnie assemblee par fureur & à la foule se ruerent contre les Chrestiens, où il firent vn carnage non moindre qu'au parauant : car ils assaillirent les Chrestiens par tumulte soudain, qui fut cause de grand meurtre, & que plusieurs furent naurez : ce que fait ils se retirerent. Bien est vray que les Chrestiens leur resistoyent, mais les Grecs les surpassoyent, abbatans d'un costé & d'autre ceux qu'ils rencontroyent : & ne cesserent de combattre, iusques à ce que leurs courages furent saoulez de l'effusion du sang de leurs ennemis. Depuis, les Grecs refroidis commencerent à craindre pour cest acte, que l'Empereur ne print d'eux quelque vengeance : parquoy ayans fait tout ce qu'ils auoyent voulu, & leur fureur estaincte par le sang des meurtres, chacun se retira pour se cacher à part, au lieu que fortune leur pourroit donner. D'autres aussi craignans d'auantage, delaisserent leurs pays, & allerent demourer en autres villes, entre lesquels y en eut deux tres-excellens, nourris dès leur enfance en toute doctrine & lettres, à sçauoir Hellade & Ammonie, dont l'un estoit sacrificateur de Iupiter, l'autre de Simia. Ceste sedition appaisée, Theophile fit grandement travailler à la demolition des temples, à cel'aydant le duc Romain, chef des compagnies militaires en Egypte, & Euagre, gouuerneur de la ville d'Alexandrie : car aucuns Grecs auoyent occupé ce temple tres-celebre en beauté & amplexitude, & lors l'ayans despouillé de ses ornemens, l'auoyent vilainement gasté & difformé, lequel estoit assis en vne petite montaigne, dont au despourueu, & sans qu'on s'en doutast, quelques fois ils faisoient saillie, côme de quelque forteresse & prenoyent aucuns de nos gens & les tourmentoient & contraignoyent sacrifier aux diables. Que si aucuns constamment refusoient ce faire, ils les crucifioient. Des vns ils rompoient les cuisses & faisoient mourir les autres d'autre sorte. Ainsi ces alarmes ayans duré quelque temps, les

magistrats

magistrats parlementerent avec ces hommes Gentils, & les admonesterent desister de combattre d'avantage, ains rendre le temple de Serapis. Mais voyans qu'ils n'y vouloyent entendre, ils aduertirent l'Empereur. La cause qui les esmouuoit tant obstinément perséuerer en leur entreprise, estoit leur conscience coupable de temeraire audace, de laquelle trop long temps ils auoyent vscé, pour maintenir vne chose mauuaise. Outre ce, il y auoit en leur compagnie vn sophiste, appelé Olympie, lequel les enhortoit de ne mespriser les mœurs & coutumes du pays, mais plustost courageusement y perséuerer en fortune aduersée, voire quand il faudroit endurer la mort pour les defendre. Il voyoit que ceux de sa troupe perdoient aucunement courage, à cause que leurs simulacres estoient mis en pieces, parquoy il leur fit vne harangue, leur persuadant pour ce ne delaisser leur religion : les admonestant que les simulacres & images estoient matiere subiecte à corruption, & pource pouuoit estre brisée & comminée : mais que la force, & les puissances que s'estoyent monstrees en icelles, depuis s'en estoient volees au ciel. Par tel propos il resserra la multitude des Grecs sous sa puissance, & demoura au temple de Serapis. L'Empereur aduertie de tout cest affaire, reconnut les Chrestiens qui ainsi auoyent esté massacrés, & les honnora comme martyrs, veu qu'ils auoyent enduré tant de peines pour la sainte foy. Il pardonna aux meurtriers & homicides leur forfait, & les deliura des peines qu'ils meritoient : à fin qu'iceux estonnez d'une tant insigne beneficence de l'Empereur, se retirassent paraenture à la religion Chrestienne. Neantmoins il commanda par lettres patentes que les temples, causes de si grande sedition entre le peuple, fussent rasez. Lesquelles leues publiquement, à cause qu'en icelles l'Empereur reiectoit soudain la coulpe du tumulte sur les sectateurs de la superstition Greque, les Chrestiens avec grands clameurs & applaudissemens approuverent cest affaire. Mais les Grecs saisis de crainte, abandonnerent la maison de Serapis, & s'enfuirent de ce lieu: Ainsi les Chrestiens s'emparerent d'iceluy. On dit que cest Olympie au profond de la nuit precedante le iour auquel ces choses aduindrent, entendit quelcun chantant Alleluia, au temple mesme de Serapis, en sorte que les portes bien fermées, ayant de rechef entendu ceste mesme voix au profond silence de la nuit, n'apperceuant personne, il cōgneut que vouloit ceste chose signifier : Parquoy sortant secretement, rencontrant vn nauire commode, nauigea en Italie. Par ce moyen avec grand labour les temples d'Alexandrie furent abbatuz de terre, & les simulacres & statues des dieux fondez au feu, & transformez en chauderons & autres vaisseaux pour l'usage de l'Eglise d'Alexandrie : Mais quant aux dieux de matiere plus precieuse, l'Empereur pour leur gratifier les leur donna, pour entretenir & nourrir les pauvres. Ainsi Theophile ayant brisé & mis en cendres tous les simulacres, en laissa seulement vn entier, lequel il fit asseoir en lieu public, & dit qu'il deuoit estre gardé, à fin que les Grecs au temps futur ne peussent quelquefois nier, qu'ils auroient seruy à tels dieux. Dequoy cest Ammonius, que nous auons dit, sacrificateur de Simia, conceut vne grande douleur : disant que ce fait estoit fort pesant & grief à la religion des Grecs, de ce que ce Dieu seul entre les autres auoit eschappé le feu, & n'auoit esté fondu, pour estre reserué par moquerie. Or Hellade assura luy-mesme qu'il auoit mis à mort neuf hommes durant ce conflict.

*Olympie sophiste con-  
firme les ido-  
latres en  
leur obstina-  
tion.*

*Les Chre-  
tiens tue-  
par les payes  
sont reue-  
re- comme  
martyrs.*

*L'empereur  
fait grace  
aux sedi-  
tieux.*

*Les Chre-  
tiens iouis-  
sent du tem-  
ple de Sera-  
pis.*

*Le simula-  
cre de la de-  
esse Simia  
gardé en  
Alexan-  
drie, en per-  
petuelle me-  
moire de la  
vilanie des  
idolâtres.*

¶ Hellade & Ammonie] *Socrat. l. 5. cha. 26. dit que ceux la furent grammairiens, voire ses precepteurs, lors qu'il estoit ieune.*

*Comme le temple de Serapis abbatuz de terre, les lettres Hieroglyphiques faictes en forme de croix, furent trouuees, enseignantes la vie future, & comme Theophile declara manifestement l'erreur des idoles, & desmolit la statue de Serapis avec une coignée.*

CHAP. XXVI.



Ors que rez de terre on reuersoit le temple de Serapis, & abbatoit-on les murailles, on dit que se monstrent quelque formes & caracteres semblables au signe de la croix, appelez Hieroglyphiques, engrauez aux pierres. Lesquels ainsi que les Chrestiens & Grecs contemploient, chacun l'accommodoit à sa religion : Car les Chrestiens, à cause de la croix, alleguerent que ce symbole & signe leur appartenoit : les Grecs disoyent d'autre part qu'il n'y auoit aucune conuétion entre Iesus-Christ & Serapis : mais que ceste figure signifoit & donnoit à cognoistre autre chose aux Grecs superstitieux, & autre aux Chrestiens. Parquoy ainsi

*Lettres Hieroglyphiques en forme de croix trouuees lors qu'on abbattoit le temple de Serapis.*

que ceste chose estoit balancee, plusieurs se rengrent au Christianisme, lesquels aussi assuerent, d'autant qu'ils estoient bien instruits en l'interpretation des lettres Hieroglyphiques, que le caractere fait en forme de croix signifoit la vie future. Ce que les Chrestiens tirèrent à leur religion, & de là prindrent occasion d'emmener plusieurs personnes à leur sentence : prenant de là pied d'avantage, que les autres lettres declaroyent appertement, que quelquefois ce temple seroit du tout delaisé, à sçauoir alors que ce caractere de la croix, lequel obscurément

*Myſtere de ce ſymbole. Socrat. li. 5. chap. 27. Prediction de l'euersion de ce temple.*

## LIVRE. XII. DE L'HISTOIRE ECCLESIASTIQUE

signifioit la vie future, seroit mis au descouuert, & retenu en commun vsage. En ceste sorte ce temple fut demoly: Toutesfois non long tēps apres il fut reduit en forme d'Eglise sous l'Empire d'Arcade. Quāt à moy, ie n'estime point que les sacrificateurs Egyptiens, lesquels n'auoyent rien preu de Iesus-Christ, ayent engrauē ces lettres sous la forme de la croix. Car si ce mystere cachē dēs les siecles, ainsi que dit saint Paul, n'a peu estre congneu au prince des tenebres, à plus forte raison on doit iuger qu'il ait esté incongneu aux sacrificateurs d'iceluy. Plustost donc on iugera ce fait despendre de la diuine prouidence, à ce que par apres on excitast question de ces lettres. Ce qu'aussi au parauant estoit semblablement aduenu à l'Apostre saint Paul: Car iceluy remply de sagesse spirituelle, vsa de mesme raison & industrie à l'endroit des Atheniens, en sorte qu'il accommoda l'oracle à son dessein & cause, & attira plusieurs personnes à sa religiō. Toutesfois on pourra dire que le Verbe diuin fit ce mesme par les sacrificateurs Egyptiens, qu'il auoit iadis fait par Balaam: ainsi que nous liſons estre aduenu à Cayphe. Car l'un & l'autre, voire par contrainte, vaticinerent des choses bonnes: Mais c'est assez disputé de cest incident. Theophile non contēt des choses susdictes, n'a voulu aussi là s'arrester: ains manifester à tous la fraude & trōperie des prestres: car ils auoyent tant artificiellement fait quasi tous les simulacres, fust d'zrain ou de bois, qu'ils estoient creux & cauez au dedans, & leurs dos ageancez contre les parois des temples, y ayant laissē quelques alcees cachees dans la muraille. en outre, ils entroyent par d'autres secretes cachtes ou conduits au creux de ces simulacres, & de là ils donnoient telles responses qu'ils vouloyent. Et pource que ceux qui de coustume demandoient la quelque oracle, n'entendoyent ceste fraude & imposture, ils obeissoient à ce qui estoit commandé par l'idole, comme si quelque Dieu eut parlé. Theophile donc fit briser ces statues, & monstra ceste fraude aux assistans, qui au parauant auoyent esté deceuz. Et soudain qu'il fut monté au temple de Serapis, il apperceut ce simulacre de telle grandeur, qu'il estoit effrayoit ceux qui le regardoyent. D'iceluy couroit vne faulſe opinion, cause de la seduction de plusieurs, que si quelcun osoit, voire du bout du doigt le toucher, soudain la terre seroit esbranlee, & la ville du tout renuersee. Toutes lesquelles choses Theophile iugeant estre radoterie de vieilles yurongnesses & comptes des quenouilles, mesprisant ceste grande masse, comme quelque chose petite, comāda à l'un de ceux qui estoit derriere luy, & tenoit vne coignee en la main, en donner vn coup à l'idole. Ce qu'il fit, en sorte qu'il entama de grand force vne grande playe sur ce Dieu. Alors ceux qui y assistoyent, craignans ce qu'auoit esté diuulgué par le cōmun bruit, s'escrierent à haute voix, cōme si tout eust esté perdu. Mais ce Dieu reçut paisiblement & sans aucune noise ceste playe, pource qu'il estoit de bois, dōt il ne rendit aucun plaintif, aussi estoit il du tout mort: & ne pouuoit se defendre, encore qu'il fust grand & tumbast de grand' impetuositē par terre. Et apres qu'on luy eust coupé la teste, on veit courir des rats & souris par troupes, sortans de sa cavitē. Car à la verité ce Dieu tant celebrē entre les Egyptiens estoit entieremēt vne caverne & receptacle de rats & souris. Au reste cest idole grad outre mesure mis en petites pieces, ils iecterent le surplus au feu, & trainerent par toute la ville ce tant sacrē & venerable chef, à la veuē de tous ceux qui l'auoyent adorē cōme quelque Dieu, en sorte que tous se moquoient de l'infirmitē d'iceluy qu'ils auoyent tant honorē.

*De diverses seditions faictes en diuers lieux, à cause de l'abolition des autels des idoles : & de Marcel, Euesque d'Arnaise, quelle diligence il mit à desmolir les temples, & comme à la fin il mourut martyr. CHAP. XXVII.*



Marcel suc-  
cesseur de  
Icã, en A-  
parce.

**E**N ce temps plusieurs de la superstition Grecque qui demouroient aux villes, exciterent vne sedition à cause de leurs autels, & cōbatirent iusques à la mort, ainsi qu'en Arabie les Petreens & Arcopolites: en Palestine les Raphiotes & Gazeens: en Phenice les Heliopolites: & en Syrie principalement les Apamiens, voisins du fleuve Axie, defendoyent leur temple: desquels il est escript que pour la defense & assurance de tels temples ils appellerent les Galileens & autres des villages assis aux enuirs du mont de Liban, pour leur faire escorte & porter aide: en sorte que leur audace & confiance s'auāça iusques à faire mourir Marcel, Euesque de ce lieu, tres-illustre personnage, pource qu'il auoit aboly & mis par terre les temples de la ville dont il auoit charge, s'appuyant plus à la fiance qu'il auoit enuers Dieu, qu'au grand nombre des puissans hommes, qu'il eust peu appeler pour son secours. Car apres que Iean, duquel cy dessus auons fait mention, fut decedé, & que ce Marcel tresbon en toutes choses, receut en son lieu l'administration de l'Eglise d'Apamee, homme bruslant en son esprit, ainsi que le diuin Apostre, le gouuerneur d'Orient vint à la ville d'Apamee, accōpagné de deux capitaines, ayant intention d'y desmolir les temples des idoles: auquel le peuple n'osa resister, ains se teint coy, pource qu'il craignoit la cōpagnie des gens d'armes: tellement qu'iceluy gouuerneur commença librement à destruire le temple de Iuppiter, lequel estoit tres-grand & decoré de tres-riches ornemens.



nemens. Mais voyant que la matiere & les pierres de ce bastiment estoient trop fermes & solides, il estima qu'il ne se pouuoit faire que ceste liaison & grande masse peust estre rompue, & mise en pieces, d'autant que les pierres de grandeur desmesuree estoient liees, & de toutes pars par grande industrie conglutinees, avec gros & longs ferremens, garnis de plomb fondu. Parquoy saint Marcel voyant que le gouuerneur craignoit entreprendre ce labeur, il le pria qu'il passast aux autres villes & de la part fit sa requeste enuers Dieu, qu'il luy pleust donner fin à ceste chose tant difficile & comme desesperée. Et voila le Soleil se leuant, vn homme de son propre gré se presenta, lequel ne scauoit ne bastir maisons, ne fendre & couper, ou polir les pierres, voire qui n'estoit instruit d'art quelcôque : mais seulement auoir coustume de porter du bois & des pierres sur ses espaulles. Cest homme s'adressa à Marcel, & luy demande double recompense, l'asseurant qu'il luy estoit bien facile de hastiement desmolir & tresbucher ce tēple. Marcel luy ayant promis ce qu'il demandoit, il va songer ceste ruse. Ce tēple auoit vn portail quarré hault esleué, appuyé, & dressé contre son pourpris de deuant. Les colonnes estoient tresgrandes, correspondantes selon la iuste proportion à la hauteur du temple. L'environ de chaque colonne auoit seize coudées. La nature des pierres estoit tresferme & adamantine, en sorte qu'elle ne pouuoit aisément ceder aux ferremens & instrumens quels qu'ils fussent des tailleurs de pierres. Or ce bon homme les fouit à l'environ, puis les appuya avec des pieces de bois d'oliuier. Et apres en auoir fouy & sappé trois d'icelles, il mit le feu sous la matiere, laquelle combien qu'elle s'allumast, neantmoins ne peut estre cōsommée du feu selō son actiō naturelle. Car vn diable y apparut, noir & hideux, qui en sy veautrant empeschoit la force naturelle du feu. Ayant donc de rechef esprouué & mis le feu, & voyāt que toute ceste entreprise estoit vaine, il en rapporte la nouuelle à l'Euesque. Lequel soudain entré au sacré tēple, remplit vn vaisseau d'eau, & le mit sous l'autel, & se tirant hors la closture du chœur, humblement supplia nostre Seigneur amateur des homes, qu'il luy pleust dissoudre la tyrannie du diable, & mettre au descouuert l'imbecillité d'iceluy, & qu'il monstrast manifestement sa vertu & puissance, à ce que plus grand detrimēt n'aduint à ceux qui n'auoyent encore deliberé en leur esprit d'obeir à la religion Chrestienne. Ayant parfait sa priere, il cōsigna l'eau de la croix, puis la bailla à l'un de ses diacres, dit Equice, luy commandant en entōser la flamme. Ce que fait, le diable s'enfuit, ne pouuant endurer la force de ceste eau : & soudain le feu se seruit d'icelle cōme si ce eust esté de l'huile, & par ce moyen print au bois, & en brieſ le consumma, tellement que les appuis des colonnes mis en cendre, soudain aussi les colōnes tresbucherent & emmenerent avec soy les autres douze en la mesme ruine. Pareillement la partie du temple ioincte au portail fut precipitée avec les colonnes : dequoy soudain fut fait vn grand bruit esclatant, lequel prouoqua les habitans du lieu de venir veoir cest ouurage : lesquels ayans entendu que ce diable qui resistoit, auoit esté chassé, tous s'escrierent en louanges & actions de graces enuers Dieu. Semblablement cest Euesque abbatit autres plusieurs tēples, duquel aussi plusieurs actes dignes d'admiration sont racontez & celebrez. Car souuēt il adressa des epistres aux victorieux martyrs, & souuent receut lettres d'eux, par lesquelles ils luy respondoient. A la fin luy-mesme a remporté la couronne de martyr : Ce qu'il nous fault racōter. Au lieu celebre des Apamites, dit le val d'Aulocrene, estoit basti vn grand temple : auquel ce bon personnage Marcel arriua, accompagné de quelques soldats & gens duits à l'espee. Soudain qu'il en fut approché, on comença à se cōbatre, & quand à luy il estoit assez loing du dāger : Car pource qu'il estoit malade des pieds, il ne pouuoit ne suyure, ne fuir à son aise. Or ainsi que la meslee estoit grande, & les soldats & gens d'armes s'estudioyent de toute leur force rēger le temple sous leur puissance : aucuns de la superstition Grecque furent aduertis qu'il estoit seul au lieu où n'y auoit point de combat, tirerent ceste part, & soudain l'accablant, le prindrent, & ayans allumé vn amas de bois, le brulerent. Ce fait, ils se retirent alors & cacherent, en sorte qu'on ne les peut cognoistre : toutesfois conuaincus par apres de ceste impieté, ils furent acculés par les enfans dudit Marcel, à ce qu'ils fussent punis, selon qu'ils auoyent meritē. Car ils voulurent venger la mort de leur pere : Mais le Concile prouincial empescha ce fait, iugeant qu'il ne falloit venger la mort des martyrs, mais plustost rendre graces à Dieu, & que les enfans, amis & toute leur race se deuoyent esioyr de ce que tel honneur luy estoit aduenū, de mourir pour la querelle de Dieu. En ceste sorte les temples des Idoles furent en ce temps là mis par terre.

*La difficulté d'abbatre le temple de Iuppiter en Apamee.*

*Un simple homme promet le faire rombre.*

*Virtu de l'eau benie contre le diable.*

*Martyre de Marcel.*

*Le concile de Sardaigne fend venger la mort de Marcel.*

<sup>a</sup> Aulocrene, ] Nicefore & Sosmene, pour Aulocrene, appellent ce lieu Aulon : Mais Plin enseigne qu'il faut dire Aulocrene. Le bruit est (dit-il, liure 5. chap. 29.) que Marsyas fut natif de ce lieu, & là enterré, où il a en Aulocrene debatū avec Apollon, à qui chanteroit mieux des flutes & cornets. Ainsi à sçauoir on appelle une vallee pres d'Apamee tenant dix mil pas. Luy-mesme, liure 16. chap. 44. Nous auons, dit-il, appelé la region Aulocrene, par laquelle d'Apamee on va en Phrygie. Là est monstré l'arbre nommé le platane, auquel Marsyas s'est pendu, se voyant vaincu d'Apollon.

## LIVRE XII. DE L'HISTOIRE ECCLESIASTIQUE

*Comme Néctaire le premier fit ôster le prestre de sa charge, lequel anciennement auoit esté ordonné aux Eglises pour les penitens : & du lieu & maniere des penitens en l'Eglise Romaine.*

CHAP. XXVIII.

*Le téps passé aux Eglises catholiques estoient des Prestres penitenciers.*



Lors aussi Néctaire Euesque de l'Eglise de Constantinople, le premier de tous deposa le prestre de sa dignité, lequel dès long temps auoit charge des penitens aux Eglises : & fut iceluy Néctaire suiuy quasi de tous les Euesques Orientaux. Or que vouloit cela signifier qu'il y auoit vn penitencier, où dont il a prins son comencement, & pour quelle cause il desista pour lors, les vns l'ont exposé d'une sorte, les autres d'autre. Ce que toutesfois j'expliqueray ainsi que tout l'affaire s'est porté. Pource que ne commettre aucun peché, est chose propre non à la nature humaine : mais diuine & immortelle, & nous sommes entrez vne fois par la transgression

*Prisee confession des pechez & d'icelle auriculaire.*

*La penitence solennelle ordonnée en l'Eglise contre les Nouatiens.*

*Les ceremonies de la penitence en l'Eglise Romaine.*

*Seson. li. 7. chap. 27.*

en l'heritage de pecher. Dieu a commandé donner pardon à ceux qui auroient vscé de legitime & conuenable penitence, & detesteroyent & confesseroyent leurs pechez. Or les Euesques qui furent proches de Iesus-Christ, estimerent estre chose trop griesue & pesante cōfesser ses pechez au milieu du peuple, ainsi qu'en quelque theatre. Parquoy ils esleurent d'entre les prestres, vn qui fust de bonne vie, secret & prudent, auquel ceux qui par penitence se retourneroyent, confesseroyent & declareroient leurs pechez. De là fut fait, qu'à part ils luy publioient & declaroyent les maux qu'ils auoyent fait, & apres qu'il auoit entendu la confession de leurs pechez, il leur monstroient ce qu'ils deuoyent faire, & comme il falloit satisfaire pour leur iniquité, leur imposant quelque charge : puis leur permettoit qu'ainsi qu'ils auoyent offensé, ils prissent aussi d'eux-mêmes punition. De ce les Nouatiens ne se trouuèrent, encore qu'on die que ceste coustume fut ordonnée à cause d'eux, pource qu'ils ne vouloyent communier avec ceux qui sous la persecution de Dece auoyent abiuré la foy, & depuis ce reconnoissans estoient reuenus à l'Eglise. Car en ce temps les Euesques resistans à la doctrine de Nouat, & suyans la reigle Ecclesiastique, par toutes les Eglises establirent vn prestre penitencier, duquel ceux qui offensoient apres le Baptisme, receussent absolution de leurs crimes, apres les auoir cōfessés. Ce canon & reigle aussi depuis iusques à ce iour a esté gardé en plusieurs sectes long téps apres, voire mesme est encore obserué aux Eglises Occidentales, & spécialement en l'Eglise de Rome, où il y a aussi vn certain lieu delegué pour les penitens. Là ils se presentent, cōme condamnez en iugement, la teste baissée, plourans fort & gemissans. Et apres que le sacrifice diuin est fait, ils ne reçoüent les choses sacrees que ceux qui ont sacrifié peuuent recevoir : mais avec cris & lamentations se prosternent aux pieds de celui qui a fait l'office diuin. Et lors celui qui est employé au ministration de ceste ceremonie, vient droit vers eux, & plourant avec eux se prosterne en terre.

Et soudain toute la multitude de l'Eglise les environne, & ploure & lamente, en sorte qu'on n'entend autre chose que souspirs. Alors, ou le prestre, ou l'Euesque se leue le premier, & commande que ceux qui sont ainsi couchez, se leuent : & ayans fait prieres conuenables pour les penitens, apres auoir ouy & dit ce qui leur est necessaire, il les renuoye. En ceste sorte chacun d'iceux se tire à part en quelque lieu, & selon qu'il leur a esté enioint se macerent, ou par veilles & frequentes prieres, & reconnoissance, ou se tenant sale & ord, & s'abstenant des delices, ou vsant d'autres manieres, & en tel estat chacun attend le temple, lequel leur est ordonné par l'Euesque. Et apres qu'en ceste sorte d'une gayeté de cuer chacun a satisfait à sa dette, il est absous de son crime : & par apres ensemble avec les autres en l'Eglise il frequente les assemblees, vsant de mesme droit & mesme communion : Ceste coustume fut vsitée des Euesques de Rome, dès le commencement iusques en ce téps, & d'iceux depuis est venu en vlsage par toutes les eglises, celles des Nouatiens exceptées, lesquels aussi du tout reiecterent la penitence. Depuis toutesfois les professeurs de la foy du Consubstantiel reiecterent ce prestre qui estoit le penitencier. Néctaire en estant le premier auteur, pour quelque incident, tel qu'il s'ensuit :

*Vne femme faisant penitence violée par vn diacre, à Constantinople : qui fut cause d'oster le penitencier.*

Quelque femme noble apres s'estre confessée de ses pechez, receut commandement de ce prestre que nous auons dit, de vaquer en ieunes & oraisons, & demourer en l'Eglise. Ce qu'ayant fait elle declara depuis qu'elle auoit esté violée par vn diacre qui coucha avec elle. Ce que le peuple congrent, & porta trop indignement ce forfait, comme avec si grande contumelie de l'Eglise. De là plusieurs iniures & opprobres se forgeoyent contre l'ordre sacerdotal. Au surplus Néctaire douteux de ce qu'il deuoit faire, desmit le diacre de son degré, pource qu'il estoit conuaincu scortateur. Nonobstant l'Eglise pour ce fait fut de plus en plus diffamée par detraction, maldifances & conuices qu'on iectoit voire contre les gens de bien. Parquoy eu esgard à cela, par le conseil d'aucuns & entre les autres d'Eudemon prestre de ceste Eglise, natif du pays d'Alexandrie, Néctaire ordonna que par apres il n'y eust aucun prestre penitencier en l'Eglise : car ils luy mirent en teste qu'il fust permis à vn chacun sous sa conscience, & selon sa fiance communier & participer des immaculez mysteres. Et qu'ainsi aduiendroit que l'Eglise seroit deliurée

deliuree de contumelies & reproches. Depuis ce temps l'Eglise demoura en cest estat : Toutesfois quant à moy, i'estime que pour ceste cause l'Eglise a perdu son ancienne & venerable grauité, & est trebuchee en vne coustume arbitraire, inconsiderée, & trop negligente, & que depuis elle commença à defaillir petit à petit de la plus saine & entière doctrine. Et vrayement peult on à bonne raison iuger & croire, qu'au parauant y auoit moins de pechez, tant pour la honte de ceux qui confessoient leurs offenses, que pour la diligente inquisition des iuges à ce deleguez : nonobstant que ce s'observe mesme maintenant selon que l'occasion se presente, & toutes & quantesfois qu'il plaist. Parquoy ce a esté cause quel'vne reprend point les pechez de l'autre, & que n'est observé ceste sentence de l'Apostre, disant : Ne vüillez communiquer aux œuvres steriles & infructueuses des tenebres : mais plustost les reprenez. De là aussi i'estime que le grand Theodose regardant à l'utilité & gloire de la venerable Eglise catholique, fit premierement pour lors ceste loy, que nulle femme, si elle n'estoit paruenue à l'age de soixante ans, & si elle n'a des enfans, seroit ordonnée au ministère & clergé : ainsi qu'expressément saint Paul le commande, disant, qu'on deuoit aussi chasser des eglises les femmes qui auoyent rompu leurs vœux, & que les Euesques qui les receuroient, fussent desmis de leur autorité. Mais c'est assez parlé de ces choses.

*Mauuaise licence.*

*Voilà la rui-  
ne des tēps  
présens.  
Constitution  
de Theodo-  
se, des Dia-  
conesses, l.  
nulla. C. de  
Epis. &  
Cler.*

*Comme les heresies & sectes furent departies & diuisees en plusieurs, & comme Theodose bannis  
seulement Eunome, & quels estoient les meurs & maniere de viure d'Euno-  
me, & comme il mourut en son pays de Cappadoce.*

CHAP. XXIX.



'Est chose raisonnable vrayement que nous ne passions sous silence ce qui est aduenue aux autres, à sçauoir aux Ariens, & à ceux qui ont esté surnommez de Macedoine, Eunome & Nouat. Car depuis que l'Eglise de Dieu est diuisee quelquefois, la chose ne s'arreste en ce departement, comme s'il estoit le dernier : mais icelle encore se detrenche & escarte en soy-mesme & fait plusieurs sectes. En sorte que les auteurs de telles factions, ayans tiré quelque petite occasion, & fait leur departie, s'espandent de rechef en plusieurs autres. Or à sçauoir comment & quand, & pour quelle cause chaque secte s'est departie de soy-mesme par

*Des heresies, de leur estat, & divisions.*

*Theodose ne fut pas grand persecuteur des heretiques.*

division, il fera assez liquide & manifeste par ce que nous dirons maintenant. Et fault premierement entendre, que l'empereur Theodose n'a poursuivy ou recherché aucune heresie & n'a contrainct aucune personne à la communion : mais plustost permis que chacune heresie peüst en son lieu, & ainsi que bon sembleroit, faire ses assemblees, voire mesme sentir & opiner de la foy en Iesus-Christ, selon la capacité d'un chacun. Neantmoins il commanda que toutes les autres heresies (les Nouatiés exceptez) fissent leurs assemblees, & bastissent leurs Eglises hors des villes : & permit aux Nouatiens librement s'assembler dedans les villes, à cause qu'ils consentoyent avec luy touchant la foy du Consubstantiel, comme nous auons ia dit. Seulement il condamna Eunome d'aller en exil : Car iceluy, depuis qu'il eust delaisié la ville de Cyric, & fust separé de Eudoxe, qui l'auoit consacré, sous pretexte qu'il ne receuoit son maistre Aëtius qui estoit banny, se retirant aux faubourgs de Constantinople, faisoit à part ses assemblees, & sans aucune crainte publioit les liures qu'il auoit escriptz contre la vraye pieté : en sorte que par le fard & fraude de son beau parler, il attiroit plusieurs personnes en vne mesme fosse de perdition : tellement qu'en brief tēps il emmena vers soy vne grande multitude de gens, & auoit mesme alliché à sa part aucuns de la chambre de l'Empereur. Parquoy Theodose aduertie que ses gens l'honoroyent, outre mesure premierement il les banit de sa court. Et soudain despescha gens certains, pour prendre Eunome en Chalcedon, & le mener en Halmyris. Or Halmyris est lieu de Mysie en Europe, situé pres d'Istre, lequel peu de temps apres les Barbares occuperent, le passage leur estant fait par l'Istre, qui estoit prins de glace. Eunome donc fut de là transporté en Cesarée de Cappadoce, où il encourut vne merueilleuse haine du peuple, à cause qu'il auoit composé des liures contre saint Basile, Euesque de ce lieu. Depnis luy fut permis viure en ses metairies appellees Dacorenes, assises au village de Cappadoce dit Dacora, de la preuosté de Cesarée, ville située au mont Argee. Où il n'arresta guere apres son retour : car il mourut, & fut enterré en son pays. Philostorge scripteur Ecclesiastique admire grandement cest homme, & le iuge diuin & excellent. Car il baue apertement disant, que la prudence & vertu d'iceluy estoit incomparable. Il blasonne aussi sa face, & forme de bouche, ensemble les autres parties de son corps, comme proprement compassées, avec vne grande grace, en sorte qu'il compare l'oraison fluente de sa bouche aux riches & belles marguerites. Toutesfois s'auançant plus auant aux louanges d'iceluy, il confesse qu'il estoit begue : mais il exor- ne & enrichit tant en luy ce vice, qu'il luy attribue vne loefue eloquée. Voire, dit-il, que les taches blanches qui difformoyent son visage, & embellissoient & donnoyent bon lustre à sa face.

*En ce lieu & en Sossamene liu. 7. ch. 17. la ville de Chalcedon est designee par les faubourgs de Bizance. Car cy des liu chap 8. & en Sossamene liu. 7. ch. 6. il a esté dit, que Eunome vint comme priu en Chalcedon. Toutesfois Socrate dit, qu'il a cause qu'il a aussi fait ses assemblees en Constantinople. liu. 5. chap. 20.*

# LIVRE XII. DE L'HISTOIRE ECCLESIASTIQUE

Il prise aussi tous les livres d'iceluy, & les exalte de diuines louanges: neantmoins entre les autres il iuge ses epistres emporter le prix.

*Comme les hereses des Eunomiens, Macedoniens & Arriens furent diuisees en plusieurs autres sectes: & pour quelle cause sescarterent les vnes des autres.*

C. H. A. P. XXX.

*Theophroine  
disciple  
d'Eunome.*



Vnome ayant ainsi finé ses iours, ceux qui le suyuoient sescarterent en plusieurs sectes. Le premier d'iceux fut Theophroine, natif de Cap-padoce: lequel pource qu'il auoit esté par Eunome instruit en la façon & maniere contentieuse de disputer, l'allia aux sectateurs d'iceluy. Or ayant mediocrement (ou plustost grossement, comme à bon droit pourroit dire aucun) estudié aux predicamés d'Aristote, & aucunement versé au liure de l'interpretation ou enuntiation, il laissa vn petit abbrege, pour introduction des syllogismes & ratiocitations, lequel il intitula L'exercice de l'Esprit. Depuis hay de ceux de sa secte, à cause qu'il estoit

*Eupsyche se  
separe des  
Eunomiens.  
Sesomene  
l'appelle en  
tychic, li. 7.  
chap. 17.*

*Question à  
sçauoir si le  
Fils cognoit  
l'heure der-  
niere.*

*Quand les  
heretiques  
se partoyent  
d'une vil-  
le, pour al-  
ler à une au-  
tre, ils por-  
toient des  
lettres de sa-  
ueur de leur  
secte.*

*Deprauatio  
du Baptes-  
me par les  
disciples  
d'Eunome.*

*Eunomio-  
theopro-  
niens.*

*Eunomio-  
eupsychiens.*

*Eutrope &  
Cartier.*

*Macedo-  
niens endif-  
cord.*

tombé en absurdité sole & incepte, à sçauoir qu'il ne vouloit acquiescer à la doctrine de son maistre, fut reiecté de tous. Car pource qu'il estoit grandement curieux, il conclud des noms qui sont exprimez, eux escriptures saintes, que Dieu preuoyant ce qui n'est point, & sçachant ce qui est, & se souuenant de ce qui a esté, ne se maintient tousiours en vne mesme sorte: considéré qu'il transporte sa congnoissance aux choses presentes, aux futures, & aux passees. Se voyant donc reiecté pour ceste cause, il tira à soy à part les assemblees, & institua vne heresie de son nom. Non long temps apres, vn autre dit Eupsyche en la ville de Constantinople, se- paré des Eunomiens, prenant occasion de quelque froide question publiquement agitée, se rendit aussi chef & auteur de l'heresie qu'il inuenta: Car ainsi que ceste question fut esmeuë, à sçauoir si le Fils cognoit la dernière heure: plusieurs mirent en auant le paroles de l'Euangile, & d'icelles concluoyr que le Fils n'auoit aucune cognoissance de ceste heure: Eupsyche ayant redigé par escript la sentéce, confirma que le Fils n'estoit despourueu de cest cognoissance, veu qu'il auoit tresabondamment & richemēt reçu toutes choses de Dieu son Pere. Parquoy ainsi que ceux qui enseignoyent ceste heresie, ne vouloyent admettre ses paroles, il se retrencha de de leur communion, & se retira vers Eunome, lors qu'il estoit en exil. Où aussi arriuerent de la ville de Constantinople ceux de la secte d'Eunome, pour le reprendre calomnieusement en ce lieu: & disputer de ceste question avec luy si besoing en estoit. Ce qu'Eunome ayant enten- du, loüa les raisons d'Eupsyche, & le receut à la communion: nonobstant que l'ordonnance y fust contraire, laquelle prohiboit admettre aux prieres communes ceux qui viendroyent de de- hors, s'ils n'apportoyent lettres avec eux, qui s'adressassent à ceux de la mesme secte, de telle sorte escriptes & notees, qu'elles ne peussent estre leuës par les autres. Or Eunome peu de temps apres decedé, celuy qui apres luy gouerna ceste heresie en Constantinople, ne voulut admettre Eupsyche, car il estoit faché de ce qu'il ne pouuoit soudre la question proposee, & la debatre contre Eupsyche, qui sentoit au contraire de luy, & obstinément soustenoit son opi- nion, combien qu'il ne fust encore clerc. Parquoy Eupsyche esmeu de grand desir de contra- rier, comme plusieurs venoyent à luy, fauorisans à son opinion, se retira des Eunomiens, & in- troduit son heresie. Au reste quant à ce que le diuin Baptesme a esté depraué par vn vsage ba- stard, à sçauoir que le plongement fut fait non en la Trinité: mais vne seule fois en la mort de Iesus-Christ, selon le dire & opinion de plusieurs, cela ne s'attribue à Eunome: mais à ses dis- ciples Theophroine & Eupsyche. Nous auons donc briuevement exposé ces choses, à ce que chacun congnoisse pourquoy les Eunomiens se sont escartez en plusieurs sectes. Or ceux qui suyuirent Theophroine, furent appelez Eunomiotheophroniens, & ceux qui se rengèrent à Eupsyche, furent surnommez Eunomiopsychiens. Ce seroit vrayement chose trop longue & difficile, si nous voulions raconter les disputes & oraisons qui furent faictes touchant ces que- stions: parquoy veu que i'ay entrepris traicter autre chose, ie passeray outre. Pour lors se leua vn discord entre les Macedoniens, duquel vn certain Eutrope, prestre, fut auteur, qui faisoit à part ses assemblees. Mais Cartier port'enseigne de la secte Macedonienne luy resista. En ce mesme temps entre les Arriens en Constantinople fut reuoué en question, à sçauoir si au pa- rauant que le Fils fust (car ils disoyent franchement qu'il estoit issu des choses qui n'estoyent point) le Pere auoit peu estre appelé Pere. Dorothee qui pour lors auoit esté appelé d'Antio- che, & tenoit l'administratiō de ceste secte au lieu de Marin, declaroit apertement que faire ne se pouuoit, qu'auant que le Fils fust, il peust estre appelé Pere: veu que le nom de Pere estoit du reng de ces dictions, qui se referent à quelque chose. Mais Marin estima & opina le contrai- re, disant que le Pere auoit esté Pere, auant que le Fils fust. Ce qui aduint, ou pource qu'il suy- uoit sa fantasie, ou à cause qu'il estoit aduersaire de Dorothee, le voyant estre à soy preferé au gouuernement de ceste heresie. Et pour ceste cause la multitude qui les suyuoient fut diuisee en deux

en deux parts. Dorothee demoura en son Eglise: Mais ceux qui suyuoyent la part de Marin, s'assembloyent aux Eglises qu'ils auoyent basties de nouveau. Lesquels aussi ont esté appelez Plathyriens ou Gotthiens, pour ce qu'un certain homme, appellé Theoctiste, vendeur de gasteaux, lesquels se nomment en Grec Plathyres, defendoit grandement ceste opinion. Ils prindrēt aussi leur nom des Goths, à cause que Selinas, Euesque des Goths, a courageusement defendu ceste sentence, en sorte qu'il y emmena toute la nation Gothique. Les Barbares aussi luy obeissoient grandement, à cause qu'il estoit fort propre à enseigner en leur langue, voire meisme en langue Grecque. Il auoit premierement esté notaire d'Ulphile, Euesque des Goths, duquel nous auons parlé quand nous exposions cy dessus les faits de Valent, & depuis fut esleu successeur d'iceluy. Et non long temps apres se leua vn discord entre ledit Marin & Agape, lequel auoit par Marin esté creé Euesque sur ceste faction en l'Eglise d'Ephese, & y faisoit office & residence. Le discord desquels peu s'en fault qu'il ne donnast occasion de grande guerre aux Goths qui fauorisoient à Agape Parquoy plusieurs de leurs gouuerneurs, reprenans l'enuie & affection de contention & debat, lequel il voyoyent abonder en ceste sorte, se retirerent à l'Eglise vniuerselle, où sans aucune difficulté ils furent admis à la communion. Ceste fut donc cause premiere de separer les Arriens en plusieurs factions. Dès ce temps ceux qui estoient aux villes firent à part leurs assemblees chacun maintenant sa secte. Bien est vray que Plinthus, qui autrefois auoit esté Consul, & lors estoit lieutenant pour l'Empereur des compagnies de cheual & de pied, bien renommé en la court, sectateur des Arriens, les renga d'accord, en Constantinople, apres auoir esté diuisez l'espace de trente cinq ans. En ce temps meisme les Arriens firent vn Synode, où ils ordonnerent que d'ores en auant ces questions & disputes ne fussent agitees, qui auoyent apporté si grand discord. Ces choses furent faites non loing l'une de l'autre. Par aduenture aussi autres plusieurs sectes & factions des Arriens furent en vigueur es autres villes, lesquelles ne m'est licite exactement & entierement raconter. Mais ce nous sera assez pour le present d'auoir touché les principales & necessaires, & celles signamment qui furent en Constantinople, ville de laquelle ie suis le nourrisson & l'engeace, considéré qu'elles ont esté les plus celebres, & par ce n'ont peu estre cachees. Que si quelcun desire congnoistre ces heresies, & dont elles ont prins leur commencement, & par quels auteurs elles se sont auancees, ie l'admoneste lire le liure dit Pannarium, composé par Epiphane, Euesque de Cypre: pareillement Theodorct, Euesque de Cyr: outre plus, cest admirable Iean de Damas: car ces trois en ont escript plusieurs choses.

*Plathyriens.  
Gotthiens.  
Selinas Euesque des Goths successeur de Ulphilas.*

*Autre discord entre Marin, & Agape.*

*Plinthus homme illustre.*

*Oeuvre d'Epiphane contre les heresiques.*

*Comme les Nouatiens s'escarierent les uns des autres par sedition esmeue pour la question de celebrer la Pasque, en sorte qu'ils establirent la secte des Sabbatiens.*

C H A P. XXI.



En ce meisme temps les Nouatiens estruians les vns contre les autres, s'escarterent & forgerent l'heresie qui s'appelle des Sabbatiens: Car il y auoit vn prestre entre eux appellé Sabbatius, consacré par Marcian, lequel pour ce que du Iudaïsme il festoit rengé au Christianisme, festudioit encore se seruir de la premiere opinion Iudaïque, voire secretemēt affectoit l'Episcopat: en sorte qu'avec Theoctiste & Macaire, & les prestres qui leur adheroyent, il celebra la feste de Pasque avec les Iuifs, lesquels sous l'Empire de Valent s'estoyent assemblez au village de Pazo.

*Discord des Nouatiens procedé de Sabbatius, & quel il fut.*

*Finie de Sabbatius.*

Et premierement il se separa du corps des Nouatiens, prenant couerture de sa maniere de viure, laquelle il menoit assez bonne & conforme aux exercices monastiques: & depuis ingeant qu'aucuns d'iceux estoyent indignes de la participation des diuins mysteres, sous ce pretexte il transporta ledit iour de feste en vn autre temps, suyuant la sentence des Iuifs. Apres donc qu'on congneut manifestement qu'il brassoit quelques nouuelletez, Marcian se repentit d'auoir trop tost consacré Sabbatius, tellement que souuent il disoit, qu'il eust mieux fait d'imposer ses mains sur les espines, que sur le chef de Sabbatius. Et voyant que son Eglise se desmembroit, & qu'aucuns l'abandonnoyēt pour suyre vn autre, soudain il conuoca les Euesques de sa secte qui communioient avec luy, & les assemblea en Sangar, lieu de la prouince de Bithynie, au long de la mer, assis non loing de la ville Helenopole. Pareillement fut là Sabbatius euoqué par les Euesques congregez. Et estant fait commandement à Marcian de declarer la cause de sa complainte, il allegua la dissension du iour & feste de Pasques entre luy & Sabbatius: Car Sabbatius auoit dict, qu'il le falloit obseruer avec les Iuifs, en la meisme façon que depuis peu de temps ceulx auoyent arresté, qui s'estoyent trouuez en Pazo, village de Phrygie. Mais les Euesques considerans qu'il entreprenoit ce debat à cause qu'il pretenoit à quelque Euesché, l'obligerent par serment, à ce qu'il arrestast iamais ne desirer aucun Euesché. Et apres qu'il eust iuré que iamais il n'accepteroit Euesché, ils iugerent que encore n'estoit cause suffisante alleguee, pour laquelle leur Eglise deust estre diuisee par factions, pour ce trouuerent-ils bon de consentir & s'accorder tous ensemble, & faire leurs assemblees Ecclesiastiques en vn meisme lieu: ce seulement excepté, qu'on celebreroit le

*concile des Nouatiens contre luy.*

*Il iure ne rien pretendre à aucun Euesché.*

D d d

*Canon des* iour de Pasque en quelque temps qu'on vouldroit. Et de ce publierēt vn canon, lequel ils ont  
*Nonatiens* appellé arbitraire & indifferent. Ils ordonnerent aussi que le decret de ceux qui s'estoyent trou  
*indifferent,* uiez en Pazo, ne feroit aucun preiudice au canon vniuersel : consideré que les anciens person  
*touchant le* nages, & ceux principalement qui furent proches des Apostres, encore qu'ils fussent en grande  
*iour de Pas-* contention touchant le iour de Pasque, auoyent neantmoins cōmunié ensemble, & ne s'estoyēt  
*que.* en autres points aucunement desmentis les vns les autres. Outre plus, que les Nouatiens n'a-

uoyent celebré le Pasque en la vieille Rome avec les Iuifs, mais apres l'equinoxe avec les au-  
tres Romains, qui vsoyent de la tradition des Apostres saint Pierre & saint Paul, & que pour  
dissentir touchant la celebration du iour de Pasque, ils n'auoyent prins occasion & cause rai-  
sonnable de se seioindre de ceux qui auoyent avec eux mesme religion. Parquoy la chose bien  
deliberee, ils ordonnerent ce canon indifferent quē nous auōs dict, que chacun celebrast le Pas-  
que ainsi qu'il luy plairoit, ou selon la coustume, ou l'opinion qu'il suyuroit : non toutefois que  
cette licence apportast aucune dissension quant à la communion, mais que ceulx qui sans au-  
cune difficulté celebreroyent ceste feste, s'accorderoyent à la communion de l'Eglise. Ce canon

*Quelques* confirmé, Sabbatius lié par serment, suyuoit les obseruations des Iuifs touchant ce iour: Vray  
*fois Sabbat-* est que s'il aduenoit que les Chrestiens celebrassent ceste feste en mesme temps que les Iuifs, il  
*ius deux* deuantoit les autres aux ieusnes accoustumez, & secrettement faisant l'office solennel, accom-  
*fois l'annee* plissoit le Pasque, en sorte qu'ayant à la maniere Iudaïque & legale le vespre & soir du sabbat  
*celebroit le* assisté aux veilles & prieres, le lendemain il participoit en commun du iour de feste avec les au-  
*Pasque, So-* tres, & receuoit les diuins mysteres. Ayant ce fait occultement quelques années, il ne peut d'a-  
*sonne.* uantage se celer: Car pour ce qu'il estoit prisé grandement de ce fait, par quelques vns, il attira  
grand nombre du simple peuple qui le suyuoit & principalement les Phryges & Galates, les-  
quels pour ce qu'ils ieusnoyent selon la coustume du pays, estimerent que ceste doctrine pou-  
uoit estre confirmee pour meilleure: parquoy suyuirent Sabbatius, & secrettement celebrerent

*Sabbatius* le Pasque avec les Iuifs. Ainsi petit à petit Sabbatius autorisé en ses assemblees, se departit des  
*se fait euef-* autres Nouatiens: & ayant oublié son serment, exerça l'office d'Euesque sur ses sectateurs, ainsi  
*que entre* que ie diray tantost.  
*les siens.*

*La sentence & iugement de l'auteur, touchant le iour de Pasque: & des Quatuordecimiens,  
& Montanistes, à sçauoir comment ils celebrerent le Pasque.*

CHAP. XXXII.

*Les Iuifs*  
*ont le temps*  
*passé célébré*  
*le Pasque a-*  
*pres l'equi-*  
*noxe du*  
*printemps.*



Aisie m'esbahy de Sabbatius & de ses sectateurs, qu'il leur vint en fanta-  
sie de changer ce iour de feste, veu que dès le commencement les anciens  
Iuifs, ainsi qu'Eusebe de Pamphile a mis en memoire, louant Iosephe,  
Philo, Aristobule & autres plusieurs tesmoins, sacrifierent les sacrifices  
de Pasque pour le passage, apres l'equinoxe du printemps, le Soleil estant  
entré en la douzieme partie du cercle Zodiaque, que les Grecs appellent  
Aries: & la Lune oppolite au Soleil par diametre & ligne droicte, tenāt  
pour lors le quatriesme iour de son cours. Outre plus, les Samaritains  
qui principalement obseruent les temps selon les constitutions Mosai-

ques, ne celebrent ce iour de feste, que premierement ils n'ayēt veules nouveaux fruičts croi-  
sans: Car ils alleguent ce iour estre appellé en la loy, la feste des nouveaux bleds & fruičts: en  
sorte qu'il n'est permis festoyer ce iour auant que lesdits bleds & fruičts apparoiſſent: dequoy  
ils concluent que l'equinoxe du printemps le doit preceder necessairement. Veut donc que les  
Sabbatiens entreprenoyent imiter les Iuifs, ie m'estonne qu'ils ne se sont adressez à ceste anti-  
quité, & ne l'ont prisee. Et vrayement on peult facilement colliger, que les Sabbatiens exceptez,  
& ceux qui sont appelez Tessarescaidecatites, ou Quatuordecimiens, toutes les autres heresies  
celebrent la feste de Pasque avec les Romains, Egyptiens & Palestins. Parquoy les Nouatiens

*Quatuorde-* ont mesme suyuy les Iuifs en la celebration du iour de la resurrection: Voire ils escheent en pa-  
*cimiens, So-* reil temps que les Quatuordecimiens. Que s'il aduient toutefois que le premier Samedy n'es-  
*sem. liu. 7.* chee au quatorzieme iour de la Lune, ils suyuent les Iuifs par apres, & les laissent derriere eux,  
*chap. 18.* d'autant qu'il y aura de iours entre le Dimanche propre à ceste feste, & le precedent quator-  
*Pasque des* ziesme iour de la Lune. Mais les Montanistes, lesquels aussi on a coustume d'appeller Pepuzies  
*Montanistes.* & Phryges, ont inuenté quelque raison, selon laquelle ils celebrent le Pasque. Et premiere-

ment reprennent ceulx qui obseruent le cours de la Lune pour le iour de Pasque: Car ils esti-  
ment qu'il ne fault à iceluy prendre garde, mais que ceulx qui veulent bien chercher le iour de  
Pasque, le doiuent tirer du cours du Soleil. Ils diuisent chascue mois en trente iours, des-  
quels ils font le premier l'Equinoxe du printemps: lequel iour, selon les Romains est le  
iour auant le neuſiesme des calendes d'Auril: Car ils alleguent que ces deux grandes lumie-  
res ont eu pour lors commencement: & qu'elles signifient les temps & les années. Ce qu'ils  
disent estre euidēt, par ce que la Lune de huičt ans en huičt ans conuient avec le Soleil, &  
tous les deux prennent nouveau commencement: consideré que le cours de la Lune parſait

*L'equinoxe*  
*du printēps*  
*auāt le 24.*  
*de Mars.*



en huit ans, est accompli en nonante & neuf mois, & en deux mil neuf cés vingt-deux iours, auxquels aussi le Soleil fait huit cours entiers. En sorte que chaque année doit auoir trois cens soixante-cinq iours, & le quart d'un iour : Car depuis ce iour qui est auant le neuuesme des calendes d'Auril, comme celui qui est estimé le commencement de la creation du Soleil, & du premier mois, ils colligent & content ce quatorzième iour duquel est parlé aux saintes escritures, & disent que c'est ce huitième iour auant le mois d'Auril, auquel tousiours ils font le iour de Pasque. Que s'il aduient, comme aussi souuent il eschet, que le iour de la resurrection soit concurrent à ce temps, ils celebrent le iour de Pasque au prochain Dimanche : Car il est escript, disent-ils, qu'il faut faire le Pasque depuis le quatorzième iusques au vingt & vnième. Quant à moy, ceux-là ne me semblent auoir guere bien fait, de tant debatre & disputer de ce iour de feste : & encore moins d'auoir en ce point delibéré suyure les Iuifs. Mais par aduerture, comme i'estime, il ne montoit en leur cerueau, que le Iudaïsme mué en Christianisme, par quelque necessité les figures cederent à la verité, ce que nous pourrons de là facilement tirer & conclure : Car nulle foy Chrestienne ne commande aux Chrestiens de Iudaïzer : voire tant s'en fault, que elle le deffend & prohibe du tout : ainsi que le diuin Apostre l'a arresté en paroles expressees, non seulement rouchant la Circoncision qui est chef de la loy, mais aussi admonnestant ne nous traualier & separer par disputes les vns des autres, touchant les iours de festes. Parquoy escriuant aux Galates : Respondez, dit-il, vous qui voulez estre sous la loy, n'entendez vous point la loy ? Et apres auoir de ce traité quelque peu, il conclud que le peuple des Iuifs est serf : mais que ceux sont libres qui suyuent Iesus Christ. Là aussi il admonnest qu'il ne faut obseruer les iours ne les ans. Voire en l'Epistre aux Colossens il dit clairement que telles obseruations ne sont qu'ombres & figures : parquoy il infere par apres ceste sentence, Que nul ne vous iuge ou en la viande, ou en bruage, ou en la part d'un iour de feste, ou de nouuelle Lune, ou de sabbat, qui sont ombres des choses futures. En l'Epistre aussi des Hebreux quasi comme sous vn cachet & seau il ratifie toutes ces choses, disant : Estant le sacerdote translaté, il est necessaire que la translation de la loy s'en soit suyue. De là il est manifeste assez que ne le sacré liure des Euangiles, ne le diuin Apostre n'ont imposé aux Chrestiens le ioug de seruitude de la loy : mais que plustost ont delaisé au bon plaisir & iugement de ceux qui sont esleuez en autorité, qu'ils celebreront honorablement Pasque & les autres iours de festes, quand bon leur semblera. Parquoy à cause que les hommes ayment grandement les series, auxquelles il se puissent reposer de leurs labours, ils celebrent pour lors avec honneur & reuerence en plusieurs regions la memoire de la salutaire passion : induits à ce faire par la coustume receuë d'ancienne tradition, ainsi qu'il fut aduisé par vn chacun : Car ne le Sauueur mesme, ne ses disciples n'ont par aucune loy arresté l'observation de ces choses : & n'ont refuté ne menacé, ne condamné à quelque peine & execration celui qui ne les obserueroit selon la loy Moïsaïque, ou ainsi que les escripts Euangeliques & Apostoliques en ont ordonné. Mais au contraire les saints Euangelistes deduisans leur histoire, firent legerement & en passant mention de la feste du Pasque Moïsaïque : à sçauoir que le Sauueur endura au tēps des Azymes, lors que se faisoit entre les Iuifs vne feste tres-celebre : pour montrer que les Iuifs principalement perpetroyent des meurtres aux iours de festes. Et ne semble que l'intention des saints Apostres fust d'asseoir quelque iugement touchant les iours de festes, ou en faire quelques loix : mais plustost d'induire & auācer vne vie, vertu & pieté vraye enuers Dieu, qui luy fust plaisante. Ainsi me semble estre aduenü du iour de Pasque, comme de plusieurs autres choses, qui en beaucoup de lieux ont prins leur coustume de quelques nations, dont encore elles sont obseruees : en sorte qu'il est assez manifeste, que nul des Apostres n'a rien arresté par forme de loy, touchant la celebration de ceste feste.

Le 24. de Mars fut la creation des choses.

Nicefore se bahit avec Soc. l. 5. ch. 22. com-mēt ceux cy ont voulu tāt obstinément disputer du Pasque.

Que c'est que les Apostres principalement ont regardé en leur doctrine.

*Que les anciens plustost par longue coustume, que par aucune loy, selon la tradition des Peres celebrerent le Pasque.*

Chap. XXXIII.



Que dès le commencement le Pasque ait plustost esté obserué par coustume, que par loy, nous le môstrerons par experience : Car ceux qui habiterent Atie la mineur depuis le temps des Apostres, reietās le sabbat, obseruerent le quatorzième iour de la Lune. Et ce faisant, ils ne debatoient aucunement contre les autres qui ne suyuoient ceste mesme obseruation : iusques à ce que Victor, Euesque de la ville de Rome, grandement courroucé, condamna & excommunia les Arriens qui honnoyent le quatorzième iour. Qui fut cause qu'au contraire Irenee, Euesque de Lyon, es Gaules, enuoya lettres à Victor, par lesquelles il le tance, & reprend ce grief forsaict : luy exposant tres-doctement que lors mesme que les plus anciens Peres retenoyent ensemble vne mesme cōmunion de toutes choses au Christianisme, ils varioyent quant au tēps de la feste de Pasque, & n'estimoyēt neantmoins ce porter aucun preiudice à la foy. Il adioustoit

Dés le tēps des Apostres les Chrestiens varioyent quant à la celebration du iour de Pasque.

Victor condamne les Arriens pour

D d d ij

*ceste cause, mais Irenée le represent. Polycarpe.* d'avantage que Polycarpe Euesque de Smyrne, qui depuis sous Gordian receut la couronne de martyr vint à Rome, & communiqua avec Anicet, Euesque d'icelle ville, où ne fut chose quelconque debatue touchant la feste de Pasque. Neantmoins Polycarpe, suyuant la coustume du pays de Smyrne, celebrait le Pasque le quatorzième iour, ainsi qu'Eusebe de Pamphile tesmoigne au cinquiesme liure de son histoire Ecclesiastique : Parquoy il est manifeste, ainsi que j'ay dit, qu'aucuns en Asie la mineur obseruerent le quatorzième iour de la Lune. Les autres

*Les anciens Iuifs celebrent le Pasque, voire apres l'equinoxe du printemps.*

*Constantin le grand au concile de Nice admonesta les Asiens de consentir avec les Occidentaux, quant à la celebration du Pasque, & le temps d'iceluy.*

*S. Jean monstra aux Quatuordecimies de celebrer le Pasque.*

Outre plus, ils eurent plus grande contention touchant le mois : Car aucuns voulurent suyre les Iuifs, à sçauoir d'autant qu'ils estoient ja tombez de la plus certaine obseruation. Mais les autres se tirans loing de ceste fantaisie, iugerent que plustost ils deuoyent faire le Pasque apres l'equinoxe du printemps : disans que tousiours il le falloit celebrer lors que le Soleil est en Ariès, à sçauoir au mois que les Antiochiens appellent Xantique, & les Romains Auril. Et iceux suyuoyent non les Iuifs de ce temps qui radoctoient, mais les tres-anciens : & entre les autres ce grand Iosephe, selon que luy-mesme raconte de ce propos au troisieme liure des antiquitez Iudaïques. En ceste sorte ceux qui tiennent Asie la mineur, & les haults pays d'Orient, furent en dissension touchant ce iour de feste. Tous les autres Chrestiens, & tous les Occidentaux iusques à la mer Oceane, celebrent le Pasque apres l'equinoxe du printemps, suyuans la plus ancienne coustume. Lesquels tous se sont trouuez en tel accord touchant ce iour, qu'on ne les a iamais veuz discorder ensemble. Par ainsi ce grand Concile qui fut celebré à Nice, sous Constantin, n'a mis en auant l'erreur de la celebration du iour de Pasque, ainsi qu'aucuns veulent conter : mais plustost le diuin Constantin par ses lettres admonesté ceste petite poignée de gens qui dissentoient de l'ancienne obseruation, & leur a remontré suyre la plus grande partie, & en l'imitant faire tous de mesme maniere ce iour de Pasque. Tu trouueras ceste entiere epistre de l'Empereur au troisieme liure qu'Eusebe a composé de la vie de Constantin. D'icelle i'en adiousteray icy vne clause, touchant la feste de Pasque, laquelle est telle de mot à mot : Il y a vrayement vn certain ordre bien institué, lequel toutes les Eglises de ce monde tant Occidentales que Meridionales & Septentrionales, & aussi aucunes Orientales gardent. Parquoy puis que pour le present tous ont estimé ce estre tresbié ordonné, ie me suis persuadé & promis, que ce qui d'une mesme & cōforme sentēce est obserué en la ville de Rome, & en Italie, Afrique, tout' Egypte, es Espaignes, Gaules, Bretagne, Libye, toute Grece, la prouince d'Asie & de Pont & Cilicie : vostre prudence aussi sans aucune difficulté admettroit. Laquelle aussi pourra à part soy considerer, que non seulement le nombre des Eglises qui est es lieux que nous auons racontez, est plus grand, mais aussi principalemēt, que c'est vne chose tres-sainte, que tous veulent vne mesme chose : & que la plus exacte raison requiert que nous n'ayons nulle communion avec l'infidelité des Iuifs. Telle estoit l'Epistre de l'Empereur. Toutesfois on dit que les Quatuordecimies receurent de l'Apostre Sainct Jean l'obseruation du quatorzième iour de la Lune : & que Sainct Pierre & Sainct Paul, principaux de tous les Apostres, laisserent aux pays de Rome, & d'Occident ceste coustume, laquelle encore de present y est frequentē. Mais nul ne peult de ce produire aucun decret par escript. Et me semble que Victor & Polycarpe sagement retrencherent la contention de ce iour de feste. Aussi pour ce que les Euesques Occidentaux ne voulurent deshonorer la tradition de Sainct Pierre & Sainct Paul, & que pareillement les Asiens s'efforçoient garder l'ordonnance de Sainct Jean l'Euangeliste, il fut aduisé par commun conseil, que chacun celebreroit ce iour de feste ainsi qu'il auoit accoustumé, & neantmoins ne retrencheroient aucunement la mutuelle communion : Car ils iugerent que ce seroit vne chose par trop forte, pour la varieté de ces coustumes se departir de la mutuelle conioction, veu que tous estoient d'accord & conuenoyent ensemble des principaux points de la religion.

*Des diuerses coustumes de diuerses nations & Eglises, pour lesquelles nul scandale, ne diuision, ou discord ne s'est leué en la religion Chrestienne.*

CHAP.

XXXIII.

*Des diuerses coustumes & obseruations des anciens.*



Que les anciens en plusieurs lieux, selon qu'ils aduisoient estre meilleur ayent celebré le Pasque, plustost suyuans la coustume que la loy, il sera facile à colliger de ce qui s'ensuit : car tous, encore qu'ils fussent d'une mesme opinion quant à la foy, n'ont gardé pareilles traditions en leurs Eglises : de sorte que ceux qui reconnoissoient vne mesme foy, ont varié souuent en l'obseruation de leurs coustumes. Ce que toutesfois n'a rien apporté de detrimēt à la vraye pieté. Et puis que nous sommes tombez à ce propos, il m'a semblé bon raconter icy quelque peu des diuerses

diuerſes couſtumes des Eglifés, leſquelles le temps paſſé differoyent les vnes des autres, & maintenant par la grace de Dieu changees avec le temps, ſont venues par tout en conforme accord. Et premierement nous faut parler del'obſeruation du Paſque: Car nouſtrouuons que les ieufnes qui precedent les ſeries de ceſte feſte, ont eſté dès le commencement obſeruez en diuerſes ſortes par tout. Car les Romains ieufnerent troiſſepmaines continuelles, les Samedis ſeulement & Dimanches exceptez. Mais ceux de l'Illyric, toute la Grece, l'Alexandrie, & toute la Libye, pareillement l'Egypte, & la Paleſtine continuerent leur ieufne ſix ſepmaines auant la feſte de Paſque, appellans ce temps La Quadrageſime. D'autres auſſi commencerét à ieufner ſept ſepmaines auant ce iour, ainſi qu'en Conſtantinople, & és enuironſ de la Phenicie, ſ'abſtenans de viandes cinq iours d'interualle, durant ſeulement troiſ ſepmaines, deux ſepmaines laiſſées en ceſte ſorte: & appellent ſemblablement ce temps La Quadrageſime. Les Montaniſtes ne ieufnerét que deux ſepmaines. Deſquels iem'eſbahy grandement, comment ils ont appellé le temps de leur ieufne La Quadrageſime, veu qu'ils ſont ainſi differens quant au nombre des iours. Je ſçay bien que tous neantmoins tiſſent leur raiſon à part, l'un d'une ſorte, & l'autre d'autre, donnant vn honneſte pretexte à ce nom. Et non ſeulement ſont ils en grand different touchant le nombre des iours, mais auſſi touchant les viandes, l'entree aux ſacrez myſteres, & l'abſtinenſe. Car aucuns ne touchent aucune viande qui ait ame: d'autres en touchent, mais ſeulement des poiſſons. Il y en a qui gouſtent des volailles avec du poiſſon, diſans que les oyſeaux ſont auſſi engendrez des eaux, ainſi que Moſe teſmoigne. D'autres ſ'abſtiennent d'œufs, noix & menus fruiſts: d'autres au contraire viuent des fruiſts des arbres. Pluſieurs ne mangent que du pain ſec ſeulement: d'autres n'en veulent pas meſmes toucher. Il y a auſſi entre pluſieurs diuerſité de temps, auquel ils prennent leur repas. D'autres prennent leur reſeſtion à l'heure de None, aucuns apres Soleil couché, aucuns de deux iours l'un: d'autres ſe paſſeront de repas troiſ iours, d'autres quatre, d'autres cinq, d'autres iuſques à ſept iours ſ'abſtiennent de viandes: ſelon que chacun ou veut, ou peut ſ'en abſtenir. Ainſi ſelon les nations & peuples y a diuerſes couſtumes, & raiſons pourquoy elles ſont obſeruees: deſquelles toutes on ne peut monſtrer aucun precepte qui ſoit mis par eſcript. En ſorte qu'il eſt aſſez manifeſte, que les premiers miniſtres de la parole, au commencement laiſſerent ces obſeruatiōs à l'arbitre d'un chacun, à ce que tous choiſiſſent & peuſſent ſuyre ce qui ſeroit bon, non contrainſts par neceſſité ou crainte. Telle fut la variété des ieufnes precedans les ſeries de Paſque, telle la diuerſité des viādes de ceux qui ieufnoyēt aux Eglifés dès le commencement. Nous y trouuons auſſi vne grande difference touchant la communion: car nonobſtant que preſque toutes les Eglifés eſparſes parmy le monde, euſſent accouſtumé le iour du Samedy d'une ſemaine faire les ſacrez myſteres, les Romains & Alexandrins nel'obſeruoient d'ancienne tradition. Neantmoins les Egyptiens voiſins d'Alexandrie, & ceux qui habitent és enuironſ de la Thebaïde, faiſoyent bien leur communion le iour du Samedy: toutefois non de pareille couſtume que lors eſtoit en vſage entre les Chreſtiens, ils receuoient la diuine ſanctification: Car apres auoir aſſez abondamment banqueté, & eſtans remplis à plaifir de toutes viandes delicieuſes, apres diſner ſur le ſoir, l'oblation faite, ils receuoient les myſteres. Le iour quatrieſme de la ſemaine, & ce iour qui eſt appellé la Paraſceue, les Alexandrins liſoyent les eſcritures, & les Docteurs les interpretoient: & faiſoyent tout ce qui eſt requis à la communion, hors mis qu'ils ne receuoient ces diuins myſteres. Telle eſtoit leur couſtume le temps paſſé. Auſſi diſent-ils, que durant ces iours Origene enſeignoit le plus, & faiſoit la communion & les aſſembles: lequel pourtant qu'il eſtoit excellent en ſageſſe & doctrine, & congnoiſſoit tresbien que la loy Moſaique eſtoit trop infirme pour eſtre aucunement rendue & exprimee ſelon la lettre, il reuocqua la raiſon de ceſte feſte de Paſque à la contemplation ſpeculatiue, diſant qu'il n'y a qu'une ſeule vraye Paſque, laquelle Ieſus Chriſt a accomplie, triomphāt brauement contre les puifſances ennemies, lors qu'il eſtoit attaché à la croix, eſſeuant tres-excellemment ce grand trophée contre ſon ennemy. En ce meſme pays d'Alexandrie il n'y auoit aucune difference quant à l'ordre des lecteurs, & notaires, à ſçauoir ſ'ils eſtoient fideles, ou catechumenes, c'eſt à dire de nouveau inſtruiſts à la foy: nonobſtant que les autres Eglifés en tous lieux choiſiſſoyent ſeulement les fideles pour ceſt ordre. Il eſt manifeſte que ce a auſſi eſté fait en Theſſalie: où il eſtoit permis à quelque clerc que ce fuſt, prendre legitimentement vne femme en mariage, auant que d'eſtre admis à ceſt ordre, que ſi par apres il congnoiſſoit la femme, en la maniere acouſtumee des gens mariez, il en eſtoit deſmis, cōbien que tous en Orient, meſmes auſſi les Eueſques, pouuoient delaifſer la cōpagnie de leurs ſēmes, ſ'ils vouloyēt, nō pas cōtrainſts par quelque loy, mais à leur arbitre: & pluſieurs auſſi exerçās ceſt office epiſcopal, engēdroient és maiſons Epiſcopales pluſieurs enfans de leurs ſēmes qu'ils auoyēt legitimentēt eſpouſees auparauant. Mais maintenāt l'Eueſque n'eſt nullemēt reputé impudique, encor qu'il ait affaire avec ſa ſēme, voire en dormant. Or ceſte couſtume qui ſe garde en Theſſalie, a prins ſon commencement d'Heliodore, Eueſque de Trice, duquel en ce tēps ſe manient encore quelques petis liures d'amours, leſquels il cōpoſa eſtāt encore ieune, & les intitula L'hiſtoire Ethyopique: & maintenāt ſont appelez Chariclea, comme ſi tu diſois la gloire des graces. Qui fut cauſe auſſi que l'Eueſ-

*Des ieufnes  
auant Paſ-  
que.*

*Du Careſ-  
me.*

*Du choix  
des viādes.*

*Du temps  
de prendre  
ſon repas.*

*Obſeruatiōs  
indifferen-  
tes.*

*Receptiō de  
l'Euchari-  
ſtie.*

*La cene le  
temps paſſé  
une fois la  
ſemaine, à  
ſçauoir le  
Samedy.*

*Mariages des  
Presbres.*

*Heliodore  
Eueſque de  
Trice, au-  
teur de*

*l'histoire  
Ethiopi-  
que, aime  
mieux quit-  
ter l'Eues-  
ché, que sup-  
primer son  
liure.*

*Temps du  
Baptême.*

*Structure  
des autels.*

*Prieres des  
veillés.*

*Exposition  
des saintes  
escriptions.*

*Maniere de  
faire les  
prieres.*

*Il n'y a que  
un Euesque  
en Scythie.*

*On doit en-  
tendre cela  
du temps de  
Theodose le  
jeune.*

*Sozom.l. 7.  
chap. 19.*

*Diacres.*

*Alleluia.*

*ceux qui  
preschent.*

*Diverses  
manieres de  
celebrer la  
Messe.*

*Iour de la  
Parasceue.*

*L'Apocaly-  
pse S. Paul.*

*Sozom. li. 5.  
chap. 19.*

*Les Ro-  
mains ieus-  
nent le Sa-  
medy.*

*Estroites ob-  
servations  
des Noua-  
tiens.*

ché luy fut osté : Car pour ce que les ieunes gens par la lecture de ces opusculs tomboyent en danger & scandale, le synode prouincial arresta, ou que tels liures fussent mis au feu, & abolis à cause qu'ils excitoyent les ieunes gens en amour impudique: ou qu'il falloit desmettre l'auteur d'iceux de fonction Episcopale. Mais il aime mieux quitter l'Euesché, que supprimer ses escripts. Ainsi la susdicte coustume fut gardee en Thessalonique, Macedoine & toute la Grece. Pareillement y auoit en Thessalie vne autre coustume, à sçauoir que le Baptême estoit seulement administré aux iours de Pasque, qui estoit cause que plusieurs trespasèrent sans estre initiez de ce Sacrement. En la ville d'Antioche, en Syrie, les autels sont autrement situez, qu'aux autres lieux: car ils sont dressez non du costé d'Orient, mais d'Occident. En Hierusalem, Thessalie & la Grece, la coustume estoit que les prieres fussent faictes aux veilles, les lampes allumées, en la sorte que maintenant sont les Nouatiens en Constantinople: semblablement en Cypre & Cefaree de Cappadoce, le Samedy & le Dimenche au vespre, apres que les lāpes sont allumées, les Euesques & prestres exposent les sacrees escriptions au peuple: Mais les Nouatiens qui sont en Hellespont, ne gardent ceste mesme maniere de prier, que ceux de leur faction retiennent en Constantinople: car ils suyuent quasi en tout les ceremonies vſitees en l'Eglise de ce pays. Et à ce que ie die sommairement on pourra trouuer aisément que ceux qui sont d'accord en toutes opinions & sectes, n'ont toutefois gardé vne coustume conforme. Les Scythes, qui habitent pres l'Istre, ont plusieurs amples & grandes citez, & tous sont subiects à vn Euesque. Neantmoins nous sçauons qu'aux autres peuples, non aux villes seulement, mais en chaque bourg, sont ordonnez des Euesques. Laquelle coustume principalemēt a eu lieu entre les Arabes, les Cypriés, les Nouatiens, qui demourent en Phrygie, & ceux qui sont descendus de Montan heretique. Iusques à present à Rome n'y a d'auantage que sept diacres, à la forme de ceux qui furent creéz par les Apostres, desquels le principal estoit saint Estienne, qui le premier emporta la couronne de martyre. Par tous les autres peuples le nombre est obserué tel qu'il se rencontre. Pareillement en la ville de Rome tous les ans vne fois on chante *Alleluia*, à sçauoir au iour du Dimenche de Pasque. De là plusieurs, pour monſtrer que peu souuent on doit faire serment, & iurer quelques vœux, ont vſurpé ceste maniere de parler, que lon escoute *Alleluia*, & qu'on leur permette le chanter avec ioye. Aussi à Rome nul ne preſche enseignant le peuple en l'Eglise, ne l'Euesque mesme, n'autre quiconque: Mais en Alexandrie l'Euesque seul a ceste charge: laquelle coustume est introduite depuis, car au parauant ce ne leur estoit vſité. Arrius en donna l'occasion, pour ce que n'estant que simple prestre, il print & vſurpa la charge d'enseigner, & introduisant choses nouvelles contre la doctrine de verité, il troubla toute l'Eglise. Le ſçay aussi qu'en ceste mesme Eglise Alexandrine y auoit le temps passé vne maniere de faire, laquelle en tous les autres lieux seroit estimee nouuelle & insolēte. C'est que l'Euesque ne se leuoit point lors qu'on lisoit les sacrez Euangiles. Ce que nul n'a veu, n'entendu aucunement auoir esté fait le temps passé en Eglise quelconque. Là semblablement le seul Archediacre lit le liure sacré: aux autres Eglises les diacres, en plusieurs les prestres seuls, en aucunes aux iours plus celebres les Euesques font cest office. Ce qu'encore auourd'huy se fait en Constantinople, & principalement le premier iour des feries de Pasque, & à l'entree premiere de l'an. Et ceste lecture est faire par deux fois: Car autāt que l'Euesque aura recité de l'escript Euangelique, autāt par apres le diacre en repete, à sçauoir ainsi que l'estime, à ce que non seulement ceux qui ont ce ministere, mais aussi l'Euesque soit veu prescher l'Euangile. Or par aduenture cela se fait, à ce que nous oyans cest Euangile comme tonnant du ciel en faſon de foudre, l'annoncions purement sans aucune faintise ne deprauiation. Aussi l'Euesque premierement lit l'Euangile d'alliance, comme representant la parfaite personne de Iesus Christ. Quant aux prieres & psalmodies, ainsi que nous auons dit, elles ne sont semblables par toutes les Eglises, ne mesmes les liures, ou leçons: Car nous trouuons que ceste Apocalypſe qui est attribuee à Saint Pierre, iugée par les anciens supposée & illegitime, est leue tous les ans vne fois entre les Palestins en quelques Eglises, durant quelque temps au iour de la Parasceue, auquel le peuple avec grande deuotion & cōtrition ieusne en memoire de la salutaire passion de Iesus Christ. Pareillement plusieurs moines admirent avec reuerence ceste Apocalypſe, qui est denommée de S. Paul l'Apostre, laquelle nul des anciens personnages n'a veuë. Bien est vray qu'on a fait quelque bruit, qu'au temps de l'Empire de Theodose ce liure fut trouué par reuelation diuine au pays & maison paternelle de S. Paul, en Tarſe de Cilice, serré en vn coffre de marbre, & foy en terre. Ce que toutefois vn prestre de l'Eglise de Tarſe bien aagé (aussi les cheueux blancs le tesmoignoient assez) a confessé estre faux: car il a confirmé que rien de ce n'aduint en son tēps. Et ainsi qu'il asseuroit ce, il festōnoit, disoit-il, si ce bruit n'estoit forgé par les heretiques. Ce que par cy deuant nous auons monſtré auoir esté fait en plusieurs autres liures. Les Romains ont coustume de ieusner tous les Samedis. En Cefaree de Cappadoce ceux qui pechoyent apres auoir receu le baptême, estoient chassés de la cōmunion: ce que pareillemēt sont les Nouatiens. Les Macedoniens ont obserué ce mesme en Hellespōt, & les Quatordecimiens en Asie. Les Nouatiens en Phrygie ne reçoient ceux qui ont espousé deux femmes ensemble, ou l'une apres l'autre.

l'autre: Mais ceux de leur secte qui sont en Constantinople, bien est vray qu'ils ne les admettent publiquement, aussi ne les reiectent ils point, nonobstant ce est du tout libre en Occident. L'estime aussi que telles dissensions & varietez de ceremonies se sont renforcees en l'Eglise, pour la reuerence de ceux qui les ont premierement gouuernées, & qui leur ont depuis succédé: Car tels personnages laisserent de main en main ces choses qu'ils auoyent receues à ceux qui les suuyoyent, estimans que ce ne seroit ny honneste ne tolerable, s'ils ne honnoroient, ains plustost reiectoyent avec contènement les traditions, ausquelles ils auoyent esté nourris. Et me seroit vrayement beaucoup laborieux & difficile, si ie voulois raconter & descrire toutes les coutumes des Eglises, qui se trouuent diuerses par les villes & regions. Aussi ne se peult il faire autrement. Et nous fault estimer que les premiers Peres ont eu pareille variété & different touchant le iour de Pasque, pour lequel nous auons fait ceste digression. Mais maintenant par la grace de Dieu, tous empeschemens & dissensions ostees avec le temps, la feste de Pasque est par toutes les Eglises celebree en tous lieux d'un consentement & mesme reigle. Et ceux me semblent faillir, comme j'ay dit, qui ont fait courir le bruit, que la foy de Nice auoit emmené en telle erreur & variété les series de Pasque. Car plustost le Concile s'est estudié faire que le peuple, lequel estoit en dissension de la plus grande part, fust attiré en conforme accord.

*La cause de la diuersité des coutumes en l'Eglise.*

*Solennité de la celebration du Pasque, mise d'accord.*

Les Romains &c. *Saint Augustin encore Catechumene consulta quelque fois saint Ambroise, homme de Dieu, à sçauoir si selon la coutume de sa cité sa mere deuoit ieusner le Samedi, ou bien prendre son disner selon la coutume de l'Eglise de Milan: à quoy iceluy, Que te puis-je en ce, dit-il, enseigner d'auantage, que ce que ie fay moy-mesme? Quand ie suis icy, ie ne ieusne point le samedi. Quand ie suis à Rome, ie ieusne le samedi. Et en quelque Eglise que vous viendrez, dit-il, gardez la coutume d'icelle: si vous voulez endurer ou faire scandale. Ainsi ayant gardé la compagnie de ceux avec lesquels nous viuons, sans les offenser en ces choses, nous nous garderons que pour la tempeste de contention, la severité de charité ne soit aucunement obnubilée. Saint Augustin en son Epistre 86.*

*Que le temps passé, voire dès le temps des Apostres il y a eu plusieurs dissensions & diuerses obseruations aux ceremonies: & que les anciens ne se sont pas beaucoup soucié d'icelles, mais plustost commandoyent garder les choses necessaires, & diuisibles à la foy.*

Chap. XXXV.



R que dès le temps des Apostres ayent esté plusieurs dissensions touchant quelques obseruations, ie les prendray eux mesmes pour tesmoins. Sainct Luc escrit aux liures des Actes, qu'il y eut quelque debat entre les Gentils, qui auoyent embrassé nostre foy, & les Iuifs fideles: ce que les Apostres congnoissans, s'assemblerent tous & redigerent l'ordonnance qu'ils firent, en forme d'epistre, par laquelle ils deliurerent les fideles de la pesante seruitude de la loy, & prohiberent toutes les charges d'icelle, comme friuoles & superflues. Ils proposerent vne formule de viure plus entiere, nous emmenans à la vraye pieté enuers Dieu, declaras & publias en parolles expressees ce que nous deuons obseruer. Et n'ay estimé hors de propos raconter en ceste histoire leur propre epistre, pour plus euidente congnoissance. Les Apostres & les anciens & les freres, aux freres qui sont des Gentils en Antioche, & Syrie & en Cilicie. Pour ce que nous auons entendu, qu'aucuns partis d'entre nous, vous ont troublez par aucuns propos, renuersans vos ames, en vous commandant d'estre circoncis, & de garder la loy, ausquels n'en auions point donné charge: nous auons esté d'aduis estés assemblez d'un accord, de vous enuoyer des personnages qu'auons esleuz, avec nos treschers Barnabas & Paul, hommes qui ont abandonné leurs vies pour le nom de nostre Seigneur Iesus-Christ. Nous auons donc enuoyé Judas & Silas, lesquels aussi vous raconteront le mesme de bouche. Car il a semblé bon au S. Esprit, & à nous, de ne mettre plus grande charge sur vous que ces choses necessaires: C'est que vous vous absteniez des choses sacrifiées aux idoles, & de sang, & de chose estouffée, & de paillardise: desquelles choses si vous vous gardez, vous ferez bien: Bien vous soit. Ces choses sont agreables à Dieu, car l'epistre contient ces mots: Il a semblé bon au saint Esprit, de ne mettre plus grande charge sur vous, que ces choses necessaires à garder. Mais d'aucuns ne se soucians de ces choses, ne tiennent aucun compte de la fornication, & debaten des iours, series & manieres de viure ainsi que de l'ame mesme: renuersans les commandemens de Dieu, & se forgeans des loix, comme s'ils se vouloyent estudier & parforcer qu'on ne les peut remerquer entreprendre chose contraire aux commademens de Dieu. Nous eussions peu vrayement dilater d'auantage ce propos touchant le iour de Pasque, & monstrier claiement que les Hebreux mesme ne le gardent resolutement, & n'obseruent la figure d'iceluy ainsi qu'elle leur a esté laissée: voire que les salus.

*Diuerses obseruations aux temps des Apostres.*

*On regarde plus aux friuoles obseruations, qu'aux choses necessaires à nostre salut.*

Samaritains, encore qu'ils soyent separez d'eux, celebrent tousiours axactemēt ceste feste. Mais il seroit besoing d'un temps à part, pour declarer plus abondamment ceste chose. Plustost il seroit expedient monstrier que ceux qui delibererent imiter les Iuifs, & s'yure exacte & parfaite raison de leur figure, les deuoyent donc par tout s'yure. Car s'ils veulent s'enquerir de l'entiere obseruation, non seulement ils doiuent obseruer les iours, mais aussi toutes les choses lesquelles Iesus-Christ a faites à la mode Iudaïque, lors qu'il estoit sous la loy, ou tout ce qu'il a enduré estant iniurié par ceux de son pays & de sa tribu, ou ce qu'il a fait par figure, vñs de bien-

*Il ne fault  
observer ric  
à ric toutes  
les ceremo-  
nies con-  
ches en  
l'Euangile.*

faits en quelque maniere que ce soit, enuers ceux qui auoyēt de luy necessité. Car premieremēt il entra dans le nauire auāt que promulger sa doctrine : & premieremēt en sa Cene cōmanda ap- prester le Pasque, & auant icelle deslier l'asneffe : & proposa pour signe vn hōme qui en vn vais- seau de terre portoit de l'eau, lequel ceux qui alloient apprestier le Pasque, pussent obseruer, & autres plusieurs choses qui sont racontées en grand nombre aux diuins Euangiles. Toutes les- quelles ceux vrayement ne s'estudient obseruer corporellement, qui iugent neantmoins raison- nable celebrer en bon ordre ces saintes feries. Car quel des docteurs a iamais cōmencé pres- cher & enseigner estant au nauire, comme ensuyuant la figure & signification ? Nul aussi ne s'est estudié & soucié faire premierement ce Pasque au cōnacle, ou plus haulte partie de la maison.

*Les Iuifs se  
sont plus  
souciés des  
choses corpo-  
relles que  
spirituelles.*

Nul pareillement n'a parauant cōmandé deslier l'asneffe liee, ou obserué quelqu'un portāt sur ses espaules vne cruche de terre, à ce que ne fust obmis aucun symbole & signe du Pasque. Car ces choses sont fortuites, & semblent plustost presenter le Iudaïsme, veu que les Iuifs s'estudient de plus grand cœur obseruer les choses qui aduennent aux corps, que celles qui ont leur estre en l'ame. Parquoy telles gens sont execrables, considéré que d'auātage ils reçoient la loy Mo- saïque, & les figures & ombrages que la verité. Au contraire ceux qui avec raison admirent & aiment les choses Iudaïques, ils les reduisent en significations & speculations secretes & haultes. Mais ceux-cy excitent vne guerre irrecōciliable cōtre l'Eglise, debataus des iours & mois, ne tenans compte ce pendant de la contemplation plus sublime & esleuee. Parquoy necessaire- ment il s'ensuit, qu'ils soustiennēt en ceste part vne mesme sentence avec les Iuifs, & pour ce sont coupables de mesme condamnation, prononçans contre eux mesmes sentence de malediction.

*Diuisions  
des sectes.*

Mais nous auons, comme i'estime, assez parlé de ces choses : parquoy tournons bride au cours & fil que nous auons entrepris. Nous auons dit que l'Eglise soudain que premierement elle fut diuisee par factions, ne demoura long temps en cest estat : mais que ceux qui estoient cause de ceste departie, ayans choisi vne legere occasion, se desfirent de leurs gens, & s'escolerent en autres sectes. Ainsi les vns d'une sorte ont esté diuisez, les autres d'autre. Les Nouatiens pour l'oc- casion & pretexte du iour de Pasque, s'escarterēt en plusieurs factions, & ne s'arrestèrent en ce- ste diuision, mais encore depuis disputans des iours & semaines, & autres choses de peu d'im- portance, se detrencherent de rechef en autres sectes : en sorte qu'en aucuns lieux segregez, ils faisoient à part leurs assemblees, en d'autres ils s'assembloient communément les vns avec les autres.

*Discords  
des Noua-  
tiens.*

*De la doctrine des Nouatiens : d'Agil, Marcien & Sisinie, & comme Sisinie estoit  
prinēment en ses propos facétieux, elegant & plaisant.*

Chap.

X X X V I.

*Les Eues-  
ques Noua-  
tiens en con-  
stātinople.*

*Sisinie, No-  
uatiens, dis-  
ciple de  
Marcie, &  
les vertus  
d'iceux.*



L fault obseruer qu'Agil administra l'Eglise des Nouatiens en Cōstan- tinople l'espace de quarāte ans, à sçauoir depuis le temps de Constance, iusques à l'an sixiesme de Theodose, lequel estant malade, estimant qu'il deuoit mourir, ordōna Sisinie pour son successeur : lequel auoit esté prestre sous luy, hōme excellent, & qui avec Iulien auoit estudié aux disciplines philosophiques, ayāt pour precepteur Maxime, philosophe. Or ainsi que le peuple des Nouatiens reprenoit ceste election, iugeant que plustost il falloir creer Marcie, hōme religieux & celebre, par la ver- tu duquel leur Eglise auoit esté paisible sous Valent, Agil voulant gra- tifier à la sentēce du peuple, laissant là Sisinie, esleut Marcie, Euesque. Mais depuis que de sa ma- ladie il reuint en conualescēce, entré dedans l'Eglise, luy mesme leur dit, qu'apres son trespas ils auroyēt Marcien, euesque, & apres Marcien Sisinie. Ayant dit ces paroles, peu de temps apres il deceda. Pareillemēt non long tēps apres Marcien defunct, Sisinie receut l'euesché, hōme (cōme nous auons dit) fort illustre. Car il auoit ensemble appris entieremēt avec grande diligence les lettres sacrees & philosophiques : sur tout principalement il s'estoit diligēment exercé en l'art de dialectique & industrie de disputer, en sorte qu'Eunome mesme, duquel l'œuvre & estude principale estoit en cest art, souuent declina de luy, & ne luy voulut faire teste aux disputes. Sa vie estoit tant moderee, qu'il a surmonté les calomnies des murmureurs & obrectateurs. Sa quotidienne maniere de viure n'estoit du tout sobre, mais ioyeuse aucunement & sumptueuse, en



en sorte qu'il sembloit à d'aucuns qu'il luy estoit impossible garder pudicité & continence, vivant en telle splendeur & delices. Il vsoit d'habits propres & exquis, & quelque fois se lauoit deux fois aux baings en vn iour: au demourant il estoit plaissant en ses meurs, & gracieux en ses colloques & propos familiers. Dequoy non seulement il a esté aymé des Nouatiens, mais aussi des princes & magistrats de l'Eglise Catholique: Car non seulement il iectoit facétieusement avec gentile grace des brocards & petits mots sur autrui: mais humainement aussi en a tolleré des autres, si quelqu'un luy estoit donné. Et l'un & l'autre a il fait avec si grande moderation qu'il se monstroient estre tresloing de cruauté & vengeance hostile. Il estoit merueilleusement prompt, ainsi que recite Socrates, à respondre à tous propos, & avec gentillesse satisfaire à ceux qui l'interrogeoient: en sorte qu'une fois quelqu'un luy ayant demandé pourquoy, veu qu'il estoit euesque, il se lauoit deux fois le iour: pour ce, respondit il, que ie ne puis pas trois fois me laver. De rechef ayant esté touché par quelqu'un qui estoit de l'Eglise Catholique, & taxé de ce qu'il portoit vne robe blanche, veu qu'elle sied mal à vn Euesque, soudain il reiecta ce brocard contre celuy qui l'auoit auancé: Mais il fault que tu monstres, dit il, où il est escrit qu'il faut que l'Euesque soit vestu d'une robe de dueil. Là celuy qui l'auoit reprins, demourant tout pensif, n'ayant que respondre, alors Sisinie replica: Vrayement tu ne peux ce monstrier: mais Salomon m'admonste ainsi faire, disant, que tes vestemens soyent tousiours blancs. Voire mesme aux Euangiles est recité, que le Sauueur semble auoir vsé de robe blanche, lequel aussi en la montaigne de Thabor, en lesquelles ses disciples estoient montez avec luy, exhiba & donna à veoir Moysse & Helie vestus de blanc. Ainsi qu'il tenoit ces propos & autres semblables il fut en admiration à plusieurs personnes. Et me semble que ie dois icy reciter vn autre propos d'iceluy assez plaissant. Leonce, Euesque d'Ancyre, en Gaule la mineur, qui en ce lieu auoit osté l'Eglise des Nouatiens, estoit arriué en Constantinople. Sisinie vint vers luy, & le supplia qu'il rendit l'Eglise à son corps. Ce que Leonce refusa faire, voire mesme il detrencha assez rudement les Nouatiens par conuices & iniures, disant qu'ils n'auoyent aucune Eglise, veu qu'ils tollisoient la penitence, & reiectoient la misericorde de Dieu. Continuant telles paroles & autres semblables, ainsi qu'il reprochoit plusieurs choses aux Nouatiens: mais, dit Sisinie, ie ne sçache person ne qui se repente d'auantage que moy. Alors Leonce l'ayant interrogé en quelle sorte il faisoit penitence, Sisinie respondit, En ce, dit il, que ie te voy maintenant ainsi courroucé. Il vescu tant longuement, qu'il admonestoit encore l'Eglise des Nouatiens lors que saint Iean Chrysostome estoit Patriarche. Et osa bien disputer contre luy, à cause que pareillement il auoit loué la penitence, & dit ces paroles: Voire dix mil fois par penitence te reconnoissant, entre en l'Eglise: Car ie suis pr est receuoir le penitent, à ce que par ce moyen d'oresnauant il ne soit circonuenu de semblables maux, pour le peché duquel encore il est enraciné. Or il aduint quelque fois que S. Iean Chrysostome se promenant rencontra Sisinie, & luy obiecta qu'une ville ne deuoit auoir deux Euesques: Car Sisinie marchoit avec grand train & bel equipage. Alors Sisinie respondit que la ville n'auoit deux Euesques, estimant à sçauoir qu'il estoit le vray & legitime Euesque de ce lieu. Saint Iean ayant prins en mal ceste parole: ne vois tu, dit il, que tu veux seul estre Euesque de Constantinople? A quoy de rechef respond Sisinie: Je ne dy pas: mais veu que ie suis euesque à tous les autres, ie ne suis de toy seul estimé tel. Et saint Iean se courrouçant & repliquant: mais ie feray que d'oresnauant tu ne presches plus au peuple, veu que tu es infecté d'une tressale herésie: Sisinie facétieusement venant au deuant des paroles d'iceluy: Je te rendray, dit il, graces & te remercieray beaucoup, si tu me deliures de tel labeur & charge. Parquoy S. Iean flechy & maté par ceste parole: puis, dit il, que l'office de predication te cause moleste & douleur, ie ne te defendray point la chaire, veu que Dieu a ce fait auant moy. On raconte plusieurs autres plaisans & facétieux propos de ce personnage. On dit aussi qu'il composa plusieurs liures de bonne grace: Toutefois il a esté plus recommandable pour son parler, que pour ses escrits. Il estoit heureux en ses actions & harangues, & bien propre à la pronociation: Car en ses leures sembloient resider les graces & allichemens, en sorte qu'en sa voix, visage, ses yeux & contenance, & tout le mouuement de son corps estoit vne gentillesse singuliere, le tout attrayant les yeux & esprits des auditeurs, tant pour regarder que pour entendre. Pour ceste cause estoit il bien venu entre les plus celebres personnages du Senat, admirable à toutes personnes de quelque religion qu'ils fussent. Et principalement l'Euesque d'Athenes l'a grandement honoré. Mais ie pense assez auoir parlé de ce personnage quel il ait esté, pour suyuant le tesmoignage de l'histoire de Socrates, escriuin Ecclesiastique. Ce que i'ay raconté pour monstrier que les Nouatiens ne furent infectez del'ordure des autres sectes, & que la plus grde part d'iceux demoureroit paisible en son Eglise: ceux exceptez qui pour la questiō des feries de Pasque, laquelle Sabbarius commenous auons dit, excita par nouuelletez, festoyent escartez les vns des autres: Car d'une part la vertu de ceux qui les gouuernerēt, à sçauoir Agil, Marcien & Sisinie: d'autre part de ce qu'ils adheroyent à la profession du Consubstantial, fut cause de les empêcher se souiller d'auantage. Plusieurs autres sectes, comme est dit cy dessus, estoient au temps des Ariens, Macedoniens & autres factions. Les heretiques ainsi distraits & diuisez les vns des autres,

*De l'humanité & facétie de Sisinie.*

*Socras. l. 6. chap. 22. & Socras. liu. 8. ch. 1.*

*Moysse & Helie vestus de blanc. Facetie de Sisinie tenant propos à Leonce.*

*Sisinie à disputer avec S. Iean Chrysostome.*

*propos plaisans.*

*Sisinie plaisant à tous.*

*Nouatiens plus paisibles que les autres heretiques.*

*L. ne quis.  
C. de sacrifi.  
pagan.*

l'Eglise vniuerselle s'augmenta de plus en plus: d'autant que de iour en iour quelqu'un se reduisoit & reuenoit vers elle, voyas tant de cōtentions & debats entre les sectes. Et principalement ceux qui auoyent suiuy l'idolatrie Grecque, aborderent à frote grande à l'Eglise Catholique. Aussi l'Empereur ayant obserué que la coustume du temps passé, & les lieux qu'ils reueroient grandement attiroient ses citoyens & subiects à la religion gentille & ancienne, premerement defendit du tout venir aux autels: depuis aussi par edict prononcé & publié, comme nous auons dit, les abbatit rez de terre. Parquoy se voyans destituez de temples, commencerent frequenter les Eglises des Chrestiens: Car il y auoit grand danger d'estre surprins secretement faisant sacrifices à la Grecque. Et par ordonnance Imperiale la peine capitale & confiscatiō des biens estoit proposee & arrestee à celuy qui eust osé sacrifier aux idoles.

*Du décroissement qui aduint au Nil, fleuve d'Egypte: & d'une estoille qui s'apparut  
en forme de glaive, de deux hommes monstrueux, & de l'augmenta-  
tion de la religion Chrestienne.  
Chap. XXXVII.*

*Les Egy-  
ptiens cour-  
rouce7 à  
cause qu'il  
ne leur est li-  
cite sacri-  
fier au Nil,  
qui par son  
inundatiō  
enrois-  
seur leurs  
terres. Braue  
rescrit de Theo-  
dore d'Alexan-  
drie sur ce  
sujet.*

*Subit des-  
bordement  
du Nil, don-  
ne crainte  
aux Alexan-  
driens. Plaisant  
brocard.*

*Estoille pro-  
phétique.*



Vrant ce temps on dit que le Nil, fleuve d'Egypte, desborda trop tard enuiron le premier temps auquel il deuoit enfler & croistre, laquelle chose les Egyptiens porterent pesamment & en grande tristesse, courrouce7 qu'il ne leur estoit libre, selon l'ancienne coustume, sacrifier au fleuve: car la crainte de l'Empereur ne le permettoit point. Donc le gouuerneur d'Egypte voyant que ceux de la prouincetendoyent à sedition, signifie ceste chose au Prince: Laquelle congneue, il rescriuit que plus leur seroit profitable, garder entiere la vraye religion enuers Dieu, qu'à luy de preferer les ondes de ce fleuve, & priser d'auantage l'anniuertaire fertilité qui en prouient, que la pure & saine foy. Il leur dit aussi que iamais ce fleuve ne sortiroit de terre, s'il estoit tel, qu'il s'esmeust par enchanteries & impostures, & s'eslouist de la fumee des sacrifices, en sorte qu'il contaminast de sang ondoyant les euaes escoulantes du diuin paradis. Non long temps apres ce fleuve s'enfla soudainement en telle sorte qu'il couuroit mesmes les plus haults lieux. Or comme ce fleuve estant enflé à sa droite haulteur, mesmes en coulant bien petirement, se vint encore augmenter d'auantage, les Egyptiens furent saisis d'une autre peur: car ils doutoyent que par son desbordement il renuerfist la ville d'Alexandrie, & principale partie de Libye, tant de iour en iour abondamment croissoient leseaux. Le bruit est aussi qu'en ce temps ceux de la superstition Grecque qui demouroient en Alexandrie, esmeuz de ce cas inopiné & non attédu, ainsi se mocqueret de ce fleuve, que mesmes en leurs theatres & spectacles ils crierent, que ce fleuve comme vn viellard decrepité & radoté auoit pissé pour la dernière fois. Qui fut cause que grand nombre d'Egyptiens ayans condamné leur superstition, & renoncé aux ceremonies du pays, se retirerent vers Iesus-Christ. Cest assez quant à cela. Outre plus, en ce temps furét veuz des prodiges non accoustumez, signifians les maux qui deuoyent aduenir sur la terre. Car premierement s'apparut au ciel vne estoille inopinée & extraordinaire sur la minuit, reluisant pres celle du point du iour, à l'enuirō du cercle qu'on appelle Zodiaque. Icelle, pour ce qu'elle estoit grande & luisante en ses esclairsans rayons, ne ceda pas beaucoup à Lucifer, estoille du point du iour. Petit à petit aussi s'amassoit à l'enuirō d'elle vne grāde multitude d'autres estoilles: En sorte que si tu eusses veu ce spectacle, tu l'eusses cōparé à vne cōtō de mouches à miel, qui voltigent à l'enuirō de leur duc: & la lumiere, qui aussi comme d'une mutuelle & violente concussion s'espandoit d'icelles toutes, s'assembloit en vne flamme, & representoit du tout la forme d'une espee à deux trenchans, grande & horrible, faisant frayeur de sa lueur: Car pour ce que les autres estoilles s'amassoient en vne mesme vision, & celle seule qui premiere auoit esté apperceue, apparoiſſoit comme vne racine ou quelque manche, & ren-  
doit aucunement toute la lueur d'icelle qui s'estoit presentee, sa flamme s'esleuoit contre mont, brulant cōme la mesche d'une lampe. Donc ceste vision rendoit aussi vn nouveau spectacle. Or son mouuement estoit du tout different du cours du toutes autres estoilles: Car en premier lieu commençant à se mouuoir du lieu que nous auons dit, se leuoit & couchoit avec l'estoille du point du iour. Par apres petit à petit s'escartant d'icelle, laſchement, & comme pas à pas tour-  
noit son cours comme vers les Ourſes, & cheminoit obliquement à la gauche, comme tyrant droit à ceux qui la regardoyent. Bien est vray qu'elle faisoit son tour commun semblable à toutes les autres estoilles, esquelles elle se ioignoit: mais de son propre mouuement, le quel dura quarante iours, à grande peine vers le fin est elle paruenue à l'Ourſe maior. Et là à la partie du milieu de cest astre, apres auoir esclaire7 pour la dernière fois, elle s'esuanouit. Au mesme temps que ceste estoille port'espee, ou plustost representante la forme d'une espee, s'apparut, furent veuz deux corps d'hommes: l'un en Syrie, surpassant en grandeur nature humaine: l'autre en Egypte, de stature incroyablement petite. Celuy de Syrie estoit creu de la longueur de cinq coudées,

couldees & vne palme, nonobstant que les pieds ne respondissent à la proportion de la grandeur de son corps, car ils estoient tors & courbez : le nom de cest homme estoit Antoine. I'en ay de nostre aage veu vn semblable, reputé pour monstre, lequel vne femme de bien petite stature a enfanté. L'homme Egyptien estoit tant petit, qu'il ressembloit à vne perdrix. C'estoit vrayement chose assez plaisante, que le veoir en vne troupe de gés iouer & courir à qui mieux, mieux. Et qui est chose merueilleuse à dire, en luy estoit telle prudence quelle est requise à vn homme beau & parfait: comme si la petitesse de son corps ne luy eust rien osté de sa sagesse. Sa voix estoit assez plaisante pour chanter, sa parole donnoit assez à congnoistre la generosité de son esprit. Ainsi ces deux vescurent en vn mesme temps, toutefois l'vn mourut plustost que l'autre: Car le plus grand vescu vingt cinq ans, mais le plus petit vescu vn peu moins. Pour lors aussi se rencontrerét plusieurs autres prodiges, lesquels i'ay pensé n'estre propres à reciter en ce lieu.

Deux hommes monstrueux.

*Comme Valentinian, le ieune, fut suffoqué par le duc Arbogast.*  
Chap. XXXVII.



Insî donc Theodose gouernoit magnifiquement l'Empire d'Orient, s'estudiant grandement avec toute reuerence seruir Dieu, & de iour en iour augmentant de nouveau la Chrestienté. Mais la republique se gouernoit mal en Occidét: Car on rapporta que l'Empereur Valentinian, le ieune, estoit mort, ayant le gosier rompu & cassé. Et dit on que ses Eunuches, valets de chambre, luy auoyent brassé ces embusches, avec quelques autres: & principalement Arbogast, qui auoit la charge & administration de toutes ses compaignies militaires. Car voyans que ce iouuenceau quasi en rien n'estoit inferieur à son pere pour gouverner l'Empire, & n'estoit content de plusieurs ordonnances qu'ils faisoient, ils prindrent conseil de le faire mourir. Or estoit il fort impatient en sa colere: ce qui fut aussi cause manifeste de sa mort. Car ainsi qu'en sa sale il parloit à Arbogast, les propos s'auancerent en si grande colere, qu'il se mit en effort de transpercer le lieutenant de son camp avec vne espee: Mais il en fut empesché par l'vn de ses gens, duquel il vouloit prendre l'espee, qui appaisa le tout apres auoir rudement tensé de paroles Arbogast. Mais ce lieutenant ayant au descouuert apperceu l'affectiō mauuaise que luy portoit l'Empereur, maschea & songea cest acte assez long tēps à part soy. Et puis interrogeant l'Empereur dont luy venoit ceste colere, l'adolescent respondit qu'il se defferoit luy mesme, puis qu'on ne luy permettoit faire ce qu'il vouloit, veu qu'il estoit Empereur: En sorte que sa vie luy desplaisoit. Lors Arbogast ne le voulut d'auantage curieusement interroger: mais par apres estans venuz à Vienne, ville des Gaulles, il l'aperceut s'esbatant en quelque lieu secret de la maison Royale, apres disner, à sçauoir pres le riuage du fleuve, enuiron l'heure du midy: parquoy il y enuoya des meurtriers, leur donnant charge de suffoquer & estouffer ce iouuenceau, lors que nul de ses seruiteurs luy assisteroit: Car l'heure du disner les auoit appelez. En sorte que l'adolescent fut ainsi estranglé par personnes cruelles. Mais les auteurs de ce meurtre craignans que si sur le lieu & à l'heure on s'enquestoit d'eux, il ne fussent facilement prins, luy lierent vne seruiette à l'entour du col, ainsi qu'un cordeau, puis le pendirēt hault, pour faire penser que luy mesme s'estoit estranglé. Au reste le bruit est que cest adolescent sembloit estre merueilleusement digne de l'Empire, non seulement pour la disposition de son corps, mais aussi pour l'abondance de ses vertus, desquelles grandement vn bon Empereur peult estre enrichy. Et eust surmonté en grandeur de courage & bonne iustice, voire son pere mesme, si il luy eust esté permis paruenir en aage d'homme. Et iacoit qu'il fust tel, il finist toutefois en ceste sorte sa vie, aagé de vingt ans ou enuiron.

Mort de Valentinien, le ieune, l'auteur de laquelle fut Arbogast.

*De la tyrannie d'Eugene, en Occident: & comme l'Empereur Theodose, bien aymé de Dieu, le surmonta, & comme ceste victoire fut predite par diuins personnages.*  
chap. XXXIX.



Et ce voyant Eugene, homme de Grecque superstition, s'empara de l'administration de toutes les villes, & print les equipages Imperiaux. Arbogast luy donnoit ayde: lequel pour ce qu'il estoit barbare de natiō n'osa s'auancer de s'ineuiter de l'Empire. Cest Eugene premierement enseigna les lettres Latines: puis les escoles abandonnees, hanta la cour Imperiale. Et là receu au nombre des conteroollers, ou gardes des deniers Imperiaux, fut celebre & en grand honneur chez l'Empereur, en sorte qu'il paruint à la dignité des maistres. Mais ne se pouuant contenter de sa presente fortune, tendoit à la tyrānie & principauté, induit à ce par quelques vns qui confermoient sçauoir pour certain les choses futures, tant par les victimes & in-

Eugene, premierement pedagogue, depuis conteroollier Imperial en uisit l'Empire Occidental.

*Les enchâ-  
seurs l'a-  
guillonner  
à ce faire.*

*Il occupe les  
Alpes de  
Iules.*

*Theodose  
dresse une  
armée contre  
Eugene.*

*Ayant con-  
sulé Jean,  
moine d'E-  
gypte, il en-  
tend de luy  
que sans ef-  
fusion de  
sang il em-  
portera la  
victoire.*

*La croix  
marche de-  
vant l'ar-  
mée de  
Theodose.*

*Temple de  
S. Jean Ba-  
ptiste.*

*Bataille  
doubteuse.*

*L'empereur  
prie Dieu  
en sa neces-  
sité.*

spection des entrailles d'icelles, que par la congnoissance des astres. Car il faut entendre que pour ce temps plusieurs vaquoyent à ces choses, & principalement Flavian, gouverneur de la ville de Rome, homme fort illustre aux disciplines: & qui quant & quât si quelque autre estoit sçauant & expert aux choses ciuiles, (& selon que luy sembloit) bon deuin des choses futures, voire le plus excellent, d'autant qu'il y auoit employé d'auantage de peine. Par cest art diuinitrice il elment Eugene d'entreprendre guerre, luy promettant pour certain que tout ce qu'il entreprendroit, seroit accôply. Luy donnant entendre, que par sort fatal, & destinee des Dieux l'Empire Romain luy appartenoit, & qu'il seroit vainqueur de la guerre, & châgeroit la religion Chrestienne. Parquoy Eugene esleué pour ceste esperance, ayant assemblé vne grosse armee, occupa les destroits d'Italie, que les Romains appellent, Les Alpes de Iules, & y mit garnison. Car les Itales n'ont que ce seul passage tres-estroit, entre rochers de rompus des haultes montaignes: estant icelles Alpes d'un costé & d'autre fort munies. Eugene donc ainsi exalté en tyrannie, faisoit office d'Empereur aux parties Occidentales. Mais Theodose aduertie de ces menées ne fut moins soucié, que lors qu'il dressoit sa bataille contre Maxime. Or apres auoir leté vne grande armee, pensant à part soy quel affaire il entreprenoit, doutoit à sçauoir s'il deuoit marcher contre ce tyran, ou bien attendre sa venue. Ainsi que ce soucy le balançoit, il delibera verser du conseil de Jean, moine, demourant en Thebaide, lequel cy dessus au cathalogue de ceux qui menèrent sainte vie, nous auons dit auoir esté tres-illustre en œuures admirables, & principalement celebre en science des choses futures. Car d'autant qu'il auoit receu de Dieu ceste grace il predisoit beaucoup des choses à ceux qui le consultoyent. Dequoy mesme en porta illustre tesmoignage & experience, l'oracle qu'il donna touchant ce tyran Maxime, assurant que Theodose en rapporteroit ceste non sanglante victoire. L'Empereur donc luy adressa Eutrope, l'un de ses plus fideles Eunuches, luy donnant charge de se transporter en Egypte, & si faire le pouoit, en mener ce saint homme avec soy: ou bien si constamment il refusoit venir, qu'il s'efforçast sçauoir de luy, que deuoit estre fait de ceste guerre. Eutrope arriué en ce lieu, ne peut persuader à Jean de se mettre en chemin vers l'Empereur: Parquoy il pria, qu'il luy predist l'euénement de la guerre. A quoy il respondit, qu'apres grand carnage & effusion de sang, Theodose emporteroit la victoire de ce tyran: & que non long temps apres luy mourroit en Italie. A sçauoir si l'un & l'autre est aduenue, nostre histoire le declarera cy apres. Ces nouvelles ouyes Theodose pourueut abondamment de tout ce qui estoit necessaire à l'équipage de guerre, & declara son fils Honoré empereur: car au parauant il auoit exalté Arcade à l'Empire. Et ses deux fils laissez en Constantinople, tira droit en Occident, accompagné de ses bandes Orientales. Or grandes troupes des Barbares qui habitent le long d'Istre, de leur propre gré & volonté luy portans ayde, le suyurent: Toutefois les capitaines se plaignoyent à l'Empereur du petit nombre de leurs gens, l'enhortas differer ceste expedition, à ce qu'au printemps on peust rassembler vne autre armee, en sorte que le nombre d'eux peust vaincre les ennemis. Mais le tresreligieux Empereur n'obeit à leur conseil. Aussi, dit-il, qu'il ne falloit attribuer telle imbecillité à la toute puissante armure de la croix, qui estoit opposée à l'encontre de l'image d'Hercules: Car, dit-il, la croix marche deuant mon armee, & Hercules mene les compagnies de mon ennemy. Ces paroles dites, il se mit en chemin: Et estant arriué en Constantinople, il vint à l'Eglise au lieu dit Septime, bastie par luy en l'honneur de saint Jean Baptiste, lequel principalement il honnoroit, & là estoit entré pour presenter sa priere à Dieu, & inuoyer saint Jean Baptiste, afin qu'il luy portast ayde, & qu'il peust luy & l'armee des Romains auoir bone fin de la bataille. L'office diuin accompli, ainsi qu'il estoit raisonnable, depuis il vint iusques en Italie: & soudain tirant droit aux Alpes, il print les premieres garnisons de ce tyran. Et de ce chemin esleué & droit, de toutes parts garny de rochers, eschappé par vne voye penchante, il passa à vne autre colline, laquelle il monta, & ieçant sa veue d'une part & d'autre, appercent toute la plaine couuerte d'une multitude innumerable de pietons & gens de cheval: & non loing derriere soy aduisa à la cime de la montaigne des bandes d'ennemis assez pres, qui pour lors estoient coyes: mais apres que la premiere poincte de l'armee deuant de la colline se iecta sur ceux qui auoyent occupé la plaine, il s'y est fait vn combat moult grand & douteux: & lors il congneut que son ost estant enuironné de deux armées d'ennemis, ne se pouoit aucunement sauuer, entant qu'estoit es forces humaines: car desia tant ceux qui estoient tenus coys en la cime de la montaigne, assailloyent les gens par derriere: & celle part où les Romains batilloient contre les Barbares, les forces estoient egales. Mais celle part où les Barbares qui estoient venus au secours batilloient, les soldats d'Eugene estoient beaucoup les plus forts. L'Empereur donc voyant que les forces s'aneantissoient, & ses gens estoient mis en pieces, en sorte qu'il n'attendoit sinon qu'ils fussent tous mis en route, prosterné contre terre, en rosa la terre de larmes, suppliant Dieu, qu'il ne mesprisast ainsi l'Empire des Romains, la laissant en si grand danger de perdre tout. Et soudain Dieu l'exauça, ainsi que l'euénement de la guerre le monstra: la nuit suruint, & son armee perdoit tout courage. Parquoy l'Empereur travaillé en son esprit, & destitué de conseil, trouua vne chapelle à la cime de la montaigne où il auoit assis son camp. En

En icelle il passa toute la nuit, de rechef prie treshumblement le Seigneur Dieu de toutes choses, à ce qu'il luy pleust porter aide. Et ainli qu'il continuoît ses prieres, enuiron l'heure que le coq chante, il fut abbata de sommeil, voire outre son gré, & couché sur la terre nue, luy sembloit qu'il voyoit deux hommes, vestus de robes blanches, portez sur cheuaux blancs, lesquels l'abordans, luy commanderent auoir bon courage, & iecter hors toute crainte, mais soudain au point du iour dresser son armee, & avec certaine confiance la mener contre ses ennemis, l'assurans qu'ils estoient enuoyez de Dieu pour son secours, & qu'ils combateroient à la poincte. Et dit l'un, qu'il estoit saint Iean l'Euangeliste: l'autre, saint Philippe l'Apostre. Cemeisme veit l'un des soldats, lequel le raconta à son capitaine: le capitaine le declara au tribun: le tribun au chef de l'armee: & ce chef d'armee le recita à l'Empereur, ainsi que chose nouuelle. Ce qu'entendât l'Empereur: le soldat, dit-il, n'a veu ces choses pour m'en instruire, car ie les ay veues le premier, & me suis promis pour certain la victoire, croyât à ce qui m'a esté dit: Mais à fin que quelcun n'estime que ie vueille temerairement me precipiter au danger de la bataille, & pource que i'aye feint ce songe, le Seigneur de l'univers a procuré, que l'un de mes soldats en fut aduerty, & cōme suffisant tesmoing confirmast ma parole. Parquoy ayans reiecté loing toute crainte, suyons ces port'enseignes qui marcheront deuant nous, & combatteront à la premiere poincte. Et à ce que nul d'entre nous n'estime que la multitude des ennemis emporte la victoire, il fault que chacun arrestât alaigremēt sa confiance en Dieu, marche apres ces premiers capitaines. Ayant par ceste remonstrance donné cueur à ses gens, il cōmença conduire son armee bien dressée, & l'emmener de la cime de ce terre en la plaine. Eugene voyant que l'armee de Theodose ne demâdoit qu'à combattre, mit par ordre son camp, en train de marcher quand il voudroit. Et lors monta sur vne petite montaigne, pour plus aisément contempler la meslee, & disoit que l'Empereur se defferoit luy-mesme: parquoy il cōmâda à ses ducs & capitaines ne le mettre à mort, mais plustost le luy ammener vif. Or soudain que les deux camps se furent rencōtrez front à front, on eust veu vne merueilleuse multitude de diuerses nations au câp des ennemis, & de la part de Theodose bien peu en leurs rengs pour resister, voire en sorte que facilement on les pouuoit conter. La premiere rencontre fut faicte le long du fleune, qu'on appelle Frigide. Là Bacurie conducteur de l'armee de Theodose, animé de grand courage, du choc qu'il donna, troubla en ceste sorte les compagnies ennemis, que ses gens se mesloyent entr'eux à leur aise, tellement que les rengs rompus, ils mirent en route ceux qui le iour precedent les auoyēt pourchassez. Parquoy les capitaines de l'armee, laquelle, cōme nous auons dit, s'estoit retiree derriere au sommet de la montaigne, enuoyerent leurs orateurs vers Theodose, promettans qu'ils se rengetoyent de sa part, s'il les vouloit recevoir en plus grande dignité qu'au parauant: Ce quel'Empereur accorda. Et pour autât qu'il ne pouuoit recouurer aucun papier, il print vne tablette, laquelle par cas fortuit l'un des soldats assistas portoit: & en icelle mit par escript, quel lieu illustre il donneroit à chacun d'eux, moyennât qu'ils fussent stables en leurs promesses, & les missent en effect tel qu'ils deuoyēt. En ceste sorte d'ennemis qu'ils estoient, se rendirent tous cōpaignōs de l'Empereur. Nonobstât cediēt accord les deux camps se maintenyēt, & le cōbat estoit aspre d'une part & d'autre, en sorte qu'on ne pouuoit donner la victoire ny aux vns, ny aux autres, iusques à ce qu'il se leua vn vent fort impetueux contre les ennemis, voire tel que iamais au parauant on ait veu, ou duquel on ait fait memoire, lequel souffloit droit cōtre leurs visâges, tellemēt qu'il rompoit leurs ordres: voire d'une force cōtraire reiectoit les dards & fleches lancees contre les Romains, & les renuoyoit contre ceux qui les auoyēt iectees. Le diray d'auantage, ce vent emmenant les ordures & pierres en grands amas, arrachoit de leurs mains leurs boucliers, rompoit les courroyes, & les reiectoit contre leurs faces, en sorte qu'il leur brisoit tous les mēbres: voire cōduisoit il les dards des Theodosiens & les portoit de plus grande force. Parquoy les Theodosiens ayans reprins d'auantage de cueur, voyâs mesme qu'ils estoient entiers, & ne receuoyent aucun dommage, avec grande fiance se ruerent sur leurs ennemis, & les desfirent. Plusieurs d'iceux voyâs manifestement que cest aide venoit aux Chrestiens diuinement, iectans bas les armes, se retirerent à la misericorde de l'Empereur, luy demandâs pardon. Lesquels aussi il receut en sa grace, acquiescât à leurs prieres: & les enuoya avec les autres transfuges pour prēdre ce tyran, & le luy ammener. Parquoy soudain cryans à haulte voix tirerent de grande viffesse droit à ce terre, auquel le tyran Eugene estoit assis, ne sçachât rien de ceste fortune. Les voyât venir de si grād erre & sans reprendre leur alaine, & pensant qu'ils luy apportoyent quelque nouuelle, voire qu'ils luy venoyēt annoncer la victoire, ils les interrogea, à sçauoir si on ammenoit Theodose vif & garroté, ainsi qu'il auoit cōmandé. A quoy ils respondirent: Nous ne le t'amenons pas, mais sommes enuoyez plustost pour t'emmener vers luy. Car la victoire ayât detesté le tyrā, a suiuy le vray Empereur. Ainsi à sçauoir le gouuerneur de toutes choses l'a voulu. Ces paroles dictes, ils le tirerent de son charriot, & emmerent lié & captif à l'Empereur, celui, qui vn peu au parauant pensoit estre exalté en si grande gloire. Theodose le voyant, luy reprocha les meschancetez qu'il auoit commises contre Valentinian, luy mettant deuant les yeux l'Empire mal-heureux & illegitime qu'il

*Chapelle à la cime de vne montaigne.*

*S. Iean l'Euangeliste & S. Philippe apparissent à Theodose.*

*Theodose mettant sa fiance en Dieu, marche en bataille. Orgueil d'Eugene.*

*Frigide fleune.*

*Bacurie est par autres appelle Barbarie.*

*Vne partie des ennemis se rendent à Theodose.*

*Dieu enuoye vn vent contre les ennemis.*

*Theodose victorieux.*

*Eugene captif & occis.*

## LIVRE XII. DE L'HISTOIRE ECCLESIASTIQUE

*Miracle  
pour presage  
de la vi-  
toire de Co  
stantinople.*

auoit exercé, & les guerres ciuiles par luy excitees. Outre plus, il se moqua d'Hercules, qu'il disoit estre son preseruateur & defenseur. Ce qu'entendant ce tyran, miserablement se iecta aux pieds de l'Empereur, le priant qu'il luy donnast sa vie: Mais ainsi qu'il le supplioit, l'un des gens d'armes desgaina son espee, & luy treucha la teste. Arbogast autheur de tels & tant de maux, apres auoir prins la fuite deux iours durant, s'ennuyant de sa vie, de son propre glaue se fit mourir. Vel a esté ce tresfidele Empereur, lequel en toutes guerres & combats ainsi qu'il deuoit, il mettoit sa fiance en Dieu, dequoy aussi iamais il ne fust frustré. On dit qu'au mesme temps que la iournee de la bataille fut prinse en Occident, aduint au temple de Septime, lieu situé aux faubourgs de la ville de Constantinople, auquel nous auons dit que l'Empereur auant que partir de ceste ville pour marcher en guerre, s'estoit retiré pour faire ses prieres, vn homme agité des frenaisies du diable, fut hault esleué en l'air, & ainsi que s'il eust debatue avec saint Iean Baptiste, luy disoit iniure, luy reprochât que sa teste estoit treuchee. En sorte qu'en fureur & cōmerage extreme il s'escria en telles paroles: Tu me surmontes, & dresse tes embuschés à mon armee. Lors ceux qui entendirent cest homme, à cause que la guerre donnoit beaucoup de soucy aux personnes, ayans opinion que ce demoniacle disoit quelque chose de nouveau, mirent par escript la date du iour: & depuis cogneurent de plusieurs qui y auoyent assisté, que le combat fut fait ce mesme iour. Ainsi se porterent les affaires du tyran Eugene.

*Du tumulte & sedition esmeuz en Thessalonique, pour laquelle  
Theodose fit mourir sept mil hommes.  
CHAP. XL.*

*Le diable  
nous assaillt  
en diuerses  
manieres.*



*Theodose  
tombé en co-  
lere, fait  
mourir plu-  
sieurs per-  
sonnes en  
Thessaloni-  
que.  
Sedition po-  
pulaire.*

*Grand car-  
nage &  
trop seuer  
sentence.  
Sept mil ho-  
mes tuez.*

R n'est il pas aisé à l'homme pouuoir eschapper tous les dards & assaulx de l'ennemy commun de nature: Car si quelcun s'est peu deliurer d'affectiō lubrique & libidineuse, il ne laisse toutesfois de trebucher aux lacs d'auarice. Que s'il la surmonte, encore est il circonuenu des filets d'enuie. Que s'il la met sous les pieds, parauanture ne sera il vainqueur de sa colere. Car à la verité ce pernicieux ennemy tend plusieurs rets & filets aux humains, s'efforçât detenir chacun en affection vicieuse par certain art & tromperie, & premierement en celle en laquelle il estimera quelcū pouuoir trebucher par naturelle inclinatio. Laquelle machinatiō il brasse & entreprend afin d'abuser des passions du corps, à la ruine des ames. Que s'il aduient que l'ame veille & face le guet diligemment, la grace de Dieu luy portant aide, elle sera victorieuse, & se sauuera des machines & ruses de cest ennemy. Parquoy veu que l'admirable Empereur Theodose auoit receu sa part de nature humaine, il a pareillemēt esté subiect aux communes affectiōs d'icelle: Car ne pouuant moderer sa colere se desuoya de son office & honnesteté, & cōmit vn forfait cruel & inhumain. Ce que selon ma capacité ie reciteray, enseignant au lecteur non seulement ce qui luy est vtile de sçauoir: mais aussi quel ait esté cest acte, & qu'en iceluy on peult tirer & le crime, & la louage de ce Prince. La ville de Thessalonique est la principale & comme chef de toute l'Achaie, Thessalie & Illyric, seigneuriant tous les peuples de Macedoine, grande & bien peulee. En icelle s'esmeut vne grande sedition. Vn chartier, à sçauoir, ayant iecté ses yeux sur l'eschançon de Butherich, lors gouuerneur des compagnies militaires en Illyric, s'estoit efforcé violer sa pudicité: Pour ceste cause il fut prins & detenu prisonnier. Or peu de iours apres se deuoit faire vn excellent ieu de chariots en la ville, pourquoy le peuple supplia, qu'on pardonnast à ce chartier, veu qu'il estoit singulier & fort industrieux en ce combat, & requit que licence luy fust dōnée de se trouuer à ce ieu: Mais voyans qu'ils n'estoyent exaucez en ceste tant soigneuse requeste, ils furent enflambez en grand tumulte: Car de fureur populaire ils tuerent aucuns des principaux hommes de l'Empereur, & entre les autres ce Butherich. D'autres ils assommerent de pierres, & trainerent par apres courans parmi les rues. L'Empereur ayant entendu l'indignité de ce fait, fut enflambé de cruelle colere: & impatient en sa fureur, iecta hors les brides & frains de raison, & suyuit en sorte son appetit escumant, & mouuement inhumain, que soudain il le ratifia & confirma par sentence. Ainsi se laissant aller en vne desbordée licence, comme le tyran qui vit à son arbitre, sans se rendre subiect aucunement aux loix, desgaina ses glauiues pernicieux contre tous, & commanda par vne cruauté exorbitante, non seulement tuer ceux qui estoient coupables: mais aussi les innocens. On dit que ce meurtre fut iusques au nombre de sept mil-hommes, tellement qu'on abbatoit avec l'espee indiscrettement tout ce qui se trouuoit au deuant, ainsi qu'en la moisson le faucheur renuerse tout ce qu'il rencontre de sa faulx tortue, tellement que sans aucun iugement ou question, l'expedition estoit faicte. Aucuns disent que l'Empereur auoit arresté vn certain nombre de ceux qui deuoient estre desfaiets: Parquoy ainsi qu'il aduient souvent, la ville fut remplie de sang & carnage, voire de ceux qui iamais n'auoyent pensé à cest acte: Car non seulement les citoyens & habitans de la ville furent apprehendéz, mais aussi les



les estrangers qui denouveau estoient abordez en ce lieu par nauire, furent contre leur expectation trainez rudement à la mort. Ainsi furent là perpetrez des forfaitz dignes de lamentation, tels qu'est cestuy-cy. Deux fils d'un marchand furent prins, pour lesquels le pere suppliant qu'ils ne fussent mis à mort, se presenta luy-mesme pour estre occis, & promit qu'il bailleroit aux soldats pour prix & recompense tout l'or qu'il auoit : Mais ces cruels & inhumains, ayans pitié de cest homme, par ses prieres luy permirent racheter l'un de ses enfans, disans que s'ils laschoient l'un & l'autre, ils se mettoient en danger, si le nombre de ceux qu'il falloit desfaire, n'estoit complet. Alors cest homme esmeu de nature paternelle regardoit piteusement ses deux enfans, sa pieté balancee esgalement à l'un & à l'autre, en sorte que plourant à grosses larmes & se lamentant il ne scauoit quel des deux il deuoit choisir. Et ainsi que douteux il disputoit en son courage, considerant qu'esgalement il aimoit l'un & l'autre : les soldats impatiens de sa demeure, tuerent & desfirent l'un & l'autre. Parcillement vn seruiteur voyant son maistre que tant il aimoit, mener à la tuerie, tacha l'aider, & de courage alaigre se presenta à la mort pour luy.

*Exemple de compassion paternelle.*

*Vn esclave se presente à la mort pour son maistre.*

*De la liberté de dire & reprendre de saint Ambroise, comme il empescha Theodose entrer au temple de Dieu, & des conditions de penitence qu'il luy ordonna : ensemble d'autres dictz & faicts excellens de saint Ambroise.*

CHAP. XLI.



L'aduint que saint Ambroise fut aduertý de cest acte miserable : & Theodose apres auoir vaincu Eugene le tyrá, arriué à Milan tira droit à l'Eglise pour faire ses prieres, ainsi que de coustume : & ia entroit il aux portes, quand saint Ambroise luy venant au deuant, le saisit par sa robe de pourpre, voire estat au milieu de la troupe, & l'empescha de ne passer outre dedans l'Eglise. Arreste toy, dit-il, car il n'est pas raisonnable qu'un homme impur, de qui les mains encore maintenant degoutent le sang innocent, entre dedans le sacré temple, auant qu'auoir fait penitence legitime & deuë de son forfait, ne mesme qu'il soit fait partici-

*Theodoret ne fait de ce mention, li. 5. ch. 19. s. Ambroise chasse du temple de Milan Theodose à cause de ceste cruauté. Deuoir d'Euesque. Belles remonstres à un Prince.*

pant des diuins mysteres. Car tu me sembles, ô Empereur, ne tenir comte & ne poiser en ton esprit l'exécrable impieté que tu as commise au meurtre de tant de personnes. Et voila encore que la fureur de ta colere soit refroidie, ta raison ne reconnoit vn si grief mesfait. Parauanture que la puissance Imperiale t'empesche, que facilement tu ne vois ton peché, & ainsi qu'une nuee ornbrageuse, ton autorité obscurcit ta raison : Mais il est besoing que tu consideres que ta nature est subiecte à la mort, à scauoir caduque & labile, en sorte que tu regardes la cendre que tu as receüe du premier parent, & penses en toy qu'ainsi comme d'une paste nous sommes composez d'une mesme terre, en laquelle en brief nous retournerons, & ne fault que la fleur de ceste pourpre, laquelle rend les yeux de l'esprit hebetez, te face oublier ceste imbecillité qui cache ton corps. Reconnoy donc que tu es d'une mesme nature que nous, & que tu commandes aux hommes de pareille condition que toy, voire tes cōpaignons en seruage : Car le Seigneur & Empereur, autheur de toutes choses, est commun à tous. Mais ie te prie, de quels yeux regarderas tu ce diuin temple ? De quels pieds marcheras tu sur ceste sainte terre ? Comment esleueras tu tes mains qui degoutent encore du carnage que tu as commis ? Comment aussi receuras tu le diuin corps de nostre Seigneur ? Cōment apporteras tu à ta bouche le sang precieux par tes mains, par lesquelles, esmeu de rage, tu as tant respandu de sang ? Retire toy donc bien loing, & ne te redouble ton iniquité, en augmentant à toy-mesme le peché. Et reçois le lien :: lequel Dieu a du ciel confirmé par sa sentence, & lors il t'apportera vne entiere santé. L'Empereur s'estonnant de la liberté de parler que monstroist cest Euesque, luy ceda & accorda ses paroles. Aussi auoit il esté nourry aux loix diuines, & scauoit pour certain quel estoit l'office tant des Euesques, que des Empereurs. Et pour lors fut quelque tēps pensif : puis frappé des aiguillons de penitence, retourna plourant en son palais. Et huit mois continuels passēz, le iour solennel de la natiuité de Iesus-Christ vint, que l'Empereur encore estoit assis en son hostel Imperial, plourāt & enrosant sa face de larmes, auquel maistre Ruffin (l'un de ceux qu'il auoit plus familier, & honnoroit sur tous autres) le voyant en si grand dueil & tristesse passer ses iours, amiablement aborda, & s'enquit de la cause de ses larmes. Et lors l'Empereur faisant vn hault & aigre soupir recommença ses pleurs en plus grāde abondance. Et le regardant : Tu te iouēs, Ruffin, dit-il, car le sentiment de mes maux n'est venu iusques à toy. Toutesfois il y a assez de raisons qui m'induissent à gemir & plourer, sentāt en moy-mesme le malheur qui m'est aduenü. Car comment ne serois ie affligé, quand les seruiteurs & mendiens sans aucune crainte peuent libremēt entrer en l'Eglise ? mais à moy non seulement il ne m'est licite toucher le diuin tēple : mais aussi le ciel mesme m'est fermé. Car ie n'ay pas oublié ce diuin oracle, lequel arreste en paroles expressees que tout ce qui aura esté lié par les sacrificateurs de Dieu en la terre,

*Puissance des chefs :: Ascauoir l'excommunication. s. Ambr. li. 5. de ses epistres, ep. 28. L'Empereur fusché de ce qu'il n'ose venir à l'Eglise le iour de la natiuité de nostre Seigneur. Beau propos d'un Empereur faisant penitence. Puissance des prestres.*

E i e ij

## LIVRE XII. DE L'HISTOIRE ECCLESIASTIQUE

fera pour certain lié au ciel. Lors soudain Ruffin luy dit : Mais s'il plait à ta maiesté, desmaintenant ie m'en iray à l'Euesque, & ie tascheray par tous moyens qu'il te deliure de tes liens : Et ie sçay assez, dit l'Empereur, qu'il ne t'obeira point, car ie cōnois tresbien l'equité de la sentence de saint Ambroise. Il ne preferera iamais l'amplitude de l'Empire à l'honneur de Dieu. Toutesfois apres que Ruffin luy eut tenu beaucoup de propos, & promis qu'il attireroit saint Ambroise à la sentence, l'Empereur luy permit faire ce qu'il auoit deliberé. Ruffin donc se partit, & l'Empereur gaigné par ses promesses peu de tēps apres le suyuit : Mais Ruffin arriué tenant propos avec saint Ambroise, ce diuin personnage interrompit sa harangue, luy disant ces mots : Il me semble, Ruffin, que tu suis de bien pres l'impudence des chiens : Car nonobstant que contre tout droict (ô vengeance diuine) vous ayez perpetré vn si grand meurtre, & de telle rage exercé vostre cruauté contre l'image de Dieu, vous n'avez aucune crainte, & ne mōstrez aucune rougeur en vostre visage : mais ayans effacé toute honte & vergogne, venez icy me faire ceste requeste. Ce neantmoins Ruffin de plus le molestant par requestes & supplications, disant que l'Empereur incontinent arriueroit, saint Ambroise enflambé de zele diuin : Ie t'aduerty Ruffin, dit-il, que si l'Empereur vient de rechef ie l'empeschery de rechef d'entrer dedans l'Eglise. Que si mettant en arriere le commandement raisonnable, il delibere exercer tyrannie, volontiers pour ceste cause i'endureray la mort. Ces paroles ouyes, Ruffin signifia à l'Empereur par vn mellāger, qu'il ne sortist de son hostel : Mais le mellāger le rēcontra en chemin, lequel l'Empereur ayant ouy : le m'en vois, dit-il, recevoir des reproches & contumelies, ainsi que i'ay meritē. Et estant arriué pres du temple, il n'osa y entrer : Mais s'en vint à saint Ambroise qui lors estoit assis en la maison propre aux salutiōs, & le pria qu'il luy pleust l'absoudre de ses insolubles liēs. Là saint Ambroise le reprit, disant qu'il mettoit soubs les pieds les sanctiōs diuines, en sorte qu'il appella son aduenement tyrannique, veu qu'il repugnoit ainsi à Dieu. Alors Theodose à la verité, dit-il, ie n'ay ceste intention, & pource ne suis-je venu, pour entrer seulement au paruis de l'Eglise par vne temeraire confiance : Mais ie te prie que tu deslies mes liens, & te rendant imitateur de la commune benignité du Seigneur, ne ferme à moy seul au nez les portes de misericorde, lesquelles le seigneur, Dieu de misericorde, a communément ouuert à tous ceux qui le reconnoissent, & font vne grand' penitence. Saint Ambroise luy dit : mais declare ie te prie qu'elle a esté ta penitēce, apres vne si grāde iniquité, & petulance de colere desbordee ? De quels remedes as tu vŕé à tes incurables affectiōs ? A cela l'Empereur respōdit doucement : Mais c'est à toy, ô diuin personnage, m'enseigner ceste chose, & me tēperer les remedes de la medecine sacree. Et c'est à moy à les recevoir, encore qu'ils fussent durs & aspres. Alors S. Ambroise plein de diuin esprit : puis que, dit-il, incité de colere tu as commandé ceste vengeance, non la raison stable & tranquille en son estat : mais la fole fureur, & audace effrontee a mis en auant ceste sentence, ie vueil que tu publies vn edict & ordonnance, laquelle condamne les efforts de colere, & commande que ceux qui ont l'administration de tes edicts, different les iugemens publics, & les peines des causes capitales iusques au trentiesme iour. Et que les sentences capitales soyent mises par escript, & qu'elles attēdent le meur & droict iugement de raison. Et apres que les trente iours seront passez, que ceux auxquels est donnee la charge de iuger, produisent leurs escriptures, à ce que lors que la colere sera refroidie, & la raison restituee en son entier, on puisse rechercher ceste sentence, à sçauoir si elle est raisonnable, ou inique. Que si elle a esté donnee contre le droict & equité, soudain on la rompe : si elle est raisonnable, elle soit d'auantage confirmee. Et pourra on congnoistre combien proffitera le nōbre de ses iours, veu qu'il est tresiuste que ceste dilation de temps soit faite tant pour appaiser l'ire de l'Empereur, que petit à petit, la fureur languissante, donner lieu à l'humanité & misericorde. L'Empereur receut ceste ordonnāce de l'Euesque, & dit qu'elle estoit tresbonne : & la mit soudain par escript, & à ce quelle eust force & valeur à tousiours, la confirma de la subscriptiō de sa propre main. Ce fait, il fut absoul de son lien, ayāt routesfois premierement confessé son peché en l'Eglise, & volontiers admis le tēps ordōné pour sa penitence. Auquel tēps viuant en dueil, il n'vŕa aucunement de ses ornemens Imperiaux. Depuis receu au sacré tēple, appaisa par ses prieres le Seigneur Dieu de l'vniuers, faisant ses oraisons nō debout, ou les genoux courbez en bas, mais couché la face contre terre, & prononçoit ceste voix miserable de Dauid : Mō ame a esté fichee en terre, mais rends moy la vie selō ta promesse. Et tirant ses cheueux, & frappāt son front, & enroŕant la terre de ses larmes, requit en ceste sorte pardō de son peché. Et l'heure venue à laquelle il falloit selō l'anciēne coustume qu'il apportast son present & offrande à la table sacree, il se leua plourāt, & entra au diuin sacraire, qui est le chœur. Et là ayant présenté son offrande, demoura dedans la closture du chœur, au plus saint lieu des sacrificateurs, auquel d'antiquité les Empereurs auoyent coustume s'arrester, segregez du peuple, pour la sublimité de leur dignité. Laquelle chose saint Ambroise iugeāt auoir pluŕtost esté permise par adulatiō, que selon l'ordre de droict, pouruent, ainsi qu'il estoit raisonnable, à l'Empereur de lieu & station en l'Eglise, son siege preparé pres la closture du chœur : à ce qu'il eust lieu plus honnorable que le peuple, & que l'ordre sacré des prestres fust en plus haultes

*Rude response de S. Ambroise à Ruffin, suppliant pour l'Empereur.*

*Propos de Theodose avec S. Ambroise.*

*Hardiesse d'Euesque loüable.*

*Condition proposee à Theodose.*

*Loy loüable l. de test. C. de custod. recor.*

*Theodose ayans observé les loix de penitence, est absoul.*

*Offrande de Theodose.*

*S. Ambroise ne se soulcie pas beaucoup de la cour, & des courtisans.*

haultes chaires que luy. Theodose pour lors loüa cest ordre comme tresbon, & les suecesseurs d'iceluy l'ont confirmé, en sorte qu'il est obserué iusques à ce tēps. Quant à moy, i'ay veu vne fois tous les ans les princes bien aymez de Dieu, de nostre aage, le iour du grand samedy entrer au cœur du tēple de la sapience du Dieu souuerain, qu'on appelle sainte Sophie, lors à scauoir qu'en la forme de la croix ils perfumoyent la sacree table & autel de nouuelles senteurs aromatiques, & encens, & apportoyent leurs offrandes : Mais retournōs à nostre propos. Apres que Theodose fut entré au sacraire, saint Ambroise l'interrogea doucement s'il vouloit quelque chose. A quoy il respondit, que là il attenderoit la reception des diuins mysteres : Mais l'Euesque luy enuoya signifier par son premier diacre, que les prestres seuls pouuoÿent entrer au chœur, & que tous les autres s'en deuoyent retirer. Parquoy il luy falloit sortir, & se tenir au lieu commun avec les autres : disant que la pourpre faisoit les Empereurs, & non les sacrificateurs. L'Empereur le fit aduertir qu'il estoit entré dedās le cœur, non qu'il y fust induict par quelque temerité : mais qu'il auoit suiuy la coustume qui estoit gardee en Cōstantinople. Nonobstant qu'il le remercioit grandement de l'ordonnance qu'il auoit faicte, voire de ce qu'il luy plaisoit ainsi remonstrer. En ceste sorte donc & l'Empereur & l'Euesque furēt excellens en vertus merueilleuses, tellement que ie ne puis facilement discerner, quel ie dois preferer à l'autre. Quand ie les considere, ie m'esbahis vrayement de la liberré de parler qui estoit en l'un, & de la religion & deuotiō aux choses diuines de l'autre : i'admire le zeile de l'un, & de l'autre la foy syncre enuers Dieu. L'Empereur reuenü en Cōstantinople, garda diligēment les loix qu'il auoit apprises de saint Ambroise : Car ainsi qu'en ce lieu à vn iour de feste, entrant en l'Eglise il apportoit son offrande à la table mystique, soudain retournant sortit hors du chœur. Et l'Euesque (qui estoit pour lors Nectaire) fāché de ce fait, & s'enquerant pour quelle cause il estoit sorty du sacraire, comme si quelque facherie luy estoit suruenue : A grand peine, respondit il, ay-ie congneu quelle est la difference entre l'Empereur & l'Euesque. A grand' peine ay-ie trouué vn docteur de verité : Car ie n'ay rencontré qu'un seul Ambroise, qui vse selon le droict de sa dignité Episcopale, ainsi que vrayement elle luy conuient bien. Donnāt par ces paroles à entendre cōbien l'obiurgation sans aucune affectiō vitieuse, apporte de cōmodité, si elle est faicte en temps raisonnable, par vn homme d'illustre vertu & manifeste iustice. On pourroit narrer plusieurs autres bienfaits de ce personnage Ambroise, trescōuenables à la vertu Episcopale, & bien seroit vtile si les habitans de ce pays les congnoissoient. Pour ce s'adiousteray encore en nostre histoire vne chose que j'ay entendue de luy, digne de memoire. L'un des magistrats adonné à la superstition Grecque, auoit dechiqueté l'Empereur Gratian par iniures & conuices, disant qu'il auoit degeneré de son pere : Dequoy accusé par aucuns, fut condamné à la mort. Et ia le deuoit-on mener au supplice, quand saint Ambroise hastiuement se transporta en la cour, pour querir pardon de ce fait. Or estoit il aduenü que Gratiā lors se recreoit, & prenoit plaisir regardant la chasse & venerie, où, ainsi qu'ont de coustume les princes, il estoit allé pour recreer vn peu son esprit : en sorte que nul des gardes de la porte ne signifia à l'Empereur la presence de l'Euesque, à cause aussi que l'heure estoit indeuē & mal propre pour ce faire. Parquoy saint Ambroise partant de la cour, vint iusques aux portes, par lesquelles on faisoit entrer les bestes sauuages : tellemēt qu'il entra avec les veneurs, n'estāt congneu d'aucune personne. Et de là n'est sorty que premieremēt apres auoir beaucoup supplié Gratian & ceux qui luy assistoyent, l'Empereur ne donnaist & prononçast vne autre sentence, par laquelle cest homme fust absoulz, lequel ia on trainoit à la mort. Ce personnage aussi ne ceda de son temps à homme du monde quant à garder & avec diligence faire obseruer les constitutions Ecclesiastiques. Il fut tresheureux quant à contenir son clergé en office, & quant à l'instruire à la discipline des loix diuines : Mais c'est assez de plusieurs actes d'iceluy en auoir ce peu digne de memoire racōté & mis par escript : Car ce que nous auōns recité, pourra declarer abondamment de quelle liberré il a vse ersuers les princes Romains, tant pour la vertu en luy plantee, que pour quelque dextérité qu'il auoit à conduire les diuines affaires.

*S. Ambroise ne veult permettre à Theodose, qu'il soit aux sieges des prestres.*

*S. Ambroise se par ses prieres destruire vn homme payen condamné à la mort.*

\* ordonnance de l'Euesque] L'ordonnance de Theodose fut telle : Les Empereurs Valentinian & Theodose Augustes, à Flavian gouuerneur sur le peuple d'Illyrie. S'il nous aduint de commander faire punition trop seuerie d'aucuns pour l'esgard de la cause (ce qui est cōtre nostre coustume) nous ne voulons pas que soudain ils soyent punis, ou reçoÿent sentence : mais que le sort & fortune de leur estat soit suspēdue l'espace de trente iours. Ce pēdāts on gardera les defaillans en prison, & les obseruera on soigneusement à ce qu'ils n'eschappent.

De la pieté & vertu de Placille, femme de l'Empereur Theodose. CHAP. XLII.

**T**heodose l'Empereur print vrayement grand plaisir à la doctrine & constitution de saint Ambroise. Outre ce, sa femme luy donna grande occasion & moyen de se gouverner selon la pieté : Car tous les iours elle luy reuouoit en memoire les diuines loix, desquelles premierement elle auoit esté enseignee. Et ne s'en leuoit d'auantage nonobstant la puissance Imperiale qu'elle eut : mais plustost

*Placille a grandemēt augmenté la pieté de Theodose.*

E n e iij

## LIVRE XII. DE L'HISTOIRE ECCLESIASTIQUE

*Ilustres  
vertus d'une  
ne princesse.*

*Belles senten-  
ces d'une  
Imperatri-  
ce, qui ser-  
uent à tous  
princes &  
princesses.*

gardoit en soy mesme son amour enuers Dieu, ainsi que quelque grád tresor. Car d'autát qu'elle auoit receu de luy d'auantage de benefices, d'autant tous les iours elle augmentoit sa charité enuers son bienfaicteur. Voire elle prenoit la charge de ceux qui estoient detenus de diuerses maladies, mutilez en leurs membres & parties du corps, & les pensoit soigneusement: elle mesme leur seruait & ministrant en toutes choses. Et allant d'un part & d'autre par tous les hospitaux, pensoit ceux qui estoient couchez au lit, tourmentez de maladie, & non seulement touchoit elle aux pots & marmittes, & goustoit les potaiges & brouers: mais aussi mettoit les paelles sur le feu, preparoit le pain, & apportoit des morceaux de viande, rinsoit & lauoit les pots & coupes, & faisoit promptement & heureusement tous les autres seruices & offices des gardes & chambrieres. Et quand quelcun s'efforçoit empescher qu'elle mesme ne fit ces choses, elle auoit coustume de dire: Il est vraiment conuenable à l'Empire de donner cest or, & en faire largesse. Et quant à moy pour l'Empire i'offre à celuy qui me l'a conferé, le trauail de mes mains. Et souuent faisoit ces remonstrances à son mary: Il fault mon espoux tresaimé, que tu consideres tousiours, & quel tu as esté par cy deuant, & en quel lieu le Dieu de cest vniuers t'a esleué: Car si tu as vne perpetuelle memoire de ce, tu ne te rendras du tout ingrat aux benefices que tu as de luy receus, mais selon l'ordonnance des loix de Dieu, tu gouuerneras l'Empire qu'il t'a donné & ainsi tu recognoistras & seruiras deuëment celuy qui le t'a commis comme à vn fidele ministre d'iceluy. Luy tenant ces propos, excitoit les diuines semences qui luy estoient ingeneres, les enrofant d'un continuel discours de remonstrances.

*Du tumulte & sedition d'Antioche, & l'insolente deiection de la statue de l'imperatrice: cõme Flauian  
Euesque orateur appaisa l'ire & indignation de l'Empereur, esmeue pour ceste cause.*

C H A P. X L I I I.

*Theodose ay-  
me & ho-  
nore gran-  
dement son  
esponse Pla-  
cille dece-  
dee.  
Tributs ex-  
traordina-  
res causent  
sedition.*

*L'image de  
Placille ab-  
batue.  
Colere de  
l'Empereur  
contre les  
Antio-  
chiens.*

*La loy de  
Theodose  
proffite aux  
Antio-  
chiens.  
Comme il  
fault que  
les subiects  
appaisent  
leur prince.*



L'aduint que ceste Placille femme de l'Empereur trespassa la premiere, de ce monde, apres le decez de laquelle il aduint vn cas fortuit qui sur tout declara combien grand auoit esté l'amour qu'il luy auoit porté, non pource seulement qu'elle estoit sa femme: mais aussi par son excellente vertu. Or quel ait esté ce cas fortuit, iel'exposeray: Le fise & les deniers Imperiaux du tout employez aux guerres, desquelles souuent l'Empire auoit esté agité, Theodose impola outre la coustume nouueaux tributs & exactiõs aux citez: Et neantmoins que les autres peuples tributaires payassent ceste pension, encore qu'elle fust extraordinaire, toutesfois le peuple d'Antioche ne peut endurer ceste nouuelle imposition. Et voyant ledict peuple que les exacteurs faisoient plusieurs choses grieres, pendoyent aucuns des citoyens, & mettoient les autres en prison, il excita vne sedition, & fit & dit plusieurs choses durát le tumulte, ainsi qu'à de coustume la populace, apres auoir prins l'occasion de renuerser tout ordre, & induire confusion en toutes choses. A la fin ces gens abbatirent imprudemment la statue d'arain de l'Imperatrice Placille, & la iecterent bas de son lieu, & luy ayãs aiancé des cordes aux pieds, la traînerent par plusieurs rues de la ville, & ainsi qu'à de coustume vn furieux peuple & indigné, luy firent plusieurs contumelies, lesquelles il n'est besoing icy racóter. L'Empereur aduertý de ceste grande meschanceté, fut grieruement courroucé contre ce peuple: & ainsi qu'ils meritoient, leur osta leurs anciens priuileges, & les donna à la ville la plus proche. Car pensoit il par ce moyen bien punir & facher les Antiochiens: veu qu'il y auoit ia long réps que Laodicee estoit enuieusé sur Antioche. Il les menaça d'auantage, qu'il mettroit le feu à la ville, & leur osteroit tous les ornemens d'antiquité, en sorte qu'il la changeroit en vn village, & la feroit labourer. Il deliberoit aussi condamner à la mort plusieurs Antiochiés, & les autres chastier asprement, à ce que par apres ils n'eussent courage de perpetuer vn acte tãt indigne. Il est biẽ vray que ceux qui la exerçoient la puissance du magistrat, apprehenderent aucuns de ceux qui auoyent commis ce foifait, & les mirent à mort, voire auant que l'Empereur en fust aduertý. Neantmoins l'Empereur ne mitigéa sa colere, mais commanda les peines que nous auons dites, toutesfois il ne les mit en execution: Car la loy de sainct Ambroise luy faisoit empeschemēt. Ce pendant la multitude de la ville estonnee du seul bruit de ses menaces, posant sa fureur, serengea sous l'humilité de penitēce, & cõme si elle eust veu deuāt les yeux les maux qu'elle attendoit, faisant haults souspirs, & respendant larmes en grande abondance, supplioit la misericorde de Dieu, qu'il luy pleust appaiser le courage irrité de l'Empereur, & mitiger sa colere tant enflambee. Et faisant prieres & processions publiques, chantoit des carmes de dueil, composez pour esmou- voir les personnes à cõmiseration, dressez aussi en chāt de musique. Elle enuoye pareillemēt son Euesque sainct Flauian pour estre son orateur enuers l'Empereur, & luy requerir pardõ. Lequel prenant la charge de ceste legation pour son troupeau, voyant que le Prince estoit grandement courroucé contre les Antiochiens, il fit tant par quelque moyen, que les iouuenceaux qui de coustume chantoient à la table de l'Empereur, chäterent aussi ces carmes miserables, desquels les

les Antiochiens vsoyent en leurs supplications, en sorte que l'Empereur par iceux alliché, changea sa colere en misericorde: & vaincu de compassiō enrosa sa coupe de larmes, laquelle de fortune il tenoit en sa main, & dit on qu'en goustant du vin il fut appaisé & rendu doux à la ville. Alors Chrysostome florissant en toutes choses en Antioche, cependant que l'Euesque exploitait son embassade, consola diligemment le peuple par ses predications: Car sa doctrine estoit grande. Parquoy voyant que pour ceste cause le peuple estoit en grande crainte, il l'excitoit à se persuader vne liberté & repos. Ce qu'il faisoit petit à petit, exornant aucunement l'Empereur des louanges lesquelles il scaubait pouuoir profiter, ou pour appaiser sa colere, ou pour l'induire à misericorde & compassion. De fait encore restent maintenant plusieurs oraisons, lesquelles il a composees de cest argument, & intitulees Les statues. Le bruit est que la nuit qui preceda le iour de ce tumulte populaire, fut hault en l'air veüe la semblance d'une femme erret & courir, d'une grande haulteur: de regard tant cruel, qu'elle apportoit vne grande horreur à ceux qui la regardoyent. Elle couroit par l'air sur les places de la ville, & d'un fouët fort retentissant battoit l'air: duquel sortoit vn tel son, quel ont coustume faire ceux qui eschauffent les bestes sauvages en colere & fureur, pour le spectacle du peuple. Parquoy l'opinion fut telle, que quelque diable pestilentieux auoit malheureusement esmeu ceste sedition. Et vrayement aussi grand meurtre eust esté fait en ceste ville, si l'Empereur n'eust, se souuenant des remonstrances saint Ambroise, refrainct sa colere. Aussi en ce fait reuera il beaucoup la requeste Episcopale de Flavian.

*Oraisons  
de S. Iean  
Chrysostome.*

*De Macedonien, moine tres-illustre, lequel aduertit Theodose de l'euerfion des statues qui  
deuoit estre faicte par ses gouuerneurs & lieutenans.*

*CHAP. XLIIII.*



Pres qu'Elebech conducteur de la guerre, & Cesaire frere de Gregoire, lequel auoit la puissance de maistre en la Cour Imperiale, furent arriuez en Antioche, enuoyez par l'Empereur pour faire punitiō de ceste iniure, tous les citoyens de la ville furent estonnez de menaces, & requirēt par leurs messagers & orateurs, que trefue leur fust donnee. Et lors plusieurs moines qui viuoient aux haultes montaignes, desquels plusieurs florissoient merueilleusement pour leur vertu & pieté, abandonnans leurs loggettes, vindrent en la ville, & supplierent ces personages par remonstrances & requestes en grand nombre. Desquels l'un estoit appellé Mace-

*Elebech  
duc & Cesaire  
frere  
de Gregoire  
de Nazianze  
le maistre  
de la Cour  
Imperiale,  
enuoyez en  
Antioche,  
pour faire  
punition  
des mutins.*

doine, du tout ignare en ciuilité & courtoisie, voire qui n'estoit nullement instruit n'aux lettres sacrees, n'aux premiers elemens, mais seulement estoit expert à offrir au Dieu de cest vniuers prieres pures nuit & iour, & auoit de long temps accoustumé viure sur les cimes des montaignes. Or estoit il pour lors descendu avec les autres, & ne tenant pas grand conte ne des menaces de l'Empereur, ne de la crainte que donnoient ceux qu'il auoit enuoyez, au milieu de la ville, print l'un d'iceux par sa robe, & commanda que tous deux descendissent de leurs cheuaux: Mais iceux voyans ce vieillard chenu sur le bord de sa fosse affublé de vieux panneaux, du commencement furent faschez de sa hardiesse: depuis toutesfois acertenez de la vertu de cest homme, soudain se lancerent en terre, & se prosternerent aux pieds du vieillard, asscurans qu'ils ne l'auoyent cogneu, & pource avec prieres requeroient de luy pardon. Et lors ce diuin personnage remply de grace celeste leur dit ces mots: Je vous prie, mes enfans, que vous portiez ce commandement à l'Empereur. Il fault, ô Empereur, que tu ayes souuenance, non seulement que tu es Prince, mais aussi homme. Parquoy ne regarde point seulement à l'amplitude de l'Empire, mais considere aussi ta nature: Car d'autant que tu es homme, l'Empire sur les hommes t'est cōmis, lesquels veu qu'ils sont de mesme condition que toy, & compagnons en seruice avec toy, ont esté dès la creation decorez de l'image de Dieu. Parquoy garde toy bien de marcher si fierement, voire d'une audace tant effrontee contre l'image de Dieu. Car tu conciteras le Seigneur de l'image en colere, si tu te rends cruel cōtre ceux qui portent son image. Et fault que tu regardes en toy-mesme, que tu veux faire cruelle punition contre ceste image de Dieu, irrité contre vne si grande multitude pour vne image d'airain. Mais qu'est-il besoing dire combien l'image animee, est plus excellente que celle qui n'a point d'ame? veu que ce est assez clair à ceux qui ont quelque peu d'esprit. Outre plus, fay que tu penses qu'il nous est bien facile pour ceste seule image d'airain en faire plusieurs autres pour icelle, dis-ie, laquelle le peuple par vne sole temerité a brisée: mais quoy que tu t'efforces, tu ne peux creer ne mesme vn cheueu de ceux que tu auras mis à mort. Ces soldats ayans ouy de ce sage vieillard les propos susdicts, les rapporterent à l'Empereur ainsi simplement de mot à mot, comme ils les auoyent ouys. Outre ce, comme nous auons dict, l'embassade de Flavian profitta beaucoup aux Antiochiens, pour esteindre la colere de l'Empereur. Et par apres ayant quitte son ire & ses menaces, escrioit au peuple vne cōmune defense, luy pardonnant son peché, en laquelle aussi il expliqua la cause de ceste sienne colere: Car entre les autres choses il raconta ces propos, Encore que par aduerture

*Voy la reuerence de pieté, & sainteté.*

*Propos que  
doivent noter  
ceux  
qui ont  
haultes iniustices.*

## LIVRE XII. DE L'HISTOIRE ECCLESIASTIQUE

*Grandere- cōciliation de l'Empe- reur aux Antiochiens.* i'eusse offensé aucunemēt, toutesfois il ne vous estoit licite ne raisonnable perpetrer vne si grā- de contumelie, veu que vous deuiez regarder, que ceste femme est digne d'estre louée en toutes vertus, & mesme que ia elle est trespassee de ce siecle: que s'il vous estoit expedient faire quel- que acte d'insolence, il vous falloit vser de fureur contre moy. Et sur la fin coucha ces parolles, que grandement il auoit esté courroucé, ayant entendu qu'aucuns illustres personnages en ceste ville auoyent esté mis à mort contre sa sentence. En ceste sorte la sedition d'Antioche esmeuë contre la statue, fut assopie & apaisée. Ce que i'ay recité pour monstrer cōbien la loy de saint Ambroise apporta de proffit: & pour garder que la liberré de parler de ce bon vieillard nō let- tré, ne fust mise en oubly par laps de temps: & pour dōner à cognoistre tant la religion del'Em- pereur es choses diuines, que la pastorale sollicitude de Flauian, comme à sçauoir trauaillāt pour le troupeau qu'il gouuernoit, celuy fit deuēment sa legation, & apaisa l'ire du Prince.

*De Donat Euesque d'Euree, ensemble de Theotime Euesque des Scythes: & quels miracles ils firent.* CHAP. XLV.

*S. Donat fait mourir un serpent par le signe de la croix, & la salie de sa bouche.*  
Sofom. li. 7. chap. 25.



N cest aage plusieurs Euesques florissoient par toutes les parties de la terre, entre lesquels estoit Donat, Euesque d'Euree en Epire, lequel les habitans de ce lieu disent auoir faiēt plusieurs miracles. Et entre les autres celuy qu'il monstra faisant mourir vn dragon: lequel demouroit au- pres du chemin public, que les habitans appellent le pont de terre, & deuoroit non seulement les bœufs & brebis, mais aussi les cheuaux, & les hommes passans par là. Donat deliberant marcher contre ceste cruelle beste, ne se garnit d'espee ou hache, & ne porta aucune sorte d'armes avec soy, desquelles nous auons coustume de nous defendre: mais ayant de ses

doigts faiēt le signe de la croix en l'air, estourdit totalement le serpent: lequel sentant la presen- ce de ce saint personnage, sifflāt horriblement, & leuant sa teste contre mont, traināt aussi par terre son corps martelé, & se roulāt, s'efforça le deuorer. Mais Donat, outre ce signe de la croix, cracha à la gueule de ce dragon, lequel soudain qu'il eut receu ceste salie, s'entortillant de plu- sieurs tours, mourut sur la place. On dit que ceste beste ne cedit rien en grandeur à celles qui sont aux Indes: Car à grande force fut elle trainee par huit couples de bœufs au champ voisin, auquel les habitans la bruslerent & mirent en cendres, craignant que s'ils la laissoient elle n'in- festast l'air de sa pourriture, & de sa contagion apportast aux personnes vne maladie mortife- re. l'ay aussi entendu que là est celebré le monument de Donat, & que c'est vne maison d'orai- son: pareillement que la ville a esté appelée de son nom, apres de laquelle y a vne fontaine ie- tant grand' eue, laquelle au parauant ne s'estoit mōstree, sinon lors que par les prieres de Do- nat elle fut impetree. Car du commencement ceste regiō auoit esté fort aride, & là ne se descou- uroit aucun humeur ou source, en sorte que quelquefois Donat arriué en celieu, voyant que ses compagnons languissoient à faulte d'eue, premierement pria Dieu: puis fouyt la terre avec sa main, & soudain foudirent des eues en abondāce, lesquelles encore iusques à present ne lais- sent d'y couler. Les voisins habitās de celieu, auquel ce miracle a esté faiēt, portēt resmoignage de ce q nous auōs dict. Pour lors aussi en la ville de Tomire & toute la Scythie florissoit Theo- time, homme Scythe de natiō & barbare: mais nourry en la plus excellēte de toutes les philoso- phies, qui auoit l'administratiō de l'Eglise de Scythie: lequel les Hunnes, qui ia lōg réps a habi- tēt le lōg du fleuue d'Ister, appelloient le Dieu des Romains, tant ils admiroyēt sa vertu, aussi auoyēt ils en luy esprouuē plusieurs actes diuins. On a entre les autres laissé par memoire, que ainsi qu'il prenoit son chemin par vne barbare regiō, des voleurs luy vindrēt au deuāt, qui auoient coustume faire des courses cōme ennemys iusques à la cité de Tomire. Et ainsi que ceux qui l'ac- cōpagnoyēt se voyās en tel danger, estimoyēt qu'en brief ils deuoyēt estre mis à mort, il descen- dit luy-mesme de son cheual, & fit sa priere. Ainsi fut faiēt que ces brigans passans ce mesme chemin, n'apperceurent aucunement ne luy ne ses compagnons, ne mesme leurs cheuaux. et nō- obstant qu'ils fussent en grand nombre, de nature cruels & barbares, & d'autant qu'ils estoient voisins, fissent plusieurs dommages aux Scythes, il trouua toutesfois le moyen de les changer de ceste vie agreste & brutale, en vne plus ciuile & humaine: car premierement il leur fit des bā- quets, puis leur fit des presens, & de parolles affables & humaines domta leur sauage cruauté. Toutesfois aduint que l'un des Hunnes, ausquels il faisoit ces biēs, iugeant qu'il fust riche, dres- sa embusches à ce saint personnage, & s'efforça le prendre, & tenoit vn cordeau en sa main, lors que Theotime appuyé sur vn bouclier, ainsi qu'il auoit de coustume tenoit propos à ses en- nemys, ce barbare leuant sa main luy voulut iecter la corde au col, à ce qu'il se trainast à soy, a- uec le peuple qui suyuoit. Mais ainsi qu'il estendit en hault sa main, elle demoura en l'air: & ne fut pas deliuree de ces liens inuisibles, que Theotime n'eust premierement prié Dieu pour cest homme, de quoy faire il fut requis grandement par les autres barbares. Le bruiēt est aussi, que d'autant qu'il estoit cheuelu, & s'estoit retiré en ceste sorte à la philosophie, qu'il demoura tel iusques

*Par ces prie- res il tire une source d'un lieu sec & ste- rile.*

*De Theoti- me de Tomi- re, & de ses miracles*

*La religion Chrestien- ne dōte les barbares.*



iufques à la fin de fa vie. Sa maniere de viure quotidienne eftoit fort fimple: Car il n'auoit *Temps de* heure ordonnance de prendre fon repas, ains feulement lors il fe refectionnoit, quand il auoit *prendre fon* faim ou foif. Auffi cefte reigle eft du tout philofophique, vfer des viandes à la neceffité, & *repas* non à la volupté.

*De faint Epiphane, Euefque de Cypre, quel il fut: & de fes œuvres admirables.*

CHAP. XLVI.



N ce temps floriffoit Epiphane, Euefque de Cypre, lequel lors qu'il vi-  
uoit, fut non feulement tres-illuftre en fainteté de mœurs: mais auffi  
Dieu ainfi le decora & enrichit, qu'il fit plusieurs merueilleux miracles,  
tant viuant que trespaffé. Et le brui& eft, que ce qui ne luy eftoit adueni  
durant fa vie, luy aduint apres fa mort: à fçauoir que ceux qui eftoyent  
agitez des diables, venans à fon fepulchre, eftoyent deliurez de cefte  
playe: voire encore de prefent fy font plusieurs autres guerifons. Les  
habitans de cefte Ifle tefmoignent auffi que luy viuant fit plusieurs cho-  
fes dignes d'admiration à vn chacun. Desquelles i'expoferay ce que i'en

ay peu entendre. Premierement eftoit-il fort liberal aux pauvres, foient qu'ils fuflent affligez de  
naufnage, ou d'autre fortune aduerfe. Et apres en cefte vertu auoir confommé tout fon patrimoi-  
ne, lequel vrayement eftoit fort grand, il abufa des deniers de l'Eglife, s'il fault appeller abuser,  
les employer en vfage hōnefte & neceffaire. Auffi pour lors ceux qui vouloyent diftribuer leurs  
fubftances & biens aux vfages pitoyables, & viuans & mourans donnoyent beaucoup aux Egli-  
fes: Car ils eftoyent en bonne efpérance que ce personnage aymeroit Dieu, diftribueroit prudemment  
ces deniers, & les employeroit du tout felon l'intention & fouhait de ceux qui les auoyent ainfi  
donnez. Et ainfi que quelquefois pour la frequente largesse qu'il faisoit, les deniers de l'Eglife  
fuflent fort diminuez & decreuz, on dit qu'aucuns fachez de ce, & principalement le tresorier  
de l'Eglife, le reprint de ce qu'il eftoit tant fomptueux & prodigue: Neantmoins il ne laiffa pour  
toutes ces reproches à faire autāt d'aumosnes qu'il auoit de couftume. Et apres que tout l'or fut  
employé, quelqu'un vint en fa maifon, & luy mit entre les mains vne grande & merueilleufe  
bourse plaine d'or: & foudain s'en alla, ne donnāt à cognoiftre ne quel il eftoit, ne qui enuoyoit  
cefte fomme. Et cela vrayement fembla digne d'admiration, que celuy vouloit eſtre incogneu,  
qui apportoit fi grande fomme d'argent: parquoy ceux qui confideroyent ce fait, eurent con-  
iecture que c'eftoit vne liberalité de Dieu. Et à tant ces choses furent faictes ainſi. L'ay auffi  
eſté aduertiy d'un autre miracle ſemblable à celuy de ce Gregoire, lequel iadis auoit gouverné  
l'Eglife de Neoceſaree en Pont. Et ne fault pas pourtant pource que nous allegons de Gregoire  
ne croire que ce ſoit prodige, d'autant qu'Epiphane auroit fait le ſemblable, que veu que non  
ſeulement ſaint Pierre, prince & chef des Apoftres, a reſſuſcitē vn mort, mais auffi ſaint Iean  
en Ephēſe, & autres en d'autres lieux: voire meſme en Hieropolis les filles de Philippe: Car ſou-  
uent il aduient, ainſi qu'il eſt facile, que les anciens ſeruiteurs de Dieu, & ceux qui viuent enco-  
re de prefent, facent pareils miracles. Or l'hiſtoire de ce fait eſt telle. Quelquefois deux pau-  
res mendians attendoyent au chemin ce bon personnage Epiphane: & pour autant qu'ils eſ-  
peroyent receuoir quelque choſe de luy, dequoy ils ne ſe repentiroient, l'un couché contre ter-  
re ainſi que ſ'il fuſt mort, ne ſe remuoit aucunement: l'autre comme ſon familier & amy plou-  
rant & lamentant declaroit la pauvreté de l'un & l'autre tant extreme, qu'il ne pouuoit ſatisfaire  
à l'enterrement de ce pauvre corps, en ſorte qu'il deplouroit avec reprehention cefte tāt deſ-  
nuée neceſſité. Mais Epiphane paſſant outre, ne reſpondit autre choſe, ſinon qu'il prioit Dieu  
qu'il donnaſt repos à celuy qui là eſtoit eſtendu, & donna quelque peu d'argent pour l'enterrer,  
à celuy qui le lamentoit, & luy dit ces mots: Soucie toy maintenant de l'enterrer, & ceſſe de  
plourer: car il ne reſſuſcitera pas pour cela. Et fault que d'un courage fort & magnanime tu  
portes la mort à tous commune, voire laquelle nous eſt ineuitable, & nous fault de neceſſité  
paſſer. Ces parolles dictes, Epiphane ſ'en alla, pourſuyuant ſon chemin. Et ce pauvre voyāt que  
nul n'apparoiffoit ſur le chemin, donnant du pied contre celuy qui eſtoit couché, l'admoneſtoit  
qu'il ſe leuaſt: & le priſoit grandement de ce qu'il auoit ſi bien contrefait le mort. Et la, dit-il,  
leue toy maintenant, à ce que viuans plus ioyeuſement, nous receuiōs le fruit de ta fineſſe. Mais  
apres qu'il veid qu'il ne diſoit mot, & ne donnoit aucun ſigne de vie, ſoudain courant roide-  
ment ſ'attaindit l'Eueſque: & lors ſans aucune fiction plourant & gemiſſant, le ſupplia qu'il reſ-  
ſuſcitāſt ſon compaignon. Lors Epiphane luy ayant dict qu'il print ce fait en patience, laiffa là  
ce pauvre homme, diſant que Dieu ne vouloit retracter vne telle choſe. Voulant à ſçauoir en-  
ſeigner vn chacū (ainſi que i'eſtime) que ceux qui oſent tēter & faire telles choſes aux miniſtres  
de Dieu, ſ'eſtudient deceuoir Dieu, lequel voit & cognoit toutes choſes: & voire ſe trompent  
eux-mesmes, encore qu'ils ne le cognoiſſent. L'ay entendu au ſurplus qu'Epiphane mourut en vn

*D'Epipha-  
ne de Con-  
ſtāce, Eueſ-  
que de Cy-  
pre.*

*Sozom. au  
meſme lin.  
chap. 26.*

*S. Epipha-  
ne grād au-  
moſnier,  
meſme des  
biēs de l'E-  
gliſe.*

*Les ſaincts  
perſonna-  
ges ont fait  
ſouuent des  
pareils mi-  
racles.*

*Vn pauvre  
fait ſem-  
blāt d'eſtre  
mort.*

*Ce n'eſt cho-  
ſe nouuelle  
de prier  
pour les  
trespaffés.*

*ceux qui  
pēſent trom-  
per les gens  
de bien, ſe  
deçoient  
eux-mes-  
mes.*

## LIVRE XII. DE L'HISTOIRE ECCLESIASTIQUE

naire : & que ceux de sa compagnie le froterent de miel, à ce que le corps ne fust aucunement endommagé, & l'apportèrent en Cypre. J'ay raconté ce peu de plusieurs actes d'Epiphane.

*D'Acace Euesque de Berroé, ensemble des saints Euesques Zenon & Ajax. CHAP. XLVII.*

*Acace Euesque de Berroé tiét tousiours sa maison ouverte.*



N Berroé ville de Syrie, fut le grand Acace renommé en l'office d'Euesque, lequel dès sa ieunesse s'estoit diligemment exercé en la vie monastique. Entre plusieurs autres bons & droicts actes d'iceluy, cestuy fut pour grand tesmoignage de vertu, que tousiours, fust au temps du repas, ou du repos, ou d'autres affaires, il vouloit que son domicile & hostel episcopal fust ouuert, en sorte que les citoyens & estrangers peussent libremét entrer pour le veoir. Dequoy ie m'esbahy grandemét: Car ou par ce faict il monstroir que tousiours il viuoit en grande assurance, ou i'estime qu'il ait ce ordonné, pour supprimer nature trop encline aux vices. Car d'au-

tant que tousiours il craignoit que par les frequentes reuenues de ceux qui le veilloiyét soudain entrans chez luy à l'impourueu, il ne fust surprins en ses actions, il ne pouuoit pecher, ores qu'il en eust la volonté, dont tousiours il s'employoit aux estudes louables. En ce mesme temps deux freres florissoient, non pas en la solitude, mais au lieu de Gaze, proche de la mer, appelé autrement Maiume, & là menoyent vne vie Chrestienne philosophique. Les noms de ces deux freres germains furent Zenon & Ajax, lesquels maintindrent vne singuliere foy en la droicte religion, nonobstant qu'ils fussent souuent batus par les sectateurs de la superstition Grecque, à

*Ajax moine, depuis Euesque de Bitole, eut trois enfans.*

*Zenon frere d'Ajax, Euesque de Maiuma, ayant cent ans.*

*Sozomene est tesmoing oculaire de ce.*

*Plusieurs illustres personages en un mesme temps.*

cause qu'ils confelloient que Iesus Christ estoit vray Dieu. Ajax durant le temps qu'il demoura avec sa femme, laquelle il auoit espousee fort belle, coucha seulement trois fois avec elle, dont il receut trois enfans. Et apres auoir delaisié ceste compagnie, suyuit la vie monastique, & attira deux de ses enfans à ceste maniere de viure: ausquels il persuada ne se marier iamais, mais du tout employer leur estude aux choses diuines. Le troisiésme vescu avec sa femme en l'estat de mariage. Or cest Ajax gouerna sagement l'Eglise de Bitole. Et Zenon dès son enfance ayât haï la compagnie des femmes, s'employa du tout au seruice de Dieu: & depuis administra l'Eglise de Maiuma. Lequel ayant atteint la vieillesse qui faisoit le centiesme an de son aage, il n'oublia & ne faillit aucunement d'assister aux hymnes & louanges de Dieu accoustumées, qui se chantoient ou à vespres, ou à matines, & fut diligent au demourant du seruice, assistant au commencement des psalmes, voire auant qu'ils fussent commencez, si quelque grande maladie ne l'eust empesché. Et d'autant qu'il philosophoit en l'estat d'homme non marié, tousiours il tissoit de de la toille de lin en vn ouuroir solitaire. Et du fruit de ce labeur en partie il supportoit sa vie de choses necessaires, & de l'autre part il aydoit les indigens, & tant qu'il vescu ne cessa de faire ce mestier: encore qu'il fust ja bien aagé. Et fut ledit en ceste nation le premier de tous les Euesques, & gouerna la plus grande eglise, en laquelle le peuple estoit copieux & abondant: & non seulement pour lors les Euesques, mais aussi les deuots seruiteurs de Dieu, qui habitoient és montaignes & rochers, estoient tres-illustres & renommez. Desquels si de poinct en poinct nous exposions les actes, nostre histoire s'augmenteroit en trop grande prolixité. Au nombre desquels tous aussi cest Arsenie, duquel cy dessus nous auons faict mention, reluisoit ainsi que quelque claire estoille. D'iceux i'en ay recité quelque petit nombre, à fin que ie donne à cognoistre quelle a esté l'excellence de ceux, qui pour lors auoyent la charge des Eueschez: Car il seroit trop laborieux les raconter tous, considéré que plusieurs ont esté bons & honnestes, desquels Dieu mesme par son tesmoignage a confirmé la maniere de viure: Car il les a exaucez lors qu'ils prioient, & a par eux faict nouueaux prodiges. Et ainsi fut par eux l'Eglise Catholique administree, en sorte qu'ensemble le Clergé & le populaire furent excitez à suyure leur zele & vertu de mesme courage.

*De l'inuention des reliques d'Abacuc, & Michée, anciens prophetes. CHAP. XLVIII.*

*Inuention des reliques d'Abacuc & Michée prophetes.*



A religion non seulement estoit par ceux augmentee que nous auons dict, mais honnoree & grandement exornée par les reliques des anciens & illustres prophetes, qui s'apparurent en ce temps. Car premieremét Abacuc, depuis Michée, & apres eux l'honorable chef de S. Iean Baptiste se leuerent de terre. Les reliques de Michée & Abacuc, furent representez en vision, comme i'ay entendu, à Zebene, ainu qu'il dormoit. Ce personnage gouernoit l'Eglise d'Eleutherople pour lors que ceste apparition luy fut faicte. La ville en laquelle Abacuc fut trouué, estoit appelée Cela, & au parauant Ceila. D'icelle loing enuiron de dix stades y a vn lieu denommé Berathbasia, où on dit que estoit le sepulchre de Michée: lequel les fideles ne cognoissans point, auoyent denommé de la langue du pays Nephameemana. Mais les prophetes, ainu que i'ay dict, apparoisans au sommeil de Zebene, luy declarerent quels ils estoient.

*L'inuen-*

*L'invention du sacré chef de saint Iean Baptiste le precurseur**CHAP. XLIX.*

V tēps del'Empire de Theodose fut trouué l'admirable & celebre chef de saint Iean Baptiste, & fut porté en la très-illustre ville de Constantinople: Car Herodias craignant encore la reprehension d'iceluy auoit caché ce chef en vn lieu secret du Palais d'Herode: Mais quelques moines suyans l'heresie de Macedoine, admonnestez par diuine vision trouuerent ceste chose tant sainte, lesquels viuoyent premierement en Hierusalē, & depuis allerent demourer en Cilicie. Or Mardonie l'un des premiers Eunuques de l'Empereur, estant rendu certain que ce chef estoit en ce lieu, en aduertit Valent: lequel commanda qu'il fust apporté en Constantinople. Et de fait aucuns furent enuoyez, qui avec compagnie braue l'apporterent posé en vn chariot Imperial: Mais quand ils furent venuz à Pantichium, petite ville situee pres de Chalcedon, les mules ioinctes ensemble qui trainoyent ce chariot, ne peurent passer outre, nonobstant que le chartier les contraignist de courir, les frappant avec le fouët & des esperons. Parquoy voyans que nonobstant toute rudesse, ils ne les pouuoient faire desmarcher, non seulement ceux qui les conduisoient, mais aussi les spectateurs, & l'Empereur mesme, iugerent que Dieu signefioit quelque chose par ceste nouveauté. Ce qui fut cause qu'il fut aduisé qu'on baillast ce sacré thresor en garde au village voisin, lequel les habitans appellent Cosilaum, qui estoit du domaine de Macedoine. Depuis il aduint ou par l'instigatiō de Dieu, ou du Prophete, que Theodose arriua en ce village Et ainsi qu'il deliberoit emporter ce chef, vne seule matrone vierge dediée à Dieu l'empeschā, laquelle suyuoit ce diuin chef de saint Iean Baptiste, pour luy seruir & le garder par le chemin, ainsi qu'il seroit necessaire. Adonc l'Empereur iugeant qu'il ne falloit vser de force enuers ceste femme, que luy resistoit de si grād courage, la sollicita par prieres, à ce qu'elle permist ce chef estre transporté. Elle à la fin luy accorda, mais avec grande difficulté, estimant par coniecture qu'il entreprenoit ce dequoy il ne pourroit venir à bout, non plus que Valent son predecesseur: Mais Theodose porta luy-mesme de ses mains la layette enuolopee de pourpre, en laquelle estoit mis ce sacré chef, iusques à la region de la ville de Constantinople, qu'on appelle Septime, où il le reposa au tēple basti tres-grand & tres-beau à l'honneur de saint Iean Baptiste, lequel principalement il reueroit. Cela fait ledit Theodose admonesta souuent ceste matrone de son salut, luy faisant grandes promesses, si elle vouloit changer la sentence de l'opinion qu'elle auoit des long temps luyuie (car elle estoit detenuë de l'heresie de Macedoine) mais pour toutes ses harangues il ne luy peut ce persuader: nonobstant que Vincent, prestre de ceste mesme secte, lequel ministroit avec elle pres la chaise de saint Iean Baptiste, & pour ceste cause auoit receu la dignité sacerdotale, eust soudain changé sa sentence, & se fust retiré à l'Eglise vniuerselle: voire apres auoir, ainsi que dient les Macedoniens, fait le serment que iamais il ne reiecteroit son opinion. Nonobstant il la mua à ceste charge & condition toutesfois qu'il renonceroit à l'opinion des Macedoniens qu'il auoit au parauant embrassée & que sans aucune difficulté il communiqueroit avec l'Empereur, se l'Empereur pouuoit emporter le chef saint Iean Baptiste. Ce Vincent estoit Perse de nation, lequel lors que sous Constance fut esmeüe la persecution au pays de Perse, fuyant de là avec son cousin Addas, se retira au domaine des Romains. Où il fut appelé au Clergé, & depuis paruint à la dignité de prestre: Mais Addas ayant prins femme, engendra vn grand bien à l'Eglise, à sçauoir son fils Auxent, homme fidelle aux choses diuines, recognoissant ses amys, moderé en sa vie, constant & tel au dehors que dedans, grand amateur des estudes & doctrines, sçauant aux lettres prophanes & Ecclesiastiques, modeste & tres-vtile à la Cour Imperiale, fort renommé conducteur d'armee: duquel encore le renom est celebre entre les plus excellens moines, & tous sçauans & bons personnages qui l'ont cogneu. Quant à ceste femme elle acheua sa vie au village de Cosilaum, & gouerna plusieurs vierges, desquelles la succession a long temps duré, & se monstra digne de ceste charge, tant en sa discipline & mœurs, qu'en bonne renommée. Mais cōme i'estime, c'est assez parlé des choses aduenues à l'Empire de Theodose, entant qu'elles concernent l'honneur de nostre religion.

*Inuention du chef de S. Iean Baptiste, par des moines Macedoniens.**Election de lieu.**Vne matrone religieuse garde du chef S. Iean.**Le chef S. Iean apporté en Constantinople. On ne peut reduire à la foy ceste femme. Vincent. Addas.**Cosilaum.**Du trespass de Theodose le grand, Empereur tres-illustre.**CHAP. L.*

L'Empereur Theodose apres auoir vaincu Eugene, faisoit son sejour à Milan, ville d'Italie, où il ordonnoit des affaires d'Occident, ainsi qu'il voyoit estre besoin. Là il tomba en maladie d'hydropisie, parquoy se souuenant & remettant en memoire la prediotion du moine Iean, attendoit que la fin de sa vie approchast bien tost. Et vrayement plus le rendit soucieux l'estat & affaire de la republique, que sa propre mort: Car il pensoit en son esprit, quel detrimēt coustumierement aduient au peuple, citoyens & subiects, quand ils perdent leur Empereur. Parquoy soudain fit venir son fils Honoré

*La mort de Theodose.*

## LIVRE XII. DE L'HISTOIRE ECCLESIASTIQUE

de Constantinople, le voulant ordonner Empereur au gouvernement des parties Occidentales, lequel lors qu'il le veit arriué, commença à se porter vn peu mieux, & se transporta au spectacle des ieux publics de lui&eurs, & de cheuaux courans à qui mieux mieux, lesquels on celebrait à cause de la victoire. Et nonobstant qu'apres le disner il se fust trouué plus fort, soudain toutesfois depuis vne foiblesse le print. Alors voyant qu'il ne pouuoit demourer iusques à la fin de ce spectacle, il donna charge à son fils d'en faire le deuoir ainsi que de coustume, & la prochaine nuit il trespassa, le dixseptiesme du mois de Ianuier, laissant apres soy vne perpetuelle memoire de sa louange & gloire : ayant vescu assez longuement, & seul monarque gouverné tout l'Empire des Romains, avec tres-grandes victoires, estant pere de deux Empereurs, auxquels il laissa son Empire paisible. Il finist donc sa vie doucement par heureuse mort, laquelle il eust pour rescompence de sa foy enuers Dieu, & pour son zele enflammé contre les idoles & simulachres. Il vescu soixante ans & huit mois, desquels il accomplit seize ans & demy au gouvernement de l'Empire Romain. Ainsi ce liure douziesme des histoires comprend dix-huit ans, lors que depuis la creation du monde escheoit l'an :: cinq mil nonante & neuf : & depuis la natiuite de nostre Seigneur l'an .: quatre cens & quatre.

*Les ans de ce liure.*

*:: selon les plus recens 4375.*

*.: Autres metiēt l'an 398.*

### FIN DV DOVZIESME LIVRE DE

*l'histoire Ecclesiastique de Nicefore.*



## LIVRE TREZIESME DE l'Histoire Ecclesiastique de Nicefore, fils de Calliste, Xanthouplois.

*De l'Empire de Honoré & Arcade, & comme Rufin eut chez Arcade le premier lieu de l'administration des affaires ; & Stilico obtint pareille dignité en Occident, sous Honoré : & comme lors se porterent les affaires tant publiques que Ecclesiastiques.*

### CHAPITRE PREMIER.

*Arcade Empereur d'orient, et Honoré d'occident.*

*Dernier commandement que Theodose, au liēt de la mort, fit à ses enfans.*

*Telemache vainc von-*



**L**E grand Theodose ayant grandement augmenté l'Eglise, trespassa de ceste vie, laissant ses deux fils, successeurs de l'Empire, & dōna la charge au plus grand, d'orient : & au plus petit, à sçauoir Honoré, le domaine des pays d'occidēt. L'vn & l'autre ont suiuy la volonté de leur pere quāt au fait de la religion & de la foy : car luy couché au liēt de la mort, ne leur recommanda autre chose d'auantage, que de garder entiere la vraye pieté, par laquelle il les asseuroit qu'ils seroyent paisibles, assopiroient les guerres, dresseroyent amples trophées & receuroient de Dieu victoire contre leurs ennemis. Ainsi faisant tels commandements & remonstrāces à ses enfans, il rendit l'esprit à Dieu. Et iceux obeissāns à ses paroles, furent non seulement successeurs & heritiers de l'Empire, mais aussi de la vraye pieté de leur pere : Car soudain celuy qui estoit Empereur de l'Europe, deffendit & prohiba en la ville de Rome les monomachies, c'est à dire les combats singuliers entre deux seules personnes, & osta les ieux des gladiateurs, pour la cause qui s'ensuit. Il aduint qu'vn personnage menant vne vie de repos & monastique, arriua des pays d'orient à Rome, lequel voyant les Romains ainsi combattre l'vn cōtre l'autre, & plusieurs aborder à cet execrable spectacle, se mit en plein champ, s'efforçant empescher

empescher ce conflict. Mais ceux qui s'esioiſſoyent de ce spectacle sanguinaire, agitez d'une rage de diable, qui prend plaisir à l'effusion de sang, assommerent de pierres ce bon moyenneur & reconciliateur. L'Empereur aduerty de ce fait, rengea au nombre des martyrs ce Telemache, ainsi s'appelloit cet moine: & abolit cest importun combat, defendant par ordonnance publique, que d'ores en auant ce combat ne fust mis en auant. Avec Arcade l'un des fils de Theodose, en Orient, administroit l'Empire vn certain Ruffin, homme vaillant, & de grand taille, doué de singuliere prudence, declaree tant par les mouuemens de ses yeux, que par la promptitude qu'il auoit de haranguer sur le champ. En Occident vn certain Stilico tenoit semblable lieu chez Honoré, l'autre fils de Theodose: & tant Ruffin que Stilico laissant chacun à son maistre, à sçauoir Arcade & Honoré, le nom d'Empereur & l'habit ou accoustrement, ils vsurerent la charge des affaires de l'Empire, fust ou pour les administrer de la main ou de la langue, commandans à l'Empereur mesme sous titre de gouuerneur ou lieutenant general. Toutefois nul des deux fut content du lieu duquel ils estoient pourueus: car Ruffin s'efforça de s'emparer de la dignité Imperiale en Orient: & l'autre s'estudia par quelque finesse transporter l'Empire d'Occident à son fils Eucher. Mais l'un & l'autre fut deceu de son effort & ambitio: Car l'armee Romaine, laquelle auoit bataillé sous Theodose contre le tyran Eugene, ainsi que selon la coustume, estoit venue hors les portes au deuant de l'Empereur Arcade, au lieu qu'on appelle le siege ou throsne iudicial, mit à mort Ruffin aux pieds d'iceluy, estans les gens d'armes persuadez par Stilico de ce faire, ioinct qu'ils auoyent apperceu que manifestement il s'estoit moqué d'eux, & qu'aussi l'on le soupçonnoit d'affecter la tyrannie. Le bruit en apres courroit, qu'il auoit mis les Hunnes, nation Barbare & cruelle, dedans le domaine, & les terres des Romains: Car pour lors ce peuple tant inhumain sans aucune crainte courroit par toute l'Armenie, pillant & robant tout ce qu'il pouuoit. Et de fortune ce meurtre fut fait bien à propos, ce iour, auquel ceux qui auoyent charge de faire la réuene de l'armee, deliberoient ne donner mesme seulement le manteau de pourpre à l'Empereur: Car Ruffin auoit conceu ceste esperance, que quand l'armee auroit du seul regard apperceu Arcade, le iugeroit tant à sa forme, qu'à la statue de son corps: n'estre propre ne suffisant à l'Empire, en sorte qu'elle le reietteroit, & l'eliroit en son lieu. Or la teste de Ruffin trenchee, on luy mit en la bouche vne pierre, puis la planterent sur vne lance, & l'eleuerent haut en l'air. Ils couperent aussi sa main dextre, & la porterent partoute la ville aux boutiques des manouuriers & artisans, vns de ces paroles: Donnez de l'argent à cest auaricieux insatiable. Et avec ceste ridicule mendicité assemblerent assez de pieces d'or & d'argent: Car chacun volontiers en donnoit, voyant ce ioyeux & facetieux spectacle. Voila comment l'affectation de l'Empire, de laquelle Ruffin brusloit, l'emmena à piteuse fin de ses iours. Par mesme moyen Stilico fut mis à mort en Italie, comme nous dirons en son lieu: à cause que se sentant par dessus tous auoir credit, & pouuoir beaucoup non seulement entre les Romains, mais aussi entre les Barbares, vouloit attirer vers soy la souveraineté de l'Empire. Apres Ruffin, Eutrope, eunuque, fut pourueu de la dignité de preuost d'hostel, & nonobstant qu'il en fut indigne, ne se contenta de cest honneur: Car pour ce que la reſection des parties viriles luy oſtoit l'esperance de pouuoir atteinre à la pourpre, il sollicita l'Empereur, & luy persuada, qu'il le creast Patrice & consul. Parquoy ce chastre fut par apres pere de l'Empereur, lequel mesme n'auoit peur d'engendrer vn fils de vile condition. Mais cy apres nous ferons mention d'Eutrope. Or auons nous tissu & ioinct en ceste nostre histoire ces choses, pour ce qu'elles ont donné grande occasion d'accroissement à la religion: Car les Empereurs croyoient certainement que leur pere auoit emporté plusieurs victoires contre les tyrans à cause de sa vraye piété: & que de là, le meurtre de Ruffin qui espioit l'Empire, estoit aduenu sans aucune guerre ciuile. Parquoy ils confirmerent & ratifierent tout ce que leurs deuanciers Empereurs craignans Dieu auoyent ordonné pour les Eglises: & garderent diligemment leurs constitutions, & d'auantage y adiouſterent d'autres ceures plaissantes à Dieu, principalement faizans plusieurs liberales donations aux temples, & ministres de Dieu. Tous leurs subiects aussi prenans garde à leurs princes, voire ceux mesme qui estoient enuolopez de la superstition Grecque, se retirerent au Christianisme: & ceux qui suyuoyent les heresies se retirerent à l'Eglise catholique. En sorte que les Arriens & Eunomiens diuisez les vns des autres, pour les causes que nous auons dictes, s'affoiblissoient & diminuoyent de iour en iour: Car plusieurs de ce qu'ils estoient en contention & debat l'un contre l'autre, ayans opinion qu'ils ne sentoient droitement de Dieu, soudain s'allierent avec ceux qui tenoyent pareille foy & sentence que les deux Empereurs. En ce temps pareillement les Macedoniens profiterent peu en Constantinople: ausquels aduint mal, de ce qu'ils n'auoyent point d'euesque: Car depuis le temps que sous Constance les eglises leur furent ostées par Eudoxe & ceux de sa secte, ils firent leurs assemblees sous des prestres seulement, iusques à cest empire. Apres la mort d'Eudoxe, lequel en Constantinople gouuernoit la secte d'Eunome, Lucien neveu d'Eunome de par sa sœur, fut subrogé en son lieu. On dit qu'iceluy pour ce qu'il estoit tombé en auarice, & autres crimes cousins de ce vice, & craignoit endurer pour ceste cause quelque punition, abandonna & delaisſa les autres factions des Eunomiens, &

part de sa gouverna sa compagnie en sorte qu'il fut fait Duc & capitaine d'une troupe non petite, tous  
 seur, laisse ceux entierement qui estoient chargez de diuers & infames pechez, se retirans vers luy. Le  
 les Euno- bruit est que par la diligence du preuost Eutrope, tous les escrips d'Eunome furent brullez pu-  
 bliques, & sa charongne tirée de son sepulchre, iettée & enuoyée en Tyane de Dacore.  
 fait une se- Pour lors aussi, comme est dict cy dessus, les Nouatiens estoient paisibles: Car nonobstant que  
 éto à part. la question du iour de la feste de Pasque, laquelle Sabace inuenteur de nouuelletez, auoit exci-  
 tée, les eut troublez quelque temps, tourefois ne furent ils soumis aux peines decretées par  
 Les liures les ordonnances contre les autres heretiques, à cause qu'ils preschoient la Trinité consubstan-  
 d'Eunome tielle, ainsy que l'Eglise vniuerselle, & que la vie de leurs Euesques estoit bonne & excellente:  
 brulez. Car Marciens auoit succédé à Agil, & Sisinnius à Marciens, lors que Ruffin fut mis à mort, ainsy que  
 nous auons dict. Mais c'est assez parlé de ces choses.

*De l'institution puerile, & vie de saint Iean Chrysostome: & comme reluisant en doctrine  
 & vertu il fut esleu au siege de Constantinople.*

CHAP. II.

*Les Eues-  
ques des  
principaux  
sieges.*

*La mort de  
Nectaire du  
temps du  
Consulat*

*d'Asie &  
Cesare. Soc.  
liu. 6. ch. 2.*

*Iean Chry-  
sostome E-  
uesque de  
Constanti-  
nople, & de  
quelle mai-  
son il est issu.*

*Libanius  
loue Chry-  
sostome.*

*Les faits  
correspon-  
dants à la  
double paro-  
le de Chry-  
sostome.*

*Precepteurs  
d'iceluy.*

*La Theolo-  
gie de Dio-  
dore Eues-  
que de Tar-  
se.*



Vrant ce temps Sirice, successeur de Damase, estoit Euesque de Rome, & Theophile gouvernoit les Eglises d'Alexandrie, Flavian celles d'Antioche, & Iean tenoit encore l'Euesché de Hierusalem, ayant succédé à Cyrille. Nectaire florissoit en Constantinople, duquel cy dessus auons abondamment parlé. Mais luy decedé, chacun se soucioit & traualloit à trouuer & choisir vn prelat digne de ceste ville Imperiale, Et comme souuent se fait, ainsy que chacun desiroit tel qu'il vouloit, & se balançoit en plusieurs conseils, & que de tous n'estoit vn mesme accord & sentence, en sorte que le temps se prolongeoit de plus en plus, à la fin chacun s'aduisa & conclut, que Iean prestre fust appellé d'Antioche, celuy à sçauoir qui pour son eloquence fut denommé Chrysostome: Car l'excellente renommée de luy couroit par tout le monde, qu'il estoit grandement propre à enseigner & prescher, en toutes choses tres-illustre, en noblesse de race & integrité de vie. Son pere fut Secundus, Duc & chef d'armee: & sa mere fut Anthuse, excellente de race & autres ornemens. Il estoit muni de grande energie & force en ses harangues & persuasions: tellement qu'en plusieurs sortes il surmontoit les orateurs de son temps. Il vsoit en sa vie quotidienne d'une moderation singuliere & reigle tres-parfaicte. Et tant deuant ses compagnons, que mesme en ceste part de louange, il emporta le tesmoignage de Libanius Syrien Sophiste: Car ainsy qu'il approchoit de sa mort, les disciples l'interrogerent, quel il vouloit estre son successeur en la chaire sophistique, & le bruit est qu'il respondit, qu'ils deuoyent choisir Iean, si les Chrestiens ne l'eussent rauy, le voyans estre si grand personnage. Or emmena il à l'Eglise plusieurs disciples de Libanius, auxquels il auoit persuadé suyu pareille sentence que luy: Car pour ce qu'il l'estudioit viure selon l'ordonnance de Dieu, il aiguillonna grandement ses disciples à suyu sa vertu: & par ce moyen gaigna plusieurs personnages lesquels il attira à sa sentence, non qu'ils fussent vaincus par art & force de son eloquence: mais que syncerement il leur exposoit les sacrees escriptures, ainsy qu'elles deuoyent estre entendues à la verité. En outre il semble que la parole conforme à la vie merite vrayement estre entendue, & qu'on y adiouste foy. Et que celuy qui n'a ces deux choses ensemble, appert estre plustost simulateur & accusateur de soy mesme, encore qu'il employe grand estude & traual pour enseigner. Que s'il aduient à quelcun qu'il soit recommandable de l'un & l'autre, il fera tout ce qu'il voudra, ainsy qu'on l'a peu remarquer en saint Iean Chrysostome: Car sa maniere de viure fut bien composee. Et outre ce qu'il estoit de nature & esprit excellent, son eloquence & maniere de deduire ce qu'il vouloit, estoit claire & facile, en laquelle reluisoit d'iceluy quelque grace diuine, voire splendeur incredible: en sorte que par icelle ainsy que par vne tyrannie & superieure violence l'auditeur se laissoit gagner. Il entremesloit en sa mediocre espee d'eloquence vne secreete maiesté & force, telle qu'on ne pouuoit veoir sa pareille: & temperoit ensemble vn nouveau meslange d'elocution, abondant en plusieurs sentences: en sorte que tous s'estonnoient de ceste harmonie & consonance conuenable, & attribuoient à son oraison vne deduction incóprehensible, estans cōme priuez de sentimēt & demeurez en extase par admiratiō. En rhetorique & discipline d'eloquence il eut Libanius pour son precepteur: & aux sciēces philosophiques Andragath. Et pour ce qu'il estoit apte à plaider les causes au parquet, il suyu cest estat quelque tēps. Mais ayāt en soy pēse q ceste maniere de viure estoit inique & malheureuse, il delibera s'employer diligēment aux liures sacrez, & viure philosophiquēmēt de vie trāquille, selō les ordōnāces ecclesiastiques, en quoy il fut imitateur d'Euagre. Et en cest estude il a eu precepteurs, qui pour lors gouuernoyēt les plus illustres monasteres & escoles, à sçauoir Cartier, & ce Diodore que nous auōs dit cy dessus auoir gouuernē l'eglise de Tarse. Et dit on aussi dudit Diodore qu'il laissa plusieurs liures de ses escripts, auxquels seulemēt il s'est occupé à l'expositiō de la lettre, sans toucher le sens plus sublime, & les specu-



speculations contemplatiues de l'écriture. En quoy pareillement Chrysostome comme disciple l'a suiuy grandement, lequel ne fut seul disciple de ces personnages, mais eut plusieurs autres compagnons d'estude lesquels il emmena de l'escole de Libanius: & entre les autres Theodore & Maxime, desquels l'un depuis fut Euesque de Seleuce en Isaurie, l'autre de Mopsuestie, au pays des Ciliciens. Et ce Theodore fut grandement docte aux lettres diuines, aux disciplines Grecques, & art oratoire, ensemble en philosophie: auquel lors qu'il se retira de nostre religion saint Iean Chrysostome enuoya deux epistres: Car apres que cest homme eust leu nos loix & disciplines, & se fust insinué en la familiarité des diuins personnages, iettant arriere toutes autres choses & abandonnant le tumulte de la vie ciuile & populaire, loua leur maniere de viure, & composa ses meurs selon leur bonne conuersation. Mais il ne retint constamment ceste gayeté, ains comme se repentant, retourna à sa premiere vie: Parquoy ayant conceu autre sentence de cest estat, que n'estoit de raison, il delaisa ceste sorte de philosophie, & retourna en la ville, estimant que là il iouïroit mieus de ce qu'il desiroit. Ce que saint Iean Chrysostome ayant entendu, à sçauoir qu'il f'estoit employé aux choses ciuiles, & addonné son cœur au mariage, il luy enuoya vne epistre, composée de sentences choisies, & dressée mieus que l'humain esprit ne pourroit comprendre: laquelle Theodore ayant leue, de rechef se retira à la maniere de viure qu'il auoit commencé: Car ayant delaisé tout son bien & auoir, & renonçant à l'affection qu'il auoit de se marier, eut son recours à la vie philosophique, gardé & preserué par les remonstrances tresbelles de saint Iean. Dequoy on peult colliger quelle force d'eloquence florissoit en luy, & quelle grace de persuasion estoit assise en ses leures, veu qu'il surmôta ceux qui pour lors estoient excellens en eloquence & persuasion. Pour ce gaigna il aussi la multitude: & qui est d'auantage, reprint griefuement ceux qui pechoient en l'Eglise, & assaillit de paroles ceux qui faisoient iniure à autrui, non moins ayant compassion des affligez, que si l'iniure luy eut esté faite. Ce qui fut grandement accepté de la multitude, mais sembloit aux princes & grâds magistrats qu'il fut trop seuer: pour ce à sçauoir qu'ils auoyent auparauant qu'il leur remonstrest grande licence de pecher en beaucoup de fortes. Et pour ces causes fut estimé personnage de renom, non seulement de ceux qui l'auoyent veu, & esprouué sa vertu: mais aussi de ceux qui ne l'ayans aucunement veu, du seul bruit l'auoyent cōgneu, lequel diuulgué & célébré par tout, auoit remply les oreilles d'un chacun. Et pour ce sembla il idoine & suffisant aux personnes de l'Empire Romain, auquel on donna la charge de l'Euesché de Constantinople. A quoy avec la voix du peuple & du Clergé, & plusieurs autres, l'Empereur Arcade luy portoit grâde faueur: Parquoy soudain il enuoya gens pour l'ammener. Il ordonna aussi vne assemblée de plusieurs Euesques à ce que sa consécration fust plus authentique & plus illustre. Or Aster, gouverneur d'Oriet, ayant receu les lettres de l'Empereur, arriué en vn fauxbourg d'Antioche, fit venir vers soy saint Iean Chrysostome, luy signifiant qu'il auoit quel que secret à luy communiquer. Soudain qu'il fut venu, il le fit asseoir sur vn chariot, & l'emmena en l'hostellerie qu'on appelle Pargras. Et apres que là, encore qu'il resistast beaucoup, il l'eut liuré à ceux qui estoient enuoyez de l'Empereur, il s'en retourna à sa maison. Et mena son affaire en ceste sorte, à cause qu'il sçauoit que les Antiochiens estoient par trop enclins à sedition: car volontiers ils n'eussent permis & enduré estre priuez de la langue & eloquence de Iean, que premierement ils n'eussent fait quelque chose meschante, qui leur eust tourné à preiudice. Apres donc qu'ils furent arriuez en Constantinople, & là se furent trouuez tous les Euesques qui y estoient appelez, tous consentirent d'une mesme voix à l'election de saint Iean Chrysostome: seulement Theophile Alexandrin y resista, detractant de sa gloire: & s'efforçant donner l'Euesché à Isidore, prestre d'Alexandrie, lequel auoit la charge des pauures & estrangers, exercitè dès son adolescence aux labours monastiques en la solitude de Scetis. Et pour ce Theophile s'employoit grandement pour Isidore, qui se sentoit coupable avec luy d'une chose assez perilleuse: Car lors que l'Empereur Theodose combattoit Maxime le tyran, Theophile pretendait d'honorer de presens l'Empereur, bailla à cest Isidore deux epistres, & l'enuoya à Rome, luy donnant charge d'attendre là l'euement de la guerre: & rendre les lettres & dons à celuy auquel la victoire fauoriserait: laquelle charge il recut, & attendant la victoire demoura en la ville de Rome. Aduint ce pendant qu'ainsi qu'il vouloit celer ceste chose, le lecteur qu'il auoit en sa compagnie, secretement luy desroba ses lettres, & declara tout cest affaire. Parquoy Isidore craignant qu'il n'endurast quelque mal, s'enfuit soudain en Alexandrie. Theophile donc l'ayant esprouué luy auoir esté tres-fidele, il vouloit pour lors recōpenser le dâger auquel il f'estoit mis pour satisfaire à son commandement, & s'efforçoit ce faire tât qu'il pouoit. Mais soit q pour ceste cause il eut entrepris ceste electiō, ou biē qu'il voulut esleuer en dignité episcopale ce personnage amateur de Dieu, à la fin toutefois il cōsentit à la cōsecratiō de Iea, & approuua la sentēce de la cour Imperiale, laquelle manifestement rēdoit à l'electiō de S. Iean Chrysostome. Aussi craignoit il le preuost Eutrope, lequel pour lors auoit charge de l'hostel & chābre Imperiale: car il luy auoit dit brusquement, le menaçant, qu'il falloir ou qu'il consentist au suffrage des autres, ou qu'il se disposast de respondre à ceux qui l'accusoyent. Et de fait là plusieurs assistoyēt, venus d'Alexādie, presentās des plaintifs

*Compagnons  
d'escole de  
Chrysostome.*

*comme il  
induis Theo-  
dore à une  
plus parfaite  
maniere  
de viure.*

*Grande elo-  
quence de  
Chrysostome.  
Il fut aspre  
cōtre les vi-  
ces.*

*Aster gon-  
uerneur d'O-  
riet enuoye  
Chrysostome  
en con-  
stātinople.  
Il est esleu  
Euesque  
malgré luy.*

*Theophile  
Alexādrin,  
en veut eli-  
re un autre.*

*Theophile  
trahistre à  
l'empereur.*

*À la fin cō-  
sent il à la  
cōsecratiō  
de chrysostome.*

contre luy aux Euesques qui estoient assemblez: d'autres luy reprochoyent autres crimes, & l'accusoyent d'auoir violé les loix Ecclesiastiques. Ce que craignant Theophile, non-seulement fauorisa à l'élection de Iean, mais le consacra par l'imposition des mains. Zeno Euesque de Gaze ou Maiuma, reuenant de Hierusalem, le crea lecteur, ainsi qu'escriit Socrates scripteur Ecclesiastique, & vescu long temps, ainsi qu'il dit, avec Basile: lequel long temps auparavant auoit esté par Meletie choisi en l'ordre des diacres, & par apres gouerna l'Eglise de Césaree en Capadoce. Ce que toutefois Simeon, qui a escript la vie de saint Iean Chrysostome, rejette du tout:

*Les ordres  
d'iseluy.  
vne colom  
bes'est assi  
se sur le chef  
de S. Iean  
chrysosto  
me, lors qu'o  
le consacroit  
prestre.*

Car il fait mention qu'il fut créé diacre & prestre par Flavian. Auquel temps aussi il raconte, qu'une colombe blanche à merueille, ainsi qu'elle voloit, s'assit sur son chef sacré. Socrates d'ailleurs dit qu'il receut la dignité de prestre par les mains d'Euagre. A sçauoir qu'apres le decés de Meletie saint Iean Chrysostome se separa des Meletiés, & vescu trois ans solitaire en repos, en sorte qu'il ne se tiroit ne de la part de Meletie, ne des sectateurs de Paulin: toutesfois il recite que depuis il fut créé prestre par Euagre, successeur de Paulin. Lors encore qu'il estoit lecteur, il composa des oraisons contre les Iuifs. Estant diacre il escriuit les dialogues de l'office Episcopal, & les liures qu'il dedie à Stager, ensemble d'autres de l'incomprehensible, d'autres aussi des filles adoptees non à cause de mariage ou paillardise. Et lors qu'il fut decoré de l'honneur sacerdotal, il mit en lumiere les expositions des diuins Euangiles, les statues, la consolation, les commentaires sur le Psaultier, de la virginité, de misericorde & autres plusieurs traictez. Depuis estât Euesque de Constantinople, il composa des homelies mystiques sur le diuin Apostre, & sur les Actes, & autres plusieurs, celebrant les iours de festes, & assemblees Ecclesiastiques. Quant à moy, j'ay leu plus de mil traictez d'iceluy, coulans d'une douceur ineffable. Aussi dès ma iu nesse j'ay grandement aimé ce personnage, voire acquiescé à ses paroles, comme aux diuins oracles, en sorte que ce peu que j'ay d'erudition, ie reconnois & confesse l'auoir appris de luy: Aussi ay ie persuadé à ceulx qui me sont amis, & qui me suyuent, que laissant tous les autres, ils vissent familièrement de cest autheur. Mais retournons à l'argumēt que nous auons entrepris.

*Nicephore  
studieux de  
S. Iean Chry  
stome.*

*De la sollicitude & doctrine pastorale de saint Iean Chrysostome: & comme reprenant & corrigeant les pechez de plusieurs, il fut soupçonné d'improbité: & d'auoir se leua la fureur & persecution contre luy.*

C H A P.

III.

*Chrysosto  
me apres sa  
reception  
fait deuoir  
de reformer  
son clergé.*



Iean, paruenue à l'Euesché, premierement commença corriger les meurs de son clergé, s'enqu Coastant de leur maniere de faire & viure de iour en iour, & les reformant publiquemēt. Et pourtant qu'il vsoit d'assez aigre & seuer chastiment, il fut cause que plusieurs suyuirent le chemin des bonnes meurs, changans leur vie precedēte. Que s'il trouuoit quelques prestres vouloir viure non selon les constitutions Ecclesiastiques, il les chassoit hors de l'Eglise: Car il disoit que ceux ne deuoyent iouir d'honneur sacerdotal, qui ne vouloyēt imiter la vie des vrais prestres: & outre ce que de nature il estoit enclin à reprendre & remonstrer, ceste cou-

stume d'auantage augmenta en luy apres qu'il eut acquis ce magistrat. Car la nature ayant rencontré autorité & puissance, elle s'est plus promptement esmeue contre ceux qui offensent. Et non seulement s'estudia il, ainsi qu'un pere vigilāt, dresser en un droit estat son clergé, mais aussi les Eglises esparées en diuers autres lieux: de sorte qu'il s'est efforcé par mesmes & semblables loix reduire toute la Thrace, laquelle est diuisee en six preuostez, & toute l'Asie qui est regie par vnze lieutenans, & la prouince de Pont gouuernee par autant de preuosts, à faire leur

*Il oste en  
Phenicie ce  
qui restoit  
d'idolatrie.*

deuoir. Ayant semblablement entendu que les Pheniciens solatroient encore aux sacrifices de leurs simulacres, il y enuoya des personages enflambez d'ardeur & zele diuin, & confirma les loix, lesquelles ja long temps auoyent esté publiques, puis renuersa tout ce qui restoit de leur superstition, & raza les temples des idoles dès les fondemens. A quoy faire il fournit les despens prins de sa propre maison: Car il auoit persuadé aux femmes nobles & riches, que liberalemēt elles contribuassent deniers pour les fraiz. Et à ce qu'il deliurast la multitude des Scythes infe-

*Il reduit les  
Scythes Ar  
riens à la  
foy.*

ctez de la contagion Arrienne, il leur bailla des gouuerneurs qui peussent parler leur langage: ensemble souuent les visitant & illustrant de sa doctrine (laquelle il leur faisoit entendre par traduction) iceluy les amena à la verité. Pareillemēt estāt aduertty que les Scythes habitans le long de l'Istre, estoient desirieux de la verité & de leur salut, il y enuoya aussi, & les régea prisonniers

*Il gaigne  
les Hunnes.*

sous la puissance de verité. Il dechassa aussi des Osroenes la maladie de Marcion, laquelle y estoit biē entracinee: & fit autres plusieurs œuvres agréables à Dieu, portant en son esprit un soin,

*Il met paix  
aux Eglises  
d'Antio  
che.*

vrayemēt Apostolique, de toutes les Eglises. Et ne fut de ce côté, mais ayant recôcilié Theophile, re trécha du tout la dissensio qui estoit entre les Eglises Oriētales & Occidentales à cause de Paulin & Flavian: & fit qu'apres le trespas de Paulin & Euagre, il n'y eut qu'une Eglise en Antioche. Aussi i'estime q la recôciliatio estoit aisee aux Euesques à faire, veu que nul n'y mettoit empeschemēt:

Car

Car le peuple relaschant les discords desquels il estoit ja lassé, ceux aussi qui premierement auoyent suyuy l'autorité d'Eustace, petit à petit (ainsi qu'il est accoustumé d'aduenir) approchant de ceux qui suyuoient Flauian, s'allierent d'un mesme accord. Or ainsi que ce grand personnage dès le commencement, & selon sa nature, & selon son courage se monstroït tel, il sembla aucunement dur, & par trop seuer à ceux qui offensoient: & principalement à ceux du clergé qui se plaisoyent es choses mal faites. Parquoy grande haine fut allumee contre luy, en sorte que plusieurs le suyoyent comme leur ennemy. Mais il estoit grandement agreable à la multitude, laquelle tous les iours il enseignoit: Et n'est chose merueilleuse, si il ne plaisoit à aucuns, considéré que mesme le miel semble estre amer à ceux qui ont la iaunisse. Le bruit est que Sera-  
 pion disciple d'iceluy, fut cause qu'ainsi il fut mal voulu de plusieurs personnes: Car on dit que quelquefois il dit appertement en la presence du clergé, qu'il ne les attireroit pas tous par paroles, si quant & quant il ne les contraignoit avec le foët. Lequel propos attira plusieurs en haine & enuie grande contre l'Euesque. Plusieurs aussi qui pour diuers crimes auoyent esté par luy iectez ainsi hors l'Eglise, s'accommodoyent aux propos des grands seigneurs: & ainsi qu'il aduient communément en telles entreprinſes desreiglees de ceux qui ont la dominatiō, ils estoient d'accord ensemble & faisoient des banquets & coniurations qui n'estoient à n'en tenir conte, & luy obiectoient des calomnies non petites, ne mediocres. En sorte que ce qu'ils disoient contre luy, estoit tenu pour veritable: la cause estoit que saint Iean n'auoit coustume prendre le repas en compaignie, ou assister aux banquets. Et de là forgeoyent plus grands crimes. Nul d'iceux toutefois ne dit clairement à quelle fin, & pour quelle cause il s'en absentoit. Ceux qui le defendent, alleguent sa longue coustume d'estre solitaire: & qu'il auoit l'estomac debile, en sorte qu'il ne cuisoit facilement sa viande. Quoy que soit de ceste chose, elle donna grande occasion à ses aduersaires de murmurer: Mais le peuple pour l'abondance de sa doctrine, & l'utilité qui en prouenoit, despendoit du tout de ce personnage, aimant merueilleusement sa lague: il est bien aisé en sorte qu'ils le surnommerent Chrysostome, c'est à dire homme à la bouche d'or, donnant à entendre par ceste dictiō, la grace excellente d'iceluy. Et ne se soucioit aucunement de ceulx qui parloyent mal de luy. Mais qu'est il necessaire ny declarer de rechef, quelles furent ses harangues, ou celles que luy-mesme a mises par escript, ou celles que les escriuains legers ont par certaines abbreviations recueillies en grand nombre ainsi qu'il les prononçoit? Car combien elles sont belles & bien cōposees pour persuader & esmouuoir les personnes, celuy le peut esprouuer, qui les voudra manier & lire, & tirer vtilité d'icelles, puiser ensemble vn diuin plaisir en sorte qu'il croira qu'il soit rauy diuinement, & moderément & prudemment desbordé de son sens. Or ce pendant qu'il a tant combattu avec le clergé, la fureur contre luy s'est affoiblie & n'a rien peu faire sur luy. Mais depuis qu'il commença publiquement à reprēdre le magistrat, alors aussi plus grande enuie s'est esmeue contre luy, & plusieurs choses furent brassees. Et chacun ainsi qu'il luy plaisoit, ou d'autant qu'il le vouloit reprendre, ou le hayoit, auançoit contre luy des calomnies, ou croyoit celles estre vrayes qui faulſement estoient auancees. Et principalement l'oraison populaire, laquelle il leut contre Eutrope, seruit beaucoup à detracter de luy.

*D'Eutrope, preuost de la chambre Imperiale, & de la loy qu'il publia: comme il fut tué, & comme aucuns conceurent & nourrirent une haine contre Iean.*

## CHAP. IIII.



R cest Eutrope, prince des Eunuques en la chambre Imperiale, qui estoit paruenue en la dignité consulaire, & fut appelé pere de l'Empereur, ne peut endurer la grandeur de sa presente fortune, & ne pensa aucunement à la mutation des choses humaines: mais lors qu'il auoit deliberé en son esprit se venger d'aucuns, s'efforçoit par tous moyens faire que les Emperours publiassent vn edict, que d'ores en auant nul ne s'enfuit à l'Eglise: & que mesme si quelcun se voyant en danger, s'y retiroit, voire fust ce en faisant ses prieres à Dieu, & demourast au temple, qu'il fust de là tiré hors. Ce qu'il fit principalement à cause de Pentadie, femme du tref-illustre duc Timasie, homme de grand estime, lequel il auoit fait confiner en l'isle d'Oase à perpetuel exil, l'ayant fait cōdamner comme atteint du crime d'auoir voulu vsurper la dignité de tyran ou Prince. Et iceluy estant en ce lieu, deſeiché de soif, ou craignant que pis ne luy vint, finit bien tost sa vie errant par ces lieux sablonneux. La loy donc que Eutrope auoit procuré d'estre publiee, a obtenu son effect pretendu. Mais peu de temps apres il aduint qu'il offensa l'Empereur, pour quelque parole iniurieuse qu'il dit à sa femme, parquoy luy mesme le premier corrompit la loy, laquelle il auoit sollicité estre publiee: Car fuyant de l'hostel Imperial, se retira en habit de suppliant en l'Eglise. Et lors Saint Iean reprenant la fole entreprinſe d'Eutrope, fit vne belle harangue, estant assis en la chaire selon sa coustume, à ce que lors qu'il enseigneroit le

*Oraison & sermon de Chrysostome contre le fait des gés d'autorité.* peuple, tous peussent ouyr sa voix. En ceste oraison tant qu'il pouuoit il taxoit l'aïrogance & audace de ceux qui ont puissance ou quelque magistrat : ensemble proposoit au peuple l'incō-  
*Suppliee d'Eutrope.* stancōdes choses humaines, lesquelles ne se peuuent arrester en vn lieu. Mais ceux qui le hay-  
*Ce Baudoin ou Bauto fut consul l'annee suivante la mort de Gratian, avec Arcade.* oyent, le reprenoyent encores de ceste exhortation, & le calomnioyent, disans qu'au lieu qu'il deuoit auoir pitié & compassion de celuy qui estoit en hazard de sa vie, au contraire il l'accusoit augmentant son affliction, & se moquant de sa calamité. Toutesfois Eutrope peu de temps apres endura la peine de mort qu'il meritoit, tant pour ce que nous auons dit, que pour autres plusieurs mesfaits. Et la loy publiee par la sollicitation, fut effacee des liures & chartres publics, & son nom rasé du catalogue & demembrement des consuls : & l'Eglise de Dieu fut en grand honneur & bruit par les loix qui ia des long temps auoyent esté bien ordonnees, Dieu luy-mesme vengeance par exemple euidēt, l'apparente iniure qui luy estoit faite. Or ie ne veux obmettre en ceste histoire la principale cause de la mort d'Eutrope, à ce que quelcun n'estime mal de ce grand personnage, ignorant du tout pourquoy il fut mis à mort, & la raison pour laquelle il endura, que celuy qui auoit esté contumelieux contre l'Eglise, fust tiré hors d'icelle. Il fault donc entendre qu'Arcade apres le decés de son pere, espousa vne femme nommee Eudoxie, fille de Gratian, lequel (comme aucuns ont remerqué à la posterité) par sort fut possesseur del'empire Occidental : ou ainli qu'autres recitent, elle estoit fille de Baudoin, Barbare de race, mais tres-illustre en Occident, au fait de guerre, & pour mener les affaires Imperiales. Ceste femme n'estoit parresseuse ainli que son mary, toute fois elle retenoit beaucoup de l'insolence barbare. Elle engendra premierement deux filles à Arcade, la premiere fut Pulcherie, l'autre Arcadie, & de rechef vne autre appelee Marine, & long temps apres vn fils dict Theodose, du nom de son pere grand.

*Occasion de la mort de Eutrope. Reuse de femme indus-trieuse.* Or ainli qu'elle n'estoit encore merē que de ses deux filles, Eutrope l'outragea de paroles : Car outre autres plusieurs paroles iniurieuses il la menaça encore d'auantage, qu'en brie f elle seroit chassée de la court Imperiale, & il la r'enuoyeroit en sa maison. Parquoy ceste femme brullant de grand' colere, print ses deux petites filles, & les portant entre ses bras, se presenta à son mary, se complaignant & brayant : & luy mettant au deuant ses enfans pour l'exciter à com-  
*Chrysostome touche librement Gainas Arrien.* miseration, lamentoit & soupirait longuement : & fit encore autres choses, telles à sçauoir que vne femme enflambee de courroux, & qui veult attirer son mary à compassion, a coustume de faire. Parquoy Arcade ayant pitié tant de sa femme que de ses enfans, ensemble fut eschauffé & enflambé d'ire : & d'une ardente colere, & principalement de grauité de paroles tesmoigna vrayement qu'il estoit Empereur : Car ayant despouillé Eutrope de sa dignité, & de toutes ses richesses, l'enuoya en l'isle de Cypre en exil. Et peu de temps apres, à cause qu'au temps qu'il com-  
*Theophile, Alexan-drin, partie aduerse de Chrysostome.* mença son consular, il auoit vsé d'ornemens plus excellens que sa dignité ne portoit, voire lesquels est permis au seul Empereur porter, il fut accusé de cest acte, & tiré de là fut mené en Pâ-  
*CHAP. V.* richie, où estoit assise l'assemblée des iuges sous le preuost Aurelien, & autres plusieurs illustres personnages qui auoyent la charge de congnoistre sa cause : & là conuaincu de plusieurs grans crimes, endura le supplice de la mort. Ainli se porterent les affaires d'Eutrope. Et non pour ceste cause seulement Iean Chrysostome fut reprins, mais aussi de ce que publiquement en vsant de son accoustumee liberté de parler, auoit traité contumelieusement vn certain Gainas, capitaine de gens d'armes, à cause qu'il auoit osé demander à l'Empereur, que dedans la ville on baillast vne Eglise aux Arriens de sa secte : laquelle voyant qu'il n'auoit impetree, aspirant à la tyrannie fit plusieurs dommages aux Romains, gâstant leur domaine. Ils le taxoyent aussi d'auoir reprins plusieurs autres plus qu'il n'appartenoit & ne falloir. Pour ces causes eut il beaucoup d'enne-  
*Les faits de Gainas barbare Gothique, & de la liberté de parler de laquelle saint Iean chrysostome usa pour les Eglises, tant enuers l'Empereur, que ce Gainas.* mis. Et aussi soudain apres sa consecration, Theophile Alexandrin luy brassa plusieurs choses, & dit luy mesme de sa bouche contre luy beaucoup de choses aux gens presens à qui il parloit, & en escriuit d'auantage aux absens, se moquant de cest hōme, l'appellant cruel & brutal : Car l'ardeur & diuine liberté de Iean Chrysostome l'offençoit beaucoup, & d'auantage de ce que son bien aymé Isidore auoit esté debouté de l'Euesché par luy. Les affaires du tressaint Chrysostome se portoyent en cest estat, & en ceste sorte soudain plusieurs machinoyent quelque mal contre luy : Car comment le monde eut il peu bien recevoir cest homme, lequel viuoit selon Dieu seul : & ne s'efforçoit de rien d'auantage, que par faits & paroles gaigner le salut des per-  
*Les faits de Gainas.* sonnes ? mais nous traiterons de luy cy apres plus abondamment.



grand personnage Chrysostome luy fut enuoyé pour ambassade : & comme par apres il fut mis à mort. Soubs lequel aussi vne chose du tout nouvelle aduint , par laquelle Dieu monstra que par sa preuoyance & ayde , la ville Imperiale , & tout l'Empire Romain auoit esté deliuré de grands dangers. Ce Gainas estoit barbare de race , yssu de la nation des Scythes qui habitent le long de l'Isire. Or il aduint qu'estant ce fleuve prins & rendu ferme par la glace, ils le passerent, & se ruerent à la foule sur la dition & le domaine des Romains : & courans par toute la Thrace , pillerent l'Europe. Mais Gainas se retire d'iceux vers la part des Romains , & s'auançant , petit à petit fut d'un petit soldat fait duc des Romains , & eut charge des compagnies de gens tant de cheual, que de pied. Et combien qu'il fust esleué en si grand honneur, plus qu'il n'auoit merité, il ne se contenta de ce lieu, ne de cest estat : ains estimoit que ce luy seroit vn grand desplaisir , s'il ne mettoit soubs sa puissance l'Empire des Romains. Ainsi qu'il pourpensoit ces choses en son esprit, il fit venir les Goths de sa nation , & partie de leurs gouuerne- mens : & de ceux qui luy estoient proches de race, il fit les vns chefs des cōpaignes , centeniers & capitaines, & donna la charge de toute l'armee à ses compagnons. Et procura que Trigibilde, l'un de ses parens & aliez, & qu'il luy estoit beaucoup utile, eust charge de quelque grande compaignie, & luy bailla l'administration de la Phrygie, avec la dignité de comte. Peu de temps apres, ainsi qu'il fut descouuert qu'il brassoit quelques menees nouuelles, il commença à gaster les villes d'alentour de la Phrygie & Nacolis, & cōmetre plusieurs meurtres, dequoy Gainas feignoit qu'il estoit courroucé : mais à la verité monstroït il à bonnes enseignes, qu'il ne ten- doit qu'aux choses nouuelles. Soudain donc ainsi que s'il eut cerché le bié des Romains, il trou- ua vne ruze assez fine & bien feinte, c'est qu'il deliberoit entreprendre guerre contre ce Trigi- bilde, & ainsi qu'il estoit besoing, porter ayde aux villes qui estoient à l'environ de Phrygie. L'empereur croyant à ceste feinte, luy dōna congé ce faire : Parquoy cōduisant vn grand nombre de milliers, soudain decela le conseil qu'il auoit entrepris, & mit en auāt son affectiō tyrānique de regner. Car tant s'en fallut qu'il defendit les villes auxquelles il estoit enuoyé : que mesmes il pilloit les autres qui restoyent, & les saccageoit & renuersoit avec grande force, en ceste for- te que toutes les autres attendoient de luy le semblable. Et leuant le camp de là , fit toutes les places du militu de ce pays, butin des Mysiens, comme on dit en commun prouerbe (c'est qu'il pillait tout à bout sans resistance) & vint asseoir son camp deuant Chalcedon, ville situee à l'op- posite de Constantinople. Et ainsi qu'il les menassa de leur faire endurer beaucoup de maux, il mit aussi en effect ses paroles. Donc les villes Orientales , & principalement celles qui sont en Asie, & pres le Pont Euxin, estans en si grand hazard & danger , l'Empereur avec ses amys qui estoient avec luy, aduisa qu'il ne falloit plus tarder : considéré qu'il n'y auoit point d'assuran- ce pour l'Empire Romain, estant ainsi despourueu de toutes choses, contre des hommes qui se precipitoient à la mort, & vne fois auoyent desesperé de leur vie. Parquoy s'accomodant au temps, il vfa contre ce barbare de ruze & finesse. Car il luy enuoya des ambassades, luy mandant qu'il estoit prest de faire tout ce qu'il demanderoit & que d'oresnauant toute sa vie il luy seroit agreable. Le barbare receut ceste cōdition & ne demanda autre chose, sinon que Saturnin & Aurelien, personnages de dignité consulaire, lesquels il soupçonnoit luy estre aduersaires, fussent liurez entre ses mains. L'empereur, combié qu'enuis, luy accorda ceste requeste : aussi ces bons personnages prests de mourir pour la republique, se mirent en la puissance de l'Empereur. Ils furent donc liurez à Gainas, mais il leur pardonna, & finement dissimulant à quoy il tendoit du tout, arriua en Chalcedon, où aussi se trouua l'Empereur. Et là entrez au temple de S. Euphemie, martyr, au lieu, à sçauoir, auquel son corps est inhumé, apres auoir receu & donné sa foy par la religion de serment que d'oresnauant il leur seroit de bon vouloir & feroit le deuoir , posa les armes : & depuis passa en Constantinople , où de rechef il receut de l'Empereur la charge & administration des gens de cheual & de pied. Mais voyant que ses affaires se portoyent mieux qu'il ne meritoit, il ne peut modérément porter cest honneur. Et nonobstant que sa premiere entreprinse ne luy eut succédé selon son desir, il delibera toutefois encore en tenter vne autre & commença d'esmouuoir vn grand trouble contre l'Eglise. Il auoit esté Chrestien au parauant mais il ne garda point sa religion entiere & nette : car il estoit infecté de la peste d'Arrius. Aussi auons nous dit cy dessus cōme ceste nation au temps de Valent, soubs Vlphilas, receut d'Eudoxe la contagion Arrienne. Parquoy soit qu'il fust esleué pour la grandeur de ce qu'il auoit fait re- centement, ou par aduerture persuadé par les plus apparens de ceste heresie, il requit de l'Em- pereur par le consentemēt des sacrificateurs de la religion, vne maison sacree dedans la ville. Ce qu'il fit cōme avec reproche, disant qu'il n'estoit conuenable que luy, qui estoit chef de l'armee Romaine, priast en l'Eglise, hors les murs de la ville. L'Empereur craignant l'inconstance de son courage, & le soupçonnant de la tyrannie qu'il machinoit & esperoit, luy respondit qu'il en de- libereroit & s'en conseileroit. Et appellant le diuin pere S. Iean Chrysostome, luy declara la requeste de ce barbare, & luy remit en memoire la puissance d'iceluy, & luy signifiā la tyrannie laquelle il desiroit & affectoit : & sembloit manifestemēt donner à congnoistre, que quasi en fhumiliāt il luy doneroit ce qu'il demandoit, à ce que par cest octroy il peust refrener sa fureur.

*Dieu cōser- uateur des Empires.*

*Gainas fu- gatif se reti- re vers les Romains.*

*Trigibilde, Goth, pille la Phrygie, cōtre lequel Gainas est enuoyé.*

*L'armee de Gainas pres chalcedon.*

*Arcade en- uoye ambas- sade à Gainas, avec les conditions de paix.*

*Gainas est derechefor donné chef d'armee.*

*Gainas de- mande que les presches des Arriens se fassent de- dans la vil- le de Con- stantinople.*

*Praydenoir  
& Zete  
d'Euesque.*

*Colloque de  
S. Iean chry-  
sostome a-  
uec Gainas,  
deuant l'Em-  
pereur.*

Mais ce diuin personnage n'endura que ces propos fussent deduits iusques à la fin, & ne ceda rien au temps: ains menant avec soy les Euesques qui lors estoient en Constantinople entra à la salle de l'empereur. Et premierement luy mesme commença de grand courage à debarre la cause de l'eglise deuant l'empereur, disant ces mots: Il ne fault pas, ô empereur, que tu promettes & accordes d'ainsi faire, & que te deliberes iecter la chose sainte aux chiens: Car ie n'endureray point que ceux qui disputent & sentent droictement de Dieu, soyent iettez hors, & qu'on concède à ceux vn sacré temple, qui dressent leurs langues blasphematoires contre iceluy. Et ne fault point que tu craignes ce barbare: mais appelle nous tous deux, & escoute diligemment & sans sonner mot sois ententif aux propos qu'on tiendra: & ie luy refreneray sa lange, & luy persuaderay qu'il ne demande point ce qui n'est pas raisonnable de donner. L'empereur resiouy de ces paroles, les fit venir tous deux vers soy. Et lors Gainas requit que ce qui luy estoit promis, fust mis en effect. Mais Iean qui auoit la langue doree, luy resistant: Il ne fault pas, dit il, qu'un Prince ose quelque chose contre Dieu, mais plustost qu'il ait soing de la vraye pieté, & conserue les loix bien ordonnees, & celle principalement laquelle a esté publiee autrefois contre les heresies. Et suadoit à l'empereur, & souuēt luy disoit, que voire plus il luy seroit duisible qu'il quittast l'empire, que par impieté trahir la maison de Dieu. Et de rechef tournant sa parole à Gainas, lequel disoit qu'il luy falloit auoir vne eglise: Toutes, dit-il, te sont ouuertes. Auquel Gainas respondit: mais ie suis d'autre religion, & pense bien demander ce que ie demande, veu que j'ay fait plusieurs seruices, & enduré beaucoup de combats pour les Romains. Mais dit à ce propos Iean, tu as plus de recompense que n'as eu de labeur: Car ce t'est vrayement grand honneur d'estre tant de nom que de fait en guerre coronal des Romains, & porter l'arroy & ornemens de consul. Et fault que tu consideres quel parauant tu estois, & quel tu es maintenant, & en quelle pauureté tu as vescu premierement, & maintenant combien de richesses t'abondent: quel vestement tu auois auant que tu fusses passé l'Istre: & maintenāt vois tu comme tu es habillé? Aye souuenance que tes labeurs sont moindres que la recompense que tu en as receue. Parquoy modere toy vn peu & garde toy bien d'estre ingratauec ceux qui t'ont fait cest honneur. Considere ton pays, & comme chassé d'iceluy, tu fus preserué par le pere de l'Empereur, & que tu as promis par serment que tu serois amy aux Romains, à ce mesme Empereur & à ses enfans, & obseruerois les loix lesquelles maintenant tu as arrestees en ton courage reprendre & abolir: voire celle principalement laquelle celuy a conseruee, qui t'a receu fugitif, defendant de faire des assemblees d'une autre ou estrange opinion en la religion, dedans les murailles de la ville de Constantinople.

*Du reuoltement de Gainas, & de la vision des Anges gardes de la ville de Constantinople, laquelle il veid: & de l'ambassade que Iean expiocta vers Gainas: & comme ce barbare fut prins & tué en Thrace.*

*Chap. V 1.*

*Chrysostome impose  
silence à  
Gainas.  
Gainas deli-  
bere de pil-  
ler la ville.  
Sozom. l. 8.  
chap. 4.*



*Gainas en-  
uoye gens  
pour de  
nuict piller  
la ville.*

*Signes.*

Ainct Iean Chrysostome ayant constamment avec grande liberté tenu ces propos à Gainas, luy ferma la bouche, & le contraignit se taire: & ne permit aucune chose estre innouee au preiudice des eglises, desquelles il auoit charge. Mais ce barbare non long temps apres addonna son cœur à trahison, & manifesta la tyrannie laquelle long temps il auoit cœue & meditee: Car il auoit proposé en son courage gaster toute la ville, & la piller entierement. Lesquelles embusches signifioit ceste estoille, qui s'apparut en forme de glaïue, & qui outre mesure estoit claire (telle que iamais n'a esté mis en memoire qu'une semblable se soit mōstree)

luisante sur la ville, en sorte qu'elle touchoit quasi du hault ciel iusques à terre. Or premierement il delibera se ruer aux boutiques des orfeures & argentiers, assises au marché, de là ayant conceu grande esperance qu'il en tireroit vn grand ainas & abondance d'argent. Mais apres que ceste chose fut descouuerte & diuulguee, les argentiers ne dresserent leurs monstres, & ne proposerent leurs deniers & richesses sur leurs tables publiquement, ainsi qu'ils auoyent de coustume. Cela fait ce meschant enuoya de nuict vne grande troupe de barbares, pour mettre le feu à l'hostel Imperial. Mais tant s'en fault qu'ils fissent quelque chose, qu'ils se retirerent arriere avec grande crainte: Car Dieu monstra pour lors, quel soing & preuoyance il auoit sur la ville. D'autant qu'une compaignie celeste de personnes qui auoyent grands corps, se monstrans à ces insidiateurs, les estonna, tellement qu'ils tournerent dos, & hastiement tremblans se retirerent vers Gainas, auquel ils racontèrent ce qu'ils auoyent veu, & qu'une nouuelle armee ceste nuict estoit arriuee en la ville. A quoy il ne voulut croire, pour ce qu'il sçauoit qu'il n'y auoit autres soldats à la ville, que de coustume. Parquoy la nuict prochaine il en enuoya d'autres. Mais ceux cy racontèrent le semblable que les premiers: en sorte qu'il y vint luy mesme, & fut de ses propres yeux spectateur de ce miracle. Or iceluy estimant que ces soldats estoient en ce lieu à cause



cause de luy, en sorte que de iour il se cachassent, & de nuit fissent sentinelle, & gardassent la ville, & le palais Imperial, il feignit estre trauaillé de quelque maling esprit, & entra au temple, lequel le pere de l'Empereur auoit construit au Septime, en l'honneur de saint Iean Baptiste, & fit semblant que là il vouloit faire ses prieres. Lors le suyuoit vne grande troupe de barbares, laquelle secrettement portoit des armes & vaisseaux fictiles, remplis de dards, dedans leurs coches & chariots branlans, & autres artifices qu'ils auoyent machinez. Et auoyent fait ceste entreprinse au dommage des Romains : mais ce leur aduint pour leur bien, ainsi que la fin le declara. Car ainsi qu'ils furent surprins par les gardes des portes, porter ces armes, & estoient empeschés de passer outre, ils desgainerent leurs espees & tuerent les sentinelles. Et soudain (comme se fait en tel cas) vn grand tumulte & bruit courut par toute la ville, comme si pour lors elle eust deu estre prinse par l'ennemy : toutefois le bon conseil surmonta & empescha les maux & dangers qui se presentoyent aux portes. Car soudain que la ville fut fermee, & les portes bien ferrees elle fut remise en assurance. Et lors l'Empereur luyuant bon conseil, publiquement declara Gainas son ennemy, & commanda que les barbares qui restoyent dedans les murs, de la ville, fussent mis à mort. Parquoy les soldats de grand courage les assaillirent & en tuerent plusieurs en l'église appelée des Goths. Car là ils s'estoyent retirez à la foule, ainsi qu'en vn lieu de franchise & assurance, à cause que les portes de la ville estoient fermées, & pour ce ne pouuoient fuir. Alors les soldats mirent le feu en ceste église, & la brulerent, & sans aucun danger firent mourir tous les barbares. Gainas aduertie de ce fait, quitant là ce maling esprit, lequel de sa volonté il auoit prins, voyant que ces embusches fraudulentes ne luy profitoyent beaucoup, partant de là, il passa la Thrace, & vint en Chersonesus, delibéré de ce lieu trauerser & entrer en Orient : Car il estimoit que s'il auoit prins des villes en Asie, que facilement il s'assubiectionneroit les autres nations qui sont à l'environ. Ainsi brassoit il ses affaires. Mais l'empereur aduisa de rechef luy enuoyer des ambassades : toutefois nul n'osoit entreprendre ceste legation. Car vn chacun craignoit pour soy, & redoutoit la felonnie de son courage, en sorte que nul mesme ne vouloit batailler contre luy, & n'estimoit estre seur faire vers luy quelque legation. Parquoy mettās arriere tous autres, chacun dressoit sa veue vers ce tres-grand seigneur & personnage Chrysostome, lequel sans craindre aucunement pour le debat qu'il auoit eu depuis peu de temps avec ce barbare, soudain se mit en chemin pour exploicter sa charge d'orateur. Or Gainas aduertie qu'un ambassade luy estoit enuoyé, il entendit bien qui c'estoit, & remit en sa memoire la liberte de parler de laquelle pour la vraye pieté il auoit vsé enuers luy : neantmoins (ie ne sçay si autre chose le menoit) certes portant reuerence à la vertu de ce personnage, encore qu'il fut barbare & ennemy, il vint bien loing au deuant de luy, pour luy faire honneur, & mit sa main droite sur ses yeux, & l'embrassa & baïsa, & luy mit deuant ses genoux ses enfans qu'il auoit avec soy emmenez, & pour lors despoilla les armes, & obeit à l'ambassade : tant la force de vertu est grande, qu'elle a coustume de donner honte & estonner voire vn mortel ennemy. Mais peu de temps apres, quelque autre chose estant aduenue, Gainas reuint encore à son naturel : Pourtant il vouloit passer l'Hellespont & s'emparer de Lampzac, en quoy il fut trompé de son esperance, lors, à sçauoir que les Romains appeceurent vrayement l'ayde & grace diuine leur assister par le conseil de l'Empereur. Car apres que les barbares destituez de nauires, voulurent avec des flottes ou trainees de marrien, liees ensemble, trauerser l'Hellespont, & passer à l'autre bord, l'Empereur vint contre eux, & par terre & par mer en bon equipage, avec plusieurs galiotes militaires de trois rames pour banc. Outre ce bon ordre de la part de l'Empereur, soudain Zephire, vent Occidental, commença à souffler d'une grande vehemence, en sorte que d'une force il escarta & separa les pieces de bois & marrien lié ensemble, & chassa les nauires des Romains cōtre elles. Les flottes ainsi respādues & desmembrees, plusieurs barbares avec leurs cheuaux trebuscherēt au fond de la mer : d'autres enleuez des vagues & agitez d'une part & d'autre, furent iettez au riuage, l'un d'un costé, l'autre d'autre. Plusieurs aussi furent attrapez par les proches gend'armes qui les guettoient & mis à mort : autres moururent suffoquez des flots, ainsi qu'ils pensoient trauerser. Et lors Gainas encore sauf, avec peu de gens, couroit ça & là par la Thrace & souuent changeait de place, il tōba entre les mains des autres cōpagnies Romaines, où il fut tué avec les barbares compagnons de sa fuite. La teste d'iceluy desechée fut apportee en Constantinople. Or pour ce que Flauites, de nation Gothique, fort fidele aux Romains, tres-excellent en science militaire, s'estoit montré tres-vaillant en ceste guerre, il fut déclaré consul. Auquel temps aussi nasquit vn fils à l'Empereur, lequel en toute sorte fut tres-bon, bien-aimé de Dieu, dit Theodose, du mesme nom de son pere grand. Trigibilde duquel cy dessus nous auons parlé, pour lors endura mesmes peines que Gainas : Car apres qu'il eut laissé la victoire à Gainas par collusion, & s'en fut fuy de la bataille, voltigeant & courant la Pisidie & Pamphilie, molestoit tout le pays. Depuis les forces retrenchees, apres plusieurs combats & incommoditez des lieux du pays d'Isaurie, à grand' peine se peut il retirer sauf en Hellespōt. Et de là passé en la Thrace, non long temps apres il mourut. Mais, ainsi que i'estime, ces choses suffisent touchant les audacieux efforts de Gainas, & sa mort, encore qu'elles soyēt hastiuement recitees. Que si quelqu'un

*Trahison d'heretiques. Dieu reuerse les entreprises.*

*Combien de villes eussent esté pillées & saccagées par les heretiques, si Dieu n'eust deceulé leurs conseils.*

*Tumulte populaire. Gainas s'en fuit en Chersonesus.*

*Iean est enuoyé en ambassade vers Gainas, lequel est receu honorablement.*

*Gainas de rechef remue sedition.*

*Barbares desfaits.*

*Mort de Gainas, & Trigibilde.*

*Natiuité de Theodose, le ieune.*

# LIVRE XIII. DE L'HIST. ECCLESIASTIQUE

Eusebe scho-  
lastique.

veult plus diligemment & pleinement estre instruit des faits d'iceluy, qu'il lise le liure appelle Gaince, lequel Eusebe, scolastique, sectateur du sophiste Troile, a composé de luy: Car d'autant qu'il auoit esté present à la guerre, & à toutes ces affaires, il exposé cecy fort elegamment en quatre liures par vers heroïques: le quel liure pour sa nouveauté fut en grande admiration. D'auantage aussi vn autre Poëte Ammonius, qui a décrit ceste mesme guerre par carmes, fut beaucoup estimé sous l'Empire prochain, au seiziesme consulat de Theodose, le ieune, lequel il exerça avec Fauste: car pour lors ce Poëte publia son œuvre. Mais c'est assez maintenant traité de ces choses.

*Comme Iean par sa doctrine menoit le peuple où il vouloit: & comme par miracle, non sans l'ay-  
de de Dieu, il reduit à la foy vne femme de la secte Macedonienne.*

Chap. V 1 1.

La doctrine  
de Chryso-  
stome est de  
grande ef-  
ficace.



Cupidité  
du peuple  
pour l'ouyr.

Ainç Iean selon le droit & raison gournât les eglises, attira plusieurs par sa doctrine qui estoient de la superstition Grecque, & plusieurs autres qui suyuoient les heresies. Et par l'assidu enrolement de la predication retira grand nombre de personnes bien loing de leurs affectiōs & passions vicieuses. Or abordoit vers luy tous les iours vne infinie multitude de monde, partie pour l'ouyr, & tirer quelque profit de son sermon: partie pour veoir ce personnage, & congnoistre quel il estoit. Lequel les a tous prins & gaignez, & leur a persuadé sentir de Dieu le mesme avec luy. Et le peuple estoit tant rauy de sa doctrine, qu'il ne s'en pou-

Miracle me-  
morable de  
l'Eucharis-  
tie, aduenu  
à vne fem-  
me de l'he-  
resie de Ma-  
cedoine.

uoit saouler, & se mettoyēt en danger à la foule, estās tant empressez en icelle, qu'ils s'esleuoient & pouloyent les vns les autres avec les coudes, vn chacun l'efforçant de sa part approcher biē pres de luy, à ce qu'il le peust ouyr parler plus certainement & clairement. Pour ceste cause luy aussi s'accomodoit à vn chacun, maintenāt assis en la chaire des lecteurs, & maintenant au milieu de la troupe, & departoit à tous sa doctrine plantureuse & abondante, quasi cōme donnee pour tous en commun. Et chacun de la multitude estoit tant amorcé de la douceur de son parler, qu'ils se hastoyēt retenir leurs places de bonne heure, de nuit & de iour l'attendās au temple. Et ne sera hors de propos icy raconter vn insigne miracle aduenu sous luy. Vn homme

Les sectes  
ne peuuent  
communier  
ensemble.

frappé de la maladie (à sçauoir) l'heresie de Macedoine, auoit sa femme infectee de mesme contagion, iceluy quelque fois arriué lors que ce grand personnage disputoit comme il falloit sentir de Dieu, soudain sa premiere opinion muee & delaissee, pria grandement ses paroles: sollicita & contraignit aussi sa femme changer son opinion ainç que luy. Mais comment elle dependant de l'accoustumance & des propos iournels qu'elle tenoit avec des femmelletes ses familières de mesme secte, ne vouloit receuoir la remonstrance de son mary, cest homme apres auoir tenté cest affaire, voyant qu'il ne profitoit rien, il luy declara à la fin que si elle ne vouloit suyure vne mesme opinion que luy touchant la religion, il n'endureroit d'oresnauant qu'elle demourast avec luy. Ceste femme donc par saintise s'accordant à son mary, s'adressa à l'vne de

Pain conuer-  
ty en pier-  
re. Sosem. l.  
8. chap. 5.

ses chambrières, laquelle elle estimoit la plus fidele, & luy decela ce qu'elle vouloit faire, pour deceuoir par fraude son mary. Et au temps des sacrez mysteres, s'approchant, ainç que de coustume, elle receut le don (ceux qui sont instruez aux ordres sacrez, entendent ce que ie dis) & le retenant, elle se baissa cōme si elle eust voulu faire sa priere, & cacha ce tressainct mystere: & sa chābrière qui luy assistoit, au lieu d'iceluy, luy bailla du pain cōmun qu'elle auoit apporté de la maison, lequel ainç qu'elle mettoit à sa bouche, elle le sentit endurcir en la nature d'vne pierre, lors qu'elle le pensoit mascher avec ses dents. Parquoy esmeuē de crainte, qu'elle n'endurast de Dieu plus griefue vengeance, à cause de ce miracle contre toute opinion aduenu, sans plus tarder s'adressa à ce venerable pere, & luy exposa la chose ainç qu'elle estoit aduenue, & luy monstra la pierre, en laquelle paroissoit certainement & euidentement la marque de la morsure, cōme ayant oublié sa premiere matiere, & ayant vne nouuelle & estrāge couleur. Et requerant pardon de son offense, demoura depuis en mesme foy avec son mary. Ceste pierre pour donner tesmoignage de ce miracle fut gardee long temps entre les ioyaux de l'Eglise, & faisoit esmerueiller ceux qui la regardoyent.

*Des frequentes assemblees du peuple aux diuins temples, & des psalmodies & hymnes  
chantez alternatiuement, & pour quelle cause & comment l'Eglise de Dieu  
receut premierement ceste maniere de chanter.*

Chap. V 1 1 1.

Chants des  
Arriens en  
Constanti-  
nople.



R le peuple de Constantinople par grande liesse s'addonnoit aux hymnes tant de nuit que du matin, dont la premiere occasion fut telle. Les Arriens chassés des temples sous Theodose, faisoient leurs Eglises & assemblees hors les murailles de la ville: Mais au par-

parauant ils s'assembloyent de nuités porches publics, & là separez par bandes ça & là chan-  
toient les vns apres les autres quelques carmes en maniere d'antiphones, respondans l'un à l'autre, appropriez aux decrets de leur secte, bien harmonieusement: & consumoyēt vne grāde  
partie de la nuit en telle psalmodie. Et au poinct du iour sortās hors de la ville en chātant publi-  
quement les mesmes cantiques, alloient aux lieux où estoient leurs eglises. Et faisoient ce prin-  
cipalement aux iours des festes les plus solemnelles, & au premier qui est aussi le dernier iour de  
la sepmaine, que nous appellons le Dimenche, auquel temps la communion se fait aux Eglises.  
Et depuis instituerent ces chants pour faire honte aux Catholiques, disans: où sont ceux qui a-  
dorent la Trinité d'une mesme substance & d'un mesme honneur? Ils semoyent ces propos &  
autres plusieurs parmy leurs carmes. Parquoy Iean craignant qu'aucuns de son Eglise ne fussent  
attirez par telle sorte de chant, & seduits, institua sa psalmodie cōtre eux en la mesme maniere.  
Et en bref fut elle faite plus celebre, que celle des aduersaires, veu qu'elle les surpassoit tant en  
multitude qu'en honorable procession: Car on portoit deuant elle des croix d'argent, accom-  
pagnes de cierges allumez, Eudoxie, femme de l'empereur fournissant aux fraiz pour ce faire,  
laquelle donna charge à Brisson, capitaine de ses chambellans, de procurer que les hymnes fus-  
sent chantez, & que pour cest vſage il preparast beaucoup de lampes & flambeaux. Parquoy  
les Arriens esmeuz de despit chercherent moyen de se venger, & se disposerent à se battre contre  
les nostres: car leurs courages estoient encore enflambez pour la puissance & domination qu'ils  
auoyēt eue, & estoient prests à donner le cōbat, voire mesprisoyent les nostres. Vne nuit donc  
entre les autres, ils s'attaquerent les vns aux autres, ou d'une part & d'autre tōberent plusieurs:  
& Brisson, duquel nous auōs parlé, capitaine des eunuques, chambellan de l'Imperatrice, eut vn  
coup de pierre au front. Or l'empereur esmeu pour ceste cause, retrenchā ces processions & as-  
semblees des Arriens: Mais l'eglise Catholique ayant de là prins commencement de ceste psal-  
modie, & de chanter des hymnes, retient encore iusques à ce iour ceste coustume, & s'employe  
aux sacrez cantiques. Vray est que quāt est de la coustume de chanter des antiennes, c'est à dire  
des carmes par responses alternatiues, l'un apres l'autre, l'eglise a receu cela anciennement des  
apostres. Car on dit que le diuin Ignace (lequel fut le tiers Euesque d'Antioche apres S. Pierre,  
& vescu lōgue espace de tēps avec tous les Apostres) quelque fois qu'il fut rauy en esprit veit  
vne nouuelle vilion: à ſçauoir des saints Anges qui respondoient les vns aux autres par car-  
mes, magnifians en hymnes & louanges la S. Trinité. En sorte que luy premier donna ceste for-  
me de chanter à l'eglise d'Antioche. De là ainſi cōme d'une fontaine, ceste coustume a esté mul-  
tipliee par toutes les eglises de Dieu. Voylà que i'ay receu & estimé estre bon remarquer pour  
la memoire de la posterité, touchant les antiphones & hymnes se respōdans les vns aux autres.

*Sozom. au  
mesme liu.  
chap. 8.*

*S. Iea Chry  
sostome or-  
donne des  
processions  
& chants de  
nuit, cōtre  
les Arriens.  
Heretiques  
touſiours  
prests à ba-  
tre.*

*Brisson bleſ-  
sé.*

*Processions  
& chants  
defendus  
aux Arriens:  
lesquels  
touſiours  
neātmoins  
les Catholi-  
ques main-  
tiennent.  
Socrat. l. 6.  
chap. 8.*

*Comme saint Iean Chrysostome arriué en Asie, priua de dignité les prestres lesquels n'exerçoient bien  
leur office: & de Gregoire, Euesque de Nicomedie, Serapion, Seuerien & Antioche: & des  
maures qu'ils ont faites à saint Iean, à cause qu'il les auoit cassés de leurs Episcopats,  
& comme l'Imperatrice Eudoxie composa le debat lequel estoit entre  
Iean & Seuerien, Euesque, natif des Gabalans.*

C H A P.

I X.



E grand personnage Chrysostome, ayant entendu que quelques eglises  
d'Asie estoient mal administrees par aucuns indignes, pour ce que quel-  
ques vns par argent, autres par faueur obtenoyēt les Eueschez, tira vers  
Ephese, & cassa treize euesques de leurs dignitez, lesquels estoient partie  
de Lycie & Phrygie, partie d'Asie: & en mit d'autres en leurs sieges. Il  
ordōna aussi euesque en l'eglise metropolitaine d'Ephese, Heraclide,  
Archidiaque, l'un des moines habitans de son diocese, natif de Cypre, le-  
quel en Scetis auoit esté disciple du moine Euagre. Car il aduint qu'An-  
toine, qui auoit administré ceste Eglise deceda en ce temps. Il chassa  
aussi Geronce hors l'eglise de Nicomedie. Cestuy auoit esté diacre de ce grand Ambroise, le-  
quel auons dit auoir esté Euesque de Milan: & lors ne ſçay de quelle passion esmeu, ou s'il es-  
toit espouuanté d'un spectre, ou s'il parloit des paroles monstrueuses, ou bien s'il estoit agité  
de quelque diable, il dit & recita à quelques vns que de nuit il mettroit là aupres de soy vn dia-  
ble ayant les cuisses d'asne, & luy tondroit la teste, & le feroit tirer la meule. Parquoy S. Am-  
broise luy remonſtrant qu'il auoit tenu des propos indignes d'un diacre & ministre de Dieu, &  
que d'oresnauant il refrenast sa langue, luy commanda purger ce peché par penitence. Mais Ge-  
ronce lequel entendoit beaucoup en medecine, & n'estoit inepte pour parler, en sorte que faci-  
lement il se pouuoit gaigner des amys, cōme se mocquant de S. Ambroise, se retira en Constā-  
tinople, & en peu de temps avec vne dexterité finissant à ceux qui auoyent credit en la cour  
de l'Empereur, gaigna leur amitié & grace: & par leur moyen il receut la procuration de l'eglise

*Iean depose  
aucuns Eues-  
ques d'As-  
sie.*

*Heraclide  
moine, E-  
uesque  
d'Ephese.*

*Geronce,  
meschant.*

*Nectaire  
nonobstant  
le pourchas  
de S. Am-  
broise, ne  
peult depo-  
ser Geronce.  
Pansophie,  
substitué à  
Geronce.*

*Haine cõtre  
Chrysosto-  
me, à cause  
de la depõ-  
sition des E-  
uesques.*

*Moines en-  
nemys de  
Chrysosto-  
me, à cause  
qu'il repre-  
noit leurs  
vices.*

de Nicomedie. Puis Hellade, euesque de Cesarce, en Cappadoce, apres Basile, le grand, luy im-  
posa les mains sacrees ( le faisant Euesque.) En quoy Hellade luy rendit le plaisir qu'il luy auoit  
fait en ce que par son autorité son fils auoit obtenu vn estat honorable en la cour Imperiale.  
Or S. Ambroise ayant entendu ces choses, escriuit à Nectaire, euesque de l'Eglise de Constanti-  
nople, luy mandant qu'il ne permit ainsi son insolence s'auancer par cõtumelie: mais plustost qu'il  
luy ostant l'euesché, s'il vouloit garder l'ordre qui doit estre gardé en l'Eglise. Nectaire pour cõ-  
tenter Ambroise essaya beaucoup de choses, mais il entreprenoit vn affaire qu'il n'eut pen-  
cheuer: car les Nicomediens de grand courage defendoyent la part de Geronce: mais lean à la  
fin à grand'peine en vint il à bout, & l'ayant déposé de son Euesché, subrogea en son lieu Pan-  
sophie, iadis pedagogue de la femme de l'Empereur, hõme trefdoux & grandement religieux,  
mais desplaisant & hay des Nicomediens. Certes du temps de Nectaire, publiquement & priue-  
ment iceux Nicomediens racontoyent les graces du seditieux Geronce, son grand sçauoir, la sin-  
guliere dextérité & liberalité d'iceluy enuers les riches & les pauvres, ensemble recitoient le sur-  
plus de ses vertus. Voire mesme en leurs supplications qu'ils faisoient, comme quasi si c'eust esté  
pour vn tremblement de terre, & autres signes d'ire diuine, monstrer en leur pays, ou en autres  
lieux, lesdicts chantans les psalmes, & faisans leurs oraisons, prioient Dieu qu'ils peussent estre  
soubz ce Pasteur. Toutefois à la fin à leur grand regret, dueil & tristesse ils le perdirent. & avec  
crainte & haine receurent Pansophie pour Euesque, contre leur vœu & cõtage. Dequoy  
non ceux seulement ausquels les eglises estoient tollies, mais ceux qui leur appartenoyent de  
quelque chose accusoyent Iean, comme s'il eut esté la cause principale d'introduire choses nou-  
uelles en l'Eglise, & eut deliberé d'abolir les anciens droicts des elections & consecrations epis-  
copales: en sorte qu'esmeuz de douleur desmesurée, suyuant l'opinion de plusieurs, calõnoient  
mesme les choses lesquelles il auoit faites expres, non sans grande raison & conseil. Mais en ce  
faisant, Iean enflamboyt l'amour du peuple enuers soy de plus en plus, & concitoit contre soy la  
haine des plus puissans, & de ceux qui ne vouloyent aucun bien au clergé, à cause qu'avec repre-  
hension il admonestoit ceux qui auoyent coustume de faire iniure aux autres: & tant qu'il pou-  
uoit s'efforçoit induire à vertu les hõmes delicats, riches & autres qui viuoient peu saintement.  
Et principalement Serapion, son archediacre, natif d'Egypte, hõme colere, & fort prest à dire  
des iniures & contumelies, augmenta les reproches & haine contre le clergé. Outre plus, les  
propos tenus & assemblees faites entre Iean & la sacree Olympiade, de laquelle nous parlerõs  
cy apres, y ayderent bien. Aussi gaigna il les inimitiez de plusieurs moines: Car il prisoit, ay-  
moit & honnoroit beaucoup ceux qui philosophoyent & faisoient leurs affaires dedans leurs mo-  
nasteres, & mit grande peine de les defendre, à ce qu'ils ne receussent aucune iniure de quelque  
personne: voire s'employa pour eux, à ce qu'ils eussent abondance en toutes leurs necessitez.  
Mais reiectoit les villotiers & coureurs qui couroyent par la ville de rue en rue, pour ce qu'ils  
faisoient deshonneur à leur estat & philosophie, dequoy aigrement (ainsi qu'il falloit) il les re-  
prenoit de paroles & les repudioit: quelque fois aussi pour les corriger les assailloit par leur  
dire honte, & les restreignoit par conuenable reprehension. Se voyans donc ainsi reprins, furēt  
fachez, & luy iecterent des paroles contumelieuses, l'appellans fier, cruel, colere, superbe & fu-  
ribond: & se mirent à taxer, cauille & reprendre chez plusieurs personnes sa vie tranquille &  
paisible. Et pouuoient ce persuader pour les causes que nous auons dites, d'autant qu'outre ce  
ils le reprenoyent de ce qu'on ne le voyoit prendre son repas avec personne, & qu'il ne se trou-  
uoit en aucun conuiuie ou disner: aussi qu'apres la reception des diuins mysteres, il goustoit du  
trochisque (c'est à dire de quelque gasteau duquel on goustoit anciennement apres les sacrifices, selon Festus).  
Sur quelles choses estans fondez ils luy tissoient innumerables calomnies, & leur donna grande  
occasion de ce faire la haine que luy portoit l'Imperatrice par la suscitation de Seuerien, eues-  
que des Gabalans, en Syrie. Car cestuy avec Antioch, euesque de Ptolomaide, en Syrie, estoit  
hõme excellent, & chacun d'eux parfaitement estoit exercité à faire remonstrances au peuple  
en l'Eglise. Antioch vrayement estoit tant prompt en ses paroles, & les prononçoit tant ronde-  
ment & doucement, qu'il estoit aussi par aucuns surnommé Chrysostome, cõme ayant la bou-  
che d'or. Mais Seuerien en abondance de sentences, & tesmoignage des oracles diuinement in-  
spirez fut estimé d'auantage, pour ce à sçauoir qu'il se ressentoit beaucoup plus de la grauité &  
pesanteur de la langue Syriaque. Antioch estoit premier venu en la ville: & là ayant assemblé  
beaucoup de deniers, s'en estoit retourné en sa cité. Suyuant lequel Seuerien vint aussi en celieu,  
Et pour ce que Iean luy estoit fauorable, il luy permit souuent prescher au peuple en l'Eglise.  
A raison dequoy tous l'ont grandement eu en admiration, ainsi qu'Antioch. Et pour l'honneur  
que Iean luy faisoit, il eut grand credit enuers le peuple, & vint à la cõnoissance de l'Empereur,  
& fut bieu receu de sa femme. Et cõme Iean deliberoit d'aller en Asie, il luy recomanda son E-  
glise à ce qu'il en eust soing, & en sa place repeust le peuple de sa doctrine: Car il pensoit qu'en  
cette part il verseroit de luy cõme d'un bon amy, veu que par flaterie si diligemment il l'auoit enluy-  
uy. Mais iceluy au cõtraire s'est du tout estudié gratifier à la multitude, & la mener par son ba-  
bil, & attirer à soy par tous moyes, & la rendre sienne. Ce que Iean en son absence ayāt entendu,  
par

par l'infligation de Serapion, ne le pouuoit endurer : parquoy incontinct d'Asie s'en vint en Constantinople, où luy estant de retour, aduint que Seuerien passoit par quelque lieu, & Serapion encores qu'il le vist, ne luy fit reuerence aucune, monstrant comme de propos deliberé à ceux qui assistoyent, qu'il ne se soucioit de ce personnage. De ce grandement courroucé Seuerien, s'escria à haute voix : Si Serapion meurt quelque fois Chrestien, Iesus Christ n'a esté fait homme. Duquel propos accusé par Serapion, Iean le chassa hors la ville, comme ayant esté contumelieux contre Dieu. Et ainsi que pour ceste cause on produisoit les tesmoins, aucuns tesmoignerent ainsi que Seuerien auoit dit : mais ceux qui fauorisoient à Serapion, celans toute autre chose, assuerent que Seuerien auoit seulement dit que Iesus Christ n'estoit point fait homme. A quoy saint Iean Chrysostome respondit, que soit que seulement il eust dit ces paroles, ou soit qu'il en eust adiousté d'autres, comme il debatoit, il n'estoit sans crime. Car, dit-il, encore que Serapion ne soit mort Chrestien, pour-cen'est-ce à dire que Iesus Christ ne soit point fait homme. L'Imperatrice Eudoxie soudain qu'elle congneut le debat d'entre les deux Euesques, & que par ceux qui fauorisoient à Seuerien elle entendit son bannissement, enuoyant quelques gens, elle le reuqua de Chalcedon. Mais depuis Iean ne luy voulut tenir propos, ne conuerser avecques luy, encor que plusieurs l'enpressassent, iusques à ce que l'Imperatrice, en l'Eglise que l'on appelle des Apostres, luy presentant à ses genoux son fils Theodose, encore petit enfant, lequel il auoit adopté pour fils au baptesme, & luy faisant plusieurs prieres, & l'adiurant à la fin avec grand' peine luy persuada de s'appaiser, & receuoir Seuerien de rechef en amitié. Et ainsi furent faites ces choses là.

*De la question laquelle lors fut esmeue en Egypte, à sçauoir si Dieu a forme humaine : & de la dissention entre Theophile, Euesque d'Alexandrie, & les moines d'Egypte : & des quatre freres, moines, surnommez les Longs. CHAP. X.*



E mesme temps durant en Egypte fut renouvellee la question vn peu *L'erreur des Antropomorphites en Egypte.* auparavant excitee, à sçauoir s'il est besoing d'estimer que Dieu soit de forme humaine & corporelle espee, ou bien croire qu'il est du tout alien d'icelle : en sorte qu'aucuns esmeuz d'vne indocte simplicité, attribuoient à Dieu les membres corporels, comme des yeux, face, mains & autres, desquels est parlé en la sainte escriture, n'entendans pas la maniere & vsage d'icelle. Autres cōsiderans la difficulté de la sentēce cachee sous la lettre de l'escriture, opinoyent du tout le contraire : parquoy conceuans autre opinion, appelloyent les autres meschans, & di-

soient qu'ils blasphemoyent contre Dieu. D'iceux le principal estoit Theophile, Alexandrin, lequel souuent les toucha & taxa en l'Eglise, de ce que tant grossièrement ils opinoyent de Dieu, de l'estimer auoir forme humaine : & inféra ladite sentēce en vne sienne epistre, laquelle il auoit accoustumé escrire des series Paschales : enseignant à sçauoir qu'il falloit conceuoir en esprit Dieu estre incorporel, & aliene de forme humaine. Ce que entendans les moines qui viuoient aux cabinets d'Egypte, abandonnerent leurs logettes & solitude, & soudain se hastèrent de venir en Alexandrie, où pour ceste cause ils exciterent si grande sedition, qu'ils vouloyent deposer Theophile, cōme meschant & blasphemateur : mais Theophile ayant apperceu leur entreprinse, appaisa leur esmeure par ceste finesse. Car se presentant au deuant de ces seditieux, il les deceut par flaterie, disant ces paroles : le vous ay veuz comme la face de Dieu. Par ceste parole il leur persuada de relascher leur colere. Parquoy soudain ils repliquerent : Si ainsi tu sens en ton cœur, cōme tu proferes de bouche, il te faut condamner les liures d'Origene : car pour ce qu'aucuns des moines se sont amusez à les lire, ils ont esté persuadez d'ainsi sentir que luy, & pour ce ils nous sont aduersaires, que si tu ne veux ce faire, tu en porteras maintenant la peine, de ce que tu suis vne opinion meschante & du tout repugnante à Dieu. Alors Theophile : mais, dit-il, il y a long temps que mon opinion est telle, & des ceste heure suis prest de faire ce qu'il vous plaist, car les escripts d'Origene & ceux qui les reçoient ne m'apportēt pas moindre facherie qu'à vous mesme. En ceste sorte il deceut & destourna de soy ceste troupe de moines, & appaisa la sedition. Or par aduenture ceste question eust lors prins fin, si Theophile pour nourrir ses inimitiez, ne l'eust reuquee quasi de la mort à la vie, contreuenāt apertement à Ammonie, Dioscore, Eusebe & Euthymie freres germains, & qui pour la procerité de leurs corps estoient surnomez les Longs : & florirent long temps en Scetis, cōme nous auons dit : & pour lors tres-celebres en vie & doctrine gouuernoient les monasteres d'Egypte. La renommee d'iceux estoit grande en Alexandrie, & sur tous les autres moines d'Egypte excelloyent en grace & renom, ce qui fut cause que Theophile auoit grande amitié & accointance avec eux : car il leur faisoit des baquets & les honnoroit grandement. Voire ordonna, comme par force, Dioscore Euesque de Hermopolis : & admonesta les deux autres qu'ils demourassent avecques luy, ce qu'il obtint d'eux à grand peine, ou plustost comme Euesque les contraignit de ce faire. Et les ayant admis à l'ordre du clergé, il leur donna charge de l'economie & dispensation de l'Eglise. A quoy contrains obeyr, firent par apres tel deuoir qu'ils reluisoyent en cest office : toutesfois ils

*Trois freres appellez les Longs, bien surnomez de Theophile.*

*Dioscore fait Euesque de Hermopolis.*

# LIVRE XIII. DE L'HISTOIRE ECCLESIASTIQUE

*ils sont of-  
fensez de  
l'avarice de  
Theophile:  
à quoy ils  
se retirent  
en la solitu-  
de, de quoy  
Theophile  
est irrité.*

se contristoyent de ce qu'ils ne s'employoyent à leur philosophie, laquelle souuent ils auoyent delibéré de poursuire. Mais puis apres se sentas offencez en leurs consciences, de ce qu'ils voyoyent Theophile suiure par auarice vne vie addonnée à amasser richesses, & s'efforcer à faire argent de toutes choses, & que rien ne luy flairoit si bon que l'odeur de l'or, ils s'estarterent de luy, & de rechef se retirerent en la solitude, laquelle ils preferoyent à la vie de la ville. Bien est vray que ce pendant qu'ils celoyent ceste chose, & prenoyent d'autre part couuerture de leur departir, Theophile les pria instamment de demourer & hanter avec luy: mais ayant entendu qu'il estoit par leur iugement condamné, esmeu d'ire, ne se peut refraindre, qu'il ne les menaçast de leur faire tous les maux qu'il pourroit. Toutesfois iceux ne s'arrestans à ses menaces, de rechef, comme est dit, se retirerent aux lieux solitaires. Alors Theophile homme impetueux & vindicatif, mené d'une violente colere, delibera les gagner par finesse, & comença aussi à hayr leur frere Dioscore, lequel il auoit estably Euesque de Hermopolis. Or estoit-il grandement fâché que tous les plus excellens d'entre les moines leur portoyent faueur & leur faisoient grand honneur: parquoy il consideroit en son esprit qu'il ne leur apporteroit aucun dettriment, s'il n'incitoit quelque bonne compagnie de moines en inimitié contre eux. La chose ainsi deliberee il controuue ceste tromperie: d'autant que pour les propos lesquels familièrement ils auoyent tenus par ensemble de Dieu, il scauoit certainement que les Longs opinoyent que Dieu estoit incorporel & du tout estrange de la forme & figure humaine, consideré que celuy qui est de forme humaine est necessairement aussi subiect aux passions & affections humaines, ce que tref-diligemment a esté debatue par les anciens, & decisi tres-subtilement, en sorte qu'Origene principalement de tous, a traité tref-elegamment cela. Theophile nonobstant qu'il fut de ceste sentence, toutesfois pour l'affection qu'il auoit de se venger de ces personages, comme s'accommodant au temps, il ne fit aucun remors de conscience renuerfer ce qu'il croyoit & tenoit pour seur selon la droite opinion. Il esmeut donc la troupe des moines contre eux, & rauit vers soy plusieurs d'iceux, qui estoient gens simples en leurs meurs, idiots & illiteres. Et enuoyant des lettres par les monasteres de la solitude, il les enhortoit de n'obeyr n'à Dioscore, ny à ses freres, veu que appertement ils opinoyent que Dieu estoit incorporel: car Dieu, dit-il, selon que la diuine escripture tesmoigne, a des yeux, oreilles, mains, pieds & autres membres, ainsi que les hommes: mais Dioscore & ses sectateurs apportent vne nouvelle & pleine de blasphemés doctrine, suiuaus Origene, assurens que Dieu n'a ne mains ne pieds, ne quelque autre des membres humains. Ainsi qu'il cauilloit & forgeoit ces accusations, il excita plusieurs moines à cōtention, en sorte que grande sedition fut esmeuë, & assez eshontément de disputes qu'ils agiterent ensemble, il vindrent iusques aux contumelies & iniures. Vray est que ceux qui auoyent l'esprit vn peu plus gaillard & plus grand sens & entendement, n'estoyent esmeuz de la cauillation de Theophile, ains adheroyent à la saine sentence de Dioscore, & principalement d'Origene. Mais ceux qui ressenloyent aucunement leur simplicité, & brusloyent d'un ardeur & zele vrayement, non toutesfois selon que requiert la vraye science, debatoyent & folastroient par ensemble & detrenchoyent par paroles ces quatre freres, comme sentans meschamment de la foy: de sorte qu'un grand discord se leua entre les moines. Car ceux qui estoient de la part de Theophile, appelloyent les autres Origenistes: mais ceux qui tenoyent que Dieu estoit sans corps, aliene de la forme & figure humaine, nommoient ceux que Theophile auoit excitez & confirmez en l'autre opinion, Anthropomorphites. Ainsi s'augmentant ce discord entre les moines, il s'esmeut entre eux vne guerre implacable. Theophile donc voyant que son entreprise succedoit comme il pretendait, avec vne grande multitude, ayant aussi soldats à sa suite, occupe le mont Nitria, où y auoit plusieurs monasteres, & bande les compagnies monachales contre Dioscore & ses freres, & y iettant le feu embrasa leur monastere, en sorte qu'il le mit du tout à sac. Et ces bons freres reduits en tref-grand danger, à la parfin & à grand peine sortis des puits où ils s'estoyent cachez, eschaperent le danger de mort.

*Monoma-  
chie en la  
solitude  
d'egypte.*

*Comme les Longs freres, à cause des inimitiez de Theophile, fallierent à Iean Chrysostome:  
ensemble d'Isidore, comme il se fit partie aduerse de Theophile: & du  
bon recueil que l'Imperatrice leur fit.*

CHAP. XI.

**E**lles estoient les menées qui se faisoient en Egypte, & saint Iean Chrysostome en estoit ignorant pour lors: qui s'employant sur tout à endoctriner le peuple, pour le bruit & renom que chacun par accord semoit de luy, estoit estimé & honoré par tout. Or Dioscore avec les siens se retira premierement en Hierusalem, & depuis en Scythopolis, où il trouua lieu assez propre & suffisant pour s'abriter avec les siens, à cause que ce pays abonde en palmiers, les sucilles desquels seruent beaucoup aux ouurages des moines. Quatre vingts persones enuiron faisans leur residence en ceste solitude les suiuirent: mais Theophile craignant qu'il ne luy aduint quelque dommage, soudain



soudain enuoya ses gens en Constantinople, tant pour leur brasser par calomnie quelques embusches, que pour leur faire empeschement, s'il aduenoit qu'ils fissent quelque requeste à l'Empereur. Dequoy Ammonie & Dioscore certifiez, soudain nauigerent en Constantinople. Isidore estoit en leur compagnie, qui fut cause pour les inimitiez que Theophile luy portoit, que d'auantage s'accroist sa haine contre les quatre freres. Cest Isidore auoit esté au parauant tant aymé de Theophile, qu'apres le décès de Nectaire, il s'efforça grandement le faire Euesque de Constantinople: mais pour lors il estoit son grand ennemy pour plusieurs autres causes, & principalement pour celle qui s'ensuit. En Alexandrie y auoit vn nommé Pierre, premier prestre, duquel Theophile, pour quelque similté qu'il luy portoit, se voulant venger, delibera luy tollir la dignité Ecclesiastique, luy obiectant ce crime, à sçauoir qu'il auoit admis à la perception des diuins mysteres vne femme de l'heresie Manichienne, premier que d'auoir legitiment renoncé à son heresie: il le hayoit aussi pour autres causes. L'Arche prestre monstra euidemmet que l'ordonnance Ecclesiastique auoit esté gardée en ceste femme, & qu'elle auoit esté receuë par l'exhortation mesme de Theophile. Alors l'Euesque commença à se courroucer, & forcer comme si on l'eust appellé calomniateur ou trompeur. Pierre voulant faire foy de ce qu'il disoit, nommoit Isidore & l'alleguoit pour tesmoing que ceste femme auoit esté receue aux sacrez mysteres suyuant la sentence de l'Euesque, lequel Isidore estoit lors à Rome, enuoyé par Theophile, à la persuasion de Iean, vers l'Euesque Romain, pour tollir le discord esmeu à cause de Flauien, & remettre en grace les Euesques. Car encor ceux qui auoyent suiuy la part de Meletie & Eustace, ainsi que j'ay cy dessus décrit, ne s'accordoient point avec Flauien. Mais Isidore depuis reuenu, tesmoigna que Pierre disoit vray, & que tout ce fait, de ceste femme, s'estoit mené suyuant la volonté del'Euesque. Theophile indigné outre mesure, comme si quelque calomnie luy fust intentée, chassa l'un & l'autre rudement hors de l'Eglise. Ceste est l'une des causes pour laquelle il y eut dissention entre Theophile & Isidore. L'en ay aussi congneu vne autre, laquelle m'a semblé conuenable d'estre exposée en ce lieu: Isidore auoit la charge des pauures en l'Eglise, pour lesquels plusieurs deniers estoient par liberalité & largesse des personnes donnez & aumosnez: mais cōme Theophile le vouloit raur & employer aux bastimens des Eglises, Isidore luy résista: car il affermoit que plus il estoit raisonnable avec cure propre & conuenable remettre en santé de tels deniers les corps des malades, considéré qu'ils estoient les vrais temples de Dieu, que d'eleuer & bastir des parois sans ames. Mais soit que ceste cy ou autre ait esté les causes des inimitiez de Theophile contre Isidore, tant y a que lors chassé d'Alexandrie, il se retira en Scetis, vers les moines ses amis, & fut irrité & grandement animé contre Theophile. Ammonie voulant mettre sous le pied ceste offence, prenant avec soy quelques autres moines, s'en vint à Theophile, & luy requit qu'il receust Isidore à la communion: ce qu'il promit faire. Mais apres qu'assez long temps fut passé, ils n'exploitoient rien de leur requeste. Theophile par ceste procrastination & dilation monstra manifestement qu'il se vouloit mocquer d'eux en paroles de promesses: neantmoins ils le sollicitèrent de plus grand courage, suppliant qu'il luy pleust mettre fin & accomplir sa promesse. Alors au lieu de faire ce qu'il auoit dit, il fit prendre & mettre en prison l'un des moines de ceste compagnie, à ce que les autres par ce moyen fussent estonnez & qu'il peust estre deliuré de la moleste: qu'ils luy faisoient, luy presentans tant de requestes. Mais tant s'en faut que pour tout ce conseil il feist quelque chose, qu'Ammonie avec les autres moines qu'il auoit assemblez, de son propre gré entra en la prison: car ayans donné à entendre aux gardes qu'ils estoient venus là pour bailler aux prisonniers ce qui leur estoit necessaire, l'entree leur fut rendue libre, mais ils ne voulurent sortir de là. Theophile aduertý de ce, commande qu'ils s'en viennent vers luy. Eux au contraire premierement luy signifient que luy mesme vint en ce lieu, & leur baillast puissance & permission de sortir, & qu'il leur faillloit publiquement permettre sortir de ce lieu, veu que tant apertement ils auoyent esté iniuriéz de luy. Toutesfois à la fin ils luy obeyrent à grand' peine, & vindrent vers luy. Alors ayant entédu leur requeste, les remettát en liberté, promit que d'ores en auant il ne leur seroit moleste, mais de fait il accompliroit sa promesse. Or estoit-il neantmoins fort courroucé en soy mesme, cerchant les moyens de nuire à ceux lesquels au parauant il auoit aymez cōme sa propre ame. Estant donc ainsi douteux cōment il pourroit faire quelque mal à ceux qui ne possedoyent rien que leur corps, & postposoyent toutes choses à leur philosophie monastique, il entreprint de troubler leur repos, en sorte que au lieu de crime il leur obiecta ceste question, laquelle cōme est dit, despendoit de l'opinion d'Origene. J'ay congneu qu'icelles furent les causes pour lesquelles Isidore duquel nous auons parlé, ensemble Dioscore & ses freres se retirerent en Constantinople: à sçauoir pour dōner publiquement à congnoistre à l'Empereur & Iean Chrisostome les iniures & machinariés desquelles ils estoýt assaillis, pour en faire le iugement: car ils estimoyent que Iean, selon la liberté accoustumée, de laquelle il vsoit au besoyn, ne declineroit aucunement du droit & equité. Aussi receut il benignement ces personnages, & les honnora, & admit aux cōmunes prieres del'Eglise: nonobstant qu'il ne leur donnast entrée à la cōmunion des diuins mysteres. Car il n'estoit licite les faire participas d'iceux auant

*Enquoy doi-  
uent estre  
employez  
les deniers  
de l'Eglise.*

*Ammonie  
le Lög prie  
pour Isidore.*

*Theophile  
le veut gai-  
gner par  
belles paro-  
les.*

*Vn des moi-  
nes mis en  
prison, le-  
quel Am-  
monie &  
les autres  
suivent de  
leur gré, en  
sorte que*

*Theophile  
est comme  
cōtraint le  
deliurer.*

*Monoma-  
chie.*

*Chrisosto-  
me reçoit be-  
nignement  
Dioscore et  
Isidore.*

# LIVRE XIII. DE L'HISTOIRE ECCLESTASTIQUE

*Les loys fre* qu'estre informé de leur cause : mais il enuoya pour eux des lettres à Theophile , luy mandant, *res accusent* ou qu'il leur rendist la communion de laquelle il les auoit priuez, veu que sainement ils sentoyét *Theophile à* de Dieu , ou qu'il enuoyast quelque homme suffisant en Constantinople pour plaider contre *Eudoxie, la* eux , considéré qu'il auoit delibéré debatre cest affaire avec eux par iugement. Or ce pendât que *quelle leur* ces moines seiournoyent long temps en la ville, il aduint que l'Imperatrice Eudoxie sortit en pu *requiert la* blic , & lors Ammonie avec ses freres se presenterent deuant elle en la rue , & accusèrent Theo *benedictio.* phile des iniures qu'il leur auoit fraudulently faites. Elle voyant qu'on auoit ioué d'un mau *:: Et pour* uais tour à ces personnages , leur faisant honneur, l'arresta , & regardant de sa coche imperiale, *l'Empire* leur donna signe de faueur, baissant la teste : & , donnez nous , dit-elle , vostre benediction , & *Romain. So* priez Dieu pour l'Empereur , :: pour moy & pour nos enfans, & ie solliciteray soudain que Theo *Zomene.* phile vienne en ceste ville. Ces propos tenus elle passa outre.

*Comme Theophile contrariant à Jean chrisostome s'insinua en l'amitié d'Epiphane , euesque de Cypre; duquel parauant il auoit esté ennemy , & comme par calomnie il reprit Jean en qualité d'Origeniste , & assembla des Synodes , ausquels il abolit les escrits d'Origene , & ce pour accuser & reprouuer Jean , & les Longs , freres.*

C H A P. XII.



N faux bruit courut iusques en Alexandrie que Jean auoit communié avec ces quatre freres & arresté leur porter ayde. Alors Theophile pourpensoit plusieurs choses en son esprit , à sçauoir comme il se pourroit venger , non seulement de Dioscore & ses freres , mais aussi de Jean, en sorte que s'il estoit possible il le iettast hors del'Episcopat. Et ainsi qu'à part soy il ruminoit secretement, & insidieusement brasloit ces choses, il escriuit aux Euesques de plusieurs villes, celant la menée qu'il pretendoit : & se bendant contre les liures d'Origene , desquels toutesfois ce grand Athanase , vainqueur de plusieurs combats auant luy souuent auoit vsé en ses lucubrations mises en lumiere contre les Arriens, pour confirmer sa foy. Ayant donc aduisé en son esprit qu'il aduanceroit beaucoup son entreprinse , si pour société plus forte de ses efforts il appelloit vers soy Epiphane, Euesque de Salamine, en Cypre, l'un des plus celebres de son aage, illustre en sa vie , & notable pour la reuerence de sa vertu , soudain adressa vers luy lettres & messager expres , & le rendit sien amy , nonobstant que long temps au parauant il eust dissenty de luy , lors à sçauoir que Theophile opinoit que Dieu eust forme humaine : mais il luy porta faueur en ce temps , sous vmbre qu'il se persuadoit que Theophile faisant penitence de son offence , embrasoit la droite opinion , & sous signoit à la meilleure foy :

*Theophile gaigne Epi phane de Cypre, An tropomorphite.*

*Socrat. liu. 6. cha. 10. & SoZom. liu. 8. cha. 14.*

*Epiphane à la suasio de Theophile condamne les liures d'Origene.*

*Theophile avec ses Euesques condamne Origene , à ce qu'il puisse porter dom mage à Dioscore.*

*Les eueniens de l'ea font assembler un concile en Constantinople.*

car Theophile auoit ceste façon de faire , qu'il se mocquoit de ceux qui attribuoient à Dieu une forme humaine , & neantmoins faisoit semblant , avec bonne mine , qu'il reiettoit du tout ce qu'il opinoit sainement , à fin qu'il peust venir à bout des inimitiez qu'il portoit aux personnes. Ayant donc pour lors , comme a esté dit , rendu Epiphane son amy , il fit semblant qu'il sentoie de Dieu mesmement avec luy , & l'incita à la calomnieuse sugillation des liures d'Origene, comme s'ils eussent contenu doctrines reprouées. Epiphane qui de long temps hayoit les escrits d'Origene , pour ce qu'il estoit simple & viuoit fort religieusement , facilement suiuit la sentence de Theophile : parquoy soudain iceluy ayant congrege les Euesques en Cypre , prohiba par edict la lecture des liures d'Origene , & enuoya le decret de ce Synode à plusieurs Prelats, & entre les autres à l'Euesque de Constantinople , lequel aussi il admonesta qu'assemblant un Concile , il arrestast le semblable des escrits d'Origene , & d'ores en auant se retirast de la lecture d'iceux. Theophile ayant en ceste sorte tiré de sa part Epiphane, prisé de plusieurs, qui pour l'excellence de sa vie condescendoyent à son opinion , conuoquant les Euesques qui estoient sous luy , fit vn decret conforme à ceste mesme sentence , & dressa vne proluxe calomnie contre Origene , lequel estoit decédé bien deux cens ans au precedent. Ayant ce brassé , non comme sa principale entreprinse : ains delibérant par ce moyen se venger grandement de Dioscore. Or l'admirable saint Jean Chrisostome iugea ces choses estre indignes pour lesquelles il s'occupast & print quelque soing , & du tout ne fit conte des lettres d'Epiphane & Theophile : mais s'employant aux labours accoustumez de sa doctrine , florissoit de plus en plus , ne se souciant des embusches , lesquelles luy estoient mal-heureusement tendues. Toutesfois apres que manifestement on congneut que Theophile s'estudioit du tout à ietter Jean hors de son siege , ceux qui ne luy vouloyent bien, plusieurs à sçauoir du clergé , & grand nombre des magistrats , & ceux qui pouuoient beaucoup en puissance & auctorité , pensans auoir rencontré vn temps commode , pour monstrier l'affection de vengeance qu'ils luy portoyent , firent tant par leurs calomnies , murmures & impostures qu'ils tissoient ensemble , qu'un grand Concile fut célébré en Constantinople : pour lequel ils escriuirent à quelques Euesques, & en euoquerent plusieurs sans mandement especial. Theophile aduertie de ce fait, employa d'auantage ses efforts : car il fut cause

cause que les Eueſques d'Egypte paſſerent en Cōſtantinople, & reſcriuit à Epiphane & autres Eueſques d'Orient, que ſoudain ils ſe tranſportaffent en ce meſme lieu. Quant à luy il ſe mit en chemin pour venir à pied.

*forme humaine } C'eſt merueille vrayment comme Nicefore ſuiuant S<sup>t</sup> Xomene, a eſcrit qu'Epiphane eſtoit Anthropolophite, veu qu'il eſt manifeſte qu'il a tenu la ſentence contraire, comme en ſon œuvre dit Panarion, diſputant contre les Audiens heretiques, leſquels faulſement opinerent de ce que Dieu a creé l'homme à ſon image & ſemblance, qu'il obtienne forme humaine.*

*Du debat de Iean & Epiphane, en la ville de Conſtantinople: & comme iceluy Epiphane, eſmen par penitence, nauigeant droit en Cypre, treſpaſſa, ainſi que Iean luy auoit predit.*

C H A P. XII.



N peu de temps apres Epiphane le premier, porté en vn nauire, arriva pres de Conſtantinople, au lieu dit Septime, ayant avec ſoy le decret eſcrit contre Origene, par lequel ores qu'il n'eust condamné Origene, ſi auoit-il reprouué ſes liures. Et ſa priere faite en l'Egliſe de ce lieu, cōſacra vn diacre, puis entra en Conſtantinople, lequel Iean receut honorablement, luy venant au deuant avec tout ſon clergé: mais il luy donna à entendre clerement qu'il tenoit le party de Theophile. Car inuité de demourer en la maiſon Epiſcopale, refuſa ceſte condition, & pour gratifier à Theophile ne voulut heberger en l'hoſtel de ſainct Iean Chriſtoſtome, ains ayant à ſoy mandé les Eueſques eſtrangers, leur exhiba l'abolition des eſcrits d'Origene: non qu'il eust quelque choſe à dire contre, mais ſ'eſſorçoit les reietter pour plaire à la ſentence de Theophile. Et furent trouuez en ce nombre aucuns qui pour la reuerence qu'ils portoyent à Epiphane, confirmerent ce decret par leurs ſignes manuels: pluſieurs auſſi qui reſuferent ce faire. Entre les autres Theotime, Eueſque des Scythes, par ces paroles toucha de bien pres Epiphane, luy diſant: l'eſtime, ô Epiphane, eſtre choſe illicite, faire contumelie à ceux qui ia long temps ſont treſpaſſez, & ſuis d'opinion qu'on ne reiette tant temerairement les eſcripts des plus anciens: car ſans blaſpheme on ne peut aneantir leur iugement, & abroger les choſes qui bien & avec bon ordre ont eſté arreſtees & cōfirmees par le temps, & me ſemble n'eſtre le fait de perſonnages prudens & ſages. Et diſant ces paroles, preſenta & mit en auant quelqu'un des liures d'Origene, & apres auoir monſtré combien de choſes en iceluy eſtoient vtiles & neceſſaires à l'Egliſe: à tort, dit-il, ſemblent ceux entreprendre, qui ſ'eſtudient calomnier ces ſentences. Car non celles cy ſeulement, mais toutes les autres qui ſont couchees aux autres liures, ne peuuent ſans grand danger receuoir reproche & contumelie. Or Iean n'argua aucunement Epiphane de ce qu'il auoit vſurpé l'office de conſacrer hors les ſins de ſon diocēſe: mais pluſtoſt luy faiſant honneur & reuerence, le pria luy aſſiſter aux aſſembles Eccleſiaſtiques: voire l'exhorta, ſ'il luy venoit à gré, ſe loger en ſon hoſtel: mais il refuſa l'une & l'autre offre, diſant que premierement donc il failloit que Iean Chriſtoſtome condamnaſt les liures d'Origene, & iettaſt hors la ville Dioſcore & ſes freres. Alors Iean ayant reſpondu que temerairement & cupidement il ne falloir rien faire, qu'on ne conſultaſt l'aſſemblée publique, & pour ce qu'il falloir differer ceſte cauſe, les obtrectateurs & ennemis d'iceluy ſuggere-  
*leā luy en-  
uoye au de-  
uāt ſon cler-  
gé.*

rent ce conſeil à Epiphane. A ſçauoir luy perſuadoyent que lors que la communion generale ſe celebreroit au temple des ſainctſ Apōſtres, Epiphane ſ'y tranſportaaſt, & publiquement condamnaſt les liures d'Origene: bannaſt auſſi Dioſcore & ſes ſectateurs, à cauſe qu'ils enſeignoyēt pareille doctrine que luy: enſemble vituperaſt l'opinion & endommageaſt la gloire de ſainct Iean Chriſtoſtome. Ainſi ceux qui donnoyent ce conſeil, eſperoyent qu'Epiphane debatetoit contre le peuple. Et pour exploiter ceſt affaire, il ſ'eſtoit mis ia en chemin & approchoit fort de l'Egliſe, quād Serapion, enuoyé par Iean, luy vint au deuant: car il auoit entēdu le cōſeil, lequel ſes malueuillans luy auoyent donné. Pour ce luy ſignifia que vrayment il entreprenoit des affaires, & braſſoit des conſeils, leſquels ainſi qu'ils eſtoyēt contre toute loy & raiſon, ſemblablement ne luy apporteroient aucun profit: car premierement, dit-il, de ta propre autorité tu t'es arrogé la puiffance de conſacrer en mes Eglifes, n'ayant aucune cōmiſſion de ce miniſtere. Depuis inuité à la cōmunion, as reſuſé y aſſiſter, & maintenant ainſi que i'entens tu entreprēs faire vn acte indigne: mais il te faut bien garder que ſedition pour ceſte cauſe excitee, tu ne ſois en danger d'en rendre conte, cōme auteur de ce trouble & conſuſion. Epiphane par ces paroles rendu plus ſage, deſiſta de ſon entreprinſe. Ce pendant aduint que le ſils de l'Empereur fut ſaiſi d'une grieſue maladie: parquoy l'Imperatrice craignant que ſelon la fragile humanité quelque danger ne luy aduint, ſe ſoucioit beaucoup, en ſorte qu'elle appella Epiphane & le requit qu'il priaſt Dieu pour la ſanté de ſon ſils. Epiphane promit quel'enfant ſe porteroit bien, moyennāt que Dioſcore avec les ſiēs fuſt chaſſé de la ville. Eudoxie luy reſpōdit que vrayment ſi  
*Epiphane  
fuit l'ami-  
tié de Iean.*  
*Theotime  
parle braue-  
ment pour  
monſtrer  
qu'il ne  
faut meſpri-  
ſer les li-  
ures des an-  
ciens.*  
*Epiphane  
refuſe loger  
en l'hoſtel  
epiſcopal, ſi  
premiere-  
ment il ne  
condāne O-  
rigene.*  
*Les ennemis  
enſlambent  
Epiphane  
contre leā.*  
*leā deſtour-  
ne Epipha-  
ne par Se-  
rapion.*  
*Epiphane  
promet gua-  
rir le ſils de  
l'Imperatri-  
ce, moyen-  
nāt qu'elle*

# LIVRE XIII. DE L'HISTOIRE ECCLESIASTIQUE

*icette les* Dieu vouloit son fils viuroit. Que si, dit-elle, celuy qui le m'a donné, a deliberé le m'oster, sa  
*Longs, fre-* volonté soit faite. Que si tu pouuois resusciter les morts, ton archediacre ne seroit point mort:  
*res, hors la* Car depuis n'y a gueres Crispion auoit finé ses iours, lequel estoit frere de Phryscion & Sala-  
*ville.* mines, moines excellens en vertu, desquels nous auons parlé en l'histoire de Valent. Or Epi-  
*Belle respõ-* phane ayant eu ce Crispion pour familier, depuis l'eueua en la dignité d'archediacre. Ces pro-  
*ce de la Prin* pos tenus par Eudoxie, arriuerent à son commandement Dioscore & Ammonie vers Epipha-  
*ceffe.* ne. Lors Epiphane s'estant informé quels ils estoient, Ammonie luy respondit: nous sommes  
*Les lōgs fa* Les longs, seigneur, & voudrois affectionneusement sçauoir si quelque fois tu as rencontré  
*dressent à* ou de nos esprits ou de nos sectateurs. Epiphane disant que non, Ammonie luy repliqua ces  
*Epiphane.* paroles: Cominent donc estimes tu ceux estre heretiques, desquels tu n'as recherché la senten-  
ce, ou aucunement conuaincus? Epiphane respondit, que c'estoit à cause qu'il l'auoit ainsi en-  
tendu. Mais repliqua Ammonie, nous auons fait le contraire: car nous auons esté avec tes dis-  
ciples, & leu tes escripts, & d'iceux principalement celuy qui est intitulé l'Anchorier. Et lors  
que plusieurs conuicteurs aiguisoient leurs langues, pour detrencher ton œuvre, & entre-  
prenoyent le calomnier comme heretique, nous auons à bonne raison deffendu nostre pere, &  
nous nous sommes faits les boucliers pour maintenir tes escripts, cōme tressaintement cōposez:  
Parquoy il n'estoit cōuenable que sous le pretexte de quelque apparence de verité, tu nous reie-  
tasses en ceste sorte, sans ouyr nos raisons, considéré que tu nous as condamnez: ou bien falloit  
il rendre la pareille à ceux qui te sont amis en choses bonnes & honnestes. Epiphane induit par  
ces parolles à penitence, receut & laissa aller plus modestement ces personnages: & pour au-  
tant que se condamnant luy mesme par sa sentence, il iugea ne luy estre bon sejourner long tēps  
en Constantinople, ou bien pour ce que Dieu par oracle luy signifioit sa mort, il nauigea vers  
Cypre, & ainsi qu'il estoit sur mer, trepassa. Et dit on qu'ainsi que les euesques le conduisoient  
en son nauire, & estoit prest d'y monter, il leur tint ces propos: Je vous laisse ceste ville, la  
cour Imperiale, l'action & fable de ceste vie: quant à moy ie me haste venir en vne autre cité.  
*Sentēce ce-* Le bruit est aussi qu'il prononça ceste sentence digne de memoire eternelle, laquelle encore ce  
*lebre d'ice-* iourd'huy est ouye de la bouche de plusieurs personnes: à sçauoir que ainsi que Iean predict à  
*luy.* Epiphane qu'il mourroit sur la mer, ainsi Epiphane prononça que Iean seroit desmis de son E-  
*Ieā luy pre-* uesché. Car ainsi qu'ils estoient en discord, Epiphane dit à Iean: Je ne pense pas que tu meu-  
*dis sa mort,* res Euesque. Auquel au contraire, Iean respondit: mais ie sçay que tu ne viendras point iusques  
*Et il pro-* en Cypre. L'un & l'autre propos monstra son euenement: car Epiphane ne retourna en son sie-  
*phetise l'e-* ge, & peu de temps apres Iean fut chassé de son siege: ainsi que la poursuite de nostre histoire  
*xil de Ieā.* le declarera.

*Du discord entre Iean & l'Imperatrice Eudoxie, & des embusches que Theophile luy dressa, & de  
Cyrin, Euesque de Chalcedon. CHAP. XIII.*

*Homelies  
de Iean, con-  
tre les mau-  
uaises fem-  
mes, en la-  
quelle il ton-  
cha en pas-  
sant Eudo-  
xie.*



*Sirin, ou  
Quirin en-  
nemy de  
Iean, pury  
de Dieu.*

Epiphane decedé, Iean fut par quelques vns certifié que ce qu'il auoit  
fait contre luy estoit aduenü par la suscitation de l'Imperatrice Eudoxie,  
tant à cause de plusieurs iniures lesquelles elle auoit faites à ses subiets,  
& principalement pour la vigne de la vefue Callitrope: lequel tort Iean  
ne cessa de reprendre & arguer seuerement, iusques à ce que l'Imperatri-  
ce rendist à ceste femme sa possession. Et ainsi qu'il estoit ardent à corri-  
ger telles offenses, & assez aigre en ses predications, il fit publiquemēt  
vne harangue en l'Eglise, par laquelle il auoit generally taxé les mau-  
uaises femmes. Or sembla-il à la multitude que ceste oraison auoit esté  
par luy composee pour secretement toucher l'Imperatrice: en sorte que cueillie par ses enne-  
mis, elle luy fut portee. Soudain elle se transporta vers son espoux, & desploura deuant luy  
la contumelie qui luy estoit faite, disant que ceste iniure touchoit aussi son mary. Elle mit or-  
dre aussi qu'en diligence Theophile arriuaist en ce lieu, & fit que soudain le Concile fust assem-  
blé contre Iean: & luy portoit ayde en cest affaire Seuerien, Euesque des Gabalans, nourris-  
sant encores en son cœur sa douleur cachee, d'autant qu'il n'auoit quitté sa mal-vueillance con-  
tre Iean. Or soit que de fortune Iean fist ceste predication en l'Eglise, ou qu'il touchast couuer-  
tement l'Imperatrice, pour la contention qu'il auoit contre Epiphane (ce que ie n'oserois cer-  
tainement affermer) Theophile toutesfois non long temps apres se trouua en ce lieu, ensem-  
ble autres plusieurs Euesques, partie du mandement de l'Empereur, partie à la persuation de  
Theophile, qui arriuerent en Constantinople. Entre les autres ceux aborderent en grande di-  
ligence, qui estoient del'Asie, auxquels Iean auoit osté les Eueschez, & qui pour autre cause  
luy estoient ennemis. Et ia les nauires lesquelles Theophile auoit attendues, estoient venues  
d'Egypte: parquoy tous assemblez se trouuerent en Chalcedon de Bithynie, où ils consulte-  
rent de cest affaire cōtre Iean. Alors Cyrin, familier de Theophile, natif d'egypte, estoit Euesque  
de Chalcedon: lequel aussi s'estudia beaucoup luy gratifier, se rendāt tref-grād ennemy de Iean.  
Parquoy

Parquoy estant en l'assemblée, detrencha Iean de toutes façons, l'appellant meschât, insolent, & inflexible, desquels propos les Euesques se resiouyrent grandemēt : Mais il ne tarda guere que pour ces iniures il ne receust la vengeance diuine. Car Maruthas Euesque de Mesopotamie, luy marcha sur l'un de ses pieds n'y pensant point, dequoy il commença à se mal porter, & ne peut aucunement avec les autres Euesques se mettre au chemin de Constantinople, encore qu'il semblaist sa presence estre necessaire pour bien dresser embuches à Iean Chrysostome. Depuis, ainsi que son mal s'empiroit de plus en plus, les medecins luy couperent la cuisse. Car la pourriture sortie de là, assaillit tellement le surplus du corps, que mesme de sa cōtagion elle infecta l'autre pied. Et non long tēps apres pour ceste mesme playe il finit sa vie, receuant patiemment ceste recompense pour les iniures qu'il auoit faictes à ce saint & personnage :: puis Arface luy succeda au siege Episcopal.

On ne trouue poſt ces paroles de Arface en Socrates ny en Soſom.

*Du ſynode aſſemblé en la chappelle appellee de Ruffin, contre ſainct Iean Chryſoſtome, & comme il fut condamné en ſon abſence, & ſans auoir rendu ſes cauſes & raiſons.*

CHAP. XV.



Pres que Theophile fut arriué en Constantinople, nul de tout le clergé luy fut au deuant selon l'ancienne coustume, à cause que chacun cognoissoit qu'il estoit ennemy de l'Euesque : Mais les nautonniers Alexandrins, & ceux principalement qui là auoyent conduit & amené du froment, s'assemblerent, & le receurent de grande affection, avec heurieuses acclamations. Et pour autant qu'il auoit desdaigné loger en l'hostel Ecclesiastique, il se retira en quelque logis Imperial, lequel luy estoit appresté, dit Placidiane. Or pour lors ceux de sa troupe ne faisoient aucune mention des liures d'Origene : mais employoient leurs esprits à

d'autres crimes absurds & cōtrouuez. En sorte que plusieurs accusateurs arriuez & assemblez, Theophile voyant que les affaires se portoyent ainsi qu'il desiroit, passa de Constantinople au fauxbourg de Chalcedon auquel abordēt les nauires, & duquel le nom est Drys, c'est à dire Le chesne : lequel encore iusques à ce iour retient l'appellation de Ruffin, homme qui auoit esté autrefois consul, à cause que là il bastit vne Eglise trescelebre & tresgrande, ensemble vn illustre palais : l'Eglise à scauoir construite en l'honneur des Apostres S. Pierre & saint Paul, & par luy appelée l'Apostole, ou le temple des Apostres. Il edifia aussi ioignant icelle plusieurs domiciles de moines, qui feroient le deuoir de clergé en ce lieu. Theophile ayant là assemblé le Concile des Euesques, ne fit aucune mention des liures d'Origene : mais premierement inuita les moines arriuez de Sctis, à faire penitence : leur promettant qu'il oublieroit les iniures passées, & d'ores en auant ne les offenserait. Lors ceux qui suiuyent le party de Theophile, & le Concile mesme s'entendant avec luy, d'une feinte & rusée simulation, supplioit humblement pour ces moines, comme s'ils eussent en quelque sorte offensé cest Euesque, & non luy eux, & ces pauvres moines trompez & seduits par ceste contenance, nonobstant qu'eux-mesmes eussent receu plusieurs griefs & iniures, estimans toutesfois que pour la reuerence de l'Euesque il se falloir iusques là humilier, prononcerēt ce mot accoustumé. Pardonne nous : & Theophile sans aucune difficulté leur pardonna, & les receut à la communion : & en ceste sorte l'enqueste d'iceux fut mise à fin. Ce que selon mon iugement n'eut esté fait, si Dioscore & Ammonie eussent encore vesçu. Car Dioscore mourut au parauant en Constantinople, & fut enseuely au temple de Mocie le martyr. Peu de temps apres Ammonie, ainsi qu'on assembloit le Concile, arriva malade aux fauxbourg du Chesne : où il fut de si pres assaillie de maladie, accreüe par le chemin, que peu de iours apres il trespassa, & fut là enterré honnorablement par ses moines. On dit que Theophile aduertie de sa mort, commença à plourer, & s'escria publiquement disant ces paroles, qu'il ne restoit plus aucun moine tel qu'estoit Ammonie, encore qu'il luy fust cause de plusieurs troubles & fâcheries : Ce nonobstant ceste mort luy vint à souhait. Or Theophile & ce Concile euoqua tout le clergé de la ville de Constantinople, menaçāt d'abroger de la dignité quiconque refuseroit & differeroit à y venir. Il commanda pareillemēt à Iean d'y assister, pour plaider sa cause, & avec luy Serapion, & Tigrie, Eunuque, prestre, ensemble Paul, l'un des lecteurs : considéré qu'ils estoient accusez avec luy. Donc Iean y enuoya quelques-uns de son clergé ses familiers, & entre autres, vn Demetrie de Pessinot, & luy commanda rapporter ces paroles au Cōcile : Je ne suis point le iugemēt, mais suis tout prest de rēdre mes raisons, moyennant que ie congnoisse qui sont mes accusateurs, & que i'entende premierement quels crimes ils m'obiectent. Et ie suis delibéré de respondre en vn plus grand & frequent Concile : car ie ne suis si stupide & despourueu d'entendement, que ie me vueille mettre en tel danger, & endurer le iugement de mes tant manifestes ennemis. Les Euesques prindrent bien mal ces paroles, comme si Iean eut delibéré n'obeir à vne si grande assemblée. Ceux aussi qu'il auoit enuoyez, ne retournerent vers luy : toutesfois Demetrie & ceux qui postposèrent la vaine & ambitieuse gloire à l'amitié de Iean, retournerent vers ce saint personnage. Ce mesme iour vn

Theophile est logé en l'hostel imperial. Concile en Chalcedon.

Les moines de Sctis reconciliés avec Theophile.

Mort de Ammonie.

Ammonie est loué par son ennemy Theophile. Eunuque, prestre : mais Sozom. ne fait mention qu'il fut Prestre. Socrates le recite.

Iean reiecte les iuges du Concile comme ses ennemis.

# LIVRE XIII. DE L'HISTOIRE ECCLESIASTIQUE

notaire & poste hastif enuoyez par l'Empereur, commanderent par mandement exprez, & sçauoir à Iean, qu'il se trouuast au Synode: & aux Euesques qu'ils ne luy fissent aucune fâcherie, differans la sentence pour estre pronôcée par l'Empereur: Mais eux voyans qu'encore qu'il fut cité par quatre fois, il ne comparoist aucunement, ains reiectoit les iuges comme ses ennemis, & en appelloit au Concile general, ils le condamnerent de contumace, & le deposerent de son Euesché: ne reprenans autre chose en luy, sinon qu'estant appelé par quatre fois, il n'auoit comparu en iugement.

*Du premier exil de Iean, & clameur tumultueuse du peuple pour ce concile: & comme il fut contraint de reprendre son Euesché, ayant donné sa paix & benediction au peuple.*

C H A P. X V I.

*Iean trois iours apres sa condamnation s'en va en exil, pour oster tout argument de reproches.*



Le peuple de Constantinople ayât enuiron le point du iour ouy ces nouvelles, excité en grand tumulte, entra en l'Eglise, & fit vn grand bruit par toute la ville, criant plusieurs paroles, & detrenchant l'Empereur de paroles iniurieuses, disant que ceste cause deuoit estre renuoyée à vn Concile plus iuste. Voire resista courageusément à ceux qui estoient enuoyez par l'Empereur, pour tirer Iean de son siege, & là passant toute la nuit, ne permit aucunement qu'il fust mené en exil: Mais Iean à ce qu'il ne fust accusé d'autre crime, ou d'auoir contreuenue au commandement Imperial, ou esmeu le peuple à sedition, trois iours passez depuis sa condam-

*Tumulte populaire. Seuerien en son sermon loüa la condamnation de Iean.*

nation, apres que la multitude se fust escartee enuiron le midy, & chacun se fut retiré en sa maison, l'un ça, l'autre là, les deceuant, il se liura à la puissance de ceux qui le deuoient emmener, & sortant par la porte d'Orient, arriua premierement au haure & port de mer dit Hieron, c'est à dire sacré, situé aux ponts, & de là fut mené par Bithynie. Dequoy la multitude fâchée se print à mutiner bien fort & blasmer l'Empereur, & d'auantage deschiqueter de paroles contumelieuses Seuerien & Theophile, car tous deux estoient des menees contre luy dressées: principalement en ce que Seuerien lors enseignant en l'Eglise, loüoit la condamnation de Iean, comme si elle eust esté iuste, encore qu'il n'y eust autre crime, pour lequel on le deust si tost desposer de son office: alleguant pour ses raisons qu'il estoit superbe & insolent, & que

*Le peuple demande à l'Empereur la restitution de Iean.*

Dieu pardonnoit tous les autres pechez aux hommes, mais resistoit manifestement aux arrogans, ainsi que l'escripture sacrée tesmoigne. Ces paroles ainsi dictes, le peuple reprit encore d'auantage ce fait pour son indignité, & renouella sa colere. Tant estoit grâd ce tumulte que le monde ne se pouuoit taire ny au marché, ny aux Eglises: mais avec complaints, pleurs & lamentations entremeslees de prieres s'en vindrent à l'hostel Imperial, & requierent la reuocation de leur pasteur, desirans tresaffectueusement veoir celuy, de la bouche duquel tous les

*Les ennemis de Iean changent de sentence.*

iours ils auoyent puissé du lait d'or, si il faut ainsi parler. Et ainsi que souuent il aduient, plusieurs qui le hayoyent, changerent de sentence, & dirent qu'on faisoit tort & calomnioit faulxement ce personnage, duquel toutesfois vn peu au parauant de grand courage ils auoyent souhaité l'abrogation & bannissement. Parquoy plusieurs s'escrierent cōtre l'Empereur & le Concile, contre les Euesques mesmes, & principalement cōtre Theophile: Car nonobstant ces mal-

*Iean est reuoué d'exil par Eudoxie.*

heureuses machinations, ne lay ne toutes ses entreprinse ne se peurent celer aucunement à cause de plusieurs manifestes indices. L'Imperatrice aussi requit & supplia le mesme, esmeu tant par les prieres du peuple, que pour le tremblement de terre qui de nuit s'estoit fait, persuadant à son mary d'accorder & octroyer la restitution de ce saint personnage: puis ayant enuoyé Brisson son tresfeal chambellan, fit amener Iean, de Pronet cité marchande de Bithynie,

*Iean est cōpere des enfans de l'Empereur.*

située vis à vis de Nicomedie, protestant qu'elle n'estoit cause des entreprinse brassees contre luy, & promettant que d'ores en auât elle le reuereroit cōme sacrificateur de Dieu, & docteur de ses enfans aux choses diuines, & celuy qui auroit alliance avec elle moyennant le diuin lauacre, qu'il auoit conseré à ses enfans. Iean reuenu de ce lieu, s'arresta au dessous de la ville au passage appelé Mariane, & ne voulut entrer en la ville auant le Concile general, & iugement

*Il veult qu'information de sa cause soit faicte.*

d'iceluy, à fin que manifestement on congneust qu'on luy auoit iniurieusement & iniquement osté son Euesché. Ainsi qu'il differoit en ceste sorte son entree à la ville, le peuple d'auantage s'est indigné blasmant les princes par conuices & reproches. Parquoy voyant que la necessité le contraignoit, entra en la ville. Et lors le Bosphore fut remply de nauigeans, & la mer couuerte de fregates de pècheurs, & soudain tout le peuple luy vint au deuant portant cierges

*Il est remis en son Eglise.*

allumez, & chantant des psalmodes composees proprement, & elegamment adoptez pour cest affaire, & le suyuit iusques à l'Eglise, encore qu'il y resistast bien fort, & affirmast qu'il falloit que ces Euesques qui iniustement l'auoyent condamné par leur sentence, de rechef l'absoudissent legitiment, comme il estoit de raison. Toutesfois le cōtraignirent ils de si grande force, qu'ils le colloquerent au siege Episcopal, à ce que de ce lieu plus eminent il annonçast

*Belle reception du peuple.*

la paix au peuple, & luy donnast benediction. Ces choses faictes cōme par quelque necessité, il fit



Il fit promptement vne predication au peuple, vſant avec grace grande d'argumens & raisons fort propres. Car il dit que Theophile par contumelie ſ'eſtoit eſſorcé faire iniure à ſon Eglife, non plus ne moins que iadis le Roy d'Egypte ſ'eſtoit aſſoté de la femme d'Abraham le patriarche, ainſi qu'il eſt recité aux liures des Hebreux. Et pourſuyuant les louanges de la lieſſe de cœur & gayeté du peuple, loua auſſi la beneuolence que les princes luy portoyent, & tant excita ceſte troupe à decorer l'Empereur & l'Imperatrice de voix heureuſes & fauorables, qu'il ne pouuoit mettre fin à ſa harangue, mais ceſſa ainſi qu'il eſtoit en train au milieu d'icelle.

*Oraiſon de Iean à ſon retour, & le ſommaire d'icelle.*

*Des choſes malheureuſes faites de rechef par Theophile: & comme pour ſ'eſchapper de la ſedition populaire, il ſe ſauua par la fuiſte: enſemble de ſainct Nilamon moine, & des liures d'Origene, & du Concile aſſemblé à la faueur de Iean.*

C H A P. X V I I.



Enſi que les affaires ſe portoyent en ceſte ſorte, Theophile doutant ce qu'il deuoit faire, encore qu'il deſirait grandement reprendre & calomnier Iean publiquement, de ce qu'apres ſon abrogation il exerçoit l'office d'Eueſque, toutesfois il n'oſoit ce faire: Car il ſçauoit certainement que ce faiſant il offenſeroit les Princes, cōſideré qu'eux-mêmes pour appaiſer l'eſmotion populaire, l'auoyent contrainct de ce faire encore qu'il y reſiſtaſt beaucoup. Premièrement dōc il condamna Heraclide abſent, des iniures que ſes accuſateurs luy impoſoyēt: car il eſtimoyt que de là facilement il paruiendroit à l'abrogation de Iean. Or comme

*Iean par contrainte fait l'office d'Eueſque.*

*Theophile condamne Heraclide, Eueſque d'Epheſe, en ſon abſence.*

*Tumulte à cauſe de ce iugement.*

nous auons dict, Heraclide nonobſtant ſon abſence fut accuſé d'auoir batu & frappé par force certaines perſonnes, & les auoir trainé cōme en triōphe tout au trauers de la ville d'Epheſe, enchainéz. Or ainſi que les fauoriz de Iean diſoyent qu'on ne deuoit condamner perſonne en ſon abſence: & ceux de la part de Theophile debatoyēt qu'il falloit admettre les accuſateurs d'Heraclide, & dōner iugement, voire contre celui qui eſtoit abſent, veu qu'il eſtoit indigne d'exercer l'office Episcopale, grande noiſe ſ'eſt eſmeuē pour cela entre les Constantinopolitains & Alexandrins: en ſorte que ce debat venu iuſques à charger l'un l'autre, pluſieurs furent naurez, & aſſez grād nombre d'autres furēt mis à mort. Parquoy Theophile craignāt la fureur du peuple, enſemble les Eueſques de ſa troupe, hors mis ceux qui eſtoient alliez à Iean, ſ'enfuyans de Constantinople, ſe retirerent chacun en ſon logis l'huy, & ſ'approchant Theophile ſe retira en Alexandrie, accompagné d'Iſaac moine. Or ſur le chemin lors qu'il ſejourna à Geras, bourg aſſis loing de Peluſe enuiron de cinquante ſtades, il aduint que l'Eueſque de ce lieu treſpaſſa, & que les citoyens & habitans auoyent ieſſeu en ſa place Nilamon, ſainct perſonage, treſcelebre pour ſa vertu, & treſilluſtre en philoſophie monaſtique: Lequel viuoit deuant ce bourg, enfermé en vne petite loge, de laquelle il auoit bouché l'entree de pierres. Eſtāt donc ieſſeu, il reſuſa receuoir la dignité Episcopale, iuſques à ce que Theophile luy perſuada receuoir de ſa main la conſecration. Car apres pluſieurs refus, encore qu'il ne le peult gagner, il ne ceſſa de le requerrir d'auantage. Parquoy ce ſainct perſonage luy reſpondit: Demain, mon pere, fay ce que tu auras entrepris: mais ie te prie permets que ce iourd'huy ie pouruoye & diſpoſe de mes affaires. Le lendemain Theophile arriué vers luy, ſelon qu'ils auoyent accordé enſemble, commanda qu'on debouchaſt l'huis. Lors Nilamon: Faifons, dit-il, & preſentons premierement nos prieres à Dieu. Theophile approuua ceſte parole, & fit ſa priere. Or Nilamon ainſi qu'il prioit, fina ſa vie: dequoy & Theophile & ceux qui eſtoyēt dehors avec luy, eſtoyent ignorans. La plus grāde partie du iour paſſée en ceſte ſorte, ils cōmencerent à l'appeller: mais Nilamon ne les entendoit, & ne leur reſpondoit aucunement. Ayans donc roulé les pierres le trouuerent mort: & l'ayans couuert & ayancé ainſi qu'il eſtoit raiſonnable, l'enſeuclirent magnifiquemēt. Les citoyens baſtirent ſur ſon ſepulchre vn oratoire, & iuſques à ce temps avec ioye celebrent le iour de ſon tteſpas. En ceſte ſorte mourut Nilamon, ſ'il fault appeller mort ceſte fin qu'il a ſouhaitée & requiſe avec prieres, pluſtoſt que d'eſtre fait Eueſque, ſ'eſtimant pour l'humilité de ſon eſprit & modeſtie, indigne d'exercer ceſte dignité. Pour reuenir à noſtre propos, Theophile fut condamné de tous, & d'auantage augmenta la haine des hommes contre ſoy, en ce que de rechef ſans aucune diſſimulation il reueroit & tenoit entre ſes mains les liures d'Origene, leſquels il auoit au parauant condamnez. Et dit on, que eſtant par quelcun interrogé, pourquoy de rechef il manioyt ces eſcrips, leſquels au parauant il auoit iugé deuoit eſtre abolis, il reſpōdit que les labours & œures d'Origene eſtoyent ſemblables à vn pré, rapportant diuerſes fleurs & bien odoriferantes. Qui eſtoit cauſe qu'il cueilloit & amaiſſoit ce qu'il y voyoit eſtre fructueux: & que ſi quelque eſpine ſe preſentoit, il la reiectoit, & la paſſoit comme pernicioſe. Theophile en ce fait ne print garde à la ſentence de Salomon, diſant que les paroles des ſages ſont ainſi que les aiguillons des bœufs, contre leſquels il ne fault pas

*Nilamon Eueſque eſſeu au bourg de Geras: mais il ne cōſent à ceſte eſſeſtion.*

*Il meurt auant la conſecration. Sozom. l. 8. chap. 9.*

*Theophile compare les liures d'Origene à vn pré ſtory. Sozrat. li. 6. chap. 12.*

# LIVRE XIII. DE L'HISTOIRE ECCLESIASTIQUE

*Haine publique contre Theophile. Soixante Euesques cōgregez en Constantinople, abolissent les aultes de Theophile.*

que ceux qui sentent les aiguillons de contemplation & verité regimbent. Pour ces causes Theophile fut de tous grandement condamné : Mais saint Jean Chrysostome reuenu en Constantinople, attira tant à soy l'amour & grace du peuple, que de plus en plus ils estoient enflambez de le veoir prescher & enseigner en son siege. Et là arriuerent enuiron soixante Euesques, lesquels iugerent & arresterent que ce qui auoit esté fait au bourg du Chesne, estoit de nulle vleur, & commanderent que Jean sans aucune crainte retint son Euesché. Ainsi de là en auant faisant l'office d'Euesque, il consacroit le clergé, & accomplissoit le surplus du deuoir Episcopal, administrant tres saintement son Eglise. En ce mesme temps il fit Serapion Euesque d'Heracle en Thrace, pour lequel grand haine de plusieurs s'estoit brassée contre luy.

*De l'autre Concile assemblé contre Jean, & de l'abrogation & exil d'iceluy.*

CHAP. XVIII.

*Statue d'argent d'Eudoxie, assise vis à vis du temple de S. Sophie. Jeux de plaisir.*



On long temps apres s'esmeut de rechef vne autre guerre contre l'Eglise, de laquelle le commencement fut tel que s'en suit : En la partie meridionale del'Eglise, deuant la court du grand conseil, non trop loing, ou trop pres du temple de Sapience, en vn lieu hault, en vne colonne de marbre de Porphyre estoit dressée vne statue d'argent, ayant le nō d'Eudoxie, reuestue d'un manteau. Or estoit elle esleuee si pres du tēple, que seulemēt vne rue assez large estoit entre la colōne & l'Eglise. La se faisoient les applaudissemens & spectacles publics, de saults & jeux de basteleries, & sarses, en sorte qu'y s'esleuoient quelquefois des haults

*chrysostome presche contre ceste statue, de quoy Eudoxie est irritée. Paroles libres de Jean.*

cris & vociferations des assistants. Or Jean estimant que ce n'estoit fait sans la contumelie de l'Eglise, vsant de sa liberté accoustumee de parler, aiguisa sa langue doree contre ceux qui s'employoient à tels jeux, & en vne predication les reprint grandement. L'Imperatrice retenant encore de fraische memoire & se souuenant des premieres douleurs, de rechef interpreta ces paroles comme dictes contre elle : Parquoy esmeuē de colere fit mettre ordre que soudain vn autre Concile fust assemblé. Jean se doutant de cest affaire, tant s'en fault qu'il retractast ses paroles, que plus apertement il auāça d'autres propos en l'Eglise, & l'enflamba en plus grande colere, lors qu'il fit ceste celebre & tresrenommee harangue & predication au peuple, laquelle il commença par ces paroles : Encore Herodias est forcenee, elle excite de rechef des troubles, de rechef elle saute & danse, de rechef elle se haste receuoir en vn plat le chef de Jean. Outre ce, en quelque Homelie il vsurpa ce propos digne d'eternelle memoire : Ay-ie pas tousiours hay Eudoxie, c'est à dire la vraye gloire, & tousiours aimé Adoxie, c'est à dire l'infamie ? Emmenant avec ce l'histoire de Iesabel & des sacrificateurs de turpitude. Ce venu iusques aux oreilles d'Eudoxie, enflamba son courage excessiuelement dire & colere. Peu de temps apres arriuerent plusieurs Euesques, entre les autres Leōce, Euesque d'Ancyre, de la Gaule minour, Ammonie de Laodicee en Pisidie, Brison de Philippes en Thrace, Acace de Berrohe en Syrie, & aucuns autres, auxquels la cause premiere fut renouuelee : Mais Jean ainsi qu'il estoit de grand courage, requit qu'on se complaignit publiquement des crimes desquels il estoit accusé. Et ia estoit venu le iour de feste de la natiuité de Iesus-Christ, & l'Empereur ne vint selon la coustume ancienne en l'Eglise : & signifiā à Jean, qu'il ne se presenteroit deuant luy, iusques à ce que premierement il se fust purgé des crimes à luy obiectez. Et lors promptement Jean s'offrit

*Concile cōgregez de rechef contre luy.*

de rendre ses raisons, & plaider sa cause, & respondre à quiconque le voudroit accuser : mais ses aduersaires esmeuz de crainte n'oserent rien deposer cōtre luy, en sorte que les Euesques aduiserent n'estre bon de rechef l'euoquer en iugement, veu qu'on luy auoit au parauant osté son siege pour vne cause telle quelle : Parquoy se deportans d'enquerir d'autre choses contre luy, seulement requierent qu'il dist la raison pourquoy apres sa deposition, sans aucune autorité ou decret de Concile, il s'estoit conféré l'Episcopat, & auoit vsurpé le siege. Jean ayant à cela allegué les suffrages de soixante Euesques, qui auoyent communiqué avec luy, Leonce & ceux qui l'accompagnoient, dirent : mais ceux qui te condamnerent estoient en plus grand nombre. Outre plus, il y a vn canon Episcopal, qui t'empeschoit de ce faire. A quoy il respondit que ce canon n'estoit de l'Eglise, mais des Arriens : lesquels lors qu'en Antioche ils debatoient de la foy du Consubstantiel, ayans circonuenu Athanase par tromperie, en luy ostant l'Eglise d'Alexandrie, craignans la mutation des choses, firent ce canon : regardans principalement, & s'estudians faire qu'aucune enqueste & information des torts & griefs qu'ils auoyent contre luy insidieusement machinez, ne fust recerchée, & que leur malice & meschanceté ne fust congneue. Les Euesques qui entendoient ces paroles, nonobstant qu'ils n'eussent que respondre, ne laisserent de prononcer contre Jean la sentence de condānation. Ayant donc cōgneu cest

*On luy obiecte que de sa propre au thorité il s'estoit remis en son siege.*

arrest, il ne fit plus d'ores en auant ses assemblees en l'Eglise, mais demoura coy & avec silence en la maison Episcopal. Or les iours de Carême accomplis, l'Empereur luy signifiā au iour du grand samedy & luy māda par quelques vns qu'il luy enuoya, qu'il descēdist du siege Episcopal duquel

*Jean refuse le canō des Arriens.*

*Jean ne fait plus l'office d'Euesque.*

*Response libre de Jean à Arcade.*

duquel il auoit esté deposté par deux Conciles. Alors ce grand personnage : puis, dit-il, que ie suis appellé par le Sauueur à l'office Episcopal, ie ne quitteray point le siege. Que si tu as ainsi conclud & arresté en ton esprit, ô Empereur, chasse moy d'iceluy par force. Parquoy iceux craignans que de rechef il n'aduint quelque esmeute, l'endurerent pour lors demourer en sa maison. Et ainsi que là il viuoit paisiblement, & sans s'entremesler des affaires Ecclesiastiques, ceux qui estoient de sa part, sortans de l'Eglise de laquelle ils auoyent esté iectez, celebrerent les feries de Pasque au baptistere ou lauoir public appellé Constantian. Avec lesquels plusieurs Euesques & prestres, & autres de l'ordre Ecclesiastique depuis ce tēps faisans leurs assemblees en plusieurs lieux, furent nommez Ioannites. Et la nuit venue laquelle precede le tressainct iour des feries de Pasque, l'Empereur ayāt cōuqué les Euesques, les interrogea qu'il estoit besoing de faire, & à sçauoir si ces choses ainsi menees estoient plaisantes à Dieu. A quoy tous d'une meisme voix s'elcrierent : Que l'abrogation & condamnation de Iean tombe sur nos testes. Or les sectateurs de Iean faisans pour lors au lauoir susdict l'illustre assemblee de la resurrection de Iesus-Christ, la nuit furent traittez bien rudement par leurs aduersaires gens dissolus & meschans, qui pour l'inimirié qu'ils portoyēt à Iean, les assaillirēt. Dequoy qu'est il besoing de parler, veu que ceste Langue doree trespiciueusement & elegamment a parlé ? Car celuy qui d'un cuer noble & preux a enduré ces maux, les pourra bien raconter à la verité. Il escrit donc touchāt ses affaires, à Innocent Euesque de la ville de Rome, les propos qui s'ensuyuent.

*Les sectateurs de Iean sont appellez Ioannites, & sont leurs assemblees à part. Ils sont assaillis par les ennemis de Iean.*

*L'Epistre de saint Iean Chrysostome, par laquelle il raconte ce qui luy est aduenu : & de ceux qui luy assisterent, & le secoururent au temps de son exil.*

CHAP. XIX.



Comment pourray-ie maintenant expliquer ces choses ainsi qu'elles ont esté faictes, lesquelles surpassent de beaucoup toute tragedie. Quelle harangue les pourra raconter ? Quelles oreilles les pourront recevoir sans horreur ? Car ainsi que nous alleguions les causes que nous auōs dictes, vne troupe militaire à la foule se rua dedans les Eglises, sur le soir du propre iour du grand famedy, & iecta hors par force tout le clergé avec nous, en sorte que le Baptistere fut enuironné d'armes & les femmes, lesquelles pour recevoir le baptisme s'estoyent en ce tēps depouillees en l'Eglise de leurs habillemens, toutes nuës pour la crainte de cest effort s'enfuirent hastiuement : & ne leur fut permis prendre leurs habits honnestes, ou se couvrir ainsi qu'il est grandement seint aux femmes : Mais au contraire plusieurs ayans esté naucees & blessees, furent poussees hors par force. Les lauoirs furent réplis de sang, & les fons sacrez infectez de la rouge couleur d'iceluy. Et ne cessa point pour cela ceste misere : mais apres que le saint Sacrement fut remis en sa place, les gens d'armes y entrerent dedās, desquels aucuns (ainsi comme nous auons entendu) qui n'estoyent encor nullement instruits ne cōmencez aux sacrez mysteres de la Chrestienté, sonillerent & regarderent par tout aux lieux les plus secrets : & le tresprecieux sang de Iesus-Christ (ainsi que souuent se fait en tel trouble) fut respandū sur leurs vestemens : d'auātage tous efforts y furent faits par temerité impudente, ainsi cōme en vne captiuité & prinse barbaresque. Tout le peuple fut chassé en la solitude & cōtrainct de viure hors de la ville. En vn tel iour de feste les Eglises furent vuides de personnes : & plus de quarante Euesques cōmunians avec nous, contre tout droict & raison furent chassez avec tout le peuple & le clergé. Par tout aux maisons, & aux solitudes on n'oyoit que dueil, pleurs & gemissemens, & tous les quartiers de la ville furent remplis de telles calamitez : Car pour la grāde cruauté de ceste iniure, non ceux seulement qui l'enduroyent avec nous, mais aussi ceux qui n'estoyent aucunement recerchez se douloyent & lamentoyent avec nous : & non ceux seulement qui maintiennent nostre foy, mais aussi les heretiques, les luifs, & les sectateurs de la superstition Grecque estoient en leur cuer affligez, cōme si par assault & armes la ville eust esté prinse. Ainsi toutes choses estoient remplies de tumultes, troubles, & dueil. Et qui est pour augmenter ces inhumanitez, ces choses furent faictes de nuit, par tresgrande audace, outre la volonté & sentence du tresdebonnaire Empereur, les Euesques conduisans par tout les troupees militaires, & cōbatans cōtre nous : lesquels n'ont eu honte de se faire cōducteurs d'armee, & se seruir des capitaines du camp pour escuyers deuant eux, au lieu de diacres. Sur le point du iour toute la cité faillit hors les murailles, respandue cōme brebis sous les arbres & parmy les bois, celebrāt les feries de Pasque. Telles sont les paroles de ceste Lāgue doree. Voyla le beau fruit que ces bons pasteurs, ausquels estoit commise la charge & gouvernement des ames, presenterēt le iour propre de la feste de Pasque, à celuy qui est ressusité des morts. Que fut il fait d'auantage ? Edicts & commandemens furent par tout diuulguez, par lesquels on defendit au peuple le nom & communion de Iean, c'est que nul ne fut appellé Ioannite, & ne le hantast, mais il aduint bien autremēt : car de plus ceux qui estoient affligez, furent confirmez

*Complainte que Iean fait au Pape Innocent, touchant l'iniure & condamnation qui luy fut aduee.*

*Le tēps passé l'une & l'autre essence de l'Eucharistie estoit gardée au temple.*

*Il excuse Arcade, & charge les Euesques tyranniques.*

*On interdit au peuple le nom, & communion de Iean.*

*Le nombre  
des Ioanni-  
tes s'aug-  
mente.*

par la loy de Dieu & son ordonnance, qui principalement en tels temps se pratique par certaine disposition d'iceluy. Parquoy tant les Eglises mesmes que le nombre de ceux qui fauorisoient à Iean, s'augmentoient d'heure en heure, & se multiplioit grandement.

*le Baptistere] Le temps passe, principalement enuiron Pasque, les Catechumenes estoient baptisez, par toute la sepmaine, ainsi que durant la sepmaine de la Pentecoste. Cela Rhennus a obserue en ses annotations qu'il a escriptes sur Tertullian: ce qu'encore de present tesmoignent suffisamment les chants solennels & prieres de l'Eglise.*

*Plusieurs choses de l'injuste exil de Iean, & ce qu'en partant il dit à ses sectateurs: & de l'affection du peuple enuers luy,  
C H A P. X X.*

*Les Euesques requie-  
rent à Ar-  
cade qu'il  
banisse  
Iean.*



*Iudaïque  
meschaceté.  
Arcade com-  
mande à  
Iean de sor-  
tir.*

*L'Ange de  
l'Eglise.*

*Departemēt  
de Iean  
hors Costan-  
tinople.*

*Remonstran-  
ces dernie-  
res qu'il fit  
aux Eues-  
ques & à  
ses amis.*

*Il prend cō-  
gé de sain-  
te Olympie  
de, & ses  
religieuses.*

Le iour de la Pentecoste venu, les Euesques de rechef vindrent à l'Empereur, luy tenans ces propos: L'administration des affaires humaines t'est commise de Dieu, mais la procuracion & charge des choses Ecclesiastiques nous est donnee d'iceluy. Parquoy ne vucilles imaginer que tu sois plus sacré que les prestres, ou plus droict & iuste ou plus equitable que les canons: mais laisse le soing & la sollicitude de ces choses à nous qui sommes Euesques de Dieu: Car nous t'auôs dit par cy deuant, & de rechef nous te disons & repetôs de present, que la condamnation de Iean doit tôber sur nos testes Parquoy il fault que tu te gardes, que pour defendre vn seul hôme, tu ne perdes vne tresgrande multitude. Ces propos tenus en ceste sorte, l'Empereur hastiuement enuoya aduertir l'Archeuesque que ses accusateurs pour le iugement qu'ils auoyent fait de luy quel qu'il fut, & sentèce qu'ils auoyent dōnee de sa condānation, auoyent voué par serment qu'ils vouloyent que s'il en deuoit venir du mal, qu'il tôbast sur leurs testes. Parquoy ie te prie, dit-il, qu'ayant commis ta cause entre les mains de Dieu, tu sores de la ville: Mais que veult dire cecy, ô homme tres-inconstant & leger, mal propre, & tres-mal aduisé pour auoir aucun gouuernement? Où est ce soing que tu soulois auoir au parauant, ce zeile & ardeur lequel tu monstras quād tu appellas ce grad personnage, & le fis venir de la ville d'Antioche, & luy baillas la charge & gouuernement de l'Eglise de Iesus-Christ? Duquel non seulement tu as assez esprouué la doctrine, mais aussi la vertu tres-copieuse? Cōdamnes tu donc Iean en exil ce grand personnage, celui qui estoit tant aymé de ton cuer, le chasses, apres l'auoir tant temerairement iecté hors de son Eglise, rendant l'Eglise de Iesus-Christ vefue de son gouuerneur? Auquel ainsi que dit le diuin Paul, tout le monde n'est digne d'estre accomparaigé: Mais par aduētūre que la femme t'a seduict, & par son beau langage ayāt chatouillé tes oreilles faciles à tous rapports, t'a deceu d'une miserable sorte. Car ainsi qu'Eue par le serpent, apporta la poison au premier autheur du genre humain: ainsi par la sodalite & aliance de ces bons Euesques, ceste-cy secretement t'a empoisonné. Or ce bon personnage Chrysostome ayant entendu ce mandement, ne degenera aucunement de sa vertu, mais d'auantage monstra qu'il estoit vaillant. Car estant entré au diuin sacraire avec les Euesques de sa compagnie, apres auoir recommandé à l'Ange de l'Eglise ce qui estoit necessaire, & remonsté aux assistans ce qui estoit conuenable, il les admonnesta de maintenir constamment la foy: puis aduifa à part soy comment il sortiroit de la ville sans tumulte. Car ia s'assembloit la multitude, laquelle n'eust en sorte quelcōque permis estre rendue orpheline d'un tel personnage. Il commanda donc que sa iument sur laquelle il deuoit mōter, fust menee par la porte Occidentale, & luy sortit par celle d'Orient. Et ainsi que les Euesques & sacrificeurs abordoyent vers luy plourans & gemissans, il les admonnesta de n'affliger d'auantage son esprit, mais qu'ils tournassent à bien les choses presentes, & ne s'escartassent de leurs Eglises: les enseignant qu'il falloitt acquerir le Royaume du ciel par beaucoup de tribulatiōs. Et là quelcun recueillant ces paroles: Mais, dit-il, si nous demourons aux magistrats & offices des Eglises, il nous sera necessaire de cōmunier avec l'Eglise qui t'est aduersaire, & que nous nous accordiōs à ta cōdamnation: Mais ce bon seigneur pensant quelque chose plus grande, que l'esprit de l'homme ne pouuoit comprendre, pour retrencher l'occasion des schismes & diuisions en l'Eglise, respondit de voix vn peu plus basse: Ie vous conseille d'accorder la communion avec mes aduersaires: mais ie ne vous permetes de sousscrire à ma deposition & abrogation: Car ie ne me sens coupable de chose aucune, pour laquelle ie sois digne de condamnation. Ces choses dictes il entra au sacré Baptistere. De là venu vers sainte Olympiade, & celles de sa cōpagnie, menantes vn grand dueil pour son departemēt, & pour ce qu'elles voyoyent que d'ores en auāt elles seroyent orphelines de luy, il les consola, & leur predict qu'il ne les verroit plus. Et entre autres propos assemblez & congrez l'un sur l'autre, pour la haste qu'il auoit, pour conclusion il leur dit: Pour la chose derniere que ie requiers de vous, ie vous prie ne relascher rien de la foy, & de vostre assidue diligence au temple de Dieu, auquel vous demeurez. Et d'autant que l'Eglise ne sera

ne sera du tout sans Euesque, quiconque montera en ce siege, obeïsses luy, & luy courbez vos testtes, non moins qu'à moy-mesme : ayez aussi souuenance de ma dilection en vos oraisons & prieres. Ayant tenu ces paroles, il sortit par la porte Orientale : ne se plaignant d'autre chose, sinon qu'iniquement contre les loix il estoit chassé par force, à sçauoir en ce que iustice luy estoit deniee, qui toutefois estoit octroyee aux adulteres, homicides & tous malfaisans. Orayant esté mené iusques à la mer, monta en vne petite barque, & passa en Bithynie, luy qui estoit vne mer d'vne sagesse inespurable : & de là poursuyuit son chemin encommencé iusques à vne petite villette d'Armenie, assise es fins de l'Empire Romain, à la bouche du Pont, en vn grand desert (ô vengeance & loy de Dieu!) & par lettres Imperiales fut condamné d'habiter en ce lieu. Cucuse est le nom vulgaire de ceste villette. Sur ces entrefaites la troupe de ses insidiateurs pensant à part soy que si le peuple de Dieu qui estoit en l'Eglise estoit aduertý de ce fait, de rechef le suyuroit, & le prédroit par force, ensemble luy persuaderoit de retourner : preuenans les vns les autres à qui plustost, fermerent les portes de l'Eglise. Mais apres que ceux qui se promenoýent aux places & qui estoient hors du temple à l'environ d'iceluy, congneurent l'affaire, partie se hastèrent le plus hastiement qu'ils pouuoient venir à la mer, esperans prendre ce bon pasteur : partie esmeuë de crainte s'enfuirent, redoutans la sedition & le grand nombre, ensemble l'ire de l'Empereur. Quant à ceux qui s'estoyent mis à la garde du temple, tant qu'ils pouuoient de plus en plus bouschoyent les issues & sorties d'iceluy, esquelles la multitude s'abordoit se poulsans & renuersans les vns les autres pour sortir. Et ne peurent tant ces gardes resister, que les troupes du peuple poulsans par derriere les portes de grande impetuolité, & les brisans avec grosses pierres, ne les fissent par force & violence ouurir : & lors le peuple à grand' foule courut à la mer, mais ne l'ayant peu attaindre là, voyans que de grande vistesse il alloit sur la mer fendant les ondes, & que là y auoit des gens armez de la cohorte Imperiale, prests, lesquels par toutes manieres & tous efforts arrestoyent l'impetuolité & fureur de ce monde esmeu : iceux, comme en vn affaire desesperé, desiroient plustost perdre leur vie que leur pasteur : & apres qu'ils eurent bien douloureusement desploré leur perte & departement de ce bon pasteur, & comme debatü d'abondance de leurs larmes avec les flots de la mer, dolents & plorans, suyans la nasselle de veuë tant qu'elle pouuoit porter, à la fin bien à grand regret sont retournéz en la ville, avec vn tel dueil que iamais homme n'a ne veu, n'ouy depuis cent ans.

*Ieã se p...ne  
de ce que  
mescham-  
ment le iu-  
gement luy  
a esté denié.*

*Iean condā-  
né d'aller à  
Cucuse en  
exil.*

*Crainte mu-  
ltitueuse  
du peuple.*

*Le peuple  
accourt à la  
mer.*

*Des meurtriers subornez pour mettre à mort saint Iean Chrysostome, & du feu par vengeance diuine enuoyé du ciel dedans l'Eglise & l'hostel Imperial.*

CHAP. XXI.



Or peu s'en est il falu que troublé de dueil ie n'aye passé ce qui est aduenü peu auant le departement de Iean, ou plustost lors qu'il deuoit partir, donnant certain argument & manifeste indice, tant de la malice & iniquité de ces meschans, que de la sollicitude & pouruoyance que Dieu auoit sur ce grand personnage : Car pour ce qu'il falloit qu'apres autres forfaitcs ce maling conciliabule perpetrast quelque meurtre, ces beaux Euesques subornerent le seruiteur d'vn prestre nommé Elpidie, & luy garnissans la main de cinquante escus d'or, luy donnerent charge d'aller tuer ce saint personnage, lequel d'autant qu'il couroit roidement vers l'hostel Episcopal, quelcun qui de cas fortuit le rencōtra en son chemin, l'interrogea pourquoy tant il se hastoit, & le retint tant qu'il peult : mais ce mal-heureux soudain sans donner aucune responce, le transperça de son espee : puis coupa le gosier à vn autre, lequel s'estoit escrié à ce premier coup meurtrier. Voire il passa d'outre en outre vn autre troisieme. Et comme souuent se fait en tel cas, le bruit & clameur fut grande, toutefois il se sauua violement à la fuite : & ainsi que plusieurs le poursuyuoient & par criemens & signes denonçoient que ce meurtrier fust arresté, voicy vn homme sortant des baings apres s'estre lauë, de cas fortuit le rencontra, & le print. Mais soudain cestuy-cy ainsi que les autres fut frappé d'vne dague, & tomba roide mort sur la place. Toutesfois apres que fuyant d'vn costé & d'autre il fut environné de la multitude, on l'apprehenda, & fut par elle mené en l'hostel Imperial : laquelle multitude requit que punition fust faite tant d'iceluy meurtrier qui estoit l'vn des haineurs de Iean, que de ceux qui l'auoyent esmeu de perpetrer vne si grande meschanceré. Alors le preuost de l'hostel print cest homme prisonnier, pour en faire punition, & appaisa la clameur du peuple. Vn autre pareillement feignant estre agité du diable, tenant en sa main vn poignart, s'appresta pour tuer ce saint personnage : mais saisi auant que d'auoit commis ce forfait, comme suborné par quelque recōpense à ce faire, fut aussi mené au preuost : Et auant qu'on le mist à la torture, Iean enuoyant les Euesques de sa compagnie, le deliura du supplice, d'autant qu'il disoit qu'il ne vouloit que aucune personne endurast à cause de luy. Aduint aussi vne autre chose, laquelle vrayement fut vn fait de la pouruoyance diuine, mais sembla estre à cause de son ministre : lequel, comme

*Vn meur-  
trier subor-  
né pour tuer  
s. Ieã Chry-  
stome,*

*Iean prie  
pour luy.*

HH

*embrasement de l'Eglise, & de la salle du senat, lors que Jean alloit en exil.*  
*Soc. l. 6. c. 18.*  
*Soz. li. 8.*  
*chap. 22.*

ie pourray i'exposeray, pour la terreur & espouuement des hommes precipitamment hardis & temeraires. Ce mesme iour que ceste grande estoille de l'Eglise, comme se couchant, s'en alla en exil, vn feu n'estant ietté d'aucune personne, sortit du milieu du siege, auquel ceste lumiere de doctrine assise auoit esclairé, & tout à coup se monstrant, le long des chaines sacrees grimpa à mont à la voulte, & saisit l'Eglise de toutes parts, & l'embrasant toute, la mages: puis apres ayant aussi consumé le toict, se tournant vers le dos de l'Eglise, recueilly d'un grand vent impetueux assaillit la court du senat prochaine du costé de midy, encore qu'elle fust assise assez loing de là. On pouuoit alors veoir vn œuvre diuin & chose tres-merueilleuse: Car la flamme, comme si elle eust eu entendement, sautant par dessus laissa les bastimens qui estoient au milieu sans les toucher, afin qu'on ne pensast point, que si elle eust gasté les choses proches, c'eust esté vn fait humain. Vn si grand ouurage & qui auoit duré tant long temps, construit de matiere tres-precieuse, mais encore ayant vne forme plus belle, étant basti d'un merueilleux artifice, fut du tout brulé & consumé en trois heures. Toutesfois cōbien que ce feu & embrasement, rampast par tout & consumast tous les edifices de l'environ, il ne fit aucun mal au lieu où reposoyent les vaisseaux sacrez. Ce que i'estime n'auoir esté fait sinon diuinement, à ce qu'occasion ne fust donnée aux calomniateurs de dresser des calomnies & murmures pour la perte des choses sacrees, & pour ce reprendre ce saint personnage. La flamme laquelle sur le poinct de la nuit auoit commencé à degaster tout, dura iusques à l'aube du iour & d'auantage, auquel temps elle occupa & brula la matiere qui restoit encore.

*La persecution qu'endurerent ceux qui fauoriserent à saint Jean chrysostome: & comme pour son exil & bannissement iniuste l'Eglise fut diuisée.*

CHAP. XII.

*Impieté des hommes.*

*Les fauoris de Jean enuoyez en exil.*



Lors les hommes malings, au lieu de coniecturer & entendre par ce signe ce qui estoit raisonnable, prindrent plustost occasion d'accuser les fauoris de Jean: en sorte qu'ils les tourmenterent & affligerent griefuement, comme s'ils eussent par vengeance suscité cest embrasement: & prindrent & garoterent estroitement plusieurs Euesques, prestres & clerics, & autres en grand nombre qui suyuoient le party de Jean, & estoient sortis de la ville avec luy, puis les menerent prisonniers en Chalcedon. D'autres se promenoient parmy la ville. Que si quelcun leur estoit monstré des fauoris de Jean, ils le rauissoient hastiuement, & le logeoient en prison,

*Aucuns Ioannites s'enfuyrent aux solitudes.*

& le contraignoient d'abhorrer & maudire ce saint personnage. Ils escarterent d'autres qui hâyssoient l'Eglise des malueuillans, & les mâtterent par exils, confiscations de biens, tueries & diuers tourmens: à sçauoir les Euesques, sacrificateurs, & sectateurs de la philosophie monastique. Aussi estoit il raisonnable puis que le bon pasteur estoit liuré entre les mains des meschans que les brebis fussent esgarees, & faites participantes de mesmes miseres avec leur maistre. Parquoy les vns remplirent les prochaines prisons, les autres enuoyez aux isles loingtaines passerent & trauerserent la grande mer, pour habiter les lieux aspres & difficiles, apres auoir premierement enduré plusieurs tourmens. Mais quelle harague pourra, voire en paroles tragiques, exposer les aduersitez qu'ils endurerent par les chemins? Car estans mis entre les mains de tres-meschans hommes, ils furent d'iceux cruellement & inhumainement traictez, qui ne leur pardonnerent en chose quelconque: en sorte que sans aucune pitié & cōsideration aucune furent ainsi traictez par tous les chemins. D'autres tous nuds sans aucun simple mantelet furent iettez sur les mulets ainsi que des bats, pendant la teste contre bas, non autrement que des victimes & bestes pour sacrifier. Quelles paroles pourroyent suffisamment exprimer le mespris, les conuices, brocards, moqueries, calomnies & maudissions, lesquelles penetrent griefuement l'esprit, ou les coups descourgees redoublez, lesquels faisoient plus souhaiter la mort que la vie? Et à ce que ces gēs execrables prissent leur plaisir & passetemps à la honte & infamie de ceux qu'ils traينوient, ils les enfermoyent aux bordeaux, & autres domiciles tres-sales, ne les voulans loger aux maisons honnestes. Ce que toutefois ces bons personnages estimet de peu de cōsequence, & quasi rien, au prix que d'estre separez de la compagnie de Jean. Que si aucuns d'entre eux se peurent eschapper de leurs mains, toutefois ne laisserent ils de se donner peine eux mesmes, d'autant qu'ils se condamnoient d'habiter es lieux solitaires, & non frequentez des hommes: Car ils aimoyent mieux demourer avec les bestes sauages, qu'avec des hōmes tant agrestes & cruels. Les Euesques d'Europe detesterent grandement ceste iniure & iniquité: en signe dequoy ils l'escarterent à part de la communion de ceux qui auoyent commis ces meschancetez. Aussi plusieurs d'Illyrie, & grand nōbre d'Euesques Oriētaux suyuirent la faction de Jean, lesquels toutefois ne diuiserent le corps de l'Eglise. Pareillement apres le decés de ce saint Pere, les Euesques d'Occident ne receurent à leur cōmunion ceux d'Egypte, Orient, Bosphore & Thrace, que premierement le nom de ce saint personnage ne fust mis au catalogue des Euesques trespasssez.

Voire



Voire ne daignerent seulement appeller Arface successeur d'iceluy : & ne receurent Atticà la communion, qui fut substitué à Arface, & leur enuoya plusieurs ambassades, & s'efforça souuēt avec pacification se reconcilier à eux : sinon long temps apres, lors à sçauoir qu'il eut aux tables sacrees couché par escript le nom de ce grand personnage, ainsi que nous dirôs consequemēt.

*De Tigrie, prestre, & Eutrope lecteur: & de la vision laquelle à cause de luy fut  
presensee à Sisinie, ainsi qu'il sommeilloit.*

CHAP. XXIII.



Vrant ce temps le gouuerneur de la ville nommé Optatus, ayant excité *Cruauté du*  
vn tref-grand tumulte, à cause qu'il veoit que d'ores en auant le peuple *gouuerneur*  
se tenant quoy n'esmouueroit aucune sedition, mit en deliberation pu- *contre les*  
bliquement, luy assis en son siege, la question de cest embrasement, & de *Ioannistes,*  
la salle de la cour du parlement qui auoit esté bruslee, & sous ce pre- *touchant*  
texte gehenna griefuement plusieurs personnes: Car pour ce qu'il faisoit *cest embra-*  
profession de la superstition Grecque, il prenoit plaisir en nos maux, & *sement.*  
se mocquoit des troubles Ecclesiastiques, s'esjouissant de ceste aduentu-  
re. Parquoy il faist par corps vn prestre nommé Tigrie, & l'ayant des-

pouillé de ses habillemens, le fit tout nud foetter d'escourgees; & bourrela tant cest homme, *Tigrie eunu*  
que les ioinctures de ses membres se desmirent de leurs places: Car luy ayant fait estroitement *que prestre*  
serrer les pieds & les mains, le fit tendre & tirer de la plus grande violence qu'il peut. Or ce Ti- *griefuement*  
grie fut de nation Barbare, & chastré, non de sa natiuité. Et pour autant qu'en la maison de son *tourmenté.*

maistre il auoit fait plein deuoir, ainsi qu'il estoit tenu, de le seruir, il emporta vne plus grande  
louange, que ne promet la capacité de seruiteur. Parquoy la liberté luy estant dōnée, long tēps  
apres pour l'humanité & modestie de ses meurs, fut esleué à la dignité sacerdotale. Aussi estoit  
il grandement moderé, insigne en sa vie, iuste & equitable: cōmode, si quelcun le pouuoit estre,  
aux malades & indigens, fort bening aux hostes qui venoyent loger chez luy. Apres luy on  
emmena le lecteur Eutrope, accusé par quelques faux r'apporteurs d'estre vn boutefeu. Et pre-  
mierement il fut serré aux ceps, puis tiré & gehenné souuent, apres avec bastons & massuēs ses  
os furent brisez, de là on luy dechiqueta les membres, les costez & les machoueres avec des  
peignes de fer: & pour le dernier tourment, il endura le feu, allumé aux parties inferieures de  
son corps. Et comme on ne peut rien tirer de sa confession, apres tous les tourmens susdicts, il  
fut enfermē en prison, ainsi cruellement traicté encore qu'il fut ieune de corpulence assez deli-  
cate. En ce lieu, la pourriture s'estant accueillie à ses membres, faulte d'estre pensē, en brieif il fi-  
nist sa vie. Et vrayement ce ne me sera chose griefue, inserer à ceste histoire le songe qui aduint  
d'iceluy. Ainsi que Sisinie Euesque dormoit, il luy sembla qu'un homme d'illustre forme & hau- *Sage de Sisi-*  
teur, habillé honnestement, d'assez modeste contenance assistoit au saint autel du sacrifice du *nie Euesque*  
temple, lequel est dedié à saint Estienne le premier martyr. Estant donc en cest estonnement *Novatien,*  
d'esprit, il congneut quel il estoit, d'autant qu'il luy sembloit auoir cheminé par toute la ville, *touchant Eu-*  
& n'auoir trouué aucunes gens de bonne vie: & qu'en vne si grande indigence de gens de biē *tropsa en*  
il trouuoit Eutrope estre seul excellent. Sisinie estonné excessiuelement de ceste vision, pour la *prison.*  
nouueauté de ceste chose, hastiuelement se leua: & exposa son songe à quelque prestre qui estoit  
sous luy, & luy commanda de chercher par toute la ville, & s'enquerir à sçauoir s'il y auoit vn  
Eutrope quelque part. Alors ce prestre induict par quelque coniecture, dit soudain que c'estoit  
celuy lequel n'aguere on disoit auoir constamment enduré les tourmens que luy auoit fait le  
gouuerneur, l'ayant tref-long temps tenu en la question. Puis s'estant diligemment enquestē en  
la prison mesme, si quelcun estoit là appellé Eutrope, il le trouua en ce lieu, & parla avec luy, &  
luy ayant raconté en plorant le songe de Sisinie, le supplia qu'il priaist Dieu pour luy. Ces cho-  
ses aduindrent à Eutrope & Tigrie.

*De l'heureuse & sainte Olympiade, ministre du grand temple de constantinople, ensemble  
une singuliere commemoration des choses qu'elles a faictes.*

CHAP. XXIII.



Vrant ces calamitez Ecclesiastiques, l'heureuse Olympias monstra vn illustre *De sainte*  
tesmoignage de courage viril. Ceste bonne dame estoit diaconisse, assez con- *Olympiade*  
gneue & renommee seulement à son nom. Et vrayement ie ferois iniure à ceste *diaconisse.*  
histoire, si ie ne racontois aussi ses actes, veu que par deux fois nous auons fait  
mention d'icelle. Il faut donc que nous relaschions vn peu nostre discours, à ce  
que nous prenions plaisir en ses vertus. Quant à sa race, elle estoit issue de parēs  
excellens, elle ne manquoit parcelllement en richesses, beauté de visage, & autres ornemens de

H h h ij

sa vie. Elle fut espousee à vn mary, toutefois elle ne fut du tout priuee du Celibat de virginité: Car ayant passé vingt mois en mariage, la mort luy ayant osté son mary, encore qu'elle fut de tel aage, qu'elle peust honnestement s'allier aux secondes nopces, toutefois elle ayma mieux embrasser la pudicité, & perseverer en icelle par toute sa vie. Parquoy nonobstant que l'Empereur l'allichast au mariage de ses cousins, & luy presentast plusieurs recompenses & honneurs convenables, neantmoins elle s'arresta de suyure par tous moyens la maniere de philosopher selon les ordonnances de l'Eglise, reiettant tous delices & iugeant qu'ils n'estoyent propres aux femmes excellentes en noblesse. S'estant donc addonnée à l'abstinence des viandes, & du dormir, & autres grossieres affections & passions de ceste matiere caduque, tant diligemment exerça son corps, qu'elle en vfa comme d'un vassal, non comme d'un insidiateur: & non seulement garda la pudicité quant à l'atouchement de quelques sens, mais aussi l'arresta en son esprit. Et pour autant qu'elle auoit des grandes richesses, premierement ainsi que la fortune l'offroit, elle les distribuoit à tous ceux qui en demandoient. Mais l'insigne lumiere de l'Eglise l'ayant ap-

*Iean luy remonstre qu'il y a moye de donner aux pauvres.* perceuë ainsi faire (car Nestaire l'auoit esleuë diaconisse) Je m'esbahy vrayement, dit-il, ô femme, de ton conseil & maniere de faire touchant ces choses vaines, si est-ce qu'il fault tenir ce moyen de dispenser & distribuer, lequel tend à la cime de parfaite vertu: Car de ce que tu distribues ta substance à ceux qui ont du bien, tu sembles porter l'eau en la mer, & prester seulement. Or puis que de ton plein vouloir tu as cedé tes biens à Dieu, & renoncé au domaine & possession d'iceux, il te conuient sagement regarder, que d'ores en auant tu les gouvernes comme appartenans à Dieu, & les dispenses mieux, & avec plus grande equité, & que tu saches que tu es obligee d'en rendre compte, si d'iceux quelque chose soit faite outre raison. Parquoy si tu me veux croire, tu mesureras ta largesse selon l'indigence de ceux qui te demanderont: Car par ce moyen plus grand nombre de personnes en sera soulagé, & tu garderas la misericorde, ensemble la sollicitude de bien dispenser, laquelle il faut auoir en la distribution des biens dediez à

*L'aumosne arrestee est du droit diuin.* Dieu, & receuras de ce fait recompense & grace cōuenable. Depuis ce temps elle delibera n'employer les deniers & richesses, sinon au soulagement des saints, & vsoit de grande liberalité enuers les amateurs de vertu, vſant avec gayeté de largesse cōuenable. Entre les autres qu'elle receut benignement & liberalement pour son excellente hospitalité, elle monstra sa magnanimité principalement enuers Theophile, l'estimât estre cher & aimé de Dieu: encore qu'elle ne peut eschapper sa mauuaise langue, & les contumelies d'icelle: pour ce qu'elle auoit logé Ammonie & Isidore bons personnages, & craignans Dieu, ausquels elle fit beaucoup de biens. Et nonobstant qu'elle honorast tous ceux qui viuoyent saintement selon Dieu, & s'employast de grand courage à leur seruice, toutesfois elle s'addonna sur tous à saint Iean Chrysostome, & luy fut familiere, despendant du tout de sa volonté & de sa parole, luy preparant ses habillemens, & sa viande non pas grossiere, mais telle qu'à vn tel personnage appartenoit, & luy seruoit & ministroit en toutes choses & le suyuoit aucunement ainsi qu'une autre Thecle, saint & Paul. Or ceste

*Elle est une autre Thecle.* bonne dame sous le pretexte de ce bruslement qui auoit esté fait, fut pour lors amenee & presentee deuant le siege du gouverneur. Et ainsi qu'il l'interrogeoit pour quelle cause elle auoit mis le feu en l'Eglise des Chrestiens: d'un esprit posé & rassis, & d'une grauité honneste: Ceste n'est pas, dit-elle, la reigle de ma vie. Car ainsi que tu congnois toy-mesme, j'ay employé presque toute ma substance, qui n'estoit pas petite, au bastiment & structure des sacrez temples. Et comme il signifa assez obscurément qu'il scauoit quelle estoit sa vie: Olympias luy dit, laisse donc l'office de iuge, & prens la personne d'accusateur, & qu'on nous baille vn autre iuge. Voyant donc le gouverneur qu'il ne pouuoit par tesmoignages prouuer le crime qu'il luy obiectoît, & ne la conuaincre legitiment, ne faisant semblant de rien, changea de propos. Et

*Elle reiecte son iuge cōme suspect.* comme s'il eust prins la place d'un conseiller, il la reprint de l'amitié qu'elle portoit à S. Iean, & de ce que pour ceste cause elle ne receuoit la communion de l'Eglise, veu qu'il luy estoit facile sans aucun trauail ou moleste estre deliuree, si elle se vouloit recongnoistre. Mais ceste heureuse dame respondit, qu'il n'estoit raisonnable que celle laquelle par enuie & calomnie on auoit accusée publiquement, & ne pouuoit en iugement estre conuaincue, passast à vn autre propos, & respondist à vne chose laquelle ne seroit venue en iugement. Que si tu veux, dit-elle, qu'ainsi ie face, commande donc que ie produise mes aduocats, pour respondre aux crimes lesquels de

*On ne luy peut persuader qu'elle suive les persecuteurs de Iean.* nouveau me sont intentez: Car si tu me veux contraindre que contre les loix ie me face participante de la communion laquelle m'est prohibee, saches que ie ne feray ce qui n'est licite faire à ceux qui ont arresté de viure saintement. Le gouverneur ayant entendu qu'elle ne pouuoit estre persuadée de communier avec l'Eglise: bien est vray que pour ceste heure il luy permit chercher des aduocats. Toutesfois l'ayant citee au iugement en vn autre temps, il la iugea & condamna à vne grosse somme d'or: luy pensant pour ceste cause faire changer de propos. Mais elle ne tint conte de ceste taxe, & ne relascha rien de son propos & opinion. Par-

*Bannissement d'icelle en Nicomedie.* quoy elle abandonna Constantinople, & se retira en Cyzic pour viure en ce lieu. Depuis elle fut condamnée aller en exil en Nicomedie ville de Bithynie. Ce pendant abondamment elle soulageoit & fournissoit à Saint Iean Chrysostome de toutes choses necessaires, en sorte que

que de ceste liberalité il releuoit la pauureté de plusieurs personnes, & rachetoit grand nombre de Chrestiens de la captiuité des Isauriens. Ayant en ce lieu passé plusieurs années, & soustenu plusieurs tempestes de tentations & diuerses afflictions, pour l'entier amour qu'elle portoit à Dieu, elle receut à la fin la couronne de patience. Quant au monastere qu'elle auoit basti en Constantinople, elle le laissa à sa cousine Marine, luy commandant inuiolablement garder la loy & reigle de ce monastere. Or estoit il basti pres le premier tēple de sainte Paix & sainte Sophie, & dura iusques à la sedition qui fut appelée Nica, c'est à dire Surmonte. Mais lors que le temple de Sapience fut brulé, il fut aussi embrasé: toutesfoi long temps apres ce grand temple restitué & rebast, ce monastere receut sa premiere beauté, & fut remis en sa premiere dignité, lors que Sergia y presidoit, laquelle laissa par escript la vie de ceste heureuse femme, en laquelle elle recite ce qui s'ensuit, bien digne d'estre ouy, à sçauoir qu'apres qu'en Nicomedie fut trespassée sainte Olympias, icelle auant qu'elle fust mise en terre commanda à l'Euesque de Nicomedie qui estoit pour lors, ainsi qu'il sommeilloit, qu'ayant mis ses venerables reliques & enfermées en vn coffre, il les ietast à la haulte mer, & qu'en quelque lieu que ce coffre tireroit & s'arresteroit, là elle fust enseuelie. Ce qui fut fait par l'Euesque, & le coffre fut apporté en vn port de mer, où est située vne chapelle de saint Thomas, l'Apostre, appelée par les habitans de ce lieu Brochti. Là ceux qui habitent ceste region, admonnestez par vition diuine, reposerent les sacrees reliques d'icelle au plus digne autel du sacrifice: lesquelles Dieu a honnorees guarissant innumerables maladies, chassant les diables, & faisant autres prodiges, lesquels en ce lieu ont esté mōstrez, surpassans toute opinion d'homme. Il est aussi remerqué par memoire, que lors que par vne course d'ennemis le temple de cest Apostre fut brulé, le coffre auquel estoient ces reliques fut consumé par feu, & icelles iettees en la mer, qui baroit le proche riuage. Et qu'en ce lieu où elles s'arrestèrent, l'eau se monstra sanglante. Dieu à sçauoir donnant tesmōignage de la confession de ceste martyre. Et que Sergie qui lors estoit patriarche, enuoya Iean prestre en ceste part, lequel amassa les os sacrez de ceste sainte dame, & les apporta au monastere, qu'icelle (ainsi qu'est dict cy dessus) auoit fait bastir entre les deux temples de sainte Sophie & sainte Paix. Ce prestre assura, que quand il cueilloit ces reliques, il veid vne grande abondance de sang sur icelles bouillonner, en sorte que d'iceluy sa robe en auoit esté atteinte, & le sang s'en estoit decoulé. Ces choses mesmes furent veues par vn autre. Et ainsi que plusieurs personnes y abordoyent, plusieurs guarisons merueilleuses furent faites, & plusieurs diables iettez hors des corps: desquels l'un occupant le talon d'une femme, fut chassé. Cecy suffira touchant l'heureuse Olympias.

*Trespas de ceste bonne dame.*

*Elle laissa son monastere à Marine sa cousine.*

*Vertu des reliques.*

*Miracle.*

*Reliques d'icelle apportees en Constantinople.*

*Miracles qui se faisoient pres son sepulchre.*

*De la vie & conuersation de sainte Nicarete, de Nicomedie.*

CHAP. XXV.



En ce temps estoient encore plusieurs autres bonnes dames, qui taschoyēt à viure de mesme maniere comme Olympias, brullantes de mesme charité enuers ce grand pere saint Iean Chrysostome: desquelles l'une fut gē. c'est. bonne & sainte, à sçauoir Nicarete de Bithynie, issue de tres-nobles parens en Nicomedie. En sa race elle estoit fort illustre, mais d'auantage fut elle celebre en sa perpetuelle virginité, & plusieurs autres vertus durant sa vie. Elle auoit du tout reietté l'arrogance, & principalement estoit eminente en humilité, entre celles qui s'addonnoyent à mesme chose qu'elle. Elle estoit bien reiglee en ses meurs, paroles, & vie quotidienne.

Iusques à la mort elle postposa les choses humaines aux diuines. Elle fut aussi duiete & dressée à la vertu de constance & force, & facilement porta les difficultez des choses de ce monde. Et ne se fascha nonobstant que plusieurs richesses luy fussent ostées: voire de si peu, qu'il luy en restoit elle en vsa à sa necessité, le dispensant par bon ordre: & encore qu'elle fut paruenue iusques à vne vieillesse assez caduque, ne laissa d'en distribuer liberalement aux autres. Et comme elle estoit propre & nette, de grande promptitude elle composoit des souverains remedes commodes à plusieurs maladies, lesquels elle distribuoit aux malades, qui ne pouuoient estre aydez des medecins ordinaires. Et par speciale grace diuine, quelque chose qu'elle entreprint, elle en venoit à bonne fin. Et à ce que ie die en brief, entre toutes les femmes qui ont esté louees entre nous pour leurs vertus, on n'en eut peu trouuer vne autre semblable en meurs, ou plus excellente en sainteté, & autres vertus qu'elle. Et neantmoins qu'elle fut telle, elle estoit toutefois congneue de peu de personnes: Car pour la modestie de ses meurs, & affection de mediocrité, principalement elle print peine d'estre celee, en sorte qu'elle ne voulut recevoir l'honneur de diaconisse, ne gouverner la compagnie des vierges sacrees, encore que à ce, saint Ieā, patriarche, souuent l'ait admonnestee & incitée. Telle fut Nicarete, bien correspondante à son nom. Mais il faut que nostre stil & discours retourne au surplus de nostre hystoire.

*Parfaict exemple de viure.*

*Nicarete doit estre en medecine.*

# LIVRE XIII. DE L'HIST. ECCLESIASTIQUE

*Du voyage de S. Jean Chrysostome au lieu nommé Cucuse: & de l'Euesque Adelphie, & de l'admirable vision laquelle il veid d'iceluy. Chap. XXVI.*

*Iean publie  
& multi-  
plie le Chri-  
stianisme,  
en exil.*



Un vaillant defendeur de la verité fut emmené en Cucuse, bourg d'Armenie, au temps que les Isauriens en grandes troupes faisoient des courses par tout ce pays. Ce que i'estime auoir esté fait tout à propos, à fin qu'il tombast entre les mains de gens encore plus cruels, que ceux qui l'auoyent conduict iusques à ce lieu. Toutesfois la diuine pouruoyance auoit ce disposé pour autre fin, à sçauoir à ce que ceux qui n'auoyent veu la lumiere de verité, y fussent par luy menez comme par la main. Ce qui aduint: Car par sa doctrine & actes merueilleux il gaigna en ce lieu plusieurs peuples, ordonnant là des Euesques & leur enseignant les saintes

*Adelphie,  
lors qu'il e-  
stoit aus-  
sue d'Ara-  
bisse, s'inter-  
rogea quel  
lieu S. Iean  
auoit au  
ciel.*

escriptions. Voire mesme Adelphie, Euesque d'Arabisse, le recueillit, admonesté par vision diuine, pres de la ville de Cucuse. On dit aussi de luy qu'apres le decés de Iean, lors qu'il estoit en grand' tristesse, il pria Dieu qu'il luy signifiait de quel lieu & siege il l'auoit honoré. Et ainsi qu'il estoit rauy en esprit, il veid tout à l'entour d'un costé & d'autre tous les saints par ordre assemblez, & neantmoins ne l'aduifa en leur compagnie. Dequoy contristé, il veid luy assister un Ange, lequel luy osta sa fascherie, & luy dit que Dieu auoit donné à saint Iean un autre siege plus pres de soy, & l'auoit recompensé d'un honneur plus excellent, à ce qu'il louast Dieu avec ses anges, & qu'il n'estoit permis à plusieurs regarder ceste mansion. Parquoy, fors dit-il, & laisse ceste angoisse d'esprit qui te tourmente: Car de ce que tu ne le vois point, ce n'est pas à dire qu'il n'y soit, mais plustost qu'il est par dessus plusieurs, qui est un enseigne d'honneur excellent. Cestuy donc Adelphine, comme nous auons dict, receut saint Iean Chrysostome ce pendant qu'il viuoit. Mais ce qui luy aduint sur le chemin, c'est une autre tragedie, ou plustost du tout une liade de maux, comme lon dit, c'est à dire une infinité de miseres. Aussi combien il ait combattu contre plusieurs aduersitez, nul ne le peut plus plaifamment ou vrayement raconter que luy-mesme: veu qu'ainsi qu'il estoit raisonnable, luy qui est la langue doree, a exposé ses maux & afflictions: Car escriuant incontinent de Nice à Constantie, prestre, il les luy signifie, par les paroles suyuantes.

*Epistre de saint Iean Chrysostome pour les Eglises de Dieu, & singuliere narration de son exil.  
CHAP. XXVII.*

*Lettres de  
Iean à Con-  
stance pre-  
stre.*



*On ne doit  
flechir pour  
les afflictions  
presentes.*

Comme ie deuois partir de Nice, le quatriesme iour du mois de Iuillet, i'ay adressé ces lettres à ta pieté, t'admonestant à ce à quoy ie n'ay iamais cessé de t'exhorter: à sçauoir qu'encore que plus griesues tempestes, & plus terribles flots de tribulations, que celuy d'à present, te menassent, tu n'obmettes rien de ce qui est de ton office, que tu ne l'accomplisses en ceste administration que tu as entreprinse dès le commencement, i'entens l'extermination de la superstition Grecque, les edifications des Eglises, & le soing des ames. Je te prie que la difficulté des affaires presentes ne te rende abbatu ou couard, ou nonchallant, veu que le pilot, encore qu'il voye la mer s'enfler & courroucer, ne sort pourtant de son gouuernail: le medecin aussi lors qu'il void le malade saisi & tourmenté de sa maladie, ne laisse de trauailler à la curatiop: mais alors principalement l'un & l'autre employe son art & promptitude. Que les maux presens ne te rendent subiect à paresse, considéré que nous ne rendrons conte des calamitez qui nous sont faites, mais plustost nous receurons recompense. Si nous n'employons toutes nos forces à l'utilité de l'Eglise, mais sommes lasches & paresseux, les tumultes des maux que nous aurons endurez, ne nous profiteront, ou defenderont en cest affaire: veu que Saint Paul detenu en la prison lié & garroté, a exercé son office. Ionas aussi fut enfermé au ventre de la balaine, & les trois enfans iettez en la fournaise ardente de feu: neantmoins quelques diuers liens qui les ayent detenus, ne les ont rendus paresseux de louer Dieu. Mon Seigneur ie te prie que prenant garde à ces exemples, tu n'obmettes la sollicitude que tu dois aux Eglises de Phenicie, Arabie & Orient, ayant pour tout persuadé que tu recurras une riche recompense, si non obstant tant & si grands empeschemens, tu employes tout ce qui est en toy pour elles. Et ne te soit chose griesue & pesante de nous enuoyer souuent de tes lettres: Car ainsi que nous auons congneu maintenant, commandement nous est fait d'aller en exil, non en Sebaste, mais en Cucuse, où il te sera plus facile d'adresser tes missives. Tu nous escriras donc combien d'Eglises ont esté basties chaque annee, & quels saints personnages ont esté enuoyez en Phenicie, & si de nouueau la foy s'y est augmentee d'auantage. N'aguere ayant trouué quelque moine de Nice enfermé en sa loge, ie luy ay persuadé d'aller vers ta pieté, & s'acheminer en Phenicie: Fay que ie sçache s'il est allé vers toy. Quant à la region de Salamis, assise non loing

loing de Cyr, & opprimée de l'herésie des Marcionistes, i'en eusse fait & cōposé avec ceux auf-  
 quels il appartient, & eusse tout reformé entieremēt, si ie n'en eusse esté chassé. Que si tu cōnois  
 que monseigneur Cyriac, Euesque, soit en Constantinople, escry luy de cest affaire, & il pourra  
 venir à bout de tout. Admoneste vn chacun, & principalemēt ceux qui ont fiance en Dieu, qu'ils  
 le prient cōtinuellement, à ce que ce present naufrage du monde s'appaise. Car plusieurs maux  
 intolerables ont assailly l'Asie, & les autres villes & eglises, lesquels ie ne veux raconter l'vn  
 apres l'autre, à ce que ie ne te sois moleste : seulement ie te dis vne chose, à sçauoir qu'il est tref-  
 nécessaire maintenant faire de grandes & assidues prieres. En vne autre epistre de rechef il dit  
 ces paroles : Que si vous vivez en prison, & liez de chaines estes enfermez estroitement aux  
 basses fosses, avec des hōmes sales & vilains, pour ce que vous ne consentez à leur iniquité, res-  
 iouissez vous pour ceste cause, & vous glorifiez, pour ce que ce vous sera occasion d'un gain  
 trefcopieux. Aussi sommes nous accablez & cōme assommés de plus de six cens sortes de mort :  
 ce que vous peuuent certainement declarer ceux qui ont demouré avec nous vn bien peu de  
 temps, auxquels ie n'ay peu tenir propos, à cause des fieures continues desquelles ie suis trauail-  
 lé, & nonobstant que iour & nuict elles me tourmentent, i'ay esté contrainct cheminer, oppressé  
 de chaleur, defaillir par faulte de dormir, en grande disette des choses necessaires, perdu par faulte  
 de defenseurs & curateurs. A la vertié nous auons par cy deuant enduré, & endurons enco-  
 re de present plus grands maux que ceux qui trauaillēt aux metaux, ou qui habitent es prisons.  
 A grand' peine pour la tépeste qui nous à accueillis, sommes arriuez au port de Cesaree. Mais  
 encore ce port ne nous a peu resiouyr, pour le trauail que les flots & ondes nous ont donné,  
 tant le temps passé nous à mis bas. Ce nonobstant estant venu en Cesaree, i'y fus vn peu refocil-  
 lé, de ce que i'y beu de l'eau pure & nette, & y prins du pain qui n'estoit dur & sale, & ne me la-  
 uay aux ordures de quelques vaisseaux, mais trouuay vn baing tel quel, ensemble me fut là per-  
 mis coucher en vn liēt. Je pourrois vrayemēt vous raconter plus de choses que celles cy : mais  
 afin que ie ne vous charge de trop grande melancolie, ie m'arrestera icy : adioutant encore ce  
 mot, qu'il ne fault que vous promettiez à ceux qui nous aymēt, que nous soyons à la fin de nos  
 maux. Car ce qui augmente ma tristesse, c'est que neantmoins que i'aye plusieurs amys & secta-  
 teurs de grāde autorité & puissāce, toutefois ie ne puis impetrer ce que facilemēt est octroyé  
 aux criminels & condānez, à sçauoir que ie sois renuoyé en vn lieu plus proche de vous, & plus  
 fertile. Encore que mon corps ne puisse souffrir toutes les calamitez qui se presentēt, & la crain-  
 te des Isauriens nous enuironne de toutes parts, ie ne puis obtenir ceste petite grace. Mais gloi-  
 re soit rendue à Dieu à cause de cela, car nous ne cessons en toute chose de le glorifier. Que son  
 nom soit beneist par tous ces siecles. Vous sçauiez que tous lieux sont réplis de tumultes & trou-  
 bles, qui est cause que non seulement il est besoing de prieres & consolations pour Constanti-  
 nople, mais aussi pour tout le monde. Car le mal ayant prins son commencement d'où nous  
 auons dit, il s'auance par tous lieux, & trouble tout. Ayant consommé septante iours par le che-  
 min, nous auons à la fin atteint Cucuse, lieu pour la solitude le plus fascheux & difficile qui soit  
 en tout le monde. Parquoy vostre reuerence peut colliger facilement quels & cōbien de maux  
 nous auons endurez, ayans combattu contre les fieures telles qu'on ne pourroit long tēps sou-  
 stenir, & estans enuironnez d'une part & d'autre de la crainte des Isauriens. Ce que ie dis, non  
 que ie vueille qu'on moleste personne, ou que quelqu'un demande que ie sois d'icy mené au-  
 tre part, veu que le plus dur qui nous soit aduenü, ait esté la difficulté des chemins : mais ie re-  
 quiers de vous ceste grace, que souuent vous nous escriuiez, & ayez soing des Eglises. Et de re-  
 ches il dit : Encore que cestuy soit le troisieme an de nostre exil, auquel nous sommes agitez de  
 faim, peste, guerre, sieges d'ennemys qui nous enuironnent & batent continuellement, & tour-  
 mentez de ceste solitude incredible, mort quotidienne, des glaiues & espees Isauriques, neant-  
 moins l'abondance de vostre affection, constance & stabilité asseuree, nous dōne grand courage  
 & consolation. Parquoy encore que nous soyons iettez hors la terre & murailles de la ville de  
 Cōstantinople, nous ne sommes toutefois chassés de la vraye cité. Car si vostre compagnie fait  
 la cité, & tousiours nous sommes avec vous & en vous, il apert assez que mesme ce pendāt que  
 nous sommes icy, nous habitons en ceste vostre ville : car nous sommes en vos cœurs & esprits  
 & en quelque lieu que nous soyons, nous vous portons en nostre memoire : vous, dis-je, qui  
 nous aymez grandement. Telle est la teneur de ses epistres.

*Iean se sou-  
cie des Egli-  
ses, encore  
qu'il soit  
banny.*

*Autres let-  
tre d'iceluy.  
Les affli-  
ctions que  
Iean endu-  
re sur le  
chemin.*

*Complainte  
du lieu.*

*Cucuse.*

*Recommen-  
dation des  
Eglises.*

*D'Arface, patriarche de Constantinople, quel il fut, & comme il poursuivit les secta-  
teurs de Iean, & peu de temps apres mourus.*

*Chap. X X V I I I.*

**E**u de temps apres Arface fut esleu euesque de Constantinople, lequel estoit frere de  
 Nectaire, qui fut pourueu de cest euesché auant Iean Chrysostome, homme selon le iu-  
 gement des hommes assez affable & paisible, ensemble tref-religieux enuers Dieu. Au-  
 cuns clerics obfusquerent aucunement sa gloire, en ce qu'ils faisoient tout ce qu'ils vouloyent,

*Arface  
successeur  
de Iean.*

# LIVRE XIII. DE L'HIST. ECCLESIASTIQUE

*Il traicte  
mal les  
Ioannites.*

*Exemple de  
licence mu-  
litaire.*

*Ioannites  
constans.*

*Mort de  
Arsace.*

& en reiectoyent toute la coulpe sur luy. D'auantage les choses qui aduindrent aux sectateurs de Iean, le rendirent encore en pire estat. Car estant aduenue que pour ce que plusieurs enuieux calomniateurs de la preud'homme de Iean estoient meslez avec eux, iceux sectateurs de Iean ne voulurent communier ny prier avec luy, ny avec son Eglise, mais firent leurs assemblees le plus loing qu'ils pouuoient aux pourmenoirs & fauxbourgs de la cité: Arsace le rapporta à Arcade. Parquoy fut enuoyé vn capitaine avec vne bone troupe de soldats vers eux, alors qu'ils estoient assemblez: lesquels soldats environnerent ceste multitude, & la batirent & chasserent de là avec des bastons & pierres: mirent en prison d'entre ceux qui estoient en ceste assemblee les plus ardents en amour enuers Iean, sur lesquels, come principaux & de merque, s'appuyoit ceste multitude. Et ainsi que souuent aduient à ces accidens, lors qu'on permet choses nouvelles aux gens d'armes, les voiles de plusieurs femmes là assemblees furent pillez, ensemble les ceintures d'or, les bracelets, chaines d'or, carquans & autres ornemens d'icelles. Voire arracherent à plusieurs le bout de l'oreille avec les bagues qu'ils y auoyent pendues. Et nonobstant que la clameur & ducil fut grand par toute la ville, tant s'en fault qu'ils changeassent l'amour qu'ils portoyent à Iean, que mesme pour ceste cause leur nombre se multiplia d'auantage, & plusieurs se tirerent de leur part. Toutefois de là en auant ils ne s'assemblerent publiquement, & plusieurs d'iceux ne se monstroyent ny au marché ny aux baings. Il ne faisoit aussi gueres seur pour quel ques vns de demourer en leurs maisons: qui fut cause que se bannissans, ils abandonnerent la ville, & se retirerent chacun où il luy pleut. En ceste sorte plusieurs honnestes & bons personnages, voire femmes estans poussees de pareille ardeur & amour enuers Iean, se debatoyent à qui se montreroit la plus feruente, entre lesquelles fut Olympias & Nicarete de Bithynie, desquelles n'aguères auons fait mention. Or Arsace n'ayant point plus long temps vescu au siege episcopal, que l'espace de quatorze mois, trespassa de ceste vie, durant lequel temps il ne fit (come pourroit dire quelqu'un) œuvre aucun d'homme viuant. On eut dit à la verité qu'il eust esté des long temps froid, lasche & stupide de nature & qu'il fust mort deuant son cours naturel. O chose honteuse, quel homme, à qui? dit Simeon: à sçauoir comme vne vieille souche, si il faut ainsi parler, par la trop grande facilité des princes fut substitué à S. Iean Chrysostome. Vn homme ayant passé quatre vingts ans, plus propre d'estre mis au tombeau qu'en vn throne, vn radoteur defailluy de sens, tres-inepte pour faire harâgues, tres-stupide pour penser quelque chose vtile & conuenable, tres-ignauue pour mettre en effect, bien peu different des choses sans ame, digne de tenir le liect ou quelque coing: lequel outre ce que de soy mesme il estoit inutile, & le peuple estoit espris de l'amour de Iean, par ce que cestuy d'autre part luy estoit contraire, il estoit du tout mal voulu de chacun, & estimé indigne qu'on parloit de luy. Tel estoit Arsace: & apres auoir en peu de temps la charge de l'Eglise, fina ainsi sa vie.

*Du patriarche Attic, & de la persecution faite en son temps: ensemble ce qui aduint aux Eglises d'Asie.*  
C H X P. X X I X.

*Attic, suc-  
cesseur de  
Arsace.*

*Eustace de  
Sebastie.*



*Les Asce-  
tiques du  
grād Basile.*

Comme plusieurs pourchassoyent d'auoir l'Eglise de Constantinople, quatre mois apres le decez d'Arsace, la charge en fut donnee à Attic de la part des prestres: lequel ayant esté associé au clergé fut vn des obtrectateurs de Iean, natif de Sebastie, en Armenie, qui dès son adolescence s'employa aux lettres, sous quelques maistres moines, sectateurs de l'heresie de Macedoine, qui pour lors tenoyent en Sebastie la boutique de leur philosophie. Il suyuoit aussi la discipline de cest Eustace, lequel nous auons declaré aux liures precedens auoir esté Eueque de Sebastie, chef & tres-bon capitaine des moines. De qui lon dit qu'il a composé ce tres-bel œuvre, lequel est appellé les Ascetiques, ou reigles monastiques du grand Basile. Ce n'est toutefois cest Eustace qui depuis se transporta en Antioche, & pour lequel ces scâdales & dissensions furent esmeues en l'Eglise entre Paulin, Meletie, Flauien & Euagre. Attic donc mis au nombre des grands personnages, ayant reiecté l'opinion de Macedoine, se retira en l'Eglise, se montrant plus prudent par nature, que par doctrine: qui luy fut vn moyen de paruenir au but de ses entreprinse, & de preparer & fuir avec vne merueilleuse dexterité les embusches contre luy machines. Il auoit telle grace en ses meurs, qu'il estoit aymé & caressé presque de tous: il estoit simple en ses oraisons Ecclesiastiques, & les fit telles, qu'elles ne fussent transcrits des auditeurs, & neantmoins ne fussent du tour desgarnies d'elegance & doctrine excellente. Et pour ce qu'il estoit laborieux & diligent, ayant trouué temps oportun il s'exerça souuent à lire les plus renommez orateurs Grecs. En sorte que depuis au lieu qu'on l'auoit estimé rude & idiot, ayant d'iceux recueilly quelques passages, il trompa ceux mesmes qui disputoyent doctement avec luy. Et d'autât qu'il estoit tres-studieux, affable & fauorable à ceux qui sentoyent mesmemēt avec luy, il fut d'auantage craint de ceux qui ne le suyuoient: & quand il vouloit, il les pouoit facile-



facilement estonner & rendre craintifs : & incontinent du tout changé, se monstroït affable. Telle fut sa condition, ainsi que ceux qui l'ont congneu l'ont laissé par escrit. Alors qu'il gouerna l'Eglise, les fauoriz de Iean endurent grande persecution, encore que la plus grande part de l'Orient & Occident reiectast la communion de son Eglise, en ce temps les Ephesiens prenans occasion sur l'impunité, firent & changerent tout ce qu'ils voulurent, en sorte qu'ils iecterent hors les personnages lesquels ce bon pasteur saint Iean Chrysostome auoit establis aux sieges episcopaux, selon qu'il veoit estre plaissant à Dieu, & leur substituerent des hommes prophanes & du tout meschans, sans faire aucune enqueste ou examination, auant que de leur imposer les mains : car on tenoit si peu de compte de l'office d'Euesque, & estoit si facile d'y paruenir, que pour tref-promptemēt receuoir l'Euesché, c'estoit assez, que quelqu'un le voulust, ou qu'il donnaist quelque chose. Parquoy ceux qui long temps au parauant auoyent esté chassés par Iean, s'adresserent commodément à tels contempteurs de telles choses, & furent introduits aux Eglises, leurs Eueschez (ô chose abominable) rachetez par argent. Voire ils enfermerent en prison tref-cruellement quatre ans durans cest Heraclide, lequel Iean, le grand, par l'accord de septante autres Euesques, auoit créé Euesque d'Ephese : & non contens de plusieurs maux qu'ils luy firent, l'ayans depossédé de sa dignité, mirent par tresgrande vilennie au siege de ceste hōme abhorrant toute accointance de femme, vn execrable & manifeste danseur (ô vengeance & patience diuine) remply de toute abomination, eunuque (ou chastré) du capitaine Victor.

*Attic persecute les Ioannites. Les Ephesiens chassent les Euesques, que Iean leur auoit baillés.*

*Achat des Eueschez par argent.*

*\* rachetez par argent ) Que nul n'achete de prix venal le degré de sacreficature. Que chacun soit pris de ce qu'il merite, non de ce qu'il peut donner. Que l'Euesque soit ordonné non par prix, mais par prieres. I. si qu'enquam. C. de Episcop. & Cleric.*

*Du tref-impur Porphyre qui succéda à Flauien en l'Euesché d'Antioche : & de la persecution aduenue en son temps, ensemble de l'ordonnance laquelle Arcade fit publier.*

CHAP.

X X X.



N ce temps Flauien, Euesque d'Antioche, lequel ne s'estoit ioinct aux aduersaires de Iean, fut transporté au repos eternel, & luy succéda Porphyre, hōme assez aagé, mais d'autant vieil en malice & improbité, que tousiours d'une sollicitude diligente elle s'estoit accreue & augmentee avec son aage: Car encore qu'il eut passé tout son aage en paillardise & lubricité, il ne relacha rien de ceste rage avec le tēps, tellement qu'il sembloit qu'il s'efforceast en choses vilaines & sales, surmonter & surpasser mesure nature. Estant donc surprins d'ambition & cupidité d'occuper par tyrannie le siege del'Eglise d'Antioche, lors que selon la coustume toute la

*Mort de Flauien d'Antioche. Porphyre meschant hōme s'empare de la chaire.*

ville en son temps s'estoit respādue au bocage de Daphné pour veoir les ieux & spectacles, ayāt alliché à son amitié Seuerien, Acace & Antioch, & prins pour ayder sa cupidité tyrannique (car chacun cercha son semblable) il monta au siege ainsi qu'un voleur, ainsi qu'un loup, non cōme pasteur : & à ceste mesme heure receut de leurs mains la consecration. Et tant se hastèrent ils en cest affaire, qu'ils obmirent plusieurs ceremonies accoustumees en la sacree initiation. Or ces mal-heureux auteurs de telles œures tenebreuses, ayās accōply ce malefice partirent de là, se sauans par vne fuite impudente, retournans en leurs pays par montaignes nullement frayees & hantees, de crainte d'estre surprins. La cité aduertie de ce fait s'assembla, & tous irrités prirent & amasserent du feu & autre matiere propre à embraser & cōsumer quelque chose, estans iusques la enflambez de zeile diuin que tous vindrēt contre luy, le voulās bruller avec sa maison. Aussi n'estoyēt ils ignorans combien estoit sa vie meschante & detestable. Estant donc aduertys de ceste entreprinse, ayant corrompu le gouuerneur par argent, il luy persuade d'armer & dresser vne autre fureur & algarade contre l'assemblée des fideles. Et soudain fut mise en point vne compaignie de gens d'armes, & fut assemblée vne cohorte de gens meschans contre les Chrestiens: qui leur donna telle frayeur, qu'ils n'osèrent leur venir au deuant. Ce pendant grande persecution s'esmeut contre les Eglises de Dieu: Car pour ce que nul ne vouloit cōmunier avec Attic, à cause de l'amour que tous portoyēt à S. Ieā Chrysostome, il impetra que tous les edicts Imperiaux, lesquels de iour en iour on publioit par tout, fussent mis & cōclus en ceste forme: Si quelqu'un des Euesques ne veult cōmunier avec Theophile, Attic, Porphyre, qu'il soit iecté hors de l'Eglise, & priué de ses biens. Que si c'est quelqu'un des laiz qui ait quelque magistrat, qu'il soit desmis de sa dignité: s'ils sont gens d'armes, qu'ils quittēt leur ceinture & baudrier. Que le peuple & manœuvres soyent cōdamnez à grand'somme d'or, & enuoyez en exil. Pour ce ceux qui purement & sincerement suyuoient l'honnesteté, & ne prisoyent pas beaucoup les choses presentes, s'enfuirent aux deserts pour y habiter. D'autres furent contraincts malgré eux cōmunier avec ces meschans, ceux à sçauoir qui estimoyent estre beaucoup perdre leur gloire & richesses. Pareillement plusieurs moines en la Syrie, separez de l'Eglise, firent leurs assemblees & communions à part, dequoy ils endurent plusieurs calamitez.

*Furtive ordination de Porphyre.*

*Seditio contre Porphyre.*

*Attic excite persecution contre aucunes Eglises.*

*Persecution des moines.*

*La legation que les gens de bien enuoyerent à Rome, touchant le iugement de saint  
Iean Chrysostome. Chap. X X X I.*

*Les Orientaux aduer-  
sèrent Honoré & In-  
nocent de  
l'estat de  
leurs egli-  
ses.*



E pendant que l'eglise estoit ainsi affligée, quelques Euesques & clerics elmeuz de diuin zele, tant pour Iean que pour l'Eglise, l'estat de laquelle estoit si miserable, partirent d'Orient pour venir à la vieille Rome, & raconterent ceste griefue tragedie à l'Empereur Honoré, & à Innocent, euesque de Rome. Car apres le grand Damasc, Siricie tint l'euesché de Rome l'espace de quinze ans : auquel decedé, Anastase fut subrogé, lequel trespasse trois ans apres, Innocent print son lieu par succession. Ces trois dons apporterent des lettres avec soy, desquelles l'une estoit de ce-  
Re Langue doree, racontant exactement toutes les calamitez : la secon-

*Lettres de  
Honoré &  
Innocent à  
Arcade.*

*Quel est le  
iugement le-  
gitime &  
canonique.*

de estoit de toute la communauté du clergé de Constantinople : la troisieme estoit des quarante Euesques qui suyuoyent la part & communion de Iean. Icelles rendues enflamberent de tel zele les cœurs de ces deux grands seigneurs, & les rendirēt tant contristez de ces calamitez, que l'un & l'autre adresserent lettres à l'Empereur Arcade, reprenans son trop long sommeil, quant aux affaires de telle consequence. Ils arguoient aussi l'autre exil, auquel contre les sanctions ecclesiastiques Iean auoit esté condamné, assurant que s'il auoit quelque soing de l'honnesteté & tranquillité de l'eglise, il falloit que l'euesque fust ramené en son siege, & qu'un Concile fust assemblé en Thessalonique, ville située à my chemin, tant pour ceux que viennent de Rome, que d'Orient. Et que là Theophile, Alexandrin, qui auoit tout brouillé & renuersé, fust appelé, & la cause de Iean deuement & selon les loix debatue par iugement canonique, & nullement subiect aux affections ou corruptions. Et que pour ceste cause il auoit enuoyé des Euesques d'Italie desquels ils pouuoient assurer que la conscience estoit bonne & le iugement droit en toutes choses. Ainsi Innocent & Honoré escriuirent à Arcade. Pareillement ce qu'ils rescriuirēt à Iean & au clergé, est selon la teneur que s'ensuit : car i'ay trouué l'une & l'autre lettre translatee de l'idiome Romain en langue Grecque, & l'ay adiousté à ceste histoire. L'epistre escrite à saint Iean est telle :

*Deux Epistres d'Innocent, Pape de Rome, enuoyees à saint Iean Chrysostome  
banny, & au clergé de Constantinople.  
CHAP. XXXII.*

*Respon-  
se d'Innocent  
à Iean.*

*Conscience  
bonne.  
Gens de bien  
toujours  
affligés.  
Couronne de  
patience.*



*Lettres d'In-  
nocent au  
clergé de  
Constanti-  
nople.*

Ncore qu'il soit conuenable à l'innocent attendre tout bien, & requier misericorde de Dieu : toutefois nous qui sommes suaseurs de tolerance & patience aux aduersitez, ainsi qu'il estoit raisonnable t'auons enuoyé ces lettres avec Cyriac, nostre diacre, à ce que la malice des aduersaires ne puisse d'auantage que la bonne conscience, lors que l'une & l'autre combattent ensemble en esperance. Car il n'est pas besoing que lon t'instruise toy qui es docteur de tāt de peuples & pasteur, que quelque fois, voire souuent les meilleurs sont esprouuez, à sçauoir s'ils persisteront en la vigueur de patience, & ne cederont à aucun trauail & douleur. Et certainement c'est vne chose stable & ferme que la bonne conscience es maux qui aduiennent iniustement à tous : lesquels si quelqu'un ne les surmonte par patience, il donne argument de mauuais suspeon de luy. Car il fault que celuy qui se fie premierement à Dieu, puis aussi à sa conscience, endure tout, consideré que l'homme de bien & honneste peut estre beaucoup exercé à patience, mais ne peult estre surmonté, veu que son esprit est muni des diuines escritures. Car les sacrees leçons abondent en exemples, lesquels nous proposons au peuple : en sorte que toutes asseurement tesmoignent que presque tous les saints ont esté affligés continuellement, & en diuerses manieres de tribulations : & que par ce moyen ainsi comme s'ils fussent esprouuez en iugement, ils sont à la fin paruenus ainsi à la couronne de patience. Parquoy frere reuerendissime, que ta conscience console ta charité, laquelle aux tribulations retient la consolation de vertu : Car nostre Seigneur Iesus-Christ y prenant garde, la pure & nette conscience se tiendra ferme & stable au haure de paix. Ces lettres escriuit Innocent à saint Iean Chrysostome. Mais l'epistre d'iceluy au clergé est telle : Innocent, Euesque, à nos treschers freres & diacres, & tout le clergé & peuple de l'eglise de Constantinople, subiecte à Iean, Euesque, chers freres, salut. Par les lettres de vostre dilection lesquelles vous nous auez enuoyees par Germain, prestre, & Cassian, diacre, i'ay cōgneu avec vne angoisseuse tristesse & fascherie la tragedie des maux que m'auiez representé deuant les yeux, & souuent ayant repeté la lecture d'icelles, i'ay bien cōgneu de quels maux & afflictions vostre foy est foulée : ausquelles la seule consolation de patience donne remede. Aussi nostre Dieu en brief mettra fin à toutes ces afflictions, & vous sera profi-

profitable de les auoir endurees. Mais nous auons congneu ceste consolation necessaire en tel-  
 les aduersitez, au commencement de l'epistre de vostre dilection, en quoy nous auons grande-  
 ment loué vostre courage & conseil, voyans que compreniez en icelle tant de tesmoignages de  
 patience. En sorte qu'auiez vous mesmes en vos lettres preoccupe la consolation laquelle nous *Affliction*  
 deuions escrire Car vraiment Dieu donne quelque fois telle penitence à ceux qui sont trauail- *des saints.*  
 lez, qu'aux tribulations les seruiteurs de Iesus-Christ se consolent eux mesmes, pensans à part  
 soy que les mesmes choses sont au parauant aduenues aux saints, que celles qu'ils endurent. En  
 sorte que par vos propres lettres nous pouuons vous apporter quelque consolation. Entant  
 que nous ne pouuons n'auoir compassion de vous, & que nous aussi sommes affligez en vous.  
 Car qui pourroit porter patiemment les choses faites par ceux, auxquels principalement il appar- *Iean banny*  
 tenoit du tout estre studieux de paisible tranquillite & concorde? Maintenant d'une maniere *sans estre*  
 non accoustumee les Euesques innocens sont ictez hors des sieges de leurs Eglises: ce que en- *ouy.*  
 tre les autres, nostre frere & compaignon, vostre Euesque Iean, a endure le premier, par iniure  
 & à tort sans estre ouy, & sans auoir esté ou obiecté ou entédu quelque crime contre luy. Quel-  
 le est ceste railon prohibee, que le droit du iugement en soit gardé, ou que lon ne s'enquiere de  
 la cause? Au lieu des Euesques viuans on en subroge d'autres, come si ceux qui commencent par *On ne de-*  
 tels forfait, pouuoient estre iugez de quelqu'un bien faire ou dire quelque chose. Nous n'auons *uoit mettre*  
 iamais congneu que nos peres ayent entrepris & osé telles choses, mais plustost defendu que *un substi-*  
 nul n'eust puissance de substituer par consecration vn autre au lieu du viuant: Car la consecratio *tud le deuá*  
 ou election reprouue ne peult oster l'honneur de l'Euesque, veu qu'aussi celuy ne peult estre *cierviuant.*  
 Euesque, qui meschamment est substitué, à cause que ces choses sont contre l'observation des ca- *Les decrets*  
 nons. Au surplus nous escriuons qu'il fault obeyr aux canons decretez à Nice, lesquels seuls il *de Nice*  
 fault que l'Eglise Catholique suyue, & iuge selon iceux. Que si quelqu'un en propose d'autres, *sont seuls*  
 differens des canons de Nice, & venans de la boutique des heretiques, ils doiuent estre reiettez *legitimes.*  
 par les Euesques Catholiques, consideré que ce qui est cōtrouuē par les heretiques ne doit estre  
 annexé aux reigles catholiques, veu que tousiours ils veulent diminuer le conseil des peres de  
 Nice, par les decrets contraires & meschans. Parquoy non seulement nous disons qu'il ne les *Il fault re-*  
 fault suyure, mais aussi qu'il les fault condāner avec les doctrines heretiques, schismatiques & *ietter les ca-*  
 contentieuses, ainsi que par cy deuant fut fait au concile de Sardique par les euesques qui nous *nons des he-*  
 ont precedé. Car il vault beaucoup mieux condāner les choses qui sont ainsi mal-heureusement *retiques.*  
 introduites, que permettre que ce qui est directement ordonné contre les canons, ait quelque  
 force & vigueur. Mais que fault il maintenant faire contre iceux: Il est besoing que ce soit ren-  
 uoyé à la congnoissance d'un cōcile, lequel ia long temps y a que nous deliberions estre assem-  
 blé. Car celuy seul pourra assopir les esmotions de telles tempestes: lequel à ce que nous obte-  
 nions, il seroit vtile maintenant rapporter ceste medecine & ayde à la volonte du grand Dieu, &  
 son fils nostre Seigneur Iesus-Christ. Ainsi toutes choses qui par l'enuie du diable ont esté trou- *Les conciles*  
 blees pour esprouuer les fideles, seront appeasees. On ne doit rien desesperer de Dieu, moyen- *appaisent*  
 nant qu'on soit stable & ferme en la foy. Quant à nous, nous sommes en grande deliberation *les debats*  
 & conseil pour aduiser comment le Concile general se pourra assembler, à ce que selon la vo- *Ecclesiasti-*  
 lonté de Dieu ces furieuses esmotions soyent appeasees. Parquoy ce pendāt endurez, & reparez *ques.*  
 du mur de patience, esperos que par l'ayde de nostre Dieu, tout sera restitué en son entier. Tou-  
 chant les choses que m'auiez escrites d'auoir endurez, sçachez qu'ayant fait diligente enqueste  
 nous les auons entierement cōgneues cy deuant, encore que ce soit en diuers temps, à sçauoir  
 par vos compaignons Euesques, Demetrie, Eulysie & Palladie, qui sont venus à Rome, & ont  
 esté avec nous. Voylà ce que contenoient les lettres qu'Innocent enuoya au clergé: par les-  
 quelles on peult colliger quel iugement il auoit de saint Iean Chrysostome, & combien il se  
 soucioit du tort qu'on luy auoit fait.

*Des ambassades enuoyez de Rome, & quels maux ils endurerent à la suggestion  
 d'Eudoxie & Attic. CHAP. XXXII.*



Elles furent les lettres d'Innocent: mais au surplus Emyle, Euesque de *Concile as-*  
 Beneuent, homme craignant Dieu, Cathege & Gaudēt, avec Valent & *semblé en*  
 Boniface, partirent de Rome pour venir en Constantinople, & armez de *Italie pour*  
 l'ordonnance du Concile assemblé en Italie pour la faueur de Iean: Or *la cause de*  
 suyuoiet Cyriaque & Demetrie, ensemble Palladie & Eulysie, qui stu- *Iean.*  
 dieux du party de Iean, estoient venus en ce lieu, & leur auoyent expo- *Sozomene,*  
 sé toute la tragedie des maux. Mais soudain qu'ils entrerent en la Grece, *escriit que*  
 ils tomberēt entre les mains d'un capitaine qui leur auoit dressé des em- *huit Eues-*  
 busches: Car ils ne peurent estre celez à Eudoxie, la pire de toutes les fem- *ques, &*  
 mes, & que d'autant qu'elle estoit contraire à la sentence & conseil de ceux qui auoyēt enuoyé *deux pre-*  
 cest ambassade, elle preuint leurs actions par contraires actions. Car il ne leur fut permis veoir *stres de*

*L'Eglise Ro-  
maine, fu-  
rēt enuoyez  
à Honoré  
& Arcade  
pour demā-  
der le lieu  
& le tēps  
de celebrer  
le cōcile, li.  
8. cha. der.  
Athyras.  
Les legats  
de Rome  
mis en pri-  
son, fouil-  
lez & pil-  
lez.*

Theſſalonique, & rendre les lettres du Pape, lesquelles ils portoyent à Anyſie, Eueſque de ceste ville. Mais furent chargez dedans deux eſquifs, & emmenez en l'un des fauxbourgs de la cité de Constantinople, dit Athyras, & soudain furent iettez en priſon par force, leur ayant eſté obiecté par calomnie qu'ils troubloyent vn pays eſtrange, paſſans leurs bornes, & qu'ils eſtoient venus pour la contumelie de l'empire Oriental. Tellemēt que les Romains & Cyriac, eueſque, & ceux qui eſtoient en leur compaignie, furent enfermez chacun à part aux priſons, puis ge- liēnez & tourmentez de pluſieurs afflictions, pour monſtrer les lettres qu'on leur demandoit. Mais ils affermerēt qu'ils ne les bailleroiyēt que premieremēt ils n'euffent veu l'Empereur, cōſi- derē qu'ils eſtoyēt enuoyez vers luy: ce que voyāt vn mauuais garnement appellé Valere, renō- mé par tout pour ſa cruauté & temeraire audace, apres auoir rompu le poulce d'un eueſque qui auoit ces lettres, il les luy arracha avec quelques bougettes, & tout ce qu'ils pouuoiyēt auoir d'argent pour acheter leurs neceſſitez: ce qu'il fit non ſans maligne intētion, à ce que deſpouil- lez des deniers pour faire leurs fraiz & deſpens, ils fuſſent par neceſſité cōtraincts faire quelque choſe defendue. Le lendemain autres pluſieurs vindrēt enuoyez ou de la part de l'Imperatrice, ou d'Attic, qui leur requierent, qu'en receuans trois mil deniers d'or, ils cōmuniaſſent avec Attic, & reiectaſſent la cauſe de Iean: ce que du tout ils refuſerent faire. Car quelque choſe aduint di- uinement, qui empescha ceſt affaire: D'autant que lon dit que l'Apoſtre S. Paul ſ'apparoiffant à l'un des diacres d'Emyle, hōme chaſte & honneſte, appellé Paul, luy dit, Voyez cōment ſage- ment & diſcrettement vous cheminerez, car les iours ſont mauuais. Leſquelles paroles par aduē- ture prohiberent & empescherēt ceſte fraude. Parquoy ne voulans recevoir ceſte promeſſe, ou condition preſentee, demanderēt avec prieres qu'il leur fuſt permis retourner en la ville de Ro- me. Ce que Valere, celuy qui fit ce bel acte au poulce d'un hōme de bien, ainſi qu'il eſtoit vail- lant à mal faire, leur permit & cōmanda d'aller à Rome, & leur bailla vn nauire ſalé, rompu & caſſé de viellesſe, en intention qu'ils tomberoyent en naufrage ſur la mer. Eſtans donc montez en ce vaiſſeau, ils nauigerent avec grand dāger & peine iuſques à Lampſac. Et là ayans changé de nauire, en quatre mois ils vindrent iuſques à Rome, où ils raconterent au Pape Innocent de poinct en poinct ce qui leur eſtoit aduenü, ne ſachans rien de ce qui auoit eſté fait de Cyriaque ne de ſes cōpagnons, ne meſme de Iean. Ces choſes furent pour lors celes à Arcade mal ſoin- gneux, ce qu'on peut facilement entendre. Or pour ces cauſes Innocent, eueſque de Rome, grandement courroucé, adreſſa vne epiſtre à Arcade, Attic & Theophile, par laquelle il les ex- communioit & exauthoriſoit: lors à ſçauoir qu'il congneut que non long temps apres ce S. pere Chryſoſtome trainé trop loing en exil eſtoit treſpaſſé, ainſi que nous expoſerons ayant vn peu paſſé plus auant. La teneur de l'epiſtre d'Innocent fut telle:

*L'Epiſtre d'Innocent, Pape de Rome, enuoyee à Arcade & Eudoxie, par laquelle  
il les excommunie. C H A P. X X X I I I.*

*Lettres d'In-  
nocent, pape  
par leſquel-  
les il exco-  
munie Ar-  
cade &  
Attic.*



A voix du ſang de mon frere Iean, crie vers Dieu contre toy, ô Empe- reur, ainſi que iadis celle d'Abel, le iuſte, contre le parricide Cain: & il lera vengé par tous moyés. Et non ſeulement tu as commis cela, mais au temps de paix as eſmeu vne grande perſecution cōtre Dieu & ſon e- glife. Tu as iecté de ſon ſiege le grād docteur de ce monde, ſans iuger ne debatre ſa cauſe, & as avec luy perſecuté Ieſus-Christ. Et nonobſtāt que la perte de ce perſonnage ſoit grande, ie ne me complains point tant de luy, veu qu'il eſt paruenü au ſort & heritage du royaume de Dieu & de noſtre Sauueur Ieſus-Christ avec les ſaincts Apoſtres, que ie ſuis affligé premierement pour le ſoing que j'ay du ſalut de voz ames: en apres, pour la parole de Dieu, de laquelle ceux ſont defaillis & amaigris qui ſont priuez de la treſ-ſage, ſpirituelle & diuine do- ctrine & inſtitution d'iceluy. Car non ſeulement l'eglise de Conſtātinople a perdu ceſte langue mellifue, mais auſſi tout le mōde illuſtré de ce ſoleil lumineux eſt rédu orphelin, ayāt perdu vn ſi diuin perſonnage, à la perſuaſion d'une femme, qui a mis en auant ceſte tragedie & ſpectacle. Mais elle en receura pour recompence & icy la peine preſente, & non long temps apres le futur eternal ſupplice qui luy aduiendra. Car nonobſtāt que l'heureux Iean ait laiſſé ceſte vie, ayāt gardé la foy, & confirmé ceux qui doutoyent, toutefois il a receu l'heritage des delices perdura- bles par tous les ſiecles, & vie immortelle. Mais Eudoxie ta nouuelle Dalila, laquelle petit à pe- tit t'a rondü avec le raſoir d'erreur & ſeduction, ſ'eſt à ſoy meſme introduite l'execration de la bouche de pluſieurs, amaſſant enſemble vne poiſante & inſupportable charge de pechez, & l'ad- iouſtant à ſes premieres iniquitez. Parquoy moy qui ſuis le moindre de tous, & entaché de pe- chez, auquel eſt commis le ſiege du grād Apoſtre S. Pierre, ie te reiette & ſegrege, enſemble icel- le de la perception des immaculez myſteres de Ieſus-Christ noſtre Dieu, pareillemēt i'ordonne & decrete que tout Eueſque ou clerc de l'ordre de la S. eglise de Dieu, qui les vous oſera admi- niſtrer ou exhiber, depuis l'heure que lecture vous ſera faite de ces miennes lettres contenantes

*Eudoxie eſt  
une autre  
Dalila.*

vōſtre

» vostre lien & excommunication depose de dignité. Que si d'autant que vous auez grande puis-  
 » sance, vous contraignez quelcun de ce faire par force, & trangressez les reigles qui vous sont  
 » delaissees du sauueur Iesus-Christ par ses saints Apostres, sçachez que ce ne vous sera vn petit  
 » peché au iour horrible du grand iugement de Dieu, lors que l'honneur & dignité de ceste vie  
 » ne pourra aider personne, mais tous les secrets & pensees cachees du cueur seront decelees &  
 » descouuerts deuant les yeux d'un chacun. Nous exauthorisons aussi Arsace, voire apres sa mort, *Excommu-*  
 » lequel vous auez auancé au siege Episcopal au lieu du grand Iean Chrysostome, & cassons avec *nications.*  
 » tous les Euesques qui pour l'intelligence qu'ils auoyent ensemble, ont communie avec luy : &  
 » defendons que ce nom ne soit escrit au sacré catalogue des Euesques. Car il est indigne de cest  
 » honneur, veu que comme par adultere il a pollui l'Episcopat. Et toute plante qui n'est plantee  
 » de nostre Pere qui est es cieux sera defracinee. Pareillement à l'abrogation de Theophile nous  
 » adioustons l'excommunication, l'anathematisme, & alienation absolue de la Chrestienté. Cela  
 » fut escript par Innocent, prenant la cause de saint Iean. Il accusa aussi Attic, lequel apres Arsa- *Arsace des-*  
 » ce s'auança au siege de ce grand personnage : Mais comment par apres ceste chose fut appaisee, *funct est ex-*  
 » nostre histoire le dira en son lieu. *authorisé.*

*Des incursions des Barbares sur les limites des Romains, faictes en ce temps : & des tyrans qui se leue-  
 rent, à sçauoir Stilico, Alaric, Attale, Sare, & autres : & comme Rome fut prinse par  
 Alaric : ensemble de la chasteté d'une belle femme de Rome.*

CHAP. XXXV.



» Vrant ces troubles, ainsi qu'on peult trouuer qu'il aduient en toutes dis- *Les Hunnes*  
 » sensions qui s'esmeuent entre les euesques, les republiques aussi furent *gastent la*  
 » remplies de tumultes. Car les Hunnes ayas passé l'istre, coururent & ga- *Thrace.*  
 » sterent toute la Thrace, ayans Huldas pour conducteur. Pareillement les *Les Isauriens*  
 » Isauriens, voleurs trescruels, s'eslans assemblez en grâde troupe vexerent *pillent l'a-*  
 » d'excursions & extremes pertes toute la phenicie, Carie, & les villes si- *Phenicie,*  
 » tues au milieu de ces pays. Pareillement Stilico, beau-pere de l'Empe- *& Carie.*  
 » percour Honoré, chef de toutes ses finces & gen'd'armes, homme brave,  
 » & qui s'estoit concilié la faueur des Romains, & barbares qui rendoyent  
 » à choses nouuelles, traicta quelques pratiques avec leurs capitaines & gouuerneurs, & tacha  
 » à mettre en discord les Empereurs l'un cōtre l'autre. Et apres auoit fait par son adueu que la di-  
 » gnité de conduire les cōpaignies Romaines fust baillée à Alaric duc des Goths, il dresta son cōp  
 » contre les Illyriens, & enuoya là premierement vn homme appelé Ioue, les affaires ainsi arre-  
 » stees & conclues, qu'il combatroit contre le duc des Romains ducs recognoissans Arcade, & qu'il  
 » assubiectiroit aussi les peuples de ceste region sous l'Empire d'Honoré. Or Alaric ayant a-  
 » massé sa gend'armie du pays barbare de Dalmatie & Pannonie, vint en Epire : & toute la :: Grece  
 » & ville d'Athenes prise, il gasta toute la voisine Dalmatie. De là entré en Illyric, & là ayant se- *Alaric fit*  
 » journé quelque temps, vint en Italie par les Alpes : Stilico permettât passer les destroits d'i- *son deuoir*  
 » celles : ce qu'il fit à cause qu'il brasloit quelques embusches à l'Empereur. Depnis, Alaric vou- *contre Eu-*  
 » lant passer outre, fut empesché par les lettres d'Honoré de poursuyure plus auant son chemin. *gene.*  
 » En apres Stilico empescha Honoré d'aller en Cōstantinople pour prendre garde à la curation & *:: Sozom.*  
 » charge qu'il auoit du fils de son frere, lequel depuis peu tēps auoit esté fait orphelin : car il crai- *ne fait de*  
 » gnoit que l'enfant Theodose n'édurast quelque aduersité, veu son aage encore tendre, qui estoit *ce mention*  
 » cause qu'il se vouloit trāsporter à l'Empire d'Oriēt : Mais Stilico l'empescha, disant que neces- *liu. 9. ch. 4.*  
 » sairement il deuoit demourer en Italie, à cause de la nouuelle tyrānie, excitee à Arles par Con- *Stilico re-*  
 » stantin. Luy ayât persuadé cela, il arracha l'un des sceptres ou baniere la plus principale, laquel- *tient Honoré*  
 » le les Romains appellent Labarū : ensemble il print quatre cōpaignies de gēd'armes, & des let- *ré en Italie.*  
 » tres de l'Empereur, par lesquelles il luy estoit permis de s'acheminer en Orient, & ainsi fit mar- *Tyrānie de*  
 » cher son armee : Mais depuis que le bruit courut qu'il vouloit auācer son fils Eucherie en la ty- *Constantin-*  
 » rannie, par l'aide de ceux qui estoient pres de luy les armes au poing, les soldats ayas esmeu vne *contre Ar-*  
 » sedition tuerēt le premier gouuerneur d'Italie & des Gaules, & autres ausquels les magistrats *les.*  
 » Imperiaux estoient cōmis pour les administrer : & peu de temps apres, Stilico, & soudain aussi *Labarum.*  
 » son fils furent estranglez par les gen'd'armes, en la ville de Rauenne. Ainsi ils finirent leur vie à  
 » cause qu'ils auoyēt conspiré cōtre l'Empereur. Apres leur mort les barbares qui estoient en leur  
 » compagnie, s'allierent à cest Alaric, Goth, duquel nous auons parlé, & se mirent à assaillir la  
 » ville de Rome. Là Alaric enuoya ses orateurs à Honoré, pour traicter de la paix : mais  
 » voyant qu'il ne la pouuoit obtenir, ayant prins avec soy plusieurs autre barbares, il assiegea la  
 » ville de Rome, & destournāt le fleue du Tybre, qui passe par dedās la ville, il empescha que les  
 » choses necessaires ne fussent amenees du port à la ville. Or le port est appelé Le grād haure des  
 » Romains, ayant trois retraictes ou bouches, representant en son amplitude vne petite ville.

*Les idolâ-  
tres Romains  
instituent  
des sacrifi-  
ces en leurs  
temples.*

*Il me sem-  
ble qu'il  
faulz lire  
Narvia.*

*Sozomene  
dit que Lar-  
vian est une  
ville de  
Tuschie.*

*Alaric in-  
stige diuine-  
ment pour  
affliger la  
ville de Ro-  
me.*

*Innocent  
est enuoyé  
orateur à  
Alaric.*

*Imprudenc-  
ce de Ioue.*

*Port des Ro-  
mains pris.*

*Attale est  
créé Empe-  
reur.*

*Adaulphe  
gouverneur  
des cheua-  
liers de l'or-  
dre.*

*Attale in-  
mité par Ho-  
noré à la so-  
ciété de  
l'Empire.*

*Alaric se  
reconcile à  
Honoré.*

*Sozom. lib.  
2, chap. 8.*

*Exil d'At-  
tale.*

*Mort d'A-  
daulphe.*

*Mort d'A-  
laric.*

Ainsi donc que la famine & la peste à cause de la disette des viures fut fort grande en la ville de Rome, & que ia les esclaués & seruiteurs fuyoyent vers Alaric, il fut arresté par les senateurs de Rome, qui estoient de la superstition Grecque, qu'on feroit des sacrifices au Capitole & par tous les autres temples. Parquoy quelques Tuscien y furent appelez qui promirent par tonnoire & foudre faire leuer le siege à ces barbares. Ce qu'ils auoyent ia fait en vne autre ville nommée :: Laruia, laquelle ville Alaric assiegea, & ne la peut prédre: Mais ils entreprenoyent en vain faire le semblable en la ville de Rome: car ceux qui auoyent l'esprit vn peu plus rassis, ingerent que les Romains enduroient ces maux par vengeance diuine, à cause des trop grandes delices & paillardises qu'ils cōmettoient. Ce que quelquefois aussi Alaric tesmoigna: car ainsi qu'un bon personnage le prioit qu'il pardonnast à Rome, & qu'il ne fust auteur de tant de maux, le bruit est qu'il dit qu'il estoit contrainct de ce faire, & que continuellement luy assis- soit quelcun qui le molestoit, & luy commandoit ruiner la ville de Rome. Ce qu'il fit aussi par apres. Bien est vray qu'ayât receu quelque somme de deniers laquelle les Romains auoyent ac- cordee avec luy, promettas qu'ils persuaderoyent à l'Empereur de faire paix avec luy, il leua le sie- ge. Neantmoins ceux qui haysoient Alaric empescherent que lors que cest ambassade fut enuoyé, la paix ne fut traitée: Mais Innocent ayant charge de legation de la part de l'Empereur, por- tant lettres d'iceluy à Alaric, fit tât qu'il se retira en la ville d'Arimin, assise deux cens & dix sta- des loing de la ville de Rauenne. Et là Ioue, gouverneur d'Italie, ayât parlementé de la muraille avec luy, monstra sa requeste qu'il faisoit à l'Empereur, & iugeât estre bon qu'il fust par lettres estably lieutenant sur les deux armées. Or l'Empereur luy accorda & octroya plusieurs autres choses: mais n'arresta rien pour lors s'il luy deuoit octroyer ceste dignité. Ioue assez incōsulte- mēt fit lire à Alaric le decret de l'Empereur: Parquoy iceluy courroucé à cause que ceste digni- té luy estoit niee, comme si quelque iniure luy fut faicte, il cōmanda que la trompette fust son- nee pour marcher en guerre, & se mit en chemin pour venir à Rome. Alors Ioue craignant qu'il ne fust soupçonné de l'Empereur d'auoir fauorisé à ce barbare, fit vn acte encore plus imprudent que l'autre, car il print serment de ses gens que iamais ils ne feroient paix avec luy. Alaric donc reiectant toute dignité ne regardoit plus à requerir les Romains de quelque chose. Car apres auoir enuoyé vers eux deux ambassades d'Euesques, par lesquels il ne peut impetrer ce qu'il de- mandoit, irrité de ce, enuironna de rechef la ville de Rome: & ayant pris le port, il cōtraignit par force les Romains de creer Attale Empereur, qui pour lors estoit gouverneur de la ville. Ce qu'ils firent. Or Attale eleué en telle dignité dōna plusieurs offices & magistrats aux Romains, & fit Alaric chef de l'une & l'autre gend'armerie, & ordōna Adaulphe, frere de sa femme, lieu- tenant des cheualiers. Puis ayât conuqué la multitude, luy fit vne braue & ingenieuse haran- gue, promettant garder inuiolablement au senat les droicts accoustumez, & qu'il assubiectiroit tout l'Orient & l'Egypte aux Itales. Toutesfois ne commanda il vn an entier encor qu'il fut grandement eleué, car Alaric l'empescha à cause qu'il ne luy auoit voulu obeir, & selon la requeste exauthoriser & casser les chefs & capitaines de la gend'armerie de l'Empereur Hono- ré. Ce pendant Honoré enuoya ses orateurs à Attale, & l'invita à sa compagnie sur l'Empire, moyennant qu'il voulsist quitter les armes: Mais Attale refusa ces conditions, commandant à Honoré qu'il se retirast en vne isle, & qu'il choisist de mener vie priuee, s'il vouloit viure, & qu'il se coupast les extremitiez des membres de son corps pour racheter son salut. Alaric voyant qu'Attale n'obeissoit facilement ny à luy, ny à ses amis, craignant qu'Honoré ne luy fist quel- que dommage, secrettement ayant accordé avec luy quelques conditions, traita aussi avec luy de la pacification. Depuis s'estans tous assemblez à la ville de Rauenne, Alaric persua- da Attale qu'il quittast les armoies Imperiales, & que ses ducs & capitaines desliassent leur beau- drier. Honoré adonc pardōna à tous leur forfait, en sorte que chacun obtint l'honneur & di- gnité qu'il auoit au parauant. Attale descendit au plus bas degré du siege Imperial, & la se- stant liuré en la puissance d'Honoré, il luy fit seulement couper deux doigts, puis le fit mener en l'isle Lipara: Mais Adaulphe fut tué d'un glaive par l'un de ses familiers. Non long temps a- pres, aussi Alaric ayant occupé les Alpes, qui sont pres de Rauenne enuiron de soixante stades, traita quelque paix avec l'Empereur. Ce pendāt Sare, braue personnage, qui apres Stilico a- uoit receu la dignité de lieutenant de la gend'armerie, grandement expert aux faicts de guer- re, & soupçonné à Alaric pour les premieres inimitiez, craignant aussi que si quelque accord se traitoit il aduint à son preiudice, print avec soy enuiron trois cens braues hommes qui l'ay- moyent fort, & soudain assaillit Alaric, tua plusieurs des ses gens: & iouissant de ceste victoire les chassa de Rauenne. Alaric courroucé pour ceste cause, ayant assiege la ville de Rome il la print par trahison, & commanda à ses gens qu'ils pillassent & robassent les richesses des Ro- mains tant qu'ils pourroyent, violassent les maisons, mais que seulement ils pardonnassent au seul ample & magnifique temple auquel est le sepulchre de saint Pierre l'Apostre. Ce qui fut cau- se que Rome ne fut ruinée iusques aux fondemens. Car plusieurs se retirerent en ceste Eglise, qui ne furent aucunement endommagés pour la reuerence de l'Apostre, en sorte que depuis ils recedifierent la ville de Rome. Depuis, ainsi qu'il gastoit la campagne, il trespassa de maladic.

Alors



Alors Honoré ayant fait paix avec les barbares, il leur permit d'habiter la ville de Rome, laquelle tant auoit enduré de maux; & non seulement de bouche, mais aussi le confirma de fait, leur portant grand faueur & signe d'amitié. *f* En ceste guerre, vne femme monstra vn illustre tesmoignage de sa pudicité. Car pource qu'elle estoit en la fleur de son aage, & tresbelle de visage, l'un des soldats d'Alarich, ieune compagnon, l'ayât veüe fut espris de sa beauté, & la pria d'amours, & sollicita fort d'auoir sa compagnie: Mais pour autant qu'elle auoit en horreur ce forfait, ce soldat desgaigna son espee, & la menassa de la mort si elle ne luy vouloit consentir: & en telle sorte combatant contre l'amour, comme vsant de misericorde, il la blessa seulement quelque peu au col: Mais elle se voyant ensanglantée estendit le col à l'espee, estimant luy estre meilleur qu'elle mourust ayant l'esprit pudique, que de coucher avec vn autre mary. Parquoy ce barbare congnoissant que pour la traicter plus rudement, ainsi qu'il fit, & la contraindre d'auantage, il ne pouuoit paruenir à son entreprinse, estonné de sa chasteté, l'emmena au temple de l'Apostre saint Pierre & la recōmanda aux gardes de ceste Eglise, leur baillant six escus d'or, à ce qu'ils contregardassent ceste iouuencelle à son mary. Telles calamitez aduindrent comme fleaux de l'ire de Dieu (ainsi que l'estime) tant en Orient qu'en Occident.

*a* Là Alaric &c.] *Sozom. dit qu' Alaric mit grande garnison au fleuue du Tybre, apres l'auoir occupé.*

*b* Ainsi donc que la famine] *La famine fut si grande à Rome, que les hommes vsoyent de chastaignes au lieu de fromens. On dit aussi qu'aucuns ne se sont abstennus de manger chair humaine. Sozomene.*

*c* iugeant estre bon &c.] *Au dernier ambassade, Alaric demanda qu'il fust receu des Romains en société de guerre, & qu'on luy donnast quelques lieux, que les Romains ne priferoient beaucoup, ausquels il peust demourer, & que quelque mediocre pension de fromens luy fust distribuee. Sozomene.*

*d* Depuis l'estans tous &c.] *Oltre les autres pertes de l'Empire Romain, cecy donna plus grand accroissement, à sçauoir que Gildo, comte d'Aphrique, apres le trespas de Thodose, par tyrannie occupa la Libye, & la meilleure partie d'Aphrique: duquel en la fin de ce liure sera trouuee une annotation.*

*e* Attale descendit &c.] *Attale à la persuasion des Goths s'empara de rechef du tyrannique gouvernement des Gaules, lequel depuis prins par les Goths mesmes, fut liuré à Constantie, puis mene par Honoré en triumphe deuant son chariot, fut enuoyé en Lipara en exil.*

Ce pendant que ces choses se font à lebus, vn terrible bruit cours par tout l'Occident, que la ville de Rome est assiégée, & les citoyens se rachetoient des mains de leurs ennemis avec grosse somme d'or & d'argent: & que nonobstant ils les despoilloient & gehennoient, à ce qu'apres leurs biens, ils perdissent la vie. La voix me deffault, & les sanglots entrerompent mes paroles ainsi que ie les dicte. La ville est prinse, qui a prins tout le monde. Voire elle perit de faim, premier que de glaive: & à grande peine se trouue il vn petit nombre qu'on puisse prendre. La rage des fameliques sest iectée sur viandes desestables: & l'un l'autre se sont deschirez les membres, lors que la mere ne pardonna à l'enfant qui sucçoit encore la mamelle, & receut en son ventre celui lequel vn peu au parauant elle auoit enfanté. *S. Hierosme à Principie.*

*f* En ceste guerre &c.] *Alarich ayant prins Galle Placidie, sœur d'Honoré, lors que la ville de Rome fut pillée, l'espousa à son frere Adaulphe: laquelle fit tant par ses belles paroles & allichemens enuers son mary qu'il demanda volontiers & de soy-mesme l'alliance & paix des Romains. Paul Diacre.*

*De plusieurs maux aduenus à la ville: & admirables prodiges monstre tant au ciel, qu'en la terre, & la mer: & comme tous ceux qui resisterent à saint Iean Chrysostome, finirent leurs iours mal-heureusement.*

CHAP. XXXVI.



Es carnages, degast & pilleries en ce tēps furent autant grandes que depuis le monde créé on ait congneu estre aduenues en quelque aage que ce soit, & vrayement ceste estoille qui s'apparut sur la cité de Constantinople, en forme d'un glaue, donnoit à entendre obscurément ceste calamité: car non seulement les soldats moururent, & ces maux aduindrēt en quelque singuliere part du mode, ains tout le mode fut detrenché par ces calamitez, & quasi toute l'Europe fut ruinee. Pareillement vne grāde part del'Asie fut saccagée, tresgrād pays de Libye, & entre les autres principalement celle qui fut subiecte & tributaire aux Romains: car l'espee ennemie des barbares fit la multitude & grādeur du carnage: & qui restoit, perissoit de faim & pestilence, où estoit deuoré par bestes sauuages qui leur venoyēt sus en grandes troupes.

*Guerre, famine, peste.* Outre plus, les grands tremblemens de terre, renuersans des les fondemens les villes & maisons, precipiterent grand nombre de personnes en danger ineuitable. En plusieurs lieux la terre beante & ouuerre fut soudainement faicte le sepulcre des habitans des lieux où tels cas aduenoyent. Outre plus, les inondations des pluyes, en d'autres pays les enflambees seicheresses, en plusieurs les foudres & répestes du ciel apporterent vne diuerse & insupportable calamité. Voire en plusieurs lieux fut veuë vne gresle apporter des pierres plus grosses que celles desquelles on sesbat à ruer de la main, car elles auoyent enuiron huit liures de pesanteur. D'auantage ceux qui n'auoyent esté depechez par les susdictes playes, furent emportez par l'abondance des neiges, & cruauté des froidures. Toutes lesquelles aduersitez môstrent & publient assez euidement l'indignatiō de Dieu: desquelles traicter par le menu seroit œuure plus difficile que les humaines forces ne pourroyent entreprendre. En ce tēps fut vne si grāde Ecclipsē du Soleil, que mesme sur le midy les estoilles furēt veuēs esclairer: depuis laquelle telle secheresse s'ensuyuit, que de maniere inaccoustumee plusieurs personnes & grand nōbre d'autres animaux tōboyent morts par terre. Et lors que la lumiere du Soleil defaillit, soudain se môstra au ciel vne clartē semblable à quelque coupet d'un heaume ou d'une bute, large par bas & poincture par hault: laquelle les indoctes iugerent estre quelque comete, ou estoille cheuelue: Mais rien de la comete n'estoit semblable en ceste estoille. Car ceste clartē ne se repandoit en forme de cheueux, & ne representoit en soy quelque espee d'estoille: mais cōme de quelque grande lampe la flāme sembloit se maintenir d'elle-mesme, & nul de ses rayōs ne retenoit la semblance de quelque estoille: voire en estoit aussi differente en son mouuement. Car ceste splendeur cōmença à se mouuoir de ceste part de laquelle le Soleil se leue durant l'Equinoxe, puis petit à petit se tirant pres de l'estoille dernière qui est en la queue de l'Ourse, tenoit son cours vers Occident. Puis ayāt mesuré par son mouuement tout nostre hemisphere, l'espace de plus de quatorze mois, elle se disparut. Le sommet d'icelle quelquefois s'auāçoit en haulteur aigue & grāde, en sorte qu'elle excedoit la forme d'un coupet de heaume, quelquefois aussi s'abaissoit selō la forme d'iceluy. Elle môstra aussi plusieurs autres spectacles, par lesquels elle se separa de la nature des apparitiōs accoustumees. Et cōmença d'estre veuë depuis le milieu de l'estē iusques à la fin d'automne. Ce qui fut vn grand tesmoignage de grādes guerres, & tumultes incroyables entre les hōmes. Suyrent ce prodige plusieurs trēblemens de terre, non moins dāgereux que ceux qui auoyent esté au parauant que ceste estoille se monstast. Avec ces trēblemens, du ciel cōme fendu & party en deux tomba du feu en grande abondance, qui retrenchā toute esperāce de salut: & neantmoins n'apporta aucun dōmage aux personnes. Car la bontē diuine ayāt enuoyē en vent impetueux & vehement respandit le feu d'une part & d'autre, & le chassa en la mer. Pour lors on pouuoit veoir vn nouueau spectacle, à sçauoir les flots brusler & flamboyer, non moins que plusieurs regions voisines de la mer, iusques à ce que la flamme du tout fut estraincte entre les ondes. Durant ces trēblemens de terre en plusieurs lieux les voultres & couuertures des logis furent veuēs avec grād bruit & esclat se separer & desioindre l'une de l'autre, en sorte que ceux qui estoient dedans, veoyent de leurs yeux clairement le ciel: voire ceste rupture ainsi faicte au mouuement soudain se remettoient & reünissoient si bien les voultres l'une à l'autre, que nul par apres ne pouuoit aucunement veoir indice de ce nouueau miracle. Ainsi en aduint il aux nauires & aux pauez des maisons en plusieurs lieux. Voire de plusieurs greniers entrouuers au plancher, s'escoula le grain par les creuasses sur ceux qui logeoient aux bas estages de la maison, & s'espandit en si grande abondance sur eux qu'ils en furēt suffoquez: depuis toutesfois les fentes furent si bien reioinctes & le logis mis en son premier estat, qu'on doutoit d'où estoit escoulē ce froment, pour estre cause de la mort des personnes. Outre plus, s'elevèrent plusieurs semblables maux, qui monstrent suffisamment que ne procedoyent ces choses du cours de nature, ainsi que les sectateurs de la superstitiō Greque disent en radotant, mais que ce furent fleaux de l'indignation de Dieu enuoyez aux hōmes. Vrayement aussi plusieurs iugeoyent en ce temps que ces choses aduinrēt pour l'iniure manifeste faicte à ceste grāde lumiere de l'Eglise, saint Iean Chrysostome. Aussi aduint il pour lors qu'Eudoxie, femme de l'Empereur, trespassa de ceste vie, & fut faicte viande aux vers: en sorte qu'on pouuoit veoir son cercueil remuer, Dieu à sçauoir monstrent ce mouuement, lequel par ceste femme auoit esté esmeu contre l'Eglise. Peu de temps apres Theophile saisi du mal des costez, trespassa. Pareillement Arcace (ainsi que j'ay desia diēt) peu de temps suyuant deceda: ensemble Cyrin Euesque de Chalcedon, de ceste fortune qui luy aduint au pied mourut miserablement apres qu'on luy eut coupē les deux cuisses. Autres plusieurs finerent leurs iours d'autres maladies. Antioch aussi, Seuerien & leurs sectateurs mal-heureusement accomplirent leur vie, Dieu à sçauoir les punissant, pource que meschamment ils auoyent trahy & profanē les choses saintes. L'Empereur Arcade ne dura mesme guere long temps: Mais il fault que premierement i'expose le trespas de saint Iean Chrysostome, par apres aussi celuy d'Arcade: & lors i'imposeray fin, Dieu aidant, à ce treziēme liure de nostre histoire.

*Du dernier & loingtain exil de saint Iean Chrysostome, & de ses liures: ensemble comme ayant laissé  
cette vie il rendit son ame à Dieu* CH A P. XXXVII.



Lors que saint Iean Chrysostome estoit en Cucuse, il fut benignement receu & traité d'Adulphe, Euesque. Et là il repeut plusieurs personnes de pain spirituel, qui est la parole de Dieu, laquelle confirme vrayement les cueurs & illustre les esprits. Il composa pareillement grand nombre de liures bien vtiles & necessaires. Car quelques calamitez qui luy soyent aduenues ne peurent empescher la langue d'iceluy, escoulante ainsi que quelque fleuve impetueux. Il cōposa plusieurs liures de patience, & que non seulement nous ne deuons estre lasches de cuer, mais aussi n'estre aucunement offensez aux aduersitez. Il escriuit aussi plusieurs epistres à

*Les lettres & Escrips de Iean en Cucuse.*

*Les epistres d'iceluy à Olympiade.*

sainte Olympiade: en tout à sçauoir quinze de nombre, contenâtes vne merueilleuse grace de consolation: ausquelles il dit que seulement nous deuons auoir en horreur le peché. Il raconte aussi en icelles les tribulations qu'il endura sur le chemin, & comme l'ayant retiree de desespoir il l'auoit dressée en bōne esperance: ensemble cōme durant l'ardât esté, sur les chemins il auoit combattu avec vne vehemente fieur. Il recite aussi les vices de son estomac: & raconte de Gallo meschant hōme, lequel emmena l'homme iuste en exil, ensemble l'incommodité des hostelleries, faulte de seruiteurs, indigence des choses necessaires, voire qu'il ne pouuoit recouurer aucun medecin, ensemble de la terreur des Isauriens. D'auantage comme les moines enragez contre luy voulurent brusler son logis: cōme toutes choses luy furent contraires au chemin, & ceux qui estoient avec luy, non seulement n'ont eu aucune pitié de luy, mais aussi empescherent que quelcun ne luy fit misericorde, menassans griefuement vn chacun qui le regardoit de compassion. Outre plus, il se complaint du chemin, à sçauoir à cause qu'il estoit pieux, difficile, bossu & moleste: & pour ceste cause prie ceste heureuse dame, qu'elle medite ces choses en ses oraisons, à ce qu'il ne fust enuoyé plus loing, disant que le labeur du chemin luy estoit plus grief que six cēs exils. Ces epistres & autres qu'il enuoya à l'Euesque Cyriaque, cōprennent toutes ces choses & autres semblables. Or pource que ses aduersaires estoient fachez de ce qu'il estoit en Cucuse, ils le firent mener en Arabisse. Aussi ceux qui le menoyent, s'estudioyēt faire que le promēât d'un lieu en autre souuent, il perdist cuer & courage & finist miserablemēt sa vie: Mais d'autāt qu'il estoit de plus en plus assailly de diuerses tribulatiōs, d'autant il surmōra d'auantage toutes fortunes, & reluisoit en splendeur de patience, tāt estoit grāde en luy la plus saine philosophie, qu'il estoit renforcé d'afflictions: & redoit vne copieuse lumiere, ainsi que la flāme s'eleue du feu, s'il est entretenu d'un grand amas de bois. De là il fut mené à Pitye, selon qu'il auoit esté cōmādé. Or Pitye est vn bourg, assis en vne facheuse solitude, à la fin de la mer Pōtique, voisin de trescruels barbares. Ainsi qu'on le menoit en ce lieu, lors qu'il deuoit partir de ce mode il faisoit de nuit sa priere à Dieu, quād soudain s'apparurēt saint Pierre & saint Iean, conducteurs de sa vie passée, lesquels luy assisterent & amiablement deuifans avec luy, l'aduertirent qu'il auroit victoire des diables, & redroit son ame à Dieu, ensemble iouvroit avec liessé de plusieurs biens inestimables. Et lors le repeurent de viande celeste & ineffable, en sorte que depuis ce tēps il ne print aucune nourriture. Ces propos depuis furēt recitez par ceux ausquels ce bon personnage se fiant, les auoit reuelez & declarez. De là en auāt aussi il cōbatit encore plus heureusement contre les aduersitez. Car ceux qui auoyēt charge de le mener, faysoyēt grādes iournees, & quelquefois cheminoyēt lors que les grosses & drues pluyes tōboyent du ciel, quelquefois aussi lors que les rayōs du Soleil les brusloyēt. Aussi pour recōpēse de la cruauté qu'ils exerceoyent contre luy, plusieurs honneurs leur estoient proposez. Toutesfois il ne peut veoir Pitye, à sçauoir selon qu'Epiphane auoit predit. Arriué au bourg de Comaine, situé en Armenie, il fut mené au temple de Basilisce martyr, lequel on dit auoir esté Euesque & auoir cōbatu le combat du martyre soubz Maximin de Nicomedie. Là le martyr s'apparoissant à luy: Aye bō courage, mō frere, dit-il, car le iour de demain nous ioindra ensemble. Il cōmanda aussi au garde du temple qu'il apprestast vn lieu pour Iean. Depuis ce lieu ayans contre leur opinion delaisé leur droit chemin & erré bien trēte stades loing, ils reuindrent à l'Eglise de ce martyr. Parquoy ayant disposé de ses affaires, & appresté sa langue pour enseigner, il s'accoustra de ses vestemens plus ioyeusement que de coustume, en sorte qu'il print luy-mesme ses souliers: puis par la communion receut la diuine sanctification, rendant ceste action de graces: Gloire soit à toy Seigneur de toutes choses. Puis s'estant cōsigné du signe de la croix, soubz laquelle il auoit vecu, il entra au repos heureux, viuāt & regnant avec Iesus-Christ, pour lequel il endura plusieurs long labeurs, heureux vrayement de trespasler en ceste sorte, renomé en felicité: mais qui estoit deploré de ceux qui l'auoyent congneu, ou mediocrement gousté sa melliflue doctrine. Son decez escheut au iour auquel nous celebrons l'Exaltation de la viuifiante croix, qui est le quatorzième de Septembre. Car il estoit raisonnable que celuy qui auoit passé toute sa vie soubz la croix, & auoit mis sa gloire non à autre chose qu'à la croix, deposast & rendist

*Epistres de Iean à Cyriaque Euesque.*

*S. Iean & S. Pierre Apotres s'apparoissent à Iean, à son trespas.*

*Ils le nourrissent de viande celeste.*

*Basilisce, martyr en Comaine, se monstre à Iean.*

*Reception de l'Eucharistie auant la mort. Signe de la croix. Iean trespasse le iour de l'exaltation de sainte croix.*

# LIVRE XIII. DE L'HISTOIRE ECCLESIASTIQUE

La cendre en ce mesme iour de feste, qu'il auoit receuë de ceste matiere commune, & fust porté & exalté en haut deuant Dieu. Alors aborda en ce lieu vne multitude innumerable d'hommes & femmes viuans selon Dieu, lesquels s'assemblerent de la Syrie, Cilicie, Pont & Armenie: & lesquels apres l'auoir honorablement enseuely pres le martyr Basilisce, se partirent de là, & retournerent en leurs maisons.

*a les moines enraigez] Par aduenture qu'il fault lire au lieu de moines ou Monachi, Monomachi, c'est à dire gladiateurs: pour entendre les gens d'armes qui le menerent en exil.*

*b Pithye est vn bourg] Pline, liu. 6. chap. 5. parlant de la religion Colchique fait mention de Pithye, bourg tres-riche, pillé par les Henioches.*

*c Comaine, situee en Armenie] Comaine est vn bourg de Cappadoce. Pline, liu. 6. chap. 3. assis aux valles des monts Antitauras, ainsi que dit Strabo, liu. 12. Il est fait mention des Comainois. l. Quum antea. C. de Agric. & censit. lib. 11.*

## Du trespas de l'Empereur Arcade. . CHAP. XXXVIII.

*Deces de  
Arcade.  
Les enfans  
d'iceluy.*



*Miracle  
pour lequel  
Arcade ho-  
nora d'au-  
rage Jean  
apres sa  
mort.*

*Les ans que  
ce liure com-  
prend.  
:: Selon les  
nouveaux.  
4388.*

L'Empereur Arcade trespassa trois ans apres le deces de Iean, ainsi que sa femme Eudoxie estoit au parauant partie de ce monde. Il laissa pour successeur de l'Empire son fils Theodose, lequel on auoit seuré long temps y auoit. Il laissa aussi ses filles Pulcherie, Arcadie & Marine, encore tendrettes, lesquelles demourerēt chastes en leur virginité. Quelque temps apres Honoré mourut à Rome d'hidropisie, laissant apres soy en ceste ville Valentinien troisieme, fils de sa sœur Galle Placidie & de Constance, ensemble leur fille Honorie. Or Arcade auant la fin de sa vie eut bonne opinion du saint personnage saint Iean Chrysostome, pour la cause qui sensuit. En Constantinople a vn grand & beau logis appellé Carye, c'est à dire le Noyer, à cause qu'au milieu d'iceluy y auoit vn noyer, spectacle non à despriser, auquel on dit qu'Acace le martyr fut pendu, & accōplit son martyre. Aupres de ce logis, voire ioignant, est bastie vne chapelle pour prier Dieu, pour laquelle veoir Arcade vint en celieu, puis ayant fait ses prieres partit de là. Or estoit arriuee en ce lieu vne multitude innumerable pour veoir l'Empereur, en sorte que dehors toutes les places estoient pleines de monde: Mais soudain que l'Empereur fut sorty & eust quelque peu marché auant, ce grand bastiment trebuchâ par terre des les fondemens, de sorte qu'il ne fit aucun dommage à personne. Parquoy incontinent se leua vn bruit, que par les prieres de l'Empereur tous les assistants auoyent esté sauuez & deliurez. Ainsi se porterent ces choses. Arcade trespassa lors que son fils Theodose n'auoit que huit ans: & commanda treze ans avec son pere, & quatorze tout seul: lesquels sont cōtenus en ce trezieme liure, lors que depuis le monde créé couroit l'an :: cinq mil neuf cens vingt-trois: & depuis la natiuité de nostre Seigneur quatre cens dixhuit.

## FIN DV TREZIESME LIVRE DE l'histoire Ecclesiastique de Nicefore.

# COMMENTAIRES DE L'HISTOIRE DE GILDO, tyran d'Affrique.

**G**ildo, apres deux tyrans qui furent en Europe, à ſçauoir Maxime & Eugene, lesquels Theodoſe le grand vainquit, ſupporté de diuine faueur, ledit Theodoſe decedé, enuahit la tyrannie d'Affrique, & en iouyt avec tant cruelle domination l'eſpace de douze ans, qu'il mettoit la ville de Rome en faim & cherté de viures, à cauſe qu'il empeſchoit que le froment de Libye ne fuſt porté en ce lieu. Pour ce Claudian, poete Latin, qui viuoit en ce temps, introduit la ville de Rome ſe complaignante de ce que la Libye luy eſtoit rauie à ſon grand preiudice, diſant ces paroles :

*Or maintenant Gildo meſ de cœur tyrannique  
M'a rauy la Libye, lors que l'Automne inique  
Repouſſoit le beau train des cheuaux eſchauffez  
Du Soleil reluiſant, qui d'eſmail eſtoffe  
Font trainant ſon chariot flamboyant ſur la terre :  
Combien de perte, hélas, m'apporte ceſte guerece!  
Mes enfans orphelins du lait de leur nourrice  
Du froment de Libye & de la mer propice,  
Compaſſent de l'année les ſaiſons ſucceſſiues,  
Balancez ſils pourront en leurs prochaines rimes  
Preoir aborder le grain ſuffiſant pour les paître,  
Si quelque nauſ arrive, ſi de ce cruel maiſtre  
Honte peut arracher & tirer quelque proye  
Iadis prinſe ſur moy, las, qui peut qu'il ne voye  
Qu'à l'arbitre d'un Maure mes enfans ſont nourris,  
Lequel ſe vante, hélas ! que mes droits ne ſont pris :  
Mais les ſiens ſont preſtez, & ſelon, prend plaifir  
A conter mes deſpens, & ſelon ſon deſir  
Me tenir ſous le ioug comme ſa chambrière ?  
Puis un iour, puis un autre de contenance fiere  
M'enuoyant quelque peu pour ma prouiſion  
Compaſſe la famine, & par deriſion  
Tient mes enfans ſuſpens entre mort & la vie :  
Et d'un cœur barbareſque, d'une cruelle enuie  
De plus en plus ſeſleue & rend audacieux  
Qu'il void les pleurs du peuple eſtre ouys iuſqu'aux cieux.  
Il vend les bleds de Rome, il poſſede les terres,  
Leſquelles j'ay conquiſes par tant & tant de guerres,  
Dont ie porte les playés.*

Et de rechef elle dit:

*Les brides des cheuaux douze fois retirees,  
Le Soleil a fait train pour courner douze hyuers  
Depuis que ſur ma teſte ie porte un ioug peruers  
Enuicilly ſa ſur moy, que le tyran barbare  
M'impoſa furieux ; qui de licence auare  
Retient par tant d'années mon Royaume Libyque  
Proclamant qu'il eſt ſien.*

Or outre la tendre ieuneſſe des Empereurs Arcade & Honoré, lesquels pour ceſte cauſe il contemnoit, les excuſions des Barbares ſur l'Empire Oriental & Occidental, enſemble la tyrannie d'Attale empeſcherent que ce tyran ne fuſt recherché par armes. Il eut vn frere appellé Mecezer, lequel entierement gardoit ſa foy aux Romains : qui fut cauſe que Gildo treſ-cruellement tua les enfans d'iceluy. Depuis Honoré enuoya Mecezer avec vne bonne armee contre ſon frere : en ſorte qu'ayant en ſa compagnie cinq mil hommes d'armes, il vainquiſt & chaffa le grand oſt de Gildo. Depuis Gildo reprins comme il ſ'enfuyoit, fut pendu par ſon col au

## LIVRE XIII. DE L'HISTOIRE ECCLESIASTIQUE

voile du nauire. Claudian traire de l'expedition de Mecezer, de la victoire d'iceluy, ensemble du parricide de Gildo son frere : & deduit assez amplement son impieté, faisant en ceste part plustost l'office d'un historien, que d'un poete. Car lors qu'il narre le conseil de l'Empereur Honoré, il dit ces paroles :

*Or Metetzel est frere de ce tyran barbare  
Non moins vaillant que luy, mais de vertu plus rare,  
Lequel pour echaper son courage inhumain  
A mis son esperance & sa vie en ta main :  
Dequoy ce cruel homme, plus qu'un tigre enragé,  
Les corps de ses neveux de glaue a outragé  
Voyant que ne pouuoient ses efforts paruenir  
A massacrer son frere, & pour mort le tenir.  
Ceux qu'il auoit ensemble baisez & embrassez  
Lors enfans qu'ils estoient, ensemble a pourchassez  
Et deffaits de ses mains, paruenus à flou d'age,  
Puis delaissez leurs corps tous nuds à l'auantage  
Des bestes & corbeaux, deniant sepulture.  
A ses propres neveux, iactant toute nature  
D'oncle & frere germain, voire d'humain courage  
Ainsi que le sanglier escumant au carnage  
N'a permis que les corps qu'il auoit massacrez  
Fussent d'un peu de sable couuerts aux lieux sacrez.*

*Or maintenant soit triste ce barbare outrageux  
De veoir venir celuy chef fort auantageux  
De l'armee Romaine, lequel il a plonge  
En grand dueil & tristesse, car il sera vengé  
Et luy fera sentir le fruit de ses offences,  
Et qu'il ne peut dresser aucunes resistences  
Au moindre de tes gens : que celuy soit chassé  
Par le Duc qu'il auoit cy deuant pourchassé :  
Que celuy tremble & craigne, puis que le Prince vient  
Qu'il auoit combattu : toute chose paruient  
A son but pretendu : apres la bonne attente  
Celuy reconnoistra donc son frere en sa rente  
Lors qu'il sera trainé non moins que la victime.*

## HISTOIRE D'ALARIC :

Comme premierement avec ses Goths il print la ville  
de Rome & la saccagea.

**A**laric auoit ia assiegé la ville de Rome par l'espace de deux ans, en sorte que Honoré qui seiournoit & demouroit à Rauenne, ne pouuoit aucunement & n'osoit la secourir. D'auantage outre ce qu'il ne se soucioit en sorte quelconque du salut d'icelle, estant Stilico deffait, il n'y establit point de gouuerneur idoine, qui peust pour lors se môstrer vaillant contre les Goths pour les Romains. De là les Goths prindrent occasion d'aduiser comment ils pourroyent assieger la ville, voyans que les soldats Romains, ou s'estoyent retirez, ou laschement faisoient leur deuoir : Mais cest ennemy barbare l'ayant en vain assiegee, & ne pouuant par force en venir à bout, il a vsé de finesse, car il fit semblant de retourner en son pays, & choisit trois cens ieunes compagnons, excellens en force de corps & desprit, pour en faire present aux Princes de Rome, les ayant premierement instruits d'obeyr & se monstrier tres-seruiables à leurs maistres, & en certain iour à l'heure de midy, lors que les Princes Romains seroyent endormis, ou vaqueroient à oisueté, se retirer à la porte aux asnes : puis ayant d'assaut à l'impourueu tué les gardes d'icelle, la luy ouurir, & que là sans faute il se trouueroit prest. Ce pendant les Goths differans leur retour, faignans qu'ils auoyent faute tantost d'une chose, tantost d'une autre, ces trois cens ieunes hommes vsans opportunément de l'occasion qui se presentoit, à un iour arresté ouurirent la porte à leurs gens : & lors les Goths entrerent à foule en la ville, & la fouillerent plus par ignominie, qu'ils ne la despeuplerent par dommage. Aucuns disent que par l'industrie de Probe, femme illustre & tres-riche, la porte auoit esté ouuerte aux Goths, ayant pitié du peuple de Rome qui tomboit ainsi que les bestes, trauaillé de peste & famine.

Or



Or faut-il noter deux choses en passant, dignes d'estre remerquées. L'une est qu'Alaric fit vn edict que quiconque se seroit fuy & sauué au temple des saints, & principalement de saint Pierre & saint Paul, il ne fust aucunement recherché, & qu'iniure ne luy fust faite: ce qu'aussi fut entièrement obserué. L'autre est que l'Empereur aduerty de la ruyne de Rome, estima que ces propos deuoient estre entendus d'un coq hardy à la luitte & combat, duquel le nom estoit Rome, auquel vn peu au parauant il bestoit gabé assez plaisamment. Tant fut ce Prince de peu d'esprit & courage, ne retenant rien du tour de la vertu de son pere & de son pere grand: duquel vicaussi Arcade fut repris & noté. Car d'autant qu'il estoit adonné à sa femme Eudoxie, entre autres choses qu'il fit meschamment, il chassa en exil saint Iean Chrysostome, Eueque de grande sainteté & erudition, ce qu'il fit pour complaire à sa femme.]



## LIVRE QUATORZIESME DE l'Histoire Ecclesiastique de Nicefore, fils de Calliste, Xanthoupolis.

*De l'Empire de Theodose, le ieune, à sçauoir comment il fut administré par Isdigerdes, Roy des Perses, y ayant commis Antheme, auquel le sophiste Troile fut familier, & par iceluy faisant toutes choses.*

### CHAPITRE PREMIER.



Le venerable Iean Chrysostome, homme doué de langue doree, ayant esté esprouné au trauail des combats lesquels il exploita pour la querelle de Iesus Christ, & non moins purgé par afflictions, que le fin or souuent tiré de la fournaise, trespassa de ceste vie en la sorte que nous auons dite: & apres luy l'Empereur Arcade deceda, laissant son petit fils Theodose encores tendre, & en bas aage, considéré qu'il n'auoit encores attraits l'an huitiesme de son aage: lequel n'ayant que trois ans auoit perdu sa mere, qui de ce monde estoit passée aux peines futures.

*Arcade de  
laisse à son  
fils Theodo-  
se Isdiger-  
des curateur & tuteur.*

Or Arcade craignant que quelque chose ne mesaduint à son fils, auant sa mort, ordonna par son testament qu'Isdigerdes, Roy des Perses, fust curateur d'iceluy & de son Empire, iusques à ce qu'il fust paruenue à l'aage d'homme. Isdigerdes aduerty du vouloir & ordonnance d'Arcade, tint conte de cest affaire, & monstra vn euidet tesmoignage d'admirable vertu. Car de premiere entree il composa vne lóue paix, faisant trefues avec les Romains, pour cent ans, qui fut vn grand moyen de conseruer à Theodose son Empire, & le retirer de hazard & danger: puis ayant choisi vn certain Antioch, homme admirable & excellent personnage, comme pour tuteur & pedagogue en sa place, l'enuoya à l'Empereur, & luy bailla lettres pour presenter au senat de Rome, desquelles la teneur estoit telle: Consideré qu'Arcade de vostre Empereur m'a institué tuteur & curateur de son fils, i'enuoye pardela ce personnage, luy ayant donné charge de faire mon office, parquoy que nul ne soit si hardy d'oser espier l'enfant, & luy dresser quelques embusches, que ie ne face guerre mortelle & implacable contre les Romains. Antioch donc arriué en Constantinople, traita l'enfant ainsi qu'un Empereur: pouruoyant à ses affaires, & mettant peine que l'enfant fust magnifique lors qu'il se monstroit & marcheroit en public, & qu'ensemble il fust bien instruit aux faits de guerre.

*Isdigerdes  
Roy des Per-  
ses fait paix  
avec les Ro-  
mains pour  
cent ans.*

*Nourritura  
d'un en-  
fant Impé-  
rial.*

# LIVRE XIII. DE L'HISTOIRE ECCLESIASTIQUE

*Antheme  
administra-  
teur de l'em-  
pire orien-  
tal.*

Puis ayant demouré avec luy par l'espace de quatre ans, il se retira en son pays : & lors la charge de toutes les affaires fut commise à Antheme gouverneur, lequel fut neveu de la part du fils, de ce Philippe, qui, ayant chassé Paul, Euesque de Constantinople, mit au siege d'iceluy l'impudent Macedoine, ainsi que nous auons dit au liure dixiesme. Or cest Antheme fit desmolir les murailles de Constantinople, pour dilater & augmenter la ville, tellement qu'ayant enfermé quelques fauxbourgs, il la fit fermer d'une haute & grosse muraille de terre cuite, telle qu'on voit encores de present : & parfit cest ouuage en deux mois, d'une diligence & hastie si grande, voire presque incredible. Il estoit homme fort prudent, enquoy il surpassoit plusieurs de son temps : & ne vouloit faire chose quelconque sans longuement y auoir pourpensé & aduisé. Et nonobstant qu'il communiquast son conseil à plusieurs touchant les affaires publiques, principalement toutesfois il vsoit familièrement du sophiste Troile, & fort priuement luy descouuroit les entreprinse, & vrayement aussi y auoit-il en Troile une singuliere prudence pour administrer la republique, en quoy il suiuoit de pres Antheme. Aussi faut-il noter icy qu'Antheme long temps apres par le commandement de l'Empereur fit bastir les murailles de la ville. C'est Cyz gouverneur d'icelle estat son adioinct à ceste entreprinse. Mais c'est assez parlé d'Amioch & Antheme, gouverneurs de l'Empereur.

*Troile, sophiste, familier d'Antheme.*

*Cyz, gouverneur de la ville.*

*De la vie, institution & administration des republiques : ensemble de la digne pieté & vertu de Pulcherie, sœur de l'Empereur Theodose.*

CHAP. II.

*Pulcherie a la charge de son frere Theodose, par diuine providence.*



*Louange de Pulcherie.*

*Les Empires sont principalement ar-  
restez par pieté.*

*Scavoir par les nopces & mariages tant d'elle que de ses sœurs.*

*Present fort riche que Pulcherie fait au temple de Constantinople.*

*Sozom. li. 9. chap. 1. Education & institution d'un prince Chrestien.*

Or la diuine providence donnant ordre principalement que l'Empereur Theodose fust rendu debonnaire & instruit en deuotion, luy pourueut d'un autre tuteur plus proche & gouverneur de l'Empire : à sçauoir de Pulcherie, sœur d'iceluy, laquelle dès son enfance fut tant sage & bien apprinse, qu'elle ne cedoit quant à la vertu & prudence ciuile, à ceux qui estoient en ces graces estimez tres-excellens. Dequoy nous pouuons colliger que la seule pieté vraye & entiere peut suffisamment douer & enrichir les Princes pour leur salut : ainsi qu'au contraire sans icelles, les gendarmeries & troupes militaires, ne les cheuaux & train, les forces des espees, bandes innumerables de personnes, l'or & l'argent, ne tous les arpens de terre, ou autre appareil qu'on puisse dire, ne profitent aucunement. A la verité ceste bone Princesse n'auoit encores que quinze ans, qu'elle manioit les affaires de l'Empire avec une grace & sagesse plus diuine beaucoup que l'age ne promettoit. Et premierement elle voula de garder entiere sa virginité par toute sa vie : puis persuada :: ses sœurs de faire le semblable, pour retrencher toute enuie & contention de la cour Imperiale. Ce pendant, elle a dû tout coupé la broche à toutes menées & surprises qui eussent peu se presenter. Et pourtant qu'elle iugea estre bon arrester son conseil & entreprinse par quelque gage, elle donna certain tesmoignage de sa sentence deuant Dieu, & l'ordre sacré des Sacrificateurs, voire en la presence des citoyens ses subiects. Pareillement elle donna à l'Eglise Catholique de Constantinople un parement admirable en beauté & façon incredible, enrichi d'or & de pierres precieuses, de la grandeur de l'autel, pour orner le deuant d'iceluy en forme de quadrangle, auquel estoient brodees quelques lettres si estranges : & d'iceluy fit present pour sa virginité & pour l'Empire de son frere. Apres, ayant receu la charge de l'Empire, d'une grace & verité merueilleuse, surpassant la condition de son frere, administra les affaires de Rome autant bien qu'il estoit possible, à son grand honneur & louange : car elle estoit prompte à prendre & donner conseil, voire à mettre par escrit ce qui estoit deliberé. Aussi estoit elle exercee tres-grandement tant à escrire qu'à parler, fust ce en langue Latine ou langue Grecque : & tellement honnoroit son frere qu'elle luy attribuoit toutes les choses excellentes qu'elle auoit faites. Elle fut principalement soigneuse de le faire nourrir aux arts Imperiaux, & instruire aux disciplines conuenables à son aage, en sorte qu'il apprint l'art militaire & de cheualerie, de ceux qui estoient tres-experts en ces choses. Mais elle luy monstra de quelle grace & maintien il se porteroit aux publiques assemblees en quelque temps qu'elles fussent faites, & l'enseigna de quelle contenance il se montreroit magnifique & gracieux, ainsi qu'il conuient à un Empereur : à sçauoir comment il se couuroiroit de sa robe Imperiale, comment il se tiendrait assis, il chemineroit & modereroit son ris : à ce qu'en toutes choses, ainsi que le temps requerroit il se monstrast ou amiable, ou terrible, & affable pour entendre les requestes des supplians. Et principalement elle l'endoctrina de la iustice & vraye pieté, ainsi qu'elle veoit estre necessaire : comme souuent il falloir adorer & prier Dieu, aller aux temples, enrichir les Eglises sacrees, basties en l'honneur de Dieu, & luy donner des vailseaux, ioyaux & ornemens, priser grandement l'ordre des Sacrificateurs, & tenir conte des gens de bien, qui viueroyent entierement selon les loix Chrestiennes. Telles estoient ses instructions. Aussi fit elle par sa diligence que la religion demourast ferme & solide en son estat, nonobstant

nonobstant que plusieurs s'efforçassent la depraver & corrompre par nouvelles doctrines & precipiter en grand danger : en sorte qu'elle fut la cause principale qu'en ce temps là, nulle herésie nouvelle n'osa se dresser contre l'Eglise, ainsi que nostre histoire le dira en son lieu. Et d'autant qu'elle seruoit Dieu d'un grand courage, on ne pourroit facilement raconter combien de sacrez temples elle fit magnifiquement bastir, combien de domiciles & monasteres de gens craignans & ayans Dieu elle fit construire, leur ordonnant & constituant reuenu suffisant pour leurs despens, & baillant toutes choses necessaires à ceux qui s'estudioient à pieté & deuotion. De tous ces bastimens en grand nombre, quelques peu restent, qui ayans surmonté l'injure des temps, peuuent tesmoigner de la sainteté de ceste Princeesse : car le sacré temple de la mere de Dieu, appelé Blanchernes, estimé digne domicile auquel la mere du verbe diuin habitast, fut edifié par ceste bonne Dame, ainsi que l'Eglise dedice au Fils de la vierge, dit le temple de sainte Sophie. Elle fit aussi garder avec grande reuerence en l'Eglise de la vierge marie, le diuin tombeau & le suaire & linge des funerailles d'icelle. Elle fit aussi bastir l'Eglise illustre du surnom des conducteurs du chemin, auquel elle fit reseruer la diuine image de la mere de Dieu, laquelle l'Apostre saint Luc laissa depeinte en vn tableau, ensemble la sacree quenouille d'icelle, & les benedettes du sauueur, lesquelles Eudoxie Auguste enuoya, lors qu'elle fit le voyage en Hierusalem, & commanda estre le tout gardé comme quelque grand tresor. Outre plus elle fit construire la sainte Chapelle située au marché des forgerons, appelée Le saint Sepulchre. Les deux temples susdits furent magnifiquement bastis, superbes vrayement tant en beauté qu'en grandeur. Ceste Dame fut pour sa maniere de viure tant aymée de Dieu, qu'il l'exaulça souuent & recent ses prieres, & souuent luy apparut, l'instruisant de ce qu'elle deuoit faire. Et comme il me semble, les hommes ne peuuent estre aymez de Dieu, s'ils ne s'en rendent dignes par leurs faits : parquoy ceste bonne Pulcherie enseigna ses sœurs de faire le semblable qu'elle, de porter honneur & reuerence aux prestres, aux temples, s'employer aux indigens & mendians, & user de liberalité enuers les estrangers. Leur quotidienne maniere de viure, & le progrez d'icelles, sembloit estre nouveau à toutes personnes. Nuit & iour elles louoyent Dieu en hymnes & cantiques. Elles fuyoyent oisiveté, tissans de la toille pour le ministère Ecclesiastique, & passans le temps à d'autres ouurages : car elles estimoyent que s'etardise & paresse n'estoit propre à la maniere de viure, pour laquelle elles auoyent embrassé la virginité. Pour ceste cause elles reiecterent ces vices & autres superfluités vütes aux cours imperiales : parquoy à cause que Dieu leur fauorisoit, leur maison estoit tresbien administree, & l'aage desiré de l'Empereur s'accroissoit de iour en iour : & toutes les menaces & guerres suscitées par les aduersaires, soudain de leur propre mouuement, Dieu aydant, estoient estaintes : & l'Empereur de iour en iour augmenté en toutes bonnes choses fust formé par les louables conseils de sa sœur en l'excellente forme de l'Empire, comme quelque statue & image infigne.

*Temples & maisons de deuotion qu'elle a fait bastir.*

*Tombeau de la vierge mere, & autres reliques.*

*L'image de la vierge Marie faite par S. Luc.*

*Vertus des sœurs de Pulcherie. Fuite d'oisiveté*

*Exemple d'un Prince tres-Christien.*

*De la vertu de Theodose, laquelle il apprint dès son enfance : ensemble des mœurs, liberalité, graciuseté, insigne religion & pieté d'iceluy.*

*CHAP. III.*



Nous ne pouuons passer sous silence les actes heureux de Theodose, encore qu'ils ne soyent du tout congneuz à toutes personnes, sans preiudice de nostre histoire : parquoy il nous est besoing en faire quelque abrégé, pour l'instruction de Princes & grands Seigneurs. Or premiere-ment ayant esté nourry & instruit ainsi qu'il appartient à vn Empereur, il ne donna aucun tesmoignage qu'il fust ou delicat par trop, ou lasché : mais fut tant bien instruit, non seulement aux choses de ce monde, & aussi bien entendu aux celestes qui sont par dessus nous, que ceux qui deuisoyent avec luy, iugeoyent que vrayement il excedoit la capacité de tout humain entendement. Voire il fut si fort & patient aux trauaux & afflictions, que facilement il enduroit le changement & mutation des temps, & combattoit cõtre le chaud & le froid. Il s'accoustuma aux ieunes, & principalement le iour quatriesme de la sepmaine, & du vendredy, retenant la memoire de la passion de Iesus Christ : voulant par ce moyen paruenir au sommet du Christianisme. Et si bien dressa sa court Imperiale, que rien elle ne differoit d'un monastere. Se leuant du matin il chantoit alternatiuement avec ses sœurs des psalmes & hymnes à l'honneur de Dieu, & tousiours auoit en sa bouche des paroles spirituelles. Quelque fois conferant avec les Euesques & prestres, il expliquoit les neuds & lieux difficiles des escritures, tout ainsi non moins que s'il eust esté initié aux ordres sacrez. Il fut entre autres choses tant curieux de d'amasser des liures sacrez & interpretes d'iceux, qu'en ceste louange il ne fut inferieur à Ptolemy. La nuit il s'employoit à les lire, ayant vne lampe, laquelle par industrie & certain engin se fournissoit d'huile, sans qu'il fust necessaire d'y mettre la main : en sorte qu'il n'estoit besoin qu'aucun de ses seruiteurs fust trauaillé pour cest affaire, & fit violence à sa nature, com-

*Le palais d'iceluy semblable à un monastere.*

*Theodose fut bon es-crimain.*

batant avec le sommeil. Il escriuoit de sa main vne lettre fort nette & belle: tellement que plusieurs de ses escrits sont conseruez iusques à present, ayas surpassé toute iniure des temps, à sçauoir les Euangiles & quelques autres œures, distinguées entièrement avec lettres d'or, les pages desquelles sont dressées en forme de croix. Par le moyen duquel labour on dit qu'il eust peu gagner honnestement sa vie. Quant à endurer des maux, il surpassa en plusieurs sortes toutes personnes, & principalement ceux qui pour ceste cause ont esté renommez entre les Grecs: car iceux promettans de parolles qu'ils exhiberoient la philosophie ou estude de sapience, ils ne la sceurent monstrier par effect: mais Theodose ayant delaisié les enuolepees perplexitez d'Aristote, il exerça de fait la philosophie, commandant à l'ire, douleur & volupté, Ainsi maistrisa-il sa colère, qu'il ne se vengea iamais de personne avecque de laquelle il eust esté offensé, & nul ne le veid enflambé de courroux. Ce qui confirma le propos qu'il dit à l'un de ses familiers, qui luy alleguoit qu'il n'auoit fait mettre à mort aucun de ceux qui luy auoyent fait iniure. A la mienne volonté, dit-il, que ie peusse reuoyer la vie à ceux qui sont morts il y a ia long temps. Il respondit aussi à vn autre qui luy tenoit quasi mesmes propos, que ce n'estoit chose nouvelle si quelqu'un mourroit, considéré qu'il estoit homme. Mais que reuoyer vn homme par penitence à la vie, lequel vne fois sera mort, c'estoit l'œuvre d'un seul Dieu. Il s'exerça tant en ceste vertu, que si quelque fois aucun auoit commis vn crime capital, moyennant que par arrest il n'eust esté mené iusques aux portes de la ville, il luy faisoit misericorde. Quelque fois ainsi qu'en l'amphitheatre de Constantinople il donnoit le plaisir & proposoit le spectacle de la venerie, le peuple s'escriant qu'il falloit enuoyer quelque hardy & noble aduenturier pour combattre vne beste trescruelle & terrible: Ne sçavez vous pas, dit-il, que nous auons coustume prendre plaisir à d'autres ieux plus humains? Parquoy de là en auant il monstra au peuple comment ils deuoyent vser de spectacles. Il fut doué de religion pure & entiere deuotion, de sorte qu'il portoit tres-grand honneur à tous prestres, & principalement à ceux lesquels il congnoissoit reluire en sainteté de vie. Il aduint quelque fois qu'un Euesque trespassa, lequel on iugeoit estre bien aimé de Dieu, dequoy Theodose aduertty, demanda le sçay d'iceluy, encore qu'il fust sale de crasse & sueur: & dit-on qu'il le porta dessous son manteau Imperial, se tenant par ce moyen assuré qu'il receueroit quelque chose de sainteté de ce personnage. Vne autre fois ainsi qu'il donnoit au peuple la recreation des ieux Circenses, selon la coustume, pour gratifier à ses subiects, se leua vne longue tempeste & orage. Voyant ce bon Empereur que les pluies & gresles tomboyent en grande abondance, il declara combien estoit sa deuotion enuers Dieu: car il commanda à ses herauts & trompetes d'annocer au peuple, qu'il estoit plus expediēt de laisser là les ieux & spectacles, & par prieres appaiser Dieu, afin qu'il les deliurast de la presente calamité. Ce que soudain fut fait. La litanie fut instituee, & firent processio, supplias la maiesté diuine: ils chanterent les louanges de Dieu: & toute la ville assemblee marchoit d'accord, comme si ce n'eust esté qu'une Eglise & paroisse, & au milieu de toute ceste troupe l'Empereur reuestu comme vne personne priuee, se faisoit ouyr entre les autres, chantant des hymnes au createur de cest vniuers. Et vrayement il ne fut trompé de son opinion: car soudain le ciel rendant vne splendeur & serenité grande, changea l'air trouble & obscur, & depuis s'ensuiuit grande abondance de bleds & fromens, & fut l'année fort fertile, encore que pour lors, à cause de l'année precedente qui peu auoit rapporté, ou fust en grande nécessité. Brief ce bon personnage, si l'on peut ainsi dire, fut enrichi & orné de tous biens: & non moins il fut honorable pour sa misericorde, douceur & pureté d'esprit, n'admetant aucun orage & tempeste de vice quelconque, outre plus pour la foy sincere & approuuee, accompagnée d'une deuotion feinte, ainsi qu'on peut colliger de ce qui s'ensuit. Quelque personnage lequel suiuoit la trace trop aspre & seuer de vertu (à sçauoir la vie monastique) de courage brutif quelque fois s'adressa à luy, le requerant de quelque chose: mais voyant que pour souuent auoir demandé ce qu'il vouloit, il ne pouoit rien impetrer, il soubsmist l'Empereur aux liens Ecclesiastiques, le chassant de la cōmunion. L'Empereur arriué en son palais, nonobstant que les tables fussent dressées & conuertes, & que ceux estoient venus qui se deuoyent seoir, il ne voulut toutes fois prendre aucune viande, que premierement il ne fust absous des liens desquels on l'auoit chargé. Parquoy il enuoya l'un de ses gens à l'Euesque de Constantinople, requerant qu'il commandast que celuy le vint absoudre, qui l'auoit lié. Lors l'Euesque refusant ce faire, & disant que ce ne deuoit estre estimé lien, qui auoit esté lié indiscretement par le premier venu, & que ia il estoit assez absous. L'Empereur ne voulut encore acquiescer à ceste parole, de sorte que celuy fut cherché avec grande peine, qui l'auoit lié, & luy donna l'absolution: & lors l'Empereur print son repas. Ainsi estoit Theodose religieux, & soigneusement reigla sa vie des loix diuines. Pour ceste cause tout ce qui restoit encore en ce temps, des Idoles, fut abbatu totalement & dès les fondemens, que ceux qui luy succederent ne peurent voir vn seul vestige de ceste premiere fraude & seduction. Et fit vne ordonnance & loy certaine touchant l'opinion qu'il auoit des simulachres & dieux des Gentils.

*Philosophe.*

*Theodose  
porte le sçay  
d'un Euesque  
que des-  
funct.*

*Supplicatio  
pour la se-  
renité du  
temps.*

*Theodose  
n'a contem-  
né l'excom-  
munication  
illegitime  
d'un moi-  
ne.  
Idolatrie  
du tout ren-  
uersée.  
L'omnia lo-  
ca. C. de sa-  
cris. pa. &  
templ.*

*Canonic*

*comme Dieu defendant ce debonnaire Empereur, asopit toutes les guerres  
par moyens admirables & non espere.*

C H A P. III.



Ant estoit grande la deuotion de cest Empereur, que si quelquesfois il *Dieu mani-*  
fentoit quelque guerre s'esmouuoir contre luy, il auoit son recours à *sestement a*  
Dieu, imitant en cela le diuin & chantre expert Dauid, pour ce qu'il sca- *destourné*  
uoit que les batailles estoient en la main d'iceluy, comme de celuy qui a *les guerres*  
le maniment de toutes affaires: qui fut cause que le tenât pour son cer- *de Theodo-*  
tain tuteur & curateur, il receut fructs dignes de sa bonne esperance. *se.*  
Parquoy nonobstant que ie semble estre transporté hors de mon argu-  
ment entrepris, ie raconteray toutesfois d'entre plusieurs choses, quel-  
que peu d'elles, touchant de ses faits, regardant tousiours à publier la

verité. Roilas ayant leué vne grosse armee de Scythes Nomades, passa l'Istre, & gasta en ce tēps *Roilas, Scy-*  
route la Thrace: de sorte qu'il vint iusques à la ville Imperiale, pensant au premier cry & assaut *the, fou-*  
soudain y entrer, la piller & saccager. Mais Dieu defendant du ciel l'Empereur, enuoya vn ton- *droyé avec*  
noire & foudre violent, lequel brusla & mit en cendre non seulement ce Barbare, mais rompit *les siens.*  
& mit en pieces ses bandes innumerables. Ce mesme fit il contre les Perles: Car ainsi qu'une  
compagnie d'entre eux qui ne cherchoit qu'à piller, ayant reiecté la paix, couroit sus les terres *Les incur-*  
voisines de leur pays, ne se presentans aucunes aides pour soulager les oppressez, ce pendant *sions des Per-*  
que les Capitaines & troupes militaires estoient occupees à d'autres guerres, Dieu les pourfuy- *ses sur les*  
uit avec vne pluye tres-vehemente, entremeslee de grêle tres-grosse, de sorte qu'il ne leur per- *Romains*  
mit passer outre: & empestra si bien d'entraues les pieds de leurs cheuaux, qu'en vingt iours *empeschees*  
ils ne pouuoient passer vingt stades, iusques à ce que l'armee de l'Empereur fust assemblee, qui *par gresles*  
leur resista courageusement. Vn peu au parauant, lors que les Perles assiegeoient & assailloyēt *& puyes.*  
la ville, nommee de pareil nom que l'Empereur, ayans pour leur chef vn nommé Gorannes, en- *Gorannes*  
core qu'ils trauaillassent beaucoup pour en iouyr, & la barissent de toutes sortes d'engins, voi- *duc des Per-*  
re iusques à l'environner de tours de bois, erigees hors la ville, à la hauteur de celles de la ville, *ses.*  
pour plus aisément la battre, ils se firent moquer d'eux, d'autant que nonobstant tout cest appa-  
reil ils ne peurent rien faire: Car Eunome, Euesque du lieu, rompoit & mettoit en pieces toutes  
les machines qu'ils pouuoient esleuer. Et comme les nostres pour la multitude des assaillans a- *Eunome*  
uoient perdu tout courage, luy combatant cōtre eux par ses prieres, garda la ville sauue & en- *par ses prie-*  
riere. Lors vn des Sattapes de la compagnie de Gorannes delgorgea là tels blasphemés que ia- *res sauue*  
dis Rabfaces & Sennacherib, menassant d'un furibond courage de brusler & mettre en cendre *Theodosio-*  
le sacré temple de ceste cité. Adonc saint Eunome ne pouuant endurer ceste contumelie, com- *ple.*  
manda qu'à la principale forteresse nommee de saint Thomas l'Apostre, on dressast vn engin  
de guerre pour lancer des pierres, & que d'iceluy fust ietee vne grosse pierre en la face de ce  
blasphémateur. Et soudain la pierre poulsee par force de cest engin vint frapper la bouche de-  
testable de ce Sattape maldisant, froissa toute sa face, brisa sa teste, & respendit toute la ceruelle  
d'iceluy. Gorannes ayant veu ceste punition, perdit toute esperance de pouuoir gaigner la vil-  
le, & fuyant de là & leuant soudain le siege croit que de fait il estoit vaincu. Et tant fut il saisi  
de crainte que de là en auant il contracta alliance avec les Romains, & embrassa la paix. Tant *Paix entre*  
grandement Dieu se soucioit de l'Empereur son seruiteur: lequel aussi pour ceste cause luy ren- *les Perles*  
dit graces, & le seruit de telle religion & deuotion qu'il falloit. Mais qu'est il necessaire raconter *& Ro-*  
comment Dieu dissipa les guerres esmeues en Occident contre luy & son oncle encore viuant? *maines.*

*Des tyrans qui se leuerent en Occident contre l'Empereur Honoré,  
& de Constance son gendre.*

C H A P. V.



Nonobstant que plusieurs tyrans se soyent leuez aux regions Occidē-  
tales, aucuns d'iceux toutesfois partie se combatans les vns les autres, se  
sont desfaits eux-mesmes, partie par force diuine tombez entre les mains  
de ces deux Empereurs, leur ont assez tesmoigné l'amour & faueur que  
Dieu leur portoit. Or auons nous cy dessus parlé de Stilico, & Alaric de  
Gothie: ce seulement omis que lors qu'en Italie, & en la ville de Rome  
quelques seditieux se reuolterent contre l'Empereur Honoré, iceluy  
Empereur se retira à Rauenne: & pensant que cest Alaric luy fust feal,  
lequel il auoit créé gouuerneur des Gaules, il l'enuoya avec vne  
grosse armee pour venger les iniures faictes à l'Empereur. Mais  
iceluy arriué ceste part, ayant par ruse deceu les citoyens entra dedans la ville de Rome: &  
là ayant enleué les deniers publics, il rauit Galle, qui fut aussi appelee Placidie, sœur d'Honoré,  
K x k

laquelle estoit encore bien ieune, & non mariee, puis partit de ce lieu : & la donna en garde à Constance, comte, & son tres-fidele amy. Lequel Constance l'ayant receue avec ces deniers que nous auons dit, s'en vint vers l'Empereur Honoré. Avec lequel il marcha contre les ennemis, & bataille contre Alaric, & emporta la victoire. <sup>b</sup> Parquoy Honoré voulant recongnoistre ceste bienueuillance & foy de Constance, luy bailla Placidie en mariage : & pour l'honneur qu'il portoit à sa sœur, l'esleua à la société de son Empire, l'ayant orné de couronne & pourpre. Ce fait, il le laissa à Rome : & s'en alla à Constantinople pour mettre ordre aux affaires de Theodose son neveu de la part de son frere, à cause que le pere d'iceluy estoit decédé depuis peu de

*Tyrans Occidentaux en Bretagne.*

*Tyrannie de Constantin.*

*Constant son fils, de moi ne fut fait Cefar. Dia.*

*Meurtre de Didyme & Veronien. Au lieu de Veronien, au cuns lisent Viridien. Theodosiol, Lagod.*

temps. Ce pendant les soldats qui estoient en Bretagne ayans esmeu sedition declarerent publiquement l'empire appartenir à Marc. Et peu de iours apres iceluy mis à mort, esleuerent Gracian en la dignité Imperiale. Aufquels aussi quatre mois accomplis ils couperent la gorge, & donnerent l'administration de toutes les affaires à Constantin, ayans opinion pour l'excellence de son nom que l'Empire luy seroit stable & asseuré : nonobstant qu'ils fussent poussez de mesme raison quand ils esleurent les autres. <sup>c</sup> Or Constantin passa de Bretagne à Boulogne cité de la Gaule, assise au bord de la mer, & fit tant par ses menées qu'il attira vers soy tous les soldats de la Gaule & Aquitaine, ensemble tous les subiects qui pouuoient estre iusques aux Alpes, que les Romains appellent Cotties, situes entre la Gaule & l'Italie : puis ayant déclaré Constant son fils aîné Empereur, il luy conféra la dignité de Cesar, & l'enuoya en Espagne. Là iceluy arriué assaillit par guerre Didyme & Veronien, qui estoient de la consanguinité d'Honoré Empereur : & apres les auoir cobatus en Portugal, & prins vifs, les fit mettre à mort avec leurs femmes : puis ordonna en ceste prouince tels gouuerneurs qu'il voulut. Theodosiol & Lagod freres de ceux que nous auons dit auoir esté meurtres & tuez, se sauuerent à la fuite : desquels Theodosiol s'en vint en Italie vers Honoré, & Lagod tira de la part d'Orient vers Theodose. Ces choses ainsi faites Constant retourna vers son pere Constantin. Or pour ce qu'à l'entree des Espagnes il auoit assis des garnisons assez mal commodés, il fut cause à ces regions d'un grand degast & deffaitre : Car les compagnies de Constantin desfaites, les Vandales, Suaues, Alains, nations Barbares & cruelles, ayans occupé ce passage, prindrent plusieurs villes & chasteaux des Gaules & Espagnes, & quelques Ducs de ce tyran. Neantmoins Constantin voyant qu'encore ses affaires luy succedoyent à souhaiet, declara son fils Constant Auguste, & voulut passer en Italie. Ayant donc gagné les Alpes Cotties, il arriué en Liberon, cité de Ligurie : & ja estoit prest de passer outre le fleuve d'Eridan, s'il n'eust esté aduertie de la mort d'Alaric, laquelle entendue il se retira : Car cest Alaric, duc d'Honoré, estoit suspect de trahison, comme celuy qui auoit donné les moyens à Constantin de s'emparer de l'Empire. Dequoy Honoré aduertie, apres qu'il reuenoit de se recreer, & prendre air en quelque lieu, soudain qu'il fut descendu de son cheual, il rendit graces & louanges à Dieu, comme deliuré d'un traistre manifeste. Mais Constantin & son fils Constant hastiuement s'enfuirent & retirerent en la ville d'Arles : Car son armee respan due çà & là, les nations Barbares que nous auons dictes, auoyent occupé les lieux remplis de biens & richesses, & s'estoyent saisis des enuiron des monts Pyrenees : & de là ayans assez negligemment pourueu ce passage de garnisons, tirerent dedans les Espagnes.

<sup>a</sup> se soyent leuez aux regions Occidentales] Les Ducs des Vandales, Alains & Suisses ont enuoyé leurs ambasades à Honoré avec charge de luy dire : Recoyle alliance & paix d'un chacun, pren de tous des ostages : nous bataillons à nostre dommage & perte, & gagnons pour toy : ce se sera un gain pour la republique si nous perissons tous. *Diac. Constance surmonte Alaric. & pour ce espouse Placide sœur de l'Empereur.*

<sup>b</sup> Parquoy Honoré voulant recongnoistre, &c.] En ce temps saint Ierosme mourut en Bethleem, âgé de nonante & un an. *Diac.*

<sup>c</sup> Or Constantin passa] En ce mesme temps Pelage Breton, supporté de celestin & Iulien, mit en auant une doctrine heretique contre la grace de Iesus Christ : laquelle fut condamnée à Carthage au Concile de deux cens & dixsept Euesques.

Des tyrans Maxime, Geronce & Constantin, & autres desfaits par Constance : & comme Constance eust l'administration des affaires publiques, Valentinien le troisieme apres Honoré laissa Empereur de Rome.

## CHAP. VI.

*Geronce établit le tyran Maxime.*

**E**N ce mesme temps Geronce le plus excellent de tous les Ducs de Constantin, pour quelques inimitiez qui se leuerent entre eux, esleua en dignité Imperiale son tres-grand familier Maxime, estimant qu'il seroit assez propre pour exercer cest office, qui fut cause qu'il luy bailla la robbe de pourpre. Puis le laissa à Tarascon, & ayant



ayant amassé quelque grâd' gend'armerie marcha hardimēt cōtre Constantin: en sorte qu'estant descendu à Vienne il delibera faire mourir son fils Constant. Ce conseil de Geronce r'apporté à Constantin, il enuoya son duc Edouic delà le Rhin pour prendre secours des François & Alle-mans: & donna la charge & garde de Vienne à son fils Cōstant, lequel n'estoit encore occis par les embusches de Geronce. Geronce tira droit auec son camp vers Arles, où Constantin s'en estoit fuy, & assiegea la ville. Alors Honoré enuoya vne grosse armee contre le tyran Constantin, guidée par le duc Constance, lequel cy dessus nous auons dit auoir espousé Galle Placidie sœur de l'Empereur: & depuis d'icelle engendra Valentinien troisieme, & Honorie sa fille. Geronce estonné de ces nouuelles hastiuement se sauua auec quelque peu de gens. Ses autres sol-dats se tirerent de la part de Constance. Les Espaignols mesprisans Geronce pour ce qu'il s'en estoit fuy si soudainement, prindrent cōseil entre eux de le faire mourir. Parquoy de nuit ils en-uironnerent son logis, & d'autant qu'ils estoient assez bien munis d'armes, commencerēt à s'ef-forcer d'accomplir leur dessein. Sur ces entrefaictes Geronce & vn Alain, auec quelques vns de ses amis monterent sur la couuerture du logis, & tuerent bien trois cens soldats qui les assail-loient. Et apres que les dards leur defaillirent, les seruiteurs secrettement descendirent en bas, & s'enfuirent tant qu'ils peurent. Mais Geronce ne voulut faire le semblable, tant il estoit lié en amitié auec sa femme Nunychie. Sur le point du iour les ennemis mirent le feu en la basse par-tie de la maison. Voyant donc Geronce que ne luy restoit aucune esperance, premierement il trencha la teste d'Alain, lequel assez volontiers se presentoit à la mort: puis celle de sa femme, considéré qu'elle lamentoit & plorant se presentoit au glaiue, priant son mary que plustost elle receust ce dernier octroy de luy, & mourust de son espee, que de permettre qu'elle vint entre les mains de ses ennemis. Ainsi ceste dame se monstra digne de sa religion (car elle estoit Chrestie-ne) & de courage du tout viril, en ceste sorte finit sa vie, delaisant à ceux qui viueroyent apres elle, vne memoire de soy tant celebre, qu'elle ne peut estre supprimee par oubliance. Pour le dernier, Geronce s'estant ja par trois fois frappé du glaiue, voyant qu'il ne s'estoit attainé à la mort, il tira le poignard qu'il auoit pendant sur sa cuisse, & se naüra au cœur: & en ceste maniere il trespassa auec les autres, tombant mort par terre. Or Constantin assiegé de toutes pars de l'ar-mee d'Honoré, laquelle Constance cōduisoit comme nous auons dit, artédoit de iour en iour Edouic, lequel il auoit enuoyé delà le Rhin pour ammener de là quelque secours des François & Alle-mans. Ce que craignant Constance, se voulut tirer plus pres d'Italie, pour combattre Edouic, & ce à cause qu'il auoit entendu que le camp d'Edouic s'approchoit fort. Il passa donc le Rhone auec ses compagnies. Et d'un costé luy auec tous ses gens de pied delibera mettre à mort ses ennemis: d'autre part Vlphilas lieutenant de la caualerie se cacha secrettement aux embusches, ayant bonne esperance de desfaire ceux qu'il pourroit atteindre. Or les ennemis ne se doutans aucunemēt de ceste ruse passerent outre la compagnie d'Vlphilas, & ja s'apprestoyēt pour se joindre en bataille contre Constance: mais soudain au signe qui luy fut donné, Vlphilas se monstra, & assaillit les ennemis par derriere, dont les ordres d'iceux & rengs rompus, les vns s'enfuyoyent tant qu'ils pouuoient: les autres furent ruez sur la place: d'autres iectans leurs armes demandoient pardon, lesquels aussi sans aucune difficulté furent receus à mercy. Lors Edouic montant à cheual brocha tant des esperons qu'il vint en la metairie d'un sien ancien a-my, nommé Ecdice, auquel il auoit le temps passé fait plusieurs plaisirs. Il fut donc là receu cō-me amy: mais la nuit Ecdice luy trencha la teste, & l'enuoya à Constance, esperant pour icelle recevoir plusieurs grands presens. Constance receut ceste teste, & le remercia d'un si bel acte: Mais Ecdice cherchant les moyens de demourer en la compagnie de Constance, commandemēt luy fut fait de partir de là: Car Constance ne trouua estre bon ou assuré tant pour sa personne que pour son camp recevoir auec soy celui qui auroit trahy son hoste. Parquoy Ecdice ayāt per-petré vn fait tant execrable à la personne de son hoste & vieil amy, fut ainsi qu'un loup lequel la gueule bee ne prend aucune proye, comme on dit en commun prouerbe. Apres ceste victoi-re, l'armee repassa le fleuue, & de rechef assiegea la ville: quoy voyant Constantin, aduertý du defastre d'Edouic, volontairemēt il se desuestit des armois Imperiaux, & entré en l'Eglise receut la dignité sacerdotale. Alors les citoyens ayans premierement receu le serment de Constance, luy ouurirent les portes: aussi n'y fut fait aucun meurtre: & depuis ce temps tous les subiects de ceste region furent restituez en leur premier estar, & rendirēt feauté à Honoré. Mais le tyran, auec son fils Iulien, fut mené en Italie, lesquels furent mis à mort auant qu'ils fussent arriuez au lieu destiné. Peu de temps apres ... Iouinien, Maxime duquel nous auons parlé, Sare, & d'au-tres, qui auoyēt brassé des embusches contre l'Empire d'Honoré, furent desfaits & occis. Le-quel à sçauoir allia auec soy Constance, luy ayant baillé sa sœur Galle Placidie, & par ce qu'il voyoit qu'il s'estoit si vaillamment porté cōtre ses ennemis, & auoit exterminé la tyrânie de Con-stantin, il le receut en la societé de l'Empire. Il conféra aussi la dignité d'illustrissime à Valentinien son fils, lequel Placidie luy auoit engédré. Pareillemēt à cause que la coustume estoit d'enuoyer le pourtraict des Empereurs qui de nouveau auroient esté esleuez en ceste dignité, les images de Constance furent enuoyez en Orient. Mais Theodose le ieune ne les voulut recevoir: mis à mort.

Mort de  
Cōstant.  
Edouic.

Geronce assie-  
ge Arles.

Constance  
viēt contre  
Cōstantin.

Les Espa-  
gnols assie-  
gēt Geronce  
en l'hostel-  
lerie.

Exemple de  
force mili-  
taire.

Belexemple  
d'amour cō-  
iugal.

Constantin  
soustient le  
siege de cō-  
stance.

Edouic est  
vaincu a-  
uec les siens.

Edouic s'en-  
fuit à Ecdi-  
ce son amy.  
Trahisson  
d'hoste &  
amy.

Constantin  
fait prestre.

Constance  
prād la vil-  
le d'Arles  
par compo-  
sition.

Aucuns  
appeller ce-  
luy cy Io-  
uin, d'au-  
tres loue: du  
quel le frere  
Sebastien fut  
mis à mort.

LIVRE XIII. DE L'HIST. ECCLESIASTIQUE  
dequoy Constance irrité dresseoit vne armee pour se venger de ceste contumelie, vray est que  
la mort suruenante le deliura de tout ce soucy, & de sa vie mesme, n'ayant regné que six mois.

De la tyrannie de Iean le Goth: & d'Ardaburie & Aspar, Capitaines de guerre.  
CHAP. VII.



*Iean le Goth  
de secretaire  
se veult  
faire Em-  
pereur.  
Theodose  
enuoye Ar-  
daburie duc  
avec son fils  
Aspar con-  
tre Iean.*

*Iean prend  
capes Ar-  
daburie.*

*Aspar prend  
la ville  
d'Aquileie.*

*L'Ange de  
Dieu gou-  
verne les co-  
pagnies  
d'Aspar.*

*Supplico de  
Iean.*

*Theodose  
rend graces  
à Dieu pour  
la victoire.*

*Helion Pa-  
trice.*

E pendant Iean l'un des secretares de l'Empereur non content de sa pre-  
sente & prospere fortune, se saisit de l'Empire, & exerça vne autre ty-  
rannie. Or chassa il Placidie & Valentinien, lesquels nauigerent droit à  
Constantinople vers Theodose. Honoré aduertie de ceste entreprinse,  
surpris de grande maladie puis apres mourut d'hydropisie: Parquoy  
Iean de plus en plus s'efforçant estre créé Empereur, enuoya des ambas-  
sades à Theodose, pour luy requerir qu'il fust receu Empereur. Mais les  
ambassades n'exploiterent rien, ains premierement furent mis en prison,  
& depuis enuoyez en exil à Propontide. Outre plus il commanda que  
son neveu: & bailla charge au duc Ardaburie, & son fils Aspar de faire guerre à l'encontre du  
tyran. Lesquels menans avec eux Placidie & Valentinien, soudain qu'ils furent arriuez en Pæo-  
nie & Illyric prindrent par force Salon, bourg de Dalmatie. De ce lieu Ardaburie monta sur la  
mer, & se mit en chemin pour rencontrer ce tyran. Et nonobstant que premierement la fortune  
luy fut assez fauorable, toutesfois l'expédition nauale ne luy succeda ainsi qu'il pretendoit: Car  
soudain se leua vn vent violent & contraire, qui le ietta entre les mains du tyran. Lequel regar-  
dant à pacifier toutes choses, traicta humainement Ardaburie: Mais Ardaburie se voyant en gran-  
de assurance, & que ceux estoient tristes que le tyran auoit cassez & exauthorizez de l'ordre des  
Capitaines, commença à luy dresser embusches: parquoy secretement denonça à son fils As-  
par, que le plus hastiement qu'il pourroit il approchast, veu que l'occasion se presentoit pour  
bien faire ses affaires. Or le tyran esleué en esperance de la prinse d'Ardaburie, estima que l'Em-  
pereur seroit tombé en telle necessité, qu'il approuueroit sa requeste par vn commun consen-  
tement, & le recevoir pour Empereur, s'il vouloit que la vie fust sauuee à son duc Ardaburie.  
Et vrayement aussi l'Empereur craignoit grandement que ce tyran ne fit quelque mal à Arda-  
burie. Aspar ayant entendu les susdictes nouvelles, print avec soy la caualerie, & de grande ha-  
stivete deuaça la doute de sa venue, & print la ville d'Aquileie: & facilement la rendre obeis-  
sante, à cause qu'il auoit avec soy Placidie & Valentinien. Toutesfois eut il crainte de poursuy-  
ure plus outre, ayant entédu que le Barbare auoit amassé vne armee de plusieurs milliers d'hô-  
mes. Mais lors fut congneue la vertu des bonnes prieres de l'Empereur: Car l'ange de Dieu  
ayant prins le roquet d'un berger, gouerna les bandes d'Aspar: & pourtant que le tyran de-  
tenoit Ardaburie sous sa puissance à Rauenne, il les mena par le lac qui est au dessous de la  
ville, par ou on n'a souuenance que iamaïs quelcun soit arriué en ce lieu. Vrayement ce mesme  
Dieu qui diuisa les eaux de la mer rouge, fit chemin par ce lieu, auquel nul n'eust aucunement  
passé: Car l'infanterie d'Aspar, avec toute sa caualerie passerent les eaux de ce lac à pied sec, com-  
me s'ils fussent allez sur terre ferme: & de premiere arriuee prindrent les portes, puis iouyrent  
de la ville. Et apres auoir quelque peu combatu, le tyran trahy par ses gens fut prins, & enuoyé  
en Aquileie à Placide & Valentinien: là où premierement la main luy fut coupee, & puis la te-  
ste tranchee, apres auoir exercé la tyrannie vn an & demy. L'Empereur ayant entendu ceste vi-  
ctoire, monstra de rechef de quelle religion il estoit enuers Dieu: Car ainsi qu'il assistoit aux  
ieux du parc, nommez Circenses, s'escriant au peuple: le vous prie, dit-il, que laissant ce ieu, si bô  
vous semble, nous entrons en ceste Eglise, & chantions des chansons d'action de graces à Dieu  
auteur de ceste victoire. Ces paroles dictes, on laissa là le spectacle, & lors tous trauerserent au  
trauers de ce parc, & entrèrent en la prochaine maison de Dieu, chantans ensemble d'un mesme  
accord des tres-beaux hymnes de graces, de sorte que toute la cité ne sembloit estre qu'une E-  
glise, passant ainsi tout le peuple le surplus de la iournee en ce temple. Depuis le temps, l'Empe-  
reur delibera quel Empereur il deuoit vne fois pour tout establir en Occident. Et apres auoir  
bien pourpensé cest affaire, il iugea Valentinien fils de sa sœur, idoine & suffisant pour l'Empire,  
à cause qu'il auoit sa mere, laquelle pouuoit là administrer toutes les affaires, & se dispoit luy  
mesme de venir en Italie, pour arrester l'Empire à son neveu, & enseigner les gouuerneurs des  
prouinces, à ce que facilement ils ne receussent des tyrans. Pour ceste cause aussi il se mit en  
chemin pour venir en Thessalonique: Mais il fut empesché par maladie de passer outre. Par-  
quoy luy ayant enuoyé les armoiries Imperiales par Helion Patrice, il retourna en Constantinople.  
Mais ce pendant Etie qui auoit eu le second lieu sous le tyran pour conduire les bandes  
des gens d'armes arriua trois iours apres la mort d'iceluy, conduisant soixante mil Barbares. Au-  
quel comme Aspar luy eut liuré la bataille, & grand carnage fut fait d'une part & d'autre,  
pacification fut traictée entre luy, & Placidie, & Valentinien: de sorte qu'Etie eut la dignité  
de

de conte. Pareillement les Barbares qu'il auoit emmenez sous certains gages, corrompus par or, mirent bas & leur colere & leurs armes. Puis donnans ostages pour eux, & receuans foy & serment d'autre part, retournerent à leurs pays.

*Diac. dit q  
se furent des  
Hunnes.*

• Placide & Valentinien] Honoré regna trente ans avec son pere, son frere, & les fils de son frere, & celebra les tricennales (qui sont iours qu'on fait de trois ans en trois ans.) Placidie Auguste apres le decés de son mary Constance fut par luy chassée avec ses enfans Valentinien & Honorie, & depuis reçue en Orient par Theodose. Diac. Pomp. Cassiod. Il n'eut aucuns enfans. Car les deux filles de Stilico, à sçauoir Marie & Thermantie, luy estans l'une apres l'autre espousees, prouenuës par le iugement de Dieu, d'une mort inopinée, trespasserent de ce siecle. Diac.

*Comme Dieu delicté en la vertu des Empereurs, declara plusieurs corps des saints iadis illustres  
cachez en terre, & de l'inuention du prophete Zacharie.*

CHAP.

VIII.



Le me semble que nous auons assez traité des tyrans qui se leuerent en ce temps, & par diuine pouruoyance furent exterminés. Aussi n'auons nous parlé d'iceux comme en passant : mais pour declarer certainement qu'il iussit vn Prince pour la garde & cōseruation de son Empire, maintenir diligemment le seruice & soing des choses diuines, ainsi qu'on peut remarquer auoir esté obserué par Theodose & Pulcherie sa sœur : Car Dieu sembla grandement prendre plaisir en l'administration d'iceux, nō seulement en ce qu'il a tellement apaisé les guerres, que leurs subiects estoient deliurez de leurs ennemis, & outre l'opinion de tous estoient avec grande magnificence gouvernez & maintenus : mais aussi en ce qu'il reuela & mit hors du sein de la terre, & manifesta en public plusieurs sacrez corps cachez des personages qui iadis auoyent flory & excellé en la pieté la plus vraye, voulant honorer par ce les temps de leur Empire. Ce que pour lors aduint touchant le corps de l'ancien prophete Zacharie, de celuy de saint Estienne premier diacre & martyr, pareillement des quarante martyrs de Sebeste, lesquels sous Licinie furent congelez en la glace. Desquels considéré que l'inuention est nouuelle, il me semble bon de narrer comment Dieu les a manifestez. Et pour le premier ie raconteray comment premierement apparut le corps de Zacharie. Es enuiron d'Eleutherople cité de la Palestine, y a vn bourg appellé Chophar, d'où issit Zacharie : duquel vn laboureur nommé Calemer en auoit la charge, lequel portoit assez bonne affection à ceux qui possedoyent ceste terre, mais se monstroir rude & seuer aux rustiques ses voisins. Et nonobstant qu'il fut tel, toutefois le Prophete se declara manifestement à luy, & l'ayant mené en vn iardin : Fouy, dit-il, en ceste place la haulteur de deux coudees, pres la closture du costé du iardin, vers le chemin qui meine au bourg Bithrerebin : & là tu trouueras deux coffres, celui de dessus est de bois, celui de dedans est de plomb. Outre plus, tu aduiferas pres ces deux cercueils vn vaisseau plein d'eau : & aux deux costez d'iceluy deux serpens mediocres, paisibles & qui ne font aucun dommage, sont entortillez, lesquels tu dirois estre appriuoisez. Ces paroles dit celui qui s'apparut par vision. Celemer obeissant à ceste apparition, accomplit ce qui luy estoit commandé : & soudain que la capse sacree se monstra pres les lignes predicts, le saint Prophete s'apparut reuestu d'un habit sacerdotal, comme celui (ainsi que ie pense) qui auoit esté prestre. Hors le coffre, aux pieds d'iceluy gisoit vn petit enfant encore tendret, lequel sembloit estre issu de quelque noble maison, & rapporter sa race à quelques Rois : Car le chef d'iceluy estoit encinct d'une couronne d'or, enrichie de perles & pierres precieuses. Il auoit aussi des souliers dorez : sa robe estoit de grande valeur, brochee & enrichie de fin or. Or ainsi que les sages & prestres de ce temps doutoyent quel estoit cest enfant en tel habit, on dit que ce Zacharie qui pour lors gouuernoit vn monastere de Gerara, raconta que quelquefois luy vint en main vne ancienne escriture des Hebreux, non du nombre de celles qui nous sont laissées par nos peres, & receuës en l'Eglise : mais que c'en estoit vne autre, laquelle outre plusieurs autres choses, comprenoit aussi, que lors que Ioas Roy de Iudee fit mourir le Prophete Zacharie, sept iours apres il receut vne grand' perte en sa maison, & perdit de ses fils celui qui luy estoit le plus cher. Et entendant que par vengeance diuine il estoit precipité en ceste misere, il enseuelit ce petit enfant aux pieds du Prophete, comme rendant la cause de l'iniure à luy faire. Tel fut le iugement de ceste sepulture. Et nonobstant que ce Prophete par plusieurs aages & generations d'hommes eut esté caché en terre, rien toutesfois ne sembla manquer à son corps. Il estoit rond du pres la peau, le nez droit, le menton long assez mediocrement, la teste petite, les yeux vn peu hault couuers de sourcils. Ainsi ce diuin Prophete fut manifesté.

*La vraye  
pieté est la  
fermeté &  
sauuegarde  
de l'empire.*

*Plusieurs  
corps des  
saints trou  
uez au tēps  
de Theodo  
se.*

*Inuention  
du prophete  
Zacharie.*

*On trouue  
aux pieds  
de Zacha  
rie, le fils du  
Roy Ioas.  
Zacharie  
abbé de Ge  
rara*

*Le corps de  
ce prophete  
quasi en  
tier.*

K x k iij

# LIVRE XIII. DE L'HIST. ECCLESIASTIQUE

*Des reliques de saint Estienne, premier martyr, & comme pulcherie les reuera magnifiquement, leur ayans basti un temple en l'hostel Imperial.*

CHAP. IX.

*Gamaliel  
& son fils  
Abib en-  
seuelirent s.  
estienne.*



*... Ce Sena-  
teur s'appel-  
loit Alexā-  
dre, & sa  
femme Ju-  
lienne.*

*Ils viennent  
par deuotio  
en Ierusalem.  
Cy dessus est  
fait mentio  
de ces estu-  
ues, liu. 13.  
chap. 18.*

*Partie de  
ces reliques  
enuoyees à  
Theodose.*

*Praylle, E-  
uesque de  
Ierusalem.*

*Theodose  
enuoye vne  
croix de fin  
or en Ieru-  
salem.*

*pulcherie  
fait bastir  
vn temple à  
s. estienne.*

Apergamala est vne cité en laquelle Gamaliel qui comme pedagogue enseigna saint Paul l'Apostre, enseuelit le corps de saint Estienne premier martyr, avec son fils Abib. Lesquels depuis trespassés furent mis tout pres ces saintes reliques. Or est il assez manifeste comment ayant esté trouuées, elles furent portées en Constantinople: à sçauoir, que premierement vn Sénateur pour le singulier amour & deuotion qu'il portoit à ce premier martyr, luy fit bastir en la Palestine vne maison de pierres: & depuis commanda qu'après son trespas il fust mis en vn mesme sepulchre pres saint Estienne. Mais depuis ainsi que sa femme vouloit le transporter en Constantinople, tant elle estoit hastée que ne prenant garde à soy, au lieu du cercueil de son mary elle print celui de saint Estienne: & le plus soudain qu'elle peut s'efforçoit arriuer en Constantinople. Sur le chemin ce qu'elle portoit avec soy, ne peut estre caché, à cause qu'un souf odeur & nouveau, ensemble plusieurs miracles le deceloient. Incontinent qu'elle approcha de Constantinople, la ville respandue en grâdes troupes receut ce tresor, avec grand ioye. Puis il fut mené en grande compagnie & conduit en la salle Imperiale. Mais le martyr dedaignoit demourer en ce lieu: Car ainsi que les mules qui le portoyent furent arriuees aux estuues Constantinienes, elles ne voulurent passer outre. Et après qu'on les eut batues de fouets & d'esperons, elles vserent de langage humain, & commanderent reposer en ce lieu le martyr. Pour ceste cause fut il là inhumé, & ce lieu décoré d'un temple tres-beau. Ainsi a il esté redigé par memoire que ce fut fait sous Constance. Et vne partie de ces reliques (pour ie ne sçay quoy) auoit esté cachée par quelques fideles, laquelle aussi tost que la princesse Pulcherie fut née en ce monde, fut trouuée en Palestine, lors que Iean estoit Euesque de Hierusalem, & fut icelle manifestée après que ce martyr en vision ineffable s'apparoissant de nuit à un prestre, bon seruiteur de Dieu, appelé Lucien, la luy reuela & monstra. Parquoy Pulcherie embrassée d'incredible amour enuers ce premier diacre, pour ce d'auantage qu'au mesme instât qu'elle fut née, ceste partie des reliques d'iceluy qui parauant estoit cachée aux secrets de la terre fut manifestée, elle se seichoit pour le grand desir d'icelle, qui fut cause qu'elle s'employa du tout à trouuer le surplus des sacrez ossemens d'iceluy. Pour ce faire donc elle persuada à son frere Theodose qu'il enuoyast quelque somme d'argent à Praylle, Euesque de Hierusalem, pour distribuer aux pauvres de ce lieu. Theodose persuadé, non seulement enuoya ceste somme, mais aussi vne croix d'or fort pesante, enrichie de pierres precieuses & marguerites, pour la poser au lieu de Caluaire. Praylle, Euesque, ayant receu ces choses, à ce qu'il recongneust la grace de l'Empereur & de sa sœur, il leur enuoya les reliques de la main dextre du premier diacre constitué par les Apostres, qui fut aussi le premier martyr, les adressant par saint Passalion diacre. Or ainsi que ce Passalion eut cheminé plusieurs iournees, soudain qu'il fut arriué au port de Chalcedon, ville assise vis à vis de Constantinople, le prince des martyrs le preuenant, de nuit se monstra à Pulcherie, luy disant ces paroles: Ta priere est paruenue iusques aux oreilles du Dieu des armes, & ta requeste emporte l'issue qu'elle desiroit: en sorte que ie suis pres de toy en lieu voisin, logé en Chalcedon. Soudain qu'elle eut communiqué ceste vision à son frere, toute la cité se mit sur mer, & abordoit sur l'eau ainsi que sur terre ferme: voire Pulcherie mesme avec son frere suuoit ceste grande troupe. Lesquels ayans receu ces reliques, Pulcherie remplie de tres-grande ioye les fit apporter avec grande reuerence & magnificence au palais Imperial, & là les fit poser: puis elle fit bastir un grand temple & tres-beau, reluyant d'or & de pierres precieuses. Voila ce que i'ay trouué de ces reliques.

*il leur enuoya les reliques] Sous Theodose le ieune les reliques de saint Estienne, Laurens & Agnes furent posées au lieu dédié à saint Laurent le martyr: & iusques à present est là celebrée leur memoire. Theodore lecteur.*

*L'Inuention des reliques des saints quarante martyrs, qui endurerent martyre au lac de Sebaste.* CHAP. X.

*Des reliques  
des quaran-  
te martyrs  
de Sebaste,  
qui endure-  
rent sous  
Licinie.*



E vueil aussi pourfuyure de mesme styl vn autre indice manifeste de la pieté de ceste dame, & encore qu'il soit aduenü quelque temps après ce que nous auons dict, toutesfois pour ce qu'il est nouveau & admirable touchant l'inuention des reliques des saints quarante martyrs, ie l'annexeray à nostre histoire. Eusebie femme de la secte de Macedoine, ayant la charge & office de diaconisse en l'Eglise des Macedoniens, eut vn iardin & domicile hors les murs de la ville de Constantinople, où elle garda les reliques des quarante gens d'armes martyrs, qui au temps de Licinie endurerent

endurèrent le combat pour Iesus-Christ au lac pres de Sebaste. Icelle se voyant proche de sa mort, laissant ce lieu à quelques moines de pareille religion qu'elle estoit, les adiura & fit promettre par sermēt, qu'ils l'enseveliroyent en ce lieu: puis ayant fait tailler le tombeau, au dessus de son chef, y repoleroyent les os des martyrs, & ne le reueleroyent à personne du monde. Ce qu'ils firent: & regardās à gratifier aux martyrs, & les servir ainsi qu'ils deuoyent, & neātmoins garder estroictement leurs promesses, ils bastirent deffous terre vne chapelle à l'enuiron de la sepulture d'Eusebie, & couurirent la voute d'icelle par dessus de terre cuicte, laquelle applanirent en sorte qu'on ne se pouuoit douter aucunement de ce secret: puis firent en lieu occult des degrez pour descendre au lieu où estoient les martyrs. Depuis ce temps, vn Cesarie grand personnage, qui estoit paruenue à grandes richesses & honneurs, en sorte qu'il auoit exercé l'estat du consulat & prefecture, inhuma sa femme decedee pres le tombeau d'Eusebie. Car pour la grand'amitié, & conforme obseruance que ces deux dames portoyent à vne mesme religiō, du temps qu'elles viuoyent, auoyent accordé ceste chose ensemble: qui fut cause que Cesarie acheta ce lieu, delibérant auoir vne commune sepulture avec sa femme. Les moines donc partirēt de Cōstantinople, & se retirerent en autre lieu, n'ayans rien declaré des martyrs, ainsi qu'ils auoyēt promis. Or l'edifice construit au parauant dessus ce tombeau estant tombé & rompu par la longueur du temps, en sorte que ce lieu estoit remply de tuilles & moillon, Cesarie voulant gratifier à saint Thyrse, martyr, fit nettoyer toute ceste place, & y edifia vn temple magnifique à l'honneur de Dieu. Et vrayement de propos delibéré Dieu voulut que ce lieu fust incongneu vne si longue espace de temps, à ce qu'il rendit l'inuention de ces martyrs plus illustre, & declarast l'amour que luy portoit celle qui les auoit trouuez. Icelle à sçauoir fut la princesse Pulcherie, à laquelle saint Thyrse le martyr s'apparoissant par trois fois de nuit, enseigna les martyrs couuers de terre, & commanda que les ayant tirez de là, ils fussent exornez de pareil lieu & hōneur que luy. Et non luy seulement, mais aussi les quarante martyrs se monstrerent à elle, reuestus de manteaux non accoustumez & nouueaux. Or ceste chose estoit douteuse & admirable, & sembloit excéder la foy: car nul des plus anciens du clergé pouuoit dire quelque chose des martyrs, & nul des estrangers enseigner en quel lieu ils estoient, iusques à ce que tous perdans esperance d'en recouurer la cōgnoissance, Dieu remit en memoire à Polychrone, homme fort aagé, qui estoit l'un des familiers de Cesarie, & le temps passé auoit esté ordonné prestre, que quelque fois des moines auoyent demouré en ce lieu. Parquoy il s'adressa au clergé des Macedoniens, pour cause qu'ils suyuoient vne mesme opinion que ces moines, & s'interrogea deux, à sçauoir si quelqu'un d'iceux suruiuoit encore. Or Dieu par singliere preuoyāce auoit reserué l'un de ces moines iusques au temps que ceste questiō fut faite, à ce qu'il enseignast ceste chose de laquelle on doutoit: parquoy ce viellard aduertit que tous estoient trepassés, hors mis vn qui encore trainoit sa caduque viellesse. Alors Polychrone tira celle part où il estoit, & le pria luy dire s'il y auoit quelques reliques cachees en ce iardin. Ce moine voulant maintenir le secret qu'Eusebie auoit commandé, nia sçauoir quelque chose de ce qu'il requeroit. Au contraire Polychrone luy exposa la diuine apparition, & la charge que les martyrs pour ceste cause auoyent commise à Pulcherie, & comme tous estoient douteux & renus suspens, voire hors d'esperance de pouuoir trouuer ces saintes reliques. Apres qu'il eut entendu ces propos, il asseura que la vision de la princesse estoit vraye: Car ie sçay biē, dit-il, que i'estois encore petit enfant, & apprenois des moines plus anciens les ordonnances & reigles monastiques, lors qu'Eusebie fut enterree pres le cercueil des martyrs. Mais pourtant que le lieu est maintenant beaucoup changé, & mis en bien autre ordre que quand i'y demourois, mesme qu'il y a ia fort long temps que ie n'y ay hāté, ie ne sçauois dire ne sçauoir certainement s'ils sont enterrez sous la chapelle de Cesarie, ou en autre lieu. Or ne suis-je pas en telle doute que toy, respondit Polychrone, car i'estois present quant on mettoit en sepulture le corps de la femme de Cesarie, en prenant la coniecture du chemin passant proche de ce lieu: & i'estime à la verité qu'elle soit inhumee sous le pulpitre des lecteurs. Il fault donc chercher le tombeau d'Eusebie, dit le moine, lequel n'est gueres loing de la femme de Cesarie. Car lors qu'elles viuoyent, pour l'amitié qu'elles se portoyent l'une à l'autre, elles s'accorderent & promirent par ensemble, que lors qu'il plairoit à Dieu les appeler, leurs sepultures seroyent contigues l'une de l'autre. Ces enseignes rapportees à Pulcherie, elle commanda de fouyr, & selon ces coniectures chercher les reliques des martyrs. Ceux donc qui fouissoient, premierement cauerent à l'enuiron du pulpitre, & là trouuerent le coffre de la femme de Cesarie, en quoy ils esprouuerent que le conseil de Polychrone estoit bon. Vn peu plus bas se monstra vn paué distingué & fait de terre cuicte, sous lequel estoit vne table de marbre de pareille grandeur. Au deffous estoit le tōbeau d'Eusebie, & fut trouuee ceste chapelle bastie dans terre, brauement construite, reuestue de croustes & pieces de marbre de Porphyre. Le couuercle du tombeau estoit fait en forme d'une sacree table. Mais du costé du chef assez hault estoient les martyrs inhumez, & là se monstroient vn petit pertuis, auquel l'un de ceux qui estoient de la maison de l'Imperatrice, mit vne petite verge qu'il portoit avec soy: puis l'ayāt retiree, la fleura, & soudain receut vn odeur d'incroyable suauité. Pour ceste cause ceux qui

*Cesarie illustre personnage.*

*Sofom. liu. 6. cha. 2.*

*S. Thyrse, martyr.*

*Polychrone prestre, fort ancien.*

travailloyent à cest œuvre prindrent courage, & conceurent vne bonne esperance: parquoy sans aucunement arrester, ils ouurirent ce monument, & trouverent Eusebie fort bien posée, & le sepulchre des martyrs assis au chef d'icelle en forme de coffre, à raison dequoy il se monstroït assez éminent. Ledict sepulchre estoit tres-richement engravé, & fermé d'un autre couvercle par dedans, tellement que le bord des deux couvercles estoit lié & chargé de fer, garny de plomb fondu, de peur qu'ils ne peussent estre enleuez: & l'un & l'autre, à sçavoir, tant celuy qui estoit dehors, que celuy qui estoit dedans, avoit un pertuis se correspondant l'un à l'autre au milieu, qui paroïssoit assez. Ce qui donnoit assez manifeste enseignement que les martyrs estoient là ensevelis. Ces choses annoncees, à grand haste non seulement Pulcherie, mais aussi

*Procle, Euesque de la ville de Constantinople.* Procle, euesque de la ville de Constantinople accourut à ce lieu. Et apres que les liaisons de fer furent par industrie desfaites, & le couvercle leué, on trouva sous iceluy vne grande quantité d'onguēt, & dedans deux vaisseaux sans anses, faits d'argēt, ausquels les reliques sacrees estoient dignement posees. Parquoy Pulcherie voyant que Dieu luy avoit fait ce bien de luy reueler ce tresor, luy offrirent sacrifices d'actiōs de graces, pour l'invention des saintes reliques. Depuis les ces reliques ayant mises en un coffre fort riche & pretieux, pour gratifier aux martyrs, elle les fit poser pres Thyrsē, le martyr. Et ainsi qu'il estoit raisonnable, ce iour fut grandement festoyé en honneur de Thyrsē, & pompe & appareil fort illustre, avec heureuses exclamations, les senteurs & parfums respendus d'une part & d'autre & le peuple abordāt en celieu, en telle affluence que pour l'honneur des martyrs presque toute la cité & tout aage s'y trouva en reuerence. Voylà ce que j'ay congneu avoir esté fait pour lors. Le bruit est aussi qu'en plusieurs autres choses Dieu a prediēt à ceste pucelle-Princesse: beaucoup d'autres merueilles, & a donné tesmoignage de sa tres-grande deuotion & piētē, mesmes aussi de ses sœurs qui suyuoient vne pareille maniere de viure qu'elle. Car elle apporta en Constantinople les reliques qui furent trouuees de saint Laurent, le martyr, & sainte Agnes: ausquels elle fit bastir un temple fort excellent en amplitude & structure. Sous ce mesme Empire lors que Gennand avoit la charge de l'Eglise de Constantinople, les reliques de sainte Anastase, qui avoit esté estimee .enchanteresse, furent apportees de Sirme, & mises au lieu dediē en cōmemoration de son martyre, lequel est situé pres du portail qu'on appelle du Seigneur. Et lors qu'Attic exerçoit l'office d'Euesque, les ossemens du prophete Samuel furent apportez & colloquez en son temple prophetique, basti pres le Septime. Mais c'est assez abondamment traictē de ces choses, comme i'estime. Pour ce nous fault il retourner aux autres narrations de nostre histoire.

*De la succession des principaux sieges de l'Empire d'Orient: & comme Theodose, Euesque de Synade, persecuta & affligea les Macedoniens de son diocese, & principalement l'euesque Agapet qui leur presidoit. Et comme apres que Theodose eut fait le voyage de Bisance, Agapet ayant receu la foy Catholique succeda au siege de Theodose, lors que cōmandement fut fait audict Theodose par Attic de se reposer & vivre à part soy sans aucune charge & estat.*

CHAP. XI.

*Les Euesques des sieges principaux.*

*Theodose, Euesque de Synade, persecuta les Macedoniens.*

*Agapet, Euesque des Macedoniens.*

*Theodose vient en Constantinople implorer le*



En ce temps Innocent gouvernoit les Eglises de Rome, lequel fut subrogé à Anastase, successeur de Sirice, qui eut ceste charge apres Damasē. Pour lors encore Theophile presidoit aux eglises d'Alexandrie. En Antioche l'exécrable Porphyre tenoit l'episcopat apres le divin Flavian. En Ierusalem, Iean administroit l'eglise apres saint Cyrille. En Constantinople Attic maintenoit le siege apres l'admirable Iean Chrysostome, & Arsace, lequel de qu'elle race il soit descendu & de quelle noblesse, ensemble de combien il excelloit en doctrine, nous l'auōs expliqué au dernier liure. Maintenant ie raconteray qu'elles choses aduindrent en l'eglise sous son Episcopat, Synade est vne ville de Phrygie la Pacatiane, où un, nommé Theodose, avoit l'office & charge de pasteur. Iceluy cruellement chassa les sectateurs de la religion de Macedoine, qui estoient en ce lieu en grand nombre, & les fit vider non seulement de la ville, mais aussi des champs prochains & attenans d'icelle. Ce qu'il fit non selon la coustume de l'eglise Catholique & bien sentante de la foy, laquelle vne fois a renoncé à toute persecutiō: ne pour un ardeur & zele qu'il portast à la foy: mais pour ce qu'il estoit tourmentē de mal d'avarice, & mettoit quasi tout son estude à arracher de l'argēt de toutes parts, voire de ceux qui sentoyent autrement que luy. Qui fut cause, cōme on dit, qu'il fit tout son effort contre les Macedoniens, marchāt en armes avec son clergē, & par six cens voyes qu'il inuēta, les appella en iugement, & iecta aux prisons & liens tres-estroitement. Et principalement molesta il Agapet, gouverneur de leur Eglise. Puis voyant que les gouverneurs de ceste prouince n'estoyent assez suffisans pour les poursuivre, il se retira vers l'Empereur, requerant que ce fut son plaisir luy octroyer cōmandemens



mens de sa part, s'adressans à toute la prouince. Or ce pendant qu'il seiournoit en Constanti- *secours de*  
nople pour ceste cause, & le temps se prolongoit, Agapet avec son clergé trouua vn bon con- *l'Empereur*  
seil: Car ayant assemblé le peuple qui luy estoit subiect, luy proposa vne subtile inuention, & *contre les*  
persuada à tous qu'ayans delaisé l'ancienne heresie, ils embrassassent la foy du Consubstantiel. *macedoniens.*  
Laquelle chose assez bien arrestee & confirmee, il s'en vint en l'Eglise avec ceste multitude: &  
là ayant fait ses prieres, & donné la paix & benediction au peuple selon la coustume, il monta *Agapet se*  
au siege auquel Theodose auoit accoustumé s'asseoir. Ainsi le peuple s'estant allié & vny, Aga- *redmis à l'E*  
pet de là en auant enseignant la foy du Consubstantiel renga sous sa puissance les Eglises de *glise Catho-*  
Synade. Ce fait quelque temps apres Theodose vint de Constantinople en ce lieu, & portant *lique &*  
lettres pour le gouverneur & toute la prouince, & ne sçachant rien de tout ce qui estoit aduenu *s'empare du*  
en la ville, entra en l'Eglise avec bon propos d'executer la charge obtenue de l'Empereur: mais *siège de sy-*  
il fut soudain chassé de là, par toute la multitude. Parquoy il se retira à Bizance, & deplora sa for- *nade.*  
tune chez l'euesque Attic, à sçauoir que contre les coustumes bien receues, & les ordonnances  
de l'Eglise Catholique il auoit esté chassé de son siege. Attic pourpésant en soy que ce fait estoit *Theodose,*  
aduenu pour l'vtilité de l'Eglise, encore qu'il fut aucunement des-raisonnable, le consola doul- *chassé de*  
cement, & l'admonesta que d'oresnauant il menast vie priuee, luy remontrant que les affaires *son siege.*  
publiques estoient de plus grande importance que les priuees. Il escriuit aussi à Agapet, con-  
firmant l'euesché d'iceluy par son autorité, luy mandant qu'il falloist postposer & iecter arrie-  
re toute aduersité qu'il auroit receue des inimitiez que luy portoit Theodose. Voylà ce qui ad-  
uint au temps d'Attic, qui estoit homme fort vtile à l'Eglise Catholique.

*D'un Iuif, paralitique, baptisé, lequel fut guarý au baptesme, iceluy luy estant  
administré par Attic, Euesque de Constantinople.*

CHAP. XII.



temps aussi ne fut desproueu d'euidens miracles, & curations mer-  
ueilleuses: Car vn Iuif longues annees paralitique gisoit estendu en vn  
liet ainsi que quelque faix lourd & sans ame. Lequel festoit premiere-  
ment retiré aux prieres des Iuifs, & depuis eu son recours à industrie des  
medecins: à la fin voyant que tous perdoient courage, & esperance de  
de le pouuoir guarir, les choses precipitees comme en des-espoir, il fut *Instruction*  
diuinement conseillé de requerir la grace du baptesme Chrestien, espe- *auant le*  
rant que ce seul remede luy restoit comode & suffisant pour l'allegeance *baptesme.*  
de sa maladie. Les nouuelles de ce bon propos rapportees à Attic, sou-  
dain il enseigna des mysteres sacrez selon nostre coustume, & selon l'euangile l'endoctrina a-  
uoir bonne esperance & fiance en Iesus-Christ: puis comanda qu'on l'apportast dedans son liet *Plusieurs*  
au sacré lauacre. Là ce Iuif ayant receu la grace du baptesme avec vne sincere & entiere foy, *Grecs attri-*  
laissa sa maladie aux fons, & du tout retourna guarý, en sorte que depuis ceste paralysie, laquelle *reç par ce*  
au parauant auoit tenu son siege au corps d'iceluy par longue espace de temps, ne retenoit rien *miracle au*  
de sa premiere malice & coragion. Telle fut la vertu & grace que le Seigneur tout-puissant, ou- *christia-*  
tre l'opinion de tous, donna au saint baptesme: qui fut cause que plusieurs Gentils de la su- *nisme.*  
perstition Grecque aborderét à ce sacré lauacre. Toutefois quoy que ce signe fust assez euidet,  
il ne peult neantmoins persuader les Iuifs de faire le semblable, encore que leur coustume soit *Iuifs obli-*  
de tousiours demander des signes. Voylà les prodiges lesquels Iesus-Christ a exhibez à la veüe *nez.*  
de toutes personnes. Et nonobstât tant de signes, plusieurs comme porcs se sont de rechef rou-  
lez en leur improbité & malice: Car non seulement ils n'ont creu aux faits merueilleux qui se  
publioient deuant leurs yeux, mais au contraire ont esté congneuz embrasser l'opinion & sen-  
tence de ceux qui auoyent coustume de raconter des choses friuoles.

*De la succession des Nouatiens & Arriens: & quels troubles aduindrent aux Nouatiens, à cause  
de Sabbatins, qui contre les droicts raiuit la dignité Episcopale.*

CHAP. XIII.



Our monstrier que plusieurs ayent presté l'oreille aux mauuaises doctines, ce *Sabbatins;*  
Sabbatins duquel cy dessus nous auons fait mention, en pourra donner suffi- *Nouatien,*  
sante preuue: car non content de son honneur & ordre, affectant aussi l'apil- *affectât vn*  
copat, voyant qu'il n'auoit aucuns subiects sur lesquels il peut exercer l'office *Euesché, se*  
d'Euesque, il sortit de l'Eglise des Nouatiens, sous le pretexte de l'observatió *depart des*  
de la feste de Pasque. Parquoy commençant à faire des assemblees illegitimes, *Nouatiens.*  
il demoura long temps au marché d'Arcade, surnommé du sec tombeau: & là se mit en train *Marché de*  
de faire vn acte digne de tres-grande punition. Car lors qu'en frequente assemblee il deuoit *Arcade.*  
pronócer ceste partie de la leçon Euangelique, couchée en ces paroles: Or estoit le iour de feste

des Juifs, qu'on appelle le Pasque : il adiousta à ces diuines paroles quelques autres forgees de son cerueau, desquelles l'escriture ne fait aucune mention, & nulle oreille n'a entendu iamais parler. Quelles sont celles ? Celuy, dit-il, est execrable, qui celebre le Pasque hors les iours des azymes. Lequel propos ouy de sa bouche, & publié à plusieurs personnes, raut & attira à luy voire ceux mesmes qui estoient les plus entiers des Nouatiens : Mais ceste caualion ne profita guere à ce personnage, considéré que la chance se tourna en pis pour luy peu de temps apres. Car ainsi que luyuant son opinion il anticipa le iour de ceste feste de Pasque, vne grande multitude aborda à ceste celebration. Et ainsi qu'à la veille accoustumee & requise à ce iour ils obseruoient les ceremonies requises en tel cas, vn bruit diabolic leur fut rapporté, quel Euesque

*Tumulte à la Pasque des Sabbatiens.*

*Chrysant malgré luy est creé Euesque des Nouatiens.*

*Sabbatius contre son serment est consacré Euesque.*

*Sabbatius reiecté par le peuple des Nouatiens.*

*Troile, Sophiste.*

*Les Nouatiens n'ont esté bien vus en Alexandrie & Rome : ne tant moins qu'à Constantinople ils eussent des Eglises.*

*Dorothee, Euesque Arrien, âgé de six vingts ans.*

*George & Timothee, prestres Arriens, fort doctes.*

*La sentence de Platon, touchant la Trinité, laquelle luy fin, le martyr, agit en son Apologétique.*

Sifinie venoit contre eux avec vne grande multitude. Parquoy ayans excité vn grand trouble, avec ce qu'il estoit nuict, & l'angustie du lieu les pressoit, ils se benderent les vns contre les autres, & se batirēt en sorte que plus de septante furent tuez sur la place. Qui fut cause vrayement que plusieurs s'escarterent de Sabbatius. Toutefois plusieurs encore demourerent avec luy, qui luyuirent l'agreste & grossiere opinion d'iceluy. Or Sifinie trespasé, Chrysant, fils de Marcien, auquel Sifinie succeda en l'Euesché, fut appelé au gouuernement de l'Eglise des Nouatiens, lequel dès son adolescence ayant milité en la cour Imperiale, & premierement sous Theodose fait consul d'Italie, puis lieutenant pour sa maiesté en l'Isle Britannique, auoit en l'administration des republicques emporté vne grande admiration & louange. Tendant ia sur l'aage il se retira en Constantinople, & ainsi qu'il cherchoit le moyen d'auoir le gouuernement de la ville, il fut promu à l'Episcopat. Car Sifinie partant de ceste vie auoit fait mention de ce personnage, disant qu'il estoit idoine d'exercer l'office d'Euesque. Lequel propos fut recueilly de son peuple, cēme vne loy : de sorte qu'il emmena par force au gouuernement Ecclesiastique Chrysant, luy au contraire resistant tant qu'il estoit possible. Et de fait il s'en fuit, pendant laquelle fuite Sabbatius iugeant que ce temps luy estoit opportun, pour accomplir ce à quoy il pretenoit, il attira à son amitié quelques tels quels Euesques & leur persuada de luy imposer les mains, ne tenant conte du serment qu'il auoit iuré au precedent. De ces consecrateurs l'un fut Hermogenes, lequel pour quelques escrits blasphemés par luy composez auoit esté condamné & excommunié de luy. Toutefois ceste ambitieuse requeste voire intrusion de l'Euesché ne succeda à Sabbatius, selon qu'il desiroit : car il fut hay du peuple. Et d'autant qu'il se parforçoit de iouyr de l'Euesché, il en fut au contraire loing reiecté. Et de rechef on se mit à rechercher Chrysant : lequel trouué en Bythinie, où il s'estoit caché, fut nonobstant sa resistance esleué à l'Episcopat. Lequel pour ce qu'il estoit fort prudent & chaste, augmenta de beaucoup l'Eglise des Nouatiens. Car il distribuait ses deniers aux pauvres, & ne receuoit rien de l'Eglise, sinon deux pains de benediction, lesquels on luy bailloit les iours des Dimanches. Et fut tant studieux des affaires Ecclesiastiques, qu'il print avec soy Ablabe, tres-noble orateur, & auditeur du sophiste Troile, puis le promoteur au degré & ordre des prestres, duquel les predications doulces & vehementes ont esté en grand prix par long tēps. Et depuis gouerna l'Eglise des Nouatiens, en la ville de Nice, faisant aussi pour lors profession de l'art sophistique. Quant est desdictes Eglises des Nouatiens, elles furent fermées en Alexandrie, & les ioyaux & ornemens d'icelles confisquez. Leur Euesque Theopompe ayant esté desnue de sa dignité. Et ne se portoyent guere mieux à Rome, attendu que les Eglises leur estant ostées, ils estoient contraincts de faire leurs assemblees aux lieux cachez & secrets. Car nonobstant qu'au parauant ils eussent flory & possédé plusieurs excellentes Eglises, toutefois icelles leur estant ostées par les Euesques Catholiques, ils n'eurent pas apres telle liberté de faire leurs assemblees, & non seulement tout leur fut osté, mais aussi ils furent adiournez en iugement : Ce qu'ils n'endurerent à Constantinople. Car outre ce qu'ils ne furent point chassés, il leur fut permis s'assembler mesme dedans la ville pour ceste seule cause, à sçauoir, par ce qu'ils preschoient le Consubstantiel, ainsi qu'abondamment nous auons dit cy dessus. Voylà touchant les Nouatiens. En ce mesme temps trespasla Dorothee, gouuerneur de la secte des Arriens en Constantinople, lequel estoit paruenue à l'aage de six vingts ans & lequel les Arriens auoyent transposé d'Antioche en Constantinople, à cause que courageusement il defendoit la secte. Barbas fut son successeur, sous lequel la secte des Arriens eut deux grands personnages prestres : l'un nommé George, & l'autre Timothee. George estoit plus excellent que l'autre aux disciplines Grecques, mais Timothee se plaisoit d'auantage aux lettres diuines. L'un incessamment lisoit & remuoit Aristote & Platon : l'autre du tout estoit transporté à Origene, & tousiours l'auoit en la bouche, enseignant publiquement les lettres sacrees, & travailloit mesme en la langue Hebraïque. Timothee estoit tousiours prest & prompt à respondre des escritures sacrees : & luy fut facile d'expliquer les lieux obscurs qu'on trouuoit aux diuins oracles, & en tous poincts & propos apportoit le tesmoignage d'Origene. Parquoy la cause qui m'esmeut d'admirer ces personnages est que j'admire comment leur est monté en teste de luyure la doctrine d'Arrius, veu que l'un du tout estoit addonné à Platon, l'autre à Origene : & que Platon dit que la seconde & troisieme cause (ainsi qu'il a coustume d'appeller le Fils & le saint Esprit) n'a eu commencement aucun de son essence : & Origene par tous ses escrits, en paroles disertes

& manifestes confesse le Fils estre coeternel au Pere. Et toutefois ils sont demourez en l'Eglise des Arriens, vray est que secrettement & petit à petit ils ont remis la secte des Arriens en meilleur estat, y corrigeant ce qui estoit à reprendre. Car en leurs liures ils ont reiecté plusieurs blasphemés d'Arrius. Mais c'est assez parlé d'iceux pour le present

*Comme apres Theophile, Cyrille son neveu, du costé de sa sœur, fut Euesque d'Alexandrie, & de la sedition des Iuifs, esmeue en ce lieu.*

## CHAP. X I I I I.



An cinquiesme del'Empire de Theodose, Theophile, Euesque d'Alexandrie, laisi de la maladie lethargique, trespassa le quinziesme iour du mois d'Octobre. Or ce pendant se leua vne contention & debat touchant celuy auquel on deuoit cōmettre l'euesché: car aucuns vouloyēt que Timothee, Archidiaque de ceste Eglise fust esleu Euesque: les autres fauorisoient d'auantage à Cyrille, neveu de Theophile de la part de son frere, & qui surpassoit toutes personnes de son temps en science des lettres, tant prophanes que diuines, & excelloit en toute sorte de vertu, de laquelle aussi il auoit emporté grande louange: d'iceluy iu-

ques à present on void communément plusieurs escrits, desquels le plus illustre & docte est celuy qu'il a intitulé, Les tresors, monstrant le mystere de la sainte Trinité par syllogismes, ratiocinations & demonstrations, ensemble par toutes les saintes escritures. Pareillement il a composé le liure inscrit, Les elegances, auquel il rapporte à Iesus-Christ & son eglise ce qu'est dit par figure aux anciennes escritures. Encore se propose vn autre liure de luy intitulé, Du seruice spirituel: & vn autre qu'il a dédié à Palladius, traictant par dialogue du S. Esprit. D'auantage celuy lequel pour la defense du sacré Euangile il a dressé contre Iulien: & autres plusieurs avec grand nombre d'epistres se voyent & manient tous les iours. Quel ait esté ce personnage, il sera assez manifesté, lors que nous poursuurons les actes de Nestor, & du troisieme Concile. Or s'estant leuee vne sedition entre le peuple pour la question de l'Euesque, Abundant lors capitaine des gens d'armes, apporta grand auancemēt aux partisans de Timothee. Toutefois le troisieme iour apres la mort de Theophile, l'autre faction qui auoit esleu Cyrille, emporta le prix: de sorte que Cyrille fut promu à l'episcopat, avec plus grand hōneur & magnificence qu'il ne se void ordinairement à la reception de quelque magistrat seculier & laïque, & fut l'applaudissement de tous tel qu'on n'auoit fait iamais à ses predecesseurs. De là aussi en auant il semble que les Euesques de l'Eglise d'Alexandrie se sont de plus en plus employez aux affaires prophanes & ont eu plus de soing des honneurs mondains. Soudain que Cyrille eut fait son entree, dès le commencement il ne voulut permettre aucune heresie estre publiquement preschee en Alexandrie. Pour ceste cause il iecta hors la nation des Iuifs qui y demouroient au precedent. Or est il certain que tout peuple est enclin à sedition, & pour dire en brief, facilement est esmeu à faire des troubles: mais principalement les habitans d'Alexandrie, consideré que comme naturellement ils sont eschauffez aux tumultes belliqueux, & mutineries, de sorte qu'ou ils auront peu seulement tirer quelque petite occasion, incontinent ils sont enflambez, & ne s'appaisent aisément, que premierement ils n'ayēt perpetré des maux intoltables, & ne se peuent appaiser qu'apres grande effusion de sang. Voyant donc ceste multitude le regime que Cyrille vouloit estreoitement mettre en sa bergerie, elle commença à se mutiner & bender les vns contre les autres, non qu'ils eussent quelque suffisante occasion de ce faire, mais à cause de la commune calamité, laquelle pour lors auoit enuahy toutes les villes. Ayans donc abandonné toutes autres estudes & vacations, ils mettoyēt tout leur temps à regarder des fauteurs. Le iour du samedy se trouuoit vne grande troupe de peuple en la place pour regarder les fauteurs, à cause que les Iuifs vauoyent pour lors, & passoyent le temps à rien faire, ou veoir ces folies & badineries, lequel au precedent ils employoyent à ouyr la loy. Qui estoit cause qu'en ce iour s'esmouuoient plus de bateries entre les diuerses factions du peuple qui là se trouuoient. Et nonobstant que pour ceste raison le gouuerneur de la ville d'Alexandrie assistast en ce lieu avec vne cohorte bien armee, toutefois encore les Iuifs resistoyent, comme se faisans forts pour maintenir leur faction, & repousser celle qui leur estoit contraire. Car leur nation est tant ennemie des Chrestiens, qu'ils estimerēt faire vn beau seruice, & suyure la vraye pieté & deuotion enuers Dieu, si pour auancer leur loy il nous sont cause de plusieurs maux, principalement en ce temps duquel nous parlōs, veu qu'ils firent vn grand tumulte touchant ces fauteurs qu'ils alloient veoir. Parquoy Oreste gouuerneur du peuple d'Alexandrie fit vne ordonnance politique & ciuile (car ainsi on appelle communément les arrests & edicts) à laquelle assisterent tous ceux qui fauorisoient à l'Euesque Cyrille, pour consulter d'iceluy. L'vn d'iceux estoit Hierax, maistre d'escole, lequel tant dependoit de la doctrine de Cyrille, qu'il ne faisoit rien plus volōtiers que l'ouyr: en sorte qu'il

*Mort de Theophile.*

*Cyrille, successeur à Theophile, au siege de Alexandrie.*

*Escrits de Cyrille.*

*Sedition en Alexandrie à l'election d'Euesque.*

*Pompe trop exquise à la reception de cyrille. Cyrille desracine les heresies en Alexandrie.*

*Tumule en Alexandrie.*

*Speçtacle de fauteurs le iour du Sabat.*

*Iuifs toujours ennemis des Chrestiens.*

*Oreste gouuerneur d'Alexandrie.*

*Hierax, maistre d'escole.*

sestudioit en batant des mains applaudir aux sentéces qu'il pronôçoit. Mais soudain que ceste troupe des Iuifs l'eut aduise, elle commença à s'escrier que pour autre cause il n'estoit venu au theatre, que pour exciter sedition entre le peuple. D'auantage le gouuerneur Oreste hayoit au parauant la puissance des Euesques vsurpee outre raison, à cause qu'ils vouloyent tirer vers soy plusieurs choses des affaires publiques, qui appartenoyent à sa iurisdiction : & principalement de ce que pour lors Cyrille deliberé d'auoir l'œil & prendre garde exactement aux ordonnances, & estre curieux aux affaires d'autrui, comme on dit, esmeu de ce, soudain commanda raur Hierax, & le fit battre & fouetter cruellement, le traitant fort mal. Chose de laquelle le diuin Cyrille aduertit, fit venir à luy les principaux des Iuifs, & les admonnesta comme de raison : & pour conclusion, les menassa qu'il les puniroit bien, s'ils ne resistoyent d'esnouoir le peuple en sedition contre les Chrestiens. Mais ces Iuifs entendans ces menaces furent encore d'auantage animez, & cerchoyent de iour en iour plusieurs fraudes & machinations à la ruine des Chrestiens. Et me semble n'estre impertinent à nostre histoire, icy narrer selon mon petit pouuoir la principale ruze d'iceux, & plus excelléte en malice, pour laquelle aussi ils furent chafsez d'Alexandrie. Or fault il noter qu'ils prindrent complot par ensemble de s'entrecognoistre l'un l'autre par quelque signe & comme mot du guet : à sçauoir que chacun d'eux porteroit vn anneau fait d'escorce deurgeon de paulme, & garnis de telle liuree, assailliroient de nuit les Chrestiens. Parquoy à quelque certaine nuit aucuns d'iceux alloyer par les rues, crians à haulte voix que l'Eglise des Chrestiens, nommée de l'Euesque Alexandre, brusloit. Ce bruit venu aux oreilles des gens de bien, soudain chacun d'iceux commença de courir l'un d'un costé, l'autre d'autre, pour secourir à son Eglise. Lesquels soudain furent assaillis & mis à mort par les Iuifs, prenans bien garde de s'offenser l'un l'autre par le signe de l'anneau & leur mot de guet, coupans la gorge aux Chrestiens qu'ils pouuoient attraper. Le iour venu, ainsi que l'aube se commençoit à monstrier, ceste melchanceté fut descouuerte, les corps gifans morts en plusieurs lieux : parquoy Cyrille esmeu de zele vint avec grande multitude aux synagogues des Iuifs, & les leur osta, & bailla tous leurs biens au peuple en pillage, & les chassa tous de la ville. Ainsy les Iuifs qui auoyent habité en ceste ville, voire depuis le temps d'Alexandrie, pauures & desnuez de tous leurs biens, sortirent de ce lieu, escartez où la fortune les pouuoit adresser. Mais l'un d'iceux nommé Adamant, fort docte en medecine vint en Constantinople, & là s'adressa à l'Euesque Attic, puis ayant receu les mysteres des Chrestiens, long temps apres retourna en Alexandrie & y demoura.

*Les Iuifs  
brassent une  
trahison &  
defaite no-  
cturne des  
Chrestiens.*

*Ruze des  
Iuifs.  
Cyrille les  
chasse de la  
ville.  
Adamant,  
Iuif, mede-  
cin, fait  
Chrestien.*

à cause qu'ils &c. On trouue en *Swidas* une sentence notable d'un ancien Theologien : à sçauoir, que vouloir appliquer la vertu ciuile à la fonction Episcopale, c'estoit conioindre choses qui sont en nature grandement dissemblables, voire qui ne se peuuent allier ensemble.

*De la dissension de Cyrille, contre le gouuerneur Oreste : & comme ledict Oreste fut frappé au front d'une pierre : ensemble du Zele des moines de Nitria.*

CHAP.

XV.



*Les moines  
de Nitrie  
combattent  
pour Cyril-  
le contre  
Oreste.  
Socrat. li. 7.  
chap. 14.*

Oreste, gouuerneur d'Alexandrie, courroucé de cest acte de Cyrille, estimant vne grande perte & detrimement pour la ville tant illustre & au precedent si bien peuplée, d'estre priuée d'une tant grande multitude de personnes, rapporta tout cest affaire à l'Empereur. De sa part aussi Cyrille n'estoit paresseux : car il rescriuit aussi au Prince l'audace desbordée & pernicieuse des Iuifs, & neantmoins cercha les moyens de reintegrer son amitié avec Oreste, à quoy faire le peuple Alexandrin le contraignit. Mais Oreste ne voulant receuoir la harangue qu'on luy faisoit pour se reconcilier par ensemble, Cyrille luy presenta le liure des sacrez Euangiles, esperant que pour la reuée d'iceluy il l'appaiseroit d'auantage. Toutefois pour tous ces allchemens & persuasions Oreste ne voulut rien relascher de sa colere : de sorte qu'entre eux s'esleua vne guerre mortelle, qui fut cause de ce qui s'ensuit. Quelques moines qui habitoient es prochaines môtaignes, & principalement ceux du mont Nitria, enflâbez de zele & courage, ain si cobatirent pour Cyrille, côme ils auoyent fait pour son oncle, lors que Theophile, cōtre tout droit & raison les arma contre Dioscore & Ammonius. Iceux donc en nombre de plus de cinq cens, ayans abandonné leurs monasteres, vindrent en Alexandrie, & rencontrans Oreste trainé en vn chariot en public, luy dirent plusieurs iniures & reproches, l'appellans sacrificateur des idoles, homme Grec, & le detrenchans d'autres semblables vilénies. Iceluy donc iugeant que ceste menée se faisoit à l'instinct & suscitation de Cyrille, confessa qu'il estoit Chrestien, & qu'il auoit esté initié aux mysteres du baptême en Constantinople par Attic. Mais

Mais les moines ne le daignerent escouter : ains l'un d'iceux dit Ammonie, iecta vne pierre en la face du gouverneur, & soudain fut iceluy enroûé de sang, qui abondamment issoit de la playe. Lors les sergens & garde-corps du gouverneur, craignans les coups de pierres, se sauuerent l'un d'un costé, l'autre d'autre. Quoy entendu par le peuple, chacun soudain accourut pour secourir le gouverneur. Parquoy les moines voyas qu'il n'y faisoit pas bon pour eux, s'enfuirent le plus tost qu'ils peurent. Toutesfois Ammonius fut prins & mené deuant le siege du iuge : contre lequel iceluy commandant faire selon la loy, tant le fit gehéner & tourmenter qu'il en mourut. Puis Oreste & Cyrille signifierent cest acte à l'Empereur. Neantmoins Cyrille enleua le corps d'Ammonius, & l'enterra en l'Eglise, luy changeant son nom. Car au lieu d'Ammonius, il l'appella Thaumase, qui vault autant qu'Admirable, & luy fit l'honneur tel qu'il appartient à un martyr : & loua avec admiration publiquement en l'Eglise la liberté & zele d'iceluy, en ce qu'il auoit enduré pour la plus saine pieté. Toutesfois cest honneur tant grand a senblé à plusieurs d'entre les Chrestiens estre illegitime & indeu, disans qu'il auoit esté puny pour son audace brutie, & qu'il n'auoit point esté contrainct par aucune violence que lon luy eut faicte, pour deliberer se faire mourir en la question. Parquoy Cyrille considerant ce murmure, desista petit à petit de son conseil, & mit en oubly les actes d'Ammonius. Et non seulement le discord entre Oreste & Cyrille estoit parueniu iusques à ceste indignité : mais un autre aduint par apres non moindre que cestuy-cy, qui effaça l'absurdité d'iceluy. Il nous fault donc narrer plus ample-ment quel il est.

*Ammonie  
bleste Oreste  
en la face,  
qui est cause  
de sa  
mort.*

*Cyrille rége  
Ammonie  
au nombre  
des mar-  
tyrs.*

*À sauoir  
s'il deuoit  
estre estimé  
martyr : &  
ce qui fait  
le vray mar-  
tyr.*

*D'Hypatie la philosophe, comme elle fut tuee par le clergé de Cyrille : & de la vengeance qu'en-  
durerent les Iuifs, pour s'estre moquez des mysteres des Chrestiens.*

CHAP. XVI.



EN la ville d'Alexandrie y auoit vne femme nommée Hypatie, fille de Theó, philosophe, duquel elle fut si bien instruite, qu'elle excelloit tant aux disciplines liberales, que non seulement elle surpassa de beaucoup les philosophes de son temps, mais aussi ceux qui long temps au parauant auoyent esté illustres & florissans : qui fut cause qu'elle succeda à l'escole Platonique descendue de Plotin. Elle estoit fort prompte de proposer cōgnoissance des sciences à tous studieux, quels qui fussent addressez à elle. Parquoy tous ceux qui estoient menez d'amour philosophique venoyent vers elle, non seulement pour l'honnesteté & graue liberté de parler de laquelle elle estoit douée : mais aussi à cause que chastement & prudemment elle conuersoit avec les principaux personnages. Pource ne sembloit il estre deshonneste qu'elle fust au milieu des hommes. Tous l'honoroyent & reueroyent pour son excellente pudicité, de sorte que tous parloyent d'elle avec admiration. Or l'enuie pour lors s'arma & enflamba contre elle. Car pource que souuent elle hantoit Oreste, le clergé en conceut quelque reproche, comme si elle empeschoit que Cyrille & Oreste ne retournassent en grace & amitié l'un avec l'autre. Parquoy aucuns d'iceux qui de grand amour poursuyuoient Cyrille, s'assemblerent, desquels le chef fut un nommé Pierre, de l'ordre des lecteurs, & l'observerent insidieusement lors qu'elle reuenoit de quelque part, & la tirerent de son chariot, & la trainerent hastiuement en l'Eglise de Cesar : puis l'ayant despouillée de ses habillemens, la mirent à mort avec des sets de pots : & non contents de ce, la mirent en pieces, & deschirerent membre à membre, & l'apporterent au lieu dict Cinaron, où ils la brulerent. Ce forfait fut grandement repris en Cyrille & son Eglise, considéré que les enuies, dissensions, efforts de contention, bateries, meurtres & autres pareils actes sont du tout alienes des sectateurs de Iesus-Christ. Ces choses furent faictes l'an quatriesme de l'Episcopat de Cyrille Alexandrin, & l'an sixiesme de l'Empire de Theodose, au mois de Mars, lors qu'on celebroit les sollennitez des ieusnes. Non lon temps apres les Iuifs de rechefayās perpetré vne meschanceté detestable cōtre les Chrestiens, furent payez & punis ainsi qu'il estoit raisonnable, à un lieu appellé Mestiar, assis entre Chalcide & Antioche, pres le fleuve Oron. Car ainsi que les Iuifs s'esbatoyent à leurs ieux accoustumez, par vne desbordee licence & yurongnerie s'auancerent plus que l'honnesteté ne permettoit, se moquans non seulement des Chrestiens, mais aussi de nostre sauueur Iesus-Christ : de sorte que se tians du salutaire bois de la croix, & de ceux qui mettent en iceluy leur esperance, inuenterent & firent ceste abominable impieté qui s'ensuit : Ils prindrent un petit enfant Chrestien, & le pendirent en la croix, premierement se moquans de luy & hochans la teste par derision : puis ainsi qu'ils estoient hors de leur sens & entendement, le batirent de fouets & escourgees iusques à la mort : Mais que fut il fait par apres ? Plusieurs d'iceux & des nostres se reconterent de front pour le battre, & tant fut grand le conflict, que plusieurs d'une part & d'autre furent mis à mort. L'Empereur aduertý de ce fait, rescriuit aux gouverneurs des prouinces, que tres-estroitement ils

*De la mort  
miserable  
de Hypatie  
femme tres-  
docte &  
treshonne-  
ste.*

*Suidas esti-  
me que plus-  
tost elle fut  
tuee par la  
sedition des  
Alexan-  
drins.*

*Ce meurtre  
est grande-  
ment taxé.  
Les Iuifs en  
Mestiar ayās  
cruicifié un  
petit en-  
fant, se mo-  
quent mal-  
heureuse-  
ment de Iesus-  
Christ &  
des Chre-  
stiens.*

# LIVRE XIII. DE L'HISTOIRE ECCLESIASTIQUE

*Punition  
des Iuifs.*

punissent ceux qui estoient auteurs d'un si grand mal. Parquoy les Iuifs apprehendez furent ainsi qu'ils meritoient punis par amende, par mort, & autres supplices à cause de la meschanceté qu'ils auoyent commise par icu.

que chastement &c.] Un ieune compagnon assez propre & mignon sollicita quelque fois par promesses & paroles ceste Hypatie pour son deshonneur : Mais icelle voyant que pour toutes ses remonstrances elle ne le pouuoit destourner, elle luy monstra le drap teint de ses fleurs : parquoy luy ayant mis deuant les yeux la fardée de la compagnie libidineuse & illicite, elle se deliura de luy. Suidas.

D'un Iuif lequel par finesse s'estoit fait souuent baptiser, & comme estant venu pour ceste mesme cause à Paul Euesque des Nouatiens, ainsi que les fons estoient tout disposés, l'eau s'esuanouit, Dieu reprenant ceste importunité par miracle.

CHAP. XVI.

*Paul Euesque  
des Nouatiens  
braue  
personnage.*



Ors que Chrysant Euesque des Nouatiens eut administré son Euesché l'espace de septans, il alla de vie à trespas, & Paul luy succeda en ceste dignité. Lequel apres auoir premierement enseigné les lettres Latines, abandonna ceste vocation, & mena vie monastique : & fut le plus excellent en cest estat que tous ceux qui pour lors en faisoient profession. Tel à sçauoir il estoit, quels Euagre dit deuoit estre ceux qui menent vie solitaire : selon les meurs desquels Paul aussi composa sa vie, ieusnant tousiours, & parlant peu, s'abstenant de manger des bestes & viandes qui ont ame, voire le plus souuent n'usant ne d'huile, ne de vin, receuant avec grande amour les indigens, visitant les prisonniers plus qu'autre qui fut en ce tēps, priant enuers les princes & grands seigneurs pour ceux ausquels on faisoit tort, tellement que facilement il estoit ouy : & ceux qu'il requeroit, pour la grande religion qu'ils ueoyent en luy, aysement accordoyent sa demande. Vrayement aussi aduint sous son Euesché un acte digne sur tous de n'estre passé en silence : lequel ayant trouué en Socrate, i'ay voulu deduire en ceste histoire. Il y auoit un Iuif qui ayant receu le Christianisme, amorcé de l'esperance du gaing, souuent se fit baptiser, à ce qu'il amassast quelques deniers. Ayant donc passé presque par toutes les religions qui regnoient pour lors, à sçauoir des Arriens & Macedoniens, & receu d'iceux le baptisme, voyant qu'aucuns ne luy restoyent lesquels il peut deceuoir, il vint à la fin à ce Paul Euesque des Nouatiens. Et apres auoir fait sa harangue, & en faintes paroles dit que grâdemment il desiroit d'estre baptisé de sa main, & supplioyt qu'il luy fust satisfait selon son desir : Paul receuant ioyeusement la bonne affection qu'il luy sembloit de cest homme, ne le voulut admettre au baptisme, que selon la coustume il n'eust esté instruit en la parole de foy, & accomplir le ieune en tel cas requis. Voyant iceluy qu'il estoit chargé de ce ieune, lequel il n'estimoit qu'on luy deust imposer, de plus en plus insistoit à ce qu'il iouist de ce qu'il pretendoit. Paul voyant son ardente affection, ne le voulut par si longue dilation pertroubler, parquoy il appresta tout ce qui estoit necessaire pour le baptisme. Puis ayant fait apporter vne belle robe blanche, & rempli les fons d'eau selon la coustume, emmena le Iuif tout nud en ce lieu : mais voyla par l'inescable vertu diuine & prouidence l'eau soudain s'esuanouit. L'Euesque & ceux qui assistoyent, ne sçachans rien de ce mystere, pensans que l'eau se fut escoulée par le conduit qui estoit au dessous, ainsi que quand on la lasche apres l'initiation, firent apporter d'autre eau, laquelle escoulée ainsi que l'autre, nonobstant qu'on eut prins diligēment garde qu'elle ne se perdist, ainsi que la premiere, estonna les assistans, car soudain que le Iuif de rechef y fut appliqué, elle disparut en la sorte que nous auons dictē. Paul congnoissant ce fait : Ou tu cōmets, ô homme, dit-il, & perpetres quelque meschanceté, ou tu sembles ignorer que tu sois venu au baptisme. A ce bruit plusieurs accoururent, desquels l'un recongneut le Iuif, & dit qu'il auoit au parauant receu le baptisme par les mains de l'Euesque Attic. Il traicte ce fait au long à ce que nous aprenions que souuent la grace diuine se monstre chez les indignes, sans aucun detrimēt de foy, & que vrayemēt celle est digne d'admiration, qui se monstre aux gens de bien en cas nouueaux : & quelquefois, si l'usage le requiert, par les indignes.

*Livre 7.  
chap. 17.  
Un Iuif se  
fait souuent  
baptiser en  
esperance de  
gaing.  
Instruction  
auant le ba-  
ptisme.*

*Robbe blan-  
che.  
Miracle qui  
adint au ba-  
ptisme dece  
Iuif, l'eau  
s'esuanouis-  
sant.*

*La grace de  
Dieu se mō-  
stre mesme  
entre les in-  
dignes.*

Comme en Perse le Christianisme fut multiplié par Maruthas, Euesque de Mesopotamie, & Abdas Euesque de Perside

CHAP. XVII.

*Maruthas  
Euesque de  
Mesopota-  
mie estant  
enuoyé au-*



N ce mesme temps le Christianisme fut de beaucoup augmenté en la region des Perses. Car pource qu'Isdigerdes ordonné par son pere tuteur de Theodose estoit grand amy des Romains, plusieurs causes se presenterent pour lesquelles d'une part & d'autre on enuoyoit plusieurs ambassades entre les Perses, & les Romains. Parquoy ainsi que la necessité se fut presentee, Maruthas Euesque de Mesopo-



Mesopotamie (lequel nous auons dit vn peu au precedent auoir marché sur le pied de Cyr'n Euesque de Chalcedon) fut enuoyé ceste part en ambassade. Et apres qu'il fut arriué en Perse, le Roy luy fit grand honneur, l'estimant comme celuy qui estoit bien aymé de Dieu, & doué de grande pieté. Les sages de ce pays qui auoyent grande autorité chez le Roy, voyans que tel honneur estoit fait à cest Euesque du domaine des Romains, se faschoyent eux-mesmes, & se trauailloyent en plusieurs penées, craignâs qu'avec l'affection que le Roy luy portoit, il n'embrassast aussi la religion d'iceluy. Et qui augmentoit encore leur crainte, estoit que Maruthas par ses prieres qu'il fit à Dieu, auoit soudain guarý Isdigerdes d'un grief & long mal de teste, duquel il auoit esté affligé: ce que les sages auoyent confessé ne pouuoit faire, quoy qu'ils eussent tenté & esprouué. Parquoy ils conclurent de surprendre le Roy par finesse. Car pource que les Perses adorent le feu cōme Dieu, & appellent ceux-la sages qui rapportent les elemens au nombre des dieux, à cause aussi que le Roy adoroit le feu perpetuel, selon sa coustume, ils deuolerent vn homme en vne fosse sous terre, auquel ils dōnerent charge que lors que le Roy viendrait pour adorer, il criast à haulte voix ces paroles, à sçauoir qu'il falloir que le Roy sortist de celieu, veu que Dieu le iugeoit estre meschāt de ce que tant il ay moit vn Euesque des Chrestiens, estimant qu'il fut cher & bien aymé de Dieu. Le Perse ayant entendu ceste voix delibera de reiecter du tout Maruthas de sa cōpagnie: toutesfois avec tout honneur & reuerence. Alors Maruthas pour la grande dilection de laquelle il ay moit Dieu, vaquoit de plus en plus en oraisons, de sorte que facilement il fut aduertý de la fraude des sages: parquoy s'adressant à Isdigerdes: N'endure pas ainsi, ô Sire, dit-il, que tu sois moqué: Mais quand tu seras entré au sacraire, lors que tu entendras ceste voix, commande que la terre soit fouye, & soudain la tromperie sera manifestee. Car veu que le feu est sans ame, il ne peut rendre aucune voix: mais ceste ruse est bastie par quelque ruse humaine. Le Roy obeit à ces paroles. Et soudain qu'il fut de rechef entré en ceste petite maison en laquelle on gardoit le feu perpetuel, ceste voix rapportee à ses oreilles, hastinement il commanda que ce lieu fust fouý, & lors on congneut que celuy estoit mortel, qui sous terre auoit feint la voix de Dieu. Parquoy le Persan esmeu de colere imposa des decimes sur la race des sages. Puis fut commandé à Maruthas de bastir vne Eglise en la terre des Perses, en quelque lieu qu'il vouldroit. De là en auant la Chrestienté fut dilatee & multipliee aux pays des Perses. Ce fait, Maruthas ayāt bien exploicté sa legation, s'en reuint à Constantinople. Depuis, l'occasion s'estant presentee d'enuoyer de rechef vn orateur en Perse, de rechef aussi la charge luy en fut baillée. Or les sages s'efforçoyēt ainsi que premierement ils auoyent fait, de destourner le Roy de la familiarité de ce personnage, & de ne luy faire tel honneur. Et pour venir à bout de ceste entreprinse, par quelque art & industrie exciterent vne puanteur intolerable au lieu auquel le Roy auoit coustume de se pourmener: puis forgerēt vne imposture, disans que ceste ordure venoit des Chrestiens qui estoýēt en la compagnie de cest Euesque: Mais le Prince prenāt coniecture que cela procedoit des sages, ainsi qu'il auoit apperceu la premiere fois, & les tenans suspects pour ceste cause, s'enquesta diligemment qui estoýent les auteurs de ceste vilenie. Et apres que ces meschans furent congneus inuenteurs & facteurs de cest odyt tref-infect & puant, il en punit de rechef plusieurs: & honnora encore d'auantage Maruthas qu'il n'auoit fait au parauant: & ayma grandement les Romains, & prisa beaucoup l'alliance qu'ils auoyent avec luy. Voire fut il conduit de si grande amour enuers nostre religion, qu'il voulut estre fait Chrestien, alliché par vn autre acte de Maruthas, lequel il fit avec Abdas Euesque de Perside. Car par ses continuelles prieres il chassa publiquement le diable du corps de son fils, lequel le molestoit beaucoup.

*La Chrestiente peuplee en Perse par Maruthas.*

*Maruthas de rechef enuoyé en Perse en legation.*

*Tromperie des sages congneue de rechef.*

*Maruthas & Abdas Euesque de Perse deliurent le fils du Roy, du diable qui le tourmentoit.*

*Comme Abdas desmolit le temple du feu sacré, de quoy & luy & d'autres furent martyrisés, & des terribles tourmens que les Perses exciterent contre les fideles Chrestiens.*

# CHAP. XIX.



Isdigerdes trespassa de ceste vie auant que d'estre du tout fait Chrestien, & son royaume fut deuolu à son fils Varanes, lequel n'aimoyt pas tāt les Chrestiens, & ne leur portoit si bon visage que son pere. Car persuadé par les sages, leurs mortels ennemis, non seulement il rompit les alliances des Romains, mais aussi ayāt inuenté des nouueaux tourmens il persecuta cruellement les Chrestiens qui estoýent en son pays: Mais l'exposeraý commençant vn peu plus hault, quelle fut la principale cause de ceste guerre contre l'Eglise. Abdas Euesque de Perside entre les autres ornemens de vertu desquels il resplendissoit, estoit principalement renommé pour le courage & zele pour la querelle de la foy. Duquel enflambé quelquefois il desmolit le sacré foyer des Perses, chose par aduenture que pour lors n'estoit pas beaucoup necessaire: Car en ces pays le grand temple est appellé Le foyer, à cause que le feu est leur Dieu. Or les

*Varanes fils de Isdigerdes pour suit les Chrestiens.*

*Cause principale de ceste persecution.*

*Abdas de-  
struit le tem-  
ple du feu.*

*Eglises des  
Chrestiens  
abbatues en  
Perse.*

*Il est loué  
de ne l'a-  
voir resti-  
tué.*

*Les Chre-  
stiens mar-  
tyrs surmon-  
tent tous les  
tourmens.*

sages, ensemble Varanes Roy des Perles aduerty de cest acte manda Abdas, premierement le reprint assez moderément, & puis luy commanda reedifier le sacré temple du feu en la forme qu'il estoit au precedent : Mais ainsi qu'Abdas refusoit ce faire, & asseuroit qu'il ne feroit ce commandement, Varanes menassa toutes les Eglises des Chrestiens d'y mettre le feu, & mit en effect ses menasses. Car apres auoir mis à mort ce bon personnage, de sorte qu'il emporta la couronne de martyre, il fit du tout abbatre les Eglises. Vrayement aussi il me semble qu'Abdas n'auoit que faire d'abbatir le foyer des Perles, veu que saint Paul arriué en Athenes, n'a destruit aucun autel des dieux qui là estoient adorez : mais par leurs mensonges tirant argument de la verité, il reprenoit leur folie, prenant occasion de l'autel qu'il auoit veu, pour conduire les persennages de là à la vraye pieté, & les y mener comme par la main. Le me'sbahy aussi tregrandement, & prise cest acte digne de plusieurs couronnes, de ce qu'il ne voulut rebastir le temple du feu qu'il auoit abbatu, neantmoins qu'aysement il l'eut peu faire : mais plustost que d'obeir à ce commandement, s'est présenté à la mort, veu que c'est tout vn adorer le feu, & construire son temple : Mais la tēpeste leuee de cest acte esmeut des furieux & cruels flots contre les nourrissons de l'Eglise, lesquels durerent l'espace de trente ans, les sages se parforçans de les poulser & esmouoir, ainsi que si ce fussent quelques vents orageux. Et ces sages appelez Magi, sont ceux en Perse qui adorent les elemens comme dieu. A la verité nulle langue pourroit clairement exprimer la grandeur des tourmens, les inuentions & formes des cruelles peines, desquels ils ont affligé les gens de bien. Car aux vns les deux mains furent coupees avec des haches, à d'autres le doz escorché, à d'autres on arrachoit le cuir de la teste depuis le front iusques au menton, à d'autres ils couuroyēt tout le corps de fleches fendues en deux, ayans aiguillé leurs pointes & fichees dedans la chair : puis ayans enuironné la personne de gros liens depuis la teste iusques aux pieds, ils tiroient à grande force chaque fleche, de sorte que ces liens entroyent fort auant en la chair : à ce que quand ils les tireroient ils emportassent à grande force ceste partie du corps qui est proche du cuir, & renouuellassent cruellement leurs douleurs. D'auantage aussi faisoient ils des fosses, lesquelles il remparoyēt soigneusement, puis descendoient en icelles des ruches, mouches & aucilles, & puis leur bailloyent les Chrestiens pour leur nourriture, leur ayans premierement lié les pieds & mains tres-estroitement, à ce qu'ils ne peussent tascher de les chasser d'environ leurs corps. Ainsi ces mouches comme enragees de faim, deuoroyent la chair de ces saints personnages, leur faisans vne tresgrande douleur. Ils controuuerent aussi plusieurs autres afflictions voire plus cruelles que celles-là, vñs en ce de l'instruction de leur maistre le diable, pernicious ennemy de la verité. Toutesfois ne peurent ils effacer la force & noble courage de ces personages. Car ils se presentoyēt au combat de leur propre mouuement, aspirans à l'immortalité, & à celui qui donne la vie eternelle.

*De Achemenides, & Saenes, & Beniamin diacre, comme ayans esté par les Perles tourmentés & cruellement, ils receurent couronne de martyre.*

CHAP. XX.



*Achemeni-  
des homme  
illustre de-  
fend braue-  
ment le Chri-  
stianisme  
chez le Roy  
Varanes.  
Achemeni-  
des ab-  
baissé fort  
bas pour la  
confession  
de foy.*

EN Perse v auoit vn nommé Achemenides, autrement appelé Hormisdé, engendré d'un preuost, homme grandement renommé & riche : lequel le Roy ayant entendu estre Chrestien, fit amener deuant luy, & comanda qu'il renouast le Sauueur : Mais il respondit que les comandemens du Roy non seulement estoient iniques, mais aussi incommodes & dommageables pour sa personne. Car il dit que celui qu'on estime pouuoir facilement abiurer le Dieu de cest vniuers, plus aisément beaucoup peult mespriser son Roy, & se retirer vers vn autre : considéré que le Roy est mortel de nature, veu qu'il est homme. Que si, dit il, il te semble que ce luy doit estre puny qui renoncera ta maiesté & grandeur, & estimera non plus que rien ton sceptre, i'estime que celui est digne de plus grand supplice, qui aura reiecté le Seigneur & monarque de toutes choses. Le Roy au lieu qu'il se deuoit estonner cōsiderant la liberté tant grande de ce personnage, au contraire commanda que ses richesses, luy fussent ostées, qu'il fust priué de sa dignité, & mis tout nud, n'ayāt qu'un seul brayer pour couvrir sa nature, & en tel estat mener les chameaux de ceux qui suiuoyent la cour. Peu de temps apres le Roy regardant d'une gallerie, apperceut cest illustre personnage bruslé de la chaleur du Soleil & couuert de poudre : & lors remettant en memoire la gloire du pere d'iceluy, le fit venir vers luy, l'habilla d'une robe de laine. Estimant aussi que pour la peine & affliction qu'il enduroit, & l'humanité & misericorde de laquelle il vsoit enuers luy l'ayant enuoyé chercher & fait reuestir, d'ores en auant il se rendroit plus aysé à gagner : pour le moins maintenant, dit-il, reiecte ton premier erreur, & chaffe de ta pensee ce fils de charpentier. Alors Achemenides enflammé de zele rompit ceste robe, la iecta deuant le Roy, & à haulte voix : Si tu penses, dit-il, que pour ce beau present ie change

change ma tresbonne religion, le voilà, prens le, & le garde pour toy avec ton impieté. Le Roy voyât qu'il estoit tât constât en son courage, le fit chasser tout nud de son palais. Pour lors aussi y auoit vn autre appellé Saenes, lequel résista au Roy, & ne voulut renoncer le Seigneur de cest vniuers. Le Roy se voulant venger d'iceluy, luy osta la puissance qu'il auoit sur mil satrapes, & choisit l'un de ses seruiteurs le plus meschant, & luy bailla ceste autorité, & luy commanda obeir à celuy duquel il estoit le vray maistre, voire ayant donné & conioinct à ce meschant garnement sa maistresse & compaignie du liêt de Saenes. Car pensoit il par ce moyen persuader à celuy qui aymoît la verité, de changer son courage & sentence: Mais il s'en falut beaucoup, car la maison de son esprit n'estoit pas fondée sur le sable, mais sur la pierre ferme.

Ce Roy aussi fit apprehender le diacre Benjamin, & mettre en garde, en laquelle ayant esté deux ans durant, l'orateur des Romains pour quelque cause vint en Perse, lequel fut pour luy mediateur, requerant qu'il fust desserré des liens, & mis en liberté. Ce que le Roy promit au legat faire, moyennât que Benjamin s'obligeast de sa part, qu'il ne persuaderoit à aucun des sages de recevoir la religion Chrestienne. Parquoy le legat rapporta ce propos du Roy à Benjamin, & ce qu'il requeroit: Mais il respondit qu'il ne se pouuoit faire autrement qu'il ne distribuast à vñure ceste lumiere, qu'il auoit receuë de Dieu en grande abondance, veu que le liure des diuins Euangiles monstre assez quelle peine est ordonnée à celuy qui fouyt & cache son talent en terre. Le Roy ignorant ceste réponse commanda qu'on le mit en liberté. Et soudain iceluy se mit en train comme au parauant de faire son office, prenant ceux qui estoient detenus d'obscurité d'erreur, & les ammenant à la diuine & intellectuelle lumiere.

L'an estoit ia passé, lors qu'on vint annoncer au Roy ce que Benjamin faisoit: lequel il fit amener deuant soy, & luy fit commandement de renoncer ce Seigneur qu'il preschoit sincerement. A quoy, qu'est-ce, dit-il, que merite celuy qui renonçant ton Empire, se transporte vers vn autre Roy? Il est digne de mort & dernier supplice, dit le Roy. Alors Benjamin: De quel supplice donc, respondit il, doit estre puny celuy qui ayât abiuré le Seigneur de cest vniuers, sauueur & gouuerneur, ne luy veult rendre le seruice & honneur qui luy appartient, mais l'exhibe à l'un de ses seruiteurs? Le Roy irrité par ces paroles, commanda qu'on aiguistât autant de fleches comme Benjamin auoit de doigts aux pieds & mains, puis qu'on les luy fichast dessous les ongles: Mais voyant que ce courageux lucteur d'une ioyeuse contenance enduroit ces tourmens comme quelque ieu de prix, pour emporter la couronne, il luy mit vne autre fleche à la pointe aigue dedans le membre viril, lequel souuent retirant & de rechef fichant dedas, luy causoit vne incredible & intolerable douleur: Mais iceluy portant noblemēt ce supplice trescruel, le Roy en ordonna vn autre pour tenir apres cestuy-cy le second lieu. Car il commanda qu'on apportast vne vègre assez grosse, garnie de tous costez de ses branches crochues, puis la mettre dedans le siege de ce martyr combant, & la retirer souuent par ce mesme lieu. Lequel tourment ne pouuant d'auantage endurer ce courageux lucteur, & puissant defenseur de la verité, rendit son esprit à Dieu. Autres plusieurs tourmens furent inuentez & afflictions intentees par ces audacieux & meschans gens. Quel est cestuy aussi qui s'ensuit, perpetré à la personne de Iaques le Persan: Car iceluy ayant au parauant esté Chrestien, pour l'amitié qu'il portoit à Isdigerdes Roy des Perses, auoit renoncé la foy de son pere. Mais depuis estant aduenue que par les remonstrances de sa femme il retourna à la foy de Iesus-Christ, le prince en fut controué, de sorte qu'apres plusieurs supplices il le fit mourir d'une mort cruelle & admirable, à cause de sa nouveauté. Car on luy coupa & arracha toutes les ioinctures des mains, bras, pieds & cuisses, en sorte que l'apte composition de son corps fut desfaiete, & ne luy restoit que le chef avec le ventre, & neâtmoins qu'il fust en si pauvre estat, il ne reiecta la foy qu'il auoit en Iesus-Christ: quoy voyant le Roy, commanda qu'on luy treuchast la teste. Et ne se fault esbahir si Dieu a enduré la cruauté des ces personnes, considéré que ces princes qui ont precedé l'Empire de Constantin, vomirent leur rage contre ceux qui aymoient la vraye pieté. Et entre les autres Diocletien plus cruel de tous, le iour propre de la venerable & sainte passion de nostre Seigneur, abbatit toutes les Eglises qui estoient parmy l'Empire Romain. Toutesfois neuf ans apres elles reuindrent en leur premier estat, voire ainsi florissantes, qu'elles receurent vne beauté & amplitude beaucoup plus excellente qu'elles n'auoyent eu au parauant. Et Diocletien mourut à la fin mal-heureusement, & fut esteinct avec son impieté. Aussi nostre Seigneur a luy-mesme predict ces guerres & afflictions: & non icelles seulement, ains aussi l'invincible & insuperable estat de l'Eglise. L'effect aussi le monstre: Car aucunement la guerre nous apporte plus grande utilité que la paix, pour ce que ces tentations donnent vn lustre fort grand à l'Eglise, veu que la paix nous rend mols & lasches, voire pareilleux & craintifs: mais la guerre outre ce qu'elle aiguise nos esprits, elle ne peult endurer que nous soyons fichez & arrestez aux choses presentes: mais nous persuade que nous les desprisons & estimons comme choses labiles & caduques.

*Saenes s'est-  
récontu-  
melieu-  
sement hors  
son estat.*

*Le Diacre  
Benjamin  
detenu en  
prison par  
deux mois.  
L'embassa-  
de de Rome  
le deliure.  
L'homme  
Chrestien  
peult qu'il  
ne travaille  
selon son ta-  
lent.*

*Constâce de  
Benjamin.*

*Illustre  
martyre d'i-  
celuy.*

*Iaques Per-  
san, de Chre-  
stien fus  
fait Ethni-  
que.*

*Illustre mar-  
tyre de ce Ia-  
ques.  
Dieu par sa  
magnani-  
mité sou-  
stient.*

*Comment la paix rompue avec les Perses à cause de la persecution des Chrestiens, une grosse bataille fut faicte entre les Romains & les Perses : ensemble comment les Romains ayans par leur prouesse emporté la victoire, la persecution des Chrestiens cessa, la paix derechef contractée & confirmée entre les Romains & les Perses.*

CHAP. XXI.

*Affliction des Chrestiens en Perse. Les Perses Chrestiens s'enfuirent vers l'Empereur.*



Es Chrestiens de Perse oppressez d'intollerables afflictions, lesquels leur estoient chargees les vnes sur les autres, se retirerent vers les Romains, leur demandans secours, & supplians qu'ils ne fussent reietez en leurs extremes necessitez. L'Euesque Attic les receut benigne-ment, & print leur requeste, & tant qu'il peut s'efforça leur aider: tellement qu'il pria l'Empereur pour eux, & l'excita pour venger leur querelle. En ce temps aussi autres occasiõs de guerre se presenterent, à sçavoir les Romains estoient grandement affligez par les Perses, pource qu'ils ne permettoyēt à ceux retourner au pays, qui de la subiection des

*Guerre esmeue entre les Perses & Romains.*

*Ardaburie gastee par les Romains.*

*Ardaburie due des Perses surmonte & met en fuite le Duc Narses.*

*Braue responce d'Ardaburie.*

*Ardaburie se fie en Dieu.*

*Les Anges messagers & aides de la victoire des Romains. Socrat. li. 7. chap. 18.*

*Les Romains assiegent Nisibis.*

*Les Sarrasins portent secours aux Perses.*

Romains s'estoyent là transportez, pour en esperance de lucre & recompense trauailler aux minieres d'or: ensemble pilloyēt toutes les marchandises des Romains. Auec ces iniures le plaintif & refuge des Chrestiens en la ville de Constantinople incita d'auantage l'Empereur: Parquoy de là se prepara vne grosse guerre. Car le Persan par vn ambassade qu'il enuoya, requit que ceux qui s'estoyent fuis vers ses ennemis, luy fussent liurez: Mais les Romains ne voulurēt ce faire, non seulement à cause qu'ils les vouloyent garder comme leurs supplians, mais aussi pour l'égard de la religion pour laquelle ils estoient prests d'auantage de faire & endurer toutes choses, que de ne tenir compte de ceux avec lesquels ils auoyent vne mesme foy. Parquoy la paix rompue se leua vne grosse guerre entre les Perses & Romains, laquelle il m'a semblé comode comprendre en briefues paroles

Ardaburie partāt de la cour Imperiale avec charge de leuer quelques cõpagnies, tira par l'Armenie droit en Perse, & pilla & mit à sac toute la prouince d'icelle appelée Azazene. Contre iceluy vint vn autre capitaine dict Narses, enuoyé par le Roy des Perses, ammenant avec foy vne grosse armee. Et le combat liuré, & les deux cõps lachez l'un contre l'autre, le Persan vaincu commença à fuir: puis reuenant vn peu à foy-mesme, delibera de surprendre Mesopotamie qui estoit de l'Empire des Romains, d'autant qu'il n'y auoit aucunes garnisons ceste part, parquoy il esperoit recouurer son honneur, & effacer l'ignominie de la perte qu'il auoit receuē: Mais ceste sienne entreprise ne peut estre tant secrette qu'elle ne fust congneue à Ardaburie, lequel le plus hastiement qu'il peut, ayant parfaict le massacre & degast de la region d'Azazene, se retira en Mesopotamie. Narses aduertý de ces nouvelles, encore qu'il eut rassemblé des grandes cõpagnies n'osa entrer sur les limites des Romains: Mais arriué en Nisibis cité limitrophe assise entre le domaine des Romains & des Persans, subiecte toutesfois au Roy de Perse, il enuoya quelque heraults à Ardaburie, pour l'assseurer des conditions de la bataille & du iour & du lieu où se deuoyent trouuer toutes les deux armees. Auquel Ardaburie fit responce, que les Romains combateroyent, non selon son vouloir qu'il auoit insinué par ses gens, mais lors qu'ils aduiseroyent que le temps leur seroit comode. Et pourtant qu'il estimoit que le Persan de grande force assailliroit ses cõpagnies, ayant du tout remis entre les mains de Dieu toute l'esperance de la guerre, il assembla aussi de sa part grand nõbre de gens: Mais aussi ce qui aduint tesmoigna suffisamment qu'il estoit supporté de diuin aide, auquel il se fioit grandement. Car en la ville de Constantinople ainsi que les citoyens estoient en grande crainte & doute, à sçavoir à quelle part la victoire fauoriserait, les Anges de Dieu apparurent à quelques personnes de Bithynie, qui venoyent en Constantinople pour en sçauoir certaines nouuelles, & leur commanderent d'annoncer en ce lieu que le peuple se mist en prieres & supplications, & que chacun print courage, & mist sa fiance en Dieu, croyant que la victoire seroit pour les Romains. Adoustant aussi qu'ils estoient enuoyez de Dieu pour estre messagers de ceste victoire, & qu'eux-mesmes ayderoyent beaucoup les Romains. Ces nouuelles ouyes, le courage des citoyens non seulement s'augmenta, mais aussi les soldats prindrent tel cueur, qu'ils se sentoient plus forts qu'au parauant. Parquoy la guerre transferee d'Armenie en Mesopotamie, comme nous auons dict, les Romains assiegeans ceux qui estoient enfermez & environnez de remparts en Nisibis, firent des tours de bois, lesquelles roulees par quelques roies & engins s'appliquoyent aux murailles, & d'icelles se fit vne longue alarme contre ceux qui estoient sur le mur, en sorte que ceux qui defendoyent la ville, estoient tuez & desfaicts à grand nombre. Varanes Roy des Perses aduertý que toute la region d'Azazene estoit saccagee, & que ses gens enfermez en Nisibis estoient affligez de la force de ces tourmens muraux, il se mit en chemin pour esprouer la fortune de guerre, avec toutes les bendes qu'il auoit prestes. Et pourtant qu'il redoutoit la vertu des Romains, il emprunta l'aide des Sarrasins, desquels Alamundar, homme fort & belliqueux, fut

fut conducteur : lequel d'autant qu'il en emmenoit avec soy plusieurs milles, commandoit au Roy de Perse auoir bon courage, disant que soudain au premier conflict il surmonteroit les Romains, & les rengeroit sous sa puissance, avec Antioche la grand' ville de Syrie. Telles estoient les vanteries d'iceluy : mais ses paroles n'eurent telle fin qu'il disoit : car les Sarrafins auxquels le Roy se fioit, d'avantage espouventez outre mesure, estimans par quelques imaginations qu'ils estoient contrains & pourchassez de prez de grandes compagnies des Romains, en sorte qu'ils pensoient estre enuironnez de toutes parts, commencerent à bruire & tumultuer, ne sachans qu'ils deuoient faire, ou en quel lieu ils se pouuoient sauuer : tellement qu'avec leurs armes ils se precipiterent au fleuve d'Euphrates. A la verité la commune opinion tient que là cent mil hommes furent suffoquez. Voila ce qui aduint. Alors les Romains qui ayans dressé leurs machines de baterie assailloyent la ville de Nisibis, entendirent que le Persan venoit contre eux avec vne grande multitude d'Elephans, parquoy estonnez de crainte mirent le feu à leurs machines & se retirerent. Au surplus combien de batailles ayent esté faites depuis, & comment Ariobinde, autre chef des Romains, en vn singulier combat mit à mort celuy qui estoit estimé le plus fort de tous les Perses : & comment Ardaburie deffait & tua (aux embusches) sept Capitaines des Perses : d'avantage comme Virien, autré Capitaine de Theodose, brauement mit à sac ce qui restoit des Sarrafins, me semble que maintenant ie ne le dois declarer, mais passer outre, à ce que ie ne forte trop loing de mon propos. Or l'Emperer Theodose soudain fut aduertty par Palladius le courier tres-diligent, de tout ce qui auoit esté fait en la guerre. Or ce courier estoit puissant de corps & de courage adzantin : lequel de telle viffesse estoit porté sur son cheval, qu'en trois iours il arriua aux fins qui bornent les Romains & les Perses : & en autant de iours fut de retour en Constantinople. A cause de ceste viffesse il vola tres-diligemment non seulement iusques aux limites des Perses, mais aussi par toutes les autres parties de ceste machine ronde, ou l'Empereur le voulut enuoyer. Qui fut cause que quelque personnage illustre, s'esmerueillant de la diligence incredible qu'il faisoit, dit : que par sa viffesse & treilloudaine expedition il rendoit estroit le domaine del'Empire Romain, lequel toutesfois à la verité estoit si ample. La diligence d'iceluy estonnoit aussi le Roy des Perses, voyant que lors qu'il faisoit quelque ambassade, il despeschoit vn si grand chemin en peu de iours. Voilà touchant Palladius. Or l'Empereur Theodose residant en Constantinople, ayant entendu que les Romains auoyent diuinement emporté la victoire, il fut tant bon & honneste, que nonobstant que la fortune luy fauorisast, & toutes ses affaires se portassent bien, il deliberoit toutesfois & tenoit propos de faire quelque paix, & vouloit contracter alliance avec ses ennemis. Il enuoya donc Helion, Duc, pourueu d'illustre dignité, pour composer & faire paix avec les Perses. Lequel arriué en Mesopotamie où les Romains auoyent fait vn haut fossé, pour leur seruir de rampart, il donna charge à Maximin, homme fort excellent, de mesme dignité qu'Ardaburie, pour traiter la paix avec le Roy de Perse. Maximin venu au lieu où estoit le Roy, & l'ayant salué, luy dit qu'il estoit enuoyé par les Ducs & Capitaines, non par l'Empereur mesme, veu qu'il ne scauoit rien de ceste guerre, que s'il en auoit entendu quelque chose, toutesfois il n'en tenoit point grand conte. Mais Varannes regardant que son armee mouroit de faim, receut de bon cœur cest ambassade, & deffors eust accordé ceste alliance, si ceux qui chez luy estoient appelez « immortels, au nombre à scauoir de dix mil hommes eleuz & fort puissans, ne se fussent presentez deuant luy, & ne l'eussent admonesté de ne receuoir ceste paix, que premierement ils ne se fussent ruez sur les Romains, & les eussent assaillis ce pendât qu'ils ne se doutoyent de rien. Le Roy obeit à ceste remonstrance, cōmandant reserrer l'orateur des Romains en quel que lieu fermé : puis permit à ces immortels surprendre par embusches leurs ennemis : parquoy ils se diuiserent en deux bandes, deliberez d'environner de toutes parts quelque nombre de l'armee Romaine. Les Romains ayans entendu le bruit, tiroient ceste part où ils auoyent apperceu ceste troupe d'ennemis : car ne voyoyent ils encore l'autre, quand par diuine prouidence se descourirent d'autres compagnies Romaines, qui regardoyent d'vne petite montaigne la contenance des deux armees. Orestoit cestela compagnie du Duc Procope, lequel voyant que ses amis estoient en danger mena ses gens contre les Perses, & les assaillit viuement par derriere. Ainsi fut fait que ceux qui peu au parauant pensoient enfermer les Romains, furent enclos eux mesmes. Nos gens ayans desfait tous ceux qui estoient ruez sur les Romains, se tournans contre ceux qui se leuoient des embusches, pareillement les transpercerent de leurs iauelots. Ainsi ceux qui entre les perses estoient immortels, soudain furent cōgneuz estre tous mortels : ainsi nostre sauueur Iesus Christ les punissoit, à cause qu'ils auoyent occis de mort cruelle plusieurs siens seruiteurs, doüez d'excellente pieté. Le Roy des perses ayant receu ceste playe, feit semblant qu'il ne scauoit rien de toutes ces menees : puis ayant mis hors en liberté l'orateur des Romains, receut sa legation, assurant qu'il faisoit & accordoit la paix, non à ce qu'il gratifiast aux Romains, mais pour l'honneur qu'il portoit à cest ambassade entre tous excellent en prudence.

*Sarrafins  
noyez au  
fleuve d'Euphrate.*

*Romains le-  
uent le sie-  
ge de deuant  
la ville de  
Nisibis.*

*Victoire  
pour les Ro-  
mains.*

*Palladius  
poste &  
courrier  
tres-diligent*

*Theodose ac-  
corda la  
paix avec  
les perses.  
Barbare ru-  
sa des per-  
ses.*

*Paix avec  
les perses.*

# LIVRE XIII. DE L'HISTOIRE ECCLESIASTIQUE

Or la guerre Persique ayant prins son commencement des persecutions qui se faisoient contre les Chrestiens, soudain aussi qu'elle eut prins fin, la persecution se repola avec la guerre.

*\* immortels ] Les immortels estoient dix mil Perles fort adextres aux armes, eleuz entre tous autres : lesquels Xerxes, fils de Daire, eut pour sa garde, & depuis furent mis en pieces par Ardaburie. Suidas. Ils portoyent des chaines d'or au col, & auoyent leurs robes pourfilles d'or, & des manteaux à manches, enrichis de pierres precieuses. Quinte Curse.*

*D'Acace, Euesque d'Amid, comme ayant fait monnoye des vaisseaux sacrez de l'Eglise, rachetant les captifs des perles, les rennoya en leur maison, lequel causa une grande admiration aux perles.*

C H A P. X X I I.

*Acace, Euesque d'Amid, rachete les captifs des derniers qu'il fit, ayant fondus les ioyaux de l'Eglise.*



*Plusieurs liures composez de la vie d'Acace, & des vertus de l'empereur.*

*Comme hieroïques composez par l'impératrice Eudocie.*

Acace estoit Euesque en la cité d'Amid, lequel pour lors fit vn acte digne de memoire, & qui le rendit plus illustre & renommé : car l'armee des Romains ayant gasté & saccagé toute la region Azazene, auoit prins captifs plus de sept mil Perles, lesquels ceux de leur nation ne vouloyent aucunement racheter, de sorte que petit à petit les vns apres les autres se mouroyent de faim: Dequoy le Roy estoit grandement contristé. Acace aduertie de ceste facherie du Roy, ne voulut s'absoudre de sa part de ceste sollicitude, ains ayant assemblé son clergé: Dieu, dit-il, mes enfans, n'a que faire de plats, & ne se soucie de pots: car veu qu'il n'est subiect à indigence, il ne mange & ne boit point. \* Consideré donc qu'en ceste Eglise nous auons plusieurs ioyaux, grand nombre qui sont de fin Or & plusieurs d'Argent, lesquels ont esté donnez par la benignité & liberalité de ceux qui se sont retirez vers icelle: ie suis d'opinion que nous en vsons pour racheter les Perles captifs, & nourrir ceux qui meurent de faim. Apres auoir tenu ce propos & autres semblables, soudain il fit fondre ces sacrez ioyaux, & d'iceux paya le prix aux soldats auquel estoient les captifs taxez, & les deliura: puis les ayant abondamment traittez de viandes, leur bailla argent pour faire leurs despens par le chemin, & les enuoya à leur Roy. L'acte de cest Euesque estonna grandement le Roy, considerant que les Romains s'estudioient de vaincre ensemble par guerre & par biens faits, & dit on qu'il eust affection de voir ce personnage, pour iouyr de sa presence & luy tenir propos, & que ainsi fut fait par le commandement de l'Empereur Theodose. Dieu ayant donné ceste grande victoire, tous ceux qui florissoient pour lors en erudition & doctrine, composerent & publierent des liures à la louange de l'Empereur, & les luy presenterent: les vns pour monstrier la force de leur eloquence qu'ils auoyent colligee de longue main: les autres pour s'insinuer en sa congnoissance & grace: les autres aussi esmeuz d'autres raisons, & tous attribuerent des mesmes ornemens de vertu à leur Empereur, quels nous auons cy dessus racontez de luy, de plusieurs en comprenant briuelement quelque peu. Et ce firent non seulement ceux qui s'employoient à l'estude d'inocence: mais aussi Auguste espouse de l'Empereur, composa des poesies en vers heroïques, à l'honneur de son Prince & mary: car elle estoit fort docte & bien instruite. Et puis que i'ay fait mention d'icelle, il me semble que le temps requiert que i'expose quelle elle fut, & de quelle maison issue: comment par dessus toutes les autres elle fut choisie pour venir à la communion de mariage avec l'Empereur Theodose. S'ensuit donc comme tout ce est adueni.

*\* Consideré donc &c. ] Si la necessité requiert pour racheter les captifs, alors nous permettons qu'on vende les sacrez vaisseaux, ornemens & autres ioyaux necessaires à la diuine religion, ensemble qu'on face des hypothèques & empruns: car ce n'est chose absurde que preferer les ames des hommes à tous vaisseaux & ornemens, l. sancimus. C. de sacrosanct. eccle.*

*D'Eudocie, Auguste, laquelle fut appelée Athenais, quelle elle fut, & de quelle maison, & comment elle fut conuinçue à Theodose par mariage: & comme par deuotion elle voula faire le voyage de Ierusalem: & d'une brebis d'admirable grandeur, & autres choses qui luy aduindrent. C H A P. X X I I I.*

*Athenais fille tres docte de Leon Philophe d'Athenes.*



Ulcherie Auguste studieuse de toute honnesteté, considerant que l'Empereur estoit parueni à l'age de maturité, delibera de luy trouuer vne espouse pour luy ioindre en mariage: parquoy elle aduifa de toutes les pucelles qui estoient de grande race, belles & excellentes en richesses & autres graces, de toutes les familles & maisons qu'elle pouuoit se remettre en memoire, voire celles qui estoient issues des Gentils. Et ce pendant qu'elle estoit en soucy de cest affaire, il aduint assez commodément qu'une fille vierge, nommee Athenais, arriua de la ville d'Athenes, & se presenta à Auguste. Elle estoit fille du Philophe Leonce, fort ingenieuse, & non seulement



non seulement instruite par son pere en toute sorte de disciplines Grecques, mais aussi des lettres latines, & auoit autant profité que nul autre en Philosophie active & contemplative, ensemble en celle qui git en elegance de parler, & à bien prouuer & confuter quelque chose. Elle estoit la plus docte de son temps en Astronomie, Geometrie & Musique. Son pere l'ayant ainsi nourrie & enseignée, ainsi qu'il deuoit mourir, fit Valere & Aetio, ses fils, heritiers de ses biens, & desherita sa fille: disant que sa fortune, & la grace qu'elle auoit en la doctrine, luy estoit celle assez. Or voyant qu'elle n'auoit pas beaucoup de bien, elle s'en vint à Pulcherie Auguste, pour se plaindre de l'injure que luy faisoient ses freres. La princesse ayant congneu la prudence, beauté & merueilleuse dextérité en routes choses de ceste fille, proposa la voidre à son frere en mariage. Et apres luy auoir persuadé d'obeir & honorer les sacrez mysteres des Chrestiens, elle appella Attic, & la fit baptiser en ce temple que nous auons dit de saint Estienne, le premier martyr: & l'ayant adoptee comme sa fille, non seulement par le sacré baptesme, mais aussi par autres plusieurs moyens, elle la bailla à son frere pour espouse, au lieu d'Athenays, la surnommant Eudocie. Icelle engendra à Theodose Eudoxie, laquelle fut espousee à Valentinien, fils de Placidie, pour lors ayant le souverain gouvernement de Rome & de tout l'Empire, sejourant en Thessalonique, où il estoit venu de l'Occident pour l'affinité des nopces. Et depuis ceste Eudoxie engendra à Valentinien deux filles, à sçauoir Placidie & Eudocie. Or la femme de Theodose pour l'affection qu'elle auoit de veoir le mariage de sa fille Eudoxie, s'obligea par vœu, qu'apres que les nopces seroyent faites, elle feroit le voyage de Ierusalem pour honorer les saints lieux, ensemble rendre graces telles qu'elle deuoit au Sauueur, pour les dons & grâces innombrables qu'il luy auoit faits. A ces causes se presenta l'occasion de ceste renommee brebis grande à merucilles, laquelle vn homme appelé Phrigise luy amena le iour de la feste de la Chandeleur & luy donna (ayant premierement receu, pour ce present, cent deniers de l'Empereur, laquelle brebis Eudocie Imperatrice, d'vn courage nō seint, enuoya à maistre Paulin (tāt est elle en son alliētē malade de goutes qui le tenoyent aux pieds.. Paulin ignorant comment ceste brebis luy auoit esté donnee, & ce qui auoit esté fait d'icelle, en fit present à l'Empereur, comme de quelque miracle. Lequel l'ayāt recongneuē, interrogea la femme si c'estoit celle là mesme qu'il luy auoit enuoyee, luy promettant qu'il ne luy en aduendroit nul mal si elle disoit la verité. Mais Eudocie n'entendant point quelle estoit la volonté de l'Empereur, & pourquoy il s'informoit en ceste sorte, ayant nié que ce fust celle là, dit qu'elle passoit en son hostel. De là l'Empereur tirant vne grande suspicion de mal, soudain enuoya Paulin en Cappadoce, où il fut mis à mort. Dequoy elle comblee de grande tristesse, & passionnée d'extreme douleur, paya le vœu qu'elle auoit fait à Dieu, & hastiuement s'en alla en Ierusalem. Et vraiment ce fut fait par disposition diuine, à sçauoir à ce que là elle fist tout ce qui luy estoit bon & vtile. Car qu'est-il nécessaire de raconter les œuvres dignes d'admiration, lesquelles elle fit en ce lieu aux sacrez temples, aux domiciles des moines, aux prestres & pauvres, desquelles ie parleray vn peu plus auant? Maintenant ie noteray vne chose digne de memoire d'icelle & de Pulcherie. C'est que vœu que Theodose estoit rond & simple de nature, & desiroit faire bien à vn chacun, il a souvent souscrit à plusieurs lettres, dequoy il n'estoit aucun besoin, n'ayant prins garde à la sentence & teneur d'icelles. Ce que Pulcherie Auguste, la sage, magnifique en toutes choses & bien moderee, ainsi que diuinement elle estoit donnee à l'Empereur pour sa fidele garde, corrigea en luy, reprenant ceste sinistre coustume: car elle luy monstra entre luy & elle vne lettre composée hastiuement, par laquelle il vendoit sa femme: & ainsi qu'il doutoit de la force de ceste esriture, soudain confirma que c'estoit de luy, par la souscription de sa propre main. Le iour d'apres l'Empereur manda sa femme venir vers luy, laquelle Pulcherie denia, disant qu'elle ne la luy rendroit point, alleguant le libelle d'emption, comme tesmoing qui ne pouuoit estre accusé ne debouté. Ainsi fut elle prudente & plaisante. Par ce moyen reprenant sa negligence, chastia en luy avec grande prudence la trop soudaine & precipitee souscription des lettres. Mais c'est assez traité de ce pour ceste heure.

*De l'administration episcopale du Patriarche Attic, & comment il fut aigu & facétieux, ensemble plaisant pour imposer des noms aux choses. CHAP. XXI.*



R Attic, Euesque de Constantinople, se parforcea beaucoup d'augmenter de plus en plus son Eglise: car l'administrant avec vne souveraine prudence, par doctrine continuelle excita son peuple à l'estude de vertu. Et fut tant enclin à misericorde & aumosne, que non seulement il vouloit qu'on pourueut aux pauvres qui estoient en ses paroisses, mais aussi enuoyoit vne grande somme d'argent aux Eglises voisines de Constantinople, pour la consolation des indigens: parquoy facilement nous pourrons congnoistre & bien remerquer quel ait esté ce personnage, par l'vne de ses Epistres, qu'il enuoya à Calliopie, prestre de Nice, ensemble avec laquelle luy faisant

*Lettre d'Attic à Calliopie prestre de Nice, auquel il enuoya 3. cens. escus pour distribuer aux pauvres.* tenir trois cens escus. La teneur d'icelle est telle : Attic au prestre Calliopie, salut en nostre Seigneur. J'ay entendu qu'en vostre ville y a dix mil pauvres, qui ont grand besoin de la misericorde des gens de bien. Quand ie dis dix mil, ie monstre la multitude, non vn certain nombre des pauvres : & pour ce que ie me reconnois auoir quelque certaine somme de deniers, de la main de celuy qui les donne tresliberalement à ceux qui les distribuent bien, & ie scay que plusieurs ont necessité pour explorer & congnoistre ceux qui ont assez quoy leur donner, & n'oubstant ne font aucunes aumosnes, ayant receu mon cher amy, ces trois cens escus d'or, employe les ainsi que tu voudras. Et ton vouloir principalement sera de bien faire à ceux qui ont honte de mendier : non à ceux qui font trafic de leur ventre. Donc distribuant des deniers par aumosne, en ces endroit tu n'auras esgard à la religion : mais regarde seulement à nourrir les indigens, & ne prestre ceux qui vivent selon nos mœurs & coustumes.

*Pourquoy Dieu permet qu'aucuns ayent necessité.* En ceste sorte Attic eut loing des pauvres qui estoient loing de luy, aussi print-il grand peine d'estaindre la superstition qui regnoit en plusieurs : parquoy ayant entendu que ce Sabbatius, lequel pour celebrer le iour de Pasque à la maniere Iudaïque, s'estoit separé de l'Eglise, & auoit à part assemblé son troupeau, estoit trespasé à Rhodes, où commandement luy estoit fait de le retirer en exil, & que les gens simples de sa faction auoyent transporté le corps d'iceluy de ce lieu, & faisoient leurs prieres à son sepulchre, & luy faisoient tel honneur & seruice qu'à vn saint personnage : pour desraciner ceste superstition, de nuit il enuoya certaines personnes, pour enseuelir le corps mort de Sabbatius en vn autre lieu.

Depuis les sectateurs d'iceluy ayans trouué le tombeau de leur maistre efforcé, ne tindrent compte de là en auant de faire leurs ceremonies & prieres à son sepulchre. Et pour autant qu'il estoit heureux & elegant à imposer & inuenter des noms propres aux choses : ce port de mer qui est situé au destroit de la mer Euxine, non loing du passage, estoit appelé par les anciens Pharmaceus, c'est à dire empoisonneur, à cause que Sabatius faisoit là ses assemblees : depuis à ce que ceste orde & vilaine appellation ne demourast à ce lieu, ayant changé de nom, il luy donna le tiltre de Therapeia, qui signifie medecine. Semblablement il appella vn des fauxbourgs de Constantinople, Argyrople, luy ayant changé son nom : car Chrysople estoit vn ancien port auquel les nauires abordoyent, vis à vis de Bizance, au riuage & bouche de Bosphore, auquel plusieurs anciens historiens ont fait mention, ainsi que Strabo le Geographe, & Nicolas de Damas : pareillement Xenophon, admirable en styl historique, & grand en eloquence (lequel a elegamment descrit l'histoire de Cyrus) au sixiesme liure de l'expedition d'iceluy en tient propos, voire aussi au premier liure de l'histoire Grecque, auquel il raconte d'iceluy qu'Alcibiade ayant enuironné de murailles Chrysople, ordonna qu'en ce lieu on receust les decimes : car tous les marchans qui de Pont nauigeoyent par là, payoyent là la decime de leurs marchandises. Or Attic regardant que le lieu assis vis à vis de Chrysople estoit fort commode & fertile, dit qu'il le falloit appeller Argyrople : laquelle diction incontinent imposa le surnom à ceste region.

*Asclepiade, Euesque des Nouatiens par l'espace de cinquante ans.* Quelque fois ainsi qu'aucuns disoyent qu'il n'estoit commode que les Nouatiens fissent leurs assemblees dedans la ville de Constantinople : mais vous semblez ignorer, dit-il, combien nous auons enduré sous Valent & Constance, de quoy nous auons encore icy des vrais témoigns dignes de foy. Car non obstant que depuis long temps ils soyent sortis de l'Eglise, ils n'ont toutesfois rien innoué de la foy, sinon la penitence.

*En quoy Attic a loüé Nouat, & a reiecté les Nouatiens.* Vne autre fois estant à Nice pour là consacrer vn Euesque, ayant apperceu Asclepiade, Euesque de l'Eglise des Nouatiens, ia viel & caduc, il l'interrogea combien de temps il auoit fait cest office. Et apres qu'il eust respondu qu'il y en auoit cinquante, Attic reprenant la parole : ô pere, dit-il, que tu es heureux d'auoir si long temps trauillé à vn bon œuvre. Deuisant aussi avec cest Asclepiade : Je loüe grandement Nouat, disoit-il : mais ie ne suis point d'opinion de recevoir ceux qui sont sortis de luy. Asclepiade entendant ceste nouvelle maniere de parler, repliqua ces mots : Comment dis tu cela Euesque ? Pour ce, dit Attic, que ie l'approuue en ce qu'il n'a point receu à la communion ceux qui auoyent sacrifié aux Dieux : car si i'eusse esté de son temps, i'eusse bien fait le semblable. Mais ie reiecte maintenant les Nouatiens, pour ce que pour peu de cause ils priuent les hommes de la communion. Aquoy respondit Asclepiade : Mais non seulement les sacrifices des Dieux, ains plusieurs autres pechez sont à la mort. Qui est cause que vous reietez vn clerc, & nous les laics remettans toutes choses à Dieu seul, auquel tout est congneu.

*Attic preuent le trespas de sa mort.* On dit aussi qu'Attic preuent le iour de son trespas, & qu'il dit ces propos au prestre Calliopie de Nice, lors qu'il partoit de sa compagnie : Si de rochef tu me veux voir en vie, il te faudra venir en Constantinople hastiement, deuant que l'automne soit passé. Car si tu viens plus tard, tu ne me verras point suruiuant. Ce qui aduint : car le vingt & vniesme an de son ministere il trespasla, le dixiesme iour du mois d'Octobre, & l'an vniesme du consulat de Theodose.

D'Alexandre

*D' Alexandre, Euesque d' Antioche, comme le premier il coucha par escrit la memoire & le nom de S. Iean Chrysostome aux sacrez registres, & fit ce mesme observer par Attic, & par les autres: ensemble remis en paix & tranquillité ceux qui estoient studieux d'iceluy Chrysostome: ce que Cyrille refusa faire.*

CHAP. XXV.



Exposeray icy vn acte nouveau & admirable que fit Attic, auât son trespas, par lequel il effaça la reprehention de laquelle il estoit assailly, à sçauoir d'auoir mal traité les sectateurs de S. Iean Chrysostome, & recouura en ceste part son honneur, recompensant sa faute par autres biés. En Antioche, Porphyre decedé, duquel cy dessus nous auons fait mention, Alexandre succeda en son siege, & mena vne vie digne d'un Euesque: car d'autant qu'au parauant il auoit esté bien exercé aux reigles & ordonnances monastiques, il se monstroit fort & viril en toutes ses affaires, faisant des œuures conformes à sa vie, abondant en meditation

*Alexandre  
bō euesque  
d' Antio-  
che.*

de pieté, & de la plus saine philosophie, en contemnement des richesses, en eloquence, & plusieurs autres dons & ornemens merueilleux. Ce bon pere fit tant par ses remonstrances & persuasion, qu'à la fin il r'allia au corps de l'Eglise ceux qui à cause d'Eustatie auoyent fait leurs assemblees à part, & remit en telle vnion les Eglises (ce que Paulin, & apres luy Euagre auoyent empesché) que iamais personne ne l'auoit veüe. Car prenant avec soy ceux qui auoyent mesme sentiment & foy que luy, à sçauoir tant ceux qui estoient au clergé, que de l'estat laïque, il venoit en leur assemblee: & les ayant aussi prins de là ainsi qu'ils louoyent Dieu en hymnes & psalmes, il emplit tout le marché qui est au milieu depuis la porte qui est tournée vers l'Ocident, iusques au grand temple, d'une multitude de gens chantans melodieusement d'une mesme bouche en vn mesme cantique, comme ordonnant quelque fleuve spirituel, ne differant en rien selon la similitude de ce fleuve qui coule au long de la ville. Ce que voyans les Iuifs, & quelque peu encore de reste des sectateurs de la superstition Grecque, & les Arriens mesmes, & que de toutes parts les fleuves sourdans se decouloyent en la mer de l'Eglise Catholique, s'assemblerent & lamenterent grandement. Or cest Alexandre tres-saint en sa doctrine & vie, de grand courage soustenoit la cause de saint Iean Chrysostome: parquoy luy le premier a mis par escrit le nom d'iceluy au registre & blanc Ecclesiastique, & manda à l'Empercur, & par

*il allie les  
eustathies  
à l'Eglise.*

*Alexandre  
le premier a  
mis par es-  
crit aux li-  
ures sacrez  
le nom de  
S. Iean Chri-  
stostome.*

tout à tous les Euesques qu'ils fissent le semblable, & que par ce moyen ils moyénassent quelque certaine & ferme paix à l'Eglise. Parquoy Attic, Euesque, voyant que l'Eglise estoit diuisee à cause des Ioannites, ayant entendu sur ce la sentence des Princes, luy commanda qu'on fust mention d'iceluy aux prieres, ainsi qu'on auoit accoustumé faire des autres Euesques trespassez de ceste vie. Et depuis ce temps, fut arrestee vne bonne paix, iusques à ce que par apres les reliques d'iceluy furent apportees en la ville Imperiale. Ainsi Attic effaça magnifiquement l'enuie en laquelle il estoit tombé, à cause du diuin Iean Chrysostome. Et non seulement fit-il ce que nous auons dit, mais ce mesme il persuada faire à ceux qui recusoyent inserer la memoire de Iean en leurs prieres, & principalement à Cyrille, prelat d'Alexandrie, lequel hayoit Iean mortellement, pour le discord qu'il auoit eu avec son oncle Theophile. Et ne sera par aduenture moleste ne facheux, conioindre à ceste histoire les epistres d'iceux, pour donner foy d'auantage de cest affaire. La teneur d'icelles de mot à mot est telle.

*Attic auât  
sa mort al-  
lie à son E-  
glise les Io-  
annites.*

*Memoire  
des Eues-  
ques trespas-  
sez aux  
prieres de  
l'Eglise.*

*Epistre d' Attic, Patriarche de la ville Imperiale, à S. Cyrille, Alexandrin, en laquelle il l'admoneste d'inserer au sacré blanc le nom de S. Iean Chrysostome.*

CHAP. XXVI.



Attic à Cyrille, salut & felicité. Nous sommes tombez où nous ne pensions, & comme par quelque necessité nous acquiesçons à ce qui n'est pas veu à nostre gré, ayans pour ce faire esgard de preposer l'vtilité à iustice. Parquoy selon que nous sommes assez informez, nous auons aussi regardé de nous encliner à l'accord de nostre peuple: quoy faisans nous n'apportons aucun detrimet aux canons des Peres, en ce que nous preferons la paix de tout ce monde, à l'exacte obseruation des paroles. A la verité ie ne suis pas ignorant que S. Paul, lors qu'il fit des ordonnances Ecclesiastiques, vloit des occasions avec vne prudence dispensation. Je sçay aussi que touchât ceux qui sont au nombre des saints, ton pere Apostolique Theophile auoit preferé la paix à l'exacte obseruation bastie pour vn peu de tēps, lors que la confusio & trouble estoit excité par ceux qui fauorisoyēt la superstition Grecque: car les grâdes villes semblables à la mer lors qu'elle est enflée des vēts, esmeues à cause des diuerses opiniōs du peuple, n'ōt

# LIVRE XIII. DE L'HISTOIRE ECCLESIASTIQUE

coustume d'estre si bien regies & administrees par l'estroite obseruation des loix & ordonnances, que par conseils & iugemens expediens pour ranger le tout en paix & tranquillité. Entés donc pour quelle chose ie t'escriis ces lettres. Ta saincteté congnoit, voire mesme nostre pere Theophile, qui maintenant est paruenue à la felicité des saincts, a de ses propres yeux regardé combien est grand le trouble duquel ceste grand' ville estoit assaillie : en sorte qu'elle a esté en danger que la saine foy & pieté ne fust dès le fondement arrachée d'icelle, veu que la plus grande part du peuple s'est diuisee par factions, & a fait ses assemblees hors la ville : tellement que plusieurs prestres & Euesques, nos compagnons, se diuisans de la mutuelle communion, ont presque arraché le bon plan de nostre Seigneur Iesus Christ, à sçauoir à cause que la commodité de la paix a esté aucunement derompue. Mais maintenant vrayement avec grand labeur, grande peine, plusieurs dangers pleins de desespoir, par les prieres communes de nos peres, voire mesme de ta pieté, par les souhaits & bonnes affectiōs des gens de bien plusieurs tres-grands maux sont assopis. Et ce trouble s'est appaisé, de sorte que pour le present y a vne serene tranquillité par toutes les Eglises de tout ce monde. Et pour ce qu'aucuns vouloyent mettre par escrit le nom tant celebre de l'heureux Iean aux tables sacrees, saint Alexandre, Antiochien, est venu à Constantinople, & avec vne confiance grande & parole assuree nous a tenu plusieurs propos, & voulu grandement exciter le peuple à ce que voire malgre nous le nom d'iceluy fut ainsi mis par escrit. De que diligemment les tres-religieux diacres ministres de Dieu Pierre & Edeſe ont exposé à ta pieté. Long temps apres nous commençâmes à estre contrains par la necessité prouenant de l'aduis & petition du peuple, neantmoins ne voulûmes aucunement mettre en auant quelques reliques du schisme & discord : lors à sçauoir que le tres-aymé de Dieu, l'Euesque Acace, nous apportera des lettres d'Orient, par lesquelles nous estûs aduertis que Theodot le tres-religieux Euesque d'Antioche estoit contraint par le peuple de rediger le nom de saint Iean Chrysostome au cathalogue des saincts, parquoy il nous requeroit pardon de cest acte qu'il auoit fait par contrainte, obeissant au peuple. Et lors ce bon prestre qui nous apportoit ces lettres, sema & publia par toute la ville ceste chose, declarant la cause de la venue, voire decela la substance de l'Epistre qui nous estoit enuoyee : de sorte que peu s'en fallut que la ville ne fust remplie de troubles. Lors finalement estant fort troublé, & craignant l'extreme danger des choses de principale importance, ie m'adressay au tres-debonnaire Empereur, & aduisay avec luy de la paix & tranquillité des affaires. Aquoy il me fit responce qu'il n'y auoit aucun danger ou incommodité d'enregistrer le nom de ce personnage deffunct, pour la tranquillité, paix & concorde du peuple. Parquoy voyant d'une part que ie ne pouuois contreuenir à la necessité qui m'estoit mise sus, d'autre part entendant la responce de l'Empereur, à ce que les affaires de nostre religion ne semblaſſent despendre de l'arbitre du peuple, ayant permis vne fois ce estre fait sans nostre adueu, & ce que la ville ne fust accoustumee à l'administration populaire, ie commanday que ce nom fust mis par escrit au sacré registre. Parquoy, ainsi que l'estime à la verité, ie n'ay offensé contre les saincts canons, & n'ay fait fraude au iugement des peres : car mention d'iceluy est faite avec les trespassez, non seulement Euesques, mais aussi prestres, diacres, & mesme laics, voire avec les femmes, avec lesquels tous neantmoins nous n'auons aucune communion du sacerdoce, ou de ces choses qui sont mystiquement receues en la sacree table. Aussi y a il grande difference entre ceux qui sont deffuncts & ceux qui sont vians : en sorte mesme que les liures sont distinguez, à cause de l'estat different de ceux desquels on garde la memoire. Aussi doit on penser que l'honorable sepulture de Saul n'a porté aucun dommage à Dauid, ny Eudoxe sectateur de l'impiété d'Arrius, ne fait aucun preiudice aux Apostres, encore qu'il soit mis sur le plus saint autel du sacrifice : ny Paulin & Euagre, chef du discord qui a regné en l'Eglise d'Antioche, ne nuit en rien à l'Eglise, encore qu'apres leurs trespas, depuis peu d'annees ils soyent enregistrez aux tables mystiques, pour la paix & concorde du peuple. Pour ceste cause commande pareillement aux Eglises d'Egypte, que pour pacifier les Eglises esparſes par toute la terre, ils redigent par escrit le nom de ce trespasſé. Cefaisant, non seulement tu ne transgresseras les reigles des peres, mais aussi tu priferas beaucoup l'accord des Eglises. Je me persuade pareillement que tu me rescriras ce qui est expedient, ayant esgard au commun consentement & fraternité qui doit estre entre nous. L'ay commandé, ensemble ceux qui sont avec moy, qu'en nostre nom on salue toute la fraternité qui est avec toy. Voila ce qu'Attic rescriuit à Cyrille. Contrainant aussi & sollicitant de plus en plus cestafaire, il enuoya encore ceste epistre à Pierre & Edeſe, ses diacres, de laquelle s'en suit la teneur. Ainsi qu'il estoit raisonnable, nous auons rescrit par vne epistre, au bien-aymé de Dieu nostre frere Cyrille, euesque, ce qui a esté fait touchant l'inscription du nom de Iean aux tables Ecclesiastiques. Neantmoins nous rescriuons à vostre pieté, laquelle mieux que les autres congnoit nos affaires, à sçauoir qu'elles ioyſſent de paix & tranquillité, & comme suiuant la sentence des tres-debonnaires princes, ensemble de tous les Euesques Orientaux, voire mesme des Occidentaux, nous auons inseré Iean aux sacrees tables, non comme Euesque, mais comme celuy qui quelque fois a esté Euesque, à ce que pour la cōmune paix de tout le monde, la memoire d'iceluy fust

fut

„ fust celebree & honnoree. Parquoy nous r'escrions à ceux que nous voyons deuoir estre de  
 „ ce aduertis, à ce que veu la concorde qui regne par tout, si nous seuls n'y acquiescions, ne sem-  
 „ blions resister aux princes tres-debonnaires: & que nous ne facions preiudice & nuissance aux  
 „ affaires qui du tout nous sont necessaires, voire à l'Eglise de Iesus Christ, luy suscitans des vents  
 „ contraires. Mais c'est assez parlé de cela pour ceste heure. A la verité vostre departement a gran-  
 „ dement enflambé nostre desir, d'autant que nous ne receuons pas si grand plaisir de ceux qui de  
 „ present sont avec nous, que de vostre compagnie: en sorte que nous sommes presque troublez  
 „ de la nouveauté de leur familiarité, laquelle est grandement differente de la vostre. Parquoy  
 „ mettans arriere tous affaires, cherchez le moyen d'ores en auant de reuenir vers nous, veu la dif-  
 „ ference des mœurs que nous auons esprouuee, à ce que nous trouuions en vous plus grande  
 „ charité que par cy deuant. Or Cyrille ayant receu les lettres cy dessus escrites reietta grandemēt  
 „ cest affaire, ainsi que tesmoigne l'epistre qu'il adressa à Attic en ceste forme.

*Attic reuo  
que ses dia-  
cres.*

*Epistre contraire de saint cyrille à Attic, refusant admettre  
le nom de Iean.*

## CHAP. XXVII.



„ Yant leu les lettres que ta pieté m'a enuoyees, i'ay entendu que le nom  
 „ de Iean estoit escrit aux sacrees tables. Et apres auoir interrogé ceux qui  
 „ de par delà sont venus vers nous, i'ay entendu qu'il estoit inseré non au  
 „ catalogue des laïques, mais des Euesques. Or considerant en moy-mes-  
 „ me, & pesant en mon esprit, à sçauoir si ceux qui ont ce faict, suyuent les  
 „ decretz des peres de Nice, & quelque peu estendant mes yeux & contē-  
 „ plant ce grand Concile, il me semble que ceste vniuerselle assemblee des  
 „ saincts Peres, comme par signes des yeux voire de toutes leurs forces  
 „ resistent à ce que ie n'approuue ce faict: Car comment cestuy-là sera il  
 „ nommé entre les prestres de Dieu, & mis en leur reng, auquel la dignité sacerdotale est abro-  
 „ gee? Comment cestuy sera il au catalogue des sacrez ministres, qui est ietté hors des murailles  
 „ Ecclesiastiques? Où donc il est indigne à nostre profession de dire que le sacerdoce ne soit rien,  
 „ & que ce soit vne chose commune à tous, laquelle toutefois est seulement reseruee à ceux qui  
 „ sont appelez à ce degré: ou si c'est quelque chose de grand, qui separe la fonction sacerdotale  
 „ de la multitude du peuple, on ne peult mesler ce qui ne peult estre meslé, mais fault conseruer  
 „ toutes ces choses en leur ordre, & les honorer selon qu'il leur appartient. Comment donc ce-  
 „ luy qui est laïque sera il arresté entre les Euesques, ou entre les vrais & legitimes, celui qui n'est  
 „ pastel? Ie te prie honore ceux qui ont porté tesmoignage de plusieurs grands actes, illustres,  
 „ & bien menez, à ce que tu ne faces iniure à la sainte compagnie des Peres. Considere ceux qui  
 „ sont encore suruiuans, comment ils ont prins ceste chose. Pourront ils pas à bonne cause dire  
 „ qu'ils sont comblez de douleur, si celui auquel la dignité est ostee, est rengé en mesme ordre a-  
 „ uec eux? Aussi i'estime que cela est assez persuadé à ta pieté. Parquoy aboly & efface ce qui cau-  
 „ se douleur & à eux & à nous. Oste l'occasion de la tristesse de toutes personnes: Car ie veulx di-  
 „ re que l'office d'un bon & sage personnage est, disposer prudemment, & administrer toutes cho-  
 „ ses qui aduiennent outre l'opinion: & lors principalement qu'il n'apporte aucun detrimēt:  
 „ Car nonobstant que nous nous estudions à multiplier le troupeau de Iesus Christ, & le rendre  
 „ plus frequent, nous ne receuons toutefois les doctrines des heretiques, s'ils ne veulent renon-  
 „ cer leur erreur. Et pour ce ne deuons nous du tout pour quelque prompte dispensation em-  
 „ brasser la paix avec ceux contre lesquels il seroit meilleur de combattre. Vrayement ce seroit vn  
 „ œuvre de louable dispensation, si ainsi quelquefois nous sommes veuz nous esgarer de raison,  
 „ que ce pendant nous eussions le detrimēt aux choses vtils & commodēs. Ainsi l'heureux  
 „ Saint Paul a esté faict tout à tous, non pour gagner quelque petite chose & apporter dom-  
 „ mage à vne grande partie, mais pour gagner toutes personnes. Parquoy regardons vn peu de  
 „ plus pres, à sçauoir si en ceste cause il n'y a pas d'auantage de mal, qu'elle ne semble auoir de  
 „ bien. Il y a ja tant d'annees, que ta pieté a paisiblement iouy de ton siege: & n'y a personne  
 „ en l'Eglise qui fuye tes assemblees: voire nonobstant qu'aucuns menez par affection d'intro-  
 „ duire quelque dissension se soyent au commencement escartez d'icelles, maintenant par la  
 „ force & grace de Iesus-Christ ils sont rengez soubz toy. Et qui est celui des magistrats qui ne  
 „ preste l'oreille à tes paroles? Qui est celui qui pour ceste cause demeure hors de l'Eglise?  
 „ Vrayement il n'y a personne: Car ja à Dieu ne plaise qu'ainsi aduienne. Qui est donc ce-  
 „ luy pour lequel reuoker en l'Eglise, ou reduire aux assemblees legitimes qui se font en  
 „ icelles, maintenant tu remplis de fâcheries & tristesses tant d'Eglises, iettant plustost hors  
 „ des murailles de vraye congregation des fideles toute l'Egypte, la region  
 „ d'Augustale, l'Ar-  
 „ cadie, Thebaïde, Libye & Pentapolis? Ce n'est pas vrayement à ce que tu gagnes quelcun,

*Responce de  
Cyrille A.  
lexandrin  
à Attic, par  
laquelle il  
dict qu'il  
n'approuue  
que lea soit  
inscrit en-  
tre les Eues-  
ques catho-  
liques.*

*comment  
Paul s'est  
accommodé  
à tous.*

*elle est  
appelee  
Augusto-  
nique.*

M m m

veu que tous sont gaignez par la grace de nostre Sauueur. Je te renuoye touchant cest affaire à la doctrine mesme de ta pieté. Je te prie n'illustre & ne celebre point contre toy-mesme & ta propre conscience ceux qui pour l'inclination qu'ils ont aux discords & dissensions, se sont escartez, & iamaïs ne prennent bon iugement d'eux-mesmes. Ta pieté estime elle que nous soyons tant negligens & peu soigneux, que diligemment nous ne nous enquestions de ton excellente renommée, & comment les troupeaux de nostre Sauueur sont regis & gouvernez? Ceste charge & sollicitude, à la verité, les Euesques doyuent prendre les vns des autres, encore qu'ils soyent separez d'une grande distance de lieux. Mais à ce que ie ne semble en cecy estre trop prolix, & sentir choses contraires à ta pieté, pren que ie t'accorde qu'il reste encore quelque petit nombre de seditieux, qui pour la malignité d'iceluy se presentent au danger: mais vers nous combien y a il d'Eglises qui maintiennent que les decretz ordonnez contre Iean, doiuent auoir lieu? De qui donc sera il raisonnable suyure la sentence? Qui sont ceux lesquels Dieu vult s'eslouir? Sont-ce ceux qui fauorisent à Iean, veu qu'il a tant offensé: ou ceux qui l'ont condamné, lequel ne s'est aucunement soucié de ce qu'il combloit les autres de douleur & tristesse? Que s'il te semble qu'on ne doit contemner ce qui conserue l'accord des Eglises, ie te prie, casse ce qu'il a diuise. Mets le glaue en sa gaine. Commande que le nom de Iean soit effacé du catalogue des Euesques: Car si nous estimons ce de peu de consequence, & disons: Le traistre Iudas n'apporte point de tristesse à la compagnie des Apostres, encore qu'il soit receu en mesme ordre qu'eux: ie te demande si on t'apporte le nom de Iudas au reng d'iceux, quel lieu donc aura Saint Matthias? Veu donc que nul ne iettera saint Matthias hors de la compagnie des Apostres pour y renouer & escrire Iudas: ie te supplie qu'apres Nestaire de celebre memoire, le second degré soit rendu au tres-louable Arface, à ce que la force, & ce qui est meschamment introduit cōtre tout droit, ne face preiudice à la memoire de cest heureux personnage. Mais par aduenture il y en a quelques vns qui porteront ce fait à contre-cœur: (permets moy de parler librement ce que ie veulx dire) A la verité ie voudrois que chacun fust sauué. Que si quelcun pour son ignorance s'escarte de l'Eglise, & resiste aux ordonnances d'icelle, quelle perte y aura il de cest homme? Nostre sauueur Iesus Christ nous enseignant ce faire, & se proposant vraye forme & exemple de toutes choses necessaires, n'a il pas tenu propos vtils & profitables à ceux qui se retirerent vers luy, & a permis les desobeissans & refusans sortir? Et tant s'en fault qu'il ait eu quelque esgard à telles gens, que mesme il a dit à ses disciples: Vous en voulez vous aller? Vrayement il faut que nous trauaillions beaucoup pour ceux qui obeissent: mais que l'aduersaire & desobeissant accuse sa propre malice, pour ce qu'il a reietté & hay la medecine: Il entendra le iuste luy dire: Pour ce que j'ay parlé, & vous n'avez obey: j'ay respandu mes paroles, & vous n'avez appliqué vostre esprit, & le surplus qui ensuit. Vrayement il faut que nous, qui enseignons par quels moyens quelcun pourra acquerir louange enuers Dieu, obseruions & facions verueusement ces choses, à ce que nous puissions dire avec saint Paul, à ceux qui nous resistent: Nous vous prions par Iesus Christ, soyez reconciliez à Dieu. Il nous faut aussi mettre entre les mains de la puissance de Dieu les desobeissans, vsurpans ce passage de l'escriture: Nous auons medeciné Babylon, mais elle n'a point esté guarie: laissons la, car son iugement est venu iusques au ciel. Il n'est donc pas expedient pour les propos contraires de quelques vns (si du tout il y en a aucuns) arracher des fondemens les sanctions Ecclesiastiques, à ce qu'un laïque soit mis au nombre de ceux qui excellent en dignité sacerdotale, & emporte un pareil honneur avec eux: Car plusieurs pourront appeler cest acte, non la commune paix de tout ce monde, ains plustost la confusion. Quant à moy, i'estime que lors quelque chose pourra obtenir le nom & l'effort mesme de paix, quand nous ne contrenuendrons point aux sentences des saints, & ne repugnerons à leurs decretz. Que si l'heureux Alexandre, homme de parole du tout resolué, d'un fard superflu de paroles a deceu aucuns de nos tres-religieux freres & compagnons les Euesques d'Orient, & les a ravis & attirés à confirmer ceste chose: ce n'est à dire pour tant que ceste maladie doie du tout obtenir & ronger les ames d'un chacun de nous: mais plustost elle doit estre par vous repurgee, comme quelque chassieuserie qui endommage l'œil de l'Eglise: à ce que regardant droitement aux decretz des Peres, elle entende (à bonne cause) ces paroles de Iesus Christ: Tu as les yeux de colombes. J'ay mesme receu des lettres du tres-aimé de Dieu Acace, lequel heureusement est paruenue à sa dernière vieillesse: par lesquelles il assure q le tres-religieux Euesque d'Antioche, a esté contrainct par quelques vns de celebrer la memoire de Iean. Il raconte aussi manifestement que ce personnage a receu beaucoup de faicheries touchant cest affaire, & que pour ce il a cherché quelque moyen pour s'eschapper d'un chemin tant rompu & d'une tant desbordée audace: & qu'à ceste cause il a voulu impetrer des lettres de nous, & de ta pieté, à ce qu'il ne fust emmené en un mesme erreur avec aucuns, & ne cedast à ceux qui entreprenoyent ces conseils. Mais nous qui sommes appelez pour faire la guerison & medecine (car tu me permettras parler librement selon l'abondance de la douleur que ie porte en mon esprit) te prions, que nous n'augmentions les playes: mais suyons plustost ceste opinion, par laquelle nous pouuons estre reputez auoir suiuy la temerité d'autrui. Je m'esbahy aussi commet

*Principal  
soing des E-  
uesques.*

*Il suade  
qu'il ne  
faulx met-  
tre le nom  
de Iean au  
blanc des  
Euesques.*

*Quelle paix  
de l'Eglise  
doit estre  
approuuée.*

*Touche con-  
tre Alexan-  
dre d'An-  
tioche.*



« cest Alexandre, que nous auons dict, a esté tant prompt & copieux à parler, que nonobstant  
 « qu'il n'ait peu seiourné par delà, il n'ait par ses harangues ammené & gagné aucunes per-  
 « nes pour fauoriser ceste part que nous debatons, veu qu'un seul messager a tant peu faire, ainsi  
 « qu'est le bruit, qu'il ait esmeu tout le peuple, & refueillé la cause ja long temps assopie. A la ve-  
 « rité cela me semble incredible. Mais, soit ainsi, & pren que chacun croye ainsi auoir esté fait: Tou-  
 « tesfois ie congnois que ta pieté est excellente en eloquence, de sorte qu'elle peult enseigner  
 « les hommes excitez à tumultes, de toutes choses qui leur sont necessaires. Tu as vne sœcunde  
 « grace d'entendre & appliquer les sainctes escriptures à ce que tu voudras: tellement que ie  
 « sçay que facilement tu peux persuader aux princes de s'arrester aux decrets des canons selon  
 « leur coustume: Car d'autant qu'ils sont studieux de la vraye pieté, & amateurs de Iesus Christ,  
 « ils permettront que les Eglises soyent gouuernees selon leurs ordonnances: & suyront les  
 « exemples de leurs anciens, estans rendus imitateurs de la vertu de leurs peres. Ie te prie d'oc que  
 « Iechonias reietté & chassé, ne soit d'ores en auant nombré avec Dauid, & Samuel, Prophe-  
 « tes de Dieu: & pourtant si aucuns ont voulu meschamment, que les reliques d'Eudoxe fussent  
 « mises en ce lieu que vous nous auez rescript, nous ne r'apportons toutefois au sacré blanc vn  
 « homme prophane & abhominable: Car il nous falloit estre correcteurs de ses actes, & non le  
 « nous proposer pour exemple, & remercier apres luy ses faicts, pour estre suyuis. Ce que nous  
 « disons, non pas comme si nous luy en voulions, ou moquions de luy comme ja abbatu par ter-  
 « re, & deuoué à la mort, ja à Dieu ne plaise: ne pareillement comme si nous nous resiouissions  
 « du mal d'autrui (veu qu'il est escript que cela n'est le fait, ne la coustume d'un Chrestien) mais  
 « pour ce, que la pieté que nous auons de luy se r'apporte à l'vtilité de l'Eglise, ayans en nous-  
 « mesmes arresté, que rien n'est plus expedient que d'obeir & acquiescer du tout aux canons d'i-  
 « celle: Car sil estoit loisible de garder les reigles Ecclesiastiques, & quant & quant renger au  
 « nombre des Euesques, celui qui est cassé & exauthorisé, on pourroit à bonne cause appeller  
 « ceux-là cruels & par trop desbordez, qui empescheroient que cela ne fust fait. Puis donc que  
 « ces deux choses ne se peuuent compatir ensemble, il fault que les sanctions Ecclesiastiques em-  
 « portét le par-dessus: & que celui soit effacé du sacré catalogue, qui n'est point ministre des cho-  
 « ses sacrees: Car cela fait maintenir la paix aux Eglises, & fait consentir les vns aux autres. Par-  
 « quoy donne nous occasion de pouoir purement faire nos assemblees, & communier avec ta  
 « pieté: postpose aussi la dilection d'un seul, & iceluy trespasé, à l'amour de ceux qui vivent en-  
 « core, voire plustost aux sanctions Ecclesiastiques.

*Il se meque  
d'une part  
de l'epistre  
d'Attie.*

*Parauenture  
qu'il  
faut lire Sa-  
lomon.*

*Comme saint Cyrille par vne diuine vision receut le nom de Iean: & par l'intercession de la  
mere de Dieu relascha la haine qu'il auoit premierement conceue.*

C H A P. XXVIII.



Oila ce que Cyrille escriuit & sentit de saint Iean Chrysostome, suy-  
 uant sa premiere opiniõ, laquelle dès long tẽps il auoit cõcœuë à l'exem-  
 ple de son oncle Theophile. Et pour ce que ce discord prouenoit d'e-  
 mulation, encore qu'elle ne fust selon la science, & non d'enuie, ou dia-  
 bolique contention, Dieu ne voulut permettre que ce personnage excel-  
 lèt en doctrine & vertu, clochast en ceste seule chose, parquoy il ne peust  
 paruenir à la cime de perfection. Aussi estoit il homme, & subiect aux  
 humaines affectiõs. Parquoy quelque temps apres, Cyrille se reconcilia  
 à ce grand personnage, voire apres la mort d'iceluy, & corrigea son er-  
 reur tant par les remonstrances que plusieurs luy faisoient, & principalemẽt par les admoni-  
 tiõs d'Isidore Pelusiote, lequel aigrement le reprenoit de ce fait, que par vne secrete reuelatiõ,  
 qui luy fut faicte: Car il luy sembla qu'il se voyoit estre chassé de l'Eglise par saint Iean Chry-  
 sostome, accompagné d'une troupe diuine & grande assemblee: & que la mere de nostre Sei-  
 gneur prioit pour luy, & requeroit qu'il fust receu au sacré temple, racontant entre autres plu-  
 sieurs choses, que principalemẽt il auoit beaucoup prins de peine pour sa gloire, ainsi que nous  
 dirons cy apres. Cyrille pensif ruminoit en son esprit ceste vision, & se cõdamnoit de s'estre for-  
 malizé contre ce saint personnage: parquoy depuis s'estant allié à l'Eglise de Chrysostome, il  
 le loia grandement, & beaucoup se repentit d'auoir par son imprudence tant esté irrité contre  
 luy. Changeant donc sa premiere opinion, il assemblea vn Concile prouincial, & non luy seule-  
 ment, mais tous les autres Euesques des Eglises coucherent par escript le nom de Saint Iean  
 Chrysostome au sacré catalogue. Et me semble que ceux ne disent verité, qui assurent que  
 Cyrille ait bruslé quelques liures de ce grand personnage: Car sil eust fallu abolir aucuns es-  
 cripts d'iceluy, il falloit donc supprimer ceux qui encore se voyent de present, veu qu'en iceux  
 il declare son conseil & deliberation: mais Dieu les a conseruez pour l'vtilité des hommes.  
 Ayant donc trouué ces choses en l'histoire du Philosophe Nicete, lequel fut appelé Dauid,  
 uoyance.

*Cyrille des-  
puis corri-  
gea son er-  
reur tou-  
chant S. Iean.*

*Isidore de  
Peluse.*

*Cyrille ad-  
uerty diui-  
nement de  
son erreur.*

*Cyrille n'a  
aboly les  
liures de*

*Chrysosto-  
me: mais*

*iceux ont  
esté conser-*

*uez par di-  
uine pour-  
uoyance.*

M m m ij

# LIVRE XIII. DE L'HIST. ECCLESIASTIQUE

& aux autres historiographes, ie les ay voulu inserer à mon œuvre, à ce que nul ne doute comment ces grandes lumieres sont toutes deux paruenues au degré de sainteté souveraine, & se sont monstrees colonnes de l'Eglise, veu les inimitiez qu'ils se portoyent, lesquelles toutes-fois n'ont apporté aucun detrimēt à l'Eglise. Voila touchant ces choses ce qu'il m'a semblé bon de dire maintenant.

*Comment apres Attic, Sisinie fut esleue en la dignité Episcopale, & apres luy Philippes Sidite, & quel il fut: Ensemble comment Procle fut esleu Euesque des Cyziciens, & depuis n'ayant esté receu, vescu priué, & sans aucune charge à constantinople.*

## CHAP. XIX.

*Mort d'At-  
tic.*

*Election de  
l'Euesque  
de Constanti-  
nople.*

*Philippe,  
Procle &  
Sisinie, pre-  
stres.*

*L'Olie  
est vn faux  
bourg de  
Constanti-  
nople.*

*Histoire de  
Philippe.*



Attic decedé, comme nous auons dit, se lēna vne grande contention tou-  
chant l'election & consecration de l'Euesque: pourtant que chacun vou-  
loit pourueoir de ce siege celuy lequel il fauorisoit. Parquoy aucuns  
estoyent d'aduis d'y establir Philippe, prestre, d'autres preferoyent Pro-  
cle disciple de Chrysostome, qui estoit prestre. Mais la plus grande part  
estima que Sisinie meritoit ceste dignité: lequel aussi estoit de l'ordre des  
prestres, non toutesfois de Constantinople, mais d'un faux-bourg d'icele-  
le, appelé l'Olie, assis vis à vis de la ville, au lieu auquel tous les  
citoyens & bourgeois de Constantinople celebroyent le iour de feste  
auquel nostre Sauueur Iesus Christ esleué au ciel retourna vers Dieu son pere. Or ce Sisinie  
estoit principalement bien aimé du peuple, tant pour la splendeur de sa vertu, que la grande soli-  
citude qu'il auoit des pauvres. Parquoy le peuple fit tant qu'il fut esleué en ce siege. Dequoy  
Philippe se sentant offensé, à sçauoir pour ce qu'il luy estoit preferé, reprint grandemēt son ele-  
ction & consecration, en l'histoire Chrestienne qu'il a descripte: où il touche aigrement non  
seulement Sisinie, mais aussi ceux qui le consacrerent, ensemble le peuple: lesquels aussi il outra-  
ge tellement par calomnies, que nul n'estime ce qu'il a escript estre digne d'une bonne histoire:  
& nul ne luy veut pardonner ceste tant temeraire audace, d'auoir couché ces choses tant pas-  
sionnees.

Or me semble estre raisonnable, narrer en ce lieu de luy, comme en passant, quelque peu de  
choses, puis que nous auons fait mention d'iceluy. Ce Philippe donc estoit natif de Sidas en  
Pamphylie, d'où aussi Troile sophiste estoit issu, de sorte que Philippe se disoit estre son cousin.  
Après qu'il fut diacre, il demoura long temps en Constantinople avec saint Iean Chrysosto-  
me. Et pourtant qu'il estoit laborieux à escrire il colligea plusieurs diuers liures: & composa  
plusieurs choses, affectant l'eloquence Asiane. Il laissa aussi vn œuvre magnifique, auquel il ren-  
uerse l'escript de Iulien contre la sainte Bible. Il composa aussi vn autre volume, lequel il nom-  
ma l'Histoire Chrestienne: auquel il y a trente-six liures, desquels chacun a plusieurs tomes:  
de sorte que tous peuuent venir iusques au nombre de mil, chaque tome ayant son argument.  
Auquel œuvre il assembla vne copieuse matiere, voulant declarer qu'il n'estoit ignare des disci-  
plines Grecques: Car souuent il fait mention des commentaires Geometriques, Arithmetiques,  
Musicaux & Astronomiques. Il declare aussi comme sont les isles & montaignes situees. Il des-  
crit les arbres, & autres choses qui n'appartiennent & ne concernent pas beaucoup son pro-  
pos. Qui est cause que cest ouurage, d'autant qu'il est composé à l'ostentation, est lasche & mal  
coufu: & pour ce semble estre inutile non aux indoctes seulement, mais aussi aux doctes: Car les  
indoctes n'ont esgard à l'elegance du styl: & les doctes reprennent en luy que souuent il repe-  
te vne mesme chose en diuerses paroles, & narre souuent mal à propos. Toutesfois chacun iu-  
gera des escripts d'iceluy, ainsi qu'il vouldra. A la verité il confond les temps de l'histoire: Car  
faisant mention de Theodose, il repete les actes du grand Athanase, lequel le preceda de long  
temps: & garde ceste coustume non en iceluy seulement, mais en plusieurs autres. Voila tou-  
chant Philippe.

*Sisinie de-  
clara procle  
euesque de  
Cyzic.*

Or l'Euesque de Cyzic trespasé, Sisinie esleut le diuin Procle, Euesque de ceste Eglise. Mais  
ainsi qu'il se dispoisoit pour se transporter en ce lieu, les habitans de Cyzic deputerent pour leur  
Euesque Dalmace, homme venerable, & grandemēt exercé aux labours monastiques. Ce qu'ils  
firent, ne tenans conte de ceste sanction & ordonnance, qui defend faire election d'Euesque  
sans auoir ouy la sentence de l'Euesque de Constantinople. Ce ainsi fait, Procle ne s'y voulut op-  
poser: parquoy il se retira en Constantinople, & n'eut charge d'aucune Eglise, neantmoins que  
depuis il florist par sa doctrine, enseignant en l'Eglise Constantinopolitaine. D'iceluy nous par-  
lerons cy apres en son lieu.

*Quels*

*Quels furent en ce temps les gouverneurs des principaux Eueschez ensemble comme florissoient plusieurs autres diuins personnages excellens en vertu & doctrine.*

C H A P. XXX.



Sisnie trespas en ce temps, apres auoir exercé l'office d'Euesque par deux ans entiers, en grande celebrite, & bonne reputation, tant pour la chasteté de sa vie, que le soing qu'il auoit des pauures, tel que nous auons dit cy dessus. Cest homme fut traictable, simple & affable en ses meurs, fort esloigné des negoces & affaires qui suruiennent en ce monde: qui fut cause qu'il traicta assez rudement ceux qui s'entremeslét trop curieusement de ceste vacation, desquels aussi il ne fut pas beaucoup reueré, voire non tant qu'il meritoit pour la bonne & sincere intention. En ce mesme temps Boniface succeda au tres-bon Innocent, Euesque de la ville de Rome: & depuis Zozime fut esleu apres Boniface: & de rechef Celestin l'admirable succeda audiect Zozime. Pour lors encore Cyrille reluysoit en Alexandrie: & Theodor l'illustre ornement & perle de chasteté, doüé entre tous autres d'une insigne mansuetude en ses meurs, outre plus orné tres-grandement d'une reigle & maniere parfaite de viure, fut subrogé au diuin Alexandre en l'Episcopat d'Antioche. Ce personnage entre ses autres actes memorables, ammena la faction d'Apollinaire rompuë & diuisee au troupeau qui restoit pour lors des Catholiques & bien sentans de la foy: & par ses prieres qu'il faisoit à Dieu, la renga sous vne mesme Eglise. Il aduint toutefois que plusieurs d'iceux depuis demourerent en leur vomissement & premiere maniere de viure, choisissans leur precedente ordure & souillure, comme quelque chose illustre & de grande estime. Enuiron ce temps le diuin Iean auoit en Ierusalem succédé à Cyrille: & depuis, apres Nepos, Praylle, digne à la verité de tel nom, auoit gouverné les resnes de l'Eglise de ce lieu: lequel decedé, Iuuenal obtint ceste chaire par succession. Pour lors aussi Theodorit grand en sapience & doctrine, homme illustre aux disciplines Grecques & Chrestiennes, eut la charge de l'Eglise de Cyr, lequel laissa plusieurs liures fort vtils aux fideles. En ce temps pareillement florissoit Theodore, Euesque de l'Eglise de Mopsueste, lequel non seulement fut docteur de toutes les Eglises, mais aussi se monstra fort braue & dextre contre les bedes des heretiques, tel à sçauoir qu'il conuient que soit vn personnage de tel estoife & autorité. Il fut assez familier du grand Diodore, & le retint pour son docteur: de sorte qu'il fut auditeur de ses leçons avec saint Iean Chrysostome son compagnon & condisciple. Il combatit à guerre ouuerte l'espace de trente-six ans contre la faction d'Arrius, & repoussa brauement les embusches qu'Apollinaire auoit dressees, ainsi qu'il aduint aux voleurs & brigands: d'autre part il nourrit & entretint le peuple hereditaire de Iesus Christ de bonnes doctrines & sains commandemens. Il auoit pareillement vn frere appellé Polychrone, lequel vescu tres-sainctement, & enseigna tres-doctement le peuple de la doctrine de verité, de sorte que la science d'iceluy correspondoit egaleement à la bonne vie & conuersation. Cestuy fut Euesque de l'Eglise d'Apamee, lors que Nonnus diuin personnage gouvernoit l'Eglise d'Edesse: lequel par remonstrances & douces paroles retira Menas, l'une des premieres dames de la ville d'Antioche, esgarée & plongee en toute ordure & lubricité, & contre l'opinion & expectation d'un chacun la consacra à Dieu & la luy representa comme nymphe & espouse tres-pure, la surnommant Marguerite au lieu de Pelagie, de sorte qu'on eust admiré en icelle vne mer des iugemens diuins. En ce temps Euthyme florissoit grandement, se montrant le premier & plus apparent de tous en l'exercice & vie monastique, tellement qu'il renga la solitude en forme d'une ville. Pour lors aussi Simeon, lequel premierement choisit faire sa demourance en la colonne, ensemble Nil, venerable moine, Ildore de Peluse, & le celebre moine Marc, tous disciples de Iean Chrysostome le grand, reluisoyent en toute sainteté de vie: pareillement Procle, l'admirable, menoit lors vie solitaire, & autres plusieurs, desquels ie parleray cy apres.

*Euesques de Rome.*

*Euesques Alexandrins & Antiochiens.*

*Alexandre reduit les Apollinariens à l'Eglise Catholique.*

*Euesques de Ierusalem.*

*Theodorit escrivain Ecclesiastique.*

*Theodore de Mopsueste compagnon de S. Iean Chrysostome.*

*Polychrone Apamien.*

*Nonnus Edessin.*

*S. Pelagie gaignee à Iesus Christ.*

*Euthyme moine.*

*Simeon de la colonne.*

*Moines illustres.*

*Comme Nestorius, heretique, fut esleu Euesque apres Sisnie, & entreprint par son arrogance remplir l'Eglise de troubles & tumultes.*

C H A P. XXXI.



Pres que le patriarche Sisnie fut trespas, ainsi que nous auons dict, ceux qui estoient pourueuz des honneurs & magistrats, aduiserent qu'il ne falloir creer Euesque aucun de tout le clergé de ce lieu, pour obuier à la trop grande & desbordée affection de ceux qui temerairement delegueroient cest honneur & dignité à leurs fauoris & bien aymez. Parquoy il aduint que les vns souhaietoient ceste charge à Philippe, les autres à Procle: toutesfois il fut aduisé d'en chercher vn autre, tre lieu.

M m m iij

*Nestorius* autre part. Or pour lors Nestorius homme facond & eloquent, natif de Germanice, demouroit  
*est appelle* en Antioche, lequel pour ce qu'il estoit prompt & facile en ses harangues & exhortations ils  
*d'Antio-* delibererent appeller de ce lieu, ayans aussi esgard à la bonne renommee qu'il auoit pour sa  
*che en Con-* chasteté. La trois mois estoient passez apres le decés de Sisinie, quand il fut ammené & créé Euef-  
*stantinople.* que de Constantinople : lequel soudain en sa premiere concion môstra assez quel il estoit : Car  
 incontinent qu'il fut consacré publiquement deuant tout le peuple, adressant les paroles à l'Em-  
 pereur, il fit ceste exclamation de laquelle on a tant parlé depuis : dône moy, dit-il, ô Empereur,  
 vne terre deliuree & purgee des heretiques, & ie te rendray le ciel : extirpe moy les heretiques,  
 & ie t'assisteray pour destraciner les Perles. Il est bien vray que plusieurs approuuerent ces pa-  
 roles : mais ceux qui sçauent certainement que des propos il fault discerner l'esprit des person-  
 nes, remerquerent en luy vne legereté de cœur, vn esprit enflé d'arrogance, affectant toute vaine  
 gloire : d'autant que n'ayant encore assez gousté en ce lieu des affaires, voire de la moindre  
 chose de toutes, il s'estoit aduancé à tels propos. Depuis, comme s'il fust zelateur de l'Eglise, il  
 desmolit le lieu où les Arriens faisoient leurs prieres. Lesquels voyans leur temple abbatu, jet-  
 terent en ce lieu du feu en abonance, duquel non seulement ils brulerent la matiere qui là es-  
 toit trebuchee par terre, mais aussi vne grande partie des voisins edifices. Depuis il voulut trou-  
 bler les Nouatiens, voire mesmes les Quatuordecimiens d'Asie, Lybie, Carie, & qui tenoyent  
 leurs factions en Milet & Sardes : desquels plusieurs furent occis & desfaits par vn tumulte &  
 sedition excitee à cause de luy. Depuis aussi les Macedoniens ayans couppe la gorge par meur-  
 triers qu'ils subornerent, à Antoine Euefque de Germe, qui par le commandement d'iceluy les  
 affligeoit, Nestorius tira de ce fait occasion & comme caute legitime de les persecurer, & leur  
 osta les Eglises qu'ils auoyent en Constantinople, Cizic & Hellepont. De sorte que plusieurs  
 contraincts par ceste violence, se retirerent à la foy du Consubstantiel. Non long temps apres il  
 aduint, que celuy qui ainsi chassoit les autres des Eglises, fut luy-mesme chassé & mis hors de  
 la lienne, ayant iceluy en peu de iours esmeu vne guerre cruelle contre les Eglises. Le commen-  
 cement & occasion d'icelle fut telle que s'ensuit.

*Comme Nestorius fut repris en son disciple Anastase d'un crime fort grand, à sçauoir d'auoir  
 dit que Iesus Christ nostre seigneur estoit homme nud, & que la sainte mere de Dieu  
 estoit seulement mere de Christ, homme : & ce que Socrate historien Ec-  
 clestastique a d'iceluy remerqué à la posterité, ensemble  
 du prodige aduenue à l'Eglise.*

CHAP. XXXII.

*Nestorius  
 delaisse la  
 doctrine de  
 verité.*

*Nestorius  
 descouure  
 son erreur  
 par Ana-  
 stase pre-  
 stre.*

*Blaspheme,  
 grief au peu-  
 ple & gens  
 de bien.*

*Nestorius  
 loüe les pro-  
 pos d'Ana-  
 stase.*

*Discord en-  
 tre le peuple  
 touchant ce  
 blaspheme.*



N prestre appelle Anastase estoit en grand credit chez Nestorius, & luy  
 tenoit compagnie lors qu'il se mit en chemin pour prendre possession  
 de son Euefché. En ce temps Nestorius logea chez Theodore de Mop-  
 sueste, & sa doctrine entendue il se destourna de la vraye pieté, ainsi que  
 Theodule escrit en vne epistre. Il aduint donc que cest Anastase grand  
 defendeur de la doctrine Iudaïque, & des actions de Nestorius, prescha  
 quelquefois le peuple Chrestien en l'Eglise de Constantinople, osant dire  
 publiquement & appertement ces mots : Que nul n'appelle Marie  
 mere de Dieu : car Marie a esté homme, & ne se peult faire que Dieu  
 soit engendré de l'homme. Eusebe le Rhetoricien ayant de prime face remerqué ceste trompe-  
 rie, a non seulement tout le clergé, mais quiconque estoit entre le peuple illustre en pieté, fut  
 grandement contristé, & porta pesamment ceste parole, iugeant que ceste maniere de parler es-  
 toit vn pur blaspheme : de sorte qu'en fut excité vn grâd tumulte : Car dès long temps auoyent  
 ils esté enseigné de la theologie & diuinité de Iesus Christ, à sçauoir que pour l'œconomie ou  
 administration il ne s'estoit escarté de la diuinité, ainsi que s'il fust homme seulement. Ils s'ap-  
 puyoyent & croyoyent touchant cest article au propos de saint Paul, lequel dit : Neantmoins  
 que nous congnoissons Iesus Christ selon la chair, toute fois maintenant nous ne le congnois-  
 sons plus Et de rechef : Parquoy delaisans ceste parole qui enseigne les rudes & grossiers de  
 Iesus Christ, efforçons nous d'atteindre la perfection. Ce pendant que ce trouble de iour en  
 iour s'augmentoit, Nestorius chef de toute ceste impieté non seulement n'a repris Anastase, & ne  
 l'a corrigé, mesme il le loüa grandement, & du tout s'accorda à ses propos : ne voulant couaincre  
 cōme blasphemateur, celuy lequel il prisoit beaucoup. Et pour ce qu'il se plaisoit aux estrifs &  
 cōtentions, de plus en plus il enseigna en l'Eglise, & par tout extermina le vocable de Mere de  
 Dieu, ordōnant & cōposant de soy mesmes plusieurs choses cōtre tout droit, & à la defrobee, &  
 vomissant au descouuert la poison de son courage, s'addōna du tout à blasphemer. Parquoy ce-  
 ste questiō diuulgee entre toutes personnes, & les vns l'interprerāt d'une sorte, les autres d'au-  
 tre, se leua vn grâd disside & debat en l'Eglise : de sorte que les hōmes n'ias maintenāt vne chose,  
 maintenant

maintenant affermans l'autre, combatoyēt les vns contre les autres, ce qu'aduient aux bateries nocturnes. De là est aduenu que plusieurs ont estimé que Nestorius eust opinion que nostre Seigneur fust pur homme, & renouuellast la doctrine de Paul de Samosat, & de Photin, ia trespassée & comme enseuelie, de sorte qu'il semblast petit à petit l'aduancer contre l'Eglise Catholique. A la verité aussi ceste question a esté tant agitée, qu'il fut nécessaire y aduifer par vn Concile general. Or Socrate, lequel a mis par escrit l'histoire ecclesiastique, raconte de l'opinion de Nestorius les choses suyuantcs : Ainsi, dit-il, que ie lisois les escrits mis en lumiere par Nestorius, i'ay apperceu qu'il estoit homme indocte : ce que ie puis dire vrayement. Car ie ne fay mention de sa petitesse, comme si i'estois transporté de quelque hayne & mauuaise affection contre luy : aussi ne gratifieray-je personne, & ne flateray aucun, encore que i'expose les dons & graces d'iceluy, desquelles il a surpassé les autres. En premier lieu me semble il, que Nestorius ne dit point que nostre Seigneur soit pur homme, come s'il suyuoit en ce point ou Paul de Samosat, ou Photin : mais qu'il soit seulement espouuanté de la diction comme de quelque masque, ce qu'il fait pour l'ignorance trop grande qui est en luy. Et neantmoins estime on qu'il soit grandement docte, & bien expert aux lettres, à cause à sçauoir de quelque faconde, de laquelle il est doué de nature : de fait toutefois il a esté fort ignorant, de sorte qu'il n'a voulu manier les liures des anciens : veu qu'il estoit tant esleué pour l'agilité de sa langue, qu'aucunement il n'a appliqué son esprit à leurs escrits, mais s'est estimé & iugé plus docte beaucoup, que ceux qui l'auoyent precedé. De là aussi a il ignoré, ce qui est leu aux vieux exemplaires de l'epistre Catholique de S. Iean : que tout esprit qui separe Iesus, n'est point de Dieu. Ce que ie dy estre aux anciens exēplaires, à cause que ceux qui ont voulu separer la diuinité de l'administration de l'homme en Iesus-Christ, ont effacé ceste sentence. Aussi les anciens interpretes ont remerqué ceste ruzé, à sçauoir qu'aucuns ont depraué ceste epistre, voulans seioindre l'homme d'auec Dieu. Or l'humanité est prinse par la diuinité, de sorte que maintenant ils ne sont deux, mais vn : sur quoy les premiers Peres appuyez, n'ont aucunement douté ou crainct de dire, que Marie estoit la mere de Dieu. Car Eusebe de Pamphile au tiers liure de la vie de Constantin dit de ceste chose ces paroles de mot à mot : Celuy qui est avec nous vray Dieu, a daigné se submettre à vne naissance pour nous : & le lieu d'icelle naissance en la chair, est chez les Hebreux expressément appellé Bethleem. Pour ceste cause aussi Helene Auguste rauie d'un amour singulier enuers Dieu, a honoré ceste portee du ventre virginal, & icelle decoree d'admirables monumens, ensemble en plusieurs sortes exorné ceste sacree cauerne. Voire mesme Origene au tiers tome de ses commentaires sur l'epistre aux Romains, explique ceste question cy amplement, exposant comment Marie est appelée Mere de Dieu. En quoy il est facile de remarquer que Nestorius a ignoré les lucubrations des anciens. Parquoy ainsi que i'ay dit, il combat seulement la maniere de parler : (ou bien non seulement il a reietté le vocable, mais aussi du tout a nié que celuy qui est engendré fust Dieu. Car celuy & mesme qui est né de la S. Vierge, est crucifié pour nous, lequel aussi est Seigneur de gloire, come le tesmoigne l'Apostre. Car s'ils eussent congneu le Seigneur de gloire, dit-il, ils ne l'eussent crucifié. Mais au contraire Nestorius dit : Ne te glorifie point, ô Iuis, tu n'as crucifié Dieu : comme si le Seigneur de gloire n'auoit esté crucifié.) Aussi les predications communes qu'il a faites au peuple monstrent assez qu'il n'a dit que Iesus-Christ soit pur homme, ainsi que Photin, ou Paul de Samosat. Car iamais il n'oste la subsistence de Dieu le Verbe, mais cōfesse tousiours qu'il subsiste en la chair, & a son estre en la chair. Et n'abolit point sa subsistence, ainsi que Photin, & le Samosatins : ce qu'aussi les Manicheens & Montanistes ont osé. Voylà ce que ie trouue de la sentence de Nestorius, ce que i'ay retiré des liures d'iceluy que i'ay leus, ensemble des opinions de sa secte. Et à la verité les resueries & inepties de Nestorius ont engendré des troubles grands & riottes à tout le monde. Ces choses dit Socrate. Or ce pendant que Nestorius badinoit en telle sorte, babillant contre nous, aduint qu'une chose deestable fut faite en l'Eglise. Car les principaulx magistrats, ayans esté cruellement traictez par leur maistre, s'en fuirent à l'Eglise, & tenans en leurs mains des glaiues, se retirerent au plus sainct Autel du sacrifice : ausquels fut fait commandement & furent contrains de sortir de la, mais ils ne voulurent aucunement obeir, de sorte qu'ils empeschoyēt les diuines ceremonies : & estoient prests par plusieurs iours de frapper tous ceux qui les arriuoyent, & les naurer d'espees claires & flambloyantes qu'ils tenoyent en leurs mains. Et apres auoir tué vn clerc en ce lieu, puis nauré vn autre, pour le dernier ils se desfirent & occirent eux mesmes. Or de ceux qui assisterent pour lors que cest acte fut perpetré, quelqu'un predict que la prophanaion & souillure du temple apportoit vn mauuais presage, alleguant les vers iambiques d'un Poëte, desquels le sens est tel :

*S'il aduient d'adventure qu'une tres-griefue offence  
Ait souillé le saint temple, quoy qu'on ait de deffence  
Pour couurir le mal-fait, triste elle nous apporte  
Un mal-heur, qui fascheux nous attend à la porte.*

*Nestorius ne peut endurer les saintes paroles de Procle.*

Vrayement aussi a-il pronostiqué selon que par apres l'evenement l'a tesmoigné. Et semble il qu'il ait predit non seulement la diuision du peuple & discord d'iceluy, mais aussi l'abrogation de celuy qui estoit autheur de ce seditieux departement. De sorte que Nestorius non seulement fut d'opinion contraire aux autres, mais aussi à Procle: Car ainsi qu'il enseignoit en l'Eglise, lors que Nestorius presidoit, il luy aduint de dire ces paroles en sa predication: Mes freres ceiour d'huy est celebre l'assemblée Virginal: que nature s'esjouisse: que l'humaine condition menne des danses: voylà, la sainte Mere de Dieu, l'excellence & ornement impolu de Virginité nous a assemblez & conuoquez. Pour ces propos Nestorius trebuché en estrifs & contentions, commença grandement à se desborder contre Procle.

<sup>a</sup> non seulement tout le clergé) *Suidas raconte le blasphème de Nestorius contre la vierge Marie: & que Nestorius a esté le troisieme chef de l'heresie Iudaïque de Paul Samosatien, & Theodore de Cilice, & qu'il a mené guerre continuelle contre la Vierge mere, ayant à sçavoir en Theodore pour Pere, & nombre le Celicien entre ses ayeuls.*

<sup>b</sup> administration, il ne s'elloit escarté de la diuinité) *Croy tresferment, que celuy mesme qui est Dieu le Verbe par l'acception de sa chair a esté conceu. Saint Augustin de la foy à Pierre, chap. 15. L'homme a esté meslé ensemble avec le Verbe de Dieu par unité. Luy mesme. O nouveau meslange! ô temperament admirable. Gregoire de Nazianze. Il n'est pas licite de separer le Fils de l'homme du Fils de Dieu. Saint Augustin. Dieu est né pour nostre assumption, endure pour nostre innocence, meurt pour nostre vengeance. Hilaire, liure 9. de la Trinité. La nature est renouuclée, & Dieu est fait homme. Gregoire de Nazianze. Croy fermement que la chair de Iesus-Christ n'a pas esté conceüe sans la diuinité. August. La chair est de l'homme sans semence, & l'esprit est de Dieu avec semence. Tertullien. Celuy qui dedie la nouvelle nature deuoit nasquoir en maniere nouvelle. Luy mesme.*

<sup>c</sup> l'humanité fut prinse par la diuinité) *Les deux natures sont tellement unies & conioinctes l'une à l'autre en Iesus-Christ, que celuy là mesme qui est Christ, Dieu & homme, fait ou parle quelque fois des choses humaines quelque fois des diuines. S. Augustin. Congnoy la nature de Dieu en la vertu de la resurrection, cōgnoy la dispensation de l'homme en la mort: & neantmoins que chacun d'eux soit fait à sa nature, aye toutefois souuenance que c'est un Iesus-Christ, qui est l'un & l'autre. S. Hilaire, li. 9. de la Trinité. Ne voids tu pas que Iesus-Christ est ainsi annoncé Dieu & homme, que la mort est deputeé à l'homme, & la resurrection de la chair à Dieu: & toutefois celuy qui est mort, n'est point autre que celuy qui est ressusité. Luy mesme.*

<sup>d</sup> mesme qui est né de la sainte Vierge,) *Selon ce qu'il est Dieu il glorifie les siens, à sçavoir selon ce qu'il est Seigneur de gloire, & toutefois le Seigneur de gloire a esté crucifié. S. Aug. li. 1. de la Trinité, cha. 13. le Verbe a bien sceu que la mort des hommes autrement ne seroit desfaite si luy mesme ne mourroit pour tous: Pour ce qu'il estoit la vie, & le Verbe de Dieu, & il falloit que la mort aduint pour tous, il a prins un corps mortel. Athanase de l'incarnation du Verbe. Dieu est vrayement crucifié, il est vrayement mort. Ce qui est indigne de Dieu, m'est expedient. La passion de Dieu est l'unique esperance de tout le monde, & l'ornement necessaire de la foy. La mort de Christ est souverain fondement de l'Evangile. Le Fils de Dieu a esté liuré, qui estoit au Fils de l'homme. C'est à faire aux Chrestiens de croire que mesme Dieu est mort, & qu'il est toussefois viuant par tous les siecles des siecles. Tertullien par tout le liure de la chair de Iesus-Christ, & au liure 3. contre Marcion.*

*Des Epistres de saint Cyrille, à Nestorius, ensemble des douze chapitres auxquels il reprend l'opinion peruerse d'iceluy: ensemble ce que Celestin a escrit de Nestorius.*

*Nestorius respond à Cyrille.*

*Cyrille assemble vn concile provincial, auquel il condamne l'erreur de Nestorius.*

*Douze chapitres de Cyrille.*

## CHAP. XXXIII.



R. le diuin Cyrille ayant entendu les blasphemes de Nestorius, luy enuoya vne epistre, puis vne autre: par lesquelles avec grace & faconde en paroles disertes il proclama ceux estre maudits, lesquels ne confessoient apertement Iesus-Christ vray Dieu, mais en paroles blasphematrices diroyent, qu'il est homme deifere, & instrument de la diuinité. Au quel Nestorius vint de rechef au deuant, plaidant sa cause par blasphemes & conuices. Parquoy Cyrille ayant receu ces lettres de Nestorius, lesquelles desgorgoyent des grand flots d'heresies, & icelles examinees avec quatre autres epistres d'iceluy, assemblea vn concile provincial en Alexandrie, auquel il luy exhiba tant les lettres qu'il auoit receues de luy, que celles qu'il luy auoit adressees pour responce, puis en enuoya les exemplaires & copies, ensemble les decretz de ce Concile à Celestin, Euesque de la vieille Rome. D'auantage il donna à Nestorius ceste troisieme epistre, à laquelle il adiousta ces douze celebres chapitres, ensemble les anathemes, lesquels i'ay



J'ay estimé estre raisonnable d'inferer en ce lieu. La teneur d'iceux est telle que s'ensuit :

Si quelqu'un ne confesse que Emanuel soit vray Dieu, & pour ce ne que la vierge Marie  
 soit mere de Dieu, qu'il soit maudict : car elle a charnellement engendré celuy qui est fait chair, à  
 sçavoir Dieu le Verbe de Dieu. Si quelqu'un ne confesse que ce Verbe qui est de Dieu le Pere,  
 soit vny selon la subsistence, & que ce ne soit qu'un Christ avec sa propre chair, luy mesme à  
 sçavoir un Dieu, ensemble & homme, qu'il soit maudict. Si quelqu'un diuise en un Iesus Christ  
 les subsistences apres l'union, les alliant de ceste seule conionction, qui est selon la dignité ou  
 autorité ou puissance, & nō point selon l'union naturelle, qu'il soit maudict. Si quelqu'un  
 diuise aux deux subsistences en Iesus-Christ, les dictions attribuees à iceluy ou par escrits Euan-  
 geliques, ou Apostoliques, ou par les hommes saincts, ou par luy mesme parlant de soy mesme,  
 & accommode les vnes à l'homme, comme à iceluy proprement conuenables, & comme hors  
 de celuy Verbe qui est de Dieu le Pere, & les autres comme conuenable à Dieu, les attribue au  
 Verbe de Dieu le Pere (comme separant d'ensemble les deux natures) qu'il soit maudict. Si quel-  
 qu'un dit que Iesus-Christ est homme Deifere, & non plustost qu'il est vray Dieu, à sçavoir un  
 Fils, & ce par nature, en ce que le Verbe a esté fait chair, & a participé également avec nous de  
 la chair & du sang, hors mis le peché, qu'il soit maudict. Si quelqu'un dit que ce Verbe qui est  
 de Dieu le Pere, est Dieu ou Seigneur du Christ, & non plustost confesse qu'il est vray Dieu &  
 homme, veu que le Verbe est fait chair selon les escritures, qu'il soit maudict. Si quelqu'un dit  
 que Iesus homme a esté comme agité de Dieu le Verbe, & qu'il est enuironné de l'illustre gloi-  
 re de l'unique engendré du Pere, comme estant autre qu'iceluy, qu'il soit maudict. Si quelqu'un  
 ose dire que l'homme prins par le Verbe est ensemble adoré avec Dieu le Verbe & conglorifié  
 & loué, & doit estre dit Dieu, ainsi que quelque autre de mesme grandeur & maiesté (veu que  
 la particule, con, ou ensemble, adioustee à quelque diction nous contraint tousiours ce penser  
 & entendre) & non plustost que l'Emanuel doit estre honnoré d'une adoration, & luy doit es-  
 tre attribuee vne glorification, en ce que le Verbe est fait chair, qu'il soit maudict. Si quelqu'un  
 dit que nostre Seigneur Iesus-Christ est glorifié par l'Esprit, cōme s'il auoit vŕe de la vertu d'au-  
 truy, & auoit receu d'iceluy l'efficace contre les esprits impurs & malings, ensemble la puissan-  
 ce de faire des miracles entre les hommes, & non plustost confesse que l'Esprit luy est propre,  
 par lequel il a fait des diuins miracles, qu'il soit maudict. Si quelqu'un dit que Iesus-Christ ait  
 esté fait l'Euesque & l'Apostre de nostre confession, ainsi que l'escriture diuine le recite (car il  
 s'est offert à Dieu le Pere soy-mesme pour nous en odeur de suauité) & non que ce mesme Ver-  
 be de Dieu a esté fait tel, lors qu'il a esté fait chair & homme ainsi que nous sommes, mais le di-  
 stingue ainsi que quelque autre differēt selon quelque propre & peculiere raison de cestuy ho-  
 me lequel est de la femme : outre plus si quelqu'un dit que pour soy mesme & non plustost  
 pour nous mesmes il ait offert sacrifice, qu'il soit maudict, veu que celuy qui n'a cōgneu aucun  
 peché, n'a eu que faire d'oblation. Si quelqu'un ne cōfesse que la chair viuifiante de Iesus-Christ  
 soit propre de celuy Verbe qui est de Dieu le Pere, mais dit qu'elle est de quelque autre, laquel-  
 le luy soit comme conioincte selon la dignité, comme s'il auoit eu la seule diuine habitation en  
 icelle : & non plustost (ainsi que nous auons dit) la viuifiante, laquelle ait esté faite propre au  
 Verbe, puisant de viuifier toutes choses, qu'il soit maudict. Si quelqu'un ne confesse q le Verbe  
 de Dieu ait enduré en la chair, & ait gousté la mort en la chair, & soit fait le primogenit des  
 morts, en ce qu'il est la vie, & viuifiant, à sçavoir Dieu, qu'il soit maudict. Or Celestin, Eues-  
 que de Rome, ayant receu les lettres du diuin Cyrille, ensemble entendu le mauuais bruit de  
 Nestorius, luy rescriuit, que si dix iours escheuz apres ces lettres leuës, il perseueroit d'auantage  
 en ceste impieté, on ne l'admetteroit au surplus à la communion : mais du tout seroit effacé du  
 catalogue des sacrificateurs de Iesus-Christ : & que pour ceste cause ceux seroyent conceuz à la  
 communion, qui auoyent par luy esté excommuniez, à cause qu'ils s'estoyent opposez pour la  
 saine foy. Et non seulement Cyrille & Celestin adresserent lettres à Nestorius, ains aussi à Iean  
 d'Antioche, successeur de Theodor & à Iuuenal de Ierusalem, ausquels ils exposerent l'heresie  
 dudit Nestorius. Voire mesme ce Iean duquel nous parlons enuoya vne epistre à Nestorius,  
 l'admonnestant qu'il ne delaisast la profession de la foy ancienne, mais confessast sainemēt que  
 le Fils de Dieu estoit engendré de Marie la sainte mere de Dieu, & qu'il ne le partist en deux, &  
 ne dist qu'il soit deifié selon quelque progres, ou profit. A quoy il subiiŕoit la voix Apostoli-  
 que, à sçavoir que Dieu a enuoyé son fils fait de la femme. Ensemble il luy persuade de ne rete-  
 nir sa sentence ainsi que saine & droicte, mais que plustost il suyue ce qui succederoit au cōmun  
 profit & vtilité de l'Eglise. Pareillement il luy adressa des lettres que Celestin & Cyrille luy  
 auoyēt escrites. Parquoy Nestorius print garde à soy : & pour tant qu'il sçauoit que les prelat  
 des Eglises ne se tairoyēt aucunemēt durant ce trouble, il gaigna l'Empereur Theodose, & l'in-  
 cita d'enuoyer à Cyrille un mandemēt special, auquel il luy obiiŕoit plusieurs choses, & le me-  
 naŕoit grandement, s'il ne vouloit acquiescer aux decretz de Nestorius. Mais d'autant qu'il espe-  
 roit par ses lettres luy mettre le pied sur la gorge, il l'excita & esmeut d'auantage. Car saint Cy-  
 rille ayant reprins courage adressa des petis liures à l'Empereur & ses sœurs, doctemēt cōposez

*Il semble  
que la soit  
ostee la com-  
munication  
des proprie-  
tez.*

*Pontificat  
& sacrifice  
de Iesus  
Christ.*

*Escrit de  
Iean d'An-  
tioche à  
Nestorius.  
Nestorius  
n'obeit à  
ceux qui  
luy persuas-  
ent choses  
bonnes.*

*Cyrille de-  
mande à  
l'Empereur  
un Concile  
general.*

# LIVRE XIII. DE L'HIST. ECCLESIASTIQUE

par lesquels il monstroït la certaine profession de la vraye foy, & manifestoit la peruerse & impudente opiniõ de Nestorius: ensemble requit que le Concile general fust assemblé, auquel les actes de Nestorius fussent descouverts, & d'iceux certaines informations faites.

<sup>a</sup> Si quelqu'un diuise) *Veu qu'en l'Emanuel est un Fils de Dieu & Seigneur, le Verbe de Dieu incarné & fait homme, il n'y a du tout qu'une personne d'iceluy, à laquelle nous attribuõs les condicions humaines, à cause de la dispensation en la chair: & les diuines, à cause de l'ineffable naissance de Dieu le Pere, Christ Fils de Dieu, & de l'homme: homme vny faisant toutes choses qui appartiennent à Dieu: & d'auantage Dieu parlant & faisant toutes choses humaines propres.* Cyrille du Concile d'Ephese. *Il est necessaire que pour la qualité des genres & natures, autre ait esté la maniere de parler au sacrement de l'homme, Iesus-Christ n'estant encore né, & autre lors qu'il estoit à mourir, & autre maintenant qu'il est eternal.* Saint Hilaire, liure 9. de la Trinité.

<sup>b</sup> maudict.) *Anatheme: Les Chrestiens ont coustume d'ainsi appeller la sentence, laquelle publiquement est prononcee contre le blasphemateur & meschant, comme si elle estoit entaillée en une colombe. Socrate.*

<sup>c</sup> qu'il soit deifié selon quelque progres,) *Ineffablement & d'auantage que l'esprit humain puisse comprendre, le verbe estant conioinct à l'humanité, l'a ainsi rengeé entiere à soy-mesme qu'il peut viuisifier les choses indigentes de vie.* Cyrille.

*Du tiers saint Concile vniuersel d'Ephese, auquel Nestorius fut desmis de son Euesché.*

CHAP. XXXIII.

*Theodose  
eueque un  
concile ge-  
neral en E-  
phese.*



Theodose prouoqué de Cyrille commanda par lettres imperiales, que tous les Euesques respanduz en tous lieux s'assemblassent en la metropolitaine ville d'Ephese, arrestant le sacré iour de la Pétécouste, auquel ils se trouuassent en ce lieu: à cause qu'en ce iour l'Esprit viuificateur vint iusques aux saints Apostres. Pareillement il adiousta à son mandement qu'il n'excuseroit personne ou deuant Dieu ou deuant les hommes, qui soudain ne se trouueroit present en ce lieu au iour ordonné de la Pentecouste. Car il semble, dit-il, que celuy n'est de bonne conscience, lequel appelé à la sacree assemblée des Euesques, n'y accourt alaigrement & ioyeusement.

*Euthyme  
commande  
à Pierre, E-  
uesque des  
Sarraxins,  
qu'il suyue  
la sentence  
de Cyrille  
& Acace.*

Or considéré que Nestorius ne demouroit pas loing d'Ephese, soudain apres le iour de Pasques il vint en ce lieu, accompagné d'une grande troupe, où il trouua plusieurs Euesques ia assemblez. Pareillement Cyrille y assista avec les siens auant le iour destiné. Le cinquiesme iour apres la Pentecouste, Iuuenal arriua avec les Euesques de la Palestine. Lesquels cependant qu'ils s'assembloyent, le grand & celebre Euthyme commanda à Pierre, Euesque des Sarraxins, ainsi qu'il s'en alloit, que du tout il suyust la sentence de Cyrille, Alexandrin, & d'Acace de Melit, tesmoignant qu'ils estoient les cymes & colomnes de la droicte foy. Mais Celestin, Euesque de Rome, craignant les dangers de ceste nauigation, refusa venir à ce Concile, toutefois il rescriuit à Cyrille qu'en iceluy il tint son lieu. Depuis lequel temps on dit qu'il receut la mitre, & l'appellation du Pape, ensemble de Iuge de tout le monde. Toutes lesquelles

*Cyrille  
lieutenant  
du Pape Ce-  
lestin en ce  
concile.*

prerogatiues depuis par succession sont paruenues aux sacrez Euesques qui ont obtenu par droit & legitime election le siege de l'Eglise Alexandrine. Iean, Euesque d'Antioche, seul assista trop tard à ce Concile avec les Euesques Orientaux, à sçauoir long temps apres le iour ordonné: ce qu'il fit, non qu'il ait de guet à pend differé ou retardé son voyage, ainsi que mesme il excusa en plusieurs paroles: mais à cause qu'il ne peut tant hastiement assembler les Euesques qui estoient sous sa charge. Car les villes de sa subiection sont distantes de longue espace de

*Iustinian  
apres un  
remblemēt  
de terre ap-  
pella An-  
tioche, Theo-  
polis, cõme  
d'un nom  
plus heu-  
reux.*

lieux de ceste Antioche ancienne, & maintenant appellee Theopolis: veu qu'elles en sont loing de douze iours & demy de chemin, voire quand vn homme habile & bien dispos l'auroit entrepris. Outre plus, Antioche estoit lors distante grandement de la ville d'Ephese, de trente iournees. D'auantage il assura, qu'il ne se trouueroit au iour arresté, si au nouveau iour de Dimenche, comme on dit, ses compagnons perseueroyent d'estre assis en leurs sieges. Or quinze iours escheuz apres celuy qui estoit ordonné, l'Euesque d'Antioche n'assistait en ce lieu, estant aussi aduenue que plusieurs Euesques estoient trauaillez de maladies & autres miseres: de la cõmune sentence d'un chacun cent & trente Euesques ou enuiron furent cõgregez le vingtiesme iour du mois de Iuin, l'an de la creation du monde <sup>a</sup> cinq mil neuf cens & quinze, quarante & vn an depuis le second Concile, en la presence de Iuuenal, & du diuin Cyrille, lequel tint le lieu de Celestin, Euesque de Rome, comme nous auons dit. Le premier iour Nestorius y assista. Et lors qu'on cõmença à debatre de la susdicte question, en la premiere escarmouche Cyrille, Alexandrin, lançant courageusement des iauelots contre Nestorius, l'accula & enserra fort par ses dispu-

disputes. Aussi depuis long temps le hayoit il. Et ainsi que plusieurs par leurs sentences attribuoient à Iesus-Christ la diuinité, & affermoient qu'il estoit vn mesme Fils engendré du Pere deuant tous les siècles, & au derniers temps fair hōme de la tousiours vierge Marie, & que n'est point puis vn, puis vn autre, mais vn mesme, & que la vierge Marie proprement & vrayement doit estre appelée la mere de Dieu. Nestorius se leuant, ie ne diray pas, dit il, que quelque Dieu soit bimestre & trimestre. Parquoy ie suis pur de vostre sang, & d'oresnauant ie ne viendray plus vers vous. Ces paroles dites, il est sorty avec dix Euesques, & de là en auant il s'assembla avec eux, ayant prins avec soy encore autres, qui suyuoient sa doctrine deprauee. Ainsi le concile fut diuisé en deux parts. Cyrille & ceux qui estoient avec luy deux iours apres ayas fait assemblee, selon que de coustume, enuoyerent trois Euesques à Nestorius, & par iceux le citèrent de se trouuer au concile. Ce qu'il contemna, & ne comparut ainsi que luy estoit mandé, disant qu'il falloit differer le concile iusques à la venue de l'Euesque d'Antioche. Depuis ayāt esté appelé deux & trois fois, il ne rendit aucune responce, ains avec conuices & contumelies renuoya ceux qui estoient vers luy adressez. Quoy voyant le concile proposa deuant toute l'assistance le symbole des trois cens & diuins Peres, ensemble les lettres de Cyrille & de Nestorius lesquelles ils auoyent escrites d'une part & d'autre, touchant ceste question: pareillement l'epistre sacree de Celestin escripte à Nestorius. Et apres que Theodot, Euesque d'Ancyre, & Acace de Milet eurent descouuert les paroles blasphematoires d'iceluy, desquelles manifestement & publiquement il auoit vsé en Ephese en la presence de plusieurs (sur ce les opinions & sentences ouyes de grand nōbre de saincts & notables personnages, d'avantage autres plusieurs meschans propos entenduz d'iceluy) le sainct concile depōsa ce meschant & mal-heureux, & desmit de son degré, la sentence prononcee en telles paroles: Consideré, que outre plusieurs choses le reuerēdissime Nestorius n'a voulu aucunemēt entendre à nostre vocatiō, & n'a receu les tres-saincts & tres-debonnaires Euesques que nous luy auions enuoyez, necessairement nous sommes descenduz iusques à informer de son impieté. Et pour autant que tant les epistres & escrits d'iceluy, lesquels ont esté leuz, que par les propos desquels il a vsé en ceste ville metropolitaine, qu'ensemble par le rapport des tēmoins, nous auons remerqué qu'il sent & enseigne meschamment de la foy: estans controiñcts par les canons, & l'epistre du tres-sainct Pere, nostre compagnon l'Euesque de l'Eglise de Rome, comblez de lōgues & grandes fācheries & larmes nous sommes paruenuz à ceste triste sentēce: à sçauoir, que celuy qu'il a assailly par ses blasphemies, nostre Seigneur Iesus-Christ, a decreté par ce present Concile, que Nestorius fut desmis de sa dignité Episcopale & dechassé de toute assemblee sacerdotale.

*propos blasphematoire & meschāt de Nestorius.*

*Nestorius se scarte du Concile.*

*Seconde session.*

*Nestorius enuoyé au concile n'y veut comparoir.*

*Nestorius est condāné.*

*« cinq mille neuf cens & quinze, ) selon les plus recens, l'an 442. lesquels aussi ne s'accordent en la computation des ans, escheuX entre le second & tiers concile.*

*Comme Iean, Euesque d'Antioche & Theodorit arrivans au Concile, trois iours apres ceste sentence donnee, priuerent Cyrille & Memnon, Ephesien, de dignité Episcopale: & cōme le Concile les desmis aux mesmes de leurs EuescheX, à cause qu'ils auoyent osé atenter une telle chose: ensemble cōme Theodorit parla contre les douze chapitres de Cyrille, & de rechef Cyrille luy respondit. Cōme Nestorius s'en alla en Oasis faire son exil, & Iean & Cyrille reuenuX en grace & amitié, furent d'un mesme accord, & par le cōmandement de l'Empereur ratifierent l'abrogatiō de Nestorius: l'epistre aussi de Cyrille, laquelle il escrivit à l'Eglise d'Antioche par Paul d'Emese.*

#### CHAP. XXXV.



Este legitime sentence prononcee, Iean d'Antioche accompagné de vingtdeux de ses Euesques & sacrificateurs, arriva le troisieme iour apres la condānatiō de Nestorius: lequel aduertty de tout cest affaire cōme il festoit porté, il se courrouça grandement à Cyrille, de ce qu'il festoit tant hasté de casser & degrader Nestorius. Et se departant du Concile, il s'assembla avec Nestorius, & ainsi que luy sembloit 'deposā Cyrille & Memnon de leur dignité. Mais apres que Cyrille & Memnon eurent présenté leurs requestes au Concile assemblé avec eux, Iean y fut enuoyé avec les siens (nonobstant que Socrate, par ignorance, ait autremēt escrit)

*Iean d'Antioche s'alie à Nestorius, & desmet Cyrille & Memnon de leur dignité.*

pour rendre ses causes & raisons de la sentence de condamnation qu'il auoit donnee contre tout droit. Mais Iean n'y ayant comparu apres le troisieme citation faite ainsi que de coustume Cyrille & Memnon furent absouls par le sainct concile general de la sentence de condānatiō donnée contre tout droit & raison: & ceux qui les auoyent condānez tōberent aux mesmes liēs. Car ils furent exclus de la diuine eommunion, & toute l'autorité sacerdotale leur fut ostée, à sçauoir à Iean & aux Euesques qui estoient de sa part, entre lesquels aussi fut le sage Theodorit, le, & Iean

*Cyrille & Memnon absous sous legitime par le concile.*

*d'Antioche  
excommunié  
avec les  
siens.*

*Theodorit  
escriit contre  
les douze  
chapitres  
de Cyrille.*

*Les actes du  
concile sont  
rapportés à  
l'Empereur*

*Les Eues-  
ques Orien-  
taux retiè-  
nent Nesto-  
rius en son  
Euesché.*

*Nestorius  
est emmené  
en exil la  
quatrième  
année après  
sa condam-  
nation.*

*La pénitence  
faite de  
Nestorius  
n'est reçue.*

*Escriit de  
Cyrille à  
Jean.*

*La diligence  
de Paul  
d'Emese  
pour accor-  
der toutes  
choses.*

Euesque de Cyr : iusques à ce que se condannans eux mesmes ils recongnurent leur faulte. Or Theodorit fasché de l'infortune aduenue à Jean, se benda contre Cyrille, confutant mesme ces douze chapitres lesquels il auoit adioustez à la troisieme epistre qu'il escriuit à Nestorius, les interpretant faullement. Quoy faisant contre droit, on iugea qu'il fauorisoit grandement à Nestorius. Contre lequel escrit de Theodorit: Cyrille defendit doctement ces chapitres, que nous auons dit, les interpretant ainsi qu'il falloit, & declarant la sentence cachee en iceux. Toutes ces choses furent rapportees d'une part & d'autre à l'Empereur, ensemble luy assisterent des Euesques, qui luy raconterent les actes des deux pactions. Or de prime face l'Empereur n'eut pour agreable la condanation de Nestorius. Car les Euesques Orientaux ayans avec soy emmené par force Nestorius, le retindrēt en l'Euesché iusques à l'an troisieme. Mais à l'an quatrieme de sa condanation, Jean d'Antioche craignant le iugement de Dieu, voyant d'auantage que plusieurs mouroyēt en l'opinion de prauce de Nestorius, signifia à l'Empereur Theodose, que le plustost qu'il pourroit il le chassast de l'Empire Oriental. Parquoy l'Empereur aduertty certainement de ce blaspheme, soudain comanda que Nestorius fut mené en Oas. Puis enuoya des lettres debonaires à Cyrille & Jean, les admonestant de consentir par ensemble, & de confermer la sentence de condannatio prononcee contre Nestorius, & que l'un & l'autre par ce moyen deliurast les eglises de tout discord. Nestorius donc voyant que la comunion & amitié, qu'il auoit au precedent eue avec Jean, estoit tournee en contention & debat, esmeu de penitence, appella la vierge Marie mere de Dieu: Que mesme, dit-il, Marie soit denommee mere de Dieu, & que les tristes contentions cessent. Toutefois nul du tout n'estima que ce disant il fust incité de penitence. Or Jean, Euesque d'Antioche, obeissant au comandement Imperial, enuoya Paul, Euesque d'Emese, à Cyrille en Alexandrie, avec le liure auquel la vraye & sincere confession de foy, la recociliation de l'amitié, & la reiectio des scandales & offenses estoient exprimees. Cyrille le venerable ayant receu ce liure, & approuué la confession de foy en iceluy inserée, conferma que les anciens Peres, & luy mesme tousiours auoit ainsi senty. Puis apres auoir grandement loué ceste Epistre, rescriuit à Jean en ces paroles: Que les cieus s'esioiussent, que la terre se delecte, puis que l'entre-deux de la mazure est demoly: & que ce qui estoit cause de nostre tristesse est appaisé, ensemble toute occasion de discord est retrenchee à cause que Iesus-Christ le Sauueur d'un chacun de nous a concilie paix entre ses eglises, & les tres-debonnaires & grands amateurs de Dieu nos empereurs nous ont à icelle appelez. Lesquels tres-bos imitateurs de la pieté de leurs deuanciers, non seulement cōseruent la foy certaine & immobile en son estat: mais aussi principalement se soucient des saints eglises, à ce qu'elles recoiuent vne illustre gloire à tousiours, & rendent tres-celebre l'administration de leur empire. Aufquels aussi celuy mesme qui est Seigneur des vertus a donné liberalement ces biens: ensemble leur donne qu'ils puissent & commander à leurs aduersaires, & rapporter victoire d'iceux. Car celuy n'est point trompeur qui dit: Je vy, dit le Seigneur, pour ce que ie glorifieray ceux qui me glorifieront. Parquoy mô Seigneur & tres-debonnaire frere & compagnon Paul, estant venu en Alexandrie, a reueillé mon esprit & m'a grandement consolé & resiouy: & vrayement à bonne cause, veu à scauoir que ce grand personnage interposoit sa personne & son deuoir, comme pur & sincere mediateur & interprenoit ce labeur voire surpassant ses forces, à ce qu'il surmontast l'enuie du diable, vniſt & ralliaſt ce qui estoit diuisé, puis ayant retrenché d'entre nous tous scandales & offenses, il exornaſt vos Eglises ensemble & les nostres de la concorde & paix. Et apres quelques autre propos: Or que ce discord ait esté du tout superflu, importun à l'eglise, & entrepris sans cause, maintenant i'en suis fait tres-certain, depuis que mon seigneur le tres-debonnaire Paul, euesque, m'a apporté vn libelle arresté sans aucune calomnie, contenant la confession de foy, lequel il conferma estre composé par ta sainteté, & les euesques de par delà. Ce liure estoit selon ces propres mots inseré à l'epistre. En quoy ayāt leu ce qui touche la Mere de Dieu, & ce qui s'ensuit, à scauoir toutes vos sentences, nous auons trouué que nous sommes de mesme foy que vous. Aussi n'y a il qu'un Dieu, vne foy, vn baptisme. Parquoy nous auons rendu gloire au Dieu seruateur de cest vniuers, nous reioiſſans les vns avec les autres, de ce que nos Eglises ensemble & les vostres ont vne foy accordante aux escritures diuinement inspirees, & à la tradition de nos saints Peres. Que si quelqu'un veut studieusement rechercher ces choses, il les trouuera aux actes de ce Concile.

*Ce que Nestorius escriit de foy mesme auoir enduré, & comme apres auoir en Oas tolleré des miseres innombrables, à la fin sa langue estant rongee de vers, il mourut.*

CHAP. XXXVI.

*Les affaires  
de Nesto-  
rius apres  
sa condam-  
nation.*



R. de ce qui aduint à Nestorius apres qu'il fut dechassé, & comme il fina ceste vie presente, & receut dignes recompenses de ses blasphemes, les historiens n'en ont fait aucune mention: Et à la verité la force du temps eust plongé ces choses au profond d'oubliance, si i'en eusse rencontré son liure, duquel i'ay cueilly l'histoire d'iceluy.

Ce

Ce pere donc de blasphemé, lequel n'auoit planté les fondemens de sa foy sur la pierre, mais sur le sable, rescriuit la defense de son blasphemé à aucuns, qui luy obiecterent, qu'il n'auoit bien fait d'ainsi forger des nouuelletez, & que pour l'vtilité de la republique il ne deuoit demander que le Concile fust fait en Ephese : à quoy il respôdit qu'il auoit esté à ce contraint comme par quelque necessité, à cause que la sainte Eglise estoit diuisee en deux parties. Et que lors qu'aucuns asseuroyent qu'il falloit appeler Marie, Antropotocos, c'est à dire Mere de l'homme, & les autres la denommoyent Theotocos, c'est à dire Mere de Dieu, il auoit excogité vn nom moyen de ces deux, à sçauoir Christo-tocos, qui signifie Mere du Christ. En ceste defense il raconte que Theodose esmeu de commiseration, ne voulut confirmer sa reiection par son autorité : Mais qu'apres que aucuns Euesques furent venuz en Constantinople, il luy fut permis de retourner en son monastere, qui est situé hors Theopolis. Il est vray qu'il n'a pas exprimé le nom d'iceluy, toutesfois i'ay leu qu'il auoit esté nommé de Euprepie. Ce lieu est distant de la ville de deux stades, auquel il dit qu'il a passé quatre ans en tout honneur. Par apres il narre comme par l'arrest de Theodose il luy fut commandé de se retirer en exil à Oasis : toutesfois il ne fait mention de la principale cause de ce bannissement, à cause à sçauoir que pour tout ce triste estat de ses affaires, il n'a desisté de blasphemer. Il a pareillemēt, mais encore plus disertement escript vn liure à vn Egyptien, auquel plus abondamment il traite de son exil en Oasis.

Aussi peult on congnoistre d'autres lettres d'iceluy, combien de maux il'a endurez pour ses blasphemés, à cause à sçauoir qu'il n'a peu deceuoir l'œil inspecteur de toutes choses. Lesquelles lettres il bailla à celuy qui pour lors estoit gouuerneur de Thebes, & en icelles signifie, que considéré qu'il n'a pas assez esté puny des hommes, il estoit diuinement assaillly d'une iuste vengeance, & tresbuché en vne calamité tresgrande, & captiuité miserable. Et d'autant qu'il falloit qu'il esprouuast des afflictions plus grandes, bien est vray que de la puissance & autorité des Blemmyars il fut mis en liberté (car d'iceux il estoit captif) toutesfois par le commandement de Theodose, qui fut aduertly qu'il estoit de retour, fut transporté aux dernieres regions de Thebes, changeant de lieu à autre. En ce lieu la terre s'estant ouuerte, il fut couuert & opprimé, de sorte qu'il en perdit la vie, selon qu'il estoit conuenable à son blasphemé : & fut estimé au dernier acte de sa vie, comme quelque autre Arrius, lequel assez declara quelles recompenses soyuent les blasphemés iettez contre Dieu. A la verité aussi l'un & l'autre fut également blasphemateur contre Iesus-Christ, veu qu'Arrius l'appella Creature, & cestuy-cy dit, qu'il estoit pur homme. Auquel pour tant qu'il reprend les actes du concile d'Ephese, comme bastis par la ruse & mal-heureuse affection que Cyrille auoit d'innouer les choses, ie tiendray tres-volontiers ces propos. Dy moy, comment se peult faire, & pourquoy, veu que Theodose premierement auoit tant grande pitié de ta deffortune estant condamné à tant & tant d'exils, as tu miserablement finé ta vie, si Cyrille & les diuins Euesques qui se trouuerent avec luy ne firent ce qu'ils auoyent decreté selon leur sentence & diuin iugement ? Et maintenant vous estes trespassé de ceste vie, de sorte que de present, ainsi que l'un des auteurs & sages prophanes a dit, & rien n'empêche que chacun ne serue librement à la beneuolence des personnes, sans estre esmeu de courage ennemy. Et toy à la verité comme blasphemateur, & extreme ennemy de Dieu, tu as esté condamné de tous : mais iceluy ainsi qu'une trompette de l'Eglise, retentissant par toutes les fins de la terre, estât tres-fort propugnateur de l'Eglise, est célébré de tous, & ouy en la bouche de tous. Et à ce que nous ne tombions en suspicion du crime de faulxeté, ie vous prie que nous le mettions en ieu luy-mesme deuant vn chacun, & exposions les actes d'iceluy par ses propres paroles. Fay aussi, ô Nestori, que tu escoutes ceste epistre, & en quelle teneur tu as celle-là composee, que tu as enuoyee au gouuerneur de Thebes, duquel nous auons parlé, celle à sçauoir qui est extraicte des actes receuz du concile d'Ephese, touchant la tres-sainte religion :

■ Nous demourons en Oasis, autrement dicte Ibis, & ce par arrest imperial. Et peu de paroles apres il adioute :

■ A cause que le lieu que nous auons dit, est demoly & gâté dès les fondemens, par les incursions des Barbares, rauissemens des captifs, meurtres & carnages qui s'y commettent de iour en iour : & nous auons receu misericorde des Barbares, ie ne sçay par quel moyen, de sorte que sommes mis en liberté, à ce qu'iceux avec attestation nous espouuentaient par leurs menaces, & nous commandassent soudain au premier iour sortir de ceste region, laquelle : les : Maziciens deuoyent occuper incontinent apres eux, nous sommes venuz au pays de Thebes avec le surplus des captifs, que les Barbares esmeuz de misericorde nous ont emmenez, en quoy ie ne peuls dire quelle a esté leur intétion. Or iceux se sont retirez chacun au lieu qu'il souhaitoit & auquel il se plaçoit : Mais nous arriuasmes & logeasmes à la ville de Pan, & en aduertismes plusieurs. Car nous craignons que quelcun ne dit que nostre captiuité fust quelque tromperie, & ruse faicte à la main, & nous accusast calónieusement de nous estre fuis, de sorte qu'il bastist cōtre nous quelque autre crime, veu que malice abode en toutes sortes de calónies. Parquoy nous prions ton amplitude, que tu ne reiettez nostre captiuité, mais ayes soing d'icelle, selon

*Nestorius captif des Blemmyars. Mort miserable d'iceluy.*  
*Nestorius se plaint d'auoir esté surprins par la ruse de Cyrille.*  
*Refutation de sa complainte.*

*Epistre de Nestorius au gouuerneur de Thebes.*  
*Les Maziciens sont les peuples de Lybie appellez Nomades.*  
*Nestorius vient à la ville de Pā.*

N n n

*Il requiert  
qu'il luy  
soit permis  
de la de-  
mourer.*

*Il se plaint  
d'avoir sou-  
vent esté  
contraint  
de changer  
de lieu.  
Elephanti-  
ne est loing  
de Thebes  
en Egypte  
de 810 sta-  
des.*

qu'il est ordonné par les loix : & n'abandonne celuy qui est aptif à la malvueillance & fraude des hommes, aux iniures & contumelies, à ce que, à sçavoir vne vociferation & complainte tragique s'avance d'ores en avant par les generations & aage des homes, que mieux il vaudroit que quelqu'un fut captif en la puissance des Barbares, que venir supplier & soy humblement retirer à l'Empire des Romains. Puis ayant entremis vn serment, il adiouste ceste requeste: Permis qu'estans retournez d'Oasis nous demourions en ce lieu, aussi que ce mesme les Barbares nous ont permis : à ce que maintenant soit fait de nous ce qu'il plait à Dieu. Outre plus, en vne autre epistre qu'il adresse à cestuy-mesme, il escrit ces choses : Je te prie que tu ne reiettes cest escript, soit que tu le reçois comme l'epistre d'un amy adressée à ta magnificence, ou come l'admonition du Pere enuoyée à son fils & ne mesprise la narration de plusieurs choses comprises en iceluy, le plus brièvement que j'ay peu, veu que Oasis, autrement appelée Ibis, est ia du tout ruinée & saccagée par la multitude des Nomades, lesquels ont couru tout ce pays. Et apres: Veux que ces choses sont ainsi advenues, ie ne sçay pour quelle cause, ou quelle occasion prise, ta magnificence a commandé que ie fusse transporté par les soldats Barbares, & mené du bourg de Pan, à Elephantine, située es fins de la province de Thebee. Et ce pendant que nous estions ravis en ce lieu par les aides des soldats que nous auons dit, & ayans fait la plus grande partie du chemin, nous estans affligés de iour en iour, de rechef auons reçu de ta noblesse vn commandement sans aucun escript, par lequel il nous estoit enioinct de retourner en la cité de Pan. De sorte que cassez pour les difficultez des chemins que nous auions entrepris à ton commandement, nostre corps ia attenué & defaict par maladie & vieillesse, les mains come rompues, & les costez brisez, nous sommes reuenus au bourg de Pan, perdans aucunement courage pour les grands trauaulx que nous endurons sur le chemin. Encore estions nous gehennés de peines & douleurs lors que pour vn autre mandement escript de ta noblesse, lequel vint soudain, nous fusmes de rechef transportez de la ville de Pan, en vn autre lieu de ceste region. Et ce pendant que nous estimions que telles afflictions cesseroient, & attendions ce que les Princes victorieux auroient de nous arresté, en vn moment fut dressé vn autre mandement, sans aucune grace : par lequel nous estoit enioinct vn quatriesme exil, voire beaucoup plus loing que les autres. Et peu apres : Mais ie te prie acquiesce & te contente des choses que tu as faites, cesse de decerner tant d'exils contre vn pauvre corps, contente toy de tant de calamitez que nous auons endurees de ta magnificence. Permits ie te supplie que nous puissions humainement nous informer par hommes idoines à ce & suffisans, quelle est la sentence de nos Princes victorieux. Ce conseil que nous te donnons, est ainsi que d'un pere à son fils. Que si tu le trouues mauuais, & facheux, fay donc dès à present, ainsi que cy deuant ce qu'il te plaira : puis que nulle parole ou remonstrance ne peut flechir, ou vaincre ta sentence.

Ainsi Nestorius en ses lettres frappades pieds & regimbe, voire iusques à blasphemer contre la maiesté imperiale, comme tu voids : & ne se reconnoit aucunement, encore qu'il ait enduré tant de maux.

*La langue  
de Nesto-  
rius rongee  
des vers a-  
uant sa  
mort.*

Vn escript est cheu entre mes mains, exposant le trespas d'iceluy, lequel aussi il m'a semblé bon reduire en memoire en ceste histoire. Car il raconte que la langue d'iceluy estant rongee des vers, il rendit l'esprit plourant & lamentant, d'autant qu'il deuoit payer les peines à luy deuës aux grands & eternels supplices. Depuis aussi Theodose esmeu du vouloir de Dieu, par la sentence & opinion de tous, condamna ce meschant excommunié, vsant en son ordonnance des propres paroles lesquelles sont inserees au volume de Iustinien, appelé le Code, en l'ordonnance troisieme, au premier titre du premier liure.

*L'heresie de  
Nestorius  
condamnee.  
Ceste consti-  
tution n'est  
leuë mainte-  
nant &  
n'est tron-  
cée.*

Outre-plus, dit-il, nous ordonnons que ceux qui suyuent la meschante foy de Nestorius, ou la malheureuse doctrine d'iceluy, s'ils sont Euesques ou clerics, qu'ils soyent iettez hors de leurs Eglises, s'ils sont laïques, & du peuple, qu'ils soyent excommuniés.

Il fit aussi plusieurs autres constitutions, à la faueur de nostre religion, lesquelles declarent assez l'ardente amour qu'il portoit à Iesus-Christ. Telle fut la fin de la vie du meschant Nestorius, & ces choses furent ainsi faites au tiers concile general d'Ephese, comme nous auons dit. Or le pernecieux Nestorius desmis de son Euesché, de rechef se leua vne grande contention aux Eglises de la ville de Constantinople : Car le peuple estriuant de la doctrine de Nestorius, s'escarta en deux parts. Toutesfois tout le clergé d'un commun suffrage le reietta comme vn excommunié : car telle est la coustume aux Chrestiens de prononcer la sentence contre vn blasphemateur, lors à sçavoir qu'ils la veulent publiquement proposer deuant tous comme entaillée & engruée en vne statue.

• la ville de Pan.] Plin. liu. 5. chap. 9. parle de la ville de Panople, & de Nome Panopolitain.



*Comme Maximien fut estably patriarche de l'Eglise de Constantinople apres Nestorius,  
& depuis Procle fut eleu à ceste mesme dignité.*

CHAP. XXXVII.



Nestorius deposé de son degré, se leua vne grande question touchant l'election de l'Euesque : Car plusieurs regardoyent à ce Philippe de Side, duquel nous auons parlé : toutesfois presque tous iugeoyent que Procle estoit grandement digne de ceste chaire. Et vrayement le conseil d'iceux fust pour lors paruenü à sa fin, si ceux ne luy eussent fait empeschement, qui auoyent grand credit chez l'Empereur, & prenoyent couuerture sur le canon Ecclesiastique, lequel defend que celuy qui est designé Euesque d'une cité, soit trāsporté à vne autre. Ce canon est tel : Si quelque Euesque eleu, ne se retire en la paroisse à laquelle il est destiné, non pour sa coulpe, mais à cause qu'il est reietté du peuple, ou que quelque autre empeschement se presente, encore que la faulte ne prouienne de celuy qui est eleu, à ce qu'il ne soit cause d'aucun trouble aux affaire de l'Eglise, en laquelle il feroit ses assemblees, il doit avec dignité faire le deuoir de son ministere, & se cōtenter de ce que le Concile prouincial aura arresté sur ceste cōtrouersie apres qu'elle aura esté proposée pour certaine resolution. Ce canon publié cōtraignit le peuple s'appaiser, lequel designoit Procle Euesque. La quatre mois estoient coulez depuis la deposition de Nestorius, que la procuracion de ladicte Eglise fut commise à Maximien, lequel estoit de l'ordre des Prestres, & auoit mené vie monastique. Entre autres choses aussi auoit il emporté vne tresgrande louange de religion & deuotion, de ce qu'ayans à ses propres cousts & despens basti des sepulchres, il reposoit en iceux les reliques de ceux qui estoient saintement trespassez. Et pour-autant qu'il fut de petite doctrine, il auoit choisi vne maniere de viure eloignée des actions humaines, & sollicitude de ce monde. Qui a esté cause que sous iceluy l'Eglise deliuree des flocs extremes des choses d'cy bas, s'est esiouye en grande paix. Et apres qu'il eust administré l'Eglise paisiblement par l'espace de deux ans & cinq mois, il mourut la septiesme semaine des iours du ieusne, à sçauoir le cinquiesme iour de celle qu'on appelle La grāde semaine. Et lors l'Empereur Theodose & Pulcherie Auguste, ont prins la charge & sollicitude principale de cest affaire. Car à ce que de rechef ils ne fussent en peine pour l'election de l'Euesque, & de là les affaires de l'Eglise fussent meslees & confondues sans aucunement differer, auant que le corps de Maximien fust mis en sepulture, ayans assemblé tous les Euesques qu'ils peurent trouuer, ils leur cōmanderent d'inthroniser & installer Procle au siege vaquā de l'Eglise. Car cōme ainsi fut qu'au parauant on eut deliberé de cest affaire, Celestin Euesque de Rome, luy auoit donné sa voix par lettres, escriuant au grand Cyrille & Iean d'Antioche, & Ruffe de Thessalonique, & leur monstrāt par tous moyens que rien n'empesche, que celuy qui seroit Euesque d'un lieu, ou pour le moins designé, ne peut estre trāsferé à vne autre ville. Procle donc installé en son siege, fit par apres les exeques & funerailles de Maximien, vsant de toutes solennitez episcopales à ce requises : duquel aussi i'ay estimé bon inserer quelque chose en ceste nostre hystoire.

*Cest Empe-  
reur cōdam-  
ne les Nesto-  
riens, l. Dā-  
natio. C. de  
heret. &  
Manich.  
Discord en-  
tre le peuple  
de Constā-  
tinople.  
Philippe Si-  
dite & Pro-  
cle competi-  
teurs en  
l'Archie-  
piscopat de  
Constanti-  
nople.  
Canon de  
ne transfe-  
rer les Eues-  
ques.  
Maximien  
Euesque de  
Constanti-  
nople.  
Procle suc-  
cesseur de  
Maximien.  
Celestin E-  
uesque de  
Rome l'ab-  
sout de ce  
canon.*

*De Procle, quelle fut sa doctrine & sa vie, & comme l'Empereur l'aima grandement & fut à tous  
fort admirable, d'autant qu'en paroles elegantes il rapporta à Dieu autheur de tout, les  
choses qui en ce temps aduindrent merueilleuses & outre l'opinion des  
hommes. CHAP. XXXVIII.*



Procle, dès son premier cheuen, comme on dit, à sçauoir dès son enfance, fut entre les mains de precepteurs sous lesquels il a principalement trauaillé en l'art d'eloquence. Depuis ayant passé son adolescence, estant encore assez ieune, il fut receu à l'ordre des Lecteurs : auquel temps premieremēt il fut sectateur & ministre de saint Iean Chrysostome, qui pour lors administroit l'Eglise de Constantinople, & luy aida pour escrire ses liures, & le seruir aux choses corporelles. Iceluy regardant quelquefois par les creuasses de la porte, veid saint Paul dicter à l'oreille de ce grand personnage Iean, & luy reueler le sens obscur & difficile de ses epistres. Et Iacoit que ledict Iean fut dechassé en exil, il ne laissa de luy porter telle affection qu'au parauant, demeurant ce pendāt avec Attic successeur d'iceluy, estant le scribe de ses oraisons. De sorte qu'Attic le voyāt de iour en iour augmenter en sainteté de vie, l'eleua au degré de Diacre. De là en auant, ainsi qu'en la chaire des prestres il louoit nostre Seigneur, il fut par Sisinie designé Euesque de Cizic. Et long temps apres, ainsi que nous auons dit, l'Euesché de l'Eglise de Constantinople luy fut commis. Et pourtant qu'il estoit grandement plaissant tant en ses meurs qu'en sa maniere de viure, il emporta en soy le lustre de tout ce qui estoit excellent en Iean & Attic.

*Les actes de  
Procle E-  
uesque.*

N n n ij

# LIVRE XIII. DE L'HISTOIRE ECCLESIASTIQUE

*Exemple  
d'un Euef-  
que amia-  
ble & pai-  
sible.*

*Theodose  
le treshu-  
main &  
debonaire.*

*Theodose  
bien ayme  
de Dieu.*

*Theodose  
par ses prie-  
res surmon-  
te ses enne-  
mis.*

*Roilas, Sci-  
the oppres-  
se & occis  
d'innocent  
avec les  
siens.*

*Procle ac-  
commode  
fort propre-  
ment les pa-  
roles d'E-  
zechiel pres-  
chant de ce-  
ste victoi-  
re.*

Voire fut il plus que ces deux, patient en ses maux. Car Attic se monstra souuent terrible à ceux mesmes qui ne dissentoyent de luy, quant à la matiere de la foy : Mais cestuy-cy s'est rendu aux vns & aux autres en general paisible & affable, delibérant en soy-mesme les attirer plustost par beneuolence, que par force. Et pource qu'il n'a donné à personne occasion de troubles ou riotres, il a conserué entiere la dignité de l'Eglise, laquelle consiste en humanité & mansuetude. Enquoy aussi il fut imitateur de la vertu de Theodose : lequel n'usa aucunemēt de seuerité Imperiale contre ceux qui l'auoyent meritee : & cestuy cy pareillement fut peu curieux de rechercher ceux qui sentoient de Dieu autrement que luy : mais tousiours vaquant à la doctrine amiablement & non par violence il attira à foy le peuple. Qui fut cause que Theodose le prisa & ayma grandemēt. Car l'Empereur mesme auoit vn courage & cœur sacerdotal, s'il fault ainsi dire : & ne voulut ouyr ceux qui persuadoyent qu'on perscutast les hommes. Or que quelcun die que Procle ait manifestement surpassé de beaucoup tous les autres Euesques de son temps, & qu'on peult tenir tels propos de luy, quels sont tenus de Moysse au liure des Nombres, à sçauoir qu'il a esté homme tres-doux, plus que tous les hommes qui sont en la terre : si tu dis le pareil de Theodose, tu ne te trôperas aucunement. Dequoy quelcun pourra colliger, que Dieu s'est grandement esiouy en ce personnage, de sorte que sans aucun combat ne guerre il a aboly & desfait ses ennemis, qui de pres l'assailloyēt. Cela declara il en Iean le tyrā, & en l'endroit des barbares qui avec luy auoyēt couru tout le pays : Car outre toute opinion Dieu a en luy parfait toutes choses, lesquelles nous entendons le temps passé estre aduenues aux hommes iustes. Et de fait lors que plusieurs, voire innumerables barbares commencerent à courir & voltiger sur nous, & dōner peine à l'Empereur & aux Romains : l'Empereur, ainsi qu'il auoit de bonne coustume, mit entre les mains de Dieu toutes les violences qu'ils faisoient : & le plus souuent vaquant en prieres & oraisons, soudain vint à bout de ce qu'il demandoit. Car le conducteur d'iceux, à sçauoir Roilas, (comme nous auons raconté cy dessus) frappé de foudre, alla de vie à trespas. D'auantage, vne peste cruelle assailloit l'armee d'iceluy, laquelle la rongea & degasta du tout. Et ce qui restoit de ceste maladie, fut consumé de feu celeste. De là les Barbares tomberent en grande crainte, non tant de ce qu'ils auoyēt osé venir pour combattre la nation Romaine forte & genereuse, que de ce qu'ils auoyēt veu, que par l'aide Dieu, ils dressoyent des trophées & remportoient la victoire. Alors aussi l'admirable Procle, preschant en l'Eglise au peuple, touchant ceste tant grande victoire donnée de Dieu, fort ingenieusement & proprement accommoda la prophetie d'Ezechiel à ses paroles, de sorte qu'il fut ouy avec grande admiration. La teneur de ceste prophetie est telle : Et toy fils de l'homme, prophetise cōtre Gog, & Magog prince de Ros, de Mosoch & de Thobel : Car ie le iugray à mort, à sang, & pluye suffocante, & pierres de gresle. Et feray pleuvoir sur iceluy le feu & le soufre, ensemble sur toute son armee, & sur plusieurs peuples qui sont avec luy. Et ie seray magnifié & glorifié, & seray congneu deuant plusieurs nations, & tous congnoistront que ie suis le Seigneur. Tel estoit Procle fort aisé & commode en toutes choses, excellent tres-grandement en mansuetude & humanité.

*a Ros] Nostre sainte Bible n'a point ceste diction : neantmoins elle est aussi trouuee en Socrate, liu. 7. chap. 43. Par ce nom est entendue toute la nation des Russes, ou Ruthéins, qui de la plus grand' part est Chrestienne, & use de langue Sclauonique : lesquels sont communement appellez Russ. Et n'a peu ceste nation estre trouuee en Genese, n'en autre lieu de l'Escripture, ne mesme en Iosephe, qui implique tous les noms des peuples Hebraïques, au premier liure de ses antiquitez. S. Ierosme sur Ezechiel, chap. 38.*

*De la translation des Euesques d'un siege à un autre, & quelle estoit ceste coustume le temps passé aux Eglises : & que telle translation n'apporte aucun detrimēt à l'ordre Ecclesiastique bien institué, moyennant qu'elle soit bien faite & pour bonne cause & moyen.*

## CHAP. XXXIX.

*Les enui-  
eux repre-  
noient en  
Procle, que  
ayant esté  
eleu Euef-  
que de Cy-  
zic, il re-  
ceut toutes-  
fois l'Euef-  
ché de Con-  
stantinople.*



Ource qu'aucuns esmeuz d'enuie reprennent ce diuin personnage, alleguans le canon Ecclesiastique : à sçauoir, qu'ayant au parauant esté créé Euesque de Cyzic, il fut depuis transporté au throne de la ville de Constantinople, il m'a semblé raisonnable comprendre icy sommairement quelque peu de pareilles translations, à ce que non seulement Procle soit absous de crime, mais à ce que l'Eglise aist cest exemple insigne, delaisié diuinement pour assurance, à fin qu'il ne soit fait licence tant desbordee à toutes personnes indifferēment, de reprendre temerairement les affaires de l'Eglise bien dressees & mises par bon ordre. Car ceux qui pour lors s'efforcèrent taxer ceste chose, semblēt auoir esté trāsportez d'enuie, ignoré le sens & intelligēce des canōs, enſēble tout ce que par dispēse a esté obserué & fait en l'Eglise pour l'vtilité d'icelle. Car les diuins canōs, enſēble les anciens Euesques de l'Eglise, ont voulu qu'il fust libre, toutes & quāresfois qu'un

qu'une vtilité legitime se presenteroit, transferer vn Euesque d'une ville à autre : à scauoir si la sincere pieté, ou parauenture l'ordonnance de la tranquillité Ecclesiastique requeroit que ceste translation fust faicte. Aussi l'antiquité defend seulement la transition, non la translation. Car translation signifie ce qui est faict outre la volonté & entreprinse, & ceste dictio est vsurpee à la similitude des choses sans ame : mais l'autre est dictée de celles qui ont ame, & aucunement de ceux qui par arrogace sautent aux thrones peut estre pour embrouiller & entremeller toutes choses. Et vrayement ce Canon à bonne cause defend ceste transition, ainsi que cy apres i'exposeray plus abondamment : toutesfois il ne prohibe aucunement la translation legitime. Car Pierre prince des Apostres, premier a gouverné l'Eglise de la ville de Rome : & depuis le premier par sort & election passa en Alexandrie : Et esdictes Eglises ayant créé Lin & Marc Euesques, de rechef s'en alla à d'autres villes. Pareillement aussi Eusebe de Pamphile au sixiesme liure des histoires Ecclesiastiques a remarqué qu'un nommé Alexadre Euesque de quelque Eglise de Cappadoce, semit en chemin pour venir en Ierusalem visiter les saints lieux & faire ses prieres, & qu'il fut retenu des Ierosolymitains, & colloqué au throne de saint Narcisse encore viuant, & que durant le reste de sa vie il gouverna l'Eglise de Ierusalem : duquel aussi nous auons fait mention au cinquiesme liure de ceste oeuvre chapitre dixiesme. Et que plusieurs autres ayant passé d'une Eglise à autre, vne vtilité necessaire leur persuadant d'ainsi faire, il est assez manifeste, lesquels encore que ie ne recite generalement en ceste histoire, toutesfois i'en raconteray aucuns. Le grand Eustace fut transmis de Berree, qui est appelée Chaleb, en Antioche, lors que Constantin premier Empereur Chrestien gouvernoit l'Empire Romain, sous lequel aussi Maxime succedant au grad Macaire passa de Diospolis en Ierusalem. Ce mesme Eudoxe, homme de mal heureuse opinion, en quoy il n'est aucunement conforme à son nom, premierement fut transferé de Germanice en Antioche, & de là depuis en Constantinople. Le diuin Meletie en premier lieu fut déclaré Euesque de Sebaste, & depuis avec grande gloire fut appelé en Antioche pres Oron. Pareillement saint Gregoire premierement eut l'Euesché de Sazimes ville de Cappadoce : depuis, de son pays de Nanzanze, lequel encore par apres, ainsi qu'il estoit decent, fut transferé au siege de Constantinople par le second Concile, & l'aduis de Meletie Antiochien. Perigenes fut designé Euesque de Patro en Achaie : lequel n'estât receu par les habitans de la ville, l'Euesque de Rome commanda estre installé au throne de Corinthe ville metropolitaine, duquel lieu le Prelat estoit depuis n'agueres deffunct : & iceluy en cest sorte transmis, gouverna paisiblement toute sa vie ceste Eglise. Alexandre d'Antioche transfera Dosithee Euesque de Seleuce, en Tarse de Cilicie. Reuerent, esleu Euesque d'Arc en Phenicie, passant de là en Tyr, fit en ce lieu l'office Episcopal. Iean aussi fut de Gord qui est en : Lycie transmis en Proconnesse, où magnifiquement il exerça l'Episcopat. Palladius pareillement passa d'Helenople en Bithynie, en Aspnas. Et vn autre Euesque de ce lieu, dit Alexadrie, fut depuis enuoyé en Adrianes. Philippe par mesme moyen fut d'Apamee en Asie transmis en Eudoxiople, ville anciennement appelée Salambrie. Polycarpe passa d'Antapristene ville de Mysie, en Nicopolis de Thrace : Hierophile aussi de Trapezuntople de Phrygie, vint à Plotinople de Thrace. Optime de Agdamée en Phrygie fut enuoyé en Antioche de Pisidie. Sylvain de Philippople en Thrace, passa en Troas : duquel ie reciteray quelque chose admirable. Iceluy ayant premierement apprins l'art oratoire chez le sophiste Troile, depuis employa toute son estude au Christianisme, & suyuit la vie solitaire encore qu'il n'eust prins & porté le manteau monachal. Depuis Attic l'aymât grandement le declara euesque de Philippople auquel lieu ayât passé l'espace de trois ans, ne pouuant endurer l'uyer froid & aspre du pays, à cause qu'il estoit de petite corpulèce & coplexion, il pria Attic de substituer en son lieu vn autre Euesque, ne pretendait autre cause de sa demande sinon le froid. Or lors qu'à luy fut subrogé vn autre Euesque, Sylvain viuant en Constantinople, menoit avec grand soing l'exercice de la vie monastique, estât si studieux d'humilité & pauvreté, que cheminant par vne ville tant peuplée, n'usoit que de sandales faicts de genest. Peu de temps apres, aduint que l'Euesque de Troas mourut. Parquoy les habitans de ce lieu vindrent en Constantinople, demandans vn Euesque. Et ce pendant qu'Attic deliberoit quel Euesque il leur deuoit designer, Sylvain arriua chez luy pour le saluer & veoir. Attic l'ayant apperceu, soudain luy donna l'Euesché de : Troye, & adressant à luy ses paroles : D'ores en auant, dit il, toute occasion de fuir la charge Ecclesiastique t'est retrenchee, veu qu'il fait grand chauld à Troye, & que ce lieu opportun & commode t'est appresté de Dieu. Parquoy ne tarde plus, mais soudain va-t'en à Troye. Sylvain obeissant à ceste charge, tira ceste part, où il fit vn insigne miracle, lequel vrayement est digne d'estre racomé. A la greue de Troye, vne grande nauire auoit esté bastie pour porter des grandes colomnes, laquelle les Nautonniers appelloient Plate, à cause de sa largeur : Le temps escheu, auquel il estoit besoing de la rouller en la mer, plusieurs aborderent pour avec cordes la tirer en l'eau : mais par plusieurs iours elle ne peut estre esbranlée de ce lieu : de sorte que chacun attribuoit ceste fermeté immobile, à l'efficace du diable. Parquoy ils sont venus à leur Euesque Sylvain, & ont requis qu'il fit sa priere sur icelle, croyans qu'icelle seule seroit suffisante pour esmouoir ce vaisseau. A quoy pour la

*il ne fault  
tant auoir  
esgard aux  
parolles,  
qu'à l'intel-  
ligence &  
iniciation des  
canons.*

*Le Canon de  
fend la tra-  
sition &  
non la tra-  
slation des  
Euesques.  
Exemples  
des transla-  
tions des E-  
uesques legi-  
timement  
faictes.  
Voyage  
fait en Ie-  
rusalem  
pour prier.*

*Sebaste.*

*Authorité  
de l'Eues-  
que de Ro-  
me.*

*:: Socrates  
dit en Ly-  
die.*

*Sylvain fut  
premiere-  
ment Eues-  
que de Phi-  
lippople.  
& puis de  
Troas.*

*L'usage de  
souliers  
faicts de  
Genest à  
Constanti-  
nople.  
Troye &  
Troas sont  
noms d'une  
mesme  
ville.*

*Socrate, li.  
7. chap. 37.  
Sylvain  
par ses prie-  
res fais*

*couler en la mer une grande nauire.* modestie qui estoit en luy, il respondit que cest œuure ne deuoit estre commis à vn homme pecheur tel qu'il estoit : mais à quelque autre, auquel la grace de Dieu reposeroit. Et apres que de plus en plus par leurs prieres ils l'eurent contrainct, cedant à grande force à leur petition, il arriua à la greue : & ayant fait sa priere, toucha l'un des chables, & commanda que chacun se mist en deuoir de tirer. Alors petit à petit la nauire a d'iceux esté poulsee : de sorte que, comme si elle eust ame, elle est venue iusques à la mer, roullee de grande vistesse. Ceste chose diuulgee par toute la prouince, donna tesmoignage de la grande religiō de Syluain. Et d'autant qu'il estoit homme de bien, voyant que ceux de son clergé exerçoient comme vne foire & marchandise de causes & procès abordans de toutes parts entre ceux qui vouloyēt plaider en iugement, il ordonna que d'ores en auant aucun du clergé ne iugeast aucune cause : mais ayant receu les requestes des supplians, appellast l'un des fideles laïques, lequel il scauoit entre tous les autres estre le plus studieux de iustice & equité : & l'ayant commis au iugemēt des procès de Syluain, cōme par quelque digression : lesquelles toutesfois, cōme i'estime, ne sont mal à propos de nostre histoire. Depuis luy, plusieurs autres furent enuoyez d'un siege à vn autre : ainsi que le tressage Procle fut transferé de Cizic en Constantinople, ce fait approuuant Celestin Pape de Rome, en trois epistres escriptes à Cyrille Alexandrin, Iean Anthiochien, & Ruffe de Thessalonique : ausquelles il assure qu'une legitime translation d'Euesque, d'une ville en autre, telle que celle-la de Procle, ne contreuenoit aucunement aux Canons : qui est cause aussi que ie suis contrainct faire digressiō de nostre propos, & inserer à cest œuure ceux qui depuis furent transferez en ceste sorte : esperāt comme ie pense, gratifier à ceux qui sont studieux & curieux de telles choses. Outre ceux que nous auōs dictz, soubz l'Empire de Zenon, Pierre Mōge, à la suggestion d'Accace Euesque de Constantinople, fut transmis des Euchaites, en Alexandrie : ainsi que cy apres, si il plaist à Dieu, nous dirōs de luy & des autres. Anthime de Trapezone, soubz Iustin l'Empereur, fut enuoyé au siege de Constantinople. Ceste chose confirme Germain l'admirable confesseur, qui soubz l'Empire d'Anastase, de Cizic passa en Cōstantinople. Voire mesme Thomas, lors que Constantin & Irene commandoyent, fut par sentence du septiesme concile, delegué de Thessalonique, en Alexandrie. Aussi le tres-diuin Patriarche Ignace, soubz l'Empire de Basile Macedō, fut transmis Euesque de Crete en Thessalonique. Soubz le mesme Empire, Iean premierement, Euesque de Maiuma, fut transporté en Alexandrie : & Amphilochie, de Cizic, à Nice : & depuis l'heureux Theodore, en Laodicee. Lors aussi que le sage Leō administroit l'Empire, & Phocius estoit Euesque de Constantinople, Gregoire de Syracuse passa à la ville metropolitaine de Nice : & Nicon, Euesque de ce lieu, en Hierople. Outre plus, Daniel prelat de Nicople, ville de la Grece, fut trāsporté à Ancyre de Galatie : & Symeones, de Patras la nouuelle, en Laodicee : & Iean, de Larissce, en Synade. Pareillement Estienne le chastré passa de la ville d'Amase pour estre Patriarche de Constantinople, soubz l'Empire de Romain le senieur : voire le premier pasteur d'Antioche transfera le premier office de la grande Eglise. Semblablement Nicefore Phocas transferant Eutrace de l'Euesché de Flauias, ville suiectē à la metropolitaine d'Anazarbe, le fit Patriarche d'Antioche, apres auoir vny cest Euescopat au Patriarchat d'Antioche, & iceluy diuisé d'Anazarbe. Agapius aussi Euesque de Seleuce, en Pierie, fut transporté en Antioche, lors que Basile, Porphyrogenete, commadoit aux Romains. Soubz l'Empire d'iceluy mesme Theophylacte passa Sebastie, en Rosia : Alexandre, d'Antioche, en Ierusalem : pareillement Iean surnommé de nouueau & celebre nom Codonat, de la grāde Antioche se transporta en la metropolitaine de Tyr. Et de rechef le chastré Euesque de Tyr, lors que son Eglise fut prinse des Perles, senfuit en Ierusalem : auquel lieu ayant trouué le siege vaquant, orphelin de son Euesque, les Ierosolymitains supplierent le Prince des Perles, qu'ils peussent cōmettre l'Eglise de Ierusalem à ce personnage : lequel aussi arriuant en Constantinople l'an depuis la creation du mōde, six mil six cens & quinze, soubz l'Empire d'Alexius Connenus, fut receu du sacré concile, lors que Nicolas Theoprobet faisoit l'office de Patriarche. Et iceluy-mesme administrant l'Eglise de Constantinople, Pantacle le Rosian fut fait Archeuesque de Lemnos, & luy fut vne l'Eglise de Maron. Nicefore aussi metropolitain de Gangre, eut pareillement la metropolitaine d'Amastre, par vniō, cōme si il fust oiseux au parauāt & qu'il n'eut de la charge assez pour sa portee. De pareil moyen, l'Euesque de Leople tint Arcadiople. A l'Euesque d'Alexiople, se reposant aucunemēt, fut baillce Abydus, & depuis aussi Apros. Semblablement plusieurs Eglises ont esté vnies, ainsi que Paros & Naxos, Sugda & Phula, Alama & Soteriople, lors que Isaac l'Angeli imperoit. Dosithee Ierosolymitain fut transmis en Cōstantinople, lors que Marc fut en ce lieu enuoyé en Ierusalem, celuy à scauoir, qui fut appellé Flore. Depuis, Dosithee ayāt de rechef delaisé Constantinople, retourna au throne d'Ælia, ledict Flore en estant dechassé contre tout droict & equité. En fin ledict Dosithee ayāt reietté tant le siege de Ierusalē, que de Constantinople, vescu priuē & sans estat, puis trespassa. Ces choses sont aussi aduenues par cy deuant. De mon aage aussi i'ay souuenance, que quatre Euesques des grands & principaux sieges ont par translation gouverné les affaires de l'Eglise : Car apres le grand Arsene, Nicfore, Ephesien, Germain Adrianopolitain furent transmis à l'Eglise de Constantinople. Long temps

temps apres nous auons pareillement veu Niphon emmené de Cizic en Hellespont, en ladite Eglise. Par mesme moyen Gregoire, Euesque d'Egypte, fut subrogé à Athanasé Alexandrin, successeur de Nicolas. J'ay aussi entendu, que par ce mesme priuilege de translation, quatre Euesques ont succédé en Antioche: car apres Euthyme, Arsene enuoyé de Tripolis en ce lieu, iouyt de ce siege: auquel Cyrille de Tyr succeda, & depuis l'illustre Denys de Mopsueste, lequel aussi eut pour successeur Sophroine de Tyr. De mesme sorte auons nous veu deux en Hierusalem succeder par translation: car Sophroine decedé, Athanasé Euesque de Cesaree, Philippe, fut substitué en son lieu: duquel le siege fut depuis rauy fraudulemment par Gabriel de Cesaree Philippe, lequel nagueres auoit esté déclaré Euesque: & peu apres payant le deu de nature, voire malgré luy, le laissa à Athanasé le premier possesseur. J'ay inseré à ce volume ces choses des translations des Euesques, lesquelles j'ay congneu auoir esté faictes ou au parauant, ou depuis celle de laquelle est mention pour le present. Et parauenture que quelcun en trouuera plusieurs autres, s'il veult diligemment rechercher les histoires: Car, comme j'ay dict, le Canon appelle ce faict Translation, & non Transition ou Permutation: à cause que ces deux derniers mots s'entendent des creatures animees, & qui sont duictes & menees de leur propre arbitre & volonté: mais translation est dicté des choses sans ame, qui sont comme poussees par autrui, tellement que transmutation & transition conuient à ceux qui de leur lieu volent à vn autre plus sublime: mais Translation est entendue de ceux qui, malgré eux, sont menez autre part. Ce que Celestin, Euesque de Rome enseigne en ses Secrets, chapitre second, vsant de ces paroles: Si pour l'esgard de quelque vtilité vn Euesque est trāsferé, qu'il ne face point ceste chose de soy-mesme, mais estât cōtrainct par ses freres. Et qu'il meine cest affaire par l'autorité de ce sacré siege, nō pour quelque vaine gloire, mais regardāt à vne cōmune vtilité & necessité. Anterus cōpagnon dudit Celestin vse de mesmes paroles disant: Scachez qu'il est permis faire translation d'un Euesque pour la cōmune vtilité & necessité, non pour la cupidité & ambition d'un chacun: Car S. Pierre nostre duc & docteur pour l'vtilité Ecclesiastique a esté transmis d'Antioche à Rome: & depuis passa de ce lieu en Alexandrie, à ce qu'il peust de plus en plus profiter à l'Eglise. Pareillement Eusebe fut par autorité Apostolique r'enuoyé d'un petit bourg en Alexandrie. Semblablement Felix, de la ville qu'il administroit par election, passa en Ephese: ce qui fut faict, pour l'illustre doctrine & vie d'iceluy, par le commun consentement des Euesques, & de tous les prestres, ensemble des personnages Apostoliques. Aussi celuy n'est dict changer vne cité à d'autre, qui ainsi estant transmis, non pour la cupidité ou vaine gloire, mais pour quelque vtilité ou necessité, par le conseil & exhortation de ceux qui ont grande autorité, passé d'une petite ville à vne plus grande: non estant mené de vaine gloire & de sa propre volonté, ains obeissant à l'autorité de plus grands que soy, ou d'autant qu'il est chassé de son siege, ou esmeu pour l'esgard de l'vtilité du lieu & du peuple: & ne poursuit cest affaire arrogamment, mais humblement, y estant inuité par d'autres. Mais selon mon iugement ces choses sont assez prolixement narrees touchant telles translations: parquoy retournours au fil qui reste de nostre histoire.

*Explicatio  
de ces ter-  
mes Trans-  
latiō, Trāf-  
mutation, &  
Transi-  
tion.  
Quelles sont  
les legiti-  
mes trans-  
lations des  
Euesques.*

*Des Iuifs lesquels apres auoir esté vagabonds par la Crete, receurent le Christianisme: ensemble  
comme de la le Rhin les Bourguignons embrasserent la Religion de Iesus-Christ.*

CHAP.

XL.



Le diuin Procle fut ensemble paisible & iouissant du sacré gouvernement de l'Eglise, & composa les affaires Ecclesiastiques. En ce tēps plusieurs iuifs en la Crete receurent les sacrement & mysteres des Chrestiens, pour la cause qui s'ensuit: Vn homme de leur nation, apres auoir employé toute la vie à tromperies & meschancetez, à la fin fit semblant d'estre ce grand Moysé, & controuua que du ciel il estoit enuoyé de Dieu, pour conduire les Iuifs de ce lieu, par la mer, ainsi que iadis il auoit fait aux Israelitres par le destroit de la mer rouge. Et fit tāt par ses iournees qu'il trauersa, & passa par toute ceste Ile vn an entier, les exhortans en tous lieux où il arriuoit, de croire qu'ils estoit Moysé, & qu'il mesprisassēt leur richesses & possessions, leur promettant en outre que par la mer, comme par terre ferme, il les conduiroit en la terre de promission. Ces pauurés gens deceuz par les vaines promesses d'iceluy, ne tindrent aucun compte de leurs biens & ourages, de sorte qu'ils permirent, à qui vouldroit, temerairement piller & emporter leurs richesses. Or le iour ordonné escheu, ausquels ils se deuoyēt mettre en chemin, cest homme plein d'arrogance & presumption marchoit deuant: & ceste nation sorte & mal aduisee le suyuoit, chacun accompagné de sa femme & enfans. Il les mena dōc droit à vn hault rocher panchant en la mer, & commanda que d'iceluy il se iectassent eux mesmes en l'eau, ainsi que s'ils vouloyent nager. Ce qu'aucuns de la compagnie firent soudain, selon qu'il leur estoit cōmandé, & ne furent veuz depuis. Plusieurs aussi froissez contre le roch moururēt en precipice.

*Vn faulx  
Moysé en  
crete.*

*Promesse de  
conduire les  
Iuifs par la  
mer, comme  
par terre  
ferme.*

plusieurs  
Juifs reçoivent le christianisme.

Les Bourguignons molestés par les Hunnes, embrasèrent la religion Chrestienne.

Le ieusne & institution precedoit le baptême.

Les Bourguignons faits Chrestiens surmontent les Hunnes. Vptere duc des Hunnes creua d'ynrogne.

furent soudain, selon qui leur estoit commandé, & ne furent veuz depuis. Plusieurs aussi frois-  
sez contre le roch moururent au principice: Et tous fussent peris ou aux ondes, ou entre les ro-  
chers hault cleuez, si par la pouruoyance de Dieu, de quelques pecheurs, & autres homes Chre-  
stiens tachans de gagner leur vie, trafic de marchandise, ne se fussent là trouuez de fortune sur  
ces entrefaictes, & par tous moyens les tirans hors de ces dangers ne les eussent preseruez cō-  
mençans parauanture alors de cognoistre, quelle estoit la folie qui les menoit. Iceux empes-  
cherent les autres de ne se lancer dedans les flocs en leur denonçans la mort de ceux qui au pa-  
rauant auoyent entrepris de se ietter en l'eau comme eux: lesquels pensans en leur esprit avec  
grande tristesse quelle estoit ceste folie, & cognoissans ceste ruse & fraude pour auoir creu &  
pretié foy à vn homme trop legerement & sans iugement, passerent à grand' peine au riuage, &  
l'efforcerent d'apprehender ce faux Moyse. Mais ils ne peurent iouyr de leur dessein: car sou-  
dain il disparut, & donna grande suspicion qu'il estoit quelque mauuais esprit, lequel, s'estant  
desguisé d'une apparence humaine, auoit emmené ce peuple en tel danger. Parquoy plusieurs  
Juifs renonçans leur superstition, constamment receurent, en Crete, la religion Chrestienne. La  
multitude d'iceux estoit presque innombrable. Je raconteray icy par meisme moyen vn autre  
faict semblable, adueni en ce mesme temps. De là le riuage du fleue du Rhin habite vne natio  
barbare, à sçauoir les Bourguignons, grandement addonnez à tranquillité & oisueté: car ils  
sont quasi tous charpentiers, & gagnent leur vie de tel labour. Or les Hunnes leurs proches  
voysins leur couroyent sus ordinairement, & gastoyent toute leur region, la pillant & robant  
d'une part & d'autre. Plusieurs aussi d'iceux se combatans contre leurs ennemis, estoient mis à  
mort. Ainsi donc que pour ce desastre ils desesperoyent de leurs affaires, ils s'aduiserent de les  
commettre & renuoyer à la sauuegarde de quelque Dieu: & ainsi que leur venoit en l'esprit la  
souuenance du Dieu des Chrestiens, en consideration qu'il aidoit & defendoit grandement ses  
seruiteurs, d'un commun consentement ils se renegerent sous la religion & foy d'iceluy. Pour  
ceste cause ils supplierent l'Euesque d'une des villes de la Gaule, qu'il luy pleust les instruire de  
la religion Chrestienne, & du diuin baptême. Ce bon pere obeissant à leur requeste, apres leur  
auoir enioinct le ieusne par sept iours, il les instruit des choses sacrees ainsi qu'il estoit requis:  
puis les ayant baptisez le huitiesme iour, commanda qu'il s'en retournassent à leurs maison,  
avec l'Euesque lequel il leur ordonna De la prenans fiance & assurance grande, ils marcherent  
contre leurs ennemis, vns de si grande cruauté enuers eux: & ne furent, à la verité, trompez de  
leur expectation & esperance: Car Vptare, Duc des Hunnes, estant creué pour excès de la bou-  
che, ils assaillirent au despourueu leurs ennemis destituez de leur chef, & en desfirent plusieurs  
de leurs dards & iavelots: & nonobstant qu'ils ne fussent en tout que trois mil, mirent à sac dix  
mil Hunnes. Depuis ce temps, la nation des Bourguignons fut d'un amour ardent eschauffée à  
cōseruer la Chrestienté. Ainsi Dieu dispense & ordonne treffagement des choses les vnes par les  
autres, administrant tout tresparfaitement, par le secret de la pouruoyance. Mais ce soit dict  
comme en passant. Je veux aussi mettre en memoire encore ceste chose qui s'ensuit, à ce que  
chacun puisse cognoistre, que souuent Dieu fait miracles par les indignes.

De Paul Euesque des Nouatiens, & ce qu'il fit, digne  
de memoire & d'admiration.

CHAP. XLI.

Le feu en la  
ville de Co  
stantinople  
l'espace de  
deux iours.



pelarge,  
parie de la  
ville de Co  
stantinople.

N ce temps, Paul, Euesque des Nouatiens successeur de Chrysant, fit vn  
miracle, par lequel il s'aquit enuers les siens vne illustre renommee de  
pieté & diuin amour. En la ville de Constantinople le feu s'embraça de  
telle sorte, que iamais n'estoit adueni de mesme: Car la flamme courut  
par la la plus grande part d'icelle, tellement que toutes les granges, &  
grans greniers ausquels estoit reserué le froment, furent bruslez, & entre  
les autres l'edifice public surnommé Achilles. Or le feu ayant consu-  
mé tous les edifices de l'environ, se tourna contre l'Eglise des Nouatiens,  
sise pres le lieu dict Pelarge Et ainsi qu'elle estoit en ce danger, Paul ayant  
entré au plussainct sacraire, pria humblement Dieu qu'il conseruast ceste Eglise, ne laissant aus-  
si à supplier sa maiesté tant pour la ville que pour le temple. Et lors Dieu ayant, ie ne sçay par  
quel quel moyen, exaucé les prieres d'iceluy, garda ce lieu qu'il ne fust gasté du feu. De sorte  
que nonobstant que ia il volast par les portes & fenestres, il ne luy fit aucun dommage: ains  
ayant consommé plusieurs edifices de l'environ, il passa outre le Temple, le laissant dedommagé  
d'un si grand fléau. Et qui est d'avantage neantmoins, que le feu eust couru & dissipé plusieurs  
bastimens par l'espace de deux iours entiers, il ne se môstra aucun vestige de fumee aux murail-  
les, ny aux poultries & soles de son Eglise. Depuis ce temps les Nouatiés tous les ans, le dixsept-  
iesme du mois d'Aoust, firent feste & solennité de ce faict: de sorte qu'ils rendirent ce lieu cele-  
bre, & faisans l'office diuin en ce Temple sainct, à cause d'un tel acte, attirerent plusieurs secta-  
teurs



teurs de la superstition Greque. Ce mesme Paul, proche de sa mort, fit encore vn autre acte digne de memoire, lequel aussi bien à propos sera cy inferé. Car le conseil que nous auons prins pour dresser nostre hystoire, est de cueillir de toutes choses ce qui sera commode & vtile, voire de composer mesme de serpens vne Andromache, c'est à dire de l'ayder des exéples des ennemis de nostre foy pour confirmer la nostre. Paul, comme i'ay dict, proche de sa mort, ayant conuqué tout l'ordre sacerdotal subiect à luy: Soyez soigneux, dit-il, de designer vn Euesque ce pendant que ie respire encore, à ce que, moy, trespasé, ne se leue quelque trouble en vostre Eglise. Et apres qu'ils eurent dict qu'en cest affaire ils n'auoyent vn sain & droict iugement, à cause que chacun estoit transporté de quelque faueur & affection, & luy eurent permis l'election, iceluy respôdit: Donnez moy vostre sentence & consentement en escript, à sçauoir que vous acquiescerez à celui que i'auray eleu, & ie suis prest faire ce que vous requerez. Soudain d'oc ils font ce qui leur estoit commandé, & lors Paul assis en son liect, ayant prins vne carte, escriuit en icelle secrettement le nom de Marcian: lequel estoit Prestre, & auoit mené sous luy vie monastique, & pour lors estoit dehors. Paul ayant de son seel scellé ceste carte, & par son commandement les autres prestres faiçt le semblable; il la bailla à Marc, Euesque des Scytes, lequel de fortune estoit lors en la ville, & luy dit ces parolles: Si Dieu veut que ie demeure encore plus l'og tēps en ceste vie, tu me redras ce liure ainsi que quelque depost & gage baillé en garde: que s'il luy plaist m'appeller à foy, ayant ouuert ceste carte, tu trouueras quel Euesque i'ay eleu par le consentement de tous. Apres qu'il fut trespasé, trois iours escheuz, ceste carte fut ouuerte en la presence d'une grande multitude, & fut l'election de Paul iugée de tous legitime. Parquoy sans aucunement arrester, ils enuoyerent des hommes pour ammener Marcian: lequel ayans trouué en Tiberitophe en Phrygie, vns de bonne ruse l'amenerent, voire malgré luy, & le firent seoir au throne de l'Eglise. Mais cest assez parlé de Paul.

Paul proche de sa mort esleut prude-  
ment vn suc-  
cesseur.

Le bon pa-  
stcur à es-  
gard à la  
tranquillité  
de sa poste-  
rité.

Marc Eues-  
que des  
Scytes.

Marcian suc-  
cesseur à  
Paul.

\* Achillee ] L'hystoire tripartite & Paul diacre, ont les estunes Achillees. Aussi est-il fait mention de ces estunes, l. omnis seruatus. C. de aqueduct. Mais ie ne sçay si ceste loy touche la ville de Constantinople, veu qu'en icelle est fait mention d'un conduit d'eau surnommé d'Adrian: de sorte que parauenture est là traité des conduits d'Antioche, qu'Adrian a exorné.

Comment Procle, Euesque, retenant le Preuost Thalassius, ainsi qu'il venoit partir en Illyrie, le crea Euesque de Cesarée apres Firme.

CHAP. XLII.



VRANT ce mesme temps au dixseptiesme consulat de Theodose, le patriarche Procle fit vn acte nouveau outre la coustume Ecclesiastique, Car Firme, Euesque de l'Eglise de Cesarée en Cappadoce, trespasé, les Cesariés arriuerent à Costantinople, requerās qu'on leur choisist vn Euesque, parquoy procle deliberoit auquel il pourroit commettre cest Euesché. Or le iour du Samedy estoit venu, auquel se presenta vne commode occasiō pour pourueoir à son affaire, à sçauoir que les Senateurs tous ensemble vindrent à l'Euesque pour le saluer & veoir: entre lesquels estoit Thalassius, preuost des villes de l'Illyrie. Et ia deuoit il partir pour aller en

Procle de  
preuost crea  
Thalassius  
Euesque de  
Cesarée.

Orient, administrer l'office à luy commis par l'Empereur, quand procle soudain ayant ietté ses mains sur luy, au lieu de preuost, le crea Euesque de Cesarée. A quoy, voire contre son bon gré, Thalassius obeit, & fut eleué en ce degré Ecclesiastique, & administra deüemēt son troupeau: & nonobstant que l'Empereur fust aucunement contristé d'un faiçt si soudain, toutesfois incōtinent apres le confirma par son autorité. Cest acte de procle fut trouué non accoustumé & aucunement merueilleux à ouyr.

Comme les sacrees Reliques du treffage Iean Chrysostome furent ramenees en Constantinople.

CHAP. XLIII.



VTRE cest acte que nous auons dict, il en fit encore vn autre illustre, & du tout digne de gloire: Car sçachant que l'Eglise des long temps estoit diuisee à cause qu'on auoit despouillé Chrysostome de son degré, il chercha conseil comment il pourroit preseruer l'Eglise de discord & seditiō, & consoler la tristesse des personnes. A quoy il besongna merueilleusement bien, conduict d'une speciale grace de Dieu. L'an cinquiesme de son patriarchat, le peuple, lequel esmeu de sainte affection auoit debatue pour Chrysostome, persuada à procle qu'il print la charge d'aller vers l'Empereur, luy requerir que ce Saint personnage fust reuocé de l'inui-

À la re-  
ste du peu-  
ple & du  
consentement  
de l'Empe-  
reur il fait  
ramener à  
Constanti-  
nople le  
corps de  
s. Iean Chry-  
sostome.

ste exil où il auoit esté condamné: & que d'oresnauant le peuple & l'Eglise ne fust orphelin d'un tel personnage. Soudain procle sans aucune difficulté fit ce de quoy il estoit requis: parquoy aucuns furent enuoyez pour ammener le corps de saint Iean Chrysostome.

# LIVRE XIII. DE L'HISTOIRE ECCLESIASTIQUE

Or le tombeau d'iceluy fut du tout immobile, & neátmóins que plusieurs y eussent mis la main il ne peut en rien estre remué d'auantage : ce qui fut rapporté à l'Empereur, lequel soudain entendit quelle en estoit la cause. Parquoy ayant escrit des lettres avec du vermillon, pria ce saint personnage qu'il luy pleust permettre & endurer d'estre emmené en Constantinople. Or mit-il ces lettres sur son estomach, & veilla la nuit & fit ses prieres à Dieu. En ceste sorte le tombeau seft rendu facile à ceux qui le vouloyent emmener, & sembloit que le saint mesme soulageast les porteurs, tant estoit ceste charge rendue legiere, & m'a semblé bon icy coucher par escrit les lettres que Theodose luy rescrivit. Theodose, Empereur, au docteur de tout le monde saint Iean, pere spirituel & Patriarche à la bouche d'or. Estans aduertis, pere honorable, que ton corps estoit mort, nous auons desiré le transporter & amener vers nous, ainsi que feroient les enfans amateurs de leurs peres : mais pourtant qu'à ce faire nous n'auons du tout fait tel deuoir, honneur, submission, & n'auons vñ de telle modestie qu'il estoit besoing, suiuaus par aduerture les loix du fast & orgueil Imperial es choses ausquelles il nous failloit estre plus honnestes que nostre Empire, à bonne raison sommes frustrez de nostre souhait. Mais toy, Pere des peres, tres-reuerend à la verité ( car nous parlons à toy ainsi que si tu estois viuant ) regardant plustost à nostre desir qu'à ton entreprinse, pardonne à ceux qui se repentent : consideré que plus que nul autre tu as enseigné la penitence, & nous as surmontez, & t'es monstré exemple idoine pour le chastiment de l'ame recongnoissante sa faulte & enflambee de grand desir de conuersion. Et puis que iusques à present tu as refusé ton retour vers nous, rends toy, ie te prie, rends toy toy-mesmes à nous : car la commiseration de laquelle tu es plein, & nostre amour & expectation que nous auons, ne requiert que tu nous affliges d'auantage par delay & demeure plus longue, veu que nous souhaitons non seulement voir ton coprs & tes cendres, mais aussi ta seule vmbre. Telles estoient les lettres. Or ceux qui estoient enuoyez, ayans expedie leur chemin, arriuerent au iuage vis à vis de Constantinople, aupres Chalcedon, apportans les reliques de ce saint personnage, dequoy l'Empereur aduertí vint avec tout son Senat en ce lieu : semblablement passerent là le Patriarche, tous les iuges & les magistrats : & apres vñ troupe de gents de toute sorte & aage, ramoyent & couroyent par la mer, ainsi que s'ils fussent sur terre ferme, & couuroyent de torches ardentes la bouche du Bosphore Thracien ( qui estoit vn lieu estroit, dont de là en auant la mer croissoit en estendue, laquelle augmentation d'eau s'appelloit Propontide ) & avec tel triomphe fut le sacré tombeau porté par la galere Imperiale, qui auoit trois bancs à ramer. Et lors Dieu donna vn miracle, surpassant tous les prodiges qui iamais ayent esté : car lors que la mer estoit bonnasse, & iouissoit d'vñ certaine tranquillité, soudain & en vn moment se leua vñ tempeste, de sorte que les nauires de ceste troupe innombrable, regardant chacun, arriuerent l'vne d'vñ part, l'autre d'autre. Mais la galere trireme de l'Empereur, en laquelle ceste charge sacree & precieux tresor estoit porté, ayant tous les cordages en vn instant rompus, comme estant gouuernee de la main de Dieu, aborda au camp de la vesue : pour laquelle l'Eglise espouse de Iesus Christ auoit esté rendue orpheline d'vn tel pasteur. Et de rechef apres sa mort par iuste iugement il porta vñ legitime sentence, par son autorité, adiugant ce champ à la vesue, & le ratifiant. Ainsi Dieu glorifioit ce grand personnage, & publioit quel'exil d'iceluy estoit inique. Adonc entant que faire se peut le nauire bríbrísa le roc, & fut fait vn miracle, lequel encor ce iourd'huy est veu, en tesmoignage beaucoup plus illustre que quelque orateur qui soit, à scauoir que ce saint personnage estoit entier & ardent enuers Dieu. Ce fait, de rechef le serain se móstra, & les nauires amassees des autres lieux, avec tres-grand appareil & compagnie, avec pareillement chants & carmes melodiens, qui louoyent & magnifioient ce saint personnage, porterent son corps en la ville Imperiale. Et là premierement il fut receu au temple S. Thomas, pres Amant, & de là apporté à l'Eglise de sainte Paix : puis fut ce tombeau chargé au chariot Imperial, & apporté au temple des saints Apostres. En ce lieu l'Empereur ayant couuert ce sacré tombeau d'vn manteau, puis mis ses yeux & son front sur le cercueil, fit humblement vñ commune priere pour ses parens : car il y auoit ia long temps qu'ils estoient trespassez, & l'auoyent laissé encore tendre d'aage. Il pria aussi à part pour sa mere Eudoxie, à ce que le mouuement & bruissement de son tombeau s'appaisast : car depuis trente & cinq ans tousiours il bruissoit, à scauoir depuis le temps qu'elle auoit troublé l'Eglise. La priere de l'Empereur fut ouye & sa requeste respódue : car soudain ce sacré cercueil s'arresta. Et apres que S. Procle eust colloqué ce sacré personnage en vn mesme throsne avec soy, le peuple respandu de tous costez, d'vñ mesme voix s'escríá : Pere, reçois ton siege. Et dit-on que lors iceluy ayant de rechef ouuert ses leures, lesquelles par long temps auoyent esté fermées, dit au peuple, Paix soit avec vous : ainsi que ceux qui estoient à l'environ, & Procle le patriarche ont tesmoigné auoir ouy. Or les sacrez misteres accóplis, on s'est mis à reposer les saintes reliques, Et lors le patriarche ayde des mains des Euesques, a icelles reposeses au dessous de la sacree & diuine Table, ainsi que quelque threfot inuiolable : le plaça avec les Euesques, luy qui auoit esté Euesque : entre les martyrs, luy qui auoit esté martyr, encore que son sang n'ait esté respandu : entre les prophetes & Apostres de Iesus Christ, luy qui estoit ainsi qu'vñ grande trompette de l'Eglise

*lettres de Theodose à S. Ieā Chri-  
stome de-  
funct, par  
lesquelles il  
le renuoue  
en Constan-  
tinople.*

*Le corps de  
S. Ieā Chri-  
stome est  
transporté  
honorable-  
ment en Con-  
stantinople.*

*Theodose  
prie pour  
ses parens  
decede7 de  
uant le tom-  
beau de S.  
Iean Chri-  
stome.*

l'Eglise de Iesus Christ, retentissante aux oreilles de tout le monde, & chantante mottets & chansons musicales, & fort melodieuses, tirees des saintes doctrines & sacrez commandemens. Ce fut fait le 27. iour du mois de Ianuier. Pour cest acte illustre, ceux qui à la faueur de S Iean Chrysostome s'estoyent escartez de l'Eglise, se rallierent & vnirent avec icelle. Toutesfois Sostrate l'Ecclesiastique, d'autant, si me semble qu'il estoit Nouatien, note en passant ce saint per-  
 sonnage, disant ces paroles: le m'esbahy icy comment l'enuie a pouruiuy Origenes, ia long temps decedé, & neantmoins à pardonné à Iean. Car iceluy apres son trespas, enuiron deux cens ans fut excommunié par Theophile: & au contraire Iean fut par Procle receu à la communion, l'an 35. apres sa mort. Ainsi Procle fut de mœurs beaucoup differetes de Theophile. Mais les prudens personnages n'ignorent point comment ces choses ont esté premierement faites & se font encores tousiours. Voilà quant à la reduction de saint Iean Chrysostome.

*Les sectateurs de S. Iean chrysostome sont réunis à l'Eglise. Comparaison de S. Iean chrysostome & Origenes.*

*Comme saint Ignace fut r'apporté de Rome en Antioche. CHAP. XLIIII.*



N ce mesme temps, saint Ignace fut transporté de Rome à Constantinople: car apres que selon son vouloir en l'Amphitheatre de Rome, il fut enseuely dans l'estomac des bestes brutes, tous les os plus fermes & solides qui resterent d'iceluy, furent enterrez en ce lieu. Mais Theodose par l'excellente suggestion de Dieu tres-bon & tres-puissant, s'efforça grandement les rapporter au troupeau d'iceluy, avec grand & illustre honneur. Parquoy ayant en ce lieu receu ces reliques, les fit apres long tēps en grand appareil remener en Antioche, & avec grande reuerence les reposa au lieu dit Le cimetiere, & consacra à ce diuin martyr vn grand temple, le temps passé dedié aux diables, appellé le temple de Fortune, l'ayant premierement purgé & changé en vne sainte Eglise: auquel temple le tombeau de ces reliques fut mis & posé, apres auoir esté apporté en ceste ville dedans le chariot Imperial, en digne appareil & avec sainte compagnie: & depuis ce temps chaque annee publiquement & magnifiquement la feste d'iceluy S. Ignace a esté celebree, Dieu glorifiant saintement, apres le trespas, la memoire de ceux qui l'ayment, ainsi qu'au parauant estoit aduenu de Babylas. Car pourtant qu'Apollo le Daphneen ne respondoit aucunement à ceux qui le consultoyent, à cause, à sçauoir, que le saint martyr enseuely là aupres, par la diuine puissance luy fermoit la bouche, ainsi que ce demon mesme le confessa malgré luy, Iulien enuieux & ennemy de Dieu honora ce martyr par vne nouvelle translation, pretendait toutesfois dōner aux malings esprits moyen plus cōmode de faire leurs entreprinſes & tromperies, ainsi qu'obscurement & à part ils luy auoyent promis. Mais ce fut fait par diuine prouidence, ainsi qu'il est aisé à voir, à ce qu'ensemble la puissance des martyrs fust manifestee, & que les sacrees reliques d'iceluy fussent loing de l'odeur de idoles: & estans posees en vn lieu sacré, elles fussent honorees d'une chapelle telle qu'il leur appartient, suiuant ce qui aduint par apres: car vn temple luy fut basti deuant la ville, ample en grandeur & illustre en beauté, auquel la chasſe sacree d'iceluy fut apportee.

*Le temple de Fortune à Antioche, est changé & dedié à saint Ignace.*

*Dieu glorifie ses saints, mesme trespassez.*

*Des sept enfans qui ressusciterent en Ephese, pour confirmer la foy commune de la resurrection. CHAP. XLV.*



Vrant ce ce temps se leua vne grande dispute en la ville Imperiale, touchant la resurrection des morts, de sorte que le peuple estriuoit & debatoit fort & ferme de ceste question: car aucuns eurent opinion avec les Sadducees que du tout il n'y a point de resurrection: autres croyoyent, mais avec grand difficulté, que les trespassez resuscitoient en autre corps & du tout changé, contraints de ce croire pour les manifestes & irrefragables tesmoignages de la sainte escripture. Toutefois ils estimoyent qu'il ne se pouuoit faire que ce corps premier, lequel en plusieurs sortes seroit dissous & aboly, resuscitast: mais qu'un autre seroit de rechef restitué par la diuine volonté qui accomplit toutes choses, & iceluy composé de nulle matiere precedente, resusciteroit ensemble avec l'ame. Or celuy qui congnoit toutes choses deuant qu'elles soyent, nostre vray Dieu, ainsi qu'un tresbon medecin prepara des remedes idoines, pour l'ignorance des hommes de ce temps, & refoudre l'ambiguité mise en auant de ceste question, à ce qu'en temps opportun il guarist l'imbecillité des ames. Il fit donc trois cens septante deux ans au parauant vne chose laquelle ne peut aucunement ceder aux miracles faits par iceluy le temps passé, surpassans toutes forces de nature, dont i'en veux faire recit en ce lieu. En Ephese, villē d'Ionie estoient sept enfans freres, ressemblans l'un à l'autre, tant en qualité d'esprit que de corps, seruiteurs de Dieu & sectateurs de nostre religion, ainsi qu'ils l'auoyent receue de main en main de leurs parens. Iceux furent embrassez de tel amour enuers Iesus Christ, qu'ils ne tenoyent aucun conte de la tres-griefue persecution laquelle Dece, Empereur Romain, exerça tre-cruellement en leur temps. Et apres que publiquement ils eurent confessé Iesus Christ, ils s'escarterēt loing de la ville: & se cacherēt en vne cauerne pour eschaper le danger qui les suiuiot de pres. Les persecuteurs aduertis de ce, boucherent par dehors l'entree

*Dispute de la resurrection des morts.*

*Histoire de sept freres dormans en ephese. Preuve de la resurrection des morts.*

# LIVRE XIII. DE L'HISTOIRE ECCLESIASTIQUE

*Paul, Dia-  
cre, raconte  
le sembla-  
ble de sept  
dormans,  
en la Ger-  
manie. l. 1.  
1. chap. 3.  
des gestes  
des Loüars.*

de ceste cauerne, & la munirent d'un fort rampart : parquoy ces enfans abbatus de grande tri-  
steſſe, tomberent en ſi profond ſommeil, qu'ils dormirent par l'eſpace de trois cens ſeptante  
& deux ans. Car ne plus ne moins que quelques Anges vmbrez de la prouidence diuine, &  
remplis du S. Eſprit, cōme ſ'ils fuſſent priez de ſentiment, furent detenus d'un ſouief & doux  
ſommeil, durant le temps que nous auons dit : de ſorte que ne leurs corps ne leurs veſtemens ne  
decheurent aucunement. Et apres que ſoubs l'Empire de ce Theodoſe, duquel nous parlons  
maintenant, la bouche de la ſpelonque fut deſcouuerte, ils ſe reueillirent de ce ſommeil, &  
enuoyerent l'un d'entre eux à la ville pour acheter ce qui leur eſtoit neceſſaire. Et comme il pre-  
ſentoit aux citoyens de la monnoye de Dece, iceux eſmeus de la forme non accouſtumee & nou-  
uelle d'icelle, eſtimerent que ceſt enfant auoit rencontré quelque treſor, & le menerent aux gou-  
uerneurs de la ville, qui le tourmenterent grandement, afin qu'il enſeignast l'or qu'ils penſoyent  
qu'il euſt trouué. Et apres qu'il euſt eſté dechiqueté de foets, reuenant à peine à ſoy-meſme, &  
eſcriant : Qui eſt-ce donc, dit-il, qui maintenant gouuerne l'Empire ? dites-le moy. Aquoy  
ils reſpondirent ſe ſoubs-rians plaiſamment & comme par moquerie : eſt-ce que tu ignores que  
maintenant Theodoſe adminiſtre heureuſement l'Empire ? Lors ce ieune enfant, ie vous prie,  
dit-il, que vous diſiez verité : eſt-il vray que Theodoſe, & non Dece, adminiſtre l'Empire Ro-  
main, lequel m'a contrainct, enſemble ſix autres avec moy, eſtonnez de grande crainte par le  
gouuerneur de ceste ville nous retirer & cacher en vne cauerne, d'où auſſi mes cōpagnons ayās  
grand faim m'ont cy enuoyez pour acheter des pains ? Alors les aſſiſtans eſtonnez de tels pro-  
pos, coururent tous haſtiuement à ceste ſpelonque, puis ayans d'auantage ouuert l'entree, & ietté  
les pierres d'une part & d'autre, rencontrerent vn tableau auquel proprement eſtoit exprimé  
le nom de Dece, & d'iceux, enſemble leur liberté en la profeſſion Chreſtienne, comme ils ſ'en  
eſtoyent ſuis & cachez en celieu, & le temps depuis lequel ceste cauerne leur auoit ſeruy de ſe-  
pulture. Parquoy avec deuë reuerence ils les tirerent de là, & haſtiuement rendirent l'Empereur  
certain de ce fait. Or l'Empereur tres-fidele aduertuy de ceste choſe, d'autant que touſiours il  
faiſoit ce qui eſtoit plaiſant & acceptable à Dieu, il eſtima n'eſtre conuenable à ſa pieté, ou les  
faire ammener vers ſoy, ou enuoyer d'autres pour les voir, & que ce pendant il demeurast en ſa  
maison, iugeant que l'un eſtoit fait d'arrogance, l'autre de pareſſe. Parquoy ayant reietté tou-  
tes choſes, pour entendre à venir vers eux, le plus ſoudain qu'il peut ſ'en vint en Ephēſe, & là  
print plaiſir à les voir, & deuiſa avec eux, & à ſon contentement il eut leur communication, voi-  
re il print ſon repas en vne meſme chambre avec eux, ainſi qu'il eſtoit raiſonnable, & leur tint  
compagnie ſept iours entiers, leur faiſant tout ſeruice & deuoir duquel il ſe pouuoit aduiſer.  
Et apres que de rechef ils furent endormis d'un ſommeil plus long, ſçauoir eſtans treſpaſſez en Je-  
ſus Chriſt, il leur fit honneur tel qu'il leur appartenoit : apres auſſi auoir fait à ceste occasion vn  
illuſtre triomphe, de rechef magnifiquement il les reſpoſa dedans la cauerne, puis ſ'en retour-  
na à Conſtantinople. Pour ceste cauſe, la queſtion eſmeuë touchant la reſurrection, fut aſſo-  
pie : car il eſtoit aſſez clair & manifeſte, que celuy qui auoit fait que durant tant d'annees ces  
enfans ſurueſcuſſent ſans aucun detrimēt de leurs corps, comme ſ'ils n'euffent reſpoſé qu'une  
nuict, & reſſuſcitaffent avec leurs ames, pouuoit auſſi par ſa grande puiſſance reſſuſciter en ſon  
temps tous les hommes en vn moment, en leurs corps propres non eſtranges, ainſi que ſ'ils ſe  
reſueilloient de quelque ſommeil. Voila quant à ce fait.

*L'Empe-  
reur Theo-  
doſe part  
pour les al-  
ler voir en  
Ephēſe.*

*La diſpute  
touchant la  
reſurrectiō  
des morts,  
eſt aſſo-  
pie  
par tel mi-  
racle.*

*Des grands tremblemens de terre, & comme pour ceste cauſe les ſupplications furent faiſtes en  
vn champ : auſquelles ainſi que l'Empereur & Procle aſſiſtoient, ſoudain vn enfant en-  
leuë en l'air, ouyt par trois fois le ſainct hymne : lequel eſtant deſcendu il recita au  
peuple, & ſoudain tombant il rendit l'eſprit. Enſemble comme Theodo-  
ſe renouuella la ville & baſtit pluſieurs edifices en Antioche.*

## CHAP. XLVI.

*Grand trē-  
blement de  
terre & de  
longue du-  
ree, ſoubs  
Theodoſe.  
Euaſ. li. 1.  
chap. 17.*



Theodoſe encore gouuernoit l'Empire quand vn grand & admirable trē-  
blement de terre ſe leua, lequel ſurpaſſa en celerité, longueur de temps &  
grandeur, tous ceux qui auoyent eſté veuz au parauant : car il dura ſix  
mois entiers, & non par interualle, ains par continuel mouvement eſ-  
branloit toutes choſes, & ce preſque par toute la terre : de ſorte que non  
ſeulement en la ville Imperiale les tours furent miſes bas, & les murail-  
les rōpues en pluſieurs lieux, mais auſſi pres Cherſoneſus l'edifice qu'on  
appelle Macrontichos, c'eſt à dire Le long mur, fut du tout abbattu par  
terre, & en lieux innombrables pluſieurs baſtimens de grand eſtoffe, &  
illuſtres temples tomberent en pieces. Ce tremblement de terre fut merueilleux auſſi en Alexā-  
drie : mais principalement en Antioche il fut plus impetueux qu'aux autres lieux, de ſorte qu'il  
briſa tous les grands & excellens ſpectacles. Ainſi des innombrables cas aduindrent, non en la  
terre

terre seulement, mais aussi en la mer: Car en aucuns lieux la terre s'ouvrant, engloutit plusieurs rües & villages: en d'autres des grandes fontaines furent en vn momēt desseichées: en aucuns, l'eau sortit à flod & grāde abondance, laquelle auparavant n'auoit là accoustumé faire son cours. Plusieurs arbres furent des les racines arrachez avec leurs troncs. Plusieurs terraces furent en vn moment esleues en grandes montaignes, la mer sortant hors des bornes, iettoit & lançoit cōme avec vne fonde des poissons de grandeur merueilleuse morts & ternis. Grand nombre d'Isles furent avec leurs habitans submergees, de sorte qu'encore ce iourd'huy elles ne sont veües en la mer. On voyoit les nauires demourer immobiles sur le sable au milieu de la mer, tāt abōdamment les eaux se retiroient & trebuchoyent aux abismes. La Bithynie, Hellespont, l'une & l'autre Phrygie & la plus grand' part d'Orient, comme nous auons dict, furent principalement affligées de ce desastre: voire il courut par plusieurs regions de l'Occident. Et durant le long temps que ce tremblement aduint, il ne perseuera en telle vehemence & estonnement comme il auoit commencé, mais petit à petit relacha de son impetuosité, iusques à ce que du tout il se reposa. Tel estoit ce desastre. Or les Bizançois estonnez tres-grandemēt d'iceluy, craignans les ruines des edifices, abandonnerēt les murs, & demourerēt hors la ville au lieu qu'on appelle Le champ, s'addonnans à continuelles prieres avec l'Empereur Theodose & le Patriarche Procle, supplians la maiesté de nostre bon Dieu, qu'elle leur fust fauorable, & deliurast la terre de la calamité qui les suyuoit de pres. Et quelquefois entre les autres, pendant que la terre s'esmouuoit de telle impetuosité & les ondes pleines de vagues, tellemēt qu'il sembloit aux hōmes qu'elle deüst estre du tout arrachée des ses fondemēs, tous se cōmencerent à lamēter & plourer, chantans des litanies & faisans supplications à Dieu, d'un cœur affectiōné & profond, implorans la misericorde d'iceluy: & lors outre l'opinion & expectation d'un chacun, s'ensuyuit vn miracle, lequel excède tout sens & esprit humain: Car soudain à la veüe de tout le monde, par quelque vertu diuine, vn enfant fut esleué du milieu de la cōpagnie haut en l'air, de sorte qu'on ne le pouoit atteindre de l'œil, lequel ouyt vne diuine voix, de laquelle les Anges ont coustume de louer Dieu: puis ceste voix entendue, il descendit par ceste premiere voye par laquelle il estoit monté, & declara à l'Euesque Procle, à l'Empereur, & à toute la multitude addōnée à prieres & supplications, & chants d'hymnes à la louange de Dieu, qu'il auoit ouy des Anges chantans ces paroles, Sainct Dieu, sainct Fort, sainct Immortel, aye pitié de nous. Procle, ayant ce entēdu, cōmanda que le peuple chantast soudain en ceste sorte, & incontīnēt le trēblement de terre cessa, & se reposa du tout. D'autre costé l'Empereur Theodose, & Pulcherie, entre toutes les femmes digne d'admiration, estōnez d'un tel miracle, incontīnēt par ordonnance Imperiale decreterent que cest hymne diuin fust chanté par tout le monde. Et depuis ce temps l'Eglise de Iesus Christ l'ayant receu le chante non seulement chaque iour: mais aussi, pour dire rondemēt, elle l'vsurpe à haute voix au cōmencemēt de chaque carme & louange de Dieu. Or l'enfant messager de ces paroles, soudain trespassa de ceste vie, & fut enterré en la grande Eglise de sainte Paix. Et le lieu auquel il fut enleué en l'air, fut depuis appelé Ypsomatheron, c'est à dire, la diuine exaltatiō, & est iceluy situé deuāt la ville de Cōstantinople du costé du vent de Midy. L'Empereur deliuré de la crainte qu'il auoit eüe de ce trēblement de terre, incontīnēt cōmēça à faire bastir les murs de la ville de Constantinople: de sorte que Antheme, durant soixāte iours, restaura la plus grād' part des haults murs, assis au lieu sec, en ceste forme qui est veüe pour le present, enfermant vne grande espace d'entour les murs dedans la ville. Semblablement Cyr, Preuost de la ville, renouuella le surplus des autres murs qui estoient tōbez & ruinez par la force du temps, & les fit construire d'une grāde hauteur, la ville remise cōme en nouuel estat. Depuis aduint qu'une fois pendant que l'Empeur estoit à l'Hippodrome, donnant le plaisir du tournoy, les Bizançois resiouïs de ce bastimēt, prononcerēt ceste voix magnifique, « Constantin a basti ces murs, mais Cyr les a restaurez. Dequoy le Prince irrité, despouilla cest homme de la dignité de Preuost, & cōfisqua tous ses biens, sous ce pretexte qu'il estoit de la superstition Greque: lequel perdant courage, & voyant qu'autremēt il ne pourueroit à ses affaires, s'enfuit à l'Eglise: & là ayant esté promeu à l'ordre de prestre, fut depuis Euesque de Smyrne. Les Smyrnees aduertis qu'il auoit seruy aux solemnitez Greques, reietterent sa communion: mais iceluy vsa de ces propos, preschant à ceux qui estoient en l'Eglise: Mes amis celebrons & reuerons en silence la natiuité de Dieu, & de nostre Sauueur Iesus Christ, pour ce que le Verbe de Dieu a esté cōceu de la sainte Vierge par l'ouye seule: auquel soit gloire en tous les siècles des siècles. Amen. Depuis ces propos il fut acceptable aux citoyens, & gouerna sainctement l'Eglise. De l'ouurage d'iceluy est vn temple dedié à la Mere de Dieu, surnomé de Cyr: auquel le bruit est que ce grand chātre Romain receut de la Mere de Dieu, honneur & recompense de vertu pour les carmes & mottets qu'il chanta à sa gloire. Ce temple fut là basti pour l'occasion qui s'ensuit: En ce lieu estoit iadis vn grād & haut cypres, auquel le tēps passé quelcun, ie ne sçay pour quelle cause, cacha l'image de la mere de Dieu, & cōme ainsi soit q'ja lōg tēps fut passé, & l'image fut cachée & incōgnue à tous, elle se descourrit elle mesme: Car ce cypres rendit vne clarté & lumiere merueilleuse & sēbloit brusler ainsi qu'une torche: pareillement se manifestèrent plusieurs miracles, prenants leur vertu

*Les Cōstantinopoli-  
tains avec  
l'Empereur  
demeurent  
hors la vil-  
le, chātent  
litanies &  
font suppli-  
cations.*

*Vn enfant  
esleué en  
l'air mira-  
culeusemēt.  
Hymne des  
Anges.*

*La murail-  
le qui estoit  
tombee, est  
restituee  
par Anthe-  
me & Cyr.*

*Cyr est ban-  
ny.  
Est fait  
Euesque.*

*Sentēce ce-  
lebre de Cyr  
au peuple.  
Temple de-  
dié à la vi-  
erge Marie.  
Miracles  
faits à l'i-  
mage de la  
Mere de  
Dieu.*

& efficace de ce qui estoit là caché. Mais apres qu'entre les autres, quelcun poussé d'une loüable curiosité eust monté en l'arbre, lors se monstra ceste image de laquelle la force de ces miracles procedoit. Parquoy Cyr portant honneur à ce lieu, fit là bastir vn tres-beau & tres-grand temple à la mere de Dieu. Voila quant à ce point. Or l'Empereur, donnant tesmoignage de sa liberalité grande, non seulement r'edifia la ville Imperiale, mais aussi les autres, lesquelles auoyent esté grandement ruinees. Et remit en leur entier quelques autres ainsi qu'il voulut. Puis enuoya gouverneurs en Antioche, Memnonius, Zoile & Calliste, personnages grandement excellens en nostre religion. Là Memnonius fit brauement & magnifiquement reparer des les fondemens le lieu dict Psephium: & y laissa au milieu vn lieu descouuert pour se pourmener. Zoile dressa la galerie Imperiale, regardante au midy, à costé de celle de Ruffin, la denommant de son nom. Et ce Calliste qui fut de mesme nom que moy, laissa en ceste ville vn illustre & magnifique edifice, dict La galerie de Calliste, pour la court de parlement, vis à vis de ceste place où sont bastis des logis tant excellens, ausquels logent les Capitaines de guerre. Pareillemēt Anatolius lieutenant des compagnies militaires en Orient, enuoyé en ce lieu, fit brauement bastir vne galerie laquelle retient le nom d'iceluy, & la fit enrichir de toute sorte de matiere, & industrie excellente. Ces choses nonobstant qu'elles soyent inscrites à nostre histoire par digression, ne sembleront toutesfois impertinentes, & ne desplairont aux gens studieux.

Gallerie de  
Ruffin.  
Gallerie de  
Calliste.  
Gallerie de  
Anatolius.

<sup>a</sup> Constantin a basti ces murs] De ce Cyr on trouue en Suydas ce qui s'en suit: Cyr poëte Panopolitain vescu sous Theodose le ieune, sous lequel il fust estably preuost du pretoire & de la ville, ensemble Patrice, estimé & prisé grandement, voire avec admiration d'Eudocie Auguste, laquelle aussi aimoit la poësie. Et ce pendant qu'Eudocie ayant laissé la court, estoit en Orient, en Ierusalem, Cyr circonuenue d'embusches par ses ennemis, fut fait Euesque de Corycum en Phrygie & vescu iusques au temps de l'Empereur Leon. Il est fait mention de luy l. si quis. C. ut nem. ad sum. patroc. lib. 11. Et à luy est escripte la loy, qui sub pretextu. C. de sacros. Eccles.

<sup>b</sup> que le Verbe de Dieu, &c.] L'esprit, non la chair: la foy, non la volupté a preuenu l'enfantement de la Vierge. La virginité a esté rendue seconde par foy, non par compagnie charnelle. S. Augustin de la Trinité, liure 13. chap. 18.

Comme Flauien apres Procle receut l'administration de l'Eglise, & apres Cyrille, Dioscore: du discord entre Pulcherie & Eudocie à cause de Chrysaphe: aussi du concile appelle Brigantin, qui fut assemble de rechef en Ephese.

## CHAP. XLVII.

Euesques  
des princi-  
pales Eglises.



Eutyches ab-  
be à constan-  
tinople.  
Chrysaphe  
eunuque.  
Suydas reci-  
te que les  
Eunuques  
courtisans  
auoyent grā-  
de autho-  
rité chez  
Theodose,  
& qu'il a  
fait plu-  
sieurs choses  
par leur  
conseil.

Pres que le diuin Procle eut flory par l'espace de douze ans au siege de Constantinople, & l'admirable Cyrille en Alexandrie par l'espace de trete-deux ans, en mesme temps tous deux passerent à la vie immortelle. Mais aussi Iean Antiochien en mourant laissa le siege à Domne: & Cestin estant receu à la vie celeste, Leon le grand fut introduit en l'Eglise de la vieille Rome. Puis apres, Iuuenal encore suruiuant, eut la charge des Eglises de la Palestine. A Procle succeda Flauien garde des ioyaux sacrez de la grande Eglise, lequel estoit prestre digne de son estat, & de vie celeste fort excellent. Au siege d'Alexandrie, apres Cyrille, Dioscore leua boutique de meschanceté: lequel, outre ce qu'il estoit meschant en'autres choses, estoit mesme fort ennemy du diuin Cyrille, & de Flauien, & ne voulut receuoir les decrets du tiers Concile. Et pour ce qu'il auoit grande amitié avec le mal-heureux Eutyches, abbé de Constantinople, & aussi avec Chrysaphe, principal eunuque entre les chambellans de l'Empereur, il obtint qu'en Ephese fust celebree la seconde assemblee synodale, qui fut appellee Vne briganderie. Or le commencement de faire ceste assemblee fut tel: Ce Chrysaphe estoit en grādereputation chez l'Empereur: & pour ce qu'il n'auoit point agreable & approuuee la consecration de Flauien, à cause de l'opinion anticipee, il souffla aux oreilles de l'Empereur, signifier au Patriarche, qu'il luy enuoyast vn don de benediction, à cause & en faueur d'election & consecration. Le diuin Flauien enuoya des pains simplement. Chrysaphe au contraire dit, qu'il falloit que le present de la benediction, qu'on enuoyoit, fust d'or. Auquel le Patriarche respondit, qu'il n'auoit point prouision de telles choses, si d'auenture pour cest affaire ne se seruoit des ioyaux sacrez de l'Eglise, & que Chrysaphe scauoit tres-bien, que les sacrez vaisseaux de l'Eglise sont dediez à Dieu, & aux pauvres. De là donc est venue l'occasion de haine, combien que Pulcherie Auguste n'en auoit rien apperceu. Pour ceste cause Chrysaphe esmeu d'ennie chercha tout moyen pour deposer le Patriarche de son siege. Mais voyant qu'il n'en pourroit venir à bout aucunement pendant que Pulcherie Auguste auroit la souveraine administration des affaires, il sollicita Eudocie Auguste, laquelle n'estoit encore allee en la Palestine, &



& petit à petit la prouocant contre sa mere Pulcherie, s'efforça de luy suader, que luy ostant le Preuost, elle le prinst à soy pour compagnie: Car le Preuost obeissoit à Pulcherie, comme à celle qui administroit toutes les affaires. Eudocie sonda fort le vouloir de l'Empereur, pour tirer le Preuost d'auec Pulcherie: mais luy reiettant la demande d'Eudocie, ne fut à ce faire induict, pour ce que Pulcherie sa sœur estoit engendree & nourrie en l'Empire, & qu'elle gouuernoit tresbien la Republique. Apres que ceste entreprinse ne succeda à Chrysaphe, il en experimenta vne autre: & ce pédant ne laissa en repos Eudocie, pour inciter l'Empereur, à fin que secrettemēt il insinuaſt au Patriarche, qu'il esleust Pulcherie, diaconisse. Or comme Eudocie demenoit cest affaire, elle fit tant à la parfin, que par frequente suggestion elle gaigna le doux courage de l'Empereur: Car mesme la goutte d'eau tombant souuent, peult cauer la pierre dure. Theodose donc ayant fait venir à soy le Patriarche, luy declara le secret. Et iceluy fache, sembla vouloir faire ce qui plairoit à l'Empereur: mais par lettres bien secretes il aduertit Pulcherie, qu'elle ne se trouuaſt aucunement deuant l'Empereur, de peur qu'elle ne fust contraincte accorder chose qui seroit à luy & à elle mesme peu agreable. Or Pulcherie ayant incontinent entendu l'entreprinse qui se demenoit, manda que le Preuost se retirast vers Eudocie: & quant & quant elle sortant de la ville vers Septimus, sans charge passa là sa vie paisiblement. Mais puis apres, l'Empereur & Eudocie furent fort fachez contre Flauien, pour ce qu'il auoit descouuert ceste entreprinse. Or quand Pulcherie fut en telle sorte dechassée, la Republique estoit gouuinee par la main de Eudocie. Auquel temps mesme eut lieu l'occasion de ceste suspicion de la renommee brebis, à cause de maistre Paulin, comme il est dict cy dessus. Ce pendant que les affaires estoient ainsi gouuenees, Eusebe (duquel auparauant nous auons fait mention au tiers Concile, homme entre les autres fort expert en eloquence, & pour lors Euesque de Dorilee, lequel aussi premier descourrit la folie de Nestorius, & la reprint publiquement) pour ce qu'il estoit familier d'Eutyche, quelque fois deuisa avec luy touchant la foy. Et quand il eut apperceu sa mauuaise opinion, il presenta requeste de ce fait au Patriarche Flauien. Ayāt ledict Flauien assemble vn concile prouincial à Constantinople, auquel estoient venus quarante Euesques, cita Eutyche: lequel du commencement refusa de sy presenter. Mais apres que par contrainte il y fut venu, ils le cōgneurent infecté de tresmeschante maladie: Car au milieu du consistoire il dit: Je soustien que, deuant l'vnion, nostre Seigneur Iesus Christ est engendré de deux natures: mais apres l'vnion, ie dy publiquement, que sa nature est vne: & que son diuin corps ne nous est point cōsubstantiel, ne subiect auec nous à mesmes passions. Quand l'assemblee eut entendu ces paroles, incontinent repoulsa le personnage, & legitiment & luyuant le certain iugement des canons, le depōsa de sa dignité, par ce qu'il ne se repentoit point. Luy se retira par deuers l'Empereur, & le pria que de rechef la cause fust iugee, comme si les faits & decrets contre luy ordonnez eussent esté forgez par Flauien. Donc par le commandement du Prince, fut congregé vn autre concile, au faulx-bourg de Constantinople, auquel aussi beaucoup d'autres Euesques, & aucuns du Senat se trouuerent. Et comme de leur autorité ils approuuerent les faits & decrets estre legitimes, Chrysaphe eunuque, qui estoit de mesme opinion avec Eutyche, ne pouuant soustenir l'iniure, augmenta fort sa cholere à l'encontre de Flauien, & fit entendre à ce meschāt Dioscore, Alexandrin, qu'il luy complairoit & fauoriseroit en toutes choses qui luy plairoient, s'il defendoit Eutyche qui estoit en danger, & s'opposoit à Flauien & Eusebe de Dorilee. Aussi en mesme sorte il excita Eudocie Auguste par plusieurs autres moyens, mais principalement en racontant les maux qui luy estoient aduenus de la part de Pulcherie, à cause que Flauien n'auoit tenu couuert & caché l'affaire secret que lon luy auoit communiqué. Eux deux ensemble esmeurent Theodose à faire celebrer vn autre concile à Ephese, lequel iugeroit le different entre Eutyche & Flauien, & qu'il baillast charge à ce meschāt Dioscore de rendre le iugement des sentences & opinions, & que le mesme fust president au concile, aussi qu'il enuoyast gens d'armes à suffisance, pour mettre à execution ce qui auroit esté deliberé. Apres que l'Empereur eut fait ce commandement, l'assemblee appelée Brigantine fut congregée à Ephese, & le president Dioscore reiettant les autres notaires, seulement print les siens, afin que les faits fussent couchez par escript à sa fantasie. A ce Concile assisterent les Euesques des Eglises que cy dessus auons nommez, avec leurs prestres, excepté Leon, Euesque de la ville de Rome, duquel fut le lieutenant Iule, Euesque enuoyé de par luy. Theodose entre autres choses auoit ordonné ce qui ensuit en telles paroles: Que ceux qui parauant auoyent esté iuges d'Eutyche, tres-religieux abbé, assistassent voirement, mais ne dissent mot, & n'eussent rang de iuges, ains attendissent la commune sentence de tous les saints Peres, veu que lors on procedoit des choses par eux iugees. Or apres que lon eut disputé de la question, on requit à Eutyche, que deuant l'assemblee il declarast l'opinion qu'il auoit de Dieu. Lors iceluy declarant deuant tous, confessa ce que mesme il auoit dict parauant: à sçauoir, que deuant l'vnion nostre Sauueur estoit engendré de deux natures, & apres ceste vnion, qu'il auoit vne nature. Et Dioscore en ensuyuant, dit: Nous aussi tous sommes de mesme opinion. Lors les lieutenans du Pape Leon, requirerent que les lettres d'iceluy, à Flauien & au Concile fussent leuës. Mais Dioscore les ayant

*Pulcherie renuoye le Preuost à Eudocie. Eudocie est gouuernante de l'Empire. Eusebe descouure l'heresie d'Eutyche. Synode prouincial assemble en Constantinople, à cause d'Eutyche. Anciennement les patriarches & Archeuesques auoyent puissance de congreger conciles prouinciaux, quand il estoit besoin: & non pas conciles generaux sans la volonte de l'empereur. L'heresie d'Eutyche. A sçauoir Iuennal, Domne, &c. Ordonnance de Theodose, comme il falloit proceder au concile.*

*Mort de  
Flavien.*

*Les Eues-  
ques sont  
contraincts  
à souscrire  
le concile  
Brigantin.*


*Domne se  
desdit de  
sa subscrip-  
tion.*

*Domne &  
les bons E-  
uesques sont  
priuez de  
leurs digni-  
tez par le  
concile.*

reiettees, les ambassades considerans l'imperuosité de Dioscore, allans à tort & à trauers, fortirent de l'assemblée, & s'en retournerent à Rome. Dioscore avec les participans de mesmeligue, restitua Eutyché en son entier, luy rendant sa dignité, mais l'osta à Flavien & à Eusebe de Dorilee, mettant en auant le canon, que luy mesme parauenture auoit transgressé: lequel ordonnoit que nulle autre formule de la foy fut publice, fors celle qui auoit esté faite à Nice. Or Flavien homme tressainct, apres telle condamnation illegitime, estant dechassé de l'assemblée par les emotions turbulentes, & coups de pieds de ceux qui estoient de la faction de Dioscore & de Chrysaphe, trois iours ensuiuant, finit sa vie heureusement, ayant ce mesme Dioscore faulté à beaux talons sur le ventre de ce defenseur de verité, decedé. Et le lendemain les Euesques furent contraincts par force de soldats, lesquels avec armes au poing les enuironnoient, de souscrire les decretz faicts contre ce sainct personnage: avec lesquels aussi Domne successeur à Iean en l'Eglise d'Antioche, les confirma par sa signature. Mais iceluy mesme estant restitué en sa puissance, à cause qu'il auoit esté contrainct, se desdit resistant à Dioscore, & aux hommes principaux de la cour de l'Empereur, & criant à haulte voix contre les decretz comme ordonnez contre les constitutions ecclesiastiques, appella le Concile, meschant, requerant finalement que sa subscription luy fust rendue. Mais le Concile pour ceste mesme cause, aussi luy osta sa dignité sacerdotale, de laquelle pareillement furent priuez Ibas, Euesque des Edeffiens, le sage & expert Theodorit prelat de l'Eglise de Cyr, Daniel aussi de Charres, & Ireneé mesme de Tyr, & Aquilin Euesque de Bible. Aussi ce Concile ordonna quelques choses touchant Sophronius, qui pour lors estoit venu en Constantinople pour veoir la ville: & outre ce, autres choses qui sont cōtenues és actes. Et ainsi fut conclud le Concile Brigantin à Ephese.

*Confutation de ceux qui malicieusement traitent les choses sacrees des Chrestiens:  
& diffamation des Grecs & des Gentils.*

CHAP. XLVIII.



R que personne de ceux qui pensent autrement, & s'addonnent aux idoles, ne se moque de nous, comme si nous amenions tousiours choses nouvelles touchant la foy, & comme si en nostre endroi& la posterité dérogeoit à l'antiquité: Car nous cerchons l'ineffable & incomprehensible benignité de Dieu enuers nous, & nous efforçons grandement de l'honorer & magnifier. Mais pour ce que ne pouuons y attandre, nous nous retournons çà & là. Et iacoit que nul de ceux qui sont tombez és heresies, ait eu principalement en deliberation, par blasphemies maudire & iniurier la puissance diuine, si est-ce qu'ils ont estimé qu'ils mettroient mieux en auant quelque chose, que n'auoyent pas fait les deuanciers, s'ils disoient cecy ou cela. Mais nous tous par le commun accord de chacun, librement confessons les poincts principaux de nostre Religion, & qui contiennent la cause du seruice diuin: Car par nous est protestee la Trinité en vnité de nature diuine, & le Verbe Dieu engendré, deuant l'estoille du iour, du Pere super substantialiel, lequel par vne autre nature sans corruption a prins chair pour la grande misericorde enuers sa creature. Que si outre ce, pour l'obscure congnoissance de la diuinité, les hommes mettent en auant quelque chose de nouveau, cela n'est pas nouveau, par ce que Dieu (cōme il me semble) à ceste cause a donné lieu au liberal arbitre, afin que son Eglise Catholique & Apostolique abordant de tous costez à diuerses opinions, tasche à prédre tous les propos comme il fault, & les r'apporter à la plus vraye pieté, & r'adresser en la seule droicte & plaine voye, à sçauoir, à l'inuention de verité. A laquelle sentence s'accorde fort bien le dire de l'Apostre: Il faut qu'il y ait des heresies entre vous, afin que ceux qui sont approuuez, soyent manifestes. En quoy aussi il est bō de s'esmerveiller de l'ineffable sapience de Dieu, laquelle iadis il a prédit par son Apostre, disant: Car ma vertu se parfait en inhrmité. Et de ce que par l'imbecilité de la vraye congnoissance aucunes parties ont esté retrenchees de l'Eglise, les droicts & euidens decretz ont esté establis par l'edification, & de plus amples accroissemens de l'Eglise vniuerselle & Apostolique est paruenue iusques à vne haulteur celeste. Mais ceux qui sont nourris en abus & en erreur de la superstition Greque, pour ce qu'ils ne veulent trouuer & entendre que c'est que Dieu, ne son ineffable & incomprehensible soing & pouruoyance, entre eux les vns sont differés des autres, & aucunes fois aussi refutent mesme leurs propres opinions: & en controuuans plusieurs & diuers dieux, ils les appellent par noms qui conuiennent à leurs affectiōs: & s'en choisissans & elisans les vns apres les autres, ils cherchent excuse (comme quelcun pourra dire) à leurs vilaines paillardises. Ainsi celuy qui enuers eux est le souuerain pere des homes & des dieux, sa nature estant changée en oiseau, raut l'adolescent de Phrygie, pour accōplir son execrable paillardise: & pour le salaire de sa meschaceté luy bailla la coupe, permettant qu'il luy versast la beneuolēce & amour, & afin que l'un & l'autre ensemble beussent parmy le ne&tar, qui est bruuage des dieux, l'infamie & deshonneur de paillardise & corruption. Lequel aussi se transformant

en

*Accord  
vniuersel  
de Chre-  
stiens tou-  
chāt la foy.  
Euagr. li. 1.  
chap. 11.  
Commodité  
prouenante  
des heresies*

*Inuestiue  
contre les  
philosophes  
ethniques,  
& leur ido-  
latrie.  
Les meschā-  
cerez de  
Iuppiter.*

en diuerſes eſpeces d'animaux irraiſonnables, pour beaucoup d'autres enormes meſchancez, leſquelles meſmes ne ſont permises aux perſonnes de baſſe condition, delibera de paſſer ſa vie en vilennie : De ſorte qu'eſtant fait dieu maſle & femelle, participant de ſexe double entre l'un & l'autre, ne portoit ſa portee au ventre, mais en la cuiſſe : & porta vn fruit imperfait, afin que cela auſſi fuſt fait contre nature : dont eſt ſorty vn enfant dithyrambe, ou deux fois engendré, lequel bailloit aux deux natures vne marque d'infamie, vn dieu demy homme dançant & ſe remuant à la façon des femmes, auteur d'yurongnerie, de gloutonnie, de gourmandiſe, de peſanteur de cerueau, & d'autres maux deſcendans de là. Auſſi à ce dieu porte-bouclier & hault-ronnant ils ont donné vn autre nom admirable : car ils l'ont appelé Parricide, à ſçauoir, meurtrier de ſon pere : à quelle maniere de gens entre les hommes le premier & plus cruel ſupplice ſeroit conſtitué, comme à celui qui ignominieusement auoit priué ſon pere Saturne de ſon regne (faifant en ce comme de raiſon) veu que tel il l'auoit produit en ce monde. Que diray ie de la vilennie & paillardie entre eux eſtimee au nombre des dieux : à laquelle ils baillent pour deſſe protectrice Venus de Cypre, engendree d'une coquille : Et icelle repudiant toute pudicité, comme quelque choſe deteſtable, prend plaifir preſque à toutes abſurdes & vilaines meſchancez, deſquelles meſmes veult eſtre honoree & appaiſee. Avec laquelle Mars ſ'addonant vilainement par la ruſe & fineſſe de Vulcain, fut fait aux autres dieux cōme vn ſpectacle de moquerie & riſee. Mais quelles moqueries ne meritent les ſimulachres des parties hōreules, Ithyphales & autres domiciles de toute impudicité entre eux ? Quoy ? Pan luy meſme & Priape, qui avec ſon membre honteux grand outre le naturel, eſt tenu en honneur avec vne grand' grace ? Que veulent dire les myſeres & ſecrets ſacrifices dediez à la deſſe Eleuſine ? leſquelles choſes encore que ie les haye mortellement, toutesfois pour ceſte cauſe ſeulement ie les loueray, qu'eux meſmes les ont eſtimees telles, que le Soleil ne les voudroit regarder, & que, comme à la verité ils faiſoyent cas dignes de ſoy, ils les condamnent d'obſcurité & tenebres. Mais delaiſſans ces choſes à tels infames venerateurs, ramenons noſtre oraiſon au but conſtitué, pour ramenteuoir le reſte des ſaiſts de l'Empire de Theodoſe.

*Impurité  
du dieu Bac-  
chus.*

*Iuppiter  
meurtrier.*

*Venus, deſſe  
ſe impudi-  
que.*

*Mars, adul-  
tere.*

*Vulcain.*

*Pan.*

*Priape.*

*Sacrifices  
d'Eleuſine.*

*Comme apres le Concile appelle Brigatin, Theodoſe congnoiſſant la menace des affaires, fit mourir Chryſaphe, & fut fort ſaſché contre ſa femme Eudocie, reuoqua ſa ſœur Pulcherie, laquelle ramena avec ſoy le corps de Flauien, & le fit inhumer en vne Eglise de la Me-  
re de Dieu, qu'elle auoit fait magnifiquement baſtir au  
marché des chaudronniers.*

## CHAP. XLIX.



Pres le Concile Brigatin, à peine les ambassadeurs du Pape Leon estoient arriuez à Rome, qu'ils expoſerent comme ſes lettres auoyent eſté reiet-  
tees, ſentences iniques prononcees, auſſi l'outrecuidee hardieſſe de Dioſ-  
core, & de Chryſaphe, & comme ils auoyent mis à mort ce diuin per-  
ſonnage Flauien. Dequoy Leon perturbé, tout plorant ſ'adreſſa à Va-  
lentinien, fils de Placidie, lequel pour lors dominoit encore à Rome, &  
ſemblablement à Eudoxie, appelée Athenias, fille de Theodoſe & d'Euo-  
docie, & les pria d'enuoyer lettres à Theodoſe, par leſquelles il fuſt exci-  
té à faire aſſembler vn autre Concile vniuerſel, auquel ſeroit deuëment  
corrigé ce qu'en Ephéſe auoit eſté déterminé contre les conſtitutions Eccleſiaſtiques. Iceux dōc  
eſtans perſuadez par Leon, incontinent eſcriuirent à Theodoſe, inferas en leurs lettres la demā-  
de du Pape. Mais Theodoſe faiſant reſponce à ſa fille Eudoxie, adiouſta meſme ceſte clauſe entre

*Valentinien  
& Eudo-  
xie à la ſua-  
ſon du Pa-  
pe Leon, eſ-  
criuirent à  
Theodoſe,  
touchant le  
concile Bri-  
gatin.*

les autres : Je veux bien que ta douceur entende, que Flauien par iugement diuin eſt oſté de ce  
monde, afin que le debat & different des ſainctes Eglises ſoit appaiſé. Ce neantmoins apres que  
Theodoſe eut bien le tout conſideré, & congru pour certain qu'il eſtoit deceu par la ruſe &  
aſtuce de Chryſaphe, il fut fort marry & grandement deſplaiſant, tant à cauſe de la meſchance-  
té perpetree contre Flauien, que de l'iniure & condamnation iniquement rendue contre les  
autres Eueſques, & pour remede à ſa ſaſcherie, qui autrement ne pouuoit eſtre appaiſee, il iet-  
ta ſa cholere iuſte & legitime contre Chryſaphe. Partant apres l'auoir priué de ſa dignité  
en premier lieu, & tantost de tous ſes biens, il le condamna & bannit en vne certaine iſle :  
le iugement duquel, comme diuinement approuué, fut mis à execution ſur la mer. Apres cela,  
il vſa d'aigre reprehension enuers ſa femme Eudocie, pour ce qu'elle auoit eſté cauſe que ces  
maux auoyent prins vigueur. Outre-plus il adiouſta aux reproches l'iniure faicte à ſa ſœur  
Pulcherie, laquelle, à cauſe d'Eudocie, eſtoit chassée de la cour de l'Empereur. Il n'oublia auſſi  
de mettre en auant le ſouſçon touchant Paulin, & la reprendre aigremēt du diſcord de la bre-  
bis. Iceſle dōc ne ſachant ce qu'elle deuoit faire, ne quel conſeil prédre, pour la grande crainte  
où elle eſtoit, requit qu'il luy fuſt permis d'aller en Ierusalem, auquel voyage elle ſ'eſtoit obli-  
gée par vœu fait expreſ, ſi elle voyoit ſa fille mariee. Or tout incontinent apres ſon partement,

*Theodoſe  
congnoit la  
ruſe de  
Chryſaphe.*

*L'exil &  
mort de  
Chryſaphe.*

# LIVRE XIII. DE L'HIST. ECCLESIASTIQUE

*Pulcherie* l'Empereur enuoya en Septime, & de là reuqua sa sœur Pulcherie, qui desia par l'espace de sept ans y estoit demeuree, laquelle soudainement retourna à la cour Imperiale avec grand appareil & grosse compagnie. Il donna aussi commission à certains personnages pour aller en Ephese, & de là transporter le sacré corps de Flauien en la ville de Constantinople, le faisant avec reuerence & pompe celebre le fit passer par le milieu de ladite ville, & le posant deuotement & honorablement aux lieux des plus notables du temple des saints disciples de Iesus Christ. Puis apres ayant reduict en forme de temple la synagogue des Iuifs au marché des chauderonniers, & adiouste quelques autres moindres edifices, il bastit & orna de beauté & grandeur; vne sainte Eglise en l'honneur de la glorieuse vierge Marie mere de Dieu: & fit mettre la sainte & venerable Ceinture d'icelle, en la tombe de la sainte Table: & depuis ce tēps là ceste Eglise de la mere de Dieu, fut appelée La tombe sacrée. Voila comme ces choses sont aduenues.

*Comme Eudocie Imperatrice alla en Ierusalem: quels monasteres elle y fit bastir: de la vie & conuersation des moines de la Palestine: & comme ladite Eudocie mourut.*

CHAP. L.



R Eudocie hastant son voyage en la sainte Cité de Iesus Christ, finalement y est paruenue. Et comme le peuple en grande affluence s'assembloit pour la veoir, pour la conclusion d'autres propos, elle adiousta ce Carme fort proprement à la sentence:

*De vostre race & sang ie me dy estre.*

Voulant signifier couuertement qu'anciennement quelques gens de la Grece estoient allez demeurer en Ierusalem: mais qui les vouldra connoistre, lise Strabogeographe, Phlegon, & Diodore Sicilien, aussi Arrien, & Pisandre le poëte: outre-plus, Vlprien, Libanius & Iulian sophistes

*Statue en Antioche à l'honneur d'Eudocie.* tres-excellens. En ce mesme temps Eudocie alla en Antioche, où les citoyens luy firent honneur d'une statue d'airain, ingenieusement faicte, laquelle a duré iusques à ces derniers iours. A l'occasion de cela Theodose fort affectionné aux Antiochiens augmenta de beaucoup les murailles, les aduançant en estendue iusques à la porte qui tire en Daphné: & peult chacun veoir encore ce quartier pres la ville: car iusques à cy on congnoit les apparences de la vieille muraille, par quelques reliques d'icelle, qui se montrent à l'œil avec admiration. Toutesfois les autres estiment que telles murailles ont esté eslargies par le grand Theodose. Et dit on que par luy mesme fut baillé le pois de deux cens liures d'or, pour reparer les bains de Valens, lesquels en quelques endroits estoient desmolis par le feu. Or le bruit est, que Eudocie par deux fois alla en Ierusalem, où elle accomplit beaucoup de choses à l'honneur de Iesus Christ: Car elle restaura plusieurs saints monasteres: & bastit le lieu qu'on appelle Lauras, c'est à dire, les petites chambrettes des moines, & les diuines escoles, ou lieux pour s'exercer à sainteté: desquels la maniere estoit diuerse, & la façon de faire estrange: mais ce nonobstant pretendoient à vne seule fin de pieté & religion: Car quelques vns y viuoyent ensemble en mesmes demeurances: & n'estoient distraits de nulle chose terrienne & de ce monde. Il n'y auoit entre eux ny or, ny argent, ny autre metal qui fut propre & peculier, voire non pas la robbe d'aucun, ny quelque autre chose qui fut plaisante au vêtre: Car le manteau ou la robbe que l'un portoit auourd'huy, l'autre en estoit vestu le lendemain: tellement que vous eussiez iugé la robbe de l'un, estre celle de tous: & au contraire, celle de tous, estre d'un seul. Ils mangeoyent tous en commun, non point viandes delicates, diuerses & exquis, qui excitent à paillardise les parties du corps, lesquelles sont au dessous du ventre: mais se traictoyent de quelque peu d'herbes, & legumes, autant qu'il en suffisoit seulement pour substēter leur vie. De mesme façon, ils faisoient entre eux communes supplications & prieres à Dieu, lesquelles ils continuoient par tout le iour, & bien souuent aussi toute la nuit, avec reuerence, maintien, & humble contenance de corps. Ils prenoient tant de peine & trauail, que viuans encore sur terre, vous les eussiez dictz estre ja du tout trespassez. Le plus souuent ils ieusnoient deux ou trois iours durans: aucuns estoient qui ne mangeoyent de cinq iours, & plus: & finalement par necessité vrgente ils prenoyēt quelque refection, encores bien sobrement. Il y en auoit d'autres de maniere contraire à ceux qui viuoyēt ensemble: car ceux cy s'escartoyēt & esloingnoyēt de tous voisins, pour demeurer toute leur vie en un desert, se logeās dans fort petites maisonnettes: lesquelles estoient de telle longueur & haulteur, qu'ils ne pouuoient droitement se tenir debout, ny aisēmēt se coucher: ou (comme dit l'Apostre) se retiroyēt en ie ne sçay quelles cauernes & trous de la terre. Aucuns demouroyēt à descouuert avec les bestes sauuages: les autres se mussoient secrettement sous la terre, & là tenoyēt propos avec Dieu seulement. Ils auoyēt aussi excogité vne autre sorte de vie & conuersation diuine, laquelle surmōtoit toute espreeue de constāce & force virile: Car ils se separoyēt bien

bien loing en quelque desert eschauffé du Soleil : & courans ceste seule partie du corps, que la necessité de nature veult estre cachée. Non seulement les hômes, mais aussi les femmes menoient vne mesme maniere de viure, & sans aucun soing du reste du corps ils s'exposoyent au grand froid & chaud, aux diuerses mutations de l'air & inclemence du ciel, endurans aussi bien le chaud que le froid : ils se couchoyent & reposoyent par tout ainsi qu'il aduenoit, & repudiâs toute nourriture humaine, viuoyent de quelques herbes & racines que la terre produit de soy-mesme : à raison duquel genre de vie, ils estoient nommez Bosci ou Fourrageurs. Iceux avec le temps changeoyent de forme, & deuenoyent farouches & semblables aux bestes sauvages : voire ils auoyent l'entendement & naturel contraire aux autres hommes. Car si de fortune ils rencontroyent aucuns, ils fuoyent leur compagnie : & s'ils se doutoyent que quelqu'un les suyuit, ils doubloyent si fort le pas, que pour la legereté sembloient voler en l'air bien hault. Auecune fois ils entroyent sous la terre, & lieux inaccessibles, & n'apparoissoient plus. Chose que faisoient la plus part d'entre eux, ainsi passans tout le temps de leur vie en cachette. Je veux raconter d'auantage vn autre genre d'exercice monastique, que j'ay presque laissé à dire : & combien qu'il se trouue en peu de personnes, si est ce qu'à bon droit entre les autres doit emporter le premier lieu. Car il y en auoit quelques vns, lesquels retournoient au monde pour viure entre les hommes, apres que par beaucoup de laborieux & vertueux trauaux, ils auoyent gagné ce point, qu'ils estoient sans aucunes passions & doléances, francs de toutes affections & cupiditez, Et faisoient semblant d'estre insensés par quelques gestes desordonnez, contemnoient ainsi la vaine gloire, laquelle (comme dit Platon) l'ame ne deuroit oster, qu'avec le dernier vestement. Iceux mettoient leur philosophie & souverain estude, à ne sentir aucunes douleurs, & à estre sans affection & commotion de l'Esprit. Ils prenoient leur repas en la taverne, ou, s'il estoit besoing au bordeau, sans auoir reuerence à aucun, ny esgard à lieu quelconque. Ils entroyent es estuues, & bien souuent se baignoyent (comme il aduenoit) avec les femmes nues, & demeuroient avec elles. Mais encore en telle sorte ils surpassoyent & domptoyent les affections & cupiditez, qu'ils surmontoient la force de nature, & contre icelle exerçoient tyrannie : tellement que pour dire en bref, ils n'estoyent excitez & esmeuz à ceste concupiscence qui est propre à nature, ne par esgard, ne par attouchement, ne qui plus est, par baisers attrayans & delicieux, ou embrassemens des femmes. Quand ils conuersoyent & hantoyent avec les femmes, ils estoient femmes : & avec les hommes, ils estoient hommes. Et combien qu'ils semblaient auoir le propre & pouuoir de l'un & l'autre sexe, toutefois ils n'en auoyent que l'un. Et pour le dire en somme, vertu auoit prefix & donné (en telle maniere de vie, qui surpassoit la capacité & puissance de nature) loix contraires à nature, à fin qu'il n'y eust sarieté & assouuissement en aucunes des choses necessaires : Car tousiours ils auoyent faim & soif, & leurs loix ordonnoient retenir & garder temperance & continence en toutes choses. Lesquelles loix aussi donnoient telle reigle pour restraindre & reprimer le corps, que mesmes la necessité estoit par force contraincte. Ils viuoyent si iustement, & leur vie estoit examinée à si iuste poix, & raison si egale & parfaite, que quand les deux balances estoient separees l'une de l'autre par le diametre & ligne du milieu, on ne pouuoit congnoistre le contrepoix, ny laquelle des contrarietez surmontoit l'autre. Et neantmoins en iceux se trouuoient choses si contraires & entremeslees par la grace diuine, laquelle conioint ce qui ne peut estre meslé, & aussi le separe & demesle en temps opportun, que (ce qui estoit admirable) en vn mesme corps, estoit la vie & la mortification, lesquelles de nature, par raison, & de fait sont grandement contraires & repugnantes. Car quand quelque affection ou concupiscence leur suruenoit, lors vous eussiez peu veoir le corps mort & sans action, come si delia il eut esté remis au sepulchre. Mais quand il falloit faire quelque œuvre excellent & vertueux, come prier Dieu, lors eussiez vous veu vn courage propre & nouveau, & vn corps merueilleusement vis, & come en fleur d'age, bien qu'il fut ia tout vie & fort cassé de vieillesse. Ils assembloyent l'une & l'autre vie, à sçauoir, la presente, & celle qui est à venir, & les conioingnoient en telle sorte, qu'ils viuoyent tousiours, encore qu'ils fussent morts, & que totalement la chair fust mortifiée au trespas & delaissee de son ame, & couersoyent aucunement avec les vius, ayas leur corps en singuliere recommandation & sollicitude, & offrans à Dieu les prieres des supplians. Ils viuoyent tout ainsi qu'au parauant, excepté qu'ils n'auoyent besoing des choses necessaires aux vius : & n'estoyent determinez ou limitez en quelque lieu. En vn moment ils assistoyent à tous, ils entendoient la voix de tous, & hantoyent avec tous. Leur office & estude estoit, souuent flescir les genoux, & se tenir à debout longuement par le desir qui seul sustenoit & entretenoit leurs corps, recreoit & donnoit vigueur à l'imbecillité volontaire. Ils estoient comme quelques combatans & escumeurs sans chair ou corps, & luitteurs qui n'auoyent point de sang. Ieunes ordinaires leurs estoient banquets magnifiques & grandes delices : & en banquets magnifiques & bien dressez ils ne mangeoyent rien, tant qu'ils s'en pouuoient passer. Que si de quelque lieu venoit à eux vn amy pour loger, ils le receuoient & traictoyent, voire dès le matin, d'une courtoisie & hospitalité nouuelle, si benigne & amiablement, que vous les eussiez reputez n'auoir fait autre chose durant toute leur vie, que s'addonner à telles delices & friandises. Puis apres tout à

*Moines  
nuds tant  
en hyuer  
en froid  
qu'en est  
au chaud.*

*Exemples  
admirables  
d'indolence  
en quel-  
ques moi-  
nes.*

*Les grandes  
aumônes  
d'Eudocie.*

*Eglise de S.  
Estienne  
pres Ieru-  
salem.*

*La mort de  
Eudocie.*

coup ils inuentoyent nouuelle forme de ieusne, & ne prenoient repas selon leur appetit, de sorte que chacun estoit estonné, comme ils pouuoient de si peu de viandes estre nourris, veu que pour nourriture suffisante leur defailloyent tant de choses. Telle maniere de gens esloyent ennemis d'eux-mesmes, & par vne certaine opiniastrée conceue en leur esprit, traistres de leur propre volonté & naturel, afin qu'en toutes choses ils repoulassent loing de soy les delices de la chair, & que leur ame consistast honnestement en son estat, en elisant & retenant avec discretion tout ce qui est plaisant à Dieu. Ils estoient certes bien-heureux par telle conuersation & façon de viure : mais encore estoient trop plus heureux au depart de ceste vie, pour aller à celle qu'ils aspiroyent & appetoyent pour veoir & iouyr de leur desir & souhait. Par ainsi donc Eudocie Auguste, faisant ce voyage en Ierusalem, visita & parla à beaucoup de tels moines, & (comme il est ia dit) fit bastir grand nombre de monasteres & communautéz de religieux. Elle fit aussi amplifier & racoustrer les murailles de Ierusalem. D'auantage, ayant fait dresser la maison Episcopale dès le fondement, l'accoustra & embellit fort brauement, & luy bailla mil deniers de reuenue. Elle fit edifier en Phordisie, vn hospital, auquel estoient receus & logez quatre cens malades du hault mal. Outre plus elle fonda autres maisons des pauvres passans, & des vesues, & leur donna grand bien. Elle dedia & laissa aux Eglises, hospitaux des pauvres malades, saintes chapelles, & monasteres tant d'hommes que de femmes, vingt mil quatre cens quatre vingts liures de monnoye d'or, outre les autres reuenus qu'elle conuertit en saints vsages & ioyaux de diuerses sortes, qu'elle consacra & octroya en plusieurs endroits. Vne fois entre les autres estant entree à l'Eglise le iour de Pasque, pour celebrer la S. Resurrection, de Iesus-Christ, elle donna pour l'usage des lampes dix mil mesures d'huyle : & aux choristes assemblez pour reuerer & honorer la memoire d'icelle sainte resurrection, elle assigna quatre cens deniers de reuenue annuel. Finalement elle erigea & fit bastir de bas en comble vne fort grande Eglise, & de belle façon, à l'honneur du glorieux saint Estienne, premier diacre & martyr, à vne stade pres de Ierusalem, auquel lieu on disoit qu'apres qu'il fut lapidé par les bourreaux & persecuteurs du Seigneur, il receut la couronne incorruptible : en laquelle Eglise, quelque temp apres, icelle Eudocie passant à la vie immortelle, fut inhumee l'an quatriesme de l'Empire de Leon, le grad, apres qu'elle eut vesçu saintement & selon les commandemens de Dieu. Or elle trespassa aagée de soixante sept ans : car elle auoit vingt ans quand elle fut mariee avec l'Empereur Theodose, elle passa vingtneuf ans à la cour de l'Empereur sous sa mere, qui estoit Pulcherie Auguste, & toute seule gouuerna l'Empire sept ans durans, sans Pulcherie, puis elle fut onze ans en Ierusalem : durant lequel temps elle fut quatre ans sans vouloir approuuer les actes du Concile vniuersel de Calcedone, comme nous dirons cy apres : & depuis la ratification des decretz de ce Concile, elle demeura aussi quatre ans, & apres ce, mourut. De laquelle on dit, que le Prophete Dauid a dit ce qui s'ensuit : Seigneur fais bien à Syon en Eudocie, c'est à dire en la bonne volonté, & que les murailles de Ierusalem soyent edifiees. Voylà comme se gouuerna Eudocie en ses affaires.

*De saint Simeones, lequel premier inuenta la façon de viure & demeurer sur vne colonne.*

C H A P.

L I.

*Simeones  
Columelle,  
premier in-  
uenteur de  
viure mo-  
nastique-  
ment sur vne  
colonne.*



*Sacrifice de  
l'Euchari-  
stie.*

Ncore en ce mesme temps là, eut bruit vn grand personnage appelé Simeones, homme de sainte & celebre memoire, lequel tout le premier inuenta la maniere de l'arrestet & demeurer sur vne colonne, & obtint grand renom, ayant sur la colonne vne petite maisonnette de deux couldees de tous endroits. Et pour le bruit qu'en entendit Domne, qui pour lors saintement gouuernoit l'Eglise de la ville d'Antioche, il alla le veoir dont il fut tout estonné, & desira fort de celebrer avec luy le Sacrement mystique & secret. Et de fait, ils celebrerent par ensemble, & apres que le sacrifice immaculé & non sanglant fut accompli, ils receurent l'un de l'autre la communion viuifiante. Ce grand personnage donc, mesme en corps de nature caduc, & enclin à choses basses & terriennes, imitant la façon de viure des Anges, renonça à tous biens & toutes charges : & forçant le naturel, aspiroit à toutes haultes, de maniere qu'il fit sa maisonnette entre le ciel & la terre, à fin que separé hors de tous troubles & tumultes, il glorifiast Dieu & l'honorast sans cesse avec les Anges par hymnes & loüanges : tant, comme mediateur pour presenter à Dieu les prieres des hommes supplians, que pour departir & eslargir de benignité, grace en abondance & affluée. Les beaux faits & admirables de ce saint personnage sont escrits & recitez par plusieurs, qui mesmes les ont veus de leurs propres yeux, mais tres-bien & pertinemment en a traité Theodorit, Euesque de Cyr, en l'histoire Des amateurs de Dieu. Or apres que ce Symeones, ange terrestre, ou plustost avec le corps ia citoyen & habitant de la supreme Ierusalem, eut entrepris & commencé ceste nouuelle façon de viure, que nul autre par-

auant



auant auoit entrepris & suyuy, les Abbez & Peres, qui habitoient sur les haultes montaignes, de bon vouloir qu'ils luy portoyent, enuoyerent d'entre eux quelques vns deputez, lesquels ils emboucherent pour luy faire entendre ce qui s'ensuit: Que signifie ceste habitation estrange & non accoustumee? Pourquoy astu delaisse ce grand chemin si hanté & frequenté presque par tous les saints & gens de bien, pour entrer par ie ne sçay quel autre sentier totalement incongneu? D'auantage ils leur baillerent charge & commission de le faire descendre, à fin de suyure la trace & maniere de faire des saints Peres. Que si d'auenture il descendoit proprement de dessus la colomne, ils commanderent de le laisser pour suyure tel train & maniere de viure qu'il voudroit: car ils estimerent que son obeissance declareroit que Dieu estoit autheur de telle entreprise. Mais fil le faisoit pour son plaisir, & vouloit contreuenir ou n'exécuter tout incontinent tel mandement, ils ordonnerent que soudain par force fust tiré bas par les pieds. Tout aussi tost que les deleguez furent venus à luy, & exposérēt le mandement des Peres, soudain sans plus grande deliberation & contredit, estendant l'un des pieds pour descendre, fut prest & appareillé à faire ce qu'ils commandoyēt: & les remercia de la peine & soucy qu'ils auoyent de luy, comme fil eut entrepris faire quelque chose contre la volōte & ordōnance de Dieu. Mais aussi ils le souffrirent viure selon la coustume qu'il auoit proposee, & luy dōnerent congé & puissance de tenir le cours & moyen de viure comme il auoit commencé. Et au pardessus adiousterēt, disans: Pren courage & fay vaillamment, car tu nous semble estre enuoyé diuinement pour viure en telle sorte par auant incongneue. Par ainsi de là en auant de grande assurance qu'il conceut pour suyuir de bien en mieux son entreprise. Or la diuine grace estoit en si grande estime en ce personnage, que quand Theodose ordonna par edict sur quelque peine ou amende, restituer aux Iuifs les synagogues que les Chrestiens leur auoyent ostées en la ville d'Antioche, & que Simeones luy enuoya lettres vñant de grande liberté en ses remonstrances & reprehensions, l'Empereur fit ce qu'il pleut à ce saint homme & aux Chrestiens, & supprima telle ordōnance; & deslors osta l'estat au lieutenant, par la suasion duquel, tel conseil & dessein estoit conduit: enuoya aussi quelques gens de bonne deuotion par deuers ce Martyr esleué en l'air, pour le requerir de prier Dieu pour sa santé, & de communiquer leurs prieres ensemble. Mais qui est celuy qui pourroit exprimer & declarer par le menu les œuvres admirables de ce saint homme, & les propos que si sagement il a tenu avec toutes personnes? Toutefois si quelqu'un en veult auoir la congnoissance, nous le renuoyōs à lire l'histoire d'iceluy: de laquelle, apres le grand Theodorit, a fort bien escrit vn Simeon Metaphraste, qui estoit de mesme nom: lequel en son discours dresse à tous, come vn banquet merueilleux, de toute sorte de viandes. Il vesquit cinquante & six ans, s'exerçant en telle façon de viure. Car il passa neuf ans en la premiere escole, ou il apprint les fondemens & rudimens de la sainte religion, & quarante sept en ce lieu estroit appelé Mandra. Ou bien, comme les autres supputent, il fut là dix ans en ces lieux estroicts, sept ans en plus basses colomnes, puis il vesquit trete-neuf ans accōplis sur la colōne de quarante coudées de haulteur. Son corps, apres la mort aduenue apres tant de combats & efforts soustenus sous l'Empire de Leon, le grand, fut transporté iusques à Antioche en presence de Martyre, qui pour lots y estoit Euesque, & d'Ardabure, chef & conducteur des bandes Orientales avec les soldats, & plusieurs autres magistrats: lesquels tous ensemble avec grande multitude de gens de leur suyte, allerent iusques à ceste diuine logette, & avec reuerence & bonne compaignie (car plusieurs, mesmes d'entre les philosophes & moines des enuiron, estoient là venus pour conuoyer le corps avec pompe) garderēt ce venerable corps mort, & qui estoit comme en vie, de peur que les prochaines villes qui abordoyent de toutes parts ne le rauissent, par ce que ia elles estoient en debat, laquelle d'entre les autres l'obtiendrait. Et ce neantmoins il fut porté en sauuegarde iusques à Antioche, & fit beaucoup de miracles par le chemin. Quelque temps apres, l'Empereur Leon manda à ceux d'Antioche, que ce corps luy fust donne: mais ils luy enuoyerent des orateurs, & entres les autres choses adiousterent en leurs requestes tels propos: Nous auons amené le saint corps de Symeones pour nous seruir de rempart & muraille, à cause que celle de la ville estoit tombee par vn grand tremblement de terre. Ce qu'ils impetrerent dudit Empereur, avec grand difficulté, toutefois il ceda à leurs prieres, & leur laissa le corps de Symeones, lequel y a esté retenu tout le temps passé iusques à maintenant. Ceux qui l'ont veu recitent chose admirable d'iceluy: car ils disent que les poils de sa teste & de sa barbe ne sont tombez par longue espace de temps, & si n'ont esté rasez, lesquels ayans surmonté la force du temps qui consume tout, contregardoyent encore le visage de ce saint personnage, comme s'il eust esté vivant & conuersant avec les hommes. Aussi disent ils que la peau demouroit toute entiere, mais qu'au front principalement elle estoit ridee & endurcie de labeur & diuturnité: semblablement les dents, excepté ceux que les fideles pour l'amour d'iceluy auoyent emportez en grande deuotion. Toutes lesquelles choses declarent & font preuue de la stature & corsage, quel & combien grand personnage estoit Simeones, enuers Dieu. D'auantage pres de son corps estoit posée vne petite chaine ou quarquan de fer, car il auoit obtenu de Dieu tel honneur, pour la constance & force de son corps en diuers combats: Et ce fer, comme amoureux de Simeones

*L'obeissance de Simeones enuers les saints Peres, monstra son entreprise estre de Dieu.*

*Theodose es affaires publiques obeit à Simeones. Communauté de prieres.*

*Le corps de Simeones honorablement conuoyé en Antioche. Euagre, li. 1. cha. 13.]*

*Quarquan de fer de Simeones.*

*Euagre, li.  
I. cha. 14.  
escriit auoir  
veu ceste  
estaille.*

*Les femmes  
n'entroyent  
en l'Eglise  
de saint Si-  
meones.*

quoy qu'il fut mort, i'amaïs ne le laissoit, comme s'il eust prins plaisir estre en si bonne cōpagnie ny Simeones, le fer : mais il estoit mis aupres de lay, comme s'il eut parfait & contregardé son corps. Or i'auois fort grand desir de raconter par le menu tous les faits, tant pour mon profit en les resitant, que pour apporter quelque vtilité au lecteur de ceste histoire, n'eut esté qu'ils sont escripts proprement & amplement par les saints personnages mentionnez : ioinct qu'il nous fault auancer ce qui est de nostre entreprinse & promesse. Parquoy ie me contenteray maintenant d'en reciter seulement vn point qu'ils ont obmis. Donc (comme il est dit) les habitans appellent le lieu de son exercice monastique, Mandra, qui est le nom imposé par le saint homme : ce lieu est distant de Theopolis de trente stades pour le plus, au declin du coupeau d'une montagne, il fault monter la haulteur de vingt stades, & là en fin est basti vn temple en forme croisee, & de quatre costez esleué & orné de porches & galeries. Pres de ces porches sont erigez proprement des pilliers de pierre dure, polie, lesquels supportent en hault la grande voultc. Il y a au milieu vne place ou aire ouuragee brauemēt par art singulier. Au milieu de la place est dressée la colomne de quarante couldees, de laquelle ce saint homme & ange charnel vfa d'escheles pour monter au pays celeste. En ces porches que i'ay dit, y auoit tout au plus hault des treillis, que lon appelle fenestres, lesquelles correspondoyēt & se rapportoyent aux galeries ou porches, & en la place susdicte : & seruoient pour asseoir & retirer ceux qui vouldroyent, à fin que de l'Eglise ils peussent regarder dehors, & aussi du dehors de l'Eglise, par dedans. Là au costé gauche de la colomne on pouuoit veoir des treillis, sortir vne grande estoille disourante ça & là, & reluisante fort cler : laquelle mesme par fois se cachoit, & tantost apres se remonstroit. Ce que seulement aduenoit les iours esquels on faisoit memoire de ce saint hōme. Les autres ont escript qu'aupres de la colomne on veoit la face de Simeones voltigeant ça & là, la barbe grande comme il la portoit de coustume, & le chef couuert d'une mitre : car il souloit s'accoustre de telle façon. Chacun veoit tel miracle, mesme les femmes, mais du dehors de l'Eglise, & arrestees pres d'une porte qui estoit à l'opposé & au deuant de l'estoille esclairante, pour ce qu'il y auoit portiers ordonnez en ce lieu là, pour se donner garde expressement, ie ne sçay pourquoy que quelque femme n'entraist en ceste Eglise : mais bien les hommes, & mesme les iustiques y entroyent avec leurs iuments, faisans procession à l'enuiron de la colomne. Voylà donc que nous auions à dire de Simeones.

*⁊ Aussi disent ils &c.) Le corps de Symeones demeura entier iusques au temps d'Euagrus, lequel escriit auoir veu sa ceste, avec plusieurs autres prestres lors que Gregoire tresfameux estoit Euesque d'Antioche, & quand Philippique, chef des bandes Orientales, pour la garnison, requeroit que les saintes reliques luy fussent enuoyees.*

*De saint Euthyme, & autres grands personnages, qui ont vescu saintement & religieusement.*

CHAP. L I I.

*Miracles de  
Euthyme.*



*Euthyme  
vesquit  
97. ans.  
Mort horri-  
ble d'un  
hypocrite.*

Emblablement, sous ce mesme Empire, en la Palestine fut vn homme excellent & de grand renom, appelé Euthyme, la natiuité duquel fut annoncée & promise sous l'Empereur Valens : & fut nourry & deuēmé enseigné par Otteie & Attic, Euesques de l'Eglise de Melite. Depuis il fut promu à l'ordre de prestre, & seulement eut charge des choses sacrees. Finalement avec Theodiste, homme de grāde reputation, il dressa boutique de vertu en la Palestine, en vne cauerne : & apres de plusieurs cellules & chambrettes basties comme pour amasser le miel de la sainte Philosophie, fit vn grand monastere. Or estoit il si vertueux qu'il estoit la reigle & exemplaire de la vie monastique : aussi auoit il grand bruit de faire miracles. Car il deliura de maladie & rendit sain le fils d'un capitaine des Perses. Il fit plouuoir par ses prieres, & obtint fertilité à la terre sterile. Il fit tant que de peu de pains il en multiplia plusieurs, desquels quatre cēs personnes repeurēt. Il rendoit fecōdes & enceintes les femmes steriles, & qui ne porroyēt point d'enfans. Quand il celebrait la Messe & sacrifice mystique, vne clarté celeste l'environnoit tout ainsi qu'une colōne reluisante : laquelle cōme de viue voix, signifioit de quelle integrité & pureté de vie estoit ce personnage. Encore par secreete reuelation il congnoissoit de quelle affection & vouloir estoit vn chacun de ceux qui venoyēt à luy pour receuoir la sainte cōmunion : ce qui donnoit euident tesmoignage de sa sainteté. Ce saint homme mourut, & alla à Dieu, lors que Leon, le grand, tenoit l'Empire, apres qu'il eut vescu nonante sept ans. Il estoit de vie modeste, fort simple en ses meurs, blond de couleur : & portoit la barbe longue iusques aux cuisses, & fort espesse. Les histoires font mention que ce personnage, à la mort de quelque moine impudic, qui toutefois auoit eu grand bruit & reputation de vertu & chasteté, veit vn ange maling, & de face horrible, lequel avec vn crocher à trois dents, tiroit d'une façon cruelle

l'ame du corps: & quant & quant ouyt vne voix du ciel, laquelle apertement reueloit ses vilénies, meschancetez & hypocrisies couuertes. Aussi recitent, que sur le pauë, à descouuert, il veid *Mort henn-*  
 vn pauure homme mort tout deschiré & mal vestu, du corps duquel plusieurs Anges, qui là c- *renue d'un*  
 stoyens presens, tirerent l'ame avec reuerence, près de laquelle estoit Dauid avec sa harpe armo *pauvre*  
 nieuse, comme la voulant conduire & resiouyr par ses chansons. En ce mesme temps, plusieurs *homme.*  
 autres furent en grande estime, du nombre desquels estoient Theoctiste & Gerasime, Abbez &  
 superintendans des grands conuents: lesquels reiglerent leur vie de mesure & façon nouuel- *Eudocie re-*  
 le & estrange: mais ien'ay le temps de descrire tous leurs faits l'un apres l'autre. Alors aussi *ietela secte*  
 Eudocie Auguste, laquelle s'estoit esgarée du droit chemin, ayant recongneu la verité, se *des Euty-*  
 retira de la secte & faction des Eutychiens. Semblablement Sabbas, encore ieune hōme & de *chiens.*  
 grande vertu, alla visiter Euthyme, lequel, apres l'auoir veu, dit euidentement quel il seroit à l'ad-  
 uenir. En ce temps là mesme, fut bien estimé Tite de Bostre: aussi Basse, Tatiane & Melane, fem *Saintes &*  
 mes admirables, & avec icelles Xene, la bien renommee, de laquelle vne couronne faite de bel *religieuses*  
 les estoilles, assez declaroit la perfectiō de sa vertu. Encore vn Xenophon, fort grandemēt loué, *femmes.*  
 lequel premieremēt auoit esté de l'estat des Senateurs, hōme non moins orné de dons internes  
 de l'esprit, que de biens externes de richesses. Or auoit il deux fils, à sçauoir, Arcade & Iean, les- *Arcade &*  
 quels il enuoya à Barut, ville de Phenicie, pour estudier aux loix. Mais quand il entendit que *Iean, enfans*  
 par tempeste ils auoyēt fait naufrage en la mer, il se mit en voye avec sa femme pour les chercher. *de Xeno-*  
 Ce pendant estant aduertie qu'ils menoyent vie religieuse en Ierusalem, luy & sa femme y prin- *phon.*  
 drent aussi l'habit de vie tranquille, & acquirēt telle vertu, qu'ils receurent l'honneur & prix  
 de faire miracles. Et comme ainsi soit que durant leur vie ils eussent pleuré à Dieu, icelle passée, ils  
 alloient à luy mesme. Aussi pour lors surpassa de beaucoup les autres, par accroissement de ver-  
 tu, vn moine fameux, nommé Auxence, en la montaigne de Bythinie, laquelle est à l'opposé de  
 Constantinople, & surmonte en haulteur toutes les autres costes à l'environ.

*De saint Isidore, Pelusiote: & de ce que Cyrille & autres ont escrit de S. chrysostome.*

## CHAP. LIII.



N ce temps là non seulement furent grands personnages en vertu, mais *La bonne*  
 aussi leur doctrine estoit excellente, conforme & correspondante avec *vie, conform-*  
 leurs faits. Que si ces deux especes de Philosophie se rencontrent en- *me à la bon-*  
 semble en vn mesme subiect, elleuent & induisent plus legeremēt l'esprit *ne doctrine.*  
 à choses haultes, l'associent & coioignent à ce grand bien que de tout  
 desir & souhait nous requerons & conuoyons. Car celuy auquel ainsi  
 aduiennent ces deux ensemble, il s'en sert cōme de deux ailes pour s'en-  
 uoler au ciel, & de grande assurance y paruenir hastiement. Or entre  
 ceux qui lors pour la bonne vie & doctrine furent en grand hōneur &

gloire, estoit Isidore, abbé en la montaigne de Peluse, Nil & Marc bons religieux, & aussi le sa-  
 ge Theodorit, Euesque de l'Eglise de Cyr, & lesquels furent fort fameux en poésie, & en l'une  
 & l'autre philosophie eurent pour precepteur S. Chrysostome. Isidore donc dès son ieune aage  
 en telle sorte experimenta les labeurs monastiques, & entretenant l'ame de doctrines secretes  
 & haultes, si fort machera sa chair que totalement il menoit vie Euangelique, & estoit cōme  
 support & viue colomne des obseruances des moines, & de la contemplation des choses diui-  
 nes, ou comme quelque peculier exemplaire d'affectueuse emulation & doctrine spirituelle. Il  
 a escrit beaucoup de liures pleins de grande vtilité & profit, mais principalemēt presque les dix  
 Chiliades d'epistres, farcies de tout gēre de grace diuine & humaine, esquelles il expose claire-  
 ment toute l'escriture, comme celuy qui en ses escrits vsoit de styl fort propre & conuenable à  
 enseigner: pareillement il baille à congnoistre, de quel desir & affection il estoit meū & animé  
 enuers honnesteté, enuers l'Eglise, & ceux qui sans cause & contre raison estoient foulez & in-  
 iuriez. Outre plus il est fort seure en ses œuures à reprendre ceux lesquels ne faisoient deuēmēt  
 leur deuoir en l'estat d'Euesque & sacerdotal. Et par ce qu'il fauorisoit apertement à S. Chrysosto-  
 me, il repréd asprement Arcade & Cyrille, avec l'oncle d'iceluy, Theophile, & taxe leurs efforts,  
 entrepris en mauuaise part contre ce personnage: choses qui tesmoignent qu'il estoit de leur  
 temps. Et mesme contredisant à Cyrille, & le reprenant comme seditieux, escrit ce qui s'ensuit:

« Celuy qui ayme d'affection est si fort transporté, qu'il ne voit guere clair: mais celuy qui hait, *Esrits d'Isi-*  
 « est si fort passionné qu'il est auégulé, & ne voit goutte du tout. Que si tu te veulx purger de ces *dore.*  
 « deux vices, tu ne dois tirer par force sentences violentes & contrainctes, mais te rapporter du *Esrit d'Isi-*  
 « différent à iustes iuges. Car pour nous bailler exemple d'informer & enquerir à la verité & par- *dore à Cy-*  
 « fairemēt de quelque fait, le bon plaisir de Dieu fut de descendre, pour veoir la clameur du peu- *rilie.*  
 « ple de Sodome, encore qu'il congnoisse & preuoye toutes choses deuant qu'elles aduiennent. *Exemple de*  
 « Et certainemāt plusieurs lesquels avec toy ont esté assemblez en Ephese, te diffamēt & oultragēt *ne condāner*  
 « les per-  
 « son-  
 « nes, sans cō-  
 « gnoistre le  
 « fait.

publiquement, pour ce que tu poursuis & cerches vengeance de tes ennemis, & contre ta coutume & ordre de tous fideles, t'enquiers des choses qui appartiennent à Iesus-Christ. Veu qu'il est, disent ils, neveu de Theophile, aussi est il imitateur de sa façon de faire. Car tout ainsi come Theophile a desgorgé ouuertement sa folie contre ce S. Chrysostome, semblablement Cyrille, en la mesme forme affecte acquerir honneur & gloire : combien que les causes & conditions des choses controuersées, & pour lesquelles on est en different, soyent bien contraires. De rechef en vne epistre il escrit ce qui s'ensuit : Les exemples reduits & couchés es saintes escritures, me donnent terreur, & suis contrainct d'escire par force ce qui est de besoing : Car soit que ie sois pere, comme tu m'appelle, ie crains le iugement & punition d'Hely, pour ce qu'il reprenoit l'offense de ses enfans : soit que ie sois ton fils, ce que i'auoue & reconnois plustost, car tu representes la personne du grand Saül : toutefois i'ay peur d'estre puny comme Ionathas, d'autant qu'il n'empescha son Pere de demander conseil à la <sup>b</sup> Pythonisse : car pour ceste cause le fils, qui pouuoit bien le garder de ce faire, plustost fut mis à mort en bataille, que son pere, qui auoit fait l'offense. Et par ainsi de peur que moy mesme ne sois puny, ou que plustost toy mesme ne sois condamné de Dieu, appaise les contentions & differens, & par vengeance du desplaisir que t'ont fait quelques personnes, ne vueille par actions subreptices & fraudulentés tromper l'Eglise viuante : ou sous pretexte & couuerture de pieté, luy brasser discords perpetuels. D'auantage, il escriuit de Chrysostome : Tu me requiers quelque chose de la tragedie & esmeute touchant Sainct Iean Chrysostome : mais pour l'insolence & indignité du fait, ie ne puis te la declarer, toutefois en peu de paroles tu entendras ce que l'Egypte prochaine selon la coutume en a inuenté : elle a refusé Moysé, & s'est assubiectionnée à Pharaon : elle a fustigé les humbles, tourmenté les affligés, elle a fait bastir des citez, & n'a payé le salaire aux ouuriers. Et apres s'estre appliquee à telles choses, elle a mis en auant Theophile brulant de grand' cupidité de pierreries, & qui auoit l'or en tel honneur que Dieu, lequel estoit accompagné de quatre ministres, qui conduisoient l'affaire, ou plustost quatre, qui comme luy auoyent failly, afin de surprendre & opprimer à la façon d'un ennemy, l'homme qui bien aymant Dieu, le publioit & annonçoit par tout, practiquas pour le moyen & occasion de leur meschanceté, les inimitiez qu'ils portoyent contre celuy qui auoit mesme nom que moy. Mais la maison de David est confortée, & celle de Saül est affligée, & (come tu vois) infirmée & affoiblie, combien qu'il soit eschappé des miseres & tempestes de ceste vie, pour aller à la celeste & tranquille. Le mesme Isidore, à la louange du styl & beau parler de Chrysostome, escrit à Ophelius, grāmarien, ce qui s'ensuit : Le langage plaisant, l'eloquence gentille, & abondance des sentences es escrits de Chrysostome, ont esté en grande admiration : ie ne dy point, à plusieurs autres (car cela sembleroit bien petite chose à beaucoup de personnes) mais à Libanius : lequel aussi en eloquence est en grande reputation de tous, comme il est euident en vne de ses epistres, qu'il luy enuoya, quand dès son ieune aage il fit vne harangue à la louange des Empereurs : en laquelle il le renomme non seulement heureux pour auoir si bien dit : mais aussi reputé bien heureux ces Princes, lesquels il recommanda pour auoir rencontré tel loüeur. Le contenu de l'epistre est tel : Libanius à Iean Chrysostome, salut. I'ay receu ton oraison, longue & elegante, laquelle i'ay communiquée à quelques personnes, qui aussi copoient des oraisons, mais il n'y en eut pas vn qui ne tressaillist & s'escrist de ioye, en faisant toute autre chose que font ceux qui sont estonnés par quelque admiratiō. Je suis bien heureux que tu as appliqué plustost à telles sortes d'oraisons, la science de bien dire, que tu pouuois mettre en auant & employer au parquet es causes ciuiles : mais aussi t'estime bien heureux d'auoir eu le moyen de loüer si excellēs Princes, & ne pense moins heureux tant le Pere qui donna l'Empire, que les enfans qui le receurent, d'auoir trouué tel loüeur. Voilà qu'escriuit Libanius. D'auantage, Plutarque est d'opinion, que l'oraison euidente & facile à entendre, est vrayement & proprement celle dont vsoient ceux d'Athenes : car, dit-il, ainsi souloyent dire des grands orateurs. Mais Gorgias Leontin, affectant par curiosité le hault styl, & le langage figuré, premier apporta ce vice es oraisons ciuiles, & en osta la clarté & felicité. Le mesme est aduenü au diuin Platon. Si donc ainsi est qu'en cela deuiés adiouster foy à Plutarque, Chrysostome surpasse de beaucoup en excellence tous les autres, lequel en ses oraisons imite le langage des Athēniens, & plus que tous autres est facile. Voilà doncques les escrits du diuin Isidore.

Isidore du  
styl de  
Chrysostome.

Chrysostome en son  
styl a imité  
les Athēniens.

<sup>a</sup> Cyr, ) La ville de Cyr, de laquelle en plusieurs endroits de ces presens liures est faite mention, & d'où estoit Euesque Theodorit, historien Ecclesiastique, est située en Syrie, & par les Iuifs, quand de la Palestine ils furent menés en captiuité par les Medes, & restitués en leur pays par Cyre, Roy des Perses, fut bastie en memoire de tel benefice. Il fut vn temps qu'on n'en tenoit conte : mais peu apres, elle fut restaurée & embellie par Iustinien, pour l'amour de saint Cosme & saint Damien, qui estoient là inhumés. Procle.

<sup>b</sup> Pythonisse : ) Quelques femmes ayans la diable au corps renouoyent & faisoient reuenir les ames des trepassés : telle estoit celle dont se seruis Paul, pour faire reuenir l'ame du Prophete Samuel. Suidas.

De

*De saint Nile, de Marc, religieux, & de Theodorit Euesque de Cyr.*

CHAP. LIIII.



R le lieu de la naissance de l'admirable Nile ç'a esté Cōstantinople, de laquelle mesme il estoit preuost, mais il prefera la vie monastique, à sa dignité & ses richesses, & à l'exēple de Dauid, aima mieux estre abiect & contempnible en la maison de Dieu, que d'habiter es tabernacles des pecheurs. Et comme soit qu'il fust fort eloquēt en vertu & graces diuines, il a laissé par escript touchāt les enseignemens de l'exercice de la vie monastique, diuers opuscles, si bien ordōnez de paroles & sentēces, qu'ils baillent grand plaisir & contentement aux lecteurs. Il a composé aussi vn liure du martyre que plusieurs saincts Peres receurent en la montai-

*Nile pour  
estre moine  
quitta la  
preuosté de  
Constanti-  
nople.  
Psal. 83.*

gne de Sina: auquel traité, pour la bonne grace & faconde d'iceluy, il excite si fort les cueurs, que de là on peult assez comprendre & inferer de quelle doctrine & vertu estoit ce personnage. En ce mesme liure, il fait mention en peu de paroles, des siennes aduersitez, & de ses enfans: & declare, comme par tragedie, leur miserable captiuité, quand les Barbares de Blemmye, par leurs courses & entreprises sur nous, firent tant de meurtres: tellement que cest opuscle peult estre comme quelque recreation spirituelle, à tous estudians. De rechef il mit en lumiere plusieurs autres bons liures pleins de beauté spirituelle: entre lesquels (comme il me semble) tient le premier lieu, celuy qu'il a escript contre les sectateurs de la superstitiō Grecque: ou bien ceux qu'il dedia à Eulogius. Il assembla aussi quelques chapitres, qu'il trata amplement, & plusieurs autres, en peu de paroles: esquels il propose, & à yeux voyans represente & baille en main, vne doctrine fructueuse & spirituelle, cōme quelque viande ou breuage des dieux. Or apres qu'il fut decedé, Iustin second le fit transporter & inhumer aupres du grand Autel & sainte Table du temple qu'il auoit fait bastir en l'honneur de S. Pierre & Paul, princes des Apostres, pres la maison où estoient nourris & entretenus les enfans orphelins. Quant à Marc, ayant vescu reli-

*Les escripts  
de Marc.*

*De Synese, Euesque de Cyr, & avec quelle opinion il fut promu à l'ordre de prestre.*

CHAP. LV.



V nombre cy dessus mentionné estoit Synese, duquel la renommee estoit grande par tout le monde. Iceluy, en ce tēps là, estoit fort docte, si quelque autre l'estoit. Et du commencement de son aage, il employa toute sa peine à la philosophie des Platoniciens: de laquelle il paruint à si grande perfection, que non seulement les Grecs, mais aussi les Chrestiens qui sans affection iugent purement des choses, l'auoyent en admiratiō singuliere. Or a tel personnage, qui d'abondant estoit de meurs si paisible & modeste, Theophile Alexandrin persuada de recevoir la sainte & salutaire regeneration: & puis apres, fit tant enuers luy, qu'il fut sacré Prestre, & se

*De Synese  
qui de grād  
philosophe  
fut fait  
moine.*

monstra fort prōpt & facile aux autres choses desquelles les Chrestiens font profession: mais estant seduit & preneveu des opinions Platoniques, il ne receut de premiere insūce la doctrine de la resurrection: ains la pensoit detestable & indigne d'estre enseignee. Et cōbien qu'il fut arre-

*Les Platoni-  
ques ne croi-  
oyent la re-  
surrection.*

P p p

# LIVRE XIII. DE L'HISTOIRE ECCLESIASTIQUE

supporta pour lors ceste imperfection, estant induite & asseuree de certaine coniecture, ou que tel personnage, à cause de ses autres vertus, pourroit quelque fois se retourner & approuver l'article de la resurrection : ou que la diuine grace ne permettroit que celuy qui estoit doué & enrichy de tant d'autres grans & principaux dons, eust faulte de si bonne chose come estoit la connoissance de la resurrection. Et de vray elle ne fut trompee de telle esperance & intention : car peu de temps apres, il creud la resurrection, & fit profession, & enseigna publiquement, qu'elle estoit vraye, & grandement cōuenable à l'opinion de l'Eglise : Mais au surplus, les epistres tres-elegamment cōposees deuant qu'il receust la dignité sacerdotale, & encore plusieurs autres liures, lesquels de beaucoup surpassent en excellence tous autres escripts, pour l'ordre & cōposition si proprement ornee, pour la diction, & multitude des sentences, font preuue & entiere foy, de quelle & cōbien grande vertu tel homme estoit recomandable. Or voicy les œuures qu'il mit en lumiere : Vn volume de cent & soixante epistres : vn liure qu'il dedia à Theodose le ieune, De l'administration de l'Empire : lequel contenoit entierement la doctrine & forme de bien regir & gouverner la Republique : vn opusculé Des songes : vn qu'il enuoya à Pœonius, Du don : deux liures De la prouidence, lesquels il appella Egyptiens, La louange de chaüeté ou viellesse : & quelques hymnes à Dieu fort gentilement composez. Au reste, pource que ie tasche à monstrier la verité, j'adiousteray en ce lieu vne de ses epistres enuoyee à son frere : Euopius : par laquelle on peut congnoistre de quoy il doutoit, quand il luy fut permis par dispense & superieurs de l'Eglise, de recevoir la dignité sacerdotale : la copie d'icelle est telle : Sans nulle doute, ie serois fort inconsideré & ingrat, si ie ne remerciois grandement les citoyens de Ptolemaide, lesquels me font & presentent tel & si grand honneur que ie m'en estime indigne : mais il conuient deliberer & aduiser, non pas si leurs offres sont grandes, ains plustost si ie les dois recevoir. Car si quelcun est aduancé en grand honneur, & s'il est homme de bien, certainement il en reçoit doulx fraict : mais au contraire, s'il est indigne de tel estat, qu'il s'attende bien d'en recevoir punition future. Outre-plus, telle crainte en mon endroict n'est point nouuelle, mais fort vieille, à sçauoir qu'en rapportât honneur des homes, ie n'offense Dieu. Certainement quant à moy, qui me congnois bien, ie me trouue trop incapable & insuffisant d'administrer la dignité sacerdotale. Et pourtant ie te veux faire vn discours touchant les meurs de mon esprit & naturel, & te rescrire ce que i'en pense : car, cher frere, ie n'ay nul autre, enuers lequel ie le puisse faire plus librement, & à plus iuste cause, qu'avec toy, qui as esté nourry & entretenu avec moy. Par ainsi il est raisonnable que tu sois participant du soing que i'ay, & de nuict que tu veilles pour deliberer, & de iour que tu songes pour considerer que bien m'aduienne, & que i'euite le mal. Parquoy enten en quel estat sont mes affaires : la plus grande partie desquelles t'est ia congneue. Il me semble auoir conduit & mené assez heureusement insques à present, mes estudes en philosophie, y ayant trauaillé quelque peu. Et comme ainsi soit que ie sois reputé de quelques-uns, y estre versé aucunement bien : & des autres lesquels ne peuuent iuger droitement de la capacité & pouuoir de mon entendement, loué & prisé, ils me veulent eleuer en plus hault estat & dignité : Mais si par vne sorte & desordonnée ambition i'accepte la dignité qui m'est presentee, ie crains que ie n'aye ny l'un ny l'autre : sçauoir est ne l'honneur du refus de la dignité, ny gloire de la mauuaise administration d'icelle : & par ainsi pense avec moy diligemment de tel affaire. J'employe tout mon temps ordinairement en deux choses, à l'estude & au ieu. Quand i'estudie, principalement es lettres saintes, ie suis seul, & ne veux estre destourbé : mais quant au ieu, ie cherche les compagnies. Car tu sçais fort bien, que quand ie laisse les liures, ie m'adonne du tout à quelque passe-temps, & que de mon naturel, & certain propos deliberé & destiné, ie n'ay cure de manier affaires ciuiles. Or il fault que le Prestre & personne Ecclesiastique soit diuin, & comme s'il estoit Dieu, qu'il s'estrange quasi totalement du ieu, lequel mesme, à fin qu'il prenne garde à bien viure en son estat & vocation, est exposé à la veüe d'une infinité de gens : ausquels certes il ne reuiet aucun, ou bien peu de profit & instruction de son ministere, si ce n'est que ce Prestre soit bien apprins, sage & de bonne vie, & qu'il ne soit subiect à ses plaisirs. Quand il fait sacrifice à Dieu, il ne peut estre seul à son priué : mais il est en pleine assemblée entre plusieurs, veu qu'il est docteur de la loy, & ne doit sonner aucun mot que legitime & raisonnable. Il fault que de son office il administre des choses lesquelles appartiennent à tous ensemblément : car luy seul doit procurer & auoir soing de tout ce qui est commun à vn chacun, s'il ne veult estre chargé & participant de tous leurs crimes & mesfaits. Comment donc ne seroit-ce le fait d'un homme courageux, magnanime & constant, soustenir & porter si pesant fardeau de sollicitudes, sans que l'entendement en fust confus & perturbé, ou que le rayon de la diuinité resident en nostre ame, ne fust restraint & negligé, quand l'on est detenu ou empesché en tât d'affaires & vocations ? Je ne doute point qu'il n'y en ait aucuns qui le puissent bien faire : & pour cela ie les estime de nature heureuse, & comme personnes diuines : lesquels, combien qu'ils versent en beaucoup d'empeschemens & affaires humaines, ne perdent toutefois la souuenance de Dieu, ny la charge des choses diuines. Mais quant à moy, qui ay de coustume descendre en la ville, & m'y pourmener, ie me sens enuélé & intriqué de choses qui

*Escripts de  
Synese.*

*:: Ou Enuopius.  
Epistre de  
Synese enuoyee à son  
frere Euopius quant  
Theophile  
Alexandrin l'e-  
leur Euesque de Pro-  
lemaide en  
la region  
Cyrenai-  
que.  
Office de  
charité fra-  
ternelle.*

*Synese com-  
me philosophe estoit  
adonné à  
l'estude &  
au ieu.*



qui m'emmenent à sollicitudes terriennes : & sçay que ie suis remply, & infect de tant de souilleures, que facilement on ne pourroit dire le nombre : Car les defauts externes, & qui viennent d'autre part quant aux choses naturelles & qui me sont propres, doiuent estre reputez & mis en compte de l'accessoire & surcroist. Je n'ay aucune force corporelle : les biens internes & de l'esprit, sont en moy de petite estime & value : en partie aussi ie suis priué & desnüé de choses externes : & qui plus fort est, ie ne puis porter, ny endurer le remord de conscience. Et toutes & quantes fois que quelcun me parle de l'estat, ie respons incontinent en paroles expressees, que le Prestre, en toutes choses, doit plus que les autres estre sans reproches, blasme & meschanceté, comme celuy qui purge les ordures & mesfaits des autres. Or ie pourray bien inserer & adouster encore ce qui s'ensuit aux lettres que i'envoye à mon frere : car plusieurs liront ceste epistre, & pour ceste cause principalement ie l'ay dressée & escripte, à fin que quand le fait sera congneu à tous, quelque yssue que puissent auoir mes choses tant enuers Dieu, que les hommes, & non moins enuers le pere Theophile, ie sois trouué sans faulte & inculpable. Car comment seray-je chargé de quelque crime, quand i'auray déclaré mes faits, & que ie luy auray permis & donné puissance de faire & determiner en mon endroict tout ce que bon luy semblera ? Dieu & les loix m'ont donné femme, par la sacrée main de Theophile, & pourtant ie certifie & proteste publiquement deuant tous, que ie ne l'abandonneray iamais : & que, comme vn adultere, ie ne veux secretement & en cachette auoir sa compagnie charnelle. Car en l'un ie ne rendrois le deuoir que ie luy dois : en l'autre ie contreviendrois aux loix ciuiles & diuines : Mais plustost ie desire & souhaite auoir plusieurs beaux & bons enfans. Parquoy il fault bien que celuy qui est chef & auteur de l'election, en soit aduertý : & que le sçachent aussi nos amis Paul & Denys, lesquels pour ce fait, comme i'entens, sont deputez & commis ambassadeurs de par le peuple. Et quant à Theophile, il ne luy fault signifier, cela ains seulement luy ramenteuoir. Or ie traiteray en plus de paroles des causes qui s'ensuiuent, avec lesquelles seules si toutes les autres sont accomparees, elles sembleront de petite valeur. Il est bien difficile, voire totalement ne se peut faire, que l'esprit relasche & reuoque en double les opinions & decrets, lesquels par doctrine & science sont venus à certaine & necessaire persuasion & credence. Or tu n'ignores point que la philosophie est grandement contraire à ces vulgaires opinions des Chrestiens. Qui est cause que iamais personne ne me sçaura mettre en la teste que l'ame soit engendree apres le corps, ny faire que ie ne soustienne que ce monde ou quelques parties d'iceluy doiuent perir. I'estime aussi que la resurrection tant publiee, est chose si estrange qu'elle ne doit estre diuulguee ny enseignee : & ne puis aucunement m'accorder aux opinions qu'en a conceu le peuple. L'homme bien aprins & enseigné en philosophie, voit pleinement la verité : mais s'il est contrainct par necessité, il permet & reçoit mensonge. Et la clarté a sa comparaison & proportion à la verité, & comme la veüe à :: l'entendement. Donc tout ainsi que la veüe est auéglee & offensee de trop grande clarté, & que les tenebres sont plus propres & commodes à ceux qui sont chasteux : semblablement aussi pense-je menterie & faulxeté estre nuisante au peuple, & la verité estre nuisible à ceux lesquels ne peuuent appliquer leur entendement à la perspicuité euidente des choses. Que si nos Prestres & Ecclesiastiques me permettent cela, ie pourray certes accepter la charge de Prestre, qui suis de tel naturel qu'en la maison i'estudie & m'employe en philosophie, & quand ie sors & me trouue en public, ie prens plaisir à communiquer & deuiser avec les personnes, & suis content ny d'enseigner ny d'estre enseigné : mais permettre à vn chacun de persister & s'arrester en l'opinion qu'il a parauant apprinse & conceüe : Mais si ces Ecclesiastiques maintiennent que le Prestre doit estre bien affectionné & arresté en ses opinions, ie discontinueray & cesseray de me monstrier à tous en public. Car qu'a le peuple de propre avec la philosophie ? Il ne fault pas vrayement diuulguer & rendre commun à tous la verité des choses diuines : Mais le peuple a besoing d'estre instruit & accoustumé en autre maniere. Par ainsi d'oc ie diray de rechef, & le repereray souuent sans aucune cōtraincte, que c'est le propre d'un homme sage, de ne reprendre n'estre reprins. Que si ie suis promu & eleu à l'ordre de prestre, ie ne m'oublieray tant que de dissimuler ou desguiser quelque opinion contre mon aduis & iugement. Et de cela i'en appelle Dieu & les hommes en tesmoins. La verité est propre à Dieu, deuant lequel en toutes choses ie veux apparboistre sans blasme & reproche : & pourtant en cecy ie ne veux dissimuler. Puis que ie suis addonné aux ieux & ioyeuses railleries, tellement que dès mon ieune aage plus qu'il n'estoit conuenable, i'ay esté suiet à tel blasme, ie seray grandement fâché d'auoir prins mon plaisir aux armes & aux cheuaux. Car que pourrois-je faire autre chose, que de me contrister, quand ie verray mes chiens tant ayez ne plus aller à la chasse, & mes fleches & dards estre vermoulus ? Toutesfois s'il plaist à Dieu, ie seray ferme & constant, & prendray peine & chagrin, encore que ie sois sans souey, & me confiant en Dieu, ie soustiendray la charge, & assisteray à l'audience des causes & iugement des proces, quoy que la peine soit pesante & fâcheuse : Mais ie ne pourray couuertement dissimuler les opinions, ny ma parole sera contraire à ma pensée. Et quoy que mon propos & iugement soit tel, ie pense estre plaissant à Dieu : & ne veux point que l'occasion de tel bruiet & renom

*Synese ne  
veult las-  
ser sa fem-  
me pour la  
dignité sa-  
cerdotale  
ou episco-  
pale.*

*:: Ou, à la  
chasteté,  
& mieux.  
La philoso-  
phie quel-  
ques fois ad-  
met meson-  
ge.*

*iurisdic-  
tion  
episcopale.*

me demeure, que j'aye brigué la faueur d'estre eleu, par ce que j'ay ignoré qui i'estois. Au demeurant, puis qu'ainsi est que le pere Theophile, bien aimé de Dieu, me congnoit fort bien, apres qu'il m'aura fait à sçavoir qu'ainsi soit qu'il prenne bon conseil touchant ce qu'il aura à ordonner & arrester de moy : Car lors parauanture il me laissera viure selon ma coustume en la philosophie, ou s'il m'admet, il f'ostera le pouuoir de se plaindre puis apres de moy en ingement, ou me deposer de l'estat Ecclesiastique. Outre son aduis, toutes autres opinions & sentences me seront friuoles : car ie suis bien asseuré que la verité est tresagreable à Dieu : Mais j'appelle en tesmoing ton chef sacré, & tout premierement Dieu, qui a esgard à la tutelle & defense de la verité, que ie prens telle charge avec regret. Car cōment se feroit il autrement, veu qu'il me fault changer aucunement ma vie accoustumee, en vn autre ? Que si apres que ces excuses & remonstrances seront venues à la congnoissance de tous ( car ie n'entens pas qu'elles soyent celes ny cachees ) celuy auquel Dieu a baillé la puissance me choisit & elit en estat & ordre de prestrise, j'entreprendray ceste charge contrainct, & la receuray comme par diuine ordonnance. Car ie pense & argumēte en telle sorte : Si vn Empereur, ou quel que mal-heureux prince hay de Dieu, me commandoit, & ie n'obeissois à son cōmandement, ie serois puny comme desobeissant : mais quant à Dieu, il nous y fault obeir volontairement : Mais s'il ne plait à Dieu de me charger de tel office sacré, il est bien raisonnable que dès le commencement j'embrace & retienne en moy ceste verité diuine, & que ie n'entreprenne au contraire la fonction de ce ministère par mensonge, laquelle est contraire à verité. Parquoy fay tant que les bons estudians sçachent ces choses, & les rapportent à Theophile. Synese donc escriuant ceste epistre, a refusé apertement la dignité sacerdotale, mais toutesfois il ne peut euitter la charge sacree. Je l'ay bien voulu icy adiouster tout à propos, à fin que nous puissions congnoistre ce que l'Eglise a fait par dispense maintenant d'une sorte maintenant d'autre : non pas cōme pour establir certaines loix, mais à fin de faire selon le temps ce que de raison. Voyla du grand philosophe Synese. Plusieurs aussi grands personnages en doctrine & vertu, de ce temps là s'adonnerent à l'estude de philosophie, desquels tous ie ferois quelque mention, n'estoit que ie me tarderois trop de mon entreprinse.

*De Valentinien Empereur de Rome : de la nation des Goths, en quels pays ils furent dispersez, & quels lieux ils occuperent : plus de Boniface, Etie & Aspar capitaines : & comme la Libye Occidentale fut assuiettie aux Vandales.*

C H A P. LVI.

*Valentinien  
troisieme  
Empereur  
Catholique.*



*Valentinien  
perdit sous  
l'Empire  
Oriental,  
excepté l'Italie.  
Boniface  
constitué  
gouverneur  
de la Libye.*

*Goths,  
Gepides,  
Vissigoths &  
Vandales  
diffèrent du  
seul nom.*

Valentinien fils de Placide, & gendre de Theodose (car il auoit espousé sa fille Eudoxie, laquelle Eudocie luy enfanta) lors tenoit l'Empire Oriental, lequel comme ardent sectateur de la vraye pieté & religion, nullement delaisa la saine doctrine de l'Eglise : Mais par ce que d'accoustumance il ne gardoit aucune certaine mesure ny reigle en sa vie ordinaire, ains se seruoit de beaucoup d'imposteurs & abuseurs, & prenoit plaisir & s'arrestoit es sorceries & enchantemens, & tout à tort & à trauers estoit induict à autres tels vices, non seulement il ne peut recourir la Bretagne, Espagne & Gaule, lesquelles auoient esté retirees & enuahies de son obeissance, mais aussi l'an quinziesme de son Empire, il perdit pour ceste mesme cause, toute la Libye & Affrique. De ce temps la estoient à Constantinople deux braues capitaines de guerre, Boniface & Etie : lesquels Theodose enuoya à Valentinien qui l'en auoit requis. A Boniface aduint & fut baillé en charge le gouuernemēt de la Libye Orientale. Ce que Etie ne peut porter en bonne part, mais par enuie dont il estoit poulxé vsa de finesse & calomnie, le blasmant & accusant faulsemēt cōme rebelle & peu fidele aux Empereurs : de sorte que secrètement sollicitant Placide, mere de l'Empereur, fit tāt qu'il fut deposé du gouuernemēt. Et ce pendant escriuit tout au cōtraire à Boniface, sçavoir est, que si les princes le reuoyoyēt, il ne se deportast pourtant de sa prouince : l'asseurāt qu'il estoit accusé deuāt eux, & aduiendroit necessairement que par leur dessein, il tōberoit en inconuenient. Boniface ayāt receu telles lettres, adiouta foy à Etie, lequel il pensoit pour vray luy estre amy fidele : & par ainsi cōbiē que l'Empereur le reuouast par plusieurs fois, ce neantmoins il ne tint conte de ses mandemens, & ne delaisa aucunement sa charge. A raison dequoy les princes s'accorderēt & condescenditēt à l'opiniō d'Etie, comme s'il eust esté hōme fidele & de bōne volonté, & de mesme consentemēt machinerent ensemble & cōspirerent menteries & faulsetez cōtre Boniface, duquel Etie auoit ia decouuert & declaré l'affection cōme d'un ennemy. Or en ce tēps les diuerses nations des Goths, & de grande puissance, estoient escartees par tout vers le fleue d'Ister ou Danube, du costé de Septentrion, entre lesquelles, selon leur iugement, estoient ces quatre principaux peuples, sçavoir est les Gothites, les Vissigoths, les Gepides & les Vandales, lesquels ne differoyent de nulle autre chose, que du nom. Car ils parloyent mesme langage, & viuoyent de mesme façon, & (comme nous auōs mentionné en l'histoire de Valens) lors suiuyent la detestable doctrine des Ariens.

*Iccur*

Iceux comme Honoré & Arcade tenoyent l'Empire, passerent outre le Danube, & se camperent en la partie Orientale de l'Empire Romain : c'est à sçavoir, les Gepides, qui estoient diuisez en deux peuples, Lombards & Abares, s'emparerent de la contree qui est entre la ville de Singidon & de Sirmie. Les Visigoths ayans pour gouuerneur Alaric (duquel nous auons parlé cy dessus) gasterent & pillerent Rome, & l'Italie, & au partement de la, prindrent la route droict en la Gaule, ou avec ce qu'ils reduirent tout en leur puissance, encore mirent ils à mort Constantin, tyran de Bretagne. En apres les Goths, qui parauant auoyent occupé la Pannonie, & tout à l'environ les places limitrophes, par la permission de Theodose le ieune, la dixneufiesme annee de son Empire, se retirerent au pays prochain de Thrace : & quand ils eurent demeuré là par l'espace de cinquante-huict ans, ils s'en partirent sous la conduicte de Theuderic leur prince, & prindrent l'Empire Occidental, lors que Zenon comandoit en l'Empire Romain. Finalement, quant aux Vandales, lors ayans pour chef de l'armee :: Gongidiscle, ils s'allierent & receurent avec eux les Alanes & Germains (lesquels maintenant sont appelez Les François) & apres qu'ils eurent trauersé le Rhin, ils s'arrestèrent en Espagne, qui est la premiere region d'Europe, du costé de l'Ocean Hesperique. Comme donc Boniface qui gouuernoit la Libye Occidentale, entendit ce que lon brasloit contre luy, partant de là passa la mer, & se retira en Espagne avec les Vandales : & parce que :: Gongidiscle estoit decedé, il fit tant enuers deux de ses fils Gontar & Genferic, successeurs au royaume du Pere, qu'ils se ioignirent ensemble pour mener guerre, se faisant fort de rendre en leur puissance la Libye Italique, laquelle estoit diuisee en trois parties, desquelles chacun d'entr'eux en obtiendrait l'une par sort. Or fust ce pour ceste cause ou autre, ces deux freres se ioignirent avec Boniface, firent pareillemēt apprest de guerre, & sous telle condition & alliance les Vandales s'embarquerent, pour passer d'Espagne en Affrique, laquelle ils reduirent en leur obeissance & seigneurie, depuis la mer Ocean iusques à Tripolis. Au reste, pendant qu'ils furent éloignez de leur pays, les Visigoths au partement de la Gaule prindrent chemin droit en Espagne, & la prindrent : & depuis encore quant & quant occuperent la Gaule. Durant cela quelques-vns du Senat imperial descourirent à Placide & Valentinien la fraude qu'Ætie auoit machiné contre Boniface leur amy, & de fait exhiberent les lettres enuoyees par Ætie à Boniface : dont ils furēt grandement estonnez, pour la conspiration & grande meschanceté, toutesfois deuant Ætie ne firent semblant d'en estre aduertis, mais enuoyerent à Boniface vne promesse & iuremēt couché par escrit, par lequel ils mettoient à neant & donnoient grace des iniures passees. En ces entrefaictes Gontar mourut, & escheut le royaume des Vandales à Genferic seul. Ce qui meut Boniface ayant receu de l'Empereur les lettres d'abolition, à prendre les armes contre les Vandales, estant secouru & rafraichy de bone compagnie de gens qui luy furent enuoyez de Rome & de Byzance, sous la conduicte d'Aspar. Et fut la bataille donnee si furieusement, que la victoire fauorisa aux Vandales, & les Romains vaincus le gaignerent à la fuite. Et vint Boniface iusques à Rome, avec Aspar & autres qui estoient sauuez à la fuite, & la fut purgé du soupçon conceu contre luy. Et ce pendant toute la Libye, qui est aussi nommee Affrique, fut rendue subiecte aux Vandales, lors que Genferic seul comme il est dict) estoit leur Roy. Et ainsi voila comme l'Affrique fut occupée par les Vandales.

*Les Goths estoient Arriens. Theuderic. :: Les autres l'appellent Mado-giscle. Les François & Germains ne font qu'un. Les autres l'appellent Gizeric. Les Vandales d'Espagne passent en Affrique & l'occupent.*

*Les Visigoths occupent l'Espagne & la Gaule.*

*La fraude d'Ætie est desconuerte.*

*De Attila, Alaric & Genferic, tous Goths : & comme la vieille & nouvelle Rome furent deliurees de leur expedition guerriere : aussi d'autres guerres que diuers auteurs ont reduictes par escrit.*

C H A P. LVII.



Pres que les Vandales furent si puissans qu'ils dominerent sur tant de pays, tant par mer que par terre, Genferic fut premier déclaré Roy : & non seulement tourmēta & fit beaucoup de peines à la vieille Rome, mais aussi à la nouuelle, & à Theodose qui en estoit Empereur. Or iceluy ne voulant endurer l'audace & insolence de ces barbares, mit en equipage vne armee sur mer de mil cent septante nauires, de laquelle furent les chefs & conducteurs Arcobinde & Germain, excellens capitaines de guerre : lesquels estans arriuez en Sicile, Genferic craignant d'auoir le pire, enuoya ambassadeurs vers Theodose, pour moyenner la paix : & ce pendant l'armee passa outre en Affrique, attendant nouuelles de la resolution & volonté de l'Empereur. Mais pour quelque autre necessité suruenue, Theodose traita la paix avec Genferic, & commanda que l'armee retourna en arriere : Car Attila, Goth, de la race & nation des Gepides, fils de Numide, pour lors estant Roy de Hongrie, menoit guerre avec vn exercite de grande multitude de gens, pour assaillir de furieux assault, & submettre à sa puissance ces deux Empires, & dominer tant sur la vieille que nouuelle Rome. Et premierement par ce qu'il se sentoit le plus fort & assuré, il entra en la Thrace, où il fit grand degast : & ayant forcé & rendu à la subiection

*Genferic se declare Roy d'Affrique.*

*Expedition de guerre du Roy Attila.*

P p p iij

Theodose  
acheta la  
paix d'At-  
tile, & luy  
paya tous  
les ans tri-  
buts.

Arceobin-  
de Goth  
surmonte  
Arbazan-  
es Persan  
en combat  
vn contre  
vn.  
Claudien  
& Cyre  
poëtes.  
Sous Theo-  
dofe Venise  
premiere-  
ment fut  
habitee au  
milieu des  
eaux. Eua.

toutes les villes tant maritimes, que celles qui estoient sises au plat pays, il pillà toutes iusques auprès du fleuve nommé Athyre: Mais Theodose enuoya contre, Aspare & Arcobinde, avec compagnies de soldats en bon ordre. Toutesfois congnoissant que de iour en autre Attile acquerroit tousiours plus grandes forces, il promit de luy donner cõtant six mil liures d'or, à telle condition qu'il sortiroit des lieux & terres qui estoient du ressort de son Empire: & outreplus promit de luy payer tous les ans, dix mil escus, pour la soulte de ses gens de guerre, s'il vouloit d'ores en auant se contenter de ce qu'il auoit, & ne plus entreprendre sur luy. Attile apres auoir receu ceste somme d'or, sortit de Thrace: & comme en grand' foule & puissance il entroit es pays de la vieille Rome, Aerie, cy dessus nommé, qui pour lors commandoit & tenoit le premier lieu & dignité en la ville, estant fort desplaisant pour l'insolence de ces barbares & estrangers, se retira vers Theuderic gouuerneur & seigneur de la Gaule (quoy qu'il ne monstroit grand faueur & amitié aux Romains, pour les causes parauant mentionnees) & par grandes & belles promesses luy persuada facilement, comme à vn homme barbare & rustault, de se ioindre avec les grandes forces aux nostres. Cela fait, il surprint Attile au deprouueu, qui estoit campé de la le Danube, & l'assaillit si viuement, qu'il desconfit plusieurs milliers de ses gens, entre lesquels mesme Attile fut blessé d'vne lance & mourut, cõme aussi fit Theuderic d'vn coup de dard. Et ainsi pour lors tant la vieille que la nouuelle Rome, à l'ayde de Dieu, eschappa l'effort des Goths: & Genferic seul demeura Roy de telles nations. Sous Theodose furent plusieurs autres troubles en Orient & Occident, lesquels il appaisa par guerres tant par mer que par terre. D'auantage, il gagna victoire contre les Perses, telle que nous auons recitee: avec lesquels depuis il accorda la paix, comme ils l'en auoient requis par ambassadeurs: Mais premierement la baraille fut desmelee par vn Ardazenes Persan, & Arcobinde Goth en combat seul à seul, & le Goth vainquit le Persan en vne campagne à cheual, & armé de toutes pieces, & le mit à mort. Ceste paix dura par long tẽps, sçauoir est iusques à l'an douziesme de l'Empire d'Anastase. Plusieurs autres autheurs ont escript de ces batailles, mais elegamment sont reduictes en vn Epitome ou abregé par Eustathe d'Epiphane en Syrie, lequel aussi a traité de la guerre d'Aminde. De ce temps là estoient en grande reputation Claudien & Cyre, poëtes: & dit on que Cyre exerça semblablement l'estat de grãd preuost, lequel parauant estoit appellé, Prenost de l'hostel, & auoit esté capitaine des compagnies Orientales, lors que Carthage fut prinse par les Vandales, à la cõduicte de Genferic. Outre plus cest Empereur fit bastir beaucoup de belles Eglises en la ville Imperiale, & autre part, mesmement il fit dresser vn fort grand temple en Alexandrie.

a Genferic fut premier &c.] Genferic vainquit en Affrique, Carthage, & autres villes: il assiégea aussi Hippon, ville Royale, deuant laquelle le siege dura trois mois: pendant lequel saint Augustin qui estoit Euesque du lieu fit priere à Dieu, ou qu'il gardast que la ville ne fust vaincue, ou sinon qu'il l'ostast du nombre des viuans. Il mourut l'an de son age septantesix, & quarantieme de son episcopat. Paul diacre.

b Attile fut blessé &c.] Ceste bataille, de laquelle ne sen trouue la semblable en memoire d'homme, commença enuiron neuf heures du iour, & tant d'une part que d'autreomberent morts quatre vingts mil hommes. Le Roy des Goths fut blessé, Attile fugitif, & les Romains demurerent victorieux. Paul Diacre.

En apres Attile ayant recouuert ses forces, vainquit & mit en ses mains l'Aquilee, & demanda pour femme Honorie seur de Valentinien: & avec elle en eppousa vne autre nommee Idicone, & en ce nouveau mariage il beut tant qu'il mourut iure en Pannonie. Cassiod.

c Eustathe] Eustathe d'Epiphane composa vn epitome ou abregé des Chroniques, diuisé en neuf tomes, commençant depuis Eneas iusques au temps d'Anastase. Suidas.

De la mort de Theodose le ieune, & comme il fut inhumé au sepulchre de son pere, en la celebre Eglise des saints Apostres. CHAP. LVIII.

Theodose  
par reuela-  
tion diuine  
preuoit son  
successeur à  
l'Empire.



Comme le temps de la mort de Theodose approchoit, il fit vn voyage par deuotion qu'il auoit enuers saint Iean l'Euangeliste & vierge: & estant entré en l'Eglise d'iceluy, fit ses prieres, & demanda à Dieu entre autres choses d'estre aduertty qui luy succederoit à l'Empire Romain. Ce qui luy fut demonstré par reuelation, & puis retourna en Constantinople. Et quelque peu de tẽps apres que l'armee fut de retour de la guerre menée contre Attile, il sortit de la ville pour piquer cheuaux, & aller à la chasse par plaisir: & en courant tomba du cheual & se desnoia & desmit l'os de l'eschine: tellement qu'il fut reporté à la ville en vne litiere. Et cõme il se douta & sentit estre proche de la mort, il fit venir secretemet sa seur Pulcherie, & luy communiqua la reuelation touchant Martien le tribun, luy faisant entendre que le bon plaisir de Dieu estoit de le constituer chef & gouuerneur de l'Empire Romain apres sa mort. Et apres auoir tenu tels ou semblables propos, il rendit l'ame.

Or

Or la mort de l'Empereur n'estoit point encores certaine à tous, quand Pulcherie fit venir à foy Martien, qui estoit homme de belle vieillesse, admirable en prudence, & de bones mœurs, & apres qu'elle luy eust communiqué la volonté de l'Empereur, pour la succession de l'Empire, entre tous les autres du Senat, elle dist, Je vous estime digne de l'Empire, & partant recevez le: mais iurez premierement & promettez par serment, que vous ne ferez point de tort à ma vie, que me laisserez en mon auctorité, & principalement que ne pourchalierez ma virginité, laquelle i'ay voué à Dieu dès ma premiere ieunesse. Et apres les promesses faites selon le vouloir de Pulcherie, il fut esleu & ordonné Empereur en vne assemblée à Septime, en laquelle assista Anatole le patriarche, successeur à Flauien, & les Senateurs. Et quant à Theodose, il fut inhumé avec son pere, en vn sepulchre de pierre Romaine, en la grand'allee ou porche qui estoit à la main dextre en l'Eglise des saints Apostres: duquel costé estoient aussi ensevelis sous la mesme pierre, son pere Arcade, sa mere Eudoxie, & son grand pere Theodose. Et au porche qui estoit de la partie gauche à l'opposite, en la mesme Eglise, estoit inhumé Iovinien. Theodose donc Empereur, mourut aagé de cinquante & vn an, desquels il fut Empereur quarante & deux ans, avec si grande pieté, qu'il delaisa à la posterité sa bonne vie & gouuernement, come formulaire & pourtrait de quelque Empire. Le liure quatorzieme contient le temps de quarante & deux ans, en l'an de la creation du monde: cinq mil neuf cens soixante & cinq, & de la natiuité de nostre Seigneur, quatre cens soixante.

*Pulcherie  
suivant la  
volonté de  
l'Empereur  
declare Mar-  
tien Empe-  
reur.*

*Années  
que cōtient  
ce liure.*

*:: Selon les  
modernes  
Chroni-  
queurs,  
4431.*

## HISTOIRE DE SAINCTE ANASTASIE.

*Epistre d'Anastase, martyre, à Chrysogone.*

**A** Nastase donne salut à saint Chrysogone, confesseur de Iesus Christ. Combien que mon pere ait esté grand Idolatre, & fort addonné à l'adoration des idoles, toutesfois ma mere Flauie tout le temps de sa vie a fuiuy la vraye religion Chrestienne: voire mesme tout aussi tost qu'elle m'eust engendree, me fit semblablement instruire au Christianisme. Mais apres son deces ie fus accordée à mon mary, homme fort facheux, enuieux, & de religion estrange: d'auec lequel, par la grace de Dieu, i'ay esté separee par le moyen des prieres que ie faisois nuit & iour à Iesus Christ, qu'il me deliurast des mains de ce meschant idolatre. Et depuis ce temps là, apres qu'il a eu dissipé & perdu tout mon bien avec les idolatres, & autres personnes execrables, il m'a fait mettre, comme sacrilege & meschante, en prison: en laquelle s'est passée ceste vie temporelle, & ne me reste que l'ame pour toutes choses. A raison dequoy pour la grande & bonne esperance que i'ay en Dieu, ie souhaite & desire la mort: Mais encore que ie me glorifie & vante de ma confession & assurance en Iesus Christ, toutesfois il me fait bien mal que ce meschant là ait employé & despensé avec les idolatres mes richesses, qui deuoyent estre donnees aux seruiteurs de Dieu, comme i'en auois la volonté: parquoy ie vous requiers, ô seruiteur de Iesus Christ, que souuent vous priez Dieu pour moy, afin que mon mary Publié croye en Iesus Christ, si ainsi pour certain l'a constitué: sinon que bien tost il meure opiniatre en son erreur, & que ie soye deliuree d'auec luy: car quant à moy i'aymerois trop mieux mourir que de renoncer le Fils de Dieu, & scandaliser ceux qui croient en son nom. Et ie l'appelle en tesmoing, que quand ie seray hors de telle misere & captiuité, incontinent ie me rendray avec les saints, pour conuerser avec eux en toute constance, & que ie les solicteray iusques à la fin, en la façon que i'auois commencee. Bien vous soit seruiteur de Dieu, & ayez souuenance de moy.

*Chrysogone donne salut à Anastase.*

**I**E prie celuy qui chemina sur les eaux te donner confort & ayde en l'orage & grande tourment de ceste vie, afin que par la vertu de sa parole tu puisses vaincre & opprimer l'effort & violence du diable. Aye donc bon courage, quoy que tu sois agitée au milieu de la mer, & croy en Iesus Christ, afin qu'il te visite: & retournant à luy, fay exclamation avec le Prophete, disant: Pourquoi, mon ame, es tu triste? & alors double grace te sera baillée, car tu auras des biens temporels grande abondance, & aussi les celestes te seront augmentez. Mais Dieu ne tient conte de ceux qui ne le requierent ny inuoquent pour auoir des biens, car sa grace n'est point petite. Et sur tout donne toy bien garde de te troubler, si les choses te succedent au contraire de ce que tu esperois, quoy que tu viues saintement & selon Iesus Christ: car il ne te veut pas perdre & ruiner, mais il te veut esprouuer. Aussi bien le secours de l'homme n'est point certain, come tu estime, suivant le tesmoignage de l'escriture, où il est dit: Malheureux est l'homme qui se confie en l'homme: mais bien heureux est celuy qui a esperance en Dieu. Soye donc vertueuse & prouide, & fay que par diligence tu esuites tout peché & offence: demande consolation à Dieu, & obserue ses commandemens: & adonc t'adiendra le temps de salut, & te sera autant plaisant comme la belle clarté de Dieu, quand il fait nuit tenebreuse: & autant agreable comme

## LIVRE XIII. DE L'HISTOIRE ECCLESIASTIQUE

le beau temps & serein apres la tempeste : & tout ainsi qu'aux autres qui sont affligez pour l'honneur de Dieu , il te donnera patience temporelle , par laquelle tu acquerras loyer & salaire perpetuel. Bien te soit au Seigneur , & prie pour moy.

*Anastase donne salut à Chryfogone, confesseur de Iesus Christ.*

Pour autant que la fin de mon corps approche , priez Dieu pour moy , afin que celuy pour l'amour duquel i'endure ces afflictions recoive à soy mon ame. Bien vous soit.

*Chryfogone donne salut à Anastase servante de Dieu.*

IL est assez manifeste que comme la clarté chasse les tenebres , semblablement vient repos & salut apres affliction & infirmité : & apres la mort , vie est baillée à ceux qui la meritēt. Certainement l'adversité & felicité des choses humaines ont mesme issue , à fin que de vray les humbles & affligez ne perdent courage , & se consomment en tristesse & facherie : & que les superbes & haultains ne s'exaltent & vantent par quelque vaine gloire. Car ce monde est comme vne mer, auquel nos corps flotent comme navires, mais vn seul les gouverne. Ceux donc desquels les navires sont bien munies & fermees, entretiendront tousiours leurs cours en navigation & passage de ce monde, sans aucun danger & peril : mais celles qui seront debiles & infirmes, mesme en temps serein, sans estre agitees tomberont en hazard : car ceux là ne sont loing du peril & naufrage, lesquels ne taschent paruenir au port de salut. Mais toy, servante de Dieu, sans estre condamnée, aye tousiours souvenance de la croix, & la retiens de toute ton ame : & ainsi t'apreste de recevoir salut, afin que tu sois du nombre des martyrs de Iesus Christ. Bien te soit.

FIN DV QUATORZIESME LIVRE DE  
l'histoire Ecclesiastique de Nicefore.



## LIVRE QVINZIESME DE l'Histoire Ecclesiastique de Nicefore, fils de Calliste, Xanthoupolis.

*De Martien Empereur. Quels signes ont precedé significatifs de son Empire:  
& de quelles mœurs il estoit.*

### CHAPITRE PREMIER.



L me semble fort pertinent, deuant que de proceder plus outre à declarer que Martien, apres qu'il eut bien commencé & estably son Empire, continua de plus en plus se monstrier meilleur & plus vaillant qu'il n'en auoit baillé l'esperance & attente. Premierement raconter qui il fut, d'où il estoit venu, & par quels moyens il obtint ce gouvernement de l'Empire. Or comme recite Prisce, le Rhetoricien, ce grand personnage Martien estoit Thracien de nation, fils d'vn certain homme d'armes : apres la mort duquel ayant delibéré de prendre le mesme estat de l'art militaire, il se retira à Philippolis, où il pretendoit bien se faire enrooller pour suiure les armes, & aller à la guerre comme auoit fait son pere : mais cōme il faisoit ce voyage, il rencontra de fortune en son chemin le corps d'vn homme tout freschement tué, & de-

laissé



laissé sur la terre ( car entre les autres vertus qu'il auoit à suffisance , il estoit semblablement atteint & excelloit de grande humanité & compassion enuers les hommes ) le mit en terre, comme il deuoit, & l'enseuelit ainsi que le temps & occasion le permettoient. Mais quelques vns l'ayans veu si fort empesché à enterrer ce corps mort, en aduertirent les magistrats de Philippiolis, lesquels peu apres le prindrent au corps à son arriuee, & ordonnerent commissaires pour informer du meurtre. Or le fait en apparence estoit vray semblable, & les preuues & coniectures qui dès le commencement en auoyent esté conceües, estoient plus fortes & valides que le dire & deffence de Martien, qui nioit le crime dont on le chargeoit, & que la verité mesmes tellement qu'il estoit en danger d'estre puny comme homicide, n'eust esté que par la volonté diuine quelqu'un representa en iugement celuy qui auoit commis le meurtre, lequel de sa teste tranchee estant puny pour son meffait, sauua la vie à Martien. Iceluy donc estant absous, contre toute opinion, comparut pour faire le serment à l'ordre militaire: auquel ceux de Philippiolis qui à le voir, & par plusieurs autres signes iugeoyent de sa vertu & excellence, l'enroulerent & receurent à la monstre, non pas le dernier, selon les loix & solemnitez militaires, ains luy baillerent estat, & fut cômisi en la charge d'un autre auparauant decedé, qui auoit nom Auguste, du nom duquel, ie ne sçay pas pourquoy, il fut enregistré au roolle des soldats, Martien surnommé Auguste. Si que de là estoit assez notoire, qu'avec le nom luy aduiendroit aussi l'Empire & dignité d'Auguste: comme si tel surnom d'Empereur n'eust voulu estre sans la dignité, ou come si à la dignité n'est requis autre nom pour la magnificence: de sorte qu'à un seul homme & le nom propre & le surnom conuenoyent: c'est à dire, qu'une seule appellation demostroït le nom & la dignité. Voila donc le premier signe ou indice qui pronostiquoit l'autorité Imperiale future en Martien. Il aduint aussi un autre cas par lequel on pouuoit coniecturer & faire preuue qu'il gouverneroit l'Empire. Martien estoit soldat sous Aspar, quand les Romains guerroyerent contre les Vandales, auxquels fauorisa la victoire, & fut iceluy prins prisonnier en la bataille, & mené captif avec les autres. Or un certain iour Genseric Capitaine & chef des Vandales voulut faire reueü des captifs, ensemble des autres esclaves & prisonniers: & quand ils furent assemblez en vne plaine, luy estant arresté sur vne terrasse & lieu eminent, prenoit plaisir à voir & contempler si grande multitude de captifs. Et comme le temps se passoit à tel spectacle, leur fut permis de faire pour lors ce qu'ils vouldroyent: car par le mandement de Genseric ils estoient desliez. Ainsi les vns se recreerent d'une sorte les autres d'autre: mais Martien se couchant sur la dure s'endormit à cause de la grande chaleur du Soleil: & soudain de quelque part vint vne aigle, qui voloït bien bas, tout au droit & à l'opposite du Soleil, & comme d'une nuée faisoit vmbrage de ses aïles, dont Martien par volonté diuine fut grandement rafreschy. Ce que voyant le barbare Genseric, coniectura euidentement ce que de luy bien tost aduiendroit, & l'appellant à soy luy donna franchise & liberté, & le fit obliger par serment qu'il fit, que quand il seroit esleué à la dignité Imperiale, il luy seroit fidele & aux Vandales, & que iamais n'entreprendroit guerre à l'encontre. Chose que Martien luy accorda & fit ce qu'il voulut, le promettant par iurement: & de fait luy garda la foy promise, ainsi que Procope a laissé par escrit. D'auantage, lors que Martien allant à la guerre cõtre les Perses fut saisi de maladie en vne petite ville de Lycie, nommée Sidene, il s'allia par amitié avec deux freres, grans personnages & de bonne estime, l'un auoit nom Iulien, & l'autre Tatien: lesquels aussi le receurent, &, comme il estoit conuenable, le traiterent & penserent en leur maison: & apres qu'il fut bien guery, estans à la chaise tous ensemble s'endormirent à midy. Et Tatien s'esueillant le premier veit un merueilleux spectacle d'une grand' aigle, laquelle estendoit ses aïles sur Martien & l'ombrageoit du mieux qu'elle pouuoit. Et esueillant son frere Iulien, luy monstra ce prodige & signe de chose future: puis ensemblement estonnez du bon vouloir de l'aigle, predirerent & annoncerent ce que de Martien aduiendroit: & l'interrogerent en quels estats ils seroyent eleuez à la cour, si luy succedoit comme ils deuinoient. Adonc il leur promit, que si ainsi le sort tomboit, qu'il les aymeroit & tiendrait en telle reputation & honneur, comme s'ils luy estoient peres. A cause de quoy ils luy firent grand present d'or qu'ils luy baillerent liberalement, & le menerent iusques à Constantinople. Aussi quand le presage sortit à affect, & que Martien fut erigé Empereur, comme ils l'auoyent deuiné, il les fit venir de Lycie, les faisant ses patrices, & comme principaux de son Empire: d'auantage dóna à Tatien le gouvernement de son pays, & à Iulien l'administration de Lycie. Voila les prodiges & signes qui ont precedé l'Empire de Martien. Or il nous faut reprendre la suite & matiere de nostre histoire proposee. Ce Martien donc estoit bien deuot, & portoit reuerence autant grande que nul autre de ce mode, à la vraye pieté & iustice enuers Dieu, ayant en opinion que les certaines richesses & souverains biens estoient non de raur & amasser avec si curieuse diligence les cheuances d'autrui, mais de subuenir en toute liberalité à l'indigence des pauvres. Il estoit aussi fort redouté & craint, non point tant pour les exemples des punitions qu'il eust faites, que pour l'attente des peines & terreur des supplices qu'il pouuoit faire és delinquans. Lesquelles perfections furent cause & occasion que non seulement heritages & opulence de biens luy aduindrent par succession, mais aussi

*Presage de l'Empire futur de Martien.*

*Le nom d'Auguste signifie la dignité future en Martien.*

*Aspar gouverneur des Romains. Genseric des Vandales.*

*Second presage du futur Empire de Martien.*

*Genseric oblige Martien à garder amitié.*

*Troisième presage de l'Empire de Martien.*

*Tatien & Martien Patrices de Martien.*

*Les vertus de Martien.*

# LIVRE XV. DE L'HISTOIRE ECCLESIASTIQUE

*Le iugement  
de Pulche-  
rie, laquelle  
eleut Mar-  
tien Empe-  
reur, est  
approuvé.*

comme recompense & guerdon de vertu, il receut l'Empire par la sentence des Senateurs, & de toutes personnes de quelque condition & qualité qu'ils fussent, approuuans & ratifiens l'opinion de Pulcherie Auguste, laquelle de vray passa le reste de sa vie à la cour avec Martien, & ensemble gouvernerent l'Empire: mais en sa vieillesse & iusques à la mort elle demeura vierge & sans estre mariee, suiuant le serment de fidoité que Martien auoit iuré de luy garder. Puis apres Valentinien, gouverneur de la ville de Rome, estant fait certain de la vertu d'iceluy, de sa voix, suffrage & opinion luy confirma l'Empire auquel il estoit esleu. Cela fait & approuué, Martien sefforça du commencement arracher & oster d'entre les hommes toutes sectes & heresies, à fin que tous ensemble & de commun accord fissent seruice & honneur à Dieu, & que l'Eglise pacifice ne retint qu'une opinion & religion.

*Pour quelles causes le saint quatriesme Concile vniuersel fut assemblée à Calcedone.*

*CHAP. 11.*

*eline li. 5.  
chap. 29.  
l'appelle Do-  
rilaie.*



Comme il brasloit tel affaire, & pensoit les moyens de mettre à fin son intention, il fut excité d'auantage par lettres de Leon, rapté, à faire assembler vn Concile vniuersel, auquel seroit disputé & fait enqueste de l'outrage & iniure qu'Eryches & Dioscore audacieusement auoyent perpetré contre la foy Chrestienne, & ce grand personnage Flauien. Aussi tous ceux lesquels ils auoyent offensez, l'assemblerent, & se rendirent parties requerans droit, & que du tort à eux fait la cause fust iugée: principalement entre tous les autres Eusebe, Euesque de Dorilee, poursuivit diligemment, & par sa sollicitude fit tant qu'il remonstra & bailla com-

*Le Concile  
de Calcedo-  
ne.*

*Legats du  
Pape Leon.*

*Les Pre-  
stres de No-  
niface. Eua-  
gr. li. 2. ch.  
4.*

*Au Con-  
cile de Cal-  
cedone es-  
toyent assem-  
blés 636.  
Peres, ou se-  
lon les au-  
tres 630.*

plaintes, comme luy & Flauien estoient deposez de leurs dignitez par les menees & trahisons de Chrysaphe, lequel auoit abusé des ordonnances & mandemens de Theodose: pour ce que Flauien mettant en auant sa pauvreté pour excuse, auoit aucunement reprins l'avarice de Chrysaphe, luy offrant les ioyaux & vaisseaux sacrez de l'Eglise, pour l'or qu'il demandoit, à raison de son election & consecration. Il adiousta aussi que Chrysaphe estoit de mesme religion & secte qu'Eutyches: & encore, ce qui faisoit le comble de toute meschanceté qu'en l'assemblée Brigantine Dioscore par grande cruauté auoit foullé aux pieds & fait mourir Flauien. A la consideration de ces choses, par lettres patentes des Empereurs, les Euesques furent appelez de toutes parts, & le concile assemblé à Calcedone, lequel parauant auoit esté conuocé à Nice: auquel lieu, mesme Leon, prelat de Rome, auoit enuoyé lettres par ses legats Pascasin, Lucence & autres: ministres, mais de là il fut transporté & reuocé à Calcedone de Bythinie, à cause que l'Empereur s'y vouloit trouuer & estre present à l'assemblée, à l'imitation du grand Constantin, l'honneur duquel il taschoit surpasser, faisant conuenir & adiouster au double à ce saint Concile, six cens trente & six Peres, au lieu de trois cens & dixhuit. Or Zacharie, le Rhetoricien, meu de certaine affection escrit & maintient que Nestorius fut adiourné à ce Concile: mais qu'il soit autrement, il est notoire euidentement, en ce que presque par tous les articles du Synode il est condamné & excommunié. Et encore plus appertement le demonstre Eustathe, Euesque de Berite, escriuant touchant les decrets du Concile, à lean, Euesque, & à vn autre nommé aussi lean, prestre: esquelles missiues estoient ces mors: Assisterent aussi à ce Concile ceux qui ramassoient & radouboient les reliques & pieces de Nestorius, & crierent à haute voix se complaignans à l'assemblée, Pour quelle cause les gens de bien sont ils excommuniez? de sorte que l'Empereur ennuyé de leurs clameurs, commanda que tels galands fussent renuoyez & repoullez bien loing. Je ne puis donc entendre comment le Synode auroit fait conuenir celuy qui estoit decédé, & duquel ceux-cy tascheoyent raccoustrer les reliques.

*Description du temple de notable Dame sainte Euphemie, martyre, lequel depuis les premiers fondemens estoit basti à Calcedone. CHAP. 111.*

*Eglise de S.  
Euphemie  
à Calcedone  
en vn lieu  
fort plai-  
sant.  
Eua. liu.  
2. chap. 3.*



Pres que le concile fut assemblé à Calcedone, distant de Bosphore de deux stades, pour le plus, en l'Eglise sainte Euphemie, martyre, laquelle estoit edifiée en vn lieu si plaisant & delicat, que ceux qui montoient à ce temple ne trouuoient le chemin facheux: car il n'estoit fort roidé, mais y arriuoient incontinent sans sentir peine & ennuy: iettans leur veue ça & là de ce lieu haut veoyent vne campagne en bas couuerte & verdoyante de belle herbe fertile, chargée & ondoyante de toute sorte de fruits & tapissée de diuerses especes d'arbres plantez: veoyent aussi les petites colines de bonne grace s'eleuer en haut: les autres peu à peu decliner & pencher en bas, estendans leurs perruques de fueilles especes: d'auantage ils auoyent le plaisir à la rencontre des ondes muables de la mer, desquelles aucunes retonnoient d'un doux bruit.

bruit, quand il faisoit beau temps & tranquile, & paisiblement avec gracieux son Pentre-  
ioüoyent, Hotelans contre le riuage : les autres faisoient plus grand bruit estans agitees par les  
flots de la mer, & par la tormente & regorgement d'icelle, trainoyent & reuiroyent ça & là des  
escailles ou coquilles, & autres choses legeres qu'elles faisoient aysément floter. Et quant au  
temple, il estoit situé en vne si belle place, vis à vis, & au regard de la ville, que de toutes parts  
d'icelle, on pouuoit facilement congnoistre à la veüe, combien la situation estoit plaisante &  
estimable. Or estoit il proportionné, comparty & diuisé en trois haults corps, structures ou ha-  
stimens, desquels y auoit le pourmenoir, & comme vn grand pourpris ou place à descouuert de  
fort longue estendue, orné & ennobly de diuerses colônes à l'entour : le second, de mesme lon-  
gueur & largeur, sinon qu'il y auoit moins de colonnes, differoit seulement en couuerture qui  
estoit de tuilles. Aupres d'iceluy du costé de la Bize droit au Soleil leuant, estoit bastie vne cha-  
pelle ronde en forme d'ouale, ouuragee dextremement, & de singulier artifice, laquelle de ses co-  
lonnes de mesme grandeur, matiere & couleur, dressées comme en rond & forme de cercle, de-  
coroit & bailloit lustre à la partie du temple interieur. Sus lesquelles colonnes sous mesme  
voute estoit esleuee vne haulte galerie ou portique, duquel chacun pouuoit assister au seruice  
diuin & sacrifice mystic, & se tournant droit en Orient faire sa priere à la sainte martyre. De-  
dans ce portique ou galerie, estoit encore vne petite chapelle merueilleusement exquise, en la-  
quelle reposoit le corps de la Sainte, en vne tôle assez longue, que pour ce aucuns appelloient  
La longue, enchassée d'argent de fonte de tous endroicts, bien embellie de riches ourages, &  
reduite à vne extreme beauré. Au demeurât, chaque bon fidele Chrestien sçait quels miracles  
elle a fait & tousiours par le passé : Car bien souuēt par songes & visions nocturnes s'est monstree  
& representee à l'Euesque du lieu, ou à quelque autre homme de bien, & de bonne vie, qui en  
passant par deuotion entroit à l'Eglise, les admonnestant & incitant à recevoir le fruit de tels  
miracles. Dequoy aduertis ceux de Constantinople, toute la tourbe & menu peuple partit pour  
y aller : mesme l'Empereur, avec ceux qui gouuernoient les saintes Eglises, & autres personnes  
qui exerçoient les dignitez & offices en la Republique, y accoururent pour veoir l'effect des  
œuvres miraculeuses. Et aussi l'Euesque de Constantinople, avec ses Prestres, en la presence de  
tous alla pour visiter ceste chapelle, ou reposoit le corps de la Martyre. Or faut il noter qu'au  
costé gauche du tombeau lon veoit vne petite fenestre bien estoupee d'un couuercle, à l'ouuer-  
ture de laquelle ils mettoient vne barre de fer assez longue, & au bout d'icelle vne esponge at-  
tachée, qu'ils retiroient hors apres l'auoir viree & reuiee es saintes reliques, & arrosée des  
gouttes du sang de la Sainte. Ce que voyant le peuple s'enclinoyent tous en terre, remerciaient  
Dieu à haulte voix, & l'honorans à iointe mains, tant estoient ils estonnez de ce miracle. Et  
si grande abondance d'humeur decouloit de l'esponge, que non seulement les Empereurs & E-  
uesques, ou le peuple qui de coustume là s'assembloit, en prenoit à son plaisir : mais aussi cha-  
cun en pouuoit emporter avec soy la part qu'il vouloit. Toutesfois ny les gouttes de sang defail-  
loyent avec le temps, ny le sang se changeoit aucunement, mais tousiours retenoit sa couleur  
parfaitement rouge. Or ce miracle n'aduenoit en temps certain quand on vouloit, ains se-  
lon qu'estoit la sainteté des meurs & la vie de l'Euesque. Car on dit que quand celuy qui gou-  
vernoit l'Eglise viuoit saintement, & avec quelques ornemens de vertu, lors plus souuent se  
faisoit ce miracle : mais quand l'Euesque & prelat n'estoit tel, lors rarement il aduenoit, ne si  
facilement se monstroient la vertu de la sainte Martyre. Je suis bien certain que cela est ainsi ad-  
uenü : Mais ie veux maintenant raconter ce qui n'est aduenü d'adventure à certain iour & temps  
prefix, ains tousiours sans difference est suruenü à toutes personnes fideles, ou non. Quand on  
entroit en la chapelle, où estoit enserree la tombe & saintes reliques du corps, enfermees com-  
me quelque thresor, vn odeur sortoit si bon-flairant qu'il surmontoit la capacité & portee na-  
turelle, & toutes senteurs que science humaine pourroit contrefaire. Il surpassoit aussi de beau-  
coup l'odeur, que lon sentiroit en vn pré tout bigarré de diuerses fleurs, & ne pourroit estre  
semblable celuy qui decoule & vient des choses les plus odoriferantes : d'auantage il n'eust cédé  
en rien aux parfums gracieux & plaisans, que les apotiquaires composent & entremellent de  
diuerses drogues moderees, mais aussi estoit trop plus excellent : enquoy se monstroient la puis-  
sance de celle d'où il procedoit.

*Il entend  
la ville de  
Constanti-  
nople, de la  
quelle Calce  
dome estoit  
comme un  
fauxbourg:  
d'icelle es-  
cript Plin.  
liv. 6. cha.  
dernier.*

*Miracles  
faits au se-  
pulchre de  
sainte Eu-  
phemie.*

*Huile mer-  
ueilleuse de  
la chaste  
sainte Eu-  
phemie.*

*Odeur de  
bonne sen-  
teur en la  
chapelle.*

*Actes du Concile, & comme la dignité Episcopale fut ostée à Dioscore & ses sectateurs.*

CHAP. IIII.



E 4 Concile donc que nous auons dit auoir esté transporté de Nice, fut assem-  
blé à Calcedone, au temple de sainte Euphemie, l'an trentiesme depuis le tiers  
Concile, & cinq mil neuf cens & soixante-six depuis la creation du monde. Les  
Euesques Romains, Byzancois & Antiochiens estoient assis au costé droit du  
temple : ceux d'Alexandrie & de Ierusalem, à la partie gauche : & au milieu

*Le consistoi-  
re du Cōci-  
le en l'Egli-  
se de sain-  
te Euphe-  
mie.*

## LIVRE XV. DE L'HISTOIRE ECCLESIASTIQUE

d'iceux les Princes & Senateurs. Et quand furent produits & declarez deuant l'assemblee les faits & articles que Eutyches par vne curiosité de choses nouuelles auoit determiné à Constantinople, & Dioscore en Ephese: ce Dioscore eut son refuge & s'excusa, pour les doffences, sur l'ignorance des menees, faisant semblant ne rien sçauoir des entreprinſes: mais il fut bien esbahy quand il ne peut reietter, conuaincre & reprocher les crimes & blasmes que lon luy obiectoit: & encore plus infames & honteux, quand selon la verité congneue il ne peut euitter la necessité & contrainte à venir dire ses causes & oppositions deuant tous au consistoire: car ceux qui auoyent assisté avec luy au Synode Brigantin, le chargerent, accuserent & descouvrirent euidentement les cauteles & machinations, & declarerent l'effort & violence qu'il leur auoit fait, les menaçant de l'Empereur. Tellement que ceux qui s'en estoient entremis, & meslez de l'affaire, & auoyent porté secours & ayde, en demandant pardon furent receuz en grace & amitié: & du costé gauche où ils estoient assis passerent au dextre. Entre lesquels fut Iuuenal, Euesque Ierosolimitain: mais Dioscore voyant qu'il ne pourroit impetrer pardon de si iustes iuges, par ce qu'on le chargeoit tousiours de crimes l'un apres l'autre, il se deporta & desista de trouuer & comparoir en l'assemblee. Mais apres que le Synode l'eust cité par trois brieſs iours, suiuant le canon, & qu'il se monstroir desobeissant au mandement, par le commun accord & opinion de tous, en presence de l'Empereur qui aymoist Dieu, il fut cassé & priué de sa dignité avec Eutyches, & conuaincu par sentence d'excommunication. Secondement les Peres confirmerent les decrets & constitutions, lesquelles auoyent esté publices pour arrests de la foy, & en celuy qui premierement fut congregé à Ephese. Et en la troisieme session apres, ils enregistrerent avec leurs actes les epistres que l'admirable Cyrille auoit escrites à Nestorius, ausquelles ils adiousterent aussi vne<sup>b</sup> epistre de Leon, Pape, enuoyee au diuin Flauien: & outre plus vn petit liuret que ce mesme Leon auoit adressé au Synode & à l'Empereur Martien, lequel liuret estoit intitulé La colonne del'orthodoxe, c'est à dire de la vraye foy. Car Leon susdit ayât descouuert le complot braſſé par Eutyches & Dioscore, fit assembler à Rome vn Sene prouincial, auquel il reiecta & condamna l'un & l'autre, & ceux qui suiuiroyent leur opiniõ, & en enuoya au concile de Calcedone & à l'Empereur les actes & sentéces: à fin que les Peres sans aucun pretexte & exception condānassent aussi ceux qui introduiroient vne confusion & commixtiõ des deux natures de Iesus Christ. Il les admonestoit encore, que les Eglises deuoyent estre edifiees, instruites & confirmees de telles doctrines, que les personnes sceussent & entendissent que Iesus Christ est Dieu parfait en subsistence, aussi homme parfait, Consubstantiel au Pere & à nous, de sorte que sans commixtion, sans mutation, sans alteration & sans confusion soyent considerees en luy deux natures, de la diuinité & de l'humanité, vnies & coniointes ensemble, lesquelles de vray sont congneues en luy & y sont.

*Dioscore pour sa rebellion & desobeissance est condamné avec Eutyches.*

*Les actes du Concile de Calcedone.*

<sup>a</sup> Concile ] Les Conciles prouinciaux sans aucune reuolte & cõtradictiõ tousiours ont cédé & obey à l'autorité des generaux, qui s'assemblent de toutes les parties de la Chrestienté: & souuentefois les generaux qui ont precedé sont plus amplement declarez ou clairement interpretez par ceux qui viennent apres, quand par experience des choses est descouuert ce qui estoit celé, & manifesté ce qui estoit caché, sans aucune espee d'orgueil, sans arrogance enſlee, sans contention d'enuse: mais avec humilité sainte, paix Catholique & charité chrestienne. S. Augustin, li. 2. du Baptisme, contre les Donatistes, chap. 3.

<sup>b</sup> epistre de Leon, Pape ] Gelase, Pape, en la distinction, 15. chap. La sainte Eglise Romaine veut que si quelque outrecuide & idiot oste & retrouque mesme vn mot, du texte de l'epistre de saint Leon, Pape, enuoyee à Flauian, Euesque de Constantinople, & que celuy qui entre les autres escrits ne la receuera avec reuerence, soit excommunié.

*D'un miracle aduenü au sepulchre de sainte Euphemie, touchant l'arrest de la diuersité de foy, des fideles Chrestiens, & des Heretiques. C H A P. V.*



*Martyre de sainte Euphemie.*

Fin d'appaiser le different & debat touchant ce fait excité & esmeu ( car le naturel du meschant est inexpugnable, & plustost que de s'amender cherche tousiours cõtentions, & s'alprit d'auantage ) il sembla bon & pleut au S. Esprit & à ces notables personnes, lesquels estoient assemblez, que le decret de la foy fust mis par escrit en vn libelle, & que le iugemēt, decisiõ & ratification du discord fust remis & renuoyé à Euphemie, tresloüable vierge & martyre, laquelle dès ses ancestres auoit esté citoyenne & nourrie en la ville de Calcedone, & sous Diocletien, meschant Empereur, estant mence en iugement par deuant vn iuge inique, elle confessa publiquement à haute voix, que Iesus Christ estoit Dieu & fils de Dieu. A raison de quoy premierement souffrit plusieurs tourmens, & puis apres fut iettée aux bestes & estranglee par

par vne Ourse: & ayant ainsi soustenu iusques au bout le combat pour Iesus Christ, receut la couronne de martyre. Et dès lors son diuin corps contregardé entier & sans corruption fut inhumé & remis en vne Eglise à Calcedone, sous vn tombeau de marbre, où se faisoient tels miracles, que peu parauant auons mentionnez. Ainsi donc tant les fideles Chrestiens, que ceux qui estoient de religion contraire, se r'apporterent & prirent pour arbitre de leur foy, ce saint corps & immaculé, comme iuge competent & entier, & vn chacun d'eux escriuant à part en vn libelle, la proposition & article de foy qu'ils vouloyent tenir, fermerent l'un & l'autre papier, & le cacheterent de seaux, puis le mirent bas, aux pieds de la Martyre. Et apres qu'ils eurent passé toute la nuit prochaine en prieres, du grand matin se transporterent au tombeau, & ayans osté le couuercle, & fait ouuerture du monument, ils trouuerent vn spectacle nouveau, & digne de bon iugement: Car la requeste & libelle des fideles, & qui suiuyent le bon party, estoit retenue fermement, entre les mains de la victorieuse sainte: & l'autre comme chose vaine, & de nul prix, estoit demeurée à ses pieds sans qu'elle en eust tenu cōte. Or depuis telle sentence donnée comme du ciel, les impudens osèrent encore contredire & repugner à la verité, mais la condamnation comme fort legitime fut d'auantage approuuée: tellement que ceulx lesquels ne voulurent receuoir & accorder les decrets & arrests du Concile, encoururent & receurent honte & infamie de Dieu & des hommes. Le chef & autheur de telle heresie fut mené en exil à Gangre: & ceux qui parauant auoyent esté condamnés & bannis par Dioscore, de l'aduis & opinion du Concile & de l'Empereur, furent reuoz. Et apres la resolution de plusieurs semblables choses, le Synode publia le decret couché par escript en telles paroles.

*Les Catholiques & heretiques se rapportent à sainte Euphemie qui estoit decedee, des articles de la foy Chrestienne. Sainte Euphemie par miracle eut esté approuuée la foy Catholique, & reiette la malice des heretiques.*

*Decret de la foy au saint quatriesme Synode vniuersel.*

CHAP. VI.

**N**ostre Seigneur & Sauueur Iesus Christ, voulant confermer la doctrine de la foy à ses disciples, dit: Je vous done ma paix, ie vous laisse ma paix: afin que nul discorde & contrarie aux enseignemens & articles de la vraye pieté & deuoir enuers Dieu: mais que tous également preschent vne mesme doctrine de verité. Et de rechef apres la lecture faite du saint Symbole de Nice, estably de l'autorité de cent & cinquante saints Peres, ils adiouterent: Ce saint & salutaire Symbole & enseigne de la grace diuine, est assez suffisant & a parfaite demonstration & confirmation de la vraye religion: Car il contient complete doctrine & instruction touchant le Pere, le Fils, & le saint Esprit, & approuue la foy de ceux qui reçoient & croient l'incarnation de nostre Seigneur. Mais puis que les aduersaires de la verité, qui s'efforcent d'en abolir la predication par leurs heresies, ont amené & inuenté paroles friuoles & de nulle edification, & que les aucuns ont ausé corrompre & deguiser l'administration, obeissance & seruitude que nostre Seigneur a prins pour l'amour de nous, & nier que la vierge Marie soit mere de Dieu: & que les autres voulans introduire & amener vne confusion & mixtion, controuuent & feignent subtilement que la nature de la chair & de la diuinité n'est qu'une, soustiennent & afferment prodigieusement que la diuine nature du Fils unique par la confusion & melange est suiectée à souffrance & perpeccion: pour ces causes & raisons ce saint & general Concile desirant leur empescher maintenant toute fraude, cautelle & inuention subtile contre la verité, venger & defendre l'integrité & fermeté de l'ancienne doctrine, en premier lieu ordonne & entend que la profession de foy des trois cens Peres, saints, soit maintenue & gardée en son entier. En apres, il conferme de son autorité, la doctrine touchant l'essence du saint Esprit, des cent & cinquante Peres, lesquels ces derniers temps s'assemblerent en la ville Imperiale contre les aduersaires: laquelle doctrine ces Peres-là ont voulu publier & faire congnoistre à tous, non pas qu'ils eussent intention d'induire ou innouer quelque point que les maiers & deuançiers auoyent ignoré, mais afin que tachans attendre & scauoir quelques choses de la puissance du S. Esprit, ils promulgassent plus clerement par les tesmoignages de l'Ecriture, la nature d'iceluy. Et touchant ceux-là qui osent deprauer & corrompre le mystere de l'œconomie, administration & submission, & qui impudemment & outrageusement preschent, que celuy lequel est nay de la vierge Marie, est purement & simplement homme, le Concile reçoit les epistres synodales de saint Cyrille (qui estoit Euesque de l'Eglise Alexandrine) lesquelles il enuoya à Nestorius & aux Euesques Orientaux, pour ce qu'elles sont fort bien escriptes & dictées, tant pour refuter & conuaincre l'extresme & excessiue folie de ce Nestorius, que pour declarer & faire entendre la sentence & interpretation du saint Symbole, à ceux qui la requierent de sincere & ardente affection: ausquelles il adioute aussi, pour bonne raison, vne epistre du tres-heureux & saint Leon, grand Pontife & souuerain prelat de la vieille Rome, cité tres-fameuse, laquelle il escriuit à ce grand Euesque Flauien, qui est entre les saints, pour resister & contreuenir

*Aduis & deliberatio du concile de Calcedoine. Contre ceux qui nioient la vierge Marie estre mere de Dieu: & contredisoient les deux natures en Iesus Christ. Confirmation des decrets du concile de Nice & de Constantinople. Contre ceulx qui disent que Iesus-Christ est simple homme. Epistres synodales de S. Cyrille & une epistre de Leon à Flauien.*

## LIVRE XV. DE L'HIST. ECCLESIASTIQUE

*Le fils de  
Dieu & le  
fils de la  
vierge, n'est  
qu'un mes-  
me fils.*

à la malvueillance d'Eutyches, par ce qu'elle conuiet & s'accorde à la profession de foy de saint Pierre, & est comme quelque commune & publique colomne ou tableau pour confirmer la bonne & sainte doctrine, contre ceux qui faulxement & à tort y repugnent, suiuaus opinion contraire: Car elle bataille & s'oppose à ceux qui s'efforcent de distraire & separer en deux fils le mystere de l'administration, & excommunie & deboute les outrecuidez qui osent dire, que la diuinité du Fils vnique est subiecte à passion & tollerance. De rechef elle resiste à ceux qui controuuent vne mixtion & cōfution és deux natures de Iesus Christ. Outre-plus elle bānit & interdit la demeure au pays à ces resueurs qui si lourdement faillent, disans, que la forme de seruiteur qu'il a prinse de nous, est celeste ou de quelque autre essence. Finalement elle anathematize & condamne ceux qui sans honte afferment & enseignent les deux natures de nostre Seigneur deuant l'vnion, & en feignent vne apres l'vnion. Parquoy voulans suiure la trace & maniere de faire des saints Peres, nous faisons profession, & maintenons que nostre Seigneur Iesus Christ est Fils vnique: & tous d'une voix & d'un accord preschons & annonçons, que le mesme est parfait en la diuinité, & le mesme parfait en l'humanité, vray Dieu & vray homme: que le mesme est d'ame raisonnable & de corps, qu'il est consubstantiel au Pere selon la diuinité, & consubstantiel à nous selon l'humanité, & en toutes choses semblable à nous, excepté peché: qu'il procede du Pere selon la diuinité, deuant les siecles, & qu'és derniers iours il est nay selon l'humanité, de la vierge Marie mere de Dieu, pour nous & pour nostre salut: que ce n'est qu'un Seigneur & Iesus Christ fils vnique, congneu & presché en deux natures sans confusion, sans mutation, sans diuision, & sans separation: que l'vnion n'oste & emporte aucunement la difference des natures, mais plustost contregarde la propriété des deux natures, lesquelles s'assemblent en vne personne & vne subsistence: non pas comme diuisé & party en deux personnes, mais que celuy est vn mesme nostre Seigneur Iesus Christ, Fils vnique, Dieu Verbe: en la mesme façon & maniere que les Prophetes anciennement nous ont enseigné, & le mesme Iesus Christ de foy mesme: & nous l'a transmis de main en main le Symbole des Peres. Ces choses donc ainsi determinees & arrestees par nous, avec soing & toute diligence, le saint & vniuersel Synode a ordonné & enioinct qu'à nulle personne il soit licite d'auoir & sentir autre opinion, ou de mettre en auant, escrire, composer, publier, ou enseigner autre credence. Et tous ceux qui seront si hardis de composer, publier, instruire autre foy, ou bailler autre Symbole à ceux qui sont de la superstition Greque, du Iudaïsme, ou de quelque autre heresie que ce soit, & ne se voudront couertir & retourner à la cōgnoissance de verité, s'ils sont Euesques ou clerics doyuent estre priuez & estrangez de leur Euesché & clergé: mais s'ils sont moines ou laics ils seront excommuniez.

*Formules  
de nouvelle  
foy ne doi-  
uent estre  
produites.*

*Du reste & demeurant qui fut ordonné au Concile.  
CHAP. VII.*

*Autres  
actes du  
concile de  
Calcedo-  
ne.*



*Après l'E-  
uesque de  
Rome celui  
de constan-  
tinople e-  
stois le pre-  
mier.*

Pres la determination & conclusion de ces decrets & articles, quād l'Empereur Martien, qui auoit esté present au Synode, eut dict & remonstré par sa harangue, ce qu'il deuoit deuant l'assemblée, il s'en retourna à la cour & maison Imperiale. Mais le Concile voulut aussi decider & appointer deuément & en bon ordre la controuersé & diuorce qui estoit entre Maxime, successeur à Domne en l'Eglise d'Antioche, & Iuuenal, Euesque Ierosolymitain, touchant les limites de leurs prouinces & diocèses. D'auantage, de l'autorité du Concile, Theodorit & Ibas furent restitués en leurs sieges. Il fut semblablement ordonné, que le siege Episcopal de la nouvelle Rome, auoit le second lieu apres la vieille Rome, & le premier des autres throsnes. Outre les precedens plusieurs autres actes furent decretez en l'assemblée, lesquels ie repeteray dès le commencement, à la fin de celiure, & les poursuiray au long en tel langage que ie pourray, afin que chacun puisse congnoistre plus clerement ce qui y aura esté fait: Car i'ay estimé que cela seroit aucunement ennuieux & mal à propos, si maintenant le racontois en interposant & entremeslant le fil de l'histoire perpetuelle. A raison dequoy ie n'en ay voulu traiter plus amplement pour le present. Mais qui parfaictement voudra sçauoir les faits de ce Synode, qu'il lise la brefue narration annexee à la fin de ce quinzième liure. Ce pendant ie continueray le progres de l'histoire.

*De la sedition suruenue en Alexandrie à cause de l'election de Proterie successeur  
à Dioscore.* CHAP. VIII.



Ce Concile assisterent, entre les autres, ces Euesques fameux cy apres mentionnez: De la vieille Rome & d'Italie estoient Lieutenans & Ambassadeurs de Leon Pape de Rome, Pascalin, Lucence & Boniface: estoient aussi presens, Anatolie, Euesque



Euesque de Constantinople, Maxime prelat d'Antioche pres le fleuve Orontes, Iuuenal Archeuesque de Ierusalem, & ce Dioscore d'Alexandrie, lequel (comme nous auons ja di&) fut degradé & depose de sa dignité, puis condamné à demeurer en exil, en la region de Gangre, en Paphlagonie. Et à cest Euesché d'Alexandrie, d'un commun consentement du Concile, fut substitué & promu le diuin Proterie. Mais comme il alloit prendre possession de son siege, il y eut grand debat, trouble & tumulte entre le menu peuple, qui estoit bandé & diuisé en opinion diuerse: Car comme il aduint de coustume durant telles seditions & partialitez, les vns qui estoient en plus grand nombre, soustenoyent vaillamment leur nouveau prelat: les autres tenoyent le party de Dioscore, qui leur sembloit plus propre & suffisant pour gouuerner telle charge Ecclesiastique. Tellement que sur ce fait il y eut grand diuorce & contention: Car Prisce l'Orateur escrit en ses histoires, qu'en ces entrefaites venant de la prouince des Thebeens en Alexandrie, il veid vne grande tourbe de canailles qui s'esnouoyent & faisoient sedition contre les magistrats: & que, pour les pierres que tout à l'heure ces mutins prenoient sur la terre de tous costez, & s'en seruoient au lieu de dards, tous les soldats, qui lors tachoyent les empescher, furent contraincts de s'en fuir, & se sauuer en vne Eglise, iadis appelée, Le temple de Serapis. Or par ce Serapis s'entendoit ou Iupiter, ou Nilus, ou quelque autre homme nommé Apis de la ville Memphis, lequel en temps de famine à ses propres despens fournit les Alexandrins de froment. En commemoration duquel bien, ils luy consacrerent vn temple apres son decés, & vne statue: auquel en signe & argument de l'agriculture & labourage (comme lon coniecture) estoit nourry vn bœuf, ayant quelques marques & enseignes: lequel semblablement on appelloit de mesme nom que son maistre, Apis. Et quand ils eurent transporté & mis au temple le sepulchre, qui en Grec est appelé *Sorôis*, où estoit inhumé le corps de cest homme, ils en nommerent la statue & monument, Sorapis, ou en changeant quelques lettres, Serapis. Ce temple estoit fort beau, & la statue ou image merueilleusement grande & horrible, en telle sorte composée & maçonnée de diuerse matiere, que des deux mains elle atouchoit les deux murailles du temple. D'auantage au milieu de la statue estoit comme vne chapelle portatiue, & qui se remuoit ça & là, dans laquelle pendoit vne autre petite image d'airain, au sommet de laquelle ils auoyent entremeslé du fer par dedans. Ainsi vne pierre d'aimant qu'ils ficherent tout au droit, au planché, voutte ou lambris du temple, eleuoit haut en l'air ceste image, si bien qu'elle ne touchoit ny la terre, ny le toit ou lambris. Ce peuple donc repoussa les magistrats iusques en ce temple, & les ayant prins les fit brusler tous vifs. Dequoy estant aduertie l'Empereur despescha deux mil hommes d'armes, lesquels, avec le vent qu'ils eurent à gré, aborderent en six iours en la grande & capitale ville d'Alexandrie: mais du commencement furent si deprauez & dissolus enuers les femmes & ieunes filles du pays, qu'ils leur firent plus de peines, qu'ils n'en auoyent parauant endurees. A raison dequoy, le peuple fut fort mal content: tellemēt qu'en pleine assemblee faite pour veoir les ieux publics & courses des cheuaux, il fit requeste à Flore (qui estoit coronal de la gend'armie, & pour lors aussi auoit en gouuernement le faict de la ville) qu'il leur laissast la distribution du froment comme de coustume, & qu'il leur fist rendre les bains & theatres, avec les autres droicts & franchises, desquelles ils estoient denuez, & en auoyent esté priuez par contraindre durant l'estat de la ville si dissolu & perturbé. A quoy il l'accorda, & promit par son serment faire comme le peuple requeroit. Et par tel moyen petit à petit il appaisa la sedition. Voila donc en quelle façon se sont portees les affaires d'Alexandrie.

\* Apis de la ville de Memphis] Adionste Suidas ou Iosephe, & escrit encore que sur la teste d'iceluy estoit vne mesure, toise ou couldee, dont les Alexandrins mesuroient la creuë du Nil: & que ce temple auoit esté basti par Alexandre.

Comment en la Palestine y eut aussi sedition suscitée par un certain moine, nommé Theodose, lequel aussi occupa par violence l'Euesché de Ierusalem, en dechassant Iuuenal:

& ce que de son temps est aduenu: outre-plus d'Athanasie, diacre & confesseur.

CHAP. IX.



N ce mesme temps aussi y eut troubles en la Palestine: Car quand quelques moines, qui auoyent assisté au Concile, mais estoient d'opinion contraire aux decretz d'iceluy, furent de retour en Ierusalem, se lamentas firent entendre que la foy estoit faulsee: & s'efforcèrent par tous moies de prouoquer & esmouoir l'ordre monastique, afin de rescinder & mettre à neant les statuts du Concile, qui si bien estoient ordonnez. Mesme quand Iuuenal fut rentré en son siege, & qu'ils tachoyent le contraindre afin d'abolir & retrécher les constitutions du Synode, il s'en retourna en la ville Imperiale. Or l'autheur & chef de toute la tempeste & desordre, Quelques moines en la Palestine repugnent au Concile de calcedoine. Theodose moine, par

*fraude en l'absence de Iuuenal ocupe l'Euesché.* estoit vn certain moine nommé Theodose: lequel ayant attiré à son party Eudocie (car elle viuoit encore) & tous les moines de son ordre, comme font les brigans & hommes sanguinaires, s'accostans de leurs pareils, par ce que Iuuenal (comme nous auons dit) s'en estoit retourné à Constantinople, occupa le throsne de l'Archeuesque de Ierusalem, par le secours & faueur requis en tel affaire, de ceux qui contreuenoyent aux constitutions du Concile, & qui tachoyent congratuler & faire plaisir à Eudocie. Et pour ce que les Euesques n'estoyent encore de retour de l'assemblée, il en esleut d'autres, & les enuoya en chacune des villes. Outre-plus, il fit mourir Seuerien, Euesque de Scythopolis, l'en ayant dechassé, par ce qu'il refusoit prester aide, faueur & support à sa malvueillance. D'auantage il esmeut & fit grande persecution en la sainte Cité, contre ceux qui refusoient communiquer avec luy: Car il en tourmēta aucuns & affligea cruellement, aux autres osta les biens, & mit le feu dās les maisons de plusieurs, si bien qu'il sembloit que la ville fut conquise par les Barbares & estrāgers. Cela fait, ceux de l'ordre monastique enuoyerent lettres à Alcison, escriuans dudit Theodose, qu'estant conuaincu & chargé comme meschant, traistre & infidele à son Euesque, ils l'auoyent dechassé de son monastere: aussi qu'en Alexandrie il f'estoit reuolté & rebellé avec Dioscore: & qu'il auoit esté fustigé & bastu, puis trainé par la ville sus vn chameau, en signe de moquerie, comme vn seditieux. Le mesme traufferant & allant de ville en autre par la Palestine, les auoit contraincts de proceder à nouuelle election des Euesques: du nombre desquels vn nommé Pierre descendu d'Iberie, fut Euesque d'une ville des Gazeens, qui s'appelloit Maiume. Tellement qu'un certain personnage qui auoit nom Athanase, de l'ordre des Diacres, vsant de grande liberté de parler au milieu de l'Eglise de Ierusalem, pendant que tel meschant & abominable seoit au throsne tressainct, remonstra & dit appertement tels propos: Cesse, Theodose, d'homicider tant de personnes: cesse de faire guerre contre Iesus Christ, & en la façon des brigans de chasser son troupeau hors de la sainte bergerie, & en fin finale recongnoy & tache d'acquiescer la beneuolence enuers nostre vray, legitime & certain Pasteur. Mais comme il disoit ces mots il fut attrapé & tirassé par les officiers & complices de Theodose, de sorte qu'estant outragé de paroles insolentes & iniurieuses, & affligé de diuers tourmens pour Iesus Christ, & long temps fustigé de verges, finalement mourut au trenchant de l'espee. Son corps fut trainé par les pieds par toute la ville, & exposé viande aux chiens. En ces entrefaites quand Dorothee qui gouuernoit la Palestine, en ayant receu la charge de l'Empereur, & qui pour lors estoit empesché en vne guerre contre les Barbares, en la contrée des Moabites, entendit les piteuses nouuelles des menées & factions de la ville, il y accourut de grande alaignesse, cheuauchant hastiement avec ses gens, pour suruenir & pourueoir incontinent aux affaires. Mais les satellites de Theodose & d'Eudocie ayans fermé les portes, ne le souffrirent entrer, que premierement ne leur fist promesse de se ioincre avec eux, & suyure leur party, comme ja faisoit tout l'estat monastique, & tout le peuple de la ville. En telle sorte vingt mois durant, ce pernicieux Theodose exerça tyrannie en l'Euesché de Ierusalem. Mais quand l'Empereur en fut aduertty, il fut bien tost dechassé par Dorothee, lequel mit tout effort de le surprendre, ainsi que Martien auoit commadé: mais il n'en peut venir à bout, pour ce qu'il f'estoit retiré en la montaigne de Syna. A cause de quoy plusieurs qui auoyent tenu son party, souffrirent beaucoup de tourmens, non seulement gens du menu peuple & petite estime, mais aussi de ceux qui auoyent prins l'habit, & estoient ordonnez entre les moines. Or Iuuenal estāt restitué en son siege Episcopal, apres la fuite de Theodose, degrada incontinent & osta la dignité à tous ceux qu'il auoit consacrez. Plusieurs autres maux & aduersitez causees tant d'une part que d'autre, suruindrent au pauvre peuple: ce que luy-mesme se suggeroit par quelque phantasie ou impression en son cœur, à la suasion du maling esprit enuié & hay de Dieu, par le changement d'une seule lettre: tellement que par la prononciation d'une autre lettre, il estoit loisible d'introduire & mettre en auant chose totalement diuerse: en telle façon que plusieurs estimoyent que de ce, grande mutation aduenoit, & que la sentence estoit changée en vne autre contraire & du tout opposite & repugnante signification, & que l'une par l'autre estoit ostée. Car celuy qui confessoit Iesus Christ, c'est à dire, en deux natures, il le confessoit aussi, de deux natures. Et s'il le disoit en la diuinité & humanité, il le disoit semblablement vny & cōioinct de la diuinité & humanité. Celuy qui le maintenoit de deux natures, il l'inferoit aussi & confessoit en deux natures. S'il deuoit dire que Iesus Christ consistoit de l'humanité & diuinité, il l'entendoit consister en diuinité & humanité, la chair ny estant changée en la diuinité, ny au contraire la diuinité en la chair: d'où prouient ceste ineffable vnion, afin que, & par ceste loquution & façon de dire, de deux, soit aussi entendue la loquution, en deux: & au contraire par la loquution, en deux, soit aussi entendue, de deux, & que l'une ne differe de l'autre: car veritablemēt selon l'abondante & diuerse maniere de bien parler, non seulement le tout des parties, mais es parties le tout est entendu. Et toutesfois par quelque opinion accoustumée que les hommes tenoyent de Dieu, ils estimoyent ces sentences estre separees & differentes l'une de l'autre: ou soit qu'ils le voulussent ainsi par quelque apprehension arrestée en leur esprit, & qu'ils eussent mal entendu toutes les formules de parler: ou soit, que ie croyrois plus tost, qu'ils

qu'ils taschassent d'accorder ce qui estoit en different, à raison dequoy suruindrent les troubles & diuisions que i'ay racontées. Ainsi voila ce qui grandement affligea ceux d'Alexandrie & de la Palestine.

*De la famine & peste ensemble aduenues es villes Orientales, & comme l'annee ensuiuant la terre de soy mesme produis les fruits.*

CHAP. X.



N ce mesme temps suruint grande secheresse, famine & peste en Phrygie, en Galatie & Cappadoce: mesme telle calamité & misere s'espanoit & penetra iusques en Cilice, de maniere que les habitans des regions mentionnees, pour la grande disette & faute de viures, vindrent en si extreme pauvreté & destresse, qu'ils mangeoyent viandes defendues, non accoustumees & dangereuses. Aussi durant la famine qui s'augmentoit *Famine?* tousiours, les personnes tomberent en griefues maladies: Car pour les inflammations & vehementes chaleurs le corps leur enflait, & premierement perdoient les yeux, en second lieu suruenoit vne toux ou rume, & mouroyent trois iours apres. Contre telle peste on ne peust trouuer ny inueter aucun remede. Mais la seule prouidence de Dieu, qui garde toutes choses, y donna bon ordre, repara le desastre, & soulagea le petit nombre de gens affamez qui restoyent: Car l'annee qu'il ne creut point de biens, ny de fruits sur la terre, il les nourrit de viande celeste, leur enuoyant d'enhaut *Peste?* ce que lon appelle la manne, ainsi que nous lisons qu'il auoit fait anciennement aux Iuifs. Et l'an d'apres fit croistre & venir les bleds d'eux-mesmes sans semer. Voila les maux & aduersitez qui aussi furent en la Palestine, & en plusieurs autres regions, mesmement par route la region Orientale *Nourriture du ciel.*

*Du meurtre de Valentinien, qui estoit Empereur es parties Occidentales, & d'Eudoxie sa femme, & ses enfans: comme Genferic conquist la ville de Rome: aussi de ceux qui par succession apres Valentinien, gouvernerent l'Empire de Rome.*

CHAP. XI.



Ous auons raconté les miseres & tribulations qui furent es contrees Orientales, mais les pays Occidentaux n'en endurerent de moindres: Car enuiron ce temps là, Aetie, gouverneur de la ville de Rome, perdit la vie d'une façon estrange & miserable: & Valentinien Empereur des seigneuries Italiques, iacoit qu'il gardast la bonne doctrine & religion de l'Eglise, ce neantmoins faillit grandement en sa continuelle accoustumance & maniere de viure: Car combien qu'il eust en mariage Eudoxie, fille de Theodose second, laquelle estoit femme non tant belle en perfection de visage que bien ornee d'autres vertus, toutefois il souilla & deshonna *Vices de Valentinien, Empereur Occidental.* en adultere la femme d'autrui: & publiquement conuersoit & auoit pour familiers & domestiques ordinaires plusieurs sectateurs de choses curieuses, tellemēt qu'il fina sa vie par mort trespignominieuse: Car le neveu ou petit fils de Maxime, qui auoit mesme nom que son ayeul (lequel occupa la tyrannie & iniuste domination apres le decés de l'Empereur Gratien, & quelque temps apres fut saccagé par le grand Theodose) voyant, quoy qu'il exercest la premiere dignité des patrices & chefs de la Republique, qu'il ne pouuoit aisément se venger & venir à bout de la trahison qu'il brasloit contre l'Empereur Valentinien, pour l'outrage & violence qu'il auoit faite à sa femme, tant qu'Aetie (qui empeschoit ses entreprinſes) seroit gouverneur & grand maistre à la cour, il l'accusa faulsemēt de lese maiesté enuers l'Empereur. Et tout incontinet que par telle accusation il fut executé de sorte indigne & pitoyable, ce Maxime dés aussi tost entra *Maxime tue l'Empereur Valentinien, & viole sa femme Eudoxie.* facilement au palais de l'Empereur, & le mit à mort, puis rauit sa femme Eudoxie, & viola sa chasteté & bon renom (car celuy est ordinairement puny & chastié de mesmes maux qu'il a fait & commis sur autrui) & finalement vsurpa & retint l'Empire par force. Mais Eudoxie estant fort offensée & desplaisante d'une si enorme meschanceté, dont elle ne se doutoit aucunement, delibera employer tout son pouuoir & faueur, à chercher tous moyens pour se venger de l'auteur qui auoit esté si hardy de faire telle iniure, & commettre tel cas à l'endroit de son espoux, & faire tort à sa chasteté & grandeur: Car la femme est de grand courage & colere, & ne peut estre destournée & apaisée aucunement de sa douleur & facherie, si la pudicité, qu'elle taschoit garder inuiolable, par force luy est vne fois ostée, mesme par celuy qui a fait mourir le gardien & conseruateur de son integrité, honneur & bonne reputation. Eudoxie donc pensant en soy-mesme, & delibérant en son esprit de ce qu'elle auoit à faire, se doutoit bien qu'il n'y auoit esperance de support du costé de Byzance, puis que son pere Theodose ja pieça estoit decédé,

Qq ij

& que de fort long temps la dame Pulcherie y gouvernoit l'Empire, laquelle par aduenture n'auoit encore oublié & delaisfé l'inimitié & facherie conceüe & enflammee contre sa mere Eudocie, print resolution d'enuoyer par ambassadeurs grans presens en Libye à Genferic, luy requerant aide & secours en telle oppression & necessité, afin d'estre végee & deliuree de l'impie de Maxime: & d'auantage bailla espoir à ce Barbare de pouuoir obtenir & conquerir l'Empire Romain, qu'elle luy promettoit rendre facilement entre ses mains & puissance, moyennant qu'il dechassast Maxime. Par ainsi donc il fut tué, n'ayant point encore iouy vn an durant de la tyrannie qu'il auoit vsurpée par force: & Genferic venu avec ses grandes compagnies print la ville de Rome. Mais comme Barbare, muable & inconstant qu'il estoit, ne garda pas la foy promise à Eudocie, <sup>a</sup> car ayant pillié la ville & mis le feu és spectacles & lieux publics, il s'en retourna en Libye, menant avec soy Eudocie prisonniere & captiue avec ses deux filles Eudocie & Placidie. Il raut aussi & emporta de Rome beaucoup de vaisselle, & precieux ioyaux Ecclesiastiques, entre lesquels estoit bonne quantité de ceux des Hebreux, que Tite & Vespasien transporterent à Rome apres la destruction de Ierusalem. Cela faict, il maria son fils Honoric avec Eudocie qui estoit l'aisnee. Mais par ce qu'il congneut que Placidie estoit promise à Olibrie, patrice & prince du Senat de Rome, lequel dès lors qu'elle fut prinse, estoit fugitif à Bizance, il la luy renuoya, ensemble avec sa mere Eudocie, bien accompagnée de gens qu'il bailla pour les conduire honorablement. En quoy il pensoit appaiser Martien: Car il estoit grandement offensé & coléré cōtre luy, tant pour ce qu'il auoit mis le feu à Rome, que pour le tort & mespris dont il vsa à l'endroit des enfans de l'Empereur. Olibrie donc par le commandement de Martien print pour femme Placidie Or apres ce Maxime, Auite eut l'administration des affaires Romaines six mois durans seulement: & quant il fut mort de faim, Maiorien gouverna l'Empire par l'espace de deux annees: lequel estant saccagé & desfait par la cautelle & menée de Recimer, capitaine de la gend'armie Romaine, Seuerus fut Empereur trois ans, & luy succeda Anthemie, avec lequel Martien accorda sa fille, à la supplication des Romains, Occidentaux, qui l'enquirent par ambassadeurs. Et quand Anthemie aussi fut occis par trahison & surprinse, combien qu'il eut en singuliere affection la religion Chrestienne, on eleut Olibrie Empereur, à la supplication de Recimer: auquel succeda Glycerie, & apres qu'il eut tenu telle dignité cinq ans durans, Nepos ou Neveu, qui establit Glycerie Euesque à Salones ville de Dalmacie, en print la charge. Mais aussi Orestes l'en despoilla, auquel succeda Romule le fils, lequel aussi estoit surnommé Augustule, & fut le dernier Empereur des Romains, distant de Romule premier Roy, de <sup>xx</sup> mil trois cens & trois ans accomplis. Et apres ce Romule, Odoacer s'empara de l'Empire, <sup>b</sup> lequel en repudiant ce surnom d'empereur, premier se fit appeller Roy. Auquel temps mesme deceda Leon le grand.

<sup>a</sup> car ayant pillié la ville] Genferic print Carthage, apres que les Romains l'eurent tenue en leur subjection cinq cens octante-cinq ans, l'an de nostre Seigneur, quatre cens quarante & un: & Rome, laquelle il destruit miserablement, l'an quatre cens cinquante-sept.

<sup>b</sup> lequel en repudiant, &c.) Environ ce temps là, Paulin, Euesque de Nole, racheta des Vandales beaucoup de prisonniers, & deliura le fils d'une certaine vefue, lequel de soy-mesme s'estoit rendu en seruage. Diacre. Odoacer estoit ainsi appelé, pour ce qu'estant homme belliqueux, il gastoit & destruisoit tout le plat pays. Or sous iceluy, la maiesté de l'Empire Romain paruint iusques aux François.

Comment Eudocie, femme de l'Empereur, fut reconciliee avec Pulcherie  
Auguste: & de la ieune Eudocie fille d'Eudocie.

CHAP. XII.



Eudocie est  
renuoyee à  
Byzance avec  
sa fille  
Placidie.

Hulderic  
fils d'Honoric.

Vand Eudocie Auguste qui viuoit encore, & demouroit en la Palestine, eut certaines nouuelles de sa fille Eudocie, de son mary, & de ses enfans, elle fut grandement tourmentee & fachee en son esprit. Parquoy cherchant tous moyens, premierement à la poursuite & diligence de Valere & Olibrie, patrices & chefs de la Republique, r'entra en grace & fut reconciliee avec Pulcherie, à laquelle mesme elle fit requeste de suruenir & donner support à celles qui estoient en captiuité. Et aduint que quand la paix fut accordée entre Genferic & Martien, Genferic à la demande de Pulcherie r'enuoya à Byzance (comme i'ay dict) Eudocie & Placidie. Mais quant à la ieune Eudocie, elle demeura en Affrique avec son mary Honoric, avec leq<sup>l</sup> elle vesquit seize ans, & luy engendra vn fils nommé Hulderic. Mais par ce que son mary faisoit professio de la religion des Arriens, sa cōpagnie ne luy estoit point fort agreable, qui fut cause que par quelque ruze & finesse elle

elle eschapa de ses mains, & à l'imitation de sa grand' mere Eudocie se mit en voye pour aller visiter les saints lieux, & bien long temps apres baïsa le sepulchre d'icelle. Là ne vesquit pas beaucoup, mais endormie de l'heureux sommeil, fut mise & ensevelie en vn tombeau fort excellent, pres celuy de sadiete grand' mere. Et quant aux richesses & cheuances qu'elle auoit, elle les dedia & bailla toutes aux pauures, & à la sainte resurrection de Iesus Christ.

« resurrection de Iesus-Christ.) En l'honneur de laquelle estoit vn temple basti en Ierusalem. Eua- gre, liure 2. chap. 5.

*Comment à la poursuite de Pulcherie, Eudocie induite & persuadee par Simeones, Stylite ou Columelle, & par le grand Euthyme, approuua le saint quatriesme Synode.*

CHAP.

XIII.



R incontinent que Pulcherie Auguste fut racointee & r'alliee avec Eudocie, elle incita ses freres & sa fille à luy enuoyer souuent lettres, à fin de la diuertir & destourner de l'opinion d'Eutyches & Dioscore, pour embrasser & receuoir la communion de l'Eglise Catholique & vniuerselle. Quand donc Eudocie eut receu leurs lettres, considerant d'autre costé que la bien-heureuse Basse l'importunoit fort, à fin d'estre de me opinion & religion ensemble, elle, de peur qu'elle ne fust contre la volonté de Dieu, trouua qu'il seroit bon, touchant le fait de la religion, se rapporter aux saints Peres, à fin que par iceux fust instruite & ense-

gnée de la vraye obseruance de la foy. Et pour ces fins ayant mandé Anastase, Euesque du lieu, elle rescriuit par luy à saint Simeones, Stylite ou Columelle, qui lors pour ses vertus estoit en bruit & honneur par tout le monde. Et outre plus, elle mesme enuoya missiues escrites de sa propre main, par lesquelles elle dechargeoit & decouuroit le remors de sa conscience, promettant de reprendre & suyure ce qu'il en ordonneroit. Or ce saint personnage luy fit response en tels

propos: Sçachez, m'amy, que le diable voyant les richesses, noblesse & grandeur de vos vertus, a demandé à vous tenter & cribler comme le bled: loinct que ce pernicieux Theodose, qui a esté fait vaisseau & instrument de melchanceté, à fillé & obscurcy les yeux de vostre ame ay-

mant Dieu, & l'a troublee. Mais ayez confiance, car vostre foy ne defaudra point. Or ie me suis grandement esmerueillé, veu que vous ayant la fontaine aupres de vous, l'avez ignoree & mescongneue, pour aller plus loing tirer de l'eau. Vous avez Euthyme, diuin personnage, suyuez sa doctrine & ses preceptes, & vous serez sauuee. Quand Eudocie eut leu ces lettres, elle ne tarda ny s'addonna à paresse: mais soudain fit venir à soy Euthyme, en vne tour qu'elle auoit bastie de

nouveau. Et quand il fut arriué, elle rant ioyeuse que lon ne pourroit croire, se iettâ à ses pieds, s'escria à haulte voix disant: Maintenant ie sens & reconnois que le Seigneur m'a visitee indigne de vostre venue & presence. Ce saint homme luy donna la benediction & luy commanda au surplus d'estre plus attentue & soigneuse. Car, disoit-il, les tristesses & fascheries qui vous sont aduenues, sçachez que pour autre cause ne vous sont aduenues, sinon à raison que ne vous estes gardee de communiquer avec ce melchant Theodose. Parquoy ayant postposé & mis

en arriere toute affection & volonté de repugner & defendre ce que lon reçoit sans raison, arrestez vostre credence en ces trois saints Conciles generaux: sçauoir est, en celuy qui premierement fut assemblée à Nice contre ce melchant Arrius, secondement en celuy qui premier fut en Ephese, contre Nestorius: d'auantage il fault que vous receuiez le decret & arrest qui a esté fait au Synode congregé à Chalcedoine, & que reiettant la communion de Dioscore, vous vous retiriez par deuers Iuuenal, Ierofolymitain, & que faciez generalement vostre deuoir es choses accoustumees en l'Eglise. Apres que Euthyme eut dit tels propos, & fait quelques prieres à Dieu pour Eudocie, il s'en retourna en sa bergerie. Et Eudocie print son chemin à la sainte ci-

té, & fit totalement ce qui estoit de faire en l'Eglise Catholique. En apres, grande multitude de gens, tant du menu peuple, que des monasteres, lesquels auoyent suyuy l'erreur de Theodose, receurent ensemble avec elle la sacree communion. Et quant à ceux qui ne voulurent ensuyure son exemple, encore d'oresnauant receurent les dons & gages d'Eudocie comme ils auoyent de

coustume, mais seulement à cause de l'affection qu'elle leur portoit de long temps, non pas à railon de la conuenance de religion, ou qu'elle accordast leur opinion. Ainsi quand elle fut rengee & rendue à l'Eglise Catholique & vniuerselle, toute esperdue & estonnee en son esprit, s'esmeruilloit de leurs opinions qu'ils n'entédoient pas la verité comme il falloit. Et quelque peu de temps ensuyuant, elle (comme i'ay dit) laissant en terre ce corps, qui n'est que cendre, d'une mort heureuse retourna l'ame au ciel.

Eudocie se-  
conde alla  
voir aussi  
les saints  
lieux en Ie-  
rusalem.

Eudocie l'a  
cienne est  
reduite de  
l'erreur de  
Eutyches, à  
la vraye re-  
ligion.

Lettres de  
Simeones à  
Eudocie.

Les quatre  
saints Con-  
ciles gene-  
raux.

Eudocie com-  
munique  
avec la s.  
Eglise.

*Des œuvres pitoyables de Pulcherie Auguste, & principalement des trois Eglises qu'elle fit bastir en l'honneur de la mere de Dieu: l'une au marché d'airain, appelée Le saint Sepulchre: l'autre auoit nom La guide des chemins: & la troisieme estoit dite Blachernes. D'auantage, ce que Iuuenal a redigé par escrit du trespas de la tres-saincte mere de Dieu, & mesmement des bandelettes de sa sepulture.*

## CHAP. X I I I I.

*Des faits de  
Pulcherie  
Auguste.*



*Image de la  
Vierge de-  
peinte de S.  
Luc.*

*Du trespas  
de la Mere  
de Dieu  
Marie, de  
ses funerail-  
les & as-  
sumption.*

Este notable dame Pulcherie entreprint pendant qu'elle viuoit, & mena à chef honnestement beaucoup de choses louables: car elle fit bastir des domiciles pour heberger & recevoir les pauvres passans: dresser aussi pour les estrangers des sepulchres ou charniers, & autres edifices, comme marques & indices de la deuotion & bon vouloir: du nombre desquels estoit l'Eglise saint Laurent, martyr. D'auantage elle fit edifier des les fondemens trois temples en l'honneur de la Mere de Dieu, desquels l'un estoit en Calcoprateie, ou au marché des Chaulderonniers & forgerôs, nommé Le saint Sepulchre. Auquel elle laissa & fit ressembler, côme quelque thesor, La ceinture de la vierge Marie, de laquelle nous ferons mentiô en peu de paroles au second chapitre du liure suyuant. Elle ordonna qu'en ce temple mesme, le quatriesme iour de toutes les sepmaines seroit faite la veille ou vigile, & prieres de nuit à la lampe, où elle mesme bien souuent alloit à pied. Le second estoit dit, La guide des chemins, auquel elle dedia & enuoya d'Antioche, vne image de la vierge Marie, que saint Luc l'Apostre auoit peinte & tirée au vif de ses propres mains, quand encore elle estoit en vie, & veid ce tableau; auquel sa forme & beauté estoit si viuement depeinte. Laquelle image premierement fut posée en vn lieu que lon appelloit le Tribunal, ou Parquet iuridicial, où se faisoient, comme encore maintenant se font, plusieurs miracles. En ce temple cy elle sollicita semblablement faire veilles & supplications les tiers iours de toutes les sepmaines, ce que mesme est obserué en nostres tēps. Et tierciement elle consacra & dedia vn temple à la mere de Dieu, orné d'une beauté incredible, & enrichy de toute sorte de matiere, lequel auoit à nom Blachernes: & quand il fut decoré, & embelly sumptueusement, comme par quelque ambition ou liberale magnificence, elle mit peine & s'efforça de tout son pouuoir, avec Martien, qui lors auoit la charge de l'Empire Romain, à fin de trouuer par quelque moyen, & poier en ceste l'Eglise le venerable & immaculé corps, ou tabernacle de celle qui porta en son ventre le Fils de Dieu. De sorte qu'elle demâda à Iuuenal, Archeuesque de Ierusalem, & aux autres Prelats de la Palestine, qui estoient venus & assemblez à Calcedone pour celebrer le Concile, si ce diuin temple & tres-saint tabernacle ou corps de la mere de Dieu, encore se pouoit trouuer en la Palestine, au tombeau où premierement auoit esté mis & enterré, qu'elle deliberoit de l'en faire transporter & poser en ceste Eglise pour seruir de sauue-garde & tution à la ville Imperiale. Car elle disoit: Il est bien raisonnable que son saint tabernacle ne soit esloigné de la ville & du temple qui luy sont dediez. A laquelle demande Iuuenal fit responce: Que le trespas de la pure & toujours Vierge mere de Dieu Marie, n'estoit mentionné es escritures saintes & diuinement inspirees, mais que de tres-ancienne vraye tradition, donnée de main en main, lon tenoit & approuuoit que quand l'heure de son trespaslement approcha, les Apostres vindrent par l'air en Ierusalem, des extremités de la terre, où ils estoient dispersez pour accôplir leur charge de prescher, & par vision de bone renommée & bon heur hymnes & louanges des puissances diuines furēt entendues: & que le verbe diuin, son Fils, descêdit du ciel par façon merueilleuse & sans aucun bruit, & qu'entre ses mains il receut l'ame. Mais que quant à son corps il fut porté en terre avec hymnes & cantiques des Anges & Apostres en vn tombeau qui estoit situé au lieu de Gersemani: & que trois iours durs les Anges chanterent sans cesse carmes & chansons diuines aupres du monument, à l'honneur & louange de la Vierge: & qu'au bout des trois iours quand celuy fut venu qui en la compagnie des Apostres n'auoit assisté au departement de la mere de Dieu, il les sollicita grandement par prieres d'ouurir ce sarcueil, à fin que luy aussi s'acquittast du deuoir des obseques & funerailles enuers elle: & qu'apres auoir fait l'ouuerture & descacheté le tombeau on n'y trouua aucunement ce sacré corps, mais seulement quelques bandelettes de la sepulture, entieres & nō corrompues, non plus que si bien peu parauant le corps les eut delaissees: lesquelles certes redoyent odeur si soueue que plus on ne sçauoit dire, de laquelle estans remplis & parfumez cacheterent de rechef le tombeau, & s'en retournerent tous estonnez d'un si grand miracle, & pensoient entre eux mesmes sans plus enquerir ny en douter aucunement, comme ils ne deuoyent, Que si le Verbe de Dieu & Seigneur de gloire, qui par sa subsistence selon son bon plaisir ayant prins chair humaine de la Vierge, d'une façon si estrange que lon ne peut dire ne penser, a voulu preseruer sa virginité entiere apres vne portee si excellente & enfantement diuin: aussi



aussi a il bien daigné apres son trespas & decez de ceste vie, deuant la resurrexion destinee & comme à tous, immortaliser son corps immaculé, sans polution & du tout saint : & le faisant transporter & enleuer par le ministration & seruice des Anges es lieux lumineux & sans corruption de la region celeste, l'honorer peculierement sans qu'elle ressuscitast mesme ensemble avec les personnes louables & gens de bien. D'auantage Iuuenal adiousta que saint Timothee, Denys Arcopagite, & le grand, diuin & sage Hierothee estoient lors avec les Disciples à ce trespassement, comme de ce fait foy ledit Denys en ses escrits touchant le bien-heureux Hierothee enuoyez à Timothee, le tesmoignage duquel nous auons enregistré au chapitre vingt-deuxiesme du liure second. Or apres que Iuuenal eut fait tel rapport, les Princes ordonnerent qu'il leur enuoyast ce saint tombeau bien cacheté avec ses secrets vestemens : ce qu'il fit, & le consacrerent en grand deuotion & posèrent de leurs propres mains tout aupres de la sainte & diuine Table, en ce beau temple, nommé Blachernes, qu'ils auoyent fait bastir. Voylà ce qui aduint du uant de Martien. Et quant à sa robe venerable, quelque temps apres fut apportee sous l'Empire de Leon, & colloquee en vn temple rond, que Leon, le grand, auoit edifié, comme nous reciterons en l'histoire de ses faits.

*Tombeau de la sainte Mere de Dieu.*

*Robbe de la vierge Marie.*

*De trespas de Pulcherie & Martien : & comme apres celuy, Leon, le grand, fut esleu Empereur des Romains.*

CHAP. X V.



Vand Pulcherie la bien-heureuse eut mis à fin & accompli tant de biens faits, elle mourut la sixiesme annee de l'Empire de Martien, apres qu'elle eut gardé sa virginité entiere iusques à la fin de ses iours, delaisant apres soy honneur & gloire infinie, & tous ses biens qu'elle dedia aux temples de Dieu & aux pauvres. Laquelle donation Martien approuua & distribua ses richesses qui estoient en grand nombre. Et quant au corps il fut inhumé & enseuely en l'Eglise des saints Apostres. Deux ans apres non totalement complets, Martien deceda, homme de grande deuotion & sainteté, comme celuy qui alloit deuant, & se trouuoit le premier aux processions & autres supplications publiques, & qui employoit beaucoup d'argent en aumosne qu'il distribuait aux pauvres souffreteux. Ioinct qu'il delaisa le gouvernement de l'Empire comme quelque pourtrait & mirouer à toutes personnes pour bien & saintement viure : tant entre tous les autres bien affecté à la religion Chrestienne. Durant son Empire il y eut paix & repos es pays de l'obeissance des Romains, tellement que lors on estimoit les siecles d'or estre reuenus. Quand donc il fut mort & trespasé à vie meilleure, Leon, aussi Thracien de nation, & qui lors estoit de l'ordre des Tribuns, par commun accord & suffrages du Senat, fut esleu & salué Empereur des Romains, & couronné du chapeau & diademe des empereurs, par le Patriarche Anatolie. Il eut pour surnom Maceles, à cause qu'il tua Aspar, chef & grand Capitaine d'armes, qui l'auoit esleu à l'Empire, & le pere d'iceluy Ardaburie, pour ce qu'il affectoit & taschoit se faire Empereur.

*Leon, successeur de Martien.*

*Enagre escript que Aspar & Ardaburie estoient freres.*

*De la seconde sedition esmeue en Alexandrie, par ceux qui ne vouloyent recevoir les decrets & articles du saint quatriesme Concile : & comme Proterie, Euesque d'Alexandrie, fut mis à mort & trainé par les pieds du long de la ville, à la suscitation & menée de Timothee, Elure ou le Caut, qui occupa le siege Episcopal : & come celuy estat dechassé par Leon, le deuot ou Piteux, les Alexandrins esleurent vn autre Timothee, surnommé Salophaciole. Comment aussi apres la mort d'Anatolie, Gennade obtint le throsne Episcopal de Constantinople. CHAP. XVI.*



Quand le menu peuple d'Alexandrie, & mesme les principaux affectez à la secte de Dioscore, qui ne vouloyent recevoir les decrets du Concile de Calcedone, entendirent le decez & trespas de Martien : pour la seconde fois ils furent excitez de si grand furie à l'encontre de Proterie, qu'ils en monstrent la vehemence & ardeur, le deietant hors de son siege. Le peuple certes, la part qu'il soit sans aucun excepter, est facilement incité à mutinerie, & prend ainsi qu'il aduint à l'adventure toute occasion, comme quelque estincelle & allumette de tumulte. A quelles choses la populasse d'Alexandrie n'est moins soudaine, prompte & encline, estant ramassée d'une infinie multitude de gens qui de toutes parts y abordent. Pour laquelle cause sans aucune raison & preuoyance sage, elle vse de grande audace & temerité, s'esleue & mutine impetueusement comme demoniaque. Car on dit que toutes choses y sont libres, & que

*Sedition d'Alexandrie contre le Concile de Calcedone & Proterie, Euesque*

le commun populaire à tous propos, & pour quelque cause & occasion que ce soit prise à la legere & sans equité, par ie ne scay quel despit & folle fantasie, suscite seditions, & les conduit ainsi qu'il luy plait. D'auantage, comme dit Herodote escriuant de Amasis : Ce vulgaire pour la plus part est addonné à railleries, & choses ludicres & ioyeuses. Voylà quelles sont les meurs & façons de viure de ce peuple quant à ce fait, mais en autres choses il n'est point à despriser. Les habitans donc faschez & comme transportez de tel courage & meschant vouloir, & avec ce

*Denys gou-  
uerneur de  
l'Orient.  
Timothee  
par impostu-  
re faisant  
semblant  
qu'il estoit  
Ange, de-  
stournoit le  
peuple de la  
commun  
de Proterie.*

ayans l'occasion & opportunité du temps à leur souhait, en ce que Denys, gouverneur & chef des bandes Orientales estoit empesché en la basse Egypte, ils eleurent & constituerent au degré de la dignité Episcopale, vn Timothee, surnommé Eleure, lequel premierement auoit mené vie monastique, & puis apres fut ordonné Prestre de l'Eglise Alexandrine : lequel estant fort animé & plein de paroles oultrageuses contre le concile de Calcedone, propre & subtil à mouuoit troubles, & conuoiteux merueilleusement de l'Euesché, se barbouilloit de suye ou de quel que autre couleur noire, & se pourmenoit de nuit par les dorts à l'entour des chambrettes des moines, & appelloit chacun d'eux par leur nom par dedans vn tuyau de ionc : & quand ils l'escoutoyent & luy respondoient, il se feignoit & contre-faisoit estre l'un des esprits seruaux comme officiers, & se disoit estre enuoyé du ciel, à fin que par son aduertissement & admonitiō ils delassassent la communion de Proterie, & collocassent Timothee Elure au siege Episcopal. Proterie donc gouuernoit encore l'Euesché & officeoit, quand ceux qui tenoyent le party de ce Timothee, estans assemblez en la grande Eglise que l'on appelle du nom de Cesar, l'eleurent & promeurent à l'estat de Patriarche en Alexandrie. A laquelle dignité il fut consacré par Eusebe de Peluse, & par Pierre, natif & yssu de Iberie, Euesque de Maïume, qui estoit vne petite ville des Gazeens, lesquels Proterie long temps deuant auoit degradé & priué de la dignité Sacerdotale. Or Denys, gouverneur, estant fait certain de telles menees, vint à grandes iournees en Alexandrie, pour freschement & de bone heure appaiser & esteindre l'esmeute allumee. Timothee craignant d'estre deieté & chassé hors du siege, irrita contre Proterie quelques seditieux d'entre le peuple d'Alexandrie, lesquels pleins de fureur & rage l'assaillirent, & cruellement accomplissans les mandemens de Timothee, meurtrirent vn Euesque tant homme de bien que rien plus, luy fourrans l'espee dedans les entrailles (ô vengeance diuine!) quand il pensoit se sauuer

*Martyre de  
Proterie.*

*Merueilleux  
se cruauté  
des hereti-  
ques enuers  
les fideles  
Chrestiens.*

*... Circu-  
laire.*

*Tous les E-  
uesques res-  
criuans à  
Leō, approu-  
uent le con-  
cile de Cal-  
cedone, &  
condamnent  
Elure.*

*Elure est  
banny à  
Gangre.*

*Le mesme  
corrôpit les  
liures de  
Cyrille.*

aux saints sons de Baptisme Et d'abondant luy mirent vne corde au col & le trainerent publiquement par les rues de tous costez, oultrageans vn corps mort, cōme furieux & enragez qu'ils estoient, & se mocquans, crioyēt que Proterie estoit tué. L'ayans ainsi trainé par toute la ville, finalement le brulerent & ietterent au vent la cendre qui restoit, apres auoir gousté de ses entrailles crues, dequoy toutefois ils n'eurent aucune horreur. Outre Proterie, il y en eut six qui par ensemble passerent le pas de la mort au mesme champ de bataille. Or quand de ce, les nouvelles furent venues aux oreilles de Leon, Empereur tres-Chrestien, il ne trouua bon de faire assembler de rechef vn Cōcile, mais enuoya lettres ... d'une mesme teneur à tous les Euesques des Eglises Catholiques, esquelles il inséra son opinion, & cōmanda que chacun desdicts Euesques enuoyast son aduis par deuers luy : fust touchant les constitutions du concile de Calcedone, s'ils les vouloyent suyure, fust touchant l'election & consecration d'Elure, s'ils la trouuoÿt bonne ayant esté faite, comme il est dit cy dessus : ou s'ils la reprenoyent comme n'estant faite legitimemēt & selon raison : ou s'ils vouloyēt permettre qu'il eust la charge de l'Euesché. Voylà les principaux poincts que Leon escriuit à tous les Euesques la part qu'ils fussent. Lesquels cōbien qu'ils fussent espars & distraits en plusieurs lieux & regions diuerses, toutefois tous de mesme voix & consentement quoy qu'ils fussent plus de mil, approuuerent le concile de Calcedone, & corfermerent formellement ce qui y estoit arresté & cōclud. Et quant à Timothee de mesme sentence & accord le priuerent de la dignité, & nommeemēt & par mots expres l'excommunierēt, cōme celuy qui par force & contre raison s'estoit ingeré & intromis en l'Euesché. Luy en telle sorte condamné & dechassé d'Alexandrie fut expulsé en exil à Gangre, auquel lieu son maistre Dioscore desia estoit bāny. On dit que cest Elure a depraué & corrompu beaucoup d'escripts de saint Cyrille, lesquels n'estoyent encore mis en lumiere, y meslant de sa faulxe doctrine. Quand donc il fut ainsi retrenché & dechassé, ceux d'Alexandrie eleurent vn autre Timothee pour estre prelat de leur Eglise, lequel estoit de mesme opinion que Proterie quant au fait de la religion, & le surnomerent aucuns Basilic, les autres Salophaciolo, & à cause des troubles & quelque esmotion excitee pour l'amour de luy, lors demouroit à Canope. De ce temps là, apres le trespas d'Anatolie, lequel fit son deuoir en l'office d'Euesque de la ville Imperiale, Gennade fut substitué & mis en la place, & apres Gennade, Acacie, lequel en la mesme ville auoit eu charge de la maison des orphelins & pupilles.

*Requestes des Euesques & du clergé d'Egypte, touchant les affaires de leurs eglises, & pour le fait de Proterie & Timothee.* CHAP. XVI.



ne me sera moleste, difficile ou facheux adioster en ce lieu les requestes & remon-ces des Euesques d'Egypte, & du clergé d'Alexandrie, enuoyees à Leon, lesquelles contiennent presque tout l'histoire de Proterie : aussi la copie des lettres que le mesme Leon

Leon

Leon escriuit aux Euesques. Or quant aux requestes elles estoient couchees par escrit en telle forme : Ce sont les requestes que tous les Euesques du diocese & province d'Egypte, & le clergé de l'Eglise Alexandrine, presentēt à vous Leon, Empereur tres-Catholique, tres-Chrestien & declairé de Dieu, victorieux, triomphant & tousiours Auguste. Non sans cause ( Empereur de tous le plus saint ) vous perseuererez & continuez de iour en iour, comme celuy qui est donné en ce monde par la grace diuine, cōme quelque grand don, à prouoir & pourchasser les choses qui concernent l'vtilité & profit du public, selon le commandement de Dieu. Et quelque peu apres ils disoyent : Comme ainsi soit qu'il y eut paix & tranquillité en nostre pays d'Alexandrie entre le peuple Chrestien & qui tenoit la vraye opinion touchant la foy, incontīnēt apres le S. Concile de Calcedone vn autre Timothee, qui pour lors estoit prestre, de rechef s'est retrenché luy-mesme de la foy, & separé de l'Eglise vniuerselle, avec quatre ou cinq Euesques seulement, & quelque petit nombre de moines infectez de l'heresie & erronee opinion d'Apollinaire & ses sectateurs : Pour laquelle cause de l'autorité de Proterie, Euesque de sainte memoire, & du cōcile prouincial des Euesques assemblez en Egypte, ils ont esté degradez & cassez selon les canōs & loix Ecclesiastiques : en telle sorte qu'à bon droit ils ont experimenté l'indignation & condānation de l'Empereur, estans dechassez du pays comme bannis. Et encore plus outre ils escriuoient : Or Timothee estant certain que ce S. Empereur, Martien, estoit decedé, & allé à Dieu, il le blasmoit impudemment : & cōme celuy qui viuoit à son plaisir, exempt & dispensé de toutes loix, vsant de grand' audace & felonnie, mesdisoit & detraçoit du saint Cōcile vniuersel de Calcedone : contre lequel attirant à sa ligue grande multitude du peuple corrompu par argent, il print ses armes contre les saints Canons & constitutiōs Ecclesiastiques, mesme contre la Re-publique & loix ciuiles : & se fourra & entra par force en la S. eglise de Dieu, combien qu'elle eut pour son pasteur & docteur nostre S. pere Proterie, qui lors celebroit & paracheuoit les sacri-fices ordonnez & accoustumez en pleine assemblee, & faisoit requestes & prieres à nostre Sauueur Iesus-Christ, pour la foy de l'Empire, & pour tous de vostre Palais, protecteurs de la Chrestienté. Et de rechef ils adiousterent ces propos : Et le iour ensuyuant, ainsi que Proterie, qui aymeroit fort Dieu, soit en son Eglise Episcopale selon la coustume, Timothee mena avec soy deux Euesques & clerics legitimemēt degradez de leurs dignitez & condānez en exil, avec interdiction & defense de demeurer au pays, par lesquels estāt consacré (sans qu'aucun des Euesques qui suyuoient la vraye religion assistast de la prouince d'Egypte, cōme ils souloyent à l'elction de l'Euesque d'Alexandrie) il se saisit & s'empara (comme luy sembloit) du siege Archiepiscopal, tant presumāt que de cōmettre adulte-re manifeste avec l'Eglise qui auoit son espoux, lequel en icelle administroit les Sacremens, & selon les Canōs & ordōnances faisoit sa charge. Plus ils disoyent d'auātage : Ce S. personnage Proterie ne peut faire autre chose que (cōme il est escrit) dōner lieu à l'ire, & pour penser euitier l'effort de ceux estoient sur le poinct, & raschoyent de le mettre à mort, s'enfuit aux saints fons de Baptisme. Auquel lieu mesme les Barbares & toutes personnes les plus cruelles qui en ignorēt la sainteté & la grace qui en prouient, portēt reuerence & le craignent. Mais ceux là qui s'efforçoient de mettre à bout l'entreprinse & mence de Timothee, ne permirēt que ce S. homme fut en sauue-garde, non pas au temple, qui de vray n'estoit point souillé, sans faire difficulté ny scrupule de conscience pour le respect du lieu ou du temps : car lors les Catholiques estoient assemblez pour celebrer le iour de Pasque. Mais aussi n'eurent horreur de la charge & dignité du prestre, lequel est moyen & intercesseur entre Dieu & les hommes. Ils accablerēt donc l'hōme innocent & l'assommerēt indignement avec six autres, rauirent d'vne façon cruelle ce qui restoit : ainsi nauré de tous endroiets, le trainerēt miserablement par tous les carrefours de la ville, sans aucune misericorde & cōpassion : frapperēt & tourmenterēt vn corps qui lors ne sentoit plus les coups, & le decoupons en pieces, mangerent, cōme bestes, les entrailles de celuy lequel au parauāt ils reputoyēt mediateur entre Dieu & les hommes : & en fin finale mirent au feu tout ce qui demeuroit, & en ietterent les cendres au vent, tant ils estoient cruels & de beaucoup surpassans la ferité brutale des bestes. Et toutes-fois ce Timothee qui s'estimoit tant sage fut autheur de tous ces maux. Or Zacharie le Rhetoricien en son histoire a escrit autrement de ce fait, comme bon luy à semblé, à sçauoir, que plustost le tumulte ou esmotion fut excité en Alexandrie par ceux de la part de Proterie, & que le peuple n'auoit entrepris & mēu les troubles, mais aucuns des soldats. Et pour faire foy & dōner fondement à son dire, il fayde de quelque epistre de Leon, enuoyee à Timothee, & dit qu'il y eut commissaires deputez de l'autorité Imperiale pour informer & iuger du different & selon les demerites en faire punition. Or Leon enuoya lettres de tous costez à tous les Euesques, mesme à Anatolie, chef & prelat de l'Eglise de Constantinople, & à ceux qui entre les moines auoyent quelque credit & reputation, requerant (comme i'ay desia dit) leur opinion touchant le Concile de Calcedone & la consecration de Timothee : ausquelles il adiousta & souscrit de mot en mot les requestes à luy enuoyees par les Euesques d'Egypte, & aussi les remonstrances de ceux qui tenoyent tant le party de Proterie, que la ligue de Timothee. Ces lettres estoient ecrites en la forme qui s'en suit :

*Requestes  
des Eues-  
ques d'Egy-  
pte, à l'Em-  
pereur Leo.*

*Elure par  
violēce occu-  
pel' Euesché  
d'Alexan-  
drie.*

*Les chre-  
tiens font  
prieres pour  
le salut des  
Princes.*

*Rom. 12.*

*Les meur-  
triers en-  
uoyez par  
Timothee,  
ne pardon-  
nēt à Prote-  
rie, mesme  
entre les  
saints fons  
de Baptis-  
me.*

*L'office du  
prestre.*

# LIVRE XV. DE L'HIST. ECCLESIASTIQUE

*Lettres de Leon enuoyees à Anatolie, & à tous les autres Euesques, touchant le Concile de Calcedone, contre Timothee Elure.*

CHAP. XVIII.

*Copie des lettres (appelées Circulaires) enuoyees à l'Euesque de Constantinople, & autres.*



L'Empereur Cesar Leon, debonnaire, victorieux, triomphant, souverain, toujours honorable Auguste, à Anatolie, Euesque, salut. Nostre pieté & deuotion enuers Dieu, a toujours grandement desiré, & eu en singuliere recommandation la paix & tranquillité des saintes Eglises Catholiques, fideles, & qui suyuent la vraye religion, & de toutes les villes qui sont sous l'obeissance & Empire Romain : & qu'aucun trouble ou empeschement ne suruint qui perturbast l'estat, repos & tranquillité d'icelles : Mais nous croyons & persuadons que vostre sainteté desia a entendu ce qui est aduenu n'aguere en Alexandrie. Toutefois à fin que vous soyez asseuré plus à plein de toutes choses, & congnoissiez la cause d'un si grand tumulte & confusion, il nous a semblé bon de vous enuoyer la copie des demandes, charges & requestes que les Euesques Catholiques, & le clergé de la ville d'Alexandrie, au diocese & prouince d'egypte, ont presenté à nostre pieté en la ville de Constantinople, à l'encontre de Timothee. Semblablement nous adressons à vostre pieté le double des requestes & remonstrances que les messagers & truchemens enuoyez d'Alexandrie par Timothee, ont exhibé à nostre serenité & tranquillité en nostre priué Conseil : à fin que vostre sainteté congnoisse euidentement ce qui est aduenu par la menace de ce Timothee mentionné, que le peuple d'Alexandrie, mesme ceux qui là ont estat & office en la Republique, les citoyens & patrons de nauires ou metalots requierét pour estre leur Euesque, & autres choses aussi contenues plus au long en la teneur desdictes requestes : & outre, ce qui est de faire touchant le Concile de Calcedone, qu'ils ne veulent aucunement accorder, comme demonstrent les requestes cy attachees. Par ainsi donc vostre pieté & amour enuers Dieu doit faire appeler & conuenir incontinent tous les saints & vrais fideles euesques qui sont maintenant en ceste ville Imperiale, & tous Catholiques & gens de bien du Clergé, à fin que toutes choses diligemment traitees & deliberees (car nous sommes en grand soucy pour l'estat & tranquillité d'Alexandrie, qui de present est tant troublee) vous nous faciez entendre vostre vouloir & opinion touchant ce Timothee, & le Concile de Calcedone, sans aucune crainte humaine, ny faueur, ny rancune, mais seulement ayant deuant les yeux la crainte de Dieu tout-puissant (car vous sçauiez qu'il nous fault tous rendre compte deuant luy de nos charges & administrations) à fin que bien & amplement instruits en luy par vos missiues de tout l'estat & condition des affaires, nous puissions donner iugement & aduis selon nostre office & deuoir comme de raison.

*Ecrits de Leon, touchant le saint quatriesme Concile, enuoyez à tous les moines là part qu'ils fussent, & mesme à Simeones Columelle: aussi l'Epistre de ce saint Simeones, touchant le mesme Concile.*

CHAP. XIX.

*Simeones Columelle.*

*Varadare. Iaques Nisibene.*



*Amphilochus Sidite, n'admet le concile de Calcedone.*

Oylà la forme & reneur des lettres de Leon enuoyees à Anatolie, & par tout aux autres euesques : Mais il escriuit aussi des missiues aux moines les plus renommez, & autres personnes bien estimez, & qui par la sainteté de vie dressoyét leurs meurs & se faconnoyent selon la maniere de viure spirituelle : entre tous lesquels Simeones estoit le plus fameux, lequel premierement inuenta la façon de demeurer debout sur vne colonne, & duquel nous auons fait mention cy dessus : aussi nous mettons de ce nombre, Varadare & Iaques Nisibene, desquels Theodorite a traicté amplement en son histoire escrite, de ceux qui aymoyét Dieu. Or Leon pour lors Pape & prelat de Rome, ayant premierement & deuant tous autres approuué le Concile de Calcedone, reprouua aussi & declara nulle l'election & consecration de Timothee, comme irreguliere & contreuenante aux constitutions Ecclesiastiques : l'epistre duquel Pape, l'Empereur Leon enuoya par vn secretaire à ce Timothee Elure : lequel luy fit response tout aussi tost, luy enuoyant lettres par lesquelles il refutoit l'epistre de Leon, Pape, & blasmoit tant qu'il pouuoit le Concile de Calcedone. Mais non seulement le Pape, ains consequemment les autres Euesques trouuerent bon & receurent ce Concile, excepté vn seul Amphilochus Sidite, lequel par lettres escrites aux Empereurs damnoit certes la consecration de Timothee, mais aussi il n'admettoit le decret & arrest du Concile de Calcedone : ainsi que recite plus

plus amplement Zacharie le Rhetoricien en son histoire, en laquelle mesme il a inseré l'epistre d'Amphiloché. Et encore non seulement les Euesques, mais aussi Simeones, homme de grande estime & renommée, touchant ce fait escriuit deux epistres, l'une à l'Empereur Leon, l'autre à Basile, Euesque d'Antioche, laquelle pour la brefsuete j'ay adiousté en ce lieu, en tels termes

» qu'elle estoit couchee: A monseigneur Basile, tres-deuot & tres-sainct Archeuesque & ayment  
 » Dieu, Simeones pecheur & pauvre homme, salut en nostre Seigneur. Monsieur nous pouons  
 » maintenant dire à propos, que le Seigneur est benit, qui ne reiette point nostre priere, & ne re-  
 » tire sa misericorde de nous, qui sommes pecheurs. Car ayant receu lettres de vostre saincteté,  
 » i'ay eu en grâde admiration l'ardent desir & vraye pieté de nostre Empereur tant ayment Dieu,  
 » enuers les saincts Peres & leur certaine & immuable foy. Ce qu'il a bien monstre par effect ius-  
 » ques à icy, & encore demontre presentement. Lequel don & benefice ne procede pas de nous-  
 » mesmes, comme a dit le sainct Apostre, mais de Dieu, qui par l'intercession de vos oraisons luy  
 » baille bon courage & affection. Et vn peu plus outre il disoit: A cause dequoy moy aussi pau-  
 » ure & humble moine, & come petit auorton, i'ay signifié & fait entendre à la maiesté Imperiale  
 » ma volonté & cōfession touchant la foy publiee par les sainct Peres, lesquels n'aguere s'assem-  
 » blerent à Calcedone iusques au nombre de six cens trente-six: en laquelle credence ie persiste &  
 » suis bien confirmé, comme en celle qui est manifestee & mise en euidence par le sainct Esprit:  
 » Car si nostre Sauueur est au milieu de deux ou trois, qui seront assemblez en son nom, com-  
 » ment si dès le cōmencement le sainct Esprit n'eust esté avec ces saincts Peres, se seroit il trouué  
 » en leur compagnie? Et puis apres il adioustoit: Parquoy ayez bon courage, & vous monstrez  
 » vaillant en la vraye pieté & defense de la foy, come fit Iesus fils de Naué, seruiteur du Seigneur  
 » enuers le peuple d'Israël. Je vous prie cōsoler & saluer en mon nom tout le deuot Clergé qui est  
 » cōmis en charge à vostre saincteté, sans oublier le bien-heureux & tres-fidele peuple Chrestien.  
 » Dōc pour les causes susdictes Elure de vray fut dechassé d'Alexādrie, & en son lieu au gouuerne-  
 » mér de l'Eglise fut introduit & installé vn autre Timothee surnomé Salophaciole, lequel tenoit  
 » le party & la religion de Proterie. Or il nous suffira d'auoir traité de ces troubles iusques icy.

*Lettres de  
Simeones  
Columelle  
à Basile E-  
uesque de  
Antioche.  
Psal. 65.  
Ephef. 2.*

*D'un horrible tremblement de terre, d'un deluge aussi: & autres calamitez qui sur-  
uindrent au monde durant l'Empire de Leon, semblablement de la  
poussiere ou cendre qui tomba du ciel.*

C H A P. X X.



Ly auoit ia deux ans que Leon gouernoit l'Empire, lors qu'il aduint vn si grand tremblement de terre, qu'il agita & desmolit beaucoup de choses de tous pays: principalement Antioche fut presque toute esbran-  
 lee. Laquelle calamité & degast estoit comme quelque proesme ou com-  
 mencement des maux qui deuoyent ensuyure, à cause que les citoyens du  
 lieu, fiers & cruels come bestes sauuages, desbauchez & addōnez à toutes  
 folies, excez & importunitiez deshonestes, ne tenoyent cōpte des com-  
 mandemens de Dieu: Car le plus grand & impetueux mouuemēt de terre  
 de tous ceux que lon entēdit onc, surprint & assaillit ceste ville, l'an cinq  
 cens & six, depuis qu'elle fut bastie, le quatorziesme iour de Septembre, à quatre heure de nuict,  
 qui estoit l'annee trois cens quarāte-sept, passée depuis l'autre tremblement, qui aduint lors que  
 Traian administroit l'Empire. Car (ainsi qu'il est noté par les plus curieux & diligēs escriueurs)  
 celuy soubz Traian, fut l'an cent vingt-neuf, qui affligea les habitās de la ville, lesquels vouloyēt  
 come leur sembleroit sans subiectiō vsr de liberté, & viure à leur plaisir: & cestay-cy qui fut  
 soubz Leon les tourmēta & accabla, l'an cinq cens & six: par lequel furēt renuerſces & ruinees  
 presque toutes les maisons, cōbien que la ville fut si bien peuplee, qu'il n'y auoit rien de vague,  
 ny aucun lieu desert ou delaisſé sans logis & demeure. Mesmes plustost elle estoit magnifiquē-  
 ment embellie à cause de la sumptueuse liberalité de plusieurs Princes & grands Seigneurs, les-  
 quels y faisans bastir s'efforçoyēt par enuiel vn de l'autre & raschoyēt surpasser l'hōneur & ma-  
 gnificēce les vns des autres. Ainsi donc tōberent vn ou deux des logis de l'Empereur, les autres  
 furent hors du danger avec le lauoir & bain d'aupres: lequel peu parauant auoit sauué la ville  
 d'vne incommodité & inondation, par ce que les autres bains luy eussent fait grand dōmage de  
 leur inflation & debordemēt des eaux. Les galleries, pourmenoirs, ou allees, qui estoient deuant  
 le palais de l'Empereur, furent destruictes, avec les quatre escaliers ou portaulx: aussi les tour-  
 nelles & quelques portiques qui estoient au dessus pres les entrees & auant-logis de la lice &  
 lieu pour faire voltiger les cheuaux: mais il ne cheut aucun edifice ou portique de la vieille vil-  
 le. Outre-plus, les bains de Traian, de Seuerē & d'Adrien furent fort esbranlez, & plusieurs ba-  
 stimens & galleries en la rue que lon appelloit Ostracine, & aussi en vne autre nommee Nym-  
 phée. Desquelles ruines Iean le Rhetoricien traite amplement en ses histoires. Or dit on que  
 pour restaurer les edifices tombez du tremblement & agitation de la terre, l'Empereur quitta à

*Grāis trem-  
blemens de  
terre.*

*La malice  
des hōmas  
cause les  
maux.*

*Les domma-  
ges que fit  
le tremble-  
ment de ter-  
re.*

R a r

*Liberalité  
de Leon à  
l'endroit  
de ceux de  
Antioche.*

*Pluye de  
cendre.*

*Leon Empe-  
reur demen-  
ra es tentes  
six mois du  
rans, hors  
la ville.*

la ville mil talens d'or de tribut & impos annuel, outre grand somme d'argent qu'il bailla pour redresser les salles & bastimens publics. Au mesme temps furent fort esmeuz les pays de Thrace & Hellespont, toute l'Ionie & les isles que lon appelle Cyclades. Aussi beaucoup d'edifices en Gnide & l'isle de Coé furent abismez. Et quant à Constantinople & la prouince de Bythinie il y eut grandes rauines & abondances d'eaux qui descendirent du ciel cōme riuieres, & durerent l'espace de trois ou quatre iours sans cesse, en sorte que les montaignes furent applanies & abbaissées, les bourgs & villages perduz & engloutis du deluge. En quelques lacs les isles s'esleuerent des immondices qui y accoulerent de tous costez : ce qui aduint en Boan, qui est au pres de Nicomedie. Plusieurs autres choses fortuites suruindrent pour lors, car lon veid des signes au ciel, comme vne nuee en forme de trompette, qui dura l'espace de quarante iours. Adonc aussi comme si les nuages eussent esté changees en feu, il pleut de la cendre à Constantinople, tellement que sur les toits y en auoit enuiron la haulteur d'une paulme. Ce qui presageoit & bailloit signe tres-euident que bien tost tomberoit quelque embrasement de feu. A raison dequoy tous les manans & citoyens sortis de la ville de peur que Dieu ne voulsist perdre tout de pluye ardente, l'appaiserent par leurs prieres, si bien qu'estant conuerty à cōpassion & misericorde, la flamme fut estaincte, & la cendre qui estoit si espouuentable tomba en terre. Procope de Cesaree escrit en quelque lieu & fait mention que telle cendre eut commencement & sortit du sommet d'une montaigne appelée Bebie, & que quand il y en eut beaucoup d'amassée, fut esleuee en l'air par la violence du vent, & puis decheut à l'endroit où elle s'arresta. Par aduerture aussi que Dieu l'ayant fait ainsi esleuer & demener en l'air, la vouloit faire tomber sur les lieux qui deuoient estre punis & chastiez. Or approchant tel trēblement de terre, que nous auons dit, l'Empereur Leon craignant d'estre accablé, & que quelque meschef ne luy aduint, fit dresser des tentes à l'entour de sainct Mamant, sans entrer dans la ville l'espace de six mois, & par tel moyen pensoit euitier l'ire de Dieu.

*De l'embrasement & feu qui fut mis à Constantinople. CHAP. XXI.*

*Embrase-  
ment de  
Constanti-  
nople.*



Enuiron ce temps, aussi le feu fut mis & courut par la ville de Constantinople, qui leur fit plus de dommage, que le tremblement de terre. Le feu se print du costé de la mer, à l'endroit que les habitans du lieu appellent Bosphore ou le passage du bœuf. Ce qui aduint par vn certain malin & pernicieux esprit, lequel estat transformé & fait semblable à vne pauvre femme, gagnant sa vie au labeur de ses mains tant de iour que de nuict porta de la chandelle allumee, pour achepter quelque morceau de sallé au marché & lieu public où se vendoyent toutes choses, ou bien par vne femme vraiment, laquelle auoit le diable au corps, mais ie n'en puis asseurer, sinon que lon recite l'un & l'autre. Quand donc ceste femme eut mis sa chandelle quelque part attachée à vne maison, elle s'en alla : & ce pendant le feu se print en ie ne sçay quelles estoupes ou filace, & s'enflamma si fort qu'il brulla tout soudain ceste maison, puis de là s'espandant es enuirs deuora & perdit totalement les plus prochains en moins de rien : & non seulement celles qui facilement s'embrasoyent, mais aussi furent redigees en cendre les autres qui estoient fondees & basties de pierre de taille, hault esleuees & de grande largeur. Et dura ce feu l'espace de quatre iours entiers, ainsi cōsumant & brulant sans empeschement tout ce qu'il rencontra. Il est bien vray que lon chercha tous les moyens de l'estaindre autant qu'il fut possible, mais la violence & fureur en toutes manieres surpassa la resistance : de telle sorte que la moitié de la ville, depuis le costé de Septentrion iusques vers le Midy, fut totalement rasée de la longueur & espace de cinq stades, & quatorze de largeur, & n'y demeura rien au milieu, fust des maisons priuees ou des bastimens & salles publiques. Mesmement les colomnes qui estoient de pierre, naturellement fort dure, ardirent tout ainsi que les sermens de vigne, qui sont embrasés facilement. Telle perte & dommage de la partie de Septentrion (duquel costé estoit le haure de la ville) depuis Bosphore s'estendit & passa outre iusques au vieil temple (qui estoit surnommé d'Apollo) & du costé de midy depuis le port de Iulien, iusques à vn magnifique edifice qui estoit appelé, Le tēple de Concorde : & le milieu entre deux fut depuis le marché ou for de Constantin, iusques à vn autre endroit nommé, La place du Taure. Tellement que les bastimens qui furent au milieu entre ceux que nous auons mentionnez, estoient spectacle miserable & chose fort piteuse à veoir. Car tous tant priuez que publics, fondez pour la commodité & ayfance d'un chacun, esleuez d'une si belle haulteur & largeur si sumptueuse, & ornez d'une magnificence si incomparable & singuliere, en vn moment furent reduits ensemble en vn monceau, lieux deserts & spacieux, esquels on ne pouuoit habiter, à cause que toute la matiere & merrien estoit amassé en vieilles masures, la pristine apparence & façon des bastimens en telle sorte changée, que les proprietaires desdictes maisons, ne pouuoient discerner & congnoistre ou auoit esté le lieu de leurs demeurances, ou en quel endroit estoit parauant ce que chacun auoit fait bastir.

*De*



*De saint Martien, grand economie & gouverneur de l'Eglise de Constantinople : & de saint Daniel Columelle, & autres qui lors furent bien renommez en la vie monastique.*

CHAP. XXII.



Emblablement le feu de ceste conflagration se print en l'Eglise sainte Anastasie, que Martien homme celebre auoit fait bastir à ses propres despens : & encore la chapelle de sainte Paix, située auprès de la mer. Car lors ce personnage estoit en grande estime & reputation pour ses bonnes œuvres, & sur tout bien renommé & cōgneu de tous pour sa douceur & benignité, mesme qu'il paruint à telle vertu qu'il rendoit vie aux morts. Il fit aussi edifier en l'honneur & gloire de Dieu d'autres beaux temples & magnifiques. Or alors desia le feu commençoit à s'allumer en l'Eglise de sainte Anastasie, mais ce saint homme l'empescha : Car ainsi que la

flamme prenoit son cours & approchoit l'Eglise, il print en ses mains le saint Euangile, sur les tuilles au sommet du toit, là avec prieres & larmes implora Dieu, & fit tāt que le feu s'approchāt de luy (cōme le voulant reuerer) s'eleva en hault, & se courbant en la forme d'un arc, passa outre par dessus sans nuire ou faire aucun tort à l'Eglise. Au mesme temps florit aussi & aquit grand bruit vn Daniel, lequel porta patiemment & endura la peine de demeurer bien lōg temps sur vne colonne auprès du lieu dit Le passage. Ce qu'il auoit aprins à l'escole ou bergerie de Siméones, d'où il estoit sorty, par les prieres & exhortations duquel il fut aydē à entreprendre & soustenir de singuliers combats & assauts, & continuellement exposé au vent & à la froidure, entretenir iusques au bout vn exercice de pietē & deuoir enuers Dieu, qui surpassoit sa capacité naturelle. A raison dequoy il emporta recōpense honorable par le maistre d'escrime qui remunerer les cōbarans, duquel il receut puissance de chasser les malins esprits des corps, & de guerir diueres maladies. Aussi bien souuent l'Empereur se desguisant en simple acoustrement alloit par deuers luy, requeroit benediction & communion de prieres, tant il l'estimoit & admiroit. Mesmement il fit dresser par grande liberalité de riches bastimens pres la colonne, & fonda vn temple & vne religion de moines pres le lieu où demouroit ce saint homme, & fit releuer & rechauffer la colonne : bref, tout ce qu'il auoit & estoit en sa puissance c'estoit pour Daniel. Lequel au temps de cest embrasement, descendit bas pour courir en la ville : à la venue & presence duquel le feu s'estaignit & cessa. Induit aussi de grand desir & bon zele pour la religion descendit secondement contre Basilisque qui estoit decheu de la foy catholique, & netenoit conte du concile de Calcedone. & avec Acacie, Euesque de Constantinople, fit assembler les estats Ecclesiastiques, & accompagné de tout l'ordre monastique, & de grand multitude du peuple, se presenta en barbe deuāt ce Basilisque & le reprit fort librement. Ce que fit semblablement Olympie le premier & plus excellent des religieux. Eut grand renom aussi & fut prisē de ce tēps là Auxence l'Escolatre, lequel se fit moine, passant sa vie tout nud en vne mōtaine vis à vis de Constantinople, de laquelle i'ay desia parlé, & en descendit pour assister au Concile, où il fit beaucoup de prouffit pour l'entretienement de la saine doctrine. Du nōbre des ces moines furent aussi bien estimez, Varadate, & Iaques Nisibene, de la vie & excellēce duquel fait preuue & tesmoignage le miracle qu'il monstra ainsi que se baignoyent aucunes ieunes filles qui suiuoyent la superstition Greque, lesquelles deuindrent chenuēs, parce qu'elles n'obeirent à son dire & commandement, & la fontaine incontinent tarit & demeura seiche : mais ce saint homme y fit sourdre & reuenir de l'eau par ses prieres, delaisant les ieunes filles chenuēs & grises du rant toute leur vie. Or fault il entendre que ce Iaques n'estoit celuy qui escriuit cōtre les lettres que Leon enuoya à tous les Euesques (car cestuy fut du temps de Cōstance) mais qui viuoyt du temps que nous parlons, homme notable & excellent pour ses faicts & miracles, cōme en l'histoire escripte de ceux qui aimoyent Dieu : recite plus amplement Theodorit, qui pour l'inhummer fit soingneusement dresser vne tombe & sepulchre. Et combien que Theodorit mourut le premier, si est ce que Iaques y fut enseuely. Or Gennadie Constantinopolitain eleut ce Marcien economie, maistre & Curē de l'Eglise, apres qu'il eut laissé l'heresie des Cathariens ou Purifiez, pour retourner à nostre foy : & comme il manioyt ceste charge, il introduit & ordonna que les Clercs & Curez de quelque lieu que ce fut receuroyent tous les dons & offrandes que lon presenteroit en chacune de leurs Eglises : car au parauāt :: la Catholique, Cathedrale ou maistresse Eglise receuoit tout ce que lon offroit. Aussi Leon fit vn edict, par lequel premier il voulut & enioignit, que le iour du Dimenche fust festoyē & celebrē de tous en grande reuerence, à reposer & sans faire aucun œuvre manuel, ainsi que les Apostres auoyent esté d'aduīs. Il ordonna semblablement que des Clercs & Prestres les causes seroyent renuoyees pour estre iugees par deuant le commis du Preteur.

*L'Eglise de sainte Anastasie sauue du feu par les prieres de Martien.*

*Daniel styliste ou Columelle.*

*Miracles de Daniel.*

*Leon Empereur auoit*

*Daniel en grande reuerence.*

*L'embrasement du feu*

*cessa à la venue de Daniel.*

*Daniel reprend librement l'heresie de Basilisque.*

*Olympie.*

*Varadate.*

*Iaques Nisibene.*

*Par un miracle de Iaques aucunes ieunes*

*filles deuindrent chenuēs & grises.*

*Offrandes des Eglises parrochiales.*

*:: Maintenant nous*

*l'appellons la Cure ou*

*Eglise parrochiale.*

R r r ij

<sup>a</sup> l'Escolatre] Les officiers qui suivoient la Cour & le train de la guerre, estoient appellez Scolastres, & la plus part d'iceux, Domestiques de l'escole: car même l'escole se dit des gens de guerre. Et pour cela y un titre au Code, livre douzième, Des privileges des écoles. Et Escolastre, c'estoit celui qui ne seruoit plus au palais, ny suivoit l'estat des armes.

Des vertus de Gennadie, Patriarche, & choses admirables qui aduindrent en son temps autrement que lon ne pensoit & croyoit.

CHAP. XXXIII.

Miracle  
fait en un  
peintre, qui  
peignist  
nostre Sei-  
gneur en  
forme de  
Iupiter.



Vrant que Gennadie gouverna l'Euesché, vn certain peintre qui n'eut honte de peindre & tailler vne image de nostre Sauueur en la forme & façon d'un Iupiter, receut le salaire de son mesfaict. Car soudain sa main deuiant seiche: mais Gennadie la luy guerit & rendit saine, apres toutes-foi qu'il eut cōfessé publiquemēt & fait amende honorable de sa faulte. Or il nous fault noter qu'il est certain & veritable, cōme lō peut colliger des histoires, que la perruque & cheueux de nostre Seigneur estoient quelque peu crespillez, frisez & non point trop espez. Ce Gennadie en-uoia vne epistre à Eleutherie martyr, touchant quelcun de ses clerics ou

Prestres, lequel il blasmoit & reprenoit asprement pour sa vie dissolue & desfreiglee, escriuant en la forme qui sensuit: Eleutherie saint Martyr de Dieu, vostre officier & Prestre mene vie desbauchee: à raison dequoy ou vous le devez corriger, ou il faudra vous mesme deiecter & retrencher de l'Eglise. Et tout incontinent apres ce Clerc mourut. Le mesme Gennadie ne vouloit consacrer & admettre aucun Prestre aux saints Ordres, si premierement ne sçauoit le Psaultier par cueur & sans faillir. Pendant qu'il estoit Euesque, vn grand personnage nommē Studie, de Rome fit vn voyage à Constantinople, & y fit eriger vn temple en l'honneur de saint Iean Precursieur, dans lequel il mit & institua des moines qui auoyent nō Insomnes, d'autant qu'ils veilloient tousiours sans dormir, les retirant de leur demeure, que le tres-diuin Marcel auoit fait bastir, où ils chantoient sans cesse cantiques & louāges, & aucunesfois des hymnes en l'honneur de Dieu: à quoy faire la cōpagnie des moines estoient diuisee en trois parties: au nombre d'iceux Iean Calybetes mena vie monastique. Pour lors aussi florirēt Timocles & Anthime poētes des Tropariens, lesquels eurent chacun leur ligue & colleges. Car ceux qui receuoient & approuuoient les decrets du concile de Calcedōne alloient souuēt aux assemblees d'Anthyme, qui mesme entr'eux ordonna veilles de nuit: Mais ceux qui estoient ennemis capitaux du Concile suiuoyent Timocles. Je veux faire recit d'un cas admirable qui aduint à Gennadie: C'est, que de nuit estāt en l'Eglise deuāt le maistre Autel du sacrifice, & faisoit prieres à Dieu pour tout le monde, il veid la semblāce d'un diable, qu'il dechassa avec le signe de la Croix: mais il parla en telles paroles que s'il eut esté hōme: & promit, qu'il se retireroit & cesseroit tāt que Gennadie viuroit, mais apres qu'il troubleroit l'Eglise en toutes sortes. Ce que Gennadie craignant ne cessa onques de prier Dieu, tant qu'il deceda de ceste vie, & en son lieu succeda au siege Episcopal Aca-cie Orphanatrophe, c'est à dire, gouuerneur des orphelins. Lors aussi il aduint que deux Euesques disputerent ensemble touchant le fait de la religion, desquels l'un estoit infecté de l'heresie d'Arrius, mais fort prompt & expert à bien dire & disputer: l'autre fort vertueux, hōme de bien honorable, & tenoit pour la religion & vraye foy. Or ce fidele & catholique fut d'aduē & opinion de laisser toute contention de paroles pour venir au point dont estoit question, sçauoir est, qu'ils se iectassent tous deux en vn grand feu allumé pour esprouuer la verité de ce qu'ils debatoient. A quoy l'Arrien ne voulut accorder & cōsentir: mais le catholique & vray fidele se mit au feu, & de là disputa avec ce meschant heretique, & demeura sain & sauue, mesme ses vestemens ne furent attains du feu. Il aduint semblablement qu'un des principaux de la synagogue entre les Iuifs, fut prins avec deux de ses enfans en vne seditiō, comme s'il en eut esté authcur: & en presence de plusieurs personnes cruellemēt gehenné & questionné par le commandement du Iuge criminel: Mais entre le tourmens diuers s'escria & dit seulement: O Dieu de saint Serge, ayde moy: Saint Serge, tu congnois si i'ay mesfaict. Et les Iuges pensans que cet Hebreu se feignist & moquast, le condamnerent pour auoir seulement dit tels propos, à estre bruslé tout vif: mais comme il estoit au milieu de la flamme, apparurent deux cheualiers vestus de hoquetons blancs qui le garderent fort long temps sans estre offensé du feu, tellement que le peuple se iettant en la flamme en retira ce personnage, qui depuis fut baptizé & appellé Serge: mesme il ne fut moins illuminé en son entendement: car ayant vendu les grandes richesses qu'il auoit, fit bastir vn temple fort plantureux en l'honneur de saint Serge, martyr, en la place où le feu auoit esté allumé: auquel temple il se rendit, ayant la teste rase comme vn moine, & y passa le reste de sa vie selon la volonté & bon plaisir de Dieu. Chose que firent semblablement ses deux enfans ayans changé leurs nōs: l'un au nom de Serge, & l'autre, de Bacchus. Or il suffira d'auoir traité iusques icy de ces personnages.

Studie.

Communauté de moines qui ne dormoient point.

Iean Calybetes.

Timocles & Anthime, poētes des Tropariens.

Phantasmie diabolique.

La dispute d'un Euesque dans le feu.

Miracle d'un Iuif qui fut gardé sain en un feu ardent.

Eglise de S. Serge.

*Du venerable vestement de la tressainte Mere de Dieu, & comment il fut apporté de Ierusalem, & remis en l'Eglise ronde que lon appelloit Blachernes.*

CHAP. XXIII.



Ous l'Empire de Leō la robe venerable de la sainte & immaculee Vierge fut apportee à Constantinople en telle maniere : C'est que la sainte Mere de Dieu allant de vie à trespas (comme nous auons dict) la delaiſſa à vne femme non mariee, ou qui pour lors estoit vefue, de la nation des Iuifs, & demeura entiere & sans corruption iusques à ce tēps dont nous parlōs, & fit beaucoup de miracles : Mais ainsi que Candide & Galbe freres germains, prouueus de la dignité des Patrices, estoient en pelerinage à Ierusalem, y viſitoient diligemment tous les ſaincts lieux, & les bai-

*La robe de la vierge Marie est transportee de la palestine en Ierusalem.*

soient en grande reuerence, meſme par les pays de Galilee, ils y trouuerent ce theſor contregardé ſoigneuſement chez vne Iuiſue, & aduiſerent aux moyens de l'en transporter. Ce qu'ils firent : car ayans viſité toutes les ſingularitez de la ville de Ierusalem, ſalué, & fait leur deuotion à chaque lieu ſainct, voulans partir de la Palestine, ils firent tailler vne chafſe ou queſſe de meſme lōgueur & largeur que celle où estoit reſſerree ceſte diuine robe de la Mere de Dieu, & par quelque ruſe & fineſſe la mirent toute vuide en ſon lieu, eſtant couuerte & accouſtree du paremēt accouſtumé & prindrēt l'autre avec la ſainte robe, de laquelle eſtās chargez retournerent diligemment à Constantinople, avec deliberation de poſer & cacher ce precieux theſor es ſaulxbourgs en vn temple nommé Blachernes : Mais certainemēt ils entreprenoyēt choſe qu'ils ne pouuoient executer : car meſme ils furent cōtraincts outre leur gré & vōlonté de la porter à l'Empereur. Pour laquelle il fut tant ioyeux que lon ne pourroit croire, & la fit colloquer avec grande reuerence en la chapelle ronde qu'il fit baſtir, en laquelle de preſent elle eſt gardee entiere, comme quelque rempart perpetuel & fort inexpugnable pour la tuition de la ville, & donne guerison à maladies diuerſes, & par les miracles qui ſ'y font ſurmonte nature & la force du temps. Ainſi Pulcherie notable dame & princeſſe fit baſtir durant l'Empire de Martien vn grand temple en l'honneur de la Mere de Dieu, auquel elle fit poſer les banderolles de ſa ſepulture : & Leon le grand en fit conſtruire vn autre, auquel il conſacra & dedia honorablement la robe de la meſme Vierge.

*Leon fit baſtir vn temple rond en l'honneur de la vierge Marie, auquel eſtoit ſa robe.*

*Du temple de la tressainte mere de Dieu, ſurnomé De la fontaine : & comme par merueilleux miracle aduenū à Leon, ceſte fontaine fut trouuee.*

CHAP. XXV.



Leon Empereur fit pareillement eriger vn autre temple en l'honneur de la vierge Mere, en vn lieu que lon appelloit La fontaine, où il y auoit des ciprez fort haults & eſpez, & vn pourpris pein de fleurs, comme quelque paradis & lieu de plaifance fort beau : outre, vne fontaine qui ſourdoit & bouillonnoit de l'eau fort clere & bone à boire : & pour le dire en bref, y estoient toutes choſes requiſes & deſirables à l'ornement & decoration d'un beau temple. Tant l'un que l'autre de ces temples estoient aupres des murailles hors la ville, l'un du coſté & ſur le bord de la mer en vn lieu appellé Blachernes : & l'autre, aupres de la porte d'Oree, qui estoit au

*Eglise de noſtre Dame, diſte la fontaine.*

bas du chasteau, tellement que ces deux Eglises ſeruoient de baſtille inuincible pour la deſenſe de la ville. Ceſte contree donc ayant en ſoy tous les dons & perfectiōs qu'un bon fonds de terre & aſſiette pourroit auoir, estoit conſacree à la Mere de Dieu, diſtant de la ville d'une ſtade ſeulement. Là y auoit bon air & ſerein, le lieu estoit fort plaifant pour les beaux arbres plantez, & entre les autres, grand nōbre de plantes & de cipres haults & de belle venue. L'herbe y croiſſoit fort delicate & en grande abondance entremeeſſee & couuerte de toute ſorte de fleurs, non ſeulement propre à ſe coucher ſus la verdure, mais auſſi commode & de grand prouiſit pour les paſtures. Ioinct que la belle fontaine & clere qui ſourdoit & regorgeoit abondamment ennoblifſoit & dōnoit grace & plaifance à ce lieu, & le faiſoit tant delectable que rien plus. D'auantage, la grace & vertu diuine qui estoit en ceſte eau, pour faire miracle, la rendoit plus recommandable & de plus grāde efficace. Or il aduint par eſpace de tēps, que petit à petit ſ'amalla du boubier & terre fangeuſe avec l'eau, qui remplit la fontaine, & boucha la ſource d'où elle ſortoit : auſſi que l'eſpeſſeur des arbres & bocage qui avec le temps auoyēt prins accroiſſement, empelcherent ſi bien l'entree, & que lon n'en approchaſt, que le tout demeura deſert en oubly, & n'y reſta que du limon & de la boue touſiours humide qui diſcernoit aſſez le lieu : Mais comme ce Leon n'ayant encore receu par le vouloir diuin la charge de l'Empire, ny aucun autre afaire public, ſe pourmenāt à l'entour de ce lieu, rencontra de coup d'aduenture vn pauvre homme auēugle, hors du chemin & qui ſe fouruoioit & deſtournoit de beaucoup : de la condition

*Leon deuēt qu'eſtre Empereur com-*

R 21 iij

*duisant un  
aveugle,  
trouva une  
fontaine  
merveilleu-  
se.*

duquel ayant pitié & compassion (car il estoit homme de bien, fort pitoyable, & de grand' providence en toutes choses) il le print par la main, & luy fit office d'yeux & seruit de veuë, l'adressant par le beau chemin, ostant de devant & deslournant en arriere ce qui le pouvoit empêcher, & faire chopper & tomber. Ainsi voyla comme Leon menoit l'aveugle, & comme l'aveugle le suiivoit. Or desia auoyent ils auancé leur chemin, & s'approchoyent à l'endroit de ce lieu fangeux, quand l'aveugle deuint si alteré que peu s'en falloit qu'il ne se pasmast de soif, & ne s'esuanouist, tant la vigueur naturelle luy estoit defaillie, à raison de l'extreme chaleur qu'il faisoit. Parquoy il pria & sollicita affectueusement Leon, & le requit par plusieurs fois, de luy bailler quelque chose à boire pour estâcher sa soif, & de le laisser reposer vn petit à l'ombre. Mystere que Dieu seul congnoissoit, qui par sapience indicible dresse, conduit & ordonne toutes choses d'une façon merueilleuse & inestimable. Leon donc esmeu de misericorde & cōpassion à l'endroit de ce pauvre homme, aduisa de tous costez par la forest qui estoit fort espesse, & chercha soigneusement s'il pourroit trouuer quelque fontaine : Mais estant de retour vers luy sans rien apporter, combien qu'il eut fait tout deuoir, comme il se plaignoit & falchoit grandement en son esprit de ne pouuoir suruenir en tel meschef à ce languissant, il entendit vne voix d'en-hault telle que lon ne pourroit croire ny penser, qui s'adressa à luy, disant : Leon tu ne dois te tourmèter & ennuyer si fort, voyla de l'eau aupres de toy. Parquoy tout estonné & esbahy qu'il fut d'ouyr telle voix, continua plus que parauant à chercher sans arrest : Mais luy-mesmeaussi ne voyoit goutte. Car il estoit tout aupres de l'eau qu'il cerchoit, & toutesfois ne la voyoit pas : pour ce que l'espeffeur & ombrage des arbres la cachoit, ou que la fange l'empeschoit & couuroit au fond. Parquoy fort desplaisant & indigné, partie à cause de la fâcherie que le pauvre

*L'Empire di-  
uinement  
promis à  
Leon.*

tendue, recommençant de plus belle à faire recherche, il ouyt de rechef la mesme voix du ciel, avec vn doux son & plaisant, qui l'appella par son nom, & luy annonça pour certain que la dignité Imperiale luy aduiendroit incontinent, disant ainsi : Leon, Empereur, quand tu seras entré dans le bocage espez & ombrageux, tire de l'eau trouble, & en baille à boire à ce pauvre hōme pour estâcher sa soif : & pren avec ta main de la fange boueuse pour en oindre & froter ses yeux.

*Il luy est  
commandé  
d'edifier  
vn temple  
à la Mere  
de Dieu.*

Au reste, tu sçauras bien tost cy apres qui ie suis, qui de long temps demeure en ce lieu, & le retiens pour moy : Mais ce pendant, fay moy bastir icy vn temple, auquel d'ores en auant ie habite, & me retire comme ie voudray : auquel aussi i'otiroiray tout ce que requerront ceux qui m'y prieront & visiteront ce lieu en deuotion & bonne intention. Car il n'y a rien qui me puisse resister ou empêcher, & qui ne cede incontinent à ma puissance : mesme quand ce seroit le diable, ou maladie qui surmontast l'art & science des medecins, ou quelque autre chose, à qui ie ne commande, & en dispose à ma volonté, moyennant qu'on la requiere deuotement, & comme il est besoing. Or Leon obeissant à ces commandemens, apporta de l'eau & de la boue au pauvre

*Aueugle  
illumine de  
la bouë d'une  
fontaine.*

aveugle, qui ne se soucioit plus de rien, non plus que s'il eust esté prest de rendre l'esprit, & en frota ses yeux, à la façon mesme que nostre Seigneur auoit fait à l'aveugle nay : puis apres, luy bailla à boire, comme desia il rastoynoit ses yeux. Et tout incontinent, ô douce mere de Dieu, ta maicsté & grandeur s'apperceut, si bien que ceste eau trouble & fangeuse seruit autant à l'aveugle que le lauoir de Siloë : car tout soudain il receut clarté & laissa les tenebres esquelles il auoit esté si long temps, en regardant de ses propres yeux contre toute esperâce le Soleil, ou plustost la fange. Car tout ainsi comme le Soleil est celuy qui premierement donne clarté à la veuë, & par icelle est veu : aussi lors il veid la bouë devant toutes choses, qui luy auoit baillé clarté. Enquoy cela fut admirable, que ce qui est totalement contraire à la veuë saine, le mesme pour lors fut fait salutaire & vtile, le naturel & propriété en estant osté & changé.

*La bouë  
profitable  
à la veuë.*

*Description & pourtraict du saint Temple, nommé La fontaine,  
basti par le commandement de Leon.*  
CHAP. XXVI.

*La structure  
& masson-  
nerie de  
l'Eglise no-  
stre Dame,  
diste La  
fontaine.*



Leon donc estant esleué par dessus tous les autres à la supreme dignité Imperiale, ainsi que luy auoit predict la Mere de Dieu, tout incontinent luy voulut rendre grace pour tel benefice : Parquoy il donna ordre que ce lieu fust bien purgé, & comāda fouiller & deriuer le conduict & source de la fontaine, en faisant oster & nettoyer toute la terre & boubier qui y estoit amassé : puis apres fit munir & garnir ladicte fontaine d'une part & d'autre de massonnerie forte & solide, & là pres bastir vn tēple à l'honneur de la Vierge, & cōprendre icelle fontaine dedans la closture du bastiment : lequel estoit si bien dressé & compassé qu'il n'y en auoit moins en bas dessous la terre, que dessus. Car à mon iugement il estoit esleué dès les fondemens ou rez de la terre & basti en quadrangle, en sorte qu'il bailloit telle forme à l'Eglise, que iusques à certain endroict & mesure la longueur surpassoit la largeur, & la largeur de la proportion d'une quatrief.

quatriesme partie respondoit & se rapportoit à la longueur des douze faisans le tout : & quand aux murailles du bastiment, sous la terre elles n'auoyent aucune varieté, mais tout incontinée qu'elles se moustroyent & passoyent par dessus la terre, lors elles commençoient à varier : car elles estoient conformes & dressées en quatre portiques ou allées, desquelles les deux, à sçauoir l'une droit au soleil levant, l'autre vers l'occident s'esleuoient haut en l'air spacieux : les autres deux deçà & delà assises & appuyées sur les parois & murailles prochaines, y estoient conioinctes & posoyent dessus. Par le haut la maçonnerie & comble des arcs & voultures s'esleuans petit à petit enuironnoit le tour & circuit de l'Eglise, & estoit soutenu de quelques portiques & lieux spacieux, distans & entre-separez egaleement, lesquels estoient dressés & compassés parmy les pilliers pour auoir veüe & clarté, par entre lesquels estoit donné si grand lustre & lumiere à la fontaine, que la splendeur esclairoit & ennoblissoit tout le lieu. Au dessus estoit la clef & pierre du milieu tout en hault, avec la voulte ronde & spherique, qui petit à petit s'amortissoit & estêdoit droit en bas, & tant peu que rien remôroit droit en haut : de laquelle voulte la beauté estoit si excellente, qu'on l'eût peu estimer semblable au ciel bien reluisant, ou à vn feu bien ardent. Vn autre edifice sur ceste fontaine, enrichy & orné d'un plan ou portique ferme, terminoit & paracheuoit la partie supreme du lieu plus saint & sacré, de sorte qu'il augmentoit & accomplissoit la beauté de la forme de la longueur qui surmontoit la largeur de la moitié. D'auantage il y auoit vne montee d'une part & d'autre, fort proprement bastie & compassée par le maistre maçon, en chacune desquelles ( si j'ay bonne memoire ) estoient vingt-cinq marches ou degrez pour descendre plus facilement en la fontaine, avec des treillis, fenestres ou claires voyes de marbre, qui outre l'ornement & maiesté qu'ils apportoyent & adioustoient à l'ouurage, aussi esclairoient-ils & menoyent comme par la main ceux qui descendoient, de peur qu'ils ne grillassent & tombassent en bas, où il faisoit glissant pour l'humidité. Aucunes des marches estoient vn peu esleuees contremont, sans estre fort roides, les autres penchoient & declinoient quelque peu d'auantage. La plus haute voulte, ou pluïost le sommet & comble du temple estoit fort brauement orné & reuestu de fin or, tellement que par la clarté qui entroit par les vitres & fenestres drus & en grand nombre, & par la reuerberation de la lueur du marbre, duquel les murailles estoient enduites & couuertes, le temple estoit esclairé & illustré si fort, qu'il reluisoit tousiours comme d'esclairs. La fontaine estoit presque, ou bien peu sen falloit, au milieu de l'Eglise : sa largeur estoit de douze pieds : tousiours y auoit de l'eau fort fresche & claire. La maçonnerie de ladite fontaine estoit de marbre, faite en quarré & forme quadrangulaire, & le bord ou bassin fort propre & commode à puiser de l'eau & à ceux qui vouloyent boire : pour auquel approcher & descendre, il y auoit six degrez de chacun costé, pareils à ceux que nous auons dit, sinon qu'aucuns estoient en forme d'un demy cercle en rond, les autres quarrés. D'auantage à l'entree de la fontaine estoit vne petite phiole ou vase vn peu creux, pour mettre & recevoir le seau ou la cruche, trôïee en quelques endroits, à fin que l'eau s'escoulast en bas en vn autre bassin ou reservoir creux & profond ou descêdoit toute l'eau : & puis luy donnoit issue & ouuerture de tous costez pour se vider & esgouter. Par le milieu de l'Eglise s'estendoit tout le long vn tuyau, conduit ou courant d'eau, bien muni & accoustre, qui passoit au trauers du lieu plus sacré, & auoit deux creux par dessus, desquels l'un estoit fait de pierre en rond au milieu du temple : l'autre tiroit droit audit lieu plus sacré, où estoit vn bassin ou cuueau plus long que large, duquel les deputés à tel ministère prenoient avec vn certain aïsement ou vase en forme de cuillier, de la sainte boüe qui purgeoit la veüe, & donnoit clarté. Quant à l'eau, elle estoit si bien temperée par vne mixtion & mélange incredible, qu'elle n'estoit point ny fresche plus qu'il ne falloit, ny trop tiède : mais totalement de telle sorte, & quelle il aduenoit que chacun la vouloit auoir pour son boire : tout ainsi comme la manne tant celebrée & louée. Mais sur tout elle estoit fort clere & legere, la pesanteur & vapeur en estant extrenuee & recuite d'une secrete & sacrée façon. Et encore ( ce qui surpassoit toutes les autres choses ) elle guerissoit de maladies contraires : car en elle vous eussiez trouué remede soudain de maladies froides, & desquelles les medecins desespoient. Voila donc quelle Eglise fit bastir Leon, à l'honneur de la Mere de Dieu, à laquelle il imposa ce nom, La Fontaine. Or si vous eussiez veu le braue & magnifique ouurage, certes vous l'eussiez dit bien plus excellent & de plus grande beauté que de pouoir estre déclaré par paroles ou couché par escrit. Mais quand à l'eau de la fontaine, elle auoit telle grace & vertu que nous auons recité. Or de là en auant quelques autres tousiours agrandirent & amplifierent les bastimens du lieu, y adioustant certaine beauté, plaïssance & decoration plus conuenable & seante. Ce que fit peu de temps apres Iustinien, lequel en actiô de grace pour benefices receuz de la vierge Marie, fit bastir vn beau & grand corps de logis. Quant est des miracles qui en grand nombre se faisoient à ceste fontaine, nous en auons escrit vn traité particulier, estans incitez à ce faire par quelques fideles & gens de bonne affection, duquel mesmes nous auons traduit & translaté en ce lieu ce qui est mentionné de la fontaine.

# LIVRE XV. DE L'HISTOIRE ECCLESIASTIQUE

Comme Leon enuoya unze cens nauires à l'encontre de Genferic, sous la conduicte de Basilisque, frere de sa femme Verine, lequel liura & trahit aux ennemis toute l'armee, à la suscitation & aduis d'Aspar & d'Ardaburie: & comment cest Aspar & Ardaburie furent mis à mort par Zenon d'Isaure: à raison dequoy Ariadne, fille de Léon, luy fut baillee en mariage, & par tel moyen fut gendre de l'empereur.

CHAP. XXVII.



Léon enuoya  
grande ar-  
mee en  
Affrique  
contre les  
Vandales.

Aspar &  
Ardaburie,  
chefs de la  
secte des  
Arriens.

Genferic,  
Arrien.

Basilisque,  
à la susci-  
tion  
d'Aspar  
& d'Ar-  
daburie, li-  
ura l'armee  
aux Van-  
dales.

Ariadne,  
fille de Léon  
est mariee  
au fils d'As-  
par, qui es-  
toit Patri-  
ar.

Enferic Roy des Vandales, lequel apres la mort de Martien (comme nous auons dict) faisant courtes & entreprinſes ſur les Romains affligea merueilleuſement tous les pais du reſſort de leur Empire, ayant conqueſté l'Aſſrique par forces d'armes, deuint ſi puiffant qu'il fit deſmanteler & abatre les murailles de toutes les villes, hors mis de Cartage. Semblablement il oſta tout l'argent & les heritaiges qu'auoient ceux de Libye du coſté d'Occident, & les diſtribua à ceux qui eſtoient de ſon pais & de ſa ligue, & encore chargea il ſes ſubiects de grands tributs & ſubſides ſur ſubſides. Deſquels les habitans foulez, & greuez de tant de peines & miſeres, furent contraincts de ſ'enſuir au loing. Mais Leon en eſtant marry & deplaiſant aſſembla de tout ſon Empire onze cens nauires, leſquelles il enuoya en bon equipage d'armes & grande multitude de gens contre Genferic & les Vandales. On dit que pour dreſſer telle armee il em- ploya & deſpedit mil & deux cens cêtenes liures d'or (*valent, cêt mil deux cens liures d'or*) & y ſou- doya & bailla plus de ſept mil mariniers, tirans à la rame. Il conſtitua chef & coronal de toute la claſſe & armee nauale avec ſouueraine puiffance, Baſiliſque frere germain de ſa femme Verine: lequel pour ce qu'il auoit eſgard & taſchoit ſ'emparer de l'Empire, ſ'accointa d'Aspar & d'Ar- daburie, car il penſoit que par leur moyen il viendroit à bout facilement de ce qu'il briguoit. Mais quant à eux ils ne pouuoient aucunement paruenir ny aſpirer à la dignité Imperiale, d'au- tant qu'ils eſtoient Arriens, la religion deſquels ceux de Byzance auoyent en grande deteſtation & horreur: mais il leur eſtoit aiſé de donner & commettre c'eſte charge à autrui, comme meſme ils auoyent faiſt à Leon, lequel eſtant en leur curatelle fut eſleué par eux à l'Empe- re, ſans baterie & effuſion de ſang. Mais eſtant proueu & chargé de telle puiffance & gou- uernement il trouuoit mauuais & eſtrange eſtre conduit & regenté à leur plaifir & volonté. Iceux auſſi ayans delibéré de leur coſté, perturber l'Egliſe & foy Catholique, luy furent fort contraires & ennemis en beaucoup d'entrepinſes neceſſaires & viles, & maintenoient qu'il faiſoit pluſieurs choſes à tort & ſans cauſe: meſme aſſeuroyent fermemēt que Genferic auoit le meilleur & le ſurmonteroit en bataille, pour ce qu'il n'oſeroit ny engardoit la vray religion: Car eux proteſtans & ſouſtenās la profeſſion de la doctrine d'Arrius vouloyent dire l'opinion de Genferic, qui le ſuinoit auſſi, eſtre plus agreable & plaifante à Dieu, que celle de Leon qu'ils cuidoyent mal-faire & eſtre abuſé de deffendre & ſuiure la foy & credence du concile de Nice, & de Calcedone. Et pour monſtrer en apparence que leur dire eſtoit vray, ils ſ'accorderent ſe- cretement de Baſiliſque, & luy promirent mettre en ſes mains & puiffance le gouuernement de l'empire, ſ'il donnoit la victoire à Genferic. Dequoy ayans traité & accordé enſemble, Baſiliſ- que avec toute ſon armee paſſa en Affrique, & ſoudain apres qu'il eut parlemēt, il liura & tra- hit ſon oſt à Genferic, ainſi qu'il auoit cōuenu avec Aspar: « en telle ſorte que les gens de guer- re eſtans fort endormis, ce Genferic mit le feu és galeres, qui ſe print del'vne en l'autre par le grand vent qui eſleuoit la flamme en hault. Et quant aux Vandales ils attendoyent au port avec piques & crocs, pour faire mourir tous ceux qui taſchoyent à ſe ſauuer du feu: tellement que de ſi grande multitude de nauires, n'y en demeura pas vne ſeule: meſmemēt Baſiliſque à grand'pei- ne peut il euader, & ſuir avec quelque peu de gens, ſe retirant à Bizance, où il ſe mit en ſeureté en la grande & capitale Eglife. Sa ſœur Verine Auguſte le print en ſa protection & ſauua de dā- ger, l'enuoyant à Perinthe, ville de Thrace, pour paſſer la reſte de ſa vie. Et Leon, Empereur, mā- da & fit venir à ſoy Aspar & Ardaburie, tant pour les retirer & reduire de la meſchante & ſotte opinion où ils eſtoient tombez, que pour les diſtraire & deſtourner de braſſer & preparer quel- ques embuches cōtre ſon Empire. En conſideratiō dequoy il dōna en mariage ſa fille Ariadne qu'il auoit engendree de Verine, au fils d'Aspar qui eſtoit Conſul & des principaux de la Repu- blique: Mais iceux ayans vne fois cōceu & entrepris quelque meſchaceté ne ceſſerent iamais de procurer & baſtir tromperies & trahiſons contre Leon. Choſe que deſcouurirent ceux de Conſtantinople, & courrouceez qu'ils eſtoient ſ'eſmeurent à l'encontre d'eux, ſi fort qu'ils les iniurierent & outragerent de vilaines paroles au lieu public où lon faiſoit courir les cheuaux. Ces heretiques donc craignans le peuple paſſerent à Calcedōne avec toute la ſuyte de l'armee, & ſe ſauuerent & tindrent bon en l'Egliſe d'Euphemie, martyre. Ausquels l'Empereur Leon en- uoya le Patriarche & Prelat, leur promettant entretenir les alliances & la foy promiſe, moyennāt qu'ils ſe retiraffent de ceſte Eglife. Mais ils reſuferent & denierent plat & net d'en ſortir, ſi l'Empe-



l'Empereur mesme n'estoit present. parquoy Leon s'y en alla, & contre toute raison & equité ramena tels galans iusques en son palais, & les receut à sa table, leur faisant, outre plus, beaucoup d'autres caresses, avec promesses de leur remettre, abolir & pardonner les iniures & torts faits à Zenon l'isaurien, lequel luy sembloit bien fidele, & luy commanda que quand ils viendroyent au palais par le costé des bains, il leur treuchast la teste de premier assault. Ils venoyent donc, & Zenon premierement osta la teste de dessus les espaulles d'Ardaburie. Ce que voyant Aspar, fut bien estonné & dolent, & s'escriant à haute voix : Le vieillart, dit-il, est dignement puni, lequel pour neant s'est vanté, & iamais n'a voulu croire ny obeyr à mes conseils & desseins : car bien souuent ie luy disois, Deuorons plustost le Leon, que ne luy soyons en proye. Et quand il eut dit tels propos, mourut aussi luy mesme au treuchant de l'espee. Et quant à son fils qui estoit de l'ordre des Patrices, Leon l'enuoya en exil, l'ayant separé d'avec la fille Ariadne, laquelle leil bailla en second mariage à Zenon, comme à celuy qui auoit defait & decapité les traistres. Or ce Zenon dès son ieune aage fut appelé Aricmese : mais il changea de nom au mariage de la fille de l'Empereur, & se fit nommer Zenon, lequel nom il print d'un certain personnage qui estoit paruenue à grand honneur, en l'isaurie. De luy & de ceste fille de Leon, nasquit Leon le second.

*Desfaite de d'Aspar & d'Ardaburie.*

*Ariadne fille de Léon est mariée avec Zenon.*

*en telle sorte &c.] Procope, liure troisieme, de la guerre des Vandales, escrit que Basilius perdit la victoire & occasion de bien executer son affaire, ou par couraisme, ou par trahison : mais il ne fait aucune mention que les nauires des Romains eussent esté bruslees.*

*De Martire, Euesque d'Antioche : de Pierre Cnaphee, qui premierement adiousta à l'hymne tres-sainct, ce verset, Qui a enduré pour nous : plus d'estienne & Calandion, ses successeurs : des ceremonies que le dit Cnaphee ordonna en l'Eglise : de Iuuenal, Anastase & Martire, Euesques de Ierusalem.*

## C H A P. XXVIII.



ncontinent que Zenon fut fait gendre de l'Empereur, il l'enuoya en Orient : auquel voyage le suiuit vn certain Pierre, surnommé Cnaphee, lequel estoit Prestre ou Curé de sainte Basile, martyre à Chalcedone de Bythinie. Et quand ils arriuerent en Antioche, le siege Episcopal du lieu tât fut agreable à ce Pierre qu'il persuada à Zenon de luy prester faueur, ayde & moyen d'en obtenir l'Euesché, que pour lors gouuernoit Martire, successeur de Maxime, qui par les suffrages & election du quatriesme Synode, auoit prouueu de telle dignité : de sorte qu'en l'absence de ce Martire, qui pour quelques affaires vrgentes & necessaires seiourna as-

*Pierre Cnaphee à l'aide de Zenon occupa par force l'Euesché d'Antioche du vivant de Martire.*

sez long temps en la ville Imperiale, il excita grands troubles & esmotions en Antioche, y brouillissant & renuersant c'en dessus dessous toutes choses deuant le menu peuple, & contre la foy & religion Chrestienne, introduisant nouuelletez & choses inaccoustumees. Et encore qui plus est, il anathematisoit & excommunioit tous ceux qui ne croiroient que Dieu mesme auoit esté crucifié & enduré passion, & quand il eust ainsi confirmé son opinion, il adiousta de surcroist à l'hymne tres-sainct, *Qui a esté crucifié pour nous*. Laquelle addition demeure encore pour le iourd'huy, & a lieu à l'endroit des Theopaschites. D'auantage s'accostant de quelques gens qui suiuyoient le party d'Apollinaire, il machina beaucoup de meschans fetes à l'encontre de l'Euesque Martire, & amena diuisions & partialitez entre le peuple, pour le differer de la religion : tellement que Martire estant de retour en Antioche, trouua que la populace estoit fort esmeue contre luy & la vraye religion & pieté enuers Dieu, & que Zenon fauorisoit & supportoit grandement Cnaphee. Mesme voyant qu'il ne pouuoit venir à bout, quoy qu'il fist souuent remonstrances & predications pour induire le peuple à changer & laisser la faulxe opinion il fit conuenir publiquement grande assemblee, & lors se desmit de l'Euesché, vsant de telles paroles en presence de tous : Me reseruant la dignité Sacerdotale ie renonce & au clergé rebelle, & au peuple des-obeyssant, & à l'Eglise souillee : & quand il eust dit tels propos & se fust retiré, Cnaphee s'empara par force & s'intromit au siege Episcopal d'Antioche, blasfant & vsant de paroles outrageuses & iniurieuses contre le Concile de Calcedone, & contraignit toutes les Eglises d'vsurper & retenir l'addition susdite à l'hymne tres-sainct. Mais tout incontinent que Leon, tres-deuot & bien affecté à nostre religion entendit le train & menec, il condāna Cnaphee à estre chassé en exil. Dequoy estant aduert, il se sauua à la fuite, & se retira secretement en cachete au couuent des moines Insomnes & qui ne dormoyent point. Or apres ce Cnaphee fut substitué à l'Euesché vn nommé Estienne, que les enfans d'Antioche, qui estoient encore adonnez & arrestez en l'opinion de Cnaphee, esgorgerent & mirent à mort avec des cannes poinctues, comme avec la poincte d'une espee, & puis le ietterent en la riuere qui court à l'entour de la ville, ainsi que recite Iean le Rhetoricien. A Estienne succeda en l'Euesché Calan-

*Sentence notable de Martire quand il se deschargea de l'Euesché. Bannissement de Cnaphee. Les enfans d'Antioche firent mourir l'Euesque no-*

me Estienne.

Quatre choses tres-vieilles en l'Eglise, inuenées par Cnaphee. Autrement Epiphanie. C'est le iour du vendredi saint.

dion, qui pour lors estoit en Constantinople pour certaines affaires. Iceluy en soustenant les decrets du quatriesme Cócile, n'admettoit ny receuoit personne à la sacree cõmunie, que prealablement il n'eut adiuré & detesté Pierre Cnaphee, & les epistres appellees Circulaires, lesquelles furent publiees au mandement du tyran Basilisque. D'auantage resistent aux faits & ordonnances de Cnaphee, il proposa ces mots ( Christ Roy ) à l'addition qu'il auoit fait à l'hymne que nous auons dit.

On dit que ce Pierre Cnaphee a inuenté quatre choses fort pertinentes, saintes & commodes en l'Eglise Catholique : l'une estoit que la sainte Onction fust consacree en presence de tout le peuple; l'autre que la veille :: de Theophanie ou Apparition de Dieu, sur le vespre, l'eau fust versée & mise es saints fonds de Baptisme. La troisieme que le saint Symbole ( que l'on disoit parauant seulement vne fois l'an, à sçauoir :: le iour de la grande & sainte Parasceue ou preparation de la feste de Pasque ) fut chanté en toute l'assemblée & congregation de l'Eglise : & la quatrieme, qu'en toutes prieres fust faite mention de la Mere de Dieu : & son saint nom inuocé. Or quelque temps apres quand Iuuenal fut decedé en Ierusalem en fort grande vieillesse, Anaclase fut proueu de sa charge Episcopale, auquel puis apres succeda Martire.

a l'hymne tres-sainte ) C'est, comme il est a noter, ce que l'on chante le Vendredi saint, & se commence Agios, Otheos, &c.

b & a lieu à l'endroit des Theopaschites ] Theopaschites estoient heretiques qui attribuoient souffrance & passion à la diuinité.

c & son saint nom inuocé ] Maintenant encore les Grecs & Chrestiens Orientaux entremeslent en toutes leurs prieres l'intercession de la mere de Dieu.

De la mort de Leon, le grand, & de son successeur à l'Empire, Leon, second : & comment bien tost apres iceluy estant decedé, Zenon, le pere, print la charge de l'Empire de son fils, receuant la couronne de luy mesme.

CHAP. XXIX.

La mort de Leon premier.

Deceds de Leon second. Zenon succede à son fils au gouvernement de l'Empire.

Les anneés qui comprennent ce quinzieme liure.



R Leon le grãd, Empereur, de son viuãt nõma Cesar, Leon le ieune & second fils de Zenon & de sa fille Ariadne, & le declara Empereur des Romains, mesme de ses propres mains luy conféra les marques & accoustremens Imperiaux ( car il desdaigna eslire Zenon Empereur, à cause qu'il estoit de diuerse religion & varioit d'opinion quant à la foy ) & & quelque temps apres estãt vaincu de maladie laissa la vie avec l'Empire, à Bisance, l'ayant regy & administré l'espace de dix-sept ans. Apres lequel Zenon, comme gendre, s'empara du gouvernement, à la suasion de Verine, femme de Leon, laquelle l'appella & admit comme compaignon avec Leon, qui estoit fort ieune & en bas aage, lequel mesme chargea & bailla à son pere les enseignes & vestemens de l'Empire. Mais aussi quand Leon fut decedé, n'ayant commandé quel'espace d'un an, Zenon seul print la charge des Romains, de laquelle il ne s'acquitta gueres bien. Or avec l'ayde de Dieu le liure qui s'ensuit declarera ce qui a esté fait sous son Empire, & ce que de son temps est aduenü. Mais il est temps de mettre fin à ce quinzieme, lequel contient l'espace de vingt-cinq ans, qui estoit a l'an de la creation du monde, cinq mille neuf cens nonante, & de la natiuité de nostre Seigneur, quatre cens quatre vingts & cinq.

a l'an de la creation du monde, cinq mil neuf cens nonante ] Selon les modernes chroniqueurs, quatre mil quatre cens cinquante quatre.

#### ANNOTATION PRINSE DE SVIDAS parlant de l'Empereur Leon.

Comme quelque fois l'Empereur Leon commanda de bailler à Euloge, Philosophe, un bulletin ou une saille pour auoir du froment es greniers publics, un Gentil-homme ordinaire de sa chambre luy remonstra que l'on en deuoit eslargir autant aux soldats. Mais Leon luy respondant, dit : A lamienne volonte que l'estat & condition de mon Empire fust tel, qu'il me fust loisible de bailler les gages & soulde de mes gens de guerre aux maistres d'escoles. Suidas

Le mesme auteur escrit suivant l'opinion de Malche, que ce Leon estoit grand pillleur de ses citoyens & prouinces.

*Cette briefue & succincte exposition des actes & decrets du saint quatriesme concile uniuersel  
a esté icy couchée par escrit à la fin de ce quinzieme liure, à fin que l'ordre  
de l'histoire fust gardé sans confusion.*

C H A P. XXX.

*Actes du saint quatriesme Concile general.*



Calcedone, au pays de Bithinie, le diuin & saint Concile fut assemblée en l'Eglise sainte Euphemie, martyr, l'an de la creation du monde : cinq mil neuf cens soixante & six : auquel comparurent Pascasin & Lucence Euesques, avec Boniface Prestre, Lieutenans de Leon, Euesque & prelat de la vieille Rome. Pour lors Anatolie estoit Euesque de Constantinople, Dioscore d'Alexandrie, Maxime d'Antioche & Iuuenal de Ierusalem, lesquels ensemble avec les autres Euesques assisterent à ce Concile. Aux Euesques furent adioincts quelques Magistrats & gens de

longue robe, lesquels administroient les premieres dignitez au parlement souverain. Or quand ils furent tous assemblez au consistoire, les deputez & ambassadeurs de Leon par leurs harangues firent entendre & remonstrent que Dioscore ne deuoit passer avec eux ( car ils auoyent tel mandement & charge de Leon ) autrement que s'ils estoient contraints le permettre, ils se departiroient de l'assemblée. Messieurs les Senateurs demanderent la raison pourquoy il ne deuoit ainsi assister : auxquels les ambassadeurs responderent que Dioscore estoit accusé & conuaincu, & pourtant qu'il ne pouuoit tenir le lien de Iuge, sans la permission & absolution du Pape de Rome. Cela fait & ordonné, & Dioscore estoit retiré au milieu, par arrest & iugement des Senateurs, Eusebe, Euesque de Dorilee, comparut & demanda audience, à ce que des requestes qu'il auoit presentées à la maiesté de l'Empereur, fust apertement fait lecture, & vsoit de telles complaints : Dioscore m'a fait iniure, il a fait tort & forcé la foy & credence, il a outragé & fait mourir Flauien, Euesque, & luy & moy nous a iniquement deposez de nos dignitez. Je requiers donc que lecture soit faite de ma requeste. Ce que luy estant permis, la requeste fut publiquement leue & rapportee, laquelle estoit couchée en

la forme qu'il s'en suit : Supplie humblement Eusebe, Euesque de Dorilee, demandeur tant en son nom, que soy faisant fort pour la vraye foy Catholique, & pour feu Flauien ( lequel a esté canonisé pour saint ) iadis Euesque de Constantinople : Comme ainsi soit que le but & propre office de vostre souveraine maiesté Imperiale, ait tousiours esté d'auoir soing non seulement de vos autres subiets, mais principalement de ceux qui sont promoteurs à l'ordre sacerdotal, & leur donner la main & les defendre de toutes iniures ( en quoy de bonne affection & deuotion obéis-  
se à la puissance diuine, par la grace de laquelle vous avez cest Empire & puissance de toute la terre ) & que Dioscore, Euesque tres-religieux de la grand' ville d'Alexandrie contre toute equité & raison nous ait grandement iniurié & offensé la foy & credence en Iesus Christ :

Nous supplions vostre singuliere pieté de nous garder nostre bon droit. Or tout le fait consiste en ce qui s'en suit : C'est que ce bon Dioscore au Synode qui dernièrement fut assemblée en la ville capitale des Ephesiens ( que pleust à Dieu qu'il n'eust esté assemblée, & que le monde ne fust rempli de tant de troubles & si grands maux ) sans auoir esgard ny crainte de la iustice, & n'ayant Dieu devant les yeux ( pour autant qu'il estoit de mesme opinion & s'accordoit avec Eutyches, esuenté & mal-heureux heretique ) quoy que parauant il fust incongneu à beaucoup de gens, depuis toutes fois il s'est bien déclaré & manifesté, ayant trouvé l'opportunité, par le moyen de l'accusation par moy dressée à l'encontre d'Eutyches, fauteur de son opinion, & à cause de la sentence prononcée & rendue contre luy par Flauien, Euesque de sainte memoire & heureux repos, d'amasser grande multitude de gens seditieux & desbauchez, & d'acquiescer grande puissance par argent, à persecuter tant qu'il luy a esté possible la sainte religion des vrais Chrestiens & bons fideles, pour confirmer la mauuaise & pernicieuse opinion d'Eutyches, laquelle dès le commencement a esté conuaincue & condamnée par les saints Peres. Et pour autant que les choses qu'il a ausé inuenter & machiner contre la foy en Iesus Christ & contre nous, ne sont de petite consequence, nous supplions tres-humblement & requerons vostre tres-souveraine maiesté, qu'il vous plaise de vostre grandeur ordonner expressément que ce tres-religieux Dioscore allegue les causes & defences des crimes que nous luy obiectons : & aussi commander que des memoires & escritures qu'il a decretees contre nous, soit faite lecture devant la sainte assemblée, à fin que nous puissions prouuer qu'il est contraire & grandement estranger de la vraye foy & Catholique, & qu'il a receu, presché & confirmé vne heresie pleine de meschanceté & impiété, aussi qu'à tort & sans cause il nous a deposez de nostre dignité, & nous a fait grand tort & iniuré, à fin que par vos iustes & diuins mandemens & commission dont chargerez le saint Concile uniuersel des Euesques tres-Catholiques, ils facent

*selon nos  
Chroni-  
queurs  
443. qui  
estoit l'an  
de nostre  
Seigneur,  
457.*

*Euesques  
des princi-  
pales Egli-  
ses.*

*Authori-  
té du prelat  
de Rome.*

*Celuy qui  
est accusé ne  
peut estre  
au Concile.*

*La deman-  
de d'Euse-  
be, Euesque  
de Dorilee,  
contre Dios-  
core Eues-  
que d'Ale-  
xandrie.*

*Sa requeste  
presentee  
aux Prin-  
ces.*

*Sus liu. 14.  
chap. 47.*

# LIVRE XV. DE L'HISTOIRE ECCLESIASTIQUE

*Les actes du Concile Bri-  
gant in en  
Ephese, fu-  
rent leu-  
au Concile  
de Calcedo-  
ne.*

enqueste & s'informent de nostre fait & de celuy de Dioscore, & que toutes les pieces, in-  
formations & escritures soyent rapportees à la congnoissance de vostre pieté; & au iugement  
de vostre souueraine & immortelle maiesté. Et si ainsi le faites, nous serons obligez, Princes  
tres-chrestiens, à tousiours sans cesse prier Dieu pour le perpetuel entretenement de vostre  
Empire. Ainsi à la supplication & demande de Dioscore, aussi bien que d'Eusebe, les actes d'E-  
phese furent produits & leuz publiquement deuant tous. De la lecture desquels il fut tout ap-  
pert & euident que l'Epistre de Leon, Pape, enuoyee audit Ephese, n'auoit esté leuë en l'as-  
semblee, combien que plusieurs l'eussent requis vne & deux fois. Et quand on enioignit à  
Dioscore de dire la cause pourquoy, il dit qu'il auoit ordonné par plusieurs fois de la lire, &  
nommoit pour tesmoings Iuuenal, Euesque de Ierusalem, & Thalasse de Cesaree, principale  
ville de Capadoce, lesquels avecques luy auoyent presidé à ce Synode. Or Iuuenal tesmoigna  
& dit franchement, que quand à luy il auoit commandé que ce saint Esprit & reiglement  
qui deuoit aller deuant & montrer le chemin au Concile, fust leu, mais que personne depuis  
n'en auoit fait mention: Et quand à Thalasse, il protesta deuant tous qu'il n'auoit aucunement  
empesché que la lecture n'en fust faite, mais aussi qu'il n'auoit vsurpé tant d'auctorité & puis-  
sance que de faire commandement luy seul qu'iceluy escrit fust leu. Et comme lon procedoit  
& continuoit la lecture des actes & arrests de ce Concile d'Ephese, quelques Euesques blas-  
moient & reprenoyent aucuns mots, comme s'ils eussent esté feints & controuuez. Outre  
plus Estienne, Euesque d'Ephese, interrogé sçauoir qui estoient ceux qui auoyent soubscrit  
& contrefait les noms & soubssignatures d'autrui, deposa que Iulien, Euesque de Lebede,  
les auoit soubscrits le dernier, avec Crispin: mais que les adioincts & soubssignez ne le per-  
mirent à Dioscore, ains qu'ils retindrent & arresterent la main de ceux qui vouloyent soubscri-  
re: de sorte qu'ils se hazarderent, de peur de patir & endurer choses de toutes les plus vilai-  
nes. Et d'auantage le mesme Estienne allegua que le mesme iour que Flauien auoit esté depo-  
sé de sa dignité, la soubsscription auoit esté faite. Encore Acacie, Euesque d'Ariarathie, adiou-  
sta ce que dessus, que tous furent contrains de bailler leurs signets en papier blanc, par ce qu'ils  
estoyent enuironnez de gens d'armes. Puis apres quand on lisoit quelques autres articles, Theo-  
dore, Euesque de Claudiopolis, confessa & iura que personne n'auoit fait mention de tels pro-  
pos.

*Plusieurs  
Euesques  
furent con-  
trains par  
force de  
soubssigner  
les decrets  
du Concile  
d'Ephese.*

*:: Ou d'où,  
ou duquel.*

*L'opinion  
heretique  
d'Eutyche.*

Et comme ainsi de poinct en poinct lon poursuiuoit à la lecture, lon trouua en certain en-  
droit qu'Eutiche auoit dit: Et ceux qui disent que la chair de nostre Seigneur Iesus Christ est  
descendue du ciel. Eusebe au contraire, repliqua que de vray il auoit dit ce mot, Du ciel, mais  
qu'il auoit obmis, :: De qui. D'auantage que Diogenes, Euesque de Cyzique, persista & pres-  
sa à luy faire dire de qui il procedoit, mais qu'il ne leur fut permis d'en disputer ou enquester  
plus outre. En apres les actes mesmes faisoient apertement entendre que Basile, Euesque de  
Seleucie, en Isaure, dit & deposa ainsi, Qu'il adoroit vn fils de Dieu nostre Seigneur Iesus Christ,  
seul dieu verbe, lequel apres l'incarnation & vnion est congneu estre en deux natures. A laquel-  
le sentence les Euesques d'Egypte s'accorderent, & clerement crierent à haute voix, adioustas  
Qu'il estoit indiuisible, & que nul ne deuoit le diuiser, & falloit confesser & soustenir vn fils &  
non pas deux. Consequemment les Euesques Orientaux donnerent leurs voix, disans: Que ce-  
luy fust maudit qui le departiroit: que celuy fust excommunié qui le diuiseroit. Es mesmes actes  
& articles estoit euident & manifeste qu'Eutiche fust interrogé s'il confessoit & vouloit sou-  
stenir qu'en Iesus Christ il y eust deux natures. A quoy il respondit, Qu'il n'ignoroit point que  
Iesus Christ ne consistast de deux natures deuant l'vnion, mais aussi qu'apres l'vnion sa natu-  
re n'estoit qu'une. Et sur cela Basile dit, Que Eutiche affermoit totalement vne confusion &  
mixtion, si apres l'vnion il ne confessoit deux natures, lesquelles ne pourroyent mesme estre  
separees n'entremeslees: mais s'il vouloit adiouster que la diuine estoit incarnée & meslée avec  
l'humanité, & si semblablement, come Cyrille, il vouloit entédré & cōfesser l'incarnation & con-  
iunction avec l'humanité, qu'il seroit de mesme opinion que nous: car la diuinité est quelque  
autre ie ne sçay quoy, du Pere: & l'humanité quelque autre chose ie ne sçay quelle de la mere.

Or quand Eutyche & ceux de sa sequelle furent examinez pourquoy ils auoyent accordé  
& soubssigné la condamnation de Flauien: les escritures & registres des actes de Calcedone  
font mention que les Euesques Orientaux s'escrierent & confesserent apertement, que tous  
ils auoyent offensé, & que tous requeroient pardon.

De rechef le discours & publication qui fut faite des mesmes actes & articles, montrent  
assez que les Euesques furent interrogez pour quelle cause ils n'auoyent admis & receu Eusebe  
à leur Synode. A quoy respondit Dioscore, que Elpidie auoit monstré & produit vn certain ad-  
uertissement & asseuré pour tout vray, que l'Empereur Theodose auoit ordonné & enioinct  
qu'Eusebe ne fust receu à dire franchement quelque chose en l'assemblée. Les actes aussi testi-  
fient que Iuuenal, Euesque de Ierusalem, dit le semblable: & aussi que Thalasse, qui estoit  
Prelat de l'Eglise de Cesaree, auoit fait responce qu'il n'auoit eu puissance de l'y admettre,  
ny d'abolir, casser & mettre à neant ce que les Princes auoyent condamné & blasmé: & aussi que  
telles

telles disputes n'estoyent à propos pour la defence de la foy, touchant laquelle on auoit proposé de traicter. Et avec ce, il est escrit entre les actes, que Dioscore se moqua & reprit les choses qu'ils disputoyent, & dit: Comme maintenant sont observez les Canons & reigles Ecclesiastiques, veu que Theodorit s'est trouué en l'assemblée: Mais les Senateurs prindrent la parole disans, que pour ce il y estoit entré, à cause qu'il tenoit le lieu d'accusateur. Et lors Dioscore repliqua, que toutesfois il estoit assis au rang & siege d'un Euesque. Et de rechef, les Conseillers de l'Empereur firent responce, que Eusebe & Theodorit estoient receuz au consistoire comme accusateurs, ainsi que Dioscore representoit le party & condition d'un homme accusé. Et en telle sorte apres que tous les actes du dernier Cōcile assemblé en Ephese furent leus & recitez avec la sentence rendue contre Flauien & Eusebe, & que lon vint en lisant iusques à ce dernier point, Lors dit l'Euesque Hilaire, Que les Prelats Orientaux, & ceux qui estoient de leur ligue, tous d'une voix maudirent Dioscore & detesterent son opinion, & que tout à l'heure Iesus Christ condamna Dioscore, & disoyent, Dioscore a depose Flauien de sa dignité, mais Seigneur saint, pren vengeance du tort qu'on luy a fait: & vous aussi Empereur tres-fidele & Catholique, vengez-le: Viue, viue Leon beaucoup d'annees, viue long temps le saint Patriarche. Et apres cela quand du surplus fut faite entierement la lecture des articles qui declaroyent que les autres Euesques auoyent accordé & consenty à la condamnation de Flauien & d'Eusebe, les

Princes tres-louables firent la conclusion en telle sorte: Nous ordonnons, que touchant la  
vraye foy & Catholique, cy apres en assemblée plus frequente sera faite enqueste plus certaine.  
Mais quant à Flauien que Dieu absolue, & à Eusebe, euesque tres-religieux de Dorilee, ils ont  
prouué euidemment que le iugement rendu contre eux est meschant & inique, tant par le res-  
moignage des registres & memoires presentement leus, que par la deposition verbale de ceux  
qui lors assisterent & presiderent à ce Synode, lesquels de fait confessèrent & deposèrent d'eux  
mesmes & sans contrainte, qu'ils auoyent grandement failly, & qu'à tort & sans raison ils pri-  
uerent de dignité ceux qui n'auoyent aucunement desuoyé de la foy Catholique: ce que dili-  
gemment entendu & meurement considéré, il nous semble equitable & selon la volonté de  
Dieu (moyennant que s'y accorde l'opinion de nostre souuerain Seigneur & Prince tres-Catho-  
lique) que ces Dioscore tres-religieux euesque d'Alexandrie, & Iuuenal tres-deuot Euesque Ie-  
rosolymitain, & Thalasse tres-reuerend prelat de Cesaree, & Eusebe tres-religieux Euesque de  
Ancyre, & Eustace tres-deuot prelat de Beryte, & Basile tres-religieux Euesque de Seleucie en  
Isaure, lesquels tous de leur propre & priué nom, & autorité ont presidé comme chefs en ce  
Synode, doyuent estre punis de la mesme peine, à sçauoir, que par sentence & arrest de ce saint  
Concile ils soyent degradez & deposez de leur dignité episcopale selon les Canons & loix Ec-  
clesiastiques. Et quant est de tous les autres qui les ont suiuy & ont tenu de leur costé, la con-  
gnoissance en demeurera à la maiesté diuine. Les Orientaux donnerent leur voix à telle determi-  
nation & aduis, s'escrians haultement tous d'un accord, que le iugement estoit iuste & raisonnable. Les Illyriens faisans exclamations & tous confessans leurs fautes & offences, tous aussi en  
demanderent pardon. Les Orientaux de rechef adiouterent que telle sentence estoit bien ren-  
due, & qu'à bon droit Iesus-Christ auoit degradé & priué de dignité Dioscore, & vengé les  
saints martyrs. Adonc les Senateurs ordonnerent qu'un chacun des euesques bailleiroit par es-  
crit la confession de sa foy & credence: en quoy ils demonstroyent mesme & vouloyent faire  
entendre que l'Empereur tant ayant Dieu, suyuoit la foy selon la formule & prescription de-  
terminee & baillée premierement par trois cens & dix-huit Peres, & depuis par cent cinquante: & suyuant les epistres de ces saints peres Gregoire, Basile, Hilaire, Athanase, Ambroise, &  
selon deux missiues de Cyrille, lesquelles furent publiees & communiquees au Synode premier  
d'Ephese: croyoit aussi que Leon prelat de l'Eglise Romaine pouuoit condamner Eutyches. Or  
cette premiere session & dispute estant rompue & cessée, vne autre pour la seconde fois fut dres-  
sée & commencee, en laquelle les seuls euesques assisterent. Aufquels Eusebe aussi euesque de  
Dorilee presenta vne autre requeste touchant le tort à luy fait & à Flauien, en laquelle il blas-  
moit & accusoit encore Dioscore, par ce qu'il estoit de semblable opinion & religion que Eu-  
tyche, à raison de quoy & Flauien & luy auoyent esté dechassez de leurs dignitez. Il adiousta au-  
si plusieurs autres poincts inferez és commentaires des actes de la seconde synode d'Ephese, re-  
desquels pour lors on n'auoit fait memoire: & que les souscriptions auoyent esté baillées en  
papier simple sans esriture. Outre-plus il requit que par commune opinion de Messieurs qui là  
estoyent assemblez, fussent abolis, cassez & supprimez tous les actes en la derniere Synode d'E-  
phese, comme de nul effect & non ordonnez: aussi qu'ils fussent restituez en leur sieges & au-  
thoritez, & que telle meschanceté & erronée doctrine fust retrenchee & condamnée. Et apres  
la lecture & publication de sa requeste il supplia semblablement que commandement fust fait  
à l'aduersé partie de comparoir. Lors quand les Euesques eurent consulté & deliberé ensemble,  
ils luy firent commandement de comparoir. Or Etie premier notaire ou secretaire de  
l'Empereur, estoit de retour, lequel dit aux Euesques qu'il s'estoit transporté par deuers Diosco-  
re & autres, mais auoyent fait responce qu'ils ne pouoyent comparoir pour les embusches des

*Sentence  
des princes  
séculiers ré-  
duc au Sy-  
node contre  
Dioscore,  
&c.*

*Seconde ses-  
sion.  
Accusatio  
d'Eusebe con-  
tre Diosco-  
re.*

*Responce de  
Dioscore.*

aduersaires. Et de rechef parlementerent, & ce fait, ordonnerent que Dioscore seroit mandé deuant que tenir ny ouurir le consistoire. Mais n'estant trouué, Anatole Euesque de la nouuelle Rome dit, que la raison & equité requeroit qu'il assistast. Parquoy fut encore recherché: & les messagers estans de retour rapporterent qu'il auoit dit, que par embusches on le vouloit surprendre: mais que s'il luy estoit permis de venir seulement, il estoit tout prest de comparoir au saint Concile. Himerius adiousta, que quād ils furent departis d'auec Dioscore, Boethe vint au deuant d'eux & du maistre des offices diuins, avec lequel les Euesques retournerent vers ledit Dioscore, & dirent qu'ils auoyent mandement par escrit, apres la lecture duquel, le liure & commentaire des actes fait mention que Dioscore fit telle responce: Ayant deliberé de moy-mesme & considéré ce qui est vtile & conuenable, ie respons en telle sorte: Puis que les tres-puissans & haults Princes tenans l'audience en la derniere assemblee, parties ouyes allerent au cōseil, prendrent l'aduis, & apres beaucoup de conferences ordonnerent plusieurs bons arrests: & que maintenant ie suis adiourné & cité pour comparoir en personne en vne autre assemblee pour reuoyer & mettre à neant ce qui a esté conclu & arresté, i'en appelle & demande mon renuoy par deuant lesdicts Seigneurs & Princes qui dernièrement assisterent à la premiere Session, & par deuant messieurs les Senateurs, pour de rechef informer & faire enqueste du mesme fait.

Or les actes du Concile testifient qu'Acacie respondit à telles oppositions ainsi que s'ensuit: Les reuerends Peres du saint Concile vniuersel ne commandent à vostre sainteté d'assister & comparoir pour remettre sur le bureau, retraicter & canceler ce qui a esté disputé & decreté en la presence de nos excellens Princes, & tres-equitables Senateurs: Mais nous sommes enuoyez par deuers vous, pour vous appeller au consistoire, & que vostre sainteté n'en soit excluse. Et Dioscore luy dit: Maintenant vous m'avez rapporté, qu'Eusebe auoit présenté requeste contre moy: que si ainsi est, ie requiers de rechef que de ma cause soit faite enqueste en presence des Princes & Senateurs Et comme ils debatoient & alterquoyent de plusieurs semblables propos, encore d'autres furent deleguez pour le citer & faire conuenir, afin d'assister à la dispute & resolution des choses. Et ayans expédié leur charge, tournerent bride & rapporterēt qu'il vloit de telles excuses: Desia par cy deuant i'ay fait entēdre à vostre pieté, que i'estois saisy de maladie, & que ie requerois que messeigneurs les tres-excellens Princes & entiers Senateurs assistassent encore ceste fois au procès & iugement du fait, mais maintenant pour la mesme cause ie demande delay, iusques à tant que ie sois reuenu en conualscesce.

Outre-plus il est escrit es registres des actes, que Cecrope dit à Dioscore, que parauant il n'auoit allegué pour ses raisons la maladie: & pour ce, qu'il deuoit, comme de raison, obeir aux Canons & ordonnances Ecclesiastiques. Auquel de rechef Dioscore fit responce, qu'il auoit maintenu vne fois pour toutes que les Princes deuoient assister. Et sur cela Ruffin, Euesque de Samosate referra, que le Concile & consistoire estoit deuément & canoniquement institué & assemblé, & que s'il se representoit il luy seroit libre & en sa puissance de dire & opposer ce que bon luy sembleroit. Et quand il demanda si Iuuehal, Thalasse & Eustace estoient presens à la decision & dispute, il respondit que le fait ne les touchoit en rien. A quoy Dioscore repliqua (comme racontent les actes) qu'il aduertiroit & supplieroit l'Empereur tres-Christien, afin de faire assister ceux de la noblesse, & ceux mesmes qui de la cause, dont estoit question, auoyent décidé & déterminé comme luy. Et adonc les deputez & enuoyez dirent, que Eusebe ne chargeoit que luy seul, & partant n'estoit besoing que tous se representassent. Et ainsi Dioscore persista, que les autres aussi deuoient comparoir, lesquels comme luy, auoyent fait office de Iuge: Car, disoit-il, ie n'ay que faire ny que desmesler avec Eusebe, pour vn crime priué ou autre different, qui quant & quant ne touche & soit commun aux autres, lesquels avec moy ont rendu la sentence & condemnation.

Or les deleguez ayans demeuré fort long temps pour cest affaire par deuers Dioscore, il leur respondit finalement en tels termes: Desia vne fois pour toutes, ie vous ay dit ce que ie voulois respondre, & n'ay autre chose que dire. Ce qu'estant rapporté aux Euesques, Eusebe dit qu'il faisoit poursuite seulement à l'encontre de Dioscore, & non d'autre: & pour ce requit que pour la troisieme fois il fust cité & appelé. Et sur ce poinct Aetie fit entendre, que peu parauant, aucuns qui se disoient estre clerics, & autres seculiers, hommes populaires d'Alexandrie, luy auoyent présenté requestes contre Dioscore, & mesme qu'ils attendoyent deuant la porte du consistoire se complaignans.

Or vn certain Theodore, diacre de l'Eglise Alexandrine, auoit exhibé la premiere requeste, puis vn autre diacre aussi la seconde, lequel se nommoit Ischyryon, & Athanale prestre neueu de Cyrille, & finalement vn certain Sophronie: esquels libelles & complainctes ils se lamentoyent des blasphemés de Dioscore, & que par force il auoit cōtrainct les personnes à bailler de l'argent, & en fin supplioient pour quelques choses corporelles. Sur cela il fut adiourné pour la troisieme fois, afin de se représenter: Mais les deleguez par deuers luy retournans n'apporterent autres nouuelles que sa responce verbale, qu'ils dirent par cœur comme ils l'auoyent

..Ou Ischy-  
ra.



l'auoyent retenue: à sçauoir, que Dioscore persistoit, qu'assez au long il auoit respondu par auar, & qu'il ne sçauoit plus que redire ny que debatre d'auantage. Et cōme ces deputez le pressoyēt de fois en autre, & que si souuent il repliquoit les mēsmes excuses, Pascasin, Euesque, l'entremitt de parler & dit, que Dioscore estant cité & adiourné par trois diuerses fois reculoit comparoir, pour ce que par aduenture il auoit quelque remord & scrupule de conscience: & ainsi il demanda l'aduis aux reuerēds peres Euesques, quelle peine il meritoit & defferoit. Et quand ils declarerent qu'il auoit offensé contre les Canons & reigles Ecclesiastiques, Proterie, Euesque de Smyrne, print la parole & dit, que lors que Flauien fut mis à mort, on ne proceda du meurtre en assemblée legitime. Aussi est il escript es registres des faits du Concile, que les ambassadeurs de Leon, prelat de la vieille Rome, donnerent sentence en la forme qui s'ensuit: Les faits que Dioscore, qui iadis auoit la charge de la capitale ville des Alexandrins, a osé entreprendre contre les ordonnances des Canons & constitutions Ecclesiastiques, sont mis en lumiere & cōgneus à tous par la procedure & information commencee & dressée en la premiere Session, & par ce que maintenant a esté traité en la presente assemblée. Car pour le dire en peu de paroles, il a tant presumé, & s'est attribué tant d'autorité contre les decrets & loix del'Eglise, que deuant que assister en Ephese avec les reuerēds Peres & Euesques aymanz Dieu, il a admis & receu à la cōmunion Eutyches, participant & fauteur de son opinion, lequel selon les reigles Canoniques estoit legitiment degradé de l'autorité de son Euesque, nostre reuerend pere Archeuesque Flauien, qui maintenant est viuant avec les bien-heureux. Mais quant aux autres, le saint siege Apostolique leur a fait grace, remission & pardon des offenses commises contre sa volonté & opinion: & mēme ils ont tousiours perseueré & demeuré iusques à present en la religion de nostre saint pere le pape Leon & de la sainte Eglise vniuerselle. A cause dequoy, il les reçoit aussi à la communion, comme obseruateurs & amateurs de mēme foy. Mais ce Dioscore au contraire iusques à present se vante & glorifie de ses fautes, desquelles plustost il deuroit se repentir & se comporter humblement avec honte. D'auantage, il n'a voulu permettre que l'epistre de Leon, nostre souuerain Prelat (laquelle estoit adressée autres heureux Flauien) fust leuē au Synode d'Ephese, quoy que de vray requis & aduertty par ceux qui l'auoyent apportee de la faire lire, il en eut iuré & promis la lecture. A raison dequoy icelle n'estant venue & recitée, les saintes Eglises par le monde ont receu grand' perte & dommage pour les scandales, offenses & maluersations. Et iacōit qu'il n'eust craint d'entreprendre telles choses, toutes-fois nous pretendions & auions bon vouloir le recevoir à pardon & misericorde aussi biē que les autres Euesques aymanz Dieu, lesquels non plus que luy auoyent la puissance de iuger qu'ils festoyent vsurpee par force. Mais d'autant que ses meschancetez dernieres surpassent les premieres, & qu'il a tant presumé de foy que d'ostroyer & faire publier sentence d'excommunication à l'encontre de Leon tres-saint & catholique Archeuesque de Rome, & contre luy-mesme presenter requeste pleine de blasphemēs & iniquitez au saint & grand Concile: & que finalement estant cité & adiourné canoniquement vne, deux & trois fois, de l'autorité & mandement des Euesques fideles, il n'a obey, pour le remors & recordation qu'il auoit de ses mesfaits, mais plustost a adouē & receu en sauue-garde contre les loix & cōstitutions beaucoup de personnes deuēment & solennellement condamnées en plusieurs Synodes, il a rendu sentence contre luy-mesme, ne tenant compte aucun des sanctions & statuts de l'Eglise. Et pourtant Leon tres-saint & bien-heureux Archeuesque de la grande & vieille Rome, de par nous & la presente assemblée, ensemble de l'autorité de saint Pierre Apostre tres-excellēt (lequel est la pierre & sōustènement de l'Eglise Catholique, & fondement de la vraye & viue foy) le degrade & depose de la dignité Episcopale, & le condamne incapable & inhabile de toute autre charge sacerdotale. Par ainsi donc le plaisir soit de la sainte presente assemblée par aduis & sentēce d'un chacun, ordonner & determiner selon les decrets & constitutions Ecclesiastiques, touchant ce Dioscore, duquel est fait mention, ce que de raison. Or les escripts du concile tesmoignent quōd Anatole, Maxime & les autres Euesques (excepté ceux qui ensemble avec Dioscore auoyēt esté degradez) eurent confirmé & approuuē de leur autorité toutes les choses susdites, le rapport & determination Synodale fut enuoyē à Martien Empereur: à laquelle fut pareillement annexee vne sentence & arrest, par lequel le mēme Empereur priuoit & ostoit la dignité à Dioscore: ce qu'on luy signifia de mort à mort en la forme & teneur qui s'ensuit.

Sçauoir faisons, que pour le mespris & contemnement des saints Canons & decisions Ecclesiastiques, & pour le refus que tu as fait d'obeir à la presente assemblée vniuerselle: attendu aussi (outre les autres charges & crimes desquels manifestement tu es conuaincu) qu'estant cité & adiourné par trois diuerses fois, selon les decrets, tu n'as voulu comparoir à la requeste & mandement du sacré Concile, pour dire & deffendre tes raisons & iustifications: Ce consideré & bien examiné nous te condamnons de l'autorité du saint Concile vniuersel à estre degradé & desmis de l'Euesché, & declaronz incapable & insuffisant de tout autre estat & charge Ecclesiastique. Donné le treiziesme iour du present mois d'Octobre. Cela fait, apres que touchant ceste definition furent donnees lettres aux Euesques en Alexandria,

*Instructiō  
des Ambassadeurs  
du Pape de  
Rome, pour  
la condamnation de  
Dioscore.*

*Pardon est  
fait aux  
Euesques  
penitens.*

*Sentence  
du Concile  
contre Dioscore.*

# LIVRE XV. DE L'HIST. ECCLESIASTIQUE

& les edicts, sentences & arrests rendus, publiez & prononcez contre Dioscore, la seconde Session print fin.

*Troisième  
session du  
Concile.*

Mais de rechef estans les Prelats assemblez au consistoire pour la troisieme fois, fut traité & disputé de la vraye foy & credence, ordonné & conclu qu'autre formulaire n'eust lieu: qu'ad aussi le different d'Eutyché fut vuide & appoincté, & par la constitution de l'Euesque & Prelat de Rome, le tout appaisé & accordé, de l'opinion de tous ils donnerét leurs voix, & repetés souvent mesme chose s'escrierent disans qu'ils estoient de semblable sentence. Les Prinees aussi enioignirent qu'un chacun Patriarche & metropolitain feroit election d'un ou de deux Euesques de son diocese & ressort de sa charge, afin de colliger & r'apporter manifestement &

*Confirma-  
tion du sym-  
bole de Ni-  
ce.*

deuant tous l'opinion & sentence d'un chacun. Et sur ce deliberation faite, les Euesques le permirent & enchargerent à Florence, euesque de Sarde, & à Cecrope aussi, euesque de Sebastopol: ainsi les sentences recueillies les rapportent en telle sorte: La foy & credence a esté deüment redigée & bien reiglee par les trois cens & dix-huict saints Peres, & depuis confirmee aussi par nos saints peres, Athanase, Cyrille, Celestin, Hylaïre, Basile & Gregoire, & finalement n'aguere par nostre saint pere Leon. Parquoy nous requerons que soit faicte lecture del'ordonance & decision des trois cens & dix-huict Peres saints, & du mandement du tres-saint prelat Leon. De ce, la lecture faite toutel'assemblee de mesme voix s'escria, disant: Voila la vraye foy des Catholiques & de ceux qui tiennent la saine religion: nous le croyons tous en telle sorte: Nostre saint pere le Pape le croyoit en telle façon: Cyrille a eu telle credence: Le pape nous l'a ainsi proposee. Or quelque temps apres fut tenu un autre colloque, & par consultation faite ordonnerent que semblablement feroit recité ce que les cent cinquante Peres auoyent publié:

*Approba-  
tion des de-  
crets du se-  
cond Conci-  
le uniuersel.*

dequoy la lecture entendue, l'assemblee pour la seconde fois s'escria: Voila la foy & credence de nous tous, telle est la foy des vrais Catholiques: nous croyons tous en telle sorte. Cela dit & conclu, Etie, Archediacre, se presenta & dit qu'il auoit en main l'epistre de Cyrille enuoyee à Nestorius, que les Peres assemblez en Ephese auoyent confirmee de leur autorité. Plus vne autre epistre aussi de Cyrille à Jean d'Antioche, laquelle auoit esté ratifiee en la façon mesme que la precedente: & par ainsi il requit que haultement fust faite lecture desdites epistres. Et sur ce le conseil tenu, en fut enioincte la lecture deuant tous. Or la teneur de la premiere epistre estoit

*Epistre de  
s. Cyrille à  
Nestorius.*

telle: Cyrille à son compagnon Nestorius tres-religieux & deuot, salut. L'enten que quelques uns babillent & tiennent leurs contes, de la suspicion que j'ay conceüe touchant ta pieté & deuoir enuers Dieu: & mesme ne font autre chose qu'avec grande diligence chercher l'opportunité d'en communiquer avec les magistrats, & en quelques poincts tachent te flater & dire choses qui te plaisent. Et un peu plus outre il disoit: Parquoy le grand & saint concile dit franchement & declare appertement, celuy, qui naturellement est engendré de Dieu & du Pere, estre descendu, & estre Fils unique, vray Dieu du vray Dieu, lumiere de lumiere, & par lequel le Pere a créé & formé toutes choses, estre aussi incarné, & fait homme: qu'il a enduré passion, qu'il est resuscité le troisieme iour, & qu'il est monté au ciel. Ce que nous deuons suyure par doctrine aussi bien que par exemple, pensans en nous-mesmes que signifient ces paroles. Estre Dieu Verbe incarné, & fait homme: Car nous ne disons pas que la nature du Verbe transfuée soit faite chair, non plus qu'elle ait esté tournee totalement en homme qui consiste d'ame & de corps: mais plus-tost nous soustenons que selon la subsistence l'ame animee est vnue au corps raisonnable: Que le Verbe est fait homme d'une façon quel on ne peult dire ne penser, & est appelé Fils de l'homme. Et ce ainsi a esté fait, non pas selon la volonté & bon plaisir seulement, non pas aussi qu'il ait prins comme vne seule personne, ou que les diuerses natures se soyent accordees & assemblees en vne vraye & parfaite vnion: mais que Iesus Christ est fait un de deux natures: non pas que la diuersité des natures soit ostee par l'vnion & copulation, mais par ce que ces deux natures pluost d'un accord & rencontre ineffable avec l'vnité nous ont parfait & accompli de la diuinité & humanité un Seigneur & Christ, & fils. Et quelque peu apres, il escriuoit: Et d'autant que pour l'amour de nous & de nostre salut, il est procedé & yssu d'une femme, l'humanité luy estant conioincte & vnue selon la subsistence, aussi dit on qu'il est engendré charnellement (c'est à dire quant à la chair non par operatiō charnelle): Car il n'a pas esté engendré homme premierement de la sainte Vierge en la façon commune & accoustumee, & puis a esté fait Verbe & Fils de Dieu, mais le Verbe estât vny dès le vêtre mesme, il est dit estre nay charnellement, cōme

*Incarnation  
de nostre  
sauueur.*

s'appliquât proprement vne natiuité & naissance de la chair. Sēblablement nous disons qu'il a enduré & est resuscité en la façon mesme, nō pas que Dieu Verbe de sa propre nature ait souffert passion, ou receu quelques playes, ou blessures de cloux ou autres naureures (car la diuinité n'est point subiecte à perpeſſiō ou souffrance, pour aurāt qu'elle n'est pas corporelle) mais pour ce que le corps qui luy fut fait propre endura, de là est venu qu'on a dit que le Verbe mesme a enduré passio pour nous. Car iāçoit qu'il fut exēpt & libre de passion ou tolerāce, toutefois il estoit en un corps subiect & exposé à souffrance & endurement. Or quāt à l'autre & seconde epistre i'en ay par cy deuant inseré & couché par escrit en ce mien œuvre la plus grād' part: mais entre les autres choses il y a vne sentēce premierement alleguee & citee par Jean d'Antioche, mais depuis

*La passion.*

depuis

„ depuis bien approuuee par la voix & suffrage de Cyrille, qui dit ainsi : Nous confessons & af- *Epistre de*  
 „ fermons la sainte Vierge estre mere de Dieu, pour autant que d'elle, Dieu Verbe a esté fait chair *Cyrille à*  
 „ & homme, & d'elle mesme, voire de la conception il a prins & s'est vny, conioinct & adapté vn *Iean An-*  
 „ temple & corps. Or nous scauons que ces grands personnages ont amassé & cité des passages *tiochien.*  
 „ de l'Euangile & des Apostres touchant nostre Seigneur, partie communément, comme étant *La vierge*  
 „ d'une personne seule: partie aussi l'ont séparé & diuisé comme de deux natures: & les autres ho- *Marie mere*  
 „ norablement comme il appartient à Dieu, selon la diuinité de Iesus Christ: aucuns aussi mode- *de Dieu.*  
 „ stement & sans vehemence selon son humanité. A quoy il adioustoit encore: Nous auons con-  
 „ gneu pour tout vray par le texte des saintes escriptures que vous nous citez, que vous estes de  
 „ mesme opinion que nous: Car il n'y a qu'un Seigneur, vne foy, vn Baptême. Par ainsi nous  
 „ en rendons gloire & honneur à Dieu Sauueur de toutes choses, nous esiouissans & consolans  
 „ les vns des autres, que nos Eglises & les vôtres ensemble ont vne foy & credence bien d'accord  
 „ & conuenable aux escriptures diuinement inspirees, & à la tradition de nos saints Peres & de-  
 „ uanciers. Les actes du Synode font mention qu'apres la lecture des choses susdites, l'assemblée  
 „ s'escria de mesme voix, disant: Nous le croyons ainsi, le Pape Leon le croit ainsi: malediction à *Acclama-*  
 „ celuy qui diuise, entremesse & brouillasse: voila la foy de Leon souuerain Prelat, Leon le croit *tions de l'as-*  
 „ ainsi: Leon & Anatole croient en la façon: nous aussi le croyons tous de mesme accord: Cyril- *semblée.*  
 „ le a eu telle credence: la memoire de Cyrille est perpetuelle: les epistres de Cyrille enseignét  
 „ comme nous tenons: comme nous auons creu, & comme nous croyons: Leon aussi est de telle  
 „ opinion, il croit ainsi, il a ainsi escript. Adonc les Peres tindrent parlement pour faire lire l'epi-  
 „ stre de Leon en la forme qu'elle auoit esté traduite en Grec: & de fait le registre tesmoigne  
 „ qu'elle fut leue, & de mot à mot annexee & adiouste aux actes du Concile. Et apres la lectu-  
 „ re d'icelle, les Euesques donnans leur voix s'escrierent: Voila la mesme foy & credence des Pe- *Vocifera-*  
 „ res, voila la foy des Apostres: nous le croyons tout ainsi: nous vrais fideles & suyans la sainte re- *tions du Sy-*  
 „ ligion auons telle credence: malediction à celuy qui ne croit en telle maniere: saint Pierre a *nade en ap-*  
 „ ainsi escript & prononcé par Leon: les Apostres ont ainsi enseigné: Leon a enseigné fidelemēt *probation*  
 „ & selon la verité: Cyrille a donné tels enseignemens: Leon & Cyrille ont monsté mesme do- *de l'epistre*  
 „ ctrine: malediction à celuy qui ne croit ainsi: telle est la vraye foy: les fideles ont telle creden- *de Leon.*  
 „ ce, telle est la foy des Peres. Pourquoy ne fit on lecture de ceste epistre en Ephese? Dioscore la  
 „ recela & supprima. Il est mentionné es actes du Concile qu'apres que l'on eut recité & leu cer-  
 „ tain passage de l'epistre de Leon où estoient ces mots: (Et pour effacer la peine deuë à nostre na-  
 „ ture, la nature diuine s'est vnée & conioincte à celle qui estoit subiecte à perpeffion ou souffra-  
 „ ce, à fin que ce qui seroit proche & commode à nostre saluation, Iesus Christ moyenneur en- *1. Timot. 2.*  
 „ tre Dieu & les homes peut mourir de l'une, & de l'autre non.) De ce passage donc les Euesques  
 „ Illyriens, & semblablement ceux de la Palestine, furent en quelque differēt & debat. Mais Etie-  
 „ duquel nous auons parlé) Archediacre de la tres-sainte Eglise de Constantinople, produit &  
 „ cita vne pareille sentence & resolution de Cyrille, couchée en la forme qui s'ensuit: Car d'autāt *Heb. 2.*  
 „ que son propre corps par la grace de Dieu (comme dit saint Paul Apostre) goust la mort  
 „ pour tous, on dit que le Verbe mesme a enduré la mort pour nous, non pas qu'il soit tombé au  
 „ danger de la mort, quant à ce qui appartenoit à sa propre nature (car c'est à faire à vn estourdy *Quelques*  
 „ & homme fol, dire ou penser cela) mais (comme j'ay dit maintenant) par ce que la chair goust *Theologies*  
 „ la mort. Et de rechef pour vn autre poinct de l'epistre de Leon, où il estoit escript, Que l'une & *l'appellent*  
 „ l'autre forme opere avec la communion de l'une ce qui luy est propre: tellement que le Verbe *Communio*  
 „ fait ce qui est propre au Verbe, & le corps fait ce qui est propre au corps: ce qui est en l'un mi- *des proprie-*  
 „ raculeux: & en l'autre, chose abiecte & cōtumelieuse. Pour ce poinct dy-ie les euesques Illyriens *tez.*  
 „ & de la Palestine estans en doute & controuersé, Etie fit lecture d'un autre semblable passage  
 „ de l'epistre de Cyrille en telles paroles: Quelques mots & dictions sont grandement conuen-  
 „ ables & decentes à Dieu, les autres sont plus pertinentes à l'homme: aucunes finalement ont le  
 „ milieu ou sont indifferentes, & signifient le fils de Dieu estre homme aussi bien que Dieu. De-  
 „ puis encore les mesmes Euesques douterent aucunemēt d'un autre endroit de l'epistre de Leo,  
 „ dōt s'ensuyuet les propres termes. Cōbien qu'il n'y ait qu'une persōne en nostre Seigneur Iesus  
 „ Christ Dieu & homme: toutefois c'est autre chose de laquelle viēt iniure & cōtumelie cōmune en  
 „ tous deux, & autre chose de laquelle procede gloire cōmune: Car de nostre costé l'humanité en  
 „ luy est moindre q̄ le Pere, mais de la part du Pere il a egale diuinité que le Pere. Lors Theodo-  
 „ rit examināt ces paroles avec iuste balāce, proposa q̄ Cyrille auoit aussi dit de mot à mot ce qui  
 „ s'ensuit: Et estāt fait homme sans chāger ce qui luy estoit propre, ce qui estoit auparauāt demeura, si *Attique*  
 „ que l'un habita en l'autre, à scauoir, la nature diuine avec les hommes. Et sur ce poinct les grāds *Euesque Ni-*  
 „ Seigneurs & Princes interroguerēt, si l'y restoit encore quelque differēt à demeller. A quoy tous *capolitan*  
 „ les Euesques respōdirēt, qu'ils n'estoyēt en doute d'aucune chose. Et adōc Attique, Euesque de *redigea par*  
 „ Nicapolis, fit requeste à ce q̄ luy fust permis dedās quelques iours enregister par loisir & redi- *escri les ar-*  
 „ ger en forme de cōstitution & ordōnance le decret & arrest de Dieu & des saints Peres. Il de- *rests du cō-*  
 „ manda aussi le double de l'epistre de Cyrille enuoyée à Nestorius, en laquelle il admonnestoit *cile.*

# LIVRE XV. DE L'HIST. ECCLESIASTIQUE

*Les Princes  
president  
au Concile  
au lieu de  
l'Empereur.* d'accorder & donner consentement à ces douze articles & propositions, comme auoyent fait tous les autres. Et les Princes ayans parlementé & consulté ensemble luy donnerent delay de cinq iours, afin qu'il eust temps de conferer avec Anatole, Euesque de Constantinople. Ainsi les Euesques louerent avec heureuses acclamations telles ordonnances, donnâs tous leur voix l'un apres l'autre comme il s'ensuit: Nous le croyons en telle sorte: nous le croyons ainsi cômme Leô:

nous sommes de mesme aduis, personne d'entre nous n'en doute: nous auons tous soubigné. Puis apres fut dit: Il n'est ja besoing que tous nous assemblions: mais par ce que c'est chose raisonnable que la foy de ceux qui vacillent soit confirmée, Anatole tres-reuerend Euesque choisira & prêdra de ceux qui auront soubcrit, les plus idoines & capables pour enseigner ceux qui serônt en doute & different. Et adonc l'assemblée print la parole, disit: Nous requerôs des Peres qu'ils reuoyent au Synode les Peres qui en sont exclus, afin qu'ils confessent leurs fautes & demandent pardon à l'Empereur, comme Catholiques & vrais fideles, disâns: Nous auons tous offensé, nous requerons tous pardon. Lors le clergé de l'Eglise Constantinopolitaine s'escria disant, Bien peu reclamation: le Synode ne l'a pas dit. Et apres ceux de Constantinople, les Orientaux dirent, Que l'Egyptien soit chassé en exil. Et les Illyriens au contraire crioient: Nous supplions que l'Empereur face mercy à tous. Et les Orientaux, Que l'Egyptien soit chassé en exil. Et comme les Illyriens à l'opposite tous d'un accord faisoient tel bruit, ceux de Constantinople crioient, Que Dioscore soit enuoyé en exil, l'Egyptien soit banny, l'heretique soit exilé, Iesus Christ a degradé Dioscore. De rechef les Illyriens supplioient, Nous auons tous peché, faites pardon à tous, faites reuenir Dioscore en l'assemblée, restituez Dioscore en son Eglise. Et

*Sessio  
quatrieme.* en ces entrefaites ceste Session fut finée. Et en la Session prochaine, apres que par sentence interloquutoire des Senateurs fut ordonné que seroit faite lecture des decrets du Concile redigez en forme de constitution, le secretaire Constance se leua & recita de la minute ce qui s'ensuit:

*Sentence  
contre  
Dioscore  
& ceux de  
sa ligue.* Attendu que le Concile est assemblé, afin de mettre ordre & résolution à la vraye foy & Catholique, nous sommes d'aduis que cy apres sera faite & intentée encore vne plus parfaite & diligente enqueste & deliberation. Mais d'autant que Flauien Euesque de diuine memoire, & Eusebe aussi Euesque tres-religieux ont prouué qu'à tort & iniquement ils estoient condamnés tant par le tesmoignage des memoires & breuets des actes presentement leuz, que par le dire mesme & deposition verbale de quelques vns qui presiderent au Synode lors assemblé, lesquels ont confessé leur abus & erreur, & que sans raison ils auoyent degradé & osté la dignité à ceux qui ne s'estoyent esgarez & desuoyez de la foy: il nous semble tres-equitable, comme est tel le bon vouloir de Dieu (entant que nostre souuerain & tres-catholique Seigneur & Prince le trouuera bon & conuenable) que cet Dioscore, tres-religieux Euesque d'Alexandrie, & Iuuenal, tres-deuot prelat de Ierusalem, & Thalasse tres-reuerend Pere de Cesaree en Cappadoce, & Eusebe tres-religieux Pasteur d'Ancyre, & Eustace tres-deuot Euesque de Beryte, & Basile tres-religieux prelat de Seleucie en Isauire, lesquels lors presiderent à ce Synode doyuent estre punis de la mesme peine, à sçauoir, que selon les sacrez Canons ils soyent deschargez & degradez de la dignité Episcopale. Et quant aux autres qui ont suiuy leur autorité, nous en r'enuoyons la congnoissance à la diuine maiesté. Consequemment apres la lecture de quelques sentences, les Euesques assistans furent interrogez, si les epistres du Pape Leon estoient conformes à la foy des trois cens & dix-huict Peres, & à celle de cent & cinquante. Et lors Anatole, Euesque de Constantinople, & les autres presens respondirent que l'epistre dudit Leon estoit fort conuenable & consentant à l'opinion des peres sus mentionnez: tellement que tous incontinent la soubscriront & confirmeront du signet de leurs propres mains. Cela ainsi fait, l'assemblée vniuerselle

*Acclamations  
du  
consentement  
des Euesques.* s'escria & dit: Nous y consentons tous, tous nous l'approuuons, nous croyons tous mesme chose, nous sommes tous de mesme opinion, nous croyons tous ainsi, Que les Peres soyent restituez au Concile: ceux qui ont mesme credence que nous soyent r'appellez au Synode: Dieu doint longue vie à l'Empereur: ceulx qui consentent avec nous reuiennent au Synode: Viue l'Empereur beaucoup d'annees: nous auons tous soubcrit & accordé la foy: nous sommes de mesme opinion que Leon. Et sur ce point, fut rendue telle sentence interloquutoire:

*Sentence  
interloquutoire  
des Princes.* Ces choses bien entendues & meurement considerees nous en auons fait r'apport à nostre souuerain & tres-catholique Seigneur & Prince, de la pieté duquel nous attendons sentence & aduis. Mais vostre religion & deuoir que deuez à Dieu rendra compte de Dioscore, auquel vous auez osté la dignité sans le faire entendre à la maiesté Imperiale ny à nous: secondement des cinq pour lesquels vous auez faict prieres & requestes, & finalement de toutes choses faictes & executees en la presente assemblée. Les Euesques tous d'une voix approuuerent ceste sentence, disâns qu'à bon droit Dieu auoit degradé Dioscore, que iustement Dioscore estoit condamné, & que non sans cause Iesus-Christ auoit osté la charge & dignité à Dioscore. Et apres que la responce de Martien fut apportée, par laquelle il permettoit & donnoit pouuoir aux Euesques d'ordonner & decider comme bon leur sembleroit touchant ceux qui auoyent esté degradez, suyuant l'aduertissement que luy en firent les Princes, le Synode dit de mot en mot ce qui s'ensuit: Nous permettons qu'ils entrent: ceux là

*Les Euesques  
absolus  
hors mis  
Dioscore.* soyent

soient admis & receus au Synode qui sont de mesme opinion que nous : ceux là soient rédus au Synode, lesquels consentent avec le Synode : ceux là retournent au Concile qui voudront souscrire & accorder les epistres de Leon. Apres ce fut fait lecture des remonstrances presentees à Martien de la part des Euesques du diocese & prouince d'Egypte : lesquelles entre autres choses portoyent ces mots : Nous receuons & accordons ce que les trois cens & dix-huict Peres ordonnerent & publierent en la ville de Nice : excommunications & detestons toute heresie & peruerse opinion d'Arrius, d'Eunomien, de Manes & de Nestorius, ensemble de tous ceux qui soustiennent, que la chair & humanité de nostre Seigneur est venue & descendue du ciel, & non pas prinse de Marie, mere de Dieu & tousiours Vierge, à la semblance de nous tous, hors mis peché. Et sur cela toute l'assemblée print la parole, disant : Pourquoy semblablement n'ont ils en horreur & detestation la doctrine & opinion d'Eutyche ? Ils doyent aussi consentir & souscrire à l'epistre de Leon en excommuniant (avec malediction) Eutyche & sa faulx doctrine, il fault qu'ils admettent l'epistre de Leon : ils nous veulent deceuoir & abuser, & puis s'en aller. Lors les Euesques Egyptiens remonstrerent, que beaucoup d'Euesques estoient demeurez en Egypte, pour lesquels ils ne vouloyent s'obliger, ny faire bon, & de fait presenterent requeste au Concile, à fin de leur bailler delay iusques à la venue de leur Archeuesque & metropolitain qu'ils attendoyent de bref, duquel en tout & par tout ils vouloyent suyure l'aduis & autorité selon la coustume des Conciles : Car, disoyent ils, si nous entreprenons & sommes si outrecuidez d'arrester, consentir ou faire quelque chose de nostre fantasie, contre la volonté & opinion de nostre supérieur, nous serons mal-voulus des Euesques de la prouince : Et pour ce il y eut grand debat & contention meü entre eux & le Synode, de sorte que finalement à grand' peine leur fut octroyé delay, iusques à ce que leur fut deputé vn euesque. En apres, lon produit les requestes de certains moines, par lesquelles ils supplioyent & ne pretendoyent autres choses, qu'à n'estre contraincts de consentir & souscrire aucunes escritures tant que le Concile conuqué par l'ordonnance & mandement de l'Empereur fust assemblé entierement, & luy-mesme eust leu & approuué les decrets & arrests bien & deuement enregistrez. Apres la lecture desdictes requestes, Diogenes, euesque de Cyzique, descourrit & afferma que l'un d'entre ceux qui là se-  
stoyent presentez, nommé Barsumas, estoit celuy qui auoit esgorgé Flauien : car il auoit crié, Tuez le, tuez le : Mesme qu'à l'heure il n'estoit venu legitiment en l'assemblée, veu qu'il n'estoit inferé nommément en la requeste. Sur cela tous les euesques s'escrierent, que Barsumas auoit gasté toute la Syrie, suscitè & introduit tant de moines contre le Concile. Et quand l'assemblée eut proposé en deliberation & parlemēt, elle ordōna que ceux qui s'estoyent amassez, attēdroyent la conclusion & constitution Synodale : ce neantmoins ces moines persisterent en leur demande, à sçauoir : que fust fait lecture des requestes par eux dressees & exhibees, lesquelles tendoyent, en partie, à ce que Dioscore & les Euesques qui estoient avec luy fussent receus & admis au consistoire. Mais tous les Euesques Catholiques s'opposerent & les debouterent de leur demande, disans que Dioscore estoit excommunié : que Iesus-Christ auoit iustement degradé Dioscore : que les moines deuoyent estre renuoyez, qui l'on deuoit chasser ceux qui mespri-  
soyent le Synode, & repoulsent ceux qui auoyent voulu forcer le Concile. Au contraire les moines crioyent vengeance du tort & opprobre faits aux monasteres : Et comme ceux de l'assemblée persistoyent tousiours en leurs clameurs & oppositions, finalement par interloquution & appointement rendu, fut procedé à ce qui restoit de la lecture des requestes, où il estoit dit, que la dignité auoit esté ostee à Dioscore à tort & sans cause, que la question touchant la foy proposée & mise en auant deuoit necessairement estre espluchee & examinee plus diligemment, & que pour ce faire il estoit de besoing que Dioscore assistast au consistoire : sinon, ils dirent & protesterent qu'ils se defroqueroient, & qu'ils renonceroient à la cōmunion des Euesques qui là estoient assemblez. Cela entendu, Etie, Archediacre, leur vn Canon & ordonnance touchant ceux qui d'eux-mesmes se separoyent de la foy. Ainsi le discord estant excité entre les Euesques & les moines, desquels la plus part excommunioyent Dioscore & Euthyche, les autres y contreuenans, il fut appointé par sentence interloquutoire, que les prieres & requestes de Fautte & des autres moines, seroyent leuës manifestement à fin d'estre entendues. Or entre les autres choses elles tendoyent à ces fins, que ce fust le bon plaisir de l'Empereur ne receuoir & admettre les moines qui repugneroyent à la saine doctrine, du nombre desquels estoit Dorothee, qui mesme appelloit Eutyche, vray, fidele & bien sentant de la religion, tellemēt que par iceux furent produites, agitees & mises en deliberatiō par deuant les Princes, diuerses opinions touchant Eutyche. De là en apres, les Seigneurs proposerent en la cinquiesme session que les constitutions & ordonnances pour le fait de la foy estoient assez claires à tous. Lors Asclepiades, diacre de l'Eglise Constantinopolitaine se leua au milieu de l'assemblée, & leur le decret du Synode, que ie n'ay esté d'aduis reciter en cest endroit pour iustes causes : auquel (de vray) aucuns resisterent, mais la plus grand' part s'y accorderent. Or apres diuerses clameurs & vociferations tant d'un costé que d'autre, les Princes remonstrerent que Dioscore apportoit & disoit pour ses defences que Flauien auoit esté degradé à raison qu'il soustenoit deux natures en Iesus Christ, & de fait,

*Requeste  
de quelques  
moines.*

*Barsumas,  
meurtrier  
de Flauien.*

*Requeste  
contre Euthyche.*

*Session  
cinquiesme.*

*Pourquoy  
Dioscore fust  
condāné.*

# LIVRE XV. DE L'HIST. ECCLESIASTIQUE

que ces mots, de deux natures, se trouuoient au decret. Et sur ce point Anatole respondit, que Dioscore n'estoit pas condamné pour le fait de la religion, mais pour ce qu'il auoit excommunié Leon, & qu'estant cité par trois fois, il fit default. Et tout à l'heure les Princes enioingnèrent que les sentences de l'epistre de Leon fussent inferées au decret. Et les Euesques respondans qu'autre decret & formule de foy ne deuoit estre innouée, pour ce que la premiere estoit bien entendue & arrestee, le differrent en fut renuoyé par deuant l'Empereur. L'Empereur donc commanda que fussent elleuz & deleguez six Euesques d'entre ceux d'Orient: trois du diocèse & prouince Pontique: trois d'Asie, semblablement trois de Thrace: & trois aussi d'Illyrique, & qu'auec eux assistassent les deputez & ambassadeurs de Rome, & Anatole: lesquels tous assemblez au temple de la notable sainte Euphemie, constitueroyent droitement vne confession de foy: ce qui fut ordonné, ou à fin que chacun d'eux declarast sa foy: ou bien que le Synode seroit transporté en la partie du monde Occidentale. Iceux donc interrogez à fin de deposer, ou s'ils vouloyent suyure & estre d'opinion avec Dioscore, qui faisoit confession que Iesus-Christ estoit de deux natures, ou avec Leon qui enseignoit que les deux natures estoient vnies & assemblees en Iesus-Christ: ils protesterent qu'ils vouloyent croire avec Leon, & maintindrēt ceux qui croyoyent ou sentoient autrement estre Eurychianistes. Ainsi les Princes firent commandement d'adiouster au decret ceste clause, Qu'en Iesus-Christ (selon l'opinion de Leon) sont vnies & conioinctes les deux natures, lesquelles ne peuuent estre changees, diuisees, ny entremeslees. Encore les Seigneurs avec Anatole & les ambassadeurs de Leon, estans entrez au temple de sainte Euphemie, auquel estoient aussi Maxime d'Antioche, Iuuenal de Ierusalem & Thallasse de Cefaree, d'où ils furent dechassez tout soudain, publierent & leurent le decret & arrest du Concile en telle forme: Notre Seigneur & Sauueur Iesus-Christ, & ce qui s'ensuit; comme nous l'auons inferé au discours de l'histoire. Apres cela quand tous d'un commun consentemēt l'eurent accordé, s'escriās: Voylà la mesme foy des Peres: Que les metropolitains & superieurs la soubsignēt de leurs mains, c'est la vraye foy des Apostres à laquelle nous consentons & l'accordons en telle sorte. Les Princes ayans parlemēt ensemble, responderent qu'ils feroient rapport à la sacree maiesté de l'Empereur de ce que les Peres auoyent conclu & arresté. Martien assista à la sixiesme session & premierement fit vne harangue aux Euesques touchant la paix & vñion de la vraye foy & religion Catholique. Et tost apres à son commandement Etie, Archediacre, leut le decret & decisiō de la foy que chacun des Euesques accorda & soub-scriuit de son feing manuel. Et ce fait, l'Empereur s'enquesta si tel arrest & constitution n'estoit pas escrite & enregistree par le commun consentement de tous: dequoy tous l'assurerent par heureuses acclamations. Et de rechef il fit encore vne oraison laquelle fut grandement louee de tous. Et sur ce fait, par son ordōnance establirent les canōs & reigles Ecclesiastiques, & cōstituerent loix, droits frāchises à Calcedone, ville metropolitaine. Outre plus, commanda aux Euesques de delayer & attendre trois ou quatre iours, & que chacun s'apprestast pour puis apres respondre ce que bon luy sembleroit, à fin qu'en la presēce des Princes il en fust determiné. Et en telle maniere fut leuee & print fin ceste session. Et depuis s'en assemblea vne autre en laquelle furent composez & ordonnez les canons. Quelques temps apres il s'assemblerent de rechef en vne autre session, à laquelle assisterent Maxime d'Antioche & Iuuenal de Ierusalem ensemble avec des autres. Et là fut arresté que l'une & l'autre Phenice, & Arabie mesme porteroient obeissance à l'Euesque d'Antioche, & que les prouinces de la Palestine aussi seroyent subiectes au Prelat de Ierusalem. Ce qui fut estably & arresté tant par les Euesques que par les Princes. En la session neufiesme ils traiterent du fait de Theodorit, Euesque de Cyr, lequel se leuant debout detesta avec execratiō & condamna Nestorius, disant: Malediction à Nestorius, & à celuy qui n'adiouste foy & ne croit, que la sainte Vierge Marie, soit mere de Dieu, & qui diuise & separe vn seul Fils vniqū en deux. D'auātage l'accorde le decret & consens à l'epistre de Leon. Et par tel moyen il receut son siege du consentement de tous, & fut restitué en sa dignité. Encore en vne autre assemblee, Ibas, Euesque d'Edesse, impetra per sa requeste qu'il seroit aduise & delibéré touchant son fait. Et qu'ainsi soit, fut recitee son epistre que Phocie, Euesque de Tyr, & Euslacede Beryte auoyent oppugnee & debatue en iugement. Mais la resolution & decisiō du fait fut renuoyee & remise à la prochaine session: laquelle estoit assemblee (qui fut l'onzieme) aucuns des Euesques qui là se trouuoient en grand nombre, estoient d'opinion qu'Ibas deuoit estre seulement simple prestre, mais les autres arresterent par leur iugement qu'il demeureroit en sa dignité Episcopale, & disoyēt que mesme ses aduersaires estoient dehors à la porte, & demādoient permission d'entrer. Là en pleine assemblee fut recité ce que de luy auoit esté conclud & ordonné. Or les Princes estoient d'aduis & vouloyent faire lire ce que mesme en auoit esté decreté en Ephese: mais les Euesques firent entendre que desia il estoit decidé par iugement & arrest, que les choses faites & determinées au Synode d'Ephese, seroyēt nulles & du tout sans effect, hors mise l'electiō de Maxime, Antiochien, seulement. A cause dequoy, ils presenterēt requeste à l'Empereur, à fin qu'il ordōnast que nulle des choses qui seroyent passées & traictées en second lieu à Ephese, eust lieu & fust gardee, sauf le Synode qui premierement y fut congregé & assemblé, estant president saint

Deux natures en vn seul Iesus-Christ.

Sixiesme session.

Septiesme session.

Huitiesme session.

Neufiesme session. Theodorit restitué en son entier.

Dixiesme session.

Onzieme session.

Abolition des decrets du dernier concile d'Ephese.



sainct Cyrille, prelat d'Alexandrie. Et cela dit & conclud, Ibas par arrest & ordonnance du Concile fut restitué en son Euesché. Apres, en la session douziesme ils traicterent des affaires de Bassien, Euesque d'Ephese, & tout sur le champ fut ordonné qu'il se deporteroit de la charge d'Euesché, & qu'Estienne la receuroit. Ce que mesme fut confirmé en vne autre assemblee. En la treziesme fut proposé & estainct le different entre Eunomien de Nicomedie, & Anastase de Nice, lesquels estoient en debat & dispute touchant les limites & estendue pour l'administration de leurs provinces & dioceses. Aussi fut assemblee vne quatorziesme session, en laquelle ils disputerent encore du fait de Bassien Et en fin finale par arrest du Concile fut octroyé & confirmé ce droit & autorité au siege de Constantinople, qu'il auroit tout le premier lieu apres le siege de Rome. Et ainsi fut terminé & conclud le Concile.

*Donziesme session. Bassien de- pose de son Euesché. Session treziesme. Session quatorziesme.*

## FIN DV QVINZIESME LIVRE DE l'histoire Ecclesiastique de Nicefore.



# LIVRE SEIZIESME DE l'Histoire Ecclesiastique de Nicefore, fils de Calliste, Xanthoupolis.

*De l'Empire de Zenon, lequel à cause qu'il estoit indocte, mal apprivs, & de vie fort dissolue, perdit beaucoup de places de l'Empire Romain.*

### CHAPITRE PREMIER.



Oubs Martien & Leon, Empereurs fideles, & Catholiques, les choses Ecclesiastiques se comporterent & passerent ainsi que nous avons déclaré par cy devant: Mais Zenon qui leur succeda estant parvenu à la couronne iugea en soy-mesme qu'autrement ne pourroit bien gouverner & conduire à bonne fin l'administration de l'Empire, si tant que possible luy seroit ne s'addonnoit à tout genre de voluptez & plaisirs, lesquels il fut tant corrompu & gâté dès le commencement, que rien ne pouvoit empêcher aucunement ny cohiber son meschant vouloir & appetit abandonné à si detestables & ordes vilenies. Car il se souilla de paillardises des-honnestes qu'il pensoit chose vile & indigne de la grandeur d'un Empereur, s'il cōmettoit ces meschancetez secretement dans son palais: mais au cōtraire reputoit acte genereux & appartenant à un Prince & grand Seigneur, si publiquement sans se cacher en la presence de chacun il abusoit de ses enormitez sans aucune honte: Chose toutefois qu'il cuidoit trop servilement, & avec grand danger de sa personne. Car i'auseray dire & affermer que l'Empereur qui est dispensé & non subiect aux loix, & vit à son plaisir sans estre reprins, n'est pas estimé tel pour avoir commandemēt sur autrui, mais plustost celuy qui exerce la puissance en soy mesme, regeant & subiugant ses passions, & ne permet que quelque concupiscence se campe & prenne lieu en la pensee: donc il aduient que demeurant victorieux contre toute vilenie & meschanceté & exempt de paillardise, attire comme quelque viue effigie & pourtrait de vertu, tous ses citoyens & subiects à son imitation. Zenon donc estant addonné à tant de voluptez & delices, ne consideroit pas (comme il me semble) qu'il seruoit & suyuoit vne condition la plus servile & estrange de toutes, à cause que des moments, & de temps en autre, il estoit tousiours induit

*Zenon, Empereur vicieux.*

*Quel est le vray Empereur.*

# LIVRE XVI. DE L'HIST. ECCLESIASTIQUE

petit à petit de mal en pis : tout ne plus ne moins qu'un esclave ou serviteur inutile, qui de iour en iour change de maître. Et certes il avoit les voluptez pour dames & maîtresses, en plus grand nombre que lon ne pourroit pas compter, d'autant que les meschancetez succedantes les vnes aux autres, jamais ne luy permettoient trouver la fin de ses desirs : & que les aïes & esbars auxquels il se laissoit aller pour le present, jamais ne s'arrestoyent, mais estoient comme source & commencement ou aiguillon d'un autre plaisir qui devoit survenir, & attiroient & allichoyent tousiours autres pires meschancetez. Ce qui aduient ainsi & s'augmente necessairement iusques à tant que quelqu'un devienne vray Empereur, qui domte si bien & renger captives sous les refnes de raison les voluptez turbulentes, que puis apres il puisse leur commander, & non pas defaillir, perdre courage & succomber à leur tyrannie & cruauté. Autrement estant amorcé & appellé de menus plaisirs & volonteis desordonnees qui luy accroistront & augmenteront tacitement, ou attraiect de voluptez & appetits charnels, servira tousiours miserablement & sera subiect iusques au dernier point de sa vie à une maîtresse vilaine & mauuaise, tant que finalement il soit liuré aux supplices & peines infernales. Or tel fut Zenon tout incontinent & dès qu'il entra au gouvernement de l'Empire, homme desordonné, dissolu, intemperant & corrompu. Enquoy il ne rendit par bonnes œuvres l'honneur deu à celui qui l'auoit chargé de telle dignité, de laquelle par mauuaise administration il s'acquitta fort mal. Et pourtant tous les peuples de sa domination en Orient & Occident furent grandement affligés : tellement que les Agarées (peuple qui auoit prins son nom d'Agar) firent merueilleux degast & vastation en Mesopotamie. Les Hunnes aussi, lesquels parauant estoient appelez Messagetes, ayans trauersé la riuere d'Ister avec si grande multitude de gens qu'ils estoient innombrables, voltigerent sans aucun empeschement ou resistance par tout le pays de Thrace. Et si quelque chose demeura de leur pillage & rapine, Zenon l'vsurpa & emporta puis apres, y faisant choses plus estranges que les Barbares, en guerre ouuerte. Et encore non seulement endommagea il les pays loingtains, mais aussi destruit & causa la ruine de sa maison par absurdes & vilaines voluptez.

*Les Agarées  
gaster Mesopotamie,  
& les Hunnes Thrace.*

*De la tyrannie de Basiliſque, qui despoilla Zenon de l'Empire. & comme Timothee elure  
& Pierre Cnaphée, ayans rescous les sieges de leurs Eueschez,  
tascherent oppugner le quatriesme Concile.*

C H A P. I I.



*Zenon fugi  
tisen Isaurie.*

*Tyrannie de  
Basiliſque.*

*.. Ou plu-  
sost Leonce,  
comme cy  
apres au  
chap. 13.*

*Timothee  
Elure reuo-  
qué d'exil.*

*Acacie, E-  
uesque de  
Constanti-  
nople.  
Cnaphée  
reuoqué  
d'exil.*

Velque peu de temps apres, Basiliſque, frere de Verine Auguste, luy fit la guerre : mais Zenon n'ayant l'esprit appliqué à choses vertueuses & bien seantes à un Empereur, ains plustost à ie ne ſçay quoy vile, abiect & des-honneste (car c'est une chose totalement des-esperée, & en laquelle n'y a aucune certitude, que le meschant addonné à paillardise, lequel demontre assez son lasche cœur & effeminé en ce qu'il se rend subiect & vaincu aux voluptez) & se soupçonnant de quelque trahison de la part de Verine, se retira legerement, nonobstant que la tempeste luy fut cōtraire, en la region d'Isaure, où il mena avec soy Ariadne (laquelle s'en estoit fuyee d'avec sa mere) & aucuns de ses plus fideles seruiteurs. Ce pendant Basiliſque enuahit & occupa l'Empire, comme quelque despouille, sans effusion de sang ny effort d'armes : & s'empara luy mesme de la couronne Imperiale, & esleut & ordonna Cesar son fils, nommé Marc : & ce fait, enuoya grosse armee sous la conduite de Ille & .. Traconce pour assieger Zenon en Seleucie, ville du pays d'Isaurie, en laquelle tout ainsi que premierement il y fut né & mis au monde, aussi pour lors fugitif y estoit cache. Et quand il eut mis tel ordre à ses affaires qu'il les peſoit bien assurez, moins tint il de compte des loix, & moins voulut y obeir. De sorte qu'il ayroit quasi mieux ne point dominer ny auoir charge de l'Empire, s'il ne conduisoit la chose publique tout au rebours de Leon & de ceux qui parauant l'auoyent gouvernee. Sa femme qui auoit nom Zenone, laquelle depuis il surnomma Auguste, l'incitoit fort à telle tyrannie : à la suasion de laquelle il print les armes contre la professiō de la foy & religiō Catholique. Car premierement à la poursuyte de quelques ambassadeurs enuoyez d'Alexandrie, il fit reuenir d'exil Timothee Elure, où il auoit vescu l'espace de dix huit ans : lors qu'Acacie, Orphanotrophe & gardiē des orphelins, estoit chef de l'Eglise Constantinopolitaine, en laquelle il entra apres le grand Genadie. Elure dōc print son chemin droit en la ville Imperiale, où il entra en pompe magnifique, ayant grand fuyte de gens dissolus : & sortant du palais Imperial, monté sur une mule alloit au temple pour faire supplications ou processions : mais par cas fortuit sa beste cheut, & luy ayant le pied rompu, se retira de là avec honte. Basiliſque semblablement reuoqua Pierre Cnaphée du monastere des Insomnes ou veillans, où il s'estoit caché : & conféra de rechef le throne Episcopal d'Alexandrie à Elure, & celui d'Antioche à Cnaphée, en dechassant Timothee qui auoit succédé à Proterie, & le saint Calandion. Et tout aussi tost qu'ils furent restituez en leurs sieges, ils

ils condamnerent avec puissance d'armes & excommunierent le quatriesme Concile. Outre, Basilisque bailla grande licence & abandon à plusieurs autres, lesquels il scauoit estre assez puissans pour resister & repugner aux opinions Ecclesiastiques. Mais quant à Elure & Cnaphée, estans encore à Constantinople, deuant que de rentrer en leurs sieges Episcopaux, ils persuaderent à Basilisque d'enuoyer lettres, appellees Circulaires, à tous les Euesques, par lesquelles ils condamnerent par sentéce d'excommunication le Concile de Calcedone, & le libelle ou section de Leon. En quoy leur voulant obeyr sans estre pressé d'auantage, escriuit lettres en la forme qui s'ensuit :

*« se retira legerement &c. ) Zenon estant vaincu avec les siens, se sauua du mieux qu'il peut en un chasteau, situé sur une montaigne, que les habitans du pays appelloient Constantinople. Parquoy avec grands gémissemens dit à ses compagnons : Dieu se moque bien de l'homme, qui m'a ainsi deceu, car ayant consulté les deuins, ils me respondirent que sans faulte nulle ie serois necessairement à Constantinople en ce mois de Iuliet. Or i'entendois la ville de Constantinople : mais estant fugitif & delaisé de tous, j'occupe miserablement ce chasteau de mesme nom que la ville. Suidas.*

*Lettres de Basilisque, appellees Circulaires, escrites à la suscitation de Timothee & de Pierre, contre le saint quatriesme Concile.*

CHAP. III.

**L**'Empereur Cesar Basilisque, debonnaire, victorieux, triomphateur, souverain, tousiours honorable Auguste : & Marc, tref-illustre Cesar, à Timothee, tref-religieux & bien aymant Dieu, Archeuesque de la grande ville des Alexandrins, & à tous les prestres de Dieu qui sont tant es parties Orientales qu'Occidentales, salut : Ce n'est nostre intention ny volonté que les loix & ordonnances quelconques que les Empereurs tref-Catholiques nos predecesseurs, qui ont eu en grande reuerence & recommandation la sainte & immortelle Trinité, ont fait publier selon la vraye foy & Apostolique, comme salutaires & profitables à tout le monde, soyent aucunement supprimees, enfraintes & abolies : mais aussi nous les publions, ratifions & voulons estre maintenues & obseruees come nos constitutions propres. Et comme ainsi soit que nous preferions la vraye pieté, religion & ardent zele & amour enuers Dieu & nostre Sauueur Iesus-Christ, qui nous à creéz & formez, & esleuez à si grand honneur & dignité, à toutes intentions, estudes & affaires humaines : & mesme que nous croyons pour certain la conionctio, paix, amitié & concorde du troupeau de Iesus-Christ, salutaire tant à nos citoyens qu'à nos subiects estre le ferme fondement & establisement, ou plustost muraille inexpugnable de nostre Empire : nous pour bonne cause meus & incitez de bon zele & entiere volonté, desirans offrir l'union de la sainte Eglise du ressort de nos terres & seigneuries, comme primices à Dieu & à nostre Sauueur Iesus-Christ, auons ordonné & ordonnons que le ferme fondement & point principal de la felicité humaine, à scauoir, le seul symbole des trois cens & dixhuiet saints Peres, lesquels iadis furent congregez à Nice, au nom du saint Esprit, en vne assemblee & synode Ecclesiastique, en la confession duquel nous & tous nos ancestres auons receu en certaine foy le saint Baptisme, aist leu, & soit maintenu en toutes les saintes Eglises de Dieu, & par le peuple fidele, & bien sentant de la foy, vsurpé, cité & allegué : pour ce qu'iceluy seul contient l'authorité, exéple, tesmoignage & decret de la vraye & pure foy, & est assez suffisant & valable, tant pour abolir toutes les heresies en general, que pour reünir, accorder & entierement pacifier les saintes Eglises de Dieu. Nous entendons aussi que les choses traitées & passées en ceste ville Imperiale, par les cent & cinquante saints Peres, à l'encontre de ceux qui blasphemoyent contre le S. Esprit, & d'auantage ce qui a esté ordonné & conclud en la ville capitale des Ephesiens contre ce meschant Nestorius & ses sectateurs, ayent force & seruent de confirmation à ce S. Symbole. Mais quant à ce qui trouble l'union & bon ordre des saintes Eglises de Dieu, la paix & tranquillité de tout le monde, à scauoir, la section de Leon, & tout ce qui a esté fait & dit nouvellement à Calcedone par forme & decret de foy, ou publication de Symbole, ou exposition, ou doctrine, ou dispute contraire à ce Symbole que nous auons dit des trois cens & dix-huiet saints Peres, nous mandons & ordonnons que del'autorité des saints Euesques quelque part où ils puissent estre, soit excommunié, condamné & mis au feu, icy & par tout, & par deuers quelque personne où il sera trouué : & pour autant que cela ainsi a esté aussi arresté touchant les heretiques & toutes faulces doctrines par Constantin & Theodose second, Empereurs qui nous ont precedez, & maintenant sont en heureux repos. Ces choses donc soyent ainsi cassées, abolies & retranchees de ceste Eglise, qui est vne & seule Catholique, Apostolique & fidele, come celles qui troublent & rompent les decrets inuiolables & salutaires des trois cens & dix-huiet

*confirmatiō  
du symbole  
de Nice.*

*Les decrets  
du concile  
de Constantinople &  
d'Ephese  
approuuez.  
Le tome six  
section de  
Leon, & les  
decrets de  
Calcedone  
reprouez.*

# LIVRE XVI. DE L'HIST. ECCLESIASTIQUE

L'empereur  
censure le  
concile de  
Calcedone  
de l'autho-  
rité des E-  
uesques ca-  
tholiques.

Toutes here-  
ses sont co-  
damnees.

Le tyran  
Empereur  
commande  
aux Eues-  
ques de co-  
damner le  
S. Concile de  
Calcedone.

saincts & bien-heureux Peres, & aussi des cent & cinquante qui ont publié la profession tou-  
chant le Sainct Esprit, & encore de ceux qui s'assemblerent en Ephese: De sorte que nous  
ne voulons aucunement qu'il soit permis & licite ny à prestre, ny à seculier, ou personne quel-  
conque de menu peuple, violer, diminuer ou enfreindre la diuine constitution du saint Symbo-  
le. Mais encore d'auantage avec tout ce qui a esté innoué à Calcedone contre ce sacré Symbo-  
le, nous censurons & commandons de censurer, defendre & condamner l'heresie de ceux qui  
ne confessent le Fils de Dieu vnique, estre vrayement incarné & fait homme, & engendré du S.  
Esprit, & de la pure & tousiours vierge Marie, mere de Dieu, mais iasent prodigieusement &  
veulēt maintenir ou qu'il est venu du ciel, ou qu'il est reputé hōme par fantasie & imagination:  
& finalement toute heresie & autre chose qui en quelque temps, maniere & lieu que ce soit a  
esté inuentee & innouee par le monde vniuers, ou de fait ou de pensee contre la doctrine de ce  
sainct Symbole. Voire mais pour ce que c'est chose fort conuenable à la prouidence Imperiale  
non seulement auoir esgard au temps present, mais aussi pourueoir à l'aduenir, & par songneuse  
deliberation regarder & entendre au repos & tranquillité des citoyens & autres subiects, nous  
auons arreēt & arrestons que les tres-saincts Euesques là part qu'ils soyent, apres la publicatiō  
de ces presentes lettres circulaires, que nous voulōs estre inuiolablement gardees, les soubsigne-  
ront & accorderont, & par paroles disertes & expresses declareront qu'il fault consentir au seul  
diuin Symbole des trois cens & dix-huict saincts Peres, que les cent & cinquante saincts Peres  
aussi ont confermé & ratifié de leur autorité, comme depuis encore ont fait les Peres Catho-  
liques assemblez en la principale ville d'Ephese, & en vertu de leur decret ont ordonné & esta-  
bly qu'il estoit seant de consentir au seul Symbole & saint arrest de la foy des trois cens & dix-  
huict Peres. Nous voulons aussi & nous plait qu'iceux Euesques condānent par sentence d'ex-  
communication tous les actes du concile de Calcedone, les retrenchent & ostent totalement  
des Eglises comme erronees & scandaleux aux peuples fideles, & empeschemēs de nostre felicité  
& repos de tout le monde. Et quand à ceux qui apres ce nostre diuin escrit que nous nous per-  
suadons & tenons pour certain auoir esté publié selon le vouloir de Dieu, pour reconcilier &  
moyenner la paix & vnion de la sainte Eglise d'iceluy, ainsi que chacun le desire, auferont & en-  
treprendront ou par disputes, ou par presches, ou par escrits en quelque temps, lieu & maniere  
que ce soit, amener & citer les choses innouees à Calcedone contre la foy, ou seulement les nō-  
mer & en faire quelque mention: nous mandons & commandons suyuant les constitutions or-  
dōnees & publiees en semblable cas par nostre deuācier Theodose, qui est en saint & heureux  
repos, attachees à ce nostre present escrit, qu'ils soyent degradez & deposez de leurs dignitez  
s'ils sont Euesques ou clercs, & s'ils sont moines ou seculiers qu'ils soyent bannis, tous leurs  
biens confisquees, & eux punis d'extremes supplices, comme rebelles & auteurs de troubles &  
seditions es saintes Eglises de Dieu, qui sont du ressort de l'Empire Romain. Ce faisant, la sain-  
cte & Consubstantielle Trinité, laquelle tousiours nous auons adoré, comme celle qui a creé  
& viuifié toutes choses, celle encore que nous auons honoré par l'abolition & extirpatiō des  
perueres heresies & sinistres opinions cy dessus mentionnees, & par la confirmation des bon-  
nes & Apostoliques traditiōs du saint Symbole, sera placable & propice à nos ames & à tous  
nos subiects, & pacifiant tous troubles & esmotions humaines demeurera avec nous perpe-  
tuellement.

De ceux qui soubsignerēt & accorderent les lettres de Basilisque: & l'Epistre des Euesques d'Asie,  
par laquelle ils taxoyent le saint quatriesme Concile.

## CHAP. I I I I.

Escrits des  
Euesques  
d'Asie as-  
semblez en  
Ephese à la  
louāge des  
lettres cir-  
culaires de  
Basilisque.



On seulement Timothee & Pierre (desquels nous auons parlé) consen-  
tirent à ces lettres vniuerselles, mais aussi Anastase, lequel tint le siege  
Episcopal de Ierusalem apres Iuuenal, sy accorda facilemēt & les soub-  
scrit avec plusieurs autres Euesques des Eglises, qui n'estoyent guere  
moins de cinq cens, lesquels tous repudierēt la sectiō de Leō & le cōcile  
de Calcedone. Ce que nous declaire estre vray le memoire escrit par les  
Euesques d'Asie, assemblez en Ephese, qu'ils enuoyerent à Basilisque,  
duquel s'en suit la copie de mot en mot: A nos Seigneurs tres-catholi-  
ques & tres-chrestiens Basilisque & Marc, tousiours victorieux & Au-  
gustes. Et vn peu apres ils escriuoyent: Chacun a peu veoir & congnoistre, Princes tres-chre-  
stiens & tres-fideles en toutes choses, que fort bien & de bon zele vous auez leué guerre contre  
la foy estrange & erronee. Et apres autres propos semblables ils adioustoyent: Il est tout noto-  
re que quelque iugemēt terrible, qui leur est eminēt & les poursuit de pres, que l'ardeur & pu-  
nition du feu diuin, & la iuste colere de vostre serenité fera tomber vos aduersaires deuant vos  
pieds: lesquels par poursuites de vengeance effrontees aulent assaillir & se prendre à Dieu tout  
puissant,

puissant, & à vostre Empire estably & confirmé par la foy:mesme n'espargnans nostre petitesse tousiours nous taxent par leurs calomnies & fauses mengeries, comme si nous eussions esté contraincts par force ou certaine necessité soussigner & accorder vos lettres diuines & Apostoliques:combien certes que nous l'ayons fait avec toute ioye & gayeté de cuer. Et encore plus outre ils disoyent: Parquoy gardez vous bien de proposer, publier, ou mettre en auant autres constitutions que vos saintes lettres circulaires: autrement soyez asseurez,comme nous auons dit, que de rechef tout le monde sera renuersé & opprimé de troubles, & que les maux qui sont venus au moyen du Concile de Chalcedone sembleront petits & legers au respect des autres, combien qu'ils ayent causé meurtres infinis, & fait espandre iniquement & meschamment le sang des vrais fideles. Puis apres ils concluoyent: Nous attestons deuant nostre sauueur Iesus Christ que vostre pitié en demeurera libre, deschargée & innocente, à laquelle nous requérons que iuste, canonique & Ecclesiastique sentence de condemnation & degradation soit renduë contre telles personnes, & principalement contre celuy qui est surprins & trouué gouerner l'Euesché iniustement & à tort en la ville Imperiale.

*Des Eutychiens, & quelles responses leur fit Timothee: de Paul Euesque d'ephefe, & de la prerogative du patriarchat de ladicte ville, que luy osta le quatriesme Concile, & que Timothee restitua.*

CHAP. V.



**Z**ACHARIE fait mention qu'apres la publication de ces lettres appellees Circulaires, ceux qui s'amusoient & suyuoient la resuerie d'Eutyché, & opinion de quelques moines, soudainement se retirerent par deuers Timothee, comme, si & par les escripts mentionnez, & par la dignité qui sans qu'il y pensast luy fut renduë, grand profit & commodité leur fut aduenü: tellement qu'ayans parlementé avec luy & entëdu pour respõse que le Verbe de Dieu nous estoit consubstantiel selon la chair & humanité, & consubstantiel au Pere quant à la diuinité, ils s'en retournerent en leurs monastieres. Le mesme Zacharie recite que Timothee sortant & descendant de la ville comme pour nautiger & prendre son chemin droit en Alexandrie, aborda & print port en Ephese: & y restitua Paul au siege Episcopal, lequel combien que parauant eut receu la consecration des Euesques prouinciaux à la mode accoustumee d'ancienneté, toutesfois en auoit esté despouillé:mesme qu'il rendit & restitua à la ville des Ephesiens les anciens droicts, franchises & priuileges touchant le Patriarchat, desquels le concile de Calcedone les auoit priuë: & que ces choses ainsi faictes en Ephese, il passa outre en Alexandrie: auquel lieu de premiere entree il persuada à toutes personnes de condamner & detester le concile de Calcedone, comme j'ay dit par cy deuant. Plusieurs aussi luy resisterent & tindrent bon, & quelques autres se reuolterent & abandonnerent sa faction, & entre les autres ce Theodote qui estoit l'un de ceux qui furent consacrez par Theodose de l'oppe: lequel estoit celuy qui comme brigant occupa tyranniquement l'Euesché de Ierusalem, pendant que Iuuenal estoit à Byzance.

*Les Eutychiens d'Egypte louët les entreprises d'Eulure.*

*Paul reconure son Euesché d'Ephese par le moyen d'Eulure.*

*Comme Acacie Constantinopolitain, & Daniel columelle persuaderent à Basiliſque contremauder lettres contraires aux precedentes pour la defense du concile de Calcedone.*

CHAP. XVIII.



**A**PRES que Basiliſque eut ainsi conduit les affaires susdits, il voulut semblablement contraindre & forcer Acacie à fin de recevoir & admettre ses lettres patentes, & de supprimer & blasmer le concile de Calcedone, veu que desia les auoyent accordez trois grands throsnes & Eueschez. Mais le bruit est qu'il print la matiere si à cuer & fut si desplaisant qu'il se vestit de dueil, couurit & para son siege & le plus saint & maiſtre autel du sacrifice, de drap noir. Et depuis ayât amassé le menu peuple & l'ordre des moines de Constantinople, il resista fort vaillamment à ce Tyran. Auquel tēps aussi ce grād personnage Daniel descēdit de dessus sa colōne, & avec Acacie fit assembler les estats Ecclesiastiques. Ce pendāt Basiliſque craignant l'emotion du peuple, sortit de l'Eglise, & se serra en sa maison Imperiale, & fit signifier au Senat qu'il n'eust à molester ou ennuier Acacie, pour autāt que ce peuple estoit tout prest de mettre le feu en la ville. Et quant à Daniel estant accompagné de bonne multitude du commun, & grand nōbre de moines, se retira par deuers le Tyrā, & deuāt luy en presence de tous souſtint & disputa hardiment & sans crainte de la vraye religiō. Parquoy cōtrainct par remōſtrāces d'Acacie & de

*Acacie, Daniel Columelle & le peuple de Constantinople resistent à Basiliſque & resistent ses lettres.*

T T

## LIVRE XVI. DE L'HISTOIRE ECCLESIASTIQUE

*Basilisque  
fait pu-  
blier let-  
tres con-  
traires au pre-  
mieres pour  
la defense  
du concile.*

Daniel, il renonça & supprima ses lettres precedentes, & fit vn edict par lequel il les suppri-  
moit, abolissoit & annuloit totalement cōme subreptices & impetrees cauteleusement, & l'en-  
uoya pour publier par tout le monde pour la defense du concile de Calcedone, au contraire de  
la precedente constitution portee par ses lettres patētes & vniuerselles. Au reste, Zacharie qui  
poulsé de quelques affections a recité amplement tout le fait, a obmis à descrire en son histoire  
les lettres patentes & generales contraires aux premieres, lesquelles i'ay recourrees en quelque  
part, & les adiousteray en cest endroit. S'ensuit donc la copie d'icelles.

*Lettres patentes de Basilisque contraires aux precedentes.*

CHAP. VII.



Basilisque & Marc Emperours Cefars, salut: Comme ainsi soit que la vraye foy  
Apostolique dès le commencement ait tousiours esté gardee es Eglises Catholi-  
ques iusques à nostre temps, & encore sous nostre Empire est maintenue & ap-  
prouuee, & le doit estre perpetuellement, en laquelle aussi nous sommes bap-  
tizez & la croyons fermement: nous voulons & ordonnōs qu'icelle mesme tien-  
ne lieu seule & soit tousiours obseruee sans estre violee, enfreinte ou diminuee,  
& qu'ainsi retenue soit celebree & exercee sans intermission en toutes les Eglises Catholiques  
& Apostoliques des vrais fideles, sans chercher, doubter ny enquerir d'autre chose. Et pour ces  
causes nous faisons commandement que tout ce qui a esté publié par cy deuant durant nostre  
Empire, soyent lettres appellees Circulaires ou autres escripts quels qu'ils puissent estre mādēz,  
ordonnez & enioincts touchāt le fait de la religion ou constitution Ecclesiastique, soyent abo-  
lis, cassez & de nul effect. Nous condamnons aussi Nestorius, Eutyche & ceux qui sont de mē-  
me opinion, & generalement toutes autres heresies & diuisions. Nous defendons pareillement  
& n'entendons qu'aucune assemblee ou synode se face, n'y qu'autre question & dispute soit agi-  
tee pour le fait de la foy, mais que la nostre approbation demeure ferme, stable & inuiolable.  
Nous voulōs mesme que les prouinces soyent rendues à Acacie, tres-sainct & tres-reuerend Pa-  
triarche & Archeuesque, desquelles le siege Episcopal de ceste noble ville Imperiale a eleu &  
consacré les Euesques: de sorte qu'il nous plait que les bons amis de Dieu, qui y sont mainte-  
nant Euesques, demeurent tousiours en leurs sieges & dignitez, & qu'apres leur mort rien ne  
soit mué, innoué & mis en auant au preiudice & contre les droicts d'election du saint siege de  
ceste noble ville Imperiale: & que ceste nostre sanction & ordonnance ayant force & vertu de  
sacree constitution, ne soit mise en doute ny controuersē de quelque personne que ce soit. Voyla  
donc ce qu'il fit publier.

*Nestorius  
& Euty-  
che cōdam-  
nez.*

*La iurisdi-  
ctiō de l'E-  
uesché de  
Constanti-  
nople resti-  
tuee en son  
entier.*

*Comme Zenon fut restitué en son Empire, & de la mort de Basilisque.*

CHAP. VIII.

*Les capitai-  
nes de Basi-  
lisque sont  
reconciliez  
avec Zenon.  
Zenon fit  
bastir un tem-  
ple en Seleu-  
cie en l'hō-  
neur de  
sainte Te-  
cle.  
:: Procope  
le nomme  
Armat.  
Basilisque  
fils de Har-  
matie.  
:: Les au-  
tres la nom-  
ment Zeno-  
bie.*



R ce Basilisque fut grandemēt hay & en disgrâce de tout le monde, par ce qu'il me-  
na guerre contre la foy. Ce que considerant ceux qui auoyent cōmission d'assie-  
ger & surprendre Zenon, bien qu'ils eussent promis & iuré luy estre fideles, tou-  
tesfois se reconcilierent avec ledict Zenon: duquel estans accompaignez tasche-  
rent rentrer en la ville Imperiale, tant pour auoir desia receu quelques dons de  
luy, que d'autre part ils l'en auoyent requis & esperoyent en recevoir d'autres.  
Aucuns disent que par certaines & secretes visiōs nocturnes, Tecele, premiere martyre, pour auoir  
combattu vaillamment & long temps pour la foy, confirmoit & acertenoit Zenon de la restitu-  
tion en son Empire. A raison de quoy, & en action de graces pour la reuelation, il luy fit bastir  
en la capitale ville de Seleucie vn temple fort spatieux en grandeur & tres-excellēt en beauté,  
lequel il decora & enrichit de beaucoup d'or & de precieux ioyaux & presens Imperiaux. Basilis-  
que ayant decouuert & entendu pour certain que Zenon se bougeoit & reuoltoit, enuoya au de-  
uant :: Harmatie son neveu, fils de sa sœur, capitaine des bandes en Thrace, pour l'empescher &  
garder de passer outre, & par iuremens certes fort horribles, luy fit promettre de ne se iamais  
iointre & allier avec Zenon. Harmatie du premier assault contre Zenon, donné aupres de Ni-  
ce, le mit en telle crainte & desespoir qu'il ne peut autre contenance tenir que de penser qu'en  
vain il entreprenoit vne defense de laquelle il ne viendroit à bout à son honneur, s'il ne tas-  
choit gagner par dons & promesses Harmatie, luy promettant couronner son fils Basilisque  
du chapeau des Cefars. Par tel moyen donc il l'attira de son costé contre Basilisque, sans qu'il  
fit grand cas de sa promesse & iurement: Mais Basilisque aduertiy de ces menees changea bien  
tost opinion, car posant la couronne Imperiale sur le grand sacré autel, s'ensuit & se sauua luy  
& sa femme :: Zenon aux saincts fons de Baptēme. Zenon donc estant receu tout aussi tost à

*Constanti-*



Constantinople, premierement entra en la grande Eglise, & puis apres au logis Imperial, avec grand appareil & bonne compagnie. Et quand à Basilisque, ayant exercé la tyrannie par l'espace de vingt mois, en l'administration de l'Empire Romain, fut enuoyé en Capadoce pour y finir ses iours si malheureusement qu'il fut tué luy & sa femme avec ses enfans, en vne petite maison ou hostellerie & logis militaire, appelé Acusi. Zenon bien tost apres son entree fit faire & dresser en faueur du peuple vn tournoy & ieux publics. Consequemment il esleua à la dignité de Cesar, Basilisque, fils de Harmarie, comme il auoit promis par serment: mais puis apres il machina sa mort & le fit esgorger, pour autant qu'il se doutoit qu'il ne luy seroit point plus fidele qu'il auoit esté à Basilisque: & que quand à son fils Cesar, il fut fait prestre: & long temps apres eut la charge de l'Eglise de Cyzique, qu'il gouuerna tres bien.

*ou hostellerie & logis militaire ] Zenon en temps d'hyuer enuoya Basilisque tyran, avec sa femme & ses enfans en Capadoce, & commanda qu'ils ne fussent secourus ny d'habillemens ny viandes: dont il aduint qu'en peu de temps s'embrassans l'un l'autre en pleurant moururent miserablement. Procope.*

*Ce Basilisque estoit d'une auarice insatiable: car mesmes il print deniers sur le clergé des Eglises: & ne fut content qu'il n'en leuast sur les pauvres artisans qui gaignoyent leur vie au labour de leurs mains, tellement que pour telles exactions & subsides chacun se lamentoit & complaignoit: sous l'Empire de Leon il fut eleu capitaine des gens de guerre, au lieu de Rustique. Suidas.*

*Les Euesques d'Asie enuoyerent requestes de penitence à Acacie, luy demandans pardon & le voulans appaiser touchant le Concile de Calcedone.*

*CHAP. IX.*



Ncontinent que Zenon fut restitué & restably en l'Empire, il abolit aussi tost par vne constitution & ordonnance tout ce que le tyran auoit innoué par les lettres patentes & generales publiques contre la foy. De quoy certiorez les Euesques d'Asie demanderent par requestes de repentance *Repentance* qu'ils enuoyerent à Acacie, Euesque de Constantinople, grace & pardon *des Eues-* leur estre octroyé, vñs de telles remonstrances, qu'ils auoyent accorde & *ques d'As-* soubscrit lesdictes lettres, non de leur bon gré & franche volonté, mais y *sic.* estans contraincts & forcez par grande violence. Ce qu'ils confirmerent par sermēt estre veritable, & qu'ils cōsentoyent au Cōcile de Calcedone, & que selon le decret & decision d'iceluy ils l'auoyēt tousiours creu & croyoyēt pour le present. Or tel estoit l'escrit & mandemēt de ces Euesques: A Acacie, tres-sainct & tres-deuot Patriarche de la tres-saincte Eglise qui est à Cōstantinople, ville Imperiale, appellee La nouuelle Rome, salut. Et peu apres ils disoyent: Nous vous faisons entēdre par nos requestes & remōstrances que cōsentans aux lettres appellees Circulaires ou generales, nous auons soubscrit nō pas de bon vouloir, mais y estans cōtraints par necessitē, & de traicts ou signatures des lettres, ou par paroles seulement, & non de propos destinē. Car melmes en nos prieres, qu'avec la grace de Dieu nous estimons acceptables, nous faisons profession de foy suyuant les constitutions qu'auons apprinses & receues des trois cens & dix-huit Euesques & personnes plus apparentes de tout l'vniuers: & depuis, des cent cinquante saints Peres: & qui ces deniers iours ont esté ordōnees *Emag. lina.* deuēment & catholiquement par nos diuins Peres assemblez à Calcedone. Voylà ce que mādērent les Euesques. Or soit que Zacharie, qui meū & conduict de quelque affection a escrit de ce fait, ait faulusement chargé & mis toute la faulte sur les Euesques: soit qu'iceux ayent voulu imposer & mentir, escriuans à Acacie que contre leur volonté & bon gré ils auoyent soubsigné la constitution des lettres patentes, ie n'en puis que dire ne que penser pour certain. Mais voylà comme il est aduenū. *3. chop. 9.*

*Comme Zenon dechassa Pierre Cnaphee & quelques autres d'Antioche, & bailla en charge l'Euesché à Candion: de la reduction des reliques de saint Eustace, Antiochien.*

*CHAP. X.*



Zenon dechassa d'Antioche Pierre Cnaphee, comme ayant esté reuocqué par Basilisque, & rendit l'euesché à Calandion, successeur d'Estienne. Il depōsa aussi Paul d'Ephese, Nestorius de Tarse, Cyre de Hieraple, Romain de Calcedone, Eusebe de Samosate, Iulien de Mopsueste, Paul de Constance, & André de Theodosiople. Quant à Calandion il ne receuoit ny admettoit aucun à la communion, que premierement il ne detestast & cōdamnast Pierre & les escripts circulaires de Basilisque. Et mesme suyuant la volonté & cōsentement de Zenon, les reliques de S. Eustace qui estoit decedé en exil à Philippes ville des Macedonēs, furēt reduictes

*expulsion de Cnaphee & d'autres Euesques.*

T t t ij

# LIVRE XVI. DE L'HISTOIRE ECCLESIASTIQUE

Reliques de S. Eustace portées à Antioche. & r'amenees honnorablement en Antioche, & receues en grande liesse par les citoyens, lesquels à grand' foule sortirent au deuant iusques à la dix-huictiesme pierre, ou enuiron huit lieux. Tellement que ceux qui de long temps, voire par l'espace de cent ans passez s'estoyent separez del'Eglise, y furent finalement réunis & incorporez.

*Comme Pierre Monge succeda à Timothee Elure, en l'Euesché d'Alexandrie: à Monge, Timothee Salophaciole: puis à ce Timothee, lean Tabennesiotes, auquel de rechef succeda Pierre Monge, apres qu'il eust receu les sectateurs de Proterie & aprouuè l'edict de pacification de Zenon.*

CHAP. XI.

Pierre Monge succeda à Elure en l'Euesché d'Alexandrie.



Enon auoit deliberé & arresté par mesme moyen chasser d'Alexandrie Timothee Elure: mais le voyant desia fort viel & caduc, & n'est regueres loing de sa fin, il changea de conseil & aduis. Et de fait peu de réps apres il mourut, & descendit au iugement des enfers. Or les Alexandrins de leur propre puissâce & autorité priuée eleurent vn certain Pierre, surnommé Monge, qui de beaucoup estoit pire que Timothee: lequel, comme le bruit est, fut consacré par vn ou deux Euesques degadez & legitiment deposez de leurs dignitez. Dequoy Zenon estât aduertty fit punir si bien que mort s'en ensuiuit, ceux qui l'auoyent eleu

Salophaciole reçoit l'Euesché apres l'expulsion de Monge.

Euesque: & en ce siege que Monge auoit vsurpé & tenu iniustement par l'espace de trente & six iours, remit & restitua Timothee Salophaciole, successeur de Proterie: lequel Timothee, comme nous auons dit, demouroit à Canope. Or recourrit-il ceste dignité en vertu des lettres patentes de l'Empereur. Quelque peu apres, aucuns se delibererent & entremerent enuoyer à la maiesté Imperiale vn legat ou ambassadeur qui se nommoit lean Tabennesiotes, prouueu de la cure & administration de l'Eglise saint lean baptiste precurseur, à fin d'obtenir pouuoir & priuilege de telle teneur que les Alexandrins feroient eux mesmes election de tel Euesque que bon leur sembleroit, apres que le leur seroit decedé. Mais le tout bien consideré, & attendu (comme dit Zacharie) que ce legat brigoit & pretendoit pour soy l'Euesché, il fut renuoyé en sa maison, sans autre depesche, ayant iuré & protesté par deuant l'Empereur que iamais n'accepteroit l'estat Episcopal d'Alexandrie. Et ce pendant ledit Empereur fit vne cōstitution par laquelle

lean Tabennesiotes cōstre son serment occupa l'Euesché d'Alexandrie apres la mort de Timothee. L'Euesché d'Alexandrie est rendu à Monge.

le il permettoit au clergé, qu'apres la mort de Timothee, il colloquast au siege Episcopal tel qu'il voudroit, hors iris & excepté lean, lequel toutesfois ne tenant pas grand compte de l'accord & conuenance de son serment, peu apres Timothee estant decedé, l'empara iniustement de l'Euesché, par le moyen & support de quelques gens qu'il suborna par argent, ainsi qu'escrit le mesme Zacharie. Cela fait, Zenon voulut qu'il en fut depose & reieté, & à la fuscitation d'Acacie ordonna vn edict aux Alexandrins, qu'il appella Edict de pacification, par lequel il enioignoit que le throsne episcopal fust rendu à Pierre Monge: moyennant & à telle condition qu'il voulsist accorder ce rescrit, recevoir les sectateurs de Proterie, & approuuer le quatriemes Concile. Ceste ordonnance touchant ce fait constituee & disposee selon la volonté d'Acacie (comme i'ay dit) fut enuoyee en Alexandrie par Pergame, peu de temps au parauant déclaré gouverneur & lieutenant du pays d'Egypte. Iceluy donc arriué en Alexandrie, entendant pour certain que Tabennesiotes s'en estoit fuy à Rome, il parlementa avec Pierre Monge & luy persuada de recevoir & admettre l'escrit pacificatif de Zenon, ensemble ceux qui s'estoyent separez de l'Eglise. Ce qu'il accorda incontinent, & soubssigna la copie de l'edict. Et apres l'assemblée du peuple faite & tenue publiquement en Alexandrie, d'autant que cet edit de pacification fut agreable à tous, il receut aussi & admit ceux qui soustenans le party de Proterie s'estoyent retirez. Et quand il eut prononcé vne petite harangue fort elegante deuant le peuple, qu'il auoit composee à l'assemblée Ecclesiastique, finalement aussi pour conclusion il recita publiquement la constitution de Zenon, en telle forme qu'il s'ensuit.

Union de l'Eglise Alexandrine.

*Edict de Zenon, appllé Henotique, c'est à dire de pacification, lequel meriettoit ny approbait le Concile de Calcedone.*

CHAP. XII.

Edict de pacification.



L'Empire est maintenu par la paix.

Empereur Cesar Zenon, debonnaire, victorieux, triomphateur, souverain, digne de tout honneur & reuerence perpetuelle, aux Alexandrins & tres-religieux Euesques, clercs, moines & seculiers qui sont en Egypte, Libye & es cinq citez, salut. Comme ainsi soit que nous teniōs pour certain que la seule & vraye foy que les 318. peres saints assemblez à Nice ont publiee & establie par inspiration diuine, & que cent & cinquante & cinq saints peres, semblablement congregez à Cōstantinople, ont confirmee, est le soustien, accroissement & conseruatiō, la puissâce & armes inexpugnables de nostre Empire: nous mettrons toute

„ route peine & procurons nuit & iour par toutes les nostres prieres, diligences & louables cō-  
 „ stitutions, & ce que par icelle la sainte Catholique & Apostolique Eglise de Dieu ( laquelle  
 „ est mere & nourrice eternelle & immortelle des Empires & Royaumes ) prenne en tous lieux  
 „ & prouinces aduantage : & quenos deuots subiets perseuerans en toute paix & concorde de la  
 „ religion diuine, facent prieres avec les Euesques, bien aymez de Dieu, fideles clercs, reuerēds  
 „ abbez & deuots religieux, pour l'entretenement & sauuegarde de nostre Empire : car par ce *Commodité*  
 „ moyen, avec ce que nostre Dieu souverain & Sauueur Iesus Christ, lequel a prins chair humai- *de la foy*  
 „ ne & est né de la sainte vierge Marie, mere de Dieu, acceptera & receuera pour agreables nos- *bien accor-*  
 „ prieres & sacré seruice que nous luy ferons d'un bon accord : encore les nations estranges & *des entre*  
 „ nos ennemis mortels seront conuaincuz & exterminēz, & tous contrains se submettre & ren- *les Chre-*  
 „ ger sous l'Empire que nous administrons par la grace de Dieu : D'auantage la paix & les biēs *stiens.*  
 „ qui en procedent, le bon air & salulaire, l'abondance des fruits, & toutes autres semblables  
 „ commoditez nécessaires aux hommes, nous seront suppedites & fournies liberalement. Con-  
 „ sideré donc que la foy irreprehensible & sans blasme maintient & conserue en telle sorte & vos  
 „ personnes & l'Empire Romain, plaintes & doleances nous ont esté presentees de la part des ve-  
 „ nerables abbez, hermites & autres religieuses personnes, qui nous supplioyent affectueusemēt  
 „ & avec larmes, de remedier & pouruoir à ce que l'vnion & paix fust rendue es saintes Eglis-  
 „ ses, & que les membres fussent conioincts & réunis avec les membres, que l'ennemy & aduer-  
 „ saire d'honnesteté & pieté s'est efforcé de long temps distraire & separer : car il sçait bien que fa-  
 „ cilement sera vaincu, si vne fois il assaut & se prend au corps de l'Eglise entier, vnanime & cō-  
 „ sentant. Lequel aussi a ia tant fait que nations infinies & gens sans nombre, que tant d'annees  
 „ precedentes nous ont osté de ceste vie, sont morts & ont passé le pas inuitable & commun à  
 „ tous, les vns sans estre regenez ny baptizez, les autres sans auoir receu la sainte commu-  
 „ nion, mesme a procuré que tant de meurtres, saccagemens & voleries se sont perpetuez, de fa-  
 „ çon que non seulement la terre, mais aussi l'air a esté contaminé & infect de l'inondation du  
 „ sang espandu. Toutes lesquelles choses qui est celuy qui ne souhaite estre muez & changees en  
 „ meilleures : Parquoy sçauoir faisons, que nous n'eusmes onc, ny auons presentement, ny vou-  
 „ lons auoir à l'aduenir, & si n'entendons que les Eglises la part qu'elles puissent estre, ayent ou  
 „ pretendent auoir, ny permettons qu'aucun puisse tenir & croire autre Symbole, doctrine ou *Le seul Sym-*  
 „ formule de foy : & si ne cōgnoissons aucun qui ait autre credence que le saint Symbole, le- *bole de Ni-*  
 „ quel comme il est dit a esté estably & publié par les trois cens & dixhuiēt saints Peres, & de- *ce doit estre*  
 „ puis approuué des cent & cinquante reuerēds Peres ( desquels aussi nous auons fait mention ) *recen.*  
 „ & encore que nous disons celuy qui croit autrement, estre heretique & abusé : car nous auons  
 „ assurance & nous confions ( comme nous auons desia dit ) que ce seul Symbole & marque de  
 „ vraye foy, est ce qui soustiet & cōtregarde en son entier le nostre Empire : & que tous peuples il-  
 „ luminez & instruits es articles de nostre sainte religion sont baptizez en vertu & approbation  
 „ de ce seul Symbole : sçauons aussi que les saints Peres assemblez en Ephèse suiurent le decret  
 „ d'iceluy mesme, quand ils condamnerent ce meschant Nestorius & ceux de sa secte : lequel de  
 „ rechef, ensemble avec Eutyché nous condamnons & excommunions, pour autant qu'ils sont  
 „ d'opinion contraire aux choses y contenues : & receuons & voulons que soyent receus les dou-  
 „ ze principaux poincts que Cyrille Archeuesque & souverain prelat d'heureuse memoire de la *Les douze*  
 „ sainte & Catholique Eglise des Alexandrins, publia & mit en lumiere. Et de fait nous confes- *articles de*  
 „ sons que le fils de Dieu vnique nostre Seigneur Iesus Christ ( lequel veritablement est fait hom- *Cyrille.*  
 „ me, & selon la diuinité est consubstantiel au Pere, & quant à l'humanité consubstantiel à nous :  
 „ lequel aussi est descendu du ciel, est conçu du S. Esprit, & incarné ou engendré de la Vierge  
 „ Marie mere de Dieu ) est vn Dieu & non pas deux : car nous disons que les miracles qu'il a faits  
 „ & les tourmens qu'il a endurez volontairement en sa chair sont d'un seulement. Et si n'approu-  
 „ uons ny voulons approuuer aucunement ceux qui le diuisent & confondent, ou mettent en a-  
 „ uant ie ne sçay quelle imagination ou semblance fantastique. Quand à la pure sans souillure d'au-  
 „ cun peché & vraye : incarnation de la mere de Dieu, elle n'a apporté accession ny augmenta- *La Vier-*  
 „ tion de fils : car la Trinité est toujours demeurée Trinité, quoy que le Verbe diuin ait prins *ge engēdra*  
 „ chair humaine. Par ainsi donc estans bien informez & assurez que ny les saintes & fideles E- *de sa substā*  
 „ glises de Dieu, la part qu'elles soyent, ny les prestres bien aymanz Dieu qui ont charge d'icelles, *ce vn corps*  
 „ ny la nostre grandeur & maiesté Imperiale, ayent permis ou souffert par cy deuant, veulent per- *qui estoit*  
 „ mettre & endurer cy apres autre Symbole ou article de foy, outre la sainte doctrine & formule *concen du*  
 „ que nous auons dite, nous nous sommes conioincts & réunis sans aucune douré ou retarde- *S. Espris.*  
 „ ment. Et certes nous auons escrit & decreté ces presentes, non pas que voulions innouer *S. Hilaire.*  
 „ quelque chose touchant la foy, ains pour vous y confermer par vne certaine & pure doctrine.  
 „ Mais nous condamnons & excommunions toutes personnes de quelque condition ou quali-  
 „ té qu'ils soyent, qui ont eu contraire opinion par cy deuant, ont de present ou pourroyent a-  
 „ uoir à l'aduenir, soit touchant le Cōcile de Calcedone ou autre : & principalement entre les au-  
 „ tres Nestorius & Eutyché cy deuant mentionnez, & ceux qui suiuent leur erreur & faulse opiniō.

## LIVRE XVI. DE L'HISTOIRE ECCLESIASTIQUE

Parquoy accordez vous par l'union & concorde de la foy avec l'Eglise, mere spirituelle, & en icelle recevez la fruition & usage de la divine & sacree communion, par le moyen & vertu de ce seul & unique decret & article de confession de foy de trois cens & dix-huict saints Peres. Car la vostre mere l'Eglise a grand desir de vous embrasser & recevoir entre ses bras, comme vrais, legitimes & naturels enfans, & ouyr quelque fois, quoy qu'il tarde, vostre voix & chat harmonieux. Et par ainsi hastez vous, despescchez vous & vous efforcez. Que si ainsi vous le faites, outre que vous acquerrez la benignite de nostre Seigneur & Sauveur Iesus Christ, vous receurez aussi gloire & honneur de nostre grandeur & maieste Imperiale: Ce mandement leu & recite, tous les Alexandrins s'accorderent & virent en la sainte, catholique & Apostolique Eglise, & osterent d'entre eux tous empeschemens qui pouoyent retarder si bon affaire.

*Comme Calandion fut banny, au lieu duquel Pierre Cnaphee occupa de rechef l'Euesche des mœurs & façons de faire inconstantes & muables de Pierre Monge.*

CHAP. XIII.

*Calandion  
enuoyé en  
exil.*



*Ille, Leonce  
& Pamprepes  
affecter  
l'arrogance.*

*Pierre Cna-  
phee recon-  
ure l'eues-  
ché.*

Velque temps apres, Calandion, Euesque Antiochien, escriuit lettres à Acacie & à Zenon, par lesquelles il blasmoit & reprenoit asprement Pierre Monge, du peché d'adultere, tant pour ce qui estoit adueni touchant la verité de ce fait, que pour autant qu'il auoit rendu & ietté sentence d'excommunication en Alexandrie, contre le quatriesme saint Concile. Mais à cause que ce Calandion cerchoit occasion par ce moye entretenir & suiure le party de Ille, Leonce & Pamprepes (lesquels estoient reuoltez & retirez de l'obeissance de Zenon, & raschoient par toutes voyes iniustes & tyranniques se faire Empereurs) il fut condamné à demeurer en exil en la ville d'Oase. Voila la cause de la seconde deposition d'Antioche. Et quand à Cnaphee, usant de cautelle & finesse en la menée de son affaire: s'entra de rechef au siege episcopal que tant il desiroit, apres qu'il eut approuvé & sousigné l'edit de Zenon, pour la pacification. Or enuoya il souvent epistres synodales à Pierre Monge, Euesque d'Alexandrie, & en receut de luy pareillement. Aussi Martyre: successeur d'Anastase, en l'Euesché de Ierusalem, ne discontinua point la coustume qu'il auoit de luy escrire semblables epistres. Acacie semblaiblement qui auoit le gouvernement de l'Eglise Constantinopolitaine, se mit de son costé: mais il aduint quelque peu de iours ensuiuans, que ceux qui auoyent esté du party de ce Pierre Monge se retirerent de la communion, voyans qu'il changeoit d'opinion: sçauoir est, que par auant il auoit condamné & excommunié en l'Eglise le Concile de Calcedone, & retiré hors de terre le corps de Timothee. Dequoy estant aduertie Acacie, Constantinopolitain, fut fort marry du fait, & en eut si mauuaise opinion qu'il luy sembla bon d'enuoyer certains commissaires en Alexandrie, pour s'informer de la verité du cas: Mais Monge en entendant le vent, les fit chercher diligemment, & leur remontra pour ses iustificacions qu'il n'auoit aucunement offencé, & qu'il n'estoit rien de toutes les plaintes: & de fait ayant assemblé quelque multitude du peuple, fit escrire depositions & bailler attestacions, lesquelles portoyent que Monge estoit exempt & inculpable des crimes desquels on auoit entendu par le commun bruit qu'il estoit chargé. Mais pour le dire à la verité, il n'estoit constant en son fait, ains muable comme Prothee ou Euripe, & se desguisoit suivant maintenant vn party, tantost vn autre: & comme bon luy sembloit, s'accommodoit aux temps selon les necessitez: car quelque fois il approuuoit le Concile de Calcedone, & puis apres changeant d'opinion, soustenoit tout le contraire, le reiettant & blasmant. Or il sera plus manifeste, & congnoistrans plus clairement quel il estoit par les lettres qu'il enuoya à Acacie, Euesque de Constantinople, qui fit faire enquestes & informations de ses ruses & cauillations. Or voicy comme il escriuoit.

*Inconstance  
de Pierre  
Monge.*

*Epistre de Pierre Monge, Alexandrin, enuoyee à Acacie, Euesque de la ville Imperiale.*

CHAP. XIII.

*Lettres de  
Monge à  
Acacie.*



*Il loüe la cõ-  
fession de  
foy de Nice.*

E Dieu tres haut sçaura bien recompenser vostre sainteté de tant de labeurs & trauals que vous auez soustenus & endurez par tant d'annees pour la deffence de la foy des saints peres, que vous confirmerez encore par predicacions ordinaires: en laquelle nous auons sçeu estre contenu pour certain le Symbole des trois cens & dix-huict saints Peres, en vertu de la confession duquel nous sommes baptisez, & y auons adiousté foy par le passé, & maintenât aussi le croyons: ainsi que les cent & cinquante reuerends peres assemblez à Constantinople l'ont approuvé. Parquoy, veu que tousiours monstrez le bon chemin à tous & qu'enseigniez assiduellement

« assiduemēt la vraye religion, vous avez reünny & reconcilié la sainte Eglise de Dieu : tellement  
 « que par certains argumens & preuues euidentes vous nous avez persuadé que rien au contraire  
 « de la foy n'auoit esté decreté & conclu au saint Concile vniuersel assemblé à Calcedone : atten- *Et le concile*  
 « du qu'iceluy conuient avec la doctrine des saints Peres de Nice, & cōfirme leurs decrets. Aussi *de Calcedone.*  
 « quant à nous n'ayans trouué choses nouuelles ou repugnantes es actes dudit Concile, nous les  
 « auons accordez de nostre plein gré & sans contraincte, & les croyons : Mais nous auōs entendu  
 « que certains moines enuieux de nostre conionction & amitié fraternelle vous ont rapporté ie ne  
 « scay quelles iniures & crimes dont ils nous chargent, par lesquels toutesfoi ils n'ont peu es-  
 « mouuoir vostre sainteté. Premièrement ils vous baillent à entendre que nous auons deterré &  
 « fait transporter en autre part les reliques de nostre reuerend pere Archeuesque Timothee, qui est  
 « avec les bien-heureux : chose qui ne peult estre agreable & plaisante à Dieu, ny conuenable  
 « aux loix. Secondement ils nous mettent à sus vn autre cas plus enorme & beaucoup pire que le  
 « precedent : duquel toutesfoi il n'est rien non plus, & ne pourroyent le prouuer. Car comme se  
 « pourroit il faire que nous eussions condamné, maudict & excommunié le saint concile de Cal-  
 « cedone, que nous croyons & auons approuué & confirmé ? Mais vostre pieté congnoit l'ardeur,  
 « vehemence & legereté de nostre peuple, & n'ignore point les troubles & esmotions qu'excitent  
 « ces moines qui ne s'estudient qu'à choses nouuelles : car ayans proposé, de certaine malice, &  
 « constitué avec quelques meschans de se reuolter de l'Eglise, taschent tant qu'il leur est possible,  
 « attirer & induire le peuple en leur sentence : Mais le tout bien considéré & prudemment deli-  
 « beré, aydez & secourus de vos prieres, nous auons trouué maniere qui ne deroge ny contreuient  
 « aucunement à la sainte assemblée de Calcedone, (en laquelle nous sommes bien asseurez que  
 « rien n'a esté innoué) de suruenir & remedier à ce mal éminent, à fin de satisfaire par mesme moyē  
 « aux peuples & menus gens par persuasion, & defendre par apologie & excuse ceux qui sont  
 « assemblez avec nous. A quoy nous auons donné ordre pour le faire prescher : & nous y em- *Il use d'ob-*  
 « ployans du tout, l'auons defendu tout aussi tost : Mais si veulx-ie bien faire entédre à vostre sain- *scureté de*  
 « cteté que mesme de present ces moines qui semēt zizanie & dissention, ne desistēt & n'ont point *propos deli-*  
 « d'arrest, mais que tousiours s'allient & fortifient de ie ne scay quelles gens, non residans es mo- *bert.*  
 « nasteres, mais vagabons ça & là, qui leur seruent d'instrument & moyens pour semer faux rap-  
 « ports contre nous, contre la paix & tranquillité Ecclesiastique de Iesus-Christ : & ne permet-  
 « tent que nous faciōs ce qui est de faire en la sainte & catholique Eglise de Dieu : Sont aussi fort  
 « soigneux & diligens à moyenner que plustost par deça le peuple nous commande, qu'obeisse : &  
 « s'estudient à faire tout ce qu'il n'est plaisant ny acceptable deuant Dieu. Or nous sommes bien as-  
 « seurez de vostre sainteté, qu'elle fera cōgnoistre & rapportera tout ce que dessus, au tres-chre-  
 « stien Seigneur de l'uniers, & baillera bon ordre à ce que de son autorité soit publiee vne con-  
 « stitution : par laquelle il cōmande & ordonne touchant la paix Ecclesiastique ce qui appartient  
 « à l'honneur de Dieu & de l'Empereur & le repos d'un chacun. Voyla donc ce que Monge, hom-  
 « me inconstant & rusé escriuit frauduleusement à Acacie.

*Comme Iean Tabennosote, Euesque d'Alexandrie, fugitif à Rome, persuada à Felix  
 qui en estoit souverain Prelat, de deposer soudainement & sans  
 plus longue deliberation Acacie de son Euesché.*

*C H A P. X V.*



R Iean Tabennosote, Euesque d'Alexandrie (duquel aussi parauāt auons  
 fait mention) estant fugitif, se retira à Rome, & là suscita quelques trou-  
 bles, se plaignant qu'il estoit dechassé de son siege pour la defense de  
 la doctrine de Leon & du concile de Calcedone : & qu'en sa place estoit  
 substitué vn autre, lequel y repugnoit & soustenoit opinion toute cōtraire.  
 Simplicie donc Prelat de Rome apres Leon, esmen de ses complaints  
 enuoya lettres à Zenon le reprenant à cause de l'election de Iean, faicte il-  
 legitimement : & Zenon, rescriuit & luy fit entendre qu'il n'estoit depolē  
 de son siege pour autre cause que pour periurement dont il estoit coulpable.

*Simplicie  
 Pape de  
 Rome.*

Ce neantmoins Iean ne cessa molester & importuner Felix, successeur de Simplicie en la Pa-  
 pauté, touchant Pierre Monge, racontant qu'Acacie, Euesque de Constantinople, l'entretenoit  
 & receuoit en amitié trop grande, veu que parauāt il l'auoit detesté & chassé comme heretique :  
 tellement que par fréquente & continuelle instance il persuada à Felix d'ostroyer lettres de deu-  
 uolu, pour degrader Acacie de sa dignité, pour autant qu'il communioit avec Pierre Monge.  
 Lesquelles lettres, impetrees contre la tradition Ecclesiastique, furent signifiées à Acacie par  
 aucuns moines de la compagnie des Veillans, ainsi que recite Zacharie : Mais Acacie en fit si peu  
 de compte qu'il ne voulut les receuoir. Or m'est il aduis que Zacharie n'a pas bien entendu le  
 fait cōme il est aduenü, & qu'il n'en a escript que par en ouyr dire vn sommaire en bref : mais ie  
 raconteray au vray ce, que i'en ay trouué pour certain.

*Felix Pre-  
 lat de Ro-  
 me.*

*Il degrada  
 Acacie en  
 vertu d'un  
 mandat.  
 Euagr. li. 3.  
 chap. 18.*

# LIVRE XVI. DE L'HISTOIRE ECCLESIASTIQUE

*Ce qui est aduenü entre Felix & Zenon, à cause d'Acacie. De Cyrille maistre & gouverneur de la compagnie de moines Veillans. Comme les legats de Rome & Acacie Constantinopolitain furent priuez de leurs dignitez au synode de Rome.*

CHAP. XVI.

*Vital & Simine legats enuoyez à Zenon.*



Lean presenta requestes & plaintes à Felix contre Acacie, pour autant que plus que de droit & de raison il cõmuniquoit avec Pierre Monge, & manioit toutes autres affaires, cõtre la regle & ordõnance des constitutions Ecclesiastiques. A ceste cause le pape Felix enuoya Vital & Simine, Euesques, par deuers Zenon, avec mandement & charge de faire & impetier que le concile de Calcedone eust lieu & fust receu & approuuẽ de tout le monde: que lediẽt Pierre fust degradẽ d'Alexandrie, comme celuy qui n'obseruoit la vraye religion: & qu'Acacie enuoyast quelcun à Rome pour poursuiure son droit en iugemẽt avec lean, s'il en pretendoit aucun:

*Cyrille principal de la sociẽtẽ des Veillans.*

*Lettres de Felix à Zenon & Acacie.*

*Response de Zenon.*

*Vital & Simine premaricateurs de leur legation.*

*Simeones enuoya à Felix.*

ou pour se defendre, repondre & rendre raison legitime des accusations contre luy: Mais auant que Vital & Simine estans partis de Rome arriuaissent à Constantinople, Cyrille cõmis sur ceux de la cõpagnie des Veillans, enuoya ce pendant lettres à Felix, le reprenant de ce qu'il tempõrois & tardoit trop à pourueoir aux troubles & nouueautẽs suruenues & accreues es constitutions Ecclesiastiques. Telles lettres receues Felix manda à ses legats de ne traiter & conclure aucun different deuant que de conferer avec Cyrille, & entendre de luy ce qui seroit de faire. Il fit aussi tenir autres missiues à Zenon, esquelles il faisoit memoire du concile de Calcedone, & de la persecution suscitee en Aõtrique par Honoric. D'auantage il escriuiẽt à Acacie l'accusant comme auteur & cause de la plus part des esmotions nouuellement suscitees en l'Eglise. Quant à Zenon, il fit mesme response à Felix que parauãt, à sçauoir, qu'à tort & sans raison lediẽt lean luy bailloit de l'ennuy & fascherie, lequel ayant iurẽ qu'il ne paruiendroit aucunement au siege de l'Eglise Alexandrine, s'estoit periurẽ, violant la promesse de son serment, & vsurpãt par force, comme sacrilege, l'Eueschẽ, & commit aussi autres cas enormes & scandaleux. Outre-plus, il l'aduertiẽt de l'election de Monge, au siege Episcopal, faicte non sans enqueste & information de sa vie, & mesme que deuant son entree il auoit accordẽ & soussignẽ de sa propre main la confession de foy des Peres de Nice, à l'imitation desquels s'estoit reiglẽ & entierement conformẽ le concile de Calcedone. Zenon encore signifia par ses lettres & assẽura par iurement ce qui s'ensuit: La nostre pietẽ & ce saint personnage Pierre, & qui plus est toutes les Eglises Chrestiennes doivent receuoir certainement & obseruer exactement le saint concile de Calcedone, lequel cõuient & s'accorde avec la professiõ de foy du saint concile de Nice. Nous trouuons autres epistres & remonstrances inserees es registres & actes de telles menees, tant de Cyrille, duquel nous auõs fait mention, que d'autres Abbez en la ville Imperiale, mesmement des Euesques & clerics du diocese d'Egypte, enuoyees à Felix, à l'encõtree de Pierre & ceux qui communiquoyent avec luy comme heretiques & fauteurs de faulces opinions. Aucuns aussi du monastere des Infomes ou Veillans allerent iusques à Rome, formerẽt leurs complaints & presenterẽt griefs à Felix, touchant Simine & Vital: tant que iusques à leur venue à Byzance, le nom de Pierre auoit estẽ escript secrettement & en cachette es tables sacrees où lon enregistroit par hẽneur les bons Euesques, & qu'il y estoit encore pour lors, & que lon faisoit courir le bruit que Vital & Simine contre les canons & reigles Ecclesiastiques auoyent accointance & communiquoyent avec Pierre & Acacie. Ce que signifioyẽt semblablement les epistres des Egyptiens: & au contraire maintenyent que lean estoit vray fidele, bien sentant de la foy, & qu'il auoit receu le siege Episcopal deuemẽt & canoniquement: mais que Pierre auoit estẽ consacrerẽ Euesque par deux seulemẽt qui suiuyent mesme opinion que luy de prauẽe & meschãte: & que depuis le departement de lean, il n'auoit cessẽ d'entreprendre & solliciter tous ennuis & la ruine des vrays fideles. Or iõsoit qu'Acacie fut bien aduertẽ de toutes ces cõplaintes par ceux qui de Rome venoyẽt à Byzãce, toutesfois tãt s'en fallut que de son autoritẽ il les empeschast, comme il pouuoit faire aisẽement, que plustost il bailla secours à Pierre, & s'entremist de son costẽ, contraignant presque toutes personnes de communiquer avec luy. Ce que Simeones vn des Infomes enuoyẽ à Felix, verifia & soustint estre vray: lequel aussi contrainquit & prouua apertement que Simine & Vital estoient meschans: pour autant qu'ils communiquoyent avec les heretiques, & qu'en leur presence le nom de Pierre estoit manifestement couchẽ par escript es registres sacrez, combien qu'ils eussent monstrẽ, non point sous quelque pretexte, qu'ils en fussent mal-contẽs. A raison de quoy, il estoit aduenü que plusieurs des plus simples & moins rusez auoyent estẽ seduits par les heretiques, lesquels faisoient entendre que Pierre estoit receu & auouẽ du saint siege de Rome. Simeones adiousta encore, que quand on presentoit diuerses informations & saintes requestes, Simine & Vital les deboutoyent, & ne vouloyent ouyr aucun des catholiques & vrays fideles, ny leur fauoriser ou respondre par lettres, & mesme qu'ils n'estoyent



n'estoit fort soigneux à l'informer des troubles & pourueoir aux nouueautez en la religiō. Aussi vn certain prestre, nommé Sylvain, qui auoit esté en la ville Imperiale avec Vital & Simine confirma & approuua le dire des moines. Lors fut produicte & apportee l'epistre d'Acacie enuoyee à Simplicie, laquelle faisoit mention que de long temps Pierre auoit esté degradé comme meschant : toutes lesquelles choses considerees, Vital & Simine furent deposez de leurs dignitez sacerdotales, & excommuniez de la sainte congregation des Chrestiens : de façon que d'un commun accord le Synode de Rome ordōna de mot en mot ce qui s'ensuit : L'Eglise Romaine ne recoit ny auoie Pierre Monge, heretique, lequel estant iadis degradé & depose de sa charge Episcopale est condamné par arrest, bany & excommunié : auquel deuroit suffire & estre aisez s'il n'y auoit autres charges & informations, qu'estant cōsacré Euesque par les heretiques ne peult auoir charge des catholiques & vrais fideles. Ce qui s'ensuit estoit aussi inseré en la mesme sentence : Que le fait de soy assez euident declaroit Acacie Constantinopolitain estre conuaincu & coupable d'un grand crime & lascheté, pour ce que par lettres escriptes à Simplicie il accusoit nommément ce Pierre, comme heretique, & toutesfois ne l'auoit fait entendre à l'Empereur : ce que de vray il deuoit faire s'il aymoit l'Empereur. Et par ainsi comme il est tout notoire, il aymoit & entretenoit l'Empereur pour son profit particulier : mais il n'aymoit pas l'entretènement de la foy.

*Le Synode de Rome condamne Monge.*

• Honoric] Honoric Roy des Vadales, Arrien, enuoya en exil plus de trois cent trente quatre Euesques, & exerça grande cruauté à l'endroit des Chrestiens. Diac.

*De la sedition esmeue en Alexandrie pour Monge, à cause qu'il reprouua le quatriesme Concile : de Felix prelat de Rome, & Acacie de Constantinople.*

*CHAP. XLVII.*



Acacie voulant appaiser vne sedition suscitée en Alexandrie, accorder & remettre en paix & vnion tous discords, enuoya lettres aux Euesques & gens Ecclesiastiques d'Egypte, & mesme à Pierre Monge : Mais pour autant que ce mal augmentoit tousiours de plus en plus, ce Pierre fit tant qu'il persuada à quelques Euesques de communiquer & se ioinde avec luy : & condamna par sentence d'excommunication les saints & articles de Calcedone, la section de Leō, & toutes les personnes qui ne receuoyent les escripts de Dioscore & de Timothee : & dechassa des monasteres ceux qui ne luy obeissoient en tel mandement. De toutes lesquelles choses Ze-

*Insolence de Monge en Alexandrie.*

non estant certioré par vn nommé Nephale, qui d'Alexandrie estoit arriué à Constantinople, fut grandement troublé, & depescha vn de ses Gentils-hommes appellé Cosme qu'il enuoya en Alexandrie, lequel essaya tous moyens à luy possibles de reconcilier & mettre paix entre le peuple & Pierre Monge, tant par aduertissemens & remonstrances, que par menasses & rigoureuses punitions dōt il promettoit se veger à l'encontre de ceux qui y cōtreuiendroyent : Mais tant s'en fallut que par seuerité, il realist ce que par dissention estoit distraict, que plustost il bailla accroissement à la sedition : de sorte qu'il fust contrainct s'en retourner par deuers l'Empereur, sans auoir rien mis à effect, sinon que seulement il en restitua aucuns qui estoient fugitifs de leurs monasteres. Depuis, fut enuoyé en la mesme Alexandrie Arsene, gouuerneur de la gen-

*Cosme enuoyé en Alexandrie pour pacifier les seditions.*

*Arsene cōmu de la gen'd'armes en Egypte. Acacie degradé.*

• Il dit aussi &c.] Es censures & excommunications Ecclesiastiques la cause a lieu & non seulement l'effect. A raison de quoy Origenes a dict ce que mesme est repeté en la cause 24. quest. 3. Quand aucun sort & se separe de la verité, de la crainte de Dieu, de la foy, de la charité, il sort aussi & se separe du fort de l'Eglise, cōbien que par la voix & sentence de l'Euesque il n'en soit dechassé : cōme au contraire, quand aucun est rectifié de hors ou sententié à tort & sans cause, s'il n'en sort deuant, c'est à dire, s'il n'a fait chose par quoy il merite de

# LIVRE XVI. DE L'HISTOIRE ECCLESIASTIQUE

sortir, il n'est en rien offensé: car bien souuent celuy est dedans, qui est chassé dehors: & celuy qui est dehors, semble estre retenu dedans. Et pourtant saint Augustin dit, comme il est aussi repeté en la cause 11. quest. 3. Rien innocence & soit inculpable en ta conscience ou personne ne peult gaigner ta cause. Le faux tesmoignage pourra bien estre & valable & vaincre, mais seulement à l'endroit des homes: mais pourra-il preualoir enuers Dieu par deuant lequel ta cause doit estre plaidée? Quand Dieu sera iuge, il n'y aura tesmoing contre toy que ta propre conscience: & par ainsi tu ne dois rien craindre entre vn si iuste iuge & ta conscience, sinon ta mauuaise cause. Ceulx toutesfous qui n'errent point en la foy (encores que leur cause ne soit bonne deuant Dieu, à cause de quelque pesché mortel) ne sont excommuniés ny retranchés de l'Eglise, à laquelle ils adherent par cōmunion de foy, & sacremens, si l'auctorité du Pape, ou de l'Euesque n'intervient sur eux: encores qu'ils ne soyent mis en icelle par charité.

De Flauite, successeur d'Acacie: comme il s'empara du siege Episcopal par malice & tromperie.

CHAP. XVIII.

Flauite  
successeur  
d'Acacie.  
Enuie l'ap-  
pelle Phra-  
nise.



Depuis Acacie, vn nommé Flauite vsurpa la charge de l'Euesché de Constantinople, homme qui sembloit estre prestre & de vie sacerdotale, mais il fut si audacieux, melchâr & outrecuidé, que le seul cas horrible & ennoï me duquel ie tiédray quelque propos en cest endroit declarera suffisamment & baillera assez à congnoistre à tous quel il estoit. Zenon mit à part sur l'autel sacré vn papier où il n'y auoit rié d'escript, & en vn autre escriuit vne requeste qu'il faisoit à Dieu, que par la main de l'Ange (laquelle ne peult estre veüe des homes) fut escript le nom de celuy qu'il esliroit par reuelation diuine pour estre commis Patriarche de l'Eglise Constan-

tinopolitaine: & pour ceste fin mesme fit publier & signifier vn ieusne de quarâte iours durans, & commanda à tous prier Dieu, à ce que son bon plaisir fut de reueler celuy qui en telle charge luy seroit agreable. De quoy ce Flauite aduert, corrompit & suborna par vn monstreux salaire & grand prix d'argent la garde du temple, qui estoit le premier & principal chābellan de l'Empereur, à fin d'escrire & supposer son nō au papier blanc, puis le cacheter de rechef du seau Imperial. Cela donc ainsi fait & le temps prefix & ordonné pour le ieusne estant passé, la carte ouuerre & leuë, soudain Flauite se glorifiant du grand honneur, comme si la prouision luy eust esté donnee par sentēce diuine, fut prins & esleuë de plein sault & installé au throsne du Patriarche: Mais certes la toute puissance de Dieu qui ne permet par sa prouidence que telle meschanceté long tēps soit couuerte & celee, sceut bié descouurir & reueler tout aussi tost tel abus & mommerie: car ce mal-heureux incontinent mourut de mort subite auant qu'il eut iouy quatre mois entiers de son siege, où qu'il eut retiré ny ramassé la moitié du present & argent duquel il auoit trafiqué la dignité Episcopal. Tellement que les banquiers & ceux qui auoyent presté l'argent à interest poursuuiurent & presserent instamment les heritiers & redemāderent les deniers que peu parauant ils auoyent desboursez. Et les heritiers n'ayans de quoy payer les debtes, se retirerent par deuers Zenon, le supplierent tres-humblemēt de les deliurer & de charger de la rigueur des creanciers, & secrettement à luy-mesme qui demandoit les causes, declarerent tout le fait comme il estoit aduenue. De la congnoissance duquel il fut fort eslonné: & entendu que plustost le Gryse, c'est à dire l'or, que le Christ, auoit escript & esleuë Flauite au nōbre des Euesques, il fit à la verité iugement & iustice (cōme il est au Psalme) car il ordonna & enioignit que le courtisan & chambellan qui par presumption s'estoit arrogé la gloire & reputation diuine, fust executé: & que l'argēt deu, fust payé de ses fināces aux creāciers. Et quāt à l'Eglise, il octroya tout pouuoir & puissance aux Euesques d'elire par leurs suffrages celuy qui leur sembleroit plus capable & idoine de telle charge. Et ainsi, sans delay, Euphemie prestre de ladiete Eglise, hōme notable & bié affecté à la vraye foy, & amateur de toute vertu & hōnesteté, fut cōmis en l'Euesché.

Flauite ob-  
siet l'Eues-  
ché par im-  
postures.

Mort sou-  
daine de  
Flauite.

Psal. 118.

Election ca-  
nanique  
d'Euphe-  
mie.

Des lettres synodales & conuenticulaires de Flauite, Pierre, & Felix: & d'Euphemie qui eut le gouuernement de l'Euesché apres Flauite. CHAP. XIX.



Flauite retenant encore l'Euesché, il escriuit lettres synodales à Pierre Alexandrin, & en receut semblables de luy, esquelles il mandoit mesmes choses touchant les faicts & articles de Calcedone, les cōdamnant & excommuniant: Mais apres la mort de Flauite, qui fut Euesque seulement quatre mois durans, & qu'Euphemie en son lieu eut receu l'administration de l'Eglise, il aduint par cas fortuit que tomberent en ses mains les lettres synodales qui de la part de Pierre s'adressoyēt à Flauite: par lesquelles voyāt qu'il cōdānoit les decrets de Calcedone, il fut merueilleusement esbahy, & se deporta de sa cōmuniō. I'auois vouloit d'adiouster en cest endroit les missiues & de Pierre & de Flauite, n'eut esté que la prolixité d'icelles m'en a gardé. Or Flauite escriuant à Felix, luy faisoit entendre qu'il estoit de la cōmunion & religion, & qu'il

qu'il detestoit & dedaignoit la conionction de Monge: luy-mesme aussi enuoyât lettres à Monge, escriuoit le semblable, qu'il receuoit sa cõmunie, mais reiettoit cellẽ de Felix. Felix donc voyant ces missiues contraires, que quelques gens de bien luy firent tenir, renuoya & dechassa de Rome avec ignominie les legats de Flauite. Quant à Euphemie incontinent qu'il eut fait son entree en son Euesché, tout aussi tost il effaçâ & osta de ses propres mains le nom de Monge, des sacrez tableaux, & y remit & enroola celuy du pape Felix: & ainsi installé au siege Episcopal, enuoya à Rome, comme la coustume estoit, lettres synodales audit Felix: lesquelles il accepta, & supporta Euphemie comme catholique & vray fidele: toutesfois il ne l'admit à la cõmunie des Euesques, pour autant qu'il n'auoit rayé & cancelé du liure sacré, le nom d'Acacie & de Flauite, aussi bien que celuy de Monge.

*Comme Athanase succeda à Monge, & Palladie à Cnaphee: & des successeurs d'eux.*  
CH. AP. XX.



V tẽps que Euphemie & Monge, pour soustenir chacun son opinion contraire, faisoient assemblees & conuenticules en leurs prouinces & dioceses l'un contrel'autre, pour cause du concile de Calcedone, Monge deceda en Alexandrie, auquel Athanase surnomé Celestes, ou le Hergneux, succeda au siege Episcopal, lequel se donna beaucoup de peines & experimenta tous moyes pour reũir & remẽtre d'accord en l'Eglise les mẽbres separez, & toutesfois sa diligence ne seruit de rien, tant ils estoient diuisez pour la diuersité des opinions. Quelque peu de iours apres, mourut aussi Pierre Cnaphee en Antioche, où il eut Palladie pour successeur:

*Athanase successeur de Monge: Palladie, de Cnaphee: Iean, d'Athanasie: Flauien, de Palladie. Tous les Euesques sus nommez ont debattu le concile de Calcedone.*

duquel fut protecteur Anastase. Dicore, qui apres Zenon, fit fort mal son deuoir en l'administration de l'Empire Romain. Or Athanasie enuoyant lettres synodales à Palladie, mettoit en auant les mẽmes choses que Monge, touchant le concile de Calcedone. Aussi Iean, lequel apres Athanasie fut commis chef & gouuerneur del'Eglise Alexandrine, fit le semblable: Mais aussi Palladie, Euesque Antiochien, estant decedé, & Flauien y ayant prins sa charge, vn certain prestre d'Antioche, nommé Salomon, fut enuoyé en Alexandrie avec lettres de l'assemblee des Euesques, pour en apporter de semblables, selon la coustume des dioceses de Iean Antiochien, à Flauian. Lesquels escripts tant d'un costé que d'autre, d'onnoyent mesme sentẽce touchant le concile de Calcedone. A ce Iean, succeda vn autre nommé Iean en Alexandrie, desquels nous ferons mention cy apres: car les troubles des Eglises durerent en tel desordre iusques à certain temps del'Empire d'Anastase: car mesme il dechassa Euphemie: Mais i'ay esté cõttrainct de raconter par ordre ce que dessus, à fin d'en bailler plus facile intelligence. Voyla donc en quel estat se porterent les affaires Ecclesiastiques de ce temps là: Mais il nous fault maintenant changer de propos & traiter d'autres choses.

\* Dioscore] il fut ainsi surnommé à cause qu'il auoit les prunelles des yeux de deux couleurs: car celle de l'œil dextre estoit noire, & celle du senestre de couleur perse.

*De la destruction faite par Theuderic de Scythie, & comme il mourut.*  
CH. AP. XXI.



Theuderic de Scythie ayât amassé grandes forces, leua guerre contre Zenon: & avec ses compagnies ordonnees en Scythie, entrant en la domination des Romains pillâ & raut tout ce qu'il rencontra, passa iusques à l'endroit du port d'Euxime. Et de fait, il eust prins par force la ville Imperiale, n'eust esté qu'aucuns de ses plus familiares taschoyent à luy oster la vie & le faire mourir: dequoy ayant peur, tourna bride & s'en retourna. Or est il ainsi que peu de temps apres il perdit la vie par vn cas fortuit tel qui s'en suit: Il auoit vne lance selon la façon du pays toute appareillie & fichée en hault deuant sa tenté, & vn iour vint que vou-

*La mort de Theuderic.*

lant s'exercer fit venir vn cheual sur lequel il monta sans prendre aucun auantage, tant il estoit impatient & soudain: Mais pource que ce cheual venoit freschemẽt du haras, & n'estoit encore domté ny fait à la bride, ny Theuderic fort bien assis dessus, il dressa les pieds de deuant en l'air, & demeura debout sur ceux de derriere. Theuderic donc taschant le surmonter & donter, ne peut routesfois l'arrester avec le frein, de peur qu'il ne tombast sur luy à la renuersẽ, & si n'estoit guere bien assuré dessus. Et cõme çà & là il le voltigeoit & demenoit, il aduint ie ne sçay cõmẽt, que la susdite lace fut esbrãlee, de sorte qu'elle cheut de trauers, & luy blessa le costé: dõt il demeura au liẽt malade, où ses entrailles pourrĩrent de la meurtrĩssure & enflure, puis perdit la vie bien tost apres.

# LIVRE XVI. DE L'HISTOIRE ECCLESIASTIQUE

*De la tyrannie de Martien, fils d'Anthème, qui avoit eu la charge de l'Empire Romain : & comme la  
mesme Martien estant repris, fut réparé & honoré de la dignité sacerdotale.*

CHAP. XXII.

*Guerre en-  
tre Martien  
& Zenon.*



Depuis Theuderic Martien fils d'Anthème, qui peu deuant avoit tenu l'Empire de Rome, & gendre de Leon aussi Empereur Romain, meut guerre contre Zenon qui avoit espousé l'autre fille: Car Martien trouvoit par conseil que l'Empire luy appartenoit plustost qu'à Zenon, pour autant qu'il avoit en Mariage Leonce fille païsnee de Leon, mais engendree du temps de son Empire. & Zenon avoit espousé Ariadne la plus aysnee, que le mesme Leon deuant que d'estre Empereur eut de Verine aussi bien que l'autre. Voila donc la cause pourquoy Martien tendoit à tyrannie & taschoit occuper la monarchie. Tellement que la bataille fut donnee aupres du palais Imperial, où il y eut beaucoup de gés tuez tant d'un costé que d'autre, mais la victoire en demeura finalement à Martien: & de fait il avoit gagné l'Empire, & entroit au palais, n'estoit qu'il diffiera ce qui estoit present, au lendemain. Car l'opportunité du temps ou occasion est comme vne reigle legere & habile, & chacun toutesfois peut prendre quand elle vole par devant & se presente à nos pieds, mais si elle eschappe & euade vne fois, se retirant bien hault en l'air, se moque de ceux qui la suiuent & n'a garde retourner à eux. Et par ainsi les peinctres & ceux qui taillent ou tirent images, contre-font à la dame Occasion vne teste humaine à long cheueux par deuant sur le front, & ne luy en depeignent point au derriere du chef: voulans signifier couuertement, mais fort pertinemment, que si l'occasion se presente & nous suit par derriere, nous la pouvons empoigner par ses longs cheueux: si elle passe deuant, nous ne la pourrions reprendre aysément, pour ce qu'il n'y a de quoy l'attraper. Ce que pour lors aduint à Martien, qui ayant refusé le temps opportun pour executer son entreprinse, ne le peut aucunement puis apres recouvrer. Car le lendemain les siens l'abandonnerent, & fut contrainct de se sauuer tout seul en l'Eglise des saints Apostres, d'où il fut retiré par force & enuoyé en Cesaree de Cappadoce: & quelque peu apres estant recongneu & descouvert avec des moines, par entre lesquels il taschoit se desrober & s'en fuir, fut emmené de là à Tarse de Cilicie où il receut honnorablement la couronne & dignité de Prestre. Ce qu'Eustace Orateur Syrien qui a descript fort amplement tout le fait, remarque & recite elegamment.

*L'occasion  
de bien faire  
est tost  
passée.  
Peincture  
d'occasion.*

*De la tyrannie d'Ille & Leonce, & des bastimens que fit bastir Ammien.*

CHAP. XXIII.



Le mesme Eustace recite aussi que Zenon se mit en peine par plusieurs fois de surprendre & faire quelque tort à Verine sa belle mere, & qu'en fin finale il la chassa & enuoya en exil à Tarse en Cilicie, & que puis apres estant au chasteau de Papirius, elle fina sa vie du temps que Ille & Leonce, auxquels elle avoit baillé les enseignes & principales marques de l'Empire, exerçoient tyrannie. Il poursuit encore en fort beau langage & elegant l'histoire de Ille, sçavoir est, comme il euita les embusches & trahisons de Zenon: & come ce Zenon fit tuer celuy qu'il avoit suborné & enuoyé secretement pour massacrer & meurtre Ille, luy faisant payer l'amende & porter la peine de mort qu'il n'avoit perpetré en la personne de Ille. Puis apres, le mesme autheur escrit que Zenon voulant couvrir & dissimuler l'entreprinse, fit Ille capitaine des bandes Orientales, lequel s'estant accôpaigné de Leonce & Pamphiles exerça grandes cruautéz aupres de Tarse en Cilicie. En outre il escrit, que rien ou bien peu leur profita la tyrannie, pour ce que Theuderic, Gotthois, avec grand nombre de gens de guerre de ses subiects, & autres de pays estrange, fûs commis & enuoyé à l'encontre d'eux de l'autorité de l'Empereur, & par son commandement mesme tuez miserablement, receuans condigne recompense de celuy qu'ils auoyent restitué en l'Empire. Le mesme Eustace rethoricien adiouste ensuyuant, que Theuderic congnoissant que Zenon luy brassoit quelque meschant tour, quoy qu'il l'eut déclaré Consul & gouverneur de Thrace, mena son armee deuant la vieille Rome: aussi que par droit de guerre il vainquit Odoacer, & qu'estant vestu d'accoustremens Royaux se fit appeller Roy: d'auantage, que sans armes ny coup donner, il subiuga beaucoup de nations Orientales, les Vandales, la grand' ville de Rome, & (pour le dire en bref) tout le pays d'Italie, qu'il rendit subiect à son obeissance. Aucuns maintiennent que Theuderic entreprint toutes ces menées, à la suggestion & permission del'Empereur. Au mesme temps Mammien senateur, homme de grand honneur & reputation, fit faire vn bastiment en Daphné, qui estoit vne forest es faubourgs d'Antioche, que les habitans appellerent Antifores

*Trepass de  
Verine.  
Faicts de  
Ille, Leonce  
& Pam-  
philes qui  
affectoyent  
la tyrannie  
contre Ze-  
non.*

*Actes de  
Theuderic  
duquel la  
mort est  
descripte cy  
dessus, cha.  
21.*

&c

& dedans la ville, il fit aussi bastir deux portiques ou galeries Imperiales, decorees & ennoblies de pierres exquisés, riches & de diuerſes couleurs: entre lesquels porches il fit poſer au milieu quatre haultes colonnes d'arain, le fondement deſquelles ou ſous-baſſement eſtoit paué de marbre de l'ille Proconefe. A tant ſoit dict de ces choſes.

*De la mort de Zenon, & election d'Anaſtaſe Dicore.*

*CHAP. XXIIII.*



Entant Zenon la fin de ſa vie approcher demanda conſeil à Maurien, qui eſtoit l'un de ceux que lon penſoit annócer les choſes futures, à ſçauoir, qui gouuernerait l'Empire apres ſa mort, veu qu'il n'auoit aucuns enfâs. Et dit on qu'il luy reſpondit que quelcun de ſes ſecrétaires non ſeulement iouyroit de l'Empire, mais auſſi de ſa femme. Or Zenon ſe doutant que ce deuin entendit Pelage, qui eſtoit homme fort excellent & ſage, ordonna qu'il fuſt mis à mort, & encore d'autres qu'il fit executer, combien qu'ils ne le meritaſſent en rien. Eſtant donc ſaiſy du hault mal, tant la maladie fut aſpre & rigoureuse, qu'il rendit l'eſprit, ayant touſiours en la

*Zenon fit tuer quelques gens de bien, peſant faire mourir ſon ſucceſſeur.*

bouche le nom de Pelage. Le bruit eſt que ſa femme Ariadne le hayoit; & pour ce qu'elle le fit mettre tout viſ en terre, eſtant aliené de ſon ſens & ſi fort preſſé d'épilepſie & mal caduc qu'il ſembloit eſtre mort. Les autres tiennent pour le plus vray, qu'il fut mis au ſarcueil, eſtant ſi yure qu'il n'auoit aucun ſentiment, mais que quand il eut reprins ſon bon ſens & fut reuenu en connoiſſance par ſobriété, il'eſcria à haulte voix dedans le tombeau, & demanda ſeulement ſa vie ſauue, & qu'il ne uoloit plus l'Empire, eſtant tout preſt de le quitter & ceder, comme il promettoit par ſerment: mais iacoit qu'il fit telles promeſſes, perſonne toutefois n'eut pitié de luy, à cauſe que ſa femme Ariadne l'auoit defendu. Voila donc comme il perdit la vie apres ſa cruauté tyrannique, qu'il exerça en l'Empire par l'eſpace de dix ſept années, du nombre deſquelles ſont les vingt mois, durant leſquels Baſiliſque uſurpa la principauté. Or cela ainſi fait, Longin frere de Zenon eſtant deuenu fort puiffant, eſperoit bien ſ'emparer de l'Empire, mais il decheut de ſon opinion: car Ariadne par le conſentement des Senateurs en bailla la couronne & administration à Anaſtaſe Dicore, lequel n'eſtoit pour lors eſleu ny prouueu à quelque eſtat au Senat, ains apprenoit encore à l'eſcole des ſecrétaires. Buſtace auteur, duquel nous auons parlé par cy deuant, a eſcrit que depuis le commencement de la tyrannie de Diocletian Empereur, juſques à la fin du regne de Zenon, & election d'Anaſtaſe, il y eut deux cens & ſept ans: & depuis le temps qu'Auguſte fut eſleu monarque, eſtoient interpoſez cinq cens trente-deux ans & ſept mois: depuis le regne d'Alexandre de Macedoné, huit cens trente-deux ans & ſept mois: depuis Romule auſſi mil & cinquante deux années & ſept mois: depuis la prinſe & deſtruction de Troye, mil ſix cens quatre vingts ans & ſept mois: & l'an depuis la diuine incarnation de noſtre Seigneur, quatre cens quatre vingts & douze: & depuis Adam & la creation du monde, cinq mil neuf cens quatre vingts & quatre.

*Supputation des années depuis Adam juſques à Anaſtaſe.*

*La fin de ce chap. n'eſt point en Euaſt. lin. 2. chap. 29. Ou plus toſt 1244. Selon les nouueaux 4470.*

*Sous l'Empire de Zenon il y eut tel embrasement de feu en la ville Imperiale, qu'elle fut à demy brulée, & y furent perdus bien vingt mil volumes. Ignace.*

*En quel eſtat eſtoient les Eglises de ce temps: quelle opinion chacune ſouſtenoit touchant le concile de Calcedone: & du banniſſement d'Euphemie Conſtantinopolitain.*

*CHAP. XXV.*



Out auſſi toſt qu'Anaſtaſe eut receu la couronne de l'Empire, veu que parauant il n'eſtoit encore marié, il print Ariadne pour eſpouſe: & pour faire honneur à Epidamne que l'on appelle maintenant Dyrrachie, ville de ſa natiuité, il l'enrichit fort brauement, & munit de belles fortrefſes. Et premierement il renuoya Longin, grand maiſtre & commis de tous les eſtats de la cour, en Seleucie d'où il eſtoit venu, & apres luy tous les Iſauriens. Dequoy ce Longin & ceux qui eſtoyent deſchaffez avec luy mal-contens, conſpirerent & tacherent par moyens iniuſtes paruenir à la principauté, comme nous dirons puis apres. Or Anaſtaſe pour atteindre au principal effect de ſon intention qui eſtoit de viure en paix, de n'amener, introduire, ny endurer choſes nouuelles en l'eſtat Eccleſiaſtique, mit toute peine & diligence à ce que les tumultes des ſainctes Eglises de Ieſus Chriſt, les diſputes, diſſentions & contentions de fait ou de paroles ceſſaſſent, & que ſes peuples & ſubiects fuſſent entretenus en paix & concorde: il aduint ce pendant que durant ſon Empire le concile de Calcedone ne fut publié ny receu par luy, faiſant eſtablir publiquement edicts & ordonnances Imperiales, non plus que reproué ou reiecté: mais tous en auoyent opinion, & ſe comportoyent ſelon iceluy, ainſi qu'il ſembloit

*Longin grand maiſtre deſchaffé de la cour.*

Vv

bon à chacun des Euesques & curez des Eglises : Car ceux qui le soustenoyent & defendoyent vaillamment, ne souffroyent ny permettoient qu'un seul mot, ny vne seule syllabe, non pas un trait de lettre, point, ou accent fust osté, ou seulement changé des decrets & articles dudit Concile. Mais encore librement & de franche volonté se retiroient & separoyent de la compagnie & communion des autres qui le denigroyent : tellement qu'ils ne daignoyent seulement recevoir & admettre en leurs maisons, ceux qui refusoient recevoir ou admettre ce qui deüement auoit esté decreté audit Concile. Il y en eut d'autres aussi au contraire, qui plustost que de l'approuver, le condamnoient & detestoyent publiquement, avec la section de Leon. Aucuns faisoient le semblable touchant la constitution de Zenon, touchant la pacificatiõ des troubles : & mesme discordoyent entre eux de telle sorte, que quelques vns soustenoyent deux natures en Iesus Christ, les autres vne seulement : & ceux là certes s'abusoyent par quelques lettres malicieusement composees & ioinctes, & ceux cy pensoient estre le meilleur de suyure la paix. Tel mal accreut & s'augmenta si fort que chacune Eglise estoit diuisee en ses factions & lignes, & que les Euesques ne se hantoyent aucunement les vns les autres. Qui fut cause que les parties Orientales & Occidentales, & pareillement la Libye estoient diuisees en plusieurs sectes & opinions : car ceux d'Orient ne vouloyent consentir avec ceux d'Occident, ne ceux de Libye accorder avec ceux cy ou ceux là. Mais encore ce qui est tres indigne & deshonneste, les Prelats mesmes & curez des Eglises Orientales ne conuenoyent entre eux à la cõmunion : ny ceux de l'Europe & d'Occident, ny aussi les Euesques de Libye faisoient assemblees, cenes, ny conuenticules entre eux. tant s'en fallut qu'ils s'accostassent avec ceux qui n'estoyent de leur pays & prouinces : tant il y auoit grande confusion & auenglement de la mauuaise intention & peruerse inclination des peuples. Cependant, combien qu'Anastase eust proposé maintenir la paix & tranquillité, & que son principal vouloir fut de ne rien changer es Eglises, tout esmeu par la temerité inconsiderée de ceux qui ne s'estudioient qu'à nouueautez, il degradoit & depouoit de leurs sieges tant les vns que les autres qu'il entendoit contreuenir aux bonnes coustumes, & sans rime ne raison condamner le saint Concile & iniquement l'excommunier : & au contraire il ne traitoit moins rigoureusement ceux qui le soustenoyent & preschoient publiquement : de façon que par tel moyen plusieurs Euesques furent bannis & punis, mais en premier lieu (comme nous auons desia dit) il degrada Euphemie, euesque Constantinopolitain, & secondement apres luy Macedonien, auquel succeda Timothee.

*Dissention  
des Eglises.*

*De Macedonien, euesque de Constantinople: comme il fut dechassé de son Euesché:  
& de sa mort: plus des Euesques d'Alexandrie.*

## CHAP. XXVI.

*Les causes  
de la haine  
d'Anastase  
contre Euphemie.*



Donc Anastase comme quelque Patrocle prenoit pretexte & couuerture de sa meschanceté, chargeant les Euesques, qu'ils introduisoient choses nouvelles es Eglises. Mais à la verité le mauuais vouloir qu'il portoit couuertement dans son cœur estoit bien autre: à sçauoir, la fidelité & vraye obseruance de la religion que soustenoit Euphemie, & pour ce que parauant il auoit mis & chassé hors l'Eglise iceluy Anastase, d'autant que le bruit couroit & auoit on opinion qu'il se sentoit de la dāgereuse & peruerse doctrine de Dioscore, voulant faire assemblee & esmouuoir troubles il menassa Euphemie de luy faire razer la teste, suyuant la commissiõ & puissance qu'il en disoit auoir de Zenon, & renuersa sa chaire & siege Episcopal. D'auantage, quand Ariadne bailloit la robe Imperiale à Anastase, & le vouloit faire recevoir, Euphemie prelat de telles solemnitez y contreuint & l'empescha fort & ferme, disant qu'il ne passeroit outre, & ne feroit ce qui estoit requis en telles ceremonies ordinaires, que premierement il ne s'obligast iurant par deuant notaires qu'il garderoit la foy inuiolablement, qu'il n'introduiroit ou innoueroit chose quelconque en l'Eglise pendant le temps de son Empire, & aussi que volontairement il ratifieroit & adiousteroit aux trois autres Concile celuy de Calcedone. A toutes lesquelles conditions Anastase s'estoit accordé & les auoit baillées par escript, & ainsi sur ces pactions l'Euesque Euphemie paracheua suyuant sa charge les ceremonies accoustumees en telles receptiõs & couronnement d'Empereur. Mais quelque peu de temps apres, Anastase s'attaquant à Euphemie luy redemanda l'obligé : & à faulte de le rendre, il fut contrainct de s'en fuir du pays & aller en exil. Mais outre ce, il rachoit & espioit tellement à le faire mourir, qu'un de ses familiers, nommé Paul, homme de belle taille & surpassant les autres entierement depuis les espauls, receut le coup d'espee que lon portoit par tout desgainee contre Euphemie. Voila cõment & les causes pourquoy il fut banny, iāçoit que le peuple en fut bien marry. Au saint siege Episcopal fut esleué Macedonien, auquel Euphemie auoit baillé l'obligation & stipulation de Anastase, comme à celuy qui estoit gardien des sacrez ioyaux.

Or



Or est il ainsi qu'Anastase estoit obligé à tenir lesdictes promesses, tant pour les causes mentionnées, que pour le support & faueur qu'il monstroït en plusieurs choses aux heretiques Manicheens, comme celuy duquel la mere en estoit des plus auant & plus affectée, & Clearque frere d'icelle & oncle d'Anastase estoit atteint & conuaincu d'estre Arrien. Qui fut la cause pour laquelle Anastase à son aduenement à la couronne, donna grand' ioye tant aux Manicheens qu'aux Arriens, lesquels par ce moyen attendoient quelque remuement. Quand donc Macedonien fut installé en son siege Episcopal, Anastase s'efforça retirer de ses mains l'obligé de ses promesses, car il se doutoit que ce luy seroit reproche : & n'auroit point d'honneur s'il delaissoit apres sa mort vn libelle ou certification qui repugnast à la vie & religion qu'il auoit tenue. Mais pour autant que Macedonien l'empescha non moins constamment qu'Euphemie, & qu'il estimoit que totalement il faulseroit & trahiroit la foy Catholique s'il rendoit ce contract, & qu'il debatoit courageusement contre Anastase, il chercha occasions diuerses pour le troubler & deietter de son siege ainsi que l'autre, pour à quoy paruenir il ne laissa rien arriere : Mais n'ayant autre cause pour venir à chef de ce qu'il brassoit, fit amasser grand' troupe d'heretiques pour forcer & contraindre Macedonien, à fin de blasmer & condamner le concile de Calcedone. Dequoy aduertie le commun peuple se trouua au lieu mesme de l'assemblée, & cria à haute voix deuant tous, Sus, il est temps d'endurer le martyre, que personne n'abandonne son pasteur & prelat : & d'auantage ceste commune iniuria l'Empereur, l'appellant Manicheen & indigne de l'Empire. Lors Anastase craignant sa peau, estoit tout prest de s'enfuir, & fut cōtrainct de cherir & caresser Macedonien, auquel parauant il auoit iuré que iamais seulement ne le regarderoit. Macedonien donc parla hardiment à luy, le reprenant & accusant comme aduersaire du repos Ecclesiastique : tellement que pour lors il acquiesça à ses remonstrances, se soubsmit & monstra plus placable & gracieux. Mais incontinent apres, tant il estoit meschant, suborna & gaigna par argent aucuns faulx & mesmoings contre luy. Et de faict se presenterent quelques ieunes gens, lesquels non moins s'accuserent eux mesmes qu'ils chargerent iniquement Macedonien, par faulxe accusation, luy imposant menteries & cas enormes. Mais pour ce que tout à l'heure ses brayes ou chausses aualees monstrant qu'il estoit chastre, conuainquit la calomnie, & prouua leur dire faux & controuué, Anastase eut refuge & aduisa à vn autre moyen plein de toute fraude & abus : c'est, qu'il commanda que Celere, grand maistre de la cour, fist vn libelle & petit registre, auquel estoient escripts les deux premiers Conciles seulement, & les deux autres obmis, qu'il confessast approuuer : ce que fit, à l'improuiste Macedonien, lequel ayant aussi accordé & soussigné l'edict de Zenon, touchant la pacification & reünion des Eglises ne fut sans blâme & reprehension : combien que puis apres estant au monastere de Dalmatie, il se purgea & desdit de l'offence & scandale, & se lava du cas qu'on luy mettoit sus, en vn sermon qu'il fit deuant tous ceux qui obseruoient la vraye pieté, leur prouuant par paroles expressees le saint quatriesme Concile, & soustenant heretiques tous ceux qui ne le receuoient. Mais il ne peut si bien faire, qu'Anastase enuoyant Celere grand maistre, ne le deposast secrettement & chassast de son siege, l'enuoyant en exil à Euchaite. A cause dequoy le Senat & tout le peuple Constantinopolitain furent bien fachez : car ils auoient en grande reuerence & admiration la sainteté de vie & sincerité de doctrine de Macedonien : aussi de vray c'estoit vn homme fort excellent & recommandable tant pour l'affection qu'il portoit à la vraye religion, que pour la dignité sacerdotale, comme celuy qui auoit esté nourry & enseigné par Gennadie, duquel mesme il estoit neveu & fils de son frere. Il y eut grande persecution executée contre les sectateurs de Macedonien apres son departement : car les vns furent affligez par exil, les autres par bannissement & proscription, aucuns par faulxes & iniustes accusations, quelques vns aussi par la confiscation de leurs biens : plusieurs mesme de leur plein gré prindrent au pied pour se sauuer, & se retirerent à Rome. Anastase donc enuoyant vn nommé Calopodie, fit soudain prendre & enleuer furtiueusement le Liure des decrets & articles de Calcedone, que Macedonien à son depart auoit caché sur l'autel plus sacré, & le deschira en pieces & les ietta au feu : & enuoya sentence de condamnation à Macedonien que lon trainoit en exil. Mais il demanda si ceux qui l'auoient condamné, receuoient ou accordoyent le Concile de Calcedone : ce que denians ceux qui apportoyent ladiete sentence : Si, dit-il, les Arriens ou Macedoniens m'ont enuoyé libelle & citation pour me condamner, la doy-ie recevoir ? Voila comment & pourquoy il fut mené à Euchaite. Mais quand les Hunnes ( que lon appelle aussi les Sabariens ) faisans courses, violences & entreprinse du costé des destroicts de Caspie, gastoyent toute la contree Orientale, Macedonien se recula de ce pays là pour aller à Gangre. Ce qu'estant rapporté à Anastase, il enuoya secrettement des bourreaux pour le tuer cruellement. Son corps fut enseuely en l'Eglise saint Callinique, martyr, où il fit beaucoup de miracles. On dit aussi que Macedonien estant ja couché & estendu tout mort, se signa luy-mesme de sa propre main du sacré signe de la croix : & qu'il apparut en songe & vision nocturne à vn certain Theodore, homme de bien & de bonne vie, & que de grand courage luy commanda de signifier tels propos à Anastase : Certes ie m'en retourne à mes Peres, desquels i'ay obserué purement la foy entiere : mais quant à toy,

Vvu ij

*Anastase  
estoit Ma-  
nicheen.*

*Les causes  
pourquoy  
Anastase  
pour suyuis  
Macedonien.*

*Accusa-  
teurs subor-  
nez par  
Anastase  
contre Ma-  
cedonien.  
Autre cri-  
me imposé à  
Macedonien,  
comme s'il  
n'eut ap-  
prouué le  
concile de  
Calcedone.  
Exil de Ma-  
cedonien.*

*Persecution  
des secta-  
teurs de Ma-  
cedonien.*

*La sentence  
iniquement  
rendue ne  
peult gre-  
uer enuers  
Dieu.  
Auguste.*

# LIVRE XVI. DE L'HIST. ECCLESIASTIQUE

ſache que ie ne ceſſeray de prier Dieu iuſques à tant que le pluſtoſt que faire ſe pourra tu te reſentes pour te defendre & plaider ta cauſe avec moy, deuant ce iuge qui n'eſt corrompu par aucuns dons ou argent pour iuger. Or apres Macedonien, Anaſtaſe donna la charge de l'Egliſe à Timothee ſon preſtre & vicaire, qui eſtoit gardien des ſacrez vaiſſeaux, & ſe ſurnommoit Celon & Litrobunes, leſquels noms luy eſtoyent impoſez conuenablement pour quelques actions & meſchans cas. Ce Timothee entré en l'Egliſe, ne voulut celebrer les myſteres ſacrez, que parauant il n'oſtaſt les effigies & armoiries de Macedonien, qui pour lors eſtoient là. Mais auſſi ce meſchant Empereur bannit & dechalla pour les meſmes cauſes Flauen, Eueſque Antiochien, Helie Ieroſolymitain, qui eſtoit ſucceſſeur de Saluſte, & en pareil cas Iean Alexandrin, il n'en fit moins à l'endroit de Tabennioſiores: lequel eſtant aduerty à Rome, qu'Anaſtaſe eſtoit eſleu Empereur, il ſ'en retourna en Orient, ſoubs eſperance de receuoir ſon ſiege: car eſtant en Alexandrie, il auoit eu grande amitié & accointance avec luy: & l'auoit ſauué tout nud d'une tēpeſte & naufrage: bref, il ſ'eſtoit monſtré fort diligent & beneuole à ſon ſecours: mais par ingratitude, au lieu de liberalité, il luy rendit la recompenſe d'exil, lequel en ſ'enfuyant, retourna de rechef à Rome.

*a* Mais il demanda. &c.] *Plusieurs ſe vantent pour ſuyure & vanger par un Zele & ardent deſir enuers Dieu le meſſage des eccleſiaſtiques, mais quand ils corrigent ainſi indiſcrettement, eux-meſmes tombent en un cas plus enorme: comme il eſt eſcript en la cauſe 24. queſt. 3.*

*b* ſe ſurnommoit Celon] *Celon, en Grec, ſignifie celuy qui eſt chaud & enclin à paillardie. Suidas.*

*Diſcours de Xenaias, Eueſque de Hierople: & de Flauen, Antiochien.*

## CHAP. XXVII.

*Xenaias  
Preſtre de  
ſon autori  
té prinée.*



*Xenaias  
eleu eueſ  
que ſans  
qu'il fut  
baptizé.*

*Il defendit  
de venerer  
les images  
des ſaincts.*

*Muſinerie  
des moines  
en Alexan  
drie contre  
le concile de  
Calcedone.*

*Deſaite de  
plusieurs  
moines.*

*Seconde ſe  
dition.*

*On l'ap  
pelloit auſſi  
la ſeconde  
Syrie.*

*Exil de Fla  
uien.*

Nous trouuons par eſcript de Flauen, Eueſque Antiochien, ce qui ſ'enſuit: Il y auoit vn certain homme nommé Xenaias, qu'on dit plus proprement en Grec Philoxene, qui eſtoit de la nation des Perſes & ſerf de condition, fort propre & idoine miniſtre du diable: lequel fugitif d'avec ſon maĩſtre, du temps que Calandion eſtoit eueſque, ſe renga en l'Egliſe de Dieu, ſoy diſant eſtre clerc, combié qu'il n'eut encore receu le ſainct lauement de Regeneration. Calandion congnoiſſant l'humeur du peleurin & ſa malice couuerte & diſſimulee, par quelques ſignes & coniectures exterieures, l'en fit ſortir & le bannit. Mais Pierre Cnaphee ſucceſſeur à Calandion non ſeulement le receut & admit: mais auſſi, combien qu'il ne fut encore baptizé, le conſtitua Eueſque de la prochaine ville appellee Hierople, & luy mit nom Philoxene. Or dit on, que quand on reprocha à ce Pierre qu'il auoit commis l'Eueſché à vn homme qui n'auoit encore receu le Baptême, il reſpondit que la conſecration ſuffiſoit pour le Baptême. Ce Xenaias fut le premier, tant il eſtoit de vouloir outrecuidé & de hardieſſe effrontee, qui oſa deſgorger & dire qu'il ne falloit reuerer les images de Ieſus- Chriſt, ny de ceux qui luy auoyent eſté agreables. Parquoy ce miniſtre & autheur de meſchanceté faiſant assemblees avec grand tumulte des plus apparens de la nation des Syriens, & ſ'accouſtant de bonne multitude de moines qu'il enleua du monaſtere Cynegique ou Venatique, avec la malice qu'il auoit de nature, deſcendit en Antioche pour contraindre & forcer Flauen d'excommunier & deteſter le concile de Calcedone & la ſection de Leon. Ce que Flauen reſuſant & aſſeurant qu'il ne l'accorderoit iamais: & les moines eſtans tous preſts de ſe ruer deſſus, le peuple qui en entédit le bruit, & que leur Eueſque eſtoit en danger, chacun ſelon ſon pouuoir ſe trouua pour le defendre: de façon qu'il y eut tant de moines meurtris & tuez que leurs corps morts pour la grande multitude furent iectez en la riuere Orôres, laquelle leur ſeruit de ſepulchre. Il ſuruint encore vn autre inconuenient guere moins perilleux que le precedent: Car quelques moines en Celeſyrie, bien aſſectez à Flauen, pour autant qu'il auoit mené vie monaſtique en vn certain lieu voiſin, appellé Tilmogne, entendans les troubles ne failirent ſe trouuer en Antioche pour defendre & ſouſtenir Flauen ſuſdict, de tous leurs moyens & efforts: tellement que lors la deſſaite ne fut moindre qu'auparauant. Flauen donc à riſon de ceſte deſconfiture & de l'autre, fut par quelque finelle chargé & mené en exil, où il fut contrainct paſſer le reſte de ſa vie ſur vn rocher hault & inacceſſible, au pays de la Paleſtine. Voila les cauſes à riſon deſquelles ſi excellens perſonnages Macedonien & Flauen furent dechassez & depolez de leurs ſieges. Touchant leſquels, les moines de la Paleſtine eſcriuans à Alcifon, racontoyent ce qui ſ'enſuit.

*Ce que*

*Ce que les moines de la Palestine manderent à Alcison touchant Macedonien & Flauien Euesques d'Antioche & de la confusion & troubles des Eglises de ce temps.*

## CHAP. XXVIII.



Pres la mort de Pierre Monge, se sont esleuez de rechef des troubles & dissensions entre ceux d'Alexandrie, d'Egypte & de Libye, de sorte que chacune secte & faction a fait ses assemblees à part : mesme le reste d'Orient s'est entierement separé & distrait des autres Eglises, par ce que les Occidentaux ne vouloyent communiquer avec eux, s'ils ne reiettoient & condamnoient Nestorius, Eutyche & Dioscore, & avec iceux Pierre Monge & Acacie. Donc les affaires Ecclesiastiques de tout le monde estans en tel estat, se trouuoit bien petit nombre des vrais & opiniastres sectateurs de Dioscore ou d'Eutyche, si que leur cas se portoit si mal, & venoyent en si pauvre estat, que bien tost ils euanouiroient, & n'y en demeureroit pas vn: mais Xenaïas en ce fait, respondant à son nom (car il estoit totalement estrangé de Dieu) meud'e ie ne sçay quel conseil & entreprinse pour venger certaines inimitiez qu'il auoit contre Flauien, se banda contre luy sous pretexte & couleur de la religion (comme racontent aucuns) & se print à l'accuser faulsemēt, comme s'il eust esté Nestorien. Et apres qu'il eut condamné & excommunié Nestorius avec son opinion, dès lors il se reuolta au contraire & tourna du costé de Dioscore, Theodore, Theodorit, Ibas, Cyre, Eleuthere & Iean, & de ie ne sçay quels autres heretiques qu'il amassa où & ainsi qu'il voulut: du nombre desquels aucuns de vray faisoient profession de la doctrine de Nestorius, & les autres tenans suspecte son heresie le condamnoient & excommunioient, & se contenoient en la communion de l'Eglise Catholique. Iceux donc ainsi ramassez à l'entour de Flauien, Si tu ne veux, dit Xenaïas, excommunier tous ceux-cy infectez & gastez de la doctrine de Nestorius, tu es toy-mesme Nestorien, quoy qu'il en soit, que tu l'excommunie dix mil fois avec son opinion. Il excita aussi par lettres les Dioscoriens & Eutychiens, & leur persuada estre de son party à poursuyure contre Flauien, & pour le presser tous ensemble, qu'il condamnaist & excommuniaist non pas le Concile, ains les personnes que nous auons mentionnees. Mais Flauien Euesque leur resista long temps & vaillamment: toutesfois apres que quelques autres furent encore bandez avec Xenaïas contre luy, comme vn certain Eleusine, Euesque de la seconde Cappadoce, Nicias de Laodicee des Syriens, & autres Prelats d'ailleurs (desquels ce n'est mon propos & ne m'appartient, mais c'est plustost l'œuvre de quelques autres, d'escire & declarer la cause de pusillanimité & peu d'occasio qu'ils auoyent contre Flauien) pensant finalement par le moyen d'iceux reduire & remettre les autres en paix, il ceda à la dispute & contention, & par escript donna sentence d'excommunication à l'encontre des personnes sus-nommees, & en enuoya le double à l'Empereur: car ils l'auoyent irrité contre luy comme s'il eust esté Nestorien. Mais encore Xenaïas non content de ce, voulut de superabundant que Flauien donnaist sentence contre le Concile de Calcedone, & tous ceux qui confesseroyent deux natures de l'humanité & diuinité en nostre Seigneur. A quoy refusant obeïr, fut accusé de rechef comme Nestorien. Et comme lon eut disputé long temps touchant telle opinion, & que le Patriarche Flauien eut composé & dressé sa cōfession de foy, en laquelle il protestoït qu'il falloit receuoir le Concile en tant qu'il condamnoit Nestorius & Eutyche, mais non pas qu'il eut pouuoir d'establir vn decret & doctrine de foy: pour cela les aduersaires le blasmerent & luy imposèrent crime comme s'il eut esté Nestorien secret & dissimulé, s'il ne condamnoit aussi bien le Concile de ceux qui faisoient profession des deux natures de l'humanité & diuinité en nostre Seigneur. Ils firent tant pareillement, que cauteleusement & par belles paroles ils rengerent les Isauriens en leur sentence & opinion: si bien qu'en vn escript qu'ils enuoyerent touchant leur foy, ils excommunierent & reprouerent le concile Calcedonien, avec tous ceux qui soustenoyent deux natures & proprieté en nostre Seigneur. Et à ceste occasion se separerent d'avec Flauien & Macedonien, & se ioignirent avec les autres qui auoyent mesme sousigné cestuy escript. En ces entrefaites ils demanderent aussi à l'Euesque de Ierusalem sa profession de foy par escript, laquelle il dicta & enuoya par les Dioscoriens à l'Empereur. Or ces Dioscoriens mettoyēt au deuant & imposoyēt, qu'en sadite cōfession de foy estoit cōtenue l'excommunication cōtre ceux qui faisoient professiō des deux natures. Mais l'Euesque de Ierusalem affermoit & maintenoit au cōtraire qu'ils l'auoyēt deprauee & corrompue: & de fait, produit & allegua vn autre escript où il n'y auoit point de telle excommunication. Et ce n'est pas de merueille, car mesme ils ont falsifié les escrits des anciens Peres, & par inscriptions faulces, ont attribué à Athanase, à ce grand & admirable Gregoire, & à Iule, plusieurs des liures d'Apollinaire. Par le moyen desquels ils abusent & attirent beaucoup de gens à leur meschanceté. Ils demanderent quant & quant à Macedonien la forme & maniere de sa foy par escript, laquelle aussi il bailla,

*De Helie  
Ierusalem  
tun.*

*Les heretiques  
sont  
depraués  
liures des  
anciens.*

## LIVRE XVI. DE L'HIST. ECCLESIASTIQUE

protestant qu'il ne receuoit ny reconnoissoit que la seule foy & credence des trois cens & dix-huit Peres, ensemble celle des cent & cinquante : il deresta & maudit Nestorius & Eutyché avec ceux qui sont d'opinion qu'il y a deux Fils & deux Iesus Christ, ou qui diuisent les deux natures : & ne fit aucune mention du concile d'Ephèse, auquel cét Nestorius fut condamné, ny de celuy de Calcedone, auquel fut dégradé Eutyché. Ce que les religieux des monasteres de Constantinople porterent en mauuaise part, & se reuolterent & rendirent parties contre l'Euesque Macedonien. Durant cela, Xenaias & Dioscore, bandez avec beaucoup d'autres Euesques, deuindrent tant superbes & arrogans, qu'ils susciterent de grands & dangereux troubles contre ceux qui ne consentoyent à la mesme condamnation : du nombre desquels, si aucun estoit trouué qui ne la leur accordast entierement, ils s'efforçoient par tous moyens de le chasser en exil. Et ainsi finalement, Macedonien, Flauien, & Iean Euesque de Palte, furent bannis & dechassez de leur propre pays. Voila comme les affaires susdictes furent traitées.

*Comme apres Flauien, le meschant Seuerus s'empara du siege Episcopal d'Antioche: de sa vie mesme  
& comme il condamna soudainement le concile de Calcedone.*

CHAP. XXIX.

*Seuerus, Euesque de Antioche.*



*Leonce martyr.*

*Nephale dechassa Seuerus du monastere.*

Flauien estant dechassé & banny pour telle occasion, le meschant Seuerus (homme sans chef, qui representoit totalement Eutyché ou Dioscore) enuahit & occupa par force le siege Episcopal d'Antioche : lequel estoit issu de Sozople, ville de Pissidie, & auoit estudié à Beryte, en la iurisprudence & actions forenses. Et quand il fut instruit en la foy & doctrine Chrestienne, incontinent changeant de vouloir, receut le Sacrement de Baptême, au temple de Leonce glorieux martyr, lequel estoit situé en la region maritime de Tripolis en Phenicie: Et dès lors il commença à mener vie monastique en vn certain conuent qui estoit entre Gaze & la ville de Maiume: auquel lieu mesme, Pierre d'Iberie fut banny & reclus, estant déclaré Euesque de Gaze, avec Timothee Elure, passans leur vie en mesme façon & maniere: & laissa grand renom de foy à la posterité. Or ce Seuerus premierement conféra & tint propos en disputant avec Nephale, qui parauant auoit soustenu avec luy semblable opinion, faisant profession d'une seule nature en Iesus-Christ: mais depuis il se retourna, & print le party de ceulx qui receuoient le concile de Calcedone, & affermoient les deux natures: Et pour autant que Seuerus se comporta si arrogamment en ses disputes, qu'il passa les limites de raison, Nephale le dechassa de son monastere, avec ses complices, & plusieurs autres qui soustenoient mesme opinion. De là il print son chemin droit en la ville Imperiale, pour presenter requeste à l'Empereur, afin d'impetrer que son monastere luy fust rendu & à ses compaignons qui estoient dechassez avec luy. Qui fut la cause qu'il eut congnoissance & accez à la maiesté Imperiale, & au Senat, comme recite mesme celuy qui a descript sa vie. Mais Iean, lequel eut quelque different à desmesler en iustice avec luy, nous a remarqué en ses escripts, que le iour que Seuerus deuoit estre consacré, il presenta à l'Empereur Anastase vne attestation couchée par escript, portant que tout aussi tost qu'il iouiroit du siege episcopal d'Antioche, il ne contrenuendrait aucunement à l'aduenir au concile de Calcedone: mais que le mesme iour de sa consecration il fut pourchassé par ceux de la secte de le blasmer & condamner en pleine assemblee dès sa chaire: Ce que mesme il fit en paroles plus expresse, quand il escriuit epistres synodales, touchant lesquelles les mesmes lettres cy dessus recitees & enuoyees à Alcison, font mention en telle sorte.

*« Seuerus, homme sans chef ] Le temps passé il y eut certaine heresie des Acephales, c'est à dire, de ceux qui estoient sans chef ou Euesque, dont fut autheur Seuerus. Suidas. Ils auoyent plustost tel nom, pour ce qu'ils n'auoyent point de certain autheur.*

*Extrait des epistres enuoyees à Alcison, touchant Seuerus.*

CHAP. XXX.

*Enuoy des moines de la Palestine à Alcison.*



Nous auons receu par deçà en la Palestine, les lettres synodales de Timothee, Euesque Constantinopolitain: mais nous n'auons receu la condamnation de Flauien, non plus que les escripts synodaux de Seuerus: ceux aussi qui les auoyent apportez, ont esté repoulsez avec iniures & conuices, comme ils meritoient, pour autant que le peuple & les moines s'esleuoient ja contre eux. Ainsi voila ce qui est adueni en la Palestine: Mais à Antioche aucuns se sont abandonnez du costé de ces heretiques, du nombre desquels mesmement est Marin, Euesque de Beryte: & les autres contraincts par necessité & violence, ont accordé aux autres lettres conuentionnelles de Seuerus, lesquelles

lesquelles excommunioient & condamnoient le Concile de Calcedone, & tous ceulx qui confessoient & enseignoient publiquement deux natures ou proprietez de la chair & de la diuinite de nostre Seigneur. Quelques vns aussi changeans d'opinion & se desdisans, pour au tant que par crainte ils auoyent consenty, se sont retirez d'erreur & faulse opiniõ: desquels sont les Euesques du diocese & ressort d'Apamee: & les aucuns finalement sont demenez entiers & n'ont prouue leur aduis: entre lesquels se trouuēt Iulien, Euesque de Bostre: Epyphane de Tyr, & (comme lon dit) quelques autres. Mais les Isauriens desia delaisans leur folie & se recongnoisans, non seulement condamnent leur faulte & erreur, mais aussi excommuniēt Seue-re, & tous les cõplices & fauteurs de sa faction. Aussi la plus part des Euesques Ecclesiastiques, lesquels estoient soubz Seuer, delaisans les Eglises & leurs charges s'en sont fuis: desquels est ce Iulien, Euesque de Bostre, & Pierre de Damascene, lesquels sont par deça: pareillement Mamas, qui consent avec les Dioscoriens, qui enseignent deux natures des le commencement de l'incarnation du Verbe, mais apres l'incarnatiõ, vne seulement, .. & ausquels Seuer est du tout contraire, delaisse sa paroisse, ayant premierement detesté leur temerité & folie indiscrete & obstinee. Et apres quelques propos, ils disoyent encore: Les monasteres de ce pays, & ceux de la ville de Ierusalem s'accordent, la grace à Dieu, en la vraye foy, & plusieurs autres villes, en semble leurs Euesques: pour tous lesquels, nostre tres-saint & reuerendissime Seigneur & Pere, & pour nous aussi, il vous plaira faire prieres, de peur que ne tombions en tentation.

.. Et par  
lesquels Se-  
uer a esté  
deposé. Euag-  
re, liu. 3.  
chap. 33.

*Ce qu'Euagre d'Epiphanie a écrit de Seuer, auquel fut osté l'Euesché.*

C H A P. X X X I.



N cest endroit ie veulx aussi adiouter les mesmes propbs qu'Euagre, Epiphanien, a laissé par escrit de Seuer, duquel il a dit ce qui s'ensuit: Puis que les lettres de la Palestine font mention que les Euesques de la province & diocese d'Apamee, se sont distraicts & retirez du party de Seuer: maintenant nous traiterons en ce lieu de ce que par nos ancestres & deuanciers a esté transmis iusques à nous & donné de main en main, cõbien que iusques à present il ne se trouue escrit es histoires. Cosme, Euesque de nostre pays d'Epiphanie, apres de laquelle passe la riuiere Orontes, & Seuerien aussi euesque d'Aréthuse, ville prochaine, faschez & animez par les lettres synodales de Seuer, de la communion duquel ils s'estoyent separez, luy enuoyerēt vn mandemēt, quand encore il estoit euesque d'Antioche, en vertu duquel ils le degradoyēt & deposoyēt de sa dignité. Lequel mandement ou libelle fut baillé à Aureliē, premier diacre de l'eglise d'Epiphanie, pour luy signifier: Mais iceluy estant arriué en Antioche pour autant qu'il craignoit Seuer & la grandeur & autorité de son euesché, se desguisa en habit de femme, & en tel estat se presenta deuant Seuer, se marchāt mōlemēt & mignonnemēt, & en toute contenance & mine se contrefaisant femme: se lamētant aussi à la façon de ceux qui supplient quelque chose affectueusement, & du plus profond de leur cœur, luy donna le libelle & sentence de condanation: & puis deceuant toute la tourbe de gens qui le suyuoient, eschapa en fuyāt, plustost que Seuer n'eut acheuē de lire le contenu du libelle. Et ce non obstant, & quoy qu'il eut entendu, & veu sentence rendue contrē luy, demeura toutefois en son siege episcopal, iusques à la mort d'Anastase: lequel informé de ce qui estoit suruenū à Seuer (icy il nous fault mettre par escrit quelque fait memorable & humain de cest Anastase) enuoya cõmission à Asiatique, qui auoit la charge & administration (en Asie) de Libanese en la Phenicie, à fin de prier Cosme & Seueriē de leurs eglises, à cause du libelle de condanation qu'ils auoyent enuoyé à Seuer. Asiatique donc venu es parties Oriētales pour executer son mandement, trouuāt beaucoup de gens qui defendoyent la doctrine de ce Cosme & Seuerien, & que les villes dont ils estoient Euesques, soustenoyent vaillamment & tenoyent bon pour eux, fit response à Anastase, qu'il ne luy seroit possible de chasser ces Euesques de leurs sieges sans effusion de sang. Et Anastase repliqua escriuant encore à Asiatique, que s'il falloit espandre vne seule goutte de sang il n'entendoit passer outre, ny obtenir, combien que la chose fut de grande importance & digne d'y pourueoir. Et toutefois quelque peu de temps apres, il aduint tout ainsi.

Euagre, li.  
3. chap. 34.

Cosme, E-  
uesque d'Ep-  
iphanie.  
Seueriē, d'Ar-  
éthuse.

Responce hū-  
maine &  
fait gra-  
tieux d'As-  
tase.

*De Helie, Euesque de Ierusalem, comme il resista à l'Empereur, pour soutenir le concile de Calcedone: puis comme le notable Sabbas enuoyé audict Empereur, fit l'accord entre iceluy & Helie, toute offense mise sous le pied:*

C H A P. X X X I I.



R l'empereur passa fort & poursuyuit instamment Helie, Archeuesque de la Palestine, fils de Passerion, qui print le siege apres Saluste, successeur de Martyre, à fin de communier & se ioindre avec les detracteurs & contempneurs du Concile de Calcedone:

# LIVRE XVI. DE L'HIST. ECCLESIASTIQUE

mais Helie. pour les grandes seditions & differens qui estoient entre les Prelats des Eglises (car les Romains discordoyent d'auec ceux de Bizance, par ce qu'ils auoyent enregistree Acacie au nombre des Euesques sacrez : & ceux de Byzance repugnoient aux Alexandrins, d'autant qu'ils receuoient la communion de Dioscore, & excommuniyoient le Concile de Calcedone & que Palladius d'Antioche pour flater & complaire à l'empereur auoit en horreur & detestation ce Concile, & qu'il prouuoit les actes & articles des Alexandrins qu'Anastase suyoit) Helie, dis-ie, à cause des troubles & grande confusion des opinions, s'arresta & delibera de communier seulement avec Euphemie. Mais quand il fut chassé & banny (comme nous auons dit) pour la defense de la foy, & que Macedonien eut receu l'euesché d'iceluy, il ne voulut aucunement consentir à la proscription & bannissement d'Euphemie, pour autant qu'il estoit fait contre les decrets de l'eglise : il approuua au contraire la communion de ce Macedonien, pour ce qu'il preschoit & soustenoit la pure doctrine. Mais depuis que Flauien, successeur à Palladie, en Antioche, bien sentant de la foy, se mit de mesme opinion qu'Helie & Macedonien, ce tres-vailant & puissant Tyran en toute meschanceté ne peut contenir sa colere, ny endurer l'accord & consentement de si grands personages : mais comme forcenant de fureur & grande felonnie dechassa de l'eglise Macedonien avec ignominie, par faulces & calomnieuses accusations, telles que nous auons dites, & en bailla le siege Episcopal à Timothee. Il pensa bien aussi, & tenta les moyens comme il pourroit se destraper de Flauien & d'Helie : mais pour lors il s'efforça seulement de les ioindre avec Timothee : si qu'ils ne firent aucune difficulté de communiquer avec luy, qui sembloit accorder & receuoir la doctrine Catholique : mais ils ne purent endurer l'exil & bannissement de Macedonien, come ayant esté fait & decreté pluost par vne violente & forcee domination, que par ordonnance & sanction Ecclesiastique : comme desia estoit aduenue au precedent en la personne d'Euphemie. A raison duquel refus, l'Empereur s'eschauffa de merueilleuse rage à l'encontre d'eux : qui suscita & amena de grands troubles es eglises. Car Anastase fit venir à Sidon, l'assemblee des Euesques Orientaux & de la Palestine, contre ces notables personages : en laquelle assemblee presiderent Soterique de Cesaree, en Cappadoce, & Xenaias (vrayemēt du tout estragez de Dieu) de Hieraple, Euesques, qui autant que nuls autres, fouloyent en tout leur pouuoir, & outrageoyent avec grosses paroles, le saint concile de Calcedone, & de toutes leurs forces faisoient diligence à ce que les opinions, allegations & raisons d'Eutyche & de Dioscore, eussent lieu, & qu'elles fussent gardees & obseruees en toutes les contrees & prouinces Orientales. De quoy estant aduertie ce venerable Helie, Archeuesque de Ierusalem, delibera en soy mesme de se reconcilier le plus humblement que faire se pourroit avec ledict Empereur Anastase, vsant en cest endroit, du tres-debonnaire Sabbas pour singulier orateur : lequel de ce temps estoit fort excellent touchant l'exercice de la vraye pieté & diuine philosophie. Iceluy dōc fut delegué par deuers ledict Empereur, avec les lettres d'Helie, escrites en la forme qui s'en suit : Nous enuoyōs à vostre souueraine maiesté orateurs & ambassadeurs pour les eglises, les Hermites, & avec eux, Sabbas, chef & principal de la solitude : Parquoy, Empereur tres-benign, ayāt quelque respect aux labeurs & travaux d'iceux, ils vous plaira de mettre fin à la guerre suscitée contre les Eglises, & ne permettre desormais que telle perte & calamité passe plus auant : Car ie tiens pour certain qu'vsez de toute diligence à mettre bon ordre à ce que vous faciez choses agreables & plaisantes à Dieu, lequel vous a octroyé la couronne & gouuernement de l'Empire. Sabbas donc se monstra si constant & de si ferme courage parlant à l'Empereur, qu'il appaisa l'orgueil & haine qu'il auoit conceue à l'encōtre de l'Archeuesque de la Palestine : & qu'au Synode ne fut rien conclud ny determiné au preiudice d'iceluy, ny de Flauien, contre lequel il estoit conuocqué de l'autorité de Soterique & Philoxene. Ce neantmoins par enuie & despit dont ils forcenoyent, de là en auant ne cessèrent accuser faulsemēt & mettre en male-grace ces saints personages enuers l'Empereur, come s'ils eussent outragé & iniurié, ou comme s'ils se fussent mocquez de ses actions & entreprises : de sorte qu'ayans obtenu pouuoir & puissance de detester & dechasser ces bons Euesques de leurs offices, qu'est il besoing declarer les maux lamentables que puis apres ils perpetrerēt ? Dés-lors ils firent à l'endroit de Flauien ce que parauant nous auons mentionné en peu de paroles : & outre ce, le iectans hors de son siege, y substituerent ce meschāt Seuerus : lequel installé en l'Eglise d'Antioche exerça tant & de si enormes cruantez enuers ceux qui execroyent & ne vouloyent receuoir la communion, qu'il est impossible de les reciter.

Anastase  
fit assembler  
un Synode  
à Sidon, cō-  
tre Flauien  
& Helie.

Flauien &  
Helie faul-  
sement ac-  
cusez.

Exil de  
Flauien.

*De la liberté de parler dont vserent Sabbas & Theodose, Abbe & prieurs des monasteres, & quelques autres moines de la Palestine, pour la defense du saint Concile de Calcedone.*

C H A P.

XXXIII.

Seuerus, per-  
secuteur  
des Catho-  
liques.



On seulemēt tous les moines de la Palestine experimenterēt en general les efforts & violence de ce Seuerus, mais aussi particulieremēt leurs chefs & principaux, qui estoient disciples du grand Euthyme, desquels la multitude estoit si grande & excessiue, que presque



presque elle estoit innombrable. Car de ce temps furent prizez en ceste contree, & tenus en grand honneur au possible les monasteres administrez par ces pieurs & autres excellens superieurs, comme par le venerable Euthyme, par l'honorable Theoctiste, par Theodose, general des conuens, & par Sabbas qui demouroit es deserts, desquels i'eusse remarqué & couché par escrit en ceste mienne histoire, les combats & labours soustenus pour la defense de Dieu, n'eust esté que la digression & changement du propos dont m'eust fallu user, m'en a destourné: veu que pour la multitude & grandeur de leurs faits illustres, il seroit besoing les descrire en vn tome particulier: lesquels toutefois sont manifestes à tous, & celebres en toutes langues, par les Eglises. Et pourtant nous sommes excusables, si ne les traitons plus amplement. Mais tant y a, que ces heretiques s'adresserent à Sabbas & Theodose, esperans qu'ils viendroyent à bonne fin de leurs entreprinse, s'ils les pouoyent auoir de leur costé. Et apres qu'ils eurent esprouvé & tenté leurs volontez, ce vertueux & excellent Theodose monta en chaire, & comme quelque gouverneur & Empereur, en pleine congregation des moines assemblez comme vne armee, imposant silence de sa main à toute la multitude, dit tels propos à haulte voix, en maniere d'un tonnerre: Malediction à celuy qui n'esgale & reçoit les quatre Conciles, comme quatre Euangelistes. Cela dit, il passa come quelque Ange par le milieu de la troupe des gens qui le regardoyent sans dire vn seul mot, tous estonnez: en telle sorte qu'avec grand effray & espouuement chacun esmerueilloit le fait & dit de ce personnage, comme de quelque capitaine de guerre, par lequel, ainsi que par ordonnance publiee, il faisoit inunction que les Conciles mentionnez fussent annobrez & mis au compte & rang des liures sacrez. Adonc enuoyans lettres à l'Empereur, signifient & promirent assurement soustenir le combat iusques à perdre la vie, touchât le fait de la religion, & qu'ils ne contreuiendroyent aucunement aux traditions & saines doctrines des Peres, quoy qu'il en aduint. En apres, allans d'une part & d'autre par toutes les villes comme chefs & capitaines de guerre invincibles furent faits toutes choses à tous, en confirmans les personnes, les admonestans à patience, les incitans à diligence, & obuians à l'erreur & malice des heretiques preschoyent que le Verbe de Dieu estoit Dieu & homme ensemble: mais qu'en luy n'estoit qu'une subsistence ou personne, & qu'en verité de nature, il auoit aussi bien l'humanité, que la diuinité, ce que mesme a determiné le Concile de Calcedone, lequel a decliné & euité d'une part & d'autre les erreurs des heretiques: car en ce qu'il n'enseignoit & preschoit qu'une personne, il a repudié la bestise de Nestorius: & en ce qu'il maintenoit & faisoit profession des deux natures, il a reiecté la contraction & confusion de Dioscore & Eutyche. Car ce concile n'a aduisé vn seul Iesus-Christ en deux fils & autant de subsistances ou personnes selon l'opinion de Nestorius: non plus aussi qu'il n'a voulu confondre & entremesler comme Eutyche, Dioscore & Seuerus, la diuinité & humanité d'un seul Iesus-Christ en vne nature. Car comme ainsi soit que chacun d'entre eux ait passé plus outre qu'il ne deuoit, il est aduenü que miserablement ils sont là rencheus, & se sont abusez de telle sorte que Nestorius enseignoit diuision, & Dioscore contraction & melange ensemble: celuy là maintenoit deux fils, mais celuy cy à grande peine en admettoit vn. Car Nestorius craignant confesser la confusion & mixtion des natures, a dit que par certaine habitude ou relation venant d'autre part, ou de par quelque autorité & puissance acquise, l'union & cõiunction de diuinité a esté faite avec l'humanité: tellement qu'il preschoit avec les deux natures, deux Fils & deux subsistances: & que l'un des Fils estoit procedé & engendré par especial du Pere, & l'autre qui estoit né de la Vierge, auoit prins & obtenu seulement par grace l'honneur de Filiale adoption. Et quant à ces malheureux Eutyche & Dioscore (comme aussi Seuerus qui depuis a suyuy leur party & opinion) voulans refuter & conuaincre la sentence & absurde doctrine de Nestorius, ils ont donné remede à vn mal par vn autre mal, & se sont esgarez & tombez imprudemment en vne heresie plus absurde & pernicieuse, estans si outreuides que de dire, que ce n'estoit qu'une nature de la diuinité & humanité, & que de ramener tant qu'il leur fut possible, ou assubiection à perpeccion la nature diuine, qui ne peult endurer en soy aucune passion. Car si nous concedons & accordos selonc leurs refueries que les deux natures, la diuinité & humanité lesquelles sont assemblees en Iesus-Christ ne sont qu'une, la diuinité sera participante de la mort. Mais saint Pierre, principal des disciples de Iesus-Christ leur ferme la bouche, lequel dit que Iesus-Christ a souffert pour nous en chair, & n'adiouste la diuinité. Car combien que la diuinité de Iesus-Christ soit vnue & cõiuncte à la chair selonc la subsistence, toutefois elle n'est aucunement participante de souffrance: car comme se pouroit il faire veu que la diuinité est totalement exempte de passion? D'auantage le Concile tres-bien & deuement a determiné de son autorité qu'en Iesus-Christ estoient deux natures conioinctes & vnies d'une façon, non confuse ou meslee, immuable & inuariable, & qu'il est honoré en la seule subsistence & personne de Dieu le Verbe incarné: qu'il est engendré du Pere deuant les siecles, selonc le respect de la diuinité, & au contraire qu'il a esté engendré es derniers iours de la sainte Vierge en vne mode nouuelle de la nature humaine: qu'il est egal au Pere & à la Mere selonc chacune substance, Fils unique selonc le Pere, & premier né selonc la Mere, & par le moyen duquel le Pere a adopté plusieurs enfans en vertu du Baptême. Voilà

Moines notables.

Grave sentence de Theodose.

La doctrine du concile de Calcedone.

contre les heresies de Nestorius & d'Eutyche.

Il enseignoit diuision des personnes, & en cela est l'erreur, non point en faisant distinction des deux natures.

Iesus Christ Dieu & homme a souffert en la chair.

Adoption des enfans de Dieu par le moyen de Iesus Christ au Baptême.

# LIVRE XVI. DE L'HIST. ECCLESIASTIQUE

ce que les moines courans par tout ça & là enseignoyent. Mais ce meschant Empereur eschauffé de colere les condamna en exil, iusques à tant qu'en bref la vengeance diuine ordonna contre luy vn exil & bannissement ineuitable, à sçauoir le decez de ceste vie : à raison duquel les grands troubles des Eglises furēt appeiez, & les saincts personages r'appellez de l'exil, laisserent les tribulations & retournerent au repos qu'ils desiroient.

<sup>a</sup> Car combien &c.) *Le Verbe de Dieu impassible prenant chair humaine a esté fait passible : car personne ne se peut desuestir de la chair, sinon le Fils de Dieu qui s'estoit vestu de la chair.* S. Ambroise, liu. 2. de la foy. *Et celui n'a rien enduré qui n'apas vrayment enduré.* Tertul. *Dieu est né en l'homme.* Sainct Hilaire. *Si Iesus-Christ est Dieu & homme, ainsi qu'il est de vray, pourquoy crains-tu dire, qu'il a enduré, veu que tu ne crains pas le croire estre vn?* Vigil. liu. 2. *Nous croyons bien & preschons avec l'Apostre, que Dieu a esté crucifié, & mort en l'humaine nature.* Le mesme. *Mais en ces iniures & passions recongnoy la diuinité.* Sainct Ambroise, comme dessus. *Le Seigneur de gloire a enduré en chair.* Cyrille. *La foy de l'Eglise sçait bien la dispeſation en Iesus-Christ, mais elle ne sçait ny admet la diuision.* S. Hilaire, liu. 10. *Le Fils de Dieu a prins chair humaine & en icelle a souffert les pauuretes humaines.* S. Aug. *Le Verbe de Dieu a esté pendu sur le bois de la croix.* Ire. liu. 5.

<sup>b</sup> participante de souffrance ) *A sçauoir en l'abstraction : mais autrement en la composition. Et c'est autre chose de dire, Il a enduré en chair : & autre chose de dire, qu'il a enduré simplement par la nature de la diuinité.*

*De Helie encore & de Iean, Euesques de Ierusalem : & comme ce Iean par resipiscence ayant receu la plus saine doctrine rendit sentence d'excommunication à l'encontre de ceux qui ne receuoient les decrets & articles du quatriesme Concile, & ainsi fut admis à la communion par les saincts Peres.*

CHAP. XXXIIII.

*Tyrannie Ecclesiastique de Seuer.*

*Les moines catholiques defendirēt*

*Helie en Ierusalem contre Seuer.*

*Olympie, gouverneur de la Palestine.*

*Sabbas reduit Iean à la foy Catholique.*

*Anastase subrogé au lieu d'Olympie.*



Nous n'auons deliberé traiter encore si tost du repos & tranquillité des Eglises : car deuant qu'elle aduint, Seuer occupa le siege & exerça tyrannie contre la vraye pieté & religion, y faisant cas énormes & de grande cruauté. Or enuoyoit il comme de coustume, lettres de ses conuenticules au Patriarche, mais pour autant qu'il les refusoit à cause de l'excessive impiété d'icelles, l'Empereur de rechef en fut mal-content : de façon qu'il enuoya à Ierusalem grande multitude de gens d'armes contre ceux qui refuseroyent suyu l'opinion de Seuer, & qui ne vouldroyent adherer & soubſcrire à ses missiues synodales. Il ordonna semblablement que les refusans fussent deposez de leurs sieges, & mesme s'il estoit besoing que lon vlast de main forte pour les contraindre. Mais ce pendant qu'Helie estoit ainsi foulé & pourchassé de la cruauté des meschans, ces notables religieux amasserent pour la seconde fois les moines, & en vne esmeure & mutinerie repousserent de l'Eglise ceux que Seuer & l'Empereur auoyent enuoyé. Et depuis encore suruenant au secours vne autre compagnie de moines, ils excommunierent avec grand' assurance mesme en la presence des gens d'armes, ceux qui communioient avec Seuer. Mais l'Empereur cerchant se venger du mespris & deshonneur, despescha contre eux vn capitaine nommé Olympie : auquel il bailla charge des bandes militaires en la Palestine, pour executer de puissance Imperiale sa commission, sans auoir esgard aux constitutions Ecclesiastiques. Iceuluy donc, tout aussi tost qu'il fut arriué en Ierusalem, deietta le diuin Helie de son siege Episcopal, & mit en sa place vn, nommé Iean, fils de Martien, lequel bien qu'il sentendit avec Seuer, toutefois il preschoit & soustenoit publiquement le Concile de Calcedone. De quoy Sabbas aduertit & toute la sacree compagnie qui estoit avec luy, s'en retournerent de rechef au combat. Et pour ce qu'Olympie s'estoit escarté pour considerer comme il pourroit mettre ordre aux tumultes, Sabbas ce pendant deuisa avec Iean, Patriarche, & luy suada & mit en teste de se distraire & retirer de la communion de Seuer, & de soustenir & defendre le concile de Calcedone, voire avec le danger d'y perdre la vie. Ce que fit Iean, induit mesme à la persuasion des Peres qu'il escouta avec toute reuerence, mesprisant & ne faisant grand compte de ce qu'il auoit traité & accordé avec Olympie. Mais pour autant que l'offense en redondoit à l'empereur, il cassa & mit hors d'estat cest Olympie, & enuoya en son lieu Anastase, qui fut substitué gouverneur en la Palestine, lequel soudain qu'il y fut paruenue, pour l'affection mauuaise qu'il auoit d'executer à tort & sans cause la volonté de l'Empereur, fit mettre Iean en prison sans information, & sans luy faire entendre les causes : & tascha à le contraindre par force à fin de blasmer ce Concile de Calcedone, & de recevoir & approuuer la cōmunion de Seuer. Or pour autāt que Iean parlementant quelque fois secretement avec Zacharie, Euesque de Cesarée, en la Palestine, aubir

auoit entendu de luy qu'il falloit selon le temps gouverner & desguiser les affaires par vne ruze opportune & bein seante, il promit au gouverneur qu'il seroit tout prest de faire ce qu'il vou- droit, pourueu qu'il fust tetiré de prison deux iours deuant que de consentir, de peur, disoit-il, qu'il ne semble qu'estant contrainct par force & non point par certaine persuation, i'aye obey au mandemēt & volonté de l'Empereur. Lequel delay luy fut octroyé. Mais le Patriarche sorty de prison, fit cōuenir & assembler en l'eglise S. Estiēne premier diacre, la cōpagnie des moines, à fin de refrener & restraindre la temerité obstinee & indiscretiō des heretiques. Et encore, à fin que l'apparence de ce qu'il pretendoit fust plus euidente & probable, il inuenta ie ne sçay quel autre conseil & entreprinse en sa maison. Car le gouverneur mesme se trouua à l'assemblée, à fin que luy present & tesmoing, le Concile fust aboly & condamné. Ainsi lean monta en chaire ayant d'une part & d'autre la main forte de Sabbas & de Theodose, defenseurs de la foy. Et se contenant vn peu deuant que de parler & entendant que la multitude grumeloit & murmuroit que plustost on deuoit condamner & abroger la foy moins saine & approuuee, il dit de grāde hardiesse & assurance tels propos : Si quelqu'un cōsent à Euryche, à Nestorius, à Seuer & à Soterique, Euesque de Cefarce en Cappadoce, qu'il soit maudict. Si quelqu'un ne cōsent & fuit la doctrine des quatre Conciles generaux, qu'il soit anathematise. Quand le gouverneur eut veu ceste yssue, qui luy sembla comme vne farce, craignant le tumulte & lediō du peuple, pensa que ses affaires se portoyēt assez bien pour l'heure, s'il pouuoit pourueoir à se sauuer à la fuite. Mais quant aux Peres estans bien aduisez que l'Empereur entendroit le fait, il en seroit mal content, ils luy enuoyerent vne epistre pleine de liberte & confiance : en laquelle maintenant ils le reprenoyent, tantost ils affermoient la certitude de leur doctrine : ils faisoient aussi mention en cest escrit que ce seroit chose absurde & peu seante, si veu qu'ils estoient de Ierusalem, d'où la doctrine Chrestienne auoit prins sa source & commencement, comme de quelque fontaine, il falloit donc les remettre au rudiment, & comme disciples tardifs les ramener au premier de ce qu'il seroit bon & conuenable apprendre : d'auantage qu'ils sçauoyēt fort bien que la foy auoit esté publiee à Nice par les trois cens & dix-huict Peres : mais aussi qu'ils vouloyēt retenir persueueramment les trois autres Conciles pareillement, comme estans appuyez & arrestez selon les vestiges & traces du precedent : & qu'ils n'obmettroient ny diminueroient rien des premieres traditions, quelque mal qu'il leur peust aduenir : mais qu'ils les defendroyent iusques à espandre leur propre sang s'il en estoit besoing. Or apres que lean, Patriarche, eut suruescu assez bonne espace de temps ensemble avec les saincts personages susdicts, il eut Pierre pour successeur en son eglise & pieté, car il estoit fort homme de bien. Le bruit est, que Helie deuisant avec le bien-heureux Sabbas, quoy qu'il fut bien loing de Constantinople, toutēfois il predict l'heure & le iour qu'Anastase, empereur, deuoit mourir. Voylà donc comme se porterent les affaires de la Palestine.

*Iean, Euesque de Ierusalem, cōtre l'esperance du gouverneur, presche la foy catholique en pleine assemblee. Ierusalem comme fontaine de la doctrine Chrestienne.*

*Pierre, successeur de Iean en Ierusalem.*

*Helie preçogne la mort d'Anastase.*

*De Timothee, Euesque de Constantinople : de Symmache & Laurent, prelatz de Rome. Plus des festes saint Pierre & saint Paul. De Theuderic, Scythien : aussi de Deuterie & Alamundare, gouverneurs des Saraceniens*

## CHAP. XXXV.



R Timothee, Euesque de Constantinople, fut bien discordant & d'autre opinion que Macedonien, qui parauant luy auoit eu la charge de l'euesché : car comme muable & inconstant, il s'addonnoit facilement & appliquoit son esprit à choses plaisantes aux hommes : tellemēt que maintenant il embrassoit & auoit en recommandation la tutele du Concile de Calcedone, mais tantost au contraire il le blasmoit. Mais deuant que de passer outre il ne sera impertinent rememorer ce qu'il fit au monastere de Studite : C'est quel Abbé qui auoit le gouvernement de ce monastere, estant decedé, ce Timothee s'y trouua pour en elire vn autre. Et cōme celui qui deuoit accepter la charge, affermoit qu'il auoit promis par serment dont il estoit tenu & obligé, de ne recevoir faueur & election de telle superintēdence de celui qui volōtairement & sans fiction n'accorderoit le concile de Calcedone : Timothee consentit & donna sentence d'excommunication contrē celui qui n'approuueroit ce Concile. Ainsi ce designé & esleu tint pour agreable & ratifia son election. Mais son premier diacre qui là estoit, s'attacha à ce Timothee par belles iniures, le reprenant qu'il n'estoit constant en son opinion, ains que la legeretē & incertitude de son esprit maintenant le transportoit d'un costé & tantost d'autre, cōme peu stable. Chose que le diacre fit entendre à l'Empereur, lequel manda Timothee & l'en reprint fort asprement. Et à fin d'effacer & oster cest opprobre & reproche, il prescha publiquement & enseigna vne opinion totalement contraire à la precedente, & retourna l'excommunication à l'encontre de toutes & chacunes personnes qui admettroient le concile de Calcedone.

*Timothee, Euesque de Constantinople, muable*

*Il approuue le Concile de Calcedone.*

*Le mesme le condāne puis apres.*

# LIVRE XVI. DE L'HIST. ECCLESIASTIQUE

*Le symbole de Nice anciennement estoit châté seulement une fois l'an le jour du vendredy saint.* Aucuns pour calomnier Macedonien comme s'il n'eust approuvé le Symbole des trois cens & dix-huit Peres, font courir vn bruit, que ce Timothee & non pas Pierre Cnaphee, a instrué & ordonné premierement qu'en toute communion du sacrifice & assemblée Ecclesiastique, quād estoit châté l'Euesque catechiferoit & enseigneroit les premiers fondemens & institutions de nostre religion, fust chanté & dit ce Symbole qui souloit estre leu & recité en l'Eglise vne fois chacun an seulement le jour du vendredy saint, qui est la preparatiō de la sacree passion. Voylà ce que nous auions à ramenteuoir de Timothee. Voire mais de ce temps il y eut de grands troubles & diuisions en la vieille Rome, suscitees & accreues à l'occasion qui s'ensuit : Il y auoit vn certain homme, appelé Feste, Senateur Romain, lequel fit vn voyage à Constantinople pour quelques affaires de la Republique de Rome, pour lesquels faire entendre, il eut audience d'euant

*Feste, Senateur de Rome.* Anastase. Et quand il eut pratiqué & obtenu resolution ainsi qu'il requeroit, il presenta puis apres encore requeste, suppliant l'Empereur de signifier que la memoire & feste de saint Pierre & saint Paul, Apostres, fust celebree & solemnizee à Cōstantinople en plus grand honneur & reuerence, & ainsi que la coustume estoit la festoyer à Rome : car parauant on n'en tenoit pas grand compte, mais estoit reuerce & obseruee tellement quellement, & par maniere de dire, comme le sort aduenoit. Anastase donc consentir à la requeste & l'accorda nō à regret, & fit publier vne ordonnance par laquelle il faisoit commandemēt à toutes personnes quelles qu'elles fussent de s'assembler honnorablement à l'Eglise en honneur de ces Apostres. Et ainsi dès lors la celebrite & frequenration de telle assemblée print grands accroissemens & fut depuis solemnizee en grande liesse. Et pour autant que Macedonien florissoit encore en l'Eglise Constantinopolitaine, il delibera par l'occasion du retour de Feste, escrire vne epistre synodale à Anastase, Prelat de Rome, à fin que de plus en plus il confermast le Concile de Calcedone. Mais l'Empereur des Romains qui de ce fut aduertty l'en empescha : auquel Feste en colloque secret & particulier fit entendre que luy de retour, facilement il pourroit induire le Pape Anastase à accorder l'edict de pacification de Zenon, & le faire soubcrire de sa propre main : mais arriué à Rome, il le trouua mort. Qui fut cause qu'il mit toute peine & s'employa instamment, à ce que la soubscription fut faite & lignee comme il auoit promis, fust par semblance ou simulatiō. Par ainsi donc ayant torrompu & suborné quelques gens par argent, fit tant contre toute l'ancienne coustume qu'iceux eliroient vn nommé Laurent, pour estre Euesque de Rome. Et pour ce que le peuple en voulut eslire vn autre, il aduint par esmotion seditieuse qu'en vn mesme tēps deux furent esleus & constituez Pontifes. Car plusieurs destinerēt & donnerent leur voix à Symmache, diacre, & les autres à l'opposite tenoyent bon pour Laurent : mais au bout de trois ans le tout fut appaisé & assopy, <sup>b</sup> durant lequel temps on ne veid que meurtres, rapines & insolences telles que de coustume suruiennent avec les troubles. Car Theuderic qui pour lors dominoit à Rome, combien qu'il fust Arrien, fit toutefois assembler les Euesques & assigna la Pauperté à Symmache : & à Laurent qui en fut depose, conféra le siege Episcopal de Nucere. Ce neantmoins il ne peut aucunement se contenir en repos, ains affectant & taschant tousiours occuper la primauté à Rome, esneut le peuple à sedition : mais Symmache le degrada mesme de la dignité sacerdotale, & l'enuoya en exil, ainsi cessa l'esmotion populaire. Voicy encore que les historiens racontent de Theuderic. Il ayroit follement & d'amour si impatient & des-reiglé caressoit vn sien page, qui suyuoit la meilleure part de la religion, qu'il en abusoit en ses voluptez & plaisirs charnels. Or ce page cherchant les moyens de tousiours plus aggreer & faire chose comme il pensoit, qui fut plaisante à son Seigneur, se reuolta & laissa la foy de Consubstantialité pour embrasser l'Arrianisme. De quoy Theuderic rendu certain fit trancher la teste de celui que tant il auoit chery & aymé impudiquement, disant, Si tu n'as gardé la foy entiere à Dieu, comment à moy qui suis mortel pourras tu estre loyal & fidele ? En ce mesme temps il aduint comme vn certain Euesque, nommé Deuterie, baptizoit à Constantinople quelque personnage qui s'appelloit Barbas, il fut si hardy & temeraire comme voulāt se distraire de la tradition & ordonnance de nostre Seigneur, que de dire contre toute l'ancienne coustume, on baptize Barbas au nom du Pere, par le Fils, en vertu du saint Esprit. Mais tout incontinet voicy l'eau qui estoit es saints fons de Baptisme disparut & deuint à neant. Et Barbas s'enfuyant publia ce miracle à tout le monde. Alors aussi les Scenites, barbares, firent vne course & inuasion en Mesopotamie, & desolerēt l'Armenie & les deux Phenices. Mesmement Alamundare, gouuerneur des Saraceniens se rua sus les contrees de la Palestine, & avec luy .. Zarethas, duc des Perles : lesquels de tous costez furēt mal traitez par les chefs & capitaines des Romains, avec lesquels furent contraiçts puis apres moyenner la paix & mettre bas les armes : mesme Alamundare receut les Sacremens des Chrestiens. Pour lors Seuere estoit encore Prelat d'Antioche, lequel enuoya par deuers cest Alamundare deux de ses Euesques pour l'imbuer & gaster de sa pernicieuse doctrine : mais Dieu le preuint, & fit que premierement il fut instruit & endoctriné es enseignemens de meilleure religion, par ceux qui se sentoient bien de la foy, & approuoyent le cōcile de Calcedone. Toutefois, ces supposez & deleguez furtiuement par Seuere, tascherent trāsporter ce capitaine & l'attirer & induire à vne cōfession de la foy cōtraire à la vraye doctrine : mais

mais il controuua & contrefit vn conte fabuleux & subtil au possible pour conuaincre leur dire; car il leur fit à croire que luy estoient venues lettres de quelque part, lesquelles cōtenoyent nouuelles que Michel l'Archange estoit mort. Et pour ce qu'ils respondirent qu'il estoit impossible que cela aduint, ce grand Capitaine repliqua, comment donc, dit il, s'est il peu faire que Dieu puremēt & simplemēt eust enduré la mort de la croix à nostre mode, si Iesus-Christ nostre Dieu n'estoit de deux natures, puis qu'un Ange mesme ne peult souffrir ne mourir? Ainsi les Seue-riens furent infames, & se retirerent avec leur courte honte. Voyla l'estat qui fut par toutes les Eglises, durant le tēps qu'Anastase gouerna l'Empire: lequel, aucuns pensans qu'il fut aduer- faire du concile de Calcedone, effacerent pour ceste cause, des sacrez registres: mesmement des son viuant, fut excommunié à Ierusalem. Au reste, il me semble que ce ne sera chose impertinente & mesleante à nostre entreprinse, de reciter & adiouster au discours de nostre histoire, les choses memorables que j'ay sceu pour certain auoir esté faictes & aduenues sous son Empire.

*De la rebellion de Longin Isaurien, & d'un autre Longin: de l'administration du regne des Perles sous Peroze, Blase, & Cabade: & comme ils traiterent la paix avec les Romains.*

## CHAP. XXXVI.



Ous auons monstré par cy deuant que Longin estoit frere de Zenon. Ce Longin donc estant chassé en son pays, par le commandement d'Anastase, luy fit sommer & signifier la guerre, ayāt amassé quinze mil Isauriens, avec lesquels estoient mesme plusieurs Euesques: & entre les autres, vn nommé Conon, Euesque d'Apamee en Syrie: lequel changea son office Episcopal, en vn estat militaire: & pour ce qu'il estoit d'Isaurie, eut charge des Isauriens en ce cāp. Or finalement furent donnees escarmouches & bataille si cruelle, que les Isauriens furent du tout desfaictes & occis, sans qu'un seul peult eschapper sa vie sauue: & les restes de Longin, & de

Theodose furent portees en Constantinople: lesquelles fichees au bout de fort longues lances, par le commandement de l'Empereur, estās colloquees en vn lieu eminent appellé Les figuiers, à l'opposite de Byzance, seruient de spectacle fort agreable aux Constantinopolitains, qui auoyent receu tant de maux & afflictions de la part des Isauriens. Et quant à l'autre Longin, surnommé Selinunce, :: Iean, autrement appellé Cyrte, c'est à dire, le bossu ou courbé, l'enuoya captif & prisonnier à Anastase, avec vn autre nommé Inde: lesquels ensemble par longue espace de temps, auoyent exercé tyrannie & grande cruauté. Iceux donnerent le plaisir à l'Empereur & à ceux de Byzance, quand liez & garrotez de grosses chaines, cōme tyrans, furent trainez par les grandes rues & lieux publics aux triomphes & assemblees solennelles. De ceste victoire, la pension qu'on appelloit au parauant Isaurique, reuint & fut réunie au domaine & thresor de l'Empereur, qui estoit la somme de cinq mil :: mines, qu'on bailloit tous les ans à ces Barbares. Semblablement Peroze, Roy des Perles, ayant leuē guerre contre les Huns s'en retourna tout court vers son Royaume, infame & sans aucun los de victoire: car il fut circonuenu, & enfermé par les compagnies des Huns qui estoient en grand nombre, en quelques destroits par où il les poursuiuoit, & n'en pouant sortir & euader fut prins prisonnier, & contrainct à telle nece ssité que de chercher les moyens de paix avec eux: Mais le gouuerneur & chef des Nephtalires ne voulut admettre les conditions de paix, que premierement Peroze, les genoux en terre, ne luy fit amende honorable, & promit & affermast par iurement, que iamais ne meneroit guerre contre les Nephtalires. Ainsi voyla comme outre son gré il fut forcé par la nece ssité du temps faire ce qui estoit totalement contre raison & equité, & s'en retourner avec grand' honte & infamie: Mais quelque temps apres ne pouuant endurer le deshonneur qui luy tournoit à telle ignominie, forçant son serment, se mit en campagne, avec son armee, pour se venger de l'iniure: mais surprins es embuches que les ennemis luy auoyent dressées pour la seconde fois, le mirent à mort pour auoir violé son serment. Cela donc ainsi aduenu, les Perles constituerent Cabade, fils puîné de Peroze, en l'administration du Royaume, duquel ayant prins la charge & gouuernement, fit publier vne loy, par laquelle il vouloit & entendoit que les femmes fussent communes à tous. Qui fut cause que ses subiects le deposèrent du Royaume: outre ce, le mirent en prison sous bonne garde, & couronnerent Roy Blase, encore autre fils de Peroze. Or la femme de Cabade luy faisoit tout seruice & honnesteté en la prison, comme elle deuoit & estoit tenue faire: mais pourtant qu'elle estoit de beauté singuliere, le Preuost de la geole espris de son amour, delibera en soy-mesme luy seruir & complaire en tout ce qu'elle vouldroit: mais comme femme chaste, & qui portoit grande affection à son espoux, elle luy fit entendre & descourrit les caresses amoureuses du Geolier. Et pour resolution il luy permit d'obeir & consentir à l'appetit & volonté desordonnee de l'amoureux. Cela fait, elle eut encore deormais plus grande liberté d'aller & venir à son mary, & luy prester tout seruice & deuoir

X x x

*Cabade par le moyen de sa femme sort de prison, & à l'aide des Nephtalites recouvre le royaume. : Procope le nomme Scsr. Paix des Romains avec Cabade. Le Chasteau de Tzundadaer, auquel les diables gardoyent des thresors, est prins à l'aide d'un Euesque Chrestien. Cōmunion des Chrestiens. Cabade, de persecuteur est fait defenseur des Chrestiens. Miracle.*

honneste. Or auoit il quelque familier, qui l'aimoyt fort cherement, & lequel luy fit sçauoir par sadiete femme, qu'il auoit cheuaux & gens tout prests en son commandement, l'ayde desquels, s'il vouloit euader, il pourroit aysement recouurer le royaume. Chose qui luy agrea : parquoy la nuit venue il persuada à la femme à se vestir de son accoustrement & demeurer en la prison, & luy prenant l'habillement de sa femme la representa si proprement & de si bonne grace, qu'il abusa les gardes de la geole. Puis à la conduicte de :: Seas (car ainsi s'appelloit cest amy) cheuaucha tant legieremēt qu'il paruint sain & sauue au pays des Nephtalites. Le Prince desquels, outre sa fille qu'il luy bailla en mariage, le fournit aussi de gens de guerre pour conduire contre les Perses, à fin de recouurer son royaume. Cabade donc les assailit si soudainement au desprouuen, qu'il recouura facilement, & presque sans nulle resistance, le Royaume, print son frere Blase, luy creua & fit arracher les yeux de la teste, puis l'enferma en vne prison. Et pour autant que ce Cabade estoit hōme fort subtil, caut & indultueux, il gouuerna d'ores en auant le royaume en toute seurete : si bien que l'annee vnzieme de son regne, il moyenna la paix en premier lieu avec les Romains : mais quelque temps apres le traité de paix, comme il demanda à Anastase quelque somme d'argent en emprunt, & Anastase luy eut fait responce qu'il deuoit enuoyer sa cedula obligatoire s'il auoit vouloir de recevoir argēt, & que sans cedula il ne luy bailleroit pas la maille : pour ceste cause & reffus il rompit l'alliance & accord de paix, & entreprit la guerre contre les Romains. Ce Persan entēdit les nouuelles qu'entre Perse & Inde en vn chasteau nommē Tzundadaer, estoit gardee estroitement grande somme d'argent & beaucoup de belles pierres precieuses : Pour desquelles choses iouyr & gagner le chasteau il essaia tous moyēs à luy possibles, mais les diables qui veilloient ce thesor, empescherent qu'il n'executa son entreprinse comme il voulut : mesme il ne peut rien obtenir par les euocations & deceptiues coniuurations dont vsoyent les Perses, lesquels il experimenta contre ces diables qui tenoyent fort en ce lieu : apres il tascha de s'ayder des Iuifs pour expedier ce qu'il pretendoit : & voyant que par leur moyen il ne pouuoit non plus venir à chef de ses desains, il eut en opinion que finalement il pourroit mettre à fin ce qu'il brasloit à l'ayde des Chrestiens, de la puissance desquels il estoit informé, & de la grace qu'ils receuoient contre les malings esprits. Parquoy il manda vn Euesque des Chrestiens de Perse : lequel à ces causes celebra la communion en vn assemblee Ecclesiastique de ses diocesains qu'il fit conuenir, & receut le diuin & saint Sacrement, & l'ayant distribué aux Chrestiens qui là estoient congregez, dechassa avec le signe de la croix les diables qui faisoient leur residence en ce chasteau, & sans aucun labeur le liura tout aussi tost es mains de Cabade : lequel estonné du fait, fit cest honneur à ce saint Euesque Chrestien que de luy conferer le premier lieu & prerogative que parauant occupoyent les Iuifs & Manicheens Il permit aussi, & de là en auant donna pleine puissance & liberte à toutes personnes qui voudroyent, de luyure & observer la religion & sacrifice des Chrestiens : lesquels parauant il auoit grandement tourmenté, de sorte mesme qu'à plusieurs il auoit osté les membres & parties qui estoient instruments de la parole, lesquels combien qu'ils eussent perdus ainsi tels membres, ne passoyent moins distinctement que parauant.

*Neptalites] Procope liu. 1. de la guerre Persique, les appelle Euthalites, c'est à dire Blancs. Dont aucuns ont voulu lire Leucalites, au lieu de Nephtalites ou Euthalites.*

*Bataille des Perses : de deux petites villes, Theodosiople & des reliques de saint Bartholomee & saint Barnabé Apostres.*

CHAP. XXXVII.

*Guerre des Perses contre les Romains.*



Comme nous auons dit les Perses ayans rompu & violé les treues accordees, sortirent de leurs limites, & de premier assault se ruerent sur l'Armenie : tellement qu'apres la prinse de Theodosiople ils passerent outre en Amide, ville situee entre deux riuieres, laquelle ils gaignerent par force : mais quelque temps apres Anastase la reconura à grands frais & despens : mais si aucun a vouloir d'entendre plus pleinement & parfaitement comme ceste ville fut assiegee, vaincue & reprinse, il pourra lire Eustathe Syriē, lequel veritablement a descript for elegamment tout ce discours : mais ayant poursuivy & auancé son histoire iusques à ce tēps, à

*Anastase Empereur fit munir Daras, & la nomma Anastase.*

sçauoir iusques à la douzieme annee de l'Empire d'Anastase, il mourut & s'en alla au lieu cōmun à tous. L'Empereur apres ceste guerre, fit munir & fortifier de bones murailles, & reduire en forme de belle ville vn certain lieu nommē Daras ( qui estoit situé aussi biē entre deux fleuves en Mesopotamie sur les frōtieres des Romains, & separoit nostre domaine & seigneurie d'avec celle de Perse ) y faisant bastir diuers edifices & Eglises, magnifiques logis, porches & salles Imperiales, estues publiques & plusieurs autres bastimens, esquels les riches & fameuses citez prenoyent plaisir.

Aucuns



Aucuns disoyent que ce lieu auoit prins nom de Darius, pour autant qu'il fut là surmonté au dernier assault par Alexandre fils de Philippe. Quand d'éc Anastase s'en retournoit, apres qu'il eut ordonné l'edification de la susdicte ville, Bartholomee Apôstre luy apparut en songe, & par oracle signifiâ & respôdit, que la sauuegarde & tutelle de ces murailles luy estoit comise & baillée en charge de Dieu. Laquelle vision Anastase rapporta au fait, car ayant trouué ses reliques, il les y fit transporter. Aussi durant son Empire, fut trouué en Cypre sous vn arbre que lon nomme Silique, le corps de sanct Barnabé Apôstre, sur l'estomach duquel estoit le saint & sacré Euangile de saint Matthieu Euangeliste, escript de la propre main de Barnabé. A cause de quoy, les Cypriens des lors commencerent auoir leur ville capitale franche & libre: & de là en auant ne furent plus contraincts porter leur denombrement & declaration en Antioche, comme ils estoient subiects au precedent. Iustinien, puis apres, confirma d'auantage leur droit, priuilege & franchises, à cause que Theodore sa femme estoit du pays de Cypre: comme luy-mesme aussi porta grand honneur à sa ville Achride, qu'il appella Iustiniane la premiere. En ce temps mesme, les Immeres, nation belliqueuse de la subiection des Perses, tout au bout des frontieres de Note, embrasserent le Christianisme, & par ambassades qu'ils enuoyerent à l'Empereur obtindrent vn Euesque & autres choses qu'ils auoyent besoing pour la religion. On dir que c'estoyent ceux qui avec la Roine des parties de Midy, vindrent pour veoir Salomon: & combien que de leur naissance ils fussent Iuifs, ce neantmoins long temps apres ils deuindrent ethniques & Gentils: mais pour lors, quoy qu'ils fussent meslez, & en partie Iuifs & Gentils, toutesfois ils receurent d'ardant courage & bonne volonté la religion Chrestienne.

*Les ossements  
de saint  
Bartholo-  
mee à Da-  
ras.*

*Inuention  
du corps S.  
Barnabé.*

*Les Imme-  
res faict  
Chrestiens.*

*La tyrannie de Vitalien: des Hunnes qui s'esleuerent des des-  
troits de Caspie, & de l'Isle de Rhode.*

*CHAP. XXVIII.*



N autre tyran de la nation de Thrace, nommé Vitalien, se rebella contre Anastase: lequel ayant destruit la Thrace depuis Vlysiople, iusques à Antioche, tacha aussi prendre d'assault la ville Imperiale, avec la grande multitude de Huns qu'il trainoit apres soy. Pour auquel empescher l'effort & entreprinse auantageuse, fut enuoyé le duc Hypatius, mais les siens le trahirer, & fut prins prisonnier, & depuis racheté à grâde somme d'argêt, que paya l'Empereur. En apres, Cyrille fut constitué Colonel de la gend'armerie. Et quand ils eurent cobatu esgalement sans rien entreprendre l'un sur l'autre, & que par ie ne sçay combien de fois, mainte-

*La guerre  
de Vitalien  
contre A-  
nastase.  
Hypatius  
& Cyrille  
gouver-  
neurs Ro-  
mains.*

nant ceux-cy, tantost ceux-la s'enfuyoyt & tournoyent le dos, & que les vns poursuiuoient les autres, combien que le gouverneur fut plus fort & puissant que les ennemis, toutesfois par la couardise des siens, il vint semblablement en leur puissance & fut vaincu: de sorte que ce Tyran ayant pillé & saccagé tout ce qu'il rencôtra, approcha iusques aux Figuiers, esperant comme il auoit cōceû en son esprit, surprendre aussi la ville Imperiale, & occuper l'Empire: Mais quand il fut campé à ces Figuiers, l'Empereur enuoye Marin Syrien, avec les bandes maritimes: combien que les deux armes fussent fort proches l'une de l'autre, toutesfois ils ne choqueret incontinent, ains seulement baillerent quelques escarimouches: mais en fin finale, en bataille nauale donnee l'un contre l'autre es lieux que lon appelloit Bytharie, Vitalien ayant le vent en poupe s'en fuit tant legerement qu'il luy fut possible, apres qu'il eut perdu la plus grand' part de ses cōpagnes: & ceux qui resterent, le suyirent si hastiement & de pres, que le lendemain on ne rencontra pas vn des ennemis, fust aupres de la ville, ou sur le port. Dés lors Vitalien ayant sejourné quelque temps à Anchial, delaisa la tyrannie, & de son plein vouloir sans contrainte cercha à viure paisiblement. Encore y eut il vne autre sorte de Huns, lesquels ayans gaigné les destroits de Caspie, firent grand degast en la domination des Romains vers Orient: & du mesme temps l'isle de Rhode pour la troisieme fois fut fort esbranlee d'un grâd tremblement de terre qui suruint de nuict, quand tout le monde dormoit.

*Marien Sy-  
rien.*

*Vitalien se  
deporte de  
la tyrannie.  
Tremble-  
ment de ter-  
re à Rhode.*

*D'une muraille appelée La longue, qu' Anastase fit bastir, depuis la mer Euxine iusques à Thrace.*

*CHAP. XXXIX.*



E mesme Anastase fit dresser & accomplir vn ouurage excellent, & certainement digne de memoire & de magnificence Imperiale, nommé Le long mur, basti pour la decoratiō de Thrace. Il estoit distāt de Constantinople, d'enuiron deux cens quatre vingts stades pour le plus & s'estendoit depuis l'une des mer iusques à l'autre en forme d'un destroit de la longueur de quatre cens vingt stades, & redoit & faisoit que Cherronese, presque enuironnée d'eau, estoit comme vne Isle. Aussi il sebloit enuoyer &

*Plin. l. 4.  
chap. 11.*

*X. xx ij*

# LIVRE XVI. DE L'HISTOIRE ECCLESIASTIQUE

monstrer le chemin à tous ceux qui vouloyent passer outre depuis le lieu que lon appelloit l'entree du destroit, iusques à Propontis, & à la mer de Thrace: & defendoit que les Barbares ne se desbordassent & fissent courtes & saillies du costé qui estoit au dessus du destroit de la mer Euxine, & aussi du costé de Colchis, & deuers les marais de Meotis, de la part aussi qui est au dessus de Caucasus, & de ceux qui estoient dispersez par l'Europe.

Il estoit distant ] Cest ouvrage estoit distant de la ville de Constantinople de trente lieues, long de vingt cinq lieues, & large de huit pieds.

D'un tribut meschant & deshoneste appellé Chrysargyre, qui vaut autant à dire comme l'or-argenté, duquel Anastase de son autorité Imperiale deschargea l'Empire Romain.

CHAP. XL.

Euag. li. 3.  
chap. 36.



Le plus excellent & plus hault de tous les beaux faicts d'Anastase, fut celuy quand il deliura entierement l'Empire Romain d'un tribut & gabelle que lon appelloit de toute ancienneté Chrysargyre, c'est à dire, l'or-argenté. Pour lequel declarer comme il merite & le narrer condignement, ieroit requise l'eloquence & beau parler de Thucydide: Mais quant à moy, ie le raconteray non point pour la confiance que i'ay en la subtilité & force de mon parler, ains au bon droit & excellence du fait mesme. En l'Empire Romain, qui estoit illustré de si grande amplitude & autorité, iadis fut institué un peage merueilleusement estrange, miserable & hay de Dieu, non seulement indigne des Romains & de leur Empire si honorable, mais aussi de tous les plus monstrueux & execrables Barbares: lequel ayant esté toleré iusques à son temps & enduré, ie ne sçay comment, par vne conniuece & dissimulation des officiers, il l'abolit totalement & osta par la force & magnanimité de cuer Imperial. Il estoit imposé & assigné comme chose deuë sans exceptiō aucune, non seulement sur ie ne sçay quelle maniere de Caïmands qui gaignoyent leur vie en belistrant: mais aussi principalement se cueilloit sur les femmes lesquelles de pays quelconque & en tous lieux que ce fut se prostituoyent és bordeaux par les cantons & coins de rues de la ville, desertes, reculees & secretes, & lesquelles de quelque part qu'elles vinsent, pour quelque gain & profit abandonnoyent la fleur & beauré de leur aage; aux paillards & putiers: si que non seulement l'iniure redondoit au naturel de l'homme, mais aussi en estoit offensé l'estat & administration de la Republique. Car veu que telle contribution & imposition se payoit par ordonnance de la loy, icelle mesme demonstroït assez & donnoit euidentement à congnoistre que puissance estoit baillée à chacun de faire ce qu'il vouloit, mesme ce qui estoit execrable à faire. Et ce vilain & detestable tribut se rapportoit & rendoit de quatre ans en quatre ans, veu qu'il y auoit grande multitude d'officiers comptables, par deuant un principal & special magistrat: duquel estat celuy qui auoit la charge & administration, estoit reputé entre les premiers & plus notables personnes. Quand donc Anastase eut clere congnoissance de telle indignité, qui comme piacle & offense execrable petit à petit estoit ingeree & auancee par nouuelletez au gouvernement & pays de l'Empire Romain, il cassa, supprima & abolit un tribut si enorme, iettant au feu & faisant brusler (cēme pour quelque holocauste & sacrifice d'expiatiō qu'il offrit à Dieu d'un forfait tant abominable) les tiltres & registres de telle exaction: & fit defense par un edict & ordonnāce qu'il ne fust permis ny loisible à aucun Empereur apres luy, de renoueller & mettre en auant en l'administration des choses publiques ce vicil opprobre & meschaceté. Cela fait, il monstra semblant en estre fort desplaisant & l'accusa luy-mesme de folie & imprudence, de ce qu'il auoit abrogé & osté à tort & sans cause, mais plustost par vaine gloire, un si beau reuenu institué & ordonné de toute ancienneté: & que plustost il n'auoit considéré les perils eminens & affaires vrgentes, cōbien & grands gaiges il falloit pour la soule & entretenement des gens de guerre. Parquoy ainsi dissimulant & tenant secreete son entreprinse, fit entendre & proposa au conseil qu'il vouloit renoueller & reestabli le tribut sus mentionné: tellement qu'il contrefaisoit par un beau semblant & faintise, deuant les plus familiers, qu'il se repentoit du fait, veu qu'il n'auoit aucun moyen de corriger & amender la faute cōmise, puis que les tiltres & papiers de la recepte & collecte estoient bruslez, ausquels on pouuoit auoir recours. Sur ce point, les Princes deceuz en telle sorte, furēt fort dolens & cōtristez, non point par faulx semblant, mais à la verité & de fait à cause du profit & reuenu qui venoit d'un cas si enorme, & portoyēt bien la mine qu'ils ne pouuoient que tōsiller & aduiser pour remedier à la perte & dommage: Mais il leur commanda & bailla cōmission d'aller par tout à fin de chercher diligemment si quelques exemplaires ou copies des registres bruslez se trouueroyēt és tables & papiers: catholiques & generaūx de la recepte de l'impos: & payā les

∴ Cemoz ne  
s'entend de  
ceux qui re-  
noient la  
vraye foy,  
ains est un  
mot Grec,  
qui signifie  
vniuersel  
ou general.

les frais & despens pour tel affaire, ordonna gens par tout pour en apporter les originaux, pour & à fin que si d'adventure quelque cōmentaire & registre se rencōtroit, il fust apporté à sa maiesté, à fin que sur ce conseil prins & meurement delibéré, lon peüst ordonner & disposer ce que de raison. Et quand assez lōg temps apres, les deputez pour chercher & enquerir tels papiers estans de retour presenterent ce qu'ils en auoyent trouué. Anastase monstra grand signe de ioye pour estre venu à bout de son desir. Et par vne autre ruse & finesse il leur demanda de poinct en poinct, comment, & où, & chez qui ils les auoyent recouuerts, & si l'n'en estoit point resté d'autre semblable en quelque lieu. A quoy faisans responce, l'assenterent qu'avec grande diligence ils les auoyent cerchez, & affermerent en iurant qu'il ne se trouueroit en tout le ressort de son Empire & obessance aucun papier de reste faisant mention de ce tribut & impos. Et par ainsi Anastase mit de rechef au feu tous ces registres apportez si soigneusement, & en iettra les cendres qu'il arroûsa d'eau, au vent, à fin que cela fust totalement aboly, & qu'apres qu'ils seroyēt brustez & ars, il ne restast encore quelque menue pouldre, ou mesme, l'ōbre & apparence d'aucune lettre de chose si honteuse & execrable. Or de peur qu'il ne semble, pendant que nous louons & exaltons ce fait iusques au ciel, que nous ignorions ce que mesme les anciens, meus d'affection, en ont escript, ie l'allegueray & rapporteray en ce lieu pour demonstrier de leurs mesmes propos que cela qu'ils ont laissé par escript touchant ceste meschante & vilaine imposition, est faulx & menteur.

*Digression contre Zosime, laquelle contient ce que par blasphemie & iniure, il a interpreté & tourné en mal, contre Constantin, le plus celebre de tous les Empereurs.*

CHAP. XLII.



O sime qui de son temps estoit fort addonné & autant que nul autre à la superstition des Grecs, de mauuaise affection & volonté enuers l'Empe-  
 reur Constantin (protecteur de la vraye religion, guidon & autheur de  
 la foy, à cause que delaisant le seruice des dieux, & detestât l'execration  
 des idoles, il l'estoit adioinct à la religion des Chrestiens) a escript par  
 blasphemies, que premierement il inuenta l'exaction & imposition d'or-  
 argenté, & qu'il auoit ordonné que de quatre ans en quatre ans, ce deshon-  
 neste tribut seroit payé. Et non seulement chargeoit de ces maledictions  
 vn Prince tant pitoyable, religieux & orné de tant de graces: mais aussi  
 le disoit auoir perpetré beaucoup d'autres choses intolerables :: contre toutes les disciplines  
 & sciences, & que cruellement il auoit fait mourir son fils Crespin: plus, qu'il auoit eschaudé  
 & estouffé sa femme Fauste, enfermée dans vn bain trop eschauffé: & que quand il eut bien en-  
 questé des prestres de la Grece l'expiation & purgation de son mesfait, & n'en trouua aucune,  
 par cas fortuit, dit-il, reuenant d'Iberie il rencontra vn certain personnage Egyptien, duquel il  
 entendit que la foy des Chrestiens effaçoit & abolissoit tous pechez & offenses, & que dès-lors  
 comme il dit encore, il changea soudain d'opinion, de religion du pays, & repudia le seruice des  
 idoles, pour espouser & receuoir les ceremonies & sacrifices des Chrestiens: Mais par vraye &  
 certaine refutation ie monstreray que Zosime a escript telles choses à faulces enseignes, voulant  
 blasmer & calomnier ce grand Empeur: si premierement ie traite de la gabelle & cottisation  
 d'or-argenté.

*Defense de  
 l'Empeur  
 Constantin  
 contre les  
 blasphemateurs.*

*:: Ou contre  
 toutes les  
 fortunes  
 & biens de  
 chacun.  
 Euag. li. 3.  
 chap. 40.*

*Confutation des erreurs que Zosime a escriptes de l'Apostolique Constantin.*

CHAP. XLIII.



V recites en ton histoire, ô pernicieux & meschant homme, que Cōstan-  
 tin voulât bastir vne autre ville semblable à celle de Rome, eleut vn lieu  
 entre Troade & Ilium, comme estant fort propre & commode à son en-  
 treprinse, & y fit faire les fondemens, & esleuer les murailles hors la ter-  
 re: mais que quand il fut fait certain que le lieu de Byzance estoit trop  
 ptus cōuenable & oportün, il chāgea d'affection & aduiz: & fit enui-  
 ner & ceindre ceste ville de fortes murailles, basties de bone longueur &  
 largeur, l'ennoblit & decora de si beaux portiques, salles & autres edifi-  
 ces, qu'en nulle chose elle cedit & donnoit premier lieu à Rome, qui

*Confuta-  
 tion des ca-  
 lomnies  
 susdites.*

petit à petit par logues annees auoit prins accroissement de tant d'ornemens, brauades & plaisan-  
 ces. Tu racōtes aussi qu'il bailla publicqemēt des etiquets & bulētins pour auoir du froment,  
 & beaucoup d'or & d'argent pour bastir maisons priuees à ceux qui voudroyent y aller. Et entre  
 autres choses tu escripts de mot en mot ce qui s'en suit: Apres la mort de Constantin, Constance  
 son fils eut la principauté & totale administration des affaires, son frere estant decedé. Et quand  
 Magnence & Britanion vsurperent la tyrannie & principauté violente, ce Constance par vne

*Ampletes-  
 moignage  
 de Zosime  
 touchant la  
 liberalité  
 de Constan-  
 tin.*

XXX iij

## LIVRE XVI. DE L'HISTOIRE ECCLESIASTIQUE

*Vn Prince  
liberal n'a  
peu insti-  
tuer une  
meschante  
imposition.*

*Testimonia-  
ge d'Euse-  
be Pamphi-  
le.*

persuasion rendit Britanion suieût à sa puissance. Car quand les deux camps tant d'une part que d'autre furent assemblez, Constance en vne harangue ramenteut aux gens de guerre de son pere, avec lequel ils auoyent esté en plusieurs batailles, la liberalité dont il auoit vié enuers eux, les recompensant & honorant de tant & si grands dons. Ce que les soldats entendans offerent la robe de pourpre ou Imperiale à Britanion, & l'amenerent à Constance en habit d'homme priué: & toutesfois il ne luy fit aucun tort, mais le sauua, combien qu'il eut fait beaucoup de maux & à luy & à son pere. Puis donc qu'ainsi est, ie te demande comme tu as escript celuy auoir esté si franc & liberal, que tu aies dire au contraire auoir esté si conuoiteux & auare que d'innouer, & contre toute bonne coustume mettre en auant en l'administration de l'Empire Romain vne gabelle & imposition si detestable & haie de Dieu: Quant à moy, certes ie ne le puis dire ny penser. D'auantage ie te monstreray tout clerement qu'il n'a fait mourir son fils Crespin ny la femme Fauste, meisme qu'il ne fut iamais avec l'Egyptien que tu dis, on bien qu'ayât receu nostre religion, il ne l'a receu de luy. Escoute ce qu'escrie Eusebe Pamphile, lequel estoit de leur temps, & hantoit bien souuent avec eux en grande amitié & priuauté: mais toy tu n'en as escript que par ouyr dire vn sommaire seulement, non pas selon la verité, ven que tu as vescu long temps apres eux. Enten donc ce que cest Eusebe qui a vescu & frequenté avec Constantin & Crespin a escript de leur faicts au huitiesme liure de son histoire Ecclesiastique: Il aduint long temps apres quand l'Empereur Constantin eut passé tout le cours de sa vie, vsant de grande douceur & beneuolence enuers ses citoyens & suieûts, en l'obseruance de la vraye pieté & religion tres-agreable à Dieu, il substitua Empereur en son lieu, son fils Constance, puis deceda selon la loy de nature commune à tous. Et plus-outre, il descrie encore: Incontinent Constance fils de Constantin, eleu de tout le camp Empereur souuerain & Auguste, & beaucoup parauant, de Dieu qui est Roy de tout le monde, il se monstra emulateur & imitateur de la pieté & religion paternelle en nostre doctrine & profession Chrestienne. Et à la fin de son histoire, il dit aussi ce qui s'en suit: Le tres-grand & victorieux Constantin qui fut excellent en toute vertu de vraye pieté & deuotion enuers Dieu, fit vn voyage en Orient avec son fils Crespin Cesar, bien aymé de Dieu, & en toutes choses tressemblable à son pere. Comment donc Eusebe qui demeurant viuant apres Constantin, loueroit-il & extolleroit si fort Crespin, si il eust esté mis à mort de la main de son pere? Theodorit aussi, qui apres Eusebe a escript histoires Ecclesiastiques, fait mention que Constantin environ la fin de ses iours receut à Nicomedie la regeneration long temps differée, à cause qu'il pretendoit la prendre au fleuve de Iordain. Voicy donc qu'il en dit: L'antrentiesme de son Empire estoit desia expiré, & vne année d'auantage avec quelque peu de mois passez, qu'il deuint malade en Nicomedie ville des Bithyniens: & congnoissant tres-bien qu'il n'est rien plus incertain que la vie humaine, il receut la grace du sacré Baptesme qu'il auoit differé & remis iusques à là, pour autant qu'il appetoit & desiroit grandemét le prendre au fleuve de Iordain. Voyla qu'en escriuit Theodorit. Et tu adiouste cōme le plus meschant de tous, le plus execrable, detestable, dommageable & impudent, que l'Empire Romain a esté gasté & est venu à neant, depuis que la religion Chrestienne y a floré: Mais il est bel à voir, ou que totalement tu n'as rien leu ny retenu de ce qui est escript par les histoires, ou bien que toy meisme tu t'es auenglé à ton escient à perceuoir la verité: car chacun pourra facilement trouuer par tout ce qui est grandemét contraire à tes propos, à sçauoir, que la grandeur de l'Empire Romain a prins grands accroissemens en beaucoup de manieres par la foy & religion des Chrestiens.

\* il receut la grace du sacré Baptesme] *Que Constantin fut baptisé à Nicomedie à la fin de ses iours, non seulement est prouué par le témoignage de ces trois auteurs Ecclesiastiques, Theodorit, Socrate & Sozomenes: mais aussi de S. Ambroise. Le contraire est monsté, cy deuant liure. 7. cha. 35.*

*Zosime est repris: & est prouué que par l'aduenement de Iesus-Christ en terre,  
l'Empire Romain a prins grand accroissement.*

### CHAP. XLIII.

*Que l'Em-  
pire Ro-  
main a flo-  
ry avec la  
religion  
Chrestien-  
ne contre  
Zosime.*



Le falloit considerer qu'ensemble avec l'aduenement de nostre sauueur Iesus Christ, le Royame de Macedone fut entierement osté & ravy par les Romains, & d'auantage que l'Albanie, Iherie, Colchos aussi & les Arabies se submirent à quelque condition de seruitude à la demande des Romains: outre-plus que Caie Cesar apres la cent ostante-troisiesme Olympiade surmonta belliqueusement les Gaulois, Alemans, Anglois ou Escogois, & leur imposa le ioug de seruitude, & que le meisme annexa à la seigneurie des Romains cinq cens villes bien peuplées, à celles qu'ils obtenoyent desia parauant, comme ceux qui en ont traité ont laissé plus amplement par escript, pour le ramenteuoir à la posterité.

Iceluy

Iceuy Cesar fut le premier qui apres les Consuls fut declaré monarque & vniue Prince, comme par cela voulant preparer le chemin & donner à entendre que les citoyens & subiects du sort de l'Empire Romain, delaisans le service qu'ils faisoient à plusieurs dieux. & le turbutent estat de la chose publique, seroient reduits & reunis par la monarchie de Iesus Christ qui approchoit, en vne religion laquelle seule auroit lien & seroit receüe. A cause dequoy mesme toute la Iudee & les regions prochaines tant d'une part que d'autre furent en telle sorte vnies à l'Empire Romain, que deslors on bailla-premierement declaration & denombrement & fit on description, en laquelle Iesus Christ fut descript, à fin que la prophetie touchant la cité de Bethleem sortist à plein effect, laquelle en auoit esté predite par .i. Jeremie, tout plein de deuil & de tristesse, en telles paroles : Et toy Bethleem terre de Iuda tu n'es pas la plus petite entre les gouuerneurs de Iuda : car de toy sortira le conducteur qui gouuenera mon peuple Israël. L'Egypte aussi apres la natiuité ineffable de nostre Dieu Iesus Christ vint en puissance des Romains, quand Antioine & Cleopatre, à laquelle derniere aduint le royaume des Ptolomees, furent entierement vaincuz par Auguste Cesar, souz lequel nasquit nostre Seigneur Iesus Christ. Corneille Galle, qui de par Auguite fut enuoyé es contrees d'Egypte, succeda à Antioine, & luy premier, apres les Ptolomees, eut le gouuernement des prouinces d'icelle, ainsi qu'en rendent telmoignage les Historiens. Avec les autres aussi tu nous recites toy-mesme en tes histoires combien & quelles calamitez les Perses receurent de Ventide, de Corbulon, & des gouuerneurs de Neron, & depuis encore de Seuer, de Traian, de Care, de Cassie, de Odenathe Parmyrene, & d'autres : & quantes fois a esté prinse la Seleucie, Ctesiphon, & aussi Nisibe, laquelle maintenant estoit à l'un & tantost à l'autre : & comme l'Armenie & autres prouinces circouoises furent soumses en la domination des Romains. Pourquoy ameneray-je pour preuue, autre chose que ce que tu escriis le tres-sacré Constantin auoir tres-bien gouuerné, quād, ayant fait profession de nostre religion, il administra la republique Romaine ? Et aussi quelles & combien grandes pertes & dommages a apporté Iulien ton compagnon, principalement à estre conducteur des danes, & prestre avec toy des sacrifices de Bacchus : Lequel de vray a fait beaucoup de playes & incurables à l'Empire Romain, & les a laisses apres soy toutes seignates & sans estreguaries. Mais au demeurant, scauoir-mon, si quelque chose de ce qui est predit touchant la destruction totale de cest Empire, a desia pris commencement ou doit auoir quelque fin, cela certes est plus grand que ton iugement. Mais i'en suis content puis qu'il te plaist & le dis ainsi : confiderons donc & examinons comment & en quelle maniere vn chacun de ceux qui ont fait profession de la superstition des Grecs, ou qui ont suiuy la religion des Chrestiens, ont perdu la vie ou l'Empire. Le premier monarque Caie Iule Cesar, qui seul voulut occuper l'Empire, ne fut-il pas tué par trahison ? Aucuns soldats ne firent-ils pas mourir l'un des nepueux de Tibere ? Qu'aduint il à Neron ? ne fut-il pas esgorgé par l'un de ses plus familiers ? Quand à Galbe, Otto & Vitelle, ils tomberent en mesme danger. Lesquels trois ensemble ne furent Empereurs que seize mois. Tite fut mis à mort par Domitien son propre frere. Domitien aussi ne receut-il pas mesme payement que Parthemie & Estienne ? Que diras-tu puis apres ? Pourras-tu nier que Narcisse n'ait fait despescher de male mort Commode ? N'aduint il pas semblable punition à Pertinax & Iulien ? Antioine fils de Seuer ne saccagea il pas son frere Geta ? n'en receut il pas autāt de Martial ? Macrin ne fut il pas enleué & rauy aupres de .i. Byzance, comme esclau, & mis à mort par ceux de son camp ? Aurele Antonin fils de .i. Semee fut occis avec sa mere. Le mesme cas aduint à Alexandre son successeur, lequel aussi fut despeché avec sa mere Mammee. Que diray-je de Maximin qui fut dechiqueté & mis en pieces par ses soldats ? Ou de Gordien qui apres les autres passa le pas par les menes de Philippe ? Quant à toy, raconte nous de Philippe & Decle, comme ils sont mors, & aussi de Galle & de Volusien auxquels les gens de guerre couperent la gorge. En print il moins à Emilien ? Valerien ne fut il pas vaincu par les Perses, & par iceux mesmes tenu captif ? Galien ne fut il pas tué par des embusches ? Et apres luy Carin ne fut il pas nauré & mis à mort, & delaisa l'Empire à Diocletien, qui print Maximien pour compagnon en l'administration de telle charge ? Entre les autres Maximien Hercule, & depuis son fils Maxence & Lycinie le dernier de tous finerent de mort tres-ignominieuse & vilaine. Mais considere bien & espluche (depuis que le tres-celebre Constantin eut prins la charge de l'Empire, & qu'il fut superintendant sur le troupeau de Iesus Christ, qu'il fit bastir vne ville magnifique, qu'il nomma de son nom, & la dedia à Iesus Christ & sa Mere) si aucun Prince estant prouueu de la dignité Imperiale a esté mis à mort de long temps, ou par ses familiers ou par ses domestiques ou estrangers, ou si iamais la tyrannie & iniuste domination a esté plus prisee, que le legitime Empire : mais i'en excepte Iulien ton diuin, prestre, porte-panier, & Empereur, & aussi ton Valens : car i'aiouste foy à ton dire que tres-bien as narré & expliqué en ton discours les maux qu'ils ont faits aux Chrestiens : à raison dequoy l'un & l'autre receut condigne punition de sa meschancerie. Mais à la verité tu n'en pourrois dire le semblable de quelque autre Empereur que ce soit. l'adiousteray toutesfoys encore Basilius, lequel suscita sedition contre Zenon, qui luy osta non seulement la tyrannie & cruelle administration, mais aussi la vie. Or combien que la

# LIVRE XVI. DE L'HISTOIRE ECCLESIASTIQUE

deduction sus escripte soit par aventure moins seante a ceste histoire : toutesfois il nous a semblé qu'elle seroit grandement vtile & conuenable à l'entreprise commencee, & bien à propos traitée en cest endroit, pource que les Chroniqueurs, sectateurs de la superstition Grecque, oppugnans la verité, malicieusement & de propos delibéré, pour la haine qu'ils ont de la religion Chrestienne, escriuent le plus souuent choses faulses & mensongeres. Mais maintenant nous retournerons à poursuyure le reste de l'hystoire & faicts d'Anastase.

*De quelque subside qu' Anastase institua de nouveau, dont suruindrent grandes calamitez.*

CHAP. XLIII.

*Anastase fonda ses subiects de beaucoup de subsidies.*



Nous auons traité en quelle maniere Anastase abolit & supprima de cueur vrayement Imperial, l'impos & gabelle appelée Chrysargyre: mais au contraire il constitua & establit d'autres rentes indignes de sa maiesté, à sçauoir, la Chrysotelie, qui estoit vne certaine collecte & payement extraordinaire de deniers: tellement qu'il greua grandement les subiects tributaires, ayant vendu & aliéné les despenfes necessaires au faict de guerre, & abolit & mit à neant l'impos des tributs & cotisations curiales, & establit en chacune cité des reformateurs & vengeurs, à la suscitation, comme lon dit, de Marin Syrien, lequel apres l'Empereur administroit la premiere dignité, anciennement appelée, Grand'maistrresse de la cour. Parquoy il aduint que les reuenuz du domaine diminuerent & decheurent de beaucoup, & que les citez ne furent si florissantes ne si bien maintenues. Car de toute antiquité les patrices & gens nobles, issus de bonne parenté, estoient enregistrez, & insetez és registres des citez: si que chacune ville les reputoit autant & constituoit en tel honneur que les Senateurs.

mais au cōtraire il constitua] *Anastase institua l'aristocratie & administration des bourgeois en l'Empire Romain, vendit les estats & offices, & bailla lettres de remission aux meschans. Il pilla aussi les prouinces par une cupidité d'argent insatiable à laquelle il s'estoit addonné. Les gens de bien & d'honneur furent grandement troublez, pour une coustume meschante & perniciense qu'il innoua & mit en auant: car il ne gaignoit à force d'armes les Barbares & estrangers qui l'assailloyent en son royaume, mais souloit acheter la paix par argent. Il faisoit recercher & confisquer les biens de ceux qui decedoyent, & pourchassoit le dommaige & pauuresse de toute la Republique. Suidas.*

*De la sedition suscitée par le peuple, quand Anastase voulut adionster ceste clause, Qui es crucifié pour nous, à l'hymne trois fois saint: de sorte que luy tous estoit se depose de l'Empire: & comme quelque peu apres il mourut.*

CHAP. XLV.

*Anastase voulut adionster à l'hymne tres-sainct, Qui es crucifié pour nous, sus chap. 35.*



De tous les maux desquels Anastase fut autheur, cestuy qui s'ensuit fut le dernier & plus dangereux, quand, à cause qu'il vouloit adionster à l'hymne tres-sainct ceste partie, *Qui es crucifié pour nous*, si grande sedition s'esleua qu'il sembloit aduis que les personnes voulsissent totalement renuerter l'estat de la religion Chrestienne. L'instituteur & chef de telle doctrine, fut Pierre Cnaphee, comme il est dict: combien que Seueres escriuant à Soterique (deuât qu'il fust reçu à l'ordre & nombre des Euesques, mais du temps qu'il hantoit encore en la cour Imperiale, estant dechassé & fugitif de son monastere avec ceux que nous auons mentionnez) remet toute

*Anastase poursuit Macedonien.*

la faute sur les espauls de Macedonien, qui peu deuant auoit eu la charge de l'Euesché à Constantinople, & sur son Clergé. Mais il y a coniecture & soupçon que pour telles & autres semblables calomnies & impostures, Macedonien fut dechassé de son siege. Ioinct, que ce que nous dirons cy apres testifiera assez euidentement que ce sont mengeries controuuees, & qu'à tort & sans raison il à chargé & blasmé ce personnage. Car deslors que Macedonien commença à charger d'opinion & discorder d'avec l'Empereur, il luy dressa beaucoup d'embusches & trahisons: mesmement pour ceste cause il commanda que ceux qui s'estoyent reuoltez & auoient delaisé la pure doctrine de Macedonien, chantassent le tres-sainct hymne avec l'addition susdicte: en l'Eglise de l'Archange, où ils estoient assemblez. Ce qu'ils firent aussi le Dimanche prochain ensuiuant en la grande Eglise, où ils estoient embastonnez pour vser de force. Mais le peuple esmeu & pousé d'ardent desir & affection pour la religion, les deiecta de l'Eglise avec toute honte & deshonneur. Et pour cela l'Empereur fit commandement aux moines fugitifs & qui apertement auoyent abandonné la sainte opinion pour en suyure vne autre, & à quelques vns des principaux citoyens, de remettre impudemment & sans vergogne, tous les torts & outrages



sur l'Euesque : du nôbre desquels estoit Iulien, Euesque de Halicarnasse en Carie , & Seuerus qui pour lors estoit moine, ensemble tous les aduersaires & de la foy & de Macedonien & de ceux qui le suiuyoient. Pourquoy donc dirons nous autheur & approuuerons auoir esté chef & guidon de si grande confusion en l'Eglise, celuy qu'il voulut forcer de façon cruelle & outrager de grosses paroles , à fin de receuoir & admettre telle addition: Or comme l'Empereur taschoit manifestement adiouter ce surcroist du sainct hymne, le peuple mal content se tourmentoit & rempestoit si fort que plusieurs magistrats tomberent en extreme danger de leurs personnes, & beaucoup de beaux edifices furent bruslez: mesme quelques menus gés couperent la gorge à vn certain moine qu'ils trouuerent en la maison de Marin Syrien, & disoyent qu'il auoit suadé & incité à faire l'accroissement & addition sus mentionnee , & portant la teste publiquement au bout d'une longue perche, crioient par moquerie, que c'estoit l'aduersaire & ennemy de la Trinité. Or ce tumulte creût & s'enflamma si bien & si beau sans aucune esperance d'y pouuoir remedier, que l'Empereur mesme estonné & fort esmeu d'un cas si perilleux, s'enfuit legerement sans sa couronne ny accoustrement Imperial qu'il souloit porter, en l'Hippodrome & lieu public où lon piquoit les cheuaux : & par ses herauts fit proclamer & crier à son de trompe qu'il estoit tout prest de se deporter de l'Empire : mais qu'il scauoit fort bien estre plus qu'impossible que tous ensemble prissent la charge d'une dignité qui n'en pouuoit aucunemēt endurer plusieurs: & qu'il falloit necessairement qu'un seul qui luy succederait & auroit l'administration, gouuernast l'Empire. Cela entendu par le peuple de Constantinople, il changea de courage tout aultost, comme par quelque moment diuin: & supplia humblemēt l'Empereur de reprendre la couronne, promettant d'estaindre & faire cesser toute sedition, & que d'oresnauant il se deporteroit. Mais Anastase ne velquit pas long-temps depuis, ains . . . mourut quelque peu apres, ayāt eu la charge & administration del'Empire Romain en grand mal-heur, detrimēt & damnation de son ame, par l'espace de vingt-sept ans trois mois & autant de iours. Ce liure seiziesme de nostre histoire contient le temps de quarante quatre ans & trois mois & autant de iours, qui estoit l'an . . . six mil trente-quatre, depuis la creation du monde: & depuis la diuine natiuité de nostre Seigneur, cinq cens vingt & neuf.

*Sedition esmeue à Constantinople contre l'Empereur Anastase.*

*Anastase se veut deporter de l'Empire.*

*La mort de Anastase.*

*. . . D'un coup de sonnerre, l'an de son aage 88.*

*. . . Selon les nouueaux chroniqueurs.*

4496.

## FIN DV SEIZIESME LIVRE DE l'histoire Ecclesiastique de Nicefore.

### DE ZENON, EMPEREVR.



Zenon Empereur des Romains, n'estoit pas si cruel de nature, que Leon qui l'auoit precedé, & ne se courrouçoit si fort, que quand il estoit faché vne fois, il n'eust peu estre appaisé, ce qui estoit coustumier en Leon. Il demonstra par apparence estre fort somptueux & magnifique, & liberal en beaucoup de choses. Mais la plus grand' partie de ce qu'il en faisoit, estoit plustost pour acquerir la gloire & admiration des personnes, par vne ostentation & iactance, que de bon cueur & franche volonté. Il n'eut aucune experience ou prudence de manier & conduire les affaires politiques: & si n'auoit appris les sciences de bien & seurement gouuerner un Empire. Il ne fut si aspre ne si ardent à son profit particulier, ne si bruslant d'auarice que Leon, & si ne controuua faulces & calomnieuses accusations contre ses citoyens riches & pecunieux: & toutesfois il ne fut du tout exempt de cupidité & conuoitise d'argent. Et à vray dire, les Romains auoyent un fort bon Prince, n'eust esté que Sebastien, qui aupres de Zenon auoit grand credit, le menoit & faisoit tourner à tel vent que bon luy sembloit: tellement qu'il vendoit & trafiquoit de tout comme au marché, & ne permettoit qu'il y eust quelque chose à la cour, dont il ne pinsast & attirast certain argent: car mesme il vendoit tous les estats & offices à beaux deniers contans, en prenant quelque somme pour soy, & pour l'Empereur. Que si quelcun se presentoit qui comptast sur le champ quelque plus grande somme, c'estoit le plus homme de bien. Brief, il n'y auoit rien au palais Imperial qu'il ne vendist, s'il trouuoit acheteur. Et si d'auenture Zenon conseroit un estat ou dignité à aucun de ses plus fauorits, Sebastien comme reuendeur & trafiqueur de la Republique, l'achetroit de luy peu de chose & à vil prix, à fin de le reuendre à un autre le plus qu'il pourroit, attribuant à l'Empereur telle maniere d'amasser argent.

Le fils de Zenon auquel mesme il succeda en l'administration de l'Empire ( soit qu'il eut nom Zenon, comme il est en Suidas, ou Leon selon les autres) fut l'esperance de l'Empire, & dès son ieuue aage le pere l'esleua aux dignitez: & à fin qu'il creüst & deuint plustost grand & de belle taille & corpulence, il donna aussi ordre à ce qu'il fust nourry & enseigné es exercices du corps. Mais ceux qui eurent quelque credit & faueur à

la cour, à fin que ce ieune Prince aprint de bonne heure à auoir le plaisir des biens de la Republique, l'accoustumerent à yuogneries & banquets exquis, de grands fraix & appareil, & l'applaudissans enseignèrent à paillardises si illicites & abominables qu'il n'est loisible les nommer. Ainsi, quand par accoustumance & continue habitation il reputa les valuptez, .excez & paillardises estre le souverain bien, sous l'esperance de l'Empire, il monstra de visage & contenance du corps une arrogance outreuee, se marchant orgueilleusement, esleuant son cuer & son courage, & pour le dire enbref, deuint si hautain & fier qu'il ne tenoit compte de de toutes les personnes non plus que d'esclaves. Mais la divine providence qui void toutes choses, cognoissans les si grands vices d'iceluy, soit qu'ils luy fussent affectuez de nature, ou instillez & baillez par institution, ayant pitie des hommes, iugea estre raisonnable que contre l'ordre il decedast devant le iour. Ce que certes ainsi aduint, d'un flux de vêtre si lasche que par quelques iours il faisoit son ordure en son lit sans s'en appercevoir.



# LIVRE DIXSEPTIESME DE l'Histoire Ecclesiastique de Nicefore, fils de Calliste, Xanthoulois.

*De l'Empire de Iustin le premier, & comme il fit mourir Amance,  
Eunuque, Theocrite & Vitalien.*

## CHAPITRE PREMIER.

*Iustin eleu  
Empereur.*



Outes les choses memorables aduenues en l'estat Ecclesiastique durant l'Empire de Zenon & d'Anastase, se sont comportees en la maniere que nous auons traicté au liure precedent : mais tout incontinent après la mort d'iceluy, & qu'il fut emmené pour comparoir au iugement d'enfer, Iustin qui estoit du pays de Thrace, chef & preuost des estats de la cour, fut cõtre toute esperance eleu le neufiesme iour du mois de Paneme, que les Romains appellent le mois de Iuillet, pour prince & monarque par les archers de la garde du corps de l'Empereur, desquels il auoit esté capitaine. Or plusieurs, mesme de la cognation & parenté d'Anastase estoient paruenus à grand honneur & credit à raison de leurs amis & richesses, & pouuoient entreprendre l'administration d'un si puissant Empire & l'attraper & enuahir de force, par la licence qui leur estoit permise en toutes choses. Du nombre desquels estoit Amance, commis & preuost des chambellans de l'Empereur, lequel auoit acquis entre les autres grande puissance & autorité. Mais pour autant qu'aux chastez il n'estoit licite d'aspirer à un si noble Empire, il se-

*:: Ou Theocrite.*

*Desfaite de  
Theocrite  
& Amance.*

força d'en bailler la couronne & gouvernement à un certain :: Theocrite, avec lequel il auoit grande accointance & amitié: & comranda à Iustin de tenter & tascher à corrompre par quelque somme de deniers qu'il luy dõna, tous ceux qui vouloyent & auoyent pouuoir de conferer telle dignité à Theocrite. Mais luy-mesme briga l'Empire, corrompit & suborna le peuple pour soy, de l'argent d'autrui, & achepta comprant la beneuolence des gens du guet : tellement que f'estant emparé de la robe & dignité Imperiale, il fit premierement despecher cest Amance & Theocrite, & consequemment tous ceux qu'il doutoit estre capables & idoines de receuoir l'estat Imperial. Mais quant à Vitalien qui sous Anastase auoit pourchassé iniustement la monarchie, & qui pour lors estoit en Thrace, il le reuqua dans la ville Imperiale avec grand honneur, pour le soupçon qu'il auoit de son credit, de son industrie & dextérité tant approuuee au fait de guerre, & de sa grande reputation enuers tousaussi qu'il n'estoit point fort asseuré à cause qu'il se doutoit bien que ce gallad affectoit merueilleusement tenir l'Empire. Parquoy bien cognoissant qu'il ne pourroit le tollir ou faire mourir autrement s'il ne faignoit par beau semblant estre son amy, & s'il ne ioüoit finement son personnage: il l'eut & constitua en premier lieu chef & souverain des plus grands estats & dignitez, que les Latins appellent Presens: & encore de iour

en

en autre, vsant de plus grande finesse & allichement, il l'esleua aussi à la dignité de consulat. Duquel office estant pro. uen, luy estoit de necessité & contrainte hanter la cour, où il fut tué par trahison tout au milieu de la salle, aupres d'une porte, estant puny condignement (comme il est à presupposer) pour ses meschancetez, desquelles parauant il auoit abusé par son audace inconsiderée enuers l'Empire Romain. Mais cecy aduint quelque peu apres.

*Les Euesques qui furent de ce temps pour administrer les Sacremens es grandes villes: de Seuere,  
Paul & Euphrasie, Euesques d'Antioche.  
CHAP. II.*

**E**N ce temps furent commis es Eglises principales ceux qui s'ensuyuent : à Rome fut créé prelat Hormisdas, apres Laurent & Symmache: & à Hormisdas succeda Agapite: & puis à Agapite, Agathon. Apres Macedonien Timothee eut le sort du iege episcopal de Byzance: & apres Timothee, Iean de Cappadoce. En Alexandrie, Dioscore gouverna l'Eglise, au lieu de Iean. En Ierusalem administroit encore l'Euesché, Pierre, qui fut subrogé au lieu de Iean, lequel auoit succédé à Helie. Et à Antioche, Seuere, successeur de Flanien, occupoit l'Eglise par tyrannie, blasmant & outrageant tant qu'il pouuoit le concile de Calcedone. Car il estoit si al affecté que par maniere de dire, presque tous les iours il excommunioit & detestoit ce Concile: & principalement en ces epistres que lon appelloit synodales, qu'il enuoyoit aux Patriarches & Archeuesques de chacune ville: & tourefois il ne se trouuoit que Iean, successeur de Iean premier, en l'Eglise d'Alexandrie, où pour le plus que Dioscore & Timothee qui les receussent & approuuassent. Par le moyen desquels, furent introduictes beaucoup de resueries & badineries contre la sainte Eglise, le peuple estant diuisé en opinions si diuerses qu'elles estoient innombrables. Mais l'Empereur tresfidele voyant dès la premiere annee de son Empire ce Seuere estre tant petulant, effronté & inconstant, luy en fit payer la faute par punition qu'il meritoit, & ordonna qu'il eust la langue coupee totalement, & comme le bruit est frequent, donna commission à Irenee, chef & capitaine des soldats en Antioche, d'excuter ceste sentence, ce que mesme Seuere a confirmé estre vray, disant en quelques vnes de ses missiues qu'Irene au moyen de quelque sedition suscitée, luy auoit machiné telle punition: car escriuant à aucuns de ses amis d'Antioche, faisoit mention de sa fuite & banissement, & tant qu'il pouuoit chargeoit Irenee, le blasmoit & iniurioit, pour autant qu'il se estoit mis en peine avec toute diligence d'empescher, à l'aide des gardes & gens du guet, qu'il ne sortist & euadast hors la ville d'Antioche. Je sçay bien qu'aucuns escriuent que Seuere fut puny de la peine susdicte à la suscitation de Vitalien, lequel comme il auoit encore grand credit enuers Iustin, luy demanda la langue de ce Seuere, pource qu'en la plus part de ses escripts bien souuent il l'auoit blasmé & offensé. Tant y a qu'il delaisa le throsne Episcopal d'Antioche au mois de Gorpice, que les Romains nomment Septembre. Et à son departement fut subrogé Paul, lequel tout ainsi que son deuancier abbaya & cria, mais secrettement, d'une rage & certaine malice contre le quatriesme Concile: mais depuis il le confessa & receut publiquement, & peu apres ensuyuant, estant dechargé de l'Eglise de son plein gré, sa vie print fin, & s'en alla au lieu commun à tous. Et apres luy Euphrasie qui estoit venu de Ierusalem, receut l'Euesché d'Antioche.

*Euesques  
des capita-  
les villes.*

*Les Lâins  
suyuent an-  
tre ordre  
au catalo-  
gue des pa-  
pes de Re-  
me.*

*Seuere op-  
pugnateur  
du concile  
de Calcedo-  
ne.*

*Il denoit a-  
uoir la lan-  
gue coupee  
selo le man-  
dement de  
Iustin.*

*Euag. liu.  
4. chap. 4.*

*Paul succes-  
seur de Se-  
uere: & de  
Paul, Eu-  
phrasie, es  
Antioche.*

*Comme de rechef la ville d'Antioche fut affligée d'un mouuement de terre, dont fut accablé  
Euphrasie Euesque, auquel succeda Euphremie: des autres villes aussi qui receurent  
detriment du mesme tremblement de terre.*

*CHAP. III.*

**L**E feu & embrasement qui fut par plusieurs fois de ce temps en Antioche, estoit comme auant. conreur & messager des tremblemens futurs: & comme proesme & commencement des maux qui vindrent à surfaulx en la ville: car quelque peu apres l'an septiesme & dix mois avec, de l'Empire de Iustin, le vingt & neuuesme iour du mois d'Artemisie, que les Romains appellent le mois de May, il aduint en plein midy vn tremblement de terre, avec vn bouillonnement, qui esbranla toute la ville, & l'agita totalement en telle sorte qu'il la rendit toute difforme & horrible, & renuersa par terre tout ce qui y estoit d'exquis & excellent. Et apres ceste ruyne & destruction, suruint encore la foudre tellemēt que vous eussiez iugé que ces deux fleaux auoyent faict partage & accordé entr'eux de la calamité: car le mouuement & concussion de terre desmolit rez à rez la plus grand' part de la cité: & le feu qui vint apres, consuma & reduit en cendre d'une façon fort estrange tout ce qui estoit resté de la premiere perte. Au demeurant, Iean le Rhetoricien faisant la fin de son histoire de ceste pauvereté & misere, décrit par bonne affecton, fort bien à propos & gentilleme, comment & combien grands dommages

# LIVRE XVII. DE L'HISTOIRE ECCLESIASTIQUE

*La mort de  
Euphrasie.  
La prouidē-  
ce diuine  
baille se-  
cours au  
milieu des  
maux.  
Euphremie  
gouverneur  
d'Orient  
eleu Euef-  
que d'An-  
tioche.  
Antioche  
nommee  
Theopolis.*

*Duſtruſtiō  
d'Edesse  
par l'inon-  
dation de  
la riuere.*

receut la cité, quelles maisons & salles publiques, & quels autres honorables bastimens furent destruits & abîmez, ou par le feu ou par le tremblement de terre, comme voulans faire leur charge l'un apres l'autre: outre-plus, il recite quelles & combien furent admirables & plus que lon ne ſçauoit dire, les calamitez qui diuinement ſuruiurent apres telles meſauentures. Meſ-  
mement entre ces grandes ruynes & cheutes de maisons fut accablé & ſuffoqué Euphrasie, Eueſque, comme ſ'il ne deuoit demeurer vn ſeul de gens de bien & idoines pour mettre ordre & ſuruenir par leur conſeil & diligence aux maux aduenus en la cité. Mais la diuine prouidē-  
ce qui regarde toutes choſes, qui d'huile de miſeration & douceur eſguife ſes couſteaux de ven-  
geance, qui appreſte les remedes deuant que de faire les playes, & (qui plus eſt) qui monſtre ſa  
benignité preſque (par maniere de parler) au deſeſpoir, eſmeut & incita Euphremie, qui au  
mandement de l'Empereur eſtoit commis capitaine des compagnies Orientales: & en telle ſor-  
te declara le ſoin qu'elle auoit pour la ville, que par ceſt Euphremie elle n'obmit rien de ce qui  
eſtoit neceſſaire. Qui fut cauſe que les Antiochiens eſmerueillans ſon deuoir, ſolicitude & con-  
duicte, le choiſirent & eleurent pour leur Eueſque. Laquelle charge il ne refuſa, ains la receut  
& accepta comme quelque prix & remuneration venant de Dieu pour ſes peines & diligences.  
Trente mois apres, la meſme cité endura de rechef grieſues afflictions & faſcheries d'un autre  
tremblement de terre: & lors auſſi fut deuement ſoulagee & ſecourue par Iuſtinien, & depuis  
appellée Theopolis, c'eſt à dire, la cité de Dieu. Car tous & vn chacun des citoyens eſcriuit à la  
porte de ſa maiſon le nom de Ieſus Chriſt, & ainſi ceſſa le mouuement de terre, Dieu ayant com-  
mandé par oracle & diuin aduertiffement à quelque ſainct homme d'eſcrire deuant les huis ces  
paroles, Ieſus Chriſt eſt avec nous, arreſtez là. Semblablement durant l'Empire de Iuſtin Epi-  
damne, que lon appelle maintenant Dirrachie, fut grandement vexee & destruite par furieuſes  
agitations de terre. Et auſſi Corinthe qui eſt ſituee au pays de Grece. Il en aduint autant à Ana-  
zarbe, qui eſtoit la principale ville de la nation heureuſe des Ciliciens: leſquelles citez Iuſtin fit  
reſtaurer à grands couſts & deſpens. Pareillement ſoubs le meſme Empire la fameuſe Edesse,  
ville la plus grande & la plus peuplee de la province des Oſroeniens, par l'inondation merueil-  
leuſe du fleuue Scitte, qui paſſoit par le milieu, fut tellement perſecutee & endommagée, que  
outre beaucoup de maiſons abatuës qu'il emporta, auſſi ſubmergea & entraîna grand nombre  
de gens. Apres le rauage, & que l'eau les eut ainſi emmenez, ſoudainement elle paſſa par le mi-  
lieu de la ville, & diſparut. Le mal donc eſtant appaiſé & eſtanché, fut trouué vn tableau de mar-  
bre qui contenoit en lettres hieroglyphiques ce qui ſ'enſuit:

*Le ſauteur ſauſtera ſault dangereux au citoyen.*

*Les villes  
ruynes du  
tremblemēt  
de terre  
ſont reſtau-  
rees.*

Auſſi de ce temps eſtoit vne certaine femme de la race des Geans laquelle ſurpaſſoit la ſtatu-  
re & grandeur du corps de quelque homme qui fut, & eſtoit ſi bien proportionnee que corpu-  
lence coreſpôdoit à la hauteur. Or l'Empereur contriſté & deſplaiſant oſta la couronne de deſ-  
ſus ſon chef, & avec vne robe noire porta le deuil pour les calamitez aduenues à ceux d'Antio-  
che & autres: auſſi tous ceux de la ville veſtus de deuil ſe lamentèrent pour les maux qu'ils a-  
uoient receus. Mais ce noble Empereur, non ſeulement fit rebaiſtir Antioche, mais auſſi reſti-  
tua fort brauement à ſes deſpens la ville des Edeſſeniens & Anazarbe. Quāt à Anazarbe & Edeſ-  
ſe, il les fit reſtabliſir dès les fondemens en ſi grande magnificence, que meſme l'une & l'autre fut  
honoree & ennoblie du nom de l'Empereur. Or puis qu'ainſi eſt que nous auons fait mention  
d'une ſi grande perte & miſere aduenues en Antioche, pourquoy ne pourrions nous auſſi bien  
inferer en noſtre preſente hiſtoire les autres choſes memorables lors ſuruenues, leſquelles nous  
auons colligees & extraictes des chroniqueurs & auteurs des hiſtoires & annales?

*Les miracles que fit ſainct Zoſimas: & de Iean Chuzicite.  
CHAP. IIII.*

*Enag. liur.  
4. chap. 7.*



Ly auoit alors vn certain perſonnage nommé Zoſimas, yſſu & deſcendu  
du pays de Phenicie la maritime, de la ville de Side, diſtant de Tyr guere  
moins de vingt ſtades: lequel avec beaucoup d'efforts ſ'exerçoit & ne pé-  
ſoit à autre choſe qu'à la vie celeſte. Car iceluy par ieune cōtinuel & au-  
tres deuoirs de ſa conuerſation, deſquelles vertus il eſt tout certain que  
Dieu ſe delecte, l'ayma de tout ſon cuer & en telle ſorte que non ſeule-  
ment il ſurmonta toutes affectiōs & concupiſcences, mais obtint de luy  
ce don & grace qu'il veoit les choſes futures tout auſſi bien que les pre-  
ſentes. Or il fut quelque temps à Ceſaree, qui eſtoit la ville capitale de  
la Paleſtine, chez vn certain perſonnage qui ſ'appelloit Arceſilaus, homme de grande reputa-  
tion & eſtime pour ſa prudence & eloquence, ſur tous autres excellent en dignité & choſes  
ſemblables qui decorent la vie humaine, & auſſi qui eſtoit de noble race & bien apparenté.

*Zoſima*

Zosimas donc peu parauant que la ville d'Antioche receut le dommage & calamité du tremblement de terre, pleurant amèrement & se lamentant du plus profond de son cœur, allant ça & là avec vn encensoir plein de feu parfumoit & encensoit tout à l'entour. Cela fait il se prosternoit en terre & par ses prieres inuquoit l'aide de Dieu. Arcesilaus qui lors estoit present, demandant que signifioit & que vouloit dire cela qu'il se troubloit si fort, il respondit manifestement qu'il craignoit & auoit horreur de la ville d'Antioche, qui lors de cas fortuit romboit en ruine, & qu'il en entendoit bien le bruit à ses oreilles. Quoy entendu par Arcesilaus, & ceux qui là estoient avec luy, estonnez de ces nouuelles autres qu'ils ne pensoient, remarquerent l'heure : & quelque temps apres, ouyrēt dire que la ville d'Antioche auoit esté ruinee & destruite à l'heure mesme que Zosimas diuinement inspiré l'auoit predict. Le bruit est tout commun que ce personnage a faict plusieurs autres œuvres plus grandes que lon ne pourroit penser ne comprendre, lesquelles ie n'ay pas delibéré expliquer maintenant par le menu, pour ce qu'elles sont innombrables, & toutesfois ie tacheray raconter vn ou deux de ses beaux-faits. En ce mesme temps, vn certain personnage nommé Iean, guere moindre en vertu que le precedent, fut grandement estimé en vn monastere appellé Chuzice, situé pres le torrent, du costé de Septentrion, sur le grand chemin pour aller de Ierusalem à Hiericonte : lequel ayant gouuerné long temps parauant l'Euesché en la susdicte ville de Cesaree en la Palestine, pour lors menoit vie monastique sans aucune charge des affaires mondaines. Quand donc il entendit que la femme d'Arcesilaus sus mentionné, s'estoit creuee vn œil de quelque esclat ou nauette à tistre, il se transporta soudainement pour l'aller veoir & consoler. Et voyant que la prunelle de l'œil sortoit, & que l'œil luy degoutoit comme de l'eau, il fit apporter tout aussi tost vne esponge, ramasser & remettre en sa place ce qui distilloit, & puis lier bien serré l'esponge avec vne bandlette sur l'œil. Or cela aduint en l'absence d'Arcesilaus, car il estoit pour lors avec Zosimas en vne petite logette monastique, située aupres de la ville appelle Side, distant de Cesaree presque de cinquante stades. Et ainsi qu'il deuisoit avec ce Zosimas, quelques siens seruiteurs domestiques vindrent à la haste, qui luy rapporterent ce meschef aduenü à sa femme. Quoy ouy, il se contrista en telle sorte qu'il s'arrachoit les cheveux & les iettoit au vent, & ne se pouuoit contenir de lamenter : & comme il ramenteuoit souuent & repetoit mesmes propos en pleurant, Zosimas apperceut bien la cause de sa tristesse, & le laissant en si pauvre & miserable estat accourrut vistement en son petit oratoire, où il auoit de coustume se retirer à part (comme de raison) pour prier Dieu. Et quelque peu apres, ressortant comme tout gaillard & se resiouissant, dict en riant & de gayeté de visage, à Arcesilaus, qu'il cessast & ne se souciait plus, car la grace à Chuzicite, sa femme se portoit bien : & que le mal & inconuenient n'auoit peu aucunement luy nuire à cause que Chuzicite estoit present. Chose qui fut trouuee veritable, si bien que l'un & l'autre fit miracle en vne mesme chose. On dit d'auantage que ce Iean Chuzicite vesquit d'une maniere si estrange qu'il s'estoit faict & creusé en forme de clavier, vne taniere oblique & destournée sous la terre : & que là il passoit sa vie tranquillement en detestation des compagnies & fréquentation des personnes. Quant à Zosimas, il est aussi escrit que quelque fois s'en allant à Cesaree avec vn asne qu'il menoit pour porter certaines hardes necessaires, rencontra vn lion qui rauit la beste & l'emporta : & que ce bon veillard le suyuant tout bellement par la forest paruint iusques au lieu où ce lion s'estoit remply & saoulé de la charongne de l'asne, & s'apprestoient desia pour fuir : mais que Zosimas sans auoir peur, le regardant qu'il ouuroit la gueule, luy dit en sous-riant : Voire mais, compagnon, ie n'ay pas la force de porter sur mes espaulles le bas d'un asne, veu que ie suis si caduc & cassé de vieillesse, si foible aussi de pauvrete & disette : parquoy il faut que preniez la charge, & que faciez chose contraire à la prerogative & excellence de vostre nature, & contretoute coustume receüe & approuuee, si vous voulez estre deliure, & que ie vous permette désormais demeurer en vie. Adonc ce lion, comme si dès lors à iamais il eut delaisé toute cruauté, s'approcha tout doucement à Zosimas, & par signes de la queue & autres gestes demonstra qu'il estoit prest luy obeir en tout & par tout. Par quoy le bon veillard Zosimas chargea le fardeau sur le dos du lion, & le mena iusques à Cesaree. En quoy il prouuoit euidentement que toutes bestes obeissent à l'homme qui vit selon les commandemens de Dieu, & qui se propose retenir constamment & sans faillir la diuine grace, tout ainsi qu'elles obeirent iadis à Adam nostre premier pere.

*D'un autre saint Zosimas : de Marie Egyptiaque, & de Theodore, Alexandrine.*

*CHAP. V.*



N second Zosimas florit aussi en la mesme saison, non pas menant vie solitaire, mais s'exerçant en commun avec les moines d'un certain conuent de la Palestine. Le bruit est qu'iceluy fit sacrifice diuin des mysteres secrets à Marie Egyptiaque, celle là dis-je Egyptiaque, que lon murmure auoir esté du commencement si desbordee & abandonnee aux voluptez de la chair, qu'elle esprouua & experimenta toute

*Iean Chuzicite moine.*

*Miracle de Zosimas & de Iean. Iean habitoit en des cavernes.*

*Un lion cruel obeit à Zosimas & porte le bas.*

*Marie Egyptiaque.*

Y y y

lubricité charnelle, & fut paillarde de si mauuaise vie qu'il est impossible le declarer par paroles. Mais depuis fut si femme de bien & vertueuse, que l'une estoit ennoblie de l'autre. Au surplus nous laisserons à dire de Sophronie comment elle nasquit en Egypte, & de quelle maniere de vie elle abusa pour induire tant de personnes à sa melchanceté, & les y rendre suijs comme quelques esclaves : & par quel moyen elle fut reduite par la volonté diuine, & se mit en chemin pour faire honneur au tres-sainct bois de la croix : & comme s'en retournant de là, passa par le fleuve Iordain, & s'escarta bien loing en vn desert où elle ne communiqua avec personne, sinon avec ce Zosimas : & de quelle abstinence elle estoit en viandes & sans porter habillemens : aussi quels propos elle tint avec le mesme Zosimas, & en priant fut transportee au ciel & laissa ceste vie, apres qu'elle eut receu la diuine communion : comme vn lion luy fouyt & appresta son sepulchre : & finalement comme elle monstra exemple fort pertinent & conuenable à tous ceux qui voudroyent faire penitence, nous le laisserons dire à declarer à Sophronie qui iadis gouerna honorablement le siege episcopal de Ierusalem, lequel a descript fort elegamment la vie de ceste sainte Dame & de Zosimas : car voulant me hastier à traicter autres choses ie n'ay loisir de m'arrester à l'explication de ses faicts. Au reste, quelque peu deuant ce temps y eut vne notable femme, & entre les autres admirable, appelee Theodore, que lon dit auoir passé le cours de sa vie en l'exercice & conuersation monastique qu'elle soustint d'ardent courage à None, qui estoit vne contree pres la ville d'Alexandrie. Car estant induite par quelque fraude à commettre paillardise secrettement, & bien reconnoissant puis apres l'offence contre Dieu, elle postposa toutes richesses & la noblesse de sa race au commandement de nostre Seigneur, & courrant sous vestemens d'homme ses parties femenines, mena vie supernaturelle : & en telle sorte cela ce faict qu'elle tomba en tel opprobre qu'on la pensoit estre le pere de l'enfant qui fut engendré : laquelle calomnie toute apperte & euidente elle porta si patiemment, qu'estant dechassée de sa cellule & chambre monastique elle receut l'enfant comme sien, & fut contraincte le nourrir & entretenir iusques à tant qu'il fut en aage viril : & combien que descouurant la moindre partie de son corps, facilement se pouuoit descharger du crime, toutesfois elle perseuera iusques à la fin de sa vie à celer son sexe, se contrefaisant homme ainssi qu'elle auoit commencé : mesme elle fut enrichie de si grands dons de grace qu'elle comandoit aux bestes cruelles, & Dieu l'exaulçoit de toutes choses qu'elle le prioit, par deuers lequel finalement fut transportee pour receuoir le prix & salaire de ses labours. L'auteur & distributeur de tous biens reuela son trespas à celui qui auoit la charge du monastere, à sçauoir, vne montee merueilleuse, & vne maison fort magnifique, par le milieu de laquelle Theodore estoit conduite en bonne compagnie.

*Sophronie  
Euesque de  
Ierusalem.  
Theodore  
en habit  
d'homme  
fit peniten-  
ce en vn  
monastere.*

*Ce qui est aduenue en la ville de Negre, & de saint Arethas, martyr.*

CHAP. VI.

*Arethas  
martyr.  
Tous les ha-  
bitans de  
Negre, cité  
d'Arabie,  
sont marty-  
risés.  
Vn faux  
Moyse Ho-  
merite.*



N ce mesme temps Arethas martyr combatit vaillamment pour Iesus-Christ en vne cité nommee Negre, de laquelle il fut le chef apres ses ancestres pour la totalement dedier à Dieu. Icelle estoit située en certain endroit sur les frontieres de l'Arabie heureuse. Donc l'aduersaire du genre humain voyant que ceste ville prosperoit & faisoit toutes choses agreables au Seigneur, ne le peut endurer, ains fit esleuer encōtre de grāds troubles & tempestes : Car il suscita vn Iuis qui se glorifioit que son pere estoit Moyse le legislateur : & de fait abhorroit & detestoit entierement toutes les loix & droict de nature, & exerçant tyrannie & cruauté en la region prochaine des Homerites, se rua sus ladicte ville. Mais comme il eut baillé le premier assault, & experimenté toutes ses forces sans y faire bresche, pour autant que les citoyens tant pour la defence de leurs bonnes murailles que par le courage des gens de guerre qu'ils auoyēt dans la ville, le repoulsèrent viuement, il print les armes accoustumées de son pere, à sçauoir, mesonge & faulxeté : car il fit semblant d'estre amy, & moyēna avec eux vne paix fourree, & demāda qu'il luy fust permis d'entrer avec petit nōbre des siens pour veoir la ville, en promettāt & iurāt par le nom des dieux du pays qu'il ne pēsoit & ne vouloit faire aucun mal : Chose que les citoyens luy accorderēt. Mais quād ce tyran fut admis & receu dedās la closture des murs, il ne tarda pas long temps à descouurir sa fiction & hypocrisie, & comme loup assaillir les oīailles de Iesus-Christ : Car apres qu'il eut fait experience & taché destourner les citoyens du Christianisme, & qu'il eut faulxé ce qu'il auoit promis, il en fit mourir aucuns au trenchant de l'espee, brusler les autres, & tourmenter l'autre partie en diuerse sorte : de maniere qu'il offrit à Dieu toute la cité comme sacrifice. Entre les autres le tres-vaillant & magnanime Arethas receut le chapeau de martyr. Vn autre aussi qui estoit fils d'une pauvre femme d'entre ceulx que lon iettoit au feu allumé, monstra vn signe & euidente preuue de courage viril : Car ce tyran qui le retenoit, tachoit

*Vn enfant  
martyr, le-*



tachoit par ce qu'il estoit ieune, le desuoyer & diuertir d'auec sa mere, l'amignottant & luy remettant deuant les yeux toutes choses propres pour attirer & desbaucher vn ieune homme. Mais l'enfant iettant sa veüe sus sa mere, mordit ce tyran en la cuisse, & s'enfuit vers elle: & ainsi fut translaté à Dieu comme sacrifice de bon odeur, selon son desir. Toute la cité pareillemēt fut offerte en telle maniere par le fer & le feu, & comme quelque belle espousee & irreprehensible conioincte avec l'espoux immortel. Or combien que le Seigneur de tout cet vniuers acceptast tres-volontiers leur sang & martyre, toutefois il ne seiourna guere à prendre vengeance & punir à bonne cause vne cruauté tant meschante & infame. Dunaan donc (car tel estoit le nom de ce tyran) ayant ainsi trahy la ville, ne cōsidera pas, que mesme outre son gré, il l'enuoyoit à ceste cité qui est eternelle, & que la vie presente luy en seroit ostee avec grand' opprobre, & que finalement il en seroit tourmenté à perpetuité d'une façon miserable. Car incontinent que Iustin entendit les nouuelles de tout ce que le tyran Homerite auoit entrepris fraudulently contre ceste ville, & encore persistoit à pratiquer contre les saints personnages & gens de bien il en fut tellement contristé & desplaisant, que soudainement il despescha vn mandemēt à Elefbaan, gouverneur d'Ethiopie, lequel obseruoit diligemment les ceremonies & façons de viure des Chrestiens, pour l'induire & inciter par vne bonne emulation à prendre legitime vengeance de ce meschant patriure: si bien qu'auec appareil de guerre & expedition telle qu'il appartenait à vn Roy, il le mist en pieces & fist punition cōdigne & raisonnable pour les ouailles de Iesus Christ qui auoyent esté massacrées. Luy qui de soy-mesme pour l'amour qu'il portoit à nostre Sauueur, estā prompt & enclin à ce faire, fit venir pour secours de la part del'Empereur assez bonnetroupe de gens d'armes des parties Orientales & d'Egypte: & auec ce muny & instruit de l'armure de la croix, fit marcher son armee contre son ennemy, qu'il assaillit tant par mer que par terre (car sa domination estoit pour la plus part maritime) & le combatit si vaillamment qu'il fut le plus fort en la bataille, & en rapporta la victoire: & le print en vie, avec plusieurs de ses plus proches parens & amis, & tous les fit passer par le fil de l'espee. D'auantage ce notable Prince acquit honneur perpetuel ayant surmonté & gagné par force d'armes & destruit entierement tout le pays es enuiron de la ville. Toutefois ce bien-heureux Seigneur sachant pour certain qu'il auoit eu tout secours & aide de Dieu, par la puissance duquel il auoit mis à mort le Iuif, ennemy de la croix: le n'ay chose, dit-il, ô souuerain Roy, que ie vous puisse rendre, cōme il est bien raisonnable, pour le secours & faueur qu'il vous a pleu me prester: mais pour l'amour de vous, ie me deportē dès à present du Royaume que i'ay, chose tenue bien chere par beaucoup de gens: Et en disant ces propos, delaisa & quitta de franche volonté la couronne & vestement Imperial, & ainsi se rendit en vne Eglise sacree: & s'estant fait raire la teste, & ayant prins l'austere habillement des moines, se retira & cacha en vne petite & estroite logette si loing de personnes que lon ne peut le visiter tout le long de sa vie: & là ne māgeoit que du pain & quelques herbages pour toutes viandes: & ainsi ayant finé & passé le reste de sa vie si saintemēt, trespassa pour faire sa demeure au ciel en felicité à tousiours. Mais de peur que mon œuvre ne croisse en grandeur excessiue en racontant tant de choses diuerses, ie veux reuenir à expliquer le surplus de l'histoire.

quel ayma  
mieux estre  
bruslé, que  
d'obeir aux  
blandices  
du tyran.

Elefbaan  
gouverneur  
des Ethio-  
piens.

Elefbaan se  
fait moine.

*Comme le grand Iustinien ayant la charge de l'Empire, soustint la confession & credence  
du concile de Calcedone: & sa femme Theodora se trouua plustost du  
costé de ceux qui enseignoyent vne seule nature en  
Iesus Christ.*

## CHAP. VII.



Iustin n'auoit tenu & administré l'Empire que huit ans durans, & neuf mois trois iours d'auantage, qu'il estoit desia fort vieil & moins propre & suffisant à gouverner les affaires publiques: auec ce il languissoit & trainoit d'une grieve maladie: parquoy il eleut pour compagnon à l'Empire, Iustinien fils de sa sœur, Patrice & grand gouverneur, lequel à la façon accoustumee fut déclaré Auguste, le premier iour du mois d'Auril, & le premier d'Aoust ensuyuant il perdit son oncle (car il mourut ce iour là) auec lequel il commanda par l'espace de quatre mois: tellement que le temps entier del'Empire de Iustin, fut de neuf ans & trois iours. Et cōbien que le concile de Calcedone par ordonnances de Iustin eust lieu & fust receu par tout en chacune Eglise, comme il est dict par cy deuant, lors que Iustinien tint seul le gouvernement de tout l'Empire: ce neantmoins les choses Ecclesiastiques n'estoyent, pour les troubles, encore en leur estat & entier, en quelques prouinces: & principalement le discord ne cessoit en la ville Imperiale & en Alexandrie, esquels lieux toutefois les meschans ne se declaroyēt fort libremēt. Lors Anthime successeur d'Epiphanie (lequel eut charge del'Eglise, le temps de seize ans) & de

Iustinien  
successeur  
de Iustin à  
l'Empire.

Y y ij

## LIVRE XVII. DE L'HIST. ECCLESIASTIQUE

*Euesques de* Iean l'escolier (lequel ne fut Euesque qu'un an seulement) ayant esté translaté de Trapezonce, administroit l'Euesché en la ville Imperiale, sans qu'il y eust grand honneur : & en Alexandrie *Constanti-* Theodose, qui succeda à Dioscore, duquel nous auons parlé, auoit soing des choses sacrees : & *noble & de* tant y a que l'un & l'autre, sçauoir est, Anthime & Theodose, estoient d'opinion, qu'après l'union & conionction il n'y auoit qu'une nature en Iesus Christ. Mais Iustinien soustenoit vaillamment & de grand courage le Concile de Calcedone, & estoit fort ardent à la defense des sanctions d'iceluy : Et toutesfois la femme Theodore suyuoit plustost ceux qui enseignoyent une nature, pensant que leur opinion approchast plus pres de la verité. Comme il aduiuent pres- que tousiours, que toutes les fois qu'il y a controuersé pour le fait de la foy, que non seulement les parens discordent de leurs enfans, & au contraire : mais aussi que la femme par une dissension n'est d'opinion avec son mary, ny le mary avec sa femme. En telle sorte Iustinien & Theodore, ie ne sçay pourquoy, paradiurent tout à propos, estoient diuisez : tellement que Iustinien soustenoit ceux qui enseignoyent qu'après l'union il y auoit deux natures en Iesus Christ : & Theodore estoit d'avec ceux qui n'en disoyent qu'une, sans qu'ils voullissent rien quitter ny desmordre l'un de l'autre : car Iustinien persistoit constamment & defendoit de tout son pouuoir les decretz de Calcedone, & sa femme plus affectée à la partie aduersé, se portoit fort diligente & fauorable à ceux qui soustenoyent une nature : & toutesfois ce pendant elle ne contemnoit du tout ceux qui estoient des nostres, mais elle despendoit beaucoup d'argent à l'endroit des autres, & leur bailloit secours tant qu'il luy estoit possible.

*De la reuocation de Seuer, de ses epistres, & comme il communiqua sa meschanceté & corruption à Anthime : plus, comme le quatriesme Concile fut receu & presché en toutes les Eglises. CHAP. VIII.*

*Seuer est  
euuqué à  
constantinople.*



Comme ainsi soit donc que Theodore eust telle opinion, elle sollicita Iustinien par plusieurs fois, & à grand' peine luy persuada à la fin de reuocquer Seuer en Constantinople. Au iourd'huy se trouuent encore par tout des epistres de Seuer à Theodore Auguste, & à Iustinien semblablement, par lesquelles il demonstra premierement les causes pourquoy il auoit differé retourner à eux depuis son departement du siege d'Antioche, & comme puis après estant arriué en la ville Imperiale, il trouua qu'Anthime sentoit mesme chose & tenoit semblable opinion avec luy, touchant la puissance diuine, & que mesme il luy auoit persuadé de lais-

ser son throsne Episcopal. Il en escriuit autant à Theodose, Euesque d'Alexandrie : esquelles epistres il semble qu'il se glorifioit d'auoir induict Anthime en telle opinion & erreur, qu'il preferoit une doctrine si detestable à ceste gloire temporelle & à la souveraine chaire & autorité. Aussi touchant ce fait se trouuent missiues d'Anthime, & pareillement de Theodose à Seuer & à Anthime, lesquelles i'ay obmises de peur d'assembler trop grand nombre de tels escripts en ce mien œuvre : & aussi à la verité l'un & l'autre tant Anthime que Theodose furent dechassez de leurs sieges Episcopaux, pour autant qu'ils n'estoyent de mesme sentéce que l'Empereur, mais contreuenoyent à ses mandemens, & ne receuoient le concile de Calcedone. Parquoy Zoile succeda en Alexandrie, & Menas à Constantinople. Adonc il aduint que ce Concile fut presché hardimēt en toutes les Eglises, & que personne n'osa ou l'excommunier ou le blasmer : & que ceux qui firent autrement furent contraincts par tous moyens se rengier à ceste opinion & s'y arrester. D'auantage Iustinien fit publier une ordonnance par laquelle il degrada & excommunia Seuer & autres, mesmement tous ceux qui le suiuroient & embrasseroient autre opinion, de maniere qu'il les codamnoit à estre griefuement punis. Ce qui fut fait & enioinct afin que chacun fust esmeu de crainte, & que toutes les parroisses la part qu'elles fussent, n'eussent qu'une religion, & que d'ores en auant ny restast plus aucun schisme & discord entre les Eglises : mais que tous les patriarches & Archeuesques de routes & chacunes provinces s'accordassent ensemble, & que tous les Prelats & un chacun d'eux de quelques lieux & pays qu'ils fussent, suiussent leurs chefs & metropolitains, & que par tout le monde fussent receus manifestement es Eglises quatre Conciles seulement : le premier, celui de Nice, de trois cēs & dix-huict Peres : le second, celui de Constantinople : le troisieme, celui d'Ephese premier : & le quatriesme, de Calcedone. Il y en eut un cinquiesme assemblé par le commandement de Iustinien, duquel nous traicterons en son lieu.

*En la loy,  
Reddentes  
honorem,  
au S. Suspi-  
pimus. C. de  
Summa Tri-  
mitate.*

*Des Synodes congregez contre Anthime, Pierre, Seuer & Zooras : & comme le saint quatriesme concile fut par tout approuué : d'Agapete, Agathon & Iean, Papes de Rome, comme ils vindrent à Byzance. CHAP. IX.*



R fault il noter que cest Anthime, dont nous auons fait mention, successeur d'Epiphanie, receut bien de parole le saint quatriesme Concile, mais de fait, il le detestoit &

& tondamnoit. Et comme on le pressoit de l'approuver, & reietter ceux que ledit Concile reiettoit, & qu'il delayoit tousiours à ce faire, controuuant excuses l'une apres l'autre pour retarder il aduint en ces entrefaites qu'Agapete, grand prelat de la vieille Rome, vint à Constantinople: lequel ayant fait enqueste & information des beaux faicts d'Anthime, & receu beaucoup de plaintes & doleances qui luy furent presentees par les Abbez de la ville & autres, il le degrada de son Euesché, sans l'ouyr ny admettre aucunement en sa presente. La sentence duquel fut approuvee & confirmee par les monasteres mesme de la Palestine, par Pierre Euesque Ierosolymitain, & autres commis & superieurs des Eglises. Ce neantmoins, le Concile prouincial assemblé à Constantinople apres la mort d'Agapete, & mesme Agathon successeur d'Agapete en l'Eglise Romaine, estant encore viuant, enhorterent iceluy Anthime & l'admonesterent de presenter requeste de penitence, & remonstrer que les crimes qui luy estoient imposez, estoient faux, & ainsi il retourneroit en sa premiere Euesché à Trapezonce. Mais pour autant qu'il se ce-  
 loit, & que le concile luy auoit fait signifier deux & trois fois de comparoir, bailler ses causes de iustification, contredire aux accusations dont il estoit chargé, afin de receuoir son premier siege de Trapezonce, & que de crainte qu'il auoit, se cachant refusa d'assister & se représenter, cedit concile par sentence rendue contre luy, le degrada & declara inhabile de toute dignité sacerdotale. Or comme nous auons dict, Menas apres Anthime, fut esleué au siege Episcopal, auquel Agathon Pape imposa les mains, ce que iamais parauant n'estoit aduenu. Quand donc Agathon estoit encore viuant, vn second Concile prouincial fut congregé à Constantinople, auquel il presida avec Menas. Là fut disputé & mis en controuerse le different de Seuer, Euesque d'Antioche, & de Pierre d'Apamee en Syrie, & du moine Zooras, Syrien: contre lesquels les monasteres de la Palestine, de la ville de Constantinople, & de la seconde prouince de Syrie auoyent baillé requestes & aduertissemens: les trouuans chargez & conuaincus de cas enor-  
 mes & illicites, & (qui plus est) blasmer & anathematiser le concile de Calcedone, estre anabaptistes, & faire autres meschancetez pleines de vilenies si ordes qu'on n'en doit parler, mesme enseigner vne nature seule en Iesus-Christ, ils furent repoulsez & reiettez & tous ceux qui cō-  
 sentoient avec eux en leur opinion. Aussi fut establie vne ordonnance, à ce que les escripts de Seuer fussent prohibez & censurez, & tous ceux qu'on trouueroit de luy, jettez au feu & brus-  
 lez: sinon, que celuy fust puny de male mort, qui les auroit retenus & gardez. Ce que mesme decerna Ormisdas, qui eut l'administration de la papauté deuant Agapete & Agathon, en vn Synode assemblé à Rome, des actes duquel aussi se trouuēt des epistres. Ce Synode arresta que les quatre Conciles generaux, saint Leon & sa section fussent preschez & publiez par tout le monde: semblablement que ces euesques Euphemie & Macedonien, Constantinopolitains, & Flauien Antiochié, fussent restituez en leur entier & pristin estat, & enregistrez étables sacrees, pour autant qu'en abolissant toutes les entreprinſes & menees decretees contre eux, ils auoyēt vaillamment combatu pour soutenir la verité. Sentence qu'approuuerent & confirmèrent les chefs d'autres prouinces & Eglises. Ainsi voila comme se comporterent les affaires en la vil-  
 le Imperiale contre Anthime, Seuer, Pierre & Zooras, deuant que le saint & general concile cinquiesme fust celebré. Or les iours precedens, durant qu'Epiphane gouuernoit l'Euesché de Constantinople, le Pape Jean s'y transporta, estant enuoyé pour ambassadeur à Iustin, de la part de Theuderic, qui tenoit la seigneurie à Rome: Car iceluy defendant la religion des Artieſ, enuoya ambassadeurs pour les Arriens, à ce qu'ils ne fussent contraincts de changer d'opinion pour le faict de la religion: & en sa legation & ambassade vsoit de ces menaces: Que si Iustin ne le vouloit permettre, il exerceroit sa cruauté & assiegeroit en Italie, ceux qui mesme obserue-  
 roient le concile de Nicé. Là Jean fut semond & inuité à s'asseoir en pareil degré, & se mettre aupres de l'Euesque de Constantinople: mais il n'en voulut rien faire, ny abandonner la prero-  
 gatiue & premiere autorité du siege Apostolique, qu'il ne fust assis en vn throsne au dessus d'Epiphane. Ce mesme Jean receut tous les autres à la communion, hors mis Timothee Alexan-  
 drin. Voila comme ces choses furent conduictes.

*Agapete, prelat de Rome, de- grade Anthime.*

*Synode prouincial à Constantinople.*

*En France, Boniface.*

*Agathon consacra Menas, Euesque de Constantinople.*

*Autre synode prouincial à Constantinople.*

*Synode prouincial à Rome.*

*Euesques decedez remis en leurs estats.*

*La prerogative du siege de Rome.*

« Jean s'y transporta ] Les compagnons de Jean Pape, en ceste legation, furent Agapite & Patrice Cōsuls, Theodore & Importune: mais Iustin leur refusa la restitution des Euesques heretiques. Blond. Theuderic, se dict le mesme aucteur, fit mourir de faim en prison à Raucenne, Jean, & les autres ambassadeurs estans de retour.

Des histoires de Procope Cesarien: quelles choses il escrit de la bataille Perſique: de la sedition populaire suscitée à Constantinople, laquelle fut appelée, Surmonte.

GHAP. X.



L me semble que fort bien à propos nous pourrions aussi reciter & adiouter en nostre histoire, ainsi que faire se pourra, les autres faicts & gestes memorables de l'Empereur Iustinien, veu qu'ils ne sont fort estranges ny impertinens aux

Y y iij

# LIVRE XVII. DE L'HIST. ECCLESIASTIQUE

choses Ecclesiastiques : comme Procope Césarien a escript fort elegamment & doctement en l'histoire de son temps: Car il a composé quatre volumes ressentās son antiquité, desquels il en nomma l'un, Perlique, qui estoit diuisé en quatre parties: le second de meisme diuision fut intitulé Gothique, auquel estoient contenues par escript les guerres bien fortunées & conduictes au pays de Rome par Iustinien & Bellissare: le troisieme auoit pour tiltre Les edifices, où estoient descripts & recitez les ouurages magnifiques & bastimens dressez par Iustinien, comme temples, palais, chasteaux, villes & ponts, & autres semblables edifices pour l'usage & utilité du public: le quatrieme tome, estoit vne retractation & repetition des oraisons commendatoires faites par luy & prononcées deuant Iustinien, comme quelque palinodie & racoustrement de ce qu'il n'auoit pas assez bien dict. Et quand il décrit les promesses de Bellissare, à la suite duquel il auoit esté à la guerre à son seruice, premierement il fait mention comme Cabade Roy des Perles, ayant voulu de resigner le Royaume en la main de Chosroé, le plus ieune de ses enfans, delibera de le donner en adoption pour fils à l'Empereur des Romains, à fin que le Royaume du ieune homme fust plus stable & permanent. Mais pour ce que son entreprinse ne succeda comme il la desiroit, pour l'empeschement qu'y mit Procle, qui en la Cour de Iustinien estoit Preuost de l'hostel & commis es matieres criminelles, il se mit en grande inimitié contre les Romains. Et Procope raconte fort pertinemment & de bonne grace la guerre faite entre les Romains, sous la conduite de Bellissare, & les Perles. En premier lieu, il décrit comme ce Bellissare avec Hermogene chef de l'armée surmonta les Perles entre Daras & Nisibis: & poursuit quels trophées & signes de victoire ils erigerent en Armenie. Il n'obmet aussi les faits d'Alamundare duc des Scenites Barbares, en la guerre qu'il mena contre les Romains, lequel print prisonnier Timostate frere de Rufin, avec plusieurs autres de sa suite, & le rendit puis apres qu'il eut payé grande somme de deniers pour sa rançon. Il continue semblablement à raconter d'ardente affection les assauts & expeditions de guerre d'Alamundare & d'Azarethe, contre l'Empire des Romains: à sçauoir, comme Bellissare coupant chemin à leurs compagnies qui bon gré mal gré vouloyent s'en retourner au pays, les eut à la rencontre sur le bord d'Euphrates, & leur liura bataille: en quelle maniere aussi les soldats de Bellissare furent tous occis vn peu deuant les feries de Pasque, pour le peu d'obeissance qu'ils luy presterent en ce qu'il auoit deliberé. Finalement il ne laisse passer comme Rufin & Hermogene moyennerent & accorderent vne paix perpetuelle avec les Perles. Il adionste plus outre, vne sedition populaire meue & suscitée à Byzance, laquelle fut appelée Nica, c'est à dire, surmonte, qui estoit le mot du guet dont les rebelles vsoient en leur mutinerie, à fin que par ce moyen ils peussent remarquer & congnoistre ceux qui seroyent de leur party. Auquel temps Hyparie & l'ompee, qui estoient proches parens d'Anastase, à la suscitation du peuple s'entremerierent d'vsurper & enuahir tyranniquement l'Empire: mais apres que le peuple fut gaigné & rendu en obeissance par la conduite de Narces & de Bellissare, on leur osta la teste de dessus les espaules, par le commandement & iussion de Iustinien. Procope dit qu'en ce tumulte furent tuez trente mil hommes du menu peuple: lesquels, ainsi qu'il maintient, auoyent mis le feu, en despit de Iustinien, en l'ancienne & tres-grande Eglise de la Sapience de Dieu: qui iadis ayant esté commencée & bastie de fonds en comble, par l'Empereur Constantin, fut depuis paracheuée & enrichie par Constance: lequel la dedia à Dieu. Comme donc ils ayent usé de si grande hardiesse que de perpetrer telle impiété par la permission de nostre Seigneur, ainsi qu'il est à presupposer, qui congnoissoit ce que puis apres en pourroit aduenir, & en quelle perfection ce temple seroit rebasty: Iustinien, apres la victoire fust pour se venger ou pour appaiser Dieu des meurtres de leurs personnes, le fit restaurer des les fondemens, & aduancer & parfaire en telle grandeur que nous le voyons maintenant.

*Les choses aduenues sous l'Empire de Iustinien.*

*Guerre perlique.*

*Paix avec les Perles. Sedition à Constantinople.*

*Le temple de S. Sophie est bruslé.*

*Les faits des Vandales: de Honoré, & des martyrs de son temps: de Cabaone Maure, & ce qu'il fit en faueur des Chrestiens.*

## CHAP. XI.



E meisme Procope poursuit de poinct en poinct les vaillances & plus memorables faits de Bellissare contre les Vandales: Car, comme nous auons dit cy dessus quand Arcade & Honoré auoyent l'Empire, ces Vandales & Alains avec leur Roy Gongidisle ayans occupé l'Espaigne, trauserent de là en la Libye Occidentale & l'vsurperent. Et apres que Gongidisle eut payé le deu de nature, ses enfans Gontare & Genferic succederent au Royaume. Puis apres quand l'un d'iceux, à sçauoir, Gontare fut decedé, Genferic eut la totale administration des affaires Vandaliques: lequel constitua sa maison Royale à Carthage principale ville des Affricains. Et consequément print aussi la ville de Rome, & en tel estat mourut, l'an trèrenuiesme de

de son regne. Or eut il successeur son fils Honoric, lequel soustenant la religion des Arriens, *Honoric,* traitoit si cruellement les Chrestiens en la Libye, lesquels defendoyent les decrets & articles *persecuteur* du concile de Nice, qu'il les forçoit de confesser & recevoir la faulxe opinion d'Arrius, & si aucuns n'obeissoient à ses mandemens, il les affligeoit de diuers tourmens, ou leur ostoit l'usage *des Chre-* du feu & d'eau, & les bannissoit, où les priuoit de la vie presente par peines & souffrances les *tiens, en-* plus estranges & rigoureuses qu'il pouuoit excogiter. A quelques vns mesme il coupoit la la- *uoia en exil* gue, lesquels Procope se dit auoir veu, quand il fut à Constantinople, où il deuisa avec eux & *trois cens* qu'ils luy respondoient tout aussi bien que ceux qui n'auoyent point de mal. Et combien que *rente qua-* leurs langues fussent ainsi coupees, voire dès le gosier, si est ce qu'ils parloyent si apertement & *tre eues-* distinctement qu'ils rendoyent estonnez & esmerueillez ceux qui les voyoyent & entendoient. *ques Catho-* *liques.* *Diacre.* *En la loy* *Redentes* *honorem.* *un supra.* *La grace du* *Martyre est* *perdue par* *peché.* *cabaone, in* *fidele, fai-* *sant les au-* *ures des* *Chrestiens,* *surmonta* *les Vanda-* *les.* *Les Vanda-* *les outragēt* *les Chre-* *tiens &* *prophane* *leurs tem-* *ples.* *Les au-* *tres l'appel-* *lent Gada-* *bynde, ou* *Gandamis.*

Justin semblablement en a fait mention en quelques vnes de ses constitutions & ordonnances. Quelque temps apres, de Procope, deux de ceux là abandonnez à lubricité, à cause qu'ils congneurent charnellement quelques femmes, perdirent totalement la parole, comme si la grace du martyre n'eust plus voulu demeurer en eux, mais s'en retirer à raison de leur degeneration & mauuaises meurs. D'auantage, ce mesme auteur recite encore vn autre cas digne d'admiration, que Dieu fit en ce temps là à l'endroit de certains personnages, non pas initiez & instruits en nostre religion, bien qu'ils eussent vouloir & entrepris de faire lors choses saintes & louables: car il escrit d'un, nommé Cabaone, gouverneur des Maures, qui estoient es environs de Tripolis. Ce Cabaone donc (car ie veux user des mesmes termes que celuy qui tant proprement a raconté ce fait) ayant descouuert & entendu que les Vandales prenoient les armes contre luy, fit & ordonna ce qui s'en suit: Premièrement enioingnit à ses citoyens & autres subiects de s'abstenir & garder de peché & de viandes delicates, & sur toutes choses fuir la cōpaignie des femmes; & pour ce faire assés & remparer deux camps: en l'un desquels il estoit en armes avec les hommes, & en l'autre il enclot les femmes de trenchées, & defenses de ny entrer à peine de la hard. En second lieu, il bailla charge à quelques espions qu'il enuoya à Carthage, de bien prendre garde aux forfaits, degasts & outrages que feroient les Vandales marchans en pays, quand ils entreroient en quelque Eglise des Chrestiens, & ordonna qu'alors que ces Vandales seroyent partis, pour le mal, ils fissent bien & choses entierement contraires & repugnantes à celles qu'ils auoyent faites en ces temples dont ils seroyent sortis. On dit que Cabaone disoit pour sa raison: combien que ie ne congnoisse point le Dieu que les Chrestiens adorent, que neantmoins puis qu'ils le croient estre tout puissant, il est iuste & raisonnable qu'il face punition des contempteurs de son honneur & puissance, & ayde ses seruiteurs qui le reuerent. Ces espions dōc venus à Carthage, de loisir qu'ils auoyent se tindrēt à requoy, ayans esgard à l'appareil de guerre que faisoient les Vandales. Et quand leur armee se mit en Champaigne droit à Tripolis, ils suyrent de pres, estans vestus en simples gens. Or ces Vandales dès le premier giste apres auoir fouldroyé & fait tous efforts & outrages sans rien oublier, se logerent es temples des Chrestiens & y establerent leurs cheuaux & autres bestes & bagages: tellement que sans auoir aucun respect à vertu & honnesteté du lieu, ils y follastryent & vloyent de leur appetit desordonné, ils souffletoyent les prestres qu'ils pouuoient tenir, ils les battoient de verges & les contraignoient à leur seruice comme esclaves. Mais tout aussi tost qu'ils en furent sortis les espions de Cabaone executerent sans rien obmettre ce qui leur auoit esté commandé. Car incontinent ils nettoierent les Eglises, ietterent hors les ordures de tout leur possible, & racoustrent par ordre & bon equipage tout ce qui estoit delaisé indignement & profané, ils adresserent & allumerent toutes les lampes, firent hōneur & reuerence aux prestres, & leur presterent tout autre deuoir d'humanité avec tres-humble seruice: ils distribuerent semblablement forces aumones aux pauvres qui auoyent de coustume mendier aux portes des Eglises. Voylà en quelle façon ils suyrent tousiours les compagnies des Vandales: voylà en quoy ces Vandales faillirēt & offenserent en tout leur voyage par le chemin, & comme les espions corrigerent leurs fautes & offenses. Or comme les Vandales approcherent, & n'estoyent plus guere loing du lieu où ils pretendoyent, ces espions s'en allerent deuant pour annoncer à Cabaone tout ce que les ennemys & eux auoyent fait es temples des Chrestiens, & pour aussi luy faire entendre que ia ils estoient fort pres. Ouy ce rapport, il leur liura bataille & leur donna li chaude rencontre que plusieurs des Vandales y demurerent, comme dit le mesme Procope, & plusieurs furent prins prisonniers par les ennemys, tant que de tout le camp peu retournerent en leurs maisons. Voylà ce que de la part des Maures aduint à Trasamunde, lequel bien tost apres perdit la vie, avant dominé sur les Vandales, par l'espace de vingt-sept ans: & deuant luy: Gundam, fils d'Honoric, & petit fils de Genseric, auoit regné douze ans, & Honoric huit. Or ce Trasamunde qui estoit vn chevalier, de beauté excellente, homme genereux & entier, enuoya demander par ambassadeur à Theuderic, Roy des Goths, sa sœur Amalasunthe pour compagne & espouse: avec laquelle il donna outre-plus mil hommes d'armes, & avec eux cinq autres mil hommes pour rendre complet l'ordre de ses officiers. Apres la mort d'iceluy, regna Hulderic, fils d'Honoric, engendré de Genseric, prince fort doux & paisible, qui ne molesta oncques les Chrestiens, &

## LIVRE XVII. DE L'HIST. ECCLESIASTIQUE

*Celimer, cō* qui n'estoit pas facilement incité à leuer guerre. Mais Gelimer, son propre parent, affectant la  
*stus Roy* tyrannie, le priua du Royaume, apres qu'il eut regné sept ans. Et pour autant qu'il estoit fort  
*par les Van-* industrieux & subtil en maniemēt d'affaires, il rompit & diminua bien la nation Gothique.  
*da'es.*

*• Trasamunde, ) Trasamunde, Vandale, fut capital ennemy des fideles, tellement que d'Afrique il*  
*bannit en Sardinie deux cens & vingt Euesques, auxquels Symmachie, Prelat de Rome, enuoyoit tous les iours*  
*aumosnes. Ce Trasamunde proche de la mort appella Huldéric, ou selonc aucuns Childeric, & le fit iurer de ne*  
*porter secours aux Chrestiens : car il auoit apperceu qu'il estoit fort prompt à leur favoriser. Ce neantmoins, e-*  
*stant esleu Roy, reuqua d'exil les Euesques Catholiques, & leur bailla charge de reformer & redresser les*  
*Eglises : chose qui luy apporta dommage & fraude de la part des Vandales, Arriens. Diacre.*

*Comme Bellissare ayant surmonté les Vandales, en recent grand triomphe à Constantinople.*  
*De saint Cyprien, martyr : & de la nation & origine des Maures.*

### C H A P. X I I.

*Expedition*  
*de Iustiniē*  
*contre les*  
*Vandales.*

*L'Euesque*  
*conduit les*  
*bandes mi-*  
*litaires ins-*  
*gues au port*  
*de la mer,*  
*& prie*  
*pour eux.*

*La feste S.*  
*Cyprien ap-*  
*pelee cy-*  
*priane.*  
*Tempeste*  
*cypriane.*

*L'Afrique*  
*fut subiuguee en*  
*trois mois.*

*Triomphe de*  
*Bellissare.*

*Les despouil-*  
*les Romaines recon-*  
*uertes des*  
*Vandales.*



N ces entrefaites Iustinien eut pitié & compassion des pauvres Chrestiens qui en telle sorte estoient affligez & verez au pays de Carthage : & assembla vne armee pour se venger. Mais à la suggestion de Iean, grād maistre de la Cour, il changea la deliberation. qu'il auoit prinse de mettre ses gens en Campaigne. Toutefois depuis il eut aduertissement par vision nocturne de ne desister & delaisser ce qu'il auoit commencé : car pour la vengeance & defense des Chrestiens il rapporteroit la victoire des Vādāles. A ceste cause plein d'espoir & de courage, enuoya Bellissare enuiron le solstice d'esté pour faire expedier la guerre de Carthage. Et ainsi que la nauire admirale fut abordee au port, qui est aupres de la maison Imperiale, & que Epiphane, Euesque de la ville, eut fait les prieres solempnelles & accoustumees, comme il estoit de raison, & baptizé de nouveau aucuns soldats, & qu'il eut embarqué Bellissare en ceste nauire, capitaine, lors on fit rapport à l'Empereur d'vn fait touchant saint Cyprien, martyr, non seulement digne d'estre escrit & racompté, mais d'estre retenu par cœur : duquel Procope a ainsi dit de mot en mot : Les Carthaginois auoyent en singuliere reuerence sur tous le bon homme S. Cyprien, de sorte qu'ils firent bastir à l'honneur d'iceluy vn temple magnifique sur le bord de la mer, pres les murailles de la ville. Et entre les autres signes de reuerence qu'ils luy portoyēt, encore faisoient ils & celebroyent tous les ans vn iour de feste qu'ils appelloyēt, Cypriane. Semblablement les nautonniers appelloyent de mēme nom que, la feste, vne certaine tempeste & tourmente des vents : pour autant qu'elle aduenoit de coustume enuiron la saison que ces Lybiens auoyent ordonné festoyer ceste solempnité. Or deuant qu'Honorice fut Roy, les Vandales osterent par force ce temple aux Chrestiens Catholiques, & le ruinerent, en chassant hors les Prestres, avec grande vergongne & opprobre : & depuis le restaurerent à l'usage des Arriens. De laquelle alteration & inconuenient les Libyens estans fort marris & dolens, on dit que saint Cyprien apparut souuent à aucuns en dormant, & dit que les Chrestiens ne deuoyent se dōner peine pour son esgard, car luy mēme se vengeroit & defendroit en temps & lieu. Ce que l'Empereur accepta, comme chose de bonne encontre & portant bon heur : car telle prediction aduint & sortit à plein effect au temps de Bellissare, à la conduicte duquel la ville de Carthage fut assubiectionnée à l'Empire Romain, l'an quatre vingts & quinze, apres le rauissement de ce temple aux Chrestiens. En ceste guerre les Vandales furent entierement vaincus & dōptez, & l'opinion & secte des Arriens retrenchee & debouree hors la Libye : & adonc les Chrestiens selon la prophetie & prognostication du martyr Cyprien, recouurerent leur temple. Procope aussi, avec ce que dessus, a redigé en memoire à la posterité ce qui s'ensuit. Que Bellissare s'entra en Byzance, apres qu'il eut vaincu les Vandales, avec les despouilles & grande multitude de captifs à la giterre, du nombre desquels estoit le Roy Gelimer. Or ce Bellissare triompha en l'Hippodrome & lieu public auquel on ioustoit à la course, & porta au triomphe, outre les autres choses admirables, les ioyaux principalement de grand prix & estimation, lesquels autrefois Genseric, comme nous auons dit, auoit emblé & emporté de Rome, quand il y fut admis & receu cōme Roy, & qu'il y despouilla les Eglises, du temps qu'Eudocie, femme de Valentinien, qui eut le gouuernement de l'Empire Occidental, le fit venir sous la tyrannie de Maxime, apres l'homicide perpetré en la personne de son mary, & l'abus commis contre sa chasteté, & luy promit sauf-conduit & entree iusques en la ville de Rome. Mais quand il y fut, il mit le feu par tout & la destruit, & emmena Eudocie avec ses deux filles au pays des Vandales, & dès lors, avec les autres ornemens & lucubrations de la ville, rauit aussi tous les ioyaux exquis, que Tite, fils de Vespasien, apres la prinse de Ierusalem, auoit transportez à Rome, & que premierement Salomon auoit dediez au vray Dieu, lequel du commencement il reuera & craignit. Toutes lesquelles choses



choses Iustiniennes, qui sur tout honnoient nostre Sauueur Iesus-Christ, renuoya en Ierusalem, où d'ancienneté elles auoyent esté consacrees. D'auantage le mesme Procope recite que Gelimer estant en l'Hippodrome & lieu public, où l'Empereur superintendant regardoit la pompe & magnificence du triomphe, prosterné en terre dit en langage de son pays ceste sentence de Salomon, Vanité des vanitez, & toutes choses sont vanité. Outre cest acte, Procope mesme fait mention encore d'un autre miracle que nul de tous les anciens auteurs a memoré, combien qu'il excède toute admiration: Car il dit que les Maures (qui est vne gent de la Libye Occidentale, iadis estans expulsez de la Palestine) s'arresterēt en la contree Occidentale de ladicte Libye, & que ceux sont appelez és saintes escriptures, les Gergeseens & Iebusees, & semblables nations que Iesus, fils de Naué, surmonta & dechassa de leurs propres maisons. Ce qu'il prouue euidement estre vray semblable par vn escriteau fort ancien en lettres & langage Phenicien, qu'il dit auoir leu aupres d'une fontaine où estoient erigees deux colonnes d'albâtre, & contenoit l'escriture grauee tels termes: Nous sommes ceux qui sont eschapez & fuis de deuant ce brigand Iesus, fils de Naué. Voyla donc comme Procope a escrit de ces choses. Or quand la Libye fut reduite en la puissance des Romains, elle paya tributs annuels aux Romains, cōme elle auoit fait parauant. Le commun bruit est que Iustinien fit bastir en la Libye cent & cinquante villes, partie desquelles furent erigees de nouveau, les autres tombees en ruine de viellesse, furent restablies & restituees fort proprement & brauement, ornees tant de bastimens priuez que publics, de forteresses & autres benefices & singularitez, desquelles sont illustrees les villes, & principalement la puissance diuine honnoree & appaisée: semblablement des conduicts & courans d'eau, par les canaux non seulement pour le plaisir & recreation des citoyens, mais pour leur vtilité & profit: partie d'iceux canaux lors furent deriuiez premierement où il n'y en auoit point: & les autres qui long temps parauant auoyent esté fouillees & depuis estoupees, adonc furent restaurees & remis en leur pristin estat.

*Des faits de Bellissare Narse, en Italie, & de plusieurs princes de la ville de Rome, par les ennemis. De Syluere & Vigile, Prelats. De quelques nations qui receurent la foy Chrestienne, & des prouesses Imperiales du Duc Narse, de sa pieté ouuers Dieu.*

## CHAP. XIII.



Y apres nous traicterons des haults faits & vaillances excecutees en Italie, desquelles Procope mesme a fait mention en son histoire. Or comme il est dit cy dessus, apres que Theuderic eut reprins la ville de Rome, dechassé Odoacery exerçant tyrānie, & qu'il fut decedé ayant obtenu le souverain gouuernement des affaires Romaines, la femme Amalasunthe print la tutelle d'un fils engendré d'eux deux, & administra le Royaume de courage si viril & vertueux, & si prudement dōna ordre & prouueut au gouuernement, que premiere elle incita Iustinien à leuer guerre cōtre les Goths: car estant surprins & deceuë par leur malice & em-

*Royaume  
gouuerné  
par une  
femme.*

busches, elle enuoya ambassadeurs par deuers l'Empereur. Mais lors que son fils Atalaric des son ieune aage fut decedé, Theudate qui estoit proche parent, & de la race de Theuderic, s'empara de l'Empire Occidental. Et ainsi estant fait Empereur, enuoyant Bellissare es parties Occidentales, quitta le Royaume, & s'occupa plustost aux estudes & sciences des lettres, qu'à l'administration & entretenement de ses terres & seigneuries, pour autant qu'il n'estoit pas propre au maniemēt des armes. Lors Vittigis estoit commis chef & gouuerneur des compagnies Occidentales: Mais aussi tost que Bellissare entra dans les Itales, ce Vittigis abandonna la ville de Rome & s'en alla: & Bellissare faisant ses approches y fut receu & admis par les citoyens Romains, qui se rendirent, & non seulement luy ouurirent toutes les portes, mais aussi declarerent leur affection. Ce qui fut fait principalement à la suasion & sollicitude de Syluere, commis au throsne Papal, lequel enuoya vers Bellissare, Fidele, qui auoit esté conseiller & assesseur d'Atalaric. Et ainsi, sans bataille Rome fut reduite en la puissance & domination des Romains, apres soixante ans, au mois de Decembre, l'an vnziesme de l'Empereur Iustinien. Procope a semblablement escrit que depuis, quand les Goths vindrent assaillir les Romains, Bellissare tint Syluere, Prelat, pour suspect: à cause dequoy il le fit transporter en Grece, & bailla la charge du siege Papal à Vigile. Le mesme Procope fait mention que du temps qu'Anastase auoit le gouuernement de l'Empire, les Hercules trauserent la riuiere d'Istre, & que Iustinien puis apres les receut tous, & traita avec liberalité, & qu'atirez par bonne somme de deniers, receurent la religion Chrestienne, & changerent leur vie en toute humanité & douceur. Encore raconte il le retour de Bellissare de la ville de Rome en Constantinople: & comme il emmena avec soy Vittigis, comme quelque esclau, entre le butin de guerre, & en quelle maniere Terilas usurpa l'Empire de Rome,

*Theudote se  
deporte du  
Royaume.*

*Syluere, pre  
lat de Rome*

*Vigile sub  
rogé à Syl  
uere.*

*Bellissare  
triumpha  
de Vittigis.*

tellement que de rechef elle fut subiecte aux Goths : en apres, comme Bellisare reprit la route d'Italie, assiegea Rome & la recoura encore : puis de là fut reuoké par l'Empereur pour soutenir la guerre Persique, suscitée en Orient. Pareillemēt il nous remet deuant les yeux que adonc les Abasges embrasserēt le Christianisme, & apprindrēt vne maniere de viure plus courtoise & ressentant l'homme : & que l'Empereur Iustinien leur enuoya vn, nommé Ephratas, eunuque de leur nation, avec creance & mandement de defendre & prohiber que deormais en leur pays personne ne se fist tailler & inciser iniurieusement contre nature, la partie qui monstre nostre virilité. Car la plus part des seruiteurs & vallets de chambre des Princes (que coustumierement nous appellons eunuches ou Chambellans) estoient de ce pays là. Alors Iustinien fit incontinent dresser vn temple merueilleusement beau & grand, en la region de ces Abasges, en l'honneur de la Mere de Dieu, y ordonna des Prestres, & deuēment y fit fondre tout ce qui appartenoit au seruice diuin. Dont il aduint à ce peuple qu'il fut diligemment instruit & exercé en la doctrine des Chrestiens. Plus, le mesme auheur escrit comme les peuples habitans pres le fleuve Tanais (les paisans appellent Tanais, toute la contree qui s'estend depuis le marecage de Meotis, iusques à la mer Euxine) enuoyerent ambassadeurs à Iustinien, requerans vn Eueque leur estre deputé, desquels il accorda la demande par effect, leur enuoyant tres-volontiers ce qu'ils requeroient. Il recite aussi fort proprement quelles excursions & combien grandes voleries les Gots, voisins de Meotis, firent en Thrace, durant l'Empire de Iustinien : & d'auantage, quels & combien impetueux furent les tremblemens de terre en Grece, en Beotie & en Achaie, & de quelle façon le riuage de la mer pres Crissée, fut esbranlé : comme beaucoup de lieux & villes innumerables furent ruinees du hault en bas, & demolies rez à rez de la terre : en plusieurs endroicts la terre renuersee le dessus dessous : & autres lieux les ouuertes se reprindrent & refermerent : ailleurs la terre se fendit, & en voyons iusques à present les abysses & ouuertes : ce qui aduint mesme en Pompeiople, ville de Cilicie : car la terre diuisee & entre-ouuerte engloutit & abisma toute la ville & les habitans, & du plus bas gouffre fut entendue la voix de ceux qui prioient, à ce que ceux qui estoient demeurez au pays plat se sauassent de telle misere & infortune. Il fait aussi memoire de l'election faite par Iustinien de l'eunuque, Narse, pour estre chef des compagnies au voyage d'Italie, & comme il surmōta Totilas, puis Teias, & comme la ville de Rome fut reprise pour la cinquiesme fois. Ceux qui ont vescu familièrement avec ce Narse, afferment que tellement il dependoit & auoit son appuy en la puissance diuine, estoit si deuot en toute sorte, & portoit si grande reuerence à la Vierge & Mere de Dieu, qu'elle se manifestoit & luy declaroit quand il seroit bon de combattre & entrer en bataille : & que difficilement il descendoit au conflict, que premierement n'eust aduertissement d'elle, touchant l'opportunité du temps. Outre ces faits & prouesses de Narse, il y en a d'autres & en plus grand nombre, cōme il vainquit Bulisene & Silduande, & assubiecit & rendit soubz la puissance de l'Empire Romain toutes les provinces iusques à l'Ocean. Dequoy apres Procope, Agathias le Rhetoricien a traité suffisamment en ses escripts.

*Les Abasges sont faits chrestiens.*

*Ordonnance qui defend l'eunuchisme.*

*La province pres Tanais reçoit le Christianisme.*

*Tremblemens de terre.*

*Ouuertures de la terre.*

*Pompeiople abismee.*

*Prouesse de Narse.*

*Agathias les appelle Bulisene & Silduande, ou Sildualde selon aucuns.*

<sup>a</sup> Amalasunthe print la tutelle &c. *Aucuns escriuent, comme Diacre, que Amalasunthe ou Himmel-suite, estoit fille de Theodoric. Sus chap. 11. Amalasunthe sœur de Theuderic fut mariee avec Trasamunde.*

<sup>b</sup> Totilas vsurpa l'Empire de Rome, ) *Totilas destruit & brusta en telle sorte la ville de Rome, que personne n'y peut demeurer : & par ainsi fut faite l'habitable des bestes, selon la prediction de nostre Seigneur. Apocalip. 11.*

<sup>c</sup> les Abasges &c. ) *Procope, liu. 2. de la guerre Persique où il parle de la contree des Iberiens, & de la montagne de Caucasus, dit que là es environs sont plusieurs nations, & principalement les Anales & Abasges : aussi les Zecchiens & Hunnes, qu'on appelle les Sabariens. Tous lesquels peuples avec le temps ont occupé la Hongrie & pays de Boheme.*

*Comme Chosroes ayant rompu l'accord & alliance de la paix, vsurpa l'Empire Romain, & occupa Antioche par hostilité, & plusieurs autres villes.*

CHAP. X I I I I.

*Chosroes, Roy des Perses, leue guerre contre les Romains.*



Le mesme Procope fait recit en son histoire, que Chosroes fut grandement despité & enuieux quand on luy rapporta les vaillances & faits belliqueux des Romains sur la Libye & Italie : de maniere que par couuerture il chargeoit les Romains & faisoit semblant qu'ils estoient cause de la violation de la paix perpetuelle & solution des alliances : & que soudainement Iustinien enuoya ambassadeurs à Chosroes pour luy faire entendre que de son costé il ne bailloit occasion de rompre la paix accordée & conuenue, & qu'il n'auoit aucunement preiudicié ny faulsé les

les contrats de pactions : & partant requeroit que diligemment fust recherché & faite enquête touchant le different & choses controuersées, & les causes sur ce produites & alleguées, fussent par bon conseil & amiablement appaisées & transigées : mais que Chosroes impatient de l'excessive enuie, dont il brusloit en son esprit, fit vne response en rien conuenable à raison & equité : ains qu'auec grosse armee, qu'il amassa de ses subiects se rua fierement sur les terres & pays des Romains, l'an treiziésme de l'Empire de Iustinien. Il descript donc comme Chosroes assiegea la ville de Sure, située sur la riuere d'Euphrate, & la print tant par promesses & belles pactions dont il alliecha les citoyés, que par armes : car puis qu'il auoit vſé de toute malchanceté, & qu'il n'auoit gardé les promesses, il gaigna plustost ceste ville par fraude & malice que par droit de guerre. Il n'obmet aussi à dire en quelle maniere il mit le feu en Berrhoé & là destruit : Pareillement comme il vint de là iusques en Antioche, où pour lors estoit Euesque Euphremie, lequel se deporta de la charge Ecclesiastique, pour autant que ce qu'il entreprenoit, ne luy succedoit pas selon son vouloir, mais en fuyant sauual'Eglise & les bastimens à l'enuiron, vendant publiquement les sacrez ioyaux l'un apres l'autre pour en amasser la rançon. Outre plus, il met par escrit avec grande compassion la prinſe & destruction d'Antioche par Chosroes, lequel y massacra tout au trenchant de l'espee & la brulla : en apres comment au sortir il vint iusques en la forest de Daphné, és faulxbourgs : trauersa la Seleucie, circonoïſine & fit approches iusques à Apamee, lors que Thomas, homme excellent de vie & de doctrine, y gouernoit l'Euesché : lequel, comme il dit, fit compagnie à Chosroes (par deuers lequel il estoit en ambassade) au lieu public, pour veoir la iouſte & courſe des cheuaux, qu'il regarda modestement : à fin que par tel office & deuoir il le rendist paisible ou appaisast totalement. Car comme Chosroes demanda en gaudissant tout à propos, S'il le vouldroit bien veoir en sa ville en tel train : il respondit franchement, preposant la verité à toutes choses, que vrayement il ne l'y verroit de bon œil. Laquelle response Chosroes prisá beaucoup, & tint ce Prelat en grande admiration.

*Vitigis enuoya ambassadeurs à ce persan, pour l'inciter à la guerre. Procope liu. 2. La prinſe de Sure. En Procope il est appelé Euphémie. La prinſe d'Antioche. Thomas Euesque de Apamee.*

*D'un miracle aduenu à Apamee, en vne croix.*

CHAP. XV.



Vis qu'ainſi eſt que nous ſommes paruenus iusques icy, ie veux encore reciter quelque autre miracle, lequel me ſemble fort conuenable à la preſente hiſtoire : Quand les Apameniens entendirent le bruit que la ville d'Antioche eſtoit arſe & reduite en cendre, ils prierent de grande affection Thomas ſuſdict, leur Eueſque, eſtant de retour d'auec Chosroes, de produire contre la couſtume, & monſtrer deuant tous en public le bois de la vraye croix, à fin que pour la derniere fois ils peuſſent veoir & embrasſer le ſalut vnique de tout le monde, & que l'adoration & reuerence qu'ils luy feroient, ſeruſt de viatique & prouiſion pour paſſer à la vie meilleure. Thomas accorda leur requête, & tira hors le bois de vie, apres qu'il eut fait ſignifier à cry public, le iour pour le deſcendre & porter, à ce que les circonoïſins y abordasſent à grand' ſoule, & euſſent la fruition & pleine iouiſſance du remede ſalutaire. Et quand tous furent assemblez, Thomas print entre ſes mains la vraye croix, comme preſeruatif contre tout mal : & l'eſleuant en hault, fit la proceſſion à l'entour de l'Egliſe : choſe qui ſeulement ſe faiſoit és iours des Rogations, tous les ans. Dés-lors qu'il fut fortý & procedoit, on veid vn grand feu reſplendiſſant qui le ſuyuoit : non pas feu qui brusloit, mais bien ſembloit bruſler par tout où Thomas alloit. Ce qui aduint non ſeulement vne ou deux fois, mais toutes & quantes fois & par tout où il paſſoit : tellement que le peuple assemble, le pria de recommencer la proceſſion, & tournoyer plufieurs fois, à celle fin, certes, qu'ils euſſent d'aurant plus la fruition de la lueur diuine. Voylà ce qui bailla eſperance de ſalut & bonheur aux Apameniens. Et à fin de reſtiſier & remarquer à tous la nouueauté du fait, fut propoſé & peinct vn pourtrait du miracle : & vn memoire par escrit, tout au plus hault des voultres de l'Egliſe. Ce qui demeura entier iusques au temps de la guerre Perſique ſoubs Ardaamane : car alors toute la ville fut deſtruite, & l'Egliſe meſme embrasée, avec la ſuſdicte representation & deſcription. Voylà comme ſe ſont compoſtez ces affaires. Et Chosroes ne faiſant pas grand compte des accords de la pacification nouuellement paſſée, il recommença de plus belle, cōme ennemy mortel, à faire le ſemblable que parauant, qui bien conuenoit à la legereté & inconfiance de ſes meurs : mais eſtoit fort impropre & meſſeant à la grauité d'un homme magnanime, & maieſté Royale.

*Euag. li. 4. chap. 26.*

« le bois de la vraye croix, ) *ſont partie de la vraye croix de noſtre Seigneur, à ſçauoir, la haulte & d'une couldee, dit Procope.*

# LIVRE XVII. DE L'HIST. ECCLESIASTIQUE

*D'un fait merueilleux & incroyable qui aduint à Edesse, en une image de nostre Seigneur Dieu & Sauueur Iesus-Christ, laquelle n'estoit point faite de main humaine.*

## CHAP. XVI.

*Edesse assie-  
gee par les  
Perfes, est  
deliuree  
par une  
image de  
nostre Sei-  
gneur. Sus  
ls. 2. cha. 7.*



V par sus, Procope aussi recite & fait vn discours d'un miracle que mesme les anciens nous ont laissé par escrit, touchant vne effigie & image de Iesus-Christ, laquelle fut enuoyee à Augare, Prince & gouuerneur d'Edesse, & comme Chosroes ne voulut croire le commun bruit & renom qui en estoit frequent, à sçauoir, que pour l'amour de ceste image, iamais Edesse ne seroit destruite & assubie à la puissance des estrangers ( ce que veritablement ne se trouue es lettres enuoyees à Augare, comme il est facile à congnoistre en l'histoire d'Ensebe Pamphile, lequel les recite & adioste de mot en mot en son œuvre, & desquelles aussi nous auôs inferé la copie en nostre second tome ) mais tascha le conuaincre & prouuer faulx : & combien qu'à l'endroit des Chrestiens tout le monde se tient pour certain & croit estre ainsi : & mesme l'effect baille assurance que ce qui en est predit, est, sans point de doute, veritable & conuenable à foy mesme. Chosroes donc assiegea & assaillit la ville de grand effort & violence : & apres auoir experimenté presque tous moyens & esprouué toutes voyes, fit esleuer par dehors vn si hault rempart, que mesme il surpassoit les murailles : & depuis ayant machiné & entrepris infinies stratagemes & ruzes de guerre, ce neantmoins fut contrainct sans rien pratiquer de deporter avec sa courte honte. Or i'ay vouloir d'exposer avec telle grace qu'il me sera possible, tous les moyens & entrepris qu'il chercha & essaya deuant ceste ville. C'est, qu'il commanda à ses soldats, toutes autres choses obmises, de dresser tout contigu & quasi au pied des murs de la ville, vn fort grand amas de bois & de toute autre matiere qui s'embrase facilement. Cela donc fait, tout aussi tost que dit, & le marrien amoncelé de tous costez, il fit ingerer & porter sus de la terre, & mena l'armee tout contre la ville, faisant monter legerement & dresser bastillons sur l'amas & bouleuert de bois, pour dōner l'assault. Or estoit ce répart si hault par dessus les bastimens de la ville, que de là les ennemis iettoyēt leurs dards & iauelots sur les defences de dedās. Et pour autāt les assiegez voyans que ceste plate forme, cōme quelque montaigne, descouuroit & cōmandoit tellement à leur ville qu'il sembloit que les ennemis descendoient desia de ce lieu eminent en la ville, ils cōmencerent du grand matin à faire vne mine à l'opposite de la bastille, pour y mettre le feu par dessous, à fin que la terrasse tombast en fond à la renuerse, quand l'amas de bois seroit cōsumé. Mais furēt deceus de leur entreprinse : car le feu ne se peut allumer & emprendre, par ce que la flamme n'auoit point d'issue, & ne pouuoit prendre air, cōme il fault qu'elle en aist pour bien embraser. Et par ainsi se voyās destituez de leur conseil, ils furēt en grād desesperoir : mais à la fin eurent recours au dernier refuge, à sçauoir, à l'image qu'ils auoyēt receu diuinement, & qui n'estoit façōnee de main d'hōme : ains que Iesus Christ mesme auoit enuoyee imprimee & peinte en vn linge à Augare qui desiroit le veoir. Ils porterēt donc ceste image dedans la mine & l'arrosans d'eau la mirent cōtre le monceau de bois. Et voicy tout aussi tost il aduint par la vertu & puissance diuine, qui inuisiblement aydoit & supplēoit la foy de ceux qui conduisoient la besongne, qu'en moins de rien fut mis à effect ce dequoy on desesperoit au parauant. Car soudain le bois s'embrasa, & le feu qui destruit & consume tout, se print mesme à la terrasse qui estoit dessus. Quand les citoyēs apperceurēt que la fumee sortoit de ce gros bouleuert, ils excogiterent encore vne autre finesse : car ils amasserent grād nombre de pots de terre, & les replirent de soulfre, de poix, & d'autre matiere qui s'enflāboit facilement : puis les ietterēt avec des foudes droit au trou de la mine : & de là aduint, que les pots rendās fumee du feu qui s'y estoit allumé en les iettant, la fumee qui sortoit du bouleuert, ne sembloit toutefois en sortir : car chacun pensoit que toute ceste fumee venoit des pots. Trois iours apres, quand le feu eut cōsumé tout ce qui estoit par le bas, mesme la terre par dessus s'alluma : & adonc les Perfes cōbatans, qui renoyent bon sur leur bastille, cōgneurent bien en quel danger ils estoient de leurs personnes. Ainsi Chosroes, cōme voulant repugner & contrarier à la puissance diuine, fit ietter de l'eau de la riuere qui passoit par la ville, sur le bois allumé, pour l'estaindre, mais il s'allumoit d'auantage : & luy seruoit toute l'eau qu'on y iettoit, cōme de soulfre, huile, ou autre liqueur propre à faire embraser quelque chose : & monta la flamme si hault, que finalement tout le rempart fut reduit en cendres, & tomba en la fosse de la mine. A raison dequoy Chosroes n'ayant plus d'esperance, congneut bien en fin finale, la vertu & efficace qui defendoit la ville : tellement que tout hontenx il s'en retourna en son royaume, se repentant d'auoir tant trauaillé en vain, & entrepris leuer la main contre Dieu. Ainsi voylà cōme il en est aduenü. Mais ie veux aussi ramenteuoir vn cas merueilleusement digne d'estre recité & donné en memoire à la posterité, qui aduint vne autre fois à Chosroes deuant Sergiople.

*L'eau diuinement  
entretient &  
augmente  
le feu.*

*D'une croix de grand prix que Iustinien dedia à Sergiople : & d'un miracle incredible qui y fut fait. CHAP. XVII.*



Chosroes donc mit toute peine, & s'employa tant qu'à luy fut possible, d'assuiection & mettre sous sa main, la ville de Sergiople : mais si tost qu'il l'eut assiegee, & qu'il commença à la battre, des-lors aussi, tant les assiegeans, que les assiegez, parlementerent d'un costé & d'autre, pour sauuer la ville, & ne la point forcer : tellement qu'à la fin y eut tel accord & composition entre les parties, que la rançon de la ville seroit payee des sacrez ioyaux de l'Eglise : du nombre desquels estoit mesme la croix que Iustinien & Theodore y auoyent enuoyee. Et desia l'Euesque de la ville, & autres, à ce deputez, auoyent tout amassé & apporté à Chosroes. Ce neantmoins, il demanda si au surplus rien n'estoit demeuré en la ville. Entre les autres estoit present vn certain homme, lequel ayant la verité en recommandation, respondit à Chosroes, que bien peu de choses & de petit prix estoient reservees & cachees par les citoyens : & qu'à la verité n'y restoit or ny argét : mais que bien estoit demeurée vne moyene chaste faicte d'argent, d'estoffe trop plus excellente, consacree à Dieu, en laquelle estoient contregardez curieusement les ossemens de Serge martyr. Cela entendu par Chosroes, soudain fit marcher toute son armee pour destruire & raser la ville : Mais en vn instant apparurent & furent veuz sur les murailles & rampars, innumerables combatans se mettre en defense pour repousser l'effort de l'ennemy : Ce que voyans ceux qui assailloyent, tournerent incontinent visage par deuers Chosroes : & tous estonnez luy racontèrent la multitude & force de ceux qui estoient en defense de la ville, & la peur qui leur auoit fait perdre le courage. Chosroes donc ayant descouvert diligemment, entendu pour certain que les plus vaillans estoient morts, & qu'il ne restoit en la ville qu'un bien petit nombre de gens, ou trop ieunes, ou cassez de vieillesse, il douta que l'affaire estoit conduit par quelque puissance plus souveraine, & principalement du saint Martyr. Et ainsi esperdu de crainte, & ayant en grande admiration la religion Chrestienne, leua le siege de deuant la ville, & s'en retourna en ses terres & seigneuries. Le bruit est que quelque peu deuant son trespas, il fut instruit en nostre Religion, & receut le saint Baptisme. Or deuant que poursuyure plus auant, ie veux mettre en ieu, & d'escrire en tel styl & langage qu'il me sera possible, la peste qui courut lors : & (par maniere de dire) mangea quasi tout le monde, en l'espace de cinquante-deux ans, qu'elle dura, ce que iamais n'estoit aduenu.

*L'Euesque de Sergiople paya la rançon de la ville des ioyaux & reliquaires de l'Eglise. La ville de Sergiople gardée par l'intercession de S. Serge.*

*Chosroes induit par miracles receut le Chrestianisme.*

*De la cruelle peste & maladie contagieuse de ce temps là, laquelle affligea le monde par l'espace de cinquante-deux ans.*

*CHAP. XVIII.*



D'aux apres que la ville d'Antioche fut prinse par les Perles, s'esleua vne maladie contagieuse, en partie semblable à celle que descript Thucydide, mais d'autre part en quelque chose dissemblable. Ceste pestilence print son origine en Ethiope, mais consequemmēt penetra & s'espandit presque par tout l'uniuers, comme se pourmenant & auançant petit à petit, de sorte qu'il ne resta aucun de ce tēps là, qui n'en fust entaché. Aucunes citez furent tellement infectees de la contagion, qu'elles demurerent desertes & totalement delaissees des habitans : des autres, le mal n'estoit si vehement, mais s'appaisoit tout incontinent. Mesme ceste mortalité ne venoit par interuales & reprints, ny aussi d'uroit tousiours où elle auoit commencé : en aucuns endroits s'engendrait au commencement de l'Hyuer : és autres, suruenoit au milieu du Prin. tēps : en quelques lieux la persecution prenoit entree en Esté : autre part, apres l'Autōne. En aucunes villes, vne partie seulemēt en estoit surprinse : & l'autre, nō. Vous eussiez veu és citez gastees de pestilence, les maisons toutes vuides : és autres, aucunes seulemēt en certains endroits : les autres, n'en estoient entachees. Quelques gens prenoient garde diligemmēt, que l'annee d'apres, celles maisons seules estoient infectees, qui auparauant auoyent esté contregardees. Aussi cēla sembloit fort estrange durant tel danger, que si aucuns citoyens des villes où estoit cēdesastre, euadoient autre part, ceux-là mouroyēt seuls qui venoyēt d'ailleurs pour habiter auec ceux qui n'estoyent frappez de la maladie. Et qui plus est, ce mal principalement vīa de sa cruauté par certains periodes & interuales que les Grecs appellent Epinemeses, c'est à dire, des passions : & moururēt presque toutes les personnes qui estoient au dessus de quinze ans passez. Les maladies estoient diuerses durāt telle pestilence : car en aucuns, elles cōmençoient dès la teste, redoyent les yeux sanglans, & la face enflée, puis descendoient au gosier & estouffoyent les gens. Les autres auoyent le flux de ventre : la pluspart estoient affligez d'apostumes & bosses, avec sieures chaudes, & mouroyent en deux ou trois iours, tellement qu'ils sembloient n'auoir aucun mal,

*Pestilence de longue duree par tout le monde.*

Z z z

## LIVRE XVII. DE L'HISTOIRE ECCLESIASTIQUE

*Euag. li. 4.  
chap. 29  
escript que  
luy-mesme  
fut frappé  
de ceste pes-  
te.*

tant il estoient sains d'entendement, pleins de force, dispos & vigoureux : les vns mouroyent furieux & sans congnoissance de soy : les autres estoient enflammez de charbons qui en moins de rien les brusloyent, & leur ostoyent la vie. Quelques-vns apres auoir esté frappez, regarifoient vne & deux fois de ceste contagieuse maladie, mais apres ils passoyent le pas, & n'y perdoient que l'attente. Le mal estoit si cruel & l'air tant corrompu que les pestiferez d'un seul regard contaminaient les autres : aucuns prenoient la mort par la conuersation & accointance qu'ils auoyent avec les malades, ou d'un seul attouchement. La plus part estoit infectée : pour auoir mis le nez pour regarder en vne maison infectée : autres deuenoyent malades au marché & lieu public. Les aucuns pensans euader le danger en s'enfuyant des villes qui estoient corrompues & contaminees, portoyent le mal aux autres qui estoient sains & entiers. Il y en eut quelques-vns qui demurerent sans estre frappez de peste, iacoit qu'ordinairement ils hantassent avec plusieurs malades, lesquels non seulement ils traitoyent & soulageoyent, mais aussi manioient ceux qui estoient decedez. Car il s'en trouuoit beaucoup qui cerchoient toutes les occasiōs de mourir pour la perte de leurs enfans ou de toute leur famille. A raiſō dequoy ils ne craignoyent se mesler & frequenter avec les pestiferez, comme s'ils eussent luitté avec la maladie : & toutesfois ne leur aduenoyt rien moins que la mort ainsi qu'ils la desiroient. Ceste contagion (comme i'ay dit) faisant tel degast, dura l'espace de cinquante deux ans, surpassant de beaucoup toutes les autres pestilences precedentes. Philostate fait grand cas & admire vne peste qui de son temps dura quinze ans : mais ceste-cy la surmontoit de beaucoup. Or il est temps que ie reprenne la poursuite & continuation du reste de l'histoire pour reciter & faire mention du surplus des beaux faictz de Iustinien.

*\* depastions] Telles depastions & grassations de pestilence, & maladies populaires, que S. Cyprien appelle Mortalité, ne viennent qu'en certain temps, comme les deluges d'eau & inflammations.*

*Recit d'Euagre, touchant l'insatiable cupidité d'argent de Iustinien.*

CHAP. XIX.

*Euagr. liu.  
4. cha. 30.  
De l'auarice  
& prodiga-  
lité de Iu-  
stinien.*



Fin qu'il ne semble que de moy seul ie vueille parler mal & dire quelque chose au preiudice d'un si grand Empereur, i'adiousteray à mon discours ce que Euagre en recite de mot en mot en telle sorte : Iustinien estoit vn homme d'auarice insatiable & si fort conuoiteux du bien d'autrui, qu'il mettoit en vente à beaux deniers contans ses citoyens & tous les suiets : & qu'il védoit aux receueurs generaux & fermiers des gabelles & autres semblables, les espies & trahisons qu'on machinoit pour vn rien contre les personnes. Aussi beaucoup de riches gens, & qui auoyent beaucoup de biens & possessionss, pour quelque cause & pretexte, & toutesfois sans ocasion & raison, sous quelque couleur & couuerture cōtrouuee, estoient spoliez de toutes leurs fortunes : Et si quelque femme paillarde faisoit semblât de gagner sa vie en bordelage, ou iettoit quelque œiellade & signe de lubricité à aucun, c'estoit contreuenir aux loix & ordonnances : mais faisant part à Iustinien d'un gain & butin si meschant & felle, elle s'amparoit & transportoit en sa maison tous & chacun les biens de celuy qui faulſement auoit esté deceu & accusé : Mais n'estoit il si auare qu'aussi ne fust prodigue d'argent à faire bastir par tout grand nombre de chapelles & saintes Eglises, & autres maisons de deuotion, tant pour receuoir & loger les vieilles gens, que les ieunes, & autres tant hommes que femmes malades de toutes sortes de maladies, leurs assignant gands reuenus pour les nourrir & entretenir. Il fit encore beaucoup d'autres œures de pieté, qui seroyent agreables à Dieu, moyennant qu'elles procedassent & fussent faictes des reuenus & richesses propres de celuy qui pretend receuoir recompense de ses biens-faictz. Voyla qu'en a escript Euagre.

*\* moyennant quelles procedassent &c.] Aucuns mal entendans ce passage : Luc 16. Faites vous des Amis des richesses d'iniquité, &c. ramissent le bien d'autrui, & puis en font de grâdes aumosnes aux pauvres, & cnydent qu'ils facent bien suiuant ce precepte : Mais il fault faire aumosne de richesses bien acquises, & non pas par usure. S. August. au ser. 3. des paroles du Seigneur.*

*Description du saint temple: de la sapience du Verbe de Dieu, que fit restaurer Iustinien.*

CHAP. XX.



Iustinien donc fit edifier en plusieurs lieux beaucoup de fort beaux & magnifiques temples, mais specialement estoient bastis les plus celebres en beauté & grandeur à Constantinople : entre lesquels estoit le grand & incomparable bastiment, & quel parauant n'en fut onques veu de semblable, à sçauoir, le temple venerable, tres-excellent & si bien fait, qu'on ne pourroit l'exprimer, de la Sapience du



„ du Verbe de Dieu. Duquel temple il m'a semblé bon & seant inserer en cest endroi& la forme  
 „ & structure prinse de Procope, duquel voicy les propres termes : Anciennemēt les menues gens *Description*  
 „ & la commune des Chrestiens furent si audacieux que de mettre le feu en vne Eglise que les By- *de l'Eglise*  
 „ zancois appelloient Le temple de Sophie, attribuant fort pertinemment tel surnom à Dieu, *sainte So-*  
 „ lequel permit & bailla telle puissance à ces vilains de commettre si grande meschanceté, pour *phie à Con-*  
 „ ce qu'il preuoyoit bien que quelque fois ce temple seroit restitué & rendu plus beau & plus il- *stantinople.*  
 „ lustre. Il fut donc brûlé & mis en ruine : Mais Iustinien certain tēps apres, le rebastit & enrichit  
 „ si proprement que si quelcun l'eut veu parauāt la demolition, & qu'on luy eut monstré le pour-  
 „ trait & modelle de celuy qui maintenant est redressé, il eut desiré & souhaité la totale destructiō  
 „ de la premiere forme, pour veoir la beauté parfaite en laquelle presentemēt il est reduit. Pour- *Anthime*  
 „ quoy accōplir, l'Empereur fit venir de tous pays les plus parfaits ouuriers, & en premier lieu *Trallian &*  
 „ Anthime Trallian, le plus expert en architecture, & autres ouuriers mechaniques, ou qui se font *Isidore Mi-*  
 „ d'esprit & de la main, non seulement entre ceux qui florissoient de son tēps, mais aussi de ceux *lesien excel-*  
 „ qui parauant auoyent esté les plus iugenieux pour bien proportionner des bastimens, & qui en- *lens archi-*  
 „ core pourroyent aduenir pour bien trasser, descrire & compasser les plates formes & patrons *telles.*  
 „ de quelques edifices : & le second, Isidore Milesien, maistre & industrieux charpentier. Ceste E-  
 „ glise donc fut refaite & redressée beaucoup plus belle, & autant merueilleuse à ceux qui la re-  
 „ gardoyent que incroyable à ceux qui en oyoyēt parler : Car de haulteur elle sembloit quasi tou-  
 „ cher le ciel, & comme separee & distraite d'auec les autres edifices elle estoit par dessus & pen-  
 „ doit ou panchoit sur tout le reste de la ville, luy baillant quelque grace & ornemēt en tant qu'il  
 „ estoit en elle : & se monstroit si belle à veoir, que, veu qu'il estoit en elle & surpassoit la ville, el-  
 „ le estoit si apparente que du dessus comme de quelque guette on pouuoit regarder facilement  
 „ toute la ville. Or estoit elle decoree d'une largeur & longueur si iuste & egale, qu'à bon droit  
 „ on ne la reputoit ny trop longue ny trop large. Et outre-plus, elle estoit recommandable pour  
 „ sa beauté & decoratiō incredible. La grosseur & magnitude l'embellissoit, tāt estoit la raison &  
 „ proportion conuenable & apte à la grandeur, ny excessiue en trop ample largeur, ny deffaillante  
 „ en trop vile basseur. Car elle estoit beaucoup plus grande que les edifices ordinaires, & plus  
 „ belle & decoree que les trop haults & excessifs. Quant est de la clarté & lueur du soleil, il y en  
 „ abondoit à merueille : car vous eussiez peu dire que le dedans de l'Eglise n'estoit pas illuminé  
 „ ou éclairé du soleil par dehors, mais que le soleil mesme se leuoit & reluisoit par dedans, tant  
 „ estoit grāde lumiere par toute l'Eglise. La forme & façon du costé d'Orient à l'endroi& où s'ou- *Le seruaire*  
 „ froyent les sacrez mysteres à Dieu, estoit bastie en la maniere qui s'ensuit : C'estoit vne leuee *du temple.*  
 „ bastiment à moitié ronde & en aguissant (que les gens de mestier appellent demy-cylindre) qui  
 „ s'estendoit & auāçoit en haulteur fort grāde & immense : la haulteur de cest ouurage se rappor-  
 „ toit & reuenoit à vne quatriesme partie de la figure faite en rond. Au dessus, il y auoit vn autre  
 „ estage en forme de l'une croissante, mis & imposé par les maistres de l'œure, que l'on voyoit par  
 „ dehors d'une beauté fort admirable & exquisite, mais sembloit perilleux & cōme ie ne sçay quoy  
 „ horrible pour la façon & massonnerie. Car il estoit aduis à ceux qui en faisoient veüe & visita-  
 „ tion, qu'il n'estoit pas bien assésuré, & qu'il s'essouoit trop hault, non sans dāger & peril eminent :  
 „ mais à la verité, il tenoit bien & fermement. Es deux costez de l'Eglise, il y auoit des pilliers par  
 „ bas, les sommets & chapiteaux desquels estoient liez & propremēt massonnez de grosses pierres  
 „ dures. Iceux pilliers correspoīdoient en leur assiete les vns aux autres, & s'estēdoient si hault, que  
 „ les voyans, vous les eussiez cōparez à grāds rochers & inacessibles. Sur iceux estoient quatre  
 „ arcs en forme quadrangulaire : deux de ces arcs qui tiroyēt droit en Orient & Occident, s'ellar-  
 „ gissoient & courboyēt en l'air. Et les deux autres vn peu plus bas soustenoyēt vn edifice & au-  
 „ cunes colonnes : sur les mesmes du costé d'en-hault, il y auoit par dessus vne structure & basti-  
 „ ment rond & pointu droit à mont, par où entroit incontinent le iour & la clarté. Et veu que  
 „ tout l'edifice estoit si bien diuisé & proportionné, il auoit ceste commodité qu'il bailloit clarté  
 „ à suffisance dedans l'Eglise. Or il me semble presque impossible que celuy qui est obscur en son  
 „ langage & peu intelligible, puisse bien expliquer & faire proie& d'un tel chef d'œure : car le ba-  
 „ stiment estoit si delié & de tāt petite estoffe, qu'il sembloit n'estre assés & cōsister en terre, mais  
 „ estre pendu en l'air d'une chainé d'or : tellement que ceux qui le contēploient songneusement  
 „ ne sçauoyent distinguer ce qui entre les autres choses estoit le plus admirable : mais quand ils  
 „ auoyent bien tout regardé, & ietté leur veüe sur toutes les parties, ils ne pouoyent routesfois  
 „ comprendre l'artifice du bastiment : & d'autant qu'il n'estoit en leur puissance de le veoir des  
 „ yeux corporels, ils s'en alloient tout estonnez. Car mesme la haulte voute estoit couverte d'or,  
 „ & moderait l'amplitude avec la beauté. D'auantage c'estoit chose excellente & de bonne grace  
 „ veoir la splendeur des pierres avec la beauté de l'or. Il y auoit deux allées de chacun costé, la  
 „ voute desquelles & la clef, estoient enduites d'or. En l'une d'icelles se retiroient les hommes  
 „ quand ils prioient : en l'autre, les femmes faisoient le semblable : lesquelles allées ne diffé-  
 „ roient en rien l'une de l'autre, ains estoient totalement semblables. Qui pourroit expliquer les  
 „ cabinets esleuez & petits oratoires des femmes : ou qui pourroit nombrer tant de portiques &

## LIVRE XVII. DE L'HISTOIRE ECCLESIASTIQUE

elegants parquets, les aires & frequētes colomnes qui estoient à l'entour du temple? Qui pourroit reciter labeuré conuenante & apte lyaïson des pilliers & autres pierres desquelles estoit ennoblie toute l'Eglise? Chacun pouuoit iuger, y arriuant, qu'il entroit en vn pré boutonnant de belles fleurs: Car non sans cause il esmerueilloit la couleur de pourpre ou d'escarlate d'aucunes pierres: des autres, la verdure: les vnes estoient rougeastres, les autres blanches. Il pouuoit aussi s'esbahir de veoir les couleurs mi-parties & entremeslees que nature auoit diuersement embellies en la façon d'un peintre. Outre-plus, il n'est possible de bien & entierement declarer tous les ioyaux de ce temple, dresséz & appareillez à l'usage des sacrifices, ouragez ou d'argent ou pierreries de grand prix & valie: lesquels seulement dedia cet Empereur Iustinien: Mais le lecteur pourra bien coniecturer les grandes richesses ecclesiastiques de ce seul point: car le saint sacraire de ce temple, auquel entroient les seuls Prestres, contenoit & reuenoit à quarante mil liures d'argent. L'un des arcs, que les mechaniques appellent Les cordes ou arcs boutans, lequel tournoit vers Orient, n'estant encore paracheué, de sa pesanteur print son faix, endommagea & foula les bases & sousbassemens des pilliers ou sommiers, qui estoient trop foibles pour porter si pesante charge, & se desioingnèrent aucunement & briserent, en sorte qu'ils sembloient cheoir à la renuerse. De quoy estonnez Anthime & Isidore, le rapporterent à l'Empereur, n'ayans plus d'esperance en leur art & industrie: Mais ce bon Empereur diuinement inspiré, les assura de paracheuer l'arc: car disoit il, tant plus il s'esleuera en hault, tant moins il aura besoing de sommiers & sostenemens des colomnes. Ainsi l'arc fut fermement suspendu & parfait, & l'experience du fait confirma la verité de ce que Iustinien auoit inuenté. Voylà comme prudemment ils besongnerent en cet endroit. Et quant aux autres arcs qui tiroient deuers Midy & Septentrion, voicy ce qui leur aduint: On massonnoit & esleuoit-on en hault de grande pesanteur, ce qu'on appelle Les lores ou arcs-boutans sur l'ouvrage nouveau: mais les sostenemens & pilliers de dessous estoient si chargez, qu'il en cheoit de petites pierres, tout ainsi que si lors on les eust pollies. Parquoy les maistres des œures se descouragerent encore, & de desespoir qu'ils auoyent, s'adresserent de rechef à l'Empereur pour luy faire entendre le danger, auquel il trouua remede en ceste façon: C'est qu'il fit abatre & oster pour vn temps le hault & parties de dessus la massonnerie qui estoient trop chargees: mais depuis quand la structure & massonnerie fut seiche & endurcie, il commanda de les rasseoir, en quoy il fut obey. Et ainsi de là en auant tout le bastiment tint ferme & demeura stable. Outre le temple susdict, Iustinien fit restaurer l'Eglise des saints Apostres, laquelle ne cedoit en rien à toutes autres. En icelle d'ancienne coustume les Empereurs & Euesques estoient enseuelis & inhumez.

*De l'amour vehement plustost que fureur de cet Empereur Iustinien enuers la bande de couleur bleüe.* CHAP. XXI.

*Iustinien estoit bade avec ceux de la faction de bleu, contre les vestus de verd.*



Oyla quels ont esté les beaux & les plus excellens des excellens faicts de l'Empereur Iustinien: Mais (ce qui excède toute belluine cruauté) de luy print source & commencement, fut par ignorance ou pusillanimité (car ie n'en puis autremēt assurer) la sedition appelée Nica, c'est à dire, Surmonte. Car il estoit si affecté & portoit tant de faueur à l'une des factions du peuple, à sçauoir, aux Cyanees ou vestus de couleur bleüe ou perse, que non seulement il ne les reprimoit par legitimes punitions des forfaits & meurtres qu'ils commettoient nuit & iour au beau milieu de la ville, à l'endroit de leurs aduersaires: mais plustost les recompen-

soit & guerdonnoit de leurs mesfaicts: A raison dequoy, plusieurs furent induits à peptre homicides, & s'augmenta l'impunité des tueries & assassinemens: mesme ils ausoyent entrer & recercher es maisons de partie aduersé, piller & emporter le principal bien des citoyens, voire iusques à ce qu'ils estoient contraincts d'achepter leur salut & payer la rançon de leur vie. Que si aucun des magistrats & officiers de la ville tachoit, ie ne dis pas empescher, mais appaiser seulement telles meschancetez, il se mettoit en danger de sa personne. Pour ceste cause vn gouverneur d'Orient fut trainé outrageusement parmy la ville la corde au col, & deuant tous fut mesmement fustigé, pour ce qu'ayāt surprins sur le fait quelques-vns de ceux qui machinoyēt certaine nouvelle meschancete, il auoit de mesme traitté refrené, avec le fouët, leur fierté & arrogance. Et vn certain autre nommé Callimice, Lieutenant de Cilicie, pourautant qu'il auoit fait punition de deux meurtriers, à sçauoir, de Paul & de Faustine, lesquels espioient tous les moyens & tachoient le tuer, fut pēdu & puny en recompense de ses bien-faicts, & pour auoir gardé inuiolablement les loix. Et par ainsi ceux qui estoient de la faction aduersé, à cause qu'on les forçoit de laisser leurs possessions, & que persone ne tenoit cōte de les recevoir, mais plustost les expulser de la ville comme pestes detestables & enormes pechez, ils ne pouuoient faire autre chose que brigander & voler, & guetans sur les chemins, espier les passans pour se ruer sus & les saccager: & pour le dire à la verité, ils n'obmettoient rien de tous maux qu'ils ne les perpe-

*Iustinien fit punir les officiers qui tachoient reprimier les meurtres des bleuers. Les verdelers pour les torts à eux faicts sont induits à faire mal & desfraver.*

perpetraissent, mais encore de iour en commettant cas enormes. Le plus souuent aussi cest Em-  
pereur se retournoit & fauorisoit à l'autre party, commandant de poursuiure en iustice selon la  
rigueur de la loy, & punir seuerement ceux lesquels parauant il auoit permis, & soustenu en tout  
& par tout, commettre vilenies & actes detestables, & pratiquer iniques meschancetez en la  
façon des Barbares: Mais ce n'est le temps maintenant d'en faire mention plus amplement, &  
si ie ne puis les cōprendre en mon langage: ioinct que ce qui est traité cy dessus, pourra suffire  
pour congnoistre par coniectures les autres choses aduenues durant cestuy Empire, lesquelles  
ne sont icy mentionnées.

*D'un moine appelé Barſanuphe, & de Simeones, fol pour l'amour de Ieſus-Christ.*

CHAP. XXII.



Orant l'Empire de Iustinien, il y eut en plusieurs endroits par le monde, *Saint Bar-*  
beaucoup de saints personnages admirables en leur vie & miracles *ſanuphe*  
qu'ils faisoient: du nombre desquels estoit vn Barſanuphe, Egiptien de *moine d'E-*  
nation, lequel en la chair ne menoit vie charnelle, demeurant en vn cer- *gypte.*  
tain monastere, qui estoit en la preuoſté de Gaze. Or dit on, que ce  
saint homme a fait beaucoup de miracles, meſme qu'il ſ'eſtoit reclus en  
vne petite logette où il veſcut plus de cinquante ans en telle ſorte, ſans  
eſtre veu de perſonne, & ſans vſer de quelque choſe terrienne. Quand  
donc le renom de ſa ſaincteté fut diuulgé, :: Saluſte, Eueſque de Ieru-  
ſalem ne voulant y adiouſter foy, fit cauer & miner par deſſous la maiſonnette où estoit reclus  
l'homme de Dieu, mais ſuruint de quelque part, du feu qui eut perdu tous les pionniers, ſ'ils  
n'euffent aduiſé à eux ſauuer. Vn autre grand' personnage nommé Simeones, paſſa ſa vie aupres  
d'Emeſe, en vne façon nouuelle & inaccouſtume: Car iaçoit qu'il fuſt remply de toute grace  
& ſapiencé, neantmoins il contrefaiſoit l'inſenſé, repudiant la vaine gloire comme vray diſſame  
& opprobre. Ce ſaint homme donc veſcut fort long temps en ſolitude ſans eſtre veu aucune-  
ment, & ſans permettre ny donner paſſage à quelcun pour congnoistre quand & comment ou  
en quel tēps il faiſoit ſes prieres à Dieu, ou de quelles viandes il vſoit & ſ'abſtenoit. Bien ſou-  
uent auſſi il ſe trouuoit en public & par les rues, mais il ſembloit eſtre deſprouueu d'entende-  
ment, & n'auoir aucune congnoiſſance, viuacité ou conſtance d'eſprit. Quelques-fois il ſe four-  
roit à l'eſtourdy dans les tauernes, & tout affamé ſe rempliſſoit de telles viandes qu'il rencon-  
troit. *Que* ſi aucun eſtant bien aduertý & informé de ſon conſeil & entreprinſe, luy faiſoit quel-  
que honneur & reuerence, il en eſtoit ſi deſplaiſant que tout auſſi toſt il ſe retiroit de peur que  
ne fuſt deſcouuert ce qu'il vouloit eſtre caché & celé, & de crainte que ſa vertu & ſaincteté  
ne fuſt manifeſtee. Voýla ſans point de doubte cōme il ſe comportoit en public & en plein mar-  
ché. Or il eut auſſi quelques familiers par deuers lesquels il ſe logeoit par fois, ayant oſté & de-  
laiſſé toute folie, ſimulation & feintife. Aucuns d'iceux auoit vne ſeruante, laquelle *ſorcee* par  
quelque paillard deuint groſſe, & quand le temps d'enfanter approcha, ſes maĩſtre & maĩſtreſſe  
ſe la preſſerent à declarer celuy qui l'auoit corrompue & violee, & reueler le pere de l'enfant.  
Elle par colomnie & faulſeté dit que Simeones auoit eu ſa compagnie clandestinement & en  
cachette, & qu'elle eſtoit enceinte de par luy: choſe qu'elle iura & afferma eſtre vraye, & pro-  
mit ſ'il eſtoit beſoing, de le dire en ſa preſence. Et quand Simeones en entendit le bruit, il ne de-  
nia pas la menterie impoſee, ſe diſant vrayement hōme charnel auſſi bien que les autres, ſuict &  
enclin naturellement à lubricité & mal faire: Mais le bruit prenant accroiſſement enuers tous, il  
en rougit & deuint ſi hōteux, cōme il ſembloit, que tout incōtinent par vne feintife & ſoubs cou-  
leur de vergongne, il ſe retira à part. Or ia le iour predeſtiné & ordōné pour accoucher eſtoit ve-  
nu, quād la pauvre fille aſſi ſe cōme de couſtume ſur ſon ſiege ſentit les grāds travaux qui luy ap-  
portoýēt douleur ſi intolerable, que la pauvre miſerable venoit en extreme dāger, & ſi ſon fruit  
ne ſortoit du vêtre: les autres femmes firent requēſte à Simeones, qui tout à propos eſtoit ſurue-  
nu, à fin de faire prieres à Dieu pour celle qui trauailloit. Lors il dit apertement que l'enfant ne  
viēdroit au mōde ſi premieremēt la mere ne declairoit qui en eſtoit le pere qu'elle auoit celé. Et  
quand ceſte femme eut confeſſé & nōmé celuy qui en eſtoit vrayement le pere, incōtinent elle  
enfanta, cōme ſi la verité euſt fait l'office de ſage femme. Il aduint auſſi vne autre fois que Simeo-  
nes eſtant entré en la chambre d'une femme impudique & ſouſpōnnée, y demeura & fit quel-  
que ſeiour ſeul avec ſeule, à huis clos, puis ouurant la porte, ſ'enfuit legerement, à fin que quel-  
cun ne le veiſt, & de peur qu'il ne fuſt recongneu. Ce qui donna occaſion de n'en point bien  
penſer: car ceux qui l'auoyent apperceu ſe tranſporterent meſme par deuers la paillardaſſe pour  
l'interroger ſongneusemēt pourquoy faire Simeones eſtoit entré à elle & ſeiourné ſi lōg temps.  
Adonc elle iura fort & ferme que trois iours durants faulte de viandes & choſes neceſſaires, *ſuſpect.*

Z z z iij

## LIVRE XVII. DE L'HISTOIRE ECCLESIASTIQUE

*Simeones  
prouoit vn  
mouuemēt  
de terre.*

elle n'auoit prins que de l'eau, & que celuy Simeones en ayant eu la congnoissance, luy auoit apporté à manger, & quelque peu de vin: puis fermant la porte dressa la table & la contraignit de disner & faire grand' chere de bonnes viandes: & qu'il s'en estoit fuy, ayant prins & recueilly ce qui restoit. Quelque peu deuant que suruint vn grand tremblement de terre (lors que, outre les autres villes, Beryte, Byble, & Tripolis furent si fort endommagees) Simeones tenant vn fouiet en sa main, & en frappant la plus part des statues qui estoient dressees au marché: Tenez bon, disoit il à aucuns, car bien tost il vous faudra danser. Ceux qui estoient presens bien considerans que nul fait de ce personnage estoit ocieux & vain, prindrent garde diligemment à quelles statues il ne toucha point en passant: car celles la seules tomberent quand aduint le tant furieux mouuement de terre, duquel elles furent comme le chef d'œuvre durant l'esmeute & esbranlement. Il fit bien d'autres choses dignes de memoire, desquelles j'ay traité & escript autre part.

*De Thomas, lequel semblablement embrassa la maniere de viure en secret hors la compagnie  
des hommes C H A P. X X I I I.*

*Thomas  
moine pre-  
dit sa mort,  
& celle de  
Anastase  
qui l'auoit  
frappé.*



N autre grand personnage nommé Thomas, s'exerçoit en Celestyre en mesme genre de vie, lequel souloit aller en Antioche (car il estoit du nombre des Ecclesiastiques) & ayant receu sa pension annuelle, s'en retournoit en sa demeure. Or Anastase ministre & procureur de l'Eglise, luy bailla vn coup de poing sur le visage, pour ce que trop souuent il luy estoit moleste & importun. De quoy estans faichez ceux qui estoient presens en sa compagnie, il prédit que d'ores en auant ny Thomas receuroit ny Anastase distribueroit le bien de l'Eglise. Ce qui aduint tant à l'vn comme à l'autre selon la prediſtion: Car Anastase deceda l'endemain de

*Sepulture  
honorabile  
de Thomas.  
Commun  
sepulchere  
des estran-  
gers.  
:: On Eu-  
phremie  
comme pā-  
rauant.*

ce iour là: & Thomas retournant en sa logette, passant par le fauxbourg de Daphné, mourut en l'hospital, & passa à la vie meilleure. Duquel le corps fut inhumé par les habitans de ce lieu au monument & commun charnier des estrangers, y iettans tousiours corps sur corps l'vn apres l'autre: Mais par la permission de Dieu qui voulut honorer son seruiteur, le corps d'iceluy, ainsi quel'experience faicte par plusieurs fois le demonstroir, tint tousiours le dessus, les autres par puissance diuine en estans loing separez. Ce que, les fossoyeurs qui auoyent expérimenté le miracle, rapporterent à l'Euesque: Euphemie! lequel entendant le fait comme il estoit aduenu, ordonna & fit publier vne pompe funebre & honorable pour transporter deuotement ce corps en Antioche, où il fut enseuely avec grāde reuerence au cimetiere. Au moyē de laquelle translation cessa vne maladie pestilentielle qui couroit pour lors. Et pourtant les Antiochiens firent memoire anniuersaire de ce Thomas, en celebrant le iour de feste en grande magnificence.

*De la mort du grand Sabbas, & de l'abbé Theodose sous l'Empire de Iustinien.  
C H A P. X X I I I I.*

*La mort de  
Theodose.*



*Les Iuifs,  
sous la cō-  
duicte de  
Iulien as-  
sigent les  
Chrestiens.*

omme Iustiniē gouernoit encore la charge de l'Empire, suruiuoit aussi le grand Sabbas & l'excellent Theodose, chefs & principaux de la solitude & hermitages: mais Theodose, le premier alla à Dieu. Et Sabbas lors en l'aage de soixante & dix ans fort debile & en doubte de sa vie pour l'imbecillité de vieillesse, fut enuoyé pour la secōde fois en ambassade par deuers Iustinien à Constantinople, de la part de l'Euesque d'Elie. Car les Samaritains sous la conduicte d'un nommé Iulien, qu'ils auoyent eleu pour leur Roy, faisoient beaucoup de maux & outrages aux Chrestiens: Car ils pilloyent leurs Eglises, puis y mettoient le feu, ils

*Iulien &  
Siluain re-  
belles sont  
punis.*

tailloyent en pieces apres diuers & indicibles tourments, ceux qui protestoyent de viure saintement & selon Dieu, & discourans ça & là par les villages & bourgades, & violans les sepulchres des sancts, les iettoient au feu & les brusloyent: Mais cela aduint principalement à Nape, où ils mirent à mort l'Euesque, au trenchant de l'espee, & quelques prestres qu'ils decouperent en pieces & petits morceaux, & les firent ensemble en la paille, avec quelques reliques des martyrs, sans qu'ils espargnassent aucune temerité & outrage à l'encontre des Chrestiens. De quoy aduerty Iustinien, il leur liura bataille avec grosse armee, & en mit à mort plusieurs, mesmement ce Iulien. Pareillement fut prins en Scytopole vn nommé Siluain, & bruslé à petit feu passa le dernier pas de sa vie en grande destrece, homme fort cruel & qui par sa mauuaitié & petulance desmesuree s'estoit grandement moqué des Chrestiens: & par vengeance diuine auoit esté reserué iusques à ce temps là, pour en la maniere d'icelle recevoir peines deues ainsi que le diuin Sabbas luy auoit prediſt. Or pour lors à Constantinople vn certain nommé Arsenie, homme de grande autorité, compagnon de ce Iulien que nous auons mentionné, procuroit & taschoit calomnier faulxement aucuns de la Palestine, comme s'ils eussent

eussent porté faueur & secours au Tyran, en beaucoup d'entreprises. A ces fins, comme il est dict, Sabbas alla en ambassade pour la seconde fois en Constantinople, où il fut reçu en pompe celebre, comme vn Ange venant du ciel, ou comme citoyen de la celeste Ierusalem, par l'Empereur, qui enuoya au deuant tous les principaux & plus nobles citoyens, & ensemblement le Patriarche Epiphane. Et quand cest Empereur apperceut de loin qu'il approchoit, il veid vne belle couronne au dessus de son chef: laquelle vision apparut à Anastase, l'autre fois qu'il vint à luy: Parquoy il luy accourut au deuant, & ayant receu la benediction, fut fort ioyeux d'estre en sa compagnie, & luy octroya sans contredict tout ce qu'il voulut. Or estant de retour en son voyage, il passa aussi à la vie eternelle & immortelle, pour receuoir condigne prix de ses labeurs.

*Sabbas ambassadeur des Palestins enuers Iustinien.*

*D'un notable miracle qui aduint à vn enfant Hebreu, par le moyen de la sainte Mere de Dieu.*

*CHAP. XXV.*



I tost qu'Anthime, comme i'ay desia escrit, fut depose du siege Episcopal en la ville Imperiale, & quand Menas en son lieu fut eleu & consacré par le Pape Agathon, il aduint à Constantinople vn certain miracle digne d'estre recité, lequel i'exposeray en la façon qu'il me sera possible. De long-temps la coustume estoit en ceste ville Imperiale, que, quant il estoit vn peu trop des parties de l'immaculé & diuin corps de nostre Seigneur Dieu & sauueur Iesus Christ, les Prestres enuoyoyent querir les plus entiers & innocens enfans de ceux qui alloient à l'escole apprendre les lettres, pour prendre & manger à ieun ces reliques. Chose pour certain qui m'est aduenue bien souuent moy estant encore ieune enfant, & grandement studieux, & affecté dès le commencement de mon tendre aage, à hanter & frequenter es saintes Eglises. Or aduint il durant que Menas estoit Patriarche, que le fils d'un homme, Iuis de religion, gagnant sa vie à faire du voirre, fut deputé avec les enfans choisis & deleguez pour ceste intention. C'est enfant ayant tardé plus que de coustume à retourner en la maison, comme ses pere & mere luy demandoyent la cause pourquoy il estoit reuenu si tard, respondit qu'avec les autres enfans il auoit mangé en la sainte Eglise les diuines parties qui y restoyent. Le pere entendant ces nouvelles esleue de fureur & rage, alluma son fourneau où il souloit former le voirre, & apres qu'il fut bien eschauffé, il esteingnit la flamme, & prenant son fils le ietta sur la braise, tant il estoit courroucé & desplaisant de son fait. combien que le ieune enfant n'auoit en rien offensé à son escient. Ce pendant, la mere cerchoit par tout son fils qu'elle ne voyoit point, & ne le trouuant courut route la ville en pleurant & lamentant fort asprement: & le troisieme iour s'arrestant aupres del'ouuroir de son mary, appellât son enfant, se decheuelant & decourrant de grad dueil & faisant ses plaintes, soudain l'enfant entendant la voix de sa mere, luy respondit du dedans du fourneau. Lors la mere en rompant l'entree ou couuercle apperceut miraculeusement son fils couché au milieu de la braise, si sain & entier qu'à peine il n'estoit offensé en vn cheueu. Et interrogué par elle la cause de son salut, il dit, qu'une notable Dame, vestue d'un habit de pourpre estoit venue souuent à luy, & avec de l'eau auoit esteinct les charbons de peur qu'il ne se bruslast, & en faim l'auoit repeu & fait manger. Quand Iustinien entendit ce miracle, il fit bailler à l'enfant & à sa mere le diuin lauement de regeneration, & les dedia au seruice de Dieu. Et quant au pere qui refusa receuoir les sacremens des Chrestiens, il le fit pendre comme parricide en vn arbre figuier, tout ainsi qu'en vn gibet. Or voila comme il en aduint. Mais il nous faut retourner à la continuation de nostre histoire.

*Le reste de l'Eucharistie estoit baillé aux enfans innocens. Vn enfant Iuis, qui mesme auoit receu des restes de l'Eucharistie, miraculeusement fut contre-gardé en vn fourneau chaud. L'enfant & la mere recoynr le Chrestianisme, & le pere est puny comme parricide. :: Aupres des figuiers selo euagr. li. 4. ch. 36.*

*qu'Anthime &c.] En Euagre liu. 4. chap. 36. il est dict que à Anthime succeda Epiphane, & à iceluy Menas.*

*Des Euesques qui estoient pour lors es principales Eglises, & du discord entre Menas & Vigile Euesque de Rome.*

*CHAP. XXVI.*



N c'estemps là, Vigile, qui fut crée Pape apres Syluere, qui succeda à Agathon, gouuernoit l'Eglise Romaine. A Constantinople, durant le Concile, Eutychie fut surrogé à Menas, parauant lequel, Anthime fut Euesque, qui eut Epiphane pour deuancier. En Alexandrie, Zoile institué prelat, apres l'erection de Theodose, estoit encore riuant: & peu apres, iceluy estat rassemble avec ses predecesseurs, Apollinaire receut son lieu. A Antioche, Domnine fut substitué en la place d'Euphemie. Et en Ierusalem, Jean administra l'Euesché apres Martyre & Saluste & Helie, la vertu & dignité duquel respondit à son nom. Apres Iean, succeda Pierre, tant

*Vigile Pape de Rome.*

## LIVRE XVII. DE L'HISTOIRE ECCLESIASTIQUE

admirable, & Macaire apres Pierre, combien que l'Empereur n'auoit encore approuué & confirmé son Episcopat: à cause dequoy il fut même déposé du siege Ecclesiastique: car le bruit estoit, qu'il diuulgoit & semoit autant & plus que nul autre, la faulce doctrine d'Origene. Iceluy donc estant dégradé, Eustoche monta au throsne sacré. Il ne faut passer outre, sans faire mention, que quand Rome fut prise pour la seconde fois par les Goths, Vigile fuyant se retira en Constantinople: où estant receu honnorablement par l'Empereur, il promit de reduire & reformer l'Eglise en paix & vnion, par tel si, qu'il condemnast les trois principaux poincts contraires à la foy. Mais il deuint si insolent & fier qu'il ne peut endurer Menas, ains le suspendit de la communion quatre mois durās. Il en fut aussi forclos luy-mesme & debouté par Menas. Voire mais Iustinien pour ces menées eschauffé de cholere, enuoya gens pour l'arrester & prendre au corps: <sup>a</sup> mais Vigile craignant sa peau, & que mal ne luy aduint, se sauua en l'Eglise de Serge Martyre, & là se cachant dans les tuyaux sacrez, il n'en peut se retirer & sortir sans les abbatre & rennerfer: car il estoit fort gros & gras, & de grande corpulence. Depuis, Iustinien se repentant de l'auoir si mal traité, à la suscitation de l'Imperatrice qu'il auoit tourné de son costé, le receut lequel de rechef admit Menas à la communion. Auquel temps fut celebree la dedicace du temple des saints Apostres, le vingt & neuuesme iour de Iuin, & leurs sacrees reliques conduictes & portees par Menas en vn chariot d'or. La mesme année mourut ce Menas: & Eutychie, comme nous auons dict, receut son throsne, lequel estoit moine, prestre & aussi rapporteur pour donner les responses de l'Euesque d'Amasie.

*Vigile fuit en Constantinople.*

*Dedicace de l'Eglise des saints Apostres. Portage des saintes reliques.*

<sup>a</sup> Syluere] Syluere Pape, par le commandement de Theodore Auguste, fut enuoyé en exil, où il mourut: pour autāt qu'il ne voulut restituer Anthime, Euesque de Constantinople, condamné pour heresie. Paul Diacre.

<sup>b</sup> mais Vigile] Vigile, pour la mesme cause que son predecesseur Syluere, par indignation d'Auguste, fut mené en Constantinople, & de là enuoyé en exil. Le mesme.

Du cinquiesme saint Concile uniuersel. CHAP. XXVII.

*Le cinquiesme Concile general assemble à Constantinople.*



Ar ainsi donc, lors que Vigile administroit l'Euesché de la vieille Rome, Menas de la nouuelle, & apres luy Eutychie: Apollinaire celle d'Alexandrie: Domninus, d'Antioche, & Eustoche celle de Ierusalem (avec lesquels assista aussi Gregoire Agrigentin, homme presque de tous le plus excellent en sainteté de vie, en eloquence & doctrine de verité) l'Empereur Iustinien fit euoquer les Euesques de toutes les Eglises, & assembler le saint cinquiesme Concile general pour les causes qui s'ensuyuent: Ainsi que plusieurs qui enseignoyent & soustenoyent l'erronee doctrine d'Origene, s'esleuerent en la Palestine, & que ceste secte tenoit bon au conuent appelle La Nouuelle, Eustoche, Euesque de Ierusalem, mit toute peine & deuoir pour les en dechasser. Et par ainsi, ayant occupé ce Conuent, il les fit sortir de l'Eglise comme piacles & pestes communes & prophanes. Or iceux estans dispersez de tous costez, en attirerent beaucoup de leur party, qu'ils inciterent à se ioinde pour leur ayder: tellement qu'ils amasserent assez bon nombre de gens de defense. Mais sur tous autres, les defendit Theodore, surnommé Ascidas, Euesque de Cesarée en Cappadoce, assesseur & conseiller de l'Empereur Iustinien, auquel il estoit grandement agreable & fidele: car il luy plaisoit fort pour la dexterité & promptitude qu'il auoit au maniment des affaires selon sa volonté. Iceluy donc ayant troublé la cour Imperiale tāt qu'il luy fut possible, & soustenant que ce qu'auoit fait Eustoche en la Palestine, estoit inique & meschant, voire surpassoit toute enormeté de forfaites les plus execrables: furent appelez & citez pour comparoir en la ville Imperiale avec Eustoche: principalement ces deux gouuerneurs des hermitages, à sçauoir, Rufus, chef du monastere où auoit demeuré le grand Theodore, & Conon, de celuy où estoit le bien renommé Sabbas, non tant pour la dignité & autorité qu'ils tenoyent sur les Conuents, que pour la vertu dont ils excelloyent: lesquels furent aussi accompagnez de quelques autres qui ne leur cedoyent de guere en honneur & bon bruit. Les Peres donc estans là tous assemblez en vn certain lieu, produirerent de premiere entre la cause & accusation contre Origene, Didyme & Euagre: sçauoir est, qu'à tort & sans raison ils auoyent entremeslé les opinions des Grecs, avec les saintes doctrines & traditions de l'Eglise, & ordonnerent que telles opinions deuoient estre ostées & retranchees. Mais au contraire Ascidas proposa & mit en auant les raisons de Theodore de Mopsuestie, de Theodorit, & d'Ibas Edessien, & ce par la sage disposition de Dieu, à fin que les nouuelles & prophanes doctrines tant d'une par que d'autre fussent reiettees au loing & rescindees de l'Eglise. Apres la premiere dispute, fut mis sur le bureau, sçauoir s'il estoit licite d'excommunier ceux qui de long-temps parauant estoient decedez. Lors Eutychie (Menas encore suruyuant) homme fort expert & sçauant au possible es lettres saintes, & toutesfois qui n'auoit pas grand bruit, parce qu'il faisoit seulement les responses de l'Euesque d'Amasie (comme il est dict) voyant que ceux de l'assemblee

*La cause de le faire assembler.*

*Theodore Ascidas aduersaire d'Eustoche.*

*Rufus & Conon Abbes des Conuents. Premiere session.*

*Sçauoir s'il est licite d'excommunier les trespassez.*



blee ne scauoient seulement touchant ceste proposition ce qui estoit conuenable, mais citoient choses ridicules & cōtemptibles, dit expressement, qu'en telle question & dispute il n'estoit besoin de conseil ou d'aucune deliberation: pour autant que le Roy Iosias non seulement auoit fait mourir anciennement les prestres & sacrificateurs des diables durant leur vie, mais aussi deterrer & ouurer les sepulchres de ceux qui long-temps deuant estoient decedez. Laquelle opinion sembla fort bonne & bien excogitee à tous les assistans: de sorte que Iustinien pria & eut en admiration ce personnage, à cause de sa responce, & luy conféra le siege Episcopal de la ville Imperiale, au lieu de Menas qui deceda ces iours là. Ce pendant, Vigile, combien que par certification à luy signifiée, fut d'opinion avec Eutychie, toutesfois ne voulut passer auprès de luy: mais comme nous dirons cy apres, le Concile estant conclu & arresté, iceluy retournant de Constantinople à Rome, mourut en chemin. Or comme j'ay proposé, quand le Concile fut assemblé, Iustinien demanda aux Peres, qu'il leur sembloit bon de faire touchant Theodore de Mopsuestie, & Theodorit, & ses escrits mesmes, qu'il auoit composez contre les douze articles de saint Cyrille, aussi qu'il leur estoit aduis de l'epistre d'Ibas, enuoyee à Marin Persan. Et apres la lecture des propositions de Theodore & de Theodorit, & qu'il fut démontré assez euidemment que non seulement à ceste heure là, mais aussi long-temps parauant, ce Theodore de Mopsuestie auoit esté proscriit & bany de l'Eglise, rayé & cancelé du registre des tables sacrees: & que les heretiques, meisme apres leur mort, deuoient estre condamnez. Lors sans aucun delay, ils excommunierent Theodore, & avec ce, tout ce que Theodorit auoit escrit contre les douze poincts & articles de saint Cyrille, & la vraye foy: & aussi censurerent l'epistre d'Ibas, & fut le decret couché par escrit en ceste teneur: Comme ainsi soit que le souverain Dieu & sauueur Iesus Christ, selon la parole Euangelique, & plus outre: Nous condamnons & excommunions, outre tous les autres heretiques condamnez & excommuniez de l'autorité des saints quatre Conciles, & de la sainte Eglise catholique Apostolique, Theodore, iadis Euesque de Mopsuestie, & ses meschans escrits: & aussi ce que Theodorit iniquement escrit contraire à la vraye & droicte foy, aux douze poincts & articles de Cyrille qui repose avec les saints, & contre le premier sacré Concile d'Ephese: bref, tout ce qu'il a composé voulût soutenir & defendre Theodore & Nestorius. Outre-plus, nous excommunions & censurons l'epistre pleine d'impieté qu'on dit estre écrite par Ibas, à Marin de Perse. Et peu de paroles apres, ils exposerent & publierent quatorze articles, touchant la vraye foy & irreprehensible. Voila ce qui fut premierement déterminé. En la seconde Session, apres la lecture faite des libelles & remonstrances presentees de la part d'Eulogie, Conon, Cyriaque, & Pancrace moines de Ierusalem, contre la faulx & erronnee doctrine d'Origene, qui fut autrement appellé Adamance, & contre les sectateurs de l'impieté & peruerse opinion d'iceluy, Iustinien ordonna que les Peres de rechef donneroyent sentence touchant ces erreurs, & que les informatiōs & charges sur ce escrits & exhibees à Vigile Pape, seroyent produictes & mises en auant: esquelles estoit dict & remonstré qu'Adamance auoit tasché avec tout deuoir, remplir & brouiller la pureté & sincerité des traditions Apostoliques de baueries & friuoles des Grecs, & de faulxetez & erreurs des Manichees. L'assemblée donc renuoya la decision & iugement de ce fait, par deuant Iustinien, apres quelques exclamations & responses rendues à l'encontre d'Origene, & ceux qui comme luy estoient abusez & seduits: desquelles aucuns poincts estoient couchez par escrit en tels termes, ainsi que nous les auons colligez des registres & commentaires de cestuy Concile: Vous auez, Empereur tres- Chrestien, vn esprit & naturel participant de la bonté & generosité celeste. Et plus outre: Nous fuyons donc, voire nous fuyons, & detestōs ceste voix & opinion externe & estrange que nous ne cognoissons point, & reiettons hors la sacree closture de l'Eglise, ce meschant homme, ainsi qu'un larrō & voleur enchainé & supprimé de liens & sentence d'excommunication. Et quelque peu de paroles apres: Vous cognoissez la force, vertu & puissance de nos actes & decisions par la lecture qu'en ferez. Ils adiouterent & annexerent à ces remonstrances, tous les principaux poincts desquels les sectateurs d'Origene faisoient profession. Lesquels poincts monstroyent bien le dict & contredit, accord & discord d'iceux: & aussi l'erreur variable & inconstant. Le cinquiesme point entre les autres, estoit touchant quelques blasphemies de certaines personnes priuees du conuent appellé le nouveau, duquel voicy la teneur: Theodore Ascidas, de Cappadoce a dict: Puis qu'ainsi est que les Apostres & Martyrs font maintenant miracles, & sont en si grand honneur, quelle sera la future restitution ou resurrection d'iceux, s'ils ne sont egaux & semblables au Christ en la restitution & instauration des choses? Les mesmes moines furent fort diligens à colliger & extraire des liures de Dydime, Euagre & Theodore, pernicieusement escrits, plusieurs autres blasphemies & erreurs, & les apporterent au Concile: toutes lesquelles impostures ils excommunierent, & les exposerent par ordre, & donnerent à entendre. Aufquelles ils adiouterent les propositions & articles dont les partialistes d'Origene, qui les auoyent retirez par ses escrits, faisoient professiō: esquels cest enragé & furieux enseignoit mesme ce qui s'ensuit: Que l'ame estoit créée deuant le corps: & que, meisme estant au ciel, auoit commis peché. Et encore disoit il, Que le Ciel, le Soleil, la Lune, les estoilles & ceux qui sont au dessus des cieux estoient

4. des Roys  
chap. 23.

En ce Con-  
cile furent  
assemblez,  
165. Peres.

Les meschans  
escrits de  
Theodore,  
de Theodo-  
rit Euesque  
de Cyr, &  
d'Ibas sont  
censurez.

Session se-  
conde, tou-  
chant l'er-  
reur d'Ori-  
gene.

Blasphemies  
de Theodo-  
re de Cap-  
padoce.

Opinion  
absurde  
d'Origene.

## LIVRE XVII. DE L'HISTOIRE ECCLESIASTIQUE

certaines vertus & puissances animees & raisonnables. D'auantage, qu'à la resurreccion les corps des hommes reuiendroyent & resusciteroyent en forme ronde & orbiculaire. Consequemment que les tourmens de tous les meschans hommes damnez, & mesme des diables, prendroyent fin. En apres, que les meschans & demons seroyent restituez & remis en leur premier ordre & pristin estat. Outre-plus, qu'il faudroit que le Christ fust de rechef crucifié par les malings esprits qui sont au ciel, & qu'il endurast souuent le tourment de la croix pour les diables & demons. Or il seroit trop long & prolix à reciter par le menu toutes les absurditez d'iceluy: mais si fault il entendre & dire en passant, que luy seul a esté autheur & la cause premiere, que Manes infensé, & Sabellie, Arius & Eunomien & toute la troupe des mal sentans de la foy ont inseré & entremeslé faucetez & erreurs en leurs escrits: comme celuy qui auroit dict & escrit, que Dieu auoit vne puissance determinee & limtee de certaines bornes & circonscriptiōs, que le Fils estoit moindre que le Pere, & aussi le saint Esprit inferieur au Fils: que le Fils estoit creature & semence du Pere, & en toutes choses, moindre: & qu'il estoit vray homme, & que les creatures estoient coeternelles avec Dieu: & pour le conclure en brief, il a dict à la volée, solement & par calomnie d'autres semblables choses absurdes & totalement repugnantes, entremeslant & barbouillant la simple sincerité & pureté de la doctrine Apostolique, avec les opinions Platoniques. Mais il sera plus manifeste & euident quel estoit ce personnage, par la sentence d'excommunication que le Concile rendit contre luy, de mot en mot contenant tels propos.

*On estime qu'Origene a donc maniere d'erreurs pres que à tous les heresiques.*

*Blasphemes d'Origene, & de quelles excommunications il fut condamné par le Concile: ensemble de quelques ceremonies Ecclesiastiques.*

C H A P. XXVIII.

*Excommunication contre Origene.*



I quelcun dit & a opinion que les ames des hommes ayent à estre esprits ou intelligences ou natures & saintes vertus, comme deuant leur estre, & qu'elles seront saulees de la contemplation diuine, & qu'elles tomberont & inclineront de bien en pis, ou bien que ces ames sont appellees comme refroidies, à cause que la charité de Dieu refroidira en icelles, & qu'elles sont descendues & enclōses dans les corps pour endurer peines, qu'il soit maudit. Si quelcun dit & soustient que l'ame du Seigneur a eu estre & qu'elle a esté vnīe & conioincte au Dieu Verbe deuant l'incarnation & natiuité de la Vierge, qu'il soit excommunié. Si quelcun dit & estime que le corps de nostre Seigneur Iesus Christ a esté formé plustost au vêtre de la sainte Vierge, & que depuis le Dieu Verbe luy a esté ioinct & l'ame vnīe, comme celle qui auoit estre parauant, celuy soit maudit. Si quelcun dit & est d'opinion que le Verbe de Dieu a ressemblé à toutes les ordres celestes, en sorte qu'il ait esté fait Cherubin à Cherubin, fait Seraphin à Seraphin & ainsi totalement egalé & fait pareil à toutes les vertus & puissances supernelles, qu'il soit maudit. Quiconque dit & maintient que les corps des hommes releueront à la resurreccion en forme ronde & orbiculaire, ou ne veut confesser que quelquesfois nous resusciterons, qu'il soit maudit. Si quelcun vn dit que le ciel & le Soleil & la Lune & les estoilles & les eaux qui sont dessus les cieux soyent quelques vertus animees & materielles, qu'il soit excommunié. Si quelcun vn dit & pense que le Seigneur Iesus Christ sera encore crucifié au siecle futur pour les demons & malings esprits, ainsi qu'il l'a ia esté pour les hommes, qu'il soit maudit. Si quelcun dit & veut soustenir que la vertu de Dieu est limtee, & qu'en la creation elle crea & composa autant qu'elle peut comprendre, qu'il soit excommunié. Quiconque dit & cuide que les tourmens & peines des diables & meschans hommes sont temporelles, & que quelquesfois elles prendront fin, ou qu'il y aura restitution des demons & mauuais hommes, qu'il soit maudit. Origene qui fut dict Adamance & qui publia telles opinions, soit maudit & excommunié ensemble avec ses faulces, detestables & iniques doctrines: & aussi toute personne quiconque qui a telles opinions, les afferme & soustient pour certaines, ou presume les defendre aucunement en quelque temps que ce soit, de par nostre Seigneur Iesus Christ, auquel soit gloire és siecles des siecles, Amen. Apres le Concile, l'Empereur composa vn cantique duquel le commencement estoit tel: O Fils vnique & Verbe de Dieu: & ordonna qu'il fust vsurpé & chanté souuent en psalmodiant és Eglises, de sorte que depuis il a tousiours esté vsité & gardé comme loy inuiolable iusques à present. Le mesme Empereur lors premierement institua & commanda de festoyer & honorer par tout le monde, le iour de l'Exception du Sauueur, comme Iustin parauant auoit ordonné le semblable touchât la sainte Natiuité de Iesus Christ. Et quelque peu de temps apres, Maurice fit commandement & inionction de celebrer la dormition & trespas de la tres-sainte Mere de Dieu, le quinziesme iour du mois d'Aoust. Aussi Iustinien ayant en singulier honneur & amour son pays Achrida, il l'erigea en Archeuesché, & constitua l'Eglise libre & franche & ayant pleins pouvoirs comme estant capitale & metropolitaine, &

*Chanson composee par Iustinien. L'institution de la feste de la purification. La feste de la Natiuité. L'assumptio nostre Dame.*

changeant son nom, l'appella Iustiniane la premiere : comme il fit semblablement en l'isle de Cypre, Iustiniane la seconde, l'honorant du tiltre d'Archeuesché, & y establiſſant ſemblables priuileges qu'à Achrido, en faueur de Theodore Auguſte ſa femme, qui en eſtoit iſſue. Or Achrido eſtoit vne ville ſituee ſur vne haulte montaigne aupres d'un grand lac qui maintenant à nom Lychnede, & anciennement eſtoit appellé Daſſarite, auquel lac on peſchoit beaucoup de poiſſons. De là auſſi deſcend la riuere de .<sup>re</sup>. Drine droit en Septentrion : car prenant ſa ſource & commencement des parties mieux cultiuees & accouſtrees qui ſont aupres de Deabolis, & trauerſant par le milieu du lac que nous auons dict, le coupant & diuiſant (comme le fleuve Alphee, la mer) & tirant droit à la fontaine Arethuſe, nageant & flottant tout doucement par dedans les eaux marines, decoule & retourne de là vers les parties du vent de Bize : & à la fin du mareſcage deuient fort grande riuere, ayant r'encontré celles que les habitans des lieux appellent Strudes, & ſe les eſtant conioinctes. De là deſcendant droit en Occident, il ſ'eſpand & tombe en Orine, aupres d'une ville nommee :: Hilliſſun, qui eſtoit anciennement ville capitale de toute la Bulgarie. Auſſi en icelle eſtoit le temps paſſé le ſiege & maiſon Royale :: des Bulgares. Mais à tant ſoit dict de ces choſes.

*De ces deux Iuſtinianes il y a vne annotation à la fin de ce liure.*

*.<sup>re</sup>. Ou Drinle fleuve Illyrique.*

*:: Ou Clifſum.*

*:: Des Bulgares y a vne annotation de Suidas à la fin de ce liure.*

*O Fils vnique &c.] O Fils unique & Verbe de Dieu, qui comme tu fuſſes immortel, as daigné prendre chair humaine de la ſainte & toujours vierge Marie, Mere de Dieu pour noſtre ſalut, & d'une façon immuable, fait homme & crucifié ! ô Dieu Jeſus Chriſt, par la mort tu as conculqué la mort, & qui es l'un de la ſainte Trinité, & es conglorifié avec le Pere & le ſaint Eſprit, ſauue nous.*

*Comme Iuſtinien delaiſſant la vraye foy, ſe fit profeſſion & maintint que le corps de noſtre ſeigneur eſtoit impaſſible auant la paſſion.*

CHAP.

XXIX.



E pendant il aduint quelque peu de temps apres, que Eutychie fut deſchaffé & depoſé de ſon ſiege, pour autant qu'il reſiſtoit à l'Empereur qui vouloit introduire choſes nouuelles : & que Iean yſſu & natif d'un village nommé Sirimis, en la region Cynegyque, ſize aſſez pres d'Antioche, fut mis en ſa place. Or cy apres ie pourſuiuray & deduiray les nouueautez que vouloit amener l'Empereur, & pourquoy cet Eutychie fut deieté de l'Eueſché. Donc comme il eſt dict, quelque peu de temps paſſé apres le cinquieſme Concile, l'ancien ſemeur de zizanies & faulſetez,

*Iean ſurceſſeur d'Eutychie.*

parce qu'il ne pouuoit veoir ny endurer aucunement la tranquillité & paſſible eſtat de l'Egliſe, luy dreſſa de rechef aſſauts de doctrines peruerſes & deprauces, comme de quelques machines & engins militaires. Car quand l'erreur de Seuer fut retranché de l'Egliſe avec ceux qui l'auoyét ſuiuy, & que les enſeignemens eſtranges & pleins d'abſurditez d'Origene, de Didyme, d'Euaigre & d'autres, & que les opinions de leurs deuanciers Anthime, Pierre & Zooras hommes meſchans furent abrogees & condamnées, ces Seuerites, ſortis & iſſuz de Iulien d'Halicarnaſſee & de Gain, ſouz pretexte & couleur de pieté, diſputerent fort & ferme avec certaines perſonnes, & leur perſuaderent, que la chair que le Sauueur Jeſus Chriſt auoit prinſe de la Vierge

*Le diable ne peut endurer la tranquillité de l'Egliſe.*

*L'heresie des Apytharrodotes.*

« eſtoit incorruptible & non ſuieſte à corruption : Deſquels voicy les propoſitions : Nous, par  
« vne neceſſité de nature, portons par tout & endurons les affectiōs d'icelle, à ſcauoir, la faim,  
« la ſoiſ & autres ſemblables : mais quant au Chriſt, comme celui qui de ſa propre volonté à ſouffert paſſion, il n'eſt pas tant que nous aſſuietty aux loix de nature. Contre toutes ces propoſitions les gens de bien & fideles oppoſerent : Combien que la paſſion de Jeſus Chriſt ait eſté volontaire, toutesſois elle eſtoit egale à la nôſtre : car comment pourroit eſtre dict proprement incorruptible, & non pas corruptible cil (qui lors que nous parlons de nous,) a râr de ſois enduré & ſouffert en quelque maniere que ce ſoit ? A quoy derechef ils reſpondirent : Tout ainſi que vous maintenez que le corps du Chriſt eſt incorruptible apres la reſurrection, & le dites eſtre conſubſtantiel à nous : en la meſme façon auſſi, nous (diſans ce corps incorruptible deuant la reſurrection) le confeſſons eſtre conſubſtantiel à nous. Derechef les noſtres ſouſtenoient au contraire : Bien que nous confeſſions le corps de noſtre Seigneur incorruptible apres la vniuerſelle reſurrection, toutesſois nous le diſons eſtre incorruptible, non par nature, mais par grace. Et les autres dirent : Que ſemblablement, par la diuine grace il eſtoit incorruptible deuant la reſurrection. Ceux de noſtre party repliquerent encore, Que ce qui eſt dict & enſeigné de Jeſus Chriſt, y repugnoit, & nel'admettoit aucunement : car il eſt dit, que deuant la reſurrection il eut faim & ſoiſ & endura autres choſes : & comment euſt eſté incorruptible ce qui eſtoit ſuieſte à telles perpeſſions ? A la verité nous ne liſons point qu'apres la reſurrection il ait ſouffert aucunes telles paſſions. Patquoy de cela il eſt aſſez manifeſte, que le corps de noſtre Seigneur eſtoit corruptible deuant la reſurrection, mais qu'il fut incorruptible apres la reſurrection. Car quand

*La diſpute de ceſte heresie.*

# LIVRE XVII. DE L'HISTOIRE ECCLESIASTIQUE

*Comme & pourquoy Iesus Christ mangea apres sa resurrection.*

il mangea & print quelques viandes apres la resurrection, il le fit non pour faim qu'il eust, mais par economie ou dispensation de la manifeste resurrection des morts, à fin qu'il se monstroit & declairast estre celuy-mesme qui estoit ressuscité des morts. En quelle maniere aussi il monstra les enseignes & fixures de cloux, à fin qu'il fist preuve que realement il estoit ressuscité, & que ce n'estoit point vn simulachre ou phantome. Et pourtant l'escripture ne fait mention qu'apres la resurrection des morts il ait ou mangé comme ayant faim, ou beu cōme ayant soif: mais seulement qu'il mangea & beut simplement, pource qu'apres la resurrection il estoit incorruptible. Que si d'adventure les aduersaires citerent quelques passages & sentences des saints docteurs, pour prouuer que corruption n'eschet aucunement au corps du Seigneur, les nostres respondirent que cela se deuoit entendre d'un autre corruption que de celle qui pour

*Corruption signifie deux choses es saintes escriptures.*

lors estoit en dispute, par ce que le mot Corruption signifie deux choses: car souz ce nom les naturelles & irreprehensibles affectiōs ou perpeSSIōs de la chair sont entēdues, à sçauoir, soif, faim, travail, angōisse & autres. En quelle mode nous disons que le corps du Seigneur comme consubstantiel à nous, est corruptible: Car le Dieu Verbe a receu de sa propre volonté toutes telles perpeSSIōs, pour autant que proprement & vrayement il estoit fait homme. Et seroit grande impieté dire en ceste maniere le corps du Seigneur estre incorruptible selon l'opinion de Iulien Halicarnassee & de Gain: voyla l'une des significations de ce terme. Et quant à l'autre, est que Corruption signifie la solution ou separation du corps reduit en quatre elements desquels il estoit composé, & la pourriture de la chair: selon laquelle signification nous mesmes disons & preschons le corps du Seigneur estre incorruptible, d'autant qu'il n'a peu estre aucunement coinquē, pourry & corrompu. Nous auons bien opinion & tenons pour vray qu'apres la diuine resurrection, l'assumption de la chair du Seigneur fut incorruptible selon la premiere signification de ce mot Corruption, comme seront aussi noz corps, par le don de Dieu, apres la resurrection: mais il en est autrement deuant la resurrection. Voyla donc quelle estoit

*Heretiques touchāt l'incorruption.*

l'heresie des Aphthartodocites, de laquelle beaucoup de personnes furent infectees, non seulement d'entre ceux qui auoient exercé les dignitez publiques, mais aussi les principaux Euesques, moines de vie illustres & autres de l'ordre sacerdotal, voire mesme l'Empereur Iustinien: lequel estoit merueilleusement arresté en telle opinion, non pas qu'il sondast & penetrast iusques au fond, telle doctrine: mais il insistoit & s'opiniastroit perseueramment en la signification du mot, pource qu'il n'auoit deliberé aucunement d'ouir & entendre tel abus touchant Iesus Christ, pour l'amour & grande affection qu'il luy portoit. Car ce Prince (comme il est recité par ceux qui ont escript les faictz d'iceluy à fin de les ramenteuoir à la posterité) estoit autant affecté & studieux de faire le deuoir & seruir à Iesus Christ, que nul autre qui auant luy eut eu la charge de l'Empire: i'excepte tousiours le tres-souuerain Constantin. Et ainsi pour l'amour vehement qu'il auoit enuers Iesus Christ, il fit faire beaucoup de choses mesme par force & violence. Car il ne voulut permettre que les Hebreux celebraSSent la Pasque deuant les Chrestiens: & affligea

*Iustinien tres-chrestien entre les Empereurs apres Constantin.*

& mena mal les Samaritains, pource qu'ils ne vouloyent changer & laisser leur opinion. D'auantage, il honora la puissance diuine de plusieurs temples qu'il fit magnifiquement bastir par tout le monde, comme celuy qui taschoit seruir & faire reuerence à Dieu de telles honnestetez, plus que d'autres choses. Il fit beaucoup d'œures semblables pour donner euidentement preuve certaine à tous, de l'ardente & vraye affection qu'il portoit au profond de son cœur, de la pieté & deuotion enuers Dieu. Ce neantmoins vn tel Empereur decheut & desuoya du droit, beau & grand chemin, & prenant la voye inaccoustumee & non attaincte & frequentee par les saints Apostres & Peres, tomba es espines & chardons. Et combien qu'il taschast & mit toute peine d'induire & attirer l'Eglise en sa sentence, toutesfois il fut deceu de son opinion & entreprinse: car le Seigneur auoit si bien muni & fortifié le droit chemin & commun d'une ferme closture, que personne ne pouuoit facilement y entrer & la destruire. En ce temps, Vigile ne voulant se rengier & consentir à l'opinion de Iustinien, retournant en Italie, mourut par le chemin. Et aduint le siege & Euesché du Prince des Apostres, à Jean qui fut surnommé Catilin. Toutesfois lors que ce Jean Catilin administroit les affaires Ecclesiastiques en la ville de Rome, Jean qui estoit du pays de Sirimis, en la nouuelle, & Apollinaire en Alexandrie, aussi lors qu'apres Domniné, Anastase, qui estoit sorty du mont de Sina, fut eleu & créé Euesque des Theopolitains, & que Macaire fut remis en son siege de Ierusalem (car Iustinien le restitua quand il eut condamné & excommunié Origene, Didyme & Euagre, apres qu'Eustoche en fut deposé) le mesme Empereur fit vn edict par lequel il maintenoit que le corps de nostre Seigneur estoit incorruptible, & auquel n'eschoyēt ny aduenoyent les passions mesmes irreprehensibles, disant qu'ainsi & à telle fin le Seigneur auoit mangé deuant la passion, comme aussi il mangea apres la resurrection, parce que dès la conformation du corps au ventre de la Vierge, iceluy ne fut plus capable de la mutation ou quelque alteration en ses volontaires & naturelles passions & douleurs, qu'apres la resurrection, comme il estoit tres-saint: & que ce mesme corps ne fut incorruptible apres la passion tant seulement, ce que l'Eglise catholique tient & cōfesse, mais dès la diuine conception & sans semence, deuant la passion. Et à fin que l'estat Ecclesiastique tant en Orient

*Jean Catilin succeda à Vigile au siege Romain: les Latins ont Pelagie.*

qu'en

*Iustinien tascha par edict & par force induire le clergé en son opinion, mais en vain.*

qu'en Occident se rengaest & suiuit son opinion legere, faulſe & vaine, il racha contraindre les personnes par violence. Mais tous en general s'adressans à Anastase Antiochien, attendoient par grande affection entendre de luy ce qui seroit besoing de faire. Par lequel moyen ils repoulerent sagement le premier assault de l'Empereur.

*\* Aphthartodocites]. Ces Aphthartodocites ou heretiques touchant l'incorruption, n'entendoient pas pleinement le sacrement de l'assumption de l'homme, que saint Hilaire appelle sacrement de Dieu: non plus que la minoration ou aneantissement du Verbe de Dieu, & la forme de seruiteur, ny aussi l'exaltation & glorification de Iesus Christ homme, ny sa primogeniture d'entre les morts. Le Pere a fait le Fils, un petit moindre que les Anges, l'enuoyant en terre: toute fois c'estoit pour le couronner de gloire & d'honneur, le reprenant au ciel. Tertul. contre Praxeas. A fin que la diuinite fust congneue quand l'infirmité seroit ostee. Saint Ambroise. Nostre Seigneur premier né des morts, & receuant en son sein les peres anciens, les regenera en la vie de Dieu. Luy a esté fait le commencement des viuans, comme Adam le commencement des mourans. Irenee li. 3. ch. 33. Et pourtant il est appelé Premier-né, pour ce qu'en luy premier, nous sommes Desſeiz. Cyrille liu. 10.*

*D' Anastase du mont de Sina, Euesque de Theopolis.*

*CHAP. XXX.*



R cet Anastase estoit merueilleusement expert es lettres diuines. Touchant les mœurs & façon de viure iournellement, il estoit si entier & y auoit tellement egard, & avec si diligent obseruance, qu'il vſoit de modestie meſme es affaires legeres & de petite consequence: & que non seulement es choses graues & concernantes le seruice diuin, mais aussi es moindres & de petite value il ne decheoit ou changeoit aucunement de son propos & bonne intention. Et quant à la disposition de son esprit & volonté, il y mettoit bon ordre, & ſ'y comportoit fort moderément: car il ne permettoit pas facile accez à tous, de peur qu'il n'admiſt ſans aduiſer & à la volée, ceux qu'il ne faudroit admettre: aussi n'estoit il si rude, facheux & ſeuere, qu'il se monſtrast difficile & mal-aiſé à ceux qu'il pouuoit profiter: tellement que quand il falloit entreprendre & executer quelque affaire ſerieux & de grande importance, il auoit ſes oreilles ouuertes pour l'entendre: & de ſa langue ſourdoyent & abondoyent propos en façon de riuer, pour promptement reſpondre & reſoudre ce qu'on luy propoſoit. Mais es negoces ocieux & qui ne ſeruoient de rien, il estoit ouuert & deſtournoit totalement ſes oreilles, & refrenoit ſa langue ſi bien, qu'il meſuroit & aſſaiſonnoit ſon langage par raiſon: & tellement moderait ſon ſilence, qu'il estoit plus recommandable que la parole. Or Iuſtinien ſ'adreſſa à luy, comme cōtre quelque baſtille & forterefſe, l'aſſailant par tous moyens & fineſſes, ayant bien proueu à ſon entreprinſe, comme luy ſembloit, que ſ'il le pouuoit eſbranler & corrompre, il pourroit puis apres vaincre facilement & induire en ſon opinion tout le monde, euerſtir & deſtruire la vraye & ſincere doctrine, & tenir en captiuité le troupeau de Ieſus-Christ. Mais Anastase ſ'appuyant fermement ſur le rocher de la foy, & en tout & par tout ſupporté de l'aide de Dieu, reſiſta & repouſſa ſi viuement les aſſaults de l'Empereur, que par paroles expreſſes adiouſtant & ſ'aidant de certaines demonſtrations ſeinctes & inuentees de grand artifice & ſubtilité, il luy dit à ſa barbe, & ſouſtint deuant tous, que le corps de noſtre Seigneur estoit corruptible deuant la paſſion, & ſuiuit aux paſſions naturelles & inculpables, que telle estoit la tradition des ſacrez Apoſtres, & que les ſaincts Peres auoyent preſché & enſeigné telle opinion. Toutes leſquelles remonſtrances meſmes il eſcriuit manifeſtement & librement à l'ordre des moines de la premiere & ſecōde Syrie, qui ſur ce auoyent requis ſon conſeil, les conſirmant tous & incitant à ſouſtenir ceſte opinion, leur preſtant l'office, comme de maistre d'eſcrime, ou comme celuy qui oingt les luitēurs, à entreprendre le combat pour la pieté & religion, en propoſant & remettant deuant les yeux

*Anastase  
Euesque de  
Antioche.*

*Anastase  
de grand  
courage re-  
ſiſta à Iuſti-  
nien, reſor-  
tant l'he-  
reſie des  
Aphthar-  
todocites.*

de tous le dire que le vaiſſeau eleu a eſcript: Si aucun vous euangelize & annonce autrement que ce que vous auez receu, qu'il ſoit maudit: tellement que tous perſiſterent vnaniment & enſuiuirent meſme ſentence. A cauſe dequoy Iuſtinien print conſeil d'enuoyer en exil & bannir celuy qui luy reſiſtoit ſi courageuſement. Mais Anastase en entendant le bruit de ſa & preſenta aux Antiochiens vne oraïſon qu'il compoſa ſoudainement pour ſe defendre, ſ'il estoit beſoing: en laquelle il combattoit & diſputoit par argumens contre les aduerſaires. Or estoit elle ſi elegante en paroles, ſi pleine de raiſons euidentes, & ſi pregnante & abondante de ſentences tirees de la ſaincte eſcripture, & accommodees au ſaiēt dont estoit queſtion, que l'auteur d'icelle en receut grand honneur & admiration. Ce neantmoins tel eſcript ne fut publié, pour autant que Dieu vouloit pourueoir à ſon Eglise par vn autre moyen meilleur & plus certain.

*Galat. 16*

AAaa

# LIVRE XVII. DE L'HIST. ECCLESIASTIQUE

*Comme Iustinien mourut, de son opinion & de sa foy.*

CHAP. XXXI.

*La mort de Iustinien.*



Or ce moyen fut tel que quand Iustinien dictoit & bailloit par escript le dicton & sentence d'exil à l'encontre d'Anastase & de ses Prestres qui estoient enflammez de mesme zele & affection, il fut frappé d'une playe & maladie inuisible, & laissa ceste vie, ayant gouverné l'Empire par l'espace de trente-huict ans & huict mois: combien qu'il n'eust perdu la memoire ny osté de son cerueau l'opinion des Aphtharodocites, comme celuy qui pensoit & se persuadoit telle sentence estre plus conuenable & seante à l'honneur deu au corps du Seigneur: Car à la verité aucuns luy pardonnent & veulent soustenir, que pour telle opinion il ne doit estre proscript & retranché de l'Eglise, tout ainsi que pour vne autre heresie: Ce qui nous est plus apparent & euident de la preface du sixiesme Concile, où Iustinien est estimé digne de l'honneur & heureux repos, en telles paroles: Pour autant que les deux saincts & generaux Conciles assembles & celebrent en ceste ville Imperiale & Catholique, l'un du temps de Iustinien d'heureux & diuin repos: & l'autre sous Constantin, nostre Empereur de bonne memoire, parent de vostre clemence, &c. Et aussi quand es actes de ce saint Concile est faite mention de Iustinien, il est dit bien-heureux avec les saincts: parmy lesquels j'ay mesmement trouué vne briefue annotation ou exposition, que quand Iean, fils de Chalcedon, estoit commis sur l'Eglise Constantinopolitaine, du temps d'Alexius Commenus, tous les ans on celebrait honorablement la memoire de Iustinien, étant tout le peuple assemblé pour ouir le service diuin en l'Eglise de la Sapience du Verbe de Dieu. On faisoit aussi memoire d'iceluy en Ephese, en l'Eglise de ce Disciple qui s'enclina & reposa au souper sur l'estomac du Sauueur: laquelle Eglise ce mesme Iustinien auoit fait bastir. Or quoy qu'il en soit, & en quelle reputation il puisse estre enuers Dieu & les hommes, si est-ce que suyuant son opinion, comme on dict, il dechassa ce saint personnage Eutychie & plusieurs autres de leurs throsnes & eueschez: Mais proche de la mort, il donna mandement par testament à Iustin son successeur, pour restituer cet Eutychie, comme le diuin Constantin, Athanase. Quant à moy, ie pense, mais ie ne l'affirme pas, que s'il y a eu quelque default en luy, la grande & infinie misericorde de Dieu, le courra, reparera & recompensera pour les autres bien-faits & vertus, pour l'emulation & grand deuoir enuers Dieu, & pour la religion & deuotion en toutes choses, avec l'interuention de ce temple admirable, basti en l'honneur de la Sapience du Verbe de Dieu.

*Argument de sa foy & pieté du sixiesme concile.*

*La memoire de Iustinien, celebree tous les ans.*

*Comme les Auxumites receurent la religion Chrestienne, & de quelques autres.*

CHAP. XXXII.

*Les Auxumites d'Inde, pour l'empeschement du commerce avec les Romains, menerent guerre contre les Homerites & les surmonterent.*



Ors que Iustinien gouvernoit encore l'Empire, le Roy des Auxumites d'Inde, sectateur des sacrifices & ceremonies des Grecs, leua guerre contre les Homerites aussi Indiens, qui retenoyent la religion des Iuifs à la suscitation des Romains, donnans l'occasion de ceste guerre: Car les marchandises trafiquees, donnees & changees tant d'une part que d'autre, passoyent par le pays des Homerites plus prochains d'Egypte, pour aller aux Auxumites. En ces entrefaites, il aduint que les Romains furent surprins par Damne, prince des Homerites, en telle sorte que leur train & negociation fut empeschée du costé des Auxumites: Parquoy leur Roy troublé de tristesse & facherie, esmeut guerre contre ces Homerites, faisant vœu expres au Dieu des Chrestiens, qu'il receuroit leurs sacremens & ceremonies, s'il r'apportoit victoire de ses ennemis: Et ainsi la bataille donnée, fut fait vaillamment victorieux, & print mesme ce Damne en vie: & pour accomplir & rendre le vœu au Dieu de Dauid, il enuoya ambassades par deuers Iustinien, à fin qu'il leur prestast les mysteres & choses accoustumées aux Chrestiens. Or Iustinien fort ioyeux de ces bonnes nouvelles, leur enuoya pour Euesque un saint homme choisy entre les autres: lequel accoustuma & assuietit ceste nation par beaucoup de bonnes œuvres, & la baptiza. Voila par quel moyen les peuples, mesme de la plus basse Inde, receurent le Christianisme: En ce mesme temps fut apporté premierement de ce pays à Constantinople, l'usage de soye & velours. Durant l'Empire de Iustinien survindrent & apparurent plusieurs prodiges & signes de mesadventure, grands tremblemens, esmotions & ouuvertures de terre, flambeaux d'estoilles admirables, & inondations & desbordement de la mer, qui se desruina pres de quatre mil pas de large, du costé de Thrace. Aussi un petit chien aueugle faisoit merueilles: il declaroit à chacun le naturel qu'on auoit, & demostroït les coplexions de chacun, & reueloit par certains signes les choses les plus secretes & cachees. Iustinien fit punir cruellement, ou plustost vilainement,

*L'usage de soye apporté de Perse en Grece. Ces fortuits & prodigeux. Conuention des Sodomites.*



les Pontifes desquels il estoit informé & aduerty qu'ils estoient suiets à l'heresie & meschanceté des Sodomites. Durant que la famine print accroissement à Byzance, cest Empereur pour la disette & default de viures necessaires, fit commandement tout incontinent dès la seconde semaine du Ieusine, d'estaller & vendre de la chair à la boucherie. Laquelle ordonnace fut publiee par force & contraincte: mais le peuple qui auoit bien deliberé de garder & entretenir la pieté & deuotion qu'il auoit enuers Dieu, n'acheptoit chair ny en mägeoit: & aimoit mieux & plustost mourir de faim que de changer quelque chose des coustumes de faire du pays, & des traditions anciennes. Voila ce que nous auons à dire & remarquer de Iustinien. Or i'ay deliberé & m'a semblé bon d'adiouster & poursuyure en ce liure, l'Empire aussi de Iustin: afin qu'il soit plus facile & aisé aux lecteurs de congnoistre les faicts Ecclesiastiques durant ces trois Empe-  
*Iustinien pour le defaut de poisson fit commandement de manger de la chair en temps de Carême: mais le peuple y refusa*

*a Aussi vn petit chien auégle) Ce petit chien designoit & monstroient par quelques signes les femmes qui portoyent enfans, les paillards, les adulteres, les auares, & les magnanimes: à raison dequoy on pensoit qu'il eut l'esprit de quelque deuin. Paul Diacre.*

*De l'Empire de Iustin le ieune & de ses meurs.*

*CHAP. XXXIII.*



L est donc tout certain que Iustinien s'arresta à telle opinion, qui fut cause que delaisant tout le pays plein de troubles, seditions & tumultes, passa en vn autre estat: & fut enseuey en vn magnifique monument qu'il auoit fait faire de Pierre Cornaline, au tēple des Apostres, du costé droit en entrant. Et son neveu fils de sa sœur, Iustin second, auquel auoit esté baillée la charge & superintendence de la cour Imperiale, print la robe & autres enseignes & accoustremens Imperiaux, lors que personne, fors aucuns de ses plus familiers, n'estoit encore aduerty ny de la mort de Iustinien, ny de sa succession: iusques à tant qu'il se presenta tout en vn instāt en l'Hippodrome & lieu public pour faire & receuoir les choses accoustumees au sacre des Emperours. Cela fait, voyant, comme luy sembloit, que son affaire estoit succedé heureusement, & que personne ne resistoit par nouuelles menées à ses entreprinſes, il s'en retourna au palais: & fit publier lettres patentes en formé d'ordonnance, par lesquelles il pardonnoit & donnoit remission à tous & vn chacun les euesques & gens Ecclesiastiques, la part qu'ils peussent estre; lesquels estoient bannis & exilez pour le danger & hazard où ils s'estoyent mis pour la defense de la vraye religion: voulut & commanda qu'ils receussent leurs sieges, qu'ils gardassent la religion en leur forme & maniere accoustumee: & que d'ores en auant ne fust quelque chose innouee touchant la foy. Voila ce qu'il fit & ordonna comme de raison, & comme il estoit conuenable à vn Empereur: mais en toutes autres choses il n'auoit rien digne d'un Monarque & Prince souverain: car il estoit merueilleusement intemperant & dissolu en sa vie, & addonné à delices & voluptez: & encore sur tout, estant vaincu & attraiſt d'auarice & profit deshonest, comme son oncle, appetoit le bien d'autrui: de sorte que non seulement il mettoit en vente à prix illicite les estats ciuils, mais aussi ne rougissoit aucunement de honte faire le semblable des benefices & charges sacerdotales: car il les exposoit en vête, & les deliuroit à vil prix à tous ceux qui en vouloyent.

*Sepulture de Iustinien.*

*Iustin successeur de Iustinien.*

*Le clergé noqué d'exil.*

*Comme Iustin fit mourir vn sien cousin nommé aussi Iustin, Etherie &*

*Addée, hommes meschans & pernicieux.*

*CHAP. XXXIIII.*



omme ainsi soit que ce Iustin fut homme timide & couard, si est-ce qu'il se monstroient plus cruel & hardy estant addonné vilainement à ces deux affections: parquoy il euoqua Iustin son cousin, duquel la renommee estoit celebre par tout, homme fort experimenté en l'art militaire, & illustré de dignitez & autres degrez d'honneur, lequel pour lors estoit en garnison, & faisoit le guet aupres du fleuve d'Istre, pour empescher le passage, & repoulsier les Abares de Scythie, lesquels faisoient leurs demourances sur chariots, au lieu de maisons, & habitoient en vne plaine delà le môt de Caucasus: d'où ils furēt tous dechassez, à la foule, par les Turcs

*Iustin due, cousin de Iustin Empereur.*

Hyperboriens ou Septentrionnaux: desquels estans si mal-traittez furent contraincts eux sauuer en fuyant, de sorte que passans le bord & plat pays pres la mer Euxine (où s'estoyēt arrestees beaucoup de nations Barbares, desquelles la plus part auoyent esté deboutees de leurs pays par les Romains, mesme y estoient villes, chasteaux, ports & haures bastis, ou durant que les soldats & vieux gens d'armes furēt priuilegiez & dispensés de ne plus aller à la guerre, ou du tēps

AAAA ij

*Meurtre de  
Justin.*

*L'empereur  
Justin & sa  
femme se mo-  
quent &  
font iniurer  
à une teste  
tranchee.  
Exécution  
d'Etherie  
& d'Ad-  
dee.*


que les Empereurs auoyent enuoyé gens de lieu en autre pour y habiter) se retirerent en Bosphore, & de là se mirent en campagne pour oppugner les Barbares qu'ils auoyent à la rencontre, tant qu'ils arriuerent près la riuere d'Istre, & enuoyerent ambassades par deuers l'Empereur Iustinien. Or de ces lieux fut r'appellé & reuqué ce Iustin, comme pour estre fait participant avec le nouveau Empereur, & comme pour auoir fruition de l'Empire, suyuant les accords & pactions: Car comme ils fussent pareils & egaux tant de race que de ceste vanité & ambition mondaine, aussi appartenoit l'Empire egalelement autant à l'un qu'à l'autre: mais ils auoyent accordé & conuenu apres tous differens meus d'une part & d'autre, que celui qui auroit la charge & administration de l'Empire, bailleroit à son compagnon le prochain honneur, de sorte qu'il seroit la seconde personne de l'Empire, & par dessus tous les autres emporterait le premier lieu. Parquoy à sa venue l'Empereur vfa de grande benignité (comme il portoit sembât) à l'endroit de ce personnage, & le traita fort humainement, le caressant en diuerses manieres comme vaillant capitaine & son parent. Mais de là en apres, ayant controuué quelques causes & fainctises, luy osta petit à petit ses soldats & archers de sa garde, & luy fit deffense de ne sortir en public & se monstrier: & finalement enfermé en sa maison en la noble ville d'Alexandrie, bien auant en la nuit, fut miserablement occis, estant couché en son liest. Voila le salaire que ce noble & vaillant capitaine receut pour recompense de beneuole affection, à cause de la cognation & parenté, & pour ses grandes victoires gaignees contre les ennemis. Mais encore ce Justin & sa femme Sophie, ne se contenterent ny relacherent leur colere cœue contre luy, & ne furent affranchis de l'attente des grands maux qu'ils esperoyent: iusques à ce qu'ils virent la teste d'iceluy qui leur fut apportee, de laquelle se gaudiffans, la foulerent aux pieds. Il aduint quelque peu de tēps apres, qu'il accusa & interrogea selō les loix, de lese maiesté, Etherie & Addee, Princes & chefs du Senat, lesquels auoyent eu en maniement de grādes affaires sous Iustinien. Et certes Etherie, en la question qui luy fut bailee, confessa qu'il auoit voulu empoisonner l'Empereur, & que Addee estoit coupable de l'entreprise & consentant de toutes les menees: toutesfois iceluy iura & afferma par grand serment, qu'il en estoit ignorant: ce neantmoins, leurs testes furent tranchees & ostées de dessus les espauls. Et ainsi qu'on vouloit executer Addee, il deposa que le crime dont il estoit accusé, luy estoit imposé faullement & par pure calomnie & menterie: toutefois que par vengeance diuine, qui preuoit toutes choses, il estoit dignement puny & à bon droit, à cause que par certaines incantations & enforcelemens il auoit fait mourir Theodote, chef & commis de la cour. Or le ne puis pas dire & affermer assurement comme telles entreprises furent executees par vengeance diuine: mais tant y a qu'ils estoient tous deux meschans & pernicieux paillards: car Addee estoit corrupteur de ieunes enfans masles, & Etherie, grand trompeur & calomniateur, lequel auoit le bruit de raur & manger impudemment & cruellement par faulxes accusations les biens tant des viuans que des trespassez, sous pretexte & couleur de la maison Imperiale dont il auoit eu charge du viuant de Iustinien, à quoy faire elle luy estoit grandement propre. Voila comme telles affaires se sont comportees.

• Mais encore ce Justin & sa femme Sophie) sous l'Empire de Justin, Narses Eunuque, fut accusé par Sophie Auguste, & rappelé à la fillace & autres besongnes de chambrieres. De quoy indigné, fit venir les Lombards en Italie, & peu apres mourut à Rome. Les Lombards laissant la Pannonie, aux Hunnes, reliques de Attila, desquels est nommee la Hongrie, entrerent en Italie sous la conduite du Roy Albonie, & prindrent Veronne, Vincence, Millan & autres villes qui serendirent. Blond. Et l'occupèrent par l'espace de deux cens ans. Egnace.

*Edict publié pour le fait de la religion, que Justin enuoya en forme de lettres patentes à toutes & chacunes les eglises, la part qu'elles fussent, afin de ne rien innouer en la profession de la foy,*

CHAP.

XXXV.



R tout incontinet que Justin eut la charge de l'Empire, il dressa vn Edict qu'il enuoya à tous les Chrestiens du ressort de sa domination, afin de ne rien innouer es Eglises, quant au fait de la religion: mais que tous retenant les anciens decrets reuerassent dignement & adorassent la puissance diuine. Cest Edict escript touchant la foy estoit en telle forme: Au nom du Seigneur Iesus Christ nostre Dieu, l'Empereur Cesar Flavius Justin, fidele en Iesus Christ, doux, souuerain, benefique, Alanique, Gotthique, Germanique, Antiquie, Francique, Herculique, Gepidique, debonnaire, heureux, glorieux, victorieux, triophateur, tousiours venerable Auguste, salut. Je vous done ma paix, dit le Seigneur Iesus Christ nostre vray Dieu: Je vous laisse ma paix, il publie vne mesme chose à toutes persōnes. En quoy pour certain il ne prend autre chose, sinon

„ sinon que ceux qui croient en luy, soyent vnanimés & d'accord en vne mesme Eglise, consen-  
 „ tent de mesme volonté en la vraye & droicte sentence & aduis des Chrestiens, & reiectent &  
 „ fuyent ceux qui y contreuenient ou soustiennent opinion contraire: car le premier point du  
 „ salut des hommes consiste en la confession de la vraye foy. Parquoy nous en imitant les prece-  
 „ ptes Euangeliques, & le sacré Symbole ou doctrine des saints Peres, enhortons & admonne-  
 „ stons toutes & chascunes personnes de se réunir, accorder & consentir en vne mesme Eglise,  
 „ croyans au Pere, au Fils & au saint Esprit, Trinité consubstantielle, Diuinité ou nature & essen-  
 „ ce vne, de parole & realemēt facent profession aussi d'une vertu & puissance ou efficace en trois  
 „ subsistences ou personnes, au nom desquelles nous sommes baptisez, auxquelles nous croyons,  
 „ en la confession desquelles nous sommes appuyez & assurez: Car nous adorons l'Vnité en Tri-  
 „ nité, & la Trinité en Vnité, ayant distinction ensemble & vnion telle qu'on ne pourroit penser:  
 „ Elle est Vnité selon l'essence ou Diuinité, elle est Trinité selon les proprieté, subsistences ou per-  
 „ sonnes: car, par maniere de dire, elle est distinguée & separée indistinctement & sans separatiō,  
 „ elle est aussi conioincte distinctement: car la Diuinité est vne en trois, & les trois, lesquels est la  
 „ Diuinité, ou, pour mieux dire & plus certainemēt, lesquels sont la Diuinité mesme, ne sont que  
 „ vn Dieu le Pere, Dieu le Fils, Dieu le saint Esprit, quand on considere chacune des personnes  
 „ par foy, par l'intelligence de l'entendement qui separe les choses inseparables: ces trois enten-  
 „ dus ensemble par la pensée de l'esprit, sont vn Dieu à cause d'un mesme mouuement & mesme  
 „ nature. <sup>a</sup> Car il fault necessairement confesser vn Dieu & faire profession des trois subsisten-  
 „ ces ou proprieté. Or nous confessons que ce Fils unique de Dieu est <sup>b</sup> Verbe de Dieu, engen-  
 „ dré du Pere & non pas fait, voire deuāt les siecles & sans aucun temps: & qu'ès derniers iours  
 „ il est descēdu du ciel pour l'amour de nous & pour nostre salut, & qu'il a esté incarné & a prins  
 „ chair par la vertu du saint Esprit, de nostre dame, sainte & glorieuse mere de Dieu, & tousiours  
 „ vierge Marie, & qu'il est nay d'icelle: qui est egal au Pere, & au saint Esprit: car la sainte Trini-  
 „ té ne prend accroissement ou augmentation d'une quatriesme personne par l'incarnation d'un  
 „ Verbe de Dieu de la Trinité: mais celuy seul est celuy mesme nostre Seigneur Iesus-Christ, qui  
 „ est consubstantiel au Pere & Dieu selon la Diuinité, & celuy mesme qui est cōsubstantiel à nous  
 „ selon l'humanité, suiet à passion quant à la chair, & exempt de passion quant à la Diuinité: Car  
 „ nous ne reconnoissons point qu'un Dieu Verbe ait fait les miracles, & qu'un autre ait souf-  
 „ fert passion: mais nous confessons qu'un seul nostre Seigneur Iesus-Christ, Verbe de Dieu, a  
 „ prins chair humaine, & a esté fait parfaictement homme: & aussi que luy-mesme seul a fait les  
 „ miracles & enduré les peines que volontairement il a souffert en la chair pour nostre salut: Car  
 „ ce n'estoit pas quel qu'un purement & simplemēt homme, qui se liuroit luy-mesme pour nous:  
 „ mais Dieu Verbe, fait homme d'une façon immuable & certaine, a enduré en sa chair la passio  
 „ & la mort volontaire pour nous: tellement que quand nous le confessons estre Dieu, nous ne  
 „ nions pas qu'il ne soit aussi homme: & le confessans homme, nous ne disons qu'il ne soit aussi  
 „ Dieu. Et pourtant, quand nous enseignons & faisons profession que nostre Seigneur Iesus-  
 „ Christ vn & seul subsiste en deux natures, à sçauoir, de la Diuinité & humanité, nous n'introdui-  
 „ sons pas ny mettons en auant confusion par ceste vnion & conioction: car il ne laissera à estre  
 „ Dieu pourtant qu'il a esté fait homme ainsi que nous: & aussi veritablement ne cessera estre  
 „ homme pourtant que naturellement il est Dieu, & qu'en Dieu n'aduient la similitude de nostre  
 „ nature. Mais tout ne plus ne moins que Dieu demeure en l'homme, aussi nonobstant l'homme de-  
 „ meure en la sublimité & maiesté de Dieu: tellement que cest Emanuel est l'un & l'autre en vn  
 „ mesme, à sçauoir, Dieu & homme. D'auantage, quand nous le confessons parfait en la Diuini-  
 „ té, & parfait en l'humanité, auxquelles il subsiste, nous ne voulons induire diuision ou section  
 „ en deux parties, estant vne subsistence ou personne en deux natures: mais nous baillerons à con-  
 „ gnoistre la difference des natures que l'vnion n'empesche point: car ny la nature diuine est tour-  
 „ nee en l'humaine, ny la nature humaine est muee en la diuine. Mais quand par l'intelligence &  
 „ pensée de l'esprit est cōsiderée l'une & l'autre nature, & quand l'une & l'autre plustost est au but  
 „ & raison du propre naturel, lors certainemēt nous disons que l'vnion est faite selon la subsistē-  
 „ ce. Or est il que ceste vnion selon l'hypostase & subsistence, monstre & fait cōgnoistre que Dieu  
 „ Verbe, c'est à dire, que l'une subsistence ou personne des trois subsistences ou personnes de la  
 „ Diuinité est vnice à l'homme qui n'estoit parauant, mais qu'au ventre de nostre dame, sainte &  
 „ glorieuse Mere de Dieu & tousiours vierge Marie, il s'est prins d'elle en sa propre subsistence,  
 „ chair animee d'ame raisonnable & intellectuēlle, de mesme substance & nature que la nostre, &  
 „ suiēte à mesmes passions en toutes choses, hors mis peché. Car en ceste chair il a eū subsistēce &  
 „ personne & a esté fait homme, & n'est qu'un seul nostre Seigneur Iesus-Christ, lequel est glorifié  
 „ avec le Pere & le saint Esprit. Outre plus, consideras l'ineffable vnion d'iceluy, nous confessons  
 „ bien & deuēment vne nature de Dieu Verbe incarnée & ayant chair humaine animee, raison-  
 „ nable & ayant intelligence. Au contraire, quand nous contemplons la difference des natures,  
 „ nous confessons qu'il y en a deux, sans toutēfois que nous voulions introduire aucune diuision:  
 „ car l'une & l'autre nature est en luy. Dont il aduient que confessons Iesus-Christ estre vn Fils,

Les trois  
 personnes  
 sont neant-  
 moins distin-  
 guées reale-  
 ment cōme  
 l'intelligēce  
 les conçoit,  
 & ne sont  
 qu'une mes-  
 me essence  
 diuine incō-  
 prehensible.

estre vne personne, estre vne subsistence, estre Dieu & homme ensemblement : & condemnós, detestons & excommunions tous ceux & celles qui ont eu, ou ont de present autre opinion : parce que nous les reputons & iugeons estre alienez & estrangez de la sainte, Catholique & Apostolique Eglise de Dieu. Parquoy comme soit que la vraye doctrine & enseignemens des saints Peres baillez de main en main sont ainsi preschez & publiez par tout, nous vous enhortons, admonnestons ou plustost nous vous prions (car combien que nous soyons esleuez & colloquez au supreme degré de l'Empire, toutefois il ne nous est moleste, grief, n'ennuieux vser de tels propos, pour l'amour & delir que nous auons de reünir & allier vnanimement tous les Chrestiens) que vous tous en general consentiez ensemble & soyez d'accord en vne mesme Catholique, vniuerselle & Apostolique Eglise : afin que le souverain Dieu & nostre Sauueur Iesus-Christ soit de tous loué & glorifié : & que d'ores en auant personne ne prenne occasion & cherche les moyens de disputer par discord & dissention intestine touchant les personnes ou syllabes (ou formules de la foy) pour autant que les syllabes (ou formules) menent & induisent à tenir vne mesme foy, vraye & droicte opinion de la coustume & façon de faire qui iusques à present a eu lieu & dure encore en la sainte Catholique & Apostolique Eglise de Dieu, & continuera & durera, sans que rien soit innoué, cy apres & à tousiours ferme & stable en toutes choses. Cest Edit fut receu & approuué de tous les Euesques & Prestres catholiques la part qu'ils fussent : disans que bien & saintement il estoit publié. Toutefois ceux qui s'estoyent retranchez & separez del'Eglise ne voulurent aucunement se reünir & conioindre, mais persisterent en diuision & dissention : non pour autre cause, sinon qu'expressément il estoit adiousté & mis à la fin de cest escrit & mandement, que ceste profession perséuereroit & seroit gardee le temps à venir sans aucun changement, stable & entiere.

\* Car il fault necessairement &c.] *Le mystere de la Trinité est le salut des croyans. S. Hieros. Beaucoup de gens congnoissent qu'il y a un Dieu, mais peu, qu'il y ait un Pere qui ait un Fils. S. Aug. Nous croyons la sainte Trinité conioincte sans confusion, & diuisee sans separation. Le mesme. Vn Dieu en trois, & ces trois sont vn : un Dieu le Pere, duquel toutes choses : un Seigneur Iesus Christ, par lequel toutes choses : & un saint Esprit, auquel toutes choses. Par ces mots, duquel, par lequel, & auquel, nous ne diuisions les natures, mais nous assignons les proprieté d'une nature non entremeslee. Ce qui nous est plus appert en ce que les trois sont colligés ensemble, duquel, par lequel, & auquel, sont toutes choses, à iceluy soit gloire à tousiours. Greg. Naz.*

<sup>b</sup> Verbe de Dieu] *Au Verbe d'entens le vray Fils de Dieu : en la chair ie reconnois le vray Fils de l'homme : & l'un & l'autre conioinct ensemble par la largesse de Dieu, en vne mesme personne de Dieu & homme. S. Augustin li. 13. de la Trinité, chap. 19.*

Des Euesques des principales Eglises, & de Gregoire prelat de Theopolis.  
CHAP. XXXVI.

Eutychie  
reuoqué d'exil.  
Iean le leuf  
neur successeur  
d'Eutychie.  
Ou plustost  
Benoist.



Exil d'Anastase  
Antiochien.

Pour la  
collation de  
l'Euesché.  
Eua. li. 5.  
chap. 5.  
Ou en ses  
faits.

Pres que Iean, qui estoit du pays de Sirimis, eut laissé la vie aussi bien que le thronne Episcopal de la ville Imperiale, Iustin restitua Eutychie en son Eglise, ayant esté reuoqué d'exil, ainsi que Iustinien l'auoit ordonné par testament : iceluy, apres quatre ans passez, eut successeur Iean le leufneur. Semblablement, quand Iean Catilin eut laissé le siege vacant en la vieille Rome, & qu'il fut passé à la vie heureuse, le gouuernement de l'Episcopat fut commis & baillé en charge à Bonose, auquel succeda encore vn autre nommé Iean, apres lequel fut instulé Pelage. En Alexandria apres Apollinaire, Iean print le siege Pastoral, auquel puis apres fut subrogé Euloge. Macaire gouuerna l'Euesché en Ierusalem apres Eustoche, & apres Macaire, Leon, qui auoit tres-sainctement passé sa vie en toute pureté & pauuereté, au monastere des Veilans, obtint la chaire Episcopale. Iustin ayant depesé Anastase, successeur de Domnine, en Antioche, y substitua & instala Gregoire, lors qu'il n'y auoit aucuns troubles & partialitez és Eglises. Or l'Empereur imposa ce crime à Anastase, qu'il employoit l'argent sacré en autres vsaiges & despenfes, qu'il n'appartenoit à vn euesque, & qu'il auoit mesdict de la maiesté Imperiale : Car Anastase interrogué de quelcun, pourquoy il dissipoit & despensoit si prodigement l'argent des choses sacrees, & que plustost il ne le disperloit & employoit en vsaiges honnestes, comme il falloit, on dit qu'il respondit nommeement par caualation & moquerie, que c'estoit de peur que Iustin, peste commune & ruine d'un chacun, ne l'empoignast. Mais le bruit est plus frequet que Iustin estoit irrité & courroucé contre luy, à cause qu'il refusa luy bailler argent à sa demande. Ceux qui ont voulu couurir & excuser l'entreprinse de l'Empereur, ont feinct & inuenté quelques autres causes contre ce personnage. Or, comme il est dict, apres qu'Anastase fut dechassé de l'Euesché, Gregoire recut sa place, lequel est grandement loué en poësie : Car dès le premier cheuen, come lon dit, il s'estudia és exercices monastiques : & tacha en toute diligence de monter

monter aux grandes dignitez, combien que la prime barbe luy commençast à poindre au menton. Premieremēt, il eut charge à Byzance d'un monastere, auquel de premiere instance il institua sa vie en default de toutes choses. En second lieu, par le mandement de Iustin, il receut charge Pastorale en la montaigne de Sina, où assiegé & enclos par les Barbares Scenites, & circonuenue de grands dangers, il leur conseilla & les enhorta de moyenner & traiter paix ensemble. Et apres qu'il eut paracheué & conduict à bonne fin beaucoup d'affaires de grande importance avec eux, il fut du depuis esleué au sacré throsne Episcopal. C'estoit vn homme de bon iugement & de grand conseil en toutes choses, & venoit à bout facilmēt de tout ce qu'il enterprenoit. Il ne s'estonnoit iamais, ny cedit de peur, ny aisément se laissoit abandonner aux grāds & puissans Seigneurs. Il estoit aussi liberal & franc, & eslargissoit de ses biens si abondamment, que par tout où il alloit à ses affaires, infinie multitude de gens l'environnoyent & suyuoient au sortir de la maison, mesme grande troupe de ceux qui n'auoyent accointance avec luy, & qui luy appartenoyent en rien. Les autres semblablement, quand ils venoyent ou entendoient qu'il estoit par la ville, abordoyēt à luy de toutes parts, le caressoyēt, le prisoyēt & luy faisoient honneur deu aux dignitez mondaines, pour la reuerence qu'ils luy portoyent comme à la seconde personne apres l'Empereur, & appetoyent de grāde affection & de leur propre volōté le veoir & ouyr, mesme quand il tenoit propos quelques-fois des choses legieres & de petite consequence: Car il estoit fort idoine à inserer vn secret & affection és esprits & volonte de ceux qui venoyent à luy pour l'arraisonner en quelque maniere que ce fust. De veüe il estoit grandement admirable, & en son parler recreatif & plaissant, & entre tous autres merueilleusement agu & subtil à inuenter & congnoistre ce qui estoit decent, & encore plus diligent à executer: ioinct qu'il estoit prompt à dōner conseil à autrui pour discerner & appoincter affaires domestiques & externes. Parquoy il mania tres-bien beaucoup de negoces, sans qu'il eust coustume d'en differer ou remettre aucun au l'endemain. Et qui plus est, il bailloit frayeur & crainte non seulement aux Empereurs Romains, quand il auoit le gouuernement des affaires politiques, en tant que la necessité le requeroit & que le temps le permettoit, mais aussi aux gouuerneurs des Perles, comme ie deduiray en temps & lieu. Il estoit aussi de meurs diuerses, car quelque fois il vsoit de grande vehemence, & par fois il se monstroit courroucé. Mais aussi, quand il estoit besoing eminoit en luy en premier lieu vne si grande douceur, mansuetude & affabilité, que la loüange que Gregoire, Theologien, auoit acquise par l'estude de vertu & de pieté, reluisoit en luy fort commodément, & vne austerité meslee & adoucie de reuerence, en sorte que l'une n'offensoit l'autre, mais estoit illustree & ennoblie l'une de l'autre.

*Euag. li. 5.  
cha. 6.*

*Comme furent rompies les passions & alliances accordees entre les Romains & les Perles.*

*CHAP. XXXVI.*



R la premiere annee que Gregoire fut Euesque, les Persamiens, iadis surnommez les habitans de la grande Armenie, & qui auoyēt esté de l'obeissance des Romains, mais furent trahis & rendus à Sapore, Roy des Perles, par Philippe, qui obtint l'Empire Romain apres Gordien, si bien que l'Armenie, appelée La moindre, demeura en la domination des Romains: mais la grande, qui quant au fait de la religion obseruoit les ceremonies des Chrestiens, fut liuree aux Perles: les Persamiens, dis-ie, pour ce qu'ils estoient si griefuement foulez par les Perles que force leur estoit de

*La grand  
Armenie  
est rendue  
aux Perles;  
par Philip-  
pe, Empe-  
reur.*

discontinuer & changer leurs loix & façon de viure, enuoyerent ambassadeurs & orateurs à Iustin, pour le requerrir qu'il les receust en l'obeissance des Romains, à fin que selon la coustume de la religion, ils peussent sans empeschement vaquer & continuer en l'obseruance de leurs sacremēs accoustumez. A la requeste desquels, Iustin s'accorda & octroya leur demande à certaines conditions, l'assurance desquelles il conferma par sermēt. Ainsi apres que ces Persamiens eurent mis à mort leurs magistrats, tous d'un consentement en general se submirent à l'Empire & Seigneurie des Romains, se ioingnans & attirans en leur societé quelques peuples voisins de mesme nation, & autres estrangers limitrofes: sur lesquels Ardaamane obtint la premiere dignité, qui estoit homme noble de race, excellent d'autorité & fort adroict à manier affaires de guerre ou estre chef & conducteur d'une armee. Et comme pour telle cause Chosroes blasmoit l'Empereur, & se complaignoit de ses surprinses, il eut pour toute responce, que les conditions & accords de la paix auoyent leur fin: & pour tant qu'il estoit totalemēt impossible que au temps de la paix finée, il ne receust beneuolemēt les Chrestiens qui se rendoyēt pour ses subiects. Voylā qu'il respondit, & autres propos semblables. Et cōbien qu'il fit si mauuaise responce, si est ce qu'il ne se tint sur ses gardes, ny se mit en bon equipage & appareil de guerre: mais comme il souloit, s'addonnant à oisueté & couardise, fut si plein de delices, qu'il postposa toutes choses à son profit particulier & à ses voluptez. Bien vray est, qu'il esleut chef des compagnies Orientales ie ne scay quel homme, nommé Martien, qui luy estoit proche

*Les Persa-  
miens se  
rendit à  
Iustin.*

*Lascheté de  
Iustin.*

# LIVRE XVII. DE L'HIST. ECCLESIASTIQUE

parent, & enuoya contre les Perses, sans toutefois qu'il fust instruit ny assorty d'armée complete & iuste, ny d'autre appareil & munition de guerre: ce nonobstant en peril euidet & au mal-heur & quine de l'Orient, il print la route premierement droit en Mesopotamie, faisant marcher avec soy bien peu de soldats, voire sans armes & en pauvre equipage, avec lesquels s'accoustoyent & enrooloyent ne sçay quels rauaudeurs, fossoyeurs & bouuiers ou picque-bœufs ramassez de routes parts. Et avec telles gens donna quelques escarmouches aux Perses, pres de Nisibe: & combien qu'il eust le meilleur & l'auantage, les ayant surprins à l'impourueu, par ce qu'ils n'estoyent encore equipez, ce neantmoins il ayma mieux assieger la ville, que poursuyure l'ennemy. Mais ceux de la ville, en contemnement de si braue appareil de guerre, ne daignent fermer les portes, ains qui plus est se moquerent & iniurierent les Romains. Or plusieurs prodiges lors apparurent portans signification de mal-encontre & destruction future: mesme fut veu au cōmencement de la guerre, vn ieune veau qui auoit deux testes eminentes sur le coi-

*Veau avec deux testes.*

*Comme Chosroes faisant courses sur l'Empire Oriental print beaucoup de chasteaux, & emporta grandes despoilles.* CHAP. XXXVIII.

*Expedition de guerre des Perses contre les Romains. Circese.*



Vand Chosroes fut en bon equipage, & eut suffisamment dressé son armée, il ordonna que Adaarmane, qui desia estoit mis en pays assez auant trauerseroit la riuere d'Euphrate en son Royaume, & voltigeroit iusques à Circese de la domination & subiection des Romains. (Circese estoit vne petite ville sise sur les limites & frontieres de l'Empire, cōmode, forte & bien munie: car elle estoit close non seulement de tres-fortes & haultes murailles: mais qui plus est, les fleues d'Euphrate & d'Aboras, qui passoyent à l'entour l'environnoyent en forme d'Isle & la redoyent imprenable.) Et quant à Chosroes, il passa outre le fleue de Ti-

*Ridicules mandemens de Iustin à Martien.*

*L'Euesque de Nisibe aduertit Gregoire des affaires des Perses, & Gregoire, Iustin.*

*Acacie surrogé à Martien.*

gre avec ses compagnies, & à grandes iournees vint legerement à Nisibe, qui, comme i'ay dit, estoit assiegee par Martien. Or fault il noter que les Romains n'estoyent aduertis de la diligence & menec des Perses, si que Iustin esmeu & induit par les nouuelles que plusieurs semoyēt par la ville, que Chosroes estoit desia mis à mort, ou du moins estoit bien pres d'estre combatu & vaincu, se fachoit cōtre Martien, pour ce qu'il delayoit & différoit la prinie de Nisibe: par deuers lequel mesme il enuoya gens, à fin qu'ils excitassent pour apporter subitement les chefs des portes. Mais ce pendant, l'issue ne succedant ainsi qu'on attēdoit, & Iustin se monstrant digne de reproche & moquerie d'entreprendre & mettre son effort deuant vne si forte & puissante ville, qu'il ne pourroit forcer l'assiegeant avec si petit nombre de gens, les nouuelles en venoyent premierement à Gregoire Prelat d'Antioche, de la part de l'Euesque de Nisibe (car celuy estoit merueilleusement amy de Gregoire, duquel il auoit receu grande somme d'argent: & d'auantage, tachoit de tout son pouuoir faire reduire ceste cité en la puissance des Romains, pour les opprēssions qu'elle enduroit des Perses) cest Euesque donc aduertissoit Gregoire cōme les Perses se comportoyēt en leurs affaires, luy faisant entēdre toutes nouuelles en mesme temps qu'elles aduenoyent: & puis apres, Gregoire les mandoit à Iustin: luy mesmement enuoya aduertissement de la soudaine expedition de Chosroes. Mais Iustin plongé en ses delices & voluptez, comme de coustume, n'en tenoit pas grand compte, & n'adioustoit aucunement foy aux escripts de l'Euesque, pensant que les choses aduiendroyent ainsi qu'il les souhaittoit bien estre: Car es personnes delicates & qui viuent intemperēmēt en leurs plaisirs, il y a ordinairement audacieuse presomptiō, avec ignaue couardise & lacheté: tellemēt qu'ils ne veulent croire l'euenēmēt des choses, s'ils ont autre issue qu'ils ne l'attendent. Parquoy Iustin faisant respōse aux lettres de Gregoire reiettoit & mettoit en doute, comme chose faulse, tout ce qu'il auoit mandé. Et encore que telle fust la verité, toutefois que les Perses ne preuiendroyent l'assiegement de la ville: mesme quand ils le preuiendroyent & anticiperoient, ce neantmoins, disoit il, en seront repoullez vilainemēt & avec honte. De fait, il enuoya par deuers Martien, vn certain homme qu'il esleut, nommé Acacie, inepte & arrogant, voire qu'on eut peu dire, la confusion mesme, avec mandement expres, ores que la ville fut prinse, & que Martien eust desia l'vn des pieds dedans, ce nonobant, qu'il fust soudainement depōsé de sa dignité, & qu'Acacie en print la charge. Ce qu'il fit certainement, & executa la commission de l'Empereur à son dōmage: Car tout incontinent qu'il fut venu au camp, il priua Martien de sa principauté au pays de l'ennemy, sans le faire entendre aux gens de guerre. Mais tout aussi tost que les capitaines & chefs de la gend'armērie qui estoit au camp, entendirent la suppression de leur souuerain gouuerneur, ils ne voulurent oncques frapper coup, ny là faire plus long seiour: mais petit à petit se desbaucherent & mirent par cy par là en route & desordre, & rompirent ce siege ridicule. Ce pendant, Adaarmane faisant marcher son ost complet de gens d'elite & en l'art militaire bien experimentez, nō seulement de Persans, mais aussi de ces Barbares, qu'on appelloit Scenites, passant outre Circese, apporta grand detrimēt es pays & seigneuries des Romains, car il mit à feu & à sang la pluspart des villes où il entra: & sans faire ny penser aucune chose avec modestie, print sans aucune ressi-



resistance assez bon nombre de chasteaux : tellement qu'il s'estoit resolu & auoit deliberé de faire franchement ce qu'il voudroit, veu que les champions & vaillans combatans Romains, estoient tenus assiegez par Chosroes, au chasteau de Daras, personne ne se presentoit pour luy faire teste. Leuant donc de là son camp, aduisa de prendre la route droit à Theopolis : mais il n'y alla pas quant à luy, ains y enuoya vne grande partie de ses compagnies, lesquelles perdirēt temps : car estans trōpees de leur esperance furent repoulsees, combien que nuls ou bien petit nombre de citoyens y restassent : mesme l'Euesque s'en estoit fuy, & auoit emporté avec soy les sacrez vaisseaux & ioyaux : d'autant qu'un grād panct de muraille estoit cheut, & que le menu peuple cupide de nouueautez, comme il aduiēt ordinairement en temps de guerre, se mutinoit, & pour la seditiō, abandonnāt la ville deserte, s'en retiroit sans que personne repugnast & s'employast de mettre empeschemēt aux ennemys. Quand donc cet Adaarmane se veid deceu de son attente & frustré du butin qu'il pretendoit faire à Theopolis, de despit, il mit le feu en la ville de Gagalice, anciennement appelée Heraclee, & tourna la bride à Seleucie, que Nicanor Seleuce auoit fait bastir (ville du cōmencement fort riche & biē peuplee) mais depuis avec le temps estant destruite & diminuee fut reduite en petit nombre de gens. Icele ne pouuant rembarrier ny soustenir la force de l'ennemy, le receut & admit dedans avec certaine composition : mais il rompit bien tost l'accord, & fit totalement au contraire de ce qu'il auoit promis, en sorte qu'il la pillā, & leua despoilles des lieux circonuoisins tant d'une part que d'autre, & s'en alla. Et entre autre butin, print l'Euesque prisonnier & le souuerain gouuerneur de la ville : & ne fit moins de dommage es pays & terres des Romains en se retournant, à cause que nul des Soldats qu'auoit enuoyé l'Empereur, se mettoit en deffence, desquels estoit conducteur vn nommé Le Grand, qui parauant tenoit la banque en la ville imperiale, & depuis fut concierge de quelque palais Imperial. Iceux donc tournans le dos en s'en-fuyant, peu s'en fallut qu'ils ne fussent surprins par les ennemis. En ces entrefaites Adaarmante ayant aduertissement pour tout vray, que Chosroes n'auoit encore prins la ville qu'il battoit, il luy porta secours & l'ayda beaucoup à sa venue, tant pour donner courage aux siens, que pour estōner les ennemys. Il trouua la ville desnuee de murailles, & vn grād bouleuert & batterie dressee aupres les machines & autres artilleries à ietter pierre dures d'un lieu hault & esleué, toutes prestes & montees, par le moyen desquels tourmens, Chosroes, en temps d'hyuer, reduit la ville en sa puissance : de laquelle estoit gouuerneur Iean, fils de Timostrote, lequel ne tenoit grād cōpte du siege : mais plustost, comme lors courut le bruit par tout, le trahit & rendit. Ce neantmoins, Chosroes fut deuant par l'espace de cinq mois & quelques iours : & la print finalement sans presque, ou fort peu, resistance de personne. Et faisant sortir les citoyens en diuerfes troupes, en fit passer vne partie au trenchant de l'espee, & garda les autres prisonniers. Quant à la ville, il la retint, & y mit garnison, à cause qu'elle luy pouuoit de beaucoup seruir. Et ainsi superbe & arrogant de ceste despoille & victoire, s'en retourna en ses pays.

*Comme Iustin saisy de grande fâcherie tomba en frenaisie : & comme Tibere administrant la republique, surprint finement Chosroes, & moyenna la paix avec luy.*

CHAP. XXXXI.



Vand Iustin eut entendu que le sort des armes estoit tombé sur luy, sans qu'il pensast en soy mesme, ou aduisast prudēment en son esprit à y pourueoir, ne qu'il portast tel inconuenient à la maniere & façon des hommes quand il leur mes-aduiēt, il deuint malade de frenaisie & troublé en son entendement, de telle sorte qu'il n'entendoit rien de tous les affaires qui se manioient. Par ainsi dès lors Tibere, de la nation de Trace, cōmença à commander, en attribuant tout l'honneur principalement à Iustin, qui long temps deuant l'auoit deputé avec bon nombre de gens de guerre contre les Abares : mais ses soldats ne pouuans soustenir, & n'ayans accoustumé de veoir tels Barbares, tout incontinent eust esté prins d'iceux au premier assault, sans l'ayde de la preuoyance diuine qui le sauua manifestement pour l'administration de l'Empire des Romains : lequel en verité estoit venu en tel desordre & hazard, qu'il estoit bien à craindre, que pour les beaux faits de Iustin & ses folles entreprinſes sans aucune raison il ne vint à neant avec la republique, & tombast en la puissance des Barbares & estrangers. Comme donc Iustin estoit vexé de si griesue maladie qu'il n'auoit aucun esgard ny soing du maniement de l'Empire, Tibere print conseil fort commode & conuenable à la condition des affaires qui se presentoyent, par lequel moyen il destourna toute incommodité & diuertit toute mesadventure : car il enuoya ambassadeur par deuers Chosroes, Traian, homme du Senat merueilleusement recōmandable, & qui sur tous autres estoit venerable de vielleſſe & prudence, & luy enchargea & bailla instruction de sa legation : non pour le fait de l'Empire ou de Republique, mais au nom seulement de Sophie Auguste, femme de Iustin : laquelle mesme escriuit lettres à ce Roy, par lesquelles elle deplorait la misere & fortune de son mary, & le pauvre estat de la

*Chosroes assiege Daras.*

*Gagalice iadis appelée Heraclee.*

*Il a en Euagre, Apamee, li. 5. ch. 10. Le Grand, duc des Romains.*

*Iustin, frenetique.*

*Tibere administrant l'Empire Romain.*

*Ambassadeur & lettres enuoyees à Chosroes au nom de Sophie Auguste.*

# LIVRE XVII. DE L'HIST. ECCLESIASTIQUE

Treues pour  
trois ans  
avec les  
Perfes.  
Sirmie occu-  
pee par les  
Barbares.

chose publique delaissee sans Prince : elle adiousta aussi qu'il ne luy seroit guere beau ny honneste s'attacher à vne femme vefue, se prendre à vn Prince malade, & se ruer sus vne republique perturbée : & qu'il deuoit se souuenir qu'une fois luy estant tombé malade, non seulement ne receut endommagement des Romains, mais plustost luy adresserent les plus doctes medecins du ressort de leur Empire, par l'art desquels & diligēte poursuite il auoit recouuert santé. Chosroes donc fleschy & destourné par tel ambassade & mandement, cōbien qu'il eut proposé en son esprit entreprendre vn voyage de guerre le plustost que faire se pourroit sur le pays des Romains, toutefois il bailla treues & relâches pour trois ans es cōtrees Orientales, à la charge neātmoins qu'il se vengeroit & tascheroit assaillir l'Armenie qui auoit prins les armes cōtre luy, mais qu'il ne feroit aucun trouble en l'Empire Oriental. Or pendant que le gouuernement de l'Orient estoit en tel estat, Sirmie fut prinse & occupee par les Barbares, ville que les Gepides auoyēt tenu long temps & mis es mains de Iustin, s'en deportans de leur propre volonté. Durant cela, Tibere a l'instinct & suasion de Sophie fut déclaré & esleu Cesar, Iustin qui se portoit vn peu mieus que de coustume, la maladie luy baillant quelque relâche & allegance.

Comme Iustin substitua Tibere en l'Empire, & quels propos il luy tint en mourant, touchant le gouuernement des Romains. CHAP. XL.

Iustin cree  
Tibere Em-  
pereur.



T ainsi que Iustin luy voulut mettre sur son chef la couronne de l'Empire, il parla en termes si elegans & langage si eloquent, qu'ils excelloyent & surpassoyēt de beaucoup toute memoire ancienne & moderne : car par bonne occasion & cōmodēs interualles estant reuenu en son sens & rassis, & ce par la preuoyance de Dieu, à fin que luy mesme confessast ses forfaits & offenses, & qu'il baillast meilleur ordre en la republique, quand tous les princes, & Iean, Prelat & chef des choses sacrees (duquel nous auons fait mention cy dessus) avec tous les Prestres du clergé, furent assemblez en la grand' salle du palais Imperial, auquel lieu se faisoient & celebroyēt coustumierement les ceremonies & institution des Emperours : il esleua en hault la couronne Imperiale & le vestement de pourpre, pour en charger & reuestir Tibere, qui parauant estoit de la suyte des officiers de la garde, & luy tint tels propos deuant tous les assistans : Il m'a semblé bon, amy trescher, de t'aduertir, à ce que la phantasie & apparence de ceste robbe & accoustrement ne te deçoie & trompe, comme moy mesme, qui induict à tort & à trauers plus qu'il n'estoit decent & conuenable, n'ay apperceu ce pendant que ie me damnois & rendois coupable des peines eternelles & grandes au possible : mais tu mettras peine & diligence à corriger mes fautes & delicts. Or les corrigeras tu & amēderas, si deuēment & en toute iustice & benignité tu gouuernes la chose publique : & ne fault pas que tu obeisses & consentes en toutes choses à ceux-cy (monstrant les Princes) car ils m'ont seduit & fait tomber en la pauureté & misere que tu me vois. Il amena sur ce propos beaucoup de semblables sentēces qui exciterent les auditeurs à estre estonnez & espouuentez & à pleurer à chaudes larmes. Et pour la derniere remonstrance apres plus long discours, il dit : Honore Dieu & son Eglise, qui au precedēt de vray estoit ta dame & maistresse, & maintenant elle est ta mere. Ceux qui auront du bien & des richesses, qu'ils les possēdēt & s'en seruent : & disperse des tiennes à ceux qui n'en auront point. Sois de mesme affectiō & volonté enuers tout le monde, comme tu serois en ton endroict. Ne te mescōnois point, mais considere bien, & pense en toy mesme quel tu as esté par cy deuant, & qui tu es à present. Si tu veux fuir & euitier peché, ne sois point superbe & arrogant : car tu vois toy mesme quel i'estois par le passé, & qui ie suis maintenant. Ayme & fay du bien premierement & deuant toutes choses, aux pauvres & indigens : & que les aumosnes ne defaillent en ton endroict. Or quand l'Euesque eut fait les prieres accoustumées à tel affaire, Tibere se ietta aux pieds de l'Empereur, & adiousta ces mots : S'il vo' plaist, dit-il, ie seray Empereur, si il ne vous plaist, ie ne seray riē. Et Iustin respōdit : Dieu, qui a fait le ciel & la terre, te remette en memoire & pensēmēt toutes les choses quelcōques dont ie n'ay eu souuenance te remōstrer & ramēteuoir, ie cōferme, te dresse & endoctrine maintenāt dès le cōmencement, en la crainte & reuerēce, au moyē de quoy toute felicité t'adiendra heureusēmēt en grāds biens. Ainsi Iustin, secōd de ce nom, trespassa apres qu'il eut vescu en l'Empire trois ans avec Tibere. Luy seul gouuerna l'Empire par l'espace de douze ans, dix mois & demy, & avec ce Tibere, trois ans moins vn mois : tellemēt que tout le nōbre des anneēs de son Empire, sont quinze ans & neuf mois, vn demy moins. Tous les tēples que Iustinien, v'sant de grand liberalité, fit magnifiquemēt bastir, ce Iustin les aorna & enrichit d'auantage de plusieurs ioyaux & sacrez vaisseaux : mesme fit releuer & haulser de quinze couldees la haulte voulte du grād temple qui estoit tōbec, & la restitua ainsi proprement que nous la voyons presentemēt. Mais iaçoit qu'il fut si studieux & bien affecté à la pieté & religion Chrestienne, toutefois il estoit merueilleusement dissolu & mal-viuant. Ce liure dix-septiesme de nos histoires contient le temps de soixante quatre ans, qui estoit l'an six mil quatre vingts & dix-huict, depuis la creation du monde, & de la natiuité de nostre Seigneur, cinq cens quatre vingts & treize.

Remōstrances de Iustin  
à Tibere.

La Prince ne  
doit tous-  
iours obeir  
à son cōseil.

Preceptes  
pour bien  
gouuerner  
l'Empire.

Precatiō au  
coronemēt  
d'un Em-  
pereur.

La mort de  
Iustin.  
Liberalité  
de Iustin  
enuers les  
Eglises.  
Annees  
que contiēt  
ce liure.  
Selon les  
modernes,  
4554.

La supputation de ces anneēs ne concorde point avec les autres escriptures : car aucuns tiennent que Iustin mourut l'an de nostre Seigneur 582, & les autres mettent 576.

*De la premiere & seconde villes, surnommees Iustinianes, & aussi de Iustiniople.*

**A**V pays des Dardanes Europeens, habitas assez pres des limites d'Epidamne, il y auoit vne contree, appelee Taurosie, qui estoit le pays de Iustinien, qui embellit, decora & enrichit tout le monde de braues edifices : & mesme il enferma ce lieu de basses murailles basties & reduites en forme quadrangulaire, & en chacun angle ou coin estoit esleuee vne tournelle, de sorte que de ces tournelles le frēt nōmer Tetrapyrgie, c'est à dire, Les quatre tournelles. Aupres de ce chasteau, fit dresser vne ville d'excellente beauré, qu'il appella Iustiniane la premiere, attribuant cet honneur & recompense de sa nourriture au lieu de sa natiuité. Il y fit fouiller & deriuier des conduicts d'eau, à fin que les citoyens en eussent en abondance. Il y adiousta outre plus d'autres singuliers ouurages, comme temples de Dieu, logis magnifiques des grands Seigneurs, haultes galeries ou portiques, belles cours de iudicature, fontaines, places, rues, bains & marchez pour vendre. Quant à ceste ville, elle estoit grande & bié peuplee, & la metropolitaine ou principale de toute la cōtree, cōme l'Archeuesque de tout le pays Illyrique, & à laquelle toutes les autres villes de ceste nation portoyēt honneur, comme elles deuoyent, pour sa grādeur : tellement qu'elle bailla accroissement & augmenta la gloire de l'Empereur, estant rendue tant celebre pour auoir nourry vn personnage si excellēt. Aussi Iustiniē tachoit par vne certaine ambition & liberalité regratier & reconnoistre le bien-fait de celuy qui auoit amplifiee & ennoblie de tant d'edifices. En Dardanie semblablement estoit vne ville ancienne, nommee Vlpiane, de laquelle il fit abbatre les murailles, par ce qu'elles ne valoyent rien, & la restaura en telle perfection que nous la voyons maintenant, & l'appella, Iustiniane la seconde. Assez pres de là, il fit construire encore vne autre ville tout de neuf, laquelle il surnomma du nom de son oncle, Iustiniople. Procope, liu. 4. des edifices de Iustinien.

*Des Bulgares.*

**T**Erbelis, gouverneur des Bulgares, florit du temps que Iustinien .: Rhinormere fut Empereur, qui avec Constantin mesme, fils d'Heraclee, furent ses tributaires. Il distribua or & argent dont il auoit emply ses coffres, tirant l'or de la main dextre & l'argent de sa fenestre à ses soldats : pour autā que ces Bulgares auoyēt surnōté en guerre les Abares, sans qu'il y en demeurast vn. Or il interrogea aucū de ces Abares qu'il tenoit captifs : leur demādan pourquoy leur Prince, avec toute la gent, estoient ainsi destruits : & ils luy responderent : Par ce que les delations des crimes & faulses accusations auoyent lieu & estoient frequentes entre eux : au moyen desquelles tous les plus sages & plus vaillants Abares auoyent esté mis à mort : car de là en apres estoit aduenue que les meschans & abuseurs furent les compagnōns des iuges. L'y-urongnerie aussi en estoit cause : car vn temps fut qu'ils s'enyurerent tous en abondance & foison de vin qu'ils auoyent recueillis. En apres, les corruptions, dons & auarice des iuges : Outre plus, les conseils & entreprinſes fraudulentes, dont ils se trōpyent & entre fouloyent l'un l'autre, se vendans & accueillans les vns les autres par trahisons. Et de ces causes là, dirent ils, est venue nostre perte & ruine. Terbelis entendant ces responses, & faisant assembler le conseil de ses Bulgares, ordōna telles loix : Si quelqu'un machinoit ou intentoit accusation, qu'il ne fust ouy ny receu en iugement, que premierement ne fust faite requeste & information du fait : & si l'accusateur & calomniatenr estoit conuaincu de faulseté & menterie, qu'il fust puny & condamné à mort. Il feit defenses à toutes personnes de ne donner aliment & nourriture à vn homme larron & trompeur : & si aucun y contreuenoit, il ordonna que ses biens seroyent confisquees, & luy banny : & que le larron & trompeur seroit rompu & brisé sur la rouē. Finalement il commanda deserter, defricher & arracher les vignes : & defendit de ne donner l'aumosne aux pauvres, à fin que chacun de son pouuoir besongnast & gaignast sa vie pour euitier la faim & necessité. Les peines proposees aux transgresseurs de telles loix, estoient confiscations de corps & de biens. Suidas.

*Ainsi surnomé, à cause qu'il auoit le nez coupé.*

*Les causes de la ruine des Abares.*

*Cecy sentēd principale-ment des iuges corrompus lesquels Alexandre Seuerus appelloit Larrons.*

**FIN DV DIX SEPTIESME LIVRE DE  
l'histoire Ecclesiastique de Nicefore.**



# LIVRE DIXHUITIÈME

## de l'Histoire Ecclesiastique de Nice- fore, fils de Calliste, Xan- thouplois.

*Du gouvernement de Tibere, Empereur, de quelle dignité & magnificence Imperiale il estoit.*

### CHAPITRE PREMIER.

*La stature,  
mœurs &  
vertus de  
l'Empereur  
Tibere.*



EN la premiere année que Tibere seul eut la charge & administration Imperiale, il essaya tous les moyens, & voulut auoir congnoissance de toutes les parties & affaires de la republique, à fin que quand il auroit restitué en bon ordre la discipline & estat politique, lors il peust recouurer & establir plus commodément par ses desseins & expéditions de guerre, les terres & seigneuries du ressort de l'Empire Romain. Or estoit ce Tibere d'une belle grâce & stature de corps, de visage le plus beau & parfait non seulement d'entre les Princes, mais aussi presque de toutes les personnes qui viuoient de son temps : de sorte que sa seule beauté le rendoit digne de l'Empire. Quant est de l'esprit, il estoit fort paisible & prenoit grand plaisir & s'esjouissoit en toute douceur & misericorde : tellement que d'un seul regard (par maniere de dire) il inuitoit & attiroit à soy chacun. Il reputoit amplex richesses, & que grands biens luy aduenoyent s'il departoit & eslargissoit competamment de ses finances à autrui, non seulement selon la necessité, mais en abondance & planté. Car il ne consideroit ce qu'il falloit au demandeur, mais ce qui estoit decent & conuenable à un Empereur Romain de conferer. Que si quelque pecune de son demaine estoit exigee par force & mescontentement de ses subiects, il l'estimoit come faulx monnoye & venimeuse : à raison de quoy il quitta les tailles ordinaires à tous les citoyens de son obeissance, & affranchit & deschargea de gabelles les terres & contrees qu'Adaarmane auoit gastées & destruites, durât son voyage de guerre, les deliurât outre mesure & plus qu'elles n'auoyent receu de domage. D'auantage, il exempta & donna franchement aux magistrats, officiers & ayans charges & estats ciuils, les pensions illegitimes dont les Princes deuâciers auoyent coustume de charger leurs subiects.

*Comme Tibere ayant assemblé une grosse & forte armee, recoura beaucoup de chasteaux & places de defense, sous la conduite de Iustin, entrant par force en perse : & de la mort de Chosroes.*

### CHAP.

### I I.

*Armee de  
Tibere contre  
les perses.*



D'Our les causes predites, Tibere voulant conuertir & employer les deniers mal acquis en vñage decent & necessaire, s'equipa & mit en bon ordre pour liuer guerre à ses ennemis, & apres auoir amassé & fait enrouler un exercice & armee heroïque tant des peuples qui demeuroient es montaignes, que de ceux qui habitoient aupres du Rhein, aussi de Messagetes, de Peoniens, Mysiens, ensemble de Illyriens, Ilaurois, & aussi de Scythes, tous gens d'élite, vaillants & bon soldats : tellement qu'il auoit cent mil compagnies & cinquante d'auantage de vertueux cheualiers, avec lesquels il entreprint le voyage contre Chosroes : lequel apres la prise du chasteau de Daras s'estoit retiré soudainement en l'Armenie, & de là, auoit vouloir au temps de la moisson

moisson prendre son chemin droit en Cesaree, ville capitale, la plus noble & premiere de toutes les autres cites du pays de Cappadoce. Et desia estoit si outreuidé, & tenoit si peu de conte des Romains, que mesme il ne vouloit veoir ny bailler audience aux Orateurs qui de leur part venoyent à luy : mais ordonnoit qu'ils le suiussent iusques en la ville de Cesaree, & que là il entendroit leurs demandes & y respondroit en ayant prins ce cōseil & deliberation : Mais quand il y fut parueniu, & eut descouuert l'armee des Romains qui l'auoit deuancé & preueniu sous la conduite de Iustiniens, frere de ce Iustia occis miserablement par l'Empereur Iustini (homme fort expert & vité es affaires de guerre, & qu'ils faisoient approches de si pres, que desia les trompettes sonnoient pour donner l'assault, que les enseignes estoient desployees & mises aux champs, que le Colonel de l'armee declaroit son noble courage avec vn appareil si grand & magnifique, donnoit alarmes & marchoit ia cōtre luy en bataille, & qu'il y auoit en son camp gend'armes en plus grand nombre, que jamais aucun des Empereurs n'auoit seulement imaginé ny pensé en son esprit : ayant donc descouuert, il recula, & ne voulut commencer la bataille, tant fut esmeu & intimidé en son cuer veoir si grand apprest fait, & entreprinse si soudaine & inopinee, mesme qu'il s'en print à plorer. Et comme il retardoit & differoit le temps du cōbat, cherchant tous moyens par ruse & tromperie pour dilaier & eschapper, Curs de Scythie, qui auoit charge de l'auangarde du costé dextre, chargea dessus & fit tel effort, que les Perses ne pouans en repousser la fureur & soutenir la roydeur si violente, estans mis en route s'escarterent & en perdirent beaucoup des leurs. Consequemment, Curs donna sus l'arrieregarde de l'ennemy, où estoit tout l'equipage & menage de Cour de Chosroes, & le bagage de son exercite, de sorte qu'il rauit & destroussa tout le meilleur butin & plus precieuses hardes en la presence & souffrance de Chosroes mesme, pour autant qu'il pensoit bien que l'assault impetueux de Curs seroit plus difficile à soutenir que le sien. Et soudainement ayant conuesté sur l'ennemy grande somme d'argent, il emmena quant & quant les mulers & enleua tout le train avec le bagage, entre lequel estoit aussi le feu que les Perses tenoyent & reputoyent comme Dieu : & chantant la victoire fit le tour à l'environ de l'armee de ces Perses, puis à la parfin, & approchant le temps qu'on allumoit les torches, s'en retourna vers les siens : lesquels estoient encore demeurez en leur rang comme ils auoyent esté dressez & assis pour entrer en bataille, par ce que Chosroes ne leur auoit assailly, & ne vouloyent aussi de leur costé donner le premier choc & venir contre. Bien vray est, que tant d'une part que d'autre s'estoyent donnees (comme il aduiuent souvent) quelques escarmouches en deux ou trois rencontres : & que Chosroes alluma par plusieurs fois des flâbeaux durant la nuit, se voulant hazarder à combatre de nuit : Mais l'armee des Romains estant departie en deux, ils se guerent environ la minuit sur les guettes des compagnies qui estoient aux escoutes du costé du vent de Bize, & les esgarans & mettans en route ça & là d'un soudain alarme qu'ils donnerent, le Persan fut hastiement avec tout son cap, droit à Melitine, qui estoit proche de là, & la trouuant deserte & sans gardes, y mit le feu, & se prepara & dressa son train pour outre-passer le fleue d'Euphrate : Mais ce pendant, les compagnies Romaines les suiurent de si pres par derriere, que Chosroes de crainte montant sur un elephant se sauua en trauerant la riuere, & perdit la plus part de ses gens dedans les eaux, qui leur seruirent de sepulchre. Il en emmena aussi avec soy plusieurs qui eschapperent en passant. Ainsi estant puny honteusement pour les torts & iniures faictes aux Romains, il se recula bien loing es parties Orietales, où il eut telles treues, que personne ne l'assailit. Et quāt à Iustiniens, il s'achemina en Perse, & là passant l'hyuer, ne se presenta aucun qui se reuoltast : tellement que sans diminuer son armee, il en sortit environ le solstice de l'esté, avec grād honneur & gloire, & passa le reste de cest esté sur les limites & frontieres. Cela fait, Chosroes n'ayant plus d'esperance de contregarder ses terres, desplaisant d'une douleur extreme, & decouragé pour la mutabilité de fortune, perdit la vie en grand deshonneur : & laissa apres soy comme quel que colomne & monument sempiternel de sa fuite, ceste loy : Que de là en apres aucun des Roys de Perse, ne leuast guerre contre les Romains. Ce Royaume donc aduint apres luy, à son fils Hormisdas, duquel nous ferons mention cy apres.

*Iustiniens  
chef de l'ar-  
mee des Ro-  
mains.*

*Curs Scy-  
thien.*

*Les Perses  
tenoyent le  
feu pour  
Dieu.*

*La desconfi-  
ture & fui-  
te de Chos-  
roes.*

*La mort de  
Chosroes.  
Loi de luy-  
mesme.  
Hormis-  
das, son suc-  
cesseur.*

*D'un tremblement de terre aduenu en Antioche, & au lieu dit Daphné.*

*CHAP. III.*

**L**An troisieme de l'Empereur de Tibere, se leua environ le midy vn tréblement de terre en Antioche, si impetueux qu'il esbranla les maisons publiques & priuees, iusques aux fondemens, toutesfois il ne les abbatit : mais il fit tomber & ruer par bas, comme l'une apres l'autre, celles qui estoient basties en Daphné. Environ ce temps la suruindrent aussi non seulement en Antioche, mais en la ville Imperiale mesme, autres cas memorables qui troublerent & estonnerent grandement les citoyens : mais ces troubles estans suscitez & ayans prins commencement pour le zele & emulation diuine, aussi vindrent à bonne fin.

*Tremblement  
de terre en  
Antioche.*

**B B b**

*D'Anatole magicien & enchanteur, & de ses impostures fraudulentes contre Gregoire, Euesque d'Antioche.*

## CHAP. LVII.

*Anatole  
sacrifia aux  
dieux en  
Antioche.*



N Antioche y auoit vn certain Anatole, homme de basse condition & fa incant, mais depuis l'entremist de tant d'affaires qu'il administra finalement les principaux negocez des Antiochiens : à raison dequoy il finisua en l'amitié de Gregoire, prelat des choses sacrees, & sous ceste couuerture allant & venant souuent à luy, acquit plus grand credit & pouoir par ceste habitude & accoustance : Mais estant accusé d'idolatrie avec quelques autres, & d'auoir sacrifié aux dieux, fut conuaincu & trouué coupable, comme meschant & execrable, de cas énormes, grieux & estranges. Toutesfois ayant gaigné & corrompu par presents, le Lieutenant & gouverneur de l'Orient, il s'en fallut bien peu qu'il n'eschapast avec ceux de sa ligue & faction : car plusieurs participans du mesme fait & crime, furent empoignez & emprisonnez : mais le menus gens se mutinerent & esmeurent sedition pour empêcher ceste entreprinse, mesme se moquerent en contemnement de l'Euesque, comme s'il eust esté compaignon des meschans & coupable de leurs forfaits : & encore, vn certain demon, seditieux & maligne esprit persuada & fit à croire à aucuns, que Gregoire mesme auoit sacrifié aux dieux avec Anatole : de sorte que ce peuple mutin & grandement irrité & fâché, tastoit tant qu'il pouoit, à le tuer.

*La sainte  
Vierge reiet  
se le priere  
d'Anatole.*

Or le bruit de ce fait print si grand accroissement, que mesmement l'Empereur Tybere voulut non autrement s'enquesser & informer de la verité du crime, que par la voix & deposition d'Anatole. Et par ainsi, fit commandement de le mener avec ceux qui estoient ensemble prisonniers pour semblable fait, à Constantinople. De quoy Anatole aduertty, s'en va hastiuement ayant les mains tournées derriere le dos en la façon de ceux qui vouloyent faire prières, en quelque recoin de la prison, où estoit attachee & suspendue vne image de la Mere de Dieu : mais elle detesta cet hypocrite execrable, & comme le reprenant & accusant de sa meschanceté, ne le voulut escouter, ains se tourna d'autre costé, par vn miracle (certes merueilleux, & digne de perpetuelle-memoire) qui fut veu à l'heure des propres yeux de tous les prisonniers l'enfermez & des geoliers ayans la charge & garde de la prison, qui en firent rapport à tout le monde : Mesme ceste image se presenta par vision nocturne à quelques fideles, come pour les inciter à venger l'outrage perpetré, disant que l'injure & tort-faits par Anatole, redondoit à son Fils.

*Sedition du  
peuple Con-  
stantinopo-  
litain, à cau-  
se de quel-  
ques senten-  
ces rendues  
contre les  
idolâtres.  
Griue puni-  
tion d'Ana-  
tole.*

Après donc qu'Anatole fut arriué à Byzance, il eut la questiō & torture & le fouet asprement : & neantmoins ne declaira ny deposa aucune mensonge contre son Euesque : Mais la aussi luy & ses complices furent causes de grands maux, & donnerent occasion au peuple d'esmouuoir sedition : car il aduint que par sentences rendues, aucuns d'iceux estans iugez non à la mort, comme ils meritoient, mais seulement à estre bannis & confinés pour vn tēps, le menu peuple enflammé de grand zele enuers Dieu, esmeut toute la ville & la remplit de troubles : & portant impatiemment & prenant ce fait à cuer, raut par force ceux qui estoient condamnez en exil, & les brussa tous vifs en nasselles de pescheurs où ils furent embarquez. Et outre que le peuple de son autorité priuée executa telle sentence, encore s'adressa il à Empereur l'iniuriant, & se plaignant de l'Euesque Eutychie, comme s'ils eussent reietté & delaisé la vraye foy : Et qui plus est, ceste multitude populaire chercha par tout Eutychie & ceux qui auoyent esté ordonnez commissaires pour informer & instruire le proces, pour les tuer, n'eust esté que la diuine prouidence qui gouverne & dispose toutes choses, les preserua & fit destourner, & petit à petit esteignit & appaisa l'ardeur & colere de la populace, si bien qu'elle ne fit point de mal.

Après cela, Anatole fut premierement exposé en l'amphitheatre aux bestes qui le deschirent au possible, & puis fut pendu en vn gibet : Mais encore ne fut il quitte pour cela, ny deliure de la peine deuë à ses meschacetez : car son corps execrable en fut déchiré & deuoré par les loups : quelle chose iamais ne se trouua escripte par les histoires : Mais si est-ce qu'un certain homme d'Antioche declaira & predict ce que luy aduiendroit : Car, comme il disoit, il auoit veu en vision nocturne, que le iugement d'Anatole & de ses complices, estoit commis au peuple pour en auoir la congnoissance & pour le decider.

D'auantage, vn grand personnage, preuost de la maison Imperiale, quoy qu'il souffrist le party d'Anatole, toutesfois il deschargea sa conscience, & afferma apertement qu'il auoit veu la Mere de Dieu, qui le tançoit & reprenoit asprement, disant presque entelle forte : Iugés à quand veux tu tenir fort & defendre Anatole, qui a commis impudemment vn si lasche tout, enuers moy & mon Enfant ? Mais ce soit comme en passant.

*Comme*



*Comme Tybere eleut Maurice gouverneur du Levant: & puis apres,  
deuant que de mourir, le crea Empereur  
C H A P. V.*



Velque temps apres quand Tybere entendit que fortune n'estoit autant fauorable à Iustiniën en la guerre contre les Barbares, cōme elle auoit esté parauant, il luy osta la dignité du gouuernement Oriental, apres la mort de Iustin: & ayant prins de pieça la couronne Imperiale, eleut pour gou-

*Maurice  
successeur  
de Iustiniën  
au gouuernement de  
l'Orient.*

uerneur & chef des compagnies, Maurice, qui peu apres succeda à l'Empire: ainsi que nous en ferons mention tout incontinent en temps & lieu. Car il fault colliger & inferer quel & cōbien grand personnage il a esté, de son Empire, lequel le representa publiquement & plus clerement aux hommes, quand luy fut donnee puissance souueraine de faire à son plaisir tout ce qu'il vouldroit: dont mesme il aduint que ses affaires domestiques & les plus secre-

*Faits illustres de  
Maurice.*

tes furent publiees & mises en veüe & congnoissance de tout le monde. Ce Maurice donc ayant receu la charge des bandes militaires, voulant passer & sauancer outre les limites & frontieres de l'Empire Romain, assaillit & print toutes les places & chasteaux qui estoient commodés, & de grande importāce aux Perses: d'où il fit & emporta si riche butin qu'il eut pour mettre gens & habitans és villes, és isles & villages quiconques qui parauant estoient en desert & abandonnez, & remit en estat & labour pour rapporter fruiçts en abōdauce, les terres qui de long temps estoient demeurees en friche. Il fit aussi que toutes les maisons furent remplies de seruiteurs, & qu'en planté de toutes choses, tout se vendoit à vil prix & à bon marché. Il combatit aussi avec les plus forts & vaillans d'entre les Perses, & qui auoyent l'experience de bien conduire vne armee, scauoir, avec Tamichosroe & Adaarmane, lesquels l'opugnerent & assaillirent fort & ferme, avec puissance & gend'armerie infinie. Or ie ne puis presentement & ne m'est aysé à declarer comme il se comporta en la bataille donnee, pour ce qu'il me fault hastier de poursuiure ce que i'ay entrepris. Tant y a que pour lors Tamichosroe tomba mort au combat, non pas par la vertu & magnanimité de la gend'armerie Romaine, mais au nom de la religion seule & sincere foy du Colonel de l'armee enuers Dieu. Quant à Adaarmane, se retirant de la meslee il s'en fuit à bride aualee antāt viste que possible luy fut, avec perte de beaucoup des siens. Combien que Alamundare chef de Barbares Scenites fust traistre, comme celuy qui refusa traueser le fleue d'Euphrate, & ne voulut se trouuer en la bataille avec Maurice, menant guerre contre les Scenites Arabiens. Car ceux de ceste natiō d'Arabie, estoient principalemēt inuincibles, par ce qu'ils cheuauchoyent sur cheuaux legers & vistes comme le vent, de sorte que bien qu'ils fussent enclos, ils ne pouuoient toutesfois estre tenus & arrestez: mais preuenoyēt tousiours l'ennemy en lieux propres & commodés pour dresser cautelement leurs embuches. Mesme Theoderic conducteur des bandes :: Scytiques, ne se trouua en la bataille: mais se ritant fort loing de peur des coups de dards, se mit en fuite à vau de route, avec les siens. Maurice donc estant de retour de ceste victoire avec trophées & amples despoilles, fut mené en triōphe, & loué grandement de tout le peuple. Et ainsi ayant fait progresz, & s'estant auancé au chemin pour paruenir à grand honneur, fit tant qu'il monta à l'estat & au souuerain degré Imperial, quand Tybere, proche de sa fin, luy bailla sa fille Auguste en mariage: & avec elle, au lieu de douaire, l'Empire. Or est il ainsi que ce Tybere ne regna pas fort long temps en son Empire, mais il laissa memoire perpetuelle à toute la posterité, par ses gestes executez durant sa vie, lesquels il seroit bien difficile comprendre par paroles & les exprimer: mais le plus excellent & plus illustre de tous ses beaux-faits, & comme quelque heritage qu'il laissa en l'Empire apres sa mort, c'est qu'il declaira Maurice, homme admirable, pour Empereur. Mesme, qui plus est, il imposa noms à son gendre & à sa fille: car à :: Maurice, il bailla le nom de Tybere: & à Auguste, le nom de Constantine. Par ainsi Tybere voyant que bien tost apres il luy falloir laisser la vie & ceder aux loix de nature, d'une collique qui le tourmentoit, il nomme & fit Maurice Empereur: lequel estant reuestu de l'habit Imperial, receut l'hōneur & dignité de principale & souueraine puissance. Car Tybere estant entré en la grād' salle du Palais, il y fit venir le chef des mysteres sacrez (Iean pour lors auoit encore le gouuernement de l'Eglise) & avec luy fit assembler tous les estats des personnes Ecclesiastiques, ses officiers & archers de sa garde avec autres heraults & gentils hommes ordinaires au seruice de sa maiesté: & d'auantge fit venir à soy tous les principaux d'entre le peuple: & lors en son nom fit la harangue à toute la compagnie, Iean homme fort excellent orateur, & expert és loix Romaines, & qui pour son eloquence tāt insigne & beau-parler auoit de coustume, comme superintendant & grand reformateur, faire entendre aux assistās les mandemens de l'Empereur: lequel mesme se trouua à ceste election du nouveau Prince, ensemble avec sa fille Constantine, laquelle il bailloit à Maurice pour compaignie de vie & de fortune. Or deuāt que de publier l'election de ce nouueau Empereur, il vfa des propos qui s'ensuiuent, en la presence de toute l'assemblée.

*Tamichosroe & Adaarmane Persans.*

*Alamundare traistres Romains.*

*On Gothiques.*

*Gestes de Tybere.*

*En Euag. l. 5. cha. 22.*

*Maurice, le nom de Constantin, & à Auguste, Constantin.*

*Election de Maurice Empereur.*

# LIVRE XVIII. DE L'HISTOIRE ECCLESIASTIQUE

*Oraison de l'Empereur Tybere, prononcee au peuple à l'election & creation de Maurice.*

CHAP. VI.

*Oraison de  
Tibere, tou-  
chant la sur-  
rogation de  
Maurice.*



Aintenant, hommes Romains (nom tres. fameux entre toutes autres nations, tres- celebre par le rapport de toutes personnes) ie suis en grâd es- moy, sollicitudes m'environnent de tous costez : desquelles les aucunes me pressent de pres, à ce que i'establis & constitue bien & deument ce qu'il me fault delaisser : les autres me donnēt terreur pour le departemēt qui me separera d'avec vous : car alors ie seray contrainct à rédre conte & raison de ma vie passée au Createur & gouverneur de cest vniuers : ioinct que la liberté & hardiesse que de long tēps i'ay vsurpee, maintenāt m'est tournée en crainte & soucy : car ceux-là le plus souvent offensent d'a- uantage & amassent plus de pechez, ausquels est laschee la bride & baillie puissance de faire tout ce qu'ils veulent : Mais sur tout, le soing que i'ay prins de l'Empire me charge & trauaille plus instamment : de peur, certes, que ie ne discerne à la volée & solement quelque chose au detri- ment de la republique : ains que ie substitue & mette en ma place aucun qui la gouverne ainsi que de raison : car l'Empire ne m'a esté commis pour viure à mon plaisir & suiure les delices du corps. Et encore, non seulement la fortune me tourmente l'esprit, mais quant & quant nature mesme me donne destresse : car l'Empire, & ma femme, & mes enfans, se rencētrent & rappor- tēt à vn. A l'Empire, est requis vn sage & prudēt gouverneur : à la viduité de ma femme, vn cura- teur equitable : & pour mes enfans, vn tuteur qui les conduise & defende pour l'imbecilité de l'aage, & infirmité de nature, principalemēt feminine. Toutesfois le plus souuent, quand ie suis ainssi saisy de maladie, ie ne tiens conte & ne me chault de l'alliance naturelle : ie mesprise mes enfans, ie n'ay aucunement respekt à ma femme : car il me semble bien que ie m'en vay mourir, & qu'adonc ie seray totalement deliuré de telles charges & sollicitudes : Mars ie ne puis laisser tels pensemens, quand le souey de l'Empire me vient accueillir : car c'est vn fardeau bien le plus graue & pesant de tous les autres, non seulement contregarder, comme il fault, le scepire & maniemēt de l'Empire, mais aussi d'en transmettre & rebailier l'heredité & succession à ceux qui la meritent & qui en sont dignes. Car, sans point de doute, il me semble qu'il est fort rai- sonnable, & fault que les Princes qui succedent, soyent tousiours meilleurs & plus vaillans que leurs deuanciers, à fin que les defautes de ceux-cy soyent corrigees & amendees par les autres. Que si ainsi n'aduiet, il est tout certain que toute l'obeissance & maintenue de l'Empire viendra en decadence & à neant : d'autant que les fondemens qui le soustiennent sont foibles & imbeci- les. Or comme ie me tourmentois l'esprit, & me donnois tel chagrin & soucy, la diuine Proui- dence, qui a esgard à toutes choses, a donné quelque secours & allegeance aux nostres fasche- ries, & fauorisant de certain bon heur & encontre nostre conseil & entreprinse, la confirmee de son autorité priuee, & a déclaré celuy qui apres nous doit magnifiquement gouverner cest Empire, à sçauoir, Maurice que voylà, homme qui sera fort vtile & commode pour le bien pu- blic des Romains, lequel par cy deuant a conduit & mené à bonne fin beaucoup de batailles & de grande importance, qui sont comme quelques arres (par maniere de dire) & gaiges qu'il a baillé à la Republique du soing & pouruoyance qu'il aura cy apres de ses citoyens & vassaux. Et pourtant, le verrez vous aujourd'huy vostre Empereur. Or ie le recois & admet à la condui- te & au maniment de ceste charge qui surpasse toutes autres, avec si grande assurance & per- suasion, sans auoir esgard ny penser à autre chose qui puisse deceuoir, que mesme ie luy com- mets & baille en garde non seulement l'Empire, mais aussi ma fille, pour vous induire par vn si certain gaige & don de nature, prendre courage & bien esperer sans doute : chose qui me seruira cōme de viatique & consolation pour emporter avec moyen ce long chemin, d'où il n'est licite de reuenir. Ce pendant, vous me serez tesmoins idignes & dignes de foy, de ceste belle or- donnance & disposition, en tant que vous auez fait experience de ceux qui de longue main ont eu en gouvernement & administration iceluy nostre Empire, mesmement de ce vaillant per- sonnage qui tres- prudemment nous a suiuy en nos affaires. Quant à toy, Maurice, continue & te monstre vaillant à me faire vn bel epitaphe de ton Empire, charge & orne mon sepul- chre de tes vertus, & ne vueille deceuoir par infamie, & par cas enormes frustrer l'esperance de ceux qui te sont baillez en charge, ny obscurcir & estaindre tes proüesses, comme delaisnant la pristine generosité de tō cuer. Et par ainsi fay que tant tu puisses refrener & dōter par rai- son & bon moyen l'insolence de ton autorité, & que par sciences de philosophie, & gou- uernes sagement la nasselle de ta puissance. Car l'Empire est vne certaine charge haulte & de grande importance qui eleue & exalte ceux qui l'occupent & manient, tellement qu'il trou- ble grandement les bonnes pensees : mais ne vueille conceuoir ceste opinion, & mettre en ta phantasie que tu sois le plus sage de tous, & que tu precede chacun en prudence, bien que de fortunes & richesses qui te sont aduenues en grand planté, tu surpasses les autres. Et a- pres, fay que tu aquieres plustost la beneuolence de tes citoyens & suiets, que la crainte : & que

*Tibere com-  
met sa fille  
avec l'Em-  
pire à Mau-  
rice.*

*Le bon suc-  
cessor est  
bel epitap-  
he du  
Prince de-  
cedé.*

tu reçois de meilleure part celuy qui te reprendra & arguera de tes fautes, tout ainsi comme quelque bon maistre, que le flatteur : car domination est de telle condition qu'elle ne veult estre enseignee ny admonestee, & prend à desplaisir & à regret la reprehension & chastiment. Aye toujours aupres de roy & devant tes yeux ta iustice, comme celle qui de sa souveraine puissance remunere & baille recompense des faicts en nostre vie. Estime & iuge par l'estude de philosophie que ce pourpre & vestemēt Royal, t'est baillé tout ainsi que quelque drap ou habillement pour t'en servir. Quant à la couronne qui environne ton chef, tu la dois penser en rien n'estre differente des autres petites pierres qui sont flottees par les ondes sur le bord de la mer. La fleur & couleur du pourpre, d'autant qu'il est triste & melancolic, me semble admonester les Princes, qui seuls en usent, & les accoustumer & duire à modestie, & à regir leur esprit modereement en choses prosperes, & ne prendre trop grand plaisir ou s'enorgueillir de cest habit de dueil, de la monarchie. Le sceptre aussi & baston Imperial baille aduertissement & instruction non pas d'exercer cruauté & seigneurie desreglee & tyrannique, mais plustost de servitude & subiection honneste. Il fault que l'humanite & misericorde commandant à cholere, & la crainte à arrogance : car nature mesme a constitué gouverneurs entre les mouches à miel, & a baillé à celuy qui en est Roy, vn aguillon comme pour l'armer de certaine maiesté volontaire & naturelle, à fin de piquer & contraindre celuy qui refuseroit obeir legitimement : ce neantmoins il a cest aguillon & poincture non tyrannique & rigoureuse, ains fort commode & apre à l'utilité commune. Parquoy nous devons pour le moins estre imitateurs des mouches, sil est ainsi que la raison ne puisse mieux nous aduiser & donner meilleur conseil. Voyla ce que i'auois à redire & conseiller en la sorte mesme que si ie t'auois engendré, & si i'estois ton pere : mais tu repateras que le iuge de ce nostre cōseil & aduertissement est la puissance nette & qui n'est point corrompue & subornée de quelque affection ou presens, & qui recompense aussi bien les vertus & bienfaicts, qu'elle punit les vices & mesfaicts.

<sup>a</sup> [sceptre] Le Roy Antigone voyant son fils usant de violence envers ses suiets, luy dit : Vous ne considere pas mon fils, que nostre domination est une belle servitude : aussi Pindare appelloit les brauades de la cour des Princes, Noble misere.

<sup>b</sup> & a baillé &c.] Cela n'est point tenu pour certain entre les auteurs, à sçauoir, si entre les mouches à miel le Roy seul n'a point d'aguillon, estant seulement armé de maiesté : ou bien si nature l'en a pourueu encore qu'il ne s'en ayde : mais il est tenu pour concludre que le Roy ne s'ayde d'aucun aguillon, & neantmoins toutes les mouches luy obeissent entierement. Plin, liu. 11. chap. 17.

D'un songe & de la mort de l'Empereur Tybere. CHAP. VII.



Pres que l'Empereur eut mis fin à sa hatangue, les princes, vassaux & citoyens assemblez ne peurent se cōtenir de douleur & ennuy dōt ils estoient saisis, qu'ils ne iettassent larmes en abondance. Puis apres, l'Empereur prenant la courōne & le vestemēt de pourpre, il en renefit & empar à Maurice Cesar. Et lors vous eussiez ouy les clameurs du peuple, les gratulations, applaudissemens, & acōs de graces des suiets : partie esmerueilloient l'auteur & inuenteur d'un si bon conseil & aduis : partie le Prince eleu & declaré, à cause des vertus par lesquelles il s'estoit rendu digne de l'Empire : mais devant toutes choses ils rendirent graces & louerent celuy qui dispōse tout biē en sa saison, cōme moyennneur & appoincteur de toutes entreprinſes. Quād dōc Maurice fut en telle maniere & ceremonies d'electiō Imperial, declaré Prince & Monarque, l'Empereur Tibere se remit en son liēt, où il apperceut en visiō nocturne la ſemblāce d'un homme de beauté si parfaicte & rare qu'elle ne pōurroit estre exprimee, ny par paroles, ny par escripts, & reuestu d'habillemēs si blancs qu'il esclairoit toute la chābre. Cest hōme donc esleuāt sa main luy dit tels propos : Tybere, la diuine puissance, trois fois saincte, vous mande qu'il ne s'esleuera aucuns meschāts tyrās du tēps de vostre Empire. Et apres son resueil & qu'il eut recité de mot en mot ce sōge à ses plus familiers, obeissant aux loix de nature, quoy qu'il fust Empereur, desuefit ce corps terrien, & l'ame le laissant cōme quelque couuerture, s'en vola aux sieges celestes. Ce Tybere eut charge de l'Empire par l'espace de trois ans avec Iustin, & quatre tout seul. Or quād il fut mis & inhumé au sepulchre des Empereurs, tous les suiets ainsi que satellites & officiers se cōuertirēt & mirent toute leur affectiō en Maurice : de sorte que le dueil qu'ils auoyēt mené de Tybere, fut appaisé & cessa le mesme iour. Car coustumierement les personnes n'ont si grande memoire & ſouuenance des choses passees, qu'ils ont ſoing & reuerence aux presentes.

Couronnement de Maurice Empereur.

Visiō nocturne de Tybere. Mort de Tybere.

<sup>a</sup> [par l'espace &c.] Paul Diac. escrit que Tibere impera sept ans, & Euagr. liu. 5. cha. 23. dit seulement quatre : car durant les trois autres il gouverna avec Iustin.

B B b iij

# LIVRE XVIII. DE L'HISTOIRE ECCLESIASTIQUE

*Du mariage de Maurice avec Auguste : quel il estoit, de quelles mœurs, race & affections d'esprit.*

CHAP. VIII.

*Le mariage de Maurice avec Constantine Auguste.*



*Magnifique appareil des nocces Imperiales.*

*Exemple de vray Empereur.*

*Les mœurs & façons de viure de Maurice.*

Vand Maurice fut emparé de l'Empire, & qu'il eut acheué & laissé le ducil de Tybere, il fit apprest en premier lieu de son festin, & print Auguste, autrement nommée Constantine, pour femme, en mariage solennel à la façon & parade des Empereurs. Les nopces furent magnifiquement celebrees en pompe Imperiale, & sumptueux banquets dressez publiquement au peuple par toute la ville. Assisterent en cet appareil, Pieté envers Dieu, & Maïesté Imperiale, lesquelles firent cōpagnie à Maurice, & l'accosterent de bonne grace, avec sa femme, leurs offrans dons fort honorables : Car la Pieté venerable de vieillesse & de rides bien seantes (chose qui iamais n'a esté parauant couchée par escript) tint le lieu du pere & de la mere qui deuoyent sanctifier le mariage, & des nobles freres & autres parés, qui aussi deuoyent faire l'honneur de la feste. Et la Maïesté Imperiale fit present d'une robe de drap d'or, marquetée de pourpre & enrichie de perles d'Inde, & couronnes garnies de fin or & de luyfantes pierreries : & incita tous les officiers & magistrats de la cour, pour (estans richement parez & vestus de liuree à fin d'estre discernés d'entre les autres) porter torches & flambeaux allumez deuant les mariez le iour de leurs nopces, & à louer en hymnes & chants nuptiaux l'assemblée des espousaillés : tellement qu'on pouuoit bien faire coniecture & iuger asseurement, que iamais entre les hommes on n'auoit veu plus braue & magnifique appareil, que celui-là. Quand Demophile decrit les gestes des Romains, il fait mention que Plutarque de Cheronee a dit, que Vertu & Fortune auoyent fait alliance l'une avec l'autre pour l'amour de la seule ville de Rome ; mais à plus forte raison ie pourray dire semblablement, que la vraye Pieté envers Dieu, & la Felicité se-festoyent accordees, vnies & alliees au seul Maurice : en ce que la Pieté redigea en sa puissance la Felicité, & ne voulut luy permettre & donner licence de se foruoier ou erier du droit chemin. Depuis aussi, ce Maurice fut fort studieux & soigneux, non seulement porter sur son corps le vestement de pourpre & la couronne d'or, mais aussi en son esprit : & n'estoit point tant Empereur par l'exterieur en ses vestemens, que par l'interieur en ses vertus : Car luy seul & premier de tous les Empereurs precedans fut maistre de soy-mesme, & comme vray Prince supprima & dechassa de son entendement l'ochlocratie & turbulent estat des affections & mauuaises concupiscences, pour establiir & cōstituer en ses pensemens l'aristocratie ou domination de raison, se monstrant comme quelque viue statue de vertu pour inciter & induire ses citoyés & bourgeois à son imitation. Il auoit prins nom & son origine ancienne de la ville Rome : mais ses premiers parens estoient venus du pays d'Arabie, qui est vne nation de Cappadoce : homme prudent, subtil & de grande entreprinse, & qui prenoit bien garde & soigneusement aduisoir à sa maniere de viure : car il n'estoit point suiet à son ventre & friandises : mais vsant seulement de viandes frugales & necessaires se monstroient constant & immuable en toutes choses. Il ne se declairoit si affable que de permettre facile accez pour parler à luy, & se laisser gouverner à toutes personnes, ny accordoit aysément leurs demandes : non plus qu'il n'estoit lasche & nonchalant d'ouir & entendre les requestes d'un chacun : car estre trop priué & traictable, cause vn contemnement & mespris : aussi estre trop aspre & difficile donne occasion & entree à flaterie : Et pour, tant il ne s'accommodoit à toutes personnes ny à toutes heures, mais seulement se communiquoit à ceux qui venoyent pour parler & traicter de quelques affaires graues & de grande importance : & ne bailloit audience à paroles friuoles & inutiles, mais fermoit ses oreilles contre, & les estoupoit, non pas de cire, comme il est es Poëtes, mais de raison plustost & mieux, cherchant l'opportunité conioincte avec moyen pour s'en seruir comme de clef, pour ouurir & entamer en temps & heure quelque propos en deuisant, & pour le fermer & conclure en temps deu & conuenable. Il reiettoit aussi & abhorroit de telle sorte l'ignorance, mere de vaine gloire, vanterie ferocité, & timidité sa compagnie, que quand il cōmençoit à faire quelque besongne, il en estoit bien conseillé : & si il discōtinuoit ou retardoit, il estoit bien asseuré : veu que la force & la prudence s'accōmodoyent au temps, & tout le gouuernement estoit conuertý à faire choses profitables : & mettoýt ordre à ce que l'entreprinse tardieue ou hañee fust reglee & biē cōduite.

*Les presages qui precederent & assignerens l'Empire à Maurice.*

CHAP. IX.

*Signes prodigieux, touchant l'Empire futur de Maurice.*



Vtre les vertus & faicts illustres qui rendirent Maurice digne de l'Empire, encore precederent diuinement signes prodigieux qui apportèrent signification de ceste bonno aduenture : Car vn soir bien tard, comme il faisoit ses deuotions & offroit quelque sacrifice d'encens & bon odeur en la Basilique & sainte chapelle du sacré temple de la Mere de Dieu, que selon Justinien, ceux d'Antioche appelloyent Le

Le voile & courtine de la sainte Table, le feu s'y print & brula, de sorte que Maurice tout estonné & effrayé en eut grand peur : mais Gregoire Euesque de la ville, qui là estoit present, luy dit que c'estoit vne vision diuine, & qu'elle denonçoit quelque nouueauté de grande consequence. Aussi, vne autre fois, ainsi que Maurice estoit en Orient, Iesus Christ luy apparut visiblement, & luy demanda vengeance des iniures & desplaisirs qu'on luy auoit faicts. Diuination certes qui declairoit veritablement que l'Empire luy aduiendroit : car à qui Iesus Christ demanderoit plustost vengeance & punition estre faicte, sinon à l'Empereur, & a celuy qui luy estoit rât fidele & deuot ? D'auantage, les parens qui le produirent en ce monde, reciterent autres choses dignes de memoire : car le pere racomtoit, que quand il le voulut engendrer, il eut en vision nocturne vn grand chef & souche de vigne, qui sorroit de sa chambre, & portoit grappes de toutes sortes de raisins meurs qui pendoient de tous costez : Et la mere disoit qu'au temps de l'enfantement la terre rendit certaine & nouuelle odeur de diuerses senteurs. Elle adioustoit encore (qui semble vn conte & radoterie d'une vieille & presque incredible) que bien souuent elle auoit veu ce phantôme qu'on appelle Empuse, emporter par plusieurs fois l'enfant hors de la chambre, comme pour le deuorer, & toutesfois que iamais ne luy auoit peu nuire : Et qui plus est, ce Siméones qui aupres d'Antioche auoit sa demeure sur vne colombe, homme autant prisé que nul autre en bonnes œuvres, & notable en tout genre de vertus, non seulement deuina, mais aussi feit beaucoup de choses qui presignifierent son Empire. Mais quoy qu'il en soit, estant engendré de tels parens, nourry & enseigné de telle sorte, ayant prins pour femme, Auguste, qui autrement s'appelloit Constantine, il paruint à la seigneurie de l'Empire. Au demeurant, la continuation de ceste nostre hystoire, mettra en auant & declaira, avec l'ayde de Dieu, ses beaux faicts.

*De la clemence & misericorde de Maurice : & des faicts de guerre de Philippique.*

C H A P. X.



**M** AURICE donc euita, & deuant toutes choses sceut bien se donner garde de n'espandre le sang & faire mourir aucuns de ceux qui estoient aceusez & chargez de crime de lese maiesté. Ainsi il ne feit executer Alamundare, gouuerneur des barbares Scenites, qui auoit trahy la Republique : mais commanda de le confiner & mener avec sa femme & aucuns de ses enfans, en vne certaine Isle aupres de Sicile. Il feit le semblable à l'endroit de Naamane fils d'iceluy, qui estoit la mesme infamie, le deshonneur de l'administration ciuile, & auoit commis & perpetré beaucoup de cas enormes contre l'une & l'autre Phenicie & les deux Palestines : de façon que sa compagnie de gens d'armes, Barbares pillerent & rauirent tout le bien de ces pays là. Quand donc Alamundare fut prins prisonnier par les Romains, & que chacun eut donné sa voix pour condamner à mort cruelle Naamane, Maurice le feit r'enfermer en vne prison libre, sans luy assigner ou adinger plus grieve punition, non plus qu'à beaucoup d'autres.

Or premierement il crea Iean de Thrace pour conducteur des bandes Orientales : lequel à la verité, feit assez mal ses besongnes en aucunes entreprinſes : en d'autres, assez bien : & ce neantmoins n'executa rien digne de memoire. Apres luy, ce gouuernement fut commis à Philippique, allié de Maurice (car il auoit en mariage l'une de ses sœurs, nommee Goride) lequel entreprint outre les frontieres & y feit beaucoup de degast, tellement qu'il en tira grand butin & print moult de prisonniers des principaux & plus nobles de Nisibe, & comme faisant autre chose sans y penser, les despeschoit d'heure en autre au fil de l'espee. Il feit aussi le semblable, aupres du fleuve de Tigre. Pareillement, il poursuyuit les Perses en vne si cruelle rencontre qu'il en defeit beaucoup & des plus vertueux qui tomberent morts en la bataille : il en print aussi bon nombre prisonniers. Outre ce, il bailla congé à vne compagnie de gens des Perses qui s'estoyent campez en lieu commode sur vne montaigne & petite coline, & ne leur feit aucun desplaisir, combien qu'il les eust prins facilement : mais ils promettoient de persuader à leur Roy, d'enuoyer ambassades pour au plustost moyenner la paix.

Il s'emploia vertueusement en plusieurs autres conquestes durant son gouuernement, quand il eut cassé & dechassé de son armee tous ceux qui estoient delicats, foibles & inutiles : & qu'il eut reduict & reformé comme avec quelque frein, en bon ordre & honneste obseruance tout desfreiglement à l'endroit de ses compagnies militaires : De quoy ie ne veulx traiter plus amplement, pourqu'il me semble bon d'en laisser le discours aux autres auteurs : combien que le plus souuent leur dire est fort loing de la verité, pour autant que par ignorance & doubte, ou ils panchent & fauorisent plus d'un costé que d'autre, ou meuz de mauuaise affection, en disent plus qu'il n'y en a : ou par quelque haine, laissent à dire ce qu'il faudroit.

BBab iij

*Mauuaise  
de Maurice  
enuers les  
criminels de  
lese maiesté.*

*Iean gouuerneur d'Orient.*

*Philippique  
beau-frere  
de Maurice,  
& selon Paul  
Diacre, gen-  
dre.*

*Faicts bel-  
liques de  
Philippique.*

*Obseruance  
de la disci-  
pline mili-  
taire.*

# LIVRE XVIII. DE L'HISTOIRE ECCLESIASTIQUE

*De la felicité & simple appareil de Prifce, chef de guerre : comme il fut depofé de fa charge par ceux de l'armée, & Germain eleu en fon lieu pour conduire le camp.*

C H A P. XI.

*Prifce gouverneur.*



R apres Philippique, Prifce fucceda & print la charge principale des gens de guerre, lequel auffi n'eftoit pas fort facile & ne fe rendoit communicatif à tous, mais feulement à fes plus familiers & amis. Par lequel moyen il ne pretendoit autre chofe, finon qu'il penfoit venir au but de toutes fes entreprinſes en ne fe manifefant en public & tenant fa gravité en priué : comme ſi en telle forte il euſt voulu induire & cōtraindre les ſoldats qui luy eſtoient ſuiets à faire ſon mandement par crainte pluſtoſt que par douceur. Mais depuis voulant monſtrer ſa grandeur quand il ſe preſenta au camp eſtant paré d'accouſtrements pompeux & magnifiques, & qu'il eut fait quelque harangue à ſes ſoldats, de la force & vertu requiſe en la guerre, des armures & bon equipage, & auffi des gaiges & recompensés qu'ils receuroient du public, adonc leur mauvais cœur mit à effect ce qu'ils auoyent penſé & tenu ſecret au precedent. Et ainſi faiſans effort en ſa tente en la façon de voleurs & barbares eſtrangers, pillerent tout ce qu'ils y rencontrerēt emportans le plus beau & le meilleur qu'il auoit amaffé par curioſité. Luy-meſme auffi euſt eſté ſaccagé en ce tumulte du camp, ſ'il monte ſur vn cheual ne ſe fuſt ſauué en la ville d'Edèſſe, laquelle partie des compagnies aſſiegerent, requerans que le Duc fugitif leur fuſt rendu : mais entendans le refus des Edèſſeniens, ils le laiſſerent là, & avec grand force & violence commirent le camp à Germain, capitaine des compagnies en : Libaneſe de Phenicie : tellement qu'il ne tint à guere, en tant qu'il eſtoit en eux, qu'ils ne ſe conſtituaſſent Empereur. Car ainſi qu'ils l'accueilloient de pres, & qu'il leur reſiſtoit ſi inſtamment, il y eut grande contention tant d'une part que d'autre : luy debatoit & tenoit bon à ce qu'il ne fuſt contrainct & forcé : & les autres prenoient telle peine & diligence pour accomplir & mettre à chef ce qu'ils auoyent entrepris, que meſme ils le menaçoient de luy offer la vie de male-mort, ſ'il n'acceptoit la charge qu'ils luy offroyent. Mais quand Germain eut fait entendre qu'il eſtoit preſt de recevoir la mort, pluſtoſt que d'vſurper tyrannie & inuſte domination, les ſoldats firent complot enſemble pour l'outrager & battre indignement, eſtimans que pour le reſpect & de ſon naturel & de ſon aage, il ne voudroit ſouſtenir les coups. Et combien que deſia ils commençaſſent à le frapper & iniurier, l'eſpargnans avec quelque reuerence, toutesfois il perſiſta encore virilement & perſeuera en telle opinion, juſques à ce que finalement ils le forcerent à iurer par ſerment de leur tenir promeſſe. Et ainſi outre ſon gré contrainct par commandement des ſoldats, leur commanda auffi : & eſtant ſuiect à autrui, auoit toutesfois puiſſance & maiſtriſe ſur ceux qui l'auoyent mis en ſeruitude. Et quant à ceux qui eſtoient Capitaines, ou Lieutenans, ou capporaux, ou centeniers, ou dixeniers des compagnies, ils furent tous depofés deſdites charges, lesquelles iceux ſoldats baillerent à tels que bon leur ſembloit : de façon que tout clerement ils offenſerent grâdemment la maielté Imperiale. Ils eſtoient de vray plus gracieux & debonnaire enuers les tributaires & qui payoient quelques rentes au public, que ne ſont de couſtume les ennemis Barbares : mais bon Dieu il ſ'en failloit beaucoup qu'ils fuſſent protecteurs ou deſeſeurs (de quel nom les pourrois-je appeller) de la Republique : Car ils leuoient du bled & fourrages non à certaines meſures & contes, ou ne ſe contentoyent de la diſtribution ancienne & ordinaire, ou ne ſe contenoient en leurs ſentinelles aſſignées : mais leur eſtoit loy, conte & meſure, tout ce qui leur eſtoit aduis, & qui leur montoit en la teſte. L'Empereur de ce deuémēt aduertiy, renuoya au camp ſon beau frere Philippique, à fin d'y mettre ordre & reſtituer le tout en bon eſtat : mais tāt ſ'en fault que les ſoldats le voulüſſent recevoir, que pluſtoſt ceux qui entre les autres ſembloyent luy appartenir de parenté, ou bien vouloir & favoriſer de quelque affection, ſe mirēt en grand danger, & n'eüſſent eſté guere aſſez, ſ'ils ne ſe fuſſent ſauuez ſans dire mot. Or en ces entrefaites Gregoire Eueſque d'Antioche partit de la ville Imperiale, ayant mis fin par victoire à ceſte querelle, de laquelle il ne ſera impertinent faire quelque mention en ceſt endroi.

*Emotiō militaire à l'encontre de Prifce. Germain ſuccesseur de Prifce. : En Euag. liu. 6. ch. 5. il y a, En phenicie Libaneſe.*

*Germain bō gré malgré recent par cōtraincte des ſoldats le gouvernement d'Orient. Licence militaire.*

*Tumulte des ſoldats contre philippique en uoyé au camp.*

*Du different & proces meu entre Aſtere & Gregoire Eueſque d'Antioche : & cōme Gregoire gaigna ſa cauſe.*

C H A P. XII.

*Emotiō populaire cōtre Gregoire Eueſque d'Antioche, excitee par le moyē d'Aſtere gouverneur.*



Nuiron ce temps là eſtoit gouverneur de l'Orient vn certain perſonnage nommé Aſtere, lequel ayant proces & quelque different à deſmeſſer avec Gregoire, eut de ſon coſté tous les principaux de la ville d'Antioche qui ſ'en formalifoient fort & fermes : meſme faiſoyent le ſemblable la plus part du menu peuple & artizans : car chacun ſ'en vouloit meſſer en ſon endroi, & prenoit la matiere à cœur tout ainſi cōme ſi en leurs perſonnes propres il euſſent eſté outragez & endommagez. Encore, fut baillé bandon à ceſte populace de meſdire & detracter de l'Eueſque, tellement que tous de meſme accord & conſpiration prenoient plaiſir par les rues & lieux publics, & ſe rioient apertement de leur prelat, & le chargeoyēt d'iniures atroces & vilains propos qu'ils deſgorgeoiyēt contre luy : meſmemēt les ioueurs de farces



de farces en faisoient leurs ieuX & s'en gaboyent sur l'eschauffault. Toutesfois le gouterneur Asteré fut cassé de son estat, & par le commandement de l'Empereur fut surrogé vn nommé Iean, auquel il bailla charge & commission pour informer du faict dont estoit question, & de faire en-  
 queste de la premiere cause & intention du processiceluy estoit homme non pas de grande esti-  
 me ne fort considéré, lequel ne pouuoit pas seulement iuger & decider d'un tel different & de si  
 grande importance: mais à peine pouuoit il appoincter ou cognoistre parfaictement de quelque  
 petit proces ou incident. Ce neantmoins ayant remply de premiere entree toute la ville d'Antio-  
 che de grands troubles & tumultes contre l'Euesque, & faisant faire cris à son de trompe & co-  
 mandemens publics, que si aucun vouloit poursuyure son droit en iugement à l'encôtre de Gre-  
 goire, qu'il seroit receu en proces & ouy en sa demande: si que les aucuns qui estoient commis  
 sur la banque presenterent amples requestes & remonstrances, par lesquelles :: ils chargeoyent :: L'un d'i-  
 l'Euesque d'auoir eu compaignie charnelle avec sa sœur qui estoit mariee à vn autre homme : & ceux char-  
 d'auantage, que par plusieurs fois il auoit troublé l'estat & repos public. Or il se purgea & bail-  
 la contrediets & reproches ainsi qu'il peut contre ceste accusation touchât les troubles de la vil-  
 le: mais quant aux autres charges, il en appella, & demanda que la cause en fust renuoyee par de-  
 uant l'Empereur, pour en auoir la cognoissance, ou remise à determination d'un Concile. Et par  
 ainsi il descendit en Constantinople, à fin de bailler ses defenses & iustifications. Là, à ce iuge-  
 ment assisterent tous les Patriarches, tant ceux qui estoient venuz de leur propre gré, que ceux  
 qui y furent appellez: aussi quelques Prelats des Eglises metropolitaines, & plusieurs Senateurs  
 de la cour souveraine. Par tous lesquels la question fut bien diligemment examinée & debatue, &  
 apres toute contention l'Euesque fut absous, & gaigna si bien sa cause que l'accusateur fut fu-  
 stigé de nerfs de bœuf, mis & tourné au pilory publiquement, & finalement condamné à estre  
 bany & dechassé du pais. Cela faict, Gregoire ayant prouué son innocence s'en retourna en son  
 siege Episcopal: auquel temps les gens de guerre par certaine sedition & mutinerie refusoient  
 porter obeissance, tant que possible leur estoit, & reiettoient les mandemens Imperiaux: & Phi-  
 lippique estoit aux escoutes & attendoit entre ces deux villes Berrœe & Chalcis pour en enten-  
 dre l'euenement.

*Grands & impetueux tremblemens de terre: & comme furent accablez pres de soixante  
 mil hommes d'Antioche seulement.*

## CHAP. XIII.



V A T R E mois passez apres le retour de Gregoire, l'an soixante & vn depuis les  
 plus grands tremblemens de terre qui auoyent esté parauant, il suruint soudai-  
 nement enuiron les trois heures de nuict, vn tant merueilleux esbranlement avec  
 vn grand bruit, qu'il eslocha & mit hors de ses fondemens toute la ville d'An-  
 tioche: car outre qu'il abatit par terre & réuersa les bastimens les plus hault esle-  
 uez, aussi mit il hors de son lieu & remua du fond en hault ceux qui estoient  
 les mieux assis & fondez par bas: de maniere que toutes les structures & maïsonneries des sain-  
 ctes Eglises tomberent ius, & n'y demeura en sa place que l'emispere qu'Euphremie Euesque  
 auoit faict bastir & esleuer de gros sommiers & fort marrein, prins en la forest de Daphné, lors  
 que souz Iustin aduint vn mouuement de terre. Mais il auoit ia esté esbranlé du costé de Se-  
 ptentrion par autres tremblemens: à cause desquels il fut estayé de bons posteaux qui le souste-  
 noient: lesquels adonc furent tellement esbranlez & ruez par terre de ce grand mouuement,  
 que l'emisphere fut restitué en son entier aussi bien que s'il eust esté raddressé à la ligne ou regle  
 infallible. D'auantage, infinis edifices furent si fort secoüez en ce quartier de la ville qu'on ap-  
 pelloit Ostracine ou la Tuillerie, qu'ils cheurent par terre: & aussi le mesme aduint au lieu dict  
 Psephion ou la Greue, de faict & de nom: plus en vn autre endroiçt qu'on nommoit en langage  
 du pais Brysie ou les Sourdies: & entre autre bastimens tomba vne chapelle prochaine de celle  
 de la Mere de Dieu, de laquelle miraculeusement demeura entier le seul portique du milieu. En  
 apres, furent grandement esbranlees toutes les tours qui estoient en la pleine ou assiete de la  
 ville, & tindrent bon sans estre offensee les autres murailles, hors mis les bastilles & forteref-  
 ses, & mesmement en ces bastilles & places de defenses quelques pierres renuersees de costé &  
 d'autre ne tomberent pas. Encore, plusieurs autres saintes Eglises se ressentirent de la ruine:  
 ensemblément les deux estuues ou bains publics qui d'une beauté parfaicte & elegante deuin-  
 drent en vne deformité toute contraire. Grande multitude de Gens furent opprimeez & escachez  
 par les ruines, tellement qu'aucuns par coniectures qu'ils firent des viures & prouisions annuel-  
 les, maintenoient que pres de soixante mil personnes y moururent accablez calamiteusement.  
 Gregoire Euesque de la ville fut contregardé & sauué contre toute esperance: car la maison &  
 demeure ou il s'estoit retiré, tout aussi tost cheut entierement, & n'eschappa personne de da-  
 ger, sinon luy & ceux qui assistans aupres de luy le seruoient: lesquels l'enleuerēt ensemble avec

*Tremblement  
 de terre à  
 Antioche.*

## LIVRE XVIII. DE L'HISTOIRE ECCLESIASTIQUE

sa couchette, & l'aualerent en bas avec vne corde, vn autre mouuement ayant fait ouuerture tout à propos en vn autre endroict, par où ils se sauuerent & euaderent le peril eminent. Mais vn grand bien & salutaire aduint à la ville par le vouloir de Dieu (qui de sa bonté, misericorde & douceur l'appaise, & reprime les menaces, & par la verge de commiseration & pitié sçait bien chastier & corriger les forfaités des hommes) car il n'y eut aucun embrasement de feu, combien que veritablement, il y auoit beaucoup de feu allumé par tout, à sçauoir és foyers, és lampes ou lanternes tant priuees que publiques, és fourneaux, és estuues, és euilines & boutiques ou les artizans faisoient leurs besongnes. Grand nombre aussi de notables & illustres personnages moururent en cest esbranlemēt de terre, entre lesquels fut trouué Astere, duquel nous auons parlé peu parauant, & rendit l'ame estant tué des ruines & cheutes des edifices.

*Comme les gens de guerre laisserent la discipline & bonne reigle militaire, par deuers lesquels l'Empereur enuoya Gregoire pour tascher à les reduire à faire leur deuoir.*

### CHAP. XIII.



*Notable victoire de Germain contre les Perses. Maurice honore Germain qui estoit condamné par les iuges. Les Abares destruisent la Grece.*

R l'Empereur repara le dommage & perte publique de la ville par argent qu'il eslargit pour la redification. Enuiron ce temps là il y auoit vn tel reuoltement & rebellion en l'exercice entre les soldats, que les Barbares limitrofes ne craignoyent point faire courses & inuasions en grosses bandes, sur les terres & seigneuries Romaines. Car ils se persuadoient auoir bonne occasion de faire ce qu'ils voudroyent, veu que personne ne les empeschoit ny resistoit à leurs violences: mais ce pendant qu'ils brasloyent tels efforts, Germain, avec quelques compagnies de gens à sa suite, vint à la rencontre, & si viuement les assaillit & de si grande furie, qu'il obtint la victoire & les mit en pieces, de façon qu'à peine en demeura vn seul pour porter les nouuelles aux Perses de ce piteux desastre & desconfiture. Dequoy l'Empereur fait certain, feit distribuer grande somme de deniers aux gens de son armee, & en reuoqua le chef avec aucuns de ses plus familiers, & les feit conuenir en iugement. Lors les Iuges tous d'vn commun consentement les condamnerent à mort: mais tant s'en fallut que ce Prince vlast de rigueur & punition enuers eux, que plustost il daigna bien les honorer & recompenser, & de sa benignité grande leur faire liberalement autres presens honnestes. Pendant que les affaires du Leuant estoient en tel estat, les Abares firent expedition & se mirent en campagne par deux fois: du costé qu'on appelloit Le long mur, entrerent par force en Sigidon & en Achiale, & se faisièrent d'autres villes & chasteaux par toute la Grece, & les pillerent ainsi que font ordinairement ennemis, mettans le feu en aucunes & les bruslans entierement, & rasans les autres miserablement, pour autant que personne ne s'opposoit, & que la principale partie des gens de guerre estoit detenue en Orient. Auquel lieu mesme, l'Empereur enuoya André, capitaine des archers de la garde de sa maiesté, pour persuader à ceux du camp, à recevoir leurs premiers capitaines & lieutenans de compagnies. Mais d'autant que les soldats à peine vouloyent prester audience à ses charges & entendre ces mandemens, Gregoire fut despesché, qui diligemment en vint à chef: car il estoit homme fort industrieux & bien aduisé à manier & expedier grandes affaires, & si à vray dire toutel'armee le caressoit & luy portoit honneur & reuerence: car il en auoit attraiēt quelques-vns par argent, les autres par habillemens qu'il leur donna, à aucuns à boire & manger, si bien qu'ils furent rafreschis de toutes choses necessaires & conuenables à personnes qui estoient en pais estrange, pour s'en seruir & vser à leur besoing. Et d'auantage, tous ceux qui à l'election faicte furent enroolez & presterent le serment à la monstre, auoyent obtenu ce bien par son moyen. Premièrement donc à son arriuee enuoyant messagers par tout là où estoient les Capitaines & autres qui administroient les principales charges au camp, feit assembler la gend'armerie en Litabres, qui estoit vne region distant d'Antioche de trois cens stades ou enuiron: par deners lesquels il se transporta melme, & estant couché en son liēt, dit les propos en termes qui s'ensuyuent.

*Rebellion & ferocité militaire. Gregoire estoit debonnaire enuers les soldats.*

*Harangue de Gregoire, Euesque d'Antioche, à la gend'armerie rebelle.*

### CHAP. XV.

*Oraison de Gregoire, Euesque d'Antioche, aux gend'armes rebelles.*



ERTAINEMENT ie pensois, Seigneurs de fait & de nom Romains, que ia dés long temps vous viendriez à moy, pour me communiquer & faire entendre vostre aduis touchant les affaires suruenues, & sur icelles prendre conseil, pour suyure ce que de raison: ce que ie me persuadois & le me promettoit indubitablement l'ancienne amytie & beneuolēce que i'ay eue avec vous: laquelle de vray a esté assez confirmee en vostre endroict, par les plaisirs & offices que ie vous ay prestez par cy deuant,

„ deuant, quand vous baillant voz necessitez, ie suruins & donnay secours à la vostre émotion  
 „ nauale & tumulte qui s'en ensuyuit. Mais ce que ie pretendois n'est aduenu iusques à present,  
 „ d'autant paraenture, que les iours passez l'occasion ne s'est offerte, & ne vous a esté baillé le  
 „ temps pour à la bonne foy, faire apparostre aux Perses, en les rendant vaincuz & desconfits,  
 „ la force & magnanimité des Romains, par la vaillantise & promesse des soldats, voire sans chef  
 „ & gouverneur: & que la vostre syncere & parfaicte affection enuers la Republique manifestee  
 „ en tant de sortes par l'opportunité du temps, & par le resmoignage de l'effect & execution des  
 „ affaires, fust d'auantage cogneue & approuuee. Car quand meuz de quelque fischerie enuers  
 „ voz capitaines, declarastes vostre mauuais vouloir, vous montrastes assez que n'auiez rien plus  
 „ cher ny en plus grande recommandation, que le profit public. Mais bien de par Dieu, passons  
 „ outre, & regardons s'il vous plaist, soigneusement tant d'un costé que d'autre, ce qui est besoing  
 „ de faire. Vostre Empereur debonnaire & tres-bening vous l'appelle, & mande de par moy, par  
 „ deuers sa maiesté, vous promettant grace, abolition & impunité de toutes les fautes passees, &  
 „ receuant vostre singulier vouloir enuers la chose publique, & magnanime couraige en faicts de  
 „ guerre, pour & au lieu de fueillees qu'offrent les supplians qui demandent pardon & reconci-  
 „ liation: Et vous pardonnant par ce gage & marque tres-certaine, repete en soy-mesme telles rai-  
 „ sons: puis-que Dieu, qui tient toutes choses souz sa main, deffere & attribue tant à benignité  
 „ en remettant les fautes, & que pour l'amour de vostre force il a quitté la debte & comte que  
 „ deuiez rendre de voz forfaitz, & a montré signe tres-euiden du pardon qui vous est totalement  
 „ octroyé, pourquoy aussi ne suiuray-ie la diuine sentence & arrest qui me contrainct necessaire-  
 „ ment à faire grace? Et par ainsi, Messieurs les Romains, si me voulez croire, vous obeirez in-  
 „ continent à ce mandement, & ne permettrez que si opportune occasion de tēps se perde, de peur  
 „ que quand elle sera euadee, vous ne la puissiez plus reprendre: Car elle est de telle legereté que  
 „ depuis qu'elle est eschappée, jamais n'est r'attainte: tellement qu'il semble qu'elle soit mal con-  
 „ tente d'estre negligee & mesprisee: & pourroit on dire, que pour la seconde fois elle est totale-  
 „ ment incomprehensible. Parquoy ayez esgard à l'heredité & succession de l'obeissance de voz  
 „ maieurs, ainsi que vous auez succédé à la louange de leurs forces & vaillantises, à fin que parfai-  
 „ ctement vous vous monstriez estre Romains, & que nulle reprehension vous aduienne qui vous  
 „ argue & face cognoistre que vous estes engeance illegitime, faulse & adulterine: Car ces ance-  
 „ stres & deuanciers qui vous ont engendrez tels qu'il estoit digne & conuenable à la nation Ro-  
 „ maine, estans suiets & obeissans aux Roys & Consuls, & faisans deuement ce que leur estoit  
 „ commandé, & bien administrans leurs charges selon la force naturelle, ont subiugué & mis souz  
 „ leur obeissance toute la terre vniuerselle. Manle Torquat fait couper la teste à son propre fils,  
 „ quoy qu'il fust vainqueur & de vertu merueilleusement recommandable, par ce que combatant  
 „ contre ses ennemis, il n'auoit obey à son commandement. Les plus grands affaires sont ex-  
 „ ecutées braucement & conduictes à bonne fin par le bon conseil des gouuerneurs, & par la prom-  
 „ pte obedience des soldats. Mais si l'un est separé de l'autre, & si les suiets n'obeissent aux ad-  
 „ uertissemens de leur superieur, il faut necessairement que l'une des parties cloche & vienne en  
 „ decadence, par ce que la paire & mariage de ces deux vertuz est diuisé & dissolu. Et pourtant  
 „ ne tardez point d'auantage, & me croiez qui suis prestre de Dieu, & que i'entremets mon deuoir  
 „ & charge au milieu entre l'Empereur & son exercite: & faites cognoistre que ce que vous auez  
 „ esté rebelles, & n'auiez maintenu & conserué la discipline & obedience militaire enuers voz  
 „ capitaines, ayans puissance & autorité de commander legitiment, a esté iuste indignation &  
 „ despit pour un brief temps, & non pas iniuste rebellion & façon tyrannique. Et que si tout aussi-  
 „ tost ne vous retournez hastiement par deuers la maiesté de vostre Empereur, ie maintiendray,  
 „ quant à moy, auoir presté entierement en mon office le deuoir & bon vouloir à l'endroit de la  
 „ Republique & singuliere amytie enuers vous: mis quant à vous qui en telle sorte exercez tyran-  
 „ nie & & vous rebellez, vous penserez vne & deux fois diligemment le salaire & pris qui s'en en-  
 „ suit. Car, quant à vous, que deuieront & quelles fin prendront les menees presentes? De di-  
 „ re qu'elles puissent persister & continuer au mesme estat qu'elles sont, il ne se peult faire aucu-  
 „ nement. D'ou pourrez vous auoir victuailles, & vous seront apportez les fructs meurs, & de  
 „ quel costé vous viendront les autres necessitez que la mer suppedite & fournit par le pays, pour  
 „ nous en ayder ainsi que de raison? Pour ceste cause vous liurerez guerre aux Chrestiens de mes-  
 „ me condition & religion que vous, ou vous la receurez au cas pareil de leur costé, & ainsi ferez  
 „ & endurez fautes enormes & les plus vilaines & absurdes de toutes: Et à la parfin, quand  
 „ vous serez dispersez & esgarez deçà delà que deuierrez vous? ou viurez vous? Et qui plus est,  
 „ la diuine vengeance vous suyura de pres par derriere & ne pourra plus souffrir vostre obstina-  
 „ tion & persuerance en meschancetez, ny vous donner pardon de voz offenses. Parquoy tou-  
 „ chons en main, accordons nous entre nous & la Republique, & considerons le tout comme il le  
 „ faut considerer: & principalement en ce saint temps present que nous faisons & celebrons les  
 „ iours de feste de la tressaincte & salutaire Resurrection de nostre redempteur Iesus Christ, qui  
 „ dirigera nos actions & nous baillera secours à choses meilleures.

*Cause de  
l'accroisse-  
ment de  
l'Empire  
Romain.*

# LIVRE XVIII. DE L'HISTOIRE ECCLESIASTIQUE

*Comme l'armée obéissant à Gregoire, eleut derechef Philippique pour gouverneur & Colonel.*

CHAP. XVI.



**V**OYLA les remonstrances & plusieurs autres semblables propos que ce Gregoire prononça en parlant, de sorte que par la volonté diuine il changea en moins de rien & tout en vn instant le vouloir d'vn chacun, & le feit incliner en autre opinion. Et par ainsi ils requierent leur estre permis de se retirer de l'assemblée, pour delibérer à part touchant ce qui seroit equitable: & peu apres estans de retour se submirent à la discretion & puissance de l'Euesque. Et comme il alleguoit nommément Philippique, à ce que pour la seconde fois ils le receussent pour leur Duc, ils respondirent, qu'eux & toute la gend'armerie du camp auoyent fait serment & s'estoyent obligez par iuremens, de ne plus admettre Philippique pour chef & conducteur. Consequemment, Gregoire print la parole tout aussi tost & leur feit entendre, que par la diuine grace il estoit Prestre & auoit puissance de lier & deslier tant és cieux qu'en la terre, & mesme leur cita sur ce le commandement de Dieu. Et ainsi, tous les soldats luy portans obediencia, feit prieres à nostre Seigneur pour le rendre capable, & ayant celebré le diuin sacrifice des secrets mysteres, il leur communiqua à tous le corps sacré & immaculé de Iesus Christ: car c'estoit lors le iour de deuant la sainte Passion. Puis apres, il dressa vn banquet & les traita tous, combien qu'ils fussent enuiron deux mil personnes, les tables estans mises sur la belle verdure, & puis s'en partit le lendemain. Or s'accorderent ils entr'eux de s'assembler la part que bon leur sembleroit. Ce pendant, Gregoire enuoya querir Philippique, qui lors se mettoit en chemin pour retourner à Constantinople: & estant venu en Antioche, feit certain l'Empereur de toutes ses executions, & des requestes & remonstrances de la gend'armerie du camp, touchant Philippique. Et comme Philippique approcha aussi d'Antioche, toute l'armée alla au deuant: & les gens de guerre s'accostans & prenans pour compagnie ceux qui auoyent receu la sainte regeneration, se ietterent à ses pieds, agenouillez en la façon de ceux qui prient. Et quand il eut touché en main, à leur promettant sur la foy & octroyant abolition des iniures passées & torts faicts, ils le suyurent de là en auant en toutes expeditions de guerre. Voylà donc ce qui aduint entre le Colonel de la gend'armerie du camp, & Gregoire Euesque d'Antioche.

*Les soldats obéissent aux saintes monitions de l'Euesque.*

*Les soldats acceptés Philippique pour gouverneur.*

*Comme Sittas trahit Martyriople, & de l'assiegement de Philippique.*

CHAP. XII.



**E**N ce mesme temps, vn certain personnage nommé Sittas, qui auoit charge en quelque compagnie, pour l'outrage qu'il receut d'vn capitaine, trahit & mit en main de l'ennemy la ville de Martyriople, qu'il scauoit n'estre soigneusement gardee, ny en bonne defense. Car il feit entrer de nuit secrettement vne compagnie de Perses, tout ainsi que si elle eust esté des Romains: & par tel moyen occupa la ville qui estoit merueilleusement propre & de bonne garde pour les Romains. Il y retint toutes les belles femmes qui estoyent en fleur d'aage, & en dechassa toutes autres personnes, excepté quelques seruiteurs. Philippique donc tourna bride incontinent & se mit en pais avec toutes ses bandes, pour battre ceste ville qu'il assiegea. Et combien qu'il n'eust artillerie ny autres engins propres pour l'expugner & y faire bresche, il poursuuyt toutesfois, & du mieux qu'il peut tascha la forcer & vaincre, & feit tant que par mines tomba vne tour: & ce nonobstant il ne sceut gagner la ville, ny la contraindre à se rendre: car les Perses redressoyent & renforçoient de nuit ce qui estoit miné par terre. A la fin voyans les Romains que tant plus assailloyent viuement, tant plus roidement ils estoyent repoulsez (car les dards & fleches estoyent iettees si frequentes d'une haulte tour, que les assiegeans receuoient plus de perte & dommage, qu'ils n'en faisoient à ceux du dedans) ils leuerent le siege, & s'elloignans quelque peu se camperent, prenans seulement garde qu'il ny entrast secours en la ville avec les Perses. Toutesfois au mandement de Maurice, Gregoire retourna au camp pour la seconde fois, avec charge d'inuader & de rechef assaillir & battre vaillamment la ville. Mais ils n'y firent rien, d'autant qu'ils n'auoyent presentement machines & instrumens necessaires pour ietter les murs par terre. Et par ainsi le siege estant rompu, la gend'armerie se retira pour passer l'hyuer, ayant constitué garnisons par tout és chasteaux & fortes places voisines, à ce que les Perses n'enuoyassent secrettement renfort en la ville. L'esté ensuyuant, toutes les compagnies furent ramassées: & par ce que les Perses aussi estoyent assemblez, ils se rencontrerent & donnerent vne forte bataille aupres de Martyriople, dont Philippique remporta la victoire.

*Mais les*

*Sittas diuiner trahit Martyriople.*

*Les Perses vaincus par les Romains.*

Mais les Perſes avec grand' perte des leurs, & y eſtant demeuré : l'un des principaux de l'armée, firent tant que bonne multitude de gens paſſerēt dedans la ville : renfort qu'ils attendoyēt affectueuſement. Dès ce temps là les Romains ſe deporterent, & ceſſerent de combattre la ville, pour ce qu'ils voyoyent bien qu'à la longue ils n'y pourroyent que pratiquer, ny la contraindre par force à ſe rendre. Mais à ſept ſtades de là, ils dreſſerent vne autre ville en vne aſſiete ſeu-re, montueuſe, & de bonne deſenſe : afin que de là par ſtratageme & induſtrie militaire, ils rompiſſent tous les efforts, & reſiſtaſſent aux courſes & inuaſions de l'ennemy, & l'endommageaſſent d'autre coſté ſur ſon pays. Ce qu'ils faiſoyent du temps d'eſté : mais durant l'hyuer, ils ſe re-tiroient de là eſs garniſons.

*De Varam Perſain, & des embuſches dreſſees contre Hormiſdas Roy des Perſes.*

CHAP. XVIII.



Philippique fut donné ſucceſſeur <sup>a</sup> Commentiole, Thracien de nation, lequel vertueuſement & de vaillant courage baraila contre les Perſes. En laquelle baraille le conducteur de l'armée des Perſes y euſt perdu la vie auſſi bien que ſon cheual qui tomba mort ſoubs luy, n'eut eſté qu'un de ſes ſatellites & officiers le remonta ſur un courſier qu'il menoit en laiſſe, & le retira de la meſlee. Et quant aux autres Perſes qui eſtoient demeurez, ils abandonnerēt pour la plus part leurs capitaines pour ſ'enfuir, & ſe ſauuerent à Niſibe, n'oſans retourner par deuers leur Roy : car les menaçant, auoit deſendu ſur peine de la mort de ne partir du camp ſans

*Commentiole ſucceſſeur de Phil-  
lippique.*

*ou, Bara-  
me.*

*Roy iniuſte  
& cruel.*

le congé des Capitaines. Et là aſſemblez machinerent de ſe reuolter contre Hormiſdas : de laquelle entreprinſe eſtoit le chef & promoteur : Varam, Colónel des compagnies Perſiques, lequel peu parauant eſtoit retourné avec les ſiens de la bataille contre les Turcs, comme d'iceux ie traicteray en temps & lieu. Ce pendant Commentiole aſſiegea Martyriople, deuant laquelle il laiſſa grand nombre de ſa gend'armie, & avec vne autre troupe de gend'elite, & tous les mieux choiſis, marcha droit à Ocbaſ, chateau bien muny & de bonne deſenſe, ſitué tout vis à vis d'un des coſtez de Martyriople, ſur un ſi hault rocher, que de là on pouuoit deſcouvrir facilement toute la ville, & l'aſſiegea & taſcha le prendre, experimentant tous moyens, ſi bien qu'avec engins qui iettoient gros cailloux, il abbatit aucunes parties des fortereſſes, & en fin les ſurmontant, print vaillamment le chateau. Ce qui cauſa grand deſeſpoir aux Perſes touchât Martyriople. En ces entrefaites, les Perſes meſmes meirent à mort leur Roy Hormiſdas, fils de Choſroes, engédré de Cabale, Roy, diſ-ie, le plus iniuſte qui fut iamais, non ſeulement en tant qu'il opprimoit & puniſſoit iniquement ſes ſuiets par argent, mais auſſi en tant que cruellemēt pour un rien il les aſſligeoit & faiſoit mourir par diuerſes ſortes de tourmēs. Apres luy, ils ſubſtituerēt au Royaume, Choſroes ſon fils. Or à fin de moſtrer comme ces choſes ſont aduenues, il me ſemble bon de les repeter & commencer plus hault pour les expoſer.

<sup>a</sup> Commentiole ] L'Empereur caſſa Philippique, & eleus Commentiole Lieutenant & gouuerneur de l'Orient : & Heraclee avec la proſperité des armes ſurmonta & occit le Lieutenant des Perſes : & Aſarhate eſtant tué, les Perſes ſe ſauuerent à la fuite, & les Romains les pourſuyurent. Paul Diacre, li. 17.

<sup>a</sup> les Turcs ] Paul Diacre auſſi fait mention que les Turcs eſtans ſurmontez, Hormiſdas deuint ſi riche que depuis il receuoit d'iceux tous les ans un tribut de quarante mil liures d'or, laquelle ſomme il leur payoit au pa-  
rauant. Le nom des Turcs deuant ce temps eſtoit incongneu en Aſie. Egnace.

*De la tyrannie de Varam : & comme Hormiſdas Roy des Perſes fut mis à mort  
par ſon fils Choſroes. CHAP. XIX.*



Hormiſdas auoit mis en campagne contre les Romains vne armee en bon ordre & bien complete, ſoubs la conduicte de Varam. Et Maurice auſſi auoit deſpeſché Romain pour luy cōtir à la rencontre. Varam ſe moquoit & ne faiſoit pas grand conte de la gend'armie Romaine : & toutefois ce Romain oſa charger deſſus & luy donner le choc avec dix mil hommes ſeulement, mais les plus vaillās & qu'il choiſit d'entre les autres. Et apres grand nombre tuez tant d'une part que d'autre en la re-gion d'Albanie, finalement le fort des armes tomba ſur les Barbares, & demeura la victoire aux Romains. Et quād Hormiſdas Roy de Perſe en-tēdit la perte & deſcōſture des ſiēs, il oſta la dignité & ſuperintendence à ce Varam, & en ſigne de cōuardiſe luy enuoya un veſtement de femme. Luy appliquant ſon eſprit à choſes nouuelles, affecta la tyrannie, & rendit iniures pour iniures à celui qui premierement l'auoit iniurié, man-

CCcc

# LIVRE XVIII. DE L'HIST. ECCLESIASTIQUE

*Rebellion des Perles contre Hormisdas.* dant tels termes en la suscription de ses missives: Varamé à Hormisdas fille de Chosroes. Il incita aussi les gens de guerre de sa sūyte, à se reuolter, enuoyant lettres feinctes au nom de Hormisdas presque à tous, ramenteuant par icelles la cruauté d'iceluy & insatiable cupidité d'argēt: comme aussi il auoit fait ou mourir & passer au trenchant de l'espee, ou noyer en la riuierē de Tigre tous les premiers & plus hardis Cheualiers, les reputant dignes de si belle sepulture & obleques funebres. Voila de quelles impostures il seduit l'exercite, & l'excita à grande tyrannie & rebellion: Et ainsi prestans le serment de fidelité à Varamé, afin qu'il fust plus assuré, ils aduiserent par-ensemble aux moyens pour dechasser Hormisdas du Royaume: lequel ce pendant despescha Pheroehane & avec grosse multitude de gens l'enuoya au contraire. Mais Varamé le preuint, luy remonstrant qu'il ne falloir pas que les Perles guerroyassent ensemble & s'entre-tuassent: & qu'ils congnoissoyent bien la violence & dureté de l'Empire, le courage & naturel sanguinaire & l'insatiable auarice de Hormisdas: & que plustost ils deuoyent s'entre-aymer & porter charité les vns aux autres. Les soldats de l'exercite sous Pheroehane, considerans ces remonstrances estre vrayes, saccagerent & meirent en pieces leur Colōnel, & se tournerent du party de Varamé. De là assemblez en vne troupe & amas populaire, seiettent sur Hormisdas, & luy ostant la couronne du chef, le deposent du throsne Royal: puis en sa presence mesme coupent la gorge à sa femme & à l'un de ses enfans, & luy arrachans les yeux de la teste, le meirent en prison sous seure garde, & constituerent Roy des Perles vn autre fils qu'il auoit: lequel pour vn temps se monstra bening & gracieux enuers son pere: mesme il enuoya vers luy Orateurs pour luy faire entendre comme il auoit receu le Royaume contre son gré & intention, & luy fournit largement son boire & son manger. Toutesfois le pere ne desista de rudoyer & mal mener son fils de grosses iniures, & de repudier tout ce qu'il luy enuoyoit: A raison de quoy Chosroes (ainsi s'appelloit ce fils) esmeu de fāscherie, fit assommer son pere par des rustiques, avec gros leuiers & bastonnades. Cette indignité & outrage causa grand despit aux Perles, & bailla occasion de mescontentement & haine à l'encontre de luy.

*Comme Chosroes second, se sauua par deuers les Romains, & par leur secours, reconnura son Royaume.*

CHAP. XX.

*Chosroes fuit deuant Varamé, & se retire par deuers Maurice.*



*Il aduint que Probe Patrie qui là estoit, receut Chosroes. Diacre.*

*Instabilité de la vie humaine.*

*Maurice fait & adopte pour son fils Chosroes Roy des Perles. Dia.*

*Domitien Euesque Hierapoli-tain.*

Velque temps apres ces menees, Chosroes entendant le bruit que Varamé venoit contre luy avec son armee, il l'alla trouuer avec assez bonne compagnie de gens: & se rencontrerent les deux, & s'en vint en vne campagne aupres du fleuve de Zabe: mais aussi quand il apperceut que les liens reculans d'eux mesmes, se reuoltoyent & ioingnoyent à partie aduersē pour luy dresser embusches à son desaduātage, il en mit plusieurs à mort: & à cause d'une esmeute suscitée en l'exercite, se retira le plus legerement qu'il peut & se sauua en Circese, ensemble ses femmes & trois enfans avec quelques autres Persans principaux de la noblesse, qui de leur propre volonté le suyurent. Or paruint il à ceste ville (comme luy mesme à recité) protestant, apres auoir inuocqué le Dieu des Chrestiens sauueur & conducteur par les chemins, de laisser aller son cheual tout seul la part qu'il le voudroit conduire. De là il enuoya ambassadeurs par deuers Maurice, & outre là commission qui leur fut baillee, Probe luy manda par lettres & fit entendre par le menu tout le discours comme il estoit aduenū. Au contraire, Varamé aussi enuoya ambassadeurs à l'Empereur, requerant à sa maiesté qu'il ne donnast confort à Chosroes. Mais Maurice qui sçauoit bien que l'estat des choses humaines estoit instable & muable comme vn soulier conuenable à deux pieds, & qui auoit bonne experience des vicissitudes, changemens & legeres mutations de ceste vie humaine & miserable, & qui consideroit diligemment en son esprit, & avec meure deliberation, ayant bien esgard à toutes semblables miseres, receut tres-benignement & de bonne volonté ce Roy qui le supplioit, & au lieu de banny & fugitif qu'il estoit, le fit & aduoia son amy & propre fils par adoption, l'ayant inuité & attraiēt par grands dons Royaux, & toute autre liberalité & humanité: & ne luy sembla assez d'auoir vſé de munificence & largesse Imperiale de son costé, mais aussi sa femme Auguste fit le mesme deuoir de pieté à l'endroit des femmes d'iceluy, & les enfans enuers les enfans. Et encore non content de ces offices & faueurs, adressa mandement en Hieraple à toute l'armee en general, & par especial escriuit à Commentiole qui en estoit Colōnel, qu'il eust à conduire & conuoyer Chosroes avec bon equipage & train Royal, sans que rien y manquast, pour l'accompagner la part qu'il voudroit: & d'auantage, pour luy faire plus grand honneur & accueil, il enuoya au deuant de luy son cousin Domitien, Euesque de Melite, qui estoit bien l'un des premiers hommes de ce temps là pour sa prudence & industrie, tres-puissant & de



& de belle autorité tant en faicts comme en dictz, & de grand conseil à bien conduire vn faict d'importance: & luy bailla pour compagnie Gregoire, Euesque d'Antioche. Lesquels deux ensemble rendirent si estonné Chosroes par leurs harangues, presens, colloques, remonstrances & aduertissemens, qu'il ne scauoit où il en estoit. Ayant donc esté quelque temps à Hieraple, qui estoit la principale place de tout le pays par où passe le fleuve d'Euphrate, il en partit pour rentrer en son Royaume, veu que Maurice qui estimoit le bien & vtilité de ce pauvre Roy, estre la plus grande partie de son heur & gloire, le trouuoit bon, & estoit d'aduis que son retour luy seroit profitable. Il est donc ainsi qu'apres que Maurice eut fait presens à Chosroes de grande somme de deniers (ce que iamais n'estoit aduenü, au moins qu'on trouue redigé par escript d'histoire) & souldoyé aussi de ses propres cousts & despés quelques Persäns pour luy seruir en guerre, il le renuoya en Perse avec magnifique appareil de deux armées ensemble, Persique & Romaine: de la Romaine, Narse auoit la charge, lequel donna si furieux assaut contre les Perses rebelles, qu'il en print :·:· soixante mil prisonniers, lesquels furent amenez à Chosroes, qui les fit passer par les piques: toutesfois si entre les autres il trouua quelques Turcs, il les enuoya à Byzance à l'Empereur. Et ainsi les compagnies Romaines ayans debellé Varame, lequel tout seul comme vn vilain s'en estoit fuy de la bataille, remirés mains de Chosroes son Royaume, & l'accompagnerent iusques en son palais Royal. Et quand il fut assis en son thronne, parlant à soy-mesme en presence des Romains, dit: Roy Chosroes il te faudra auoir perpetuelle memoire & souuenance de ce iour, & rememorer diligemment avec toy, que les Romains te donnent le Royaume des Perses. Et craignät que ces Perses ne luy dressassent quelques embuscades, il demanda à Maurice mil soldats Romains pour sa garde: lesquels benignement luy furent octroyez. Tantoist apres les Perses pendirent Sirtas à vn gibbet, & se departans de Martyriople la rendirent en l'obeissance des Romains, avec le chasteau de Daras. Quant aux Turcs que Chosroes enuoya en Constantinople, l'Empereur voyant qu'ils estoient marquez au front de croix imprimees & faictes de peinture noire, il interrogea la cause pour quoy ils portoyent les signes & marques qu'ils ne reueroyent pas. Iceux respondirent que long temps parauant il y auoit eu vne contagieuse peste en Perse, & tout leur pays, de laquelle par ce que mouroyent tous ceux qui en estoient frappez, aucuns Chrestiens qui viuoyent entre eux persuaderent aux autres que s'ils faisoient telles marques, bien leur en prendroit, & feroient que leur pays seroit sauüé & deliuré de telle peste & contagion: & ainsi l'auoyent faict. Voila quelle issue prindrent les faicts d'Hormisdas & de Chosroes, Rois des Perses.

*Narse gouverneur des Romains pour Chosroes contre Varame. ·:· Six mil surmontez, furēt amenez à Chosroes. Diacre. Narſe vouſlant retourner en ſon pays, diſt à Chosroes: Aye ſouuenance de ce ſte iournee, car les Romains te baillent ton Royaume. Diacre. Les Turcs ont porté quelquefois le ſigne de la croix.*

*Des croix que Chosroes enuoya à Gregoire Antiochien, & ce qu'il en eſcruiſit.*

CHAP.

XXII.



Pres que Chosroes fut remis en bonne possession de son Empire, il enuoya à Gregoire, Euesque d'Antioche, la croix que Theodore, femme de Iustinien, auoit fait forger de grande quantité d'or, & enrichir de belles pierres precieuses pour dedier à Dieu en l'honneur du victorieux Martyr Saint Serge: mais Chosroes pere d'Hormisdas l'auoit rauie & emportee de Sergiople, ensemble avec d'autres ioyaux & vaisselle, comme il est dict par cy deuant. Il enuoya aussi avec la dessusdicté croix, vne autre croix que Chosroes fit faire d'or, bien pesante, avec vn tableau graué & escript en termes Grecs comme il s'en suit: Nous Chosroes Roy des Rois, fils de Hormisdas, du temps que nous nous retirasmes en la Romanie à cause de l'instigation diabolique & mauuaise entreprinſe du tres-meschät & desloyal Varame, & des cheualiers qui estoient à sa suite, & pour ce que ce mal-heureux Zadepram s'acheminait avec vne armee droict à Nisibele pour diuertir & attirer à soy les Cheualiers de la partie Nisibene, afin qu'ils nous resistassent, & prissent les armes contre nous, despeschasmes aussi nostre cheualerie & l'enuoyasmes à Charchas avec le conducteur: & pour la bien-heureté & bonne encontre du venerable & celebre Saint Serge (car nous estions bien & deuëment informez qu'il estoit docteur & collateur de tout ce qu'il seroit requis par vœux & prieres) fismes vœu expres le septiesme iour du mois de Ianuier, l'an premier de nostre regne, Que si nostre gend'armerie pouuoit mettre à mort ce Zadepram en la bataille, ou du moins le prendre prisonnier, nous enuoyrions en l'Eglise du bon saint Serge vne croix d'or, enrichie de pierres, pour l'amour de son nom venerable. Et d'autant que le neufiesme iour du mois de Februrier ensuyuant, la teste de nostre ennemy nous fut apportee entre nos mains, & que nous demeurasmes obligez à payer le vœu faict, par ce que nous estions venus à bout & iouissance de nos desirs & souhaits, nous à fin que ce faict soit manifeste à tous, auons enuoyé en l'Eglise saint Serge pour la reuerence de son nom honorable, ceste croix faicte & forgee expressement à nostre mandement, quant & quant celle qui parauant aussi auoit esté donnee en la mesme Eglise par Iustinien Empereur

CCcc ij

# LIVRE XVIII. DE L'HIST. ECCLESIASTIQUE

des Romains, & laquelle du temps de la guerre suscitée entre ces deux Royaumes fut transportée en ce pays par Chosroes Roy des Rois, nostre ayeul, fils de Cabade, & trouuée en nos Chrétiens. Chosroes donc enuoya ces deux croix avec telle inscription: lesquelles furent apportées à Gregoire qui les receut du consentement de Maurice, & avec pompe & grande assemblée les dedia & posa deuotement & religieusement au temple de ce Martyr, sans faire difficulté ou penser que l'Eglise receust quelque detrimment pour ioyaux venans des Ethniques & Payens.

*Des autres dons que le mesme chosroes enuoya à saint Serge Martyr.*

CHAP.

XXII.

*Bassin d'or  
enuoyé par  
chosroes à  
S. Serge.*

*Euag. li. 6.  
chap. 21.*



Velque peu de temps apres, Chosroes donna encore d'autres ioyaux bien forgez & ouuragez de main de maistre, & les enuoya au sacré temple de ce saint Martyr: mesme vn bassin d'or massif de poix & pesanteur non petite, auquel estoit engtauee en termes Grecs telle sentence: Moy Chosroes Roy des Rois, fils de Hormisdas, j'ay fait grauer en ce bassin ce qui s'ensuit, non pas pour estre veu & prisé des personnes, ny pour paroistre & rendre plus venerable par ce mien escript la grandeur de vostre saint nom, mais pour la verité du fait & pour l'amour de tant de graces & biens faits qui me sont aduenus de vostre part: car i'estime beaucoup & repete au lieu de grande felicité que mon nom escript en vostre sacree vaisselle soit porté & publié çà & là. Quand i'estois en Berames ie vous fis requeste & priere, homme tres-saint, afin de me donner confort & que par vostre moyen ma femme, Sire, conceust en son ventre. Et combien qu'elle fust Chrestienne de religion, & moy Ethnique, & que les nostres loix ne nous permissent la liberté de l'auoir pour femme & espouse: toutesfois i'ay eu en mespris les loix, à cause de la singuliere beneuolence que ie vous portois, tellement que de iour en autre ie l'ay tousiours tenue & la tiens pour le present en vraye & sincere amitié entre mes femmes. Et pour ceste cause il m'a semblé bon, homme tres-saint, implorer vostre ayde à ce qu'elle conceust & portast enfans. Or ie vous faisois telle requeste & l'asseurois par ce vœu, Que si Sire, deuenoit enceinte, ie porterois en personne en vostre temple venerable la croix qu'elle porte ordinairement: mais, Sire & moy nous auons aduisé de la retenir par deuers nous, afin d'auoir tousiours deuant nos yeux souuenance de vostre nom, saint glorieux: & auons arresté qu'au lieu de ceste croix qui de prix & estimation ne valut pas d'auantage de quatre mil & quatre cens stateres, enuoyer cinq mil stateres. Or depuis que i'eus fait ce vœu, & que ie pensois en mon esprit d'ainsi l'executer, iusques à ce que vinsmes à Rosochosse, il n'y eut pas d'auantage de dix iours: & toutesfois, homme de Dieu, m'apparustes en vision nocturne, non que i'en fusse digne, mais de vostre benignité: & me distes par trois fois, que Sire porteroit enfans. Et dès lors en la mesme vision ie vous fis responce par trois fois aussi, que c'estoit bien fait. Et pour ce que vous auez coustume d'octroyer les demandes, dès ce iour là il n'est aduenu à Sire selon la coustume des femmes. Il est bien vray que quât à moy i'en eusse eu doubte, n'eust esté qu'adioustant foy à vos promesses & croyant que vous estiez saint, & donniez ce qu'on vous requeroit, ie congneus l'efficace de la vision & verité de voz paroles, en ce que dès l'heure mesme le flux des fleurs de Sire auoit cessé à decouler. Parquoy pour les causes susdictes elle a enuoyé pour consacrer en vostre temple & la croix & le prix d'icelle, duquel prix & poix i'ay fait faire ce bassin & vn vase pour le seruice diuin & sacrez mysteres: aussi vne croix pour estre fichée & attachée en la sacree table, & vn encensoir, le tout d'or: & vn amphithyre, claustrure ou grille d'otée seulement, d'ouillage <sup>a</sup> Hunique. Quant à l'autre vaisselle de ceste estimation, ie l'ay dediée en vostre saint temple, à ce qu'il vous plaise, ô homme saint, par la vostre felicité & heureuse fortune donner ayde à moy & à Sire en nos demandes, & principalement nous fauoriser en la presente requeste, & que le bien qui nous est aduenu par vostre intercession, succede à bon fin selon la vostre misericorde & bonté, & selon la mienne volôté & de Sire: afin qu'elle & moy, & consequemment tous les hommes du monde, nous ayons esperance en vostre vertu & puissance, & mettions en vous nostre fiance. Voila qui estoit engraue en la vaisselle que enuoya Chosroes: ce qui, par la volonté du Dieu souuerain, lequel dispense & gouuerne toutes choses d'une façon ineffable & incomprehenfible, n'est pas fort esloigné du propos de la prophetie de Balaam, afin que mesme par la confession des Grecs & Gentils fussent publiees, creuës & enseignées doctrines & enseignemens tant salutaires.

<sup>a</sup> Hunique) Il me semble que cest Amphithyre Hunique estoit une cloustrure ou grille à l'entour du grand Autel, à fin que le peuple ny entrast aucunement: en laquelle fermeture il y auoit deux entrées d'ouillage Hunique.

Comme

*Comme Naamane prince des Saraceniens receut le Christianisme.*

CHAP. XXIII.



Vand Chosroes escriuoit tels propos & enuoyoit tels presens à saint Naamane  
Serge, Naamane duc des Scenites, Barbares, méchant paillard, execra- *avec les siens*  
ble & vilain, ou plustost le plus damnable de tout le monde, addonné à *reçoit le*  
la superstition ethnique & payenne, de façon que mesme de sa propre *Christia-*  
main il assômoit les personnes & les immoloit sur des autels à ses dieux, *nisme.*  
fut esprins, contre toute opinion, de l'amour & deuotion d'un seul Dieu,  
& par le moyen d'une vision soudaine & inopinée embrassa les ceremo-  
nies & sacremens des Chrestiens, & par le sacré lauement qui luy fut  
appliqué receut la regeneration de la natiuité temporelle & le renou-  
uellement celeste : & fit baptizer avec soy tous ses peuples suiets, qui estoient innombrables  
pour la multitude, apres qu'ils furent instruits & enseignés de toutes les ceremonies qui appar-  
tiennent à nostre religion. Or apres que Chosroes eut dédié & fait porter les croix que nous  
auons dictes, Gregoire par la volonté diuine trauersant tout le desert qui s'appelloit Limetare, *Gregoire*  
& visitant tous les lieux es enuiron, fit tant qu'il extermina la faulx & peruerse heresie de Se- *Antiochie*  
uere, laquelle auoit prins force & accroissement en plusieurs endroits : & proposant & pres- *extirpa l'he-*  
chant la saine doctrine es Eglises, reduit beaucoup de villages, bourgades & grand nombre de *resie de Se-*  
gens, voire du clergé & des monasteres, à la vraye discipline & louable coustume & mode de *uere.*  
viure des fideles catholiques & bien sentans de l'Eglise.

*De saint Simeones Thaumastorite; c'est à dire; qui demouroit sus une montaigne admirable.*

CHAP. XXIIII.



E temps pendant que Gregoire faisoit ce voyage, nouuelles luy furent *Simeones*  
apportées que Simeones, en la montaigne admirable estoit au lié mala- *Columelle.*  
de en danger de la mort, & tiroit à la fin tant qu'il pouuoit. Qui fut cau- *Cestuy n'est*  
se que de pleine course il print son chemin droit à luy, pour saluer & di- *pas le mes-*  
re à Dieu à ce saint homme pour la dernière fois : mais il n'eut pas la *me Simeo-*  
iouissance de ses desirs. Or ce Simeones surpassa de beaucoup en vertu *nes dont est*  
toutes les personnes qui estoient de son temps, comme celuy qui dès le *faiste men-*  
commencement de son aage entreprit la maniere de viure au *tion, au lieu.*  
d'une colonne : & mesme on seme le bruit que les premieres dents de *14. cha. 15.*

laist luy cheurent & changerent comme il estoit desia sur ceste colonne, en laquelle il monta  
en la maniere qu'il s'enfuit. Il estoit encore fort ieune & delicat comme tout en ioüant & saute-  
lant il grava & grimpa au hault de la montaigne pour en ce lieu imiter & ensuyure vn precep-  
teur auquel il estoit recommandé. Et ayant à la rencontre vne beste sauage qu'on appelle vn  
Leopard, il print sa ceinture & l'en lia par le coler, & le mena en main tout aussi aisément que  
s'il l'eust forcé & contraint avec vn gros licol, & l'acconduit & tira iusques au lieu de la demen-  
te, sans qu'il regimbast ou fist le farouche aucunement. Ce que voyant le precepteur qui desia  
demenroit & passoit sa vie sur vne colonne, luy demanda quelle beste il menoit : & il respondit  
que c'estoit vn chat. Et de ceste coniecture ce maistre inferant quel personnage ce pourroit estre  
& de combien grande vertu & estimation, il le receut sur la colonne. Et ainsi passant le temps  
de sa vie de façon si religieuse, perseuera soixante & huit ans tant sus ceste montaigne que sus  
vne autre. Il receut diuinement infinis dons de graces : car il chassoit les diables, il guerissoit tout  
incontinét ou par oraison ou par attouchement de sa main toute sorte de maladie : il preueoit &  
predisoit les choses futures tout ainsi que presentes : comme mesme il fit entendre à Gregoire  
qu'il n'assisteroit point à sa mort, & que puis apres il n'auroit cōnoissance de ses faicts. Et quād  
Euagre d'Epiphanie se tourmentoit pour la perte de ses enfans, & faisant discours en part soy *euag. li. 8.*  
ramenoit en doute la cause pourquoy il n'en aduenoit autant aux Grecs & aux Gentils qui a- *chap. 24.*  
uoient tant d'enfans, combien qu'il ne descourist ny teuelast à personne telles foles pensees,  
toutesfois Simeones luy enuoya lettres par lesquelles il l'aduertissoit de se deporter & oster de  
son entendement ces resueries, & que tels pensemens ne pouuoient aucunement estre agrea-  
bles à Dieu. La femme d'un notaire ou escriuain du mesme Euagre auoit perdu son laict qui luy  
estoit tary, en sorte que son petit enfant estoit en danger de perdre la vie. Mais ce Simeones mit  
seulement sa main dans la main dextre du mary, & luy ordonna d'en attoucher les mamelles de  
sa femme. A quoy obeissant, le laict luy reuint & sortit incontinent comme de quelque fontaine  
de si grand roideur & en telle abondance que le vestement de la femme en fut tout mouillé &  
atrempé. Aussi vn Leon chargeant sur son dos vn petit garson que ses compagnons auoyent

CCcc iij

# LIVRE XVIII. DE L'HIST. ECCLESIASTIQUE

laissé de nuit par ignorance en la forest, le porta sans l'offencer iusques en l'hermitage de Simeones, par l'aduertissement duquel estans sortis la mesme nuit les seruiteurs de ce ieune fils, le remenerent iusques en la ville ainsi qu'il estoit monté sur le Leon, duquel il fut gardé & sauué de danger. Il fit d'auantage plusieurs autres miracles memorables & presque infinis, pour lesquels descrire plus amplement, seroit requise plus longue espace de temps, & vn langage plus eloquent & mieux paré que le mien: & qui plus est en vn volume peculier & à cẽ destinẽ. Bien vray est qu'ils sont ja publicz & mis en congnoissance de chacun (combien que ce ne soit si doctement que la grandeur des faits le requeroit) par Simeon le Maistre qui les a mis en lumiere, duquel le liure est robé mesme entre mes mains & l'ay veu & leu, non sans m'esmeruiller grandement & avec estonnement de la multiplicité & effect des œuvres & miracles de ce saint homme. Car toutes gens non seulement du ressort de l'Empire Romain, mais aussi (pour dire vray) du pays des nations les plus Barbares venoyent souuent à luy, & en receuoient incommẽment le fruit de ce qui leur estoit besoing. Les rameaux & petites branchettes des taillis qui croissoyẽt en la montaigne, luy baillerent tout le temps de sa vie nourriture meilleure & plus excellente que toute autre viande & breuage.

*Simeon le Maistre, a descript la vie saint Simeones.*

*De sainte Golinduch, laquelle soustint le combat de martyre, en Perse.*

*CHAP.*

*XXV.*

*Sainte Golinduch sur uesquit apres les martyres.*



N ce temps là non seulement les hommes estoient celebres & en grande reputation, mais aussi florit & eut grand bruit en sa vie Golinduch, fille de Magiciens de Perse, sçauoir est, d'Asinodoch son pere, & de Myzuch sa mere: & selon la religion d'iceux faisoit honneur & seruice, cõme à Dieu, au feu & autres abominations Persiques, & s'addõnoit mesme à la folie des idolatres, & à l'art magic detestable & maudit de Dieu. Or fut elle donne en mariage à l'vn des premiers hommes du Senat, duquel elle engendra deux fils: Et trois ans apres estant rauie en ecstase & hors de son entendement, fut ce pendant instruite & enseignee par vn Ange, du diuin mystere de la dispensation de nostre salut: A cause dequoy estant mise es mains des enchanteurs, par lesquels fut fustigee & affligee de diuers tourmens (qu'elle surmonta tous vertueusement) fit miracles infinis & signes merueilleux à la conduicte de l'Ange, qui souuentresfois la visitoit & sollicitoit, à fin qu'elle portast patiemment toutes les peines. Elle decourrit aussi & meit en clarté moult de choses secretes & couuertes, comme celle qui auoit de Dieu la grace de science & prouidence des choses futures. Or apres que par diuerses annees fut ainsi tourmentee, elle, desirant receuoir la couronne du martyre, l'Ange qui tant souuẽt luy assistoit, apparut & amena vn ieune homme avec vne espee pour satisfaire à son desir: car au commandement dudit Ange il luy trencha la teste, si que le sang qui decoula de la gorge couppee, se espandit en sa chemise de lin, qui fut ensanglantee iusques au droit des cuisses: laquelle chemise estant gardee, fit tant de miracles qu'ils sont innombrables: Et quant à ceste Dame, elle demeura encore long temps suruiuant, apres que la teste luy fut couppee: & vint iusques à Circese & à Daras, es marches & terres des Romains, où elle fit quelque seiour: puis, elle passa iusques en la cõtree de Ierusalem, & donna spectacle de grande nouueauté à tous les fideles, ainsi portant en son corps, encore viuant, les marques & cicatrices receues pour l'amour de Iesus Christ: Et ainsi affligee griefuement des peines du martyre, alloit deçà delà par toutes les villes, à la conduicte de l'Ange qui la precedoit, sans vser de medecine ou prendre aucun remede contre son mal & blessure, sinon du seul lauement naturel des estuẽs: Et apres qu'elle eut conuertý tous ses domestiques & plus familiers, & amené à la foy de Iesus Christ plusieurs autres personnes, finalement decedant à Hieraple, passa de ce siecle à la vie immortelle. Or comme elle viuoit encore, l'Empereur la manda en sa ville, mais elle ne tint comte de son mandement. Estienne Euesque Hierapolitain, lequel eut grande accointance avec elle, a descript sa vie, en ayant aprins & entendu tout le discours de sa bouche: mesme assista à sa sepulture & conuoya le corps avec grand honneur & pompe funebre.

*La teste coupee nõ separee du corps*

*Comme apres Gregoire, Anastase Sinaite, receut le siege Episcopal: & d'autres prelates.*

*CHAP.*

*XXVI.*

*La mort de Gregoire Antiochie.*



Lors aussi, Gregoire maladiẽ & demeuré du mal des gouttes qui le tourmentoit, ayant prins medecine qu'on appelle Hermodactyle, que luy bailla vn certain medecin, deceda de ceste vie. Or mourut il durãt que Gregoire successeur de Pelage, presidoit au throsne Papal de la vieille Rome: & du temps que Iean le leufneur, gouuernoit l'Eglise en la nouuelle Rome, duquel nous traiterons encore icy apres: & lors qu'Euloge estoit Euesque d'Alexandrie. Apres ce Gregoire,

*Ana-*

Anastase fut restitué en son siege, en ayant esté priué par l'espace de .x. vingt trois ans. Plus, .x. cy apres Iean adonc obtenoit la dignité Hierarchique en Ierusalem, auquel peu apres Neame succeda par *chap. 44. il* mort, en l'euesché. C'estoit l'an douziesme del'Empire de Maurice. Voylà que nous auions à *dit 33. ans.* dire de ces choses.

*Ce que predict Chosroes de l'Empire des Romains, & ce qu'il annonça à Probe, Euesque de Calcedone, touchant la Mere de Dieu.*

## CHAP. XXVII.



Je veux aussi discourir en nostre histoire & faire mention tant proprement qu'il me sera possible d'un fait notable de Chosroes, que j'ay presque laissé en arriere. La guerre donc qui fut tant aspre entre les Romains & les Perses, auoit prins fin par les pactions & traictés de paix que les parties entretenoyent également aussi bien d'un costé que d'autre. Or si ne me veux-je tant oublier ny commettre si lourde faulte que ie n'expose ce que Chosroes, qui auoit tant trauaillé & s'estoit si long temps exercé en la vaine Astronomie & intelligéce des choses futures par le mouuement des Astres, a predict par diuination, mesme le bruit est qu'au plus fort de la guerre, il l'annonça lors à Iean, capitaine des compagnies de l'Armenie. Car comme il arguoit Chosroes & le reprochoit, qu'il estoit de mœurs sinistres & mal-heureuses, de iugement & conseil aliene & inepte à executer quelque bon affaire, & qu'il ne falloit qu'un Roy fust si couard & de si puelle courage, on dit que ce Barbare respondit à son capitaine tels *predict de* propos : N'estoit que les temps me sont tant contraires, & si faut ainsi parler, exercent leur ty *Chosroes* rannie & cruauté en mon endroict, tu ne serois si outrecuidé que de reprendre & brocarder le *touchant* plus grand Roy & Seigneur terrien de tout le monde: mais puis que tu es si haultein, & te glo- *l'Empire* rifies si fort és choses presentes, entends & ne sois ignorât de ce que les Dieux ont constitué & *Romain.* arresté touchant les tēps futurs. Les calamitez & infortunes redonderont sur vous, Romains, & la gēt Babylonique apres trois sepmaines d'annees passees, dominera sur la republique Romaine: Et conséquēment en la cinquiesme sepmaine des annees, les Romains subiugeront & redigeront *Probe, eues-* les Perses en seruitude. Cela ainsi accōply, viēdra aux hōmes ceste iournee sans vespre, & appro- *que de cal-* chera la fin del'Empire rāt desirée, auquel tēps toute peruersité & corruptiō de mœurs sera extir- *cedone:* pée, & aura lieu la maniere de viure selon le cōmandement de Dieu. Je ne dois aussi passer outre sans faire memoire de la prediction tant admirable que le mesme Chosroes fit à Probe, nouuellemēt promu & esleué à l'euesché de Calcedone, quād il fut enuoyé par Maurice à Ctesiphon. Il le mādā donc en son palais enuiron le midy qu'il faisoit bien chauld, & estāt en sueur qui luy *Vision no-* degoutoit par tout le corps, pria cet Euesque de luy monstrier vne image & pourtrait de la *urne de* Mere de Dieu: Et tout soudain il fit veoir à ce Roy des Perses vne effigie & image sacree de *Chosroes,* ceste Vierge mere qu'il portoit ordinairement depeinte en vn tableau: Et apres que ce Persan eut adoré & fait grande reuerence à ce tableau, il atesta que la nuit precedente le premier ex-  
 plaire, naif patron & original luy estoit apparu, & luy auoit promis & octroyé victoires sur :: Il semble Alexandre de Macedone. Lors l'Euesque Probe respondit à ce Roy, que telles victoires luy *que de ce* estoient aduenues long temps par auant, quand il fut restitué en son Royaume, apres auoir de- *lieu on puis* bellé & vaincu avec le secours, force & vertu de l'Empereur, les mal-heureux & pernicious ty- *se colliger* rans: & que s'arrestant à la promesse & serment qu'il auoit fait, s'il y restoit encore quelques re- *que cestuy* liques de ces vieilles briques cuites au feu, comme d'icelles il est escrit par le diuin Moysē, il en *est le der-* viendroit mesme à chef. :: Or puis qu'ainsi est que nous sommes tant retardez, & auons di- *nier liure* uerty le cours de nostre histoire en recitant les gestes & cōquestes de l'Orient, & que finalement *de l'histoi-* à l'ayde de Dieu, la guerre Persique a prins fin, il nous fault retourner à nostre propos & repren- *re Ecclesia-* dre le fil & la cōtinuation des faits & prouesses executees en l'Europe par l'Empereur: à ce que *stique de* nous venions au port & facions la conclusion de nostre entreprinse, & que nous nous deschar- *Nicefore,* gions & depeschions de la charge des actes Ecclesiastiques.

*Des faits & vaillances (en l'Europe) entre les Romains & Abares, desquels Chagane estoit conducteur.* CHAP. XXVIII.



Es compagnies donc estant reuoquees de l'Orient, Maurice s'embarqua *Les faits de* en perionne & partit de Bizance au commencement du prin-temps: & Maurice en quoy que les vents luy fussent contraires, & qu'il rencontrast beaucoup d'em *l'Europe,* peschemens qui le retarderēt, ce neantmoins il fit tant qu'il paruint en Anchiale: car il auoit entendu que les Abares y vouloyent descendre, apres auoir re-  
 ceu ceste table d'or, le spectacle de l'elephant, & la deliurancē & largesse de

# LIVRE XVIII. DE L'HIST. ECCLESIASTIQUE

*Prisce, con-  
ducteur des  
Romains en  
l'Europe.*

tant de talens d'or que l'Empereur pour avoir paix en ses pays, leur auoit baillez à leur requête. Et de là, puis apres, il aborda à Perinthe, qu'on appelle maintenant Heraclee, non toutefois sans tomber en maints perils, craintes & inconueniens de furieuse tempeste: en laquelle ville il s'acquita & fit religieusement son deuoir, remerciant sainte Glycere, martyre, qui là estoit reuersee en grande deuotion en son sacré tēple, hōnorablement basti. Ayant donc receu quelque desplaisir de la part des Barbares qui faisoient courtes sur ses pays, il ordōna Prisce gouverneur du camp en l'Europe, & de là, s'en retourna en la ville Imperiale. Et quant à ces nations des Abares & Sclauiniēs, ils passerent outre le Danube sous la conduite de Chagane, duc des Hūnnes, & trauersans le pays de Thrace & volans tout le meilleur, approcherent iusques à Heraclee: mesme, Prisce gouverneur se contenant à Turule, prindrent Didymotic par vne ruze & finesse de guerre. Mais l'Empereur empescha leur furie & impetuosité par vne autre inuention & subtilité admirable, faisant semblant d'aller sur leur pays avec vne armee nauale en bon equipage pour les surprendre. Chose qui leur causa grand' crainte, voire aussi les contraignit bon-gré, mal-gré, de tourner bride pour garder le leur. Et apres leur departement mit force bonnes garnisons de gens d'armes sur les passages du Danube, de peur que ces Barbares n'entraissent si facilement en Thrace. Prisce estant de retour à Byzance, fut accusé à fin de rendre & rapporter le butin qu'il auoit prins sur les ennemys, & deposé de la dignité & charge qu'il auoit des cōpagnies militaires, laquelle fut baillee à Pierre, frere de Maurice: mais par ce que cestuy mesme s'en acquita mal, selon la volonté de l'Empereur, en luy ostant cest estat qui fut rendu à Prisce, il le renuoya en sa maison. Prisce donc rompit en Europe les treues & conditions de paix accordees avec Chagane: car cestuy premier auoit prins les armes & recommencé la guerre, suprenāt les Romains, & faisant courtes & entreprinſes sur leur terres avec vne armee de multitude innombrable, & occupant par force beaucoup de chasteaux & fortes places. Mesme auoit il mis le feu en l'eglise de saint Alexandre, martyr, & meschant qu'il estoit, deietté les venerables reliques & ossemens de ce saint, & perpetrāt exces enornes & abominables, les vilipendoit & detestoit indignement. A raison de laquelle indignité & irreuerence il perdit sept enfans en vn mesme iour, comme estant à bon droit puny pour tels opprobres & contumelies. De là en apres, il passa le Danube du costé qu'il entre & se rend dans la mer, & y fit beaucoup de dommages, mettāt tout le pays en proye & saccagement: combien que Maurice au desespoir enuoya Cōmentiole, gouverneur pour conduire vne armee de plusieurs milliers d'hommes, contre ses forces: mais de peur des coups il se ferra vn vn chasteau de l'Occident, & là se contint sans faire aucunes embusches. Et de fait, long temps apres, Maurice enuoya ambassadeurs par deuers Chagane & luy persuade de traiter la paix.

*Punition  
d'irreuerence  
enuers les  
reliques des  
saincts.*

*Comme l'ambassadeur enuoyé de la part de Prisce à Chagane, proposant vn exemple ancien  
luy persuada d'accorder la paix pour la seconde fois.*

CHAP. XXX.

*Insolence &  
orgueil de  
Chagane.*



*Exemple  
fort perti-  
nent de l'in-  
constance  
& mutabi-  
lité de for-  
tune.*

Comme Chagane de tout son effort empeschoit Prisce, qui pour lors emmenoit grand butin, à ce qu'il n'outrepassāt le fleuve, Prisce luy enuoya vn Theodore, medecin, homme de bon cœur, subtil & prudent sur tous autres: lequel voyāt ce Barbare forcenant de rage, haultain, superbe, & d'un fast & arrogance se vantant si fort en ses dits (car vlsant de menaces, il se disoit le plus grand terrien & seigneur de toutes les autres nations) luy fit vn conte du temps passé, par lequel il abbaisa & appaisa son courage orgueilleux, barbarisque & sauagin, disant en telle sorte: Seigneur Chagane, faites moy ceste audience que d'escouter vn conte ancien, qui toutefois sera vtile: Sesoſtre, Roy des Egyptiens, de grand renom & bien fortuné en guerre, surmonta iadis & mit en sa puissance plusieurs & fortes nations: tellement que pour le succez & heureux progres de ses affaires, il s'oublia tant, & deuint si haultain, fier & orgueilleux qu'il se fit faire vn chariot d'or, enrichy de perles & autres pierreries de grand valeur, sur lequel estant monté le faisoit trainer par quatre Roys, contre lesquels il auoit gaigné la victoire, leur faisant porter le ioug. Et continuant par diuerses fois au mesme estat, il aduint vn iour de feste, que l'un de ces quatre Roys tournant sa venē regardoit tousiours en arriere, & contemploit le virement & mutabilité de la roue. Et Sesoſtre luy demandant la raison pourquoy si souuent il iettoit sa veuē en arriere pour regarder la rouē, on dit qu'il luy fit ceste responce: Je suis tout estōné & rauy en admiration, quand ie considere ceste rouē qui tourne d'une façon si muable & incōstante, qu'elle est maintenāt d'un costé & puis d'autre, & renuerse tantost le hault en bas, & au cōtraire remonte le bas en hault. Quand Sesoſtre entendit ceste responce, il ordonna que ces Roys ne tireroient plus sa coche. Lors ce Barbare souffriant monstra assez qu'il accordoit les conditions de paix, en sorte que Prisce, pour auoir passage, luy presenta vne bonne partie de ses despouil-



despouilles dont il print tout le meilleur : & luy signifiâ de ceder & se departir du domaine des Romains, car lors il estoit sur leurs terres. Mais ce Barbare repliqua qu'ils les auoyent perdues par armes & droit de guerre. Et comme Chagane estriuoit & noisoit ainsi familièrement avec Prisce, il luy reprocha comme par quelque blâme qu'il s'en estoit fuy de l'Orient.

*Discours assez long par vne digression & changement de propos, touchant l'origine des Abares : & comme ils descendirent de l'Orient en l'Occident. De la montagne Icar : aussi des mœurs & anciennes manieres de faire des Perses. Plus de ces villes Taugast & Gubdom, qu'on dit auoir esté basties par Alexandre de Macedone.*

## CHAP. XXX.



Vis qu'ainsi est que nous auons fait mention des Scythes Cauasiens & Septentrionnaux, encore pourrons nous bien discourir & faire entendre ce qui en est ensuyuy, comme par quelque maniere de narrations & additions, combien qu'elles n'appartiennent en rien à nostre histoire. Quelques années parauant Chagane, lequel estoit en grande estime & reputation des Turcs en Orient, ayant debellé par force d'armes le Prince & dominateur de la nation des Al-

*Histoires des Scythes septentrionnaux.*

*Chagane, victorieux des Abdelares.*

delares (quelqu'un les appellera autrement les Ephthalites) il se fit Seigneur de leur Empire. Estant enorguilly outre mesure d'auoir obtenu telle victoire, & s'associant au fait de guerre de Stemelschagane, subiugâ aussi & rendit subiecte à sa puissance la nation des Abares : non pas de ces Abares qui s'estoyent arrestez en l'Europe, & auoyent prins pied en la Pannonie, car faul sement ils s'attribuoyent ce nom, veu qu'ils s'estoyent là venus deuant le temps de Maurice, mais nous dirons peu apres d'où ils prindrent leur source, & d'où ils estoyent descendus. Ainsi, ces Abares estans vaincus & assubiectis à Chagane, ceux qui tenoyent bon à Taugast se sauuerent vers eux. Or estoit Taugast vne cité des Turcs, fort renommee, finitime limitrophe des Indes, de laquelle le peuple estoit vaillant sur tous autres, & n'y auoit nation en tout l'univers qui meritaist luy estre paragonnee & accomparee. Et de là passerent outre, iusques en la province voisine des Mucrites, qui estoyent gens aussi fort robustes & qui s'exerçoient ordinairement au labeur & à hazarder leur vie en diuers perils qu'ils soustenoyent virilement & de grand courage. Conséquemment, Chagane assaillit & gagna par force la gent de Sogor, tres-puissante & merueilleusement peuplee, laquelle habitoit le long du fleuve, appelé le Til, que les Turcs nommoient le Nigre, les plus anciens Princes, Ver, les autres Ouer & Cuni : desquels noms quelques nations mesme sont denommees. Or du temps que Iustinien imperoit, quelque partie des plus vaillants & principaux de ceste nation s'enfuyans, descendirent en l'Europe, lesquels se firent appeller Abares, & surnommerent leur duc & gouuerneur, Chagane, comme par grand tiltre d'honneur.

*Taugast, ville des Turcs.*

*Sogor, nation belliqueuse. Le fleuve du Til, &c.*

Tellement que quand ces peuples Hunnes, Barbares, Vnigures & les Saberes entendirēt qu'une bande des habitans de Ver & Cuni s'approchoit d'eux, ils furent bien estonnez, pensans que ce fussent proprement les Abares tant redoutez & craints, qui entrassent en leur pays : & pour ceste cause ils les gaignerent par presens, qu'ils leur baillerent, & par ce moyen demorerent en l'Albanie. Ces fugitifs donc considerans que ceste appellation leur conuenoit & seruiroit bien de là en auant, se denommerent tousiours Abares, pour ce que ceste gent entre les nations Scythiques, auoit le bruit d'estre la plus belliqueuse & fort aduicte à faire courses & brigandages sur les ennemys. Et ainsi, voylà comme ces faulx & contrefaits Abares diuisez & esgarez de leur naissance & pays naturel auoyent le nom partie de Ver, partie de Cuni. Or puis que nous auons traité de ces feincts & contrefaits Abares, il nous fault ramener à propos la suite de l'histoire.

*Deffuite de trente mil Barbares.*

Donc la nation de Sogor estant vaincue par guerre, & Tucoc, leur seigneur, mis à mort au tréchant de l'espee par Chagane, il y eut aussi bien .x. trente mil d'entre le peuple qui furent deffaits, de sorte que le carnage & multitude des corps demeurez sur la terre couchez l'un sus l'autre, retarderent & empescherent le passage par l'espace de quelques iours. Apres ceste victoire qui si heureusement succeda à Chagane, il s'esleua vne guerre ciuile entre les Turcs. Car vn nommé Turin, cousin de ce Chagane, qui ne brassoit ny machinoit autre chose que nouueantez, leua grande multitude de gens, avec la force desquels il donna iournee de bataille à Chagane, & en rapporta la victoire. Mais celuy faisant venir à son recours trois autres Chaganes, desquels il s'associa au fait de ceste guerre, pour aller contre ce Tyran, & luy donna si aspre & forte bataille en la region d'Icar, qu'entre les autres, qui en grand nombre y perdirent la vie, il fit mourir le Tyran, & recouura le pays de son obeissance. La ioye & gratulation de ceste victoire fut signifiée à plusieurs grands Seigneurs terriens, mesmement Maurice en eut aduertissement. L'exorde de la congratulation estoit de telle teneur : Le puissant Despote, seigneur des sept provinces & sept climats de la terre, à l'Empereur des Romains, salut. Or y auoit en Icar vne montagne, située du costé d'Orient, que les Perses appelloyēt, La montagne d'or, pour autāt qu'elle estoit

*.x. Ou trēte miriades.*

*Guerre ciuile entre les Turcs.*

*Montagne d'oren Icar.*

# LIVRE XVIII. DE L'HIST. ECCLESIASTIQUE

*La religion  
des Turcs.*

*Sept estats  
du peuple  
entre les  
Mediens.*

*Dare ou  
Hystaspis.*

*Taisan, Sei-  
gneur de  
Taugast.*

*Ordonnance  
profitable.*

*Alexandre  
le grand,  
fondateur  
de Taugast.*

*.. On my-  
riades.*

de grand rapport & tres-fertile, & y auoit force haras & nourriture de bestial. Ces Perles, par vn arrest qu'ils accorderent entre eux, adouuerent & donnerent ceste montaigne d'or au tres-puissant Chagane. Ils se glorifioient & vantoyent par tout pour deux choses, l'une que iamais ils n'auoyent esté persecutez de la peste ny de maladie contagieuse : l'autre, que peu souuent & comme point, aduenoyent tremblemens de terre en leur pays. Mais la region de Caath & celle de Sogdoane experimentoyent souuent, ainsi qu'on disoit, esbranlemens de terre & pestilences. Ces Turcs auoyent en grande reuerence le feu, & faisoient grand honneur à l'air & à l'eau & louoyent la terre en hymnes & cantiques & l'adoroyent seule : & aussi ils appelloient Dieu, qui a formé le ciel & la terre : & luy offroyent sacrifices des cheuaux, bœufs & brebis. Ils auoyent aussi des Prestres qu'on estimoit predire & diuiner les choses futures. Au pays des Mediens il y auoit sept estats qui expedioient & administroient les affaires principales : & loy antique qui ne permettoit de partir & conferer autrement les estats & offices. Tout premierement l'ordre & dignité des Arsacides estoit de retenir & administrer le Royaume & porter la couronne Royale : La noblesse succedoit en second lieu, qui auoit charge de la guerre : Les autres tenoyent le rang de Bourgeois, par la police des villes : Les gens de iustice estoient au quatriesme degré, constituez pour decider les controuerses & proces entre les parties, qui auoyent different de quelque chose où estoit requis vn Iuge pour le vider & appoincter : Le cinquiesme ordre du peuple, estoit de ceux qui auoyent le gouvernement de la cheualerie : Les autres apres leuoyent les cotisations & deniers imposez sur les subiects, & les resserroyent au thesor Royal, duquel ils auoyent la superintendence : Et le septiesme office estoit des commis sur les escuries du Roy, & de ceux qui gardoyent son hoqueton d'armes & autre equipage de guerre. Voilà les gens des ordonnances qu'on dit que Dare, qui autrement estoit surnommé Hystaspis, establit & deputa pour le gouvernement des affaires de sa cour. Au surplus, les Turcs qui lors sortirent du pays de Ver & de Cuni, entrerent à la foule en l'Europe, & en nombre pres de dix mil hommes s'accosterent des Abares, qui marchoyent sous la conduite de Chagane. Quand donc la guerre civile fut appaisée, ce Chagane administra heureusement l'Empire des Turcs Orientaux, tellement qu'il enuoya ambassadeurs vers les habitans de Taugast & moyenna la paix & bonne alliance avec eux, & mit son pays en repos. Le Prince & Seigneur de Taugast auoit nom Taisan, qui en nostre langue signifie autant que Fils de Dieu. Il maintenoit le gouvernement de ses terres sans troubles, seditions ny mutineries, d'autant que toutes les personnes luy portoyent honneur & obeissance. Ils auoyent des statues qu'ils reueroyent comme Dieux. Les loix entre eux estoient fort equitables & iustes : ils viuoyent sobrement tout le temps de leur vie. Ceste constitution laquelle portoit defense à toutes personnes de n'vser & se vestir de drap d'or, estoit estroitement gardee en leur endroit, combien que le pays, pour la commodité des trafiques, auoit grande plante d'or & d'argent. Sur les limites & confins, pour faire la separation de ce Royaume, passoit vne riuere entre deux peuples fort puissans, & entre eux merueilleusement contraires, car l'un portoit le noir & l'autre le rouge. Ceux qui s'habilloient de robes noires passerent outre le fleuve pour assaillir & mener guerre contre ceux qui se vestoyent de couleur rouge, & si rudement bataillerent qu'ils en obtindrent par force tout le Royaume, du temps que Maurice administroit l'Empire Romain. Les femmes de ce pays vsoient de coches d'or, tirees par bœufs l'un apres l'autre, bardez & couverts de drap d'or, embelly richement de perles & pierres precieuses : leurs robes aussi estoient de ruban d'or. Quiconque estoit Roy de Taugast, il pouoit auoir sept cens femmes, avec lesquelles il prenoit ses plaisirs la nuit. Quant aux Dames & Damoiselles mariees avec les gentils-hommes, elles se seruoient de lictieres ou chariots branlans, couverts de drap ou toille d'argent. Or ces Barbares affermyrent qu'Alexandre de Macedone auoit fait bastir ceste ville Taugast, lors qu'il assubiecit les Bactriens & Sogdoane, en laquelle il brusta douze .. mil Barbares.

On dit que le mesme Alexandre fit faire aussi vne autre ville, non pas fort loing de la susdite, appelée Chubdam, de laquelle, quand le gouverneur mouroit, ses femmes par vne ordonnance qui ainsi l'enioingnoit, le pleuroient toute leur vie, & iamais ne bougeoient d'apres du sepulchre, estans vestues d'une robe noire en deuil, & ayans la teste rase. Deux grandes riuieres passoyent parmy Chubdam, le bord desquelles estoit fort peuplé de beaux ciprez espez. Il y auoit beaucoup d'Elephans en ceste region. Les habitans trafiquoyent & exerçoyent leurs marchandises avec les Indiens, qui sont merueilleusement blancs de corps. Là aussi y auoit grande abondance d'une sorte de vers qui filent la soye de toutes couleurs, lesquels ces Barbares pensoient & traictoyent soigneusement.

Or à tant soit dit de ces choses, desquelles j'ay fait ce discours, non pas en vain & sans cause : car puis qu'ainsi estoit que j'auois fait mention de la gent des Abares, & de Chagane, leur chef & seigneur, & comme pour auoir outragé, si mal traité & irreueremment manié les reliques de saint Alexandre, il en receut punition : & recité vn fait tant admirable de la Mere de Dieu, pour ceste cause ay-je fait ceste digression & changé de propos, en remettant par

memoire

memoire ce que dessus. Mais maintenant nous ramenons nostre histoire à la barriere & lieu d'où nous sommes partis, interrompans la continuation de nostre entreprinse.

\* Tellement que quand ces peuples Hunnes, &c. Presque tous les peuples icy mentionnez, soyent Abages, Saberes, Barfils, Cunes & Vnigures, se rapportent & sont contenus au Royaume que le Roy de Hongrie tient maintenant en sa puissance.

*Ce que fit Maurice au tombeau de sainte Euphemie, notable martyre.*

CHAP. XXXI.



Aintenant veux-je ramenteuoir en ce lieu ce qui aduint à Maurice de la part d'Euphemie, louable martyre, c'est qu'il auoit si vaine pée & mau-  
*guet qui de*  
*couloit du*  
*corps de S.*  
*Euphemie,*  
*en Calce-*  
*done.*

on celebroit sa memoire, ce faisoit vn miracle merueilleux & digne d'estre remarqué, combien qu'il semble incredible à ceux qui ne l'ont veu: Car dès lors qu'elle soustint le combat & souffrit le martyre, & que son corps fut inhumé & resseré au monumēt, le iour mesme qu'elle endura, l'euesque du lieu tiroit avec des esponges, en presence de tous les assistans, vne liqueur de sang du corps de la defuncte: Sang, dy-ie, que vous eussiez peu iuger estre comme de la boüe & corruption des playes de quelque corps freschement tué, & comme s'il eust esté composé de quelques parfuns & senteurs naturelles, & ainsi qu'elles venoyent d'elles mesme, ce Prelat les mettoit & diuisoit en petites phioles de verre & les distribuoit au peuple qui là abordoit. Or, comme i'ay dit, Maurice ne vouloit pas croire ce qu'il en oyoit dire, ains par vne legereté d'esprit reuoquant le tout en doute, destourna & osta le parement d'argent de dessus le sepulchre de la martyre, & puis le cacheta de son seel Imperial: car ainsi luy plaisoit par son audace & incredulité: Et quand le temps à ce requis approcha, il print bien garde à rechercher curieusement ce mystere, & aduiser soigneusement d'experimenter le miracle: Et voylà soudain que le sang entremeslé de senteurs odoriferantes, sourdit du monument cōme les autres fois, en façon d'un petit ruisseau, si que les esponges en furent remplies: mesme, par la grace de la bone Dame, lors decoula en plus grande abondance: tellement que par ce moyen elle reprint & corrigea l'incredulité de l'Empereur: lequel aussi mouilla ses doigts au sang & s'en arrousa par sainteté: & de fait & realement estant persuadé & induit à croire ce miracle, de là en auant donna louage à haulte voix à la sainte Martyre, l'ayant tousiours en singuliere admiration.

*Curiosité de*  
*Maurice.*  
*Li. 15. ch. 3.*

*D'un miracle digne d'estre escrit, qui aduint à Heraclee ou Perinthie, au monument de sainte Glycere, duquel sourdoit vne sorte d'unguent.*

CHAP. XXXII.



Le ne sera impertinēt ny hors de propos, si aussi ie conioins & annexe de semblable  
*miracle de*  
*mesme vn-*  
*guet, sortāt*  
*du tombeau*  
*sainte Gly-*  
*cere.*  
 fuyte au miracle de la noble Martyre susdicte, le signe merueilleux de sainte Glycere, qui aussi fut martyre admirable. Vn certain personnage nommé Paulin, yssu de baslignage & pauvres parés, mais nourry & bien enseigné es bonnes sciēces, fut surprins manifestement & trouué estre addonné & plongé en l'abyssme & malefice des meschās enchanteurs & sorciers. Ce Magicien donc auoit vn bassin d'argent, auquel, execrable qu'il estoit, il receuoit le sang abominable, pour s'en seruir quand il voudroit parler avec les malings & apostats esprits: & contrainct par quelque necessité, il le vendit aux orfeures qui luy en baillerēt argent contant suyuant le marché fait, puis l'estallerēt & meirent en monstre sur leur ouutoirs, pour faire enuie & donner libre occasion aux passans de l'achepter. Or aduint il que Perinthie, pour lors, Euesque de Byzance, l'acheta à la bonne foy, ainsi que la vendition s'en faisoit. Son marché fait, se retira en son Euesché: & pour la reuerence & deuotion qu'il auoit à vn vnguent qui distilloit de la tombe S. Glycere, osta vn bassin de cuyure qui y estoit, & posa au lieu celuy d'argent, le pensant plus honneste & conuenable au seruice de cet vnguent, qui ainsi diuinement decouloit. Voylà vrayement qu'il en fit à bone intention: mais le decoulemēt de l'vnguent se tarit, car la sainte Martyre, de restāt

## LIVRE XVIII. DE L'HIST. ECCLESIASTIQUE

ce piacle & cas tant enorme, en retint le cours & fit cesser la grace & don de Dieu. En quoy elle monstroir assez, ou disoit sans parler, qu'il n'estoit aucunement licite ny plaisant à Dieu que la chose nette & munde, fust touchée de la prophane & immûde. L'euesque donc voyat par plusieurs iours que cest onguent ne venoit plus, il en fut fort esbahy, & de fascherie pensoit tacitement en son esprit, que pour quelque sienne faulte l'eglise seroit priuée, d'un si grâd bien. Et pour tant il eut recours & se conuertit à penitence & prieres, & fit humble requeste à Dieu, qu'il luy baillast allegeance de son grief ennuy, & qu'il reuelast la cause latente & secreete de ceste retenue. Et de fait, Dieu voulant descourir & oster l'abomination & horreur, & de sa misericorde auoir pitié de la faulte cômise par ignorance, il reuela à l'euesque & luy fit entédre au vray l'enormité de ce bassin. Et tout incontinet apres, il retira & osta la vaisselle d'argent & remit celle d'airain en son premier lieu, ainsi que si elle eust esté simple & comme vierge & immaculee chambriere en vn seruice tant religieux & deuot. Et voylà que soudain l'onguent sourdit de rechef, & que la liqueur miraculeuse sortit en abondance. Or ce fait tant execrable & digne d'expiation fut publié manifestement par tout, & fait notoire à chacun, cômme s'il eust esté graué es colonnes publiques, & à la ville fut baillé los & gloire cômme elle meritoit. Mesme l'Archeuesque de la principale ville, sçauoir est, Iean, le Ieufneur, en fit le recit à l'empereur: & par ce qu'il taschoit corriger & extirper ce vice d'incantatiôs & enforcelemens, par penitence & amendement il incita à punir seuerement & de supplice de mort ceux qui en seroyent trouués chargez & conuaincus: de sorte qu'il fit assembler son côiueil en grand nombre de Iuges pour aduiser sur le fait & en ordôner ce que de raison. Les charmeurs d'oc & malings enchâteurs furent menez prisonniers en grâdes troupes, & conséquement condânez à la mort apres estre guiesuement tourmêtez cômme ils meritoyent. Entre lesquels ce Paulin fut pendu en vn gibet & mourut ignominieusement, apres auoir veu deffaire son propre fils: car il l'auoit endoctriné en telle malice & impostures qui n'amenent que malencôtre. Et voylà cômme cela est aduenue. Or ie veux aussi remarquer vn fait si merueilleux qui surmôte toute opinion, aduenue au mesme tēps de la part de la mere de Dieu.

*Vengeance diuine & punition condigne contre ceux qui mesdisoyent  
de la sainte & immaculee Mere de Dieu.*

CHAP. XXXIII.

*Exemple de  
blaspheme  
contre la  
vierge Ma-  
rie diuine-  
ment & hu-  
mainement  
puni.*



Comme quelques Grecs ou Gentils, banquetans les vns avec les autres en la maison d'un certain homme, & s'entresemondans à boire, eurent assez yrongné, ils commencerent apres le repas à blasphemer & outrager de paroles iniurieuses la Mere de Dieu, l'estudians à l'issue de leur table & beuuerie chacun d'eux se mocquer, jargonner & desgorger choses indignes & absurdes par derision contre le mystere de la dispensation & ordonnance de nostre salut & redemption. Mais ceste meschaceté & mépris de Dieu estant venu en congnoissance, ils receurent peines condignes à leur ordes & des-honnestes paroles. Et quant à l'hoste & maistre de la maison où ces vilains estans logez auoyent exercé tant de blasphemes & impietez, il eschapa, ou pour ce qu'il obseruoit les ceremonies & sacremens de nostre religion, ou pour ce qu'il aduint par cas fortuit. Mais quelque peu de temps apres, la Vierge Mere s'apparut à luy en vision nocturne quand il dormoit, & l'ayant interrogué diligemment s'il ne congnoissoit point qui elle estoit, ainsi qu'il eut donné responce & confessé, que bien il la congnoissoit, elle luy ramenteut & remit en souuenance l'indignité & outrage des contumelies & iniures. Et adonc ce pauvre homme la supplia affectueusement de luy porter faueur & ayde, luy demanda pardon de la faulte, & la pria que si tost il ne fust puny à mort, mais qu'il luy fust baillé delay & quelque temps pour faire penitence. Elle luy promit de satisfaire à sa requeste, & que pour l'heure il ne souffriroit mort pour punition de son mesfait: mais ce pendant elle imprima des marques & rayes sur ses genoux comme les decoupant d'une poingnee d'osiers qu'elle sembloit tenir en sa main. Cela fait, elle s'en partit vistemment & ne la veid onques puis. Mais luy esueillé de son sommeil fut bien esbahy quand il apperceut ses membres de verges decoupez en telle sorte que le sang en deconloit recentemente. Ainsi sortant de sa maison publia deuant toute iuste iugement de Dieu executé en sa personne: & ceux qui en entendirent les nouuelles, le louerent & remercierent du miracle tant inopinément aduenue. Aussi glorifierent la Mere du Verbe, laquelle auoit tousiours en recommandation la defense & protection des Chrestiens, & laquelle à fin que nostre religion demeure stable & ferme demonstre aucunement & comme par contraincte l'affection qu'elle nous porte, en ce qu'elle nous punit, bié que ce soit côtreson naturel.

*À la fin de ce present liure est adiouste une annotation prise de Suidas, touchant Constantin Copronyme, Empereur de Constantinople: lequel long temps apres gouuerna cest Empire, & fut merueilleusement iniurieux enuers la Vierge Mere. Le fait conuient au propos de ce chapitre.*

De

*De saint Jean le Ieuſneur, Archeueſque de Conſtantinople.*

C H A P. XX XIII.



Nuiron ce meſme téps, apres que Jean, prelat de Conſtatinople, eut fait ſon deuoir en ſa charge Epiſcopale par l'eſpace de treize ans, il deceda de ceſte vie: lequel à raiſon qu'il gaigna la victoire ſur les voluptez qu'il reprima & reſtraingnit les perturbations & affectiōs de l'eſprit, & qu'il ſceut retenir cōmandement ſur ſon ventre & dominer à gourmandiſe, fut ſurnommé Le Ieuſneur par ceux de Byzance: il eſtoit hōme iſſu de parens de baſſe condition & artizans honneſtes, mais par ſa vertu qui le rédoit eſmerueillable, il fut auacé à la dignité Epiſcopale. On recite pluſieurs de ſes ſaiſts memorables, mais entre les autres eſt grandemēt priſee la ſinguliere affectiō & compaſſiō qu'il auoit des pauures: qui eſtoit telle que pour grande ſomme d'argent qu'il print à emprunt de l'Empereur, il en bailla cedula par laquelle il enga-  
*La mort de Jean le Ieuſneur.*  
*pource eſtoit il appelé d'aucuns, l'aumoniair.*  
*Ses reliques poſoyent au chasteau de Bude.*

geoit cōme par hypotheque, ou obligoit tous ſes biens, à le rendre: Mais apres qu'il fut mort, Maurice enqueſtant à l'inuentaie des biens ſi l'Eueſque ſeroit ſoluable, le congneut fort indigent & auoir eu la pauureté en grande recommandation: & pour l'admiration qu'il auoit d'une vertu ſi rare en vn tel perſonnage, annulla & caſſa tout auſſi toſt la cedula, & fit ſeulement porter au palais Imperial, vne couche de bois qui fut trouuee à l'inuentaie, vn manteau de drap biē vſé & de petite valeur, & auſſi vne robe toute gaſtee, diſforme & de vil prix (car ce ſainct hōme eſtoit mal veſtu, mais grādement recōmendable pour ſon auſterité de vie) leſquelles hardes neātmoins il eut en telle eſtime qu'il les preſera à toutes choſes: meſmemēt de la en apres delaiſſant au téps des ieunes qui ſe font tous les ans, les couches bien accouſtrees & enrichies d'or & pierres precieues, les paremēs de ſoye & autres delices & ſūptuoſitez cōmunes aux Empereurs, ſe ſeruoit toutes les nuits de ceſte couche de bois, eſtimāt qu'elle auoit retenu quelque grace du prelat decedé. Lors ceux de la nation des Maures prindrent terre en la Libye, eſtās de chaſſez & repoulſez de leur pays par la force & vertu militaire des ducs & gouuerneurs de la Germanie.

¶ Jean, prelat de Conſtatinople] Il y eut quelque different à deſmeſler entre ce Jean le Ieuſneur & Gregoire prelat de Rome: pource que Jean vouloit eſt nommé ſouuerain Prelat, auquel pour ceſte cauſe Gregoire reſiſta. Blond. Greg. liure 4. des Epiſt. chap. 29.

*Quels ſignes ou preſages de male-ſortune, precedent le meurtre de l'Empereur Maurice.*

C H A P. XXX V.



V meſme téps, furent veus pluſieurs indices leſques pronostiquoient & portoyent ſignification de meſadventure & de la mort de l'Empereur: car premierement on veid vne fort grande comete ou eſtoille cheuelue qui reſplendit par diuers iours. En ſecond lieu, aduint vne autre fait qui demonſtroit plus euidentement la mal'encontre de Maurice: car vn certain homme, lequel auoit veſcu petitemēt & en toute ſobrieté, & renonçant à ceſte vie mondaine, ſ'eſtoit exercé en vn deſert pour viure en ſolitude en la contemplation des choſes ſecreteſ, portant vne eſpee deſgaineē & flamboyante en ſa main parmy le marché, qui eſtoit vn lieu celebre & frequenté de la ville, paſſa outre iuſques à la porte du Palais, & annonça publiquement à haulte voix, que dās peu de iours l'Empereur ſeroit mis à mort avec ſes enfans & ſa femme. Auſſi en temps d'eſté, vn certain perſonnage nommé Herodien fit rapport deuant tous, de l'euenemēt futur de l'Empereur, & aſſeura la prediſtion luy en auoir eſté ſaiſte par oracle diuin. Apparurent encore autres prodiges, que perſonne n'auoit veu ny ouy dire auparauant.

En Thrace vne femme engendra vn enfant tout monſtrueux & contrefaiſt, & cōme que l'enfant que piacle & default de nature: car il n'auoit point d'yeux ny de paupieres ny de ſourcils, & en tout le reſte de ſon cōps n'eſtoit formé ny proportionné cōme il deuoit eſtre: car nature ne luy auoit baillé ny mains ny bras, mais vne queue cōme d'un poiſſon laquelle luy dependoit iuſques aux cuiſſes. L'Empereur donc ayant veu ce monſtre tant hideux & diſforme, le fit tuer, & baiſa l'eſpee tout chaudement. Et quant à la mere qui l'auoit enfanté, elle demeura quitte & abſoulte du fait, attendu que de ſon coſté elle n'auoit offenſé ny en rien cauſé ſi piteux monſtre. Auſſi en ceſte meſme année tout le meilleur cheual de l'eſcurie Imperiale, & le plus braue & mieux orné de parement d'or, ſe creua en brunchant & trebachant ſoudain en terre. Naſquitent outre plus, quelques autres choſes eſtranges & contre nature es fauxbourgs de la ville Imperiale, cōme vn enfant qui vint au monde avec quatre pieds, vn autre naſquit avec deux teſtes, & tous furent mis au fil de l'eſpee.

*Signes qui precederent la mort de Maurice.*

*Enfantement prodigieux.*

D D D d

# LIVRE XVIII. DE L'HISTOIRE ECCLESIASTIQUE

*Des animans en forme d'homme, lesquels apparurent dans le fleuve du Nil.*

CHAP. XXXVI.

*Menas lieu  
tenant d'E-  
gypte.*

*Apparitiō  
de deux per-  
sonnes a-  
quatiques  
sur le bord  
du Nil.*

*Ces Tritons  
qui apparus-  
rent au fleu-  
ve du Nil à  
l'endroit  
que Pharaō  
faisoit sub-  
merger les  
enfants Is-  
raelites, si-  
gnifioient  
vne mon-  
streuse do-  
mination  
de double  
tyrannie.*



N l'an dix-neufiesme de l'Empire de Maurice, apparurent aussi quelques monstres prodigieux & signes de male-fortune, au fleuve du Nil, durant que Menas estoit gouverneur & commis sur l'Egypte: lequel eust veu en Delta, qui estoit vne belle isle du pays, ainsi appellee de la figure d'une lettre Grecque de ce nom, & passant du grand matin sur le ruyage de ce fleuve, veid sortir hors de l'eau un monstre, cōme un homme espouventable, semblable à un geāt par le visage, d'un regard fort grand, ayant les cheveux roux, entremeslez de blancs, la poitrine fort large, & portant la mine de ie ne sçay quelle maiestē heroique par les bras & le dos, se montrant iusques au nombril quand par fois il se renuoit en l'eau: mais du demeurant il estoit toujours cachē & comme ayant quelque honte couvroit les secretes parties de nature. Le gouverneur donc voyāt cest hōme, le cōiura par plusieurs fois avec les solennitez accoustumees, s'il estoit diable, qu'il se partist de là, & se retirast au desert: mais si quelque vertu naturelle l'auoit engēdrē, qu'il ne se cachast iusques à tāt que tous fussent cōtens de l'auoir veu, puis qu'il s'offroit. Ainsi cest animant (car ie ne puis affermer qu'il fust hōme) estant contrainct & retenu par la coniuration, s'arresta long tēps & se fit veoir à tous. Trois iours ensuiuant sortit hors de l'eau & se monstra dēs le point du iour vn autre animant en forme de femme, ainsi que le prouuoit assez en apparēce le naturel: car la legeretē & inconstāce de son maintien, la longueur des cheveux & toute la constitution du corps & proportion des membres, aussi les cheveux en partie liez & trouffez, & en partie espars, & la beaurē du visage, mōstroyent manifestement & declairoyēt que c'estoit vne femme: de cheuelure estoit noirastre, la face blonde, le nez mediocre, ny trop grand ny trop petit, & les doigts de la main d'une fort belle grace: ses leures delicates estoient comme quelque fleur en la bouche, ses māmelles s'elueuoyēt vn peu, le bout des tetins comme se sentans de la pubertē, sembloient à veoir, s'auancer vn peu. Quant aux autres parties femenines, le fleuve les couuroit, voulant soustraire & deceler les mysteres & secretes de mariage aux spectateurs, cōme s'ils n'eussent esté initiez & aptins en choses plus secretes. Ce gouverneur donc & toute sa cōpagnie de soldats prindrēt plaisir à ce spectacle, iusques au Soleil couchant, lors que tels animaux se retirerent & entrerent bien auāt au plus profond du fleuve, apres s'estre donnez à veoir sans dire mot: car ils se mōstrerent à ceux qui en auoyent enuie, sans parler non plus que muets. Or de tous ces indices significatifs de quelque malheur, l'Empereur colligeoit par cōiectures vne pitieuse fin, & desia se troubloit par apprehensio & peur qu'il auoit de l'euenement futur: pour autāt que ceux qui diligemment ont cōposé & mis par escript les histoires, faisoient mention que tels monstres prodigieux n'apportent aucun profit à la Republique.

un monstre] l'ay pour tesmoins plusieurs hommes d'armes Romains, gens d'honneur & de credit, qui m'ont affermé auoir veu en la coste d'Espagne, un homme marin, ayant entierement forme d'homme: & disoient qu'il se iectoit de nuit dans les fustes, & qu'il estoit si pesant qu'il faisoit enfoncer le vaisseau, la part ou il estoit: & s'il y demouroit guere, qu'il le mettoit aussi au fond. Pline, au liure 9. cha. 5. Aussi Volaterran escrit que plus de deux cens ans deuant son temps, estoit un ieune homme en la coste d'Apouille, lequel dēs son enfance fut si enclin à se baigner en la mer & nager avec les poissons, que la coustume print tel accroissement, que depuis fut appelle le poisson Colas, ayant nō parauant Nicolas. De nostre tēps, dit Loū Vives, au liure 2. de la verité de la foy Chrestienne, qu'on a veu un hōme marin en Bataue, lequel y fut detenu plus de deux ans, si que desia il cōmençoit à parler: mais estant frappē de peste par deux fois, fut remis en la mer tout ioyeux.

*Comme Prisce & Commensiole, gouverneurs des provinces de l'Europe, en un conseil contre les Abares en desfirent plus de trente mil: & encore quelque chose de Choroës.*

CHAP. XXXVII.

*Prisce &  
Commensiole  
font bien leurs  
besongnes  
contre les  
Barbares.*



On pas beaucoup de temps apres, Prisce & Commensiole gouverneurs & lieutenās pour l'Empereur es provinces de l'Europe, ayās par certaine cautelle rompu la paix accordee avec Chagane duc des Abares, trauerferent avec bastiaux le Danube, par le consentemēt du Prince, qui le commandoit secretement. Et premierement se rendirēt en Viminace (c'estoit vne isle dās le Danube) puis subitemēt passerent outre & firent la guerre aux Barbares & quelques autres nations, si bien que par l'espace d'un mois ils desfirent, en plusieurs batailles donnees, plus de trente mil des Abares, Gipediens & Slauiniens, & en retindrent au dessus de quinze mil prisonniers: & apres telle victoire, quelle à peine se trouue par les histoires qu'aucun ait rapportē de son ennemy, ils sonnerent la retraicte droict en leurs pays. Peu apres, Maurice rendit les captifs à Chagane, qui par ambassades les auoit demandez.

Or



Or cōme les cōpagnies militaires & soldats Romains eurent passé la chaussee & chemin paué de Traian en temps d'yuer, par la contraincte violente de Commentiole, soubz la conduicte de Geronce, gentil-homme de noble nom, aagé de cent & douze ans, plus moururent de froit par vne aspre gelee qui vint soudainement. Commentiole donc retourna à Byzance, & Prisce demeura en Thrace, pour s'oposer & obuier aux courses des ennemis, si aucunes, en faisoient, & aussi estant reuenu en Constantinople dès le commencement du printemps, fut de rechef déclaré & eleu pour gouuerneur. L'année dixneufiesme de l'Empire de Maurice, il ne se fit rien digne de memoire entre les Romains & les Barbares. Ce temps pendant, Maurice, fit le festin *Theodose,* avec grand appareil, du mariage de son fils Theodose, lequel print pour femme legitime la fille *filz de Mau-* de Germain, homme de grande apparence & estime, & Senateur tresrenommé: & Chosroes, *rice.* lequel pour lors tenoit sa cour & demouroit en Babylone, estant importuné & irrité par les Syriens nos alliez, & autres peuples des pays limitrofes, deliberoit & estoit sur le point de violer & rompre les pactions & traictez de paix faicte avec les Romains: mais l'Empereur par ambassadeur qu'il luy enuoya, fit de rechef confirmer & ratifier les accords & appointemens. Or cest ambassadeur ayant fait & executé son office, fut toutesfois fort mal receu, d'autant *Exemple* qu'il rapporta à l'Empereur que ce Roy des Perles auoit prononcé en pleine assemblee & audience de ses Seigneurs tels propos: le cesse & discontinue la guerre pour la vertu & prudence *d'arrogant* de cest ambassadeur. Ce que Maurice print & interpreta en mauuaise part, si que de George *& insolent* (car tel estoit le nom de l'orateur) la legation fut perilleuse & grandement à son desaduantage. Car il aduient tousiours ainsi, que le parler, s'il n'est bien gouverné & accommodé par raison cōme il fault, preiudicie & n'apporte que calamité à ceux qui en abusent. Voyla que nous auions à dire, touchant ce poinct.

*Comme le menu peuple de Byzance se mutina & esmeut sedition contre Maurice:  
& comme Chagane mit à mort tous les captifs desquels  
Maurice auoit refusé payer la rançon.  
CHAP. XXXVIII.*



Desia Maurice entroit en la vingtiesme année de son Empire, quand il bailla la preuosté & gouuernemēt de l'Europe, à son frere Pierre, & que suruint vne si aspre & subite peste qu'elle affligea grādemēt la ville Imperiale. Or quand le iour de Noel & réps de la Natiuité de Iesus-Christ fut venu (l'Empereur souloit festoyer ce iour là au réple ensemble avec le peuple) & que Maurice suiuant sa coustume aussi pour lors daigna tant favoriser les menus gēs que d'assister au seruice avec eux, aucuns esmeus *Sedition* & induits de choses nouuelles firent esmōtion & sedition à l'encontre, *du peuple* de sorte qu'ils luy iectoient des pierres, & avec ce, l'outrageoyēt de gr of- *de Constantinople* fenses iniures, si que en ces entrefaictes fut contrainct euitier le danger du mieux qu'il peut, & se sauuer en fuyant à l'Eglise de la Mere de Dieu, que les habitans appelloient Blacherne, reuerce en singuliere deuotion par les Byzançois: car le bruit est, & croit on pour certain que les vestemens de la Vierge Marie, quelque partie de sa ceincture, & le couurechef, cappe ou chapperon qu'elle portoit estoient là enfermez & gardez soigneusement en vne chasle d'or, comme nous auons mentionné cy dessus. Apres ce tumulte, le Prince vsa de telle douceur à l'endroit des *entre leur* *Prince.* seditieux & les traicta si humainemēt, qu'il pardonna aux plus grands & principaux de la rebellion, ordonnāt pour toute punition qu'à l'aduenir ils fussent plus sages, & suiussent meilleur conseil: & quāt aux autres, il les menaça seulement, & fit semblant de les vouloir punir: mais la cholere estant passée, il leur bailla pleine puissance & congé de retourner en leurs maisons. Ce pendant, Pierre descendit en son gouuernemēt avec les bandes Romaines, & estant arriué en Palaestole, y seiourna & demeura l'esté: puis au commencement de l'autonne se retira en vn coing de la Dardanie, car il auoit entēdu quelque vent que les Abares dressoient là vne armee, & que desia ils auoyent vn camp deuant Absith. Or Maurice enuoyoit souuent aduertissemens & incitoit fort Pierre à faire du pis qu'il pourroit contre Chagane, & qu'il le tint enclos, & ne laissast deschamper de là son armee, mais qu'il vīst de trahison & de quelque cautelle pour le circonuenir & surprendre: car ayant souuenance des iniures passées, il estoit esmeu & indigné contre les soldats, qui ainsi prenoient plaisir à se rebeller & faire seditions: Mais Chagane es- *Maurice e-* *roit trop* *doux en-* *uers les se-* *ditieux.* chappant & passant outre secretement, courut çà & là par toute Macedone, tellemēt qu'avec infinie multitude de gens qu'il menoit après soy, il fit approches assēz pres de Constantinople, & s'offroit à rēdre tous & vn chacun les prisonniers, ne demādāt pour personne que deux escus d'or pour la rençō: Mais d'autāt que ceste cōdition sembla griesue à Maurice, & que vaincu d'avarice il refusa prendre si bon marché, ce Tyran esmeu de rage & fureur fit passer au fil de l'espee tous ces esclaves qu'il tenoit captifs en grand nombre. A raison duquel excez il est à croire & presupposer que Dieu se courrouça contre Maurice: car il luy apparut en vision nocturne, &

# LIVRE XVIII. DE L'HISTOIRE ECCLESIASTIQUE

*Vision no-  
étérne.* l'aduertit qu'il le mettroit és mains de Phocas, capitaine de guerre. Qui fut cause qu'à son re-  
sueil il demâda son beau frere Philippique, qui estoit en prison (car il s'ouſpçonnoit & auoit pour  
suspecte la succession de celuy duquel le nom se cōmençoit par ceste lettre, mesme le tenoit pri-  
sonnier pour ceste raison, pensant que l'Empire luy escherroit) & luy demanda s'il congnois-  
soit quelque homme d'arme qui s'appellast Phocas. Et il luy fit responce que c'estoit celuy qui  
pen parauant s'estoit reuolté impudemment & auoit resisté à son mandement. Lors il s'enquit  
*Tout homi-  
cide est ti-  
mide.* de quelles meurs il estoit: & ayant entendu qu'il estoit timide: Si de vray, dit-il, il est timide;  
il est aussi meurtrier. Or il n'y a point de doute que Maurice encourut la male-grace & haine de  
tout le peuple, & que chacun mesdisoit de luy, pour la desfaiète de tant de personnes.

*a* deux escus d'or] Il est escript en Paul Diacre, que Chagane ne demandoit pour chacun des captifs qu'un  
escu d'or, & que Maurice ne voulut accepter telle condition.

*Comment ceux de l'armee en Europe ayans suscitè une sedition, eleurent Pho-  
cas, qui estoit centenier, Empereur des Romains.*

CHAP. XXXIX.

*Rebellion  
des soldats  
à l'enscōtre  
de Pierre.*



Ly auoit desia si long temps que le camp estoit en Mysie, que les soldats  
lassez du trauail de la guerre, demandoient la retraicte en leur pays pour  
se refreschir & prendre quelque relasche & intermission: mais vous se-  
riez esbahis cōme ceste troupe retieue & refusant obeissance, fut fachee  
& marrie, quand Pierre faisant le sourd & refusant leur congé estoit d'o-  
pinion qu'il valoit beaucoup mieus obeyr au mandement de l'Empereur  
qui entendoit que les cōpagnies demeurassent delà le Danube, que d'en  
partir: mesme fut contrainct s'esloigner bien de vingt mil de l'exercite:  
par deuers lequel les gens d'armes en enuoyerēt huiet qu'ils deputerent  
du nōbre, desquels estoit ce Phocas, tres-pernicieux tyrā. Et pourautāt que Pierre persista en son  
opinion, leur faisant entendre qu'il auoit mandement de l'Empereur, à fin de retenir & faire de-  
meurer les gens de guerre outre le Danube: ces canailles depitez & meuz de mauuais courage,  
le repudierent & se submirent au gouvernement de Phocas, qui estoit parauāt capitaine cente-  
nier: mesme depuis ils l'esleuerēt & monterēt sus vn bouclier, & en signe d'approbatiō procla-  
merent & publierēt à haulte voix l'election qu'ils en faisoient. Dequoy Pierre aduerty, se sauua  
& rapporta les nouuelles à l'Empereur de toutes les menees, lequel fit assembler les Tribuns,  
gouverneurs & preuost de la ville, & enpōler le peuple & faire mōstres pour en sçauoir le nō-  
bre, ne se souciāt pas beaucoup de ce que le desloyal & traistre Phocas estoit eleu & declaré gou-  
uerneur de l'armee. Aussi il mit garnison & fit asseoir seures gardes par toute la ville Imperiale  
& faubourgs d'icelle: & puis enuoya embassade par deuers ceste multitude rebelle: Mais ce  
Tyran & iniuste vsurpateur ne fit guere de conte de ses mandemēs, mais reiecta toutes raisons  
& iustes remonstrances, sans les vouloir entendre: mesme ceux de l'armee Romaine par sedition  
& mutinerie enuoyerēt lettres à Theodose, fils de Maurice, lequel pour lors courroit le lieure &  
prenoit son ebsat à la chasse aupres de Callicratee, par lesquelles ils le sommoiyēt & incitoient,  
ou de receuoir l'Empire, ou s'en deporter & ceder son droit à Germain, son beau-pere: car ils ne  
pouuoient plus endurer ny veoir que Maurice gouuernast desormais & eust la superintēdence  
des cōpagnies de guerre. L'Empereur donc entendāt ces nouuelles, qui luy furent signifiees de  
quelque part, eut Germain pour suspect: lequel, cōme fil eust esté coupable du complot & en-  
treprinse que l'armee de soy-mesme auoit brassee, pour & à fin de l'elire à l'administration des  
affaires Romaines, se sauua, suppliant en vn tēple, cōme en lieu de seureté, de la Mere de Dieu,  
qu'on dit auoit esté basty par Cyre, qui estoit Consul sous Theodose, fort hōme de bien, mer-  
ueilleusement eloquent & studieux des bonnes disziplines, lesquelles il aymoit de singuliere af-  
fection, & cōme de quelque sage folie. Depuis aussi Germain se trāsporta en ce grand tēple que  
Iustinien fit faire, si sumptueux & magnifique, sans y espargner aucune despenſe pour l'hōneur  
de Dieu. Et pour ceste cause & retraicte, le Prince fit fustiger & battre son fils Theodose, le te-  
nant pour suspect d'auoir aduerty secretement ledict Germain son beau-pere, à fin de fuir & se  
mettre en seureté sous la sauue-garde de Dieu: puis enuoyant certaines personnes tascha l'en  
retirer par force: mais la populace de la ville en entendāt le bruit, fit vne esmeute pour garder  
les droicts & franchises des Eglises, & persuada à Germain, qui y auoit prins son refuge, de  
n'en bouger & departir aucunement: & de fureur qui les precedoit comme vne guide, se mo-  
quoient pour la plus part de leur Prince, le brocardant, mesme luy reprochoient outrageuse-  
ment qu'il suiuiot l'erreur de Marcion, en l'heresie duquel il n'y auoit ne rime ne raison, mais  
vne religion contemptible & pleine de folie. Ce tumulte donc prenant tousiours plus grand &  
plus cruel accroissement, les gardes des portes & ceux qui faisoient le guet par la ville, enten-  
dans le bruit, se meslerent aussi avec la multitude populaire qui ainsi tempestoit & se mutinoit  
& en

*Germain  
suspect d'es-  
feker l'Em-  
pire, s'esfuit  
en vne E-  
glise.*

*Theodose  
fustigè par  
le comman-  
dement de  
son pere.*

& en telle sorte s'amassans les gens de toutes parts, & toutesfois incertains, & comme flottans par vne tempeste de quelque mal, se ruèrent premierement dans la maison de Constantin surnommé Lardy, lequel estoit homme de grand credit & faueur enuers Maurice, qui aussi le cherissoit grandement sur tous les autres Patrices, car il estoit honorable & de grande apparence, comme celuy qui d'entre les principaux Senateurs auoit esté eleué au plus hault degré de la dignité de ces Patrices : qui aussi estoit commis sur les finances & deniers tributaires des prouinces Orientales : Les Romains appelloient tel estat, Cômis ou Lieutenant du Pretoire. Quand donc sa maison fut bruslée & reduite en cendre par le feu qui cōsomme tout, & que ce commencement par audace fut donné si furieusement, sans auoir esgard à aucune raison, ils se retirerent.

*La fuite de Maurice, l'aduenement & entree du Tyran en la ville Imperiale, & la mort du mesme Maurice qui fut tué avec ses enfans.*

CHAP. XL.



Maurice donc n'ayant plus d'esperance de pouoir paruenir au but qu'il pretendoit, & voyant que le peuple defailloit & l'abanodoit en haine du meurtre des captifs, pour se ioinde avec le Tyran : mesme que Cyriaque (lequel apres Iean receut la dignité Hierarchique, cōbien que parauant il ne fust que simple prestre & procureur ou diacre de la grande Eglise) le blasmoit & outrageoit de paroles artoces & iniurieuses, il tenta & se mit en peine, despouillant sa robe Imperiale pour prendre l'habillement d'une personne priuee, de s'en fuir & euader, enuiron la minuit, droict en Orient, sur vne coche ou chariot, dans lequel il monta avec sa

femme & ses enfans, emportant avec soy non pas petite somme d'argent. Et estant abordé au port qui estoit en la coste de Nicomedie, aupres de l'Eglise S. Antonome, martyr (ceux du pays l'appelloient le Soree, c'est à dire le Charnier, distant de cent cinquante stades pour le plus de Constantinople) vne vehemente tourmente de mer le surprint & arresta : ioinct que les gouttes es pieds, à laquelle maladie il estoit fort suiet & enclin (comme aussi sont ceux qui continuellement demeurent en la ville Imperiale, auxquels ce mal aduient coustumierement plus qu'aux autres) le prindrent en vn instant & empescherent son voyage. De ce lieu donc il enuoya son fils Theodose par deuers Chosroes, pour luy requerir secours, & pour luy ramener que quand son Royaume vint en proye & danger d'estre perdu, Maurice luy contregarda : & qu'il estoit raisonnable qu'il se monstast aussi bening à luy rendre la pareille, veu que toute sa maison, son bien & honneur estoient en tres-grand hazard. Ce pendant, Germain beau pere de ce Theodose, fils de Maurice, estant entré comme en quelque nauire en l'Empire Romain, qui n'estoit appuyé ny soutenu d'aucuns bons fondemens ou defense, en entreprit le gouuernement : mais les Verdelers (c'estoit vne bande & faction du peuple Romain) luy en oste-

rent l'esperance. Et pourtant iceluy en d'esespoir de ses entreprinse, se rendit & submit à la misericorde & beneuolence du Tyran, & adora celuy du costé duquel fortune (s'il fault ainsi parler) s'estoit enclinee : car la ligue & compagnie de ces Verdelers soudain saisit par force la maison Imperiale & se banda du costé du Tyran, luy applaudissant par acclamations qu'ils faisoient, en signe qu'il leur plaisoit pour Empereur. Ainsi Phocas enuoyant vn Gentil-homme appelé Theodore, mandal'Euesque de la ville (qui selon la coustume se nommoit Patriarche) & les Principaux du peuple : lesquels venus au temple de S. Iean Baptiste, qui estoit au faulx-bourg du costé que lon dit Septime, couronnerent Empereur ceste pestifere & furieuse beste : lequel tout incontinent sortant de là, fit son entree avec grand appareil à Byzance, semant par tout l'or & l'arget en façon de pluye, pour à sa bien venue attirer les Byzançois par ceste munificence & largesse. Depuis aussi il declare sa femme Leonce, Auguste, & la conduit avec triomphe & pompe celebre, iusques au palais Imperial. En ces entrefaites, les liguees du peuple, qui s'entre-

hayoient, estoient en diuision & partialitez, & dit on que l'une des parties dit apertement : Va iouir tyranniquement, & congnoy en quel estat sont les choses presentes, car Maurice n'est pas encore mort. Quoy entendu par ce Tyran, il appaisa pour lors le peuple qui commençoit à fremir & crier à l'encontre : mais le lendemain il s'employa du tout, & cōme agité de quelque furie se mit apres pour saccager Maurice. Parquoy tout podagre & goutteux qu'il estoit, & grandement affligé de telle maladie, fut retiré de ce costé de mer que nous auons dict, par Phocas qui le fit mener avec sa femme & ses enfans, entre lesquels estoit mesme Theodose, qui fut contraint de retourner en arriere de sa legation, estant repris & rescous au port d'Eutrope, vis à vis de Constantinople à Calcedone : & premierement despescha les enfans en la presence du pere, lequel à la mort d'un chacun d'iceux prononçoit tels propos : Seigneur tu es iuste, & ton iugement est equitable : consequemment Maurice eut la teste trenchée d'un coup d'espee & mourut ayant monstré vn cuer constant & magnanime en la calamité qui se presentoit : car le bruit est que la nourrice offrant son propre enfant qu'elle allaitoit, pour estre occis au lieu du fils de l'Empereur qu'elle auoit soustrait, Maurice, qui là estoit, aduertit les bourreaux

*Le peuple en furie mit le feu en la maison de Constantin Lardy.*

*La fuite de Maurice. Cyriaque Euesque de Constantinople.*

*Ceux de Constantinople sont suiets aux gouttes.*

*Germain se rend à Phocas.*

*La faction des Prasins ou Verdelers.*

*C'estoit la faction des Venets ou Bleüers.*

*Meurtres miserables de Maurice & des siens. Pieté & magnanimité de Maurice à la fin de ses iours.*

## LIVRE XVIII. DE L'HISTOIRE ECCLESIASTIQUE

de l'entreprinse secrette qu'elle brasloit en cachant & recelant son fils: pour ce qu'il n'estimoit estre equitable qu'on fit punition d'un autre que du sien, veu que Dieu luy demandoit satisfaction & expiation des pechez par luy commis. Ainsi son enfant estant esgorgé, au lieu de sang, decoula du lait en grâde effusion. Voyla comment vn Empereur qui sembloit estre par dessus les loix de nature, perdit la vie apres auoir vescu soixante ans, desquels vingt durans il demeura Seigneur de l'Empire.

*De la nudation des corps Imperiaux & autres meurtres & outrages tyranniques: & de la prediction qui fut faicte en Alexandrie touchant la mort de l'Empereur.*

C H A P. X L I.



R les corps morts de l'Empereur & de ceux qui luy appartenoyent furent là deiettez, ô piteux spectacle, sur le bord de la mer, tellement que l'eau en fut coloree, rougie & ensanglantee: car maintenant les flots petit à petit les repoulsoyent sur la terre, tantost au retour de la mer impetueuse y estoient ramenez. De celieu puis apres transportez donnerent grande occasion de ietter grosses larmes à ceux qui les voulurent regarder exposez en venè, tous denuiez & non enseuelis. En quel estat les virer les soldats de ce Tyran, qui sans consideration aucune les delaisserent estendus au Tribunal (car ainsi s'appelloit vn cháp aupres de Septime) comme si pour tel spectacle l'exercice inhumain & hors de toute raison deuoit aussi estre participant de la meschanceté: à fin certes que le iugement de Dieu qui a en haine & detestation fraude & malice, & n'est corrompu ny suborné d'aucuns presens, vengeast sur eux tous & fit punition pour recompense de leur mesfaict: car tous ceux de ceste armee pernicieuse & detestable, circonuenus & persecutez d'extreme & grieues tribulations, changerent ceste vie à la mort, qu'ils receurent en diuerses batailles, lors que les Perles eurent liberté & occasion de reprendre les armes & leuer guerre, pour le mescontentement qu'auoit Chosroes du tort fait à Maurice: & adonc l'exercice endura tant & si diuers maux de la vengeance diuine, & porta tant de calamitez & batailles, que, quelques fois durant le conflict le feu tomboit du ciel, qui l'assailloit cruellement: les autres fois, les soldats apres la victoire perdue mouroyent de faim, estoient enfermez en captiuité & affligez en diuerses sortes: mais la plus grand' part d'iceux perdirent la vie au trenchant de l'espee & furent mis en pieces, comme chose de nulle consequence: ny plustost la victoire tourna le dos aux Perles que la meschante armee & complices de ce Tyran ne fussent totalement desfaiets. Ce que lon peut coniecturer estre vray de ce qui s'ensuit: C'est que quelque peu apres, & deuant quatorze ans passez, Heraclee leuant guerre contre Razate, & faisant reueuë & elite de ses gens, n'en trouua que deux seulement qui restoyent de toute la multitude qui auoit fuiuy du Tyran: Mais quand avec le temps les Romains peurent ramasser & recouurer nouvelles bandes de gens d'armes, & que tous ces meschans meurtriers & brigands furent desconfits, lors la fortune & prosperité des Perles se changea: & quand ce Chosroes, dragon de Babylone, fils d'Hormisdas, fut aussi despesché & mis à sac sans aucune misericorde, adonc la guerre Perlique print fin.

*Tous les soldats qui se rendirent à Phocas moururent miserablement.*

*Homicides des parens & amis de Maurice.*

Or pour reuenir à nostre propos, ce mal-heureux Tyran eniuré de meschancetez & plein de sang humain, non cōrent de la premiere explanade, fit encore pis, & s'appresta pour en mettre à mort d'autres: & premierement couppa la gorge à Pierre, frere de Maurice: puis apres, non assouuy perpetra homicide en la personne du Capitaine Commentiole, duquel nous auons fait mention par plusieurs fois: plus il occit George fils de Philippique: & encore Prosentine, secretaire de Pierre & auquel il declairoit tous ses conseils: au par sus, Theodose, qui deuoit succeder à Maurice, ayant esté contrainct de retourner de son voyage (cōme il est dit) fina sa vie de male-mort. Il est bié vray qu'on dit que le bourreau & meurtrier enuoyé pour luy oster la vie, luy pardonna, & en supposa & mit à mort vn autre qui luy ressembloit: & que ce Theodose fugitif & eschappé de ce danger, en experiméta & se mit à l'aduenture de plusieurs autres en beau coup d'endroits, & que finalement il mourut de maladie. Voyla à la verité le bruit qui en est commun par tout le pays du ressort de l'Empire Romain: mais c'est vn erreur & imprudence que les ignorans meus de legere & petite coniecture ont semé, disans que la teste d'iceluy seul n'auoit esté exhibee publiquement & representee ensemble avec les autres de ceux qui furent sacagez: Mais la recherche qui en a esté faicte assez soigneusement, a donné congnoissance que Theodose mesme passa le pas avec les autres. Or ce Tyran reduit & mit au rang des personnes priuees Constantine Imperatrice, avec ses trois filles: & premierement les tint enfermées en vne petite & vile maisonnette, & depuis ordonna que comme les autres fussent esgorgées & taillées en pieces. Les reliques & demeurans des corps d'icelles & d'autres appartenans de parenté à l'Empereur (qui estoient dix en nombre) long temps apres furent entretrez & posez en l'Eglise

*Defaite de Constantine Auguste, & de ses filles.*

l'Eglise saint Maman martyr, qu'auoit fait bastir Pharasmane Eunuque, & qui souz Iustinien estoit grand chambellan de l'Empereur, aupres de la muraille qu'on appelloit Xylocere : & fut engraue & escript sur la lame de leur sepulchre & monument commun, l'epigramme ou epitaphie qui l'ensuit :

O moy, par mille fois de deux Roys desolee,  
De Tibere la fille, à Maurice espousee,  
J'ay cogneu Royne estant & mere tres-seconde,  
Que du Sceptre des Roys cruel mal-heur redonde :  
Car à moy, & espoux, & enfans de bus aage,  
A cause male-mort d'un gend'arme la rage.  
De Nioble ie suis, le corps reduit en vie :  
Plus que Cisse ou Iocaste ie souffre fascherie.  
Le pere à droit soit mort : pourquoy meurent les fils,  
Pour estre d'un forfait coupables trop petis ?  
Rome tu ne prendras de mes rameaux l'ombrage,  
Ma race est arrachee d'Aquilon par l'orage.

Epitaphie  
de  
Cōstancine.

Je ne veux oublier & passer souz silence vn cas digne sur tous autres d'estre redigé par escript es tables & registres des prouesses memorables: C'est qu'à la mesme heure que Maurice deceda, tout l'euénement de l'excez, comme il estoit suruenu, fut signifié en Alexandrie par les statues dressées en Tychee, l'un des plus beaux lieux de la ville, mais pour lors abbatues & iettees hors de dessus leurs bases & soustenemens : lesquelles de viue voix annoncerent à vn certain personnage, homme de bonne vie, passant de nuict par là, ce qui aduiendroit à l'empereur Maurice. Prediction que le Prince d'Alexandrie, & Pierre gouuerneur de la province d'Egypte remarquerent diligemment par certains signes, & la trouuerent estre vraye neuf iours apres, quand les piteuses nouuelles en vindrent en Egypte. Or nous scauons pour certain plusieurs autres indices qui denonçoient le mal-heur futur : mais si nous les voulions deduire par escript & les poursuire l'un apres l'autre, le temps nous defauldroit.

Aduertissement  
de  
la mort de  
Maurice en  
Alexandrie.

à vn certain personnage] Lors que Maurice fut mis à mort, vn homme venerable, nomme Calligraphe, de la ville d'Alexandrie, retournant du guet en sa maison, veid à minuit les statues d'airain abatuës, qui disoient à haute & viue voix, que Maurice & ses enfans estoient tue. Paul Diacre.

Comme Maurice pria à Dieu estre puny en ce monde, & recevoir peines de la diuine vengeance, ce qu'il obtint : & des edifices qu'il fit bastir.

C H A P. XLII.



N dit que Maurice, Empereur, quelque temps parauant sa defaictte, n'estant fort asseuré en sa conscience qui le remordoit, par ce que vaincu d'auarice & cupidité d'argent, il auoit refusé payer la rançon & rachepter à vil prix les esclaves captifs, que Chagane, furieux qu'il estoit, executa de mort cruelle, commanda par lettres & aduertissemens qu'il enuoya es principales Eglises & dioceses de ses terres & seigneuries, de faire prieres & supplications à son intention enuers Iesus Christ, qui est l'une des personnes de la Trinité superstantielle, & requit les gens de bien & vertueux qu'ils priaissent Dieu pour luy, à fin que durant ceste vie mortelle, & pendant qu'il seroit en ce monde suiet à mal'encontre, il receust recompense & punition de ses fautes. Et dit on encore, qu'une certaine image de Iesus Christ parla intelligiblement & visiblement, & promit luy faire octroyer ce qu'il desiroit, & qu'il seroit puny & affligé en ceste vie. Aucuns maintiennent que ceste image estoit celle de sus : la porte d'airain du palais : & les autres soustiennent que plustost c'estoit celle qui estoit sus la belle porte du temple des saints quarante Martyrs de Iesus Christ, tirée au vis & en peinture le représentant proprement. Or ce Maurice estoit bien affecté enuers les gens scauans & eloquens, & en tenoit grand compte : mesme il exerçoit grande liberté à l'endroit de ceux qui auoyent estudié & faisoient profession des meilleures disciplines. Il fit bastir de magnifiques ourages & edifices en maintes contrees de l'Empire Romain : du nombre desquels estoit ceste Eglise des saints quarante Martyrs, laquelle Tibere au precedent auoit commencée, & entreprit la parfaire. Le bruit est qu'il fit faire semblablement vne sainte chapelle en Tarse, ville de Cilicie, en l'honneur de saint Paul. Aussi, chacun tient par tout qu'il deschargea & quitta à ses suiets la troisieme partie de son domaine, subsidies & tailles ordinaires qui luy estoient deues : mesme qu'il donna liberalement aux Byzançois trente :: talents pour reparer & renoueller les conduits & canaux des fontaines.

Maurice  
pria Dieu  
qu'il fust  
puny en ce  
monde de  
ses offenses.

Deuant la  
porte d'airain  
du Palais, dit  
Diacre.

Qui valent  
environ dix-  
huit mil  
escus.

## LIVRE XVIII. DE L'HISTOIRE ECCLESIASTIQUE

*Paul Diacre  
escriit que  
Philippi-  
que estoit  
aussi gendre  
de Maurice.*

Iceluy mesme presenta & posa en la grande Eglise de Dieu vne riche couronne que Sophie Auguste, sa belle mere, & Constantine sa femme auoyent façonné & ouuragé fort curieusement & de grand artifice, nel'ayant à peine portee vne seule fois, & la feit pendre deuant la saincte table où il l'auoit consacree, à vne petite chaine d'or, & y demeura iusques à l'expugnation & prinse de la ville. Plus, souz son Empire, Pierre, qui estoit son frere, feit construire à Constantinople vne Eglise qu'on appelloit Arcobinde: & Philippique vne autre en vn monastere à Chrysople, & furent dediees ces deux Eglises à la Mere de Dieu. Pareillement, quand il dominoit encore, Cyriaque, patriarche, erigea & fonda vn magnifique monastere à la Diaconisse ou Abbesse. Voylà donc quelle issue ont eu les affaires de l'Empereur Maurice.

*a Et y demeura &c. Leon, Empereur Constantinopolitain, fils de Constantin Copronyme, mit sus son vilain chef la couronne que Maurice auoit consacré à Dieu, pour la beauté de l'or & des perles. Egnace.*

*Comme Chosroes pour la desfaite de Maurice rompit les conditions de paix, & descendant par le pays de l'Orient en la mode d'un ennemy, feit courses iusques auspres de Calcedone. Plus, d'autres calamitez qui se dilaterent par l'Empire Romain.*

### CHAP. XLIII.

*Miseres des  
Romains  
sous l'Empi-  
re de Phocas.*



R tout aussi tost que Phocas se fut saisy du gouuernement, des-lors, maux & miserables de toutes sortes entrèrent & se ruerent en l'Empire Romain. Car dès le cinquiesme mois apres son entree, il enuoya lettres à Chosroes selon la coustume qui de long temps estoit entre les Romains & les Perses, par Lile son familier & fauory, qui mesme auoit perpetré l'homicide en la personne de Maurice, par lesquelles il l'aduertissoit de son aduenement à la couronne & dignité Imperiale.

*Heureux  
succes des  
perses con-  
tre les Ro-  
mains.*

Mais Chosroes meu de courroux & felonnie, & voulant venger & faire punition legitime de cest homicide outrageusement commis, rompit & faulsa les conuentions & alliances traictées & passées avec les Romains, & feit sonner le tabourin & la trompette pour amasser gens au dommage & desauantage d'un chacun. Car il troubla le repos & tranquillité qui estoit entre les Perses & Romains, par telle occasion recommençant la guerre des Perses, en telle sorte qu'ils subiuguerent & s'assuietirent en peu de temps la Syrie, la Palestine & la Phenicie: depuis encore, ils submirent à leur obeissance, l'Armenie: d'auantage, ils vsurperent la seigneurie de Cappadoce, de Galace, de Paphlagonie: & qui plus est, ils entrèrent si auant que de grande force & impetuosité ils approcherent iusques aux portes de Calcedone, qui estoit située au deuant de Byzance. Et d'autre costé, les Abares se mirent aux champs, gastans toute l'Europe, & firent tant de meurtres & brigandages, qu'on n'en veid onques de semblables, non seulement à l'endroiect des bourgeois & pauures suiets qu'on trouuoit morts & assassinés par les champs, mais aussi sur les compagnies militaires: voire encore, non tant seulement sur les personnes, mais aussi les bestes brutes qu'on assommoit par tout receurent grand-dommage: & si la terre ne rapporta aucuns fruiets quels qu'ils fussent: & avec les autres maux & calamitez suruint la famine & la peste: d'auantage, les geles furent si grandes & aspres, qu'elles surpassoyent leur ordinaire & accoustumee froidure, de maniere que la mer se print & gela, & apres les geles rendit les poissons morts sur le riuage.

Grand nombre de gens de toutes qualitez & aages furent estrangeusement tuez, les temples & tous autres edifices singulierement & richement bastis & paréz, miserablement abatuz & ruinez à terre, par les frequentes incursions & inuasions des Perses: ce qui se faisoit entierement à raison que Chosroes, comme il est dict, rompit les treues & conditions de paix, pour l'amour de Maurice. Ainsi donc il affligeoit les pauures paisans par ses champs, mettant tout à feu & à sang: mais Phocas traitoit bien plus mal & rigoureusement les citoyens par la ville: car en vn <sup>a</sup> tournoy & iouste de cheuaux qu'on exerceoit à la course, aduenant que quelques-uns se moquerent de luy, le blasphemans & appellans yrongne, il en fut si desplaisant & furieux, qu'il feit prendre bon nombre des principaux de la ville, & en feit demembrer aucuns, noyer les autres au profond de la mer, & en retint beaucoup de prisonniers.

*a Tournoy & iouste de cheuaux qu'on exerceoit à la course. Aux jeux Circenses, esquels on exerceoit les cheuaux, les Prasiens ou Verdelets se moquant de Phocas, cryoyent: As tu desia ben Ingabasta? al tu encore perdu le sens? Paul Diacre.*

*De la sedition*



*De la sedition suscitée à Antioche entre les Iuifs & les Chrestiens, auquel tumulte l'Euesque  
Anastase Sinaïte demeura mort : & de Cyriaque, Thomas &  
Serge, Euesques Constantinopolitains.*

CHAP. XLIIII.



OVR lors il y eut vn grand tumulte en Antioche meū à cause que les Iuifs de rechef s'eleuerent & formaliserent de nouveau à l'encontre des Chrestiens : en laquelle sedition ces Hebreux eurent le meilleur : car ils saccagerent grande multitude de Chrestiens qu'ils desfirent au tranchant de l'espee, ou les brulerent au feu qu'ils mirent en leurs maisons. Mais Phocas les voulant payer d'un acte si meschant & estrange, les chastia assez asprement & debouta hors la ville. Ils prindrent Anastase Euesque, successeur de Gregoire, le deposèrent & iecterent par force hors de son siege, luy mirent vne corde aux pieds & le trainerent parmy la ville, puis le firent mourir ignominieusement : car ils luy couperent les genitoires qu'ils luy mirent en la bouche, & firent aualler par violence : & finalement le iecterent au feu comme quelque holocauste : qui homme sage, vertueux & de singuliere reputation, & qui estoit le premier & plus excellent docteur es decrets & traditions de l'Eglise, comme celuy qui a laissé & à toute la posterité, beaucoup d'esprits : Car il a composé vn liure intitulé Odigue, c'est à dire, la guide des chemins, & les fins de la doctrine & tradition de l'Eglise, & plusieurs autres opuscles : mesmes vn petit traité sur le sixiesme psalme, qu'il fit au commencement des Ieuſnes ou du Carême. I'ay leu aussi quelque oraison qu'il escriuit & prononça à son entree deuant ceux d'Antioche : & vne autre, pacificatoire, laquelle il mit en lumiere quand, ayant esté priué de son siege par l'espace de trentetrois ans, il y retourna durant l'Empire de Maurice, auquel il donna grandes louanges en ce mesme escript, à raison qu'il l'auoit reuocqué & r'appellé d'exil. Ce bon Anastase, par ce qu'il auoit philosophé & aprins à bien viure & donter l'appetit sensuel de la chair, sus la montaigne de Sina, en r'apporta le surnom de Sinaïte. Mais tant y a qu'il perdit la vie & fut saccagé miserablement en ce tumulte populaire. Ayant donc tenu le siege Episcopal par l'espace de six ans apres son retour de l'exil, vn autre Anastase accepta la charge pastorale de l'Eglise d'Antioche : & deuant luy Cyriaque aussi fut eleu Euesque de l'Eglise Constantinopolitaine, laquelle il gouverna sainctement vnze ans durans, & puis en laissa le siege à Thomas, lequel de diacre qu'il estoit & chapelain dont il se deschargea & acquita honnestement fut esleu au throsne de pontife : & apres qu'il l'eut regy trois ans deux mois & non plus, il laissa sa charge & ceda sa dignité au meschant Serge. Ce Thomas fit edifier dans le circuit de la maison Episcopale, vn fort grand logis, qui iusques à maintenant a retenu le nom de celuy qui le fit dresser, car il est appelé Thomas. Et ce Serge auoit esté diacre de l'Eglise, mais il estoit Syrien, & de la secte des Iacobites.

*Tumulte en  
Antioche  
entre les  
Iuifs &  
Chrestiens.*

*Martyre  
d'Anastase  
Antiochi.*

*Escripts de  
Anastase.*

*Des schismes & diuisions qui pullulerent en l'Eglise, apres les quatriesme & cinquiesme Conciles.*

CHAP. XLV.



Ril me semble que bien à propos ie feray deductiō en cest endroit, pour demonſtrer qui estoit ce Iacques, duquel ont prins leur nom les Iacobites, & ramenteuoir autres sectes & heresies omises en ceste histoire : & pour ce faire, il est besoing que ie commence plus hault mon discours : Apres que de l'autorité & determination du saint quatriesme concile de Calcedone, Eutyche & Dioscore furent degradez de leurs dignitez, ceux qui ensuiuoient leur doctrine & erreur, abandonnans l'Eglise Catholique se nommerent Diacrinomenes, c'est à dire, les separez ou douteux : & ne les peult on en aucune maniere induire à approuuer & receuoir ce que si bien & iustement auoit esté ordonné & decreté en tant sainte assemblee. Ceux cy donc estoient diuisez en douze sectes & opinions, desquelles ont pullulé & prins commencement beaucoup de milliers d'heresies. Aucuns sectateurs d'icelles estoient appelez Euty-  
chianistes, pour autant qu'ils receuoient & ne vouloyent croire en matiere de religion que de Dioscore & Eutyche : lesquels auoyent enseigné que le Christ estoit seulement Consubstantiel au Pere & non pas à nous, :: qui confessons la nature humaine estre vraye & non feinte en Iesus Christ. Or tous ceux qui resisterent au quatriesme Concile, vsurperent & prindrent grande licence & liberté apres le decez de Leon Empereur, quand Zenon ou Anastase seigneurierent & administrerent l'Empire. Au mesme temps, sortirent les :: Acephales, desquels Seuer, Euesque d'Antioche, fut capitaine & grandissime proteſteur : & enseignoyent & mal, que la nature du Verbe & de la chair, n'estoyent qu'une : & d'auantage, ces Iacobites, les Theodosiens, les Iulianistes & plusieurs autres en grand nombre, s'eleuerent contre l'Eglise, lesquels en som-

*Des Iacobi-  
tes, & de  
leur secte.*

*Eutychia-  
nistes.*

*:: A cause  
qu'ils ne  
s'accordent  
point à no-  
us, &c.*

*:: Acepha-  
les, ou sans  
chef.*

## LIVRE XVIII. DE L'HISTOIRE ECCLESIASTIQUE

*Monophysites ou enseignant une nature.* me estoient nommez . Monophysites , pource qu'ils pensoient & dogmatifoyent contre droit & raison , qu'apres l'union ineffable il n'y auoit en Iesus Christ qu'une nature du Verbe & de la chair . Ces Acephales , d'autant que l'Empereur Zenon ne blasmoit ny anathematifoyoit le saint Concile , ne voulurent recevoir son esprit ou edict de pacification , par lequel vraiment il taschoit & bailloit les moyens de reduire & reunir les Eglises . Or ils estoient subiects aux Euesques . A cause dequoy , quand furent decedez les Euesques & Prestres qu'ils auoyent , ny le Baptisme en leur endroit fut administré selon l'ancienne coustume receüe en l'Eglise , ny firent oblation ou autre sacrifice diuin , & s'ils ne celebrerent le seruice Ecclesiastique ainsi comme on souloit parauant : mais ils auoyent une communion ou hostie gardée de long temps , qu'ils diuisoyent en petites particules pour la distribuer es series de Palques aux personnes qui viendroyent pour recevoir .

*Les heretiques mesmes gardoyent l'Eucharistie. :: Qui faisoient trois dieux.* En ce temps là , chacun viuoit en liberté & prenoit telle puissance & permission que bon luy sembloit : & pour autant que tous ainsi librement , sans estre recherchez ne forcez en leur conscience suiuoyent & admettoient telle foy & credence qu'ils vouloyent , il aduint que grande troupe de gens defaillirent de l'Eglise & deuiendrent heretiques , comme :: Tritheites , Agnoetes , Theopaschites , Iacobites , Armeniens , Seuerites , & Aphthartodocites , lesquels estoient fortis & auoyent prins leur origine de Iulien de Halicarnassee , qui estoit bien d'opinion que le corps de nostre Seigneur estoit créé , mais aussi il enseignoit que dès la conception le mesme estoit incorruptible & immortel . Ceux qui repugnoient à leur doctrine , les appelloient Phantasiastes & Manicheens , comme ceux-cy au contraire , nommoient les autres Pthartolates & Scenolates .

*Phantasiastes.* Voylà de quelles heresies & principalement des Seuerites assaillans l'Eglise de toutes parts , sans tenir aucun conte du concile de Calcedone , elle en fut debatue , tourmentee & agitee par long temps , d'où vindrent grandes seditions , troubles & confusion . Car mesme le menu peuple , aupres de la closture du grand autel , menaçoit de bien battre & mutiler les Prestres , & les deiecter ignominieusement hors les saintes Eglises , s'ils estoient si hardis de faire quelque mention en lieu quelconque de ce Concile , ou de l'enregistrer dedans les saerez liures , ou de prononcer seulement les noms des saints Peres qui y auoyent assisté , & publié les decrets d'iceluy .

*Tome ou section de Leon.* D'auantage , ces heretiques taschoient par tous moyens à eux possibles de tollir , casser & supprimer le sacré tome ou section de celui qui est en Paradis , saint Leon Archeuesque de la vieille Rome , laquelle section les sectateurs & amateurs de la vraye pieté appelloient à bon tiltre , Le tableau , colomne , ou constance de la foy & doctrine sainte & catholique , pour autant qu'elle soustenoit constamment ce saint Concile .

*Euloge, Pape Alexandrin.* Depuis , ce grand & diuin personnage Euloge Pape , Alexandrin , ayant fait quelque interpretation sur ce tome , le prononça & publia en paroles disertes & expresse fort elegamment , estant disposé & ordonné entierement comme il falloir : lequel Euloge a aussi laissé en l'Eglise de Iesus Christ plusieurs autres escripts dignes d'estre leuz . Apres luy , quelque temps ensuiuant

*Anastase Sinaïte Antiochien.* Anastase Sinayte Euesque d'Antioche , lequel aussi defendoit le saint quatriesme Concile , rembarra viuement en ses œures , l'erreur des Monophysites & Acephales , & par raisons euidentes & argumens tres-certains prouua que ce tome ou section enseignoit parfaitement & pleinement la vraye religion , & que la doctrine d'icelle estoit totalement selon la vraye pieté .

*Les defen-seurs de l'heresie des Monophysites.* Mais au contraire , Dioscore , Gain & Seuer Antiochien : plus , laques & Jean le Grammarien surnommé , Philopone (lequel mit en lumiere beaucoup de liures difficiles & mal-aisez à contredire & refoudre , contre le quatriesme Concile ) pour impugner & reprendre les decrets & doctrine de ce Concile , escriuirent malicieusement , & enseignerent contre l'honneur de Dieu , qu'il n'y auoit qu'une nature en Iesus Christ , mais deux subsistances : mais principalement Seuer soustenoit telle opinion , de laquelle il escriuit vn liure entier . Toutesfois les mesmes en quelques endroits parmy leurs liures confesserent deux natures en nostre Seigneur . Chose certes que plusieurs lesquels n'y regardoyent d'assez pres estimoyent estre veritable & selon Dieu , mais tantost apres par vn autre moyen retomboyent en la meschanceté & erreur de ceux-là .

Voilà en quel estat demeura le fait de la religion , iusques à tant que Iustinien fut déclaré & esleu au gouvernement de l'Empire : car dès-lors qu'il en receut la charge & superintendence , tous les meschans , comme bestes sauvages se retirerent & firent leurs assemblees & conuenticules en cachettes & cauernes , veu qu'il fit conuenir & amasser le cinquieme Concile en nombre de cent & soixante saints Peres : combien que luy-mesme puis apres , induit par la folie de quelque enforceleur , fut abusé & attiré à tort & à trauers en heresie , & desuoya de la vraye religion , comme j'ay dict au liure precedent . Au demeurant ie traiteray cy apres de la confusion de ces heresies .

*Encore*

Encore de l'heresie des Monophysites, parce que l'opinion d'iceux est abusive & fort dangereuse  
touchant l'incarnation du Verbe de Dieu.

CHAP. XLVI.



E reciteray presentement qu'elle estoit la doctrine des Monophysites, & de qui, comme de quelque pernicleuse racine de tous maux, ont pullulé les heresies & schismes sus mentionnez, s'entreténas comme en rond, s'entremellans & pendans les vns des autres, cōme d'une chaine. Quand donc ils discernoyent les natures qui conuiennent :: ensemble en Iesus-Christ, ils estoient contraincts par necessité d'en confesser deux : mais quand ils mettoient l'une & l'autre ensemble en l'incarnation du Verbe, ils n'asseuroyent pas ny estimoyēt que les deux natures fussent accordées & vnies en luy de telle façon, qu'elles ne peussent estre desmeſſees, mais

*L'heresie des Monophysites. :: Aſſe-  
noir, cha-  
ne à part  
ſoy.*

ils nen faisoient qu'une compoſee : & ſouſtenoyent en confirmant par exēple la raiſon de leur opinion que comme l'homme de vray eſt fait & compoſe de corps & d'ame, & que la nature de l'ame eſt autre que celle du corps, & celle du corps autre que celle de l'ame, ſi on veult les conſiderer à part : mais quand elles ſont cōiointes & vnies enſemble, adonc elles rendent l'homme ayant vne nature compoſee : car, diſoyent ils, il ne fault pas ſouſtenir que l'homme ſoit deux natures, mais vne compoſee & vnue. Auſſi auoyent ils telle opinion de noſtre Sauueur Ieſus-Christ, ſçauoir eſt, qu'il eſtoit compoſe de deux natures, mais que apres l'vnion & compoſition ces deux natures eſtoient faiſtes vne cōpoſee. Doctrine certes que l'Egliſe abhorre & la deſdaine comme quelque meſchancetē qui merite expiation. A raiſon de quoy, meſme ce grand Theologien Gregoire, expoſant ſon opinion & ſentence touchāt les deux natures, dit tres-bien & ſubtilement qu'elles retiennent leur propriētē, c'eſt à ſçauoir, de quoy elles ſont, en quoy & quelles. Or a il mis, de quoy, à fin de declarer la nature de la diuinitē & de l'humanitē : en quoy, à fin de retenir les deux natures apres l'vnion & conionction, & non pas pour les confondre & entremeller à cauſe de l'vnion mutuelle des natures : & quelles elles ſont, à fin qu'aucun ne penſaſt que Ieſus-Christ fut fait autre choſe apres l'vnion & compoſition des natures. Nous pourrons conſiderer & colliger plus parfaicte preuue & raiſon de ceſte doctrine, de l'exemple qui ſ'enſuit : Il n'y a celuy qui ne confeſſe que noſtre corps eſt creē & compoſe des quatre elements, du feu, de l'air, de l'eau & de la terre, eſquels meſme il git & conſiſte : & ainſi ces quatre commencemens & qualitez ſon tretienues & gardees en noſtre corps, deſquelles & eſquelles il eſt & conſiſte : mais il n'eſt ce qu'elles ſont : car apres l'vnion & conionction des elements, noſtre corps n'eſt pas purement feu, ny entierement air, non pas vniquemēt eau, ny proprement terre : mais il eſt ie ne ſçay qu'elle autre choſe, que ces quatre là. Ce que lon peut congnoiſtre euidentement & à l'œil : car chacune partie de noſtre corps eſt ie ne ſçay quoy autre que les elements : Mais en la diuine vnion & copulatiō, il n'y a rien autre choſe apres que les deux natures ſont aſſemblees & vnies : car tout cecy, Ieſus-Christ, Dieu & homme, n'eſt qu'un : Mais tant y a que ceſte heresie & ſecte eſtoit plus exquiſe, plus ſubtile & mieux fondee que les autres, pour autant que les auteurs & deſenſeurs d'icelle eſtoyēt excellētes perſonnes & de grand ſçauoir, & nomēment Iean Philopone que nous auons mentionné, lequel durāt le preſent Empire, des

*Gregoire  
Nazianze.*

*De Iean  
Philopone.*

Du philoſophe Iean Philopone Trithēite.

CHAP. XLVII.



Dilopone eſtoit Alexandrin de nation & grand philoſophe : & combien qu'il fuſt rude en ſon ſtyl, & non pas fort louable en ſon parler & ſa dictiō, toutesſois il eſtoit grandement admirable en diſputes & probations d'argumens, raiſons & demōſtrations, & bien exercē & verſe au poſſible en la doctrine de Platon & d'Ariſtote : ſur leſquels, principalement ſur les liures d'Ariſtote, il a laiſſe à la poſteritē de fort belles enarrations & expoſitions des ſentences obſcures, leſquelles ſe trouuent encore de preſent. Le meſme eſtant admonēſtē & induict par ce mal-heureux Serge, lors Eueſque de l'Egliſe Conſtantinopolitaine, à propoſer, mettre en auant & preſcher ſon heresie, cōpoſa & luy dedia vn liure ſubtil & de grande inuentiō, intitulē L'Arbitre, ou bien, De l'vnion, auquel il comprenoit toute ceſte heresie en dix chapitres & principaux poinſts. Et pour prouuer & faire trouuer bone ſa deteſtable doctrine, il rechercha diligemment & y employa toute ſa philoſophie. Outre les precedens, il mit en lumiere beaucoup d'autres eſcripts qu'il adreſſoit aux Grecs & autres ſemblables heretiques : eſquels en dogmatizant pernicleuse & erronnee doctrine, il enſeignoit ce qui ſ'eſuit : Tous ces corps ſenſibles & viſibles

## LIVRE XVIII. DE L'HISTOIRE ECCLESIASTIQUE

font creéz & produitz de Dieu selon la matiere & forme de ce qui n'estoit point en ce qui a prins estre : & sont suiez à corruption & se corrompent quant à la matiere & la forme : & au lieu de ceux qui sont presentement, Dieu en fait & forme d'autres bien plus parfaits & excellens que ces visibles, lesquels seront incorruptibles & perdurables à iamais. Outre plus, il affermoit que cest vniuers & mode visible se passeroit & prendroit fin, & que puis apres on en creeroit vn autre de nouueau. Il estimoit aussi & croyoit que la resurrection des morts seroit vne reünion & conionction indissoluble & inseparable des ames raisonnables avec le corps corruptible. Aufquelles sentences & opinions vn certain Conon resista fort & ferme & le debouta & deiecta aussi bien que ses œuvres & escripts (comme nous dirons) : or que parauant il les eust approuuez & receuz. Ce Conon donc admettoit que ces corps deherroyent & viendroyent à neant, non pas quant à la matiere, mais seulement selon la forme : & que de rechef ils seroyent reformez & remis en estre en tant que ceste matiere prendroit vne forme plus parfaite & excellente. Il soustenoit aussi que ce mode auoit esté creé quant à la matiere & la forme, mais qu'il seroit consumé & finiroit selon la forme tant seulement, & non pas selon la matiere. Et quant à la resurrection des morts, il maintenoit qu'elle se feroit par certaine vnion & composition indiuisible de ce corps avec l'ame raisonnable. Voire mais Philopone, outre ce que nous auôs dit, philosophoit, ou plustost à vray dire folioit, & tenoit tels propos de nulle consequence : Nous disons que la nature de toutes choses n'est point l'estre simplement, mais en deux manieres : l'vne quand nous considerons la commune raison en soy-mesme de la nature de quelque chose que ce soit, comme la nature de l'homme ou du cheual, laquelle ne consiste en aucune chose qui se puisse dire d'un seul suiet, & est indiuiduë : & l'autre maniere, quand nous regardons ceste commune nature qui est en vn suiet indiuidu, & principalement la particuliere, laquelle recoit vne subsistence, en chacun des indiuidus, & ne peut plus d'ores en auant conuenir à aucun, sinon à celuy-là seulement : car ce qui est en moy, animant capable de raison & mortel, ne peut estre commun à autre homme, ny la matiere qui est en vne chose ayant ame, n'est en aucune autre. Or que la doctrine de l'Eglise tiennet ces notions & congnoissances touchant les natures & subsistances, il est tout euidet en ce que nous faisons profession & cōfessons la nature du Pere, du Fils & du S. Esprit : mais nous enseignons trois subsistances ou personnes d'iceux, par lesquelles chacune est discernée & distincte des autres par quelque propriété. Car quelle pourra estre la nature de la Diuinité, sinon quelque cōmune raison de la nature Diuine qui de soy-mesme sera considérée & par la seule & pure contemplation discernée de la propriété de chacune ? Que si au contraire, nous considerons proprement & peculièrement ce nom de nature pendant que nous contemplons la raison & consideration commune de la nature en chacun des indiuidus ou subsistances, estre faite propre & peculiere d'un chacun, laquelle depuis ne puisse estre adoptée à nulle autre chose qui aduienne à vne espece cōmune & qui conuenne à plusieurs, de là il est tout manifeste qu'es deux natures de Iesus-Christ nous enseignôs l'vnion & coionction, i'entens de la Diuinité & humanité. Car nous ne disons pas ny entendons que la diuinité commune, que nous considerons en la sainte Trinité, soit incarnée & ait prins chair : car ce faisant nous enseignerions que le Pere & le saint Esprit seroyent incarnez : mais auant nous ne sommes d'opinion, que la commune raison & consideration de la nature humaine soit vnice au Dieu Verbe : car en telle sorte on pourroit dire que ce Verbe de Dieu seroit vny à tous les hommes, tant qui ont esté deuant son aduenement, que qui seront depuis. Ainsi il est assez notoire que nous disons & entendons en ce lieu, la nature de la Diuinité qui est en la subsistence du Verbe, & non pas la nature de la Diuinité commune. Et pourtant nous confessons que la nature de Dieu Verbe est incarnée seulement, la separans expressément du Pere & du saint Esprit : tellement que quand nous entendons la commune raison de nature estre la propre de Dieu Verbe, nous disons la nature de ce Verbe estre incarnée : & quand au cas pareil nous disons que la nature de l'humanité est vnice au Verbe, nous entendons principalement ceste particuliere substance qu'a prins le Verbe tant seulement.

*De Leonce, moine, & de George Piside.*

*CHAP. XLVIII.*

*Ceux qui se  
pugnoient  
à Philopone.*



*Gregoire  
Nazianze.*

*Leonce.*

R ce Philopone, avec ses sectateurs de mesme religion que luy, distinguoyent en plusieurs parties la commune nature humaine, mesme la Diuine que nous disons indiuisible, la discernans & attribuant separémēt aux indiuidus & choses qui appartiennent à vn seul, & la departans es trois subsistances de la nature surnaturelle : Mais cela est tout contraire & aliene de la vraye opinion, comme tresbien & apertement afferme c'est excellent docteur en Theologie Gregoire, en son liure de la Diuinité qu'il a escript au nom du moine Euagre. Et apres luy aucuns personages de grande experience & doctrine ont refuté & cōuaincu par raisons ce que Philopone semoit & enseignoit à tort & sans cause. Et outre, que plusieurs l'ont oppugné par leurs escripts, encore beaucoup plus pertinemment, & sur tous autres Leonce moine a composé contre luy vn bon liure, diuisé

en trente chapitres : par lequel il renuerse entierement & ceste heresie, & confirme au possible nostre bonne doctrine & sentence. George Piside diacre admirable & referendaire, egal ou de *George Piside.* mesme temps que le precedent, combien qu'il fust de quelque peu plus ieune, le seconde de bien pres, & par carmes Iambiques, que doctement il souloit composer, liure l'assault contre ceste heresie : car entremeslant & inferant chose graue & de consequence, avec ce qu'il faisoit par maniere de passe temps & recreation, dit ainsi confutant l'erreur & absurdité :

„ Calculant de pierrettes, vn & vn mets en conte,  
 „ Mais contant vn & vn, si vn seul tu estime,  
 „ Les plus petits enfans de mocquerie & honte  
 „ Digne t'estimeront en propos si infime.

Ce qu'il a voulu exprimer par ces vers s'entend ainsi : Tu enseignes, ô Philopone, tant tu pense estre diligent & le plus sage de tous les Philosophes, que deux natures ou essences sont vnies & conioinctes au Verbe, l'une de la Diuinité, l'autre de l'humanité. Si donc ainsi est comme tu assure, que ces deux natures soyent conioinctes en iceluy Verbe, comme se fait-il que de rechef tu assembles & ramasses les deux en vne : car vne & vne, sont deux, & non pas vne seulement. Et par ainsi, si quelcun en vn mesme suiet demonstroït deux choses, & que puis apres il les reduist & remist en vne, il se feroit moquer de luy, & à bõ droict. Or ceste heresie des *l'heresie de Nestorius,* Monophysites estoit totalement contraire à l'opinion du meschant Nestorius : car à cause des *contraire à celle des Monophysites.* deux natures, il adioustoit aussi deux subsistances : & ceux cy, à cause d'une subsistence, mettoyent aussi vne substance & nature. Mais Nestorius, à fin que nous touchions encore quelque poinct de son erreur, n'admettoit que Dieu fust fait homme, ne qu'il fust descendu du ciel pour s'vnr & ioinre à la nature & essence humaine en mesme substance, mais seulement par quelque habitude & affection. Car il disoit que Dieu Verbe estoit vny à l'homme engendré de Marie, tout ainsi cõme vn amy se conioinct & allie avec vn autre par amour & affectiõ. Aussi ce Nestorius disant qu'en l'vñion de Dieu & de l'homme il y a multiplicité, abusoit & trompoit le monde par vne certaine & latente fraude, mais realement & de fait il enseignoit tres-euidemment la diuision, & non pas l'vñion. Car si quelcun disoit que Dieu Verbe est vny & conioinct à l'homme non pas en substance mesme, mais par ie ne sçay quelle amiable affection, ce ne seroit pas vñion certaine, ains plus-tost vne vraye diuision & separation. Parquoy ce galand Nestorius maintenoit que le mesme estoit homme & petit & hault : petit, comme estant destitué & sans la substantielle vñion de Dieu : & hault, comme estant parfait en vertus de sa premiere natiuité. Et par tant ce meschant appelloit la vierge Marie non pas Mere de Dieu, ains Mere du Christ : comme si elle eust engendré tant seulement vn homme diuin & amy de Dieu, & qui auroit receu de Dieu quel que vñction, sçauoir est, de dignité prophetique ou royale ou sacerdotale, & non pas que de substance mesme il fust vne & conioinct avec Dieu par l'incarnation. Voylà donc quant à l'opiniõ de Nestorius. Mais le tres-malheureux Eutyche voire en ses meilleurs escrits, faisoit profession *l'heresie d'Eutyche.* que Dieu certainement estoit né de la vierge immaculee & Mere de Dieu, ce que seulement il a bien dit & comme il est vray : mais il cuidoit que la chair qu'il auoit prinse, estoit feinte : & ainsi meschamment des autres choses qu'il dogmatizoit & enseignoit sans consideration : car il soustenoit que Dieu Verbe changé & fait chair d'une mode immuable, auoit feint en apparence & contrefait l'economie, administration & execution de nostre salut. Et partant il assermoit toutes choses corporelles en apparence estre feintes en luy, simulces & desguisees par quelque fantasie. Et quant à ce que la nature Diuine qui ne peult estre limtee, determinee ny arrestee auoit esté crucifiee, cela s'entendoit en apparence & par imagination. A tant donc soit cy parlé de ces deux heresies entierement contraires l'une à l'autre, comme il est dit, sçauoir est, de celle de Nestorius, & des Monophysites, desquelles puis apres, Iean Philopone, Alexandrin, fut le chef & superintendant.

*De la diuision & dissention entre les Tricheites descendus de Seuer.*

C H A P.

X L I X.



Seuer a le bruit d'auoir esté le premier autheur & chef de ce schisme & heresie, & dit on que depuis Iean Philopone la defendit : & aussi qu'apres Seuer, Theodose, lequel tels heretiques esleurent comme Pape en Alexandrie, receut & authorisa premierement ceste secte : & autres puis apres, desquels sont venus ceux qu'on appelloit les Agnoetes & Contobaldites, ayans prins tel nom d'un certain lieu, lesquels aussi furent nommez Theodosiens, pour autant qu'ils suyuoient principalement

*l'heresie des Agnoetes, des Contobaldites & des Theodosiens.*

E E E

## LIVRE XVIII. DE L'HIST. ECCLESIASTIQUE

l'opinion de ce Theodose par nous mentionné : mais il les detesta & excommunia du depuis : tellement que decheant l'heresie de toute ignorance, elle fut mise en oubliance & n'en ouyt on plus parler. Les aucuns, pour autant qu'ils ne voulurent recevoir & admettre ce que Theodose auoit escript & composé de la Trinité, eurent nom, comme nous auons dit, Contobabbites, de quelque lieu, lesquels aussi pour ce qu'ils adheroyent seulement à l'opinion de Seuer, furent denommez Seuerites. Il y eut encore vne autre troupe de Seuerites appelez aussi Theodosiés, à cause qu'ils les admettoient tous deux : & pour le troisieme, vn certain Paul surnommé le Noir. La troisieme bande des Seuerites estoit quant & quant Theodosienne, Angelite & Damianiste, lesquels auoyent leurs Euesques, du nom desquels ils prenoient leurs titres conuenables. Les seuls Contobabbites d'entre les autres n'auoyent point d'Euesques. Or ces Seuerites qui conuenoyent ensemble avec les Theodosiens, Angelites & aussi Damianistes, disoyent que le Pere estoit autre que le Fils, & le Fils diuers du Consolateur ou saint Esprit, & que chacun d'iceux n'auoit pas de soy-mesme vne nature à part, mais qu'en iceux estoit vne commune Diuinité, & que participans de ceste Diuinité par vne maniere indiuisible, vn chacun d'eux estoit Dieu. Mesmement ils cuidoyent & auoyent opinion que le Pere, le Fils, & le saint Esprit estoient vne subsistance : & que ceste Diuinité estoit en commun vne subsistance & nature. Ceux cy donc estoient appelez par leurs aduersaires, Angelites, d'un certain lieu d'Alexandrie qu'on disoit Angele, auquel les principaux de la secte faisoient leurs assemblees & conuenticules.

*Angelites.* Leurs contraires encore, & qui repugnoient à leur doctrine, les soustenoyent estre Sabellianistes & Tetradites. D'abondant il se trouuoit vne quatrieme ligue de Seuerites, lesquels pareillement portoyent le nom de Petrites qu'ils auoyent prins d'un nommé Pierre, leur Euesque.

*Tetradites.* Iceux approuuoient l'opinion de Seuer & de Theodose, mais ils repudioient celle de Paul & de Damien qu'ils tenoyent pour meschante & erronnee, mesme les reprenoient & reputoyent plus qu'heretiques, par ce qu'ils communioient avec l'Eglise Catholique, & approuuoient le quatrieme Concile. Car ces Petrites enseignoyent & faisoient profession que selon la verité chacune essence & nature estoit Dieu de soy-mesme, disans : que le Pere & le Fils & le saint Esprit estoient en toutes choses de semblable essence & nature, & non pas en nombre : Et pour ceste cause Paul & Damien les appelloient Tritheites : comme aussi ceux cy les maintenoient aucunes fois estre Tetradites, les autres fois Sabellianistes, comme i'ay dict maintenant.

*Petrites.* Outre plus, il s'esleua encore vne cinquiesme secte de Seuerites & Theodosiens, qui estoit appelee Cononite, lesquels receuoient & pensoient bonne l'opinion de Seuer, de Theodose & aussi de Conon qui entre eux fut Euesque, & duquel ils retenoyent le nom. Ceux cy d'oc confessoient que chacune nature & essence, à sçauoir, le Pere, & le Fils & le saint Esprit estoit veritablement Dieu : d'auantage, ils ne denioient les trois personnes, sçauoir est, la sainte Trinité & les trois subsistances : mais disans que selon la deité les trois substances & natures en nombre estoient semblables en toutes choses, & confessans que la sainte & consubstantielle Trinité estoit vne subsistance, ou nature, vne deité ou vn Dieu, ils reculoient & ne vouloyent accorder absolument trois Dieux ou trois Deitez en nombre : mais (en toutes choses) de semblable Deité. Tant s'en salut donc que ces Cononites receussent & approuuassent la sentence de Damien, de Paul, ou de Pierre qui fut leur dernier Euesque, que plustost les Damianistes, Pauliens & Petrites, premiers les appelloient Tritheites. Or estoient ils diuisez en ce que ceux-là refusans & ne voulans entendre que le Pere, le Fils, & le saint Esprit fussent trois Dieux ou trois Deitez, tergiversoyent & ne vouloyent venir à ce point de confesser, que les trois substances en nombre fussent semblables ny differentes en chose quelconque : & ceux cy surseoyent & auoyent en horreur dire qu'il y eust trois Dieux ou trois Deitez : mais bien maintenoient-ils que les trois substances ou natures en nombre estoient semblables. Or ces Cononites ayans receu de prime instance les escripts que Iean Philopone grammarien Alexandrin auoit composé & mis en lumiere contre les Grecs ou Gentils, ou touchant quelques autres points, en fin finale ils reietterent & luy & ses œuvres qu'ils anathematizerent & excommunierent.

*Cononites.*

*De l'opinion des Agnoetes.*

CHAP. L.

*L'heresie  
des Agnoe-  
tes.*



Iean Philopone Alexandrin, comme il est dit, estoit le chef & autheur de l'heresie des Tritheites, tout ainsi que iadis Themiste philosophe monstra le chemin & fut le precurseur de la secte des Agnoetes sous Valent : laquelle aussi dès ce temps là fut esteinte & abolie, mais elle reuint en estre & recommença sous ces Seuerites, dont nous auons parlé, à tourmenter & affliger grandement le pauvre peuple. Car Seuer Acephale la remit au dessus & renouella : & mesme les sectateurs d'icelle furent surnommez non seulement Agnoetes, mais aussi Seuerites : lesquels enseignoyent & confessoient que vrayement Dieu Verbe auoit pleine congnissance de toutes choses, mais que l'humanité qui luy estoit vnée & adoptee selon la subsistance ne



ne les congnoissoit parfaitement : mesmement qu'il ne sçauoit ny l'heure ny le iour de la cōsommation de tout le monde, comme estat moindre que le Pere, pour autant que luy-mesme disoit en l'Euangile selon saint Matthieu & saint Marc : Or de ce iour là & heure nul ne le sçait, *Matt. 24.*  
non pas mesme les Anges des cieus, n'aussi le Fils, sinon le Pere seul. Et ainsi sous pretexte de *Marc. 13.*  
tels propos semerent leur doctrine premierement Arrius, Aetie & Eunomien, Heresiarques & princes des heretiques & autres qui s'ensuyuirent, lesquels autant malicieusement qu'indocement mettoient en auant que le Pere estoit d'une autre nature que le Fils : & que quant au Pere il n'auoit commencement, mais que le Fils estoit creature, lequel ayant prins commencement pour vn temps, ne pouuoit aussi estre egal au Pere en toutes choses. Laquelle opinion ce The-miste philosophe receut de main en main, la confirma d'auantage & defendit au possible : tellement que nous pourrions dire que ceste heresie fut comme la source & ruisseau de la doctrine des Arriens. Mais les vieux auteurs & defen-seurs d'icelle s'euanoüirent en vn instant & disparurent avec leur mensonge & abus controuuë, lors que la pieté & deuoir enuers la vraye religion commença à reluire & reprendre sa forme & bon accroissement. Toutesfois les heretiques multiplierent de leur temps, & tant que leur fut loisible augmenterent ce mal : mais quelque peu apres, deuindrent aussi à neant, & fut ceste heresie assopie & enseuelie au profond de toute ignorance, si qu'on ne sçait qu'elle deuint.

## Touchant l'heresie des Theopaschites.

CHAP. I.



N ce mesme temps avec les precedentes commença de rechef à pulluler l'heresie des Theopaschites, laquelle de iour en autre print grād accroissement & plus long traict : car petit à petit Seuer la resueilla tant qu'il peut, comme estant endormie, & fit ressusciter ce serpent & hydre à plusieurs testes, qui en procedoit. Mais le premier parent & inuenteur d'icelle & qui la mit au monde, fut ce mal heureux Pierre, surnommé Cnaphee : lequel, comme nous auons escript par cy deuant, osa entreprendre, tant il estoit outrecuidé & meschant, d'adiouster & mettre vn accessoire à l'hymne trois fois saint. Or cest hymne trois fois saint, comme il ap-

*L'hymne  
trois fois  
saint, ou  
auquel est  
repliqué  
trois fois,  
saint.*

pert & me semble, a esté transmis & donné de main en main en l'Eglise de Iesus Christ, dès les Apostres, mesme deuant le temps de Theodose second, & du patriarche Procle, aussi bien que ceste prose & cantique : « Iesus Christ lumiere plaisante, &c. ainsi que tesmoigne le bien renommé & grand Basile es trente chapitres escripts & dediez à Amphiloche : & comme ce verset, Gloire soit au Pere & au Fils & au saint Esprit, a esté inuenté par Flauien Euesque d'Antioche à l'aide & secours de Chrysostome. Il est bien vray que durant l'Empire dudit Theodose, lors que Procle auoit la charge du Patriarchat, du temps que quelques vns tachoyent de tout leur pouuoir controuuer & attribuer passion & souffrance à la diuinité du Fils vnique de Dieu, ainsi que tout le peuple faisoit supplications & prieres publiques pour les excessifs tremblemens de terre, soudainement vn ieune enfant rauy & esleué en l'air en presence de tout le monde (comme nous auons recité assez clerement au chap. 46. du liure 14.) entendit de ses propres oreilles & sans feinctise, que les ordres Angeliques chantoient parfaitement bien & de bonne grace & harmonie cest Hymne tres-saint, sans aucune adiection. Dont est aduenue la coustume de chanter à Dieu tel Hymne en toute l'Eglise vniuerselle. Et certes quiconque premierement composa ce chant, l'apprint & en receut la maniere des Anges chantans Saint, Saint, Saint. Et quant à ce qui s'ensuit apres, il est prins de la lyre & harpe harmonieuse du psalme quarantième de Dauid, où il est dit : Mon ame a eu soif apres Dieu fort, viuant : tellement que l'auteur de cest Hymne a retenu & gardé ces mots, Dieu & fort, en leurs termes propres & entiers sans y rien changer, comme il les a trouuez dans le Psalmiste : & a mué seulement ceste diction, Vif, en vn autre nom de mesme energie & signification, Immortel. Aussi il adiousta, Saint, à ceste diction, Dieu, pour l'opposer & mettre au deuant des idoles qui sont œures de mains humaines & pleines de toute abomination : comme aussi il a mis, Fort, pour la grande imbecilité & infirmité des simulachres, qui ne peuuent aucunement se bouger d'un lieu. Autant en fault il dire, d'Immortel, à fin de se moquer & auoir en derision les troncs & pieces de bois des statues qui n'ont point de vie, & ne peuuent respirer, & ne sont conduictes par bon sens ou entendement.

*S. Basile au  
liu. du S. Es-  
prit, ch. 29.*

Or ces Theopaschites qui auoyent prins leur source & origine de Pierre & de Seuer, voulans accommoder cest Hymne tant admirable, non pas à la diuine Trinité, mais se mettans en diligence de le chanter & attribuer seulement au Verbe incarné, ont esté si temeraires que de le corrompre par quelques additions, en adioustant malicieusement à ces mots, Saint & Immortel, ceste clause : *Qui a esté crucifié pour nous* : laquelle meschanceté est de l'inuention premiere-ment & institution de Pierre Cnaphee, & apres luy Seuer Acephale, ou plustost hydre ou serpent à plusieurs testes, l'enseigna depuis : combien que les sectateurs d'iceluy l'attachans

E E e ij

# LIVRE XVIII. DE L'HIST. ECCLESIASTIQUE

par calomnie à Macedone Constantinopolitain, le chargeant d'auoir inuenté & mis en lumiere telle adiection. Mais quoy qu'il en soit, il semble certainement que ceste heresie soit fort ancienne : comme mesme declare assez appertement en ses liures Athanase, qui en a soustenu beaucoup de cōbats à l'encōtre. Si d'auenture on ne vouloit dire que ce saint Pere l'eut preuene & cōfutee, comme à la verité il en contredit & abolit d'autres par ses escripts, iagoit qu'elles s'esleuerēt & prindrent leur commencement apres son decés. Ceste heresie donc estant inuētee en premier lieu par Cnaphee, secondement augmentee à merueille & remise au dessus par les complices de Seuere, bien tost apres fut abolie & retrenchee de l'Eglise, & disparut entierement: cōbien que iusques à present elle soit retenue entre les Armeniens seulement, lesquels refusent porter obeissance aux constitutions & traditions Catholiques, & ne veulent approuuer le rauissement en l'air de ce ieune enfant, lequel descendu du hault en bas, fit entendre à tous ce Chant tres-sainct & la doctrine que diuinemēt auoit il ouye & apprinse : mesmement le saint concile de Calcedone receut & ratifia cest Hymne & Cantique de loüange, & ordonna par ses decrets qu'il le faloit ainsi chanter simplement & sans addition. Parquoy c'est vne folie & moquerie de permettre qu'une louange enseignee & chantee par les Anges & Seraphins, approuuee & confirmee par vn si bon nombre de notables & saints Peres assemblez à ce sacré Concile, qui bailla doctrine expresse d'une Diuinité en trois subsistences ou personnes, soit maintenant vilipendee, corrompue & interpretee à l'opinion & phantasie de Cnaphee, puis de Seuere : & qu'à leur plaisir & volonté soit corrigee & changee, comme fils estoient par dessus les Cherubins. Or ceux qui en telle sorte soustindrent ceste heresie furent appelez Theopaschites, ayans pour chefs & premiers autheurs Cnaphee, Pierre & Seuere, comme il est ja dict, & d'abondant vn nommé Iacques : lesquels puis apres s'efforcerent d'affirmer & enseigner qu'en Iesus Christ il n'y auoit qu'une nature, vsans de telles raisons : Si nous accordons qu'en nostre Sauueur il y ait deux natures, il s'ensuyura en consequence qu'il y ait necessairement & sans cōtredit deux volontez : & si cela est concedé & admis, on y trouuera aussi par la mesme necessité, deux personnes, & deux vertus ou puissances operatrices totalement contraires & repugnantes.

*« Iesus Christ lumiere plaiante) O Iesus Christ plaiante lumiere de la sainte gloire du Pere immortel; celeste, saint & beneist : veu que nous sommes paruenus iusques au soleil couchant, regardans la lumiere du vespre, nous louons Dieu le Pere & le Fils & le saint Esprit. O fils de Dieu qui donnez la vie vous estes digne d'estre celebré en tout temps par voix heureuses: par quoy le monde vous glorifie.*

De Iacques Syrien, & des Iacobites. CHAP. LII.

Iacobites.



E Iacques, duquel est denōmee l'heresie des Iacobites, maintenant tant celebre, estoit de nation Syrien, homme incongneu, issu de pauvres parens & de nul credit, lequel mesme à raison de sa grande paureté fut surnommé Zanzale. Iceluy donc receuant & se persuadant l'opinion & doctrine d'Eutyché, Dioscore & Cnaphee, de Pierre aussi & de Seuere estre vraye, s'efforça grandement la semer & publier aux Syriens. Or l'Eglise Catholique fait profession & confesse sainement que nostre Seigneur Iesus Christ est vne subsistence qui git & consiste en deux natures, sçauoir est, diuine & humaine, de maniere que l'une & l'autre retiēt

entierement apres l'vnion & cōiunction ses proprietéz, & que l'vnion de ces deux natures n'admet ny endure aucune mixtion, mellange, mutation ny alteration : & que Dieu & hōme ce n'est qu'un, & qu'il a deux volōtez, vertus & puissances operatrices, à sçauoir, la diuine & humaine.

Mais Eutyché disoit au contraire que deuant l'vnion estoient bien deux natures, & apres, vnies & conioinctes : mais il estoit d'opinion qu'apres l'vnion & copulation elles deuenoyent vne nature, qu'elles estoient meslees ensemble & se mettoient en vne, si bien qu'il vouloit entēdre que la diuinité auoit enduré & pary, ce qui estoit le propre de l'humanité, & au contraire. Qui fut la cause pour laquelle nos saints Peres surnommerent ceux qui soustenoyent telle opiniō,

Monophysites & Theopaschites. Auquel erreur tomberent Dioscore patriarche d'Alexandrie, Pierre Cnaphee, & Seuere Acephale, tous deux Euesques d'Antioche, & en outre, plusieurs autres qui se desuoyerent à tort & à trauers. Or, pendant que ce Iacques mentionné preschoit & dogmatizoit en Syrie l'abus & erreur des Monophysites, il sy esleua vn grand discord & diuorce :

car ceux qui tenoyent le bon party & la saine religion estoient appelez Melchites, à cause qu'ils suiuyent la doctrine du saint quatriesme Concile, & la foy de leur Roy (car Melchy en langue Syriaque signifie vn Roy) & ceux qui repugnoyēt & maintenoynet opinion contraire, eurent plusieurs & diuers noms : toutesfois la pluspart se disoyent Iacobites, pour autant qu'ils s'opiniastryent & arrestoyent à l'heresie des Monophysites, que ce Iacques, duquel nous auōs parlé, defendoit de toutes ses forces. Iceux tant Monophysites que Theopaschites furent aussi excomuniiez & condānez. Et depuis ils attirerēt & esleuerēt encore vne autre bāde d'heretiques, lesquels

lesquels confessans la Trinité consubstantielle, enseignoyent qu'en Iesus-Christ il n'y auoit qu'une nature apres l'union de l'une à l'autre, repudioyent le saint quatriesme Concile, & consequemment toute la doctrine des saints Peres. Et qui plus est, ils attribuoient passion & souffrance à la diuinité du Fils de Dieu unique, & adioustoient ceste clause, *Qui est crucifié pour nous*, à l'hymne tressaint duquel nous auons traité.

*De l'estrange & abominable heresie des Armeniens.*

CHAP. LII.



Oila donc quelle a esté la racine & source de l'heresie des Iacobites: de laquelle non seulement laques fut auteur, mais aussi de la secte des Armeniens, laquelle certes se multiplia & accreut si fort, qu'on la pourroit dire la sentine, fosse & retraict d'où sont sortis & montez toutes les vilaines heresies. Car ceux qui tenoyent telle opinion consentoyent & failloyent avec Arrius, en ce qu'ils disoyent que le Dieu Verbe ayant chair sans ame, auoit prins une nature suiect & exposee à mutation & changement: & avec Apollinaire, pour autant qu'ils protestoient que le corps du Seigneur estoit sans ame & entendement, & que la nature diuine luy estoit assez & suppleoit la force & vertu operatrice de l'entendement. Aussi ils attribuoient en propre les opinions estranges & depraues de plusieurs heretiques sus nommez & citez. Les maistres & principaux de la bande furent ceux que nous auons dict, ensemble Eucharie Mantacune: de sorte que par fois ils maintenoient que Dieu Verbe auoit un corps incorruptible & celeste, sans creation, sans perpeccion, subtil & non pas consubstantiel à nous: & pensoient qu'en apparence seulement il nous auoit exhibé & représenté ce qu'il auoit de la chair en façon d'un phantôme. Et les autres fois ils disputoyent que la chair & humanité d'iceluy estoit changée & conuertie en nature de deité, & qu'elle luy estoit faicte consubstantielle. Le plus souuent aussi, ils denioient que le Fils de Dieu eust prins corps humain de la Vierge, mais qu'estant transmué d'une façon immuable, & faict chair, auoit tant seulement passé par le ventre de la Vierge: & affermoient encore, que la diuinité du Fils unique, laquelle ne peut estre determinée ny limitée, auoit esté posée en croix & mise au sepulchre. D'auantage, ils dérogeoyent & ne vouloyent qu'on adiousta foy à la natiuité de Iesus-Christ selon la chair, mais disoyent qu'elle auoit esté faicte en apparence seulement, comme & à la semblance d'un phantôme & par imagination. Et n'estendoient pas le temps du Ieufne par interualles & interpositions l'une apres l'autre, & particulièrement, comme nous faisons: mais seulement le continuoient iusques au quinzième iour du mois de Ianuier. Ils celebroyent la feste de l'Annonciation, & de la Natiuité, & du Baptême de Iesus-Christ en un mesme iour: & qui plus est, pour fonder & accroistre leur faulxe opinion, ils ostoyent & rayoyent beaucoup de mors du saint Euangile: & comme si par succession ils eussent suscité & accru l'heresie des Monophysites & Theopaschites, des Aphthartodocites & Monothelites, ils embrassoyent & retenoyent constamment ce que Pierre Cnaphee auoit adiousté & annexé à l'hymne tressaint, disans que dès le commencement on l'auoit ainsi chanté en l'Eglise Catholique: mais qu'apres le rapt & eleuation en l'air de ce ieune enfant, lequel toutes fois ils nioyent fort & ferme comme chose faulxe, auoir esté rayé & transporté, & causoyent que ce carme & cantique de louange deuoit estre attribué au Christ, Fils de Dieu unique, & non pas, comme enseignoyent les saints Peres, en l'honneur de la Deité des trois subsistances. Iceux mesmes en faisant leur sacrifice vsoyent de pain sans leuain, & administroyent de vin non mélé d'eau: en quoy ils vouloyent denoter qu'il n'y auoit qu'une nature en Iesus-Christ: & fils ne mixtionnoyent comme nous le vin au calice, par laquelle mélange nous voulons signifier l'union & conionction des deux natures. Et encore, es choses qui appartiennent à Dieu, ils estoient tant deprauez & abusez qu'ils faisoient leur Pasque à la coustume des Iuifs, immolans bœufs & brebis à la mode Iudaïque, & arrousoyent les poteaux de la maison du sang de l'agneau. Ils ne receuoient la communion du corps & sang du Seigneur, mais sacrifians & faisans rostir au feu un agneau à la Iudaïque, mangeoyent tous & participoyent d'iceluy. Ils n'honoroyent ny faisoient telle reuerence à la croix qu'ils denoyent, que premierement ne l'eussent baptizée comme une personne: puis au milieu d'icelle ils fichoyent un clou, & l'arrousoyent du sang de la beste sacrifice, & faisoient cela au nom & commemoration du Christ, voulans faire entendre qu'une personne de la sainte Trinité auoit esté crucifiée: & ce pendant ne prenoient pas garde qu'en telle maniere ils crucifoyent aussi & la nature du Pere & de la Deité, qui n'est qu'une mesme. Plus, entrelassés trois croix ensemble, les appelloient la Sainte Trinité, afin par auenture en telle façon donner à congnoistre que la sainte Trinité auoit esté mise en croix. Ils faisoient pareillement des semblances & pourtraicts du Pere & du saint Esprit: chose merueilleusement absurde & estrange: car effigies & images

*L'heresie des Armeniens,*

*Eucharie Mantacune.*

*Cecy se doit entendre selon la coustume de l'Eglise Grecque & Orientale:*

*Ainsi fichans un clou en la croix au nom de la Trinité.*

EEec iij

font des corps lesquels on peut veoir & limiter, & non pas de ceux qui sont inuisibles & qu'on ne peut dire, entendre ny penser. Ils portoyent honneur aux images des Saints, sans toutefois les baiser, mais les touchans seulement du doigt, le baisoyent puis apres. Leur opinion estoit que nostre communion n'estoit rien, & quant à la leur, ils la destremoyent & engraissoyent d'huile. On dit qu'ils auoyent diuerses constitutions & ordonnances des diuins ministeres, contraires à la tradition & coustume de l'Eglise. Et pour plus suffisante preuue qu'ils estoient Monophysites, ils se signoyent du signe de la croix avec vn doigt, començans du costé gauche, droit à la main dextre. Le iour de la Parasceue ou Vendredy saint, ils cachoyent dedans terre vne sainte croix, iusques au grand iour du Dimenche ensuyuant; & lors faisans semblant de la chercher diligemment avec vne chandelle par les ruës, places publiques, & quarrésours de la ville, & la trouuans l'enleuyent & emportoient. Ils renouuelloyent & embrasloyent avec le progrès du temps autres choses indifferentes, c'est à dire, coustumes & ceremonies qu'on peut garder ou obmettre sans faire tort à la pieté & deuotion, instituant ieuſnes particuliers comme bon leur sembloit, mangeans du lait, du fromage & des œufs es iours du Samedy & du Dimenche de la sainte Quarantaine, & faisans leur sacrifice de pain sans leuain, & quelque peu deuant le iour de Careſme-entrant, quand on defend l'usage de la chair, gardoyent ou commençoient le ieuſne appellé Arzibure.

*Du schisme & diuision des Chazinzariens entre les mesmes Armeniens.*

CHAP.

LIIII.

*Chazinzariens ou Staurolatres ou adorateurs de la croix.*



Mais principalement ceux qui d'entre eux estoient nommez Chazinzariés obseruoient telles ceremonies: car la faction n'estoit pas petite de la doctrine de ceux qu'on disoit Staurolatres ou adorateurs de la croix, qu'ils appelloient entre eux Chazus: lesquels sans point de faulte consentoyent en toutes choses avec les autres, sinon que spécialement ils discordoyent en ce point des sectes precedentes, & des Iacobites plus que de tous les autres. Et d'auantage, ils n'estimoient pas comme les autres qu'une nature fut pelle-messe en Iesus Christ, mais deux, tout ainsi come nous: mais ils introduisoient & mettoient sus vne autre impiété & abus plus estrange,

car ils controuuoient & feignoient par friuoles & bauerics qu'ils semoyent, qu'il y auoit deux personnes au seul Iesus Christ, selon l'opinion de l'Anthropolatre, c'est à sçauoir, de Nestorius qui adoroit l'homme: tellement qu'ils disoyent qu'au temps de la passion l'une endura en croix, & que l'autre en estat separee & distraicte à part, fut spectatrice de ceste passion. Avec ce, ils desgorgeoient encore d'autres semblables enormitez pleines de toute iniquité: & neantmoins se disoyent les garder par quelque tradition, qui toutefois n'estoit fondee ny soutenue d'aucune raison. Mesme leurs anciens legislateurs & docteurs se vantoient & semoyent faulſement & malicieusement que ce Gregoire, Euesque de la grande Armenie, leur auoit enseigné & baillé de main en main telle doctrine & ceremonies, & principalement l'oblation & hostie de pain sans leuain, & le calice sans eau, pour autant qu'en la Cene mystique, le sacrifice fut fait de pain sans leuain & de vin tout pur: desquelles manieres de faire l'Eglise Apostolique n'en retient aucune, gardant legitiment & comme de raison l'ancienne tradition. En apres, quand on les interrogeoit touchant l'obseruance & tradition du ieuſne Arzibure, maintenant ils respondoient le retenir & garder à cause de la proscription & bannissement d'Adam du paradis terrestre: ores ils disoyent que c'estoit pour l'amour des Niniuites: tantost aussi ils racontoyent que cela estoit venu iadis d'une tradition selon laquelle les Armeniens s'abstenoyent de viandes lors qu'ils deuoyent receuoir le Baptême par les mains de saint Gregoire: quelquesfois ils affermoient que telle coustume auoit prins bruit & accroissement par le moyen d'un certain homme nommé Serge, lequel anciennement auoit souffert martyre pour la defense de leur religion: mais ils detractoyent & receloient la vraye source & cause, qui en estoit telle: Ce Serge qui estoit leur ministre & docteur, auoit un chien, duquel, agité & conduit du diable il se seruoit principalement pour faire entendre & aduertir de sa venue. Or auoit il baillé nom à ce chien Arzibure, qui en langue des Armeniens signifie Annonceur. Quand donc les disciples & autres sectateurs qui demeuroient es villages & bourgades apperceuoient ce chien qui precedoit, ils alloient au deuant de son maistre pour le receuoir en toute reuerence.

Or il aduint que le loup deuora cruellement le chien. Serge donc le iour d'apres qu'il l'auoit enuoyé deuant, se mit en chemin pour visiter ceux par deuers lesquels il l'auoit adressé: & pour ce qu'il n'y en eut pas un qui se mit en deuoir de l'aller trouver à la rencontre, il en fut fort desplaisant. Mais ayant aduertissement pour certain que son chien estoit mangé du loup, il ordonna & bailla en mandement aux Armeniens de ieusner, pleurer & mener deuil tous les ans à certains iours en l'honneur & commemoration de la mort de ce chien,

par

par ce que certes ils estoient priez d'un souverain bien : & ainsi imposa à ce ieune le nom du chien, l'appellant Arzibure. Or iusques icy soit parlé des Monophysites, Tricheites & Agnoctes, des Theopaschites & Aphthartodocites, desquels nous auons traité plus amplement au liure precedent : plus, des Iacobites, Armeniens, Chazinzariens & autres : desquels plusieurs au temps passé auoyent esté les principaux & docteurs, aucuns Nestoriens, Eurychetes, Dioscoriès Cnaphcees, Seueriens, Theodosiens, Iulianistes, Halicarnasseens, Gainois, & autre troupe de tels gens mal-heureux & meschans. De la peruerse doctrine desquels Iaqués cy dessus mentionné fut le restaurateur, & duquel la nation des Syriens pour la plus part sont surnommez iusques à present, Les Iacobites. Mesmement Serge qui non pas long temps parauant auoit prins la charge & gouvernement de l'Archeuesché de Constantinople, fut infecté grandement de ceste peste, par le moyé duquel, l'heresie des Monothelites print grad accroissement. C'est donc assez copieusement escrit de ces heretiques : car il nous fault retourner à nostre propos & reprédré la suite de nostre histoire, pour aussi mettre fin à ce dixhuitiesme liure des histoires Ecclesiastiques.

*Phocas est depose de l'Empire par Heraclee, Prisce & Gregoire.*

CHAP. LV.



Vand Phocas eut bien confirmé son Empire, comme luy sembloit, il bailla en mariage sa fille Domence à Prisce, duc & gouverneur : lequel ayant cōceu soupçon par certaines causes qu'il estoit en danger de perdre la vie, esmeu de fâcherie cōtre le Tyran à raison de sa cruauté, espia tous moyens à luy possibles de le deietter & faire departir de l'Empire. Mesme, on ne scauroit assez s'emerveiller combien le menu peuple le hayoit pour son yrongnerie & cruauté dont il estoit tāt insatiable qu'il prenoit plaisir & cherchoit toute occasion d'espandre sans cesse le sang des personnes, & ne taschoit à autre chose qu'à faire mourir tous ceux

*Cruauté de Phocas.*

*Conspiration contre Phocas.*

par especial esquels reluisoit & se monstroient en apparence quelque marque de noblesse, de vertu & prudence : car il fit bruller Narse, qui estoit vaillant capitaine. Prisce donc son gendre & tous ceux qui estoient de l'ordre & estat des Senateurs, ayans sur ce prins conseil & deliberé, escriuirent secretement à . . . Heraclee, pere de ce Heraclee qui apres Phocas eut la charge de l'Empire, ainsi qu'il administroit avec bon nombre de gens de guerre les affaires de la Republique en l'Affrique Occidentale & la Libye, à fin qu'il taschast par tous moyens de deliurer le pauvre peuple Romain d'une tyrannie, cruauté & seruitude si inique & outrageuse, & qu'il ne permist qu'à ses yeux voyans il fust saccagé & destruit si pauurement. Or cest Heraclee auoit Gregoire pour son lieutenant. Ces deux ensemble ayans communiqué & prins aduis, chacun d'eux enuoya son fils avec force de gés de fait, tāt par terre que par mer cōtre le Tyrā. Heraclee, fils de Heraclee, estoit cōmis sur l'armee nauale, & Nicetas, fils de Gregoire, auoit en gouuernement les gés de pied. Or Heraclee ayāt le vêt à gré passa legierement chemin, & aborda au port des . . . Sophies, pendant que Nicetas venoit tout bellement par terre : & commençant avec ses compagnies la bataille contre Phocas, en rapporta vaillamment la victoire, tant il entreprit à choquer & donner dedans de grand courage, pour autant qu'il auoit entendu que sa femme, qui estoit yssue d'Affrique, auoit esté circonuenue & abusée. Crispe qui administroit la dignité de Preuost, l'ayda beaucoup.

*Les autres l'appellent Heracleion.*

*Le port de Sophie. Diac.*

*De la cruelle mort de Phocas, tres-pernicieux & tres-meschant Tyran.*

CHAP. LVI.



Endant ces entrefaites suruint un grand tumulte en la ville : car Photine l'un des principaux & notables citoyens, grandement fâché & irrité cōtre Phocas & expérimentant tous efforts à le molester & endommager ( car il auoit violé & forcé sa femme ) se rua viuement avec grande multitude de gens en la maison Imperiale, & detira par force ce Tyrā hors de son thronne, & ses amis plus familiers & seruiteurs ordinaires estāseschapez & euadez ça & là, se despouilla

*Photine.*

de sa robe de pourpre, & le vestit d'une de deuil ou telle que portoit le cōmun populaire, & bien lié & garroté l'amena tout aussi tost à Heraclee. Lequel, outre qu'il fut ioyeux de le veoir en tel estat, encore l'outrageant & iniuriant de paroles, luy foula la panse aux pieds : puis tout soudain cōmanda qu'à ce meschant les mains fussent coupees : en apres, se mocquant publiquement de luy, & comme par amende honorable diffamāt sa paillardise impudique & effroncée, pour autant qu'il auoit fait outrage & des-honoré maintes femmes de bien, luy fit retrécher ses parties honteuses & finalement abbatre la teste de dessus les espaulles. Le corps de ce malheureux fut mis en un taureau d'airain apporté de Pergame, & reduit en cendres cōme il meritoit : & consequemment n'en demeura un seul de sa race qui ne fust saccagé & mis à mort avec

*Deffaise de Phocas.*

## LIVRE XVIII. DE L'HIST. ECCLESIASTIQUE

*Prelats des  
principales  
Eglises.*

*Selon les  
nouveaux  
Chroni-  
queurs,  
4688.*

luy. Voylà quelle a esté la fin de la tyrannie & des maux que faisoit ce cruel Phocas, lequel par l'espace de huit ans affligea grandement l'Empire des Romains. Toutefois de son regne l'Eglise ne fut pas fort agitée ny perturbée d'opinions nouvelles, pour ce qu'on estoit assez occupé tant en Orient qu'en Occident, à empêcher les troubles qui mettoient en desordre les affaires prophanes & temporelles. En ce temps-là <sup>a</sup> Innocent apres le grand Gregoire, gouverna l'Eglise Romaine. Serge, apres Thomas, print le gouuernal Ecclesiastique en la ville Imperiale. En Alexandrie apres la mort d'Euloge qui tint le siege Episcopal l'espace de vingt-cinq ans, Theodore Scribo en eut la charge deux ans durans : auquel succeda avec louange Iean, le misericordieux, de natiō Cyprienne. Et en Antioche apres Anastase, vn autre Anastase administra l'euesché. Et en Ierusalem, Neame, succeda à Iean, & Isaac, à Neame : & depuis en outre, deuant que <sup>b</sup> la ville fut pillée & destruite, Zacharie eut la dignité de la charge sacrée. Or ce dix-huictiesme liure de nostre histoire contient le temps de trente deux ans, qui fut de la creation du monde, l'an six mil cent & trente, & de la natiuité de nostre Seigneur, six cens & vingt-cinq.

<sup>a</sup> Innocent apres le grand &c. ) *Les autres auteurs apres Gregoire, grand Pontife de Rome, qui est mis au catalogue des saints, escriuent Sabastien, lequel eut la charge de l'Eglise Romaine un an durant, cinq mois & neuf iours : & apres cestuy, Boniface troisieme : à la requeste duquel, Phocas iugea que le Pontife Romain deuoit estre prince des Euesques, ayant souveraine autorité sur tous. Blond. au liu. 9. Phocas fit ce bien seul qu'à bon tilre il declara le Pontife Romain, prince de tous les autres. Egnace.*

<sup>b</sup> la ville fust pillée & destruite, ) *Durant que Phocas gouverna l'Empire, Chosroes, Persan, occupa beaucoup de villes en Orient. Il pillà la sainte cité, & en emporta la croix de nostre Sauueur. Sous le mesme Empire se reuolterent les Lombards, Espagnols, Gaulois & Allemands, &c.*

*De Constantin, surnomme Copronyme, Empereur, Grec, contumelieux & iniurieux contre la Vierge Mere, extrait de Suidas.*



Onstantin, Empereur des Romains, fils de Leon, dit Isaire, ennemy & abbateur d'images, fut appelé Copronyme, ayant prins de la fiente & ordure. Et par ainsi du Leon cauteleux & de meurs dissimulees sprtit vn Leopard : de la semence d'un serpent, vn aspic pernicieux ou coleure volatile : & de Dan, vn Antechrist. Iceluy donc succeda à l'Empire & impieté de son Pere, & s'addonnant à paillardise & aux inuocations des diables & autres vilaines & deprauees affectiōs, auxquelles il s'appliquoit, fut instrument pertinent & opportun de son pere, & son maistre le diable. Car il deuint si meschât, fol & ensensé, qu'il decreta vne ordonnance & edict general qu'il fit publier par tout, à ce que nul des seruiteurs de Dieu fust aucunement appelé Saint, mais plustost qu'on infectast de crachast leurs reliques, & les images qui s'en trouueroient, & qu'on ne les inuouast, veu qu'ils ne pouuoient rien. Et qui plus est ce vilain, ord & sale, ausa faire defense que personne n'implorast & requist en l'ayde l'intercession de la vierge Marie : car, disoit-il, elle n'a aucune puissance pour suruenir. Mesme, il fit inhibition qu'elle ne fust appelée Mere de Dieu : tellemēt que prenant en sa main des sachets & bourses pleines d'or & les mēstrant au peuple, demanda qu'il luy en sembloit : & ayant respondu, qu'il les estimoit beaucoup, il vida l'or, & puis enquesta de rechef, combien il les prioit : lors entendant la responce, qu'elles ne valloient rien : En la mesme maniere, dit-il, en est il de Marie (ce mal-heureux deldaignoit la nōmer mere de Dieu) car tandis qu'elle porta le Christ en son ventre, elle estoit honorable & digne de louange : mais depuis qu'elle l'eut enfanté, elle ne differa en rien des autres femmes. O blasphemē assure de celuy qui suyuoit la religion des Saraceniēs & opinion des Iuifs. Et au cōtraire, il reueroit Venus, & immoloit sacrifices & hosties humaines hors la ville, où auoit esté baillie l'Eglise sainte Maure, qu'il fit ruiner & profaner & changer en vn charnier qu'il appella Maure, auquel il auoit de coustume assommer & faire ses sacrifices de nuit, des ieunes enfans : dequoy donna tesmoignage le fils de Flavius, duquel, combien qu'il l'eust assommé sur l'autel en secret, Dieu reuela apertement la deffaire.

*Argumens & sommaires des cinq liures qui ne sont pas en ce volume & ne se trouuent point. Ils estoient inferiez au chapitre premier du premier liure, avec les autres sommaires, mais il m'a semblé bon les en distraire, & les mettre en cest endroict à la fin.*



V dixneuuesme liure, il sera traité des faits d'Heraclee, de ses enfans & neveux, & de ce qui est aduenü de son Empire : aussi du trouble & emotion des Perſes contre les Chrestiens, plus, de l'hymne tres-sainct, & de la captiuité ou prinſe de Ierusalem : & comme de ce temps là naquit l'abominable & meschant Mahomet. En apres, il



il sera parlé de l'heresie des Monothelites, de Serge, de Pyrrhe, de Paul & de Pierre qui l'ont suyvie & soutenue : encore de Maxime, grand & diuin confesseur : & du bon Empire de Constantin, surnommé Pogonate ou le Barbu. Outre plus, il sera escrit du saint sixiesme Concile vniuersel, des decrets d'iceluy, & de ce qui aduint puis apres, du temps que Iustinien Rinotmete & autres Empereurs qui luy succederent iusques à l'entier Empire d'Anastase, d'Antheme, & de Theodose Atramyte, Empereur.

La matiere du vingtiesme tome sera de Leon Conon, Isaurien, brise-image, duquel mesme xx. est sortie l'heresie des rompeurs d'images. D'auantage, de Constantin Copronyme & de ses gestes & meschans actes. Au mesme liure sera faite mention de Germain, lean Damascene, & d'Estienne second : & aussi de quelques faits iniques & haïs de Dieu, du mesme Constantin : & come luy & son fils, surnommez de Chazare ou d'un fumier, finerent leur vie. Vous y lirez les faits durant l'Empire du pitoyable Costantin, d'Irene & les decrets du saint septiesme Concile general, & la restitution des saintes images sur les autels. Plus, il sera parlé de Tarase & de Nicefore : aussi de Platon, de Theodore Studite & des schismes & diuisions suruenues de leur temps : & comme le notable Nicefore, Staurate & Michel Raucabe perdirent la vie.

Le vingt & vniesme liure fera deduction des faits du meschant Leon, Armenien : & come de xxi. rechef on liura la guerre aux images, & qui en fut autheur : & come pour ceste cause Nicefore, Patriarche, Theodore Studite & plusieurs autres furent expulsez en exil. Et contiendra aussi le temps de l'Empire de Michel, Amoreen, & les entreprinſes de Methode patriarche : en outre, ce qui est aduenu sous l'Empire de Theophile. Plus, vous y trouuerez la liberte de parler dōt vserent les saints Peres qui estoient de ce temps là, & principalement en defendant les images. Il sera aussi traité de saint Methode & de Iosephe, hymnographe ou compositeur d'hymnes : & comme Theophile approchant la fin de sa vie approuua les saintes images.

Le vingt-deuxiesme mettra en auāt ce qui est aduenu en l'Eglise durant l'Empire de Michel xxii. & de sa mere Theodore, sainte femme, & la restitution des saintes images. Il parlera de Ioannice, le grand : des meditations ou œuvres de Methode : de l'abrogatiō & expulsion des meschāts Prestres, des schismes & diuisions de ce temps, & nommément des Liziciens & Manicheens : & comme la nation des Bulgares receut le Christianisme, lors que Ignace & Photie estoient patriarches, & des choses aduenues ce temps pēdant : & encore de ce qui fut fait entre Photie & Nicolas, Pape, & en quelle maniere Bardas, Cesar, & l'empereur Michel fut mis à mort.

L'argumēt du vingt troisieme tome sera Basile, Macedonien, & ses enfans : Leon, le sage, & xxiii. Alexandre, & de ce qui suruint aux Eglises durans leurs Empires : en apres, les faits de Photie, & d'Ignace : plus, les actes & determinations du huitiesme Concile general : encore, les scandales qui s'eſleuerent à cause de ce Photie : item come la nation des Rhuteniens fut faite Chrestienne : d'auantage, y sera escrit d'Estienne, patriarche, qui succeda à Photie, & du schisme suscitē pour l'amour de cest Estienne : puis, des quatre femmes que print en mariage

Leon, le Sage, Empereur, des diuisions, & des Synodes pour ce fait assembles : aussi de Nicolas & Euthyme, Patriarches de Constantinople, & des aduenues de leur temps : finalement comme ce Leon, le tres-sage, tres-passa de vie à mort.

FIN DE L'HISTOIRE ECCLIA-  
stique de Nicefore, fils de Calliste  
Xanthoupolis.







# TABLE DES MATIERES PRINCIPALES CONTENUES EN



L'HISTOIRE ECCLESIASTIQUE DE NICE-  
FORE, SELON L'ORDRE DE  
L'ALPHABET.

## A.

<b>A</b> ge de la vierge Marie, & combien elle vesquit d'annees. fol. 31.	Accusation d'Eusebe contre Dioscore. 381
Abbas, Euesque de Perse. fol. 340.	Accusation faulse par les heretiques contre Flavian & Helie, Euesques Catholiques. 396
Abbas demolit le temple du feu sacré. eod.	Accusation enorme & faulse contre Macedonien, E- uesque, par tesmoins subornez. 394
Abdecas & Ananias, martyrs. fol. 174.	Accusation faulse contre symeones descouuerte. 413
Abimelech, nom general & commun des Roys de Palestine. 237.	Nouvelles accusations des Arriens & melitiens contre Athanase. 184.
Abolition d'idolatrie. 146.	Acesie, Euesque des Nouatiens. 188.
Abolissement de l'idolatrie & superstition des Grecs. fol. 198.	Acesie, Euesque de Nouatiens, vient au Concile de Nice par le commandement de Constantin. 162.
Abolition des immunités Ecclesiastiques par Iulien. fol. 232.	Achapt des Euesques par argent. 325.
Abus commis en la vie monastique. 200.	Achemenides, homme illustre, defenseur du Christia- nisme. 340.
Abus & enchanteries de simon le Magicien, comme de quelque Prothee. 45.	Les Achetteurs & vendeurs sont chassez hors du temple de Ierusalem par Iesus-Christ. 21.
Acace, Euesque de Berroe, auoit tousiours sa maison ouuerte à un chacun, & pourquoy. 307.	Achillas, prestre en Alexandrie. 122.
Acacie, Euesque de Constantinople, grandement irri- té de ce qu'un censuroit & supprimoit le Concile de Calcedon. 387.	Actes & decrets du Concile d'Ephese, rapportez à l'Em- pereur. 350.
Acacie surrogé à Martien. 420.	Actes & decrets du Concile de seleucie. 221.
Acacie dégradé, ausa le premier mespriser l'autorité du Pape. 391.	Actes du Concile de Calcedoine. 368
Acacie, martyr. 221.	Actes & decrets du Concile d'Arimin reiettez. 271.
Acaciens excommuniés par les Macedoniens. fol. 238.	Actes du cinquiesme Concile general. 415.
Les Acaciens sefforcent apertement au Concile d'An- tioche d'inserer l'inegalité du Fils au Pere, au sym- bole & formulaire de foy. 227.	Actes synodaux contre Athanase. 191.
Les Acaciens contraignent les Euesques qui assisterent à l'assemblée de Constantinople à consentir à leur sen- tence. 225.	Actes indignes & contre toute religion. 268.
Accord entre Iovinian & les Perses, avec descriptiō de l'Empire de Iovinian. 250.	Actes detestable de Nouat. 107.
Accord de l'Euangile selon s. Iean & de sa premiere epistre Catholique. 117.	Actes indigne de Iulien. 144.
Accord uniuersel des Chrestiens touchant la foy. 358.	Actes de Papie, Euesque de Hierapolis. 67.
Accord des Euesques deplaisant à Anastase. 396	Acte de s. Paul en Athenes. 41.
Accord entre les eglises, touchant la celebration de la feste de Pasques. 300.	Actes de s. Mathias. 52.
Accroissement de la foy Chrestienne apres la mort de Maximin. 142.	Actes de s. Marc l'Euangeliste. 54.
Accusation d'Athanase enuers l'Empereur Iovinian. fol. 251.	Actes de saint Mathieu, Apostre & Euangeliste. fol. 52.
	Actes de s. Iean, Apostre & Euangeliste. 53.
	Actes de s. Iaques, fils d'Alphee. 52.
	Actes de s. Paul & Barnabas. 40.
	Actes de s. Luc, Euangeliste. 55.
	Actes des Euesques Occidentaux au Concile de Sardice. fol. 197.
	Actes de Iulien contre toute pieté & Religion. fol. 240.
	Actes de Procle, Euesque. 352.
	Actes insignes d'Antonin Pie Empereur. 71.
	Actes de s. Pierre. 33. & 49.

# T A B L E.

Actes indignes de Maxence & de Maximin.	134	Alaric duc des Goths , conducteur de l'armee Ro-	
Actes & escripts de S. Iean Chrysostome , estant en		maine.	327
Cucuse.	329	Alaric assiege la ville de Rome.	codem.
Actes de Theuderic.	392	Alaric reconcilié avec Honoré Empereur.	codem.
Action de graces aux tribulations.	289	Alaric instigué diuinement pour affliger la ville de	
Actions de Nestorius apres sa condamnation.	350	Rome.	codem.
Adamant Iuis, medecin, fait Chrestien.	318	Allegresse diuine des martyrs.	codem.
Adane ville de Cilicie.	287	Alueluya se chantoit une fois l'an en l'Eglise de Ro-	
Adauette maistre des offices, martyr Catholique.	128	me	299
Addition des Theopaschites à l'hymne saint.	379	Alexandre fait Empereur apres Antonin Helioga-	
& 402.		bale.	100
Adelphe declare à Flauien l'impieté de sa secte.	260	Alexandre le grand fondateur de Taugast.	433
Adelphie euesque d'Arabisse.	323	d'Alexandre euesque d'Antioche.	344
Administration episcopale d'Attic patriarche.	343	Alexandre ne veut admettre Arrius & ses adherans	
Admirable courage d'une femme pour endurer marty-		à la communion de l'Eglise.	156
re.	265	Alexandre reduit les Apollinaristes à l'Eglise Catho-	
Admirable vision qui s'apparut à Adelphie de S. Iean		lique.	347
Chrysostome.	323	Alexandre coadiuteur de Narcisse en l'Euesché de Ier-	
Adoption des enfans de Dieu.	397	usalem.	96. 97
Adoration de la vraye croix.	410	Alexandre euesque de Ierusalem auoit en grand esti-	
Adrian subrogé en l'Euesché d'Antioche au lieu		me Origenes.	101
d'Eudoxe, puis enuoyé en exil.	223	Alexandre attire les Eusthatiens à l'Eglise Catholi-	
Aduenement de l'Antechrist attédu du temps de l'em-		que.	344
pereur Seuerus.	91	Alexandre fut le premier qui mit aux escritures sain-	
Aduersaires de Nouat.	107	tes le nom de S. Iean Chrysostome.	codem.
Adultere de Valensinian, pour lequel il fut tué, &		Alexandre admonnest le Constantinopolitains de	
sa femme violée.	371	mettre le nom de Iean, aux tables sacrees.	codem.
Emilian successeur de l'Empire apres Galle & Vo-		Alexandre surnomme Baucal, auteur de la dissensio	
lusian.	106	d'Alexandre & d'Arrius.	152
Emilian ne gouuerna l'Empire que l'espace de qua-		Alexandre medecin martyr.	84
tre mois, auquel succederent Valerian & Gallien.	106	Alexandrins faciles à sedition.	373
Emilian & Dorothee martyrisé.	234	Alliance de Theodose avec Arsanaric Roy des Gots.	
Erie heretique.	202	fuil.	284
Erie docteur d'Antioche.	codem.	Alliances & pactions accordees entre les Romains &	
Erie appelé Atheiste.	codem.	les Perses, rompues.	420
Erie auteur de la secte des Eunomiens.	258	Les Alpes occupé par Eugene.	302
Erie priué de son ordre de Diacre.	224	Ambassades enuoyé de la part de Constance à Constas	
Erie chassé des Arriens.	216	Empereur de l'Occident.	195
Erie defenseur de l'herese Arrienne.	258	Ambassadeurs enuoyé par l'assemblée d'Ancre à	
Erie & Arrius suyuent une mesme opinion.	227	l'Empereur.	216
Erie rappellé d'exil.	232	Ambassadeurs enuoyé par le concile de seleucie à	
Affection pitoyable de Constantin.	145	l'Empereur, preuenus par Acacie.	223
Affliction des saints.	326	Ambassades & lettres enuoyees à chofroes au nom de	
Afflictions de S. Iean Chrysostome, estât sur le chemin		Sophie Auguste, deplorans la mort de son mary.	421
de Cucuse.	324	Ambassadeurs Persiens reietté fierement par Iu-	
Afflictions de ce monde profitent aux hommes.	274	lian.	246
Affliction & punition diuine des Chrestiens.	124	Ambassadeurs Macedoniens receus à la communion par	
Affliction des Chrestiens en Perse.	34.	Libere.	257
Agapet Euesque des Macedoniens.	336	Les ambassadeurs d'Arimine & les Euesques Orien-	
Agapet reduit à l'Eglise Catholique s'empare du siege		taux soubignent au formulaire de foy de Sirmie,	
de Synade.	337	leu à Arimine.	223
Agapet dechassé de son siege par Theodose.	codem.	Des Ambassades enuoyé de Rome, & quels maux ils	
Agapie Euesque de Cesarée.	123	endurerent à la suggestion d'Eudoxie & d'Attic.	326
Agapete prelat de Rome degrade Anthime.	407	Ambroise & Prototeeste Prestres de Cesarée martyrs.	
Agathon consacra Menas Euesque de Constantino-		fuil.	100
ple.	407	Ambroise esleu euesque de Milan par tout le peuple.	
Agil plus illustre en sainteté de vie, que subtilité de		fuil.	272
disputes.	288	S. Ambroise par ses prieres deliure un homme payen	
Agil Euesque des Nouatiens banny.	256	condamné à mort.	305
Agil renoué d'exil par le moyen de Marcian precep-		S. Ambroise ne veut permettre à Theodose, qu'il soit	
teur des filles de Valens.	256	aux sieges des prestres.	305
Ajax moine fort renommé, Euesque de Bisole.	307	S. Ambroise chasse Theodose hors du temple de Milan,	
		à cau-	

# TABLE.

à cause de sa cruauté.	304	Annonciation faite à la vierge Marie, par l'Ange Gabriel.	10
S. Ambroise ne se soucie pas beaucoup de la cour & des courtisans.	304	Anthème gouverneur de l'Empire Oriental.	331
S. Ambroise est apprehendé en l'Eglise.	289	Anthénodore & son frere Gregoire disciples d'Origenes.	101
Ammon moine, est transporté par une vertu diuine, outre la Lique.	177	Anthime Euesque de Nicomedie, grand exorciste & coniu rateur des mauuais esprits.	126
Ammonie precepteur d'Origenes.	98	Anthime Euesque de Nicomedie, martyrisé.	131
Ammonie moine dict le long, prie pour Isidore.	316	fuil.	176
Ammonie est loué par son ennemy Theophile.	318	Saint Anthoine le plus excellent d'entre les moines.	266
Ammonie mis au nombre des martyrs.	339	fuil.	178
Amour grand d'un troupeau, à l'endroit de son Pasteur.	103	S. Anthoine, ouurier à faire miracles.	266
De Amphiloche, Euesque de l'Eglise d'Iconie.	263	S. Anthoine estant séparé d'un grand interualle de chemin, void son ame estre portee au ciel par les Anges.	347
Amphiloche cōsacré Euesque par les Anges, aux lieux solitaires.	263	Anthoine Euesque de Germe, mis à mort par les Macedoniens.	7
Anabaptisme des Eunomiens.	258	D'Antioche Eupator.	7
Anaclete, Euesque de Rome.	49	Antioche Sodetes.	codem.
Anan & Ananias, auteurs de la mort de S. Jacques.	51	Antioche prinse & bruslee.	409
Anan depose de son office de grand Sacrificateur.	cod.	Antioche rangee avec les Catholiques, par les miracles de Julien Hermite.	266
D'Athenais fille tres-docte de Leoce, philosophe d'Athenes.	342	Antipater pere d'Herodes.	8
Anastase disciple de Nestorius.	347	Ancienne coustume de l'Eglise Romaine, d'enuoyer l'aumosne aux Eglises & Chrestiens affligés.	78
Anastase Euesque d'Antioche.	417	fuil.	80
Anastase reçoit l'administration de l'Empire.	393	Anciennement les saintes personnes estoient impatientes d'ouyr les propos mal-heureux des heretiques.	87
Anastase persecute Euphemie, Eueque de Constantinople.	codem.	Les Antiens ont escrit des choses diuines avec crainte, honte & religion.	197
Anastase se veut deporter de l'Empire.	403	Les Anciens n'introduisoient rien de nouveau de la foy, qu'avec une grand' crainte & sainteté.	96
S. Anastase escrit à chrysogone.	366	Antonin Carracalle, successeur de Seuerus à l'Empire.	71
Anatole Magicien & Sacrificateur des Dieux en Antioche.	423	fuil.	70
Anatole Alexandrin, successeur d'Eusebe en l'Euesché de Laodicee.	123	Antonin Empereur abolist la loy des testamens des Senateurs.	315
Anatole homme tres-docte, & qui a fait plaisir à la ville d'Alexandrie.	113	Antonin Die Empereur, defendit la persecution des Chrestiens.	199
Anatematizations du concile d'Antioche.	192	Antropophages, peuple viuant de chair humaine.	51
S. André estoit frere de S. Pierre.	51	fuil.	315
Ange de l'Eglise.	320	Antropomorphites, & leur erreur.	199
L'Ange retient Ioseph qui pensoit le moyen de laisser la vierge Marie son épouse.	10	Les ans requis à la probation de la vie monastique.	411
Deux Anges apparoiſſent à Marie Magdelaine.	25	fuil.	394
Les Anges font seruice à Iesus Christ, vainqueur des tentations du diable.	18	Apparitions de la Vierge Marie, declarant quand il faisoit entrer en bataille.	400
Les Anges messagers & aydes de la victoire des Romains.	341	Apparitions de S. Michel Archange.	408
Annees contenues au premier liure.	28	Apparition de S. Bartholomee.	408
Annees contenues au second liure.	57	Apparitions de S. Cyprian.	411
Annees contenues au troisieme liure.	75	Apparition de plusieurs combatans sur les murs.	266
Annees contenues au iij. liure.	93	fuil.	231
Annees comprises au v. liure.	106	Apparition de macedonien, apres sa mort.	117
Annees comprises au vi. liure.	123	Apparition de deux personnes aquatiques, sur le bord du Nil.	231
Annees comprises au vij. liure.	148	Aphraates moine, laisse la vie theorique, pour subuenir au troupeau de Iesus-Christ.	156
Annees contenues au viij. liure.	190	L'Apocalipse n'a rien de commun avec l'Euangile & Epistre de S. Jean.	
Annees contenues au ix. liure.	228	Apostasie descouuverte de la Chrestienne.	
Annees contenues au x. liure.	253	Apostolique assemblee des Euesques au concile de Nicee.	
Annees contenues à l'vnziesme liure.	281		
Annees contenues au xij. liure.	308		
Annees contenues au xij. liure.	329		
Annees contenues au xiiij. liure.	366		
Annees contenues au xvi. liure.	403		
Annees contenues au xvij. liure.	421		

# T A B L E.

L'Apôtre Philippe auoit des filles qui estoient inspirées de l'esprit prophetique.	67	Arethas euesque de Negre, martyrisé avec grande partie de son peuple	405
Les Apôtres uoyent en leurs doctrine & escrits d'un simple parler, & d'un style assez rude.	57	Arctas hacha en pieces l'armée d'Herodes, & gasta tout son pays.	17
Les Apôtres reçoivent le S. Esprit au iour de Pentecoste.	30	Argument de l'Evangile & Epistre de S. Jean l'Apôtre.	117
Apollinaire, Euesque de Hierapolis.	79	Argument & matiere des dix-huit liures de Nicefore.	2
Apollinaire Euesque Hierapolitain & autres resisterent à l'heresie de Montan.	85	Argument & suiet du huitiesme liure.	149
Apollinaire confutateur des Montanistes.	87	Argumens de Denys, pour monstrier que l'Apocalipse n'est point de la composition de S. Jean, mais d'un autre ainsi nommé.	117
Apollinaire excommunié par George, Euesque de Laodicee.	259	Aristobule fut le premier qui porta Diademe sur la tete.	7
Apollinaires excommuniés, par la frequentation qu'ils auoyent avec Epiphane.	203-259	Aristides & Quadrat, bien instruits en toutes sciences & ardents à la foy Chrestienne.	67
Apollinaires receux à penitence publique, & par qui.	259	Armée de Gainas pres Calcedon.	312
Les Apollinaristes se retirent à l'Eglise Catholique, n'ayans du tout renoncé leur erreur.	283	Armée de Tybere contre les Perses.	422
Apologie de Iustin presentee à l'Empereur Antonin.	69	L'Armée des Romains ayant faulte d'eau, est abbreuuee & soulagee de grandes pluyes qui vindrent à la priere des Chrestiens.	80
Apologie de Miltiades, pour les Chrestiens.	87	L'Armée nauale de Leon, est bruslee par Genserik, au moyen de la trahyson de deux Arriens.	378
Apollonne Tyane, affronteur.	63	L'Armée d'Aspar, gouuernee par l'Ange de Dieu.	343
Apollonne moyne.	199	Armenie la grande, rendue aux Perses, par Philippes Empereur.	420
Apollon de marchant se fait moyne	274	Les Armeniens receurent la Religion Chrestienne, de Gregoire.	172
Apollonne decapité à Rome.	88	Arrianisme augmenté en Orient, & par quel moyen.	284
Apollonne calomnié par faux accusateurs.	88	Arrius se bande contre Pierre, Euesque d'Alexandrie.	152
Apollonne Romain a escrit contre l'heresie de Montan.	88	Arrius est ordonné prestre & docteur Theologal, en l'Eglise d'Alexandrie.	152
Apollonne vierge martyrisée du temps de Decie Empereur, pource qu'elle n'auoit pas voulu sacrifier aux idoles.	104	Arrius & Euzoïus receus à la communion par les Eusebiens.	183
Apollonne mourut martyr à Rome, sous l'Empereur Commode.	88	Arrius demande permission aux Euesques, de faire presches & assemblees, afin de publier sa doctrine.	156
Apollon homme bien instruit és saintes escritures.	43	Arrius retourné en Alexandrie, est mesprisé.	186
Aspre & dangereuse contagion de peste.	136	Arrius, complice de Melitie.	152
Arabie heureuse & fertile.	205	Arrius & ses complices, excommuniés par sentence du concile de Nice.	161
Arabes deietés de leurs opinions & conuertis à la vraye connoissance par les raisons & arguments d'Origenes.	101	Arrius avec sa doctrine, condamné.	164
Arbre persé en Hermopolis guarissant toutes maladies.	145	Arrius sous-signé & s'accorde aux decrets du concile de Nice, à Constantinople.	187
Arbres portans deux fois l'an.	205	Arrius promet de vouloir viure & ensuyure la vraye doctrine & religion.	183
Arcade en Berohe.	284	Comme Arrius fut reuocqué de son bannissement, & par quels moyens.	182
Arcade Empereur d'Orient, & Honoré d'Occident, en un mesme temps.	308	Arrius est r'appellé à la cour Imperiale, par Constantin.	183
Arcade commande à S. Jean Chrysostome, de sortir hors l'Eglise.	320	Arrius reuocqué d'Exil.	179
Arcade Empereur enuoye ambassades à Gainas, avec les conditions de paix.	312	Arrius retourné en Alexandrie, est de rechef chassé par Athanase.	183
Arcade demande pardon de son offence.	289	Arrius & Euzoïus, viennent à l'Empereur.	183
Archeueschees erigees par Iustinien.	415	Arrius & ses adherans, excommuniés par Alexandre Euesque.	152
Architecteurs excellens.	412	Arrius escriuit aux Euesques d'Orient, touchant les opinions & doctrine, qu'il tenoit.	154
Archilas fils de Herodes, succeda à son pere.	15	Les Arriens excommuniés au concile d'Arimine.	218
Archilas fut chassé de son Royaume, & luy succeda Ponce Pilate.	eodem.	Ar-	
Ardaburie & Aspar, capitaines de guerre.	334		
Ardaburie & son fils Aspar, enuoyés par Theodose pour resister à la tyrannie de Jean le Goth.	334		
Ardaburie, a grand' confiance en Dieu.	341		
Ardaburie Duc des Perses, surmonte & met en fuyte le Duc Narses Persé.	341		



# T A B L E.

Arriens condamnez & excommuniés.	155	Diaire.	180
Arriens ennemis des Nouariens.	256	Athanasie Archidiaire d'Alexandrie.	159
Les Arriens n'approuvent le symbole de la foy arresté au concile de Nice.	161	Athanasie successeur d'Alexandre, en l'Euesché d'Alexandrie.	180
Les Arriens se separent entierement des Catholiques à la persuasion d'Etie.	202	Athanasie accusé faulxement d'auoir tué Arsenie, Euesque de la secte des Melitiens.	184
Les Arriens s'efforcent d'introduire Eusebe de Pamphile, Euesque de Cesaree, en l'Eglise d'Antioche.	181	Athanasie preuoyant les embusches, que luy braissoit le gouverneur d'Alexandrie, se sauue finement.	258
Les Arriens font de rechef des conciliabules contre Athanasie & les Catholiques.	214	Athanasie repousse sagement la calomnie qu'on luy imposoit d'auoir forcé vne femme.	185
Plusieurs Arriens conuerts à la foy Chrestienne par Lucien, martyr.	170	Athanasie ayant exhibé vif Arsenie, se purge de ce qu'il auoit esté accusé de l'auoir tué.	185
Les Arriens soustenoyent l'inegalité du Pere au Fils, à l'instigation de George, Euesque de Laodicee.	217	Athanasie decline le iugement de ses assesseurs, & se prepare pour se iustifier des cas à luy imposés.	185
Arriens & autres heretiques condamnez avec leurs opinions.	256	Athanasie absous par Constantin des crimes à luy imposés.	184
Les Arriens taxent Athanasie d'auoir esté mal esleu Euesque.	180	Comme Athanasie s'eschappa par vne merueilleuse ruse des mains de Iulian.	238
Les Arriens sollicitent que les clerics & moines d'Antioche soyent bannis.	269	Athanasie accusé par les Arriens & Grecs, d'enchantement.	215
Les Arriens en l'absence de Basile s'efforcent d'occuper les Eglises de Cesaree.	262	Athanasie predit aux Grecs idolatres, l'abolition de leur idolatrie.	cod.
Les Arriens sous le nom de Hosius & d'autres Catholiques, enuoyent de faulces lettres de Sirmie, aux Euesques Orientaux.	216	Athanasie de l'improbité des Arriens.	162
Les Arriens ostoyent du Symbole le mot de substance.	219	Athanasie demande vn Eglise à l'empereur Constance pour les Catholiques.	208
Les Arriens deposent Gregoire de l'Euesché d'Alexandrie, & y mettent vn nommé George.	193	Athanasie condamné comme rebelle de s'obeissant & contumax.	185
Les Arriens maistrisent aux Eglises d'Egypte.	267	Athanasie compare au concile de Tyr, ayant fait grande difficulté d'y venir.	184
Arrests du concile de Constantinople.	287	Athanasie ne veut consentir qu'Arrius rentre en Alexandrie.	181
Arrogance des heretiques.	154	Athanasie & beaucoup d'autres Euesques catholiques restitués en leurs sieges.	208
Asface patriarche de Constantinople, succeda à Iean Chrysostome.	324	Athanasie & Paul, Euesques restitués en leurs estats & dignités par Constance.	206
Asface Pontife de Galatie.	259	Athanasie ayda beaucoup par son sçauoir au concile de Nice.	180
Asface apres sa mort est exaithorisé.	327	Pourquoy Athanasie à mis par escrit la vie de S. Antoine.	177
Artemon & Montan, heretiques en Phrygie.	85	Athanasie estant en Antioche communique avec les Eusthathiens, pour euitier l'accointance des Arriens.	207
Asclepiade Euesque des Nouariens par l'espace de cinquante ans.	343	Athanasie reuocqué par Valent, & pourquoy.	258
Asclepiades Euesques d'Antioche.	97	Athanasie & ceux qui auoyent esté restitués en leurs dignités, sont de rechef bannis par Constance.	210
Les Asiens gardoyent la coustume ancienne touchant la celebration de la feste de Pasques.	92	Athanasie ayant esté long temps caché se presente en public, & est remis en son Eglise.	232
Aspar prend la ville d'Aquileie.	334	Athanasie conserué par diuine preuoyance.	cod.
Assemblée de Melitie, & autres Euesques de Constantinople.	284	Athanasie est reuocqué en Alexandrie par Constantin, en grand honneur & recommandation.	184
Les assemblees des Arriens defendues par Theodose.	285	Athanasie mal voulu de Constance, par la calomnie des Arriens.	194
Assumption de la Vierge Marie mere de Dieu.	41	Athanasie & Paul remis en leurs Eueschés, en vertu des lettres du Pape de Rome.	193
Asterie.	41	Athanasie reuocqué d'exil, fut en grand honneur & credit vers l'empereur Iouinian.	251
Asterie defenseur de l'opinion d'Arrius.	188		
Asterie Senateur Romain honora le corps de Marin de sepulture.	111		
Asterie Cappadocien, de Sophiste est fait Chrestien.	188		
Astier gouverneur d'Orient enuoye S. Iean Chrysostome en Constantinople.	30. 426.		
Asterie abolit vn miracle espouuentable, qui se faisoit par vn mauuais esprit pres la ville de Cesaree.	111		
Athanasie Secretaire d'Alexandre, & ordonné par luy			

# T A B L E.

<i>Athanasie par nouvelles calomnies des Eusebiens circonvenu, est par sentence de Constantin relegué à Treues, ville de Gaule.</i>	186	<i>fuil.</i>	153
<i>Athanasie enuoyé en Egypte par l'Empereur Iovinian pour administrer les affaires de l'Eglise.</i>	252	<i>Bannissement &amp; meurtre de Paul.</i>	191
<i>Athanasie persecute cruellement les Chrestiens.</i>	280	<i>Bannissement de sainte Olympiade.</i>	322
<i>Athenes infectée d'idolatrie.</i>	262	<i>Baptême de S. Iean.</i>	16
<i>Attale est créé Empereur, &amp; Adaulphe gouverneur des Cheualiers de l'ordre.</i>	327	<i>Baptême des Eunomiens.</i>	258
<i>Attestation des tesmoings qui auoyent depose contre Athanasie suspecte.</i>	185	<i>Baptême de Menandre Magicien.</i>	64
<i>D' Attic patriarche, &amp; de la persecution faite en son temps.</i>	324	<i>Baptême de Constantin le grand.</i>	401
<i>Attic successeur d' Arsace en l' Euesché de Constantinople.</i>	codem.	<i>Barbares defaicts.</i>	313
<i>Attic grandement charitable, mesme enuers les estrangers.</i>	343	<i>Barbares chassés loing de Constantinople.</i>	282
<i>Attic persecute les Ioannites.</i>	325	<i>fuil.</i>	186
<i>Attic excite persecution contre aucunes Eglises, &amp; pourquoy.</i>	325	<i>Barbares conuertis à la foy par Constantin.</i>	186
<i>Attic auant sa mort allie à son Eglise les Ioannites.</i>	344	<i>fuil.</i>	186
<i>Attic predict luy-mesme le temps de sa mort.</i>	343	<i>Les Barbares vaincus par les Romains sont contraincts faire paix &amp; receuoir les Sacremens des Chrestiens.</i>	398
<i>Attil Roy de Hongrie meut guerre contre les Romains, &amp; fut blessé en la bataille.</i>	365	<i>Barsanuphe moine d' Egypte, fait miracles uiuant sainctement.</i>	413
<i>Auarice insatiable de Iustinien Empereur.</i>	411	<i>Barthelemy Euesque d' Edesse, banny.</i>	264
<i>Audace effrenée des Pontifes &amp; sacrificateurs.</i>	44	<i>Basile Euesque de Cesarée en Cappadoce.</i>	162
<i>Audace de Melitie refrenée.</i>	165	<i>Basile Euesque d' Amasee martyrisé.</i>	145
<i>Aueuglement des Iuifs.</i>	165	<i>De Basile Euesque d' Ancyre.</i>	224
<i>Aueugle illuminé de la bouë d' une fontaine.</i>	377	<i>Basile successeur d' Eusebe en l' Euesché de Cesarée.</i>	262
<i>Augare prince des Edesiens detenu d' une maladie incurable enuoye des lettres à Iesus Christ.</i>	33	<i>fuil.</i>	262
<i>Augare enuoye un peintre à Iesus Christ pour le pourtraire au vis.</i>	34	<i>Basilias hostel-Dieu basti par S. Basile.</i>	277
<i>Augmentation admirable du Christianisme.</i>	146	<i>Basilides martyrisé.</i>	96
<i>Augusine arrestee est de droit diuin.</i>	322	<i>Basilisc martyr en Comaine, s'apparoist à saint Iean Chrysostome.</i>	329
<i>Aurelian successeur de Claude en l' Empire.</i>	119	<i>Basilisque commande aux Euesques Catholiques de censurer le concile de Calcedone.</i>	386
<i>Aurelian Empereur idolatre approuue par sa sentence le bannissement &amp; excommunication de Paul de Samosate.</i>	codem.	<i>Basilisque sa femme &amp; ses enfans, mis à mort.</i>	388
<i>Aurelian incité à mouuoir persecution contre les Chrestiens.</i>	codem.	<i>fuil.</i>	388
<i>Autel dressé à Iesus Christ par Auguste Cesar.</i>	15	<i>Basilisque approuue la foy du concile de Nice, mais il condamne le concile de Calcedone.</i>	386
<i>Autel paré de noir en signe de deuil.</i>	387	<i>Basilisque est contrainct faire publier lettres contraires aux precedentes, pour la defence du concile de Calcedone.</i>	387
<i>Autel Imperial construit par Constantin.</i>	148	<i>Bastimens que fait Constantin sur le passage de la mer.</i>	348
<i>Auteurs Ecclesiastiques Maxime, Candide, Appion, Sexte Arabian qui ont escrit contre les heresies de leurs temps.</i>	91	<i>fuil.</i>	392
<i>Autorité de l' Euesque de Rome.</i>	194. 271. 353. & 380.	<i>Bastiment excellent de Mammien Senatour.</i>	392
<i>Autorité d' Vlphilas entre les Gots.</i>	280	<i>Bataille de saint Paul avec les bestes sauuages.</i>	44
<i>Au temps de la grand' peste, les Chrestiens enseuelissent deuotement les morts.</i>	137	<i>fuil.</i>	44
<i>Auxens Euesque de Milan, Arrien.</i>	271	<i>Bataille douteuse.</i>	302
<i>Auxumites faits Chrestiens &amp; comment.</i>	417	<i>comme Basile &amp; Gregoire, furent esleués à la dignité sacerdotale.</i>	262
<i>Alexandre negastee par les Romains.</i>	341	<i>Bataille des Romains contre les perses.</i>	247
		<i>La banniere qui estoit la principale enseigne des Romains changee en forme de croix.</i>	141
		<i>Banquet magnifique au iour de la natiuité d' Herodes.</i>	17
		<i>fuil.</i>	17
		<i>Bannissement d' Etie, Eudoxe, &amp; Theophile.</i>	203
		<i>Barsamas meurtrier de Flauien.</i>	384
		<i>Beatitude &amp; felicité Chrestienne.</i>	176
		<i>Beaux exemples de parfaite profession est accomplie en la foy Chrestienne.</i>	85
		<i>Belle sentence d' Athanasie.</i>	238
		<i>Belle sentence de Sophronie, Euesque de Pompeiopol.</i>	222
		<i>fuil.</i>	222
		<i>Belle sentence de Leontie, Euesque d' Antioche.</i>	208
		<i>Belles sentences d' une Imperatrice qui peuuent seruir à tous princes &amp; princesses.</i>	305
		<i>Belle responce d' un prince au Requestes des heretiques.</i>	251
			Béni-

## B.

<b>B</b> abylas Euesque d' Antioche.	122
<b>B</b> abylas martyr.	103
<b>B</b> annissements & excommunications des Arriens.	

# T A B L E.

<i>Beniuole secretaire ne veut signer l'edict de Iustine, comme pernitieux &amp; grandement dommageable à l'Eglise.</i>	291	<i>Nouvelles calomnies d'Eusebe à l'encontre d'Athana-se.</i>	191
<i>Beniamin diacre mis en prison, &amp; comme il fut deli- uré.</i>	341	<i>Calamité &amp; afflictions nouvelles des Iuifs en A- lexandrie, Cyrene &amp; Egypte, sous l'Empereur Tra- ian.</i>	68
<i>Berille de Bostre autheur Ecclesiastique.</i>	99	<i>Calomnie &amp; imposture grande dressée contre Eustra- thie.</i>	181
<i>Berille reduict à la vraye doctrine par Origenes.</i>	101	<i>Calomnie &amp; faulxe accusation confirmée par sermens contre Narcisse Euesque.</i>	96
<i>Les bestes sauvages ne mettent pas en pieces les saints martyrs qui leurs sont presents.</i>	126	<i>Calomnie descouuerte.</i>	eadem.
<i>Le bien des condamnés restitué à leurs heritiers.</i>	146	<i>Calomnies inuentees contre la doctrine &amp; profession de la foy Chrestienne.</i>	135
<i>Bienueuillâce &amp; amitié qui estoit portée à Constantin par ses subiects.</i>	175	<i>Calomnies forgees contre S. Iean Chrysostome.</i>	311
<i>Blaspheme &amp; Florin ennemi de l'Eglise.</i>	8	<i>Calomniateurs subornez pour déposer contre Atha- nase.</i>	183
<i>Blaspheme grief au peuple &amp; gens de bien.</i>	347	<i>Calomnies &amp; embusches que les Arriens dresserent à Athanase.</i>	180
<i>Blaspheme de Nestorius.</i>	350	<i>Calandion tumultueux enuoyé en exil.</i>	389
<i>Blaspheme de Iulien, contre Iesus Christ.</i>	247	<i>Cantique composé par Iustinien est chanté.</i>	415
<i>Blasphemateurs contre la vierge Marie, diuinement &amp; humainement punis.</i>	434	<i>Cantique de liesse sur la victoire de Constantin.</i>	137
<i>Blaspheme de Iulien gouverneur d'Egypte, contre Ie- sus Christ &amp; les vaisseaux sacrés.</i>	233	<i>Canons Ecclesiastiques.</i>	287
<i>Bonne vie conforme à la bonne doctrine.</i>	362	<i>Canon des Nouatiens appelé indifferent, touchant le iour de Pasques.</i>	297
<i>La bonne ame n'a besoin des lettres.</i>	176	<i>Canons Apostoliques de S. Clement.</i>	66
<i>Bon propos d'Irenee à Victor.</i>	92	<i>Canon defendant la transiſion non la translation des Euesques.</i>	333
<i>Les Bourguignons molestés par les Hunes, embrasse- rent la Religion Chrestienne.</i>	354	<i>Canons &amp; coustumes Ecclesiastiques violees au conci- le de Seleucie.</i>	223
<i>Les Bourreaux vaincus par la vertu &amp; constance des martyrs.</i>	84. 128	<i>Canons du concile de Nice, touchant la reformatiō des meurs des Ecclesiastiques.</i>	162
<i>Braue exemple de liberté de parler aux princes.</i>	281	<i>Capitole de Rome reparé par Vespasian.</i>	63
<i>Brevis de merueilleuse grandeur</i>	343	<i>Captivité des Iuifs en Babylone.</i>	6
<i>Brefrecueil des escrits de Papie euesque de Hiarapo- lis.</i>	67	<i>Du Carême.</i>	299
<i>Britannio Euesque des Scythes defend la foy du concile de Nice contre Valent.</i>	270	<i>Carmes Ecclesiastiques d'Apollinaire.</i>	259
<i>Britannio enuoyé en exil par Valent, mais bien tost re- uocé.</i>	270	<i>Carpe Euesque de Pergame, Papile diacre, &amp; une fem- me nommée Agathonice ont souffert martyre en tes- moignage de leur foy.</i>	74
<i>Britannio receu en grace avec Constance.</i>	213	<i>Carpocrates heretique, homme impudent &amp; plain de ses plaisirs.</i>	76
		<i>Casie Capitaine de l'armée des Romains.</i>	8
		<i>Castor Agrippe a escrit cent Basilides.</i>	76
		<i>Catholiques dechassés de leurs temples.</i>	265
		<i>Plusieurs Chrestiens se repentans de n'auoir esté con- stants en la foy Chrestienne, sont receus à l'Eglise.</i>	176
		<i>Les Catholiques griefuement affligés en Orient par les Arriens.</i>	288
		<i>Les Catholiques Macedoniens &amp; Nouatiens affligés à Constantinople.</i>	256
		<i>Catholiques de Constantinople enseignés par Gregoi- re de Nazianze Theologien.</i>	284
		<i>Les Catholiques ne permettoient qu'un mot, une syl- labe, une lettre, un point ou un accent fut changé du concile de Calcedone.</i>	393
		<i>Les Catholiques dechassés de leur temples s'assembloient auriuaige d'un fleuve.</i>	266
		<i>Catalogue des Euesques qui ont administré l'Eglise de Constantinople depuis S. André Apostre iusques à A- lexandre.</i>	153
		<i>La cene le tempe passé se faisoit une fois la semaine, c'est à sauoir le samedi.</i>	299
		<i>Un chien étant au guet de la porte de Simon l'enchan- teur, parle langage humain.</i>	45

# T A B L E.

Catalogue des euesques qui souffrirent martyre en Perse.	174	chemeron euesque de Nilopolis s'enfuit au mont d'Arabie pour euit la fureur de ceux qui persecutoyent les Chrestiens.	105
Catalogue des premiers hommes ecclesiastiques, qui ont laisse des liures escripts en leur memoire.	77	Du choix des viandes & ieusne solemnel.	235
Cause de l'accroissement de l'empire Romain.	428	Chosroes capitaine des Perses.	420
La cause pour laquelle Cyrille fut deieté de son euesché.	225	Chrestienté florissante.	67
Cause de notable sedition entre les Iuifs.	7	La chrestienté commence à florir au temps de Iouian.	251
La cause pourquoy Porphyre renonça Iesus Christ & se banda contre la Chrestienté.	249	Chrestienté peuplée en perse par Maruthas.	340
Les causes pourquoy Eusthate euesque de Sebaste fut condamné au concile de Gangre.	225	Les Chrestiens doiuent estre tous d'un accord en la profession de la foy.	157
Cause pour laquelle Estienne euesque d'Antioche, fut degradé de la dignité episcopale.	207	Le nom des Chrestiens a esté fait de l'apparition de Christ: mais la profession Chrestienne est dès le commencement du monde.	6
Cautele malicieuse de Herodes, Roy de Iudee, pour scauoir où Iesus Christ estoit nay.	13	Les Chrestiens reiettent entierement l'Idolatrie.	128
Ce qu'a dit Origenes touchant l'herese des Hellesaites.	102	Les Chrestiens persecutez par les Idolatres.	239
Ce qu'on doit principalement regarder aux elections des Euesques.	289	Chrestiens vertueux à supporter les tourmens.	240
Ce que Nestorius a escrit de ses afflictions.	350	Plusieurs Chrestiens martyrisez pour le nom de Iesus Christ sous l'Empereur decie.	103
Celibat honoré.	146	Chrestiens massacrez par les Payens, sont reueuez & honorez comme martyrs.	294
Celebration de la feste de pasques arrestee au mesme iour de la resurrection.	91	Dix Chrestiens renoncent au martyre pour sauuer leur vie.	82
Celebration de la feste de pasques anciennement gardée entre les Samaritains.	297	Plusieurs Chrestiens effrayez pour crainte du martyre ont renoncé à la foy de Iesus Christ.	104
celebres martyrs de plusieurs saints personnages.	135	Les Chrestiens affligez par les gouuerneurs des provinces durant l'Empire de Iulien.	141
Celestin pape de Rome approuue la translation de Procle.	353	Les Chrestiens chassez de la cour de l'Empereur Iulian & chassez de leurs offices.	140
Cene mystique & figurative.	22	Les Chrestiens appellez par Iulien Galileens.	232
Cene preparee en la maison de Iean l'Euangeliste.	21	Vingt mille Chrestiens celebrans la natiuité de nostre Seigneur Iesus Christ, en son eglise sacrifiez à Dieu par martyre.	126
Cerdon heretique.	76	Chrestiens martyrisez en Alexandrie, Egypte, Libye & Thebaïde.	94
Ceremonies du Baptisme.	139	Les Chrestiens ont participè es pertes & calamitez que les infideles ont suscitees les uns aux autres par sedition.	113
Ceremonie de la penitence en l'Eglise Romaine.	293	Pourquoy les Chrestiens ont encouru l'infamie & la hayne du commun.	83
Les Ceremonies de l'Eglise ne se doiuent garder tant estroitement.	300	Chrestiens persecutez sous Iulles Maximin.	100.
Ceremonies & coustumes du viel testament ont esté l'ombre & figure d'autres choses.	6	& 102.	
Ceremonies & superstitions Iudaïques retenues par les Ismaélites.	279	Quelques Chrestiens de rechef renoncent à la foy de Iesus Christ pour crainte du martyre.	84
Cerinthe amateur de son corps & chair.	114	Les Chrestiens souffrans leur martyre refusent le nom de martyr.	eadem.
Cesaree ville de cappadoce mis hors du nombre des villes par Iulian.	232	Les Chrestiens redigez en grande crainte à cause de l'Apostasie de Iulian.	231
Ceux qui font penitence doiuent estre receus à l'Eglise.	78	Les Chrestiens ont celebré leurs iours de festes durant leurs persecutions & miseres en quelque lieu qu'ils ayent esté.	113
Ceux qui auoyent renoncé à Iesus Christ venans à se reconnoistre sont receus par l'Eglise leur mere.	84	Les Chrestiens bruslez avec leurs temples.	280
Chagaue conducteur des Abares.	432	Les Chrestiens Romains sont mis au fil de l'espee ou bien exposez aux bestes pour viande par le commandement de Cesar.	84
Chagaue victorieux des Abdelares.	433	Les Chrestiens mis en garde entre les mains de ceux qui auoyent renoncé la foy chrestienne.	83
Chants des Arriens en Constantinople.	313	Chrestiens remis en leur entier.	251
Chants & processions defendues aux Arriens.	314	Les chrestiens ayans eu repos se resiouissent.	135
Chants & cantiques des Chrestiens, pour la restitution de leur libreté.	135	Les chrestiens prient pour la Republique, & pour les Princes.	109
Charité grande des chrestiens les uns enuers les autres.	137	Les	
Charité louable entre les moines.	275		
Charité Monastique.	276		
Charité grande d'Ephraïm.	201		
Chasteté de Pelage euesque.	264		
Les chastez ne peuuent aspirer à l'Empire.	403		
Le chef de Saint Iean apporté à Constantinople.	308		

# TABLE

Les chrestiens ayans la langue coupee parloyent distinctement & aussi bien qu'au parauant.		Comparaison de Philon avec Iosephe.	40
fol.	399. & 408	Comparaison de la vie des gens mariez & des non mariez.	38
Les fermes & vrais chrestiens ne veulent auoir aucune accointance ny communication avec les heretiques.	71	Complaincte d'Athanasie & de Paul, Euesques, à l'Empereur Constans.	195
chrestiens addonnez à paresse par leur trop grand aise.	124	Complainte de saint Iean Chrysostome au Pape Innocent, touchant l'iniure & condamnation qu'on luy auoit faite.	320
Un chrestien mal baptizé par les heretiques prie Denys d'estre rebaptizé, ce qu'il n'obtient pas.	110	Complot de quelques Iuifs pour mettre à mort s. Paul.	45
Pourquoy les chrestiens sont plus irritez quand ils pensent aux iniures qu'ils recoyuent des hommes que non pas à celles des diables.	277	Comportement d'Origenes durant son ieune aage.	94
christ, prestre, selon l'ordre de Melchisedech.	5	Compositions des deux Apollinaires.	141
christ congneu par les anciens.	6	Commandement fait par Constantin aux lieutenans & gouuerneurs de provinces de faire diligente perquisition & punition des heretiques.	143
christianisme par tout le monde florissant.	151	Commandement que feist Theodose à ses enfans, estant prest de mourir.	308
christianisme augmenté en Perse par Maruthas, Euesque de Mesopotamie, & Abdas, Euesque de Perside.	339	Commandement de l'Empereur exposé au peuple d'Edesse.	295
christianisme grandement florissant.	198	Les commandemens de Dieu tourne en habitude & coustume gardent l'homme d'offencer.	19
chrysant, fils de Marcien, est creé malgré luy Euesque des Nouatiens.	337	Comme le Roy des Iberiens receut la foy Chrestienne	171.
circoncision de Iesus-christ.	12	fol.	
claud, cesar, succeda à caie.	36	Comme le saint sepulchre & la vraye croix ou nostre seigneur fut crucifié fut trouuee.	168
Claude ayans tenu l'Empire l'espace de treze ans & huit mois, alla de vie à trespas.	44	Comme ce mot creé est prins es escritures saintes	197
clémence & mansuetude de Maurice, Empereur.	426	fol.	
clement, Euesque de Rome.	49	Commencement de la dispute du Concile de Nice.	159
s. Clement, Euesque de Rome, estoit tres-profond & bien instruit en toutes sciences.	66	fol.	
s. clement fort familier de s. Pierre.	eodem	Comment se sont portez les Chrestiens les uns enuers les autres durant le temps de la peste.	113
s. clement avec ses pere & mere & ses deux freres tenoit compagnie à s. Pierre lors qu'il alloit par le monde prescher l'Euangile.	49	Comment les sages ont eu congnoissance de Iesus Christ.	13
s. clement enuoyé en exil par le commandement de Traian.	66	fol.	
clement, Alexandrin, prestre, sectateur de mesme estu de avec Pautene.	90 & 97	Comment les Grecs ont fait un Dieu du singe Pan, & du satyre semblablement.	204
clement successeur en l'euesché d'Alexandrie.	90	Comment on peut fuyr les persecuteurs.	237
clement, Euesque d'Aniye & Agathangele, martyrisé.	82	Commencement de la ruine des Iuifs.	51
clergé enuoyé à la guerre.	232	Commentiole successeur de Philipique.	429
Les cloux desquels nostre Sauueur fut attaché à la croix enuoyez à saint Macaire.	168	Commode succeda à l'Empire apres la mort d'Antonin.	85
Cholere de Theodose contre les Antiochiens.	305	Commodité de la foy bien accordée entre les Chrestiens.	389
College mis sus en la ville de Cesaree.	123	communauté de prieres.	361
Une colombe s'asseyt sur la chef de saint Iean Chrysostome, lors qu'on le consacroit prestre.	310	Commodité prouenant des heresies.	358
colloque de constance & de Libere.	215	Commission Imperiale pour accorder les dissensions qui estoient entre les Euesques.	144
Colloque de Modeste & Euloge.	265	Communauté de vie entre les chrestiens.	30
Colloque de saint Iean Chrysostome avec Gainas.	312	Commune sepulture de tous les Empereurs Chrestiens & Euesques à Constantinople.	189
Combat entre les gentils & chrestiens pour la querrelles de leurs Dieux.	293	Communion de l'Eucharistie antienement octroyee à ceux qui se mouroyent.	108
combien d'annees a regné Constantin le grand.	148	concile decerné à Nice pour les discords d'Alexandre & d'Arrius.	158
fol.		Concile assemblé en Antioche & pourquoy.	181
Combien de temps la Iudée a esté dominee par Roys estrangers.	59	Concile de Milan.	114
Combien de fois Marie Magdelaine est allée au sepulchre de Iesus, lors de la resurrection.	25	Concile congrege en Ierusalem, à cause d'Athanasie.	206
Comparaison de saint Iean Chrysostome à Origene.	359	Conciliabule de trente Euesques Arriens en la ville d'Antioche contre Athanasie.	214
fol.		Concile d'Arimine.	218
		concile assemblé par les Arriens en la ville de Nique.	220

# T A B L E.

Conciles prouinciaux assemblez par les Archeuesques. fol.	358	Condition proposee à Theodose.	304.
Concile de Sirmie assemble à cause de l'heresie de Phosin.	212	Conditions de paix d'entre la Royne Maria & les Romains.	279
Le concile de Calcedone estoit commandé par Iustin, Empereur.	406	Confession catholique.	270
Concile d'Antioche, auquel est consermé le symbole de foy arresté au concile de Nice.	251	Confession de la foy catholique de Damase à Paulin, Euesque.	290
Concile tenu en Ephese, nommé briganderie, à cause des violences faites aux Euesques.	358 & 380	Confession des pechez, auant que receuoir l'Eucharistie.	273
Concile d'Arimine ordonné par Constance.	206	Confession de la chrestienté faite par Publie, Abesse des religieuses.	235
Concile national assemble en Alexandrie pour Athanasie.	210	Confession de foy d'Eusebe Pamphile, approuuee par constantin.	163
Concile d'Alexandrie auquel Athanasie presidoit. fol.	236	Confesseurs chrestiens.	146
Concile assemble par s. Cyrille, auquel l'erreur de Nestorius est condamné.	347	Confession de foy.	256
Le concile de Seleucie diuisé en deux ligue.	221	Confutation des calomnies de Zosime.	401
Concile de Calcedone presché par toutes les Eglises & receu avec les autres trois.	406	Confutation de l'erreur d'Arrius.	155
Concile assemble tant pour la cōfirmation des decrets du concile de Nice que pour l'election de l'Euesque de Constantinople.	286	Conon aduersaire de Philopone.	438
Concile de Sardice instiue du consentement de Constantins & Constance Empereurs.	196	Conon, Euesque, fuyt les armes.	399
Conciles assemblez en Thyane & Carie.	257	Consentement des Euesques en la foy.	383
Concile troisieme d'Ephese, auquel Nestorius est desmis de son Euesché.	349	Conseil frauduleux des Arriens.	218
Concile de Calcedone.	367	Conseil notable de Tybere, qu'il ne fault pas legèrement changer les administrateurs d'une Republique.	16
Concile assemble par Theodose, où les chefs principaux des heresies furent conuoez.	288	Concordances des quatre Euangiles de Tatian.	177
Conciles assemblez à cause de la doctrine d'Arrius. fol.	156	Condamnation de Dioscore par les ambassadeurs du Pape.	382
Concile en Constantinople contre s. Iean Chrysostome.	316	Legitime consecration des Euesques.	289
Autre concile assemble contre s. Iean Chrysostome. fol.	319	Conseil louable comment il fault proceder contre les heretiques.	288
Concile de Lampzac.	254	Consentement & accord touchant la celebration de la feste de Pasques.	165
Concile conuoe à Gangre.	200	Consideration principale des Apostres en leur doctrine.	298
Deux conciles assignez par Constance, l'un à Arimine & l'autre à Seleucie pour les differents qui estoient entre les Euesques Orientaux & Occidentaux.	214	Consolation diuine donnee à Theodore.	147
Concile de Rome assemble contre Auxentius.	271	Les consors & complices de Macedonien.	226
Concile assemble en Italie, pour la cause de saint Iean Chrysostome.	326	Conspiration des Eusebiens contre Athanasie.	183
Concile des Nouatiens, contre sabbatins.	297	Constantin, Empereur en Occident es Gaules.	133
Conciles soustenus iusques à espandre le propre sang. fol.	368	Constantin prent en horreur la familiarité des Empereurs à cause qu'ils prenoient plaisir à espandre le sang des chrestiens.	132
Concile de Calcedone approuué par Leon, Empereur. fol.	373	Constantin void le signe de la croix au ciel.	147
Concile ordonné à Nicomedie par Constance, pour l'heresie d'Eudoxe & d'Arrie.	217	Pourquoy constantin fait changer la banniere des Romains en forme de croix.	141
Concile tenu en Antioche.	191	Comme Constantin esmeu d'une liberalité fait un festin à ceux qui estoient au concile de Nice.	166
Concile cinquiesme vniuersel à Constantinople.	414	Constantin se delibere de dechasser Maximin.	139
Concile de Philadelphie.	235	Constantin ne voulant prendre la cōnoissance de l'heresie de Cecilien, Euesque de Carthage, le renuoye à l'Euesque de Rome.	144
Condemnation des Arriens par le concile de Nice. fol.	161	Constantin poursuit & vange sur le tyran Maxence les iniures & persecutions faites aux chrestiens. fol.	137
Condamnation de Cyrille, Euesque de Ierusalem. fol.	225	Constantin apres la victoire obtenue contre Maxence entre la ville de Rome.	128
Condamnation des moines par le concile de Gangre. fol.	200	Constantin enhorée par lettres Alexandre & Arrius à concorde.	157
		Constantin ne veut adiouster foy aux calomnies dressées contre Athanasie.	183
		Constantin void au ciel, pour la troisieme fois, le signe de la croix.	148
		Constantin assiste au concile de Nice avec les saints peres.	160
		Con-	



# TABLE

Constantin se propose un vis exemplaire de Iesus-Christ pour estre imité.	140	Contention d'Alexandre, Euesque de Constantinople & d'Eusebe, Euesque de Nicomedie, touchant Arrius.	186
Constantin baise les playes & cicatrices de ceux qui auoyent endure pour le nom de Iesus-christ.	166	Conte notable de Natalis.	86
Comme constantin fit demolir le temple de Venus & au lieu y fit construire l'Eglise du saint sepulchre.	fol.	Contention sur le formulaire de foy au concile de se-leucie.	222
Constantin tombé en lepre.	136	Conte digne d'admiration de Serapion.	108
Constantin esmeu de pitié ne veut se baigner dans le sang des enfans.	139	Contention entre saint Paul & Barnabas.	40
Constantin delaisse sa maladie de lepre, en receuant baptisme.	139	Contention entre les Catholiques & Eutychiens.	fol.
Constantin est baptisé à Rome.	150	Contenu des lettres que Polycrates, Euesque d'ephe-se, escriuit à Victor, Pape de Rome, touchant la celebra-tion de la feste de Pasques.	92
Constantin ne veut enfreindre le iugement d'une as-semblee ecclesiastique.	188	Contenance & sobriete de Macaire.	277
Constantin deuant que de mourir commanda qu'Atha-nase fut reuocqué d'exil.	189	Construction de la ville de Constantinople.	151
Constantin diuise son Empire à ses trois enfans.	eod.	constitution de Theodose, touchant les Diaconesses.	fol.
Constans fait Empereur & salué du nom de Cesar.	fol.	Les mots consubstantialité & equisubstantialité, sont reiettez par le concile de Sirmie.	216
Constans, Empereur, garda constamment la profession de foy de la consubstantialité.	205	controuerse pour la celebration de la feste de Pasques.	fol.
Constans a tousiours porté faueur aux Chrestiens.	fol.	contumelie des Arriens contre les Eunomiens.	285
Constans est enuoyé en ambassade aux persans.	fol.	Contumelie de Iulien, contre Arface, duc, Chrestien des Armeniens.	247
constans ayant eu compagnie de la fille de son hôte à Drepane, engendra Constantin.	132. & 149	Contumelies insolentes contre les vierges sacrees.	fol.
constantin successeur de l'Empire apres son pere Con-stans.	eod.	Conuersation de s. Nicarete de Nicomedie.	323
constantin nourry en la cour de Diocletian, Empereur.	fol.	Conuersion de s. Paul.	32
constantin & Licinie eurent le gouuernement de l'Empire.	142	Constance admirable des Chrestiens, martyrs.	127
Constance Galle designé Empereur en Orient.	213	Le corps de Iesus-christ diuin apres la resurrection.	fol.
constance, prince tres-chrestien.	227	Le corps de constantin porté à Constantinople.	189
constance le plus ieune des enfans de Constantin, Em-pereur en Orient.	193	Le corps de Constantin transporté de son lieu en un au-tre temple par Macedonien.	221
Constance blasme par Gregoire Na'xian'zene de ce qu'il auoit imprudemment creé Iulien, empereur.	227	Le corps de symeones, honnorablement conuoyé en An-tioche, lequel est demeuré entier.	351
Constance demande une Eglise à Athanase en Ale-xandrie pour les Arriens.	208	Corps de S. Thomas, moine, honoré par le vouloir de Dieu & est transporté en Antioche.	413
Constance peu courtois enuers les ambassadeurs du con-cile d'Arimine.	220	Le corps de Flauien est transporté d'ephe-se en constan-tinople.	359
constance à la suasion de quelques Euesques se destour-ne de la foy de la consubstantialité.	eodem	Les corps des martyrs bruslez, & leurs cendres iettees au Resne.	84
Constance enuoya un homme pour trencher la teste à Athanase & à quelques autres Euesques.	210	Le corps de Macedonien fait miracles.	324
constance s'efforce de faire condescendre les Euesques Occidentaux à la sentence que ceux d'Orient auoyent donnee contre Athanase.	214	Le corps de Lucien, martyr, porté à Helenopole, cite de Bythinie, par un Daulphin.	170
Constant, de moine est fait Empereur.	333	Le corps de saint, cruellement villené par les bourreaux diuinement guery & rendu sain comme deuant.	fol.
Constance des Euesques Occidentaux à suyure l'ortho-doxie & verité Catholique.	211	Le corps de la vierge Marie est porté par les Apostres depuis sion iusques en Getfami.	42
Constance excellente de quelques martyrs.	104	Corruption signifie deux choses es saintes escritures.	fol.
Constance Chrestienne pour la defence de la foy.	262	cosroes, Roy des Perses, leue guerre contre les Romains.	fol.
constance de Polycarpe.	73	cosroes induit par miracles receut le Christianisme.	fol.
constante & ferme respiration.	173	courage d'une certaine dame, nommee Bibliades.	83
constitution & ordonnance, de la donation de Con-stantin faites aux Eglises.	143	courage assure de saint, martyr.	eod.
constitutions, touchant l'election & consecration des Euesques.	293	Courage fort desirieux de Martyre.	66
		Courage des Eclesiens.	265
		Couronnement de Maurice, Empereur.	415
		Costume ancienne des Romains.	266

# T A B L E.

Costumes diuerses & obseruations des Anciens, lesquelles n'ont esmeu aucune dissension entre les chrestiens.	298
Plusieurs costumes mauuaises & des-honnestes de Rome, abolies par Theodose.	292
Costume des heretiques quand ils vouloyent aller d'un lieu à autre.	296
Crainte tumultueuse du peuple.	321
Crescens, philosophe cinique, fut cause de faire mourir Iustin.	72
crime de lese maiesié.	240
crimes de George, Euesque d'Alexandrie.	218
La credence doit estre arrestee aux saints conciles generaux.	372
Les croix que Cosroes ennoya à Gregoire, Antiochien.	fol.
La croix engrauee en la monnoye de Constantin.	146
Croix de grand prix donnee à l'Eglise saint Serge.	fol.
La croix aux armes des gens de guerre.	146
Cruauté d'Opatus, contre les Ioannites.	322
cruauté de George, Arrien, Euesque d'Alexandrie, contre les catholiques.	215
cruauté grande de Magnence, qui ayant esgorgé tous ses proches parens, se tua luy mesme.	214
Cruauté tyrannique.	261
Cruauté abominable des infideles tant sur les hommes que femmes Chrestiennes.	83
Cruauté barbare contre les corps morts.	84
Cruauté de Licinie, contre les Euesques.	145
cruauté d'Herodes executee à sa mort.	15
Cruauté de Iustinen soustenant les seditieux.	412
Cruauté de Maurice, Empereur.	436
Cruauté de Valent, machinee contre les Adestiens.	fol.
Cruauté d'Athanasie contre les Chrestiens.	280
Cruauté exercee par les Scytopolitains, contre les corps morts.	236
Cruauté d'Herodes, enuers ses subiects.	11
Cruauté des heretiques enuers les chrestiens.	373
Cruelle famine.	136
Cruelle mort presque de tous les Empereurs, i dolaires ou tyrans.	402
S. Chrysogone rescrit à s. Athanasie.	366
Curiosité de Maurice, Empereur.	434
Curs de scythie.	423
Cyrille, successeur de Theophile au siege d'Alexandrie.	338
Cyrille demande à l'Empereur un Concile general.	fol.
Cyrille, lieutenant du Pape Celestin, au Concile d'Ephese.	149
Cyrille & Memnon absous legitiment par le Concile.	350
Cyrille vend les ioyaux de son eglise, pour subuenir au peuple durant une grosse famine.	225
Cyrille dechasse les heresies hors d'Alexandrie.	fol.
Cyrille & Memnon deposez de leur dignité Episcopale, & pourquoy.	350
Comment s. cyrille corrigea son erreur, touchant le nom de s. lean.	346

Cyrille, Euesque de Ierusalem.	289
Cyprian, Euesque de Carthage.	103. 107. 108
Cyprian, disciple de Tertullian.	80
Cyprian, Euesque de l'Eglise d'Affrique.	103
Cyprian, martyr, conueriy à la foy Chrestienne par le moyen d'une ieune fille, nommee Iustine.	cod.
Cyprian prenoit grand plaisir à lire les œuvres de Tertullian.	91
Cyprian disoit que ceux qui reconnoissoient leur heresie, deuoient estre purgez par le baptesme.	107
s. Cyprian, disciple de Tertullian.	91
Cyrene feit faire un denombrement des saculrez d'un chacun sous Auguste, Cesar.	11

## D.

<b>D</b> almatie, iuge delegue avec Eusebe & Theognis accessseurs pour les nouvelles colonies imposees contre Athanasie.	184
Damase, Euesque de Rome, apres Libere.	282
Danse de fille sentant sa paillardie.	17
Debat entre s. Pierre & simon, enchanteur, à qui mieux feroit des miracles.	45
Debat & contention qui fut entre Alexandre & Arrius.	152
Debats ecclesiastiques appeisez par les Conciles.	326
Debat pour l'election de l'Euesque de Constantinople entre les Catholiques & les Arriens.	261
Debat de s. Iean Chrysostome & Epiphane, en la ville de Constantinople.	317
Decer de Constans, Empereur.	133
Decie fut successeur à l'Empire apres Philippe.	102
Decie, Empereur, grand persecuteurs des Chrestiens.	fol.
Decie, Empereur, est mis à mort avec son fils en la bataille qu'il eut contre les scythes.	105
Decennie, frere de Magnence, se pend & se strangla soy-mesme.	214
Desconfiture & defaite de Cosroes.	423
Decrets & actes du Concile de Nice retractez en controuerse.	179
Decret des Phryges, Nouatiens, par lequel ils ordonnerent qu'il faut celebrer la feste de Pasques avec les Iuifs.	261
Decrets du concile d'Alexandrie.	236
Decret synodal à ces bening, touchant Melitie & ses adherans.	161
Decrets du concile de Lampsac, exposez à l'Empereur.	fol.
Decrets & actes du synode uniuersel & seau.	fol.
Decret par lequel il est ordonné que la celebration de la feste de Pasques se fera par toute la Chrestienté en un mesme temps.	165
Dedicace de l'Eglise des Apostres.	414
Dedicace & consecration du temple de Ierusalem, que Constantin auoit fait bastir.	185
Dedicace & consecration de la ville de Constantinople.	166
Defence de la faulte & erreur de Constance.	206
Defence d'Origenes contre Demetrie.	98
Defence de Socrates contre ceux qui disent qu'Eusebe	14

# T A B L E.

<i>le Pamphile a esté de l'opinion d'Arrius.</i>	197	<i>uidence de Dieu.</i>	103
<i>Defence des Chrestiens dediee par Meliton à l'Empereur Antonin.</i>	79	<i>Deposition de Macedonien.</i>	224
<i>Defence de ceux qui fuyent contre les persecuteurs.</i>	237	<i>Depravation du baptesme par les disciples d'Eunome.</i>	296
<i>fol.</i>	237	<i>Derniere destruction de la ville de Ierusalem &amp; grande tuerie des Iuifs, sous l'Empereur Adrian.</i>	68
<i>Defence faite aux Catholiques de ne faire aucune assemblée.</i>	265	<i>Descente de Iesus-Christ aux enfers.</i>	21
<i>Defence d'auoir pitié ny compassion de ses amys.</i>	269	<i>Description des Euesques ambitieux &amp; faiseurs de ligues &amp; menées.</i>	217
<i>Defence &amp; maintien des decrets des peres.</i>	218	<i>Description de la grande famine qui affligea les Iuifs.</i>	60
<i>Defenseurs de l'heresie des Monophysites.</i>	437	<i>fol.</i>	60
<i>Defence de persecuter le clergé Catholique.</i>	270	<i>Description des moines de nostre temps.</i>	177
<i>Defaite de trente mil Barbares.</i>	433	<i>Description grande de plusieurs martyrs en beaucoup de lieux.</i>	126
<i>Defaite du ieune Constantin.</i>	191	<i>Description de quelques moines celebres, &amp; leur deuotion enuers Dieu.</i>	274
<i>Declaration des presens des sage en Iesus-Christ.</i>	13	<i>Description de l'Eglise sainte sophie à constantople.</i>	412
<i>Deliberation de saint Paul en escriuant ses Epistres.</i>	48	<i>fol.</i>	412
<i>Deliberation de saint Luc à escrire l'Euangile.</i>	56	<i>Description d'un euesque superbe, auare, plain de vaine gloire &amp; totalement seculier &amp; mondain.</i>	119
<i>Deluge qui abyssa aucunes terras.</i>	375	<i>Description de la vie monastique, comme aussi doit estre celle du Chrestien.</i>	175
<i>Demetrie, Euesque d'Alexandrie, enuieux du bon renom d'Origenes auancé en l'ordre de presbiter le blasphema par ses escrits.</i>	96	<i>Desordre de l'armee de Valens, cause de sa ruine, &amp; perte de la bataille.</i>	281
<i>Demetrie martyrisé.</i>	131	<i>Deuinations de Montan, &amp; ses deux prophetisses.</i>	86
<i>Demon diction equiuoque.</i>	249	<i>fol.</i>	86
<i>Demophile, Arrien, se retire de Constantinople &amp; fait ses assemblees hors la ville.</i>	285	<i>Devoir d'un Euesque.</i>	304
<i>Denombrement de plusieurs Chrestiens martyrisez tant en Alexandrie, qu'au pays de Palestine sous l'Empereur Decie.</i>	104	<i>Deuis de saint Pierre, avec simon l'enchanteur.</i>	45
<i>Denombrement des Roys estrangers, qui ont dominé la Iudee.</i>	59	<i>Des deux Apollinaires pere &amp; fils heretiques.</i>	203
<i>Denombrement des auteurs &amp; capitaines d'heresie &amp; des Ecclesiastiques qui se sont opposez à leur faulxe doctrine.</i>	85	<i>Le diable nous assaut en diuerses manieres.</i>	303
<i>Denombrement des Pape qui ont tenu le siege à Rome au temps des Emperours Romains.</i>	102	<i>Le Diable à grandement greué la Chrestienté par ses meschantes heresies.</i>	77
<i>Denombrement des Romains &amp; comme ils ont successiuellement regné les uns apres les autres.</i>	102	<i>Les diables sont chasséz par le sacrifice &amp; oraisons des Chrestiens.</i>	399
<i>Denombrement des saintes femmes.</i>	25	<i>Le diable à liuré de merueilleux assauts à la foy Chrestienne par l'heresie de simon &amp; Menandre, enchanteurs.</i>	64
<i>Denys, Euesque d'Alexandrie.</i>	103	<i>Le diable ne peut endurer la tranquillité de l'Eglise.</i>	416
<i>saint Denys Areopagite croit en Iesus-Christ.</i>	41	<i>fol.</i>	416
<i>s. Denys Areopagite est baptisé &amp; fait euesque de l'Eglise d'Athenes.</i>	codem.	<i>Le diable auteur de la persecution des gens de bien &amp; fideles.</i>	82
<i>Denys enuoyé par deux fois en exil.</i>	110	<i>Le diable auteur &amp; propagateur de toute superstition &amp; idolatrie.</i>	151
<i>Denys dispute par trois iours durans de la doctrine de Nepos, en la ville d'Arcinoe, &amp; refute son heresie.</i>	114	<i>Le diable auteur de contention.</i>	370
<i>fol.</i>	114	<i>Dict d'Ephraim, fort facetieux.</i>	201
<i>Denys Alexandrin, r'appelle amiablement Nonat de son erreur à la droite voye, &amp; l'inuite fraternellement à se reconnoistre.</i>	108	<i>Dict notable d'un moine, touchant la mortification de sa chair.</i>	273
<i>Denys, Melas &amp; solon, moines fort celebres.</i>	275	<i>Dict notable d'un confesseur, lay.</i>	159
<i>Denys &amp; quelques autres Chrestiens disent leurs raisons deuant Emilian, gouverneur d'Egypte.</i>	110	<i>Diete &amp; maniere de viure des moines.</i>	176
<i>Denys combat par lettres contre l'heresie de Paul de Samosate.</i>	118	<i>Dieu ne delaisse iamais les siens.</i>	94
<i>Denys de l'heresie de Nepos.</i>	114	<i>Dieu commanda à ses Apostres de demeurer douze ans en la ville de Ierusalem apres son ascension.</i>	88
<i>Denys de l'heresie de Sabellie.</i>	109	<i>Dieu renuerse les entreprises des meschans &amp; perturbateurs du repos public.</i>	313
<i>Denys retourne de son bannissement en Alexandrie.</i>	113	<i>Dieu conseruateur des Empires.</i>	312
<i>fol.</i>	113	<i>Dieu ne permet point que les siens soyent chastiez sinon quand il luy plaist, &amp; le temps est venu.</i>	119
<i>comme Denys fut preserué de la main des tyrans.</i>	103	<i>Dieu empesche l'entreprise d'Aurelian.</i>	cod.
<i>Denys prouue que s. Iean l'Euangeliste n'a pas mis par escrit l'Apocalipse.</i>	117	<i>Dieu s'apparut à saint Eustache entre les cornes d'un cerf.</i>	70
<i>Denys preserué du martyre par grand miracle &amp; pro-</i>		<i>Differens des prelates des Eglises.</i>	396
		<i>Different touchant la genealogie de Iesus-Christ, entre</i>	

# T A B L E

s. Mathieu & s. Luc, euangelistes.	11	Flauien.	357
Different & procès men entre Astere & Gregoire, Euesque d'Antioche, & la cause pourquoy.	426	Discours entre le peuple, à cause d'un blaspheme.	fol.
Different accordé, touchant la celebration du iour de Pasque.	300	Disposition & ordonnance de la reparation du genre humain.	28
Difference du langage duquel est escrit l'Euangile & epistre s. Iean avec celui de l'Apocalipse.	117	Dispute de la resurrection des morts.	356
Difficulté de remettre & restablir les eglises Catholiques en leur entier.	286	Dispute entre Polycarpe & Anicete, Pape de Rome.	fol.
Dignité militaire à Rome appelée la vigne.	111	Dispute de Photin avec Basile, Euesque d'Ancyre.	fol.
Dignité episcopale ostee à Marcel, Euesque d'Ancyre, au concile de Constantinople.	188	Dispute, à sçauoir, si les Gentils fideles deuoyent estre contrains d'observer la loy de Moysse.	40
Diligence de Paul d'Emese, pour accorder toutes choses.	fol.	Dispute de sismie avec saint Iean Chrysostome.	fol.
De Diocletien, Maximin, & de leurs enfans & genres.	131	Dispute de l'heresie d'Etie à Constantinople.	223
Diocletian, proclamé Empereur, pour sa bonté & sincerité de vie.	122	Disputes populaires de la religion.	190
Diocletian machine de faire tuer Constantin.	132	Dissensions intestines & ciuiles en la Chrestienté.	fol.
Diocletian associa Maximin Hercule, au gouuernement de l'Empire.	125	Dissonction entre les Chrestiens, touchant la feste de Pasque.	298
Diocletian & Maximian, Empereurs, se deuesent en mesme iour de leurs habits Imperiaux.	133	Les dissensions d'Alexandre & d'Arrius ne peuuent s'appaier.	258
Diodore & Isidore benignement receuz par Iean Chrysostome.	316	Dissension de Cyrille, contre le gouuerneur Oreste.	fol.
Dioscore, Euesque d'Hermopolis.	315	Dissension à Constantinople, entre les catholiques & Arriens, touchant l'election de l'Euesque.	191
Disciplines, lettres & institutions Grecques descendues aux Chrestiens.	141	Diuers meurtres & grieues calamitez des Iuifs sous l'Empereur Claude.	44
Disceptation sur la procedure du Concile de Seleucie.	fol.	Diuers tourmens que les Arriens faisoient aux Catholiques.	269
Discord de ceux qui en l'Eglise se studioyent par une trop grande licence à nouuelletez & seditions.	fol.	Diuerses sortes de martyriser les Chrestiens.	130
Discords des Nouatiens.	300	Diuerses manieres de celebrer la messe.	299
Discord entre Eusebe & Basile.	262	Diuerses seditions pour le demolissement des autels des idoles.	294
Disciples & imitateurs de s. Antoine.	177	Diuerses opinions de la mort de Iulien.	250
Disciples religieux de saint Antoine, moine.	275	Diuerses opinions de la mort d'Arrius.	187
Discord des Eglises.	393	Diuerses opinions en Antioche, de la foy, en leur psalmodie.	208
Discord en Antioche, entre les pauliniens & les Melitiens.	283	Diuerses especes de singes.	204
Discord des Asiens, touchant la celebration de la Feste de Pasques.	92	Diuisions des sectes.	300
Description & instruction des moines.	275	Diuisiion en Antioche, entre Paulin & Flauius & leurs sectateurs.	292
Discord entre Iean & l'Imperatrice Eudoxie.	317	Diuisiion du peuple d'Antioche, & pourquoy.	237
Discord de Cornille, Euesque de Rome, & de Nouate, touchant la reception des penitens en l'Eglise.	fol.	Diuine vengeance contre Elpide.	144
Discord & sedition entre les Nouatiens, esmeue par Sabbatius, touchant la celebration de la feste de Pasques.	297	Diuorce entre les Euesques Orientaux & Occidentaux.	196
Discours des comparaisons & paraboles de Iesus-Christ prinsez des euangelistes.	20	Diuorce de l'Eglise augmenté, à cause des lettres d'Alexandre.	155
Les disciples d'Origenes.	101	Docte defence du Consubstantiel.	268
Discours de Papie, Euesque, de ce qu'il auoit peu apprendre des disciples de nostre seigneur.	67	Doctrine malheureuse de Nouat, heretique.	109
Disciple d'Ephraim.	201	Doctrine abominable d'Arrius.	153
Discord de l'Eglise appaisé par les douces paroles, & la diligence de l'Empereur Theodose.	293	Doctrine & eloquence grande d'Eunome.	285
Discord de l'Eglise de Constantinople.	344	Domitian fait mourir grand nombre de Chrestiens.	fol.
Discord entre le peuple de Constantinople.	352	Domitian mis à mort.	esd.
Discord entre Pulcherie & Eudocie par le moyen de de chrysaphe, Eunneque, voulant faire deposer		Domitian, Euesque Hierapolitain.	429
		Domitie, moine, assommé à coups de pierre.	234
		Dominacion de Constantin.	146
		Dominique Auguste, femme de Valent, lene une armee contre les Barbares.	282
		Dominique Auguste, implore pour son fils l'ayde de Basile.	262
		De	

# T A B L E.

Des Donat euesque d'Euure, & de ses miracles.	306
Dons prophetiques en l'Eglise du temps de Iustin.	78
Don de consoler les affligez.	274
Don merueilleux de guarir les malades.	eod.
Domne vierge eut la teste tranchee.	126
Domne creé euesque d'Antioche.	119. & 120
Dorothee & Gorgone, courtisans & Chrestiens, ont grandement profité à l'Eglise.	124
Dorothee maistre de la sainture d'escarlata, en la ville de Tyr.	122
Les douze articles de cyrille approuuez.	389
Dorothee prestre d'Antioche, homme bien instruit en tous arts liberaux.	122
Droit des ambassadeurs en haine des Chrestiens violé par Iulian.	235
Dueil porté pour la destruction d'aucunes villes.	404
Dueil d'Ysthaanes faisant penitence.	173
Dure cōdition proposee à Eleuse pour la restitution du temple des Nouatiens.	239
Didyme auugle dès son enfance, appelé le miracle de nature.	eodem.
Didyme docteur & lecteur public d'Alexandrie.	202

## E.

<b>E</b> au du Baptesme.	125
L'eau diuinement entretient le feu.	410
Ecclesiastiques affranchis.	146
Plusieurs Ecclesiastiques enuoyez en exil à la sollicitation de Lucius.	264
Eclipse de soleil & grande famine sous Auguste.	15
Edeſe & Frumentie, sont mis en liberté & ordonnez curateurs du Roy Pupile.	172
Edesse ruinee par l'inondation de la riuere.	404
Les Edeſiens recoiuent la foy Chrestienne, par Thaddée.	34
Edicts de Conſtan in pour la propagation & accroissement du Chistianisme.	170
Edict de Conſtantin & de Licinie, en la faueur des Chrestiens.	138. 142
Edict du Roy Saporès, contre les Chrestiens.	174
Edict executé.	135
Edict de Maximin en faueur des Chrestiens, feint & controuué.	138
Edicts de Marc Elie, touchant les ſucceſſions.	71
Edict public par lequel la tuerie des Chrestiens fut defendue.	129
Edict de pacification fait par Zenon Emp.	388
Edict cōtre les Euesques qui delaiſſent leurs eueſchez, pour en prendre vn autre.	290
Edict contre la franchise des Eglises, publié à la persuasion d'Eutrope.	311
Edict de Iustin, par lequel tous les Ecclesiastiques bannis estoient reuozuez d'exil, & les Euesques remis en leurs ſieges.	418
Edict de Maximin, contre les Chrestiens.	136
Edict que Maximin fait publier en faueur des Chrestiens, apres qu'il eust eſchappé le danger de la bataille.	141
Edict de Licinie, contre les Chrestiens.	144
Edict de Valerian par lequel il estoit permis d'espouser deux femmes legitimes.	272

Edict de l'Empereur defendant la persecution des Chrestiens.	135
Edict ſynodal de Damase, contre plusieurs heresies.	290
Edicts publicz par l'Empereur Diocletian contre les Chrestiens.	125
Edict de Iustinien voulant induire le clergé à son opinion.	416
Education & institution d'un prince Chrestien.	331
Efficace de la doctrine de S. Iean Chrysostome.	313
Efficace de la victorieuse armure de la croix.	141
Effigie & ſtature de Iesus-Christ.	28
L'Eglise Chrestienne florissante.	142. 77
Egyptiens irritez à cause qu'il ne leur estoit loisible de ſacrifier au Nil.	301
L'Eglise Catholique est mere des Empires & Royaumes.	386
L'Eglise nostre dame, nommee la fontaine, a esté magnifiquement baſtye par commandement celeste.	377
Eglise Chrestienne florissante au temps que Commode gouuerna l'Empire.	93
L'Eglise Chrestienne est demeuree entiere & vierge sans estre corrompue par les heretiques inſques au temps de Traian.	65
L'Eglise d'Antioche pillée par Iulien, avec felix & Elpide tresoriers Imperiaux.	144
Eglises baſties & liures eſcrits pour le ſeruire d'auin par Conſtantin.	167
Eglise de S. Laurent baſtye en Hieruſalem.	372
Eglise de S. Estienne pres de Hieruſalem.	360
Eglise edifiée en Daphné par Gallus Cesar.	143
Eglise de ſainct Symeones en laquelle les femmes n'enuyoyent point.	361
Eglise des Nouatiens deſmolie.	221
L'Eglise d'Alexandrie paisible sous Athanaſe.	266
Eglise magnifique de ſaincte Euphemie.	368
L'Eglise est nostre mere ſpirituelle.	389
Vne ſeule Eglise catholique par tout le monde.	166
L'Eglise encore vierge & non corrompue.	70
Eglise de la vierge Marie, en laquelle est miſe ſa ceinture.	369
L'Eglise croiſt & ſ'augmente par la diſſention des heretiques.	309
L'Eglise S. Anaſtaſie ſauuee du feu par les prieres de Martien curé.	376
Eglise de S. Serge.	376
Eglise de S. Denys bruſlee durant l'emotion du peuple.	193
Eglise de S. Tecla, en Seleucie.	387
Elebe Duc, & Cesar maistre de la cour imperiale, enuoyez en Antioche pour punir les mutins & rebelles.	306
Election des douze Apostres.	18
Election canonique & reguliere du Pape de Rome.	102
Election de Neſſaire en l'Eueſché de Conſtantinople.	289
Election de l'Eueſque de Conſtantinople.	346
Election des Euesques faite par le peuple.	165
Election des Euesques & prestres.	271
Election de Maurice Empereur.	424
Election unanime pour creér vn Eueſque.	267

# T A B L E.

Elesbaam gouuerneur des Ethiopiens, se fait moine.	406	me Chrestien.	6
Eloquence de S. Jean Chryso.	310	En quelles parties du monde chacun des Apostres a presché l'euangile.	57
Eleusie euesque de Cixice.	220. & 224	Enseignement honnestes pour un bon Chrestien.	177.
Eleuse dechassé de la ville de Cixice pour ses bonnes œuvres, par Iulien.	238	Enseignement faux & erronné de Berille Euesque de Bostre, touchant l'essence & diuinité de Iesus Chr.	101
Eleuse euesque de Cixice, contraint de s'uyurer la foy des Ariens.	256	Entree de Iesus Christ en Hierusalem.	21
Eleuthere douzième Pontife de Rome, apres les Apostres.	82. & 85	Deux entrees au temple, l'une pour les hommes, & l'autre pour les femmes.	412
S. Eleuthere auant l'age requis fut fait clerc, diacre, prestre & euesque, pour cause de sa grande vertu, pieté & sainteté.	71	Entreprises & façons de faïres des heretiques.	153
S. Eleuthere euesque d'Illyrie.	70	Entreprises deceptiues des heretiques.	eodem.
S. Eleuthere fut exposé aux bestes sauvages.	71	Enuie honnestes.	261
Embrasement de Constantinople, fort pitoyable.	375	Ephraïm ne voulant prendre la charge d'un euesque, feint estre hors du sens.	201
Embrasement du temple d'Apollo, Daphnien.	143	Ephraïm fort excellent entre les moynes.	eodem.
Embrasement de l'Eglise & de la sale du Senat, lors que Iean alloit en exil.	321	Les Ephesiens chassent les euesques que S. Jean Chrysost. leur auoit donnez.	325
Embusches des Iuifs de Damas, contre S. Paul.	33	De S. Epiphane de Constance, euesque de Cypre.	307
Embusches de Theophile, contre S. Jean Chryso.	317	Epiphane grand aumosnier, mesme des biens de l'Eg.	307
Emotion populaire contre Gregoire euesque d'Antioche.	426	Epiphane promet de guarir le fils de l'Imperatrice, moyennant qu'elle chasse Diodore & ses adherans.	317
Emotion militaire à l'encontre de Prisce.	eod.	Epiphane à la suasion de Theophile, condamne les liures d'Origenes.	316
Emotion populaire pour S. Ambroise.	290	Epimache & Alexandre ont enduré de grands tourmens pour la foy Chrestienne.	104
Emotion soudaine & inconsiderée de Maximin, contre Constantin.	138	Epiphane Sophiste de Laodicee, amy des Apollinaires.	203
Emotion du peuple de Milan, appaisée par S. Ambroise.	272	Les Epistres Catholiques de S. Iean, S. Pierre, S. Iude & S. Jacques, ont esté mises en doute.	56
L'Empereur estoit couronné par l'euesque.	393	L'epistre dernière de S. Pierre aux Hebreux, a esté mise en doute.	57
L'Empire Romain, augmenté à la venue de nostre Sauueur Iesus Christ.	228	Pourquoy les Epistres de S. Iean ont esté en doute.	56
L'Empire promis à Theodose par vision.	eod.	Epistres de Constantin, touchant la reparation, amplification, & bastiment des Eglises, & achapt des liures, pour faire le seruice diuin.	167
Empire cruel de Domitian.	63	Epistre de Constantin enuoyée à Alexandre euesque d'Alexandrie & à Arius.	157
L'Empire Romain à flory avec la religion chrestienne.	401	Epistre de Constantin à Sapor, Roy de Perse, en faueur des Chrestiens.	175
L'Empire restitué à Valentinian.	291	Epistre de Constantin enuoyée à toutes les Eglises de la Chrestienté, contenant ce qui se estoit fait au concile de Nice.	165
De l'Empire de Iustin le ieune, & de ses mœurs.	418	Epistre du ieune Constantin aux Alexandrins en faueur d'Athanasie.	190
De l'Empire de Theodose le ieune.	331	L'epistre aux Hebreux n'est pas de S. Paul.	91
L'Empire est diuinement promis à Leon.	377	Epistre des euesques assistants au synode en Antioche à Denys pape de Rome.	119
Vn Emprunteur desloyal, enseigné par miracle de se maintenir en son deuoir.	178	Epistres de Denys Corinthien, deprauees par les enuieux.	79
Encensement avec oraison pour appaiser Dieu.	405	Epistre de Denys Alexandrin à Xiste Pape de Rome, touchant le baptisme des heretiques se reconnoissans & laissant leurs heresies.	109
Enfantement prodigieux.	435	Epistres de Denys Alexandrin, touchant le baptisme des heretiques.	110
L'enfant du Roy des Iberiens griefuement malade & abandonné des Medecins, guaruy par une esclauue Chrestienne, à l'innuocation du nom de Iesus Christ.	171	Epistre touchant la Pasque enuoyée par Denys à Hierarces, euesque Egyptien, parlant des calamitez qui estoient en Alexandrie.	113
Enchantemens & predictions de Mathematiciens, condamnez par les loix des Romains.	279	Epistres de S. Denys touchant la feste de Pasques.	112
L'enfant iuis de rechef baptisé.	75	Epistre de Denys Alexandrin, à Estienne Pape de Rome, touchant l'accord & paix entre les Eglises.	109
L'enfant de Valens tombé en grande maladie meurt, & pourquoy.	263		Epi.
Les enfans de Maximin punis.	142		
Vn enfant hebreu conserué par la s. Mere de Dieu.	414		
En quel temps Iesus Christ acheua le cours de sa doctrine.	22		
En quoy Attic loue Nouat, & reiette les Nouatiers.	343		
En quoy les Nouatians repugnoient aux cathol.	eod.		
En quel temps fut commence le concile de Nice.	266		
En quoy doyuent estre employez les deniers de l'Eglise.	316		
En quelles choses consiste la foy & profession de l'hö-			



# T A B L E.

Epistres de Denys Alexandrin, touchant la penitence.	108	Plusieurs Epistres escrites par S. Ignace.	66
Epistres & compositions de Denys.	117	L'Epitaphe d'un Prince ou Empereur decedé est un bon successeur.	424
Epistre de Denys Alexandrin à Novat.	108	Equité & iustice du prince Traian.	68
Epistre des Eglises de France, à celles d'Asie & Phrygie parlant de leurs martyrs.	82	Erreux de sept Diacres.	31
Epistre de Pierre, euesque d'Alexandrie, exposant quels maux & dommages Valent, & les Arriens ont fait en Egypte aux Catholiques.	267	Erreur de nos premiers peres.	4
Epistre d'Eusebe Pamphile, declarant ce qui fut fait au concile de Nice.	163	Erreur des Antropomorphites en Egypte.	315
Epistre d'Eusebe euesque de Nicomedie, à Paulin Euesque de Tyr, en faueur des Arriens.	156	L'erreur d'Etie congneu & condamné.	223
Epistre d'Arrius à Eusebe de Nicomedie, par laquelle il se complaint de la poursuite que luy faisoit Alexandre, Euesque d'Alexandrie.	155	Erreurs de Denys Alexandrin.	118
Epistre de Iulles l'Africain Historiographe, touchant le different qui apparoit estre de la genealogie de Iesus Christ entre S. Matth. & S. Luc Euang.	11	Erreur & fable iudaïque des Chiliastes ou Milenaires.	114
Epistre de Constance, au peuple d'Alexandrie pour Athanasie.	208	L'erreur du prince n'excuse les errans.	270
Epistre de S. Cyrille à Nestorius, ausquelles il reprend son opinion.	347	Escoles de loix iadis florissantes en la ville de Berithe.	179
Epistre de S. Cyrille à Attic, par laquelle il refuse de admettre le nom de S. Iean Chrysostome.	345	Les escritures des Apostres & disciples de nostre Seigneur, sont receues & approuuees de l'Eglise.	56
Epistre des Apostres & prestres de nostre Seigneur en Ierusalem, enuoyee en Antioche, par les fideles d'entre les Gentils.	40	Des escritures legitimes & regulieres des Apostres & disciples.	55
Epistre de Iulien à Arsace l'exhortant de suyure par imitation des mœurs des Chrestiens.	239	Escrits & epistres de S. Iean Chrysostome, estant en cucus.	329
Epistre de Iulien au peuple Alexandrin, touchant la mort de George.	233	Escrit d'Athanasie, touchant le formulaire de foy compose à Sirmie.	229
Epistre d'Innocent, contenant l'excommunication d'Arcade & d'Eudoxie.	326	Escrits de S. Denys Areopagite.	41
Epistres d'Innocent Pape de Rome, enuoyees à S. Iean Chrysostome, & au clergé de Constantinople.	325	Escrits de Cyrille.	338
Epistre de l'Eglise de Smyrne, aux Eglises de Pont.	73	Escrits de Denys Alexandrin.	109
Epistre de S. Iean Chrysostome pour les Eglises de Diu.	323	Escrits de Iustin Philosophe & martyr.	77
Epistre de S. Iean Chrysostome, par laquelle il raconte tout ce qui luy est aduenu.	320	Escrit de Iean d'Antioche à Nestorius.	348
Epistre d'Alexandre euesque d'Alexandrie, enuoyee à Alexandre euesque de Constantinople, touchant la doctrine d'Arrius.	153	Escrits de Denys.	114. 117.
Epistre d'Alexandre euesque d'Alexandrie, enuoyee à tous les Euesques Catholiques, touchant le fait des Arriens.	154	Escrits d'Irenee, contre Blaste & Florin.	83
Epistres d'Alexandre euesque de Hierusalem.	97	Escrits de Marc & de Theodoret.	363
Epistre du concile de Constantinople, aux Euesques d'Occident.	288	Des escrits canoniques & reguliers du nouveau testament, l'autorité desquels a esté mise en doute.	56
Epistre synodale de Damase euesque de Rome, escrite contre Apollinaire & Timothee.	289	Escrits de Denys euesque de Corinthe.	78
Epistre de Iule pape de Rome, enuoyee aux Alexandrins en faueur d'Athanasie.	207	Escrits de Didyme aveugle.	202
Epistre de Libere enuoyee aux euesques Orientaux.	257	Escrits de Eustathie euesque d'Antioche, & d'Athanasie euesque d'Alexandrie, sur ce qui fut fait & arresté au concile de Nice.	162
Epistre de Nestorius au gouverneur de Thebes.	351	Escrits d'Origenes.	99
Epistre de George euesque de Laodicee, enuoyee pour les Euesques Catholiques à l'assemblée d'Ancyre.	216	Escrit d'Attic à Pierre & Edesse ses Diacres, touchant l'inscription du nom de S. Iean Chryso.	344
Epistre de Gregoire de Nazianzene à Nestorius, par laquelle il reprend l'heresie d'Apollinaire.	259	Escrits de caise.	80. & 91
Epistre d'Attic à S. Cyrille, en laquelle il admoneste d'insérer au sacré blanc le nom de S. Iean Chryso.	344	Escrits de Damase & autres euesques, des decrets du concile de Rome.	271
		Escrits de S. Clement.	66
		Escrits ecclesiastiques de Bardeanes, syrien.	80
		Escrits censurez & excommuniés.	415
		Escrits de Philon iuis, touchant l'institution des moines d'Egypte.	176
		Escrits d'Apollinaire.	80
		Escrits illegitimes & faux.	57
		Escrits de Miltiadet.	87
		Escrit de Libanius, touchant la mort de Iulian.	247
		Escrits de Procope Cesarien, des choses aduenues sous l'empire de Iustinien.	407
		Escrit d'Athanasie, touchant les calomnies d'Alexandrie.	210
		Escrit de Philee, touchant les martyrs Alexandrins.	127
		Escrits de Seuer, censurez & bruslez.	407
		Escrits d'Ammon.	98
		Escrits de Rhodon.	89
		Escrits de Theophile.	79

# T A B L E.

Escrire d'Hypolite, euesque de Port.	84	enuahit l'euesché d'Antioche.	216
Ecrits d'Egesippe.	78	Eudoxe assemble tous ceux de sa secte à Antioche.	216
Ecrits de Meliton & d'Apollinaire.	79	Euesques de Rome. 69. 85. 122. 152. 254. 347. 182.	
Ecrits d'Anastase.	437	Euesques de Ierusalem.	
Esdras restitua les liures de Moysse, & autres liures sacrez.	81	Euesques d'Antioche. } aux mesmes fueillets.	
Esprit diuinateur chassé hors du corps d'une fille, par S. Paul à philippes.	40	Euesques d'Alexandrie. }	
Par quel mystere le S. Esprit est descendu sur les Apostres, le cinquantesme iour apres la resurrection de nostre Seigneur & le x apres l'Ascension.	27	Les Euesques d'Occident ont constamment retenu le symbole du concile de Nice.	198
Le S. Esprit descendit corporellement & substantiellement sur les Apostres.	27	Les Euesques d'Orient ont debatue fort & ferme ce mot Homousion, qui veut dire consubstantialité. eodem.	
Le S. Esprit s'apparoist en forme de colombe.	102	Des Euesques qui tenoyent le party d'Arrius, & soustenoyent sa doctrine.	156
Estat de l'Eglise chrestienne pendant que tout estoit paisible & en tranquillité.	142	Les Euesques assemblez au concile d'Arimine, acquiescent aux decretz du concile de Nice.	218
Estat florissant de la Chrestienté.	124	Euesques Egyptiens qui ont esté martyrisez pour la foy chrestienne.	131
Estat & gouvernement des affaires tant publiques qu'ecclesiastiques, apres la mort de Theodose.	309	Les euesques d'Occident, entre lesquels estoit Irenée, firent changer la deliberation de Victor pape de Rome.	92
Estat appelé Labarū, remis en son premier estat.	240	Euesques bannis par Constance, & restituez par Iulien, sont de rechef enuoyez en exil par le commandement de Valent.	257
Estienne pape de Rome, resistoit à l'opinion de Cyprien.	109	iiij. Euesques chrestiens en un mesme temps en Antioche.	238
Estienne Euesque de Laodicee, plus docte es sciences prophanes qu'es saintes lettres.	123	L'euesque d'Antioche cruellement tué par les heretiques.	379
Estoille prodigieuse.	301	Les euesques d'Orient ont eu dissension par l'espace de trois ans avec ceux d'Occident, pour la doctrine de la foy.	195
Estoilles veues au ciel en Constantinople, en plain midy.	328	Euesques Novatiens en Constantinople.	300
Estoille veue en l'Eglise S. Symeon.	361	Les euesques bannis du temps de Iulien, reuocuez par Iouinian.	250
Estrange cruauté de Macedonice, contre les orthodoxes.	221	Euesques de la ville de Cefaree.	123
Estude des lettres grandement utile & profitable aux chrestiens.	141	Euesques de Laodicee.	eodem.
Estude principal des moines.	277	Euesques mariez.	105
Etymologie de ce mot Eusebis.	225	Euesques de Corinthe & d'epheze.	85
Les Euangelistes n'ont comprins aux saintes escritures tous les miracles de nostre sauueur Iesus Christ.	19	Les Euesques Catholiques obuient tres-bien aux fraudulentés canulations des Arriens.	163
L'Euangile de S. Iean translate de Grec en Hebreu fut gardé es tresors des Iuifs, en la ville de Tiberias.	56	Plusieurs Euesques priuez de leurs Eueschez, par Acacie & Eudoxe.	224
Euangile S. Mathieu escript par S. Barnabe.	400	Euesques fort renommez.	278
L'Euangile de S. Mathieu escript en hebreu.	56	Euesché d'Antioche occupé par force, en l'absence de l'euesque legitime.	379
L'Euangile de S. Iean trouué sous les fondemens du temple de Ierusalem.	246	Euesché vendu par un chambellan de l'Empereur, parquoy il fut executé & son bien confisqué.	391
Euagre Epiphanien.	1	Euesques bannis restituez & remis en leurs sieges & les Arriens desiettez par Gratian.	282
d'Euagre moine, de sa vie & maniere de faire.	277	Les Euesques doyuent obseruer la doctrine de leurs Eglises.	271
Euagrie disciplades Machabees.	198	L'Euesque conduit les bandes militaires, iusques au port & prie pour eux.	408
L'Eucharistie se donnoit le temps passé es mains des communians.	107. 110	Euesque ordonné par les heretiques, doit estre depose. fueil.	391
L'Eucharistie gardée par les heretiques.	437	Premiers Euesques de l'Eglise de Rome.	49
Eudocie l'ancienne reduicte de l'erreur d'Eutyches à la vraie religion.	372	Euesques des principales Eglises.	419
Eudocie reiette la secte des Eutychiens.	262	Euesques des primaces Eglises de la Chrestienté.	152
Eudocia pour se venger appelle l'estranger à Rome, mais le mal-heur tomba sur elle.	371. & 408	Euesché de Constantinople, erigé Primat par le concile.	287
Eudocia la ieune laisse son mary Honoric, pour ce qu'il n'estoit catholique.	371	Les Euesques du party d'Arrius qui se trouuerent au concile de Nice.	159
Eudocia Imperatrice alla par deux fois en Ierusalem, & y fit bastir des monasteres.	359	Les euesques principaux qui assistent au concile de Antioche.	192
Eudocia fit bastir trois Eglises en l'honneur de la vierge Marie.	372		Eues-
Eudocia mourut en Ierusalem.	360		
Eudoxie femme de l'empereur Arcade.	311		
Eudoxe & Acacie, tachent par tous moyens d'abolir le symbole du concile de Nice.	225		
Eudoxe Euesque de Germanice par une ruzé de cour,			

# TABLE.

Euesques catholiques enuoyez en exil par les Arriens.	211	Eusebe est fait Euesque de Constantinople par Constance.	191
Euesques bannis par Cōstance, rappellez par Iulien.	232	Eusebe Euesque de Verseilles.	200. & 236
Euesques des Siciliens.	49	Eusebe de Verseilles & S. Hylaïre de roitiers, annoncent la foy Chrestienne aux Illyriques, Gaulois & Italiens.	238
Euesques Arriens qui ne voulurent recevoir ce mot consubstantiel.	161	Eusebe & Theognis defenseurs des Arriens.	190
Quelques Euesques d'Asie deposez par S. Jean Chrysost. & pourquoy.	314	Eusebe & Theognis, ayans abusé de la bonté de Constantin, firent plusieurs maux en l'Eglise apres leur r'appel d'exil.	180
Euesque de Constantinople est le premier apres celuy de Rome.	369	Eusebe & Theognis, sont remis en leurs Euesche.	179
Soixante euesques assemblez en Constantinople, abolissent les actes de Theophile.	319	Eusebe & Theognis effacent frauduleusement leurs souscriptions.	182
Euesques martyrisez du temps de l'emp. Decie.	103	Eusebe & Theognis souscrivent au formulaire de la foy du concile de Nice, non toutefois à la condamnation d'Arrius.	179
Euesques en l'Eglise de Ierusalem, lors que Narcisse estoit absent.	96	Eusebe Euesque de Nicomedie, fauteur des Chrest.	154
Euesques des plus celebres Eglises.	282	Eusebe Euesque de Nicomedie, & Theognis, euesque de Nice, deposez de leurs Euesche.	161
Euesque consacré sans estre baptisé, par les heretiques.	394	Eusebe ne veut rien entreprendre contre les canons du concile de Nice.	181
Euesques ordonnez par Meletie.	284	Eusebe grand ennemy d'Athanasie.	180
Euesque de Constantinople, esleu par les autres euesques.	361	Eusebe Alexandrin, euesque de Laodice.	123
Les euesques anciennement faisoient conscience de traiter les Mathematiques, & l'Astronomie Apotelesmatique.	192	Eusebe de Pamphile, & ses escrits.	123
Euesques decedez remis en leurs estats.	407	Eusebe Pamphile, consent à l'excommunication des Arriens.	164
Euesques assemblez en Antioche, contre Paul de samosate.	118	Eusebe Pamphile, estoit du temps de Constantin & il a escrit d'iceluy.	401
Euesques de Constantinople.	254	Eusebe, Nestabe & Zenon freres martyrisez par les Grecs en la ville de Gaze.	233
Euesques Orientaux enuoyez à Rome, par l'emp. Gracian.	289	Eusebe mis à mort par une femme, qui luy ietta une tuille sur la teste.	284
Les Euesques Orientaux congregez à Philippole, mettent sur l'inegalité de la Trinité.	196	Les Eusebiens viennent à Constantinople, pour maintenir la sentence qui auoit esté donnee au concile de Thyr contre Athanasie.	186
Euesques de Ierusalem esleus des Gentils, depuis la destruction de la ville.	85	Eustathe moine, euesque de Sebaste.	200
Trois euesques en Antioche de diuerses factions, en un mesme temps.	228	Eustathe euesque d'Antioche.	201
Euesques Macedoniens, enuoyez en ambassade à Rome. fusil.	256	Eustathie accusé d'adultere, & codané par ce moy.	181
Les Euesques Occidentaux troublez pour les dissensions de ceux d'Orient.	193	Eustathie dechassé de son Euesché.	codem.
Eugene captif & occis.	303	Eustathiens faisant leurs assemblees à part, se separēt de l'Eglise d'Antioche.	182
Euloge Pape Alexandrin.	430	Les Eustathiens alliez à l'Eglise par les remontrances d'Alexandre, euesque d'Antioche.	344
Euloge mena vie monastique.	265	S. Eustache soustint la foy Chrest. iusques à la mort.	70
Euloge & Prothogenes enuoyez en exil, & comēt.	265	Eustrace & ses cōpagnons martyrisez.	130
Eunome disciple d'Arrius.	258	Euthime moine fort celebre.	347
Eunome fait euesque des Ciliciens, par Eudoxe.	256	Eutychie renoué d'exil.	419
Eunome homme fort humain.	264	Vie d'Eutichien moine.	178
Eunome mis en exil par Theodose.	296	Eutichien tombe en l'heresie de Nouat.	178
Eunome meurt en Cappadoce.	296	Les Eutichiens sont remis en leurs dignitez, cōtre l'ordonnance du concile de Calcedone.	387
L'Eunuuchisme est prohibé par Iustinien emp.	409	Eutyches & Dioscore, sont condamnez.	168
L'Eunuque de Candaces Roynie des Egyptiens, est conduit au Christianisme par S. Philippes.	33	Euzoie estably en la place de Melitie.	227
Euocation du concile d'Antioche & de Tyr en Occident.	193	Euzoie condamné à Nice avec Arrius.	268
Saincte Euphemie approuue la foy Catholique par miracle euidēt, & iette la malice des heretiques.	369	Exaction sur les Chrestiens.	141
De Euphrates fleuue.	204	Excellence de S. Anthoine.	176
Euphremie de Capitaine est eleu Euesq. d'Antioch.	404	Excellentes femmes combatans pour la conseruation de leur pudicité.	134
Euphrasie Euesque d'Antioche, accablé par tremblement de terre.	cod.	Excellent tesmoignage d'Irenee parlāt de Polycarpe.	71
Euphronie & Placite, Euesques en Antioche.	182	Excellens & orthodoxes personnages du temps de l'empereur Constance.	198
Eusebe fait capitaine des Eunuques de l'emp.	190	Excellence de Iesus par dessus tous.	5

# T A B L E.

Excellente doctrine & exemple du vray abus de la chair.	65	Expositions des saintes escriptures.	299
Execrable martyr de Metras, pour ce qu'il n'auoit voulu renier Iesus Christ.	104	Exposition de foy des Euesques Orientaux, appelée la Longue.	195
Execution des decrets du concile de Nice.	161	Exposition de ce mot, Ne deuant tous les siecles	164
Execution de l'Edict du Roy Sapores, contre les Chrestiens.	174	Exposition d'Eusebe le Pamphile de ces paroles: Le Seigneur m'a creé dès le commencement de ses voyes.	197
Execution d'Etherie & d'Addee.	418	Expositio du passage, si ie veux qu'il demeure iusques à ma venue. S. Iean Chrysostome dernier.	54
Excommunications.	327	Exposition de ceste diction Consubstantiel.	270
Excommunication des Arriens & d'autres heretiques.	257	Exposition du mot, consubstantiel.	163
Excommunication sur les trespassez est prouuee.	414	Exposition du second formulaire de foy propose au concile de sirmie.	213
Excommunication des Arriens.	252	Expulsion des Euesques Eutychiens.	388
Excuse & defence de Constance, de ce qu'il auoit suyui l'opinion d'Arrius.	228	Extreme & tres-miserable angoisse de faim.	136
Excuse honneste de Flauien, enuers l'Empereur Theodose.	293	F.	
Exemple de sedition & rebellion vangee.	36	Fabian martyr esleu & publié pape de Rome, par diuine inspiration.	102
Exemple tres-cruel d'hospitalité & affinité violée.	7	Fable Grecque d'Apollon & Daphné.	143
Exemple tres-beau de l'institution puerile.	94	Fable de Sphinx & Oedipe, & d'où elle a prins son origine.	205
Exemple d'un Euesque amiable & paisible.	352	Faceties de Sisinie, tenant propos à Leonce.	301
Exemple de l'inconstance & mutabilité de fortune.	432	Les faits de S. Simon le Zelateur.	52
Exemple contre la curiosité.	275	Les faits de S. Thomas.	eodem.
Exemples qui demonstrent que toute aduersité aduiet aux persecuteurs des Chrestiens & au contraire toute prosperité à ceux qui les defendent.	175	Les faits & martyr de S. André' Apostre.	51
Exemples horribles de l'impiété de gens-d'armes desbordés.	268	Les faits de S. Ignace.	66
Exemple de bonté & modestie conseruee.	177	Les faits de S. Iude nommé Tadde.	52
Exemple singulier de reconnoissance de foy.	54	Faits miraculeux de Gregoire.	112
Exemple de force militaire.	334	Faits & actes de Iulian Empereur.	229
Exemple de compassion paternelle.	304	Faits illustres de Maurice.	424. & 432
Exemple de la société en guerre violée.	7	Faits de Iustin Philosophe & martyr.	69
Exemple de liberté Episcopale.	122	Faits des Vandales.	407
Exemple de dispensation Apostolique.	40	Faits d'Antipater & d'Herodes.	10
Exemple de science qui enorgueillist.	77	Faits belliqueux de Phillippique.	425
Exemple notable d'amour coniugale.	334	Les faits de Gainas capitaine de gens-d'armes.	311
Bel exemple de l'obéissance deuë aux Magistrats & Seigneurs.	67	Fallace & calomnie des Arriens decouuerte par Costans.	195
Exemple d'un vray Empereur.	425	Famine extreme en Phrygie.	261
Exemple de ne condamner les personnes sans connoistre le fait.	362	Famine de laquelle sont prouenees les maladies.	371
Exemple de grande chasteté.	129	La faim extreme contrainct les Iuifs de manger choses tres-ordres & sales.	61
Exemple de sedition & rebellion punie.	15	Faucetez incroyables cotrouuees contre Iesus Christ.	135
Exemple d'un arrogant Ambassadeur.	436	Les fauoris de S. Iean Chrysostome enuoyez en exil.	321
Exemple d'un prince Chrestien.	332	Faulses & damnables opinions d'Arrius.	155. & 156
Exemple de virginité & chasteté gardée.	103	Faveur a lieu, mesme aux elections des Euesques.	286
Exemple louable de ieunes enfans estudians ensemble.	261	Faveur de Iulian, enuers les Iuifs.	145
Exemples admirables d'aucuns moyens.	360	Felix pape de Rome, succedant à Simplicie.	390
Exhortation d'Ambroise, touchant l'iniquité des Magistrats.	272	Felicité du paradis terrestre.	205
Exhortation de S. Ignace aux Euesques Chrestiens.	66	Felix mis en la place de Libere.	216
Exhortation de Simeones à ses compagnons martyrs, pour les animer à force & constance.	174	Felix tache à atraper l'argent de S. Paul pour le deliurer.	46
Exhortation d'Isaac moine, à Valent.	281	Felix mande à Zenon, qu'il face tenir le concile de Calcedone.	390
Exhortation à concorde & union.	158. 160	La femme propre d'Herodes, estoit fille d'Aretas, Roy des Arabes.	16. 17
Exil d'Anastase Antiochien.	419	Les femmes annoncent aux Apostres, la resurrection de Iesus.	25
Expedition de guerre des Perses, contre les Romains.	420	Vne femme d'Alexandrie ayma mieux perdre tous ses biens & estre mise en exil que de perdre sa chasteté.	134
Explication de ces termes, Translation, Transmutation, & Transsion.	353. 354	Vne femme ayant l'œil creué fut guarie miraculeusement.	405
		Autre femme Romaine, se tua par mesme cause.	eod.
		Vne femme impudique ayant esté conuertie à la foy Chre-	

# TABLE.

Chrestienne, ne pouuant conuertir son mary delaisa son mary & sa meschante vie.	72	Formulaire de la profession de foy de Libere.	217
Femmes ayans la teste rase.	200	Formulaire de foy qui fut compose au concile de seleucie.	218
Fertilité de l'Arabie.	204	Formulaire da nouuelle foy ne doit estre produite.	369
Feste de s. Thomas, moine, solēnisee annuellement.	413	Formulaire de foy fait en Latin au concile de sirmie.	219
Feste s. Cyprien, solēnisee.	408	fol.	195
Feste saint pierre & saint Paul est solēnisee.	398	Formulaire de foy que les ambassadeurs presentent à Constans.	223
Feste de la natiuité de Iesus-Christ.	415	Formulaire de foy de Sirmie, leu à Arimine.	212
Feste de la chandeleur, de long temps instituee en l'Eglise.	343	Formulaire de foy compose par Marc, Euesque d'Arctuse, au concile de sirmie.	6
Feste de l'Assumption nostre Dame.	415	Foy des chrestiens en Christ fort viue & grande.	207
Feste de la purification nostre Dame.	eodem	La foy se congnoist en tentation.	219
Feste instituee en l'exaltation de la S. croix.	168	La foy du concile de Nice est prophetique & Apostolique.	271
Fiction des Arriens contre les decrets du concile de Nice.	206	La foy du Concile de Nice, catholique.	53
Les fideles premieremēt appellez Chrestiens en Antioche.	33	Euluian, Euesque de Myrmene.	53
Le figuier sans fruiet, devient sec & aride à la seule parole de Iesus-Christ.	21	Euluian & sa femme Euluiane, sont deliuree de l'esprit maling par S. Matthieu.	53
Le fils de Dieu & le fils de la Vierge, n'est qu'un mesme fils.	369	Euluian se fait baptiser & voulant auoir le nom de s. Matthieu.	231
Eirmillian, Euesque de Cesarée, tenoit en grande reputation Origenes.	101	Les funerailles & obseques de Constance, faites à Constantinople.	42
Finesse d'une vierge pour garder sa chasteté.	129	Funerailles de la vierge Marie, mere de Dieu.	279
Fin du concile d'Arimine.	220	Fureur & colere de Valent, appaisée par Themiste, philosophe.	13
Flatterie dommageable.	37	Fuyte de nostre Sauueur en Egypte.	193 & 194
Flavian Claude, successeur de Galien, en l'Empire.	119	Fuyte & retraite des Chrestiens en lieux solitaires où plusieurs moururent de faim & de soif.	105
Flavian, successeur de Meletie, à l'Euesche d'Antioche.	288	Les François pillerent & saccagerent toute la Gaule.	192
fol.	265	fol.	373
Flavian & Diodore font office d'Euesques.	200	Fraternelle conionction & amitié de Basile, Gregoire, & de saint Gregoire de Nicene, & de ses esprits.	97
Flavian & Paulin, Euesques d'Antioche.	200	fol.	280
Flauie Domicille mise en exil par l'Empereur Domitien.	63	Fraude d'un heretique faisant semblant estre Ange.	172
fol.	328	fol.	312
Fleaux de Dieu pour corriger les hommes.	204	Gainas, fugitif, se retire vers les Romains.	312
Fleuues qui sourdent du paradis terrestre.	122	Gainas ordonné chef de l'armee de l'Empereur.	eod.
Florin & Baste, heretiques à Rome.	85	Gainas ayant delibere de piller & saccager la ville de Constantinople, a vision des Anges qui le destournent de son entreprinse.	eodem
Folies des idolatres.	293	Gallien, fils de Valerian, succeda à l'Empire.	111
Folie de l'Empereur Valent, & de ses philosophes.	278	Galbe, Othon & Viselle succederent à Neron, lesquels furent tuee dans un an & demy.	60
Fondation de la ville de Constantinople, par l'Empereur Constantin.	147	Galle tache à diuertir son frere Iulian d'idolatrie, par le moyen d'Etie.	203
Fondation de Bizance.	147	Galle void au ciel enuiron le midy le signe de la croix fort reluisant sur la ville de Ierusalem.	213
Le fondement de toute vertu & pieté, est, que l'on croye Iesus-Christ nostre sauueur estre vray Dieu & vray homme.	19	Galle, Empereur, entreprend nouuellete.	214
Fontaine en Nicopolis, fort salutaire.	145	Galle, lieutenant d'Egypte.	402
Fontaine d'eau faisant de grands miracles.	378	Galleries excellentes, basties par diuers personages.	357
Force merueilleuse de Moysse, Ethiopien, moine.	274	fol.	102
Force & efficace des prieres de l'Eglise concorde & pacifique.	207	Gallus occupa l'Empire apres Decie.	
Forme de receuoir les penitens en l'Eglise.	109		
Forme de vraye repentance.	54		
Forme de la confession de la foy Chrestienne, presentee au Concile de Nice, par Eusebe Pamphile.	163		
Forme de penitence.	106		
Forme de iustification en Abraham.	6		
Le formulaire de foy du concile d'Antioche.	192		
Autre formulaire de foy plus prolix du mesme Concile.	eodem		
Formulaire de foy d'Acacie, leu & recité au concile de seleucie.	222		

## G.

Gainas, fugitif, se retire vers les Romains.	312
Gainas ordonné chef de l'armee de l'Empereur.	eod.
Gainas ayant delibere de piller & saccager la ville de Constantinople, a vision des Anges qui le destournent de son entreprinse.	eodem
Gallien, fils de Valerian, succeda à l'Empire.	111
Galbe, Othon & Viselle succederent à Neron, lesquels furent tuee dans un an & demy.	60
Galle tache à diuertir son frere Iulian d'idolatrie, par le moyen d'Etie.	203
Galle void au ciel enuiron le midy le signe de la croix fort reluisant sur la ville de Ierusalem.	213
Galle, Empereur, entreprend nouuellete.	214
Galle, lieutenant d'Egypte.	402
Galleries excellentes, basties par diuers personages.	357
fol.	102
Gallus occupa l'Empire apres Decie.	

# TABLE.

<i>Camaliel, entier &amp; vray conseilier.</i>	31	<i>Λance.</i>	147 & 151
<i>Gainas demande que les assemblees des Arriens se fassent dans la ville de Constantinople.</i>	312	<i>Guerre des Perses contre les Romains.</i>	399
<i>Les gardes du sepulchre, corrompus par les prestres &amp; sacrificateurs.</i>	25	<i>Les guerres des Romains contre les Barbares, sont cause de ce qu'ils ont receu la foy Chrestienne.</i>	171
<i>Genealogie de Dioclesian, Empereur.</i>	132	<i>Guerre en Armenie, à cause de la foy &amp; religion chrestienne.</i>	136
<i>Genferic se declare Roy d'Afrique.</i>	365	<i>Guerre entre Martien &amp; Zenon pour l'Empire.</i>	392
<i>Les Gentils attiréz à la foy Chrestienne, par le miracle du paralytic.</i>	337	<i>Guerre entre Maximin &amp; Constantin, Empereur.</i>	fol. 141
<i>Les Gentils receu à la communion de l'Euangile &amp; à repentance.</i>	33	<i>Guerre en Allemagne.</i>	290
<i>Les Gentils sont receu à la foy Euangelique.</i>	40	<i>Guerre esmeuë entre les Romains &amp; les Perses.</i>	341
<i>Le Geolier de la prison où les Apostres estoient &amp; toute la famille est baptisé &amp; croit en Iesus-christ.</i>		<i>Guerre meue, entre Maxence &amp; Constantin.</i>	137
<i>George, Euesque d'Alexandrie, en l'absence d'Athanasie.</i>	210	<i>Guerre Persique.</i>	407
<i>George &amp; Timothee, prestres, Arriens, fort doctes.</i>	337		
<i>Germanique, ieune homme &amp; martyr tres-renomé.</i>	73		
<i>Gestes de Tybere.</i>	424		
<i>La grace de Dieu se monstre mesme entre les indignes.</i>	319		
<i>Grace de Dieu est perdue par lubricité.</i>	408		
<i>Grand carnage &amp; trop seuer sentence.</i>	303		
<i>Grand meurtre à l'entree de Macedonien, en l'Eglise de Constantinople.</i>	194		
<i>Grande assurance de Polycarpe.</i>	73		
<i>Grands miracles au sepulchre de Saint Hilario.</i>	200		
<i>Grands merueilles en Orient, sous l'Empereur Valens.</i>	255		
<i>Gratian &amp; Valentinian, le ieune, faits Empereurs.</i>	282		
<i>Les Grecs grands controuueurs de fables.</i>	205		
<i>Gregoire conduit en Alexandrie à main forte.</i>	193		
<i>Gregoire designé par le conciliabule d'Antioche, successeur à Athanasie.</i>	191		
<i>Gregoire de Nazianze, designé Euesque de Constantinople.</i>	286		
<i>Gregoire, debonnaire enuers les soldats.</i>	427		
<i>Gregoire &amp; les deux Apollinaires de Syrie, resistent à l'entreprinse de Iulien par leurs compositions.</i>	141		
<i>Gregoire eut parfaite congnoissance tant des lettres saintes que prophanes.</i>	112		
<i>Trois Gregoires excellens en la foy Chrestienne.</i>	263		
<i>Gregoire &amp; Basile refusiēt l'opinion des Arriens.</i>	262		
<i>Gregoire, Euesque de Neocesaree, mirifique.</i>	112		
<i>Gregoire est fait Euesque des Armeniens, par Constantin.</i>	173		
<i>Gregoire, homme admirable en fait de miracles qui à beaucoup souffert pour le nom de Iesus-Christ.</i>	172		
<i>Griefue persecution des chrestiens en Perse.</i>	173		
<i>Gregoire se desmet du siege de Constantinople, pour l'enuie de quelques Euesques d'Egypte.</i>	286		
<i>Goths, Gepydes, Visigoths &amp; Vandales different du seul nom &amp; sont Arriens.</i>	364		
<i>Gordian, cree Empereur apres Iulles Maximin.</i>	102		
<i>Guerres ciuiles des Juifs.</i>	7		
<i>Guerre ciuile entre les Turcs.</i>	433		
<i>Guerre ciuile entre les Goths.</i>	280		
<i>Guerre ciuile entre Maximin &amp; Maxence.</i>	134		
<i>Guerre contre les moines.</i>	267		
<i>Guerre de Constantin contre les habitans de Bi-</i>			
		<b>H.</b>	
		<b>H</b> abit d'Aphraates.	266
		<b>H</b> abits & vestemens de Moysse & d'Helie.	301
		<b>H</b> adrian, successeur de Traian, à l'Empire.	67
		<b>H</b> adrian au commencement de son regne, quitta & remist aux villes des dettes publiques.	68
		<b>H</b> adrianopolis, ville edifiee par Hadrian, Empereur.	fol. eodem.
		<b>H</b> arangue de Constantin aux Euesques, par laquelle il les enhorta d'auoir paix & concorde entre eux.	160
		<b>H</b> arangue de Saint Paul qu'il fit aux Euesques & fideles d'Ephese, en la ville de Millet.	43
		<b>H</b> arangue de Saint Paul, touchant son fait, en la presence du Roy Agripe.	46
		<b>H</b> arangue de Magnus aux Catholiques.	268
		<b>H</b> arangue de S. Pierre, à la multitude.	30
		<b>H</b> ardiesse loüable d'un Euesque.	340
		<b>H</b> ayne que Constantin portoit aux Juifs.	165
		<b>H</b> ayne de Galle, Cesar, contre Arie.	203
		<b>H</b> ayne publique des Constantinopolitains contre l'Empereur.	281
		<b>H</b> ayne conceuë contre Saint Iean Chrysostome.	311
		<b>H</b> aynes princes des clers nuyssent beaucoup aux Eglises.	259
		<b>H</b> ayne communément contre ceux que lon craint.	134
		<b>H</b> ayne contre Chrysostome, à cause qu'il auoit depose plusieurs Euesques.	314
		<b>H</b> ayne publique contre Theophile.	319
		<b>H</b> ebion, signifie en Hebreu, pauvre de sens & d'esprit.	64
		<b>H</b> eccebole, sophiste, est comme un Protheus en la religion.	140
		<b>H</b> elene compagne de Simon.	37
		<b>S.</b> Helene, mere de Constantin.	140
		<b>C</b> omme Helene, mere de Constantin, alla par grande deuotion en Ierusalem.	168
		<b>H</b> elene, Royne des Adiabenes, suruiuent à la necessité des pauvres en Iudee.	36
		<b>H</b> eliodore, Euesque de Trice, histoire Etyopique.	299
		<b>H</b> eracras ayant quisté les escoles d'Alexandrie est fait Euesque.	100
		<b>H</b> eracras estant prestre, portoit la robbe de philosophe.	98
		<b>H</b> eracras bien versé tant es disciplines de Philosophie qu'es saintes escritures.	97
		<b>H</b> eracle condamné par Theophile.	319
		<b>H</b> era-	



# T A B L E.

heraclide, moine, Euesque d'ephefe.	314	Les heretiques ne doiuent estre receuX en la commu-	
heraclite, authewr Ecclesiastique.	91	nion de l'Eglise sans publique penitence	153
hercule Maximian redemande l'Empire, mais c'est pour neant.	133	heretiques discordans ensemble.	86
Des heresies, de leur estat & dissensions.	296	heretiques ont falsifie les saintes escritures.	cod.
heresie d'Arrius.	252	Les heretiques semblables aux chameleons.	155
heresie d'Apollinaire.	159	Heretiques se fient aux disputes.	288
heresie des helcesaites disans qu'il y auoit plusieurs Christs, & tenans beaucoup d'autres opinions contraires à la foy Chrestienne.	102	Les heretiques s'esioiuent des intestines dissensions & troubles qui suruenient en l'Eglise.	160
heresie des helcesaites, condamnée & conuaincue par les diuines raisons d'Origenes.	102	Les heretiques à leur commencement sont agreables au peuple & aux infideles.	153
heresie des massaliens, qui reiettoient le labour manuel.	260	Les heretiques estans supposez deuient superbes.	fol.
heresie des Luciferiens en Orient.	238	Heretiques sont embastonnez dans l'Eglise.	402
heretiques chasséz aux lieux solitaires.	260	Hermogenes, capitaine enuoyé par constance, Empereur, pour dechasser Paul, Euesque, de son Eglise.	193
heresie de paul de samosate.	118	Hermogenes tué par la furie du peuple.	cod.
heresie de Mane; & ses adherens.	120	Heureux augure de la construction de constantinople.	fol.
heresie des Ebionites.	64		151
L'heresie & secte des ebionites diuisee en deux parties.	cod.	Herodes, premier des estrangers, Roy de Iudee.	9
heresie des Theopaschites.	442	Herodes brusta les genealogies des Iuifs estrangers, viuant à la facon des Hebreux & autres venus d'egypte.	12
heresie de Photin, Euesque de Sirmie	221	herodes, à cause d'Herodiade, repudia sa propre femme.	16
heresies de Nestorius & Eutyches.	397	Herodes fut banny de son Royaume avec Herodiade.	fol.
L'heresie de Nestorius, condamnée.	351		35 & 17
heresie d'Eutyches.	442	Herodes se veut tuer luy-mesme.	15
L'heresie de seuer, extirpee par Gregoire, Antiochien.	fol.	Hierax, maistre d'escole.	338
heresie de Nouat, condamnée par plusieurs conciles provinciaux.	108	Hierusalem fontaine de la doctrine Catholique.	398
heresie de Menandre, enchanteur.	64	Hierothee, homme fort deuot & ministre des choses sacrees.	42
heresie de Photin.	195	s. Hilaire, Euesque de Poitiers.	200
heresie des Apollinaires.	203	s. Hilaire enuoyé en exil avec d'autres Catholiques.	fol.
heresie de saturnin.	76		214
heresie de Photin & Paul de samosat.	348	Hilarion, moine de la palestine, en grand estime & reputation pour sa saintete de vie.	199
heresie d'Eutyches, soutenue par Crisaphe, eunuque de l'Empereur.	358	s. Hilarion, moine, a fait plusieurs miracles.	234
heresie des Anthropomorphites, autrement appellez Judeans.	260	d'hipasis, fleuve & sa vertu.	204
heresie de corinthe.	114	Histoire miraculeuse.	80
heresie des Macedoniens.	252	Histoire des Argonautes.	148
heresie de Macedonien.	226	Histoire de Philippe, prestre.	346
heresies des Macedoniens, Eunomiens & Arriens diuisees en plusieurs autres sectes.	269	Histoire des sept freres dormans en ephese.	356
heresie de Montan, excommuniee.	87	Histoire espouuentable d'une femme assiegee dans lerusalem, qui pressée & outree de grand faim mangea son propre fils.	61
heresie de Nicolaïtes.	65	Histoire des septante interpretes de la sainte escriture.	81
comme l'heresie des Nicolaïtes a prins son commencement.	65	Histoires des Scythes Septentrionaux.	433
heresie de sabellie.	236	Homelies de s. Iean Chrysostome contre les mauuaises femmes, en laquelle il toucha en passant Eudoxie.	fol.
heresie des Eucratites.	80 & 77		317
heresie & radotement d'Artemon.	86	Hommes conuertis en pourceaux, par punition diuine.	fol.
heresie des Monophysites.	438		172
heresie des Arabes, disans que l'ame estoit mortelle.	fol.	Hommes anciennement reduits au nombre des Dieux, par les Grecs.	249
heresie des Phrygiens, du temps d'Apollinaire & de Musan.	80	Hommes reculez de toute contention & debat.	198
heresie de Bardeanes.	201	Homicides communément timides.	436
heresie d'Etie.	216	Honneurs mondains, attribuez à simon le magicien.	fol.
heresie de Marcion.	77 & 88		37
heresie de Montan, selon les Phrygiens.	86	Honestes conditions de paix, proposees par Meletie à Paulin.	283
heretiques en l'Eglise.	76	Honoré, Arrië, persecute cruellement les Chrestiens.	408
heretiques, touchant l'incorruption.	416		

# TABLE.

Hormisdas, Roy, iniuste & cruel.	429	temples.	327
Hormisdas, mis à mort par son fils chosroes.	eodem.	Idolatrie abolie en plusieurs lieux par constantin, pour y faire bastir des temples en l'honneur de Iesus-Christ.	169
Horrible mort d'Ananias & de saphira.	30	Idolatrie approuvee par Iulien.	238
Horrible maladie de Maximin.	142	Idolatrie aneantie à l'aduenement de Iouinian, Empereur.	251
Horrible & miserable mort d'Herodes.	36	Idolatrie du tout renuersee.	332
Horribles martyres au pays de Pont.	128	Idolatrie en mespris & contemnement.	170
Horribles & cruelles choses que les Arriens exécuterent contre les Catholiques.	211	Idolatrie maintenue sous l'Empire de Valent.	293
Hose, Euesque de Cordoue.	236	Idolatrie & superstition des Grecs abolie.	198
Hosius, Euesque de Cordoue, enuoyé par Constantin, pour pacifier les discords & dissensions d'Alexandre & d'Arrius.	157	Idole de Serapis mise en pieces.	294
Hosius, Euesque d'Espagne, assista au concile de Nice.	158	Idolatrie grande de Maximin, Empereur.	135
Hose assiste au concile de sirmie.	212	Par quelle raison S. Iean a esté induit à descrire l'Euangile.	56
Hose, contraint par tourmens, sousigne aux trois formulaires de foy des Arriens.	eod.	S. Iean a escrit l'Apocalipse.	65
Hospitalité Episcopale.	275	S. Iean, Apôstre, fuyoit bien fort la presence & venue de Cerinthe.	64
Hospitaux, bastis par Eudocia, ausquels elle donna grands reuenus.	372	S. Iean a vescu soixante huit ans, apres la mort & passion de Iesus-Christ.	54
Humanité & facetic de Sisinie.	301	S. Iean a composé trois Epistres Catholiques.	56
Humaines victimes des idolatres.	141	saint Iean a ressuscité un mort en la ville d'Ephese.	88
Humilité & submission, mere de toutes vertus.	105	fol.	88
Humilité & submission de Constantin.	160	saint Iean Baptiste & saint Philppes apparoissent à Theodose.	303
Les Hunnes, habitans les monts Riphées.	280	S. Iean Baptiste, enclos en la matrice, loüe la vierge & emprunte pour ce faire la bouche de sa mere.	10
Hygine, Euesque de Rome.	2	S. Iean blasme grandement Herodes, à cause d'Herodiade.	16
Hymne, Gloria Patri & Filio, &c, & qui la inuentee.	208	S. Iean Chrysostome abolist l'idolatrie en phenicie.	310
Hymne de S. Cyprian.	103	fol.	310
Hymne, trois fois saint.	442	S. Iean Chrysostome loué pour son eloquence.	363
Hymne, nommé trisagium, est miraculeusement ouy chanter par les Anges.	357	S. Iean Chrysostome, Euesque de Constantinople, apres la mort de Nectaire.	309
Hymne de Bacchus, recites publiquement par Epiphane, sophiste.	256	S. Iean Chrysostome condamné d'aller en exil, en la ville de Cucusé.	321
Hymnes chantez en l'honneur de la mere de Dieu.	357	Iean Chrysostome, diacre en Antioche.	263
Hypatie, femme tres-docte & tres-honneste.	339	S. Iean Chrysostome, fort libre en parler.	319
Hippolite a escrit quelques commentaires sur les visions de Daniel & sur les proverbes de Salomon.	90	S. Iean Chrysostome trois iours apres sa condamnation sen va en exil, pour oster tout argument de reproches.	318
fol.		Comme S. Iean Chrysostome fut receu du peuple & remis en son Euesché.	eodem.
I.		S. Iean Chrysostome est reuocé d'exil, par Eudoxie.	eodem.
Iacobites & de leur secte.	437	fol.	
S. Iaques, premier Euesque de l'Eglise de Ierusalem, fut tué par Anan.	32	S. Iean Chrysostome se complaint de ce que meschamment le iugement luy auoit esté denié.	321
S. Iaques, est ietté d'un creneau en bas par les Iuifs pour la foy de Iesus-Christ.	51	S. Iean Chrysostome augmente le Christianisme, étant en exil.	323
S. Iaques, fils de Ioseph, espoux de la vierge Marie.	31	S. Iean Chrysostome meurt le iour de l'exaltation de sainte Croix, ayant obserué toutes les ceremonies de l'Eglise.	329
S. Iaques a escrit une epistre Catholique.	56	Iean, contre son serment occupe l'Euesché d'Alexandrie.	388
S. Iaques surnommé Oblas.	50	S. Iean enuoyé en exil en l'Isle de Pathmos, par l'Empereur Domitian.	62
S. Iaques, esleu Euesque de Ierusalem.	31	Iean, Euesque Melitien, banny par Constantin.	188
Les Iberiens, faits Chrestiens, par une femme captive.	eod.	S. Iean & saint Mathieu, seuls des Apôtres ont escrit l'histoire des faits & dictés de nostre sauueur Iesus-Christ.	55
Les Iberiens receurent la profession Chrestienne du temps de l'Empereur Constantin.	171	Iean, importune le pape de degrader Acacie.	390
Les Iberiens ayans traité avec Constantin, le prient de leurs enuoyer prestres & docteurs de foy pour y estre enseignez.	172	Comme saint Iean, l'Euangeliste edeceda de ceste vie à l'au-	
Les Idolatres rengeoient au nombre de leurs dieux des hommes accomplis en toute sorte de vices.	249		
Les Idolatres Romains instituent des sacrifices en leurs			

# TABLE.

<i>s. Jean le ieusneur grandement charitable.</i>	435	<i>Nathael.</i>	26
<i>s. Jean prescha la venue du sauueur, mesme aux enfers.</i>	81	<i>Iesus-Chr. s'apparoist la nuit à Constantin.</i>	137
<i>de Jean Philopone, philosophe.</i>	438	<i>Iesus s'apparus à ses Apostres.</i>	26
<i>s. Jean, precurseur de Iesus-Christ, se cache dans une cauerne de montaigne pour euitier la cruauté d'Herodes.</i>	14	<i>Iesus apparus à ses Apostres en la montaigne de Galilee.</i>	27
<i>s. Jean, retourné d'exil, gouuerna les eglise d'Asie.</i>	63	<i>Iesus apparut à s. Matthieu en forme d'un ieune fils.</i>	52
<i>s. Jean recommande &amp; donne en charge à un certain Euesque, un ieune fils de bonne phisionomie, pour l'endoctriner &amp; instruire.</i>	53	<i>Iesus se laisse manier par s. Thomas.</i>	26
<i>s. Jean se reposoit sur la poitrine de Iesus-Christ.</i>	55	<i>A qui Iesus est apparus apres sa resurrection.</i>	24
<i>Ierusalem destruite, cinq mil cinq cens &amp; dix-neuf ans apres la creation du monde &amp; quarante ans apres l'ascension de nostre sauueur Iesus-Christ.</i>	62	<i>Iesus-Chr. s'est apparus aux Saints Peres.</i>	4
<i>Que c'est que Iesus-Christ a voulu signifier par ses paraboles.</i>	21	<i>Iesus s'est apparus aux femmes, à s. Pierre, à saint Luc &amp; Cleophas.</i>	25
<i>Iesus a ramené les ames iustes d'Enfer en paradis.</i>	23	<i>Iesus reputé du nombre des meschans.</i>	23
<i>Iesus condamné par Cayphe.</i>	22	<i>Iesus se retire en solitude es deserts.</i>	17
<i>Iesus commanda à ses Apostres d'aller prescher à toutes nations.</i>	27	<i>Iesus rendit l'esprit.</i>	23
<i>Iesus condamné au foier.</i>	23	<i>Iesus veut estre assésuré de l'amour de s. Pierre enuers luy.</i>	26
<i>Iesus donne puissance à ses Apostres de lier &amp; delier.</i>	26	<i>Iesus-Chr. vray &amp; fidele Martyr.</i>	64
<i>Iesus donne le s. Esprit aux Apostres.</i>	cod.	<i>Des Ieusnes auant Pasques.</i>	299
<i>Iesus-Christ enuoya le pourtraict de sa face, dans un linge de lin.</i>	34	<i>Ieusne des Romains.</i>	codem.
<i>Iesus-Chr. estant demeuré au temple de Ierusalem, disputoit avec les docteurs de la loy.</i>	14	<i>Ieusne d'apres la Pentecoste.</i>	211
<i>Iesus est descendu aux enfers.</i>	23	<i>Ieusne de quarante iours ordonnez pour l'election d'un Euesque.</i>	301
<i>Pour quelle raison Iesus est môté au ciel le quarantiesme iour apres sa resurrection.</i>	27	<i>un Ieune enfant donné en garde à l'Euesque par saint Jean, degene de son bon commencement par la negligence dudit Euesque, &amp; deuient finalement capitaine des brigans.</i>	54
<i>Pour quelle raison Iesus est ressusité le troiesme iour apres sa mort.</i>	cod.	<i>un Ieune fils perdu en vices &amp; meschanceté est rappellé &amp; reduit à bien faire.</i>	54
<i>Iesus est venu monter au ciel par ses Apostres &amp; Disciples.</i>	cod.	<i>Le Ieusne institué auant le baptesme.</i>	354
<i>Iesus est percé au costé droit d'un coup de lance.</i>	23	<i>Ieusnes, &amp; prieres, armes de la foy Chrestienne.</i>	103
<i>Iesus-Chr. fils de Dieu, a esté congnu par tous gens de bien depuis la creation du monde.</i>	4	<i>Ieu &amp; chasse defendus aux presires.</i>	343 & 364
<i>Où est Iesus-Chr. là sont les thesors &amp; les richesses.</i>	171	<i>s. Ignace desiroit grandement le martyre.</i>	66
<i>Iesus, le troiesme iour apres sa passion est ressusité.</i>	23	<i>s. Ignace, Euesque d'Antioche.</i>	cod.
<i>Iesus mange à la veuë de ses disciples.</i>	26	<i>Image de Iesus-Christ dressée par une femme qui auoit esté guarie d'un flux de sang.</i>	145
<i>Pourquoy Iesus-Christ mangea apres sa resurrection.</i>	416	<i>Image de Iesus-Chr. deliure Edesse de ses ennemis.</i>	410
<i>Iesus mesme souffre en ses martyrs comme en ses membres.</i>	83	<i>Image de la vierge Marie, fait miracles.</i>	357
<i>Pourquoy Iesus-Chr. ne s'est donné à congnoistre aux premiers peres si clairement comme à nous.</i>	4	<i>Image de la vierge depeinte par s. Luc, par laquelle furent faits plusieurs miracles.</i>	372
<i>Iesus-Christ ne nous a laissé qu'un mesme iour pour la celebration de la feste de Pasques.</i>	165	<i>Images premierement defendues par Xenaias.</i>	394
<i>Iesus-Christ porte tel honneur qu'il doit à ses pere &amp; mere.</i>	14	<i>Immeres faits Chrestiens.</i>	400
<i>comme Iesus parle de la ville de Ierusalem.</i>	62	<i>Immunité &amp; franchises Ecclesiastiques.</i>	208
<i>Iesus oingt d'unguent par Marie.</i>	21	<i>Immunité Ecclesiastique.</i>	146
<i>Iesus, présentée à Pilate.</i>	22	<i>Inimitié vengée sous le pretexte de religion.</i>	395
<i>Iesus s'apparoist à Marie Magdelaine.</i>	25	<i>Impos establi par Athanasie, Empereur, dont aduindrent grandes calamités.</i>	402
<i>Iesus s'apparoist de rechef à ses Apostres.</i>	26	<i>Impiete des hommes.</i>	321
<i>Iesus s'apparoist à saint Pierre, à s. Thomas &amp; à</i>		<i>Impieté extreme des Iuifs vengée de Dieu.</i>	61
		<i>Impieté des Gentils.</i>	263
		<i>Impieté de Iulien descouuerte par Iuuentin &amp; Maximin.</i>	236
		<i>Imposition &amp; tribut execrable osté par Anastase.</i>	400
		<i>Impositions nouuelles de crime contre Athanasie, &amp; de qui elles procederent.</i>	209
		<i>Imposition des mains.</i>	222
		<i>Impostures d'Anatole, magicien.</i>	413
		<i>Imposture d'un faulx prophete, qui se faisoit appeller Moysse.</i>	354
		<i>Impudicité de Paul de samosate.</i>	120

# TABLE.

Impurité de Bacchus.	359	Jonathas fut tué, pour ce qu'il n'auoit empêché son	
Incarnation & passion de nostre sauueur. 382 & 383		pere d'aller à la Iherusalem.	362
Inconstancede Timothee, euesque de Constantinople.	398	Jonathas, le Pontife, mis à mort,	44
fol.		Ioannites constans.	324
Inconstance de Chosroes, rompant la paix.	410	Iosephe à suuy la verité soigneusement quant au fait	
Inconstance de Pierre Monge.	389	d'escrire histoires.	39
Incurssions des Barbares faites sur les Romains.	327	Ioseph, espcux de la vierge Marie.	9
Les incurssions des perses sur les Romains, empeschees		Iosue a figuré nostre sauueur.	5
par gresles & pluyes.	333	Iosue, est nommé brigant par les palestins, qu'il de-	
Les Indiens conuerts à la foy Chrestienne.	172	chassa.	409
L'indissoluble tunique de Iesus-christ, deschiree par		Les louuenceaux Aedesie & Frumentie, sont receuz	
les heretiques.	153	au seruite du Roy des Indiens.	172
L'Indie interieure commence à receuoir la foy Chre-		Iouinā, declaré Empereur apres la mort de Iulie.	250
stienne, par le moyen de Frumentie.	172	Iour de la Parascene.	299
Les infideles pour effacer la memoire du lieu du s.		Iouste, tres-belle des saints martyrs, refusans de sacri-	
sepulchre y bastirent le temple de Venus.	167	fier aux Dieux.	125
Infideles questionnez & tourmentez à fin de controu-		Ioyaux sacrez renuoyez en Ierusalem.	409
uer quelques faulces accusations contre les Chre-		Irenee, Euesque de Ierusalem, auditeur & disciple de	
stiens.	82	Polycarpe.	81
Infortune salutare.	274	Irenee escriuit quelques remonstrances a florin & Bla-	
Ingratitude de Iulien enuers Constance.	231	ste, les auertissant qu'ils s'arrestassent aux traditions	
Ingratitude d'Anastase enuers Tabennosiates.	364	des Apostres.	86
Inhumaines cruauitez contre les Chrestiens.	128	Du temps d'Irenee, encore se faisoient en l'Eglise des	
Innocent, successeur d'Anastase, en l'Eglise de Rome.		miracles par diuine vertu.	81
fol.	293	Irenee, homme fort amateur pacifia les differents des	
Inscription de l'apologie pour les Chrestiens.	69	Eglises d'Asie & d'Occident.	92
Inscription sur la statue de Constantin.	138	Isaac, moine, admoneste l'Empereur de faire peniten-	
Insolence de Monge, en Alexandrie.	391	ce, luy predisant l'euenement de la guerre.	281
Insolence & orgueil Chagane.	432	Ischirion, mis à mort par son maistre, pour ce qu'il auoit	
Instabilité de la vie humaine.	429	voulu sacrifier à l'autel des Dieux.	105
Institution de vie des moines.	198	Isdigerdes, Roy des Perses, fait paix avec les Romains,	
Institution de nouvelles ieunes par Motan, heretique.		pour cent ans.	331
fol.	87	Isidore & ses escrits.	362
Institution & nourriture de Galle & Iulien.	229	Ismaelites, appellez sarraxins, & d'où ils ont prins	
Institution, estudes & amitié intime de Basile &		leur origine.	270
Gregoire le Theologien.	261	Judas d'Ischriot trahit Iesus-Christ.	22
Institution puerile, & vie de s. Iean Chrysostome.		Judas, historien, a escrit des commentaires sur les se-	
fol.	309	maines du prophetie Daniel.	91
Instruction auant le baptisme.	337	Judaïque meschanceté.	320
Intention de l'auteur en escriuant ceste histoire Ec-		S. Iude, frere de s. Iaques, a composé vne epistre Catho-	
clesiastique.	1	lique.	56
Interdiction faite au peuple du nom & communion		Le Iugement d'Athanasie, suspect de toutes parts.	
de saint Iean Chrysostome.	320	fol.	158
Interpretation de prauce du signe de la croix.	231	Iugement de Basile, le grand, touchant les escrits de	
Interpretation de ces paroles de nostre seigneur, quand		Denys, Alexandrin.	118
on vous persecutera en vne cité, fuyez en l'autre.		Iugement des causes & controuerses oste aux Ecclesia-	
fol.	285	stiques, par syluain, Euesque de Troas.	354
Interpretation de la bible par les Iuifs.	145	Iugement de l'auteur touchant les historiographes	
Intercessions de S. Serge gardent Segiople, où estoient		des choses sacrees auant luy.	1
honorez ses ossemens.	411	Iugement de Nicefore, touchant la legereté de Liba-	
Inuentaire & abrégé de l'histoire des Iuifs.	6	ninus.	248
Inuectiues contre les philosophes Ethniques & leur		Iugement donné contre Athanasie reprouuë par Pa-	
idolatrie.	358	phnuce & Maximin, Euesques.	185
Inuention de Iulien, pour attirer les Chrestiens à l'ido-		Iugement escrit par les martyrs François aux fideles	
latrie.	140	d'Asie & Phrygie, touchant Montan & sa prophe-	
Inuention des reliques d'Abacuc & Michee, prophe-		sie.	85
tes.	307	Iugement & condamnation de S. Iean Chrysostome.	
Inuention du chef s. Iean Baptiste.	308	fol.	318
Inuention du corps S. Barnabé.	400	Iugement qu'a fait socrates de Nestorius.	348
Inuention du prophete Zacharie.	335	Iugement Theologique des choses prodigieuses.	328
Ioachim & S. Anne, pere & mere de la vierge Marie.		Vn Iuif baptisé de granier au lieu d'eau.	74
fol.	9	Les Iuifs cōplotent vne trahison & defaite nocturne.	
		des	

# TABLE.

des Chrestiens.	338	Iulien remet sus les temples des idoles.	231
Les Iuifs crucifiant un petit enfant, se moquent de Ie- sus - Christ & des Chrestiens.	339	Iulien sacrifiant trouue aux entrailles d'une beste une forme de croix couronnee.	231
Les Iuifs de Diocesaree, se reuoltans cõtre les Romains, sont reprimez par Galle Cesar.	214	Iulien s'adonneoit entierement à amplifier la supersti- tion Grecque & d'abolir le christianisme.	240
Vn Iuif guarý d'une extreme maladie ayant receu le baptisme.	74	Comme Iulien s'empara de l'Empire.	230
Vn Iuifiette son enfãt dans un fourneau pour ce qu'il auoit mangé le reste de l'Euchariste.	414	Iulien s'estudie aux diuinations & enchanteries, & par ce moyen se promet l'Empire.	codem.
Vn Iuif ieune enfant baptisé en se iõuant par des en- fans Chrestiens.	75	Iulien trahý par un vieillard.	247
Iuifs obstinez.	337	Jupiter paillard & meurtrier.	359
Les Iuifs ont machiné plusieurs choses contre les Chre- stiens.	77	Jurisdiction Ecclesiastique.	246
Les Iuifs ont osté de la bible plusieurs profeties par- lans de Iesus - Christ.	78	La iurisdiction de l'Euesché de Constantinople, est re- stituee en son entier.	387
Les Iuifs ont esté l'espace de quarant' ans apres l'Assen- sion de Iesus - Christ, sans auoir guerre ouuerte.	297. & 298	Jurisdiction episcopale.	364
fuil.	59	Iurognerie grandement preiudiciable aux Empereurs. fuil.	134
Les Iuifs ont le temps passé celebré le Pasque apres l'e- quinoxe du printemps.	297. & 298	La iustificatiõ s'acquiert par la seule foy, sans les cere- monies de la loy.	64
Comme plusieurs iuifs receurent la foy chrestienne.	354	Iustine, mere de Valentinian, donne beaucoup d'affai- res à S. Ambroise.	290
Vn Iuif se faisoit souuent baptiser en esperãce de quel- que gain.	339	Iustine s'efforce que la foy du concile d'Arimin soit receue.	codem.
Les Iuifs se sont plus souciez des choses corporelles que des spirituelles.	300	Iustine pucelle martyrisée.	103
Les Iuifs sont persuadez de se faire Chrestiens, par sylvestre Pape de Rome.	140	Iustinien est aduertý diuinement de secourir les chre- stiens, contre les Vandales Arriens.	408
Les Iuifs tousiours ennemis des Chrestiens.	338	Iustinien soustient le concile de Calcedone, & sa fem- me l'oppugne.	406
Iulles l'Affricain, sectateur d'Origenes.	101	Iustinien tres-chrestien entre les Empereurs.	416
Escrits de Iulles l'Affricain.	codem.	Iustin a esté conuertý à la foy Chrestienne, par la con- stance & fermeté de courage des martyrs.	69
Iulles Maximin, Empereur apres Alexandre.	102	Iustin a preueu & predict son martyre.	72
Iule Pape de Rome, du temps de l'Empire de Constan- ce.	193	Iustin Empereur ordonna que la langue de seuerus fut coupee, à cause qu'il blasphemoit contre le concile de Calcedon.	404
Iulien accommode au seruice des idoles les ceremonies de l'Eglise Chrestienne.	239	Iustin Empereur deuenus frenetique, & la cause pour- quoy.	421
Iulien appellé Demon, par Libanius.	249	Iustin esleu Empereur par prudent pourchas.	403
Iulien blessé à mort.	247	Iustin le ieune, successeur de Iustinien à l'Empire. fuil.	418
Iulien Cesar enuoyé en Gaule.	221		
Iulien chasse les diables en vertu du signe de la croix. fuil.	231		
Iulien dresse sa statue au lieu de celle de Iesus Christ, laquelle peu de temps apres fut foudroyee.	145		
Iulien enterré à Tharse.	253		
Iulien enuieux sur les Chrestiens de la gloire du martyre.	239		
Iulien est fait moine à cause de la suspiciõ que l'em- pereur auoit sus luy.	230		
Iulien Halicarnasse autheur de plusieurs heresies. fuil.	437		
Iulien Hermite vient en Antioche, pour resister aux entreprinſes des Arriens.	266		
Iulien moine d'Esse.	200		
Iulien mourant, congnoist la vengeance de Iesus- Christ.	248		
Iulien, oncle de l'Empereur Iulien, gouverneur en Egy- pte.	213		
Iulien oste les priuileges & reuenus des Eglises des Chrestiens, pour enrichir les temples des idoles. fuil.	231		

## L.

Lampes en l'Eglise de Hierusalem, pour l'entre- tenement desquelles Eudoxia donna grand re- uenue d'huyle.	360
Des Larrons qui par diuine permission miraculeu- sement liez amenderent & corrigerent leur vie. fuil.	178
Lascheté de Iustin.	420
Lauricie gouverneur d'Isaure.	221
La lecture des liures d'Origene, defendue par Epipha- ne euesque de Cypre.	316
Leonce euesque d'Antioche, n'estant encore que sim- ple prestre se chastra pour conseruer sa chasteté. fuil.	210
Leonce martyr.	365
De Leonce moine, & de George Pafide.	438
Leon premier nommé Empereur par le senat.	373
Leon Empereur, portoit grande reuerence au moine Daniel, en luy demandant sa benediction. fuil.	376

HHhh

# T A B L E.

Legitime poursuyte contre un heretique.	118	Liberalité de Constantin le grand.	401
Leon second institué Empereur.	379	Liberalité de Iustinien à faire bastir Eglises & hospitaux pour les pauvres.	411
Leon osta sa fille à un Arrien, pour la remarier à Zenon.	codem.	Liberalité de Iustin, enuers les Eglises.	421
Leon pape grandement perturbé à cause que ses lettres estoient reiettees au concile d'Ephese.	359	Libere Pape de Rome, enuoyé en exil, & pourquoy.	
Leonides pere & precepteur d'Origenes.	94	Libere restitué en sa dignité.	217
Leonides, martyr pour le nom de Iesus Christ.	cod.	Libere reuqué d'exil à l'instance & priere des Euesques Occidentaux.	codem.
Lettres Catholiques du concile d'Arimine, enuoyé à l'Empereur Constance.	219	Libere successeur de Iule, en l'euesché de Rome.	214
Lettres de Constance aux Antiochiens à l'encontre d'Eudoxe.	216	Liberté donnée aux Chrestiens.	399
Lettres de Constans, à son frere Constance, pour la foy orthodoxe.	195	Liberté rendue aux Chrestiens, par le dernier edict de Maximin.	141
Lettres de Constantin enuoyees à Macaire, Euesque de Ierusalem, afin qu'il print la charge de faire construire l'Eglise du saint sepulchre.	167	Liberté en histoire.	1.
Lettres du concile d'Illyrie aux Euesques d'Asie, touchant la sainte & consubstantielle Trinité: fueil.	271	Licence mauuaise & dommageable aux chrestiens. fueil.	296
Lettres des Euesques d'Orient, enuoyees au Pape Iule.	194	Licence militaire.	426
Lettres de l'Empereur Constantin enuoyees au Concile de Tyr, pour faire venir les Euesques qui y estoient assemblez, à Constantinople. fueil.	186	Licinie creé Empereur.	133
Lettres de l'Empereur Constance enuoyees à l'Elise de Alexandrie en faueur d'Athanasie.	268	Licinie abandonné à toute paillardise.	145
Lettres enuoyees aux Alexandrins & Egyptiens, touchant ce qui fut arresté au concile de Nice. fueil.	164	Les Lieutenans & Procureurs de Cesar, donnoient & vendoyent l'estat de prestrie selon leur plaisir & auarice.	22
Lettres enuoyees pour l'union de la foy.	395	Les liures de Clement Alexandrin, composez avec une verité & amas de diuerses choses.	90
Lettres Hieroglyphiques en forme de croix, trouuees, lors qu'on abbattoit le temple de Serapis. fueil.	294	Les liures des Arriens, condamnez au feu.	161
Lettres de Leon Empereur, demandant aduis aux Euesques & aux moines.	374	Licinie fait mourir Theocné & les prestres de Iupiter l'amy.	142
Lettres de recommandation enuoyees par les martyrs de Vienne, au Pape de Rome, en faueur d'Irenee. fueil.	82	Licinie persecute les Chrestiens.	144
Lettres patentes d'Antonin Pie, Empereur pour les Chrestiens.	70	Lignée de Chosroé.	7
Lettres patentes de Gallien Empereur, en faueur des Chrestiens.	111	Line premier Euesque de l'Eglise de Rome.	49
Lettres pernicieuses, louées par les Euesques d'Asie. fueil.	386	Licinie se rend à la mercy de Constantin.	145
Les lettres prophanes, utiles aux Theologiens.	122	Lieu & place des saints apres leurs decés.	67
Lettres Royaux de l'Empereur Adrian, en faueur des Chrestiens.	70	Lieu où est situé le Paradis terrestre.	204
Lettres de Simeones à S. Basile.	375	Litanies sont chantees aux supplications.	357
Lettres de Theodose à S. Iean Chrysostome, par lesquelles il le reuqué d'exil.	355	Liures composez par Tertullian.	80
Libanie Sophiste.	230	Liures canoniques du nouveau testament.	81
Libanius fait Chrestien.	249	Liure d'Eusebe le Pamphile, des martyrs.	131
Libelle de la profession de foy d'Arrius & d'Euzeius présentée à Constantin.	183	Liures de Papie, Euesque des paroles du seigneur.	67
Libelle de condamnation est donné à Seuerus, par un diacre vestu en femme.	396	Liures de S. Cyrille corrompus.	373
Libelle de la repentance d'Eusebe, & Theognis Euesques.	179	Liures des Chrestiens condamnez.	141
Libelle de repentance d'Ursitie & de Valens, présenté au Pape Iule.	209	Liures des Grecs exposans la folie de leurs dieux.	249
		Liures de Theophile contre Marcion.	79
		Liures d'Irenee.	81
		Loix anciennes de la façon de contracter mariages. fueil.	146
		Loix de Licinie, contre iustice & equité.	145
		Loix des moines Tabennesiotes.	199
		Loix Ecclesiastiques ordonnees par Iulien aux sacrificateurs des idoles.	239
		Louange d'Arseue.	292
		Longin grand maistre, dechassé de la cour.	393
		Louange de Constantin.	189
		Louanges de la ville de Constantinople.	147
		Louanges de Constantin & de Licinie.	139
		Loup gouuerneur d'Egypte.	68
		Louange de la foy du concile de Nice.	289
		Louange de Pulcherie.	331
		Loyers de la pieté de sainte Helene, en la vie presente & future.	169
		Loy de la separation des mariages promulguee par Moisan heretique.	87
		Loy des testamens des senateurs introduite par Iulles Cesar abolie par Antonin.	71
			109



# T A B L E.

Loy donnee par moyse aux Iuifs, successeurs d'Abraham.	42	mair, Euesque de Calcedoine, taxe l'impieté de Iulien.	239
Loy & ordonnance de Iustine grandement pernicieuse à l'Eglise.	291	Malchion prestre s'attache à Paul de samosate, & le confute.	119
Loix & ordonnances de Constantin en faueur des Chrestiens.	139. & 150	Malediction à celuy qui n'esgale & reçoit les quatre conciles comme quatre Euangiles.	397. & 398
Loy impudique publiee par le Roy des Perses.	399	Malice d'Estienne, Euesque d'Antioche.	207
Loy de Constantin, par laquelle il ordonne que tous chrestiens de quelque opinion qu'ils soyent conuinsent en vne mesme Eglise.	188	La malice des hommes cause les maux.	375
S. Luc a composé un liure contenant les actes des Apostres.	56	Mammee mere d'Alexandre Empereur fut en Antioche avec Origenes.	100
S. Luc a continué ses actes des Apostres iusques à la premiere venue de Saint Paul à Rome.	48	Mandemens ridicules de Iustin à Marcien.	420
S. Luc & s. Marc seuls du nombre des disciples ont écrit l'Euangile.	55	Manes, se faisoit nommer le Christ.	121
S. Luc estoit du nombre des septante disciples.	codem.	Manes puny selon ses merites.	codem.
S. Luc peint au vis Iesus Christ la vierge Marie & les Apostres, saint Pierre & saint Paul.	codem.	Manichees appellez du nom de Manes.	codem.
Lucian prestre d'Antioche menant une vie sainte, martyrise.	131	Les Manicheens se resouissoient de ce que Anastase auoit esté esleu Empereur, à cause qu'il estoit de leur secte.	394
S. Luc peint le premier des images.	112	Maniere de viure d'Eunome.	296
Lucie Quinte, gouverneur de Iudee.	68	Maniere de viure & mœurs non seulement des moines, mais aussi de tous Chrestiens.	38
Lucifer & Eusebe, procurent de faire assembler un concile.	236	Maniere de faire les prieres.	299
Lucifer Euesque Calaritain.	cod.	Maniere que tenoit Origenes en instruisant ses disciples.	98
Lucie euesque des Arriens en Alexandrie.	233	Mansuetude de Maurice, enuers les criminels de lese maiesté.	426
Lucius hay d'un chacun, & mesme des enfans.	264	Marathonien Euesque de Nicomedie.	200
Lucius successeur d'Eunome.	codem.	Marcion heretique disciple de Cerdon.	76
Lucius introduit on l'Eglise par argent.	268	Marcion reiettoit les escriptures saintes.	89
Lyce vaillant iousteur & combatant.	131	Marcel Euesque d'Ancyre, depose de son Euesché, & pourquoy.	188
		Marcel reintegré en son Euesché par le concile de sardede.	codem.
		Marcel & Photin heretiques.	196
		Marcel remis en son Euesché, par le concile de sardice.	197
		Marcel successeur de Iean, en l'Euesché d'Aspamee.	294
		Marc Antonin defendit la persecution des chrestiens.	80
		Pour quelle occasion S. Marc a écrit l'Euangile.	56
		Marc elie, & Luce son frere, successeurs de l'Empire apres la mort d'Antonin Pie, leur pere.	71
		Saint Marc établit le premier les loix & regles de solitaire vie aux moynes Chrestiens.	38
		Saint Marc estoit du nombre des septante disciples.	54
		S. Marc premier predicateur de l'Euangile au pays d'egypte.	38
		Marc heretique.	76
		Mariage de Maurice avec Constantine, Auguste.	425
		Mariage des prestres.	299
		Mariages faicts entre plusieurs Seigneurs.	371
		Mariage illicite de Ptolemee avec la femme de son fils, & le Parricide qu'il commit sur iceluy.	8
		Marie vierge cousine germaine de sainte Elizabeth.	31

## M.

Macedonien Euesque de Constantinople, grand persecuteur des Catholiques.	221
Macedonien defendeur des Arriens est fait euesque de Constantinople.	194
Macedonien fait conuenir Anastase devant le siege de Dieu.	codem.
Macedonien successeur d'Euphémie, est aussi persecuté par Anastase, & pour les mesmes raisons.	codem.
Macedoniens esleuez.	238
Macedoniens appellez Marathonien, & pourquoy.	226
Les Macedoniens persecutez par les Arriens.	256
Deux machabees l'un Egyptien, & l'autre Alexandrin.	198
Machabre martyrize pour sa constance en la foy chrestienne.	104
Machines de guerre, contre Edesse.	410
Macrin s'empara de l'Empire, apres la mort d'Antonin.	100
Les Magiens & Iuifs, fort desplaisans de ce que Iesus estoit adoré en perse.	173
Magie & Necromance de Iulien publiee apres sa mort.	248
Magnifique appareil des nopces Imperiales.	425
Magnus fauteur des entreprinse d'Eufoie.	267
La maison de Saint Iean l'Euangeliste situee au mont de Sion, en la ville de Hierusalem.	31

# T A B L E.

<i>Marie se retire en sa maison.</i>	10	<i>sauteur.</i>	174
<i>Marie Magdelaine court de rechef au sepulchre.</i>	25	<i>Martyre de s. Euphemie.</i>	368
<i>Marie Egyptiaque est conuertie à Sainte vie.</i>	405	<i>Martyre de s. Pantaleon.</i>	130
<i>Mariamne estoit sœur de s. Philippes.</i>	52	<i>Martyre de s. Eleuthere.</i>	70
<i>Marques du signe de la croix, aux robes des Juifs.</i>		<i>Martyre de s. Ignace.</i>	67
<i>fuail.</i>	246	<i>Martyre de s. Denys, &amp; le grand miracle qui y ad-</i>	
<i>Martien Empereur, alloit le premier aux processions.</i>		<i>uint.</i>	41
<i>fuail.</i>	373	<i>Martyre d'vsthanes.</i>	174
<i>Martien est constitué Empereur.</i>	366. & 367	<i>Martyre d'Eutrope lecteur.</i>	322
<i>s. Martin moine du pays de Hongrie.</i>	200	<i>Martyre de Potamienne, escoliere d'Origenes.</i>	
<i>Martyre de l'Eunuque Añades.</i>	174	<i>fuail.</i>	95
<i>Martyre d'Arteme Augustal d'Antioche.</i>	235	<i>Martyre de Babylas en Antioche.</i>	122
<i>Martyre de Marin homme de guerre.</i>	111	<i>Martyre du philosophe Iustin.</i>	72
<i>Martyre de Marcien &amp; Martyrien.</i>	211	<i>Martyre de Pontique ieune fils.</i>	84
<i>Martyre de Prisque Malche &amp; Alexandre sous Va-</i>		<i>Martyre de s. Mathias.</i>	52
<i>lerian Empereur.</i>	110	<i>Martyre en Cappadoce.</i>	130
<i>Martyre de s. Philippes &amp; Bartholomee. Apostres.</i>		<i>Martyre de s. Estienne.</i>	32
<i>fuail.</i>	52	<i>Martyre de Cyprian.</i>	103
<i>Martyre de s. Eustache.</i>	70	<i>Martyre d'Anastase Antiochien.</i>	437
<i>Martyre d'une femme qui auoit suui l'heresie de</i>		<i>Martyre de Thrabule sœur de simeones.</i>	174
<i>Marcion.</i>	110	<i>Martyre de s. Clement.</i>	66
<i>Martyre de s. Pierre &amp; de s. Paul.</i>	49	<i>Martyres tres-inhumains au pays de Thebaide.</i>	
<i>Martyre de s. Simon.</i>	52	<i>fuail.</i>	127
<i>Martyre tres-renommé de Pierre.</i>	125	<i>Martyres executez contre la volonte de Iulian.</i>	
<i>Martyre d'Arhanase.</i>	370	<i>fuail.</i>	235
<i>Martyre de Rothin Euesque de Lyon.</i>	82	<i>Martyres en la ville d'Antioche.</i>	128
<i>Martyre de Simeon, euesque de Hierusalem.</i>	65	<i>Martyrie ne veut accepter l'ordre de prestrie.</i>	
<i>Martyre de s. Jacques Apostre.</i>	36	<i>fuail.</i>	287
<i>Miracles de s. Jacques, frere du seigneur.</i>	50	<i>Martyrs tourmentez es prisons, par ordures &amp; vila-</i>	
<i>Martyre excellent de Marc, Euesque d'Aréthuse.</i>		<i>nies d'icelles.</i>	83
<i>fuail.</i>	234	<i>Martyrs Pierre, Dorothee Migdone, corgone, domesti-</i>	
<i>Martyre de Marcel, Euesque d'Apamee.</i>	295	<i>ques des Empereurs, Diocletian &amp; Maximian.</i>	
<i>Martyre de la vierge Domne &amp; de l'Eunuque Indes.</i>		<i>fuail.</i>	125
<i>fuail.</i>	126	<i>Martyrs parfaits.</i>	113
<i>Martyre de quelques vierges.</i>	129	<i>Martyrs d'Egypte.</i>	127
<i>Martyre de Ptolmee &amp; Lucie Chrestiens.</i>	72	<i>les Martyrs se sont grandement delectez au nom des</i>	
<i>liberte chrestienne.</i>	eadem.	<i>chrestiens.</i>	83
<i>Martyre de l'Euesque Hermolas, d'Hermippe &amp; Her-</i>		<i>Martyrs Catholiques n'ont voulu se ioindre aux mar-</i>	
<i>motras.</i>	130	<i>tyrs heretiques.</i>	87
<i>Martyre de Blandille.</i>	83. & 84	<i>Martyrs tres-renommez George, Procope, &amp; Deme-</i>	
<i>Martyre d'Attale.</i>	84	<i>trie.</i>	130
<i>Martyre d'un excellent personnage, lequel mit en pie-</i>		<i>Mars adultere par la ruse de Vulcain.</i>	359
<i>ces l'edit des Empereurs, contre les Chrestiens.</i>		<i>Maruthas Euesque de Mesopotamie.</i>	318
<i>fuail.</i>	125	<i>les Massaliens mettoient la communion entre les cho-</i>	
<i>Martyre de s. Marc Euangeliste.</i>	54	<i>ses indifferentes.</i>	260
<i>Martyre de s. Thomas.</i>	52	<i>Mathias est esleu Apostre, en la place du traistre Iu-</i>	
<i>Martyre de s. Polycarpe disciple &amp; sectateur des A-</i>		<i>das.</i>	30
<i>postres.</i>	73	<i>Mauia, Royne des Arabes, entreprend guerre contre</i>	
<i>Martyre de Basile Euesque d'Ancyre, &amp; d'Euphyche</i>		<i>les Romains.</i>	279
<i>cesarien.</i>	235	<i>Maxence, declare Empereur.</i>	133
<i>Martyre de Busiris.</i>	ead.	<i>Maxence sous pretexte du nom Chrestien, exerce une</i>	
<i>Martyre de deux excellens personnages, Philorome &amp;</i>		<i>tref-orde &amp; tref-vilaine tyrannie.</i>	
<i>Philee.</i>	127	<i>fuail.</i>	134
<i>Martyre de l'Euesque Anthime.</i>	126	<i>Maxime s'empare de l'Empire.</i>	291
<i>Martyre de Plusieurs Chrestiens qui ont constamment</i>		<i>Maxime cynique, priue de sa dignite.</i>	287
<i>souffert la mort pour le nom de Iesus - Christ.</i>		<i>Maxime, philosophe d'Ephese.</i>	230
<i>fuail.</i>	130	<i>Maxime pour exercer tyrannie, se couure du manteau de</i>	
<i>Martyre du Capitaine Theodore.</i>	145	<i>religion.</i>	291
<i>Martyre de s. Mathieu.</i>	53	<i>Maximin, chef de toute dissolution.</i>	134
<i>Martyre de s. Luc Euangeliste.</i>	55	<i>Maximin, idolatre &amp; persecuteur des Chrestiens.</i>	
<i>Martyre de Simeones &amp; de cent autres Chrestiens, le</i>		<i>fol.</i>	eadem.
<i>iour de deuant la feste de la Resurrection de nostre</i>		<i>Maximin, Empereur, apres la mors de son frere</i>	
		<i>remet</i>	

# T A B L E.

remet sus la persecution des Chrestiens.	135	Metrodore Martyr de la secte de Marcion.	
Maximin peu apte & commode à gouverner l'Empire.	138	fueil.	74
Maximin fait pendre & estrangler les Magiciens & enchanteurs qui l'auoyent abusé.	141	Meurtre tres-cruel & iniuste de Saint Iean.	
Maximin rompt l'alliance & confederation faite avec Licinie.	139	fueil.	17
Maximin Euesque de Treues.	196	Meurtre de George Euesque d'Alexandrie.	233
Comme Maximin fut estably patriarche en l'Eglise de Constantinople, apres Nestorius.	352	Meurtre de Constantin le ieune.	209
Maximin Euesque de Hierusalem & quelques autres attire à l'opinion d'Athanasie.	209	Meurtre de Iustin.	418
Maximin de rechef persecute les Chrestiens.		Meurtre de Dalmatie le ieune.	210
fueil.	139	Meurtre de l'empereur Constans.	210
Maurice successeur de Iustinien au gouvernement de l'Orient.	424	Meurtre de Nepotian.	210
Maurice trop clement enuers les seditieux.	436	Meurtre & assassinat miserable commis par Andragath à la personne de Gratian.	291
Melitie vsurpe par force la dignité Episcopale.		Meurtriers subornez pour tuer S. Iean Chrysostome.	
fueil.	152	fueil.	321
Melitie tant par indice de la main, que de libre volonté presche publiquement que la Trinite est de mesme substance.	226	Meurtre des petits enfans fait par le commandement d'Herodes.	14
Melitie designé euesque d'Antioche, du commencement tenoit l'opinion d'Arrius, mais apres deuiant bñ Catholique.	eodem.	Saint Michel s'apparoist à Constantin en dormant.	
Melitie heresiarque & Arrius excommunié par Pierre Euesque d'Alexandrie.	152	fueil.	14
Melitie enuoyé en exil par l'empereur.	227	S. Michel Archange s'apparoist aux Argonautes.	
Melitie cause d'un nouveau trouble au pays d'Egypte.	182	fueil.	148
Melitie; Eusebe & pelage, bannis.	264	Miltiades authcur Catholique a escrit cōtre l'herese des Phrygiens.	87
Meliton, Euesque de sardes.	79	Miracles faitz au sepulchre de S. Euphemie.	368
Meliton euesque a escrit une apologie & defence pour les Chrestiens.	69	Miracle au corps de Saint Matthieu apres sa mort.	
Les Melitiens & Arriens s'accordent ensemble & se bandent contre les catholiques.	182	fueil.	53
Les Melitiens fauteurs d'Arrius.	157	Miracles de Gennodie patriarche, & ses vertus.	376
Memoire pour les trespassez.	170	Miracles d'aucuns saints personnages.	eodem.
Memoire des martyrs deffuncts.	85	Miracle par lequel fut congneue la vraye croix.	
La memoire de Iustinien celebre tous les ans.	417	fueil.	168
Memoire de S. Hilarion en la Palestine, & de quelques autres.	200	Miracles de S. Paul en l'isle de Melite.	47
Memoire de Licinie du tout condamnée & abolie.		Miracles faitz par les Apostres.	31
fueil.	145	Miracle memorable de l'Eucharistie.	313
Memorable sentence d'un Empereur à ses enfans.		Miracle de l'Ange descendant du ciel sur la croix.	
fueil.	292	fueil.	170
Menaces des Arriens, contre le Pape Iule.	194	Miracles de plusieurs moines.	267
Menandre disciple & successeur de Simon le Magicien, & de son herese aussi.	64	Miracles aduenus à la mort de la vierge Marie.	
Menandre s'attribuoit l'honneur qui appartenoit à Iesus-Christ.	eod.	fueil.	42
Mensonge de Libanius, touchant les liures de Iulien.	248	Miracles d'Arface.	217
Menterie & faulseté des Arriens.	220	Miracle insigne apres la mort de S. Clement.	66
Merueilleuses guarisons faites par le signe de la croix.		Miracle d'Irene fille de Spiridon, laquelle estant morte & enseuelie enseigna à son pere en quel lieu elle auoit caché un ioyau que son hoste luy auoit baillé en garde.	178
fueil.	170	Miracle de S. Philippes.	33
Meropie Philosophe mis à mort par les Indiens, & les deux ionuenceaux prins prisonniers.	172	Miracle de Narcisse.	96
Meropie Philosophe de tyr, s'achemine en Indie avec deux ionuenceaux.	eod.	Miel d'Attique homme d'erudition tres-parfaite en toutes sortes de sciences & de vertu singuliere.	
Meschante & ignominieuse vie de l'empereur Neron.	50	fueil.	122
		Miracle pour presage de la victoire de Theodose.	
		fueil.	303
		Miracle de deux Euesques trespassez durant le concile de Nice, qui sous-signerent apres leur mort les decretz dudit concile.	164
		Miracle insigne de la statue de Iesus-Christ.	
		fueil.	145
		Miracle fait par la vraye croix.	410
		Miracles de S. Paul.	43
		Miracle d'une femme morte, resuscitée par les prieres du peuple.	285
		Miracle aduenu en l'armee de Marc Antonin, Empereur, par la priere des Chrestiens.	
		fueil.	80

# T A B L E.

Miracles qui se faisoient aux sepulchres de Marcien & Martyrien martyrs.	211	Mort de sainte Helene mere de constantin.	169
Miracle aduenü durant le siege de Nisibe.	210	Mort miserable d'Hyparie.	339
Miracle qui aduint à Heraclee au tombeau de S. Glircere.	434	Mort de Maximin & de Seuerus Empereurs.	133
Grands miracles faits au sepulchre de Constantin.	189	Mort d'Alexandre, Euesque de Constantinople.	191
fuail.	172	Mort de Maximian & de Diocletian Empereurs.	133
Miracle fait en la structure de l'Eglise que faisoient bastir les Iberiens, les confirme grandement en la foy Chrestienne.	172	Mort de Teocene Apostat.	144
Miracles de Prothogenes.	265	Mort d'Origenes sous l'Empeur Galle.	106
Par Miracles Iesus confirme la foy de sa deité.	19	Mort de Tite fils de l'Empeur Vespasian.	63
Miracle de l'eau du baptisme disparente.	398	Mort du tyran Maxence semblable à celle de Pharaon.	137
Miracle veu à la mort de Polycarpe.	74	fuail.	137
Miracle peint & escrit en l'Eglise pour tesmoignage.	410	Mort non violente de Iude.	52
Miracles d'Eutyme avec sa vie.	361	Mort de Tybere.	425
Miracle d'Amon.	177	Mort de Licinie.	145
Miracles d'Epiphane.	307	Mort de Iustine grandement profitable pour l'Eglise.	291
Miracle d'un Iuis qui fut conserue par l'innocation s. Serge martyr.	376	fuail.	291
Miracles principaux de nostre sauueur Iesus Christ.	20	Mort du tyran syluain.	214
fuail.	339	Mort de Iustinien.	417
Miracle au baptisme d'un Iuis, l'eau des fons l'euanouissant.	339	Mort miserable de Heron, euesque Apostat.	144
Miracles qui se faisoient pres le sepulchre de sainte Olympiade.	323	Mort & martyr de s. Iacques.	52
Miracle des cendres de cinq vierges.	68	Mort d'Ensebe le Pamphile.	191
Miracles choisis entre plusieurs autres.	20	Mort de Gracian Empeur.	291
Miracles faits au liët de Barses.	264	Mort de Valentinian.	272
Miseres & calamitez des Iuis, amplement descrites par Iosephe.	60	Mort de Galle Cesar.	214
Misères de Flauite contraires.	392	Mort d'Ensebe.	193
Modeste Lieutenant de Valent, saisi de maladie se repant & priant S. Basile est guarý.	263	Mort d'Auxent, Euesque de Milan.	272
Modeste grande de Gregoire.	286	Mort de Iouinian Empeur.	253
Mœurs de la vierge Marie sainte mere de Dieu.	43	Mort horrible d'un hypocrite.	361
Mœurs & façons de viure de Maurice.	425	Mort d'Ammonie moine fort renommé.	318
Mœurs de Philon.	39	Mort de Maximin.	142
Mœurs desreigle de Paul de Samosate.	119	Mort d'Arface.	217
Monge hypocrite en ses lettres enuoyees à Acace.	389	Mort du ieune Dalmatie.	229
Monomachie en la solitude d'Egypte.	315	Mort miserable de Neron Empeur.	50
La Monomachie defendue.	309	Mort & testament de Constantin.	189
Monophysites heretiques.	437	Mort d'Arface.	324
Les Montanistes se vantoyët d'auoir plus de martyrs que les Chrestiens.	87	Mort d'Herodiade.	17
Mort d'Athanasie.	266	Mort de Gainas.	313
Mort de Iustin.	421	Mort d'Herodes.	15
Mort & trespas de l'Empeur Constance.	227	Mort de Valentinian le ieune.	302
Mort miserable de Nestorius.	351	Mort d'Anastase Empeur.	403
Mort d'Auguste.	15	Mort d'Antipater.	8
Mort d'Epiphane.	317	Mort de Cresspin, fils aîné de Constantin.	147
Mort des idolatres Grecs.	278	Mort de Denys Alexandrin.	117
Mort du Pape felix.	217	Mort de Theuderic aduenue fortuitement.	392
Mort de montan, Maximille & Theodote.	87	Mort de Caic Empeur.	36
Mort & sepulture de Theodose.	366	Vn mort resuscité pour la confirmation de la foy, touchant la resurrection des morts.	198
Mort tres-ennuyeuse de la fille danseresse d'Herodiade.	17	Mort & temps de l'empire de Iustinien.	248
Morts de Leon premier, & du second.	379	Moyen d'appaiser un prince irrité.	305
Mort renommee de Iesus Christ.	24	Moyen de refrener les allichemens de la chair.	274
Mort terrible de Procope, tyran.	255	Moyen pour abolir les heresies.	77
Mort heureuse d'un pauvre homme.	362	Moines notables.	397
		Moines tres-honnorez de la palestine.	267
		Moines celebres & philosophes Ecclesiastiques du tēps de Valentinian & de Valent.	273
		Moines d'egypte, & leur institution.	198
		Moines de la palestine & Syrie, & leur reigle.	199
		Moines entre lesquels tout estoit commun.	359
		Vn moine coupe sa langue avec ses dents, mesmes entre les attraitz & ambassemens amoureux d'une paillarde.	130
		Les moines de Nitrie, combattent pour Cyrille contre Oreste.	338
		Les	

# T A B L E.

Les Moines Catholiques defendirent l'Euesque de Ierusalem, nommé Helie.	397
Les Moines de Scetis reconciliés avec Theophile.	318
Moines, ennemis de Chrysostome, à cause qu'il reprochoit leurs vices.	314
Des Moines de Pont, d'Europe & de l'Italie.	200
Moines tués à cause de leur jediton.	394
Les Moines résistent aux heretiques.	260
Moines celebres de la Syrie.	cod.
Moines d'Édesse.	276
Pourquoy les Moines ont prins un habit different à celui du commun.	199
Moines d'Antioche.	277
Les Moines estoient rasés.	376
Moines de diverses sortes en Ierusalem.	359
Moines qui philosophoient en Galatie.	276
Moines d'Égypte.	273
Moines de Celsyrie.	cod.
Moyse ne veut permettre d'estre consacré par Lucius, Euesque, Arrien.	279
Moyse premier Euesque des Arabes.	cod.
Moyse ordonné prestre.	274
Moyse, Étiopien, d'esclave fugitif, est fait moine.	274
Mouchetons enuoyés divinement contre les Perses.	210
Musique des Syriens.	201
Mutilation des membres ordonnée aux Chrestiens.	129
Mutuelles degradations entre les Euesques d'Orient & d'Occident.	96
Murmures du peuple contre Valent.	281
Muraille appelée la longue.	400
Les Murailles de Nisibe, refaites par les prieres de l'Euesque de la ville.	210
Murs de Calcedon abatus & pourquoy.	255
Les murs de Calcedon rebastis par Valent.	cod.
Mystere du lavement des pieds des disciples de Iesus-Christ.	22
Mysteres sacrés offerts du costé d'Orient.	412

## N.

<b>N</b> arcisse, Euesque, transmuta l'eau en huyle par vertu divine.	69
Narcisse retourné en Ierusalem, de rechef prend le gouvernement de son Euesché.	cod.
Narse, preux & deuot à la Vierge Marie.	409
Nations estranges reçoivent le Christianisme.	cod.
Natalis est battu en songe & inuité par Iesus-Christ plusieurs fois à penitence.	86
Plusieurs Nations reduites à la foy Chrestienne par S. Iean Chrysostome.	310
Natiuité de Theodose le ieune.	313
Natiuité de nostre seigneur, double, divine & humaine.	3
Natiuité merueilleuse de nostre sauueur.	11
Natiuité de Iesus annoncée aux pasteurs.	cod.
Le nauire où S. Paul estoit conduit à Rome, grandement agité par tempeste.	47
Naufrage & perte du nauire où S. Paul estoit conduit à Rome.	codem
Nauires des Perses, bruslées par le commandement de Iulien.	247
Nazaret, demeure & habitation de Ioseph.	11

Nectaire, ayant receu baptesme, est esleu par le consentement du concile de Constantinople.	287
Nectarius, Euesque de Constantinople.	259
Neotefaree, ville conuertie à la foy Chrestienne, par le moyen de Gregoire.	112
Nephale dechassa Seuerus de son monastere à cause de ses disputes.	395
Neron succeda à Claude, Empereur.	44
Neron & Domitian, persecuteurs des Chrestiens.	79
Neron ayant rendu l'Empire l'espace de quatorze ans, alla de vie à trespas.	60
Neron fut le premier des Empereurs Romains, qui persecuta les Chrestiens.	50
Neron chassa de Rome S. Pierre, l'Apostre, & Simon, l'enchanteur.	45
Nestor combat le fauorist de l'Empereur.	131
Nestorius delaisse la doctrine de verité.	347
Nestorius est appelé d'Antioche & fait Euesque de Constantinople, apres la mort de Sisinnius.	cod.
comme Nestorius fut repris par Anastase, son disciple, d'un crime fort enorme.	cod.
Nestorius met le feu au temple des Arriens.	cod.
Nerue ayant tenu l'Empire l'espace d'un an deceda, laissant Traian pour son successeur.	63
Nerue succeda à l'Empire apres la mort de Domitian.	fol. codem.
Nice abattue par tremblement de terre.	255
Pourquoy Nicefore a fait mention des heretiques avec les fideles.	205
De S. Nicolas, Euesque des Mirriens, en Licie.	179
Les Nicomediens ennemis des Chrestiens.	138
Nicopolis, ville située en Septentrion.	97
Le Nil desbordé comme par deluge.	113
Le Nil sanglant.	cod.
Le Nil seiché.	codem.
De Nilamon, esleu Euesque du bourg de Geras, & comme il mourut avant sa consecration.	319
Nile pour estre moine, quitta la preuosté de Constantinople.	362
Nisibis assiegée par les Romains.	341
Nitria, montagne où habitoient plusieurs moines.	275
Nombre de ceux qui furent baptisés du temps de Constantin.	136
Nombre de ceux qui ont tenu l'Euesché de Ierusalem, durant l'Empereur Decie.	103
Nombre de ceux qui furent tués durant le siege de Ierusalem.	62
Nombre des Apostres de Iesus-Christ.	55
Nombre des Euesques qui assisterent au Concile de Sardice.	196
Nombre des Euesques qui ont eu le gouvernement des plus grandes Eglises Chrestiennes.	60
Nombre des euesques assemblez au concile de Nice.	158
Petit nombre d'habitans en Alexandrie.	113
Nombre des Juifs assiegés dans la ville de Hierusalem.	60
Nombre des Symboles ou formulaires de la foy Chrestienne.	224
Nombre & roolle des sacrificateurs de Iudee, depuis Aaron iusques à S. Iaqués.	32
Le nom d'Anastase, Empereur, effacé des sacrés re-	

# T A B L E.

gistes.	399	leurs pays.	280
Le nom d'Auguste, presage de l'empire futur de Mar- tien.	367	Oeconomie de Iesus-Christ en ce monde.	4
Le nom de Iesus-Christ congnus anciennement.	5	Oeuure de la Bible, appelle Hexaple.	97
Le nom de Iesus-christ congnus par les anciens He- breux & tenu en grand honneur & estime.	5	Oeuures de Philon.	39
Le nom de s. Iean Chrysostome mis par escrit entre les Euesques.	321	Oeuures de pieté de s. Helene.	169
Le nom de Iesus escrit sur les portes fait arrester le mouuement de terre.	404	Oeuures de Musan.	80
Nom d'Helene imposé à deux villes par constatin.	170	Oeuures d'Origenes, composez en Palestine.	100
Le nom de la vierge Marie est inuoué en toutes orai- sons.	367	Oeuures de Clement, Alexandrin.	90
Les noms des des bōs Euesques, mis en vn tableau.	392	Les œuures de Iosephe.	39
Nom de Ierusalem & premiere possession de la ville. fol.	246	Les offences & delicts des Euesques ne doiuent estre manifestez de peur de scandale.	160
Noces spirituelles de Marc.	76	Offices & deuoirs d'hospitalité.	179
Nouat est cree Euesque par fraude.	107	Office de charité fraternele.	363
Nouat demoniaque.	ead.	L'office des prestres.	374
Nostre sauueur est le vray & mesme Christ, auquel ne se trouue rien, qui soit figuratif ou fardé.	5	Officiers qui taschoyent empescher les meurtres sont punis.	412
Les Nouatiens dechassez d'Alexandrie & de Rome. fol.	337	Offrande des Eglises parochiales.	376
Nourriture d'Athanasie dès son enfance.	180	Offrande de Theodose.	304
Nourriture d'un enfant imperial.	331	De s. Olympiade, diaconesse, & ses actions.	322
Institution d'un prince Chrestien.	eadem.	Olympie, sophiste, confirme les idolatres en leur super- stition.	294
Nourriture & instruction du grand Constantin.	132	Onction des Iuifs abolie.	11
Nourriture par la manne du ciel.	371	On ne doit vser en ce qui concerne les principaux arti- cles de la foy que des mots qui se trouuent es saintes escritures.	164
Nouat disoit que Iesus-Christ estoit sans pitié.	110	On doit endurer patiemment les fortunes humaines. fol.	274
Nouatiens & les Catholiques s'alie ensemble.	221	Opinions des Euesques d'Orient differentes touchant la doctrine d'Arrius.	154
Nouat & son heresie.	107	Opinion erronee d'Eusebe, touchant le Fils de Dieu, en ensuyuant celle d'Arrius.	156
Nouat malade est baptizé dans le lietz.	ead.	Opinions absurdes & meschantes d'Origenes.	105
Nouat indigne de receuoir les ceremonies de l'Eglise.	ead.	Opinion de Chilistes ou milenaires.	64
Nouat, martyr.	161	L'opinion de Denys, touchant l'Apocalipse s. Ica.	114
Nouat obligeoit par serment les simples gens de sa secte lors qu'ils receuoient le corps de nostre Seigneur de s'arrester perpetuellement a luy.	eadem.	Opinions diuerses d'Apollinaires.	283
Nouat renonce à l'ordre de presirise pour craincte qu'il auoit des persecuteurs.	ead.	Opinions absurdes d'Origenes.	415
Nouat sortit hors de l'Eglise & pourquoy.	160	Opinion de Cyprian, touchant ceux qui estoient tombez en heresie & puis apres s'estoyent recogneus.	107
Nouatiens excommuniés.	108	Opinion d'Estienne, pape de Rome, touchant ceux qui recongnoissoyent leur heresie.	109
Les Nouatiens plus plaisibles que les autres heretiques. fol.	301	Opinions erronees de Marcien, heretique.	83
Nouveau testament est l'exposition du viel.	38	Opinion de Nouat, prestre.	107
Nouvelle contention entre les Euesques conioincts & associez, touchant ce mot de consubstantialité.	181	Opinion de sabellie, heretique.	118
Nouvelle sedition à Constantinople, pour l'election de l'Euesque.	193	Opinion des Ebionites.	64
		Opinions erronees de Nestorius.	348
		Opugnateurs de la Consubstantialité condamnez.	271
		Oracle de la mort de Iulien, l'Apostat.	253
		Oracle trouué aux ruines des murs de Calcedon.	255
		Oracle de Daphné muet pour la presence des reliques de Babylas.	143
		Oracle de la sybille, touchant la sainte croix.	168
		Oracles designez distinctement par lettres, l'ordre des quels estoit, Th. E. O. D.	278
		Oracles des idoles faux, touchant la guerre Persique. fol.	144
		Oraisons & continuelles prieres de l'Eglise pour Con- stantin.	139
		Oraison de Gregoire, Euesque d'Antioche, aux gens d'armes rebelles.	427
		Oraison de Tybere, touchant la surrogation de Mauri- ce.	424
		Oraison funebre de Basile, écrite par Gregoire, Theo- logien	

O.

Obeissance des moines.	274
Obeissance enuers les saints Peres, monsire la conuersation estre de Dieu.	361
Obseruance de la discipline militaire.	426
Observations estroites des Nouatiens.	299
Observations indifferentes.	299
Observations diuerses aux ceremonies du temps des Apostres.	300
Occasion peimete pertinemment & la significatiō.	362
Occasion de la mort d'Eutrope.	311
Occasion pourquoy les Hunes chasserent les Goths de	



# T. A B L E.

logien.	261	femme tres-riche de la ville d' Alexandrie. eodem.	
Oraison de s. Jean Chrysostome, contre le fait des gens d'authorité.	311	Origenes est retire de deliberation de souffrir martyre aux prieres de sa mere.	eod.
Oraison de s. Jean Chrysostome à son retour d'exil, & le sommaire d'icelle.	319	Origenes desirieux de souffrir martyre pour la foy Chrestienne.	eodem
Oraison de Polycarpe voulant entrer dans le feu.	74	Origenes est receu en l'ordre de presbrite en la ville de Cefaree.	100
Oraison de Iulien, contre les Antiochiens.	142	Origenes prend Heraclas pour compagnon & ayde à enseigner en l'escole d' Alexandrie.	97
Oraison de Constantin.	160	Origenes conuertit Ambroise à la foy Catholique de l'erreur de Valentin.	eod.
Oratoire de tous hommes Chrestiens & non des moines seulement.	38	Origenes alla à Rome du temps que Zephyrin y gouuernoit l'Eglise.	eod.
Les petits oratoires changez en grandes Eglises.	124	Origenes cherche diligemment les traductions de l'écriture sainte.	eod.
Ordination furtiue de Porphyre en l'Euesche d' Antioche.	325	Origenes apprend la langue Hebraïque.	eod.
Ordonnance de l'Eglise que la celebration de la feste de Pasques doit estre du temps de l'equinoxe.	112	Origenes defend la Chrestiente, escriuant contre Marcel, Galate & Porphyre le Tyrien.	249
Ordonnance de Iulien contre les Chrestiens.	140	Origenes se chastra à fin de pouuoir viure sans auoir la compaignie des femmes.	96
Ordonnance de Valentinian, touchant la Consubstantialité de la Trinité.	270	Origenes n'estant encore prestre enseigna la sainte escritura en l'Eglise de Cefaree.	98
Ordonnance de Constantin & Licinie, Empereurs, par laquelle, il estoit comandé, que les lieux & biens des Chrestiens leurs fussent restituéz.	143	Origenes delaisse les lettres prophanes.	95
Ordonnance de Theodose, touchant la foy du Concile de Nice.	284	Origenes a composé des commentaires sur l'écriture sainte, escrit aux frais & despence d'un nommé Ambroise.	99
Ordonnance de Gratian, Empereur, par laquelle il estoit permis à vn chacun de suyure telle Religion que bon luy sembleroit.	282	Origenes cruellement tourmenté pour le faire renoncer la foy Chrestienne.	105
Ordonnance de Theodose, contre les heretiques.	288	Origenes craignant d'estre charnellement congneu par vn Sodomiste, renonce à la foy Chrestienne.	105
Ordonnance de Theodose, par laquelle il estoit permis de manger de chair en Carefme par faulte de poisson. fol.	418	Origenes se fouruoya & sortit de la droite voye en envelopant son esprit d'erreur.	102
Ordonnances synodales.	146	Origenes ayant renoncé la foy Chrestienne, met en auant plusieurs erreurs abominables.	eod.
Ordonnance de Theodose commandant d'abbatre les temples des idoles.	293	Origenes & ses articles sont excommuniéz.	415
Ordonnance de Constance, touchant la procedure du Concile d' Arimine & de Seleucie.	218	Origenes ayant passé soixante ans commença à dicter ses compositions à des Escriptuains.	100
Ordonnance des Iuifs, que le malefice fut purgé par le mesme malefice.	164	Origenes excommunié de l'Eglise, & pourquoy.	105
Ordonnance de Constance, apres la restitution d' Arhanafe.	208	Origine & accroissement du christianisme en perse. fol.	173
Deux ordonnances de constantin pour faire assembler Conciles, à fin d'accorder les Eglises qui estoient en dissention.	144	Origine & commencement des heretiques seducteurs. fol.	95
Ordonnance de Constantin, touchant les liures d' Arius.	266	Origine de plusieurs heresies yssue du combat & contention d' Alexandre & d' Arius.	157
Ordre des quatre Euangiles.	91	Origine de l'idolatrie des Ismaelites.	279
Ordre des Euesques d' Alexandrie, du temps de Gordian, Empereur.	102	Origine de la diuersité des costumes en l'Eglise. fol.	300
Ordre des Euesques d' Antioche sous l'Empereur Alexandre.	103	Origine des heresies de Simon l'enchanteur.	85
Oreste, gouuerneur d' Alexandrie.	338	Ornement & embellissement de chaste. é.	129
Orgueil d' Eugene.	303	Ornements des sepulchres & monumens des saints. fol.	140
Origenes fort estimé de son temps de tous les prelatz & Euesques de la Chrestienté.	101	Ornemens & decoration de la ville de Constantinople.	147
Origenes dès son ieune age instruit en la foy & lettres saintes.	94	Ossemens du Prophete samuel.	336
Origenes eut charge des escoles de Theologie en Alexandrie.	eod.	Les ossemens de Paul, Euesque de Constantinople & martyr, apporteé à Constantinople.	287
Origenes encourage plusieurs Chrestiens au martyre. fol.	eod.	Les ossemens des saints Apostres, André, Luc & Timothee, apporteé en Constantinople.	235
Origenes auimoit par lettres son pere estant en prison à endurer martyre.	eodem.	L'ouurage des Iuifs est de rechef empesché par le feu qui sortoit du ciel & de la terre.	246
Origenes apres la mort de son pere fut adopté par vne		Ouurage des Iuifs defait pour la troiesme fois. fol.	eod.

# T A B L E.

P.

<b>P</b> achomie, capitaine & conducteur des Tabennes- sotes.	199
Paillardise & impudicité prohibée.	146
La paix de Iesus-Christ.	113
Paix aux Eglises d'Antioche, par saint Jean Chry- sostome.	310
Paix entre la Roynie Maivia & les Romains.	279
Paix entre les Perses & les Romains.	333
Paix des Eglises auant l'Empire de Diocletian.	131
Paix fourree faite par un Iuif avec serment.	405
Paix traitée avec les Perses.	407
Palladius, gouverneur d'Egypte, met Pierre, Euesque d'Alexandrie, en prison.	267
Palladius, moine, disciple d'Euagre.	278
Palladius, poste & courrier tres-diligent.	342
Palais magnifique de Theodose.	332
Pamphyle, prestre, martyr.	123
Pan & Pryape, Dieux des Gentils.	359
Pantene, Alexandrin, homme Apostolique.	84
Pantene bien instruit en toutes sciences prophanes.	98
Pantene curieux de l'estude des saintes escritures. fol.	90
Pantene, commis pour interpreter les saintes escri- tures.	cod.
Pantene, principal des escoles de Theologie, en la ville d'Alexandrie.	cod.
Paneas, ville de Cesarée.	112
Deux Papés à Rome en un mesme temps.	217
Le Pape de Rome reçoit les Euesques deiettez de leurs sieges à la communion.	193
Paphnuce, Euesque de Thebes.	162
Papie, Euesque, imitant la vie des Apostres.	67
Papie, Hieropolitain, Euesque d'Hieropolis.	58
Papie tenoit l'opinion des Chilastes ou Milenaires, cest à sçauoir, que le regne de Iesus deuoit durer mil ans apres la resurrection.	67
Les Parens de nostre sauueur trouuez furert par Do- mitian deprisiez pour leur pauvrete & absoulz.	63
Parens & origine de Constantin.	149
Parentage de la bien-heureuse vierge Marie.	31
Pariurement diuinement puny sur les calomnieurs de Narcisse.	96
Pariure d'une femme subornée.	181
Parfaite Monarchie des Romains.	228
Parole bien couchée.	265
Paroles de Iulien, touchant nos livres sacrez.	249
Paroles insolentes de Nestorius.	347
Paroles memorables de Valentinian.	254 & 272
Paroles iniurieuses des Antiochiens, sur la barbe & les monnoyes de Iulien.	142
Pasïon de Iesus-Christ & l'humanité, & non la di- uinité.	397
Pasques des Montanistes.	cod.
Le Pasque plus tost obserue entre les anciens par cou- stume que non par loy.	298
Patience admirable de Blandile à endurer toutes sor- tes de tourmens.	83
Patriarches instituez au Concile de Constantinople. fol.	287
Patrimoine & biens du pere d'Origenes, confisquezz à	

l'Empereur.	94
S. Paul estant en Troas, vend la vie à Eutyché, qui es- toit mort par vne cheute.	43
S. Paul est absoulz par le premier iugement de Nero.	48
Comment S. Paul s'accommodoit à tous.	45
S. Paul a escrit plusieurs epistres.	56
S. Paul avec les autres de sa nauire se sauue à nage en l'isle de Melite.	47
S. Paul refutant l'accusation cõtre luy faite se defend. fol.	cod.
S. Paul estant prest de son martyre escrit la derniere E- pistre à Timothee.	48
S. Paul ayant pour suspect le iugement du gouuerneur Feste se porte pour appellant à Cesar.	46
S. Paul eschappe estant deuallé en vne corbeille par la muraille.	33
S. Paul presche l'Euangile à Rome par l'espace de deux ans.	48
S. Paul retourne de rechef à Rome au 13 an de l'Em- pire de Neron, où il fut martyrizé.	cod.
S. Paul defend sa cause deuant les Iuifs.	45
S. Paul fut expose aux bestes sauuages.	44
S. Paul est accuse deuant le gouuerneur Felix.	46
S. Paul est mené en Cesarée, au gouuerneur Felix.	cod.
S. Paul apparoit à Neron, le troisieme iour apres sa mort.	49
S. Paul avec miracle, baptize Eubule & Artemille, en Ephese.	44
S. Paul, nauige à Rome.	47
S. Paul vaisseau d'election.	32
S. Paul estant en Ierusalem s'accommode au temps & vid selon l'ancienne coustume de la loy.	45
S. Paul estant arrivé à Rome dispute de la doctrine E- uangelique en la presence des Iuifs.	48
S. Paul est frins au temple de Ierusalem, par les Iuifs d'Asie.	45
S. Paul ayant esté absoulz par Neron, il compesa la pre- miere Epistre à Timothee.	48
S. Paul estant arrivé à Corinthe se meit à faire des ta- pisseries & autres broderies.	41
S. Paul recu de l'Eglise de Hierusalem.	33
S. Paul alla d'Orient en Occident, annonçant tousiours la parole de Dieu.	43
S. Paul emprisonné en Ephese.	44
Paul successeur d'Alexandre en l'Euesché de Constan- tinople.	191
Paul remis en son siege & remené par la commune en en l'Eglise de Constantinople.	193
Paul de Samosate, Euesque d'Antioche.	119
Paul de Samosate depose de son Euesché.	codem.
Paul de Samosate sectateur de l'heresie detestable d'Ar- temon.	120
Paul de Samosate se faisoit appeller Ducnaire.	119
Paul de Samosate, banny & excommunié.	cod.
Paul de Samosate tombe de rechef en erreur.	118
Paul, Euesque de Constantinople pendu & estrange à Cucuse, par les Macedoniens, heretiques.	211
Paul de Samosate amassoit argenti de tous costez, & par tous moyens.	119
Paul de Samosate, iure qu'il est Catholique, ayant bõ- ne opinion & saine touchant la religion.	118
Paul, Euesque Nouatien, fort celebre & renommé entre les	

# TABLE.

les moines.	339	Persecution des Catholiques en Alexandria par les Arriens.	263
De Paul euesque des Nouatiens, & ce qu'il feist digne de memoire & d'admiration.	354	Persecution qu'endurerent ceux qui fauorisoient s. Iean Chrysostome.	321
Paul enuoyé en exil par le commandement de Constantin.	194	Persecution des sectateurs de Macedonien.	394
Paul, euesque d'Antioche.	404	Les Perses adoroient le feu pour leur Dieu.	423
Paulin subrogé au lieu de Meletie.	236	Les Perses sont surmontez par les Huus.	399
Paulin ne voulant accepter les conditions de paix, Meletie est fait gouverneur des Eglises.	283	Les Perses vaincus par les Romains.	428
Les Pauliniens ne veulent communier avec les Meletiens.	227	Personnages Ecclesiastiques qui ont escrit contre l'heresie de Manes.	121
Paulins, heretiques.	195	Personnages excellens, desquels les noms commencent à Theo, mis à mort.	278
Le pays & naissance de s. Antoine.	176	Peeste fort cruelle & aspre, sous l'empereur Vespasien.	63
Pelerinage en Ierusalem pour baiser les saints lieux.	377	Peestilences en Alexandria.	113
Penitence publique.	140	Peestilence de longue duree par tout le monde.	411
Penitenciers estez en l'Eglise de Constantinople.	295	Peestilence qui dura 15. ans.	eodem.
Penitence des Chrestiens, qui par imbecillité d'esprit n'auoyent peu resister aux tourmens.	135	La peestilence cesse par la translation de saint Thomas.	413
Penitence vraye.	74	Peuple fidele.	264
Penitence soleymnelle ordonnee en l'Eglise des Nouatiens.	295	Les peuples sont affligez par les vices de l'empereur.	385
Penitens admis à la cõmunion du manger & des prieres, mais non pas si tost receuz à la perception de l'Eucharistie.	107	Peuples & nations assemblees au Concile de Nice.	158
Pensions annuelles ordõnees par Constantin aux veufues & vierges sacrees.	166	Le peuple d'Alexandrie empesche le bannissement d'Athanasie.	257
Comment les peres catholiques receurent le formulaire de foy arresté au concile de Sirmie.	219	Phantõsme, diabolique, dechassé par le signe de la croix.	376
Perfection de Paul le simple, disciple de s. Antoine.	177	Philee, euesque de l'Eglise des Thmuites.	127
Permission donnee aux Iuifs par Iulien, de rebastir le temple de Ierusalem.	145	s. Philippe, diacre de l'Eglise de Ierusalem.	33
Permission donnee à Arrius de prescher, moyennant qu'il demande pardon à son euesque.	156	Philippe, Euangeliste, l'un des sept diacres de Ierusalem.	44
Persecution des Chrestiens.	31	Philippe auoit quatre filles prophetisses.	eod.
Persecution de l'Eglise de Ierusalem.	32	Philippe succeda à l'empire apres Gordian.	102
Persecution des Chrestiens sous l'empereur Traian.	65	Philippe, Empereur, ne fut receu entre les Chrestiens que premierement il n'eust fait confession de ses pechez.	102
fol.	65	Philippe, empereur, premier Chrestien entre les Empereurs Romains.	eod.
Persecution des Chrestiens sous l'empereur Neron.	49	Philippes, ville principale de Macedoine.	40
Persecution des Chrestiens sous l'empereur Domitian.	62	Philon, enuoyé ambassadeur à Rome, de la part des Iuifs, pour la defence de leur nation, loix & costumes de leur pays.	35
Persecution des Chrestiens sous Decie, empereur.	103	Philon a escrit des moines Chrestiens d'Egypte.	38
Persecution des Chrestiens sous Diocletian, empereur, commence au camp.	125	Philon parla à saint Pierre, dans la ville de Rome.	38
Persecution des catholiques.	258	La philosophie quelque fois admet mensonge.	364
Persecution grande des Chrestiens à Lyon & à Vienne.	82	Deux philosophes, mesmes infideles disputent de la profession Chrestienne, au Concile de Nice.	159
fol.	82	Philumene, deuineresse & prophetisse d'Appelles.	80
Nouuelle persecution de Maximin, contre les Chrestiens.	135	Photin sabellie, Paul samosatien, condamnez au Concile de Sirmie.	212
Persecution des Nouatiens, par les Arriens.	221	Phryges, modestes.	260
Persecution des moines.	325	Les Phryges & Paphlagon, approuuent le decret de Nonat, comme conuenable à leurs mœurs.	eod.
Persecution des Chrestiens, sous l'empereur Seuer.	94	Pieté & Religion Chrestienne, plus ancienne que les autres.	6
Persecution des Nonnains & filles dediees à Dieu, & leurs martyrs.	126	La vraye pieté est la fermeté & sauuegarde d'un Empire.	335
Persecutions que feist Lucius aux monasteres d'Egypte.	267	Pieté de Iustinien, prouuee par effect.	416
La persecution qu'on faisoit aux chrestiens a esté cause que plusieurs se sont faits moines.	176	Pieté & vertu de Placille, femme de Theodose.	305
		s. Pierre, prince des Apostres.	37
		s. Pierre & s. Iean viennent au sepulchre de Iesust Christ.	25

# TABLE.

s. Pierre est deliuré de prison par un Ange.	36	Pontifes ou papes de Rome.	102
s. Pierre s'enquiert soigneusement de la mort de S. Jean.	26	Porphyre & Hecebole, sophistes.	248
S. Pierre vint à Rome es derniers temps de Neron.	49	Porphyre grand persecuteur des Chrestiens.	98
S. Pierre a composé deux Epistres Catholiques.	56	Porphyre, successeur de Flavius, en l'uesché d'Antioche.	325
S. Pierre & S. Paul ont souffert martyre à Rome, en mesme temps.	50	Portie feste, enuoyé par l'Empereur Neron, pour succeder au gouvernement de Felix, oyt le proces de s. Paul.	46
S. Pierre & s. Paul s'apparoissent à Constantin & luy enseignent le remede de sa santé.	139	Potamien predit à son bourreau Basilides qu'il seroit martyrisé.	95
Pierie, prestre, Alexandrin.	122	Pourquoy Iulien reuouqua les Euesques qui estoient en exil.	232
Pierre, successeur d'Athanasie.	266	Pourquoy Denys lisoit les liures des heretiques.	109
Pierre, Euesque d'Alexandrie, s'enfuit à Rome vers Damase.	267	Pourquoy la resurrection de Iesus-Christ n'a pas esté descouuerte ny manifestée à tous aussi bien que sa passion.	24
Pierre, Euesque d'Alexandrie, glorieux martyr.	131	Pourquoy la maniere de solemniser la Pasque, anciennement obseruee, doit estre corrigee.	166
Pionie, martyr tres-renommé.	74	Pourquoy plusieurs Euesques Occidentaux receurent & sousignerent le formulaire de foy que Vrsice & Valens auoyent apporté de Sirmie.	210
Pilate se tua soy-mesme par diuine vengeance.	36	Pourquoy on se souuient facilement des choses passees en ieunesse.	80
Placille, grandement honnoree de Theodose.	305	Pourquoy Origenes apprint la philosophie profane.	98
Les Platoniques ne croient la resurrection.	363	fol.	343
Pline, le ieune, escriit à l'Empereur Traian, touchant la persecution des Chrestiens.	65	Poursuyte des Senateurs & gens d'estat.	126
Plusieurs auteurs Ethniques ont traité de la persecution que faisoit faire Domitian aux Chrestiens.	fol.	Poursuyte & persecution de Valens, contre les Catholiques.	263
Plusieurs amene à la foy Chrestienne, estans esmeus par les prodiges qui estoient aduenus à l'encontre des Iuifs.	246	Precation & couronnement d'un Empereur.	421
Plusieurs beaux temples edifiez en diuers endroits par Constantin.	248	Les precepteurs de Basile & de Gregoire.	262
Plusieurs choses reuelees aux Ethniques concernant les mysteres de nostre redemption.	168	Les precepteurs de Iulien.	230
Plusieurs & diuers genres de tourmens en Perse.	175	Precepteurs de Clement, Alexandrin.	90
Plusieurs lettres de Constance, Empereur, à Athanasie.	206	Preceptes de la doctrine Euangelique.	18
Plusieurs peuples & nations ayans deieté l'idolatrie se conuerissent à la Chrestienne.	171	Precepte de l'obeissance duee aux magistrats & seigneurs.	73
Plusieurs philosophes s'approchant quasi de la cōnoissance de Dieu.	142	Preceptes pour bien gouverner un Empire.	421
Plusieurs prelates martyrisés pour la defence de la foy sous l'Empereur Diocletian.	131	Predication de S. Jean Baptiste.	16
Plusieurs temples edifiez par s. Helene en diuerses regions du pays de Iudee.	168	Prediction de Chosroes, touchant l'Empire Romain.	432
Plusieurs tourmens des Chrestiens.	115	fol.	33
Plutarque, Serene, Heraclides & Heron disciples d'Origenes, martyrs, pour la foy Chrestienne.	95	Prediction de future famine.	33
Pluie de cendre à Constantinople.	375	Prediction de la mort d'Anastase, Empereur.	398
Pluyes & maladies enuoyees diuinement à Herodes.	fol.	Prediction de la ruine de Ierusalem.	62
Pnomachiens, blasphemateurs contre le saint Esprit.	226	Prediction d'un mouuement de terre.	413
Police monastique de S. Antoine.	176	Prediction de la mort de Iulien.	248
Polycarpe, Euesque & prelat de l'Eglise de Smyrne, en Asie.	71	Deux prelates esleus à Rome, dont grande sedition est aduenue.	398
Polycarpe alla à Rome pour visiter Anicete, Pape. cod.		Prelats & Euesques exempts de toutes charges civiles, par ordonnance de Constantin & Licinie, Empereurs.	143
Polycarpe void en songe par quel tourment il doit souffrir martyre.	73	Nos premiers peres goustèrent de la pomme du figuier.	21
Polycrates, Euesque de l'Eglise des Ephesiens, defendeur de l'opinion de ceux d'Asie, touchant la celebration de la feste de Pasques.	92	Presages de l'Empire de Martien.	367
Pompe & magnificence trop exquise à la reception de Cyrille, en l'uesché d'Alexandrie.	338	Prescription de la coustume de l'Eglise Catholique.	2
Pontificat & sacrifice de Iesus-Christ.	349	Presumption & arrogance de Paul de samosate.	120
Pont Miluien, construit par l'industrie de Maxence.	137	Les prestres & sacrificeurs des idoles, ont en mespris leurs superstitions & ceremonies, pour suzyre la foy chrestienne.	170
		Prestres & Roys anciennement Chrifts.	5
		Prestres Chrestiens outragés par les Vandales, Ariens.	408
		Pre-	

# T A B L E.

Presbires avec leur Euesque tue <sup>x</sup> par les Samaritains. fueil.	413	Prophetes ne deuinent en ectase selon Niltiade.	87
Presbires penitenciers anciennement aux Eglises.	295	prophetie de Daniel accomplie.	246
Presbrite de Christ durable à tousiours.	5	Prophetie touchant la natiuite & aduenement du Messias accomplie.	9
Prerogative de l'Euesque ou Pape de Rome.	119	Prophetie de l'aduenement du Messias accomplie.	10
Prerogative du siege de Rome.	407	Le prophete Egyptien, ennemy, est accablé.	44
Prerogative qu'a l'Eglise Romaine aux conciles.	191	Propheties de Maximille faulces.	87
Pretexte & couuerture des heretiques.	153	Propheties de Priscille & Maximille preserees à l'E- uangile de Dieu.	cod.
Preuue de la resurrection des morts.	356	Prophetisses de Montan, peintes de leurs couleurs & ornees de leurs vertus.	88
Priere d'Alexandre contre Arius.	187	Propos blasphematoires & contre toute Religion, de Nestorius.	350
Aux prieres de S. Pierre, Simon volant au ciel, à l'aide des diables tombe à bas & meurt.	49	Propos de Libanius en faueur de Iulien.	248
prieres du pape Iule pour les Alexandrins.	207	Les propos de Porphyre, touchant Origenes examine <sup>x</sup> & espluche <sup>x</sup> à la verité.	98
Prieres pour les trespasse <sup>x</sup> .	307	Propos de Theodose avec S. Ambroise.	304
prieres de Theodose exaucees.	302	Propos de Theodose faisant penitence.	codem.
Prieres de Theodose en sa necessité.	codem.	Propos plaisans & facetieux.	301
prieres de veilles.	299	Propos que doiuent noter ceux qui ont haute iustice. fueil.	306
Vn Prince iuste n'ordonne iamais choses iniustes. fueil.	79	Propos qu'eurent les Iuifs avec les Euesques chre- stiens, touchant la religion.	140
Le Prince, ne doit inger l'Eglise.	270	Propos que tint Aphraates à Valent Empereur. fueil.	266
Le Prince ne doit tousiours obeïr à son conseil.	421	Proposition de ce que l'auteur veut traitter au septies- me liure.	124
Les princes presidoient au concile au lieu de l'Empe- reur.	383	Proposition de ce qui est traité au quatriesme liure. fueil.	75
Priscille & Maximille, prophetisses.	86	Proposition de ce qui est traité au sixiesme liure. fueil.	106
Vn prisonnier eschappé par subtil moyen.	399	Proposition de ce qui est traité au cinquiesme liure. fueil.	93
Prinee confession des peche <sup>x</sup> dicte auriculaire.	295	Prosperité des Princes Chrestiens.	402
Prinilege ancien de l'Eglise Romaine.	193	La prostitution des ieunes filles en la ville de Helio- pole ostee & abolie.	146
Prix certain taxé aux viures par Iulien.	142	Prothogenes créé Euesque de carres.	265
probatien medecin de l'Empereur, estant deuenu po- dagre, reçoit guarison au temple de saint Michel. fueil.	148	Prudente simulation d'Anastase.	400
Procedure inique d'un iugement corrompu.	181	Publication libre de l'Euangile par tout le monde. fueil.	34
Proceſſion annuelle es iours des Rogations.	410	Puissance des Prestres.	304
Proceſſions & chants de nuit ordonne <sup>x</sup> contre les A- riens, par S. Iean Chrysostome.	314	Pulcherie adopta Arhanais pour sa fille, estant sa mar- taine au Baptesme.	343
proceſſions faites à Rome, pour la victoire obtenue con- tre Maxence.	138	Pulcherie mourât dedia ses biens aux temples de Dieu & aux pauures.	cod.
De procle, & quelle fut sa doctrine & sa vie.	352	Punition des habitans de Constantinople.	193
Procle successeur de Maximin, en l'Euesché de Conſtan- tinople.	codem.	Punition des Iuifs.	339
Procle Euesque de Constantinople.	336	Punition des rebelles & mocqueurs des Chrestiens. fueil.	413
Procle sectateur de l'heresie de Montan.	86	Punition des Sodomites.	417
prodiges admirables veus tât au ciel, en la terre, qu'en la mer.	328	Punition d'irreuerence enuers les reliques des saints. fueil.	432
Prodige & cas admirable aduenu en l'Eglise du temps de Nestorius.	348	Punition diuine sur Flauite, pour ce qu'il auoit obtenu l'Euesché de Constantinople par fraude trafiquee par argent.	391
prodiges & signes diuins apparens en la mort & paſſion de Iesus.	23	Punition d'un peintre qui auoit peint Iesus Christ comme un Iupiter.	376
Profeſſion de foy selon le formulaire du concile de Ni- ce, faite par les ambassadeurs Macedoniens. fueil.	257	Punition grieſue d'Anatole.	423
Profeſſion de foy des Ariens, deschiree & rompue au concile de Nice.	161	Punition indigne d'adultere entre les Romains.	292
Progre <sup>x</sup> du concile de Selencie.	222	Pureré des liures de l'ancien testament.	39
Progre <sup>x</sup> du concile de Nice.	160	Pusices courtisan, martyri <sup>x</sup> é avec une sienne fille. fueil.	174
Progre <sup>x</sup> tres-bon de disputer des choses sacrees en as- ſemblee.	114		
Propagation de l'Arianisme par toute la ville de Con- ſtantinople.	190		
Propagation du christianisme sous l'Empire des en- fans du grand conſtantin.	205		
Prophetes du nouueau testament.	87		

T A B L E.

<b>Q</b>	
Quadrat & Aristides, personnes Ecclesiastiques.	157
fueil.	2
Quadrat & Aristides imitant la vie Apostolique. cod.	262
Quadrat & Aristides ont composé de beaux escrits pour la tuition & defence de la foy chrestienne.	60
fueil.	codem
Quarquant de fer de s. simeones.	361
Quarante martyrs de la ville de sebastie.	145
Quarante femmes espouses des susdicts, qui souffrirent martyre à Heraclee.	codem.
Quatre choses tres-utiles en l'Eglise, inuentees par Cnaphée.	379
Quatre freres moines, surnommez les longs.	315
Quatre vingts hommes bannis.	265
Les quatre vertus cardinales, & leur office.	277
Quatuordecimiani gardoyent l'ancienne façon de faire des Eglises d'Asie.	93
Quatuordecimians.	297
Que c'est qu'a dict Porphyre d'Origenes.	98
Que c'est qu'a dict Iustin de Marcion heretique.	77
Que dict Origenes des liures canoniques de la Bible, & du nouveau testament.	99
Que le Tigre & Euphrates fleuves, sourdent du paradis terrestre.	204
Quel est le vray Empereur.	385
Quel est le iugement legitime & canonique.	325
Quel estoit Euzebe.	268
Quel fut Eusebe Emesenien.	192
Quelles calamitez Athanase endura sous l'Empire de Constance.	215
Quelles choses se doiuent desfinir.	237
Quelle difference il y auoit entre Cōstance & Iulien, Emperours.	228
Quelle estoit Heliopolis.	269
Quelle fut la cause qui meut les Macedoniens se separer d'avec les Acaciens.	238
Quelles sont legitimes translations des Euesques.	354
Quelques fois les Euesques s'assemblerent pour confuter l'heresie de Paul de samosate.	119
Quelques sarrasins faits Chrestiens, un peu auant l'Empire de Valent.	279
Question à sçauoir si le fils congnoist l'heure derniere.	296
Question du s. Esprit, à sçauoir s'il est consubstantiel au Pere & au fils.	270
Question entre les Eglises d'Asie & celles de l'Occident, touchant le temps de celebrer la feste de Pasques.	91
fueil.	315
Question esmeue en Egypte, à sçauoir si Dieu a forme humaine.	79
Question touchant le Pasque ou Passage, s'esmeut en la ville de Laodicee.	109
Question mené en l'Eglise, touchant le Baptisme.	251
Questions de la foy remises en auant.	157
Les questions de la Religion Chrestienne que la necessité de la loy ne contrainst point de proposer, ne doiuent estre mises en auant.	236
Questions & frequentes disputes de ces mots, Substance & Subsistance.	140
Questions & opinions douteuses ne doiuent estre te-	290
merairement publiques.	248
Quels auteurs suit Nicefore, & dequoy il traite en ses liures.	7
Quels estoient les estudes de Basile & de Gregoire.	codem.
fueil.	140
Quels maux & calamitez apporte vne grande famine.	290
Quels maux fait souffrir Pilate aux Iuifs.	248
Quels ont esté les infideles à l'endroit des pestiferez.	140
fueil.	290
Quels ont esté l'esprit, mœurs, gestes du corps, mort & sepulture de Iulien.	140
Quels ont esté les Tabennesiotes.	290
Quels sont les pasteurs, tels sont les brebis.	140
Qu'il faut plus-tost obeir à Dieu, que non pas aux hommes.	290
Qu'il faut prier pour les princes.	140
Qu'il y a eu deux Iacques, l'un appelle Iacques le iuste, & l'autre qui fut decapité par le commandement d'Herodes,	290
fueil.	140
Quinte ieune femme chrestienne, lapidee.	290
Qu'on ne peut aller contre la volonté de Dieu.	140
Qu'on ne se doit mocquer de la mort de personne.	290
fueil.	140
<b>R.</b>	
Rebellion de Maxime.	290
Rebellion & ferocité militaire.	427
Rebellion des Iuifs contre les Romains, & contre Dieu mesme.	59
Rebellion contre le denombrement & description punie.	31
Rebellion de Vitalien, contre Anastase Empereur.	400
fueil.	213
Rebellion que firent les Iuifs de Diocesaree, aux Romains.	436
Rebellion des soldats à l'encontre de leur chef.	429
fueil.	399
Rebellion des Perses, contre Hormisdas.	199
Rebelles contre Anastase sont deffaits.	329
Reception de la sainte & sacree Eucharistie.	237
Reception de l'Eucharistie auant la mort.	219
Recit d'Athanasie de l'oraison qu'il inscriit de sa suite.	324
fueil.	62
Recommandation des ambassadeurs du concile, afin que foy leur fut adioustee par l'Empereur.	396
Recommandation des Eglises.	306
Recommandation de Iosephe Historiographe.	209
Reconciliation de Flauien & Helye, avec Anastase.	148. & 151
fueil.	7
Reconciliation de l'Empereur avec les Antiochiens.	codem.
Recueil que les villes d'Egypte firent au retour d'Athanasie.	140
Region appelee Sothenium.	290
Regne des Assyriens, Medes, Perses.	248
Regne des Parthes.	Refor-
Refutation de la calomnie que les Grecs imputoyent à Constantin.	
Refutation de l'heresie d'Apollinaire.	
Refutation des paroles de Libanius.	



# TABLE

Reformation du clergé par s. Iean Chrysostome.	310	Requête des Macedoniens présentée à l'Empereur.	251
Refutation du mensonge des Ariens.	206	Requêtes d'Vstaxanes faite au Roy sapores.	173
Religieuse modestie des anciens peres.	165	Requêtes presentées à l'Empereur Constantin par les Euesques, lesquelles furent bruslees par son commandement.	160
Religieux actes de Constantin, auant que recevoir le Baptisme.	139	Rescrit d'Athanasie à Iouinian, de la sentence des euesques qui estoient avec luy, touchant la profession de foy sincere & entiere.	252
Religieux & deuots œuures que Constantin feit à Rome.	138	Rescrit du concile d'Antioche à l'Empereur Iouinian.	251
La religion Chrestienne print son accroissement du temps de l'Empereur Commode.	88	Rescrit du synode de Ierusalem aux Alexandrins, touchant Athanasie.	209
La religion Chrestienne grandement florissante du tēps de Constantin.	175	Rescrit d'Vrsitie & de Valens, à Athanasie.	eod.
La Religion Chrestienne receue de l'Empire Romain fut en vigueur sous Auguste Cesar Empereur.	79	Resiouissance & allegresse des Chrestiens, pour la paix que Dieu par sa sainte grace leur auoir enuoyé.	150
Religion Chrestienne volontaire.	190. 142	Resolution de la dispute à sçauoir si les Gentils deuoient estre contraincts d'observer la loy de Moysse.	40
La Religion Chrestienne a avec foy vne humanité & courtoisie.	171	Responce de Iesus Christ à Augare.	33
La Religion des Turcs.	433	Responce de s. Ambroise à Ruffin, suppliant pour l'Empereur Theodose.	304
Reliques de Babylas r'apporteꝝ de Daphné en Antioche.	143	Responce humaine & gracieux fait d'Anastase.	396
Les Reliques de saints Laurens, Agnes & Anastase.	336	Responce d'Achemenides au Roy Varanes, le voulant contraindre de renoncer la foy Chrestienne.	340
Reliques de sainte Olympiade apportees à Constantinople.	323	Responce que feit Constance aux ambassadeurs du concile d'Arimine.	220
Reliques de s. Bartholomee tutelle de Daras.	400	Responce de l'Empereur Traian à Plin, Gouverneur, en forme de lettres patentes, touchant la persecution des Chrestiens.	65
Reliques de s. Eustace apportees à Antioche.	388	Responce de saint Cyrille à Attic, par laquelle il dict qu'il n'approuue point que s. Iean Chrysostome soit inscript entre les Euesques catholiques.	345
Reliques de Melitie apportees de Constantinople en Antioche, avec grand honneur.	287	Responce libre de s. Iean Chrysostome, faite à Arcade Empereur.	319
Des Reliques des quarante martyrs de sebastie qui endurent sous Licinie, & comme elles furent trouuees.	335	Responce que firent les catholiques à Magnuat	268
Reliques des corps des saints Luc, André & Timothee, transporteꝝ à Constantinople.	55	Responce du pape Iule au conciliabule d'Antioche.	194
Reliques des saints seruent de rempars.	361	Responce d'Ephraim à vne paillardie.	201
Reliques d'Helisee & de s. Iean Baptiste, prophanees.	236	Refuerie de Theodote cordonnier de Constantinople.	86
Reliques & les os de Babylas martyr, transporteꝝ en Daphné.	143	Resurrection de Iesus-Christ des morts.	20
Reliques portees avec grand honneur.	414	Resuscitation des morts & autres miracles de s. Martin.	200
Remede sanguinaire que les Grecs ordonnerent contre la lepre de Constantin.	139	Resuscitation du Lazare.	20
Belles remonstrances à un prince.	304	Le reste de l'Eucharistie estoit donné aux enfans.	414
Remonstrances Catholiques.	264	Retour d'Athanasie en Alexandrie, du pays de Gaule.	190
Remonstrance que feit Macedonien moine tres-illustre à elebee & à Cesar.	306	Retour des Argonautes en Grece,	148
Remonstrance de Iustin à Tybere.	421	Reuerence de pieté & sainteté.	306
Remonstrance de Theotime, par laquelle il mostre qu'il ne faut mespriser les liures des Anciens.	317	Reuolte de Gainas.	312
Remonstrance que feit Theodose à son armee.	303	Reuolte de Licinie contre Constantin.	144. 150
Remonstrances dernieres que feit s. Iean Chrysostome aux Euesques & à ses amis.	320	Rhinocurura ville celebre pour l'affluence des moines qui y estoient.	275
Repentance des Euesques d'Asie.	388	Rhodon a escrit contre les Marcionistes.	89
Repetition de ce qui est traité au premier, second & troisieme liures.	75	Rhodon homme tres-renommé resista à la doctrine de Marcion.	86
Reprobation de l'inegalité de la Trinité.	197	Robbe de la vierge Marie.	373. & 377
Repos & tranquillité des Chrestiens, troublee.	151	Robbe mystique de ceux qu'on baptisoit.	287
Requête d'Athanasie à Constantin.	186	Rome pillée & saccagée.	327
Renieurs de Iesus-Christ, receus volontairement en la compagnie des martyrs.	83	Rome prinse par cinq fois.	409
Requêtes d'Egypte à l'Empereur Leon.	374		
Requête des Macedoniens présentée à Liberius Pape de Rome, touchant la profession de leur foy.	256		

# T A B L E.

Rome est pillée par Genseric.	371. & 408	Les samosatiens ne se veulent laver avec Eunome.	264
Les Romains supplient Constance de leur rendre Libere.	216	sapores Roy de Perse fait commandement à simeones d'adorer le soleil, ce qu'il refuse.	173
Romains en fuite.	279	sapores executeur de l'ordonnance de Gratian.	283
Le Roy des Iberiens exhorte ses seruiteurs & domestiques à la foy chrestienne.	171	Sarrasins conuerts à la foy Chrestienne par Moysse, euesque des Arabes.	279
Les Roys de perse anciennement se faisoient adorer.	173	Sapores Roy de Perse, assiege la ville de Nisibe.	210
Le Royaume de Iudee confirmé à Herodes, par Auguste césar.	9	saturnin tenoit que Iesus Christ a souffert en fantosme, & nioit la resurrection.	76
Royaume gouverné par une femme.	409	Saul premier & principal persecuteur des chrestiens.	32
Royaume de Iesus Christ eternal.	5	Les sauromates vaincus par constantin.	146
La Royne des Iberiens griessuement malade, guarie par une esclauue chrestienne, laquelle l'exhorte à recevoir la religion des chrestiens.	171	Le sauueur appertement est dict Christ par les Prophetes.	5
La Royne des Iberiens inuite son mary à prendre le christianisme.	eadem.	Sciences des lettres preferees au Royaume.	409
Roze en forme de croix, tombe sur Iulien.	231	Les Scribes ne changent de religion, pour la constance de leur Euesque.	270
Rudesse & malice des hommes du premier aage.	4	Les sectateurs de s. Iean Chrysostome appellez Ioannites, faisoient leurs assemblees à part.	320
Ruffin & Stilico, Lieutenans des Empereurs, affectent l'Empire.	309	sectateurs de Nouat heretique, appellez Cathares.	108
Ruse Barbare des Perses.	342	Les sectateurs de s. Iean Chrysostome, sont reunis à l'Eglise.	358
Ruse de femme industrieuse.	311	Secte & opinion d'Appelles.	89
Ruse d'une fille religieuse pour, contregarder sa chasteté.	129	sedition contre Proterie Euesque d'Alexandrie.	370
Ruse des Iuifs pour mettre à mort les chrestiens.	338	Seditions de peuple, sont vengeances & punitions diuines.	36
Ruse de Flauien, Euesque d'Antioche.	260	Sedition du peuple de Constantinople, à cause de quelques sentences rendues contre les idolatres.	423
Ruse & finesse d'Atie, heretique.	202	sedition du peuple aduenue en la translation des ossements de Constantin.	221
Ruse & finesse des Arriens.	162	Sedition du peuple de Constantinople, contre leur prince.	436
S.		Sedition en Antioche, à cause que Flauien auoit accepté l'Euesché.	288
Sabbas receu honorablement à Constantinople.	414	sedition en Alexandrie à l'election d'un Euesque.	338
sabbas reduit Iean, Euesque de Ierusalem.	397	sedition esleuee en Alexandrie.	113
sabbatius est consacré Euesque contre son serment.	337	sedition esmeue contre Porphyre.	325
fuil.	eadem.	sedition en Antioche, à cause de la demolition des temples des idoles.	293
Sabbatius Nouatien, affectant un Euesché se depart de la secte des Nouatiens.	118	Sedition & tumulte en Antioche, pour les exactions extraordinaires.	305
Sabellie heretique de Lybie.	133	sedition en Constantinople pour l'addition faicte à l'hymne tressaint.	402
saborin Roy des Perses.	359	sedition faicte à Constantinople pour la religion.	186
Sacrifices d'Eleusine.	360	fuil.	407
Sacrifice de l'Eucharistie nommé non sanglante.	374	sedition grande à Constantinople.	271
Sacrifices & oraisons pour le salut des princes.	340	sedition populaire.	35
saenes demis de son estat, à cause qu'il ne voulut renoncer la foy chrestienne.	13	seian mal affecté aux iuifs.	37
Les sages partent de leurs pays, conduicts par une estoile, pour venir adorer Iesus Christ.	83	Le seigneur Dieu opposa contre Simon le Magicien ses Apostres & principalement s. Pierre.	437
Saint, diacre, Nature, Atale, Blandile, martyrs principaux.	40	scismes & diuisions en l'Eglise.	297
saint Paul & autres Apostres, mis en prison.	83	selinas, Euesque des Gots, successeur d'Ulphilas.	11
fuil.	256	Les semaines de Daniel, remplies à la natiuité de Iesus Christ.	278
Saint & Nature, meurent en Iesus Christ.	226	Belle sentence d'Athanas.	298
sainteté de vie d'Agil euesque.	276	sentence de Nicefore, touchant la celebration du iour de Pasques.	sen-
sainteté de vie des heretiques.	260		
sainteté des moines, a amené plusieurs gentils à la foy Chrestienne.	413		
sainteté pharisaïque des Heretiques.	118		
Les samaritains affligent les Chrestiens, pillians & bruslans les Eglises.			
Samosate ville de Comagene, region ou contrée de syrie.			

# T A B L E.

sentence de la consubstantialité du fils de Dieu Iesus Christ, donnée par Alexandre Euesque.	152	siège mis devant Bithere.	68
sentence de Gregoire NaXianZene, de l'usage & utilité des lettres prophanes.	142	signe de la croix veu au ciel, par Constantin.	137. & 150.
sentence de Platon, touchant la Trinité, laquelle Iustin le martyr agite en son Apologetique.	337	Le signe de la croix chasse les diables.	399
sentence de Paphnuce, Euesque de Thebes, touchant le Celibat des prestres.	162	Le signe de la croix porté en l'armée de Theodose.	302
sentence de s. Basile, touchant la congnoissance diuine & humaine.	278	fuil.	394
sentence de Protogenes.	265	signe de la croix fait sur un mort.	213
sentence des Princes seculiers rendue au synode.	381	Le signe de la croix veu en Occident, par l'armée de Constance.	170
sentence des Euesques au concile, est la sentence de Dieu.	166	signe de la croix apparu par trois fois à Constantin.	137
sentence du concile contre Dioscore.	382	fuil.	59
sentence donnée contre Nestorius par le concile d'ephe-se.	350	signes tres-euidens de la resurrection de Iesus - Christ.	24
Vraye sentence d'un Theologien bon & entier qui monstre qu'il faut plus attribuer à la foy qu'à nostre iugement.	117	signes qui precederent la mort de Maurice Empereur.	435
sentence d'un vray Empereur.	139	fuil.	19
sentence interlocutoire des princes.	383	signes manifestes de la diuinité & deité de Iesus - Christ.	425
sentences notables.	72. & 240	signes prodigieux, touchant l'Empire futur de Maurice.	19
separation d'Eunome & d'Eudoxe.	258	signes certains de l'humanité de Iesus Ch.	251
sepulchre commun des estrangers.	413	signification de la diction, Consubstantial.	236
sepulture de Constantin.	189	signification de ces mots, substance & subsistance.	21
sepulture de Constance.	228	fuil.	353
sepulture de Iustinien.	418	signification du figaier sec & aride.	26
sepulture de s. Iean.	17	signification de ces diction, Translation & Transi-rion.	33
sepulture des Empereurs & Euesques.	412	Que signifie l'interrogation faite trois fois par Iesus - Christ, à s. Pierre.	62
sepulture deniee aux corps des saints.	269	siméon fils de Cleope, fut fait euesque de Hierusalem apres s. Iacques.	65
sepulture deniee aux martyrs.	84	siméon Euesque, a vescu six vingts ans.	33
sepulture honorable & magnifique de Iesus Christ.	24	siméon ietté hors de l'Eglise.	76
fuil.	433	siméon l'enchanteur fait Chrestien par s. Philippes.	173
sept estats du peuple entre les Mediens.	78	fuil.	391
sept premieres heresies.	88	siméon l'enchanteur abuse les Romains, par ses enchan-temens.	140
serapion Euesque d'Antioche, a confuté l'heresie de Montan.	104	simplicité des gens d'armes Chrestiens.	145
serapion martyrisé.	108	simulachres des Egyptiens abatus.	249
serapion renonce à la foy pour crainte du martyre.	370	simulachre de la Deesse simia, gardé en Alexandrie.	37
fuil.	40	fuil.	135
serapis & son origine.	36	simulation sage de l'Empereur Iustin, faisant tuer ceux qui pouuoient pourchasser l'Empire.	403
serge Paul Lieutenant du consul conuert à la foy Chrestienne par s. Paul.	393	fuil.	363
Le sergent qui menoit saint Iacques au supplice est fait Chrestien, & fut decapité avec luy.	178	sinese de grand philosophe, fut fait moine.	364
serment presté par l'Empereur.	221	sinese ne veult laisser sa femme, pour la dignité sacer-dotale.	
Un serpent conuert en or par grand miracle.	222		
session premiere du concile de seleucie.	223		
seconde & troisieme session du concile de seleucie.	160		
fuil.	395		
Quatrieme session du concile de seleucie.	296		
Cinquieme session du concile de seleucie.	296		
session des saints Peres au concile de Nice.	296		
seuer Euesque d'Antioche.	296		
seuer persecuteur des Catholiques.	296		
seuer condamné, demeure en son siege episcopal.	296		
seize mille Chrestiens ont souffert martyre, pour le nom de Iesus - Christ en perse.	175		
fuil.			

# T A B L E.

<i>Sinèse refusoit d'estre euesque.</i>	164	<i>structure des autels.</i>	299
<i>Sirmie occupee par les Barbares.</i>	421	<i>subiect des lettres d'Augare, gouverneur d'Edesse à Iesus Christ.</i>	34
<i>De sisinie esleu Euesque de Constantinople.</i>	346	<i>subiect &amp; argument du neuuesme liure.</i>	190
<i>De Sisinie Nouatien, disciple de Marciens, &amp; leurs vertus.</i>	300	<i>subite &amp; horrible mort d'Arrims.</i>	187
<i>Socrates condamné pour auoir mesprisé les Dieux des Grecs.</i>	142	<i>subtile refutation de ceux qui reprennent &amp; blasphement les anciens, &amp; abolissent les decrets des peres.</i>	222
<i>Socrates Nouatien.</i>	198	<i>subtilité conuincante les seueriens Theopaschites.</i>	399
<i>soing d'Irenee à ce que ses compositions ne fussent deprauees par les copistes qui les transcriuoient.</i>	89	<i>successors de s. Pierre en l'Eglise de Rome.</i>	58
<i>Soing &amp; estude principal des euesques.</i>	345	<i>successors de saint Marc, en l'Eglise d'Alexandrie.</i>	ecodem.
<i>Le soleil perdit sa lumiere accoustumee à la mort &amp; passion de Iesus Christ.</i>	23	<i>Les successors &amp; emuleurs des Apostres.</i>	ecodem.
<i>Sommaire de la predication de S. Paul deuant Agrippe.</i>	46	<i>successors des saints Pierre &amp; Luc, en l'Eglise d'Antioche.</i>	ecodem.
<i>sommaire de la predication Euangelique.</i>	21	<i>successors de s. Iacques frere du seigneur, en l'Eglise de Ierusalem.</i>	ecod.
<i>sommaire de la doctrine de s. Iean.</i>	16	<i>successors de Dauid, cherche pour estre mis à mort.</i>	63
<i>sommaire de la predication de S. Paul en Athenes deuant les Areopagites.</i>	41	<i>succession des Empereurs Romains.</i>	106
<i>sommaires du premier, second, troisieme &amp; quatriemes liures de Nicefore.</i>	93	<i>succession derniere des Empereurs Romains.</i>	371
<i>sommaire du premier liure de l'histoire Ecclesiastique.</i>	30	<i>De la succession des principaux sieges de l'Empire d'Orient.</i>	336
<i>sommaire du troisieme liure de l'histoire Eccle.</i>	57	<i>succession des Euesques d'Alexandrie, Constantinople &amp; de Ierusalem.</i>	292
<i>Sommaire du premier &amp; second formulaires de foy qui furent faités au concile de Sirmie.</i>	212	<i>succession des Empereurs.</i>	121
<i>sommaire du liure qu'a escrit Appollinaire à un Aberric, touchant l'heresie de Montan.</i>	87	<i>succession de plusieurs Euesques en diuerses Eglises.</i>	392. 403. 414. 416.
<i>songe &amp; vision de sisinie Euesque Nouatien, touchant Eutrope, lequel trespassa en prison.</i>	322	<i>subiet &amp; traité du second liure de l'histoire Ecclesiastique.</i>	30
<i>Sophrone est conuertie à mener sainte vie.</i>	405	<i>superstition grande de ceulx qui ont plus-tost esgard aux frivoles obseruations qu'aux choses necessaires à nostre salut.</i>	300
<i>Sopater philosophe chef de l'escole de Plotine.</i>	140	<i>suplement du symbole de Nice.</i>	287
<i>Sosthenium appellé Michaelium.</i>	148	<i>supplication pour la restitution des Euesques qui estoient bannis pour la defence de la foy.</i>	219
<i>Sotas exorciste ou adiurateur d'esprits.</i>	88	<i>supplications &amp; prieres pour la serenité du temps.</i>	332
<i>Soupçon temeraire contre Simeones.</i>	413	<i>supplication des iuifs à s. Iacques.</i>	51
<i>Source de l'heresie de sabellie, Libique.</i>	87	<i>supplice de la croix aboly.</i>	146
<i>Speçtacle de sauteurs le iour du sabbat.</i>	338	<i>supplice d'Eutrope.</i>	311
<i>De spiridon Euesque de Trymmishe, en Cypre, &amp; de ses miracles.</i>	178	<i>supplice de Iean le Goth.</i>	334
<i>Spyridion Euesque fort renommé, fait condescendre en peu de paroles les subtils philosophes à la Religion Chrestienne.</i>	159	<i>supplices diuers des martyres.</i>	128
<i>statue de Iesus Christ dressée en la ville de Panens.</i>	112	<i>supplices fort cruels de plusieurs martyrs.</i>	73
<i>Statue d'argent erigee en l'honneur d'Endoxie, assise vis à vis du temple de sophie.</i>	319	<i>supputation des annees en plusieurs manieres.</i>	393
<i>Statue de l'Empereur Constantin, erigee à Rome avec le signe de la croix.</i>	138	<i>symbole de la foy Chrestienne arresté au concile de Nice.</i>	161
<i>Statue de Placille, ruee par terre.</i>	305	<i>symbole de foy d'Antioche.</i>	222
<i>Les Statues qui auoyent esté erigees en l'honneur de Maximin, mises en pieces.</i>	142	<i>symbole du concile de Nice.</i>	252
<i>statue de Constantin erigee à Constantinople.</i>	147	<i>symbole de Nice, doit estre receu.</i>	389
<i>statue &amp; forme de la vierge Marie.</i>	43	<i>symbole de Nice estoit anciennement chanté une fois l'an.</i>	398
<i>statue &amp; forme de Constantin.</i>	189	<i>Le symbole &amp; autres actes de Nice, sont confirmés.</i>	382
<i>statue de s. Paul.</i>	50	<i>symbole de Nice, chanté en toute communion du sacrifice &amp; assemblée Ecclesiastique.</i>	398
<i>statue de s. Pierre.</i>	ecodem.	<i>symmache interprete des lettres saintes de la secte des Ebionnites.</i>	97
<i>statue, mœurs &amp; vertus de l'Empereur Tybere.</i>	422	<i>symeones fol pour euitier la vaine gloire.</i>	413
<i>style de Iosephe.</i>	40	<i>symeones inuente de viure monastiquement sur une colonne.</i>	366
<i>stratageme d'Amphiloch pour monstrier qu'on doit pareil honneur au Fils de Dieu le Pere, qu'au pere mesme.</i>	285		syno-

# T A B L E.

<i>Synode assemblée à Tyr, &amp; pourquoy.</i>	184
<i>synode assemblée en Antioche contre Paul de samosate.</i>	118
<i>Synode assemblée en la chapelle, appelée Ruffin, contre S. Jean Chrysostome.</i>	318
<i>synode fait par Athanase, contre Elauien &amp; Helie, Euesques Catholiques.</i>	396
<i>Autre synode contre Paul de samosate.</i>	119
<i>synode provincial à Rome.</i>	407
<i>synode provincial à Constantinople.</i>	cod.
<i>Le synode provincial congrez en Ierusalem, receut Athanase à la communion.</i>	209
<i>Syluain, Euesque de Gaŷe, avec 39. siens compagnons martyrizé.</i>	131
<i>syluere, prelat de Rome, auquel est subrogé Vigile.</i>	409
<i>Syluestre, pape de Rome du temps de Constantin.</i>	133

## T.

<b>T</b> <i>Abennesiotes, moines, &amp; leur habitation.</i>	199
<i>Tacite, successeur d'Aurelian à l'empire.</i>	121
<i>Taddee, vn des septante disciples.</i>	33
<i>Taddee enuoyé par saint Thomas en Edesse, suyuant la promesse de Christ, où il guarit Augare &amp; son fils Ande, lesquels il instruit en la foy Chrestienne.</i>	34
<i>Taddee refusa l'argent que luy enuoyoit Augare.</i>	cod.
<i>Tatian, auheur de l'herese des Encratites.</i>	77
<i>Tatian a composé plusieurs liures.</i>	cod.
<i>Temerité inconsiderée de Iulien.</i>	247
<i>Temperance &amp; moderation en dispute.</i>	176
<i>Temple dédié à la vierge Marie.</i>	357
<i>Temples en l'honneur de la vierge Marie.</i>	377
<i>Temple basti à la vierge Marie.</i>	409
<i>Temple en l'honneur de s. Michel, edifié par les Argonautes.</i>	148
<i>Temples des Chrestiens pilléz par Iulien.</i>	233
<i>Temple basti au mont de Caluaire, appelé Ierusalem nouvelle.</i>	168
<i>Tēples que fait bastir Cōstantin à Constantinople.</i>	148
<i>Temple de Paul, basti en Constantinople.</i>	287
<i>Temple de Serapis, abatu.</i>	293
<i>Temples des idoles demoliz.</i>	170
<i>Temple edifié en la ville d'Heliopolis, où l'ancienne loy fut abolie, par laquelle il estoit commandé que toutes les femmes fussent communes &amp; les vierges abandonnées aux estrangers.</i>	169
<i>Temples prophanes par les Vandales, Arriens.</i>	408
<i>Temple de s. Sophie bruslé &amp; rebasti par Iustinien.</i>	407 & 412
<i>Temple en l'honneur de s. Estienne, basti par Pulcherie.</i>	335
<i>Temple de s. cyprien, occupé par les Vandales, Arriens, est recouuert par les Chrestiens.</i>	408
<i>Temple d'Emese, construit par Constance.</i>	205
<i>Temples &amp; maisons de deuotion que Pulcherie fait bastir.</i>	332
<i>Le temple de fortune en Antioche est dédié &amp; consacré à s. Ignace.</i>	356
<i>Temple edifié en l'honneur de s. Jean Baptiste.</i>	302
<i>Temps auquel la ville de Constantinople fut bastie.</i>	151
<i>Temps de baptisme.</i>	299
<i>Tentation de Iesus-Christ au desert.</i>	18

<i>Tombeau de la sainte mere de Dieu.</i>	373
<i>Tombeau de la vierge Marie &amp; autres reliques.</i>	332
<i>Tourmens execrables qu'on uoit à l'endroit des chrestiens.</i>	83
<i>Tertullian, heretique.</i>	76
<i>Tertullian &amp; ses escrits.</i>	91
<i>Les termes de Consubstantiel &amp; Equisubstantiel repudiez &amp; l'inequalité du tout condamnée.</i>	222
<i>Tesmoignage d'Irenee, touchant les escritures saintes.</i>	81
<i>Tesmoignage de Iuuenal, Euesque de Ierusalem, touchant l'assomption de la vierge Marie.</i>	42
<i>Tesmoignage de s. Denys l'Areopagite, touchant ce que les Apostres s'assemblerent au conuoy des obseques de la vierge Marie mere de Dieu.</i>	42
<i>Tesmoignage d'Euode appartenant à l'illustration de l'histoire euangelique.</i>	31
<i>Tesmoignage de Iosephe, touchant Philon.</i>	35
<i>Tesmoignage tres-apparent de Iosephe, historien, touchant Iesus-Christ.</i>	28
<i>Tesmoignage des saintes femmes, touchant la resurrection.</i>	24
<i>Tesmoignage de Iesus-Christ, touchant s. Jean.</i>	17
<i>Tesmoignage de Tertullian.</i>	34
<i>Tesmoignage pour l'innocence d'Athanase.</i>	209
<i>Tesmoignage de Iosephe, touchant la mort d'Herodes.</i>	37
<i>Tesmoignage de Iosephe, touchant s. Jean Baptiste.</i>	17
<i>Tesmoignage d'Athanase du pariement &amp; mort d'Arrius.</i>	187
<i>Tesmoignage de Didyme par s. Antoine, Abbe.</i>	202
<i>Tesmoignage d'Hipolite, Euesque de Port, touchant les enfans de Ioseph, espoux de Marie, qu'il eust de sa premiere femme Salome.</i>	31
<i>Tesmoignage de Gregoire Nazianzene, touchant Constance.</i>	227
<i>Tesmoignage d'Apollinaire, touchant la succession d'Athanase en l'Eglise d'Alexandrie.</i>	180
<i>Tesmoignage certain comme Cōstantin a esté baptizé à Rome.</i>	140
<i>Testament de Constantin.</i>	180
<i>Tetrarchies de Iudee.</i>	9
<i>Thebutes, heretique, fut le premier qui gasta &amp; depraua l'Eglise.</i>	78
<i>De Theobule &amp; Tatian, Phrygiens, qui endurerent martyre pour le nom de Iesus-Christ.</i>	235
<i>Theocne, receueur d'Antioche, ministre de l'idolatrie &amp; persecution de Maximin.</i>	135
<i>Theocne feint que Iupiter l'amy commandoit que les Chrestiens fussent chasséz hors la ville d'Antioche.</i>	cod.
<i>Theocne, Euesque, exhorte Marin au martyre.</i>	111
<i>Theodore, prestre, disciple d'Origenes.</i>	101
<i>Theodore, Arrien, succede à l'Euesché d'Antioche à Euzeie.</i>	280
<i>Theodore avec ceux qui consultoyent l'oracle mis à mort.</i>	278
<i>Theodore, Emperiere, sollicita que senere fut enoué à Constantinople.</i>	406
<i>Theodore en vn habit d'homme, fait penitence en vn monastere.</i>	405
<i>Theodorit, garde des vaisseaux de l'Eglise, martyr.</i>	233
<i>Theodose esleu par Gratian compagnon de l'empire.</i>	282

# T A B L E.

Theodose, Empereur tres-humain & debonnaire.	352	De Theotime, de Tomite, & de ses miracles.	306
Theodose ayant observé les loix de penitence est absous.	304	Theudas affronteur & seditieux.	36
Theodose dresse un armée pour resister aux desseins de Maxime.	291	Theuderic, Arrien, fait oster la teste à son paillard pour desertion de la vraye foy.	398
Theodose ayant mis sa confiance en Dieu, marche en bataille.	303	Theuderic entra en la domination des Romains.	392
Theodose ayant dechassé les Goths hors de Thrace fait alliance avec Athanaric, leur Roy.	284	Thrasee, martyr.	88
Theodose dechasse de son siege, & comment.	337	S. Thyse, martyr.	336
Theodose tombé en colere, fait mourir plusieurs personnes en Theſsalonique.	303	Du Tigre, fleuve selon l'opinion de Philostorgie.	202
Theodose estant pres du sepulchre de S. Iean Chrysostome, prie pour ses parens trespassés.	355	Tigre, fleuve.	244
Theodose fait reuenir Pulcherie qui auoit esté 7. ans absente de la cour.	359	Timothee, Euesque Alexandrin.	273
Theodose, Euesque de Synade, persecuteur des Macedoniens.	236	Timothee, disciple d'Apollinaire, condamné avec sa doctrine.	289
Theodose en Thrace est vainqueur des Barbares.	282	Timothee Eleure, refuta l'Epistre de Leon, pape.	374
Theodose victorieux.	303	Tite, succeda à l'Empire apres la mort de son pere Vespasien.	63
Theodose par reuelation diuine prenoit son successeur à l'Empire.	365	Tite, Empereur, eut compassion en son courage de la calamité & misere des Iuifs.	61
Theodose estant en la Theſsalonique malade, se fait baptiser, dont il reçoit guerison.	274	Tite, Empereur, fort amateur des sciences.	63
Theodose fait paix avec les Perses.	342	Tite estably Euesque en l'Isle de Candie.	48
Theodose fustigé par le commandement de son pere, & pourquoy.	436	Tite Boſtre chassé par Iulien.	239
Theodose euaque un concile general en Ephese, & l'occasion pourquoy.	459	Toutes puissance vient de Dieu.	110
Theodose esmeu des paroles d'Amphilochie defend les assemblees des Ariens.	285	Trahison d'Hoste & amy.	334
Theodose congnoissant la malice de Chrysaphe, il le bannit & se courrouça contre sa femme Eudocia.	359	Trahison de Harmatie punie.	383
Comme Theodose sans combat ny effusion de sang vainquit Maxime.	291	Traian feit bastir plusieurs beaux bastimens & sumptueux edifices dans la ville d'Antioche.	68
Theodote, successeur d'estienne, medecin des ames & des corps tout ensemble.	123	Traian ayant tenu l'Empire l'espace de dix-neuf ans alla de vie à trespas, laissant pour son successeur Adrian, mary de sa sœur.	eodem.
Theodosius es affaires publics obeit à Symeone.	361	Traian recouure Antioche, prinſe par les Persans.	fol.
Theologie inenarrable de la tres-sainte Trinité.	3	fol.	eod.
Theologie & vraye doctrine de la s. Trinité.	289	Traian entrant en Antioche, feit mourir plusieurs Chrestiens.	eod.
Theologiens fort eloquens.	142	Traian commanda de cesser de persecuter les Chrestiens.	fol.
Theomison, Montaniste, se vantoit estre confesseur de Iesús-Christ.	88	fol.	66
Thomas, Euesque d'Apamee, dit la verité à Cosroes.	410	Traian reproche à Valent qu'il bataille contre Dieu.	fol.
S. Thomas Dydime, incredule.	26	fol.	eodem.
Thomas, moine, predict sa mort & celle d'Anastase qui l'auoit frappé.	412	Traian, Duc, vaincu par les Gots.	281
Theonas & second condamné avec Arrius.	165	Les traistres sont prudemment prins & punis.	378
Theophile, Euesque d'Antioche.	79	Traité des martyrs & de leur grand courage.	82
Theophile, Euesque d'Alexandrie, met a execution l'ordonnance de Theodose.	293	Beau traité touchant l'epistre aux Chrestiens.	90
Theophile compare les liures d'Origene, à un presleu-ry.	319	Tranquillité & felicité grande vint aux Chrestiens apres la deconfiture des tyrans.	145
Theophile enuoyé ambassadeur par Constance en Orient, pour dilater le Christianisme.	203	Transfiguration de Iesús-Christ.	20
Theophile ordonne les affaires ecclesiastiques en Orient.	fol.	De la translation des Euesques d'un siege en l'autre.	fol.
Theophile, Indien, moine.	eod.	fol.	352
Theophrone, disciple d'Eunone.	296	Translation d'Eusebe, d'un Euesché en l'autre.	191
Theophile, Alexandrin, partie aduerſe de Chrysostome.	311	Tremblemens de terre en plusieurs villes.	404
		Tremblement de terre en Nicomedie.	217
		Tremblement de terre à Rhode.	400
		grand tremblement de terre empesche le bastiment des Iuifs.	246
		grand tremblement de terre durant l'empire de Theodose.	356
		Tremblement de terre, foudre & feu, aduenus en Antioche.	404
		Tremblemens de terre fort dommageables.	375
		Tremblemens & ouuertures de terre, dont Pompeiole fut abysmee.	409
		Tremblement de terre continuel.	192
		Le saint tresor du temple despendu par Pilate au bastiment des canaux & conduits à mener l'eau.	fol.
		fol.	36
		Tre-	



# TABLE.

Tresor gardé par les diables.	399
Trespas de lean le Ieusneur, Archeuesque de Constantinople.	435
Trespas de Theophile, Euesque d'Alexandrie.	338
Trespas de sifinie.	347
Trespas de Valent.	281
Trespas, funeraillies & Assumption de la vierge Marie pleinement confirmé.	372
Trespas de Theodose, Empereur.	308
Treues pour trois ans avec les perses.	421
Triomphe de Bellissaire à Constantinople.	408
Triomphe de Theodose à Rome.	291
Triomphe de Constance à Rome.	214
Trois mille personnes conuerties à Iesus-christ par la harangue de S. Pierre.	30
Trois trophées de la croix mis au trois principales places de Constantinople par Constantin.	170
Trois formulaires de foy faits au concile de sirmie par les Arriens.	212
Troubles suscitez par Eusebe de Nicomedie & ses adherans à Constantinople.	190
Trouble des Macedoniens en l'Eglise, à cause qu'ils reietterent la diction de Consubstantiel & confermerent l'Equisubstantiel.	282
'Trouble & confusion engendree par tout le monde à cause d'Arrius.	157
Troublement de Ioseph, espoux de la vierge Marie.	10
Troubles des Eglises Orientales.	220
Troubles nouveaux à cause que les Arriens estoient deietez.	288
Tueries en la ville & ports d'Alexandrie.	113
Tuerie & massacre des Iuifs.	61
Tuerie & massacre des Iuifs en Mesopotamie.	68
Tumulte esleué à Milan pour l'election de leur Euesque.	272
Tumulte esleué à cause du iugement qu'auoit donné Theophile contre Heracle.	319
Tumulte à la Pasque des Sabbatiens.	337
Tumulte & sedition populaire en Antioche à cause d'Eustathie.	181
Tumulte & sedition esmeu en Thessalonique.	303
Tumulte populaire.	313
Tumulte en Antioche entre les Iuifs & Chrestiens.	437
Tumulte tres-cruel en Alexandrie à l'encontre des Chrestiens.	103
Tumulte populaire à cause de s. Iean Chrysostome.	318
Tumultes & seditions, à cause de Sabbatiens.	337
Tumulte horrible en la ville de Ierusalem, à cause des meurtriers qui tuoyent les gens publiquement, & sans en estre reprins.	44
Tumultes & grandes seditions aduenues au pays de Iudee.	58
Tumultes esmeu par Theodose en plusieurs Euesches en l'absence des Euesques.	370
Tumultes Ecclesiastiques reuelez en songe à s. Antoine, moine.	253
Tibere fait Empereur par Iustin.	421
Tybere Cesar informe des faits admirables de Iesus-christ le colloque au nombre des Dieux contre l'opinion du senat.	34
Tygris, eunuque, prestre, griefuement tourmenté.	222

Tyrannie de Constantin.	333
Tyrannie de Procope.	255
Tyrannie de Varamé.	429
Tyrannie des Arriens contre les Euesques d'Egypte.	269
Tyrannie de Maximin en Orient.	134
Tyrannie de lean le Goth.	334
Tyrannie tres-orde & execrable d'Antioche enuers les Iuifs.	7
Tyrannie de Maxence, Brytanio & Nepotian, au pays d'Occident.	210
Tyrannie de Maxence.	213
Tyrannie de Iule & Leonce.	392
Tyrannie Ecclesiastique de Seueré.	397
Tyrannie d'Eugene en Occident.	302
Tyrannie de Basilisque, persecutant la profession Catholique, incite par sa femme.	385
Tyrannie de Constantin contre Arles.	327
Les tyrans pensoient retirer les Chrestiens de l'esperance à la resurrection.	84
Des tyrans qui se leuerent en Occident, contre l'Empereur Honoré.	313
Tyrannies & maux excessifs contre les Chrestiens.	127
Tyrannion, Euesque de Tyr, martyrisé.	131
Tyrannique seuerité de Macedonien, Euesque de Constantinople contre les Catholiques.	211

## V.

Valerian, successeur à l'Empire, apres Galle.	110
Valerian à son enenement à l'Empire soustenoit & fauorisoit grandement les Chrestiens.	eodem.
Valerian seduit par les Magiciens d'Egypte, se laisse aller aux sacrifices execrables des Payens.	eodem.
Valerian, Empereur, demeura serf entre les mains des Barbares.	121
Valerian, grand ennemy & persecuteur des Chrestiens.	110
Valens sectateur de l'opinion d'Arrius.	254
Valens persecuteur des Catholiques.	255
Valens accorde le Concile aux Macedoniens.	eod.
Valent a en admiration l'ordre qui estoit obserué en l'Eglise.	262
Valent bruslé dans vne maisonnette en laquelle il estoit retiré.	281
Valent esmeu des calomniateurs de Basile, se delibere de l'enuoyer en exil.	263
Valent mis à mort par diuine prouidence.	278
De Varanes, fils d'Isaigerdes, persecuteur des Chrestiens.	340
Variété en l'obseruation du Ieusne.	92
Variété entre les Chrestiens, quand à la celebration du iour de pasques du temps des Apostres.	298
Valentin, heretique.	76
Valentinian esleu Empereur apres le decés de Iouinian.	254
Valentinian associa au gouuernement de l'Empire son frere Valens.	eod.
Valentinian bany par Iulien, & la cause pourquoy.	eod.
Valentinian ne veut secourir en guerre, Valent, son frere, à cause qu'il batailloit contre Dieu.	281

# TABLE.

<i>Valentinian, le ieune, esleu Empereur apres son pere.</i>	<i>Victoire de Constantin, contre Maxence.</i>	137
<i>fol.</i>	272	
<i>Valentinian, Empereur, Catholique.</i>	<i>Victoire contre les Vandales, &amp; les despoilles Ro-</i>	408
<i>Valentinian protecteur de la foy Chrestienne.</i>	<i>maines sont recouuertes.</i>	
<i>Valentinian comande à Ambroise de prendre la char</i>	<i>Victoire contre un Iuis, persecuteur des Chrestiens.</i>	406
<i>ge de l'Euesché de Milan.</i>	<i>fol.</i>	
<i>Valentinian se delibere de chasser les Sauromates, des</i>	<i>Victoire des Romains contre les Perses.</i>	342
<i>fin de l'Empire.</i>	<i>Victoire de Constantin sur ceux de Bisance.</i>	147
<i>Valentinien &amp; Eudoxie escriuent à Theodose, l'inju-</i>	<i>Victoire notable de Germain, contre les Perses.</i>	427
<i>re qui auoit esté faite aux Euesques.</i>	<i>Victoire de Constantin contre Maximin.</i>	141
<i>Valentinien perdit vne grande partie de son Empire à</i>	<i>Victoire de Constantin contre Licinie.</i>	145
<i>cause de ses vices enormes.</i>	<i>Vie &amp; conuersation de Sainte Nicarete de Nicomedie</i>	
<i>Les Vandales subiuguent l'Espaigne &amp; l'Affrique.</i>	<i>fol.</i>	323
<i>fol.</i>	<i>Vie &amp; institution de Iulien, l'Apostat.</i>	229
<i>Veilles des Chrestiens es feries de la passion &amp; au-</i>	<i>Vie sainte d'Arseue.</i>	292
<i>tre.</i>	<i>Vie &amp; instition de s. Antoine, le plus excellent d'en-</i>	176
<i>Vengeance diuine sur les persecuteurs des Chrestiens.</i>	<i>tre les moines.</i>	
<i>fol.</i>	<i>Vie modeste de S. Iaques.</i>	51
<i>Vengeance de Iulien, contre Iulien &amp; Maximin, mar-</i>	<i>Vie d'Amon, Egyptien, moine.</i>	177
<i>tyrs.</i>	<i>Vie &amp; comportement d'Etie.</i>	202
<i>Vengeance diuine sur les Iuifs.</i>	<i>Vie &amp; meurs de l'Empereur Valentinian.</i>	254
<i>Vengeance de serment violé.</i>	<i>Vie de philosophe Chrestien.</i>	95
<i>Venus, deesse impudique.</i>	<i>Vie sainte de Publie, Abbessé des Religieuses.</i>	235
<i>Le Verbe &amp; Fils de Dieu de fois à autre a esté &amp;</i>	<i>Vie &amp; institution de Neftaire, successeur de Gregoire.</i>	
<i>nettoyé la malice auenglee des hommes.</i>	<i>fol.</i>	286
<i>Le Verbe &amp; Fils de Dieu, fait homme.</i>	<i>Deux Vierges excellentes en beauté, de la ville d'An-</i>	
<i>Vertu de l'herbe qui croissoit aux pieds de l'image de</i>	<i>tioche, à la suasion de leur mere, se iettent dans la</i>	
<i>Iesus-Christ.</i>	<i>riuere &amp; se noyent, à fin de n'estre violees, &amp; de</i>	129
<i>Vertu &amp; pieté de Pulcherie, sœur de l'Empereur Theo-</i>	<i>ne sacrifier aux idoles.</i>	
<i>dose.</i>	<i>Les vierges ayment mieux mourir &amp; souffrir marty-</i>	cod.
<i>Vertu du signe de la croix.</i>	<i>re, que d'estre violees &amp; sacrifier aux Dieux.</i>	
<i>Vertu &amp; efficace de l'eau du baptesme.</i>	<i>vierges sacrees despoillees &amp; promenees publique-</i>	268
<i>La vertu active donne passage &amp; entree à la vertu co-</i>	<i>ment.</i>	
<i>templative.</i>	<i>La vierge Marie, mere de Dieu.</i>	382
<i>Vertu de l'eau benoiste contre le diable.</i>	<i>La vierge Marie dediee au service de Dieu.</i>	9
<i>Vertu de la verge donnee à S. Mattheu, par nostre</i>	<i>vigile, Pape de Rome, fuyt à Constantinople quand les</i>	
<i>seigneur.</i>	<i>Gots assiegerent la ville de Rome.</i>	414
<i>Vertu &amp; constance des Euesques du temps de Valent,</i>	<i>vigile mourut retournant à Rome.</i>	416
<i>empesche le cours &amp; augmentation des heresies.</i>	<i>Les vignes prodigieusement germent apres les vendâ-</i>	
<i>fol.</i>	<i>ges.</i>	231
<i>La vertu &amp; force des paraboles &amp; comparaisons.</i>	<i>Villes basties &amp; restaurees par Iustinien Empereur.</i>	
<i>Vertu des communes prieres de l'Eglise.</i>	<i>fol.</i>	409
<i>Vertu de Martien &amp; sa deuotion.</i>	<i>La ville de Ierusalem rebastie &amp; remise sus est appel-</i>	68
<i>Vertu de la pierre d'aimant.</i>	<i>lee Elie.</i>	
<i>Vertus excellentes d'une Princesse.</i>	<i>Villes de retraite basties par le commandement de la</i>	237
<i>Vertus Chrestiennes du l'Empereur Iouinian.</i>	<i>loy.</i>	
<i>vertus &amp; excellences de saint Iean Chrysostome.</i>	<i>virginité de Pulcherie.</i>	366
<i>fol.</i>	<i>Virie, Galbe &amp; volusian, furent successeurs apres la</i>	106
<i>Vertus de Theodose.</i>	<i>mort de Decie.</i>	
<i>Vespasian, apres la mort de Galbe, Otthon &amp; Vitelle,</i>	<i>virie Galle, persecute les Chrestiens.</i>	106
<i>fut proclamé Empereur.</i>	<i>vision nocturne de cosroes.</i>	432
<i>Vespasian est fait gouverneur de Iudee, par Neron, Em-</i>	<i>vision apparue à Denys.</i>	109
<i>pereur.</i>	<i>vision nocturne de Tibere.</i>	425
<i>Vetie Epagathe, deplaisant des maux qu'on faisoit aux</i>	<i>visions apparues à quelques gens de bien, leur deno-</i>	247
<i>Chrestiens se met en deuoir de les secourir.</i>	<i>tant la mort de Iulien.</i>	
<i>Vianes souillees &amp; contaminees par Iulien.</i>	<i>visions nocturnes de S. Tecla, martyre.</i>	287
<i>viande diuinement preparee.</i>	<i>visitation d'Elisabet.</i>	10
<i>Victimes humaines.</i>	<i>vital, compagnon d'Apollinaire.</i>	259
<i>Victor, Pape de Rome, delibere d'excommunier les fi-</i>	<i>vite, moine, fort renommé.</i>	276
<i>deles d'Asie.</i>	<i>vlphilas, Euesque des Gots.</i>	280
<i>Victor, Euesque de Rome, a refuté les opinions d'Ar-</i>	<i>vlphilas embrasse l'Arrianisme, &amp; y attire les Gots.</i>	
<i>temon &amp; Theodote.</i>	<i>fol.</i>	cod.
	<i>Vn Prince liberal n'a peu instituer vne meschante</i>	impo-

## T A B L E.

<b>Z</b> Ele des moines à la foy Chrestienne.	267
Zeze & vray deuoir d'un Euesque.	312
Zenobie, prestre de la ville de Sydon, martyr.	131
Zenon, frere d'Axax, Euesque de Maiuma.	307
Zenon, Empereur, viutieux.	385
Zenon sestant conseil à un deuin qui seroit son successeur fit mourir quelques gens de bien, le pensant faire mourir.	393
Zenon fut ensepulture tout vis.	cod.
Zenon est restitué en son Empire.	387
Zenon fit punir de mort ceux qui auoyent esleu un Euesque, heretique.	388
Zenon fit tuer celuy qui n'auoit tué Ille.	392
Zenon vaincu & fugitif en Isaurie.	385
Zephyrin, Euesque de l'Eglise de Rome.	86
Zosime detracteur contre Constantin. Empereur.	401
Zosimas saint homme predict les calamitez d'Antioche.	405
Zosimas second, fait sacrifices à S. Marie Egyptiaque.	fol.
Zotique, Ostrenois, exorciste ou coniurateur d'esprits diaboliques.	88

A circular black and white postmark from Lyon, France. The word "LYON" is in the center, with "FRANCE" written in a semi-circle below it. The date "1907" is at the bottom, and "JAN 23" is at the top.